

四部
備要
史部

二十四史
(六)

宋

史
(四)

032

中

行

元中書右丞相總裁脫脫等修

列傳第一百九

苗授子履 王君萬子瞻 張守約 王文郁

周永清 劉紹能 王光祖 李浩

和斌子旒 劉仲武 曲珍 劉闕

郭成 賈崑 張整 張蘊

王恩 楊應詢 趙隆

苗授字授之潞州人父京慶曆中以死守麟州抗元昊者也少從胡翼之學補國子生以蔭至供備庫副使王詔取鎮洮授為先鋒破香子城拔河府羌雖敗氣尚銳輒圍香子以迎歸師詔遣將田瓊救之瓊死乃騎五百屬授授奮擊敗之休士二日羌復要於架麻平注矢如雨衆懼授令曰第進毋恐旣牌數百且至行前者傳呼羌驚亂力戰數十斬首四千級又破之於牛精谷取珂諾城盡得河湟地知德順軍三遷西上閣門使寇章寇河州詔授往一戰克撤宗論功第一遂知州事加四方館使榮州刺史從燕達取銀川降木征獻之京師加引進使果州團練使涇原都鈐轄召使契丹神宗勞之曰曩香子之役非汝以寡擊衆幾敗吾事以為秦鳳副總管徙熙河復知河州副李靈討生羌於露骨山斬首萬級獲其大會冷鷄村羌族十萬七千帳內附威震洮西拜昌州團練使龍神衛四廂都指揮使徙知雄州熙州元豐西討授出古渭取定西湯禹滅花麻諸族降戶五萬城蘭州遇賊數萬於女遮谷登山逆戰敗退伏壘中半夜遁去授躡天都山焚南牟屯沒烟凡師行百日轉鬪千里始入塞授遇事持議不苟合初在德順或議城錢南授曰地阻大河糧道不濟非萬全計也役即止師征靈武詔令援高遵裕即條上進退利害甚切歷進步軍副都指揮使威武軍節度觀察留後元祐三年遷武泰軍節度使殿前副都指揮使躡歲以保康節度知潞州提舉上清太平宮復使殿前堯年六十七贈開府儀同三司諡曰莊敏子履

履束髮從戎授之降木征也履護送至京得闕門祇候歷熙延渭秦四路鈐轄知鎮戎軍及其父時已官四方館使吉州防禦使矣以事竄房州起為西上閣門副使熙河都監又責右清道率府率監峽州酒稅元符初悉還其官以熙河蘭會都鈐轄知蘭州詔同王瞻取青唐與姚雄合兵討崦羌遂羅結瞻將李忠戰敗羅結大集衆宣言欲圍青唐履雄將至羌死陣以待勢其威履叱軍士納弓於囊拔刀而入羌怙巢穴殊死羅結將陳迪王亨輩皆反走履獨駐馬不動有酋青袍白馬突而前手劍擊履帳下王拱以弓格之僅免復繞出履背欲斷軍為二別將高永年率所部力戰數十合羌退乘勝圍蘭宗堡弗能拔日暮收兵入營羌宵潰明日縱兵四掠焚其族帳而還既而阿章叛詔履與种朴過河討蕩辭以兵少朴遂陷錄履前功擢龍神衛四廂都指揮使成州團練使知慶州徙渭州進捧日天武都指揮使是後史失其傳子傳在叛臣傳

王君萬秦州寧遠人以殿侍為秦鳳指揮使王詔開邊青唐大會龍珂歸國獨別羌新羅結不從經略使韓縝期諸將一月取之君萬詐為獵者逐禽至其居稍相親狎與同獵乘間搗之墜馬斬首馳歸以獻甫及一月積功得闕門祇候王師定武勝首領藥廝逋劫于闐貢物師討焉君萬出南山履險略地羌潛伏山谷間忽一騎躍出橫矛將及君萬亟側身避之回首奮擊斬以徇其衆驚號相率聽命所斬乃藥廝逋也復破北關南市功最多擢熙河路鈐轄進領英州刺史達州團練使賜絹五百洮西羌叛圍河州君萬請於王詔以為南撤宗城小而堅疆勇所聚若併兵破之圍當自解詔用其計圍果解累官客省使為副總管坐貸結羅錢數萬緡為轉運使孫洙所糾貶秩一等討西山鐵城有功復故官職君萬怨孫逋使番官木舟訟之鞠于秦隴又貶為鳳翔鈐轄籍家賞償逋遂以憤卒子瞻

瞻始因李憲以進立戰功積官至皇城使領開州團練使元符中知河州熙帥鍾傳以言白草原賞獄治于秦詔轉運使張詢論諸將得自首瞻具伏增首級因說詢云青唐人有叛瞻征意可取也詢信之即具奏言已令瞻結約起兵哲宗與輔臣罪其狂妄專輒亟罷詢而命孫洙究實獄上奪瞻十一官猶令領

州贖欲以功贖過，乃密書取青唐之策，遣客詣章惇言狀。惇下其事於孫路，路以為可取，贖遂引兵趣邈川路。知贖狡獪難制，使總管王愨統軍而以贖副贖為前鋒。度河先下隴，朱黑城忌愨分其功，給之曰：「晨食畢，乃發，愨信之夜，半贖忽傳發，平明入邈川，據府庫，徑上捷書，不以白軍府。愨過午始至，以事訴於路，路亦怒，諷以兵柄付愨，而留贖屯邈川。宗哥舍舍飲脚求內附，贖遣裨將王詠率五千騎赴之，既入而諸羌變，詠馳書告急。王厚使高永年救之，乃克贖與愨交訟，又訴路指畫相違，惇主贖而不直，路曰：「首謀者贖也，路欲掩其功，故抑贖乃徙路河南，罷愨統制，以胡宗回為帥。時贖征已來降，青唐成將惟心牟欽，父子百餘人在，贖不即取，二羌遂迎溪巴温之子龍接入守，始孫路乞先全邈川及河南北諸城，然後進師。贖怨路，因言青唐不煩大兵可下，而路逗遛失機會，暨宗回至，乃云夏人謀攻邈川，當為守備。青唐未可取，宗回責其反覆。日夜督出師，遣使威以軍法，且聲言欲使王愨代將，贖懼，急進攻，龍接及心牟等皆出降。贖入據其城，詔建為鄯州，進贖四方館使，榮州防禦使，知州事。黃履謂賞薄，乃拜維州團練使，為路鈴轄。贖縱所部剽掠，羌衆攜貳心，牟等結諸族帳謀復青唐。其在山南者先發，贖遣將李賓領二千騎掩襲心牟以下，自守西城與羌鬪，賓踰南山入保敦谷討蕩，羌戰敗奔北，四山皆空。贖戮心牟等九人，悉捕斬城中羌，積級如山。初，贖諷諸酋籍勝兵者，淫其臂，無應者，錢羅結請歸帥本路為唱，贖聽之去，遂嘯集外叛，以數千人圍邈川。夏衆十萬助之，城中危甚，苗履姚雄來援，圍始解。已而王吉魏劍朴相繼敗沒，將士奮氣書聞，帝震駭，於是轉運使李諫奏希甫勦贖盜取二城財物，因此致變，又殺心牟，欽既以滅口，曾布言贖創造事端，以生邊害，萬死不塞，責詔貶右牛將軍，房州安置。言者論之不已，熙河又奏青唐諸族怨贖入骨髓，日圖報復，樞密院乞斬贖以謝一方，詔配昌化軍，行至穰縣而盜崇寧初，蔡京入相，錢通訟贖功，及王厚平鄯廓，於是追贈保平軍節度觀察，留後除其子珏通事舍人。

張守約字希參濮州人，以蔭主原州，原州人皆畏之。後二年，四詰關南方利害，皆見納用。歐帳為廣南走馬承受公事，當儂寇之後，二年，四詰關南方利害，皆見納用。

陽修薦其有智略，知邊事，擢知融州。峒將吳儂恃險為邊患，捕誅之，修復薦守約可任將帥，為定州路駐泊都監，徙秦鳳，居職六年，括生羌隱士千頃，以募射手，築硤石堡甘谷城，第功最多。夏人萬騎來寇，守約適巡邊與之遇，不解鞍，簡兵五百逆戰，衆寡不侔，勢小卻，夏人張兩翼來，守約挺身立陣前，自節金鼓，發彊弩殪其酋，敵遂退。神宗開拓熙河，召問曰：「王韶能辦事否？」對曰：「天威臨之，當無不濟，但董氈忠勤效順，恐不宜侵逼，因請各古渭為軍，以根本隴右帝從之，建為通遠軍，加通事舍人。熙河鈴轄，仍統秦鳳，羌兵駐通遠，河州羌率衆三萬屯于敦波，欲復舊地，守約度洮水擊破之，取窖粟食軍。羌老弱畜產走南山，左右欲邀之，云可獲萬萬，守約曰：「彼非敢迎戰，逃死耳，輒出者斬。」鬼章圍岷州，守約提敢死士鳴鼓張幟，高山上賊驚顧而遁，遂知岷州，降其首領千七百人，遷西上閣門使，知鎮戎軍，徙環州，募家族，頗能難制，搖動種落，勒兵討擒之餘，遁入夏國，守約駐師境上，檄取不置，居數日械以來，斬於市，從征靈武，至清遠軍，言於高遵裕曰：「此去靈州不三百里，用以前軍先出，直搗其城，今夏人以一方之力，應五路之師，橫山無人，靈州城中惟僧道數百，若裹十日糧疾馳，三日可至，軍無事矣。」又勸高遵裕令士衆護糧餉，以防抄掠，不聽，果以敗還。守約有捍海南賊平之功，亦不錄，進為環慶都鈴轄，知邠州，涇州涇水善暴城，每春必增治隄堰，費不貲，適歲饑，罷其役，或曰：「如水害何？」守約曰：「歉歲勞民，甚於河患，吾且徐圖之。」河神祠故在南塢，禱而遷諸北，以殺河怒，一夕雷雨，明日河徙而南，其北遂為沙磧，以龍神衛四廂都指揮使召還，道卒，年七十五。守約典七州皆有惠愛，可紀神宗嘗謂武臣可任者，以燕達劉昌祚姚麟王崇極劉舜卿等對，其後皆為名將，時稱知人。

王文郁字周卿麟州新秦人，以供奉官為府州巡檢，韓琦薦其材，加閣門祇候，麟府駐泊都監，熙寧討夏國，文郁敗之吐渾河，其將香崖夜遺使以劍為信，欲舉衆降，許之，旦而至，與偕行，衆情忽變，謀以出，文郁擊之，追奔二十里，據險大戰，矢下如雨，文郁徐引度河，謂吏士曰：「前追彊敵，後背天險，韓信驅市人且破。」

趙況爾曹皆百戰驍勇邪士感奮進擊夏人大潰降其衆二千遷通事舍人夏人踰屈野河掠塞上文郁追至長城坂盡奪所掠而還神宗召見問曰向者招納香崖羣議不一其爲朕言之對曰此乃致敵上策恨未能多爾並邊生羌善馳突識鄉導儻能撫柔之所謂以外夷而攻外夷也帝於是決意招納多復其用知文郁善左射并招其子弟閑肄殿庭文郁九發八中詔官其二子知鎮戎德順軍預定洮河遷左驥驎副使知麟州夏衆踐稼襲敗之部使者劾爲生事奪郡印未幾爲熙河將李憲討靈武文郁得羌戶萬餘遷路鈐轄夏人圍蘭州已奪兩關門文郁募死士夜縋而下持短兵突賊即掃營去擢東上閣門使知蘭州諜知夏人將大入清野以俟果舉國趨臯蘭文郁乘城禦之殺傷如積圍九日而解收其尸爲京觀加榮州團練使以捧日天武都指揮使爲副都總管以殿前都虞候知河州築安西城金城關進秦州防禦冀州觀察使卒年六十六

周永清字肅之世家靈州州陷祖美歸京師永清以蔭從仕宰相龐籍言其忠勇加閣門祇候押時服賜夏國至宥州夏人受賜不跪詰之恐而跪遷通事舍人渭州鈐轄渭兵勁而陳伍不講永清訓以李靖法帥蔡挺嘉其整圖上之詔推於諸道知德順軍夏衆入寇擊擒其酋呂效忠又募勇士夜馳百里擣賊巢穴斬首三百級俘數千人獲橐駝甲馬萬計城中無知者並禁禁地三百里盜耕不可禁永清拓籍數千頃置射士二千聲聞敵廷降者引入帳下待之不疑多得其死力徙秦鳳鈐轄河北沿邊安撫副使知代州契丹無名求地朝廷命韓縝分畫永清貳焉入對言疆境不可輕與人臣職守土不願行固遣之復上章陳利害竟以母病辭歷高陽關定州涇原路鈐轄知涇州保州又爲定州路副總管終東上閣門使

劉紹能字及之保安軍人世爲諸族巡檢父懷忠官內殿崇班閣門祇候元昊叛厚以金幣及王爵招之懷忠毀印斬使洎入寇力戰以死錄紹能右班殿直賜以名爲軍北巡檢擊破夏右樞密院黨移賞糧數萬衆於順寧夏人圍大順城紹能爲軍鋒毀其柵至奈王川邀擊於長城嶺熙寧中又敗夏人於破囉川

皆策功最累遷洛苑使英州刺史鄜延兵馬都監舊制內屬者不與漢官齒至是悉如之仍以其子襲故職元豐西討召詣闕神宗訪以計對曰師旅遠征儲備不繼爲大患若俟西成後因糧深入乃可以得志帝以爲然命統兩軍進討紹能世世邊將爲敵所忌每設疑以間之帝獨明其不然手詔云紹能戰功最多忠勇第一此必夏人畏忌爲間害之計耳紹能捧詔感泣嘗上議遠對按驗卒無實守邊國四十七年大小五十戰以皇城使簡州團練使卒

王光祖字君俞開封人父珪爲涇原勇將號王鐵鞭戰死好水川錄光祖爲供奉官閣門祇候熙寧中同提點河北刑獄改沿邊安撫都監進副使界河巡檢趙用擾北邊契丹以兵數萬壓境造浮橋如欲度者光祖在舟中對其衆盡徹戶牖或謂契丹方陣而以單舟臨之如不測何光祖曰彼所顧者信誓也其來欲得趙用耳避之則勢張吾死不足塞責已而契丹欲相與言光祖即命子襄往兵刃四合然語唯在用襄隨機折塞之其將蕭禧遽揮兵去且邀襄食付所戴青羅泥金笠以爲信卽上之時已有詔罷光祖矣吳充曰向非光祖以身對壘又使子冒白刃取從約則事未可知宜賞而黜何以示懲勸乃除真定鈐轄徙梓夔渝獠叛詔熊本安撫而命內藏庫使楊萬成都鈐轄賈昌言梓夔都監王宣與光祖同致討皆受本節度本疑光祖不爲用分三道進師使光祖將後軍出黃沙坎北發日已暮士以杖索塗相挽而前夜半抵絕頂質明瞭望見大駭一鼓而潰萬等困於松谿又亟往援出石門歛其險促黔兵先登襲賊賊舍去光祖夜泊松嶺上旦始遇萬等與俱還本愧謝上其功第一吐蕃圍茂州光祖領兵三千會王中正破鷄宗關賊據石鼓村扼其半道中正召諸將問計光祖獨請行既抵石鼓擇銳兵分襲吐蕃背出其不意皆驚遁遂會中正于茂瀘夷乞弟殺王宣詔從韓存寶早決戰不聽林廣至復從征蕩其巢窟積功至四方館霖雨不止光祖勸存寶早決戰不聽林廣至復從征蕩其巢窟積功至四方館使知瀘州置瀘南安撫使俾兼領邊事聽韻決遷客省使嘉州刺史歷涇原河東定州路副總管卒

李浩字直夫家本綏州徙西河浩務學通兵法以父定陸從軍破儂智高韓絳

城囉兀領兵戰賞堡橫川殺大首領訛車多移斬首千三百餘級積官供備庫副使廣西都監袁西北疆事著安邊策謁王安石安石言之神宗召對改管幹麟府兵馬未行又從章惇於南江引兵由三路屯鎮江入遂州討舒光貴破盈口柵下天府會于洽州入懿州蠻會田元猛元詰合特伶拒官軍浩分兵擊之殺特伶降元猛元詰遠城懿州進討黔江蠻復城黔江惇上其功謂不當與他將比擢引進副使熙河鈐轄李憲討山後羌浩將右軍至合龍橫會戰遣降羌乞囉輕騎突敵帳俘其酋冷鷄朴李密撒賊三千遷東上閣門使為副總管知河州安撫洮西五路大舉浩將前軍復蘭州遷引進使隴州防禦使知蘭州兼熙河涇原安撫副使坐西關失守及報上不實再貶秩旋以戰吃囉兀并連立功復之哲宗即位拜忠州防禦使擢日天武都指揮使馬軍都虞候進黔州觀察使歷郵延太原承與環慶路副都總管再知蘭州卒贈安化軍留後

和斌字勝之濮州鄆城人選隸散直為德順軍指揮使凡五年數扞敵被重創十餘知軍事劉兼濟以兄平敗沒執送京師并逮其家斌慰安調護為萬金帛他所密告兼濟勿以家為恤平冤既伸兼濟獲免家賴以全定川之役將曹傑喪所乘馬斌輟騎與之且戰且行與俱免狄狄青南征使部騎兵為前鋒青駐賓州十日以意寇既乃倍道兼行斌以兵疲於險利在速戰即日度關慶賊歸仁驛孫節死斌引騎血戰繞出賊後遂敗之師還張破賊陳形於殿廷仁宗拊勞擢文思副使權廣西鈐轄改秦鳳廣西以蠻事乞留秦州亦請之詔留廣西累歲徙涇原召對議者謂交州可取斌咸言有害無益願戒邊臣無妄動神宗數曰卿質直如此乃知兩路爭卿為不誣矣進帶御器械渭部饑帥王廣淵命吏賑給斌曰救之無術是殺之耳廣淵以委斌斌擇地營居養視有法所活以萬數安南入寇復徙廣西累遷皇城使昭州刺史撫水蠻羅世念犯宜州守將戰死斌提步騎三千進討方暑晝夜趣兵至懷遠寨曰此要害之地得之則生或曰奈何背龍江邪笑曰是所以生也因示弱驕之蠻果大至斌選將迎敵戒以過之則走誘至平坂列八陣以待之張疑兵左右山上響登壘望見始大驚斌分騎翼其旁自被甲步出為衆士先殊死戰蠻大敗世念率會黨四千八百內

附遂以築州團練使知宜州遷西上閣門使知舊州以老請遷除高陽關副總管歷承與軍路召拜龍神衛四廂都指揮至步軍都虞候卒年八十贈寧州防禦使斌老於為將以恩信得邊人心嶺南珍貨一無所蓄邊吏欲希功造事皆憚不敢發或巧為譏報啓覺亦必折其姦謀故所至無事士大夫稱之

子誥以蔭為河北副將累官至右武大夫威州刺史知雄州上制勝強遠弓式能破堅於三百步外邊人號為鳳凰弓進相州觀察使在雄十年頗能偵敵置賈攻燕召誥計事悅之分麾下兵俾以副統制從帥師道軍于白溝旬有二日而退追兵至北風大雨覓師不能視契丹以背盟誥責薄暮始得還於是賈以契丹尚威未可圖勦說覘候不實貶濠州團練副使筠州安置誥始與取燕之謀見事勢浸異則又以為不宜取故平燕肆赦獨不得還後復官卒

劉仲武字子文秦州成紀人熙寧中試射殿庭異等補官數從軍累轉禮賓使為涇原將夏人謀犯天聖紫渭帥檄諸將會兵約曰過某日賊不至即去仲武讎得的期乞緩分屯帥不樂但留一將及仲武軍如期而敵至力戰却之遷皇城使熙河都監復湟川進東上閣門使知河州吐蕃趙懷德狼阿章眾數萬叛命仲武相持數日潛遣二將領千騎扣其營戒曰彼出勿與戰亟還伏兵道左二將還羌果追之遇伏大敗斬首三千級復西寧州未幾懷德阿章降累進客

省使築州防禦使副高永年西征仲武欲持重固壘永年易賊輕戰遂大敗仲武引咎自劾坐流嶺南命未下與夏人戰傷足朝廷聞之貸其罰以為西寧都護童貫招橋羌王子滅征僕哥收積石軍邀仲武計事仲武曰王師入羌必降或退伏巢穴可乘其便但河橋功力大非倉卒可成緩急要預辦耳若稟命待報慮失事機貫許以便宜僕哥果約降而索一子為質仲武遣子錫往河橋亦成仲武帥師渡河擊與歸貫掩其功仲武亦不自言徽宗遣使持錢至邊賜

獲王者訪得仲武召對帝勞之曰高永年以不用卿言失律僕哥之降河南殺定卿力也問幾子曰九人悉命以官錫閣門祗候仲武知西寧州徙渭州召為龍神衛都指揮使復出熙州秦州遷步軍副都指揮使熙帥劉法死又以熙渭都統制攝之歷拜徐州觀察使保靜軍承宣使瀘川軍節度使以老提舉明道

宮再起爲熙州卒于官年七十三贈檢校少保諡曰威肅子鏡別有傳

曲珍字君玉隴干人世爲著姓寶元康定間夏人數入寇珍諸父糾集族黨禦之敵不敢犯於是曲氏以材武長雄邊關珍好馳馬試劍嘗與叔父出塞游獵猝遇夏人陷其圍中馳擊大呼衆披靡得出顧叔不至復持短兵環決關遂俱脫秦鳳都鈐轄劉溫潤奇其材一日出寶劍令曰能射一錢於百步外者與之

諸少年百發不能中珍後至一矢破之從溫潤城古渭與羌戰先登陷陳爲綏德城監押提孤軍拒寇斬其大酋加閣門祇候有功洮西遷內殿崇班郭遠趙

高南征爲第一將進自右江撫接廣原三州十二縣降僞守已下百六十人老稚二萬六千口是行也功最諸將遷西築院使得疾輿還京師神宗遣使臨問

少問令人對珍念二帥不和睦上問必及之言之必行曲直將何以對乃以餘疾未平爲解帝復使獎勞賜之弓劍較勒令有司蠲其鄉徭賦擢鄜延鈐轄進

副總管從神諤攻金湯永平川斬二千級累遷客省使拜懷州防禦使龍神衛四廂都指揮使徐種城永樂珍以兵從版築方興羌數十騎濟無定河覘後珍

將追殺之禧不許謀言夏人聚兵甚急珍請禧還米脂而自居守明日果至禧復來珍白敵兵衆甚公宜退處內柵檄諸將促戰禧笑曰曲侯老將何怯邪夏

兵且濟珍欲乘其未集擊之又許及攻城急又勸禧曰城中井深泉竭士卒渴甚恐不能支宜乘兵氣未衰潰圍而出使人自求生禧曰此城據要地奈何

棄之且爲將而奔衆心搖矣珍曰非敢自愛但敕使謀臣同沒于此懼辱國耳數日城陷珍繼而免子弟死者六人亦坐貶皇城使帝察其無罪諭使自安養

以圖後效元祐初爲環慶副總管夏人寇涇原號四十萬珍構虛虜三百里破之曲律山俘斬千八百人解其圍進東上閣門使忠州防禦使卒年五十九珍

善撫士卒得其死力雖不知書而忠朴好義本於天性劉闡字靜叔青州北海人以拳力爲軍校從延州軍出塞遇敵矢貫左耳戰不

顧衆服其勇從文彥博討貝州次城下攀壘欲登賊以曲戟鉤其甲闖裂之而墜議者欲穿地道入闡曰穴地積土賊且知之城瀕河若晝曩土而夜投諸河

宜無知者彥博以爲然穴成闡持短兵先入衆始從遂登陴引繩而上遲明師

舉入貝州平功第一擢虎翼指揮使累遷宣武神衛都指揮使昭州刺史辰州

團練使韓絳官撫陝西詔闡自河東爲犄角至鐵冶溝夏人大集衆懼闡自殿後率銳馳搏戰飛矢蔽體不爲却敵解去爲鞏州駐泊總管河水漲隄防墊急

闡請郡守開青楊道口以殺水怒莫敢任其責闡躬往濬決水退冀人賴之以左金吾大將軍致仕卒年八十五

郭成字信之德順中安堡人也從軍得供奉官王師趨靈武成將涇原兵擊破夏人於漫噶隘至城下有羌乘白馬馳突陣前大將劉昌祚曰誰能取此者成

躍馬梟其首以獻進秩四等朝廷築平夏城置將戍之又環以五砦渭帥章鞏問可守者於諸將皆曰非郭成不可遂使往守夏人恚失地空國入爭謀曰夏

平視諸壘最大郭成最知兵遂自沒煙峽連營百里飛石激火晝夜不息成與折可適議乘勝深入以萬騎異道並進遂俘阿埋都逋二大酋捷聞進雄州防

禦使涇原鈐轄徽宗詔諸軍并力築綏戎懷戎二堡成獨當合流之役暴露雪中感疾卒帝悼之甚賻以金帛官其子壻成輕財好施名震西鄙既沒廉訪使

者王孝竭白於朝帝手書報曰郭成盡忠報國有功于民宜載祀典榜其廟曰仁勇云子浩紹興中爲西邊大將至節度使

賈崑字民瞻開封人少時善騎射喟然歎曰大丈夫生世要當自奮揚名顯親可也遂起家從戎神宗選材武以爲內殿承制慶州嘉原堡都監林廣討瀘夷

辟將前鋒又爲河東將敗西夏兵於明堂川累功轉莊宅副使遷路監紹聖中夏兵數萬圍麟州神堂砦甚急崑以數百騎往援令其下曰國家無事時不惜

厚祿養汝輩正以待一旦之用耳今力雖不敵吾誓以死報衆感厲即循屈野河行且五里據北攔坡嶺上一矢殪其酋衆駭潰哲宗嘉歎賜以袍帶知皇城

使威州刺史遷鈐轄崑在兵間二十年有智略能拊御士卒所擢輒勝時以良將入對留擢龍神衛四廂都指揮使遷步軍都虞候濠州團練使卒年五十

二贈雄州防禦使張整字成伯亳州鄆陽人初隸皇城司御龍籍補供奉官爲利文州都巡檢使

邊夷歲鈔省地吏習不與校至反遺之物留久乃去整惡其貪暴無已密募死

士時其來掩擊幾盡有司劫生事神宗壯之不問調荆湖將領拓溪蠻地築九城董兵鎮守又破蠻於大田歲中三遷結狝萬衆乘舟屯托口追黔江城時守兵才五百人情大恐整伏其半於托口旁戒曰須吾且度金斗崖舉幟則謀而前及旦率其半縛纜建旗鼓泝流急趨賊望見大笑幟舉伏發前後合擊人死殊亂蠻騰踐投江中殺獲不可計為廣西鈐轄坐殺降羅實監江州酒稅復為涇原真定京東環慶鈐轄整泣軍嚴明哲宗嘗訪於輔臣召之對擢為龍神衛四廂都指揮使管幹馬軍司卒官至威州刺史

張蘊字積之開封將家子也從軍為小校隸劉昌祚至靈州遇敵中矢拔鐵復戰以功賜金帶從征安南次富良江諸將猶豫未進蘊褰裳先濟衆隨之蠻遂走使巫被髮登崖為厭勝蘊射之應弦而斃一軍謹謀歷京西涇原將知綏德懷寧順寧軍等六城儲粟至三十萬斛將兵取宥州破夏人於大吳神流堆宥州監軍引鐵騎數千趨松林堡蘊謀知之頓兵長城嶺以待戒諸部曰賊遠來氣盛少休必困困而擊之必捷果以勝歸夏人寇順寧蘊置伏陜中約聞呼則起俘斬數百人獲馬械甚衆累遷皇城使榮州刺史成州團練使通州防禦使開德河陽馬步軍副總管顯肅皇后母自鄭氏再適蘊徽宗屢欲以恩進其官輒力辭不敢受人以為賢卒年七十三贈感德軍節度使諡曰榮毅

王恩字澤之開封人以善射入羽林神宗閱衛士挽彊中的且偉其貌補供備庫副使為河州巡檢夏寇蘭州恩搏戰城下中兩矢拔去復鬪意氣彌厲遷涇原將嘗整軍出萬惠嶺士饑欲食恩倍道兼行衆洶洶已而遇敵數萬引兵先入壁并竈皆具諸將始服羌扣壁願見恩單騎徑出遙與語一夕羌引去哲宗召見語左右曰先帝時宿衛人皆傑異如此留為龍神衛都指揮使遷馬軍都虞候契丹使來詔陪謝使者問聞涇原有王騎將得無是乎應曰然射三發皆中使以下相視皆歎息出為涇原副都總管并護秦渭延熙四路兵城西安築臨天都十餘壘羌圍平夏諸校欲出戰恩曰賊傾國遠寇難以爭鋒宜以全制其敵彼野無所掠必攜攜而遇伏必敗乃先行萬人設伏羌既退師果大獲徽宗立以衛州防禦使徙熙河改知渭州括隱地二萬三千頃分弓箭士耕

屯為三十一部以省餽餉邊臣獻軍戰議帝以訪恩恩曰古有之偏籍鹿角今相去益遠人非所習恐緩急難用夫操不習之器與敵周旋先自敗耳帝善其對遷馬步軍都指揮使殿前都指揮使武信軍節度使嘗汰禁卒數十人樞密請命都承旨覆視恩言朝廷選三帥付以軍政今去數十冗卒而不足信即其他無可為者帝立為罷之睦願甚寵賜居宅又賜城西地為園圍屬疾以檢校司徒致仕嘉年六十二贈開府儀同三司

楊應詢字仲謀章惠皇后族孫也歷知信安保定軍霸州塘漿之閒地沮洳水潦易集居人浮板以濟應詢增隄防為長衢濬其旁以泄流民利賴之為河北沿邊安撫使徽宗以歸信容城兩縣弓手為契丹所懼欲增為千人或恐生事應詢曰吾欲備他盜彼安能禁我卒增之知雄州朝廷多取西夏地契丹以姻婭為言遣使乞還之不得擁兵並塞中外恫疑應詢曰是特為虛聲嚇我耳願治兵積粟示有備彼將聞風自戢明年果還兵復遣其相臣蕭保先牛温舒來請詔應詢逆于境既至帝遣問所以來應詢對願固守前議尋兼高陽關路鈐轄邊人捕得北盜呂鐵兒契丹謂略執平民有詔使縱釋應詢言吾知執盜耳因其求而遂與之是示以怯也不與遂質我民固索之應詢以違詔貶秩再遷洋州觀察使入提舉萬壽觀館契丹使當賜柑而貢未至有司代以他物使不受應詢以言折之乃下拜復為定州真定大名副都總管卒年六十三贈昭化軍節度使諡曰康理

趙隆字子漸秦州成紀人以勇敢應募從王韶取熙河大將姚麟出戰被重創謂曰吾渴欲死得水尚可活時已暮有泉近賊營隆獨身潛往漬衣泉中賊覺隆且鬪且行得歸持衣裂水以飲麟麟乃甦又從李憲破西市師討鬼章外河諸羌皆以兵應之隆率衆先至斧其橋鬼章失援乃成擒為涇原將戰平夏川功最多崇寧中鈐轄熙河兵將前軍出邈川預復鄯廓夏人寇涇原詔熙河深入分其兵無令專鄉東方師至鐵山隆先登士皆殊死戰夏人解去召詰闕徽宗慰勞之曰鐵山之戰卿力也童貫與論燕雲事隆極言不可貫曰君能共此當有殊拜隆曰隆武夫豈敢干賞以敗祖宗二百年之好異時起釁萬死不足

謝實貴知不可奪，自以知西寧州充隴右都護，羌豪信服，十二種戶三萬六千，願屯內地，帥劉法西討，隆以奇兵襲羌，羌潰，城震武，遷温州防禦使，龍神衛捧日天武都指揮使，仍爲本道馬步副都總管，卒，贈鎮潼軍節度使，命詞臣制碑，帝篆額曰旌忠。

論曰：有國家者不可忘武備，故高祖以馬上得天下，而猶有安得猛士守四方之歎，然所貴爲將領者，非取其武勇而已也，必忠以爲主，智以爲本，勇以爲用，及其成功，雖有小大之殊，俱足以尊主庇民也。苗授策，錢南之不可城，履不肯討阿章，永清不以地與敵，文郁撫納香崖，紹能之忠勇，珍之忠朴，好義，光祖應詢，明於料敵，守約及整，御衆嚴明，斌浩之善戰，嵩恩之善射，闡之出則先登，入則殿後，其材雖殊，其可以任奔走禦侮之責於四境，則一也。成以捍衛邊陲，服勤致死，明詔褒飭，廟食一方，宜哉。君萬挾誣報怨，贍校誦喜功，國有常罰，父子請死，亦宜也。就首取燕，終變其說，既黜旋復爲失刑矣。至若仲武，敗則引咎責己，勝則不自言功，隆不敢啓疊干賞，藎甘分而辭榮，有士君子之行焉，尤武士之所難能也。

宋史卷三百五十

元中書右丞相總裁脫脫等修

列傳第一百十

趙挺之 張商英 兄唐英 劉正夫 何執中

鄭居中 張康國 朱諤 劉達

林據 管師仁 侯蒙

趙挺之字正夫密州諸城人進士上第熙寧建學選教授登棧二州通判德州哲宗即位賜士卒緡錢郡守倉者不時給卒怒謀持白挺突入府守趨避左右盡走挺之坐堂上呼問狀立發庫錢而治其為首者衆即定魏境河屢決議者欲徙宗城縣轉運使檄挺之往視挺之云縣距高原千歲矣水未嘗犯今所遷不如舊必為民害使者卒徙之財二年河果壞新城漂居民略盡召試館職為秘閣校理遷監察御史初挺之在德州希意行市易法黃庭堅監德安鎮謂鎮小民貧不堪誅求及召試蘇軾曰挺之聚斂小人學行無取豈堪此選至是劾奏軾草麻有云民亦勞止以為誹謗先帝既而坐不論蔡確通判徐州俄知楚州入為國子司業歷太常少卿權吏部侍郎除中書舍人給事中使遼還主嘗有疾不親宴使近臣即館享客比歲享乃在客省與諸國等挺之始爭正其禮徽宗立為禮部侍郎哲宗祔廟議還宣祖挺之言上於哲宗兄弟同一世宣祖未當遷從之拜御史中丞為欽聖后陵儀仗使曾布以使事聯職知禁中密指論使建議紹述於是挺之排擊元祐諸人不遺力由吏部尙書拜右丞進左丞中書門下侍郎時蔡京獨相帝謀置右輔京力薦挺之遂拜尙書右僕射既相與京爭雄屢陳其姦惡且請去位避之以觀文殿大學士中太一宮使留京師乞歸青州將入辭會彗星見帝默思咎徵盡除京諸蠹法罷京召見挺之曰京所為一如卿言加挺之特進仍為右僕射京在崇寧初首與邊事用兵連年不惠帝臨朝語大臣曰朝廷不可與四夷生隙隙一開禍孽不解兵民肝腦塗地豈人主愛民恤物意哉挺之退謂同列曰上志在息兵吾曹所宜將順已而京復相挺之仍以大學士使佑神觀未幾卒年六十八贈司徒諡曰清憲

張商英字天覺蜀州新津人長身偉然姿采如時玉質氣傲儻豪視一世調通州主簿渝州蠻叛說降其酋辟知南川縣章惇經制夔夷狎侮郡縣吏無敢與共語部使者念獨商英足抗之檄至夔惇詢人才使者以商英告即呼入同食商英著道士服長揖就坐惇肆意大言商英隨機折之落落出其上惇大喜延為上客歸薦諸王安石因召對以檢正中書禮房權監察御史臺獄失出劫盜樞密檢詳官劉奉世駁之詔糾察司劾治商英奏此出大臣私分願收還主柄使耳目之官無為近臣所脅神宗為置不治商英遂言奉世庇博州失入囚因摠院吏徇私十二事語侵樞臣於是文彥博等上印求去詔責商英監荆南稅更十年乃得館閣校勘檢正刑房商英嘗薦舒亶可用至是亶知諫院商英以塔王濬之所業示之亶繳奏以為事涉干請責監赤岸鹽稅哲宗初為開封府推官屢詰執政求進朝廷稍更新法之不便於民者商英上書言三年無改於父之道可謂孝矣今先帝陵土未乾即議變更得為孝乎且移書蘇軾求入臺其庾詞有老僧欲住烏寺呵佛罵祖之語呂公著聞之不悅出提點河東刑獄連使河北江西淮南哲宗親政召為右正言左司諫商英積憾元祐大臣不用己極力攻之上疏曰先帝威德大業跨絕今古而司馬光呂公著劉摯呂大防援引朋儔敢行譏議凡詳定局之所建明中書之所勸當戶部之所行遣百官之所論列詞臣之所作命無非指撻扶搖鄙薄嗤笑翦除陛下羽翼於內擊逐股肱於外天下之勢岌岌殆矣今天青日明謀實未正願下禁省檢索前後章牘付臣等看詳簽揭以上陛下與大臣斟酌而可否焉遂論內侍陳衍以搖宣仁至此之呂武乞追奪光公著贈諡仆碑毀冢言文彥博背負國恩及蘇軾范祖禹孫升韓川諸人皆相繼受譴又言願陛下無忘元祐時章惇無忘汝州時安燾無忘許昌時李清臣曾布無忘河陽時其觀望揜闔以險語激怒當世概類此惇燾交惡商英欲助惇求所以傾燾者陽程民蓋氏養子漸先為祖母所逐以家資屬其女經元豐訴理不得直商英論其冤等漸使遞執政及詰御史府許燾姻家與蓋女為道地哲宗不直商英徙左司員外郎既與漸交關事皆露責監江寧酒起知洪州為江淮發運副使人權工部侍郎遷中書舍人謝表

歷詆元祐諸賢，衆益畏其口。徽宗出爲河北都轉運使，降知隨州崇寧初爲吏部刑部侍郎，翰林學士蔡京拜相，商英雅與之善，適當制，過爲褒美，尋拜尙書右丞，轉左丞，復與京議政不合，數詆京身爲輔相，志在逢君，御史以爲非所宜言，且取商英所作元祐嘉禾頌及司馬光祭文斥其反覆，罷知亳州，入元祐黨籍，京罷相，削籍知鄂州，京復相，以散官安置歸陝兩州，大觀四年，京再逐，起知杭州，過闕賜對，奏曰：神宗修建法度，務以去大害，興大利，今誠一一舉行，則盡紹述之美，法若有弊，不可不變，但不失其意足矣，留爲資政殿學士，中太一宮使，頃之，除中書侍郎，遂拜尙書右僕射，京久盜國柄，中外怨疾，見商英能立同異，更稱爲賢，徽宗因人望相之，時久旱，彗星中天，是夕，彗不見，明日雨，徽宗喜，大書商霖二字賜之，商英爲政持平，謂京雖明紹述，但借以劫制人主，禁錮士大夫爾，於是大革弊事，改當大錢以平泉貨，復轉般倉以罷直達，行鈔法以通商旅，蠲橫斂以寬民力，勸徽宗節華侈，息土木，抑僥倖，帝頗嚴憚之，嘗昇平樓，戒主者遇張丞相導騎至，必匿匠樓下，過則如初，楊戩除節度使，商英曰：祖宗之法，內侍無至團練使，有勳勞當陞，則別立昭宣政諸使以寵之，未聞建旄鉞也，訖持不下，論者益稱之，然意廣才疏，凡所當爲，先於公坐誦言，故不便者得預爲計，何執中鄭居中日夜醜織其短，先使言者論其門下客唐庚，竄之惠州，有郭天信者，以方技隸太史，徽宗潛邸時，嘗言當履天位，自是稍睨寵之，商英因僧德洪，客彭凡，與語言往來，事覺，鞫于開封府，御史中丞張克公疏擊之，以觀文殿大學士知河南府，旋貶崇信軍節度副使，衡州安置，天信亦斥死，京遂復用，未幾，太學諸生誦商英之冤，京懼，乃乞令自便，繼復還故官職，宣和三年卒，年七十九，贈少保，商英作相，適承蔡京之後，小變其政，鑿鑿者易爲食，故蒙忠直之名，靖康褒表司馬光范仲淹，而商英亦贈太保，紹興中又賜諡文忠，天下皆不謂然，兄唐英。

唐英字次功，少攻苦讀書，至經歲不知肉味，及進士第，翰林學士孫抃得其正議五十篇，以爲馬周魏元忠不足多，薦試賢良方正，不就，調穀城令，縣圃歲畦薑，貨種與民，還其陳，復配買取息，銓曹指爲富縣，唐英至空其圃，植千株，柳作

柳亭其中，聞者咨羨，英宗繼大統，唐英上謹始書云：爲人後者爲子懼，他日必有引漢定陶故事，以惑震聽者，願杜其漸，既而濮議果起，帝不豫，皇太后垂簾，又上書請立穎王爲皇太子，神宗卽位，知其人，擢殿中侍御史，入對，帝問何尙衣緣，對曰：前者固得之，回授臣父，帝嘉其孝，賜五品服，帝方厲精圖治，急於用人，唐英言：知江寧府王安石，經術道德，宜在陛下左右，又論宗室祿多費鉅，宜以服爲差殺，天下苦差役不均，蓋思所以寬民力代民勞者，其後略施行，帝方欲用之，以父憂去，未幾卒，唐英有史料，嘗著仁宗政要，宋名臣傳，蜀檣杌行于世。

劉正夫，字德初，衢州西安人，未冠入太學，有聲，與范致虛吳材江嶼號四俊，元豐八年，南省奏名在優選，而犯高魯王諱，凡五人，皆當黜，宣仁后曰：外家私諱，願未久，不可以妨寒士，命寬末級，久之，爲太學錄，太常博士，母服闋，御史中丞石豫薦之，召赴闕，道除左司諫，時方究蔡卞獄，正夫入對，徽宗語及之，徐引淮南尺布斗粟之謠，以對，帝感動，解散其獄，待蔡王如初，他日謂正夫曰：兄弟之間，人所難言，卿獨能及此，後必爲公輔，又言：元祐紹聖所修神宗史，互有得失，當折中其說，傳信萬世，遂詔刊定，而以起居舍人爲編修官，不閱月，遷中書舍人，進給事中，禮部侍郎，蔡京據相位，正夫欲附翼之，奏言：近命官纂錄紹述先志，及施行政事，願得陳力其間，詔俾閱詳焉，京罷，正夫又與鄭居中陰援京，京憾劉達次骨，而達善正夫，京雖賴其助，亦惡之，因章縵鑄錢獄，辭及正夫，時使達還京，諷有司追逮之，帝知其情，第貶兩秩，京又出之，成都，入辭，留爲翰林學士，京愈不能平，謀中以事，作春宴樂語，有紫宸朝罷，衣閑之句，京黨張康國密白帝曰：衣衣豈可閑，竟改龍圖閣直學士，知河南府，召爲工部尙書，拜右丞，進中書侍郎，太學諸生習樂成，京欲官之，正夫曰：朝廷長欲人材，規爲時用，而使與伶官齒，策名以是，得無爲士子羞乎，東封儀物已具，正夫請間，力陳不可，帝皆爲之止，益喜其不與京同，政和六年，擢拜特進少宰，才半歲，屬疾，三上章告老，除安化軍節度使，開府儀同三司，致仕，病小愈，丐東歸，詔肩輿至內殿，長子阜民夜入坐從容，及燕雲事，曰：臣起書生，軍旅之事，未之學，然兩朝信誓之

文四海生靈之衆，願深留聖思，明日從節安靜軍，起充中太一宮使，封康國公。將行，賜之詩及硯、筆、圖畫、藥餌、香茶之屬甚厚。正夫獻詩謝，帝又屬和以榮其歸。至盱眙病亟，命子弟作遺牘，自書留神根本，深戒持盈八字。遂卒，年五十六。贈太保，諡文憲。再贈太傅。正夫由博士入都，馴致宰相，能迎時上下，持祿養權，性吝嗇，惟恐不足於財。晚年築第杭州萬松嶺，以建閣奉御書爲名，悉取其旁軍營民舍，議者譏之。帝眷念不衰，以阜民爲兵部侍郎，少子阜民微猷，閣待制。何執中，字俗通，處州龍泉人。進士高第，調台臺二州判官，毫數易守政不治。會鞏至，願欲振起之，顧諸僚無可仗信者，執中一見合意，事無纖鉅，悉委以劃決。有妖獄久不竟，株連寢多，執中訊諸囚，聽其相與語，謂牛羊之角皆曰股，扣其故，閉不肯言，而相視色變。執中曰：是必爲師張角諱耳。卽扣頭引伏，蔣之奇使淮甸，號彊明，官吏望風震懼。見執中喜曰：一州六邑，賴有君爾。知海鹽縣，爲政識後先，邑人紀其十異。入爲太學博士，以母憂去。寓蘇州，比隣夜半火，執中方索居，連連不能去，拊板號慟，善與俱焚，觀者悲其孝而危其難，有頃火卻，極得存。紹聖中，五王就傳，選爲記室，轉侍講，端王卽位，是爲徽宗，超拜寶文閣待制。遷中書舍人，兵部侍郎，工部吏部尚書，兼侍讀。四選案籍，吏多藏于家，以舞文取賄，執中請置庫架閣，命官莅之。是後六曹皆做其法。蔡京籍上書人，定爲邪等，初無朝覲及入都之禁。執中申言之，且請任在京職秩者皆罷遣，辟雍成，執中請開學，殿使都人士女縱觀，大爲士論所貶。崇寧四年，拜尚書右丞，大觀初，進中書門下侍郎，積官金紫，光祿大夫。一意謹事京，三年，遂代爲尚書左丞，加特進，制下。太學諸生陳朝老詣闕上書曰：陛下知蔡京姦，解其相印，天下之人鼓舞有若更生，及相執中，中外默然失望，執中雖不敢肆爲非法，若京之蠹國害民，然碌碌庸質，初無過人，天下敗壞至此，如人一身臟腑，受珍已深，豈庸庸之醫所能起乎？執中實緣攀附致位二府，亦已大幸，遽俾之經體贊元，是猶以查負山，多見其不勝任也。疏奏不省，而眷注益異。初，賜第信陵坊，以爲淺隘，更徙金順坊甲第，建嘉會，成功閣，帝親書鉅額以示寵。執中與蔡京並相，凡營立皆預議，略無所建明，及張商英任事，執中惡其出己上，與鄭居中合擠之。陳瓘

在台州，執中起遷人石，械知州事，使脅取尊，竟謀必死，瓘不死，執中怒，罷械。政和二年，大長公主喪，罷上元端門觀燈，執中言：不宜以長主故，闕衆情，願特爲徙日，以昭與民同樂之意。帝重逆其請，爲申五日期，用提舉修哲宗史，紀恩加少保，入宴太清樓，錫白玉帶。會正宰相官名，轉少傅，爲太宰，又遷少師，封榮國公。執中輔政一紀，年益高，五年，臥疾，其賜寬告，他日造朝，命止赴六參起居，退治省事。明年，乃以少傅就第，許朝朔望，儀物廩稍，一切如居位時。入見，帝曰：自相位致爲臣，數十年無此矣。對曰：昔張士遜亦以舊學際遇，用太傅致仕，與臣適同。帝曰：當時恩禮恐未必爾。執中頓首謝，其在政府，嘗戒邊吏勿生事，重改作，惜人材，寬民力，雖居富貴，未嘗忘貧賤時，斥緡錢萬置義莊，以贍宗族，性復謹畏，至於迎順主意，贊飾太平，則始終一致，不能自克。卒，年七十四。帝卽幸其家，以不及視其病爲恨，輟朝三日，贈太師，追封清源郡王，諡曰正獻。鄭居中，字達夫，開封人。登進士第，崇寧中爲都官禮部員外郎，起居舍人，至中書舍人，直學士院。初，居中自言爲貴妃從兄弟，妃從藩邸進，家世微，亦倚居中爲重。由是連進擢，會妃父紳客祝安中者，上書涉謗訕，言者并及居中，罷知和州。徙潁州，明年歸政官，遷給事中，翰林學士。大觀元年，同知樞密院，時妃寵冠後宮，於居中無所賴，乃用宦官黃經臣策，以外戚兼政辭，改資政學士。中太一宮使，兼侍讀。蔡京以星文變免，趙挺之相，與劉達謀，盡改京所爲政，未幾，徽宗頗悔更張之暴，外莫有知者，居中往來紳所知之，卽入見，言陛下建學校，興禮樂，以藻飾太平，置居養安濟院，以周拯窮困，何所逆天而致威譴乎？帝大悟，居中退，語禮部侍郎劉正夫。正夫繼請對，語同，帝意乃復向京。京再得政，兩人之助爲多。居中厚責報京，爲言樞密本兵之地，與三省殊，無嫌於用親，經臣方恃權，力抗前說，京言不效，居中疑不已，援始怨之。乃與張康國比而間京，都水使者趙霖得龜兩首於黃河，獻以爲瑞，京曰：此齊小白所謂家罔見之而霸者也。居中曰：首豈宜有二人，皆駭異，而京獨主之，殆不可測。帝命棄龜，金明池，謂居中愛我，遂申前命，進知院事。四年，京又罷，居中自許必得相，而帝覺之，不用。妃正位中宮，復以嫌罷爲觀文殿學士。政和中，再知樞密院，官累特進，時京總治

三省益變亂法度，居中每為帝言，帝亦惡京專，拜居中少保太宰，使司察之。居中存紀綱，守格令，抑僥倖，振淹滯，士論翕然望治。丁母憂，旋詔起復，踰年，加少傅，得請終喪，服除，以威武軍節度使使佑神觀，還領樞密院，加少師，連封崇宿燕三國公，朝廷遣使與金約夾攻契丹，復燕雲，蔡京童貫主之，居中力陳不可，謂京曰：公為大臣，國之元老，不能守兩國盟約，輒造事端，誠非妙算。京曰：上厭歲幣五十萬，故爾。居中曰：公獨不思漢世和戎，用兵之費乎？使百萬生靈，肝腦塗地，公實為之。由是議稍寢，其後金人數攻契丹，日蹙，王黼童貫復議舉兵，居中又言：不宜幸災而動，待其自斃可也。不聽。燕山平，進位太保，自陳無功，不拜。入朝，暴遇疾，歸舍數日卒，年六十五。贈太師，華原郡王，諡文正。帝親表其隧，曰：政和寅亮，醇儒宰臣，文正鄭居中之墓。居中始仕，蔡京即薦其有廊廟器，既不合，遂因蔡涓理其父確功，狀追治王珪。居中珪壻也，故借是憾之。然卒不能害。子修年，儻年，皆至侍從。儻年遭靖康之難，沒入于金，後遺事劉豫，晚得南歸。秦檜以婦氏親，擢為資政殿大學士，位視執政，檜死，亦竄死撫州。時又有安堯臣者，亦嘗上書論燕雲之事，其言曰：宦寺專命，倡為大謀，燕雲之役，與則邊釁遂開，宦寺之權重，則皇綱不振。昔秦始皇築長城，漢武帝通西域，隋煬帝遠左之師，唐明皇幽薊之寇，其失如彼。周宣王伐玁狁，漢文帝備北邊，元帝納買捐之議，光武斥滅官馬武之謀，其得如此。藝祖撥亂反正，躬擐甲冑，當時將相大臣皆所與取天下者，豈勇略智力不能下幽燕哉？蓋以區區之地，契丹所必爭，忍使吾民重困鋒鏑，章聖澶淵之役，與之戰而勝，乃聽其和，亦欲固本而息民也。今童貫深結蔡京，同納趙良嗣，以為謀主，故建平燕之議，臣恐異時唇亡齒寒，邊境有可乘之釁，狼子蓄銳伺隙，以逞其欲，此臣所以日夜寒心，伏望恩祖宗積累之艱難，鑒歷代君臣之得失，杜塞邊隙，務守舊好，無使外夷乘間窺中國。上以安宗廟，下以慰生靈，徵宗然之，命堯臣以官，後竟為姦謀所奪，堯臣嘗舉進士不第，蓋惇之族子也。

論曰：君子小人，猶冰炭不可一日而處者也。趙挺之為小官，雖有才具，然寧新法之行，迎合用事，元祐更化，宜為諸賢鄙棄，至於紹聖首倡紹述之謀，魁排正

人，靡所不至，其論蔡京，不過為攘奪權寵之計而已。所謂楚固為失，齊亦未為得也。徽宗知京不可顧任，乃以張商英鄭居中輩，敢與京為異者，參而用之，殊不知二人者，向背離合，視利所在，亦何有於公議哉？商英以傾詖之行，竊忠直之名，沒齒猶見髮稱，其欺世如此。何執中黃綠舊學，致位兩府，無所建明，惟務媚嫉，至用石械脅陳璘取算堯集，欲因以殺璘，何為者耶？宣政命相，得若而人，尚望治乎？劉正夫生平所為，跋扈出沒正邪之間，商英之徒也。唐英有清才而寡失德，獨薦王安石為可咎，然安石未相，正人端士孰不與之？又何責乎唐英。張康國字賓老，揚州人，第進士，知雍丘縣，紹聖中，戶部尚書蔡京整治役法，薦以參詳利害，使提舉兩浙常平推行之，豪猾望風斂服，發倉救荒，江南就食者活數萬口，徙福建轉運判官，崇寧元年，入為吏部左司員外郎，起居郎，二年，為中書舍人，徽宗知其能詞章，不試而命還翰林學士，三年，進承旨，拜尚書左丞，而以其兄康伯代為學士，尋知樞密院事。康國自外官為郎，不三歲至此，始因蔡京進。京定元祐黨籍，看詳講議司編彙章牘，皆預密議，故汲汲引援之。帝亦器重焉，及得志，寔為崖異，帝惡京專，陰令沮其姦，嘗許以相，是時西北邊帥多取部內好官自辟置，以力不以才。康國曰：並塞當擇人以紓憂顧，奈何欲私所善乎？乃隨闕選用，定為格。京使御史中丞吳執中擊康國，康國先知之，且奏事，留白帝曰：執中今日入對，必為京論臣，臣願避位，既而執中對，果陳其事，帝叱去之。他日，康國因朝退趨殿廡，暴得疾，仰天吐舌，昇至待漏院卒，或疑中毒云。年五十四。贈開府儀同三司，諡曰文簡。康伯仕終吏部尚書。

朱諤字聖與，秀州華亭人，初名級，進士第二，調忠正軍推官，崇寧初，由太常丞擢殿中侍御史，遷侍御史，給事中，以同黨籍人姓名，故改名，進御史中丞，入謝。徽宗曰：今朝廷肅清，上下無事，宜審重以稱朕意。對曰：前此中執法類不知職守，言事多妄，至過天津橋，見汴隄一角墊陷，乞修葺，如許，細故何足論哉？帝曰：然比石豫許敦仁，妄發皆如是，諤遂奏願如神宗故事，聽政之餘，開內閣，延羣臣，從容論道，又言：陛下詔屢下，惻怛願治，然吏奉行者，多安於苟簡，或懷二三，批置不行，使德音善教，無由下達，願分命使者，刺舉諸道，有受令而不行及

行令而不盡者論如古留令虧令之罪則令出而朝廷算矣元祐紛更凡得罪于熙寧元豐者不問是否輒陳冤訴自歸無過之地彰先朝之失刑希合姦臣規求進用門下侍郎許將頃下御史獄抗章云絲毫自知其無事父子相保而爲囚追屬吏十有六人繫病者百有三日終無可坐之罪遂加不實之刑夫以追屬吏如是之多繫病者如是之久卒之於無可坐則先帝所用之刑爲何哉將於哲廟表泛爲平詞至宣和太后之前則銜冤負痛其辭如此於陛下紹述成功得無少損乎詔出將河南六察官彈治稽違近歲察事多者輒推賞有饒求之弊謬乞罷賞使各安職分從之俄兼侍讀徙兵禮吏三部尙書大觀元年拜右丞相居三月卒年四十贈光祿大夫諡忠靖謬出蔡京門善附合不能有所建白既死京爲誌其墓

劉達字公路隨州隨縣人進士高第調越州觀察判官入爲太學太常博士禮部考功員外郎國子司業崇寧中連擢祕書少監太常少卿中書舍人給事中戶部侍郎使高麗還尙書錄兵部同知樞密院拜中書侍郎達無他才能初以附蔡京故躡進京以彗星見去相而達貳中書首勸徽宗碎元祐黨碑寬上書邪籍之禁凡京所行悖理虐民事稍稍澄正達與趙挺之同心然挺之多智慮後患每建白務開其端而使達終其說達欲自以爲功直情不顧未滿歲帝疑達擅政而鄭居中劉正夫之策售矣帝意既移於是御史余深石公弼論達專恣反覆乘間抵讞盡廢紹述良法愚視丞相陵蔑同列凡所啓用多取爲邪黨學術者及邪籍中子弟庇其婦兒童姪使之盜鑄龍知亳州京復相再責鎮江節度副使安州居住京再以星變去稍起知杭州加資政殿學士以醴泉觀使召及都而卒年五十贈光祿大夫

林攬字彥振福州人徙蘇父邵顯謨閣直學士攬用蔭至敕令檢討官蔡京譚明熙寧元豐故事引以爲屬壘屯田右司員外郎時遣朝士察諸道攬使河北入辭言大府宜擇帥邊州宜擇守西山木不宜采伐保甲有藝者宜貢諸朝輸兵宜使更戍錢貨文書闡出疆外者宜遏絕徽宗喜曰卿所陳已盡河朔利害毋庸行賜進士第擢起居舍人進中書舍人俄直學士院禁林官不乏帝特命

遂爲翰林學士初朝廷數取西夏地夏求援於遼遼爲請命據報聘京密使激怒之以啓虜入境威氣以待迓者小不如儀輒辨詰及見遼主始跪授書即抗言數夏人之罪謂北朝不能加責而反爲之請禮出不意遼之君臣不知所答及辭遼使據附奏求還進築夏人城柵據答語復不巽遼人大怒空客館水漿絕煙火至舍外積潦亦汚以矢洩使饑渴無所得如是三日乃遣還凡饗餼租犒皆廢歸復命議者以爲怒隣生事猶除禮部尙書既而遼人以失禮言出知穎州尋召爲開封尹大駭負買錢久不償一日盡輩當十錢來買疑不納駭訟之據馳詣蔡京問曰錢法變乎京色動曰方議之未決也據曰令未布而買人先知必有與爲表裏者退鞠之得省吏主名寘干法張懷素妖事覺據與御史中丞余深及內侍雜治得民士交關書疏數百據請悉焚蕩以安反側衆稱爲長者而京與懷素游最密據實爲京地也京深德之用鞠獄明允加秩二等改兵部尙書進同知樞密院尙書左丞中書侍郎自大觀元年春至二年五月緣朝散大夫九遷至右光祿大夫集英殿唱貢士據當傳姓名不識甄益字帝笑曰卿誤邪據不謝而語詆同列御史論其寡學倨傲不恭失人臣禮黜知滁州言者不厭罷提舉洞霄宮起爲越州丞與軍皆以親年高辭拜端明殿學士久之知揚州政以察察聞鉅大俠繩污吏下不敢欺有行商寓逆旅屢出不反館人以告據曰此當不遠或利其貨殺之耳指蹤物色得屍溝中果城民張所爲也徙大名府道過關爲帝言頃使遼見其國中攜武若兼而有之勢無不可據蓋以曩辱故修怨焉其後北伐蓋兆於此加觀文殿學士拜慶遠軍節度使言者復論罷之還姑蘇塲生於首而卒年五十九帝念其奉使之勤申贈開府儀同三司錄子偉直秘閣數月偉死嗣遂絕靖康元年以京死黨追貶節度副使管師仁字元魯處州龍泉人中進士第爲廣親睦親宅教授通判澧州知建昌軍有善政擢右正言左司諫論蘇軾轍深毀熙寧之政其門下士吏部員外郎晁補之輩不宜在朝廷逐去之河北濱棣諸州歲被水患民流未復租賦故在師仁請悉蠲減以綏徠之一方賴其賜遷起居郎中書舍人給事中工部侍郎選曹吏多撓法爲過師仁暫攝領發其姦抵數人於罪士論稱之改吏部進

刑部尚書以樞密直學士知鄧州未行改揚州又徙定州時承平百餘年邊備不整而邊橫使再至為西人請侵疆朝廷詔師仁設備至則下令增障浚隄繕葺甲冑使吏懼不知所裁師仁預為計度一日而舉衆十萬轉盼迄成外間無知者於是日與賓客燕集以示閑暇使敵不疑帝手書詔獎激召為吏部尚書俄同知樞密院才兩月病拜資政殿學士佑神觀使卒年六十五贈正奉大夫侯蒙字元功密州高密人未冠有俊聲急義好施或一日揮千金進士及第調寶鷄尉知柏鄉縣民訟皆決于庭受罰者不怨轉運使黃湜聞其名將推轂之召詣行臺白事蒙以越境不肯往湜怒他日行縣閱理文書欲讎致其罪既而無一疵可指始以賓禮見曰君真能吏也率諸使者合薦之徙知襄邑縣擢監察御史進殿中侍御史崇寧星變求言蒙疏十事曰去冗官容諫臣明嫡庶別賢否絕倖冀戒濫恩寬疲民節妄費戚里毋預事闈寺毋假權徽宗聽納有大用意遷侍御史西將高永安死于羌帝怒親書五路將帥劉仲武等十八人姓名敕蒙往秦州逮治既行拜給事中至秦仲武等囚服聽命蒙曉之曰君輩皆侯伯無庸以獄吏尋君第以實對案未上又拜御史中丞蒙奏言漢武帝殺王恢不如秦繆公赦孟明子玉綰而晉侯喜孔明亡而蜀國輕今羌殺吾一都護而使十八將繇之而死是自艾其支體也欲身不病得乎帝悟釋不問遷刑部尚書改戶部比歲郊祭先期告辦尚書輒執政至是帝密諭之對曰以財利要君而進非臣所敢母喪服除歸故官遂同知樞密院進尚書左丞中書侍郎先是御史中丞蔡薺詆張商英私事甚力有旨令廷辨蒙曰商英雖有罪宰相也蔡薺雖言官從臣也使之廷辨豈不傷國體乎帝以為然一日帝從容問蔡京何如人對曰使京能正其心術雖古賢相何以加帝領首且使密伺京所為京聞而銜之大錢法敝朝廷議改十為三主藏吏來告曰諸府悉輦大錢市物于肆皆疑法當變蒙曰吾府之積若干曰八千緡蒙叱曰安有更革而吾不知明日制下又嘗有幾事蒙獨受旨京不知也京偵得之白于帝帝曰侯蒙亦如是邪罷知亳州旋加資政殿學士宋江寇京東蒙上書言江以三十六人橫行齊魏官軍數萬無敢抗者其才必過人今清溪盜起不若赦江使討方臘以自贖

帝曰蒙居外不忘君忠臣也命知東平府未赴而卒年六十八贈開府儀同三司諡文穆

論曰崇寧宣和之間政在蔡京罷不旋踵輒起姦黨日蕃一時貪得患失之小人度徽宗終不能去之莫不趨走其門若張康國朱謬劉遠林摠者皆是也康國遠中雖異京然其材智皆非京敵卒為京黨所摠摠奉京姦謀激怒鄰國渝約怒覺罪莫大焉易曰開國承家小人勿用其謂是歟管師仁執政僅兩月引疾求去則可尚已侯蒙逮治五路將帥力為申理十八人者繇之而免其仁人利溥之言乎

宋史卷三百五十一

元中書右丞相總裁脫脫等修

列傳第一百十一

唐恪 李邦彥 薛昂

吳敏 王安中 王襄 趙野

曹輔 耿南仲 王寓附

唐恪字欽叟杭州錢塘人四歲而孤聞人言其父輒悲泣以蔭登第調郴尉縣民有被害而尸不獲吏執其鄰人抑使自誣令以為信恪爭之令曰否將為君累恪曰吾為尉而盜不能捕更俾士辜死乎躬出訪求夕若有告者且而得尸遂獲盜知榆次縣豪子雄於鄉萃逋庇姦不輸公賦前後莫敢詰恪以理善曉之悟而自悔折節為長者最聞權提舉河東常平江東轉運判官大觀中梓阿內附召為屯田員外郎持節招納夷人夷始恫疑衷甲以逆恪盡去兵衛從數十卒單行夷望見懼呼投兵聽命以奉使稱職遷右司員外郎起居舍人迎遠使還言河北邊備弛廢宜及今無事以時治之徽宗壯之曰非卿誰宜為者命為都轉運使加集賢殿修撰中貴人稱詔有所市恪不答憤而歸中以他事降直龍圖閣知梓州歷五年徙滄州河決水犯城下恪乘城救理都水孟昌齡移檄索船與兵恪報水勢方惡船當以備緩急滄為極邊兵非有旨不敢遣昌齡怒劾之恪不為動益治水水去城得全詔書嘉獎乃上疏請暫免保甲保馬呈閱及復諸縣租等第振貸以寬被水之民未報悉便宜罷行之民大悅進龍圖閣待制知揚州召拜戶部侍郎京師暴水至汴且溢付恪治之或請決南隄以紓宮城之患恪曰水漲隄壞此亡可奈何今決而浸之是魚鼈吾民也亟乘小舟相水源委求所以利導之乃決金隄注之河洩汴水平入對帝勞之曰宗廟社稷獲安卿之力也恪再拜因上疏言水陰類也至犯宮闕天其或者以陰威之慘傲告陛下乎願垂意時事益謹天戒宣和初遷尚書帝許以二府為宰相王黼所陷罷知滁州言者論其治第歷陽擾民踰制提舉鴻慶宮五年起知青州未行召為吏部尚書徙戶部復請外以延康殿學士知潭州請往錢塘掃墓

然後之官遂改杭州增康初金兵入汴李邦彥薦之拜同知樞密院事至則為中書侍郎時進見者多論宣和間事恪言於欽宗曰革弊當以漸宜擇今日之所急者先之而言者不顧大體至毛舉前事以快一時之憤豈不傷太上道君之心哉京攸黼貫之徒既從竄斥姑可已矣他日邊事既定然後白道君請下一詔與天下共棄之誰曰不可帝曰卿論甚善為朕作詔書以此意布告在位因賜東宮舊書萬卷且用近北除子璵直秘閣力辭之八月進拜少宰兼中書侍郎帝注禮之甚渥然恪為相無濟時大略金騎再來邀劉三鎮恪集廷臣議以為當與者十九恪從之使者既行於是諸道勤王兵大集輒諭止令勿前皆反旆而去消金兵薄城下始悔之密言於帝曰唐自天寶而後屢失而復興者以天子在外可以號召四方也今宜舉景德故事留太子居守而西幸洛運據秦雍領天下親征以圖興復帝將從其議而開封尹何奩入見引蘇軾所論謂周之失計未有如東遷之甚者帝幡然而改以足頓地曰今當以死守社稷擢奩門下侍郎恪計不用從帝巡城為都人遮擊策馬得脫遂臥家求去御史胡舜陟劾其罪謂恪之智慮不能經畫邊事但長於交結內侍今國勢日蹙誠不可以備位乃以觀文殿大學士中太一宮使兼侍讀罷奩代為相京城不守車駕至金帥營恪曰計失矣一入將不得還既而還宮恪迎拜道左請入覲奩不可二年正月復幸恪曰一之謂甚其可再乎及金人逼百官立張邦昌令吳玠莫儻入城取推戴狀恪既書名仰藥而死

李邦彥字士美懷州人父浦銀工也邦彥喜從進士游河東舉人入京者必道懷訪邦彥有所營置浦亦罷工與為之且復資給其行由是邦彥聲譽奕奕入補太學生大觀二年前上舍及第授秘書省校書郎試符寶郎邦彥俊爽美風姿為文敏而工然生長閭閻習猥鄙事應對便捷善詭譎能蹴鞠每綴街市俚語為辭曲人爭傳之自號李浪子言者劾其游縱無檢罷符寶郎復為校書郎俄以吏部員外郎領儀禮局出知河陽召為起居郎邦彥善事中人爭薦譽之累遷中書舍人翰林學士承旨宣和三年拜尚書右丞五年轉左丞浦死贈龍圖閣直學士諡曰宣簡邦彥起復與王黼不協迺陰結蔡攸梁師成等讒黼罷之

明年拜少宰無所建明惟阿順趨詔充位而已都人目為浪子宰相徽宗內禪命為龍德宮使升太宰知衆議不與外患日偪抗疏丐宮祠金人既薄都城李綱种師道罷邦彥堅主割地之議太學生陳東數百人伏宣德門上書言邦彥及白時中張邦昌趙野王孝迪蔡懋李梈之徒為社稷之賊請斥之邦彥退朝羣指而大詬且欲毆之邦彥疾馳得免迺以特進觀文殿學士充太一宮使不旬日吳敏為請復起為太宰人皆駭愕言者交論之出知鄧州遂請持餘服提舉亳州明道宮建炎初以主和誤國責建武軍節度副使涇州安置方蔡京王黼用事附麗者多援引入政府若余深薛昂吳敏王安中趙野史皆逸其事因附著於此云

余深福州人元豐五年進士及第崇寧元年為太常博士著作佐郎改司封員外郎拜監察御史殿中侍御史試辟雍司業累官御史中丞兼侍讀治張懷素獄事連蔡京與開封尹林摠曲為掩覆獄辭有及京者輒焚之京遂力引深與摠驟至執政大觀二年以吏部尚書拜尚書左丞三年轉中書侍郎四年轉門下侍郎京既致仕身不自安累疏請罷乃以資政殿學士知青州政和二年京復赴都堂治事於是深復入為門下侍郎七年拜少宰宣和元年為太宰進拜少保封豐國公再封衛國加少傅時福建以取花果擾民深為言之徽宗不悅遂請罷出為鎮江軍節度使知福州靖康初加恩特進觀文殿大學士故事凡僕射使相宣徽使皆判州府深以少傅節度知福州有司失之也深詔附蔡京結為死黨京姦謀計得助多者深為首摠次之言者累章劾深深益懼巧致仕建炎二年降中大夫臨江軍居住尋以渡江恩赦還鄉里卒子日章亦以言者罷徽猷閣待制

薛昂杭州人登元豐八年進士第崇寧初歷太學博士校書郎著作佐郎為殿中侍御史試起居郎改中書舍人兼侍讀升給事中兼大司成昂寡學術士子有用史記西漢語輒黜之在哲宗時常請罷史學哲宗斥昂為俗佞拜翰林學士以不稱職改刑部尚書轉兵部大觀三年拜尚書左丞明年請補外出知江寧徙河南久之提舉嵩山崇福宮政和三年蔡京復用事昂復自尚書右丞為左

丞選門下侍郎尋請罷授彰化軍節度使佑神觀使改特進充資政殿大學士知應天府昂與余深林摠始終附會蔡京至舉家為京諂或誤及之輒加笞責昂嘗譏及即自批其口靖康初言者斥其罪詔以金紫光祿大夫致仕杭州軍亂昂不請命領州事責徽州居住昂主王氏學嘗在安石坐圍棋賭詩局敗昂不能作安石代之時人以為笑云

吳敏字元中真州人大觀二年辟雍私試首選蔡京喜其文欲妻以女敏辭因擢浙東學事司幹官為秘書省校書郎京薦之充館職中書侍郎劉正夫以敏未嘗過省不可京乃請御筆特召上殿除右司郎官御筆自此始違者以大不恭論繇是權倖爭請御筆而繳駁之任廢矣升中書舍人同修國史改給事中敏為蔡京所引鄧居中方秉政敏數言其失居中銜之坐駁盜當死者罷為右文殿修撰提舉南京鴻慶宮久之復為給事中權直學士院兼侍讀徽宗將內禪蔡攸探知上意引敏入對宰臣執政皆在敏前奏事且曰金人渝盟舉兵犯順陛下何以待上感然曰奈何時東幸計已定命戶部尚書李棣先出守金陵敏退詣都堂言曰朝廷便為棄京師計何理也此命果行雖死不奉詔率執以為言棣遂罷行皇太子除開封尹上去意益決敏因奏對得請遂薦李綱綱嘗語敏以上宜傳位如唐天寶故事故薦之冀上或有所問也明日宰臣奏事徽宗獨留李邦彥語敏所對命除門下侍郎輔太子敏駭曰臣既畫計當從陛下巡幸陛下且傳位而臣受不次之權臣曷敢上言不意卿乃爾敢言於是命敏草傳位詔欽宗既立上皇出居龍德宮敏與蔡攸同為龍德宮副使遷知樞密院事拜少宰敏主和議與太宰徐處仁議不合紛爭上前御史中丞李回劾之與處仁俱罷為觀文殿大學士醴泉觀使頃之言者論其莛蔡京父子出知揚州再貶崇信軍節度副使涇州安置建炎初移柳州俄用范宗尹薦起知潭州敏辭免丐宮祠乃提舉洞霄宮紹興元年復觀文殿大學士為廣西湖南宣撫使卒于官

王安中字履道中山陽曲人進士及第調瀛州司理參軍大名縣主簿歷秘書省著作郎政和間天下爭言瑞應廷臣輒箋表賀徽宗觀所作稱為奇才他日

特出制詔三題使具草立就上卽草後批可中書舍人未幾自秘書少監除中書舍人權御史中丞開封遷卒夜跡盜盜脫去民有驚出與卒遇縛以爲盜民訟諸府不勝考掠之慘遂証服安中廉知之按得冤狀卽出民抵吏罪有徐禪者以增廣鼓鑄之說媚于蔡京京奏遣禪措置東南九路銅事且令搜訪寶貨禪圖繪阮冷增舊幾十倍且請開洪州嚴陽山阮迥有司承歲額數十兩其所烹煉實得銖兩而已禪術窮乃妄請得希世珍異與古之寶器乞歸書藝局京主其言安中獨論禪欺上擾下宜令九路監司覆之禪竟得罪時上方鄉神仙之事蔡京引方士王仔昔以妖術見朝臣戚里寅緣關通安中疏請自今招延山林道術之事當責所屬保任宜召出入必令察視其所經由仍申嚴臣庶往還之禁并言京欺君僭上蠹國害民數事上悚然納之已而再疏京罪上曰本欲卽行卿章以近天寧節俟過此當爲卿罷京京伺知之大懼其子攸日夕侍禁中泣拜懇祈上爲遷安中翰林學士又遷承旨宣和元年拜尚書右丞三年爲左丞金人來歸燕謀帥臣安中請行王黼贊於上授慶遠軍節度使河北河南燕山府路宣撫使知燕山府遼降將郭藥師同知府事藥師跋扈府事皆專行安中不能制第曲意奉之故藥師愈驕俄加檢校少保改少師時山後諸州俱陷唯平州爲張覺所據金人入燕以覺爲臨海軍節度使其後叛金金人攻之覺敗奔燕金人來索急安中不得已縊殺之函其首送金郭藥師宣言曰金人欲覺卽與若求藥師亦將與之乎安中懼奏其言因力求罷藥師自是解體金人終以是啓覺安中以上清寶錄宮使兼侍讀召還除檢校太保建雄軍節度使大名府尹兼北京留守司公事靖康初言者論其締合王黼童貫及不幾察郭藥師叛命罷爲觀文殿大學士提舉嵩山崇福宮又責授朝議大夫祕書少監分司南京隨州居住又貶單州團練副使象州安置高宗卽位內徙道州尋放自便紹興初復左中大夫子辟章知泉州迎安中往未幾卒年五十九安中爲文豐潤敏拔尤工四六之製徽宗嘗宴睿謨殿命安中賦詩百韻以紀其事詩成賞數不已令大書于殿屏凡侍臣皆以副本賜之其見重如此有初寮集七十六卷傳于世

王襄初名寧鄧州南陽人擢進士第崇寧二年以軍器監主簿言事稱旨擢庫部員外郎改光祿少卿出察訪陝西還顯謨閣待制權知開封府府事浩穰訟者株蔓千餘人縲繫滿獄襄晝夜決遣四旬俱盡又聞月獄再空遷龍圖閣直學士吏部侍郎出知杭州未至改海州又改應天府徙鄆州召爲禮部尚書移兵部出知潁州改承興軍蒲城妖賊王寧適同姓名請更名寧爲左司諫石公弼所劾徙汝州俄奪學士提舉南京鴻慶宮大觀三年以集賢殿修撰知潭州改兵部侍郎使高麗還對稱旨詔賜名襄歷工部吏部尚書拜同知樞密院事坐薦引近侍以延康殿學士罷知亳州又坐交通郭天信落職提舉嵩山崇福宮久之起知鄆州復學士秩尋加資政殿學士徙知淮寧府以言事忤王黼復提舉崇福宮宣和六年起爲河南尹金人再入出爲西道都總管張果剛之高宗開大元帥府襄以所部兵會于虞城縣卽位命襄知河南府襄初與趙野分總西北道諸軍金人圍京師徵兵入援二人故迂道宿留至是降寧遠軍節度副使永州安置卒

趙野開封人登政和二年進士第歷監察御史殿中侍御史試起居舍人兼太子舍人俄遷中書舍人給事中大司成拜刑部尚書翰林學士時蔡京王黼更秉政植黨相擠一進一退莫有能兩全者野處之皆得其心京黼亦待之不疑宣和七年拜尚書右丞升左丞靖康初爲門下侍郎徽宗東幸詔野爲行宮奉迎使以左司諫陳輔言罷野行出爲北道都總管顏岐副之已而落職提舉嵩山崇福宮元帥府建命與范訥爲宣府司守東京尋帥師屯宛亭以待王師王襄既責野亦降安遠軍節度副使鄆州安置建炎元年復起知密州時盜賊充斥山東軍駕如淮南命令阻絕野棄城去軍校杜彥等乘間作亂追野以歸彥坐堂上數之曰汝知州而攜家先遁此州之人誰其爲主野不能應遂見殺家屬悉爲賊所分唯子學老得免

曹輔字載德南劍州人第進士政和二年以通仕郎中問學兼茂科歷祕書省正字自政和後帝多微行乘小轎子數內臣導從置行幸局局中以帝出日謂之有排當次日未還則傳旨稱宸廄不坐朝始民間猶未知及蔡京謝表有輕

車小輦，七賜臨幸，自是邸報聞四方。而臣僚阿順莫敢言，輔上疏略曰：陛下厭居法宮，時乘小輦出入塵陌之中，郊坰之外，極游樂而後反，道塗之言始猶有忌，今乃談以為帝某日由某路適某所，某時而歸，又云輿飾可辨而辟，臣不意陛下當宗廟社稷付託之重，玩安忽危，一至於此。夫君之與民，本以人合，合則為腹心，離則為楚越。畔服之際，在於斯須，甚可畏也。昔者仁祖視民如子，憫然惟恐或傷，一旦宮園不禁，衛士輒踰禁城，幾觸寶瑟，荷天之休，帝躬保佑，俚語有之，盜憎主人，主人何負於盜哉？況今革冗員，斥濫奉，去浮屠，誅胥吏，蚩愚之民，豈能一一引咎安分萬一當乘輿不戒之初，一夫不逞，包藏禍心，發蠱蠱之毒，奮獸窮之計，雖神靈垂護，然亦損威傷重矣。又況有臣子不忍言者，可不戒哉？臣願陛下身居高拱，淵默雷聲，臨之以宮長至高之勢，行之以日月有常之度，及其出也，太史擇日，有司除道，三衛百官，以前以後，若曰省煩約費，以便公私，則臨時降旨，存所不可闕，損所未嘗用，雖非祖宗舊制，比諸微服跡，下同臣庶，堂陞陵夷，民生姦望，不猶愈乎？上得疏，出示宰臣，令赴都堂審問。太宰余深曰：輔小官，何敢論大事，輔對曰：大官不言，故小官言之，官有大小，愛君之心則一也。少宰王輔陽顯左丞張邦昌右丞李邦彥曰：有是事乎？皆應以不知輔曰：茲事雖里巷細民無不知，相公當國，獨不知邪？曾此不知焉，用彼相，輔怒其侵己，令吏從輔受辭，輔操筆曰：區區之心，一無所求，愛君而已，退待罪於家，輔奏不重責輔，無以息浮言，遂編管郴州。輔將言，知必獲罪，召子紳來付以家事，迺閉戶草疏，夕有惡鳥鳴屋，極聲若紡輪，心知其不祥，弗恤也。處都六年，輔當國不得移，輔亦怡然不介意。靖康元年，召為監察御史，殿中侍御史除左諫議大夫，御史中丞不旬日，拜延康殿學士，簽書樞密院事，未幾，免簽書，金人圍汴，都要親王大臣出盟，輔與尚書左丞馮澥，出使粘罕軍，康王開元帥府于相州，金人請欽宗，詔召之，乃遣輔往，迺至曹州，不見而復，遂從二帝留金軍中，張邦昌請歸輔，輔歸，乞奉祠，邦昌不從，康王次南京，邦昌遣輔來見，康王即位，輔仍舊職，未幾卒，詔厚恤其家。

耿南仲，開封府人，與余深同年登第，提舉兩浙常平，徙西路，改轉運判官，提點

廣南東路及夔州路刑獄，荆湖江西兩路轉運副使，入為戶部員外郎，辟雍司業，坐事罷知衢州，政和二年，以禮部員外郎為太子右庶子，改定王嘉王侍讀，俄試太子詹事，徽猷閣直學士，改寶文閣直學士，在東宮十年，欽宗辭內禪，得疾，出臥福寧殿，宰相百官班候，日暮不敢退，李邦彥曰：皇太子素親耿南仲，可召之入，南仲與吳敏至殿中侍疾，明日，帝即位，拜資政殿大學士，簽書樞密院事，未幾，免簽書，帝以南仲東宮舊臣，禮重之，賜宅一區，升尚書左丞，門下侍郎，金人再舉鄉京師，請割三鎮以和，議者多主戰守，唯南仲與吳玘堅欲割地，康王使軍前，請南仲偕帝以其老，命其子中書舍人廷禧代行，金人次洛陽，不復言三鎮，直請畫河為界，於是議遣大臣往，南仲以老辭，玘昌以親辭，上大怒，令南仲出河東，昌出河北，議割地，初，南仲自謂事帝東宮，首當柄用，而吳敏李綱越次進，位居己上，不能平，因每事異議，擯斥不附己者，綱等謂不可和，而南仲力沮之，為主和議，故戰守之備皆罷，康王在相州，南仲偕金使王訥往，衛州鄉兵殺殺訥，訥脫去，南仲獨趣衛衛人不納，走相州，以上言，喻康王起河北兵入衛京師，因連署募兵榜揭之人，情始安。二帝北行，南仲與文武官吏勸進，高宗既即位，薄南仲為人，因其請老，罷為觀文殿大學士，提舉杭州洞霄宮，延禧以龍圖閣直學士知宣州，已而言者論其主和誤國罪，詔鑄學士秩，延禧亦落職，與祠，尋責南仲臨江軍居住，御史中丞張澂又言，南仲趣李綱往救河東，以致師潰，蓋不恤國事，用此報讎，帝曰：南仲誤淵聖，天下共知，朕嘗欲手劍擊之，命降授別駕，安置南雄，行至吉州卒，建炎四年，復觀文殿大學士。

王萬，字元忠，江州人，父易簡，資政殿大學士，兼侍講，寓歷校書郎，著作佐郎，度支員外郎，兼充編修官，國子司業，為起居舍人，改中書舍人，兼蕃衍宅直講，欽宗立，以給事中命兼選英殿經筵侍講，轉吏部侍郎，升禮部尚書，翰林學士，康王之使金也，以萬為尚書左丞副之，萬憚行，假夢兆，丐免，易簡亦上書以請，上震怒，追毀左丞命，降單州團練副使，新州安置，拜易簡宮祠，黜之，建炎四年，賊馬進破江州，易簡等三百人俱被害。

論曰：三代之後，有天下而長久者，漢唐宋爾，漢唐末世，朋黨相殲，小人在位，然

猶有君子扶持遷延，浸微浸滅，未有純用小人。至於主辱國播，如宋中葉之烈也。蔡京以紹述爲羅，張端官修士而盡之，上箝下錮，其術巧矣。徽宗亦頗悟，間用鄭居中、王黼、李邦彥輩，褫京柄權，以不肖易不肖，猶去野葛而代烏喙也。庸愈哉！當是時，王蔡二黨陷京者，芑京、締黼者，右黼、援麗省臺、送相指、噉徽功、挑患、汴洛既震，則恒縮無策，苟生苟和，彼邦彥安中深敏輩，誤國之罪，當正其僇。而欽高二君，徒從竄典，信失刑矣。恪既預推戴，署狀乃死，無足贖者。輔以小臣，廟上面譙大臣，坐斥不變，獨終始無朋與，其賢矣乎。

宋史卷三百五十二

元中書右丞相總裁脫脫等修

列傳第一百十二

何臬 孫傳 陳過庭 張叔夜

弄昌 張閣 張近 鄭僅

宇文昌齡子常 許幾 程之邵 龔原

崔公度 蒲卣

何臬字文績仙并人政和五年進士第一擢秘書省校書郎踰年提舉京畿學士召爲主客員外郎起居舍人遷中書舍人兼侍講徽宗數從咨訪欲付以言責或論臬與蘇軾鄉黨宗其曲學出知遂寧府已而留爲御史中丞論王黼姦邪專橫十五罪黼既抗章請去而尤豫未決臬繼上七章黼及其黨胡松年胡益等皆罷臬亦以徽猷閣待制知秦州欽宗立復以中丞召閱月爲翰林學士進尚書右丞中書侍郎會王雲使金帥幹菴不軍還言金人怒割三鎮緩却禮幣弗納曰兼旬使不至則再舉兵於是百官議從其請臬曰三鎮國之根本奈何一旦棄之況金人變詐罔測安能保必信割亦來不割亦來宰相主割議罔論辦不已曰河北之民皆吾赤子棄地則并其民棄之豈爲父母意哉帝頗悟臬請建四道總管使統兵入援以胡直孺王襄趙野張叔夜領之兵既響應而唐恪耿南仲弄昌信和議相與謀曰方繼好息民而調發不已使金人聞之奈何亟撤止之臬解政事俄以資政殿大學士領開封尹金兵長驅傳城下帝罷恪相而拜臬爲尚書右僕射兼中書侍郎始復三省舊制時康王在河北僭使不通臬建議請以爲元帥密草詔彙上之乃以康王充天下兵馬大元帥陳遼充兵馬元帥宗澤汪伯彥充副元帥京城失守從幸金帥營遂留不返既而議立異姓金人曰唯何臬李若水毋得預議既陷逆廷臬仰天大慟不食而死年三十九建炎初詔以爲觀文殿大學士提舉玉局觀使祿其家計聞贈開府儀同三司議者指其誤國不行秦檜自北還具道其死時狀乃改贈大學士官其家七人

孫傳字伯野海州人登進士第中詞學兼茂科爲秘書省正字校書郎監察御

史禮部員外郎時蔡倫爲尚書傳爲言天下事勸其亟有所建不然必敗倫不

能用還秘書少監至中書舍人宣和末高麗入貢使者所過調夫治舟騷然煩

費傳言索民力以妨農功而於中國無絲毫之益宰相謂其所論同蘇軾奏貶

蘄州安置給事中許翰以爲傳論議雖偶與軾合意亦亡他以職論事而責之

過矣翰亦罷去靖康元年召爲給事中進兵部尚書上章乞復祖宗法度欽宗

問之傳曰祖宗法惠民熙豐法惠國崇觀法惠姦時謂名官十一月拜尚書右

丞俄改同知樞密院金人圍都城傳日夜親當矢石讀丘濬感事詩有郭京楊

適劉無忌之語於是人中訪得無忌龍衛兵中得京好事者言京能施六甲法

可以生擒二將而掃蕩無餘其法用七千七百七十七人朝廷深信不疑命以

官賜金帛數萬使自募兵無問技藝能否但擇其年命合六甲者所得皆市井

游惰旬日而足有武臣欲爲偏裨京不許曰君雖材勇然明年正月當死恐爲

吾累其誕妄類此敵攻益急京談笑自如云擇日出兵三百可致太平直襲擊

至陰山乃止傳與何臬尤尊信傾心待之或上書見傳曰自古未聞以此成功

者政或聽之姑少信以兵俟有尺寸功乃稍進任今委之太過懼必爲國家羞

傳怒曰京始爲時而生敵中瑣微無不知者幸君與傳言若告他人將坐沮師

之罪揖使出又有稱六丁力士天關大將北斗神兵者大率皆效京所爲識者

危之京曰非至危急吾師不出臬數趣之徙期再三乃啓宣化門出戒守陣者

悉下城無得竊覘京與張叔夜坐城樓上金兵分四翼謀而前京兵敗退墮於

護龍河填屍皆滿城門急閉京遽白叔夜曰須自下作法因下城引餘衆南遁

是日金人遂登城二年正月欽宗詣金帥營以傳輔太子留守仍兼少傅帝兼

旬不返傳屢貽書請之及廢立檄至傳大慟曰吾惟知吾君可帝中國爾苟立

異姓吾當死之金人來索太上帝后諸王妃主傳留太子不遣密謀匿之民間

別求狀類宦者二人殺之并斬十數死囚持首送之給金人曰宦者欲竊太子

出都人爭鬪殺之誤傷太子因帥兵討定斬其爲亂者以獻苟不已則以死繼

之越五日無肯承其事者傳曰吾爲太子傳當同生死金人雖不吾索吾當與

之俱行求見二酋面責之庶或萬一可濟傳寫直皇城司其子來省叱之曰使汝勿來而竟來邪吾已分死國雖汝百輩來何益揮使速去子亦泣曰大人以身殉國兒尚何言遂以留守事付王時雍而從太子出至南薰門范瑠力止之金守門者曰所欲得太子留守何預傳曰我宋之大臣且太子傳也當死從是夕宿門下明日金人召之去明年二月死於朔廷紹興中贈開府儀同三司諡曰忠定

陳過庭字賓玉越州山陰人中進士第為館陶主簿澶州教授知中牟縣除國子博士何執中侯蒙器其才薦之擢祠部吏部右司員外郎使契丹過庭初名揚庭辭曰徽宗改賜今名時人或傳契丹主苦風瘴又箭損一目過庭歸證其妄且勸帝以邊備為念遷太常少卿起居舍人宣和二年進中書舍人纒七日遷禮部侍郎未盡一月又遷御史中丞兼侍讀睦寇竊發過庭言致寇者蔡京養寇者王黼竄二人則寇自平又朱勔父子本刑餘小人交結權近竊取名器罪惡盈積宜昭正典刑以謝天下由是大與權貴齟齬以不舉劾之罪罷知蘄州未半道責海州團練副使黃州安置三年得自便欽宗立以集英殿修撰起知潭州未行以兵部侍郎召在道除中丞初入見帝諭以國家多難每事當悉心盡言於是節度使范訥巧歸環衛過庭因言自崇寧以來建旄鉞者多不由勳績請除宗室及將帥立功者餘並如訥例又乞辨宣仁后誣謗姚古擁兵不援太原陳其可斬之罪七竄諸嶺表進禮部尚書擢右丞中書侍郎議遣大臣割兩河與金耿南仲以老壽昌以親辭過庭曰主憂臣辱願効死帝為揮涕歎息固遣南仲昌及城陷過庭亦以金人拘之軍中因留不得還建炎四年卒于燕山年六十贈開府儀同三司諡曰忠肅

張叔夜字潛仲侍中耆孫也少喜言兵以蔭為蘭州錄事參軍州本漢金城郡地最極邊恃河為固每歲河冰合必嚴兵以備士不釋甲者累月叔夜曰此非計也不求要地守之而使敵迫河則吾既殆矣有地曰大都者介五路間羌人入寇必先至彼點集然後議所向每一至則五路皆棘叔夜按其形勢畫攻取之策訖得之建為西安州自是蘭無羌患知襄城陳留縣將之奇薦之易禮賓

副使通事舍人知安肅軍言者謂太優還故官獻所為文知舒海秦三州大觀中為庫部員外郎開封少尹復獻文召試制誥賜進士出身遷右司員外郎使遼宴射首中的遼人數詫求觀所引弓以無故事拒不與還圖其山川城郭服器儀範為五篇上之從弟克公彈蔡京京遷怒叔夜摭司存微過貶監西安草場久之召為秘書少監擢中書舍人給事中時吏惰不虔凡命令之出於門下者預列銜使書名而徐填其事謂之空黃叔夜極陳革其弊進禮部侍郎又為京所忌以徽猷閣待制再知海州宋江起河朔轉略十郡官軍莫敢舉其鋒聲言將至叔夜使間者覘所向賊徑趨海瀕劫鉅舟十餘載鹵獲於是募死士得千人設伏近城而出輕兵距海誘之戰先匿壯卒海旁伺兵合舉火焚其舟賊聞之皆無鬪志伏兵乘之擒其副賊江乃降加直學士徙濟南府山東羣盜猝至叔夜度力不敵謂僚吏曰若束手以俟援兵民無嗾類當以計緩之使延三日吾事濟矣乃取舊赦賊文俾郵卒傳至郡盜聞果小懈叔夜會飲譙門示以閒暇遣吏諭以恩旨盜狐疑相持至暮未決叔夜發卒五十人乘其情擊之盜奔潰追斬數千級以功進龍圖閣直學士知青州靖康改元金人南下叔夜再上章乞假騎兵與諸將并力斷其歸路不報從鄧州四道置帥叔夜領南道都總管金兵再至欽宗手札趣入衛即自將中軍子伯奮將前軍仲熊將後軍合三萬人翌日上道至尉氏與金游兵遇轉戰而前十一月晦至都帝御南薰門見之軍容甚整入對言賊鋒方銳願如唐明皇之避祿山暫詣襄陽以圖幸雍帝領之加延康殿學士閏月登城叔夜陳兵玉津園鎧甲光明拜舞城下帝益喜進資政殿學士令以兵入城俄簽書樞密院連四日與金人大戰斬其金環貴將二人帝遣使齎蠟書以褒寵叔夜之事檄告諸道然迄無赴者城陷叔夜被創猶父子力戰車駕再出郊叔夜因起居叩馬而諫帝曰朕為生靈之故不得不親往叔夜號慟再拜眾皆哭帝回首字之曰潛仲努力金人議立異姓叔夜謂孫傳曰今日之事有死而已移書二帥請立太子以從民望二帥怒追赴軍中至則抗請如初遂從以北道中不食粟唯時飲湯既次白溝馭者曰進界河矣叔夜乃矍然起仰天大呼遂不復語明日卒年六十三計開贈開府儀

同三司 謚忠文

彞昌字幸遠撫州臨川人始繇太學上舍釋褐爲相州教授用蔡攸薦召除秘書郎權右司員外郎時三省大吏皆官視卿監者立都司上昌以名分未正極論之詔自今至朝請大夫止以直龍圖閣爲湖南轉運使還爲太府卿戶部侍郎改開封尹復爲戶部昌本厚王黼既而從蔡京爲黼所中罷知德安府又以鄉人訟請崇信軍節度副使安置衡州欽宗立吳敏用事以昌猛厲徑行爲可助已自散地授顯謨閣直學士知開德府道拜兵部侍郎進戶部尚書領開封府昌遇事奮然不顧敢誅殺敏度不爲用始憚之引唐恪徐處仁等共政獨遺昌李綱之罷太學生陳東及士庶十餘萬人搥鼓伏闕下經日不退遇內侍輒殺之府尹王時雍麾之不去帝顧昌俾出諭旨即相率聽命王時雍欲寬東等獄昌力言不可乃止昌再尹京惡少年怙亂晝爲盜入官民家擄金帛且去輒自縛黨中三兩輩聲言擒盜持伏部走委巷乃釋縛分所掠而去人不奠居昌悉彈治正法而縱博弈不之問或謂令所禁昌曰姑從所嗜以懈其謀是正所以禁其爲非爾昌舊名山至是帝謂其有周昌抗節之義乃命之曰昌京師復戒嚴拜同知樞密院入謝即陳扞敵之策曰三關四鎮國家藩籬也聞欲以界敵一朝淪盟何以制之願勿輕與而檄天下兵集都畿堅城守以遏其衝簡禁旅以備出壘壅河流以斷歸路前有堅城後有大河勁兵四面而至彼或南下墮吾網中矣臣願激合勇義之士設伏開關出不意掃其營以報帝壯之命提舉守禦得以便宣行事會金人再議和割兩河須大臣報聘詔耿南仲及昌往昌言兩河之人忠義勇勁萬一不從必爲所執死不瞑目矣儻和議不遂臣當分遣官屬促動王之師入衛許之行次永安與金將粘罕遇其從者稱閤門舍人止昌徹繳令用膀子贊名引見昌不可爭辯移時卒以客禮見昌往河東至絳絳人閉壁拒之昌持詔抵城下縋而登州鈴轄趙子清麾衆害昌扶其目而

嚮之年四十九建炎四年始贈觀文殿大學士謚曰忠愍父用之年九十以憂死昌爲人疎傳喜周人之急然恩怨太明睡毗必報王黼之死昌實遣客刺之塞屍道旁遂附耿南仲取顯位左右其說以誤國卒至禍變而身亦不免焉

論曰何處孫傳彞昌皆疎俊之士而器質虛薄使當重任於艱難之秋宋事蓋可知矣欽宗之再詰金營與實謀之一死不足償也傳匿太子之謀甚疎昌河東之行尤謬效死弗當徒傷勇爾過庭因方臘之亂乞誅蔡京王黼朱勔以謝天下庶幾有敢諫之風焉

張閣字臺卿河陽人第進士崇寧初由衛尉主簿遷祠部員外郎資閣淺爲掌制者所議蔡京主之乃止俄徙吏部遷宗正少卿起居舍人屬疾不能朝改顯謨閣待制提舉崇福宮疾愈拜給事中殿中監爲翰林學士河北諸帥以繕城訖役降獎詔有中貴人爲之地將繼此策賞閣言此牧伯常職若獎之恐開邀功生事之路徽宗曰卿言是也格不下嘗夜感寒草制藥進帝猶坐賞其警敏賜詩以爲寵京免相閣當制歷數其過詞語適拔人士多傳誦之京復相以龍圖閣學士知杭州浙部和買絹杭獨居十三戶有至數百匹者閣請均之他郡杭久闕守閣經理有敘去惡少年之爲人害者州以理聞召拜兵部尚書兼侍讀復爲學士上日特賜勅詔且有意大用未幾卒年四十六閣初出守杭思所以固寵辭曰乞自領花石綱事應奉由是滋熾云

張近字幾仲開封人第進士累遷大理正發運使呂溫卿以不法聞近受詔鞫治哲宗諭之曰此出朕命卿毋畏專卿對曰法之所在雖陛下不能使臣輕重何患卿也溫卿護不肯置對近言溫卿所坐明白儻聽其蔓詞懼爲株連者累詔以衆證定其罪提舉河北東路常平西路刑獄入爲刑部員外郎大理少卿以集賢殿修撰知瀛州遠使爲夏人請命而宿兵以臨我近請亦出秦甲戍北道伐其謀邊人瓦橋爲盜吏執之遠人因略宋民爲質近言朝廷方

繼好息民當使曲在彼一偷之得失不足爲輕重釋之使滄民漁於海遠卒利其饒而私舉網取魚守兵與之鬪斬級三十二州將請賞之或言所殺乃平人宜論如律議弗決近言邊人貪利喜功遂賞之則爲國起怨然彼挾兵涉吾地謂之非盜可乎如罪以擅與他日將誰使禦敵願兩置賞刑略而不問從之出鎮高陽八年累加顯謨閣待制直學士徙知太原府以疾提舉洞霄宮先承詔買馬三千給牧戶近悉數諸民而不予直爲御史所劾失學士二年而復之卒

宋 史 卷二百五十二 列傳

宋 史 卷二百五十二 列傳

年六十五。

鄭僅字彥能徐州彭城人第進士為大名府司戶參軍留守文彥博以為材部使者檄往他郡彥博曰如鄭參軍詎可令數出奏改司法選冠氏令河決府西檄夜下調夫急僅方閱保甲盡籍即行先他邑至決遂塞使者怒劾之留守王拱辰爭於朝曰微冠氏城民魚矣猶坐罰金時河朔饑盜起獨冠氏無之且不入境他邑獲盜詰治之盜因言鄭冠氏仁故相戒不犯爾知福昌縣復值歲饑悉意振貸民不流亡當第賞不肯自列提舉京東常平入為戶部員外郎至太府卿加直龍圖閣為陝西都轉運使論魏餉河遑功進集賢殿修撰顯謨閣待制僅請籍開田為官莊是歲鎮戎德順收穀十餘萬會西寧高永年戰沒熙河帥臣歸谷官莊奪屬荒地致其怨畔詔罷之議者以為惜改知寧州諸軍多殺老弱持首要賞僅下令非疆壯而能生致者賞半之有內附羌追寇得老人不忍殺擒之乃其父也相持哭一軍感動時諸路爭進討秦捷僅獨保境不生事寇一不犯徙秦州復為都轉運使召拜戶部侍郎改吏部侍郎知秦州以顯謨閣直學士通議大夫卒年六十七贈光祿大夫諡曰修敏子望之自有傳

宇文昌齡字伯修成都雙流人進士甲科調榮州推官熊本經制梓夔辟幹當公事凡攻討招襲建南平諸城皆出其畫遷大理丞本歸闕言其功權提舉秦鳳路常平改兩浙神宗患司農圖籍不肅選官釐整昌齡以使夔路入辭留為寺主簿遂拜監察御史鄧延帥奏所部劉紹能與西羌通將為患帝察其不然命昌齡即鄜州鞠之果妄也昌齡因請深戒守臣毋生事微賞以靖邊人之心使還賜五品服尚書省建以為比部員外郎時官曹更新統紀未立昌齡悉心從事雖抵暮亦程更不止其所立綱要請於朝而行之三司故吏狂玩弛多不便思有以中之擢遷卒糾其宿直遣小吏取衾服事大臣欲論以私役帝以職事修飭釋不問改吏部員外郎出京西轉運副使召為左司員外郎送還使至雒州當宴從者不待揖而坐昌齡請其使曰兩朝聘好百年矣入境宴宴非但今日揖而後坐此禮渠可闕邪使者陽若不服而心悟其非卒成禮去還太常少卿詔議郊祀合祭論者不一昌齡曰天地之數以高卑則異位以禮制則

異宜以樂舞則異數至於衣服之章器用之具日至之時皆有辨而不亂夫祀者自有以感於無自實以通於虛必以類應類以氣合氣然後可以得而親可以冀其格今祭地於圜丘以氣則非所合以類則非所應而求高厚之來享不亦難乎後竟用其議改直祕閣知梓州歷壽州河中府鄧州青三州徽宗立召為刑部侍郎徙戶部侍郎陝西魏芻糧於邊舊制令內郡轉給為民病昌齡建言止輸其州而令量取道里費助邊糴從之歲省糴價五百萬公私便之以寶文閣待制知開封府後為戶部侍郎知青杭越三州卒年六十五詔為封傳護送歸官給其葬費子常

常字權可政和末知黎州有上書乞於大渡河外置城邑以便互市者詔以訪常常言自孟氏入朝藝租取蜀輿地圖觀之畫大渡為境歷百五十年無西南夷患今若於河外建城立邑虜情揣貳邊際寢開非中國之福也尋提舉成都路茶馬自熙豐以來歲入馬蕃多至崇觀間其法始壞提舉官歲以所入進羨餘吏緣為姦市馬裁十一二且負其直夷人皆怨常盡革其弊馬遂溢額加直祕閣改知夔州進祕閣修撰官累中大夫卒

許幾字先之信州貴溪人少以諸生謁韓琦於魏琦勉入太學擢第調高安樂平主簿知南陵縣還民之託僧尼為姦者數百人提舉京西常平為開封府推官進至將作監吏與匠比為姦欺凡斲削塗墍丹牖之工當以次用而始役即獎給其廩費亡藝而患不均幾逆為之程費省工倍再遷太僕卿戶部侍郎以顯謨閣待制知鄆州梁山濼多盜皆漁者窟穴也幾籍十人為保使晨出夕歸否則以告輒窮治無脫者幾有吏幹善理財由是四入戶部至尚書嘗以搖泉布法罷又以治梁院事失實知婺州進樞密直學士河北都轉運使徙知成德軍知太原府張商英裁損吏祿幾預其議貶永州團練副使安置袁州遇恩復中大夫卒

程之邵字懿叔眉州眉山人曾祖仁霸治獄有陰德之邵以父蔭為新繁主簿熙寧更募役法常平使者欲槩州縣民力以羨乏相補之邵曰此法乃成周均力遺意當各以一邑之力供一邑之役豈宜以此邑助他邑哉使者愧服辟之

邵爲屬聽其所爲，熊本察訪蜀道歸，語諸朝曰：「役法初行，成都路爲最詳之邵力也。」詔召見，成都守趙抃奏留之，入爲三司磨勘官，得隱匿數十萬緡，從副使蹇周輔計度江嶺鹽，還除廣東轉運判官，元祐初提舉利梓路常平，周輔得罪，亦罷知祥符縣，俄知泗州，爲慶路轉運判官，慶守覆狼不奉法，劾正其罪，大寧井鹽爲利博，前議者輒儲其半供公上，餘鬻於民，使先輸錢，鹽不足給民，以病告之，邵盡發所儲與之，商賈既通，關征增數倍，除主管秦蜀茶馬公事，革黎州買馬之弊，歲以仲秋爲市，市四月止，以羨茶入熙秦易戰騎，得良馬益多，知鳳翔府，民負債無以償，自焚其居，而給以遺火，有主藏吏殺四婢，人無知者，之邵發摘岐人傳誦，徙鄭州，元符中復主管茶馬，市馬至萬匹，得茶課四百萬緡，重實用師熙岷，不俟報運茶往博羅，發錢二十萬億佐用度，連加直龍圖閣，集賢殿修撰，三進秩爲熙河都轉運使，秦鳳出師，命之經制，卽言已備十萬騎，可食三百日矣，徽宗喜，擢顯謨閣待制，敵犯熙河，之邵攝師事，屯兵行邊境，解去，俄得疾卒，方錄功轉大中大夫，不及拜，贈龍圖閣直學士，官護喪歸子唐，至寶文閣學士。

龔原字深之，處州遂昌人，少與陸佃同師，王安石進士高第，元豐中爲國子直講，以虞蕃訟失官，哲宗卽位，詣訴理所得直，爲國子丞，太常博士，方議祀北郊，原曰：「合祭，非理也。」天子父天母地，既不爲廢祠，其可爲暑而輟行，此漢儒陋說爾，願亟正之，加祕閣校理，充徐王府記室，出爲兩浙轉運判官，紹聖初召拜國子司業，入對，帝問曰：「卿歷徐郵官，何爲補外，得非大臣私意乎？」對曰：「臣出使鄉部，獲知民間事宜，臣素知如是不知其因也，旋兼侍講，遂秘書少監，起居舍人，權工部侍郎，爲曾布所重，安惇論其直，講時事，以集賢殿修撰知潤州，徽宗初入爲祕書監，進給事中，時除郎官五人，皆執政姻戚，遂舉駁之，又論郝隨得罪，不得居京師，鄧洵武不宜再入史院，朝論謂帝爲哲宗服，當循開寶故事，爲齊衰期，原曰：「三年之喪，自天子達于庶人，一也，主議者斥其妄，黜知南康軍，改壽州，俄用三年之制，乃復修撰，知揚州，還朝，歷兵工部二侍郎，除寶文閣待制，知廬州，陳璘擊秦京，原與璘善，或謂原實使之奪職，居和州，起爲亳州，命下

而卒年六十七，初王安石改學校法，引原自助，原亦爲盡力，其後司馬光召與語，譏切王氏，原反覆辨，揀不少衰，光嘆曰：「王氏習氣尙爾邪？」爲司業時，請以安石所撰字說洪範傳，及子雱論語孟子義，刊板傳學者，故一時學校舉子之文靡然從之，其敝自原始。

崔公度字伯易，高郵人，口吃不能劇談，而內絕敏，書一閱卽不忘，劉沆薦茂才，異等，辭疾不應，命用父任補三班差使，非其好也，益閉戶讀書，歐陽修得其所作感山賦，以示韓琦，琦上之英宗，卽付史館授和州防禦推官，爲國子直講，以母老辭，王安石當國，獻熙寧稽古一法，百利論，安石解衣握手延與語，召對廷和殿，進光祿丞，知陽武縣，京官謁尹，故事當拜庭下，公度疑尹辱己，徑詣安石，訴之，安石使鄧綰薦爲御史，未幾爲崇文校書，刪定三司令式，於是誦言京官庭謁尹非宜，安石爲下編敕所更其制，加集賢校理，知太常禮院，公度起布衣，無所持守，惟知媚附安石，晝夜造請，雖踞廁見之不屑也，嘗從後執其帶尾，安石反顧，公度笑曰：「相公帶有垢，敬以袍拭去之。」爾見者皆笑，亦恬不爲恥，請知海州，元祐紹聖之間，歷兵禮部郎中，國子司業，除祕書少監，起居郎，皆辭不受，知穎潤宣通四州，以直龍圖閣卒。

蒲卣字君錫，蘭州人，母任知書，里中號任五經，卣幼以開敏聞，中進士第，歷利州司戶參軍，三泉主簿，知合江金水縣，通判文州，有獻議者欲開文州徑路達陝西，卣言：「洮岷積石至文爲甚遠，自文出江油，鄧艾取蜀故道也，異時鬼章欲從此窺蜀，爲其阻隘而止，夏人志此久矣，可爲之通道乎？」議遂塞，爲睦親宅教授，提舉湖北西常平，崇寧均田，轉運使以用不足，將度費以定稅，卣曰：「詔旨所以嘉惠元元，爾初不在增賦也，宛穰地廣沃，國初募民墾田，得爲世業，令人毋輒訴，蓋百年矣，好訟者稍以易佃法搖之，卣一切禁止，有持獻於權貴而降中旨給賜者，卣言：「地盈千頃，戶且數百，傳子至孫久，一旦改隸，衆將不安，先朝明詔具在，不可易也。」朝廷是其議，提點湖南刑獄，知鼎遠龍寧四州，復提舉潼州路刑獄，有議權酷於瀘敘間，云歲可得錢二十萬，卣言：「先朝念此地夷漢雜居，故弛其權禁，以惠安邊人，今之所行，未見其利，乃止累官中大夫，卒年七十。」

二

論曰傳曰尺有所不逮寸有所不羣觀二張之理郡鄭僅之守藩宇文父子之便邊糶草馬政許幾程之邵之經制財運蒲酋之議稅權皆有可稱道若閣之固寵於花石而襲原崔公度主王氏學以詔事安石則縉紳所不齒也

宋史卷三百五十三

元中書右丞相總裁脫脫等修

列傳第一百十三

沈銖

謝文瓊

陸蘊

黃寔

姚祐

樓昇

沈積中

李伯宗

汪澥

何常

葉祖洽

時彥

霍端友

俞棗

蔡蕤

沈銖字子平真州揚子人父季長王安石妹婿也銖少從安石學進士高第至

國子直講季長領監事改審官主簿坐虞蕃事免歸元祐置訴理所被罪者爭

自列銖獨不言紹聖初起為太學博士祕書省正字崇政殿說書受旨同編類

元祐臣僚章疏以進講為解拜右司諫辭改起居郎權中書舍人吳居厚除戶

部尚書銖論其使京東時聚斂詔具實狀不能對罰金講詩南山有臺至萬壽

無期以為此太平之基立而可久之應哲宗屢首肯之真拜中書舍人兼侍講

俄引疾以龍圖閣待制知宣州卒第錫

錫字子昭以王安禮任為鄂公司戶參軍崇寧初為講議司檢討蔡京方銓次

元符上書人欲定罪錫曰遠方之士未能知朝廷好惡若槩罪之恐非敦世厲

俗之道京不從除衛尉丞遷祠部員外郎提點江東刑獄知婺州入為左司員

外郎兼定嘉二王侍講進太常少卿拜兵部侍郎以徽猷閣待制知應天府徙

江寧張懷素誅朝廷疑其黨有脫者江淮間往往以誣告與獄錫至郡有告者

按之則妄也具疏于朝由是他郡繫者皆得釋歷知海泰汝宣四州以通議大

夫致仕卒贈宣奉大夫

路昌衡字持正開封祥符人起進士至太常博士參鞫陳世儒獄逮治苛峻至

士大夫及命婦皆不免遷右司員外郎歷江淮發運陝西轉運副使知廣州徙

荆南又徙潭州加直龍圖閣知慶州紹聖中召為衛尉大理卿遷工部侍郎俄

以贊文閣待制知開封府李清臣有狂婦人之訴昌衡致之重辟出知瀘州徙

永興軍進直學士知成都徽宗立應詔上書曰頻年以來西方用兵致與大役

利源害政倭臣蔽主四者皆陰之過感自陝以西民力傷殘人不聊生災異之

變生於天地之不和起於人心之怨望故妖星出見大河橫決秋雨霖淫諸路

饑饉殍死道路妻子棄捐破析賞儲以應星火之令勤勞憔悴多不生還人心

如此而欲其無怨難矣俄坐清臣獄事責司農少卿分司居鄆州明年起為除

州定州復直學士知開封府乞嚴告捕虛妄之法以靖訴從南京留守又坐

前上書事落職入黨籍卒宣和五年贈龍圖閣學士

謝文瓊字聖藻陳州人進士甲科教授大名府元豐中上疏言臣下推行新法

多失本意而榜笞禁錮民受其虐措克聚斂不勝多門其不急之征非理之取

宜罷減之大臣以為訕朝廷議置之罪神宗曰彼謂奉法者非其人爾匪訕也

哲宗時御史中丞黃履薦為主簿三年不諳執政政府召對除祕書省正字考功

右司員外郎紹聖末都水使者議建廣武四掃石岸朝廷命先治岸數十步

以驗其可否黃流湍悍役人多死一方甚病功不可成而使者申前說愈力文

瓊條別利害罷其役徽宗立擢起居舍人給事中詔修神宗寶訓文瓊請擇當

時大政事大黜陟節其要旨而為之說以進然所論率是王安石謂神宗能察

衆多之謗任之而不貳於是朋黨消而威柄立他皆放此遂主洪基俎使往弔

之令從者變服而入貶秩二等崇寧元年出知濮州尋治黨事坐元豐上疏及

嘗詒呂公著書再調邵武軍移處州帝披黨籍曰朕究知文瓊本末命出籍迺

以為集英殿修撰知濟州卒于貶宣和中為駕部員外郎知汝州欽宗時上封

事十篇論事切至使于金還提點京西北路刑獄金人犯汝州脫自襄陽領兵

往援之戰死

陸蘊字敦信福州侯官人少知名登進士第為太學春秋博士經廢員省改國

朝會要所檢閱文字崇寧中提舉河北兩浙學事召對言元祐異意俗學既不

為我用近詔不使一路而猶得為守令臣愚未知其可遂拜禮部員外郎轉

吏部遷辟雍司業太常少卿議原廟不合黜知瑞金縣還為太常進國子祭酒

中書舍人請蓋諸州天慶觀立學事司考課法遷大司成權御史中丞引門下

侍郎余深親嫌自列徽宗曰相避之法防有司不能盡公爾侍從吾所信任豈

得下同庶僚乎不許蘊頗論事嘗言御筆一日數下而前後相違非所以重命
令輔相大臣宦官戚里賜第營築縱撤民居縣官市材於民而不予直貴游子
弟以從官領開局奉朝請為員猥多無益於事又賜子過制中外用度多於賦
入數幸私室乖尊卑之分亦非臣下之福其言皆中時病以龍圖閣待制知福
州改建州時弟藻由列曹侍郎出為泉州過蘊合樂燕數閩人以為盛事加顯
謨閣直學士引疾提舉鴻慶宮方二浙用兵旁郡皆繕治守備蘊聞命就道使
者勅為避事奪職稍復集英殿修撰卒

黃寔字師是陳州人登進士第歷司農主簿積官提舉京西淮東常平元豐末
議罷提舉官命未布寔勇章惇屬蔡確從寔提點開封縣鎮選提點梓州路兩
浙刑獄京東河北轉運副使哲宗以寔為監司久議召用曾布陰沮之林希曰
寔兩女皆嫁蘇軾子所為不正不宜用乃以知陝州為江淮發運副使實遠主
登位及境逐者移牒來稱為實登實位使寔報以受命無實字拒不受還除太
僕卿再擢實文閣待制知瀛州徙定州朝旨籍民兵旁郡因緣擾困寔懷微不
下而畫利害請之事得寢卒于官贈龍圖閣直學士寔孝友敦睦世稱其內行
蘇轍在陳與寔游因結昏其後又與軾友善紹聖黨禍起寔以章惇甥故獲免
然亦不得久於朝者焉

姚祐字伯受湖州長興人元豐末第進士徽宗初除慶州路轉運判官且行會
帝幸禁苑御弓矢祐奏聖武臨射賦帝大悅留為右正言歷陳紹述之說遷左
司諫建議置輔郡以拱大畿進殿中監六尚局官制咸凡所以享上率屬察舉
稽違殿最勸惰之法皆祐裁定以親老請郡授顯謨閣待制知江寧府時召捕
張懷素祐追獲之復為殿中監躡歲以直學士知鄭州改秦州或請調熙河弓
箭士從邊以省更戍祐謂人情懷土重遷巧以二年為更戍之期滿歲樂業而
願留者乃聽且請擇熙秦富民分丁授地獨役借糧以勸耕植益廣秦之東西
川建城壁嚴保障以控熙河涇原皆從之復為殿中監改吏部侍郎命鎮蜀用
母老辭遷工部尚書加龍圖閣學士為大名尹進延康殿學士復為工部尚書
徙禮部母喪除知太原府縣有小胥造冢逼其先墓者祐疑為厭已請解官持

服先是詔許祐悉買墓旁地遂併徙他家小胥不從故祐持以為說言者論其
挾仇要君乃止以提舉上清寶錄官卒贈特進諡曰文僊

樓異字試可明州奉化人進士高第調汾州司理參軍徙永興虞策幕府監在
京文繡院知大宗正丞遷度支員外郎以養親求知泗州復為吏部右司員外
郎左司郎中太府鴻臚卿除直秘閣知秀州政和末知隨州入辭請於明州置
高麗一司勅百舟應使者之須以遵元豐舊制州有廣德湖墾而為田收其租
可以給用徽宗納其說改知明州賜金紫出內帑緡錢六萬為造舟費治湖田
七百二十頃歲得穀三萬六千加直龍圖閣秘閣修撰至徽猷閣待制郡資湖
水灌漑為利其廣往者為民包侵并令盡泄之墾田自是苦旱鄉人怨之在郡
五年既請溫之船官自隸以便役又請越台之鹽以佐費詔責之曰郡自有鹽
策不能與而欲東取諸台西取諸越斯乃以鄰國為壑也睦寇起善理城戍有
績進徽猷閣直學士知平江府卒

沈積中常州人賜進士出身為辟雍正戶部員外郎至秘閣修撰河北轉運使
召拜戶部侍郎進尚書知河間真定府積中本王黼所引拔黼方圖燕地使規
邊隙中書舍人程振語之曰當思異時覆族之禍積中感其戒至鎮以書謝振
感言其不可振宣告于朝已而師敗於白溝童貫還罷積中提舉上清寶錄官
既得燕山又命以資政殿學士同知府未行而卒或曰為盜所殺或曰婢殺之
終亦不能明也實惡其真言追削官職建炎中宰相上其書乃悉復之

李伯宗字會之河陽人第進士知內丘咸陽太康縣建言朝廷行方田均稅之
法令以豐歲推行今州縣吏苟簡懷異者指熟為災而貪進幸賞者掩災為熟
望深察其違戾而寬諸罰括縣壯丁為兵得千入上其名數與按閱之法知樞
密院蔡下喜而薦之提舉京畿保甲使行其說增籍二萬已有訴者陳牒至
八百七十左遷通判相州提舉白波鞏運提點江淮坑冶鑄錢入為將作少監
開封民有醫神祠故帽飾以龍者吏以為乘輿服御伯宗曰此無他當坐不應
為爾尹不從具以請如伯宗議歷大理卿入對言今情重法輕者許奏請而情
輕法重者不得焉恐非仁聖忠恕之意徽宗納之遷刑部侍郎與王黼不相能

用胥吏微過，罷提舉崇福宮明年，知同州，徙陝西都轉運使，以通奉大夫顯謨閣待制卒。贈光祿大夫，諡曰榮。

汪灝，字仲容，宣州旌德人。少從胡瑗學易，又學於王安石，著三經義傳，灝與其議。又首傳其說，熙寧大學成，分錄學政，登進士第，調鼎州司理參軍，知黟縣，入爲太學正。累遷國子祭酒，兼定嘉二王珥善，擢中書舍人，爲大司成，議學制不合，以顯謨閣待制知婺州，改頴昌，又改陳壽二州，徙應天府，上章辭行，提舉崇福宮，卒。贈宣奉大夫，灝自布衣錄天子學，至爲正，爲司業祭酒，迄于司成，官以儒名者三十年，一時人士推之。

何常，字德固，京兆人。中進士第，爲開封府兵曹，紹聖初，或言蘇軾主文柄，取士之非毀宗廟者，常預其間，出通判原州，歷將作丞，陝西轉運判官，熙河轉運副使，議者欲貸民金帛而使人粟塞下，常曰：車牛轉輸，民力已病，然未至於死亡者，粟自官出而民無害也。今疆以金帛使自入粟，懼非貧弱之利。熙帥及監軍劾之，貶秩徙成都路，中使持御札，至令織戲龍羅二千，繡旗五百，常奏：旗者軍器之飾，敢不奉詔，戲龍羅唯供御服，日衣一匹，歲不過三百有奇，今乃數倍無益也。詔擬其言，爲減四之三，除直龍圖閣，加集賢殿修撰，爲使，徙陝西，以顯謨閣待制知秦州，轉通議大夫，謀告夏人多築堡柵，議出兵牽制，常言：羌人生長射獵，今困於版築，違所長，用所短，可以拱手待其弊，無煩有爲也。從之。鎮秦六歲，察訪方邵劾其越法貨酒，借米麩於官而毀其厝，獄具，責昭化軍節度副使，數月復其官，終右文殿修撰，年七十三。

論曰：西漢之末，士大夫阿諛銷慳，遂底于亡。東都諸賢，以風節相尚，激成黨禍。宋元祐類東都，崇宣類西漢末世，蓋忠鯁獲罪，則相習容悅而已。君驕臣諂，此邦之所絲喪也。觀沈鍊諸人，徒徇時軒輊，不能爲有上，惡足以言士哉。

葉祖洽，字敦禮，邵武人。熙寧初，策試進士，祖洽所對，專投合用事者，考官宋敏求、蘇軾欲黜之。呂惠卿擢爲第一，僉書奉國軍判官，判登聞檢院。由國子丞知湖州，留爲校書郎。元祐初，歷職方兵部員外郎，加集賢校理，進禮部郎中，給事中。趙君錫論其對策，訕及宗廟，祖洽自辨，事下從官定議。蘇軾劾放言，祖洽謂

祖宗紀綱法度，因循苟簡，願朝廷與大臣合謀而新之，可以爲議論乖謬。若謂之訕則不可，於是但出提點淮西刑獄，紹聖中，入爲左司郎中，起居郎，中書舍人，給事中。祖洽性復憤，喜諛附，密言王珪於冊立時有異論，哲宗曰：宣仁聖烈，婦人之堯舜也，其於社稷大計，聖意素定，朕已令作告命，明述此旨。祖洽復言：若以珪爲無迹，則黃履劉拯相繼論之矣。願稽合羣情，決之獨斷。珪遂追貶，又言：司馬呂公著獲終，隔下，恩禮隆縵，蔡確受遺定策，而貶死嶺外，乞恤其孤。其論率類此。林希薦祖洽，謂其最向正，帝言不可大用，乃已。坐舉王回出知濟州，徙洪州，以牟利贖貨聞，祖洽與會布厚，人目爲小訓狐。布用事，欲以吏部侍郎召韓忠彥，不可，白爲寶文閣待制，知青州，未赴，布竟引爲吏部布罷，乃出知定州，且行，大言於上，至云：當時蔡確稍失事幾，王珪果遂姦謀，則神宗遂失正統。不知今日神器孰歸，臣爲朝廷宗社，明確之功，正珪之罪，勸沮忠邪於千萬年，以此報神宗足矣。徽宗怒其躁妄，降集賢殿修撰，提舉沖佑觀，自是不復用。久之，知洪州，改亳州，加徽猷閣直學士，政和末卒。

時彥，字邦美，開封人。舉進士第，簽書頴昌判官，入爲祕書省正字，累至集賢校理，紹聖中，遷右司員外郎，使遼，失職坐廢，旋復校理，提點河東刑獄，遷序辰使，還，又坐前受賜增拜，隱不言，復停官。徽宗立，召爲吏部員外郎，擢起居舍人，改太常少卿，以直龍圖閣爲河東轉運使，加集賢殿修撰，知廣州，未行，拜吏部侍郎，徙戶部，爲開封尹，異時都城苦多盜，捕得則皆亡卒，吏憚於移問，往往略之，彥始請一以公憑爲驗，否則拘繫之，以俟報坊邑少安。獄屢空，數月，遷工部尚書，進吏部卒。

霍端友，字仁仲，常州武進人。徽宗即位，策進士第一，授宣義郎，不閱月，擢祕書省校書郎，遷著作佐郎，起居郎，中書舍人，服金紫，故事唯服黑角帶，帝顧見之，曰：給事舍人等爾，而服飾相絕如是，始命犀帶佩魚進給事中。大司成禮部侍郎，端友言：朝廷尊安，重內輕外，可令內外侍從更迭出入，以奉禁闈，殿大邦，俾天下之勢如持衡，庶無首重尾輕之患。疏入，即請補郡，迺以顯謨閣待制知平江，改陳州，爲政以寬聞，不立聲威，陳地汗下。久雨，則積潦，時疏新河八百里，而

去淮尚遠水不時洩端友請益開二百里徹于淮自是水患遂去內侍石肅傳詔索瑞香花數十本端友不可疏罷之復以禮部召轉吏部官至通議大夫卒贈宣奉大夫

俞卓字祗若江寧人崇寧四年以上舍生賜進士第簽書鎮南軍判官未赴為辟雍博士秘書省正字吏部員外郎起居舍人兼定嘉二王記室擢中書舍人居三月進給事中殿中侍御史毛注建議罷增石炭場卓駁其非除顯謨閣待制知蔡州明日復留踰年竟出為襄州還拜給事中上言學校三代之學也然崇寧四年以前議者以為是五年則非之大觀三年以前議者以為是四年則非之豈學校固若是哉觀望者無定說爾必使士有成才人無異論事之不美者不出於學校然後為得言頗見行蔡京再相憾向所用士多畔己葉夢得言卓獨否遂拜御史中丞陳士風大弊又發戶部尚書劉炳為舉子時陰事京方倚炳為腹心辰其意改卓翰林學士遷兵部尚書以樞密直學士知開德府石公弼在襄州以論衙前事謫言者謂卓實倡之罷提舉崇禧觀竟以毀紹聖法度貶常州團練副使安置太平州行未至復述古殿直學士知寧江府

蔡夔字文錡開封人崇寧五年以諸生試策揣察京且復用即對曰熙豐之德業足以配天不幸繼之以元祐紹聖之續述足以永賴不幸繼之以靖國陛下兩下求言之詔冀以聞至言收實用也而見於元符之末者方且幸時變而肆姦言乘間隙而投異意詆誣先烈不以為疑動搖國是不以為憚願逆處其未至而絕其原於是擢為第一以所對頒天下甫解褐即除秘書省正字遷起居舍人未幾為中書舍人自有衣至侍從纔九月前所未有也旋進給事中一意附蔡京敘族屬尊為叔父京命攸修等出見夔亟云向者大誤公乃叔祖此諸父行也遽列拜之八寶赦恩詔兩省差擇元祐黨人情輕者出籍夔不肯書言者論其不能推廣上恩使歲久獲罪之人得以洗濯出知和州明年加顯謨閣待制知杭州始夔未第時以書謁陳瓌稱其諫疏似陸贄剛方似狄仁傑明道

似韓愈及對策所持論頗異遂欲害瓌以絕口因其子正彙告蔡京不軌執送京師瓌復入為給事中又與宰相何執中謀使石誠治瓌幾不免事具瓌傳

史毛注言陛下修善政以應天斥大姦以定國而夔巧言惑眾造為豐端疏入不報范柔中者頃以上書入邪等至是進階夔言柔中嘗毀神考哲宗有弗共戴天之讎自今春黨人復官士論駭愕有致疑於紹述者乞削其敘遷昭示好惡從之張商英作相常安民與之書激使為善夔弟菜刺其藎示夔即論之以搖商英夔遷翰林學士坐議政事罷提舉洞霄宮起知建寧府方建神霄宮夔先一路奏辦下詔褒獎召為學士承旨禮部尚書書陰附權倖事覺徽宗令入對將面詰之踰月不奉詔帝怒命黜之御史言夔游太學則挾詭計以鉅諸生居侍從則挾私事以脅宰輔處門下則借國法以快私忿為郡守則妄尊大而蔑監司召自金陵偃然以丞轄自處既升宗伯乃懷不滿之心宜重實諸罰遂貶單州團練副使房州安置宣和中復龍圖閣直學士再知杭州為政喜怒徇情任刑大慘方臘亂後西北戌卒代歸人得攜絹疑禁民與為市乃下其直擲取之卒怒乘夔夜飲客縱火焚州治須其出殺之夔知事勢洶洶踰垣走僅得免詔奪職罷歸明年以徽猷閣待制卒

論曰自太宗歲設大科致多士居首選者躡取華要有不十年至宰相亦多忠亮雅厚為時名臣治平更三歲之制繼以王安石改新法士習始變哲徽紹述尚王氏學非是無以得高第葉祖洽首迎合時相意擢第一自是靡然士風大壞得人亦衰而上之恩秩亦薄矣熙寧而後說於宣和首選十八人唯何臯馬涓與此五人有傳然時彥端友齷齪祖洽俞臯蔡夔儉邪小人蘇王氏之學不正害人心術橫潰爛漫并邦家而覆之如是其懼焉此孟子所以必辯邪說正人心也

宋史卷三百五十四

元中書右丞相總裁脫脫等修
列傳第一百十四

賈易 董敦逸 上官均 來之邵

葉濟 楊畏 崔台符 楊汲

呂嘉問 李南公 董必 虞策

郭知章

賈易字明叔無為人七歲而孤母彭以紡績自給日與易十錢使從學易不忍
使一錢每浹旬輒復歸之年踰冠中進士甲科調常州司法參軍自以儒者不
閑法令歲議獄唯求合於人情曰人情所在法亦在焉訖去郡中稱平元祐初
為太常丞兵部員外郎遷左司諫論呂陶不爭張舜民事與陶交攻遂劾陶黨
附蘇軾兄弟併及文彥博范純仁宣仁后怒其訐欲誅之呂公著救之力出知
懷州御史言其謝表文過從廣德軍明年提點江東刑獄召拜殿中侍御史遂
疏彥博至和建儲之議為不然宣仁后命付史館彥博不自安竟解平章重事
而去蘇轍為中丞易引前嫌求避改度支員外郎孫升以為左遷又改國子司
業不拜提點淮東刑獄復入為侍御史上書言天下大勢可畏者五一曰上下
相蒙而毀譽不得其真故主人聰明壅蔽下情不得上達邪正無別而君子之
道日消小人之黨日進二曰政事苟且而官人不任其責故治道不成萬事靡
廢惡吏市姦而自得良民受弊而無告愁歎不平之氣充溢宇宙以干陰陽之
和三曰經費不充而生財不得其道故公私困弊無及時預備之計衣食之源
日蹙無事之時尚猶有患不幸倉卒多事則狼狽窮迫而禍敗至矣四曰人材
廢闕而教養不以其方故士君子無可用之實而愚不肖充初於朝汙合苟容
之俗滋長背上欺君之風益扇士氣浸弱將誰與立太平之基五曰刑賞失中
而人心不知所向故以非為是以黑為白更相欺惑以罔其上爵之以高祿而
不加勸懲之以顯罰而不加懼懲利苟免之姦冒貨犯義之俗將何所不有今
二聖焦勞念治而天下之勢乃如此任事者不可以不憂是猶寢於積薪之上

火未及然而自以為安可不畏乎然則欲知毀譽真偽之情則莫若明目達聰
使下無雍蔽之患欲官人皆任其責則莫若詢事考言循名責實欲生財不逆
其道則莫若敦本業而抑末作崇儉約而戒奢僭欲教養以其方則莫若廣詳
延之路厲廉恥之節使公卿大臣各舉所知召對延問以觀其能否善者用之
不善者罷之欲人心皆知所向則莫若賞以勸善刑以懲惡不以親疏貴賤為
之輕重則民志一定而放僻邪侈不為矣其言雖頗切直然皆老生常談志於
抵阨時事無他奇畫蘇軾守杭訴浙西災潦甚苦易率其僚楊畏安鼎論軾姑
息邀譽眩惑朝聽乞加考實詔下給事中范祖禹封還之以謂正官閣略不問
以活百姓易遂言軾頃在揚州題詩以奉上帝遺詔為聞好語草呂大防制云
民亦勞止引周厲王詩以比熙寧元豐之政第轍蚤應制科試文繆不應格幸
而濫進與軾昔皆誹絕先帝無人臣禮至指李林甫楊國忠為喻議者由是薄
易出知宣州除京西轉運副使徙蘇州徐州加直祕閣元符中累請保靜軍行
軍司馬邵州安置徽宗立召為太常少卿進右諫議大夫陳次升論其為曾布
客改權刑部侍郎歷工部吏部未滿歲為真以寶文閣待制知鄧州尋入黨籍
卒年七十三

董敦逸字夢授吉州永豐人登進士第調連州司理參軍知稷縣時方與水利
提舉官調民鑿馬渡港云可灌田二百頃敦逸言於朝以為利不補害核實如
敦逸言免役夫十六萬全舊田三千六百頃徙知弋陽縣寶豐銅冶役卒多困
於誘略有致死者敦逸推見本末縱還鄉者數百人稍遷梓州路轉運判官元
祐六年召為監察御史同御史黃慶基言蘇軾昔為中書舍人制誥中指斥先
帝事其弟轍相為表裏以紊朝政宰相呂大防奏曰敦逸慶基言軾所撰制詞
以為謗毀先帝臣竊觀先帝聖意本欲富國強兵鞭撻不庭一時羣臣將順太
過故事或失當及太皇太后與皇帝臨御因民所欲隨事救改蓋事理當然爾
昔漢武帝好用兵重斂傷民昭帝嗣位博采眾議多行寢罷明帝尙察屢與軾
獄章帝改之以寬厚天下悅服未有以為謗毀先帝者也至如本朝真宗即位
弛放逋欠以厚民財仁宗即位罷修宮觀以息民力凡此皆因時施宜以補助

先朝關政亦未聞當時士大夫有以為謗毀先帝者也。比惟元祐以來言事官用此以中傷士人，兼欲動搖朝廷，意極不善。轍復奏曰：臣昨日取兄軾所撰呂惠卿告觀之，其言及先帝者，有曰：始以帝堯之仁，姑試伯鯀，終然孔子之聖，不信宰子，兄軾亦豈是謗毀先帝者邪？臣聞先帝末年亦自深悔已行之事，但未暇改爾。元祐改更，蓋追述先帝美意而已。宣仁后曰：先帝追悔往事，至於泣下，大防曰：先帝一時過舉，非其本意。宣仁后曰：皇帝宜深知，於是敦逸慶基並罷，敦逸出為湖州運判，改知臨江軍，紹聖初，軾輒失位，劉拯訟敦逸無罪，哲宗記其人曰：非前日白鬚御史乎？復除監察御史，論常安民為二蘇之黨，凡論議主元祐者斥去之，改工部員外郎，遷殿中侍御史，左司諫侍御史，入謝曰：臣再汗言路，第恐擗逐，不能久奉彈糾之責。哲宗曰：卿能言，無患朕之不能聽，卿言而信，無患朕之不能行也。瑤華秘獄成，詔詰掖庭錄問，敦逸察知冤狀，握筆弗忍書，郝隨從旁脅之，乃不敢異，獄既上，於心終不安，幾兩旬，竟上疏，其略云：瑤華之廢，事有所因，情有可察，詔下之日，天為之陰翳，是天不欲廢之也。人為之流涕，是人不欲廢之也。臣嘗閱錄其獄，恐得罪天下，哲宗讀之，怒，蔡卞欲加重貶，章惇曾布以為不可，曰：陛下本以皇城獄出於近習，故使臺端錄問，冀以取信中外，今謫敦逸，何以解天下後世之謗？哲宗意解而止。明年用他事出知興國軍，徙江州，徽宗即位，加直龍圖閣，知荆南，召入為左諫議大夫，敦逸極言蔡京蔡卞過惡，遷戶部侍郎，卒年六十九。

上官均，字彥衡，邵武人，神宗熙寧親策進士，擢第二，為北京留守，推官，國子直講，元豐中，蔡確薦為監察御史，裏行時，相州富人子殺人，讞獄為審刑大理所疑，京師流言法官實莘等受賤，蔡確引猜險吏數十人窮治，莘等慘酷，無敢明其冤，均上疏言之，乞以獄事詔臣參治，坐是請知光澤縣，莘等卒無罪，天下服其持平，有巫託神能禍福人，致貲甚富，均焚像，杖巫出諸境，還監都進奏院，哲宗即位，擢開封府推官，元祐初，復為監察御史，議者請兼用詩賦取士，莘相遂欲廢經義，均言：經術以理為主，而所根者本也，詩賦以文為工，而所逐者末也，今不計本末而欲襲詩賦之弊，未見其為得也。自熙寧以來，京師百司有謁禁

均言，以誠待人，則人思竭忠，以疑遇物，則人思苟免，願除開封大理外，餘皆釋禁，以明洞達不疑之意，遂論青苗以為有惠民之名，而無惠民之實，有目前之利，而為終歲之患，願罷之而復為常平糶之法，又言官冗之弊，請罷粟補吏，減任子員，節特奏各之濫，增攝官之舉數，抑胥吏之幸進，以清入仕之源，詔有司議久之，不能有所省，復疏言：今會議之臣，畏世俗之譏評，不計朝廷之利害，閔鄙毫之不進，不思才者之閑滯，非策之善也。因請對力陳之。宣仁后曰：當從我家始，乃自后屬而下，至大夫悉裁其數。又言治天下道二，寬與猛而已，寬過則緩而傷義，猛過則急而傷恩，術雖不同，其蠹政害民一也。問者監司務為慘，被郡縣望風趣辦，不暇以便民為意，陛下臨御務從寬大，為吏者又復苟簡縱弛，猛寬二者胥失，願明詔四方，使之寬不縱惡，猛不傷惠，以起中和之風。詔下其章，蔡確弟碩盜貸官錢以萬計，獄既上，均論確為宰相，挾邪撓法，當顯正其罪，以厲百官。張璪李清臣執政，與正人異趣，相繼擊去之。監察御史張舜民論邊事，因及宰相文彥博，舜民左遷，均言：風憲之任，許風聞所以廣耳目也，舜民之言是當行之，其言非當容之，願復舜民職，不從。臺諫約再論，均謂事小不當再論。王巖叟遂劾均反覆巖叟移官，均遷殿中侍御史，內不自安，引義巧去，改禮部員外郎，居三年，復為殿中侍御史。西夏自永樂之戰，怙勝氣驕，欲復故地，朝廷用趙鼎計，棄四砦，至是又請蘭州為砦地，均上疏曰：先王之御外國，知威之不可獨立，故假惠以濟威，知惠之不可獨行，故須威以行惠，然後外國且懷且畏，無怨望輕侮之心。今西夏所爭，蘭州砦地，皆控扼要路，若輕以予之，恐夏人據虛熙河，數郡孤立難守，若繼請熙河，故地將何辭以拒之？是傳虎以翼借寇，以兵不進無益，祇足為患，不如治兵積穀，畫地而守，使夏人曉然知朝廷意也。時傳亮為中書侍郎，許將為左丞，韓忠彥為同知樞密院，三人者論事多同，異俱求罷，均言：大臣之任，同國休戚，廟堂之上，當務協謀，使中外之人泯然不知有同異之迹，若悻悻然辯論，不顧事體，何以觀視百寮？亮等雖有辯論之失，然事皆緣公，無顯惡，大過望，令就職，詔從之。御史中丞蘇轍等尚以為言，均上疏曰：進退大臣當則天下服陛下之明，而大臣得以安其位，進退不當，則

累陛下之哲，而言者自此得以朋黨合謀併力以傾搖大臣天下之事以是非為主，所論若當，雖異不害其為善，所論若非，雖同未免為不善。今亮俞等但不能協和實無大過，蘇轍乃以許將當時已定議，既而背同列之議，獨上論奏，臣以為善則順之，惡則正之，豈在每事唯命，遂非不改，然後為忠邪？將舍同列之議，上奉聖旨，是能將順其美，不當反以為過惡也。若使不忠，雖與同列協和，是乃姦臣爾，非朝廷之利也。將罷均又言：呂大防堅強自任，每有差除，同列不敢異，唯許將時有異同，轍素與大防善，盡力排將，期於必勝，臣恐綱紀法令自此敗壞矣。因論御史耳目之任，中丞風憲之長，轍當公是非，別白善惡，而不當妄言也。遂乞罷出知廣德軍，改提點河北東路刑獄。聖初召拜左正言，時大防轍已罷政，均論大防轍六罪，並再黜。大防史禍由此起，又奏罷詩賦，專以經術取士，宰相章惇欲更政事，專黜陟之柄，陰去異己，出吏部尚書彭汝礪知成都府，召朱服為中書舍人，均言汝礪不可出，服不可用，惇怒，還均為工部員外郎，尋提點京東淮東刑獄，歷梓州淮南轉運副使，知越州，徽宗立，入為秘書少監，遷起居郎，拜中書舍人，同修國史，兼哲宗實錄修撰，遷給事中，太學生張寅亮應詔論事，得罪屏斥，均言寅亮雖不識忌諱，然志非懷邪，陛下既招其來，又罪其言，恐沮多士之氣，寅亮得免，時宰相欲盡循熙豐法度，為紹述，以風均均曰：法度惟是之從，無彼此之辨，由是不協，以龍圖閣待制知永興軍，徙襄州，崇寧初，與元祐黨籍奪職，主管崇禧觀政和中，復集賢院，修撰提舉洞霄宮，久之，復龍圖閣待制，致仕卒，年七十八。

道逆理，與刑未正，鬼得而誅，獨劉擊尚存，實天以遺陛下，其阿恣無忌憚如此。進刑部侍郎，陽瞿民盡漸，以訟至有司，之邵二子皆娶盡氏，誣漸非盡氏子，以規其質，諫官張商英論之，以直龍圖閣出知蔡州，卒年四十八。蔡京為相，特贈太中大夫。

葉濤字致遠，處州龍泉人，進士乙科，為國子直講，虞蕃訟起，濤坐受諸生茶紙，免官。濤，王氏壻也，即往從安石於金陵，學為文詞，哲宗立，上章自理，得大學正，遷博士，紹聖初為秘書省正字，編修神宗史，進校書郎，曾布薦為起居舍人，擢中書舍人，司馬光呂公著王巖叟追貶，呂大防劉摯轍梁濤范純仁責官，皆濤為制詞，文極醜詆，安熈降學士，濤封還命書，云：濤在元祐時，嘗詆文彥博葉熙河，全先帝萬世之功，不宜加罪，蔡京劾為黨，罷知光州，又以訴理有過，為范鏗所論，連三黜，曾布引為給事中，居數月而病，以龍圖閣待制提舉崇禧觀，卒。楊畏字子安，其先遂寧人，父徙洛陽，畏幼孤，好學，事母孝，不事科舉，黨友交勸之，乃擢進士第，調成紀主簿，不之官，刻志經術，以所著書謁王安石，呂惠卿為鄆州教授，自是尊安石之學以為得聖人之意，除西京國子監教授，舒亶薦為監察御史，裏行，時有御史中丞出為郡守，監司薦之，畏言侍從賢否，上所素知，監司乃敢妄薦，蓋為異日地爾，乞戒其觀望，舒亶有盜學士院廚錢罪，為王安禮所白，畏抗章辯論，以為可謂之失，未可謂之故，亶罷，畏坐左轉，宗正丞，出提點夔州路刑獄，元祐初，請祠歸洛，畏恐得罪於司馬光，嘗曰：畏官夔峽，雖深山羣猿，聞司馬光皆相賀，其感德如此，至光卒，畏復曰：司馬光若知道，更是辜夔復契，以不知道，故於政事未盡也。呂大防劉摯為相，俱與畏善，用畏為工部員外郎，除監察御史，擢殿中侍御史，畏助大防攻擊十事，并言梁燾王巖叟劉安世朱光庭皆其死黨，必與為地，既而燾等果救擊，皆不納，擊罷，燾頌為相，畏復攻頌，以留買易除書為頌罪，頌罷，畏意欲蘇轍為相，宣仁后外召范純仁為右僕射，畏又攻純仁，不報，畏本附轍，知轍不相，復上疏，詆轍不可用，其傾危反覆如此，百僚莫不側目，遷侍御史，畏言事之未治有四，曰：邊疆曰河事，曰役法，曰內外官政，時有旨令兩省官舉臺官，畏言御史與宰相最為相關之地，宰相執

既不自差使其屬舉之可乎太常博士朱彥以議皇地示祭不同自列乞罷畏

言彥據經論理考彥罷出恐自是人務觀望不敢以守官為義宣仁后崩呂大

防欲用畏諫議大夫范純仁以畏非端士不可大防乃遷畏禮部侍郎及大防

為宣仁后山陵使畏首背大防稱述熙寧元豐政事與王安石學術哲宗信之

遂薦章惇呂惠卿可大任廷試進士李清臣發策有紹述意考官第主元祐者

居上畏復考悉下之拔畢漸以為第一惇入相畏遣所親陰結之曰畏前日度

勢力之輕重遂因呂大防蘇轍以逐劉摯梁燾方欲逐呂蘇二人覺罷畏言職

畏迹在元祐心在熙寧首為相公開路者也惇至徙畏吏部引以自助中書侍

郎李清臣知樞密院安燾與惇不合畏復陰附安李惇覺其情又曾布蔡卞言

畏平日所為於惇遂以寶文閣待制出知真定府天下於是目為楊三變謂其

進於元豐顯於元祐遷於紹聖也尋落職知虢州入元祐黨後知郢州復集賢

殿修撰知襄州移荆南提舉洞霄宮居于洛未幾知郢州再丐祠以言者論列

落職主管崇禧觀蔡京為相畏遣子姪見京以元祐末論蘇轍不可大用等章

後得曾布之薦凡元祐名賢貶責制辭肆筆醜詆雖有善猶不能自滌沉無可

述者乎

崔台符字平反蒲陰人申明法科為大理詳斷官校試殿帷仁宗賜以盡美二

字熙寧中文彥博薦為羣牧判官除河北監牧使入判大理寺初王安石定按

問欲舉法舉朝以為非台符獨舉手加額曰數百年誤用刑名今乃得正安石

喜其附己故用之歷知審刑院判少府監復置大理獄拜右諫議大夫為大理

卿時中官石得一以皇城偵邏為獄台符與少卿楊汲輒迎伺其意所在以鍛

鍊答掠成之都人惴栗至不敢偶語數年間斃文法者且萬人官制行遷刑部

侍郎官至光祿大夫元祐初御史林旦上官均發其惡出知潞州又貶秩徙相

州後兼監牧使卒年六十四舊制武臣至內殿崇班始蔭其族台符言文吏州

判司猶許用蔭武臣五歲一遷自借職四十年乃得通朝籍輕重不相準請自

供奉官即用蔭從之嘗使遠至其朝久立帳前儻者不贊導問其故曰太子未

至台符謂之曰安有君父臨軒而臣子偃蹇不至久立使者禮乎儻者懼贊導

如儀

楊汲字潛古泉州晉江人登進士第調趙州司法參軍州民曹潯者兄遇之不

善兄子亦加侮焉潯持刀逐兄子兄挾之以走潯曰兄勿避自為姪爾既就吏

兄子云叔欲給吾父止而殺之吏當潯謀殺兄汲曰潯呼兄使勿避何謂謀若

以意為獄民無所措手足矣州用其言獻上潯得不死主管開封府界常平權

都水丞與候叔獻行汴水淤田法遂醜汴流漲潦以溉西部瘠土皆為良田神

宗嘉之賜以所淤田千畝提點淮西刑獄提舉西路常平修古均陂引漢泉灌

田萬頃召判都水監為大理卿遷刑部侍郎元祐初以寶文閣待制知廬

州崔台符被劾汲亦落職知黃州歷徐襄越州紹聖中復為戶部侍郎卒

呂嘉問字望之以蔭入官熙寧初條例司引以為屬權戶部判官筦諸司庫務

行連竈法於酒坊歲省新錢十六萬緡王安石用魏繼宗議即京城置市易務

命嘉問提舉上建置十三事其一欲於律外禁兼并之家輒取利神宗去之安

石執不可居二年連以羨課受賞神宗聞其擾民語安石安石曰嘉問奉法不

公以是媒怨，神宗曰：「免行錢所收細瑣，市易驚及果實，大傷國體。」安石僞辯自解，至譏神宗爲叢脞，不知帝王大略。且曰：「非嘉問孰敢不避左右近習，非臣孰爲嘉問辯？」神宗曰：「卽如是，士大夫何故以爲不便？」安石請言者姓名，令嘉問條析七年旱，帝憂心惻怛，語韓維孫永集市人問之，減坐買錢十萬。安石遂持嘉問條析奏曰：「此皆百姓所願，不如人言也。」嘉問言：「朝廷所以許民輸錢免行者，蓋人情安於樂業，厭於追擾，若一切罷去，則無人祗承，又吏胥祿廩薄，勢不得不求於民，非重法莫禁。以薄廩申重法，則法有時而不可行，縣官爲給事，則三司經費有限，今取民於鮮而吏知自重，此臣等推行之本意也。議者乃欲除去，是殆不然。民未嘗不畏吏，方其以行役觸罪，雖欲出錢，亦不可得。今吏祿可謂厚矣，然未及昔日取民所得之半，市易所收免行錢，亦未足以償倉法所增之祿。以此推窮，則利害立見矣。初，市易隸三司，嘉問恃勢陵使薛向，出其上，曾布代向，懷不能平，會神宗出手札詢布，布訪於魏繼宗，繼宗憤嘉問掠其功，列其與初議異者，布得實具上，嘉問多收息千賞，挾官府而爲兼并之事，神宗將委布考之。安石言：「二人有私忿，於是詔布與呂惠卿同治，惠卿故憾布，至三司，召繼宗及市買問狀，其辭同，乃脅繼宗使誣布語言，增加繼宗不從，布言惠卿不可共事，神宗欲聽之，安石不可。神宗遂詔中書曰：「朝廷設市易，本爲平準，以便民，若周官泉府者，今顧使中人之家失業，宜釐定其制，布見神宗曰：「臣每聞德音，欲以王道治天下，今所爲駸駸乎問架除陌矣。」嘉問又請販鹽鬻帛，豈不詒四方笑？」神宗領之，事未決，安石去位，嘉問持之以泣，安石勞之曰：「吾已薦惠卿矣，惠卿旣執政，前獄遂成，布得罪，嘉問亦出知常州。明年，安石復相，召檢正中書戶房，安石罷，以知江寧府，歲餘轉運使，何琬劾嘉問營繕越法，徙潤州，復坐免。久之，入爲吏部郎中，光祿卿，言者交論市易之患，被于天下，本錢無慮千二百萬緡，率二分其息，十有五年之間，子本當數倍，今乃僅足本錢，蓋買物入官，未轉售而先計息取賞，至於物貨苦惡，上下相蒙，虧折日多，空有虛名而已。於是削嘉問三秩，黜知淮陽軍，悉罪前被質者，紹聖中，擢寶文閣待制，戶部侍郎，加直學士，知開封府，專附章惇蔡卞，多殺不辜，焚去菜牘以減口，嘗薦鄒浩浩南

遷坐罷知懷州，徽宗時屢暴其宿惡，至分司南京，光州居住，鄆州安置，然爲蔡氏所右，其壻劉達蹇序辰，其死友鄧洵武，羽翼之，故不久輒起，以龍圖閣學士太中大夫卒。年七十七，贈資政殿學士，初，嘉問竊從祖公弼論新法奏，薰以示王安石，公弼以是斥于外，呂氏號爲家賊，故不得與呂氏同傳。

李南公，字楚老，鄆州人，進士及第，調浦江令，郡猾吏恃守以陵縣，不輸負租，南公捕繫之，守怒，通判爲謝曰：「能按郡吏健令也。」卒寘諸法，知長沙縣，有楚婦攜兒以嫁，七年兒族取兒，婦謂非前子，訟于官，南公問兒年，族曰：「九歲。」婦曰：「七歲。」問其齒曰：「去年毀矣。」南公曰：「男八歲而亂，尙何爭？」命歸兒族，熙寧中，提舉京西常平，提點陝西河北刑獄，京西轉運副使，入爲屯田員外郎，南公有女皆適人，而同產女弟年三十不嫁，寄他妹家，爲御史所論，罷主管崇福宮，爲河北轉運副使，先是知澶州，王令圖請開迎陽，歸舊河於孫村，置約回水東注，南公與范子奇以爲可行，且欲於大吳北進鋸牙，約河勢歸故道，朝廷命使者行視，兩人復以前議爲非，云迎陽下瞰京師，孫村水勢不便，又爲御史所論，詔罰金，加直祕閣，知延安府，夏人犯涇原，南公出師擣其虛，夏人解去，進直龍圖閣，擢寶文閣待制，知瀛州，拜戶部吏部侍郎，戶部尙書，歷知永興軍，成都，真定，河南府，鄆州，擢龍圖閣直學士，初，哲宗主入廟，南公修奉，希執政指，請祔東夾室，禮官爭之，不得，及更建廟室，坐前議弗當，奪學士，未幾復之，遂致仕，卒，年八十三，南公爲吏六十年，幹局明銳，然反覆詭隨，無特操，識者非之，子諱。諱字智甫，第進士，紹聖間，知章丘縣，陝西麥熟，朝廷議遣官諸州，令民平價通負，諱與余景在選中，將賜對，曾布言於哲宗曰：「豐凶未可知，諱景皆刻薄，必因此暴斂爲民之憂，陛下臨政以來，延見人士未多，如兩人者，懼不足以辱大對，乃喻使戒飭，使還，爲河東轉運判官，徙陝西，進築京師訖，欲除秘閣校理，以母憂去，方建永泰陵，起使京西，諫官任伯兩言：「祖宗之世，朝廷有大事，邊鄙有兵革，將相大臣，召爲侍從，乃不得已奪情，今山陵事人皆可辦，何至以一諫贖事體哉？」命遂格終制，以直龍圖閣知熙州，蔡京使王厚復河湟，諱與之異，召爲光祿卿，厚奏功罷，諱守就，坐嘗言招納未便，停官，後數年，爲陝西轉運使，京兆

價踊貴。憲與府縣議從民和。市民弗肯損價。憲移府勅上戶閉糶。府帥徐處仁不聽。且責之。憲怒。上章言處仁沮格詔令。陵毀使者。詔黜處仁。而擢憲。顯謨閣待制。代其任。鄭廷帥錢昂奏。處仁本以官糶麥損價與。諱等乃為民久長之論。不當黜。詔以昂達道干譽。謫永州。諱又代任。鄭廷復從承與。偽為贍芝。以獻。徽宗疑曰。贍動物也。安得生芝。命漬盆水。一夕而解。坐罔上貶散官安置。三年復之。歷數郡卒。

董必。字子彊。宣州南陵人。嘗謁王安石於金陵。容質諸經疑義。為安石稱許。登進士第。紹聖中。提舉湖南常平。時相章惇方實眾君子於罪。孔平仲在衡州。以倉粟腐惡。乘鐵歲稍損價發之。必即劾其戾。常平法。置鞠長沙。以承惇意。無辜繫訊多死者。平仲坐徙韶州。惇與蔡卞將大誅流人。遣呂升卿往廣東。必往廣西察訪。哲宗既止不治。然必所至。猶以慘刻按脅立威。為五書歸奏。除工部員外郎。中書舍人郭知章封還其命。詔以付趙挺之。權給事中陳次升復封駁不下。必於是訟知章。次升為元祐黨人。坐不當訟言者。出知江州。改湖南轉運判官。提點河北刑獄。召為左司員外郎。初。舒亶守荆南。起邊事。一切詐誕。云徭人款附實亦不然。必蓋與之謀。及是。亶暴卒。加必直龍圖閣。往代。乃城通道等六砦。置靖州折博市易。且移飛山營戍。公私煩費。荆人病之。進集賢殿修撰。顯謨閣待制。卒。年八十六。贈龍圖閣待制。

虞策。字經臣。杭州錢塘人。登進士第。調台州推官。知烏程縣。通判蘄州。通判蔣之奇以江淮發運上計。神宗訪東南人才。以策對。王安石禮李常成薦之。擢提舉利州路常平。湖南轉運判官。元祐五年。召為監察御史。進右正言。數上書論事。謂人主納諫乃有福。治道以清靜為本。西夏未順命。策言。今邊備解弛。戎備不修。古之人善鎮靜者。警備甚密。務持重者。謀在其中。未有鹵莽闕疎。而曰吾鎮靜。善持重者。又乞詔內而省曹寺監。外而監司守令。各得以其職。陳朝政闕失。百姓疾苦。星文有變。乞順天愛民。警戒萬事。思治心修身之道。勿以宴安為樂。哲宗納后。上正始要言。遷左司諫。曾肇以議北郊事與朝論不合。免禮部侍郎。為徐州策時權給事中。還其命。以為肇禮官也。不當以議禮得罪。不從。帝親政。

條所當先者五十六事。後多施行。遷侍御史。起居郎。給事中。以龍圖閣待制知青州。改杭州。過闕。留為戶部侍郎。歷刑部。戶部。尚書。拜樞密直學士。知承興軍。成都府。入為吏部尚書。奏疏徽宗。請均節財用。曰。臣比在戶部。見中都經費歲六百萬。與天下上供之數略相當。嘗以祖宗故實攷之。皇祐所入。總三千九百萬。而費纔三之一。治平四千四百萬。而費五之一。熙寧五千六十萬。而費盡之。今諸道隨一月所須。旋為夏會。汲汲然不能終日。願深裁浮冗。以寬用度。屬疾新外。加龍圖閣學士。知潤州。卒。年六十六。贈左正議大夫。策在元祐紹聖時。皆居言職。雖不依人。取進亦頗持兩端。故黨議之與己。獨得免。第奕奕字純臣。第進士。崇寧提舉河北西路常平。洛相鑣從之東路。入對徽宗。問行期。對曰。臣退即行。流民不以時還。則來歲耕桑皆廢矣。帝悅。既而西部盜起。復徙提點刑獄。時朝廷將遣兵逐捕。奕條上方略。請罷勿用。而自計討賊。不閱月可定。轉運使張搏以為不可。宰相主搏策。數月不効。卒用奕議。悉降之。擢監察御史。親祭北郊。燕人趙良嗣為秘書丞。侍祠。奕白其長曰。今親衛不用三路人。而良嗣以外國降子。願得預祠事可乎。長用其言。具以請。不報。陽武民備於富家。其室美。富子欲私之。弗得。怒殺之。而賂其夫。使勿言。事覺。府縣及大理鸞獄。奕受詔鞠訊。皆伏辜。坐漏泄語言罷去。再踰年。還故職。提點河北刑獄。自何承矩創邊地為塘濼。有定界。既中貴人典領。以屯田開拓為功。肆侵民田。民上訴。屢出使者按治。皆不敢與直。奕曲折上之。疏其五不可。詔罷屯田。加直秘閣。淮南轉運副使。入為開封少尹。故時大理開封治獄。得請實蔽罪。其後率任情棄法。法益不用。奕言。廷尉持天下平。京師諸夏。本法且不行。何以示萬國。請自今非情法實不相當。毋得輒請。從之。遷光祿卿。戶部侍郎。睦州亂。以龍圖閣直學士知鎮江府。寇平。論勞增兩秩。還為戶部內侍總領內藏。予奪顯己。視戶部如僚屬。度支郎方討理滯奉。中旨令開封尹與總領者來奕。白宰相曰。計臣不才。當去之。而易能者。不可使他人侵其官。即自劾不稱職。詔為罷內侍。而徙奕工部。龔慶守張濂使郡人詰闕。請登封。東平守王觀諫。以京東歲凶多盜。不當請封。為政者不悅。將罪觀。奕言。觀憂民愛君。所當獎激。奈何用為罪乎。觀獲免。未

條所當先者五十六事。後多施行。遷侍御史。起居郎。給事中。以龍圖閣待制知青州。改杭州。過闕。留為戶部侍郎。歷刑部。戶部。尚書。拜樞密直學士。知承興軍。成都府。入為吏部尚書。奏疏徽宗。請均節財用。曰。臣比在戶部。見中都經費歲六百萬。與天下上供之數略相當。嘗以祖宗故實攷之。皇祐所入。總三千九百萬。而費纔三之一。治平四千四百萬。而費五之一。熙寧五千六十萬。而費盡之。今諸道隨一月所須。旋為夏會。汲汲然不能終日。願深裁浮冗。以寬用度。屬疾新外。加龍圖閣學士。知潤州。卒。年六十六。贈左正議大夫。策在元祐紹聖時。皆居言職。雖不依人。取進亦頗持兩端。故黨議之與己。獨得免。第奕奕字純臣。第進士。崇寧提舉河北西路常平。洛相鑣從之東路。入對徽宗。問行期。對曰。臣退即行。流民不以時還。則來歲耕桑皆廢矣。帝悅。既而西部盜起。復徙提點刑獄。時朝廷將遣兵逐捕。奕條上方略。請罷勿用。而自計討賊。不閱月可定。轉運使張搏以為不可。宰相主搏策。數月不効。卒用奕議。悉降之。擢監察御史。親祭北郊。燕人趙良嗣為秘書丞。侍祠。奕白其長曰。今親衛不用三路人。而良嗣以外國降子。願得預祠事可乎。長用其言。具以請。不報。陽武民備於富家。其室美。富子欲私之。弗得。怒殺之。而賂其夫。使勿言。事覺。府縣及大理鸞獄。奕受詔鞠訊。皆伏辜。坐漏泄語言罷去。再踰年。還故職。提點河北刑獄。自何承矩創邊地為塘濼。有定界。既中貴人典領。以屯田開拓為功。肆侵民田。民上訴。屢出使者按治。皆不敢與直。奕曲折上之。疏其五不可。詔罷屯田。加直秘閣。淮南轉運副使。入為開封少尹。故時大理開封治獄。得請實蔽罪。其後率任情棄法。法益不用。奕言。廷尉持天下平。京師諸夏。本法且不行。何以示萬國。請自今非情法實不相當。毋得輒請。從之。遷光祿卿。戶部侍郎。睦州亂。以龍圖閣直學士知鎮江府。寇平。論勞增兩秩。還為戶部內侍總領內藏。予奪顯己。視戶部如僚屬。度支郎方討理滯奉。中旨令開封尹與總領者來奕。白宰相曰。計臣不才。當去之。而易能者。不可使他人侵其官。即自劾不稱職。詔為罷內侍。而徙奕工部。龔慶守張濂使郡人詰闕。請登封。東平守王觀諫。以京東歲凶多盜。不當請封。為政者不悅。將罪觀。奕言。觀憂民愛君。所當獎激。奈何用為罪乎。觀獲免。未

幾卒年六十贈龍圖閣學士。

郭知章字明叔吉州龍泉人第進士從劉彝廣西幕府知浮梁分寧縣黃履薦爲御史以憂不克拜知海州濮州提點梓州路刑獄復以鄧雍願臨薦爲監察御史哲宗親政上書請用淳化天禧舊增諫官員曰館職無所用朝廷設之不疑諫官最急乃常不足是急於所無用緩其所當急也又比歲選授監司多繇寺監丞不過知縣資序外官莫重於部使者豈宜輕用若是宜稍限以節如轉運判官擇實任通判者提點刑獄擇實任郡守者然後攷其治理簡拔用之又言自大河東北分流生靈被害今水之趨東者已不可遏順而導之閉北而行東其利百倍矣遷殿中侍御史言先帝辟地進壤建策四嘗據高臨下扼西戎咽喉元祐用事者委而棄之願討贖議奏顯行黜罰史院究神宗實錄誣罔事知章請貶治呂大防等紹聖復制科知章校試言先朝旣策進士卽廢此科近年復置誠無所補遂復罷又請復元豐役法大抵迎合時好進左司員外郎改左司諫嘗言爵祿慶賞以勸天下之善願無以假借大臣使行私恩刑罰誅戮以懲天下之惡願無以假借大臣使快私忿忠於陛下者必見忌大臣黨於大臣者必上貧陛下惟明主財察權工部侍郎爲中書舍人遣使蕭德崇來爲夏人請還河西地命知章報聘德崇曰兩朝久通好小國叢爾疆土還之可乎知章曰夏人累犯邊法當致討以北朝勸和之故務爲優容彼若恭順如初當自有恩旨非使人所能預知也歸未至坐嘗主導河東流議以集賢殿修撰知和州徽宗立曾布用爲工部侍郎加寶文閣直學士知太原府召拜刑部尙書知開封府爲翰林學士言者又論河事罷知鄧州旋入黨籍數年復顯謨閣直學士政和初卒。

論曰神宗好大喜功之資王安石呂惠卿出而與之遇合流毒不能止也哲徽之世一變而爲蔡確章惇曾布又變而爲蔡京蔡卞日有甚之而天下亡矣乘時起而附之者甚衆若崔台符楊汲以獄殺民呂嘉問以均輸困民童必肆酷欲害流人以取悅李南公以反覆詭隨虞策以心持兩端郭知章迎合時好且發實錄之誣觀諸人所學與其從政已多可尙何樂而爲此惡哉不過視一時

君相之好尙將以取富貴而已設使神宗如仁宗之治哲徽承之必無紹述之禍雖安石輩亦將有所薰陶而未必肆其情以至是況此諸人乎世道汚隆士習升降係於人主一念慮之趣尙可不戒哉可不懼哉。

宋史卷三百五十五

元中書右丞相總裁脫脫等修

列傳第一百十五

劉拯 錢 澧 石豫左廣附 許敦仁 吳執中

吳材 劉昂 宋喬年 子昇 強淵明

蔡居厚 劉嗣明 蔣靜 賈偉節

崔鷗 張根 綬 任諒 周常

劉拯字彥修宣州南陵人進士及第知常熟縣有善政縣人稱之元豐中為監察御史歷江東淮西轉運判官提點廣西刑獄紹興初復為御史言元祐修先帝實錄以司馬光蘇軾之門人范祖禹黃庭堅秦觀為之竄易增減誣毀先烈願明正國典又言蘇軾貪鄙狂悖無事君之義嘗議罪抵死先帝赦之敢以怨忿形於詔語醜詆厚誣策試館職至及王莽曹操之事方異意之臣分據要路而軾問及此傳之四方忠義之士為之寒心扼腕願正其罪以示天下時祖禹等已貶軾謫英州而拯猶驚視不愜也進右正言累至給事中徽宗立欽聖后臨朝而欽慈后葬大臣欲用妃禮拯曰母以子貴子為天子則母乃后也當改園陵為山陵又言門下侍郎韓忠彥雖以德選然不可啟貴戚預政之漸帝疑其阿私觀望黜知濠州改廣州加寶文閣待制以吏部侍郎召還帝稱其議欽慈事褒進兩秩遷戶部尚書蔡京編次元祐黨籍拯言漢唐失政皆分朋黨今日指前人為黨安知後人不以今人為黨乎不若定為三等某事為上某事為中某事為下而不斥其名氏京不樂又言戶部月賦入不足償所出京益怒徙之兵部旋罷知蘄州徙潤州張商英入相召為吏部尚書拯已昏憤吏乘為姦又左轉工部以樞密直學士知同州時商英去位侍御史洪彥昇併劾之削職提舉鴻慶宮卒

錢通字德循婺州浦江人以進士甲科調洪州推官累通判越州至校書郎徽宗立擢殿中侍御史中丞豐稷論其回邪不可任風憲不報稷復言必用通則願罷臣乃以提舉湖北常平崇寧初召為都官員外郎殿中侍御史劾曾布援

元祐黨籍擢紹聖忠賢布去遷侍御史闕兩月進中丞乞治元符末大臣嘗乞復孟后而廢劉后事韓忠彥曾布李清臣黃履及議者曾肇豐稷陳瓘龔夬皆坐貶遂與殿中侍御史石豫左廣言元祐皇后得罪先朝昭告宗廟天下莫不知哲宗上賓太后聽政當國大臣盡欲變亂紹聖之事以逞私欲因一布衣何大正狂言復廢后位號當時物議固已洶洶乃至疎遠小臣詣闕上書忠義激切則天下公議從可知矣今朝廷既已貶削中彥等及追號大正誤國則元祐皇后義非所安孔子曰必也正名乎名不正則言不順夫在先朝則曰后今日則謂之元祐皇后於名為不正先朝廢而陛下復於事為不順考之典禮則古昔所無稽之本朝則故實未有詢之師言則大以為不然況既為先朝所廢則宗廟祭告歲時薦饗人事有嫌疑之迹神靈萌厭敷之心萬世之後配祔將安所施宜蚤正厥事斷以大義無牽於流俗非正之論以累聖朝明日又言典禮所在實朝廷治亂之所係雖人主之尊不得而擅又沉區區臣下敢輕變易者哉元祐皇后得罪先朝廢處瑤華制誥一頒天下無間然者並后匹嫡春秋譏之豈宜明感之朝而循衰世非禮之事於是尚書右僕射京門下侍郎將中書侍郎尚書左丞挺之右丞商英言元祐皇后再復位號考之典禮將來宗廟不可從享陵寢不可配祔揆諸禮制皆所未安請如紹聖三年九月詔書旨后由是復廢適豫遂言元符皇后各位未正乃冊為崇恩太后適章所言小臣上書者昌州推官馮海也其書以謂先帝既終則后無單立之義稽之逆順陛下無立嫂之禮要之終始皇太后亦不得伸慈婦之恩雖已遠之事難復之失然感悟追正何有不可解用是得召對除鴻臚主簿蔡京謀取青唐適助成其議會籍元祐黨適以為多漏略給事中劉遠駁之左轉戶部侍郎俄遷工部尚書兼侍讀踰年以樞密直學士知穎昌府言者疏其罪黜為滁州稍復顯謨閣待制直學士徙宣州復為工部尚書舉馮海自代謂海趣操端勁古人與稽書建明典禮忠義凜凜縮紳歎服言者又疏其罪以待制知秀州中書舍人侯綬封還之又奪待制久之還故職改述古殿直學士屏居十五年方臘陷婺適逃奔蘭溪為賊所殺年七十二

石豫者寧陵人第進士以安惇薦為監察御史與左詹事鄒浩獄文致重比又使廣東鍾正甫逮治浩欲致之死豫論邊事謂中國與四夷相交為君臣相與為賓客徽宗以其言無倫理且辱國出為淮南轉運判官陳瓘又追論羅織鄒浩事降通判亳州崇寧元年召拜殿中侍御史遂同錢適造廢元祐皇后議亟遷侍御史至中丞請削去景靈宮繪像臣僚自文彥博司馬光呂公著呂大防范純仁劉摯范百祿梁燾王巖叟以下既以論罷軍器監蔡頌頌訟豫平生交通狀黜知陳州徙鄧州過闕留為工部侍郎進戶部兼侍讀以調度不繼降秩一等徙刑部祖母死用嫡孫承重去官服未闋而卒廬州人亦用安惇薦為御史履歷大略與石豫同遷侍御史累至刑兵戶三尚書以樞密直學士知河南府改承與軍卒

許敦仁與化人第進士崇寧初入為校書郎蔡京以州里之舊擢監察御史亟遷右正言起居郎倚為腹心敦仁凡所建請悉受京旨言元符之末姦臣用事內外制詔類多誣實乞自今日以前委中書舍人或者著作局討論刪正起居郎舍人異時過車駕行幸惟當直者從敦仁始請悉扈蹕遷殿中監拜御史中丞甫視事即上章請五日一視朝徽宗以其言失當乖宵旰圖治之意命罰金仍左遷兵部侍郎他日為朱諤言且欲逐敦仁而京庇之甚力敦仁亦處之自如後二年卒靖康中諫官呂好問論蔡京使敦仁請五日一視朝欲顛覆國命蓋指此也

吳執中字子權建州松溪人登嘉祐進士第歷官州縣同門壻呂惠卿方貴戚不肯附以取進凡三十餘年始提舉河南常平運徙河東淮南江東轉運判官提點廣東刑獄入為庫部吏部右司郎中大觀初擢兵部侍郎二年進御史中丞論開封府內侍省京畿秦鳳違法干請詔擬其得風憲體又言開封之治事大理之決獄將作之營繕權貨之入中皆職所當為乃妄以為功一歲遷官至五六宜行抑損遂詔自今但賜束帛鄭居中知樞密院執中言外戚不宜在政地帝還其章而諭所以用居中之意初蔡京忌張康國故引執中居言路執中先劾劉炳兄弟末喬年父子皆京客也帝嘗語執政嘉其不阿康國曰是乃為

逐臣地耳已而章果至帝怒黜知滁州未幾徙越州石公弼以為執中反復得罪未嘗殿大府改提舉洞霄宮以集賢殿修撰知揚州加顯謨閣待制知河南府道過都復拜中丞帝以星變逐蔡京言者未已執中謂進退大臣當全禮貌於是為京下詔京得不重貶龐恭孫趙適開梓襄諸夷州執中乞正其罪又言入行之舉所得皆鄉曲常人不足以為士願下大學致其道藝而進退之所論多施行遷禮部尚書張商英罷御史張克公言執中與商英皆由郭天信以進除樞密直學士知越州尋降待制又奪職卒于家

吳材字聖取處州龍泉人中進士第歷清溪主簿咸平尉知江都縣入為太學博士以趙挺之薦擢右正言遷左司諫黨論復起材首論范純禮為朋附黨與前日大臣變更神考法度故引之執政不宜復其職程之元為蘇軾心腹不宜亞九卿張舜民當初政時猖狂無所顧忌不宜以從官處鄉郡其後受會布指與王能甫疏言元符之末變神考之美政逐神考之人材者韓忠彥實為之首忠彥遂罷材驚忍疾視善類所排逐最多進起居郎以憂去蔡京用為給事中吏部侍郎陛見有所陳京不悅以天章閣待制知光州挺之作相召拜工部侍郎卒

論曰紹述說行權臣顛假以攻元祐正士網既盡矣復假以攻異己鸞大外搏鬼域內狙宜小人得志而空朝廷也故劉拯撫黨錄以肆詆錢適斥孟后以徧刺石豫指繪像以削諸賢吳材適黨論以摘善類許敦仁五日一朝之請吳執中體貌大臣之言俱蔡京腹心計也讒說殄行虞帝攸聖似是而非孔聖惡佞有國家者可不監夫

劉昂字子蒙開封東明人初名炳賜今名元符末進士甲科起家太學博士遷秘書省正字校書郎兄焯通樂律焯死蔡京擢昂大司樂付以樂正遂引蜀人魏漢津鑄九鼎作大晟樂昂撰鼎書新樂書皆漢津妄出己意而昂為緣飾語在樂志累遷給事中京置局議禮昂又領之為翰林學士改工部尚書提舉紀元曆有所損益為吳執中所論以顯謨閣直學士知陳州昂與弟煥皆侍從而親喪不葬坐奪職罷郡復以事免官京再輔政召為戶部尚書昂嘗為京畫策

排鄭居中，故京力援，由殿黜中還，故班御史中丞俞棗發其姦利事，京從東他官，徽宗所儲三代彝器，詔曷訂定，凡尊爵俎豆盤匱之屬，悉改以從古，而載所制器於祀儀，令太學諸生習肄雅樂，閱試日，曷與大司成劉嗣明奏有鶴翔宮架之上，再為翰林學士，東宮建為太子賓客，又還戶部大理議戶絕法，若祖有子未娶而亡，不得養孫為嗣，曷曰：計一歲諸路戶絕，不過得錢萬緡，使歲失萬緡而天下無絕戶，豈不可乎？詔從其議，加宣和殿學士，知河南府，積官金紫，光祿大夫，與王寀交通事敗，開封尹戚章議以死，刑部尚書范致虛為請，乃長流瓊州，死年五十七。

宋喬年字仙民，宰相庠之孫也，父充國，刻意問學，以鄉書試禮部，既自謂宰相子，輒罷舉，仁宗知之，召試學士院，賜進士出身，簽書河南判官，判登聞鼓院，知太常禮院，英宗祔廟，議者欲祧俎祫夾室，充國請配感生帝為宋始祖，從之，東西府建，上二箴以戒大臣，大臣不憚，會廟饗宿齋，其妻遣兩妾至寺，充國自劾罷禮院，遂致仕，充國性剛介，孝於奉親，平居得微物必先薦家廟，乃敢嘗，官至大中大夫，卒，喬年用父蔭監市易，坐與倡女私及私役吏失官，落拓二十年，女嫁蔡京子攸，京當國，始復起用，崇寧中，提舉開封縣鎮府界常平，改提點京西北路刑獄，賜進士第，加集賢殿修撰，京畿轉運副使，進顯謨閣待制，為都轉運使，改開封尹，以龍圖閣學士知河南府，京罷相，諫議大夫毛注，御史中丞吳執中，交擊之，貶保靜軍節度副使，斬州安置，京復相，還舊官，知陳州，政和三年卒，年六十七，諡曰忠文，子昇。

昇字景裕，崇寧初，由譙縣尉為勅令，刪定官數，年至殿中少監，時喬年尹京，父子依憑，蔡氏陵轍士大夫，陰交諫官蔡居厚，使為鷹犬，以徽猷閣待制知陳州，喬年貶，昇亦謫少府少監，分司南京，未幾，知應天府，喬年卒，起復為京西都轉運使，治葺西宮及修三山新河，權至顯謨閣學士，方是時，徽宗議謁諸陵，有司預為西幸之備，昇治宮城廣袤十六里，創廊屋四百四十間，費不可勝，會霖潦，至友人骨為胎，斤直錢數千，盡發洛城外二十里古冢，凡衣冠壘北，大抵遺暴掘，用是遷正議大夫，殿中監，又奉命補治三陵泄水坑澗，計役四百九十萬工。

未幾卒，贈金紫，光祿大夫，延康殿學士，諡曰恭敏。強淵明字德季，杭州錢塘人，父至，以文學受知韓琦，終祠部郎中，淵明進士第，調海州司法參軍，歷濟杭二州教授，知蔡州，確山縣，通判保定軍，入為太府丞，軍器少監，國子司業，與兄浚明及葉夢得締蔡京為死交，立元祐籍，分三等定罪，皆三人所建，遂濟成黨禍，淵明以故或遷秘書少監，中書舍人，大司成，翰林學士，大觀三年，京罷相，以龍圖閣直學士知永興軍，徙鄭越二州，召為禮部尚書，復拜學士，進承旨，翰林廣直廬，帝書摘文堂勝賜之，兼太子賓客，以疾改延康殿學士，提舉醴泉觀，兼侍讀，監修國史，卒，贈金紫，光祿大夫，資政殿學士，諡曰文憲，浚明早死。

蔡居厚字寬夫，熙寧御史延禧子也，延禧嘗擊呂惠卿兄弟有直名，居厚第進士累官，吏部員外郎，大觀初，拜右正言，奏疏曰：神宗造立法度，曠古絕擬，雖符祐之黨力起相軋，而終不能搖者，出於人心理義之所在也，陛下繼志廣聲，政事具舉，願如明詔，勅有司勒為成書，以明一代之制，遷起居郎，進右諫議大夫，論東南兵政七弊，及言學官書局皆為要塗，宜公選實學多聞之士，無使庸常之徒得以幸進，河北河東羣盜起，太原真定守皆以不能擒捕罪去，居厚言：將帥之才，不儲養於平時，故緩急無所可用，宜令觀察使以上各舉所知，又言：比來從事於朝者，皆姑息胥吏，吏彊官弱，浸以成風，蓋鞏毅之下，吏習狡偷，故怯懦者有所畏，至用為耳目，倚為鄉導，假借色辭，過為卑辱，浸淫及於侍從，今廟堂之上，稍亦為之，願重為之制，改戶部侍郎，言者論其在諫省時為宋喬年父子，用以集賢殿修撰知秦州，降羌在州者逸入京師，訴事，坐失察削職罷，蔡京再相，起知滄德齊三州，加徽猷閣待制，為應天河南尹，初建神霄宮，度地汗下，為道士交訴，徙汝州，久之，知東平府，復以戶部侍郎召，未至，又以知青州，病不能赴，未幾卒。

劉嗣明開封祥符人，入太學，積以試藝名出諸生右，崇寧中，車駕幸學，解褐補承事郎，歷校書郎，至給事中，張商英居相位，惡其不附己，時鄭居中雖以嫌去，樞密然陰植黨與，窺伺益固，嗣明與之合計傾商英，門下省吏張天忱，貶秩，嗣

明獻弗下。商英爭之。詔御史臺蔽曲直。商英以是罷。嗣明遂論商英引李士觀尹天民入政典局。矯為勅語。共造姦謀。三人俱坐責。嗣明遷大司成。士子肆雅樂被恩。嗣明亦升班與學士等。已而言者論其取悅權貴。妄升國子生預舍法。以抑寒士。黜知穎州。未幾入為工部侍郎。翰林學士。工部尚書。卒。贈資政殿學士。大中大夫。

蔣靜字叔明。常州宜興人。第進士。調安仁令。俗好巫。疫癘流行。病者寧死不服藥。靜悉論巫罪。聚其所事淫像。得三百軀。毀而投諸江。知陳留縣。與屯將不協。罷去。徽宗初。立求言。靜上言多。詆元祐間事。蔡京第為政等。擢職方員外郎。中書舍人。吳伯舉封還之。京怒。黜伯舉。明年。遷國子司業。帝幸太學。命講書無逸篇。賜服金紫。進祭酒。為中書舍人。以顯謨閣待制知壽州。徙江寧府。茅山道士劉混康以技進。賜號先生。其徒倚為姦利。奪民葦場。壘市廬舍。詞訟至府。吏觀望不敢治。靜悉抵于法。徙睦州。移病。提舉洞霄宮。越九年。召為大司成。出知洪州。復告歸。加直學士。卒。年七十一。贈通議大夫。

賈偉節。開封人。第進士。累擢兩浙轉運判官。條上民間利病。加直祕閣。為江淮發運。副使。蔡京壞東南轉般法。為直達綱。偉節率先奉承。歲以上供物。徑造都下。籍催諸道通負。造巨船二千四百艘。非供奉物。而輒運載者。請論以違制。花石海錯之急。切自此。而輿論功進。秩遂拜戶部侍郎。改刑部。歲餘。以顯謨閣直學士。提舉醴泉觀。卒。

論曰。善乎歐陽修之論朋黨也。其言曰。君子以同道為真朋。小人以同利為偽朋。同道則同心相益而共濟。小人見利則爭先。利盡則疎而相賊。害矣。蘇軾續修說。謂君子不得志。則奉身而退。樂道不仕。小人不得。則僥倖復用。唯怨之報。此所以不勝也。秦觀亦言。君子小人。不免有黨。人主不辨邪正。必至兩廢。或言兩存。則小人卒得志。君子終受害。其說明甚。徽宗弗之察也。唯蔽於紹述之說。崇姦貶正。黨論滋起。於是紹聖指元祐為黨。崇寧指元符為黨。而鄭居中張商英蔡京王黼諸人。互指為黨。不復能辨。始以黨敗人。終以黨敗國。衣冠塗炭。垂三十年。其禍汰於東都白馬蓋。至是而三子之言效焉。彼劉曷強淵明宋喬年

劉嗣明。直斗筭耳。亦使攘臂恣睢。撼撞無忌。小人之為術。變矣。嗚呼。朋黨之說。真能空人之國如此哉。

崔鷗字德符。雍丘人。父毗。徙居穎州。遂為霍陽人。登進士第。調鳳州司戶參軍。筠州推官。徽宗初。立。以日食求言。鷗上書曰。臣聞諫爭之道。不激切不足以起人主意。激切則近訕謗。夫為人臣而有訕謗之名。此讒邪之論。所以易乘。而世主所以不悟。天下所以卷舌吞聲。而以言為戒也。臣嘗讀史。見漢劉陶曹鸞。唐李少良之事。未嘗不掩卷興嗟。矯然有山林不反之意。比聞國家。以日食之異。詢求直言。伏讀詔書。至所謂言之失中。朕不加罪。蓋陛下披至情。窮聖度。以來天下之言如此。而私祕所聞。不敢一吐。是臣子負陛下也。方今政令煩苛。民不堪擾。風俗險薄。法不能勝。未暇一二陳之。而特以判左右之忠邪為本。臣至於草萊。不識朝廷之士。特怪左右之人。有指元祐之臣為姦黨者。必邪人也。使漢之黨錮。唐之牛李之禍。將復見於今日。甚可駭也。夫毀譽者朝廷之公議。故責授朱崖軍司馬。左右以為姦。而天下皆曰忠。今宰相章惇。左右以為忠。而天下皆曰姦。此何理也。臣請略言姦人之迹。夫乘時抵巇。以盜富貴。探微揣端。以固權寵。謂之姦可也。包苴滿門。私謁踴路。陰交不逞。密結禁廷。謂之姦可也。以奇佞淫巧。蕩上心。以信優女色。敗君德。獨操實刑。自報恩怨。謂之姦可也。蔽遮主聽。排斥正人。微言者坐以刺譏。直諫者陷以指斥。以杜天下之言。掩雍蔽之罪。謂之姦可也。凡此數者。光有之乎。惇有之乎。夫有其實者。名隨之。無其實而有其名。誰肯信之。傳曰。謂狐為狸。非特不知狐。又不知狸。是故以佞為忠。必以忠為佞。於是乎有繆賞濫罰。實繆罰濫。佞幸偷。律如此。而國不亂。未之有也。光忠信直諫。聞於華夷。雖古名臣。未能遠過。而謂之姦。是欺天下也。至如惇。徂詐凶險。天下士大夫呼曰惇賊。貴極宰相。人所具瞻。以名呼之。又指為賊。豈非以其孤負主恩。玩竊國柄。忠臣痛憤。義士不服。故賊而名之。指其實而號之。以賊邪京師語曰。大惇小惇。殃及子孫。謂惇與御史中丞安惇也。小人譬之螻蛄。其兇忍害人。根乎天性。隨遇必發。天下無事。不過賊陷忠良。破善類。至緩急危疑之際。必有反覆賣國。跋扈不臣之心。比年以來。諫官不論得失。御史不効

姦邪門下不駁詔令，共持暗默，以爲得計。昔李林甫竊相位十有九年，海內怨痛，而人主不知，頃鄒浩以言事得罪，大臣拱而觀之，同列無一語者，又從而播之，夫以股肱耳目，治亂安危所係，而一切若此，陛下雖有堯舜之聰明，將誰使之，誰使行之，夫日者陽也，食之者陰也，四月正陽之月，陽極感陰極衰之時，而陰干陽，故其變爲大，惟陛下畏天威，聽明命，大運乾剛，大明邪正，毋違經義，毋鬱民心，則天意解矣。若夫伐鼓用幣，素服徹樂，而無懿德善政之實，非所以應天也。帝覽而善之，以爲相州教授。後蔡京復繕上書人，以爲爲邪等，免所居官，久之，調績溪令，移病歸，始居郟城，治地數畝，爲婆娑園，屏處十餘年，人無貴賤，長少，悉尊師之。宣和六年，起通判寧化軍，召爲殿中侍御史，既至而欽宗即位，授右正言。上疏曰：六月一日詔書，詔諫臣直論得失，以求實是，有以見陛下求治之切也。數十年來，王公卿相，皆自蔡京出，要使一門生死，則一門生用，一故吏逐，則一故吏來，更持政柄，無一人立異，無一人害己者，此京之本謀也。安得實是之言，聞於陛下哉。諫議大夫馮澥近上章曰：士無異論，太學之感也。澥尙敢爲此姦言乎。王安石除異己之人，著三經之說，以取士，天下靡然雷同，陵夷至于大亂，此無異論之効也。京又以學校之法馭士人，如軍法之馭卒伍，一有異論，累及學官。若蘇軾黃庭堅之文，范鎮沈括之雜說，悉以嚴刑重賞，禁其收藏，其苛錮多士，亦已密矣。而澥猶以爲太學之感，欺罔不已甚乎。原京與澥罪，乃天地否泰所係，國家治亂，由之以分，不可忽也。仁宗英宗，選敦朴敢言之士，以遺子孫，安石目爲流俗，一切逐去，司馬光復起而用之，元祐之治，天下安於泰山。及章惇蔡京，倡爲紹述之論，以欺人主，紹述一道德，而天下一於詔佞，紹述同風俗，而天下同於欺罔，紹述理財而公私竭，紹述造士而人材衰，紹述開邊而塞塵犯闕矣。元符應詔上書者數千人，京遺腹心考定之，同己爲正，異己爲邪，解與京同者也。故列於正，京之術破壞天下，於茲極矣。尙忍使其餘蠹再破壞，京姦邪之計，大類王莽，而朋黨之衆，則又過之。願斬之以謝天下，累章極論，時議歸重，忽得變疾不能行。三求去，帝惜之不許。呂好問徐秉哲爲言，乃以龍圖閣直學士主管嵩山崇福宮，命下而卒。臨平生爲文至多，輒爲人取。

去，篋無留者，尤長於詩。清峭雄深，有法度，無子。增衛昂集其遺文爲三十卷，傳於世。

張根字知常，饒州德興人，少入太學，甫冠第進士，調臨江司理參軍，遂昌令。當改京秩，以四親在堂，冀以父母之恩，封大父母，而馳妻封及母，遂致仕，得通直郎如其志。時年三十一。鄉人之賢者，彭汝礪序其事，自以爲不及。屏處十年，曾布曾鞏鄒浩及本道使者，上其行義，徽宗召詰，闕爲帝言。人主一日萬幾，所恃者是心耳。一累於物，則聰明智慮且耗，賢不肯涓滴，綱紀不振矣。願陛下清心省欲，以空禍亂之原，遂請罷錢塘製造局，帝改容嘉美，以爲親賢宅教授。未幾，通判杭州，提舉江西常平，內侍走馬承受舉劾一路，以錢半給軍衣，非是自轉運使郡守以下，皆罷。根言：東南軍法與西北殊，此舉行之百五十年矣。帥守監司分朝廷憂，顧使有罪，猶當審處，豈宜以小奄尺紙，空十郡吏哉。詔皆令復還。又言：本道去歲蠲租四十萬，而戶部責償如初，祖宗立發運上供額，而給本錢數百萬緡，使廣糴以待用，比希恩者，乃獻爲羨餘，故歲計不足，至爲無名之斂。詔貸所蠲租，而以糴本錢還之。六路洪州失官錫，繫治兵吏千計。根曰：此有司失於幾察之過也。今羅取無罪之人，責以不可得之物，何以召和氣，乃罷其獄。大觀中，入對言：陛下幸滌煩苛，破朋黨，而士大夫以議論不一，觀望苟且，莫肯自盡，陛下毀石刻，除黨籍，與天下更始，而有司以大臣仇怨，廢錮自如，爲治之害，莫大於此。願思所以勵勅之，卽命爲轉運副使，改淮南轉運使，如直龍圖閣。上書請常平止聽納息，以塞兼并，下戶均出役錢，以絕姦僞，市易惟取淨利，以役商賈，雖名若非正，然與和買不讎，其直什買而使之倍輸，額外無名無數之斂，有聞矣。又請分舉官爲三科：一縣令，二學官，三縣丞。曹州郡亦分三等，明言其人某，材堪充某州某官某縣令，吏部據以注擬，則令選稍清，視平配硬差遠矣。詔吏部戶部相度以聞。根又以水災多乞蠲租賦，散活口米，常平青苗米，振貸流民，詔襄諭之。徙兩浙，辭不行，乃具疏付驛遞奏。大略謂：今州郡無兼月之儲，太倉無終歲之積，軍須匱乏，邊備缺然，東南水旱盜賊間作，西北二國窺伺，日久安得不豫爲之計。因條列茶鹽常平等利病之數，遂言爲今之計，當節其

大者而莫大於土木之功。今羣臣賜一第，或費百萬，臣所部二十州，一歲上供財三十萬緡耳，曾不足給一第之用。以龍元勳威德，猶慮不稱，況出於閭閻，干澤者哉。雖趙普、韓琦，任命定策，所未有。願日削而月損之。如金帛好賜之類，亦不可不節也。又其次如錫帶，其直雖數百緡，亦必斂於數百家而後足。今乃下被僕隸，使混清公卿間，賢不肖無辨，如其左右趨走，不欲墨綬當別為制度，以示等威可也。書奏，權倖側目，謀所以中傷之者。言交上，帝察根誠，不之罪也。尋以花石綱拘占漕舟，官買一竹至費五十緡，而多入諸臣之家。因力陳其弊，益忤權倖。乃擯根所書奏牘，注勿草略，為傲慢不恭，責監信州酒。既又言根非詆常平之法，以搖紹述之政，再貶濠州團練副使。安置郴州，尋以討淮賊功得自便，以朝散大夫終于家。年六十，根性至孝，父病，蠶戒鹽，根為食淡，母嗜河豚，及蟹，母終，根不復食，母方病，每至雞鳴，則少蘇，後不忍聞雞聲，子肅自有傳。第

樸字見素，第進士，歷耀潛宿三州教授。太學錄升博士，改禮部員外郎，高麗遣子弟入學肄業，又兼博士，遷光祿太常少卿，權侍御史，鄭居中去位，樸言朋黨分攻，非朝廷福，若不擯其尤，則難圖。於是宇文黃中、賈安宅等六人皆罷。比蔡京所惡，亦指為居中黨，而逐時，即員冗濫，至五十五人，徽宗諭樸使論列，乃擯其庸繆者十六人，疏斥諸外。徐處仁議置裕民局，以京提舉，京不樂，樸言國家法令明具，何嘗不裕民乎。今置局非是，卒罷之。起復修製大樂局，管勾官田為大晟府典樂，樸論為食濫不法，物論弗齒。且典樂在太常少卿之上，修製冗官，不當超躡，迺罷為樂令，未幾復前命，樸爭不已，改秘書少監，蔡攸引為道史，檢討官，召試中書舍人，卒。

任諒字子諒，眉山人，徙汝陽，九歲而孤，舅欲奪母志，諒挽衣泣曰：豈有為人子不能養其親者乎。母為感動而止。諒力學自奮，年十四，即冠鄉書，登高第，調河南戶曹，以兵書謁樞密，曾布使人邀詣闕，既見，覺不能合，徑去。布為相，猶欲用之，諒子書規以李德裕事，布始怒，蔣之奇章奏在樞府，薦為編修官，布持其委不下，為懷州教授，徽宗見其所作新學碑曰：文士也，擢提舉夔路學事，歷京

西河北京東，改轉運判官，著河北根本籍，凡戶口之升降，官吏之增損，與一歲出納奇贏之數，披籍可見。上之朝，張商英見其書，謂為天下部使者之最，提點京東刑獄，梁山濼漁者習為盜，蕩無名籍，諒伍其家，刻其舟，非是不得輒入，他縣地錯其間者，鑿石為表，盜發則督吏名捕，莫敢不盡力，跡無所容。加直秘閣，徙陝西轉運副使，降人李訛咳，知邊廩不繼，陰關地害粟而叛，遣西夏統軍書稱定邊可唾手取，諒諜知其謀，亟輸粟定邊及諸城堡，且募人發所害得數十萬石，訛咳果入寇，失藏粟七日而退。他日復圍觀化堡，而邊儲已足，訛咳遂解去。加徽猷閣待制，江淮發運使，蔡京破東南轉般漕運法為直達綱，應募者率游手亡賴，盜用乾沒，漫不可核，人莫敢言，諒入對首論之，京怒，會汴泗大水，泗州城不沒者兩板，諒親部卒築隄，徙民就高，振以米粟，水退人獲全，京誣以為漂溺千計，坐削籍歸田里，執政或言水災守臣職，發運使何罪，帝亦知其枉，復右文殿修撰，陝西都轉運使，尋復徽猷閣待制，進直學士，重實更錢法，必欲鐵錢與銅錢等，物價率十減其九，詔諒與實議，諒言為六路害，緩其策，加龍圖閣直學士，知京兆府，徙渭州，以母憂去。宣和七年，提舉上清寶籙宮，修國史，初朝廷將有事於燕，諒曰：中國其有憂乎。乃作書貽宰相曰：今契丹之勢，其亡昭然，取之當以漸，師出不可無名，宜別立耶律氏之法，使散為君長，則我有存亡繼絕之義，彼有瓜分輻裂之弱，與鄰崛起之金國，勢相萬也。至是又言郭藥師必反，帝不聽。大臣以為病狂，出提舉嵩山崇福宮，是冬，金人舉兵犯燕山，藥師叛降，皆如諒言。迺復起諒為京兆，未幾卒。年五十八。

周常字仲修，建州人，中進士第，以所著禮禮弓義見王安石，呂惠卿二人稱之，補國子直講，太常博士，以養親求教授揚州，年未五十即致仕。久之，御史中丞黃復薦其恬退，起為太常博士，辭。元符初，復申前命，兼崇政殿說書，遷著作佐郎，疏言祖宗諸陵器物，止用塗金服飾，又無珠玉，蓋務在質素，昭示訓戒，自裕陵至宣仁后寢宮，乃施金珠，願收貯景靈殿，以遺遺訓，詔置之奉宸庫，擢起居舍人，鄒浩得罪，常於講席論救，貶監郴州酒，徽宗立，召為國子祭酒，起居郎，從容言自古求治之主，未嘗不以尚志為先，然溺於富貴，逸樂蔽於詔諫，順適則

志隨以喪不可不戒。元祐法度互有得失。人才各有所長。不可偏棄。時以天暑。令記注官卯漏正。即勿奏事。仍具爲令。常言。本朝記注類多兼諫員。故凡言動。得以所聞見論可否。神宗皇帝時。修注官雖不兼諫職。亦許以史事於崇政院。和殿直前陳述。陛下於炎暵可畏之候。暫停進對。亦人情之常。若著爲定令。則必記於日錄。傳之史筆。使後人觀之。將以爲倦於聽納。而忘先帝之美意矣。事遂寢。進中書舍人。禮部侍郎。蔡京用事不能容。以寶文閣待制。出知湖州。尋又奪職居婺州。復集賢殿修撰。卒年六十七。

論曰。徽宗荒于治。壁倖塞朝柄。移權姦。不鳴者進。習爲腰熟。鬪根諒常。氣節偏偏。指切時弊。能盡言不諱。卒不勝讒舌。根常死外。鷗諒甫用。而病奪之。可悲也。已。金兵既舉。郭藥師已叛。朝廷猶弗知。矧能先見禍機哉。毋惑乎狂諒之言也。

宋史卷三百五十六

元中書右丞相總裁脫脫等修

列傳第一百十六

何灌 李熙靖 王雲 譚世勳

梅執禮 程振 劉延慶

何灌字仲源開封祥符人武選登第為河東從事經略使韓琦難數試其材而常沮抑之不假借久乃語之曰君奇士也他日當據吾坐為府州大山軍巡檢盜蘇延福狡悍為二邊患灌親擊其首賈胡曠有泉遠人常越境而汲灌親申畫界接過其來忿而舉兵犯我灌迎高射之發輒中或者崖石皆沒鏃敵驚以為神遂巡敵去後三十年契丹蕭大師與灌會道曩事數何巡檢神射灌曰即灌是也蕭覺然起拜為河東將與夏人遇鐵騎來追灌射皆徹甲至洞胸出背疊貫後騎羌懼而引卻知寧化軍豐州從熙河都監見童貫不拜貫憾焉張康國薦於徽宗召對問西北邊事以笏畫御榻指坐衣花紋為形勢帝曰敵在吾目中矣提點河東刑獄遷西上閣門使領威州刺史知滄州以治城郭功轉引進使運粟三十萬石於並塞三州灌言水淺不勝舟陸當用車八千乘沿邊方登麥願以運費增價就糴之奏上報可安撫使忌之劾云板築未畢而冒賞奪所遷官仍再貶秩罷去未幾知岷州引澆川水溉關田千頃湟人號廣利渠從河州復守岷提舉熙河蘭湟弓箭手入言漢金城湟中穀斛八錢今西寧湟廓即其地也漢唐故渠尚可考若先葺渠引水使田不病旱則人樂應募而射士之額足矣從之甫半歲得善田二萬六千頃募士七千四百人為他路最重實用兵西邊灌取古骨龍馬進武軍加吉州防禦使改知蘭州又攻仁多泉城砲傷足不顧卒拔城斬首五百級尋改鄆州防禦使宣和初劉法陷於敵震武危甚熙帥劉仲武使灌往救灌以衆寡不敵但張虛聲駭之夏人宵遁灌恐規其竄遽反兵仲武猶奏其逗遛罷為淮西鈐轄從平方臘獲賊帥呂師囊還同州觀察使浙東都鈐轄改浙西童貫北征檄統制兵馬逐易平以知易州遷寧武軍承宣使燕山路副都總管又加龍神衛都指揮使夔萬不取景州圍薊州貫

誤以兵事即復景城釋薊圍郭藥師統蕃漢兵灌白頃年折氏歸朝朝廷別置一司專部漢兵至于克行乃許同管今但宜令藥師主常勝軍而以漢兵委灌輩實不聽召還管幹步軍司陪遠使射玉津園一發破的再發則否客曰太尉不能耶曰非也以禮讓客耳整弓復中之觀者誦數帝親賜酒勞之遷步軍都虞候金師南下悉出禁旅附梁方平守黎陽灌謂宰相白時中曰金人傾國遠至其鋒不可當今方平掃精銳以北萬有一不枝梧何以善吾後蓋留以衛根本不從明日又命灌行辭以軍不堪戰疆之拜武泰軍節度使河東河北制置副使未及行而帝內禪灌領兵入衛鄆王楷至門欲入灌曰大事已定王何所受命而來導者懼而退灌竟行援兵二萬不能足聽募兵充數靖康元年正月二日次滑州方平南奔灌亦望風迎灌黃河南岸無一人禦敵金師遂直叩京城灌至乞入見不許而令控守西隅背城拒戰凡三日被創沒于陣年六十二帳下韓綜雷彥與奇士也各手殺數人從以死欽宗哀悼賜金帛命官護葬已而言者論其不守河津追削官秩長子劄至閣門宣贊舍人從父戰箭貫左臂拔出之病創死紹興四年中子辭以灌事泣訴于朝詔復履正大夫忠正軍承宣使

李熙靖字子安常州晉陵人唐衛公德裕九世孫也祖均父公弼皆進士第公弼崇寧初通判潞州以議三舍法不便使者劾其沮格詔令坐削黜以死熙靖擢第又中詞學兼茂選為辟雍錄太學正升博士以父老丐外除提舉淮東學事使養命下乃得河東而為淮東者減祐之也蓋省吏取祐之路輒易之或教使自言熙靖曰事君不擇地吾其可發人之私求自便也宰相聞而賢之留為兵部員外郎遭父憂去還為右司員外郎玉黼以太宰領應奉司又方事燕雲立經撫房於中書獨專之他執政皆不得預熙靖與言曰應奉之職非宰相所當預尚書樞密皆有兵房足以治疆事經撫何為者我黼積不樂同列五人皆躡蹠禁從獨滯留四年都水丞失職移過於熙靖貶其兩秩又將左轉為國子司業執政交言不可僅遷太常少卿黼罷乃拜中書舍人蔡攸又惡之出知拱州越兩月復以故官召入對言燕山雖定宜益謹思慮豫防之戒徽宗曰詩所

謂迨天之未陰雨。徹彼桑土。綢繆牖戶者。是也。熙靖進曰。孔子云。為此詩者。其知道乎。能治其國家。誰敢侮之。願陛下為無疆之計。帝嘉之。靖康初。同諱世勳。事龍德宮。改顯謨閣待制。提舉禮泉觀。道君待之甚厚。常從容及內禪事。曰。外人以為吳敏功。殊不知此自出吾意耳。吾苟不欲。人言且滅族。誰敢哉。或謂君似唐睿宗。上畏天戒。故為之。吾有此心久矣。熙靖再拜賀。敏聞而忌之。以進對不時受罰。詎拒張邦昌之命。憂憤廢食。家人進粥藥。寬譬之。終無生意。故人視其病。相持啜泣。索筆書唐王維所賦百官何日再朝天之句。明日遂卒。年五十三。與世勳同贈端明殿學士。

王雲。字子飛。澤州人。父獻可。仕至萊州刺史。知瀘州。黃庭堅請於涪。獻可遇之甚厚。時人稱之。雲舉進士。從使高麗。撰鷄林志。以進。權秘書省校書郎。出知簡州。遷陝西轉運副使。宣和中。從童貫宣撫。幕入為兵部員外郎。起居中書舍人。靖康元年。以給事中使韓離不軍。議割三鎮以和。使還。傳道韓離不之意。以為黏罕得朝廷所與。余親蠟書。堅云。中國不可信。欲敗和約。執政以為不然。罷為徽猷閣待制。知唐州。金人陷太原。召拜刑部尚書。再出使。許以三鎮。賦入之數。雲至。真定。遣從吏李裕還言。金人不復求地。但索五輅及上尊號。且須康王來。和好乃成。欽宗悉從之。且命王及馮澥往。未行而車輅至。長垣為所卻。雲亦還。解奏言。雲誕妄誤國。雲言。事勢中變。金人必欲得三鎮。不然則進兵取汴都。中外震駭。詔築百官議。雲固言。康王舊與韓離不結歡。宜將命。帝慮為所留。雲曰。和議既成。必無留王之理。臣敢以百口保之。王遂受命。而雲以資政殿學士為之副。頃雲奉使過磁。相勸兩郡。徹近城民舍。運粟入保。為清野之計。民怨之。及是。次磁州。又與守臣宗澤有憾。於是王出謁。嘉應神祠。雲在後。民遮道諫曰。蕭王已為金人所留。王不宜北去。厲聲指雲曰。清野之人。真姦賊也。王出廟行。或發雲筒。得烏絁短巾。蓋雲夙有風眩疾。癢則以護首者。民益信其為姦。謀而殺之。王見事勢洶洶。乃南還。相州是役也。雲不死。王必北行。議者以是驗天命云。

建炎初。贈觀文殿學士。雲兄霽。崇寧時為謀議司。詳議官。上書告蔡京罪。隸隸海島。欽宗復其官。從种師中戰死。

譚世勳。字彥成。潭州長沙人。第進士。教授郴州。時王氏學盛行。世勳雅不喜。或問之曰。說多而屢變。無不易之論也。置其書不觀。又中詞學。兼茂科。除秘書省正字。時相蔡京子攸領書局。同舍郎多翕附。以取貴仕。世勳獨坐直廬。繼書竟日。梁師成之客。與為隣居。數致師成。願交意。謝不答。在館六年不遷。京罷。用久次為司門員外郎。又三年遷吏部。京復相。嫌不附。已罷。提點太平宮。久之。復還吏部。倖臣妄引恩澤。任子。持不與。吏白有某例。世勳曰。豈當以暫例破成法。已而取中旨行之。進少府監。擢中書舍人。以謹命。令惜名器。廣言路。客賜予正上。供省浮費六事。言于上。又為當路所嫉。以徽猷閣待制知婺州。未行。復留之。徽宗禪位東幸。且還。使與李熙靖副執政。奉迎。遂同主管龍德宮。請辨正宣仁國史之謗。述欽聖遺旨。以復瑤華。大享神祖。仍用富弼侑食。釋奠先聖。不當以王安石配。後皆施行。秋七月。禁出東方。大臣或謂此四夷將衰之兆。世勳面奏。垂象可畏。當修德以應天。不宜惑諛說。進給事中。兼侍讀。內侍喧爭殿門。詔以贖論。世勳較其不恭。因言童貫輩初亦甚微。小惡不懲。將劇至大患。疏入。同類側目。何與建議。分外郡為四道。置都總管。事得顛決。世勳言。裂天下以付四人。而三畿所治者。纔十六縣。獨無尾大不掉之慮乎。稟不樂。改禮部侍郎。金騎駭駭南下。世勳言。守邊為上策。今邊不得守。守河則京畿自固。中策也。巡幸江淮。會東南兵以捍敵。下策也。金人既渡河。又請遣大將秦元以所部京畿保甲分護國門。使兵勢連屬。首尾相援。即金人不敢逼。孫傳深然之。又格於東議。再扈車。駕至金師帳。以十害說其用事者。言講解之利。詞意忠激。金人聳聽。張邦昌僭國。令與李熙靖同直學士院。皆稱疾臥不起。以憂卒。年五十四。建炎初。襲其守節。贈端明殿學士。

梅執禮。字和勝。婺州浦江人。第進士。調常山尉。未赴。以薦為勅令。刪定官武學博士。大司成。厲淵明賢其人。為宰相言。相以未嘗識面為嫌。執禮聞之曰。以人言而得。必以人言而失。吾求在我者而已。卒不往謁。歷軍器鴻臚丞。比部員外郎。比部職。官稽財貨。文牘山委。率不暇經目。苑吏有持茶券至。為錢三百萬者。以楊戩旨意。迫取甚急。執禮一閱。知其妄。欲白之。長貳疑不敢。乃獨列上。果詐

也。改度支吏部。進國子司業兼資善堂翊善。遷左司員外郎。擢中書舍人。給事中。林據以前執政赴闕宿留。冀復故職。執禮論去之。孟昌齡居鄆質人屋。當贖不肯與。而請中旨奪之。外郡卒留役中。都者萬數。肆不逞爲姦。詔令還。楊戩占不遺。內侍張佑董葦太廟。僭求賞。皆駁奏弗行。遷禮部侍郎。素與王黼善。黼嘗置酒其第。夸示園池妓妾之盛。有驕色。執禮曰。公爲宰相。當與天下同憂樂。今方臘流毒吳地。瘡痍未息。是豈歌舞宴樂時乎。退又戒之以詩。黼愧怒。會孟饗原廟後至。以顯謨閣待制知蘄州。又奪職。明年。徙滁州。復集英殿修撰。時賦鹽麩額。滌亦苦抑配。執禮曰。郡不能當蘇杭一邑。而食鹽乃倍粟數。民何以堪。請於朝。詔損二十萬。滌人德之。欽宗立。徙知鎮江府。召爲翰林學士。道除吏部尙書。旋改戶部。方軍興。調度不足。執禮請以禁內錢。隸有司。凡六宮廩給。皆由度支。乃得下。嘗有小黃門持中批詣部取錢。而封識不用。既悟其失。復取之。執禮奏審。詔責典寶夫人。而杖黃門。金人圍京都。執禮勸帝親征。而請太上帝。后皇后太子皆出避用事者。沮之。洎失守。金人質天子。邀金帛以數百千萬計。曰。和議已定。但所需滿數。則奉天子還闕。執禮與同列陳知質程振安扶皆主根索。四人哀民力已困。相與謀曰。金人所欲無藝極。雖銅鐵亦不能給。盍以軍法結罪。儻室其求。而宦者挾宿怨語金帥曰。城中七百萬戶。所取未百一。但許民持金銀換粟麥。當有出者。已而果然。會怒呼四人責之。對曰。天子蒙塵。臣民皆願致死。雖肝腦不計。於金猶何有哉。顧比屋枵空。上以塞命耳。會問官長何在。振恐執禮獲罪。遽前曰。皆官長也。會益怒。先取其副胡舜陟。胡唐老姚舜明王俱。各杖之百。執禮等猶爲之請。俄遣還。將及門。呼下馬。擗殺之。而梟其首。時靖康二年二月也。是日。天字晝冥。士庶皆隕涕憤歎。初。車駕再出。執禮與宗室子昉諸將吳革等。謀集兵奪萬勝門。夜擣金帥帳。迎二帝以歸。而王時雍徐秉哲。使范瑄泄其謀。故不克死。時年四十九。高宗卽位。詔贈通奉大夫。端明殿學士。議者以爲薄。復加資政殿學士。

鄒祀孟軻。以公孫丑萬章樂正克等配食。從之。提舉京西常平。入爲膳部員外郎。監察御史。辟雍國子司業。左司員外郎。兼太子舍人。始至。卽言古者大祭祀登饗受爵。必以上嗣。既禮經所載。且元豐彝典具存。昨天子展事明堂。而殿下不預。非所以尊崇廟重社稷也。太子矍然曰。宮僚初無及此者。由是特加獎異。方臘起。振謂王黼。宜乘此時。建革天下弊事。以上當天意。下順人心。黼不憚曰。上且疑黼挾寇。奈何。振知黼忘其言。趨而出。然太子薦之甚力。遂擢給事中。黼白振資淺。且雅長書命。請以爲中書舍人。侍郎馮熙載。出知亳州。黼怨熙載。欲振詆以醜語。振不肯。黼使言者劾爲黨。罷提舉。沖佑觀。居三年。後還。故官。靖康元年。進吏部侍郎。爲欽宗言。柄臣不和。論議多駁。詔令輕改。失於事幾。金人交兵。半歲而至。今不解者。以和戰之說未一故也。裁抑濫賞。如白黑易分。而數月之間。三變其議。以私心不除。各蔽其黨故也。今日一人言之。以爲是而行。明日一人言之。以爲非而止。或聖斷踰度。而不暇瞻咨。或大臣偏見。而遂形播告。所以動未必善。處未必宜。乃輒爲之反汗。其勢不得不爾也。時金兵至河北。振請糾諸道兵。犄角擊之。曰。彼猖獗如此。陛下尙欲守和議。而不使之少有懲艾乎。上嗟味其言。而牽於外廷。不能用。拜開封尹。故時大辟有情。可矜。多奏取原貸。崇寧以來。議者謂鞏轂先彈壓。率便文殺之。振請復舊制。詔捕亡命卒得數千人。必大駭觀聽。乃盡釋之。改刑部侍郎。金騎在郊。邀車駕出城。振爲何桌言。宜思所以折之之策。莫不從。未幾。及於難。年五十七。金人去。從子庭訪得其首。歸葬之。初。王黼使其客沈積中。圖燕。振戒以後禍。積中懼而言不可。既而振乃用是死。聞者痛之。初。宣和崇道家之說。振侍坐東宮。從容言。孔子以鴟鴞之詩爲知道。其詞不過曰。迨天之未陰雨。網繆牖戶而已。老子亦云。爲之於未有。治之於未亂。今不固根本於無事之時。而事目前區區。非二聖人意。他日。太子爲徽宗道之。徽宗寤。頗欲去健羨。疏左右近習。而宦寺楊戩輩。方大與宮室。懼不得肆。因讒家令楊馮。以爲將輔太子。幸非常。徽宗震怒。執馮誅之。而太子之言亦廢。振尹京時。兩宮方困於甚間。振極意彌縫。治龍德樂忻獄。寃其罪。不使有

繼介可指高宗即位進秩七等仍官其子及親屬三人又贈端明殿學士端平初曾孫東請諡賜諡剛愍同時死者禮部侍郎陳知質失其傳給事中安扶附見父安燾傳

劉延慶保安軍人世爲將家雄豪有勇數從西伐立戰功積官至相州觀察使龍神衛都指揮使鄜延路總管遷泰寧軍節度觀察留後改承宣使破夏人成德軍擒其酋賞屈降王子益麻党征拜保信軍節度使馬軍副都指揮使從童貫平方臘節度河陽三城又從北伐以宣撫都統制督兵十萬渡白溝延慶行軍無紀律郭藥師扣馬諫曰今大軍拔隊行而不設備若敵人置伏邀擊首尾不相應則望塵潰矣不聽至良鄉遼將蕭幹帥衆來延慶與戰敗績遂閉壘不出藥師曰幹兵不過萬人今悉力拒伐燕山必虛願得奇兵五千倍道襲取令公之子三將軍簡師爲後繼延慶許之遣大將高世宣與藥師先行卽入燕城幹舉精甲三千巷戰三將軍者光世也渝約不至藥師失援敗走世宣死之延慶營于盧溝南幹分兵斷鑿道擒護糧將王淵得漢軍二人蔽其目留帳中夜半僞相語曰聞漢軍十萬壓吾境吾師三倍敵之有餘當分左右翼以精兵衝其中左右翼爲應殲之無遺陰逸其一人歸報明旦延慶見火起以爲敵至燒營而奔相蹂踐死者百餘里自熙豐以來所儲軍實殆盡退保雄州燕人作賦及歌謂之朝議延慶喪師不可不行法坐貶率府率安置筠州契丹知中國不能用兵由是輕宋未幾復爲鎮海軍節度使靖康之難延慶分部守京城城陷引秦兵萬人奪開遠門以出至龜兒寺爲追騎所殺光世自有傳

論曰靖康之變執禮振不忍都人塗炭拒彊敵無厭之欲親逢其凶熙靖世勳不肯以一身事二姓悲不食以終權延慶戰敗而沒此數人者其所遭不同至於死國難則一而已雲之死雖其有以取之殆亦天未欲絕宋祀也不然是行也康王其危哉

列傳第一百十七

李綱上

李綱字伯紀邵武人也。自其祖始居無錫。父夔終龍圖閣待制。綱登政和二年進士第。積官至監察御史。兼權殿中侍御史。以言事忤權貴。改比部員外郎。遷起居郎。宣和元年。京師大水。綱上疏言陰氣太盛。當以盜賊外患為憂。朝廷惡其言。謫監南劍州沙縣稅務。七年。為太常少卿。時金人渝盟。邊報狎至。朝廷議避敵之計。詔起師勤王。命皇太子為開封牧。令侍從各具所見以聞。綱上禦戎五策。其語所善。給事中吳敏曰。律牧之議。豈非欲委以留守之任乎。巨敵猖獗。如此。非傳以位號。不足以招徠天下豪傑。東宮恭儉之德。聞於天下。以守宗社。可也。公以獻納論思為職。曷不為上極言之。敏曰。監國可乎。綱曰。肅宗靈武之事。不建號。不足以復邦。而建號之議。不出於明皇。後世惜之。主上聰明仁慈。公言萬一能行。將見金人悔禍。宗社底寧。天下受其賜。翌日。敏請對。具道所以。因言李綱之論。蓋與臣同。有旨召綱入議。綱刺臂血上疏云。皇太子監國典禮之常也。今大敵入攻。安危存亡。在呼吸間。猶守常禮可乎。名分不正。而當大禮。何以號召天下。期成功於萬一哉。若假皇太子以位號。使為陛下守宗社。收將士心。以死捍敵。天下可保。疏上。內禪之議。乃決。欽宗即位。綱上封事。謂方今中國勢弱。君子道消。法度紀綱蕩然。無統陛下履位之初。當上應天心。下順人欲。攘除外患。使中國之勢尊。誅鋤內姦。使君子之道長。以副道君皇帝付託之意。召對延和殿。上迎謂綱曰。朕頃在東宮。見卿論水災疏。今尚能誦之。李鄴使金議割地。綱奏。祖宗疆土。當以死守。不可以尺寸與人。欽宗嘉納。除兵部侍郎。靖康元年。以吳敏為行營副使。綱為參謀官。金將韓萬不兵渡河。徵宗東幸。宰執議請上暫避敵鋒。綱曰。道君皇帝挈宗社以授陛下。委而去之可乎。上默然。太宰白時中謂都城不可守。綱曰。天下城池。豈有如都城者。且宗廟社稷。百官萬民所在。捨此欲何之。上顧宰執曰。策將安出。綱進曰。今日之計。當整軍馬。固結民

心。相與堅守。以待勤王之師。上問誰可將者。綱曰。朝廷以高爵厚祿。崇養大臣。蓋將用之於有事之日。白時中李邦彥等。雖未必知兵。然藉其位號。撫將士以抗敵鋒。乃其職也。時中忿曰。李綱莫能將兵。出戰否。綱曰。陛下不以臣庸懦。儻使治兵。願以死報。乃以綱為尙書右丞。宰執猶守避敵之議。有旨以綱為東京留守。綱為上力陳。所以不可去之意。且言。明皇聞潼關失守。即時幸蜀。宗廟朝廷。毀于賊手。范祖禹以為其失在於不能堅守。以待援。今四方之兵。不日雲集。陛下奈何輕舉。以蹈明皇之覆轍乎。上意頗悟。會內侍奏中官已行。上色變。倉卒降御榻曰。朕不能留矣。綱泣拜以死邀之。上顧綱曰。朕今為卿留。治兵禦敵之事。專責之卿。勿令有疎虞。綱惶恐受命。未幾。復決意南狩。綱趨朝。則禁衛擐甲。乘輿已駕矣。綱急呼禁衛曰。爾等願守宗社乎。願從幸乎。皆曰。願死守。綱入見曰。陛下已許臣留。復戒行何也。今六軍父母妻子。皆在都城。願以死守。萬一中道散歸。陛下孰與為衛。敵兵已逼。知乘輿未遠。以健馬疾追。何以禦之。上感悟。遂命輟行。綱傳旨語左右曰。敢復有言去者。斬。禁衛皆拜伏呼萬歲。六軍聞之。無不感泣流涕。命綱為親征行營使。以便宜從事。綱治守戰之具。不數日而畢。敵兵攻城。綱身督戰。募壯士縋城而下。斬酋長十餘人。殺其眾數千人。金人知有備。又聞上已內禪。乃退。求遣大臣至軍中議和。綱請行。上遣李稅。綱曰。安危在此一舉。臣恐李稅怯懦而誤國事也。上不聽。竟使稅往。金人須金幣以千萬計。求割太原中山河間地。以親王宰相為質。稅受事。自不措一辭。還報。綱謂所需金幣。竭天下且不足。況都城乎。三鎮國之屏蔽。割之何以立國。至於遣質。即宰相當往。親王不當往。若遣辯士姑與之議。所以不可不者。宿留數日。大兵四集。彼孤軍深入。雖不得所欲。亦將速歸。此時而與之盟。則不敢輕中國。而和可久也。宰執議不合。綱不能奪。求去。上慰諭曰。卿第出治兵。此事當徐議之。綱退。則誓書已行。所求皆與之。以皇弟康王少保張邦昌為質。時朝廷日輸金幣。而金人需求不已。日肆屠掠。四方勤王之師。漸有至者。种師道姚平仲亦以涇原秦鳳兵至。綱奏言。金人貪婪無厭。兇悍已甚。其勢非用師不可。且敵兵號六萬。而吾勤王之師集城下者。已二十餘萬。彼以孤軍入重地。猶虎豹自投檻阱。

中當與計取之不必與角一旦之力若扼河津絕饒道分兵復畿北諸邑而以重兵臨敵營堅壁勿戰如周亞夫所以困七國者俟其食盡力疲然後以一檄取書復三鎮縱其北歸半渡而擊之此必勝之計也上深以為然約日舉事姚平仲勇而寡謀急於要功先期率步騎萬人夜斫敵營欲生擒韓侂胄及取康王以歸夜半中使傳旨諭綱曰姚平仲已舉事卿速援之綱率諸將且出封丘門與金人戰暮天坡以神臂弓射金人却之平仲竟以襲敵營不克懼誅去金使來宰相李邦彥語之曰用兵乃李綱姚平仲非朝廷意遂罷綱以蔡懋代之太學生陳東等詰綱上書明綱無罪軍民不期而集者數十萬呼聲動地患不得報至殺傷內侍帝亟召綱綱入見泣拜請死帝亦泣命綱復為尚書右丞充京城四壁守禦使始金人犯城者蔡懋禁不得輒施矢石將士積憤至是綱下令能殺敵者厚賞衆無不奮躍金人懼稍稍引却且得制三鎮詔及親王為質乃退師除綱知樞密院事綱奏請如澶淵故事遣兵護送且戒諸將可擊則擊之乃以兵十萬分道並進將士受命踊躍以行先是金帥粘罕圍太原守將折可求劉光世軍皆敗平陽府義兵亦叛導金人入南北關取隆德府至是遂攻高平宰相咎綱盡遣城下兵追敵恐倉卒無措急徵諸將已追及金人於邢趙間遽得還師之命無不扼擊比綱力爭復追而將士解體矣詔議迎太上皇帝還京初徽宗南幸童貫高俅等以兵扈從既行聞都城受圍乃止東南郵傳及勤王之師道路籍籍言貫等為變陳東上書乞誅蔡京蔡攸童貫朱勔高俅盧宗原等議遣轟山為發運使往圖之綱曰使山所圖果成震驚太上此憂在陛下萬一不果是數人者挾太上於東南求劍南一道陛下將何以處之莫若罷山之行請於太上去此數人自可不勞而定上從其言徽宗還次南都以書問改革政事之故且詔吳敏李綱或慮太上有不測綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數行下問卿頃以何故去綱對曰臣昨任在左史以狂妄論列水災蒙恩寬斧鉞之誅然臣當時所言以謂天地之變各有類應正為今日攻圍之兆夫災異變故譬猶一人之身病在五臟則發於氣色形於脈息善醫者能知之

所以聖人觀變於天地而修其在在我者故能制治保邦而無危亂之憂徽宗稱善又詢近日都城攻圍守禦次第語漸浹洽徽宗因及行宮上遞角等事曰當時恐金人知行宮所在非有他也綱奏方艱危時兩宮隔絕朝廷應副行宮亦豈能無不至者在聖度燭之耳且言皇帝仁孝惟恐有一不當太上皇帝意者每得詰問之詔輒憂懼不食臣竊嘗之家長出而疆寇至子弟之任家事者不得不從宜措置長者但當以其能保田園之計而慰勞之苟誅及細故則為子弟者何所逃其責哉皇帝傳位之初陛下巡幸適當大敵入攻為宗社計庶事不得不小有更革陛下回鑾臣謂宜有以大慰安皇帝之心勿問細故可也徽宗感悟出玉帶金象簡賜綱曰行宮人得卿來皆喜以此示朕意卿可使服史垂名萬世綱感泣再拜綱還具道太上意宰執進迎奉太上儀注耿南仲議欲屏太上左右車駕乃進綱言如此是示之以疑也天下之理誠與疑明與闇而已自誠明而推之可至於堯舜自疑闇而推之其患有不可勝言者耿南仲不以堯舜之道輔陛下乃闇而多疑南仲怫然曰臣適見左司諫陳公輔乃為李綱結士民伏闕者乞下御史置對上愕然綱曰臣與南仲所論國事也南仲乃為此言臣何敢復有所辯願以公輔事下吏臣得乞身待罪章十餘上不允太上皇帝還綱迎拜國門翌日朝龍德宮退復上章懇辭上手詔諭意曰乃者敵在近郊士庶伏闕一朝倉猝衆數十萬忠憤所激不謀同辭此豈人力也哉不悅者造言致卿不自安朕深諒卿不足介懷巨敵方退正賴卿協濟艱難宜勉為朕留綱不得已就職上備邊禦敵八事時北兵已去太上還宮上下恬然置邊事於不問綱獨以為憂與同知樞密院事許翰議調防秋之兵吳敏乞置詳議司檢詳法制以革弊政詔以綱為提舉官南仲沮止之綱奏邊患方棘調度不給宜稍抑冒濫以足國用謂如節度使至遙郡刺史本以待勳臣今皆以戚里恩澤得之堂吏轉官止於正郎崇觀間始轉至中奉大夫今宜皆復舊制執政揭其奏通衢以綱得士民心欲因此離之會守禦司奏補副尉二人御批有大臣專權浸不可長語綱奏頃得旨給空名告勅以便宜行事二人有勞當

補官故具奏聞乃遵上旨非專權也時太原圍未解種師中戰沒師道病歸南仲曰欲援太原非綱不可上以綱爲河東北宣撫使綱言臣書生實不知兵在圍城中不得已爲陛下料理兵事今使爲大帥恐慢國事因拜辭不許退而移疾乞致仕章十餘上不允臺諫言綱不可去朝廷上以其爲大臣遊說斥之或謂綱曰公知所以遣行之意乎此非爲邊事欲緣此以去公則都人無辭耳公堅臥不起讒者益肆上怒且不測奈何許翰書杜郵二字遺綱綱皇恐受命上手書裴度傳以賜綱言吳元濟以區區環寨之地抗唐室與金人疆鞏固不相侔而臣曾不足以望裴度萬分之一然寇攘外患可以掃除小人在朝盡害難去使朝廷既正君子道長則所以扞禦外患者有不難也因書裴度論元復魏洪簡章疏要語以進上優詔答之宣撫司兵僅萬二千人庶事未集綱乞展行期御批以爲遷延拒命綱上疏明其所以未可行者且曰陛下前以臣爲專權今以臣爲拒命方遣大帥解重圍而以專權拒命之人爲之無乃不可乎願乞骸骨解樞筦之任上趣召數四曰卿爲朕巡邊便可還朝綱曰臣之行無復還之理昔范仲淹以參政出撫西邊過鄭州見呂夷簡夷簡曰參政豈可復還其後果然今臣以愚直不容於朝使既行之後進而死敵臣之願也萬一朝廷執議不堅臣當求去陛下宜察臣孤忠以全君臣之義上爲之感動及陛辭言唐恪彘山之姦任之不已後必誤國進至河陽望拜諸陵復上奏曰臣總師出鞏洛望拜陵寢潯然出涕惟祖宗創業守成垂二百年以至陛下適丁艱難之秋疆敵內侵中國勢弱此誠陛下當膽思報厲精求治之日願深考祖宗之法一二推行之進君子退小人益固邦本以圖中興上以慰安九廟之靈下爲億兆蒼生之所依賴天下幸甚行次懷州有詔罷滅所起兵綱奏曰太原之圍未解河東之勢甚危秋高馬肥敵必深入宗社安危殆未可知使防秋之師果能足用不可保無敵騎渡河之警況臣出使未幾朝廷盡改前詔所團結之兵悉罷滅之今河北河東日告危急未有一人一騎以副其求甫集之兵又皆散遣臣誠不足以任此且以軍法勒諸路起兵而以寸紙罷之臣恐後時有所號召無復應者矣疏上不報御批曰促解太原之圍而諸將承受御書事皆專達宜撫

司徒有節制之名綱上疏極諫節制不專之弊時方議和詔止綱進兵未幾徐處仁吳敏罷相而相唐恪許翰罷同知樞密院而進森山陳過庭李回等吳敏復謫置涪州綱聞之數曰事無可爲者矣即上奏巧罷乃命種師道以同知樞密院事領宣撫司事召綱赴闕尋除觀文殿學士知揚州綱具奏辭免未幾以綱專主戰議喪師費財落職提舉亳州明道宮實授保靜軍節度副使建昌軍安置再謫寧江金兵再至上悟和議之非除綱實政殿大學士領開封府事綱行次長沙被命即率湖南勤王之師入援未至而都城失守先是康王至北軍爲金人所懼求遣肅王代之至是康王開大元帥府承制復綱故官且貽書曰方今生民之命急於倒垂諒非不世之才何以協濟事功閣下學窮天人忠貫金石當投袂而起以副蒼生之望高宗即位拜尙書右僕射兼中書侍郎趣赴闕中丞顏岐奏曰張邦昌爲金人所喜雖已爲三公郡王宜更加同平章事增重其禮李綱爲金人所惡雖已命相宜及其未至罷之章五上上曰如朕之立恐亦非金人所喜岐語塞而退岐猶遣人封其章示綱覲以沮其來上聞綱且至遣官迎勞錫宴趣見于內殿綱見上涕泗交集上爲動容因奏曰金人之道專以詐謀取勝中國不悟一切墮其計中賴天命未改陛下總師于外爲天下臣民之所推戴內修外攘還二聖而撫萬邦責在陛下與宰相臣自視闕然不足以副陛下委任之意乞追獲成命且臣在道顏岐嘗封示論臣章謂臣爲金人所惡不當爲相如臣愚昧但有趙氏不知有金人宜爲所惡然謂臣材不足以任宰相則可謂爲金人所惡不當爲相則不可因力辭帝爲出范宗尹知饒州顏岐與綱猶力辭上曰朕知卿忠義智略久矣欲使敵國畏服四方安寧非相卿不可卿其勿辭綱頓首泣謝云臣愚陋無取荷陛下知遇然今日扶顛持危圖中興之功在陛下而不在臣臣無左右先容陛下首加職權付以宰相柄顧區區何足以仰副圖任責成之意然靡不有初鮮克有終臣孤立寡與望察管仲齊霸之言留神於君子小人之間使得以盡志畢慮雖死無憾昔唐明皇欲相姚崇崇以十事要說皆中一時之病今臣亦以十事仰于天聽陛下度其可行者賜之施行臣乃敢受命一曰議國是謂中國之御四裔能守而後可

戰能戰而後可和而靖康之末皆失之今欲戰則不足欲和則不可莫若先自治專以守為策俟吾政事修士氣振然從可議大舉二曰議巡幸謂車駕不可不到京師見宗廟以慰都人之心度未可居則為巡幸之計以天下形勢而觀長安為上襄陽次之建康又次之皆當詔有司預為之備三曰議赦令謂祖宗登極赦令皆有常式前日赦書乃以張邦昌偽赦為法如赦惡逆及罪廢官盡復官職皆汎濫不可行宜悉改正以法四曰議僭逆謂張邦昌為國大臣不能臨難死節而挾金人之勢易姓改號宜正典刑垂戒萬世五曰議偽命謂國家更大變解仗節死義之士而受偽官以屈膝於其庭者不可勝數昔肅宗平賊行偽命者以六等定罪宜倣之以勵士風六曰議戰謂軍政久廢士氣怯懦宜一新紀律信賞必罰以作其氣七曰議守謂敵情狡獪勢必復來宜於沿河江淮措置控禦以扼其衝八曰議本政謂政出多門紀綱紊亂宜一歸之於中書則朝廷尊九曰議久任謂靖康間進退大臣太速功效蔑著宜慎擇而久任之以責成功十曰議修德謂上始膺天命宜益修孝悌恭儉以副四海之望而致中興翌日班綱議于朝惟僭逆偽命二事留中不出綱言二事乃今日政刑之大者邦昌當道君朝在政府者十年淵聖即位首擢為相方國家福難金人為易姓之謀邦昌如能以死守節推明天下戴宋之義以感動其心敵人未必不悔禍而存趙氏而邦昌方自以為得計偃然正位號處宮禁擅降偽詔以止四方勤王之師及知天下之不與不得已而後請元祐太后垂簾聽政而議奉迎邦昌僭逆始末如此而議者不同臣請備論而以春秋之法斷之夫都城之人德邦昌謂因其立而得生且免重科金銀之擾元帥府怨邦昌謂其不待征討而遣使奉迎若天下之憤嫉邦昌者則謂其建號易姓而奉迎特出於不得已都城德之元帥府怨之私也天下憤嫉之公也春秋之法人臣無將將而必誅趙盾不討則書以弑君今邦昌已僭位號敵退而止勤王之師非特將與不討賊而已劉盆子以漢宗室為赤眉所立其後以十萬眾降光武但待之以不死邦昌以臣易君罪大於盆子不得已而自歸朝廷既不正其罪又尊崇之此何理也陛下欲建中興之業而尊崇僭逆之臣以示四方其誰不解體又偽命

臣僚一切置而不問何以厲天下士大夫之節時執政中有論不同者上乃詔黃潛善等議之潛善主邦昌甚力上顧呂好問曰卿昨在圍城中知其故以為何如好問附潛善持兩端曰邦昌僭竊位號人所共知既以自歸惟陛下裁處綱言邦昌僭逆豈可使之在朝廷使道路指目曰此亦一天子哉因泣拜曰臣不可與邦昌同列當以笏擊之陛下必欲用邦昌第罷臣上頗感動伯彥乃曰李綱氣直臣等所不及乃詔邦昌謫潭州吳玠莫儔而下皆遷謫有差綱又言近世士大夫寡廉鮮恥不知君臣之義靖康之禍能仗節死義者在內惟李若水在外惟霍安國願加贈恤上從其請仍詔有死節者諸路詢訪以聞上謂綱曰卿昨爭張邦昌事內侍輩皆泣涕卿今可以受命矣綱拜謝有旨兼充御營使入對奏曰今國勢不逮靖康間遠甚然而可為者陛下英斷於上羣臣輯睦於下庶幾靖康之弊革而中興可圖然非有規模而知先後緩急之序則不能以成功夫外禦疆敵內銷盜賊修軍政變士風裕邦財寬民力改弊法省冗官誠號令以感人心信賞罰以作士氣擇帥臣以任方面選監司郡守以奉行新政俟吾所以自治者政事已修然後可以問罪金人迎還二聖此所謂規模也至於所當急而先者則在於料理河北河東蓋河北河東者國之屏蔽也料理稍就然後中原可保而東南可安今河東所失者恆代太原澤潞汾晉餘郡猶存也河北所失者不過真定懷衛濬四州而已其餘三十餘郡皆為朝廷守兩路士民兵將所以戴宋者其心甚堅皆推豪傑以為首領多者數萬少者亦不下萬人朝廷不因此時置司遣使以大慰撫之分兵以援其危急臣恐糧盡力疲坐受金人之困雖懷忠義之心援兵不至危迫無告必且憤怨朝廷金人因得撫而用之皆精兵也莫若於河北置招撫司河東置經制司擇有材略者為之使宣諭天子恩德所以不忍棄兩河於敵國之意有能全一州復一郡者以為節度防禦團練使如唐右鎮之制使自為守非惟絕其從敵之心又可資其禦敵之力使朝廷永無北顧之憂最今日之先務也上善其言問誰可任者綱薦張所傳亮所嘗為監察御史在靖康圍城中以蠟書募河北兵士民得書喜曰朝廷棄我猶有一張察院能拔而用之應募者凡十七萬人由是所之聲震

河北故綱以爲招撫河北非所不可。傅亮者先以邊功得官。嘗治兵河朔。都城受圍時。亮率勤王之兵三萬人。屢立戰功。綱察其智略。可以大用。欲因此試之。上乃以所爲河北招撫使。亮爲河東經制副使。皇子生。故事當肆赦。綱奏。陛下登極曠蕩之恩。獨遺河北河東而不及。勤王之師。天下歛望。夫兩路爲朝廷堅守。而赦令不及。人皆謂已棄之。何以慰忠臣義士之心。勤王之師在道路半年。擐甲荷戈。冒犯霜露。雖未效用。亦已勞矣。加以疾病死亡。恩恤不及。後有急難。何以使人乎。願因今赦。廣示德意。上嘉納。於是兩路知天子德意。人情翕然。間有以破敵捷書至者。金人圍守諸郡之兵。往往引去。而山砦之兵。應招撫經制。二司募者甚衆。有許高許亢者。以防河而通諸嶺南。至南康謀變。年倅戮之。或議其擅殺。綱曰。高亢受任防河。寇未至而遁。分途劫掠。甚於盜賊。朝廷不能正軍法。而一守倅能行之。真捷吏也。使受命捍賊而欲退走者。知郡縣之吏皆得以誅之。其亦少知所戒乎。上以爲然。命轉一官。開封守關。綱以留守非宗澤不可。力薦之。澤至。撫循軍民。修治樓櫓。屢出師以挫敵。綱立軍法。五人爲伍。伍長以牌書同伍四人姓名。二十五人爲甲。甲正以牌書伍長五人姓名。百人爲隊。隊將以牌書甲正四人姓名。五百人爲部。部將以牌書隊將正副十人姓名。二千五百人爲軍。統制官以牌書部將正副十人姓名。命招置新軍及御營司兵。並依新法團結。有所呼召。使令按牌以遣。三省樞密院置賞功司。受賂乞取者。行軍法。遇敵挑釁者斬。因而爲盜賊者。誅及其家屬。凡軍政申明改更者數十條。又奏步不足以勝騎。騎不足以勝車。請以車制領京東西製造。而教閱之。又奏進戰艦。募水軍。及詢訪諸路武臣材略之可任者。以備用。又進三疏。一曰募兵。二曰買馬。三曰募民出財。以助兵費。諫議大夫宋齊愈聞而笑之。謂虞部員外郎張浚曰。李丞相三議無一可行者。浚問之。齊愈曰。民財不可盡括。西北之馬不可得。而東南之馬不可用。至於兵數。若郡增二千。則歲用千萬緡。費將安出。齊愈將極論之。浚曰。公受禍自此始矣。時朝廷議遣使于金。綱奏曰。堯舜之道。孝悌而已。孝悌之至。可以通神明。陛下以二聖遠狩沙漠。食不甘味。寢不安席。思迎還兩宮。致天下養。此孝悌之至。而堯舜之用心也。今日之事。正當枕戈

嘗膽。內修外攘。使刑政修而中國疆。則二帝不俟迎請而自歸。不然。雖冠蓋相望。卑辭厚禮。恐亦無益。今所遣使。但當奉表通問兩宮。致思慕之意可也。上乃命綱草表。以周望傳等爲二聖通問使。奉表以往。且乞降哀痛之詔。以感動天下。使同心協力。相與扶持。以致中興。又乞省冗員。節浮費。上皆從其言。是時四力潰兵爲盜者十餘萬人。攻劫山東淮南襄漢之間。綱命將悉討平之。一日。論靖康時事。上曰。淵聖勤於政事。省覽章奏。至終夜不寢。然卒致播遷。何耶。綱曰。人主之職。在知人。進君子而退小人。則大功可成。否則衡石程書無益也。因論靖康初。朝廷應敵得失之策。且極論金人兩至都城。所以能守不能守之故。因勉上以明恕盡人言。以恭敬足國用。以英果斷大事。上皆嘉納。又奏。臣章言車駕巡幸之所。關中爲上。襄陽次之。建康爲下。陛下縱未能行上策。猶當且適襄鄧。示不忘故都。以係天下之心。不然。中原非復我有。車駕還關無期。天下之勢遂傾。不復振矣。上爲詔論兩京以還都之意。讀者皆感泣。未幾有詔欲幸東南。避敵。綱極論其不可。言自古中興之主。起於西北。則足以據中原。而有東南。起於東南。則不能以復中原。而有西北。蓋天下精兵健馬。皆在西北。一旦委中原而棄之。豈惟金人將乘間以擾內地。盜賊亦將遽起爲亂。跨州連邑。陛下雖欲還關。不可得矣。况欲治兵勝敵。以歸二聖哉。夫南陽光武之所與。有高山峻嶺。可以控扼。有寬城平野。可以屯兵。西隣關陝。可以召將士。東達江淮。可以運穀粟。南通荆湖巴蜀。可以取財貨。北距三都。可以遣救援。暫議駐蹕。乃還汴都。策無出於此者。今乘舟順流而適東南。固甚安便。第恐一失中原。則東南不能必其無事。雖欲退保一隅。不易得也。況嘗奉詔許留中原。人心悅服。奈何詔墨未乾。遽失大信於天下。上乃許幸南陽。時黃潛善汪伯彥實陰上巡幸東南之議。客或有謂綱曰。外論洵洵。咸謂東幸已決。綱曰。國之存亡。於是焉分。吾當以去就爭之。初綱每有所論。諫其言雖切直。無不容納。至是所言。常留中不報。已而遷綱尚書左僕射。兼門下侍郎。黃潛善除右僕射。兼中書侍郎。張所乞且置司北京。俟措置有緒。乃渡河。北京留守張益謙潛善黨也。奏招撫司之擾。又言自置司河北。盜賊益熾。綱言所尚留京師。益謙何以知其擾。河北民無所歸。聚而

爲盜。豈由置司乃有盜賊乎。有旨令留守宗澤節制傅亮。即日渡河。亮言。措置未就。而渡河。恐誤國事。綱言。招撫經制臣所建明。而張所傅亮。又臣所薦用。今潛善伯彥祖所及亮。所以沮臣。臣每覽靖康大臣不和之失事。未嘗不與潛善伯彥議。而後行。而二人設心如此。願陛下虛心觀之。既而詔罷經制司。召亮赴行在。綱言。聖意必欲罷亮。乞以御筆付潛善施行。臣得乞身歸田。綱退而亮竟罷。乃再疏求去。上曰。卿所爭細事。胡乃爾。綱言。方今人材以將帥爲急。恐非小事。臣昨議遷幸。與潛善伯彥異。宜爲所嫉。然臣東南人。豈不願陛下東下爲安。便哉。願一去中原。後患有不可勝言者。願陛下以宗社爲心。以生靈爲意。以二聖未還爲念。勿以臣去而改其議。臣雖去左右。不敢一日忘陛下。泣辭而退。或曰。公決於進退。於義得矣。如讒者何。綱曰。吾知盡事君之道。不可則全進退之節。患禍非所恤也。初二帝北行。金人議立異姓。吏部尚書王時雍問於吳玠。莫備。二人微言敵意在張邦昌。時雍未以爲然。適宋齊愈自敵所來。時雍入問之。齊愈取片紙書張邦昌三字。時雍意乃決。遂以邦昌姓名入議狀。至是齊愈論綱二事之非。不報。擬章將再上。其鄉人嗾齊愈者。竊其草示綱。時方論僭逆附僞之罪。於是逮齊愈。齊愈不承。獄吏曰。王尚書輩所坐不輕。然但遷嶺南。大諫第承。終不過躡嶺爾。齊愈引伏。遂誅之。東市。張浚爲御史。劾綱以私意殺侍從。且論其買馬招軍之罪。詔罷綱爲觀文殿大學士。提舉洞霄宮。尚書右丞許翰言。綱忠義捨之。無以佐中興。會上召見陳東。東言。潛善伯彥不可任。綱不可去。東坐誅。翰曰。吾與東皆爭李綱者。東戮都市。吾在廟堂可乎。遂求去。後有旨。綱落職居鄂州。自綱罷。張所以罪去。傅亮以母病辭歸。招撫經制二司皆廢。車駕遂東幸。兩河郡縣相繼淪陷。凡綱所規畫軍民之政。一切廢罷。金人攻京東西。殘毀闕輔。而中原盜賊遽起矣。

列傳第一百十八

李綱下

紹興二年除觀文殿學士湖廣宣撫使兼知潭州是時荆湖江湖之間流民潰卒羣聚為盜賊不可勝計多者至數萬人綱悉蕩平之上言荆湖國之上流其地數千里諸葛亮謂之用武之國今朝廷保有東南控馭西北如鼎澧嶽鄂若荆南一帶皆當屯宿重兵倚為形勢使四川之號令可通而襄漢之聲援可接乃有恢復中原之漸議未及行而諫官徐俯劉夔劾綱罷為提舉西京崇福宮四年冬金人及偽齊來攻綱具防禦三策謂偽齊悉兵南下境內必虛儻出其不意電發霆擊擣頰昌以臨畿甸彼必震懼還拯王師追躡必勝之理此上策也若駐蹕江上號召上流之兵順流而下以助聲勢金鼓旌旗千里相望則敵人雖衆不敢南渡然後以重師進屯要害之地設奇邀擊絕其糧道俟彼遁歸徐議攻討此中策也萬一借親征之名為順動之計使卒伍潰散控扼失守敵得乘間深入州縣望風奔潰則其患有不可測矣往歲金人利在侵掠又方時暑勢必還師朝廷因得以還定安集今偽齊導之而來勢不徒還必謀割據姦民潰卒從而附之聲勢鴟張苟或退避則無以為善後之策昔符堅以百萬衆侵晉而謝安以偏師破之使朝廷措置得宜將士用命安知北敵不授首於我顧一時機會所以應之者如何耳望降臣章與二三大臣熟議之詔綱所陳今日之急務付三省樞密院施行時韓世忠屢敗金人於淮楚間有旨督劉光世張浚統兵渡河車駕進發至江上勞軍五年詔問攻戰守備措置綏懷之方綱奏願陛下勿以敵退為可喜而以讎敵未報為可憤勿以東南為可安而以中原未復赤縣神州陷於敵國為可恥勿以諸將屢捷為可賀而以軍政未修士氣未振而疆敵猶得以潛逃為可虞則中興之期可指日而俟議者或謂敵馬既退當遂用兵為大舉之計臣竊以為不然生理未固而欲浪戰以僥倖非制勝之術也高祖先保關中故能東嚮與項籍爭光武先保河內故能降赤眉銅

馬之屬肅宗先保靈武故能破安史而復兩京今朝廷以東南為根本將士暴露之久財用調度之煩民力料取之困苟不大修守備痛自料理先為自固之計何以能萬全而制敵議者又謂敵人既退當且保據一隅以苟目前之安臣又以為不然秦師三伐晉以報殺之師諸葛亮佐蜀連年出師以圖中原不如是不足以立國高祖在漢中謂蕭何曰吾亦欲東光武破隗囂既平隴復望蜀此皆以天下為度不如是不足以混一區宇戡定禍亂況祖宗境土豈可坐視淪陷不務恢復乎今歲不征明年不戰使敵勢益張而吾之所糾合精銳士馬日以損耗何以圖敵謂宜於防守既固軍政既修之後即議攻討乃為得計此二者守備攻戰之序也至於守備之宜則當料理淮南荆襄以為東南屏蔽夫六朝之所以能保有江左者以疆兵巨鎮盡在淮南荆襄間故以魏武之雄符堅石勒之衆宇文拓跋之威卒不能窺江表後唐李氏有淮南則可以都金陵其後淮南為周世宗所取遂以削弱近年以來大將擁衆兵於江南官吏守空城於江北雖有天險而無戰艦水軍之制故敵人得以侵擾窺伺今當於淮之東南及荆襄置三大帥屯重兵以臨之分遣偏師進守支郡加以戰艦水軍上運下接自為防守敵馬雖多不敢輕犯則藩籬之勢威而無窮之利也有守備矣然後議攻戰之利分責諸路因利乘便收復京畿以及故都斷以必為之志而勿失機會則以弱為疆取威定亂於一勝之間逆臣可誅疆敵可滅攻戰之利莫大於是若夫萬乘所居必擇形勝以為駐蹕之所然後能制服中外以圖事業建康自昔號帝王之宅江山雄壯地勢寬博六朝更都之臣昔舉天下形勢而言謂關中為上今以東南形勢而言則當以建康為便今者變輿未復舊都莫若且於建康權宜駐蹕願詔守臣治城池修宮闕立官府勸營壁使粗成規模以待巡幸蓋有城池然後人心不恐有官府然後政事可修有營壘然後士卒可用此措置之所當先也至於西北之民皆陛下赤子荷祖宗涵養之深其心未嘗一日忘宋特制於疆敵陷於塗炭而不能以自歸天威震驚必有結納來歸願為內應者宜給之土田予以爵賞優加撫循許其自新使陷溺之民知所依怙莫不感悅益堅戴宋之心此綏懷之所當先也臣竊觀陛下有聰明

睿知之姿有英武敢為之志然自臨御迄今九年國不關而日蹙事不立而日壞將驕而難御幸情而未練國用匱而無贏餘之蓄民力困而無休息之期使陛下憂勤雖至而中興之效邈乎無聞則羣臣誤陛下之故也陛下觀近年以來所用之臣慨然敢以天下之重自任者幾人乎居無事小廉曲謹似可無過忽有擾攘則錯愕無所措手足不過奉身以退天下憂危之重委之陛下而已有臣如此不知何補於國而陛下亦安取此夫用人如用醫必先知其術業可以已病乃可使之進藥而責成功今不詳審其術業而姑試之則雖日易一醫無補於病徒加疾而已大概近在閑暇則以和議為得計而以治兵為失策倉卒則以退避為愛君而進禦為誤國上下偷安不為長久之計天步艱難國勢益弱職此之由今天啓宸衷悟前日和議退避之失親臨大敵天威所臨使北軍數十萬之衆震怖不敢南渡潛師宵奔則和議之與治兵退避之與進禦其效概可觀矣然敵兵雖退未大懲創安知其秋高馬肥不再來擾我疆場使疲於奔命哉臣夙夜為陛下思所以為善後之策惟自昔創業中興之主必躬冒矢石履行陣而不避故高祖既得天下擊韓王信陳豨黥布未嘗不親行光武自即位至平公孫述十三年間無一歲不親征本朝太祖太宗定維揚平澤潞下河東皆躬御戎輅真宗亦有澶淵之行措天下於大安此謂始憂勤而終逸樂也若夫退避之策可暫而不可常可一而不可再退一步則失一步退一尺則失一尺往時自南都退而至維揚則關陝河北河東失矣自維揚退而至江浙則東西失矣萬有一敵騎南牧復將退避不知何所適而可乎航海之策萬乘冒風濤不測之險此又不可之尤者也惟當於國家閑暇之時明政刑治軍旅選將帥修車馬備器械峙糧糧積金帛敵來則禦俟時而奮以光復祖宗之大業此最上策也臣願陛下自今以往勿復為退避之計可乎臣又觀古者敵國善鄰則有和親仇讐之邦鮮復遣使豈不以豐隆既深終無講好修睦之理故耶東晉渡江石勒遣使于晉元帝命焚其幣而却其使彼遣使來且猶却之此何可往假道僭偽之國其自取辱無補於事祇傷國體金人造孽之深知我必報其措意為何如而我方且卑辭厚幣屈體以求之其不推誠以見信決矣

器幣禮物所費不貲使輶往來坐索士氣而又邀我以必不可從之事制我以必不敢為之謀是和卒不成而徒為此擾擾也非特如此於吾自治自疆之計動輒相妨實有所害金人二十餘年以此策破契丹困中國而終莫之悟夫辨是非利害者人心所同豈真不悟哉聊復用此以僥倖萬一曾不知為吾害者甚大此古人所謂幾何僥倖而不喪人之國者也臣願自今以往勿復遣和議之使可乎二說既定擇所當為者一切以至誠為之俟吾之政事修倉廩實府庫充器用備士氣振力可有為乃議大舉則兵雖未交而勝負之勢已決矣抑臣聞朝廷者根本也藩方者枝葉也根本固則枝葉蕃蕃朝廷者腹心也將士者爪牙也腹心壯則爪牙奮今遠而疆敵近而偽臣國家所仰以為捍蔽者在藩方所資以致攻討者在將士然根本腹心則在朝廷惟陛下正心以正朝廷百官使君子小人各得其分則是非明賞罰當自然藩方協力將士用命雖疆敵不足畏逆臣不足憂此特在陛下方寸之間耳臣昧死上條六事一曰信任輔弼二曰公選人材三曰變革士風四曰愛惜日力五曰務盡人事六曰寅畏天威何謂信任輔弼夫與衰撥亂之主必有同心同德之臣相與有為如元首股肱之於一身父子兄弟之於一家乃能協濟今陛下選於衆以圖任遂能捍禦大敵可謂得人矣然臣願陛下待以至誠無事形跡久任以責成功勿使小入得以間之則君臣之美垂於無窮矣何謂公選人材夫治天下者必資於人才而創業中興之主所資尤多何則繼體守文率由舊章得中庸之才亦足以共治至於艱難之際非得卓犖瓌偉之才則未易有濟是以大有為之主必有不世出之才參贊胡佐以成大業然自昔抱不羣之才者多為小人之所忌嫉或中之以黯闇或指之為黨與或誣之以大惡或擿之以細故而以道事君者不可則止難於自進恥於自明雖負重謗遭深譴安於義命不復自辨苟非至明之主深察人之情偽安能辨其非辜哉陛下臨御以來用人多矣世之所許以為端人正士者往往閑廢於無用之地而陛下寢寐側席有乏材之歎蓋少留意而致察焉何謂變革士風夫用兵之與士風似不相及而實相為表裏士風厚則議論正而是非明朝廷賞罰當功罪而人心服攻之本朝嘉祐治平以前

可知已。數十年來奔競日進。論議徇私邪說。利口足以惑人主之聽。元祐大臣持正論。如司馬光之流。皆社稷之臣也。而羣枉嫉之。指為姦黨。顛倒是非。政事大壞。馴致靖康之變。非偶然也。竊觀近年。士風尤薄。隨時好惡。以取世資。滄訛成風。豈朝廷之福哉。大抵朝廷設耳目及獻納論思之官。固許之以風聞。至於大故。必須覈實而後言。使其無實。則誣人之罪。服讒蒐惡。得以中害善。良皆非所以修政也。何謂愛惜日力。夫創業中興。如建大廈。堂室與序。其規模可一日而成。鳩工聚材。則積累非一日所致。陛下臨御九年。于茲境土未復。僭逆未誅。仇敵未報。尚稽中與之業者。誠以始不為之規模。而後不為之積累。故也。邊事粗定之時。朝廷所推行者。不過簿書期會不切之細務。至於攻討防守之策。國之大計。皆未嘗留意。夫天下無不可為之事。亦無不可為之時。惟失其時。則事之小者。日益大事之易者。日益難矣。何謂務盡人事。夫天人之道。其實一致。人之所為。即天之所為也。人事盡於前。則天理應於後。此自然之符也。故創業中興之主。盡其在我而已。其成功歸之於天。今未嘗盡人事。敵至而先自退。屈而欲責功於天。其可乎。臣願陛下詔三三大臣。協心同力。盡人事以聽天命。則恢復土宇。羈屠鯨鯢。迎還兩宮。必有日矣。何謂寅畏天威。夫天之於王者。猶父母之於子。愛之至。則所以為之戒者亦至。故人主之於天威。必恐懼修省。以致其寅畏之誠。比年以來。勞感失次。太白晝見。地震水溢。或久陰不雨。或久雨不霽。或當暑而寒。乃正月之朔。日有食之。此皆天意眷佑陛下。丁寧反覆。以致告戒。惟陛下推至誠之意。正厥事以應之。則變災而為祥矣。凡此六者。皆中與之業所關。而陛下所當先務者。今朝廷人才不乏。將士足用。財用有餘。足為中興之寶。陛下春秋鼎盛。欲大有為。何施不可。要在改前日之轍。斷而行之耳。昔唐太宗謂魏徵為敢言。徵謝曰。陛下導臣使言。不然其取批逆鱗哉。今臣無魏徵之敢言。然展盡底蘊。亦思慮之極也。惟陛下救其愚直。而取其拳拳之忠。疏奏上為賜詔褒諭。除江西安撫制置大使。兼知洪州。有旨赴行在。奏事畢之官。六年綱至。引對內殿。朝廷方銳意大舉。綱陛辭言。今日用兵之失者四。措置未盡善者五。宜預備者三。當善後者二。時宋師與金人偽齊相持於淮泗者半年。綱奏

兩兵相持。非出奇不足以取勝。願速遣驍將。自淮南約岳飛為犄角夾擊之。大功可成。已而未師。屢捷。劉光世張俊揚沂中大破偽齊兵於淮肥之上。軍駕進發。幸建康。綱乞乞益飭戰守之具。修築沿淮城壘。且言。願陛下勿以去冬驟勝而自怠。勿以目前粗定而自安。凡可以致中興之治者。無不為。凡可以害中興之業者。無不去。要以修政事。信賞罰。明是非。別邪正。招徠人材。鼓作士氣。愛惜民力。順導衆心。為先。數者既備。則將帥輯睦。士卒樂戰。用兵其有不勝者哉。淮西鄴瓊以全軍叛歸劉豫。綱指陳朝廷有措置失當者。深可痛惜者。及當監前失以圖方來者。凡十有五事。奏之。張浚引咎去相位。言者引漢武誅王恢為比。綱奏曰。臣竊見張浚罷相。言者引漢武誅王恢事以為比。臣恐智謀之士。卷舌而不談兵。忠義之士。扼腕而無所發憤。將士解體而不用命。州郡望風而無堅城。陛下將誰與立國哉。張浚措置失當。誠為有罪。然其區區徇國之心。有可矜者。願少寬假。以責來效。時車駕將幸平江。綱以為平江去建康不遠。徒有退避之名。不宜輕動。復具奏曰。臣聞自昔用兵。以成大業者。必先固人心。作士氣。據地利。而不肯先退。盡人事。而不肯先屈。是以楚漢相距於滎陽。成臯間。高祖雖屢敗。不退尺寸之地。既割鴻溝。羽引而東。遂有垓下之亡。曹操袁紹戰於官渡。操雖兵弱糧乏。荀彧止其退避。既焚紹輜重。紹引而歸。遂喪河北。由是觀之。今日之事。豈可因一叛將之故。望風怯敵。遽自退屈。果出此謀。六飛回馭之後。人情動搖。莫有固志。士氣銷縮。莫有關心。我退彼進。使敵馬南渡。得一邑則守一邑。得一州則守一州。得一路則守一路。亂臣賊子。黠吏姦氓。從而附之。虎踞鸞張。雖欲如前日返駕還轅。復立朝廷於荊棘瓦礫之中。不可得也。借使敵騎衝突。不得已而權宜避之。猶為有說。今疆場未有緊急之報。兵將初無不利之失。朝廷正可懲往事。修軍政。審號令。明賞刑。益務固守。而遽為此擾擾。棄前功。挑後患。以自趨於禍敗。豈不重可惜哉。八年。王倫使北還。綱聞之。上疏曰。臣竊見朝廷遣王倫使金國。奉迎梓宮。今倫之歸。與金使偕來。乃以詔諭江南為名。不著國號。而曰江南。不曰通問。而曰詔諭。此何禮也。臣請試為陛下言之。金人毀宗社。逼二聖。而陛下應天順人。光復舊業。自我視彼。則仇讎也。自彼視我。則腹

心之疾也。豈復有可和之理。然而朝廷遣使通問。冠蓋相望於道。卑辭厚幣。無所愛惜者。以二聖在其域中。為親屈已。不得已而然。猶有說也。至去年春。兩宮凶問既至。遣使以迎梓宮。亟往過返。初不得其要領。今倫使事。初以奉迎梓宮為指。而金使之來。乃以詔諭江南為名。循名責實。已自乖戾。則其所以罔朝廷而生後患者。不待詰而可知。臣在遠方。雖不足以知曲折。然以愚意料之。金以此名遣使。其邀求大略有五。必降詔書。欲陛下屈體降禮。以聽受一也。必有赦文。欲朝廷宣布。班示郡縣。二也。必立約束。欲陛下奉藩稱臣。稟其號令。三也。必求歲賂。廣其數目。使我坐困四也。必求割地。以江為界。淮南荆襄四川。盡欲得之。五也。此五者。朝廷從其一。則大事去矣。金人變詐不測。貪婪無厭。縱使聽其詔令。奉藩稱臣。其志猶未已也。必繼有號令。或使親迎梓宮。或使單車入覲。或使移易將相。或改革政事。或竭取租賦。或腰削土宇。從之則無有紀極。一不從。則前功盡廢。反為兵端。以為權時之宜。聽其邀求。可以無後悔者。非愚則誣也。使國家之勢單弱。果不足以自振。不得已而為此。固猶不可。況土宇之廣。猶半天下。臣民之心。戴宋不忘。與有識者謀之。尚足以有為。豈可忘祖宗之業。生靈之屬望。弗慮弗圖。遽自屈服。冀延旦暮之命哉。臣願陛下特留聖意。且勿輕許。深詔羣臣。講明利害。可以久長之策。擇其善而從之。疏奏雖與衆論不合。上不以為忤。曰。大臣當如此矣。九年。除知潭州。荆湖南路安撫大使。綱具奏力辭。曰。臣迂疎無周身之術。動致煩言。今者罷自江西。為日未久。又蒙擢拔。畀以帥權。昔漢文帝聞季布賢。召之。既而罷歸。布曰。陛下以一人之譽。召臣。以一人之毀。去臣。臣恐天下有以窺陛下之淺深。願臣區區。進退何足少多。然數年之間。亟奮亟躡。上累陛下。知人任使之明。實有係於國體。詔以綱累奏。不欲重違。遂允其請。次年。年五十八。計聞上為軫悼。遣使賻贈。撫問其家。給喪葬之費。贈少師。官其親族十人。綱負天下之望。以一身用舍。為社稷生民安危。雖身或不用。用有不久。而其忠誠義氣。凜然動乎遠邇。每宋使至。燕山必問李綱趙鼎安否。其為遠人所畏服如此。綱有著易傳內篇十卷。外篇十二卷。論語詳說十卷。文章歌詩奏議百餘卷。又有靖康傳信錄。奉迎錄。建炎時政記。建炎進退志。建炎

制詔表劄集。宣撫荆廣記。制置江右錄。

論曰。以李綱之賢。使得畢力殫慮於靖康建炎間。莫或撓之。二帝何至於北行。而宋豈至為南渡之偏安哉。夫用君子則安。用小人則危。不易之理也。人情莫不喜安而惡危。然綱居相位。僅七十日。其謀數不見用。獨於黃潛善汪伯彥秦檜之言。信而任之。恆若不及。何高宗之見與。人殊哉。綱雖屢斥。忠誠不少貶。不以用舍為語。默若赤子之慕其母。怒呵猶噉噉焉。挽其裳裾而從之。嗚呼。中興功業之不振。君子固歸之天。若綱之心。其可謂非諸葛孔明之用心歟。

宋史卷三百五十九

宗澤字汝霖婺州義烏人母劉夢天大雷電光燭其身翌日而澤生澤自幼豪爽有大志登元祐六年進士第廷對極陳時弊考官惡直寘末甲調大名館陶尉呂惠卿帥鄆延檄澤與邑令視河埭檄至澤適喪長子奉檄遽行惠卿聞之曰可謂國爾忘家者適朝廷大開御河時方隆冬役夫僵仆于道中使督之急澤曰浚河細事乃上書其帥曰時方凝寒徒苦民而功未易集少需之至初春可不擾而辦卒用其言上聞從之惠卿辟為屬辭調衛州龍游令民未知學澤為建庠序設師儒講論經術風俗一變自此擢科者相繼調晉州趙城令下車請升縣為軍書聞不盡如所請澤曰承平時固無慮它日有警當知吾言矣知萊州掖縣部使者得旨市牛黃澤報曰方時疫癘牛飲其毒則結為黃今和氣橫流牛安得黃使者怒劾邑官澤曰此澤意也獨銜以聞通判登州境內官田數百頃皆不毛之地歲輸萬餘緡率橫取於民澤奏免之朝廷遣使由登州結女真盟海上謀夾攻契丹澤語所親曰天下自是多事矣退居東陽結廬山谷間靖康元年中丞陳過庭等列薦假宗正少卿充和議使澤曰是行不生還矣或問之澤曰敵能悔過退師固善否則安能屈節北庭以辱君命乎議者謂澤剛方不屈恐害和議上不遣命知磁州時太原失守官兩河者率託故不行澤曰食祿而避難不可也即日單騎就道從羸卒十餘人磁經敵騎蹂躪之餘人民逃徙帑廩枵然澤至繕城壁浚隍池治器械募義勇始為固守不移之計上言邢洛磁趙相五州各蓄精兵二萬人敵攻一郡則四郡皆應是一郡之兵常有十萬人上嘉之除河北義兵都總管金人破真定引兵南取慶源自李固渡渡河恐澤兵躡其後遣數千騎直扣磁州城澤擐甲登城令壯士以神臂弓射走之開門縱擊斬首數百級所獲羊馬金帛悉以賞軍士康王再使金行至磁澤迎謁曰肅王一去不反金敵又詭辭以致大王願勿行王遂回相州有詔

以澤為副元帥從王起兵入援澤言宜急會兵李固渡斷敵歸路衆不從迺自將兵趨渡道遇北兵遣秦光弼張德來攻大破之金人既敗乃留兵分屯澤遣壯士夜擣其軍破三十餘營時康王開大元帥府檄兵會大名澤履冰渡河見王謂京城受圍日久入援不可緩會簽書樞密院事曹輔齋蠟封欽宗手詔至自京師言和議可成澤曰金人狡譎是欲款我師爾君父之望入援何啻饑渴宜急引軍直趨澶淵次第進壘以解京城之圍萬一敵有異謀則吾兵已在城下汪伯彥等難之勸王遣澤先行自是澤不得預府中謀議矣二年正月澤至開德十三戰皆捷以書勸王檄諸道兵會京城又移書北道總管趙野河東北路宣撫范訥知興仁府曾楸合兵入援三人皆以澤為狂不答澤以孤軍進都統陳淬言敵方熾未可輕舉澤怒欲斬之諸將乞貸淬使得效死澤命淬進兵遇金人敗之金人攻開德澤遣孔彥威與戰又敗之澤度金人必犯濮先遣三千騎往援金人果至敗之金人復向開德權邦彥孔彥威合兵夾擊又大敗之澤兵進至衛南度將孤兵寡不深入不能成功先驅云前有敵營澤揮衆直前與戰敗之轉戰而東敵益生兵至王孝忠戰死前後皆敵壘澤下令曰今日進退等死不可不從死中求生士卒知必死無不一當百斬首數千級金人大敗退却數十餘里澤計敵衆十倍於我今一戰而却勢必復來使悉其鐵騎夜襲吾軍則危矣乃募徒其軍金人夜至得空營大驚自是憚澤不敢復出兵澤出其不意遣兵過大河襲擊敗之王承制以澤為徽猷閣待制時金人逼二帝北行澤聞即提軍趨滑走黎陽至大名欲徑渡河據金人歸路還遣二帝而勸王之兵卒無一至者又聞張邦昌僭位欲先行誅討會得大元帥府書約移師近都按甲觀變澤復書于王曰人臣豈有服膺袍張紅蓋御正殿者乎自古姦臣皆外為恭順而中藏禍心未有竊據寶位改元肆赦惡狀昭著若邦昌者今二聖諸王悉渡河而北惟大王在濟天意可知宜亟行天討與復社稷且言邦昌偽赦或啟姦雄之意望遣使分諭諸路以定民心又上書言今天下所屬望者在於大王大王行之得其道則有以慰天下之心所謂道者近剛正而遠柔邪納諫諍而拒諛佞尚恭儉而抑驕侈體憂勤而忘逸樂進公實而退私偽因累

表勸進。王即帝位于南京。澤入見涕泗交頤。陳興復大計。時與李綱同入對。相見論國事。慷慨流涕。綱奇之。上欲留澤。潛善等沮之。除龍圖閣學士。知襄陽府。時金人有割地之議。澤上疏曰。天下者。太祖太宗之天下。陛下當兢兢業業。思傳之萬世。奈何遽議割河之東西。又議割陝之蒲解乎。自金人再至。朝廷未嘗命一將出一師。但聞姦邪之臣。朝進一言以告和。暮入一說以乞盟。終致二聖北遷。宗社蒙恥。臣意陛下赫然震怒。大明黜陟。以再造王室。今即位四十日矣。未聞有大號令。但見刑部指揮云。不得騰播赦文於河之東西。陝之蒲解者。是禱天下忠義之氣。而自絕其民也。臣雖驚怯。當躬冒矢石。為諸將先。得指輹報國恩足矣。上覽其言壯之。改知青州。時年六十九矣。開封尹闕。李綱言。綏復舊都。非澤不可。尋徙知開封府。時敵騎留屯河上。金鼓之聲。日夕相聞。而京城樓櫓盡廢。兵民雜居。盜賊縱橫。人情恟恟。澤威望素著。既至。首捕誅金賊者數人。下令曰。為盜者賊。無輕重。並從軍法。由是盜賊屏息。民賴以安。王善者。河東巨寇也。擁衆七十萬。車萬乘。欲據京城。澤單騎馳至善營。泣謂之曰。朝廷當危難之時。使有如公一二輩。豈復有敵患乎。今日乃汝立功之秋。不可失也。善感泣曰。敢不效力。遂解甲降。時楊進號沒角牛。兵三十萬。王再與李貴王大郎等。各擁衆數萬。往來京西淮南河南北。侵掠為患。澤遣人諭以禍福。悉招降之。上疏請上還京。俄有詔。荆襄江淮。悉備巡幸。澤上疏言。開封物價。市肆漸同。平時將士農民。商旅士大夫之懷忠義者。莫不願陛下亟歸京師。以慰人心。其唱為異議者。非為陛下忠謀。不過如張邦昌輩。陰與金人為地爾。除延康殿學士。京城留守。兼開封尹。時金遣人。以使僞楚為名。至開封府。澤曰。此名為使。而實覘我也。拘其人。乞斬之。有詔。所拘金使。延置別館。澤曰。國家承平二百年。不識兵革。以敵國誕謾為可憑信。恬不置疑。不惟不嚴攻討之計。其有實欲買勇思敵所憚之人。士大夫不以為狂。則以為為妄。致有前日之禍。張邦昌耿南仲輩所為。陛下所親見也。今金人假使僞楚。來覘虛實。臣愚乞斬之。以破其姦。而陛下惑於人言。令遷置別館。優加待遇。臣愚不敢奉詔。以彰國弱。上乃親札諭澤。竟縱遣之。言者附潛善意。皆以澤拘留金使為非。尚書左丞許景衡抗疏力辨。且謂澤

之為尹。威名政績。卓然過人。今之縉紳。未見其比。乞厚加任使。以成禦敵治民之功。真定懷衛間。敵兵甚威。方密脩戰具。為入攻之計。而將相恬不為慮。不脩武備。澤以為憂。乃渡河約諸將共議事宜。以圖收復。而於京城四壁各置使。以領招集之兵。又據形勢立堅壁二十四所。於城外沿河鱗次為連珠。皆連結河東河北山水。水忠義民兵。於是陝西京東諸路人馬咸聽澤節制。有詔如淮甸。澤上表諫。不報。乘義即岳飛犯法。將刑。澤一見奇之。曰。此將材也。會金人攻汜水。澤以五百騎授飛。使立功贖罪。飛大敗金人而還。遂升飛為統制。飛由是知名。澤視師河北。還上疏言。陛下尚留南都。道路籍籍。咸以為陛下舍宗廟。疏言國家結好金人。欲以息民。卒之劫掠侵欺。靡所不至。是守和議果不足以息民也。當時固有阿意順旨。以叨富貴者。亦有不相諱隨。以獲罪戾者。陛下觀之。叨富貴者為是乎。獲罪戾者為是乎。今之言還幸者。猶前之言和議為可行者也。今之言不可還者。猶前日之言和議不可行者也。惟陛下下熟思而審用之。且京師二百年積累之基業。陛下奈何輕棄。以遺敵國乎。詔遣官迎奉六宮。往金陵。澤上疏曰。京師天下腹心也。兩河雖未救寧。特一手臂之不信爾。今遽欲去之。非惟一臂之弗廖。且并與腹心而棄之矣。昔景德間。契丹寇澶淵。王欽若江南人。即勸幸金陵。陳堯叟蜀人。即勸幸成都。惟寇準毅然請親往。卒用成功。臣何敢望寇準。然不敢不以章聖望陛下。又條上五事。其一言黃潛善汪伯彥贊南幸之非。澤前後建議。經從三省樞密院。輒為潛善等所抑。每見澤奏疏。皆笑以為狂。金將兀朮渡河。謀攻汴京。諸將請先斷河梁。嚴兵自固。澤笑曰。去冬金騎直來。正坐斷河梁耳。乃命部將劉衍趨滑。劉達趨鄭。以分敵勢。戒諸將極力保護河梁。以俟大兵之集。金人聞之夜斷河梁。遁去二年。金人自鄭抵白沙。去汴京密邇。都人震恐。僚屬入問計。澤方對客圍碁。笑曰。何事。張皇劉衍等在外。必能禦敵。乃選精銳數千。使繞出敵後。伏其歸路。金人方與衍戰。伏兵起。前後夾擊之。金人果敗。金將黏罕據西京。與澤相持。澤遣部將李景良聞中立郭俊民領兵趨鄭。遇敵大戰中立死之。俊民降。景良遁去。澤捕得景良。謂曰。不勝

罪可恕私自逃，是無主將也。斬其首以徇。既而俊民與金將史姓者及燕人何仲祖等持書來招澤。澤數俊民曰：汝失利死，尚爲忠義鬼。今反爲金人持書相誘，何面目見我乎？斬之。謂史曰：我受此土，有死而已。汝爲人將，不能以死敵我，乃欲以兒女子語誘我乎？亦斬之。謂仲祖脅從，貸之。劉衍還，金人須入滑部，將張橋請往，挾澤選兵五千付之，戒毋輕戰，以需援。橋至滑迎戰，敵騎十倍，諸將請少避其鋒。橋曰：避而偷生，何面目見宗公？力戰死之。澤聞橋急，遣王宣領騎五千救之。橋死二日，宣始至，與金人大戰，破走之。澤迎橋喪，恤其家，以宣權知滑州。金人自是不復犯東京。山東盜起，執政謂其多以義師爲名，請下令止。勳王澤疏曰：自敵圍京城，忠義之士憤懣爭奮，廣之東西，湖之南北，福建江淮越數千里，爭先勤王。當時大臣無遠識大略，不能撫而用之，使之饑餓困窮，弱者填溝壑，強者爲盜賊。此非勤王者之罪，乃一時錯置乖謬所致耳。今河東西不從敵國，而保山砦者不知其幾，諸處節義之夫，自黥其面，而爭先救駕者，復不知其幾。此詔一出，臣恐草澤之士一旦解體倉卒有急，誰復有願忠效義之心哉？王策者，本遼酋爲金將，往來河上，澤擒之，解其縛坐堂上，爲言契丹本宋兄弟之國，今女真辱吾主，又滅而國，義當協謀雪恥，策感泣願效死。澤因問敵國虛實，盡得其詳，遂決大舉之計，召諸將謂曰：汝等有忠義心，當協謀勦敵，期還二聖，以立大功。言訖泣下。諸將皆泣聽命。金人戰不利，悉引兵去。澤疏諫南幸，言：臣爲陛下保護京城，自去年秋冬至于今春，又三月矣。陛下不早回京城，則天下之民無所依戴，除資政殿學士，又遣子穎詣行闕上疏曰：天下之事，見幾而爲，待時而動，則事無不成。今收復伊洛而金酋渡河，捍蔽滑臺而敵國屢敗，河東河北山砦義民引領舉踵，日望官兵之至，以幾以時而言之，中與之兆可見，而金人滅亡之期可必。在陛下見幾乘時而已。又言：昔楚人城郢，史氏鄙之，今聞有旨於儀真教習水戰，是規規爲偏霸之謀，非可鄙之甚者乎？傳聞四方，必謂中原不守，遂爲江寧控扼之計耳。先是澤去磁以州事付兵馬鈐轄李侃，統制趙世隆殺之。至是世隆及弟世興以兵二萬來歸，衆懼其變。澤曰：世隆本吾一校爾，何能爲世隆？責之曰：河北陷沒，吾宋法令與上下之分，亦陷沒

邪，命斬之。時世興佩刀侍側，衆兵露刃庭下。澤徐謂世興曰：汝兄誅汝能奮志立功，足以雪恥。世興感泣。金人攻滑州，澤遣世興往救。世興至，搃其不備，敗之。澤威聲日著。北方聞其名，常尊憚之。對南人言，必曰：宗爺爺澤疏言。丁進數十萬衆，願守護京城。李成願扈從還闕，即渡河勦敵。楊進等兵百萬，亦願渡河，同致死力。臣聞多助之至，天下順之。陛下及此時還京，則衆心翕然，何敵國之足憂乎？又奏言：聖人愛其親以及人之親，所以教人孝；敬其兄以及人之兄，所以教人弟。陛下當與忠臣義士合謀肆討，迎復二聖。今上皇所御龍德宮，儼然如舊。惟淵聖皇帝未有宮室，望改脩寶籙宮，以爲迎奉之所。使天下知孝於父，弟於兄，是以身教也。上乃降詔，擇日還京。澤前後請上還京二十餘奏，每爲潛善等所抑，憂憤成疾，疽發于背。諸將入問疾，澤瞿然曰：吾以二帝蒙塵，積憤至此，汝等能殲敵，則我死無恨。衆皆流涕曰：敢不盡力。諸將出，澤數曰：出師未捷身先死，長使英雄淚滿襟。翌日，風雨晝晦，澤無一語及家事，但呼過河者三而薨。都人號慟，表猶贊上還京，贈觀文殿學士，通議大夫，諡忠簡。澤質直好義，親故貧者，多依以爲活，而自奉甚薄。常曰：君父側身膏腴，臣子乃安居美食，邪？始澤招集羣盜，聚兵儲糧，結諸路義兵，連燕趙豪傑，自謂渡河克復，可指日冀。有志弗就，識者恨之。子穎居戎幕，素得士心。澤薨數日，將士去者十五都人，請以穎繼父任。會朝廷已命杜充留守，乃以穎爲判官。充反澤所爲，頗失人心。穎屢爭之，不從。乃請持服歸。自是豪傑不爲用。羣聚城下者，復去爲盜。而中原不守矣。穎官終兵部郎中。

趙鼎，字元鎮，解州聞喜人。生四歲而孤，母樊教之，通經史百家之書。登崇寧五年進士第，對策斥章惇誤國，累官爲河南洛陽令。宰相吳敏知其能，擢爲開封士曹。金人陷太原，朝廷議割三鎮地。鼎曰：祖宗之地，不可以與人。何庸議？已而京師失守，二帝北行，金人議立張邦昌，鼎與胡寅張浚逃太學中，不書議狀。高宗即位，除權戶部員外郎，知樞密院。張浚薦之，除司勳郎官。上幸建康，詔條具防秋事宜。鼎言：宜以六宮所止爲行宮，車駕所止爲行在，擇精兵以備儀衛。其餘兵將分布江淮，使敵莫測。巡幸之定所，上納之。久雨，詔求闕政。鼎言：自熙寧

聞王安石用事變祖宗之法而民始病假關國之謀造生邊患與理財之政窮困民力設虛無之學敗壞人才至崇寧初蔡京託紹述之名盡祖宗之政凡今日之患始於安石成於蔡京今安石猶配享廟廷而京之黨未除時政之闕無大於是上為罷安石配享擢右司諫旋遷殿中侍御史劉光世部將王德擅殺韓世忠之將而世忠亦率部曲奪建康守府解鼎言德總兵在外專殺無忌此而不治孰不可為命鼎鞠德鼎又請下詔切責世忠而指取其將吏付有司治罪諸將肅然上曰肅宗與靈武得一李勉朝廷始尊今朕得卿無愧昔人矣中丞范宗尹言故事無自司諫遷殿中者上曰鼎在言路極舉職所言四十事已施行三十有六遂遷侍御史北兵至江上幸會稽召臺諫議去留鼎陳戰守避三策拜御史中丞請督王瓊進軍宣州周望分軍出廣德劉光世渡江駐蕪黃為邀擊之計又言經營中原當自關中始經營關中當自蜀始欲幸蜀當自荆襄始吳越介在一隅非進取中原之地荆襄左顧川陝右控湖湘而下瞰京洛三國所必爭宜以公安為行關而屯重兵于襄陽運江浙之粟以資川陝之兵經營大業計無出此韓世忠敗金人于黃天蕩宰相呂頤浩請上幸浙西下詔親征鼎以為不可輕舉頤浩惡其異己改鼎翰林學士鼎不拜改吏部尚書又不拜言陛下有聽納之誠而宰相陳拒諫之說陛下有眷待臺臣之意而宰相挾控沮言官之威堅臥不出疏頤浩過失凡千言上罷頤浩詔鼎復為中丞謂鼎曰朕每聞前朝忠諫之臣恨不之識今於卿見之除端明殿學士簽書樞密院事金人攻楚州鼎奏遣張俊往援之俊不行山陽遂陷金人留淮上范宗尹奏敵未必能再渡鼎曰勿恃其不來恃吾有以待之三省當以敵退為陛下接人才脩政事密院常虞敵至為陛下申軍律治甲兵即兩得之上曰卿等如此朕復何憂鼎以楚州之失上章丐去會幸企宗除節度使鼎言企宗非軍功忤旨出奉祠除知平江府尋改知建康又移知洪州京西招撫使李橫欲用兵復東京鼎言橫烏合之眾不能當敵恐遂失襄陽已而橫戰不利走襄陽竟陷召拜參知政事宰相朱勝非言襄陽國之上流不可不急取上問岳飛可使否鼎曰如上流利害無如飛者簽樞徐俯不以為然飛出師竟復襄陽鼎乞令韓

世忠屯泗上劉光世出陳蔡光世請入奏俯欲許之鼎不可僞齋宿遷令來歸俯欲斬送劉豫鼎復爭之俯積不能平乃求去朱勝非兼知樞密院言者謂當國者不知兵乞令參政通知由是為勝非所忌除鼎知樞密院川陝宣撫使鼎辭以非才上曰四川全盛半天下之地盡以付卿黜陟專之可也時吳玠為宣撫副使鼎奏言臣與玠同事或節制之耶上乃改鼎都督川陝諸軍事鼎所條奏勝非多沮抑之鼎上疏言頃張浚出使川陝國勢百倍於今浚有補天浴日之功陛下有礪山帶河之勢君臣相信古今無二而終致物議以被竄逐今臣無浚之功而當其任遠去朝廷其能免於紛紛乎又言臣所請兵不滿數千半皆老弱所濟金帛至微薦舉之人除命甫下彈墨已行臣日侍宸衷所陳已艱難況在萬里之外乎時人士皆惜其去臺諫有留行者會邊報沓至鼎每陳用兵大計及朝辭上曰卿豈可遠去當遂相卿九月拜尚書右僕射同中書門下平章事兼知樞密院事制下朝士相慶時劉豫子麟與金人合兵大入舉朝震恐鼎論戰禦之計諸將各異議獨張俊以為當進討鼎是其言有勸上他幸者鼎曰戰而不捷去未晚也上亦曰朕當親總六師臨江決戰鼎喜曰累年退怯敵志益驕今聖斷親征成功可必於是詔張俊以所部援韓世忠而命劉光世移軍建康且促世忠進兵世忠至揚州大破金人於大儀鎮方警報交馳劉光世遣人諷鼎曰相公自入蜀何事為他人任患世忠亦謂人曰趙丞相真敢為者鼎聞之恐上意中變乘間言陛下養兵十年用之正在今日若少加退阻即人心渙散長江之險不可復恃矣及捷音日至車駕至平江下詔聲逆豫之罪欲自將渡江決戰鼎曰敵之遠來利於速戰遽與爭鋒非策也且豫猶遣其子豈可煩至尊耶帝為止不行未幾簽書樞密院事胡松年自江上還云北兵大集然後知鼎之有先見也張浚久廢鼎言浚可大任乃召除知樞密院命浚往江上視師時敵兵久駐淮南知南兵有備漸謀北歸鼎曰金人無能為矣命諸將邀諸淮連敗之金人遁去上謂鼎曰近將士致勇爭先諸路守臣亦翕然自效乃朕用卿之力也鼎謝曰皆出聖斷臣何力之有焉或問鼎曰金人傾國來攻眾皆恟懼公獨言不足畏何耶鼎曰敵眾雖威然以豫邀而來非其本心戰

必不力。以是知其不足畏也。上嘗語張浚曰：趙鼎真宰相，天使佐朕中興，可謂宗社之幸也。鼎奏：金人遁歸，尤當博采羣言，爲善後之計。於是詔呂頤浩等議攻戰備禦措置經懷之方。五年，上環臨安，制以鼎守左僕射，知樞密院事。張浚守右僕射，兼知樞密院事。都督諸路軍馬，鼎以政事先後及人才所當召用者，條而置之座右。次第奏行之，制以貴州防禦使張瑗爲保慶軍節度使，封建國公。於行宮門外建資善堂，鼎薦范冲爲翊善，朱震爲贊讀。朝論謂二人極天下之選，建炎初，書下詔以姦臣誣蔑，宣仁保佑之功，命史院刊脩，未及行，朱勝非爲相，上諭之曰：神宗哲宗兩朝史事多失實，非所以傳信後世。宣召范冲刊定，勝非言：神宗史增多王安石日錄，哲宗史經京卞之手，議論多不正，命官刪脩，誠足以彰二帝威美，會勝非去位，鼎以宰相監脩二史，是非各得其正。上親書忠正德文四字賜鼎，又以御書尙書一帙賜之曰：書所載君臣相戒飭之言，所以賜卿，欲共由斯道。鼎上疏謝，劉豫遣子麟，分路入寇，時張俊屯盱眙，楊沂中屯泗，韓世忠屯楚，岳飛駐鄂，劉光世駐廬，沿江上下無兵，上與鼎以爲憂。鼎移書浚，欲令浚與沂中合兵勦敵，光世乞捨廬還太平，又乞退保采石，鼎奏曰：豫逆賊也，官軍與豫戰而不能勝，或更退守，何以立國。今賊已渡淮，當亟遣張俊合光世之軍，盡掃淮南之寇，然後議去留。上善其策，詔二將進兵，後軍至藕塘與貌戰，大破之。鼎命沂中趨合肥，以會光世。光世已棄廬回江北，浚以書告鼎，鼎曰：上詔浚有不用命者，聽以軍法從事。光世大駭，復進至肥河，與麟戰，破之。麟貌拔柵遁去，浚在江上，嘗遣其屬呂社入奏事，所言誇大，鼎每抑之。上謂鼎曰：他日張浚與卿不和，必呂社也。後浚因論事，語意微侵鼎，鼎言：臣初與浚如兄弟，因呂社離間，遂爾睽異。今浚成功，當使展盡底蘊，浚當留臣去。上曰：俟浚歸議之。浚嘗奏乞幸建康，而鼎與折彥質請回驛臨安，浚遂還。乞乘勝攻河南，且罷劉光世軍政，鼎言：擒浚固易耳，然得河南，能保金人不內侵乎。光世累世爲將，無故而罷之，恐人心不安。浚滋不悅，鼎以觀文殿大學士知紹興府。七年，上幸建康，罷劉光世，以王德爲都統制，鄭瑗副之，並聽參謀兵部尙書呂社節制。瑗與德有宿怨，訴于社，不得直，執社以全軍降。爲齊，浚引社去位，乃以萬

壽觀使兼侍讀，召鼎入對，拜尙書左僕射，同中書門下平章事，兼樞密使。進四官，上言：淮西之報初至，執政奏事皆失措，惟朕不爲動。鼎曰：今見諸將，尤須靜以待之，不然益增其驕蹇之心。臺諫交論淮西無備，鼎曰：行朝擁兵十萬，敵騎直來，自足抗之。設有他虞，鼎身任其責。淮西迄無驚，鼎嘗乞降詔安撫淮西。上曰：俟行遣張浚，朕當下罪己之詔。鼎言：浚已落職，上曰：浚罪當遠，竄鼎奏浚母老，且有勳王功。上曰：功過自不相掩，已而內批出，浚請置嶺南，鼎留不下。詰旦約同列，搢解上怒，殊未釋。鼎力懇曰：浚罪不過失策耳，凡人計慮豈不欲萬全，儻因一失，便寘之死地，後有奇謀秘計，誰復敢言者。此事自關朝廷，非獨私浚也。上意乃解，遂以散官分司居永州。鼎既再相，或議其無所施設，鼎聞之曰：今日之事，如人患羸，當靜以養之，若復加攻，必傷元氣矣。金廢劉豫，鼎遣間招河南守將，壽亭陳蔡之間，往往舉城或率部曲來歸，得精兵萬餘，馬數千，知廬州劉錡亦奏言：淮北歸正者不絕，度今歲可得四五萬。上喜曰：朕常慮河池數百里，備禦空虛，今得此軍，可無患矣。金人遣使議和，朝論以爲不可信。上怒，鼎曰：陛下於金人，有不共戴天之讎，今屈己請和，不憚爲之者，以梓宮及母后耳。羣臣憤激之辭，出於愛君，不可以爲罪。陛下宜諭之曰：講和非吾意，以親故不得已爲之，但得梓宮及母后還，敵雖渝盟，吾無憾焉。上從其言，羣議遂息。潘良貴以向于譚奏事久，叱之退，上欲抵良貴罪，常同爲之辨，欲併逐。同鼎奏子諱雖無罪，而同與良貴不宜逐，二人竟出給事中張致遠謂不應以一子諱出二佳士，不書黃，上怒，顧鼎曰：固知致遠必繳，歎鼎問何也。上曰：與諸人善，蓋已有先入之言，由是不樂於鼎矣。秦檜繼留身奏事，既出，鼎問帝何言，檜曰：上無他恐，丞相不樂耳。御筆和州防禦使璩除節鉞，封國公，鼎奏：建國雖未正名，天下皆知陛下有子，社稷大計也。在今禮數不得不異，所以繫人心，不使之二三而惑也。上曰：姑徐之。檜後留身，不知所云。鼎嘗闢和議，與檜意不合，及鼎以爭璩封國事拂上意，檜乘間擠鼎，又薦蕭振爲侍御史，振本鼎所引，及入臺，劾參知政事劉大中罷之。鼎曰：振意不在大中，也。振亦謂人曰：趙丞相不待論，當自爲去，就會殿中侍御史張戒論給事中勾濤，濤言戒之擊臣，乃趙鼎意，因詆鼎結

臺諫及諸將上聞益疑鼎引疾求免言大中持正論為章惇蔡京之黨所嫉臣
 議論出處與大中同大中去臣何可留乃以忠武節度使出知紹興府尋加檢
 校少傅改奉國軍節度使檜率執政往錢其行鼎不為禮一揖而去檜益憾之
 鼎既去王庶入對上謂庶曰趙鼎兩為相於國大有功再贊規征皆能決勝又
 鎮撫建康回鑾無患他人所不及也先是王倫使金從鼎受使指問禮數則答
 以君臣之分已定問地界則答以大河為界二者從事之大者或不從則已倫
 受命而行至是倫與金使俱來以撫諭江南為名上歎息謂庶曰使五日自得
 此報趙鼎豈可去耶初車駕還臨安內侍移竹栽入內鼎見責之曰良獄花石
 之擾皆出汝曹今欲蹈前轍耶因奏其事上改容謝之有戶部官進錢入宮者
 鼎召至相府切責之翌日問上曰某人獻錢耶上曰朕求之也鼎奏某人不當
 獻陛下不當求遂出其人與郡鼎嘗薦胡寅魏矰晏敦復潘良貴呂本中張致
 遠等數十人分布朝列暨再相奏曰今清議所與如劉大本胡寅呂本中常同
 林季仲之流陛下能用之乎妬賢長惡如趙鼎胡世將周秘陳公輔之徒陛下
 能去之乎上為徙世將而公輔等尋補外上書中批二人付廟堂升擢鼎奏疎
 遠小臣陛下何由得其姓名上謂常同實稱之鼎曰同知其賢何不露章薦引
 始浚薦秦檜可與共大事鼎再相亦以為言然檜機穽深險外和而中異浚初
 求去有旨召鼎鼎至越丐祠檜惡其逼已徙知泉州又諷謝祖信論鼎嘗受張
 邦昌偽命遂奪節御史中丞王次翁論鼎治郡廢弛命提舉洞霄宮鼎自泉州
 歸復上書言時政檜忌其復用諷次翁又論其嘗受偽命乾沒都督府錢十七
 萬緡請官居興化軍論者猶不已移漳州又責清遠軍節度副使潮州安置在
 潮五年杜門謝客時事不掛口有問者但引咎而已中丞詹大方誣其受賄屬
 死以不移檜見之曰此老倔強猶昔在吉陽三年潛居深處門人故吏皆不敢
 通問惟廣西帥張宗元時饋糲米檜知之命本軍月具存亡申鼎遣人語其子
 汾曰檜必欲殺我我死汝曹無患不爾禍及一家矣先得疾自書墓中石記鄉
 里及除拜歲月至是書銘旌云身騎箕尾歸天上氣作山河壯本朝遺言屬其

子乞歸葬遂不食而死時紹興十七年也天下聞而悲之明年得旨歸葬孝宗
 即位謚忠簡贈太傅追封豐國公高宗祔廟以鼎配享廟庭擢用其孫十有二
 人鼎為文渾然天成凡高宗處分軍國機事多其規草有擬奏表疏雜詩文二
 百餘篇號得全集行於世論中興賢相以鼎為稱首云

論曰夫謀國用兵之道有及時乘銳而可以立功者有養成持重而後能有為
 者二者之設施不同其為忠一而已方金人逼二帝北行宗社失主宗澤一呼
 而河北義旅數十萬眾若響之赴聲實由澤之忠忱義氣有以風動之抑思民
 目睹君父之陷於塗淖孰無憤激之心哉使當其時澤得勇往直前無或齟齬
 牽制之則反二帝復舊都特一指顧間耳黃潛善汪伯彥嫉能而恭功使澤不
 得信其志發憤而薨豈不悲哉及趙鼎為相則南北之勢成矣兩敵之相持非
 有灼然可乘之覺則養吾力以俟時否則徒取危困之辱故鼎之為國專以固
 本為先根本固而後敵可圖雖可復此鼎之心也惜乎一見忌於秦檜斥逐遠
 徙卒齎其志而亡君子所尤痛心也竊嘗論澤鼎之終而益有感焉澤之易贊
 也猶運呼渡河者三而鼎自題其銘旌有氣作山河壯本朝之語何二臣之愛
 君憂國雖處死生禍變之際而猶不渝若是而高宗惑於儉邪之口乍任乍黜
 所謂善善而不能用于載而下忠臣義士猶為之撫卷扼腕國之不競有以哉

宋史卷三百六十

元中書右丞相總裁脫脫等修
列傳第一百二十

張浚字子樹

張浚字德遠漢州綿竹人唐宰相九齡第九輩之後父咸舉進士賢良兩科浚四歲而孤行直視端無詭言識者知為大器入太學中進士第靖康初為太常簿張邦昌僭立逃入太學中聞高宗即位馳赴南京除樞密院編修官改虞部郎擢殿中侍御史駕幸東南後軍統制韓世忠所部逼逐諫臣墜水死浚奏奪世忠觀察使上下始知有國法遷侍御史時乘輿在揚州浚言中原天下之根本願下詔葺東京關陝襄鄧以待巡幸弗幸相意除集英殿修撰知興元府未行擢禮部侍郎高宗召論曰卿知無不言言不盡朕將有為正如欲一飛冲天而無羽翼卿勉留輔朕除御營使司參贊公事浚度金人必來攻而廟堂晏然殊不為備力言之宰相黃潛善汪伯彥皆笑其過計建炎三年春金人南侵車駕幸錢塘留朱勝非于吳門捍禦以浚同節制軍馬已而勝非召浚獨留時潰兵數萬所至剽掠浚招集甫定會苗傅劉正彥作亂改元赦書至平江浚命守臣湯東野秘不宜未幾傅等以檄來浚慟哭召東野及提點刑獄趙哲謀起兵討賊時傅等以承宣使張俊為秦鳳路總管俊將萬人還將卸兵而西浚知上遇俊厚而俊純實可謀大事急邀俊握手語故相持而泣因告以將起兵問罪時呂頤浩節制建業劉光世領兵鎮江浚遣人賈蠟書約頤浩光世以兵來會而命俊分兵扼吳江上疏請復辟傅等謀除浚禮部尚書命將所部詣行在浚以大兵未集未欲誦言討賊乃託云張俊驟回人情震讙不可不少留以撫其軍會韓世忠舟師抵常熟張俊曰世忠來事濟矣白浚以書招之世忠至對浚慟哭曰世忠與俊請以身任之浚因大橋俊世忠將士呼諸將校至前抗聲問曰今日之舉孰順孰逆眾皆曰賊逆我順浚曰聞賊以重賞購吾首若浚此舉違天悖人汝等可取浚頭去不然一有退縮悉以軍法從事眾咸感憤於是令世忠以兵赴關而戒其急趨秀州據糧道以俟大軍之至世忠至秀即大治

戰具會傅等以書招浚浚報云自古言涉不順謂之指斥乘輿事涉不遜謂之震驚宮闕廢立之事謂之大逆不道大逆不道者族今建炎皇帝不聞失德一旦遜位豈所宜聞傅等得書恐乃遣重兵扼臨平亟除俊世忠節度使而誣浚欲危社稷責柳州安置俊世忠拒不受會呂頤浩劉光世兵踵至浚乃聲傅正彥罪傅檄中外率諸軍繼進初浚遣客馮楷以計策往說傅等會大軍且至傅高宗御筆除浚知樞密院事浚進次臨平賊兵拒不得前世忠等搏戰大破之傅正彥脫遁浚與頤浩等入見伏地涕泣待罪高宗問勞再三曰曩在睿聖兩宮隔絕一日啜羹小黃門忽傳太后之命不得已貶卿柳州朕不覺羹覆于手念卿被謫此事誰任留浚引入內殿曰皇太后知卿忠義欲識卿面適垂簾見卿過庭矣解所服玉帶以賜高宗欲相浚浚以晚進不敢當傅正彥走閩中浚命世忠追縛之以獻與其黨皆伏誅初浚次秀州嘗夜坐警備甚嚴忽有客至前出一紙懷中曰此苗傅劉正彥募賊公賞格也浚問欲何如客曰僕河北人粗讀書知逆順豈以身為賊用特見為備不嚴恐有後來者耳浚下執其手問姓名不告而去浚翌日斬死囚徇于眾曰此苗劉刺客也私識其狀貌物色之終不遇巨盜薛慶嘯聚淮甸至數萬人浚恐其滋蔓徑至高郵入慶壘喻以朝廷恩意慶感服下拜浚留撫其眾或傳浚為賊所執呂頤浩等遽罷浚樞亮浚歸高宗驚歎即日趣就職浚謂中興當自關陝始慮金人或先入陝取蜀則東南不可保遂慷慨請行詔以浚為川陝宣撫處置使便便宜黜陟將行御營平寇將軍范瑄擁眾自豫章至行在先是靖康城破金人逼脅君后太子宗室北行多瑄之謀又乘勢勦掠左右張邦昌為之從衛至是入朝悻傲無禮且乞貸逆黨傅正彥等死罪浚奏瑄大逆不道乞伸典憲翌日召瑄至都堂數其罪切責之送棘寺論死分其軍隸神武軍然後行與沿江襄漢守臣議儲蓄以待臨幸高宗問浚大計浚請身任陝蜀之事置幕府於秦川別遣大臣與韓世忠鎮淮東令呂頤浩扈蹕來武昌復以張俊劉光世與秦川相首尾議既定浚行未及武昌而頤浩變初議浚既抵興元金人已取鄭延曉將妻宿宇重引大兵渡

渭攻承興，諸將莫肯相援。浚至，即出行關陝，訪問風俗，罷斥姦賊，以搜獲豪傑為先務。諸將惕息聽命，會謀報金人將攻東南，浚命諸將整軍向敵，已而金人大攻江淮，浚即治軍入衛，至房州，知金人北歸，復還關陝。時金帥兀朮猶在淮西，浚懼其復擾東南，謀牽制之，遂決策治兵，合五路之師以復承興。金人大恐，急調兀朮等由京西入援，大戰於富平，涇原帥劉錡身率將士薄敵陳，殺獲頗衆。會環慶帥趙哲擅離所部，哲軍將校望見塵起，驚遁，諸軍皆潰。浚斬哲以徇，退保興州，命吳玠聚兵扼險，于鳳翔之和尙原大散關，以斷敵來路。關師古等聚熙河兵于岷州，大潭、孫渥、賈世方等聚涇原鳳翔兵于階成鳳三州，以固蜀口。浚上書待罪，帝手詔慰勉，紹興元年，金將烏魯攻和尙原，吳玠乘險擊之，金人大敗走。兀朮復合兵至，玠及其弟彞復邀擊，大破之。兀朮僅以身免，亟鬻其須髻遁歸，始黏罕病篤，語諸將曰：「自吾入中國，未嘗有敢撓吾鋒者，獨張樞密與我抗，我在猶不能取蜀，我死，爾曹宜絕意，但務自保而已。」兀朮怒曰：「是謂我不能耶？」罕死，竟入攻，果敗。浚檢校少保，定國軍節度使，浚在關陝三年，訓新集之兵，當方張之敵，以劉子羽為上賓，任趙開為都轉運使，擢吳玠為大將，守鳳翔。子羽慷慨有才略，開善理財，而玠每戰輒勝。西北遺民歸附日衆，故關陝雖失，而全蜀按堵，且以形勢牽制東南。江淮亦賴以安，將軍曲端者，建炎中嘗追逐帥臣王庶而奪其印，吳玠敗于彭原，訴端不整師，富平之役，端議不合，其腹心張忠彥等降敵，浚初起用端，中坐廢，猶欲再用之，後卒下端獄論死，會有言浚殺趙哲曲端無辜，而任子羽開玠非是，朝廷疑之。三年，遣王似副浚，會金將撒魯曷及劉豫叛黨聚兵入攻破金州，子羽為與元帥約，吳玠同守三泉，金人至金牛，宋師掩擊之，斬馘及墮溪谷死者以數千計。浚聞王似來，求解兵柄，且奏似不可任，宰相呂頤浩不悅，而朱勝非以宿憾，日毀短浚，詔浚赴行在。四年，初，辛炳知潭州，浚在陝以檄發兵炳不遣，浚奏劾之，至是炳為御史中丞，率同列劾浚，以本官提舉洞霄宮，居福州。浚既去國，慮金人釋川陝之兵，必將併力窺東南，而朝廷已議講解，乃上疏極言其狀，未幾，劉豫之子麟果引金人入攻高宗，思浚前言，策免朱勝非，而參知政事趙鼎請幸平江，乃召浚以資政

殿學士提舉萬壽觀兼侍讀入見，高宗手詔辨浚前誣，除知樞密院事。浚既受命，即日赴江上視師，時兀朮擁兵十萬于揚州，約日渡江決戰，浚長驅臨江，召韓世忠、張俊、劉光世議事，將士見浚勇氣十倍，浚既部分諸將，身留鎮江節度之世忠、道廕、王愈、詣兀朮約戰，且言張樞密已在鎮江，兀朮曰：「張樞密貶嶺南，何得乃在此？」愈出浚所下文書示之，兀朮色變夕遁。五年，除尙書右僕射，同中書門下平章事，兼知樞密院事，都督諸路軍馬，趙鼎除左僕射，浚與鼎同志，輔治務在塞倖門，抑近習，時巨寇楊么據洞庭屢攻不克，浚以建康東南都會，而洞庭據上流，恐滋蔓為害，請因盛夏乘其意討之，具奏請行，至醴陵，釋邑囚數百，皆楊么謀者，給以文書，俾招諭諸峒，因驪呼而往，至潭，賊衆二十餘萬相繼來降，湖寇盡平。上賜浚書，謂上流既定，則川陝荆襄形勢接連，事力增倍，天其以中興之功付卿乎。浚遂奏遣岳飛屯荆襄以圖中原，乃自鄂岳轉淮東大會諸將，議防秋之宜，高宗遣使賜詔趣歸，勞問之曰：「卿善行其勞，湖湘羣寇既就招撫，成朕不殺之仁，卿之功也。」召對便殿，進中興備覽四十一篇，高宗嘉歎置之坐隅，浚以敵勢未衰，而叛臣劉豫復據中原，六年，會諸將議事江上，榜檄僭逆之罪，命韓世忠據承楚以圖淮陽，命劉光世屯合肥以招北軍，命張俊練兵建康，進屯盱眙，命楊沂中領精兵為後翼，以佐俊，命岳飛進屯襄陽，以窺中原，浚渡江徧撫淮上諸戍，時張俊軍進屯盱眙，岳飛遣兵入至蔡州，浚入覲，力請幸建康，車駕進發，浚先往江上，謀報劉豫與子猊挾金人入攻，浚奏：「金人不敢乘衆而來，此必豫兵也。」邊遽不一，俊光世皆張大敵勢，浚謂賊豫以逆犯順，不勦除何以為國，今日之事，有進無退，且命楊沂中屯屯濠州，劉麟通合肥，張俊請益兵，劉光世欲退師，趙鼎及簽書折彥質欲召岳飛兵東下，御書付浚，令俊光世沂中等還保江，浚奏：「俊等渡江則無淮南，而長江之險與敵共矣。」且岳飛一動，襄漢有警，復何所恃乎。詔書從之，沂中兵抵濠州，光世舍廬州而南，淮西洶動，浚聞疾馳至采石，令其衆曰：「有一人渡江者，斬。」光世復駐軍與沂中接，劉猊攻沂中，沂中大破之，猊麟皆拔柵遁，高宗手書嘉獎，召浚還勞之，時趙鼎等議回蹕臨安，浚奏：「天下之事，不倡則不起，三歲之間，陛下一再臨江，士氣百

倍今六飛一還人心解體高宗幡然從浚計鼎出知紹興府浚以親民之官治道所急條具郡守監司省郎館閣出入迭補之法又以災異奏復賢良方正科七年以浚却敵功制除特進未幾加金紫光祿大夫問安使何辭歸報徽宗皇帝寧德皇后相繼崩殂上號慟擗踊哀不自勝浚奏天子之孝不與士庶同必思所以奉宗廟社稷今梓宮未返天下塗炭願陛下揮涕而起斂髮而趨一怒以安天下之民上乃命浚草詔論中外辭甚哀切浚又請命諸大將軍三軍發哀成服中外感動浚退上疏曰陛下思慕兩宮憂勞百姓臣之至愚獲遭任用臣每感慨自期誓殲敵讎十年之間親養闕然爰及妻孥莫之私顧其意亦欲遂陛下孝養之心拯生民於塗炭昊天不弔禍變忽生使陛下抱無窮之痛罪將誰執昔陟蜀之行陛下命臣曰我有大隙于北刷此至恥惟爾是屬而臣終隳成功使敵無憚今日之禍端自臣致乞賜罷黜上詔浚起視事浚再疏待罪不許乃請乘輿發平江至建康浚總中外之政幾事叢委以一身任之每奏對必言讎恥之大反復再三上未嘗不改容流涕時天子方厲精克己戒飭宮庭內侍無敢越度事無巨細必以咨浚賜諸將詔往往命浚草之劉光世在淮西軍無紀律浚奏罷光世以其兵屬督府命參謀兵部尚書呂祉往廬州節制而樞密院以督府握兵為嫌乞置武帥乃以王德為都統制即軍中取鄺瓊副之浚奏其不當瓊亦與德有宿怨列狀訴御史臺乃命張俊為宣撫使楊沂中劉錡為制置判官以撫之未至瓊等舉軍叛執呂祉以歸劉裕祉不行晉瓊等碎齒折首而死浚引咎求去位高宗問可代者且曰秦檜何如浚曰近與共事方知其闇高宗曰然則用趙鼎檜由是憾浚浚以觀文殿大學士提舉江州太平興國宮先是浚遣人持手榜入僞地間劉豫及鄺瓊叛去復遣間持蠟書遺瓊金人果疑豫尋廢之臺諫交詆浚落職以秘書少監分司西京居永州九年以赦復官提舉臨安府洞霄宮未幾除資政殿大學士知福州兼福建安撫大使金遣使來以詔諭為名浚五上疏爭之十年金敗盟復取河南浚奏願因權制變則大勳可集因大治海舟千艘為直指山東之計十一年除檢校少傅崇信軍節度使充萬壽觀使免奉朝請十二年封和國公十六年彗星出西方

浚將極論時事恐貽母憂母訝其瘠問故浚以實對母誦其父對策之語曰臣寧言而死於斧鉞不能忍不言以負陛下浚意乃決上疏謂當今事勢譬如養成大疽於頭目心腹之間不決不止惟陛下下謀之於心謹察情偽使在我有不可犯之勢庶幾社稷安全不然後將噬臍事下三省秦檜大怒令臺諫論浚以特進提舉江州太平興國宮居連州二十年徙永州浚去國幾二十載天下士無賢不肖莫不傾心慕之武夫健將言浚者必咨嗟太息至兒童婦女亦知有張都督也金人憚浚每使至必問浚安在惟恐其復用當是時秦檜怙寵固位懼浚為正論以害己令臺臣有所彈劾論必及浚反謂浚為國賊必欲殺之以張柄如潭州汪召錫使湖南使圖浚張常先使江西治張宗元獄株連及浚捕趙鼎子汾下大理令自誣與浚謀大逆會檜死乃免二十五年復觀文殿大學士判洪州浚時以母喪將歸葬念天下事二十年為檜所壞邊備蕩弛又聞金亮篡立必將舉兵自以大臣義同休戚不敢以居喪為嫌且奏論之會星變求直言浚謂金人數年間勢決求費用兵而國家溺於宴安蕩然無備乃上疏極言而大臣沈該萬俟卨湯思退等見之謂敵初無覺笑浚為狂臺諫湯鵬舉浚哲論浚歸蜀恐搖動遠方詔復居永州服除落職以本官奉祠三十一年春有旨自便浚至潭聞欽宗崩號慟不食上疏請早定守戰之策未幾亮兵大入中外震動復浚觀文殿大學士判潭州時金騎充斥王權兵潰劉錡退歸鎮江遂改命浚判建康府兼行宮留守浚至岳陽買舟冒風雪而行遇東來者云敵兵方焚采石煙炎漲天慎無輕進浚曰吾赴君父之急知直前求乘輿所在而已時長江無一舟敢行北岸者浚乘小舟徑進過池陽聞亮死餘衆猶二萬屯和州李顯忠兵在沙上浚往犒之一軍見浚以為從天而下浚至建康即牒通判劉子昂辦行宮儀物請乘輿亟臨幸二十二年車駕幸建康浚迎拜道左衛士見浚無不以手加額時浚起廢復用風采隱然軍民皆倚以為重車駕將還臨安勞浚曰卿在此朕無北顧憂矣兼節制建康鎮江府江州池州江陰軍軍馬金兵十萬圍海州浚命鎮江都統張子蓋往救大破之浚招集忠義及募淮楚壯勇以陳敏為統制且謂敵長於騎我長於步衛步莫如弩衛弩莫如車命敏

專制督治車。孝宗即位。召浚入見。改容曰。久聞公名。今朝廷所恃。唯公。賜坐降。問浚從容言。人主之學。以心為本。一心合天。何事不濟。所謂天者。天下之公理而已。必就業自持。使清明在躬。則賞罰舉措。無有不當。人心自歸。敵讎自服。孝宗悚然曰。當不忘公言。除少傅。江淮東西路宣撫使。進封魏國公。翰林學士。史浩議欲城瓜州。采石。浚謂不守兩淮而守江干。是示敵以削弱。息戰守之氣。不若先城泗州。及浩參知政事。浚所規畫。浩必沮之。浚薦陳俊卿為宣撫判官。孝宗召俊卿及浚。子栻赴行在。浚附奏。請上臨幸建康。以動中原之心。用師淮壘。進舟山東。以為吳璘聲援。孝宗見俊卿等。問浚動靜。飲食顏貌。曰。朕依魏公。如長城。不容浮言搖奪。金人以十萬眾屯河南。聲言規兩淮。移文索海泗唐鄧商州及歲幣。浚言。北敵詭詐。不當為之動。以大兵屯盱眙。濠州。備之。卒以無事。隆興元年。除樞密使。都督建康鎮江府。泗州。池州。江陰軍馬。時金將蒲察徒穆及知泗州大周仁屯虹縣。都督蕭琦屯豐壁。種穆修城。將為南攻計。浚欲及其未發攻之。會主宰殿前司李顯忠。建康都統邵宏淵。亦獻搆二邑之策。浚具以聞。上報可。召浚赴行在。命先圖兩城。乃遣顯忠出濠州。趨豐壁。宏淵出泗州。趨虹縣。而浚自往臨之。顯忠至豐壁。敗蕭琦。宏淵圍虹縣。降徒穆周仁。乘勝進克宿州。中原震動。孝宗手書勞之。曰。近日邊報。中外鼓舞。十年來無此克捷。浚以感夏人疲。急召李顯忠等還師。會金帥紇石烈志寧率兵至宿州。與顯忠戰。連日。南軍小不利。忽謀報敵兵大至。顯忠夜引歸。浚上疏待罪。有旨降授特進。更為江淮宣撫使。宿師之還。士大夫主和者。皆議浚之非。孝宗復賜浚書曰。今日邊事。銜卿為重。卿不可畏人言。而懷猶豫。前日舉事之初。朕與卿任之。今日亦須與卿終之。浚乃以魏勝守海州。陳敏守泗州。戚方守濠州。郭振守六合。治高郵。巢縣兩城為大勢。修滁州關山以扼敵衝。聚水軍淮陰。馬軍壽春。大飭兩淮守備。孝宗復召栻奏事。浚附奏云。自古有為之君。腹心之臣。相與協謀同志。以成治功。今臣以孤蹤。動輒掣肘。陛下將安用之。因乞骸骨。孝宗覽奏。謂栻曰。朕待魏公有加。不為浮議所惑。帝嘗過浚。猶至。對近臣言。必曰魏公。未嘗斥其名。每遣使來。必令視浚飲食多寡。肥瘠何如。尋詔復浚都督之號。金帥僕散忠義

貽書三省樞密院。索四郡及歲幣。不然。以農隙治兵。浚言。金強而來弱。則止。不在和與不和。時湯思退為右相。思退素檜黨也。急於求和。遂遣盧仲賢持書報金。浚言。仲賢小人多妄。不可委信。已而仲賢果以許四郡辱命。朝廷復以王之望為通問使。龍大淵副之。浚爭不能得。未幾。召浚入見。復力陳和議之失。孝宗為止。誓書。留之。望大淵待命。而令通書官胡昉楊由義往諭金。以四郡不可割。若金人必欲得四郡。當追還使人。罷和議。拜浚尚書右僕射。同中書門下平章事。兼樞密使。都督如故。思退為左僕射。胡昉等至宿。金人械繫迫脅之。昉等不屈。更禮而歸之。孝宗論浚曰。和議之不成。天也。自此事當歸一矣。二年。議進幸建康。詔之望等還。思退聞之大駭。陽為乞祠。狀而陰與其黨謀為陷浚計。俄詔浚行視江淮。時浚所招徠山東淮北忠義之士。以實建康鎮江兩軍。凡萬二千餘人。萬弩營所招淮南壯士及江西羣盜。又萬餘人。陳敏統之以守泗州。凡要害之地。皆築城堡。其可因水為險者。皆積水為圍。增置江淮戰艦。諸軍弓矢器械悉備。時金人屯重兵于河南。為虛聲脅和。有刻日決戰之語。及聞浚來。亟撤兵歸。淮北之來歸者日不絕。山東豪傑悉願受節度。浚以蕭琦契丹望族。沈勇有謀。欲令盡領契丹降眾。且以檄諭契丹。約為應援。金人益懼。思退乃令王之望。感毀守備。以為不可恃。令尹穡論罷督府。參議官馮方。又論浚費國不貲。奏留張深守泗。不受趙廓之代。為拒命浚。浚亦請解督府。詔從其請。左司諫陳良翰侍御史周操言。浚忠勤人望所屬。不當使去國。浚留平江。凡八章乞致仕。除少師。保信軍節度。判福州。浚辭。改醴泉觀使。朝廷遂決棄地求和之議。浚既去。猶上疏論尹穡姦邪。必誤國事。且勸上務學親賢。或勉浚勿復以時事為言。浚曰。君臣之義。無所逃於天地之間。吾荷兩朝厚恩。久尸重任。今雖去國。猶日望上心感悟。苟有所見。安忍弗言。上如欲復用浚。浚當即日就道。不敢以老病為辭。如若等言。是誠何心哉。聞者聳然。行次餘干。得疾。手書付二子曰。吾嘗相國。不能恢復中原。雪祖宗之恥。即死不當葬我。先人墓左。葬我衡山下足矣。計聞。孝宗震悼。輟視朝。贈太保。後加贈太師。諡忠獻。浚幼有大志。及為熙河幕官。偏行邊壘。覽觀山川形勢。時時與舊戍守將握手飲酒。問祖宗以來守邊舊法。及軍

陣方略之宜。故一旦起自疏遠。當樞筦之任。悉能通知邊事本末。在京城中。親見二帝北行。皇族係虜。生民塗炭。誓不與敵俱存。故終身不主和議。每論定都大計。以爲東南形勢。莫如建康。人主居之。可以北望中原。常懷憤慨。至如錢塘僻在一隅。易於安肆。不足以號召北方。與趙鼎共政。多所引擢。從臣朝列。皆一時之望。人號小元祐。所薦虞允文。汪應辰。王十朋。劉珙等。爲名臣。拔吳玠。吳玠於行間。謂韓世忠忠勇。可倚以大事。一見劉錡。奇之。付以事任。卒皆爲名將。有成功。一時稱凌爲知人。凌事母以孝稱。學遠於易。有易解及雜說十卷。書詩禮春秋中庸。亦各有解。文集十卷。奏議二十卷。子二人。杓。杓。杓自有傳。

杓字定叟。以父恩授承奉郎。歷廣西經略司機宜。通判嚴州。方年少。已有能稱。浙西使者薦所部吏。而不及杓。孝宗特令再薦。召對。差知袁州。戢豪彊。弭盜賊。尉獲盜上之州。杓察知其枉。縱去。莫不怪之。未幾。果獲真盜。改知衢州。兄杓喪。無壯子。請祠以營葬事。主管五局觀。遷湖北提舉常平。奏事。帝大喜。論輔臣曰。張浚有子如此。改浙西督理荒政。蘇湖二州皆闕守。命兼攝焉。有執妓姻黨閉糴。杓首治之。帝獎其不畏彊禦。遷兩浙轉運判官。未幾。以直徽猷閣。升副使。改知臨安府。奏除逋欠四萬緡。米八百斛。進直龍圖閣。都城浩穰。姦盜聚。杓盡分地以警捕。夜戶不閉。張師尹納女掖庭。供給使。特以恣橫。杓因事痛繩之。徙其家信州。其類帖伏。南郊禮成。賜五品服。權兵部侍郎。仍知臨安。加賜三品服。修三牓。復六井。府治火。延及民居。上疏自劾。詔削二秩。杓再疏乞罷。移知鎮江。尋改明州。辭。仍知鎮江。召爲戶部侍郎。面對言事。迨時相意。高宗崩。以集英殿修撰知紹興府。董山陵事。召還爲吏部侍郎。光宗即位。權刑部侍郎。復兼知臨安府。紹熙元年。爲刑部侍郎。仍爲府尹。內侍毛伯益冒西湖茭地爲亭。外戚有殺其僕者。獄具。責緣。宣諭求免。杓皆執奏。論如律。孝宗觀湖。杓以彈壓伏謁道左。孝宗止輦問勞。賜以酒炙。京西謀帥。進煥章閣學士。知襄陽府。賜金二百兩。別賜金百兩。白金倍之。未幾。進徽猷閣學士。知建康府。繼復命還襄陽。寧宗嗣位。歸正人陳應祥。忠義人党琪等。謀襲均州。副都統馮湛聞道。疾馳以聞。杓不爲動。徐部分掩捕。獄成。斬其爲首者二人。盡釋黨與。反側以安。升寶文閣學士。

知平江府。未行。改知建康府。升龍圖閣學士。知隆興府。兼江西安撫使。奉新縣舊有營田。募民耕之。畝賦米斗五升。錢六十。其後議臣請蠲之。始征兩稅。和買且加折變。民重爲困。杓悉奏蠲之。進端明殿學士。復知建康府。以疾乞祠。卒。杓天分高爽。吏材敏給。遇事不凝滯。多隨宜變通。所至以治辦稱。南渡以來。論尹京者。以杓爲首。子忠純。忠恕。自有傳。

論曰。儒者之於國家。能養其正直之氣。則足以正君心。一衆志。攘凶逆。處憂患。蓋無往而不自得焉。若張浚者。可謂善養其氣者矣。顧其初逃張邦昌之議。平苗劉之亂。其才識固有非偷儒之所敢望及其攘卻勅敵。招降劇盜。能使將帥用命。所嚮如志。遠人伺其用舍。爲進退。天下占其出處。爲安危。豈非卓然所謂人豪者歟。羣言沸騰。屢奮屢踵。而辭氣慨然。嘗曰。上如欲復用浚。當即日就道。不敢以老病辭。其言如是。則其愛君憂國之心。爲何如哉。時論以浚之忠。大類漢諸葛亮。亮能使魏延楊儀終其身不爲異同。浚以吳玠故。遂殺曲端。亮能容法孝直。浚不能容李綱。趙鼎。而又詆之。茲所以爲不及歟。至於富平之潰師。淮西之兵變。則成敗利鈍。雖亮不能逆睹也。

宋史卷三百六十一

宋史卷三百六十一考證

張浚傳此苗劉刺客也○臣蒲封按何氏備史張魏公嘉禾刺客乃是附會雜

史張元遣刺韓忠獻事

復遣閉持蠟書遺環○臣蒲封按齊東野語張魏公遣蠟書鄭環之語亦是

潘遠知問岳武穆秦州叛卒事

宋史卷三百六十一考證

元中書右丞相總裁脫脫等修

列傳第一百二十一

朱勝非

呂好問

呂頤浩

范宗尹

范致虛

朱勝非字藏一蔡州人崇寧二年上舍登第靖康元年為東道副總管權應天府金人攻城勝非逃去會韓世忠部將楊進破敵勝非復還視事逾年詣濟州謂康王言南京為藝祖與王之地請幸之以圖大計王即位南京建炎改元試中書舍人兼權直學士院時方草創勝非憑敗鼓草制辭氣嚴重如平時上疏言仁義者天下之大柄中國持之則外夷服而諸夏尊苟失其柄則不免四夷交侵之患國家與契丹結好百有餘年一旦乘其亂弱遠交金人為夾攻計是中國失其柄而外侮所由招也陛下即位宜宣明正始之道思其合於仁義者行之不合者置之則可以攘卻四夷紹復大業矣上嘉之總制使錢蓋進職勝非言蓋為陝西制置使棄師謀國封還貼黃蓋遂罷官衛膚敏坐論元祐太后兄子徙官勝非言以外戚故去諫非所以示天下二年除尚書右丞時宰執蔭補多濫勝非奏舊制宰執子弟例不堂除只就銓注罷政不以罪然後推恩趙普子弟皆作武臣普再相長子授莊宅使范純仁再相子正平有文行竟死選調章惇子援及持皆高科並為州縣幕職監當惟夏竦子安期累作邊帥授待制直學士王安石薦子雱為崇政殿說書除待制然安期猶有才幹雱猶有學問至蔡京子六人孫四人鄭居中劉正夫子各二人余深王黼白時中蔡卞鄧洵仁洵武子各一人並列從班宣和末諫官疏謂尚從竹馬之遊已造荷囊之列今不可以不戒選中書侍郎三年上自鎮江南幸留勝非經理未幾命為控扼使已而拜宣奉大夫尚書右僕射兼御營使故事命相進三官勝非特遷五官會王淵發書樞密院事兼御營司都統制內侍復用事次橫諸將不悅於是苗傅劉正彥與其徒王鈞甫馬柔吉王世偁謀誣淵結宦官謀反正彥手斬淵分捕中官皆殺之擁兵至行宮門外勝非趨樓上詰專殺之由上親御樓

撫諭傳正彥語頗不遜勝非乃從皇太后出諭旨傳等請高宗避位太后抱皇告上曰王鈞甫乃傳等腹心適語臣云二將忠有餘而學不足此語可為後圖之緒於是太后垂簾高宗退居顯忠寺號睿聖宮勝非因請降赦以安傳等又奏母后垂簾須二臣同對此承平故事今日事機有須密奏者乞許臣僚獨對而日引傳徒二人上殿以弭其疑太后語上曰賴相此人若汪黃在位事已很籍矣王鈞甫見勝非勝非問前言二將學不足如何鈞甫曰如劉將手殺王淵軍中亦非之勝非因以言撼之曰上皇待燕士如骨肉那無一人效力者乎人言燕趙多奇士徒虛語耳鈞甫曰不可謂燕無人勝非曰君與馬參議皆燕中名人嘗獻策滅契丹者今金人所任多契丹舊人若渡江禍首及君矣蓋早為朝廷協力乎鈞甫唯唯王世偁來見勝非論之曰國家艱難若等立功之秋也誠能奮身立事從官豈難得乎世偁喜時往來道軍中情實權世偁為工部侍郎傳正彥乞改年號及移蹕建康勝非以白太后因議恐盡廢其請則倉卒變生乃改元明受以詔示世偁曰已從若請矣傳等欲挾上幸徽越勝非論之以禍福而止傳聞韓世忠起兵取其妻子為質勝非給傳曰今當啟太后召二人慰撫使報知平江諸君益安傳等許諾勝非喜曰二凶真無能為也諸將將至傳等懼勝非因謂之曰勤王之師未進者使是聞自反正耳不然下詔率百官六軍請上還宮公等置身何地乎即召學士李邠張守作百官章及太后手詔四月朔勝非率百官詣睿聖宮親掖上乘馬還宮苗傅請以王世偁為參議勝非曰世偁已為從官豈可復從軍上既復辟勝非曰臣昔遇變義當即死偷生至此欲圖今日之事耳乃乞罷政上問誰可代者勝非曰呂頤浩張浚問孰優曰頤浩練事而暴浚喜事而疏上曰浚太年少勝非曰臣向被召軍旅錢穀悉付浚此舉浚實主之御史中丞張守論勝非不能預防致賊猖獗宜罷不報授觀文殿大學士知洪州尋除江西安撫大使兼知江州紹興元年馬進陷江州侍御史沈與求論九江之陷由勝非赴鎮太緩降授中大夫分司南京江州居住二年呂頤浩薦兼侍讀又薦都督江淮荆浙諸軍事給事中胡安國侍御史

張璠文章論罷之。頤浩力引其入，再除兼侍讀，尋尚書右僕射，同中書門下平章事。丁母憂去，起復右僕射，兼知樞密院事。上吏部七司敕令格式一百八十卷，時員外郎江端友請營宗廟，議者非之，以為國家期於恢復，不常厥居，勝非方主和議，遂白上營宗廟于臨安。徐俯罷，參政勝非薦胡松年，侍御史常同勅松年乃王輔客，勝非徙同左史，莫備請曲江，其家蒼頭奴為勝非治疽而愈，奴為備請，得復官。姻家劉式嘗言為兵官獲盜，勝非不以付部，用特旨改官。會久雨，勝非累章乞免，且自論當罷者十一事，魏玘亦劾其罪，遂罷。五年，應詔言戰守四事，起知湖州，引疾歸。勝非與秦檜有隙，檜得政，勝非廢居八年卒。諡忠靖。勝非張邦昌友婿也，始邦昌僭位，勝非嘗械其使及金人過江，勝非請尊禮邦昌，後以謝敵，苗劉之變，保護聖躬功居多，既去，力薦張浚，然李綱罷，勝非受黃潛善風旨，草制極言其狂妄，再相忌趙鼎，鼎宣撫川陝，欲重使名以制吳玠，勝非曰：元樞出使，豈論此耶？蓋因事出鼎而輕其權，人以此少之。及著閑居錄，亦多其私說云。

呂頤浩，字元直，其先樂陵人，徙齊州中進士第，父喪家貧，躬耕以贍老幼，後為密州司戶參軍，以李清臣薦為邠州教授，除宗子博士，累官入為太府少卿，直龍圖閣，河北轉運副使，升待制，徽猷閣，都轉運使，伐燕之役，頤浩以轉輸隨種師道至白溝，既得燕山，郭藥師眾二萬，契丹軍萬餘，皆仰給縣官，詔以頤浩為燕山府路轉運使，頤浩奏開邊極遠，其勢難守，雖窮力竭財，無以善後，又奏燕山河北危急五事，願博議久長之策，徽宗怒，命褫職貶官而領職如故，尋復焉。進徽猷閣直學士，金人入燕，郭藥師劫頤浩與蔡靖等以降，敵退得歸，復以為河北都轉運使，以病辭，提舉崇福宮，高宗即位，除知揚州，車駕南幸，頤浩入見，除戶部侍郎，兼知揚州，進戶部尚書，劇賊張遇眾數萬屯金山，縱兵焚掠，頤浩單騎與韓世忠造其壘，說之以逆順，遇黨釋甲降，進吏部尚書，建炎二年，金人逼揚州，車駕南渡，鎮江，召從臣問去留，頤浩叩頭，願且留此為江北聲援，不然敵乘勢渡江，事愈急矣，駕幸錢塘，拜同簽書樞密院事，江淮兩浙制置使，還屯京口，金人去揚州，改江東安撫制置使，兼知江寧府，時苗傅劉正彥為逆，逼高

宗避位，頤浩至江寧，奉明受改元詔，赦會監司議，皆莫敢對，頤浩曰：是必有兵變，其子抗曰：主上春秋鼎盛，二帝蒙塵，沙漠日望拯救，其肯遽遜位于幼冲乎？灼知兵變無疑也，頤浩即遣人寓書張浚曰：時事如此，吾儕可但已乎？浚亦謂頤浩有威望，能斷大事，書來報起兵狀，頤浩乃與浚及諸將約會兵討賊，時江寧士民洩懼，頤浩乃檄楊惟忠留屯，以安人心，且恐苗傅等計窮挾帝歸，蘇德渡江，戒惟忠先為控扼，備俄有旨召頤浩赴院供職，上言：今金人乘戰勝之威，羣盜有遽起之勢，與袁檜亂，事屬艱難，豈容皇帝退享安逸，請亟復明辟，以圖恢復，遂以兵發江寧，舉鞭督眾，士皆感厲，將至平江，張浚乘舟迓之，相持而泣，咨以大計，頤浩曰：頤浩曩諫開邊，幾死，官臣之手，承乏漕挽，幾陷腥膻之城，今事不諧，不過赤族為社稷死，豈不快乎？浚壯其言，即舟中草檄進韓世忠為前軍，張俊翼之，劉光世為游擊，頤浩浚總中軍，光世分軍殿後，頤浩發平江，傳黨託旨請頤浩單騎入朝，頤浩奏：所統將士忠義所激，可合不可離，傳等恐懼，乃請高宗復辟，師次秀州，頤浩勸勵諸將曰：今雖反正而賊猶握兵居內，事若不濟，必反以惡名加我，翟義徐敬業可監也，次臨平，苗傅等拒戰，頤浩被甲立水次，出入行陣，督世忠等破賊，傅正彥引兵遁，頤浩等以勤王兵入城，都人夾道聳觀，以手加額，朱勝非罷相，以頤浩守尚書右僕射，中書侍郎，兼御營使，改同中書門下平章事，車駕幸建康，聞金人復入，召諸將問移蹕之地，頤浩曰：金人謀以陛下所至為邊面，今當且戰且避，奉陛下於萬全之地，臣願留常潤，死守，上曰：朕左右不可以無相，乃以韓世忠守鎮江，劉光世守太平，駕至平江，聞杜充敗績，上曰：事迫矣，若何？頤浩遂進航海之策，初，建炎御營使本以行幸總齊軍政，而宰相兼領之，遂專兵柄，樞府幾無所預，頤浩在位，尤顧念，趙鼎論其過，四年，移鼎為翰林學士，吏部尚書，鼎辭，且攻頤浩，章十數上，頤浩求去，除鎮南軍節度，開府儀同三司，醴泉觀使，詔以頤浩倡義勤王，故從優禮焉，奉化賊將璉乘亂為變，劫頤浩寘軍中，高宗以頤浩故赦而招之，尋除江東安撫制置大使，兼知池州，頤浩請兵五萬屯建康等處，又請王玘巨師古兵自隸，將之鎮，而李成遣將馬進圍江州，乃駐軍都陽，會楊惟忠兵請與俱趨南康，遣師古救

江州賊衆屢戰，頤浩惟忠失利。師古敗奔洪州，頤浩乞濟師討李成。高宗曰：「頤浩奮不顧身，爲國討賊，羣臣所不及，但輕進其失也。」詔王夔以萬人速往策應。頤浩復軍左蠡，又得閤門舍人崔增之衆萬餘，軍勢復振。命增擊賊敗之，乘勝至江州，則馬進已陷城矣。朝廷命張俊爲招討使，俊既至，遂敗馬進，進遁。成以餘衆降劉豫，詔以淮南民未復業，須威望大臣措置。以頤浩兼宣撫，領壽春府、徐廬和州無爲軍，招降趙延壽于分寧，得其精銳五千，分隸諸將。張琪自徽犯饒州，有衆五萬，時頤浩自左蠡班師，帳下兵不滿萬人，郡人皇駭。頤浩命其將閻臯姚端崔邦弼列陣以待，琪犯軍，臯力戰，端邦弼兩軍夾擊，大破之。拜少保，尙書左僕射，同中書門下平章事，兼知樞密院事。二年，自上自越州還臨安，時桑仲在襄陽，欲進取京城，乞朝廷舉兵爲聲援。頤浩乃大議出師，而身自督軍北向。高宗諭頤浩奏檜曰：「頤浩治軍放檜理庶務，如種蠱分職可也。」二人同乘政檜知頤浩不爲公論所與，多引知名士爲助，欲傾之而擅朝權。高宗乃下詔以戒朋黨，除頤浩都督江淮荆浙諸軍事，開府鎮江，頤浩辟文武士七十餘人，以神武後軍及御前忠銳崔增趙延壽二軍從行，百官班送。頤浩次常州，延壽軍叛，劉光世殲其衆，又聞桑仲已死，遂不進，引疾求罷，詔還朝，以知紹興府。朱勝非同都督諸軍事，頤浩既還，欲傾秦檜，乃引勝非爲助。給事中胡安國論勝非必誤大計，勝非復知紹興府，尋以醴泉觀使兼侍讀，安國持錄黃不下。頤浩持命檢正諸房文字黃龜年書行，安國以失職求去，罷之。檜上章乞留安國，不報。侍御史江躋、左司諫吳表臣皆以論救安國罷。程瑀、胡世將、劉一正、張壽林待聘，樓灼亦坐論檜黨斥臺省一空，遂罷檜相。頤浩獨秉政，屢請與師復中原，謂太祖取天下兵不過十萬，今有兵十六七萬矣，然自金人南牧，莫敢嬰其鋒。比年韓世忠張俊陳思恭張榮屢奏人有戰心，天將悔禍，又金人以中原付劉豫，三尺童子，知其不能立國，願審斷早定，決策北向。今之精銳皆中原人，恐久而消磨，他日難以舉事。時盜賊稍息，頤浩請遣使循行郡國，平獄訟，宣德意。李綱宣撫湖南，頤浩言：「綱縱暴無善狀，請罷諸路宣撫之名，綱止爲安撫使。」時李光在江東，與頤浩書言：「綱有大節，四夷畏服，頤浩稱光結黨，言者因論光罷。」

之時方審量濫賞頤浩時有縱舍，右司郎官王岡持不可曰：「公秉國鈞，不平謂何。」頤浩再秉政，凡二年，高宗以水旱地震，下詔罪己求言。頤浩連章待罪，高宗一日謂大臣曰：「國朝四方水旱無不上聞，近蘇湖地震，泉州大水，輒不以奏，何也？」侍御史辛炳殿中常同論其罪，遂罷頤浩爲鎮南軍節度使，開府儀同三司，提舉洞霄宮，改特進觀文殿大學士。五年，詔問宰執以戰守方略，頤浩條十事以獻。除湖南安撫制置大使，兼知潭州。時郴衡桂陽盜起，頤浩遣人悉平之。帝在建康，除頤浩少保，浙西安撫制置大使，知臨安府行宮留守，明堂禮成，進封成國公。八年，上將還臨安，除少傅，鎮南定江軍節度使，江東安撫制置大使，兼知建康府行宮留守。頤浩引疾求去，除醴泉觀使。九年，金人歸河南地，高宗欲以頤浩往陝西，命中使召赴行在。頤浩以老病辭，且條陝西利害，謂金人無故歸地，其必有意，召趣赴闕，既至以疾不能見，乃聽歸。未幾卒，贈太師，封秦國公。謚忠穆。頤浩有膽略，善鞍馬弓劍，當國步艱難之際，人倚之爲重。自江東再相，胡安國以書勸其法韓忠獻，以至公無我爲先，報復恩讎爲戒。頤浩不能用，時軍用不足，頤浩與朱勝非擲立江浙湖南諸路大軍月椿錢，於是郡邑多橫賦，大爲東南患云。

范宗尹，字覺民，襄陽鄧城人，少篤學，工文辭。宣和三年，上舍登第，累遷侍御史，右諫議大夫，王雲使北還，言金人必欲得三鎮，宗尹請棄之以紓禍，言者非之。宗尹罷歸，張邦昌僭位，復其職，遣同路尤迪詣康王勸進。建炎元年，李綱拜右僕射，宗尹論其名浮於實，有震主之威，不報。出知舒州。言者論宗尹書污僞命，責置鄂州。既召爲中書舍人，遷御史中丞，拜參知政事。呂頤浩罷相，宗尹攝其位。時諸盜據有州縣，朝廷力不能制，宗尹言：「太祖收藩鎮之權，天下無事百五十年，可謂良法。然國家多難，四方帥守單寡，束手環視，此法之弊。今當稍復藩鎮之法，裂河南江北數十州之地，付以兵權，俾蕃王室，較之棄地夷狄，豈不相遠。」上從其言。授宗尹通議大夫，守尙書右僕射，同中書門下平章事兼御營使。時年三十，近世宰相年少，未有如宗尹者。宗尹奏以京畿東西淮南湖北地並分爲鎮，授諸將，以鎮撫使爲名，軍興聽便宜從事。然李成薛慶孔彥舟桑仲輩，

起於羣盜，翟與劉位，土豪李彥光、郭仲威皆潰將，多不能守其地。宗尹請有司討論崇觀以來濫賞修書營繕，應奉開河、免夫、獄空之類，皆釐正之。宣靖執政，圍城明受僞命之人，反用赦申雪。徐秉哲、吳玠、莫儻等並量移，吳敏、王孝迪、耿南仲、孫觀、蔡懋等並敘復。侍郎季陵希宗尹意，乞詔宰執於罪累中選真材實能，量付以事。沈與求劾陵因及宗尹，宗尹求去，上為罷與求。宗尹乃復視事。初，宗尹廷對詳定官李邦彥特取旨，真宗、宗尹乙科。宗尹德之，贈邦彥觀文殿大學士。樞密院副都承旨闕，宗尹擬邢煥藍公佐、辛道宗三人。煥戚里，公佐管客省。道宗不知兵，人以此咎宗尹。密院計議官王侑結公佐，宗尹請除侑為宗正丞。侍御史張廷壽劾之，上罷侑。紹興元年二月辛巳，日有黑子。宗尹以輔政無狀，請免，上不許。魏滂為江東通判，諫官言其貪盜，官錢滂遂罷。李弼孺領營田，諫官言其媚事朱勳，弼孺亦罷。二人皆宗尹所薦。白州守臣晁公為儲時豐備，論者以為擾民。宗尹陰佑之，會公為妻受囚，金事覺，上罷公。宗尹不自安，時明堂覃恩，宗尹請舉行討論之事，上手劄云：朕不欲歸過君父，敘怨士大夫。始宗尹建此議，秦檜力贊之，及見上意堅，反撻宗尹，上亦惡其與辛道宗兄弟往來。遂罷沈與求，奏其罪狀落職，未幾命知温州。退居天台，卒年二十七。宗尹有才智，當北敵肆行之衝，毅然自任，建議分鎮，以是得相位。然其置帥多授劇盜，又無總率統屬，且不遣援，不通餉，故諸鎮守鮮能久存者。及為政多私，屢為議者所詆云。

范致虛，字謙叔，建州建陽人，舉進士，為太學博士。鄒浩以言事斥，致虛坐租送獲罪，停官。徽宗嗣位，召見，除左正言。出通判郢州，崇寧初，以右司諫召。道改起居舍人，進中書舍人。蔡京建議置講議司，引致虛為詳定官，議不合，改兵部侍郎。自是入處華要，出典大郡者十五年。以附張商英貶通州。政和七年，復官，入為侍讀，修國史。尋除刑部尚書，提舉南京鴻慶宮。初，致虛在講議司，延康殿學士劉昺嘗乘蔡京怒，擿之後，王案坐妖言繫獄，事連昺，論死。致虛爭之，昺得減。竄士論賢之。遷尚書右丞，進左丞，母喪踰年，起知東平府，改大名府。入見，時朝廷欲用師契丹，致虛言邊隙一開，必有意外之患，宰相謂其懷異，致虛乞終喪。

從之，免喪。知鄧州，改河南府。中人規景華苑，欲奪故相富弼園宅，致虛言弼和我有大功，使朝廷享百年之安，乃不保數畝之居邪。弼園宅得不取，復移鄧州。提舉亳州明道宮。帝方好老氏，致虛希時好，營飭道宇，賜名鍊真宮。靖康元年，召赴闕，道除知京兆府。時金人圍太原，聲震關中，致虛修戰守備甚力。朝廷命錢蓋節制陝西，除致虛陝西宣撫使。金人分道再犯京師，詔致虛會兵入援。錢蓋兵十萬至，穎昌聞京師破而遁。西道總管王襄南走，致虛獨與西道副總管孫昭遠合兵。環慶帥臣王似、熙河帥臣王倚，以兵來會，致虛合步騎號二十萬。以右武大夫馬昌祐統之，命杜常將民萬人趨京師。夏徽將萬人守陵寢，有僧趙宗印者喜談兵，帝益薦之。致虛以便宜假官，俾充宣撫司參議官，兼節制軍馬。致虛以大軍遵陸，宗印以舟師趨西京。金人破京師，遣人持登城不下之詔，以止入援之師。致虛斬之初，金人守潼關，致虛奪之，作長城起潼關迄龍門，所築僅及眉。宗印又以僧為一軍號尊勝隊，童子行為一軍號淨勝隊。致虛勇而無謀，委己以聽。宗印、宗印徒大言，實未嘗知兵。至是，宗印舟師至三門津，致虛使整兵出潼關。金守臣高世由謂其帥粘罕曰：致虛儒者不知兵，遣斥候三千，自足殺之。致虛軍出武關，至鄧州，千秋鎮金將婁宿以精騎衝之，不戰而潰。死者過半。杜常夏淑先遁，致虛斬之。孫昭遠王似、王倚等留陝府，致虛收餘兵入潼關。方致虛之鼓行出關也，裨將李彥仙曰：行者利速，多為支軍，則舍不至淹，敗不至覆。若眾羣聚而出，殺澠一蹴於險，則皆潰矣。致虛不聽。遂底于敗。高宗即位，言者論其逗撓不進，徙知鄧州。尋加觀文殿學士，復知京兆府。致虛力辭，而薦席益、李彌大。唐重自代，詔以重守京兆。致虛復知鄧州。次年，宗印領兵出武關，與致虛合。會金將銀朱兵壓境，致虛遁。宗印兵不戰走，轉運使劉汲力戰死焉。致虛坐落職。責授安遠軍節度副使。英州安置。高宗幸建康，召復資政殿學士。知鼎州。行至巴陵，卒。贈銀青光祿大夫。

呂好問，字舜徒，侍講希哲子也。以蔭補官。崇寧初，治黨事。好問以元祐子弟坐廢，兩監東嶽廟。司揚州儀曹。時蔡卞為帥，欲扳附善類，待好問特異。好問以禮自持，卞不得親。及卞得政，當時據屬拔擢略盡，獨好問留滯。卞諷之曰：子少親

我即階顯列矣。好問笑不答。靖康元年，以薦召爲左司諫，諫議大夫，權御史中丞。欽宗諭之曰：「卿元祐子孫，朕特用卿，令天下知朕意所嚮。先是徽宗將內禪，詔解黨禁，除新法，盡復祖宗之故，而蔡京黨威根據中外，害其事莫肯行。好問言時之利害，政之闕失。太上皇詔旨備矣，雖使直言之士，抗疏論列，無以過此。願一一施行之而已。」又言：「陛下宵衣旰食，有求治之意，發號施令，有求治之言。逮今半載，治效逾邁，良由左右前後不能推廣德意，而陛下過於容養。臣恐淳厚之德，變爲頹靡，且今不盡軍京貫等所爲，太平無由可致。欽宗鄉納，好問疏蔡京過惡，乞投海外，黜朋附之尤者以厲其餘。又建白削王安石王爵，正神宗配饗，褒表江公望張庭堅任伯雨龔夬等，除青苗之令，滿元符上書獲護者，章前後數十上。每奏對，帝雖當食，輒使畢其說。時金人既退，大臣不復顧慮，武備益弛。好問言：「金人得志，益輕中國，秋冬必傾國復來，禦敵之備，當速講求。今邊事經畫，旬月不見施設，臣僚奏請，皆不行下。此臣所深懼也。及邊警急，大臣不知所出，遣使講解，金人佯許而攻略自如。諸將以和議故皆閉壁不出。好問言：「彼名和而實攻，朝廷不謀進兵，遣將何也？請亟集滄滑邢之戍，以遏奔衝。而列勤王之師于畿邑，以衛京城。疏上不省，金人陷真定，改中山，上下震駭。廷臣狐疑相顧，猶以和議爲辭。好問率臺屬劾大臣畏懦誤國，出好問知袁州。欽宗憫其忠，下遷吏部侍郎。既而金人薄都城，欽宗思好問言，進兵部尚書，都城失守，召好問入禁中，軍民數萬，斧左掖門，求見天子。好問從帝御樓，論遣之。衛士長蔣宣帥其徒數百，欲邀乘輿犯圍而出，左右奔竄，獨好問與孫傳梅執禮侍。宣抗聲曰：「國事至此，皆宰相信任姦臣，不用直言所致。傳呵之，宣以語侵傳，好問曉之曰：「若屬忘家族，欲冒重圍，衛上以出，誠忠義，然乘輿將駕，必甲乘無闕而後動，詎可輕耶？宣訕服曰：「尚書真知軍情，慮其徒退，帝再幸金營。好問實從，帝既留，遣好問還慰拊都城，已而金人立張邦昌，以好問爲事務官。邦昌入居都省，好問曰：「相公真欲立邪？抑姑塞敵意而徐爲之圖爾？邦昌曰：「是何言也？好問曰：「相公知中國人情所向乎？特畏女真兵威耳。女真既去，能保如今日乎？大元帥在外，元祐皇太后在內，此殆天意，蓋亟還政，可轉禍爲福，且省中非人臣

所處，宜寓直殿廡，毋令衛士俠陛，敵所遺袍帶，非戎人在旁，弛勿服，車駕未還，所下文書，不當稱聖旨，以好問攝門下省，好問既擊傷，仍行舊職。時邦昌雖不改元，而百司文移，必去年號。獨好問所行文書，稱靖康二年。吳升莫儻請邦昌見金使於紫宸垂拱殿，好問曰：「宮省故吏，驟見御正衙，必將憤駭，變且不測。奈何？邦昌矍然止。王時雍議肆赦，好問曰：「四壁之外，皆非我有，將誰赦？乃先赦城中，始金人謀以五千騎取康王，好問聞，即遣人以書白王，言大王之兵，度能擊則邀擊之，不然，即宜遠避。且言大王若不自立，恐有不當立而立者。既又語邦昌曰：「天命人心，皆歸大元帥，相公先遣人推戴，則功無在相公右者。若無機不發，他人聲義致討，悔可追邪？於是邦昌謀謝克家奉國寶往大元帥府，須金人退，乃發金將將還，議留兵以衛邦昌。好問曰：「南北異宜，恐北兵不習風土，必不相安。金人曰：「劉一勃董統之可也。好問曰：「勃董貴人，有如觸發，致疾則負罪益深，乃不復留兵。金人既行，好問趣遣使詣大元帥府，勸進，請元祐太后垂簾，邦昌易服歸太宰位。太后自延禧宮入聽政，高宗即位，太后遣好問奉手書詣行在所，高宗勞之曰：「宗廟獲全，卿之力也。除尚書右丞，丞相李綱以羣臣在圍城中不能執節，欲悉按其罪。好問曰：「王業艱難，政宜舍垢，繩以峻法，懼者衆矣。侍御史王賓論好問嘗汗偽命，不可以立新朝。高宗曰：「邦昌僭號之初，好問募人賣白書，具道京師內外之事，金人甫退，又遣人勸進，考其心跡，非他人比。好問自慙，力求去。且言邦昌僭號之時，臣若閉門潔身，實不爲難，徒以世被國恩，所以受賢者之責，冒圍賣書於陛下，疏入，除資政殿學士，知宣州，提舉洞霄宮，以恩封東萊郡侯，避地卒于桂州。子本中，擢中，用中，忱中，孫祖讓，祖儉，本中，祖讓，祖儉，別有傳。

論曰：朱勝非呂頤浩處苗劉之變，或異用其智，或震奮其威，其於復辟討賊之功，固有可言矣。然李綱趙鼎當世之所謂賢者，而勝非頤浩視之若冰炭然，其中之所存，果何如哉？范宗尹忍於汗張邦昌之僞命，而誣李綱以震主之威，何其縲於是非也？范致虛佞附權臣，大諛已失，其總勤王之師，輕而寡謀，以底于敗，宜哉。若呂好問處艱難之際，其跡與宗尹同，而屈己就事，以規與復，亦若勝

宋

史卷三百六十二

列傳

非之處苗劉其心有足亮云

宋史卷三百六十二

元中書右丞相總裁脫脫等修

列傳第一百二十二

李光子孟傳

許翰

許景衡

張翥

張所

陳禾

蔣猷

李光字泰發越州上虞人童穉不戲弄父高稱曰吾兒雲間鶴其與吾門乎親喪哀毀如成人有政贖者悉辭之及葬禮皆中節服除遊太學登崇寧五年進士第調開化令有政聲召赴都堂審察時宰不悅處以監當改秩知平江府常熟縣朱勳父冲倚勢暴橫光械治其家僮冲怒風部使者移令吳江光不為屈改京東西學事司管勾文字劉安世居南京光以師禮見之安世告以所聞於温公者曰學當自無妄中入光欣然領會除太常博士遷司封首論士大夫諛佞成風至妄引荀卿有聽從無諫諍之說以杜塞言路又言怨嗟之氣結為妖診王黼惡之令部注桂州陽朔縣安世聞光以論事貶貶書偉之李綱亦以論水災去國居義興光伺于水驛自出呼曰非越州李司封船乎留數日定交而別除司勳員外郎遷符寶郎郭藥師叛光知徽宗有內禪意因納符謂知樞密院蔡攸曰公家所為皆拂眾心今日之事非皇太子則國家俱危攸矍然不敢為異欽宗受禪擢右司諫上皇東幸憐人間兩宮光請集議奉迎典禮又奏東南財用盡於朱勳西北財用困於李彥天下根本之財竭於蔡京王黼各為應奉實入私室公家無半歲之儲百姓無旬日之積乞依舊制三省樞密院通知兵民財計與戶部量一歲之出入以制國用選吏考核使利源歸一金人圍太原援兵無功光言三鎮之地祖宗百戰得之一旦舉以與敵何以為國望詔大臣別議攻守之策仍開道遣使檄河東北兩路盡起強壯策應首尾掩擊遷侍御史時言者猶主王安石之學詔榜廟堂光又言祖宗規摹宏遠安石欲盡廢法度則謂人主制法而不當制於法欲盡逐元老則謂人主當化俗而不當化於俗蔡京兄弟祖述其說五十年間毒流四海今又風示中外鼓惑民聽豈朝廷之福蔡攸欲以扈衛上皇行宮因緣入都光奏攸若果入則百姓必致生

變萬一驚犯屬車之塵臣坐不預言之罪望早黜責時已葺擴景園為寧德宮而太上皇后乃欲入居禁中光奏禁中者天子之宮正使陛下欲便温清奉迎入內亦當躬稟上皇下有司討論典禮乃下光章使兩宮臣奏知於是太上皇后居寧德宮金人逼京城士大夫委職而去者五十二人罪同罰異士論紛然光請付理寺公行之太原圍急奏乞就委折彥質盡起晉絳磁隰潞威勝汾八州民兵及本路諸縣弓手俾守令各自部轄其士豪士人願為首領者假以初官應副器甲協力赴援女真劫質親王以三鎮為辭勢必深入請大修京城守禦之備以伐敵人之謀又言朱勳託應奉督制州縣田園第宅富擬王室乞擇清強官置司追攝勳父子及奉承監司守令如胡直孺盧宗原陸實王仲閏趙霖宋晦等根勘驅磨計資沒入其強奪編戶產業者還之李會李擢復以諫官召光奏蔡京復用時會擢送為臺官禁不發一語金人圍城與白時中李邦彥專主避敵割地之謀時中邦彥坐是落職而會擢反被召用復預諫諍之列乞寢成命不報光巧外亦不報慧出寅良問耿南仲輩皆謂應在外夷不足憂光奏孔子作春秋不書祥瑞者蓋欲使人君恐懼修省未聞以災異歸之外夷也疏奏監汀州酒稅高宗即位擢秘書少監除知江州未幾擢侍御史皆以道梗不赴建炎三年車駕自臨安移蹕建康除知宣州時范瑄將過軍光先入視事瑄至則開門延勞留三日而去無敢譁者光以宣密邇行都乃繕城池聚兵糧籍六邑之民保伍相比比謂之義社擇其健武者統以士豪得保甲萬餘號精練軍又柵險要二十三所謹戍之釐城止為十地分分巡內外晝則自便夜則守城有警則戰苗租歲輸邑者悉命輸郡初謹言不便及守城之日贍軍養民迄賴以濟事聞授管內安撫許便宜從事進直龍圖閣杜充以建康降金人奪馬家渡御營統制王玘素不相能至是擁潰兵砦城外索鬪光親至營諭以先國家後私讎之義皆感悟解去時奔將散卒至者光悉厚賞給遣有水軍叛于繁昌逼宣境即遣兵援擊出賊不意遂宵遁進右文殿修撰光奏金人雖深入江浙然達天時地利臣已移文劉光世領大兵赴州併力攻討乞速委宣撫使周望約日水陸並進潰將邵青自真州擁舟數百艘割塗蕪湖兩邑聞光

招諭之遺米二千斛。青喜謂使者曰：「我官軍也，所過皆以盜賊見遇，獨李公不疑我，於是秋毫無犯。」他日舟過繁昌，或給之曰：「宣境也，乃掠北岸而去。」劇盜戚方破寧國縣，抵城下，分兵四擊，光募勇敢劫之。賊驚擾，自相屠戮。朝廷遣統制官巨師古、劉晏兼程來援，賊急攻京門。纒竹木為浮梁以濟，須臾軍傳城列砲，具立石對樓。光命編竹若簾，揭之砲至即反墜，不能傷。取樁木為撞竿，倚女牆以禦對樓。賊引却，劉晏率赤心隊直搗其營，賊陽退，晏追之，伏發遇害。師古以中軍大破賊，賊遁去。初，戚方圍宣，與其副並馬巡城，指畫攻具。光以書傳矢射其副馬前，言戚方窮寇，天誅必加。汝為將家子，何至附賊？二人相疑，攻稍緩，始得為備而援師至矣。嘗實七首枕匣中，與家人約曰：「城不可必保，若使人取匕首，我必死。」汝輩宜自殺，無落賊手。除徽猷閣待制，知臨安府。紹興元年正月，除知洪州，固辭，提舉臨安府洞霄宮。除知婺州，甫至郡，擢吏部侍郎。光奏疏極論朋黨之害，議論之臣各懷顧避，莫肯以持危扶顛為己任。駐蹕會稽，首尾三載，自去秋迄今，敵人無復南渡之意。淮甸咫尺，了不經營。長江千里，不為限制。惴惴焉日為乘桴浮海之計。晉元帝區區草創，猶能立宗社，修宮闕，保江浙。劉琨祖逖與逆胡拒戰於并冀，竟豫司雍諸州，未嘗陷沒也。石季龍重兵已至歷陽，命王導都督中外諸軍以禦之。未聞專主避狄如今日也。陛下駐蹕會稽，江浙為根本之地，使進足以戰，退足以守者，莫如建康。建康至姑熟一百八十里，其隘可守者有六：曰江寧鎮，曰礪砂夾，曰采石，曰大信，其上則有蕪湖、繁昌，皆與淮南對境，其餘皆蘆葦之場，或倚岸水勢湍悍，難施舟楫。莫若預於諸隘屯兵積粟，命將士各管地分，調發旁近鄉兵，協力守禦。乞明詔大臣，參酌施行。時有詔金人深入，諸郡守臣相度，或守或避，令得自便。光言：「守臣任人民社稷之重，固當存亡以之。若預開遷避之門，是誘之遁也。」願追寢前詔，上欲移蹕臨安，被旨節制臨安府，見屯諸軍兼戶部侍郎，督管總事。光經營捍節，不擾而辨奏蠲減二浙積負及九邑科配，以示施德自近之意。戚方以管軍屬節制，甚懼。拜庭下，光握手起之曰：「公昔為盜某為守，分當相直，今俱為臣子，當共勉力忠義，勿以前事為疑。」方謝且泣。兼侍讀，因奏金人內寇，百姓失業為盜賊，本非獲已，

尚可誠感。自李成北走，羣盜離心，儻因斯時，顯用一二酋豪，以風厲其黨，必更相效慕。以次就降，擢吏部尚書。上將韓世清、本苗傳餘黨，久屯宣城，擅據倉庫，調發不行。光請先事除之，乃授光淮西招撫使。光假道至郡，世清入謁，縛送闕下。伏誅。初，光於上前面稟成算，宰相以不預聞怒之。未至道，除端明殿學士。江東安撫大使，知建康府，壽春、滁、濠、廬和無為宣撫使。時太平州卒陸德因守臣據城叛，光多設方略，盡擒其黨。秦檜既罷，呂頤浩、朱勝非並相，光議論素與不合。言者指光為檜黨，落職奉祠。尋復寶文閣待制，知湖州。除顯謨閣直學士，移守平江。除禮部尚書。光言：「自古創業中興，必有所因而起。漢高因關中，光武因河內，駐蹕東南，兩浙非根本所因之地乎？自冬及春，雨雪不已，百姓失業，乞選臺諫察實，以聞。兼比歲福建湖南盜作，范汝為、楊么相挺而起，朝廷發大兵誅討，殺戮過當。今諸路旱荒，流丐滿路，盜賊出入，宜選良吏，招懷撫納，責諸路監司，按倉贓恤流殍。」議臣欲推行四川文子法於江浙。光言：「有錢則文子可行，今已謂椿辦若干錢，行若干文子。此議者欲朝廷欺陛下，使陛下異時不免欺百姓也。若已椿辦見錢，則目今所行錢關子，已是通快。何至紛紛其工部鑄到交子務銅印，臣未敢給。降除端明殿學士，守台州。俄改温州。劉光世張俊連以捷聞，光言：「觀金人布置，必有主謀。今已據東南形勢，敵人萬里遠來，利於速戰，宜戒諸將持重以老之，不過數月，彼食盡則勝算在我矣。」除江西安撫。知洪州，兼制置大使，擢吏部尚書。踰月，除參知政事。時秦檜初定和議，將揭榜，欲藉光名鎮壓。上意不欲用光，檜言：「光有人望，若同押榜，浮議自息。」遂用之。同郡楊煒上光書，責以附時相取尊官，墮黜虜姦計，驕平時大節。光本意謂但可因和而為自治之計，既而檜議徹淮南守備，奪諸將兵權，光極言戎狄狼子野心，和不可恃，備不可撤。檜惡之，檜以親黨鄭億年為資政殿學士，光於榻前面折之，又與檜語難上。前因曰：「觀檜之意，是欲壅蔽陛下耳目，益弄國權，懷姦誤國，不可不察。」檜大怒，明日光去。高宗曰：「卿昨面叱秦檜，舉措如古人，朕退而數息，方寄卿以腹心，何乃引去？」光曰：「臣與宰相爭論，不可留。」章九上，乃除資政殿學士。知紹興府，改提舉臨安府洞霄宮。十一年冬，中丞万俟卨論光陰懷怨望，責授建

寧軍節度副使瓊州安置越四年移瓊州居瓊州八年仲子孟堅坐陸升之誣以私撰國史獄成呂愿中又告光與胡銓詩賦倡和譏訕朝政移昌化軍論文考史怡然自適年踰八十筆力精健又三年始以郊恩復左朝奉大夫任便居住至江州而卒孝宗即位復資政殿學士賜諡莊簡

孟傳字文授光幼子也光南遷之日才六歲以光遺表恩累官至太府丞韓侂胄願見之孟傳曰行年六十去計已決不敢聞也由是出知江州以朝請大夫直寶謨閣致仕卒年八十有擊溪詩二十卷文彙三十卷宏辭類彙十卷左氏說十卷讀史十卷雜誌十卷博學多聞持身甚嚴時推能世其家

許翰字崧老拱州襄邑人元祐三年進士第宣和七年召為給事中為書抵時相謂百姓困弊起為盜賊天下有危亡之憂願罷雲中之師修邊保境與民休息高麗入貢調民開運河民間騷然中書舍人孫傳論高麗於國無功不宜與大役傳坐罷翰謂傳不當黜時相怒落職提舉江州太平觀靖康初復以給事中召時金人攻京師甫退翰造闕即日賜對除翰林學士尋改御史中丞上

疏言邊事因陳決勝之策張邦昌為太宰翰上疏力爭之种師道罷為中太一宮使翰言師道名將沉毅有謀山西士卒人人信服不可使解兵柄欽宗謂其老難用翰曰秦始皇老王翦而用李信兵辱於楚漢宣帝老趙充國而卒能成金城之功自呂望以來用老將收功者難一二數以古揆今師道雖老可用也且謂金人此行存亡所係令一大創使失利去則中原可保四夷可服不然將來再舉必有不救之憂宜起師道擊之上不能用擢中大夫同知樞密院論

益不合以病去除延康殿學士知亳州坐言者落職提舉南京鴻慶宮高宗即位用李綱薦召復延康殿學士既至拜尚書右丞兼權門下侍郎時建炎大變之後河北山東大盜李成孔彥舟等聚眾各數十萬皆以勤王為名願得張所為帥所為御史書論黃潛善姦邪不可用由此得罪李綱為相乃以所為河北

等路招撫使率成等乘渡河號召諸路為興復計潛善力沮之宗澤論車駕不宜南幸宜還京師且詆潛善等潛善等請罷澤翰極論以為不可李綱罷翰言

綱忠義英發捨之無以佐中興今罷綱臣留無益力求去高宗未許時潛善奏

誅陳東翰謂所親曰吾與東皆爭李綱者東戮東市吾在廟堂可乎求去益力章八上以資政殿大學士提舉洞霄宮復以言者落職紹興元年召復端明殿學士提舉萬壽觀辭不至二月復資政殿學士三年五月卒贈光祿大夫翰通經術正直不撓歷事三朝致位政府徒以輔佐潛善輩薰蕕異味橫遭口語志卒不展綱雖力引之不旋踵去翰亦斥逐而死所著書有論語解春秋傳

許景衡字少伊温州瑞安人登元祐九年進士第宣和六年召為監察御史遷殿中侍御史是時王黼蔡攸用事景衡言尚書省比關長官而同知樞密院亦久闕雖三公通治三省然文昌政事之本樞密本兵之地各有攸屬安可久虛其位願博採公議遴選忠賢以補政府之闕遂大忤黼意朝廷用童貫為河東

北宣撫使將北伐景衡論其食糲不可用者數十事不報睦寇平江浙郡縣殘燬而茶鹽比較之法如故景衡奏茶鹽之法當以食之眾寡為歲額之高下今收復之後戶版半耗民力蕭然而茶鹽比較不減於昔民欲無困得乎奏上詔兩浙江東路權免茶鹽比較賊平日仍舊朝廷既與燕雲之師調度不繼誅求

益急景衡奏財力匱乏在節用民力困弊在恤民今不急之務若營繕諸役花石綱運其名不一吏員猥多軍額冗濫又無名功賞非常賜予皆費緣僥倖干請無厭宜節以祖宗之制而省去之且極論和買和糴鹽法之害不報會知洋州吳巖夫以私書抵執政子道景衡之賢因從子塔符寶郎周離亨以達離亨

繆以其書誤致王黼黼用是中景衡逐之欽宗即位以左正言召旋改太常少卿兼太子論德遷中書舍人侍御史李光正言程瑀以鯁亮忤執政斥景衡為辨白坐落職予祠高宗即位以給事中召即至除御史中丞宗澤為東京留守言者附黃潛善等多攻其短欲逐去之景衡奏曰臣自浙渡淮以至行在聞澤

之為尹威名政事卓然過人雖不識其人竊用數慕臣以為去冬京城內有赤心為國如澤等數輩其禍變未至如是之酷今若較其小短不顧盡忠徇國之節則不怨已甚且開封宗廟社稷所在苟欲罷澤別遣留守不識搢紳中威名政事有加於澤者乎疏入上大悟封以示澤澤乃安杭州叛卒陳通作亂權浙西提刑趙叔近招降之請授以官景衡曰官吏無罪而受誅叛卒有罪而蒙賞

賞罰倒置莫此為甚卒奏罷之除尚書右丞有大政事必請問極論潛善伯彥以景衡異己共排沮之或言正二月之交乃太一正遷之日宜於禁中設壇望拜高宗以問景衡曰修德愛民天自降福何迎拜太一之有初李綱議建都以關中為上南陽次之建康為下綱既相遂主南陽之議景衡為中丞奏南陽無險阻且密運盜賊漕運不繼不若建康天險可據請定計巡幸潛善等傾綱使去南陽之議遂格至是諜報金人攻河陽泥水景衡又奏請南幸建康已而有詔還京罷景衡為資政殿大學士提舉杭州洞霄宮至瓜州得暍疾及京口卒年五十七諡忠簡景衡得程頤之學志慮忠純議論不與時俯仰建炎初李綱議幸南陽宗澤請還京景衡乃請幸建康黃潛善等素惡其異已暨車駕駐揚州怵於傳聞不得已下還京之詔遂借渡江之議罪之斥逐而死既沒高宗思之曰朕自即位以來執政忠直遇事敢言惟許景衡詔賜景衡家温州官舍一區

張慤字誠伯河間樂壽人登元祐六年進士第累遷龍圖閣學士計度都轉運使高宗為兵馬大元帥募諸道兵動王慤飛輓踵道建議即元帥府印給鹽鈔以便商旅不閱旬得緡錢五十萬以佐軍高宗器重之命以便宜權大名尹兼北京留守馬步軍都總管慤初聞二帝北行率副總管顏岐等三上牋勸進最後慤上書極論中原不可一日無君高宗為之感悟建炎改元為戶部尚書除同知樞密院事措置戶部財用兼御營副使建言三河之民怨敵深入骨髓恨不殲殄其類以報國家之仇請依唐人澤潞步兵雄邊子弟遺意募民聯以什伍而寓兵於農使合力抗敵謂之巡社為法精詳前此論民兵者莫及也詔集為書行之遷尚書左丞官至中書侍郎慤善理財論錢穀利害猶指諸掌在朝諤諤有大臣節然論議可否不形辭色未嘗失同列之歡卒諡忠穆上每念之謂慤謀國盡忠遇事敢諫古之遺直也

張所青州人登進士第歷官為監察御史高宗即位遣所按視陵寢還上疏言河東河北天下之根本昨者誤用姦臣之謀始割三鎮繼割兩河其民怨入骨髓至今無不扼腕若因而用之則可藉以守不則兩河兵民無所仰望陛下之

事去矣且論還京師有五利謂國之安危在乎兵之強弱將相之賢不肖不在乎都之遷不遷又條上兩河利害上欲以其事付所會所言黃潛善姦邪不可用恐害新政乃罷所御史改兵部郎中尋責所鳳州團練副使江州安置後李綱入相欲薦所經略兩河以其嘗言潛善故難之一日與潛善從容言曰今河北未有人獨一張所可用又以狂言抵罪不得已收拭用之使為招撫冒死立功以贖過不亦善乎潛善許諾乃借所直龍圖閣充河北招撫使賜內府錢百萬緡給空名告千餘道以京西卒三千為衛將佐官屬許自辟置一切以便宜從事所入見條上利害上賜五品服遣行命直秘閣王圭為宣撫司參謀官佐之河北轉運副使張益謙附黃潛善意奏所置司北京非是且言自置招撫河北盜賊愈熾不若罷之專以其事付帥司李綱言張所今留京師招集將佐未及行益謙何以知其擾朝廷以河北民無所歸聚而為盜故置司招撫因其力而用之豈由置司乃有盜賊乎今京東西羣盜公行攻掠郡縣亦豈招撫司過耶時方艱危朝廷欲有所經理益謙小臣乃以非理沮抑此必有使之者上乃命益謙分折命下樞密院汪伯彥猶用其奏詰責招撫司李綱與伯彥爭於上前伯彥語塞所方招來豪傑以王彥為都統制岳飛為準備將而李綱已罷相朝廷以王圭代之所落直龍圖閣嶺南安安置卒于貶所子宗本以岳飛奏補官

陳禾字秀實明州鄞縣人舉元符三年進士累遷辟雍博士時方以傳注記問為學禾始崇尚義理黜抑浮華入對契旨擢監察御史殿中侍御史蔡京遣酷吏李孝壽窮治章綬鑄鐵錢連及士大夫甚眾禾奏免孝壽京子儻為太常少卿何執中擇蔡芝為將作監皆疏其罪罷之天下久平武備寬弛東南尤甚禾請增戍繕城壁以戒不虞或指為生事格不下其後盜起人服其先見遷左正言俄除給事中時重賈權益張與黃經臣胥用事御史中丞盧航表裏為姦指紳側目禾曰此國家安危之本也吾位言責此而不言一遷給舍則非其職矣未拜命首抗疏劾實復劾經臣怙寵弄權誇銜朝列每云詔令皆出其手言上將用某人舉某事已而詔下悉如其言夫發號施令國之重事黜幽陟明天子

大權奈何使宦寺得與臣之所憂不獨經臣此塗一開類進者衆國家之禍有不可遏願亟竄之遠方論奏未終上拂衣起禾引上衣請畢其說衣裾落上曰正言碎朕衣矣禾言陛下不惜碎衣臣豈惜碎首以報陛下此曹今日受富貴之利陛下他日受危亡之禍言愈切上變色曰卿能如此朕復何憂內侍請上易衣上却之曰留以旌直臣翌日貫等相率前趨謂國家極治安得此不祥語盧航奏禾狂妄請監信州酒馮赦得自便還里初陳瓊歸自嶺外居于鄞與禾相好遣其子正彙從學後正彙告京罪執詰闕瓊亦就逮經臣泣其獄檄禾取證禾答以事有之罪不敢逃或謂其失對禾曰禍福死生命也豈可以死易不義耶願得分賢者罪遂坐瓊黨停官馮赦復起知廣德軍移知和州尋遭內艱服除知秀州王黼新得政禾曰安能出黼門下力辭改汝州辭益堅曰寧鐵死黼聞而銜之禾兄秉時爲壽春府教授禾侍兄官居適童貫領兵道府下謁不得入鏡之不受貫怒歸而譖之上曰此人素如此汝不能容耶久之知舒州命下而卒贈中大夫諡文介禾性不苟合立朝挺挺有風操有易傳九卷春秋傳

十二卷論語孟子解各十卷

蔣猷字仲遠潤州金壇縣人舉進士政和四年拜御史中丞兼侍讀有直聲嘗論士風浮薄廷臣伺人主意承宰執風旨向背以特立不回者爲愚共嗤笑之此風不可長輔臣奏事殿上雷同唱和略無所可否非論道獻替之禮內侍省不隸臺察案元豐官制楊戩不當除節度使趙良嗣不宜出入禁中上皆嘉納至揭其章內侍省且詔自今無得規圖節鉞又疏孟昌齡徐鑄等姦狀遷兵部尚書兼禮制局詳議官七年知貢舉改工部吏部尚書以徽猷閣直學士知婺州明年請祠歸宣和末召爲刑部尚書兼資善堂翊善靖康初奉上表起居太上皇帝於淮陰且特詔貶重貫猷奏貫得罪天下願黜遠之太上以爲然亟令宣詔趣貫赴貶所遂奉太上還京移兵部尚書累官正議大夫引疾授徽猷閣直學士提舉嵩山崇福宮卒贈特進

論曰夫拯溺揀焚之際必以任人爲急靖康建炎之禍變亦甚於焚溺矣當時非乏人才也然而國恥卒不能雪者豈非任之之道有所未至歟夫以李光之

才識高明所至有整許翰許景衡之論議剴切張慤之善理財張所之習知河北利害皆一時之備也是數臣者使其言聽計從不爲讒邪所抑得以直行其志其效宜可待也然或斥遠以死或用之不竟其才世之治亂安危雖非人力所爲君子於此則不能無咎於時君之失政焉蔣猷歷仕五朝當建炎初避地而終則無足稱也陳禾引程盡言有古諫臣之風其行事在宣和之前孝宗以後乃加褒諡云

宋史卷三百六十三

列傳第一百二十三

韓世忠字蓋直

韓世忠字良臣延安人風骨偉岸目瞬如電早年驚勇絕人能騎生馬駒家貧無產業嗜酒尚氣不可繩檢日者言當作三公世忠怒其侮己殿之年十八以敢勇應募鄉州隸赤籍挽強馳射勇冠三軍崇寧四年西夏騷動郡調兵捍禦世忠在道中至銀州夏人嬰城自固世忠斬關殺敵將擲首陣外諸軍乘之夏人大敗既而以重兵次高平嶺世忠率精銳鏖戰解去俄復出間道世忠獨部敢死士殊死鬪敵少却顧一騎士銳甚問伴者曰監軍駙馬兀喲也躍馬斬之敵衆大潰經略司上其功童貫董邊事疑有所增飾止補一資衆弗平從劉延慶築天降山砦爲敵所據世忠夜登城斬二級割讓城旣以獻繼遇敵佛口砦又斬數級始補進義副尉至藏底河斬二級轉進勇副尉宣和二年方臘反江浙震動調兵四方世忠以偏將從王淵討之次杭州賊奄至勢張甚大將惶怖無策世忠以兵二千伏北關堰賊過伏發衆蹂亂世忠追擊賊敗而遁淵嘆曰真萬人敵也盡以所隨白金器賞之且與定交時有詔能得臘首者授兩鎮節鉞世忠窮追至睦州清溪峒賊深據巖屋爲三窟諸將繼至莫知所入世忠潛行溪谷問野婦得徑即挺身仗戈直前渡險數里搗其穴格殺數十人禽臘以出辛興宗領兵截峒口掠其俘爲己功故賞不及世忠別帥楊惟忠還闕直其事轉承節郎三年議復燕山調諸軍至則皆潰世忠往見劉廷慶與蘇格等五十騎俱抵滹沱河逢金兵二千餘騎格失措世忠從容令格等列高岡戒勿動屬燕山潰卒舟集即命趨河岸約鼓譟助聲勢世忠躍馬薄敵迴旋如飛敵分二隊據高阜世忠出其不意突二執旗者因奮擊格等夾攻之舟卒鼓譟敵大亂追斬甚衆時山東河北盜賊蠭起世忠從王淵梁方平討捕禽戮殆盡積功轉武節郎欽宗即位從梁方平屯濟州金人壓境方平備不嚴金人迫而遁王師數萬皆潰世忠陷重圍中揮戈力戰突圍出焚橋而還欽宗聞召對便殿詢

方平失律狀條奏甚悉轉武節大夫詔諸路勤王兵領所部入衛會金人退河北總管司辟選鋒軍統制時勝捷軍張師正敗宣撫副使李彌大斬之校李復鼓衆以亂淄青之附者合數萬人山東復擾彌大檄世忠將所部追擊至臨淄河兵不滿千分爲四隊布鐵蒺藜自塞歸路令曰進則勝退則死走者命後隊剿殺於是莫敢返顧皆死戰大破之斬復餘黨奔潰乘勝逐北追至宿遷賊尙萬人方擁子女推牛縱酒世忠單騎夜造其營呼曰大軍至矣亟束戈卷甲吾能保全汝共功名賊駭慄請命因跪進牛酒世忠下馬解鞍飲啖之盡於是衆悉就降黎明見世忠軍未至始大悔失色以功遷左武大夫果州團練使詔入朝授正任單州團練使屯滹沱河時真定失守世忠知王淵守趙遂亟往金人至聞世忠在攻益急糧盡援絕人多勉其潰圍去弗聽會大雪夜半以死士三百擣敵營敵驚亂自相擊刺及旦盡遁後有自金國來者始知大會是日被創死故衆不能支遷嘉州防禦使還大名趙野辟爲前軍統制時康王如濟州世忠領所部勸進金人縱兵逼城人心惶懼世忠據西王臺力戰金人少却翌日會帥率衆數萬至時世忠麾下僅千人單騎突入斬其酋長遂大潰康王即皇帝位授光州觀察使帶御器械世忠請移都長安下兵收兩河時論不從初建御營爲左軍統制是歲命王淵張俊討陳州叛兵劉光世討黎驛叛兵喬仲福討京東賊李昱世忠討單州賊魚臺世忠已破魚臺又擊黎驛叛兵敗之皆斬以獻於是羣盜悉平入備宿衛而河北賊丁順楊進等皆赴招撫司宗澤收而用之建炎二年升定國軍承宣使帝如揚州世忠以所部從時張遇自金山來降抵城下不解甲人心危懼世忠獨入其壘曉以逆順衆悉聽命李民衆十萬亦降比至有反覆狀王淵遣世忠諭旨世忠知其黨劉彥異議即先斬彥敗平民出縛小校二十九人送淵斬之事定授京西等路捉殺內外盜賊金人再攻河南翟進合世忠兵夜襲悟室營不克反爲所敗會了進失期陳思恭先遁世忠被矢如棘力戰得免還汴詰一軍之先退者皆斬左右懼進由是與世忠有隙尋以叛誅召世忠還授鄆延路副總管加平寇左將軍屯淮陽會山東兵拒敵粘罕聞世忠扼淮陽乃分兵萬人趨揚州自以大軍迎世忠戰世忠不敵

夜引歸敵驛之軍潰于沐陽關門宜贊舍人張遇死之三年帝召諸將議移蹕張俊辛企宗請往湖南世忠曰淮浙富饒今根本地詎可舍而之他人心懷疑一有退避則不逞者思亂重湖閩嶺之遙安保道路無變乎淮江當留兵爲守車駕當分兵爲衛約十萬人分半扈江淮上下止餘五萬可保防守無患乎在陽城收合散亡得數千人聞帝如錢塘卽繇海道赴行在苗傅劉正彥反張浚等在平江議討亂知世忠至更相慶慰張俊喜躍不自持世忠得俊書大慟舉酒酌神曰誓不與此賊共戴天士卒皆奮見浚曰今日大事世忠願與張俊身任之公無憂欲卽進兵浚曰投鼠忌器事不可急急則恐有不測已遣馮輅甘言誘賊矣三月戊戌以所部發平江張俊慮世忠兵少以劉寶兵二千借之舟行載甲士綿亘三十里至秀州稱病不行遣雲梯治器械傳等始懼初傅正彥聞世忠來檄以其兵屯江陰世忠以好語報之且言所部殘零欲赴行在傅等大喜許之至矯制除世忠及張俊爲節度使皆不受時世忠妻梁氏及子亮爲傅所質防守嚴密朱勝非給傳曰今日太后遣二人慰撫世忠則平江諸人益安矣於是召梁氏入封安國夫人俾迓世忠速其勤王梁氏疾驅出城一日夜會世忠於秀州未幾明受詔至世忠曰吾知有建炎不知有明受斬其使取詔焚之進兵益急傳等大懼次臨平賊將苗翊馬柔吉負山阻河爲陣中流植鹿角梗行舟世忠合舟力戰張俊繼之劉光世又繼之軍少却世忠復舍馬操戈而前令將士曰今日當以死報國面不被數矢者皆斬於是士皆用命賊列神臂弩持滿以待世忠瞋目大呼挺刃突前賊辟易矢不及發遂敗傅正彥擁精兵二千開湧金門以遁世忠馳入帝步至宮門握世忠手慟哭曰中軍吳玠佐逆爲最尙留朕肘腋能先誅乎世忠卽謁湛握手與語折其中指戮于市又執賊謀主王世修以屬吏詔授武勝軍節度使御營左軍都統制請于帝曰賊擁精兵距甌閩甚邇儻成巢窟卒未可滅臣請討之於是爲江浙制置使自衢信追擊至漁梁驛與賊遇世忠步走挺戈而前賊望見咋曰此韓將軍也皆驚潰擒正彥及傅弟翊送行在傅亡建陽追禽之皆伏誅世忠初陞辭奏曰臣誓生獲賊爲社稷刷恥乞殿前二虎賁護俘來獻至是卒如其言帝手書忠勇二

字揭旗以賜授檢校少保武寧昭慶軍節度使兀朮將入侵帝召諸將問移蹕之地張俊辛企宗勸自鄂岳幸長沙世忠曰國家已失河北山東若又棄江淮更有何地於是世忠爲浙西制置使守鎮江旣而兀朮分道渡江諸屯皆敗世忠亦自鎮江退保江陰杜充以建康降敵兀朮自廣德破臨安帝如浙東世忠以前軍駐青龍鎮中軍駐江灣後軍駐海口俟敵歸邀擊之帝召至行在奏方留江上截金人歸師盡死一戰帝謂輔臣曰比呂頤浩在會稽嘗建此策世忠不謀而同賜親札聽其留會上元節就秀州張燈高會忽引兵趨鎮江及金兵至則世忠軍已先屯焦山寺金將李選降受之兀朮遣使通問約日大戰許之戰將十合梁夫人親執桴鼓金兵終不得渡盡歸所掠假道不聽請以名馬獻又不聽撻辣在濰州遣李董太一趨淮東以援兀朮世忠與二酋相持黃天蕩者四十八日太一字董軍江北兀朮軍江南世忠以海艦進泊金山下預以鐵綆貫大鈎授驍健者明旦敵舟謀而前世忠分海舟爲兩道出其背每綆一綆則曳一舟沉之兀朮窮蹙求會語祈請甚哀世忠曰還我兩宮復我疆土則可以相全兀朮語塞又數日求再會言不遜世忠引弓射之亟馳去謂諸將曰南軍使船欲如使馬奈何募人獻破海舟策閩人王某者教其舟中載土平版鋪之穴船版以權槳風息則出江有風則勿出海舟無風不可動也又有獻謀者曰鑿大渠接江口則在世忠上流兀朮一夕潛鑿渠三十里且用方士計刑白馬剔婦人心自割其額祭天次日風止我軍帆弱不能運金人以小舟縱火矢下如雨孫世詢嚴允皆戰死敵得絕江遁去世忠收餘軍環鎮江初世忠謂敵至必登金山廟觀我虛實迺遣兵百人伏廟中百人伏岸游約聞鼓聲岸兵先入廟兵合擊之金人果五騎闖入廟兵喜先鼓而出僅得二人逸其三中有一絳袍玉帶旣墜而復馳者詰之乃兀朮也是役也兀朮兵號十萬世忠僅八千餘人帝凡六賜札褒獎甚寵拜檢校少保武成感德軍節度使神武左軍都統制建安范汝爲反辛企宗等討捕未克賊勢愈熾以世忠爲福建江西荆湖宣撫副使世忠曰建居閩嶺上流賊沿流而下七郡皆血肉矣亟領步卒三萬水陸並進次劍潭賊焚橋世忠策馬先渡師遂濟賊盡塞要路拒王師世忠命諸

軍偃旗仆鼓徑抵鳳凰山類賊城邑設雲梯火樓連日夜併攻賊震怖巨測五日城破汝爲竄身自焚斬其弟岳吉以徇禽其謀主謝嚮施遠及裨將陸必疆等五百餘人世忠初欲盡誅建民李綱自福州馳見世忠曰建民多無辜世忠令軍士馳城上毋下聽民自相別農給牛穀商賈弛征禁脅從者汰遣獨取附賊者誅之民感更生家爲立祠捷聞帝曰雖古名將何以加賜黃金器四世忠因奏江西湖南寇賊尙多乞乘勝討平廣西賊曹成擁餘衆在邨郡世忠既平聞寇旋師永嘉若將就休息者忽由處信徑至豫章連營江濱數十里羣賊不虞其至大驚世忠遣人招之成以其衆降得戰士八萬遣詣行在遂移師長沙時劉忠有衆數萬據白面山營柵相望世忠始至欲急擊宣撫使孟庚不可世忠曰兵家利害策之審矣非參政所知請期半月效捷遂與賊對壘莽莽張飲堅壁不動衆莫測一夕與蘇格聯騎穿賊營候者呵問世忠先得賊軍號隨聲應之周覽以出喜曰此天錫也夜伏精兵二千於白面山與諸將拔營而進賊兵方迎戰所遣兵已馳入中軍奪望樓植旗蓋傳呼如雷賊回顧驚潰魔將士夾擊大破之斬忠首湖南遂平授太尉賜帶笏仍勒樞密以功頒示內外諸將師還建康置背鬼軍皆勇鷲絕倫者九月爲江南東西路宣撫使置司建康三年三月進開府儀同三司充淮南東西路宣撫使置司泗州時聞李橫進師討僞齊議遣大將以世忠忠勇故遣之仍賜廣馬七綱甲千副銀二萬兩帛二萬匹又出錢百萬緡米二十八萬斛爲半歲之用命戶部侍郎姚舜明詣泗州總領錢糧倉部郎官遜逸如平江府常秀饒州督發軍食李橫兵敗還鎮世忠不果渡江四年以建康鎮江江東宣撫使駐鎮江是歲金人與劉豫合兵分道入侵帝手札命世忠飭守備圖進取辭旨懇切世忠受詔感泣曰主憂如此臣子何以生爲遂自鎮江濟師俾統制解元守高郵候金步卒親提騎兵駐大儀當敵騎伐木爲柵自斷歸路會遣魏良臣使金世忠撤炊爨給良臣有詔移屯守江良臣疾馳去世忠度良臣已出境卽上馬令軍中曰朕吾鞭所嚮於是引軍次大儀勒五陣設伏二十餘所約聞鼓卽起擊良臣至金軍中金人問王師動息具以所見對尋兒孛董聞世忠退喜甚引兵至江口距大儀五里別將撻字

也擁鐵騎過五陣東世忠傳小麾鳴鼓伏兵四起旗色與金人旗雜出金軍亂我軍迭進背鬼軍各持長斧上蹙人胷下斫馬足敵被甲陷泥渚世忠麾勁騎四面蹂躪人馬俱驚遂擒撻字也等二百餘人所遣董敗亦擊金人於天長縣之鴨口擒女真四十餘人解元至高郵遇敵設水軍夾河陣日合戰十二相拒未決世忠遣成閔將騎士往援復大戰俘生女真及千戶等世忠復親追至淮金人驚潰相蹈藉溺死其衆捷聞羣臣入賀帝曰世忠忠勇朕知其必能成功沈與求曰自建炎以來將士未嘗與金人迎敵一戰今世忠連捷以挫其鋒厥功不細帝曰第優賞之於是部將董敗陳橋解元呼延通等皆拔擢有差論者以此舉爲中興武功第一時撻辣屯泗州兀朮屯竹塾鎮爲世忠所扼以書幣約戰世忠許之且使兩伶人以橘茗報聘會雨雪金饋道不通野無所掠殺馬而食蕃漢軍皆怨兀朮夜引軍還劉麟劉猷棄輜重遁五年進少保六年授武寧安化軍節度使京東淮東路宣撫處置使置司楚州世忠披草萊立軍府與士同力役夫人梁親織薄爲屋將士有怯戰者世忠遣以巾幗設樂大宴俾婦人粧以恥之故人人奮厲撫集流散通商惠工山陽遂爲重鎮劉豫兵數入寇輒爲世忠所敗時張浚以右相視師命世忠自承楚圖淮陽劉豫方聚兵淮陽世忠卽引軍渡淮旁符離而北至其城下爲賊所圍奮戈一躍潰圍而出不遺一鐵呼延通與金將牙合孛董搏戰扼其吭而禽之乘銳掩擊金人敗去既而圍淮陽賊堅守不下約曰受圍一日則舉一烽至是六烽具舉兀朮與劉猷皆至世忠求援於張俊俊以世忠有見吞意不從世忠勒陣向敵遣人語之曰錦衣驄馬立陣前者韓相公也或危之世忠曰不如是不足以致敵敵果至殺其導戰二人遂引去尋詔班師復歸楚州淮陽之民從而歸者以萬計三月除京東淮東宣撫處置使兼節制鎮江府仍楚州置司四月賜號揚武翊運功臣加橫海武寧安化三鎮節度使九月帝在平江世忠自楚州來朝十月邊報急劉光世欲棄廬州還太平張俊亦請益兵都督張浚曰今日之事有進擊無退保於是世忠引兵渡淮與金將訛里也力戰劉猷將寇淮東爲世忠兵扼不得進七年築高郵城民益安之初世忠移屯山陽道間結山東豪傑約以緩急爲應

宿州馬秦及太行羣盜多願奉約東者金人廢劉豫中原震動世忠謂機不可失請全師北討招納歸附為恢復計會秦檜主和議命世忠徙屯鎮江世忠言金人詭詐恐以計緩我師乞留此軍蔽遮江淮又力陳和議之非願効死節率先迎敵若不勝從之未晚又言王倫藍公佐交河南地界乞令明具無反覆文狀為後證章十數上皆慷慨激切且請單騎詣關面奏帝率優詔褒答後金果渝盟咸如其言金使蕭哲之來以詔諭為名世忠聞之凡四上疏言不可許願舉兵決戰兵勢最重處臣請當之又言金人欲以劉豫相待舉國士大夫盡為陪臣恐人心離散士氣凋沮且請馳驛面奏不許既而伏兵洪澤鎮將殺金使不克九年授少師十年金人敗盟兀朮率撤離曷李成等破三京分道深入八月世忠圍淮陽金人來救世忠迎擊於汳口鎮敗之又遣解元擊金人於潭城劉寶擊於千秋湖皆捷親隨將成閔從統制許世安奪淮陽門而入大戰門內世安中四矢閔被三十餘創復奪門出世忠委其功擢武德大夫閔由是知名世忠進太保封英國公兼河北諸路招討使十一年兀朮恥順昌之敗復謀再入詔大合兵於淮西以待既而金敗於柘臯復圍濠州世忠受詔救濠以舟師至招信縣夜以騎兵擊金人於聞賢驛敗之金人攻濠州五日而破破三日世忠至楊沂中軍已南奔世忠與金人戰于淮岸夜遣劉寶沂流將劫之金人伐木塞赤龍洲扼其歸路世忠知之全師而還金人自渦口渡淮北去自是不復入侵世忠在楚州十餘年兵僅三萬而金人不敢犯秦檜收三大將權四月拜樞密使遂以所積軍儲錢百萬貫米九十萬石酒庫十五歸於國世忠既不以和議為然為檜所抑及魏良臣使金世忠又力言自此人情消弱國勢萎靡誰復振之北使之來乞與面議不許遂抗疏言檜誤國檜諷言者論之帝格其奏不下世忠連疏乞解樞密柄繼上表乞骸十月罷為醴泉觀使奉朝請進封福國公節鉞如故自此杜門謝客絕口不言兵時跨驢攜酒從一二奚童縱游西湖以自樂平時將佐罕得見其面十二年改潭國公顯仁皇后自金還世忠詣臨平朝謁后在北方聞其名慰問者良久十三年封咸安郡王十七年改鎮南武安軍國節度使二十一年八月薨進拜太師追封通義郡王孝宗朝追封獻

王諡忠武配饗高宗廟庭世忠初得疾勅尚書視療將吏臥內問疾世忠曰吾以布衣百戰致位王公賴天之靈保首領沒於家諸君尚哀其死邪及死賜朝服貂蟬冠水銀龍腦以斂世忠嘗戒家人曰吾名世忠汝曹毋諱忠字諱而不言是忘忠也性慙直勇敢忠義事關廟社必流涕極言岳飛冤獄舉朝無敢出一語世忠獨擲檄怒語在檄傳又抵排和議觸檜尤多或勸止之世忠曰今畏禍苟同他日瞑目豈可受鐵杖於太祖殿下時一二大將多徇檜苟全世忠與檜同在政地一揖外未嘗與談嗜義輕財錫資悉分將士所賜田輸租與編戶等持軍嚴重與士卒同甘苦器仗規畫精絕過人今克敵弓連鎖甲狻猊釜及跳澗以習騎洞貫以習射皆其遺法也嘗中毒矢入骨以彈誓括取之十指僅全四不能動刀痕箭瘢如刻畫然知人善獎用成閔解元王勝王權劉寶岳超起行伍秉將旄皆其部曲云解兵罷政臥家凡十年澹然自如若未嘗有權位者晚喜釋老自號清涼居士子彥直彥質彥古皆以才見用彥古戶部尚書彥直字子溫生期年以父任補右承奉郎尋直秘閣六歲從世忠入見高宗命作大字即拜命跪書皇帝萬歲四字帝喜之拊其背曰他日令器也親解孝宗非角之繡傳其首賜金器筆研監書鞍馬年十二賜三品服紹興十七年中兩浙轉運司試明年登進士第調太社令二十一年世忠薨服除秦檜素銜世忠不附和議出彥直為浙東安撫司主管機宜文字檜死拜光祿寺丞二十九年遷屯田員外郎兼權右曹郎官工部侍郎張浚都督江淮軍馬檜權計議軍事督府罷奉朝乾道二年遷戶部郎官主管左曹總領淮東軍馬錢糧會大軍倉給糧徑乘小輿往察之給米不如數捕吏寘于理初代者以乏與罷交承為緝錢僅二十萬明年奏計乃四倍且以其贏獻諸朝帝嘉之拜司農少卿進直龍圖閣江西轉運兼權知江州時朝廷還岳飛家貲產多在九江歲久業數易王史緣為姦彥直搜剔隱匿盡還岳氏復為司農少卿總領湖北江西軍馬錢糧尋兼發運副使會時相不樂密移換武授利州觀察使知襄陽府充京西南路安撫使七年授鄂州駐劄御前諸軍都統制條奏軍中六事乞備器械增戰馬革濫賞厲奇功選勇略充親隨等朝廷多從之先是軍中騎兵多不能步戰彥

直命騎士被甲徒行日六十里雖統制官亦令以身帥之人人習於勞苦馳騁如飛事聞詔令三衙江上諸軍做行之八年勾歸文班乃授左中奉大夫充數文閣待制知台州勾祠養親提舉佑神觀奉朝請進對言頃自岳飛爲帥身居鄂渚遙領荆襄田師中繼之始分鄂渚爲二軍乞復舊又乞併京西湖北轉運爲一司分官置司襄陽可一事體帝善之遷刑部侍郎明年兼工部侍郎同列議大辟三鞠之弗承宜令以衆證刑刑欲修立爲令彥直持不可白丞相梁克家曰若是則善類被誣必多冤獄且笞杖之刑猶引伏方法況人命至重乎議卒格以議奪吳名世改正過名不當降兩官會當遣使于金在廷相顧莫肯先帝親擇以往聞命慨然就道方入境金使蒲察問接國書事論難往復數十蒲察理屈因笑曰尙書能力爲主既至幾罹禍者數守節不屈金卒禮遣之帝嘉歎遷吏部侍郎尋權工部尙書復中大夫改工部尙書兼知臨安府方控辭以言罷提舉太平興國宮尋提舉佑神觀奉朝請尋知濕州首捕巨猾王永年窮治之杖徙他州奏免民間積逋以郡餘財代輸之然以累欠內帑坊場錢不發鑄一官海寇出沒大洋劫掠勢甚張彥直授將領士豪等方略不旬日生禽賊首海盜爲清樞密奏功進敷文閣學士以弟彥質爲兩浙轉運判官引嫌易泉府勾祠奉親差提舉佑神觀仍奉朝請特令佩魚示異數也入對乞搜訪靖康以來死節之士以勸忠義又上薦舉乞選人已經關升實歷六考無贓私罪犯者雜試以經術法律限其員額定其高下俾孤寒者得以自達定爲改官之制又乞令州郡守臣任滿日開具本州實在財賦數目具公移與交代者并達臺省庶可覈實以戢姦弊帝悉嘉納淳熙十年夏旱應詔言邇者濫刑爲致旱之由明年入對論三衙皆所以拱扈宸居而司馬乃遠在數百里外乞令歸司久之再爲戶部尙書會歲旱乞廣糴爲先備又乞追貶部曲曾誣陷岳飛者以慰忠魂以言降充敷文閣學士帝追感世忠元勳遣使諭彥直且謂彥直有才力言者誣之彥直感泣奏謝尋提舉萬壽觀有疾帝賜之藥進顯謨閣學士提舉萬壽觀嘗撫宋朝事分爲類目各水心鏡爲書百六十七卷禮部尙書尤袤修國史白于朝下取是書以進光宗覽之稱善進龍圖閣學士提舉萬壽觀轉光

祿大夫致仕特贈開府儀同三司賜銀絹九百爵至蘄春郡公論曰古人有言天下安注意相天下危注意將宋靖康建炎之際天下安危之機也勇略忠義如韓世忠而爲將是天以資宋之興復也方兀朮渡江惟世忠與之對陣以閒暇示之及劉豫廢中原人心動搖世忠請乘時進兵此機何可失也高宗惟姦檜之言是聽使世忠不得盡展其才和議成而宋事去矣暮年退居行都口不言兵部曲舊將不與相見蓋懲岳飛之事也昔漢文帝思頗牧於前代宋有世忠不善用惜哉

宋史卷三百六十四

列傳第一百二十四

岳飛子雲

岳飛字鵬舉相州湯陰人。世力農。父和能節食以濟饑者。有耕侵其地。割而與之。黃其財者不責償。飛生時有大禽若鵠。飛鳴室上。因以為名。未彌月。河決內黃。水暴至。母姚抱飛坐甕中。衝溝及岸得免。人異之。少負氣節。沈厚寡言。家貧力學。尤好左氏春秋。孫吳兵法。生有神力。未冠。挽弓三百斤。弩八石。學射於周同。盡其術。能左右射。同死。朔望設祭於其家。父義之曰。汝為時用。其徇國死義乎。宣和四年。真定宣撫劉韜募敢戰士。飛應募。相有劇賊陶俊買進。和飛請百騎滅之。遣卒偽為商人。入賊境。賊掠以充部伍。飛遣百人伏山下。自領數十騎逼賊壘。賊出戰。飛陽北。賊來追之。伏兵起。先所遣卒擒俊。及進。和以歸。康王至相。飛因劉浩見命。招賊吉倩。倩以眾三百八十人降。補承信郎。以鐵騎三百往李固渡。嘗敵敗之。從浩解東京。圍與敵相持於滑南。領百騎習兵河上。敵猝至。飛麾其徒曰。敵雖眾。未知吾虛實。當及其未定擊之。乃獨馳迎敵。有梟將舞刀而前。飛斬之。敵大敗。還秉義郎。隸留守宗澤。戰開德曹州。皆有功。澤大奇之。曰。爾勇智才藝。古良將不能過。然好野戰。非萬全計。因授以陣圖。飛曰。陣而後戰。兵法之常。運用之妙。存乎一心。澤是其言。康王即位。飛上書數千言。大略謂陛下已登大寶。社稷有主。已足伐敵之謀。而勤王之師日集。彼方謂吾素弱。宜乘其怠擊之。黃潛善汪伯彥輩不能承聖意。恢復奉車。駕日益南。恐不足繫中原之望。臣願陛下乘敵穴未固。親率六軍北渡。則將士作氣。中原可復。書聞。以越職奪官。歸詣河北。招討使張所。所待以國士。借補修武郎。充中軍統領。所問曰。汝能敵幾何。飛曰。勇不足恃。用兵在先定謀。變枝曳柴。以敗荆。莫敖采樵。以致絞。皆謀定也。所矍然曰。君殆非行伍中人。飛因說之曰。國家都汴。恃河北以為固。苟馮據要衝。峙列重鎮。一城受圍。則諸城或撓。或救。金人不能窺河南。而京師根本之地固矣。招撫誠能提兵壓境。飛唯命是從。所大喜。借補武經郎。命從王

彥渡河。至新鄉。金兵感彥不敢進。飛獨引所部鏖戰。奪其纛而舞。諸軍爭奮。遂拔新鄉。翌日。戰侯北川。身被十餘創。士皆死戰。又敗之夜。屯石門山下。或傳金兵復至。一軍皆驚。飛堅臥不動。金兵卒不來。食盡。走彥壁。彥不許。飛引兵益北。戰于太行山。擒金將拓跋耶烏。居數日。復遇敵。飛單騎持丈八鐵槍。刺殺黑風大王。敵眾敗走。飛自知與彥有隙。復歸宗澤。為留守司統制。澤卒。杜充代之。飛居故職。二年。戰胙城。又戰黑龍潭。皆大捷。從閻勅保護陵寢。大戰汜水關。射殪金將。大破其眾。駐軍竹蘆渡。與敵相持。選精銳三百伏前山下。令各以薪芻交縛兩束。夜半。蒸四端而舉之。金人疑援兵至。驚潰。三年。賊黃善曹成孔彥舟等。合眾五十萬。薄南薰門。飛所部僅八百。眾懼不敵。飛曰。吾為諸君破之。左挾弓。右運矛。橫衝其陣。賊亂。大敗之。又擒賊杜叔五。孫海於東明。借補英州刺史。黃善圍陳州。飛戰于清河。擒其將孫勝。孫清。授真刺史。杜充將還建康。飛曰。中原地尺寸不可棄。今一舉足。此地非我有。他日欲復取之。非數十萬眾不可。充不聽。遂與俱歸。師次鐵路步。遇賊張用。至六合。遇李成。與戰。皆敗之。成遣輕騎劫憲臣。樞軍銀帛。飛進兵掩擊之。成奔江西。時命充守建康。金人與成合寇烏江。充閉門不出。飛泣諫。請視師。充竟不出。金人遂由馬家渡渡江。充遣飛等迎戰。王夔先遁。諸將皆潰。獨飛力戰。會充已降金。諸將多行剽掠。惟飛軍秋毫無所犯。兀兀趨杭州。飛要擊至廣德境中。大戰皆捷。擒其將王權。俘簽軍首領四十餘。察其可用者。結以恩。遣還。令夜斫營。縱火。飛眾亂。縱擊。大敗之。駐軍鐘村。軍無見糧。將士忍饑。不敢擾民。金所籍兵相謂曰。此岳翁軍。爭來降附。四年。兀兀攻常州。宜與令迎飛。移屯焉。盜郭吉聞飛來。遁入湖。飛遣王貴傳慶追破之。又遣辯士馬卓林聚盡降其眾。有張威武者。不從。飛單騎入其營。斬之。避地者賴以免。圖飛像祠之。金人再攻常州。飛四戰皆捷。尾襲於鎮江東。又捷。戰于清水亭。又大捷。橫屍十五里。兀兀趨建康。飛設伏牛頭山。待之夜。令百人黑衣混金營中。擾之。金兵驚。自相攻擊。兀兀尤龍灣。飛以騎三百步兵二千馳至新城。大破之。兀兀奔淮西。遂復建康。飛奏。建康為要害之地。宜選兵靜守。仍益兵守淮。拱護腹心。帝嘉納。兀兀歸。飛邀擊于靜安。敗之。詔討厥方。飛以三千人

營于苦嶺，方遁，俄益兵來，飛自領兵千人，戰數十合，皆捷。會張俊兵至，方遂降。范宗尹言：張俊自浙西來，感稱飛可用，遷通泰鎮撫使，兼知秦州。飛辭，乞淮南東路一重，難任。使收復本路州郡，乘機漸進，使山東河北河東京畿等路次第而復。會金攻楚急，詔張俊援之。俊辭，乃遣飛行。而命劉光世出兵援飛。飛屯三塾，為楚援。尋抵承州，三戰三捷，殺高太保，俘酋長七十餘人。光世等皆不敢前。飛師孤力寡，楚遂陷。詔飛還守通泰，有旨可守即守，如不可，但以沙洲保護百姓。伺便掩擊飛，以泰無險，可恃。退保柴墟，戰于南霸橋，金大敗。渡百姓于沙上，飛以精騎二百殿。金兵不敢近。飛以秦州失守待罪，紹興元年，張俊請飛同討李成。時成將馬進犯洪州，連營西山。飛曰：賊貪而不慮後，若以騎兵自上流絕生米渡，出其不意，破之必矣。飛請自為先鋒。後大喜，飛重鎧躍馬，潛出賊右，突其陣所，部從之。進大敗，走筠州。飛抵城東，賊出城布陣十五里。飛設伏以紅羅為幟，上刺岳字，選騎二百隨幟而前。賊易其少薄之，伏發，賊敗走。飛使人呼曰：不從賊者坐吾不汝殺，坐而降者入萬餘人。進以餘卒奔成于南康，飛夜引兵至朱家山，又斬其將趙萬。成聞進敗，自引兵十餘萬來，飛與遇於樓子莊。大破成軍，追斬進。成走蘄州，降。偽齊張用寇江西，用亦相人，飛以書諭之曰：吾與汝同里，南薰門鐵路步之戰，皆汝所悉。今吾在此，欲戰則出，不戰則降，用得書曰：果吾父也。遂降。江淮平，偽奏飛功第一。加神武右軍副統制，留洪州彈壓盜賊。授親衛大夫，建州觀察使。建寇范汝為陷邵武，江西安撫李回檄飛分兵保建昌軍及撫州。飛遣人以岳字幟植城門，賊望見相戒勿犯。賊黨姚達、饒青逼建昌，飛遣王萬餘慶討擒之。升神武副軍都統制。二年，賊曹成擁眾十餘萬，由江西歷湖湘，據道賀二州。命飛權知潭州，兼權荆湖東路安撫都總管，付金字牌黃旗，招成。成聞飛將至，驚曰：岳家軍來矣。即分道而遁。飛至茶陵，奉詔招之。成不從。飛奏：比年多命招安，故盜力強，則肆暴力，屈則就招。苟不略加勦除，誘起之眾，未可遽殄。許之。飛入賀州境，得成謀者，縛之帳下。飛出帳調兵食，吏曰：糧盡矣。奈何。飛陽曰：姑反茶陵，已而顧謀者失意，狀頓足而入。陰令逸之。謀歸告成，成大喜。期翌日來追，飛命士辱食，潛趨遠嶺。未明，已至太平場，破其砦。成據

險，拒飛。飛歷兵掩擊，賊大潰。成走據北藏嶺，上梧關，遣將迎戰。飛不陣而鼓，士爭奮，奪二隘。據之。成又自桂嶺置砦，至北藏嶺，連控隘道，親以衆十餘萬守。遂頭嶺，飛部才八千，一鼓登嶺，破其衆。成奔連州。飛謂張憲等曰：成黨散去，追而殺之，則脅從者可憫。縱之，則復聚為盜。今遣若等誅其酋，而撫其衆，慎勿妄殺。累主上保民之仁，於是憲自賀連，徐慶自邵道，王貴自郴桂，招降者二萬。與飛會連州。進兵追成，成走宣撫司降。時以感夏行師瘴地，撫循有方，士無一人死。癘者嶺表平，授武安軍承宣使。屯江州，甫入境，安撫李回檄飛捕劇賊馬友、郝通、劉忠、李通、李宗亮、張式、皆平之。三年春，召赴行在。江西宣諭劉大中奏：飛兵有紀律，人恃以安。今赴行在，恐盜復起，不果行。時度吉盜連兵寇掠循梅廣惠英韶南雄南安建昌汀邵武諸郡，帝乃專命飛平之。飛至虔州，固石洞賊彭友悉眾至雲都迎戰，躍馬馳突，飛麾兵即馬上擒之。餘酋退保固石洞，洞高峻，環水，止一徑，可入。飛列騎山下，令皆持滿，黎明遣死士疾馳登山，賊衆亂，棄山而下。騎兵圍之，賊呼巧命，飛令勿殺，受其降。授徐慶等方略，捕諸郡餘賊，皆破降之。初以隆祐震驚之故，密旨令飛屠虔城。飛請誅首惡而赦脅從，不許。請至三四帝，乃曲赦人，感其德，繪像祠之。餘寇高聚，張成犯袁州，飛遣王貴平之。秋入見，帝手書精忠岳飛字，製旗以賜之。授鎮南軍承宣使，江南西路沿江制置使。又改神武後軍都統制，仍制置使。李山、吳全、吳錫、李楸、牛鼻，皆隸焉。偽齊遣李成挾金人入侵，破襄陽，唐鄧隨鄆諸州及信陽軍，湖寇楊么亦與偽齊通，欲順流而下。李成又欲自江西陸行趨兩浙，與么會。帝命飛為之備。四年，除兼荆南鄂岳州制置使。飛奏：襄陽等六郡，為恢復中原基本，今當先取六郡，以除心膂之病。李成遠遁，然後加兵湖湘，以殄羣盜。帝以論趨鼎，鼎曰：知上流利害，無如飛者。遂授黃復州漢陽軍德安府制置使。飛渡江中流，顧幕屬曰：飛不擒賊，不涉此江。抵鄂州，城下。偽將京超號萬人敵，乘城拒飛。飛鼓衆而登，超投崖死。復鄂州。遣張憲、徐慶復隨州。飛趣襄陽，李成迎戰。左臨襄江，飛笑曰：步兵利險阻，騎兵利平曠。成左列騎江岸，右列步兵平地。雖衆十萬，何能為。舉鞭指王貴曰：爾以長槍步卒擊其騎兵，指牛鼻曰：爾以騎兵擊其步卒。合戰，馬應槍而斃。後騎

皆擁入江步卒死者無數成夜遁復襄陽劉豫益成兵屯新野飛與王萬夾擊之連破其衆飛奏金賊所愛惟子女金帛志已驕惰劉豫僞爲人心終不忘宋如以精兵二十萬直搗中原恢復故疆誠易爲力襄陽隨鄧地皆膏腴苟行營田其利爲厚臣候糧足卽過江北勦戮敵兵時方重深入之舉而營田之議自是與矣進兵鄧州成與金將劉合字董列等拒飛飛遣王貴張憲掩擊賊衆大潰劉合字董僅以身免賊黨高仲退保鄧城飛引兵一鼓拔之擒高仲復鄧州帝聞之喜曰朕素聞岳飛行軍有紀律未知能破敵如此又復唐州信陽軍襄漢平飛辭制置使乞委重臣經畫荆襄不許趙鼎奏湖北鄂岳最爲上流要害乞令飛屯鄂岳不惟江西藉其聲勢湖廣江浙亦獲安妥乃以隨鄧唐鄧信陽並爲襄陽府路隸飛移屯鄂授清遠軍節度使湖北路荆襄潭州制置使封武昌縣開國子兀兀劉豫合兵圍廬州帝手札命飛解圍提兵趨廬僞齊已驅甲騎五千逼城飛張岳字旗與精忠旗金兵一戰而潰廬州平飛奏襄陽等六郡人戶闕牛糧乞量給官錢免官私逋負州縣官以招集流亡爲殿最五年入覲封母國夫人授飛鎮寧崇信軍節度使湖北路荆襄潭州制置使進封武昌郡開國侯又除荆湖南北襄陽路制置使神武後軍都統制命招捕楊么飛所部皆西北人不習水戰飛曰兵何常顧用之何如耳先遣使招諭之賊黨黃佐曰岳節使號令如山若與之敵萬無生理不如往降節使誠信必善遇我遂降飛表授佐武籌大夫單騎按其部拊佐背曰子知逆順者果能立功封侯豈足道欲復遣子至湖中視其可乘者擒之可勸者招之如何佐感泣誓以死報時張浚以都督軍事至潭參政席益與浚語疑飛玩寇欲以聞浚曰岳侯忠孝人也兵有深機胡可易言益慙而止黃佐襲周倫皆殺倫擒其統制陳貴等飛上其功遷武功大夫統制任士安不稟王燮令軍以此無功飛鞭士安使餌賊曰三日賊不平斬汝士安宣言岳太尉兵二十萬至矣賊見止士安軍併力攻之飛設伏士安戰急伏四起擊賊賊走會召凌遠防秋飛袖小圖示浚浚欲俟來年議之飛曰已有定畫都督能少留不八日可破賊浚曰何言之易飛曰王四廂以王師攻水寇則難飛以水寇攻水寇則易水戰我短彼長以所短攻所長

所以難若因敵將用敵兵奪其手足之助離其腹心之託使孤立而後以王師乘之八日之內當俘諸酋浚許之飛遂如鼎州黃佐招楊欽來降飛喜曰楊欽驍悍既降賊腹心潰矣表授欽武義大夫禮遇甚厚乃復遣歸湖中兩日欽說余端劉執等降飛詭罵欽曰賊不盡降何來也杖之復令入湖是夜掩賊營降其衆數萬么負固不服方浮舟湖中以輪激水其行如飛旁置撞竿官舟迎之輒碎飛伐君山木爲巨筏塞諸港汊又以腐木亂草浮上流而下擇水淺處遣善罵者挑之且行且罵賊怒來追則草木壅積舟輪礙不行飛亟遣兵擊之賊奔港中爲筏所拒官軍乘筏張牛草以蔽矢石舉巨木撞其舟盡壞么投水牛鼻擒斬之飛入賊壘餘酋驚曰何神也俱降飛親行諸營慰撫之縱老弱歸田籍少壯爲軍果八日而賊平浚嘆曰岳侯神算也初賊恃其險曰欲犯我者除是飛來至是人以其言爲讖獲賊舟千餘鄂渚水軍爲沿江之冠詔兼斬黃制置使飛以目疾乞辭軍事不許加檢校少保進封公還軍鄂州除荆湖南北襄陽路招討使六年太行山忠義社梁興等百餘人慕飛義率衆來歸飛入覲面陳襄陽自收復後未置監州州縣無以按察帝從之以李若虛爲京西南路提舉兼轉運提刑又令湖北襄陽府路自知州通判以下賢否許飛得自黜陟張浚至江上會諸大帥獨稱飛與韓世忠可倚大事命飛屯襄陽以窺中原曰此君素志也飛移軍京西改武勝定國軍節度使除宣撫副使置司襄陽命往武昌調軍居母憂降制起復飛扶櫬還廬山連表乞終喪不許累詔趣起乃就軍又命宣府河東節制河北路首遣王貴等攻隰州下之獲糧十五萬石降其衆數萬張浚曰飛措畫甚大今已至伊洛則太行一帶山岩必有應者飛遣楊再興進兵至長水縣再戰皆捷中原響應又遣人焚蔡州糧九月劉豫遣子麟猊分道寇淮西劉光世欲舍廬州張浚欲棄盱眙同奏召岳飛以兵東下欲使飛當其鋒而已得退保張浚謂飛一動則襄漢何所制力沮其議帝慮浚光世不足任命飛東下飛自破曹成平楊么凡六年皆感夏行師致目疾至是其聞詔卽日啓行未至麟敗飛奏至帝語趙鼎曰劉麟敗北不足喜諸將知軍朝廷爲可喜遂賜札言敵兵已去淮卿不須進發其或襄鄧陳蔡有機可乘從長措置

飛乃還軍時僞齊屯兵窺唐州飛遣王貴董先等攻破之焚其營奏圖蔡以取中原不許飛召貴等還七年入見帝從容問曰卿得良馬否飛曰臣有二馬日啖芻豆數斗飲泉一斛然非精潔即不受介而馳初不甚疾比行百里始奮迅自午至酉猶可二百里褫鞍甲而不息不汗若無事然此其受大而不苟取力裕而不求逞致遠之材也不幸相繼以死今所乘者日不過數升而秣不擇粟飲不擇泉攬轡未安踊踴疾驅甫百里力竭汗喘殆欲斃然此其寡取易盈好逞易窮驚鈍之材也帝稱善曰卿今議論極進拜太尉繼除宣撫使兼營田大使從幸建康以王德鄺瓊兵隸飛詔諭德等曰聽飛號令如朕親行飛數見帝論恢復之略又手疏言金人所以立劉豫於江南蓋欲荼毒中原以中國攻中國粘罕因得休兵觀釁臣欲陛下假臣日月便則提兵趨京洛據河陽陝府潼關以號召五路叛將叛將既還遣王師前進彼必棄汴而走河北京畿陝右可以盡復然後分兵濬滑經略兩河如此則劉豫成擒金人可滅社稷長久之計實在此舉帝答曰有臣如此顧復何憂進止之機朕不中制又召至寢閣命之曰中興之事一以委卿命節制光州飛方圖大舉會秦檜主和遂不以德瓊兵隸飛詔詣都督府與張浚議事浚謂飛曰王德淮西軍所服浚欲以為都統而命呂祉以督府參謀領之如何飛曰德與瓊素不相下一日握之在上則必爭呂尚書不習軍旅恐不足服衆浚曰張宣撫如何飛曰暴而寡謀尤瓊所不服浚曰然則楊沂中爾飛曰沂中視事等爾豈能取此軍浚然曰浚固知非太尉不可飛曰都督以正問飛不敢不盡其愚豈以得兵為念耶即日日上章乞解兵柄終喪服以張憲攝軍事步歸廬母墓側浚怒奏以張宗元為宣撫判官監遣之宗元還言將和士銳人懷忠孝皆飛訓養所致帝大悅飛奏比者寢閣之命咸謂聖斷已堅何至今尚未決臣願提兵進討順天道固人心以曲直為老壯以逆順為強弱萬全之効可必又奏錢塘僻在海隅非用武地願陛下建都上游用漢光武故事親率六軍往來督戰庶將士知聖意所向人人用命未報而鄭瓊叛浚始悔飛復奏願進屯淮甸何便擊瓊期於破滅不許詔駐師江川

為淮浙援飛知劉豫結粘罕而兀朮惡劉豫可以間而動會軍中得兀朮謀者飛陽責之曰汝非吾軍中人張斌耶吾向遣汝至齊約誘至四太子汝往不復來吾繼遣人問齊已許我今冬以會合寇江為名致四太子于清河汝所持書竟不至何背我耶謀冀緩死即詭服乃作蠟書言與劉豫同謀誅兀朮兀朮謀曰吾今貸汝復遣至齊問舉兵期到股納書戒勿泄謀歸以書示兀朮兀朮大驚馳白其主遂廢豫飛奏宜乘廢豫之際擣其不備長驅以取中原不報八年還軍鄂州王庶視師江淮飛與庶書今歲若不舉兵當納節請閑庶壯之秋赴行在命詣資善堂見皇太子飛退而喜曰社稷得人矣中興基業其在此乎會金遣使將歸河南地飛言金人不可信和好不可恃相臣謀國不臧恐貽後世譏檜銜之九年以復河南大赦飛表謝寓和議不便之意有唾手燕雲復讎報國之語授開府儀同三司飛力辭謂今日之事可危而不可安可憂而不可賀可訓兵飭士謹備不虞而不可論功行賞取笑敵人三詔不受帝溫言獎諭乃受會遣士優謁諸陵飛請以輕騎從洒掃實欲觀釁以伐謀又奏金人無事請和此必有肘腋之虞名以地歸我實寄之也檜白帝止其行十年金人攻拱亳劉錡告急令飛馳援飛遣張憲姚政赴之帝賜札曰設施之方一以委卿朕不遠度飛乃遣王貴牛臯董先楊再興孟邦傑李寶等分布經略西京汝鄭穎昌陳曹光蔡諸郡又命梁與渡河糾合忠義社取河東北州縣又遣兵東援劉錡西援郭浩自以其軍長驅以闕中原將發密奏言先正國本以安人心然後不常厥居以示無忘復讎之意帝得奏大褒其忠授少保河南府路陝西河東北路招討使尋改河南北諸路招討使未幾所遣諸將相繼奏捷大軍在穎昌諸將分道出戰飛自以輕騎駐鄆城兵勢甚銳兀朮大懼會龍虎大王議以為諸帥易與獨飛不可當欲誘致其師併力一戰中外聞之大懼詔飛審處自固飛曰金人技窮矣乃日出挑戰且罵之兀朮怒合龍虎大王蓋天大王與韓常之兵逼鄆城飛遣子雲領騎兵直貫其陣戒之曰不勝先斬汝鑿數十合賊屍遍野初兀朮有勁軍皆重鎧貫以韋索三人為聯號拐子馬官軍不能當是役也以萬五千騎來飛戒步卒以麻札刀入陣勿仰視第斫馬足拐子馬

相連一馬仆二馬不能行官軍奮擊遂大敗之兀朮大慟曰自海上起兵皆以此勝今已矣兀朮益兵來部將王貴以五十騎覘敵遇之奮斬其將飛時出現戰地望見黃塵蔽天自以四十騎突戰敗之方郾城再捷飛謂雲曰賊屢敗必還攻穎昌汝宜速援王貴既而兀朮果至貴將遊奕雲將背鬼戰于城西雲以騎兵八百挺前決戰步軍張左右翼繼之殺兀朮壻夏金吾副統軍粘罕索索董兀朮遁去梁與會太行忠義及兩河豪傑等累戰皆捷中原大震飛奏與等過河人心願歸朝廷金兵累敗兀朮等皆令老少北去正中與之機飛進軍朱僊鎮距汴京四十五里與兀朮對壘而陣遣驍將以背鬼騎五百奮擊大破之兀朮遁還汴京飛檄陵臺令行視諸陵葺治之先是紹興五年飛遣梁與等布德意招結兩河豪傑山砦韋銓孫謀等斂兵固堡以待王師李通李寶李興張恩孫琪等舉衆來歸金人動息山川險要一時皆得其實盡磁相開德澤潞晉絳汾隰之境皆期日與兵與官軍會其所揭旗以岳爲號父老百姓爭挽車牽牛載糗糧以餽義軍頂益焚香迎候者充滿道路自燕以南金號令不行兀朮欲發軍以抗飛河北無一人從者乃嘆曰自我起北方以來未有如今日之挫衄金帥烏陵思謀素號桀黠亦不能制其下但諭之曰毋輕動俟岳家軍來即降金統制王鎮統領崔慶將官李朝崔虎葉旺等皆率所部降以至禁衛龍虎大王下乞查千戶高勇之屬皆密受飛旗勝自北方來降金將軍韓常欲以五萬衆內附飛大喜語其下曰直抵黃龍府與諸君痛飲爾方指曰渡河而檜欲畫淮以北棄之風臺臣請班師飛奏金人銳氣沮喪盡棄輜重疾走渡河豪傑向風士卒用命時不再來機難輕失檜知飛志銳不可回乃先請張俊楊忻中等歸而後言飛孤軍不可久留乞令班師一日奉十二金字牌飛憤惋泣下東向再拜曰十年之力廢於一旦飛班師民遮馬慟哭訴曰我等戴香盆運糧草以迎官軍金人悉知之相公去我輩無噍類矣飛亦悲泣取詔示之曰吾不得擅留聲震震野飛留五日以待其徙從而南者如市亟奏以漢上六郡關田處之方兀朮棄汴去有書生叩馬曰太子毋走岳少保且退矣兀朮曰岳少保以五百騎破五十萬京城日夜望其來何謂可守生曰自古未有權臣在內

而大將能立功於外者岳少保且不免況欲成功乎兀朮悟遂留飛既歸所得州縣旋復失之飛力請解兵柄不許自廬入覲帝問之飛拜謝而已十一年謀報金分道渡淮飛請合諸師之兵破敵兀朮韓常與龍虎大王疾驅至廬帝趣飛應援凡十七札飛策金人舉國南來巢穴必虛若長驅京洛以擣之彼必奔命可坐而敵時飛方苦寒嗽力疾而行又恐帝急於退敵乃奏臣如擣虛勢必得利若以爲敵方在近未暇遠圖欲乞親至廬黃以議攻却帝得奏大喜賜札曰卿苦寒疾乃爲朕行國爾忘身誰如卿者師至廬州金兵望風而遁飛還兵于舒以俟命帝又賜札以飛小心恭謹不專進退爲得體兀朮破濠州張俊駐軍黃連鎮不敢進揚沂中遇伏而敗帝命飛救之金人聞飛至又遁時和議既決檜患飛異己乃密奏召三大將論功行賞韓世忠張俊已至飛獨後檜又用參政王次翁計俟之六七日既至授樞密副使位參知政事上飛固請還兵柄五月詔同俊往楚州措置邊防總韓世忠軍還駐鎮江初飛在諸將中年最少以列校拔起累立顯功世忠後不能平飛屈己下之幕中輕銳教飛勿苦降意金人攻淮西後分地也俊始不敢行師卒無功飛聞命即行速解廬州圍帝授飛兩鎮節使益恥楊彥平飛獻俊世忠樓船各一兵械畢備世忠大悅俊反忌之淮西之役俊以前途糧乏誅飛飛不爲止帝賜札褒諭有曰轉餉艱阻卿不復顧後疑飛漏言還朝反倡言飛逗遛不進以乏餉爲辭至視世忠軍俊知世忠忤檜欲與飛分其背傭軍飛義不肯俊大不悅及同行楚州城俊欲修城爲備飛曰當戮力以圖恢復豈可爲退保計俊變色會世忠軍吏景著與總領胡紡言二樞密若分世忠軍恐至生事紡上之朝檜捕著下大理寺將以扇搖誣世忠飛馳書告以檜意世忠見帝自明俊於是大憾飛遂昌言飛議棄山陽且密以飛報世忠事告檜檜大怒初檜逐趙鼎飛每對客嘆息又以恢復爲己任不肯附和議讀檜奏至德無常師主善爲師之語惡其欺罔恚曰君臣大倫根於天性大臣而忍面諷其主耶兀朮遺檜書曰汝朝夕以和請而岳飛方爲河北圖必殺飛始可和檜亦以飛不死終梗和議已必及禍故力謀殺之以諫議大夫万俟卨與飛有怨風萬劫飛又風中丞何鑄侍御史羅汝楫交章彈論大

率謂今春金人攻淮西飛略至舒斬而不進比與後按兵淮上又欲索山陽而不守飛累章請罷樞柄尋還兩鎮節充萬壽觀使奉朝請檜志未伸也又論張俊令劫王貴誘王俊誣告張憲謀還飛兵檜遣使捕飛父子證張憲事使者至飛笑曰皇天后土可表此心初命何鑄鞠之飛裂裳以背示鑄有盡忠報國四字深入膚理既而閱實無左驗鑄明其無辜改命万俟卨誣飛與憲書令虛申探報以動朝廷雲與憲書令措置使飛還軍言其書已焚飛坐繫兩月無可證者或教萬以臺章所指淮西事為言萬喜白檜錄錄飛家取當時御札藏之以滅迹又逼孫革等證飛受詔逗遛命評事元龜年取行軍時日雜定之傳會其獄歲暮獄不成檜手書小紙付獄即報飛死時年三十九雲業市籍家貴徙家嶺南幕屬于鵬等從坐者六人初飛在獄大理寺丞李若樸何產猷大理卿薛仁輔並言飛無罪萬俱劾去宗正卿士優請以百口保飛萬亦劾之竄死建州布衣劉允升上書訟飛冤下棘寺以死凡傳成其獄者皆遷轉有差獄之將上也韓世忠不平詣檜詰其實檜曰飛子雲與張憲書雖不明其事體莫須有世忠曰莫須有三字何以服天下時洪皓在金國中蠟書馳奏以為金人所畏服者惟飛至以父呼之諸酋聞其死酌酒相賀飛至孝母留河北遣人求訪迎歸母有痼疾藥餌必親母卒水漿不入口者三日家無姬侍吳玠素服飛願與交驪飾名姝遺之飛曰主上宵旰豈大將安樂時却不受玠益敬服少豪飲帝戒之曰卿異時到河朔乃可飲遂絕不飲帝初為飛營第飛辭曰敵未滅何以家為或問天下何時太平飛曰文臣不愛錢武臣不惜死天下平矣師每休舍課將士注坡跳壕皆重鎧習之子雲嘗習注坡馬蹶怒而鞭之卒有取民麻一縷以束芻者立斬以徇卒夜宿民開門願納無敢入者軍號凍死不拆屋餓死不啣掠卒有疾躬為調藥諸將遠戍遣妻問勞其家死者哭之而育其孤或以子婚其女凡有頒犒均給軍吏秋毫不私善以少擊衆欲有所舉盡召諸統制與謀謀定而後戰故有勝無敗猝遇敵不動故敵為之語曰撼山易撼岳家軍難張俊嘗問用兵之術曰仁智信勇嚴闕一不可調軍食必饒額曰東南民力耗敵極矣荆湖平募民營田又為屯田歲省漕運之半帝手書曹操諸葛

亮羊祜三事賜之飛跋其後獨指操為姦賊而鄙之尤檜所惡也張所死飛感舊恩鞠其子宗本奏以官李寶自楚來歸韓世忠留之寶痛哭願歸飛世忠以書來諭飛復曰均為國家何分彼此世中嘆服襄陽之役詔光世為援六郡既復光世始至飛奏先賞光世軍好賢禮士覽經史雅歌投壺恂恂如書生每辭官必曰將士効力飛何功之有然忠憤激烈議論持正不挫於人卒以此得禍檜死議復飛官万俟卨謂金方願和一旦錄故將疑天下心不可及詔與未金益猖獗太學生程宏圖上書訟飛冤詔飛家自便初檜娶岳州同飛姓改為純州至是仍舊中丞汪澈宣撫荆襄故部曲合辭訟之哭聲雷震孝宗詔復飛官以禮改葬賜錢百萬求其後悉官之建廟於鄂號忠烈淳熙六年諡武穆嘉定四年追封鄂王五子雲雷霖震霖雲飛養子年十二從張憲戰多得其力軍中呼曰贏官人飛征伐未嘗不與數立奇功飛輒隱之每戰以手握兩鐵椎重八十斤先諸軍登城攻下隨州又攻破鄧州襄漢平功在第一飛不言逾年銓曹辨之始遷武翼郎楊玄平功亦第一又不上張浚廉得其實曰岳侯避寵榮廉則廉矣未得為公也奏乞擢異數飛力辭不受嘗以特旨遷三資飛辭曰士卒冒矢石立奇功始升一級男雲遽躡崇資何以服衆累表不受賴昌大戰無慮十數出入行陣體被百餘創甲裳為赤以功遷忠州防禦使飛又辭命帶御器械飛又力辭之終左武大夫提舉醴泉觀死年二十三孝宗初與飛同復元官以禮祔葬贈安遠軍承宣使雷忠訓郎閣門祗候贈武略郎霖朝散大夫敷文閣待制贈太中大夫初飛下獄檜令親黨王會搜其家得御札數篋束之左藏南庫霖請於孝宗還之霖子珂以淮西十五御札辨驗彙次凡出師應援之先後皆可考嘉定間為顧天辨誣集五卷天定錄二卷上之震朝奉大夫提舉江南東路茶鹽公事霖修武郎閣門祗候

論曰西漢而下若韓彭絳灌之為將代不乏人求其文武全器仁智並施如宋岳飛者一代豈多見哉史稱關雲長通春秋左氏學然未嘗見其文章飛北伐軍至汴梁之朱偃鎮有詔班師飛自為表答詔忠義之言流出肺腑真有諸葛

孔明之風而卒死於秦檜之手蓋飛與檜勢不兩立使飛得志則金雞可復宋
恥可雪檜得志則飛有死而已昔劉宋殺檀道濟道濟下獄瞋目曰自壞汝萬
里長城高宗忍自棄其中原故忍殺飛嗚呼冤哉嗚呼冤哉

宋史卷三百六十五

宋史卷三百六十五考證

岳飛傳嘗問用兵之術曰仁知信嚴勇○臣補封按岳武穆御軍記征虜盜過
廬陵託宿廬市質明爲主人汛掃門宇洗除盆盎而去郡守供饋饋別于郊
師行將絕謁未得通問大將軍何在殿者曰已難偏裨去矣其嚴肅如此

宋史卷三百六十五考證

元中書右丞相總裁脫脫等修

列傳第一百二十五

劉錡 吳玠 吳玠子

劉錡字信叔，德順軍人。瀘州軍節度使仲武第九子也。美儀狀，善射，聲如洪鐘。嘗從仲武征討，牙門水斛滿，以箭射之，拔箭水注，隨以一矢室之。人服其精，宣和間，用高俅薦，特授閣門祇候。高宗即位，錄仲武後，錡得召見，奇之。特授閣門宣贊舍人，差知岷州。為隴右都護，與夏人戰，屢勝。夏人兒啼，輒怖之，曰：「劉都護來，張浚宣撫陝西，一見奇其才，以為涇原經略使，兼知渭州。浚合五路師，潰于富平，慕洧以慶陽叛，攻環州，浚命錡救之，留別將守渭，自將救環，未幾，金攻渭，錡留李彥琪捍洧，親率精銳還救渭，已無及，進退不可，乃走德順軍。彥琪遁歸渭降金，錡貶秩知縣州，兼沿邊安撫。紹興三年，復官，為宣撫使，統制金人攻拔和尙原，乃分守陝蜀之地。會使者自蜀歸，以錡名聞，召還除帶御器械，尋為江東路副總管。六年，權提舉宿衛親軍，帝駐平江，解潛王彥兩軍交關，俱罷。命錡兼將之。錡因請以前護副軍及馬軍，通為前後左右中軍，與游奕凡六軍，每軍千人，為十二將，前護副軍即彥八字軍也。於是錡始能成軍，扈從赴金陵。七年，帥合肥。八年，戍京口。九年，擢果州團練使，龍神衛四廂都指揮使，主管侍衛馬軍司。十年，金人歸三京，充東京副留守，節制軍馬，所部八字軍纔二萬七千人。將發，益殿司三千人，皆攜其孥，將駐于汴。家留順昌，錡自臨安泝江絕淮，凡二千二百里，至渦口方食。暴風拔坐帳，錡曰：「此賊兆也。」主暴兵，即下令兼程而進。未至五月，抵順昌三百里，金人果敗盟來侵。錡與將佐舍舟陸行，先趨城中，庚寅，謀報金人入東京，知府事陳規見錡，問計。錡曰：「城中有糧，則能與君共守，規曰：『有米數萬斛。』錡曰：『可矣。』時所部選鋒遊奕兩軍及老稚輜重相去尚遠，遣騎趨之，四鼓乃至。及旦，得報金騎已入陣，錡與規議，斂兵入城，為守禦計。人心乃安，召諸將計事，皆曰：『金兵不可敵也。』請以精銳為殿，步騎遮老小，順流還江南。錡曰：『吾本赴官留司，今東京雖失，幸全軍至此，有城可守，奈何棄之？吾意已決。」

敢言去者斬，惟部將許清號夜叉者奮曰：「太尉奉命副守汴京，軍士扶攜老幼而來，今避而走耳，然欲棄父母妻子，則不忍，欲與偕行，則敵翼而攻，何所逃之？不如相與努力一戰，於死中求生也。」議與錡合。錡大喜，擊舟沉之，示無去意。真寂寺中，積薪於門，戒守者曰：「脫有不利，即焚吾家，毋辱敵手也。」分命諸將守諸門，明斥堠，募土人為間探。於是軍士皆奮，男子備戰，守婦人礪刀劍，爭呼躍曰：「平時人欺我八字軍，今日當為國家破賊立功。」時守備一無可恃，錡於城上躬自督勵，取偽齊所造癡車，以輪轆埋城上，又撤民戶扉，周匝蔽之。城外有民居數千家，悉焚之。凡六日，粗畢，而游騎已涉潁河至城下。壬寅，金人圍順昌，錡豫於城下設伏，擒千戶阿黑等二人，詰之云：「韓將軍營白沙渦，距城三十里，錡夜遣千餘人擊之，連戰殺虜頗眾，既而三路都統葛王襄以兵三萬與龍虎大王合兵薄城，錡令開諸門，金人疑不敢近。初，錡傳城疑羊馬垣，穴垣為門，至是與清等蔽垣為陣，金人縱矢，皆自垣端射著于城，或止中垣上，錡用破敵弓翼以神臂強弩，自城上或垣門射敵，無不中，敵稍却，復以步兵邀擊，潁河死者不可勝計，破其鐵騎數千。特授鼎州觀察使，樞密副都承旨，沿淮制置使。時順昌受圍已四日，金兵益感，乃移砦於東村，距城二十里。錡遣驍將閻充募壯士五百人，夜斫其營，是夕天欲雨，電光四起，見辮髮者輒斃之。金兵退十五里，錡復募百人以往，或請銜枚，錡笑曰：「無以枚也。」命折竹為籬，如市井兒以為戲者，人持一以為號，直犯金營，電所觸則皆奮擊，電止則匿不動，敵眾大亂，百人者聞吹聲即聚，金人益不能測。終夜自戰，積屍盈野，退軍老婆灣，兀尤在汴聞之，即索靴上馬，過淮寧，留一宿，治戰具，備糗糧。不七日至順昌，錡聞兀尤至，會諸將於城上問策，或謂今已屢捷，宜乘此勢具舟，全軍而歸。錡曰：「朝廷養兵十五年，正為緩急之用，況已挫賊鋒，軍聲稍振，雖眾寡不侔，然有進無退，且敵營甚邇，而兀尤又來，吾軍一動，彼躡其後，則前功俱廢，使敵侵軼兩淮，震驚江浙，則平生報國之志，反成誤國之罪，眾皆感動，思奮曰：『惟太尉命錡募得曹成等二人，諭之曰：』遣汝作間，事捷重賞，第如我言，敵必不汝殺。今置汝綽路騎中，汝遇敵則佯墜馬，為敵所得，敵帥問我何如，人則曰：『太平邊帥子，喜聲仗朝廷，以兩國。」

講好使守東京圖逸樂耳已而二人果遇敵被執元尤問之對如前元尤喜曰此城易破耳即置鵝車砲具不用翌日鑄登城望見二人遠來繼而上之乃敵械成等歸以文書一卷繫于械鑄懼感軍心立焚之元尤至城下責諸將喪師衆皆曰南朝用兵非昔之比元帥臨城自見鑄遣耿訓以書約戰元尤怒曰劉鑄何敢與我戰以吾力破爾城直用靴尖趨倒耳訓曰太尉非但請與太子戰且謂太子必不敢濟河願獻浮橋五所濟而大戰元尤曰諾乃下令明日府治會食遲明鑄果爲五浮橋於頽河上敵由之以濟鑄遣人毒頽上流及草中戒軍士雖渴死毋得飲于河者飲夷其族敵用長勝軍嚴陣以待諸酋各居一部衆請先擊韓將軍鑄曰擊韓雖退元尤精兵尙不可當法當先擊元尤元尤一動則餘無能爲矣時天大暑敵遠來疲敵鑄士氣閒暇敵晝夜不解甲鑄軍皆番休更食羊馬垣下敵人馬饑渴食水草者輒病往往困乏方晨氣清涼鑄按兵不動逮未申間敵力疲氣索忽遣數百入出西門接戰俄以數千人出南門戒令勿喊但以銳斧犯之統制官趙搏韓直身中數矢戰不肯已士殊死鬪入其陣刀斧亂下敵大敗是夕大雨平地水深尺餘乙卯元尤拔營北去鑄遣兵追之死者萬數方大戰時元尤被白袍乘甲馬以牙兵三千督戰兵皆重鎧甲號鐵浮圖戴鐵兜牟周匝綴長簷三人爲伍貫以韋索每進一步即用拒馬擁之人進一步拒馬亦進退不可却官軍以槍標去其兜牟大斧斷其臂碎其首敵又以鐵鎗分左右翼號拐子馬皆女真爲之號長勝軍專以攻堅戰酣然後用之自用兵以來所向無前至是亦爲鑄軍所殺戰自辰至申敵敗遽以拒馬木障之少休城上鼓聲不絕乃出飯糞坐餉戰士如平時敵披靡不敢近食已撤拒馬木深入斫敵又大破之棄屍斃馬血肉枕藉車旗器甲積如山阜初有河北軍告官軍曰我輩元是左護軍本無鬪志所可殺者兩翼拐子馬爾故鑄兵力擊之元尤平日特以爲強者什損七八至陳州數諸將之罪韓常以下皆鞭之乃自擁衆還汴捷聞帝喜甚授鑄武泰軍節度使侍衛馬軍都虞候知順昌府沿淮制置使是役也鑄兵不盈二萬出戰僅五千人金兵數十萬營西北互十五里每暮鼓聲震山谷然營中謹譁終夜有聲金遣人近城竊聽城中蕭

然無鷄犬聲元尤帳前甲兵環列持燭照夜其衆分番假寐馬上鑄以逸待勞以故輒勝時洪皓在燕密奏順昌之捷金人震恐喪魄燕之重寶珍器悉徙而北意欲指燕以南棄之故議者謂是時諸將協心分路追討則元尤可擒汴京可復而王師亟還自失機會良可惜也七月命爲淮北宣撫判官副楊沂中破敵兵於太康縣未幾秦檜請沂中還師鎮江鑄還太平州岳飛以兵赴行在出師之謀寢矣十一年元尤復發兩河兵謀再舉帝亦測知敵情必不一挫遂已乃詔大合兵于淮西以待之金人攻廬和二州鑄自太平渡江抵廬州與張俊楊沂中會而敵已大入鑄據東關之險以遏其衝引兵出清溪兩戰皆勝行至柘皋與金人夾石梁河而陣河通巢湖廣二丈鑄命曳薪壘橋須臾而成遣甲士數隊路橋臥槍而坐會沂中王德田師中張子蓋之軍俱至翌日元尤以鐵騎十萬分爲兩隅夾道而陣德薄其右隅引弓射一酋斃之因大呼馳擊諸軍鼓譟金人以拐子馬兩翼而進德率衆鏖戰沂中以萬兵各持長斧奮擊之敵大敗鑄與德等追之又敗於東山敵望見曰此順昌旗幟也即退走鑄駐和州得旨乃引兵渡江歸太平州時並命三帥不相節制諸軍進退多出於張俊而鑄以順昌之捷驟貴諸將多嫉之俊與沂中爲腹心而與鑄有隙故柘皋之賞鑄軍獨不與居數日議班師而濠州告急俊與沂中鑄趨黃連埠援之距濠六十里而南城已陷沂中欲進戰鑄謂俊曰本救濠今濠已失不知退師據險徐爲後圖諸將曰善三帥鼎足而營或言敵兵已去鑄又謂曰敵得城而遽退必有謀也宜嚴備之俊不從命沂中與德將神勇步騎六萬人直趨濠州果遇伏敗還遲明鑄軍至藕塘則沂中軍已入滁州俊軍已入宣化鑄軍方食俊遽至曰敵兵已近奈何鑄曰楊宣撫兵安在俊曰已失利還矣鑄語俊無恐鑄請以步卒御敵宣撫試觀之鑄麾下皆曰兩大帥軍已渡我軍何苦獨戰鑄曰順昌孤城旁無赤子之助吾提兵不滿二萬猶足取勝況今得地利又有銳兵邪遂設三覆以待之俄而俊至曰諫者妄也乃戚方殿後之軍爾鑄與俊益不相下一夕俊軍士縱火劫鑄軍鑄擒十六人梟首槩上餘皆逸鑄見俊後怒謂鑄曰我爲宣撫爾乃判官何得斬吾軍鑄曰不知宣撫軍但斬劫嘗賊爾俊曰有

卒歸言未嘗劫些呼一人出對錡正色曰錡爲國家將帥有罪宜撫當言于朝豈得與卒伍對事長揖上馬去已皆班師後沂中還朝每言岳飛不赴援而錡戰不力秦檜主其說遂罷宣撫判官命知荆南府岳飛奏留錡掌兵不許詔以武泰之節提舉江州太平觀錡鎮荆南凡六年軍民安之魏良臣言錡名將不當久閑乃命知潭州加太尉復帥荆南府江陵縣東有黃潭建炎間有司決水入江以禦盜由是夏秋漲溢荆衡間皆被水患錡始命塞之斥膏腴田數千畝流民自占者幾千戶詔錡遇大禮許奏文資仍以其姪汜爲江東路兵馬副都

監三十一年金主亮調軍六十萬自將南來彌望數十里不斷如銀壁中外大震時宿將無在者乃以錡爲江淮浙西制置使節制逐路軍馬八月錡引兵屯揚州建大將旗鼓軍容甚肅觀者嘆息以兵駐清江口金人以甌囊舡載糧而來錡使善沒者鑿沉其舟錡自楚州退軍召伯鎮金人攻真州錡引兵還揚州帥劉澤以城不可守請退軍瓜州金萬戶高景山攻揚州錡遣員琦拒于阜角林陷圍力戰林中伏發大敗之斬景山俘數百人捷奏賜金五百兩銀七萬兩以槁師先是金人議留精兵在淮東以禦錡而以重兵入淮西大將王權不從錡節制不戰而潰自清河口退師揚州以舟渡真揚之民于江之南留兵屯瓜州錡病求解兵柄留其姪汜以千五百人塞瓜州渡又令李橫以八千人固守詔錡專防江錡遂還鎮江十一月金人攻瓜州汜以克敵弓射却之時樞密院事葉義問督師江淮至鎮江見錡病劇以李橫權錡軍義問督鎮江兵渡江衆皆以爲不可義問強之汜固請出戰錡不從汜拜家廟而行金人以重兵逼瓜洲分兵東出江皋逆趨瓜洲汜先退橫以孤軍不能當亦却失其都統制印左軍統制魏友後軍統制王方死之橫汜僅以身免方諸軍渡江而北也錡使人持黃白幟登高山望之戒之曰賊至舉白幟合戰舉二幟勝則舉黃幟是日二幟舉踰時錡曰黃幟久不舉吾軍殆矣錡憤懣病益甚都督府參贊軍事虞允文自采石來督舟師與金人戰允文過鎮江謁錡問疾錡執允文手曰疾何必問朝廷養兵三十年一技不施而大功乃出一儒生我輩愧死矣召諸關提舉萬壽觀錡假都亭驛居之金之聘使將至留守湯思退除館以待遣黃衣論

錡徙居別試院錡疑汜累已常懼有後命三十二年閏二月錡發怒嘔血數升而卒贈開府儀同三司賜其家銀三百兩帛三百匹後諡武穆錡慷慨深毅有儒將風金主亮之南也下令有敢言錡姓名者罪不赦枚舉南朝諸將問其下孰敢當者皆隨姓名其答如響至錡莫有應者金主曰吾自當之然錡卒以病不能成功世傳錡通陰陽家行師所避就錡在揚州命盡焚城外屋屋用石灰盡白城壁書曰完顏亮死於此金主多忌見而惡之遂居龜山人衆不可容以致是變云

吳玠字晉卿德順軍隴干人父葬永洛城因徙焉少沉毅有志節知兵善騎射讀書能通大義未冠以良家子隸涇原軍政和中夏人犯邊以功補進義副尉稍權陞將從討方臘破之及擊河北羣盜累功權涇原第十將靖康初夏人攻懷德軍玠以百餘騎追擊斬首百四十級擢第二副將建炎二年春金人渡河出大慶關略秦雍謀趨涇原都統制曲端守麻務鎮命玠爲前鋒進據青溪嶺逆擊大破之追奔三十里金人始有憚意權涇原路兵馬都監兼知懷德軍金人攻延安府經略使王庶召曲端進兵端駐邠州不赴且曰不如蕩其巢穴攻其必救端遂攻蒲城命玠攻華州拔之三年冬劇賊史斌寇漢中不克引兵欲取長安曲端命玠擊斬之遷忠州刺史宣撫處置使張浚巡關陝參議軍事劉子羽誦玠兄弟才勇浚與玠語大悅即授統制弟璘掌帳前親兵四年春升涇原路馬步軍副總管金帥韋宿與撒離喝長驅入關端遣玠拒于彭原店而擁兵邠州爲援金兵來攻玠擊敗之撒離喝懼而泣金軍中目爲啼哭郎君金人整軍復戰玠軍敗績端退屯涇原勅玠違節度降武顯大夫罷總管復知懷德軍張浚惜玠才尋以爲秦鳳副總管兼知鳳翔府時兵火之餘玠勞來安集民賴以生轉忠州防禦使九月浚合五路兵欲與金人決戰玠言宜各守要害須其弊而乘之及次富平都統制又會諸將議戰玠曰兵以利動今地勢不利未見其可宜擇高阜據之使不可勝諸將皆曰我衆彼寡又前阻葦澤敵有騎不得施何用他徙已而敵驟至輿柴囊土藉淖平行進薄玠營軍遂大潰五路皆陷巴蜀大震玠收散卒保散關東和尚原積粟繕兵列柵爲死守計或謂玠宜

退守漢中扼蜀口以安人心玠曰我保此敵決不敢越我而進堅壁臨之彼懼吾躡其後是以保蜀也玠在鳳翔民感其遺惠相與夜輪芻粟助之玠償以銀帛民益喜輸者益多金人怒伏兵渭河邀殺之且令保伍連坐民冒禁如故數年然後止紹興元年金將沒立自鳳翔別將烏魯折合自階成出散關約日會和尚原烏魯折合先期至陣北山索戰玠命諸將堅壁待之更戰迭休山谷路狹多石馬不能行金人舍馬步戰大敗移營黃牛會大風雨雹遂遁去沒立方攻箭箐關玠復遣將擊退之兩軍終不得合始金人之入也玠與璘以散卒數千駐原上朝問隔絕人無固志有謀劫玠兄弟北去者玠知之召諸將歃血盟勉以忠義將士皆感泣願為用張浚錄其功承制拜明州觀察使居母喪起復兼陝西諸路都統制金人自起海角狂常勝及與玠戰輒北憤甚謀必取玠妻宿死兀朮會諸道兵十餘萬造浮梁跨渭自寶鷄結連珠營壘石為城夾渭與官軍拒十月攻和尚原玠命諸將選勁弓強弩分番迭射號驍隊矢連發不絕繁如雨注敵稍却則以奇兵旁擊絕其糧道度其困且走設伏於神全以待金兵至伏發衆大亂縱兵夜擊大敗之兀朮中流矢僅以身免張浚承制以玠為鎮西軍節度使璘為涇原路馬步軍副總管兀朮既敗遂自河東歸燕山復以撒離喝為陝西經略使屯鳳翔與玠相持二年命玠兼宣撫處置使司都統制節制與文龍三州金久窺蜀以璘駐兵和尚原扼其衝不得逞將出奇取之時玠在河池金人用叛將李彥琪駐秦州詭僞人關以綴玠復令游騎出熙河以綴關師古撒離喝自商於直搆上洋三年正月取金州二月長驅趨洋漢與元守臣劉子羽急命田晟守饒風關以驛書招玠入援玠自河池日夜馳三百里以黃柑遺敵曰大軍遠來聊用止渴撒離喝大驚以杖擊地曰爾來何速耶遂大戰饒風嶺金人被重鎧登山仰攻一人先登則二人擁後先者既死後者代攻玠軍弓弩亂發大石摧壓如是者六晝夜死者山積而敵不退募敢死士人千銀得士五千將來攻會玠小校有得罪奔金者導以祖溪間路出關背乘高以闕饒風諸軍不支遂潰玠退保西縣敵入興元劉子羽退保三泉築潭毒山以自固玠走三泉會之未幾金人北歸玠急遣兵數千武休關掩擊其

後軍墮澗死者以千計盡棄輜重去金人始謀本謂玠在西邊故道險東來不虞玠馳至雖入三郡而失不償得進玠檢校少保充利州路階成鳳州制置使四年二月敵復大入攻僞人關先是璘在和尙原餉饋不繼玠又謂其地去蜀遠命璘兼之經營僞人關右殺金平擗築一壘移原兵守之至是兀朮撒離喝及劉夔率十萬騎入自鐵山鑿崖開道循嶺東下玠以萬人當其衝璘率輕兵由七方關倍道而至與金兵轉戰七晝夜始得與玠合敵首攻玠營玠擊走之又以雲梯攻壘楊政以撞竿碎其梯以長矛刺之璘拔刀畫地謂諸將曰死則死退者斬金分軍為二兀朮陣于東韓常陣于西璘率銳卒介其間左縈右繞隨機而發戰久璘軍少憊急屯第二隘金生兵踵至人被重鎧鐵鉤相連魚貫而上璘以駐隊矢迭射矢下如雨死者層積敵踐而登撒離喝駐馬四視曰吾得之矣翌日命攻西北樓姚仲登樓酣戰樓傾以帛為繩挽之復正金人用火攻樓以酒缶撲滅之玠急遣統領田晟以長刀大斧左右擊明炬四山震鼓動地明日大出兵統領王喜王武率銳士分紫白旗入金營金陣亂奮擊射韓常中左目金人始宵遁玠遣統制官張彥劫橫山砦王俊伏河池扼歸路又敗之以郭震戰不力斬之是役也金自元帥以下皆攜卒來劉夔乃豫之腹心本謂蜀可圖既不得逞度玠終不可犯則還據鳳翔授甲士田為久留計自是不妄動捷聞授玠川陝宣撫副使四月復鳳秦三州七月錄僞人關功拜檢校少師奉寧保定軍節度使璘自防禦使升定國軍承宣使楊政以下還秩有差六年兼營田大使易保平靜難節七年遣裨將馬希仲攻鳳州敗績又失鞏州玠斬之玠與敵對壘且十年常苦遠餉勞民屢汰冗員節浮費益治屯田歲收至十萬斛又調成兵命梁洋守將治襄城廢堰堰民知灌漑可恃願歸業者數萬家九年金人請和帝以玠功高授特進開府儀同三司遷四川宣撫使陝西階成等州皆聽節制遣內侍奉親札以賜至則玠病已甚扶掖聽命帝聞而憂之命守臣就蜀求善醫且飭國工馳視未至玠卒於僞人關年四十七贈少師賜錢三十萬玠善讀史凡往事可師者錄實座右積久牆牘皆格言也用兵本孫吳務遠略不求小近利故能保必勝御下嚴而有恩虛心詢受雖身為大

將卒伍至下者得以情達，故士樂爲之死。選用將佐，視勞能爲高下先後，不以親故權貴撓之。玠死，胡世將問玠所以制勝者，璩曰：璩從先兄有事西夏，每戰不過一進卻之頃，勝負輒分。至金人則更進迭退，忍耐堅久，令酷而下必死，每戰非累日不決，勝不遽追，敗不至亂。蓋自昔用兵所未嘗見，與之角逐滋久，乃得其情。蓋金人弓矢不若中國之勁利，中國士卒不若金人之堅耐，吾嘗以長技洞重甲於數百步外，則其衝突固不能相及。於是選擇形便，出銳卒更迭撓之，與之爲無窮，使不得休暇以沮其堅忍之勢。至決機於兩陣之間，則璩有不能言者。晚節頗多嗜欲，使人漁色於成都，喜餌丹石，故得咯血疾以死。方富平之敗，秦鳳皆陷，金人一意睨蜀，東南之勢亦棘微，玠身當其衝，無獨久矣。故西人至今思之，謚武安。作廟于僊人關，號恩烈。淳熙中，追封愷王，子五人，拱、扶、撝、擴、拱亦握兵云。

吳璩字唐卿，玠弟也。少好騎射，從玠攻戰，積功至閤門宣贊舍人。紹興元年前，等關之戰，斷沒立與烏魯折合兵，使不得合。金人遁，璩功居多，超遷統制，和尙原軍馬。於是玠駐師河池，璩專守原，及兀朮大入，玠兄弟以死守之。敵陣分合三十餘，璩隨機而應。至神空伏發，金兵大敗，兀朮中流矢遁。張浚承制以璩爲涇原路馬步軍副都總管，升康州團練使。三年，遷榮州防禦使，知秦州節制。階文是歲，玠敗於祖溪嶺，時璩猶在和尙原，玠命璩棄原，別營僊人關，以防金人深入。四年，兀朮撤離喝果以大兵十萬至關下，璩自武階路入援，先以書抵玠，謂殺金平地關遠，前陣散漫，須後陣阻隘，然後可以必勝。玠從之，急修第二隘。璩冒圍轉戰，會於僊人關，敵果極力攻第二隘，諸將有請別擇形勝以守者，璩奮曰：兵方交而退是不戰而走也，吾度此敵去不久矣。諸君第忍之，震鼓易幟，血戰連日，金兵大敗。二酋自是不敢窺蜀者數年，露布獻捷，遷定國軍承宣使，熙河蘭廓路經略安撫使，知熙州。六年，親置行營兩護軍，璩爲左護軍統制。九年，升都統制，尋除秦鳳路經略安撫使，知秦州。玠卒，授璩神龍衛四廂都指揮使，時金人廢劉豫歸河南陝西地，權煇使陝，以便宜欲命三帥分陝而守，以郭浩帥鄜延，楊政帥熙河，璩帥秦鳳，欲盡移川口諸軍於陝西。璩曰：金人反覆

難信，懼有他變。今我移軍陝右，蜀口空虛，敵若自南山要我陝右軍，直擣蜀口，我不戰自屈矣。當且依山爲屯，控其要害，遲其情見，力疲漸圖進據，煇從之。命璩與楊政兩軍屯內地，保蜀郭浩一軍屯延安以守陝，既而胡世將以四川制置權宣撫司事，至河池，璩見之曰：金大兵屯河中府，止隔大慶一橋，騎兵疾馳，不五日至川口，吾軍遠在陝西，緩急不可追集，關隘不葺，糧運斷絕，此存亡之秋也。璩家族固不足恤，如國事何？時朝廷恃和志戰，欲廢僊人關，於是世將抗奏，謂當外固歡和，內修守禦，今日分兵當使陝蜀相接，近兵官賀仔謀知撒離喝密謀曰：要入蜀不難，棄陝西不顧，三五歲南兵必來主之。道路吾已熟知，一發取蜀必矣。敵情如是，萬一果然，則我當爲伐謀之備。僊人關未宜遽廢，魚關倉亦宜積糧，於是璩僅以牙校三隊赴秦州，留大軍守階成山峯，戒諸將毋得撤備。世將尋真除宣撫置司河池，十年，金人敗盟詔璩節制陝西諸路軍馬，撒離喝渡河入長安，趨鳳翔，陝右諸軍隔在敵後，遠近震恐。時楊政在鞏，郭浩在鄜延，惟璩隨世將在河池，世將急召諸將議，惟涇原帥田晟與楊政同至，參謀官孫渥謂河池不可守，欲退保僊人原，璩厲聲折之曰：懦語沮軍，可斬也。璩請以百口保破敵世將壯之，指所居帳曰：世將誓死於此，乃遣渥之涇原，命田晟以三千人迎敵，璩又遣姚仲拒于石壁砦，敗之。詔同節制陝西諸路軍馬，璩以書遺金將約戰，金鸞眼郎君以三千騎衝璩軍，璩使李師顏以驍騎擊走之，鸞眼入扶風，復攻拔之，獲三將及女真百十有七人，撒離喝怒甚，自戰百壩坊，列陣二十里，璩遣姚仲力戰破之，授鎮西軍節度使，升侍衛步軍都虞候。十一年，與金統軍胡蓋戰，劍家灣，敗之。復秦州及陝右諸郡，初，胡蓋與習不祝合軍五萬屯劉家園，璩請討之，世將問策安出，璩曰：有新立疊陣法，每戰以長槍居前，坐不得起，次最強弓，次強弩，跪膝以俟，次神臂弓，約賊相搏至百步內，則神臂先發，七十步強弓併發，次陣如之，凡陣以拒馬爲限，鐵鉤相連，俟其傷則更代之，遇更代則以鼓爲節，騎兩翼以蔽於前，陣成而騎退，謂之疊陣，諸將始猶竊議曰：吾軍其殲於此乎？璩曰：此古東伍令也，軍法有之，諸君不識爾，得車戰餘意，無出於此。戰士心定則能持滿，敵雖銳不能當也。及與二酋遇，遂用之二

會老於兵，據險自固，前臨峻嶺，後控臘家城，謂我必不敢輕犯。先一日，璘會諸將問所以攻姚仲曰：「戰于山上則勝，山下則敗，璘以為然，乃告敵請戰。」敵笑之。璘夜半遣仲及王彥衡截坡，約二將上嶺而後發火。二將至嶺，寂無人聲，軍已畢列，萬炬齊發，敵駭愕曰：「吾事敗矣，習不祝善謀。」胡蓋善戰，二酋異議，璘先以兵挑之，胡蓋果出鏖戰，璘以疊陣法更迭迭戰，輕裘駐馬，馭麾之，士殊死鬪。金人大敗，降者萬人，胡蓋走保臘家城，璘圍而攻之，城垂破，朝廷以驛書詔璘班師。世將浩歎而已。明年，竟割和尙原以與敵，撤戍割地，皆秦檜主之也。十二年，入覲，拜檢校少師，階成岷鳳四州經略使，賜漢中田五十頃。十四年，朝議析利州路為東西路，以璘為西路安撫使，治興州，階成和鳳文龍與七州隸焉。時和議方堅，而璘治軍經武，常如敵至。十七年，徙奉國軍節度使，改行營右護軍，為御前諸軍都統制，安撫使如故。二十一年，以守邊安靜，拜少保。二十六年，領興州，駐劄御前諸軍都統制職事，改判興州，渡江以來，未有使相為都統制者。時璘已為開府儀同三司，故改命之。三十一年，金主亮叛，拜四川宣撫使。秋，亮渡淮，遣合喜為西元帥，以兵扼大散關，遊騎攻黃牛堡，璘即肩輿上殺金平，駐軍青野原，益調內郡兵分道而進，授以方略，制置使王剛中來會璘計事。璘尋移檄契丹、西夏及山東河北，聲金人罪，以致討。未幾，兼陝西河東招討使。璘以病還興州，總領王之望馳書告執政，謂璘多病，粹有緩急，蜀勢必危，請移璘。姪京襄師拱歸蜀，以助西師。凡五書未報，璘已力疾復上僊。關，三十二年，璘遣姚仲取鞏，王彥屯商號陝，華惠遂取熙河，或久攻不下，或既得復失，竟無成功。金人據大散關六十餘日，相持不能破，仲合鞏攻德順，已踰四旬。璘以知慶州李師顏代之，遣子挺節制軍馬，挺與敵戰於瓦亭，敗之。璘自將至城下，守陴者聞呼，相公來，觀望咨嗟，矢不忍發。璘按行諸屯，預治黃河戰地，斬不用命者。先以數百騎嘗敵，敵一鳴鼓，銳士空壁躍出，突擊軍，璘軍得先冷地，無不一當。十至暮，璘忽傳呼某將戰，不力，人益奮搏，敵大敗，遁入壁，黎明師再出，敵堅壁不動。會天大風，雷金人拔營去。凡八日而克璘入城市，不改肆，父老擁馬迎拜不絕。璘尋還河池。四月，原州受圍，璘命姚仲以德順之兵往援，璘自趨鳳翔視

師，諸將雖力戰，敵攻益急，增兵至七萬。五月，仲與敵戰于原州之北嶺，仲敗績。初，仲自德順至原州，由九龍泉上北嶺，令諸軍持滿引行，以盧士敏兵為前陣，所統軍六千為四陣，姚仲兵為後拒，隨地便利以列，與敵鏖戰，閉合數十，會輜重隊隨陣亂行，敵兵衝之，軍遂大潰，失將三十餘人。始璘出師，王之望嘗言此行，士卒銳氣不及前時，仲年來數奇，不可委以要地，及仲至原，璘亦遣仲書，謂原圍未即解，且還德順，書未達而仲敗，璘亦無功，還尋奪仲兵，欲斬之，或勸而止。械繫河池獄，孝宗受禪，賜璘札，命兼陝西河東路宣撫，招討使。璘策金人必再爭德順，亟馳赴先下，而完顏悉列等兵十萬餘果來攻，萬戶鬆齡復領精兵自鳳翔繼至，璘築堡東山以守，敵極力爭之，殺傷大半，終不能克。時議者以為兵宿於外，去川口遠，恐敵襲之，欲棄三路，遂詔璘退師，敵乘其後，璘將士死亡者甚眾。三路復為敵有，拜少傅。隆興二年冬，金人侵岷州，璘提兵至祁山，金人聞之，退師。遣使來告曰：「兩國已講和矣，會詔至，俱解去。」沈介為四川安撫，制置使與璘議不協，兵部侍郎胡銓上書，語頗及璘，璘抗章請朝，上親札報可。未半道，請罷宣撫使，及致仕，皆不允。乾道元年，詣闕，道中使勞問，召對便殿，許朝德壽宮。高宗見璘數日，朕與卿老君臣也，可數入見。璘頓首謝，兩宮存勞之，使相踵又命皇子入謁，拜太傅，封新安郡王。越數日，詔仍領宣撫使，改判興元府。及還鎮，兩宮宴餞甚寵。璘入辭，德壽宮泣下，高宗亦為之悵然，解所佩刀賜之曰：「異時思朕，視此可矣。」璘至漢中，修復襄城古堰，溉田數千頃，民甚便之。三年卒，年六十六。贈太師，追封信王，上震悼，輟視朝兩日，賜賜加等。高宗復賜銀千兩，初璘病篤，呼幕客草遺表，命直書其事曰：「願陛下毋棄四川，毋輕出兵，不及家事，人稱其忠。璘剛勇喜大節，略苛細，讀史曉大義，代兄為將，守蜀餘二十年，隱然為方面之重，威名亞於於，高宗嘗問勝敵之術，璘曰：「弱者出戰，強者繼之。」高宗曰：「此孫臏三駟之法，一敗而二勝也。」嘗著兵法二篇，大略謂金人有四長，我有四短，當反我之短，制彼之長。四長曰：騎兵，曰：堅忍，曰：重甲，曰：弓矢。吾集蕃漢所長，兼收而並用之，以分隊制其騎兵，以番休迭戰，制其堅忍，制其重甲，以勁弓強弩制其弓矢，而以遠剋近，以強制弱，布陣之法，則以步軍為陣心，左右翼以

馬軍爲左右肋，拒馬布兩肋之間，至帖撥增損之不同，則係乎臨機知兵者取焉。王剛中嘗談劉錡之美，璘曰：信叔有雅量，無英概，天下雷同譽之，恐不能當逆亮，璘竊憂之。剛中不以爲然，錡果無功，以憂憤卒。璘選諸將，率以功，有薦才者，璘曰：兵官非嘗試難知其才，以小善進之，則僥倖者獲志，而邊人宿將之心息矣。子挺。

挺字仲烈，以門功補官，從璘爲中郎將，部西兵詣行在。高宗問西邊形勢，兵力與戰守之宜，挺占對稱旨，超授右武郎，浙西都監，兼御前祇候，賜金帶，尋差利路鈐鐔，改利州東路前軍同統制，繼改西路，紹興三十一年，金人渝盟，璘以宣撫使總三路兵禦之，挺願自力軍前，璘以爲中軍統制，王師既復秦州，金將合喜字董介叛，將張中彥以兵來爭，挺破其治平營，已而南中城賊亦犄角爲援，轉戰竟日，挺令前軍統制梅彥慶、衆直據城門，衆弗喻，彥亦懼力不敵，挺督之，彥出兵殊死戰，挺率背嵬騎盡易黃旗，繞出敵後，憑高突之，敵譁曰：黃旗兒至矣，遂驚敗，挺不自爲功，狀彥第一，士頗多之，璘亦引嫌併匿其功，擢榮州刺史，尋拜熙河經略安撫使，明年，挺被檄與都統制姚仲率東西路兵攻德順，金左都監空平涼之衆以援，合喜又遣精兵數萬自鳳翔來會，仲駐軍六盤，挺獨趨瓦亭，身冒矢石，衆從之，金人捨騎操短兵奮鬪，挺遣別將盡奪其馬，金衆遂潰，挺勒兵追之，禽千戶耶律九斤、字董等百三十七人，金人懲前，屛兵趨德順，璘自秦州來，督師先壁於險，且治夾河戰地，金人果大至，挺誘致之，至所治戰地，感兵蹙之，敵不能支，一夕遁去，鞏州久不下，挺以選鋒至城下，諸將咸曰：西北坡陁地易攻，若分兵各當一面，宜得利，挺曰：西北雖卑，而土堅，東南並河多沙礫，善圯，且兵分則少，以少當堅，城可得而下乎，乃命悉衆擊東南，不日樓櫓俱盡，夜半其將雷千戶約降，黎明城破，以功授團練使，又以瓦亭功授鄆州防禦使，孝宗卽位，加璘兼陝西河東路招討宣撫使，璘慮敵必再爭，德順至自河池，金人果合兵十餘萬，列柵以拒，有大酋引騎數千，晚東山，璘命挺領騎迎擊，却之，遂據東山築堡以守，敵不能爭，乃益修攻具，爲大車，匿戰士其中，將填墮而進，挺命掄大木植中道，車至不得前，拜武昌軍承宣使，尋加龍神衛四

廂都指揮使，熙河路經略安撫使，中軍統制，時年二十五，會朝廷主議和，詔西師解嚴，父子遂旋軍，乾道元年，升本軍都統制，三年，以父命入奏，拜侍衛親步軍指揮使，節制興州軍馬，璘卒，起復金州都統，金房開達安撫使，改利州東路總管，挺力求終喪，服除，召爲左衛上將軍，朝廷方議置神武中軍五千人，以屬御前，命挺爲都統，制挺力陳不當輕變祖宗法，事遂寢，拜主管侍衛步軍司公事，挺每燕見從容，嘗論兩淮形勢曠漫，備多力分，宜擇勝地，扼以重兵，敵仰攻則不克，越西南又不敢，我以全力乘其弊，蔑不濟者，帝頗嘉納，淳熙元年，改興州都統，拜定江軍節度使，初，軍中自置互市於宕昌，以來羌馬，西路騎兵，遂雄天下，自張松典權牧，奏絕軍中互市，自以馬給之，所得多下駟，挺至，首陳利害，以聞，乞歲市五百匹，詔許七百匹，始武與所部就餉諸郡，漫不相屬，挺奏以十軍爲名，自北邊至武與列五軍，曰：路白、摧鋒、選鋒、策鋒、遊奕，武與以西選至，爲左右後三軍，而駐武與者，前軍中軍營部於是，始并井然，四年，入覲，除知興州，利州西路安撫使，密修皂郊堡，增二堡，繕戎器，儲千兩庫，敵終不覺，十年冬，特加檢校少保，成州西和歲大侵，挺力爲振恤，論總賦者分軍儲以佐之，全活殆數千萬，蜀自諸軍宿師，凡慶賜官率糴三之一，視價高下給之，名曰折估，隨所屯地相爲乘除，歲久屯他徙，慶賜不易舊，至有同部伍而廩相倍蓰者，挺夏爲中制上之，光宗卽位，御筆殷勞，而西和階成鳳文龍六州器械，弗繕，挺節冗費，庀工徒，悉挪爲之，御軍雖嚴，而能時其緩急，士以不困，郡東北有二谷水，挺作二隄以捍之，紹興二年，水暴發，入城，挺既振被水者，復增築長隄，民賴以安，詔問備邊急務，卽建增儲之策，由是糧糗不乏，四年春，以疾乞致仕，詔加太尉，卒年五十六，贈少師，開府儀同三司，挺少起勳閭，弗居其貴，禮禮下士，雖遇小官賤吏，不敢怠忽，拊循將士，人人有恩，璘故部曲拜於庭下，輒降答之，卽失律誅治無少貸，璘嘗對孝宗言：諸子中惟挺可任，孝宗亦曰：挺是朕千百人中選者，歲時問勞不絕，被遇尤深，厚光宗賜內府珍奇，以示殊禮，子五人，職其次也，職仕至太尉，昭信軍節度使，以叛誅，見別傳。

論曰：劉錡神機武略，出奇制勝，順昌之捷，威震敵國，雖韓信派上之軍，無以過

焉。或謂其英概不足。雅量有餘。豈其然乎。吳玠與弟璘。智勇忠實。戮力同心。據險抗敵。卒保全蜀。以功名終。威我。挺累從征討。功效甚著。有父風矣。然玠晚頗荒淫。璘多喪敗。豈玠于常勝。驕心侈歟。抑三世為將。釀成逆曦之變。覆其宗祀。蓋有由焉。

宋史卷三百六十六

宋史卷三百六十六考證

吳玠傳。凌合五路兵。欲與金人決戰。玠言。宜各守要害。須其弊而乘之。○臣人龍按。張魏公三戰本末。略凌謀大舉。召端問之。復謀之。玠以宜守要害。以待其弊。然後可以徐圖。凌曰。吾寧不知此。顧今東南之事。方急。不得不為是耳。此數語。乃張凌謀牽制金人之本意。張凌吳玠等傳俱不載。

宋史卷三百六十六考證

元中書右丞相總裁脫脫等修

列傳第一百二十六

李顯忠

楊存中

郭浩

楊政

李顯忠，綏德軍青澗人也。初名世輔，南歸賜名顯忠。由唐以來，世襲蘇尾九族。巡檢，初其母當產，數日不能免，有僧過門曰：所孕乃奇男子，當以劍矢寘母旁。即生，已而果生顯忠。立於葦，咸異之。年十七，投效用。隨父永奇出入行陣，金人犯鄜延，經略王庶命永奇募間者得張琦，更求一人。顯忠請行，永奇曰：汝未涉歷行，必累琦。顯忠曰：顯忠年小，膽氣不小，必不累琦。當與琦俱，有敵入夜宿陶穴，顯忠縫穴中得十七人，皆殺之，取首二級，馬二匹，餘馬悉折其足。庶大奇之，補承信郎，充隊將。由是始知名。轉武翼郎，充副將，金人陷延安，授顯忠父子官。永奇聚泣曰：我宋臣也，世襲國恩，乃為彼用邪？會劉豫令顯忠帥馬軍赴東京，永奇密戒之曰：汝若得乘機，即歸本朝，無以我故貳其志。事成，我亦不朽矣。顯忠至東京，劉麟喜之，授南路鈴轄，乃密遣其客雷燦以蠟書赴行在，已而豫廢。兀朮以萬騎馳獵淮上，與顯忠獨立馬圍場間，顯忠戒吳俊往探淮水可度馬處，欲執兀朮歸朝。俊還，顯忠馳問之，為竹刺傷馬而止。兀朮授顯忠承宣使，知同州。顯忠至鄜省，侍永奇，教顯忠曰：同州入南山，乃金人往來驛路，汝可於此擒其酋，渡洛渭，由商號歸朝。第報我知，我當以兵取延安而歸。顯忠赴同州，即遣黃士成等持書由蜀至吳，報歸朝事。元帥撒里曷來同州，顯忠以計執之，馳出城，至洛河，舟船後期不得度，與追騎屢戰皆勝。顯忠憩高原，望追騎益多，乃與撒里曷折箭為誓，不得殺同州人，不得害我骨肉，皆許之。遂推之下山崖，追兵爭救得免。顯忠攜老幼長驅而北，至鄜城縣，急遣人告永奇，永奇即擊家出城，至馬翅谷口，為金人所及，家屬二百口皆遇害。是日天昏大雪，延安人聞之，皆泣下。顯忠僅以二十六人奔夏國。夏人問故，顯忠泣具言父母妻子之亡，切齒疾首，恨不即死。顯得二十萬人，生擒撒里曷，取陝西五路歸于夏。顯忠亦得報不共戴天之讎。夏主曰：爾能為立功，則不斬借兵，時有會豪號青面夜叉者，

久為夏國患，乃令顯忠圖之。請三千騎，晝夜疾馳，奄至其帳，擒之以歸。夏主大悅，即出二十萬騎，以文臣王樞、武臣嚙訛為陝西招撫使，顯忠為延安招撫使。時紹興九年二月十四日也。顯忠引兵至延安，總管趙惟清大呼曰：郿延路今復歸宋矣。已有赦書，顯忠與官吏觀赦書，列拜。顯忠大哭，眾皆哭，百姓哭聲不絕。乃以舊部八百餘騎往見王樞，嚙訛論之曰：顯忠已得延安府，見講和赦書，招撫可以本部軍歸國。嚙訛不從曰：初經略乞兵來取陝西，今既到此，乃令我歸耶？顯忠知勢不可乃出刀斫嚙訛不及，擒王樞縛之。夏人以鐵鷄子軍來，顯忠以所部拒之，馳揮雙刀，所向披靡。夏兵大潰，殺死踐踐無慮萬人，獲馬四萬匹。顯忠揭榜招兵，以紹興九年為文書，每得一人，予馬一匹。旬日間得萬人，皆驍勇少壯。又擒害其父母弟姪者，皆斬于東城之內。行至鄜州，已有馬步軍四百餘。撒里曷在耀州聞顯忠來，一夕遁去。四州宣撫吳玠遣張振來撫諭云：兩國見議和好，不可生事，可量引軍赴行在。遂至河池縣見玠，玠撫之曰：忠義歸朝，惟君第一。從行使臣崔阜等六百餘人列拜庭下。玠又撫之，犒以銀絹，詣行府受告勅金帶，除指揮使承宣使。至行在高宗無勞再三，賜名加褒，又賜田鎮江。以崔阜輩充將佐，兀朮犯河南，命顯忠為招撫司前軍都統制，與李貴同破靈壁縣。兀朮犯合肥，手詔以軍與張俊會。顯忠至孔城鎮與敵戰，敗之。兀朮謂韓常曰：李世輔歸宋，不曾立功，此人敢勇，宜且避之。乃焚廬江而走。顯忠欲追之，與死戰，俊以奉旨監護，慮失顯忠，遂各以軍還。太后至臨安，顯忠入覲，加保信軍節度使。浙東副總管顯忠熟西邊山川險易，因上恢復策，忤秦檜意。金使言顯忠私遣人過界，遂降官奉祠。台州居住，復寧國軍節度使。升都統制。二十九年，金渝盟，詔顯忠以本部捍禦，遣統制官章永壽等以二百騎至安豐軍，與金將小韓將軍兵五千人戰于大人洲，敗之。俄又增兵萬餘來，顯忠率騎軍出，自旦至午，氣百倍，以大刀斫敵陣，敵不能支，殺獲甚眾，掩入淮者不可計。金主親亮犯淮，西朝廷命王權拒于合肥，權退保和州，又棄軍渡江，和州失守。金主親統細軍駐和之鷄龍山，將濟采石。朝廷詔以顯忠代權，命虞允文趣顯忠交軍。軍中大喜，於是有采石之捷。語在允文傳。顯忠退軍沙上，得楊存中報，車駕至

平江可速進兵顯忠選銳士萬人渡江盡復淮西州郡軍至橫山澗與金射鵰軍戰統制頓過重傷韋永壽死之敵兵敗走金主亮切責諸將不用命諸將弒之而還是役也顯忠所將一萬九千八百六人行賞有差張振功為最詔賜顯忠五十金帶授顯忠淮南制置使京畿等處招討使擢太尉寧國軍節度使主管侍衛馬軍司公事赴行在孝宗即位賜田百頃兼權池州駐劄御前諸軍都統制節制軍馬隆興元年兼淮西招撫使時金主襲新立山東河北蒙傑竊起耶律諸種兵數十萬據數郡之地太行山忠義耿京王世隆輩皆欲舉地還于朝金懼亟請和顯忠陰結金統軍蕭琦為內應請出師自宿亭趨汴由汴京以通關陝關陝既通則鄆廷一路熟知顯忠威名必皆響應且欲起其舊部曲可得數萬人以取河東時張浚開都督府四月命顯忠渡江督戰乃自濠梁渡淮至陡溝琦背約用拐子馬來拒與戰敗之琦復背城列陣顯忠躬率將士鏖戰琦敗走遂復靈壁入城宣布德意不戮一人中原歸附者踵接時邵宏淵圍虹縣未下顯忠遣靈壁降卒開諭禍福金貴戚大周仁及蒲察徒移皆出降宏淵恥功不自己出又有降千戶訴宏淵之卒奪其佩刀顯忠立斬之由是二將益不相能六月兵傳宿州城金人來拒顯忠敗之斬其左翼都統及首虜數千人追奔二十餘里宏淵至謂顯忠曰招撫真關西將軍也顯忠閉營休士為攻城計宏淵等不從顯忠引麾下楊椿上城開北門不踰時拔其城宏淵等殿後趣之乃始渡濠登城城中巷戰又斬首虜數千人擒八十餘人遂復宿州舉寄居官劉時攝州事捷聞授顯忠開府儀同三司殿前都指揮使妻周氏封國夫人宏淵欲發倉儲士卒顯忠不可移軍出城止以見錢犒士士皆不悅金帥率撤自南京率步騎十萬來晨薄城列大陣顯忠親帥軍過于城南戰數十合字撤大敗遂退走統制李福統領李保各以所部退避皆斬以徇翼日敵益兵至顯忠謂宏淵并力夾擊宏淵按兵不動顯忠獨與所部力戰百餘合殺左翼都統及千戶萬戶斬首虜五千餘人俄增兵復來逼城顯忠用克敵弓射卻之宏淵顧眾曰當此盛夏搖扇於清涼猶不堪況烈日中被甲苦戰乎人心遂搖無鬪志至夜中軍統制周宏鳴鼓大譟陽謂敵兵至與邵世雍劉侁各以所部兵

踵繼而統制左士淵統領李彥孚亦遁顯忠移軍入城殿司前軍統制張訓通馬司統制張師顏池州統制葛澤建康統制張淵各遁去金人乘虛復來攻城顯忠竭力捍禦斬首虜二千餘人積屍與羊馬牆平城東北角敵兵二十餘人已上百餘步顯忠取軍所執斧斫之敵始退卻顯忠曰若使諸軍相與犄角自城外掩擊則敵兵可盡金帥可擒河南之地指日可復矣宏淵又言金添生兵二十萬來儻我軍不返恐不測生變顯忠知宏淵無固志勢不可孤立歎曰天未欲平中原耶何沮撓若此是舉所喪軍資器械殆盡幸而金不復南顯忠以軍還見浚納印待罪責授果州團練副使潭州安置後朝廷知其故移撫州乾道改元乃還會稽復防禦使觀察使浙東副總管賜銀三萬兩緡三萬匹綿一萬兩提舉台州崇道觀召除威武軍節度使左金吾衛上將軍賜第京師上奇其狀貌魁傑命繪像閣下復太尉乞祠提舉興國宮紹興府居住歲賜米二千石淳熙四年召赴行在提舉萬壽觀奉朝請入見給真奉賜內庫金再葺前所賜第賜之七月卒年六十九贈開府儀同三司諡忠襄

楊存中本名沂中字正甫紹興間賜名存中代州崞縣人祖宗閔采與軍路總管與唐重同守采與金人陷城迎戰死之父震知麟州建寧砦金人來攻亦死於難存中魁梧沈鷲少警敏誦書數百言力能絕人慨然語人曰大丈夫當以武功取富貴焉用俯首為腐儒哉於是學孫吳法善射騎宣和末山東河北羣盜四起存中應募擊賊積功至忠靖郎靖康元年金人再圍汴京諸道兵勤王存中與張俊田師中從信德府守臣梁楊祖以萬兵入援後隸張俊部曲上問將於俊俊以存中對召見賜袍帶時元帥府草創存中晝夜扈衛寢幄不頃刻去側帝知其中謹親信之劇賊李昱據任城久不克存中以數騎入擊殺數百人帝乘高望見介冑盡赤意其被重創召視之皆污賊血壯之飲以酒曰酌此血漢存中請復往帝止之存中曰此賊膽碎即成擒矣遂大破之復任城還闕門祇候建炎二年討賊除明于嘉興先登主帥將屠城存中力諫止之戮其渠魁而已郡賴以全遷榮州刺史高宗南渡以勝捷軍從張俊守吳門苗劉之變又從俊赴難遷貴州團練使尋為御前右軍統領金人攻明州又從俊與田師

中趙密殊死戰破之。以奇功遷文州防禦使。御前中軍統制紹興元年。從俊討李成。諸將議多欲分道進。存中曰。賊勢如此。兵分則力弱。又諸將位均勢敵。非招討督之。必不相爲用。俊然之。整軍至豫章。存中率兵數千。首破賊于玉隆觀。追至筠州。賊驍將以衆十萬來撲。夾河而營。存中謂俊曰。彼衆我寡。擊之當用奇。願以騎見屬。公以步兵居前。俊從之。存中夜銜枚渡筠河。出西山。馳下擊賊。俊以步兵夾攻。俘八千人。諸將夜見存中曰。戰未休。降卒多忽。有變奈何。非盡殲之不可。存中曰。殺降。吾不忍。諸將轉告。後竟夜坑之。乘勝追至九江。成遂遁去。遷宣州觀察使。二年春。進神武中軍統制。宰相呂頤浩袖勅以授存中。俊奏留存中軍中。上曰。宿衛乏帥。朕所選爲不可易也。存中亦固辭。且謂神武諸帥如韓世忠。張俊。皆貴擁旄。鉞名望至重。如臣么麼。一旦位與之抗。實不自安。不許遣中使宣押。乃視事。兼提舉宿衛親兵。時中軍卒不滿五千。疲瘠者居半。存中請拘神武卒。借出於外者。歸軍中。由是軍政寔修。三年。嚴州妖賊繆羅據白馬源。殺王官。存中討平之。除帶御器械。加保信軍承宣使。權發遣鄜延路馬步軍副總管。六年。爲龍神衛四廂都指揮使。密州觀察使。先是張俊視師。謀渡淮以圖劉豫。倚韓世忠爲用。世忠圍淮陽。從俊乞張俊將趙密爲助。俊拒之。趙鼎語俊曰。世忠所欲者趙密爾。存中武勇不減於密。蓋令存中助之。俊請於朝。故有是命。於是存中以八隊萬人。趨督府助世忠。十月。存中與劉銳戰于藕塘。大破之。銳之初入也。淮西宣撫使劉光世欲棄廬州。環保太平。賊衆十萬。已次濠壽間。俊命張俊拒之。使存中往泗州與俊合。及至泗。則光世已舍廬去。俊遣人諭之曰。一人渡江。卽斬以徇。光世不得已。還廬駐兵。與存中相應。賊先犯定遠縣。存中以兵二千襲敗于越家坊。既而與銳兵遇藕塘。據山列陣。矢下如雨。存中急擊之。且使統制吳錫以勁騎五千突其陣。陣亂。存中鼓大軍乘之。自以精騎衝其脅。大呼曰。破賊矣。賊錯愕駭視。前軍統制張宗顏自泗來。乘背擊之。賊大敗。銳以首抵謀主李愕曰。適見髯將軍銳不可當。果楊殿前也。卽以數騎遁去。餘黨萬人。僞立失措。存中躍馬叱之。皆怖而降。躡在順昌。孔彥舟方圍光州。聞之。皆拔砦遁去。北方大恐。所得賊舟數百艘。車數千輛。捷聞。帝遣中使勞

賜。謂宰執曰。卿輩始知朕得人也。除保成軍節度使。殿前都虞候。尋兼領馬步帥。存中奏。祖宗置三衙。鼎列相制。今令臣獨總。非故事也。不九七年。爲淮南西路制置使。將以撫定鄴瓊諸軍。不果行。語在王德傳。九年。遷殿前副都指揮使。十年。金人叛盟。取河南。命存中爲淮北宣撫副使。引兵至宿州。以步軍退屯于泗。金人詭令來告。敵騎數百屯柳子鎮。存中欲卽擊之。或以爲不可。存中不聽。留王滋蕭保以千騎守宿。自將五百騎夜襲柳子鎮。黎明不見敵。而還。金人以精兵伏歸路。存中知之。遂橫奔而潰。參議官曹勛不知存中存亡。以聞。朝廷震恐。於是。有權宜退保之命。既而存中自壽春渡淮歸泗。人心始安。冬。引兵還行在。十一年。兀朮取順昌之敗。復謀來侵。詔大合兵于淮西以待之。於是存中以殿司兵三萬卒。成淮與金人戰于柘皋。敗之時。張俊爲宣撫使。存中爲副使。劉錡爲判官。王德爲都統制。田師中張子蓋爲統制官。金人以拐子馬翼進。存中曰。敵恃弓矢。吾有以屈之。使萬人操長斧如牆而進。諸軍鼓譟奮擊。金人大敗。退屯紫金山。是役也。失將士九百人。金人死者以萬計。而濠圍猶未解。俊與存中。錡先議班師。會有云。濠路已通者。俊謂錡曰。吾欲與楊太尉耀兵淮上。安撫濠梁之民。取宣化歸金陵。楊太尉則渡瓜州還臨安。明日。命二帥行。譟報金攻濠。甚急。倉皇復回。邀錡會于黃連埠。距濠六十里。聞城陷矣。召存中。錡謀之。錡謂存中何以處此。存中曰。戰爾。相公與太尉在後。存中當居前。錡曰。本來救濠。濠旣已失。進無所依。人懷歸心。勝氣已索。此危道也。不若退師據險。俟其去爲後圖。諸將皆曰。善。鼎足而營。遣人俟敵。曰。已去矣。俊自以爲功。謂錡毋往。命存中與德偕至濠。列陣未定。烟起。城中金人伏騎萬餘分兩翼出。存中顧德曰。何如。德曰。德小將。焉敢預事。存中以策應軍。曰。那回。諸軍以爲令其走也。遂散亂。南奔。無復紀律。金人追殺甚衆。後一日。韓世忠大軍至。已無及矣。存中乃自宣化渡江歸行在。加檢校少保。開府儀同三司。兼領殿前都指揮使。蓋錄拓臯之功。而檢濠梁之敗也。十二年。徽宗梓宮攢永固陵。命存中都護。竣事。拜少傅。以保傅爲管軍。自存中始。十四年。存中請諸太學。謁先聖。帝曰。學校旣興。武人亦知崇尚。如漢羽林士。皆通孝經。況其他乎。二十年。封恭國公。二十八年。拜少師。

思數視樞密使存中以凡重地皆有統制官獨荆襄無之請于朝於是荆南襄陽初置諸統制存中在殿嚴凡二十五載權寵日盛太常寺主簿李浩敕令所刪定官陸游司封員外郎王十朋殿中侍御史陳俊卿相繼以為言三十一年罷為太傅醴泉觀使進封同安郡王賜玉帶朝朝望時金主亮有南侵意存中上備敵十策步帥趙密謀奪存中權因指為喜功生事存中聞之上章乞免密竟代之未幾邊聲日急九月詔存中為御營宿衛使劉汜戰敗于瓜州命存中往京口為守江計虞允文自采石來會存中與之協力拒敵敵不能濟金主亮死與允文輕舟渡江以伺敵及金人請和存中奏俟彼得新主之命無違許之帝如建康詔存中扈蹕因語宰相曰楊存中唯命東西忠無與二朕之郭子儀也金使復請和存中請拘之江口移書審問若能歸我族屬還舊壤損歲幣復白溝之界以通兄弟之好如是則和議可從不然請斬其使亟圖恢復會駕還以存中為江淮荆襄路宣撫使給舍不書黃金命遂寢未幾仍奉祠隆興元年王師潰于符離復起存中為御營使二年金人再入關議割蜀之和尙原以畀之存中入對曰和尙原隴右之藩要也敵得之則可以睥睨漢川我得之則可以下兵秦雍曩議于金人吳璘力爭不從今璘在遠不及知臣若不言非特負陛下亦有媿於璘近者王師盡銳而後得願毋棄未幾金人復攻淮甸詔存中同都督江淮事湯思退罷升都督陞辭賜坐賜玉鞍勒時諸軍各守分地不相統一存中集諸將調護之於是始更相為援帝親札賜之曰諸師協和互相策應卿之力也會金兵已深入朝議欲舍淮保江存中持不可乃已金兵在揚州或勸存中擊之存中不敢渡獨臨江固壘以老之金人尋請盟乾道元年班師加昭慶軍節度使復奉祠時與屯田存中獻私田在楚州者三萬九千畝二年卒年六十五以太師致仕追封和王謚武恭高宗追念舊臣為之出涕賻錢十萬高宗假借諸將眷存中尤深嘗曰朕於存中撫綏之過於子弟濠廬之役親筆戒之曰若不便進當行軍法趙密代領殿帥則舉唐崔祐甫奪王駕鶴兵權事豫戒大臣及竣事又曰楊存中之罷朕不安寢者三夕存中天資忠孝敢勇大小二百餘戰身被五十餘創宿衛出入四十年最寡過孝宗以為舊臣尤禮異

之常呼郡王而不名父祖及母皆死難存中既顯請于朝宗閱謚忠介震謚忠毅賜廟曰顯忠曰報忠又以家廟祭器為請遂許祭五世前所無也祖母劉流落蜀隴存中日夜禱祠訪問間關數千里卒迎以歸御軍寬而有紀所用將士專以才勇選不私部曲之舊李顯忠以罪斥存中奏為統制官後為名將嘗以射敵弓雖勁而張張難遂以意創馬皇弩思巧製工發易中遠人服其精嘗營居鳳山十年而就極山川之勝後獻於朝廷更築室焉又葺園亭于湖山之間高宗為書水月二字所居建閣以藏御書孝宗題曰風雲慶會之閣子俊工部侍郎俟簽書樞密院事昭慶軍節度使

郭浩字充道順德軍隴千人父任三班奉職徽宗時充環慶路第五將部將嘗率百騎抵靈州城下夏人以千騎追之浩手斬二騎以首還充渭州兵馬都監從神師道進築葺平砦敵據塞水源以渴我師浩率精騎數百奪之敵攻石尖山浩冒陣而前流矢中左脇怒不拔奮力大呼得賊乃已諸軍從之敵遁去由是知名累遷中州刺史欽宗即位進安州團練使以神師道薦召對奏言金人暴露日久思歸乞給輕兵間道馳滑臺時其半度可擊也會和戰異議不能用帝問西事浩曰臣在任已聞警慮夏人必乘間盜邊正選將設備已而果攻涇原路取西安州懷德軍紹聖開拓之地復盡失之神師中制置河東辟以自隨建炎元年知原州二年金人取長安涇州守臣夏大節棄城遁郡人亦降浩適夜半至郡所將財二百人得金人不殺使之還曰為語汝將曰我郭浩也欲戰即來決戰金人遂引去升本路兵馬鈐轄知涇州權主管鄜延路經略安撫時二敵交侵鄜延之東皆金人西北即夏境其屬朝廷者惟保安一軍德靜一砦浩聞道之德靜置司招收散亡與敵對壘一年敵不能犯再除涇原路兵馬鈐轄知涇州浩去夏人復來權帥耿友諒僅以身免一路盡陷張浚為宣撫處置使以浩為秦鳳路提點刑獄權經略使知秦州時浚經略陝西有言敵可討者浚意向之諸帥恥於不武莫敢出言浚檄五路帥悉所部兵會于富平浩獨謂敵鋒方銳且當分守其地犄角相援浚不聽師出果敗五路俱陷帥府皆徙置他所浚復以浩舊官移知鳳翔府寓治寶雞縣又退保和尙原金人

抵原下浩與吳玠隨方擇禦局以安全第功遂正任防禦使紹興元年金人破
饒風嶺盜梁洋入鳳州攻和尙原浩與吳玠往援斬獲萬計遷邠州觀察使徙
知興元府饒民相聚米倉山爲亂浩討平之徙知利州金人以步騎十餘萬破
和尙原進窺川口抵殺金平浩與吳玠大破之遷彰武軍承宣使玠按本路提
點刑獄宋萬年陰與敵境通利所鞠不同由是與浩意不協朝廷乃徙浩知金
州兼承興軍路經略使金州殘弊特甚戶口無幾浩招輯流亡開管田以其規
置頒示諸路他軍以匱急仰給朝廷浩獨積贏錢十萬緡以助戶部朝廷嘉之
凡有奏請得以直達九年改金洋房州節制金人遷河南地以浩爲龍神衛四
廂都指揮使充陝西宣諭使知金州樓昭行關中辟浩樞密院都統制節制陝
西軍馬十年拜奉國軍節度使五路陷徙知夔州未行移知金州仍承興路經
略安撫使節制陝西河東兼措置河東路忠義軍馬十一年金人內侵宣撫使
胡世將召浩及吳玠楊政會仙人原授以攻取之策浩遣裨將設伏破之十四
年召見拜檢校少保還鎮賜以御府金器繡鞍仍官一子文資賜田五十頃浩
辭曰臣父子起身行陣不敢忘本願還文資帝嘉其意別與一子閣職是歲分
利州爲東西兩路以浩爲金房開達州經略安撫使兼知金州樞密院都統
制屯金州仍建帥府十五年卒年五十九贈檢校少師諡恭毅淳熙元年賜立
廟金州

楊政字直夫原州臨涇人崇寧三年夏人舉國大入父忠戰歿政甫七歲哀號
如成人其母奇之曰孝於親者必忠於君此兒其大吾門乎宣和末應募爲弓
箭手靖康初因拒夏人稍知名建炎間從吳玠擊金人九戰九捷累功至武顯
郎紹興元年春金人趨和尙原又攻箭管關政引兵大破之斬千戶一酋長二
遷右武大夫十月金兵大集號十萬自寶雞列柵至原下吳玠與相持累日以
政統領將兵迎敵日數十合士卒無不一當百復出奇兵斷其糧道敵少却遮
擊之獲萬戶及首領三百餘人甲士八百六十人拜恭州刺史時有嫉政者以
母妻尙留北境不宜屬以兵權玠不聽政益感奮二年金合步騎數千柵魚龍
川口政帥精兵劫破之升隴州團練使移知方山原軍儲芻穀在其中三月金

大軍來攻城且下政擊敗之遷知鳳州三年金攻饒風屬政從玠戰關下凡六
日改明州觀察使四年撤離喝哀精兵十萬欲道仙人關入蜀至上奮田玠策
壘于關外政曰此地爲蜀扼塞當堅守時出奇擊之玠用其言金人變態多端
政隨機應之連日百餘戰敵帥督戰益急政命卒以神臂弓射之又選甲士千
餘出山谷斷其兵使不得進退又出敵不意夜斫其營敵遂遁去追至河池而
還授龍神衛四廂都指揮使環慶路經略安撫使五年金人攻淮玠命政帥師
乘機牽制至秦州一戰而拔撫定居民秋毫無犯改經略安撫涇原兼帥環慶
利路三鎮事叢集剖決無滯母留敵境聞遣人省視之母惟勉以忠義九年春
和議成始得迎母及兄弟歸乞祠以便養不許詔封其母感義郡夫人以政爲
熙河蘭鞏路經略安撫使知熙州進武康軍承宣使十年徙利州又徙興元會
金人渝盟政建迎敵之策兼川陝宣撫副使司都統制政偕統制楊從義劫金
人于鳳翔府城南營敗之獲戰馬數百母卒起復遂帥師趣寶雞渭水上以拒
敵衝凡大戰七斬獲甚多川陝宣撫副使胡世將奏鳳翔之捷政奮不顧身功
效顯著拜武當軍節度使十一年秋金將胡蓋習不祝合軍五萬來攻政與吳
玠郭浩會于仙人原世將授以攻取之策政出和尙原浩出商州以爲援玠駐
秦州政引兵夜入隴州界遂趨吳山與金人對壘又敗金萬戶通檢于寶雞時
通檢居渭北政欲攻拔其城通檢將精甲萬衆出政帥勇士鏖戰遣裨將突出
陣後登山執幟金軍見之大呼曰伏發矣乃驚潰政乘勝掩殺通檢走至城門
而橋已絕遂擒之和議成帝召政還軍民詣部使者借留及入見條奏詳明帝
善之十二年遷鎮加檢校少保賜田五十頃十四年分利州爲東西兩路政屯
興元府久之拜太尉二十七年卒年六十贈開府儀同三司諡襄毅政守漢中
十八年六堰久壞失權漑之利政爲修復漢江水決爲害政築長堤捍之凡利
於民者不敢以軍旅廢休兵十餘年未嘗升遷將士上下安之政故爲吳玠裨
將及與玠分道建帥執門下之禮益恭世頗賢之

論曰李顯忠生而神奇立功異域父子破家殉國志復中原中權議構屢遭廢
黜傷哉楊存中出入淮甸無大勝負典兵最久貴寵獨隆然頗能知幾不陸禍

敗其亦有天幸者歟郭浩楊政克左右玠璘兄弟保全川蜀數君子皆人所屬
倚以成功者奈何撓於和議頻失事機人心沮喪不得如吉甫方叔受社振旅
以成中興之業惜哉

宋史卷三百六十七

元中書右丞相總裁脫脫等修

列傳第一百二十七

王德

王彥

魏勝

張憲

楊再興

牛皋

胡閔休

王德字子華通遠軍熟羊砦人以武勇應募隸熙帥姚古會金人入侵古軍懷澤間遣德諫之斬一酋而還補進武校尉古曰能復往乎德從十六騎徑入隆德府治執偽守姚太師左右驚擾德手殺數十百人衆愕眙莫敢前古械姚獻于朝欽宗問狀姚曰臣就縛時止見一夜耳時遂呼德爲王夜義建炎元年以勳王師倍道趨關改隸劉光世平濟南寇李昱池陽寇張遇光世將先鋒討李成德以百騎規賊至蔡州上蔡驛口橋賊疑爲誘騎擁衆欲西德麾騎大呼曰王師大至矣賊駭遁追殺甚衆成奔新息散卒復戰賊見光世張蓋行陳不介冑知爲主帥併兵圍之德突圍擁光世還軍遂襲敗李成授武略大夫三年春還前軍統領屯天長金人攻楊州西軍多潰德趨宣化會叛將張昱張彥圍和州太守張績求援於德德兵傅城下賊不意其至大潰遲明接戰斬昱俘其兵騎萬數濟自采石光世方謀討苗劉之逆迎至建康謂德曰江都之擾諸軍不竄則盜公可仗義夜涉大江徇國急變遂以軍屬光世會苗劉走閩中詔德追擊韓世忠德欲自致功名而世忠必欲德爲之使遣親將陳彥章邀德於信州彥章拔佩刀擊德德殺彥章尸諸市德至浦城斬苗璠擒馬柔古送行在世忠訟其擅殺下臺獄侍御史趙鼎按德當死帝命特原之編管郴州時光世屯九江得楊惟忠所矢空頭黃敕即以便宜復德前軍統制遣平信州妖賊王念經行文次饒州會賊劉文舜圍城德引兵赴之文舜請降德納而誅之自餘不戮一人謂諸校曰念經聞吾宿留必不爲備倍道而趨一鼓擒之獻俘于朝詔還舊秩加武顯大夫榮州刺史四年光世鎮京口以德爲都統制金兵復南光世將退保丹陽德請以死捍江諸將特以自彊分軍扼險渡江襲金人收真揚數郡既而又遇敵于揚州北有被重鎧突陣者德馳叱之重鎧者直前刺德

德揮刀迎之即墮馬衆視駭因摩騎乘之所殺萬計紹興元年平秀州水賊邵青初德與戰于崇明沙湖執旗麾兵拔柵以入青軍大潰他日餘黨復索戰謀言將用火牛德笑曰是古法也可一不可再今不知變此成擒耳先命合軍持滿陳始交萬矢齊發牛皆返奔賊衆殲焉青自縛請命德獻俘行在帝召見便殿問勞賚賞特異遷中亮大夫同州觀察使三年光世宣撫江淮當移屯建康命韓世忠代之德從數十騎自京口逆世忠度將及麾下徒步立道左抗言曰擅殺陳彥章王德迎馬頭請死世忠下馬握其手曰知公好漢鄉來纖介不足真懷乃設酒盡歡而別是冬知鞏州熙河蘭廓路兵馬鈐轄明年春知蘭州徙屯池陽及當塗爲行營左護軍前軍統制金兵掠江北破滁州德越江襲奪之追至桑根擒女真萬戶盧宇一人千戶十餘人五年改環慶副總管六年冬劉豫遣麟州驍騎兵三十萬分東西道入寇中外甚恐議欲爲保江計殿帥楊沂中統制張宗顏田師中及德等分兵禦之大敗兇兵于藕塘擬挺身走麟在順昌聞之亦拔砦遁德追至壽春弗及獲其糧舟四百艘第功除武康軍承宣使真拜相州觀察使七年改熙河蘭廓路副總管行營左護軍都統制駐師合肥會光世罷官撫詔德盡護其衆以鄆瓊副之瓊與德故等夷恥居其下率衆叛從劉豫八年命隸張俊各其軍曰銳勝十年解頰昌圍俊檄德就取宿州德倍道自壽春馳至蘄縣與敵游騎遇遂入城偃旗鼓騎引去因潛師宿州夜半薄賊營敵將高統軍詰朝壓汴而陳僞守馬秦同知耶律溫以三千人阻水邀戰德策馬先濟步騎從之遙謂賊曰吾與金人大小百戰雖名王貴酋莫不糜碎爾何爲者賊遂投兵降馬秦耶律溫馳入閉門城守德至呼秦諭以逆順乃自縊而下德叱其子順先登秦率溫降遣詣行在德乘勝趨亳州俊會于城父時叛將鄆瓊屯亳聞德至謂三路都統制曰夜义未易當也遂遁德入亳州白俊曰今兵威已振請乘破竹之勢進取東都俊難之乃班師策功第一拜興寧軍承宣使龍神衛四廂都指揮使再遷侍衛親軍馬步軍都虞侯封隴西郡侯十一年金人自合肥入侵游騎及江俊議分軍守南岸德曰淮者江之蔽也棄淮不守是謂唇亡齒寒也敵數千里遠來餉道決不繼及其未濟急擊之可以

奪氣若遲之使稍安則淮非吾有矣俊猶豫未許德請益堅曰願父子先越江
俟和州下然後宣撫北渡俊乃許德即渡采石俊督軍繼之宿江中德曰明日
當會食歷陽已而夜拔和州晨迎俊入敵退保昭關又擊走之追至柘臯與金
人夾河而軍諸將皆集惟張俊後至統制田師中欲待之德怒曰事當機會
復何待徑上馬兀兀以鐵騎十餘萬夾道而陣德曰賊右陣堅我當先擊之
軍渡橋首犯其鋒一會被甲躍馬始出德引弓一發而擊乘勝大呼令萬兵持
長斧如牆而進敵大敗退屯紫金山德復尾擊之劉琦謂德曰昔聞公威略如
神今果見之請以兄禮事召拜清遠軍節度使建康府駐劄御前諸軍都統制
歷浙東福建總管荆南副都統制二十五年卒贈檢校少保再贈少傅二子琪
順亦以驍勇聞

王彥字子才上黨人性豪縱喜讀韜略父奇之使詣京師隸弓馬子弟所徵宗
臨軒閱試補下班祗應為清河尉從涇原路經略使和師道兩入夏國有戰功
金人攻汴京彥慨然棄家赴關求自試討賊時張所為河北招撫使異其才擢
為都統制使率裨將張翼白安民岳飛等十一將部七千人渡河與金人戰敗
之復衛州新鄉縣傳檄諸郡金人以為大軍至率數萬眾薄彥壘圍之數匝彥
以眾寡不敵潰圍出諸將散歸彥獨保共城西山遺腹心結兩河豪傑圖再舉
金人購求彥急彥慮變夜寢屢遷其部曲覺之相率刺面作赤心報國誓殺金
賊八字以示無他意彥益感勵撫愛士卒與同甘苦未幾兩河響應忠義民兵
首領傳選孟德劉澤焦文通等皆附之眾十餘萬綿亘數百里皆受彥約束金
人患之召其首領俾以大兵破彥壘首領跪而泣曰王都統皆堅如鐵石未易
圖也金人乃聞遣勁騎撓彥糧道彥勒兵待之斬獲甚眾益治兵刻日大舉告
期於東京留守宗澤澤召彥會議乃將兵萬餘渡河金人以重兵襲其後而不
敢擊既至汴京澤大喜令彥宿兵近甸以衛根本彥即以所部兵馬付留守司
量帶親兵趨行在時已遣宇文虛中為祈請使議和彥見黃潛善汪伯彥力陳
兩河忠義延頸以望王師願因人心大舉北伐言辭憤激大忤時相意遂降旨
免對以彥為武翼郎閣門宣贊舍人差充御營平寇統領時范瑋為平寇前將

軍彥知瓊有逆節稱疾不就乞致仕許之知樞密院事張浚宣撫川陝奏彥為
前軍統制浚與金會襄宿相持于富平欲大舉初至漢中會諸將議彥獨以為
不可曰陝西兵將上下之情皆未相通若少不利則五路俱失不若且屯利關
與洋以固根本敵入境則檄五路兵來援萬一不捷未大失也浚幕府不然其
言彥即請為利路鈐轄俄改金均房州安撫使知金州時中原盜賊蠭起加以
饑饉無所資食惟蜀富饒巨盜往往窺覷桑仲既陷淮安襄陽乘勢西向均房
失守直搗金州白土關眾號三十萬仲彥舊部曲也以申禱請於彥曰仲於公
無敢犯願假道入蜀就食耳彥乃遣統領官門立為先鋒擊之賊銳甚立戰死
將士失色或請避之彥叱曰樞相張公方有事關陝若仲越金而至梁洋則腹
背受敵大事去矣敢言避者斬即勒兵趨長沙平阻水據山設伏以待賊見官
軍少蟻附搏戰彥執幟一麾士殊死鬪賊敗走彥休士進擊追奔至白磧復房
州紹興元年九月權京西南路副總管李忠反擾京西遂攻金州諸關賊眾皆
河朔人驍果善戰彥與戰不利關陷彥退屯秦郊令將士盡伏山谷間焚秦郊
積聚偽若遁者秦郊距郡城二十里路坦夷彥募敢死士易靡幟設奇以待闖
再宿賊至秦郊官軍逆戰大敗之追襲至秦嶺遂復乾祐縣以歸忠走降劉豫
初桑仲既敗還襄陽乃鳩集散亡陷鄧州凶焰復熾南攻德安西據均陽分眾
三道一攻注口關一出馬郎嶺一擣洵陽前軍去金州不三十里彥曰仲以我
寡彼眾故分三道以離吾勢法當先破其堅則脆者自走遣副將焦文通禦注
口自以親兵營馬郎嶺相持一月大戰六日賊大敗仲為其下所殺又有王闢董
貴祁守中阻兵窺蜀勢雖不及桑仲然小者猶不減數萬彥悉討平之是冬偽
齊秦鳳經略使郭振以數千騎掠白石鎮彥與關師古併兵禦之賊大敗獲振
復秦州張浚承制以彥節制商號陝華州軍馬三年正月兀兀入侵浚召彥與
吳玠劉子羽會于興元撤離島自上津疾馳不一日至洵陽統制官郭進死之
彥退保石泉縣金人入金均彥趨西鄉二月金人攻饒風關彥與吳玠禦之不
能却關破彥收餘兵奔達州五月彥遣兵至漢陰縣與劉豫將周貴戰大敗之
復金州浚承制進彥保康軍承宣使兼宣撫司參議彥不受五年四月差知荆

南府充歸峽荆門公安軍安撫使。彥因荆南曠土，措置屯田，自蜀買牛千七百頭授官兵耕營田八百五十頃，分給將士有差。六年二月，知襄陽府京西南路安撫使，彥以岳飛嫌辭，浚奏彥為行營前護副軍都統制，督府參謀軍事。六月，以八字軍萬人赴行在，至鎮江，聞母喪，上疏乞解官，不許，詔免喪服趣入對，遂以為浙西淮東沿海制置副使，以所部屯通州之料角。七年正月，彥因遣將捕亡者於解潛軍中，軍士交關於市，言者論其軍政不肅，秩跌二等。彥不自安，乞終餘服。二月，復洪州觀察使，知邵州，彥入辭，帝撫勞甚厚，曰：「以卿能牧民，故付卿便郡，行即召矣。」九年，卒于官，年五十。彥稱名將，當建炎初，屢破大敵，威聲振河朔，時方撓於和議，遽召之還，又奪其兵柄，而使之治郡，士議惜之。彥事親孝，居官廉，子弟有戰功，不與推賞，將死，召其第姪，以家財均給之。

魏勝，字彥威，淮陽軍宿遷縣人，多智勇，善騎射，應募為弓箭手，徙居山陽，紹興三十一年，金人將南侵，聚芻糧，造器械，籍諸路民為兵，勝躍曰：「此其時也。」聚義士三百，北渡淮，取漣水軍，宣布朝廷德意，不殺一人，漣水民翕然以聽，遂取海州，郡守渤海高文富聞勝起，遣兵來捕，勝距海州南八十里，大伊與金兵遇，勝迎擊走之，追至城下，眾驚傳水陸悉有兵，城中大恐，文富閉門守，驅民上城禦之，勝令城外多張旗幟，舉煙火為疑兵，又遣人向諸城門，諭以金人棄信背盟，無名與師，本朝寬大愛民之意，城上民聞之，即開門，勝遣勇銳者登城樓，餘自門入，莫有禦者，獨文富與其子安仁率牙兵拒守，勝整軍與安仁父子戰，譙門內殺安仁及州兵千餘，擒文富，民皆按堵，勝權知州事，遣人諭胸山懷仁沐陽東海諸縣皆定，乃蠲租稅，釋罪囚，發倉庫，犒戰士，分忠義士為五軍，紀律明肅，部分如宿將，勝自兼都統制，益募忠義，以圖收復，遠近聞之，響應，旬日得兵數千，即具其事報境上帥守，冀給軍裝器甲，時帥守雖知金人將渝盟，未有發其端者，莫敢以聞，左軍統制董成謀出西北取沂州，勝先遣間道，知金兵數萬至沂，以我軍器甲未備，戒成勿動，成不從，勝率所部千餘人直入沂州巷戰，殺其守及軍士三千，餘眾悉降，得器甲數萬，金人生兵復集，競登屋擲瓦擊之，成軍幾敗，勝欲斬成，以其驍勇釋之，金人遣同知海州事蒙恬鎮國以兵萬餘取海

州，抵州北二十里新橋，勝帥兵出迎之，設伏于隘，陣以待，眾殊死戰，伏發，賊大敗，殺鎮國，馘千人，降三百人，軍聲益振，山東之民，咸欲來附，勝傳檄招諭，結集以待王師之至，沂民壁蒼山者數十萬，金人圍之久不下，嘗首勝，告急於勝，勝提兵往救之，陣于山下，金人多伏兵，勝兵遇伏，皆赴砦，金人襲之，勝單騎而殿，以大刀奮擊，金人望見，勝知其為將也，以五百騎圍之，數重，勝馳突四擊，金陣開復闔，戰移時，身被數十創，冒刃出圍，金兵追之，馬中矢踣，步而入砦，無敢當者，金人又急攻，絕其水，砦中食乾糲，殺牛馬飲血，勝默禱而兩驟作，金人攻益急，周山為營，勝度其必復攻海州，因間出砦趨城中，金人果解蒼山圍，自新橋抵城下，勝出戰，皆捷，金分兵四面攻之，勝募士登城，以禦矢石，如兩者七日，金兵死傷多遁去，勝嘗出戰，矢中鼻，齒不能食，猶親禦戰，勝起義久，朝廷尚未知沿海制置使李寶遣其子公佐由海道謁敵，至州始道忠義將朱震，褚道詣行在，白勝姓名于執政，始知勝之功焉，金主亮舉兵渡淮，慮勝晚其後，分軍數萬來攻，會李寶帥舟師往膠西，破金人舟艦，勝遣人邀之，同擊金人于浙橋，大敗之，金兵未退，寶知金舟將遁，復以兵登舟備海道，金主初命造海艦，欲分軍入蘇杭，悉以中原民操舟，民家送衣裘者相告語，俟王師至，即背之，及寶舟入島中，適北風勁，舟不進，有頃，反風，金人艤舟于岸，操舟者望見寶舟，謬云：「此金國兵也，俾皆入舟中，舟忽至，金人不知，寶縱火焚其舟，舟以赤油絹為帆，風順火熾，操舟者皆登岸走，金兵在舟中者坐以待縛，載之檻車，悉獲其舟，寶既捷，勝亦遣州為捍禦計，金兵至營于城北砂巷，列陣將攻關門，先遣人說勝使降，勝開門出諭之曰：「汝主叛盟失信，無故與兵，我朝以仁義之師來，復舊疆，汝主渡淮必敗，爾等宜早來歸，必獲爵賞。」時金兵已逼關，勝登關門，張樂飲酒，犒軍士，令固守勿出戰，金兵攻之踰時，乃少遣士出，憑險監擊之，金人知不可，攻率軍轉而渡河，襲關後，勝斂兵入城，金兵追將及勝，獨乘馬逐之，叱曰：「魏勝在此，聞之皆辟易。」士卒後入者不復敢追，勝軍以入城，金兵徑趨城東，欲過砂堰圍城為營，勝先已據堰備之，金軍不得過，拒戰竟日，終不能近，有新募士守河者，不知金兵遠過河，勝恐絕河路，亟收軍入城，金兵追至東門外，黃土坂，勝

單騎逐之，大叱之，金兵五百皆望風退。勝又追十數里，士得入城，有不得入者，由城南入西門，金兵復自西南來襲，勝從後叱之，金兵駭散，手殺數人，奏功授閣門祇候。差知海州兼山東路忠義軍都統，遣其子昌、同峒、崑山首領張榮，持旗榜往結山東忠義。金兵自新橋關子門砂堰之敗，殺傷者衆，一日黎明，乘昏霧四面薄城，急攻勝，激厲士卒，竭力捍禦，矢石交下，城上鎔金液投火牛，金兵不能前，多死傷。乃拔砦走，距海州爲長垣，包州城于中，使不能出。及亮死，乃解去。勝善用大刀，能左右射，旗揭曰：山東魏勝，金人望見，即退走。勝爲旗十數，書其姓名，密付諸將，遇慶戰，即揭之。金兵悉避走。初，勝起義時，無州郡糧餉之給，無府庫倉廩之儲。勝經畫市易，課酒權鹽，勸糶豪右，環海州度視敵兵攻取處，築城浚隍，塞關隘。在軍未嘗一日懈弛，恆如寇至，方糾集遠邇，犒勞士卒，期約有日，會金主亮被弑，金兵北歸，王師亦南還矣。初，亮聞勝在海州，知不可取，曰：少須，他時取之易耳。亮既殞，勝益得自治軍旅，人皆精銳，獲金謀者，犒以酒食，厚賂遺還，有自北方來歸者，與之同臥起，共飲食，示以不疑。周其糗餼，使之感激。自是山東河北歸附者衆，得金人虛實，悉以上聞。又第其忠義士功能，假授官資。因李寶轉達于朝，悉如所請。金人遣山東路都統總管以兵十萬攻海州。時寶帥海舟水陸並進，抵城北砂砦，勝率衆合寶軍大破之，斬首不可計。堰水爲之不流，餘悉奔潰。勝獨率兵追北二十里，至新橋，又破之，盡獲其鞍馬器甲。寶亦駐海州，爲進取計。金人復遣五斤太師發諸路兵二十餘萬來攻海州，先遣一軍自州西南斷勝軍餉道，勝擇勇悍士三千餘騎，拒于石圍堰。金軍不能進，逮夜始還，留千人備險隘。金兵十萬來奪，勝率衆鏖戰，殺數千人。餘皆遁去。下令守險勿追，報寶以防海道登舟，不復發兵。金兵感集，勝力拒之，自旦至暮，金兵不能奪。勝令步卒整隊前行，自爲殿。時百姓以寶既登舟，懼金兵大至，皆欲入城，統制郭蔚閉城門不納。人民牛馬蔽野，呼號動地。城中亦懼，勝入城，諭以賊勢退怯之狀，固守可保無虞，乃開門盡納之。居無何，金兵環城圍數重，勝與郭蔚分兵備禦，偃旗仆鼓，寂若無人。金軍驚疑，數日不敢攻。已乃植雲梯，置砲石四面合圍，負土填壕，勝俟其近城，鳴鼓張旗，矢石俱發，繼以火牛金液。

凡三晝夜，金兵竟不能近。於是罷攻，修營壘，絕河道，謀爲固守。勝俟其不備，掩擊，或獨出擾之，使不得休息。又聞夜發兵劫其營，或焚其攻具，既而金人併力急攻，勝告急於李寶，寶以聞，還報城中已命張子蓋率兵來解圍。金人亦知子蓋軍且至，已有退意。頃之子蓋先帥騎兵至，勝出與子蓋議戰事，且促其步卒。勝出軍城北砂砦，與金軍大戰，斬首不可計。追數十里，餘兵皆遁。勝與子蓋議進討，子蓋曰：受詔解圍，不知其他，遂率軍還。城中疑懼，欲隨王師出，勝親邀於道而諭之。至漣水軍與偕還，時都督張浚在建康，招勝詢以軍務，轉閣門宣贊舍人。差充山東路忠義軍都統制，兼鎮江府駐劄御前軍統制。仍知海州。勝還，隆興元年詔以鎮江御前同統制魏全來守海州，督府亦遣賈和仲充山東河北路招撫使，節制本路軍馬。海州駐劄和仲，忌勝陰誘忠義軍使不安，勝與辨是非，和仲又譏勝於都督，惑之呼勝至鎮江，計事罷其職，改京東路馬步軍副總管，都督府統制，建康府駐劄，既而督府知和仲所誣，罷之，復勝舊職。仍遣鎮江御前後軍屯海州，代前軍還鎮江。勝既還海州，鎮撫一方，民安其政。改忠州刺史。海州城西南枕孤山，敵至登山瞰城中，虛實立見。故西南受敵最劇，勝築重城，圍山在內，寇至則先據之，不能害。勝嘗自創如意戰車數百兩，砲車數十兩，車上爲獸面木牌，大槍數十，垂氈幕軟牌，每車用二人推，數可蔽五十人。行則載輜重器甲，止則爲營，掛搭如城壘，人馬不能近。遇敵又可以禦箭鏃，列陣則如意車在外，以旗蔽障，弩車當陣門，其上置床子弩，矢大如鑿，一矢能射數人。發三矢可數百步，砲車在陣中施火石，砲亦二百步，兩陣相近，則陣間發弓弩箭砲，近陣門則刀斧槍手突出，交陣則出騎兵兩嚮，掩擊得捷，拔陣追襲。少却則入陣間稍憩，士卒不疲，進退俱利。伺便出擊，慮有拒遏，預爲解脫計。夜習不使人見，以其製上于朝，詔諸軍遵其式造焉。二年，以議和撤海州戍，命勝知楚州。以本州官吏及部兵赴新治，詔勝同淮東路安撫使劉寶，知高郵軍。劉敏措置盱眙軍楚州一帶，勝專一措置清河口。時和議尚未決，金兵乘其懈，以舟載器甲糧糧自清河出，欲侵邊，勝覘知之，身帥忠義士拒于清河口。金兵詐稱欲運糧往泗州，由清河口入淮，勝知其謀，欲禦之。都統制劉寶以方議和不

許金騎軼境，勝率諸軍拒於淮陽，自卯至申，勝負未決。金軍增生兵來，勝與之力戰，又遣人告急於寶，寶在楚州相距四十里，堅謂方講和，決無戰事，迄不發一兵。勝矢盡，救不至，猶依土阜爲陣，謂士卒曰：「我當死此，得脫者歸報天子。」乃令步卒居前，騎爲殿，至淮陰東十八里中，矢墜馬死，年四十五。事聞，贈保寧軍節度使，諡忠壯。時淮南未平，詔於鎮江府江口鎮立廟，賜號忠侯，仍俟事定更祠於戰沒處。且令有司刻木以斂葬于鎮江，官其二子，郊武功大夫忠州刺史昌承信，郎賜銀千兩，絹千匹，宅一區，田百頃。其後使者過淮，東始得其詳。還言于朝，以劉寶不出救兵，削兩鎮節鉞，沒入家賞。貶瓊州死，勝所糾集忠義，有爲買和仲、誘隸別屯及撤戍隔絕者，尚五千餘人，入京口屯駐前軍，郊添差楊州兵馬鈐轄淳熙十五年，孝宗語樞臣曰：「魏勝之子當與優異。」又曰：「人材須用而後見，使魏勝不因邊釁，何以見其才？」詔郊添差兩浙西路馬步軍副總管。

張憲飛愛將也，飛破曹成憲與徐慶王貴招降其黨二萬，有郝政率衆走沅州，首被白布，爲成報讎，號白巾賊。憲一鼓擒之，飛遣憲復隨州，敵將王嵩不戰而遁，進兵鄧州，距城三十里，遇賊兵數萬，迎戰，與王萬董先各出奇突擊，賊衆大潰，遂復鄧州。十年，金人渝盟入侵，憲戰賴昌，戰陳州，皆大捷，復其城。兀朮頓兵十二萬于臨潁，縣楊再興與戰死之，憲繼至，破其潰兵八千。兀朮夜遁，憲將徐慶、李山復捷于臨潁東北，破其衆六千，獲馬百匹，追奔十五里。中原大震，會秦檜主和，命飛班師，憲亦還，未幾檜與張俊謀殺飛，密誘飛部曲以能告飛事者，寵以優賞，卒無人應，聞飛嘗欲斬王貴，又杖之，誘貴告飛，貴不肯曰：「爲大將軍，免以賞罰用人，苟以爲怨，將不勝其怨，檜俊不能屈，俊劫貴以私事，貴懼而從，時又有王俊者，善告訐，號鴟兒，以姦貪屢爲憲所裁，檜使人諭之，俊輒從，檜俊謀以憲貴俊皆飛將，使其徒自相攻殺，因及飛父子，庶主上不疑，俊自爲狀付王俊，妄言憲謀還飛兵，令告王貴，使貴執憲，憲未至，俊預爲獄以待之，屬吏王應求白張俊，以爲密院無推勘法，俊不聽，親行鞠煉，使憲自認，謂得雲書，命憲營還兵計，憲被掠無全膚，竟不伏，俊手自具獄成告檜，檜憲至行在下大理寺，檜奏召飛父子證憲事，帝曰：「刑所以止亂，勿妄追證，動搖人心，檜矯詔召飛父。」

子至，乃侯高誣飛使子鵬孫草致書憲，令虛申警報，以動朝廷，雲與憲書，規還飛軍，其書皆無有，乃妄稱憲貴已焚之矣，但以衆證具獄，語在飛傳，憲坐死，籍家貲，紹興三十二年，追復龍神衛四廂都指揮使，闡州觀察使，贈寧遠軍承宣使，錄其家。

楊再興，賊曹成將也，紹興二年，岳飛破成，入莫邪關，第五將韓順夫解鞍脫甲，以所虜婦人佐酒，再興率衆直入其營，官軍却殺順夫，又殺飛弟麟成，敗再興走躍入澗，張憲欲殺之，再興曰：「願執我見岳公，遂受縛，飛見再興奇其貌，釋之曰：「吾不汝殺，汝當以忠義報國，再興拜謝，飛屯襄陽，以圖中原，遣再興至西京，長水縣之業，殺孫都統及統制滿在，斬五百餘人，俘將吏百人，餘黨奔潰，明日，再戰于孫洪澗，破其衆二千，復長水，得糧二萬石，以給軍民，盡復西京險要，又得偽齊所留馬萬匹，芻粟數十萬，中原響應，復至蔡州，焚賊糧，飛敗金人于鄆城，兀朮怒，合龍虎大王蓋天大王及韓常兵逼之，飛遣子雲當敵，鏖戰數十合，敵不支，再興以單騎入其軍，擒兀朮，不獲，手殺數百人而還，兀朮憤甚，併力復來，頓兵十二萬于臨潁，再興以三百騎遇敵于小商橋，驟與之戰，殺二千餘人，及萬戶撒八字董，千戶百人，再興戰死，後獲其屍焚之，得箭鏃二升。牛鼻字伯遠，汝州魯山人，初爲射士，金人入侵，鼻聚衆與戰，屢勝，西道總管翟興表補保義郎，杜充留守東京，鼻討劇賊楊進于魯山，三戰三捷，賊黨奔潰，累遷榮州刺史，中軍統領，金人再攻京西，鼻十餘戰皆捷，果州團練使，京城留守上官悟辟爲同統制，兼西京南路提點刑獄，金人攻江西者，自荆門北歸，鼻潛軍于寶豐之宋村，擊敗之，轉和州防禦使，充五軍都統制，又與字董戰魯山，鄧家橋，敗之，轉西道招撫使，僞齊乞師于金，鼻設伏要地，自屯丹霞以待，敵兵悉衆來伏，發俘其酋豪鄭務兒，遷安州觀察使，尋除蔡州唐州信陽軍鎮撫使，知蔡州，遇敵戰，輒勝，加親衛大夫，會岳飛制置江西湖北，將由襄漢規中原，命鼻隸飛軍，飛喜甚，即辟爲唐鄧襄郢州安撫使，尋改神武後軍中部統領，僞齊使李成合金人入寇，破襄陽六郡，敵將王嵩在隨州，飛遣鼻行，裹三日糧，糧未盡，城已拔，執嵩斬之，得卒五千，遂復隨州，李成在襄陽，飛遣鼻以騎兵擊破。

之復襄陽。金人攻淮西，飛遣臯渡江，自提兵與臯會。時僞齊驅甲騎五千躡廬州。臯遣謂金將曰：「牛臯在此，爾輩胡為見犯？」衆皆愕然。不戰而潰。飛謂臯曰：「必追之，去而復來，無益也。」臯追擊三十餘里，金人相踐及殺死者相半，斬其副都統及千戶五人，百戶數十人，軍聲大振。廬州平，進中侍大夫。從平楊么，破之。么

技窮，舉鍾子儀投于水，繼乃自仆。臯投水擒么，飛斬首函送都督行府。除武泰軍承宣使，改行營護聖中軍統制，尋充湖北、江西宣撫司左軍統制，加龍神衛四廂都指揮使。金人渝盟，飛命臯出師，戰汴許間，以功最除，擢日天武四廂都指揮使。成德軍承宣使樞密行府以臯兼提舉一行事務，宣撫司罷，改鄂州駐劄。御前左軍統制升真定府路馬步軍副統總管轉寧國軍承宣使，荆湖南路馬步軍副總管。紹興十七年上巳日，都統制田師中大會諸將，臯遇毒亟歸，語

所親曰：「臯年六十一，官至侍從，幸不啻足，所恨南北通和，不以馬革裹屍，願死牖下耳。」明日卒。或言秦檜使師中毒，臯云：「初檜主和，未幾金渝盟，入侵，帝手札賜飛，從便措置，飛乃命臯及王貴、董先、楊再興、孟邦傑、李寶等經略東西京。汝鄴、潁、陳、曹、光、蔡諸郡，又遣梁與渡河，糾合忠義社，取河東北州縣，未幾，李寶捷于曹州，捷于宛亭，捷于渤海廟，董先姚政捷于潁昌，劉政捷于中牟，張憲復隸昌淮寧府，王貴之將楊成復鄭州，張應韓清復西京，臯及傳選捷于京西，捷于黃河上，孟邦傑復永安軍，其將楊遇復南城軍，又與劉政捷于西京，梁與會太

行忠義，及兩河豪傑趙雲、李進、董榮、牛顯、張峪等破金人于垣曲，又捷于心水，追至孟州之邵原，金張太保成、太保等以所部降，又破金高太尉兵于濟源，喬握堅等復趙州，李與捷于河南府，捷于永安軍，梁與在河北取懷衛二州，大破兀朮軍，斷山東河北金帛馬綱之路，金人大擾，未幾，岳飛還朝，下獄死，世以爲恨云。

胡閱休，字良敬，開封人。宣和初入太學，時方諱兵，閱休著兵書二卷，靖康初，擢知兵科，閱休應試中優等，補承信郎，金人圍城，閱休分地而守，二帝詰金營，閱休欲結義士劫之，何處禁止之。二帝北遷，范瑄散勤王師，閱休曰：「勤王師可進，不可退，檄令隨軍，而無靖康年號，閱休得之泣下，懷檄而走，從辛道宗勤王，南

渡以忠義進兩官，湖湘盜起，或曰招之便，或曰討之便，閱休作致寇禦寇二篇，言天地之氣，先春後秋，招之不伏，則討之，於是岳飛爲招討使，飛辟閱休爲主管機宜文字，以誅鍾子儀功進成忠郎，飛被誣死，閱休發憤杜門，佯疾十年卒。有勤王忠義集藏于家，孫照，德安太守。

論曰：王德素有威略，蚤隸劉光世，審其不可恃，晚從張俊，竟以功名顯，其知所擇哉。王彥棄家赴國，累破堅敵，威振河朔，晚奪兵柄，使之治郡，用違其材，惜矣。魏勝崛起，無甲兵糧餉之資，提數千烏合之衆，抗金人數十萬之師，卒完一州名震當時，壯哉！然見忘于諸將，無援而戰死，亦可惜矣。張憲等五人，皆岳飛部將，爲敵所畏，亦一時之傑也，然或以戰沒，或以憤卒，而憲以不證飛獄冤死悲夫。

宋史卷二百六十八

元中書右丞相總裁脫脫等修

列傳第一百二十八

張俊從子子蓋

張宗顏

劉光世

王淵

解元

曲端

張俊字伯英鳳翔府成紀人好騎射負才氣起於諸盜年十六為三陽弓箭手政和七年從討南蠻轉都指揮使宣和初從攻夏人仁多泉始授承信郎平鄆州賊李太及河朔山東武胡羣寇功最進武德郎靖康元年以守東明縣功轉武功大夫金人攻太原城守命制置使种師中往援屯榆次金人以數萬騎壓之俊時為隊將進擊殺傷甚眾獲馬千匹請乘勝要戰師中以日不利急令退保金人謀俊計不行悉兵合圍攻益急榆次破師中死之俊與所部數百人突圍而出且行且戰至烏河川再與敵遇斬五百級金人圍汴京高宗時為兵馬大元帥俊勒兵從信德守臣梁楊祖勸王高宗見俊英偉擢元帥府後軍統制累功轉榮州刺史建炎元年正月從高宗至東平府時劇賊李昱據兗州命俊為都統制討之與數騎突圍攬戰諸軍爭奮賊遂殲進桂州團練使尋加桂州防禦使中書舍人張徽自汴京齎蠟詔命高宗以兵付副帥還京高宗問大計俊曰此金人詐謀爾今大王居外此天授豈可徒往因請進兵高宗許之遂如濟州開啓乾龍節追夜有告高宗欲俟元帥謁香劫以叛羣議集諸軍屯備俊曰元帥不出姦謀自破遂徙州治賊術窮黎明引軍北遁俊勒兵追殺之進徐州觀察使高宗以俊忠勞日積遷拱衛大夫既而汴京破二帝北遷人心皇皇俊懇辭勸進高宗涕泣不許俊曰大王皇帝親弟人心所歸當天下洶洶不早正大位無以稱人望且白耿南仲奏之表三上高宗發濟州俊便道扈行至應天府高宗始即位初置御營司以俊為御營前軍統制遣還京迎隆祐太后權秦鳳兵馬鈐轄尋奉太后及六宮以歸除帶御器械時江淮羣盜蜂起俊討杜用干推寧趙萬郭青于鎮江陳通于杭州蔣和尙等于蘭溪皆平之落階官除正任觀察使二年升秦鳳路馬步軍副總管尋破秀州賊數萬縛徐明斬之進

武寧軍承宣使帝如揚州召諸將議恢復俊曰今敵勢方張宜且南渡據江為險練兵政安人心俊國勢定大舉未晚俊又請移左藏庫于鎮江既而敵掩至已逼近俊便亟奏劾甲乘從帝如臨安苗傅劉正彥反俊時屯兵吳江縣傳等矯詔加俊捧日天武四廂都指揮使以三百人赴秦鳳命他將領餘兵俊知其偽拒不受三軍洶洶俊諭之曰當詣張侍郎求決即引所部八千人至平江張浚語俊以傳等欲危社稷泣數行下俊大慟浚諭以決策起兵問罪俊泣拜且曰此須侍郎濟以機術毋驚動乘輿呂頤浩至俊見之亦涕泣曰今日惟以一死報國劉光世以所部至俊釋舊憾韓世忠來自海上俊借一軍與之俱世忠為前軍俊以精兵翼之光世次之戰于臨平傳等兵敗開城以出世忠俊光世入城見于內殿帝嘉勞久之拜鎮西軍節度使御前右軍都統制尋為浙東制置使金人分兵深入渡江攻浙杜充棄建康韓世忠自鎮江退保江陰帝如明州俊自越州引兵至兀兀攻臨安帝御樓船如温州留俊於明州以拒敵帝賜親札曰朕非卿則倡義誰先卿捨朕則前功俱廢宜戮力共扞敵兵一戰成功當封王爵癸卯除夕金兵至城下俊使統制劉寶與戰兵少却其將党用丘橫死之於是統制楊沂中田師中統領趙密皆殊死戰沂中舍舟登岸力戰殿帥李質以班直來助守臣劉洪道率州兵射其旁大破之殺數千人金呼人至砦計事俊令小校往金人與語欲如越州請降俊拒之戒將士毋驕惰慮敵必再至下令清野多以輕舟伏弩閉關自守四年正旦忽西風起金人乘之果復攻明州俊與劉洪道坐城樓上遣兵掩擊殺傷大當金人奔北死於江者無數夜拔砦去屯餘姚且請濟師於兀兀後七日敵再至俊引兵趨入台州明州居民去者十七八未幾江浙羣盜蜂起授俊兩浙西路江南東路制置使以所部招收羣盜命後軍統制陳思恭隸之且令兩浙宣撫使周望以兵屬俊劉光世韓世忠之外諸將皆受節度六月改御前五軍為神武軍俊即本軍為神武右軍都統制除檢校少保定江昭慶軍節度使十月浙西羣盜悉平改江南招討使紹興元年帝至會稽時金人殘亂之餘孔彥舟據武陵張用據襄漢李成尤悍彊據江淮湖湘十餘州連兵數萬有席卷東南意多造符讖惑中外圍江州

久未解時方患之范宗尹請遣將致討俊慨然請行遂改江淮路招討使成黨馬進在筠州豫章介江筠之間俊聞命就道急趨豫章且曰我已得洪州破賊決矣乃斂兵若無人者金鼓不動令將士登城者斬居月餘進以大書牒來索戰俊以細書狀報之賊以俊為怯俊謀知賊怠乃議賊岳飛為先鋒楊沂中由上流徑絕生米渡出賊不意追奔七十里至筠州賊背筠河而陣俊用楊沂中計親以步兵當其前精騎數千授沂中及陳思恭俛從山後來擊以午為期俊與賊鏖戰至午精騎自山馳下賊駭亂退走大敗既復筠州臨江軍捷奏帝賜御筆謂宜乘賊勢已衰當官軍已振驅除勦戮速收全功俊未拜親詔已追至北奉新樓子莊賊黨商元據草山挾險設伏俊遣步兵從間道直趨山椒殺伏奪險乘勝追至江州成勢迫絕江而遁號俊為張鐵山復江州已而與國軍等處羣盜聞俊兵至皆遁去使引兵渡江至黃梅縣親與成戰成懲奉新失險之敗據石矢坡憑山以木石投人俊先遣游卒進退若爭險狀以誑賊俊親冒矢石帥眾攻險賊眾數萬俱潰馬進為追兵所殺成北走降劉豫諸郡悉平拜太尉四年十月金人與劉豫分道入侵先是謀至舉朝震恐或請他幸俊謂趙鼎曰避將何之惟向前進一步庶可脫當聚天下兵守平江徐為計鼎曰公言避非策是也以天下兵守一州非也公但堅前議足矣遂以俊為兩浙西路江南東路宣撫使屯建康既而改淮西宣撫使瀕江相距逾月敵不得入俊遣張宗顏潛渡至六合出其背敵將引去俊繼遣王進曰敵既無留心必遲渡淮去可速及其未濟擊之進往敵果北渡遂薄諸淮大敗之獲其酋程師回張延壽以獻五年劉麟入寇俊與楊沂中合兵拒于泗州六年改崇信奉寧軍節度使劉麟兵十餘萬犯濠壽詔併以淮西屬俊楊存中亦聽節制與俊合兵拒敵俊分遣存中與張宗顏王璋田師中等自定遠軍次越家坊遇劉猗左右軍擊走之俊率大軍鼓行而前至李家灣遇猗大兵與戰殺猗略盡降者萬餘人猗僅以身免拜少保加鎮洮崇信奉寧軍節度使帝曰卿議論持重深達敵情兼聞挽強之士數萬報國如此朕復何慮又曰羣臣謂朕待卿獨厚其仰體眷懷益思勉勵七年改淮南西路安撫使置司盱眙俊與韓世忠入見議移屯秦檜奏臣

嘗語世忠俊陛下倚此二大將譬如兩虎固當各守藩籬使寇不敢近帝曰正如左右手豈可一手不盡力邪命俊自盱眙屯廬州八年金人請寢兵許之賜俊安民靖難功臣拜少傅九年冬金復聯盟再破河南圖順昌府命俊策應劉錡俊督軍渡江金人引退繼而金人三路都統自東南兩京分道來侵抵亳州北渡河俊收宿亳諸軍擊之盡復衛真鹿邑等地師還十年鄜瓊在亳州俊以大軍至城父都統制王德下符離乘勝趨亳與俊合俊引軍入城金人棄城遁父老列香花迎俊遂復亳州留統制朱超守之俊引軍還壽春進少師封濟國公十一年二月兀朮入合肥漸攻歷陽江東制置大使葉夢得見俊請速出軍俊遣兵渡江諭諸將曰先得和州者勝王德願為諸軍先士鼓謀而行敵已據之德率眾渡采石先登俊宿中流德抵城下金人退屯昭關後三日復敗金將韓常于含山命關師古復巢縣遂復昭關使左軍統制趙密偃兵篳竹出六丈河以分金勢張守忠以五百騎敗金人於全椒未幾敵斷石梁以拒俊俊疾作力疾引眾涉流登岸追擊之王德與楊存中劉錡會兵敗金人于柘皋拜樞密使俊知朝廷欲罷兵首請納所統兵議賞宿亳功俊部將王德田師中劉寶李橫馬立張灝六人同日首受上賞俊力贊和議與秦檜意合言無不從薦士大夫監司郡守者甚眾雖劉子羽自請籍起家亦俊力也加太傅封廣國公尋進益國公十二年十一月以殿中侍御史江遵論之罷為鎮洮寧武奉寧軍節度使充醴泉觀使初檜以俊助和議德之故盡罷諸將以兵權付俊歲餘俊無去意故檜使邀攻之尋進封清河郡王奉朝請十三年敕修甲第遣中使就第賜宴循以教坊樂部十六年改鎮靜江寧武靜海軍二十一年冬帝幸其第拜太師以其姪清海軍承宣使子蓋為安德軍節度使其他子弟遷秩者十三人南渡後俊握兵最早屢立戰功與韓世忠劉錡岳飛並為名將世稱韓張劉岳然濠壽之役俊與錡有隙獨以楊沂中為腹心故有濠梁之劫岳飛冤獄韓世忠救之俊獨助檜成其事心術之殊也遠哉帝於諸將中眷俊特厚然警救之者不絕口自淮西入見則教其讀郭子儀傳召入禁中戒以毋與民爭利毋與土木二十四年六月薨年六十九輟視朝三日斂以一品服帝臨奠哭之慟追封

循王子五人子琦子厚子顏子正子仁

子蓋字德高父宏應募從後軍河上金人被開德府宏戰死子蓋初從韓世忠討苗傅補承信郎累功遷武功郎紹興六年劉猷大舉入寇過定遠縣將趨宣化親淮詔遣後會劉光世軍勦之子蓋從後擊猷于藕塘授開門宣贊舍人明年改昌州刺史江南東路馬步軍都總管十年金人再取河南以與復宿壘功遷登州防禦使兼宣撫司衙兵副統制十一年二月兀朮入廬州攻含山縣漸攻歷陽後遣兵渡江子蓋從王德馳入和州金人退屯昭關會劉錡自東關引兵出清溪邀擊金人後遣子蓋與錡會大戰於柘皋敗之軍勢赫赫兀朮復攻濠州子蓋又敗之于州梁橋除與寧軍承宣使和議成改建康府駐劄御前諸軍都統制十三年授龍神衛四廂都指揮使兩浙西路馬步軍都總管帝幸後第授子蓋安德軍節度使三十二年春金人攻海州急以子蓋爲鎮江府都統往援之即日渡江馳至楚州淮東漕臣龔濤謂之曰敵衆十倍兵力不支宜張虛聲攻淮陽使之必救則海州可解子蓋曰彼若不救將如之何乃亟趨漣水取便道以進次石湫堰金人陳萬騎於河東子蓋率精銳數千騎擊之謂麾下曰彼衆我寡利在速戰遣統制張玘略陣玘中流矢子蓋曰事急矣奮臂大呼馳入陣諸將繼之殊死戰賊大敗擁溺石湫河死者半圍遂解金人復整軍來戰子蓋再率精銳擊之獲其車馬鎧仗萬計退屯泗州孝宗卽位召對賜鞍馬鎧甲束帶且令招集勇敢相時而動子蓋受命還招金大將蕭鵬巴耶律造哩將其衆來降尋以疾還鎮江授檢校少保淮東招撫使未上卒年五十一贈太尉諡恭壯子蓋從俊征討藕塘柘皋雖多奏功未能出諸將右惟海州一捷可稱云

張宗顏字希賢延安人父吉爲涇原將解宣威城圍死之宗顏以父恩補三班借職監關鄉酒稅積官至涇原副將權殿前司統轄御營軍統制張俊選爲統領從俊討浙西寇秀州軍校徐明以城叛宗顏夜襲其城明遁轉忠州刺史遷御前中軍統制金人攻明州宗顏破其前軍盜楊勅破松溪命宗顏及李捧陳思恭討之宗顏次浦城不進勅又掠建州宗顏趨南劍州與勅遇遂歸盜猶未

平謬言已擊退侍御史沈與求劾宗顏三將並出不能平數千之潰卒何以示敵敗二秩從俊討李成與成將馬進戰玉隆觀敗之遷環慶路馬步軍副總管神武右軍統制改麟州觀察使僞齊挾金人攻宣化鎮後遣宗顏潛渡江出其後襲之不勝俊庇之以捷聞遂加沂州防禦使繼以兵襲擊淮北復遷崇信軍承宣使宣撫司前軍統制僞齊入寇詔張俊解淮西急督府張浚遣楊沂中與俊合檄宗顏自泗州爲後繼與浚遇于李家灣大破之橫屍滿野浚僅以身遁擢龍神衛四廂都指揮使武信軍承宣使八年知廬州總帥事敵數百騎抵城下宗顏以騎百餘禦之敵退有至自淮北者傳金人言曰此張鐵山弟也紹興九年卒年四十四贈保靜軍節度使諡壯敏

劉光世字平叔保安軍人廷慶次子初以蔭補三班奉職累陞鄜延路兵馬都監鄜州防禦使方臘反廷慶爲宣撫司都統遣光世自將一軍趨衢婺出其不意破之賊平授耀州觀察使陞鄜延路兵馬鈐轄時有事燕薊光世從廷慶取易州授奉國軍承宣使金將郭藥師降除威武奉寧軍承宣使廷慶遣諸將擣虛趨燕以光世爲後繼光世不至諸將失援而潰降三官河北賊張迪掠濟州境詔光世討之光世曰賊烏合非有紀律伴北以邀之其亂可取也卽麾騎退賊競進光世引騎貫其中賊大潰復承宣使統鄜延路馬步軍副總管靖康元年金兵攻汴京夏人乘間窺杏子堡堡有兩山對峙地險阨光世據之敵至敗去擢侍衛馬軍都虞侯金再攻汴京光世入援聞范致虛傳檄諸議引兵會之會有詔止勸王兵光世以爲宜速進不可以詔示衆旣而潰兵至具言京城事衆懼光世矯以蕃官來自汴京謂二帝決圍南去衆稍安進屯陝府致虛欲合五路兵進與金戰光世難之別道趨鞏遂至濟州謁康王命爲五軍都提舉王卽皇帝位命爲省視陵寢使尋爲提舉御營使司一行事務行在都巡檢使斬山東賊李昱遷奉國軍節度使平鎮江叛兵改除濠太平州無爲軍江寧府制置使討張遇於池州遇望其陣曰官軍不整可破也時湖水涸賊越湖出官軍後官軍亂光世幾被殺王德救之得免遇循江而上光世整兵追至江州斷其後軍破之遇復東下又追擊於江寧二年以功加檢校少保命討李成光世

以王德為先鋒與成遇於上蔡驛口橋敗之成收散卒再戰光世以儒服臨軍成遙見白袍青蓋併兵圍之德憤圍拔光世以出下令得成者以其官爵與之士爭奮再戰皆捷成遁執其謀主陶子思加檢校少傅帝在揚州金騎掩至天長光世迎敵未至而軍潰帝倉卒渡江命光世為行在五軍制置使屯鎮江府控扼江口尋加檢校太保殿前都指揮使苗劉為亂素憚光世遷光世為太尉淮南制置使張浚在平江馳書諭以勸王光世不從呂頤浩遣使至鎮江說之乃引兵會于丹陽兵進光世以選卒為游擊仍分軍殿後遇苗翊馬吉軍于臨平與韓世忠等破之至行在遷太尉御營副使光世遣王德助喬仲福追傳至崇安縣盡降其眾傳僅以身免逆將范瓊被執張浚使光世撫定其眾又招賊靳賽降之命光世為江東宣撫使守太平及池州受杜充節制光世言受充節制有不可者六帝怒詔毋入光世殿門光世始受命隆祐太后在南昌議者謂金人自蕪黃渡江陸行二百里可至命光世移屯江州為屏蔽光世既至日置酒高會金人自黃州渡江凡三日無知之者比金人至遂遁太后退保虔州馮楫貽書光世言賊深入最兵家之忌進則距山退則背江百無一利而敢如此橫行者以前無抗拒後無襲逐也太尉儻選精兵自將來洪而開一路令歸伏兵掩之可使匹馬不還光世不能用自信州引兵至南康鄺瓊圍固始縣光世遣人招降之又遣王德擒妖賊王念經于信州時光世部曲無所隸號太尉兵侍御史沈與求論其非宜會御營司廢乃以巡衛名其軍命充御前巡衛軍都統制召赴行在授浙西安撫大使知鎮江府光世言安撫控制一路若但守鎮江則他郡有警不可離任望別除守臣光世專充安撫使從便置司時光世慮金人必過江故預擇便地帝覺之止許增辟通判右諫議大夫黎確疏其擇便求佚中外所憤帝釋不問加寧武軍節度使開府儀同三司以遺之光世乞便宜行事不許時韓世忠張浚兼領浙西制置使光世復言本路兵火之餘不任三歲需求遂罷世忠浚兼領時金兵留淮東光世頗畏其鋒楚州被圍已百日帝手札趣光世援楚者五竟不行但遣王德鄺瓊將輕兵以出時秦殺獲而已楚州破命光世節制諸鎮力守通泰完顏昌屯承楚光世知其眾思歸欲攜

貳之乃鑄金銀銅錢文曰招納信實獲敵不殺令持錢文示其徒有欲歸者扣江執錢為信歸者不絕因赦奇兵赤心兩軍昌遂拔砦去紹興元年金人渡淮真揚州皆闕守命光世兼淮南京東路宣撫使置司揚州措置屯田迄不行張俊討李成又命光世分兵往舒斬擄其巢穴光世以江北盜未平為辭命兼淮南宣撫使領真揚通承楚州隸水軍郭仲威謀據淮南以通劉豫光世遣王德擒之并其眾范宗尹言光世軍多冗費請汰其罷軟者帝曰俟作手書與之如家人禮庶幾不疑光世以枯荏生穗為瑞聞于朝帝曰歲豐人不乏食朝得賢輔佐軍有十萬鐵騎乃可為瑞此外不足信淮北人多歸附者命光世兼海泗宣撫使以安輯之五湖捕魚人夏寧聚眾千餘掠人為食郭仲威餘黨出沒淮南邵青據通州光世皆招降之光世請鑄淮東宣撫使印給錢糧增將吏皆從其請仍給鎮江府常州江陰軍苗米三十七萬斛為軍中一歲費二年復命移屯揚州時至鎮江視師光世不奉詔入朝言鄰寇有疑或致生事願仍領浙西為根本計右司諫方孟卿劾之乞召宰執與議使之必往光世猶以乏糧為辭光世之來以緡帛方物為獻帝命分賜六宮中丞沈與求以為不可命還之呂頤浩與光世有怨頤浩將出視師首言光世兵冗不練乞移其軍還闕帝曰光世軍糧不足若驟移必潰先犒軍而後料隨可也頤浩至鎮江光世軍果告乏頤浩奏光世軍月費二千萬緡乞差官考覈詔御史江躋度支胡蒙至軍點校終不得實帝方倚其成功尋詔兩漕臣措置鎮江酒稅助其軍費又罷織御服羅省七百萬緡以助之加寧武軍節度使光世奏部將喬仲福斬賽防江有勞詔進一官許回授光世固乞轉行給事中程瑀持不可又言光世兵未渡江金人或渡淮江浙必震光世方遣人按行宜興湖泆之間以備退保詔以章示之光世遷延如故三年命光世與韓世忠易鎮同召赴闕授檢校太傅江東宣撫使世忠既至鎮江城下森人入城焚府庫光世擒之皆云世忠所遣世忠屯登雲門光世引兵出懼其扼己改途趨白鷺店世忠遣兵襲其後光世以聞帝遣使和解仍書賈復寇恂傳賜之命為江東淮西宣撫使置司池州賜錢十萬緡劉豫將王彥光揚兵淮上有渡江意光世扼馬家渡遣鄺瓊屯無為

軍爲濠廬援賊乃退光世奏鄭延李侑充閤門祇候言者論其涉私罷之金人劉豫入侵時光世張俊韓世忠權相敵且持私隙帝遣侍御史魏巨至軍中諭以滅怨報國光世乃移書二帥二帥皆復書致情光世始移軍太平州以援世忠金兵退光世入覲選少保帝曰卿與世忠以少嫌不釋然烈士當以氣義相許先國家而後私讎復諭以光武分寇恟賈復之事光世泣謝請以所置淮東田易淮西田給事中晏敦復言其擾民而止又請並封其三妾爲孺人南渡後諸大將封妾自此始會改神武軍爲行營護軍以光世所部稱左護軍劉豫築龍城以窺淮西光世遣王師晟破之加保靜軍節度使遂領三鎮張浚撫淮上諸屯劉豫挾金人分道入侵命光世屯廬州以招北軍與韓世忠張俊鼎立楊沂中將精卒爲後距劉倪驅鄉民僞爲金兵布淮境光世奏慮難守密于請鼎欲還太平州浚命呂祉馳往軍中督師光世已舍廬州退浚遣人厲其衆曰若有一人渡江卽斬以徇光世不得已駐兵與沂中相應遣王德麟瓊領兵自安豐出謝步遇金將三戰皆敗之張浚入對言光世驕情不戰不可爲大將請罷之帝命與趙鼎議鼎曰光世將家子孫將卒多出其門罷之恐拂人心遂遷護國鎮安保靜軍節度使右司諫陳公輔劾其不守廬州張浚言其沈酣酒色不恤國事請以恢復意氣怫然乞賜罷斥光世引疾請罷軍政又獻所餘金穀千朝拜少師充萬壽觀使奉朝請封榮國公賜甲第一區以兵歸都督府公輔又言光世難罷而遷少師賞罰不明中書舍人勾龍如淵又繳環賜第之命帝曰光世罷兵柄若恩禮稍加則諸將知有後福皆效力矣卒賜之初光世麾下多降盜素無紀律至是督府命呂祉節制其軍鄺瓊殺祉驅諸軍降劉豫九年用講和恩賜號和衆輔國功臣進封雍國公陝西宣撫使弟光遠疏其短于言路如淵時爲中丞再論光世不可遣而止十年金人圍順昌拜太保爲三京招撫處置使以援劉錡光世請李顯忠爲前軍都統又請王德自隸德不願受其節制顯忠行至宿州軍多潰進至和州秦檜主罷兵召環光世入見爲萬壽觀使改封楊國公疾革乞免其家科役中書舍人張廣格不下卒年五十四贈大師官其子孫錫姪十四人諡武僊乾道八年追封安城郡王開禧元年追封鄜王

光世在諸將中最先進律身不嚴馭軍無法不肯爲國任事捕寇自資見詆公論嘗入對言願竭力報國他日史官書臣功第一帝曰卿不可徒爲空言當見之行事建炎初結內侍康履以自固又蚤解兵柄與時浮沈不爲秦檜所忌故能竊寵榮以終其身方之韓岳遠矣

王淵字幾道熙州人後徙環州善騎射應募擊夏國屢有功累遷熙州河蘭湟路第三將部將權知鞏州寧遠砦諸羌入寇經略司討之表淵總領岷州蕃兵將與師城澤州羌悉衆來爭淵奮擊大破之追至邈州城移同總領湟州蕃兵將兼知臨宗砦坐法免宣和五年劉延慶討方臘以淵爲先鋒賊將據錢塘勢張甚淵諭小校韓世忠曰賊謂我遠來必易我明日爾逆戰而僞遁我以強弩伏數百步外必可得志世忠如其言賊果追之伏弩卒發應弦而倒逐北至淳安賊據幫源峒遂圍而平之授閩門宣贊舍人權京畿提舉保甲兼權提點刑獄公事繼從延慶攻契丹重兵壁盧溝南遣淵等數千人護餉道戰敗爲敵所獲已而逃歸猶以出塞還武功大夫果州團練使又從韓惟忠辛寅宗破羣盜高托山等遷拱衛大夫寧州觀察使靖康元年爲真定府總管就遷都統制吳湛據趙州叛淵討平之金人攻汴京河東北宣撫使范訥統勤王兵屯雍丘以淵爲先鋒尋以所部歸康王府明年張邦昌僭立康王如濟州命淵以三千人入衛宗廟淵至汴都以朝服見邦昌納謁曰參冢宰相公邦昌始易紫袍延之政事堂淵慟哭宣教康王卽皇帝位淵與楊惟忠韓世忠以河北兵劉光世以陝西兵張俊苗傅等以帥府及降羣盜兵皆在行朝不相統一始置御營司以淵爲都統制屢從累月不釋甲帝如揚州授龍神衛四廂都指揮使尋改捧日天武四廂都指揮使進保大軍承宣使時羣盜蠶起以淵爲制置使平杭賊提兵四出所向皆捷平軍賊趙萬於鎮江誅杭賊陳通於杭州降張遇於揚子橋明年羣盜略盡遷鄜德軍節度使惟趙萬陳通等已招其降而復蠶誅之建炎三年二月金人攻揚州帝倉卒渡江淵與內侍康履從至鎮江奉國軍節度使劉光世見帝泣告淵專管江上海船每言緩急決不誤事今臣所部數萬二千餘騎皆不能濟淵忿其言斬江北都巡檢皇甫佐以自解中書侍郎朱勝非馳見

淵嘗之乃始經畫已無所及自是淵失諸將心帝欲如鎮江以援江北羣臣亦固請淵獨言鎮江止可捍一面若金人自通川渡先據姑蘇將若之何不如錢塘有重江之險議遂決命淵守姑蘇言戎器全缺兵匠甚少乞括民匠管繕尋自平江赴行在拜簽書樞密院事仍兼都統制命下諸將籍籍帝聞之乃命免奏事簽書仍解都統制以慰眾心先是統制官苗傳自資世將以淵驟用頗缺望劉正彥嘗招巨盜丁進亦以賞薄怨淵而內侍康履頗用事及淵入樞府傳正彥以其由宦官薦愈不平俟淵入朝伏兵殺之併殺康履遂成明受之變淵時年五十三淵為將輕財好義家無宿儲每言朝廷官人以爵祿足代耕若事雖刀我何愛爵祿曷若為富商大賈邪帝在南京聞淵疾遣以中使曾澤問疾澤還言其帷幔茵褥皆不具帝輟所御紫茸茵以賜然其平羣盜多殺降與康履深交故及於禍贈開府儀同三司累加少保官其子孫八人紹興四年又官二人乾道六年謚襄愍子倚

解元字善長保安軍德清砦人疎眉俊目猿臂善騎射起行伍為清湖都虞候建炎三年隸大將韓世忠麾下擢偏將世忠出下邳聞金兵大至士皆駭愕元領二十騎擒其生口知敵動息俄逢騎數百身自陷陣橫刺酋長墜馬餘皆遁去授閩門宣贊舍人苗傳劉正彥之變從世忠追至臨平與戰賊勢既衰擒于浦城四年三月金人攻浙西世忠治兵京口邀其歸路以海艦橫截大江金人出小舟數十以長鈎板艦元在別舸躍入敵舟以短兵擊殺數十人擒其千戶授忠州團練使統制前軍繼從討閩寇范汝為轉討湖外諸盜時劉忠據白面山憑險築壘世忠討之距賊營三十里而陣元獨跨馬涉水薄賊砦四顧周覽賊因山設望樓從高瞰下以兵守之屯壯銳于四山視其指呼而出戰元既得其形勢歸告世忠曰易與爾若奪據其望樓則技窮矣世忠然之遣元率兵五百長戟居中翼以弓矢自下趨高賊眾莫支乃據望樓立赤幟四面並進賊遂平改相州觀察使紹興四年金人僞齊合兵入侵世忠自鎮江趨揚州命元屯承州金人至近郊元度翌日必至城下遣百人伏要路百人伏獻廟自以四百人伏路隅令曰俟金人過我當先出掩之伏要路者視我麾旂則立幟以待金

人必自獻廟走伏者皆出又決河岸遏其歸路金人果走城下伏發金人進退無路乃走獻廟元追之獲百四十八人止遺二人時城中兵不滿三千金萬戶黑頭虎直造城下約降元匿其兵以微服出僞若降者金人稍懈俄伏發擒黑頭虎未幾金兵四集元戰却之追北數十里金人赴水死者甚眾改同州觀察使六年從世忠出下邳以數百騎破敵伏兵授保順軍承宣使十年略地淮陽至劉令莊騎纔三百當敵騎數千元揮戈大呼眾爭奮敵披靡俄而救至後部疑懼元回顧曰我在此若等無慮眾乃安轉戰自辰至午敵退成列而還如龍神衛四廂都指揮使明年世忠罷兵柄為樞密使以元為鎮江府駐劄御前諸軍都統制以統其眾又明年進侍衛親軍馬步軍都虞候尋授信保軍節度使卒年五十四贈檢校少保

曲端字正甫鎮戎人父渙任左班殿直戰死端三歲授三班借職警敏知書善屬文長於兵略歷秦鳳路隊將涇原路通安砦兵馬監押權涇原路第三將夏人入寇涇原帥司調統制李庠捍禦端在遣中庠駐兵柏林堡斥堠不謹為夏人所薄兵大潰端力戰敗之整軍還夏人再入寇西安州懷德軍相繼陷沒鎮戎當敵要衝無守將經略使席貢疾柏林功奏端知鎮戎軍兼經略使統制官建炎元年十二月婁宿攻陝西二年正月入長安鳳翔關闢大震二月義兵起金人自鞏東還端時治兵涇原招流民潰卒所過人供糧秸道不拾遺金游騎入境端遣副將吳玠據清澗橫與戰大破之端乘其退遂下兵秦州而義兵已復長安鳳翔統領官劉希亮自鳳翔歸端斬之六月以集英殿修撰知延安府王庶為龍圖閣待制節制陝西六路軍馬遂授端吉州團練使充節制司都統制端雅不欲屬庶九月金人攻陝西庶召端會雍耀間端辭以未受命庶以鄜延兵先至龍坊端又稱已奏乞回避庶貢別遣統制官龐世才將步騎萬人來會庶無如之何則檄貢鞫端還舊任遣陝西節制司將官賀師範趨耀別將王宗尹趨白水且令原慶出師為援三帥各遣偏將劉仕忠寇耀來與師範會庶欲往耀督戰已行會龐世才兵至鄜端中悔以狀白庶言已赴軍前庶乃止師範輕敵不戒卒遇敵于八公原戰死二將各引去端遂得涇原兵柄十一月金

謀知端庶不協，併兵攻郾廷。時端盡統涇原精兵駐淳化，庶日移文趣其進，又遣使臣進士十數輩往說端，端不聽。庶知事急，又遣屬官魚騰督師，端陽許而實無行意。權轉運判官張彬爲端隨軍應副，問以師期，端笑謂彬曰：「公視端所部，孰與李綱救太原兵乎？」彬曰：「不及也。」端曰：「綱召天下兵，不度而往以取敗，今端兵不滿萬，不幸而敗，則金騎長驅無陝西矣。」端計全陝西與郾廷一路，孰輕重，是以未敢即行。不如蕩賊巢穴，攻其必救，乃遣吳玠攻華州，拔之。端自分蒲城而不攻，引兵趨耀之同官，復迂路由郿之三水，與玠會襲樂，金攻延安急，庶收散亡往援。溫州觀察使知鳳翔府王瓌將所部發興元，比庶至甘泉而延安已陷，庶無所歸，以軍付瓌，自將百騎與官屬馳赴襄樂，勞軍。庶猶以節制望端，欲倚以自副，端彌不平。端號令素嚴，入壁者雖貴不敢馳，庶至，端令每門減其從騎之半，及帳下僅數騎而已。端猶虛中軍以居，庶坐帳中，端先以戎服趨于庭，既而與張彬及走馬承受公事高中立同見，帳中良久，端聲色俱厲問庶：「延安失守狀。」曰：「節制固知愛身，不知愛天子城乎？」庶曰：「吾數令不從，誰其愛身者？」端怒曰：「在耀州屢陳軍事不一見聽，何也？」因起歸帳，庶留端，終夕不自安。端欲即軍中殺庶奪其兵，夜走寧州，見陝西撫諭使謝亮說之曰：「延安五路襟喉，今已失之，春秋大夫出疆得以專之，請誅庶歸報亮。」使事有指，今以人臣擅誅于外，是跋扈也。公爲則自爲，端意阻，復歸軍。明日，庶見端，爲言已自劾待罪，端拘縶其官屬，奪其節制使印，庶乃得去。王瓌將兩軍在慶陽，端召之，瓌不應，會有告瓌過郿軍士劫掠者，端怒，命統制官張中孚率兵召瓌，謂中孚曰：「瓌不聽，則斬以來，中孚至慶陽，瓌已去，遽遣兵要之，不及而止，初叛賊史斌圍興元，元不克，引兵還關中，義兵統領張宗諤誘斌如長安而散其衆，欲徐圖之，端遣吳玠襲斌擒之，端自襲宗諤殺之，三年九月，遷康州防禦使，涇原路經略安撫使。時延安新破，端不欲去涇原，乃以知涇州郭浩權擢延經略司公事，自謝亮歸朝廷，聞端欲斬王庶，疑有叛意，以御營司提舉召端，端疑不行，議者喧言端反，端無以自明，會張浚宣撫川陝入辨，以百口明端不反，浚自收攬英傑，以端在陝西屢與敵角，欲仗其威聲，承制築壇拜端爲威武大將軍，宣州觀察使，宣

撫處置使司都統制，知渭州，端登壇受禮，軍士歡聲如雷，浚雖欲用端，然未測端意，遣張彬以招填禁軍爲名，詣渭州察之，彬見端問曰：「公常患諸路兵不合，財不足，今兵已合，財已備，莫宿以孤軍深入吾境，我合諸路攻之不難，萬一粘罕併兵而來，何以待之？」端曰：「不然，兵法先較彼己，今敵可勝，止輩宿孤軍一事，然將士精銳，不減前日，我不可勝，亦止合五路兵一事，然將士無以大異於前，況金人因糧於我，我常爲客，彼常爲主，今當反之，按兵據險，時出偏師以擾其耕獲，彼不得耕，必取糧河東，則我爲主，彼爲客，不一二年，必自困斃，可一舉而滅也。」萬一輕舉，後憂方大，彬以端言復命，浚不主，端說四年春，金人攻環慶，端遣吳玠等拒于彭原店，端自將屯宜祿，玠先勝，既而金軍復振，玠小却，端退屯涇州，金乘勝焚郿州而去，玠怨端不爲援，端謂玠前軍已敗，不得不據險以防衝突，乃劾玠違節制，是秋，兀朮窺江淮，浚議出師以撓其勢，端曰：「平原廣野，賊便於衝突，而我軍未嘗習水戰，金人新造之勢，難與爭鋒，宜訓兵秣馬，保疆而已。」俟十年乃可，端既與浚異，浚積前疑，竟以彭原事罷端，兵柄與祠，再責海州團練使萬安州安置，是年浚爲富平之役，軍敗，誅趙哲，貶劉錫，浚欲慰人望，下令以富平之役，涇原軍馬出力最多，既却退之後，先自聚集，皆錄前帥曲端訓練有方，敘端左武大夫，興州居住，紹興元年正月，敘正任榮州刺史，提舉江州太平觀，徙閬州，於是浚自興州移司閬州，欲復用端，玠與端有憾，言曲端再起，必不利於張公，王庶又從而間之，浚入其說，亦畏端難制，端嘗作詩題柱曰：「不向關中興事業，却來江上泛漁舟。」庶告浚，謂其指斥乘輿，於是送端恭州獄，武臣康隨者嘗忤端，鞭其背，隨恨端入骨，浚以隨提點夔州路獄，端聞之曰：「吾其死矣。」呼天者數聲，端有馬名鐵象，日馳四百里，至是連呼鐵象，可惜者又數聲，乃赴逮，既至，隨令獄吏繫維之，糊其口，燔之以火，端乾渴求飲，予之酒，九數流血而死，年四十一。陝西士大夫莫不惜之，軍民亦皆悵悵，有叛去者，浚尋得罪，追復端宣州觀察使，諡壯愍，端有將略，使展盡其才，要未可量，然剛愎恃才，凌物，此其所以取禍云。

論曰：南渡諸將，以張韓劉岳並稱，而浚爲之冠，然考其行事，則有不然者，浚

受心膂爪牙之寄。其平苗劉。雖有勤王之績。然既不能守越。又棄四明。負亦不少。矧其附檜主和。謀殺岳飛。保全富貴。取媚人主。其負戾又如何哉。光世自恃宿將。選沮却畏。不用上命。師律不嚴。卒致鄴瓊之叛。迎合檜意。首納軍權。難得善終。牖下君子不貴也。二人方之韓岳。益遠矣。然子蓋宗顏。號俊子弟。著海之功。泗上之捷。亦足稱焉。王淵以總率。扈從有勞。遂至驕盈。失將士心。自取覆敗。況結托康履。與光世一轍。烏足道哉。解元始由韓世忠進。其攻城野戰。未嘗敗。有可稱者。不幸早世。惜哉。曲端剛愎自用。輕視其上。勞效未著。動違節制。張浚殺之。雖冤。蓋亦自取焉爾。

宋史卷三百六十九

宋史卷三百六十九考證

曲端傳。金人攻環慶。端遣吳玠等拒於彭原。店端自將屯宜祿。玠先勝。既而金軍復振。玠小却。端退屯涇州。金乘勝焚邠州而去。○臣人龍按。張魏公三戰。本末略金囊室。與其副撒窩喝及黑峯等寇邠州。曲端拒之。兩戰皆捷。至白店。原金引衆來犯。又為端所敗。今本傳止云玠小勝。竟不及端之敗金一語。是蓋欲甚端之罪。曲護張浚故耳。

宋史卷三百六十九考證

元中書右丞相總裁脫脫等修
列傳第一百二十九

王友直 李寶 成閔 趙密

劉子羽 呂社 胡世將 鄭剛中

王友直字聖益博州高平人父佐以材武稱友直年十二隨父游諸兵法紹興三十一年金人渝盟友直結豪傑志恢復謂其衆曰權所以濟事權歸於正何害於理迺矯制自擬承宣使河北等路安撫制置使餘擬官有差偏諭州縣勤王未幾得衆數萬制爲十三軍軍置都統制提舉提點提轄訓練統之九月戊子進攻大名一鼓而克撫定衆庶諭以紹興年號乃與王任馮敷張昇牛汝霖列奏千秋欲領衆南歸時金人尙在揚州久不報友直將由壽春涉淮而濟道拜救書勉以率衆搆敵腹心犄角應援除友直檢校少保天雄軍節度使王任天平軍節度使馮敷左通議大夫徽猷閣直學士張昇右朝奉大夫直秘閣牛汝霖通直郎直秘閣職任各從舊得便宜行事時三十二年正月一日也旋與敵遇相拒淮北敵兵來益衆友直即率所部渡淮既而審金主亮已斃所遇乃歸師悔不襲擊之高宗視師江上見于金陵賜金帶章服錫賚及二子友直恥前功不遂自陳改復州防禦使以忠義軍統制隸鎮江都統司越四月詔偕統制張子蓋援海州方接戰友直張一旗大書宋忠義將河北王九郎以自表潛由小徑背敵陣因其輜重扼歸道橋左右枕水張子蓋知友直已乘敵後麾軍進擊敵潰走盡溺死圍遂解轉宜州觀察使孝宗受禪友直與統制宋寧數出奇轉戰張浚都督江淮一見喜之辟建康前軍統制隆興二年九月金人犯邊宣諭使王之望命以前軍戍昭關友直不踰時即行他軍同戍者敵至輒退保和州友直孤軍堅守金兵駐黃山鼓柝相聞益整暇自持乾道元年移鎮江御前諸軍統制俄改步司左軍統制兼左驍衛上將軍初淮北之戰友直母子相失至是訪得之乃與其妻李攜二女自淮而還錫子加厚又明年除御前諸軍統制祠手詔慰勞四年繇京口入覲進神龍衛四宿都指揮使主管步司公

事遷侍衛親步軍都指揮使朝廷議遣馬步二司移屯重地丞相虞允文欲先發步司友直請以馬司先及馬帥李顯忠屯金陵友直奏馬軍道途轉徙困難已甚有旨免移步司八年轉承宣使旋除殿前副都指揮使淳熙元年授奉國軍節度使四年總殿步司大闕于茅灘鎧仗精明號令閉肅明年進殿前指揮使賜第中都賜田平江燕射咸預晚節宴安軍政稍失律授宜州觀察使尋罷宮觀徙居信州以郊祀恩內徙三奉祠復武寧軍承宣使卒年六十一追復節度使贈檢校少保

李寶河北人嘗陷金拔身從海道來歸金主亮渝盟淮浙姦民倪詢梁簡等教金造舟且爲鄉導金使蘇保衡造舟于潞河明年以保衡爲統軍將緜海道襲浙江謀聞高宗謂宰臣曰李寶頃因召對詢以北事歷歷如數且以一介脫身還朝陛對無一毫沮懣是必能事者迺授浙西路馬步軍副總管駐劄平江令與守臣督海舟捍禦高宗問舟幾何曰堅全可涉風濤者百二十艘兵幾何曰僅三千皆閩浙弓弩手非正兵也旗幟甲仗亦粗備事急矣願亟發賜寶衣帶鞍馬尙方弓刀戈甲及銀絹萬數八月次江陰先遣其子公佐謂曰汝爲潛伺敵動靜虛實毋誤公佐受命即與將官邊士寧偕往寶將啓行軍士爭言西北風力尙勁迎之非利寶下令敢沮大計者斬遂發蘇州大洋行三日風甚惡舟散不可收寶忻慨顧左右曰天以是試李寶邪寶心如鐵石不變矣酌酒自誓風即止明日散舟復集士寧自密州回得敵耗甚悉且言公佐已挾魏勝得海州寶喜曰吾兒不負乃翁矣士氣百倍趣乘飛機進適大風復作海濤如山寶神色不爲動風少殺始縱舟泊抵東海敵已雲合圍海州旌麾數十里寶馳兵登岸以劍畫地令曰此非復吾境力戰與否在汝等因握槊前行遇敵奮擊將士買勇無不一當十敵出不意亟引去騰出城迎寶焚其忠義勉以共立功名勝感泣乃維舟犒士遣辯者四出招納降附聲振山東豪傑如王世修輩各署旗集義勇爭應援多者數萬人寶列名上諸朝檄所部會密之膠西命公佐以郡事昇勝與俱發至膠西石白島敵舟已出海口泊唐島相距僅至山時北風威寶禱于石白神俄有風自樞樓中來如鍾鐸聲衆咸奮引舟握刀待戰敵

操舟者皆中原遺民，遙見寶船，給敵兵入舟中，使不知王師卒至，風駛舟疾，過山薄廣，鼓聲震疊，海波騰躍，敵大驚，掣釘舉帆，皆油燼，彌亘數里，風浪捲聚，一隅窘束，無復行文，寶亟命火箭環射，箭所中煙焰旋起，延燒數百艘，火所不及者，猶欲前拒，寶叱壯士躍登其舟，短兵擊刺，殪之舟中，餘所謂簽軍，盡中原舊民，皆登島垠，脫甲歸命，以故不殺然倉卒舟不獲，燬溺死甚衆，俘大漢軍三千餘人，斬其帥完顏鄭家奴等六人，禽倪詢等，上于朝，獲其統軍符印，與文書器甲糧斛以萬計，餘物衆不能舉者悉焚之，火四晝夜不滅，寶將乘勢席卷，公佐切諫，以爲金主亮方濟淮，聞通泰已陷，得遠失近，且有腹背憂，乃還軍駐東海，視緩急爲表裏，援遣曹洋輕舟報捷，上喜曰：朕獨用李寶，果立功爲天下倡矣，詔獎論，書中勇李寶四字表其旗幟，除靜海軍節度使，沿海制置使，賜金器玉帶，亮聞膠西之敗，大怒，召諸酋，約以三日渡江，於是內變殺亮，向微唐島之捷，則亮之死未可期，錢唐之危可憂也，寶之功亦大矣，寶戰具精利，宰臣陳康伯取其長槍克敵弓弩，俾所司爲式製之，卒贈檢校少保。

成閔，字居仁，邢州人，靖康初，劉幹爲真定帥，募勇士捍金兵，閔在麾下，高宗即位，閔領數百騎至揚州，會上南渡，韓世忠追苗傅，及襲兀朮討范汝爲，閔皆在戎行，又以力戰却敵，積功至武功大夫，忠州刺史，從世忠入見，世忠指閔曰：臣在南京，自謂天下當先，使當時見此人，亦避一頭矣，上嘉其勞，勉旋以取海州，功擢磁州團練使，召見，賜袍帶錦帛，加贈玉束帶，時方與金盟，世忠罷兵入爲樞密使，詔進閔棧州防禦使，殿前遊奕軍統制，歷遷保寧軍承宣使，紹興二十四年，拜慶遠軍節度使，尋丁母憂，詔起復，贈其母鄭國夫人，金主亮將敗盟，詔閔提禁旅三萬鎮武昌，命湖北守漕創營屋三萬間，以待之，發折帛米錢茶引共百四十餘萬緡，義倉和糶米六十三萬石，備軍用，仍賜金器劍甲臨遣之，閔至鄂未幾，進屯應城縣，八月，除湖北京西制置使，節制兩路軍馬，九月，兼京西河北招討使，十一月，詔回援淮西，閔喜於得歸，冒雨兼程趨建康，士卒多道死，朝廷所給餉師物，奄歸已不及士卒，士卒有怨言，閔斬之未幾，除淮東制置使，駐鎮江，既而言者論諸軍皆聚鎮江，恐敵出不意，搆上流，於是詔閔發鄂州，張

成華旺軍回駐鄂，亮死，閔引兵渡江趨揚州，及金人自盱眙渡淮北去，閔列兵南岸，軍士喑聲相聞，金人笑之曰：寄聲成太尉，有勳護送，時虜氣已奪，日虞王師之至，委棄戈甲粟米山積，諸軍多仰以給，惟閔軍多浙人，素不食粟，死者甚衆，閔至泗州，奏已克復淮東，尋入朝，凡侍從，卿監閣門內侍皆有賂遺，左正言劉度劾之，猶超拜太尉，主管殿前司公事，尋復爲御史，論列罷太尉，婺州居住，奪慶遠節，乾道初，聽自便歸湖州，尋詔復節，都統鎮江諸軍，九年，請祠致仕，治園第于平江，淳熙元年卒，年八十一，贈開府儀同三司，子十一人。

趙密，字微叔，太原清河人，政和四年，用材武試崇政殿，授河北隊將，成燕高宗，以大元帥開府，檄統先鋒援京師，建炎元年，從張俊討任城寇李昱，俊輕騎先行，遇伏，密奔射，斃數人，乃脫，擢閣門祇候，俊置靖勝軍，以密統之，平賊董青趙萬徐明等，累功轉武節郎，左軍統領，金兵陷揚州，士民隨乘輿渡江，衆數萬，密露立水濱，麾舟濟之，苗傅之變，破赤心軍于臨平，金人犯明州，俊遣密及楊沂中與殊死戰，敗之，進武功大夫，陞統制，紹興元年，李成馬進擾江淮，俊復遣密大破之，成進皆北遁，賜金帶，轉親衛大夫，康州刺史，總管涇原馬步軍，平張莽蕩，尋詔入衛，十年，金犯亳，宿從俊營合肥，出西路，時水潦暴漲，涉六晝夜始達宿，與敵遇，敗之，明年，敵分兵犯滁濠，密進擊之，且命張守忠以五百騎出全椒縣，伏篁竹間，敵疑宵遁，密乃引兵出六丈河，斷其歸路，又敗之，進中衛協忠大夫，和州團練防禦使，尋拜宣州觀察使，爲龍神衛四廂都指揮使，主管侍衛步軍，海寇朱明暴橫，密授張守忠方略曰：海與陸異，窮之則日月相持，非策之善，要在拊定之耳，守忠用其計，明降，進定江軍承宣使，崇信軍節度使，以年勞轉太尉，拜開府儀同三司，明年，領殿前都指揮使，獻本軍酒方六十六所，積錢十萬緡，銀五萬兩，助軍用，詔獎之，上疏告老，以萬壽觀使奉朝請，隆興二年，進少保致仕，俄報金復犯淮，詔密再爲殿前都指揮使，初，敵聲言航海，朝論選從官視舟師，徹禁旅防守，密不爲動，迄如所料，和議成，罷爲醴泉使，乾道元年九月，致仕卒，年七十一，贈少傅。

劉子羽，字彥修，建之崇安人，資政殿學士幹之長子也，宣和末，幹帥浙東，子羽

以主管機宜文字佐其父破睦賊入主太府太僕簿遷衛尉丞幹守真定子羽
辟從會金人入父子相誓死守金人不能拔而去由是知名除直密閣京城不
守幹死之既免喪除祕閣修撰知池州以書抵宰相論天下兵勢當以秦隴爲
根本改集英殿修撰知秦州未行召赴行在除樞密院檢詳文字建炎三年大
將范瓊擁強兵江西召之弗來來又不肯釋兵知樞密院事張浚與子羽密謀
誅之一日命張浚以千兵渡江若備他盜者使皆甲而來因召浚瓊及劉光世
赴都堂議事爲設飲食食已諸公相顧未發子羽坐廡下恐瓊覺取黃紙趨前
舉以麾瓊曰下有敕將軍可詣大理置對瓊愕不知所爲子羽顧左右擁置輿
中衛以俊兵送獄光世出撫其衆數環在圍城中附金人迫二帝出狩狀且曰
所誅止瓊爾汝等固天子自將之兵也衆皆投刃曰諾有旨分隸御營五軍頃
刻而定瓊伏誅浚以此奇其材浚宣撫川陝辟子羽參議軍事至秦州立幕
府節度五路諸將規以五年而後出師明年除徽猷閣待制金人窺江淮急
念禁衛寡弱計所以分撓其兵勢者遂合五路之兵以進子羽以非本計爭之
浚曰吾寧不知此顧今東南之事方急不得不爲是耳遂北至富平與金人遇
戰不利金人乘勝而前宣撫司退保興州人情大震官屬有建議徙治夔州者
子羽叱之曰孺子可斬也四川全盛敵欲入寇久矣直以川口有鐵山棧道之
險未敢遽窺耳今不堅守縱使深入而吾僻處夔峽遂與關中聲援不相聞進
退失計悔將何及今幸敵方肆掠未逼近郡宣司但當留駐興州外擊關中之
望內安全蜀之心急遣官屬出關呼召諸將收集散亡分布險隘堅壁固壘觀
釁而動庶幾猶或可以補前愆而贖後咎奈何乃爲此言乎浚然子羽言而諸
參佐無敢行者子羽即自請奉命北出復以單騎至秦州召諸將諸士將聞
命大喜悉以其衆來會子羽命吳玠柵和尙原守大散關而分兵悉守諸險塞
金人知有備引去明年金人復聚兵來攻再爲玠所敗浚移治蘭州子羽請獨
留河池調護諸將以通內外聲援浚許之明年玠以秦鳳經略使戍河池王彥
以金均房鎮撫使戍金州二鎮皆饑興元帥臣閉羅二鎮病之玠彥皆願得子
羽守漢中浚乃承制拜子羽利州路經略使兼知興元府子羽至漢中通商輸

粟二鎮遂安除寶文閣直學士是冬金人犯金州三年正月王彥失守退保石
泉子羽亟移兵守饒風嶺馳告玠玠大驚即越境而東日夜馳二百里至饒風
列營拒守金人悉力仰攻死傷山積更募死士由間道自祖溪關入繞出玠後
玠遽邀子羽去子羽不可而留玠同守定軍山玠難之遂西子羽焚興元退守
三泉縣從兵不滿三百與士卒取草牙木甲食之遺玠書訣別玠時在仙人關
其愛將楊政大呼軍門曰節使不可負劉待制不然政輩亦命節使去矣玠乃
間道會子羽子羽留玠共守三泉玠曰關外蜀之門戶不可輕棄復往守仙人
關子羽以潭毒山形斗拔其上寬平有水乃築壁壘十六日而成金人已至距
營十數里子羽據胡床坐于壘口諸將泣告曰此非待制坐處子羽曰子羽今
日死于此敵尋亦引去自金人入梁洋四蜀復大震張浚欲移潼川子羽遺浚
書言已在此金人必不南浚乃止撤離易由斜谷北去子羽謀邀之於武休不
及既回鳳翔遣十人持書旗招子羽子羽盡斬之而留其一縱之還曰爲我詔
賊欲來即來吾有死爾何可招也先是子羽預徙梁洋公私之積至是金人深
入饒不繼又腹背爲子羽玠所攻死傷十五六疫癘且作亟遁去子羽出師掩
擊墮溪澗死者不可勝計餘兵不能自拔者悉降始金人攻蜀所選士卒千取
百百取十戰被重鎧登山攻險每一人前輒二人推其後前者死後者被其甲
以進又死則又代之其爲必取計如此浚雖劾師卒全蜀子羽之力居多子羽
還興元四年坐富平之役與浚俱罷尋爲言者所論責授單州團練副使泉州
安置新除川陝宣撫副使吳玠始爲裨將未知名子羽獨奇之言於浚浚與語
大悅使盡護諸將至是上疏論子羽之功請納節贖其罪詔聽子羽自便明年
復元官提舉江州太平觀張浚還朝議合兵大舉乃請召子羽令諭旨西帥以
集英殿修撰知鄂州未幾權都督府參議軍事與主管機宜文字熊彥詩同撫
諭川陝時吳玠屢言軍前乏糧故令子羽見玠諭指且與都轉運使趙開計事
併察邊備虛實以聞時五年冬也明年秋與彥詩同還朝子羽言金人未可圖
宜益兵屯田以俟機會時張浚以淮西安撫使劉光世驕惰不肅密奏請罷之
而以其兵屬子羽子羽辭乃以徽猷閣待制知泉州七年淮西鄜瓊叛張浚罷

相八年御史常同論子羽十罪上批出白州安置趙鼎曰章疏中論及結吳玠事今方倚玠恐不自安同疏再上以散官安置漳州十一年樞密使張浚薦子羽復元官知鎮江府兼沿江安撫使金人入寇子羽建議清野淮東之人皆徙鎮江撫以恩信雖兵民雜居無敢相侵者既而金人不至浚問子羽子羽曰異時金人入寇飄忽如風雨今久遲回必有他意蓋金人以柘皋之敗欲急和也未幾果遣使議和復徵猷閣待制秦檜風諫官論罷之復提舉太平觀十六年卒子珙自有傳吏部郎朱松以子熹託子羽子羽與弟子輩篤教之異時卒為大儒云

呂祉字安老建州建陽人宣和初上舍釋褐建炎二年為右正言以論事忤執政通判明州紹興元年盜起湖南北為荆湖提刑祉既至招捕有方踰年盜平進直秘閣尋召赴行在淮南宣撫使韓世忠將出師辟祉議軍事除直徽猷閣充參議官辭不行三年陞直龍圖閣知建康府祉到官與通判府事吳若安撫司準備差遣陳充共議作東南防守利便三卷上之大略謂立國於東南者當聯絡淮甸荆蜀之勢今臨安僻在海隅移蹕江上然後可以繫南北離散之心四年冬金人攻淮江左戒嚴獨韓世忠統銳卒在高郡金既陷漣水破山陽盱眙遂犯承州祉上章言宜遣兵為世忠援既而援兵不至世忠退保鎮江祉再上言置江北於度外非命帥宣撫兩淮之意且恐失中原心唯當急遣諸將且乞親御六師庶幾上下協心可以不戰而勝於是降詔親征車駕至平江金人退師五年召為中書門下省檢正諸房文字尋除兵部侍郎兼戶部侍郎給事中六年遷刑部侍郎都督府參議軍事俄遷吏部侍郎劉豫分道入寇時車駕駐平江或請回臨安且令守江防海社獨抗言士氣當振賊鋒可挫不可遽退以示弱劉麟眾十萬已次濠壽劉光世在合肥欲移屯太平州軍已行乃命社馳往軍前督其還七年遷兵部尚書陞督府參議軍事往淮西撫諭諸軍浚以劉光世持不戰之論罷之乃命行營左護軍前統制王德為都統制又以統制官鄭瓊為之副瓊與德素不協社還朝瓊與德交訟于都督府及御史臺乃命德還建康以其軍隸督府八月復命社往廬州節制之社至廬州瓊等復訟德

社論之曰若以君等為是則大相誑然張丞相但喜人向前儻能立功雖有大過亦闕略況此小嫌乎當力為諸公辨之保無他慮瓊等感泣事小定社乃密奏乞罷瓊及統制官靳賽兵權其書吏漏語於瓊瓊令人遮社所遣郵置盡得社所言大怒會朝廷命張俊為淮西宣撫使置司盱眙楊存忠為淮西制置使劉錡為副置司廬州召瓊赴行在瓊懼遂叛諸將晨謁社坐定瓊袖出文書示中軍統制官張瑛曰諸兵官有何罪張統制乃以如許事聞之朝廷邪社見之大驚欲逃走不及為瓊所執瑛及兵馬鈐轄喬仲福統制劉永衡友死之瓊遂率金軍四萬人渡淮降劉豫擁社次三塔距淮三十里社下馬曰劉豫逆臣我豈可見之眾逼社上馬社罵曰死則死於此又語其眾曰劉豫逆臣爾軍中豈無英雄乃隨鄭瓊去乎眾頗感動凡千餘人環立不行瓊恐搖動眾心急策馬先渡社遇害時有得社括髮之帛歸吳中者其妻吳氏持帛自縊以徇葬聞者哀之慶元間詔立廟賜額以旌其忠云

胡世將字承公常州晉陵人宿之曾孫登崇寧五年進士第范汝為寇闖以世將為監察御史福建路撫諭使入境韓世忠已平賊遷尚書右司員外郎又遷起居郎遷中書舍人賜三品服兼修政局坐言者落職奉祠未幾除徽猷閣待制知鎮江府人為禮部侍郎改刑部出知洪州兼江西安撫制置使屬建昌兵變殺守卒嬰城以叛世將以便宜發兵討平之除兵部侍郎復知鎮江未幾召為給事中兼侍講直學士院復遷兵部侍郎尋以樞密直學士出為四川安撫制置使兼知成都府宣撫吳玠以軍無糧奏請踵至世將既被命入境約玠會議蜀之饗運溯嘉陵江千餘里半年始達於是奏用轉般摺運之法軍儲稍充公私便之紹興九年玠卒以世將為寶文閣學士官撫川陝時關陝初復朝廷分軍移屯昭秦鄜延諸道明年夏金人陷同州入長安諸路皆震蜀兵既分擊援幾絕乃遣大將吳玠田晟出鳳翔郭浩出秦天楊政由赤谷歸河池不數日瑋捷于石壁及扶風金人遂巡不敢度隴分屯之軍得全師而還詔除端明殿學士十一年秋朝廷復用兵會母喪命起復遂復隴州破岐下諸屯又取華虢兵威稍振未幾瑒發於首除資政殿學士致仕恩數視簽書樞密院事卒年五

十八命有司給葬事。

鄭剛中字亨仲，荜州金華人。登進士甲科，累官爲監察御史，遷殿中侍御史。剛中由秦檜薦于朝，檜主和議，剛中不敢言。移宗正少卿，請去不許。改祕書少監。金歸侵疆，檜遣剛中爲宣諭司參謀官。及還，除禮部侍郎。復遣剛中爲川陝宣諭使，論諸將罷兵，尋充陝西分畫地界使。金使烏陵贊謨入境，欲盡取階成岷鳳秦商六州，剛中力爭不從。又欲姑取商秦，於大散關立界，剛中又堅不從。繼除川陝宣撫副使，兀朮遣人力求和尙原，剛中恐敗和好，以和尙原自紹興四年後不係吳玠地，分於是割秦商之半，棄和尙原，以與金。朝廷命剛中去陝字，爲四川宣撫副使。剛中治蜀頗有方略，宣撫司舊在綿閬間，及胡世將代吳玠，就居河池，饋餉不繼。剛中奏，利州在潭毒關內，與興洋諸關聲援相接，乞移利州，自是省費百萬。剛中始至，卽欲移屯一軍，大將楊政不從。呼政語之曰：「剛中雖書生，不畏死，聲色俱厲，政卽聽命。」都統每入謁，必庭參，然後就坐。吳玠陞檢校少師來謝，語關吏乞講鈞敵之禮，剛中曰：「少師雖尊，猶都統制耳。」儻變常禮，是廢軍容，行禮如故。奏蠲四川雜征，又請減成都府路對糴及宣撫司激賞錢。時剛中於階成二州營田，抵秦州界，凡三千餘頃，歲收十八萬斛。先是，川口屯兵十萬，分隸三大將：吳玠屯興州，楊政屯興元府，郭浩屯金州，皆建帥節，而統制官知成州王彥，知階州姚仲，知西和州程俊，知鳳州楊從儀，亦領沿邊安撫。剛中請分利州爲東西路，以興元府利闡洋巴劍州大安軍七郡爲東路，治興元，命政爲安撫，以興階成西和文龍鳳七州爲西路，治興州，命璘爲安撫，而命浩爲金房開達州安撫，諸裨將領安撫者皆罷，從之。弛夔路酒禁，復利州錢監爲紹興監，時軍已罷，移屯內郡。剛中言：「逐路各有漕司，都漕宜罷，從之。」秦檜怒，剛中在蜀專擅，令侍御史汪勃奏置四川財賦總領官，以趙不棄爲之。不棄，檜不棄歸，因召剛中，剛中語人曰：「孤危之迹，獨賴上知之耳。」檜聞愈怒，遂罷。賁桂陽軍居住，再責濠州團練副使，復州安置，再徙封州卒。

之立功膠西，成閔趙密皆足以斬將奪旗，劉子羽轉戰屢勝，呂祉不從，劉豫胡世將鄭剛中威震巴蜀，皆中道以歿，是以知宋不克與復也。

宋史卷三百七十

元中書右丞相總裁脫脫等修

列傳第一百三十

白時中 徐處仁 馮澥 王倫

宇文虛中 湯思退

白時中字蒙亨壽春人登進士第累官為吏部侍郎坐事降秩知鄆州已而復召用政和六年拜尚書右丞中書門下侍郎宣和六年除特進太宰兼門下封崇國公進慶國始時中嘗為春官詔令編類天下所奏祥瑞其有非文字所能盡者圖繪以進時中進政和瑞應記及贊及為太宰表賀翔鶴霞光等事圖丘禮成上言休氣充應前未有乞宣付秘書省時燕山日告危急而時中恬不為慮金人入攻京城脩守備時中謂宇文粹中曰萬事須是涉歷非公嘗目擊守城之事吾輩豈知首尾邪欽宗即位召大臣決策守京師問誰可將者李綱言朝廷高爵厚祿蓄養大臣蓋將用之有事之日時中輩雖書生然撫將士以抗敵鋒乃其職也時中勃然曰李綱莫能將兵出戰乎綱曰陛下儻使臣當以死報於是綱為右丞充守禦使時中尋罷為觀文殿學士中太一宮使御史劾時中孱懦不才詔落職未幾卒

徐處仁字擇之應天府穀熟縣人中進士甲科為永州東安縣令蠻人叛處仁入峒開示恩信蠻感泣誓不復反知濟州金鄉縣以薦者召見徽宗問京東歲事處仁以旱蝗對問邑有盜賊乎曰有之上謂處仁不欺除宗正寺丞太常博士時初置算學議所租或以孔子贊易知數處仁言仲尼道之無所不備非專門比黃帝迎日推策數之始也租黃帝為宜擢監察御史遷殿中右正言給事中權開封府裁決如流囚繫常空進戶部尚書繼拜中大夫尚書右丞丁母憂免喪以資政殿學士知青州徙知永興軍童貫使陝西欲平物價處仁議不合曰此令一傳則商賈弗行而積藏者弗出名為平價適以增之轉運使阿貫意劾其格德音倡異論侵辱使者詔處仁赴闕尋改知河陽落職知蘄州久之以顯謨閣直學士知穎昌府民有得罪官掖者雖赦不原處仁為奏上童貫乘是

宋史卷三百七十一 列傳

擄之奪職提舉瀋慶宮復延康殿學士知汝州再奉瀋慶祠知徐州召為醴泉觀使徽宗訪以天下事處仁對曰天下大勢在兵與民今水旱之餘賦役繁重公私凋弊兵民皆困不及今謀之後將有不勝圖者上曰非卿不聞此言明日除侍讀進讀罷理前語處仁言昔周以冢宰制國用於歲之杪宜會朝廷一歲財用之數量入為出節泮費罷橫斂百姓既足庫儲必豐上稱善詔置裕民局討論振兵裕民之法蔡京不悅言者謂今設局曰裕民豈平日為不裕民哉乃罷局出處仁知揚州未幾以疾奉祠歸南都方臘為亂處仁亟見留守薛昂為畫守戰之策因語昂曰睢陽蔽遮江淮乃國家受命之地脫有非常吾助君死守語聞于朝起為應天尹河北盜起徙大名尹前尹王革慘而怯盜無輕重悉抵死小有警輒閉城以兵自衛處仁至即大開城門徹牙內甲兵人情遂安徽宗賜手詔曰金人雖約和然狼子野心易扇以變有當行事以聞處仁上備邊除前二府得除自處仁始欽宗即位金人犯京師處仁儲糧列備合銳兵萬人勦王奏乞下詔親征以張國威奏至朝廷適下親征詔書以李綱為行營使即移書綱言備禦方略金人請和而歸處仁奏宜伏兵濬滑擊其半濟必可成功召為中書侍郎入見欽宗問割三鎮處仁言國不競亦陵且定武陛下之潛藩不當棄與吳敏議合敏薦處仁可相拜太宰兼門下侍郎童貫部勝捷軍衛徽宗東巡貫既貶軍士有惡言徽宗將還都人洵懼或請為備處仁曰陛下仁孝思奉晨昏屬車西遷天下大慶宜郊迎稱賀軍士妄言臣請身任之乃以處仁為扈駕禮儀使統禁旅放出郊迎二聖還宮部伍肅然初處仁為右丞言六曹長貳皆異時執政之選而部中事一無所可否悉稟命朝廷夫人才力不容頗異豈有前不能決一職而後可共政者乎乞詔自今尚書侍郎不得輒以事諉上有條以條決之有例以例決之無條例者酌情裁決不能決乃申尚書省會處仁以憂去不果行及當國卒奏行之壽山為戶部尚書兼開封尹庫有美珠山密語寧德宮宦者用特旨取之處仁奏陛下鑒近患事必由三省今以珠為道君太上皇后壽誠細故且美事然此端一開則前日應奉之徒復縱臣為陛

下惜之乃抵主藏吏罪處仁言論初與吳敏李綱合尋亦有異議嘗與敏言事擲筆中敏面鼻額為黑唐恪耿南仲聶山欲排去二人而代之位諷言者論之與敏俱罷處仁以觀文殿大學士為中太一官使尋知東平府提舉崇福宮高宗即位起為大名尹北道都總管卒于郡處仁在宣和間數請寬民力以弭盜賊尹大名以剛廉稱及為首相無大建明方進言以金人出境社稷再安皆由聖德儉勤致有天人助神師道請合諸道兵屯河陽諸州為防秋計處仁謂金人豈能復來不宜先自擾以示弱南都受圍時處仁在圍城中都人指為姦細殺其長子庚幼子度吏部侍郎

馮澥字長源普州安岳人父山熙寧末為秘書丞通判梓州鄧綰薦為臺官不就退居二十年范祖禹薦於朝官終祠部郎中澥登進士第歷官入朝以言事再謫靖康元年澥為左諫議大夫金人圍太原朝廷命李綱宣撫兩河澥奏罷之金人要割三鎮高宗自康邸出使除澥知樞密院事充副使不果行尋除尚書左丞金人犯關詔宗至郡王為報謝使澥與曹輔以樞密為副留金營三日歸詔暫權門下侍郎欽宗詣金營澥扈從張邦昌僭位與澥有舊取之歸以澥康邸舊臣命為奉迎使為總領迎駕儀物使建炎初除資政殿學士知潼州府言者論澥書汙偽命奪職已而復官紹興三年以資政殿學士致仕卒澥為文師蘇軾論西事與蔡京忤郡人張庭堅以言事斥象州死妻子流離澥力振其家及入諫省奏官其一子然議論主熙豐紹聖而排鄒浩李綱楊時君子少之王倫字正道莘縣人文正公旦第勳玄孫也家貧無行為任俠往來京洛間數犯法幸免汴京失守欽宗御宣德門都人喧呼不已倫乘勢徑造御前曰臣能彈壓之欽宗解所佩夏國寶劍以賜倫曰臣未有官豈能彈壓遂自薦其才欽宗取片紙書曰王倫可除兵部侍郎倫下樓挾惡少數人傳旨撫定都人乃息宰相何臬以倫小人無功除命太峻奏補修職郎斥不用建炎元年選能專對者使金問兩宮起居遷朝奉郎假刑部侍郎充大金通問使閤門舍人朱弁副之見金左副元帥宗維議事金留不遣有商人陳忠密告倫二帝在黃龍府倫遂與弁及洪皓以金遺忠往黃龍府潛通意由是兩宮始知高宗已即位矣久

之粘罕使烏陵思謀即釋見倫語及契丹時事倫曰海上之盟兩國約為兄弟萬世無變雲中之役我實饋師贊成厥功上國之臣嘗欲稱兵南來先大聖惠顧盟好不許厥後舉兵以禍吾國果先大聖意乎況亘古自分南北主上恭勤英俊並用期必復古盡思久遠之謀歸我二帝太母復我土疆使南北赤子無致塗炭亦足以慰先大聖之靈幸執事者贊之思謀沉思曰君言是也歸當盡達之已而粘罕至曰比上國遣使來問其意指多不能對思謀傳侍郎語欲議和決非江南情實特侍郎自為此言耳倫曰使事有指不然來何為哉人定者勝天天定亦能勝人惟元帥察之粘罕不答是後宇文虛中魏行可洪皓崔縱張邵相繼入使皆拘之紹興二年粘罕忽自至館中與倫議和縱之歸報是秋倫至臨安入對言金人情偽甚悉帝優獎之除右文殿脩撰主管萬壽觀官其二第一姪時方用兵討劉豫和議中格三年韓肖胄使金還金遣李永壽王詡繼至二人驕倨以倫充伴使倫與道雲中舊故驕倨少損遂拜詔訖事倫復請

祠劉光世求倫參議軍事辭宰相趙鼎請召倫赴都堂稟議倫陳進取之策不合復請祠七年春徽宗及寧德后計至復以倫為徽猷閣待制假直學士充迎奉梓宮使以朝請即高公繪副之入辭帝使倫謂金左副元帥昌曰河南地上國既不有與其付劉豫曷若見歸倫奉詔以行因附進太后欽宗黃金各二百兩仍以金帛賜宇文虛中朱弁孫傅張叔夜家屬之在金國者倫至睢陽劉豫館之疑有他謀移文取國書倫報曰國書須見金主面納若所銜命則祈請梓宮也豫脅取不已會迓者至渡河見捷懶於涿州具言豫邀索國書無狀且謂豫忍背本朝他日安保其不背大國是年冬豫廢倫及高公繪還左副元帥昌送倫等曰好報江南自今道塗無壅和議可以平達倫入對言金人許還梓宮及太后又許歸河南地且言廢豫之謀由已發之帝大喜賜予特異初倫既見昌昌遣使偕倫入燕見金主置首謝廢豫次致使指金主始密與羣臣定議許和遂遣倫還且命太原少尹烏陵思謀太常少卿石慶來議事至行在倫往來館中計事八年秋以端明殿學士再使金國知閤門事藍公佐為之副中問諱日期還梓宮倫辭引至都堂授使指二十餘事既至金國金主置為設宴三日

遣簽書宣徽院事蕭哲左司郎中張通古爲江南詔諭使偕倫來朝論以金使肆慢抗論甚喧多歸罪倫十一月倫至行在引疾請祠不許趣赴內殿奏事時哲等驕倨受書之禮未定御史中丞句龍如淵詣都堂與秦檜議召倫責曰公爲使通兩國好凡事當於彼中反覆論定安有同使至而後議者倫泣曰倫涉萬死一生往來虎口者數四今日中丞乃責倫如此檜等共解之曰中丞無他亦欲激公了此事耳倫曰此則不敢不勉倫見通古以一二策動之通古恐遂議以檜見金使于其館受書以歸金許歸梓宮太后及河南地九年春賜倫同進士出身端明殿學士簽書樞密院事充迎梓宮奉還兩宮交割地界使既又以倫爲東京留守兼開封尹倫至東京見金右副元帥兀朮交割地界兀朮還燕五月倫自汴京赴金國議事初兀朮密言於金主曰河南地本撻懶宗磐主謀割之與宋二人必陰結彼國今使已至汴勿令踰境倫有雲中故吏隸兀朮者潛告倫倫即遣介具言于朝乞爲備兀朮遂命中山府拘倫殺宗磐及撻懶十月倫始見金主于御子林致使指金主悉無所答令其翰林待制耶律紹文爲宣勸官問倫知撻懶罪否倫對不知又問無一言及歲幣反來割地汝但知有元帥豈知有上國邪倫曰比蕭哲以國書來許歸梓宮太后及河南地天下皆知上國尋海上之盟與民休息使人奉命通好兩國耳既就館金主復遣紹文諭倫曰卿留雲中已無還期及貸之還曾無以報反問貳我君臣耶乃遣藍公佐先歸論歲貢正朔蕃表冊命等事拘倫以俟報已而遷之河間遂不復遣十年金渝盟兀朮等復取河南居河間六載至十四年金欲以倫爲平灤三路都轉運使倫曰奉命而來非降也金益脅以威遣使來趣倫拒益力金杖其使俛殺殺之倫厚賂使少緩遂冠帶南鄉再拜慟哭曰先臣文正公以直道輔桎兩朝天下所知臣今將命被留欲汗以僞職臣敢愛一死以辱命遂就死年六十一於是河間地震兩雹三日不止人皆哀之詔贈通議大夫賜其家金千兩帛千匹子述與從兄遵聞入金境至河間得倫骨以歸官給葬事後謚忠節

宇文虛中字叔通成都華陽人登大觀三年進士第歷官州縣入爲起居舍人

國史編修官同知貢舉遷中書舍人宣和間承平日久兵將驕惰蔡攸童貫貪功開邊將與燕雲之役引女直夾攻契丹以虛中爲參議官虛中以廟謨失策主帥非人將有納侮自焚之禍上書言用兵之法必先計強弱策實知彼知己當圖萬全今邊圉無應敵之具府庫無數月之儲安危存亡係茲一舉豈可輕議且中國與契丹講和今踰百年自遭女真侵削以來擄塞本朝一切恭順今捨恭順之契丹不羈縻封殖爲我蕃籬而遠踰海外引強悍之女真以爲鄰城女真藉百勝之勢虛喝驕矜不可以禮義服不可以言說誘持下莊兩鬪之計引兵踰境以百年怠惰之兵當新銳難抗之敵以寡謀安逸之將角逐於血肉之林臣恐中國之禍未有寧息之期也王黼大怒降集英殿脩撰督戰益急虛中建十一策上二十議皆不報幹離卜粘罕分道入侵童貫聞之憂懣不知所爲即與虛中及范訥等謀以赴闕議爲通歸之計以九月至汴京是日報粘罕迫太原帝顧虛中曰王黼不用卿言今金人兩路並進事勢若此奈何虛中奏今日宜先降詔罪己更革弊端俾人心悅天意回則備禦之事將帥可以任之即命虛中草詔略曰言路壅蔽面諛日聞恩倖持權貪饕得志上天震怒而朕不悟百姓怨對而朕不知又言出宮人罷應奉等事帝覽詔曰今日不吝改過可便施行虛中再拜泣下時守禦難其人欲召熙河帥姚古與秦鳳帥种師道令以本路兵會鄭洛外援河陽內衛京城帝顧謂虛中曰卿與姚古師道如兄弟宜以一使名護其軍遂以虛中爲資政殿大學士軍前宣諭使虛中檄趣姚古師道兵馬令直赴汴京應援金騎至城下放兵掠至鄭州爲馬忠所敗遂收斂爲一西路稍通師道姚古及其他西兵並得達汴京虛中亦馳歸收合散卒得東南兵二萬餘人以便宜起致仕官李遵令統領於汴河上從門外駐兵會姚平仲劫金營失利西兵俱潰金人復引兵逼城下虛中縋而入欽宗欲遣人奉使辨劫營非朝廷意乃姚平仲擅與兵大臣皆不肯行虛中承命即往都亭驛見金使王芮因持書復議和渡濠橋道逢甲騎如水雲梯鵝洞蔽地冒鋒刃而進既至敵營露坐風埃自己至申金人注矢露刃周匝圍繞久乃得見康王于軍中次日侍王至金幕見二太子者語不遜禮節倨傲抵暮遣人隨虛

中入城要越王李邦彥吳敏李綱曹晟及金銀驛馬之類。又欲御筆書定三鎮界至。方退軍。令虛中再往。必請康王歸。虛中再出。明年。從康王還。除簽書樞密院事。自是又三往。金人固要三鎮。虛中泣下不言。金帥變色。虛中曰。太宗殿在太原。上皇祖陵在保州。詎忍割棄。諸酋曰。樞密不稍空。我亦不稍空。如中國人稱脫空。遂解兵北去。言者劾以議和之罪。罷知青州。尋落職奉祠。建炎元年。竄韶州。二年。詔求使絕域者。虛中應詔。復資政殿大學士。為祈請使。楊可輔副之。尋又以劉誨為通問使。王貺為副。明年春。金人並遣歸。虛中曰。奉命北來。祈請二帝。二帝未還。虛中不可歸。於是獨留。虛中有才藝。金人加以官爵。即受之。與韓昉輩俱掌詞命。明年。洪皓至上京。見而甚鄙之。累官翰林學士。知制誥。兼太常卿。封河內郡開國公。書金太相睿德神功碑。進階金紫光祿大夫。金人號為國師。然因是而知東北之士皆憤恨。陷北。遂密以信義結約。金人不覺也。金人每欲南侵。虛中以費財勞人遠征。江南荒僻。得之不足以富國。王倫歸言。虛中奉使日久。守節不屈。遂詔福州存卹其家。仍命其子師瑗添差本路轉運判官。檜慮虛中沮和議。悉遣其家往金國。以牽制之。金皇統四年。轉承旨。加特進。還禮部尚書。承旨如故。虛中特才輕肆。好譏訕。凡見女真人。輒以曠齒目之。貴人達官。往往積不平。虛中嘗撰宮殿榜署。本皆嘉美之名。惡之者。擯其字。以為謗訕。由是媒孽成其罪。遂告虛中謀反。鞠治無狀。乃羅織虛中家圖書為反具。虛中曰。死自吾分。至於圖籍。南來士大夫家家有之。高士談圖書尤多於我家。豈亦反邪。有司承順風旨。并殺士談。虛中與老幼百口同日就焚死。天為之晝晦。淳熙間。贈開府儀同三司。謚肅愍。賜廟仁勇。且為置後。是為紹節。官至簽書樞密院事。開禧初。加贈少保。賜姓趙氏。有文集行于世。

湯思退字進之。處州人。紹興十五年。以右從政郎授進州政和縣令。試博學宏詞科。除秘書省正字。自是登即曹。貳中祕。秉史筆。二十五年。絲禮部侍郎。除端明殿學士。簽書樞密院事。未幾。參大政。先是。秦檜當國。惡直醜正。必不異和議。不聽已過。始久於用。時思退名位日進。檜病篤。招參知政事。董德元及思退至。臥內。屬以後事。各贈黃金千兩。德元慮其以我為自外。不敢辭。思退慮其以我

期其死。不敢受。高宗聞之。以思退不受金。非檜黨。信用之。二十六年。除知樞密院事。明年。拜尚書右僕射。又二年。進左僕射。明年。侍御史陳俊卿論其挾巧詐之心。濟傾邪之術。觀其所為。多效秦檜。蓋思退致身。皆檜父子恩也。遂罷。以觀文殿大學士奉祠。隆興元年。符離師潰。召思退復相。諫議大夫王大寶上章論之。不報。金帥紇石烈志寧遺書三省樞密院。索海泗唐鄧四郡。思退欲與和。遣淮西安撫司幹辦公事盧仲賢。加樞密院計議編修官。持報書以往。既行。上戒勿許。四郡。仲賢至宿州。僕散忠義懼之。以威。仲賢皇恐。言歸當稟命。遂以忠義為三省樞密院書來。上猶欲止。割海泗。思退遠奏。以吏部侍郎王之望為通問使。知閣門事。龍大淵副之。將割棄四州。張浚在揚州聞之。遣其子楸入奏。仲賢學國無狀。上怒。會侍御周操論仲賢不應擅許四郡。下大理究問。召浚赴行在。十二月。拜思退左僕射。浚右僕射。二年。浚以金未可與。和請上幸建康。圖進兵。上手批王之望等并一行禮物並回。詔荆襄川陝嚴邊備。寬仲賢郴州。思退恐。奏請以宗社大計。奏稟上皇而後從事。上批示三省曰。金無禮如此。卿猶欲言和。今日敵勢。非秦檜時比。卿議論秦檜不若。思退大駭。陰謀去。浚遂令之望大淵驛疏。兵少糧乏。糧檣器械未備。人言委四萬眾以守泗州。非計。上頗惑之。乃命浚行邊。還兵罷招納。浚力乞罷政。許之。上命思退作書許金四郡。既而金專事殺戮。上意中悔。思退復密令孫道論敵以重兵脅和。上聞有敵兵。命建康都統王彥等禦之。仍命思退督江淮軍。辭不行。僕散忠義自清河口渡淮。言者極論思退急和徹備之罪。遂罷相。尋責居永州。於是太學生張觀等七十二人上書。論思退王之望尹穡等姦邪誤國。招致敵人。請斬之。思退憂悸死。思退始終與張浚不合。浚以雪恥復讐為志。思退每借保境息民為口實。更勝送貨。思退之計。迄行。然終以不免。敵既得海泗唐鄧。又索商秦。皆思退力也。

論曰。以白時中之屏伎。徐處仁之姦細。馮澥之邪枉。湯思退之巧詐。而排楊時。誤李綱。異張浚。其識趣可見矣。雖有小善。何足算哉。王倫雖以無行。應使往來。虎口。屢被拘留。及金人脅之以官。竟不受。見迫而死。悲夫。較之虛中。即受其命。為之定官制。草赦文。享富貴者。大有間矣。卒以輕肆譏諷。覆其家族。真不知義。

命者哉。雖云冤死，亦自取焉。律以豫讓之言，益可愧哉。

宋史卷三百七十一

元中書右丞相總裁脫脫等修
列傳第一百三十一

朱倬 王綸 尹穡 王之望

徐俯 沈與求 翟汝文 王庶

辛炳

朱倬字漢章唐宰相敬則之後七世祖避地閩中為閩縣人世學易入太學宣和五年登進士第調常州宜興簿金將犯邊居民求避地倬為具舟給食眾賴以濟未幾民告潞于郡郡檄倬考實乃除田租什九守怒不能奪張浚薦倬召對除福建廣東西財用所屬官宜諭使明棄再薦于朝時方以劉豫為憂倬因賜對策其必敗高宗大喜詔改合入官與丞相秦檜忤出教授越州用張守薦除諸王府教授檜惡言兵倬論掩骼事又忤之梁汝嘉制置浙東表攝參謀有羣寇就擒屬倬鞠問獨竄二人餘釋不問曰吾大父尉崇安日獲寇二百坐死者七十餘人大父謂此鐵民餓食爾烏可盡繩以法悉除其罪不以微賞吾其可愧大父乎通判南劍建寇阿魏眾數千劍鄰於建兵懷不可用倬重賞募卒擒獲境內迄平除知惠州陞辭因言嘗策劉豫必敗高宗記其言問卿久淹何所倬曰厄於檜上愀然慰諭目送之旬日聞除國子監丞尋除浙西提舉且命自今在內除提舉官令朝辭上殿蓋為倬設也既對上曰卿以朕親擢出為部使者使咸知內外任均又曰人不知卿朕獨知卿除右正言累遷中丞嘗言人主任以耳目非報怨任氣之地必上合天心每上疏輒與風露告若上帝鑒臨奏疏凡數十如發倉廩蠲米價減私鹽數軍食率焚稿不傳知貢舉遷參知政事紹興三十一年拜尚書右僕射金兵犯江倬陳戰備應三策且謂兵應者勝上深然之又策敵三事上焉者為耕築計中焉者守備下則妄意絕江金必出下策果如所料史浩虞允文王淮陳俊卿劉玘之進用皆倬所薦也高宗自建康回鑾有內禪意倬密奏曰靖康之事正以傳位太遠盍姑徐之心不自安屢求去詔以觀文殿大學士提舉江州太平興國宮孝宗即位諫臣以為言降資

政殿學士明年致仕卒復元職恤典如宰相贈特進孫著淳熙十四年登第任至吏部尚書

王綸字德言建康人幼穎悟十歲能屬文登紹興五年進士第授平江府崑山縣主簿歷鎮江府婺州臨安府教授權國子正時初建太學亡舊規憑史省記吏緣為姦綸釐正之其弊稍革遷勅令所刪定官諸王宮大小學教授兼權兵部郎官言孔門弟子與後世諸儒有功斯文者皆得從祀先聖今闕庠序修禮樂宜以其式頒諸郡縣二十四年以御史中丞魏師遜薦為監察御史與秦檜論事忤其意師遜遂劾綸且言智識淺昧不能知綸由此罷去踰年知興國軍檜死召為起居舍人兼崇政殿說書尋兼權禮部侍郎二十六年試中書舍人高宗躬親政事收攬威柄召諸賢於散地詔命填委多綸所草綸奏守臣裕民事乞毋拘五條從之兼侍講上喜讀春秋左氏傳綸進講與上意合嘗同講讀官薦興化軍鄭樵學行召對命官且給筆札錄其所著史兼直學士院選工部侍郎仍兼直院撰吳玠神道碑稱上旨賜宸翰褒寵二十八年除同知樞密院事金將渝盟邊報沓至宰相沈該未敢以聞綸率參知政事陳康伯同知樞密院事陳誠之共白其事乞備禦已而綸病肺賜告請祠上遣御醫診視且賜白金五百兩二十九年六月朝論欲遣大臣為泛使規敵且堅盟好綸請行乃以為稱謝使曹勛副之至金館禮甚隆一日急召使入金主御便殿惟一執政在焉連發數問綸條對金主不能屈九月還朝入見言隆國恭順和好皆陛下威德所致宰臣湯思退等皆實然當時金已謀犯江特以善意給綸爾綸舊疾作力丐外除資政殿大學士知福州上解所御犀帶賜之明年知建康府兼行宮留守敵犯江綸每以守禦利害驛聞上多從之三十一年八月卒贈左光祿大夫諡章敏無子以兄綽之子為後

尹穡字少稷建炎中與自北歸南紹興三十二年與陸游同為樞密院編修官權知院史浩同知王祖舜薦其博學有文召對稱旨二人並賜進士出身孝宗獎用西北之士隆興元年除樞密院監察御史尋除右正言二年五月除殿中侍御史歷遷諫議大夫未幾而罷初符離師潰湯思退復相金帥移書索地詔侍從

臺諫集議。稽時為監察御史。以為國家事力未備。宜與敵和。惟增歲幣。勿棄四州。勿請陵寢。則和議可成。既而盧仲賢出使。為金所脅。又將遣王之望。張浚極言其不可。稽為右正言。懼和議弗就。因劾浚跋扈。未幾。罷政。後將割四郡。再易國書。歲幣如所索之數。而敵分兵入寇。上意中悔。稽為侍御史。乞置獄取不肯撤備及棄地者。劾其罪。牽引凡二十餘人。時方以和為急。擢稽為諫議大夫。敵勢浸張。遠近震動。都督同都督相繼辭行。上書者攻和議之失。且言稽專附大臣。為鷹犬。如張浚忠誠為國。天下共知。稽不顧公議。妄肆詆誹。凡大臣不悅者。皆逐之。相與表裏。以成姦謀。皆可斬。上雖怒言者。而一時主議之臣。與稽皆相繼廢黜。先是胡銓力言主和非。大臣不悅。命銓與稽分往浙東西措置海道。二人挈家以行。為言者所劾。遂皆罷。語在陳康伯傳。

王之望。字瞻叔。襄陽穀城人。後寓居台州。父綱。登元符進士第。至通判徽州。而卒。之望初以蔭補。紹興八年。登進士第。教授處州。入為太學錄。遷博士。久之。出知荆門軍。提舉湖南茶鹽。改潼川府路轉運判官。尋改成都府路計度轉運副使。提舉四川茶馬。朝臣薦其才。召赴行在。除太府少卿。總領四川財賦。金人渝盟。軍書旁午。調度百出。之望區畫無遺事。第括民質劑。未稅者。搜抉隱匿。得錢為緡四百六十八萬。眾咸怨之。後陞太府卿。孝宗即位。除戶部侍郎。充川陝宣諭使。先是。敵帥合喜寇鳳州。之望牛堡。吳璘擊走之。遂取秦州。連復商陝。原環等十七郡。敵以璘精兵。皆在德順。力攻之時。陳泰伯秉政。方議罷德順戍。虞允文為宣諭使。力爭不從。上以手札命璘退師。之望既代。允文宣諭使。贊璘命諸將棄德順。倉卒引退。敵乘其後。正兵三萬。還者僅七千人。將領所存無幾。運營慟哭。聲震原野。上聞而悔之。隆興初。右諫議大夫王大寶疏。之望罪。除集英殿修撰。提舉江州太平興國宮。未幾。權戶部侍郎。江淮都督府參贊軍事。之望雅不欲戰。請朝。因奏人主論兵。與臣下不同。惟奉承天意而已。竊觀天意。南北之形已成。未易相兼。我之不可絕淮而北。猶敵之不可越江而南也。移攻戰之力。以自守。自守既固。然後隨機制變。擇利而應之。有旨留中。俄兼直學士院。湯思退力主息兵。奏除之。望吏部侍郎。通問使。尋議先遣小使覘敵。召之望還。之望

首以守備不足。特為告。上亟罷都督府。以之望為淮西宣諭使。甫拜命。又擢右諫議大夫。之望因上章極言。廷臣執偏見。為身謀。乞明詔在庭。平其心於議論之際。時思退主和議。浚主恢復。之望言似善。實陰為思退地也。既而視師江上。金復犯邊。遂上和戰二策。且言措置守禦之備。疏奏未達。拜參知政事。既入。俄兼同知樞密院事。敵兵交至。濠楚守將或棄城遁。上命湯思退督江淮師。未行。復令之望督視。改同都督。力辭不行。會太學諸生上書。上怒。欲加罪。之望救解之。遂以參知政事勞師。江淮之望先嘗貽書敵帥。至是。王抃使敵軍。并割商秦地。許歸被俘人。惟叛亡不預。世為叔姪之國。敵皆聽許。講解而罷。上聞敵即退。令督府擇利擊之。之望下令。諸將不得妄進。朝廷趣行之。望言。王抃既還。不可冒小利害大計。言者論罷。為端明殿學士。提舉江州太平興國宮。居天台。乾道元年。起知福州。福建路安撫使。捕海賊王大老。捷聞。加資政殿大學士。移知温州。尋復罷。六年冬卒。之望有文藝幹略。當秦檜時。落落不合。或謂其有守。紹興末年。力附和議。與思退相表裏。專以割地啖敵。為得計。地割而敵勢益張。之望迄以此廢焉。

徐俯。字師川。洪州分寧人。以父禧死國事。授通直郎。累官至司門郎。靖康中。張邦昌僭位。俯遂致仕。時工部侍郎何昌言與其弟昌辰避邦昌。皆改名。俯買婢名昌奴。遇客至。即呼前驅使之。建炎初。落致仕奉祠。內侍鄭謙識。附於江西。重其詩。薦于高宗。胡直孺在經筵。汪藻在翰苑。皆薦之。遂以俯為右諫議大夫。中書舍人。程俱言。俯以前任省郎。遽除諫議。自元豐更制以來。未之有。考之古今。非陽城种放。則未嘗不循序而進。願姑以所應者命之。昔元稹在長慶間。權知制誥。真不忝矣。緣其為荆南判司。命從中出。召為省郎。便知制誥。遂喧朝論。時謂荆南監軍崔潭峻實引之。近亦傳俯與宦寺倡酬。稱其警策。恐或者不知陛下得俯之由。不報。俱遂罷。紹興二年。賜進士出身。兼侍讀。三年。遷翰林學士。俄擢端明殿學士。發書樞密院事。四年。兼權參知政事。宰相朱勝非言。襄陽上流所當先取。帝曰。盍就委岳飛。參政趙鼎曰。知上流利害。無如飛者。俯獨持不可。帝不聽。會劉光世乞入奏。鼎言。方議出師。大將不宜離軍。俯欲許之。鼎固爭。俯

乃求去提舉洞霄宮九年知信州中丞王次翁論其不理郡事予祠明年卒俯才俊與會幾呂本中游有詩集六卷

沈與求字必先湖州德清人登政和五年進士第累遷至明州通判以御史張守薦召對除監察御史上疏論執政遷兵部員外郎自劾以爲言苟不當不應得遷上乃行其言除殿中侍御史上在會稽或勸幸饒信有急則入闕與求以爲今日根本正在江浙宜進都建康以圖恢復論范宗尹年少爲相恐誤國事上不悅以直龍圖閣知台州宗尹罷召還再除侍御史時軍儲窘乏措置諸鎮屯田與求取古今屯田利害爲集議二卷上之詔付戶部看詳江西安撫知江州朱勝非未至而馬進寇江州陷之與求論九江之陷由勝非赴鎮太緩勝非罷去時方多事百司稽違與求援元豐舊制請許臺諫官彈奏上從之與求再居言路或疑凡范宗尹所引用者將悉論出之與求曰近世朋黨成風人才不問賢否皆視宰相出處爲進退今當別人才邪正而言之豈可謂一時所用皆不賢哉人服其言呂頤浩再相御營統制辛永宗樞密富直柔右司諫韓璜屢言其短與求劾直柔附會永宗兄弟爲致身之資上遂出永宗而璜直柔亦相繼罷黜遷御史中丞時禁衛衰弱諸將各擁重兵與求言漢有南北軍唐用府兵彼此相維使無偏重之勢今兵權不在朝廷雖有樞密院及三省兵房尙書兵部但行文字而已願詔大臣益脩兵政助成中興之勢浙西安撫劉光世來朝以繒帛方物爲獻上已分乞六宮與求奏今爲何時而有此時已暮疏入上命追取斥還內侍馮益請別置御馬院自領其事又擅穿皇城便門與求劾益專恣請治其罪謀報劉豫在淮陽造舟議者多欲於明州向頭設備與求言使賊舟至此則入吾腹心之地臣聞海舟自京東入浙必由泰州石港通州料角崇明鎮等處次至平江南北洋次至秀州金山次至向頭又聞料角水勢渚險必得沙上水手方能轉運宜於石港料角等處拘收水手優給錢糧而存養之以備緩急兩浙轉運副使徐康國自温州進發宣和間所製金銷金屏障什物與求奏曰陛下儉俸大禹今康國欲以微物累感德乞斥而焚之仍顯黜康國從之與求歷御史三院知無不言前後幾四百奏其言切直自敵己已下有

不能堪者上時有所訓勅每曰汝不識沈中丞邪移吏部尙書兼權翰林學士兼侍讀遂出爲荆湖南路安撫使知潭州引疾丐祠許之四年出知鎮江府兼兩浙西路安撫使復以吏部尙書召除參知政事金人將入寇上諭輔臣曰朕當親總六軍與求贊之曰今日親征皆由聖斷上意決親征書車攻詩以賜之曰朕以二聖在遠屈己通和今豫逆亂如此安可復忍與求曰和親乃金人屢試之策不足信也因奏諸將分屯江岸而敵人往來淮甸當遣岳飛自上流取間道乘虛擊之彼必有反顧之憂上曰當如此措置五年兼權知樞密院事時張浚視師江上以行府爲名言知秦州邵彪及其營田利害事乞送尙書省有旨從之與求不能平曰三省樞密院乃奉行行府文書邪六年張浚復欲出視師不告之同列及得旨乃退而歎曰此大事也吾不與聞何以居位遂丐祠罷出知明州七年上在平江召見除同知樞密院事從至建康還知樞密院事薨贈左銀青光祿大夫諡忠敏

翟汝文字公異潤州丹陽人登進士第以親老不調者十年權議禮局編修官召對徽宗嘉之除祕書郎三館士建議東封汝文曰治道貴清淨今不啓上述三代禮樂而師秦漢之侈心非所願也責監宿州稅久之召除著作郎遷起居郎皇太子就傅命汝文勸講除中書舍人言者謂汝文從蘇軾黃庭堅游不可當贊書之任出知襄州移知濟州復知唐州以謝章自辨罷未幾起知陳州召拜中書舍人外制典雅一時稱之命同修哲宗國史遷給事中高麗使入貢詔班侍從之上汝文言春秋之法王人雖微序諸侯上不可卑近列而尊陪臣上遂命如舊制內侍梁師成強市百姓墓田廣其園圍汝文言於上師成諷宰相黜汝文出守宣州召爲吏部侍郎出知廬州徙密州密負海產鹽蔡京屢變鹽法盜販者衆有司窮治黨與汝文曰祖宗法度獲私商不詰所由欲靖民也今繫而虐之將爲厲矣悉縱之密歲貢牛黃汝文曰牛失黃輒死非所以惠農宜輸財市之則其害不私於密上從之欽宗卽位召爲翰林學士改顯謨閣學士知越州兼浙東安撫使建炎改元上疏言陛下卽位赦書上供常數爲後獻利之臣所增者當議裁損如浙東和預買絹歲九十七萬六千匹而越州乃二十

萬五百匹以一路計之當十之三如杭州歲起之額蓋與越州等杭州去年以減十二萬匹獨越州尚如舊今乞視戶等第減罷楊應誠請使高麗圖迎二帝汝文奏應誠欺罔君父若高麗辭以大國假道以至燕雲金人却請閉津以窺吳越將何辭以對後高麗果如汝文言上將幸武昌汝文疏請幸荆南不從紹興元年召為翰林學士兼侍講除參知政事同提舉修政局時秦檜相四方奏請填委未決吏緣為姦汝文語檜宜責都司程考吏牘稽遲者懲之汝文嘗受辭讓書字用印直送省部入對乞治堂吏受賂者檜怒面劾汝文專擅右司諫方孟卿因奏汝文與長官立異豈能共濟國事罷去以卒先是汝文在密檜為郡文學汝文薦其才故檜引用之然汝文性剛不為檜屈對案相詬至目檜為濁氣汝文風度翹楚好古博雅精於篆籀有文集行于世

王庶字子尚慶陽人崇寧五年舉進士第改秩知涇州保定縣以种師道薦通判懷德軍契丹為金人所破舉燕雲地求援詔師道受降庶謂師道曰國家與遼人百年之好今坐視其敗亡不能救乃利其土地無乃基女直之禍乎不聽宣和七年金果入寇太宰李邦彥夜召庶問計庶曰宿將無如种師道且夷虜畏服宜付以西兵使之入援邦彥以語蔡攸攸不然以庶為陝西運判兼制置解鹽事疆事益棘欽宗欲幸襄鄧先命庶益為京西安撫使益求庶自副高宗即位除直龍圖閣鄜延經略使兼知延安府累立戰功進集英殿修撰陞龍圖閣待制節制陝西六路軍馬先是河東經制使王燦既遁歸東京留守宗澤承制以庶權陝西制置使會宣諭使謝亮入關庶移書曰夏人之患小而緩金人之患大而迫秋高必大舉蓋杖節率兵舉義驅逐渡河徐圖恢復亮不能從金人大入庶調兵自沿河至馮翊據險以守金人先已乘兵渡河犯晉寧侵丹州又渡清水河破潼關秦隴皆震庶傳檄諸路會期討賊涇原統制曲端雅不欲屬庶以未受命辭居數日告身至又辭金人知端與庶不協併兵寇鄜延庶在坊州聞之夜趨鄜延以遏其衝金人詭道陷丹州州界鄜延之間庶乃自當延安路時端盡統涇原勁兵庶屢督其進端訖不行遂陷延安語在端傳初庶聞圍急自收散工住援觀察使王燦亦將所部發興元庶至甘泉而延安已不守

既無所歸遂以軍付燦而自將百騎馳至襄樂勞軍尚倚端為助庶至端令每門減從騎之半比至帳下僅數騎端厲聲問庶延安失守狀且曰節制固知愛身不知為天子愛城乎庶曰吾數令不從誰愛其身者端怒謀即軍中誅庶而奪其兵乃夜走寧州見謝亮曰延安五路襟喉今既失矣春秋大夫出疆之義得以專之請誅庶亮曰使事有指今以人臣而擅誅于外是跋扈也公則自為之端沮而歸乃奪庶節制使印又拘廢其官屬會詔庶守京兆庶先以失律自劾得罷下內殿時張浚自富平敗歸始庶及端之言可用乃並召之庶地近先至力陳撫秦保蜀之策勸浚收熙河秦鳳之兵扼關隴以為後圖浚不納求終制不許乃版授參議官浚念端與庶必不相容端未至但復其官移恭州庶因謂浚曰端有反心浚亦畏端得士始有殺端意矣語在端傳紹興五年起復知興元府利夔路制置使庶以士卒單寡籍興洋諸邑及三泉縣強壯兩丁取一三丁取二號義士日閱於縣月閱於州厚犒之不半年有兵數萬浚言于朝陞徽猷閣直學士有讒於浚者徙庶知成都改嘉州明年浚劾庶輕率傾險落職奉祠尋起知遂寧固避得請六年除湖北安撫使知鄂州趨關上因燕見庶言陛下欲保江南無所事如曰紹復大業都荊為可荊州左吳右蜀利盡南海前臨江漢出三川涉大河以圖中原曹操所以畏關羽者也上大異之復顯謨閣待制知荊南府湖北經略安撫使又復直學士七年十月以兵部侍郎召明年春入對上曰召卿之日張浚已去趙鼎未來此朕親權非有左右之助庶頓首謝因奏恢復之功十年未立其失在偏聽在欲速在輕爵賞是非邪正混淆誠能賞功罰罪其誰不服昔漢光武以兵取天下不以不急奪其費不知兵者不可使言兵又口陳手畫秦蜀利害上大喜即日還本部尚書閱月拜樞密副使議者乞遣重臣行邊遂命庶措置江淮邊防京湖宣撫使岳飛聞庶行邊遺書曰今歲若不出師當納節請間庶壯之庶還朝論金人變詐自渝海上之盟因及飛納節之語當是時秦檜再相以和戎為事金使烏陵思謀至詔趣庶還庶力詆和議乞誅金使其言甚切金又遣蕭通古來許割地還梓宮歸太后庶曰和議之事臣所不知凡七疏乞免官乃以資政殿學士知潭州御史中丞勾

龍如淵劾庶本趙鼎所薦，欺君罔上，庶罷歸。至九江，被命奪職，徙家居焉。十三年，御史胡汝明論庶譏訕朝政，責擢德軍節度副使，道州安置。至貶所卒。孝宗思庶言，追復其官，諡敏節。子六人之奇，乾道中知樞密院事。

辛炳，字如晦，福州侯官縣人。登元符三年進士第，累官至監察御史兼權殿中侍御史。先是，蔡京廢發運司轉般倉爲直達，綱舟入，率侵盜沈舟而遁，戶部受虛數，人畏京莫敢言。炳極疏其弊，且以變法後兩歲所得之數較常歲虧欠一百三十有二萬，支益廣而入淺微，乞下有司計度。徽宗以問京，京怒，以炳爲沮撓，責監南劍州新豐場，尋提舉洞霄宮。起知袁州，移無爲軍，靖康初召爲兵部員外郎。高宗卽位，除左司員外郎，辭未幾，起直龍圖閣，知潭州。明年，張浚調兵潭州，以炳懦怯不能罷之，尋以起居舍人召。辭紹興二年，復以待御史召。首言今日公道壅塞，風俗頹薄，連疏三省所行乖失數十事，請論大臣勿廢都堂公見之禮。時福建八州添差至百八十餘員，炳言：「艱危多事之時，冗食之官無益，當罷從之。」蘇湖地震，下詔求言，炳言：「大臣無畏天之心，何事不可爲，其言甚峻。」由是宰執呂頤浩居家待罪，炳劾罷頤浩，知樞密院事張浚召赴行在，炳論其敗事，誤國，浚坐落職，除御史中丞。時方遣使議和，炳力言：「金人無信，和議不可恃，宜講求守禦攻戰之策，以疾請外除。」顯謨閣直學士知漳州朱赴而卒，詔炳任中執法，操行清脩。今其云亡，貧無以葬，賜銀帛，賻其家，贈通議大夫。

論曰：秦檜晚薦士以收人望，然一時知名之士亦豈盡可籠絡者哉！朱倬論事輒不合，王綸代言辭合體要，若尹穡王之望，人品雖不同，其附和議則一爾。徐俯末與趙鼎爭辨，沮抑岳飛，異哉！沈與求止和親之議，翟汝文善料事，而檜以爲異己，王庶論都荊州，當時諸臣之慮皆不及此，考夫祈寬之事，庶蓋忠義人也。辛炳雅志清脩，又豈多見也歟。

宋史卷三百七十二

元中書右丞相總裁脫脫等修

列傳第一百三十二

朱弁 鄭望之 張邵 洪皓 子遜 邁

朱弁字少章徽州婺源人少穎悟讀書日數千言既冠入太學晁說之見其詩奇之與歸新鄭妻以兄女新鄭介汴洛間多故家遺俗弁遊其中聞見日廣靖康之亂家碎于賊弁南歸建炎初議遣使問安兩宮弁奮身自獻詔補修武郎借吉州團練使為通問副使至雲中見黏罕邀說甚切黏罕不聽使就館守之以兵弁復與書言用兵講和利害甚悉紹興二年金人忽遣宇文虛中來言和議可成當遣一人詣元帥府受書還虛中欲弁與正使王倫探策決去留弁曰吾來固自分必死豈應今日覲倖先歸願正使受書歸報天子成兩國之好蚤申四海之養於兩宮則吾雖暴骨外國猶生之年也倫將歸弁請曰古之使者有節以為信今無節有印印亦信也願留印使弁得抱以死死不腐矣倫解以授弁弁受而懷之臥起與俱金人迫弁仕劉豫且誅之曰此南歸之漸弁曰豫乃國賊吾嘗恨不食其肉又忍北面臣之吾有死耳金人怒絕其鎖遺以困之弁面拒羅門忍饑待盡誓不為屈金人亦感動致禮如初久之復欲易其官弁曰自古兵交使在其間言可從從之不可從則囚之殺之何必易其官吾官受之本朝有死而已誓不易以辱吾君也且移書耶律紹文等曰上國之威命朝以至則使人夕以死夕以至則朝以死又以書訣使洪皓曰殺行人非細事吾曹遭之命也要當舍生以全義爾乃具酒食召被掠士夫飲半酣語之曰吾已得近郊某寺地一旦畢命報國諸公幸鑒我其處題其上曰有宋通問副使朱公之墓於我幸矣衆皆泣下莫能仰視弁談笑自若曰此臣子之常諸君何悲也金人知其終不可屈遂不復強王倫還朝言弁守節不屈帝為官其子林賜其家銀帛會黏罕等相繼死滅弁密疏其事及金國虛實曰此不可失之時也遣李發等間行歸報其後倫復歸又以弁奉送徽宗大行之文為獻其辭有曰歎馬角之未生魂消雪窖攀龍髯而莫遠淚洒冰天帝讀之感泣官其親屬

五人賜吳與田五頃帝謂丞相張浚曰歸日當以禁林處之八年金使高陵思謀石慶充至稱弁忠節詔附黃金三十兩以賜十三年和議成弁得歸入見便殿弁謝且曰人之所難得者時而時之運無已事之不可失者幾而幾之藏無形惟無已也故來遲而難遇惟無形也故動微而難見陛下與金人講和上返梓宮次迎太母又其次則憐赤子之無辜此皆知時知幾之明驗然時運而往或難固執幾動有變宜鑑未兆盟可守而詭詐之心宜嘿以待之兵可息而銷弭之術宜詳以講之金人以贖武為至德以苟安為太平虐民而不恤民廣地而不廣德此皆天助中與之勢若時與幾陛下既知於始願圖厥終帝納其言賜金帛甚厚弁又以金國所得六朝御容及宣和御書畫為獻秦檜惡其言敵情奏以初補官易宣教郎直秘閣有司校其考十七年應遷數官檜沮之僅轉奉議郎十四年卒弁為文慕陸宣公援據精博曲盡事理詩學李義山詞氣雍容不蹈其險怪奇澁之弊金國名王貴人多遣子弟就學弁因文字往來說以和好之利及歸述北方所見聞忠臣義士朱昭史玩張忠輔高景平孫益孫谷傳偉文李丹五臺僧寶真婦人丁氏晏氏小校閻進朱勳等死節事狀請加褒錄以勸來者有聘遊集四十二卷書解十卷曲洎舊聞三卷續軌轍說一卷雜書一卷風月堂詩話二卷新鄭舊詩一卷南歸詩文一卷

鄭望之字顧道彭城人顯謨閣直學士僅之子也望之少有文名山東皆推重登崇寧五年進士第自陳留簿累遷樞密院編修官歷開封府儀工戶曹以治辦稱臨事勁正不受請託宦寺有強占民田者奏歸之蔡京子欲奪人妾使人諭望之拒不受除駕部員外郎兼金部靖康元年金人攻汴京假尚書工部侍郎俾為軍前計議使既還金人遣吳孝民與望之同入見望之言金人意在金幣且要大臣同議迺命同知樞密院李梈與望之再使幹離不以朝廷受歸朝官及賜平州張覺手詔為辭遣蕭三寶奴偕稅等還以書求割三鎮欲得宰相交地親王送大軍過河時高宗在康邸慷慨請行遂與張邦昌乘筏渡濠自午至夜分始達金砦又除望之戶部侍郎同稅再至金營仍以珠玉遺金人金人拘留望之踰旬會姚平仲夜劫砦不克幹離不以用兵詰責諸使者邦昌

恐懼涕泣。王不為動。金人遂不欲留王。更請肅王。乃以兵送望之詣國王。皆詰問。會再遣宇文虛中持割地詔至。望之得還。因感言敵勢強大。我兵削弱。不可不和。既而金兵退。朝廷以議和非策。罷望之。提舉亳州明道宮。建炎初。李綱以望之張皇敵勢。沮損國威。以致禍敗。責海州團練副使。連州居住。綱罷。詔望之為戶部侍郎。尋轉吏部侍郎。論王雲之冤。帝為感動。復雲元官。與七子恩澤。尋兼主管御營司參贊軍事。論航海不便。旨以集英殿修撰再領亳州明道宮。起知宣州。踰年。以言章罷。紹興二年。會赦。復徽猷閣待制。致仕。七年。落致仕。召赴行在。望之以衰老辭。帝謂大臣曰。望之朕故人也。於是升徽猷閣直學士。復致仕。三十一年卒。年八十四。贈中大夫。

張邵。字才彥。烏江人。登宣和三年上舍第。建炎元年。為衢州司刑曹事。會詔求直言。邵上疏曰。有中原之形勢。有東南之形勢。今縱未能據爭中原。宜進都金陵。因江淮蜀漢閩廣之資。以圖恢復。不應退自削弱。三年。金人南侵。詔求可至軍前者。邵慨然請行。轉五官直龍圖閣。假禮部尚書。充通問使。武官楊燾副之。即日就道。至濰州。接待使置酒。張樂。邵曰。二帝北遷。邵為臣子。所不忍聽。請止樂。至于三四。聞者泣下。翌日。見左監軍。擁攬命邵拜。邵曰。監軍與邵為南北朝。從臣無相拜禮。且以書抵之曰。兵不在強弱。在曲直。宣和以來。我非無兵也。帥臣初開邊隙。謀臣復啓兵端。是以大國能勝之。厥後偽楚僭立。羣盜蠢起。曾幾何時。電掃無餘。是天意人心未厭宋德也。今大國復裂地以封劉豫。窮兵不已。曲有在矣。擁攬怒。取國書去。執邵送密州。囚于祚山岩。明年。又送邵于劉豫。使用之。邵見劉豫。長揖而已。又呼為殿院。責以君臣大義。詞氣俱厲。豫怒。械置于獄。楊燾遂降。豫知邵不屈。久之。復送于金。拘之燕山僧寺。從者皆莫知所之。後又作書為金言。劉豫挾大國之勢。日夜南侵。不勝則首鼠兩端。勝則如養鷹。飽則颺去。終非大國之利。守者密以告金。取其書去。益北徙之會寧府。距燕三千里。金嘗大赦。許宋使者自便還鄉。人人多占籍淮北。冀幸稍南。惟邵與洪皓朱弁。言家在江南。十三年。和議成。及皓弁南歸。八月入見。奏前後使者如陳過庭。司馬朴。滕茂實。崔縱。魏行可。皆歿異域。未稟贈者。乞早頒恤典。邵併攜崔縱柩。

歸。其家升秘閣修撰。主管佑神觀。左司諫詹大方論其奉使無成。改台州崇道觀。移書時相。勸其迎請欽宗與諸王后妃。十九年。以數文閣待制提舉江州太平興國宮。知池州。再奉祠。卒年六十一。累贈少師。邵負氣遇事慷慨。常以功名自許。出使囚徒屢瀕於死。其在會寧。金人多從之學。喜誦佛書。雖異域不廢。初使金時。遇秦檜於濰州。及歸。上書言檜忠節。議者以是少之。後第祁下大理獄。將株連邵。會檜死得免。有文集十卷。子孝賢。孝曾。孝忠。孝會。後亦以出使歿于金。金人知為邵子。尚憐之。

洪皓。字光弼。番禺人。少有奇節。慷慨有經略四方志。登政和五年進士第。王黼朱勔皆欲婚之。力辭。宣和中。為秀州司錄。大水。民多失業。皓白郡守。以拯荒。自任發廩。損直以糶。民益集。皓恐其紛競。乃別以青白幟。涅其手以識之。令嚴而惠。徧浙東。綱米過城下。皓白守。邀留之。守不可。皓曰。願以一身易十萬人命。人感之。切骨。號洪佛子。其後秀軍叛。縱掠郡民。無一得脫。惟過皓門曰。此洪佛子家也。不敢犯。建炎三年五月。帝將如金陵。皓上書言。內患甫平。外敵方熾。若輕至建康。恐金人乘虛侵軼。宜先遣近臣往經營。俟告辦。回鑾未晚。時朝議已定。不從。既而悔之。他日。帝問宰相。近諫移蹕者。謂誰。張浚以皓對。時議遣使金國。浚又薦皓於呂頤浩。召與語。大悅。皓方居父喪。頤浩解衣巾。俾易墨衰。經入對。帝以國步艱難。兩宮遠播。為憂。皓極言天道好還。金人安能久陵中夏。此正春秋郊郢之役。天其或者警晉訓楚也。帝悅。遷皓五官。擢徽猷閣待制。假禮部尚書。為大金通問使。龔夬副之。令與執政議國書。皓欲有所易。頤浩不樂。遂抑遷官之命。時淮南盜賊踵起。李成甫就招。即命知泗州。羈縻之。乃命皓兼淮南。京東等路撫諭使。俾成以所部衛皓至南京。比過淮南。成方與耿堅共圍楚州。責權州事。買敦詩以降敵。實持叛心。皓先以書抵成。成以汴泗虹有紅巾賊。軍食絕。不可往。皓聞堅起義兵。可據以義。遣人密諭之曰。君數千里赴國家急。山陽縱有罪。當稟命于朝。今擅攻圍。名勳王。實作賊。爾堅意動。遂強成。斂兵。皓至泗境。迎騎介而來。龔夬曰。虎口不可入。皓遂還。上疏言。成以朝廷餽餉不繼。有引眾建康之語。今新襄據揚州。薛慶據高郵。萬一三叛運衡。何以待之。此舍垢之

時宜使人諭意，優進官秩，界之以京口網運，如晉明帝待王敦可也。疏奏，帝即遣使撫成，給米伍萬石，頤浩惡其直達，而不先白堂，奏皓託事稽留，貶二秩。皓遂請出滌陽路，自壽春由東京以行，至順昌，閹羣盜李閻羅小張俊者，梗穎上道，皓與其黨遇，譬曉之曰：自古無白頭賊，其黨悔悟，皓使持書至賊巢，二渠魁聽命，領兵入宿衛。皓至太原，留幾一年，金遇使人禮日薄，及至雲中，黏罕迫二使仕劉豫，皓曰：萬里銜命，不得奉兩宮南歸，恨力不能，礫逆豫，忍事之邪？留亦死，不即豫亦死，不願偷生鼠狗間，願就鼎鑊無悔，黏罕怒，將殺之，旁一酋喟曰：此真忠臣也，目止劍士為之跪請，得流遼冷山，流遼猶編竄也，惟禱至汴受豫官，雲中至冷山行六十日，距金主所都僅百里，地苦寒，四月草生，八月已雪，穴居百家，陳王悟室聚落也，悟室敬皓，使教其八子，或二年不給食，盛夏衣纊布，嘗大雪薪盡，以馬矢然火，煨麵食之，或獻取蜀策，悟室持問皓，皓力折之，悟室銳欲南侵，曰：孰謂海大，我力可乾，但不能使天地相拍爾，皓曰：兵猶火也，弗戢將自焚，自古無四十年用兵不止者，又數為言，所以來為兩國事，既不受使，乃令深入教小兒，非古者待使之禮也，悟室或答或默，忽發怒，曰：汝作和事官，而口硬如許，謂我不能殺汝耶？皓曰：自分當死，顧大國無受殺行人之名，願投之水，以墜淵為名可也，悟室義之而止，和議將成，悟室問所議十事，皓條析甚至，大略謂封冊乃虛名，號本朝自有金三千兩，景德所無，東南不宜蠶絹不可增也，至於取淮，北人景德載書猶可覆視，悟室曰：誅投附人，何為不可？皓曰：昔魏侯景歸梁，梁武帝欲以易其姪蕭明於魏，景遂叛，陷臺城，中國決不蹈其覆轍，悟室曰：汝性直，不誑我，吾與汝如燕，遣汝歸議，遂行，會吳將北來，議不合，事復中止，留燕甫一月，兀朮殺悟室，黨類株連者數千人，獨皓與異論幾死，故得免，方二帝遷居五國城，皓在雲中，密遣人奏書，以桃梨粟麵獻，二帝始知帝即位，皓聞，祔陵，泣血，旦夕臨，諱日，操文以祭，其辭激烈，舊臣讀之皆揮涕，紹興十年，因諫者趙德書機事數萬言，藏故絮中，歸達于帝，言順昌之役，金人震懼奪魄，燕山珍寶，盡徙以北，意欲捐燕以南棄之，王師亟還，自失機會，今再舉，尚可十一年，又求得太后書，遣李徽持歸，帝大喜，曰：朕不知太后寧否，幾

二十年，雖遣使百輩，不如此一書，是冬，又密奏書曰：金已厭兵，勢不能久，異時以婦女隨軍，今不敢也，若和議未決，不若乘勢進擊，再造反掌爾，又言胡銓封事，此或有之，金人知中國有人，益懼，張丞相各動異域，惜置之散地，又問李綱趙鼎安否，獻六朝御書，徽宗御書，其後梓宮及太后歸音，皓皆先報，初皓至燕，宇文虛中已受金官，因薦皓，金主聞其名，欲以為翰林直學士，力辭之，皓有逃歸意，乃請于參政韓昉，乞於真定或大名以自養，昉怒，始易皓官為中京副留守，再降為留司判官，趣行屢矣，皓訖不就職，昉竟不能屈，金法雖未易官，而曾經任使者，豈不可歸，昉遂令皓校雲中進士試，蓋欲以計墮皓也，皓復以疾辭，未幾，金主以生子大赦，許使人還鄉，皓與張邵朱弁三人在遣中，金人懼為患，猶遣人追之，七騎及淮，而皓已登舟，十二年七月，見于內殿，力求郡養，母，帝曰：卿忠貫日月，志不忘君，雖蘇武不能過，豈可捨朕去邪？請見慈寧宮，帝人設簾太后曰：吾故識尚書，命徹之，皓自建炎己酉出使，至是還，留北中凡十五年，同時使者十三人，惟皓邵弁得生還，而忠義之聲，聞于天下者，獨皓而已，皓既對退見秦檜，語連日不止，曰：張和公金人所憚，乃不得用，錢塘暫居，而景靈宮太廟，皆極土木之華，豈非無中原意乎？檜不懌，謂皓子适曰：尊公信有忠節，得上眷，但官職如讀書，速則易終，而無味，須如黃鍾大呂乃可，八月，除徽猷閣直學士，提舉萬壽觀，兼權直學士院，金人來取趙彬等三十人家屬，詔歸之，皓曰：昔韓起謁環于鄭，鄭小國也，能引義不與，金既限淮，官屬皆吳人，宜留不遣，蓋慮知其虛實也，彼方困於蒙兀，姑示強以嘗中國，若遽從之，謂秦無人，益輕我矣，檜變色曰：公無謂秦無人，既而復上疏曰：恐以不與之故，或致渝盟，宜告之曰：俟淵聖及皇族歸，乃遣，又言王倫郭元邁以身殉國，棄之不取，緩急何以使人，檜大怒，又因言桀寄聲，檜怒益甚，語在檜傳，翌日，侍御史李文會劾皓不省母，出知饒州，明年，大水中，官白鏐宣言，燮理乖整，洪尚書名聞天下，胡不用檜聞之，愈怒，繫鏐大理獄，尋流嶺表，諫官詹大方遂論皓與鏐為刎頸交，更相稱譽，罷皓提舉江州太平觀，鏐初不識皓，特以從太后北歸，在金國素知皓名，爾尋居母喪，他言者猶謂皓睥睨鈞衡，終喪，除饒州通判，李勤又附檜，誣皓作

欺世飛語。責濠州團練副使。安置英州。居九年。始復朝奉郎。徙袁州。至南雄州卒。年六十八。死後一日。棺亦死。帝聞。卒嗟惜之。復數文閣學士。贈四官。久之。復徵猷閣學士。諡忠宣。皓雖久在北廷。不堪其苦。然為金人所敬。所著詩文。爭鈔誦。求鏡梓。既歸。後使者至。必問皓為何官。居何地。性急義當。艱危中不少變。懿節后之戚。趙伯麟。隸悟室。戲下貧甚。皓調之。范鎮之孫。祖平為傭奴。皓言於金人而釋之。劉光世庶女為人。秦豕。贖而嫁之。他貴族流落。賤微者。皆力拔以出。惟為檜所嫉。不死於敵國。乃死於讒。歷皓博學強記。有文集五十卷。及帝王通要。姓氏指南。松漠紀聞。金國文具錄等書。子迺。遵邁。

迺字景伯。皓長子也。幼敏悟。日誦三千言。皓使朔方。迺年甫十三。能任家事。以皓出使。恩補修職郎。紹興十二年。與弟遵同中博學宏詞科。高宗曰。父在遠方。子能自立。此忠義報也。宜升擢。遂除敕令所副定官。後三年。弟遵亦中是選。由是三洪文名滿天下。改秘書省正字。甫數月。皓歸。忤秦檜。出知饒州。迺亦出為台州通判。垂滿。皓謫英州。迺復論罷。往來嶺南省。侍者九載。檜死。迺還道卒。服闋。起知荆門軍。應詔上寬恤四事。輕茶額錢。宅州代貢禮物。闕試闈。以復舊額。蠲官田。令不種者輸租。改知徽州。尋提舉江東路常平茶鹽。首言役法不均之弊。會完顏亮來侵。上親征。迺觀金陵。言本路旱。百姓逐食。于淮。復遣金兵。今各懷歸。而田產為官鬻。請聽其估贖之。及亮斃。迺上疏曰。大定僑號。諸國未必復從。宜多遣密詔。傳諭中原義士。各取州縣。因以畀之。王師但留屯淮泗。募兵積粟。以為聲援。俟蜀漢山東之兵。數道皆集。見可而進。庶幾兵力不頓。可以萬全。升尚書戶部郎中。總領淮東軍馬錢糧。孝宗即位。海州解圍。符離用兵。饋餉繁夥。迺究心調度。供億無闕。遷司農少卿。隆興二年二月。召。太常兼權直學士院。上欲除諸將環衛官。詔討論其制。迺具唐及本朝沿革十一條。上之。且言太祖太宗朝。常以處諸將及降王之君臣。自後多以皇族為之。故國史以為官存而事廢。陛下修飾戎備。不必遠取唐制。祖宗故事。蓋可法。則今徑行換授。恐有滅奉之患。乞如閣職兼帶節度。至刺史上將軍。橫行遙郡。帶大將軍。正使帶將軍。副使帶中郎。又以下則帶左右郎將。其官府人吏。令有司相度以聞。除中

書舍人。時金人再犯淮。羽檄沓至。書詔填委。咨訪騰答。率稱上旨。自此有大用意。金既尋盟。首為賀生辰使。金遣同簽書樞密院事高嗣先接伴。自言其父司空有德於皓。相與其難。得其要領。以歸。乾道元年五月。遷翰林學士。仍兼中書舍人。秦墳久廢。忽予祠。迺奏曰。李林甫死後。諸子皆流配嶺南。秦檜惡自斃。不肖之孫。官職仍舊。可謂幸矣。官觀雖小。頃得之。則人以除用之漸。恐檜黨牽連而進。其命遂寢。時巫伯復召。莫佞樞密院編修官。余堯弼復龍圖閣學士。迺謂其皆檜黨也。隨命繳之。六月。除端明殿學士。簽書樞密院事。上諭參政錢端禮。虞允文曰。三省事與洪迺。迺商量。東西府始同班奏事。八月。拜參知政事。諫議大夫。林安宅以銅錢多入北境。請禁之。即蜀中取鐵錢行之。淮上事既行。迺言其不可。上問之。迺曰。今每州止得千緡。一州以萬戶計之。每家才得數百。恐民間無以貿易。且客旅無回貨。鹽場有大利害。上以為然。乃寢前命。但於蜀中取十五萬緡行之。廬和二州而已。十二月。拜尚書右僕射。同中書門下平章事。兼樞密使。未幾。春霖。迺引咎乞退。林安宅抗疏論迺。既而臺臣復合奏。三月。除觀文殿學士。提舉江州太平興國宮。尋起知紹興府。浙東安撫使。再奉祠。淳熙十一年。薨。年六十八。諡文惠。迺以文學聞望。遭時遇主。自兩制一月入政府。又四閱月居相位。又三月罷。政然無大建明。以究其學。家居十有六年。兄弟鼎立。子孫森然。以著述吟詠自樂。近世備福。鮮有及之。或謂迺黨湯思退。又謂迺來自淮東。言張浚妄費。浚以此罷相。子九人。概。柁。樛。檣。檣。楹。楹。柁。

漢母亡。遵孺業。攀號既葬。兄弟即僧舍肄詞業。夜枕不解衣。以父蔭補承務郎。與兄迺同試博學宏詞科。中魁選。賜進士出身。高宗以皓遠。使擢為祕書省正字。中興以來。詞科中選。即入館。自遵始。宰相秦檜子熈為官長。警效為人輕重。遵恬然不附麗。二年。弗遷。皓南還。與朝論異。出守遵。遂乞外。通判常安州。紹興二十五年。湯思退薦之。復入為正字。八月。兼權直學士院。湯鵬舉副臺端。密薦為御史。方賜對。而父訃聞。二十八年。免喪。召對。極陳父冤曰。先臣與龔璣同出疆。璣任於劉豫。以妄殺兵官為豫所誅。而秦檜贈以節旄。擢用其子。先臣

拒金人之命，留十五歲，乃得歸。顧南賓嶺外，臣兄弟屏跡在外，檜不分忠逆如此。高宗悉爲道諍語所起，且曰：卿再登三館，典書命今以修注處卿，遂拜起居舍人。奏乞以經筵官除罷，及封章進對，宴會錫子，講讀問答等事，茲爲一書，名之曰：邇英記。注其後乾道間，又有祥曦殿記，注實自遵始。又因面對論鑄錢利害，帝嘉納之。遷起居郎，兼樞密院都承旨，舊制修注官經筵官許留身奏事，而近例無有。遵奏請復舊制，且言起居注未修者十五年，請除見修月進外，每月帶修，皆從之。二十九年，拜中書舍人，殿前裨將輔遠轉防禦使，王綱轉團練使。遵言：近制管軍官十年始一遷，今兩人不滿歲安得爾？時勳臣子孫多躡居臺省，遵極言乞明有所止。高宗曰：正立法自今。功臣子孫序遷至侍從，並令久任在京宮觀。遵曰：侍從朝廷高選，非如磨勘階官。安有遷序之制？退而上奏言：今內外將家無慮二十人，若以序遷，不出十年，西清次對，皆可坐致。太祖開國，功臣子孫不過諸司，惟曹彬之子琮，以功名自奮，遂爲節度。初不聞有遞遷侍從之例，今旨一出，使穆清之地，類皆將種，非所以示天下。望收還前詔。又言：瑞昌與國之間，茶商失業，聚爲盜賊，望榜開諭，許其自新。願充軍者填刺，願爲農者放還，上皆可其奏。論者欲復都陽丞丞豐兩監鼓鑄，詔給舍議。遵曰：唐有鼓鑄使，國朝或以漕臣兼領，或分道置使，釐爲三司，自中興來，置都大提點，官屬太多，動爲州縣之害。聞者亟行廢罷，又無一定之論。初，委運使，又委提刑，又委郡守，貳號令不一，鼓鑄益少，竊以爲復置便。三十年正月，試吏部侍郎，異時選人，諳曹改秩，吏衙爲市，毫毛不中節，必巧生沮闕，須賂餉滿欲乃止。遵明與約，苟於大體無害，先行後審，薦員有定限，而舉者周遮重複，或同時一軍而巧爲兩牘，或當薦五員而輒踰十數，或當舉職官而詭爲京狀，或身係常調而妄稱職司，或東西分曹而交錯撓補，或已予復奪而指云事故，件析枚數，請凡如是者，得通劾之。舊制致任任子，隨所在審勅牒，即請行，是時從議者請必令于元州判奏。遵言：士大夫或遊宦粵蜀，數千里外，不幸以死，臨終謝事，其家獲歸故里，已爲至難，今復因此齟齬，反覆稽延，是明與惡吏爲地也。乃止。仍舊置平江湖秀三州水，無以輸秋苗，有司抑令輸麥，遵言：麥價殊不在米下，民

困如是，奈何指夏以爲秋，衍一以爲二，使擠溝壑乎？願量取其半，而被水害者悉免之。金人來索絳陽郭小的安化劉孝恭二百家，遵以蜀之李特可爲至戒，願以根集未足爲解，淹引日月報之。遷翰林學士，兼吏部尚書。汪澈論湯思退罷相，遵行制無貶詞，澈以爲言，遂丐去，以徽猷閣直學士提舉太平興國宮。三十一年，金主完顏亮命其尙書蘇保衡由海道窺二浙，朝廷以浙西副總管李寶德之寶駐兵平江，守臣朱翌素與寶異，朝議以遵嘗薦寶，乃命遵知平江及寶以舟師據膠西，凡資糧器械舟楫，皆遵供億，寶成功而歸，遵之功爲多。車駕幸金陵，禁衛士丐索無藝，宅郡隨與不壓，至吳乃相告曰：內翰在此，汝毋復然。先是朝廷慮商船爲賊得，悉拘入官，既而不返，並海縣圍萃巨艦及募水手民兵，皆繫留未得去。遵因對論之，以船還商，而聽水手自便。吳人德之，孝宗即位，拜翰林學士承旨，兼侍讀，詔閔宰執侍從臺諫曰：敵人來索舊禮，從之則不忍，不從則邊患未已。中原歸正人源源不絕，納之則東南力不能給，否則絕向化之心。宜指陳定論以聞。遵與給事中金安節、中書舍人唐文若、起居郎周必大共爲一議，其略謂：不宜直情徑行，亦未可遽爲之屈，謂宜遺金縢如前日之數，或許稍歸侵地如海泗之類，則彼亦可藉口而來議矣。知隆興二年貢舉，拜同知樞密院事，壽康殿產金芝十二，同列議表賀，遵引李文靖奏災異故事風止之。薦眉山李燾、永嘉鄭伯熊及林光朝未及用，會湯思退爲左相，而次相張浚罷，御史周瑛策遵且超遷，上章致劾，上亟從，真他官。遵不能安位，連章乞免。訖與御史俱去。是年七月，以端明殿學士提舉太平興國宮。乾道六年，起知信州，徙知太平州，前守周瑛以書論遵，聞遵來不俟合符馳去。遵追錢至十里，勞苦如平時曰：君當官而行，我何怨，聞者以爲感德。圩田壞，民失業，遵鳩民築圩，凡萬數，方冬感寒，遵躬履其間，載酒食親餉餽，恩意傾盡，人忘其勞。運使張松忌功，妄奏圩未嘗決，民未嘗轉徙，必責圩戶自闕築，且裁省募工錢米之半。遵連疏爭，至乞遣朝臣覆按，於是將作少監馬希言監察御史陳舉善狎至，黜松言，圩遂成。合四百五十有五，松無所泄其忿，則別治溧水永豐圩，來調丁米木，數甚廣。遵曰：郡當歲儉，方振恤流移，勸分乞糶，如自封其股以充喉，不暇食，況

能飽他人腹哉執不從楚地旱旁縣振贍者慮不早施置失後先或得米而亡以炊或闔戶萃藉而廩不至遵賓賓佐隨遠近壯老以差賦給獨租至十九又告糴于江西得活者不啻萬計戍兵乘時盜利曹伍剽于野盡執拘以歸其軍故當大札瘥而邑落晏然徙知建康府江東安撫使兼行宮留守孝宗諭當制舍人范成大襄其治績且許入覲時虞允文當國有北征志先調侍衛馬軍出屯其在府者五軍悉送其孳謀策營營無慮萬竈張松用不能罷特勅還同幸執赴選德殿奏事遵奏外臣不敢尾二府後願需班退別引上弗許進資政殿學士以行至則揭榜民苗米唯輸正不輸耗聽民自持斛概庚人不能輕重其手徧行郊野卜咎地求不妨民居不夷冢墓者踰年始得之營卒醉妄言搖衆斬之磔于市三軍無敢譁有書入旗亭挺刃椎壘者械付獄驛上奏未下統帥懼得謹請自治之孝宗怒罷統帥遵亦坐貶兩秩未幾五營成復元官仍拜資政殿學士淳熙元年提舉洞霄宮十一月薨年五十有五諡文安

邁字景虞皓季子也幼讀書日數千言一過目輒不忘博極載籍雖釋官虞初釋老傍行靡不涉獵從二兄試博學宏詞科邁獨被黜紹興十五年始中第授兩浙轉運司幹辦公事入為勅令所刪定官皓忤秦檜投閑檜憾未已御史汪勳論邁知其父不靖之謀遂出添差教授福州累遷吏部郎兼禮部上居顯仁皇后喪當孟饗禮官未知所從邁請遣宰相分祭奏可除樞密檢詳文字建議令民入粟贖罪以紓國用又請嚴法駕出入之儀三十一年議欽宗諡邁曰淵聖北狩不返臣民悲痛當如楚人立懷王之義號懷宗以係復讐之意不用吳璘病篤朝論欲徙吳拱代之邁曰吳氏以功握蜀兵三十年宜有以新民觀聽毋使尾大不掉知樞密院事葉義問出視師奏以邁參議軍事至鎮江聞瓜州官軍與金人相持連遽失措會建康走驛告急義問遽欲還邁力止之曰今退師無益京口勝敗之數而金陵陵返旆人心動搖不可遷左司員外郎三十二年春金主襄遣左監軍高忠建來告登位且議和邁為接伴使知閩門張掄副之上謂執政曰向日講和本為梓宮太后雖屈已卑辭有所不憚今兩國之盟已絕名稱以何為正疆土以何為準朝見之儀歲幣之數所宜先定及邁掄入

辭上又曰朕料此事終歸於和欲首議名分而土地次之邁於是奏更接伴禮數凡十有四事自渡江以來屈己含忍多過禮至是一切殺之用敵國體凡遠迎及引接金銀等皆罷既而高忠建有貴臣禮及取新復州郡之議邁以聞且奏言土疆實利不可與禮際虛名不足惜禮部侍郎黃中聞之亟奏曰名定實隨百世不易不可謂虛土疆得失一彼一此不可謂實兵部侍郎陳俊卿亦謂先正名分各分正則國威張而歲幣亦可損矣進起居舍人時議遣使報金國聘三月丁巳詔侍從臺諫各舉可備使命者一人初邁之接伴也既持舊禮折伏金使至是慨然請行於是假翰林學士充賀登位使欲令金稱兄弟敵國而歸河南地夏四月戊子邁辭行書用敵國禮高宗親札賜邁等曰祖宗陵寢隔關三十年不得以時灑掃祭祀心實痛之若彼能以河南地見歸必欲居尊如故正復屈己亦何所惜邁奏言山東之兵未解則兩國之好不成至燕金閤門見國書呼曰不如式抑令人於表中改陪臣二字朝見之儀必欲用舊禮邁初執不可既而金鎖使館自旦及暮水漿不通三日乃得見金人語極不遜大都督懷忠議欲質留左丞相張浩持不可乃遣還七月邁回朝則孝宗已即位矣殿中侍御史張震以邁使金辱命論罷之明年起知泉州乾道二年復知吉州入對遂除起居舍人直前言起居注皆據諸處關報始加修纂雖有日曆時政記亦莫得書景祐故事有邇英延曦二閣注記凡經筵侍臣出處封章進對宴會賜予皆用存記十年間稍廢不續陛下言動皆罔聞知恐非命侍本意乞令諱讀官自今各以日得聖語關送修注官諱筵所謀報使謹錄之因今所御殿名曰祥曦記注制可三年遷起居郎拜中書舍人兼侍讀直學士院仍參史事父忠宣兄廷邁皆歷此三職邁又踵之邁奏三省事無巨細必先經中書書黃宰執書押當制舍人書行然後過門下給事中書讀如給舍有所建明則封黃具奏以聽上旨惟樞密院既得旨即書黃過門下例不送中書謂之密白

則封駁之職似有所偏況今宰相兼樞密因而釐正不為有嫌望詔樞密院凡已制敕並關左右省依三省書黃以示重出命之意報可六年除知贛州起學官造浮梁士民安之郡兵素驕小不如欲則跋扈郡歲遣千人戍九江是歲

或休以至則留不復返衆遂反戈民訛言相驚百姓恟懼適不爲動但遣一校
婉說之俾歸營衆皆聽垂橐而入徐詰什五長兩人械送潯陽斬于市辛卯歲
饑輟適中熟適移粟濟隣郡僚屬有諫止者適笑曰秦越瘠肥臣子義耶尋知
建寧府富民有睚眦殺人衷刃墓獄者久拒捕適正其罪諱流嶺外十一年知
婺州奏金華田多沙勢不受水五日不雨則旱故境內陂湖最當繕治命耕者
出力田主出穀凡爲公私塘堰及湖總之爲八百三十七所發軍素無律春給
衣欲以緝易帛吏不可則羣呼嘯聚于郡將之治郡將惴恐姑息如其欲適至
衆狃前事至以飛語謗譙門適以計逮捕四十有八人置之理黨衆相嫉聞擁
適輻適曰彼罪人也汝等何預衆遂巡散去適戮首惡二人梟之市餘黥撻有
差莫敢譁者事聞上語輔臣曰不謂書生能臨事達權特遷數文閣待制明年
召對首論淮東邊備大要地曰海陵曰鹽城曰寶應曰青口曰盱眙謂
宜修城池嚴屯兵立游櫓益戍卒又言許浦宜開河三十六里梅里鎮宜築二
大堰作斗門遇行師則決防送船又言馮湛創多桀船底平櫓浮雖尺水可運
今十五年修葺數少不足用請宜募瀕海富商入船予爵招善操舟者以補
水軍上嘉之以提舉佑神觀兼侍講同修國史適初入史館預修四朝帝紀進
數文閣直學士直學士院講讀官宿直上時召入談論至夜分十三年九月拜
翰林學士遂上四朝史一租八宗百七十八年爲一書淳熙改元進煥章閣學
士知紹興府過關奏事言新政宜以十漸爲戒上曰浙東民困於和市卿往爲
朕正之適再拜曰誓盡力適至郡覈實詭戶四萬八千三百有奇所減緡以匹
計者略如其數提舉玉隆萬壽宮明年再上章告老進龍圖閣學士尋以端明
殿學士致仕是歲卒年八十贈光祿大夫諡文敏適兄弟皆以文章取威名躋
貴顯適尤以博洽受知孝宗謂其文備衆體適考閱典故漁獵經史極鬼神事
物之變手書資治通鑑凡三有容齋五筆夷堅志行於世其他著述尤多所修
欽宗紀多本之孫觀附耿南仲惡李綱所紀多失實故朱熹舉王允之論言佞
臣不可使執筆以爲不當取觀所紀云

論曰孔子云使於四方不辱君命可謂士矣當建炎紹興之際凡使金者如探

虎口能全節而歸者朱弁張邵洪皓其庶幾乎望之不足議也皓留北十五年
忠節尤著高宗謂蘇武不能過誠哉然竟以忤秦檜請死悲夫其子迺遵邁相
繼登詞科文名滿天下迺位極台輔而邁文學尤高立朝議論最多所謂忠義
之報詎不信夫

宋史卷三百七十三

宋史卷三百七十三考證

洪皓傳皓子瑄檜死皓還道卒○臣宗楷按皓傳卒後一日檜亦死則皓之卒在檜前不在檜後也此文似誤

宋史卷三百七十三考證

元中書右丞相總裁脫脫等修

列傳第一百三十三

張九成 胡銓 廖剛 李迳 趙開

張九成字子韶其先開封人徙居錢塘游京師從楊時學權貴託人致幣曰肯從吾游當薦之館閣九成笑曰王良尚羞與嬖奚乘吾可貴游客耶紹興二年上將策進士詔考官直言者置高等九成對策略曰禍亂之作天所以開聖人也願陛下以剛大為心無以憂驚自沮臣觀金人有必亡之勢中國有必與之理夫好戰必亡失其故俗必亡人心不服必亡金皆有焉劉豫背叛君親委身夷狄黠難經營有同兒戲何足慮哉前世中興之主大抵以剛德為尚去讒節欲遠佞防姦皆中興之本也今閭巷之人皆知有父兄妻子之樂陛下貴為天子冬不得溫夏不得清昏無所定晨無所省感時遇物悽惋于心不可思所以還二聖之車乎又言闈寺聞名國之不祥也今此曹名字稍稍有聞臣之所憂也當使之安掃除之役凡結交往來者有禁干預政事者必誅權真首選楊時遣九成書曰廷對自中興以來未之有非剛大之氣不為得喪回屈不能為也授鎮東軍簽判吏不能欺民冒讎禁提刑張宗臣欲逮捕數十人九成爭之宗臣曰此事左相封求九成曰主上屢下恤刑之詔公不體聖意而觀望宰相耶宗臣怒九成即投檄歸從學者日衆出其門者多為聞人趙鼎薦于朝遂以太常博士召既至改著作佐郎遷著作郎言我宋家法曰仁而已仁之發見尤在於刑陛下以省刑為急而理官不以恤刑為念欲詔理官活幾人者與減磨勤從之除浙東提刑力辭乃與祠以歸未幾召除宗正少卿權禮部侍郎兼侍講兼權刑部侍郎法寺以大辟成案上九成閱始未得其情因請覆實因果誣服者朝論欲以平反為賞九成曰職在詳刑可邀賞乎辭之金人議和九成謂趙鼎曰金實厭兵而張虛聲以撼中國因言十事彼誠能從吾所言則與之和使權在朝廷鼎既罷秦檜誘之曰且成檜此事九成曰九成胡為異議特不可輕易以苟安耳檜曰立朝須優游委曲九成曰未有枉己而能直人上問以和

議九成曰敵情多詐不可不察因在經筵言西漢災異事檜甚惡之謫守邵州既至倉庫虛乏僚屬請酒相宿苗絹未輸者九成曰縱未能惠民其敢困民耶是歲賦入更先他時中丞何鑄言其矯偽欺俗傾附趙鼎落職丁父憂既免喪秦檜取旨上曰自古朋黨畏人主知之此人獨無所畏可與官觀先是徑山僧宗果善談禪理從游者衆九成時往來其間檜恐其議己令司諫詹大方論其與宗果謗訕朝政謫居南安軍在南安十四年每執書就明倚立庭磚歲久雙趺隱然廣帥致餼金九成曰吾何敢苟取悉歸之檜死起知温州戶部遣吏督軍糧民苦之九成移書痛陳其弊戶部持之九成即丐祠歸數月病卒九成研思經學多有訓解然早與學佛者游故其議論多偏慶慶初特贈太師封崇國公諡文忠

胡銓字邦衡廬陵人建炎二年高宗策士淮海銓因御題問治道本天天道本民答云湯武聽民而興桀紂聽天而亡今陛下起干戈鋒鏑間外亂內訌而桀臣數十條皆質之天不聽於民又謂今宰相非姜殊樞密參政非韓琦杜衍范仲淹策萬餘言高宗見而異之將冠之多士有忌其直者移實第五授撫州軍事判官未上會隆祐太后避兵贛州金人驕之銓以漕檄攝本州募募鄉丁助官軍捍禦第賞轉承直郎丁父憂從鄉先生蕭楚學春秋紹興五年張浚開督府辟湖北倉屬不赴有詔赴都堂審察兵部尚書呂祉以賢良方正薦賜對除樞密院編修官八年宰臣秦檜決策主和金使以詔諭江南為名中外洶洶銓抗疏言曰臣謹案王倫本一狎邪小人市井無賴頃緣宰相無識遂舉以使虜專務詐誕欺罔天聽驟得美官天下之人切齒唾罵今者無故誘致虜使以詔諭江南為名是欲臣妾我也欲劉豫我也劉豫臣事醜虜南面稱王自以為子孫帝王萬世不拔之業一旦豺狼改慮梓而縛之父子為虜商鑑不遠而倫又欲陛下効之夫天下者祖宗之天下也陛下所居之位祖宗之位也奈何以祖宗之天下為金虜之天下以祖宗之位為金虜藩臣之位陛下下一屈膝則祖宗廟社之靈盡汗夷狄祖宗數百年之赤子盡為左社朝廷幸執盡為陪臣天下士大夫皆當裂冠毀冕變為胡服異時豺狼無厭之求安知不加以無禮

如劉豫也哉。夫三尺童子，至無識也。指犬豕而使之拜，則佛然怒。今醜虜則犬豕也，堂堂大國，相率而拜犬豕，曾童孺之所羞，而陛下忍爲之耶。倫之議乃曰：我一屈膝，則梓宮可還，太后可復，淵聖可歸，中原可得，嗚呼！自變故以來，主和議者，誰不以此說陷陛下哉。然而卒無一驗，則虜之情僞已可知矣。而陛下尙不覺悟，竭民膏血而不恤，忘國大體而不報，舍垢忍恥，舉天下而臣之，甘心焉。就令虜決可和，盡如倫議，天下後世謂陛下何如主。況醜虜變詐百出，而倫又以姦邪濟之，梓宮決不可還，太后決不可復，淵聖決不可歸，中原決不可得，而此膝一屈，不可復伸，國勢陵夷，不可復振，可爲痛哭流涕長太息矣。向者陛下間關海道，危如累卵，當時尙不忍北面臣虜，況今國勢稍張，諸將盡銳，士卒思奮，只如頃者醜虜陸梁，僞豫入寇，固嘗取之於襄陽，敗之於淮上，敗之於渦口，敗之於淮陰，校之往時蹈海之危，固已萬萬，儻不得已而至於用兵，則我豈遽出虜人下哉。今無故而反臣之，欲屈萬乘之尊，下穹廬之拜，三軍之士不戰而氣已索，此魯仲連所以義不帝秦，非惜夫帝秦之虛名，惜天下大勢有所不可也。今內而百官，外而軍民，萬口一談，皆欲食倫之肉，謗議洶洶，陛下不聞，正恐一旦變作禍，且不測。臣竊謂不斬王倫，國之存亡未可知也。雖然，倫不足道也。秦檜以腹心大臣而亦爲之，陛下有堯舜之資，檜不能致君如唐虞，而欲導陛下爲石晉，近者禮部侍郎曾開等，引古誼以折之，檜乃厲聲責曰：侍郎知故事，我獨不知，則檜之遂非懷諫，已可見，而乃建白令臺諫侍臣，僉議可否，是蓋畏天下議已，而今臺諫侍臣共分謗耳。有識之士，皆以爲朝廷無人，吁！可惜哉。孔子曰：微管仲，吾其被髮左衽矣。夫管仲，霸者之佐耳，尙能變左衽之區，而爲衣裳之會，秦檜，大國之相也，反驅衣冠之俗，而爲左衽之鄉，則檜也不唯陛下之罪人，實管仲之罪人矣。孫近傳會檜議，遂得參知政事，天下望治，有如鐵湯，而近伴食中書，漫不敢可否事，檜曰：虜可和，近亦曰：可和，檜曰：天子當拜，近亦曰：當拜，臣嘗至政事堂，三發問而近不答，但曰：已令臺諫侍從議矣。嗚呼！參贊大政，徒取充位如此，有如虜騎長驅，尙能折衝禦侮耶。臣竊謂秦檜孫近亦可斬也。臣備員樞屬，義不與檜等共戴天，區區之心，願斷三人頭，竿之藁街，然後

羈虜使，責以無禮，徐與問罪之師，則三軍之士不戰而氣自倍，不然，臣有赴東海而死爾，寧能處小朝廷，求活邪。書既上，檜以銓狂妄凶悍，鼓衆劫持，詔除名，編管昭州，仍降詔播告中外，給舍臺諫及朝臣，多救之者，檜迫於公論，乃以銓監廣州鹽倉。明年，改簽書威武軍判官。十二年，諫官羅汝楫劾銓飾非橫議，詔除名，編管新州。十八年，新州守臣張棟許銓與客唱酬，誚怨望，移請吉陽軍。二十六年，檜死，量移衡州。銓之初上書也，宜與進士吳師古、錢木傳之，金人募其書千金，其謫廣州也，朝士陳剛中以啓事爲賀，其謫新州也，同郡王珪以詩贈行，皆爲人所訐。師古流袁州，珪流辰州，剛中謫知虔州，安遠縣，遂死焉。三十一年，銓得自便，孝宗卽位，復奉議郎，知饒州，召對，言修德結民，練兵觀釁，上曰：久聞卿直諫，除吏部郎官，隆興元年，遷祕書少監，擢起居郎，論史官失職者四，一謂記注不必進呈，庶人主有不觀史之美，二謂唐制二史立，竊頭之下，今在殿東南隅，言動未嘗得聞，三謂二史立後，殿前不立，乞於前後殿皆分日侍立，四謂史官欲其直前，而閣門以未嘗預牒，以今日無班次爲辭，乞自今直前言事，不必預牒閣門，及以有無班次爲拘，詔從之。兼侍講，國史院編修官，因講禮記曰：君以禮爲重，禮以分爲重，分以名爲重，願陛下無以名器輕僕人，又進言乞都建康，謂漢高入關中，光武守信都，大抵與人關，不益其吭，拊其背，不能全勝，今日大勢，自淮以北，天下之吭與背也，建康則益之拊之之地也，若進據建康，下臨中原，此高光與王之計也，詔議行幸，言者請紓其期，遂以張浚視師，圖恢復，侍御史王十朋贊之，克復宿州，大將李顯忠私其金帛，且與邵宏淵忿爭，軍大潰，十朋自劾，上怒甚，銓上疏，願毋以小訥自沮，時旱蝗星變，詔問政事闕失，銓應詔上書數千言，始終以春秋書災異之法，言政令之闕，有十，而上下之情不合，亦有十，且言堯舜明四目，達四聰，雖有共鯀，不能塞也。秦二世以趙高爲腹心，劉項橫行而不得聞，漢成帝殺王章，王氏移鼎而不得聞，靈帝殺何武，陳蕃，天下橫潰而不得聞，梁武信朱异，侯景斬關而不得聞，隋煬帝信虞世基，李密稱帝而不得聞，唐明皇逐張九齡，安史胎禍而不得聞，陛下卽位以來，號召逐客，與臣同召者，張翥、辛次膺、王大寶、王十朋，今燕去矣。

次賡去矣十朋去矣大寶又將去惟臣在爾以言爲諱而欲塞災異之源臣知其必不能也銓又言昔周世宗爲劉晏所敗斬敗將何徽等七十人軍威大震果敗晏取淮南定三關夫一日戮七十將豈復有將可用而世宗終能恢復非庸懦者去則勇敢者出耶近宿州之敗士死于敵者滿野而敗軍之將以所得之金賂權貴以自解上天見變昭然陛下非信賞必罰以應天不可其論納諫曰今廷臣以箝默爲賢容悅爲忠馴至與元之幸所謂一言喪邦上曰非卿不聞此金人求成銓曰金人知陛下銳意恢復故以甘言款我願絕口勿言和字上以邊事全倚張浚而王之望尹樞專主和排浚銓廷責之兼權中書舍人同修國史張浚之子拭賜金紫銓繳奏之謂不當如此待勳臣子浚雅與銓厚不顧也十一月詔以和戎遣使大詢于庭侍從臺諫預議者凡十有四人主和者半可否者半言不可和者銓一人而已乃獨上一議曰京師失守自取南仲主和二聖播遷自何衷主和維楊失守自汪伯彥黃潛善主和完顏亮之變自秦檜主和議者乃曰外雖和而內不忘戰此向來權臣誤國之言也一溺於和不能自振尙能戰乎除宗正少卿乞補外不許先是金將蒲察徒穆大周仁以泗州降蕭琦以軍百人降詔並爲節度使銓言受降古所難六朝七得河南之地不旋踵而皆失梁武時侯景以河南來奔未幾而陷臺城宣政間郭黎師自燕雲來降未幾爲中國患今金之三大將內附高其爵祿優其部曲以繫中原之心善矣然處之近地萬一包藏禍心或爲內應後將墜膺願勿任以兵柄選其衆於湖廣以絕後患二年兼國子祭酒尋除權兵部侍郎八月上以災異避殿減膳詔廷臣言闕政急務銓以振災爲急務議和爲闕政其議和之書曰自靖康迄今凡四十年三遭大變皆在和議則醜虜之不可與和彰彰然矣肉食鄙夫萬口一談牢不可破非不知和議之害而爭言爲和者是有三說焉曰偷懦曰苟安曰附會偷懦則不知立國苟安則不戒醜毒附會則覲得美官小人之情狀具於此矣今日之議若成則有可弔者十若不成則有可賀者亦十請爲陛下極言之何謂可弔者十真宗皇帝時宰相李沆謂王旦曰我死公必爲相切勿與虜講和吾聞出則無敵國外患如是者國常亡若與虜和自此中國必

多事矣且殊不以爲然既而遠和海內乾耗且始悔不用文靖之言此可弔者一也中原謳吟思歸之人日夜引領望陛下拯溺救焚不啻赤子之望慈父母一與虜和則中原絕望後悔何及此可弔者二也海泗今日之藩籬咽喉也彼得海泗且決吾藩籬以瞰吾室扼吾咽喉以制吾命則兩淮決不可保兩淮不保則大江決不可守大江不守則江浙決不可安此可弔者三也紹興戊午和議既成檜建議遣二三大臣如路允迪等分往南京等州交割歸地一旦叛盟劫執允迪等遂下親征之詔虜復請和其反覆變詐如此檜猶不悟奉之如初事之愈謹賂之愈厚卒有逆亮之變驚動鞏輦太上謀欲入海行朝居民一空覆轍不遠忽而不戒臣恐後車又將覆也此可弔者四也紹興之和首議決不與歸正人口血未乾盡變前議凡歸正之人一切遣還如程師回趙良嗣等聚族數百幾爲蕭牆憂今必盡索歸正之人與之則反側生變不與則虜決不肯而已夫反側則肘腋之變深虜決不肯但已則必別起釁端猝有逆亮之謀不知何以待之此可弔者五也自檜當國二十年間竭民膏血以餌犬羊迄今府庫無旬月之儲千村萬落生理蕭然重以蝗蟲水潦自此復和則盡國害民殆有甚焉者矣此可弔者六也今日之患兵費已廣養兵之外又增歲幣且少以十年計之其費無慮數千億而歲幣之外又有私覲之費私覲之外又有賀正生辰之使賀正生辰之外又有泛使一使未去一使復來生民疲於奔命帑廩涸於將迎瘠中國以肥虜陛下何憚而爲之此其可弔者七也側聞虜人慢書欲書御名欲去國號大字欲用再拜議者以爲繁文小節不必計較臣切以爲議者可斬也夫四郊多壘卿大夫之辱楚子問鼎義士之所深恥獻納二字富弼以死爭之今醜虜橫行與多壘孰辱國號大小與鼎輕重孰多獻納二字與再拜孰重臣子欲君父屈己以從之則是多壘不足辱問鼎不必恥獻納不必爭此其可弔者八也臣恐再拜不已必至稱臣稱臣不已必至請降請降不已必至納土納土不已必至銜璧銜璧不已必至輿櫬輿櫬不已必至如晉帝青衣行酒然後爲快此其可弔者九也事至於此求爲匹夫尙可得乎此其可弔者十也竊觀今日之勢和決不成儻乾剛獨斷追回使者魏杞康濟等絕請和

之議以鼓戰士下哀痛之詔以收民心天下庶乎其可為矣如此則有可賀者亦十省數千億之歲幣一也專意武備足食足兵二也無書名之恥三也無去大之辱四也無再拜之屈五也無稱臣之忿六也無請降之禍七也無納土之悲八也無銜璧與櫬之酷九也無青衣行酒之冤十也去十帛而就十賀利害較然雖三尺童穉亦知之而陛下不悟春秋左氏謂無勇者為婦人今日舉朝之士皆婦人也如以臣言為不然乞賜流放竄逐以為臣子出位犯分之戒自符離之敗朝論急於和戎棄唐鄧海泗四州於虜矣金又欲得商秦地邀歲幣留使者魏杞分兵攻淮以本職措置浙西淮東海道時金使僕散忠義紇石烈志寧之兵號八十萬劉寶棄楚州王彥棄昭關濠滁皆陷惟高郵守臣陳敏拒敵射陽湖而大將李寶預求密詔為自安計擁兵不救銓劾奏之曰臣受詔令范榮備淮李寶備江緩急相援今寶視敏弗救若射陽失守大事去矣寶懼始出師掎角時大雪河冰皆合銓先持鐵鏈鎗冰土皆用命金人遂退久之提舉太平興國宮乾道初以集英殿修撰知漳州改泉州趣奏事留為工部侍郎入對言少康以一旅復禹績今陛下富有四海非特一旅而即位九年復禹之効尙未赫然又言四方多水旱左右不以告謀國者之過也宜令有司速為先備乞致仕七年除寶文閣待制留經筵求去以敷文閣直學士與外祠陞辭猶以歸陵寢復故疆為言上曰朕志也且問今何歸銓曰歸廬陵臣向在嶺海嘗訓傳諸經欲成此書特賜通天犀帶以寵之銓歸上所著易春秋周禮禮記解詔藏秘書省尋復元官升龍圖閣學士提舉太平興國宮轉提舉玉龍萬壽宮進端明殿學士提舉六年召歸經筵銓引疾力辭七年以資政殿學士致仕薨諡忠簡有澹菴集一百卷行于世孫棫渠皆尚書

廖剛字用中南劍州順昌人少從陳瓊揚時學登崇寧五年進士第宣和初自漳州司錄除國子錄權監察御史時蔡京當國剛論奏無所避以親老求補外出知興化軍欽宗即位以右正言召丁父憂服闋除工部員外郎以母疾辭紹興元年盜起旁郡官吏悉逃去順昌民以剛為命剛諭從盜者使反業既而他盜入順昌部使者檄剛撫定剛遣長子遲諭賊賊知剛父子有信義亦散去除

本路提點刑獄尋召為吏部員外郎言古者天子必有親兵自將所以備不虞而強主威漢北軍唐神策之類也祖宗軍制尤嚴願稽舊制選精銳為親兵居則以為衛動則以為中軍此強幹弱枝之道又言國家艱難已極今方圖新若會稽誠非久駐之地請經營建康親擁六師往為固守計以杜金人窺伺之意遷起居舍人權吏部侍郎兼侍講除給事中丁母憂服闋復拜給事中剛言國不可一日無兵兵不可一日無食今諸將之兵備江淮不知幾萬初無儲蓄日待哺於東南之轉餉浙民已困欲救此患莫若屯田因獻三說將校有能射耕當加優賞每耕田一頃與轉一資百姓願耕假以糧種復以租賦上令都督府措置時朝廷推究章惇蔡卞誤國之罪追貶其身仍詔子孫毋得官中朝至是章傑自崇道觀知婺州章僅自大府丞提舉江東茶鹽事剛封還詔書謂即如此何以示懲乃並與祠權戶部侍郎尋遷刑部侍郎求補外除徽猷閣直學士知漳州七年二月日有食之詔內外官言事剛言陛下有建國之封所以承天意示大公於天下後世者也然而未遂正名者豈非有所待耶有所待則是應天之誠未至也願陛下昭告藝祖在天之靈正建國儲君之號布告中外不置厥旨異時雖百斯男不復更易天下孰敢不服上讀之偉然即召剛趣至闕拜御史中丞剛言臣職糾劾邪當務大體若捃摭細故則非臣本心又奏經費不支盜賊不息事功不立命令不孕及兵驕官冗之弊時徽宗已崩上遇朔望猶率羣臣遙拜淵聖剛言禮有隆殺兄為君則君之己為君則兄之可也望勉抑聖心但歲時行人禮於內庭從之殿前司強刺民為兵及大將特功希恩所請多廢法剛知無不言論列至於四五驕橫者肅然鄭億年與秦檜有連而得美官剛顯疏其惡檜銜之金人叛盟剛乞起舊相之有德望者處以近藩檜聞之曰是欲寬我何地耶改工部尚書而以王次翁為中丞初邊報至從官會都堂剛謂億年曰公以百口保金人今已背約有何面目尚在朝廷乎億年奉祠去次翁與右諫議何鑄劾剛薦劉昉陳淵相為朋比以徽猷閣直學士提舉亳州明道宮明年致仕以紹興十三年卒子四人遲過遂遠仕皆棄塵節邦人號為萬石廖氏

李迨，東平人也。曾祖參，仕至尚書右丞。迨未冠入太學，因居閑封，以蔭補官。初調渤海縣尉。時州縣團結民兵，民起田畝中，不閑坐作，進退之節，或諱不受。令迨立賞罰，以整齊之。累月皆精練，部伍如法。部刺史按閱，無一人亂行伍者。遂薦之朝。改合入官。累遷通判濟州。時高宗以大元帥過濟，郡守自以才不及，遂迨行州事。迨應辦軍須無闕。會大元帥府勸進，乘輿儀物皆未備。迨諳典故，裁定其制，不日而辦。上深嘆賞。即除隨軍鞏運。上即位於南京，授山東鞏運。改金部郎。從駕至維揚，敵犯行在所。即取金部籍有關於國家經賦之大者，載以行。及上于鎮江，時建炎三年二月也。宰相呂頤浩言于上，即日召見。未幾，丁父喪。詔起復，以中散大夫直龍圖閣爲御營使司參議官，兼措置軍前財用。苗傅、劉正彥叛，呂頤浩張浚集勤王之師。迨流涕謂諸將曰：君第行，無慮軍食。師行所至，食皆先具。事平，同趙哲等人對，上慰勞之。詔轉三官，辭不拜。除權戶部侍郎。四年，加顯謨閣待制。爲淮南江浙荆湖等路制置發運使。尋以軍旅甫定，乞持餘服。詔許之。紹興二年，知筠州。明年，移信州。尋提舉江州太平觀。五年十月，以舊職除兩浙路轉運使。言祖宗都大梁，歲漕東南六百餘萬斛，而六路之民無飛挽之擾。蓋所運者官舟，所役者兵卒，故也。今駐蹕浙右，漕運地里，不若中都之遠，而公私苦之，何也？以所用之舟，大半取於民間，往往鑿并沉船，以避其役。如溫明度吉州等處，所置造船場，乞委逐州守臣措置募兵卒牽挽，使臣管押。庶幾害不及民，可以漸復漕運舊制。詔工部措置，尋加徽猷閣直學士。升龍圖閣直學士。爲四川都轉運使兼提舉成都等路茶事，并提舉陝西等路買馬。自熙豐以來，始即熙秦戎黎等州置場買馬，而川茶通於永興四路。故成都府秦州皆有權茶司。至是關陝既失，迨請合爲一司。名都大提舉茶馬司，以省冗費。從之。踰年，詔迨以每歲收支之數具旁通驛奏。迨乃考其本末具奏曰：紹興四年所收錢物三千三百四十二萬餘緡，此所支關五十一萬餘緡，五年收三千六十萬緡，此所支關一千萬餘緡，六年未見，七年所收三千六百六十萬餘緡，此所支關一百六十一萬餘緡。自來過歲計有闕，即添支錢引補助。紹興四年添印五百七十六萬道，五年添印二百萬道，六年添印六百萬道。見今汎料

太多，引價頓落。緣此未曾添印，兼歲收錢物，內有上供進奉等窠名一千五百九十九萬，係四川歲入舊額。其勸諭激賞等項窠名錢物共二千六十八萬，係軍興後來歲入所增。比舊額已過倍。其取於民，可謂重矣。臣嘗考劉晏傳，是時天下歲入緡錢千二百萬，而管權居其半。今四川權鹽權酒歲入一千九十一萬，過於晏所權多矣。諸窠名錢已三倍劉晏歲入之數。彼以一千二百萬贍中原之軍，而有餘。今以三千六百萬贍川陝一軍而不足。又如折估及正色米一項，通計二百六十五萬石，止以紹興六年朝廷取會官兵數計六萬八千四百四十九人，決無一年用二百六十五萬石米之理。數內官員一萬一千七員，軍兵五萬七百四十九人，官員之數比軍兵之數約計六分之一。軍兵請給錢比官員請給不及十分之一。即是冗濫在官員，不在軍兵也。計司雖知冗濫，力不能裁節之。雖是寬剩，亦未敢除減。此朝廷不可不知也。蜀人所苦甚者，糴買般運也。蓋糴買不科數，則不能集其事。苟科數，則不能無擾。般運事稍緩，則船戶獨受其弊。急則稅戶皆被其害。欲省漕運，莫如屯田。漢中之地約收二十五萬餘石，若將一半充不係水運去處歲計，以米一半對減川路糴買般發歲計米，亦可少寬民力。兼臣已委官於興元洋州就糴夏麥五十萬石，岷州欲就糴二十萬石，兼用營田所收一半之數十二萬石，三項共計五十七萬石。每年水運應付閬州以東計米五十八萬石，若得此三項，可盡數免川路糴買般運。此乃恤民之實惠，守邊之良策也。降詔獎諭，以與吳玠不合與祠。九年，金人歸我三京，命迨爲京畿都轉運使。孟庾時爲權東京留守，潛通北使，迨察其隱微，庾不能平。訟于朝，且使人告迨曰：北人以兵至矣。迨曰：吾家食國家祿二百年，荷陛下重任，萬死不足報吾老矣。豈能下穹廬之拜乎？首可斷而膝不可屈也。如果然，吾將極罵以死。告者悚然而去。降聖節，庾失於行禮，爲迨所持。庾自劾。迨因此求罷去，乃落職與祠歸。而庾以京師降於金人，迨尋復龍圖閣待制。知洪州。十六年，以疾丐祠。十八年卒。

趙開，字應祥，普州安居人。登元符三年進士第。大觀二年，權辟離正，用舉者改秩。即盡室如京師。買田尉氏，與四方賢俊遊。因調知天下利病所當罷行者，如

是七年，慨然有通變掾弊志。宣和初，除禮制局校正檢閱官。數月，局罷，出知鄆陵縣。七年，除講議司檢詳官。開善心計，自檢詳罷，除成都路轉運判官。遂奏罷宣和六年所增上供認額綱布十萬匹，減綿州下戶支移利州水脚錢十分之三。又減蒲江六井元符至宣和所增鹽額，列其次第，謂之鼠尾帳，揭示鄉戶歲時所當輸折科等實數，俾人人具曉。鄉胥不得隱匿竄寄，嘗言財利之源，當出於一祖宗朝天下財計，盡歸三司。諸道利源，各歸漕計。故官省事理，併廢以還。漕司則利害可以參究，而無牽掣窒礙之患矣。因指陳權茶買馬五害。大略謂：黎州買馬，嘉祐歲額纔二千一百餘，自置司權茶歲額四千，且獲馬兵踰千人，猶不足用。多費衣糧，為一害。嘉祐以銀絹博馬，價皆有定。今長吏旁緣為姦，不時歸貨，以空券給夷人，使待資次。夷人怨恨，必生邊患，為二害。初置司權茶，借本錢於轉運司五十二萬緡，於常平司二十餘萬緡，自熙寧至今，幾六十年，舊所借不償一文。而歲借乃準初數，為三害。權茶之初，預俵茶戶本錢，尋於數外更增和買，或遂抑預俵錢充和買。茶戶坐是破產，而官買歲增，茶日濫雜，官茶既不堪食，則私販公行，刑不能禁，為四害。承平時，蜀茶之入秦者十幾八九，猶患積壓難售。今關隴悉遭焚蕩，仍拘舊額，竟何所用。茶兵官吏坐糜衣糧，未免科配州縣，為五害。請依嘉祐故事，盡罷權茶，仍令轉運司買馬，即五害並去。而邊患不生。如謂權茶未可遽罷，亦宜併歸轉運司，痛減額以蘇茶戶，輕立價以惠茶商。如此，則私販必衰，盜賊消弭。本錢既常在而息錢自足，朝廷是其言，即擢開都大提舉川陝茶馬事，使推行之。時建炎二年也。於是大更茶馬之法，官買官賣茶並罷。參酌政和二年東京都茶務所册條約，印給茶引，使茶商執引與茶戶自相貿易，改成都舊買賣茶場為合同場。買引所仍於合同場置茶市。交易者必由市引，與茶必相隨。茶戶十或十五，共為一保，并籍定茶鋪姓名。互依舊茶，所過每一斤征一錢，住征一錢半。其合同場監官，除驗引秤茶封記發放外，無得干預茶商茶戶交易事。舊制買馬及三千匹者轉一官，此但以所買數推賞。往往有一任轉數官者，開奏請推賞，必以馬到京實收數為格，或死於

道，黜降有差。比及四年冬，茶引收息至一百七十餘萬緡。買馬及踰二萬匹，張浚以知樞密院宣撫川蜀，素知開善理財，即承制以開兼宣撫處置使。司隨軍轉運使，專一總領四川財賦。開浚曰：蜀之民力盡矣，鎔銖不可加，獨權貨稍存贏餘，而貪猾認為己有，互相隱匿，惟不恤怨誓，斷而敢行，庶可救一時之急。浚銳意與復，委任不疑。於是大變酒法，自成都始。先罷公使賣供給酒，即舊撲買坊場所置隔槽設官主之，麴與釀具官悉自買。聽釀戶各以米赴官場自釀。凡一石米輸三千，并頭子雜用等二十二，其釀之多寡，惟錢是視，不限數也。明年遂徧四路行其法。又法成都府法於秦州置錢引務，與州鼓鑄銅錢官買銀絹，聽民以錢引或銅錢買之。凡民錢當入官者，並聽用引折納。官支出亦如之。民私用引為市，於一千并五百上許從便增高，其直惟不得減削。法既流通，民以為便。初，錢引兩科通行，纔二百五十萬有奇。至是添印至四千一百九十餘萬人，亦不厭其多。價亦不削。宣司獲偽引三十萬，盜五十人。浚欲從有司議當以死，開白浚曰：相君誤矣。使引偽，加宣撫使印其上，即為真。黜其徒，使治幣。是相君一日獲三十萬之錢，而起五十人之死也。浚稱善。悉如開言。最後又變鹽法。其法實視大觀東南東北鹽鈔條約，置合同場鹽市，與茶法大抵相類。鹽引每一斤納錢二十五，土產稅及增添等，共納九錢四分。所過每斤征錢七分。住征一錢五分。若以錢引折納，別輸稱提勘合錢共六十。初變權法，怨言四起。至是開復議更鹽法，言者遂奏其不便。乞罷之，以安遠民。且曰：如謂大臣建設，務全事體，必須更制。即乞劄與張浚照會，詔以其章示浚。浚不為變。時浚倚重，寄治兵秦川，經營兩河，旬犒月賞，期得士死力。費用不貲，盡取辦於開。開悉如慮於食貨，算無遺策。雖支費不可計，而贏資若有餘。吳玠為四川宣撫副使，專治戰守。於財計盈虛未嘗問。惟一切以軍期趣辦。與開異趣。玠數以餉饋不繼，訴于開。開亦自劾老憊，去朝廷未許。迺特置四川安撫制置大使之名，命席益為之。益前執政，詔位宣撫司。上朝論恐未安，仍詔張浚視師荆襄川陝。六年，罷宣撫司。玠仍以宣撫治兵事。軍馬聽玠移撥。錢物則委開拘收。尋除開徽猷閣待制，加玠兩鎮節鉞。復降旨，都轉運使不當與四路漕臣同繫銜。成都潼川兩

路漕臣與都轉運使坐應副軍支錢物愆期各貶二秩朝廷故抑揚之使之交
解間隙趣辦餉饋也而開復與席益不和抗疏乞將舊來宣撫司年計應副軍
期不許他司分擘支用又指陳宣撫司截都漕運司錢就果闕糶米非是又言
應副吳玠軍須紹興四年總爲錢一千九百五十五萬七千餘緡五年視四年
又增四百二十萬五千餘緡蜀今公私俱困四向無所取給事屬危急實甚可
憂乞許以茶馬司奏計詰闕下盡所欲言朝廷既知開與玠及席益有隙乃詔
開赴行在以李迨代之會疾作不行提舉江州太平觀七年復右文殿修撰都
大主管川陝茶馬開已病累疏丐去詔從所乞提舉太平觀十一年卒
論曰秦檜執國柄其誤宋大計固無以議爲也張九成之策胡銓之疏忠義凜
然廖剛請復用德望之人豈苟阿時好者哉李迨趙開所謂可使治其賦也歟

宋史卷三百七十四

宋史卷三百七十四考證

胡銓傳其謫新州也同郡王廷珪以詩贈行皆爲人所許流辰州○盧溪集傳
胡銓忤秦檜謫嶺南廷珪送以詩語且緩檜坐流夜郎檜死得召還除國子
監主簿

宋史卷三百七十四考證

元中書右丞相總裁脫脫等修

列傳第一百三十四

鄧肅 李邴 滕康 張守

富直柔 馮康國

鄧肅字志宏南劍沙縣人少警敏能文美風儀善談論李綱見而奇之相偕和為忘年交居父喪哀毀踰禮芝產其廬入太學所與游皆天下名士時東南貢花石綱肅作詩十一章言守令搜求擾民用事者見之屏出學欽宗嗣位召對便殿補承務郎授鴻臚寺簿金人犯關肅被命詣敵營留五十日而還張邦昌僭位肅義不屈奔赴南京擢左正言先是朝廷賜金國帛一十萬肅在其營密覘均與將士之數大約不過八萬人至是為上言之且言金人不足畏但其信賞必罰不假文字故人各用命朝廷則不然有同時立功而功又相等者或已轉數官或尚為布衣輕重上下只在吏手賞既不明誰肯自勸欲望專立功賞一司使凡立功者得以自陳若功狀已明而賞不行或功同而賞有輕重先後者並賞之法上從之朝臣受僞命者衆肅請分三等定罪上以肅在圍城中知其姓名令具奏肅言叛臣之上者其惡有五諸侍從而為執政者王時雍徐秉哲吳玠呂好問莫儔李回是也諸庶官及宮觀而起為侍從者胡思朱宗周懿文盧襄李擢范宗尹是也撰勸進文與赦書者顏博文王紹是也朝臣之為事務官者私結十友講冊立邦昌之儀者是也因張邦昌改名者何昌言改為善言其弟昌辰改為知辰是也乞實之額外所謂叛臣之次者其惡有三諸執政侍從臺諫稱臣於僞庭執政馮澥曹輔是也侍從者已行遣獨李會尚為中書舍人臺諫中有為金人根括而被杖一以病得免者其餘無不在僞楚之庭以庶官而升擢者不可勝數乞委留守司按籍考之則無有遺者願為奉使者黎確李健陳戩是也乞於遠小處編管若夫庶官在位供職不廢者但苟祿而已乞赦其罪而錄其名不復用為臺諫侍從上以為然耿南仲得祠祿歸其子延禧為郡守肅勸南仲父子同惡沮渡河之戰遏勤王之兵今日割三鎮明日截

兩河及陛下欲進援京城又為南仲父子所沮誤國如此乞正其刑南仲嘗薦肅於欽宗肅言之不恤上嘉其直賜五品服范訥留守東京肅言訥出師兩河望風先遁今語人曰留守之說有四戰守降走而已戰無卒守無糧不降則走且漢得人傑乃守關中奔軍之將豈宜與此訥遂罷內侍陳良弼肩輿至橫門外開封買入內女童肅連章論之時官吏多託故而去肅建議削其任版而取其祿以給禁衛若夫先假指揮徑徙江湖者乞追付有司以正其罪因入對言外夷之巧在文書簡簡故速中國之患在文書煩煩故遲上曰正此討論故併三省盡依祖宗法及建極討論祖宗官制兩月不見施行肅言太祖太宗之時法嚴而令速事簡而官清未嘗旁搜曲引以稽賞罰故能以十萬精兵混一六合自時厥後羣臣無可議者今日獻一策明日獻一言煩冗瑣碎惟恐不備此文書所以益煩而政事所以益緩也今兵戈未息豈可揖遜進退尚循無事之時欲乞限以旬日期於必至庶幾法嚴事簡賞罰之權不至濡滯肅在諫垣遇事感激不三月凡抗二十疏言皆切至上多採納會李綱罷肅奏曰綱學雖正而術疎謀雖深而機淺固不足以副聖意惟陛下嘗顧臣曰李綱真以身殉國者今日罷之而責詞甚嚴此臣所以有疑也且兩河百姓無所適從綱措置不一月間民兵稍集今綱既去兩河之民將如何哉僞楚之臣紛紛在朝李綱先乞逐逆臣邦昌然後叛黨稍能正罪今綱既去叛臣將如何哉叛臣在朝政事乖矣兩河無兵外夷驕矣李綱於此亦不可謂無一日之長執政怒送肅吏部罷歸居家紹興二年避寇福唐以疾卒

李邴字漢老濟州任城縣人崇寧五年進士第累官為起居舍人試中書舍人北方用兵酬功第賞日數十百邴辭命無留難除給事中同修國史兼直學士院遷翰林學士嘗與禁中曲宴徽宗命賦詩高麗使人貢邴為館伴徽宗遣中使持示使者請傳錄以歸未幾坐言者罷提舉南京鴻慶宮欽宗即位除徽猷閣待制知越州久之再落職提舉西京嵩山崇福宮高宗即位復徽猷閣待制踰歲召為兵部侍郎兼直學士院苗傅劉正彥追上遜位上顧邴草詔邴請得御札而後敢作朱勝非請降詔赦邴就都堂草之除翰林學士初邴見苗傅

面諭以逆順禍福之理且密勸殿帥王元俛以禁旅擊賊元唯唯不能用即詰政事堂白朱勝非適正彥及其黨王世修在焉又以大義責之人為之危鄂不顧也時御史中丞鄭毅又抗疏言聖皇帝不當改號於是鄂敢為瑞明殿學士同簽書樞密院事鄂與張守分草百官章奏三奏三答及太后手詔與復辟赦文一日而具四月拜尚書右丞未幾改參知政事上巡江寧太后六宮往豫章命鄂為資政殿學士權知行臺三省樞密院事以與呂頤浩論不合乞罷遂以本職提舉杭州洞霄宮未闕月起知平江府會兄鄴失守越州坐累落職明年即引赦復之又升資政殿學士紹興五年詔問宰執方略鄂條上戰陣守備措畫綏懷各五事戰陣之利五曰出輕兵務遠略諸將帥責成功重賞格大略謂關陝為進取之地淮南為保固之地關陝雖利於進取然不用師於京東以牽制其勢則彼得一力以拒我今大將統兵者數人皆所持以為根本萬一失利將不可復用偏裨中如牛鼻王進楊珪史康明皆京東土人知地險易可各配以部曲三五百人或出淮陽或出徐泗彼將奔命之不暇此不動而分陝西重兵之一端也關陝今雖有二宣撫其體尚輕非遣大臣不可呂頤浩氣節高亮李綱識量宏遠威名素著願擇其一而用之必有以報陛下又言陛下即位之初韓世忠劉光世張俊威名隱然為大將今又有吳玠岳飛者出矣願詔大將於所部舉智謀忠勇可以馭眾統師各兩三人朝廷籍記遇有事宜使當一隊毋隸大將則諸人競奮才智皆飛玠之儔矣大將爵位已崇難相統一自今用兵第可授以成算使自為戰而已慎勿遣重臣臨之以輕其權而分其功今却敵退師之後必論功行賞願因此詔有司預定賞格謂如得城邑及近上首領之類自一命至節度使皆差次使足相當所謂守備之宜有五曰固根本習舟師防他道講遺策列長戍大略謂江浙為今日根本欲保守則失進取之利欲進取則慮根本之傷古之名將內必屯田以自足外必因糧於敵誠能得以功名自如祖邀者舉淮南而付之使自為進取而不至虛內以事外臣聞朝廷下福建建造海船七百隻必如期而辦乞復古制建伏波下瀨樓船之官以教習水戰俾近上將佐領之自成一軍而專隸於朝廷無事則散之緣江州郡緩

急則聚而用之臣度敵人他年入寇懲創今日之敗必先以一軍來自淮南為築室反耕之計以綴我師然後由登萊泛海窺吳越以出吾左由武昌渡江窺江池以出吾右一處不支則大事去矣願預講左支右吾之策夫兵之形無窮願詔臨江守臣凡可設奇以誤敵者如吳人疑城之類皆預為措畫今長江之險綿數千里守備非一苟制得其要則用力少而見功多願差次其最緊處屯軍若干人一將領之聽其郡守節制次緊稍緩處差降焉有事則以大將兼統之既久則諳熟風土緩急可用與旋發之師不侔矣所謂措畫之方有五曰親大閱補禁衛講軍制訂使事降勅榜大略謂因秋冬之交關廣場會諸將取士卒才藝絕特者而爵賞之建炎以來禁衛單寡乃藉五軍以為重臣常寒心願擇忠實嚴重之將以為殿帥稍補禁衛之闕使隱然自成一軍則其馭諸將也若臂之使指矣今諸郡廂禁衛占私役者大郡二三千人小郡亦數百人臣願講求除郡守兵將官自禁軍給事外餘備從衣糧使自僦人以役大抵殺廂軍三分之二而以其衣糧之數盡募禁軍金人自用兵以來未嘗不以和好為言此決不可恃然二聖在彼不可遂已姑以餘力行之耳臣謂宜專命一官如古所謂行人者或止左右司領之當遣使人舉成法而授之庶免臨時斟酌之勞而朝廷得以專意治兵矣劉豫僭叛理必滅之謂宜降勅榜明著豫僭逆之罪曉諭江北士民此亦兵家所謂伐謀伐交者所謂綏懷之略有五曰宣德意先振恤通關津遺材能務寬貸大略謂山東大姓結為山寨以自保今雖累年勢必有未下者願募有心力之人密往詔諭應准北遺民來歸者令淮南州郡給以行由差船津濟量差地分人護送毋得邀阻有官人先次注授差遣無官而貧乏者令沿江州郡以官舍居之仍量給錢米三兩月其能自營為生乃止丙有才智可用之人隨宜任使勿但糜以爵秩而已凡諸將行師入境敢抗拒者固在勦戮其有善良老弱之人皆從寬貸使之有更生之望不報爾閑居十有七年薨于泉州年六十二諡文敏有草堂集一百卷

滕康字子濟應天府宋城人登崇寧五年進士第又中詞學兼茂科除秘書省正字遷著作佐郎尚書工部禮部員外郎國子司業靖康二年元帥府開康習

憲章召至濟州。康率羣臣勸進。除太常少卿。使定登極禮儀。凡告天及肆赦之文。皆康爲之。辭意激切。聞者感動。除起居舍人。權給事中。進起居郎。兼討論祖宗法度。檢討官。試中書舍人。會顯謨閣學士孟忠厚乞用父減年遷官。康言。忠厚。隆祐太后之姪也。太宗以來。凡母后兄弟之子。無爲侍從者。武義大夫康義。用登極恩。遷遙郡刺史。康又封還詞頭。言。恩例遷官一等。謂於階官上進一階。今康義得特旨轉一官。自武義大夫躡上遙郡刺史。名爲遷一官。實升五等。紊法之甚也。自古召亂之源。非外戚撓法。則內侍干政。漢唐可鑑。凡再降旨。竟不肯行。後軍統制韓世忠以不能戢所部坐贖金。康言。世忠無赫赫功。祇緣捕盜微勞。遂亞節鉞。今其所部卒伍。至奪御器。逼諫臣於死地。乃止罰金。何以懲後。詔降世忠一官。知江州。陳彥文用劉光世奏。錄其守城功。遷龍圖閣待制。康以光世所上彥文功狀。前後抵牾。閣而未下。宰相力主彥文。趣康行詞。康論不已。宰相銜之。會布衣省試卷子不合式。康以其文取之。諫官李處遼論奏。遂以集英殿修撰提舉杭州洞霄宮。未幾。移躡錢塘。再除中書舍人。奏曰。去歲郊禮前日食。而日官不以聞。廷臣不以告。使陛下所以應天者未至。故逆臣敢萌不軌者。無先事之戒也。陛下即位。行再歲矣。惻怛愛民之政。徒爲空言。而百姓不被其恩。哀痛責躬之詔。不著事實。四方不以爲信。忠佞並馳。而多士解體。刑賞失當。而三軍沮氣。臣願陛下取建炎初元以來。所下詔書。所舉政事。熟思審度。得無一二不類。臣言者乎。望參稽得失。而罷行之。上再三褒諭。稱其有諫臣風。除左諫議大夫。旬日間。封章屢上。遂擢翰林學士。翌日。除端明殿學士。同簽書樞密院事。建炎三年。宰相呂頤浩議幸武昌爲趨陝之計。既移躡建康。又議欲盡棄中原。徙居民於東南。康力持不可。上悟而止。未幾。上請太后奉神主如江西。以參知政事李昉權知三省樞密院事。康爲資政殿學士。同從衛以行。昉辭疾。又命康權知。以劉珪爲貳。賜康褻詔。許綴宰執班奏事。康從衛至洪州。劉光世護江不密。金人絕而渡。康等倉卒奉太后趨虔州。殿中侍御史張延壽論康與珪無憂國之心。至使太后涉險。爲敵人追迫。責授康祕書少監。分司南京。永州居住。未幾。許自便。復左朝請大夫。提舉明道宮。紹興二年九月卒。年四十八。

年。追復龍圖閣學士。有文集二十卷。

張守。字子固。常州晉陵人。家貧無書。從人假借。過目輒不忘。登崇寧元年進士第。中詞學兼茂科。除詳定九域圖志編修官。以省員罷。改宣德郎。擢爲監察御史。丁內艱。去建炎元年冬。召還。改官。賜五品服。上在維揚。黏罕將自東平歷泗淮以窺行在。宰臣汪伯彥黃潛善。以爲李成餘黨不足畏。上召百官各言所見。葉夢得請上南巡。阻江爲守。張浚亦奏敵勢方張。宜且南渡。守獨抗疏。上防淮渡江利害六事。又別疏言。金人犯淮。旬之路有四。宜擇四路帥守。繕兵儲粟。以捍禦之。疏再上。又請詔大臣。惟以選將治兵爲急。凡不急之務。付之都司六曹。二相滋不悅。遂建議遣守撫諭京城。守聞命即就道。三年正月。還奏。金人必來。願早爲圖之。上惻然。除起居郎。兼直學士院。金人果渡淮。上幸臨安。還御史中丞。苗劉既平。詔赦百官。表奏皆守與李昉分爲之。守論宰相朱勝非不能思患預防。致賊猖獗。乞罷政。疏留中不出。既而勝非竟罷。及呂頤浩初相。舉行司馬光之言。欲併合三省。詔侍從臺諫集議。守言。光之所奏。較然可行。若更集衆。徒爲紛紜。既而悉無異論。竟合三省爲一。上幸建康。呂頤浩張浚叶議。將奉上幸武昌。爲趨陝之計。時方浚爲宣撫處置使。身任陝蜀。守與諫議大夫滕康皆持不可曰。東南今日根本也。陛下遠適。則姦雄生窺伺之心。況將士多陝西人。以蜀近關陝。可圖西歸。自爲計耳。非爲陛下與國家計也。守又陳十害。至殿廡謂康曰。幸蜀之事。吾曹當以死爭之。上曰。朕固以爲難行。議遂寢。六月。久雨。恆陰。呂頤浩張浚皆謝罪。求去。詔郎官以上言闕政。初守爲副端時。嘗上疏曰。陛下處宮室之安。則思二帝母后宮廬蠶幕之居。享膳羞之奉。則思二帝母后羶肉酪漿之味。服細煖之衣。則思二帝母后窮邊絕塞之寒苦。操與奪之柄。則思二帝母后語言動作。受制於人。享嬪御之適。則思二帝母后誰爲之使令。對臣下之朝。則思二帝母后誰爲之尊禮。思之又思。兢兢栗栗。聖心不倦。而天不爲之助順者。萬無是理也。至是復申前說曰。今罪己之詔數下。而天未悔禍。實有所未至耳。且曰。天時人事。至此極矣。陛下觀今日之勢。與去年孰愈。而朝廷之措置施設。與前日未始異也。俟其如維揚之變。而後言之。則雖斥逐大臣。無救

於禍漢制災異策免三公今任宰相者雖有勳勞然其器識不足以轉旋機務願更擇文武全材海內所共推者親擢而並用上書論事或有切直宜加褒擢以來言路先是守嘗論呂頤浩不可獨任張浚不可西去與上意異乞補外除禮部侍郎不拜上命呂頤浩至政事堂諭以正人端士不宜輕去守始受命殿中侍御史趙鼎入對論守無故下遷上曰以其資淺鼎曰言事官無他過願陛下毋沮其氣於是遷翰林學士知制誥九月拜端明殿學士同簽書樞密院事扈從由海道至永嘉回至會稽四年五月除參知政事守嘗薦汪伯彥沈與求劾其短以資政殿學士提舉洞霄宮未幾知紹興府尋以內祠兼侍讀守力辭改知福州時右司員外郎張宗臣請令福建築城守奉福州城於晉太康三年偽闡增廣至六千七百餘步國初削平已久公私困敝請俟他年遂止尋以變易度牒錢百萬餘緡輸之行在助國用時劉豫導金入寇淮上太平江諸將獻俘者相踵守聞之上疏曰今以獻俘誠皆金人或借諸國則戮之可也至如兩河山東之民皆陛下赤子驅迫以來豈得已哉且論以恩信貸之使歸願留者亦聽則賊兵可不戰而潰金人既遁詔諸將渡江追擊守復上疏以敵情難測願留劉光世控禦諸渡上既還臨安又詔問守以攻戰之利守備之宜緩懷之略措置之方守言明詔四事臣以為莫急於措置措置苟當則餘不足為陛下道矣臣請言措置之大略其一措置軍旅其二措置糧食神武中軍當專衛行在而以餘軍分戍三路一軍駐于淮東一軍駐于淮西一軍駐鄂岳或荆南擇要害之處以處之使北至關輔西抵川陝血脈相通號令相聞有唇齒輔車之勢則自江而南可奠枕而臥也然今之大將皆握重兵貴極富溢前無祿利之望退無誅罰之憂故朝廷之勢日削兵將之權日重而又為大將者萬一有稱病而賜罷或卒然不諱則所統之衆將安屬耶臣謂宜拔擢麾下之將使為統制每將不過五千人基布四路朝廷號令徑達其軍分合使令悉由朝廷可以為為也何謂措置軍食諸將既分屯諸路則所患者財穀轉輸也祖宗以來每歲上供六百餘萬出於東南轉輸未嘗以為病也今宜舉兩浙之粟以餉淮東江西之粟以餉淮西荆湖之粟以餉鄂岳荆南量所用之數責漕臣將輸而

歸其餘於行在錢帛亦然恐未至於不足也錢糧無乏絕之患然後戒飭諸將不得侵擾州縣以復業之民戶口多寡為諸州殿最歲覈實而黜陟之如是措置既定俟至防秋復遣大臣為之統督使諸路之兵首尾相應緩懷之略亦在是矣究其本原則在陛下內修德而外修政耳閩自范汝為之擾公私赤立守在鎮四年撫綏彫瘵且請于朝蠲除福州所貸常平緡錢十五萬累請去郡以提舉萬壽觀兼侍讀召還甫兩月復引病丐去知平江府力丐祠以歸六年十二月召見即日除參知政事明日兼權樞密院事七年張浚罷劉光世兵柄而欲以呂祉往淮西撫諭諸軍守以為不可浚不從守曰必曰改圖亦須得聞望素高能服諸將之心者乃可浚不聽遂有廊瓊之變及臺諫交章論浚御批安置嶺表趙鼎不即行守力解上曰浚為陛下捍兩淮罷劉光世正以其眾烏合不為用今其驗矣羣臣從而媒孽其短臣恐後之繼者必以浚為鑒誰肯為陛下任事乎浚請永州守亦引咎請去弗許八年正月上自建康將還臨安守言建康自六朝為帝王都江流險闊氣象雄偉且據都會以經理中原依險阻以捍禦疆敵可為別都以圖恢復鼎持不可守力求去以資政殿大學士知婺州尋改洪州兼江西南西路安撫使入對時江西盜賊未息上問以弭盜之策守曰莫先德政伺其不悛然後加之以兵因請出師屯要害既至部揭榜郡邑開諭禍福約以期限許之自新不數月盜平後徙知紹興府會朝廷遣三使者括諸路財賦所至以鞭撻立威韓球在會稽所斂五十餘萬緡守既視事即求入覲為上言之詔遣三使時秦檜當國不悅守亦不自安復奉祠建康謀帥上曰建康重地用大臣有德望者惟張守可至鎮數月藁守嘗薦秦檜於時宰張浚及檜為樞密使同朝一日守在省閣執浚手曰守前者誤公矣今同班列與之朝夕相處觀其趨向有患失之心公宜力陳於上守在江右以郡縣供億科擾上疏請蠲和買罷和糴上欲行之時秦檜方損度支為月進且日憂四方財用之不至見守疏怒曰張帥何損國如是守聞之嘆曰彼謂損國乃益國也卒諡文靖孫抑戶部侍郎

富直柔字季申宰相弼之孫也以父任補官少敏悟有才名靖康初晁說之奇

其文薦于朝召賜同進士出身除秘書省正字建炎二年召近臣舉所知禮部侍郎張浚以直柔應詔授著作佐郎尋除禮部員外郎起居舍人遷右諫議大夫范致虛自謫籍中召入直柔力言致虛不當復用出知鼎州遷給事中醫官團練使王繼先以覃恩轉防禦使法當回授得旨特與換武功大夫直柔論繼先以計換授既授之後轉行官資除授差遣更無所礙且武功大夫惟有戰功歷邊任負材武者乃遷不可以輕授上謂宰相范宗尹曰此除出自朕意今直柔抗論朕屈意從之以伸直言之氣四年遷御史中丞直柔請罷右司侯延慶而以蘇遲代之上曰臺諫以拾遺補過爲職不當薦某人爲某官於是延慶改禮部員外郎而遲爲太常少卿十月除端明殿學士簽書樞密院事故事簽書有以員外郎爲之而無三丞爲之者中書言非舊典時直柔爲奉議郎乃特遷朝奉郎自是寄祿官三丞除二府者遷員外郎自直柔始遂爲例紹興元年詔禮部太常寺討論隆祐太后冊禮范宗尹曰太后前後廢斥實出章淳蔡京人皆知非二聖之過直柔曰陛下推崇隆祐天下以爲當然人亦不以爲非哲廟與上皇意願陛下勿復致疑乃命禮官討論典禮既而王居正言太后隆名定位已正於元符宜用欽聖詔奏告天地宗廟其典禮不須討論議遂定上虞縣丞冀寅亮上書言宗社大計欲選太祖諸孫伯字行下有賢德者視秩親王使牧九州以待皇嗣之生退處藩服疏入上大數悟直柔從而薦之召赴行在除監察御史於是孝宗立爲普安郡王以寅亮之言也除同知樞密院事侍御史沈與求論直柔附會辛道宗承宗兄弟得進并論其所薦右司諫韓璜先是直柔嘗短呂頤浩於上前頤浩與秦檜皆忌之由是二人俱罷璜責監澤州酒稅而直柔以本官提舉洞霄宮六年丁所生母憂起復資政殿學士知鎮江府辭不赴起知衢州以失入死罪落職奉祠尋復端明殿學士徜徉山澤放意吟詠與蘇遲葉夢得諸人游以壽終于家

馮康國字元通本名輅遂寧府人爲太學生負氣節建炎中高宗次杭州禮部侍郎張浚以御營參贊軍事留平江苗劉作亂浚外倡帥諸將合兵致討念傳等居中欲得辯士往說之時輅客浚所慷慨請行浚遣之至杭說傳正彥曰自

古宦官亂政根株相連若誅鋤必受禍今二公一旦爲國家去數十年之患天下蒙福甚大然主上春秋鼎盛天下不聞其過豈可遽傳位于襁褓之子且前日名爲傳位其實廢立二公本心爲國奈何以此負誇天下傳按劍大怒輅辭氣不屈正彥乃善諭之曰張侍郎欲復辟固善然須用面議乃遣輅還約浚至杭浚復遣輅移書傳等告以禍福使改既又復傳書誦言其罪輅至傳黨馬柔吉誅之曰昨張侍郎書不委曲二公大怒已發兵出杭矣君尙敢來耶輅曰畏則不來來則不畏王世修欲拘留輅會浚謬爲書遺輅云適有客自杭來方知二公於社稷初無不利之心甚悔前書之輕易也傳等見之喜輅得免俄動王之兵大集傳等始懼輅知其可動乃說宰相朱勝非以今日之事當以淵聖皇帝爲主睿聖皇帝宜復爲大元帥少主爲皇太后垂簾勝非令與傳正彥議皆許諾輅又請褻傳正彥如趙普故事遂皆賜鐵券詔補輅奉議郎守兵部員外郎賜五品服更名康國高宗反正以張浚宣撫川陝浚辟康國主管機宜文字浚至蜀遣康國入奏事詔進兩官爲荆湖宣諭使康國之行也上幸浙東不暇降詔旨康國以自意爲之言者劾以擅造制書坐貶秩二等紹興三年浚召還與康國俱赴行在浚既黜御史常同因論康國罷之起知萬州湖北轉運判官浚相入爲都官員外郎康國言四川稅色祖宗以來正稅重者科折輕正稅輕者科折重科折權衡與稅平准故無偏重近年監司總漕悉改舊法取數務多失業逃亡皆由於此蓋從舊法詔以其言下四川憲司察不如法者又言蜀苦陸運當論吳玠非防秋月分兵就糧兼選守牧治梁洋招集流散耕鑿就緒則漕運可省此保蜀之良策也浚去相位康國乞補外趙鼎言於高宗曰自張浚罷蜀士不自安今留者十餘人臣恐臺諫以浚故有論列望陛下察之高宗曰朝廷用人止當論其才與否耳頃臺諫好以朋黨論士大夫如罷一宰相則凡所薦引不問才否一時罷黜乃朝廷使之爲朋黨非所以愛人才厚風俗也遷右司員外郎除直顯謨閣知夔州丁母憂起復撫諭吳玠軍除都大主管川陝茶馬卒

鄧肅李邴滕康當危急存亡之秋皆侃侃正色知無不言張守論事明遠

宋

史 卷二百七十五

列傳

富直柔 阮於秦檜 呂頤浩 馮康國 說折二凶 皆有用之才也。

宋史卷二百七十五

三〇七八

元中書右丞相總裁脫脫等修

列傳第一百三十五

常同 張致遠

薛徽言

陳淵

魏 虹

潘良貴

呂本中

常同字子正邛州臨邛人紹聖御史安民之子也登政和八年進士第靖康初除大理司直以敵難不赴辟元帥府主管機宜文字尋除太常博士高宗南渡辟浙江機幕建炎四年詔故監察御史常安民左司諫江公望抗節剛直觸怒權臣擯斥至死今其子孫不能自振朕甚憫之召同至行在至則為大宗丞紹興元年乞郡得柳州三年召還首論朋黨之禍自元豐新法之行始分黨與邪正相攻五十餘年章惇唱於紹聖之初蔡京和於崇寧之後元祐臣僚竄逐貶死上下蔽蒙養成夷虜之禍今國步艱難而分朋締交背公死黨者固自若也恩歸私門不知朝廷之尊重報私怨寧復公議之顧臣以為欲破朋黨先明是非欲明是非先辨邪正則公道開而奸邪息矣上曰朋黨亦難破同對朋黨之結蓋緣邪正不分但觀其言行之實察其朋附之私則邪正分而朋黨破矣上曰君子小人皆有黨同又對曰君子之黨協心濟國小人之黨挾私害公為黨則同而所以為黨則異且如元祐臣僚中遭讒謗竄逐流死而後禍亂成今在朝之士猶謂元祐之政不可行元祐子孫不可用上曰聞有此論同對以禍亂未成元祐臣僚固不能以自明今可謂是非定矣尚猶如此蓋今日士大夫猶宗京黼等傾邪不正之論朋黨如此公論何自而出願陛下始終主張善類勿為小人所惑又奏自古禁旅所寄必參錯相制漢有南北軍周勃用南軍入北軍以安劉氏唐李晟亦用神策軍以復京師是其效也今國家所仗惟劉光世韓世忠張俊三將之兵耳陛下且無心腹禁旅可備緩急頃者苗劉之變亦可鑒矣除殿中侍御史時韓世忠屯鎮江劉光世屯建康以私忿欲交兵同奏光世等不恩待遇之恩而驕很尚氣無所忌憚一旦有急其能相為唇齒乎望分是非正國典昔漢諸侯王有過猶責師傳今兩軍幕屬費盡無狀乞先黜責上

以章示兩軍呂頤浩再相同論其十事且曰陛下未欲遽罷頤浩者豈非以其有復辟之功乎臣謂功出衆人非一頤浩之力縱使有功宰相代天物理張九齡所謂不以賞功者也頤浩罷相論知樞密院宣撫川陝張浚喪師失地遂詔浚福州居住同與辛炳在臺同好惡上皆重之金使李永壽等入見同言先振國威則和戰常在我若一意議和則和戰常在彼上因語及武備曰今養兵已二十萬同奏未聞二十萬兵而畏人者也僞齊宿遷令張澤以二千人自拔來歸泗州守徐宗誠納之韓世忠以聞朝論令世忠却澤等而械宗誠赴行在同奏敵雖議和而兩界人往來未嘗有禁僞齊尚能置歸受館立賞以招吾民今乃却澤人心自此離矣況宗誠起土豪不用縣官財賦募兵自養為國捍障今因受澤而械之以沮士氣非策也詔處來歸者於淮南釋宗誠罪四年除起居郎中書舍人史館修撰先是同嘗上疏論神哲二史曰章惇蔡京蔡卞之徒積惡造謗痛加誣詆是非顛倒循致亂危在紹聖時則章惇取王安石日錄私書改修神宗實錄在崇寧後則蔡京盡焚毀時政日記以私意修定哲宗實錄其間所載悉出一時姦人之論不可信於後世恭惟宣仁保佑之德豈容異辭而蔡確貪天之功以為己力厚誣聖后收恩私門陛下即位之初嘗下詔明宣仁安社稷大功令國史院撫實刊修又復悠悠望精擇史官先修哲宗實錄候書成取神宗朱墨史考證修定庶毀譽是非皆得其實上深嘉納至是命同修撰且諭之曰是除以卿家世傳聞多得事實故也一日奏事上愀然曰向昭慈嘗言宣仁有保佑大功哲宗自能言之正為宮中有不得志於宣仁者因生誣謗欲辨白其事須重修實錄具以保立勞效昭示來世此朕選卿意也同乞以所得聖語宣付史館仍記于實錄卷末張俊乞復其田產稅役令一卒持書瑞昌而凌悍其令郭彥參彥參繫之獄俊訴于朝命罷彥參同併封還二命俄除集英殿修撰知衢州以疾辭除徽猷閣待制舉江州太平觀七年秋以禮部侍郎召還未數日除御史中丞車駕自建康回臨安同奏旋踵之初去淮益遠宜遣重臣出按兩淮詢人情利病察官吏侵擾縱民耕墾勿收租稅數年之後田野加闢百姓足而國亦足矣乃遣樞密使王庶視師同乞以此奏付庶詢究

罷行。又言：江浙困於月椿錢，民不聊生。上為減數千緡。又言：吳玠屯師與利，而西川人力已困。玠頃年嘗譁屯田，願聞其積穀幾何，減饋運幾何。趙開李迨相繼為都漕，先後饋運各幾何。令制漕帥司條具以聞，然後按實講究，以紓民力。又言：國家養兵不為不多，患在於偏聚而不同力，自用而不同心。今韓世忠在楚，張俊在建康，岳飛在江州，吳玠在蜀，相去隔遠，情不相通。今陛下遣樞臣王庶措置邊防，宜令庶會集將帥，諭以國體，協心共議，禦敵常令諸軍相接，以常山蛇勢，一意國家，無分彼此。緩急應援，皆有素定之術。詔付王庶出示諸將，同乞郡。除顯謨閣直學士知湖州，復召請祠。詔提舉江州太平觀，紹興二十年卒。張致遠字子猷，南劍州沙縣人。宣和二年，中進士第。宰相范宗尹薦其才，召對。擢為樞密院計議官。建寇范汝為已降，猶懷反側，而招安官謝嚮陸棠受賂賂，陰與之通。致遠謁告歸，知其情，環白執政，請鋤其根柢。於是捕嚮棠及制置司屬官施宜生付獄。詔參知政事孟庚為福州宣撫使討賊。韓世忠副之，辟致遠為隨軍機宜文字。賊平，除兩湖轉運判官。改廣東轉運判官，招撫劇盜曾袁等。賊眾悉降。紹興四年，以監察御史召。未至，除殿中侍御史。時江西帥胡世將請增和買絹折納錢，致遠上疏言：折納絹錢，本欲少寬民力，而比舊增半，是欲乘民之急而厚其斂也。從之。金人與劉豫分道入寇，宰相趙鼎勸高宗親征，朝士尚以為疑。白鼎審處，致遠入對，獨贊其決。遷侍御史，言聚財養兵，皆出民力，善理財者，宜固邦本，請罷權權福建鹽，精擇三司使，副以常平茶鹽，合為一官，令計經常，量入為出，先務省節。次及經理，詔戶部講究。五年，除戶部侍郎，進吏部侍郎。尋復為戶部侍郎。言陛下欲富國強兵，大有為於天下，願詔大臣，方務省節，明禁僭侈，自宮禁始。自朝廷始，額員可減者減之，司屬可併者併之，使州縣無妄用，歸其餘於監司。監司無妄用，歸其餘於朝廷。朝廷無橫費，日積月聚，惟軍須是慮。中興之業，可致也。除給事中。尋以老母丐外，以顯謨閣待制知台州。朝廷以海寇鄭廣未平，改知福州。六年八月，廣等降，致遠選留四百人置營城外，餘遣還業。復遣廣討他郡諸盜。數月悉平。八年正月，再召為給事中。出知廣州。尋以顯謨閣待制致仕。十七年卒。年五十八。致遠鯁亮有學識，歷臺省侍從，言

論風旨，皆卓然可觀。趙鼎嘗謂其客曰：自鼎再相，除政府外，從官如張致遠，常同。胡寅、張九成、潘良貴、呂本忠、魏杞皆有士望。他日所守當不渝。識者謂鼎為知人云。

薛徽言，字德老，温州人。登進士第，為樞密院計議官。紹興二年，遣使分行諸路，徵言在選中。以權監察御史宣諭湖南，時彬道桂陽，早饑，徽言請于朝，不待報，即諭漕臣發銜永米以振，而以經制銀市米償之。所刺舉二十人，使還，他使皆進擢。宰相呂頤浩以徽言擅易守臣，而移用經制銀，出知興國軍。入為郎，遷右司，擢起居舍人。時秦檜與金人議和，徽言與吏部侍郎晏敦復等七人同拜疏爭之。一日檜於上前論和，徽言直前引義固爭，反復數刻，中寒疾而卒。高宗念之，贈絹百匹，特與遺表恩。

陳淵，字知默，南劍州沙縣人也。紹興五年，給事中廖剛中書舍人胡寅、朱震權戶部侍郎張致遠、言淵乃瓊之諸孫，有文有學，自瓊在時，器重特甚。垂若流落，貧材未試，充樞密院編修官。會李綱以前宰相為江南西路安撫制置大使，辟為制置司機宜文字。七年，詔侍從舉直言極諫之士，胡安國以淵應，召對。官賜進士出身。九年，除監察御史，尋遷右正言。入對論比年以來恩惠大濫，賞給太厚，頒賚賜予之費太過，所用既眾而所入實寡。此臣所甚懼也。周官唯王及后世子不會，說者謂不得以有司之法治之，非周公作法，開後世人主後用之端也。臣謂冢宰以九式均節財用，有司雖不會，冢宰得以越式而論之。若事事以式，雖不會猶會也。臣願陛下凡有賜賚，法之所無而於例有疑者，三省得以共議。戶部得以執奏，則前日之弊息矣。淵面對，因論程頤、王安石學術同異。上曰：楊時之學，能宗孔孟，其三經義辨甚當理。淵曰：楊時始宗安石，後得程顥師之，乃悟其非。上曰：以三經義解觀之，具見安石穿鑿。淵曰：穿鑿之過尚小，至於道之大原，安石無一不差。推行其學，遂為大害。上曰：差者何謂。淵曰：聖學所傳，止有論孟中庸論語主仁中庸主誠孟子主性，安石皆暗其原，仁道至大，論語隨問隨答，惟樊遲問始對曰：愛人。愛，特仁之一端。而安石遂以愛為仁，其言中庸則謂中庸所以接人高明所以處己。孟子七篇專發明性善，而安石取揚雄

善惡混之言。至於無善無惡。又溺於佛。其失性遠矣。鄭億年復資政殿學士奉朝請。召見于內殿。淵言億年故相居中之子。雖爲從官而有從賊之醜。乞寢其職名。不報。億年。右僕射秦檜之親黨也。由是檜怒之。除秘書少監兼崇政殿說書。以租名辭。改宗正少卿。以何鑄論罷。主管台州崇道觀。十五年卒。

魏劭字邦達。和州歷陽人。唐丞相知古後也。少穎悟。時方尙王氏新說。劭獨守所學。宣和二年。上舍及第。建炎四年。召赴闕。詔改宣教郎。除詳定一司勅令所。刪定官。紹興元年。遷樞密院計議官。遷考功郎。會星變。劭因轉對言。治平間。慧出東方。英宗問輔臣所以消弭之道。韓琦以明賞罰爲對。比年以來。賞之所加。有未參選而官已升朝者。有未經任而輒爲正郎者。罰之所加。有未到任而例被衝替者。有罪犯同而罰有輕重者。力言大臣黜陟不公。所以致異。上識其忠。擢監察御史。遷殿中侍御史。臨安火。延燒數千家。獻諫者謂非災異。劭言。春秋定哀間。數言火災。說者謂孔子有德而魯不能用。季孫有惡而不能去。故天降之咎。今朝廷之上。有姦慝邪佞之人。未逐乎。百執事之間。有朋附奔競之徒。未汰乎。搢紳有公忠宿望及抱道懷藝有猷有守之士。未用乎。在位之人。畏人軋己。方且蔽賢。未聞推誠盡公。旁招俊。又宜鑒定哀之失。甄別邪正。亟加進用。內侍李真。飲韓世忠家。刀傷弓匠。事下廷尉。劭言。內侍出入宮禁。而復辰發於盃酒。乃至如此。豈得不過爲之慮。建炎詔令禁內侍不得交通主兵官。及預朝政。違者處以軍法。乞申嚴其禁。以謹履霜之戒。於是屢杖脊配瓊州。遷侍御史。賜劭五品服。時朱勝非獨相。劭論勝非無所建明。惟知今日進呈一二細故。明日啓擬一二故人。而機務不決。軍政不修。除授挾私賢。士解體。又疏其五罪。詔令勝非持餘服。又言。國家命令之出。必先錄黃。其過兩省。則給舍得以封駁。其下所屬。則臺諫得以論列。此萬世良法也。竊聞近時三省樞密院。間有不用錄黃而直降指揮者。亦有雖書黃而不下六部者。望並依舊制。劉豫挾金人入寇。宰相趙鼎決親征之議。劭請扈從。因命督江上諸軍。時劉光世韓世忠張俊三大將。權均勢敵。又懷私隙。莫肯協心。劭首至光世軍中。諭之曰。賊衆我寡。合力猶懼不支。況軍自爲心。將何以戰。爲諸公計。當思爲國雪恥。釋去私隙。不獨有利

於國。亦將有利其身。光世許之。遂勸其貽書二帥。示以無他。二帥復書交歡。光世以書聞。由此衆戰屢捷。軍聲大振。上至平江。魏良臣王綸使金回。約再遣使。且有恐迫語。劭請罷講和二。字。飭厲諸將。力圖攻取。會金屢敗遁去。使亦不遣。遷秘書少監。劭在職七閱月。論事凡百二十餘章。尋乞補外。除直龍圖閣。知泉州。以親老辭。知建州。尋召還。丐祠不允。除權吏部侍郎。八年。金使入境。命劭充館伴使。劭言。頃任御史。嘗論和議之非。今難以專論。秦檜召劭至都堂。問其所以不主和之意。劭具陳敵情難保。檜諭之曰。公以智料敵。檜以誠待敵。劭曰。相公固以誠待敵。第恐敵人不以誠待相公耳。檜不能屈。乃改命吳表臣。詔金使入境。欲屈己就和。令侍從臺諫條奏來上。劭言。臣素不熟敵情。不知使人所需者何禮。陛下所以屈己者何事。賊豫爲金人所立。爲之北面。陛下承祖宗基業。天命所歸。何藉於金國乎。傳聞奉使之歸。謂金人悉從我所欲。必無難行之禮。以重困我。陛下何道自取侮乎。如或不可從之事。儻輕許之。他時反爲所制。號令廢置。將出其手。一有不從。便生兵隙。予奪在彼。失信在我。非計之得也。雖使還我空地。如之何而可保。雖欲獲兵。如之何而可獲。雖欲息民。如之何而可息。非計之得也。陛下既欲爲親少屈。更願審思天下治亂之機。酌之羣情。擇其經久可行者行之。其不可從者。以國人之意拒之。庶無後悔。所謂國人之意。不過萬民三軍爾。搢紳與萬民一體。大將與三軍一體。今陛下詢于搢紳。民情大可見矣。欲望速召大將各帶近上統制官數人同來。詳加訪問。以塞他日意外之憂。大將以爲不可。則其氣益堅。何憂此敵未幾。丁父憂。免喪。除集英殿修撰。知宣州。不就。改提舉太平興國宮。自是奉祠凡四任。丁內艱以卒。

潘良貴字子賤。婺州金華人。以上舍釋褐。爲辟雍博士。遷秘書郎。時宰相蔡京與其子攸。方以爵祿鈎知名士。良貴屹然特立。親故數爲京致願交意。良貴正色謝絕。除主客郎中。尋提舉淮南東路常平。靖康元年。召還。賜對。欽宗問孰可秉鈞軸者。良貴極言何臬唐恪等四人不可用。他日必誤社稷。陛下若欲扶危持顛之相。非博詢於下僚。明揚於微陋。未見其可。語徹于外。當國者指爲狂率。黜監信州。汭口排岸。高宗卽位。召爲左司諫。既見。請誅僞黨。使叛命者受刀。國

門即敵不敢輕議宋鼎又乞封宗室賢者於山東河北以壯國體巡幸維揚養兵威以圖恢復黃潛善汪伯彥惡其言改除工部良貴以不得其言求去主管明道宮越數年除提點荆湖南路刑獄主管江州太平觀除考功郎遷左司宰相呂頤浩從容謂良貴曰旦夕相引入兩省良貴正色對曰親老方欲乞外兩省官非良貴可為也退語人曰宰相進退一世人才以為賢邪自當擢用何可握手密語先示私恩若士大夫受其牢籠又何以立朝即日乞補外以直龍圖閣知嚴州到官兩月請祠主管亳州明道宮起為中書舍人會戶部侍郎向子諤入見語言煩瑣良貴故善子諤是日攝起居立殿上徑至榻前厲聲曰子諤以無益之談久煩聖聽子諤欲退高宗顧良貴曰是朕問之又諭子諤且款語子諤復語久不止良貴叱之退者再高宗色變閣門併彈之於是二人俱待罪有旨良貴放罪子諤無罪可待良貴求去以集英殿修撰提舉江州太平觀起知明州明年除徽猷閣待制提舉亳州明道宮既歸不出者十年李光得罪良貴坐嘗與通書降二官卒年五十七良貴剛介清苦壯老一節為博士時王黼張邦昌俱欲妻以女拒之晚家居貧甚秦檜諷令求郡良貴曰從臣除授合辭免今求之於宰相辭之於君父良貴不敢為也其諫疏多焚藁僅存雜著十五卷新安朱熹為之序

呂本中字居仁元祐宰相公著之曾孫好問之子幼而敏悟公著奇愛之公著薨宣仁太后及哲宗臨奠諸童穉立庭下宣仁獨進本中摩其頭曰孝於親忠於君兒勉焉祖希哲師程頤本中聞見習熟少長從楊時游酢尹焯遊三家或有疑異未嘗苟同以公著遺表受授承務郎紹聖間黨事起公著追貶本中坐焉元符中主濟陰簿秦州士曹掾辟大名府帥司幹官宣和六年除樞密院編修官靖康改元遷職方員外郎以父嫌奉祠丁父憂服除召為祠部員外郎以疾告去再直祕閣主管崇道觀紹興六年召赴行在特賜進士出身擢起居舍人兼權中書舍人內侍李琮失料曆上以潛邸舊人不用係任特給之本中言若以異恩別給非所謂宮中府中當為一體者上見繳還甚悅令宰臣諭之曰自今有所見第言之監階州草場苗互以贓敗有詔從諫本中奏近歲官吏犯

贓多至黥籍然四方之遠或有枉濫何由盡知異時察其非辜雖欲杖拭其可得乎若祖宗以來此刑嘗用則紹聖權臣當國之時士大夫無遺類久矣願酌處常罰毋令姦臣得以藉口於後世從之七年上幸建康本中奏曰當今之計必先為恢復事業求人才卹民隱講明法度詳審刑政開直言之路俾人人得以盡情然後練兵謀帥增師上流固守淮甸使江南先有不可動之勢伺彼有釁一舉可克若徒有恢復之志而無其策邦本未強恐生他患今江南兩浙科須日繁閩里告病倘有水旱乏絕姦宥竊發未審朝廷何以待之近者臣庶勤與師問罪者不可勝數觀其辭固甚順考其實不可行大抵獻言之人與朝廷利害絕不相侔言不酬事不濟則脫身而去朝廷施設失當誰任其咎驚鳥將擊必匿其形今朝廷於進取未有秋毫之實所下詔命已傳賊境使之得以為備非策也又奏江左形勢如九江鄂渚荆南諸路當宿重兵臨以重臣吳時謂西陵建平國之藩表願精擇守帥以待緩急則江南自守之計備矣內侍鄭謙落致仕得兵官本中言陛下進臨江將以有為公賢士大夫未能顯用嚴穴幽隱未能招致乃起謔以統兵之任何邪命遂寢引疾乞祠直龍圖閣知台州不就主管太平觀召為太常少卿八年二月遷中書舍人三月兼侍講六月兼權直學士院金使通和有司議行人之供本中言使人之來正當示以儉約容館芻粟若務充悅適啓戎心且成敗大計初不在此在吾治政得失兵財強弱願詔有司無乏可也初本中與秦檜同為郎相得甚歡檜既相私有引用本中封還除目檜勉其書行卒不從趙鼎素主元祐之學謂本中公著後又范冲所薦故深相知會哲宗寶錄成鼎遷僕射本中草制有曰合晉楚之成不若尊王而賤霸散牛李之黨未如明是以去非檜大怒言于上曰本中受鼎風旨伺和議不成為脫身之計風御史蕭振勳罷之提舉太平觀卒學者稱為東萊先生賜諡文清有詩二十卷得黃庭堅陳師道句法春秋解一十卷童蒙訓三卷師友淵源錄五卷行于世

論曰傳有之不可有君子其何能國紹興之世呂頤浩秦檜在相位雖有君子豈得盡其忠宋之不能圖復中原雖曰天命豈非人事乎若常同張致遠薛徽言

陳淵魏缸潘良貴呂本中其才猷皆可以經邦其風節皆可以厲世然皆論議不合奉祠去國可爲永慨矣

宋史卷三百七十六

元中書右丞相總裁脫脫等修
列傳第一百三十六

向子諲

陳規

季陵

盧知原弟法原

陳桷

李瑒

李朴

王庠

王衣

向子諲字伯恭臨江人敏中玄孫欽聖憲肅皇后再從姪也元符三年以後復辟恩補假承奉郎三遷知開封府咸平縣豪民席勢犯法獄具上尹咸章方以獄空覲賞却不受子諲以聞詔許自論決章大怒劾以他事勒停宣和初復官除江淮發運司主管文字淮南仍歲旱漕不通有欲濬河與江淮平者內侍主其議無敢可否發運司檄子諲行子諲言自江至淮數百里河高江淮數丈而欲濬之使平決不可曩有司三日一啓開復作澳儲水故水不乏比年行直達之法加以應奉往來啓閉無節堰閘率不存今復故制嚴禁約則無患使者用其言漕復通進秩一等召對除淮南轉運判官以戶部奏諸路起發上供不及數降一官七年入爲右司員外郎不就以直秘閣爲京畿轉運副使尋兼發運副使建炎元年金人犯亳州子諲自劾王所以書遺金人言兵勢逆順令退保河外金人遽以毫宋等州守禦所牒報之約日索戰語極不遜諸道兵畏縮不進時康王次濟州子諲遣進士李植獻金帛及本司錢穀之在濟州者以助軍費張邦昌僭位遣人持勅書往廬州問其家安否子諲檄郡守馮詢提舉范仲使拘之以俟王命邦昌又使其甥劉達實手書來子諲不啓封焚之械繫達于獄遣子澹請康王率諸將渡河出其不意以救二帝遣將王儀統勤王兵至城下遷直龍圖閣江淮發運副使子諲言去歲劉順奉淵聖蠟詔令監司帥守募兵勸王臣卽鏤板徧檄所部而六路之間漠無應者間有團結起發者類如兒戲姑以避責而已惟淮東一路臣親率諸司相成紀律然諸司猶有占吝錢物莫肯供億殊不念君父幽處圍城之中臣當時懼無利刃以加其頸今京城失守二帝播遷儻賞罰不行恐金人再爲邊患陛下復欲起天下之兵而諸路既

習故常恬不知畏將何恃以濟艱難哉願明詔大臣按劾諸路監司向承蠟詔廢格不動王及名爲勤王而稽緩者悉加顯黜命諸路提刑司究實以聞九月子諲罷以素爲李綱所善故黃潛善斥之明年知襲慶府道梗不能赴初邦昌爲平章軍國事子諲乞致仕避之坐言者降二官起復知潭州禁卒爲亂縱火掠市出瀏陽縣子諲遣通判孟彥卿等進及攸縣平之金人破江西移兵湖南子諲聞警報率軍民以死守宗室成中郎聿之隸東壁子諲巡城顧謂曰君宗室不可效此曹苟簡聿之感激流涕金人圍八日登城縱火子諲率官吏奪南楚門遁城陷坐敵至失守落職罷轉運副使買收言子諲督兵巷戰又收漢卒復入治事帝亦以子諲與他守臣望風墮者殊科詔復職紹興元年移鄂州主管荆湖東路安撫司劇盜曹成據攸縣子諲軍于安仁遣使招之成聽命子諲又遣將西扼衡陽南守宜章成遂巡不敢南向者百餘日諸郡遂得割獲既而援兵不至成忿子諲扼己擁衆而南子諲率親兵拒之會官軍潰度不可遏單騎入賊中諭以國家威靈成不服執子諲歸會官撫司都統制馬廣遣人持吳敏檄諭成許受招始釋子諲詔提舉江州太平觀胡安國方避地湖南以書抵秦檜言子諲忠節可以扶持三綱願憐其無救而陷于賊復加收用起知廣州時恐賊度嶺故就用于諲守之又以言者罷遂致仕尋起知江州改江東轉運使進秘閣修撰江東當餉劉光世軍適劉豫入寇光世軍合淝以乏餉告亟退師子諲馳至合淝具見糧以聞光世由是得罪進獻猷閣待制從兩浙路爲都轉運使除戶部侍郎入見論京都舊事頗及珍玩起居郎潘良貴故善子諲聞其言甚怒既而子諲奏金國報聘及奠朱震事反復良久良貴徑至榻前厲聲叱之曰子諲不宜以無益之談久煩聖聽子諲欲退上謂良貴曰是朕問之也又諭子諲教誨子諲復語久不止良貴叱之退者再上色變欲抵良貴罪中丞常同言良貴無罪願許子諲補外上併怒同張九成言士大夫所以嘉子諲者以其能眷眷於善類今以子諲故逐柱史又逐中司非所以愛子諲也上意稍解批諭同言不已於是三人俱罷子諲以徽猷閣直學士知平江府金使議和將入境子諲不肯拜金詔乃上章言自古人主屈己和戎未聞甚於此時

宜却勿受忤秦檜意乃致仕子誼相家子能脩飭自見於時友愛諸弟置義莊贍宗族貧者初淮南時張邦昌偽詔至虹縣令已下迎拜宣讀如常式獨武尉徐端益不拜而走事定于輝言於朝易端益文資退閒十五年號所居曰蕪林卒年六十八

陳規字元則密州安丘人。中明法科。靖康末。金人入。侵殺鎮海軍節度使劉延慶。其徒祝進王在去為盜。犯隨郢復等州。規為安陸令。以勸王兵赴汴。至蔡州。道梗而還。會祝進攻德安府。守棄城遁。父老請規攝守事。規遣射士張立率兵討進。却之。既而在復與進合。以砲石鵝車攻城東。規連戰敗之。二人懼。引眾去。建炎元年。除直龍圖閣。知德安府。李孝義張世以步騎數萬薄城。陽稱受詔招規登城視其營壘。曰此詐也。亟為備。夜半孝義兵圍城。遂大敗之。與羣盜楊進相持十八日。進技窮。以百人自衛抵濠上求和。規出城與交質語。進感之。折箭為誓而去。董平引眾窺城。遣其黨李居正黃進入城求犒。規斬進。授居正兵為前鋒。大破之。升祕閣修撰。尋除德安府復州漢陽軍鎮撫使。賜三品服。俄升徽猷閣待制。時柔仲剽略襄漢間。其副霍明屯兵郢上。規請于朝。就以明守郢。張浚都督行蜀道。仲引兵窺之。為王彥所敗。仲怒。從數百騎來。謀明。明殺之。奔劉豫。以書招規。規械其使。以聞。李橫圍城。造天橋填濠。鼓譟臨城。規帥軍民禦之。砲傷足。神色不變。圍急糧盡。出家財勞軍。士氣益振。橫遣人來。願得妓女罷軍。規不許。諸將曰。圍城七十日矣。以一婦活一城。不亦可乎。規竟不予。會濠橋陷。規以六十人持火槍自西門出。焚天橋。以火牛助之。須臾皆盡。橫拔砦去。升徽猷閣直學士。詔赴行在。改顯謨閣直學士。徙知池州。沿江安撫使。入對。首言鎮撫使當罷。諸將跋扈。請用偏裨。以分其勢。上皆納之。遷龍圖閣直學士。改知廬州。尋又召赴行在。以疾辭。提舉江州太平觀。復起。知德安府。坐決察吏職。鑄兩官。金人歸河南地。改知順昌府葺城壁。招流亡。立保伍。會劉錡領兵赴京。留守過郡境。規出迎。坐未定。傳金人已入京城。即告錡城中。有眾數萬。解勉同為死守計。相與登城區畫。分命諸將守四門。且月斥候募土人。鄉導間謀。布設粗畢。金遊騎已薄城矣。既至。金龍虎大王者提重兵。踵至。規躬擐甲胄。與錡巡城督

戰。用神臂弓射之。稍引退。復以步兵邀擊。溺于河者甚眾。規曰。敵志屢挫。必思出奇困我。不若潛兵斫營。使彼晝夜不得休。可養吾銳也。錡然之。果劫中其營。殲其兵甚眾。金人告急於兀朮。規大饗將士。酒半問曰。兀朮擁精兵且至。策將安出。諸將或謂今已累捷。宜乘勢全師而歸。規曰。朝廷養兵十五年。正欲為緩急用。况屢挫其鋒。軍聲稍振。規已分一死。進亦死。退亦死。不如進為忠也。錡叱諸將曰。府公文人。猶誓死守。况汝曹邪。兼金營近三十里。兀朮來援我軍一動。金人追及。老幼先亂。必至狼狽。不獨廢前功。致兩淮侵擾。江浙震驚。平生報君反成誤國。不如背城一戰。死中求生可也。而兀朮至。親循城責諸酋。用兵之失。眾跪曰。南兵非昔比。兀朮下令。晨飯府庭。且折箭為誓。奔兵十餘萬。攻城自將。鐵浮屠軍三千。遊擊規與錡行城。勉激諸將。流矢及衣。無懼色。軍殊死鬪。時方劇暑。規謂錡毋多出軍。第更隊易器。以逸制勞。蔑不勝矣。每清晨輒堅壁不出。伺金兵暴烈日中。至未申。氣力疲。則城中兵爭奮。斬獲無算。兀朮宵遁。錡奏功。詔褒諭之。遷樞密直學士。規至順昌。即廣糴粟麥。實倉廩。會計議司移粟赴河上。規請以金帛代輸。至是得其用。成錡功者。食足故也。移知廬州。兼淮西安撫。既至。疾作。有旨脩郡城。規在告。吏抱文書入臥內。規力疾起曰。帥事機宜。董之。郡城通判董之。語畢而卒。年七十。贈右正議大夫。有攻守方略。傳于世。初。規守德安時。嘗條上營屯田事宜。欲倣古屯田之制。合射士民兵。分地耕墾。軍士所屯之田。皆相險隘。立堡砦。寇至則堡聚捍禦。無事則乘時田作。射士皆分半以耕屯田。民戶所營之田。水田畝賦粟米一斗。陸田賦麥豆各五升。滿三年無逋輸。給為禾業。流民自歸者。以田還之。凡屯田事。管田司兼行。管田事。府縣官兼行。皆不更置官吏。條列以聞。詔嘉獎之。仍下其法於諸鎮。自紹興以來。文臣鎮撫使。有威聲者。惟規而已。規端毅寡言笑。然待人和易。以忠義自許。尤好振施。家無贏財。嘗為女求從婢。得一婦甚閑雅。怪而詢之。乃雲夢張貢士女也。亂離夫死。無所託。鬻身求活。規即贖女。畜嫁之。聞者感泣。規功名與諸將等。而位不酬勞。時共惜之。乾道八年。詔刻規德安守城錄。頒天下。為諸守將法。立廟德安。賜額賢守。追封忠利侯。後加封智敏。

季陵字延仲處之龍泉人登政和二年上舍第三遷太學博士論學術邪正異同長官怒譴之執政諫知舒城縣未幾除太常寺簿遷比部員外郎高宗即位從至揚州建炎二年守尚書右司員外郎太常少卿金人南渡帝幸杭州朝廷儀物皆委棄之陵奉九廟神主負之以行拜起居郎遷中書舍人三年六月淫雨詔求直言陵言金人累歲侵軼生靈塗炭怨氣所積災異之來固不足怪惟先格王正厥事則在我者其可忽邪臣觀廟堂無擅命之臣惟將率之權太盛宮闈無女謁之私惟宦寺之習未革今將帥擁兵自衛浸成跋扈苗劉竊發動王之師一至凌轢官吏莫敢誰何此將帥之權太盛有以干陽也宦寺縱橫上下共憤卒碎賊手可爲戒矣比聞復召藍珪黨與相賀聞者切齒此宦寺之習未革有以干陽也洪範休徵曰肅時雨若謀時寒若咎徵曰狂恆雨若急恆寒若自古天子之出必載廟主行示有尊也前日倉卒迎奉不能如禮既至錢塘置太廟於道宮薦享有闕留神御於河澗安奉後時不肅之咎臣意宗廟當之此年盜賊例許招安未幾再叛反墮其計忠臣之憤不雪赤子之冤莫報不謀之咎臣意盜賊當之道路之言謂變與不久居此自臣臆度決無是事假或有之不幾於狂乎軍興以來既結保甲又改巡社既招弓手又募民兵民力竭矣而猶誅求焉不幾於急乎此皆陰道太盛所致帝嘉納之時除梁揚祖爲發運使給事中劉寧止言其不可乃以起居郎蔡崇禮權給事中書讀陵封還錄黃又言防秋已迫願陛下先定兵衛及扈從之臣萬一敵勢猖獗便當整駕親接營壘召諸道兵以爲援留將相大臣相率死守勿效前日百官跣足奔竄以扈蹕爲名棄城池以予敵使生靈塗炭財用填溝壑時張浚爲川陝等路宣撫處置使陵論其太專忤旨罷爲徵獻閣待制知太平州未行落職與祠數月復職除知温州又改中書舍人皆力辭范宗尹薦其才命知臨安府復爲中書舍人入對言事有可深慮者四尙可恃者一大駕未有駐蹕之地賢人皆無經世之心兵柄分而將不和政權去而主益弱所恃以僅存者人心未厭而已前年議渡江人以爲可朝廷以爲不可故諱言南渡而降詔回鑾去年議幸蜀人以爲不可朝廷以爲可故弛備江淮經營關陝以今觀之孰得孰失維揚之變朝

廷不及知而功歸宦寺錢塘之變朝廷不能救而功歸將帥是致此曹有輕朝士之心黃潛善好自用不能用人呂頤浩知使能不知任賢自張愨許景衡飲恨而死凡知幾自重者往往卷懷退縮今天下不可謂無兵劉光世韓世忠張俊各招亡命以張軍勢各効小勞以報主恩然勝不相遜敗不相救大敵一至人自爲謀耳周望在浙西人能言之張浚在陝右無敢言者夫軍事恐失機會便宜可也乃若自降詔書得無羈命之嫌邪官吏責以辦事便宜可也乃若安置從臣得無忌器之嫌邪以至賜姓氏改此皆傷於太專臣恐自陝以西不知有陛下矣惟祖宗德澤在人心未忘所望以中興者此耳陛下宜有以結之今欲薄斂以裕民財而用度方闕輕徭以紓民力而師旅方興罪己之詔屢降憂民之言屢聞丁寧切至終莫之信臣謂動民以行不以言陛下爵當賢祿當功刑當罪施設注措無不當理天下不心服者未之有也朱勝非除江西帥未行陵言金人往年休士馬於燕山次年移河北又次年移京東今寓淮甸無復去意患在朝夕可謂急矣若頤浩既去勝非未至金人南向兵不素練糧不素積又不設險何以禦之臣願陛下更擇賢副預爲經畫以待今日非論安危實論存亡朝謀夕行當如拯溺豈可不惜分陰詔劉洪道趣往池州措置防江除戶部侍郎范宗尹嘗仕僞楚故凡受僞命者皆錄用陵因上疏曰前日士大夫名節不立論事者皆喜攻之瑕疵既彰不復可用縱加杖拭攻者踵來雖君相制命亦不能爲之地臣試舉其罪大者言之崇寧大觀以來黨助巨奸由詭道以襲寵榮者不知幾何人邦昌亂朝不能死節者不知幾何人苗劉專殺拱手受制不知幾何人以義責之固不容誅以情恕之亦不幸耳弄筆墨者文致其罪既得惡名誰敢引薦臣願明詔宰執於罪戾中選擇實能量付以事勿因一嘗廢其終身仍詔臺諫爲國愛人勿復言詔勝其疏於朝堂待御史沈與求劾陵承望宰執風旨罷官提舉杭州洞霄宮紹興元年復右文殿脩撰二年詔內外官言事陵言軍興以來朝廷誥牒非疆以子民則莫售師旅糧草非疆取於民則莫給舊例和買無本可支者久矣漸行和糴能償其直幾何一遇軍興事事責辦有不足者預借後年之賦雖名曰和實疆取之雖名曰借其實奪之

兵將衣食不取其飽煖取其豐美器械不取其堅利取其窳好務未勝本初無關心賊至則偽言退保賊去則感言收復遇敗以千為一遇勝以一為千今乘輿服御之費十去七八百官有司之費十去五六猶無益於國者軍太冗也張浚一軍以川陝贍之劉光世一軍以淮浙贍之李綱一軍以湖廣贍之上供之物得至司農大府者無幾夫彊兵不在冗食今統領家口隨行一聞賊至擇精銳者護送老小其自隨者祇辦走耳當議者一虜掠婦女軍中多有養既不足寧免作過當議者二所至州軍邀求犒賞守令憚生事竭取民以奉之當議者三詭名虛券隨在批請枉費官物當議者四或假關節或行賄賂寄名軍籍規冒功賞當議者五願詔有司專意講求革因循以作士氣則軍政立復微猷閣待制帥廣先是惠州有狂男子聚眾數千僭號作亂陵入境誘其徒會哀令以功贖罪不旬日擒之在官三年卒年五十五贈中大夫有文集十卷陵善言事奏疏可觀然附范宗尹則謂凡受僞命者皆當進用臺諫不當復以為言攻張浚則謂在蜀失於太專自陝以西將不知有陛下君子皆不謂然也幸醫王繼先授榮州防禦使陵草其制時論亦以此少之

盧知原字行之湖州德清人以父任知歙縣因近臣薦赴都堂審察累遷梓州路轉運副使時承平既久戎備皆弛知原招補兵籍築城巨二十餘里王黼當國費出無藝知原因疏言之黼怒罷去久之起提點京東刑獄改江西轉運副使過關入奏徽宗勉之曰卿在蜀道功效甚休遂賜三品服先是綱運阻於重江吏卒並緣為姦知原悉意經理故先諸道上京師進一官尋除直秘閣為江淮荆浙等路發運使升秘閣脩撰提舉河北以言者劾褫職歸吏部高宗即位復龍圖閣知温州時葉濃陷建州揚勅陷處州知原繕甲兵增城浚隄聲勢隱然帝東幸知原繇海道轉粟及金縢十餘萬至台州召見稱擬權右文殿脩撰管內安撫使在郡四年民繪像祠之王師討范汝為召為添差兩浙轉運使罷提舉太平觀都督孟庾辟為參謀改徽猷閣待制知臨安府諫官唐輝言知原為政乖謬詔復為都督府參謀官章再上遂以舊職奉祠紹興十一年十月卒

第法原

法原字立之自知雍丘縣積官太府少卿賜同上舍出身使遠邊遷司農卿賜三品服為吏部尚書以官秩次第履歷總為一書功過殿最開卷瞭然吏不能欺坐王黼累罷為顯謨閣待制紹興元年提舉臨安洞霄宮張浚承制起知夔州尋為龍圖閣學士川陝等路宣撫處置副使進端明殿學士川陝宣撫副使金人攻關輔叛將史斌陷興州諸郡多應者法原命諸將堅壁言戰者斬眾以為怯未幾河東經制使王燮以乏食班師法原開關納之與燮同破斌復興州方巨盜充斥秦隴叛兵欲窺蜀法原極意拊循嚴為備禦傳檄諸路人心稍安視山川險阻分地置將自洮岷至階成關師古主之屯通川文龍至威茂劉錡主之屯巴西前後屢捷上所倍重會兀朮攻關為吳玠所敗法原素與玠不睦玠因奏功訟法原不濟師不餽糧不銓錄立功將士帝手詔詰問法原自辯甚力上頗不直之憂恚卒于軍始法原為川陝宣撫使上從容謂知原曰朕方以川陝付法原蓋兄弟皆以材見稱於世故並用之也

陳橋字李士溫州平陽人以上舍貢辟雍政和二年廷對第三授文林郎冀州兵曹參軍累遷尚書虞部員外郎政和七年提點福建路刑獄福州調發防秋兵貧糧不滿望殺帥臣變生倉卒吏民奔潰闔城震駭橋入亂兵中諭以禍福賊氣沮激橋奏帥臣自斃橋疏從其請聞道馳奏以前奏不實待罪朝廷以橋知變釋之叛兵既調行迺道追殺首惡二十餘人一方以安建炎四年五月復除福建路提刑尋以疾乞祠主管江州太平觀紹興三年召為金部員外郎升郎中時言事者率毛舉細務略大利害橋抗言今當專講治道之本脩政事以攘敵國不當以細故勤聖慮如平時也又言刺史縣令滿天下不能皆得人乞選監司重其權久其任除太常少卿又陳攻守二策在於得人心脩軍政五年除直龍圖閣知泉州明年改兩浙西路提刑乞置鄉縣三老以厚風俗凡宮室車馬衣服器械定為差等重修廢之禁八年遷福建路轉運副使十年復召為太常少卿適編類徽宗御書成詔藏數文閣橋以為舊制自龍圖至徽猷皆設學士待制雜歷著令龍圖在朝請大夫之上至徽猷在承議郎之上每閣相去稍遠議者疑其不倫直數文閣者綴徽猷則與諸閣小異降之則班列太卑欲

參酌取中，並爲一列，不必相遠。庶幾各位有倫，仰稱陛下嚴奉祖宗諷訓之意。又言：裕祭用太牢，此祀典之常，駐蹕之初，未能備禮，止用一羊，乞檢會紹興六年詔旨，復用太牢。十一年，除權禮部侍郎，賜三品服。普安郡王出閣，奉詔與吏部、太常寺討論典故，檇等議以國本未立，宜厚其禮，以繫天下望。乃以皇子出閣禮例上之，或以爲太重，詔以不詳具典故，專任己意。懷姦附麗，與吏部尚書吳表臣、禮部尚書蘇符、郎官方雲翼、丁仲寧、太常屬王普、蘇籍，並罷。尋以檇提舉江州太平觀，十五年，知襄陽府，充京西南路安撫使，襄漢兵火之餘，民物凋瘵，檇請于朝，以今之戶數視承平時，纔二十之一，而賦額尙多，乞重行蠲減。明年，金房兵叛，檇遣將平之，而後以聞。漢水決溢，漂蕩廬舍，躬率兵民，捍築隄岸，賴以無虞。以疾乞祠，除秘閣脩撰，提舉江州太平興國宮。二十四年，改知廣州，充廣南東路經略安撫使，未至而卒。年六十四。檇寬洪醜藉，以誠接物，而恬於榮利，當秦檜用事，以永嘉爲萬里，士之賡緣攀附者，無不躡登顯要，檇以立嫡之舊，爲人主所知，出入頓挫，晚由奉常少卿擢權小宗伯，復以議禮不阿，忤意遽罷。其節有足稱，自號無相居士，有文集十六卷，子汝楫、汝賢、汝諧、孫峴，以詞學擢第，官中書舍人、直學士院。

李璆，字西美，汴人。登政和進士第，調陳州教授，入爲國子博士，出知房州。時旣權官茶，復彊民輸舊額，貧無所出，被擊者數百人。璆至，卽日盡釋之。宣和三年，廷議將取燕，璆聞之，曰：「百辟卿士，一倡共和，國家安危，其幾在是。」上疏切諫，大略謂：太祖以聖武得天下，將士皆百戰之餘，以是而取燕雲，宜易爲力。然趙普輩無敢贊其決者，蓋識天下大勢，且重民命故也。今承太平之業，父老幸不識兵，雖不得燕雲地，何闕於漢。疏奏不省。及燕旣平，責監英州清溪鎮。明年，赦還爲郎，尋試中書舍人。建言：元祐名臣子孫，久被廢錮，宜少寬之。宦官譚稹出師河北，以無功廢，將復進用，璆不肯書行。會山東盜起，州縣不能制，至河北無見糧，軍士洶洶，璆條奏十事，忤大臣意，詔與四年，以集英殿脩撰知吉州。江西兵素剽悍，璆始視事，有相挺爲亂者，亟捕誅首謀者，撫循其餘，大布恩信。境內遂安，累遷徽猷閣直學士。四川安撫制置使，成都舊城多毀圯，璆至，首命脩築。

俄水大至，民賴以安。三江有堰，可以下灌，眉田百萬頃，久廢弗脩。田萊以荒，璆率都刺史合力脩復，竟受其利。眉人感之，繪像祠于堰所，間遭歲饑，民徙發倉振活，無慮百萬家。治蜀之政多可紀，有清溪集二十卷。

李朴，字先之，虔之與國人。登紹聖元年進士第，調臨江軍司法參軍。移西京國子監教授，程頤獨器許之。移虔州教授，以嘗言隆祐太后不當廢處瑤華宮事，有詔推鞠，忘者欲擗之死，使人危言動之。朴泰然無懼色，旋追官勒停，會赦注汀州司戶。徽宗卽位，翰林承旨范純禮自言待罪四十六日，不聞玉音，謂朴曰：「某事豈便於國乎？」某事豈便於民乎？朴曰：「承旨知而不言，無父風也。」純禮泣下，右司諫陳瓘薦朴，有旨召對。朴首言：「熙寧元豐以來，政體屢變，始出一二大臣所學不同，後乃更執圓方，互相排擊，失今不治，必至不可勝救。」又言：「今士大夫之學，不求諸己，而惟王氏之聽，敗壞心術，莫大於此。」願詔勿以王氏爲拘，則英材輩出矣。蔡京惡朴，直他執政三擬官，皆持之不下，復以爲虔州教授。又嗾言者論朴爲元祐學術，不當領師儒，罷爲肇慶府四會令。有姦民言邑東地產金寶，立額買撲，破田疇，發墟墓，厚賂乃已。朴至，請罷之。改承事郎，知臨江軍清江縣。廣東路安撫司主管機宜文字，欽宗在東宮，聞其名，及卽位，除著作郎。年六歲，凡五遷至國子祭酒，以疾不能至。高宗卽位，除秘書監，召未至而卒。年六十五。贈寶文閣待制，官其子孫一人。朴自爲小官，天下高其名。蔡京將彊致之，俾所厚道意，許以禁從。朴力拒不見，京怒形於色，然終不害也。中書侍郎馮熙載欲擬詔見朴，朴笑曰：「不能見蔡京，焉能邂逅馮熙載邪？」居官所至有聲，在廣南止其帥孫埃，以文具勸王，不若發常賦助邊，破漕使鄭良引真臘取安南之計，以息邊患。人稱其智。朴嘗自誌其墓曰：「以天爲心，以道爲體，以時爲用，其可已矣。」蓋敘其平生云。有章貢集二十卷行於世。

王庠，字周茂，榮州人。累世同居，號義門王氏。祖伯琪，以義聲著于鄉。州有鹽井，籍民煎輸，多至破產，惟有祿之家得免。伯琪請於州，均之官戶，而仕者誣訴之，賈恨以歿。父夢易，登皇祐第，力成父志，言於州縣不聽，言於刺史，言於三司，三司以聞，還籍沒者三百五十五家，蠲歲額三十萬斤。嘗攝興州改川茶運置茶。

鋪免役民歲課亦辦部刺史恨其議不出己以他事中之鑄三秩罷歸而卒母向氏欽聖憲肅后之姑也庠幼穎悟七歲能屬文儼如成人年十三居父喪哀憤深切謂弟序曰父以直道見擢母撫柩誓言期我兄弟成立贈復父官乃許歸葬相與勉之且制科先君之遺意也吾有志焉遂閉戶窮經史百家書傳注之學尋師千里究其旨歸蚤歲上苑純仁蘇轍張商英書皆持中立不倚之論呂陶蘇轍皆器重之嘗以經說寄蘇軾謂二帝三王之臣皆志於道惟其自得之難故守之至堅自孔孟作六經斯道有一定之論士之所養反不逮古乃知後世見六經之易忽之不行也軾復曰經說一篇誠哉是言元祐中呂陶以賢良方正直言極諫科薦之庠以宋邦傑學成未有薦者推使先就陶聞而益加敬未幾當紹聖諸臣用事遂罷制科庠嘆曰命也無愧先訓以之行已足矣崇寧壬午歲應能書為首選京師蝗庠上書論時政得失謂中外壅蔽將生寇戎之患張舜民見之歎其危言下第徑歸奉親養志不應舉者八年大觀庚寅行舍法於天下州復以庠應詔庠曰昔以母年五十二求侍養不復願仕今母年六十乃奉詔豈本心乎時嚴元祐黨禁庠自陳蘇軾蘇轍范純仁為知己呂陶王吉嘗薦舉黃庭堅張舜民王鞏任伯兩為交游不可入舉求仕願屏居田里以弟序升朝贈父官始克葬葬而母卒終喪復舉入行事下太學大司成考定為天下第一詔旌其門朝廷知其不可屈賜號處士尋改潼川府教授賜出身及章服一日四命俱至竟力辭不受雖處山林唱酬賦詠皆愛君憂國之言太后念其姑嘗欲官庠以遜其弟姪及甥且以田均給庶兄及前母之姊庠卒孝宗諡曰賢節序宣和間以恩倖至徵猷閣直學士庠浮沉其間各建大策或者謂其晚節隱操少衰云

王衣字子裳濟南歷城人以門蔭仕中明法科歷深冀二州法曹掾入為大理評事升寺正林靈素得幸將毀釋氏以逞其私襄州僧杜德寶毀體然香有司觀望靈素意捕以聞衣閱之曰律自傷者杖而已靈素求內批坐以害風教竄流之停衣官尋予祠為陝西都轉運司主管文字詳定一司勅令所刪定官通判襲慶府知濠州未行召為刑部員外郎建炎初為司勳郎中遷大理少卿三

年韓世忠執苗傅劉正彥獻俘檻車幾百兩先付大理獄將盡尸諸市衣奏曰此曹在律當誅顧其中婦女有僱買及鹵掠以從者高宗矍然曰卿言極是朕慮不及此也即詔自傅正彥妻子外皆釋之范瓊有罪下大理寺衣奉詔鞠之瓊不伏衣責以靖康園城中逼遷上皇擅殺吳革迎立張邦昌事瓊稱死罪衣顧吏曰囚詞服矣遂賜死釋其親屬將佐四年升大理卿初帶御器械王球為龍德宮都監盡盜本宮寶玉器玩事覺帝大怒欲誅之衣曰球固可殺然非其所隱匿則盡為敵有何從復歸國家乎乃寬之先是百司愆戾付寺劾之至三問取伏狀被劾者懼對莫敢辨衣奏曰伏與辨二事也若一切取伏是以威迫之不使自直非法意也乞三問未承者聽辨從之同詳定一司勅令刪雜犯死罪四十七條書成帝嘉其議法詳明紹興元年權刑部侍郎二年除集英殿脩撰奉祠既而趙令時應詔薦之復召為刑部侍郎為言者所格四年卒于家衣質直和易持法不阿議者賢之

論曰向子諲以相家之子克飭臣節陳規以文儒之臣有聲鎮守可謂拔乎流俗者焉季陵言事不謹二盧兄弟並用以材見稱陳桷守禮知變李璆為政有惠咸足紀焉李朴不詆權威王庠志高而晚節頗衰王衣明恕而用刑不刻雖或器識不齊亦皆不曠其職也歟

宋史卷二百七十七

元中書右丞相總裁脫脫等修
列傳第一百三十七

衛膚敏

劉珏

胡舜陟

沈晦

劉一止

胡交脩

慕崇禮

衛膚敏字商彥華亭人。以上舍生登宣和元年進士第。授文林郎。南京宗子博士。尋改教授。六年。召對。改宣教郎。祕書省校書郎。命假給事中。賀金主生辰。膚敏奏曰。彼生辰後。天寧節五日。金人未聞入賀。而反先之以失國體。萬一金使不來。為朝廷羞。請至燕山候之。彼若不來。則以幣置境上而已。帝可其奏。既至。燕金賀使果不至。遂置幣而返。七年。復假給事中。以行。及慶源府。逢許允宗。還語金國事曰。彼且大入。其勢不可往。膚敏至燕。報愈急。衆懼不敢進。膚敏叱曰。吾將君命以行。其可止乎。既至金國。知其兵已舉。殊不為屈。及將還。金人所答國書。欲以押字代璽。膚敏力爭曰。押字豈所以交鄰國。論難往復。卒易以璽。及受書。欲令雙跪。膚敏曰。雙跪乃北朝禮。安可令南朝人行之哉。爭辨踰時。卒單跪以受。金人積不說。中道羈留且半年。至涿州新城。與幹離不遇。遣人約相見。拒之。不可遂。語之曰。必欲相見。其禮當如何。曰。有例。膚敏笑曰。例謂趨伏羅拜。此禮焉可用。北朝止一君耳。皇子耶。君雖貴。人臣也。一介之使。雖賤。亦人臣也。兩國之臣相見。而用君臣之禮。是北朝一國有二君也。金人氣折。始曰。唯所欲。膚敏長揖而入。既坐。金人出誓書示之。膚敏却不視。曰。遠使久不聞朝廷事。此書真偽不可知。因論用兵事。又以語折之。幾復為所留。靖康初。始還。進三官。遷吏部員外郎。會高麗遣使來賀。命假太常少卿往接之。朝論欲改稱宣問使。膚敏曰。國家厚遇高麗久矣。今邊事方作。不可遽削其禮。失遠人心。願姑仍舊。乃復稱接伴使。既至明州。會京師多難。乃便宜稱詔。厚賜使者。遣還。建炎元年。復命。自劾矯制之罪。高宗嘉賞。遷衛尉少卿。建議兩河諸郡。宜降蠟書。許以世襲。使各堅守陝西山東淮南諸路。並令增陞凌隍。徙民入城。為清野計。命大臣留守汴京。車駕早幸江寧。帝頗納之。遷起居舍人。言前日金人憑陵。都邑失守。朝

臣欲存趙氏者。不過一二人而已。其他皆屈節受辱。不以為恥。甚者為敵人敵。金帛索妃嬪。無所不至。求其能詐楚如紀信者。無有也。及金人僞立叛臣。僞竊位號。在廷之臣。逃避不從。及約寇退。歸位趙氏者。不過一二人而已。其他皆委質求榮。不以為愧。甚者為叛臣稱功德。說符命。主推戴之議。草勸進之文。無所不為。求其擊朱泚如段秀實者。無有也。今陛下踐祚之初。苟無典刑。何以立國。凡前日屈節敵人。委質僞命者。宜差第其罪。大則族。次則誅。又其次竄。下則斥之遠方。終身不齒。豈可猶畀祠祿。使塵班列哉。又言。今二帝北還。寰宇痛心。願陛下愈自貶損。不忘報雪。卑宮室。菲飲食。惡衣服。減嬪御。斥聲樂。以至歲時上壽。春秋錫宴。一切罷之。雖饗郊廟。亦不用樂。必俟兩宮還闕。然後復常。庶幾精誠昭格天地。感動人心。拜右諫議大夫。兼侍讀。言行在頗與土木之役。非所以示四方。乞罷築承慶院昇陽宮。又奏。凡黜陟自中出者。皆由三省。乃得奉行。或戾祖宗成憲者。皆許執奏。時內侍李志道以赦恩復保慶軍承宣使。添差入內都知。膚敏極論罷之。初。欽宗內侍昭慶軍承宣使容機。圍城中時乞致仕。高宗即位。命起之。膚敏言。自古帝王。未有求闕寺於閑退而用者。遂廢。后又邢煥除徽猷閣待制。太后兄子孟忠厚。顯謨閣直學士。膚敏言。非祖宗法。煥尋換武職。忠厚自若。俄遷膚敏中書舍人。膚敏懇奏曰。昔司馬光論張方平不當參知政事。自御史中丞遷翰林學士。光言以臣為是。則方平當罷。以臣為非。則臣當貶。今兩無所問而遷臣。臣所未諭。臣雖不肖。願附於司馬光。又言。事母后莫若孝。待戚屬莫若恩。勸臣下莫若賞。今陛下順太母以非法。非所謂孝。處忠厚以非分。非所謂恩。不用臣言而遷其官。非所謂賞。一舉而三失矣。帝命宰相諭膚敏曰。朝廷以次遷官。非因論事也。膚敏猶不拜。居家逾月。及忠厚改承宣使。詔后族勿除從官。膚敏始拜命。又言。中書根本之地。舍人所掌。不特演論而已。凡命令不合公議者。率封還之。會膚敏知貢舉。有進士向烈對省試策。謬稱臣。諫官李處遜乞正考官鹵莽之罪。以集英殿修撰提舉洞霄宮。或謂膚敏在後省論事。為黃潛善汪伯彥所惡。故因事斥之。三年春。召赴行在。時帝次平江。膚敏入見。言及時事。泣下。帝亦泣曰。卿今宜知無不言。有請不以時對。膚敏謝曰。臣

頃嘗三為陛下言揚州非駐蹕之地乞早幸江寧今錢塘亦非帝王之都宜須
事定還遷金陵因陳所以守長江之策帝善其言翌日再對歸得疾然猶力疾
屢蹕至臨安俄除刑部侍郎未拜謁告歸華亭就醫許之遷禮部侍郎初庸敏
久疾臥舟中不能朝時苗劉之變帝未反正宰相朱勝非言於隆祐太后以庸
敏稱疾坐觀成敗無人臣節及卒始明其非偽云年四十九特贈太中大夫子
仲英仲傑仲循

劉珪字希范湖州長興人登崇寧五年進士第初游大學以書遺中書舍人鄒
浩曰公始為博士論取士之失免所居官在諫省斥宮掖之非還還劾表豈逆
計禍福邀後日報哉固欲蹈古人行也今庶政豈盡修明百官豈盡忠實從臣
繼去豈盡非才言官屢逐豈盡有罪信任踰曩昔而拱默不言天下之士竊有
疑焉願有以慰寒羣望浩得書愧謝之宣和四年擢監察御史坐言事知舒州
留為尚書主客員外郎靖康初議皇帝朝謁上皇儀欲以家人禮見於內庭珪
請皇帝設大小次俟上皇御坐宰臣導皇帝升自東階拜於殿上則有君之尊
有父之敬又謂君於大臣或賜劍履上殿或許子孫扶掖皇帝朝謁宜令環衛
士卒侍立於殿西宰執二衙侍從等官扶持於殿上如請帝坐即宰執等退立
西隅遷太常少卿討論皇帝受冊寶故事珪言唐太宗明皇皆親受父命未嘗
再行冊禮肅宗即位於靈武故明皇遺章見素就冊之宣授傳國璽羣臣上
尊號至德宗踵行之後世以為非議遂寢除中書舍人陳十開端之戒曰陛下
即位罷御筆止營繕登俊又詭虛誕戢內侍之權開言者之路命令既當未嘗
數改任用既公率皆稱職賞必視功政必核實此天下所以指日而從太平也
比者內降數出三省罕有可否此御筆之開端也教子弟既有所又徹而新
之長入祗候之班勢若可緩亟而成之此營繕之開端也河陽付之庸才涇原
委之貪吏此任用失當之開端也花石等濫賞既治復止馬忠統兵累行累召
此命令數易之開端也三省密院議論各有所見啓撥各舉所知持不同不比
之說忘同寅協恭之議此大臣不之和之開端也內路之帥擅作聖旨擅揮行郡
之守稱為外任監當此臣下誣謾之開端也董局務者廣辟官屬侍帷幄者分

爭殿廬此內侍恣橫之開端也兩省繳奏多命以次行下或戒以不得再繳臺
諫言事失當率責為遠小監當此言路壅塞之開端也恤民之詔累下未可行
者多是為空文無實德此政事失信之開端也隨龍第賞冠帶之工亦推恩金
兵扣關禮房之吏亦進秩此爵賞僭濫之開端也是十者雖未若前日之甚其
端已見杜而止之可以馴致治平因而循之雖有智者不能善其後矣詹度都
堂稟議中書舍人安扶持不可改命珪書行珪言伐燕之役度以書贊重賞大
舉去秋蔡靖屢以金人點集為言度獨謂不應有此遂不設備請竄度嶺表詔
子宮祠李綱以觀文殿學士知揚州安扶又持不可珪言韓琦好水之敗韓絳
西州之敗皆不免黜責綱勇於報國銳於用兵聽用不審數有敗衄宜降黜以
示懲戒綱改宮祠吏部侍郎馮澥言珪持兩端為綱遊說提舉亳州明道宮建
炎元年復召為中書舍人至泗州上書言金人尚有屯河北者萬一猖獗而南
六飛豈能無警乞早賜行幸西兵驍勇宜留以為衛西京舟船恐金人藉以為
用並令東下時李綱已議營南陽珪未知也既至極言南陽兵弱財單乘輿無
所取給乞駐蹕金陵以待敵汪伯彥黃潛善皆主幸東南帝遂如揚州潛善兄
潛原除戶部尚書珪言兄弟不可同居一省帝遣張聲諭旨珪論如初詔潛原
提舉醴泉觀遷給事中論內降營繕二事曰陛下以前朝房院而建承慶院議
者以為營造濼廣以隆祐太后時有御筆議者以為內降數出蓋除授不歸中
書工役領之內侍此人言所以籍籍也營繕悉歸有司中旨皆許執奏則衆論
息矣孟忠厚除顯謨閣直學士邢煥徽猷閣待制珪封還言舊制外戚未有為
兩禁官者詔煥換武階帝曰忠厚乃隆祐太后族宜體朕優奉太后之意珪持
益堅忠厚尋亦換武階遷吏部侍郎同修國史言淮甸備敵兵食為先今以降
卒為見兵以糴本為見糧無一可時維揚城池未修軍旅多闕卒有不虞何以
待之已而金人果乘虛大入帝亟如臨安以珪為龍圖閣直學士知宣州俄復
為吏部侍郎以久病詔求言珪疏論消天變收人心數事詞極激切并陳荆陝
江淮守禦之略願申詔大臣悉屏細務唯謀守禦自京及荆淮之郡置大帥屯
勁兵命沿江之守各上措置之方明斥埃設險阻節大府之出廣大農之入檢

察戰艦而習之，則守禦詳盡，人心安，天意回，大業昌矣。遷吏部尚書。隆祐太后奉神主如江西，詔珏為端明殿學士，權同知三省樞密院事。從行，時詔元祐黨籍及上書廢錮人，追復故官，錄用子孫，施行未盡者，珏悉奏行之。又言：常安民，張克公嘗論蔡京罪，乞厚加恩，至洪州，疏言修治巡幸道路之役，略曰：陛下遭時艱難，躬履儉約，前冬幸淮甸，供帳弊舊，道路險狹，未嘗介意。今聞衢信以來，除治道路，科率民丁，急如星火，廣市羊豕，備造服用，使農夫不得穫，齊民不得休，非陛下儉以避難之意也。乞降詔悉罷，金人攻吉州，分兵追太后，舟至太和縣，衛兵皆潰，珏奉太后退保虔州。監察御史張延壽論珏罪，珏亦上書自劾，踰橫，俟命落職。提舉江州太平觀，延壽論不已，責授秘書少監，貶衡州。紹興元年，許自便，明年以朝散大夫分司西京，卒於梧州，年五十五。官其二子。八年，追復龍圖閣學士。有吳與集二十卷，集議五卷，兩漢蒙求十卷。

胡舜陟，字汝明，徽州績溪人。登大觀三年進士第，歷州縣官，為監察御史。奏御史以言為職，故自唐至本朝，皆論時事，擊官邪，與殿中侍御史同。崇寧間，大臣欲便己，遂變祖宗成憲，南臺御史始有不言事者，多事之時，以開言路為急，乞下本臺，增入監察御史言事之文，以復祖宗之制，以內艱去，服闋，再為監察御史。奏河北金兵已遁，備禦尤不可不講，欽宗即位，又言：今結成邊患，幾傾社稷，自歸明官趙良嗣始，請戮之以快天下，遂誅良嗣。又奏：今邊境備禦之計，兵可練，粟可積，獨將為難得，請詔內外之臣，並舉文武官才堪將帥者，又奏：上殿班先臺後諫，祖宗法也。今臺臣在諫臣下，乞今後臺諫同日上殿，以臺諫雜壓為先，後遷侍御史。奏向者晁說之乞皇太子講孝經，讀論語，問日讀爾雅而廢孟子，夫孔子之後，深知聖人之道者，孟子而已，願詔東宮官遵舊制，先讀論語，次讀孟子。又奏：涪陵譙定受易於郭雍，究極象數，逆知人事，洞曉諸葛亮八陣法，宜厚禮招之。高宗即位，舜陟論宰相李綱之罪，帝不聽。言者論其嘗事偽廷，除集英殿修撰，知廬州。時淮西盜賊充斥，廬人震恐，日具舟楫為南渡計。舜陟至，修城池，治戰具，人心始安。冀州雲騎卒孫琪聚兵為盜，號一海蝦，至廬，舜陟乘城拒守，琪邀資糧，舜陟不與，眾請以異遺之，舜陟曰：吾非有所愛，顧賊心無厭，與

之則示弱，彼無能為也。乃時出兵擊其抄掠者，琪宵遁，舜陟伏兵邀擊，得其輜重而歸。濟南僧劉文舜聚黨萬餘，保舒州，投子山縱剽，舜陟遣介使招降之，時丁進李勝合兵為盜，斬壽間，舜陟遣文舜破之，張遇自濠州奄至梁縣，舜陟使毀竹里橋，伏兵河西，伺其半渡擊敗之，又請以身守江北，以護行宮，帝壯其言，擢徽猷閣待制。充淮西制置使，范瓊自壽春渡淮，貽書責贖軍錢帛，舜陟諭以逆順，瓊乃去。自軍興後，淮西入郡羣盜攻蹂無全城，舜陟守廬二年，按堵如故，以徽猷閣待制知建康府，充沿江都制置使，踰年，改知臨安府，復為徽猷閣待制，充京畿數路宣撫使，尋罷。遷廬壽鎮撫使，改淮西安撫使，至廬州，潰兵王全與其徒來降，舜陟散財發粟，流民漸歸，改知靜江府，詔措置市戰馬，御史中丞常同奏舜陟兇暴傾險，罷之。後十八年，復為廣西經略，以知邕州俞儋有賊，為運副呂源所按，事連舜陟，提舉太平觀。先是舜陟與源有隙，舜陟因討郴賊，劫源沮軍事，源以書抵秦檜，訟舜陟受金盜馬，非訕朝政，檜素惡舜陟，入其說，奏遣大理寺官袁桷燕仰之往推劾，居兩旬，辭不服，死獄中。舜陟有惠愛，邦人聞其死，為之哭，妻江氏訴於朝，詔通判德慶府洪元英究實，元英言：舜陟受金盜馬，事涉曖昧，其得人心，雖古循吏無以過，帝謂檜曰：舜陟從官，又罪不至死，勘官不可不懲，遂送桷仰之吏部。

沈晦，字元用，錢塘人。翰林學士沈遵孫。宣和間，進士廷對第一，除校書郎，遷著作佐郎。金人攻汴京，借給事中從肅王樞出質，離不軍，金人再攻也，與之俱。南京城陷，邦昌偽立，請金人歸馮海等，晦因得還，真為給事中。高宗即位，言者論晦雖使金艱苦，而封駁之職，不可以賞勞，除集英殿修撰，知信州。帝如揚州，將召為中書舍人，侍御史張守論晦為布衣時事，帝曰：頃在金營，見其慷慨，士人細行，豈足為終身累邪？不果召。知明州，移處州，帝如會稽，移守婺州，賊成臯入寇，晦用教授孫邦策率民兵數百出城與戰，大敗，晦欲斬邦策，已而釋之。時浙東防遏使傅崧卿在城中，單騎往說臯，臯遂降。進徽猷閣待制，以言者論晦妄用便宜，指揮行事，降集英殿修撰，提舉臨安府洞霄宮，尋復徽猷閣待制。知宣州，移知建康府，甫踰月，以御史常同論罷。紹興四年，起知鎮江府，兩浙西路

安撫使過行在面對言藩帥之兵可用今沿江千餘里若令鎮江建康太平池鄂五郡各有兵一二萬以本郡財賦易官田給之敵至五郡以舟師守江步兵守隘彼難自度假使能渡五郡合擊敵難善戰不能一日破諸城也若圍五郡則兵分勢弱或以偏師綴我大軍南侵則五郡尾而邀之敵安敢遠去此制稍定三年後移江北糧餉器械悉自隨又自乞分兵二千及召募敢戰士三千參用昭義步兵法期年後京口便成疆藩時方以韓世忠屯軍鎮江不果用劉麟入寇世忠拒于揚州晦乞促張俊兵為世忠援鼎稱晦議論激昂帝曰晦誠可嘉然朕知其人言甚壯膽志頗怯更觀臨事能副所言與否然晦不為世忠所樂尋提舉臨安府洞霄宮起為廣西經略兼知靜江府先是南州蠻酋莫公晟歸朝歲久用為本路鈐轄羈縻之後遁去旁結諸峒蠻歲出為邊患晦選老將羅統戍邊招誘諸酋喻以威信皆詣府請降晦檣遺之結誓而去自是公晟孤立不復犯邊晦在郡歲買馬三千匹繼者皆不能及進徵猷閣直學士召赴行在除知衡州改潭州提舉太平興國宮卒晦膽氣過人不能盡循法度貧時尤甚故累致人言然其當官才具亦不可掩云

劉一止字行簡湖州歸安人七歲能屬文試太學有司欲舉入行一止曰行者士之常不就登進士第為越州教授參知政事李昉薦為詳定一司勅令所刪定官紹興初召試館職其略曰事不克濟者患在不為不患其難臣不畏多難以因難而圖事耳如其不為俟天命自回人事自正敵國自屈盜賊自平有是哉高宗稱善且諭近臣以所言剴切知治道欲驟用執政不樂除秘書省校書郎考兩浙類試以科舉方變欲得通時務者同列皆患無其人一止出一卷曰是直為首啓號乃張九成也眾皆厭服遷監察御史上疏謂天下之治眾君子成之而不足一小人敗之而有餘君子雖眾道則孤小人雖寡勢易蔓不加察則小人伺隙而入以敗政矣又言陛下憫宿蠹未除類網未振民困財竭故置司講究然未聞有所施行得無有以疑似之說欺陛下曰如此將失人心夫所謂失人心者必刑政之苛賦役之多好惡之不公賞罰之不明若皆無是則所失者小人心之何病焉時庶事草創有司以吏所省記為法吏並緣為奸

一止曰法令具在吏猶得舞文矧一切聽其省記所欲與則陳與例欲奪則陳奪例與奪在其牙頰患可勝言哉請以省記之文刊定頒行庶幾絕姦吏弄法受財之弊從之踰年而書成秦檜請置修政局一止言宣王內修政事修其外攘之政而已今之所修特簿書獄訟官吏遷降土木管建之務未見所當急也又謂人才進用太遽仕者或不由銓選朝士入而不出外官雖有異能不見召用非軍事而起復皆倖門不塞之故請選近臣曉財利者做劉晏法瀕江置司以制國用鄉村置義倉以備水旱增重監司之選後多採用其言遷起居郎奏事帝迎語曰朕親擢也絲六察遷二史祖宗時有幾一止謝先朝惟張徽李昉耳因極陳堂吏宦官之蠹執政植私黨無憂國心翌日罷主管台州崇道觀召為祠部郎知袁州改浙東路提點刑獄為祕書少監復除起居郎擢中書舍人兼侍講莫將賜出身除起居郎一止奏將以上書助和議驟自太府丞綴從班前此未有臣乃與將同命願併臣罷之不報遷給事中徐偉達者嘗事張邦昌為郎得知池州一止言偉達既任偽廷今付以郡無以示天下孟忠厚乞試郡一止言後族業文如忠厚雖可為郡他日有援例者何以却之汪伯彥知宣州入覲詔以元帥府舊人特依見任執政給奉一止言伯彥誤國之罪天下共知以郡守而例執政殆與異時非待制而視待制非兩府而視兩府者類矣帝皆為罷之於凡貴近之請雖小事亦論執不置御史中丞廖剛謂其僚曰臺當有言者皆為劉君先矣居瑣闥百餘日繳奏不已用事者始忌奏一止同周葵薦呂廣問迎合李光罷提舉江州太平觀進數文閣待制御史中丞何若奏一止朋附光偃蹇慢上落職罷祠後八年請老復職致仕秦檜死召至國門以病不能拜力辭進直學士致仕卒年八十三一止冲澹寡欲嘗誨其子曰吾平生道塞聽於自然唯機械不生故方寸自有樂地博學無不通為文不事纖刻制誥坦明有體書詔一日數十輒辦嘗言訓誥者賞善罰惡詞也豈過情溢美怒鄰罵坐之為哉其草顏魯公孫特命官制甚為帝歡賞為手書之詩自成家呂本中陳與義讀之曰語不自人間來也有類聖五十卷子繼整從弟寧止

寧止字無虞登宣和進士甲科除太學錄校書郎建炎初為浙西安撫大使司

參議改兩浙轉運判官苗傳劉正彥之學寧止自毗陵馳詣京口金陵見呂頤浩劉光世勉以忠義退而具軍須以佐勤王除左司郎官辭帝復位除右司郎官給事中梁揚祖爲發運使寧止再疏論駁以添差江淮荆湖制置發運副使扈從隆祐太后幸江西尋爲兩浙轉運副使錢勣王功直龍圖閣進祕閣修撰主管崇道觀提點江淮等路坑冶鑄錢知鎮江府兼沿江安撫進右文殿修撰寧止言京口控扼大江爲浙西門戶請分常州江陰軍及崑山常熟二縣隸本司庶防秋時沿江號令歸一可以固守權戶部侍郎總領三宣撫司錢糧張浚都督諸軍以爲行府屬除吏部侍郎進徽猷閣直學士知秀州升顯謨閣提舉太平觀卒寧止有文名慷慨喜論事當艱難時上疏言關失指切隱微多人所難言乞禁王安石日錄復賢良方正科用司馬光十科薦士法倣唐制宰執論事以諫官倚立皆其顯顯者勤王之舉呂頤浩紀其有輪忠贊謀之勞寧止與一止岑皆羣從昆弟帝嘗稱寧止忠一止清岑敏云有教忠堂類彙十卷

胡交修字已楸常州晉陵人登崇寧二年進士第授棗州推官試詞學兼茂科給事中翟汝文同知貢舉得其文曰非吾所能及也置之首選除編類國朝會要所檢閱文字政和六年遷太常博士都官郎徙祠部遷左司官拜起居舍人起居郎昭慈太后垂簾聽政除右文殿修撰知湖州建炎初以中書舍人召辭不至改徽猷閣待制提舉杭州洞霄宮三年復以舍人召詔守臣津發尋進給事中直學士院兼侍講入對首論天下大勢曰淮南當吾膺將士遇敵先奔無藩籬之術湖廣帶吾脅羣盜乘間竊發有腹心之憂江浙肇吾基根本久未立秦蜀張吾援指臂不相救宜詔二三大臣修政事選將帥蒐補卒乘以張國勢撫綏疲瘵以固國本帝又出手詔訪以弭盜保民豐財裕國彊兵禦戎之要交修疏言昔人謂甌有麥飯床有故絮雖饑秦說之不能使爲盜惟其凍餓無聊日與死迫然後忍以其身棄之於盜賊陛下下寬大之詔開其自新之路禁苛慝之暴豐其衣食之源則悔悟者更相告語歡呼而歸其不變者黨與攜落亦爲吏士所保獲而盜可弭盜弭則可以保民矣沃野千里殘爲盜區皆吾秬稻之地操弓矢帶刀劍椎牛發冢白晝爲盜皆吾南敵之民陛下撫而納之反其

田里無急征暴斂啓其不肖之心耕桑以時各安其業穀帛不可勝用而財可豐財豐則可以裕國矣日者羣興連西路董平據南楚什伍其人爲農爲兵不數年積粟充牣雄視一方盜賊猶能爾況以中興二百郡地欲彊兵以禦寇不能爲羣興輩之所爲乎世以爲名言李成盜江淮廷議欲親征交修謂羣盜猖狂天子自將勝之則不武不勝則貽天下笑此將帥之責何足以辱王師議遂格盜尋遁周祀守常州坐殘虐免會大旱帝問交修致旱之由對以殆祀佚罰之故乃以祀屬吏祀疑爲交修所議上書告其罪遣大理寺丞胡蒙詰常按驗交修無所結然羣從多抵罪尋以徽猷閣待制提舉太平觀六年召爲給事中刑部侍郎翰林學士知制誥兼侍讀久之遷刑部尚書汀州寧化縣論大辟十人獄已上知州事鄭強驗問無一人當死交修乞治縣令冒賞殺無辜罪江東留獄追逮者尚六百人交修言若待六百人俱至則瘦死者衆矣請以罪狀明白者論如律疑則從輕詔皆如其言朝論欲以四川交子行之諸路交修力陳其害謂崇寧大錢覆轍可鑿當時大臣建議人皆附和未幾錢分兩等市有二價姦民盜鑄死徙相屬以今交子校之大錢無銅炭之費無鼓鑄之勞一夫挾紙日作十數萬真贗莫辨售之不疑一觸憲網破家壞產以賞告捕禍及無辜歲月之後公私之錢盡歸藏鐵之家商賈不行市井蕭條比及悔悟恐無及矣時議大舉交修曰今妄言無行之徒爲迎合可喜之論吾無以考驗其實遽信之以舉事豈不誤國哉帝覽之豐然翌日出其奏示大臣曰交修真一士之諤也蜀帥師益既去帝問交修孰可守蜀者對以臣從子世將可用遂以世將爲樞密直學士四川安撫制置使世將在蜀五年號爲各帥自重兵聚關外以守蜀餉道險遠漕舟自嘉陵江而上春夏漲而多覆秋冬涸而多膠紹興初宣撫副使吳玠始行陸運調成都潼州利州三路夫十萬縣官部送徵賞爭先十斃三四至是交修言養兵所以保蜀也民不堪命則腹心先潰何以保蜀臣愚欲三月以後九月以前第存守關正兵餘悉就糧他州如此則守關者水運可給分戍者陸運可免帝命學士院送交修意詔玠行之議徽宗配享功臣交修奏韓忠彥建中靖國初爲相賢譽翕然時號小元祐從之人大九服八年夏以

親老除寶文閣學士知信州入辭上欲留侍經筵力言母老願奉祠里中以便養帝曰卿去行復召矣改提舉江州太平興國宮九年六月召還除兵部尚書翰林學士兼侍講時河南新復交脩奏京西陝右取士之法乞如祖宗時設諸科之目以待西北之士別為號於南宮以收五路之才詔令禮部討論逾年復請補外除端明殿學士知合州却私請免上供以萬計領州數月卒交脩簡重寡言進止有度為文不事琢雕坦然明白在詞苑號為稱職自其從祖宿從父宗愈至交脩世將皆在禁林中與以後學士三人者自交脩始交脩夏次為書號曰世絲綸集以後一門之遇至於事繼母以孝聞撫二弟極其友愛遇恩以次補官若交脩者其文行之兼副者歟

崇禮字叔厚高密人後徙維之北海祖及父皆中明經進士科崇禮幼穎邁十歲能作邑人墓銘父見大驚曰吾家積善之報其在茲乎及入太學諸生溺於王氏新說少能詞藝者徽宗幸太學崇禮出二表祭酒與同列大稱其工登重和元年上舍第調淄縣主簿為太學正遷博士改宣教郎秘書省正字除工部員外郎尋為起居郎攝給事中召試政事堂為制誥三篇不淹晷而就辭翰奇偉拜中書舍人賜三品服進用之速近世所未有高宗猶以為得之晚車駕如平江有旨鄒浩追復龍圖閣待制崇禮當行詞推帝所以褒恤遺直之意有曰處心不欺養氣至大言期寤意引裾書犯於雷霆計不顧身去國再遷於嶺徽羣臣動色志士傾心又曰莫爽不忘想生氣之猶在奸諛已死知朽骨之尚寒同列推重除試尚書吏部侍郎時從官惟崇禮與汪藻尋兼直學士院以徽猷閣直學士知漳州其俗悍強號難治屬有巨寇起建州聲撼鄰境人心動搖崇禮牧民禦衆一如常日訖盜息環城內外按堵如故徙知明州召為吏部侍郎兼權直學士院時有詔侍從官日輪一員具前代及本朝事關治體者一二事進入崇禮言祖宗以來選用儒臣以奉講讀若令從官一例獻其所聞既非舊典且又越職望令講讀官三五日一進乃命學士與兩省官如前詔又言駐蹕臨安以浙西為根本宜固江淮之守然後可以圖興復蜀在萬里外當召用其士夫慰安遠人之心時兵革後省曹簿書殘毀幾盡崇禮再執銓法熟於典

故討論沿革援據該審更不得容其私後有詔重刊七司條勅崇禮所建明悉書為令移兵部侍郎仍進直學士院御筆處分召至都堂令條具進討固守利害崇禮奏謀傳金人併兵趣川陝蓋以向來江左用兵非敵之便故二三歲來悉力窺蜀其意以謂蜀若不守江浙自搖故必圖之非特報前日吳玠一敗而已今日利害在蜀兵之勝負又奏君之有臣所以濟治臣効實用則君享其功臣竊虛名則君受其弊實用之利在國虛名之美在身忠於國者不計一己之毀譽惟天下之治亂是憂潔其身者不顧天下之治亂惟一己之毀譽是恤然効力於國其實甚難世未必貴竊名於己其為則易且以得譽二者有關於風俗甚大是不可不察也九月御筆除翰林學士自靖康後從官以御筆除拜自得謝不以文武並納節別除一官致仕熙寧間富弼以元勳始令特帶節鉞致仕其後繼者魯公亮文彥博他人豈可援以為例詔自今如祖宗典故進兼侍讀兼史館脩撰時有旨重脩神宗哲宗正史兵火之後典籍散亡崇禮奏神宗實錄墨本元祐所脩已是成書朱本出蔡卞手多所附會乞將朱墨本參照脩定哲宗實錄崇寧間蔡京提舉編脩增飾語言變亂是非難以便據舊錄脩定欲乞訪求故臣之家文獻專述參照又奏知湖州汪藻編類元符庚辰至建炎己酉三十年事述乞下藻以已成文字赴本所並從之先是藻奉詔訪求甚備未及脩纂崇禮取而專之嘗進唐太宗錄刺史姓名於屏風故事曰連千里之封得一良守則千里之民安環百里之境得一良令則百里之民說牧民之吏咸得其良則治功成矣苟能效當時之事以守令姓名詳列于屏簡在帝心則人知盡心職業再入翰林凡五年所撰詔命數百篇文簡意明不私美不寄怨深得代言之體以寶文閣直學士知紹興府劉豫導金人入侵楊楚震擾高宗躬御戎衣次吳會崇禮以近臣承寧方面謂浙東一道為行都肘腋之地備禦不可不謹密疏於朝得便宜從事於是繕城郭厲甲兵輸錢帛以犒王師簡舟艦以扼海道疚心夙夜殆廢食寢及春帝還七州晏然不知羽檄之遽期年上印綬退居台州卒年六十贈左朝議大夫崇禮妙齡秀發聰敏絕人不為崖岸

斬絕之行。廉儉寡欲。獨覃心辭章。洞曉音律。酒酣氣振。長歌慷慨。議論風生。亦一時之英也。中年頓劉場屋。晚方登第。以縣主簿。擢升華要。極潤色論思之選。端方亮直。不憚強禦。秦檜罷政。崇禮草詞。顯著其惡。無所隱。檜深憾之。及再相。矯詔下台州。就崇禮家索其藁。自於帝前納之。且將倚怨。會崇禮已沒。故身後所得恩澤。其家畏懼不敢陳。士大夫亦無敢爲其任保。樓鑰嘗敘其文。以爲氣格渾然天成。一旦當書命之任。明白洞達。雖武夫遠人。曉然知上意所在云。論曰。建炎紹興之際。網羅俊彥。布于庶職。如衛膚敏以下七人者。其論議時政。指陳闕失。雖或好惡多不同。亦皆一時之表表者。矧一止寧止兄弟之忠清。交脩崇禮之詞翰。又有助於治化者焉。

宋史卷三百七十八

元中書右丞相總裁脫脫等修

列傳第一百三十八

章誼

韓肖胃

陳公輔

張巖

胡松年

曹勛

李植

韓公裔

章誼字宜叟建州浦城人登崇寧四年進士第補懷州司法參軍歷漳台二州教授杭州通判建炎初陳通寇錢塘城閉部使者檄誼聚杭州七縣弓兵以張聲勢會王淵討賊誼隨淵得入城賊平旋加撫定人皆德之帝幸臨安苗劉為變帝御樓幸臣百執事咸在人心恟恟帝問羣臣曰今日之事何如浙西安撫司主管機宜文字時希孟輒曰乞問三軍誼越班斥之曰問三軍何義若將鼓亂邪希孟却立屏息帝嘉之事定寬希孟吉陽軍誼遷二秩擢倉部員外郎奉使二浙貿易祠牒以濟軍用以稽遲罷未幾召為駕部員外郎遷殿中侍御史張浚宣府陝西誼奏自趙哲退敗事任已重慮斷太重當除副貳使之自助何與贈官誼論其折衝無謀守禦無策乃中國招禍之首乞釋免邵青自太平乘舟抵平江所至劫掠誼請置水軍於駐蹕之地且言古舟師有三等大為陣脚次為戰船小為傳令皆可為戰守之備詔淮南三宣撫措置誼又獻戰守四策謂金人累歲南侵我亦累歲奔走蓋謀國之臣誤陛下也此者駐蹕揚州有兵數十萬可以一戰斥候不明金人奄至踰江而東此宰相黃潛善汪伯彥過也前年移蹕建康兵練將勇據長江之險可守矣舟師不設二相異意金人未至導海而南此宰相呂頤浩過也不知今年守戰之策安所從出執政大臣誰為陛下任此事者臣愚謂有江海必資舟楫戰守之具有險阻必資郡縣防守之力有兵將必駕馭撫循不可為將帥自衛之資有權賦必漕運轉輸不可為盜賊侵據之用四者各付能臣分路以辨重賞嚴罰誰敢不用命哉詔問保民弭盜遏寇生財之策誼對曰去姦貪殘虐之吏則民可保用循良廉平之吏則盜可弭敵寇未逼以未得折衝禦侮之臣財賦未裕以未得掌財心計之臣凡此四者任人不任法則政治可得而治矣詔集議明堂配享胡直儒等請合祭天

地而以太祖太宗配諱言稽之經旨則未合參之典故則未盡施之事帝則未為簡嚴今國家既以太祖配天於郊比周之后稷則太宗宜配帝於明堂以比周之文王仁宗皇祐二年始行明堂合祭天地並配祖宗乃一時變禮至嘉祐七年再行宗祀已悟皇祐之非乃罷配享仍徹地示之位故有去並循煩文之詔如嘉祐之詔則太祖地亦已不與祭元豐正祀典之詔則悉罷羣祀臣等謂將來明堂大饗宜專祀昊天上帝而以太宗配後不果行紹興二年除大理卿宰相奏知平江府帝曰誼儒者賴其委贖平恕使民不冤勿令補外尋除權吏部侍郎乞詔有司編類四選通知之條與一司專用之法兼以前後續降指揮自成一書如此則銓曹有可守之法姦吏無舞文之弊書成而吏銓有所執守復改刑部侍郎兼詳定一司敕令誼奏比脩紹興敕令格式其忠厚之意則本於祖宗其綱條之舉則仍於舊貫今在宥司為日既久州縣推行漸見抵牾欲承疑遵用則眾聽惑而不孚欲因事申明則法屢變而難守乞詔監司郡守與承用官司參考祖宗舊典各撫新書之闕遺條具以聞然後命官審訂刪去著為定法遷徽猷閣直學士樞密都承旨誼奏漢有南北兩屯唐有南北兩衛皆天子自將之兵祖宗所置殿班親軍處禁門之內皆極天下之選今日神武兵萃於五軍多逃亡之餘市井之人殿班親軍倚以待衛者曾無千百願陛下酌漢唐南北禁衛之意脩本朝遴選班直之法選五軍及諸州各為一衛合取萬人分為兩衛則禁衛增嚴王室大競矣四年金遣李永壽王翊來求還劉豫之俘及西北人在東南者又欲畫江以益劉豫時議難之欲遣大臣為報使參政席益以母老辭薦誼為代加誼龍圖閣學士充軍前奉表通問使給事中孫近副之誼至雲中與粘罕兀室論事不少屈金人論亟還誼曰萬里銜命兼迎兩宮必俟得請金人乃令蕭慶授書併以風聞事實誼詰其所自金人以實告乃還至南京劉豫留之以計得歸帝嘉勞之擢刑部尚書是冬帝親征王師大捷於淮陰誼扈從還臨安遷戶部尚書誼言祖宗設官理財內則戶部外則諸路轉運使副東南委輸最盛則又置發運以督諸路供輸之入皆有移用補助之法戶部仰以不乏者也今川廣荆湖土貢歲輸不入王府者累年矣皆發運

使失職之罪也。頃因定都汴京，故發運使置司真泗，今駐吳會，而發運當在荆湖南北之間，望討論發運置司之地，選能臣以充其任。又言：戶部左右曹之設，諸路則運司左曹之屬也，提舉則右曹之屬也。若復發運司於諸路，各置轉運使副二員，以一員檢察常平，以應右曹之選，則戶部財用無陷失矣。五年，以疾請郡。除龍圖閣學士，知温州。適歲大旱，米斗千錢，誼用劉晏招商之法，置場增直以糴，米商輻輳，其價自平。部使者以狀聞，詔遷官一等。六年，移守平江。時將臨幸，供億繁夥，誼處之皆當於理，召對賜帶笏，帝曰：此不足以償卿之勞，其勿謝。明年，移躡建康，復為戶部尚書。誼奏：屯田之策，謂京西湖北淮南東西失業者最多，朝廷必欲家給牛種，人給錢糧，以勸耕則財力不足。今三大將各屯一路，如各捐數縣地均給將士，收其餘以省轉輸，非小補也。七年，帝還臨安，以誼為端明殿學士，江南東路安撫大使，知建康府，兼行宮留守。未幾，提舉亳州明道宮，代還。八年卒。年六十一。諡忠恪。誼寬厚長者，故事臺官言事，非挾怨以快己私，即用仇家言為人報復。誼獨存大體，士論歸之。立朝論事，奏疏無慮數千百篇，皆經國濟時之策。初，席益薦誼使金，帝曰：誼亦母老，朕當自諭之。誼聞命，略無難色，戒其家人勿使母知。將行，告母曰：是行不數月即歸，大似往年太學謁告時爾。及還，母竟不知其使金也。誼卒，母年九十二，子八人，駟、駒、驪、駟、駟、駟、駟、駟。

韓肖胄，字似夫，祁州安陽人。曾祖琦，祖忠彥，再世為相。父治，肖胄以蔭補承務郎。歷開封府司錄，與府尹同對殿中。徽宗問其家世，賜同上舍出身，除衛尉少卿。賜三品服，尋假給事中充賀遼國生辰使。既還，時治守相州，請祠，肖胄因乞補外侍疾，詔除直秘閣，知相州，代其父任。陛辭，帝曰：先帝詔韓氏世官于相，卿父子相代，榮事也。在相四年，王師傳燕，肖胄策幽薊且有變，宜陰為守備。已而金騎入境，野無所掠而去。建炎二年，知江州，入為祠部郎，遷左司，嘗言中原未復，所恃長江之險，淮南實為屏蔽，沃野千里，近多荒廢，若廣脩農事，則轉餉可省，兵食可足。自是置局建康，行屯田於江淮，又應詔陳五事曰：遠斥堠，戢戍兵，防海道，援中原，脩軍政，擢工部侍郎。時川陝馬綱路通塞不常，肖胄請於廣西

邑州置司，互市諸蕃馬，詔行之。時召侍從問戰守計，肖胄條奏千餘言，帝稱其所對事理簡當。吏部尚書席益數曰：援古證今，切於時用，非世官不能也。紹興二年，詔百官各言省費裕國強兵惠民之策，肖胄言：天下財賦，寔名舊悉隸三司，今戶部惟有上供之目而已。問諸路，寔名於戶部，戶部不能悉問，諸州寔名於漕司，漕司不能悉失，一寔名，則此項遂亡。願詔諸路漕司，括州縣出納，可罷罷之，可併併之，立為定籍。漕司總諸州，戶部總諸路，則無失陷矣。經費之大，莫過養兵，今人亡而冒請者眾，願立諸軍覈實之法，重將帥冒請之罪，則兵數得實，餉給不虛，省費裕國。此其大者。生民常賦之外，迫以軍期，吏緣為姦，斂取百端，復為寇所迫逐，田桑失時，寇去復業未及，息肩催科之吏已呼其門矣。願詔郡邑招集流散，官貸之種，俟及三年始責其賦，置籍書之，以課殿最。強兵息民，此其先者。時多所采納，又請復天地日月星辰社稷之祀，於是下有司定一歲祭禮，遷吏部侍郎。時條例散失，吏因為姦，肖胄立重賞，俾各省記編為條目，以次行之。舞文之弊始革。陣亡補官得占射差遣，而在部常調人守待不能注授，且有短使重難，肖胄請陣亡惟許本家用恩例，異姓候經任收使，遂無不均。且嚴六部出入之禁，而請託不行。三年，拜端明殿學士，同僉書樞密院事，充通問使，以胡松年副之。肖胄慨然受命，時金酋粘罕專執政，方恃兵強，持和戰難合之策，行人皆危之。肖胄入奏曰：大臣各循己見，致和戰未有定論，然和乃權時之宜，他日國家安疆，軍聲大振，誓當雪此讐恥。今臣等行，或半年不返命，必復有謀，宜速進兵，不可因臣等在彼而緩之也。將行，母又語之曰：汝家世受國恩，當受命即行，勿以我老為念。帝稱為賢母，封榮國夫人。肖胄至金國，金人知其家世甚重之，往返纔半年，自帝即位，使者凡六七年未嘗報聘，至是始遣人偕來。肖胄先北使入對，與朱勝非議不合，力求去，以舊職知温州，提舉臨安府洞霄宮。五年，詔問前宰執戰守方略，肖胄言：女真等軍皆畏服西兵，勁銳喜戰，今三帥所統多西人，吳玠繼有捷奏，軍聲益振，敵意必搖，攻戰之利，臣固知之，自荆襄至江淮，綿亘數千里，不若擇文武臣僚，按行計度，求險阻之地，屯兵積糧，則形勢相接，今淮東西雖命宣撫使，然將屯置司乃在江上，所遣偏裨分守，不

過資以輕兵。勢孤力弱。難以責其固志。當移二將於江北。使藩籬可固。又言。諸大將之兵。自主庭戶。更相警疾。若欲並遣進攻。宜先命總帥。分以精銳。自成一軍。號令既一。則諸將。敢不聽命。畿甸山東。關河之民。怨金人入骨。當以安集。流土招懷。歸附爲先。今淮南江東西。荒田至多。若招境上之人。授田給糧。損其賦租。必將接踵而至。又奏。江之南岸。曠土甚多。沿江大將。各分地而屯。軍士蓄爲農者。十之五六。擇其非甚精銳者。使之力耕。農隙則試所習之技藝。秋成則均以所種之禾麥。或募江北流徙。及江南無業願遷之人。分給之。椒爲管屯。止則固守。出則攻討。起知常州。召赴行在。提舉萬壽觀。尋除會書樞密院事。和議已定。復命肖胄爲報謝使。接待者逆於境。謂當稱謝恩使。肖胄論難三四反。遂辭塞。既至。金遣人就館議事。肖胄隨問隨答。衆皆聳聽。其還。給駝車及頓遞宴設。自肖胄始。除資政殿學士。知紹興府。尋奉祠。與其弟膺。寓居干越。幾十年。事母以孝聞。第不至不食。所得恩澤。皆先給宗族。卒年七十六。諡元穆。琦守相作畫錦堂。治作榮歸堂。肖胄又作榮事堂。三世守鄉郡。人以爲榮。

陳公輔。字國佐。台州臨海人。政和三年。上舍及第。調平江府教授。朱勔方壁倖。當官者奴事之。公輔絕不與交。勔有兄喪。諸生欲往弔。公輔不予告。勔不悅。諷權要移公輔越州。累遷權應天府少尹。除秘書郎。靖康初。二府多宣和舊人。公輔言。蔡京王黼用事二十餘年。臺諫皆緣以進。唐重師驥爲太宰。李邦彥引用。謝克家孫覿爲纂脩。蔡攸引用。及邦彥作相。又附麗以進。此四人者。處臺諫之任。臣知其決不能言宰相大臣之過。願擇人臣中朴茂純直。能安貧守節。不附權倖。慷慨論事者。列之臺諫。則所任得人。禮義廉恥。稍稍振起。敵國聞之。豈不畏服哉。時吳敏李綱不協。公輔奏。陛下初臨萬機。正賴其同心合謀。而二臣不和。已有其跡。願諭以聖訓。俾務一心。以安國家。徽宗渡江未還。人情疑懼。公輔力陳父子之義。宜遣大臣迎奉。欽宗嘉之。擢爲右司諫。孟夏享景靈宮。遂幸陽德佑神觀。公輔諫。不當如平時宴游。論蔡京父子懷奸誤國。終未行遣。今朝廷公卿百執事。半出其門。必有庇之者。詔請京崇信軍節度副使。德安府安置。又奏朱勔罪惡。都城之民。皆謂已族滅其家。乞勿許其子姓隨上皇入京。時有

指公輔爲李綱之黨。鼓唱士庶伏闕者。公輔自列。因辭位。後陳三事。其一。言李綱書生。不知軍旅。遣援太原。乃爲大臣所陷。必敗事。其二。言余應求不當以言遠謫。其三。言方復祖宗法度。馮澥不宜更論熙寧元豐之政。語觸時宰。遂與應求程瑀李光俱得罪。斥監合州稅。高宗卽位。召還。除尙書左司員外郎。明年。始達維揚。初。李綱得政。公輔自外除郎。未至而綱罷。改南劍州。尋子官。紹興六年。召爲吏部員外郎。疏言。今日之禍。實由公卿大夫無氣節忠義。不能維持天下國家。平時既無忠言直道。緩急詎肯伏節死義。豈非王安石學術壞之邪。議者尙謂安石政事雖不善。學術尙可取。臣謂安石學術之不善。尤甚於政事。政事害人才。學術害人心。三經字說。詆誣聖人。破碎大道。非一端也。春秋正名分。定褒貶。俾亂臣賊子懼。安石使學者不治春秋。史漢載成敗安危。存亡理亂。爲聖君賢相忠臣義士之龜鑑。安石使學者不讀史漢。王莽之篡。揚雄不能死。又仕之。更爲劇秦美新之文。安石乃曰。雄之仕。合於孔子無可無不可之義。五季之亂。馮道事四姓八君。安石乃曰。道在五代時。最善避難以存身。使公卿大夫皆師安石之言。宜其無氣節忠義也。復授左司諫。言中興之治。在得人。人以孝感天。以誠得民。帝善其深得諫臣體。賜五品服。令尙書省寫圖進入。以便觀覽。公輔感帝知遇。益罄忠鯁。言正心在務學。治國在用人。朝廷之禍。在朋黨。仍乞增輪對官。令審計官告糧料權貨監倉及茶場等官。有已見。許面對。時有詔將駐蹕建康。公輔上疏陳攻守之策。且乞選大臣鎮淮西。增兵將守要害。使西運鄧岳東接楚泗。皆有犄角之形。徽宗計至。公輔請宮中行三年之喪。視朝服淡黃。羣臣未可純吉服。明堂未當以徽宗配。官罷臨軒策士。又乞權罷講筵。事不行。遷尙書禮部侍郎。會趙鼎言進退人才。乃其職分。疏稍侵公輔。因力請祠。除集英殿脩撰。提舉江州太平觀。尋知處州。升徽猷閣待制。乃提舉太平觀。卒年六十六。贈太中大夫。有文集二十卷。奏議十二卷。行於世。公輔論事剴切。疾惡如讐。惟不右程頤之學。士論惜之。

張鷟。字柔直。福州人。舉進士。爲小官。不與世詭隨。時蔡京當國。求善訓子弟者。鷟適到部。京族子應之以鸞薦。鷟再三辭不獲。遂卽館京。亦未暇與之接。鸞嚴

毅聲拔，意度凝然，異於他師。諸生已不能堪，忽謂之曰：汝曹曾學走乎？諸生駭而問曰：嘗聞先生教令讀書徐行，未聞教以走也。鬻曰：天下被而翁破壞至此，旦夕賊來，先至而家，汝曹惟有善走，庶可逃死爾。諸子大驚，亟以所聞告京曰：先生心恙，京矍然曰：此非汝所知也。即見鬻深語，鬻慷慨言曰：宗廟社稷危在旦夕，京空容問計。鬻曰：宜亟引耆德老成，置諸左右，以開道。上心羅天下忠義之士，分布內外，為第一義爾。京因扣其所知，遂以楊時薦。於是召時，鬻後守南劍州，遷福建路轉運判官。未行，會范汝為陷建州，遣葉徽擁眾寇南劍。時統制官任士安駐軍城西，不肯力戰，鬻獨率州兵與之戰，分為數隊，令城中殺羊牛豕作肉串，仍多具飯，將戰則食。第一隊人既飽，遣之入陣，便食。第二隊人度所遺兵力將困，即遣第三隊人往代，第四至五六隊亦如之。更迭交戰，士卒飽而力不乏。徽中流矢死，眾敗走。鬻知士安懼無功，即函徽首與之。州兵皆憤，鬻曰：賊必再至，非與大軍合力，不能破也。士安得之大喜，遂馳報諸司，謂已斬徽。未幾，徽二子果引眾聲言復父讐，縞素來攻。於是士安與州兵夾攻，大敗之。城賴以全。再知處州，嘗欲造大舟，暮僚不能計其直，鬻教以造一小舟，量其尺寸而十倍算之。又有欲築紹興園神廟垣，召匠計之，云費八萬緡，鬻教之自築一丈長約算之，可直二萬，即以二萬與匠者，董役內官無所得，乃奏紹興空乏難濟。太后遂自出錢，費三十二萬緡，以直龍圖閣知處州，蕩平餘寇，進祕閣，脩撰，卒後，廟食邵武。

胡松年，字茂老，海州懷仁人，幼孤貧，母粥機織，資給使學，讀書過目不忘，尤邃於易。政和二年，上舍釋褐，補濰州教授。八年，賜對便殿，徽宗偉其狀貌，改校書郎，兼資善堂贊讀，為殿試參詳官。以沈晦第一，徽宗大悅曰：朕久聞晦名，今乃得之。遷中書舍人，時方有事燕雲，松年累章請邊釐一開，有不勝言者。時相意提舉太平觀，建炎間，密奏中原利害，召赴行在，出知平江府，未入境，貪吏解印斂跡，以與利除害十七事，揭于都市，百姓便之。加徽猷閣待制，奏防江利害，一曰立國無藩籬之固，二曰遣將無首尾之援，三曰不攻敵技之所短，召為中書舍人。言武昌九江建昌京口吳江錢塘明越宜各屯水戰士三千以為備，唐

恪追復觀文殿學士，松年繳奏曰：靖康之禍，何輿輓脫寡謀，宜為罪首。去年秦檜還朝，力稱其抗義守正，遂被褫職，已大拂士論。今恪子琢自陳其父不獲伸迎，請二帝之謀，飲藥而死，此事凜然，追踪古人，宜詔有司詳考實狀，庶不為虛美，以示激勸。除給事中，會選將帥，松年奏：富貴者易為善，貧賤者難為功。在上之人識擢何如爾，願陛下親出勞軍，即行伍蒐簡之，必有可為時用者。又奏：恢復中原，必自山東始。山東歸附，必自登萊密始。不特三郡民俗忠義，且有通泰飛艘往來之便。除兼侍講，王倫使金還，言金人欲再遣重臣來計議，以松年試工部尚書為韓肖胄副，充大金奉表通問使。時使命久不通，人皆疑懼。松年毅然而往，至汴京，劉豫令以臣禮見，肖胄未答。松年曰：聖主萬壽，豫曰：聖意何在。松年曰：主上之意，必復故疆而後已。使還，拜吏部尚書。岳飛收復襄漢，令松年籌度守禦事。松年奏乞飛班師，徐窺劉豫意向。若豫置不問，其情叵測。當飭將士謹疆場可也。又條戰艦四利，一曰張朝廷深入之軍勢，二曰固山東欲歸之民心，三曰震疊強敵，使不敢窺江浙，四曰牽制劉豫不暇營襄漢。除端明殿學士，僉書樞密院事。首奏八事，立規摹以定中興之基，振紀綱以尊朝廷之勢。馭將帥使知畏，撫士卒使知勸，收子奪之柄，察毀譽之言，無以小疵棄人才，無以虛文廢實效。又薦張敞萬向在淮南，誘敵深入，步騎四集，悉陷於淖，無得解者。金人至今膽落。乞令統率軍馬，別為任使，庶幾外間漸多名將，不獨仗倚三四人而已。讜報劉豫於登萊海密具舟楫，淮陽順昌積芻粟，欲憑藉金人侵我邊鄙。議者謂韓劉岳各當一面，可保無虞。松年奏：三人聲勢初不相屬，緩急必不相救。況海道闊遠，蘇秀明趙最為要衝，乞選精兵萬人，命一大臣往駐建康，親督世忠光世守采石馬家渡，以張兩軍之勢。仍以兵五千屯明州平江，控禦江海，或無人可遣，臣願疾馳以赴其急。詔遣松年往江上與諸將會議進討。因覘賊情，帝決意親征，遂次平江。命松年權參知政事，專治戰艦。張浚專治軍器。松年曰：議論既定，力行乃有效。若今日行，明日止，徒紛紛無益。俄以疾提舉洞霄宮，卜居陽羨，雖居閑不忘朝廷事。屢言和糴科斂防秋利害。帝皆嘉納。十六年，病革，呼其子曰：大化推移，有所不免，乃就枕。鼻息如雷，有頃卒。人謂不死也。年

六十松年平生不喜蓄財。每除官例賜金帛。以軍與費廣。一無所陳請。或勸其白于朝。曰。弗請則已。白之是活名也。喜賓客。奉入不足以供費。或請節用。爲子孫計。松年曰。賢而多財。則損其志。况俸廩。主上所以養老臣也。自持囊至執政。所舉自代。皆一時聞人。所薦一以至公。權勢莫能奪。方秦檜秉政。天下識與不識。率以疑忌置之死地。故士大夫無不曲意阿附。爲自安計。松年獨鄙之。至死不遺一書。世以此高之。

曹勛字公顯。陽翟人。父組。宣和中。以閣門官贊舍人爲睿思殿應制。以占對開敏得幸。勛用恩補承信郎。特命赴進士廷試。賜甲科。爲武吏。如故靖康初。爲閣門官贊舍人。勾當龍德宮。除武義大夫。從徽宗北遷。過河十餘日。謂勛曰。不知中原之民。推戴康王否。翌日出御衣書領中。曰。可便即真。來採父母。并持草賢妃。邢夫人信。命勛間行詣王。又諭勛見康王。第言有清中原之策。悉舉行之。毋以我爲念。又言藝祖有誓約。藏之太廟。不殺大臣。及言事官違者不祥。勛自燕山遁歸。建炎元年七月。至南京。以御衣所書進入。高宗泣以示輔臣。勛建議募死士航海入金國東京。奉徽宗由海道歸。執政難之。出勛于外。凡九年不得遷秩。紹興五年。除江西兵馬副都監。勛以遠次爲請。改浙東。言者論其不閑武藝。專事請求。竟奪新命。十一年。兀朮遣使議和。授勛成州團練使。副劉光遠報之。及進。遇兀朮遣還。言當遣尊官右職持節而來。蓋欲亟和也。勛還。遷忠州防禦使。金使蕭毅等來。命勛爲接待使。未幾。落階官爲容州觀察使。充金國報謝副使。召入內殿。帝洒泣諭以懇請親族之意。及見金主。正使何鑄伏地不能言。勛反覆開諭。金主首肯。許還梓宮及太后。勛歸。金遣高居安等衛送太后至臨安。命勛充接待使。還保信軍承宣使。樞密副都承旨。二十九年。拜昭信軍節度使。副王倫爲稱謝使。時金主亮已定侵淮計。勛與倫還。言鄰國恭順和好無他。人譏其妄。孝宗朝加太尉。提舉皇城司。開府儀同三司。淳熙元年卒。贈少保。李植字元直。泗州臨淮人。幼明敏篤學。兩舉于鄉。從父中行家蘇軾門。太史晁無咎見之。曰。此國士也。以女妻焉。靖康初。高宗以康王開大元帥府。湖南向子誼轉運京畿。時羣盜四起。餉道阨絕。環視左右。無足遣者。有以植薦。遂借補迪

功郎。使督四百艘。總押師銀百萬。糧百萬石。招募忠義二萬餘衆。自淮入徐。趨濟。凡十餘戰。卒以計達。時高宗駐師鉅野。聞東南一布衣統衆而至。士氣十倍。首加勞問。植占對詳敏。高宗大悅。親賜之食。曰。得一士如獲拱璧。豈特軍餉而已。承制授承直郎。留之幕府。植三上表勸進。願益正大寶。以定人心。以應天意。三降手札。獎諭。植感激知遇。言無不盡。爲汪伯彥黃潛善所忌。高宗既即位。爲東南發運司幹辦公事。尋以奉議郎知潭州湘陰縣。經楊么蕩析。植披荆棘。立縣治。發粟賑。振困乏。專以撫摩爲急。丞相張浚督師江上。知植才。薦爲朝奉郎。鄂州通判。大盜馬友。孔彥舟未平。植請脩戰艦。習水戰。分軍馬爲左右翼。大破彥舟。伏兵誅馬友。二盜平。浚以破賊功。上於朝。轉朝奉大夫。通判荆南府。秩滿。除尚書戶部員外郎。時秦檜當國。凡帥府舊僚。率皆屏黜。浚亦去國。植即丐祠。奉親寓居長沙之醴陵。十有九年。杜門不仕。檜死。子誼以戶部尚書居邇列。語及龍飛舊事。識植姓名。除戶部郎中。召植始入見。帝曰。朕故人也。方有意大用。以母老。每辭。願便養。除知桂陽軍。丁母憂。歸葬。哀毀廬墓。有白鷺朱草之祥。劉鎮遺之書曰。忠臣孝子。元直兼之矣。服闋。參政錢端禮薦。差知瓊州。陛辭。帝慨然曰。卿老矣。瓊管遠在海外。改知徽州。徽俗崇尚淫祠。植首以息邪說。正人心爲事。民俗爲變。轉朝請大夫。直祕閣。改知鎮江府。遷江淮荆湘都大提點坑冶鑄錢公事。踰年。金人敗盟。朝廷將大舉。以植漕運有才略。授直敷文閣。京西河北路計度轉運使。植措置有方。廷議倚重。乾道元年。遷提刑江西。二年。直寶文閣。江南東路轉運使。兼知建康軍府。兼本路安撫使。主管行宮留守司事。植上書極言防江十策。其略曰。保荆襄之障。以固本根。審中軍所處。以俟大舉。蒐選強壯。以重軍勢。度地險阨。以保居民。避敵所長。擊其所短。金人降者。宜加賞勸。皆直指事宜。不爲浮泛。疏上。帝嘉其言。以太府卿召赴闕。有疾。不克上道。遂以中奉大夫寶文閣學士致仕。還鄉。時胡安國父子家南嶽下。劉錡家湘潭。相與往還講論。言及國事。必憂形于色。始終以和議爲恨。年七十有六卒。有文集十卷。題曰臨淮集。廬陵胡銓爲之序。諡忠襄。子五人。汝虞。知桃源縣。汝士。朝奉大夫。知黃州。汝工。知昌化軍。

韓公裔字子辰開封人初以三館吏補官掌章寶妃閣牋奏尋充康王府內知客金兵犯京王出使公裔從行渡河將官劉浩吳湛私鬪公裔諭之乃解次磁州軍民戕奉使王雲隨王軍入州靡公裔復諭退之王之將南也與公裔謀聞道潛師夜起遲明至相磁人無知者自是親愛愈篤及兵退張邦昌遣人同三舅章淵來獻傳國璽時淵自稱僞官議者又謂邦昌不可信王怒將誅淵公裔曰神器自歸天命也王遂受璽命公裔掌之公裔力救淵釋其罪元祐后詔王入承大統府僚謂金兵尙近宜屯彭城公裔言國家肇基睢陽正亦宜於睢陽受命時前軍已發將趨彭城會天大雷電不能前王異之夜半抗聲語公裔曰明日如睢陽決矣既即帝位公裔累遷武功大夫貴州防禦使後以事忤黃潛善適帝幸維陽公裔丐去潛善以爲避事遂降三官送吏部帝幸越念其舊勞召復故官幹辦皇城司仍帶御器械累遷至廣州觀察使提舉祐神觀公裔給事藩邸三十餘年恩寵優厚每置酒慈寧宮必召公裔會僚玉牒元帥府事多放佚秦檜以公裔帥府舊人奏令脩書官就質其事俄除保康軍承宣使檜疑其捨己而求于帝銜之右諫議大夫汪勃希檜意劾罷公裔遂與外祠在外居住而帝眷之不衰檜死即復提舉祐神觀賜第和寧門西帝曰朕與東朝欲常見卿故以自近耳升華容軍節度使尋致仕後華容軍復爲岳陽軍公裔遂換岳陽軍節度使高宗既內禪嘗與孝宗語其忠勞因詔所居郡善視之乾道二年卒年七十五贈太尉諡恭榮官其親族八人高宗賜金帛甚厚公裔律身稍謹不植勢不市恩又敢與黃潛善秦檜異斯亦足取云

論曰章謹有蹇諤之節曾胃席父祖之蔭二人多所論建奉使不辱亦可取矣諫公輔得諫臣之體其劾蔡京王黼之黨論吳敏李綱之隙是矣然既辨安石學術之害而不尙程頤之學何邪張巖斥蔡京之禍薦楊時之賢其趣操正矣況乎寇有術而不自以爲功乎松年鄙秦檜而不交知命通方固不易得而曹勛崎嶇兵間稍著勞効然金人入侵之計已決猶曰鄰國恭順無他何其見幾之不蚤邪若李植韓公裔蚤著忠盡爲天子故人能與黃潛善秦檜爲異閉門不出待時而動斯亦知所向方者哉

宋史卷二百七十九

元中書右丞相總裁脫脫等修

列傳第一百三十九

何鑄

王次翁

范同

楊愿

樓炤

勾龍如淵

薛弼

羅汝楫子頤附

蕭振

何鑄字伯壽餘杭人登政和五年進士第歷官州縣入為諸王宮大小學教授
 秘書郎御史中丞廖剛薦鑄操履勁正可備拾遺補闕之選即命對鑄首陳動
 天之德莫大於孝感物之道莫過於誠誠孝既至則歸梓宮於陵寢奉兩宮於
 魏闕紹大業復境土又何難焉帝嘉納之拜監察御史尋遷殿中侍御史上疏
 論士大夫心術不正徇虛以掠名託名以規利言不由中而首尾鄉背行險自
 售而設意相傾者為事君之失懷險熾之謀行刻薄之政輕儇不莊慢易無禮
 者為行己之失乞大明好惡申飭中外各務正其心術毋或欺誑蓋有所指也
 時遷温州諸宮殿神像于湖州有司迎奉所過騷然鑄言孝莫大於寧神寧神
 莫大於得四海之歡心浙東旱荒若加勸動恐道路怨咨乞務從簡約不得過
 為騷擾疏奏其事遂已擢右諫議大夫論中興之功在於立志天下之事濟與
 否在於思與不思願陛下事無大小精思熟慮求其至當而行如是則事無過
 舉矣尋拜御史中丞先是秦檜力主和議大將岳飛有戰功金人所深忌檜惡
 其異己欲除之脅飛故將王貴上變逮飛繫大理獄先命鑄鞠之鑄引飛至庭
 詰其反狀飛袒而示之背背有舊涅盡忠報國四大字深入膚理既而閱實俱
 無驗鑄察其冤白之檜檜不悅曰此上意也鑄曰鑄豈區區為一岳飛者強敵
 未滅無故戮一大將失士卒心非社稷之長計檜語塞改命乃俟飛飛死獄中
 子雲斬於市檜銜鑄時金遣蕭毅邢具瞻來議事檜言先帝梓宮未反太后鑿
 輿尚遷朔方非大臣不可祈請乃以鑄為端明殿學士金書樞密院事為報謝
 使鑄曰是行猶顏真卿使李希烈也然君命不可辭既返命檜諷乃俟萬使論
 鑄私岳飛為不反欲竄諸嶺表帝不從止謫徽州時有使金者還言金人問鑄

安在曾用否於是復使知温州未幾以端明殿學士提舉萬壽觀兼侍讀召赴
 行在力辭乃再遣使金使事秘而不傳既歸報帝復許以大用又力請祠除資
 政殿學士知徽州居數月提舉江州太平興國宮卒年六十五鑄孝友廉儉既
 貴無屋可居止寓佛寺其辨岳飛之冤亦人所難然紹興己未以後徧歷臺諫
 所論如趙鼎李光周葵范冲孫近諸人未免迎望風旨議者以此少之至於慈
 寧歸養梓宮復還雖鑄祈請之力而金謀蓋素定矣先是金諸將皆已厭兵欲
 和難自己發故使檜盡室航海而歸密有成約紹興以後我師屢捷金欲和益
 堅至是遣鑄銜命蓋檜之陰謀以鑄嘗爭岳飛之獄而飛竟死使金知之而其
 議速諧也鑄死四十餘年諡通惠其家辭焉嘉定初改諡恭敏

王次翁字慶曾濟南人聚徒授業齊魯多從遊者入太學貧甚夜持書就旁舍
 借燈讀之禮部別頭試第一授恩州司理參軍歷婺州教授辟雍博士出知道
 州燕雲之役取免夫錢不及期輒以乏與論次翁檄取屬邑丁籍視民產高下
 以為所輸多寡之數約期受輸不擾而集除廣西轉運判官時劇盜馬友孔彥
 舟曹成更據長沙帥檄漕司預鳩糧芻三十萬以備調發次翁即以具報吏愕
 貽次翁曰兵未必發先擾民可乎吾以一路常平上供計之不啻三十萬已而
 賊不犯境召對論事不合出知處州乞祠歸寓于婺呂頤浩帥長沙辟為參謀
 官頃之力乞致仕秦檜召還道出婺次翁見之樓炤言頤浩與次翁同郡頤浩
 再相次翁貧困至此檜笑曰非其類也檜居朝遂以為吏部員外郎遷秘書少
 監除起居舍人遷中書舍人劉光世除使相奏以文資蔭其子次翁執奏繳還
 除工部侍郎兼侍講蜀闕帥率執擬次翁以聞帝以次翁明經術留兼資善堂
 翊善改御史中丞論趙鼎不法罷知泉州部差李泗為鄂州巡檢而湖北宣撫
 使不可次翁言法令沮于下而不知朝廷之尊漸不可長帝令詰宣撫司宣贊
 舍人陳諤孫崇節即閩門受旨升轉次翁言閩門徑自畫旨不由三省非祖宗
 法寢弗命呼延通因內教出不遜語次翁乞斬通以肅軍且言著令寸鐵入皇
 城者有常刑遂罷內教韓世忠與劉光世張俊與劉錡皆不相能次翁言世忠
 於光世因言議有隙俊於錡由措置有睚恐惡錡保一孤壘光世軍處窮獨俊

與世忠不肯急援。願遣使切責。因用郭子儀李光弼以忠義泣別相勉者。感動之。金人敗盟入侵。次翁為秦檜言於帝曰。前日國是。初無主議。事有小變。則更用他相。後來者未必賢於前人。而排斥異黨。收召親故。紛紛非累月不能定。於國事初無補。願陛下以為至戒。無使小人異議。乘間而入。檜德之。先是檜兄子與其內兄王曠。皆以恩幸得官。檜初罷政。二人擯斥累年。至是次翁希檜旨。言吏部之有審量。皆暴揚君父過舉。得無傷陛下孝治。乞悉罷建炎紹興前後累降指揮。由是二人驟進。初次翁既論罷趙鼎。鼎歸會稽。上書言時政。檜忌鼎復用。乃令次翁又言之。乞顯置干法。且言特進乃宰相階官。鼎雖謫降而階官如故。是未嘗罷相也。遂降散官。謫居興化軍。右諫議大夫何鑄又論鼎罪重。罰輕。降朝奉大夫。移漳州。檜意猶未厭。次翁又論鼎聞邊警喜見顏色。繩以漢法。當伏不道之誅。責以春秋當坐誅意之罰。雖再行貶責。然朝奉大夫視中大夫品秩不相遠。漳州比興化。尤為善地。以此示罰。人將玩刑。再移潮州安置。次翁除參知政事。兩浙轉運司牒試。主司觀望。檜與次翁子姪預選者數人。士論大駭。金人敗于拓泉。帝曰。將帥成不戰却敵之功。乃輔弼奇謀指蹤之力。除一子職名。檜召三大將論功行賞。岳飛未至。檜與次翁謀以明日率世忠俊置酒湖上。欲出則語直省官曰。姑待岳少保來。益令堂廚豐其燕具。如此展期以待者六七日。飛既至。皆除樞密使。罷兵柄。次翁歸語其子伯庠曰。吾與秦相謀之久矣。太后回鑾。次翁為奉迎。扈從禮儀使。初太后貸金于金使。以犒從者。至境。金使責償。乃入。次翁以未得檜命。且懼檜疑其私相結約。欲攘其位。堅不肯償。相持境上凡三日。中外憂慮。副使王曠夏金與之。太后歸泣訴于帝曰。王次翁大臣。不顧國家利害。萬一有變。則我子母不相見矣。帝震怒。欲暴其罪誅之。次翁先白檜。謂所以然者。以未嘗稟命。故不敢專。檜大喜。力為營救。奏為報謝使。以避帝怒。使還。帝立中宮。奏為冊寶副使。帝終惡之。檜論次翁辭位。遂以資政殿學士奉祠。引年歸居明州。檜憐之。餽問不絕。十九年卒。年七十一。贈宣奉大夫。諸子壻親戚族人。添差浙東者又數人。皆檜為開陳也。檜擅國十九年。凡居政府者莫不以微忤出去。終始不二者。惟次翁爾。

范同。字擇善。建康人。登政和五年第。再中宏詞科。累官至吏部員外郎。與秦檜力主和議。紹興八年。假太常少卿。接伴金使。蕭哲張通古入境。同北向再拜。問金主起居。軍民見者多流涕。除中書門下省檢正。諸房公事。權吏部侍郎。兼實錄院脩撰。遷給事中。十一年。檜再主和議。患諸將難制。同獻計於檜。請皆除樞府。罷其兵權。檜喜。乃密奏以拓臬之捷。召三大將赴行在。論功行賞。同入對。帝命與林待聘分草三制。世忠俊樞密使。飛副使。並宣押赴樞府治事。張俊與檜意合。且覺朝廷欲罷兵權。即首納所統兵。帝召同入對。復以同為翰林學士。俄拜參知政事。兼脩實錄。同始贊和議。為檜所引。及在政府。或自奏事。檜忌之。乃俟高因論同貳政之初。首為遷葬之議。自建康至信州。調夫治道。怨嗟籍籍。近朝廷收天下兵柄。歸之宥密。同輒於稠人中。貪天功以為己有。遂罷與祠。檜意未已。尚再論責授左朝奉郎。祕書少監。謫居筠州。十四年。復朝奉大夫。提舉江州太平觀。移池州。十八年。復太中大夫。知太平州。卒年五十二。

楊愿。字原仲。宣和末。補太學錄。二帝北遷。金人聞愿名。索之。愿匿民間。上書執政。請迎復元祐皇后。又奔濟州。元帥府勸進。辟為屬高宗即位。以元帥府結局。恩授脩職郎。御營司辟機宜文字。歷新昌縣丞。越州判官。秦檜薦之。召改樞密院編脩官。登紹興二年進士第。遷計議官。召試館職。罷主管崇道觀。復除祕書郎。議者謂外任未終。改通判明州。檜既專政。召為祕書丞。未幾。拜監察御史。臺長言愿資淺。當先歷郎官。改司封員外郎。遷右司起居舍人。兼權中書舍人。初脩玉牒。特以命愿。愿言。玉牒當載靖康推戴趙氏事。以秦檜建議本末書之。十二年。權直學士院。充金國賀正旦。接伴使。金使完顏畢入境。猶欲據主席。中使傳宣畢。不迎拜。愿以禮折之。皆聽服。及還。就充送伴使。十四年。為御史中丞。踰月。升端明殿學士。食書樞密院事。兼參知政事。仍兼脩玉牒。十五年。罷。提舉太平觀。初。愿與張擴並居西掖。一時書命。藉擴潤色。擴詠二毫筆詩。愿以為諂己。訴于檜。詠御史李文會劾之。高閔侍經筵。帝問張九成安否。翊日又問檜。檜曰。九成之唱。異惑眾。為臺臣所論。予郡乃力乞祠。觀其意。終不為陛下用。帝曰。九成清貧。不可無祿。檜疑闊薦之。以語愿。愿又嘆文會攻闕去。藤州守臣言。遷客

李光作詩諷刺時政。愿在中司傳會其說。謂光縱橫傾險。子弟賓客往來吳越。誘人上書。動搖國是。光再移謫瓊海。文會既升西府。愿規構意稍厭。即數其害政罷之。後二日。愿遂補其處。帝與檜論事。因曰。朕謂進用士大夫。一相之責也。一相既賢。則所薦皆賢。愿曰。陛下任相如此。蓋得治道之要。又論史事。檜曰。靖康圍城中失節者。相與作私史。公肆擗排。帝曰。卿不推異姓。宜其不容。愿曰。檜非獨是。時不肯雷同。宣和間。耿延禧爲學官。以其父在東宮。勢傾一時。士皆靡然從之。以徵後福。獨檜守正不易。蓋自檜再居相位。每薦執政。必選世無名譽。柔佞易制者。愿希檜意迎合。附下罔上是。斥去天下快之。又三年。起知宣州。玉牒書成。加資政殿學士。移建康府。二十二年卒。年五十二。初。愿守宣城。表弟王炎調斬水令過之。醉中謂愿曰。嘗於呂丞相處。得公頃歲所通書。其間頗及秦丞相之短。尚記憶否。愿聞之色如死灰。遂留炎不聽去。會愿移守金陵。宴監司大合樂。守卒皆怠。炎即青溪得客舟以行。愿憂撓而卒。

樓炤。字仲暉。婺州永康人。登政和五年進士第。調大名府戶曹。改西京國子博士。辟雍錄。准寧府司儀曹事。改尚書考功員外郎。帝在建康。炤謂今日之計。當思古人量力之言。察兵家知己之計。力可以保淮南。則以淮南爲屏蔽。權都建康。漸圖恢復。力未可以保淮南。則因長江爲險阻。權都吳會。以養國力。於是移蹕臨安。擢右司郎中。時銓曹患員多闕少。自倅貳以下多添差。炤言。光武併省吏員。今縱未能損其所素有。安可置其所本無乎。紹興二年。秦檜罷相。炤亦以言者論去。六年。召爲左司員外郎。尋遷殿中侍御史。明年。遷起居郎。言。今暴師日久。財用匱乏。考唐故事。以宰相領鹽鐵轉運使。或判戶部。或兼度支。今宰相之事難行。若參倣唐制。使戶部長貳兼領諸路漕權。何不可之有。內則可以總大計之出入。外則可以制諸道之盈虛。如劉晏自按租庸。以知州縣錢穀利病。詔三省相度措置。卒施行之。又言。監司郡守。係民甚切。乞令侍從官各舉通判資序。或嘗任監察御史以上。可任監司郡守者。一二人。詔從之。命。中書門下置籍。七年。宰相張浚之兄滉。賜出身與郡。中書舍人張燾封還。乃命炤行。炤又封還。而竟爲權起居舍人。何掄書黃行下。於是燾與炤皆請補外。以秘閣脩撰知

温州。未幾。除中書舍人。與勾龍如淵並命。如淵入對。帝謂之曰。卿與劉炤。皆朕所親擢者。遷給事中。兼直學士院。九年。以金人來和傳勅。炤草其文曰。乃上穹開悔禍之期。而大金報許和之約。割河南之境土。歸我輿圖。戢宇內之干戈。用全民命。尋兼侍讀。除端明殿學士。兼書樞密院事。繼命往陝西宣諭德意。炤奏。京城統制吳革。知環州田敢。成忠郎盧大受。皆以節義。革爲范瑄所害。敢大受爲劉豫所殺。乞賜裹恤。又奏。陝西諸路陷劉豫郡縣。有不從僞之人。所籍貲產。並令勘驗給還。炤至東京。檢視宮室。尋請永安軍謁陵寢。遂至長安。會李世輔自夏國歸朝。炤以書招之。世輔以二千人赴行在。尋至鳳翔。以便宜命郭浩帥鄜延。楊政帥熙河蘭鞏。吳璘帥鳳翔。炤欲盡移川口諸軍於陝西。璘曰。金人反復難信。今移軍陝右。則蜀口空虛。金若自南山擣蜀。要我陝右軍。則我不戰自屈。當依山爲屯。控守要害。於是璘政二軍獨屯內地。炤又會諸路監司于鳳翔。皆言蜀邊屯駐大軍之久。坐困四川民力。乃下其議。語在胡世將傳。炤還朝。以親老求歸省于明州。許之。命給假迎侍。仍賜以金幣。十四年。以資殿學士知紹興府。過關入見。除僉書樞密院事。兼權參知政事。尋爲李文會詹大方所劾。與祠久之。除知宣州。徙廣州。未行而卒。年七十三。後諡襄靖。炤蚤附蔡京。改秩爲臺諫所論。其後立朝至位二府。皆與秦檜同時。其宣諭陝西。妄自尊大。或者論其好貨。失將士心云。

勾龍如淵。字行父。永康軍道江人。勾姓本出古勾芒。高宗卽位。避御名。更勾龍氏。政和八年。登上舍第。沅州縣二十年。以張浚薦。召試館職。紹興六年。除祕書省校書郎。歷著作佐郎。祠部員外兼禮部起居舍人。嘗進所爲文三十篇。帝曰。卿文極高古。更令平易盡善。後因進對。帝復言。文章平易者多淺近。淵深者多艱澀。惟用意淵深而造語平易。此最難者。八年。兼給事中。同知貢舉。除中書舍人。兼侍讀。兼直學士院。面命草趙鼎鼎相制。如淵言。陛下旣罷鼎。則用人才須變動四方。當速召君子。顯黜小人。帝曰。君子謂誰。曰。孫近李光。小人謂誰。曰。呂本中。先是。詞臣曾開以老病辭。不草國書。帝欲用如淵代之。而趙鼎薦本中。故如淵憾之。又言。臣觀朝廷事。非君臣情通。未易能濟。大臣於事稍有过差。陛

下訓飭之可也。陛下所欲為，勢有未可。大臣亦當明白辯論，然必陛下先與大臣言及此意，若不先言，即大臣論一事不從，尚未之覺，至再至三，遂以為陛下疎之，或疑他人有以間之，既以懷疑，即不能盡誠。陛下察其不誠，又從而疑之。安有君臣之間，動相疑間，而能久於其位者。願陛下明諭之。帝曰：「前此未嘗有以此告朕者，卿見秦檜亦宜語此。時檜方得君，如淵猶恐秦檜未專，故及之。除御史中丞，先是檜力主和，執政侍從及內外諸臣皆以為非是，多上書諫止者。檜患之，如淵為檜謀曰：「相公為天下大計，而邪說橫起，蓋不擇人為臺諫，使盡擊去，則相公之事遂矣。檜大喜，即擢如淵中司。如淵言：「凡事必有初，及其初而為之則易，無其端而發之則難。陛下即位，一初也，渡江，二初也，移蹕建康，三初也，自建康復還臨安，四初也。自趙鼎相，劉大中王庶相繼去，今復獨任一相，召一二名士，凡事有當行而弊有當去者，又一初也。臣願以正綱，辨邪，正明賞罰，謹名器，審用度，厚風俗，去文具七者為獻。又言：「孟庚召節在途，士論不與。帝曰：「朕欲遣令使金國，在廷莫更有小人否？對曰：「如趙鼎為相，盡隳紀綱，乃竊賢相之名而去。王庶在樞府，盡用奸計，乃以和議不合，賣直而去。劉大中以不孝得罪，乃竊朝廷美職而去。帝曰：「卿胡不論對曰：「目今士論見孟庚之召，王庶之去，已有一解不如一解之語，願陛下不惜孟庚一人，以正今日公論。其他容臣一一為陛下別白之。於是出庚知嚴州，又連論庶大中皆罷之。金國遣二使來議和，許歸河南地，使者踞甚，議受書之禮不決。外議洶洶，如淵建議，取其書納禁中。於是同諫長請對，又呼臺吏問：「朝廷有大議，許臺諫見宰相商議乎？吏曰：「有。遂赴都堂，與宰相議取書事。宰相皆以為然。帝親筆召如淵李誼入對。明日，詔宰相就館見金使，受其書，納入人情始安。九年，奏召還曾開范同，而罷施庭臣。莫將以謂開同之出，雖曰語言之過，而其心實出於愛君。庭臣將之還，雖曰議論合，而其迹終近於希進。今國論既定，好惡黜陟，所宜深謹。又論張邦昌時，偽臣因赦復職，非是。帝曰：「卿言是也。朕亦欲置此數匹夫不問。對曰：「將恐無以示訓，其後卒不行。忽一日，如淵言和議之際，臣粗自効，如臣到都堂，若不竭朝廷再遣使之議，則和議必至於壞，而宣對之日，稍有將順，則遂至於屈臣於

二者粗有報國之忠。臣親老，願求歸。帝不許。如淵疑帝有疎之之意，又奏曰：「臣向薦君臣腹心之論，陛下大以為然。其後秦檜在和議可否未決之間，欲求去陛下，願罪之。臣再三為檜辨析。今陛下與檜君臣如初，而臣反若有讒愬於其間者。帝曰：「朕素不喜讒，卿其勿疑。如淵嘗與施廷臣忿爭，庭臣謂如淵有指斥語。帝謂秦檜曰：「以朕觀之，庭臣之罪小，如淵之罪大。檜請斥庭臣而徙如淵，待其求去，然後補外。帝不可。於是與庭臣皆罷。初，如淵與莫將及庭臣皆力主和議。如淵緣此擢中司，而將及庭臣緣此皆峻用。張璪屢教復上疏，專以三人為言。如淵入言路，即劾二人。至是與庭臣俱罷。其後檜擬如淵知遂寧府。帝曰：「此入用心不端，遂已。兩奉祠卒。年六十二。如淵始以張浚薦召，而終乃翼秦檜，擠趙鼎，警呂本中，逐劉大中，王庶，心迹固可見矣。子伯，僕似。薛弼，字直老，温州永嘉人。登政和二年進士第，調懷州刑曹。杭州教授，初領五禮新書，定著釋奠先聖，誤用下丁。弼據禮是正。州以聞，詔從其議。監左藏東庫。內侍王道使奴從旁視絹美惡，多取之。弼白版曹窮治，人嚴憚之。靖康初，金兵攻汴京，李綱定議堅守，眾不悅。弼意與綱同，圍解，遷光祿寺丞。嘗言姚平仲不可恃，未幾而敗。綱求太原，弼言金必再至，綱不當去。宜先事河北，金人果再入，始命刑部侍郎宋伯友提舉河防。弼以點檢糧草從之。為計畫甚切，皆不能用。乃乞罷歸。改三門白波，輦運，尋主管明道宮。提舉淮東鹽事。改湖南運判。楊公據洞庭，寇鼎州。王瓌久不能平，更命岳飛討之。么陸耕水戰，樓船十餘丈，官軍徒仰視，不得近。飛謀益造大舟。弼曰：「若是，則未可以歲月勝矣。且彼之所長，可避而不可鬪也。今大旱湖水落，若重購舟首，勿與戰，逐筏斷江路，藁其上流，使彼之長坐廢，為精騎直搗其壘，則破壞在目前矣。飛曰：「善。兼旬積寇盡平。進直秘閣。時道殣相望，弼以聞，帝惻然，命給錢六萬緡，廣西常平米六萬斛。鄂州米二十萬斛，振之。且使講求富弼青州荒政。民賴以甦。王彥自荆移襄，遷延不即赴。彥所將八字軍，皆中原勁卒，朝廷患其恣橫，以弼直徽猷閣代之。彥殊不意，弼徑入府受將吏謁，大駭。弼曲折譬曉，彥感悟，即日出境。除岳飛參謀官。飛母死，遁於廬山。張宗元攝飛事，飛將張憲移疾，部曲洶洶生異語。弼謂諸將曰：

太尉力乞張公而詔使隨至。岳軍素整，今而譁鬪，是汝曹累太尉也。諸將以諗憲，憲佯悟曰：相公腹心，惟參謀知之。衆乃定。除戶部郎官，再知荆南桃源。劇盜伍俊既招安，復謀叛，提點刑獄方俊尚不能制，乃以委弼。弼許俊以靖州，俊喜曰：我得靖州，地過桃源遠矣。俊至則斬以徇，遷秘閣脩撰。陝西轉運使，以左司郎官召知虔州，移黃州。時福州大盜有號管天下，伍黑龍、滿山紅之屬，其衆甚盛。鈐轄李貴爲賊所獲，民作山岩自保。守臣莫將議委漳泉汀建募強壯游手各千人爲効用，與殿司統制張淵同措置。未及行，詔升弼集殿脩撰，與將兩易。弼至郡，漕臣以游手易聚難散，恐爲他日患，聞于朝。事下弼議。弼謂昔守章賈，有武夫周虎臣陳敏者，丁壯各數百，皆能戰視官軍，可一當十。乃奏虎臣爲副將，敏爲巡檢，選丁壯千人號奇兵，日給糧糧，責以滅賊。自是歲費錢三萬六千餘緡，米九千石。凡四年而賊平。弼知廣州，擢敷文閣待制。卒年六十三。初，秦檜居永嘉，弼游其門。弼在湖北除盜，歸功于方侯高。檜誣岳飛下吏高以中司鞠獄，飛父子及憲皆死。朱芾李若虛亦坐嘗爲飛謀議奪職，惟弼得免。且爲檜用，屢更事任，通籍從官，世以此少之。

羅汝楫，字彥濟，徽州歙縣人。登政和二年進士第，監登聞鼓院。遷大理丞，刑部員外郎，奏命官犯公罪，勿取特旨，以終惠臣子。又戶口凋耗，宜少寬養子之禁，拜監察御史。未踰月，遷殿中侍御史。與中丞何鑄交章論岳飛罷其樞筦。朱芾李若虛嘗爲飛議曹，主帥有異意而不能諫，又言飛獄具。寺官聚斷，咸謂死有餘罪。寺丞何彥猷李若樸獨喧然以衆議爲非，欲從輕典。皆坐黜。王庶謫道州，郡丞孫行儉以官廨居之。汝楫劾其無忌憚當斥，且令庶徙居。劉子羽知鎮江，上言和好非久遠計，宜及閑暇爲備。檜怒，風汝楫論罷之。時撫州有兩陳四繫獄，誤論輕罪者死。汝楫誦其冤，且言獨罪獄官而守倅不坐，非祖宗法。於是詔天下斷死刑，守以下引囚問姓名鄉里，然後決。又言國家駐蹕臨安，淮南不可置度外，當重防海之寄。守長江之要，草窺名賞，藉以勸有功，遷起居郎，兼侍講。帝問或謂春秋有貶無褒，此誼是否。對曰：春秋上法天道，春生秋殺，若貶而無褒，則天道不具矣。帝稱善。嘗曰：自王安石廢春秋學，聖人之言，寢以不明。近世

得其要者，惟胡安國與卿耳。兼權中書舍人，除右諫議大夫。有南雄守奏對，太后之歸，和議之力也。當盡按前言和不便者，時相是之。驟用爲臺官，中外悚懼。多東裝待遣。汝楫言：皆不當罪，宜以崇寧事黨爲戒，議遂寢。遷御史中丞，舊例中丞待御史不並置，乃更待御史。汝楫求去益力。遷吏部尚書，充國信使。除龍圖閣學士，知嚴州。秩滿請祠，居喪未終而卒。年七十。累贈開府儀同三司，子顥、顛、頤、頤，頤皆有文，頤字端良，博學好古，法秦漢爲詞章，高雅精鍊。朱熹特稱重之，有小集七卷。爾雅異二十卷。知鄂州，有治績。以父故不敢入岳飛廟，一日自念吾政善，姑往祠之。甫拜，遽卒于像前，人疑飛之憾不釋云。

蕭振，字德起，溫州平陽人。幼莊重，不好弄，稍長，能自謀學。嘗奉父命董農役隴畝，手不釋卷。其師謂其父曰：此兒遠大器也。未冠，游郡庠。既冠，升太學。時有號三賢者，推振爲首。登政和八年進士第，調信州儀曹。時州郡奉神霄宮務，廢振不欲費財勞民，與守議不合。會方臘寇東南，距信尤近。守欲危振，檄振攝貴溪、弋陽二邑。旣而王師至，檄振督軍餉，振治辦無闕。大將劉光世見而喜之，欲以軍中倅誠授振爲賞。振辭曰：豈可不冒矢石而貪人之功乎。諸邑盜未息，守復檄振如初。振悉意區處，許其自新，賊多降者。守以賊去，振獨爲辦行，守愧謝之。調婺州兵曹，兼功曹。時振婦翁許景衡以給事中召，振祝之曰：公至朝，幸勿見薦。景衡詢其故，振曰：今執政多私其親，願爲時革弊。景衡然之。時盜賊所在猖獗，發卒揚言欲叛以應賊，官吏震恐，振選諸邑士兵強勇者幾千人，日習武以備。嘗異謀者稍懼，有一兵官素得軍士心，守疑而罷之。羣卒數百人，被甲挺刃，斬儀門入，振聞卽往，羣卒皆羅拜呼曰：某等屈抑，願兵曹理之。振使之言厲色叱曰：細事耳。軍駕南巡，大兵咫尺，汝速死耶。可急釋械，當爲汝言。衆拜謝而去。郡守由是益相信。事悉與謀，嘗議城守，振請以錢數萬緡庸工板築，未數月，城壘屹然。一毫無擾。任滿歸，告其親曰：家世業農，幸有田可力以奉甘旨，振不願仕。或薦于朝，授婺州教授，改秩乞祠，以執政薦召對，敷奏數事，皆中時病。帝大喜，拜監察御史。明年冬，以親老乞補外，章七上不許。面奏曰：臣事親之日短，事陛下之日長，指心自誓。今日之事父母，乃他日之事陛下也。遂除提點

浙西刑獄尋召為宗正少卿俄擢侍御史振本趙鼎所薦後因秦檜引入臺時劉大中與鼎不主和議振遂劾大中以搖鼎大中既出振謂人曰如趙丞相不必論盍自為去就鼎遂罷後振知紹興府改兵部除徽猷閣待制知湖州陛辭奏曰國家講和恐失諸將心宜遣使撫諭示以朝廷息兵寬民意雖兩國通好戰禦之備宜勿弛帝曰卿欲奉親求便豈不知朕有親哉振曰臣之親所係者一夫也陛下之親所係者天下也陛下以天下為心聖孝愈光矣帝數其忠將行白檜曰宰相如一元氣不可有私私則萬物為之不生檜不悅振至州檜欲取羨餘振遺檜書謂財用在天下如血氣之在一身移左以實右則病矣檜屬以私事又不克盡從以親老乞祠提舉太平觀後知台州海寇勢張振至克之二十二年以楊焯在獄供涉鑄徽猷待制謫居池州初焯將上書責李光侂秦檜議和時振為侍御史焯見振道書意振然其言及振知台州而焯治邑有聲每大言無顧忌振擊節稱善遂薦焯改秩又移書於檜從子秦昌時俾同薦之屬吏密語振曰焯嘗以書責李參政及太師昌時義不當舉待制亦不可舉振曰吾業已許之豈可中輟遂因焯獄中供前事而貶明年詔除數文閣待制知成都府安撫置制使軍儲適闕倉吏以窘告振奏留對糴米八萬斛以足軍食以其直歸計所總計者利在培克即先告檜謂振唱為闕乏之語風御史劾振要譽復謫池陽而總計者以譖得蜀帥既而專用羅織培克其民民益思振檜死語得聞帝大感悟亟遣振還成都父老懼呼蜀道振至一切以寬治或問其故振曰承繼弛革之當嚴今繼苛劾非寬則民力瘁矣帝嘉振治行謂宰相臣沈該湯思退曰四川善政前有胡世將今有蕭振進秩四等加數文閣學士卒于成都府治年七十二振兩為蜀守威行惠孚死之日民無老稚相與聚哭於道遺表至帝悼惜之賻銀五百兩絹五百匹贈四官振好擬善類端人正士多所交識其間有卓然拔出者迄為名臣振居湖江自父微時見過客與掌渡者爭多溺死振造大舟傭工以濟人感其德相與名其江為蕭家渡云有文集二十卷子誠忱

論曰何鑄王次翁以下數人者附麗秦檜斥逐忠良以饜富貴而次翁尤為柔

媚故檜獨憐之其在位最久孔子所謂鄙夫患得患失無所不至者此輩是已鑄能伸岳飛之枉雖為可尚然又為之使金而通問焉蓋墮其術而不悟者檜之計深哉

宋史卷三百八十

元中書右丞相總裁脫脫等修

列傳第一百四十四

范如圭 吳表臣 王居正 晏敦復

黃龜年 程瑀 張闌 洪擬

趙遠

范如圭字伯達建州建陽人少從舅氏胡安國受春秋登進士第授左從事郎武安軍節度推官始至帥將斬人如圭白其誤帥為已署不易也如圭正色曰節下奈何重易一字而輕數人之命帥矍然從之自是府中事無大小悉以咨焉居數月以憂去辟江東安撫司書寫機宜文字近臣交薦召試秘書省正字遷校書郎兼史館校勘秦檜力建和議金使來無所於館將虛秘書省以處之如圭亟見宰相趙鼎曰祕府謨訓所藏可使仇敵居之乎鼎竦然為改館既而金使至惇傲議多不可從中外憤鬱如圭與同省十餘人合議并疏爭之既具草駭遽引却者眾如圭獨以書責檜以曲學倍師忘讐辱國之罪且曰公不喪心病狂奈何為此必遺臭萬世矣檜怒草奏與史官六人上之金歸河南地檜方自以為功如圭論對言兩京之版圖既入則九廟八陵瞻望咫尺今朝脩之使未遑何以慰神靈萃民志乎帝泫然曰非卿不聞此言即日命宗室士大夫張燾以行檜以不先白己益怒如圭謁告去奉柩歸葬故鄉既窆差主管台州崇道觀杜門十餘歲起通判邵州又通判荆南府荆南舊戶口數十萬寇亂後無復人迹時蠲口錢以安集之百未還一二也議者希檜意遽謂流庸浸復而增之積逋二十餘萬緡他負亦數十萬版曹日下書責償甚急如圭白帥悉奏蠲之檜死被旨入對言為治以知人為先知人以清心寡慾為本語甚切又論東南不樂子之俗傷絕人理請舉漢胎養令以全活之抑亦勾踐生聚報吳之意也帝善其言又奏今屯田之法歲之所獲官盡征之而田卒賜衣廩食如故使力穡者有贏餘之望惰農者無饑餓之憂貪小利失大計謀近效妨遠圖故久無成功宜籍荆淮曠土畫為丘井做古助法別為科條令政役法則農利脩

而武備飭矣以直秘閣提舉江西常平茶鹽移利州路提點刑獄以病請祠時宗藩並建儲位未定道路竊有異言如圭在遠外獨深憂之擢至和嘉祐間各臣奏章凡三十六篇合為一書囊封以獻請深考羣言仰師成憲斷以公勿疑或以越職危之如圭曰以此獲罪奚憾帝感悟謂輔臣曰如圭可謂忠矣即日下詔以普安郡王為皇子進封建王復起如圭知泉州南外宗官寄治郡中挾勢為暴占役禁兵以百數如圭以法義正之宗官大沮恨密為浸潤以去如圭遂以中旨罷領祠如故憫舍邵武以居士大夫高之學者多從之質疑卒年五十九如圭忠孝誠實得之於天其學根於經術不為無用之文所草具屯田之目數千言未及上張浚視師日奏下其家取之浚罷亦不果行有集十卷皆書疏議論之語藏于家子念祖念德念茲

吳表臣字正仲永嘉人登大觀三年進士第擢通州司理陳瓘謫居郡中一見而器之咸章者朱勳黨也嘗市婢有武臣疆取之章誣以罪繫獄表臣方鞠之郡將曰知有威待制乎表臣佯若不知者卒直其事累官監察御史遷右正言高宗詔臺諫條陳大利害表臣請措置上流以張形勢安輯淮甸以立藩蔽擇民兵以守險阻集海舶以備不虞其策多見用帝方鄉儒術表臣乞選講官以裨聖德且於古今成敗民物情偽邊防利害詳熟講究由是詔開經筵邇臣有請用蔡京王黼之黨者侍御史沈與求乞明指其人顯行黜責執政不悅奪其言職表臣爭曰臺諫為天子耳目所以防壅蔽杜姦邪若咎其切直而黜之後誰敢言非國家福也請還與求以開言路時防秋議選守邊者患乏才表臣曰唐蕭復言於德宗陳少游任兼將相首敗臣節韋皋幕府下僚獨建忠義以畢代少游鎮淮南善惡著明則天下知逆順之理初不以名乞職官卑為疑今取忠義不屈有已試之驗者不次而用豈特可以勸扞禦方略亦堪倚仗於是陳敏等十數人寢以錄用久之以病請補外以直秘閣知信州紹興元年召為司勳郎中遷左司詔百官陳裕國疆兵之策表臣條十事以獻曰蠲稅役以墾閑田汰懦卒以省兵費罷添差以澄冗員停度牒以蕃生齒拘佃租以防乾沒委計臣以制邦用擬有功以厲將帥招弓手以存舊籍嚴和買以絕弊倖簡法令

以息瘡癘。宰相擬表臣為檢正。帝曰：朕將自用之。遂除左司諫。給事中胡安國以論事不合罷。表臣上疏留之。前宰相朱勝非同都督江淮軍馬。表臣力言都督不可罷。除侍讀。又累疏爭之不聽。遂罷表臣。送吏部。授台州黃巖丞。尋除提點浙西刑獄。召為秘書少監。同修哲宗實錄。帝如建康。詔表臣兼留司參議官。除中書舍人。給事中。兵部侍郎。建崇二國公就外傳。兼珣。帝曰：二國公誦習甚進。卿力也。從禮部侍郎。遷吏部尚書。兼翰林學士。時秦檜欲使金議地界。指政事堂曰：歸來可坐此。表臣不答。又以議大禮忤意罷去。俄起知婺州。會大水。發常平米振貸之。然後以聞。郡人德之。課最除數文閣待制。三歲請祠。進直學士。提舉江州太平興國宮。家居數年卒。年六十七。表臣晚號湛然居士。自奉無異布衣。時鄉論推其清約。

王居正字剛中。揚州人。少嗜學。工文辭。入太學。時習新經字說者。主司輒置高選。居正語人曰：窮達自有時。心之是非可改邪。流落十餘年。司業黃齊得其文曰：王佐才也。及同知貢舉。欲擢為首。以風多士。他考官持之。置次選。調饒州安仁丞。荊州教授。皆不赴。大名鎮江兩帥交辟教授。學亦不就。范宗尹薦于朝。召至。謂宗尹曰：時危如此。公不極所學。拔元元塗炭中。尚誰待。居正避寇陽羨山間。勉出見公。一遣此意。爾宗尹愧謝。入對。奏昔人有云：君以為難。易將至矣。今日之事。朝廷皆曰難。則當有易為之理。然國勢日弱。敵氣日驕。何邪。蓋昔人於難者。勉強為之。今以為難。不復有所為。以俟天意。自回。強敵自斃也。宣和末。以為難者十五六。至靖康與宣和孰難。靖康末。以為難者十八九。至建炎與靖康孰難。由此而言。今日雖難於前日。安知他日不難於今日。蓋宣和以為難。故有靖康之禍。靖康以為難。故有今日之憂。今而亦云。臣有所不忍聞。高宗嘉之。諭宗尹曰：如王居正人才。歲月間得一人。亦幸矣。除太常博士。遷禮部員外郎。建議合祭天地於明堂。請奉太祖太宗配。宗尹是之。議遂定。天地復合祭。侍御史沈與求劾宗尹。因及居正。宗尹去。居正乞補外。不許。撫州守高衛言甘露降于州之祥符觀。為圖以獻。居正論今日恐非天降祥瑞之時。却其圖。試太常少卿兼脩政局參議。遷起居郎。帝方鄉規諫。居正次前世聽納事。為集諫十五卷。

以廣帝意。詔以時務訪羣臣。居正獻疏數千言。論省費尤切。曰：宋與百七十二年矣。所行多彌文之事。今陛下所至曰行在。於一日二日少駐蹕之頃。欲盡為向者百七十二年之事。非所謂知變也。夫不知隨時以省事。而乃隨事以省費。故今日例有減半之說。究其實未始不重費。願詔大臣計百事之實而論定之。苟非德寇備敵。任賢使能。振恤百姓。一切姑置。則費省而國裕。居正素與秦檜善。檜為執政。與居正論天下事甚銳。既相。所言皆不酬。居正疾其說。見帝言曰：秦檜嘗語臣。中國人惟當著衣啜飯。共圖中興。臣心服其言。又自謂使檜為相數月。必聳動天下。今為相施設。止是願陛下以臣所聞問檜。檜銜之。出居正知婺州。貢羅舊制。歲萬匹。崇寧後增五倍。建炎中減為二萬。至是主計者請復崇寧之數。居正力言于朝。戶部督趣。愈峻。居正置檄不行。語其屬曰：吾願身坐。不以累諸君。呼吏為文書付之曰：即有譴以此自解。復手疏五不可以聞。詔如建炎中數。漕司市御炭須。胡桃文鶉鶉色者。居正曰：民以炭自業者。率居山谷。安知所謂胡桃文鶉鶉色耶。入朝以聞。詔止之。召為太常少卿。遷起居舍人。兼權中書舍人。史館脩撰。帝欲遷趙令憲。太中大夫。居正奏：官非侍從不可。轉此祖宗法。若令憲以庶官得遷。則宗室為承宣者。不旋踵求為節度。何以却之。遂寢其命。上書人陳東。歐陽澈已贈官。居正乞重貶黃潛善。汪伯彥。以彰二子殺身成仁之美。大將張俊。遣卒至彭澤。卒故縣吏。怙俊勢。侵辱令。令郭彥恭械之。俊訴于朝。帝為罷彥恭。居正言：彥恭不畏疆禦。無可罪。俊又乞免徭役。居正言：兵興以來。士大夫及勳戚家。賦役與編戶均。蓋欲貴賤上下共濟國事。以寬民力。俊反不能體此乎。和州請蠲進奉大禮絹。居正言：大禮進奉。乃臣子奉上之誠。初非朝廷取於百姓之物。若察民力無所從出。不能預降旨蠲之。至使州縣自陳。已為非是。乞速如所請。除自有中出者。居正奏：近習請託。進擬不自朝廷。所繫非輕。因錄皇祐詔書以進。帝皆嘉納。兼權直學士院。又除兵部侍郎。入對。以所論王安石父子之言不合於道者。哀得四十二篇。名曰辨學上之。又曰：陛下惡安石之學。嘗於聖心灼見。其弊安在。帝曰：安石之學。雜以伯道。欲效商鞅富國彊兵。今日之禍。人徒知蔡京王黼之罪。而不知生於安石。居正曰：安石

鞅富國彊兵。今日之禍。人徒知蔡京王黼之罪。而不知生於安石。居正曰：安石

得罪萬世者不止此。因陳安石釋經無父無君者。帝作色曰。是豈不害名教邪。孟子所謂邪說。正謂是矣。居正退序。帝語繫於辨學。首出知饒州。尋改吉州。侍御史謝祖信劾居正。以暴詭詐。傾陷大臣。罷官。屏居括蒼三載。其弟駕部郎居儵入對。帝曰。卿兄今安在。行大用矣。中書舍人劉大中侍帝論制誥。帝曰。王居正極得詞臣體。侍御史蕭振論守令賢否。帝舉居正守婺。免貢羅御炭事。曰。守臣愛百姓。皆如此。朕復何憂。起知温州。是時檜專國。居正自知不爲所容。以目疾請祠杜門。言不及時事。客至。談論經史而已。檜終忌之。風中丞何鑄劾居正爲趙鼎汲引。欺世盜名。奪職奉祠。凡十年。檜死。復故職。紹興二十一年卒。年六十五。居正儀觀豐偉。聲音洪暢。奉祿班兄弟宗族。無留者。郊祀恩。以任其弟居厚。及卒。季子猶布衣。其學根據六經。揚時器之。出所著三經義。辨示居正曰。吾舉其端。子成吾志。居正感厲。首尾十載。爲書辨學十二卷。詩辨學二十卷。周禮辨學五卷。辨學外集一卷。居正既進其書七卷。而揚時三卷義辨亦列秘府。二書既行。天下遂不復言王氏學。

晏敦復。字景初。丞相殊之曾孫。少學于程頤。頤奇之。第進士。爲御史臺檢法官。紹興初。大臣薦召試館職。不就。特命祠部郎官遷吏部。以守法忤呂頤浩。出知貴溪縣。會有爲敦復直其事者。改通判臨江軍。召爲吏部郎官。左司諫。權給事中。爲中書門下省檢正。諸房公事。准西宣撫使劉光世。請以淮東私田易淮西田。帝許之。敦復言。光世帥一道。未聞爲朝廷措置臺髮。乃先易私畝。比者岳飛屬官以私事干朝廷。飛請加罪。中外稱美。謂有古賢將風。光世自處。必不在飛下。乞以臣言示光世。且令經理淮南。收撫百姓。以爲定都建康計。中與有期。何患私計之未便。權吏部侍郎兼詳定一司。敕令渡江後庶事草創。凡四選格法。多所裁定。敦復素剛嚴。居吏部。請謁不行。銓綜平允。除給事中。冬至節。旨下禮部。取度牒四百充賜子。敦復奏。兵興費廣。凡可助用度者。尤當惜。矧兩宮在遠。陛下當此令節。欲奉一觴爲萬歲壽。不可得。有司乃欲舉平時例慶賜乎。遂寢。有卒失宣帖。得中旨給據。太醫吳球得旨免試。敦復奏。一卒之微。乃至上瀆聖聰。醫官免試。皆壞成法。自崇寧大觀以來。姦人欺罔。臨事取旨。謂之暗藏指揮。

紀綱敗壞。馴至危亂。正蹈前弊。不可長也。汪伯彥子召嗣除江西監司。敦復論伯彥姦庸誤國。其子素無才望。難任澄清。改知袁州。又奏。召嗣既不可爲監司。亦不可爲守臣。居右省兩月。論駁凡二十四事。議者憚之。復爲吏部侍郎。晁星見。詔求直言。敦復奏。昔康澄以賢士藏匿。四民遷業。上下相徇。廉恥道消。毀譽亂真。直言不聞。爲深可畏。臣嘗即其言考已然之事。多本於左右近習及姦邪。以巧佞轉移人主之意。其惡直醜正。則能使賢士藏匿。其造爲事端。則能使四民遷業。其委曲彌縫。則能使上下相徇。其假竊權權。簧鼓流俗。則能使廉恥道消。其誣人功罪。則能使毀譽亂真。其壅蔽聰明。則能使直言不聞。臣願防微杜漸。以助應天之實。又論比來百司不肯任責。瑣屑皆取決朝省。事有不當。上煩天聽者。例多取旨。由是宰執所治煩雜。不減有司。天子聽覽。每反細務。非所以爲政。願詳其大。略其細。八年。金遣使來。要以難行之禮。詔侍從臺諫條奏所宜敦復言。金兩遣使直許講和。非畏我而然。安知其非誘我也。且謂之屈已。則一事既屈。必以他事來屈我。今所遣使以詔諭爲名。儻欲陛下易服拜受。又欲分廷抗禮。還可從乎。苟從其一。則此後可以號令我。小有違異。卽成覺端。社稷存亡。皆在其掌握矣。時秦檜方力贊屈己之說。外議羣起。計雖定而未敢行。勾龍如淵說檜。宜擇人爲臺官。使擊去異論。則事遂矣。於是如淵施廷。臣莫將皆據要地。人皆駭愕。敦復同尙書張燾上疏言。前日如淵以附會和議得中丞。今施廷臣又以此躋橫榻。衆論沸騰。方且切齒。莫將又以此擢右史。夫如淵廷臣庸人。但知觀望。將則姦人也。陛下奈何與此輩斷國論乎。乞加斥逐。杜羣枉門。力爲自治自彊之策。既又與燾等同班入對。爭之。檜使所親諭敦復曰。公能曲從。兩地旦夕可至。敦復曰。吾終不爲身計。誤國家。況吾薑桂之性。到老愈辣。請勿言。檜卒不能屈。胡銓謫姑州。臨安道人械送貶所。敦復往見守臣張澄曰。銓論宰相。天下共知。祖宗時以言事被謫。爲開封者必不如是。澄媿謝。爲追還。始檜拜相制下。朝士相賀。敦復獨有憂色。曰。姦人相矣。張致遠魏紅聞之。皆以其言爲過。至是竄銓。敦復謂人曰。頃言秦之姦。諸君不以爲然。今方策國便敢爾。他日何所不至耶。權吏部尙書。兼江淮等路經制使。故事侍從過宰相閣。既退

宰相必送數步。敦復見檜未嘗送。每曰：人必自悔而後人悔之。尋請外。以寶文閣直學士知衢州。提舉亳州明道宮。閑居數年卒。年七十一。敦復靜默如不能言。立朝論事無所避。帝嘗謂之曰：卿鯁峭敢言。可謂無忝爾祖矣。

黃龜年字德邵。福州永福人。登崇寧五年進士第。調洛州司理參軍。累官河北西路提舉學士。呂頤浩見而奇之。入為太常博士。靖康元年。除吏部員外郎。拜監察御史。尋除尚書左司員外郎。中書門下檢正諸房公事。充條政局檢討官。乞令檢正官察通進司。帝從其請。時頤浩再相。植黨傾奏。擢引朱勝非奉京祠

兼侍讀。恐中書舍人胡安國持錄黃不下。特命龜年書行。議者譏其侵官。遷殿中侍御史。會邊報王倫來歸。龜年劾檜專主和議。沮止恢復。植黨專權。漸不可長。乃上書曰：臣聞一言而盡事君之道曰忠。罪莫大於欺君。一言而盡輔政之道曰公。罪莫大於私己。臣人者背公而徇私。則刑賞僭濫。慮人主之照其姦。則

合黨締交。相與比周。榮惑主聽。故附下罔上之黨。感而威福之柄下移。禍有不可勝言者。伏見秦檜還自金國。陛下驟任。不一年而超至宰輔。乃不顧國家。益威福在己。欲永塞言路。書上檜。併劾檜黨王曠。王昉。王守道皆罷之。檜乃授觀文殿大學士。提舉江州太平觀。官如故。龜年又奏。比論檜徇私欺君。合正典刑。投諸裔土。以禦魑魅。今乃任便居住。雖陛下由全大臣之禮。察檜姦狀暴路。復寵以儒學。最上職名。俾優游琳館。聽其自如。律斷羣盜。必分首從。為之從者。皆已伏誅。獨置渠魁可乎。又曰：臣聞恩莫隆於父子。義莫重於君臣。不義則後

其君。不仁則遺其親。君親既然。則何忌憚而不為。檜厚貌深情。矯言僞行。進迫君臣之勢。陽為面從。退恃朋比之姦。陰謀沮格。上不畏陛下。中不畏大臣。下不畏天下之議。無忌憚如此。欺君私己。有一即可黜。況檜之欺與私。顯著者為多乎。章凡三上。遂褫檜職。復上章曰：檜行詭而言譎。外縮而中邪。以巧詐取相位。姦回竊國柄。收召險佞。蟠結黨與。陛下以智臨而辨之。早以剛決而去之。速故

端人正士。舉手相慶。蓋以公天下之同惡耳。臣願陛下發明詔。以檜潛隱隱惡。暴白於天下。使知陛下數易相位。真不得已也。又所以破為臣姦膽。庶朋比之風不復作矣。除太常少卿。累遷起居舍人。中書舍人。兼給事中。侍御史。常同言

龜年陰結大臣。致身要地。又交結諸將。趣操不正。罷歸。司諫詹大方希檜意。劾龜年附麗匪人。摺紳不齒。落職本貫居住。卒六十三。龜年微時。承福薄幸。朝庭奇之。許妻以女。龜年既登第。而朝旌已死。家貧甚。或勸龜年別娶。龜年正色曰：吾許以諾。死而負之。何以自立。遂娶之。任子恩先妻其弟之子。人皆義之。子衡仕至湖南提舉。

程瑀字伯寓。饒州浮梁人。其姑臧氏婦。養瑀為子。姑沒始復本姓。少有聲太學。試為第一。累官至校書郎。為臧氏父母服。服闋。除兵部員外郎。適高麗使回。充送伴使。先是使者往返江浙間。調挽舟夫甚擾。有詔禁止。提舉人舡王珣畫別救。遇風逆水滄。許調夫。瑀渡淮。見民丁挽舟如故。遂劾珣。珣反奏瑀違御筆。詔命淮南提舉潘良貴核實。良貴奏珣言非是。金人入侵。求可使者。瑀請往。未行。會欽宗即位。議割三鎮。命瑀往河東。奏檜往河中。瑀奏。臣願奉使。不願割地。不報。至中山。諸將已得密諭。城守不下。瑀與金使王訥俱至燕山。還。除左正言。即

任益堅。欲鋤姦惡而薄示典刑。欲汰濫繆而苟容僥倖。兼聽而不能行其言。委任而不能責其效。苟且之習復成。黨與之私寢廣。最時病之大者。帝曰：朕非不知。此慮有未盡。決意行之。有失耳。瑀曰：事固當熟慮。然優柔不斷。實贖事功。帝問李綱宣撫兩路。外議謂何。瑀曰：食論固以為宜。然綱前與大臣議論不合。須賴聖明照察其心。任之無疑可也。金酋幹離不粘罕爭功。故幹離不欲和。粘罕欲戰。朝廷遣人齎蠟書約余親。皆為粘罕所得。瑀因言：金兵圍我重鎮。數月不能解。豈能出塞共謀人之國。莫若遣使議和。然謹飭邊備。徐觀其變。使未行。瑀復言：徐處仁庸俗。吳敏昏懦。唐恪傾險。政事所以不振。請盡黜免。別選英賢共圖大計。帝嘉納之。時御史李光言星變。帝疑以問瑀。對言：陛下母問有無。第正

事脩德。則變異可消。瑀嘗論蔡京罪。帝因言吳敏庇京。又疑光黨京。謂瑀曰：須卿作文字來。瑀辭。改屯田郎官。謫添監漳州鹽稅。高宗即位。召為司封員外郎。遷光祿少卿。國子司業。請祠。主管亳州明道宮。尋召赴行在。疏十事以獻。除直

祕閣。提點江東刑獄。召為太常少卿。遷給事中。兼侍講。建條政局。其目曰：省費

...

裕國疆兵息民。瑀條上十四事，皆切時務。時三衛羸弱，五軍多出於盜。瑀言：李捧崔增輩各將其徒，張俊王瓌本無兵機。今呂頤浩出征，即捧增輩便可使隸戎行。帝因言頤浩熟於軍事，在外總諸將，檜在朝廷，庶幾內外相應。然檜誠實，但太執耳。瑀曰：如求機警，能順旨者，極不難得，但不誠實，則終不可倚。帝然之。權邦彥除簽書樞密院，瑀言：邦彥五罪，疏三上不報，求罷。除兵部侍郎，不拜。以數文閣待制知信州。侍御史江公躋、左司諫方公孟言：瑀不可去，復以為給事中。久之，復命知信州。胡安國劾一止言：瑀忠信，可以備獻納，正直可以司風憲，不宜去。遂復留。頤浩薦席益，既得旨，以御批示後省。官瑀曰：益為人，公豈不知何必用頤浩？給事不見御批，耶。瑀曰：已見矣，公不能執奏，乃先示瑀輩，欲使不敢論駁耶。然益之來，非公福也。頤浩報然，即劾益未幾，以言者罷。提舉亳州明道宮，尋復徽猷閣待制，知撫州。無何，提舉江州太平興國宮，居父母喪，服除，知嚴州。徙宣州，復奉祠。俄召赴行在，除兵部侍郎，兼侍讀。因論鄧禹嘗言：興衰在德厚薄，初不論大小。光武不數年定大業，禹言如合符契。今英俊滿朝，豈無為陛下畫至計者？願厲志而已。尋遷翊善，論金人入侵，未嘗一大衄，有輕我心，豈可保其不肯盟？宜省費抑末，常賦外一毫不取於民。民日益厚，兵日益彊，使金人不敢窺為長計。帝曰：且作十年。瑀再拜曰：十年之說，願陛下早夜毋忘。除兵部尚書。檜既主和，瑀議論不專以和為是，檜忌之，改龍圖閣學士。知信州，會大水，檜見瑀奏牘，謂同列曰：堯之洪水，不至如是。瑀遂稱疾，提舉江州太平興國宮。坐通書李光降朝議大夫。卒年六十六。瑀在朝無詭隨，嘗為論語說，至「不射宿」，言孔子不欲陰中人。至周公謂魯公，則曰：可為流涕。洪興祖序述其意，檜以為譏己，遂與祖魏安行，侵版京西漕司，亦奪安行官籍，其家毀板檜死。瑀子孫乃免錮云。有奏議六卷。

張闡，字大猷，永嘉人。幼力學，博涉經史，善屬文。將命名夢神人大書闡字曰：以是名爾。父異之力，勉其為學，未冠，由舍選貢京師。登宣和六年進士第。調嚴州兵曹掾，兼治右獄。時方臘作亂，闡倡守禦計，有義士請身督戰，既戰稍却，州將怒，付闡治，將殺之。闡力爭曰：是士以義請戰，官軍却勢不得獨前，非首奔者，殺

之何罪。州將意解，士得免。李回帥江西，席益帥湖南，皆辟置幕下。羣盜據洞庭，官軍多西北人，不閑水戰。闡建議造戰艦，以大艦為營，小艦出戰。乘水涸，直搗賊巢，賊勢以衰。諸司交薦，改秩吏部，以徵文沮之。闡弗辨，求嶽祠歸。歷鄂台、二州教授。紹興十年，詔侍從各舉所知，給事中林待聘以闡聞，召對。時金人議和，歸闡中地。闡首言：關中必爭之地，古號天府，願固守以蔽巴蜀。圖中原，次言：監司郡守薦舉之弊，又乞嚴禁過種，以濟江浙水患。召試館職，除秘書省正字。遷校書郎，兼吳益王府教授。時諸將恃功，遷爵賞，有過則姑息，又兵布於外，禁衛單寡。闡上疏極論之，後稍進退諸將，必當其實。且召諸道兵，以益禁旅。皆如闡言。十三年，遷秘書郎，兼國史院檢討官。奏檜每薦臺諫，必先論以己意，嘗謂闡曰：秘書久次，欲以臺中相處何如。闡謝曰：丞相見知，得老死秘書幸矣。檜默然。竟罷。主管台州崇道觀。歷泉、衢二州通判。二十五年冬，躬舁萬機，起闡提舉兩浙路市舶，入為御史臺檢法官。升吏部員外郎。孝宗在王邸，帝妙選官僚，謂莊重老成無踰闡者，改命祠部，兼建王府贊讀。三十一年春，大雨無麥苗，荆浙盜起，詔侍從臺諫條陳弭災禦盜之術。闡上疏曰：和議以來，歲有聘幣，民不堪命。臣願陛下毋使金人得以甘心可乎。州縣吏職卑地遠，漁奪之禍，被于編籍。臣願陛下嚴賊吏之誅，可乎。蠲租之令，已赦復征，寬大之澤，例為虛文。臣願陛下申詔令之禁，可乎。是數者能次第行之，則足以動天地，召和氣，災異盜賊，不足慮也。又言：金主亮將入侵，宜守要害，防海道。三邊不可無良將，督視不可無大帥。疏奏，帝嘉納。面諭曰：卿所言深中時病，但遣人北歸，已載約書，朕不忍渝也。遷將作監，進宗正少卿。三十二年，孝宗即位，闡權工部侍郎，兼侍讀。入謝，言：諸將以敗為捷，冒受爵秩，州廂禁軍，因羣需鼓譟，希厚賞，不可不正其罪。時悉為施行。金主亮死，葛王襲復求和，再議遣使。闡言：宜嚴遣使之命，正敵國之禮。彼或不從，則有戰爾。如是則中國之威，可以復振。帝曰：使者報聘，故事也。舊約不從，朕志定矣。是冬，給札侍從臺諫，條具時務。闡上十事，皆剴切。當時應詔數十人，惟闡與國子司業王十朋，指陳時事，斥權倖無所回隱。明日，召兩人對內殿，帝大

加稱賞賜酒及御書。時進太上皇帝太上皇后冊寶。工部例進官。闡辭。或曰。公轉一階。則澤可以及子孫。奈何辭闡笑曰。寶冊非吾功也。吾能為子孫。冒無功。實乎。隆興元年。真拜工部侍郎。闡奏。臣去冬乞守禦兩淮。陛下謂春首行之。夏秋當畢。今其時矣。帝曰。江淮事盡付張浚。朕倚浚為長城。會督府請受蕭琦降。詔問闡。闡請受其降。俄報王師收復靈壁縣。闡慮大將李顯忠邵宏淵深入無援。奏請益兵殿後。已而王師果失利。衆論歸罪於戰。闡曰。陛下出師受降。是也。諸將違節度。且無援而敗。當矯前失。安可遽沮銳氣。帝壯其言。益出御前器甲。付諸軍。手詔勞浚。軍聲復振。時數易臺諫。闡力言之。請增廣諫員。帝曰。臺諫好名。如某人。但欲得直聲而去。闡曰。唐德宗疑姜公輔為賈直。陸贄切諫。願陛下深以為鑒。帝再三嘉獎。金人求和。帝與闡議。闡曰。彼欲和。畏我耶。愛我耶。直教我耳。力陳大害不可許。帝曰。朕意亦然。姑隨宜應之。帝記賈直之語。謂胡銓亦及此。朕非拒諫者。辨是非耳。闡曰。聖度當如天。奈何與臣下爭名。帝曰。卿言是也。頃之。除工部尚書兼侍讀。金副元帥紇石烈志寧。以書諭通好。所請三事。國書歲幣之議已定。惟割唐鄧海泗未決。將遣王之望龍大淵通問。而衆言紛紛不已。闡謂不與四州。乃可通和。議論先定。乃可遣使。今彼為客。我為主。我以仁義撫天下。彼以殘酷虐吾民。觀金勢已衰。何必先示以弱。朝論建之。帝用真宗故事。命經筵官二員。選宿學士院。以備顧問。闡入對。尤數屢引疾乞骸骨。帝不忍其去。三年。闡請益力。迺除顯謨直學士。提舉太平興國宮。陛辭。帝問所欲言。闡奏。許和則忘祖宗之讐。棄四州則失中原之心。遣歸正人則傷忠義之氣。惟陛下毋忘老臣平昔之言。其指時事尤諄切。帝眷益篤。論以秋涼復召。加賜金犀帶。特許佩魚。居家踰月。卒。年七十四。特贈端明殿學士。朱熹嘗言秦檜挾敵要君。力主和議。羣言勃勃不平。檜既摧折。忠臣義士之氣。遂使士大夫懷安成習。至癸未和議。則知其非者鮮矣。朝論間有建白。率雜言利害。其言金人世讎不可和者。惟胡右史銓尚書闡耳。子叔椿。

洪擬字成季。一字逸叟。鎮江丹陽人。本弘姓。其先有名璆者。嘗為中書令。避南唐諱。改今姓。後復避宣祖廟諱。遂因之。擬登進士甲科。崇寧中。為國子博士。出

提舉利州路學事。尋改福建路。坐譴通判鄆州。復提舉京西北路學事。歷湖南河北東路。宣和中。為監察御史。遷殿中。進侍御史。時王黼蔡京更用事。擬中立無所附會。殿中侍御史許景衡罷。擬亦坐送吏部。知桂陽軍。改海州。時山東盜起。屢攻城。擬率兵民堅守。建炎間。居母憂。以秘書少監召。不起。終喪。為起居郎。中書舍人。言兵興累年。饋餉悉出於民。無屋而責屋稅。無丁而責丁稅。不時之須。無名之斂。殆無虛日。所以去而為盜。今關中之盜不可急。宜求所以弭之。江西之盜不可緩。宜求所以滅之。夫豐財者。政事之本。而節用者。又豐財之本也。高宗如越。執政議移躡饒信間。擬上疏力爭。謂舍四通五達。而趨偏方下邑。不足以示形勢。固守禦。遷給事中。吏部尚書言者。以擬未嘗歷州縣。以龍圖閣待制知温州。宣撫使孟庚總師討閩寇。過郡。擬趣使赴援。庚怒。命擬犒師。擬借封椿錢用之。已乃自劾。賊平。加秩一等。召為禮部尚書。遷吏部。渡江後。法無見籍。吏隨事立文。號為省記。出入自如。至是。脩七司敕令。命擬總之以舊法。及續降指揮。詳定成書。上之。金人再攻淮。詔日輪侍從赴都堂給札。問以攻守之策。擬言。國勢疆則戰。將士勇則戰。財用足則戰。我為主。彼為客。則戰。陛下移躡東南。前年幸會稽。今年幸臨安。與王之居。未有定議。非如高祖在關中。光武在河內也。以國勢論之。可言守。未可言戰。擬謂時相姑議戰。以示武。實不能戰也。紹興三年。以天旱地震。詔羣臣言事。擬奏曰。法行公。則人樂。而氣和。行之偏。則人怨。而氣乖。試以小事論之。比者監司守臣。獻羨餘則黜之。宣撫司獻則受之。是行法止及疏遠也。有自庶僚為侍從者。臥家視職。未嘗入謝。遂得美職而去。若鼓院官移疾廢朝謁。則斥罷之。是行法止及冗賤也。權酷立法。甚嚴。犯者籍家財充賞。大官勢臣。連營列陣。公行酷賣。則不敢問。是行法止及孤弱也。小事如此。推而極之。則怨多而和氣傷矣。尋以言者罷。為徽猷閣直學士。提舉江州太平觀。始擬兄子篤。部郎官與租與擬上封事。侵在位者。故父子俱罷。起知温州。提舉亳州明道宮。卒。年七十五。諡文憲。初。擬自海州還。居鎮江。趙萬叛兵逼郡。守臣趙子崧。賊敗遁去。擬挾母出避。遇賊至。欲兵之。擬曰。死無所避。願勿驚老母。賊舍之。他賊又至。臨以刃。擬指其母曰。此吾母也。幸勿怖之。賊又舍去。有淨智

先生集及注杜甫詩二十卷。

趙逵字莊叔。其先秦人。八世祖處管徙蜀。家於資州。逵讀書數行俱下。尤好聚古書。考歷代興衰治亂之迹。與當代名人鉅公出處大節。根窮底究。尚友其人。紹興二十年。類省奏名。明年對策。論君臣父子之情甚切。擢第一。時秦檜意有所屬。而逵對獨當帝意。檜不悅。即罷知舉王曠。授逵左承事郎。簽書劍南東川。帝嘗問檜。趙逵安在。檜以實對。久之。帝又問。除校書郎。逵單車赴闕。征稅者希。檜意。搜行囊。皆書籍。才數金而已。旣就職。未嘗私謁。檜意愈恨。逵廣御製芝草詩。有皇心未敢宴安圖之句。檜見之。怒曰。逵猶以爲未太平耶。又謂逵曰。館中祿薄。能以家來乎。逵曰。親老不能涉險遠。檜徐曰。當以百金爲助。逵唯唯而已。又遣所親申前言。諷逵往謝。逵不答。檜滋怒。欲擠之。未及而死。帝臨哭。檜還。即選逵著作佐郎。兼權禮部員外郎。帝如景靈宮。祕省起居惟逵一人。帝屢目逵。即日命引見上殿。帝迎謂曰。卿知之乎。始終皆朕自擢。自卿登第後。爲大臣沮格。久不見卿。秦檜曰。薦士未嘗一語及卿。以此知卿不附權貴。真天子門生也。詔充普安郡王府教授。逵委言路久不通。乞廣賜開納。勿以微賤爲間。庶幾養成敢言之氣。帝嘉納之。普安府勸講至辰太子事。王曰。於斯時也。斬江充。自歸於武帝何如。逵曰。此非臣子所能。王意蓋有所在也。二十六年。遷著作郎。尋除起居郎。入謝。帝又曰。秦檜炎熒。不附者惟卿一人。逵曰。臣不能效古人抗折權姦。但不與之同爾。然所以事宰相禮。亦不敢闕。又曰。受陛下爵祿而奔走權門。臣不惟不敢。亦且不忍。明年。同知貢舉。盡公考閱。以革舊弊。遂得王十朋闕安中。始逵未出貢闈。蔣璨除戶部侍郎。給事中辛次膺以璨交結希進還之。帝怒。罷次膺。付逵書讀。逵不可。璨以此出知蘇州。次膺仍得次對。逵兼給事中。未幾。除中書舍人。登第六年。而當外制。南渡後所未有也。帝語王綸曰。趙逵純正。可用。朕於蜀士未見其比。朕所以甫二歲。令至此。報其不附權貴也。先是。逵嘗薦杜莘老。唐文若。孫道夫。皆蜀名士。至是。奉詔舉士。又以馮方。劉儀鳳。李石。郊次雲。應詔。宰執以聞。帝曰。蜀人道遠。其間文學行義有用者。不因論薦。無由得知。前此蜀中宦游者多隔絕。不得一至朝廷。甚可惜也。自檜顯權。深抑蜀士。故帝

語及之。逵以疾求外。帝命國醫王繼先視疾。不可爲矣。卒年四十一。帝爲之杖淚嘆息。逵嘗自謂司馬溫公不近非色。不取非財。吾雖不肖。庶幾慕之。方檜權盛時。忤檜者固非止逵一人。而帝亟稱逵不附麗。又謂逵文章似蘇軾。故稱爲小東坡。未及用而逵死。惜其論建不傳于世。有棲雲集三十卷。

論曰。如圭師于安國。居正師于楊時。敦復師于程頤。表臣交于陳瓘。其師友淵源。有自來矣。故其議論譎直。剛嚴鯁峭。不惑異說。不畏彊禦。大略相似。若夫居正辨王氏三經之繆。龜年首劾秦檜主和之非。程瑀力排蔡京之黨。尤爲有功於名教。張闡論事無避。洪擬朴實端亮。趙逵純正善文。皆一時之良。爲檜所忌而不撓者。語曰。歲寒然後知松柏之後凋。信哉。

宋史卷三百八十一

宋史卷三百八十一考證

宋史卷三百八十一考證

張闡傳靈璧縣〇一本作靈璧虹縣

宋史卷三百八十一考證

元中書右丞相總裁脫脫等修

列傳第一百四十一

張燾

黃中

孫道夫

曾幾 兄開

勾濤

李彌遜 弟彌大

張燾字子公，饒之德興人。秘閣修撰根之子也。宣和八年，進士第三人，嘗為辟雍錄，祕書省正字。靖康元年，李綱為親征行營使，辟燾入幕。綱貶，親知坐累者十七人，燾亦貶。建炎初，起通判湖州。明受之變，賊矯詔俾燾撫諭江浙，燾不受。上既復辟，詔求言。燾上書略曰：人主戡定禍亂，未有本於至誠而能有濟者。陛下踐祚以來，號令之發，未足以感人心，政事之施，未足以慰人望。豈非在我之誠，有未修乎？天下治亂，在君子小人用舍而已。小人之黨日勝，則君子之類日退，將何以弭亂而圖治？又言措置江防非計，徒費民財，損官賦，不適於用。又言侍從臺諫，觀望意指，毛舉細務，至國家大事，坐視不言。又言巡幸所至，營繕困民，越樓會稽，似不如是。紹興二年，呂頤浩薦除司勳員外郎，遷起居舍人。言自古未有不知敵人之情而能勝者，願詔大臣諸將，厚爵賞募可用者，往伺敵動靜。既審知之，則戰守進退，在我皆備。彼向安得出，不意犯吾行關，詔以付都督府。及沿邊諸帥，遷中書舍人。呂祉之撫諭淮西也，燾謂張浚曰：社書生不更軍旅，何可輕付？浚不從，遂致鄙瓊之變。七年，張浚特賜進士出身，浚浚兄也。將母至行在，上引對而命之。燾言宣和以來，姦臣子弟，濫得儒科，陛下方與浚圖回大業，當以公道革前弊。今首賜浚第，何以塞公議？上念浚功，欲慰其母心，乃命起居郎樓炤行下。炤又封還著作郎兼起居舍人何掄曰：賢良之子，宰相之兄，賜科第不為過，乃與書行。燾不自安，與炤皆求去，不許。言者論之，以集英殿修撰提舉江州太平觀。明年，以兵部侍郎召。詔引對，上曰：卿去止緣張浚。燾曰：臣苟有所見，不敢不言。如內侍王鑑，陛下所親信，臣尚論列，豈有幸相親兄自賜出身，公論不與。臣若不言，豈惟負陛下，亦負張浚。上因問朕圖治一紀，收効蔑然，其弊安在？燾曰：自昔有為之君，未有不先定規模而能收効者。臣紹興

初首以是為言。今七年，往者進臨大江，退守吳會，未暮月而或進或却，豈不為敵所窺乎？今陛下相與斷國論者，二三大臣而已。一紀之間，十四命相，執政遞遷，無慮二十餘，日月逝矣，大計不容復誤。願以先定規模為急，尋權吏部尚書，徽猷閣待制黎確卒，詔贈官推恩。燾言：確素號正人，一旦臨變失臣節，北面邦昌之庭，且為將命止勤王之師，今曲加贈恤，何以示天下？詔追奪職名，時金使

至境，詔欲屈己就和，令侍從臺諫條上。燾言：金使之來，欲議和好，將歸我梓宮，歸我淵聖，歸我母后，歸我宗社，歸我土地，人民其意甚美，其言甚甘，廟堂以為信然。而羣臣國人，未敢以為信然也。蓋事關國體，臣請推原天意，為陛下陳之。傳曰：天將興之，誰能廢之；臣考人事，以驗天意。陛下飛龍濟州，天所命也。敵騎屢犯行闕，不能為虞，甲寅一戰，敗敵師，丙辰再戰，却劉豫，丁巳鄙瓊叛，實為偽齊廢滅之資，皆天所贊也。是蓋陛下躬履艱難，側身修行，布德立政，上副天意，而天祐之之所致也。臣以是知上天悔禍有期，中與不遠矣。願益自修自彊，以享天心。以俟天時。時之既至，吉無不利，則何戰不勝，何功不立。今此和議姑為聽之，而必無信之可恃也。彼使已及境，勢難固拒，使其果願和好，如前所陳，是天誘其衷，必不復強我以難行之禮。如其初無此心，二三其說，責我以必不可行之禮，要我以必不可從之事，其包藏何所不有，便當以大義絕之，謹邊防，厲將士，相時而動，願斷自淵衷，毋取必於彼，而取必於天而已。乃若略國家之大恥，置宗社之深讐，躬率臣民，屈膝于金，而臣事之，而親和議之必成，非臣所敢知也。上覽奏，愀然變色曰：卿言可謂忠，然朕必不至為彼所給，方且執議，必非詐僞，而後可從。不然，當再使審虛實，拘其使人，燾頓首謝。金使張通古蕭若至行在，朝議欲上拜金詔。燾曰：陛下信王倫之虛詐，發自聖斷，不復謀議，便欲行禮，羣臣震懼罔措，必已得梓宮，已得母后，已得宗族，始可議通好。經久之禮，今彼特以通好為說，意謂割地講和而已。陛下之所願欲而切於聖心者，無一言及之，其情可見。奈何遽欲屈而聽之一屈之後，不可復伸。廷臣莫能正救，曾魯仲連之不如，豈不獲罪於天下萬世？既而監察御史施廷臣抗章力贊和議，擢為侍御史。司農寺丞莫將忽賜第，擢為起居郎。朝論大駭。燾率吏部侍郎晏

敦復上疏曰。仰惟陛下痛梓宮未還。兩宮未復。不憚屈己。與敵議和。特以衆論未同。故未敢輕屈爾。幸小大之臣。無復異議。從容獻納。庶幾天聽為回。卒不敢屈。此宗社之福也。彼施廷臣乃務迎合。輒敢抗章力贊此議。姑為一身進用之資。不恤君父屈辱之恥。罪不容誅。乃由察官超擢柱史。夫御史府朝廷紀綱之地。而陛下耳目之司。前日勾龍如淵以附會而得中丞。衆論固已喧鄙之矣。今廷臣又以此而躋橫榻。一臺之中。長貳皆然。既同鄉曲。又同心腹。惟相朋附。變亂是非。豈不紊紀綱而蔽陛下之耳目乎。衆論沸騰。方且切齒。而莫將者。又以此議由丞承擢右史。如淵廷臣庸人也。初無所長。但知觀望。而將則姦人也。考其平昔。無所不為。此輩烏可與之斷國論乎。望加斥逐。庶幾少杜羣枉之門。至於和議。則王倫實為謀主。彼往來敵中至再四矣。陛下特以爲心腹。信之如著龜。今其爲言。自己二三事之端倪。蓋亦可見。更望仰念祖宗付託之重。俯念億兆愛戴之誠。貴重此身。無輕於屈。但務雪恥。以思復讐。加禮其使。厚資遣發。諭以必得事實之意。告以國人皆曰不可之狀。使彼悔禍果出誠心。惟我所欲盡歸于我。然後徐議報之之禮。亦未晚也。如其變詐。諉我以虛詞。則包藏終不可測。便當厲將士保疆場。自治自疆。以俟天時。何爲不成。伏願陛下少忍而已。自朝廷有屈己之議。上下解體。儻遂成屈己之事。則上下必至離心。人心既離。何以立國。伏願戒之重之。於是將廷臣皆不敢拜。燕又面折如淵曰。達觀其所舉。君薦七人。皆北面張邦昌。今囁嚅附會。墮敵計。他日必背君親矣。燕既力詆拜詔之議。秦檜患之。燕亦自知得罪。託疾在告。檜使樓炤諭之曰。北扉闕人。欲以公爲直院。燕大駭曰。果有此言。愈不敢出矣。檜不能奪。乃止。和議成。范如圭請遣使朝入陵。遂命判大宗正。士儂與燕偕行。且命修奉。令荆湖帥臣岳飛濟其役。燕與士儂道武昌。出蔡頰。河南百姓懽迎。來道。以喜以泣。曰。久隔王化。不圖今日復爲宋民。九年五月。至永安。詣陵朝謁。如禮。陵前石澗水久涸。二使垂至。忽湧溢。父老驚歎。以爲中興之兆。燕等入柏城。披鉏荆棘。隨所葺治。留二日而還。自鄆州歷汴宋宿泗淮南以歸。即奏疏曰。金人之禍。上及山陵。雖殄滅之。未足以雪此恥。復此讐也。陛下聖孝。天至豈勝痛憤。願以梓宮兩宮之故。方且與

和。未可遽言兵也。祖宗在天之靈。震怒既久。豈容但已。異時恭行天罰。得無望於陛下乎。自古戡定禍亂。非武不可。狼子野心。不可保持。久矣。伏望修武備。俟覺隙起而應之。電掃風驅。盡俘醜類。以告諸陵。夫如是。然後盡天子之孝。而爲人子孫之責。塞矣。上聞諸陵寢如何。燕不對。唯言萬世不可忘此賊。上黯然。燕因請永固陵。不用金玉。庶先帝神靈有萬世之安。燕又言。頃劉豫初廢。人情恟恟。一軌朕斷不用金玉。庶先帝神靈有萬世之安。燕又言。頃劉豫初廢。人情恟恟。我斥候不明。坐失機會。今又聞敵於淮陽作筏造繩索。不知安用。諸將朝廷戒勿得遣間探。遂不復遣。我之動息。敵無不知。敵之情狀。我則不聞。又見黃河船盡拘北岸。悉爲敵用。往來自若。無一人敢北渡者。願飭邊吏廣耳目。先事而防。又言。鄜瓊部伍。皆西陲勁兵。今在河南。尚可收用。新疆租賦已蠲。而使命絡繹。推恩費用。猶循兵與時例。願加裁損。非甚不得已。勿遣使。以寬民力。又論陝西諸帥不相下。動輒喧爭。請置一大帥統之。庶首尾相應。緩急可恃。燕所言皆切中時病。秦檜方主和。惟恐少忤敵意。悉置不問。成都謀帥。上諭檜曰。張燕可。第道遠恐其憚行。檜以諭燕。燕曰。君命也。焉敢辭。十月。以寶文閣學士知成都府。兼本路安撫使。付以便宜。雖安撫一路。而四川賦斂無藝者。悉得蠲減。陛辭奏曰。蜀民困矣。官吏從而誅剝之。去朝廷遠。無所赴愬。俟臣至所部。首宣德意。俾一路咸霑惠澤。上曰。豈惟一路。四川恤民事。悉委卿。燕因言。官吏害民者。請先罷後劾。上許之。又言。軍與十餘年。日不暇給。今和議甫定。願汲汲以政刑爲先。務。上曰。當書之座右。十年三月。至成都。在蜀四年。戢貪吏。薄租賦。撫雅州蕃部。西邊不驚。歲旱則發粟。民得不饑。暇則修學校。與諸生講論。會有詔令宣撫司。納契丹降人。燕爲宣撫使。胡世將言。蜀地狹不能容。前朝常勝軍可爲戒。世將奏。殺其事。燕乞祠。以李璆代之。燕自蜀歸。臥家凡十有三年。二十五年冬。檜死。舊人在者皆起。燕除知建康府。兼行宮留守。金陵積歲負內庫錢帛鉅萬。悉爲奏免。池有義子與父爭訟。守昏謬。繫父連年不決。燕移大理斥其守。居二年。進瑞明殿學士。二十九年。提舉萬壽觀。兼侍讀。以衰疾力辭。不許。除吏部尚書。初

上知普安郡王賢，欲建爲嗣。顯仁皇后意未欲，遲回久之。顯仁崩，上問熹方今大計，曰：儲貳者國之本也。天下大計，無踰於此。上曰：朕懷此久矣。卿言契朕心。開春當議典禮，又勸上省賜予，罷土木，減冗吏，止北貨，上嘉獎之。金使施宜生來，熹奉詔館客，宜生本閩人，素聞熹名，一見，顧副使曰：是南朝不拜詔者，熹以首丘桑梓動之，宜生於是瀟敵情，熹密奏早爲備，先是御前置甲庫，凡乘輿所需圖書什物，有司不能供者悉聚焉，日費不貲，禁中既有內酒庫釀殊勝，醅賣其餘頗優，大農，熹因對言：甲庫葺工巧以蕩上心，酒庫醅良醞以奪官課，且乞罷減坊樂工人數。上曰：卿言可謂責難於君。明日悉詔罷之，屢以衰疾乞骸，三十年，以資政殿學士致仕，尋遷太中大夫，給真奉，三十一年八月，落致仕，復知建康府。時金人窺江，建業民驚徙過半，聞熹至，人情稍安，尋詔沿江帥臣條上恢復事宜，熹首陳十事，大率欲預備不虞，持重養成觀釁而動，期於必勝。孝宗受禪，除同知樞密院，遣子挺入辭，詔肩輿至宮，給扶上殿，首問爲治之要，言內治乃可外攘，又乞命百執條弊事，詔從之。令侍從臺諫集都堂給札以聞。隆興元年，遷參知政事，以老病不拜，臺諫交章留之，除資政殿大學士，提舉萬壽觀，兼侍讀，謁告將理許之。及家，固求致仕，後二年卒，年七十五。諡忠定。熹外和內剛，帥蜀有惠政，民祠之不忘。始論和議歸之于天，士論歎然。洎繳駁施廷臣之奏，朝野復一辭歸重焉。

黃中，字通老，邵武人。幼受書，一再輒成誦，初以族祖蔭補官，紹興五年，廷試言孝弟，動上心，擢進士第二人，授保寧軍節度推官，二十餘年，秦檜死，乃召爲校書郎，歷遷普安、恩平府教授。中在王府時，龍大淵已親幸，中未嘗與之狎，見則揖而退，後他教授多蒙其力，中獨不徙官。遷司封員外郎，兼國子司業，芝草生武成廟，官吏請以聞，中不答。官吏陰畫圖以獻，宰相謂祭酒周綰與中曰：治世之瑞，抑而不奏，何耶？綰未對，中曰：治世何用此爲？綰退，謂人曰：黃司業之言，精切簡當，惜不爲諫官，充賀金生辰使，還爲秘書少監，尋除起居郎，累遷禮部侍郎，中使金回，言其治汴宮，必從居見迫，宜早爲計，上矍然，宰相顧謂中曰：沈介歸，殊不聞此，何耶？居數日，中白宰相，請以妄言待罪，湯思退怒，語侵中，已乃

除介吏部侍郎，徙中以補其處，中猶以備邊爲言，又不聽，遂請補外，上不許。曰：黃中恬特有守，除左史，且錫鞍馬，金使賀天申節，遽以欽宗訃聞，朝論俟使去發喪，中馳白宰相，此國家大事，臣子至痛，一有失禮，謂天下後世何？竟得如禮，中自使還，每進見，輒言邊事，又獨陳禦備方略，高宗稱善，不數月，金亮已擁衆渡淮，中因入謝，論淮西將士不用命，請擇大臣督師，既而以殿帥楊存中爲御營使，中率同列力論不可，遣敵既臨江，朝臣爭遣家逃匿，中獨晏然，比敵退，唯中與陳康伯家屬在城中，衆慚服，天申節上壽，議者以欽宗服除當舉樂，中言：春秋君弑賊不討，雖葬不書，以明臣子之罪，況欽宗實未葬，而可遽作樂乎？事竟寢，兼給事中，內侍選官不應法，諫官劉度坐論，近習龍大淵忤旨，補郡已復罷之，中皆不書，讀羣小相與媒孽，中罷去，尹禧希意，詆中爲張浚黨，乾道改元，中年適七十，卽告老，以集英殿修撰致仕，進敷文閣待制，居六年，上御講筵，顧侍臣曰：黃中老儒，今居何許？年幾許？筋力或未衰耶？召引對內殿，問勞甚渥，以爲兵部尚書，兼侍讀，中前在禮部嘗諫止作樂事，中去，卒用之，至是，又將錫宴，遂奏申前說，詔遣范成大使金，以山陵爲請，中言：陛下聖孝及此，天下幸甚，然欽廟梓宮置不問，以公議進退人才，察邪正，廣言路，核事實，節用度，擇監司，懲貪吏，陳方略，考兵籍，上亟稱善，中力求去，除顯謨閣提舉，江州太平興國宮，賜犀帶香老，除龍圖閣學士，致任，凡邑里後生上謁，必訓以孝弟忠信，朱熹裁書以見，有曰：今日之來，將再拜堂下，惟公坐而受之，俾進於門弟子之列，則某之志也，其爲人敬慕如此，其後上手書遺使，訪朝政闕失，進職瑞明殿學士，屬疾，手草遺表，猶以山陵欽宗梓宮爲言，深以人主之職，不可假之左右爲戒，淳熙七年八月庚寅卒，年八十有五，九月，詔贈正議大夫，中有奏議十卷，諡簡肅。孫道夫，字太冲，眉州丹棱人，年十八，貢辟雍，時禁元祐學，坐收蘇氏文除籍，再貢入優等，張浚薦于高宗，召對，道夫奏：願修德以回天意，定都以繫人心，任賢材，圖興復，以雪國恥，上在越，浚遣道夫奏事，賜出身，改左承奉郎，再詔對，言：漢中前瞰三秦，後蔽巴蜀，孔明將璠出圖關輔，未有不屯漢中者，今欲進兵陝右，

當先經營漢中。荆南東連吳會，北通漢沔，號用武之國。晉宋以來，嘗倚為重鎮。武帝亦以荆南居上流，故以諸子居之。今守江當先措置荆南，時至則蜀漢師出秦關，荆楚師出宛洛，陛下親御六軍，由淮甸與諸將會咸陽，孰能禦之。上嘉納，召試館職。上諭宰相，自渡江以來，文氣未有如道夫者，涵養一二年，當命為詞臣。除秘書正字，權禮部郎官。徽宗凶問禮儀多所草定，尋權左司員外郎。上問蜀中水運陸運孰便，道夫奏：水運遲而省費，陸運速而勞民。宣撫司初由水運，率石費錢十千，後以為緩，從陸起丁夫十數萬，率石費五十餘千。上曰：水運便行之，遷校書郎，出知懷安軍，乞罷都運司以寬民力。罷戍兵以弭亂階，罷泛使以省浮費。知資州，宣撫鄭剛中薦其治行第一。移知蜀州，盜不敢入境。州產綾，先是守以軍匠置機，買絲虧直，民病之。道夫斷其機，遇事明了，人目為水晶燈籠。九年不遷，蓋非秦檜所樂也。以吏部郎中入對，言蜀民二稅鹽酒茶額之弊，上納其言。除太常少卿，假禮部侍郎，充實金正旦使，金將敗盟，詰秦檜存亡及關陝買馬非約，道夫隨事折之，使還。權禮部侍郎。上曰：卿自小官已為朕知，第趙鼎與張浚相失，後蜀士仕于朝者皆為沮抑，繼自今有所見，可數求對。兼侍講，奏敵有窺江淮意，上曰：朝廷待之甚厚，彼以何名為兵端。道夫曰：彼金人身弑其父兄而奪其位，與兵豈問有名。臣願預為之圖，宰相沈該不以為慮。道夫每進對輒言武事，該疑其引用張浚，忘之道夫不自安，請出。除知綿州。致仕。卒年六十六。道夫居官一意為民，不可干以私。仕宦三十年，奉給多置書籍，然性剛直，喜面折，不容人之短，或以此少之云。

曾幾，字吉甫，其先贛州人，徙河南府。幼有識度，事親孝，母死，蔬食十五年。入太學有聲，兄弼提舉京西南路學事，按部溺死，無後，特命幾將仕郎試吏部，考官異其文，置優等，賜上舍出身。擢國子正，兼欽慈皇后宅教授，遷辟雍博士。除校書郎，林靈素得幸，作符書號神霄錄，朝士爭趨之，幾與李剛傅崧卿皆稱疾不仕。視久之，為應天少尹，庭無留訟，聞人得旨取金，而無文書，府尹徐處仁與之幾力爭不得。靖康初，提舉淮東茶鹽，高宗即位，改提舉湖北，徙廣西運判。江西提刑，又改浙西，會兄開為禮部侍郎，與秦檜力爭和議，檜怒，去。幾亦罷。逾月

除廣西轉運副使，徙京南路，盜駭科起柳之宜章，柳桂皆頌洞，宣撫司調兵未至，護以捷聞。幾疏其實，朝廷遣他將平之，請間得崇道觀，復為廣西運判，固辭。僑居上饒七年，檜死，起為浙西提刑，知台州，治尚清淨，民安之。黃巖令受賄，為兩吏所持，令械吏置獄，一夕皆死。幾詰其罪，或曰：令丞相沈該客也，治之益急，賀允中薦召對，以疾辭。除直祕閣，歸故治，未幾，復召對。幾言：士氣久不振，陛下欲起之於一朝，矯枉者必過直，雖有折檻斷鞅，牽裾還笏，若賣直干譽者，願加優容。時帝徵檜擅權之弊，方開言路，應詔者眾，幾懼有獲戾者，先事陳之。帝大悅，授祕書少監，幾承平時已為館職，去三十八年而復至，須髮皓白，衣冠偉然。每會同舍，多談前輩言行，臺閣典章，薦紳推重焉。詔修神宗寶訓，書成奏薦，帝稱善。命權禮部侍郎，兄林開皆嘗貳春官，幾復為之，人以為榮。吳越大水地震，幾舉唐貞元故事反覆論奏，帝聽其言，他日謂幾曰：前所進陸贄事甚切，已遣漕臣振濟矣。引年請謝，上曰：卿氣貌不類老人，姑為朕留。謝曰：臣無補萬一，惟進退有禮，尚不負陛下拔擢。上閱勞以事，提舉玉隆觀，紹興二十七年也。除集英殿修撰，又三年，升敷文閣待制。金犯塞，中外大震，帝召楊存中偕宰執對便殿，論以將散百官，浮海避之。左僕射陳康伯持不可，存中言敵空國遠來，已闕淮甸，此正賢智馳驚不足之時，臣願率先將士，北首死敵，帝喜，遂定議親征。下詔進討，有欲遣使請敵求緩師者，幾疏言：增幣請和，無小益，有大害，為朝廷計，正當嘗膽枕戈，專務節儉，經武外一切置之。如是雖北取中原可也。且前日詔諸將傳檄數金君臣，如叱奴隸，何辭可與之和耶。帝壯之，孝宗受禪，幾又上疏數千言，將召，屢請老，乃選通奉大夫致仕，擢其子逮為浙西提刑，以便養。乾道二年卒。年八十二。諡文清。幾三仕嶺表，家無長物，人稱其廉。早從舅氏孔文仲武仲講學，初佐應天時，諫官劉安世亡恙，黨禁方厲，無敢窺其門者，幾獨從之。談經論事與之合，避地衡嶽，又從胡安國游，其學益粹，為文純正雅健，詩尤工。有經說二十卷，文集三十卷。二子：達，仕至司農卿，逮亦終數文閣待制，而達最以學稱。

開字天游，少好學，善屬文，崇寧間，登進士第，調真州司戶，累遷國子司業，擢起

居舍人。權中書舍人。掖垣草制。多所論駁。忤時相意。左遷太常少卿。責監大寧監鹽井。匹馬之官。不以自卑。召還。時相復用事。監杭州。市易務。除直秘閣。知和州。徙知恩州。請祠。得滿慶宮。判南京國子監。復爲中書舍人。罷提舉洞霄宮。欽宗卽位。除顯謨閣待制。提舉萬壽觀。知穎昌府。兼京西安撫使。奪職奉祠。建炎初。復職。知潭州。湖南安撫使。踰年求去。復得滿慶宮。起知平江府。廣東經略安撫使。李詔駐潮陽。招捕虔寇。訖事。乃之鎮。居二年。盡平羣盜。提舉太平觀。復以中書舍人召。首論自古興衰撥亂之主。必有一定之論。然後能成功。願諱明大計。使議論一定。斷而必行。則功烈可與周宣侔矣。又論車駕撫巡東南。重兵所聚。限以大江。敵未易遽犯。其所窺伺者全蜀也。一失其防。陛下不得高枕而臥矣。願擇重臣與吳玠協力固護全蜀。屢請去。進寶文閣待制。知鎮江府。兼沿江安撫使。召爲刑部侍郎。言太祖德五季尾大不掉之患。畿甸屯營。倍于天下。周廬宿衛。領以三衛。今禁旅單弱。願參舊制。增補之。帝悉嘉納。遷禮部侍郎。兼直學士院。時秦檜專主和議。開當草國書。辨視體制。非是。論之不聽。遂請罷。改兼侍讀。檜書招開慰以溫言。且曰。主上虛執政以待。開曰。儒者所爭在義。苟爲非義。高爵厚祿弗顧也。願聞所以事敵之禮。檜曰。若高麗之於本朝耳。開曰。主上以聖德登大位。臣民之所推戴。列聖之所聽聞。公當彊兵富國。尊主庇民。奈何自卑辱至此。非開所敢聞也。又引古諺以折之。檜大怒曰。侍郎知故事。檜獨不知耶。他日。開又至政事堂。問計果安出。檜曰。聖意已定。尙何言。公自取大名而去。如檜第欲濟國事耳。然猶以梓宮未還。母后欽宗未復。詔侍從臺諫集議以聞。開上疏略曰。但當修德立政。嚴於爲備。以我之仁。敵彼之不仁。以我之義。敵彼之不義。以我之戒懼。敵彼之驕泰。真積力久。如元氣固而病自消。太陽升而陰自散。不待屈己。陛下之志成矣。不然。恐非在天之靈。與太后淵聖所望於陛下者也。檜曰。此事大係安危。開曰。今日不當說安危。只當論存亡。檜矍然。會樞密編修胡銓上封事。痛詆檜。極稱開。由是罷。以寶文閣待制知婺州。開言議論妄發。實緣國事。力請歸。檜議奪職。同列以爲不可。提舉太平觀。知徽州。以病免。居閒十餘年。黃達如請籍和議同異。爲士大夫升黜。卽擢達如監察御史。首劾

開職。引年請還政。僅復秘閣。修撰。卒年七十一。檜死。始復特制。盡還致仕遺表。恩數。開孝友厚族。信于朋友。其守歷陽也。從游酢學。日讀論語。求諸言而不得。則反求諸心。每有會意。欣然忘食。其留南京。劉安世一見如舊。定交終身。故立朝遇事。臨大節而不可奪。師友淵源。固有所自云。

勾瀆。字景山。成都新繁人。登崇寧二年進士第。調嘉州法掾。川陝鑄錢司屬官。建炎初。通判黔州。田祐恭兵道境上。瀆白守燕勞之。祐恭感恩。屬下郡。得以無犯。湖湘賊王闢破秭歸。桑仲郭守忠攻茶務。箭窠。將犯夔門。夔兵素單弱。宣司檄祐恭捍禦。瀆帥黔兵佐之。賊潰去。宣撫張浚奏瀆知巴州。不赴。翰林侍讀學士范冲薦召見。論五事。除兵部郎中。七年。遷右司郎官。兼校正日食。上言。八月。遷起居舍人。以足疾命閣門賜墩待班。九月。兼權中書舍人。時沿邊久宿兵。江浙罷於魏餉。荆襄淮楚多曠土。瀆因進羊祐屯田故事。事下諸大將。於是邊方議行屯田。淮西都統制劉光世乞罷。丞相張浚欲以呂祉代之。瀆謂祉疎庸。淺謀必敗事。莫若就擇將士素所推服者用之。否則劉錡可。浚不納。祉至。果以輕易失士心。未幾。劉璣叛。祉死於亂。浚聞之。夜半召瀆。愧謝。時帝駐蹕建炎。欲亟還臨安。瀆入見曰。今江淮列戍十餘萬。苟付託得人。可無憂。顧此危疑。詎宜輕退。以啓敵心。因薦劉錡。帝卽命以其衆鎮合肥。川陝宣撫使吳玠言。都轉運使李迳。腹刻賞格。迳亦奏玠苛費。帝以問瀆。瀆曰。玠功在西蜀。縱費寧可覈。第移迳他路可爾。帝然之。會金人廢劉豫。金房鎮撫使郭浩遣其弟沔奏事。瀆察沔警敏可仗。乞詔諭陝右諸叛將乘機南歸。帝命瀆草詔。沔持以往。聞者流涕。十二月。除中書舍人。八年。除史館修撰。重修哲宗實錄。帝諭之曰。昭慈聖獻皇后病革。朕流涕問所欲言。后愴然謂朕曰。吾逮事宣仁聖烈皇后。見其任賢使能。約己便民。憂勤宗社。疎遠外家。古今母后。無與爲比。不幸姦邪罔上。史官蔡卞等同惡相濟。造謗史以損聖德。誰不切齒。在天之靈。亦或介介。其以筆屬正臣。亟從刪削。以信來世。朕痛念遺訓。未嘗一日輒忘。今以命卿。瀆奏數十年來。宰相不學無術。邪正貿亂。所以姦臣子孫。得逞其私智。幾亂裕陵成書。非願陛下聖明。則任申必先有過。橫之謫臣。亦恐復蹈煤孽之禍。帝慰勉之。六月。實

錄成進一秩就館賜宴復修徽宗實錄以中書舍人呂本中為薦丞相趙鼎論旨宜婉辭紀載濤曰崇寧大觀大臣誤國以稔今禍藉有隱諱如天下野史何七月除給事中求去以徽猷閣待制知池州改提舉江州太平觀俄除荆湖北路安撫使知潭州秦檜嘗令人諭意欲與共政濤以書謝之檜諷言官劾之不報濤上書論時事之害政者大臣密諭王倫變易地界一也蔡攸之妻近居臨平咫尺行都略不畏避二也小大之臣凡在謫籍皆已甄敘惡如京黼尚蒙寬宥今侍從之臣初無大過理宜牽復三也河南故地復歸中國新附之民延頸德澤承流之寄當加精選四也臺諫為耳目之司今宰相引援皆同舍之舊倚為鷹犬五也帝歎其忠直賜以綉綵茶藥且令事有大於此者悉以聞秩滿提舉太平觀十一年帝謂秦檜曰勾濤久閑性喜泉石可進職與一山水近郡檜對永嘉有天台鴈蕩之勝帝曰永嘉太遠其以湖州命之俄以疾卒年五十九遺表聞帝震悼顧近臣曰勾濤死矣惜哉贈左大中大夫濤身長七尺風貌偉然頗以忠亮自許國有大議帝必委心延訪往復酬詰率瀟下數刻始罷料邊情如在目前知名之士多所薦進有文集十卷西掖制書十卷奏議十卷

李彌遜字似之蘇州吳縣人弱冠以上舍登大觀三年第調單州司戶再調陽穀簿政和四年除國朝會要所檢閱文字引見特遷校書郎充編修六典校閱累官起居郎以封事劾切貶知廬山縣改奉嵩山祠廢斥隱居者八載宣和末知冀州金人犯河朔諸郡皆警備彌遜捐金帛致勇士修城堞決河護壑邀擊其遊騎斬首甚衆兀朮北還戒師毋犯其城靖康元年召為衛尉少卿出知瑞州二年建康府牙校周德叛執帥宇文粹中殺官吏嬰城自守勢猖獗彌遜以江東判運領郡事單騎扣城圍以蠟書射城中招降賊遁款關迎之彌遜論以禍福勉使勤王時李綱行文建康共謀誅首惡五十人撫其餘黨一郡帖然改淮南運副後奉與國宮祠知饒州召對首奏當堅定規模排斥姦言又謂朝廷一日無事幸一日之安一月無事幸一月之安欲求終歲之安已不可得況能定天下大計乎帝嘉其讜直輔臣有不悅者以直寶文閣知吉州陞辭帝曰朕欲留卿大臣欲重試卿民事行召卿矣七年秋遷起居彌遜自政和末以

上封事得貶垂二十年及復居是職直前論事鯁切如初冬試中書舍人奏六事曰固藩維以禦外侮嚴禁衛以尊朝廷練兵以壯國勢節用以備軍食收民心以固根本擇守帥以責實効時駐蹕未定有旨料舟給卒以濟宮人彌遜繳奏曰六飛雷動百司豫廢時方孔艱宜以宗社為心不宜於內侍細故更動聖慮事雖至微懼傷大體帝嘉納之試戶部侍郎秦檜再相惟彌遜與吏部侍郎晏端復有憂色八年彌遜上疏乞外甚力詔不允趙鼎罷相檜專國贊帝決策通和金國遣烏陵思謀等入界索禮甚悖軍民皆不平人言紛紛檜於御榻前求去欲要決意屈己從和樞密院編修官胡銓上疏乞斬檜校書郎范如圭以書責檜曲學背師忘讎辱國禮部侍郎曾開抗聲引古誼以折檜相繼貶逐彌遜請對言金使之請和欲行君臣之禮有大不可帝以為然詔廷臣大議即日入奏彌遜手疏力言陛下受金人空言未有一毫之得乃欲輕祖宗之付託屈身委命自同下國而尊奉之倒持太阿授人以柄危國之道而謂之和可乎借使金人姑從吾欲假以目前之安異時一有無厭之求意外之欲從之則害吾社稷之計不從則覺端復開是今日徒有屈身之辱而後患未已又言陛下率國人以事讎將何以責天下忠臣義士之氣力陳不可者二檜嘗邀彌遜至私第曰政府方虛真苟和奸無異議當以兩地相洩答曰彌遜受國恩深厚何敢見利忘義顧今日之事國人皆不以為然獨有一去可報相公檜默然次日彌遜再上疏言愈切直又言送伴使揣摩迎合不恤社稷乞別選忠信之人協濟國事檜大怒彌遜引疾帝諭大臣留之時和議已決附會其說者至謂向使明州時主上雖百拜亦不問議論靡然賴彌遜廷爭檜雖不從亦憚公論再與金使者計議和不受封冊如宰相就館見金使受其書納入禁中多所降殺惟君臣之禮不得盡爭九年春再上疏乞歸田以徽猷閣直學士知漳州改知漳州十年歸隱連江西山是歲兀朮分四道入侵明年又侵淮西取壽春竟如彌遜言十二年檜乘金兵既敗收諸路兵復通和好追仇向者盡言之臣嗟言者論彌遜與趙鼎王庶曾開四人同沮和議於是彌遜落職十餘年間不通時相書不請磨磨不乞任子不序封爵以終其身常憂國無怨讟意二十三年卒朝廷

思其中節。詔復敷文閣待制。有奏議三卷。外制二卷。議古三卷。詩十卷。弟彌大。彌大字似矩。登崇寧三年進士第。以大臣薦召對。除校書郎。遷監察御史。假太常少卿充契丹賀正旦使。時傳聞燕民欲歸漢。徽宗遣彌大覘之。使還奏所聞有二。或謂彼主淫刑滅親。種類畔離。女真侵迫。國勢危殆。爲可取。或謂下詔罪己。擢用耆舊。招赦盜賊。國尙有人。未可取。莫若聽其自相攻併。遷起居郎。試中書舍人。同修國史。童貫宣撫承興。走馬承受白鏐恃貴。不報師期。朝廷止從薄責。彌大繳奏。以爲邊報不至。非朝廷福。鏐坐除名。彌大亦出知光州。移知鄂州。召爲給事中。兼校正御前文籍詳定官。拜禮部侍郎。金人大舉入侵。李綱定城守之策。命彌大爲參議。與綱不合罷。未幾除刑部尙書。初。朝廷許割三鎮界金人。旣而遣种師道師中援河北。姚古援河東。彌大上疏。乞起河東西境麟府諸郡及陝西兵。以濟古之師。起河東路及京東近郡兵。以濟師道師中之師。爲腹背攻劫之圖。遂除彌大河東宣撫。副使張師正領勝捷軍敗於河東。潰歸。彌大誅之。復遣餘卒援真定。餘卒叛。宣撫罷。命彌大知陝州。河東破。小將李彥先來謁。言軍事。彌大壯之。留爲將。戍崞澗。間以遇敵。詔遣使召援。彌大未敢進。會承與帥范致虛亂。兵動王。檄彌大充諸道計議。行至方城道阻。乃率衆赴大元帥府。建炎元年。除知淮寧府。到郡未幾。杜用等夜叛。彌大縋城出。賊散乃還。坐貶秩。尋召爲吏部侍郎。帝如杭州。命權紹興府。試戶部尙書。兼侍讀。呂頤浩視師。以彌大爲參謀官。彌大奏。王導謝安爲都督。未嘗離朝廷。今邊圍幸無他。頤浩不宜輕動。又言。己爲天子從官。非宰相可辟。乞於諸軍悉置軍正。如漢朝故事。以察官即官爲之。陛下必欲留臣。當別爲一司。伺察頤浩過失。忤旨。出知平江府。中丞沈與求劾彌大謀間君臣。妄自尊大。奪職歸。起知靜江府。奏廣西邊防利害。入爲工部尙書。未幾罷去。廣西提刑韓璜劾其在靜江日。斷強盜死罪。引絞入斬。貶兩秩。紹興十年卒。年六十一。

不爲身謀。曾幾積學潔行。風節凜凜。陳嘗膽枕戈之言。以贊親征。亦壯矣哉。勾漣直節正論。不受檜私。潔身歸老。彌遜會開。同沮和議。廢紕以沒。無怨懟心。所謂臨大節而不可奪者歟。

宋史卷三百八十二

元中書右丞相總裁脫脫等修

列傳第一百四十二

陳俊卿 虞允文 辛次膺

陳俊卿字應求興化人幼莊重不妄言笑父死執喪如成人紹興八年登進士第授泉州觀察推官服勤職業同僚宴集恆謝不往一日郡中失火守汪藻走視之諸掾屬方飲某所俊卿與卒亦假之行於是例以後至被詰俊卿唯唯稱謝而已知其實問故俊卿曰某不能止同僚之行又資其僕安得為無過時公方感怒其忍幸自解重人之罪乎藻歎服以為不可及秩滿奏檜當國察其不附己以為南外睦宗院教授尋添通判南劍州未上而檜死乃以校書郎召孝宗時為普安郡王高宗命擇端厚靜重者輔導之除著作佐郎兼王府教授諱經輒寓規戒正色特立王好鞠戲因誦韓愈諫張建封書以諷王敬納之累遷監察御史殿中侍御史首言人主以兼聽為美必本至公人臣以不欺為忠必達大體御下之道恩威並施抑驕將作士氣則紀綱正而號令行矣遂劾韓仲通本以獄事附檜冤陷無辜檜黨盡逐而仲通獨全劉寶總戎京口忝措剋且拒命不分戍二人遂抵罪湯思退專政俊卿言冬日無雲而雷宰相上不當天心下不厭人望詔罷思退時災異數見金人侵軼之勢已形俊卿乃疏言張浚忠盡蓋首不渝竊聞讒言其陰有異志夫浚之得人心伏士論為其忠義有素反是則人將去之誰復與為變乎疏入未報因請對力言之上始悟數月以浚守建康又言內侍張去為陰沮用兵且陳避敵計搖成算請按軍法上曰卿可謂仁者之勇除權兵部侍郎金主亮渡淮俊卿受詔整浙西水軍李寶因之遂有膠西之捷亮死詔俊卿治淮東堡砦屯田所過安輯流亡金主襄新立申舊好廷臣多附和議俊卿奏和戎本非得已若以得故疆為實利得之未必能守是亦虛文而已今不若先正名名正則國威彊歲幣可損因陳選將練兵屯田減租之策擇文臣有膽略者為參佐俾察軍政習戎務以儲將材孝宗受禪言為國之要有三用人賞功罰罪所以行之者至公而已願留聖意遷中書舍人

時孝宗志在興復方以閫外事屬張浚以俊卿忠義沉靖有謀以本職充江淮宣撫判官兼權建康府事奏曰吳璘孤軍深入敵悉眾拒戰久不決危道也兩淮事勢已急蓋分遣舟師直擣山東彼必還師自救而得乘勝定關中我及其未至潰其腹心此不世之功也會主和議方堅詔璘班師亦召俊卿奏陳十事定規模振紀綱勵風俗明賞罰重名器遵祖宗之法獨無名之賦隆興初元建都督府俊卿除禮部侍郎參贊軍事張浚初謀大舉北伐俊卿以為未可會謀報敵眾糧邊地請將以為秋必至宜先其未動舉兵浚乃請于朝出師已而邵宏淵果以兵潰俊卿退保揚州主和議者幸其敗橫議搖之浚上疏待罪俊卿亦乞從坐詔貶兩秩諫臣尹穡附思退議罷浚都督改宣撫使治揚州俊卿奏浚果不可用別屬賢將若欲責其後効降官示罰古法也今削都督重權實揚州死地如有奏請臺諫沮之人情解體向何後効之圖議者但知惡浚而欲殺之不復為宗社計願下詔戒中外協濟使浚自効疏再上上悟即命浚都督且召為相卒為思退橋所擠遣視師江淮俊卿累章請罪以寶文閣待制知泉州請祠提舉太平興國宮思退既竄太學諸生伏闕下乞召俊卿乾道元年入對上學撫之因極論朋黨之弊除吏部侍郎同修國史論人才當以氣節為主氣節者小有過當容之邪佞者甚有才當察之錢端禮起戚里為參政親相位甚急館閣之士上疏斥之端禮遣客密告俊卿已即相當引共政深拒不聽翌日進讀寶訓適及外戚因言本朝家法外戚不預政有深意陛下宜謹守上首肯端禮憾之知建康府逾年授吏部尚書時上未能屏翰觀將游獵白石俊卿引漢桓靈唐敬穆及司馬相如之言力以為戒上喜曰備見忠讜朕決意用卿矣朕在藩邸知卿為忠臣俊卿拜謝受詔館金使遂拜同知樞密院事時會觀龍大淵怙舊恩竊成福士大夫頗出其門及俊卿館伴大淵副之公見外不交一語大淵納諷亦謝不接洪邁白俊卿人言鄭聞除右史某當除某官信乎詰所從邁以淵覲告具以邁語質於上上曰朕曷嘗謀及此輩必竊聽得之有旨出淵觀中外稱快金移文邊吏取前所伴俊卿請報以誓書云伴虜叛亡是兩事伴虜發已多叛亡不應遣且本朝兩淮民上國俘虜亡慮數萬本朝未嘗以

為言恐壞和議使兩境民不安或至交兵則屈直勝負有在矣鎮江軍帥戚方刻削軍士俊卿奏內臣中有主方者當併懲之即詔罷方以內侍陳璠李宗回付大理究贓狀十一月當郊而雷上內出手詔戒飭大臣葉顥魏杞坐罷俊卿參知政事時四明獻銀鑪將召冶工即禁中鍛之俊卿奏不務帝王之大而屑屑有司之細恐為有識所窺從官梁克家莫濟俱求補外俊卿奏二人皆賢其去可惜於是劾奏洪邁姦險議佞不宜在左右罷之減福建鈔鹽罷江西和糶廣西折米鹽錢蠲諸道宿逋金穀錢帛以巨萬計於是政事稍歸中書矣龍大淵死上憐曾觀欲召之俊卿曰自出此兩人中外莫不稱頌今復召必大失天下望臣請先罷遂不召殿前指揮使王琪被旨按視兩淮城壁環薦和州教授劉甄夫得召俊卿言琪薦兵將官乃其職教官有才何預琪事會揚州奏琪傳旨增築城已訖事俊卿請於上未嘗有是命俊卿曰若詐傳上旨非小故奏言人主萬幾豈能盡防閑所恃者紀綱號令賞罰耳不誅琪何所不為琪劾罷官先是禁中密旨直下諸軍宰相多不預聞內官張方事覺俊卿奏自今百司承御筆處分事須奏審方行從之既而以內諸司不樂收前命俊卿言張方王琪事聖斷已明忽論臣曰禁中取一飲一食必待中審豈不留滯臣所慮者命令之大如三衙發兵戶部取財豈為宮禁細微事臣等備數出內陛下命令耳凡奏審欲取決陛下非臣欲專之且非新條申舊制耳已行復收中外惶惑恐小人以疑似激聖怒上曰朕豈以小人言疑卿等耶同知樞密院事劉琪進對爭辨激切忤旨既退手詔除琪端明殿學士奉外祠俊卿即藏去密具奏即日奏劄臣實草定以為有罪臣當先罷琪之除命未敢奉詔陛下即位以來納諫諍體大臣皆感德事今琪以小事獲罪臣恐自此大臣皆阿順持祿非國家福上色悔久之命琪帥江西俊卿退自劾上手札留之且曰卿雖百請朕必不從四年十月制授尚書右僕射同中書門下平章事兼樞密使俊卿以用人為己任所除吏皆一時選賢廉退抑奔競或才可用資歷淺密薦於上未嘗語人每接朝士及牧守自遠至必問以時政得失人才賢否虞允文宣撫四川俊卿薦其才堪相五年正月上召允文為樞密使至則以為右相俊卿為左相允文建

議遣使金以陵寢為請俊卿面陳復手疏以為未可上御弧矢弦激致目眚六月始御便殿俊卿疏曰陛下經月不御外朝口語籍籍皆輔相無狀不能先事開陳虧損聖德陛下憂勤恭儉清靜寡欲前代英主所不能免者皆屏絕顧於騎射之末猶未能忘臣知非樂此志圖恢復故俯而從事以閱武備激士氣耳願陛下任智謀明賞罰恢信義則英聲義烈不越尊俎固已震懾敵人於萬里之遠豈待區區騎射於百步間哉陛下下一身宗社生靈之休戚繫焉願以今日之事示為後戒曾觀官滿當代俊卿預請處以浙東總管上曰觀意似不欲為此官俊卿曰前此陛下去二人公論甚愜願捐私恩伸公議觀快快而去樞密承旨張說為親戚求官憚俊卿不敢言會在告請於允文得之俊卿聞救已出語吏留之說皇恐來謝允文亦愧猶為之請俊卿竟不與說深憾之吏部尚書汪應辰與允文議事不合求去俊卿數奏應辰剛毅正直可為執政上初然之後竟出應辰守平江自是上意鄉允文而俊卿亦數求去明年允文復申陵寢之議上手札諭俊卿俊卿奏陛下痛念祖宗思復故疆臣雖疲駑豈不知激昂仰贊聖謨然於大事欲計其萬全俟一二年間吾之專力稍充乃可不敢迎合意指誤國事即杜門請去以觀文殿大學士帥福州陛辭猶勸上遠佞親賢修政獲敵泛使未可輕遣既去允文卒遣使終不得要領曾觀亦召還建節鉞躋保傅而士大夫莫敢言俊卿至福州政尚寬厚嚴於治盜海道晏清以功進秩轉運判官陳規建議改行鈔鹽法俊卿移書宰執極言福建鹽法與淮浙異遂不果行明年請祠提舉洞霄宮歸第敝屋數楹怡然不介意淳熙二年再命知福州累章告歸除特進起判建康府兼江東安撫召對垂拱殿命坐賜茶因從容言曰將帥當由公選臣聞諸將多以賄得曾觀王抃招權納賄進人皆以中批行之賊吏已經結劫而內批改正將何所勸懲上曰卿言甚當朝辭奏曰去國十年見都城穀賤人安惟士大夫風俗大變上曰何也俊卿曰向士大夫奔覲林之門十纒一二尚畏人知今則公然趨附已七八不復顧忌矣人材進退由私門大非朝廷美事上曰抃則不敢覲雖時或有請朕多抑之自今不復從矣俊卿曰此曹聲勢既長侍從臺諫多出其門毋敢為陛下言臣恐壞朝廷紀

綱廢有司法度。敗天下風俗。累陛下聖德。命二府飲餞浙江亭。俊卿去建康十五年。父老喜其再來。爲政寬簡。罷無名之賦。時御前多行白劄。用左右私人持送。俊卿奏非便。上手札獎諭。除少保。判建康府如故。八上章告老。以少師魏國公致仕。十三年十一月薨。年七十四。方屬疾。手書示諸子云。遺表止謝聖恩。勿祈恩澤及功德。勿請諡樹碑。上聞嗟悼。輟視朝。贈太保。命本路轉運司給葬事。賜諡正獻。俊卿孝友忠敬。得於天資。清嚴好禮。終日無惰容。平居恂恂。若不能言。而在朝廷。正色危論。分別邪正。斥權勢無顧避。凡所奏請。關治亂安危之大者。雅善汪應辰李燾。尤敬朱熹。屢書論薦。其薨也。熹不遠千里往哭之。又狀其行。有集二十卷。子五人。宓有志于學。終承奉郎。朱熹爲銘其墓。宓自有傳。

虞允文字彬甫。隆州仁壽人。父祺登政和進士第。仕至太常博士。潼川路轉運判官。允文六歲誦九經。七歲能屬文。以父任入官。丁母憂。哀毀骨立。既葬。朝夕哭墓側。墓有枯桑兩鳥來巢。念父之饑。且疾。七年不調。跬步不忍離左右。父死。紹興二十三年。始登進士第。通判彭州。權知黎州。渠州。秦檜當國。蜀士多屏棄。檜死。高宗欲收用之中書。命人趙達首薦允文。召對。謂人君必畏天。必安民。必法祖宗。又論士風之弊。以文章進。必抑其輕浮。以言語進。必黜其巧僞。以政事進。必去其苛刻。庶可任重致遠。且極論四川財賦科納之弊。上嘉納之。除秘書丞。累遷禮部郎官。金主亮修汴。已有南侵意。王綸還言敵恭順和好。湯思退再拜賀。置邊備不問。及金使施宜生頗泄敵情。張憲密奏之。亮又隱畫工圖臨安湖山。以歸。亮賦詩情益露。允文上疏言。金必敗盟。兵出有五道。願詔大臣豫思備禦。時三十年正月也。十月。借工部尚書充賀正使。與館伴賓射。一發破的。衆驚異之。允文見運糧造舟者多。辭歸。亮曰。我將看花落陽。允文還奏所見及亮語。申言淮海之備。除中書舍人。直學士院。三衙管軍。以宦寺充承受。允文言。自古人主大權。不移於姦臣。則落於近倖。秦檜盜權。十有八年。檜死。權歸陛下。邇來三衙交結中官。宜和明受。嚴鑿未遠。上大悟。立罷之。金使王全高景山來賀生辰。口傳亮悻悻語。欲得淮南地。索將相大臣議事。於是召三衙大將趙密等議舉兵。侍從臺諫集議。宰臣陳康伯傳上旨。今日更不問和與守。直問戰當如

何。遣成閔爲京湖制置使。將禁衛五萬。禦襄漢上流。允文曰。兵來不除道。敵爲虛聲。以分我兵。成。其出淮。森謀爾。不聽。卒遣閔。七月。金主亮徙汴。允文復語康伯。閱軍約程在江池。宜令到池者駐池。到江者駐江。若敵兵出上流。則荆湖之軍捍於前。江池之軍援於後。若出淮西。則池之軍出巢縣。江州軍出無爲。可爲淮西援。是一軍而兩用之。康伯然其說。而閱軍竟屯武昌。九月。金主命李通爲大都督。造浮梁于淮水上。金主自將。兵號百萬。旌帳相望。鉦鼓之聲不絕。十月。自渦口渡淮。先是劉錡措置淮東。王權措置淮西。至是權首棄廬州。錡亦回揚州。中外震恐。上欲航海。陳康伯力贊親征。是月戊午。樞臣葉義問督江淮軍。允文參謀軍事。權又自和州遁歸。錡回鎮江。盡失兩淮矣。十一月壬申。金主率大軍臨采石。而別以兵爭瓜洲。朝命成閔代錡。李顯忠代權。錡權皆召義問。被旨命允文往蕪湖。趣顯忠交權軍。且犒師采石。時權軍猶在采石。丙子。允文至采石。權已去。顯忠未來。敵騎充斥。我師三五星散。解鞍束甲坐道旁。皆權敗兵也。允文謂坐待顯忠。則誤國事。遂立招諸將。勉以忠義曰。金帛告命皆在此。待有功。衆曰。今既有主。請死戰。或曰。公受命犒師。不受命督戰。他人壞之。公任其咎乎。允文叱之曰。危及社稷。吾將安避。至江濱。見江北已築高臺。對植絳旗二纛。旗二。中建黃屋。亮踞坐其下。諜者言前一日刑白黑馬祭天。與衆盟。以明日濟江。晨炊玉麟堂。先濟者予黃金一兩。時敵兵實四十萬。馬倍之。宋軍纔一萬八千。允文乃命諸將列大陣不動。分戈船爲五。其二並東西岸而行。其一駐中流。藏精兵代戰。其二藏小港。備不測。部分甫畢。敵已大呼。亮操小紅旗。麾數百艘。絕江而來。瞬息抵南岸者七十艘。直薄宋軍。軍小卻。允文入陣中。撫時俊之背曰。汝膽略聞四方。立陣後則兒女子爾。俊即揮雙刀出。士殊死戰。中流官軍亦以海船衝敵舟。皆平沉。敵半死。半戰。日暮未退。會有潰軍自光州至。允文授以旗鼓。從山後轉出。敵疑援兵至。始遁。又命勁弓尾擊追射。大敗之。僵尸凡四千餘。殺萬戶二人。俘千戶五人。及生女真五百餘人。敵兵不死于江者。亮悉敵殺之。怒其不出江也。以捷聞。犒將士。謂之曰。敵今敗。明必復來。夜半部分諸將。分海舟緝上流。別遣兵截楊林口。丁丑。敵果至。因交擊之。復大戰。焚其舟三百。

始遁去。再以捷聞。既而敵遣偽詔來諭王權。似有宿約。允文曰。此反間也。仍復書言。權已真典憲。新將李世輔也。願一戰以決雌雄。亮得書大怒。遂焚龍鳳車。斬梁漢臣及造舟者二人。乃趨瓜洲。漢臣教亮濟江者也。顯忠至自蕪湖。允文語之曰。敵入揚州。必與瓜洲兵合。京口無備。我當往。公能分兵相助乎。顯忠分李捧軍萬六千往京口。葉義問亦命楊存中將所部來會。允文還建康。即上疏言。敵敗於采石。將徵幸於瓜洲。今我精兵聚京口。持重待之。可一戰而勝。乞少緩六飛之發。甲申。至京口。敵屯重兵滁河。造三幅儲水深數尺。塞瓜洲。口時楊存中成閔邵宏淵諸軍皆聚京口。不下二十萬。惟海船不滿百。戈船半之。允文謂遇風則使戰船。無風則使戰艦。數少恐不足用。遂聚材冶鐵。改修馬船為戰艦。且借之平江。命張深守滁河口。扼大江之衝。以苗定駐下蜀為援。庚寅。亮敵持滿以待。相顧駭愕。亮笑曰。紙船耳。一將跪奏。南軍有備不可輕。願駐揚州。徐圖進取。亮怒欲斬之。哀謝良久。杖之五十。乙未。亮為其所殺。初亮在瓜洲。聞李寶由海道入膠西。成閔諸軍方順流而下。亮愈怒。還揚州。召諸將約三日濟江。否則盡殺之。諸將謀曰。進有淪殺之禍。退有敵殺之憂。奈何。有萬載者曰。殺郎主與南宋通和。歸鄉則生矣。衆曰。諾。亮有紫茸細軍不臨陣。恆以自衛。衆患之。有蕭遮巴者給之曰。淮東子李玉帛皆聚海陵。且嗾使往。細軍去而亮死。丙申。敵人退屯三十里。遣使議和。己亥。奏聞。召入對。上慰藉數款。謂陳俊卿曰。虞允文公忠出天性。朕之裴度也。詔免扈從。往兩淮措置。允文至鎮江。奏收兩淮三策。不報。明年正月。上至建康。尋議回鑾。詔以楊存中充江淮荆襄路宣撫使。允文副之。給舍繳存中除命。於是允文充川陝宣諭使。辭言。金亮既誅。新主初立。彼國方亂。天相我恢復也。和則海內氣沮。戰則海內氣伸。上以為然。允文至蜀。與大將吳玠議。經略中原。玠進取鳳翔。復鞏州。金治兵爭陝西。新復州郡。蜀士欲棄之。允文持不可。孝宗受禪。朝臣有言西事者。謂官軍進討。東不可過。難。北不可過。德順。且欲用忠義人守新復州郡。官軍退守蜀口。允文爭之不得。吳玠遂歸河池。蓋用參知政事史浩議。欲盡棄陝西。臺諫袁季任古附和

其說。允文再上疏。大略言。恢復莫先於陝西。陝西五路。新復州縣。又係於德順之存亡。一旦棄之。則窺蜀之路愈多。西和階成。利害至重。前後凡十五疏。且移書陳康伯。康伯牽於同列。不能回也。上將召允文問陝西事。執政忌其來。以顯謨閣直學士知夔州。尋又命奏事。隆興元年。入對。史浩既素主棄地。及拜相。亟行之。且親為詔。有曰。棄難肋之無多。免狼心之未已。允文入對言。今日有八可戰。上問及棄地。允文以芻蕘地陳其利害。上曰。此史浩誤朕。以數文閣待制知太平州。尋除兵部尚書。湖北京西宣撫使。改制置使。時朝廷遣盧仲賢使金議和。湯思退又欲棄唐鄧海泗。手詔謂唐鄧非險要。可寬度外。允文五上疏力爭。思退怒。即奏曰。此皆以利害不切於己。大言誤國。以邀美名。宗社大事。豈同戲劇。上意遂定。思退陽請召允文。實欲去之也。允文上印。猶以四州不可棄為請。乞致仕。詔以顯謨閣學士知平江府。思退竟決和議。割唐鄧。二年。金兵復至。思退貶。上海不用允文言。陳俊卿亦薦允文堪大用。除端明殿學士。同簽書樞密院事。乾道元年。拜參知政事。兼知樞密院事。是秋。金遣完顏仲有所議。偃蹇不敬。允文請斬之。廷有異論。不果。會錢端禮受李宏王帶。事連允文。為御史章服所論。罷政奉祠西歸。二年二月。召至闕。除知樞密院事。兼參知政事。吳玠卒。議擇代。上諭允文曰。吳玠既卒。汪應辰恐不習軍事。無以易卿。凡事不宜效張浚迂闊。軍前事卿一一親臨之。即拜資政殿大學士。四川宣撫使。尋詔依舊知樞密院事。歸蜀一月。召至闕。不數月。復使蜀。太上賜御書。聖主得賢臣頌。上又為之製跋。陸辭。復以所御雙履及甲冑賜焉。過鄧。郭泰築黃鵠山城。過襄陽。奏修府城。八月。至漢中。又往沔陽。九月。至益昌。先被手詔。戒九事。洎至蜀。悉奉而行。尤以軍政為急。又奏閱實諸軍。第其壯怯為三。上備戰中。下備糧重。老者少者不預。汰兵凡萬人。減緡錢四百萬。汰去兵有勞績者。置員闕處之。與洋義士民兵也。紹興初。以七萬計。大散之。戰將不授甲。驅之先。官軍死亡略盡。命利帥晁公武覈實。得二萬三千九百餘人。又得陝西弓箭手法。參紹興制為一書。俾將吏守之。以馬政付張松。奏依舊制。分茶馬為川秦司。初在樞府。蕭遮巴以刷軍中人為言。允文嘗奏論三衙撫存之。至是。金洋與元歸正人二萬。遮道訴繫縲之。

苦。尤文分給官田，俾成振業。欲給敵將姜挺白沂遺御札，募鞏人王嗣祖結外，著以圖金人。又得蕃僧六彪者，僧住，竟無成說。時叩蜀十四郡告饑，荒政凡六十五事，劍倅獻羨錢五萬，卻之。五年八月，拜右僕射，同中書門下平章事，兼樞密使。尤文多薦知名士，如洪适、汪應辰，及為相，籍人才為三等，有所見聞，即記之。號材館錄。凡所舉，上皆收用。如胡銓、周必大、王十朋、趙汝愚、晁公武、李燾，其尤章明者也。上以兵冗財匱為憂，尤文與陳俊卿議，章三衙雜役，汰冗籍，三軍無怨言。六年，陳俊卿以奏留龔茂良忤上意，上震怒甚，俊卿待命浙江亭，兩日不報。尤文請對，極論體貌之道，疊拜榻前，遂命判福州。詔以范成大為祈請使，為陵寢故，金不從，且謀報欲以三十萬騎奉還陵寢來歸，中外洶洶，荆襄將帥皆請增戍。尤文謂金方懲亮，決不輕動，不過以虛聲撼我耳。遂奏止之。朝論紛然。尤文屹不動，敵卒無他。自莊文太子薨，儲位未定，尤文上疏，且屢懇陳。七年正月，上兩宮尊號，議始定。下詔皇第三子恭王惇立為皇太子。皇子懼，以雄武保寧軍節度使判寧國府。皇太子尋尹臨安，侍衛馬軍司牧地，舊在臨安。尤文謂地狹不利，芻牧請令就牧鎮江。緩急用騎過江便。三軍有怨語。其後言者以此為言。胡銓以臺評去。尤文奏留之。經筵銓薦朱熹，上問尤文識熹否。尤文謂熹不在程頤下，遂召熹，熹不至。檢鼓院以六條抑上書人。尤文力言不可。從之。會慶節，金使烏林答天錫入見。金主婿也，驕倨甚，固請上降榻，聞金主起居，上不許。天錫跪不起。侍臣錯愕失措。尤文請大駕還禁中，且諭之曰：大駕既與，難再御殿，使人來且隨班上壽。金使慚而退。上以僕射名不正，改為左右丞相。八年二月，授尤文特進。左丞相兼樞密使。梁克家為右丞相。尤文嘗舉克家自代。上不許。是月以病乞解機政。又薦克家靖重有宰相器。至是始同相。手詔付尤文曰：朕方欲武臣為樞密，曹勳如何。尤文謂勳人品卑凡，不可用。既而以張說簽書樞密院事。右正言王希呂與臺官交劾之。上怒希呂甚，手詔與遠惡監當。尤文繳回。上益怒。梁克家曰：希呂論張說臺綱也。左相救希呂國體也。上怒稍解。卒希呂之劾。四月，御史蕭之敏劾尤文。尤文上章待罪。上過德壽宮，太上曰：采石之功，之敏在何許。毋聽其去。上為出之。敏且書扇製詩以留之。尤文言

之敏端方，請召歸以聞言路。上謂其言寬厚，命曾懷書之時政記。上命選諫官。尤文以李彥穎、林光朝、王質對。三人皆鯁亮，又以文學推重於時。故薦之。久不報。曾勳薦一人，賜第擢諫議大夫。尤文克家爭之不從。尤文力求去。授少保、武安軍節度使。四川宣撫使進封雍國公。陛辭，上諭以進取之方。期以某日會河南。尤文言：異時戒內外不相應。上曰：若西師出而朕還回，即朕負卿。若朕已動而卿還回，即卿負朕。上御正衙，酌酒賦詩以遣之。且賜家廟祭器。九年，至蜀大軍月給米一石五斗，不足贍其家。尤文捐宣司錢三十萬易米，計口增給。立戶馬七條括民馬，奏選良家子以儲戰用。初北界有寇障者，擁眾數萬在商號間。尤文秉政日，納款，迨至蜀，復遣人致書。尤文不報，羈縻之而已。既而隣謀覺，金密遣人捕之。葉衡奏聞。尤文上疏自辨，因請納祿不報。上嘗謂尤文曰：丙午之恥，當與丞相共雪之。又曰：朕惟功業不如唐太宗，富庶不如漢文景，故尤文許上以恢復使蜀一歲，無進兵期。上賜密詔趣之。尤文言：軍需未備，上不樂。淳熙元年薨。後四年，上幸白石大閱，見軍皆少壯，謂輔臣曰：虞允文行沙汰之効也。尋詔贈太傅，賜諡忠肅。尤文姿雄偉，長六尺四寸，慷慨磊落，有大志，而言動有則度。人望而知為任重之器。早以文學致身臺閣，晚際時艱，出入將相，垂二十年。孜孜忠勤，無二焉。嘗注唐書五代史藏于家。有詩文十卷。經筵春秋講義三卷。奏議二十二卷。內外志十五卷。行于世。子三人：公亮、公著、杭孫。孫八人，皆好修。唯剛簡最知名。嘉定中，召不至。終利路提點刑獄。

辛亥，膺字起季，萊州人。幼孤，從母依外氏王聖美於丹徒。俊慧力學，日誦千言。甫冠，登政和二年進士第。歷官為單父丞。值山東亂，舉室南渡。屬閩寇范汝為陷建州，宰相呂頤浩以次膺宰蒲城，遏賊衝。比至，寇黨熊志寧已焚其邑。於是披荆棘，坐瓦礫中。安輯吏民，料丁壯，治器械，阨險阻，號令不煩。邑民便之。數月，韓世忠破賊，復建州。除審計司。餘黨范黑龍破隣邑，閩帥張守徹次膺俟賊平而後行。乃募鄉兵習彈弩。賊至，與之夾水而陣。矢齊發，賊奔潰。生致首領五人。餘悉宥之。用參政孟度薦，召對。奏用人貴於務實。施令在於必行。選駕部，願敕郡邑省耕，薄征，務農抑末。又奏：中原之人，棄墳墓生業，從巡江左。飢寒殍仆，願

加存拊，可以堅中原後后之心。遷吏部郎，湖北運判，中途召還，見高宗于建康行宮，首言救世之弊。上稱善，敕以所奏榜朝堂。擢右正言，奏願開兵將，親闡披覽，恩威之柄，使人人知朝廷之尊。左右近習久則干政，願杜其漸。兵連不解，十年于茲，一歲用錢三十萬，米四百萬石，諸路常賦僅足支其半，餘悉取諸民，乞罷不急之務，節姑息之澤，省冗官，汰煥兵，韓世忠勇直，祕閣，次膺奏曰：攻城野戰，世忠功也。其子何與，石渠東觀圖書府也。武功何與，倖門一啓，援例者衆。又奏：今主議者見小利，忽大計，偏師偶勝，遽思進討，便謂攻爲有餘，警奏稍聞，首陳退舍，便謂守爲不足，願嚴紀律，謹烽燧，明間探，上皆信納。聞韓世忠將自楚州移軍鎮江，復陳可慮者五王倫，使北請和，次膺言：宣和海上的約，靖康城下之盟，口血未乾，兵隨其後。今日之事，當識其詐。時秦檜在政府，爲其妻兄王仲彥敘兩官，次膺劾仲彥奴事朱勳，投拜金匱，罪在不赦。又劾知撫州王曉違法，佃官田不輸租，其父仲山先知撫州，屈膝金人，曉繼其後，何顏見吏民，曉檜之妻兄也。章留中，次膺再論之曰：近臣奏二人，繼聞追寢除命，是皆檜容私營救，陛下曲從其欲，國之紀綱，臣之責任。一切廢格，借使責連宮掖，親如肺腑，寵任非宜，臣亦得論之。而大臣之姻婭，乃不得繩之耶。望陛下奮乾剛之威，戒蒙蔽之漸，求去，除直秘閣，湖南提刑。先是湖南賊龍淵李朝擁衆數萬，據衡之茶陵，檜匿不奏，乃以見闕處次膺，陛辭。上曰：卿以將母爲請，朕不得留。湖湘風物甚佳，且無盜賊，職名異恩，卒歲當召，既抵長沙，賊勢方張，戍將抽回，始悟檜欲陷之，卽單車趨茶陵，擒賊驍將戮之，募賊黨毛義龍麟等齎榜，諭以朝廷抽回戍將，務欲招安，宜亟降，待以不死。龍淵李朝相繼降，仍請料精銳，可得禁旅萬餘，次膺笑曰：是皆吾民，正當棄兵甲，持鋤耰耒，令復業。奏茶陵爲軍，金好成，赦書至衡陽，次膺極陳其詐，略曰：臣昨在諫列，嘗數論金人變詐無常，願陛下爲宗社生靈深慮，近觀郵報，樞密院編修官胡銓妄議和好，歷詆大臣，除名遠竄，已而得銓書，乃知朝廷遽欲屈已稱藩，臣未知其可。大臣懷姦固位，不恤國計，婢孽趨和，謬以爲便，臣不知天下之人以爲便乎。父之讎不與共戴天，兄弟之讎不反兵，棄讎釋怨，盡除前事，降萬乘之尊，以求說於敵，天下之人，果能遂亡

怨痛，以從陛下之志乎。書奏不報，金陷三京，次膺罷奉祠，秦檜以其負重名，欲先移書，當稍收用，次膺笑而不答。閱十六年，貧益甚，上臺髮求於人，檜死，起知婺州。三日，被召至國門，以足疾求去，加祕閣修撰，還郡。再召見，歷言仇怨當國，老母幾委溝壑，因奏國本未立，上改容曰：誰可。次膺曰：知子莫若父，上稱善。擢權給事中，蔣璨權戶部侍郎，次膺駁璨不守正，事交出，際知平江，御史中丞湯鵬舉劾次膺假權報怨，除待制宮觀，起知泉州，移福建帥，丁母憂，乞納祿，孝宗卽位，手詔趣召，既至，奏陛下用賢，必考覈事功，勿以一人譽用之，一人毀去之，出令要無反汗，納善要如轉圜，練兵恤民，經理兩淮，使敵不能乘虛而入，是日除御史中丞，朝德壽宮，高宗一見，謂惜閑卿於疆健時，上將以春饗迎高宗，諸廷祥觀，幸玉津園，次膺奏：欽宗服未終，方停策士，且金人慢書甫至，意在交兵，剗原野間禁衛稀少，當過爲之慮，兼一出費十數萬緡，曷若以資兵食，時兩淮盡爲荒野，次膺奏乞集遺吐歸業，借種牛，或令在屯兵從便耕種，此足兵良法。至若成閔之貪饕，湯思退之朋附，葉義問之姦罔，皆以次論劾，每章疏一出，天下譁之。上方厲精政事，次膺每以名實爲言，多所裨益，呼其官不名，隆興改元三月，同知樞密院事，符離之師，捷奏日聞，次膺手疏千言，乞持重，未幾，軍果潰，及見上顏色不樂，奏言：師潰而歸，張浚彈壓必無他，此上天大徵戒於陛下，上數其先見，拜參知政事，以疾力祈免，且奏曰：王十朋除侍史，雖上親擢，天下皆知，臣嘗薦其賢，湯思退召將至，亦知臣嘗疏其姦，臣不引避，人其謂何。除資政殿學士，提舉洞霄宮，辭賜茶，甚惜其去，次膺奏：臣與思退理難同列，上曰：有謂湯思退可用者，次膺奏：今日之事，恐非思退能辦，思退固不足道，竊恐誤國家事，乾道六年閏五月卒，年七十九。次膺孝友，清介，立朝譽謬，仕宦五十年，無絲毫挂吏議，爲政貴清靜，先德化，所至人稱其不煩，善屬文，尤工於詩。論曰：孝宗志恢復，特任張浚，浚卿斥姦黨，明公道，以爲之佐，洎居中書，知無不爲，言無不盡，蓋其立志，一以先哲爲法，非他相可擬也。尤文許國之忠，炳如丹青，金庶人亮之南侵，其鋒甚銳，中外倚劉錡爲長城，錡以病不克進，師，尤文儒臣，奮勇督戰，一舉而挫之，亮乃自斃，昔赤壁一勝而三國勢成，淮淝一勝而南

北勢定。允文采石之功。宋事轉危為安。實係乎此。及其罷相鎮蜀。受命興復。剋期而往。志雖未就。其能慷慨任重。豈易得哉。次膺力排羣邪。無負言責。泣政不煩。居約有守。晚再立朝。審諤尤著。南渡直言之臣。宜為首稱焉。

宋史卷三百八十三

宋史卷三百八十三考證
虞允文傳趙遼○按趙遼當是趙遼。然遼傳無薦允文之事。及考別本。以舍人陸遼薦。存參。

宋史卷三百八十三考證

元中書右丞相總裁脫脫等修

列傳第一百四十三

陳康伯 梁克家 汪澈 葉義問

蔣鼎 葉顥 葉衡

陳康伯字長卿信之弋陽人父亨仲提舉江東常平康伯幼有學行宣和三年中上舍丙科累遷大學正丁內艱貴溪盜將及其鄉康伯起義丁逆擊俘其渠魁邑得全建炎末為勅令刪定官預脩紹興勅令尋通判衢州攝郡事盜發白馬原康伯督州兵齊王師進討克之除太常博士改提舉江東常平茶鹽高宗進躡建康康伯以職事過闕得對因請擇將上聞納紹興八年除樞密院大計議官累遷戶部司勳郎中康伯與秦檜太學有舊檜嘗國康伯在郎省五年泊然無求不偷合十三年始遷軍器監借吏部尚書使金至汴將晡不供餉閉戶臥勿問入夜館人扣戶謝不敏亦不對後因金使至詔康伯館伴端午賜扇帕與論拜受禮言者以生事論罷知泉州海盜間作朝廷遣劉寶成閩逐捕康伯以上意招懷盜多出降籍為兵久之不逞者陰倡亂康伯訊得實論殺之州以無事秩滿三季祠垂十年檜死起知漢州將出峽召對除吏部侍郎康伯首請節用寬民凡州縣取民無藝許監司互察臺諫彈劾尋兼禮戶部乞約歲用會所入儲什之一二備水旱奏上議竟不決兼刑部前此有司希檜意與大獄康伯平讞直寬士大夫存歿多賴之除吏部尚書宰臣擬用權尚書出命高宗顧曰朕且大用何權為尋拜參知政事自孫道夫使北還已聞金以買馬非約為言朝廷特和康伯與同知樞密院事王綸白發其端綸使還乃言和好無他康伯持初論不變九月以通政大夫守尚書右僕射同中書門下平章事例賜銀絹康伯固辭減半又辭兼史院上嘗謂其靜重明敏一語不妄發真宰相也又命與湯思退輔政事勿憚商論惟其當而已康伯言大臣事當盡公若依阿植黨此鄙夫患失者臣非惟不敢亦素不能高宗嘆其長者普安郡王居潛藩高宗一日謂康伯當以使相封真王今宜冠以屬籍於是詔以為皇子封建王

實三十年二月也明年三月拜光祿大夫尚書左僕射五月金遣使賀天申節出邊言求淮漢地指取將相大臣且以淵聖凶問至康伯主禮部侍郎黃中之論持斬衰三年先是葉義問賀允中使還言金必敗盟康伯請早為之備建四策一增劉錡荆南軍以重上流二分畫兩淮地命諸將結民社各保其境三劉實獨當淮東將驕卒少不可倚四沿江諸郡脩城積糧以固內地至是召三衙帥及楊存中至都堂議舉兵又請侍從臺諫集議康伯傳上旨曰今日更不問和與守直問戰當如何時上意雅欲視師內侍省都知張去為陰沮用兵且陳退避策中外妄傳幸閩蜀人情洶洶右相朱倬無一語同知樞密院事周麟之受命聘金憚不欲行康伯獨以為己任奏曰金敵敗盟天人共憤今日之事有進無退聖意堅決則將士之意自倍願分三衙禁旅助襄漢待其先發應之康伯勉周麟之以國事麟之語侵康伯康伯曰使某不為宰相當自行大臣與國存亡雖死安避麟之竟以辭行罷尋貶責殿中侍御史陳俊卿言當用張浚且乞斬張去為以作士氣康伯以俊卿振職奏權兵部侍郎九月金犯廬州王權敗歸中外震駭朝臣有遣家豫避者康伯獨具舟迎家人浙且下令臨安諸城門局鑄率遲常時人特以安敵迫江上召楊存中至內殿議之因命就康伯議康伯延之入解衣置酒上聞之已自寬翌日入奏曰聞有勸陛下幸越趨閩者審爾大事去矣盡靜以待之一日忽降手詔如敵未退散百官康伯焚之而後奏曰百官散主勢孤矣上意既堅請下詔親征以葉義問督江淮軍虞允文參謀軍事上初命朱倬為都督倬辭乃命義問允文尋敗敵於采石金主亮為其臣下所斃而還方亮之犯江國人即立葛王襄三十二年始遣高忠建來告登位議授書禮康伯以誼折之於是報書始用敵國禮高宗倦勤有與子意康伯密贊大議乞先正名俾天下咸知聖意遂草立太子詔以進及行內禪禮以康伯奉冊孝宗即位命兼樞密使進封信國公禮遇殊渥但呼丞相而不名康伯自建康扈從回即以病祈去位不允明年改元隆興請益堅遂以太保觀文殿大學士福國公判信州上慰勞甚勤且曰有宣召慎勿辭宰執即府餞別百官班送都門外已又辭郡丐外祠除醴泉觀使二年八月起判紹興府且令赴闕

奏事復辭未幾召陪郊祀時北兵再犯淮甸人情驚駭皆望康伯復相上出手札遣使即家居召之未出里門拜尚書左僕射同中書平章事兼樞密使進封魯國公親故謂康伯實病宜辭康伯曰不然吾大臣也今國家危當與疾就道幸上哀而歸之爾道聞邊遽兼程以進至闕下詔子安節增文好謙掖以見減拜賜坐間日一會朝許肩輿至殿門仍給扶非大事不畧敵師退尋以目疾免朝謁臥家旬餘一奏事乾道元年正月上辛有事南郊康伯起陪祠已即丐歸章屢上不許一日出殿門喘劇輿至第薨年六十有九贈太師諡文恭擇日臨窆子偉節固辭乃止命工部侍郎何備護喪歸二子偉節除直秘閣安節賜同進士出身五辭不受上手札批諭寄留省中以成其美康伯薨給還之慶元初配享孝宗廟庭改諡文正

梁克家字叔子泉州晉江人幼聰敏絕人書過目成誦紹興三十年廷試第一授平江簽判時金主亮死衆皆言可乘機進取克家移書陳俊卿謂敵雖退吾兵力未振不量力而動將有後悔俊卿歸以白丞相陳康伯數其遠慮召為秘書省正字遷著作佐郎時災異數見克家奏宜下詔求言從之令侍從臺諫御史監郎官館職疏闕失克家條六事一正心術二立紀綱三救風俗四謹威柄五定廟算六結人心其論定廟算謂今邊議不過三說曰將兵財語甚切直累遷中書舍人使金金以中朝進士第一敬待之即館宴射連數十發中的金人來賀慶會節克家請令金使入朝由南門百官由北門從者毋輒至殿門外以肅朝儀詔定為令郊祀有雷震之變克家復條六事遷給事中凡三年遇事不可必執奏無隱嘗奏陛下欲用賢才不喜空言空言固無益然以空言為懲則諫爭之路遂塞願有以開導之上欣納因命條具風俗之弊克家列四條曰欺罔苟且循默奔競上手筆擬論乾道五年二月拜端明殿學士簽書樞密院事明年參知政事又明年兼知院事初修金好金索所獲俘啟慶未已克家請築楚州城環舟師于外邊賴以安在政府與虞允文可否相濟不苟同皇太子初立克家請選置官屬增講讀員遂以王十朋陳良翰為詹事中外稱得人允文主恢復朝臣多迎合克家密諫數不合力丐去上曰兵終不可用乎克家奏用兵

以財用為先今用度不足何以集事上改容曰朕將思之詰朝上面諭曰朕終夜思卿言至當毋庸去八年詔更定儀射為左右丞相拜克家為右丞相兼樞密使一日上謂宰執曰近過德壽宮太上頤養愈勝天顏悅懌朕退不勝喜克家奏堯未得舜以為己憂既得舜固宜甚樂允文奏堯獨高五帝之壽以此上曰然允文既罷相克家獨秉政雖近威權侍不少假借而外濟以和張說入樞府公議不與寢命俄復用說怒士夫不附已謀中傷之克家悉力調護善類賴之議金使朝見授書儀時欲移文對境以正其禮克家議不合遂求去以觀文殿大學士知建康府陛辭上以治效為問克家勸上無求奇功既而三省密院卒移牒泗州敵不從遣泛使來舉朝震駭後二年湯邦彥坐使事貶天下益服克家謀國之忠淳熙八年起知福州在鎮有治績趙雄奏欲令再任降旨仍知福州召除醴泉觀使九年九月拜右丞相封儀國公逾月而疾十三年命以內祠兼侍讀賜第在所存問不絕十四年六月薨年六十手書遺奏上為之垂涕贈少師諡文靖初唱第時孝宗由建邸入侍愛其風度峻整及登政府眷寵尤渥為文渾厚明白自成一體辭命尤溫雅多行于世

汪澈字明遠自新安徙居饒州浮梁第進士教授衡州沅州用方俟高薦為秘書正字校書郎輪對乞令帥臣監司侍從臺諫各舉將帥高宗善之行其言除監察御史進殿中侍御史特賜鞍馬時和戎歲久邊防浸弛澈陳養兵養兵自治豫備之說累數千言顯仁皇后擢官訖役議者欲廣四隅士庶墳在二十里內皆當遷命澈按視還奏昭慈徽宗顯肅懿節四陵舊占百步已數十年今日何為是紛紛漢長樂未央宮夾樽里疾墓未嘗遷國朝宮陵儀制在封塚界內不許開故合附願遷出者聽其意深矣高宗大悟悉如舊儀義問使金還頗知犯邊謀澈言不素備事至倉卒靖康之變可鑑今將驕卒情宜加蒐閱使有關心文武職事務選實才不限資格除侍御史左相湯思退不協人望澈同殿中侍御史陳俊卿劾罷又論鎮江大將劉寶十罪詔奪節子祠三十一年上元前一夕風雷雨雪交作澈言春秋魯隱公時大雷震電繼以兩雷孔子以八日之間再有大變謹而書之今一夕間二異交至此陰威之證殆為金人今荆襄

無統督，江海乏備禦，因陳修攘十二事。殿帥楊存中久握兵權，內結閹寺，王十朋、陳俊卿等繼論其罪。高宗欲存護使去，澈與俊卿同具奏，存中始罷。會金使高景山來求覺端，澈言：「天下之勢，疆弱無定形，在吾所以用之。」陛下屈己和戎，厚遺金饋，彼輒出惡言以撼吾國，願陛下赫然密斷，益兵嚴備，布告中外，將見上下一心，其氣百倍矣。除御史中丞，尋遣馬帥成閔以所部三萬人屯京裏，以澈爲湖北、江西宣諭使，詔凡吏能否，民利病，悉以聞。過九江，王炎見澈論邊事，辟爲屬，偕至襄陽，撫諸軍。鄂帥田師中老而怯，立奏易之，時欲置襄守荆南，澈奏：「襄陽地重，爲荆楚門戶，不可棄。」敵將劉萼擁衆十萬，揚聲欲取荆南，又欲分軍自光黃搆武昌，朝廷以敵昔由此入江南，令吳拱嚴護武昌津渡，拱將引兵回鄂，澈聞之，馳書止拱，而自發鄂之餘兵戍黃州，俾拱留襄，敵騎奄至樊城，拱大戰漢水上，敵衆敗走。時唐鄧陳蔡汝穎相次歸職，方未幾，金主亮死，澈乞出兵淮甸，與荆襄軍夾擊其歸師，未報。而金新主罷兵，請和，召澈入爲參知政事，與宰相康伯同贊內禪，孝宗卽位，銳意恢復，首用張浚，使江淮，澈以參豫會軍荆襄，將分道進討，趙撝守唐，王宣守鄧，招皇甫侗於蔡，襄漢沃壤，荆棘彌望，澈請因古長渠築堰，募閒民，汰冗卒，雜耕爲度，三十八屯，種與牛，授廬金，歲可登穀七十餘萬斛，民償種，私其餘，官以錢市之，功緒略就。隆興元年，入奏還武昌，而張浚剋期大舉，詔澈出師應之，澈以議不合，乞令浚併領荆襄，諫議大夫王大寶論澈無制勝策，皇甫侗以忠義結山岩，扼敵要衝，澈不能節制，坐視孤軍，墮敵計，趙撝以千五百人救方城，敗散五百餘人，澈慢不加省，乞罷黜，澈亦請祠，除資政殿學士，提舉洞霄宮，大寶疏再上，落職，仍祠祿，明年，知建康府，尋除樞密使，在位二年，以觀文殿學士奉洞霄祠，尋知鄂州，兼安撫使，孝宗訪邊事，澈奏：「向者我有唐鄧爲藩籬，又皇甫侗控扼陳蔡，敵不敢窺裏，既失兩郡，備復內徙，敵屯新野，相距百里，爾臣令趙撝王宣築城儲糧，分備要害，有以待敵，至於機會之來，難以豫料，孝宗善之，時議廢江州軍，澈言不可，知寧國府，改福州，福建安撫使，復請祠，尋致仕，卒年六十三，贈金紫，光祿大夫，諡莊敏，澈爲殿中，日薦陳俊卿王十朋陳之茂爲臺官，高宗曰：「名士也，次第用之矣。」在樞府，

孝宗密訪人材，薦百有十八人，常奏言：「臣起寒遠，所以報國，惟無私不欺爾。」其自奉清約，雖貴猶布衣時，有文集二十卷，奏議十二卷。

葉義問字審言，嚴州壽昌人，建炎初，登進士第，調臨安府司理參軍，范宗尹爲相，義問與沈長卿等疏其姦，爲饒州教授，攝郡，歲旱，以便宜發常平米振民，提刑黃敦書劾之，詔勿問，前樞密徐俯門僧犯罪，義問繩以法，俯嘗舉義問，怒甚，乃袖薦書還之，知江寧縣，召秦檜所親役，同僚不可，義問曰：「釋是則何以服他人？」卒役之，通判江州，豫章守張宗元忤檜，或以飛語，事下漕臣張常先，宗元道九江，常先檄義問拘其舟，義問投檄曰：「吾寧得罪，不爲不祥。」常先白檜，檜去檜死，湯思退薦之上，記其嘗言范宗尹，召至，言臺諫廢置在人，主檜親黨宜盡罷逐，以言得罪者宜敘復，擢殿中侍御史，樞密湯鵬舉效檜所爲，植其黨周方崇，李庚置籍臺諫，錮異己者，義問累章劾鵬舉，有一檜死一檜生之語，并方崇等皆罷之，又言：「凡擇將遇一闕，令樞密院具三名取上旨，則軍政盡出掌握，遷侍御史，朱樸沈虛中奉祠里居，義問劾其附秦檜，皆移居郊祀，赦義問言，頃歲附會告訐者，不應例移放從之，遷吏部侍郎，兼史館修撰，尋兼侍讀，拜同知樞密院事，上聞金有犯邊意，遣義問奉使覘之，還奏：「彼造舟船，備器械，其用心必有所在，宜屯駐沿海要害，備之。」金主亮果南侵，命視師，義問素不習軍旅，會劉錡捷書至，讀之至金賊，又添生兵，顧吏曰：「生兵何物耶？」聞者掩口，至鎮江，聞瓜洲官軍與敵相持，大失措，乃役民掘沙溝，植木枝爲鹿角禦敵，一夕潮生，沙溝平，木枝盡去，會建康留守張燾遣人告急，義問乃遵陸，云往建康，催發軍，市人皆譟罵之，又聞敵據瓜洲，采石兵甚衆，復欲還鎮江，諸軍喧沸曰：「不可回矣。」回則有不測，遂趨建康，已而金主亮被弒，師退，義問還朝，力請退，遂罷，隆興元年，中丞辛次膺論義問頃護諸將幾敗事，且以官私其親，謫饒州，乾道元年，詔自便，六年，卒，年七十三。

蔣鼎，字子禮，常州宜興人，之奇曾孫，紹興二十一年，進士第二人，孝宗卽位，累遷起居郎，兼直學士院，時宦者梁珂事上，潛即撓權，尹樞論珂與珂，帝繳奏罷之，簽書樞密院事，首奏加意邊防，又奏拔將才行伍，聞識其姓名，一旦披籍，可

立取具。又料簡歸正人。仍以北人將之。或令深入山東。或令自荆襄深入。除權參知政事。同知國用事。帝奏。方今財最費於養兵。糞祖取天下不過十五萬人。紹興初。外有大敵。內有巨寇。然兵數亦不若今日之多。近見陳敏勇汰三千人。戚方汰四千人。然多是有官人。與以外任請券錢添借給如故。是減於內而添於外。何益。又招兵耗盡愈甚。臣考覈在內諸軍。每月逃亡事故。常不下四百人。若權停招兵一年有半。使財用稍足。招丁壯。不惟省費。又得精兵。上悟。一日。因進呈邊報。上顧帝曰。將來都督非卿不可。帝奏。臣未嘗經歷兵間。又奏。方今錢穀不足。兵士不練。將帥與臣不相識。願陛下更審思其人。南郊禮畢。宰相葉顥兼樞密使。會母疾卒。詔起復。拜左僕射。帝力辭。有密旨欲令歲大舉。手詔廷臣魏杞罷。帝採衆論。參己見。為籌邊志。上之。明年。拜右僕射。同中書門下平章事。議或主和。或主恢復。使帝決之。帝奏。天時人事未至。拂上意。服闋。除觀文殿大學士。知紹興府。提舉洞霄宮。尋以言者論落職。建昌軍居住。期年。有旨自便。再提舉洞霄宮。卒。帝始以言邊事。結上知不十年間。致相位。終以不能任兵事。受責。豈優於論議而劣於事功歟。

葉顥字子昂。興化軍僊遊人。登紹興元年進士第。為廣州南海縣主簿。攝尉盜發。州檄巡尉同捕。巡檢獲盜十餘人。歸其勞於顥。顥曰。掠美欺君。倖賞三者皆罪。不忍為也。帥曾開大善之。知信州貴溪縣。時詔行經界。郡議以上中下三等定田稅。顥請分為九等。守從之。令信之六邑以貴溪為式。知紹興府上虞縣。凡絲役令民自推貨力甲乙。不以付吏。民欣然。皆以實應。催租各書其數。與民約。使自持戶租至庭。親視其入。咸便之。帥曹泳令今歲夏租先期送。什之八。顥請少紓其期。泳怒。及麥大熟。民輸租反為諸邑最。泳大喜。許薦于朝。顥固辭。實正中薦顥靜退。遂召見。顥論國讎未復。中原之民。日企鑿輿之返。其語剴切。高宗嘉納。除將作監簿。知處州。青田令陳光獻羨餘百萬。顥以所獻充所賦。湯思退之兄居處州。家奴屠酤犯禁。一繩以法。思退不悅。屬常州通緝錢四十萬。守坐免。移顥知常州。金犯邊。高宗視師建康。道毗陵。顥賜對舟次。因言恢復莫先於將相。故相張浚久誦無恙。是天留以相陛下也。顥初至郡。無旬月。儲末一年餘。

緡錢二十萬。或勸獻羨。顥曰。名羨餘。非重征則橫斂。是民之膏血也。以利易實。心實恥之。召為尚書郎。除右司。詔求直言。顥上疏。謂陛下以手足之至親。付州郡之重寄。是利一人。害一方也。人稱其直。除吏部侍郎。復權尚書。時七司弊事未去。上疏言選部所以為弊。乃與郎官編七司條例為一書。上嘉之。令刻板頒示。除端明殿學士。拜參知政事。兼同知樞密院事。武臣梁俊彥請稅沙田。蘆場。帝以問顥。對曰。沙田乃江濱地。田隨沙漲而出。沒不常。蘆場則臣未之詳也。且辛巳軍興。蘆場田租並復。今沙田不勝其擾。上曰。誠如卿言。顥至中書。召俊彥切責之曰。汝言利求進。萬一為國生事。斬汝不足以塞責。俊彥惶恐汗下。是日詔沙田蘆場並罷。御史林安宅請兩淮行鐵錢。顥力言不可。安宅不能平。既入樞府。乃上章攻顥云。顥之子受宣州富人周良臣錢百萬。得監鎮江大軍倉。御史王伯庠亦論之。顥乞下吏辯明。乃以資政殿學士提舉洞霄宮。上下其事臨安府。時王炎知臨安。上令炎親鞫置對。無秋毫跡。獄奏。上以安宅伯庠風聞失實。並免所居官。仍貶安宅錫州。召顥赴闕。入見。上勞之曰。卿之清德。自是愈光矣。除知樞密院事。未拜。進尚書左僕射。兼樞密使。顥首薦汪應辰。王十朋。陳良翰。周操。陳之茂。芮擘。林光朝等。可備執政。侍從臺諫。上嘉納。又言。自古明君用人。使賢使愚。使姦使盜。惟去泰甚。上曰。固然。虞有禹臯。亦有共驩。周有旦奭。亦有管蔡。在用不用。顥曰。誠如聖訓。但今日在朝。雖未見有共驩管蔡。然有竊弄威福者。臣不敢隱。上問為誰。顥以龍大淵對。語在陳俊卿傳。上以國用未裕。詔宰相兼國用使。參政同知國用事。顥乃言。今日費財。養兵為甚。兵多則有冗卒。虛籍。無事則費財。有事則不可用。雖曰汰之。旋即招之。欲足國用。當嚴於汰。緩於招。可也。孔子曰。節用而愛人。蓋節用則愛人之政。自行於其間。若欲生財。稅費民財。爾。上曰。此至言也。上曰。建康劉源嘗賂近習。朕欲遣王抃廉其姦。顥曰。臣恐廉者甚於姦者。乃止。乾道三年。冬至。上親郊。而雷顥引漢故事。上印綬。提舉太平興國宮。歸至家。不疾而薨。年六十八。以觀文殿學士致仕。贈特進。諡正簡。顥為人簡易。清介。與物若無忤。至處大事。毅然不可奪。友人高登嘗上書。譏切時相。名捕甚急。顥與同邸。謫令逸去。登曰。不為君累乎。顥曰。以獲罪固所願。

將相。故相張浚久誦無恙。是天留以相陛下也。顥初至郡。無旬月。儲末一年餘。

也。卽爲具舟。舟移乃去。自初仕至宰相。服食僅妾田宅。不改其舊。

葉衡字夢錫。婺州金華人。紹興十八年。進士第。調福州寧德軍節度使。以獲鹽寇改秩。知臨安府。於潛縣。戶版積弊。富民多隱漏。貧弱困於陸輸。衡定爲九等。自五以下除其籍。而均其額於上之四等。貧者頓蘇。徵科爲期限。榜縣門。俾里正論民。不遣一吏而賦自足。歲災蝗不入境。治爲諸邑最。郡以政績聞。卽召對。上曰。聞卿作縣有法。遣還任。權知常州。時水潦爲災。衡發倉爲糜。以食飢者。或言常平不可輕發。衡曰。儲蓄正備緩急。可視民飢而不救耶。疫大作。衡單騎命醫藥。自隨。徧問疾苦。活者甚衆。檄晉陵丞李孟堅攝無錫縣。有政聲。衡薦于上。卽除知秀州。上之信其言如此。除太府少卿。合肥瀕湖有圩田四十里。衡奏募民以耕。歲可得穀數十萬。蠲租稅二三年。後阡陌成。做管田官私各收其半。從之。除戶部侍郎。時鹽課大虧。衡奏。年來課入不增。私販害之也。宜自煮鹽之地爲之制。司火之起伏。稽竈之多寡。亭戶本錢。以時給之。鹽之委積。以時收之。擇廉能吏察之。私販自絕矣。仍命措置官三人。淮南於通州。浙東於明州。浙西於秀州。丁母憂。起復知廬州。未行。除樞密都承旨。奏馬政之弊。宜命統制一員。各領馬若干匹。歲終計其數爲殿。最李屋應賢。良方正。對策近訐直。入第四等。衡奏。陛下赦其狂而取其忠。足以顯容諫之威。乃賜屋制科出身。有言江淮兵籍僞濫。詔衡按視。賜以袍帶鞍馬弓矢。且命衡措置民兵。咸稱得治兵之要。訖事赴闕。上御便殿。閱武士。召衡預觀。賜酒。灑宸翰。賜之。知荆南。成都建康府。除戶部尙書。除簽書樞密院事。拜參知政事。衡奏二事。一。牧守將帥。必擇材以稱其職。必久任以盡其材。二。令戶部取湖廣會子實數。盡以京會立限。易之。從之。拜右丞相。兼樞密使。上銳意恢復。凡將帥器械山川防守。悉經思慮。奏對畢。從容賜坐。講論機密。或不時召對。時會子浸患折閱。手詔賜衡曰。會子雖曰流通。終未盡愜人意。卽流使有二千二百餘萬。今用上下庫黃金白金銅錢九百萬。內藏庫五百萬。并蜀中錢物七百萬。盡易會子之數。專命卿措置。日近而辦。卿真宰相才也。一日。上曲宴宰執於凝碧。上曰。自三代而下。至于漢唐。治日常少。亂日常多。何也。衡奏。聖君不常有。周八百年。稱極治成康而已。上曰。朕觀無逸篇。

見周公爲成王歷言商周之君。享國長遠。真萬世龜鑒。衡奏。願陛下常以無逸爲龜鑑。社稷之福。上又言朝廷所用。止論其人如何。不可有黨。如唐牛李之黨。相攻四十年。緣主聽不明至此。文宗曰。去河北賊易。去朝中朋黨難。朕常笑之。衡奏。文宗優游不斷。故有此語。陛下英明聖武。誠非難事。御寶實封。令與臨安府寶思。永改合入官。衡奏。選人改官。非奏對稱旨。則用考舉磨勘。一旦特旨與之。非陛下愛惜人才之意。上亟收前命。上諭執政。選使求河南。衡奏。司諫湯邦彥。有口辨。宜使金邦彥。請對。問所以遣。既知薦出於衡。恨衡擠己。聞衡對客有訕上語。奏之。上大怒。卽日罷相。責授安德軍節度副使。郴州安置。邦彥使還。果辱命。上震怒。竄之嶺南。詔衡自便。復官與祠。年六十有二。贈資政殿學士。衡負才足智。理兵事甚悉。由小官不十年至宰相。進用之驟。人謂出於曾觀云。論曰。陳康伯以經濟自任。臨事明斷。梁克家才優識遠。謀國盡忠。至若汪澈之論事忠懇。薦達人才。葉義問直言正色。掃除秦檜餘黨。然不長於兵。臨敵失措。豈優議論而劣事功者歟。葉顛清儉正直。而衡才智有餘。蓋亦一時之選云。

宋史卷三百八十四

元中書右丞相總裁脫脫等修

列傳第一百四十四

葛郊 錢端禮 魏杞 周葵

施師點 蕭燧 龔茂良

葛郊字楚輔其先居丹陽後徙吳興世以儒學名家高祖密至郊五世登科第大父勝仲至郊三世掌詞命郊少警敏葉夢得陳與義一見稱爲國器以蔭授建康府上元丞會金人犯江上元當敵衝調度百出郊不擾留守張浚王綸皆器重之登進士第蕭之敏爲御史薦其才除國子博士輪對論州縣受納及鬻爵之弊孝宗獎諭曰觀所奏知卿材除著作郎兼學士院權直除正言首疏言盈虛之理隱於未然治亂之分生於所忽宜專以畏天愛民爲先又論征權歲增之害如鞏下都稅務紹興間所趣茶鹽歲以一千三百萬緡爲額乾道六年後增至二千四百萬緡成都府一務初額四萬八千緡今至四十餘萬緡通四川酒額遂至五百餘萬緡民力重困至若租稅有定數而暗耗日增折帛益多民安得不窮乎願明詔有司茶鹽酒稅比原額已增至一倍者毋更立新額官吏不增賞庶少蘇疲吐上特召復令調陳郊以六事對皆切中時病除侍御史論救荒三事累遷中書舍人歲旱詔求初政得失郊應詔大略謂虞允文制國用南庫之積日以厚戶部之日以削故近年以來常有不足之憂罷兵以來諸將皆以賂得升其勢必至於持刻取償益精其選遷給事中張焜以說之子除知閣裴賈琮以顯仁之姪女夫落階官郊皆繳奏廣西議更鹽法郊言鈔法之行漕臣嘗給羣商沒入其質楮幣行之二廣民必疑慮且有後悔除刑部尚書郊爲東宮僚屬八年孝宗書安遇字以賜又出梅花詩命郊屬和眷遇甚渥光宗受禪除參知政事郊勸上專法孝宗正風俗節財用振士氣執中道恤民力選將帥收人才擇監司明法令手疏歷言之上嘉納除知樞密院事紹熙四年拜左丞相專守祖宗法度薦進人物博采公論惟恐其不聞之未期年除觀文殿大學士知建康府改隆興請稱寧宗卽位郊上疏言今日之事莫先

於脩身齊家結人心定規模判紹興府簡稽期會錢穀刑獄必親或謂大臣均佚有體郊曰崇大體而簡細務吾不爲也嘗曰十二時中莫欺自己其實踐如此改判福州道行感疾除少保致仕嘉年六十六贈少師諡文定配饗光宗廟庭有文集二百卷詞業五十卷

錢端禮字處和臨安府臨安人父沉潼川軍節度使端禮以恩補官紹興間通判明州加直祕閣累遷右文殿修撰任外服有聲高宗材之知臨安府御史中丞汪澈論版曹闕官當選權戶部侍郎兼樞密都丞旨端禮嘗建明用楮爲幣於是專委經畫分爲六務出納皆有法幾月易錢數百萬孝宗銳意恢復詔張浚出師會符離稍失利湯思退遂倡和議端禮奏有用兵之名無用兵之實買怨生事無益於國思退大喜奏除戶部侍郎未幾兼吏部端禮與戶部尚書韓仲通同對論經費奏所入有限兵食日增更有調發不易支吾上云須恢復中原財賦自足仲通奏恢復未可必且經度日前所用端禮奏仲通言是乞采納思退與張浚議和戰不決浚方主戰上意甚鄉之思退詭求去端禮請對乞留又奏兵者凶器願以符離之潰爲戒早決國是爲社稷至計於是思退復留命浚行邊還戍兵罷招納以端禮充淮東宣諭使王之望使淮西端禮入奏兩淮名曰備守守未必備名曰治兵兵未必精有用兵不勝僥倖行險經蹊出師大喪師徒者必勝之說果如此皆誤國甚明端禮既以是詆浚右正言尹穡亦劾浚罷都督自此議論歸一矣端禮至淮還極言守備疎略恐召金兵宜早定和議遂除吏部侍郎再往淮上驛疏言遣使發兵當並行使以盡其禮兵以防其變不必待金書至而後遣使書中或有見脅之語不若先遣以釋其疑於計爲得上云端禮所奏未是思退傳旨撤海泗二州戍兵語在思退傳金帥僕散忠義分兵入上意中悔令思退都督江淮軍馬端禮試兵部尚書參贊軍事思退畏怯不行端禮赴闕上曰前後廷臣議論獨卿不變兼戶部尚書俄拜端明殿學士簽書樞密院事兼權參知政事上嘗問欲遣楊由義持金帥書而辭行甚力誰可遣端禮請以王抃行俾與金帥議許割南秦地歸彼俘人惟叛上者不與餘誓目略同紹興世爲叔姪之國減銀絹五萬易歲貢爲歲幣及抃還上

見書金皆聽許。端禮贊上如其式報之。謀國當思遠圖。如與之和。則我得休息。以修內治。若為忿兵。未見其可。并遂行謀報。北軍已回。端禮以和議既定。乞降詔。除參知政事。兼權知樞密院事。時久不置相。端禮以首參。闕相位甚急。皇長子鄧王夫人端禮女也。殿中侍御史唐堯封論端禮帝姻。不可任執政。不報。還太常少卿館閣士相與上疏排端禮。皆坐絀。刑部侍郎王革陰附端禮。建為國是之說。以助其勢。吏部侍郎陳俊卿抗疏力誅其罪。且謂本朝無以戚屬為相。此懼不可為子孫法。逮進讀寶訓。適及外戚。因言祖宗家法。外戚不與政。最有深意。陛下所宜守。上納其言。端禮憾之。出俊卿知建寧府。鄧王夫人生子。太上甚喜。先兩月。恭王夫人李氏亦生子。於是恭王府直講王淮白端禮云。恭王夫人子。是為皇長嫡孫。端禮不懌。翌日。奏嫡庶具載禮經。講官當以正論輔導。不應為此邪說。遂指淮傾邪。不正與外任鄧王立為太子。端禮引嫌除資政殿大學士。提舉德壽宮。兼侍讀。改提舉洞霄宮。起知寧國府。移紹興。進觀文殿學士。端禮籍人財產至六十萬緡。有詰闕陳訴者。上聞之。與舊祠侍御史范仲芑劾端禮貪暴不悛。降職一等。淳熙四年八月。復元職。薨。贈銀青光祿大夫。後諡忠肅。孫象祖。嘉定元年。為左丞相。自有傳。

魏杞。字南夫。壽春人。祖蔭入官。紹興十二年。登進士第。知宣州涇縣。從臣錢端禮薦其才。召對。擢太府寺主簿。進丞。端禮宣諭淮東。杞以考功員外郎為參議官。遷宗正少卿。湯思退建和議。命杞為金通問使。孝宗面諭。今遣使一正名。二退師。三減歲幣。四不發歸附人。杞條上十七事擬問對。上隨書畫可。陛辭奏曰。臣若將指出疆。其敢不勉。萬一無厭。願速加兵。上善之。行次盱眙。金所遣大將僕散忠義。紇石烈志寧等。方擁兵闕淮。遣權泗州趙房長問所以來意。求觀國書。杞曰。書御封也。見主當廷授。房長馳白僕散忠義。疑國書不如式。又求割商秦地及歸正人。且欲歲幣二十萬。杞以聞。上命盡依初式。再易國書。歲幣亦如其數。忠義以未如所欲。遂與志寧分兵犯山陽。戰不利。驍將魏勝死之。上怒。金反覆詔以禮物犒督府師。杞奏。金若從約而金繒不具。豈不齊國體。格事機乎。乃以禮物行。至燕見金主。具言天子神聖。才傑奮起。人人有敵愾意。北朝用

兵。能保必勝乎。和則兩國享其福。戰則將士蒙其利。昔人論之甚悉。金君臣環聽拱棟。館伴張恭。愈以國書稱大宋。脅去大字。杞拒之。卒正敵國禮。損歲幣五萬。不發歸正人。北還。上慰藉甚渥。守起居舍人。遷給事中。同知樞密院事。進參知政事。右僕射兼樞密使。時方借職田助邊。降人蕭鷓巴。賜淮南田。意不愜。以職田請杞。杞言。圭租食功養廉。借之尚可。奪之不可。上是其言。杞以使金不辱命。絲庶官一歲至相位。上銳意恢復。杞左右其論。會杞祀冬雷。用漢制災異策免。守左諫議大夫。提舉江州太平興國宮。六年。授觀文殿學士。知平江府。諫官王希呂論杞食墨奪職。後以端明殿學士奉祠。告老。復資政殿大學士。淳熙十一年十一月薨。贈特進。嘉泰中諡文節。

周葵。字立義。常州宜興人。少力學。自鄉校移籍京師。兩學傳誦其文。宣和六年。擢進士甲科。調徽州推官。高宗移蹕臨安。諸軍交馳境上。葵與判官攝郡事。應變敏速。千里帖然。教授臨安府。未上。吏部侍郎陳與義密薦之。召試館職。將試。復引對。高宗曰。從班多說卿端正。除監察御史。徙殿中侍御史。在職僅兩月。言事至三十章。且歷條所行不當事。凡二十條。指宰相不任責。高宗變色曰。趙鼎張浚肯任事。須假之權。奈何遽以小事形迹之。葵曰。陛下即位已相十許人。其初皆極意委之。卒以公議不容而去。大臣亦無固志。假如陛下有過。尚望大臣盡忠。豈大臣有過。而言者一指。乃便為形迹。使彼過而不改。罪戾日深。非所以保全之也。高宗改容曰。此論甚奇。張浚議北伐。葵三章力言。此存亡之機。非獨安危所係。或言葵沮大計。罷為司農少卿。以直秘閣知信州。未上。鼎罷。陳與義執政。改湖南提刑。以親老易江東。皆不就。和議已定。被召。論為國有道。戰則勝。守則固。和則久。不然。二者在人不在我矣。除太常少卿。時秦檜獨相。意葵前論事去。必憾趙鼎。再除殿中侍御史。葵語人曰。元鎮已貶。葵固不言。雖門下客亦不及之也。丙降。差除四人。奏言。願陛下以仁租為法。大臣以杜衍為法。檜始不樂。又論國用軍政士民三弊。高宗曰。國用當藏之民。百姓足則國用非所患。又言薦舉改官之弊。宜聽減舉員。詔吏部措置。檜所厚權戶部尚書梁汝嘉。將特賜出身。除兩府。汝嘉聞葵欲劾之。謂中書舍人林待聘曰。副端將論君矣。待聘

乘檜未趨朝，亟告之。檜即奏爲起居郎。蔡方待引，檜下殿諭閣門曰：周葵已得旨除起居郎，隔下八月庚辰也。參政李光擬除呂廣問館職，檜不許。時有詔從官薦士，葵以廣問應，初不相知也。光既總葵以不附檜落職，主官王隆觀復置秘閣。起知湖州，移平江府。時金使絡繹于道，葵不爲禮，轉運李椿年希檜旨，勅之落職。主管崇道觀屏居鄉閭，憂患頻仍，人不能堪。葵獨安之，檜死，復直秘閣。知紹興府，過闕，權禮部侍郎，尋兼國子祭酒。奏科舉所以取士，比年主司迎合大臣意，取經傳語可諛者爲問目，學者競逐時好，望詔國學，并擇秋試考官。精選通今博古之士，置之前列，其穿鑿乖謬者黜之，兼權給事中。侍御史湯鵬舉言：葵以魏良臣薦，躐處侍從，呂廣問葵之死，黨乞并罷之。太學生黃作詹淵率諸生都堂投牒留葵，翌日博士何備等言于朝，乞懲戒詔作淵皆送五百里外州編管。葵出知信州，隨罷起知信州，引疾改提舉興國宮，加直龍圖閣。知太平州，水壞圩堤，悉繕完，凡百二十里，傍郡圩皆沒，惟當塗歲熟，市河久涸，雨場交病，葵下令城中家出一夫，官給之食，併力浚導，公私便之。進集英殿修撰，敷文閣待制，知婺州。孝宗即位，除兵部侍郎，兼侍講，改同知貢舉，兼權戶部侍郎。孝宗數手詔問錢穀出入，葵奏：陛下勞心庶政，日有咨詢，若出人意表，今皆微文細故，此必有小人乘間欲售其私，不可不察。蓋指龍大淵曾覲也。孝宗色爲動。金主亮爲其下所斃，張浚自督府來朝，密言敵失泗州，其懼罪者皆欲來歸，願遣軍渡淮赴之。此恢復之機也。葵請對謂不可輕舉，累數百言，及遣李顯忠郭宏淵取靈壁虹二縣，敗績。孝宗思其言，拜參知政事。葵始終自治之說，兼權知樞密院事。臺諫文章言議和太速，葵與陳康伯湯思退乞令侍從臺諫集議，衆益洶洶，諸公待罪乞罷，不許。葵獨留身固請。孝宗曰：卿何請之力也？曰：自預政以來，每與宰相論事，有以爲然而從者，有不得以強從者，有絕不肯從者，十常四五，迨至榻前，陛下又或不然。大率十事之中，不從者七八，安得不愧於心？此臣所以欲去也。嘗乞召用侍從臺諫。孝宗曰：安得如卿直諫者？遂薦李浩龔茂良。孝宗皆以爲佳士，次第用之。太常奏郊牛繫羣，言春秋醜鼠食牛角免郊，況邊虞未靖，請展郊以符天意。詔從之。虞允文陳康伯相，葵即求退，除資政殿學

士，提舉洞霄宮。起知泉州，告老。加大學士致仕，閑居累年，不以世故繁心，淳熙元年正月薨，年七十有七。上聞震悼，贈正奉大夫，後以子升朝，累贈太傅。葵孝於事親，當任子，先孤姪，其薨也，幼子與孫尚未命，平生學問，不泥傳注，作聖傳詩二十篇，文集三十卷，奏議五卷，晚號惟心居士。四年，有司請諡，賜諡曰惠簡。施師點字聖與，上饒人，十歲通六經，十二能文，弱冠游太學，試每在前列，司業高宏稱其文深醇，有古風，尋授以學職，以舍選奉廷對，調福州教授。未上，丁內艱，服除，爲臨安府教授。乾道元年，陳康伯薦賜對，言歷年屢下詔恤民，而惠未加，深陛下軫念，惟恐一夫失所，郡邑搜求，惟恐財賦不集，毋惑乎日降絲綸，恩不霑被，細民既困於倍輸，又困於非泛，重以歲惡，室且垂罄，租不如期，積多逋負，今明堂肆赦，戶自四等以下，逋自四年以前，願悉除免。上曰：非卿不聞此言。詔從之。八年，兼權禮部侍郎，除給事中。時太子詹事已除，上又特令增員爲二，命兼之，賜對言：比年人物勦斃，士氣耗蕩，當廣儲人材以待用。上曰：觀卿所奏，公輔器也。假翰林學士，知制誥兼侍讀使，命金廷立班既定，相儀者以親王將至，命師點退位，師點屹立，相儀者請數四，師點正色曰：班立已定，尙欲何爲？不肯少動。在廷相顧駭愕，知其有守，不敢復以爲請。九年，使還，有言其事于上者，上嘉數不已。及後金使賀正旦，至闕，問館伴，師點今居何官，館伴宇文侂於班列中指師點以示之，金使恍然曰：一見正人，令人眼明。十年，除端明殿學士，簽書樞密院事，入奏控免。上曰：卿靖重有守，慮慮深遠，朕欲用卿久矣。復詔兼參知政事，除參知政事，兼同知樞密院事，師點嘗同宰相奏事，退復同樞密，周必大進呈，上曰：適一二事，卿等各陳所見，甚關大體。前此宰相奏事，執政不措辭，今卿等如此，深副所望。必大奏：祖宗時宰執奏事，自相可否，或至面相切責，退不相銜，自秦檜用事，執政畏避不敢言。今陛下虚心兼聽，若只宰相奏事，何用執政爲？師點復奏：臣敢不竭股肱之力，上因諭之曰：朕欲天下事日往來胸中，未嘗釋也。先是州郡上供，或不時以進，立歲終稽考法，及是主計臣有喜爲督促者，乞不待歲終先期行之，畫命已下，師點矍然曰：此策若行，上下逼迫，民不聊生，或謂令已出矣。師點曰：事有爲天下病，惟恨更之不速，即追寢其議。

樞密周必大舉手賀師點曰使天下赤子不被其毒者公之賜也一日入對後殿上曰朕前飲水水過多忽暴下幸即平復師點曰自古人君當無事時快意所為忽其所當戒其後未有不悔者上深然之十三年辭兼同知樞密院事權提舉國史院權提舉國朝會要十四年除知樞密院事師點惓惓搜訪人才手書置夾袋中謂蜀去朝廷遠人才難以自見蜀士之賢者俾各疏其所知差次其才行文學每有除授必列陳之十五年春以資政殿大學士知泉州繼除提舉臨安府洞霄宮紹興二年除知隆興府江西安撫使師點嘗謂諸子曰吾平生仕宦皆任其升沉初未嘗容心其間不枉道附麗獨人主知之遂至顯用夫入窮達有命不在巧圖惟忠孝乃吾事也三年得疾薨年六十九贈金紫光祿大夫有奏議七卷制彙八卷東宮講議五卷易說四卷史識五卷文集八卷蕭燧字照鄰江軍人高祖固皇祐初為廣西轉運使知儋知高凶狡條上羈縻之策於樞府不果用智高後果叛父增紹興初嘗應制舉燧生而穎異幼能屬文紹興十八年擢進士高第授平江府觀察推官時秦檜當國其親黨密告燧秋試必主文漕臺燧詰其故曰丞相有子就舉欲以屬公燧怒曰初仕敢欺心耶檜懷之既而被檄秀州至則員溢就院易一員往漕闈秦檜果中前列秩滿當為學官避檜調靜江府察推而歸燧未第時夢神人示以文書記其一聯云如火烈烈玉石俱焚在冬青松柏不改已而果符前事未幾丁憂三十二年授靖州教授孝宗初除諸王宮大小學教授輪對論官當擇人不當為人擇官上喜製用人論賜大臣淳熙二年累遷至國子司業兼權起居舍人進起居郎先是察官闕朝論多屬燧以未歷歷遂除左司諫上諭執政昨除蕭燧若何龔茂良奏燧純實無華正可任言責聞除目下外議甚允燧首論辨邪正然後可以治上以外臺耳目多不稱職時宦官甘昇之客胡與可都承旨王抃之族叔桓皆持節于外有所依憑無善狀燧皆奏罷之時復議進取上以問燧對曰今賢否雜揉風俗澆淳兵未強財未裕宜臥薪嘗膽以圖內治若恃小康萌驕心非臣所知上曰忠言也因勸上正紀綱容直言親君子遠小人近習有勞可賞以祿不可假以權上皆嘉納權右諫議大夫入謝上曰卿議論鯁切不求名

譽糾正姦邪不恤仇怨五年同知貢舉有旨下江東西湖南北帥司招軍燧言所募多市井年少利犒資往往捕農民以應數取細民以充軍乞嚴戒諸郡庶得了壯以為用從之襄帥李景覃貪虐參政趙雄庇之臺臣謝廓然不敢論燧獨奏罷之雄果營救復命還任燧再論并及雄雄密奏燧誤聽景覃仇人之言遂下臨安府捕恭州士人鍾京等置之獄坐以罪景覃復依舊職燧乃自劾詔以風聞不許竟力求去徙刑部侍郎不拜固請補外出知嚴州吏部尚書鄭丙侍郎李椿上疏留之上亦尋悔嚴地狹財匱始至官雖不滿二千燧儉以足用二年之間積至十五萬以其羨補積逋諸邑皆寬先是宣和庚子方臘盜起甲子一周人人憂懼會遂安令陵士兵廩給羣言恟恟燧急易令且呼卒長告戒悉畏服城中惡少羣擾市燧密籍姓名湮補軍額人以按堵上方斬職名非功不予詔燧治郡有勞除數文閣待制移知婺州父老避道幾不得行送出境者以千數婺與嚴鄰人熟知條教不勞而治歲旱浙西常平司請移粟于嚴燧謂東西異路不當與然安忍於舊治坐視為請諸朝發大倉米振之八年召還言江浙再歲水旱願下詔求言仍令諸司通融郡縣財賦毋但督迫除吏部右選侍郎旋兼國子祭酒九年為樞密都承旨近例承旨以知閣門官兼或怙寵招權上思復用儒臣故命燧以龍圖閣待制為之燧言僕帥之風未殄羣臣多迎合獻諛強辨干譽宜察其虛實上稱善除權刑部尚書充金使館伴十年兼權吏部尚書上言廣西諸郡民身丁錢之弊兼侍讀升侍讀言命令不可數易憲章不可數改初官不許恩例免試今或竟令注授既却羨餘之數今反以出剩為名諸路錄大辟長吏當親詰若死囚數多宜如漢制殿最以聞事多施行慶典需澤丁錢減半亦自燧發之高宗山陵充按行使除參知政事尋充永思陵禮儀使權監修國史日曆十六年權知樞密院以年及自陳上留之不可除資政殿學士與郡復請開提舉臨安府洞霄宮紹熙四年卒年七十七謚正肅孝宗每稱其全護善類誠實不欺手書二十八將傳以賜子達登淳熙十四年進士第唱名第四孝宗曰達才氣甚佳父子高科殊可喜達累官至太常龔茂良字實之興化軍人紹興八年進士第為南安簿邵武司法父母喪哀號

辨誦鄰不忍聞調泉州察推以廉勤稱改宣教郎以同知樞密院事黃祖舜薦召試館職除秘書省正字累遷吏部郎官張浚視師江淮茂良言本朝禦敵景德之勝本於能斷靖康之禍在於致疑願仰法景德之斷勿爲靖康之疑除監察御史江浙大水詔陳闕失茂良疏曰水至陰也其占爲女龍爲孽佞爲小人專制崇觀政和小人道長內則愉腐竊弄外則姦回充斥於是京城大水以至金人犯闕今進退一人施行一事命由中出人心譁然指爲此輩臣願先去腹心之疾然後政事闕失可次第言矣內侍梁珂會觀龍大淵皆用事故茂良及之遷右正言會內侍李珂沒贈節度證靖恭茂良諫曰中興名相如趙鼎勳臣如韓世忠皆未有謚如朝廷舉行亦足少慰忠義之心今施於珂爲可惜竟寢其謚嘗論大淵觀姦回至是又極言之曰今積陰弗解淫雨益甚災感入斗正當異分天意若有所怒而未釋二人害政甚珂百倍上諭以皆潛邸舊非他近習比且俱有文學敢諫爭未嘗預外事翌日再疏言唐德宗謂李泌人言盧杞姦邪朕獨不知何耶泌曰此其所以爲姦邪也今大淵觀所爲行道之人能言之而陛下更頌其賢此臣所以深憂疏入不報即家居待罪章再上除太常少卿五辭不拜除直秘閣知建寧府自以不爲羣小所容請祠不允上後知二人之姦既逐于外起茂良廣東提刑就知信州即番山之址建學又置番禺南海縣學既成釋奠行鄉飲酒以落之城東舊有廣惠庵中原衣冠沒於南者葬之歲久廢茂良訪故地更建海會浮圖敢寄暴露者皆裨藏無遺召對崇政殿左丞相陳俊卿欲留之右相虞允文不樂會俊卿亦罷除直顯謨閣江西運判兼知隆興府上以江西連歲大旱知茂良精忠以一路荒政付之茂良戒郡縣免積稅上戶止索逋發廩振贍以右文殿修撰再任疫癘大作命醫治療全活數百萬進待制數文閣賞其救荒之功召對奏瀆池弄兵之盜即南畝負耒之民今諸郡荒田極多願詔監司守臣條陳募人從便耕藉民有餘粟雖驅之爲寇亦不從矣除禮部侍郎上奏用茂良手詔問國朝典故有自從官徑除執政例明日即拜參知政事奏事賜坐上顧葉衡及茂良曰兩參政皆公議所與衡等起謝上從容曰自今諸事毋循私若卿曲親戚且未須援引朕每存公道設有誤

卿等宜力爭君臣之間不可事形迹茂良曰大臣以道事君過有不可自當啓沃豈容迹見於外請詔有司刊定七司法淮南旱茂良奏取封樁米十四萬委漕帥振濟或謂救荒常平事今遽取封樁米毋乃不可茂良以爲淮南尺數畝境民久未復業飢寒所逼萬一嘯聚患害立見寧能計此米乎他日上擬論曰淮南旱荒民無飢色卿之力也湖州守奏通判不法得旨下帥臣體訪通判茂良鄉人也同列密以省吏付棘寺推鞠欲及茂良奏事退回列留身出獄案進上茂良不知也上厲聲曰參政決無此茂良遜謝不復辯葉衡罷上命茂良以首參行相事慶壽禮行中外親恩茂良慨然歎曰此當以身任怨不敢愛身以弊天下若自一命以上單轉不知月添給奉與來歲郊恩奏補幾何將何以給宣諭獎用廉退茂良奏朱熹操行耿介屢召不起宜蒙錄用除秘書郎羣小乘間讒毀未幾手詔付茂良謂虛名之士恐壞朝廷熹迄不至錢良臣侵盜大軍錢糧累數十萬茂良奏其事手詔令具析俄召良臣赴闕駭駭柄用其後茂良之貶良臣與有力焉茂良之以首參行相事也踰再歲上亦不置相因論茂良史官近奏三台星不明蓋實艱其選耳淳熙四年正月召史浩於四明茂良亦覺眷衰因疾力求去上曰朕以經筵召史浩卿不須疑時會觀欲以大資祿其孫茂良以文武官各隨本色蔭補格法繳進觀因茂良入堂道間俾直省官買光祖等當道不避街司叱之曰參政能幾時茂良奏臣固不足道所惜者朝廷大體上諭親往謝茂良正色曰參知政事者朝廷參知政事也觀慚退上諭茂良先遣人於觀衝替而後施行茂良批旨取買光祖輩下臨安府撞之手詔宣問施行太遽茂良待罪上使人宣諭委曲令繳進手詔且謂卿去難得美名置朕何地茂良即奉詔謝廓然賜出身除殿中侍御史廓然附會觀者也中書舍人林光輔繳奏不書黃遂補外茂良力求去上諭曰朕極知卿不敢忘欲保全卿去俟議恢復卿當再來是日除職與郡令內殿奏事乃手疏恢復六事上曰卿五年不說恢復何故今日及此退朝甚怒曰福建子不可信如此謝廓然因劾之乃落職放罷尋又論茂良擅權不公矯傳上旨輒斷買光祖等罪遂責降安置英州父子卒于貶所觀與廓然死後茂良家投匭訟冤遂復通奉大夫周

必大獨相。進呈復職。上曰。茂良本無罪。遂復資政殿學士。諡莊敏。茂良平生不喜言兵。去國之日。乃言恢復事。或謂觀密令人誅之云。若論恢復。必再留茂良。信之。廓然論茂良亦以此爲罪。茂良沒數年。朱熹從其子得副本讀之。則事雖恢復。而其意乃極論不可輕舉。猶平生素論也。深爲之歎息云。

論曰。葛邲在相位雖不久。而能守法度。進人才。其處己也。則以不欺爲本。錢端禮以戚屬爲相。周葵晚雖不附秦檜。而與龔茂良皆主和議。若乃魏杞奉使。知尊國體。施師點之靖重有守。蕭燧忠實敢言。仕於紹興之間。可謂不幸矣。

宋史卷三百八十五

元中書右丞相總裁脫脫等修

列傳第一百四十五

劉珙

王蘭

黃祖舜

王大寶

金安節

王剛中

李彥穎

范成大

劉珙字共父子羽長子也生有奇質從季父子學學以蔭補承務郎登進士乙科監韶興府都稅務請祠歸杜門力學不急仕進主管西外睦宗院召除諸王宮大小學教授遷禮部郎官秦檜欲追謚其父召禮官會問珙不至檜怒風言者逐之檜死召為大宗正丞遷吏部員外郎置令式庭中使選集者得自繕閱與史辨吏無得藏其巧兼權秘書少監兼權中書舍人金犯邊王師北向詔檄多出其手詞氣激烈聞者泣下御史杜莘老劾宦者張去為忤旨左遷珙不草制莘老得不去從幸建康兼直學士院軍駕將還軍務未有所付時張浚留守建康衆望屬之及詔出以楊存中為江淮宣撫使珙不書錄黃仍論其不可上怒謂宰相曰劉珙父為浚所知此特為浚地耳命再下宰相召珙論旨且曰再繳則累張公珙曰某為國家計豈暇為張公謀執奏如初存中命乃寢真除中書舍人直學士院田師中死其家請以沒入王繼先第為賜李珂關通近習求為督府掾詔從中下珙皆論罷之出知泉州改衢州湖南旱郴州宜章縣李金為亂朝廷憂之以珙知潭州湖南安撫使入境聲言發郡縣兵討擊而移書制使沈介請以便宜出師曰擅興之罪吾自當之介即遣田寶楊欽以兵至珙知其暑行疲怠發夫數程外迎之代其負任至則犒賜過望軍士感奮珙知欽可用檄諸軍皆受節制下令募賊徒相捕斬諸吏者除罪受賞欽與寶運戰破賊追至莽山賊黨曹彥黃珙執李金以降支黨匿匿者尚衆珙論欽等却兵聽其自降賊相率納兵給據歸田里第上諸將功狀有差上賜璽書曰近世書生但務清談經綸實才蓋未之見朕以是每有東晉之憂今卿既誅羣盜而功狀詳實諸將優劣破賊先後歷歷可觀宜益勉副朕意除翰林學士知制誥兼侍讀

言於上曰世儒多病漢高帝不悅學輕儒生臣以為高帝所不悅特腐儒俗學耳使當時有以二帝三王之學告之知其必敬信功烈不止此因陳聖王之學所以明理正心為萬事之綱上亟稱善拜中大夫同知樞密院事辭不獲因進言曰汪應辰陳良翰張栻學行才能皆臣所不逮而栻躬探聖微曉暢軍務曩幸破賊栻謀為多願亟召用上可其奏兼參知政事奏除福建鈔鹽歲額二萬萬罷江西和糴及廣西折米鹽錢及蠲諸路累年逋負金錢數帛巨億計上嘗以久旱齋居禱雨一夕而應珙進言曰陛下誠心感格其應如響天人相與之際真不容髮隱微纖芥之失其應豈不亦猶是乎臣願益謹其獨上竦然稱善龍大淵曾觀既被逐未幾大淵死上憐觀欲還之珙言二人之去天下方仰威斷此曹奴隸耳厚賜之可也若引以自近便與聞機事進退人才非所以光德業振紀綱命遂止殿前指揮使王珙被旨按視兩淮城壁還密薦和州教授劉甄夫上諭執政召之珙請曰此人名位微何自知之上以珙告珙退坐堂上追珙至詰其故授廣使對珙恐請後不敢乃叱使責戒勵狀而去會揚州奏珙檄郡增築新城珙遂奏罷珙語在陳俊卿傳珙時爭之尤力殿中皆驚以故獨罷為端明殿學士奉外祠陳俊卿言珙正直有才肯任怨臣所不及願留之詔改知隆興府江西安撫使入辭猶以六事為獻上曰卿雖去國不忘忠言材美非他人所及行召卿矣至鎮首蠲稅務新額及罷苗倉大斛屬邑奉新有復出租稅窮民不能輸相率逃去反失正稅拜奏除之除資政殿學士知荆南府湖北安撫使以繼母憂去起復同知樞密院事荆襄安撫使珙六上奏懇辭引經據禮詞甚切最後言曰三年通喪三代未之有改漢儒乃有金革無避之說已為先王罪人今邊陲幸無犬吠之驚臣乃欲冒金革之名以私利祿之實不亦又為漢儒之罪人乎服闋再除知潭州湖南安撫使過關入見極論時事言甚切至上再三加勞進資政殿大學士以行安南貢象所過發夫除道毀屋廬數十州騷然珙奏曰象之用於郊祀不見於經驅而遠之則有若周公之典且使吾中國之疲民困於遠夷之野獸豈仁聖之所為哉湖北茶盜數千人入境疆吏以告珙曰此非必死之寇緩之則散而求生急之則聚而致死揭榜諭以自新

擊言兵且至令屬州縣具數千人食益果散去其存者無幾琪乃遣兵戒曰來毋亟戰去毋窮追不去者擊之耳盜意益緩於是一戰敗之盡擒以歸誅首惡數十餘隸軍籍淳熙二年移知建康府江東安撫使行宮留守會水且旱首奏蠲夏稅錢六十萬緡秋苗米十六萬六千斛禁止上流稅米遏糶得商人米三百萬斛貸諸司錢合三萬遣官糶米上江得十四萬九千斛藉主客戶高下給米有差又運米村落置場平價振糶貧者不敢償起是年九月盡明年四月闔境數十萬人無一人捐瘠流徙者進觀文殿學士屬疾請致仕孝宗遣中使以醫來疾革草遺奏言恭顯係文近習用事之戒今以腹心耳目寄之此曹朝綱以素士氣以素民心以雜咎皆在此陳俊卿忠貞確實可以任重致遠張栻學問醇正可以拾遺補闕願亟召用之既又手書訣栻與朱熹其言皆以未能為國報雪鬱恥為恨熹年五十七贈光祿大夫諡忠肅琪精明果斷居家孝喪繼母卓氏年已逾五十盡哀致毀內外功總之戚必素服以終月數喜受盡言事有小失下吏言之立改臨數鎮民愛之若父母聞計有罷市巷哭相與祠之者王蘭字謙仲廬江人乾道五年擢進士第為信州上饒鄞鄂州教授四川宣撫司幹辦公事除武學諭孝宗幸學蘭迎法駕立道周上目而異之命小黃門問知姓名由是簡記遷樞密院編脩官輪對奏五事讀未竟上喜見顏色明日諭輔臣曰王蘭敢言宜加獎擢除宗正丞尋出守舒州陞辭奏疏數條皆極言時事之未得其正者上曰卿議論峭直尋出手詔王蘭簡直敢言除監察御史一曰上袖出幅紙賜之曰此覽陸贄奏議所陳深切今日之政恐有如德宗之弊者可思朕之闕失條陳來上蘭即對曰德宗之失在於自用遂非疑天下士退即上疏陳德宗之弊并及時政闕失上嘉納之遷起居舍人言朝廷除授失當盡諫不悉舉職給舍始廢繳駁內官醫官藥官賜予之多遷轉之易可不思警懼而正之乎上悚然曰非卿言朕皆不聞器器落落惟卿一人除禮部侍郎兼吏部嘗因手詔謀選監司欲得剛正如卿者可舉數人即奏舉潘時鄭矯林大中等八人乞擢用會以母憂去服除召選為禮部尚書進參知政事光宗即位遷知樞密院事兼參政拜樞密使光宗精厲初政蘭亦不存形迹除目或自中

出未愜人心者輒留之納諸御坐或議建皇后家廟力爭以為不可因應詔上疏願陛下先定聖志條列入事疏入不報中丞何澹論之以罷去起帥閩易鎮蜀皆不就後領祠帥江陵寧宗即位改帥湖南臺臣論罷歸里奉祠七年壽闋盡言無隱然嫉惡太甚同列多忌之竟以不合去有奏議傳于世黃祖舜福州福清人登進士第累任至軍器監丞入對言縣令付錢曹專用資格易若委郡守汰其尤無良者上然之權守尚書屯田員外郎徙吏部員外郎出通判泉州將行言抱道懷德之士不應書干祿老於章布乞自科舉後有學行脩明孝友純篤者縣薦之州州延之庠序以表率多士其卓行尤異者州以名聞是亦鄉舉里選之意下其奏禮部遂留為倉部郎中遷右司郎中權刑部侍郎兼詳定敕令司兼侍講進論語講義上命金安節校勘安節言其書詞義明粹乃令國子監板行薦李寶勇足以冠軍智足以料敵詔以寶為帶御器械兼權給事中張浚薨其家奏留使臣五十餘人理責任祖舜言武臣守闕者數年今素食無代坐進崇秩曷以勸功乞為之限制遂詔勳臣家兵校留五之一戶部奏以官田授汰去使臣祖舜言使臣汰者一千六百餘人臨安官田僅為畝一千一百計其請而給田則不過數十人事不行保義郎梁舜弼漢弼邦彥養孫也並闔門祇候祖舜言闔門不可以恩澤補遷知池州劉堯仁升右文殿脩撰知新州韓彥直升秘閣脩撰祖舜言脩撰本以待文學不可倖得故資政殿學士楊愿家乞遺表恩祖舜言愿除濟泰檜中傷善類皆殺其命秦燿卒贈太傅祖舜言燿預其父檜謀議今不宜贈帝傳之秩追奪之遷同知樞密院事金主亮犯淮劉汜敗王權走上將誅權以厲其餘祖舜言權罪當誅汜不容貸劉錡有大功聞其病已殆權汜誅錡必媿忿以死是國家一敗兵而殺三將得無快於敵乎上嘉納堯于官謹莊定王大寶字元龜其先絲溫陵徙潮州政和間貢辟雍建炎初廷試第二授南雄州教授以祿不逮養移病而歸閱數年差監登聞鼓院主管台州崇道觀復累年趙鼎請潮大寶曰從講論語鼎數曰吾居此平時所薦無一至者君獨肯從吾游過人遠矣知連州張浚亦謫居命其子棫與講學時趙張客貶斥無虛日

人爲累息。大寶獨泰然。凌奉不時得。大寶以經制錢給之。浚曰。如累君何。大寶不爲變。代還言。連英循惠新恩。六州居民纔數百。非懸遷之地。月輸免行錢。宜獨減。高宗謂大臣曰。守臣上殿。令陳民事。遂得知田里疾苦。所陳五六。得一可行。其利亦不細矣。乃命廣西諸司具減數聞。知袁州進詩書易解。上謂執政曰。大寶留意經術。其書甚可采。可與內除。執政擬國子司業。上喜曰。適合朕意。時經筵闕官。遂除國子司業。兼崇政殿說書。委江南諸州有月椿錢無定名數吏。緣爲姦刻。刻民又有折帛錢。方南渡兵興。物價翔貴。令下戶折納。務以優之。今市帛匹四千。而令輸六千。蓋委監司。嚴月椿爲定制。減折帛。惠小民。詔戶部詳其奏。直數文閣。知温州提點福建刑獄。道臨漳。有峻嶺曰蔡園。藜薄蔽翳。山石犖确。盜乘間剽劫。大寶以囊金三十萬募民。扶藪登道十餘里。行者便之。提點廣東刑獄。孝宗卽位。除禮部侍郎。大寶言。古致治之君。先明國是。而行之。以果斷。自軍興以來。曰征曰和。浮議靡定。太上傳丕基於陛下。四方日俟恢復。國論未定。衆志未孚。願陛下果斷。則無不濟。擢右諫議大夫。首論朱倬沈該之罪。皆行其言。汪澈督師荆襄。大寶劾其不能節制。坐視方城之敗。疏再上。澈落職。謫台州。大寶嘗論及移蹕。上曰。吾欲亟行。大寶奏。今日之勢。殆未可。願少寬歲月。張浚復起爲都督。大寶力贊其議。符離失律。羣言洶洶。大寶言。危疑之際。非果斷持重。何以息橫議。未幾。湯思退議罷督府。力請講和。大寶奏。謂今國事莫大於恢復。莫譬於金敵。莫難於攻守。莫審於用人。宰相以射計。軍儲虛符。離師潰。名額不除。意在覈軍籍。減月給。臣恐不惟邊鄙之憂。而患起蕭牆矣。章三上。除兵部侍郎。胡銓爲起居郎。奏曰。近日王十朋王大寶相繼引去。非國之福。上曰。十朋力自引去。朕留之不能得。大寶論湯思退太早。令爲兵部侍郎。豈容復聽其去。未幾。以數文閣直學士。提舉太平興國宮。他日銓奏事。上復論之曰。大寶留之經筵。亦固求去。勢不兩立。銓奏。自古臺諫論宰相多矣。若謂勢不兩立。則論宰相者皆當去。大寶尋請致仕。督府既罷。撤邊防。棄四州。金復犯邊。詔思退都督軍馬。辭不行。上震怒。竄思退。中外以大寶前言不用爲恨。乾道元年。落致仕。召爲禮部尚書。入對言。理財之道。當務本抑末。右正言程叔達奏。大寶乞

復免行錢。非是以舊職。提舉太平興國宮。中書舍人閻安中欲留其行。叔達併劾之。詔大寶致仕。尋卒。年七十七。

金安節。字彥亨。歙州休寧人。資穎悟。日記千言。博洽經史。尤精於易。宣和六年。繇太學擢進士第。調洪州新建縣主簿。紹興初。范宗尹引爲刪定官。入對言。司馬光以財用乏。請用宰相領總計使。宜以爲法。除司農丞。又遷殿中侍御史。韓世忠子彥直直密聞。安節言。崇觀以來。因父兄秉政。而得貼職。近制皆在討論。今彥直復因父任而授。是自廢法也。不報。任申先除待制。致仕。安節劾其忿戾。乞追奪。秦檜兄梓知台州。安節劾其附麗梁師成。梓遂罷。檜銜之。未幾。丁母憂去。遂不出。檜死。起知嚴州。除浙西提刑。入爲大理卿。首言治民之道。先後德。刑。今守令慮不及遠。簿書期會。賦稅輸納。窮日力辦之。而無卓然以教化爲務者。願申飭守令。俾無專事法律。苟可以贊教化。必力行之。時獲僞造鹽引者。大臣欲置之死。安節力爭。以爲事已十餘年。且自首無死法。因得減等。兩浙漕屬王悅道。鞠仁。和。令楊構獄。不實。事下大理。安節并達悅道。悅道。幸警王繼先子也。屢因人求免。安節不從。遷宗正少卿。爲金使施宜生。賀正。安節館伴。屬顯仁皇后喪。服黑帶。宜生曰。使人以賀禮來。豈使安得服黑帶。安節辭難再四。宜生屈服。遷禮部侍郎。明年再充送伴。使至楚州。副使耶律翼奪巡檢王松馬不得。鞭笞之。安節遣人責翼。詞色俱厲。朝廷恐生事。坐削兩秩。葉義問使金。金主因言。前日奪馬事。曲在翼。已笞二百。回日可詳奏。乃復元官。遷禮部侍郎。將祠明堂。時已聞欽宗升遐。安節言。宮廟行禮。皆當以大臣攝事。從之。遷侍講。給事中。殿院杜莘老論張去爲補外。安節言。不可因內侍而去言官。上遂留莘老。金主亮犯淮。從幸建康。亮死。安節陳。進取招納備守三策。而以備守爲進取招納之本。上將還臨安。命楊存中宣撫江淮荆襄。安節言。存中頃以權太盛。人言籍籍。方解軍政。復授茲職。非所以全之。又言。方今正當大明賞罰。乃首用劉寶。王權。刻剝庸懦之人。何以激勵將士。上皆納之。楊存中。中議省江淮州縣。安節言。廬之合。肥。和之濡。須皆昔人控扼孔道。魏明帝云。先帝東置合肥。南守襄陽。西固祁山。賊來輒破於三城之下。孫權築濡須塢。魏軍累次不克。守將如甘寧等。常以寡

制衆蓋形勢之地。攻守百倍。豈有昔人得之成功。今日有之而反棄之耶。且濡須巢湖之水。上接店步。下接江口。可通漕舟。乞擇將經理。存中議遂格。李宗嗣位。給廷臣筆札。陳當世事。安節請嚴內降之科。凡內侍省御藥院內東門司冗費。一切罷去。堂除省歸吏部。長官聽辟僚屬。以清中書之務。文武蔭補。各有定制。毋令易文資。臣僚致仕。遺表恩澤。不宜奏異姓。使得高貴爲市。上嘗對大臣稱其誠實。一日。因奏事面勞之曰。近不見繳駁。有所見。但繳駁。朕無不聽。龍大淵曾覲以潛邸舊恩。大淵除樞密都承旨。觀帶御器械。諫議大夫。劉度仍累疏論之。隆興改元。大淵覲並除知閣門事。宰相知安節必以爲言。使人諷之曰。若書行。卽坐政府矣。安節拒不納。封還錄黃。時臺諫相繼論列。奏入不出。上意未回。安節與給事中周必大奏。陛下卽位臺諫有所彈劾。雖兩府大將欲罷。則罷欲貶。則貶。獨於二臣。乃爲遷就。諱避。臣等若奉明詔。則臣等負中外之謗。大臣若不開陳。則大臣負中外之責。陛下若不俯從。則中外紛紛未止也。上怒。安節卽自劾乞竄。上意解。命遂寢。潛邸舊人李珂擢編脩官。安節又奏罷之。上諭之曰。朕知卿孤立無黨。張浚聞之。語人曰。金給事真金石人也。拜兵部侍郎。金將僕散忠義遺三省樞密院書。論和議。乃畫定四事。詔羣臣議。安節謂世稱姪國。國號不加大字。及用再拜二字。皆不可從。海泗唐鄧爲淮襄屏蔽。不可與必不得已。寧少增歲幣。欽宗梓宮當迎奉陵寢地。必不肯歸我。宜每因遣使恭謁。但講好之後。當益選將厲兵。以爲後圖。已而請祠得請。中書舍人胡銓繼奏。謂安節太上之舊人。而陛下之老成也。漢張倉。唐張柬之。國朝富弼。文彥博。皆年八旬。尚不聽其去。安節膂力未愆。有憂國心。豈宜從其引去。上遂留之。踰年。權吏部尚書。兼侍讀。自是力請謝事。詔以數文閣學士致仕。陛辭。上曰。卿且暫歸。旦夕召卿矣。去之日。縉紳相與嘆羨。以爲中興以來。全名高節。鮮有其比。乾道六年卒。年七十七。遺表聞。贈通奉大夫。累贈開府儀同三司。少保。安節至孝。居喪有禮。與兄相友愛。田業悉推與之。又以恩奏其孤子俱。初筮仕。未嘗求薦於人。及貴。有舉薦不令人知。其除司農丞。或語之曰。公是命。張侍郎致遠爲中司時所薦。蓋往謝之。安節曰。彼爲朝廷薦人。豈私我耶。竟不往。薦晁公武。龔茂良。可

臺諫皆稱職。二人弗知也。與秦檜忤。不出者十八年。及再起。論事終不屈。人以此服之。有文集三十卷。奏議表疏。周易解。

王剛中字時亨。饒州樂平人。剛中博覽強記。紹興十五年。進士第二人。任某州推官。改左宣義郎。故事當召試。秦檜怒其不諂己。授洪州教授。檜死。召見。擢秘書省校書郎。遷著作佐郎。孝宗爲普安郡王。剛中兼王府教授。每侍講。極陳古今治亂之故。君子小人忠佞之辯。遷中書舍人。言禦敵今日先務。敵強則犯邊。弱則請盟。今勿計敵人之強弱。必先自治。擇將帥。蒐戰士。實邊儲。備器械。國勢富強。將良士勇。請盟則爲漢文帝。犯邊則爲唐太宗。上聽其言。會西蜀謀帥。上曰。無以逾王剛中矣。以龍圖閣待制知成都府。置制四川。御便殿。臨遣。錫金帶象笏。進敷文閣直學士。時吳玠累官閩至大帥。其下姚仲。王彥等亦建節。雄一方。守帥以文治。則玩於柔。而號令不行。以武競。則窒於暴。而下情不通。惟剛中檢身以法。示人以禮。不立崖。甄馭吏。恩威並行。羽檄紛沓。從容裁決。皆中機會。敵騎度大散關。人情洶洶。剛中跨一馬。夜馳二百里。起吳玠於帳中。責之曰。大將與國義同。休戚臨敵。安得高枕而臥。璫大驚。又以蠟書抵張正彥濟師。西師大集。金兵敗走。方議奏捷。剛中倍道馳還。謂其屬李燾曰。將帥之功。吾何有焉。燾喏曰。身督戰而功成不居。過人遠矣。已乃差擇將士。衆所推者。上之朝。備統帥選。又疏蜀名勝士。與幕府之賢。備部使者州刺史之佐。目使頤指。內外響應。諸次遣使。臣因絕不能自存。剛中以爲冒刃於少壯之年。不可斥棄於既老之後。悉召諸府有善射者。復其祿秩。以禁軍闕額糧給之。其罷廢不堪事。則給以義倉米。成都萬歲池廣袤十里。溉三鄉田。歲久淤澱。剛中集三鄉夫共疏之。累土爲防。上植榆柳。表以石柱。州人指曰。王公之甘棠也。府學禮殿。東漢與平中建。後又建新學。遭時多故。日就傾圮。屬九縣繕完。悉復其舊。葺諸葛武侯祠。張文定公廟。夷黃巢墓。表賢彞惡。以示民有女巫。蓄蛇爲妖。殺蛇。賊之。孝宗受禪。以宮僚進左朝奉大夫。召赴闕。以足疾請祠。提舉太平興國宮。歸次番陽。營圃植竹。號竹塢。金犯淮。有旨趣剛中入見。陳戰守之策。除禮部尚書。直學士院。兼給事中。爲鹵簿使。除端明殿學士。簽書樞密院事。進同知院事。剛中曰。戰守者

實事和議者虛名不可恃虛名害實事又奏四事開屯田省浮費選將帥汰冗兵居政府屬疾卒年六十三贈資政殿大學士光祿大夫諡恭簡建炎間詔贈成岷鳳四州刺壯丁爲兵衆以爲憂剛中建言五害罷之免符下民歡呼聲震山谷比去蜀父老避道有追送數百里者絲布衣至公卿無他嗜好公退惟讀書著文爲樂有易說春秋通義仙源聖紀經史辨漢唐史要覽天人脩應錄東溪集應齋筆錄凡百餘卷

李彥穎字秀叔湖州德清人少端重強記覽金犯浙西父挾家人逃避彥穎方十歲追不及敵已迫其後能趨支徑亂流獲濟紹興十八年擢進士第主餘杭簿守曹詠豪放酒家業爲官監利其背具彥穎爭之詠怒戒吏煖煉不得毫髮罪調建德丞改秩時宰知其才將處之學官或勸使一見彥穎恥自獻調富陽丞御史周操薦爲御史臺主簿金敗盟張浚督師進討上方向浚執政堅主和陳良翰周操不以爲然右正言尹穡陰符執政薦引同己者轉言和於上前上惑之罷督府良翰操相繼黜而穡進殿中遷諫議大夫一日穡以和戰守叩彥穎彥穎曰人所見固不同公既以和議爲是曷不明陳於上前以身任之事成功歸於公不成奉身而退若欲享其利而不及其害國事將誰倚穡大怒曰自爲諫官前後百餘奏曷嘗及一和字而臺簿有是言自是銜彥穎陰排之改國子博士權吏部郎中以父喪去免喪復爲吏部兼皇子恭王府直講權右史兼兵部侍郎經筵張栻葛覃言先王正家之道因及時事語激切上意不懌彥穎曰人臣事君豈不能阿諛取容栻所以敢直言正爲聖明在上得盡愛君之誠耳書曰有言逆於汝心必求諸道上意遽解使臣下皆若此人主應無過立皇太子兼左論德首論建置宮僚以爲詹事於東宮內外無所不當省事須白詹事而後行司馬光論皇太子講讀官有奏疏錄以進上大喜行之皇太子尹臨安兼判官兼中書舍人張說再登樞筓彥穎論說無寸長去年驟躋宥府物議沸騰今此命復出中外駭然臣恐六軍解體人心不服未幾權禮部侍郎兼侍講因言士習萎靡不然則矯激宜擇篤實鯁亮者用之升詹事見上言皇太子尹臨安已久雖欲更嘗民事然非便宜一意講學他日以言於上者告太子趣

草奏辭尹事三辭乃免兼吏部侍郎權尙書兼侍讀月食淫兩言甲申歲以淫雨求言今年矣中間非無水旱而不聞求言之詔豈不言多活激厭之耶比欺蔽成風侍從臺諫猶慎嘿況其他乎陰珍之與未必不由此時廷臣多以中批斥去彥穎又言臣下有過宜顯逐之使中外知獲罪之由以爲戒今譖毀潛行斥命中出在廷莫測其故將恐除邪得伸善類喪氣非感世事也除吏部尙書接送金寶正使還言兩淮兵備城築及裁減接送浮費甚悉上嘉納焉十二月除端明殿學士簽書樞密院事二年閏九月參知政事金使至上遣王抃諭金使稍變受書舊禮儀久不決彥穎曰須於國體無損而事可濟乃善若如去年張子顏之行不但無益時左司諫湯邦彥親進冀幸集事自許立節彥穎言邦彥輕脫必誤國他日對便殿上復語及之彥穎欲進說上色勳宰相亟引退遂以邦彥爲申議國信使且命福建造海船起兩淮民兵赴合肥訓練并詔諸軍飭戎備中外騷然彥穎復言兩淮州縣去合肥遠者千餘里近亦二三百里令民戶三丁起其二限三月而罷事未集民先失業矣上作色曰卿欲盡撤邊備耶彥穎曰今不得已令三百里內家起一丁詰合肥三百里外就州縣訓練日增給錢米限一月罷庶不大擾翌日復執奏從之洎邦彥辱命而還彥穎論其罪貶新州彥穎在東府三歲實攝相事內降繳回甚多內侍白劄籍名造器械并犒師降旨發左藏封樁諸庫錢動億萬計彥穎疏歲中經費以進因言虞允文建此庫以備邊故曰封樁陛下有意恢復苟用之不節徒啓他日妄費失封樁初意上矍然曰卿言是朕失之矣自是絕不支墜馬在告力求去以資政殿學士知紹興府勳約有惠政提舉洞霄宮復參知政事病羸艱拜起力辭上曰老者不以筋力爲禮孟享禮繁特免卿諫官論其子駁人至死奉祠鑄秩起知婺州禁民屠牛捐屬縣稅十三萬三千緡復知紹興府進資政殿大學士再奉祠進觀文殿學士紹興元年致仕家居凡十載自奉澹約食糲米數合室無姬媵蕭然永日與州縣了不相聞壽年八十一贈少保諡忠文子沐慶元中與一時臺諫排趙汝愚善類一空公論醜之

范成大字致能吳郡人紹興二十四年擢進士第授戶曹監和劑局隆興元年

遷正字累遷著作佐郎除吏部郎官言者論其超躐罷奉祠起知處州陞對論力之所及者三曰日力曰國力曰民力今盡以虛文耗之上嘉納處民以爭役

翼訟成大為初義役隨家貧富輸金買田助當役者甲乙輪第至二十年民便之其後入奏言及此詔頒其法於諸路處多山田梁天監中詹南二司馬作通濟堰在松陽遂昌之間激溪水四十里溉田二十萬畝堰歲久壞成大訪故迹疊石築防置堤開四十九所立水則上中下溉灌有序民食其利除禮部員外郎兼崇政殿說書乾道令以絹計贖估價輕而論罪重成大奏承平時絹匹不及千錢而估價過倍紹興初年遞增五分為錢三千足今絹實貴當倍時直上驚曰是陷民深文遂增為四千而刑輕矣隆興再講和失定受書之禮上嘗悔之遷成大起居郎假資政殿大學士充金祈請國信使國書專求陵寢蓋泛使也上面諭受書事成大乞併載書中不從金廷使者慕成大名至求巾幘効之至燕山密草奏具言受書式懷之初進國書詞氣慷慨金君臣方傾聽成大忽奏曰兩朝既為叔姪而受書禮未稱臣有疏摺笏出之金主大駭曰此豈獻書處耶左右以笏標起之成大屹不動必欲書達既而歸館所金主遣伴使宣旨取奏成大之未起也金庭紛然太子欲殺成大越王止之竟得全節而歸除中書舍人初上書崔寔政論賜輔臣成大奏曰御書政論意在飭綱紀振積敝而近日大理議刑遞加一等此非以嚴致平乃酷也上稱為知言張說除簽書樞密院事成大當制留詞頭七日不下又上疏言之說命竟獲知靜江府廣西窘匱專藉鹽利漕臣盡取之於是屬邑有增價抑配之敝詔復行鈔鹽漕司拘鈔錢均給所部而錢不時至成大入境曰利害有大於此乎奏疏謂能裁抑漕司強取之數以寬郡縣則科抑可禁上從之數年廣州鹽商上書乞復令客販宰相可其說成大出銀錢助之人多以為非下有司議卒不易成大說舊法馬以四尺三寸為限詔加至四寸以上成大謂互市四十年不宜驟改除數文閣待制四川制置使疏言吐蕃青羌兩犯黎州而奴兒結蕃列等尤桀黠輕視中國臣當教閱將兵外脩堡砦仍講明教閱團結之法使人自為戰三者非財不可上賜度牒錢四十萬緡成大謂西南諸邊黎為要地增戰兵五千奏置都監

路分吐蕃入寇之路十有八悉築柵分戍奴兒結擾安靜砦發飛山軍千人赴之料其三日必遁已而果然白水砦將王文才私娶蠻女常導之寇邊成大重賞檄羣蠻使相疑貳俄禽文才以獻即斬之蜀北邊舊有義士三萬本民兵也監司郡守雜役之都統司又俾與大軍更戍成大力具其不可詔遵舊法蜀知名士孫松壽年六十餘焚漢廣甫五十九皆掛冠不仕表其節詔召之皆不起蜀士由是歸心凡人才可用者悉致幕下用所長不拘小節其傑然者露章薦之往往顯于朝位至二府召對除權吏部尚書拜參知政事兩月為言者所論奉祠起知明州奏罷海物之獻除端明殿學士尋帥金陵會歲旱奏移軍儲米二十萬振饑民減租米五萬水賊徐五竊發號靜江大將軍捕而戮之以病請開進資政殿學士再領洞霄宮紹興三年加大學士四年薨成大素有文名尤工於詩上嘗命陳俊卿擇文士掌內制俊卿以成大及張震對自號石湖有石湖集攬轡錄桂海虞衡集行于世

論曰劉珙忠義世家迨屬續以未雪讐恥為深恨王藺犯顏忠諫剛腸嫉惡方趙鼎張浚非罪遠謫朋交絕跡大寶獨從之游遠斥權姦了無顧忌安節距秦檜排淵刺堅如金石孤立無黨死生禍福曾不一動其心當金兵犯大散關剛中單騎星馳夜起吳璘一戰却敵成大致書北庭幾於見殺卒不辱命俱有古大臣風烈孔子所謂歲寒然後知松柏之後凋者歟若祖舜奪楊愿恩禡秦熉秩誅檜惡於既死彥穎論事激烈披忠盡直氣亦可尚已

宋史卷三百八十六

元中書右丞相總裁脫脫等修

列傳第一百四十六

黃洽

汪應辰

五十朋

吳芾

陳良翰

杜莘老

黃洽字德潤福州侯官人隆興元年以太學生試春官第二詔循故事臨軒

賜第二人及第授紹興府觀察判官秩滿就銓選不用前名例謁廟堂宰相陳

俊卿白于上改宣義郎除國子博士適有旨職事官無待次改差浙東安撫司

主管機宜文字繼為太學國子博士樞密院編修官通判福州奉祠召為太常

丞請外孝宗方厲精求治曰黃洽厚德方任以事不許當對奏三事備事莫若

儲才士卒當練其心軍政必預為謀上矍然洽徐奏願戒飭州郡毋煩擾以致

寇毋輕易以玩寇寇擾而後定傷根本多矣絲祕書郎遷著作郎上論詞臣祕

閣儲英俊為異時公卿用行黃洽詞可及之除右正言首奏諫臣非具員職在

諫爭朝政有關所當盡言上亦以為端士許其盡言無隱除侍御史會水旱頻

仍因祠祭上言此事全在一念陛下夙興默想專精在民身雖法宮心則壇壝

洋洋左右理非漠然游歲荒歉之由必有未盡契神示之心者一日特詔諸路

奉行荒政不力差官按視安集洽亟奏使者一出官吏必須知畏其常平一司

所職何事淮浙江東見有使以五使分五路尙慮不周知今遣一人兼二三路

不過闔閭帳戶口多寡地里遠邈安能遍歷乎若專責常平名正而職舉事分

而察精又奏藝祖儉藩鎮偏重之失不欲兵民之權聚於一夫之手今使主兵

官兼郡寄是合兵民權為一且屬邊徼偏重尤甚上皆嘉納洽所論列未嘗搆

撫細故他慮以累其終身除右諫議大夫上方銳志肄武洽因風諫言頤之大

象君子以慎言語節飲食言語飲食猶謹節之況其他乎凡筋力喘息之間一

有過差皆非所以養其身也上曰卿言無非仁義忠孝可為萬世臣子之法朕

常念之洽在經筵言宰相代天理物要在為國得人入主之命相任則勿疑宰

相重則朝廷尊朝廷尊則廟社安宰相掄才任職當盡公心君子進則庶職舉

庶職舉則天下治上首肯再三乃曰卿如夏金美玉渾厚無瑕天其以卿為朕

弼耶除御史中丞奏薦舉請託必競於幸執臺諫之門若幸執臺諫不為人覓

舉使士大夫咸自率厲以公道得之豈不甚善或果知其入露章以薦亦何不

可潭州奏疆盜罪不至死應配者坐加役流有者具讞洽曰疆盜異他盜以其

故為也若止髡役三年之後圍檻一弛鞫突四出善良受害可勝數耶況役時

必去防閑之具走逸結合患尤甚焉上深然之除參知政事上曰卿每告朕用

人今卿居用人之地不可不勉上因商榷除目洽盡竭無所顧避上大喜曰五

十年無此差除除知樞密院事洽累章求去許之除資政殿大學士知隆興府

光宗受禪特詔言事洽奏用人為萬世不易之論臣前以此納忠壽皇今復告

于陛下屢乞歸田尋昇提舉洞霄宮方未得請也人勸之治第洽曰吾書生蒙

拔擢至此未有以報國而先營私乎使吾一旦罪去猶有先人敝廬可庇風雨

夫復何憂慶元二年致仕洽常言居家不欺親仕不欺君仰不欺天俯不欺人

幽不欺鬼神何用求福報哉六年七月薨年七十九贈金紫光祿大夫洽質直

端重有大臣體兩朝推為名臣有文集奏議八十五卷

汪應辰字聖錫信州玉山人幼凝重異常童五歲知讀書屬對應聲語驚人多

識奇字家貧無膏油每拾薪蘇以繼晷從人借書一經目不忘十歲能詩游鄉

校郡博士戲之曰韓愈十三而能文今子奚若應辰答曰仲尼三千而論道惟

公其然未冠首貢鄉舉試禮部居高選時趙鼎為相延之館塾奇之紹興五年

進士第一人年甫十八御策以吏道民力兵勢為問應辰答以為治之要以至

誠為本在人主反求而已上覽其對意其為老成之士及唱第乃年少子引見

者掖而上上甚異之鼎出班特請舊進士第一人賜以御詩及是特書中庸篇

以賜初名洋與姓字若有語病特改賜應辰上欲即除館職趙鼎言且令歷外

任養成其材乃授鎮東軍簽判故事殿試第一人無待次者至是取一年半闕

以歸舍人胡寅行詞曰屬者延見多士問以治道爾年未及冠而能推明帝王

躬行之本無曲學阿世之態應辰少受知於喻樗既擢第知張九成賢問之於

樗往從之游所學益進初任趙鼎為帥幕府事悉諮焉歲小旱命應辰禱兩名

山即應越人語之曰此相公兩鼎曰不然乃狀元兩也召為秘書省正字時秦
 榷力主和議王倫使還金人欲以河南地歸我應辰上疏謂和議不諧非所患
 和議諱矣而因循無備之可畏異議不息非所患異議息矣而上下相蒙之可
 畏金雖通和疆場之上宜各戒嚴以備他盜今方且肆赦中外褻寵將帥以為
 休兵息民自此而始縱忘積年之恥獨不思異時意外之患乎此因循無備之
 所以可畏也方朝廷力排羣議之初大則竄逐小則罷黜至有一言迎合則不
 次擢用是以小人窺見間隙輕躁者阿諛以希寵畏懦者循默以備位而忠臣
 正士乃無以自立於羣小之間此上下相蒙之所以可畏也臣願勿以和好之
 可無虞而思患預防常若敵人之至疏奏秦榷大不悅出通判建州遂請祠以
 歸寓居常山之永年院蓬蒿滿徑一室蕭然饘粥不繼人不堪其憂處之裕如
 也益以修身講學為事自是凡三主管崇道觀在隱約時胸中浩然之氣凜然
 不可屈張九成謫邵州交游皆絕應辰時通問及其喪父言者猶攻之而應辰
 不遠千里往弔人皆危之通判袁州凡所予奪人無異詞始至或以其書生易
 之已乃知吏師所不能及丞相趙鼎死朱崖扶喪過郡應辰為文祭之曰惟公
 兩登上宰皆直艱危之時一斤南荒遂為死生之別事已定於蓋棺恩特容於
 歸骨吏付之火其子借三兵以歸道出衢州章傑為守希榷意指應辰為阿附
 為死黨符移訊鞠徧搜行囊求祭文不可得時胡寅遺檜書謂此事不足竟事
 乃獲通判靜江府踰期不得代乃沿檄歸省其母繼差通判廣州時檜所深忌
 者趙鼎張浚鼎既死而浚獨存未快其意江西運判張常先箋注前帥張宗元
 與浚詩言于朝其詞連逮者數十家將誣以不軌而盡去之獄既具檜死應辰
 幸而免明年召為吏部郎官遷右司母老乞外丞相苦留之曰方進用未應爾
 應辰曰親老矣不可緩乃出知婺州郡積欠上供十三萬緡朝廷命憲漕究治
 應辰謂急則擾民乃與諸邑蠲宿逋去苛斂定期會室滲漏悉為補發尋丁內
 艱去廬于墓側服闋除秘書少監遷權吏部尚書李顯忠冒具安豐軍功費五
 千餘人應辰奏駁之權戶部侍郎兼侍講應辰獨員當劇務節冗費常奏班直
 轉官三日而堂吏增給食錢萬餘緡工匠洗濯器皿僅給百餘千而堂吏食錢

六百千塑顯仁神御半年功未及半而堂吏食錢已支三萬銀絹六百匹兩他
 皆類此上驚其費冗命吏部裁之金湓盟詔求足食足兵之策應辰奏曰陸贄
 有云將非其人兵雖多不足恃操失其柄將雖才不為用臣之所憂不在兵之
 不足在乎軍政之不脩自講和以來將士驕惰兵不閱習敵未至則望風遁
 敵既退則讓列戰功不惟佚罰且或受賞方時無事詔令有所不行一旦有急
 誰能聽命以赴國家之難望發英斷賞善罰惡使人人洗心易慮以聽上命然
 後號令必行矣三十二年建儲以孝宗名與唐廬江王晉楚王同詔改為暉應
 辰以為與唐昭宗同白左相陳康伯遂改今名集議秀王封爵應辰定其稱曰
 太子本生之親議入內降曰皇太子所生父可封秀王暨內禪擬於傳位日降
 赦應辰言唐太宗受禪於高祖明年正月始改元乃從其說又議改元重熙應
 辰謂契丹嘗以紀年遂改隆興一朝大典禮多應辰所定議太上尊號李燾陳
 康伯密議以光堯壽聖為稱及集議或謂尊號始自開元罷於元豐今不當復
 沉太上視天下如棄敝屣豈復顧此應辰主之尤力或又言主上奉親烏得援
 元豐自却為比於是議狀書者半不書者半明日應辰復與金安節等十二人
 各陳所見大概謂光堯近乎神堯壽聖乃英宗誕節嘗以名寺御史周必大亦
 以為問應辰答以堯豈可光是語有聞之德壽者高宗因上過宮云汪應辰素
 不樂吾於是是有詔尊號之議已嘗奏知不容但己安節等遂奉詔應辰連乞補
 外遂知福州未幾升敷文閣待制舉朱熹自代在鎮二年會朝廷謀蜀帥乃以
 敷文閣直學士為四川制置使知成都府陞辭特降詔撫諭入境以書與宣撫
 使吳玠令以撫諭詔申嚴號令既至免利路民餉運徙沿邊戍兵就糧內郡縱
 保勝義士復業存左藏所解白契二百萬以備不虞悉奏行之有謂蜀中綱馬
 驛程由梁洋金房山路峻險宜浮江而下詔吳玠措置執政大將皆主其說應
 辰與襄帥王十朋力言其不便遂得中止二稅勘合每貫取二十錢乾道詔旨
 書減三之一有欲增之者應辰與兩漕臣列奏言勘合不以鈔計而以貫石匹
 兩計是陽為減而陰實增之也以成都一路計之歲入三十萬今以所增為六
 十萬計以四路不知幾倍雖非與利者所便而民受其賜多矣玠時駐蜀口武

與精兵爲天下冠。既老且病，應辰密奏以關陝大將，係國安危所當預圖。於是執政傳旨，若璘不起，令制司暫領其任。璘死，應辰遂攝宣撫之職。蜀道晏然。虞允文尋以知樞密院事宣撫四川。應辰援張浚例乞罷制司，不許。總所牒委官覈四川匿契稅，應辰奏其不便者四：曰妨農廢業，曰縱吏擾民，曰違法害教，曰長姦起訟。比戶部已令人自首，州縣收併已不少，其未盡者有見行法令，不宜爲此煩擾。上曰：論極有理，速罷之。蜀大旱，詔問救荒之策。應辰奏：利閬絲梓軍馬糧料，隨民力均敷，官雖支糶錢，民不得半價。若選官就歲熟處糶之，可以寬民力。第無錢束手，乞給度牒。上曰：汪應辰治蜀甚有聲，且留意民事如此，給度牒四百，永爲糶本，振濟遂移書諸路漕臣亟救荒，且以絲劍和糶告之。而全蜀蒙惠，劉琪拜同知樞密院事。進言曰：汪應辰、陳良翰、張杓、學行才能，臣所不及。已得旨召還。邛之安仁年饑，挺起爲盜，害及旁郡。即具奏，且檄茶馬使招捕。旬月間誅其渠魁，餘悉撫定。或白之虞允文曰：汪帥得無掩盜事不上聞乎？宣司乃密奏，使人給應辰曰：邛寇事未敢奏，不審制司如何。應辰以奏檢報之。允文內愧，將行代納成都一府激賞絹估三萬三千九百八十四匹。冬入覲，陞對以畏天愛民爲言。上曰：卿久在蜀，寬朕西顧憂。軍政民事，革弊殆盡。蜀中除虛額，民間當被實惠。應辰奏：虛額去則州縣寬，尚有兩事。曰預借，曰對糶。預借乃州縣累歲相仍，對糶則以補州縣闕乏。民輸米一石，即就糶一石，或半價，或不支，且多取贏。陛下近捐百萬，除預借之弊，對糶患止數州，願并除之。則弊革無餘矣。除吏部尚書，尋兼翰林學士，并侍讀。論愛民六事，廟堂議不合，不悅者衆。一日，陳良翰登對，上告以汪應辰言，卿在蜀多誕護，良翰奏：臣與應辰昨同從班，應辰請外得衢州，臣惜其去，同奏留之。時邊奏方急，臣不知應辰將爲便私計也。奏既上，應辰以此大憾，乃爲是說以中臣耳。上曰：乃爾邪？應辰在朝多革弊，事中貴人皆側目。德壽宮方蠶石池，以水銀浮金鳧魚于上，上過之，高宗指示曰：水銀正乏，此買之。汪尚書家，上怒曰：汪應辰力言朕置房廊與民爭利，乃自販水銀，邪應辰知之，力求去，會復出發運均輸之旨，歎曰：吾不可留矣。但力辨羣枉，則補外之請自得，乃力論其事，有害無利，遂以端明殿學士知平江。

府轉玉被旨，揀馬過郡，應辰簡其禮。玉歸，潛之於上曰：臣所過州縣，未有若平江之不治者。上怪之，平江米綱至有折閱事，上連貶秩，疾請祠，自是臥家不起矣。以淳熙三年二月卒于家。應辰接物溫遜，遇事特立不回。流落嶺嶠十有七年，檜死始還朝。剛方正直，敢言不避。少從呂居仁、胡安國游，張拭、呂祖謙深器許之。告以造道之方，嘗釋克己之私，如用兵克敵，易懲忿窒慾。書劄制于酒，懲室剛制，皆克勝義，不可常省察乎。其義理之精如此。好賢樂善，出於天性。尤篤友愛，嘗以先嚮遜其兄衢，雖無屋可居，不顧也。子達，繼登進士第，仕至吏部尚書，端明殿學士。

王十朋，字龜齡，温州樂清人。資穎悟，日誦數千言，及長有文行，聚徒梅溪，受業者以百數。入太學，主司異其文，奏檜死，上親政策士，論考官曰：封策中有陳朝政切直者，並實上列。十朋以權爲對，大略曰：攬權者，非欲衡石程書如秦皇，傳餐聽政如隋文，彊明自任，不任宰相，如唐德宗，精於吏事，以察爲明，如唐宣宗，蓋欲陛下懲既往而戒未然，威福一出於上而已。嘗有鋪鑿之禁，而以翠羽爲首飾者自若，是豈法令不可禁乎？抑宮中服澣濯之化衣，不曳地之風，未形於外乎？法之至公者，莫如選士，名器之至重者，莫如科第。往歲權臣子孫門客，類竊魏科，有司以國家名器爲媚權臣之具，而欲得人可乎？願陛下正身以爲本，任賢以爲助，博采無聽以收其效，幾萬餘言。上嘉其經學淹通，議論醇正，遂擢爲第一。學者爭傳誦其策，以擬古晁董。上用其言，嚴銷金鋪鑿之令，取交趾所貢翠物焚之。謂十朋乃朕親擢，授紹興府簽判。既至，或以書生易之。十朋裁決如神，吏姦不行。時以四科求士，帥王師心謂十朋身兼四者，獨以應詔。召爲秘書郎，兼建王府小學教授。先是，教授入講堂居賓位，十朋不可，呈孫特加禮而位教授中坐。金將渝盟，十朋輪對言，自建炎至今，金未嘗不內相殘賊。然一主斃一主生，曷嘗爲中國利。要在自備如何，禦敵莫急於用人。今有天資忠義材兼文武，可爲將相者，有長於用兵，士卒樂爲之用，可爲大帥者，或投閑置散，或老於藩郡，願起而用之，以獲敵謀，以圖恢復。蓋指張浚劉錡也。又言今權雖歸於陛下，政復出於多門，是一檜死，百檜生也。楊存中以三衙而交結北司，以盜

大權漢之禍起於恭顯王氏之相為終始唐之禍起於北軍藩鎮之相為表裏今以管軍位三公利源皆入其門陰結諸將相為黨援樞密本兵之地立班甘居其後子弟親戚布滿清要臺諫論列委曲庇護風憲獨不行於管軍之門何以為國至若清資加於噲伍高爵濫於醫門諸軍承受威福自恣甚於唐之監軍皇城選卒旁午察事甚於周之監諒將帥刺下賂上結怨三軍道路捕人為卒結怨百姓皆非治世事上嘉納戢選卒罷諸軍承受更定樞密管軍班次解楊存中兵權其言大略施行秦檜久塞言路至是十朋與馮方胡憲查翥李浩相繼論事太學生為五賢詩述其事除著作郎三十一年正月風雷雨雪交作十朋以為陽不勝陰之驗遺陳康伯書冀以春秋災異之說力陳于上崇陽抑陰以弭天變遷大宗正丞亟請祠歸金犯邊起劉錡為江淮浙西制置張浚師金陵悉如其言孝宗受禪起知嚴州召對首言太皇非倦勤時而以大器付陛下賢於堯舜陛下當思以副太上者今社稷之安危生民之休戚人才之進退朝廷之刑賞直若舜之協堯斷然行之以盡繼述之道拜司封郎中累遷國子司業言今居位者往往職之不舉宜有以革之入主有大職三任賢納諫賞罰是也上嘉之除起居舍人升侍講時左右史失職久十朋除起居郎胡銓奏四事語在胡銓傳除侍御史上謂胡銓曰比除臺官外議如何銓曰皆謂得人上曰卿與十朋皆朕親擢十朋見上英銳每見必陳恢復之計及將北伐上疏曰天子之孝莫大於光祖宗安社稷因前王盈成而守者周成康漢文景是也承前世衰微而興者商高宗周宣王是也先君有恥而雪之漢宣帝臣單于唐太宗侔諷利是也先君有讎而復之夏少康滅澆漢光武誅莽是也迹雖不同其為孝一也靖康之禍亘古未有陛下英武慨然志在興復竊聞每對羣臣奏事則曰當如柞葉時又曰當以馬上治之又曰其事當俟恢復後為之比因宣召語及陵寢聖容惻然曰四十年矣陛下之心真少康高宗宣王光武之心奈何大臣不能仰副聖心願戒在位者去附和之私心贊國家之大計則中與日月可冀矣因論史浩八罪曰懷奸誤國植黨盜權忘言蔽賢欺君訕上上為出浩知紹興府十朋再疏謂陛下雖能如舜之去邪未能如舜之正名定罪紹興密

運行都浩嘗為屬吏姦賊彰聞亦何顏復見其吏民遂改與祠史正志與浩族異拜浩而父事之十朋論正志傾險姦邪觀時求進宜黜正志以正典刑林安宅出入史浩龍大淵門盜弄威福至是詐病求致仕十朋并疏其罪皆罷去張浚出師復靈壁虹縣歸附者萬計又復宿州十朋奏王師以弔民為主先之以招納不獲已而戰伐隨之乞以此指戒浚金將既降宜速加爵賞以勸來者上皆嘉納會李顯忠邵宏淵不協王師失律張浚上表自劾主和者乘此唱異議十朋上疏言臣素不識浚聞其誓不與敵俱生心實慕之前因輪對言金必敗盟乞用浚陞下嗣位命督師江淮今浚遣將取二縣一月三捷皆服陛下任浚之難及王師一不利橫議譏起臣謂今日之師為祖宗陵寢為二帝復讐為二百年境土為中原弔民伐罪非前代好大生事者比益當內脩俟時而動陛下恢復志立固不以一駒為羣議所搖然異論紛紛浚既待罪臣其可尚居風憲之職乞賜寬宥因言臣聞近日欲遣龍大淵撫諭淮南信否上曰無之又言聞欲以楊存中充御營使上嘿然改除吏部侍郎力辭出知饒州饒並兩盜出沒其間聞十朋至一夕遁去丞相洪适請故學基益其園十朋曰先聖所居十朋何敢予人移知夔州饒民走諸司乞留不得至斷其橋乃以車從間道去衆葺斷橋以王公名之移知湖州召對劉琪請留之上曰朕豈不知王十朋願湖州被水非十朋莫能鎮撫至郡戶部責虛逋三十四萬命吏持券往辦不聽即請祠去起知泉州十朋前在湖劉奉錢柞買園又為泉建之尤宏壯凡歷四郡布上恩恤民隱士之賢者詣門以禮致之朔望會諸生學宮講經詢政僚屬間有不善反復告戒俾之自新民輸租俾自概量聞者相告宿逋亦願償訟至庭溫詞曉以理義多退聽者所至人繪而祠之去之日老稚攀留涕泣越境以送思之如父母饒久旱入境雨至湖積霖入境即霽凡禱必應其至誠不揚感人而亦動天地鬼神東宮建除太子詹事力辭詔州郡禮致遠力疾造朝以足疾不能趨詔給扶減拜謁東宮太子以其舊學待遇有加又詔免朝參遣中使以告及襲衣金帶就其家賜之疾革累章告老以龍圖閣學士致仕命下而卒年六十紹興三年諡曰忠文十朋事親孝終喪不處內友愛二弟郊恩先奏其名沒

而二子猶布衣書室居曰不欺每以諸葛亮顏真卿寇準范仲淹韓琦唐介自比朱熹張栻雅敬之子聞詩聞禮皆篤學自立聞詩知光州提點江東刑獄聞禮知常州江東轉運判官爲治能守家法人亦思慕之

吳芾字明可台州仙居人舉進士第選祕書正字與秦檜舊故至是檜已專政芾退然如未嘗識公坐放進揖而退檜疑之風言者論罷通判處發越三郡知處州處舊苦丁絹重芾損之以新丁補其額何溥薦芾材中御史除監察御史時金將敗盟芾勸高宗專務修德痛自悔咎迨見羣臣俾陳闕失求合乎天地無愧乎祖宗則人心悅服天亦助順矣上聽其言遷殿中侍御史兩淮戰不利廷臣爭陳退避計芾言今日之事有進無退進爲上策退爲無策既而金主亮薨上疏勸親征車駕至建康芾請速駐蹕以係中原之望高宗納其說會有密啓還東者下侍從臺諫議芾言今欲控帶襄漢引輪湖廣則臨安不如建康便經理淮甸應接梁宋則臨安不如建康近議者徒悅一時屢從思歸之人非爲國計臣恐回鑾之後西師之聲援不接北土之謳吟絕望矣又言去歲兩淮諸城望風奔潰無一城能拒守者此秦檜壅塞言路挫折士氣之餘毒也能反其道則士氣日振而見危授命者有人矣知婺州孝宗初即位陞陳裴培對唐憲宗爲治先正其心以爲臨御之初出治大原無越於此上嘉納至郡勸民養役金華長仙鄉民十有一家自以甲乙第其產相次執役幾二十年芾與致十人者與合宴更其鄉曰循理里曰信義以褒異之知紹興府會稽賦重而折色尤甚芾以撥官在奏免支移折變鑑湖久廢會歲大饑出常平米募饑民浚治芾去大姓利於田湖復廢權刑部侍郎遷給事中改吏部侍郎以數文閣直學士知臨安府內侍家僮毆傷酒家保芾捕治之徇于市權豪側目執政議以芾使金復除吏部侍郎且議以龍大淵爲副芾曰是可與言行事者邪語聞得罷不行下遷禮部侍郎力求去提舉太平興國宮時芾與陳俊卿俱以剛直見忌未幾俊卿亦引去中書舍人閻安中爲孝宗言二臣之去非國之福起知太平州造冊以梁姑溪歷陽築者久役績歸擊言欲越郡境芾呼至城下厚犒遣之而密捕倡亂者繫獄以聞詔褒諭知隆興府芾前後守六郡各因其俗爲寬

猛吏莫容姦民懷惠利再奉太平祠屢告老以龍圖閣直學士致仕後十年卒年八十嘗曰視官物當如己物視公事當如私事與其得罪於百姓寧得罪於上官立朝不偶晚退閑者十有四年自號湖山居士爲文豪健俊整有表奏五卷詩文三十卷

陳良翰字邦彥台州臨海人蚤孤事母孝資莊重爲文恢博有氣中紹興五年進士第知温州瑞安縣俗號強梗吏治尙嚴良翰獨撫以寬催租不下文符但揭示名物民競樂輸聽訟咸得其情或問何術良翰曰無術第公此心如虛堂懸鏡耳殿中侍御史吳芾薦爲檢法官遷監察御史孝宗初元金主襲新立求和而中原舊人多求歸詔問何以處此良翰言議和復納降皆非是必定計自治而和而和任之乃可張浚軍淮泗以規進取而議者爭獻防江策良翰言當固藩籬專委任今捨淮防江却地奪便朝廷過聽使督府不得專閩外事誤矣除右正言金再移書求故疆良翰言中原皆吾故土況唐鄧淮泗又金渝盟後以兵取之安得以故疆爲言而歸之湯思退主遣小使盧仲賢李杲良翰言仲賢輕價無恥杲自北來難信又言廟堂督府論議不同邊奏上聞皆陽唯諾而陰沮敗之萬一失事機督府安得獨任其責上豐然稱善朝廷遣史正志至建康與張浚議事乖悞良翰勅之上曰正志亦無罪良翰言陛下使浚守淮則任浚爲重一即官爲輕且正志居中浚必爲去就上悟出正志爲福建漕運楊存中爲御營使總殿前軍良翰言存中久擅兵柄太上皇罷就第奈何復假使名宜慎履霜之戒疏三上存中竟罷李杲不敢涉淮良翰奏奪其官仲賢至汴輒許金人以疆土歲幣而還上大怒下仲賢吏欲誅之宰相叩頭懇請得免復遣王之望龍大淵良翰言前遣使已辱命大臣不悔前失不謂秦檜復見今日且金要我罷四郡屯兵以歸之是不折一兵而坐收四千里要害之地決不可許若歲幣則俟得陵寢然後與庶猶有名今議未決而之望遂行恐其辱國不止於仲賢願先馳一介往俟議決行未晚也詔侍從臺諫議多是良翰遂以胡昉楊由義爲審議官與敵議四郡不合因辱而歸思退尙執前論正言尹穡附思退以撤督府良翰爲左司諫疏論思退姦邪誤國宜早罷黜張浚精忠老謀不

宜以小人言搖之。孝宗曰：思退前議固失，然朕愛其警敏，冀可效卿其置之。若魏公則今日孰出其右？朕豈容有此意？縱有之，亦豈不謀卿等？此殆言者有異意，卿為朕諭之。良翰頓首謝曰：陛下言及此，天下幸甚。宰相縱無全才，寧取樸實，緩急猶可倚賴。思退庸狡，小黠大癡，將誤國，且警敏二字，恐非明主卜相之法。既退，以上語諭同列，猶勃然變色。明日亦請對，遂罷良翰言職，兩淮既撤備，金大入，孝宗始深悔。太學生數百人伏闕，乞召用良翰胡銓王十朋，而靳思退等。思退由是始敗。良翰在諫省，成恭皇后受冊，官內外親屬二十五人，良翰論其冗，詔減七人。知建寧府，福建轉運副使，提點江東刑獄，移浙西，召為宗正少卿。兵部侍郎，除右諫議大夫。良翰言以蜀漢之師下關陝，以荆襄趨韓魏，江淮擣青徐，此今日大計。四川既命大臣，而荆淮未有任責者，亦當擇重臣臨之，上稱善。進給事中，大將成閔冒請真奉，有司坐獲譴，閔門王抃矯詔遣妾人謝顯出境，顯既抵罪，置閔與抃不問。良翰皆駁議，請正典刑，遂改禮部侍郎，不拜。以敷文閣待制提舉江州太平興國宮，召為太子詹事，既見，上屬以調護之責。一日，召對選德殿，出手書，唐太宗與魏徵論仁德功利之說，俾極陳今日所未至者。良翰退上疏，略曰：仁德治之本，功利治之效，務本而效自至。今承天意，結民心，任賢能，退小人，擇將帥，收軍情，擇監司，吏久任，皆行之有未至，誠能革此入弊，則仁德無累，功利自致矣。上為之嘉數，詔兼侍讀，未幾，以疾告老，除敷文閣直學士，提舉太平宮。卒年六十五，光宗立，特諡獻獻。

杜莘老，字起莘，眉州青神人。唐工部甫十三世孫也。幼歲時方禁蘇氏文，獨喜誦習。紹興間，第進士，以親老不赴廷對，賜同進士出身。授梁山軍教授，從游者衆。秦檜死，魏良臣參大政，莘老疏天下利害以聞。良臣薦之，主管糧兵部架閣文字。嘗星見東方，高宗下詔求言。莘老上書論彗氣所生，多為兵兆。國家為民息兵，而將驕卒惰，軍政不肅。今因天戒以脩人事，思慮預防，莫大於此。因陳時弊十事，時應詔者衆，上命擇其議論切當，推恩以勸之。後省以莘老為首，進一階，遷敕令刪定官。太常寺主簿，升博士，輪對論金將敗盟，宜飭邊備，勿恃其不來，恃吾有以待之。上稱善。再三，南渡後典秩散失，多有司所記省，至凶禮又

諱不錄。顯仁皇后崩，議禮有疑，吏皆拱手。莘老以古義裁定。大赦前一日，宰相傳旨問舍玉之制。莘老曰：禮院故實所不載，請以周禮典瑞鄭玄注製之，其可。因立具奏，上覽之曰：真禮官也。及虞祭，或謂上哀勞，欲以宰相行事。莘老曰：古今無是。卒正之。遷秘書丞，論江淮守備。上曰：卿言及此，憂國深矣。擢監察御史，遷殿中侍御史。入對，上曰：知卿不畏彊禦，故有此授。自是用卿矣。陳俊卿既解言職，力求去。莘老因奏事從容曰：多事之際，令俊卿輩在論思之地，必有補益。上以為然。俊卿輩復留，金遣使致燬書，傳欽宗凶問，請淮漢地，指索大臣，上決策親征。莘老疏奏贊上，且謂敵欺天背盟，當待以不懼，勿以小利鈍為異議所搖。諛言所憚，則人心有恃，而士氣振矣。宜不限早暮，延見大臣，侍從謀議國事。申救侍從臺諫，監司守臣，亟舉可用之才。又言：親征有期，而禁衛纔五千餘，羸老居半，至不能介冑者，願亟留聖慮，事皆施行，帶御器械，劉炎等禁中市易，通北賈大為姦利。一日，見莘老輒及朝政，語狂悖。莘老以聞，斥監嘉州稅知樞密院事周麟之初，請使金，及燬書至，聞金將威兵犯邊，乃大恐，建言不必遣使。莘老劾麟之挾姦罔上，避事辭難，恐懼至於掩泣，衆有哭殺富鄭公之謂。尋與宮觀疏再上，乃責瑞州。辛酉，承宣使王繼先怙寵干法，富淳公室，子第直延閣，居第僭擬別業，外幣徧幾旬，數十年無敢搖之者。聞邊警，亟輦重寶歸吳興，為避敵計。莘老疏其十罪，上曰：初以太后餌其藥，稍假恩寵，不謂小人驕橫乃爾。莘老曰：繼先罪擢髮不足數臣所奏其大概耳。上作色曰：有恩無威，苟賞無罰，雖堯舜不能治天下。詔繼先福州居住，子孫皆勒停籍，其賞以千萬計，詔鬻錢入御前激賞庫，專以賞將士。天下稱快。內侍張去為取御馬院西兵二百髡其頂，都人異之。口語籍籍。莘老彈治，上疑其未審，不樂。莘老執奏不已，竟罷去。為御馬院致仕，而莘老亦以直顯謨閣知遼寧府。給事中，金安節，中書舍人劉珙，封還制書，改司農少卿，尋請外，仍與遼寧。始莘老自蜀造朝，不以家行，高宗聞其清修獨處，甚重之。一日，因對奏論曰：聞卿出蜀，即蒲團紙帳，如僧然，難及也。未幾，遂擢用。莘老官中都久，知公論所予奪，姦蠹者皆得其根本，脈絡嘗數曰：臺諫當論天下第一事。若有所畏，始言其次，是欺其心，不敬其君者也。及任言責，

諱當論天下第一事。若有所畏，始言其次，是欺其心，不敬其君者也。及任言責，

極言無隱。取衆所指目者悉擊去。聲振一時。都人稱骨鯁敢言者。必曰杜殿院云。治郡課績。爲諸州最。孝宗受禪。莘老進三議。曰。定國是脩內政。養根本。尋卒。年五十八。

論曰。黃洽渾厚有守。應辰學術精醇。尤稱骨鯁。十朋吳芾良翰莘老。相繼在臺府。歷詆姦倖。直言無隱。皆事上忠而自信篤。足以當大任者。惜不盡其用焉。

宋史卷三百八十七

宋史卷三百八十七考證

吳芾傳致仕後十年卒。○臣其審按此云致仕十年。又云晚間十有四年。一傳之中。前後互異。一本此句無十年二字。疑是。

宋史卷三百八十七考證

元中書右丞相總裁脫脫等修
列傳第一百四十七

周執羔

王希呂

陳良祐

李浩

陳粟

胡沂

唐文若

李燾

周執羔字表卿信州弋陽人宣和六年舉進士廷試徽宗擢為第二授湖州司
士曹事俄除太學博士建炎初乘輿南渡自京師奔詣揚州不及遂從隆祐太
后于江西還覲會稽尋以繼母劉疾乞歸就養調撫州宜黃縣丞時四境依擾
潰卒相挺為變令大恐不知所為執羔諭以禍福皆斂手聽命既又誅其黨執
首謀者斬以徇邑人德之至繪像立祠紹興五年改秩通判湖州丁母憂服闋
通判平江府召為將作監丞明年春遷太常丞會始議建明堂大樂久廢不修
詔奉常習肄之訪輯舊聞庀闕工器制作始備累遷右司員外郎八月擢權禮
部侍郎充實金生辰使往歲奉使官得自辟其屬賞典既厚願行者多納金以
請執羔始拒絕之使還兼權吏部侍郎請賜新進士聞喜宴于禮部從之軍興
廢此禮至是乃復同知貢舉舊例進士試禮部下歷十八年得免舉又四試禮
部下始特奏名推恩秦檜既以科第私其子士論譴諱為減三年以悅眾執羔
言祖宗法不可亂絲此忤檜御史劾罷之又六年起知眉州徙闔州又改夔州
兼夔路安撫使夔部地接蠻獠易以生事或告漆播夷叛其豪帥請遣兵致討
執羔謂曰朝廷用爾為長今一方繹騷責將焉往能盡力則賞爾一兵不可得
也豪釁斬叛者以獻夷人自是皆惕息三十年知饒州尋除敷文閣待制乾道
初守婺州召還提舉佑神觀兼侍講首進二說以為王道在正心誠意立國在
節用愛人二年四月復為禮部侍郎孝宗患人才難知執羔曰今一介千進亦
蒙賜召口舌相高殆成風俗豈可使之得志哉上曰卿言是也一日侍經筵自
言學易知數臣事陛下之日短已乃垂涕上惻然即拜本部尚書升侍讀固辭
不許方士劉孝榮言統元曆差命執羔釐正之執羔用劉義叟法推日月交食
考五緯贏縮以紀氣朔寒溫之候撰曆議曆書五星測驗各一卷上之上嘗問

豐財之術執羔以為蠹民之本莫甚於兵古者與師十萬日費千金今尺籍之
數十倍於此罷廢老弱者幾半不汰之其弊益深論和糴本以給軍與豫凶災
蓋國家一切之政不得已而為之若邊境無事妨於民食而務為聚斂可乎舊
糴有常數比年每郡增至一二十萬石今諸路枯旱之餘蟲螟大起無以供常
稅況數外取之乎宜視一路一郡一縣豐凶之數輕重行之災甚者蠲之可也
上矍然曰災異如此乃無一人為朕言者即詔從之充安恭皇后殿宮按行使
日與閣人接卒事未嘗交一談閣亦服其長者不怨也拜疏求去上謂輔臣曰
朕惜其老成宜以經筵留之除寶文閣學士提舉佑神觀上曰遂除龍圖可也
經筵二年每勸上以辨忠邪納諫爭上深知其忠明年三月告老上諭曰祖宗
時近臣有年踰八十尚留者卿之齒未也命却其章閏月復申前請上度不可
奪詔提舉江州太平興國宮賜茶藥御書恩禮尤渥公卿租帳都門外搢紳榮
之時閩粵江西歲饑盜起執羔陛辭以為言詔遣太府丞馬希言使諸路振救
之乾道六年卒年七十七執羔有雅度立朝無朋比治郡廉恕有循吏風手不
釋卷尤通干易

王希呂字仲行宿州人渡江後自北歸南既仕寓居嘉興府乾道五年登進士
科孝宗獎用西北之士六年召試授秘書省正字除右正言時張說以攀援戚
屬擢用再除簽書樞密院事希呂與侍御史李衡交章劾之上疑其合黨邀名
責遠小監當既而悔之改授官觀方說之見用氣勢顯赫後省不書黃學士院
不草詔皆相繼斥逐而希呂復以身任怨去國之日屏徒御躡履以行恬不為
悔由是直聲聞于遠邇雖以此黜亦以此見知出知廬州淳熙二年除吏部員
外郎尋除起居郎兼中書舍人准右擇帥上以希呂已試有功令知廬州兼安
撫使修葺城守安集流散兵民賴之加直寶文閣江西轉運副使五年召為起
居郎除中書舍人給事中轉兵部尚書改吏部尚書求去乃除端明殿學士知
紹興府尋以言者落職處之晏如治郡百廢俱興尤敬禮文學端方之士天性
剛勁遇利害無回護意惟是之從嘗論近習用事語極切至上變色欲起希呂
挽御衣曰非但臣能言之侍從臺諫皆有文字來矣佐漕江西嘗作砦石記以

示僚屬一幕官舉筆塗數字舉坐駭愕希呂覽之喜其不阿薦之居官廉潔至無屋可廬由紹興歸有終焉之意然猶寓僧寺上聞之賜錢造第後以疾卒于家

陳夏祐字天與婺州金華人年十九預鄉薦開歲入太學紹興二十四年擢進士第調興國軍司戶未上薦于朝者召除太學錄權密院編脩官中丞汪澈薦除監察御史累遷軍器監兼鄧王府直諱隆興元年出為福建路轉運副使丁父憂服闋明道三年除起居舍人兼權中書舍人遷起居郎尋除右司諫首言會子之弊願捐內帑以紓細民之急上曰朕積財何用能散可也慨然發內府白金數萬兩收換會子收銅版勿造軍民翕然未幾戶部得請改造五百萬又奏陛下號令在前不能持半歲久以此令民誰能信之豈有不印交子五百萬遂不可為國乎既而又欲造會子二千萬屢爭之不得遂請以五百萬換舊會俟通行漸收之當使不越千萬之數上銳意圖治以唐太宗自比夏祐言太宗政要願賜省覽擇善而從知非而戒使臣為良臣勿為忠臣上曰卿亦嘗以魏徵自勉又言陛下躬行節儉弗殖貨利或者託肺腑之親為市井之行以公侯之貴牟商賈之利占田疇擅山澤甚者發船舶舟招蕃買賣貨慶費金錢或假德壽或託椒房犯法冒禁專利無厭非所以維持紀綱保全威範願嚴戒敕苟能改過富貴可保如其不悛以義斷恩時左相丁外艱詔起復夏祐言起復非正禮今無糧場之事宜使之終喪遂獲遷右諫議大夫兼侍讀同知貢舉除給事中兼直學士院遷吏部侍郎尋除尚書時議遣泛使請地夏祐奏陛下恢復之志未嘗忘懷然詞莫貴於食同不可不察博訪歸於獨斷不可不審固有以用衆而興亦有以用衆而亡固有以獨斷而成亦有以獨斷而敗今遣使乃啓釁之端萬一敵騎犯邊則民力困於供輸州郡疲於調發兵革禍結未有息期將帥庸鄙類乏遠謀對君父則言効死臨戰陣則各求生有如符離之役不戰自潰瓜州之遇望敵驚奔孰可仗者此臣所以未敢保其萬全且今之求地欲得河南襄城歸版圖不旋踵而又失如其不許徒費往來若其許我必遣重幣經理未定根本內虛又將隨而取之矣向之四郡得之亦勤尚不能有

今又無故而求侵地陛下度可以虛聲下之乎況止求陵寢地在其中曩亦議此觀其答書幾於相戲凡此二端皆是求釁必須遣使則祈請欽宗梓宮猶為有辭內視不足何暇事外邇者未懷豈能綏遠奏入忤旨貶瑞州居住尋移信州九年許令自便淳熙四年起知徽州尋除敷文閣待制知建寧府卒

李浩字德遠其先居建昌遷臨川浩早有文稱紹興十二年擢進士第時秦熈挾宰相子以魁多士同年皆見之或拉浩行毅然不往調饒州司戶參軍襄陽府觀察推官連丁內外艱繼調金州教授改太常寺主簿尋兼光祿寺丞輪對首陳無逸之戒且言宿衛大將楊存中恩寵特異待之過非其福上悟旋令就第自秦檜用事塞言路及上總攬權綱激厲忠議此習尚存朝士多務慎默至是命百官轉對浩與王十朋馮方查齋胡憲始相繼言事聞者與起浩不安於朝請祠主管台州崇道觀以歸孝宗即位以太常丞召時張浚督師江淮宰相多抑之浩引仁宗用韓琦范仲淹詔章得象故事乞戒諭令同心協濟兼權吏部郎官浩雅為湯思退所厚御史尹穡欲引之以共擄浚因薦浩及對乃明示不同之意二人皆不樂踰年始除員外郎兼皇子恭王府直諱在王府多所裨益且因事以及時政書之於冊幸上或見之王亦素所愛重他日外補累年以歸王喜曰李直諫來矣未幾宰相召為郎者四人將進用之尤屬意浩浩嘿然無一辭同舍皆遷浩獨如故踰年浙河水災詔郎官館職以上條時政闕失浩謂上憂勞如此今何可不言即奏疏指論近臣併及宰相執惟奉行臺諫多迎合百執事顧忌長縮反覆數千言傾倒罄竭見者悚慄上不以為忤執事者深忌之乞外得台州州有棟中禁軍五百人訓練官貪殘失衆心不逞者因謀作亂忽露刃於庭浩謂之曰汝等欲為亂乎請先殺我衆駭曰不敢乃徐推其為首者四人驟從之迄無事除直秘閣並瘳有宿寇久不獲浩募其徒自縛贖罪即得其魁里豪民鄭憲以賞給事權貴人門囊囊為姦事覺械繫之死獄中盡籍其家徙其妻孥權貴人教其家訟冤且誣浩以買妾事言者用是擠之疏方上權參政劉珙越次奏曰李浩為郡獲罪豪民為其所誣臣考其本末甚白上顧曰守臣不畏強禦豈易得邪且門章安在珙袖出之遂留中不下大理觀望猶

欲還其所沒贖。上批其後曰：台州所斷，至甚允當。鄭憲家資，永不給還。流徙如故。浩始得安。明年，除司農少卿。時朝廷和糴米八萬，董其事者賤糶溼惡，隱剋官錢。戶部不敢詰，浩白發其姦。下有司窮覓，戶部欲就支糶見數。大理附會之，浩爭曰：「非但惠姦，且虧軍食。」上是其言。會大理奏結他獄，上顧輔臣曰：「棘寺官得剛正如李浩者爲之已，而卿缺。」又曰：「無以易浩。」遂除大理卿。時上英明，有大

有爲之志，廷臣不能奉行，誕慢苟且，依違避事。浩前在司農，嘗因面對陳經理兩淮之策，至是爲金使接待，還奏曰：「臣親見兩淮可耕之田，盡爲廢地，心嘗痛之。條畫營屯，以爲恢復根本。」又言：「比日措置邊事，甚張皇，願戒將吏嚴備禦，無規微利近功。」日與大臣修治具結人心，持重安靜，以俟敵釁。上悉嘉納。宰相議遣泛使，浩與辨其不可，至以官職誅之。浩怒，以語觸之，且力求外，以直寶文閣知靜江府，兼廣西安撫。有尙書郎入對，論及擇帥事，上曰：「如廣西朕已得李浩矣。」又論大臣曰：「李浩營田議甚可行，大臣莫有應者。」浩至郡，奮有靈渠，通漕運及灌溉。歲久不治，命疏而通之。民賴其利，邕管所隸安平州，其酋特險，謀聚兵爲邊患。浩遣單使諭以禍福，且許其引教自新。即日叩頭謝過，焚撤水柵，聽大府約束。治廣二年，召還入對，論俗不美者八，其言曰：「陛下所求者規諫，而臣下專務迎合，所貴者執守，而臣下專務順從，所惜者名器，而僥倖之路未塞，所重者廉恥，而趨附之門尚開，儒術可行而有險詖之徒，下情當盡而有壅蔽之患，期以氣節，而偷惰者得以苟容，責以實效，而誕慢者得以自售，上問誕慢，謂誰，浩具以實對。翌日謂宰相曰：「李浩直諫，遂除權吏部侍郎。時政府有怙寵，竊權者，黨與非一。自浩之入，已相側目，且欲以甘言誘之。浩中立不倚，拒弗納。於是相與謀，嗾諫議大夫姚憲論浩以彊很之資，挾奸諛之志，實之近列，變亂黑白，未及正謝而罷。乾道九年，提舉太平興國宮。明年夏，夔路關帥命浩以秘閣修撰，龍其行。夔有羈縻州曰思州，世襲爲守，則田氏與其猶子不協，將起兵相攻。浩草檄遣官爲勸解，二人感悟，歃血盟，盡釋前憾。邊得以寧踰年，以疾請祠，提舉玉隆萬壽宮。命未至，以淳熙三年九月卒。年六十一。諸司奏浩盡瘁其職，以死，詔特贈集英殿修撰。浩天資質直，涵養渾厚，不以利害動其心，少力學爲文。

辭，及壯益沉潛理義，立朝慨然以時事爲己任，中憤激烈，言切時弊，以此見忌於衆。平居未嘗假人以辭色，不知者以爲傲，或譖於上前，上謂斯人無他，在朕前亦如此，非爲傲者。小人憚之，誘以祿利，正色不回，謀害之者無所不至，獨賴上察其衷，始終全之。爲郡尤潔己，自海右歸，不載南海一物。平生奉養，如布衣時，風裁素高，人不敢干以私云。

陳彙，字德應，紹興餘姚人。入太學，有聲，登政和上舍第，教授寧州。以母老，改台州士曹，治獄平允，更攝天台臨海黃巖三邑，易越州新昌令，皆以愷悌稱。呂頤浩欲援爲御史，約先一見，彙曰：「宰相用人，乃使之呈身耶？」謝不往。趙鼎、李光交薦其才，紹興二年五月，召對改秩。六月，除監察御史，論事不合。八月，詔以辛邑有治行，除江西運判。瑞昌令倚勢受賂，彙首劾罷之。期年，所按以十數。至有望風解印綬者，以母年高乞歸養。詔彙善撫字，移知台州。台有五邑，嘗攝其三，民懷惠愛，越境歡迎，不數月，稱治。母喪，邦人巷哭，相率走行在所者千餘人。請起彙，詔彙清謹，不擾治狀，著聞。其敕所在，州賜錢三十萬。彙力辭，上謂近臣曰：「陳彙有古循吏風，終喪，以司勳郎中召，累遷權刑部侍郎。時秦檜力主和議，彙疏謂金人多詐，和不可信，且二聖遠狩沙漠，百姓肝腦塗地，天下痛心疾首，今天意既回，兵勢漸集，宜乘時掃清，以雪國恥。否亦當按兵嚴備，審勢而動，舍此不爲，乃遽講和，何以擊中原之望？」既而金厚有所邀，議久不決，將再遣使，彙復言：「以爲不然，且金之立豫，蓋欲自爲捍蔽，使之南窺，豫每犯順，率皆敗北，金知不足恃，從而廢之，豈爲我哉？河南之地，欲付之他人，則必以豫爲戒，故捐以歸我，往歲金書，嘗爲歲幣多寡，聽我所裁，曾爲淹歲，反覆如此，且割地通和，則彼此各守封疆可也，而同州之橋，至今存焉，蓋金非可以義交而信結，恐其假和好之說，驕諂悠之辭，包藏禍心，變出不測，願深鑒前轍，亦嚴戰守之備，使人人激厲，常若寇至，苟彼通和，則吾之振飭武備，不害爲立國之常，如其不然，決意恢復之圖，勿循私曲之說，天意允協，人心響應，一舉以成大勳，則梓宮太后可還，祖宗疆土可復矣。」檜憾之，彙因力請去，未幾，金果渝盟，除徽猷閣待制，知穎昌。

府時河南新疆初復無敢往者彙即日就道次壽春則類已不守改處州又改廣州兵與後廣東盜賊無寧歲十年九易牧守彙盡革弊政以恩先之留鎮三年民夷悅服初朝廷移韓京一軍屯循州會彬寇駭科犯廣西詔遣京討之彙廣東累年困於寇賊自京移屯敵稍知畏今悉軍赴廣西則廣東危矣檜以彙為京地坐稽留機事降秩屢上章告老改婺州請不已遂致事又十二年以疾卒于家年六十六彙博學剛介不事產業先世田廬悉推予兄弟在廣積年四方聘幣一不入私室既謝事歸劍中備寫僧寺日糴以食處之泰然王十朋為風土賦論近世會稽人物曰杜祁公之後有陳德應云

胡沂字周伯紹與餘姚人父宗伋號醇儒能守所學不逐時好沂穎異六歲誦五經皆畢不忘一字紹興五年進士甲科陸沅州縣幾三十載至二十八年始入為正字遷校書郎兼實錄院檢討官吏部員外郎轉右司以憂去終喪還朝孝宗受禪除國子司業鄧王府直講尋擢殿中侍御史有旨侍從臺諫條具方今時務沂言守禦之利莫若令沿邊屯田前歲淮民逃移未復舊業中原歸附未知所處俾之就耕可贍給省餉饋東作方興且慮敵人乘時驚擾宜聚兵險隘防守詔行其言御史中丞辛次膺論殿帥成閔贖貨不恤士卒之罪詔罷殿前司職事與祠沂再言其二十罪遂落太尉婺州居住沂又言將臣定十等之目令其舉薦施之擇將之頃則可施之養士有素則未也夫設武舉立武學試之以弓馬又試之以韜略之文兵機之策蓋將有所用也除高等一二名餘皆吏部授以權酷征商所養非所用非所養願詔大臣詳議中舉者定品格分差邊將下準備差遣則人人思奮應上之求矣從之時龍大淵會觀以藩邸舊恩除知閣門事張震劉珙周必大相繼繳回詞命沂論其市權招士請屏遠之未聽而諫官劉度坐抗論左遷沂累章益懇切曰大淵觀不屏去安知無柳宗元劉禹錫輩撓節以從之者好進者嫉其言共排之沂亦以言不行請去遂以直顯謨閣主管台州崇道觀乾道元年冬召為宗正少卿兼皇子慶王府贊禮尋兼侍講進中書舍人給事中進對論命令當謹之於造命之初上曰三代盛時如此卿職在繳駁事有當然勿謂拂君相不言除吏部侍郎兼權尚書沂

奏七司法自紹興十三年纂修成書歲且一紀歷月閱時不無抵牾望令敕令所官討論章旨此法可行不可行此條當革不當革將見行之法與當革之條輯為一書頒之中外庶可戢吏胥之姦詔行之尋以目疾丐祠六年出為徽猷閣待制知處州復引疾奉祠提舉江州太平興國宮八年以待制除太子詹事尋復拜給事中進禮部尚書並兼領詹事又改侍讀上顧沂厚有大用意而沂資性恬退無所依附數請去虞允文當國希旨建策復中原沂極論金無覺而我諸將未見可任此事者數梗其議遂以龍圖閣學士仍提舉興國宮淳熙元年卒年六十八方疾革整容素冠不少惰蓋其為學所得者如此諡獻肅

唐文若字立夫眉山人父庚在文苑傳文若少英邁不羣為文豪健登進士第分教潼川府給事中勾濤薦自代詔赴行在所既至而勾濤出不得見文若奏書闕下略曰昔漢高慢士四皓去之而西鄙少廉恥之人光武禮賢嚴光友之而東都多節義之士陛下屈萬乘之尊駐蹕東南兩宮將歸五路初復正宜市朽骨式怒蛙以來豪傑與之共治寧據惜此數刻之對耶書奏翌日召對便殿高宗大悅特旨改合入官通判洋州洋西鄉縣產茶巨陵谷八百餘里山窮險賦不盡括使者韓球將增賦以市寵園戶避苛斂轉徙鑿鐘相藉文若力爭之賦迄不增再通判遂寧府會大水民多漂死文若至城上發庫錢募游者振活甚眾又力請于朝除田租二萬一千頃免場務稅二十餘所築長堤以捍水勢自是無水患秦檜死上訪蜀士於魏良臣以文若對二十六年以光祿丞召改秘書郎為文思箴以獻其略曰於赫我皇兵既休矣兵休如何莫若治兵居安思危邦乃攸寧爰整其旅文王以與載舞千羽舜仁用成向戌弭兵春秋所懲蕭儉去兵禍亂乃萌師則多矣軍則彊矣縱弛不繩猶曰無人兵非以殘以兵休兵凡千五百餘言自檜主和朝論諱言兵故文若以此風焉遷起居郎勸上收用西北人材以固根本上深納之將命以掌制時有為宣和參政請恩為司諫凌哲所彈文若喜其直作禾黍詩以美之侍御史周方崇以為讖已劾文若狂誕出知邵州上屢為近臣言唐文若無罪可改近郡知饒州興學宮減田租奇耗二萬石又請歲糴常平義倉之儲什三與民平市農末俱利而粟不腐遂

以著令。餘于書有劇盜。巡尉不能制。文若遣牙兵捕而戮之。加直敷文閣。移知溫州。三十一年。召爲宗正少卿。金人犯邊。文若求對。首建大臣節制江上之議。上諭大臣。以文若與虞允文杜莘老馬驥才皆可用。復除起居郎。時諸將北出。捷書日聞。上下有忮志。獨文若憂之。圖上元嘉北伐故事。上諭文若以創業所歷艱苦及敵情反覆甚悉。文若對曰。願陛下深察大勢趨策之長而避其短。無循前代軌轍。則大善。未幾。諸軍退。金主自將圍大將王權于歷陽。權遁。淮南盡沒。詔百官廷議。文若畫三策。一請上親征。二乞遣大臣勞軍。三乞起張浚工部侍郎許尹。是其言。衆遂列奏上之。不報。文若尋面對。上問曰。今計安出。卿熟張浚否。文若曰。浚守道篤學。天下屬望。今四十年。天不死浚。嶺海正爲今日。上矍然曰。援浚者多。非卿無以發此。數日。遣楊存中讓江上軍。緩親征之期。起浚知平江府。蓋上以浚雖忠。恐喜功。將士多不附。文若復言。浚本以孤忠得衆。尋改浚鎮建康府。將以爲江淮宣撫使。中沮之。而止。乘輿幸江表。以起居郎兼給事中。直學士院。同羣司居守。駕還。還中書舍人。上將內禪。前數日。手詔追崇皇太子所生父。文若既書黃。因過周必大誦聖德。而疑名稱未安。歸白宰相。請更黃堂吏不可。文若執不已。宰相以聞。詔改稱本生親。尋又改宗室子。傳其後。詔稱皇兄。孝宗嗣位。張浚以右府都督江淮軍事。文若時以疾請外。除敷文閣待制。知漢州。尋改都督府參贊軍事。浚使行邊。按守備。多所罷行者。未還。除知鼎州。改江州。明年。浚入相。都督府罷。其冬。金復大入。官軍悉戍淮。文若謂上流當嚴兵備。以定民志。奏籍鄉丁五萬。訓練有法。人倚以固。解嚴和羅大起郡之數八萬。文若以民勞。堅請得減什三。旋請祠。章三上未報。乾道元年卒。年六十。贈左通奉大夫。

李燾字仁甫。眉州丹稜人。唐宗室曹王之後也。父中。登第。知仙井監。燾甫冠。憤金轡未報。著反正議十四篇。皆救時大務。紹興八年。擢進士第。調華陽簿。再調雅州推官。改秩知雙流縣。仕族張氏子。居喪而爭產。燾曰。若忍墜先訓乎。盡歸思之。三日復來。迄悔艾無訟。又有不白其母而鬻產者。燾實之。理豪強斂迹。於是。以餘暇力學。燾取讀王氏書。獨博極載籍。搜羅百氏。慨然以史自任。本朝典

故。尤悉力研覈。做司馬光實治通鑑。例斷自建隆迄于建康。爲編年一書。名曰長編。浩大未畢。仍效光體。爲百官公卿表。史官以聞。詔給札來上。制置王剛中。辟幹辦公事。知榮州榮因溪。爲隍。夏秋率苦水潦。燾築防禦之除。潼川府路轉運判官。入境。劾守令不職者四人。縣多聚斂。燾括一路財賦額。通有無。酌三年中數定。爲科約。上之朝。頒之州縣。乾道三年。召對。首舉藝祖治身治家治官治吏典故。以爲恢復之法。乞增置諫官。許六察言事。請練兵。毋增兵。杜諸將私獻。嚴軍中虛籍。除兵部員外郎兼禮部郎中。會慶節。上壽在郊。禮散齋內。議權作樂。燾言。漢禮祀天地。散齋四日。致齋三日。建隆初郊亦然。自崇寧大觀法。周禮祭天地。故前十日受誓戒。今既合祭。宜復漢唐及建隆舊制。庶幾兩得。詔垂拱上壽止樂。正殿爲北使權用。正除禮部郎中。言中興祭禮未備。請以開寶通禮。嘉祐因草禮。政和新儀。令太常寺參校同異。脩成祭法。四年。上續通鑑長編。自建隆至治平。凡一百八卷。時乾道新曆成。燾言。曆不差不改。不驗不用。未差無以知其失。未驗無以知其是。舊曆多差。不容不改。而新曆亦未有大驗。乞申飭曆官討論。五年。遷秘書少監。兼權起居舍人。尋兼實錄院檢討官。子屋試賢。良方正直言極諫科。燾素謂唐三百年。不愧此科者。惟劉去華。心慕之。嘗以所著通論五十篇見蜀帥張燾。欲應詔。不偶而止。其友晁公邁以書勉之。燾答以當倚此學。必不從此舉。既不克躬試。於是命二子屋塾習焉。至是吏部尙書汪應辰薦。屋文行可。應詔。故有是命。左相陳俊卿出知福州。右相虞允文任恢復事。更張舊典。宰相以燾數言事不樂。燾遂請去。除直顯謨閣。湖北轉運副使。陛辭。以欲速變古爲戒。又奏。馮買九州。荆田第八。賦乃在三人。功既脩。遂超五等。今田多荒蕪。賦虧十八。上命之條畫。既至。奏京湖之民。結茅而廬。築土而坊。備牛而犁。糴種而殖。穀苗未立。睥睨已多。有橫加科斂者。今宜寬優。冒之禁。依乾德詔書。止輸舊稅。廣收募之術。如咸平元豐故事。勸課有勞者。推恩詔從之。總餉呂游問入奏。燾攝其事。歲饑。發鄂州大軍倉。振之。僚屬爭執不可。燾曰。吾自任。不以累諸君。尋如數償之。游問返。果劾燾專。上止。令具析。不之罪也。八年。直寶文閣。帥潼川。兼知瀘州。首葺石門堡。以扼夷人。奏乞戒茶馬司。司敘州羈縻馬。

毋溢額戒官民毋於夷漢禁山伐木造舟奏移鎮水於開邊舊池皆報可淳熙改元被召適城中火上章自劾提刑何熙志奏焚數不實且言長編記魏王食肥瓊語涉誣謗上曰憲臣按奏火數失實職也何預國史命成都提刑李燾究火事詔熙志貶二秩罷燾止貶一秩燾及都門乞祠除江西運副且許臨遣或勸以方被讒無及時事燾曰聖主全度如此竭忠所以為報遂奏曰食地震皆陰感主敵國小人不可不慮且申無變古無欲速兩言又上快儀引太祖罷朝悔乘快決事以諫上曰朕當揭之座右進祕閣修撰權同脩國史權實錄院同修撰燾為左史時嘗乞復行明堂禮謂南郊明堂初無隆殺合視園壇特免出郊泮費至是申言之詔集議燾幸沮止其後周必大為禮部尚書申其說始克行權禮部侍郎七月壬戌雷震太祖廟柱壞鷓尾有司旋加脩繕燾奏非所以畏天變當應以實上諭大臣燾愛朕屢進讜言賜金紫嘗請正太祖東向之位四年駕幸太學以執經特轉一官燾論兩學釋奠從祀孔子當升范仲淹歐陽修司馬光蘇軾黜王安石父子從祀武成王當黜李勣衆議不叶止黜王粲而已真拜侍郎仍兼工部徽宗實錄置院已久趣上奏為燾薦呂祖謙學識之明召為祕書郎兼檢討官夜直宣引奏近者蒙氣蔽日厥占不肖者祿股肱耳目宜謹厥與賜坐欲起又留賜飲賜茶尋詔監視太史測驗天文九月丁酉日當夜食燾為社壇祭告官伐鼓禮廢特舉行屋既中制科為祕書省正字尋遷著作郎兼國史實錄院脩撰檢討官父子同主史事搢紳榮之燾感上知遇論事益切每集議衆莫敢發言獨條陳可否無所避近臣復舉其次子塾應制科以閣試不中程黜屋偶考上舍試卷發策問制科為御史所劾語連及燾屋罷燾亦知常德府初政和末遭辰沅靖四州置營田刀弩手募人開邊范世雄等附會擾民建炎罷之乾道間有建議復置者燾為轉運使嘗奏不當復已而提刑尹機迫郡縣行之田不能給燾至是又申言之請度田立額且約帥臣張栻列奏詔從之境多茶園異時禁切商賈率至交兵燾曰官捕茶賊豈禁茶商聽其自如詔無警累表乞閑提舉與國宮秩明堂大禮成以其首議復除敷文閣待制頃之屋塾繼亡上欲以吏事紓燾憂起知遂寧府七年長編全書成上之詔

藏祕閣燾自謂此書寧失之繁無失之略故一租八宗之事凡九百七十八卷卷第總目五卷依照寧脩三經例損益脩換四千四百餘事上謂其書無愧司馬遷燾嘗舉漢石渠白虎故事請上稱制臨決又請冠序上許之竟不克就又奏陛下即位二十餘年志在富彊而兵弱財匱與教民七年可以即戎者異矣一日召對延和殿講臣方讓陸贄奏議燾因言贄雖相德宗其實不過今過陛下可謂千載一時遂舉贄所言切於今可舉而行者數十事勸上力行之上有功業不足之嘆燾曰功業見乎變通人事既修天應乃至進敷文閣學士提舉佑神觀兼侍講同修國史薦尤袤劉清之十人為史官十年七月久旱進祖宗避殿減膳求言故事上亟施行丁丑兩一日宣對燾言外議陛下多服藥罕御殿宮嬪無時進見浮費頗多上曰卿可謂忠愛顧朕老矣安得此聲近惟葬李婕妤用三萬緡他無費也遂因轉對乞用祖宗故事召宰執赴經筵太史言十一月朔日當食心八分燾復條上古今日食是月者三十四事因奏之曰心天王位其分為宋十一月於卦為復方潛陽時陰氣乘之故比他食為重非小人害政即敵人窺中國明日對延和殿又及晉何曾譏武帝無經國遠圖十一年春乞致仕優詔不允上數問其疾增損給事中宇文价傳上旨燾曰臣子戀闕非老病忍乞骸骨因叩价時事勉以忠盡又聞四川乞減酒課額猶手劄贊廟堂行之病革除敷文閣學士致仕命下喜曰事了矣口占遺表云臣年七十死不為天所恨報國缺然願陛下經遠以藝祖為師用人以昭陵為則辭氣舒徐乃卒年七十上聞嗟悼贈光祿大夫他日謂宇文价曰朕嘗許燾大書續資治通鑑長編七字且用神宗賜司馬光故事為序冠篇不謂其止此燾性剛大特立獨行早著書檜尚當路檜死始聞于朝暨在從列每正色以訂國論張栻嘗曰李仁甫如霜松雪柏無嗜好無姬侍不殖產平生生死文字間長編一書用力四十年葉適以為春秋以後纔有此書有易學五卷春秋學十卷五經傳授尙書百篇圖大傳雜說各一卷七十二子名籍各一卷文集五十卷奏議三十卷四朝史彙五十卷通論十卷南北攻守錄三十卷七十二候圖陶潛新傳并詩譜各三卷歷代宰相年表唐宰相譜江左方鎮年表晉司馬光本支齊梁本

支王謝世表五代將帥年表合爲四十一卷證文簡累贈太師温國公子扈至
塾壁墓扈著作郎至夔州路提點刑獄壁墓皆執政別有傳

論曰執羔宿德雅度在經筵忠忱啓沃以口舌相高爲戒希呂剛直懇切有古
引裾風夏祐力止汎使懼開釁端忤旨竄斥而甘心焉李浩獨不造秦燬陳彙
以呈身爲恥文若譏休兵胡沂斥閹宦其清風苦節終始弗渝高宗之世李燾
恥讀王氏書撥拾禮文殘缺之餘粲然有則長編之作咸稱史才然所撥拾或
出野史春秋傳疑傳信之法然歟

宋史卷三百八十八

宋史卷三百八十八考證

周執羔傳劉義叟○南本作劉義叟

陳夏祐傳遷右諫議大夫○臣謹按齊東野語張說奏置酒延衆侍從上許之

客畢集獨夏祐不至說不平奏臣奉旨而後敢集客陳夏祐不至是違聖意
也中批陳夏祐除諫議大夫

宋史卷三百八十八考證

元中書右丞相總裁脫脫等修
列傳第一百四十八

尤袤 謝諤 顏師魯 袁樞

李椿 劉儀鳳 張孝祥

尤袤字延之常州無錫人少穎異蔣偕施垌呼為奇童入太學以詞賦冠多士尋冠南宮紹興十八年擢進士第嘗為泰興令問民疾苦皆曰邵伯鎮置頓為金使經行也使率不受而空厲民漕司輸藁秸致一束數十金二弊久莫之去乃力請臺閣奏免之縣舊有外城屢殘於寇頽毀甚袤即修築已而金渝盟陷揚州獨泰興以有城得全後因事至舊治吏民羅拜曰此吾父母也為立生祠注江陰學官需次七年為讀書計從臣以靖退薦召除將作監簿太宗正闕丞人爭求之陳俊卿曰當子不求者遂除袤虞允文以史事過三館問誰可為秘書丞者僉以袤對亟授之張栻曰真秘書也兼國史院編修官實錄院檢討官遷著作郎兼太子侍讀先是張說自閣門入西府士論鼎沸從臣因執奏而去者數十人袤率三館上書諫且不往見後說留身密奏於是梁克家罷相袤與秘書少監陳騭各與郡袤得台州州五縣有丁無產者輸二年丁稅凡萬有三千家前守趙汝愚修郡城工纒什三屬袤成之袤按行前築殊鹵莽亟命更築加高厚數月而畢明年大水更築之塘正值水衝城賴以不沒會有毀袤者上疑之使人密察民誦其善政不絕口乃錄其東湖四詩歸奏上讀而歎賞遂以文字受知除淮東提舉常平改江東江東旱單車行部覈一路常平米通融有無以之振貸朱熹知南康講荒政下五等戶租五斗以下悉蠲之袤推行於諸郡民無流殍進直秘閣遷江西漕兼知隆興府屢請祠進直敷文閣改江東提刑梁克家薦袤及鄭僑以言事去國久于外當召上可之召對言水旱之備惟常平義倉願預飭有司隨市價禁科抑則人自樂輸必易集事除吏部郎官太子侍講累遷樞密院正兼左論德輪對又申言民貧兵怨者甚切夏旱詔求闕失袤上封事大略言天地之氣宣通則和壅遏則乖人心舒暢則悅抑鬱則憤

惟科峻急而農民怨關征苛察而商旅怨差注留滯而士大夫有失職之怨廉給賸削而士卒有不足之怨奏讞不時報而久繫囚者怨幽枉不獲伸而負累者怨強暴殺人多特貸命使已死者怨有司買納不即酬價負販者怨人心抑鬱所以感傷天和者豈特一事而已方今救荒之策莫急於勸分輸納既多朝廷吝於推賞乞詔有司檢舉行之高宗崩前一日除太常少卿自南渡來恤禮散失事出倉卒上下罔措每有討論悉付之袤斟酌損益便於今而不戾於古當定廟號袤與禮官定號高宗洪邁獨請號世祖袤率禮官顏師魯鄭僑奏曰宗廟之制祖有功宗有德藝祖規創大業為宋太祖太宗混一區夏為宋太宗自真宗至欽宗聖聖相傳廟制一定萬世不易在禮子為父屈示有尊也太上親為徽宗子子為祖父為宗失昭穆之序議者不過以漢光武為比光武以長沙王後布衣崛起不與哀平相繼其稱無嫌太上中與雖同光武然實繼徽宗正統以子繼父非光武比將來附廟在徽宗下而稱祖恐在天之靈有所不安詔羣臣集議表上議如初邁論遂屈詔從禮官議衆論紛然會禮部太常寺亦同主高宗謂本朝創業中興皆在商丘取商高宗實為有證始詔從初議建議事堂令皇太子參決庶務表時兼侍讀乃獻書以為儲副之位止於侍膳問安不交外事撫軍監國自漢至今多出權宜乞便懇辭以彰殿下之令德臺官乞定喪制表奏釋老之教矯誣褻瀆非所以嚴官禁崇几筵宜一切禁止靈駕將發引忽定配享之議洪邁請用呂頤浩韓世忠趙鼎張浚表言祖宗典故既附然後議配享今忽定於靈駕發引一日前不集衆論懼無以厭伏勳臣子孫之心宜反覆熟議以俟論定奏入詔未預議官詳議以聞繼寢之卒用四人者時楊萬里亦謂張浚當配食爭之不從補外進表權禮部侍郎兼同修國史侍講又兼直學士院方辭上聽免直學士淳熙十四年將有事于明堂詔議升配表主紹興孫近陳公輔之說謂方在几筵不可配帝且歷舉郊歲在喪服中者凡四維元祐明堂用呂大防請升配神考時去大祥止百餘日且祖宗悉用以日月之制故升侑無嫌今陛下三年之喪高宗雖已祔廟百官猶未吉服詔可近違紹興而遠法元祐升侑之禮請俟喪畢議之詔可孝宗嘗論人才袤奏

曰近召趙汝愚中外皆喜如王闓亦望收召上曰然一日論事久上曰如卿才識近世罕有次日語宰執曰尤表甚好前此無一人言之何也兼權中書舍人復詔兼直學士院力辭且薦陸游自代上不許時內禪議已定猶未論大臣也是日論表曰旦夕制冊甚多非卿孰能為者故處卿以文字之職表乃拜命內禪一時制冊人服其雅正光宗即位甫兩旬開講筵表奏願謹初戒戎孜孜與念越數日講筵又奏天下萬事失之於初則後不可救書曰慎厥終惟其始又歷舉唐太宗不私秦府舊人為戒又五日講筵復論官制謂武臣諸司使八階為常調橫行十三階為要官遙郡五階為美職正任六階為貴品祖宗待邊境立功者近年舊法頓壞使被堅執銳者積功累勞僅得一階權要貴近之臣優游而歷華要舉行舊法表特立以為議己言者因以為周必大黨遂與祠紹熙元年起知婺州改太平州除煥章閣待制召除給事中既就職即昌言曰老夫無所補報凡貴近營求內除小礙法制者雖特旨令書請有去而已必不奉詔南數日中貴四人希賞欲自正使轉橫行表繳奏者三竟格不下兼侍講入對言願上謹天戒下畏物情內正一心外正五事澄神寡欲保毓太和虛己任賢酬酢庶務不在於勞精神耗思慮屑屑事為之末也陳源除在京宮觀耶律迺嘿除承宣使陸安轉遙郡王成特補官謝淵李孝友賞轉官吳元尤夏承壽選秩皆論駁之上並聽納韓侂胄以武功大夫和州防禦使用應辦實直轉橫行表繳奏謂正使有正法可回授不可直轉侂胄勸賢之後不宜首壞國法開攀援之門奏入手詔令書行表復奏侂胄四年間已轉二十七年合轉之官今又欲超授四階復轉二十年之官是朝廷官爵專徇侂胄之求非所以為摩厲之具也命遂格上以疾一再不省重華宮表上封事曰壽皇事高宗歷二十八年如一日陛下所親見今不待倦勤以宗社付陛下當思所以不負其託望勿憚一日之勤以解都人之惑後數日駕即過重華宮侍御史林大中以論事左遷表率左史樓鑰論奏疏入不報皆封駁不書黃耶律迺嘿復以手詔除承宣使一再繳奏輒奉內批特與書行表言天下者祖宗之天下爵祿者祖宗之爵祿壽皇以祖宗之天下傳陛下安可私用祖宗爵祿而加於公議不允之人哉疏

入上震怒裂去後奏付前二奏出表以後表不報使吏收閣命遂不行中官謁家廟官吏推賞者百七十有二人表力言其濫乞痛裁節上從之嘗因登對專輪廢法用例之弊至是復申言之除禮部尚書駕當詣重華宮復以疾不出率同列奏言壽皇有免到宮之命願力請而往庶幾可以慰釋羣疑增光孝治後三日駕隨出中外歡呼兼侍讀上封事曰近年以來給舍臺諫論事往往不行如黃裳鄭汝楷事遷延一月如陳源者奉祠人情固已驚愕至表特立召尤為駭聞向特立得志之時昌言臺諫皆其門人竊弄威福一旦斥去莫不誦陛下英斷今遽召之自古去小人甚難譬除蔓草猶且復生況加封植乎若以源特立有勞優以外任或加錫賚無所不可彼其閑廢已久含憤蓄怨待此而發儻復呼之必將潛引黨類力排異己朝廷無由安靜時上已屬疾國事多舛表積憂成疾請告不報疾篤乞致仕又不報遂卒年七十遺奏大略勸上以孝事兩宮以勤康庶政察邪佞護善類又口占遺書別政府明年轉正奉大夫致仕贈金紫光祿大夫表少從喻樗汪應辰游樗學於楊時時程頤高弟也方乾道淳熙間程氏學稍振忘之者目為道學將攻之表在掖垣首言夫道學者堯舜所以帝禹湯武所以王周公孔孟所以設教近立此名詆訾士君子故臨財不苟得所謂廉介安貧守分所謂恬退擇言顧行所謂踐履行己有恥所謂名節皆目之為道學此各一立賢入君子欲自見於世一舉足且入其中俱無得免此豈盛世所宜有願徇名必責其實聽言必觀其行人才庶不壞於疑似孝宗曰道學豈不美之名正恐假託為姦使真偽相亂爾待付出戒赦之表死數年侂胄擅國於是禁錮道學賢士大夫皆受其禍識者以表為知言嘗取孫綽遂初賦以自號光宗書扁賜之有遂初小藁六十卷內外制三十卷嘉定五年謚文簡子斐娶孫煇禮部尚書

謝諤字昌國臨江軍新喻人幼敏慧日記千言為文立成紹興二十七年中進士第調峽州夷陵縣主簿未上撫之樂安多盜監司檄諤攝尉條二十策大要使其徒相糾而以信賞隨之羣盜果解散金渝盟諸軍往來境上運行縣事有治辦聲改吉州錢事參軍囚死者舊瘞以縣往往暴骨諤白郡取船官業材以

棺斂之。郡民陳氏僮竊其篋以逃。有匿之者。陳于官。詞過其實。反爲匿僮者所誣。師韓茂良怒。欲坐以罪。謬爲書白茂良。陳氏獲免。茂良亦以是知之。歲大浸。饑民萬餘求廩。官吏固措。謬植五色旗。分部給糴。頃刻而定。知袁州分宜縣。縣積負於郡數十萬。歲常賦外。又征緡錢二萬餘。謬乃疏其弊於諸監司。請免之。以母憂去。尋丁父憂。服闋。除幹辦。行在諸司糧料院。遷國子監簿。尋權監察御史。奏減袁州分宜秀州華亭月椿錢。謬里居時。創義役法。編爲一書。至是上之。詔行其法於諸路。民以爲便。遷侍御史。再遷右諫議大夫。兼侍講。謬尚書。言於上曰。書治道之本。故觀經者當以書爲本。上曰。朕最喜伊尹傅說所學。得事君之道。謬曰。伊傅固然。非成湯武丁信用之。亦安能致治。因論及邊事。上有乘機會之論。謬曰。機會雖不可失。舉事亦不可輕。上嘗問曰。聞卿與郭雍遊。雍學問甚好。豈曾見程頤乎。謬奏。雍父忠孝。嘗事頤。雍蓋得其傳於父。上遂封雍爲頤正先生。光宗登極。獻十箴。又論二節三近。所當節者。曰宴飲。曰妄費。所當近者。曰執政大臣。曰舊學名儒。曰經筵列職。除御史中丞。權工部尚書。請祠。以煥章閣直學士知泉州。又辭。提舉太平興國宮。而歸。紹熙五年卒。年七十四。贈通議大夫。謬爲文。倣歐陽修曾鞏。初居縣南之竹坡。名其燕坐曰良齋。人稱良齋先生。周必大薦士。及謬姓名。孝宗曰。是謂良齋者耶。朕見其聖學淵源五卷而得之云。

顏師魯字幾聖。漳州龍溪人。紹興中。擢進士第。歷知莆田福清縣。嘗決水利。滯訟。關陂。恤綿四十里。歲大浸。發廩勸分。有方而不過。種糧。船粟。畢。凌市糴更平。鄭伯熊爲常平使。薦于朝。帥陳俊卿尤器重之。召爲官告院。遷國子丞。除江東提舉。時天雨土。日青無光。郡人相驚。師魯陞辭。言田里未安。犴獄未清。政令未當。忠邪未辨。天不示變。人主何繇省悟。願詔中外。極陳得失。求所以答天戒。銷患未形。上聽其言。尋改使浙西。役法敵甚。細民至以鷄豚壓榻。折產力。遇役輒破家。師魯下教屬邑。預正流水籍。稽其役之序。寬比限。免代輸。咸便安之。鹽課歲百鉅萬。本錢久不給。亭竈私鬻。禁不可止。刑辟日繁。師魯擲帑緡盡。償宿負。戒官吏毋侵移。比旁路課獨最。上謂執政曰。儒生能辦事如此。予職直秘閣。農

民有墾曠土成田。未及受租者。姦豪多爲己利。師魯奏。但當正其租賦。不應繩以盜種法。失勸農本意。奏可。遂著爲令。入爲監察御史。遇事盡言。無所阿撓。有自外府得內殿宣引。且將補御史闕員。師魯亟奏。宋璟召自廣州。道中不與楊思勗交一談。李鄴恥爲吐突承璀所薦。堅辭相位不拜。士大夫未論其才。立身之節。當以環鄴爲法。今其人朋邪爲迹。人所切齒。縱朝廷乏才。寧少此輩乎。臣雖不肖。羞與爲伍。命乃寢。繼累章論除職。帥藩者。比年好進之徒。平時交結。權倖。一紆郡紱。皆培克以厚苞苴。故昔以才稱。後以貪敗。上出其疏。袖中行之。十年。絲太府少卿爲國子祭酒。初。上論執政擇老成端重者。表率太學。故有是命。首奏宜講明理學。嚴禁穿鑿。俾廉恥與而風俗厚。師魯學行素平。規約。率以身先。與諸生言。率學以治己。立誠爲本。藝尤異者。必加獎勵。由是人知飭勵。上聞之喜曰。顏師魯到學未久。規矩甚肅。除禮部侍郎。尋兼吏部。有旨改官班。特免引見。師魯獻規曰。祖宗法度不可輕弛。願始終持久。自強不息。因言賜帶多濫。應奉微勞。皆得橫金。預外朝廷會。如觀瞻何。且臣下非時之賜。過於優隆。梵舍不急之役。亦加賜資。雖南幣封楮。不與大農經費。然無功勞而獎與之。是棄之也。萬一有爲國制變。禦侮建功立事者。將何以旌寵之。高宗喪制。一時典禮多師魯裁定。又與禮官尤表鄭僑上議廟號。語在表傳。詔充遺留禮信使。初。顯仁遺留使至金。必令簪花聽樂。師魯陞辭。言國勢今非昔比。金人或強臣非禮。誓以死守。沿途宴設。力請徹樂。至燕山。復辭簪花執射。時孝宗以孝聞。師魯據經陳誼。反復慷慨。故金終不能奪。遷吏部侍郎。尋除吏部尚書。兼侍講。屢抗章請老。以龍圖閣直學士知泉州。臺諫侍從相繼拜疏。引唐孔戣事以留行內引。奏言。願親賢積學。以崇聖德。節情制欲。以養清躬。在泉因任。凡閱三年。專以恤民寬屬邑爲政。始至。即獨船貨。諸商買胡尤服其清。再起知泉州。以紹熙四年卒于家。年七十五。師魯自幼莊重。若成人。孝友。天至。初爲番禺簿。喪父。以歸。扶柩航海。水程數千里。甫三日登干岸。而颶風大作。人以爲孝感。常曰。窮達自有定分。枉道希世。徒喪所守。故其大節確如金石。雖動與俗情不合。而終翕然信服。嘉泰二年。詔特賜諡曰定肅。

袁樞字機仲建之建安人幼力學嘗以修身為弓賦試國子監周必大劉拱皆期以遠器試禮部詞賦第一人調温州判官教授與化軍乾道七年為禮部試官就除太學錄輪對三疏一論開言路以養忠孝之氣二論規恢復當圖萬全三論士大夫多虛誕僥榮利張說自閣門以節鉞簽樞密樞方與學省同僚共論之上雖容納而色不怡樞退詣宰相示以奏疏且曰公不恥與噲等伍邪虞允文愧甚樞即求外補出為嚴州教授樞常喜誦司馬光資治通鑑苦其浩博乃區別其事而貫通之號通鑑紀事本末參知政事龔夬得其書奏于上孝宗讀而嘉嘆以賜東宮及分賜江上諸帥且令熟讀曰治道盡在是矣他日上問袁樞今何官茂良以實對上曰可與寺監薄於是以太宗正簿召登對因史書以言曰臣竊聞陛下嘗讀通鑑屢有訓詞見諸葛亮論兩漢所以興衰有小人不可不去之戒大哉王言垂法萬世遂歷陳往事自漢武而下至唐文宗偏聽姦佞致于禍亂且曰固有詐偽而似誠實險佞而似忠鯁者苟陛下日與圖事於帷幄中進退天下士臣恐必為朝廷累上顧謂曰朕不至與此曹圖事帷幄中樞謝曰陛下之言及此天下之福也遷太府丞時士大夫頗有為黨與者樞奏曰人主有偏黨之心則臣下有朋黨之患比年或謂陛下寵任武士有厭薄儒生之心猜疑大臣親信左右內庭行廟堂之事近侍參軍國之謀今雖總權綱專聽覽而或壅蔽聰明潛移威福願可否惟聽於國人毀譽不私於左右上方銳意北伐示天下以所向樞奏古之謀人國者必示之以弱苟陛下志復金讎臣願蓄威養銳勿示其形復陳用宰執臺諫之術時議者欲制宗室應舉鎖試之額限添差撤祠減臣僚薦舉定文武任子嚴特奏之等展郊裡之歲緩科舉之期樞謂此皆近來從窄之論人君惟天是則不可行也遂抗疏勸上推廣大以存國體兼國史院編修官分修國史傳章惇家以其同里宛轉請文飾其傳樞曰子厚為相負國欺君吾為史官書法不隱寧負鄉人不可負天下後世公議時相趙鼎總史事見之嘆曰無愧古良史樞工部郎官累遷兼吏部郎官兩淮早命廉視真揚廬和四郡歸陳兩淮形勢謂兩淮堅固則長江可守今徒知備江不知保淮置重兵於江南委空城於淮上非所以戒不虞瓜州新

城專為退保金使過而指議淮人聞而嘆嗟誰為陛下建此策也遷軍器少監除提舉江東常平茶鹽改知處州赴闕奏事樞之使淮入對也嘗言朋黨相附則大臣之權重言路壅塞則人主之勢孤時宰不悅至是又言威權在下則主勢弱故大臣逐臺諫以蔽人主之聰明威權在上則主勢強故大臣結臺諫以竭天下之公議今朋黨之舊尚在臺諫之官未正紀綱言路將復荆棘矣除吏部員外郎遷大理少卿通州民高氏以產業事下大理殿中侍御史冷世光納厚賂曲庇之樞直其事以聞人為危之上怒立罷世光以朝臣劾御史實自樞始手詔權工部侍郎仍兼國子監祭酒因論大理獄案請有予郡之命既而貶兩秩獲前旨光宗受禪敘復元官提舉太平興國宮知常德府寧宗登位權右文殿修撰知江陵府江陵瀕大江歲壞為巨浸民無所託楚故城楚觀在焉為室廬徙民居之以備不虞種木數萬以為捍蔽民德之尋為臺臣劾罷提舉太平興國宮自是三奉祠力上請制比之疏傳陶令開禧元年卒年七十五自是閒居十載作易傳解義辨異童子問等書藏于家

李椿字壽翁洛州永平人父升進士起家靖康之難升異其父以背受刃與長子俱卒椿年尚幼棄殯佛寺深窳而詳識之奉繼母南走艱苦備嘗極力以養以父澤補迪功郎歷官至寧國軍節度推官治蒙民偽券還陳氏田吏才精強人稱之張浚辟為制司準備差遣常以自隨椿奔走淮甸綏流民布屯戍察廬弄軍情相視山水峯險要周密精審所助為多隆興元年春諸將有以北討之議上聞者事下督府椿方奉檄至巢亟奏記浚曰復讎伐敵天下大義不出督府而出諸將況藩籬不固儲備不豐將多而非才兵弱而未練議論不定縱得其地未易守也既而師出無功浚嘗嘆實才之難椿曰豈可厚誣天下無人唯不惡逆耳而甘遜志則庶其肯來耳浚復除右相椿知事不可為勸之去明年春浚出視師椿曰小人之黨已勝公無故去朝廷蹤跡必危復申前說甚苦浚心是之而自以宗臣任天下之重不忍決去未幾果罷監登聞鼓院有所不樂請通判廉州以歸未上召對知鄂州請行墾田復戶數千曠土大闢移廣西提點刑獄獄未竟者一以平決之釋所疑數十百人奏罷昭州金坑禁仕者毋市

南物移湖北漕。適歲大獲，官強民振糶，且下其價，米不至益艱食。椿損所強糶數而不過其直，未幾米舟湊集，價減十三。每行部，必前期戒吏，具州縣所當問事，列爲籍單，車以行。所至取吏卒備使令，凡以例致饋，一不受言事者。請下諸道爲式，召爲吏部郎官。論廣西鹽法，孝宗是其說，遂改法焉。除樞密院檢詳，小吏持南丹州莫酋表，求自宜州市馬者，因簽書張說以聞。椿謂遠宜近故，遷之豈無意。今莫氏方橫，奈何道之以中國地，里之近，小吏妄作，將啓邊釁。請論如法，說怒，椿因求去。上慰諭令安職，遷左司復請外，除直龍圖閣，湖南運副，兼請十三事。同日報可。大者減桂陽軍月椿錢萬二千緡，損民稅折銀之直，民刻石紀之。除司農卿，椿會大農歲用米百七十萬斛，而省倉見米僅支一二月，歎曰：真所謂國非其國矣。力請歲儲二百萬斛，爲一年之蓄，擇臨安守椿在議中，執政或謂其於人無委曲。上曰：正欲得如此人，遂兼臨安府。視事三月，竟以權倖不便解去。椿在朝遇事輒言，執政故不悅，及是轉對，又言君以剛健爲體，而虛中爲用。臣以柔順爲體，而剛中爲用。陛下得虛中之道，以行剛健之德矣。在廷之臣，未見其能以剛中守柔順而事陛下者也。執政滋不悅，出知婺州。會詔市牛筋凡五千斤，椿奏一牛之筋纔四兩，是欲屠二萬牛也。上悟，爲收前詔，除吏部侍郎。又極言闍寺之盛，曰：自古宦官之盛衰，係國家興亡，其感也始則人畏之，甚則人惡之，極則羣起而攻之。漢唐勿論，靖康明受之禍未遠，必有裁制之，不使至極，則國家免於前日之患。宦官亦保其富貴，門禁宮戒之外，勿得預外事。嚴禁士大夫兵將官與之交通，上聞椿康明受語，類久之曰：幼亦聞此，因納疏袖中以入。最後極言當預邊備，如欲保淮，則楚州盱眙昭信濼梁滿口，花壓正陽光州皆不可以不守。如欲保江，則高郵六合瓦梁濡須巢湖北峽亦要地也。以病請祠不許，面請益力，乃除集英殿修撰知寧國府。改太平州，賜尚方珍劑以遺。既至，力圖上流之備，請選將練習緩急列艦，上可以援東關，濡須下可以應采石，年六十九。上章請老，以數文閣待制致仕。越再歲，上念湖南兵役之餘，欲鎮安之，謂椿重厚可倚，命待制顧謨閣知潭州，湖南安撫使，累辭不獲，乃勉起。至則撫摩凋瘵，氣象一如盛時，復酒稅法，人以爲便。歲旱，發廩勸分。

獨租十一萬，糶常平米二萬，活數萬人。潭新置飛虎軍，或以爲非便，椿曰：長沙一都會，控扼湖嶺，鎮撫蠻獠，二十年間，大盜三起，何可無一軍。且以費縣官緡錢四十二萬，何可廢耶。亦在馭之而已。未滿歲，復告歸，進數文閣直學士，致仕。朝拜命，夕登舟，歸老野塘。上椿年十五歲，避地南來，貧無以爲養，不得專力於學。年三十始學，易其言於朝廷，措諸行事，皆易之用。疑然有守，存心每主於厚。尤惡佛老邪說，淳熙十年卒，年七十三。朱熹嘗銘其墓，謂其逆知得失，不假著龜，不阿主好，不詭時譽云。

劉儼，鳳字韶美，普州人。少以文謁左丞馮澥，澥甚推許，遂知名。紹興二年，登進士第，抱負僑儻，不事生產，於仕進恬如也。擢第十年，始赴調，尉遂寧府之蓬溪。監資州資陽縣酒稅，爲梁州榮州掾。紹興二十七年，有旨令侍從薦士，起居郎趙逵舉儼，稱其富有詞華，恬於進取，宰執上其名。上曰：蜀人道遠，文學行義有可用者，不由論薦，何緣知之。前此蜀仕宦者例多隔絕，不得一至朝廷，殊可惜也。自秦檜專權，深抑蜀士，故上語及之。尋除諸王宮大小學教授，召試館職，辭以久難揚屋，改國子監丞，宰相以其名士，遷秘書丞，禮部員外郎。所草牋奏，以典雅稱。孝宗受禪，議上光堯壽聖尊號冊寶，有欲俟欽宗服除者，太常博士林栗謂唐憲宗上順宗冊寶，在德宗服中，不必避，備樂而不作可也。儼獨上議曰：謹按上尊號事，屬嘉禮，累朝必俟郊祀慶成，然後舉行。太上皇帝爲欽宗備禮終制，見於詔書，議者引憲宗故事考之，唐史自武德以來，皆用易月之制，與本朝事體大相遠也。乞候欽宗終制，檢舉以行，則國家感美，主上事親，情實稱矣。議者雖是其言，然謂事親當權宜，而從厚，竟用栗議，儼復爭辨不已。尋兼國史院編修官，兼權秘書少監。乾道元年，遷兵部侍郎，兼侍講。儼在朝十年，每歸即匿其車騎，局其門戶，客至無親疎，皆不得見。政府累月始一上謁，人尤其傲。奉入半以儲書，凡萬餘卷。國史錄無遺者，御史張之綱論儼錄四庫書本以傳私室，遂斥歸蜀。三年十二月，輔臣進前侍從當復職者，上曰：劉儼無罪，可與復集英殿修撰。起知邛州，未上，改漢州果州。罷歸。淳熙二年十二月丙申卒，年六十六。儼鳳苦學，至老不倦，尤工於詩，然頗慕晉人簡傲之風，不樂

與庸輩接故平生多蹭蹬一跌遂不振云

張孝祥字安國歷陽烏江人讀書一過目不忘下筆頃刻數千言年十六領鄉書再舉冠軍選紹興二十四年廷試第一時策問師友淵源秦墳與曹冠皆力攻程氏專門之學孝祥獨不攻考官已定墳冠多士孝祥次之曹冠又次之高宗讀墳策皆秦檜語於是擢孝祥第一而墳冠第三授承事郎簽書鎮東軍節度判官論宰相曰張孝祥詞翰俱美先是上之抑墳而擢孝祥也秦檜已怒既知孝祥乃祁之子祁與胡寅厚檜素憾寅且唱第後曹泳揖孝祥于殿廷以請婚為言孝祥不答泳憾之於是風言者誣祁有反謀繫詔獄會檜死上郊祀之二日魏良臣密奏散獄釋罪遂以孝祥為祕書省正事故事殿試第一人次舉始召孝祥第甫一年得召由此初對首言乞總攬權綱以盡更化之美又言官吏忤故相意並緣文致有司觀望鍛鍊而成罪乞令有司即改正又言王安石作日錄一時政事美則歸己故相信任之專非特安石臣懼其作時政記亦如安石專用己意乞取已修日歷詳審是正黜私說以垂無窮從之遷校書郎芝生太廟孝祥獻文曰原芝以大本未立為言且言芝在仁宗英宗之室天意可見乞早定大計遷尙書禮部員外郎尋為起居舍人權中書舍人初孝祥登第出湯思退之門思退為相擢孝祥甚峻而思退素不喜汪澈孝祥與澈同為館職澈老成重厚而孝祥年少氣銳往往陵拂之至是澈為御史中丞首劾孝祥姦不在廬杞下孝祥遂罷提舉江州太平興國宮於是湯思退之客稍稍被逐尋除知撫州年未三十莅事精確老於州縣者所不及孝宗即位復集英殿修撰知平江府事繁劇孝祥剖決庭無滯訟屬邑大姓並海囊粟為姦利孝祥捕治籍其家得粟數萬明年吳中大饑乞賴以濟張浚自蜀還朝薦孝祥召赴行在孝祥既素為湯思退所知及受浚薦思退不悅孝祥入對乃陳二相當同心戮力以副陛下恢復之志且靖康以來惟和戰兩言遺無窮禍要先立自怡之策以應之復言用才之路太狹乞博采度外之士以備緩急之用上嘉之除中書舍人尋除直學士院兼都督府參贊軍事俄兼領建康留守言者改除數文閣待制留守如舊會金再犯邊孝祥陳金之勢不過欲要盟宜諭使劾孝祥落

職罷復集賢殿修撰知靜江府廣南西路經略安撫使治有聲績復以言者罷俄起知潭州為政簡易時以威濟之湖南遂以無事復待制徙知荆南湖北路安撫使築守金陵自是荆州無水患置萬盈倉以儲諸漕之運請祠以疾卒孝宗惜之有用才不盡之歎進顯謨閣直學士致仕年三十八孝祥俊逸文章過人尤工翰墨嘗親書奏劄高宗見之曰必將名世但渡江初大議惟和戰張浚主復讎湯思退祖秦檜之說力主和孝祥出入二人之門而兩持其說議者惜之

論曰尤袤學本程頤所謂老成典刑者立朝抗論與人主爭是非不允不已而能令終完節難矣謝諤顏師魯袁樞臨民則以治辨聞立朝則啟沃忠諫各舉迺職為世師表李椿劉儀鳳言論節槩著於行事張孝祥蚤負才峻莅政揚聲迨其兩持和戰君子每歎息焉

宋史卷三百八十九

元中書右丞相總裁脫脫等修

列傳第一百四十九

李衡

王自中

家原楊勸

張綱

張大經

蔡洸

莫濛

周淙

劉章

沈作賓

李衡字彥平江都人高祖昭素仕至侍御史衡幼善博誦為文操筆立就登進士第授吳江主簿有部使者怙勢作威侵刻下民衡不忍以蔽朴迎合投劾于府拂衣而歸後知溧陽縣專以誠意化民莫不敬夏秋二稅以期日榜縣門鄉無吏迹而輸送先他邑辦因任歷四年獄戶未嘗繫一重囚隆興二年金犯淮堦人相驚曰寇深矣官沿江者多送其孥衡獨自浙右移家入縣民心大安盜竄起旁境而溧陽靖晏自如帥汪澈轉運使韓元吉等列上治狀詔進一秩尋召入為監察御史歷司封郎中樞密院檢詳出知溫琴台三州惟琴嘗泣其治加直秘閣而衡引年乞身懇懇不休上累卻其奏除秘閣修撰致仕上思其樸忠旋召落致仕除侍御史以老固辭不獲命差同知貢舉會外戚張說以節度使掌兵柄衡力疏其事謂不當以母后肺腑為人擇官廷爭移時改除起居郎衡曰與其進而負於君孰若退而合於道章五上請老愈力上知不可奪仍以此撰致仕時給事中莫濟不書教翰林周必大不草制右正言王希呂亦與衡相繼論奏同時去國士為四賢詩以紀之衡後定居崑山結茅別墅杖屨徜徉左右惟二蒼頭聚書踰萬卷號曰樂菴卒年七十九衡自宣和間入辟雍同舍有趙孝孫者洛人也其父實師程頤家學有源勸衡讀論語曰學非記誦詞章之謂所以學聖賢也不可有絲毫僞實處方可以言學衡心佩其訓雖博通羣書而以論語為根本臨沒沐浴冠櫛儵然而逝周必大聞之曰世謂潛心釋氏乃能達死生衡非逃儒入釋者而臨終超然如此殆幾孔門所謂聞道者歟王自中字道甫温州平陽人少負奇氣自立崖岸繇是忤世乾道四年議遣歸正人自中伏麗正門爭論且言今內空無賢外空無兵當搜羅豪俊廣募忠力

以圖中原坐斥徽州放還淳熙中登進士第主舒州懷寧鎮嚴州分水令樞密使王蘭薦召對帝壯其言將改秩為籍田令又俾舉所知且勸用矣以諫疏罷自中本韓彥古客王蘭既薦之上大喜韓彥直質輩恐其為彥古輒讎力請交結於自中而密達意近習謂自中受彥古賂伏闕上書薦彥古為相上遣人物色其事中書舍人王信恆懼自中入臺將不利於王淮知彥直輩語已行亟請對探上意退即走白右正言蔣繼周繼周方敢劾奏讀至受賂伏闕處上曰卿可謂中其膏肓繼周奏臣非不知孤蹤性王蘭但不敢曠職蓋欲併中蘭以媚淮上但喜繼周善論事不知曲折如此通判鄂州道除知光化軍改信州丁內艱服闋還朝光宗即位迎謂曰朕得卿名於壽皇留為郎可乎言者不置王管仲佑觀起知邵州與化軍命下而自中已病慶元五年八月卒年六十家原字處厚眉山人父勤國慶曆嘉祐間與從兄安國定國同從劉巨遊與蘇軾兄弟為同門友王安石久廢春秋學勤國憤之著春秋新義熙寧元豐諸人紛更而元祐諸賢矯枉過正勤國憂之為築室作室喻二蘇讀之敬歎原弱冠遊京師以廣文館進士登第時紹聖元年也廷策進士中書侍郎李清臣擬進策問力詆元祐之政原答策惟以守九年之所已行者為言時門下侍郎蘇轍嘗言疏辨策問舉漢武帝事觸上怒待罪原未及知也因見轍誦所對驚喜曰故人子道同志合猶若是也楊畏覆考專主熙寧元豐取畢漸為第一原遂居下第轍尋出守汝而國論大變矣元符三年以日食求言原時為普州樂至令應詔上言極論時政凡萬言其大要有十一曰謹始以正本二曰敬德以格天三曰謹好惡以防小人四曰審信任以辨君子五曰開言路以來直諫六曰詳聽言以觀事實七曰破黨議以存至公八曰登碩德以服天下九曰從寬厚以盡人才十曰崇名節以厚士風疏上不報崇寧元年詔籍元祐元符上書人姓名原以選人籍入邪下等請監華州西嶽廟時當改京秩迄不改禁錮不調凡十年大觀四年字星出降赦黨禁解始改秩調知雙流縣通判文州郡守鄭行純憑內侍勢自恣罷蕃夷互市啓邊隙原爭之不從徑下令復其舊守怒交章互奏俱報罷而原以曾入黨籍請英州酒稅量移黃州數年始予祠與元帥臣

王庶薦自代。通判果州。靖康初。左丞馮澥薦備諫。列除開封府工曹。京城失守。不克赴。高宗南渡。擢知閬州。會張浚謀大舉。願謂浚厲兵足穀。以俟機會。浚不悅。以便旨移彭州。有論邊防者。名曰罪言。守彭之明年。乞骸骨。以歸。卒。方蘇轍之讀願策。謂願少年能。不為進取計。異時當以直道聞。恨不及見。轍之言至是而驗。淳祐間。願曾孫。大酉侍講。因從容及之。上改容嘉歎。宣取所上書。又親書西社同門。友元符上書人十大字。以賜願。同郡楊恂。丹陵人也。字信仲。元豐五年。登進士第。元符初。知廣都縣。與願同時上書。語甚切直。越三年。亦同入黨籍。邪下第五等。其書以火不存。

張綱。字彥正。潤州丹陽人。入太學。以上舍及第。釋褐。徽宗知綱五中首選。特除太學正。遷博士。除校書郎。入對。論君子小人。溷殺詢言。試事則邪正自別。小人得志。邀功生事。禍有不可勝言者。今用事者大言罔上。風俗侈靡。背本趨末。日甚一日。宜以租考躬行之教為法。天下有不難化矣。上稱善。論事與蔡京不相合。擠之去。主管玉局觀。久之。還故官。兼修國朝會要。校正御前文字。遷著作佐郎。屯田司勳郎。初。朝議遣童貫察攸使朔方。綱力論不可。出師狀不報。及金渝。盟犯京。命綱分守四壁。旋解嚴。詔登陣足月者。遷綱曰。主憂臣辱。義當爾。願因此受賞。邪卒不自言。出為兩浙提刑。移江東。池將王進剿悍恣睢。曹官以小過違忤。遂釘手于門。事聞。詔綱乘傳窮竟。時國勢未安。諸將往往易朝廷。進擁甲騎數百。突至綱前。綱叱進階下。即按問。罪立具。自是無越法者。以左司召權監察御史。請令郡邑月具繫囚存亡數。申提刑司。歲終較多寡。行殿最進起居舍人。改中書舍人。建言。乞依祖宗法。命大臣兼領史事。詔宰臣呂頤浩監修國史。著為令。試給事中。大將有以軍中田不均。乞不收租。朝廷將從之。綱執不可。會推恩元祐黨籍家。有司無限制。自陳者紛至。綱廷議。以崇寧所刻十八人為正。自軍興後。小人多乘時召亂。歷五年而怨家告許者眾。綱謂非所以廣好生之德。乞自蔽囚後。有告勿受。宗室令慮特轉太中大夫。綱言。庶官超轉。侍從非法。且自崇寧以來。官職不循責任。致綱紀大壞。今方不變其俗。奈何。以令慮故復違舊章。詔以次官命詞。舍人王居正復執不行。命遂寢。宣撫使張俊駐師九

江。遣營卒以書至瑞昌。縣令郭彥章。揣知卒與獄囚通。乃械繫之。俊怒于朝。彥章坐免。綱言。近時州縣吏多獻諛當路。彥章不隨流俗。是能奉法守職。今不獎而黜。何以示勸。除給事中。侍御史魏矰劾綱。提舉太平觀。進徽猷閣。待制。引年致仕。秦檜用事久。綱以家二十年。絕不與通問。檜死。召為吏部侍郎。兼侍讀。初。講詩關雎。因后妃淑女事。歷陳文王用人。寓意規戒。上曰。久不聞博雅之言。今日所講。析理精詳。深啟朕心。綱言。比年監司資淺望輕。請擇七品以上清望官。或曾任郡守。有治狀者為之。庶位望既重。材能已試。可舉其職。從之。權吏部尚書。時以彗出東方。詔求言。綱奏。求言易聽難察。宜命有司詳審章奏。必究極其情。無事苟簡。除參知政事。高宗頻諭輔臣。寬恤民力。蓋儆秦檜苛政。期安黎庶。綱乃摘其切於利民八十事。標以大指。乞鑄版宣布中外。於是人皆昭知上德。意告老。以資政殿學士知婺州。尋致仕。高宗幸建康。綱朝行宮。孝宗登極。召綱陪祀南郊。以老辭不至。詔嘉之。命所在州郡恆存問。仍賜羊酒。卒年八十四。綱書坐右。曰。以直行己。以正立朝。以靜退高天下。其篤守如此。初。謚文定。吏部尚書汪應辰論駁之。孫釜再請。特賜曰。章簡。釜慶元間為諫官。力排道學。諸賢累官至簽書樞密院事。

張大經。字彥文。建昌南城人。紹興十五年。中進士第。宰吉之龍泉。有善政。諸司列薦。賜對便殿。出知儀真。時兩淮監司帥守多與事邀功。大經獨以平易近民。民感德之。提舉湖南常平。提點湖北刑獄。尋移江東。他路有巨豪犯法。獄久不竟。命移屬大經。挾權勢求脫。大經卒正其罪。孝宗重風憲之選。命條上部使者十人。上獨可大經。召見。上曰。朕十人中得卿一人。以卿風力峻整。遂除監察御史。命下。中外望數。大經首陳士風。培克煇。惰誕慢浮虛四弊。時理官問多居外。大經奏非便。乃作舍。寺庭。遷大理少卿。守殿中侍御史。言今日不治。由大臣不任責。又言。諸路荒政不實。飛蝗頗多。願益加恐懼。申飭大臣。俾內而百官有司。輸忠讜。修厥職。外而監司守臣。察貧理冤。去苛斂。寬民力。上皆嘉納。因論近習。韓侂為士。上曰。此亦無害。昔楊得意為狗監。亦嘗薦司馬相如。大經奏。彼何人斯。使得薦士。將恐無廉恥者。望風希旨。傷毀士俗。後數日。上謂大經曰。卿前

所論韓僕朕思之誠是也。又論宦者董理暴橫，將命淮甸，所至誅求，且自號董閻羅。上曰：然，人皆言之，即依奏鑄罷。竄南康軍，除侍御史。上宣諭曰：卿論事得體，且詳練。大經遂言：土風未厚，吏治未肅，民力未蘇，和氣未應，皆由人心未正。願察公，正明義利，以彰好惡，抑浮薄，去貪刻，則莫不靡然洗濯。一歸於正。上稱善。再三，又言：監司治民之本，不可限以資格。上納其言，即選四寺丞，同時臨遣。

試右諫議大夫，兼侍講，請通漕臣之計，以補州郡之有無，拘戶絕之租，以廣常平之儲。帝嚴職罪，改正法，以懲貪黷。收外路辟闕歸吏部，以杜私謁。而通孤寒，秋旱，詔求言。大經極言：人心不和，有以致之。民力竭而愁，數多軍士貧而怨，嗟衆二者，當今大弊。州縣之間，絹帛多折，其估米粟，過收其贏，關市苛征，權酷峻禁，中外兵帥，多出貴倖之門，營利自豐，素召衆怨，教閱滅裂，軍容不整，且近習甲第名園，越法踰制，別墅列肆，在在有之，非賂遺何以濟欲。願陛下疎斥儉腐，抑絕佞門，垂意人主之職，責成宰輔，一提其綱，則天下事必有能辦之者。俄而地司郝政降充統制官，殿帥補外，蓋用其言也。除禮部尚書，兼侍讀。大經屢請祠，上曰：卿公廉，必能爲朕牧民，以徵猷閣學士，知建寧府。未幾，移鎮紹興，辭不拜。予祠，進龍圖閣學士，告老，以通奉大夫致仕。方主眷未衰，抗疏引去。人方之孔幾，壽逾八表。紹熙五年，寧宗即位，進正議大夫，降詔撫問，賜銀奩藥茗，慶元四年七月疾革，語諸子曰：吾目可瞑，吾愛君憂國之心不可泯，無一語及私。卒年八十九。計聞，上甚悼之，贈銀青光祿大夫，謚簡肅。

蔡洸字子平，其先興化仙遊人。端明殿學士襄之後，徙晉川。父仲，左中大夫。洸以蔭補將仕郎。中法科，除大理評事，遷寺丞，出知吉州，召爲刑部郎，徙度支。以戶部郎總領淮東軍馬錢糧，知鎮江府，會西溪卒移屯建康，舳艫相衝，時久旱，郡民築陂澮水灌漑，漕司檄郡決之。父老泣訴，洸曰：吾不忍獲罪百姓也。卻之已而大雨，漕運通歲亦大熟。民歌之曰：我澇我水，以灌以溉，俾我不奪。蔡公是賴。就除司農少卿，言鎮江三邑稅戶，客戶輸丁各異，請爲一體，不得自爲同異。所輸丁絹，依和買之直計尺折納，人給一鈔，官自買絹起發，公私皆便。上嘉納，以戶部侍郎召試吏部尚書，移戶部。上謂侍臣曰：朕以版曹得人爲喜。洸常言

財無滲漏，則不可勝用。未幾，求去，除徽猷閣學士，知寧國府。陛辭，賜坐上，慰勞曰：卿面有火色，風證也。朕有二月賜卿。洸謝，即奉祠以歸。卒年五十七。洸事親孝，曾祖襄，未易名，力請于朝，賜諡忠惠，所得奉，每以振親戚之貧者。去朝之日，囊無餘資。至，所賜銀鞍轡，治行人，服其清潔云。

莫濛，字子濛，湖州歸安人。以祖蔭補將仕郎。兩魁法科，累官至大理評事，提舉廣南市舶。張子華以賊敗朝廷，命濛往鞠之。濛正其罪，又言：秦熿鄭時中受子華賂，計直數千緡，還朝，除大理寺正。吏部火，連坐者數百人，久不決。命濛治之。濛察最可疑者，留于獄，出餘人爲耳目，以蹤跡之。約三日復來，遂得其實。繫者乃得釋。黃州倖奏親擒盜五十餘人，上命濛窮竟。既至，咸以冤告。濛命囚去桎，引倖至庭，詢竊發之由。鬪敵之所，遠近時日，悉皆抵牾。折之語塞。濛具正犯數人，奏上，餘釋之。上諭輔臣曰：莫濛非獨曉刑獄，可俾理金穀。除戶部員外郎。朝廷遣濛措置浙江淮沙田蘆場。上語之曰：得此可助經費。歸日以版曹處

卿濛多方括責，得二百五十三萬七千餘畝。言者論其丈量失實，徵收及貧民責監饒州景德鎮，起知光化軍。諜知金渝盟，郡乏舟，衆以爲慮。濛力爲辦集，及敵犯境，民賴以濟。時餉饒急，除淮南轉運判官。濛遷延不之任。右司諫梁仲敏劾其慢命，罷官。勸停，官諭使汪澈爲言於上，復舊職。召見，上諭曰：朕常記向措置沙田甚不易。濛謝曰：職爾，不敢避怨。上曰：使任責者，人人如卿，天下何事不成。除湖北轉運判官。未幾，知鄂州。召除戶部左曹郎中，出知揚州。陛辭，上以城圯命濛增築。濛至州，規度城闔，分授諸將，各刻姓名於堞間。縣重賞激勸，閱數月告成。除直寶文閣學士。大理少卿兼詳定司，敕令官兼權知臨安府。未幾，假工部尚書使金賀正旦。金庭賜宴，濛以本朝忌日，不敢簪花聽樂。金遣人趣赴，濛堅執不從。竟不能奪，使還。除刑部侍郎，改工部侍郎，兼臨安府少尹。以言者罷。起知鄂州。卒于官。年六十一。贈奉正大夫。

周濂，字彥廣，湖州長興人。父需，以進士起家。官至左中奉大夫。濂幼警敏，力學。宣和間，以父任爲郎。歷官至通判建康府。紹興三十年，金渝盟，邊事方興，帥守難其選。士夫亦憚行。首命濂守滁陽。未赴，移越州。又徙濂梁。淮楚舊有並山水

置紫自衛者，淙為立約束，結保伍，金主亮傾國犯邊，民賴以全活者不可勝計。除直秘閣，再任。孝宗受禪，王師進取虹縣，中原之民翕然來歸，扶老攜幼，相屬于道。淙計口給食，行者犒以牛酒，至者處以室廬，人人感悅。張浚視師，駐于都梁，見淙謀，輒稱數，且曰：「有急，公當與我俱死。」淙亦感激，至謂頭可斷身不可去。浚入朝，悉陳其狀，上嘉歎不已。進直徽猷閣，帥維揚，會錢端禮以尚書宣諭淮東，復以淙薦。進直顯謨閣，時兩淮經踐蹂，民多流亡，淙極力招輯，按堵如故。勸民植桑柘，開屯田，上亦專以屬淙。廉賜親札，淙奉行益力。進直龍圖閣，除兩浙轉運副使，未幾，知臨安府。上言：自古風化必自近始，陛下躬履節儉，以示四方，而貴近奢靡，殊不知革，乃條上禁止十五事，上嘉納之。降詔擬論，賜金帶，臨安駐蹕歲久，居民日增，河流湫隘，舟楫病之，淙請疏浚，工畢，除秘閣修撰。進右文殿修撰，提舉江州太平興國宮，以歸。上念淙不忘，除敷文閣待制，起知寧國府。趣入奏，上慰撫逾渥。魏王出鎮，移守婺州。明年春，復奉祠，函告老。十月卒，年六十。積階至右中奉大夫，封長興縣男。

劉章，字文孺，衢州龍游人。少警異，日誦數千言，通小戴禮，四冠鄉舉。紹興十五年，廷對，考官定其級在三，迨進御，上擢為第一，授鎮江軍簽判。是冬入省，為正字。明年，遷秘書郎，兼普安恩平兩王府教授。遷著作佐郎，事王邸。四歲，盡忠誠，專以經誼文學啟迪，授學。受知孝宗，自此始。秦檜當國，嫌不附己，風言者，媒孽其罪，出倅筠州。檜死，召為司封員外郎，檢詳樞密院文字，兼玉牒檢討官。權秘書少監，起居郎，使金還，除權工部侍郎。俄兼吏部兼侍講，郊祀畢，侍從上慶成詩，初章在秘書省書議，郊廟禮文，當置局討論，詔行其說。正遷吏部，御史論章使胥長買絹，高宗愕然曰：「劉章必無是事。」御史執不已，罷提舉崇道觀，舉朝嗟鬱。起居郎王佐訟其冤，亦坐絀起，知信州。未久，復請祠。孝宗受禪，念舊學，命知漳州。為諫議大夫，王大寶所格，尋除秘閣修撰，敷文閣待詔，召提舉佑神觀，兼侍讀。遂拜禮部侍郎，奏禁過淫祀，仍於三朝史中刪去道釋符瑞志，大略以為非春秋法。朝廷議經略中原，調諸郡兵，民頗擾，少卿趙彥端指言非是，或譖彥端曰：「陛下究心大舉，凡所圖回，但資趙彥端一笑爾。」彥端懼不測，上因夜對問章。

曰：「聞卿監中有笑朕者，章不知狀，從容對曰：『聖主所為，人焉敢笑？若議論不同，或者有之。』」上意頗解。彥端獲免，人稱章長者。詔詢唐太宗所問魏徵德仁功利優劣，章上疏諄復，且言：「太宗問徵在貞觀十六年，陛下宅天命，十載于茲，願益加意，將越商周，紹唐虞矣。」太宗非難到也。進權禮部尚書，兼給事中，對選德殿，問章今年幾，而容貌未衰，頗嘗學道否？章拱對曰：「臣書生無他長，惟非佞自度，愚嬰一狐裘三十年不易，人以爲難，臣以爲易。」上嘉歎久之。親洒宸翰，以賜俾安職。章力告歸，以顯謨閣學士食祠祿。淳熙元年，子之衡，由御史檢法出守廣德軍，當陛辭，對便殿，問卿父學士安否，撫勞再三。臨退，復謂曰：「卿歸侍爲朕致此意，旋遣閣門祗候蘇職至家宣問，拜端明殿學士，賜銀絹四百疋。四年，上表告老，以資政殿學士致仕。卒年八十，贈光祿大夫，諡曰靖文。章容狀魁碩，以周密自守，出入兩朝，被顧遇，未嘗泄禁中一語。

沈作賓，字賓王，世爲吳興歸安人。以父任入仕，監饒州永平監冶鑄堅緻，又承詔造鴈翎刀，稱上意，連進兩資。中刑法科，歷江西提刑司檢法官，入爲大理評事，改秩通判紹興府。帥守丘密遇僚吏剛嚴，作賓從容裨贊，每濟以寬，秩滿知台州，首訪民疾苦，弛鹽禁，寬租期，均徭役，更酒政，決滯獄五十日，間盡除前政之不便者。邦人胥悅，而前守嫉其勝己，巧媒孽之，罷去。民請于朝，借留不遂，爲立留賢碑。除大理正，以親嫌改太府丞，遷刑部郎慶元初，歷官至淮南轉運判官，以治辦聞。直華文閣，因其任，擢太府少卿，總領淮東軍馬錢糧，繼升爲卿。尋除直龍圖閣，帥浙東，知紹興府。入對，奏徽州南康軍月椿不如期，朝廷科降額。比年曰：「權免一次，來年督促如初，適足害吏，重民害，乞明詔示。」又楚州武鋒一軍，已招三千五百餘人，朝廷初欲減戍，數年未就，紀律一，主將望輕，二郡守節制不爲禮，三訓練不盡其能，願領本州，少假借責之，練習期以歲月，考績用成否。上于朝而黜陟之，上嘉納。韓侂胥方用事，族有居越者，私讓公行，作賓逮捕，竄于獄，而竄其奴，又論紹興府和買事，語在食貨志。除兩浙轉運副使，入對，奏檢宮一司，歲撥經總制錢，爲緡率四萬有奇，丹腹未敷，加之塗飾，牆壁具存，從而創易，妄費固不足計，亡謂驚讖，非所以妥神靈，彰聖孝。今後有合營繕。

聞于朝。下守臣稽覈。畫旨而後與役。上首肯再三。而修奉者不樂也。除權工部侍郎。繼兼戶部侍郎。奏請修紹興三十一年以前故事。復敕令所刪修官五員。以待選人有才者。又乞申嚴保伍法。以言者罷歸。起知鎮江府。除集英殿修撰。改知寧國府。除寶謨閣待制。知潭州。除戶部侍郎。兼詳定敕令官。奏湖北當儲粟。湖南當增兵。未幾。除龍圖閣待制。知平江府。請得節制許浦水軍。詔可。郡有使臣。故海盜也。作賓使招誘其黨。既至。慰勉之。錫衣物。又得強勇者幾千人。置將以統之。號曰義士。復募郡城內外惡少亦幾千人。號曰壯士。衣糧器械。皆視官軍。而輕捷善鬪過之。於是海道不警。市井無譁。尋命參贊督府兼權鎮江府。請留戍兵千人。又欲以江闕新軍二千人易舊軍千人。備不虞。朝廷難之。遂請祠。言者繼及之。復召爲戶部侍郎。軍興之餘。國力殫耗。見存金穀。僅支旬日。作賓考遺貧。柅吏姦。閏三月。卽有半年之儲。充館伴使。兼權工部尚書。會臨安闕知府事。時相欲奏用。作賓力辭。除權戶部尚書。以母憂解。服闋。授顯謨閣直學士。知建寧府。入覲。乞申嚴詭戶之禁。除寶謨閣學士。江西安撫。兼知隆興府。奏部內南安南康龍泉三縣。迫近溪峒。三縣令尉。及近峒之砦。曰秀洲。曰北鄉。曰蓮塘。并永新縣之勝鄉砦。宜就委帥憲兩司。擇才辟置。量加賞格。又乞詔諸道監司。分詣州郡。選禁軍。精練。閱。改救其懦弱者爲廂軍。在郡。搏錢二十餘萬緡。僚屬請獻諸朝。作賓謂平生未嘗獻羨。以半歸帥司。犒師。半隸本府。除煥章閣學士。提舉隆興府玉隆萬壽宮。進顯謨閣學士。致仕。卒于家。贈金紫光祿大夫。論曰。李衡進退雍容。幾於聞道。王自中家。愿奇邁危言。摧折弗悔。咸有可稱。嘗考宋之立國。元氣在臺諫。崇寧大觀而後。姦佞擅權。爵賞冒濫。馴至覆亡。高孝重繩糾封駁之司。張綱抑令。應恩。大經劾韓侂。斥董璪。人人振揚風采。正氣稍伸矣。時則有若沈濛。淳章。作賓。班班有善。同傳亦宜。

宋史卷三百九十

元中書右丞相總裁脫脫等修

列傳第一百五十

周必大 留正 胡晉臣

周必大，字子充，一字洪道，其先鄭州管城人。祖說，宣和中，倅廬陵，因家焉。父利建，太學博士，必大少英特，父死，鞠於母家，母親督課之。紹興二十年，第進士，授徽州戶曹。中博學宏詞科，教授建康府。除太學錄，召試館職，高宗讀其策曰：「掌制手也。」秘書省正字，館職復召試。自此始。兼國史院編修官，除監察御史。孝宗踐祚，除起居郎，直前奏事。上曰：「朕舊見卿文，其以近作進。」上初御經筵，必大奏：「經筵非為分章析句，欲從容訪問，裨聖德，究治體。先是左右史久不除，並記注壅積，必大請言動必書，兼修月進，迺命必大兼編類聖政所詳定官。又兼權中書舍人，侍經筵，嘗論邊事，上以蜀為憂，對曰：「蜀民久困，願詔撫諭，事定宜寬其賦，應詔上十事，皆切時弊，權給事中，繳駁不辟，權倖，翟婉容位官吏，轉行礙止法，爭之力。上曰：「意卿止能文，不謂剛正如此。」金索講和時，舊禮必大條奏，請正敵國之名，金為之屈，會觀龍大淵，得幸，臺諫交彈之，並遷知閣門事。必大與金安節不書黃，且奏曰：「陛下於政府侍從，欲罷則罷，欲貶則貶，獨於二人委曲遷就，恐人言紛紛不止也。」明日，宣手詔，謂給舍為人，鼓扇太上，時小事安敢爾，必大入謝曰：「審爾，則是臣不以事太上者。」事陛下，退待罪。上曰：「朕知卿舉職，但欲破朋黨，明紀綱耳。旬日申前命，必大格不行，遂請祠去。久之，差知南劍州，改提點福建刑獄。入對，願詔中外舉文武之才，區別所長，為一籍藏禁中，備緩急之用。除秘書少監，兼直學士院，兼領史職。鄭聞草必大制，上改竄其末，引漢宣帝事，必大因奏曰：「陛下取漢宣帝之言，親制贊書，明示好惡，臣觀西漢所謂社稷臣，乃鄒朴之周勃少文之汲黯，不學之霍光，至於公孫弘、蔡義、章賢，號曰儒者，而持祿保位，故宣帝謂俗儒不達時宜。使宣帝知真儒，何至難伯哉。」願平心察之，不可有輕儒名。上喜其精洽，欲與之，日夕論文，德壽加尊號，必大曰：「太上萬壽，而紹興未議文，及近上表，用嗣皇帝為未安，按建炎遙拜徽宗表，及唐憲

宗上順宗尊號冊文，皆稱皇帝，議遂定。趙雄使金，費國書，議受書禮，必大立具草，略謂尊卑分定，或較等威，叔姪親情，豈嫌坐起。上褒之曰：「未嘗論國書之意，而卿能道朕心中事，此大才也。」兼權兵部侍郎，奏請重侍從，以儲將相，增臺諫以廣耳目。擇監司郡守，以補郎官，尋權禮部侍郎，兼直學士院，同修國史。實錄院同修撰。一日，詔同王之奇陳良翰對選德殿袖出手詔，舉唐太宗魏徵問對，以在位久，功未有成，治效優劣，苦不自覺，命必大等極陳當否。退而條陳，陛下練兵以圖恢復，而將數易，是用將之道未至。擇人以守郡國，而守數易，是責實之方未盡。諸州長吏，條來忽去。婺州四年，易守者五，平江四年，易守者四，甚至秀州一年而四易守。吏姦何由可察，民瘼何由可蘇。上善其言，為草二弊。江湖旱，請指南庫錢二十萬代民輸，上嘉之。兼侍講，兼中書舍人。未幾，辭直學士院。從之。張說再除簽書樞密院，給事中莫濟封還錄黃，必大奏曰：「昨舉朝以為不可，陛下亦自知其誤而止之矣。曾未周歲，此命復出，責成預政，公私兩失。臣不敢具草，上批王曦疾速，誤入濟必大子宮觀，日下出國門，說露章薦濟必大於是。濟除温州，必大除建寧府，濟被命即出，必大至豐城稱疾而歸。濟聞之大悔，必大三請祠，以此名益重。久之，除敷文閣待制，兼侍讀，兼權兵部侍郎，兼直學士院。上勞之曰：「卿不迎合，無附麗，朕所倚重。」除兵部侍郎，尋兼太子詹事，奏言：「太宗儲才為真宗，仁宗之用仁宗，儲才為治平，元祐之用自章蔡，沮士氣，卒致奇夷之禍。秦檜忌刻逐人才，流弊至今。願陛下儲才於閑暇之日，上日御球場，必大曰：「固知陛下不忘闕武，然太祖二百年天下，屬在聖躬，願自愛上，改容曰：「卿言甚忠，得非虞衡之變乎。」正以警駭未嘗不欲自逸，爾升兼侍讀，改吏部侍郎，除翰林學士。久雨，奏請減後宮，給使寬浙，郡積逋，命省部議優恤。內直宣引論金星，近前星，武士擊毬，太子亦與，臣甚危之。上俾語太子，必大曰：「太子人子也，陛下命以驅馳，臣安敢勸以違命。陛下勿命之可也。」乞歸，弗許。上欲召人與之分職，因問呂祖謙能文否。對曰：「祖謙涵養久，知典故，不但文字之工，除禮部尚書，兼翰林學士。進吏部，兼承旨，詔禮官議明堂典禮，必大定園丘合宮互舉之議，被旨撰選德殿記，及皇朝文鑑序，必大在翰林幾六年，制命溫雅，周盡

事情爲一時詞臣之冠，或言其再入也，實曾觀所薦，而必大不知，除參知政事。上曰：執政於宰相，固當和而不同，前此宰相議事，執政更無語何也？必大曰：大臣自應互相可否，自秦檜當國，執政不敢措一辭，後遂以爲當然。陛下虛心無我，大臣乃欲自是乎？惟小事不敢有隱，則大事何由蔽欺？上深然之。久旱，手詔求言，宰相謂此詔一下，州郡皆乞賑濟，何以應之？約必大同奏，必大曰：上欲通下情，而吾儕阻隔之，何以塞公論？有介椒房之援，求爲郎者，上俾諭給舍繳駁，必大曰：臺諫給舍與三省相維持，豈可論意不從失體？從則壞法，命下之日，臣等自當執奏。上喜曰：肯如此任怨耶？必大曰：當予而不予，則有怨不當予而不予，何怨之有？上曰：此任責非任怨也。除知樞密院，上曰：每見宰相不能處之事，卿以數語決之。三省本末可輟卿也。山陽舊屯軍八千，雷世方乞止差鎮江一軍五千，必大曰：山陽控扼清河口，若今減而從增，必致敵疑。揚州武鋒軍本屯山陽者，不若歲撥三千與鎮江五千同戍。郭杲請移荊南軍萬二千屯永屯襄陽，必大言：襄陽固要地，江陵亦江北喉襟，於是留二千人，上諭以金既還上京，且分諸子出鎮，將若何？必大言：敵洞疑虛喝，正恐我先動，當鎮之以靜，惟邊將不可不精擇，拜樞密使。上曰：若有邊事，宣撫使惟卿可，他人不能也。上諸軍升差籍時，點召一二察能否，主帥悚激無敢容私，劫諸軍點試法，其在外解發而親閱之。池州李忠孝自言正將二人不能開弓，乞罷軍，上曰：此樞使措置之效也。金州謀帥必大曰：與其私舉，不若明揚，令侍從管軍薦舉，或傳大石林牙將加兵於金，忽魯大王分據上京，邊臣結約夏國，必大皆屏不省，勸上持重勿輕動，既而所傳果妄。上曰：卿真有先見之明。淳熙十四年二月，拜右丞相，首奏今內外晏然，殆將二紀，此正可懼之時，當思經遠之計，不可紛更欲速。秀州乞減大軍總制錢二萬，吏請勘當，必大曰：此豈勘當時耶？立蠲之。封事多言大臣同異，必大曰：各盡所見歸於一是，豈可尚同？陛下復祖宗舊制，命三省覆奏而後行，正欲上下相維，非止奉行文書也。高宗升遐，議用顯仁例遣三使詣金，必大謂今昔事殊，不當畏敵曲徇，止之。賀正使至，或請權易浚黃袍御殿受書，必大執不可，遂爲編素服，就帷幄引見。十五年，思陵發引，援熙陵呂端故事請行，乃攝

太傅爲山陵使，明堂加恩，封濟國公。十一月，留身乞去，上擬勞再三，忽宣諭比年病倦，欲傳位太子，須卿且留，必大言：聖體康寧，止因孝思稍過，何遽至倦？勤上曰：禮莫大於事宗廟，而孟饗多以病分詣，孝莫重於執喪，而不得自至，德壽宮欲不退休，得乎？朕方以此委卿，必大泣而退。十二月壬申，密賜紹興傳位親札，辛卯，命留身議定。二月壬戌，又命預草詔，專以奉几筵侍東朝爲意，拜左丞相，許國公參政，留正拜右丞相，壬子，上始以內禪意諭二府。二月辛酉朔，降傳位詔，翼日，上吉服御紫宸殿，必大奏陛下巽位與子，盛典再見，度越千古，願自今不得日侍天顏，因哽噎不能言，上亦泫然曰：正賴卿等協贊，新君光宗問當世急務，奏用人求言二事。三月，拜少保，益國公李燾草二相制，抑揚不同，上召燾令帖麻改定，既而斥燾于郡，必大求去，何澹爲司業，久不遷，留正奏遷之，澹憾必大而德正，至是爲諫長，遂首劾必大，詔以觀文殿大學士判潭州，澹論不已，遂以少保充醴泉觀使，判隆興府，不赴，復除觀文殿學士，判潭州，復大觀文，坐所舉官以賄敗，降榮陽郡公，復益國公，改判隆興，辭，除醴泉觀使，寧宗即位，求直言，奏四事，曰：聖孝，曰：敬天，曰：崇儉，曰：久任慶元元年，三上表引年，遂以少傅致仕，先是布衣呂祖泰上書，請誅韓侂胄，逐陳自強，以必大代之，嘉泰元年，御史施康年劾必大首唱僞徒，私植黨與，詔降爲少保，自慶元以後，侂胄之黨立僞學之名，以禁錮君子，而必大與趙汝愚留正實指爲罪首，二年，復少傅，四年，薨，年七十，有九，贈太師，諡文忠，寧宗題篆其墓碑曰：忠文書德之碑，自號平園老叟，著書八十一種，有平園集二百卷，嘗建三忠堂於鄉，謂歐陽文忠、修、楊忠襄、邦又胡忠簡、銓皆廬陵人，必大平生所敬慕爲文記之，蓋絕筆也。一子，論留正，字仲至，泉州永春人，六世祖從效，事太祖爲清遠軍節度使，封鄂國公，紹興十三年，第進士，授南恩州陽江尉，清海軍節度判官，龔茂良守番禺，正言在法劫盜賊滿五貫死，海盜加等，小民輒利率身陷重辟，請鑄梓海上，使戶知之，民始知避用，茂良薦赴都堂審察，宰相虞允文奇之，薦于上，得對，正言國家右文而略武備，祖宗以天下全力用於西夏，承平日久，邊不爲備，至敵人長驅而

辭言士大夫名節不立國家緩急無所倚仗靖康金人犯闕死義者少因亂謀利者多今欲恢復當崇尚名節上益喜明日輪輔臣留正奏事議論耿耿可與職事官除軍器監簿歷官考功郎官太常設義義閣恭簡正履諡言義閣將兵出疆不知敵人情偽及金犯邊督視稟謀幾至敗事下太常更議時論疑之擢起居舍人尋權中書舍人光宗自東宮朝覲見正謂左右曰修整如此其人可矣迺請于上兼太子左諭德正言記注進御非設官本意乞自今免奏御詔從之爲中書舍人兼侍講兼權兵部侍郎除給事中張說子薦往視鎮江戰艦挾勢遊觀沉舟溺卒除知閣門事樞密副承旨正封還詞頭洪邦直除御史正言邦直爲邑人所訟不宜任風憲兼權吏部尚書言用人莫先論相陛下志在恢復而相位不能任輔贊望精選人才與圖大計時相益不樂以顯謨閣直學士出知紹興府侍御史范仲芑劾前帥賊六十萬有詔覈實正明其非辜御史怒并劾正降顯謨閣待制提舉玉隆萬壽宮尋復職知贛州奏減上供米不報及爲相蠲一萬八千石知隆興府進龍圖閣直學士四川制置使兼知成都府平西蜀折租價歲減酒課三十八萬乾道初羌酋奴兒結越大渡河據安靜堡侵漢地幾百里正密授諸將方略擒奴兒結以歸盡俘其黨羌平進敷文閣學士尋詔赴行在正在蜀以簡素化民歸裝僅書數篋人服其清除端明殿學士簽書樞密院事參知政事同知樞密院事孝宗密諭內禪意拜右丞相一日奏事皇太子參決侍立上顧謂太子曰留正純誠可託光宗受禪主管左右春坊姜特立請龍恩權知閣門事聲勢浸盛正列其權預政狀乞斥逐上意猶未決會副蔡開特立謁正曰上以丞相在位久欲遷左相葉翥張昉嘗擇一人執政未知孰先正奏之上大怒詔特立提舉興國宮孝宗聞之曰真宰相也紹熙元年進左丞相正謹法度惜名器毫髮不可干以私引趙汝愚首從班卒與之共政用葉翥爲皇子嘉王翊善世號得人嘉王感疾正言陛下只有一子隔在宮牆外非便迺令蚤正元良之位入居東宮則朝夕相見甚順又奏太子天下本傳曰豫建太子所以重宗廟社稷漢文帝即位即建太子本朝皇子居冢嫡有未出閣而正儲位者皇子嘉王既居冢嫡出閣已久宜早正儲位以定天下本

再月不報檢漢文帝紀及本朝真宗立仁宗典故并呂誨張方平兩奏節其要語繳奏上不豫外議洵洵正與同列間至福寧殿奏事處分得宜人情以安進封申國公上疾浸平正乞歸政不許初正帥蜀慮吳氏世將謀去之至是朝廷議更蜀帥正言西邊三將惟吳氏世襲兵柄號爲吳家軍不知有朝廷遂以戶部侍郎丘璠行及吳挺死韓侂胄爲吳氏地使吳曦世襲正力請留璠環衛遣張詔代挺後數歲曦入蜀卒殺變壽皇聖政成進少保封衛國公李端友以樞房親手詔除郎正繳還上不納復執奏曰昔館陶公主爲子求郎明帝不許今端友依憑內援恐累聖德特立除浙東副總管尋召赴行在正引唐憲宗召吐突承璀事乞罷相上批成命已行朕無反汗卿宜自處正待罪大和塔奏言陛下近年不知何人獻把定之說遂至每事堅執斷不可回天下至大機務至煩事出於是則人無異詞可以固執事出於非則衆論紛起必須惟是之從臣恐自此以往事無是非陛下宣持把定之說言路遂塞因繳進前後劄奏及告敕待罪范村乞歸田里不許壽聖太后將以冬至上尊號冊寶以正爲禮儀使攝太傅於是上遣左司徐誼諭旨正復入都堂視事是行也待罪凡一百四十四日冊寶禮成拜少傅封魯國公正力辭五年正月孝宗疾革正數請車駕過宮一日上拂衣起正引裾泣諫隨至福寧殿門正退上疏言極激切六月戊戌孝宗崩光宗以疾未能執喪正率同列屢奏乞早正嘉王儲位又擬指揮付學士院降詔尋有手詔朕歷事歲久念欲退閑正得之始懼請對復不報即出國門上表請老末曰願陛下速回淵鑒追悟前非漸收人心庶保國祚正始議以上疾未克主喪宜立皇太子監國若終喪未倦動當復辟駁議內禪太子可即位時從臣鄭湜奏與正同既而趙汝愚以內禪請于憲聖正謂建儲詔未下遽反此他日必難處論既達以肩輿逃去及嘉王即位尊皇帝爲太上皇帝以正爲大行擴宮總護使寧宗即位入謝復出憲聖命速宣押時汝愚亦以爲請上親札遣使召正還侍御史張叔椿請議正棄國之罰乃徙叔椿吏部侍郎而正復相入賀且請車駕一出慰安都人心及定壽康宮南向撤去新增禁旅詔悉從之進少傅屢辭不拜奏言陛下勉徇羣情以登大寶當遇事從簡示天下以不

得已之意，實非頒爵之時，韓侂胄謀預政，數詰都堂，正使省吏論之曰：此非知閣日往來之地，侂胄怒而退，曾經筵晚講，賜坐，正執奏以為非，上不擇侍御史黃度論馬大同罪，正擬度補外，上知其情，除度右正言，正請推恩，隨龍人上曰：朕未見父母，可恩及下人耶？積數事失，上意侂胄從而聞之，八月，手詔正以少師觀文殿大學士判建康府，尋又以諫議大夫張叔椿言落職，慶元元年六月，詔正以上皇付正手詔八字進入，宣付史館，復觀文殿大學士，初劉德秀自重慶入朝，未為正所知，謁正客范仲黼，請為言，正曰：此人若留之班行，朝廷必不靜，乃除大理簿，德秀憾之，至是為諫議大夫，論正四大罪，視職，自是彈劾無虛歲，以張釜言責授中大夫，光祿卿，分司西京，邵州居住，明年，令自便，給事中謝源明封還錄黃，量移南劍州，再許自便，復光祿大夫提舉洞霄宮，上章乞納祿，詔復元官職，致仕，又以御史林采言，依舊官光祿大夫致仕，俄復觀文殿學士，金紫光祿大夫，嘉泰元年，進封魏國公，復少師，觀文殿大學士，開禧二年七月，薨，年七十八，贈太師，正出處大致如紹熙去國，恥與姜特立並位，而待罪近郊，五月，復入議者，猶惜其去之不勇，首發大議，蚤正嘉王儲位，遂致言者深文，指為棄國，豈弘毅有所不足耶？或問范仲黼留趙二公處變不同如何，仲黼曰：趙同姓之卿也，留則異姓之卿，反復之而不聽，則去，聞者以為名言，有詩文奏議外制二十卷，行于世，寶慶三年，諡忠宣，子恭，丙端，皆為尚書郎，孫元英，工部侍郎，元剛，起居舍人。

胡晉臣，字子遠，蜀州人，登紹興二十七年進士第，為成都通判，制置使范成大以公輔薦諸朝，孝宗召赴行在，入對，疏當今士俗民力邊備軍政四弊，試學士院，除秘書省校書郎，遷著作佐郎，兼右曹郎官，輪對論三事，一無忽譁，讀官以仁宗為法，二責諫官以糾官邪，責宰相以抑奔競，三廣聽納，通下情，以銷未形之患，又極論近侍，上覽奏色動，晉臣口陳甚悉，至論及兩稅折變，天威稍霽，首肯久之，趙雄時秉政，手詔下中書，問近侍姓名，晉臣翼日至中書，執政詰其故，晉臣曰：近習招權，丞相豈不知之，即條具大者以聞，上感悟，自是近習嚴憚，晉臣以親年高，求外補，知漢州，除潼川路提點刑獄，以憂去，服除，再召，以五事見

曰：選將帥，廣常平，治渠堰，更銓法，通楮幣，上謂輔臣曰：胡晉臣言可行，除度支，即累遷侍御史，朱熹除兵部郎官，以病足未供職，侍郎林栗與熹論易不合，因奏熹不即受印為傲慢，晉臣上疏，留熹而排栗，物論歸重，光宗嗣位，遷工部侍郎，除給事中，每以裁濫，恩惜名器為重，內降持不下，上嘉其有守，拜端明殿學士，簽書樞密院事，正謝曰：上命條上軍政利害，既而朝重華宮，孝宗謂曰：嗣君擢任二三大臣，深愜朕意，聞外庭亦無異詞，晉臣拜謝，除參知政事，兼同知樞密院事，上自南郊後，久不御朝，晉臣與丞相留正同心輔政，中外帖然，其所奏陳，以溫清定省為先，次及親君子，遠小人，抑僥倖，消朋黨，啓沃剴切，彌縫縝密，人無知者，未幾，薨于位，贈資政殿學士，諡文靖。

論曰：謀大事，決大議，非擬定有立者不能也，周必大留正，一時俱以相業稱，然必大純篤忠厚，能以善道其君，光寧禪受之際，懼禍而去，其可為有立乎哉，若胡晉臣爭論朱熹，則侃侃有守者也。

宋史卷三百九十一

元中書右丞相總裁脫脫等修

列傳第一百五十一

趙汝愚 子崇憲

趙汝愚字子直漢恭憲王元佐七世孫居饒之餘干縣父善應字彥遠官終修武郎江西兵馬都監性純孝親病嘗刺血和藥以進母畏雷每聞雷則披衣走其所嘗寒夜遠歸從者將扣門遽止之曰無恐吾母露坐達明門啓而後入家貧諸弟未製衣不敢製已製未服不敢服一瓜果之微必相持共嘗之母喪哭泣嘔血毀脊骨立終日俯首極傍聞雷猶起側立垂涕既終喪言及其親未嘗不揮涕生朝必哭于廟父終肺疾每膳不忍以諸肺為羞母生歲值卯謂卯免神也終其身不食兔聞四方水旱輒憂形于色江淮警報至為之流涕不食累日同僚會宴善應悵然曰此寧諸君樂飲時耶眾為失色而罷故人之孤女貧無所歸善應聘以為己子婦有嘗同僚者死不克葬子傭食他所善應馳往哭之歸其子而子之貲使葬焉道見病者必收恤之躬為煮藥歲饑旦夕率其家人糲食之半以飼饑者夏不去草冬不破壤懼百蟲之遊且誓者失其所也晉陵尤袤稱之曰古君子也既卒丞相陳俊卿題其墓碣曰宋篤行趙公彥遠之墓汝愚早有大志每曰丈夫得汗青一幅紙始不負此生擢進士第一簽書寧國軍節度判官召試館職除祕書省正字孝宗方銳意恢復始見即陳自治之策孝宗稱善遷校書郎知閣門張說樞密院事汝愚不往見率同列請祠未報會祖母訃至即日歸因自劾不加罪遷著作郎知信州易台州除江西轉運判官人為吏部郎兼太子侍講遷祕書少監兼權給事中內侍陳源有寵於德壽宮添差浙西副總管汝愚言祖宗以童貫典兵卒開邊釁源不宜使居總戎之任孝宗喜詔自今內侍不得兼兵職舊制密院文書皆經門下省張說在西府託言邊機不宜泄汝愚謂東西二府朝廷治亂所關中書庶政無一不由東省何密院不然孝宗命如舊制權吏部侍郎兼太子右庶子論知閣王抃招權預政出抃外祠以集英殿修撰帥福建陞辭言國事之大者四其一謂

宋

史卷三百九十二

列傳

吳氏四世專蜀兵非國家之利請及今以漸抑之進直學士制置四川兼知成都府諸羌蠻相挺為邊患汝愚至悉以計分其勢孝宗謂其有文武威風召還光宗受禪趣召未至殿中侍御史范處義論其稽命除知潭州辭改太平州進敷文閣學士知福州紹熙二年召為吏部尚書先是高宗以宮人黃氏侍光宗於東宮及即位為貴妃后李氏意不能平是年冬十一月郊有司已戒而風雨暴至光宗震懼及齋宿青城貴妃暴薨駕環聞之恚是夕疾作內侍馳白孝宗孝宗倉卒至南內問所以致疾之由不免有所戒責及光宗疾稍平汝愚入對上常以五日一朝孝宗於重華宮至是往往以傳旨免至會慶節上壽駕不出冬至朝賀又不出都人以為憂汝愚往復規諫上意乃悟汝愚又屬嗣秀王伯圭調護於是兩宮之情通光宗及后俱詣北內從容竟日四年汝愚知貢舉與監察御史汪義端有違言汝愚除同知樞密院事義端言祖宗之法宗室不為執政詆汝愚植黨沽名疏上不納又論臺諫給舍陰附汝愚一切緘默不報論汝愚發策諷諭祖宗又不報汝愚力辭上為徙義端軍器監給事中黃裳言汝愚事親孝事君忠居官廉愛國愛民出於天性義端實忌賢不可以不黜上乃黜義端補郡汝愚不獲已拜命未幾遷知樞密院事辭不拜有旨趣受告汝愚對曰臣非敢久辭臣嘗論朝廷數事其言未見用今陛下過重華留正復相天下幸甚惟武與未除帥臣心不敢安上遂以張詠代領武與軍汝愚乃受命光宗之疾生於疑畏其未過宮也汝愚數從容進諫光宗出聞其語輒悟入輒復疑五年春孝宗不豫夏五月疾日臻光宗御後殿丞相率同列入請上詣重華宮侍疾從臣臺諫繼入閣門吏以故事止之不退光宗益疑起入內越二日宰相又請對光宗令知閣門事韓侂胄傳旨云宰相並出於是俱至浙江亭俟命孝宗聞之憂甚嗣秀王簡丞相傳孝宗意令宰相復入侂胄奏曰昨傳旨令宰相出殿門今乃出都門請自往宣押汝愚等乃還第六月丁酉夜五鼓重華大闢扣宰執執第報孝宗崩中書以聞汝愚恐上疑或不出視朝持其劄不上次日上視朝汝愚以提舉重華宮閣禮狀進上乃許過北內至日晏不出宰相率百官詣重華宮發喪壬寅將成服留正與汝愚議介少傅吳玘請憲聖太后垂

謙暫主喪事憲聖不許正等附奏曰臣等連日造南內請對不獲累上疏不得報今當率百官恭請若皇帝不出百官相與慟哭于宮門恐人情駭動為社稷憂乞太皇太后降旨以皇帝有疾暫就宮中成服喪費不可無主祝文稱孝子嗣皇帝宰臣不敢代行太皇太后壽皇之母也請攝行祭禮蓋是時正汝愚之請垂簾也以國本係乎嘉王欲因簾前奏陳宗社之計使命出簾幃之間事行廟堂之上則體正言順可無後艱而吳瑀素畏慎且以后戚不欲與聞大計此議竟格丁未宰臣已下待對和寧門不報乃入奏云皇子嘉王仁孝夙成宜早正儲位以安人心又不報越六日再請御批云甚好明日同擬旨以進乞上親批付學士院降詔是夕御批付丞相云歷事歲久念欲退閑留正見之懼因朝臨伴仆于庭密為去計汝愚自度不得辭其責念故事須坐甲以戒不虞而殿帥郭杲莫有以腹心語者會工部尚書趙彥逾至私第語及國事汝愚泣彥逾亦泣汝愚因微及與子意彥逾喜汝愚知彥逾善杲因繆曰郭杲儻不同奈何彥逾曰某當任之約明乃復命汝愚曰此大事已出諸口豈容有所俟乎汝愚不敢入私室退坐屏後以待彥逾之至有頃彥逾至議遂定明日正以五更肩輿出城去人心益搖汝愚處之恬然自吳瑀之議不諧汝愚與徐誼葉適謀可以白意於慈福宮者乃遣韓侂胄以內禪之意請于憲聖侂胄因所善內侍張宗尹以奏不獲命明日往又不獲命侂胄遂巡將退重華宮提舉關禮見而問之侂胄具述汝愚意禮令少俟入見憲聖而泣憲聖問故禮曰聖人讀書萬卷亦嘗見有如此時而保無亂者乎憲聖曰此非汝所知禮曰此事人人知之今丞相已去所賴者趙知院旦夕亦去矣言與淚俱憲聖驚曰知院同姓事體與他人異乃亦去乎禮曰知院未去非但以同姓故以太皇太后為可恃耳今定大計而不獲命勢不得不去將如天下何願聖人三思憲聖問侂胄安在禮曰臣已留其俟命憲聖曰事順則可令論好為之禮報侂胄且云來早太皇太后於壽星梓宮前垂簾引執政侂胄復命汝愚始以其事語陳騷余端禮使郭杲及步帥閣仲夜以兵衛南北內禮使其姻黨宣贊舍人傅昌朝密製黃袍是日嘉王謁告不入臨汝愚曰禪祭重事王不可不出翌日禪祭羣臣入王亦入汝

愚率百官詣大行前憲聖垂簾汝愚率同列再拜奏皇帝疾未能執喪臣等乞立皇子嘉王為太子以繫人心皇帝批出有其好二字繼有念欲退閑之語取太皇太后處分憲聖曰既有御筆相公當奉行汝愚曰茲事重大播之天下書之史冊須議一指揮憲聖允諾汝愚袖出所擬太皇太后指揮以進云皇帝以疾至今未能執喪曾有御筆欲自退閑皇子嘉王攬可即皇帝位尊皇帝為太上皇帝皇后為太上皇后憲聖覽畢曰甚善汝愚奏自今臣等有合奏事當取嗣君處分然恐兩宮父子間有難處者須煩太皇太后主張又奏上皇疾未平驟聞此事不無驚疑乞令都知楊舜卿提舉本宮任其責遂召舜卿至簾前面諭之憲聖乃命皇子即位皇子固辭曰恐負不孝名汝愚奏天子當以安社稷定國家為孝今中外人人憂亂萬一變生置太上皇何地眾扶入素幄披黃袍方却立未坐汝愚率同列再拜寧宗詣几筵殿哭盡哀須臾立仗訖催百官班帝衰服出就重華殿東廡素幄立內侍扶掖乃坐百官起居訖行禪祭禮汝愚即與次召還留正長百僚命朱熹待制經筵悉收召士君子之在外者侍御史張叔椿請議正棄國之罰汝愚為遷叔椿官是月上命汝愚兼權參知政事留正至汝愚乞免兼職乃除特進右丞相汝愚辭不拜曰同姓之卿不幸處君臣之變敢言功乎乃命以特進為樞密使汝愚又辭特進孝宗將擢汝愚議擢官非永制欲改卜山陵與留正議不合侂胄因而間之出正判建康命汝愚為光祿大夫右丞相汝愚力辭至再三不許汝愚本倚正共事怒侂胄不以告及來謁故不見侂胄慚忿簽書樞密羅點曰公誤矣汝愚亦悟復見之侂胄終不憚自以有定策功且依託肺腑出入宮掖居中用事朱熹進對以為言又約吏部侍郎彭龜年同劾之未果熹白汝愚當以厚賞酬勞勿使預政而汝愚謂其易制不為慮右石言黃度欲論侂胄謀泄以內批斥去熹因講畢奏疏極言陛下即位未能旬月而進退宰執移易臺諫皆出陛下之獨斷大臣不與謀給舍不及議此弊不革臣恐名為獨斷而主威不免於下移疏入遽出內批除熹官觀汝愚袖批還上且諫且拜侂胄必欲出之汝愚退求去不許吏部侍郎彭龜年力陳侂胄竊弄威福為中外所附不去必貽患又奏近日逐朱熹太暴故欲陞

下亦亟去此小人既而內批龜年與郡侂胄勢益張侂胄恃功爲汝愚所抑日夜謀引其黨爲臺諫以擯汝愚汝愚爲人疎不虞其姦趙彥逾以嘗違意於郭果事定冀汝愚引與同列至是除四川制置意不懷與侂胄合謀陸辭日盡疏當時賢者姓名指爲汝愚之黨上意不能無疑汝愚請令近臣舉御史侂胄密諭中司令薦所厚大理寺簿劉德秀內批擢德秀爲察官其黨牽聯以進言路遂皆侂胄之人會黃裳羅點卒侂胄又擢其黨京鏗代點汝愚始孤天子益無所倚信於是中書舍人陳傅良監察御史吳獵起居郎劉光祖各先後斥去羣

儉和附疾正士如仇讎而衣冠之禍始矣侂胄欲逐汝愚而難其名或教之曰彼宗姓誣以謀危社稷則一網無遺侂胄然之擢其黨將作監李沐爲正言沐彥穎之子也嘗求節度使於汝愚不得奏汝愚以同姓居相位將不利於社稷乞罷其政汝愚出浙江亭待罪遂罷右相除觀文殿學士知福州臺臣合詞乞寢出守之命遂以大學士提舉洞霄宮國子祭酒李祥言去歲國遭大戚中外洵洵留正棄相位而去官僚幾欲解散軍民皆將爲亂兩宮隔絕國喪無主汝愚以樞臣獨不避殞身滅族之禍奉太皇太后命蛭陛下以登九五勳勞著於社稷精忠貫於天地乃卒受黜黜而去天下後世其謂何博士楊簡亦以爲言

李沐劾祥簡罷之太府丞呂祖儉亦上書訴汝愚之忠詔祖儉朋比罔上送韶州安置太學生楊宏中周端朝張衡林仲麟蔣傳徐範等伏闕言去歲人情驚疑變在朝夕當時假非汝愚出死力定大議雖百李沐罔知攸濟當國家多難汝愚位樞府本兵柄指揮操縱何向不可不以此時爲利今上下安恬乃獨有異志乎書上悉送五百里外羈管侂胄忌汝愚益深謂不重貶人言不已以中丞何澹疏落大觀文監察御史胡紘疏汝愚唱引僞徒謀爲不軌乘龍授鼎假

夢爲符責寧遠軍節度副使永州安置初汝愚嘗夢孝宗授以湯鼎背負白龍升天後翼寧宗以素服登大寶蓋其驗也而議者以爲言時汪義端行詞用漢誅劉屈氂唐戮李林甫事示欲殺之意迪功郎趙師召亦上書乞斬汝愚汝愚怡然就道謂諸子曰觀侂胄之意必欲殺我我死汝曹尚可免也至衡州病作爲守臣錢鞏所窘暴薨天下聞而冤之時慶元二年正月壬午也汝愚學務有

用常以司馬光富弼韓琦范仲淹自期凡平昔所聞於師友如張栻朱熹呂祖謙汪應辰王十朋胡銓李燾林光朝之言欲次第行之未果所著詩文十五卷大祖實錄舉要若干卷類宋朝諸臣奏議三百卷汝愚聚族而居門內三千指所得廩給悉分與之菜羹蔬食恩意均洽人無間言自奉養甚薄爲夕郎時大冬衣布裘至爲相亦然汝愚既沒黨禁屢解旋復資政殿學士太中大夫已而贈少保侂胄誅盡復元官賜諡忠定贈太師追封沂國公理宗詔配享寧宗廟庭追封福王其後進封周王子九人崇憲其長子也

崇憲字履常淳熙八年以取應對策第一時汝愚侍立殿上降再拜以謝孝宗顧近臣曰汝愚年幾何已有子如此越三年復以進士對策擢甲科上謂執政曰此汝愚子豈即前科取應第一人者耶崇憲初任爲保義郎監饒州贍軍酒庫揆從事即撫州軍事推官汝愚帥蜀辟書寫機宜文字改江西轉運司幹辦公事監西京中岳廟汝愚既死海內憤鬱崇憲闔門自處居數年復汝愚故官職多勸以仕改奉議郎知南昌縣事奉行荒政所活甚衆升藉田令制曰爾先人有功王室中更議毀思其功而錄其子國之典也崇憲拜命感泣陳疏力辭以爲先臣之冤未悉昭白而其孤先被寵光非公朝所以勸忠孝厲廉恥之意俄改監行在都進奏院復引陳瑾論司馬光呂公著復官事申言之乞以所

陳下三省集議若先臣心迹有一如言者所論即近日恩典皆爲冒濫先臣復官賜諡與臣新命俱合追寢如公論果謂誣讒乞昭示中外使先臣之讒謗既辨忠節自明而憲聖慈烈皇后擁佑之功德益顯然後申飭史館改正誣史垂萬世之公又請正趙師召妄貢封章之罪究蔡璉與大臣爲仇之姦毀龔頤正續稽古錄之妄詔兩省史官考訂以聞已而吏部尙書兼修國史樓鑰等請施行如章從之及誣史未正復進言其略謂前日史官徒以權臣風旨刊舊史焚元藁略無留難今詔旨再三莫有慨然奮直筆者何小人敢於爲惡而謂之君子者顧不能勇於爲善耶聞者愧之其後玉牒日曆所卒以重修龍飛事實進

呈因崇憲請也未幾贈汝愚太師封沂國公權崇憲軍器監丞改太府監丞遷祕書郎辭弗許尋爲著作佐郎兼權考功郎官嘗因閔兩求言乃上封事謂今

日有更化之名無更化之實人才國之元氣而忠鯁擯廢之士死者未盡書錄存者未悉褒揚言論國之風采其間輸忠亡隱有所規益者豈惟獎激弗加蓋亦罕見施用煥安取容無所建明者豈惟黜罰弗及或乃遂階通顯至若勉聖學以廣聰明教儲貳以固根本戒宰輔大臣同寅盡瘁以濟艱難責侍從臺諫思職盡規以宣雍蔽防左右近習竊弄之漸察姦餘餘黨親伺之萌皆懇懇為上言之請外知江州郡民歲苦和糴崇憲疏于朝永蠲之且轉糴旁郡穀別廩儲之以備歲餘瑞昌民貧茶引錢新舊累積為一十七萬有奇皆困不能償死則以責其子孫猶弗貸會新券行視舊價幾倍徒崇憲數曰質茶之民愈困矣亟請以新券一償舊券二詔從之蓋受賜者千餘家刻石以紀其事修陂塘以廣溉灌凡數千所提舉江西常平兼權隆興府及帥漕司事遷轉運判官仍兼帥事初汝愚捐私錢百餘萬創養濟院俾四方賓旅之疾病者得藥與食歲久寔移為宅用崇憲至尋修復立規約數十條以愈疾之多寡為賞罰棄兒於道者亦收鞠之社倉久敝訪其利害而更張之以兵部郎中召尋改司封皆固辭遂直秘閣知靜江府廣西經略安撫靜江之屬邑十地肥磽略等而陽朔修仁荔浦之賦獨倍焉自張栻奏減之餘人猶以為病崇憲請再加蠲減詔遞損有差三縣民立祠刻石瓊守非才激黎峒之變乃劾去之改辟能者代其任羅蔓峒者仍歲寇鈔為暴實民何嚮父子陰誘導之崇憲捐金贖付小校使繫以來真之法因嚴民夷交通之禁使邊民相什伍寇至則鳴鼓召眾先後掩擊俘獲者實不至者有懲先是部內郡邑有警輒移統府兵戍之在宜州者百人古縣半之崇憲謂根本單虛非所以窒姦萌迺於其地各置兵如戍兵之數而斂戍者以歸邕為邊要害地自狄青平儂智高所以設扞防者甚至歲久浸弛而溪峒日彊崇憲條上其議朝廷頗采其言然未及盡用也崇憲天性篤孝居父喪月餘始食食小祥始茹果實終喪不飲酒食肉比御猶弗入者久之

論曰自昔大臣處危疑之地而能免於禍難者蓋鮮矣昔者周成王立而幼冲周公以王室懿親為宰輔四國流言而周公不免於居東之憂非天降風雨之變以彰周公之德而啓成王之哀則所謂金縢之書固無因而關於王之耳目

公之心果能以自明乎公之心能自明則天意之所以屬於周而綿八百載之丕祚者實係于茲不然周其殆哉趙汝愚宋之宗臣也其賢固不及周公其位與戚又非若周公之尊且昵也方孝宗崩光宗疾大喪無主中外洶洶一時大臣有畏難而去者矣汝愚獨能奮不慮身定大計於頃刻收召明德之士以輔寧宗之新政天下翕然望治其功可謂盛矣然不幾時卒為韓侂胄所構一斥而遂不復返天下聞而冤之於此見天之所以眷宋者不如周而宋之陵夷馴至于不可為信非人力之所能也汝愚父以純孝聞而子崇憲能守家法所至有惠政亦可謂世濟其美者已

宋史卷三百九十二

宋史卷三百九十二考證

趙汝愚傳乃除特進右丞相汝愚辭不拜曰同姓之卿不幸處君臣之變敢言

功乎乃命以特進爲樞密使○臣宗楷按貴耳集祖宗典故同姓可封王不

拜相藝祖載諸太廟獨趙忠定特出此典故故隨筆云不受相麻而除樞密

使

宋史卷三百九十二考證

元中書右丞相總裁脫脫等修

列傳第一百五十二

彭龜年 黃裳 羅點 黃度 周南附

林大中 陳騭 黃黼 詹體仁

彭龜年字子壽臨江軍清江人七歲而孤事母盡孝性穎異讀書能解大義及長得程氏易讀之至志寢食從朱熹張栻質疑而學益明登乾道五年進士第授袁州宜春尉吉州安福丞鄒僑張均同薦除太學博士殿中侍御史劉光祖以論帶御器械吳端從太府少卿龜年上疏乞復其位貽書宰相云祖宗書改易差除以伸臺諫之氣不聞改易臺諫以伸侍臣之私兼魏王府教授遷國子監丞以待御史林大中薦為御史臺主簿改司農寺丞進秘書郎兼嘉王府直講光宗嘗親郊值暴風雨感疾大臣希得進見久之疾平猶疑畏不朝重華宮龜年以書譴趙汝愚且上疏言壽皇之事高宗備極子道此陛下所親親也沈壽皇今日止有陛下一人聖心拳拳不言可知特遇過宮日分陛下或遲其行則壽皇不容不降免到宮之旨蓋為陛下辭責於人使人不得以竊議陛下其心非不願陛下之來自古人君處骨肉之間多不與外臣謀而與小人謀之所以交關日深疑隙日大今日兩宮萬萬無此然臣所憂者外無韓琦富弼呂誨司馬光之臣而小人之中已有任守忠者在焉惟陛下裁察又言使陛下虧過官定省之禮皆左右小人間諜之罪宰執侍從但能推父子之愛調停重華臺諫但能仗父子之義責望人主至於疑間之根盤固不去曾無一語及之今內侍間諜兩宮者固非一人獨陳源在壽皇朝得罪至重復復進用外人皆謂離間之機必自源始宜亟發威斷首逐陳源然後肅命變與實罪引愚以謝壽皇使父子歡然宗社有幸顧不幸歟居亡何光宗朝重華都人歡悅壽皇除起居舍人入謝光宗曰此官以待有學識人念非卿無可者龜年述祖宗之法為內治聖鑑以進光宗曰祖宗家法甚善龜年曰臣是書大抵為宦官女謁之防此曹若見恐不得數經御覽光宗曰不至是他日龜年奏臣所居之官以記注人君

言動為職車駕不過宮問安如此書者又數十矣恐非所以示後有旨幸玉津園龜年奏不奉三宮而獨出宴遊非禮也又言陛下誤以臣充嘉王府讀官正欲臣等教以君臣父子之道臣聞有身教有言教陛下以身教臣以言教者也言豈若身之切哉紹熙五年五月壽皇不豫疾浸革龜年連三疏請對不獲命屬上視朝龜年不離班位伏地扣額久不已血漬鬢髮光宗曰素知卿忠直欲何言龜年奏今日無大於不過宮光宗曰須用去龜年言陛下屢許臣一入宮則又不然內外不通臣實痛心同知樞密院余端禮曰扣額龍墀曲致忠懇臣子至此為得已邪上云知之孝宗崩寧宗受禪是夕召對寧宗蹙額云前但聞建儲之義豈知遽踐大位泣辭不獲至今震悸龜年奏此乃宗祏所係陛下安得辭今日但當盡人子事親之誠而已因擬起居劄子乞日進一通又與翊善黃裳同奏往朝南內因定過宮之禮乞先一日入奏率百官恭謝寧宗朝泰安宮至則寢門已閉拜表而退時議欲別建泰安宮而光宗無徙宮之意龜年言古人披荆棘立朝廷尚可布政出令況重華一宮豈為不足哉陛下居狹處太上居寬處天下之人必有諒陛下之心者於是宮不果建遷中書舍人劉慶祖已帶遙郡承宣使而以太上隨龍人落階官龜年繳奏寧宗批可與書行龜年奏臣非為慶祖惜此一官為朝廷惜此一門耳夫可與書行近世弊令也使其可行臣即書夫使不可行豈敢因再令而遂書哉寧宗嘗謂退朝無事恐自怠惰非多讀書不可龜年奏人君之學與書生異惟能虛心受諫遷善改過乃聖學中第一事豈在多哉一日御筆書朱熹黃裳陳傅良彭龜年黃由沈有開李燾京鏗黃艾鄒鄒十人姓名示龜年云十人可充講官否龜年對曰陛下若招徠一世之傑如朱熹輩方厭人望不可專以潛邸學官為之尋除侍講遷吏部侍郎升兼侍讀龜年知事勢將變會暴雨震雷因極陳小人竊權號令不時之弊遣充金國弔祭接送伴使初朱熹與龜年約共論韓侂胄之姦會龜年護客熹以上疏見絀龜年聞之附奏云始臣約熹同論此事今熹既罷臣宜併斥不報迨歸見侂胄用事權勢重於宰相於是條數其姦謂進退大臣更易言官皆初政最關大體若大臣或不能知而侂胄知之假託聲勢竊弄威福不去必

為後患。上覽奏甚駭曰。侂胄朕之肺腑。信而不疑。不謂如此。批下中書。予侂胄祠。已乃復入。龜年上疏求去。詔侂胄與內祠。龜年與郡。以煥章閣待制知江陵府。湖北安撫使。龜年丐祠。慶元二年。以呂棐言落職。已而追三官。勅停嘉泰元年。復元官。起知贛州。以疾辭。除集英殿修撰。提舉冲佑觀。開禧二年。以待制寶謨閣致仕卒。龜年學識正大。議論簡直。善惡是非。辨析甚嚴。其愛君憂國之忱。先見之識。敢言之氣。皆人所難。晚既投閑。悠然自得。幾微不見於顏面。自偽學有禁。士大夫鮮不變者。龜年於關洛書益加涵泳。扁所居曰止堂。著止堂訓蒙。蓋始終特立者也。聞蘇師旦建節曰。此韓氏之陽虎。其禍韓氏必矣。聞用兵。曰。禍其在此乎。所著書有經解。祭儀。五致錄。奏議。外制。侂胄誅。林大中樓鑰。皆白其忠。寧宗詔贈寶謨閣直學士。章穎等請易名。賜諡忠肅。上謂穎等曰。彭龜年忠鯁可嘉。宜得諡。使人人如此。必能納君於無過之地。未幾。加贈龍圖閣學士。而擢用其子欽。

黃裳。字文叔。隆慶府普城人。少穎異。能屬文。登乾道五年進士第。調巴州通江尉。益務進學。文詞迥出流輩。人見之曰。非復前日文叔矣。時蜀中餉師。名為和糴。實則取民。裳賦漢中行。諷總領李繁。繁為罷糴。民便之。改興元府錄事參軍。以四川制置使留正薦。召對。論蜀兵民大計。遷國子博士。以母喪去。宰相進擬他官。上問裳安在。賜錢七十萬。除喪復召。時光宗登極。裳進對。謂中興規模。與守成不同。出攻入守。當據利便之勢。不可不定行都富國彊兵。當求功利之實。不可不課吏治。捍內禦外。當有緩急之備。不可不立重鎮。其論行都。以為就便利之勢。莫若建康。其論吏治。謂立品式以課其功。計資考以久其任。其論重鎮。謂自吳至蜀。綿亘萬里。曰漢中。曰襄陽。曰江陵。曰鄂渚。曰京口。當為五鎮。以將相大臣守之。五鎮疆則國體重矣。除太學博士。進秘書郎。遷嘉王府翊善。諱春。秋王正月。曰。周之王即今之帝也。王不能號令諸侯。則王不足為王。帝不能統御郡鎮。則帝不足為帝。今之郡縣。即古諸侯也。周之王不能號令諸侯。故春秋必書王正月。所以一諸侯之正朔。今天下境土。比祖宗時不能十之四。然猶誇吳蜀荆廣閩越二百州。任吾民者。二百州守也。任吾兵者。九都統也。苟不能

統御。則何以服之。王曰。何謂九都統。裳曰。唐太宗年十八。起義兵。平禍亂。今大王年過之。而國家九都統之說。猶有未知。其可不汲汲於學乎。他日。王擢用東宮舊人吳端。端詰王謝。王接之中節。裳因諱左氏禮有等。衰問王。比待吳端得重輕之節。有之乎。王曰。有之。裳曰。王者之學。正當見諸行事。今王臨事有區別。是得等衰之義矣。王意益向學。於是作八圖以獻。曰。太極曰。三才本性曰。皇帝王伯學術曰。九流學術曰。天文曰。地理曰。帝王紹運。以百官終焉。各述大旨。陳之。每進言曰。為學之道。當體之以心。王宜以心為嚴師。於心有一毫不安者。不可為也。且引前代危亡之事。以為儆戒。王謂人曰。黃芻善之言。人所難堪。惟我能受之。他日。王過重華宮。壽皇問所讀書。王舉以對。壽皇曰。數不太多乎。王曰。講官訓說明白。忱心樂之。不知其多也。壽皇曰。黃芻善至誠。所講須諦聽之。裳久侍王邸。每歲誕節。則陳詩以寫誠。初嘗製渾天儀。與地圖。循以詩章。欲王觀象。則知進學如天運之不息。披圖則思祖宗境土半陷於異域而未歸。其後又以王所講三經為詩三章以進。王喜為置酒。手書其詩以賜之。王嘗侍宴宮中。

從容為光宗誦酒誥曰。此黃芻善所教也。光宗詔勞裳。裳曰。臣不及朱熹。熹學問四十年。若召實府寮。宜有裨益。光宗嘉納。裳每勸講。必援古證今。即事明理。凡可以開導王者心者。無不言也。紹熙二年。遷起居舍人。奏曰。自古人君不能從謀者。其蔽有三。一曰私心。二曰勝心。三曰忿心。事苟不出於公。而以己見執之。謂之私心。私心生則以諫者為病。而求以小勝之。勝心生則以諫者為仇。而求以逐之。因私而生勝。因勝而生忿。忿心生。則事有不得其理者焉。如潘景珪常才也。陛下固亦以常人遇之。特以臺諫攻之不已。致陛下庇之愈力。事勢相激。乃至於此。宜因事靜察。使心無所係。則聞臺諫之言。無不悅。而無欲勝之心。待臺諫之心。無不誠。而無加忿之意矣。三年。試中書舍人。時武備廢弛。裳上疏曰。壽皇在位三十年。拊循將士。常恨不得効死以報。陛下誠能留意武事。三軍之士。孰不感激。願為陛下用乎。又論荆襄形勢。居吳蜀之中。其地四平。若金人擣襄陽。據江陵。按兵以守。則吳蜀中斷。此今日邊備之最可憂也。宜分鄂渚兵一。二萬人屯襄漢之間。以張形勢。而壯重地。時朝廷方宴安。裳所言多不省。未幾。

除給事中。趙汝愚除同知樞密院。監察御史汪義端言。祖宗之法。宗室不爲執政。再疏醜詆汝愚。乞免官。蒙奏。汝愚事父孝。事君忠。居官清廉。憂國愛民。出於天性。如青天白日。奴隸知其清明。義端所見。皆奴隸之不如。不可以居朝列。於是義端與郡。蒙在瓊閣。甫一月。封駁無慮十數。韓侂胄落階官。鄭汝諧除吏部侍郎。蒙皆繳其命。改兵部侍郎。不拜。遂以顯謨閣待制充朔善。先是光宗以憂疑成疾。不過重華宮。蒙入疏請五日一朝。至是復苦言之。上曰。內侍楊舜卿告朕勿過宮。蒙請斬舜卿。且以入事之目爲奏。曰。念恩釋怨。辨讒去疑。責已畏天。防亂改過。不報。蒙嘗病疽。及是憂憤創復作。又奏。陛下之於壽皇。未盡孝敬之道。意者必有所疑也。臣竊推致疑之因。陛下毋乃以焚廩浚井之事爲愛乎。夫焚廩浚井。在當時或有之。壽皇之子。惟陛下一人。壽皇之心。託陛下。甚重。愛陛下。甚至。故愛陛下。甚切。遽豫之際。炳香祝天。爲陛下祈禱。愛子如此。則焚廩浚井之心。臣有以知其必無也。陛下何疑焉。又無乃以肅宗之事爲憂乎。肅宗卽位靈武。非明皇意。故不能無疑。壽皇當未倦勤。親挈神器授之陛下。揖遜之風。同符堯舜。與明皇之事。不可同日而語。明矣。陛下何疑焉。又無乃以衛輒之事爲憂乎。輒與廟贖父子爭國。壽皇老且病。乃頤神北宮。以保康寧。而以天下事付之陛下。非有爭心也。陛下何疑焉。又無乃以孟子責善爲疑乎。父子責善。本生於愛。爲子者能知此理。則何至於相夷。壽皇願陛下爲聖帝。責善之心。出於忠愛。非賊恩也。陛下何疑焉。此四者或者之所以爲疑。臣以理推之。初無一之可疑者。自父子之間。小有猜疑。此心一萌。方寸遂亂。故天變則疑而不知畏。民困則疑而不知恤。疑宰執專權。則不禮大臣。疑臺諫生事。則不受忠諫。疑嗜慾無害。則近酒色。疑君子有黨。則庇小人。事有不須疑者。莫不以爲疑。乃若貴爲天子。不以孝聞。敵國聞之。將肆輕侮。此可疑也。而陛下則不疑。小人將起爲亂。此可疑也。而陛下則不疑。中外官軍。豈無他志。此可疑也。而陛下則不疑。事之可疑者。反不以爲疑。顛倒錯亂。莫甚於此。禍亂之萌。近在旦夕。宜及今幡然改過。整聖駕謁兩宮。以交父子之歡。則四夷向風。天下慕義矣。會壽皇不豫。中外憂危。蒙抗聲諫。上起入宮。蒙挽其裾。隨之至宮門。揮涕而出。乃連章請外。謂臣

職有三。曰待制。曰侍講。曰珂善。今使供待制之職乎。則當日夕求對以救主失。今不過宮。有虧于道。前後三諫而不加聽。是待制之職可廢也。將使供侍講之職乎。則當引經援古。勸君以孝。今不問安。不視疾。大義已喪。復講何書乎。是侍講之職可廢也。將使供珂善之職乎。當究義理。教皇子以孝。陛下不能以孝事壽皇。臣將何說以勸皇子乎。是珂善之職可廢也。因出關待命。及聞壽皇遺詔。乃亟入臨。事宗卽位。蒙病不能朝。改禮部尚書。尋兼侍讀。力疾入謝。奏曰。孔子曰。有始有卒者。其惟聖人乎。又詩曰。靡不有初。鮮克有終。所謂有始有卒者。由其持心之一也。所謂鮮克有終者。由其持心之不一也。陛下今日初政固善矣。能保他日常如此乎。請略舉已行之事論之。陛下初理萬機。委任大臣。此正得人。君持要之道。使大臣得人。常如此。則陛下雖終身守之可也。臣恐數年之後。亦欲出意作爲。躬親聽斷。左右迎合。因謂陛下事決外庭。權不歸上。陛下能不拂然於心乎。臣恐是時委任大臣。不能如此今日之專矣。夫以萬機之衆。非一人所能酬酢。苟不委任大臣。則必借助左右。小人得志。陰竊主權。引用邪黨。其爲禍患。何所不至。臣之所憂者一也。陛下擬用臺諫。言無不聽。此正得祖宗設官之意。使臺諫得人。常如此。則陛下終身守之亦可也。然臣恐自今以往。臺諫之言。日關聖聽。或斥小人之過。使陛下欲用之而不能。或暴近習之罪。使陛下欲親之而不可。逆耳之言。不能無厭。左右迎合。因謂陛下擬用臺諫。欲聞讜論。而其流弊。致使人主不能自由。陛下不能不拂然於心乎。臣恐是時擬用臺諫。不能如此今日之重矣。夫朝廷所恃以分別善惡者。專在臺諫。陛下苟厭其多言。則爲臺諫者。將咋舌閉口。無所論列。君子日退。小人日進。而天下亂矣。臣之所憂者二也。二事朝廷之大者。又以三事之切於陛下之身言之。曰。篤於孝愛。勤於學問。薄於嗜好。陛下今皆行之矣。未知數年之後。能保常如此日乎。又引魏徵十漸以爲戒。懇懇數千言。又奏言。陛下近日所爲。頗異前日。除授之際。大臣多有不知。臣聞之憂甚。而病劇。蓋是時韓侂胄已潛弄威柄。而宰相趙汝愚未之覺。故蒙先事言之。及疾革。時時獨語曰。五年之功。無使一日壞之度。吾已不可爲。後之君子。必有能任其責者。遂口占遺表而卒。年四十九。上聞之。驚悼。贈

資政殿學士。襄為人簡易端純。每講讀隨事納忠。上援古義。下揆人情。氣平而辭切。事該而理盡。篤於孝友。與人言傾盡底蘊。恥一書不讀。一物不知。推賢樂善。出乎天性。所為文明白條達。有王府春秋講義。及兼山集。論天人之理。性命之源。皆足以發明伊洛之旨。嘗與其鄉人陳平父兄弟講學。平父張拭之門人也。師友淵源。蓋有自來云。嘉定中。謚忠文。子瑾。大宗正丞。兼刑部郎官。孫子敏。刑部郎官。

羅點字春伯。撫州崇仁人。六歲能文。登淳熙三年進士第。授定江節度推官。累遷校書郎。兼國史院編修官。歲旱。詔求言。點上封事。謂今時姦諛日甚。議論凡陋。無所可否。則曰得體與世浮沉。則曰有量。眾皆默己。獨言。則曰活名。眾皆濁己。獨清。則曰立異。此風不革。陛下雖欲大有為於天下。未見其可也。自旱暵為慮。陛下禱羣祠。赦有罪。曾不足以感動。及朝求讜言。夕得甘雨。天心所示。昭然不誣。獨不知陛下之求言。果欲用之否乎。如欲用之。則願以所上封事。反覆詳熟。當者審而後行。疑者咨而後決。如此則治象日著。而亂萌自消矣。遷秘書郎。兼皇太子宮小學教授。寧宗時。以皇孫封英國公。點兼教授。入講至晡時不輟。左右請少憩。點曰。國公務學不休。奈何止之。又撫古事勸戒。為鑑古錄。以進。高宗崩。孝宗在諒闇。皇太子參決庶務。點時以戶部員外郎兼太子侍讀。出使浙右。遷起居舍人。改太常少卿。兼侍立修注官。被命使金。告登寶位。會金有國喪。迫點易金帶。點曰。登位吉事也。必以吉服從事。有死而已。帶不可易。又詰點不當稱寶位。點曰。聖人大寶曰位。不加寶字。何以別至尊。金人不能奪。上嘗謂點卿舊為官僚。非他人比。有所欲言。毋憚啓告。點言。君子得志常少。小人得志常多。蓋君子志在天下國家。而不在一己。行必直道。言必直論。往往不忤人主。則忤貴近。不忤當路。則忤時俗。小人志在一己。而不在天下國家。所行所言。皆取悅之道。用其所以取忤者。其得志辭矣。用其所以取悅者。其不得志亦辭矣。若昔明王。念君子之難進。則極所以主張而覆護之。念小人之難退。則盡所以燭察而隄防之。皇子嘉王年。及弱冠。點言。此正親師友進德業之時。宜擇端夏忠直之士。參侍燕閑。遂除黃裳為翊善。又言。人主憂勤則臣下協心。人主偷安則

臣下解體。今道塗之言。皆謂陛下每旦視朝。勉彊聽斷。意不在事。幸執奏陳。備禮應答。侍從庶僚。備禮登對。而宮中燕遊之樂。錫賚奢侈之費。已騰於眾口。疆敵對境。此聲豈可出哉。紹熙三年十一月。日長至。車駕將朝賀重華宮。既而中輟。點言。自天子違庶人。節序拜親。無有關者。三綱五常。所係甚大。不當以為常事而忽之。上過宮意未決。點奏。陛下已涓日過宮。壽皇必引領以俟陛下。常人於朋友。且不可以無信。況人主之事親乎。今陛下久闕溫清。壽皇欲見不可得。萬一憂思感疾。陛下將何以自解於天下。嘗召對便殿。點言。近者中外相傳。或謂陛下內有所制。不能遽出。溺於酒色。不恤政事。果有之乎。上曰。無是。點曰。臣固知之。竊意宮禁。聞或有櫻拂之事。姑以酒自遣耳。夫閭閻匹夫。處閨門逆境。容有縱酒自放者。人主宰制天下。此心如青天白日。當風雨雷電既濟之餘。湛然虛明。豈容復有纖芥停留哉。上猶未過宮。點又奏。竊聞嘉王生朝。稱壽禁中。以報劬勞之德。父子歡洽。寧不動心上念。兩宮延望之意。十一月。點以言不見聽。求去。不許。十二月。試兵部尚書。五年四月。上將幸玉津園。點請先過重華。又奏曰。陛下為壽皇子。四十餘年。一無間言。止緣初郊違豫。壽皇嘗至南內。督過左右之人。自此譏聞。遂生憂疑。以臣觀之。壽皇與天下相忘久矣。今大臣同心輔政。百執事奉法循理。宗室戚里。三軍萬姓。皆無貳志。設有離間。誅之不疑。乃若深居不出。久虧子道。眾口謗議。禍患將作。不可以不慮。上曰。卿等可為朕調護之。黃裳對曰。父子之親。何俟調護。點曰。陛下一出。即當釋然。上猶未行。點乃率講官言之。上曰。朕心未嘗不思壽皇。對曰。陛下久闕定省。雖有此心。何以自白乎。及壽皇不豫。點又隨宰執班進。諫閣門吏止之。點叱之而入。上拂衣起。宰執引上裾。點亟前泣奏曰。壽皇疾勢已危。不及今一見。後悔何及。羣臣隨上入至福寧殿。內侍闔門。眾慟哭而退。越三日。點隨宰執班起居。詔獨引點入。點奏。前日迫切獻忠。舉措失禮。陛下赦而不誅。然引裾亦故事也。上曰。引裾可也。何得輒入宮禁乎。點引辛毗事以謝。且言。壽皇止有一子。既付神器。惟恐見之不速耳。壽皇崩。點請上奔喪。許而不出。拜遺詔於重華宮。前後與侍從列奏諫。請帝過宮者。凡三十五疏。自上奏者。又十六章。而奏疏重華。上書嘉王。及面對口

奏不預焉。寧宗嗣位，人心始定，拜點端明殿學士，簽書樞密院事。上有事明堂，點扈從齋宮，得疾卒。年四十五。贈太保，諡文恭。點天性孝友，無矯激崖異之行，而端介有守，義利之辨皎如，或謂天下事非力不辦。點曰：當先論其心，心苟不正，才雖過人，果何取哉？宰相趙汝愚嘗泣謂寧宗曰：黃裳羅點，相繼淪謝，二臣不幸，天下之不幸也。

黃度，字文叔，紹興新昌人，好學讀書，秘書郎張淵見其文，謂似曾鞏。隆興元年，進士，知嘉興縣，入監登聞鼓院，行國子監簿。言今日養兵爲巨患，救患之策，宜使民屯田，陰復府衛，以銷募兵。具屯田府衛十六篇上之。紹熙四年，守監察御史，蜀將吳玠死，度言：玠子曦必納賂求襲位，若因而授之，恐爲他日患，乞分其兵柄，宰相難之。後曦割關外四州賂金人，求王蜀，果如度言。光宗以疾不過重華宮，度上書切諫，連疏極陳父子相親之義，且言：太白晝見犯天關，發惑勾芒，行入太微，其占爲亂兵入宮以諫，不聽，乞罷去。又言：以孝事君則忠，臣父年垂八十，菽水不親，動經歲月，事親如此，何以爲事君之忠。蓋託己爲論，冀因有以感悟上心。又與臺諫官劾內侍陳源、楊舜卿、林億年三人，爲今日禍根，罪大於李輔國。又言：孔子稱天下有道，則庶人不議，夫人主有過，公卿大夫諫而改，則過不彰，庶人奚議焉。惟諫而不改，失不可蓋，使閭巷小人皆得妄議，紛然亂生，故勝廣黃巢之流議於下，國皆隨以亡。今天下無不議聖德者，臣竊危之。上猶不聽，遂出修門。上諭使安職，度奏：有言責者，不得其言則去，理難復入。寧宗卽位，詔復爲御史，改右正言，韓侂胄用事，丞相留正去國，侂胄知度嘗與正論事，不合，欲輒使擿之。度語同列曰：丞相已去，擿之易耳。然長小人聲，諫可乎。侂胄驟竊政柄，以意所好惡爲威福，度具疏將論其姦，爲侂胄所覺，御筆遽除度直顯謨閣。知平江府，度言：蔡京擅權，天下所由以亂，今侂胄假御筆逐諫臣，使俛首去，不得効一言，非爲國之利也。固辭，丞相趙汝愚袖其疏入白，詔以冲佑祿歸養。俄知婺州，坐不發覺縣令張元弼贓罪降罷。自是紀綱一變，大權盡出侂胄，而黨論起矣。然侂胄素嚴憚度，不敢加害。起知泉州，辭乃進寶文閣，奉祠如故。侂胄誅，天子思而召之，除太常少卿，尋兼國史院編修官，實錄院檢討官。朝

論欲函侂胄首，以泗州五千人還金，度以爲辱國，非之。權吏部侍郎，兼修玉牒，同修國史，實錄院同修撰，屢移疾，以集英殿修撰知福州，遷寶謨閣待制，始至，訟牒日千餘，度隨事裁決。日未中而畢，進龍圖閣，知建康府，兼江淮制置使，賜金帶以行。至金陵，罷科糴輸送之擾，活饑民百萬口，除見稅二十餘萬，擊降盜卞整，斬盜海首以獻，招歸業者九萬家。侂胄嘗募雄淮軍，已刺者十餘萬人，別屯數千人，未有所屬，度憂其爲患，人給錢四萬，復其役遣之。遷寶謨閣直學士，度以人物爲己任，推挽不休，每曰：無以報國，惟有此耳。十上引年之請，不許。爲禮部尚書，兼侍讀，趣入覲，論藝祖垂萬世之統，一曰：純用儒生，二曰：務惜民力，上納其言。謝病去，遂以煥章閣學士知隆興府，歸越，提舉萬壽宮，嘉定六年十月卒。進龍圖閣學士，贈通奉大夫，度志在經世，而以學爲本，作詩書周禮說，著史通，抑僭竊，存大分別，爲編年，不用前史法。至於天文地理，井田兵法，卽近險遠，可以據依，無迂陋牽合之病。又有藝祖憲監仁皇從諫錄，屯田便宜，歷代邊防，行於世。婿周南，周南字南仲，平江人，年十六遊學吳下，視時人業科舉，心陋之。從葉適講學，頓悟捷得，爲文詞雅麗精切，而皆達於時用。每以世道興廢爲己任，登紹熙元年進士第，爲池州教授，會度以言忤當路，御史劾度并南罷之。度與南俱入僞學黨，開禧三年，召試館職，南對策，詆權要，言者劾南罷之。卒于家。南端行拱立，尺寸有程準，自賜第授文林郎，終身不進官，兩爲館職，數月止，既絕意當世，弊衣惡食，挾書忘晝夜。曰：此所以遺吾老，俟吾死也。

林大中，字和叔，婺州永康人，入太學，登紹興三十年進士第，知撫州金谿縣，郡督輸賦急，大中請寬其期，不聽，納告勅投劾而歸。已而主太常寺簿，光宗受禪，除監察御史，大中謂國之大事在祀，沿襲不正，非所以嚴典禮，妥神明，上疏言：臣昨簿正奉常，實陪廟祀，見其祝于神者，或舛於文，稱於神者，或訛其字，所宜厚者，或簡不虔，所宜先者，或廢不用，更制器服，或歲月太疎，夙興行事，或時刻太早，是皆禮意所未順，人情所未安也。一日御札示大中，謂言事覺察，宜遵舊例。大中曰：臺臣不當踰分守，固如聖訓，然必抗直敢言，乃爲稱職。遷殿中侍御史，奏言：進退人才，當觀其趣向之大體，不當責其行事之小節。趣向果正，雖小

節可責。不失為君子。趣向不正。雖小節可喜。不失為小人。又論今日之事。莫大於讎恥之未復。此事未就。則此念不可忘。此念存於心。子以來天下之才。作天下之氣。信天下之義。此義既明。則事之條目可得而言。治功可得而成矣。陳賈以靜江守臣入奏。大中極論其庸回亡識。嘗表襄王淮。劫為道學之目。陰廢正人。儻許入奏。必再留中。善類聞之。紛然引去。非所以靖國命遂寢。紹熙二年春。雷電交作。有旨訪時政闕失。大中以事多中出。乃上疏曰。仲春雷電。大雷繼作。以類求之。則陰勝陽之明驗也。蓋男為陽而女為陰。君子為陽而小人為陰。當辨邪正。毋使小人得以間君子。當思正始之道。毋使女謁之得行。司諫鄧嗣以言事移將作監。大中言。臺諫以論事不合而遷。臣恐天下以陛下為不能容守侍御史。兼侍講。知潭州。趙善俊得旨奏事。大中上疏劾善俊。而言宗室汝愚之賢當召上用其言。召汝愚而出善俊與郡。時江淮荆襄為國巨屏。而權任頗輕。大中言。宜選行實材略之人。付以江淮荆襄經理之任。舊制河北陝西分為四路。以文臣為大帥。武臣副之。中興初沿江置制置使。自秦檜罷三大將。兵權專歸武臣。而江東荆襄帥臣。不復領制置之職。宜仍舊制置。而以諸將為副。久其任重其權。則邊防立而國勢張矣。江浙四路民苦折帛和買重輸。大中曰。有產則有稅。於稅絹而科折帛。猶可言也。如和買折帛。則重為民害。蓋自咸平馬元方建言。於春預支本錢。濟其乏絕。至夏秋使之輸納。則是先支錢。而後輸絹。其後則錢鹽分給。又其後則直取於民。今又令納折帛錢。以兩縑折一縑之直。大失立法初意。朝廷以其言為減所輸者三歲。馬大同為戶部。大中劾其用法峻。上欲易置他部。大中曰。是嘗為刑部。固以深刻稱。章三上不報。又論大理少卿宋之瑞。章四上不報。大中以言不行求去。改吏部侍郎。辭不拜。乃除大中直寶謨閣。而大同之瑞俱與郡。初。占星者謂朱熹曰。某星示變。正人當之。其在林和叔耶。至是熹貽書朝士曰。聞林和叔入臺。無一事不中的。去國一節。風義凜然。當於古人中求之。給事中尤袤中書舍人樓鑰。上疏云。大中言官當與被論者有別。尋命知寧國府。又移贛州。寧宗即位。召還。試中書舍人。選給事中。尋兼侍講。知閣門事。韓侂胄來謁。大中接之無他語。陰請內交。大中共笑而却之。侂胄

總由此始。會吏部侍郎彭龜年抗論侂胄。侂胄轉一官與內祠。龜年除煥章閣待制與郡。大中共中書舍人樓鑰。鑰奏曰。陛下眷禮僚舊。一旦龍飛。延問無虛日。不三數月間。或死或斥。賴龜年一人尚留。今又去之。四方謂其以盡言得罪。恐傷政體。且一去一留。恩意不侔。去者日遠。不復侍左右。留者內祠。則召見無時。請留龜年經筵。而命侂胄以外任。則事體適平。人無可言者。有旨龜年已為優異。侂胄本無過尤。可並書行。大中復同奏。龜年除職與郡。以為優異。則侂胄之轉承宣使。非優異乎。若謂侂胄本無過尤。則龜年論事實出於愛君之忱。豈得為過。龜年既已決去。侂胄難於獨留。宜界外任。或外祠。以慰公議。不聽。太府寺丞呂祖儉以上書攻侂胄。請置韶州。大中救之。汪義端頃為御史。以論趙汝愚去。至是侂胄引為右史。大中駁之。改吏部侍郎。不拜。以煥章閣待制知慶元府。城南民田潮溢不可種。大中捐公帑治石築之。民不知役而蒙其利。郡訛言夜有妖。大中謂此必黠賊所為。立捕黠之。人情遂安。丐祠得請。給事中許及之。繳駁遂削職。後提舉冲佑觀。乞休致。復元職。監察御史林采論列。再落職。尋復之。大中罷歸。屏居十二年。未嘗以得喪關其心。作園龜潭之上。客至擷杞菊。取溪魚。觴酒賦詩。時事一不以掛口。客或勸大中通侂胄書。大中曰。吾為夕郎時。一言承意。豈閉居至今日耶。客曰。縱不求福。蓋亦免禍。大中曰。福不可求而得。禍詎可懼而免耶。侂胄既召兵。費。大中謂今日欲安民。非息兵不可。欲息兵。非去侂胄不可。及侂胄誅。即召見。落致仕試吏部尚書。言呂祖儉以言侂胄得罪。死於瘴鄉。雖贈官昇職。而公議未厭。彭龜年面奏侂胄過尤。朱熹論侂胄竊弄威柄。皆為中傷。降官鑄職。卒以老死。宜優加旌表。其他因譏切侂胄以得罪者。望量其輕重而旌別之。以伸被罪者之冤。除瑞明殿學士。簽書樞密院事。嘉定改元。兼太子賓客。嘗議講和事。上曰。朕不憚屈己為民講和之後。亦欲與卿等輩。侂胄弊政。作家活耳。大中頓首曰。陛下言及此。宗社生靈之福也。每語所親。云。吾年垂八十。豈堪勞動。徒以和議未成。思體承聖訓。以革弊倖為經久之計。儻初志略遂。即乞身而歸矣。是年六月卒。年七十有八。贈資政殿學士。正奉大夫。諡正惠。大中清修寡欲。退然如不勝衣。及其遇事而發。凜乎不可犯。自少力

學趣向不凡。所著有奏議外制文集三十卷。

陳騷字叔進，台州臨海人。紹興二十四年，試春官第一。秦檜當國，以秦墳居其上。累官遷將作少監、守秘書少監。兼太子諭德。太子尹臨安，騷謂儲宮下親細務，不得專干學，非所以毓德也。太子豐然亟辭，檜淵以外戚張說進，除秘書郎兼金部郎。騷封還詞頭，未幾，出知贛州。易秀州，召還，首言陛下銳意圖治，羣下急於自媒，爭獻彊兵理財之計，及異以職，報效蔑聞。宜杜邪詔之路，再歸故官，還秘書監，兼崇政殿說書。淳熙五年，試中書舍人，兼侍講，同修國史。上欲采晉宋以下興亡理亂之大端，約爲一書，謂騷曰：「惟卿與周必大，可任此事。」言者忌而攻之，上留章不下。授提舉太平興國宮。起知寧國府，改知太平州，加集英殿修撰。以言者罷，起知袁州。光宗受禪，召試吏部侍郎。紹熙元年，同知貢舉，兼侍講。二年春，雪雷，詔陳時政得失。騷疏三十條，如官闈之分不嚴，則權柄移內謁之漸，不杜則明斷息，謀臺諫於當路，則私黨植，咨將帥於近習，則賄賂行，不求讜論，則過失彰，不謹舊章，則取舍錯，寔飲不時則精神昏，賜予無節，則財用竭，皆切於時病。三年三月，權禮部尚書。六月，同知樞密院事。四年二月，參知政事。光宗以疾不朝，重華宮會慶節稱壽，又不果往。騷三入奏，廷臣上疏者以百數。上感悟，以冬至日朝重華宮。五年正月朔日，稱壽于慈福宮。孝宗崩，光宗以疾未臨喪，騷請正儲位以安人心。七月，攝行三省事。寧宗即位，知樞密院事。兼參知政事。趙汝愚爲右丞相，騷素所不快，未嘗同堂語。汝愚擬除光祖侍御史，騷奏曰：「劉光祖舊與臣有隙，光祖入臺，臣請避之。汝愚愕而止。時韓侂胄傳言之勞，潛竊國柄。吏部侍郎彭龜年論侂胄將爲國患，不報。於是龜年侂胄俱請祠，騷曰：「以閣門去經筵，何以示天下。」龜年竟外補。侂胄語人曰：「彭侍郎不食好官，固也。」元樞亦欲爲好人，耶遂以資政殿大學士與郡，辭提舉洞霄宮。慶元二年，知婺州，告老，授觀文殿學士，提舉洞霄宮。嘉泰三年卒，年七十六。贈少傅。諡文簡。

黃黼字元章，臨安餘杭人也。少游太學，第進士。累遷太常博士，輪對言周以輔翼之臣，出任方伯，漢以牧守之最，擢拜公卿，唐不歷邊任，不拜宰相。本朝不爲

三司等屬，不除清望官。仁宗時，韓琦、范仲淹、龐籍，皆嘗經略西事，久歷邊任，始除執政，邊奏復警，范仲淹至，再請行，貝州之變，文彥博親自討賊，乞於時望近臣中，擇才略謀慮，可以任重致遠者，或畀上流，或委方面，習知邊防利害，地形險阨，中外軍民，亦孚其恩信，熟其威名，天下無事，則取風績顯著者，不次除拜，以尊朝廷，邊鄙有警，則任以重寄，俾制方面，出將入相，何所不可。上嘉獎曰：「如卿言，可謂盡用人之道。」行太常丞，進祕書郎，提舉江東常平茶鹽，召爲戶部員外郎，尋除直祕閣，兩浙路轉運判官，進直龍圖閣，升副使，辭，改直顯謨閣，浙東瀕海之田，以旱澇告，常平儲蓄不足，黼捐漕計貸之，毗陵饑民，取糶糶雜草根以充食，郡縣不以聞，黼取民食以進，乞捐僧牒錢振濟，所全活甚衆，除中書門下檢正諸房公事，守殿中侍御史，兼侍講，遷侍御史，行起居郎，兼權刑部侍郎，以劉德秀論劾，奉祠而卒。

詹體仁字元善，建寧浦城人。父體，與吳宏、劉子翬游，調贛州信豐尉，金人渝盟，體見張浚論滅金祕計，浚辟爲屬，體仁登陸與元年進士第，調饒州浮梁尉，郡上體仁獲盜功狀當賞，體仁曰：「以是受賞，非其願也。」謝不就。爲泉州晉江丞，宰相梁克家，泉人也，薦於朝，入爲太學錄，升太學博士，遷太常丞，攝金部郎官。光宗即位，提舉浙西常平，除戶部員外郎，湖廣總領，就升司農少卿，奏蠲諸郡賦輸積欠百餘萬，有逃卒千人入大冶，因鐵鑄錢，剽掠爲變，體仁語戒帥，此去京師千餘里，若比上請得報，賊勢張矣，宜速加誅討，帥用其言，羣黨悉散。除太常少卿，陛對，首陳父子至恩之說，謂易於家人之後，次之以睽睽之上，九曰：「見豕負塗，載鬼一車，先張之弧，後說之弧，匪寇婚媾，往遇雨則吉，夫疑極而惑，凡所見者皆以爲寇，而不知實其親也。」孔子釋之曰：「遇雨則吉，羣疑亡也。」蓋人倫天理，有間隔而無斷絕，方其未通也，湮鬱煩憤，若不可以終日，及其醒然而悟，泮然而釋，如遇雨焉，何其和悅而條暢也。伏惟陛下神心昭融，聖度恢豁，凡厥疑情，一朝渙然，若揭日月而開雲霧，丕敘彝倫，以承兩宮之歡，以塞兆民之望，時上以積疑成疾，久不過重華宮，故體仁引易睽之義，以開廣聖意，孝宗崩，體仁率同列抗疏，請駕詣重華宮親臨祥祭，辭懇懇切，時趙汝愚將定

大策外庭無預謀者。密令體仁及左司郎官徐誼達意。少保吳瑋請憲聖太后垂簾爲援立計。寧宗登極。天下晏然。體仁與諸賢密贊汝愚之力也。時議大行皇帝諡。體仁言。壽皇聖帝事德壽二十餘年。極天下之養。諒陰三年。不御常服。漢唐以來未有。宜諡曰孝。卒用其言。孝宗將復土。體仁言。永阜陵地勢卑下。非所以妥安神靈。與宰相異議。除太府卿。尋直龍圖閣。知福州。言者竟以前論山陵事罷之。退居霅川。日以經史自娛。人莫窺其際。始體仁使浙右時。蘇思旦以胥吏執役。後倚侂胄。躡躡大官。至是遣介通殷勤。體仁曰。小人乘君子之器。禍至無日矣。烏得以污我。未幾果敗。復直龍圖閣。知靜江府。闕十縣稅錢一萬四千。蠲雜賦八千。移守鄂州。除司農卿。復總湖廣餉事。時歲凶艱食。卽以便宜發廩振救。而後以聞。侂胄建議開邊。一時爭談兵以規進用。體仁移書廟堂。言兵不可輕動。宜遵養俟時。皇甫斌自以將家子好言兵。體仁語僚屬。謂斌必敗。已而果然。開禧二年卒。年六十四。體仁穎邁特立。博極羣書。少從朱熹學。以存誠慎獨爲主。爲文明暢。悉根諸理。周必大當國。體仁嘗疏薦三十餘人。皆當世知名士。郡人真德秀。早從其游。嘗問居官治民之法。體仁曰。盡心平心而已。盡心則無愧。平心則無偏。世服其確論云。

論曰。彭龜年黃裳羅點以青宮師保之舊。盡言無隱。黃度林大中亦能守正不阿。進退裕如。此數臣者皆能推明所學。務引君以當道。可謂粹然君子矣。陳騷論事頗切時病。詹體仁深於理學。皆有足稱者。然騷嘗詆譏呂祖謙。至視趙汝愚劉光祖爲仇。而體仁乃能以朱熹真德秀爲師友。卽其所好惡。而二人之邪正。於是可知焉。

元中書右丞相總裁脫脫等修

列傳第一百五十三

胡紘 何澹 林栗 高文虎

陳自強 鄭丙 京鏜 謝深甫

許及之 梁汝嘉

胡紘字應期處州遂昌人淳熙中舉進士紹熙五年以京鏜監都進奏院遷司農寺主簿秘書郎韓侂胄用事逐朱熹趙汝愚意猶未決遂擢紘監察御史紘未達時嘗謁朱熹於建安熹待學子惟脫粟飯遇紘不能異也紘不悅語人曰此非人情雙鷄尊酒山中未為乏也遂亡去及是劾趙汝愚且詆其引用朱熹為僞學罪首汝愚遂謫永州汝愚初抵罪去國搢紳大夫與夫學校之士皆憤悒不平疏論甚衆侂胄患之以汝愚之門及朱熹之徒多知名士不便於己欲盡去之謂不可一一誣以罪則設為僞學之目以擯之用何澹劉德秀為言官專擊僞學然未有誦言攻熹者獨紘草疏將上會改太常少卿不果沈繼祖以追論程頤得為察官紘遂以藁授之繼祖論熹皆紘筆也寧宗以孝宗嫡孫行三年服紘言止當服期詔侍從臺諫給合集議釋服於是從紘太常少卿使草定其禮既而親饗太廟紘既解言責復入疏云比年以來僞學猖獗圖為不軌動搖上皇詆誣聖德幾至大亂賴二三大臣臺諫出死力而排之故元惡殞命羣邪屏跡自御筆有救偏建中之說或者誤認天意急於奉承信為調停之議取前日僞學之姦黨次第用之以冀幸其他日不相報復往者建中靖國之事可以為戒陛下何未悟也漢霍光廢昌邑王賀一日而誅羣臣一百餘人唐五王不殺武三思不旋踵而皆斃於三思之手今縱未能盡用古法亦宜且令退伏田里循省愆咎俄遷紘起居舍人詔僞學之黨宰執權住進擬用紘言也自是學禁益急進起居郎權工部侍郎移禮部又移吏部坐同知貢舉考宏詞不當而罷未幾學禁漸弛紘亦廢棄卒于家

何澹字自然處州龍泉人乾道二年進士累官至國子司業遷祭酒除兵部侍郎

郎光宗內禪拜右諫議大夫兼侍讀澹本周必大厚所始為學官二年不遷留

正奏遷之澹憾必大及長諫垣即劾必大必大遂策免澹嘗與所善劉光祖言

之光祖曰周丞相豈無可論第其門多佳士不可併及其所薦者澹不聽時姜

特立譙熙載以春坊舊恩頗用事一日光祖過澹因語澹曰曾龍之事不可再

澹曰得非姜謙之謂乎既而澹引光祖入便坐則皆姜謙之徒也光祖始悟澹

謾諾明年澹同知貢舉光祖除殿中侍御史首上學術邪正之章及奏名光祖

被旨入院拆號與澹席甫逼澹曰近日風采一新光祖曰非立異也但嘗為大

諫言者今日言之耳既出同院謂光祖曰何自然見君所上章數夕恍惚餌定

志凡他可知也進御史中丞澹有本生繼母喪乞有司定所服禮寺言當解官

澹引不逮事之文乞下給諫議之太學生喬嘉朱有成等移書於澹謂足下自

長臺諫此網常之所係也四十餘年以所生繼母事之及其終也反以為生不

速而不持心喪可乎奉常禮所由出願以臺諫給合議之識者有以闕之矣澹

乃去終制除煥章閣學士知泉州移明州寧宗即位朱熹彭龜年以論韓侂胄

俱絀澹還為中丞趙汝愚不援引汝愚時以免相復詆其廢壞壽皇良法美

意汝愚落職罷祠又言專門之學流而為僞願風厲學者專師孔孟不得自相

標榜除同知樞密院事參知政事遷知樞密院吳曦賄通時宰規圖帥蜀未及

賄澹諫侂胄已許之澹持不可侂胄怒曰始以君肯相就黜僞學汲引至此今

願立異耶以資政殿大學士提舉洞霄宮起知福州澹居外常快快失意以書

祈侂胄有曰迹雖東冷心在南園南園侂胄家園也侂胄憐之進觀文殿學士

尋移知隆興府後除江淮制置大使兼知建康府移使湖北兼知江陵奉祠卒

贈少師澹美姿容善談論少年取科名急於榮進阿附權奸斥逐善類主僞黨

之禁賢士為之一空其後更化兇黨俱逐澹以早退幸免優游散地幾二十年

林栗字黃中福州福清人登紹興十二年進士第調崇仁尉教授南安軍宰相

陳康伯薦為太學正守太常博士孝宗即位遷屯田員外郎皇子恭王府直講

時金人請和約為叔姪之國且以歸疆為請栗上封事言前日之和誠為非計

然徽宗梓宮慈寧行殿在彼為是而屈猶有名焉今日之和臣不知其說也宗

廟之讎而事之以弟姪其忍使祖宗聞之乎無唐鄧則荆襄有齒寒之憂無泗海則淮東之備達于直揚海道之防偏于明越矣議者皆言和戎之幣少養兵之費多不知講和之後朝廷能不養兵乎今東南民力陛下之所知也朝廷安得而不較乎且非徒無益也已與之歲幣是畏之矣三軍之情安得不懈息徐正之心安得不攜貳為今日計宜傳使勿遣還延其期比至來春別無動息徐於境上移書諭以兩國誓言敗之自彼信不由衷雖盟無益自今宜守分界休息生靈不煩聘使之往來各保疆場之無事焉用疲弊州縣以奉犬羊之使乎孝宗懲創紹興權臣之弊躬攬權綱不以責任臣下栗言人主蒞權大臣審權爭臣議權王侯貴戚善撓權者也左右近習善竊權者也權在大臣則大臣重權在邇臣則邇臣重權在爭臣則爭臣重是故人主常患權在臣下必欲收攬而獨持之然未有能獨持之者也不使大臣持之則王侯貴戚得而持之矣不使邇臣審之爭臣議之則左右近習得而議之矣人主顧謂得其權而自執之豈不誤哉是故明主使人持權而不以權與之收攬其權而不肯獨持之至有以鹿為馬以鷄為鶩之語方奉對時讀至人主常患權在臣下必欲收攬而獨持之孝宗稱善栗徐曰臣意向在下文執政有訴於孝宗曰林栗謂臣等指鹿為馬臣實不願與之同朝乃出知江州有旨省併江州屯駐一軍栗奏辛巳甲申一再犯兩淮賴江州一軍分布防扼故舒蘄黃三州獨不被寇本州上至鄂渚七百里下至池陽五百里平時屯戍誠若無益萬一有警鄂渚之戍上越荆襄池陽之師下流增備中間千里藩籬誠為虛闕無以一夫之議而廢長江千里之防由是軍得無動以吏部員外郎召冬至有事南郊前期十日百執事聽誓戒會慶節有旨上壽不用樂迨宴金使乃有權用樂之命栗以為不可致書宰相不聽乃乞免充舉冊官以狀申朝廷曰若聽樂則廢齋廢齋則不敢以祭祖宗二百年事天之禮今因一介行人而廢之天之可畏過於外夷遠矣不聽兼皇子慶王府直講有旨令二王非時招延講讀官相與議論時政期盡規益栗以為不可疏言漢武帝為戾太子開博望苑卒敗太子唐太宗為魏王泰立文學館卒敗魏王古者教世子與吾祖宗之所以輔導太子諸王惟以諱經讀

史為事他無預焉若使議論時政則是對子議父古人謂之無禮不可不留聖意除石司員外郎遷太常少卿太廟祫享之制始祖東向昭南向穆北向別廟神主附于祖姑之下隨本室南北向而無西向之位紹興乾道間懿節安穆二后升祔有司設帷西向連安恭皇后新祔有司承前失其西向之位幾與僖祖相對栗辨正之除直寶文閣知湖州栗朝辭曰臣聞漢人賈誼號通達國體其所上書至於痛哭流涕者考其指歸大抵以一身喻天下之勢其言曰天下之勢方病大瘡非徒瘡也又苦跋扈又類辟且病痲臣每見士大夫好論時事臣輒舉以問之今日國體於四百四病之中名為何病能言其病者猶未必能處其方不能言其病而輒處其方其誤人之死必矣聞臣之言者不忿則默間有反以詰臣即對之曰今日之病名為風虛其狀半身不隨是也風者在外虛者在內真氣內耗故風邪自外而乘之忽中於人應時僵仆則靖康之變是也幸而元氣猶存故仆而復起則建炎之興是也然元氣雖存邪氣尚感自淮以北皆吾故壤而號令不能及正朔不能加有異於半身不隨者乎非但半身不隨而已半身存者凜凜乎畏風邪之乘而不能以自安也今日論者譬如痿人之不忘起奚必賢智之士然後與國同其願哉而市道庸流口傳耳受苟欲嘗試以售其方則蕩髮鉞石雜然並進非體虛之人所宜輕受也聞之醫曰中風偏廢年五十以下而氣感者易治蓋真氣與邪氣相敵真氣感則邪氣衰真氣行則邪氣去然真氣不充滿於半存之身則無以及偏廢之體故欲起此疾者必禁其嗜欲節其思慮愛其氣血養其精神使半存之身日以充實則陽氣周流脈絡宣暢將不覺舍杖而行若急於愈疾而不顧其本百毒入口五臟受風風邪之感未可卒去而真氣之存者日以耗亡故中風再至者多不能救臣愚有感於斯言竊謂賈誼復生為陛下言無以易此知與化軍又移南劍除夔路提點刑獄改知夔州加直敷文閣夔屬郡曰施州其羈縻郡曰思州施民譚汝翼者與知思州田汝弼交惡會汝弼卒汝翼帥兵二千人伐其喪汝弼之子祖周深入報復兵交於二州之境施黔大震汝翼復繕甲兵料丁壯以重幣借兵諸洞而乞師於帥府栗曰汝翼實召亂者移檄罷兵乃選屬吏往攝兵職以漸收

汝翼之權命。兵馬鈐轄按開諸州。密檢至施就攝州事。汝翼不之覺。已乃皇遽
遁入成都。事聞。孝宗親札賜粟。及成都制置使陳峴曰。田氏猶是羈縻州郡。譚
氏乃變路豪族。又且首爲覺端。帥閩不能彈壓。縱其至此。如尚不悛。未免加兵。
除其元惡。時汝翼在成都。聞之。逃歸。調集家丁。及役八營義軍。列陳于沱河橋。
與官軍戰。潰汝翼遁去。俘其徒四十有三人。獲甲鎧器仗三萬一千。粟取其巨
惡者九人。誅之。田祖周由是懼。與其母冉氏謀。獻黔江田業。計錢九十萬緡。以
贖罪。徽徵遂安。既而汝翼入都。訴粟受田氏金。詔以汝翼屬吏。省劄下夔州。粟
親書奏狀繳還。併辨其事。上大怒。會近臣有救解者。尋坐粟身爲帥臣。擅格上
命。鑄職罷歸。既而理寺追究。事白。貸汝翼死。幽置紹興府。居頃之。詔粟累更事
任。濟介有聞。復直寶文閣。廣南西路轉運判官。就改提點刑獄。又改知潭州。除
秘閣修撰。進集英殿修撰。知隆興府。召對便殿。奏乞做唐制。置補闕拾遺左右
各一員。不以糾彈爲責。從之。除兵部侍郎。朱熹以江西提刑召爲兵部郎官。熹
既入國門。未就職。粟與熹相見。論易與西銘不合。至是。粟道吏部趣之。熹以脚
疾請告。粟遂論熹本無學術。徒竊張載程頤之緒餘。爲浮誕宗主。謂之道學。妄
自推尊。所至輒攜門生十數人。習爲春秋戰國之態。妄希孔孟歷聘之風。繩以
治世之法。則亂人之首也。今采其虛名。俾之入奏。將置朝列。以次收用。而熹聞
命之初。遷延道途。邀索高價。門生迭爲游說。政府許以風聞。然後入門。既經陛
對。得旨除郎。而輒懷不滿。傲睨累日。不肯供職。是豈張載程頤之學教之然也。
緣熹既除兵部郎官。在臣合有統攝。若不舉劾。厥罪惟均。望將熹停罷。姑令循
省。以爲事君無禮者之戒。上謂其言過當。而大臣畏粟之強。莫敢深論。太常博
士葉適獨上封事。辯之曰。考粟之辭。始末參驗。無一實者。其中謂之道學一語。
無實最甚。蓋自昔小人殘害良善。率有指名。或以爲好名。或以爲立異。或以爲
植黨。近忽擲爲道學之目。鄭丙唱之。陳買和之。居要路者密相付授。見士大夫
有稍務潔修。粗能操守。輒以道學之名歸之。殆如吃菓事魔。影迹犯敗之類。往
日王淮表裏臺諫。陰廢正人。蓋用此術。粟爲侍從。無以達陛下之德意。志慮而
更襲鄭丙陳買密相傳授之說。以道學爲大罪。文致言語。逐去一熹。固未甚害。

第恐自此游辭無實。讒言橫生。善良受害。無所不有。願陛下正紀綱之所在。絕
欺罔於既形。摧抑暴橫。以扶善類。奮發剛斷。以慰公言。於是侍御史胡晉臣劾
粟罷之。出知泉州。又改明州。奉祠以卒。蓋簡蕭。粟爲人強介有才。而性狷急。欲
快其私忿。遂至攻訐名儒。廢絕師教。殆與鄭丙陳買何澹劉德秀劉三傑胡紘
輩黨邪害正者同科。雖曠昔論事。雄辯可觀。不足以盡晚節之謬也。

高文虎字炳如。四明人。禮部侍郎闕之從子。登紹興庚辰進士第。調平江府吳
興縣主簿。會幾守官在吳。文虎從之游。故聞見博洽。多識典故。除國子正。遷太
學博士。孝宗幸兩學。祭酒林光朝訪文虎。具儀注。文虎輯國朝以來臨幸故事。
授之。兼國史院編修官。與修四朝國史。出知建昌軍。擢將作丞。兼實錄院檢討
官。修高宗實錄。又兼玉牒所檢討官。修神宗玉牒。自熙寧以來史氏滑雜。人無
所取信。文虎盡取朱墨本刊正。繆妄。一一研覈。既奏御。又修徽宗玉牒。考訂宣
和崇觀以來。尤爲詳審。寧宗即位。遷軍器少監。兼將作監。遷國子司業。兼學士
院權直。遷祭酒。中書舍人。兼直學士院。兼祭酒。升實錄院同修撰。同修國史。韓
侂胄用事。既逐趙汝愚。朱熹。以其門多知名士。設爲學之目。以擯之。遂命文虎
草詔曰。向者權臣擅朝。僞邪朋附。協肆姦宄。包藏禍心。賴天之靈。宗廟之福。朕
舊承慈訓。膺受內禪。陰謀壞散。國勢復安。嘉與士大夫厲精更始。凡曰淫朋比
德。幾其自新。而歷載臻茲。弗迪厥化。締交合盟。親伺間隙。毀譽舛迕。流言間發。
將以傾國是。而惑衆心。甚至竊附於元祐之衆賢。而不思實類乎紹聖之姦黨。
國家秉德康寧。弗汝瑕玦。今惟自作弗靖。意者漸于流俗之失。不可復反。歟。將
扭于國之寬恩。而罰有弗及。歟。何其未能洗濯。以稱朕意也。朕既深詔。二三大
臣。與夫侍從。言議之官。益維持正論。以明示天下矣。諭告所抵。宜各改視。回聽。
毋復借疑似之說。以惑亂世俗。若其遂非不悔。怙終不悛。邦有常刑。必罰毋赦。
西掖詞命。舊率以數人共一詞。文虎以爲非。所以崇訓戒。贊人才也。迺人人各
爲之。遷兵部侍郎。兼中書舍人。又兼祭酒。拜翰林學士。兼侍讀。實錄院修撰。脩
國史。除華文閣學士。知建寧府。力丐祠。提舉太平興國宮。以臺臣言奪職。卒。文
虎以博洽自負。與胡紘合黨。共攻道學。久司學校。專困遏天下士。凡言性命道

德者皆絀焉。

陳自強者福州閩縣人字勉之登淳熙五年進士第慶元二年入都待銓自以嘗為韓侂胄童子師欲見之無以自通適僦居主人出入侂胄家為言於侂胄一日召自強比至則從官畢集侂胄設褥于堂鄉自強再拜次召從官同坐侂胄徐曰陳先生老儒汨沒可念明日從官交薦其才除太學錄遷博士數月轉國子博士又遷秘書郎入館半載擢右正言諫議大夫御史中丞入臺未踰月遂登樞府由選人至兩地財四年嘉泰三年拜右丞相歷封祈衛秦國公韓侂胄頗朝權包苴盛行自強尤貪鄙四方致書餽必題其絨云某物并獻凡書題無并字則不開縱子弟親戚關通貨賄仕進干請必諧價而後予日押空名刺劄送侂胄家須用乃填三省不與也都城火自強所貯一夕為煨燼侂胄首遺之萬緡執政及列郡聞之莫不有助不數月得六十萬緡遂倍所失之數枹國用司自為國用使以費士寅張巖為同知國用事培克民財州縣騷動方侂胄欲為平章猶畏眾議自強首率同列援典故入奏詔以侂胄為平章軍國事常語人曰自強惟一死以報師王每稱侂胄為恩父而呼堂吏史達祖為兄蘇師且為叔侂胄將用兵遣使北行審敵虛實自強薦陳景俊以往金人有不宜敗好之語景俊歸自強戒使勿言侂胄乃決恢復之議吳曦有逆謀求歸蜀厚賂自強自強語侂胄非曦不足以鎮坤維乃縱之歸曦卒受金人命為蜀王侂胄姦兇久盜國柄自強實為之表裏既開邊隙朝野洶洶三遣使請和金人欲縛送首議用兵賊臣侂胄恚憤復欲用兵中外大懼史彌遠建議誅侂胄詔以自強阿附充位不恤國事罷右丞相未幾詔追三官永州居住又責武泰軍節度使詔州安置中書舍人倪思繳奏乞環竄籍其家詔從之再責復州團練副使雷州安置後死於廣州

鄭丙字少融福州長樂人紹興十五年進士積官至吏部尚書浙東提舉朱熹行部至台州奏台守唐仲友不法事宰相王淮庇之熹章十上丙雅厚仲友且迎合宰相意奏近世士大夫有所謂道學者欺世盜名不宜信用蓋指熹也於是監察御史陳賈奏道學之徒假名以濟其偽乞損斥勿用道學之目丙倡買

和。其後為慶元學禁善類被厄丙罪為多嘗知泉州為政暴急或勸之尚寬丙曰吾疾惡有素豈以晚節易所守哉聞者哂之丙官終端明殿學士卒諡簡肅京鏜字仲遠豫章人也登紹興二十七年進士第龔茂良帥江西見之曰子廟廊器也及茂良參大政遂薦鏜入朝孝宗詔侍從舉良縣令為臺官給事中王希呂曰京鏜蚤登儒級兩試令有聲陛下求執法官鏜其人也上引見鏜問政事得失時上初統萬機銳志恢復羣臣進說多迎合天子意以為大功可旦暮致鏜獨言天下事未有驟如意者宜舒徐以圖之上善其言鏜於是極論今日民貧兵驕士氣頹靡言甚切至上說擢為監察御史累遷右司郎官金遣賀生辰使來上居高宗喪不欲引見鏜為僕佐以旨拒之使者請少留闕下鏜曰信使之來以誕節也誕節禮畢欲留何名乎使行上嘉其稱職轉中書門下省檢正諸房公事金人遣使來弔鏜為報謝使金人故事南使至汴京則賜宴鏜請免宴郊勞使康元弼等不從鏜謂必不免宴則請徹樂遺之書曰鏜聞鄰喪者春不相里殯者不巷歌今鏜銜命而來繫北朝之惠弔是荷是謝北朝勤其遠而憫其勞遣郊勞之使錫式宴之儀德莫厚焉外臣受賜敢不重拜若曰而必聽樂是於聖經為悖理於臣節為悖義豈惟貽本朝之羞亦豈昭北朝之懿哉相持甚久鏜即館相禮者趣就席鏜曰若不徹樂不敢即席金人迫之鏜弗為動徐曰吾頭可取樂不可聞也乃帥其屬出館門甲士露刃向鏜鏜叱退之金人知鏜不可奪馳白其主主數曰南朝直臣也特命免樂自是恆去樂而後宴鏜孝宗聞之喜謂輔臣曰士大夫平居執不以節士自許有能臨危不變如鏜者乎使還入見上勞之曰卿能執禮為國家增氣朕將何以賞卿鏜頓首曰北人畏陛下威德非畏臣也正使臣死於北庭亦臣子之常分耳敢言賞乎故事使還當增秩右相周必大言於上曰增秩常典爾京鏜奇節今之毛遂也惟陛下下念之乃命鏜權工部侍郎四川闕帥以鏜為安撫制置使兼知成都府鏜到官首罷征斂弛利以予民瀘州卒殺太守鏜擒而斬之蜀以大治召為刑部尚書寧宗即位甚見尊禮由政府累遷為左丞相當是時韓侂胄權勢震天下其親幸者由禁從不一二歲至宰輔而不附侂胄者往往沉滯不偶鏜既得位一

變其素守於國事護無所可否。但奉行侂冑風旨而已。又薦引劉德秀排擊善類。於是有偽學之禁。後宦者王德謙除節度使。鏗乃請裂其麻。上曰。除德謙一人而止。可乎。鏗曰。此門不可啓。節鉞不已。必及三孤。三孤不已。必及三公。願陛下以真宗不予劉承規爲法。以大觀宣政間童貫等冒節鉞爲戒。上於是請德謙而黜詞臣吳宗旦。或曰。亦侂冑意也。居無何。以年老請免相。薨。贈太保。諡文忠。後以監察御史倪千里言。改諡莊定。

謝深甫。字子肅。台州臨海人。少穎悟。刻志爲學。積數年不寐。夕則置餅水加足於上。以警困怠。父景之識爲遠器。臨終語其妻曰。是兒當大吾門。善訓迪之。毋攻苦守志。督深甫力學。中乾道二年進士第。調嵯縣尉。歲饑。有死道旁者。一嫗哭訴曰。吾兒也。清干某家。遭掠而斃。深甫疑焉。徐廉得嫗子他。所召嫗出示之。嫗驚伏曰。某與某有隙。賂我使誣告耳。越帥方滋錢端禮皆薦深甫有廊廟才。調崑山丞。爲浙曹考官。一時士望。皆在選中。司業鄭伯熊曰。文士世不乏。求具眼如深甫者實鮮。深甫曰。文章有氣骨。如太山喬嶽。可望而知。以是得之。知處州青田縣。侍御史葛郊。監察御史顏師魯。禮部侍郎王蘭。交薦之。孝宗召見。深甫言。今日人才。枵中侈外者多。妄誕矯訐。沽激者多。眩鬻激昂者急於披露。而或鄰於好夸。剛介者果於植立。而或鄰於太銳。靜退簡默者寡有所合。或鄰於立異。故言未及酬而已。齟齬事未及成而已。挫抑於是。趣時徇利之人。專務身謀。習爲軟熟。畏避束手。因循苟且。年除歲遷。亦至通顯。一有緩急。莫堪倚仗。臣願任使之際。必察其實。既悉其實。則涵養之以蓄其才。振作之以厲其氣。栽培封殖。勿使沮傷。上嘉納。問當世人才。對曰。薦士大臣職也。小臣來自遠方。不足以奉明詔。上頷之。諭宰臣曰。謝深甫奏對雍容。有古人風。除藉田令。遷大理丞。江東大旱。擢爲提舉常平。講行救荒條目。所全活一百六十餘萬人。光宗卽位。以左曹郎官借禮部尚書。爲賀金國生辰使。紹熙改元。除右正言。遷起居郎。兼權給事中。知閣門事。韓侂冑破格轉遙郡刺史。深甫封還內降云。人主以爵祿磨厲天下之人才。固自重而不可輕。以法令隄防天下之僥倖。尤可守而不可易。今侂冑嘗越五官而轉遙郡。僥倖一啓。攀援踵至。將何以拒之。請罷其命。進

士俞古應詔言事。語涉詆訐。送瑞州聽讀。深甫謂以天變求言。未聞旌賞而反罪之。則是名求而實拒也。俞古不足以道。所惜者朝廷事體耳。右司諫鄧駟論近習左遷。深甫請還朝。謂不可以近習故變易諫官。爲清朝累二年。知臨安府。三年除工部侍郎。入謝。光宗面諭曰。京尹寬則廢法。猛則厲民。獨卿爲政。得寬猛之中。進兼吏部侍郎。兼詳定敕令官。四年。兼給事中。陳源久以罪斥。忽予內祠。深甫固執不可。姜特立復詔用。深甫力爭。特立竟不得入。張子仁除節度使。深甫疏十一上。命遂寢。每禁庭燕私。左右有希恩澤者。上必曰。恐謝給事有不可耳。寧宗卽位。除煥章閣待制。知建康府。改御史中丞。兼侍讀。上言。比年以來。紀綱不立。臺諫有所論擊。不與被論同罷。則反除以外任。給舍有所繳駁。不命次官書行。則反還以他官。監司有所按察。不兩置之勿問。則被按者反得美除。以奔競得志者。不復知有廉恥。以請屬獲利者。不復知有彝憲。貪墨縱橫。莫敢誰何。罪惡暴露。無所忌憚。墮壞紀綱。莫此爲甚。請風厲在位。革心易慮。以肅朝著。禮官議祧僖祖。侍講朱熹以爲不可。深甫言。宗廟重事。未宜遽革。朱熹攷訂有據。宜從熹議。慶元元年。除端明殿學士。簽書樞密院事。遷參知政事。再遷知樞密院事。兼參知政事。內侍王德謙建節。深甫三疏力陳。不可蹈大觀覆轍。德謙竟斥。進金紫。光祿大夫。拜右丞相。封申國公。進岐國公。光宗山陵。爲總護使。還拜少保。力辭。改封魯國公。嘉泰元年。累疏乞避位。寧宗曰。卿能爲朕守法度。惜名器。不可以言去。召坐賜茶。御筆書說命中篇及金幣以賜之。有朱熹者。上書乞斬朱熹。絕僞學。且指蔡元定爲僞黨。深甫擲其書。語同列曰。朱元晦。蔡季通。不過自相與講明其學耳。果有何罪乎。余嘉熹。熹臣。乃敢狂妄如此。當相與奏之行。遣以厲其餘。金使入見。不如式。寧宗起入禁中。深甫端立不動。命金使俟于殿隅。帝再御殿。乃引使者進書。迄如舊儀。拜少保。乞骸骨。授醴泉觀使。明年。拜少傅。致仕。有星隕于居第。遂薨。後孫女爲理宗后。追封信王。易封衛魯。諡惠正。

許及之。字深甫。温州永嘉人。隆興元年。第進士。知袁州分宜縣。以部使者薦。除諸軍審計。遷宗正簿。乾道元年。林栗請增置諫員。乃做唐制置拾遺補闕。以及

之為拾遺班序在監察御史之上高宗崩及之言皇帝既躬三年之喪羣臣難從純吉當常服黑帶王淮當國久及之奏陛下即位二十七年而羣臣未能如聖意者以苟且為安樂以姑息為仁恕以不肯任事為簡重以不敢任怨為老成敢言者指為輕佻辭職者謂之朴實陛下得若人而相之何補於治哉淮竟罷職子祠光宗受禪除軍器監遷太常少卿以言者罷紹熙元年除淮南運判兼淮東提刑以鐵錢濫惡不職貶秩知廬州召除大理少卿寧宗即位除吏部尚書兼給事中及之早與薛叔似同擢遺補皆為當時所予黨事既起善類一空叔似累斥逐而及之詔事侂胄無所不至嘗值侂胄生日朝行上壽畢集及之後至闌人掩關拒之及之俯僕以入為尚書二年不遷見侂胄流涕序其知遇之意及之衰遲之狀不覺膝屈侂胄惻然憐之曰尚書才望簡在上心行且進拜矣居亡何同知樞密院事當時有由竇尚書屈膝執政之語傳以為笑嘉定二年拜參知政事進知樞密院事兼參政兵端開侂胄欲令及之守金陵及之辭侂胄誅中丞雷孝友奏及之實贊侂胄開邊及守金陵始詭計免行降兩官泉州居住嘉定二年卒

梁汝嘉字仲謀處州麗水人以外祖太宰何執中任入官調中山府司議曹事建炎初知常州武進縣守薦其治狀擢通判州事加直秘閣歷官至轉運副使臨安關守火盜屢作命汝嘉攝事汝嘉修火政嚴巡徼盜發輒得火災亦息遂命為真加直龍圖閣以稱職擢徽猷閣待制試戶部侍郎兼知臨安府累遷戶部侍郎進權尚書兼江淮荆廣經制使汝嘉素善奏檜殿中侍御史周葵將按之汝嘉聞給中書舍人林待聘曰副端將論君待聘亟告檜徙葵起居郎葵入後省出疏示待聘曰梁仲謀何其幸也待聘始知為汝嘉所賣士大夫以是薄汝嘉汝嘉求去以寶文閣直學士提舉太平觀未幾升學士知明州知浙西沿海制置使更溫宣鼎三郡復奉祠以歸紹興二十三年卒汝嘉長於吏治在臨安風績尤著

論曰君子之論人亦先觀其大者而已矣忠孝人之大節也胡紘導其君以短喪不得謂之忠何澹疑所生繼母之服士論紛紜而後去不可以為孝彼於其

大者且忍為之則其偽比權姦誣構善類亦何憚而不為乎謝深甫出處舊史泯其迹若無可議為者然慶元之初韓侂胄設偽學之禁網羅善類而一空之深甫秉政適與之同時諉曰不知不可也沉於一劫陳傅良再劫趙汝愚形於深甫之章有不可揜者乎陳自強鄭丙許及之輩狐媚苟合以竊貴寵斯亦不足論已若林栗之有治才善論事高文虎之自負該洽京鏜之伏羲秉禮志信於敵國抑豈無足稱者然栗以私忿詆名儒不為清議所與而文虎草偽學之詔以是為非以正為邪變亂白黑以欺當世其人可知也鏜暮年得政朋姦取容既愧其初服矣沉偽學之目識者以為鏜實發之乎士君子立身行事一失其正流而不知返遂為千古之罪人可不懼哉可不懼哉

宋史卷三百九十四

元中書右丞相總裁脫脫等修
列傳第一百五十四

樓鑰	李大性	任希夷	徐應龍
莊夏	王阮	王質	陸游
方信孺	王栻		

樓鑰字大防明州鄞縣人隆興元年試南宮有司偉其辭藝欲以冠多士策偶犯舊諱知貢舉洪遵奏得旨以冠末等投贊謝諸公考官胡銓稱之曰此翰林才也試教官調温州教授為敕令所刪定官修淳熙法議者欲降太學釋奠為中祀鑰曰乘輿臨幸於先聖則拜武成則肅揖其禮異矣可鈞敵乎改宗正寺主簿歷太府宗正寺丞出知温州屬縣樂清倡言方臘之變且復起邑令捕數人歸于郡鑰曰罪之則無可坐縱之則惑民編隸其為首者而驅其從出境民言遂定堂帖問故鑰曰蘇洵有言有亂之形無亂之實是謂將亂不可以有亂急不可以無亂弛丞相周必大心善之光宗嗣位召對奏曰人主初政當先立其大者至大莫如恢復然當先強主志進君德又曰今之網密甚矣望陛下軫念元元以設禁為不得已凡有初意增益者寢而勿行所以保養元氣除考功郎兼禮部吏銓並緣為姦多所壅底鑰曰簡要清通尚書郎之選蓋草去之改國子司業擢起居郎兼中書舍人代言坦明得制詰體繳奏無所回避禁中或私請上曰樓舍人朕亦憚之不如且已刑部言天下獄案多所奏裁中書之務不清宜痛省之鑰曰三宥制刑古有明訓力論不可會慶節上壽扈從班集乘輿不出已而玉牒聖政會要書成將進重華又屢更日鑰言臣累歲隨班見陛下上壽重華官歡動宸極嘉王日趨朝謁恪勤不懈竊料壽皇望陛下之來亦猶此也又奏聖政之書全載壽皇一朝之事玉牒會要足成淳熙末年之書幸速定其日無復再展以全聖孝於是上感悟進書成禮試中書舍人俄兼直學士院光宗內禪詔書鑰所草也有云雖喪紀自行於宮中而禮文難示於天下薦紳傳誦之遷給事中乞正太祖東嚮之位別立僖祖廟以代夾室順祖翼祖

宣祖之主皆藏其中祫祭即廟而饗從之朱熹以論事忤侂胄除職與郡鑰言熹鴻儒碩學陛下閱其耆老當此隆舉立講不便何如俾之內祠仍令修史少俊春和復還講筵不報趙汝愚謂人曰樓公當今人物也直恐臨事少剛決耳及見其持論堅正嘆曰吾於是大過所望矣寧宗受禪侂胄以知閣門事與聞傳命頗有弄權之漸彭龜年力攻之侂胄轉一官與在京宮觀龜年除待制與郡鑰與林大中奏乞留龜年於講筵或命侂胄以外祠龜年竟去鑰還為吏部尚書以顯謨閣學士提舉江州太平興國宮尋知婺州移寧國府罷仍奪職告老至再許之侂胄嘗副鑰為館伴以鑰不附己深嫌之侂胄誅詔起鑰為翰林學士遷吏部尚書兼翰林侍講時鑰年過七十精敏絕人詞頭下立進草院吏驚詫入朝陛循舊班諦視鑰曰久不見此官矣時和好未定金求韓侂胄函首鑰言和好待此而決姦兇已斃之首又何足恤詔從之趙汝愚之子崇憲奏雪父冤鑰乞丐趙師召之罪重蔡璉之誅毀龔頤正續稽古錄以白誣謗除端明殿學士簽書樞密院事升同知進參知政事位兩府者五年累疏求去除資政殿學士知太平州辭進大學士提舉萬壽觀嘉定六年薨年七十七贈少師諡宣獻鑰文辭精博自號攻媿主人有集一百二十卷

李大性字伯和瑞州四會人其先積中嘗為御史以直言入元祐黨籍始家豫章大性少力學尤習本朝典故以父任入官因參選進藝祖廟謨百篇及公私利害百疏又言元豐制六察許言事章惇為相始禁之乞復舊制以廣言路從臣力薦之命赴都堂審察僅還一秩為湖北提刑司幹官未幾入為主管吏部架閣文字丁母艱服闋進典故辨疑百篇皆本朝故實蓋網羅百氏野史訂以日歷實錄核其正舛率有據依孝宗讀而褒嘉之擢大理司直遷敕令所刪定官添差通判楚州郡守吳曦與都統劉超合謀欲撤城移他所大性謂楚城實晉義烏閭所築最堅奈何以脆薄易堅厚乎持不可臺臣將劾其沮撓不果會從官送北客朝命因俾廉訪具以實聞遂罷戎帥召大性除太府寺丞遷太宗正丞兼倉部郎尋改工部陳傅良以言事去國彭龜年黃度揚方相繼皆去大性抗疏言朝廷清明乃使言者無故而去臣所甚惜也數人之心皆本愛君知

其愛君。任其去而不顧。恐端人正士之去者。將不止此。孟子曰。不信仁賢。則國空虛。臣所以為之寒心也。孝宗崩。光宗疾。未能執喪。大性復上疏言。今日之事。顛倒舛逆。況金使祭奠。常引見于北宮素帷。不知是時猶可以不出乎。禮弓曰。成人有死而不喪者。聞子臯將為成。遂為衰。成人曰。兄則死而子臯為之衰。蓋言成人畏子臯之來。方為制服。其服乃子臯為之。非為兄也。若陛下必待使來然後執喪。則恐貽譏中外。豈特如成人而已哉。遷軍器少監。權司封郎。提舉浙東常平。改浙東提刑。兼知慶元府。召為吏部郎中。四遷為司農卿。明年。兼戶部侍郎。出知紹興府。甫一歲。召為戶部侍郎。升尚書。朝輪將用兵。大性條陳利害。主不宜輕舉之說。忤韓侂胄意。出知平江。移知福州。又移知江陵。充荆湖制置使。江陵當用兵後。殘燬鐵鐘。繼以疾疫。大性首議振貸。凡三十八萬緡。有奇。前官虛羨。凡十有四萬五千緡。率蠲放不督。民流移新復業者。皆奏免征權邊郡武爵。本以勵士。冒濫滋眾。大性劾兩路戎司冒受逃亡付身。凡三千四百九十有七道。率繳上毀扶。左選為之一清。江陵舊使銅鐵。錢重楮輕。民持貨入市。有終日不得一錢者。大性奏乞依襄鄧例。通用鐵錢。於是泉貨流通。民始復業。除刑部尚書。兼詳定敕令。尋遷兵部。時金國分裂。不能自存。有舉北伐之議者。大性上疏。以和戰之說未定。乞令朝臣集議。從之。尋以端明殿學士知平江府。引疾丐祠。卒于家。年七十七。贈開府儀同三司。諡文惠。李氏自積中三世官于朝。父子兄弟相師友。而大性與弟大異。大東並躋從列。為名臣云。

任希夷。字伯起。其先眉州人。四世祖伯雨。為諫議大夫。其後任閩。因家邵武。希夷少刻意問學。為文精苦。登淳熙三年進士第。調建寧府浦城簿。從朱熹學。篤信力行。熹器之。曰。伯起。開濟士也。開禧初。主太常寺簿。奏紹熙以來禮書。未經編次。歲月滋久。恐或散亡。乞下本寺修纂。從之。遷禮部尚書。兼給事中。謂周惇頤。程頤。顧為百代絕學之倡。乞定議賜諡。其後惇頤諡元。頤諡純。頤諡正。皆希夷發之。進端明殿學士。簽書樞密院事。兼權參知政事。史彌遠柄國久。執政皆具員。議者頗譏其拱默。尋提舉臨安洞霄宮。熹贈少師。諡宣獻。

徐應龍。字允叔。淳熙二年。第進士。調衡州法曹。湖南檢法官。潭獲劫盜。首謀者

已繫獄。妄指逸者為首。吏信之。及獲逸盜治之急。遂輕服。吏以成憲讞于憲司。應龍閱實其辭。謂首從不明。法當奏。時周必大判潭州。提刑盧彥德不欲反其事。將真逸盜于死。應龍力與之辨。先是彥德許應龍京削。至是怒曰。君不欲出我門邪。應龍曰。以人命傳文字。所不忍也。彥德不能奪。聞者多其有守。交薦之。改秩知瑞州高安縣。臣祖儉言事忤韓侂胄。謫死高安。應龍為之經紀其喪。且為文誄之。有勸之避禍者。應龍曰。臣君吾所敬。雖緣此獲譴。亦所願也。朱熹貽書應龍曰。高安之政。義風凜然。主淮西機宜文字。知南恩州。陳自強當國。乃舊同舍。應龍丐雷州而去。召監都進奏院。遷國子博士。守工部員外郎。進戶部侍郎。遷國子司業。兼實錄院檢討官。崇政殿說書。守秘書少監。兼權工部侍郎。時金主徙汴。應龍言。金人窮而南奔。將溢出而蹈吾之境。金亡更生新敵。尤為可慮。兼侍講。言人主不能盡知天下人材。當責之宰相。宰相不能盡知天下人材。當採之公論。李吉甫為相。號稱得人。而三人之薦。乃出於裴垍之疏。遷吏部侍郎。進刑部尚書。兼侍讀。應龍在講筵。多指陳時政。一日。讀吳起為卒吮疽事。應龍奏。起恤士卒如此。故能得其死力。今軍將得以賄遷。專事培克。未免多怨。上驚曰。儂帥之風。今猶未除邪。宰相史彌遠聞而惡之。免侍讀。未幾。兼太子詹事。會景獻太子薨。請老。上不許。徙吏部尚書。以煥章閣學士提舉嵩山崇福宮。嘉定十七年卒。贈開府儀同三司。諡文肅。子榮叟。官至參知政事。諡文靖。深叟。官終將作監丞。清叟。知樞密院事。兼參知政事。各有傳。

莊夏。字子禮。泉州人。淳熙八年進士。慶元六年。大旱。詔求言。夏時知贛州興國縣。上封事曰。君者陽也。臣者君之陰也。今威福下移。此陰勝也。積陰之極。陽氣散亂而不收。其弊為火災。為旱蝗。願陛下體陽剛之德。使後宮戚里。內省黃門。思不出位。此抑陰助陽之術也。召為太學博士。言比年分藩持節。詔墨未乾而改除。坐席未溫而易地。一人而歲三易節。一歲而郡四易守。民力何由裕。遷國子博士。召除吏部員外郎。遷軍器監。太府少卿。出知漳州。為宗正少卿。兼國史院編修官。尋權直學士院。兼太子侍讀。時流民來歸。夏言。荆襄兩淮。多不耕之田。計口授地。貸以屋廬牛具。吾乘其始至。可以得其欲。彼幸其不死。可以忘其

勞兵民可合屯田可成此萬世一時也試中書舍人兼太子右庶子左諭德言
今戰守不成而規模不定則和好之說得以乘間而入今日之患莫大於兵冗
乞行下將帥令老弱自陳得以子若弟姪若壻強壯及等者收刺之代其名糧
上曰兵卒子弟與召募百姓不同卿言是也除兵部侍郎煥章閣待制與祠歸
嘉定十年卒

王阮字南卿江州人曾祖韶神宗時開熙河擒木征祖厚繼開湟鄯父彥傳靖
康勤王皆有功阮少好學尚氣節常自稱將種辭辦奮發四坐莫能屈嘗謁袁
州太守張栻栻謂曰當今道在武夷子盍往求之阮見朱熹于考亭熹與語大
說之登隆興元年進士第時孝宗初即位欲成高宗之志首詔經理建業以圖
進取而大臣巽懦幸安計未決阮試禮部對策曰臨安蟠龜宅阻面湖背海膏
腴沃野足以休養生聚其地利於休息建康東南重鎮控制長江呼吸之間上
下千里足以虎視吳楚應接梁宋其地利於進取建炎紹興間敵人乘勝長驅
直搗而我師亦甚憊也上皇遵養時晦不得與平迺駐臨安所以爲休息計也
已三十年來闕者全壞者修弊者整廢者復較以曩昔倍萬不侔主上獨見遠
覽舉而措諸事業非固以臨安爲不足居也戰守之形既分動靜進退之理異
也古者立國必有所恃謀國之要必負其所恃之地秦有函谷蜀有劍閣魏有
成鼻趙有井陘燕有飛狐而吳有長江皆其所倚以爲國也今東南王氣鍾在
建業長江千里控扼所會輟而弗顧退守幽深之地若將終身焉如是而曰謀
國果得爲善謀乎且夫戰者以地爲本湖山回環孰與乎龍盤虎踞之雄胥潮
奔猛孰與乎長江之險今議者徒習吳越之僻固而不知秣陵之通達是猶富
人之財不布於通都大邑而匿金以守之愚恐半夜之或失也儻六飛順動中
原在陸步間況一建康耶古人有言千里之行起於足下人患不爲爾知貢舉
范成大得而讀之嘆曰是人傑也調南康都昌主簿以廉聲聞移永州教授獻
書闕下請罷吳楚牧馬之政而積馬於蜀茶馬司以省往來綱驛之費歲時分
牧之資凡數千言紹熙中知濠州請復曹璋方田修種世衛射法日講守備與
邊民親訪北境事宜終阮在濠金不敢南侵改知撫州韓侂胄宿聞阮名特命

入奏將誘以美官夜遭密客詣阮阮不答私謂所親曰吾聞公卿擇士士亦擇
公卿劉韶柳宗元失身匪人爲萬世笑今政自韓氏出吾肯出其門哉陸對畢
拂衣出關侂胄聞之大怒批旨予祠阮於是歸隱廬山盡棄人間事從容觴詠
而已朱熹嘗惜其才氣術略過人而留滯不偶云嘉定元年卒

王質字景文其先鄆州人後徙與國質博通經史善屬文游太學與九江王阮
齊名阮每云聽景文論古如讀鄴道元水經名川支川貫穿周匝無有間斷咳
唾皆成珠璣質與張孝祥父子游深見器重孝祥爲中書舍人將薦質舉制科
會去國不果著論五十篇言歷代君臣治亂謂之朴論中紹興三十年進士第
用大臣言召試館職不就明年金主完顏亮南侵御史中丞汪澈宣諭荆襄又
明年樞密使張浚都督江淮皆辟爲屬入爲太學正時孝宗屢易相國論未定
質乃上疏曰陛下卽位以來慨然起乘時有爲之志而陳康伯葉義問汪澈在
庭陛下皆不以爲才於是先逐義問次逐澈獨徘徊康伯難於進退陛下意終
鄙之遂決意用史浩而浩亦不稱陛下意於是決用張浚而浚又無成於是決
用湯思退今思退專任國政又且數月臣度其終無益於陛下夫宰相之任一
不稱則陛下之志一沮前日康伯持陛下以和和不成浚持陛下以戰戰不驗
浚又持陛下以守守既困思退又持陛下以和陛下亦嘗深察和戰守之事乎
李牧在鴈門法主於守守乃有戰祖逖在河南法主於戰戰乃有和羊祜在襄
陽法主於和和乃有守何至分而不使相合今陛下之心志未定規模未立或
告陛下金弱且亡而吾兵甚振陛下則勃然有勒燕然之志或告陛下吾力不
足恃而金人且來陛下卽委然有盟平涼之心或告陛下吾不可進金不可入
陛下又蹇然有指鴻溝之意使臣爲陛下謀會三者爲一天下烏有不治哉天
子心知質忠而忌者共譏質年少好異論遂罷去會虞允文宣撫川陝辟質偕
行一日令草檄契丹文援毫立就辭氣激壯允文起執其手曰景文天才也入
爲敕令所刪定官遷樞密院編修官允文當國孝宗命擬進諫官允文以質鯁
亮不回且文學推重於時可右正言時中貴人用事多畏憚質陰沮之出通判
荆南府改吉州皆不行奉祠山居絕意祿仕淳熙十五年卒

陸游字務觀越州山陰人年十二能詩文陸補登仕郎鎮廳薦送第一秦檜孫
塤適居其次檜怒至罪主司明年試禮部主事復置游前列檜顯黜之由是為
所嫉檜死始赴福州寧德簿以薦者除敕令所刪定官時楊存中久掌禁旅游
力陳非便上嘉其言遂罷存中中貴人有市北方珍玩以進者游奏陛下以損

名齋自經籍翰墨外屏而不御小臣不體聖意輒私買珍玩虧損聖德乞嚴行
禁絕應詔言非宗室外家雖實有勳勞毋得輒加王爵頃者有以師傅而領殿
前都指揮復有以太尉而領閣門事瀆亂名器乞加訂正遷大理寺司直兼
宗正簿孝宗即位遷樞密院編修官兼編類聖政所檢討官史浩黃祖舜薦游
善詞章諳典故召見上曰游力學有聞言論剴切遂賜進士出身入對言陛下

初即位乃信詔令以示人之時而官吏將帥一切玩習宜取其尤沮格者與衆
棄之和議將成游又以書白二府曰江左自吳以來未有捨建康他都者駐蹕
臨安出於權宜形勢不固饋餉不便海道逼近凜凜意外之憂一和之後盟誓
已立動有拘礙今當與之約建康臨安皆係駐蹕之地北使朝聘或就建康或

就臨安如此則我得以暇時建都立國彼不我疑時龍大淵曾覲用事游為樞
臣張燾言覲大淵招權植黨熒惑聖聽公及今不言異日將不可去燾遽以聞
上詰語所自來燾以游對上怒出通判建康府尋易隆興府言者論游交結臺
諫鼓唱是非力說張浚用兵免歸久之通判夔州王炎宣撫川陝辟為幹辦公

事游為炎陳進取之策以為經略中原必自長安始取長安必自隴右始當積
粟練兵有變則攻無則守吳璘子挺代掌兵頗驕恣傾財結士屢以過誤殺人
炎莫誰何游請以玠子拱代挺拱怯而寡謀遇敵必敗游曰使挺遇敵安
保其不敗就令有功愈不可駕馭及挺子曦偕叛游言始驗范成大帥蜀游為

參議官以文字交不拘禮法人譏其類放因自號放翁後累遷江西常平提舉
江西水災奏撥義倉振濟檄諸郡發粟以予民召還給事中趙汝愚駁之遂與
祠起知嚴州過闕陛辭上諭曰嚴陵山水勝處職事之暇可以賦詠自適再召
入見上曰卿筆力回斡甚善非他人可及除軍器少監紹熙元年遷禮部郎中
兼寶錄院檢討官嘉泰二年以孝宗光宗兩朝寶錄及三朝史未就詔游權同

修國史寶錄院同修撰免奉朝請尋兼秘書監三年書成遂升寶章閣待制致
仕游才氣超逸尤長於詩晚年再出為韓侂胄撰南園閱古泉記見識清議朱
熹嘗言其能太高迹太近恐為有力者所牽挽不得全其晚節蓋有先見之明
焉嘉定二年卒年八十五

方信孺字季若興化軍人有篤材未冠能文周必大楊萬里見而異之以父崧
卿陸補番馬縣尉盜劫海買信孺捕之盜方沙聚分鹵獲惶駭欲趨舟信孺已
使人負盜舟去矣乃悉縛盜不失一人韓侂胄舉恢復之謀諸將僨軍邊釁不

已朝廷尋悔金人亦厭兵乃遣韓元靄來使而都督府亦再遣壯士遺敵書然
皆莫能得其要領近臣薦信孺可使自蕭山丞召赴都命以使命信孺曰開釁
自我金人設問首謀當何以答之侂胄矍然假朝奉郎樞密院檢詳文字充樞
密院參謀官持督帥張巖書通問于金國元帥府至濠州金帥紇石烈子仁止

于獄中露刃環守之絕其薪水要以五事信孺曰反俘歸幣可也縛送首謀於
古無之稱藩割地則非臣子所忍言子仁怒曰若不望生還耶信孺曰吾將命
出國門時已置生死度外矣至汴見金左丞相都元帥完顏宗浩出就傳舍宗
浩使將命者來堅持五說且謂稱藩割地自有故事信孺曰昔靖康倉卒割三

鎮紹興以太母故暫屈今日願可用為故事耶此事不獨小臣不敢言行府亦
不敢奏也請面見丞相決之將命者引而前宗浩方坐幄中陳兵見之云五事
不從兵南下矣信孺辯對不少訕宗浩叱之曰前日與兵今日求和何也信孺
曰前日與兵復讎為社稷也今日屈已求和為生靈也宗浩不能詰授以報書

曰和與戰俟再至決之信孺還詔侍從兩省臺諫官議所以復命衆議還俘獲
罪首謀增歲幣五萬遣信孺再往時吳曦已誅金人氣頗索然猶執初議信孺
曰本朝謂增幣已為卑屈況名分地界哉且以曲直校之本朝與兵在去年四
月若貽書誘吳曦則去年三月也其曲固有在矣如以疆弱言之若得滌濠我
亦得泗漣水若夸胥浦橋之勝我亦有鳳凰山之捷若謂我不能下宿壽若圍
廬和楚果能下乎五事已從其三而猶不我聽不過再交兵耳金人見信孺忠

懇乃曰割地之議姑緩但稱藩不從當以叔為伯歲幣外別犒師可也信孺固

執不許。宗浩計窮，遂密與定約，復命。再差允通謝國信所參謀官，奉國書誓草及許通謝百萬緡抵汴。宗浩學前說，怒信孺不曲折建白，遽以誓書來，有誅戮禁錮語。信孺不爲動，將命曰：「此事非犒軍錢可了，別出事目。」信孺曰：「歲幣不可再增，故代以通謝錢，今得此求彼，吾有隕首而已。」將命曰：「不爾，丞相欲留公。」信孺曰：「留於此死，尋命亦死，不若死於此。」會蜀兵取散關，金人益疑，信孺還言，敵所欲者五事：割兩淮一，增歲幣二，犒軍三，索歸正等人四，其五不敢言。侂胄再三問，至厲聲詰之。信孺徐曰：「欲得太師頭耳。」侂胄大怒，奪三秩，臨江軍居住。信孺自春至秋，使金三往返，以口舌折彊敵。金人計屈情見，然憤其不屈，議用弗就。已而王柎出使定和議，增幣函首，皆前信孺所指不可者。柎白廟堂，信孺辯折敵會於彊，未易告語之時。信孺當其難，柎當其易。柎每見金人，必問信孺安在，公論所推。雖敵人不能掩也。乃詔信孺自便，尋知韶州。累遷淮東轉運判官，兼提刑。知真州，卽北山置水築石堤，袤二十里，人莫知其所爲。後金人薄儀真，守將決水，置以退敵，城乃獲全。山東初內附，信孺言：「豪傑不可以虛名駕馭，武夫不可以弱勢彈壓。」宜選威望重臣，將精兵數萬，開幕山東，以主制客。以重馭輕，則可以包山東，固江北，而兩河在吾目中矣。坐責降三秩，再奉祠，稍復官。信孺性豪爽，揮金如糞土。所至賓客滿其後車。使北時年財三十，既齟齬歸，營居室巖竇，自放於詩酒。後費用竭，賓客益落。信孺尋亦死矣。

王柎，字汝良，大名人。祖倫，同簽書樞密院事。倫使北死，孝宗訪求其孫之未祿者三人，官之。柎其一也。調通州海門尉，乘輕舟入海濤，捕劇賊小吳，卽并其徒十七人獲之。獄成，不受賞。韓侂胄以恢復起兵端，天子思繼好息民，凡七遣使無成。續遣方信孺往，將有成說矣。坐白事忤侂胄，得舉，欲再遣使，顧在廷無可者。近臣以柎薦，擢監登聞鼓院。假右司郎中，使持書北行。柎歸白其母，母曰：「而祖以忠死國，故恩及子孫，汝其勉旃，毋以吾老爲念。」乃拜命。疾驅抵敵所，金將烏骨論等四人列坐，問韓侂胄貴顯幾年矣。柎對已十餘年，平章國事，財二年耳。又問金欲去此人可乎。柎曰：「主上英斷，去之何難。」四人相顧而笑。有完顏天寵者，袖出文書云：「王柎雖持韓侂胄書，乃朝廷有旨遣其來，元帥府議和，宜詳

議以報。於是金人知侂胄已誅，和議遂決。柎持金人牒歸，求函侂胄首，以起居郎許奕爲通謝使。柎爲通謝所參謀官，柎自軍前再還，議以侂胄首易淮陝侵地。從之。柎奏和約之成，皆方信孺備嘗險阻，再三將命之功。臣因人成事，乞錄信孺功而蠲其過。朝論以柎不掩人揚己，多之。守軍器少監知楚州，累官至太府卿，告歸。以右文殿修撰知太平州，加集英殿修撰致仕。卒，贈寶章閣待制。論曰：樓鑰渾厚正大，李天性直言不媿，其先任希夷，請誥先儒，徐應龍在經筵，多所裨益。莊夏王阮王質，皆負其有爲之才，卒奉祠去國。陸游學廣而望隆，晚爲韓侂胄著堂記，君子惜之。抑春秋責賢者備也。方信孺年少奉使，而以意氣折金人。王柎北歸，請錄信孺之功，長者哉。

宋史卷三百九十五

元中書右丞相總裁脫脫等修
列傳第一百五十五

史浩 王淮 趙雄 權邦彥

程松 陳謙 張巖

史浩字直翁明州鄞縣人紹興十四年登進士第調紹興餘姚縣尉歷温州教授郡守張九成器之秩滿除太學正升國子博士因轉對言普安恩平二王宜擇其一以係天下望高宗納之翌日語大臣曰浩有用才也除秘書省校書郎兼二王府教授三十年普安郡王為皇子進封建王除浩權建王府教授詔建王府置直講贊讀各一員浩守司封郎官兼直講一日講周禮言膳夫掌膳羞之事歲終則會惟王及后世子之膳羞不會至酒正掌飲酒之事歲終則會惟王及后之飲酒不會世子不與焉以是知世子膳羞可以不會世子飲酒不可以無節也王作而謝曰敢不佩斯訓三十一年遷宗正少卿會金主亮犯邊下詔親征時兩淮失守廷臣爭陳退避計建王抗疏請率師為前驅浩為王力言太子不可將兵以晉申生唐肅宗靈武之事為戒王大感悟立俾浩草奏請扈蹕以供子職辭意懇到高宗方怒覽奏意頓釋知奏出於浩語大臣曰真王府官也既而殿中侍御史吳芾乞以皇子為元帥先視師浩復遺大臣書言建王生深宮中未嘗與諸將接安能辦此或謂使王居守浩復以為不可上亦欲令王徧識諸將遂扈蹕如建康三十二年上環臨安立建王為皇太子浩除起居郎兼太子右庶子孝宗受禪遂以中書舍人遷翰林學士知制誥張浚宣撫江淮將圖恢復浩與之異議欲城瓜洲采石浚奏不守兩淮而守江不若城泗州除參知政事有詔議應敵定論洪遵金安節唐文若等相繼論列宰執獨無奏上以問浩浩奏先為備禦是謂良規儻聽淺謀之士與不教之師寇去則論賞以邀功寇至則斂兵而遁跡謂之恢復得乎薦樞密院編修官陸游尹穉吉對並賜出身隆興元年拜尚書右僕射首言趙鼎李光之無罪岳飛之久冤宜復其官爵祿其子孫悉從之李顯忠邵宏淵奏乞引兵進取浩奏二將輒乞戰豈

督府命令有不行耶凌請入覲乞即日降詔幸建康上以問浩浩陳三說不可退又以詰凌曰帝王之兵當出萬全豈可嘗試以圖僥倖復辯論於殿上凌曰中原久陷今不取豪傑必起而收之浩曰中原決無豪傑若有之何不起而亡金凌曰彼民間無寸鐵不能自起待我兵至為內應浩曰勝廣以鉏耰棘矜亡秦必待我兵非豪傑矣凌因內引奏浩意不可回恐失機會乞出英斷省中忽得宏淵出兵狀始知不由三省徑檄諸將浩語陳康伯曰吾屬俱兼右府而出兵不與聞焉用相哉不去尚何待乎因又言康伯欲納歸正人臣恐他日必為陛下子孫憂凌銳意用兵若一失之後恐陛下終不得復望中原御史王十朋論之出知紹興先是浩因城瓜洲白遣太府丞史正志往視之正志與凌論辯十朋亦疏史正志朋比併及浩遂與祠自是不召者十二年起知紹興府浙東安撫使持母喪歸服闋知福州淳熙初上問執政久不見史浩無他否遂除少保觀文殿大學士醴泉觀使兼侍讀五年復為右丞相上曰自葉衡罷虛席以待卿久矣浩奏蒙恩再相唯盡公道庶無朋黨之弊上曰宰相豈當有黨人主亦不當以朋黨名臣下朕但取賢者用之否則去之樞密都承旨王抃建議以殿步二司軍多虛額請各募三千人充之已而殿前司輒捕市人市城騷動被掠者多斷指示不可用軍人怙眾因奪民財浩奏盡釋所捕而禽軍民首謹嗽者送獄獄成議罪欲取兵民各一人梟首以徇浩曰諸軍掠人奪貨至於闕則始覺者軍人也軍法從事固當若市人陸慶童特與抗鬪爾可同罰乎陛下恐軍人有語故一其罪以安之夫民不得其平言亦可畏等死國可乎是豈軍人語上怒曰是比朕為秦二世也浩徐進曰自古民怨其上者多矣時日曷喪子及汝皆亡豈二世事尋求去拜少傅保寧軍節度使充醴泉觀使兼侍讀後有言慶童之冤者上曰史浩嘗力爭坐此求去至今悔之趙雄嘗薦劉光祖試館職光祖答策論科場取士之道進入上親批其後略曰用人之弊人君之知人之哲宰相不能擇人國朝以來過於忠厚宰相而誤國大將而敗軍未嘗誅戮要在人君必審擇相相必當為官擇人懋賞立乎前誅戮設乎後人才不出吾不信也手詔既出中外大聳議者謂曾觀視草為光祖甲科發也上遣觀持示

浩奏唐虞之世四凶極惡止於流竄三考之法不過黜陟未嘗有誅戮之科誅戮大臣秦漢法也太祖制治以仁待臣下以禮列聖傳心迨仁宗而德化隆洽本朝之治與三代同風此祖宗家法也聖訓則曰過於忠厚夫為國而底於忠厚豈有所謂過哉臣恐議者以陛下自欲行刻薄之政歸過祖宗不可不審也及自經筵將告歸乃於小宮中薦江浙之士十五人有旨令升擢皆一時選也如薛叔似楊簡陸九淵石宗昭陳謙葉適袁燮趙靜之張子智俊皆擢用不至通顯者六人而已十年請老除太保致仕封魏國公晚治第鄞之西湖上建閣奉兩朝賜書又作堂上為書明良慶會名其閣舊學名其堂光宗御極進太師紹熙五年薨年八十九封會稽郡王寧宗登極賜諡文惠御書純誠厚德元老之碑賜焉嘉定十四年追封越王改諡忠定配享孝宗廟庭浩喜薦人才嘗擬陳之茂進職與郡上知之茂嘗毀浩曰卿豈以德報怨耶浩曰臣不知有怨若以為怨而以德報之是有心也莫濟狀王十朋行事詆浩尤甚浩薦濟掌內制上曰濟非議卿者乎浩曰臣不敢以私害公遂除中書舍人兼直學士院待之如初蓋其寬厚類此子彌大彌正彌遠彌堅彌遠嘉定初為右丞相有傳

王淮字季海婺州金華人幼穎悟力學屬文登紹興十五年進士第為台州臨海尉郡守蕭振一見奇之許以公輔器振帥蜀辟寬幕府振出眾欲留淮曰萬里將母豈為利祿計皆服其器識遷校書郎高宗命申丞舉可為御史者朱倬舉淮除監察御史尋遷右正言首論大臣養尊小臣持祿以括囊為智以引去為高願陛下正心以正朝廷正朝廷以正百官宰相湯思退無物望淮修其罪數十於是策免至於吏部侍郎沈介之欺世盜名都司方師尹之狡險大將劉寶培克結權倖皆劾罷之又奏自治之策治內有三正心術寶慈儉去蘊蔽治外有四固封守選將帥明賞罰儲財用上深嘉歎除秘書少監兼恭王府直講時恭王生子挺淮白于丞相曰恭王夫人李氏生皇嫡長孫乞討論典禮錢端禮怒其名稱奏淮有年鈞以長之說上曰是何言也豈不啓邪心出淮知建寧府改浙西提刑入見陳闕中利病甚悉帝褒嘉之且令一至東宮皇太子待以師儒特施拜禮尋召除太常少卿除中書舍人兼直學士院龍大淵贈太師仍

昇儀同三司恩數張說除太尉在京宮觀皆封還詔書除翰林學士知制誥訓詞深厚得王言體上命擇文學行誼之士淮薦鄭伯熊李燾程叔達皆擢用淳熙二年除端明殿學士簽書樞密院事辛棄疾平茶寇上功太濫淮謂不核真偽何以勸有功文州蕃部擾邊吳挺奏庫彥威失利靖州夷人擾邊楊俊奏田淇失利淮謂二將戰歿若罪之何以勸來者上嘗論曰樞密院事盡公人無間言差除能守法甚善薦軍師吳拱郭田張宜除同知樞密院事參知政事時宰相久虛淮與李彥穎同行相事淮謂授官當論賢否不事形迹誠賢不敢以鄉里故舊廢之非才不敢以己私庇之上稱善擢知院事樞密使上言武臣獄祠之員宜省淮曰有戰功者壯用其力老而棄之可乎趙雄言北人歸附者界以員外直宜令詣吏部上曰姑仍舊淮曰上意即天意也雄又奏言宗室獄祠入百員宜罷淮曰堯親睦九族在乎章百姓之先骨肉之恩疏可乎時辛棄疾平江西寇王佐平湖南寇劉焯平廣西寇淮皆處置得宜論功惟允上深嘉之謂陳康伯雖有人望處事則不及卿八年拜右丞相兼樞密事先是自夏不雨至秋是日甘雨如注士大夫相賀上亦喜命相而雨乃命口算諸郡絹錢盡蠲一年為緡八十餘萬趙雄罷相蜀士之在朝者皆有去意淮謂此唐李黨禍之胎也豈聖世所宜有皆以次進還蜀士乃安樞密都承旨王抃怙寵為姦淮極陳其罪謂人主受謗鮮不由此上即斥之且曰丞相直諫無隱君臣之間正宜如此章類論事狂直上將黜之淮曰陛下樂聞直言士大夫以言相高此風可賀也黜之適成其名上說穎復留時以荒政為急淮言李椿年老成練達擬除長沙帥朱熹學行篤實擬除浙東提舉以倡郡國其後推賞上曰朱熹職事留意淮言脩舉荒政是行其所學民被實惠欲與進職上曰與升直徽猷閣成都關帥上加訪問淮以留正對上曰非閩人乎淮曰立賢無方湯之執中也必曰閩有章子厚呂惠卿不有曾公亮蘇頌蔡襄乎必曰江浙多名臣不有丁謂王欽若乎上稱善拜左丞相天長水害七十餘家或謂不必以聞淮曰昔人謂人主不可一日不聞水旱盜賊記曰四方有敗必先知之豈可不以聞鎮江饑民彊借粟救執政請痛懲之淮曰令甲饑民罪不至死進士八人求以免舉恩為升

等。淮曰：八人得之則百人援之，羶頭以執政之客補官，求諸銓曹，淮以此門不可啓，絕其請，嘗言跡弛之士，緩急能出死力，乃以周極知安豐軍，辛棄疾與祠上章力求去，以觀文殿大學士判衢州，淮力辭，改提舉洞霄宮，光宗嗣位，詔詢初政，淮以盡孝進德，奉天敬民，用人立政，罔不在初，母亡，居喪如禮，得疾，疾語家人曰：易卦六十四，吾年亦然，淳熙十六年薨，計聞上哀悼，輟視朝，贈少師，諡文定。初，朱熹爲浙東提舉，劾知台州唐仲友，淮素善仲友，不喜熹，乃擢陳賈爲監察御史，俾上疏言近日道學假名濟僞之弊，請詔痛革之，鄭丙爲吏部尙書，相與叶力攻道學，熹由此得祠，其後慶元僞學之禁始於此。

趙雄，字溫叔，資州人，爲隆興元年類省試第一，虞允文宣撫四蜀，辟幹辦公事，入相，薦于朝，乾道五年，召見便殿，孝宗大奇之，即日手詔除正字，范成大，大使金將行，雄當登對，允文招與之語，既進，見雄極論恢復，孝宗大喜曰：功名與卿共之，即除右史，兩月，除舍人，金使耶律子敬賀會慶節，雄館伴，子敬披露事情，不敢隱，邏者以聞，上夜召雄，雄具以子敬所言對，上喜，金使入辭，故事當用樂，雄奏：卜郊有日，天子方齋，樂不可用，上難之，遣中使諭雄，雄奏：金使必不敢不順，即有他，臣得引與就館，上大喜，雄請復置恢復局，日夜講磨條具，合上意，除中書舍人，自選人入館至此，未滿歲也，時金將起河南之役，議盡以諸陵梓宮歸于我，上命雄出使賀生辰，仍止奉還陵寢，及正受書儀，雄既見金主，爭辨數四，其臣屢喝起，雄辭益力，卒得請乃已，金人謂之龍鬪，嘗上疏論恢復計，大略謂：莫若由蜀以取陝西，得陝西以臨中原，是秦制六國之勢也，八年，以母憂去，淳熙二年，召爲禮部侍郎，除端明殿學士，簽書樞密院事，一日奏事，上曰：今夏蠶麥甚熟，絲米價平，可喜，雄奏：孟子論王道，始於不飢不寒，上曰：近世士大夫好高論，恥言農事，微有西晉風，豈知周禮與易言理財，周公孔子曷嘗不以理財爲務，且不獨此，士夫諱言恢復，不知其家有田百畝，內五十畝爲人所據，亦投牒理索否，雄曰：陛下志在大有爲，敢不布堯言，書之時政記，十一月，同知樞密院事，五年三月，參知政事，十一月，拜右丞相，每進見，必曰：二帝在沙漠，未嘗離諸口也，朱熹累召不出，雄讀出以外郡，命知南康軍，熹極論時事，上怒，諭雄令

分析，雄奏：熹狂生，詞窮理短，罪之適成其名，若天涵地育，置而不問可也，會周必大亦力言之，乃止，紹興帥張津獻羨餘四十萬緡，雄乞降旨下紹興，以其錢爲民代輸和買，身丁折帛錢之半，使取諸民者，民復得之，足以見聖王之德，自雄獨相，蜀人在朝者僅十數，及眷衰，有言其私里黨者，上疑之，已而陳峴爲四川制置，王渥爲茶馬，命從中出，雄求去，詔勉留，曰：丞相任事不避怨，選才無鄉舊，蓋有所激也，租宗時，蜀人未嘗除蜀帥，雄請外，除觀文殿大學士，四川制置使，王藺爲御史，以故事不可，上疏論之，雄乞免，改知瀘南安撫使，上思雄不忘，改知江陵府，江陵無險可恃，雄請城江陵，城成，民不告擾，張栻再被召，論恢復固當，第其計非是，即奏疏，孝宗大喜，翌日以疏宣示，且手詔云：恢復當如栻所陳方是，即除侍講，云且得直宿時，與卿論事，虞允文與雄之徒不樂，遂沮抑之，廣西橫山買馬，諸蠻感悅，爭以善馬至，上知栻治行，甚嚮栻，衆皆忌嫉，栻忤復出，荆南，雄事沮之，時司天奏相星在楚地，上曰：張栻當之，人愈忌之，光宗將受禪，召雄，雄上萬言書，陳脩身齊家以正朝廷之道，言甚剴切，詔授寧武軍節度使，開府儀同三司，進衛國公，改帥湖北，疾甚，改判資州，又除潼川府，改隆興府，紹熙四年薨，年六十五，贈少師，嘉定二年諡文定。

權邦彥，字朝美，河間人，登崇寧四年太學上舍第，調滄州教授，入爲太學博士，改宣教郎，除國子司業，宣和二年，使遼，明年，抗表請帝臨雍，爲學官積十餘年，改都官郎中，直秘閣，知易州，移相州，復召爲都官郎中，與王黼議不合，鑄職，知冀州，金人再入，高宗開大元帥府，起兩河兵衛汴京，邦彥提所部兵二千五百人，與宗澤自澶淵趨韋城，據刀馬河，諸道兵莫有進者，會敵兵大至，移屯南華，二帝北遷，邦彥與澤五表勸進，建炎元年五月，召還，命知荆南府，改東平府，時東州半已入金，至是圍益急，邦彥誓以死守，居數月，城破，猶力戰不已，民義而從之，突圍以出，遂奔行在，有司議失守罪，將重坐之，帝以其父母妻子皆沒於敵，纔貶二秩，俄除寶文閣直學士，兼知江州，本路制置使，既抵鎮，二年冬，聞父死，乃解官，四年，起復，知建康府，辭不許，劇盜張瑛殘徽州，邦彥遣裨將平之，改江淮等路制置發運使，以治辦稱，言者論三年天下之通喪，後世有從權奪服

者所以徇國家之急。比年如權邦彥、美仲謙至幕職，亦起復。幾習宣政之風，望革其弊。以明人倫，厚風俗。詔邦彥任軍賦，宜如舊。餘悉罷之。紹興元年，召為兵部尚書兼侍讀。三年，除端明殿學士、簽書樞密院事。初，邦彥獻十議以圖中興。大略謂宜以天下為度，進圖洪業，恢復土宇，勿苟安於東南。駕御諸將，當威之以法而限之以爵，命讀講之臣，取累朝訓典及三代漢唐中興故事，日陳于前，以裨聖學。又監觀傷善妨賢之議，偷安苟容之伎，市恩立威之姦，懷謗罔上之欺，聽其言，察其事，則忠邪判，愛民先愛其力，寬民先節其用。股已奉以佐國，當自執政始，分閫而屬大事，類非偏裨之所能為，必得賢臣大將然後可。制置一官可省，宜令沿江州縣各備境內總以漕帥，上自荆鄂江池，下至采石京口，委任得人，乃防秋上策。宗室中豈無傑然有人，望可以濟艱難，贊密勿，留宿衛者，願求其人，置諸左右。人事盡則天悔禍，不可獨歸之數。呂頤浩素善邦彥，薦用之。給事中程瑀劾邦彥五罪，三疏不報。邦彥在樞密，又言宜乘機者三：譬弈之爭先，安可隨應隨解，不制人而制於人哉？尋兼權參知政事。帝嘗對輔臣言湖南事，頤浩言李綱縱暴，恐治潭無善狀。帝曰：綱在宣和間論水災，以得時望，邦彥曰：綱元無章疏，第略虛名耳。蓋助頤浩以排綱也。三年卒。邦彥與政幾一年，碌碌無所建明，充位而已。無子。以姪嗣衍為後。有遺藁十卷，號瀛海殘編，藏於家。

程松，字冬老，池州青陽人。登進士第，調湖州長興尉。章森吳曦使北，松為僕從。慶元中，韓侂胄用事，曦為殿帥。時松知錢塘縣，詔事曦以結侂胄。侂胄以小故出愛姬，松聞以百千市之。至則威供帳舍諸中堂，夫婦奉之謹，居無何，侂胄意解，復召姬，姬具言松謹待之意，侂胄大喜。除松幹辦行在諸軍審計司，守太府寺丞。未聞旬，遷監察御史，擢右正言，諫議大夫。呂祖泰上書乞誅侂胄，蘇師旦、松與陳黨劾祖泰當誅。祖泰坐真決流嶺南。松滿歲未遷，意殊怏怏。乃獻一妾于侂胄，曰：松壽，侂胄訝其名，問之，答曰：欲使疵賤姓名，常蒙記憶爾。除同知樞密院事。自宰邑至執政，財四年。開禧元年，以資政殿大學士知成都府。四川制置使侂胄決議開邊，以期二年四月分道進兵，命松為宣撫使，與元都統制吳

曦副之。尋加曦為陝西招撫使，許便宜從事。松將東軍三萬駐興元，曦將西軍六萬駐河池。松至益昌，欲以執政禮責曦，庭參，曦聞之，反境而返。松用東西軍一千八百人自衛，曦多抽摘以去，松殊不悟。曦遣其客納款于金，獻關外四州地，求為蜀王，有告曦叛者，松哂其狂。及金人取成州，守將葉蘭遁，吳曦焚河池，還興州。松以書從曦求援兵，曦答以鳳州非用騎之地。漢中平衍，可騎以驅馳。當發三千騎往，蓋給之也。未幾，金人封曦為蜀王，曦遺松書，諷使去。松不知所為，與元帥劉甲、茶馬范仲任、見松，謀起兵誅曦。松恐事泄，取禍，即揖二人起去。會報金人且至，百姓奔走相蹂躪，一城如沸。松亟望米倉山遁去。由閬州順流至重慶，以書抵曦，乞贖禮買舟，稱曦為蜀王，曦遣使以匣封致，松望見大恐，疑其劍也，亟逃奔。使者追及，松不得已，啟視之，則金寶也。松乃兼程出峽，西向掩淚曰：吾今復保頭顱矣。曦詔落職降三官，筠州居住。再除順昌軍節度副使，澧州安置。又責果州團練副使，賓州安置，死賓州。

陳謙，字益之，温州永嘉人。乾道八年進士，授福州戶曹，主管刑工部架閣文字。遷國子錄勅，令所刪脩官。樞密院編修官，陳中興五事，至李綱議建鎮事。上曰：綱何足道？謙曰：陛下用大臣，審出綱上，宜如聖訓，令顯出綱下，遠甚奈何。上寤，然。遂極論，踰數刻。孝宗內禪，通判江州。知常州，提舉湖北常平。平辰州峒獠，加直煥章閣，除戶部郎中，總領湖廣財賦。謙乃丞相趙汝愚客，會黨論起，坐斥。後數年，起為提點成都府路刑獄。移京西運判，復直煥章閣。韓侂胄謀擄金人，令獻馬者補官。七州民相扇為盜，謙移書侂胄曰：今若倚盜行剽掠之策，豈得以敗亡為戲乎？既而屢論，襄帥皇甫斌李奕罪，且求罷。上諭旨薛叔似協和之。遷司農少卿，湖廣總領。除宣撫司參謀官，金兵深入，陷應城，焚漢川。漢陽空城，走武昌。震懼謙以寶謀，閣待制副宣撫，即日置司北岸。命士豪趙觀履之中流，士馬溺死甚眾，餘兵皆叛走。未幾，奪職罷。後復知江州，侂胄死，和議已決，謙復罷。奉祠卒。年七十三。謙有傳聲，早為善類所予，晚坐僞禁中廢，首稱侂胄為我王，士論絲是薄之也。

張巖，字肖翁，大梁人。徙家揚州。紹熙末，渡江居潮州。為人機警，柔回善諧，登乾

道五年進士第。歷官爲監察御史。與張釜陳自強劉三傑程松等。阿附時相韓侂胄。誣逐當時賢者。嚴道學之禁。進殿中侍御史。累遷給事中。除參知政事。以言者罷。爲資政殿學士。知平江府。旋升大學士。知揚州。時邊釁方開。詔嚴與程松分帥兩淮。已而召還。爲參知政事。兼同知國用事。開禧二年。遷知樞密院事。明年。除督視江淮軍馬。時方信孺使金議和。值吳曦以蜀叛。議未決。曦伏誅。金人尋前議。信孺再行。侂胄趣嚴遣畢再遇田琳合兵勦敵。且募生擒僞帥。未幾。川陝戰屢劄。大散關陷。敵情復變。嚴開督府。九閱月。費耗縣官錢三百七十餘萬緡。見和議反復。乃言不知兵。固求去。侂胄誅御史章燮論嚴與蘇師旦朋姦。誤國奪兩官。寧宗謂兵燮方開。嚴嘗言其不可。許自便。復元官奉祠。以銀青光祿大夫致仕薨。贈特進。

論曰。史浩宅心平恕。而不能相其君恢復之謀。王淮爲僞學之禁。毒痛善類。趙雄與虞允文協謀用兵。而舊史謂二人沮抑張拭。何哉。邦彥守城力戰。惜乎助呂頤浩攻李綱。君子少之。程松陳謙張巖。誣諛之徒。何足算哉。

宋史卷三百九十六

元中書右丞相總裁脫脫等修

列傳第一百五十六

徐誼 吳獵 項安世 薛叔似

劉甲 楊輔 劉光祖

徐誼字子宜一字宏父温州人乾道八年進士累官太常丞孝宗臨御久事皆上決執政惟奉旨而行羣下多恐懼顧望誼諫曰若是則人主日聖人臣日愚陛下誰與共功名乎及論樂制誼對以宮亂則荒其君驕商亂則破其官壞上遽改容曰卿可謂不以官自惰矣知徽州陛辭屬光宗初授禪誼奏三代聖王有至誠而無權術至誠不息則可以達天德矣至郡歙縣有妻殺夫繫獄以五歲女為證誼疑曰婦人能一掌致人死乎緩之未覆也會郡究實稅千庭死者父母及弟在焉乃言我子欠租久繫縲而大叫役者批之墮水死矣然後免者得釋吏皆坐罪闔郡以為神移提舉浙西常平守右司郎中遷左司孝宗疾浸棘上久稽定省誼入諫退告宰相曰上慰納從容然目瞪不瞬意思恍惚真疾也宜禱祠郊廟進皇子嘉王參決丞相留正不克用孝宗崩上不能喪祭奠有祝有司不敢攝百官皆未成服誼與少保吳玕議讀太皇太后臨朝扶嘉王代祭及將禫正憂懼仆於殿庭而去誼以書譴趙汝愚曰自古人臣為忠則忠為姦則姦忠姦雜而能濟者未之有也公內雖心傷外欲坐觀非雜之謂歟國家安危在此一舉汝愚問策安出誼曰此大事非憲聖太后命不可而知閣門事韓侂胄憲聖之戚也同里蔡必勝與侂胄同在閣門可因以勝招之侂胄至汝愚以內禪讓遺侂胄請于憲聖侂胄因內侍張宗尹關禮達汝愚意憲聖許之寧宗即位誼遷檢正中書門下諸房公事兼權刑部侍郎進權工部侍郎知臨安府侂胄恃功以賞薄浸缺望誼告汝愚曰異時必為國患宜飽其欲而遠之不聽汝愚雅器誼除授建明多咨訪誼隨事裨助不避形迹怨者始眾嘗勸汝愚早退汝愚亦自請名在屬籍不宜久司揆事願因阜陵訖事以去寧宗已許之侂胄出入禁中無度誼密啓汝愚無計防之乃直面諷侂胄侂胄疑將排已

首謁誼退東裝冀誼還謁留之通殷勤誼不往吏部侍郎彭龜年論侂胄罪狀侂胄疑汝愚誼知其情益怨恨以御史劉德秀胡紘疏誼實惠州團練副使南安軍安置移袁州又移婺州久之許自便復官提舉崇道觀起守江州加集英殿修撰升寶謨閣待制移知建康府兼江淮制置使初金攻廬楚不下留兵綴濠州以待和時時鈔掠與宋師遇殺傷相當准人大驚復進流江南在建康者以數十萬計誼晝夜拊循益嚴備禦請專捍敵勿從中御朝廷懼生事移知隆興府以卒誼嘗與紹興老將接於行陣之法分數奇正皆有指授自為圖式後諡忠文

吳獵字德夫潭州醴陵人登進士第初主澤州平南簿時張栻經略廣西檄攝靜江府教授劉焯代栻栻以獵薦辟本司準備差遣盜李接起陷容雷高化貴鬱林等州獵請賞勞誅罪焯於是錄鬱林功誅南流縣尉鬱林巡檢人人驚厲爭死鬪不踰時盜悉就擒尉宰相王淮甥也獵坐降官久之知常州無錫縣用陳傅良薦召試守正字光宗以疾久不覲重華宮獵上疏曰今茲福有八十之大母重華有垂白之二親陛下宜於此時問安上壽恪共子職辭甚切又白宰相留正乞召朱熹楊萬里時陳傅良以言過官事不行求去獵責之曰今安危之機判然可見未聞有牽裾折檻之士公不於此時有所奮發為士大夫倡第潔身而去於國奚益傅良為改容謝之寧宗即位遷校書郎除監察御史上趣脩大內將移御獵言壽皇破漢魏以來之薄俗服高宗三年之喪陛下萬一輕去喪次將無以慰在天之靈又言陛下即位未見上皇宜篤厲精誠以俟上皇和豫而祇見焉會僞學禁與獵言陛下臨御未數月今日出一紙去宰相明日出一紙去諫臣昨又聞侍講朱熹遠以御札昇祠中外惶駭謂事不出於中書是謂亂政獵既駁史浩諡又請以張浚配享阜陵曰艱難以來首倡大義不以成敗利鈍異其心精忠茂烈實日月動天地未有過於張浚也孝宗皇帝規恢之志一飯不忘歷考相臣終始此念足以上配孝宗在天之意亦惟浚一人耳議皆不合出為江西轉運判官尋劾罷久之黨禁弛起為廣西轉運判官除戶部員外郎總領湖廣江西京西財賦韓侂胄議開邊獵貽書當路請號召義士

以保邊場。刺子弟以補軍實。增襄陽信陽之戍。以備衝突。分屯陽羅五關。以扞武昌。杜越境誘竊。以謹邊隙。選試良家子。以衛府庫。且謂金人懲紹興末年之敗。今其來必出荆襄踰湖。乃輸湖南米於襄陽。凡五十萬石。又以湖北漕司和糴米三十萬石。分輸荆鄧安信四郡。蓄銀帛百萬計。以備進討。拔董達孟宗政柴發等分列要郡。厥後皆為名將。召除秘書少監。首陳邊事。乞增光鄂江黃四郡戍。屬江陵告饑。除秘閣修撰。主管荆湖北路安撫司公事。知江陵府。陛辭。請出大農十萬緡以振饑者。道武昌。遣人招商分糴。至郡。減價發糴。米價為平。獵計金攻襄陽。則荆為重鎮。乃修成高氏三海築金鸞內湖通濟保安四置。達于上海而注之中海。拱辰長林藥山叢林四置。達于下海。分高沙東澱之流。由寸金隄外歷南起楚望諸門。東匯沙市為南海。又於赤湖城西。遏走馬湖。鬩斗陂之水。西北實李公置。水勢四合。可限戎馬。金人圍襄陽。德安游騎追竟陵。朝廷命徽節制本路兵馬。徽遣張榮將兵援竟陵。又招神馬陂潰卒得萬人。分援襄陽。德安加寶護閣待制。京湖宣撫使。時金人再犯竟陵。張榮死之。襄陽德安俱急。吳曦俄反于蜀。驚報至。徽請魏了翁攝參議官。訪以西事。募死士入竟陵。命其將王宗廉死守。調大軍及忠義保捷分道夾擊。金人遂去。又督董達等援德安。董世雄孟宗政等解襄陽之圍。西事方殷。徽為討叛計。請于朝。以王大才彭輅任西事。仍分兵抗均房諸險。漕粟歸峽。以待王師。及曦誅。除刑部侍郎。充四川宣諭使。朝廷命旌別淑慝。以數文閣學士四川安撫制置使兼知成都府。嘉定六年。召還卒。家無餘資。蜀人思其政。畫像祠之。徽初從張栻學。乾道初。朱熹會栻于潭。徽又親炙。湖湘之學。一出于正。徽實表率之。有畏齋文集奏議六十卷。諡文定。

項安世。字平父。其先括蒼人。後家江陵。淳熙二年進士。召試。除秘書正字。光宗以疾不過重華宮。安世上書言。陛下仁足以覆天下。而不能施愛於庭闈之間。量足以容羣臣。而不能忍於父子之際。以一身寄於六軍萬姓之上。有父子然後有君臣。願陛下自入思慮。父子之情。終無可斷之理。愛敬之念。必有油然而時。聖心一回。何用擇日。早往則謂之省。暮往則謂之定。即日就駕。旋乾轉坤。在

反掌間爾。疏入不報。安世遺宰相留正書求去。尋遷校書郎。寧宗即位。詔求言。安世應詔言。管夷吾治齊。諸葛亮治蜀。立國之本。不過曰量地以制賦。量賦以制用而已。陛下試披輿地圖。今郡縣之數。比祖宗時孰為多少。比秦漢隋唐時孰為多少。陛下必自知其狹且少矣。試命版曹具一歲賦入之數。祖宗咸時。東南之賦入幾何。建炎紹興以來。至乾道淳熙。其所增取幾何。陛下試命內外羣臣。有司具一歲之用。人主供奉好賜之費幾何。御前工役器械之費幾何。嬪嬙宦寺廩給之費幾何。戶部四總領養兵之費幾何。州縣公使迎送請給之費幾何。陛下必自知其為侈且濫矣。用不量賦而至於侈且濫。內外上下之積。不得而不空。天地山川之藏。不得而不竭。非忍痛耐謗。一舉而更張之。未始其所以終也。今天下之費最重而當省者。兵也。能用土兵則兵可省。能用屯田則兵可省。其次莫如宮掖。兵以待敵國。常畏而不敢省。故省兵難。宮掖以私一身。常愛而不忍省。故省宮掖難。不敢省者。事在他人。不忍省者。在陛下。宮中之嬪嬙宦寺。陛下事也。宮中之器械工役。陛下事也。陛下肯省則省之。宮中既省。則外廷之官吏四方之州縣。從風而省。奔走不暇。簡樸成風。民志堅定。民生日厚。雖有水旱蟲蝗之災。可活也。國力日壯。雖有夷狄盜賊之變。可為也。復祖宗之業。雪人神之憤。惟吾所為。無不可者。時朱熹召至闕。未幾予祠。安世率館職上書留之。言御筆除熹官祠。不經宰執。不由給舍。徑使快行。直送熹家。竊揣聖意。必明知熹賢。不當使去。宰相見之。必執奏。給舍見之。必繳駁。是以為此駭異。變常之舉也。夫人主患不知賢爾。明知其賢而明去之。是示天下以不復用賢也。人主患不聞公議爾。明知公議之不可而明犯之。是示天下以不復顧公議也。且朱熹本一庶官。在二千里外。陛下即位未數日。即加號召。昇以從官。俾侍經幄。天下皆以為初政之美。供職甫四十日。即以內批逐之。舉朝驚愕。不知所措。臣願陛下謹守紀綱。毋忽公議。復留朱熹。使輔聖學。則人主無失。公議尚存。不報。俄為言者劾去。通判重慶府。未拜。以偽黨罷。安世素善吳獵。二人坐學禁。久廢。開禧用兵。獵起帥荆渚。安世方丁內艱。起復知鄂州。俄准漢師潰。薛叔似以怯懦為侂冑所惡。安世因貽侂冑書。其末曰。偶送客至江頭。飲竹光酒半醉。書不成。

字侏胄大喜曰。項平父乃爾。爾暇。遂除戶部員外郎。湖廣總領。會叔似罷。金圍德安。益急。諸將無所屬。安世不俟朝命。徑遣兵解圍。高悅等與金人力戰。馬雄獲萬戶。周勝獲千戶。安世第其功以聞。獵代叔似爲宣撫使。尋以宣諭使入蜀。朝命安世權宣撫使。又升太府卿。有宣撫幕官王度者。吳獵客也。獵與安世素相友。及安世招軍。多不逞。好擄掠。獵斬其爲首者。安世憾之。至是。斬度於大別寺。獵聞于朝。安世坐免。後以直龍圖閣爲湖南轉運判官。未用上。臺章奪職而罷。嘉定元年卒。所著易玩辭。他書。多行于世。

薛叔似。字象先。其先河東人。後徙永嘉。游太學。解褐國子錄。初登對。論祖宗立國之初。除二稅外。取民甚輕。自熙寧以來。賦日增而民困滋甚。孝宗嘉納。因曰。朕在宮中。如一僧。叔似曰。此非所望於陛下。當論功業如何。正使海內富庶如文景。不過江左之文景。法度修明如明章。不過江左之明章。陛下即位二十餘年。國勢未張。未免牽於苟安無事之說。上默然。復數日。宰執進擬朝士。上出寸紙書叔似及應孟明姓名。嘉其奏對也。遷太常博士。尋除樞密院編修官。時倣唐制置補闕拾遺。宰臣啓擬令侍從臺諫薦人。上自除叔似左補闕。叔似論事。遂劾首相王淮去位。屬金主昀。太孫景立。叔似奏。規模果定。則乘五單于爭立之機。規模不存。則恐成五胡迭起之勢。光宗受禪。時傳金使入界。使名未正。叔似奏。自壽皇一正匹敵之禮。金人常有南顧之慮。使名未正。而遽受之。祇以重其玩侮。翼日復奏。謀國者畏敵太過。上奮然開納。除將作監。出爲江東轉運判官。俄以諫臣論罷。主管冲佑觀。尋除湖北運判。加直秘閣。移福建。召爲太常少卿。兼寶錄院檢討官。守秘書監。權戶部侍郎。初。丞相周必大請擇侍從臺諫。忠直者提舉。太史局。蓋用神宗朝司馬光與王安禮故事。纒度少差。豫圖銷弭。遂命叔似提舉。尋兼樞密都承旨。以劉德秀疏罷。提舉與國宮。起知贛州。移隆興府。廬州。召除在京宮觀。兼侍讀。進權兵部侍郎。兼同修國史。兼國用司參議官。兩浙民有身丁錢。叔似請于朝。遂蠲之。試吏部侍郎。兼侍讀。充京湖宣諭使。時韓侂胄開邊。除兵部尚書。宣撫使。叔似方乞降官。會分撥綱運。募兵馬。辟致僚佐。而皇甫斌。唐州之師已敗矣。遂劾斌。南安軍安置。叔似料敵必侵。光黃。

委總領陳謙。按行五關。發鄂平守三關。金果入寇。謙駐漢陽。爲江左節制。尋除叔似端明殿學士。兼侍讀。時宣司兵戍襄陽。都統趙淳。副統制魏友諒。與統制呂渭孫不相下。渭孫死之。叔似遂自劾。委任失當。叔似夙以功業自期。遽臨事絕無可稱。以御史王益祥論。奪職罷祠。侂胄誅。諫官葉時再論。降兩官。謫福州。以兵端之開。叔似迎合故也。久之。許自便。嘉定十四年卒。贈銀青光祿大夫。謚恭翼。叔似雅慕朱熹。窮道德性命之旨。談天文地理。鍾律象數之學。有藁二十卷。

劉甲。字師文。其先永靜軍東光人。元祐宰相摯之後也。父著。爲成都漕幕。葬龍游。因家焉。甲淳熙二年進士。累官至度支郎中。遷樞密院檢討。兼國史院編修官。寶錄院檢討官。使金至燕山。伴宴完顏者名犯仁廟。嫌諱。甲力辭。完顏更名修。自紹興後。凡出疆。遇忌俱辭。設宴皆不得免。秦檜所定也。九月二十三日。金宴甲。以宣仁聖烈后忌辭。還除司農少卿。進太常。擢權工部侍郎。升同修撰。除寶謨閣待制。知江陵府。湖北安撫使。甲謂荊州爲吳蜀衝。高保融分江流瀦之。以爲北海。太祖常令決去之。蓋保江陵之要害也。即因遺址浚築。互四十里。移知廬州。程松爲四川宣撫使。吳曦副之。以甲知興元府。利東安撫使。時蜀口出師。敗。金陷西和成州。曦焚河池縣。先是曦已遣姚淮源獻四州於金。金鑄印立曦爲蜀王。甲時在漢嘉。未至鎮也。金人破大散關。與元都統制母思以重兵守關。而曦陰徵壽關之戍。金自板谷谷繞出關後。思挺身免。甲告急于朝。乞下兩宣撫司協力扞禦。松謀遁。甲固留不可。遽以便宜檄甲兼沿邊制置。曦遣後軍統制王鉞。準備將趙觀。以書致甲。甲援大義拒之。因臥疾。曦又遣其弟。敗。邀甲相見。甲叱而去之。乃援顏真卿河北故事。欲自拔歸朝。先募二兵持帛書。遣參知政事李璧告變。且曰。若遣吳總以右職入川。即日可瓦解矣。曦僭王位。甲遂去官。朝廷久乃微聞。曦反狀。韓侂胄猶不之信。甲奏至。舉朝震駭。璧袖帛書進。上覽之。稱忠臣者再。召甲赴行在。命吳總以雜學士知鄂州。多賜告身金錢。使招諭諸軍。爲入蜀計。復命以帛書賜甲。曰。所乞致仕。實難允從。已降指揮。召赴行在。今朝廷已遣使與金通和。襄漢近日大捷。北兵悉已渡江而去。恐蜀遠。

未知更在審度事宜從長區處二兵皆補官甲舟行至重慶聞安丙等誅職復還漢中上奏待罪詔趣還任甲奏叛臣子孫族屬及附偽罪狀公論快之會宣撫副使安丙以楊巨源自負倡義之功陰欲除之語在巨源傳巨源既死軍情巨測除甲宣撫使楊輔亦以為請當國者疑輔避事李璧曰昔吳璘屬疾孝宗嘗密詔汪應辰權宣撫司事既而璘果死應辰即日領印軍情遂安此的例也乃以密劄命甲甲鑄藏之未幾金自鶴嶺關劄金崖進屯八里山甲分兵進守諸關截潼川戎兵駐饒風以待之金人知有備引去侂胄謝上念甲精忠拜寶謀閣學士賜衣帶鞍馬是歲和議成朝廷開彭軫與丙不協以書問甲又俾論丙減汰諸軍勿過甚及訪蜀人才之可用者蓋自楊輔召歸西邊諸事朝論多於甲取決人無知者紹興中蜀軍無見糧初為科糴孝宗聞其病民命總領李繫以本所錢招糴懼不給又命勸糴其半勸糴之名自此始久之李昌圖總計復奏令金梁守倅任責收糴而勸糴遂罷及是宣總司令金洋與元三郡勸糴小麥三十萬石甲乞下總所照李繫成法措置從之明年罷宣撫司合利東西為一帥治與元移甲知潼川府安丙既同知樞密院事董居誼為制置使甲進寶謨閣學士知與元府利路安撫使節制本路屯駐軍馬朝廷計居誼猶在道命甲權四川制置司事先是大臣撫蜀者諸將事之有所謂互送禮賄賂也甲下令首罷之凡丙所立茶鹽柴邸悉廢之又乞以早郊博易鋪場還隸沔戎司復通吳氏莊歲收租四萬斛有奇錢十三萬以裨總計從之丙增多田稅甲命屬吏討論由一府言之歲減凡百六十萬緡米麥萬七千石邊民感泣嘉定七年卒于官年七十三甲幼孤多難母病刲股以進平生常謂吾無他長惟足履實地畫所為夜必書之名曰自監為文平澹有奏議十卷理宗詔證清惠楊輔字嗣勳遂寧人乾道二年進士甲科召試館職除秘書省正字遷校書郎出知眉州累遷戶部郎中總領四川財賦升太府少卿利西安撫使吳挺病輔以吳氏世帥武興久恐生變密白二府早擇人望以鎮方面又貽書四川制置邱壘言統制官李夔乃吳氏腹心緩急不可令權軍壘然之挺卒透檄輔權帥事輔謂職為王人若輕往第疑軍心遂索印即益昌領事復數月奏以權興州

事楊虞仲兼權召守秘書監禮部侍郎以顯謨閣待制知江陵府移襄陽又移潼川召還除顯謨閣直學士奉外祠尋以敷文閣直學士知成都府兼本路安撫使韓侂胄決意用兵以吳曦為四川宣撫使假以節制財利之權輔知曦有異志貽書大臣言自昔兵帥與計臣不相統攝故總領有報發覺察之權今所在皆受節制內憂不輕因託言他事遣人以礬書告于朝朔日率官屬東望拜表如常儀上意輔能誅曦密詔授寶謨閣學士四川制置使許以便宜從事時人望輔倡義劉光祖李道傳皆勉之輔自以不習兵事且內郡無兵可用遷延兩月但為去計曦移輔知遂寧府輔遂以印授通判韓植而去安丙楊巨源密謀誅曦以輔有人望謂密詔自輔所來聞者皆信曦既誅丙趣輔還成都除四川宣撫使奏言臣以衰病軟懦而居建元功者之上徒恐牽制敗事安丙才力強濟賞罰明果乞以事任付丙又論蜀中三帥惟武與事權特重故致今日之變乞並置兩帥分其管屯隸屬安丙奏乞兩宣撫分司朝廷察丙與輔異召輔赴闕議者謂蜀亂初平如輔未宜去乃復以為制置使兼知成都府再被召踰年財抵建康復引咎不進上召輔益堅乃之鎮江俟命著作佐郎楊簡言輔嘗棄成都不當召乃除兵部尚書兼侍讀以龍圖閣學士知建康府兼江淮制置使卒于官諡曰莊惠

劉光祖字德修開州陽安人幼出于外祖賈暉後以暉遺澤補官登進士第廷對言陛下睿察太精宸斷太嚴求治太速喜功太甚又言陛下躬擐甲冑間馭秣馬一旦有警豈能親董六師以督戰乎夫人主自將危道也臣恐秣馬之事敵人聞之適以貽笑不足以示武除劍南東川節度推官辟潼川提刑司檢法淳熙五年召對論恢復事請以太祖用人為法且曰人臣獻言不可不察其不一量可否勸陛下輕出驟進則是即日誤國其一不思振立苟且偷安則是久遠誤國除太學正召試守正字兼吳益王府教授遷校書郎除右正言知果州以趙汝愚薦召入光宗即位除軍器少監兼權侍左郎官又兼禮部時殿中侍御史闕上方嚴其選謂宰臣留正曰卿監郎官中有其人正沈思久之曰得非劉光祖乎上曰是久在朕心矣光祖入謝因論近世是非不明則邪正互攻公

論不立則私情交起。此固道之消長。時之否泰。而實爲國家之禍福。社稷之存亡。甚可畏也。本朝士大夫學術議論。最爲近古。初非有強國之術。而國勢安根本深厚。咸平景德之間。道臻皇極。治保太和。至於慶曆嘉祐咸矣。不幸而壞於熙豐之邪說。疎棄正士。招徠小人。幸而元祐君子起而救之。末流大分。事故反覆。紹聖元符之際。羣凶得志。絕滅綱常。其論既勝。其勢既成。崇觀而下。尙復何言。臣始至時。聞有譏貶道學之說。而實未睹朋黨之分。中更外艱。去國六載。已憂兩議之各甚。而恐一旦之交攻也。逮臣復來。其事果見。因惡道學。乃生朋黨。因生朋黨。乃罪忠諫。嗟乎。以忠諫爲罪。其去紹聖幾何。陛下履位之初。端拱而治。凡所進退。率用人言。初無好惡之私。豈以黨偏爲主。而一歲之內。逐者紛紛。中間奸人。固亦不少。反以人臣之私意。微累天日之清明。往往推忠之言。謂爲沽名之舉。至於潔身以退。亦曰憤懣而然。欲激怒於至尊。必加之。以訐訕。事勢至此。循默乃宜。循默成風。國家安賴。臣欲熄將來之禍。故不憚反復。以陳伏乞聖心。豁然。永爲皇極之主。使是非由此而定。邪正由此而別。公論由此而明。私情由此而熄。道學之譏。由此而消。朋黨之迹。由此而泯。和平之福。由此而集。國家之事。由此而理。則生靈之幸。社稷之福也。不然。相激相勝。展轉反復。爲禍無窮。臣實未知稅駕之所。章既下。讀之有流涕者。勅罷戶部尙書葉翥。太府卿兼中書舍人沈揆。結近習。圖進用。言比年以來。士大夫不慕廉靖。而慕奔競。不尊名節。而尊爵位。不樂公正。而樂軟美。不敬君子。而敬庸人。既安習以成風。謂苟得爲至計。良由前輩老成。零落殆盡。後生晚進。議論無所據依。學術無所宗主。正論益衰。士風不競。幸詔大臣。妙求人物。必朝野所共屬。賢愚所同敬者。一二十人。參錯立朝。國勢自壯。臣雖終歲無所奏。固亦未至曠官。今日之患。在於不封殖人才。臺諫但有摧殘。廟堂初無長養。臣處當言之地。豈以排擊爲能哉。徙太府少卿。求去不已。除直祕閣。潼川運判。改江西提刑。又改夔州。時孝宗不豫。上久不過宮。光祖致書留正。趙汝愚曰。宜與羣賢并心一力。若上未過宮。宰執不可歸安私第。林陳二閣。自以獲罪重華。日夜交謀。其間。宜用韓魏公。逐任守忠。故事。以釋兩宮疑謗。大臣亦當收兵柄。密布腹心。俾緩急有可仗者。聞

孝宗崩。又詔書汝愚。勉以安國家定社稷之事。寧宗即位。除侍御史。改司農少卿。入對。獻謹始五箴。又論人主有六易。天命易恃。天位易易。無事易安。意欲易奢。政令易怠。歲時易玩。又有六難。君子難進。小人難退。苦言難入。巧佞難遠。是非難明。取舍難決。闇主之所易。明主之所難。闇主之所難。明主之所易。又言陛下以隆慈之命。踐祚於素幄。蓋有甚不得已者。宜躬自貶損。盡禮於上。使聖意懽然。知釋位之樂。然後足以昭陛下之大孝。上悚然嘉納。進起居舍人。論政令當出中書。陛下審而行之。人主操柄。無要於此。知閣門事韓侂胄。浸擅威福。故首及之。遷起居郎。集議卜孝宗山陵。與朱熹皆謂會稽山陵土薄水淺。乞議改卜。既而熹與祠。光祖言。漢武帝之於汲黯。唐太宗之於魏徵。仁宗之於唐介。皆暨怒旋悔。熹明先聖之道。爲今宿儒。又非三臣比。陛下初膺大寶。招徠耆儒。此初政之最善者。今一旦無故去之。可乎。且曰。臣非助熹。助陛下者也。再疏不聽。劉德秀。勅光祖出爲湖南運判。不就。主管玉局觀。趙汝愚既罷相。侂胄擅朝。遂目士大夫爲僞學逆黨。禁錮之。光祖撰涪州學記。謂學之大者。明聖人之道。以修其身。而世方以道爲僞。小者治文章。以達其志。而時方以文爲病。好惡出於一時。是非定於萬世。諫官張釜。指爲謗訕。比之楊惲。奪職。謫居房州。久之。許自便。起知眉州。復職。將漕利路。以不習邊事。辭。進直寶謨閣。主管冲佑觀。吳曦叛。光祖白郡守。焚其榜。通衢。且馳告帥守。監司之所素知者。仗大義。連衡以抗賊。俄聞曦誅。則以書屬宣撫使楊輔。諱行營。前日利歸吳氏者。悉收之。公上以省餉軍費。擬名節。旌死事。以激忠烈之心。除潼川路提刑。權知瀘州。侂胄誅召除右文殿修撰。知襄陽府。進寶謨閣待制。知遂寧府。改京湖制置使。以寶謨閣直學士知潼川府。詔以閣兩求言。光祖奏。女直乃吾不共戴天之讎。天亡此讎。送死于汴。陛下爲天子之子。不知所以圖之。天與不取。是謂棄天。未有棄天而天不我怒也。青鄆閩會求通弗納。陛下爲中國衣冠之主。人歸而我絕之。是謂棄人。未有棄人而人不我怒也。且金人舍其巢穴。汗我汴京。尙可使吾使人拜之於祖宗。昔日朝會之廷乎。又請改正憲。聖烈皇后諱曰。先是后崩。以慶元三年十一月二日。郊禋期迫。或謂侂胄曰。上親郊。不可不成禮。且有司所費既

驟奈何已之。侂胄入其言。五日祀園丘。六日始宣遺詔。於是光祖言。憲聖陛下之曾祖母。克相高宗。再造大業。侂胄敢視之如卑喪。遷就若此。賊臣就戮。盡告謝祖宗。改從本日。從之。升顯謨閣直學士。提舉玉隆萬壽宮。引年不許。提舉西京嵩山崇福宮。嘉定十五年卒。進華文閣學士。謚文節。趙汝愚稱光祖論諫。激烈似蘇軾。懇惻似范祖禹。世以爲名言。所著後溪集十卷。子端之。靖之。翊之。斌之。

論曰。徐誼竄逐於小人之手。身之否道之亨也。吳獵之以學爲政。項安世之通經博古。皆一時之英才。今更定舊史。公論其少伸歟。薛叔似。通儒也。不幸以開邊事累之。劉甲楊輔。蔚乎有用之才。劉光祖威名。與涪州學記。並傳穹壤。世之人何憚而不爲君子也。

宋史卷二百九十七

元中書右丞相總裁脫脫等修

列傳第一百五十七

余端禮

李璧

丘密

倪思

宇文紹節

李繁

余端禮字處恭衢州龍游人第進士知湖州烏程縣民間賦丁絹錢率三垧出一縑不輸絹而折其估一縑千錢後增至五千民不勝病端禮以告于府事得上聞又自詣中書陳便宜歲蠲絹錢六萬召對時孝宗志在恢復端禮言謀敵決勝之道有聲有實敵弱者先聲後實以驚其氣敵彊者先實後聲以俟其機漢武乘匈奴之困親行邊陲威震朔方而漢南無王庭者警其氣而服之所謂先聲而後實也越謀吳則不然外講盟好內修武備陽行成以種蠹陰結援於齊晉教習之士益精而獻遺之禮益密用能一戰而霸者伺其機而圖之所謂先實而後聲也今日之事異於漢而與越相若願陰設其備而密為之謀觀變察時則機可投矣古之投機者有四有投隙之機有構虛之機有乘亂之機有承弊之機因其內釁而擊之若匈奴困於三國之攻而宣帝出師此投隙之機也因其外患而伐之若夫差牽於黃池之役而越兵入吳此構虛之機也敵國不道因其離而舉之若晉之降孫皓此乘亂之機也敵人勢窮躡其後而蹙之若高祖之追項羽此乘弊之機也機之未至不可以先機之已至不可以後以此備邊安若泰山以此應敵動如破竹惟所欲為無不如志上喜曰卿可謂通事體矣後以薦為監察御史遷大理少卿轉太常少卿詔以來歲祈穀上帝仲春躬耕藉田令禮官討論明道故事端禮言祈穀之制合祭天地於圜丘前期享於太廟視冬至郊祀之儀此國朝故事也若乃明道之制則以宮中火後考室落成故於太安殿恭謝天地此特一時謝災之事耳今欲祈穀而耕籍必合祭天地於圜丘必前期朝享於景靈宮太廟可也欲如明道之制行於殿庭不可詔太常禮部集議中書有可以義起者端禮曰禮固有可義起至於大體則不可易古者郊而後耕以其於郊故謂之郊猶祀於明堂故謂之明堂如明道

謝災之制則與祈穀異今以郊而施之殿庭亦將以明堂而施之壇壝乎禮之失自端禮始端禮死不數奉詔上為之止權兵部侍郎兼太子詹事進吏部侍郎出知太平州奉祠光宗立召見言天子之孝不與庶人同今陛下之孝於壽皇當如舜之於堯行其道可也武之於文繼其志述其事可也凡壽皇睿謀聖訓仁政善教所嘗施於天下者願與二三大臣朝夕講求而力行之則足以盡事親之孝矣授集英殿修撰知贛州遷為吏部侍郎權刑部尚書兼侍講以煥章閣直學士知建康府召拜吏部尚書權同知樞密院事與州帥吳挺死端禮謂樞密趙汝愚曰吳氏世握蜀兵今若復令承襲將為後患汝愚是其言合辭以奏光宗意未決端禮言汝愚所請為蜀計為東南計夫置大將而非其人無蜀也無蜀是無東南也今軍中請帥而遲遲不報人將生心不聽後挺子曦卒以蜀叛如端禮言上以疾不朝重華宮孝宗崩又不能發喪人情恟然端禮謂宰相留正曰公獨不見唐肅宗朝羣臣發哀太極殿故事乎宜請太皇太后代行祭奠之禮於是宰執以請于太皇太后留正懼入臨重華宮仆地致仕而去太皇太后垂簾策皇子嘉王即皇帝位王流涕遜避端禮奏太上遽豫大喪乏主安危之機在於呼吸太皇太后非為陛下計乃為太上皇帝計為宗社計今堅持退讓不思國家之大計是守匹夫之小節而昧天子之大孝也寧宗懼然收淚不得已側身就御坐之半端禮與汝愚再拜固請寧宗乃正御坐退行禫祭禮進端禮知樞密院事兼參知政事汝愚去右丞相位端禮代之始端禮與汝愚同心共政汝愚嘗曰士論未一非余處恭不能任及韓侂胄以傳道之勞寢竊威柄汝愚等欲疎斥之謀泄而汝愚逐端禮不能遏但長吁而已浙西常平黃頴以放民租竄知婺州黃度以庇屬吏褫職罷郡二人皆侂胄所憾端禮執奏竟不免於罪太府丞呂祖儉坐上書忤侂胄南遷端禮救解不獲公議始歸責焉他日見上言除從官中書不知朝綱已紊禍根已滋即丐去不許進左丞相端禮在相位期年頗知擁護善類然為侂胄所制嘗鬱不愜志稱疾求退以觀文殿大學士提舉洞霄宮居頃之判潭州移慶元復帥潭臺授少保鄒國公致仕贈太傅諡忠肅子燮工部尚書

李璧字季章眉之丹陵人父燾典國史璧少英悟日誦萬餘言屬辭精博周必大見其文異之曰此謫仙才也孝宗嘗問燾卿諸子孰可用燾以璧對以父任入官後登進士第召試為正字寧宗即位從著作佐郎兼刑部郎權禮部侍郎兼直學士院時韓侂胄專國建議恢復宰相陳自強請以侂胄平章國事遂召璧草制同禮部尚書蕭達討論典禮命侂胄三日一朝序班丞相上璧受命使金行次揚州忠義人朱裕挾宋帥襲漣水金人憤甚璧乞彙裕首境上詔從其請璧至燕與金人言披露肝膽金人之疑頓釋璧歸侂胄用師意方銳璧言進取之機當重發而必至毋輕出而苟且既而陳景俊使北還贊舉兵甚力錢象祖以沮兵議忤侂胄得罪貶璧論襄陽形勢深以腹心為憂欲待敵先發然後應之侂胄意不懌於是四川荆淮各建宣撫而師出矣璧度力不能回乃入奏自秦檜首倡和議使父兄百世之讎不復開於臣子之口今廟謀未定士氣積衰苟非激昂曷克丕應臣愚以為宜亟貶秦檜示天下以讎恥必復之志則宏綱舉而國論明流俗變而人心一君臣上下奮勵振作拯瀆民於殘虐漸祖宗之宿憤在今日舉而措之無難矣疏奏秦檜坐追王爵議者謂璧不論檜之無君而但指其主和其言雖公特以迎合侂胄用兵之私而已初侂胄召葉適直學士院草出師詔適不從乃以屬璧由是進權禮部尚書侂胄既喪師始覺為蘇師旦所誤一夕招璧飲酒酣及師旦事璧微適其過規侂胄意向乃極言師旦怙勢招權使明公負謗非竄謫此人不足以謝天下師旦坐貶官璧又言郭倬李汝翼僭軍誤國之罪宜誅之以謝淮民拜參知政事金遣使來微示欲和意丘密以聞璧貽密書俾遣小使致書金帥求成金帥報書以用兵首謀指侂胄侂胄大恚不復以和為意璧言張浚以討賊復讎為己任隆興之初事勢未集亦權宜就苟利社稷固難執一侂胄不聽以張巖代密璧力爭言丘密素有人望侂胄變色曰方今天下獨有一丘密邪吳曦叛據蜀稱王楊巨源安丙誅之事聞璧議須用重臣宣撫薦制置使楊輔為宣撫使而使安丙輔之丙殺楊巨源輔恐召變以書舉劉甲自代侂胄疑輔避事璧曰孝宗聞吳曦病亟詔汪應辰權宣撫使職事蜀賴以安此故事也於是命甲權宣撫使方信孺使北

歸言金人欲縛送侂胄故侂胄忿甚用兵之意益急璧方與共政或勸其速去毋與侂胄分禍璧曰嘻國病矣我去誰適謀此會禮部侍郎史彌遠謀誅侂胄以密告告璧及錢象祖象祖欲奏審璧言事留恐泄侂胄迄誅璧兼同知樞密院事御史葉時論璧反復詭譎削三秩謫居撫州後輔臣言誅侂胄事璧實預聞乃令自便復官提舉洞霄宮久之復以御史奏削三秩罷祠越四年復除端明殿學士知遂寧府未至而潰兵張福入益昌戕王人略聞剽果至遂寧璧傳檄諭之福等讀檄泣下約解甲降會官軍至批賊賊忿盡燔其城顧府治曰李公旦夕來居此其勿毀璧馳書大將張威使調嘉定黎雅砦了牌手來會戰威夜遣人叩門來言曰賊壘堅不可破將選死士梯而登以火攻之璧曰審爾必多殺士卒盡先斷賊汲路與糧道使不得食即自成擒矣以長圍法授之威用其謀賊遂平璧尋引疾奉祠嘉定十五年六月卒進資政殿學士致仕諡文懿璧嗜學如飢渴羣經百氏搜扶靡遺於典章制度尤綜練為文雋逸所著有厲湖集一百卷消塵錄三卷中與戰功錄三卷中與奏議若干卷內外制二十卷援毫錄八十卷臨汝閑書百五十卷璧父子與弟墓皆以文學知名蜀人比之三蘇云

丘密字宗卿江陰軍人隆興元年進士為建康府觀察推官丞相虞允文奇其才奏除國子博士孝宗諭允文舉自代者允文首薦密有旨賜對遂言恢復之志不可忘恢復之事未易舉宜甄拔實才責以內治遵養十年乃可議北向時方遣范成大使金祈請陵寢密言泛使亟遣無益大計徒以驕敵孝宗不樂曰卿家墳墓為人所據亦須理索否密對曰臣但能訴之不能請之孝宗怒密退待罪孝宗察其忠不譴也遷太常博士出知秀州華亭縣捍海堰廢且百年鹹潮歲大入壞並海田蘇湖皆被其害密至海口訪遺址已淪沒乃奏勸築三月堰成三州島鹵復為良田除直秘閣知平江府入奏內殿因論楮幣折閱請公私出內並以錢會各半為定法詔行其言天下便之知吉州召除戶部郎中遷樞密院檢詳文字被命接伴金國賀生辰使金曆九月晦與統天曆不合密接使者以恩意乃徐告以南北曆法異同合從會慶節正日隨班上壽金使初難

之卒屈服。孝宗喜，謂密曰：使人聽命，成禮而還，卿之力也。先是王抃爲樞密，密不少下之。方迓客時，抃排定程頤奏上，降付接伴，令沿途遵執。密具奏，謂不可。以此啓敵疑心，不奉詔。抃憾之，嘗密不禮金使。予祠，起知鄂州。移江西轉運判官，提點浙東刑獄，進直徽猷閣。知平江府，升龍圖閣，移帥紹興府。改兩浙轉運副使，以憂去。光宗卽位，召對。除太常少卿，兼權工部侍郎。進戶部侍郎。擢煥章閣直學士。四川安撫制置使，兼知成都府。密素以吳氏世掌兵爲慮，陛辭奏曰：臣入蜀後，吳挺脫至死亡，兵權不可復付其子。臣請得便宜撫定諸軍，以俟朝命。挺死，密卽奏乞選他將代之，仍置副帥，別差興州守臣伊利州西路帥司歸興元，以殺其權。挺長子曦勿令奔喪，起復知和州。屬總領楊輔就近節制諸軍，檄利路提刑楊虞仲往攝興州。朝廷命張詔代挺，以李仁廣副之。遂革世將之患。其後郭杲繼，詔復兼利西路安撫。杲死，韓侂胄復以兵權付曦。曦叛，識者乃服密先見。進煥章閣直學士。寧宗卽位，赴召，以中丞謝深甫論罷之。居數年復職。知慶元府。既入奏，韓侂胄召以見，出奏疏幾二千言示密。蓋北伐議也。知密平日主復讎，冀可與共功名。密曰：中原淪陷且百年，在我固不可一日而忘也。然兵凶戰危，言首倡非常之舉，兵交勝負未可知，則首事之禍，其誰任之？此必有夸誕貪進之人，攘臂以僥倖萬一，宜亟斥絕。不然，必誤國矣。進數文閣學士。改知建康府。將行，侂胄曰：此事姑爲遲之。密因贊曰：翻然而改，誠社稷生靈之幸。惟無搖於異議則善矣。侂胄聞金人置平章宣撫河南，奏以密爲簽樞，宣撫江淮以應之。密手書力論金人未必有意敗盟，中國當示大體，宜申警軍實，使吾常有勝勢。若釁自彼作，我有辭矣。宣撫議遂寢。侂胄移書，欲除密內職，宜論兩淮。密報曰：使名雖異，其爲示敵人以嫌疑之蹟則同。且僞平章宣撫既寢，尤不宜輕舉。侂胄滋不悅。升寶文閣學士，刑部尚書。江淮宣撫使。時宋師克泗州，進圖宿壽。既而師潰，侂胄遣人來議招收潰卒，且求自解之計。密謂宜明蘇師旦周筠等債師之姦，正李汝翼郭俾等喪師之罪。密欲全淮東兵力，爲兩淮聲援。奏泗州孤立，淮北所屯精兵幾二萬，萬一金人南出清河口，及犯天長等城，則首尾中斷，墮敵計矣。莫若棄之，還軍盱眙。從之。金人擁衆自緇口犯淮南，或

勸密棄廬和州，爲守江計。密曰：棄淮則與敵共長江之險矣。吾當與淮南俱存。亡益增兵爲防。進端明殿學士，侍讀，尋拜簽書樞密院，督視江淮軍馬。有自北來者，韓元靖自謂琦五世孫，密詰所以來之故。元靖言：兩國交兵，北朝皆謂出韓太師意。今相州宗族墳墓皆不可保，故來依太師爾。密使畢其說，始露講解意。密遣人護送北歸，俾扣其實。其回也，得金行省摺紙，密以聞于朝。遂遣王文采持書幣以行。文采還，金帥答書辭順。密復以聞，遂遣陳璧充小使，壁回，具言金人詰使介既欲和矣，何爲出兵真州以觀我。然仍露和意也。密白廟堂，請自朝廷移書續前議。又謂彼既指侂胄爲元謀，若移書宜覈免銜，侂胄大怒。罷密，以知樞密院事張巖代之。既以臺論提舉洞宮宮落職，侂胄誅，以資政殿學士知建康府。尋改江淮制置大使，兼知建康府。淮南運司招輯邊民二萬，號雄淮軍。月廩不繼，公肆剽劫。密乃體雄淮所屯，分隸守臣節制。其西路則同轉運使張頴揀刺爲御前武定軍，以三萬人爲額，分爲六軍。餘汰歸農。自是月省錢二十八萬緡，米三萬四千石。武定既成，軍伍淮西賴其力，以病丐歸。拜同知樞密院事。卒。諡忠定。密儀狀魁傑，機神英悟，嘗慷慨謂人曰：生無以報國，死願爲猛將，以滅敵，其忠義性然也。

倪思字正甫，湖州歸安人。乾道二年進士，中博學宏詞科，累遷秘書郎。除著作郎，兼翰林權直。光宗卽位，典冊與尤袤對掌。故事行三制，並宣學士。上欲試思能否，一夕併草除公師四制，訓詞精敏，在廷誦數。權侍立，修注官直前奏陛下方受禪，金主亦新立，欲制其命，必每事有以勝之。彼奢則以儉勝之，彼暴則以仁勝之，彼怠惰則以憂勤勝之。又請增置諫官，專責以諫事。又乞召內外諸將訪問，以知其才否。遷將作少監，兼權直學士院，兼權中書舍人。升中書舍人，兼直學士院，同修國史，尋兼侍讀。初，孝宗以戶部經費之餘，則於三省置封樁庫，以待軍用。至紹興移用始頻，會有詔發緡錢十五萬，入內帑備犒軍。思謂實給他費請毋發。且曰：往歲所入約四百六十四萬緡，所出之錢不及二萬，非痛加撙節，則封樁自此無儲。遂定議犒軍歲以四十萬緡爲額，由是費用有節。又言：唐制使諫官隨宰相入閣，今諫官月一對耳，乞許同宰相執宣引，庶得從容論奏。

上稱善。除禮部侍郎。上久不過重華宮。思疏十上。言多痛切。會上召嘉王。思言。壽皇欲見陛下。亦猶陛下之於嘉王也。上為動容。時李皇后寢預政。思進講。姜氏會齊侯于濼。因奏。人主治國。必自齊家始。家之不能齊者。不能防其漸也。始於褻狎。終於恣橫。卒至於陰陽易位。內外無別。其則離間父子。漢之呂氏。唐之武韋。幾至亂亡。不但魯莊公也。上悚然。趙汝愚同侍經筵。退語人曰。謹直如此。吾黨不逮也。兼權吏部侍郎。出知紹興府。寧宗即位。改婺州。未上。提舉太平興國宮。召除吏部侍郎。兼直學士院。御史姚愈劾思。出知太平州。歷知泉州。建寧府。皆以言者論去。久之。召還試禮部侍郎。兼直學士院。侂胄先以書致殷勤曰。國事如此。一世人望。豈宜專以潔己為賢哉。思報曰。但恐方拙不能徇時好耳。時赴召者未引對。先謁侂胄。或勸用近例。思曰。私門不可登。矧未見君乎。遽入見。首論言路不道。自呂祖儉請徙而朝士不敢輸忠。自呂祖泰編竄而布衣不敢極說。膠庠之士。欲有吐露。恐之以去籍。論之以呈葉。誰肯披肝瀝膽。觸冒威尊。近者北伐之舉。僅有一二人言其不可。如使未舉之前。相繼力爭之。更加詳審。不致輕動。又言。蘇師旦賊以巨萬計。胡不黥戮以謝三軍。皇甫斌喪師。莫漢李爽敗績。淮甸。秦世輔潰散。蜀道。皆罪大罰輕。又言。士大夫寡廉鮮恥。列拜於勢要之門。甚者匍匐門竇。稱門生不足稱。恩坐恩主。甚至于恩父者。諛文豐賂。又在所不論也。侂胄聞之大怒。思既退。謂侂胄曰。公明有餘而聰不足。堂中剖決如流。此明有餘。為蘇師旦蒙蔽。此聰不足也。周筠與師旦並為姦利。師旦已敗。筠尚在。人言平章騎虎不下之勢。此李林甫楊國忠晚節也。侂胄悚然曰。聞所未聞。司諫毛憲劾思。予祠。侂胄殲復召。首對乞用淳熙例。令太子開講事堂。閉督機政。又言。侂胄擅命。凡事取內批特旨。當以為戒。除權兵部尚書。兼侍讀。求對。言大權方歸。所當防微。一有干預端倪。必且仍蹈覆轍。厥今有更化之名。無更化之實。今侂胄既誅。而國人之言猶有未靖者。蓋以樞臣猶兼官竇。不時宣召。宰執當同班。對。樞臣亦當遠權。以息外議。樞臣謂史彌遠也。金人求侂胄。命廷臣集議。思謂有傷國體。從禮部尚書史彌遠擬除兩從官參政錢象祖不與聞。思言。奏擬除目。宰執當同進。比專聽侂胄。權有所偏。覆轍可鑒。既

而史彌遠上章自辨。思求去。上留之。思乞對。言前日論樞臣獨班。恐蹈往轍。宗社堪再壞耶。宜親擢臺諫。以革權臣之弊。並任宰輔。以鑒專擅之失。彌遠懷恚。思請去。益力。以寶謨閣直學士知鎮江府。移福州。彌遠拜右丞相。陳晦草制。用昆命元龜語。思歎曰。董賢為大司馬。冊文有允執厥中一言。蕭咸以為堯禪舜之文。長老見之。莫不心懼。今制詞所引。此舜禹揖遜也。天下有如蕭咸者。讀之。得不大駭乎。乃上省牘。請貼改麻制。詔下分析。彌遠遂除晦殿中侍御史。即劾思。落臣箚論麻制。鑄職而罷。自是不復起矣。久之。除寶文閣學士。提舉嵩山崇福宮。嘉定十三年卒。諡文節。

宇文紹節字挺臣。成都廣都人。祖虛中。簽書樞密院事。父師瓊。顯謨閣待制。父子皆以使北死。無子。孝宗愍之。命其族子紹節為之後。補官仕州縣九年。第進士。累遷寶謨閣待制。知廬州。時侂胄方議用兵。紹節至郡。議修築古城。郝造皆柵。專為固圉計。淮西轉運判官鄧友龍譖於侂胄。謂紹節但為城守。徒耗財力。無益於事。侂胄以書讓紹節。紹節復書。謂公有復讎之志。而無復讎之略。有開邊之害。而無開邊之利。不量國力。浪為進取計。非所敢知。侂胄得書不樂。乃以李爽代紹節。召為兵部侍郎。兼中書舍人。兼直學士院。以寶文閣待制知鎮江府。吳曦據蜀。趣紹節赴闕。任以西討之事。紹節至。謂大臣曰。今進攻則瞿唐一關。彼必固守。若駐軍荆南。徒損威望。聞隨軍轉運安丙者。素懷忠義。若授以密旨。必能討賊成功。大臣用其言。遣丙所親以帛書達上意。丙卒誅曦。權兵部尚書。未幾。除華文閣學士。湖北。京西宣撫使。知江陵府。統制官高悅在戍。所肆為殺掠。遠近苦之。紹節召寬帳前。收其部曲。俄有訴悅縱所部為寇者。紹節杖殺之。兵民皆歡。升寶文閣學士。試吏部尚書。尋除端明殿學士。簽書樞密院事。安丙宣撫四川。或言丙有異志。語聞。廷臣欲易丙。紹節曰。方誅職初。安丙一搖足。全蜀非國家有。願不以此時為利。今乃有他耶。紹節願以百口保丙。丙卒不易。朝廷於蜀事多所咨訪。紹節審而後言。皆周悉事情。嘉定六年正月甲午卒。諡忠惠。

李繁字清叔，崇慶晉原人。第進士，爲隆州判官。攝綿州。歲浸，出義倉穀賤糶之，而以錢貸下戶。又聽民以茅稻易米，作粥及楮衣，親衣食之。活十萬人。明年，又饑，卽蜀彭漢成都盜賊遽起，綿獨按堵。知永康軍，移利州。提點成都路刑獄，兼提舉常平。歲凶，先事發廩蠲租，所活百七十萬人。知興元府，安撫利州東路。漢中久饑，劍外和糶在州者獨多。繁嘗匹馬行阡陌間，訪求民瘼。有老嫗進曰：民所以饑者，和糶病之也。泣數行下。繁感其言，奏免之。民大悅。徙倉部員外郎，總領四川賦財軍馬錢糧。升郎中。淳熙三年，廷臣上言：四川歲糶軍糧，名爲和糶，實科糶也。詔制置使范成大同繁相度以聞。繁奏：諸州歲糶六十萬石，若從官糶，歲約百萬緡，如於經費之中，斟酌損益，變科糶爲官糶，貴賤既時，不使虧毫忽之價，出納既量，勿務取圭撮之贏，則軍不乏與，民不加賦，乃書利民十一事上之。前後凡三年，繁上奏疏者十有三。而天子降詔難問者凡八。訖如其議。民旣樂與官爲市，遠邇謹趨。軍餉坐給，而田里免科糶。始知有生之樂。會歲大稔，米價頓賤，父老以爲三十年所無。梁洋間繪繁像祠之。范成大驛疏言：關外麥熟，倍於常年。實由罷糶，民力稍紓，得以盡於農畝。孝宗覽之曰：免和糶一年，田間和氣若此，乃知民力不可重困也。擢繁守太府少卿。范成大召見，孝宗首問糶事，可久行否。成大奏：李繁以身任此事，臣以身保李繁。孝宗大悅曰：是大不可得李繁也。上意方嚮用，而繁亦欲奏蠲監酒和買之弊，以盡滌民害。會有疾卒。詔以繁能官，致仕恩外，特與遺表，擇一人庶官。前此所未有。初，繁宰眉山，校成都漕試，念吳氏世襲兵柄，必稔蜀亂，發策云：久假人以兵柄，未有不爲患者。以武宣之明，不能銷大臣握兵之禍，以憲武之烈，不能收藩鎮握兵之權。危劉氏殲唐室，鮮不由此。吳挺以爲怨，後繁總餉事，挺謬奏軍食恟惡。孝宗以問繁，繁緘其樣以進。挺之妄遂窮。踰三十年，吳曦竟以蜀叛。安丙旣誅曦，每語人云：吾等焦頭爛額耳。孰如李公先見者乎。繁講學臨政，皆有源委。所著書十八種，有桃溪集一百卷。

論曰：余端禮平時論議剴正，及爲相，受制於韓侂胄，雖有志扶掖善類，而不得以直遂，頗不免君子之論。若李璧、丘密，皆諫侂胄以輕兵召釁之失，及其決意

用師，命葉適草詔不從，而璧獨當筆焉。何其所見後先，姦詐附會之罪，璧固無以道於公論矣。倪思直辭劇主，又屢觸權臣，三黜不變，其風槩有可尙焉。李繁所至，能舉荒政，蠲苛賦，亦庶幾古所謂惠人也。

宋史卷三百九十八

鄭毅字致剛建州人政和八年舉進士授安陸府教授權信陽縣尉監南京酒稅遂召為御史臺主簿張邦昌之僭號也挺身見高宗于濟州既即位擢監察御史遷右司諫升為諫議大夫帝至杭州毅奏曰陛下南渡出於倉卒省臺寺監百司之臣獲濟者鮮當擢吳中之秀以為用況天下賢俊多避地吳越宜令守臣體訪境內寄居待闕及見任官觀等京朝官以上各具姓名以聞簡拔任使庶幾速得賢才以濟艱厄詔從之苗傅劉正彥等逆亂毅庭立而折二凶且謂逆賊凶殘熾甚非請外援無可為者乃上章待罪求去退見呂頤浩議與復計太后降詔不允朱勝非言毅面折二凶事拜御史中丞時二凶竊威福之柄肆行殺戮日至都堂侵紊機政毅言黃門宦者之設本以給事內庭供掃除而已俾與政事則貪暴無厭待以兵權則慘毒無已皆前世已行之驗也故宦官用事于上則生人受禍于下匹夫力不能勝則羣起而攻之是以靖康之初羣起而攻之者庶民也睿聖皇帝南渡駐蹕未安羣起而攻之者眾兵也今當痛革前弊並令選擇其人曾經事任招權納寵者屏之遠方俾無浸淫以激眾怒則賞罰之柄自朝廷出國勢尊矣仍論軍法便宜止行于所轄軍伍其餘當聞之朝廷付之有司明正典刑所以昭尊君之禮而全臣子忠義之節也疏留中不出毅對請付外行之又論黃潛善汪伯彥均于誤國而潛善之罪居多今同以散官竄調湖南錢伯言與黃願皆棄城呂源與梁楊祖皆擁兵而逃今願罷官楊祖落職而源伯言未正典刑非所以勸懲詔寬削有差傳正彥日至都堂議事毅奏將帥之臣不可預政及聞以簽書樞密院召呂頤浩以禮部尚書召張浚分張俊兵以五百人歸陝西而浚不受尚書之命浚不肯分所部兵遂請浚居郴州擢俊以節度知鳳翔毅知出二凶姦謀具章乞留頤浩知金陵浚不當貶不報毅遂遣所親謝懋燮姓名微服為買人徒步如平江見俊等具言城

中事以為嚴設兵備大張聲勢持重緩進使賊自遁無驚動三宮此上策也倭等聞之皆感激奮厲為赴難計俄詔睿聖皇帝為皇太弟天下兵馬大元帥幼主為皇太姪即與大臣進議以為在庭公卿百司羣吏皆昔之臣屬也今則與之比肩事主矣稽之于古則無所法行之于今則實逆天或者謂大元帥可以任軍旅之大事臣竊以為不然昔舜之禪禹也猶命禹征有苗則禹雖受禪而征伐之事舜猶親之也唐睿宗傳位皇太子以聽小事自尊為太上皇以聽大事如是無不可者則稽之于古為有法行之于今為得宜太后垂簾同聽政以安人心退與御史王庭秀上疏力爭太后召毅與宰相同對簾前毅乞召庭秀太后諭曰今欲令睿聖皇帝總領兵馬爾毅奏曰臣不知其他但人君位號豈容降改聞之天下孰不懷疑雖前世衰亂分裂之時固未有旬日之間易兩君一朝降兩朝位號者也太后令毅至都堂朱勝非出朱昉等所上書以示毅庭秀毅庭秀力言昨日詔書不可宣布必召變勝非與執政顏岐王孝迪路允迪皆在坐尚書左丞張激獨曰事勢若此豈爭此名位耶激欲出毅等共止之毅與李邴並為端明殿學士同簽書樞密院事高宗復位進簽書執政甫百日而卒高宗甚悼之謂大臣朕喪元子猶能自排遣于毅殆不能釋也

庭秀字穎彥慈溪人與黃庭堅楊時遊其為學旁搜遠紹不苟趣時好造詣深遠操持堅正發為文辭俊邁宏遠登政和二年上舍第歷官州縣待御史李光薦為御史臺檢法官宣和靖康時進言皆發于忠義御史中丞言僞楚時庶官中如虞謨王庭秀者初非疾病毅然致為臣而歸願襄擢之拜監察御史奏乞咸斷當出於人主而所遣宣諭官當令舉廉吏又言刑名有疑慮者令州郡法官申憲司閱實具奏以取裁決遷殿中侍御史論黃潛善實官售寵罷之既與鄭毅力爭降封高宗事未幾出知瑞州右正言呂祉奏朝廷今日緣論大臣移一言官明日罷一言官則後日大臣行事有失誰敢言者遂召為吏部郎改左司言朝廷比來深疾貪吏然州縣之間豈無廉介自將沈於下僚者宜命五使所至以廉潔清修可以師表吏民者以名來上參之公議不次升擢以厲士風從之遷檢正中書門下省諸房公事與宰相議多不合不自安引疾求去詔直

秘閣，主管崇道觀而歸。

仇愈，字泰然，益都人。大觀三年進士，授邠州司法，讞獄詳恕，多所全活。為鄆城令，滿秩，著幼避泣不得去，徙武陟，令屬朝廷方調兵數十萬于燕山，愈餽饌畢給，時主將縱士卒過市掠物不予直，他邑官逃避，愈先期趣備，申嚴約束，遂以不擾已，而愈送運餉于涿，值大軍潰于盧溝河，囊糈往往委以資敵，愈聞營營護無一毫棄失，調高密丞，俗尚鬻訟，愈攝縣事，剖決如流，事無淹夕，民至懷餅餌以俟決遣，猾吏楊蓋，每陰疏令過，脅持為姦，愈暴其罪跡之，無不悅服。州闕司錄命愈攝事，既行，邑氓萬餘邀留，至擁歸縣解，時天寒，皆然火警守，布滿後先，愈由它道得出，或追拜馬首曰：公舍我去，我必使公復來。它日，愈方白事，郡牙忽數千人徑奪以歸，守將不能遏，劇寇起萊密間，素聞愈名，戒其黨毋犯高密境，民賴以安。密卒閉關叛，掠害官吏幾盡，獨噓曰：無驚仇公，南遷丁母憂，服除，知建昌軍，入為考功員外，時仕者宛轉兵間，亡失告牒，十常七八，而銓部無案籍，愬巧者甚多，真偽錯亂，愈親為考覈，其可據者悉責保識，因上聞行之，遷右司及中書門下檢正諸房公事，俄為沿海制置使，明守與宰相厚善，給言士卒將為變，致遣精兵密捕，統制官徐文覺之，初謀縱軍剽略，頃之泛海去，呼曰：我以仇公故，不殺人，不焚屋廬，一城晏然，猶坐削兩官，主管太平觀，以淮西宣撫知廬州，劉豫子麟合金兵大入，民情洶懼，宣撫司統制張琦者，冀乘危為亂，驅居民越江南走，欲先脅愈出，擁甲士數千突入，露刃登樓揚白麾，左右驚潰，追愈上馬，愈徐謂曰：若輩無守土責，吾當以死殉國，寇未至而逃，人何賴焉，堅不為動，神色無少異，琦等錯愕，遽散其徒，人心遂定，時金人出入近境，愈求援于宣撫司不報，又遣其子自間道赴朝廷告急，雖旌其子以官，而援卒不至，帝方下詔親征，而詔亦不至，淮甸喧言將棄兩淮為保江計，愈錄詔語揭之郡縣，讀者至流涕，咸思自奮，監押閻僅死于賊，餘眾來歸，州帑匱竭，無以為賞，愈悉引班坐，檣以酒食慰勞之，眾皆感勵，募廬壽兵得數百，益鄉兵二千，出奇直抵壽春城下，敵三戰皆北，卻走度淮，其後麟復增兵來寇，愈復壽春，件誠其眾獲旗械數千，焚糧船百餘艘，降渤海首領二人，初，金人圍濠州，旬日未下，屬天寒

馬多僵死，乃悉眾向淮東，樞密使張浚方視師金陵，愈以策說之曰：金重兵在淮東，師老食匱，若以精兵二萬，一自壽陽，一自漢上，徑趨舊京，當不戰而退，繼以大軍尾擊，萬有不濟者，昔人謂一日縱敵，數世之患，願無失時之悔，浚不能用，麟復以步騎數千至合肥，謀言兀為之殿，人心怖駭，不知所為，會京西制置使遣牛皋統兵適至，愈顧左右曰：召牛觀察來擊賊，皋既至，以忠義撤之，皋素勇甚，以二千餘騎馳出，短兵相接，所向披靡，敵稍懾，散而復集者三，其副徐慶忽墜馬，敵競赴之，皋掖以上手刺數人，因免胄大呼曰：我牛皋也，嘗四敗兀，兀可來決死，寇畏其名，遂自潰，以愈克復守禦功，加徽猷閣待制，明年，宣撫司始遣大將王德來，時寇已去，德謂其伍曰：當事急時，吾屬無一人渡江擊賊，今事平方至，何面目見仇公耶，德麾下多女真，渤海歸附者，見愈像不覺以手加額，初，宣撫司既不以一卒援諸郡，但令焚積聚，棄城退保，文移不絕于道，又請浚督行之，浚檄愈度其宜處之，愈謂殘破之餘，兵食不給，誠不能支敵，然帥臣任一路之責，誓當死守，今若委城，使金人有淮西，治兵艦于巢湖，必貽朝廷憂，力陳不可，浚聽其言，而卒全活數州之眾，尋詔詣闕，軍民號送之，改浙東宣撫使，知明州，以挫豪強，擬善長為理，吏受賕，雖一錢不貸，姦猾斂迹，州罹兵火，既燬，愈斥廚錢助其費，買田行鄉飲酒禮，歲饑發官儲損其直，民無死徙，朝廷聞之，進秩一等，再召進對，帝親加褒諭，欲留實近密，言者以愈在郡多黜胥吏為慘酷，請授外藩，時峒獠未息，乃進直學士，為湖南安撫使，禁盜鑄錢者，趣使為農，物價既平，商賈遂通，數月召還，加寶文閣學士，陝西都轉運使，時金人無故歸侵疆，詭計叵測，愈力陳非策，固辭不行，秦檜方主和議，以為異己，落職以左朝奉郎少府少監分司西京，全州居住，起知河南府，未行，金人果復陷所歸郡，邑如愈言，酒復待制，再知明州，改知平江府，陛辭言：我軍已習戰，非復前日，故劉錡能以少擊眾，敵大挫衄，若乘已振之勢，鼓行而前，中原可傳檄而定，上嘉之，以言罷，提舉太平觀，積官至左朝議大夫，爵益都縣伯，卒，贈左通議大夫，愈性至孝，母沒時方崎嶇，轉徙居喪盡禮，沿海制置使陳彥文薦于朝，起復之，愈不就，愈端方挺特，自初官訖通顯，無所附麗，令鄧城時，丞相范宗尹方為邑子，

以文謁念，念他日語其父，是子公輔器也。宗尹既當國，未嘗以私見。念在明州，嘗欲薦一幕官，問曰：君日費幾何？對以十口之家，日用二千。念驚曰：吾爲郡守，費不及此，屬僚所費倍之，安得不貪，遂止。

高登，字彥先，漳浦人。少孤力學，持身以法度，宣和間爲太學生。金人犯京師，登與陳東等上書，乞斬六賊，廷臣復建和議，奪紳師道，李綱兵柄，登與東再抱書詣闕，軍民不期而會者數萬。王時雍縱兵欲盡殲之，登與十人屹立不動。欽宗卽位，擢吳敏、張邦昌爲相，敏又雪前相李邦彥無辜，乞加恩禮起復之。登上書曰：陛下自東宮卽位，意必能爲民興除大利害，踐祚之始，兵革擾攘，朝廷政事一切未暇，人人翹足以待事息而親惟新之政，奈何相吳敏、張邦昌，又納敏黨與之言，播告中外，將復用李邦彥、道路之人，無不欽恨而去。是陛下大失天下之望，臣恐人心自此離矣。太上皇久處邦彥等于政府，紀綱紊亂，民庶愁怨，方且日以治安之言，誘誤上皇，以致大禍。倉皇南幸，不獲寧居，主辱臣死，此曹當盡伏誅。今乃偃然自恣，朋比爲姦，蒙蔽天日，陛下從敏所請，天下之人將以陛下爲不明之君，人心自此離矣。再上書曰：臣以布衣之微賤，臣言繫宗社之存亡，未可忽也。于是凡五上書，皆不報。因謀南歸，忽聞邦昌各與遠郡，一時小人相繼罷斥，與所言偶合者十七八。登喜曰：是可以盡言矣。復爲書論敏未罷，不報。初，金人至，六館諸生將遁去，登曰：君在可乎？與林邁等請隨，駕隸犇山帳中，而帝不果出。金人退師，敏遂諷學官起羅織，屏斥還鄉。紹興二年，廷對，極意盡言，無所顧避。有司惡其直，授富川主簿。黨董弁聞其名，檄藏六郡獄，復命兼賀州學事。學故有田舍法，罷歸買馬司，登請復其舊。守曰：買馬養士執急，登曰：買馬固急矣，然學校禮義由出，一日廢衣冠之士，與堂下卒何異？守曰：抗長吏耶？曰：天下所恃以治者，禮義與法度爾。既兩棄之，尙何言？守不能奪，卒從之。攝獄事，有囚殺人，守欲委裁曰：陰德可爲。登曰：陰德豈可有，心爲之，殺人者死，而可幸免，則被死之冤何時銷？滿秩，士民巧留不獲，相率餽金五十萬，不告姓名。白于守曰：高君貧無以養，願太守勸其感受，登辭之不可，復無所歸，請置于學，買書以謝士民，歸至廣，會新與大饑，帥連南夫檄發廩振濟，復爲糜于野以食之。

願貸者聽，所全活萬計。歲適大稔，而償亦及數，民投牒願留者數百輩，因奏辟終其任，召赴都堂審察，遂上疏萬言，及時議六篇，帝覽而善之。下六議中書，秦檜惡其譏己，不復以聞。授靜江府古縣令，道湖州，守汪藻館之，藻留與修徽宗實錄，固辭，或曰：是可以階改秩。登曰：但意未欲爾，遂行。廣西帥沈晦問登，何以治縣，登條十餘事告之，晦曰：此古人之政，今人詐，疑不可行。對曰：忠信可行，蠻貊請不能行，誠不至爾。豪民秦琥，武斷鄉曲，持吏短長，琥奏大蟲，邑大夫以下爲其所屈，登至，頗革，而登喜其遷善，補處學職。宅曰琥，有請屬，登謝卻之。琥怒，謀中以危法，會有勸琥侵貸學錢者，登呼至面數，琥聲氣俱厲，叱下白郡及諸司，實之法，忿而死。一郡快之。帥胡舜陟謂登曰：古縣秦太師父舊治，實生太師，于此蓋建祠祀之。登曰：檜爲相亡狀，祠不可立。舜陟大怒，撫秦琥事，移荔浦丞康寧以代登，登以母病去。舜陟遂創檜祠而自爲記，且誣以專殺之罪，詔送靜江府獄。舜陟遣健卒捕登，屬登母死舟中，藁葬水次。航海請闕上書，求納官贖罪，帝聞之，故人有爲右司者謂曰：丞相云嘗識君子太學，能一見終身事且無憂，上書徒爾爲也。登曰：某知有君父，不知有權臣，既而中書奏故事無納官贖罪，仍送靜江獄，登歸葬其母訖，事詣獄而舜陟先以事下獄死矣。事卒昭白，廣漕鄭昂趙不棄辟攝歸善令，遂差考試，摘經史中要語命題，策闈浙水災所致之由，郡守季仲文卽馳以達檜，檜聞震怒，坐以前事，承旨編管容州。漳州遣使臣謝大作持省符示登，登讀畢，卽投大作上馬，大作曰：少入告家人無害也。登曰：君命不敢稽，大作愕然，比夜巡檢領百卒復至，登曰：若朝廷賜我死，亦當拜，敕而後就法。大作感登忠義，爲泣下，奮劍叱巡檢曰：省符在我手中，無它語也。汝欲何爲？吾當以死捍之，昂不棄亦坐鑄一官，登謫居授徒以給，家事一不介意。惟聞朝廷所行事小失，則鑿鑿不樂，大失則慟哭隨之。臨卒，所言皆天下大計。後二十年，丞相梁克家疏其事以聞，何萬守漳言諸朝，追復迪功郎。後五十年，朱熹爲守，奏乞褒錄，贈承務郎，登事其母至孝，舟行至封康間阻風，方念無以奉晨膳，忽有白魚躍于前，其學以慎獨爲本，所著家論忠辨等篇，有東溪集行世。

葉黃亮字陟明永嘉人政和二年進士為上虞丞建炎四年高宗至越黃亮上
 疏云先正有言太祖舍其子而立弟此天下之大公周王夢聖取宗室育之
 宮中此天下之大慮也仁宗感悟其說詔英祖入繼大統文子文孫宜君宜王
 還罹變故不斷如帶今有天下者獨陛下一人而已屬者椒纒未繁前星不耀
 孤立無助有識寒心天其或者深戒陛下追念祖宗公心長慮之所及乎崇寧
 以來諛臣進說獨推濮王子孫以為近屬餘皆謂之同姓遂使昌陵之後寂寥
 無聞奔迸藍縷僅同民庶恐祀豐于昵仰違天監太祖在天莫肯顧歆是以二
 聖未有回鑾之期金人未有悔禍之意中原未有息肩之日臣愚不識忌諱欲
 乞陛下于子行中遴選太祖諸孫有賢德者視秩親王俾牧九州以待皇嗣之
 生退處藩服并選宣祖太宗之裔材武可稱之人升為南班以備環衛庶幾上
 慰在天之靈下係人心之望帝讀之感悟樞密富直柔薦之紹興元年召赴行
 在以其言宗社大計也既入見復上疏曰陛下轍迹所環六年于外險阻艱難
 備嘗之矣然而二聖未還金人未滅四方未靖者何哉天意若曰天祚宋德太
 祖不私其子而保之不幸姦邪誤國而壞之將使嗣聖念祖思危而後獲之乃
 所以申其永命也臣誠狂妄去歲上章請陛下取太祖諸孫之賢者視秩親王
 使牧九州誤蒙采聽赦而不誅蓋蓋在天之靈發悟聖心為社稷計非愚臣之
 所及也伏望宣告大臣行之它日皇子之生使之退處清暇不過增一節度使
 爾陛下以太祖之心行章聖之慮自然孝弟感通兩宮回蹕澤流萬世改令入
 官擢監察御史時相秦檜以其直柔所薦惡之諷言者論黃亮匿父喪不舉下
 大理鞠問無實猶坐為族父冒占官戶罷職送吏部由是坐廢
 宋汝為字師馮豐縣人靖康元年金人犯京師闔門遇害汝為思報國家及父
 兄之讎建炎三年金人再至謁部使者陳邊事遣對行在高宗嘉納特補修武
 郎假武功大夫開州刺史奉國書副京東運判杜時亮使金時劉豫節制東平
 丞相呂頤浩因致書豫汝為行次壽春遇完顏宗弼軍不克與時亮會獨馳入
 其壁將上國書宗弼威怒劫而縛之欲加侮辱汝為一無懼色曰死固不辭然
 銜命出疆願達書吐一辭死未晚宗弼顧汝為不屈遂解縛延之曰此山東忠

義之士也命往見豫汝為曰願伏劍為南朝鬼豈忍背主不忠於所事力拒不
 行乃至京師瀕死者數四豫僭號汝為持頭浩書與之開陳禍福勉以忠義使
 歸朝廷豫陳而立曰使人使人使豫自新南歸人誰直我獨不見張邦昌之事
 乎業已至此夫復何言即拘留汝為然以汝為儒士乃授通直郎同知曹州以
 誘之固辭遂連結先陷于北者凌唐佐李亨李儔為腹心以機密歸報朝廷唐
 佐等所遣僧及卒為邏者所獲汝為所遣王現邵邦光善達朝廷皆官之紹興
 十三年汝為亡歸作恢復方略獻于朝且曰今和好雖定計必背盟不可遽弛
 時秦檜當國置不復問獨禮部尚書蘇符憐之為言于朝換宣教郎添差通判
 處州高宗憶其忠特轉通直郎汝為遂上丞相書言用兵之道取勝在乎得勢
 成功在乎投機女真乘襲取契丹之銳梟視復顧以窺中原一旦長驅直搗京
 闕升平既久人不知兵故彼得投其機而速發由是猖獗兩河以成盜據之功
 既而關右河朔豪傑士民避地轉關從歸聖朝將士戮力削平羣盜破逐英雄
 百戰之餘勇氣萬倍回思曩昔痛自慚悔人人扼腕切齒願當一戰加以金人
 兵老氣衰思歸益切是以去歲順昌孤壘力挫其鋒方其狼狽逃遁之際此國
 家乘勝進戰之時也惜乎王師遽旋撫其機而不發遂未能殄滅醜類以成恢
 復之功今聞其力圖大舉轉輸淮北其設意豈小哉所慮秋冬復肆猖獗兀兀
 不死兵革不休雖欲各保邊陲安可得也今當乘去歲淮上破賊之勢特降哀
 痛之詔聲音親征約諸帥長驅直搗某月日各到東京協謀併力以俘馘兀兀
 為急又言兀兀好勇妄作再起兵端所共謀者叛亡羣盜而已去夏諸帥各舉
 金人奔命敗北之不暇兀兀深以為慮故為先發制人之動所恃者不過自能
 聚兵合勢料王師以諸帥分軍爾今計其步騎不過十萬王師雲集其眾數倍
 合勢刻期並進戮力何憂乎不勝若以諸帥難相統屬宜除川陝一路專當撤
 離鳴權合諸帥為兩節制公選大臣任觀軍容為宣慰之職往來調和諸帥使
 之上下同心左右戮力則勢既合不為賊所料矣不然分軍出陳蔡直搗東都
 賊必首尾勢分復以重兵急擊然後以舟師自淮緣新河入鉅野澤以步兵自
 洛渡懷衛入太行山以襲其內舟師入鉅野則齊魯搖步兵入太行則三晉應

賊勢雖欲合而不分。亦難乎爲計矣。久之。有告汝爲千金人。以蠟書言其機事者。大索不獲。尋知南歸。檜將械送金人。汝爲變姓名爲趙復。徒步入蜀。汝爲身長七尺。疎眉秀目。望之如神仙。楊企道者。遇之溪上。企道曰。必奇士也。畧留之。見其議論英發。洞貫古今。靖康間離亂事。歷言之。企道驚。遂定交。假僧舍居之。槍死。汝爲曰。朝廷除此巨蠹。中原恢復有日矣。企道勸其理前事。汝爲慨然太息曰。吾結髮讀書。奮身一出。志在爲國復讎。收還土宇。頗爲諸公所知。命繆數奇。軋于權臣。今老矣。漸進貴人。無知我者。汝爲能知死期。嘗祭其先。終日大慟。將終。神氣不亂。汝爲倣儻尙氣節。博物洽聞。飲酒至斗餘。未嘗見其醉。或歌或哭。涕淚俱下。其客蜀也。史載之。邵博。宇文亮臣。李燾。相得甚歡。趙沂。王京魯。關民。先。楊安。惠。曠。經紀其喪事。三十二年。其妻錢莫知汝爲死。詣登聞鼓院以狀進。詔索之不得。隆興二年。其子南強以汝爲之死。哀愬于朝。參知政事虞允文。錢端禮以聞。特官一子。有忠嘉集行世。

論曰。高宗播遷。復有苗劉之變。此何時也。鄭毅王廷秀正色立朝。以爭君臣之義。顧不肆哉。仇念愷悌君子。遺澤在民。易曰。王臣蹇蹇。高登有焉。婁寅亮請立太祖後爲太子。能言人臣之所難言。而高宗亦慨然從之。君仁而臣直乎。宋汝爲歸自金國。論事切直。與寅亮俱許秦檜。一則誣以罪譴。一則逃遁以死。於乎悽矣。

宋史卷三百九十九

元中書右丞相總裁脫脫等修

列傳第一百五十九

王信 汪大猷 袁燮 吳柔勝 游仲鴻

李祥 王介 宋德之 楊大全

王信字誠之處州麗水人既冠入太學登紹興三十年進士第試中教官授建康府學教授丁父憂服除進所著唐太宗論贊及負薪論孝宗覽之嘉歎不已特循兩資授太學博士時須次者例徙外添差溫州教授郡饑疫議遣官振救之父老願得信任其事守不欲以煩信請益力信聞之欣然為行徧至病者家全活不可勝記差敕令所刪定官法令有不合人情自相抵牾吏得以傳會出入者悉釐正之轉對言敵情不可測和議不可恃今日要當先為自備之策以待可乘之機上以為是又論太學正錄掌規矩之官而員多博士掌訓導之官而員少請以正錄兩員升為博士從之論除官陞冗之敝乞精選監司而擇籍名郡將代半歲乃注人上親以其章授宰臣行權考功郎官蜀人張公遷初八年免銓至是改秩吏妄引言復令扼之信鉤考其故吏怖服有三蜀士實礙式吏受賕為地工部尚書趙雄蜀人也以屬信信持弗聽已而轉吏部閣審成牘撫掌愧歎嗟激不已以聞于上上曰上謂尚書蔡沈曰考功得王信銓曹遂清邇者私相語指為神明武臣給告不書年齒磨轉蔭薦肆為姦欺不可控搏為擯最者數事告宰相付之大理獄事連三衙殿帥王友直銳爭之上審知其非沮之曰考功所言公事也汝將何為獄具皆伏辜因請置籍以抵後患授軍器少監仍兼考功郎官丁母憂吏夏金殺牲禱神願信服闕無再為考功既起知丞州入奏事留為將作少監復考功郎官轉軍器少監兼右司郎官升員外郎四方有以疑獄來上者信反復披覽常至夜分升左司員外郎轉對論士大夫趨向之敝居官者逃一時之責而後之禍患有所不恤獻言者求一時之合而行之可否有所不計集事者以趣辨為能而不為根本之慮謀利者以羨餘為事而不究源流之實持論尚刻薄而遽失祖宗忠厚之意革敝類煩碎而不明

國家寬大之體因循玩習恬不為怪願酌古之道當時之宜示好惡於取舍之間使天下靡然知嚮而無復為目前苟且之徇又論朝廷有恤民之政而州縣不能行恤民之實近歲不登陛下軫念元元凡水旱州郡租賦或蠲放或倚閣住催然倚閣住催之名可以並緣為擾願明與減放又論豫備三說收逃亡之卒選忠順之官嚴訓練之職又言屯田利害上皆納其說兼玉牒所檢討官提領戶部酒庫久之上諭信曰知朕意否行用卿慮書生不長於財賦故以命卿果能副朕所委為中書門下檢正諸房文字遷太常少卿兼權中書舍人假禮部尚書使于金肆射都亭連中其的金人駭曰尚書得非黑王相公子孫耶謂王德用也信得米芾書法金人寶之歸言金人必衰之兆有四在我當備之策有二上首肯之太史奏仲秋日月五星會于軫信言休咎之徵史策不同然五星聚者有之未聞七政共集也分野在楚願思所以順天而應之因條上七事又言陛下即位之初經營中原之志甚銳然功之所以未立者正以所用之人不一其人不一故其論不一其論不一故其心不一願求求至當之論使歸於一鎖闈封駁而右府所下不關中書或斜封捷出左於公論統領官奴事內侍坐謫遠州幸蒙赦還而遽復故職潛藩恩舊之隸徒權酷宜而齒朝士老禁校僥冀節鉞詭計可得之而奉稍恩典與正不異閣門多溢額祇候妃嬪進封而冒指宅姓為甥姪既一一塗歸有雖書讀而徐核其不當者續爭救之上曰事有不可不問者第言之朕無有不為卿行者於是益抗志不回宦者甘昇既逐遠之矣屬高宗崩用治喪事人莫敢言昇俄提舉德壽宮信亟執奏舉朝皆悚翰林學士洪邁適入上語之曰王給事論甘昇事甚當朕特白太上皇后聖訓以為今一宮之事異於向時非我老人所能任小黃門空多類不習事獨昇可任責分吾憂渠今已歸居室尚不能有豈敢蹈故態以是駁疏不欲行卿見王給事可道此意信聞之乃止信遇事剛果論奏不避權要繇此人多嫉之信亦力求去提舉崇福宮詔求言信條十事以獻其目曰法戒輕變令貴必行寬州郡以養民力修軍政以待機會郡當分其緩急縣當別其劇易嚴銅錢之禁廣積聚之備處歸附之人收逃亡之卒起知湖州信未涉州縣據按剖析敏如流

泉擢集英殿修撰知紹興府浙東安撫使奏免通官錢十四萬絹七萬匹縣十萬五千兩米二十萬斛山陰境有猱猱湖四環皆田歲苦潦信創啓斗門導俾澚注之海築十一壩化匯漫爲上腴民繪象以祠更其名曰王公湖築漁浦隄禁民不舉子買學田立義冢衆職修理加煥章閣待制徙知鄂州改池州初信扶其父喪歸自金陵草履徒行雖疾風甚雨弗避也由是得寒濕疾及聞孝宗遺詔悲傷過甚疾復作至是寢劇上章請老以通議大夫致仕有星隕于其居光如炬不及地數尺而散數日信卒遺訓其子以忠孝公廉所著有是齋集行世

汪大猷字仲嘉慶元府鄞縣人紹興七年以父恩補官授衢州江山縣尉曉暢吏事登十五年進士第授婺州金華縣丞爭財者諭以長幼之禮悅服而退李椿年行經界法約束嚴甚檄大猷覆視龍遊縣大猷請不實者得自陳毋遽加罪改建德遷知崑山縣丁父憂免喪差總領淮西江東錢糧幹官改幹辦行在諸司糧料院參知政事錢端禮宣諭淮東辟幹辦公事充參議官遷大宗丞兼吏部郎官又兼戶部右曹入對言總覈名實責任臣下因才而任毋違所長量能授官毋拘流品孝宗顧謂左右曰疏通詳雅而善議論有用之才也除禮部員外郎丞相洪适薦兼吏部侍郎仍選主管左選莊文太子初建東宮兼太子左諭德侍講兩日一講孟子多寓規戒太子嘗出龍大淵禁中所進侍燕樂章論宮僚同賦大猷曰鄭衛之音近習爲倡非講讀官所當預白于太子而止遷秘書少監修五禮會要金人來賀假吏部尚書爲接伴使尋兼權刑部侍郎又兼宗政殿說書又兼給事中孝宗清燕每訪政事嘗曰朕每厭宦官女子之言思與卿等款語欲知朝政闕失民情利病苟有所聞可極論之大猷遂陳者長屢直隸總經制司並緣法意使里正兼催科之役屬民爲甚又論亭戶未嘗賣鹽居近場監貨錢射利隱寄田產害及編氓宜取一等以上充役又論賜田勸戚豪奪相先陵轢州縣惟當賜金使自求之又論沒入贖產止可行於疆盜賊吏至於倉庫綱運之負陷者惟當即其業收租以償既足則給還使復故業轉對言捕酒之害及居官者不得鑄銅爲器上嘉獎曰卿前後所言皆今日可行

之事權刑部侍郎升侍講言有司卒用新制棄舊法輕重舛錯無所遵承使舞文之吏時出以售其姦請明詔編纂書成上進上大悅尙書周執羔韓元吉樞密劉珙以強盜率不處死無所懲艾右司林栗謂太祖朝強盜賊滿三貫死無首從不問殺傷景祐增五貫固從寬今設六項法非手刃人例奏裁黥配何所懲艾請從舊法賊滿三貫者斬大猷曰此吾職也遂具奏曰強盜烏可恕用舊法而痛懲之固可也天聖以來益用中典寢失禁姦之意今所議六項法犯者以法行之非此而但取財惟再犯者死可謂寬嚴適中若皆實之死地未必能禁其爲盜盜知必死將甘心於事主矣望稍開其生路乃奏用六項法則死者十七人用見行法則十四人舊法則百七十人俱死遂從大猷議借吏部尚書爲質金國正旦使至盱眙得印榜云彊盜止用舊法罷六項法還朝自劾求去上聞之復行六項法改權吏部侍郎兼權尙書夜傳旨學士院出唐沈既濟論選舉事曰今日有此敝可行與否詰旦當面對即奏事與今異敝難似之言則難行上曰卿言甚明既郭差充鹵簿使以言去授數文閣待制提舉太平興國宮起知泉州昆舍邪書掠海濱居民歲遣戍防之勞費不貲大猷作屋二百區遣將留屯久之戍兵以真臘大賈爲昆舍邪犯境大猷曰昆舍邪面目黑如漆語言不通此豈昆舍邪耶遂遣之故事蕃商與人爭鬪非傷折罪皆以牛贖大猷曰安有中國用夷夷俗者苟在吾境當用吾法三佛齊請鑄銅瓦三萬詔泉廣二州守臣督造付之大猷奏法銅不下海中國方禁銷銅奈何爲其所役卒不與進數文閣直學士留知泉州踰年提舉太平興國宮改知隆興府江西安撫使以大暑討永新禾山洞寇不利自劾降龍圖閣待制落職南康軍居住提舉太平興國宮復龍圖閣待制提舉上清太平宮復數文閣待制升學士沒贈二官大猷與丞相史浩同里又同年進士未嘗附麗以干進浩深歎美之好周施敘宗族外族爲興仁錄率鄉人爲義莊二十餘畝以爲倡衆皆欣勸所著有適齋存藁備志訓鑿等書

袁燾字和叔慶元府鄞縣人生而端粹專靜乳媪置漿水其前玩視終日夜臥常醒然少長讀東都黨錮傳慨然以名節自期入太學登進士第調江陰尉浙

西大鑿常平使羅點屬任振恤，變命每保畫一圖，田疇山水道路悉載之，而以居民分布其間，凡名數治業悉書之，合保爲郡，合郡爲鄉，合鄉爲縣，征發爭訟，追胥披圖可立法，以此爲荒政首，除沿海制屬，連丁家艱，寧宗卽位，以太學正召時，朱熹諸儒相次去國，丞相趙汝愚罷，變亦以論去，自是黨禁與久之爲浙東帥，幕福建常平屬，沿海參議，嘉定初，召主宗正簿，樞密院編修官，權考功郎官，太常丞，知江州，改提舉江西常平，權知隆興，召爲都官郎官，遂司封，因對言，陛下卽位之初，委任賢相，正士鱗集，而竊威權者，從旁睨之，彭龜年逆知其必亂天下，顯言其姦，龜年以罪而去，權臣遂根據幾危社稷，陛下追思龜年，蓋嘗臨朝太息曰：斯人猶在，必大用之，固已深知龜年之忠矣，今正人端士不之願，陛下常存此心，急聞對切，崇獎朴直，一龜年雖沒，衆龜年繼進，天下何憂不治？臣昨勸陛下勤於好問，而聖訓有曰：問則明，臣退與朝士言之，莫不稱善，而側聽十旬，陛下之端拱淵默，猶昔也，臣竊惑焉，夫既知如是而明，則當知反是而闇，明則輝光旁燭，無所不通，闇則是非得失，懵然不辨矣，遷國子司業，祕書少監，進祭酒，祕書監，延見諸生，必迪以反躬切己，忠信篤實，是爲道本，聞者悚然有得，士氣益振，兼崇正殿說書，除禮部侍郎，兼侍讀，時史彌遠主和，變爭益力，臺論劾變罷之，以寶文閣待制，提舉鴻慶宮，起知温州，進直學士，奉祠以卒，變初入太學，陸九齡爲學錄，同里沈煥楊簡舒璘亦皆在學，以道義相切磋，後見九齡之第九淵發明本心之指，乃師事焉，每言人心與天地一本，精思以得之，就業以守之，則與天地相似，學者稱之曰潔齋先生，後諡正獻，子甫自有傳，吳柔勝，字勝之，宣州人，幼聽其父講伊洛書，已知有持敬之學，不妄言笑，長游郡泮，人皆憚其方嚴，登淳熙八年進士第，調都昌簿，丞相趙汝愚知其賢，差嘉興府學教授，將真之館閣，會汝愚去，御史湯碩劾柔勝嘗救荒浙右，擅放田租，爲汝愚收人心，且主朱熹之學，不可爲師儒官，自是閑居十餘年，嘉定初，主管刑工部架閣文字，遷國子正，柔勝始以朱熹四書與諸生誦習，講義策問，皆以是爲先，又於生徒中得潘時舉呂喬年，白子長，擢爲職事，使以文行表率，於是士知趨向，伊洛之學，晦而復明，遷太學博士，又遷司農寺丞，出知隨州，時再議

和好，尤戒開邊隙，旁塞之民，事與北界相涉，不問法輕重，皆殺之，郡民梁鼻有馬，爲北人所盜，追之急，北人以矢拒鼻，鼻與其徒亦發二矢，北界以爲言，郡下七人于獄，柔勝至，立破械縱之，具始末報北界而已，收土豪孟宗政，扈再與隸帳下，後宗政再與皆爲名將，築隨州及襄陽城，招四方士，命得千人，立軍曰忠勇，屢以總所關，額管柵器械悉備，除京西提刑，領州如故，改湖北運判，兼知鄂州，甫至，值歲歉，卽乞糴于湖廣，大講荒政，十五州被災之民，全活者不可勝計，改知太平州，除直祕閣，主管亳州明道宮，改直華文閣，除工部郎中，力辭，除祕閣修撰，依舊宮觀以卒，諡正肅，二子淵潛俱登進士，各有傳。

游仲鴻，字子正，果之南充人，淳熙二年進士第，初調犍爲簿，李昌圖總蜀賦，辟羅買官，奇其才，曰：吾童餉積年，惟得一士，昌圖召入，首薦之，擢四川制置司幹辦公事，制置使趙汝愚一見，卽知敬之，敘州董蠻犯犍爲境，意將合兵討之，仲鴻請行詰其釁端，以州貨馬直也，乃使人諭蠻曰：歸俘則還馬直，不然，大兵至矣，蠻聽命，仲鴻受其降而歸，改秩知中江縣，總領楊輔撤置幕下，時關外營田凡萬四千頃，畝僅輸七升，仲鴻建議，請以兵之當汰者授之田，存赤籍，運以數年，汰者衆，耕者多，則橫斂一切之賦，可次第以減，輔然之，大將吳挺沮而止，趙汝愚移帥閬，舉仲鴻自代，制置使京鏜轉運劉光祖亦交薦于朝，紹興四年，赴召，趙汝愚在樞密，謂仲鴻直諒多聞，訪以蜀中利病，汝愚欲親出經略西事，仲鴻曰：宥密之地，幹旋者易，公獨不聞呂申公經略西事當在朝廷之語乎，汝愚悟而止，差幹辦諸司糧料院，光宗以疾久不朝，重華宮，仲鴻遺汝愚書，陳宗社大計，書有伊周霍光語，汝愚讀之駭，立焚之，不答，又遺書曰：大臣事君之道，苟利社稷，死生以之，既不死，曷不去，汝愚又不答，孝宗崩，仲鴻泣謂汝愚曰：今惟有率百官哭殿庭，以請親臨，宰相留正以病去，仲鴻亟簡汝愚曰：禪日不決，禍必起矣，汝愚又不答，後三日，嘉王卽位于重華宮，汝愚既拜右丞相，以仲鴻久游其門，辟嫌不用，初，汝愚之定策也，知閣韓侂胄頗有勞，望節鉞，汝愚不與，侂胄方居中用事，甚，汝愚迹已危，方益自嚴，重選人求見者，例不許，仲鴻勸以降意容接，覲謁異論，而汝愚以淮東西總賦積弊，奏遣仲鴻覈實，仲鴻曰：丞相

之勢已孤不憂此而顧憂彼耶改監登閣鼓院以行會侍講朱熹以論事去國仲鴻聞之即上疏曰陛下宅憂之時御批數出不由中書前日宰相留正之去去之不以禮諫官黃度之去去之不以正近臣朱熹之去復去之不以道自古未有舍宰相諫官而能自為聰明者也願亟還熹毋使小人得志以養成禍亂監察御史胡紘希侂胄意誣汝愚久蓄邪心嘗語人以乘龍授鼎之夢又謂朝士中有推其宗派以為裔出楚王元佐正統所在者指仲鴻也初欲直書仲鴻名同臺張孝伯見之曰書其名則竄之矣凡阿附宰相本冀官爵此人沉埋六院且二年心迹可察卒不書其名慶元元年汝愚罷相仲鴻還軍器監主簿力巧外除知洋州朱熹聞其出曰信蜀士之多奇也越三年起知嘉定府擢利路轉運判官數忤宣撫副使吳曦曦言仲鴻老病朝命易他部未幾曦叛宣撫司幕官薛紱訪仲鴻於果山仲鴻對之泣指案上一編書示紱曰開禧丁卯正月游某死謂家人曰曦逼吾死即填其日時宣撫大使程松已棄其師遁仲鴻以書勸成都帥楊輔討賊輔不能用至是松至果仲鴻謂紱曰宣威肯留則吾以積奉二萬緡橋兵護宣威之成都松不顧而去總賦劉崇之繼至仲鴻遣其子伯往見以告松者告之崇之復不聽未幾曦誅參政李璧奏除利路提點刑獄尋乞休致子祠而歸遷中奉大夫嘉定八年卒年七十八劉光祖表其隧道曰於乎慶元黨人游公之墓紹定五年諡曰忠子伯淳祐五年為右丞相各有傳

李祥字元德常州無錫人隆興元年進士為錢塘縣主簿時姚憲尹臨安俾攝錄參邏者以巧發為能每事下有司必監視鍛鍊囚服乃已嘗誣告一武臣子諉朝政鞫于獄祥不使邏者入門既而所告無實具以白尹尹驚曰上命無實乎祥曰即坐譴自甘憲具論如祥意上駭曰朕幾誤矣卿吾爭臣也遂賜憲出身為諫大夫祥調濠州錄事參軍安豐守臣冒占民田訟屢攻而不決監司委祥卒歸之民未幾其人易守濠以嫌換司理廬州守出改官奏留之不可主管戶部架閣文字太學博士國子博士司農寺丞樞密院編修官兼刑部郎官大宗正丞軍器少監言忝朝蹟八年在外賢才不勝眾願更出送入由臣始出提

舉淮東常平茶鹽淮西運判兩淮鐵錢比不定祥疏乞官賜錢米銷濫惡者廢定城與國漢陽監更鑄紹興新錢從之准人以安遷國子司業宗正少卿國子祭酒丞相趙汝愚以言去國祥上疏爭之曰頃壽皇崩兩宮隔絕中外洵洵留正棄印亡去國命如髮汝愚不畏滅族決策立陛下風塵不搖天下復安社稷之臣也奈何無念功至意忽體貌常典使精忠巨節懔懔黜閣何以示後世除直龍圖閣湖南運副言者劾罷之於是太學諸生楊宏中周端朝等六人上書留之俱得罪主冲佑觀再請老以直龍圖閣致仕嘉泰元年八月卒諡肅簡王介字元石婺州金華人從朱熹呂祖謙遊登紹熙元年進士第廷對陳時弊大略言近者罷拾遺補闕有遠諫之意小人唱為朋黨有厭薄道學之名上嘉其直擢居第三人簽書昭慶軍節度判官廳公事除為國子錄上疏言壽皇親率神器授之陛下孝敬豈可久闕乎又言婦事舅姑如事父母不可虧宮中之禮不報孝宗崩介又力請上過宮執喪累疏言辭激切人歎其忠寧宗即位介上疏言陛下即位未三月策免宰相遷易臺諫悉出內批非治世事也崇寧大觀間事出御批遂成北狩之禍杜衍為相常積內降十數封還今宰相不敢封納臺諫不敢彈奏此豈可久之道遷太學博士時韓侂胄居中潛弄威福之柄猶未肆也而文墨論議之士陰附之以希進於是始無所憚矣侂胄始疑介前封事詆己且其弟仰胄嘗以舊識求自通介拒絕之侂胄怨益深添差通判紹興府尋知邵武軍會學禁起諫大夫姚愈劾介與袁燮皆偽學之黨且附會前相汝愚主管台州崇道觀久之差知廣德軍侂胄之隸人蘇師旦忿介不通謁目為偽黨併及甲寅廷對之語以告侂胄有勸其自明者介曰吾髮已種種豈為鼠輩所使邪侂胄亦畏公議不敢發以外艱去免喪知饒州未赴召為秘書郎遷度支郎官師旦已建節介與同列謁政府遇之於庭客皆踰階而揖介不顧於是殿中侍御史徐榘劾介資淺立異奉祠除都大坑治侂胄誅朝廷更化介召還除侍左郎官兼右司太子舍人改兵部郎官國子司業太子侍講兼國史院編修官實錄院檢討官除國子祭酒會以不兩詔百官指陳闕失時宰相史彌遠以母喪起復介手疏歷論時政推本洪範僭恆鳴若之證謂羅曰原為

變，是下人謀上也。修好增幣而金人猶缺望，是夷人亂華也。內批數出，是左右干政也。諫官無故出省，是小人間君子也。皆謂之僭。一僭已足以致天變，而況兼有之哉。又言：漢法天地降災，策免丞相，乞令彌遠終喪，擇公正無私者置左右。王呂蔡秦之覆轍，可以爲戒。接送伴金國賀生辰使，還奏故事兩國通廟諱，御名而本朝止通御名，高宗至光宗，皆傳名而不傳諱。紹熙初，黃裳嘗以爲言而未及釐正。願正典禮以尊宗廟，除秘書監，陞太子右諭德。其在春宮，篤意輔導，每遇講讀，因事規諫。太子嘗欲索館中圖書，卻而不弗與，及張燈設樂，則諫止之。且乞選配故家以正始，絕令旨以杜請謁。宮僚分日上直，以資見聞。遷宗正少卿，兼權中書舍人，繳駁不避權貴。張允濟以閭職爲州鈐介，謂此小事而用權臣例，破祖宗制，不可不封還詞頭。丞相語介曰：「此中宮意。」介曰：「宰相而逢宮禁意向，給舍而奉宰相風旨，朝廷紀綱掃地矣。」居數日，除起居舍人。介奏：「宰相以私請不行，而托威福於宮禁，權且下移，誰敢以忠告陛下者？」乞歸老，不許。言本朝循唐入閣之制，左右史不立前殿，若御後殿，則立朵殿，下何所聞見而修起居注乎？乞依歐陽修王存胡銓所請，分立殿上，吏部侍郎許奕以言事去國。介奏曰：「陛下更化三年，而言事官去者五人，倪思、傅伯成既去，其後蔡幼學、鄒應龍相繼而出，今許奕復蹈前轍，此五臣者，四爲給事，一爲諫大夫，兩年之間，盡聽其去，或謂此皆宰相意，自古未有大臣因給舍論事而去之者，是大臣誤陛下也。將恐成孤立之勢，疏奏乞補外，以右文殿修撰知嘉興府。歲餘，升集英殿修撰，知襄陽府。京西安撫使徙，知慶元府，兼沿海制置使，以疾奉祠。嘉定六年八月卒。年五十六。端平三年，郡守趙汝談請于朝，特贈中大夫，寶章閣待制，諡忠簡。子莖自有傳。

宋德之字正仲，其先京兆人。隋諫大夫遠謫彭山子孫，散居於蜀，遂爲蜀州人。德之以應舉，擢慶元二年外省第一。爲山南道掌書記，召除國子正。遷武學博士，與諸生論八陣之象，本乎八卦，皆動物也。奇正之變，往來相生而不窮。知此然後可以致勝。遷編修樞密院時，兵變有萌，會赤霄見，太陰犯權星，未浹日，內北門鴟尾災，延及三省六部，詔求言。德之奏：「離爲火，爲日，爲甲冑，坎爲水，爲月，

爲盜，爲隱伏，故火失其性，赤氣見，憂在甲兵，水失其性，太陰失度，憂在隱伏。因疏七事，皆當今至切之患。乃曰：「人火小變不足慮，天象之變，臣竊危之。他日又曰：「今敵未動而輕變祖宗舊制，命武臣帥邊以自遺患，晉叛將唐藩鎮之禍，基於此矣。時吳曦在西陲，皇甫斌在襄陽，郭倪李爽在兩淮，德之預以爲慮。除太常丞，出知閬州。會曦變，託跌足以避僞事，始赴閬，權本路提點刑獄，制帥安丙奏德之傲視君命，不俟代者之來，徑用觀察使印領事，詔降一官。改潼川路轉運判官。湖南路提刑，改湖北，召爲兵部郎官。朝論有疑安丙意，丞相史彌遠首以問德之。德之對曰：「蜀無安丙朝廷無蜀矣。人有大功，實不敢以私嫌廢公議。忤時相意，遂罷。安丙深感德之嘗謂人曰：「丙不知正仲，正仲知丙，丙負正仲，正仲不負丙，請昏於德之不許，論者益稱德之之賢。起知眉州監特奏名，試得疾而卒。德之，大父耕，性剛介，一朝棄官去，莫知所終。從父廉語德之曰：「吾昔至臨安府，有人言蜀有宋宣教者，過浙江而去，吾適越求之，則入四明矣。德之渡浙江尋訪至雪竇，有蜀僧言聞諸耆老云：「山後有爛平山，有三居士焉，其一宋宣教也。德之躋攀至爛平，見丹竈，置祠其上而歸。

楊大全，字渾甫，眉之青神人。乾道八年進士，調溫江尉。攝邑，有政聲。紹熙三年，召除監登聞鼓院。五年，光宗以疾久不克省，重華宮廷臣多論諫者。太學生汪安仁等二百餘人上書，而龔日章等百餘人以投匭上書爲緩，必欲伏闕，大全謂院以登聞名，實明目達聰之地也。今乃使人視爲具文，吾何顏以尸此職？乃爲書以諫，力請過宮，書上不報。大全於是三上疏，其略曰：「臣之志於憂君者，不爲書以諫，力請過宮，書上不報，大全於是三上疏，其略曰：「臣之志於憂君者，不畏義死，不樂幸生，不以言而獲罪爲恥，而以言不聽從爲恥。自古諫之不效，其大者，身膏斧鑕，其次亦流竄四裔，其小者，猶罷免終身，未有若今日不勉於聽從，亦不加於黜逐，徒餌之以無所譴呵之恩，使皆鬻富貴，甘養以消靡，其風節，平居皆貪穢懷姦之士，則臨難必無仗節死義之人。陛下自夏秋以來，執政從官之死者皆不信，卒之果然乎？不然乎？建康趙濟死，武興吳挺死，今尚不以爲然，則事有幾微於朕兆者，可諫陛下乎？萬一變起蕭牆，禍生肘腋，陛下必將以爲不信，坐受其危亡矣。盜滿山東而高斯弄權，二世不知也。蠻寇成都而更

奏捷，明皇不知也。此猶左右聳聳爾。今在朝之士，歷忠以告，而陛下不聽。是陛下自雍蔽其聰明也。今外間傳聞，以爲壽皇將幸越，幸吳，與此愛陛下之深，欲泯其迹也。陛下當亟圖所以解壽皇之憂，疏入又不報。寧宗卽位，遷宗正寺主簿。慶元元年，易太常寺主簿，遷司農寺丞。修高宗實錄，充檢討官。先是韓侂胄用事，私臺諫之選爲己羽翼，且欲得知名士，借其望以壓羣言。一時之好進者，恨不預此選也。會御史虛位，有力薦大全者，屬大全一往見。且曰：「公朝見，除目夕下矣。」大全笑謝，決不往。明日，遂巧外時實錄將上矣，上必推恩，大全去不少待。於是除知金州，至姑蘇以病卒。

論曰：王信有文學，通政事。汪大猷敦厚老成，袁燮學有所本，吳柔勝游仲鵠名在僞學，觀李祥訟趙汝愚，公論藉是以立。王介、楊大全直道而行，宋德之其知兵者歟。

宋史卷四百

元中書右丞相總裁脫脫等修

列傳第一百六十

辛棄疾

何異

劉宰

劉燾

柴中行

李孟傳

辛棄疾字幼安齊之歷城人少師蔡伯堅與党懷英同學號辛党始筮仕決以著懷英過坎因留事金棄疾得離遂決意南歸金主亮死中原豪傑並起取京聚兵山東稱天平節度使節制山東河北忠義軍馬棄疾為掌書記即勸京決策南向僧義端者喜談兵棄疾聞與之遊及在京軍中義端亦聚眾千餘說下之使隸京義端一夕竊印以逃京大怒欲殺棄疾棄疾曰旬我三日期不獲就死未晚揣僧必以虛實奔告金帥急追獲之義端曰我識君真相乃青兗也力能殺人幸勿殺我棄疾斬其首歸報京益壯之紹興三十二年京令棄疾奉表歸宋高宗勞師建康召見嘉納之授承務郎天平節度掌書記併以節使印告召京會張安國邵進已殺京降金棄疾還至海州與眾謀曰我緣主帥來歸朝不期事變何以復命乃約統制王世隆及忠義人馬全福等徑趨金營安國方與金將酣飲即眾中縛之以歸金將追之不及獻俘行在斬安國於市仍授前官改差江陰僉判棄疾時年二十三乾道四年通判建康府六年孝宗召對延和殿時虞允文當國帝銳意恢復棄疾因論南北形勢及三國晉漢人才持論勁直不為迎合作九議并應問三篇美芹十論獻于朝言逆順之理消長之勢技之長短地之要害甚備以講和方定議不行遷司農寺主簿出知滁州州權兵燹井邑凋殘棄疾寬征薄賦招流散教民兵議屯田乃舨篳枕樓繁雄館辟江東安撫司參議官留守葉衡雅重之衡入相力薦棄疾慷慨有大略召見遷倉部郎官提點江西刑獄平劇盜賴文政有功加秘閣脩撰調京西轉運判官差知江陵府兼湖北安撫遷知隆興府兼江西安撫以大理少卿召出為湖北轉運副使改湖南尋知潭州兼湖南安撫盜連起湖湘棄疾悉討平之遂奏疏曰今朝廷清明比年李全賴文政陳子明李峒相繼竊發皆能一呼嘯聚千百

殺掠吏民死且不顧至煩大兵翦滅良由州以極辦財賦為急吏有殘民害物之狀而州不敢問縣以並緣科斂為急吏有殘民害物之狀而縣不敢問田野之民郡以聚斂害之縣以科率害之吏以乞取害之豪民以兼并害之盜賊以剽奪害之民不為盜去將安之夫民為國本而貪吏迫使為盜今年勦除明年刻蠲譬之木焉日刻月削不損則折欲望陛下深思致盜之由講求弭盜之術無徒恃平盜之兵申飭州縣以惠養元元為意有違法貪冒者使諸司各揚其職無徒按舉小吏以應故事自為文過之地詔擬諭之又以湖南控帶二廣與溪峒蠻獠接連草竊間作豈惟風俗頑悍抑武備空虛所致乃復奏疏曰軍政之敝統率不一差出占破略無已時軍人則利於儂閑窠坐奔走公門苟圖衣食以故教閑廢弛逃亡者不追冒名者不舉平居則姦民無所忌憚緩急則卒伍不堪征行至調大軍千里討捕勝負未決傷成擄重為害非細乞依廣東推鋒荆南神勁福建左翼例別撥一軍以湖南飛虎為名止撥屬二牙密院專聽帥臣節制調度庶使夷獠知有軍威望風懾服詔委以規畫適度馬殿管壘故基起蓋皆柵招步軍二千人馬軍五百人僚人在外戰馬鐵甲皆備先以緡錢五萬於廣西買馬五百匹詔廣西安撫司歲帶買三千匹時樞府有不樂之者數沮撓之棄疾行愈力卒不能奪經度費鉅萬計棄疾善幹旋事皆立辦議者以聚斂聞隆御前金字牌俾日下住罷棄疾受而藏之出責監辦者期一月飛虎營柵成違坐軍制如期落成開陳本末繪圖繳進上遂釋然時秋霖幾月所司言造瓦不易問須瓦幾何曰二十萬棄疾曰勿憂令廂官自官舍神祠外應居民家取溝甃瓦二不二日皆具僚屬數伏軍成雄鎮一方為江上諸軍之冠加右文殿脩撰差知隆興府兼江西安撫時江右大饑詔任責荒政始至榜通衢曰閉糶者配彊糶者斬次令盡出公家官錢銀器召官吏儒生商賈市民各舉有幹實者量借錢物速其責領運糶不取子錢期終月至城下發糶於是連櫓而至其直自減民賴以濟時信守謝源明乞米掾助糶屬不從棄疾曰均為赤子皆王民也即以米舟十之二予信帝嘉之進一秩以言者落職久之主管神佑觀紹熙二年起福建提點刑獄召見遷大理少卿加集英殿脩撰知福州

兼福建安撫使，棄疾為憲時，嘗攝帥，每數曰：福州前枕大海，為賊之淵，上四郡民，頑犷易亂，帥臣空竭，急緩奈何？至是，務為鎮靜，未期歲，積糴至五十萬緡，榜曰備安庫，謂閩中土狹民稠，歲儉則糴于廣，今幸連稔，宗室及軍人入倉請米，出即糶之，候秋買賤，以備安錢糶二萬石，則有備無患矣。又造萬鎗，招強壯補軍，額嚴訓練，則盜賊可以無虞。事未行，臺臣王蘭劾其用錢如泥沙，殺人如草芥，旦夕望端坐閩王殿，遂丐祠歸。慶元元年，落職。四年，復主管沖佑觀，久之，起知紹興府，兼浙東安撫使。四年，寧宗召見，言鹽法加贖，謀閣待制，提舉佑神觀，奉朝請，尋差知鎮江府，賜金帶，坐繆舉降朝散大夫，提舉沖佑觀。差知紹興府，兩浙東路安撫使，辭免。進寶文閣待制，又進龍圖閣，知江陵府，令赴行在奏事，試兵部侍郎，辭免。進樞密都承旨，未受命而卒。賜對衣金帶，守龍圖閣待制，致仕。特贈四官。棄疾豪爽，尚氣節，識拔英俊，所交多海內知名士。嘗跋紹興間詔書曰：「使此詔出於紹興之前，可以無事讎之大恥，使此詔行於隆興之後，可以卒不世之大功。今此詔與讎敵俱存也。悲夫人服其警切，帥長沙時，士人或懇考試官，盪取第十七名。春秋卷，棄疾察之信然。索亞勝春秋卷兩易之，啓名則趙鼎也。棄疾怒曰：「佐國元勳，忠簡一人，胡為又一趙鼎擲之地？」次閱禮記卷，棄疾曰：「觀其議論，必豪傑士也，此不可失。」啓之乃趙方也。嘗謂人生在勤，當以力田為先。北方之人，養生之具，不求於人，是以無甚富甚貧之家。南方多末作以病農，而兼并之患，與貧富斯不侔矣。故以稼名軒，為大理卿時，同僚吳文如死，無棺斂，棄疾歎曰：「身為列卿而貧若此，是廉介之士也。既厚賻之，復言于執政，詔賜銀絹。棄疾嘗同朱熹遊武夷山，賦九曲樞歌，熹書克己復禮風與夜寐題其二齋室，熹歿，僞學禁方嚴，門生故舊至無送葬者。棄疾為文往哭之，曰：「所不朽者，垂萬世名，孰謂公死，凜凜猶生。棄疾雅善長短句，悲壯激烈，有稼軒集行世。紹定六年，贈光祿大夫，咸淳間，史館校勘，枋得過棄疾墓，勞僧舍，有疾聲大呼于堂上，若嗚其不平，自昏暮至三鼓不絕聲，枋得乘燭作文，旦且祭之，文成而聲始息。德祐初，枋得請于朝，加贈少師，諡忠敏。

何異，字同叔，撫州崇仁人。紹興二十四年進士，調石城主簿，歷兩任，知萍鄉縣。

丞相周必大參政留正，以院轄擬異，孝宗問有無列薦，正等以萍鄉政績對，迺遷國子監主簿，遷丞，轉對所言，帝喜之，曰：「君臣一體，初不在事形迹，有所見聞，於銀臺司繳奏，權監察御史，異奏與丞相留正舊同官，不敢供職，御札不許引嫌，遂拜命。遷右正言，時光宗愆于定省，異入疏諫，不報，約臺官聯名言，姦人離間父子，當明正典刑，語極峻，又不報，外授湖南轉運判官，偶攝帥事，長蠻擾擾邵陽，異募山丁捕首亂者，蒲來矢以衆來降，尋為浙西提點刑獄，以太常少卿召改秘書監，兼實錄院檢討官，權禮部侍郎，太常寺太廟，芝草生，韓侂胄率百官觀焉，異謂其色白，慮生兵妖，侂胄不悅，又以劉光祖於異交密，言者遂以異在言路，不彈丞相留正及受趙汝愚薦，劾罷之，久乃予祠。起知夔州兼本路安撫，異以夔民土狹食少，同轉運司糶米，椿積立循環通濟倉。七月丙戌，西北有星白芒墜地，其聲如雷，異曰：「戌日酉時，火土交會，而妖星自東南衝西北化，為天狗，蜀其將有兵乎？」祠，以寶謨閣待制，提舉太平興國宮。後四年，吳曦果叛，起知潭州，乞閑，子祠者再，嘉定元年，召為刑部侍郎，五月不兩，異上封事，言近日號令或從中出，而執政不得與聞其事，臺諫不得盡行其言，陛下閣念鐵民，藥病殞死，遐荒僻嶠，安得實惠，多方稱提，不如縮造楮幣，阜通商米，不如稍寬關市之征，明年，權工部尚書，告老，抗章言，近臣求去，類成虛文，中外相觀，指為禮數，無以為風俗廉恥之勸，以寶章閣直學士知泉州，從所乞，子祠進寶章閣學士，轉一官致仕。卒年八十有一，異高自標致，有詩名，所著月湖詩集行世。劉宰，字平國，金壇人，既冠入鄉校，卓然不苟於去就，取舍，紹熙元年，舉進士，調江陵尉，江陵巫風為感，宰下令保伍互相糾察，往往改業為農，歲旱，帥守命振荒，邑境多所全活，有持妖術號真武法，穿雲子寶華主者，皆禁絕之，書其坐右曰：「毋輕出文引，毋輕事華楚，緣事出郊，與吏卒同跪食水飲，去官，惟篋藏主簿趙師秀酬倡詩而已，調真州司法，詔仕者非僞學，不讀周惇頤程頤等書，才得考試，宰喟然曰：「平生所學者何，首可斷，此狀不可得，宰弗與，授泰興令，有殺人獄具，謂禱于叢祠以殺一人，刃忽三躍，乃殺三人，是神實殺我也，為請之，州毀其廟，斬首以徇，鄰邑有租牛縣境者，租戶於主有連姻，因喪會竊券而逃，他日

主之子征其租則曰牛鬻久矣。子累年訟于官無券可質官又以異縣置不問至是趨于宰宰曰牛失十載安得一旦復之迺召二句者勞而語之故託以宅事繫獄鞠之句者自詭盜牛以賣遣詰其所驗視租戶曰吾牛因某氏所租句者辭益力因出券示之相持以來盜券者無然爲歸牛與租富室士金釵惟二僕婦在置之有司咸以爲冤命各持一蘆曰非盜釵者詰朝蘆當自若果盜則長於今二寸明日視之一自若一去其蘆二寸矣即訊之果伏其罪有姑嫜婦不養者二召二婦并姑置一室或餉其婦而不及姑徐伺之一婦每以己饌饋姑姑猶呵之其一反之如是累日遂得其情父喪免至京韓侂胄方謀用兵宰啓鄧友龍薛叔似極言輕挑兵端爲國深害迄如其言爲浙東倉司幹官職事脩舉亟引去默觀時變頓不樂仕尋告歸監南岳廟江淮制置使黃度辟之入幕宰辭曰君命召不往今矧可出耶嘉定四年堂審召命且再下不至時相亦屢諷執政從官貽書挽宰宰峻辭以絕俄題考功曆不決不復仕理宗初卽位以爲籍田令屢辭改添差通判建康府又辭乞致仕乃以直祕閣主管仙都觀拜改秩予祠之命辭祕閣不允端平元年升直寶謨閣祠如故且盡遷廢勘歲月未幾遷太常丞郡守以朝命趣行不得已勉就道至吳門拜疏徑歸一時譽望收召略盡所不能致者宰與崔與之耳帝側席以問侍御史王遂且俾宣撫還將作少監又以直敷文閣知寧國府皆不拜進直顯謨閣主管玉局觀帝猶冀宰一來也召奏事訖不爲起尋卒鄉人罷市走送袂相屬者五十里人人如哭其私親宰剛大正直明敏仁恕施惠鄉邦其烈實多置義倉創義役三爲粥以與饑者自冬徂夏日食凡萬餘人薪粟衣纊藥餌棺衾之類靡謁不獲其無田可耕某無廬可居某之子女長矣而未婚嫁皆汲汲經理如己實任其責橋有病涉路有險阻雖巨役必捐貲先倡而程其事宰生理素薄見義必爲既竭其力藉質貸以繼之無倦若定折麥錢額更釐斛如制毀淫祠八十四所凡可以白于有司利於鄉人者無不爲也宰隱居三十年平生無嗜好惟書靡所不讀既竭日力猶坐以待雖博考訓注而自得之爲貴有漫塘文集語錄行世劉燾字晦伯建陽人與弟幹仲受學于朱熹呂祖謙乾道八年舉進士調山陽

主簿燾正版籍吏不容姦調饒州錄事通判黃奕將以事行燾而已自以賊抵罪去都大坑治耿某閔遺骸暴露議用浮屠法葬之水火燿貽書曰使死者有知禍亦慘矣請擇高阜爲叢冢以葬調連城令罷添給錢及綱運例錢免上供銀錢及綱本二稅甲葉鈔鹽軍期米等錢大脩學校乞行經界改知閩縣治以清簡庭無滯訟與利去害知無不爲差通判潭州未上丁父憂僑學禁與燾從熹武夷山講道讀書怡然自適築雲莊山房爲終老隱居之計調贛州坑冶司主管文字差知德慶府大脩學校奏便民五事又奏罷兩縣無名租錢糾集武勇民兵入奏言前者北伐之役執事者不度事勢貽陛下憂今雖從和議願益恐懼脩省必開言路以廣忠益必張公道以進人才必飭邊備以防敵患提舉廣東常平令守臣歲以一半易薪春未支及冬復償存其半以備緩急逋欠亭戶錢十萬轉運司五萬燾以公使公用二庫贏錢補之奏義倉之敝客丁錢之敝小官奉給之敝舉留守令之敝吏商之敝召入奏事首論公道明則人心自一朝廷自尊雖危可安也公道廢則人心自二朝廷自輕雖安易危也帝嘉獎遷尙左郎官請節內外冗費以收楮幣轉對言願於經筵講讀大臣奏對反復問難以求義理之當否與政事之得失則聖學進而治道隆矣乞收拾人才及脩明軍政遷浙西提點刑獄巡按不避寒暑多所平反有殺人而匿權家者吏弗敢捕燾竟獲之遷國子司業言於丞相史彌遠請以熹所著論語中庸大學孟子之說以備勸懲正君定國慰天下學士大夫之心奏言宋與六經微旨孔孟遺言發明於千載之後以事父則孝以事君則忠而世之所謂道學也慶元以來權佞當國惡人議己指道爲僞屏其人禁其書學者無所依鄉義利不明趨向污下人欲橫流廉恥日喪追惟前日禁絕道學之事不得不任其咎望其既仕之後職業條名節立不可得也乞罷僞學之詔息邪說正人心宗社之福又請以熹白鹿洞規頒示太學取熹四書集註刊行之又言浙西根本之地宜詔長吏監司禁戢強暴撫柔善良務儲積以備凶荒禁科斂以紓民力兼國史院編脩官實錄院檢討官接伴金使于盱眙軍還言兩淮之地藩蔽江南干戈盜賊之後宜加經理必於招集流散之中就爲足食足兵之計臣觀淮東其地

平博膏腴，有陂澤水泉之利，而荒蕪實多，其民勁悍，勇敢習邊鄙戰鬪之事，而安集者少，誠能經畫郊野，招集散亡，約頃畝以授田，使毋廣占拋荒之患，列溝洫以儲水，且備戎馬馳突之虞，為之具田器，貸種糧，相其險易，聚為室廬，使相保護，聯以什伍，教以擊刺，使相糾率，或鄉為一團，里為一隊，建其長，立其副，平居則耕，有警則守，有餘力則戰，帝嘉納之，進國子祭酒，兼侍立，倚注官，論貢舉五敵，兼權兵部侍郎，改兼權刑部侍郎，封建陽縣開國男，賜食邑，權刑部侍郎，兼國子祭酒，兼太子左諭德，升同修國史，實錄院同修撰，時廷臣爭務容默，有論事稍切者，眾輒指以為異，煇奏願明詔大臣，崇獎忠議，以作士氣，深戒諛佞，以肅具僚，乞擇州縣獄官，冬雷上恐懼煇奏，遴選監司，以考察貪吏為先，訪求民瘼，有澤未下流，令未便民者，悉以實上，變而通之，則民心悅而天意解矣，又請擇沿邊諸將，兼工部侍郎，奏乞使沿邊之民，各自什伍，教閱于鄉，有急則相救援，無事則耕稼，自若，軍政隱然寓於田里之間，此非止一時之利也，請城沿邊州郡，罷遣賀正使，試刑部侍郎，兼職依舊，賜對衣金帶，辭不允，兩請致仕，不允，奏絕金人歲幣，建制置司於歷陽，以援兩淮，夏旱，應詔上封事曰，言語方壘而導之使言，人心方鬱而疏之使通，上既開不諱之門，下必有盡言之士，指陳政事之闕失，明言朝廷之是非，或者以為好名要譽，而陛下聽之，則苦言之藥，至言之寶，陛下棄之而不恤矣，甘言之疾，華言之腴，陛下受之而不覺矣，乞罷瑞慶聖節，謝絕金使，進封子爵，權工部尚書，賜衣帶鞍馬，兼太子右庶子，仍兼左諭德，每講讀至經史，所陳聲色嗜欲之戒，輒懇切再三，數陳之，進讀詩之說，詹事戴溪讀之，為之吐舌，卒，贈光祿大夫，官其後，賜諡文簡，所著有奏議，史藁，經筵故事，東宮詩解，禮記解，講堂故事，雲莊外藁。

柴中行，字與之，餘干人，紹熙元年進士，授撫州軍軍推官，權臣韓侂胄禁道學，校文，轉運司移檄，令自言非偽學，中行奮筆曰，自幼讀程頤書，以收科第，如以為偽，不願考校，調江州學教授，母喪免，廣西轉運司辟為幹官，帥將薦之，使其客嘗中行，中行正色曰，身為大帥，而稱人為恩主，恩相心竊恥之，毋汗我攝昭州郡事，獨丁錢，減苗斛，賑饑，轉運司委中行代行，由桂林屬邑，歷柳象象

入邕管，問民疾苦，先行而後聞，指鹽息以惠遠民，嘉定初，差主管尚書吏部架閣文字，遷太學正，升博士，轉對首論主威奪而國勢輕，次論士大夫寡廉隅，乏骨鯁，宜養天下剛毅果敢之氣，末論權臣用事，包苴成風，今舊習猶在，宜舉行先朝痛繩繩賊之法，謂太學風化，首童子科，覆試，賈子舍選，有挾勢者，中行力言于長，守法無秋毫私，遷太常主簿，轉軍器監丞，出知光州，嚴保伍，精閱習，增關屯田，城濠營砦，器械糧糗，百爾具備，治行為准右最，又條畫極邊次邊緩急事宜，上之朝廷，大概謂邊兵宜如蛇勢，首尾相應，軍寇合兵，大人則鄰道援之，分兵輕襲，則鄰郡援之，援兵既多，雖危不敗，又言，淮襄土豪丁壯，往者用兵，傾貲效力者，朝廷吝賞失信，宜亟加收拾，亦可激昂得其死力，遷西京轉運使，兼提點刑獄，中行謂襄陽乃自古必爭之地，倘禦尤宜周密，時任邊者政令煩苛，日夜與民爭利，中行諷之不聽，天方旱，盡捐酒稅，斥征官，驛務吏，甘澍隨至，官取鹽鈔贏過重，課日增，入中日糞鈔日墮，中行揭示通衢，一錢不增，商買大集，改直秘閣，知襄陽，兼京西帥，仍領漕事，江陵戎司移屯襄州，兵政久弛，中行白于朝，考覈軍實，舊額二萬二千人，存者纔半，亟招補虛籍，自是朝廷以節制之權歸帥司，重劾李琪不法，以懲貪守，明扈再與有功，以厲宿將，上關朝廷，下關制閫，遷江東轉運司判官，旋改湖南提點刑獄，豪家習殺人，或收養亡命，橫行江湖，一繩以法，華亭令貪虐，法從交疏，薦之，中行笑曰，此欲斷吾按章也，卒發其事，人為吏部郎官，以立志啓迪君心，言好進好同好欺，士大夫風俗三敵，選曹法大壞，吏緣為姦，中行遇事持正，不為勢屈，由是銓綜平允，權宗正少卿，上疏謂陛下初政，則以剛德立治本，更化則以剛德除權姦，今者顧乃垂拱仰成，安於無為，夫剛德實人主之大權，不可以久出而不收，覆轍在前，良可鑒也，又曰，朝廷用人，外示涵洪而陰掩其迹，內用牢籠而微見其機，觀聽雖美，實無以大服天下之心，曩者更化，元氣復挽回矣，比年欲求安靜，頗厭人言，於是臣下納說，非觀望則希合，非回緩則畏避，而面折廷諍之風，未之多見，此任事大臣之責也，兼國史編脩，實錄檢討，孟春大雨，震雷霜雹交作，邊烽告急，至失地喪師，淮甸震動，中行亟奏內外二失，朝廷十憂，大要言今日之事，人主盡委天

下以任一相，一相盡以天下謀之三數腹心，而舉朝之士相視以目，噤不敢言。甚至邊庭申請，久不即報，脫有闕誤，咎當誰執？調秘書監崇政殿說書，極論往年以道學爲僞學者，欲加遠竄，杜絕言語，使忠義士籍口結舌，天下之氣豈堪再沮壞如此耶？又謂欲結人心，莫若去貪吏，欲去貪吏，莫若清朝廷。大臣法則小臣廉，在高位者以身率下，則州縣小吏何恃而敢爲？又論內治外患，辨君子小人，大略謂執政侍從臺諫給舍之選，與三衙京尹之除，皆朝廷大綱所在，故其人必出入主之親擢，則權不下移，今或私謁，或請見，或數月之前先定，或舉朝之人不識附會者，進爭爲妾婦之道，則天下國家之利害安危，非惟己不敢言，亦且併絕人言矣。大臣爲附會之說所誤，邊境之臣實遁者，掩以爲誣，真怯者譽以爲勇，金帛滿前，是非交亂，以欺廟堂，以欺陛下，願明詔大臣，絕私意，布公道，進秘閣脩撰，知贛州，治盜有方，境內清肅，句祠得請，以言罷。理宗即位，以右文殿脩撰，主管南京鴻慶宮，賜金帶，卒。所著有易繫集、傳書集、傳詩講義、論語童蒙說。

李孟傳，字文授，資政殿學士光季子也。光諡嶺海，孟傳才六歲，奉母居鄉，刻志于學，質允中徐度皆奇之，而曾幾妻以其孫龍大淵黜爲浙東總管，知孟傳爲名門子，解后必就語。孟傳正色辭之，幹辦江東提刑司，易浙東常平司，母喪免。調江山縣丞，棄去，監南岳廟，行在編估局，未上，改楚州司戶參軍，單車赴官，公退閉戶，讀易，郡守部使者不敢待以屬吏，徐積墓在境內，蕪沒既久，加葺之。脩復陳公塘，有灌溉之利，知象山縣，守薦爲邑最，從官多合薦之，主管官告院，與同列上封事，請詣北宮，又移書宰相，遷將作監主簿，丞相趙汝愚初當國，適大稔，遣孟傳按視江池鄂三大軍所屯積粟，道除太府丞，汝愚去國，黨論起，而孟傳奉使無失指，面對言，比以使事往返四千里，所過民生困窮，衣食不贍，國之安危以民爲本，今根本既虛，形勢俱見，保邦之慮，宜勤聖念，時韓侂胄連逐留正及汝愚，太府簿吳璣與侂胄有連姻，因言臺諫將論朱熹，孟傳奮然曰：如此則士大夫爭之，鼎鑊且不避，兼考功郎復因對言：國家長育人才，猶天地之於植物，滋液滲漉，待其既成，而後足以供大廈之用，今士大夫皆有苟進

之心，治功未優，功能尙薄，而意以馳騫於臺閣，不稍有所扶持正飭之，其敵將甚，又言：武舉及軍士比試，專取其力，臨敵難以必勝，唐世取人，由步射弓弩，以至馬射，各以其中之多寡爲等級，宜採取行之，韓侂胄與孟傳故嘗致侂胄意，孟傳謝曰：行年六十，去意已決，侂胄慚而退，請外，知江州，獄訟止息，侂胄不悅，句歸，復知處州，遷廣西提點刑獄，改江東提舉常平，移福建，詔入對，首論用人宜先氣節，後才能，益招徠忠讜，以扶正論，故人有在政府者，折簡問勞動甚，孟傳逆知其意，即謝曰：孤蹤久不造朝，獲一望清光而去，幸矣，對畢，即出關，至閩，大饑，發廩勸分，民無流卒，侂胄誅，就遷提點刑獄，移江東，又辭，丞相史彌遠，其親故也，人謂進用其時矣，卒歸使節，角巾還第，再奉祠，以倉部郎召，又辭，遷浙東提點刑獄，未數月，申前請，章再上，加直秘閣，移江東，不赴，主管明道宮，進直寶謨閣，致仕，卒年八十四，常誠其子孫曰：安身莫若無競，脩己莫若自保，守道則福至，求祿則辱來，有磐溪集、宏詞類集、左氏說、續史雜志、記善、記異等書，行世。

論曰：古之君子，出處不齊，同歸于是而已，辛棄疾知大義而歸宋，何異篤實君子，而切諫光宗，朝重華宮，柴中行寧不校，臨川之試，終不肯自言，非程頤爲學，劉燾表章朱熹四書，以備勸講，衛道之功，莫大焉，李孟傳所立，不愧其父，至於劉宰，飄然遠引，屢徵不起，所謂鴻飛冥冥者耶。

宋史卷四百一

元中書右丞相總裁脫脫等修

列傳第一百六十一

陳敏 張詔 畢再遇 安丙 楊巨源 李好義

陳敏字元功，贛之石城人。父皓，有才武，建炎末以破賊李仁功補官。至承信郎，敏身長六尺餘，精騎射，積官至忠靖郎。以楊存中薦，擢閤門祗候。時閩地多寇，殿司兵往戍，率不習水土，至是始募三千兵置左翼軍，以敏為統制。漳州駐劄，敏按諸郡要害，凡十有三處，悉分兵扼之。盜發輒獲，贛州齊述據城叛，嘯聚數萬，將塞城南寇。敏聞之，曰：「贛兵精勁善走嶮，若朝廷發兵未至，萬一奔衝，江湖間騷動矣。」不俟命，領所部馳七日，徑抵贛圍其城。踰月，朝廷命李耕以諸路兵至，破之。累功授右武大夫，封武功縣男，領興州刺史。召赴闕，高宗見其狀貌魁岸，除破敵軍統制。尋丁母憂，詔起復，以所部駐太平州。紹興三十一年，金主亮來攻，成閔為京湖路招討使，以敏軍隸之。升馬司統制，軍于荆漢間。敏說閔曰：「金人精騎悉在淮，汴都必無守備。若由陳蔡徑擣大梁，潰其腹心，此救江淮之術也。」不聽。從閔還駐廣陵。時金兵尚未渡淮，敏又說閔邀其歸師，復不聽。敏遂移疾歸姑孰。孝宗即位，張浚宣撫江淮，奏敏為神勁軍統制。浚視師，改都督府武鋒軍都統制。朝廷遣李顯忠北伐，浚欲以敏偕行。敏曰：「盛夏與師，非時。且金人重兵皆在大梁，我客彼主，勝負之勢先形矣。」願少緩，浚不聽。令敏屯盱眙。顯忠至符離，果失律，敏遂入泗州守之。金人議和，詔敏退守滁陽。敏請於朝，謂滁非受敵之所，改戍高郵。兼知軍事，與金人戰射陽湖，敗之。焚其舟，追至沛城，復敗之。乾道元年，遷宣州觀察使。召除主管侍衛步軍司公事，居歲餘。敏抗章曰：「久任周廬，無以效鷹犬。沉敵情多詐，和不足恃。今兩淮無備，臣乞以故部之兵，再戍高郵，仍請更築其城，乃落常階。除光州觀察使，分武鋒為四軍，升敏為都統制。兼知高郵軍事，仍賜築城屯田之費。敏至郡，板築高厚，皆增舊制。自寶應至高郵，按其舊作石礎十二所，自是運河通泄，無衝突患。四年，北界人侍旺叛于漣水軍，密款本朝稱結約山東十二州豪傑起義，以復中原。上以問敏，

敏曰：「旺欲假吾國威以行劫爾，必不能成事。願勿聽。」適屯田統領官與旺交通，旺敗，金有間言，上知非敏罪，乃召敏為左驍衛上將軍，言事者議欲戍守清河口。敏言：「金兵每出清河，必遣人馬先自上流潛渡，今欲必守其地，宜先修楚州城池，蓋楚州為南北襟喉，彼此必爭之地。長淮二千餘里，河道通北方者五，清汴渦潁蔡是也。通南方以入江者，惟楚州運河耳。北人舟艦自五河而下，將謀渡江，非得楚州運河無緣自達。昔周世宗自楚州北神堰擊老鸛河，通戰艦以入大江，南唐遂失兩淮之地。由此言之，楚州實為兩朝司命。願朝廷留意及是，再出守高郵，乃詔與楚州守臣左祐同城楚州。祐卒，遂移守楚州。北使過者觀其雄堞堅新，號銀鑄城，以歸。正人二百家逃歸，降授忠州團練使，罷為福建路總管。改江西路總管，贛州駐劄。月餘，朝廷命往福州揀軍，又命還豫章，教閩江西團結諸郡人馬。俄提舉佑神觀，仍奉朝請，繼復蘄州防禦使，再除武鋒軍都統制。兼知楚州，復光州觀察使，以疾卒。特贈慶遠軍承宣使。

張詔字君卿，成州人。少隸張俊帳下，積功守和州。嘗被旨介聘，一日金人持所繪祐獻二陵像至館中，皆北地服，詔向之再拜。館者問之，答曰：「詔雖不識其人，但龍鳳之姿，天日之表，疑非北朝祖宗也，敢不拜。」孝宗聞而喜之，由是驟用。紹熙五年，除興州都統制。兼知興州代吳挺。慶元二年，趙彥逾帥蜀，以關外去與元遠，緩急恐失事機，復請分東西為二帥。詔遂兼西路安撫司公事。先是趙汝愚為從官時，每奏吳氏世掌蜀兵，非國家之利，請以張詔代領武興之軍。蓋汝愚之意，欲以吳曦為文臣帥，以杜他日握兵之漸而未及行也。汝愚既知樞密院，力辭不拜。白於光宗曰：「若武興朝除帥，則臣夕拜命。上許之，乃以詔為成州團練使。興州諸軍都統制，詔在興州甚得士心。六年卒，郭杲代之。

畢再遇字德卿，兗州人也。父進，建炎間從岳飛護衛入陵，轉戰江淮間。積階至武義大夫。再遇以恩補官，隸侍行馬司。武藝絕人，挽弓至二石七斗，背挽一石八斗，步射二石，馬射一石五斗。孝宗召見，大悅，賜戰袍金錢，開禧二年，下詔北伐，以殿帥郭倪招撫山東。京東遣再遇與統制陳孝慶取泗州。再遇請選新刺敢死軍為前鋒，倪以八十七人付之。招撫司剋日進兵，金人聞之，閉權場塞城。

門為備。再遇曰：敵已知吾濟師之日矣。兵以奇勝，當先一日出其不意。孝慶從之，再遇禦士卒，激以忠義，進兵薄泗州。泗有東西兩城，再遇令陳戈旗舟楫於石匣下。如欲攻西城者，乃自以麾下兵從陡山徑趨東城南角，先登殺敵數百。金人大潰，守城者開北門遁。西城猶堅守，再遇立大將旗呼曰：大宋畢將軍在此，爾等中原遺民也，可速降。旋有淮平知縣縋城而下乞降。於是兩城皆定。郭倪來饗，士出御寶刺，牙牌授再遇，辭曰：國家河南八十有一州，今下泗兩城，即得一刺，此何以賞之？且招撫得朝廷幾牙牌來，固辭不受。尋除環衛官。倪調李汝翼郭倬取宿州，復遣孝慶等繼之。命再遇以四百八十騎為先鋒，取徐州。至虹橋，郭李兵裹創旋問之，則曰：宿州城下大水，我師不利，統制田俊邁已為敵擒矣。再遇督兵疾趨，次靈璧。遇孝慶駐兵于鳳凰山，將引還。再遇曰：宿州雖不捷，然兵家勝負不常，豈宜遽自挫？吾奉招撫命取徐州，假道於此，寧死靈璧北門外，不死南門外也。會倪以書抵孝慶，令班師。再遇曰：郭李軍潰，賊必追躡，吾當自禦之。金果以五千餘騎分兩道來，再遇令敢死二十人守靈璧北門，自領兵衝敵陣。金人見其騎呼曰：畢將軍來也。遂遁。再遇手揮雙刀，絕水追擊，殺敵甚眾。甲裳盡赤，逐北三十里。金將有持雙鐵簡躍馬而前，再遇以左刀格其簡，右刀斫其脇，金將墮馬死。諸軍發靈璧，再遇獨留未動，度軍行三十餘里，乃火靈璧。諸將問夜不火，火今日何也？再遇曰：夜則照見虛實，晝則煙埃莫覩，彼已敗不敢迫，諸軍乃可安行無虞。汝輩安知兵易進而難退邪？還泗州，以功第一。自武節郎超授武功大夫，除左驍衛將軍。於是丘濬代鄧友龍為宣撫使，檄倪還維揚，尋棄泗州。命再遇還盱眙，遂令盱眙軍，尋改鎮江中軍統制，兼守如故。以鳳凰山功授達州刺史。其冬，金人以騎步數萬，戰船五百餘艘渡淮，泊楚州淮陰間。宣撫司檄再遇援楚，遣段政張貴代之。再遇既去，盱眙政等驚潰。金人入盱眙，再遇復定盱眙。除鎮江副都統制，金兵七萬在楚州城下，三千守淮陰糧，又載糧三千艘泊大清河。再遇謀知之，曰：敵眾十倍，難以力勝，可計破也。乃遣統領許俊間道趨淮陰，夜二鼓銜枚至敵營，各攜火潛入，伏糧車間五十餘所，聞哨聲舉火，敵驚擾奔竄，生擒烏古倫帥勒蒲察元奴等二十三人。

金人復自黃狗灘渡淮，渦口戍將望風遁，濠滁相繼失守。又破安豐，再遇謂諸將曰：楚城堅，兵多，敵糧草已空，所慮獨淮西耳。六合最要害，彼必并力攻之，乃引兵赴六合。尋命節制淮東軍馬，金人至竹鎮，距六合二十五里。再遇登城，偃旗鼓，伏兵南土門，列弩手土城上。敵方臨濠，眾弩俱發，宋師出戰，聞鼓聲，城上旗幟並舉，金人驚遁。追擊大敗之，金萬戶完顏蒲辣都千戶泥龍古等以十萬騎駐成家橋馬鞍山，進兵圍城數重，欲燒壘木，決壕水。再遇令勁弩射退之，既而紇石烈都統合兵進攻益急，城中矢盡。再遇令人張青蓋往來城上，金人意其主兵官也，爭射之，須臾矢集樓牆如蝟，獲矢二十餘萬。紇石烈引兵退，已乃益增兵環城四面，營帳亘三十里。再遇令臨門作樂，以示閑暇，而間出奇兵擊之。敵晝夜不得休，乃引退。再遇料其旦復來，乃自提兵奮城東野新橋，出敵之背，金人遂遁去。追至滁，大雨雪，乃旋，獲驛馬一千五百三十一，鞍六百，衣甲旗幟稱是。授忠州團練使。三年，除鎮江都統制，兼權山東京東招撫司事。還至揚州，除驍衛大將軍，金圍楚州已三月，列屯六十餘里。再遇遣將分道撓擊，軍聲大振。楚圍解，兼知揚州。淮東安撫使揚州有北軍二千五百人，再遇請分隸建康鎮江軍，每隊不過數人，使不得為變，更造輕甲，長不過膝，披不過肘，兜鍪亦殺重為輕，馬甲易以皮，車牌易以木，而設轉軸其下，使一人之力可推可整，務便捷，不使重遲。敢死一軍本為合亡命，再遇能駕馭得其用。陳世雄許俊等皆再遇所薦，張健雄特勇桀驁，再遇狀其罪于朝，命以軍法戮之。諸將懾服，嘉定元年，除左驍衛上將軍，和好成累疏乞歸田里，賜詔不允。保康軍承宣使，降詔擬論，尋令帶職奏事，提舉佑神觀。六年，提舉太平興國宮。十年，以武信軍節度使致仕。卒年七十，贈太尉，累贈太師，諡忠毅。再遇姿貌雄傑，早以拳力聞，屬時緩兵，無所自見。一旦遇事起，諸將望風奔竄，再遇威聲始著，遂為名將云。安丙，字子文，廣安人。淳熙間進士，調大足縣主簿，秩滿詣闕，陳蜀利病十五事，言皆剴切。丁外艱，服除，辟利西安撫司幹辦公事，調曲水丞，吳挺為帥，知其才，邀致之，改秩知新繁縣。丁內艱，服除，知小溪縣，通判隆慶府。嘉泰三年，郡大水，丙白守張鼎發常平粟振之，尋又鑿石徙溪，自是無水患。知大安軍，歲旱民艱。

食丙以家財卽下流糶米數萬石以振事聞詔加一秩開禧二年邊事方興程松爲四川宣撫使吳曦副之丙陳十可憂於松繼而松開府漢中道三泉夜延丙議丙又爲松言曦必誤國松不省蓋丙嘗爲其父客素知曦既而曦奏丙爲隨軍轉運司居河池時梁洋義士方襲取和尚原旋爲金人所奪守將棄甲而走十一月戊子金人攻湫池堡破天水縣西河入成州師潰曦置不問金人肆掠關外四州如騷虛邑軍民莫知死所曦已潛遣其客姚淮源交金人至是曦還興州劉丙魚關已而檄還武興十二月丙寅金人持其詔及金印至置口曦密受之宣言使者欲得四州以和馳書諷松去癸酉曦受金詔稱蜀王勝諭四丙爲中大夫丞相長史權行都省事先是從事郎錢鞏之從曦在河池嘗夢曦禱神祠以銀杯爲交擲之神起立謂曦曰公何疑公何疑後政事已分付安子文矣曦未省神又曰安子文有才足能辦此鞏之覺心異其事具以語曦事既熾丙不得脫度徒死無益陽與而陰圖之遂與楊巨源李好義等謀誅曦語見巨源好義傳徐景望在利州逐土人擅財賦丙遣第煥往約諸將相與拊定及景望伏誅軍民無敢譁者於是傳檄諸道按堵如故曦僭位凡四十一日三月戊寅陳曦所以反及矯制平賊便宜賞功狀自劾待罪函曦首級連制法物與曦所受金人詔印及所匿庚牌附驛朝廷初聞變莫知所爲韓侂胄與曦書亦謂嗣頒茅土之封亟召知鎮江府宇文紹節問之紹節曰安丙非附逆者必能討賊於是密降帛書曰安丙素推才具有志事功今聞曦謀不軌爾爲所脅諒以凶焰方張恐重爲蜀禍故權且從之爾豈一日忘君父者如能圖曦報國以明本心卽當不次推賞雖二府之崇亦無所吝更宜審度機便務在成事以副委屬之意帛書未至露布已聞上下動色交慶辛丑加丙端明殿學士中大夫知興州安撫使兼四川宣撫副使詔擬論恩數視執政如帛書旨也時都統孫忠銳由鳳州進攻大散關不克統領強德等出奇道由松林堡破金砦四月癸丑克之忠銳貪功吝財賞罰迷繆大失軍心且速還鳳州以關鑰付庸將陳顯癸酉大散關復陷巨源自請收復丙遣朱邦寧佐之丙深惡忠銳檄赴司議事

欲廢之巨源至鳳斬忠銳及其子揆丙遂以忠銳附僞進表之罪聞于朝先是詔以誅曦功巨源補朝奉郎與通判差遣巨源遣其親校傅檣懇功于朝語見巨源傳於是丙拜疏乞開至是金人揭示境上得丙首者與銀絹二萬匹兩卽授四川宣撫時方議和丙獨戒飭將士恫疑虛喝以攻爲守威聲甚著詔以蜀平遣吳玠撫諭四川時沿邊關隘悉爲金毀丙遣時相書謂西和一面已脩仇池聚糧積芻使軍民可守若敵至則堅壁不戰彼欲攻則不可欲越則不敢若西和可守成州之境自不敢犯成州黑谷南谷亦皆頓重兵天水雖不可守距天水十里所見創白環堡與西和相爲犄角又增堡鷄頭山咸以民卒守之及修黃牛堡築興趙原屯千餘人鳳州秋防原尤爲險絕紹興初州治于此宣撫吳玠嘗作家計玠卽馬嶺堡正扼鳳州之後凡此數堡既堅金人決不敢近而河池殺金平魚關皆大軍屯聚其他徑路雖關之裏如大安亦陰招民卒授以器械爲掩擊之備矣又云見於關表廣結義士月給以糧俾各保田廬墳墓速事定則係之尺籍而勸之耕庶可經久以丙所見直爲守計則精選五萬人亦爲有餘好義守西和謂四州兵後民不聊生請蠲租以惠創痍丙請于朝又以沔州都統司所統十軍權太重故自吳玠至挺曦皆有尾大不掉之憂乃請分置副都統制各不相隸以前右中左後五軍隸都統司踏白摧鋒選鋒策鋒遊變五軍隸副司詔皆從之時方信孺使還金人和意未決且欲得首議與師之人侂胄大怒上手書賜丙謂金人必再至當激勵將士戮力赴功侂胄既誅賜丙金器百二十兩細幣二十匹進資政殿學士和議成還大散關丙分遣僚史經量洋沔與元大安民田別定租稅右丞相史彌遠起復丙移書曰昔仁宗起復富鄭公文潞公孝宗起復蔣丞相皆力辭名教所係人言可畏望閣下速辭成命以息議者之口論者肆之升太學士四川制置大使兼知興元府諫知金人遷汴關輔豪傑款塞願降者衆丙以爲此正再問告晉之時乃與宰臣書謂當與問罪之師朝論憂丙輕舉乃詔丙益修守備七年春丙使所愛吏安蕃何九齡合官軍夜襲秦州敗歸王大才執九齡等七人斬之而訟丙于朝三月詔丙同知樞密院事兼太子賓客賜手書召之行次廣德軍進觀文殿學士

知潭州湖廣安撫使至官留學校請于太常擲大成樂而政尚嚴酷轉運判官章徠劾丙不報御史李安行併徠劾之徠罷丙授崇信軍節度使開府儀同三司萬壽觀使遣閣門舍人璵錫命賜旗節金印衣帶鞍馬三辭還蜀董居誼帥蜀大失士心金人乘之破赤丹黃牛堡入武休關直擣梁澤至大安宋師所至輒潰散入巴山十二年壽子述代之時丙之子癸仲知果州子述即撤兼參議官四月紅巾賊張福莫簡叛入利州子述遁去總領財賦楊九鼎與賊遇走匿民舍賊追九鼎殺之子述退保劍門檄癸仲兼節制軍馬任討賊之責癸仲召戎帥張威等軍來會賊自聞趨遂寧所過無不殘滅丙欲自持十萬緡偕子述往益昌募士子述曰大臣非得旨未可輕出丙遂如果州時四川大震甚於曠之變張方首奏勸益昌如丙今猶可用魏了翁移書宰執謂安丙不起則賊未即平蜀未可定雖賊亦曰須安相公作宣撫事乃定耳李壁李玘時並鎮潼遂亦皆以國事勉丙五月乙未丙至果州是日賊焚蓬溪縣已酉詔起丙為四川宣撫使予便宜尋降制授保寧軍節度使兼知興元府利東安撫使丙奏臣不辭老以報國但事不任怨難以圖成將恐騰謗交攻使臣獨抱赤心無從上白昔秦使甘茂攻宜陽至質之以息壤在彼魏使樂羊攻中山至示之以謗書一篋君臣之間似不必爾然自古及今謗以疑聞而成禍以忌嫉而得況臣已傷弓於既往豈容不懲沸於方來詔曰昔唐太宗以西寇未平詔起李靖靖慷慨請行不以老疾為解代宗有朔方之難圖任郭子儀聞命引道亦不以謙恭自疑皆能乘時立功焜耀竹帛朕甚慕之今蜀道倥偬未寬願憂朕起卿燕閒付以方面而卿忠於報國諒不辭難朕之用人庶幾於唐宗卿之事朕無愧於李郭矣勉圖傳功以濟國事尋命丁煇改知興元府甲申發果州丙戌至遂寧賊猶負固于普州之茗山丙下令諸軍合圍絕其樵汲之路以困之未幾張威李貴侔獲張福等十七人以獻丙命擢王才以祭九鼎七月庚子盡俘餘黨千餘人皆斬之庚戌班師迺移治利州賜保寧軍節度使印癸仲亦加三秩進直華文閣起復主管宣撫司機宜文字明年進丙少保賜衣帶鞍馬丙以關表營田多遺利命官括之有文核者方持母喪以便宜起復幹辦魚關糧料

院俾之措置且以宣撫副使印假之而馮安世者又即利州置榷局於是了翁遺丙書謂幕府舉辟當用經術信厚之士不可用冒喪之人且公八年鎮蜀有恩則有怨豈可人人而校事事而理自處甚狹恐貽于孫賓客無窮之累雖今日理財難拘故常然告絕產首白契許隱田伺富民過失糾鹽酒戶虧額報怨挾憤招權納賄者必且紛然而公任其怨丙復書曰關外糧買當用四百萬緡而總所見緡止二十五萬多方措置非得已而不已備皆清流何由辦事蜀士中如今弟嘉父李成之輩清則清高則高矣其肯辦錢穀俗務乎劉德脩嘗雅賞楊嗣勳不能舉義誅叛嗣勳云德脩特未當局耳丙於華父亦云其後安世不法滋甚近臣有以書抵丙而安世之徒亦發其事丙械送大安窮治之先是夏人來乞師併兵攻金人丙且奏且行分遣將士趨秦鞏鳳翔委丁煇節制師次于鞏夏人以樞密使寧子寧乘二十餘萬約以夏兵野戰宋師攻城既而攻鞏不克乃已丙卒計聞以少傳致仕輟視朝二日贈少師賜銀絹千計賜沔州祠額為英惠廟理宗親札賜諡忠定丙所著有晶然集

楊巨源字子淵其先成都人父信臣客益昌因家焉巨源個儻有大志善騎射涉獵諸子百家之書應進士不中武舉又不中劉光祖見而異之薦之總領錢糧陳曄以右職舉為鳳州堡子原倉官馳聘射獵傾財養士沿邊忠義咸服其才分差魚關糧料院移監興州合江贍軍倉吳職叛巨源陰有討賊志結義士三百人給其錢糧有遊奕軍統領張林者力能挽兩石弓隊將朱邦寧身長六尺勇力過人皆為職所忌雖屢戰有功亦不加賞林等憾之時林在置口邦寧在合江巨源因與深相締結并集忠義人朱福陳安傳檜之徒職脅安丙為丞相長史丙稱疾眉士程夢錫見丙丙歎曰世事如此世無豪傑夢錫因及巨源之謀丙曰肯見我乎乃囑夢錫以書致巨源廷之臥所巨源曰先生而為逆賊丞相長史耶丙號哭曰目前兵將我所知不能奮起必得豪傑乃滅此賊則丙無復憂巨源曰先生之意決乎丙指天誓曰若誅此賊雖死為忠鬼夫復何恨巨源大喜曰非先生不足以主此事非巨源不足以了此事當是時李好義好問亦結李貴楊君玉李坤辰凡數十人坤辰邀巨源與好義會巨源又大喜

曰吾與安長史議以三月六日邀曦謁廟舍勇士刺之好義曰彼出則巖巷從衛且千人事必難濟聞熟食日祭東園圖之此其時也巨源然之好義願一見長史以爲信巨源曰吾先爲長史言之來日僞宮令長史問君先世是已巨源以告丙明日好義在僞宮見丙揖之丙曰卿與尊父同僚楊省幹感談才略旦夕以職事相委其謀乃決君玉先屬其鄉人白子申擬詔文不雅馴巨源更爲之例用合江倉朱記巨源好義憂事浸泄遂以三月乙亥未明好義率其徒入僞宮巨源持詔乘馬自稱奉使入內戶曦啓戶欲逸李貴執殺之衛者始拒闕聞有詔皆卻巨源好義迎丙宣詔以曦首徇三軍推丙權四川宣撫使巨源權參贊軍事丙奏功于朝以巨源第一詔補承事郎巨源謂丙曰曦死賊膽以破關外四州爲蜀要害蓋乘勢復取好義亦以爲言丙慮軍無見糧巨源力言四州不取必有後患自請爲隨軍措置糧運於是分遣好義復西和州張林李簡復成州劉昌國復階州孫忠銳復散關俄詔巨源轉朝奉郎與通判差遣兼四川宣撫使司參議官丙素惡忠銳聞忠銳失守散關檄其還欲廢之先命巨源偕邦寧以沔兵二千策應巨源至鳳州因忠銳出迎伏壯士於幕後突出斬之并其子揆丙遂以忠銳附僞賀表聞于朝且待罪先是樊論誅叛詔書至沔州巨源謂人曰詔命一字不及巨源疑有以蔽其功者俄報王喜授節度使巨源彌不平時趙彥呐以在夔誅祿禧得州通判巨源曰殺祿禧與通判殺吳曦亦與通判耶以啓謝丙曰飛矢以下聊城深慕魯仲連之高誼解印而去彭澤庶幾陶靖節之清風又遣翹功于朝而從與元都統制彭輅乞書遺韓侂胄輅陽許而陰以白丙或言巨源與其徒米福車彥威謀爲亂丙命喜鞠之福彥威皆抵罪正將陳安復告巨源結死士入關欲焚沔州州治俟丙出則殺之丙積前事因欲去巨源然未有以發也會巨源在鳳州以檄書遺金鳳翔都統使其辭若用間者且自稱宣撫副使而以參議官印印之金以檄至丙巨源方與金戰敗于長橋丙乃移書召巨源巨源疑焉有梁泉主簿高岳成者巨源薦爲隨軍撥運來見巨源贊其歸巨源信之時輅已至沔六月壬申巨源還幕府丙密命輅收巨源巨源殊不知以爲謁已也語畢輅起巨源送之賓次武士就挽其

裾巨源猶叱之則已爲驅至庭下巨源大呼曰我何罪丙隔屏遣人謂之曰若爲詐稱宣撫副使命械送關州獄巨源曰我一時用間異時必有爲我明其事丙餉以肴酒巨源曰一身無媿死且無憾惟有妹未嫁宜撫念之癸酉巨源舟抵大安龍尾灘將校樊世顯者呼於岸巨源知將見殺指其地而語之曰此好一片墓地世顯曰安有是舟行數步謂曰宣參久渴莫進杯酒巨源辭以不飲又曰宣參荷械已久蓋少蘇巨源未及答左右遽取利刀斷其頭不絕者踰寸遂以巨源自殫聞宣撫司後數日丙命瘞之巨源死忠義之士爲之扼腕聞者流涕劍外士人張伯威爲文以弔其辭尤悲切巨源之屬吏也李璧在政府聞之曰噫巨源其死矣丙以人情洵洵封章求免楊輔亦謂丙殺巨源必召變請以劉甲代之初巨源與好義結官軍而丙密爲反正之計各未相知合巨源於好義者李坤辰而合好義於丙者巨源也巨源遺光祖書述丙酬答之語鏗梓競傳之丙已弗樂漫漶不已遂成此禍成忠郎李玘投醢獻所作巨源傳爲之訟冤朝廷亦念其功賜廟褻忠贈寶謨閣待制官其二子制置使崔與之請官給其葬加贈寶謨閣直學士大中大夫嘉熙元年理宗特賜諡忠愍子履正終大理卿四川制置副使

李好義下邳人祖師中建炎間以白丁守華州積官忠州團練使父定一與州中軍統制好義弱冠從軍善騎射西邊第一初以準備將討文州蕃部有功開禧初韓侂胄開邊吳曦主帥好義爲興州正將數請出精兵襲金人曦善異謀不納未幾關外四州俱陷金人長驅入散關曦受金人說以蜀叛好義自青坊聞變亟歸與其兄對哭謀誅之會曦遣李貴追殺宣撫程松貴語其徒曰程宣撫朝廷重臣不可殺好義知其赤心可以所謀告之貴遂約李彪張淵陳立劉虎張海等好義又密結親衛軍黃術趙亮吳政等女弟夫楊君玉亦與知好義戒言曰此事誓死報國救四蜀生靈慎毋泄留其母以質好義兄弟謀曰今日人皆可殺曦皆可爲曦曦死後若無威望者鎮撫恐一變未息一變復生欲至期立長史安丙以主事蓋曦嘗授丙爲丞相而丙託疾不往故兄弟有是謀也既而君玉與李坤辰者來坤辰因言丙亦與合江倉楊巨源陰結忠義欲圖曦

好義遂遣君玉偕坤辰約巨源以報丙，丙大喜曰：「非統制李定一之子乎？」此人既來，斷曦之臂矣。遂與好義約二月晦舉事。見巨源傳。迺約彪術貴等七十有四人及士人路良弼王苦好義夜襲士庶衆受甲，與好古好仁及子姓拜決于家廟。囑妻馬氏曰：「日出無耗，當自爲計。死生從此決矣。」馬氏叱之曰：「汝爲朝廷誅賊，何以家爲？我決不辱李家門戶。」馬氏之母亦曰：「行矣，勉之。」汝兄弟生爲壯夫，死爲英鬼，好義喜曰：「婦人女子尚念朝廷，不愛性命，我輩當如何？」衆皆踴躍。既行，小將祿引十卒來助，各以黃帛爲號。好義誓於衆曰：「入宮妄殺人掠財物者死，時僞宮門洞開，好義大呼而入，曰：『奉朝廷密詔，安長史爲宣撫，令我誅反賊，敢抗者夷其族。』曦護衛千兵皆棄挺而走，遂至僞殿東角小門，入世美堂。近曦寢室，曦聞外闕，倉皇而起，露頂徒跣，開寢戶欲遁，見貴復止，以手捍內戶，貴前爭戶，戶紐折，曦走，貴追及，手執其髻，舉刃中曦頰，曦素勇有力，撲貴仆于地，不能起。好義急呼王換斧，其腰者二，曦負痛，手縱貴起，遂斫其首，引衆擁曦首出僞宮，亟馳告丙，宣詔軍民拜舞，歡聲動天地。持曦首撫定城中，市不改肆。好義請乘時取關外四州，巨源贊之，丙大喜。巨源輔行，王喜忌其能沮之，好義曰：「西和乃腹心之地，西和下則三州可不戰而復矣。今不圖後悔無及。」願得馬步千人，死士二百，齋十日，糧可濟，丙從其請。忠義響應，次獨頭嶺，進士王榮仲兄弟率民兵會合，夾擊金人，死者蔽路。十戰至山岩高堡，七日至西和。好義率衆攻城，親犯矢石，人人樂死，以少擊衆，前無留敵。金西和節使完顏欽奔遁，好義整衆而入，軍民歡呼迎拜，籍府庫以歸于官。好義初欲乘勝徑取秦隴，以牽制淮寇，而宣撫司令謹守故疆，不得侵越，士氣皆沮。好義以中軍統制知西和州，卒丙以勞績上于朝，特贈檢校少保，仍給田以贖其家。後吳玠爲請諡曰忠壯，好義喜誦孟子及左傳，以爲終身行此足矣。諫曦時，惟幼子植留家，迄事人爭冒功賞，君玉欲注植名，好義指心曰：「惟此物不可欺。」曦既誅，好義集於丙家，王喜後至，心懷邪謀，欲刃好義，丙力救解，然日以殺好義爲心，及好義守西和，喜遣其死黨劉昌國聽節制，好義與之酬酢，歡飲達旦，好義心腹暴痛，洞瀉而昌國遁矣。既殮，口鼻爪指皆青黑，居民莫不冤之。號憫如私親，摧鋒一軍，幾至

於變，既而昌國白日見好義，持刃刺之，驚怖仆地，疽發而疽喜，曦大將也，貪淫狠愎，誅曦之日，不肯拜詔，遣其徒入僞宮，虜掠殆盡，又取曦姬妾數人，其後欲戕好義，爲曦復讎，丙不能止，便宜處以節度使，知興州，而恨猶未已。嘗出兵於船柵嶺，鋒未及交，葉軍先遁，金人遂由黑谷長驅入境，朝廷慮喜爲變，授節度使，移荊鄂都統制而死。

論曰：陳敏善守，畢再遇善戰，張詠出使不辱國，爲將得士心，趙汝愚薦爲武興帥，以其才足以制曦也。曦之畔，向非安丙、楊巨源、李好義之謀，西方之憂莫大焉。然丙卒以是殺巨源，何其媚疾而殘賊也。李好義失於周防，竟爲王喜所圖，宋知喜爲曦黨，既不能罪，又以節鎮賞之，幾何而不爲唐末之姑息，以成藩鎮之旣乎。

宋史卷四百二

元中書右丞相總裁脫脫等修
列傳第一百六十二

趙方 賈涉 扈再興 孟宗政 張威

趙方字彥直衡山人父棠少從胡宏學慷慨有大志嘗見張浚於督府浚雅敬其才欲以右選官之棠不為屈累以策言兵事浚奇之命子栻與棠交方遂從栻學淳熙八年舉進士調蒲圻尉疑獄多所委決授大寧監教授俗陋甚方擇可教者親訓誘之人皆感勵自是始有進士知青陽縣告其守史彌遠曰催科不擾是催科中撫字刑罰無差是刑罰中教化人以爲名言主管江西安撫司機宜文字京湖帥李大有性辟知隨州南北初講和旱蝗相仍方親走四郊以禱一夕大雨蝗盡死歲大熟適和議成諸郡饑弛備方獨招兵擇將拔土豪孟宗政等補以官提舉京西常平兼轉運判官提點刑獄時劉光祖以耆德爲帥方事以師禮自言吾性太剛每見劉公使人更和緩嘗請光祖書勤謹和緩四字揭坐隅以爲戒以兵部員外郎召尋加直祕閣改湖北轉運判官兼知鄂州升直煥章閣兼權江陵府增修三海八圍以壯形勢進祕閣修撰知江陵府主管湖北安撫司使兼權荆湖置司時金偁於兵計其必南徙日夜爲備荆門有東西兩山險要方築堡其上增戍兵以遏其衝進右文殿脩撰金獎快明謀歸宋追兵至襄陽方遣孟宗政扈再興以百騎邀之殺千餘人金人遁去權工部侍郎寶謨閣待制京湖制置使兼知襄陽府諜知金人決意犯境乃下防夏之令金相高琪及其樞密烏古論慶壽犯陳光化隨襄陽信陽均州方夜半呼其子范葵曰朝廷和戰之說未定觀此盜亂人意吾策決矣惟有提兵臨邊決戰以報國耳遂抗疏主戰親往襄陽金人圍襄陽急方遣宗政再興等援襄陽仍增戍光化信陽均州以聯聲勢已而襄陽守趙觀敗金人於城外再興宗政至與觀夾擊又敗之襄陽圍解方申飭諸將當遏於境上不可使之入而後拒之于城下時麥正熟方遣兵護民刈之令清野以俟再疏力陳不可和者七戰議遂定金將完顏賽不入境兵號十萬方部分諸將金人犯襄陽者宗政敗之于尙

家川犯隨州者劉世與敗之于磨子平相持踰年方諜世與移師與許國再與援襄陽張與李雄輅援隨州隨州圍解再興等轉戰入襄陽時宗政守城伏兵城東金人遇伏敗走未幾再至再興又敗之自是無日不戰金人三面來攻宗政出東門再興出南門世與出北門大合戰敗之金人朝進莫退力不能捍諸將表裏合謀國自南山進張威自漢河進世與李琪出城與國會再興出城與威會犄角追擊金人遂潰化光守潘景伯亦設伏敗金人于趙家橋孟宗德又破之于隨州鴨兒山擒賽不妻第王醜漢金人遂誅賽不方以功遷龍圖閣待制封長沙縣男賜食邑金人復大舉命詔可圍襄陽整其外繞以土城方計其空巢穴而來若擣其虛則襄陽之圍自解乃命國東向唐州再興西向鄧州又命子范監軍葵後殿時宗政在城中日夜鏖戰焚其攻具金人不敢近城西師由光化境出若干三尖山拔順陽縣金人率衆仰攻大敗再興與國兩道並進掠唐鄧境焚其城柵糧儲累陽城堅金頓兵八十餘日方知其氣已竭乃召國再興還併東師隸于再興剋期合戰再興敗金人于漢河又敗之城南宗政自城中出夾擊殺其衆三萬金人大潰詔可單騎遁獲其賞糧器甲不可勝計進方煥章閣直學士奏乞均官民軍兵廩給自備馬者倍之又奏使民兵夏歸以省月給秋復詣屯守禦從之方料金人數不得志于襄陽必將同時並攻諸城當先發以制之命國宗政出師向唐再興向鄧戒之曰毋深入毋攻城第潰其保甲燬其城砦空其賞糧而已宗政進破湖陽縣擒其千戶趙興兒國遣部將耶律均與金人戰于北陽戮其將李提控再興破高頭城大敗金兵遂薄鄧州唐州兵來援助敗之降者踵至已而金兵至樊城方命再興陣以待之方視其師金人三日不敢動遂遁金將駙馬阿海犯淮西樞密完顏小驢屯唐州爲後繼方先攻唐伐其謀及使再興發襄陽兵擊其西國發桐柏兵擊其東再興敗金人于唐城斬小驢圍其城五匝垂下會斬黃繼昭詔趣方遣救方亟命國保鄂再興援淮西國還鄂州保江再興軍至斬之靈山伺金人歸而擊之士豪祝文蔚橫突入陣金人大敗國遣張寶將兵來會李全等兵亦至金人遂潰再興追逐六十里擒其監軍合答進方顯謨閣直學士太中大夫權刑部尙書俄得

疾進徵猷閣學士京湖制置大使歸還力疾犒師第其功上之病革曰未死一日當立一日紀綱引再與臥內勉以協心報國貽書宰相論疆場大計尋卒是夕有大星隕于襄陽以端明殿學士正議大夫致仕贈銀青光祿大夫累贈太師諡忠肅方起自儒生帥邊十年以戰為守合官兵兵為一體通制總司為一家持軍嚴每令諸將飲酒勿醉當使日日可戰淮蜀沿邊屢遭金人之禍而京西一境獨全嘗問相業於劉清之清之以留意人才對故知名士如陳攻游九功輩皆拔為大吏諸名將多在其麾下若扈再與孟宗政皆起自土豪推誠擢任致其死力藩屏一方使朝廷無北顧之憂故其沒也人皆惜之子董凝范葵范葵有傳

賈涉字濟川天台人幼好讀書慷慨有大志以父任高郵尉改萬安丞寶應擇令堂差涉至邑請城之役與以憂去金人犯光州起涉竟前役通判真州改大理司直知盱眙軍准人季先沈鐸說楚州守應純之以招山東人純之令鐸遣周用和說楊友劉全季全等以其眾至先招石珪萬平楊德廣通號忠義軍珪等反斃鐸于漣水純之罷通判梁丙行守事欲省其糧使自潰珪德廣等以漣水諸軍度淮屯南渡門焚掠幾盡謂朝廷欲和殘金置我軍何地丙遣季全季先拒之不止事甚危涉時在寶應上書曰降附踵至而金乃請和此正用高澄間侯景遺策恐山東之禍必移於兩淮沉金人所乏惟財與糧若舉數年歲幣遺之是以肉啗餒虎啗盡將反噬至若忠義之人源源而來不立定額自為一軍處之北岸則安能以有限之財應無窮之須饑則噬人飽則用命其勢然也授淮東提點刑獄兼楚州節制本路京東忠義人兵涉亟遣傅翼論珪等逆順禍福自以輕軍抵山陽德廣等郊迎伏地請死誓以自新金太子及僕散萬忠盧國瑞等數十萬大入且以計誘珪等涉慮珪等為金用亟遣陳孝忠向滁州珪與夏全時青向濠州先平德廣趨濠濠李全李福要其歸路以傅翼監軍數日孝忠捷至珪屢破金人遂與先及李全趨安豐時金人環百餘營攻具甫畢珪等解其圍李全挾僕散萬忠以歸見李全傳金人不敢窺淮東者六七年南渡門之變平德廣等實預涉既受降置弗問平等尚懷異志涉密使先以計

殺之而先之勢亦孤忠義諸軍在漣水山陽者既衆涉慮其思亂因濠濠之役分珪孝忠夏全為兩屯季全軍為五營又用陝西義勇法涅其手合諸軍汰者二萬有奇涅者不滿六萬人正軍常屯七萬餘使主勝客朝廷歲省費十三四涉又遣季全以萬人取海州復取密羅王琳以寧海州歸遂收登萊二州青州守張林以濱棣淄州降又取濟沂等州自是恩博景德至邢洛十餘州相繼請降涉傳檄中原以地來歸及反戈自效者朝廷裂地封爵無所吝仍屬諸將圖未下州郡擢太府少卿制置副使兼京東河北節制金十餘萬衆犯黃州淮西帥趙善湘請援于朝涉遣季全等赴之翟朝宗等為後繼丞相史彌遠擬升全留後涉曰始全貧窶無聊能輕財與衆同甘苦故下樂為之用逮為主帥所為反是積怨既多衆皆不平近棄西城免死為幸若無故升遷以驕其志非全之福亦豈國家之福易若待事定與諸將同升可也金人破黃陷蕪安慶甚危全馳至遂定全至久長鎮與京湖制置使趙方二子范葵遇掎角連戰俱勝遣彭義斌等追至下灣渡盡掩金人于淮遷權吏部侍郎金人再犯淮西先是蘄州受圍余暉往援乃鼓衆宵遁金乘間登城一郡為血前帥不敢問涉斬暉以徇諸將畏懼無不用命淮西之勢大振初翟朝宗得玉璽獻諸朝至是趙珪還又得玉印文與璽同而加大朝廷喜璧之歸行慶賞涉遺書彌遠謂天意隱而難明人事切而易見當思今日人事向未有可答天意者昔之患不過亡金今之患又有山東忠義與北邊宜亟圖之彌遠不憚季全卒以璽賞為節度使涉又言盜賊血氣正感官職過分將有後憂彌遠不以為然涉曰朝廷但知官爵可以得其心寧知騎將至於不可勸邪涉時已疾力辭事任值金人大入疆起視事金將時全合連李尤魯答哥率細軍及聚軍三道渡淮涉以合連善戰乃命張惠當之惠金驍將所謂賽張飛者既歸宋金人殺其妻所部花帽軍有紀律它軍不及也惠率諸軍出戰自辰至酉金人大敗答哥溺死陷失大半細軍喪者幾二千涉既病乃以所獲京河版籍及金銀牌銅印之屬上于朝卒起贈龍圖閣學士光祿大夫涉父偉嘗守開江貽書丞相趙雄極論武與守吳挺之橫宅日陞對又乞裁抑郭棣郭杲兵權孝宗嘉納後反為所擠以沒涉弱冠直

父冤不避寒暑泣禱十年，至伏書闕下，子似道有傳。

扈再與字叔起，淮人也有膂力，善機變，每戰被髮肉袒，徒跣揮雙刀奮呼入陣，人馬辟易。金人犯襄陽，京西制置使趙方檄再與等禦之。金人來自團山，勢如風雨，再與同孟宗政陳祥分三陣設伏以待。既至，再與中出一陣，復卻，金人逐之。宗政與祥合左右兩翼掩擊之。金人三面受敵，大敗，血肉枕藉，山谷間授神勁統制，又犯襄陽，再與率師赴援。金人聞風夜潰，既而益兵數萬，復圍城，相持九十日，再與夜以鐵蒺藜密布地，黎明佯遁，金人馳中，蒺藜者十路七八，敵却走，追至十五里岡，已而金兵攻城，東隅障南門北角，再與與宗政劉世與各當一面，大戰數十合，大敗金兵。金帥完顏訛可擁步騎數萬，傳城，再與與宗政縱之涉濠，半渡擊之，又令守壩者佯走，金人爭壩急擊之，多墮水中。金人劫對樓，輜車革洞決濠水，運土石填城下，再與募死士著鐵面具，披氈列陣以待之。金人計無所施而去，棄旗甲輜重滿野。大戰于范家莊，金人敗，追之至泊湖，禽其巡檢亢師禮，酒都監納蘭福昌，降其壯丁，獲牛馬甚眾。自是與宗政世與無日不戰，再與又破順昌縣，奪甲馬三千，破浙川鎮，殺金人三百，追至馬磴砦，焚其城柵，又敗其護駕騎軍于漢河，入鄧州，破高頭，敗其步軍五千，騎軍五百，焚其積聚，遂營于高頭，進攻唐州，至三家河，金騎軍二千，步軍七千，出城迎戰，又敗之，死者十七八，追及城下。金將從義者收殘騎三百，奔城，再與據門拒戰，斬從義，遂圍唐州，分兵焚蕩州境，截其歸路。營于久長，嚴陳以待之，搜勦殘兵，獲其副統軍廣威將軍衲撻達，金兵殲乃，斂輜輿立人頭，埃尋以病卒，子世達亦以名將稱，官至都統制。

孟宗政字德夫，絳州人。父林從岳飛至隨州，因家焉。宗政自幼豪偉，有膽略，常出沒疆場間。開禧二年，金將完顏董犯襄陽，宗政率義士據險遊擊，奪其輜重，宣撫使吳玠奇之，補承節郎襄陽令。京西路分趙方吳柔勝皆薦其才，轉秉義郎。京西鈐轄駐劄襄陽，嘉定十年，金人犯襄陽，襄陽方檄宗政節制神勁報捷，忠義三軍宗政與統制扈再與陳祥分爲三軍設伏三所，喋血以戰，金兵敗走，尋報襄陽圍急，宗政午發峴首，遲明抵襄陽，馳突如神，金人大駭，宵遁，方時移

帥京西，聞捷大喜，差權襄陽軍，初賊事一愛僕犯新令，立新之，軍民股栗。於是築隄積水，修治城堞，簡閱軍士，十一年，金帥完顏賽不擁步騎圍城，宗政與再與合兵角敵，歷三月，大小七十餘戰，宗政身先士卒，金人戰輒敗，忿甚，周城開濠，四面控兵列濠外，飛鋒鏑以緇鈴自警，鈴響則犬吠，宗政厚募壯士乘間突擊，金人不能支，咸兵薄城，宗政隨方力拒，隨守許國援師至白水，鼓聲相聞，宗政率諸將出戰，金人奔潰，賜金帶，轉武德郎。十二年，金帥完顏訛可擁步騎傳城，宗政囊糠感沙以覆樓棚，列瓊階水，以隄火募砲手擊之，一砲輒殺數人，金人選精騎二千，號弩子手，擁雲梯天橋先登，又募鑿銀礦石工晝夜培城，運茅草直抵圍樓下，欲焚樓，宗政先燬樓，掘深坑防地道，劫戰棚防城，隙穿奔才透，即施毒煙烈火鼓鞴以熏之，金人室以濕氈，斫路以剗土，城頽樓陷，宗政撤樓，益薪架火山以絕其路，列勇士以長槍勁弩備其衝，距樓陷所數丈，築偃月城，袤百餘尺，翼傳正城，深坑倍仰，躬督役五日成，金人摘彊兵披厚鎧氈衫鐵面而前，又濕氈濡草蒙火山，覆以冰雪，擁雲梯徑抵西北，圍樓登城，城中軍以長戈舂其喉，殺之勇，敢軍自下夾擊金兵，兵墜死燦爛，金將於後截其軍，拒馬揮刀迫前，自斫至死，死傷踵接，梯橋盡燬，金人連不得志，俄乘順風渡濠，飛脂草燒戰棚，宗政激將士血戰，凡十五陣，矢石交，金兵死者千餘，弩子手十七八射，其都統種天反風，金人愈忿，砲愈急，會王大臣領銳卒一千，冒重圍轉鬪入城，內外合勢，士氣大振，買勇入金營，自哺至三更，金人橫屍遍地，奪其銅印十有六，訛可棄帳走，獲輜重牛馬萬計，捷至朝廷，方錄前戰功，升武功大夫，兼閩門宣贊舍人，重賜金帶，制置司以湖陽縣迫境，金兵檄宗政圖之，宗政一鼓而拔，燔燒積聚夷蕩營砦，俘掠以歸，金人自是不敢窺襄漢，襄陽許國移金陵，宗政代爲荆鄂都統制，仍知棗陽，宗政以迫濠而陳，迺於西北濠外，濬水爲濬，以限騎，中原遺民來歸者以萬數，宗政發廢贖之爲給田，卹屋與居，籍其勇壯，號忠順軍，俾出沒唐鄧間，咸振境外，金人呼爲孟爺爺，俄病疽卒，轉右武大夫，團練使，防禦使，宗政於有功者恕必賞，有罪者親必罰，好賢樂善，出於天性，未嘗學兵法，而暗與之合，死之日，邊城爲罷市，慟哭，子珙有傳。

張威字德遠成州人策選鋒軍騎兵也軍中馬料多匹馬給米五石騎軍利其
餘以自給總領覈實裁抑威逃去帥郭杲使其父招之歸送隆慶府後軍效用
威貧甚賣藥自給或言其才勇乃令戍邊開禧用兵威與金人戰輒捷屢以功
補本軍將領吳曦既誅遣將收復李貴復西和州威率眾先登敗金人戰于板
橋遂取西和升統制由是威名大振天水縣當金人西入路乃升縣為軍命威
為守屢立奇功擢充利州副都統制丁父憂服除帶御器械久之調荆鄂都統
制襄陽府駐劄改沔州都統制嘉定十二年金人分道入蜀犯狄池堡又犯白
環堡威部將石宣董昭運卻之既而金人犯成州威自西和退保仙人原時與
元都統制吳政戰死黃牛堡李貴代政亟走武休金人已破武休遂陷興元又
陷大安軍先是利州路安撫使丁煇聞金人深入亟遣書招威東入救蜀又檄

忠義總管李好古北上捍禦好古出魚關與統領張彪遇以彪棄迷竹關故斬
之彪威弟也威聞彪死按兵不進煇聞之謂僚佐曰吳政身死李貴復以兵敗
金人所憚惟威今好古撞殺其弟失威心奈何且金人在東非威地分今可無
好古不可無威遂因好古入見數其擅殺彪罪斬之遺書速威進救蜀且使進
士田遂往說之威感激夜半調發鼓行而前破金人于金斗鎮金人雖敗未退
威頓兵不動潛遣石宣等襲于大安軍大破之金人之來也擇兩齒馬及精兵
凡三千人至是殲焉俘其將巴士魯大將包長壽聞之宵遁與元叛兵張福莫
爾作亂以紅帕蒙首號紅巾隊焚利州殺總領楊九鼎破闌果入遂寧遊騎在
潼漢界將窺成都制置司謂賊勢欲西非威不可禦乃遣威提精兵六千人自
劍綿至廣漢威夏暑劇休士三日俄安丙檄威東進時賊自遂寧入普州茗山

威進兵重圍絕其糧道晝夜迫之未幾禽福等十七人戮之簡自殺賊遂平西
夏來約夾攻金人丙許之遣王仕信會夏人于鞏又命威與利帥程信與帥陳
立等分道並進威向秦州議初起威謂金人尚疆夏人反覆未可輕動丙不聽
卒遣威威躬勉而行令所部毋得輕發諸將至城下無功而還丙怒奏罷其兵
柄是歲卒于利州終楊州觀察使威初在行伍以勇見稱進充偏裨每戰輒克
金人聞其名畏懼之臨陣戰酣則精采愈奮兩眼皆赤時號張紅眼又號張鷟

張威立淨天鵝旗以自表每戰不操它兵有木楛號紫大蟲圍而不刃長不六
尺揮之掠陣敵皆靡荆鄂多平川廣野威曰是彼騎兵之利也鐵騎一衝吾步
技窮矣蜀中戰法不可用乃意創法名撒星陳分合不常聞鼓則聚聞金則散
騎兵至則擊金一軍分為數十簇金人隨而分兵則又鼓而聚之倏忽之間分
合數變金人失措然後縱擊之以此輒勝威御軍紀律嚴整兵行常若銜枚罕
聞其聲每與百姓避路買食物則買倍於市迄無敢喧嘩以嗜欲多疾故不壽
云

論曰宋之南渡邊將之才何其鮮哉或曰江南非用武之地然古之善兵者若
孫武子亦吳人也抑先王之世文武無二道文武既分宜其才之各有所偏勝
也趙方少從張拭學許國之忠應變之略隱然有尊俎折衝之風其部曲如扈
再與孟宗政後皆為名將亦方之能擬率也方之子范葵宗政子珙後皆以功
名自見不愧其父有足稱者買涉居方面亦號有才及其庶孽竟至亡國為可
歎也張威者善於御眾故所至立功云

宋史卷四百三

元中書右丞相總裁脫脫等修

列傳第一百六十三

汪若海

張運

柳約

李舜臣

孫逢吉

章穎

商飛卿

劉穎

徐邦憲

汪若海字東叟歙人未弱冠遊京師入太學靖康元年金人侵擾朝廷下詔求知兵者若海應詔未三刻而成擢高等時已割河北地其年冬再犯京師若海謂河北國家重地當用河北以攬天下之權不可怯懦以自守閉關養敵坐受其敵屬康王起兵相州乃上書樞密曹輔請立王為大元帥擁兵鎮撫河北以倚金人之後則京城之圍自解輔大喜即以其書進欽宗用為參謀道如康王所宰相何桌執異議以道梗為辭不果遣京城失守若海述麟為書以獻及二帝北行袖書抗粘罕請存趙氏縋而出謁康王於濟州謂神器久虛異姓僭竊宜蚤即位以圖中興一日間三被顧問補修職郎充帳前差使高宗既即位推恩改承奉郎遷江南經制使轉承事郎監登聞檢院五府交辟改屬右府朝廷以張浚宣撫川陝議未決若海曰天下者常山蛇勢也秦蜀為首東南為尾中原為脊今以東南為首安能起天下之脊哉將圖恢復必在川陝迺往見浚極談終日浚大驚辟以自隨以親老辭繼論軍食近執政通判沅州以議奪籍謫英州道出臨川時節制江夏軍馬李九文擁眾數十萬跋扈不用命朝廷命招討使張俊屯江西參謀官湯東野與若海故得若海道中喜甚謂曰李九文懷反側非君莫能開其自新若海即馳往諭以成敗逆順示以朝廷威德復談三策以動之辭旨明暢尤文大感悟即舉軍東下若海復為書招其徒張用曹成李宏馬友同歸朝廷用一見以其眾二十萬解甲效順惟成疑貳有他志若海移書責之成怒將殺若海若海夜宿王林軍帳以計得林軍印遂奪其眾五千人翼日成遂遁若海遺宏書使刺成以自歸宏得書圖成而力不勝復走長沙刺友羣盜解散若海遂以林五千人歸招討使張俊後乃班師凱旋軍容愈

威時朝廷方出師若海以為為國家者當化盜賊為我用不可失英雄為國患因獻平寇策朝廷悉用之其後李宏為劉忠所并死長沙劉忠為韓世忠所破走劉豫曹成走廣而復降湖湘遂安尋復承務郎監潭州南岳廟通判辰州紹興九年復三京祇謁陵寢事還以前功旬月四遷至承議郎通判順昌府金人奄至大尉劉錡甫至眾不滿三萬遣人丐援于朝無敢往者若海毅然請行具述錡明方略善用兵以偏師濟之必有成功朝廷從之金兵果敗去辟淮北宣撫司主管機宜文字拓舉之役復以勞兩轉至朝散郎通判洪州未上丁內艱服除添差通判信州秩滿遷湖北帥司參議知道州陞辭得對上曰久不見卿卿向安在授直秘閣知江州丁父憂時方經略中原朝廷議起若海而若海死矣若海豁達高亮深沈有度恥為世俗章句學為文操紙筆立就踔厲風發高宗書以片紙書若海名論浚曰似此人材卿宜收拾會浚去國不果召

張運字南仲信之貴溪人唐宰相文瓘之後父貫右通直郎累贈太中大夫運年二十五以太學生登宣和三年進士第賜同上舍出身調桂陽監山縣丞縣闕令運攝縣事縣與諸獠接壤因俗為治吏民安之臨武寇與諸獠合大剽掠運親帥兵禽之遷潭州攸縣尉高宗南渡劇賊王在據歧山潭帥徵兵成岳運將二千人先至岳賊平改臨江新淦丞縣新被兵令不能支浚江撫諭使張匯勅罷之以運攝縣事運撥燬燼考版籍正租賦數月之間敵除而民定紹興五年通判鼎州賊楊么黃誠擁眾數萬殘破城邑跳梁湖北高宗遣張浚以都督董師岳飛以招討舉兵擊之賊率輕銳徑趨武溪南與以臨鼎州城中大震運與太守程昌寓勒兵登城控扼上下以張其勢賊宵潰遣城雷德進柵險稱亂帥檄運討之運將都統梁吉等率兵直擣其巢破四十二柵降其眾移貳濡須金人犯廬壽等州大將駐兵淮壩以拒之運給餉未嘗乏絕歲餘以親老還江東寓居郡既而丁母及父憂服除起知桂陽監五月而境內稱治與部使者奏升監為軍大修庠序之教剏漢以來守令有功德於桂陽者衛頌唐羌等七人于學刻續顏氏家訓四時纂要等書散之民間使之修德而務本召入對除知達州方大旱入境而雨奏除病民五事召為度支郎中臨安樓店務錢歲三

十餘萬緡請以十萬歸省額戶部所儲三佛齊國所貢乳香九萬一千五百斤直可百二十餘萬緡請分送江浙荆湖漕司賣之以糴軍餉及陳諸路綱運七弊懲革十術遠近遞輸以均勞逸事皆施行兼樞密院檢校遷軍器監尋改大理少卿請正兩浙鹽法以寬私鬻之禁紹興永裕昭慈二陵官地與民犬牙相入請縣重價聽民持券獻納以免誤犯之罪尤明於治獄獄為之空拜刑部侍郎言諸斥逐累赦未還者宜從漸洗諸申請條制多重復低抵失於太煩諸編置不以赦原不以蔭論之類失於太重外路刑獄三經翻異移送大理刀鋸數施非所以示遠及諸不便皆從之又請廣儲蓄與鼓鑄脩屯田作鄉兵亦皆聽納兼權戶部侍郎時久雨傷蠶麥及邊報有警詔侍從臺諫陳弭災禦侮之策運言天災人事有甚可畏而不足畏者視吾政之修不修有甚可憂而不足憂者視吾自治之善不善及宜邊淮建三大鎮以守之會金人渝盟特遷戶部侍郎以專餉餉丞相陳康伯議遣李寶自四明控制海道衆論紛紜運直入贊決以為上策金人果敗走因上疏乞降詔撫將士蠲租賦遣信使結豪傑堅城守督漢中將士趨關陝以制其後置四鎮三帥於兩淮襄漢之間以為內固以圖進取以御管隨軍都轉運使從上勞師江上及駕還因入對固請補外乃授集英殿修撰出知太平州嘗兵饑疾癘之餘殫勞徠安輯之方嚴斥堠攻守之備理財賦造戰艦繕甲兵申禁令民賴以安孝宗既受禪運亦請老以數文閣待制提舉江州太平與國宮尋授廣東經略不赴乃復祠祿乾道七年鄧大猷運首發粟二千石以賑之自是民爭出粟以濟連上章致政不許以疾卒贈少師左光祿大夫官其後三人嘉定六年贈開府儀同三司

柳約字元禮秀州華亭人大觀三年上舍進士試中學官為霸州教授徙睦州入為辟府正遷博士改宣議郎充廣親宅宗子博士約深於經學屬辭粹微大為學者師慕提舉福建鹽事召對論內外學正次乞罷內外官到堂日投牒求官以厚風俗授秘書省校書郎進著作佐郎徽州司錄改通判宿州召拜監察御史靖康初兼權殿中侍御史論三鎮不可棄改尚書工部員外進左司員外郎父憂去官服除以直顯謨閣充御營司參謀官遷太常少卿高宗將幸平江

約疏言兵可進毋退以示怯於敵乃以直龍圖閣知台州未赴徙嚴州兼浙西兵馬都監節制管內軍馬當是時金人大入杜充擁眾北去列郡震恐莫有奔問官守者約於橫濱中屹保孤城悉力捍禦境內按堵則慨然上書請糾合諸郡克復吳會上嘉其忠進右文殿修撰守郡如故詔以軍與費出無藝吏慢弗度柳約獨謹賦輸率先程督進秩一等又詔約郡當兵衝而能不辭難不避事益嚴列柵保綏一方朕甚嘉之其以約充集英殿修撰召入對擬勞再三擢權戶部侍郎約於是感激盡言凡例外宣索皆執奏不進論吳昇等罪未正非所以厲臣節諸大將提兵入覲各名其家將有尾大不掉之患皆人不敢言者又言軍與科需百出望官戶名田過制者與編戶均一科數請增諸路酒錢其半令提刑司椿管以備軍費皆從之會高麗請修貢議遣使報聘上顧廷臣無出約右加試戶部侍郎充其選且將大用當路忌之諷言者誣以事罷為提舉太平觀居七年復秘閣脩撰金人歸侵疆起知蔡州被命而往一無顧避既而金人渝平傳檄河南守臣皆舉城降約獨遣使數輩於武昌得報而後返未幾以數文閣待制食祠祿十有五年卒贈四官約天性至孝母病甚泣禱于天願損壽以益親壽母尋愈約竟先母兩月卒

李舜臣字子思隆州井研人生四年知讀書八歲能屬文少長通古今推迹與廢洞見根本慨然有志於天下紹興末張浚視師江淮舜臣應詔上書言乘輿不出無以定大計宜徙幸武昌又謂江東六朝皆嘗取勝北方不肯棄機爭天下宜為今日監著江東勝後之鑑十篇上之中乾道二年進士第時朝廷既罷兵而為相者益不厭天下望舜臣對策論金人世雖無可和之義宰相大臣不當以奉行文字為職業考官惡焉絀下第調邛州安仁縣主簿歲大疫饑民千百持鉏棘大呼響震邑市令懼閉門舜臣曰此非盜也何懼為亟出慰勞遣之教授成都府時虞允文撫師關上辟真幕府用舉者改宣教郎知饒州德興縣專尚風化民有母子昆弟之訟連年不決為陳慈孝友恭之道遂為母子兄弟如初聞諸學講說邑士皆稱蜀先生罷百姓預貸償前官積逋踰三萬緡民病差役舜臣勸糾諸鄉以稅數低昂定役期久近為義役期年役成民大便利銀

坑罷雖久小戶猶數銀本錢官爲償之天申大禮助賞及軍器所需皆不以煩民幹辦諸司審計司遷宗正寺主簿重修裕陵玉牒嘗會布呂惠卿初用必謹書或謂非執政除免格不應書舜臣曰治忽所關何可拘常法他所筆削類此尤遠於易嘗曰易起於畫理事象數皆因畫以見舍畫而論非易也畫從中起乾坤中畫爲誠敬坎離中畫爲誠明著本傳三十三篇朱熹晚歲每爲學者稱之所著書羣經義八卷書小傳四卷文集三十卷家塾編次論語五卷鑲玉錄功錄二卷子心傳道傳性傳以性傳官二府贈太師追封崇國公

孫逢吉字從之吉州龍泉人也隆興元年進士第授郴州司戶乾道七年太常

黃鈞薦於丞相虞允文梁克家將處以學官逢吉竟就常德教授以歸李兼劉珙鄭伯熊劉焯相繼薦之知萍鄉縣以治最聞除諸軍審計司國子博士遷司農寺丞兼寶錄院檢討官紹熙元年遷秘書郎兼皇子嘉王府直講二年春二月雷雪之慘交作詔求直言疏八事去蔽諛親講讀伸論駁崇氣節省用度惜名器拔材武飭戎備擢爲右正言建言都城之民安居憚徙宗戚營繕廣每

建一第撤民居數百恣怨者多時親王方更造樓觀未已聞之亟令罷役浙漕沈誥見逢吉謝曰非正言漕計殆不可支初工部侍郎兼知臨安府潘景珪結貴倖以進司諫鄧驪屢數其罪景珪反以計傾之除驪匠監逢吉曰優遷其官而罷言職後來者且以言爲戒兩疏乞收驪新命不報併劾景珪脅持臺諫茂

視朝綱景珪遂罷在諫垣七十日章二十上詞旨剴切皆人所難言者改國子司業求去爲湖南提刑以秘書監召兼吏部侍郎俄爲孝宗攢官按行使朱熹在經筵持論切直小人共不便潛激上怒中批與祠劉光祖與逢吉同在講筵吏請曰今日某侍郎輪講以疾告孫侍郎居次請代之逢吉曰常所講論語今

安得卽有講義已而問某侍郎講義安在取觀之則講詩權輿篇刺康公與賢者有始而無終與逐朱熹事相類逢吉欣然代之講因於上前爭論甚苦上曰朱熹言多不可用逢吉曰熹議祧廟與臣不合他所言皆正未見其不可用寢失上意會彭龜年論韓侂胄專僭出補郡逢吉入疏曰道德崇重陛下所敬禮者無若朱熹志簡端亮陛下所委信者無若彭龜年熹既以論侂胄去龜年復

以論侂胄繼臣恐賢者皆無固志陛下所用皆庸鄙儉薄之徒何以立國侂胄見而惡之丞相趙汝愚既罷侂胄專國一日從臣屢從重華宮上行禮畢駕輿扈從者出宮門上馬忽傳呼侂胄至扈從者却入飯板甚恭逢吉曰既出復入揖臣子事君父之禮當如是耶不揖而去會部中會食吏密報優人王喜除閣職逢吉卽言於上前效朱侍講進趨以儒爲戲者豈可令汗閣職卽抗疏力爭之同列密以告侂胄時王喜之命實未出遂以誣詆出知太平州丐祠提舉江州太平興國宮起知贛州已屬疾卒諡獻簡第逢年逢辰皆有文學行義時稱

孫氏三龍

章穎字茂獻臨江軍人以兼經中鄉薦孝宗嗣服下詔求言穎爲萬言書附驛以聞禮部奏名第一孝宗稱其文似陸贄調道州教授作周敦頤祠會宜章寇爲亂郡僚相繼引去穎獨留寇平郡守以功入爲郎奏穎有協贊之功可大用乃召對除太學錄禮部正奏第一人初任郎召對者自穎始時樞密都承旨王

抃以言者奉外祠穎復言其風金使過求欲已任調護以爲功孝宗謂其言大訐久之不遷及奏考試官孝宗曰章穎可乃知上猶記其議論也頃之遷太學博士丁內艱服闋添差通判贛州除太常博士御史中丞何澹聞繼母計引不逮事之文穎定議解官澹猶未決去乞下侍從朝列集議太學諸生攻之曰朝廷專設奉常議禮之所由出也今不從議禮所由出之地反以議禮不公而欲侍從朝列集議豈將啓逢迎希合而爲苟留進身之計乎除左司諫時左相留

正去右相葛郊當國穎論郊不足任大事凡二十餘疏從官議欲超除穎俾去言職庶可兩留光宗曰是好諫官何以遷之郊始出穎屢疏請上問安重華宮悉焚其書寧宗卽位除侍御史兼侍講尋權兵部侍郎韓侂胄用事穎侍經帷上曰諫官有言及趙汝愚者卿等謂何同列謾無可否穎奏言天地變遷人情

危疑加以敵人媿侮國勢未安未可容易進退大臣願降詔宣諭汝愚無聽其去不報奏請待罪與郡御史劾穎阿黨罷太學生周端朝等六人伏闕辨汝愚被誣且謂章穎言發於忠首遭斥逐端朝等皆被罪自是黨論遂起矣穎家居久之起知衡州侍御史林行可劾罷之尋知贛州御史王益祥復劾寢其命再

祠需次知建寧府倪胃誅除集英殿修撰累遷刑部侍郎兼侍講對延和殿上
數曰卿為權臣沮抑甚久賴乞修改甲寅龍飛事迹誣筆除吏部侍郎尋遷禮
部尚書升侍讀詔賴以紹熙慶元謙令憲玉牒辨誣余端禮趙彥逾甲寅龍飛
記及趙汝愚當時所記事考訂訛誣從實上之丐去奉祠以嘉定十一年卒年
七十八賴操履端直生平風節不為窮達所移雖仕多偃蹇而清議與之方黨
論之與朱熹遺以書略曰世道反覆已足流涕而握其事者猶未已未知終
安所至極耶然宗社有靈公論未泯異日必有任是責者非公吾誰望耶贈光
祿大夫諡文肅

商飛卿字暈仲台州臨海人淳熙初由太學登進士第任無為軍教授累官至
工部郎官時韓侂胄柄國氣焰薰灼飛卿既至未嘗輒一造請踰月即丐去提
舉福建路常平茶鹽事擢監察御史以言事忤侂胄罷為奉常請外以秘閣修
撰為荆湖南路轉運判官後改司農卿總領江東淮西軍馬錢糧金陵故有帥
漕治所合戎騎二帥留鑰內侍號六司宴飲餽遺費動萬計飛卿以身率儉節
縮浮苛糧饒時斂散稍稍以裕聞開禧中就擢戶部侍郎侂胄將舉師嘗問餉
計豐約飛卿以實告比調遣浩繁不克支屬有旨俾飛卿軍前傳宣撫勞值金
兵大至幾不免以憂卒

劉穎字公實衢州西安人紹興二十七年進士調溧陽主簿時張浚留守建康
金師初退府索民租未入者穎白浚言師旅之後宜先撫摩當盡蠲逋賦浚喜
即奏閣免由是知名遺其子楸與游教授全州改官知鉛山縣以外艱去再知
常熟縣簽判潭州王佐為帥負其能威氣以臨僚吏穎約以中道多屈而改為
及陳峒反所擒賊多穎計策帥上其功曰簽判宜居臣上召監進奏院進太常

寺主簿遷丞兼兵部郎官提舉浙西常平茶鹽還澱水湖以泄吳松江一水禁
民侵築毋使偪塞大流民田賴之就遷提刑以洗冤澤物為任間詣獄察不應
繫者縱遣之御史以介僻劾罷除江西運判江州德化縣田逃徙大半守乞蠲
稅不報穎以見種之稅均於荒萊民願耕者第減之上供自若而逃田盡復除
直祕閣淮東轉運副使初水敗楚州城修補未竟劉超欲移築穎因接伴金國

使人對言國家何苦捐百萬緡為軍帥幸賞地邪光宗從之除戶部郎中淮東
總領務場以額鈔抵賞陰耗餉計二十年無知此弊者穎究覈得之以所賣數
論賞而總餉增羨遷司農少卿淮西總領前主計者請自為都釀抱淨息而利
贏餘其後稍虧反以大軍錢佐之邀羅江淮回易如負販狀穎以為失王人之
體遂罷之內府官限既迫每移供軍錢以應歲輸穎蒐吏幣汰冗員分月綱解
自是不復那移尋除直寶謨閣江東運副知平江府皆未行除宗正少卿遷起
居郎兼寶錄院檢討官權戶部侍郎升同修撰以疾丐祠提舉興國宮除集英
殿修撰知寧國府改知紹興府未幾知平江府徑歸提舉興國宮起知泉州升
華文閣待制請與國祠以歸與國祠滿除敷文閣待制致仕嘉定改元召赴行
在落致仕除刑部侍郎辭進龍圖閣待制知婺州請老以寶謨閣直學士致仕
六年卒于家年七十八贈光祿大夫在孝宗朝人臣爭承意自獻穎奏今日之
失在輕聽人言昔之施為今復棄置大損威德孝宗嘉納之光宗時論人主難
克而易流者四曰逸豫無節賜予無度儒臣易疎近侍易昵寧宗時學禁初起
黨論日興穎奏願陛下御之以道容之以德不然元祐崇觀之事可鑒也其言
皆切中於時自浙西請外凡徙廳節十餘年有以淹速訊之穎笑曰吾所欲也
其在從班日韓侂胄舊與周旋無間方居中用事而穎謝絕之常言士以不辱
身為重其為少宗正而丞相趙汝愚適歸相遇於廢寺泥雨不能伸足但僧牀
立語曰寄謝余參政某雖去而人才猶在朝廷幸善待之穎曰相公人才即參
政人才也使果賢參政之責非宰相之憂也余參政端禮也余繼相卒於善類
多所全佑穎之助云

徐邦憲字文子婺州義烏人幼穎悟從陳傅良究名物義理以通史傳百家之
書紹熙四年試禮部第一人登進士第三遷為祕書郎韓侂胄開兵端同惡附
和無敢先發一語議其非者邦憲獨首言之丐外知處州陞辭力諫用兵不可
太驟再歲召還言求名義以息兵莫若因建儲而肆赦借殊常之恩為弭兵之
名因行赦宥大霽德澤東委宣諭西委宣撫洗弄兵之咎省戍邊之師發倉粟
以賑餓殍及農時而復民業如此則建儲之義正與息兵相為表裏也又上侂

胄書，侂胄惡其言，嘆御史徐榘擊之，鑄秩罷祠，未幾復官，除江西憲，改江東漕，以戶部郎爲淮西總領，侂胄已誅，尚書倪思舉邦憲自代，召對，上言：「今日更化，未可與紹興乙亥同論，秦檜專權，天下猶可以緝理，今侂胄專權，天下敗壞盡矣，除尙右郎兼太子侍講，除左司，爲金賀正使，接伴，除宗正少卿，回權工部侍郎，知臨安府，丐祠，知江州，奏乞郡，得節制屯戍兵，至郡疾，以寶謨閣待制致仕，卒于官，年五十七，諡文肅。」

論曰：汪若海柳約，仕於南渡播遷之時，其志將以尊君父，故讀其磨書而悲之，張運、李舜臣，職舉事修，遺愛在民，孫逢吉、章穎，辨正人之非邪，正學之非僞，君子哉！商飛、卿、劉穎、徐邦憲，皆有立於權臣柄國之日，卓乎不爲勢利所移，故能爾耶。

宋史卷四百四

元中書右丞相總裁脫脫等修

列傳第一百六十四

李宗勉 袁甫 劉黻 王居安

李宗勉字彊父富陽人開禧元年進士歷黃州教授浙西茶鹽司江西轉運司幹官嘉定十四年主管吏部架閣尋改太學正明年為博士又明年遷國子博士寶慶初添差通判嘉興府三年召為秘書郎紹定元年遷著作郎入對言邊事宜夙夜震懼以消咎殃明年兼權兵部郎官時李全叛謀已露人莫敢言宗勉獨累疏及之又言欲人謀之合莫若通下情人多奸詔揣所悅意則修其言度所惡聞則小其事上既壅塞下亦欺誣則成敗得失之機理亂安危之故將孰從而上聞哉不聞則不戒待其至事乃駭而圖之抑已晚矣欲討討之豐莫若節國用善為國者常使財勝事不使事勝財今山東之旅坐糜我金穀湖南江右閩中之寇蹂踐我州縣苟浮費泛用又從而侵耗之則漏卮難盈蠹木易壞設有緩急必將窘於調度而事機失矣欲邦本之固莫若寬民力州縣之間聚斂者多椎剝之風浸以成習民生窮蹙怨憤莫伸嘯聚山林勢所必至救焚拯溺可不亟為之謀哉尋改兼侍右郎官明年入對言天災甚切四年差知台州明年直祕閣知婺州六年冬召赴行在未行端平元年進直寶章閣依舊任越月以宗正丞兼權右司召改尚左郎官兼職仍舊尋兼左司五月面對言四事守公道以悅人心行實政以興治功謹命令以一觀聽明賞罰以示勸懲次言楮幣願詔有司始自乘輿宮掖下至百司庶府嚴其冗蠹者節之歲省十萬則十萬之楮可損歲省百萬則百萬之楮可損也行之既久損之益多錢楮相當所至流轉則操吾贏縮之柄不在楮矣拜監察御史時方謀出師汴洛宗勉言今朝廷安恬無異於常時士卒未精銳資糧未充器械未犀利城壁未繕脩于斯時也守禦猶不可而欲進取可乎借曰今日得蔡明日得海又明日得宿毫然得之者未必可守萬一舍怒蓄忿變生倉猝將何以濟臣之所陳豈曰外患之終不可平土宇終不可復哉亦欲量力以有為相時而後動耳願詔大

臣愛日力以修內治合人謀以嚴邊防節冗費以裕邦財招彊勇以壯國勢仍飭沿邊將帥毋好虛名而受實害左控右扼毋失機先則以逸待勞以主禦客庶可保其無虞若使本根壯固士馬精彊觀釁而動用兵未晚已而洛師潰又言昔之所慮者在當守而冒進今之所慮者在欲守而不能何地可控扼何兵可調遣何將可捍禦何糧可給餉皆當預作措置又言內降之敵大略謂王府后宅之宮僚戚里奄寺之恩賞綸綽直下不經都省竿牘陳請時出禁廷此皆大臣所當執奏夫先是而言見幾而諫不可謂之專善則行之否則止之不可謂之專命出君上政歸中書不可謂之專苟以專權為嫌不以救過為急每事希旨迎合迨其命令已下闕失已彰然後言事之人從而論列之其累聖德亦多矣況言之未必聽聽之未必行乎進左司諫明年春兼侍講首言均房安斡光化等處兵禍甚烈然江面可藉以無憂者猶有襄州今又告變矣襄州失則江陵危江陵危則長江之險不足恃昔之所慮猶在秋今之所慮者祇在旦夕江陵或不守則事迫勢蹙必有存亡之憂悔將何及拜殿中侍御史時淮西制置使兼沿江制置副使史嵩之兼知鄂州就鄂建牙宗勉言荆襄殘破淮西正當南北之交嵩之當置司淮西則脈絡相連可以應援邈在鄂渚豈無鞭不及腹之慮若云防江為急欲藉嵩之於鄂渚經理然齊安正與武昌對如就彼措置防扼則藩籬壯而江面安矣所謂欲保江南先守江北也當別擇鄂守徑令嵩之移司齊安詔侍從兩省臺諫條陳邊事宗勉率合臺奏蜀之四路已失其二成都隔絕莫知存亡諸司退保夔門未必能守襄漢昨失九郡今鄂破荆門又破江陵孤城何以能立兩淮之地人民奔迸并邑丘墟嗚呼危哉陛下誠能亟下哀痛之詔以身率先深自貶損服御飲食一從簡儉放後宮浮食之女罷掖庭不急之費止錫餼絕工役出內帑儲蓄以風動四方然後勸諭戚畹世臣隨力輸財以佐公家之調度分上流淮西淮東為三帥而以江淮大帥總之或因今任或擇長才分地而守聽令而行以公私之財分給四處俾之招攢卒募流民之彊壯者以充遊兵以補運籍仍選沿流諸郡將士為捍禦之圖猶可支吾不然將水陸俱下大合荆楚之衆擾我上流江以南震蕩矣或謂其勢彊威

宜於講和欲出金繒以奉之是抱薪救火空國與敵矣進工部侍郎兼給事中仍侍講復上疏言陛下憂勤於路朝之頃而入為宴安所移切願於廣廈之間而退為便佞所惑不聞減退宮女而嬪嬙已溢於昔時不聞褒錄功臣而節鉞先加於外戚不聞出內貯以犒戰士而金帛多靡於浮費陛下之舉動人心所視以為卷舒者也陛下既不以為憂則誰復為陛下憂擢諫議大夫兼侍讀首言邊事當增兵防托上流又言求諫非難而受諫為難受諫非難而從諫為難苟聞之不以為戒玩之不以為信卒使危言鯁論無益於世用無採於時危其與拒諫者相去一間耳進端明殿學士同簽書樞密院事未幾進簽書時王概復求歲幣銀絹各二十萬宗勉言輕諾者多後患當守元約可也然比之開禧時物價騰踴奚啻倍蓰矣史嵩之開督府力主和議宗勉言使者可疑者三萬之職在督戰如收復襄光控扼施禮招集山砦保固江流皆今所當為若所主在和則凡有機會可乘不無退縮之意必至虛損歲月坐失事功進參知政事及拜左丞相兼樞密使守法度抑僥倖不私親黨召用老成尤樂聞讜言趙汝騰嘗以宗勉為公清之相以光祿大夫觀文殿大學士致仕卒贈少師諡文清袁甫字廣微寶文閣直學士燮之子嘉定七年進士第一簽書建康軍節度判官廳公事授秘書省正字入對論君天下不可一日無懼心今之可懼者大端有五端長者斥詔諛者用杜忠臣敢諫之門可懼也兵戈既興餽餉不繼根本一虛則有蕭牆之憂可懼也陛下深居高拱羣臣奉行簿書獨運密謀之意勝而虛心咨訪之意微天下迫切之情無由上聞可懼也外患未弭內患方深而熙熙然無異平時自謂雅量足以鎮浮不知宴安實為鴆毒可懼也陛下恭儉有餘剛斷不足庸夫憚人苟求富貴而未聞大明黜陟軍帥交結州郡賄賂皆自貴近化之可懼也其它禍幾亂萌不可悉數將何以蒼天譴召和氣哉次乞嚴守帥之選併大軍之權與屯田之利遷校書郎轉對言邊事之病不在外而在內倫安之根不去規模終不立殲敵之根不去血脈終不通忌嫉之根不去將帥終不可擇欺誕之根不去兵財終不可治祖宗之御天下政事雖委中書然必擇風采著聞者為臺諫敢於論駁者為給舍所以戒官邪肅朝綱也今日

誠體是意以行之豈復有偷安壅蔽者哉出通判湖州考常平散原以增積貯核隱產增附學兒局遷秘書郎尋遷著作佐郎知徽州治先教化崇學校訪便民事上之請蠲減婺源源絀絹萬七千餘匹茶租折帛錢萬五千餘貫月椿錢六千餘貫請照咸平紹興乾道寬恤指揮受納徽綱定每匹十兩請下轉運常平兩司豫蓄常平義倉備荒與脩陂塘柳築百梁丁父憂服除知衢州立旬講務以理義淑士心歲撥助養士千緡西安龍游常山三邑積蓄預備為代輸三萬五千緡蠲放四萬七千緡郡有義莊買良田二百畝益之移提舉江東常平適歲旱亟發庫庾之積凡州縣窳名隸倉司者無新舊皆住催為錢六萬一千緡米十有三萬七千麥五千八百石道官分行賑濟饑者予粟病者予藥尺籍之單弱者市民之失業者皆曲軫之又告于朝曰江東或水而旱或旱而水重以兩雪連月道塗相望至有舉家枕藉而死者此去麥熟尙賒事勢益急詔給度牒百道助費時江閩寇迫饒信慮民情易動分榜諭安之檄諸郡關制司聞于朝為保境捍患之圖寇迄不犯遂提點本路刑獄兼提舉移司番陽霜殺桑春夏兩久湖溢諸郡被水連請于朝給度牒二百道賑恤之盜起常山調他州兵千人屯廣信以為備都城大火上封事言上下不交以言為諱天意人心實同一機災變之作端由以此願下哀痛之詔以回天意詔求直言復上疏言災起都邑天意蓋欲陛下因其所可見察其所不可見行至公無私之心全保護大臣之體率屬羣工大明黜陟與天下更始行部問民疾苦薦循良劾姦貪決滯獄所至詣學宮講說勅書院貴溪之南祠先儒陸九淵歲大旱請于朝得度牒緡錢綾紙以助賑恤疫癘大作柳藥院療之前後持節江東五年所活殆不可數計轉將作監領事如故繼力辭常平事彗星見詔求直言上疏言皇天所以震怒者由愁苦之民衆人民所以愁苦者由貪冒之風熾願一變上下交征之習為大公至正之歸帝親政以直徹猷聞知建寧府明年兼福建轉運判官閩鹽課漕司例運兩綱供費後增至十有二更卒並緣為姦且抑州縣變賣公私苦之甫委復舊例丁米錢久為泉漳興化民患會知漳州趙以夫請以廢寺租為民代輸甫并捐三郡歲解本司錢二萬七千貫助之郡屯左翼軍本備峒寇

招捕司移之江西甫檄使還營俄寇作唐石即調之以行而賊悉平還秘書少監入見帝曰卿久勞于外篤意愛民每覽所陳備見懇惻甫奏無逸之義言知農夫稼穡艱難自然逸欲之念不起乞力守更化以求求賢如不及之初意遷起居舍人兼崇政殿說書於經筵奏剛之一字最切於陛下陛下徒有慕漢宣厲精爲治之名而乃墮元帝文宗柔弱不振之失元帝文宗果斷不用於斥邪佞反用於逐賢人此二君不識剛德之真所謂真剛者當爲之事必行不當爲者則斷在勿行又乞專意經訓養育精神務令充實上與天一下合人心帝意欲全功臣之世詔自今中外臣僚奏事毋得攔撫以奏是消天下讜言之氣其謂陛下何兼中書舍人繳奏不撓苛小謂監司郡守非其人則一道一州之蠹也時相鄭清之以國用不足履敝使輸奏甫奏避貴虛賤有力者頑未應令而追呼迫促破家蕩產悲痛無聊者大抵皆中下之戶嘗講罷帝問近事甫奏惟履敝事人心最不悅又嘗讀資治通鑑至漢高祖入關辭秦民牛酒因奏今日無以予人反橫科之其心喜乎怒乎本朝立國以仁陛下以爲此舉仁乎否乎帝爲惻然時朝廷以邊事爲憂史高之帥江西力主和議甫奏曰臣與嵩之居同里未嘗相知而嵩之父彌忠則與臣有故嵩之易於主和彌忠每戒其輕易今朝廷甘心用父子異心之人臣謂不特嵩之易於主和抑朝廷亦未免易於用人也疏入不報遂乞歸不允授起居郎兼中書舍人未幾擢嵩之刑部尙書復奏疏云臣於嵩之本無仇怨但國事所係誼難緘默嵩之誅命終不與書行迺出甫知江州王遂抗疏力爭帝曰本以授其兄袁肅報行誤耳今遂勉甫無它志翼日迺與肅江州而殿中侍御史徐清與復論甫守富沙日賊六十萬湯中等又爭之清與亦悔未幾改知婺州不拜嘉熙元年遷中書舍人入見陳心源之說帝問邊事甫奏當以上流爲急議和恐誤事時清與與甫並召而清與未至甫奏臺諫風聞言事初亦何心今人物眇然有如清與宜在朝廷辭避實惟臣故乞趣其赴闕又奏備邊四事曰固江陵堰瓦梁與流民復業嵩之移京湖沿江制置使知鄂州甫奏曰嵩之輕脫難信去年嵩之在淮西王概由淮西而來北軍踵之今又併湖南付之臣恐其復以誤淮西者誤湖南疏留中不

行翼日權吏部侍郎引疾至八疏賜告一月遂歸從臣復合奏留之尋命兼脩玉牒官兼國子祭酒皆辭不拜改知嘉興府知婺州皆辭不拜遷兵部侍郎入見奏江潮暴涌旱魃爲虐楮弊蝕其心腹大敵刺其四支危亡之禍近在旦夕乞秉一德塞邪徑兼給事中岳珂以知兵財召甫奏珂總餉二十年焚林竭澤珂竟從外補遷吏部侍郎兼國子祭酒日召諸生叩其問學理義講習之益時邊遽日至甫條十事至爲詳明權兵部尙書暫兼吏部尙書卒贈通奉大夫諡正肅有孝說孟子解後省封駁信安志江東荒政錄防拓錄樂事錄及文集行世甫少服父訓謂學者當師聖人以自得爲貴又從楊簡問學自謂吾觀草木之發生聽禽鳥之和鳴與我心契其樂無涯云

劉黻字聲伯樂清人早有令聞讀書鴈蕩山中僧寺年三十四以淳祐十年試入大學簡輩已翕然稱之時丁大全方爲臺屬劾奏丞相董槐迫逐去國將奪其位黻率同舍生伏闕上書大概言朝廷進退大臣須當以禮書上忤執政送南安軍安置歸別其母解氏解氏曰爲臣死忠以直被貶分也速行黻至南安盡取濂洛諸子之書摘其精切之語輯成書十卷名曰濂洛論語及大全貶黻還太學未幾侍御史陳垓劾程公許右正言蔡榮誣劾黃之純二公罷出六館相顧失色黻又率諸生上書言黻等蒙被教養視國家休戚利害若己痛癢朝廷進一君子臺諫發一公論則彈冠相慶喜溢肺膺至若君子鬱而不獲用公論沮而不克伸則憂憤怵結寢食俱廢臣聞扶植宗社在君子扶植君子在公論陛下在位幾三十年端平間公正草朝忠讜接武天下翕然曰此小元祐也淳祐初大姦屏迹善類在位天下又翕然曰此又一端平也奈何年來培養保護之初心不能不爲之轉移祖宗建置臺諫本以伸君子而折小人昌公論而杜私說迺今老鑿自肆姦種相仍以詔諛承風旨以傾險設機阱以泐汲盜官爵陛下非不識拔羣賢彼則忍於空君子之黨陛下非不容受直言彼則勇於倒公議之戈不知陛下何負此輩而彼乃負陛下至此耶當陛下詔起彙斃之秋而公許起自家食正君子觀之以爲進退之機迺今坐席未温彈章已上一公許去若未害也臣恐草野諸賢見幾深遁而君子之脈自此絕矣比年朋

邪扇煽，緘默成風，奏事者不過襲陳言，應故事而已。幸而之純兩疏，差彊人意，迺今軟媚者全身，鯁直者去國，一之純去，若未害也。臣恐道路以目，欲言輒沮，而公論之脉自此絕矣。況今天下可言之事不為少，可攻之惡不為不多，銜躬桑孔，浸有逼上之嫌，勢挾金張，濫處牧民之職，以乳臭驥子而躡登從，以光範私人而累典輔藩錢神通靈於旁蹊，公器反類於互市，天下皆知之，豈陛下獨不知之，正惟為陛下下紀綱者，知為身謀，不為陛下下謀，陛下下明燭事幾，詎可墮此輩蒙蔽術中，何忍以祖宗三百年風憲之司而壞於一二小人之手耶。臣汝騰，陛下之劉向也，則以忠鯁斥，臣子才，臣棟，臣伯玉，陛下之汲黯也，則以切直罷，遂使淳祐諸君子，日消月磨，至今幾為之一空，彼誠何心哉。高宗紹興二十年之詔，有謂臺諫風憲之地，年來用人非據，與大臣為友黨，濟其喜怒，甚非耳目之寄，臣竊觀近事，不獨臺諫為大臣友黨，內簡相傳，風旨相諭，且甘為鷹犬而聽其指嗾焉。宰相所不樂者，外若示以優容，而陰實頓指臺諫以去之，臺諫所彈擊者，外若不相為謀，而陰實奉承宰相以行之，方公許之召也，天下皆知獨斷於宸衷及公許之來也，天下亦知嘗得罪於時宰，豈料陛下之恩，終不足恃，宰相之嗔，竟不可逃耶。陛下萬機之暇，試以公許之純與堉榮等熟思而靜評之，其言論孰正孰邪，孰忠孰佞，雖中智以下之主，猶知判別是非，況以陛下明聖而顧不察此。近見公許奏疏，嘗告陛下，揭至公以示天下，堉則以秘密之說惑上聽，公許嘗告陛下，以寵賂日章，官邪無警，欲塞倖門，絕曲徑，堉則縱俠客以兜攬關節，持鬪扁以脅取舉狀，開賂門以簸弄按章，至若之純之告陛下，力伸邪正之辯，明斥媚相之非，嘗嘗謬謬，流出肺腑，榮身居言責，聞其風聲，自當愧死，尚敢妄肆斐非，略無人心乎。且陛下擢用臺諫，若臣嘉鼎，臣咨襄，臣應起，臣漢弼，臣凱，臣燧，光明俊偉，卓為天下稱首，然甫入而遽遷，或一鳴而輒斥，獨堉榮輩貪饕頑忍，久汙要津，根據而不拔，劉向所謂用賢轉石，去佞拔山者，乃今見之，可不畏哉。矧今國嗣未正，事會方殷，民生膏血，脛削殆盡，所賴以祈天命，係人心，惟君子與公論一脈耳，小人以不恤之心，為無忌憚之事，其意不過欲爵位日穹，權勢日盛，以富貴遺子孫耳，豈暇為國家計哉。自昔天下之患，

莫大於舉朝無公論，空國無君子，我朝本無大失德於天下，而乃有宣靖之禍，夫豈無其故哉。始則邪正交攻，更出迭入，中則朋邪翼偽，陰陷潛試，終則倒置是非，變亂黑白，不至於黨禍不止，向使劉安世陳瓘諸賢尚無恙，楊畏張商英周秩輩不久據臺綱，其禍豈至此烈。古語云：前車覆，後車戒，今朝廷善類無幾，心懷姦險者，則以文藻飾佞舌，志在依違者，則以首鼠持圓機，宗社大計，孰肯明目張膽為陛下伸一喙者，則其勢必終於空國無君子，舉朝無公論，無君子，無公論，脫有緩急，彼一二儉人者，陛下獨可倚仗之乎。若堉之罪，又浮於榮，雖兩觀之誅，四裔之投，猶為輕典，陛下留之一日，則長一日之禍，異時雖借尚方劍以殲其首，尚何救於國事之萬一哉。又曰：自昔大奸巨孽，投閑散地，惟規朝廷意向以圖進用之機，元祐間，章惇呂惠卿皆在貶所，自呂大防用，楊畏為御史，初意不過信用私人，牢護局面，不知小人得志，搖唇鼓吻，一時正人，旋被斥逐，繼而章惇復柄用，雖大防亦不能安其身於朝廷之上，今右轄久虛，姦臣垂涎有日矣。聞之道路，鏡遺不止於鞭韉，脉絡潛通於禁近，正陛下明察事機之時，若公論不明，正人引去，則遲回展轉，鈞衡重寄，必歸於章惇等乃止。今日之天下，乃祖宗艱難積累之天下，豈堪此輩再壞耶。又諫游幸疏曰：天下有道，人主以愛勤而志逸樂，天下無道，人主以逸樂而志憂勤，自昔國家又安，四夷賓服，享國日久，侈心漸生，若漢武帝之單于震懼，而有千門萬戶之觀，唐明皇之北邊無事，而有驪山溫泉之幸，至於隋之煬帝，陳之後主，危亡日迫，遊觀無度，不足效也。堯舜禹湯文武之兢業，祇懼終始憂勤，無逸言遊畋，則不敢，日昃則不暇食，曷嘗借祈禳之說，以事遊觀之逸。比年以來，以幸為利，以玩為常，未免有輕視世故，眇忽天下之心，單于未嘗震懼，而有武帝多欲之費耗，北邊未嘗無事，而有明皇宴安之鳩毒，陛下春秋尚少，貽謀垂憲之機，悉在陛下，作而不法，後嗣何觀，自十數年間，創龍翔，創集慶，創西太一，而又示之以遊幸，導之以禱祠，蠱之以虛誕，不經之說，孔子曰：少成若天性，習慣如自然，積久慣熟，牢不可破，誰得而正之。且西太一之役，佞者進曰：太一所臨分野，則為福，近歲自吳移蜀，信如祈禳之說，西北坤維按堵可也。今五六十州，安全者不能十數，敗降

者相繼。福何在邪。武帝祠太一於長安。至晚年以虛耗受禍。而後悔方士之繆。雖其悔之弗早。猶愈於終不知悔者也。大凡人主不能無過。脫有過言。過行。宰執侍從當言之。給舍臺諫當言之。縉紳士大夫當言之。皆所以納君於當道者也。今陛下未爲不知道。未爲不受人言。宰執以下。希寵而不言。與夫言之而不力。皆非所以愛陛下也。其心豈以此爲當。而不必言哉。直以陛下爲不足。以望堯舜禹湯文武之主。而以漢武明皇待陛下也。以材署昭慶軍節度掌書記。由學官試館職。咸淳三年。拜監察御史。論內降恩澤曰。治天下之要。莫先於謹命令。謹命令之要。莫先於窒內批。命令帝王之樞機。必經中書參試。門下封駁。然後付尙書省施行。凡不由三省施行者。名曰斜封。墨敕不足效也。臣觀陛下自郊祀慶成以來。恩數綢繆。指揮煩數。今日內批。明日內批。邸報之間。以內批行者。居其半。竊爲陛下惜之。出納朕命。載於書。出納王命。詠於詩。不專言出而必言納者。蓋以命令繫朝廷之大。不能皆中乎理。於是出而復有納焉。祖宗時禁中處分軍國事。付外者。謂之內批。如取太原。下江南。韓琦袖以進呈。英宗悚然避坐。此豈非謹內批之原哉。臣日夜念此。以爲官爵陛下之官爵。三省陛下之三省。所謂同奉聖旨。則是三省之出命。即出陛下之命也。豈必內批而後爲恩。緣情起事。以義制欲。某事當行。某事當息。具有條貫。何不自三省行之。其有未穆於公論者。許令執奏。顧不建敷。元祐間。三省言李用和等改官移鎮恩例。今高氏朱氏皆舉故事。皇太后曰。外家恩澤。方欲除損。又可增長乎。治平初。欲加曹佾使相。皇太后再三不許。又有聖旨。令皇后本家分析親的骨肉。開奏。亦與推恩。司馬光力諫。以爲皇太后既損抑外親。則后族亦恐未宜驟進。乃令前之恩數未竟。後之恩數已乘。宰執懼有所專。而不敢奏。給舍臺諫懼有所忤。而不敢言。更如此者。數年將何以爲國。故政事由中書則治。不由中書則亂。天下事當與天下共之。非人主所得私也。四年。改正字。言正學不明。則義理日微。異端不息。則鼓惑轉熾。臣非不知犯顏逆耳。臣子所難。實以君德世道重有關繫。不容不懇惻開陳。疏上踰日。未蒙付外。孟軻有云。有言責者。不得其言則去。臣忝職諫省。義當盡言。今既不得其言。若更貪慕恩榮。不思引去。不惟有負朝

廷設官之意。其於孟軻明訓。實亦有慊。會丁父憂去位。服除。授集英殿修撰。海制置。知慶元府。事建濟民莊。以濟士民之急。資貢士春官之費。備郡庠耆老緩急之需。又請建慈湖書院。八年。召還。拜刑部侍郎。九年。改朝奉郎。試吏部尙書。兼工部尙書。兼中書舍人。兼修玉牒。兼侍讀。上疏請給王十朋祠堂田土。十年。丁母憂。明年。江上潰師。丞相陳宜中起復。繼爲端明殿學士。不起。及買似道韓震死。宜中謀擁二王由温州入海。以兵逆敵。共政將遜相位。於是敵託宗祀於母弟成伯。遂起及羅浮。以疾卒。初。陳宜中夢人告之曰。今年天災流行。人死且半。服大黃者生。繼而疫癘大作。服者果得不死。及敵病。宜中令服之。終莫能救。其配林氏。舉家蹈海。未幾。海上事亦瓦解矣。敵有蒙川集十卷行于世。王居安字實道。黃巖人。始名居敬。字簡卿。避祀廟嫌。易之。始能言。讀孝經。有從旁指曰。曉此乎。即答曰。夫子教人孝耳。劉孝睦七月八日過其家塾。見居安異。凡兒使賦。八夕詩。援筆成之。有思致。孝睦驚拊其背曰。子異日名位必過我。入太學。淳熙十四年。舉進士。授徽州推官。連遭內外艱。柄國者以居安十年不調。將徑授職事官。居安自請試民事。乃授江東提刑司幹官。使者王厚之厲鋒氣。人莫敢嬰。居安遇事有不可。平面力爭。不少屈。入爲國子正。太學博士。入對。首言人主當以知人安民爲要。人未易知。必擇宰輔。待從之賢。使其類。民未易安。必求慳悌循良之吏。以布其澤。次言火政不修。罪在京尹。軍律不明。罪在殿步兩司。罪約異罰。固不可。安有薄罰一步帥。而二人置弗問乎。遷校書郎。居安乞召試。言祖宗時。惟進士第一不試。蘇軾以高科負重名。英宗欲授館職。韓琦猶執不從。執政謂居安曰。朝廷於節度尙不較。況館職乎。居安因言。節鉞之重。文非位極。武非勳高。胡可妄得。丞相言不較過矣。時蘇師旦命且下。故居安言及之。改司農丞。御史迎意。論劾主管仙都觀。踰年。起知興化軍。既至。條奏便民事。乞行經界。且言蕃舶多得香犀象翠。崇侈俗。洩銅鐵。有損無益。宜遏絕禁止。皆要務也。通商賈以損米價。誅劇盜以去民害。召爲祕書丞。轉對言。置宣司。不聞進取之良規。遣小使。寂無確許之實報。但當嚴飭守備。益兵據險。以待之。此廟算之上也。李燾嘗語人曰。比年論疆事。無若王秘丞之明白者。遷著作郎。兼

國史實錄院檢討編修官兼權考功郎官，誅韓侂胄，居安實贊其決，翼日權右司諫，首論侂胄以預聞內禪之功，竊取大權，童奴濫授以節鉞，嬖妾竄籍於官庭，搆造亭館，震驚太廟之山，燕樂詩笑，徹聞神御之所，忽慢宗廟，罪宜萬死，託以大臣之薦，盡取軍國之權，臺諫侍從，惟意是用，不恤公議，竊黨烟姪，躡取笑官，不問流品，名器僭濫，動違成法，竊弄威柄，妄開邊釁，自兵端一啟，南北生靈，壯者死鋒刃，弱者填溝壑，荆襄兩淮之地，暴尸盈野，號哭震天，軍需百費，科擾州縣，海內騷然，述其罪狀，人怨神怒，衆情洶洶，物議沸騰，而侂胄箝制中外，罔使陛下聞知，宦官官妾，皆其私人，莫肯為陛下言者，西蜀吳氏，世掌重兵，頃緣吳挺之死，朝廷取其兵柄，改畀它將，其策至善，侂胄與曦結為死黨，復之節鉞，復授以全蜀兵權，曦之叛逆，罪將誰歸，使曦不死，侂胄未可知也，侂胄數年之間，位極三公，列爵為王，外則專制東西二府之權，內則窺伺宮禁之嚴，姦心逆節，具有顯狀，縱使侂胄身膏斧鉞，猶有餘罪，況兵燹未解，朝廷儻不明正典刑，何以昭國法，何以示敵人，何以謝天下，今誠取侂胄肆諸市朝，是戮一人而千萬人獲安其生也，侂胄既有非常之罪，當伏非常之誅，詎可以常典論哉，右丞相陳自強素行汗濁，老益貪鄙，徒以貧賤私交，自一縣丞超遷，徑至宰輔，姦險附麗，讀亂國經，較其罪惡，與侂胄相去無幾，乞追責遠竄，以為為臣不忠，朋邪誤國者之戒，又勅曦外媼郭倪，郭僕竄，續表天下快之，繼兼侍講，方侂胄用事，箝天下之口，使不得議己，太府寺丞呂祖儉，以謫死，布衣呂祖泰，上書直言，中以危法，流之遠郡，居安奏請明其冤，以伸忠鯁之氣，又疏言古今之治本亂階，更為倚伏，以治易亂，則反掌而可治，以亂治亂，則亂去而復生，人主公聽則治，偏信則亂，政事歸外朝，則治，歸內廷，則亂，問百辟士大夫，則治，問左右近習，則亂，大臣公心無黨，則治，植黨行私，則亂，大臣正小臣廉，則治，大臣汗小臣貪，則亂，如用人稍誤，是一侂胄死，一侂胄生也，趙彥逾與樓鑰，林大中章燮，並召居安言，鑰與大中用，宗廟社稷之靈，天下蒼生之福，彥逾不可與之同日而語，彥逾始以趙汝愚不與同列政地，遂啓侂胄專政之謀，汝愚之斥死，彥逾之力居多，而彥逾者汝愚之罪人也，陛下乃使與二人者同升，不幾於薰蕕同器邪，正

並用乎，非所以示趨向於天下也，疏已具，有微聞者，除日夜下，遷起居郎兼崇政殿說書，於是為諫官才十有八日，既供職，即直前奏曰，陛下特遷臣柱下史者，豈非欲使臣不得言耶，二史得直前奏事，祖宗法也，遂極論之，又言臣為陛下耳目官，諫紙未乾，乃以逆權要徙他職，不得其言則去，臣不復留矣，帝為改容，御史中丞雷孝友論其越職奪一官罷，太學諸生有舉幡乞留者，四明楊簡避近山陰道中，謂此舉吾道增重，江陵項安世致書曰，左史人中龍也，踰年復官，知太平州，當邊遠甫定，歲餘汰去軍羣聚寇，攘居安威惠流行，晏然若無事時，將副劉佑為怨家詣闕告密，置獄金陵，居安以書抵當路辯其冤，或謂佑自誣，服得無嫌於黨逆乎，居安曰，郡有無辜死矣，以守為事，果白以直龍圖閣提點浙西刑獄，葛懌者用戚屬恩補官，豪於賞，嘗憾父之嬖，既去而誣以盜，株連瘞死者數人，懌乃未嘗一造庭，居安一閱得實，立捕繫論罪，械送他州，入對帝曰，卿有用之才也，權工部侍郎，以集英殿修撰知隆興府，初盜起榔黑風峒，羅世傳為之倡，勢張甚，湖南所在發兵扼要衝，義丁表裏應援，賊乏食少懈，主兵者稍堅持之，則就禽矣，會江西帥欲以買降為功，遣人間道說賊，鏡鹽與糧，賊喜謀益逞，帥以病卒，繼者蹈其敵，賊陰治械外，送款身受官峒中，不至公府，義丁皆悉曰，作賊者得官，我輩捐軀壞產業，何所得，於是五合六聚，各以峒名其鄉，李元勳陳廷佐之徒，並起為賊矣，放兵四劫，掀承新，撤龍泉，江西列城皆震，朝廷調江鄂之兵屯衡，而他兵駐龍泉者，命吉守節制焉，吉守率師往，幾為賊困，池兵來援，失利，朝廷憂之，遂以居安為帥，居安以書曉都統許俊曰，賊勝則民皆為賊，官軍勝則賊皆為民，勢之翕張，決於此舉，將軍素以勇名，挫於山賊，可乎，俊得書皇恐，不敢以他帥事居安，居安督戰于黃山，勝之，賊始懼，走韶州，為摧鋒軍所敗，勢日蹙，吉守前以戰不利，用招降之策，遣吏持受降圖來，書賊銜江湖兩路大都統，居安笑曰，賊玩侮如此，猶為國有人乎，白諸朝，吉守以祠去，遂命居安節制池大軍，駐廬陵，督捕，領郡事，召士豪問便宜，皆言賊恃險陟降如猿猴，若鈔吾糧，吾事危矣，居安曰，吾自有以破賊，會元勳執練木橋，賊首李才全至，居安厚待才全，而賞元勳，眾皆感羅世傳，果疑元勳之貳己，

遂交惡，元勳率衆攻世傳，居安語後曰：兩虎鬪，千穴，吾可成卞莊子之功。世傳嗾練木橋賊黨襲元勳，俘其孥，禽元勳，以獻。時青草峒賊亦就禽，並磔于吉之南門。元勳既誅，世傳以功負恃益驕，蹇各效順，而實自保。後請班師，居安不許。俾因賊堡壁固守，居亡何，世傳果與兄世祿俱叛，居安奏乞朝廷毋憂，今落其角距，可一戰禽也。乃密爲方略，遣官兵合圍之。世傳自經死，斬其首以徇。羣盜次第平，居安之在軍中也，賞厚罰明，將吏盡力，始終用以賊擊賊之策，故兵民無傷者。江西人祠而祝之，刻石紀功。徙鎮襄陽，以言者罷，居十有一年。嘉定十五年，與魏了翁同召，遷工部侍郎。時方受寶中朝皆動色相賀，入對，首言人主畏無難而不畏多難，輿地寶玉之歸，蓋思當時之所以失，言極切至。甫兩月，以集英殿修撰提舉玉隆宮，未幾以寶謨閣待制知温州，郡政大舉，理宗卽位，以敷文閣待制知福州，升龍圖閣直學士，轉大中大夫，提舉崇福宮，將行，鹽寇起寧化，居安以書諭汀守曰：土瘠民貧，業於鹽可盡禁耶？且彼執三首惡以自贖，宜治此三人，他可勿治。部使者遣左翼軍將鄧起提兵往，起貪夜冒險，與寇角以死，軍潰，民相驚逃去。事聞，命居安專任招捕，居安既留募軍校劉華邱銳者，授以計畫，至汀而賊已至郡矣。州人大懼，賊知帥有撫納意，卽引退。華銳出入賊中，指期約降，有以右班攝汀守者，僣彊好大言，以知兵自任，欲出不意爲己功，賊知其謀敗降約，而建劍諸郡並江西嘯聚蜂起矣。居安議不合，歎曰：吾可復求焦頭爛額之功耶？卽拜疏歸。居安以書生於兵事不學而能，必誅峒寇而降汀寇，皆非苟然者。卒，累贈少保，居安宅心公明，待物不貳，有方巖集行世。

論曰：李宗勉在庶僚論事平直，及入相，貧公清之稱，袁甫學有本原，善達其用，持節所過，其民至今思之。劉黻分別邪正，侃侃敢言，亦難能者。王居安掃除羣邪，以匡王國，其志壯哉。

元中書右丞相總裁脫脫等修
列傳第一百六十五

崔與之

子卓

洪咨夔

許奕

陳居仁

劉漢弼

崔與之字正子廣州人父世明試有司連黜每曰不為宰相則為良醫遂究心岐黃之書貧者療之不受直與之少卓犖有奇節不遺數千里遊太學紹熙四年舉進士廣之士蘇太學取科第自與之始授漳州司法參軍常平倉久弗葺慮兩壞米撤居廨瓦覆之郡守欲移兌常平之積堅不可守敬服更薦之調淮西提刑司檢法官民有窘於豪民逋負毆死其子誣之者其長欲流之與之曰小民計出倉猝忍使一家轉徙乎況故殺子孫罪止徒卒從之知建昌之新城歲適大歉有彊發民廩者執其首折手足以徇盜為止勸分有法貧富安之開禧用兵軍旅所需天下騷然與之獨買以係省錢吏告月解不登曰寧罷去和糴令下與之獨以時買糴令民自糶通判邕州守武人苛刻衣賜不時給諸卒大開漕司檄與之攝守叛者帖然乃密訪其首事一人斬之闔郡以寧擢發遣賓州軍事郡政清簡尋特授廣西提點刑獄徧歷所部至浮海巡朱崖秋毫無擾州縣而停車裁決擬廉劾貪風凜然朱崖地產苦荬民或取葉以代茗州郡征之歲五百緡瓊人以吉貝織為衣衾工作皆婦人役之有至期年者棄稚違老民尤苦之與之皆為榜免其他利疾罷行甚眾瓊之人次其事為海上澄淸錄嶺海去天萬里用刑慘酷貪吏厲民迺疏為十事申論而痛懲之高惟肖嘗刻之號嶺海便民榜廣右僻縣多右選攝事者類多貪黷與之請授廣東循梅諸邑減舉員賞格以勸選人熙寧免役之法獨不及海外四州民破家相望與之議舉行未果以語頗戡致守瓊遂行之召為金部員外郎侍郎官多養資望不省事與之鉅細必親省決吏為欺者必杖之莫不震栗金南遷於汴朝議疑其進迫特授直寶謨閣權發遣揚州事主管淮東安撫司公事寧宗宣引入內親遣之奏選守將集民兵為邊防第一事既至浚濠廣十有二丈深二丈西

宋

史 卷四百六

列傳

城濠勢低因疏塘水以限戎馬開月河置釣橋州城與堡砦城不相屬舊築夾土城往來為易以壁因除有山林之阻創五砦結忠義民兵金人犯淮西沿邊之民得附山自固金人亦疑設伏自是不敢深入揚州兵久不練分彊勇鎮淮兩軍月以三人日習馬射令所部兵皆做行之淮民多畜馬善射欲依萬弩手法創萬馬社募民為之宰相不果行浙東饑流民渡江與之開門撫納所活萬餘楚州工役繁夥士卒苦之叛入射陽湖亡命多從之者與之給旗帖招之眾聞呼皆至首謀者獨遲疑不前禽戮之分其餘隸諸軍山東李全以眾來歸與之移書宰相謂自昔召外兵以集事者必有後憂宰相欲圖邊功諸將皆懷僥倖都統劉瑄承密劄取泗州兵渡淮而後據報瑄全軍覆沒與之憂憤馳書宰相言與之乘郭五年子養士卒今以萬人之命壞於一夫之手敵將乘勝襲我金人入境宰相連遺與之三書俾議和與之答曰彼方得勢而我與之和必遭屈辱今山砦相望邊民米麥已盡輸藏野無可掠諸軍與山砦併力勦逐勢必不能久駐況東海漣水已為我有山東歸順之徒已為我用一旦議和則漣海二邑若為區處山東諸酋若為措置望別選通才以任和議與之自劉瑄敗亟修守戰備遣精銳布要害金人深入無功而和議亦寢時議將姑闕兩淮制置命兩淮帥臣互相為援與之啓廟堂曰兩淮分任其責而無制閫總其權則東淮有警西帥果能疾馳往救乎東帥亦果能疾馳往救西淮乎制閫俯職兩淮特一水之隔文移往來朝發夕至無制閫則事事稟命朝廷必稽緩誤事矣議遂寢召為秘書少監軍民遮道垂涕與之力辭召命竟還將度嶺趣召不已行次池口聞金人至邊乃造朝奏今邊聲可慮者非一惟山東忠義區處要不容緩前後累疏數千言每數養虎將自遺患升秘書監兼太子侍講權工部侍郎未幾成都帥董居誼以贖貨為叛卒所逐總領楊九鼎遇害蜀大擾與之以選為煥章閣待制知成都府本路安撫使至即帖然時安丙握蜀重兵久每忌蜀帥之自東南來者至是獨推誠相與丙卒詔盡護四蜀之師開誠布公兼用吳蜀之士拊循將士人心悅服先是軍政不立戎帥多不協和劉昌祖在西和王大才在沔州大才之兵屢劾昌祖不救遂棄卓郊吳政屯鳳州張威屯西和金

人自白還堡突入黑谷，威不尾襲而迂路由七方關上青野原，金人遂得入鳳州，與之戒以同心體國之大義，於是戎帥協和而軍政始立，先是丙峯納夏人合從之請，會師攻秦鞏，而夏人不至，遂有阜郊之敗，與之至是，飭邊將不得輕納，踰年夏人復攻金人，遣百騎入鳳州，邊守將求援兵，與之使都統李冲來言曰：「通問當遣介持書，不當遣兵徑入，若邊民不相悉，或有相傷，則失兩國之好，宜敵兵退屯，夏人知不可動，不復有言，初金人既弊，率衆南歸者所在而有，或疑不敢納，與之優加爵賞以來之，未幾金萬戶呼延楨等扣泮州以歸，與之察其誠納之籍，其兵千餘人皆精悍善戰，金人自是不敢窺與元，既復鏖撻邊關，開論招納，金人謀得之，自是上下相疑，多所屠戮，人無固志，以至於亡，蜀威時四戎司馬萬五千有奇，開種後安丙裁去三之一，嘉定損耗過半，比與之至馬僅五千，與之移檄茶馬司，許戎司自於關外收市如舊，嚴私商之禁，給細茶，增馬價，使無為金人所邀，總司之給料不足者，亦移檄增給之，乞移大帥於與元，雖不果行，而凡關外林木，厚加封殖，以防金人突至，隔第關盤車嶺皆極邊，號天險，因厚間探者，實使覘之，動息悉知，邊防益密，總計告置，首撥成都府等錢百五十萬緡助糴本，又慮關外歲糴不多，運米三十萬石積沔州倉，以備不測，初至府庫錢僅萬餘，其後至千餘萬，金帛稱是，蜀知名士若家大酉，游似李性傳，李心傳，度正之徒，皆薦達之，其有名浮於實，用過其才者，亦歷歷以為言，沔帥趙彥呐方有時名，與之獨察其大言，亡實，它日誤事者必此人，移書廟堂，欲因乞祠而從之，不可付以邊藩之寄，後果如其言，與之以疾丐歸，朝廷以鄭損代，既受代，金諫知之，大入與之，再為臨邊，金人乃退，召為禮部尚書，不拜，便道還廣，蜀人思之，肖其像於成都仙遊園，以配張詠趙抃，名三賢祠，理宗即位，授充顯謨閣直學士，知潭州，湖南安撫使辭，提舉西京嵩山崇福宮，還煥章閣學士，知隆興府，江西安撫使，又辭，授徽猷閣學士，提舉南京鴻慶宮，端平初，帝既親政，召為吏部尚書，數以御筆起之，皆力辭，金亡，朝廷議取三京，聞之，頓足浩歎，繼而授端明殿學士，提舉嵩山崇福宮，亦辭，俄授廣東經略安撫使，兼知廣州，先是廣州摧鋒軍遠戍建康，留四年，比撤戍歸，未踰嶺，就留戍江西，又四年，

轉戰所向皆捷，而上功幕府，不報，求撤戍，又不報，遂相率倡亂，縱火惠陽郡，長驅至廣州，城聲言欲得連帥，泊幕屬甘心焉，與之家居，肩輿登城，叛兵望之，俯伏聽命，曉以逆順禍福，其徒皆釋甲，而首謀數人懼事定獨受禍，遂率之遁去，入古端州，以自固，至是與之聞命亟拜，即家治事，屬提刑彭鉉討捕，潛移密運，人無知者，俄而新調諸軍畢集，賊戰敗，請降，桀黠不悛者戮之，其餘分隸諸州，帝於是注想彌切，拜參知政事，拜右丞相，皆力辭，乃訪以政事之孰當罷行人，才之孰當用，舍與之力疾奏，天生人才，自足以供一代之用，惟辨其君子小人而已，忠實而有才者上也，才雖不高而忠實有守者次也，用人之道無越於此，蓋忠實之才，謂之有德而有才者也，若以君子為無才，必欲求有才者用之，意嚮或差，名實無別，君子小人消長之勢，基於此矣，陛下勵精更始，擢用老成，然以正人為迂闊，而疑其難以集事，以忠言為矯激，而疑其近於好名，任之不專，信之不篤，或謂世數將衰，則人才先已凋謝，如真德秀，洪咨夔，魏了翁，方此柄用相繼而去，天意固不可曉，至於敢諫之臣，忠於為國，言未脫口，斥逐隨之，一去而不可復留，人才豈易得而輕棄如此，陛下下悟已往而圖方來，昨以直言去位者，亟加峻擢，補外者，亟與召還，使天下明知陛下非疏遠正人，非厭惡忠言，一轉移力耳，陛下收攬大權，悉歸獨斷，謂之獨斷者，必是非利害，胸中卓然有定見，而後獨斷以行之，比聞獨斷以來，朝廷之事體愈輕，宰相進擬，多沮格不行，或除命中出，而宰相不與知，立政造命之原，失其要矣，大抵獨斷當以兼聽為先，儻不兼聽而斷，其勢必至於偏聽，實為亂階，威令雖行於上，而權柄潛移於下矣，又曰：邊臣主和，朝廷雖知而未嘗明有施行，憂邊之士，割切而言，一鳴輒斥，得非朝廷亦陰主之乎，假使和而可保，亦當議而行之可也，又曰：比年以變故層出，盜賊跳梁，雷震震驚，星辰乖異，皆非細故，京城之災，七年而兩見，豈數萬戶生靈，皆獲罪於天者，百姓有過，在子一人，此陛下所當凜凜，惟有求直言，可以裨助君德，感格天心，又曰：威晚舊僚，凡有絲髮實錄者，孰不乘間伺隙，以求其所大欲，近習之臣，朝夕在側，易於親昵，而難於防閑，司馬光謂內臣不可令其采訪外事，及問以羣臣能否，蓋干預之門，自此始也，若謂其所言出於

無心，豈知愛惡之私，因此而入其於聖德寧無玷乎？帝覽奏嘉歎，趣召愈力，控辭至十有三疏。嘉熙三年，乃得致仕，以觀文殿大學士提舉洞霄宮，自領鄉郡，不受廩祿之入。凡季餘皆以均親黨。時年八十有二，遺戒不得作佛事，累封至南海郡公，諡清獻。

洪咨夔，字舜俞，於潛人。嘉定二年進士，授如皋主簿，尋試爲饒州教授，作大治賦，樓鑰賞識之。授南外宗學教授，以言去。丁母憂，服除，應博學宏詞科，直院莊夏舉自代。崔與之帥淮東，辟置幕府，邊事纖悉爲盡力。丘壽薦代與之爲帥，金人犯六合，揚州閉門設守。咨夔亟詣壽，壽言曰：「金人忌楚，必未至揚，乃先自示弱，不特淮左之人心動，而金人且驕必來矣。」第當遠斥埃，精閱探，衛士馬張外郡聲援，而大開城門，晏然如平時。若金人果來犯，某當身任之。壽傳愧謝，已而金人果遁。山陽兼帥事青州張林，請獻銅錢二十萬緡，咨夔謂宜以所獻就犒其軍。如唐魏博故事，使無輕量中國心。帥乃令輸其半，林亦不復來。與之帥成都，請於帝，授咨夔籍田令，通判成都府，與之爲制置使，首檄咨夔自近辭曰：「今當開誠心，布公道，合西南人物以濟國事，乃一未有聞，而先及門，生故吏是示人私也。卒不受，惟以通判職事往來效忠。蜀人高之，尋知龍州。州歲貢麩金，率科鑪戶，咨夔曰：「將奉上，乃厲民乎？」出官錢市之。江油之民歲戍邊，復苦餽，爲請于制漕司免之，毀鄧艾祠，更祠諸葛亮，告其民曰：「毋事仇讎而忘父母，還朝爲秘書郎，遷金部員外郎，會詔求直言，慨然曰：「吾可以盡言悟主矣。」其父見其疏曰：「吾能喫茄子飯，汝無憂。」史彌遠讀至濟王之死，非陛下本心，大恚，擲于地。轉考功員外郎，轉對復言，李全必爲國患，於是臺諫李知孝梁成大交論，鏞二秩，讀書故山。七年而彌遠死，帝親政五日，即以禮部員外郎召，入見，乞養，英明之氣及論君子小人之分，帝問今日急務，對以進君子而退小人，開誠心而布公道，且言在陛下一念堅凝，又問在外人物，對以崔與之之護蜀而歸，閉居十年，終始全德之老臣，若趣其來，可爲朝廷重。真德秀魏了翁皆陛下所簡知，當聚之本朝翼日，與王遂並拜監察御史，咨夔感激激遇，謂遂曰：「朝無親權臺諫久矣，要當極本窮原而先論之。」乃上疏曰：「臣歷考往古治亂之原，權歸人主，政出

中書，天下未有不治，權不歸人主，則廉級一夷綱常，且立不立，奚政之問，政不出中書，則腹心無寄，必轉而他屬，柔權之攬，此八政馭羣臣，所以獨歸之王，而詔之者必天官冢宰也。陛下親政以來，威福操柄，收還掌握，揚廷出令，震撼海宇，天下始知有吾君，元首既明，股肱不容於自惰，撤副封罷先行，坐政事堂以治事，天下始知有朝廷，此其大權大政，亦略舉矣。然中書之敵端，其大者有四：一曰自用，二曰自專，三曰自私，四曰自固。願陛下於從容論道之頃，宣示臣言，俾大臣充初志，而加定力，儻往轍而圖方來，以仰稱勵精更始之意。帝嘉納之，又首乞罷樞密使薛極，以厲大臣之節。章三上，卒出之。其他得罪清議者，相繼劾去。朝綱大振，明年，改元端平。咨夔預乞於正月朔，下詔求直言，使人人得盡言無隱，又乞令內職任之穹者各舉所知，皆從之。時登進諸儒，以廣講讀，說書之選，咨夔言：「聖學之實，所當講明而推行者有六：一親睦本支，二正始闔門，三警肅侍御，四審正邪用舍，五儲養文武之才，六憂根本，無生事邀功，又言常平義倉鹽課及苗稅多取之敵京湖，以入陵圖來上，咨夔援紹興留司奉表八陵及東晉大都督親謁五陵故事，乞先詔制臣往省，俟還別議朝祭，又復以完顏守緒骨來獻，時相侈大其事，咨夔曰：「此朽骨耳，函之以葬大理寺可也。」第當以金亡告九廟，歸諸祖宗德澤，沉與大敵爲鄰，抱虎枕蛟，事變叵測，願可修因人之獲，使邊臣論功，朝臣頌德，且陛下知慕崇政受俘之元祐，獨不鑒端門受降之崇寧乎？然不果悉從，擢殿中侍御史，會王定入臺察，力詆蔣重珍，咨夔乃按定疾視善良，乞罷之。越三日，左遷定，而擢咨夔中書舍人，尋兼權吏部侍郎，與真德秀同知貢舉，俄兼直學士院，時咨夔口瘍已深，復上疏，謂當引咎悔過，且乞祠。帝曰：「卿在朝多有裨益，何輕去？」咨夔奏：「臣數備臺諫，給舍皆不能過六月之師，何補於朝廷，病久當去，去猶足裨風俗，帝勉留之。遷吏部侍郎，兼給事中，奏比徇私成俗，化實未更，所恃以一公鑠萬私者，獨陛下耳，而好樂營繕，親厚近屬，保護舊臣，若未能無所繫累，上在位踰一紀，國本未立，未有敢深言之者，咨夔乞擇宗室子養之，併爲濟王立後，權給事中，史嵩之入相，召赴闕下，進刑部尚書，拜翰林學士，知制誥，求去愈力，加端明殿學士，卒。御筆洪咨夔，諱亮，忠愍。

有助新政與執政恩例特贈兩官其遺文有兩漢詔令擊抄春秋說外內制奏議詩文行於世

許奕字成子簡州人以父任主長江簿丁內艱免喪調涪城尉慶元五年寧宗親擢進士第一授簽書劍南東川節度判官未期年持所生父心喪召為祕書省正字遷校書郎兼吳興郡王府教授尋遷祕書郎著作佐郎權考功郎官非報謁問疾不出遷起居舍人韓侂胄議開邊奕貽書曰今日之勢如元氣僅屬不足以當寒暑之寇又因轉對論今日之急惟備邊而朝廷晏然百官充位如平時京西淮上之師敗同罰異總領王人也而聽宣撫司節制或為參謀廟堂之義外廷莫得聞護聖之軍半發於外而禁衛單薄乞勸勤賊吏亦廢勿用特與放行以啓僥倖者宜加遏絕所言皆侂胄所不樂也蜀盜既平以啓居舍人宣撫四川奕謂使從中遣必淹時乃至既又徒云備師而不以旌別淑慝為指無以慰蜀父老之望執政是其言又請遇朝會起居郎舍人分左右立如常儀前後殿坐侍立官御坐東南面西立可以獲聞聖訓傳示無極臣僚奏事亦不敢易詔下其疏討論之道奕使金奕與骨肉死訣詣執政趣受指請行執政曰金人要索議未決者尚多今將奈何奕曰往集議時奕嘗謂增歲幣歸俘虜或可耳外此其可從乎不可行者當死守之尋遷起居郎兼權給事中以國事未濟力辭不許金人聞奕名久禮迓甚恭方清暑離宮相距二十里至是特為交還內方射奕破的十有一乃卒行成還奏帝優勞久之奕復奏和不可恃宜葺紀綱練將卒使屈信進退之權復歸於我客有以使事實者奕撫然曰是豈得己者吾深為天下愧之權禮部侍郎條六事以獻俄兼侍講會諫官王居安傅伯成以言事去職奕上疏力爭之其後又因災異申言曰比年上下以言為諱諫官無故而去者再矣以言名官且不得盡沉疏遠乎又論用兵以來資賞汎濫僥倖捷出宜加裁制夏旱詔求言奕言當以實意行實政活民於死不可責償於禱祠之閒而已也蝗至都城然後下禮寺講齋執非王土顧及境而懼偶不至羣下則終不以為災乎又曰權臣之誅也下至閭巷謹聲如雷蓋更化之初人有厚望久而無以相遠也此誇讒之所從生又曰內降非盛世

事也王璿進狀不實而經營以求倖免裴仲何人驟為帶御器械時應詔者甚衆奕言最為剴切攝兼侍讀每進讀至今治亂必參言時事願陛下試思設遇事若此當何以處之必拱默移時俟帝凝思乃徐竟其說帝曰如此則經筵不徒設矣遷吏部侍郎兼修玉牒官兼權給事中論駁十有六事皆貴族近習之撓政體者而封還劉德秀贈典高文虎之奉祠士論尤肆之加楊次山少保承陽郡王奕上疏曰自古外戚恩寵太甚鮮不禍咎天道惡盈理所必至次山果辭則宜從之如欲更示優恩則超轉少傅在陛下既隆於恩在次山知止於義顧不休哉又言史彌遠力辭恩命宜從之以成其美疏入不報奕遂臥家求補外以顯謨閣待制知瀘州彌遠問所欲言奕曰比觀時事調護之功深扶持之意少非朝廷之利也嘉敘瀘俱接夷壤董蠻米在大入俘殺兵民四路創安邊司窮治其事奕得夷人質之以致所掠由是近安邊司夷酋王榮浮檣木萬計入買奕慮其蕩水陸之險驅之安撫使安丙新立大功議忌日聞宰相錢象祖出謗書問奕奕喟而言士不愛一死而困於衆多之口亦可悲也奕願以百口保之象祖然曰公悉安子文若此乎適宇文紹節宣撫荆湖還亦曰僕願亦百口以信許公之言於是異論頓息委寄益專奕於丙深相知而職事所關必反復辯數以求直其後士多畔丙奕獨以書疏候問愈數移知夔州表辭不行改知遂寧府捐緡錢數十萬以代民輸復鹽筴之利以養士為浮梁作隄數百丈民德之畫像祠於學進龍圖閣待制加寶謨閣直學士知潼川府霖雨壞城撤而築之不以煩民亦捐緡錢十二萬為十縣民代輸於是其民亦相與祠於東山僧舍會金人敗盟蜀道震擾奕請速選威望大臣宣撫信賞必罰以慰忠義收人心又言忠義之招體勢倒持兵食頓增未知攸濟且斬將之人未聞褒擢敗軍之將未見施行事勢不決將有後時之悔御史劾奕欺罔降一官詔提舉玉隆宮未數月特復元官提舉崇福宮還家草遺表曰自念本非衰病初染微疴當湯熨可去之時臣以疾而為諱及鍼石已窮之後醫束手而莫圖靖言膏肓所致之由大抵脈絡不通之故皆寓諷諫之意進顯謨閣直學士致仕贈通議大夫初奕之守瀘帝顧禮部尚書章穎曰許奕已去乎起居舍人真德

秀侍帝前。論人才。上以骨鯁稱之。突天性孝友。送死恤孤。恩意備至。通籍隸書。所著有毛詩說。論語尚書周禮釋義。奏議雜文。行世。

陳居仁。字安行。興化軍人。父太府少卿齊。娶明州汪氏女。因家焉。齊初為汾州教授。佐守臣張克戡。捍金人。後知惠州。單馬造會。衰壘。譬曉降之。鄭僧王法恩。謀逆事覺。或請屠城。齊方為御史。力論多殺非聖世事。齊從者悉寬宥之。居仁年四十而孤。以廩授鉅山尉。紹興二十一年。舉進士。秦檜與齊有故。有勸以一一見可得美官。居仁曰。是有命焉。終不自通。移永豐。令入監行在。點檢贍軍激賞酒庫所羅場。詔修高宗聖政。妙選家屬。與范成大並充檢討官。淮甸交兵。魏杞以宗正少卿使金。辟居仁幕下。時和戰未決。金兵駐淮北。人情恟懼。突騎大至。鸞弓夾道。居仁上馬。猶從容舉酒屬杞。天寒且醜。此觴觀者壯之。乃論金人開道入卒成禮。減歲幣而還。因出疆賞轉承議郎。授諸王宮大小學教授。杞秉國柄。居仁忍貧需遠次。未嘗求進。虞允文欲引以為用。不就。允文欲與論兵。謝不能。退而貽書。謂有定力乃可立事。若徒為大言。終必無成。幸成亦旋敗。允文為之色動。徙主軍器監簿。宗正修玉牒。轉對言。立國須定規模。陛下非無可致之資。而規模未立。孝宗初頗不憚曰。朕未嘗不立規模。居仁奏陛下銳意恢復。繼乃通和。和戰守三者。迄今未定。孰為規模耶。允文曰。此正前日定力之論。某今益知此言之當也。遷將作監丞。轉國子丞。九年。進秘書丞。入對。論文武並用。長久之術。陛下擬進武臣。深得持平救偏之道。然未必得智謀勇略之士。或多便佞。輕躁之徒。將復有偏勝之患。帝嘉納。權禮部郎官。嘗言臺閣宜多用明習典故之士。帝問其人居仁。以李燾莫濟對。甫數日。召燾。居仁力請外。乃知徽州。帝令辭。辭。慰諭遣之。至郡。告以天子節經費以惠儉。不能推廣聖德。吏則有罪。乃招三衝軍植。二表於庭。有輸納中度而遭抑退者。抱所輸立表下。親視之。人無留滯。更不能措手。輸稅者恆裹贏以歸。鄰州有訟。多詣臺省。乞決於居仁。秩滿。邦人挽留。由間道始得去。入對。帝舉新安之政。獎之。請編類隆興以來寬恤詔令。有曰。法久則易玩。事久則易怠。惟申加戒飭。有以儆其觀聽。則千萬年猶一日。帝曰。名言也。又言。歸正忠順過於優渥。而遇戰士反輕。此曹出萬死策勳。

今老矣。添善已罷。廩稍半給。至勾於市。軍士解體乞加優恤。以終始念功之意。堅後生圖報之心。帝覽之嘉歎。會駕大閱白石。即命再添善兩任衣糧。全給三軍為之呼舞。留為戶部右曹郎官。命未下。朝方推會要賞。帝曰。陳居仁治行為天下第一。可因是并賞之。特轉朝議大夫。兼權度支。又兼權禮部。會樞屬闕員。方進擬。帝曰。豈有人才如陳居仁。而可久為郎乎。即授樞密院檢詳文字。尋為右司。遷左司。又遷檢正中書門下省諸房公事。歷兼左藏諸庫。居仁親視按牘。書謂有罪。幸免。則寬者何告。誣枉者七人。皆當敘復。執政難之。居仁填疏。其寬狀上之。帝曰。居仁精審。尚復何疑。詔以早求言。居仁乞命公卿務行寬大。御史京鏜極論從窄之敝。此風未革。假吏部尚書使金。還遷起居郎。尋兼詳定一司。敕令。兼權中書舍人。泛恩濫賞。封繳無所避。因言恩惠不及小民。名為寬。實以惠頑民耳。名為赦。有罪。實以惠姦民耳。願盡放天下五等戶身丁。四等戶一半。從之。安定王子彤乞封妾為夫人。居仁繳奏。帝喜。謂有補風教。又論君人之道。實在執要。今陛下親細故而忽遠猷。事未節而忘大體。願舉綱要以御臣下。省思慮以頤精神。詔且令清中書之務。權直學士院。帝曰。內外制向委數人。今陳居仁一人當之。不見其難。乞詔大臣博議。絕浮費。汰冗兵。計當省之數。定蠲除之目。此富民之要術也。以集英殿修撰知鄂州。築長隄。扞江。新安樂寮以養貧病之民。撥閒田歸之。進煥章閣待制。移建寧府。歲饑。出儲粟平其價。弛逋負。以巨萬計。代輸畸零。納稅。有因告糴殺人者。會赦免。居仁曰。此亂民也。釋之。將擢出為惡。遂誅之。觀察推官柳某死。貧不克歸。二子行勾干道。聞而憐之。子之衣食。買田以養之。擇師以教之。鎮江大旱。又移居仁守鎮江。請以緡錢十萬給兵食。不報。為書以義。撼丞相。然後許。發時密往。規之間。遭糧運於荆楚。商人。商人曰。是陳待制耶。爭以粟就糴。居仁區畫有方。所存活數萬計。因饑民治古海。鮮界港。為石碇。丹徒境上蓄泄以時。以通漕運。治江陰。森僧。加寶文閣待制。知福州。入境有饑民。嘯聚。部分牙兵遮擊之。首惡計窮。自經死。治宗室之暴橫。申蠱毒之舊禁。有召命求閒者。再進華文閣直學士。提舉太平興國宮。卒。贈金紫光祿大夫。居仁風度凝遠。處已應物。壹以誠信。臨事毅然。有守。所至號

稱循吏。皆立祠祀之。有奏議制藁詩文行世子卓。

卓字立道。紹熙元年進士。其後知江州。移寧國府。丞相以故欲見之。卓謝不住。丞相益器之。李全叛。禱其爵。詔書至淮。人益自勵。太廟災。降罪己詔。京師感動。皆卓所草也。為簽書樞密院事。未幾。勾祠還里。平生不營產業。以贊書所酬金築世論堂。閉居十有六年。卒。年八十有六。將葬。事不能具。丞相吳潛聞之。貽書制置使。以助其孫定孫力請諡於朝。題諡清敏。

劉漢弼字正甫。上虞人。生二歲而孤。母謝氏撫而教之。嘉定九年。舉進士。授吉州教授。歷江西安撫司幹官。監南嶽廟。浙西提舉茶鹽司幹官。召試館職。改秘書省正字。序選秘書郎。兼沂王府教授。改著作佐郎。兼史館校勘。權考功員外郎。升著作郎。知嘉興府。兼兵部員外郎。改兼考功。尋為考功員外郎。兼崇政殿說書。編修國史。檢討實錄。擢監察御史。出知温州。尋擢太常少卿。以左司諫召。擢侍御史。兼侍讀。以戶部侍郎致仕。漢弼學明義利之辨。為正字時。應詔言事。極論致雷弼當之道。為校書郎。轉對舉蘇軾所言結人心厚風俗存紀綱。又論制閭當復其舊。戎司當各還其所。邊郡守當用武臣。又論決和戰以定國論。合

江淮以壹帥權。公賞罰以勵人心。廣規模以用人才。為著作佐郎。言兵財楮幣權不可分。又言取士之法。詞學不當去宏。博字混補不如復待補之便。為著作。為考功員外。所陳皆切於時務。及為言官。帝獎諭曰。以卿純實不欺。故此親權。宜悉心以告。漢弼以臺綱久弛。疏三事。曰。定規撫。正體統。遠謀慮。首論給事中錢相巧於迎合。睥睨政地。直學士院。吳愈不稱其職。罷去之。又劾中書舍人漢

斗南。左正言葉賁。疏留中不出。賁松陽人。為時相。史嵩之腹心。有使賁互按者。明日賁有他命。而漢弼由是去國。嵩之久擅國柄。帝益患苦之。既復。以左司諫召。首贊帝分別邪正。以息眾疑。奏疏論立聖心。正君道。謹事機。伸士氣。收人才。五事。帝嘉其言。併付外行之。及為侍御史。密奏曰。自古未有一日無宰相之朝。今虛相位已三月。尚可狐疑而不斷乎。願奮發英斷。拔去陰邪。庶可轉危而安。

否則是非不兩立。邪正不並進。陛下雖欲收召善類。不可得矣。臣聞富弼之起復。止於五請。蔣芾之起復。止於三請。今嵩之既六請矣。願聽其終喪。亟選賢臣。

早定相位。帝覽納。遂決。乃命范鍾杜範並相。百官舉劾。相慶漢弼之力為多。又累章言。金淵鄭起潛。陳一薦。謝達韓祥。濮斗南。王德明。皆嗜昔託身私門。為之腹心。盤據要路。公論之所切齒者。至論馬光祖奪情。總賦淮東。乃嵩之預為引例之地。乞勒令追服終喪。以補名教。帝嘗屬漢弼以進人才。退而條具以奏。皆時望所歸重。漢弼以受知特異。而姦邪未盡屏汰。論議未能堅定。為慮。遂感末疾。居亡何。遂卒。特贈四官。未幾。賜官田五百畝。楮五千緡。給其家。諡曰忠。漢弼之沒也。太學生蔡德潤等百七十有三人。伏闕上書。以為暴卒。而程公許著漢弼墓銘。亦與徐元杰並言其旨微矣。

論曰。唐張九齡。姜公輔。宋余靖。皆出於嶺嶠之南。而為名世公卿。造物者曷嘗擇地而生賢哉。先王立賢無方。蓋為是也。番禺崔與之。晚出。屹然大臣之風。卒與三子者。方駕齊驅。洪咨夔許奕。直道正言於理宗在位之日。陳居仁見稱循吏。親結主知。劉漢弼抱忠以死。哀哉。

宋史卷四百六

元中書右丞相總裁脫脫等修

列傳第一百六十六

杜範 楊簡 錢時 張處 呂午 于抗

杜範字成之黃巖人少從其從祖熾知仁游從祖受學朱熹至範益著嘉定元年舉進士調金壇尉再調婺州司法紹定三年主管戶部架閣文字六年遷大理司直端平元年改授軍器監丞明年入對言陛下親覽大政兩年于茲今不惟未覩更新之效而或者乃有浸不如舊之憂夫致弊必有原救弊必有本積三四十十年之蠹習浸漬薰染日深日腐有不可勝救者其原不過私之一字耳陛下固宜懲其弊原使私意淨盡顧以天位之重而或藏其私憾天命有德而或濫於私予天討有罪而或制於私情左右近習之言或瀾於私聽土木無益之工或侈於私費隆禮貌以尊賢而用之未盡溫辭色以納諫而行之惟艱此陛下之私有未去也和衷之美不著同列之意不孚紙尾押救事不預知同堂決事莫相可否集議盈庭而施行決於私見諸賢在列而密計定於私門此大臣之私有未去也君相之私容有未去則教條之頒徒爲虛文近者召用名儒發明格物致知誠意正心之學有好議論者乃從而詆訾訕笑之陛下一惑其言即有厭棄儒學之意此正賢不肯進退之機天下安危所係願以其講明見之施行改秘書郎尋拜監察御史奏曩者權臣所用臺諫必其私人約言已堅而後出命其所彈擊悉承風旨是以紀綱蕩然風俗大壞陛下親政首用洪咨夔王遂痛矯宿弊斥去奸邪然廟堂之上奉制尙多言及貴近或委曲回護而先行巧祠之請事有掣肘或彼此調停而卒收論罪之章亦有彈墨尙新而已頌除目沙汰未幾而旋得美官自是臺諫風采昔之振揚者日以饒朝廷紀綱昔之漸起者日以壞理宗深然之又奏九江守何炳年老不足備風寒事變不行範再奏曰一守臣之未罷其事小臺諫之言不行其事大阻臺諫之言猶可也至於陛下之旨匿而不行此豈勵精親政之時所宜有哉丞相鄭清之見之大怒五上章巧去有危機將發朋比禍作之語且謂範順承風旨粉飾擠陷範

遠自劾言宰相之與臺諫官有尊卑而事關一體但當同心爲國豈容以私而害公行之者宰相言之者臺諫行之者豈盡合於事宜言之者或未免於攻訐清明之朝此特常事古者大臣欲扶持紀綱故必崇獎臺諫聞有因言而待罪者矣未聞有諱言而含怒者也曩者柄臣所用臺諫必其私人陛下更新庶政而臺諫皆出於親擢若廟堂不欲臣言其親故鉗其口奪其氣則與曩者之用人何以異不知所謂承順風旨者何人粉飾擠陷者何事乞檢臣前奏賜之罷黜以從臣退安田里之欲時清之妄邀邊功用師河洛兵民死者十數萬資糧器甲悉委於敵邊境騷然中外大困範率合臺諫其事併言制閫之詐謀罔上是凡侍從近臣之不令時望者監司郡守之貪暴害民者皆以次論斥清之愈忌之改太常少卿轉對言今日之病莫大於賄賂交結之風名譽已墜者買左右之譽以固寵宦遊未達者惟梯級之求以進身邊方帥臣黃金不行於反間而以探刺朝廷厚賜不優於士卒而以交通勢要以致賞罰顛倒威令慢褻罪貶者拒命而不行棄城者巧計以求免提援兵者召亂而肆掠當重任者怙勢而奪攘下至禁放驕悍難制監軍羣聚相剋劫欲望陛下毋以小恩廢大誼毋以私情撓公法嚴制官掖不使片言得以入於閫禁約閹宦不使讒詔得以售其姦範自入臺屢巧祠至是復五上歸田之請皆不允遷秘書監兼崇政殿說書大元兵徇江陵範乞屯兵蘄黃以防窺江且令沿江帥臣兼江淮制置大使以重其權令淮西帥臣急調兵撥糧以援江陵拜殿中侍御史辭不獲乃因講筵奏臣嘗冒耳目之寄輒忤宰相至煩陛下委曲調護今又使居向者負芒之地豈以臣絕私比而其言猶有可取耶抑以臣巽懦之質易於調護而姑使之備數耶昔人主之於諍臣非樂而聽之即勉而從之否則踈而遠之未聞有不用其言而復用其人者陛下自端平親政以來召用正人以振臺綱未幾而有委曲調護之弊其所彈擊或牽制而不行其所斥逐復因緣以求進臣於入臺之初固已力言之不惟不之革而其弊滋甚甚至節貼而文理不全易寫而臺印無有中書不敢執奏見者爲之致疑不意聖明之時其弊一至於此陛下以其言之不可用又從而超遷之則是臺諫之官專爲仕途之捷徑陛下但

如崇獎臺諫為威德，而不知阻抑直言之為弊政，則陛下外有好諫之名，內有拒諫之實。天下豈有虛可以蓋實哉？範始以不得其言不去為恨，至是遂極言臺諫失職之弊。時襄蜀俱壞，江陵孤危，兩浙震恐，復言清之橫啓邊釁，幾危宗祀。及其子招權納賄，貪冒無厭，盜用朝廷錢帛，以易貨外國，且有實狀，併言簽書樞密院事李鳴復與史寅午彭大雅以賄交結，曲為之地。鳴復既不恤父母之邦，亦何有陛下之社稷？帝以清之潛鄙舊臣，鳴復未見大罪，未即行。範亦不入臺，帝促之，範奏：鳴復不去，則臣去。安敢入經筵，方再奏之，鳴復抗疏自辨，言臺臣論臣，不知所指何事，豈以臣嘗主和議耶？幸未斥退，則安國家利社稷，死生以之，否則無家可歸，惟有扁舟五湖耳。範又極言其寡廉鮮恥，既而合臺劾之。太學諸生亦上書交攻之，鳴復將出關，帝又遣使召回。範復與合臺奏：鳴復為宰執，所交惟史寅午彭大雅此等，相與陰謀，不過賂近習，蒙上聽，以陰圖相位。臣近見自辨之章，見其交關邊臣以啓嫌隙，妄言和戰，以肆脅持，且以蜀既破蕩，而欲泛舟五湖，又以安國家利社稷自任，不知鳴復久居政府，今又有何安利之策，欺君罔上，無所不至，如臣等言是，即乞行之。所言若非，早賜罷斥。改起居郎，範奏：臣論鳴復，未見施行，忽拜左史之命，則是所言不當，姑示優遷。臣前者嘗奏臺諫，但為仕途之捷徑，初無益朝廷之紀綱，躬言之，躬蹈之，臣之罪大矣。即渡江而歸，授江東提點刑獄，尋改浙西提點刑獄，範力辭之，而鳴復亦出守越。嘉興二年，差知寧國府，明年至郡，適大旱，範即以便宜發常平粟，又勸寓公富人，有積粟者發之，民賴以安。始至倉庫，多空，米餘十萬斛，錢亦數萬緡，悉以代輸下戶糧。兩淮饑，民渡江者多剽掠，其首張世顯尤勇悍，擁眾三千餘人，至城外，範遣人犒之，俾勿擾，以俟處分。世顯乃陰有窺城之意，範以計擒斬之。給其衆使歸。四年，還朝，首言旱暵荐臻，人無粒食，楮券猥輕，物價騰踊，行都之內，氣象蕭條。左浙近輔，殍死盈道，流民充斥，未聞安輯之政，剽掠成風，已開弄兵之萌。是內憂既迫矣，新與北兵乘勝而奪關，中原羣盜假名而崛起，擣我巴蜀，據我荆襄，擾我淮境，近又由夔峽以瞰鼎澧，疆場之臣，肆為欺蔽，勝則張皇而言功，敗則掩覆而不言，脫使乘上流之無備，為飲馬長江之謀，其誰與

捍之，是外患既深矣。人主上所事者天，下所恃者民。近者天文示變，妖孽吐芒，方冬而雷，既春而雪，海潮衝突於都城，赤地幾徧於畿甸，是不得乎天而天已怒矣。人死於干戈，死於饑饉，父子相棄，夫婦不相保，怨氣盈腹，謗言載路，等死一朝，何所不至，是不得乎民而民已怨矣。內憂外患之交，至天人心之俱失，陛下能與二三大臣安居於天下之上乎？陛下亦嘗思所以致此否乎？蓋自曩者權相陽進妻婦之小忠，陰竊君人之大柄，以聲色玩好內蠱陛下之心術，而廢置生殺一切，惟其意之所欲為，以致紀綱陵夷，風俗頹靡，軍政不修，而邊備廢缺。凡今日之內憂外患，皆權相三十年釀成之。如養護癰疽，待時而決耳。端平號為更化，而居相位者非其人，無能改於其舊，敗壞行穢，殆有甚焉。自是聖意惶惑，莫知所倚仗，方且不以彼為讎，而以為德，不以彼為罪，而以為功。於是天之望於陛下者孤，而變怪見矣。人之望於陛下者缺，而怨叛形矣。陛下敬天有圖，旨酒有箴，緝熙有記，使持此一念，振起傾頹，宜無難者。然聞之道路，謂嘗懼之意，祇見於外朝視政之頃，而好樂之私，多縱於內廷燕褻之際，名為任賢，而左右近習或得而潛間，政出於中書，而御筆特奏或從而中出。左道之蠱惑私親之請託，蒙蔽陛下之聰明，轉移陛下之心術，於是範去國四載矣，帝撫勞備至，遷權吏部侍郎，兼侍講，以久旱復言。陛下嗣膺寶位，餘二十年，災異譴告無歲無之，至于今而益甚。陛下求所以應天者，將止於減膳徹樂分禱羣祀而已乎？抑當外此而反求諸躬乎？夫不務反躬悔過，而徒觀天怒之釋，天下寧有是理？欲望陛下下一洒舊習，以新天下，出宮女以遠聲色，斥近習以防蔽欺，省浮費以給國用，薄征斂以寬民力，且儲貳未立，國本尚虛，乞選宗姓之賢者，育之宮中，而教導之。又言：銓法之壞，廟堂既有堂除，復時取部缺以徇人情。士大夫既陷臧濫，乃間以不經推勘而改正，凡此皆徇私忘公之害。未幾復上疏曰：天災旱暵，昔固有之，而倉廩匱竭，月支不繼，升粟一千，其增未已。富戶淪落，十室九空，此又昔之所無也。甚而閩門饑死，相率投江，里巷聚首，以議執政軍伍諱語，所不忍聞。此何等氣象，而見於京城眾大之區，浙西稻米所聚，而赤地千里，淮民流離，襁負相屬，欲歸無所，奄奄待盡，使邊塵不起，尚可相依苟活，萬一敵

騎衝突，彼必奔迸南來，或相攜從敵，因爲之擲，導巴蜀之覆轍可鑑也。竊意陛下宵旰憂懼，寧處弗遠，然宮中寡賜，未聞有所貶損，左右嬖嬖，未聞有所放遺，貂璫近習，未聞有所斥遠，女冠請謁，未聞有所屏絕，朝廷政事，未聞有所修飭，庶府積蠹，未聞有所搜革，秉國鈞者，惟私情之徇，主道揆者，惟法守之侵，國家大政，則相持而不決，司存細務，則出意而輒行，命令朝更而夕變，紀綱蕩廢而不存，無一事之不弊，無一弊之不極，陛下亦震懼自省，詔中外臣庶，思當今急務，如河道未通，軍餉若何而可運，浙右旱歉，荒政若何而可行，財計空匱，糴本若何而可足，流徙失所，遣使若何而可定，敵情叵測，邊圉若何而可固，各務悉力盡思，以陳持危制變之策，拜吏部侍郎，兼中書舍人，復極言宴賜不節，修造不時，玩寇縱欲，數事兼權，兵部尚書，改禮部尚書，兼中書舍人，淳祐二年，擢同簽書樞密院事，範既入都堂，凡行事有得失，除授有是非，悉抗言無隱情，丞相史嵩之外，示寬容，內實忌之，四年，遷同知樞密院事，以李鳴復參知政事，範不屑與鳴復共政，去之，帝遣中使召回，且敕諸城門不得出範，太學諸生亦上書留範，而斥鳴復，并斥嵩之，嵩之令諫議大夫留晉之等論範及鳴復，範遂行，會嵩之遭喪，謀起復不果，於是拜範右丞相，範以遜游侶，不許，遂力疾入覲，帝親書開誠心布公道集衆思廣忠益賜之，範上五事曰：正治本，謂政事當常出於中書，毋使旁蹊，得竊威福，曰肅宮闈，謂當嚴內外之限，使官府一體，曰擇人才，謂當隨其所長用之，而久於職，毋徒守遷轉之常格，曰惜名器，謂如文臣貼職，武臣閣衛，不當爲徇私市恩之地，曰節財用，謂當自人主一身始，自宮掖始，自貴近始，考封樁國用出入之數，而補窒其罅漏，求鹽筴楮幣變更之目，而斟酌其利害，仍乞早定國本，以繫人心，時親王近戚，多求降恩澤，引前朝杜衍例，範皆封還，乞撥堂除闕歸之吏部，以清中書之務，惟留書庫架閣京教及要地幹官，人皆以爲不便，太學生亦上書言之，帝以示範，範奏曰：三十四年，權臣柄國，以公朝爵祿而市私恩，取吏部之闕以歸堂除，太學諸生亦習於見聞，乃以近年之弊政爲祖宗之成法，如以臣言爲是，上下堅守，則諛者必多而謗者息矣，未幾，赴選調者無淹滯，合資格者得美闕，衆始服帝命，宰執各條當今利病

與政事可行者，範上十二事，曰：公用捨，願進退人才，悉參以國人之論，則乘罅抵巇者無所投其間，曰：儲材能，內而朝列，則儲宰執於侍從，臺諫備侍從，臺諫於卿監，即官外而守帥，則以江面之通判爲幕府，郡守之儲，以江面之郡守爲帥，聞之儲，他職皆然，如是則臨時無乏才之憂，曰：嚴薦舉，宜詔中外之臣，凡薦舉必明著職業功狀事實，不許止爲褒詞，朝廷籍記，不如所舉，並罰舉主，仍詔侍從臺諫，不許與人寬舉，曰：懲臧貪，自今有以臧罪案上，即行下勘，證果有臧敗，必繩以祖宗之法，無實跡而監司妄以臧罪誣人者，亦量行責罰，臺諫風聞言及臧罪，亦行下勘，證曰：專職任，吏部不可兼給舍，京尹不可兼戶吏，經筵亦必專官，曰：久任使，內而財賦，獄訟，銓選，與其他煩劇之職，必三年而後遷，外而監司郡守，亦必使之再任，其不能者，則亟行罷斥，曰：抵僥倖，布告中外，各務執業，朝廷不以弊例而過恩，宮庭不以私謁而廢法，勳舊之家，邸第之戚，不以名器而輕假，曰：重閩寄，曰：選軍實，曰：招土豪，曰：宜倣祖宗方田之制，疏爲溝洫，縱橫經緯，各相灌注，以擊溝之土，積而爲徑，使不得並轡而馳，結陣而前，如曹瑋守陝西之制，則戎馬之來，所至皆有阻限，而溝之內，又可以耕屯，勝於陸地多矣，曰：治邊理財，實爲當今急務，有明於治邊，善於理財者，搜訪以聞，時孟珙權重，兵久居上流，朝廷素疑其難制，至是以書來質，範復之曰：古人謂將相調和，則士豫附，自此但相與同心，徇國若以術相籠架，非範所屑爲也，珙大感服，未幾，大元軍大入五河，絕中流，置管柵，且以重兵綴合肥，令不得相援，爲必取壽春之計，範命惟揚鄂渚二帥各調兵東西來應，卒以捷聞，範記功行賞，莫不曲當，軍士皆悅，未幾卒，贈少傅，諡清獻，其所著述，有古律詩歌詞五卷，雜文六卷，奏藁十卷，外制三卷，進故事五卷，經筵講義三卷。

揚簡字敬仲，慈溪人，乾道五年，舉進士，授富陽主簿，會陸九淵道過富陽，問答有所契，遂定師弟子之禮，富陽民多服買而不知學，簡與學養士，文風益振，爲紹興府司理，行獄必親臨，端默以聽，使自吐露，越陪都臺府鼎立，簡中平無頗，惟理之從，一府史觸怒，帥令鞠之，簡白無罪，命鞠平曰：簡曰：吏過詎能免，今日實無罪，必擯往事置之法，某不敢奉命，帥大怒，簡取告身納之，爭愈力，常平使

者朱熹薦之先是丞相史浩亦以簡薦差浙西撫幹白尹張杓宜因凶歲戒不虞乃令簡督三將兵接以恩信出諸葛亮正兵法肄習之軍政大修衆大和悅改知歙縣丁外艱服除知樂平縣與學訓士諸生聞其言有泣下者楊石二少年爲民害簡寘獄中論以禍福咸感悟願自贖由是邑人以訟爲恥夜無盜警路不拾遺紹熙五年召爲國子博士二少年大帥縣民隨出境外呼曰楊父會斥丞相趙汝愚祭酒李祥抗章辨之簡上書言昨者危急軍民將潰亂社稷將傾危陛下所親見汝愚冒萬死易危爲安人情安定汝愚之忠陛下所心知不必深辨臣爲祭酒屬日以義訓諸生若見利忘義畏害忘義臣恥之未幾亦遭斥主管崇道觀再任轉朝奉郎嘉泰四年賜緋衣銀魚朝散郎權發遣全州以言罷主管仙都觀嘉定元年寧宗更化授秘書郎轉朝請郎遷秘書省著作佐郎兼權兵部郎官轉對極言經國之要弭災厲消禍變之道北境傳誦爲之涕泣詔以旱蝗求直言簡上封事言旱蝗根本近在人心兼考功郎官兼禮部郎官授著作郎將作少監入對答問往復漏過八刻上目送久之兼國史院編修官兼實錄院檢討官以面對所陳未行求外補知温州移文首罷妓籍尊敬賢士私讎五百爲羣過境內分司幹官檄永嘉尉及水砦兵捕之巡尉不白郡簡驚曰是可輕動乎萬一召亂貽朝廷憂兵之節制在郡將違節制是不嚴天子命違節制應斬建旗立巡尉庭下召劊手兩行夾立郡官感服立西序數其罪命斬之郡官交進爲致悔罪意良久得釋奏罷分司其紀律如此寓官置民田負其直簡追其隸責之而賞所負勢家第宅障官河即日撤之城中謹誦名楊公河帝遣使至郡譏察使於簡爲先世契出郊迎不敢當從間道走州入客位簡聞之不敢入往來傳送數四乃驅車反將降半使者趨出立戟門外簡亦趨出立使者外頓首言曰天使也某不敢不肅使者曰契家子禮有常尊簡曰某守臣使者銜天子命辱臨敝邑天使也某不敢不肅遂從西翼僭進禮北面東上簡行則常西步則後及階莫敢升已乃同升自西階足踰殿莫敢就主席使者曰邦君之庭也禮有常尊簡曰春秋王人雖微例書大國之上尊天子也況今天子乎持之益堅使者辭益力如是數刻使者知不可變乃曰某不敏敢不

敬承執事尊天子之義即揖而出既就館簡乃以賓禮見儀典曠絕邦人創見之莫不瞿然竦觀屏息立簡在郡廉儉自將奉養菲薄常曰吾敢以赤子膏血自肥乎閭巷雍睦無忿爭聲民愛之如父母咸畫象事之遷駕部員外郎老稚扶擁緣道傾城哭送入對言盡掃喜順惡逆之私情善政盡舉弊政盡除民怨自銷禍亂不作改工部員外郎轉對又以擇賢久任爲言遷軍器監兼工部郎官轉朝奉大夫又遷將作監兼國史院編修官兼實錄院檢討官轉朝散大夫金人大饑來歸者日以數千萬計邊吏臨淮水射之簡戚然曰得土地易得人金難薄海內外皆吾赤子中土故民出塗炭投慈父母顧斬斗粟而迎殺之斷脫死乃速得死豈相上帝綏四方之道哉即日奏哀痛言之不報會有疾請去益力乃以直寶謨閣主管玉局觀升直寶文閣主管明道宮祕閣修撰主管千秋鴻禧觀特授朝請大夫右文殿修撰主管鴻慶宮賜紫衣金魚進寶謨閣待制提舉鴻慶宮賜金帶理宗卽位進寶謨閣直學士賜金帶寶慶元年轉朝議大夫慈溪縣男尋授華文閣直學士提舉佑神觀奉朝請詔入見簡屢辭授敷文閣直學士累加中大夫乃提舉鴻慶宮尋以寶謨閣學士太中大夫致仕卒贈正奉大夫簡所著有甲稟乙稟冠記昏記喪禮家記家祭記釋菜禮記石魚家記又有已易啓蔽等書其論治務最急者五其次八一日謹擇左右大臣近臣小臣二日擇賢以久任中外之官三日罷科舉而行鄉舉里選四日罷設法道淫五日治伍法修諸葛武侯之正兵以備不虞其次急者有八一日募兵屯田以省養兵之費二日限民田以漸復井田三日罷妓籍從良四日漸罷和買折帛暨諸無名之賦及權酷而禁羣飲五日擇賢士教之大學教成使分掌諸州之學又使各擇井里之士聚而教之教成使各分掌其邑里之學六日取周禮及古書會講熟諳其可行於世者行之七日禁淫樂八日修書以削邪說此簡之志也後咸淳間制置使劉黻卽其居作慈湖書院門人錢時時字子是淳安人幼奇偉不羣讀書不爲世儒之習以易冠漕司既而絕意科舉究明理學江東提刑袁甫作象山書院招主講席學者興起政事多所裨益郡守及新安紹興守皆厚禮延請開講郡庠其學大抵發明人心論議宏偉指

擁痛快聞者皆有得焉。丞相喬行簡知其賢，特薦之朝。且曰：時風負才識，尤通世務。田里之休戚利病，當世之是非得失，莫不詳究而熟知之。不但通詩書守陳言而已。授秘閣校勘，詔守臣以時所著書來上。未幾，出佐浙東倉幕。太史李心傳奏召史館檢閱，轉對數陳剴切，皆聖賢之精微，旋以國史宏綱未畢求去。授江東帥屬歸，其書有周易釋傳，尚書演義，學詩管見，春秋大旨，四書管見，兩漢筆記，蜀阜集，冠昏記，百行冠冕集，寶祐問，守季鏞祠干學。

張處，字子安，慈溪人。慶元二年進士，故事潛邸進士升名，處不以其陳授州教授，爲浙東帥屬，帥督新昌舊通，處手書諫曰：越人之瘠，宜咻噢撫摩之。今夏稅當寬爲之，期使田里久饑之甦，少還已耗之氣血，尙可理舊逋耶。力辭不行。主管戶部架閣文字，改太學正，時新進者多選小才，害大體，轉對言：立國有大經，人主當以靜制天下之動，今日之治，或有鄰於鏗薄，而勝人心傷國體者，宜有以革之。使祖宗之意常如一日，可也。帝加納焉。遷太常博士，又遷國子博士，時金垂土，因論自治之道，謂天下之治，必有根本，城郭所以禦敵也，使溝塹有轉徙之民，則何敵之能禦，諸將所以備患也，使枵腹盼盼不得食，則何患之能備。今日之吏，能知守邊之務者多，而能明立國之意者少。繕城郭，聚米粟，恃此而不恤乎民，則其策下矣。時以旱求言，卽上疏曰：上天之心，卽我祖宗之心，數年以來，蓋有爲祖宗所不敢爲者。凡祖宗之時，幾舉而不遂，已行而復廢，始以人言而從，終以國體而回者，今皆處之以不疑矣。凡祖宗長慮卻顧，所以銷惡運，遏亂原，就就相與守之者，皆變於目前利便快意之謀矣。議者惟知衰廢之俗，不可不振起也，圯壞之風，不可不整刷也，抑不知振起整刷之術，最難施於衰靡圯壞之後。何者，元氣已傷而不可再擾，人心方蘇而不可駭動也。且造楮初欲便民，朝廷旣以一切之政賦其聽，復以一定之價迫之從，郡縣之間，遂騷然矣。監司郡守老成遲鈍者，悉屏而不用，而取夫新進喜功名者爲之，見事則風生，臨事則痛決，事未果集而根本已陵，國未有益而民生已困矣。凡此皆有累於祖宗仁厚之德，此旱勢之所以彌甚也。遷國子監丞，轉對，願力主正論，勿使迎合之人，得以投音機，遷祕書郎，預編寧宗會要，兼吳益王府教授，改兼莊文

府，諱毛詩終篇，乞以所讀諸子改讀尙書。帝曰：吾固以詩書成黜趾之美也。遷著作佐郎，兼權都官郎官，轉對，言邊事有二病，戒敷千條，猶患悻悻，指意明白，猶復背違，安有不示其所向，而謂可責其成。且言戰則當知彼，言和則當請於彼，惟守則自求諸己而已。儻以爲可，則當力主其說，明告天下，日講求其所以守之之策，蓋議論貴合一，而今則病乎雜也。用人不可以嘗試，任人不可以自疑，朝廷惟慮獨任之難勝，彼此五分，不相扶持，人得抗衡，莫有衷屬，制置但存虛器，便宜反出多門，蓋體貴合一，而今則病乎分也。遷祕書丞，改著作郎，以疾乞外，出知南康，至郡，剖決滯訟，衆皆悅服。前守陳宏以錢七千緡置濟民庫爲築城費，處至曰：不必取贏於民，吾捐萬緡爲倡，繼是儻不已，何患事之難成。轉運使以錢萬二千緡置平糶於郡，處復出錢萬二千緡以增益之，民賴其利，將增建禁旅，營地屬民者，索資劑視元直償之。徙知處州，移知温州，力辭，遂直秘閣，主管千秋鴻禧觀，參議制置使幕中，使者尙威力，懷諫自用，處守正不阿，每濟以寬大。又上書論海防利便，主管玉局觀，瑞平初，召爲國子司業，兼侍講，以禮記月令進讀，至獄訟必端平之語，因敷暢厥旨，入陵來復，將議修奉，而論者未能協一，處議曰：當乘此時，遣官肅清威儀，申祗奉故事，如或爲其所給，功未卽就，亦足以感動天下忠臣義士之心。力辭勸講之職，升國子祭酒，以爲月令之書，雖出於呂不韋，然人主後天而奉天時，此書不爲無助，乃因已講者爲十卷，乞按月而觀之，兼權工部侍郎，兼國子祭酒，命下而卒，詔贈四官。

呂午，字伯可，歙縣人。嘉定四年進士，授爲程主簿，郡守致之幕下，事一決於午。守張忠恕，丞相凌之孫，薦午猶力，時忠恕之母就養，而時時躬至，簿聽迎午，二親入郡，與午皆衣綠衣，奉觴上壽，邦人榮之。調當塗縣丞，守吳柔勝謂午有操守，俾其子淵潛定交焉。會司理樞蕪湖縣，廬州遣兩兵會公事，司理遂以廬兵奪縣民爲言，柔勝怒，悉寘獄屬午問之。午謂廬州有公積，不可謂奪民，柔勝愈怒，再以屬午。明日午入謁，柔勝先令左右問若何，午執前說，柔勝益加怒，謂我不忍廬兵奪吾百姓，不出迎午。午坐客位，不退，不食，柔勝勉爲出，怒不息，欲駭二兵，午徐曰：廬州初無公積，則可有則縣不爲處置，而反罪廬兵，恐不可久之。

卒從午請。由是柔勝益知午。陳貴誼守太平。屬午安集淮南流民。江東提舉徐僑知午在郡。驚喜辟為幕屬。午欲盡決遣郡事而後行。帖趣行至十八。而不以白貴誼。僑貽書貴誼。午始行。既而僑行部。以田事近丞相。彌遠。以言罷。午還當塗。監温州天宮北監鹽場。改知餘杭縣。亦以言罷。公論大不平。然午自此名益重。浙東提舉章良朋留之幕。旋兼沿海制置司事。海寇未平。良朋問策安在。午廉知調軍出海。糧盡即還。軍獲寇物。官盡拘收。乃與制置司幹官施一飛議。糧盡再給。不許擅還。賊舟所有。悉以給軍。海道遂清。差知龍陽縣。豪民陶守忠殺人。正其獄。誅之。彌遠雖非賢相。猶置人才簿。書賢士大夫以待用。而午治縣之政亦書之。差兩浙轉運司主管文字。彌遠病久不見客。午入謁。特出迎。運使罷。故不用人。以午護印半年。或問彌遠何以不注官。彌遠曰。爾謂護印官不能耶。午聞之力辭。差監三省樞密院門。兼監提轄封樁上庫。丁父憂。免喪。遷大府寺簿。拜監察御史。帝親擢也。鄭清之喪師。至是。丁黼死於成都。史嵩之孟珙在京湖。嵩之尋升督府。陳韓杜杲在淮西。王鑑在黃州。計用兵十七萬人。圍始解。獨周葵在淮東不受兵。而坐視不出兵。應援。午疏論邊關角立。當協心釋嫌。而乃幸災樂禍。無同舟共濟之心。葵以為午黨京湖制司。而嵩之亦憾午。乃遷宗正少卿。兼國史院編修官。實錄院檢討官。出知泉州。初。左丞相李宗勉深以葵之言為疑。會來自淮東者。乃言臺官皆以葵交書。獨呂御史無之。宗勉始以午為賢。語人曰。呂伯可獨立無黨者。嵩之得彌遠人才簿。心知敬午。而內怨所論邊事。及午移浙東。提刑嵩之令鄧咏。咏復亨論罷。中外不直嵩之。提舉崇禧觀。再移浙東。提刑復為監察御史。入見。帝曰。卿向來議論甚明切。兼崇政殿說書。嵩之雅不欲午在經筵。時殿中侍御史項容孫子娶午從子。嵩之俾容孫上疏避午。欲撼之去。而於法無避。嵩之乃與言路密謀。以為午嘗劾王瓚。姻家史洽。遂以瓚為右正言。午即治裝去。上手詔趣留之。午力辭不允。由是再留。而議論愈不合。遷起居郎。兼史院官。官至中奉大夫。間居一紀。卒。年七十有七。累贈至華文閣學士。通奉大夫。子沆。

沆字叔朝。以恩補將仕郎。端平三年。銓試第一。授黃巖縣主簿。監西京中獄。廟

者二。總領湖廣江西京西財賦。所準備差遣。改知於潛縣。重囚逸。聞沆至。自歸。淮西總領辟充主管文字。通判婺州。朱君章訟爭田四十有二年。吳王府爭墓二十有九年。沆皆決之。特差充提領兩浙轉運鹽事使司主管文字。又差充行在點檢贍軍激賞酒庫。歷四轄六院之文思官。告書擬尚左右郎官。事實似道議行。公田。彗星見。沆請罷公田。還民。及理宗崩。似道矯詔廢十七界會子。行關子。沆力言非便。似道大怒。調將作監簿。急令言者論廢久之。與雲臺觀。起知與國軍。未赴。論仍雲臺觀。起知全州。未赴。與仙都官。德佑元年。三學伏闕上書。訟沆屈。召赴行在。沆不復出。卒。年八十有一。

論曰。杜範在下僚。已有公輔之望。及入相。未久而沒。楊簡之學。非世儒所能及。施諸有政。使人百世而不能忘。然雖享高年。不究於用。豈不重可惜也哉。張處子諒。易直。呂午風采凜然。皆有裨於世道者矣。

宋史卷四百七

沆字叔朝。以恩補將仕郎。端平三年。銓試第一。授黃巖縣主簿。監西京中獄。廟

者二。總領湖廣江西京西財賦。所準備差遣。改知於潛縣。重囚逸。聞沆至。自歸。淮西總領辟充主管文字。通判婺州。朱君章訟爭田四十有二年。吳王府爭墓二十有九年。沆皆決之。特差充提領兩浙轉運鹽事使司主管文字。又差充行在點檢贍軍激賞酒庫。歷四轄六院之文思官。告書擬尚左右郎官。事實似道議行。公田。彗星見。沆請罷公田。還民。及理宗崩。似道矯詔廢十七界會子。行關子。沆力言非便。似道大怒。調將作監簿。急令言者論廢久之。與雲臺觀。起知與國軍。未赴。論仍雲臺觀。起知全州。未赴。與仙都官。德佑元年。三學伏闕上書。訟沆屈。召赴行在。沆不復出。卒。年八十有一。

宋史卷四百七考證

楊簡傳陸九淵道過富陽問答有所契遂定師弟子之禮○臣宗楷按象山集象山過富陽夜集雙明閣數提本心二字因問如何是本心陸曰側隱之心仁之端也只此是本心簡曰兒時已曉此語畢竟如何象山終不易其說次日有一齋廡者訟至庭簡斷其曲直訖又問象山曰邇來斷廡訟是者知其為是非者知其為非此即君之本心簡忽大省揖而歸拱坐達旦質明北面執弟子禮終身師事焉

宋史卷四百七考證

Blank space for text.

元中書右丞相總裁脫脫等修

列傳第一百六十七

吳昌裔 汪綱 陳宓 王震

吳昌裔字季永中江人蚤孤與兄泳痛自植立不肯逐時好得程頤張載朱熹諸書輒研繹不倦嘉定七年舉進士聞漢陽守黃榦得熹之學往從之調閩中尉利路轉運使曹彥約聞其賢俾司糴場時歲饑議糴上流昌裔請發本倉所儲數萬而徐糴以償從之調眉州教授眉士故尚蘇軾學昌裔取諸經為之講說祠周惇頤及頤頤戴熹揭白鹿洞學規做涪州釋奠儀正祭器士習不變制置使崔與之薦之改知華陽縣修學宮來四方士斥羨錢二十萬緡買良田備旱通判眉州著苦言十篇慮蜀甚悉攝郡事御軍有紀律尋權漢州故事比攝官泰饋皆如真昌裔命削其半核兵籍與社倉郡政畢舉與元帥趙彥呐議東納武仙西結秦鞏人莫敢言昌裔獨奮筆力辨其非未幾武仙敗二州之民果叛瑞平元年入為軍器監簿改將作監簿改太常少卿徐倫於人少許可獨賢之兼皇后宅教授昌裔以祖宗舊典無以職事官充者力辭改吳益王府教授轉對首陳六事其目曰天理未純天德未健天命未救天工未亮天職未治天討未公凡君臣之綱兄弟之倫舉世以為大戒而不敢言者皆痛陳之至於邊臣玩令陟罰無章尤拳拳焉拜監察御史彈劾無所避且曰今之朝綱果無所撓乎言及親故則為之留中言及私昵則為之訖了事有窒礙則節帖付出情有嫌疑則調停緩行今日遷一人曰存近臣之體明日遷一人曰為遠臣之勸屈風憲之精采徇人情之去留士氣銷墮下情壅滯非所以糾正官衷助國脈也臺臣故事季詣獄點檢時有爭常州田萬四千畝平江亦數百畝株連百餘人視其牘乃趙善湘之子汝樞汝梓也州縣不敢決昌裔連疏劾罷之冬游雷春大雨雪昌裔居齋宮秉燭草疏凡上躬缺失宮庭壁私廟堂除授皆以為言又言將帥方命女寵私謁舊黨之用邊疆之禍皆此陰類且曰今大昕坐朝間有時不視事之文私第謁假或有不入堂之報上有耽樂愒逸之漸下無

協恭和衷之風內則壁御懷私為君心之蠹外則子弟稟謹為朝政之累遊言訪軍實儲帥才時有果閩州守臣逃遁而進職有知遂寧李煒父子足迹不至邊庭而受賞價軍之趙楷棄城之朱揚祖皆不加罰又帥臣趙彥呐年老智衰其子淫刑贖貨士卒不用命安癸仲恥遭檠桿經營復用欲起謫籍以代帥垣昌裔皆抗疏彈擊又歷言三邊之事曰今朝廷之上百弊晏然言論多於施行浮文妨於實務后族王宮之冗費列曹坐局之常程羣王閑慢之差除諸道非泛之申請以至土木經營時節宴遊神霄祈禱大禮錫賚藻飾治具無異平時至於治兵足食之方修車備馬之事乃缺略不講且援靖康之敵痛哭言之出為大理少卿屢疏引去不許會杜範再入臺參奏政李鳴復謂昌裔與範等必相為謀者數讒之以權工部侍郎出參贊四川宣府司軍事人曰此李綱救太原也太原不可救特以綱主戰故出之耳昌裔曰君命也不可不亟行慷慨被出關忽得疾中道病甚帝聞之授秘閣修撰改嘉興府昌裔曰吾以疾不能歸救父母上負聖恩下負此心若舍遠就近舍危就安人其謂我何辭至四五而言者以避事論矣改贛州辭以右文殿修撰主管鴻慶宮遷浙東提刑辭改知婺州婺告旱民日夜望之乃不忍終辭減餼從供帳遣僚佐召邑令周行阡陌蠲粟八萬一千石錢二十五萬緡有奇加集英殿修撰卒以寶章閣待制致仕昌裔剛正莊重遇事敢言典章多所閉習嘗輯至和紹興諸臣奏議本末各儲鑑又會粹周漢以至宋蜀道得失興師取財之所名蜀鑑有奏議四書講義鄉約口義諸老記聞容臺議禮文集行于世初昌裔與徐清叟杜範一日並入臺皆天下正士四方想聞風采人至和三諫詩以侈之然才七閱月以遷故莫不惋惜云後謚忠肅

汪綱字仲舉歙縣人簽書樞密院勅之曾孫也以祖任入官淳熙十四年中銓試調鎮江府司戶參軍馬大同鎮京口強毅自任綱言論獨不詭隨議者欲以兩淮鐵錢交子行於沿江廷議令大同倡率行之綱貽書曰邊面行鐵錢庸銅寶洩於外耳私鑄盛行故錢輕而物重今若場務出納不以鐵錢取息堅守四

色請買舊制冶鑄定額不求餘羨重禁以戢私鑄支散邊戍與在軍中半者無異不以鐵錢準折則淮民將自便之何至以敵內郡邪大同始悟試湖南轉運司又中綱笑曰此豈足以用世澤物耶乃刻意問學博通古今精究義理軍思本原調桂陽軍平陽縣令縣連溪峒糧糈與居綱一遇以恩信科罰之審既三十年綱下車首白諸臺罷之桂陽歲買銀二萬九千餘兩而平陽當其三分之一綱謂向者銀礦全發價輕故可勉以應今地寶已竭市於他郡其價倍蓰願力請痛蠲損之歲饑旁邑有曹伍者羣聚惡少入境強貸發屨衆至千餘挾界頭牛橋二些兵爲援地盤踞萬山間前後令未嘗一涉其境不虞綱之至也相率出迎綱已夙具酒食令之曰汝何敢亂順者得食亂者就誅夜宿砦中呼砦官詰責不能防守狀皆皇恐伏地請死杖其首惡者八人發粟賑糶民賴以安改知金壇縣親嫌更弋陽縣父義和爲侍御史主管佑神觀尋丁父喪服除知蘭溪縣決擅如神歲旱郡倚辦勸分綱謂勸分所以助義倉一切行之非所謂安富恤貧也願假常平錢爲糶本使得循環迭濟又躬勸富民浚築塘堰大興水利餓者得食其力全活甚衆郡守張抑及部使者列綱爲一道荒政之冠以言去邑人相率投匭直其事綱力止之繼知太平縣主管兩浙轉運使文字未赴權內艱擢監行在左藏西庫屬金人殺其主允濟自立遣使來告襲位議者即欲遣幣綱言使名不遜當止之境上姑命左帑視例計辦或且留京口總司令盱眙諭之曰紀年名節皆犯先朝避忌歲幣乃爾前主所增今既易代當復隆與大定之舊俟此議定而後正旦生辰之使可遣遲以歲月吾擇邊將葺城堡簡軍實儲時糧糧使沿邊屹然有不可犯之勢聽其自相攻讐然後以全力制其後廟堂聽之提轄東西庫又幹辦諸司審計司以選知高郵軍陸辭言楊楚二州當各屯二萬人壯其聲勢而以高郵爲家計砦高郵三面阻水湖澤奧阻戎馬所不能騁獨西南一路直距天長無險可守乃去城六十里隨地經畫或浚溝塹或備設伏以扼其衝又慮湖可以入淮招水卒五千人造百艘列三砦以戒非常與化民田濱海昔苑仲淹築堰以障烏鹵守毛澤民置石礎函管以疏運河水勢歲久皆壞綱乃增修之部使者聞于朝增一秩提舉淮東常平

淮米越江有禁綱念淮民有警則室廬莫保歲凶則轉徙無歸豐年可以少蘇重以苛禁自分畛域豈爲民父母意哉請下金陵糶三十萬以通淮西之運京口糶五十萬以通淮東之運又言兩淮之積不可多昇潤之積不可少平江積米數百萬陳陳相因久而紅腐宜視其收貯近久取餉輦下百司諸軍江上歲餉當至京者貯之京口金陵轉漕兩淮中都諸倉亦當廣糶以補其數制置使訪綱備禦孰宜先綱言淮地自昔號財賦淵藪西有鐵冶東富魚稻足以自結淮右多山淮左多水足以自固誠能合兩淮爲一家兵財通融聲勢合一雖不假江浙之力可也祖宗盛時邊郡所儲足支十年慶曆間中山一鎮尙百八十八萬石今宜上法先朝令商放入粟近塞而算請錢貨於京師入粟拜爵守之以信則輸者必多邊儲不患不豐州郡禁兵本非供役乃就糧外郡耳今不爲戰關用乃使之共力役緩急戍守專倚大軍指日待更不安風土豈若士兵生長邊地墳墓室家人自爲守邪當精擇伉壯廣其尺籍悉隸御前軍額分孽券給以助州郡衣糧之功大率如山陽武鋒軍制則邊面不必抽江上之戍江上不必出禁關之師生券更番勞費俱息時有獻言制司廣買荒田開墾以爲營田綱以爲荒瘠之地不難辦而工力水利非久不可棄產欺官良田終不可得耗費公帑閉墾難就曷若勸民盡耕開田剛澮埋塞則官爲之助變瘠爲沃使民有餘蓄晁錯入粟之議本朝便糶之法在其中矣制司知其無益乃止淮東煮鹽之利本居天下半歲久敝滋鹽本日侵帑儲空竭貧兩總司五十餘萬亭戶二十八萬借撥於朝廷五十萬又會餉所復鹽鈔舊制弗許商人預供貼鈔錢鹽司坐是窘不能支綱快擅隱伏凡虛額無實詭爲出內飛走移易事制曲防課乃更羨既盡償所負又贏金三十萬緡爲椿辦庫以備鹽本之闕添置新竈五十所諸場悉視乾道舊額三百九十萬石通一千三百萬緡課官吏之殿最綱約已率下辭臺郡之互餽獨增場官奉以養其廉權戶部員外郎總領淮東軍馬財賦時邊面多生券山東歸附月餽錢糧以緡計增二十有三萬米以石計增六萬真楚諸州又新招萬弩手皆仰給總所而浙西鹽利積負至七十餘萬緡諸州漕運不以時至綱核名實審稽慢區畫處分餉事賴以不乏移疾乞

開得直秘閣。知婺州。改提點浙東刑獄。皆屢辭不得請。慮囚至婺。有奴挾刃欲殘其主。不遇而殺其子。滿調妄牽連。徑出斬之。釋衛囚之寃者。台盜鍾百一非共盜。尉銅賞贖申制司。綱謂治盜雖尙嚴。豈得鍛鍊傳會以成其罪邪。於是得減死。禱兩龍瑞宮。有物蜿蜒朱色。盤旋壇上者三日。綱曰。吾欲雨而已。毋爲異以惑衆。言未竟。雷兩大至。歲以大熟。進直煥章閣。知紹興府。主管浙東安撫司公事。兼提點刑獄。訪民瘼。罷行尤切。蕭山有古運河。西通錢塘。東達台明。沙漲三十餘里。舟行則膠。乃開浚八千餘丈。復創插江口。使泥淤弗得入。河水不得洩於涂。則盡發以達城闕。十里創一廬。名曰施水。主以道流。於是舟車水陸。不問晝夜。暑寒。竟行利涉。歡忻志勵。屬邑諸縣。瀕海。而諸暨十六鄉。瀕湖。滿濶。灌漑之利。甚博。勢家巨室。率私植埤岸。圍以成田。湖流既束。水不得去。兩稍多。則溢入邑。居田間。濇蕩。瀕海藉塘爲固。隄岸易圯。鹹鹵害稼。歲損動數十萬。畝。蠲租亦萬計。以綱言。詔提舉常平司。發田園。奇援巧請。一切峻卻。而湖田始復。郡備緡錢三萬。專備修築。而海田始固。綱謂是邦控臨海。道密拱都畿。而軍籍單弱。乃招水軍刺義手。教習甚專。不令他役。創營千餘間。寬整堅密。增置甲兵。威聲赫然。兼權司農卿。尋直龍圖閣。因任理宗即位。詔爲右文殿修撰。加集英殿修撰。復因任。又加寶謨閣待制。寶慶三年。大水。綱發粟三萬八千餘。緡錢五萬。振之。蠲租六萬餘石。捐瘠頽蘇。無異常歲。越有經總制。募名四十一萬。其中二十五。則紹興以來虛額也。前後帥懼負殿。以修奉擴宮之資。僞增焉。綱謂負殿之責小。罔上之罪大。撫其實以聞。詔免九萬五千緡。而宿敵因是著明矣。紹定元年。召赴行在。綱入見。言臣下先利之心。過於徇義。爲身之計。過於謀國。輸情退縮。奔競貪職。相與爲欺。宜有以轉移之。帝曰。聞卿治行甚美。越中民力如何。對曰。去歲水潦。諸暨爲甚。今歲幸中熟。十年之間。千里晏平。皆朝廷成德所及。臣何力之有。權戶部侍郎。越數月。上章致仕。特昇二秩。守戶部侍郎。仍賜金帶。卒。越人聞之。多墮淚。有相率哭於寺觀者。綱學有本原。多聞博記。兵農醫卜陰陽律曆諸書。靡不研究。機神明銳。遇事立決。在越佩四印。文書山積。而能操約御詳。治事不過二十刻。公庭如水。卑官下吏。一言中理。慨然從之。爲文尤長於

論事。援據古今。辨博雄勁。服用不喜奢麗。供帳車乘。雖敵不更。所著有怒齋集。左帑志。漫存錄。

陳宓。字師復。丞相俊卿之子。少書及登朱熹之門。熹器異之。長從黃幹遊。以父任歷泉州南安鹽稅。主管南外睦宗院。再主管西外。知安溪縣。嘉定七年。入監進奏院。時無敢慷慨盡言者。宓上封事。言宮中宴飲。或至無節。非時賜予。爲數浩穰。一人疏食。而嬪御不廢於擊解。邊事方殷。而椿積反資於妄用。此宮闈儀刑有未正也。大臣所用。非親即故。執政擇易制之人。臺諫用慎默之士。都司樞掾。無非親暱。貪吏靡不得志。廉士動招怨尤。此朝廷權柄有所分也。鈔鹽變易楮幣。秤提安邊所創立。固執已見。動失人心。敗軍之將。躡躡殿殿。庸鄙之夫。久尹京兆。宿將有守成之功。以小過而貶。三牙無汗馬之勞。託公動而擢。此政令刑賞多所舛逆也。若能交飭內外。一正紀綱。天且不雨。臣請伏面諫之罪。奏入。丞相史彌遠不樂。而中宮慶壽。三牙獻遺。至是爲之罷卻。尋遷軍器監簿。九年。轉對言。人主之德貴乎明。大臣之心貴乎公。臺諫之言貴乎直。陛下臨政雖勤。而治功未舉。奉身雖儉。而財用未豐。愛民雖仁。而實惠未徧。良由上下相蒙。務於欺蔽。區區奏議。封有懷畢吐。陛下付近臣差擇。是有意於行其言也。而有司惟取專攻上躬。與移咎牧守之章。騰播中外。以答觀聽。今赤地千里。蝗飛蔽天。如此其可畏。猶或諱晦。以早不爲災。蝗不害稼。其他誣罔。抑又可知。臣故曰。人主之德貴乎明。大臣施設。浸異厥初。凡建議求言之人。則以他事逐。諫官言事稍直。則以他職徙。忠憤者指爲不端。切直者目曰沽名。衆怨所萃。則相繼超升。物論所歸。則以次疏外。某人之遷。是嘗重人罪。以快同列之私忿者。某人之擢。是嘗援古事以文邇日之天變者。直節重望。以私嫌而久棄。老姦宿藏。以巧請而率復。使大臣果能杜倖門。塞邪徑。則舉錯當而人心服。臣故曰。大臣之心貴乎公。臺諫平居未嘗立異。遇事不敢盡言。有如金人再通。最關國體。近而侍從。下至生徒。莫不力爭。莫裨廟算。獨於言責。不出一辭。鞏轂之下。乾沒巨萬。莫之誰何。州縣之間。罪僅毫髮。撫以塞責。大臣所欲爲之事。則遂之。所不右之人。則排之。仁宗時有宰相奉行臺諫風旨之譏。今乃有臺諫不敢違中書之請。豈祖宗

設官之初意哉。臣故曰臺諫之言貴乎直。三者機括所繫。願陛下幡然悔悟。昭明德以照臨百官。大臣臺諫亦宜公心直節。以副望治之意。指陳敵事。視前疏尤剴切焉。遂請罷歸。在告日。擢太府丞。不拜。出知南康軍。詩史彌遠別。彌遠曰。子言甚切當。第愚昧不能行。殊有愧耳。至官歲大稔。奏蠲其賦十之九。會流民羣集。必就使之築江隄。而給其食。時造白鹿洞。與諸生討論。改知南劍州。時大旱。疫蠲賦十數萬。且池新輪三之一。躬率僚吏持錢粟藥。餉戶給之。創延平書院。悉做白鹿洞之規。知漳州未行。聞寧宗崩。嗚咽累日。亡何請致仕。寶慶二年。提點廣東刑獄。章復三上。迄不就。直秘閣。主管崇禧觀。必拜祠命而辭。職名卒進職一等致仕。三學諸生以起宓為請。而沒已閱月矣。初宓之在朝也。寺丞丁熿往使金。宓數曰。世讎未復。何以好為。錢詩有百年中國豈無人之句。後數年。聞關外不靖。以書抵熿曰。蜀口去關外雖遠。實如一身。近事可寒心。皆士大夫之罪。豈非賄道不絕之故耶。熿服其言。宓天性剛毅。信道尤篤。嘗為朱墨銘。謂朱屬陽。墨屬陰。以驗理欲分寸之多寡。自言居官必如顏真卿。居家必如陶潛。而深愛諸葛亮。身死家無餘財。庫無餘帛。庶乎能蹈其語者。端平初。殿中侍御史王濂首言宓事。先帝有論諫之直。而不及俟聖化之更。宜褒其身。後以勸天下之為臣者。帝為感動。詔贈直龍圖閣。所著書有論語注義。問答。春秋三傳抄。讀通鑑綱目。唐史贅疣之藁數十卷。藏于家。

王寔字定叟。東陽人。高大父豪帥。眾誅方臘。以功補官。寔少有奇氣。試有司不偶。去就武舉。嘉定四年。中絕倫異等。喬行簡考藝別頭。喜曰。吾為朝廷得一帥才矣。授丞節。節從軍于鄂。帥鍾與嗣成。邊請于樞密院。以寔為隨軍都錢糧官。總領。寔委寔專一教閱。總效軍。尋委帥師守饒黃州。沿江制置副使李璘辟置幕下。准右兵叛。遣寔招諭之。寔於軍事知無不言。謂招募良家子弟。不可以資緣。關節冒濫其間。防守江面。全藉正軍。若義勇民兵。特可為聲援耳。而所謂大軍。羸病者多。器械損舊。豈不敗事。調兵防江。當於江岸創屋居之。使之專心守禦。諸軍伍法既廢。平居則無以稽其虛藉。冒請之敝。無以糾其竄逸。生事之人。緩急則無以稽其併力向敵之志。無以連其挑陳不進之心。此尉繚子所以著

東部伍之令。太公謂伍法為要者。謂此也。用兵不以人數多寡為勝負。惟教習之精否。則勝負之形可見矣。理宗即位。特差充浙西副都監。湖州駐劄。時潘甫等起兵。事甫定。寔因綏撫之。鎮江都統趙勝辟為計議官。時李全寇鹽城。攻海陵。勝出戍揚州。屬官多憚從行。寔慨然曰。此豈臣子辭難之日。至揚子橋。人言賊兵昨已在南門。去將安之。寔竟至南門。以帥憲之命。董三城事。勝次第出城。接戰。寔必身先士卒。大小十八戰。無一不利。奪賊壘。築土城。焚城門。賊氣為懾。差知應州。兼沿邊都巡檢使。樞密院命節制黃甫後營。彈壓諸道軍馬。諸道兵二十萬。將往收復楚州。寔帥所部為犄角之助。大帥薦之。召試為閤門舍人。入對。言恢復之說有二。曰規撫。曰機會。顧今日之規撫。安在哉。守令所以牧民。而惠養之未加。將帥所以御軍。而拊循之未至。邦財未裕。而楮券之敝。浸深。軍儲未豐。而和糴之害。徒慘。官有土地。而荒蕪。民因賦役。而破蕩。獄訟類成冤抑。銓曹率多淹留。薦舉無反坐。貪徒得以引類。而通班。按刺不徇公。微官易以近意。而連譴。以言郡計。則紛紛耗於囊橐。包直。以言戰功。則多私於親昵。故舊。至如降卒中處。養虎遺患。輕敵開邊。以肉餵虎。夫以規撫之切要者。而不滿人意。如此。臣敢輕進恢復之說。以誤上聽。哉。凡臣之所陳者。誠播告中外之臣。悉懲其舊。而圖其新。規撫既立。然後義旗一麾。諸道並進。臣力尚壯。願效前驅。惟陛下堅定而勉圖之。帝稱其言可采。升武功大夫。出知濠州。賜金帶。至州。節浮費。糴粟買馬。以備不虞。尋差知安豐軍。臣僚上言。王寔在濠人甚安之。不宜輕易。詔再任濠。職事修舉。特轉橫班。諸使交薦之。北兵至浮光。其民奔遁。相屬於道。朝論以為寔可守之。乃知光州。兼沿邊都巡檢使。冒雪夜行。倍道疾馳。至州。分遣間探。整飭戰守之具。大戰于謝令橋。光人遂安。督府魏了翁以書來慰安之。以緡錢十萬。勞其軍。寔以召尋為吉州刺史。仍知光州。寔固辭。丞相鄭清之。制置使史嵩之。皆數以書留寔。寔不從。且曰。士大夫當以世從道。不可以道從世也。再授閤門舍人。尋為達州刺史。石屯衛大將軍。兼知蘄州。不赴。尋遷淮西馬步軍副總管。兼淮西遊擊軍副都統制。論遊擊軍十事。不報。提舉崇禧觀。知高郵軍。流民第邦傑。聚眾三千人。為盜。寔勸其渠魁。餘黨悉散。時議出師。和者甚多。寔

以爲莫若遣間探覘敵情如不得已然後行之否則無故自蕩其根本是外兵未至而內兵先慘烈也諸軍舉行惟高郵漣之境內賴以安全由是與時迕而譏者益衆提舉雲臺觀執政期論邊事且謂朝廷卽有齊安之命寔曰秋防已急邊守不宜臨時更易盡少需之乃授帶行左領軍衛大將軍充沿江制置副使司計議官寔乃撰沿江等邊誌一編上之制置使董槐鄧泳交薦之差知壽昌軍改蘄州建學舍祠忠臣嘗歎曰兩淮藩籬也大江門戶也三輔堂奧也藩籬不固則門戶且危門戶既危則堂奧豈能久安乎於是貽書丞相杜範乞職江審察形勢置三新城蘄春置于龍眼磯安慶置于孟城滁陽置于宣化不報卒初其父析業寔獨以讓其兄處宗族有恩意嘗訓其子弟曰窮理盡性學之本也有玉溪集行于世

論曰吳昌裔訪道東南一何勤哉故其造深醇見詳事功者足以知其學無雜也汪綱之遺愛在越先民所謂擇賢久任者固不我欺矣陳宓以宰相子論諫之直于今有光王寔通兵家言而謂不可以道從世此古人謀帥貴乎說禮樂而敦詩書也

宋史卷四百八

列傳第一百六十八

高定子

高斯得

張忠恕

唐璘

高定子，字瞻叔，利州路提點刑獄兼知沔州稼之弟也。嘉泰二年，舉進士，授鄜州主簿。吳曦畔，乞解官養母。曦誅，攝府事。宇文公紹以忠孝兩全薦之，調中江縣丞。父就養得疾，定子衣不解帶者六旬，居喪哀毀骨立，服除，成都府路諸司辟丹稜令，尋以同產弟魏了翁守眉，改監資州酒務。丁母憂，服除，差知夾江縣。前是酒酤貸糶于商人，定子給錢以糶，且寬權酤民，以為便。麻菽舊有征，定子悉弛之。會水潦沔饑，貧民競餓，無所於糶。定子曰：「女母憂，女第持錢往常所糶家，以俟。迺發縣廩給諸富家，俾以時價糶。至秋而償，須臾米溢于市，鄰邑有爭田，十餘年不決，部使者以屬定子。定子察知偽為質劑，其人不伏。定子曰：「嘉定改元，詔三月始至縣，安得有嘉定元年正月文書邪？」兩造遂決。四川總領所辟主管文字，同幕有以趣辦為能，迫促諸郡者。定子白使者斥去之。總領所治利州，倚酒權以佐軍用，吏姦盤錯。定子躬自究詰，酒政遂平。後來者復欲增課，定子曰：「前以吏姦亦既革之，今又求益，是再權也。乃止。制置使鄭損覆懷自用，誤謂總領所擅十一州小會子之利，奏請廢之。令下，民疑而罷市。定子力爭，謂小會子實以代錢，百姓貿易，賴是以權川引罷，則關隴之民交病。況又隆興間得旨為之，非擅也。乃得存其半損，又欲增總領所鹽課，取舊貸軍費。定子辨其顛末，損乃釋然。曰：「二司相關處，公每明白洞達，言之使人爽然自失。尋差知長寧軍，長寧地接夷獠，公家百需，皆仰清井鹽利，來者往往因以自封殖。制置司又權入其半，定子至，爭於制置使，得蠲重賦，差知綿州。大元兵穿鳳州塞，破武休，下興元。小校張鉞以其徒潰入文州，殺守臣楊必復，將自龍趨縣以闖成都。安撫使黃伯固聞之，亟奏定子兼參議官，措置文龍備禦。定子乃部分諸軍扼清塘，鉞就擒。已而劍南大震，定子語僚吏曰：「諸君去留不敢拘，若某則守城郭，封疆之臣，有死而已。」戒羣胥曰：「潰軍流民，不過欲得錢糧爾，吾將盡發吾州之

藏與截諸司之綱，為朝廷扞蔽全蜀。我去聽汝等殺我，汝等逃，吾斫汝頭矣。乃下令招潰卒，人給緡錢五十米一石，命都監陳訓專任接納，訓忽奔告曰：「諸軍雖受招，不肯釋甲，奈何？」定子乃令帳下率衣甲於兩廡，以俟。戒毋輕動，俄而諸軍感陳兵以至，吏士皆股栗。定子坐堂上，傳令勞苦之。諸軍皆拜，定子開諭以理，使還本部，以俟給糶。諸將聞之，亦來上謁。定子復慰安之，因問汝等何為至此，皆曰：「制置使未知存亡，諸軍無主。定子曰：「大帥不過暫移治爾，已遣人訪所在，苟終不獲，我當為汝曹主張。且諸軍至此，以無糧故，吾州當任供億。」又曰：「敵將復會于此，盍避之。」定子曰：「我文官也，不畏死。汝將軍也，世世衣食縣官，乃欲避敵乎？我是守臣，死則死于此爾。有欲殺太守者，一槍足矣。軍器安用多為？今諸軍大集，萬一敵至，能戮力出戰，是汝曹立功報國之機也。不猶愈於深入內郡，為罪滋大乎？眾悅而去。乃遣吏給糶如令，關寺觀祠宇以舍之，亡幾何，敗將和彥威、陳邦佐、曹僦、張涓、姚承祖等，皆集于彰明，剽掠尤甚。彥威遣邦佐入州，大言駭眾，謂定子曰：「知府何不去，和太尉兼兩戎司，威權甚重，麾下兵且二萬餘，欲來駐此，今至矣。」定子謂曰：「本州素非備禦之地，大將以兵入，欲何為者？第來，吾固有以相待。」邦佐色沮，乃曰：「已遣幕府來議，至則一遊士爾，繆為恭敬，要索甚大。」定子答曰：「軍將入吾境，當受吾節制，惟各守紀律，則給以錢糧。若敵至，為國一死，則忠臣孝子，愈於病五日不汗死者。幕府莫能對，出彥威符稜有云：大府招戢散軍人給錢米若干，今所部不下二萬人，願如數得之。」定子報曰：「本州已下此令，何敢食言，但所給者，乃潰軍就招免罪之人，都統所部非潰也。若以此例相給，其肯受乎？彥威得檄甚慙，乃乞別給錢糧以贖軍。定子即捐四十萬緡與之，仍趣其還戍。蓋定子身任兩司之責，極其勞勩，以收捕張鉞，進三官，以防遏招收潰兵功，又進一官。進直寶章閣，再任，頃之召入奏事，吏民追送，莫不流涕。鄰郡聞定子至，焚香夾道，舉首加額曰：「微公，吾屬塗炭久矣。」定子之未去郡也，伯兄彥以權利路提刑上印而歸，子翁亦至自靖州，過定子於綿定，子為築棣華堂，飲酒賦詩為樂。一時以為美談。入對，極言時敵，時史彌遠執國柄久，故有曰：「陛下優禮元勳，俾得以弛繁機而養靜壽，朝廷得以新百度而革

因循不亦善乎既對人為定于危之。定于曰：乖違得喪是有命焉。吾得盡言，乃報君職分也。越兩月，乃遷刑部郎中。彌遠沒，言之者紛然。識者謂定于先事有言，視諸人為難。尋以直寶讓閣江南東路轉運判官。陛辭，帝曰：准師巡邊，卿知之乎。輔車之勢，漕運為急，卿是行宜斟酌緩急以相通融。定于因上疏論邊事甚周悉。帝嘉納焉。踰年，召入奏事。會稼死事于沔州，上疏引疾乞歸田里。不許。尋遷軍器監。又遷太府少卿，升計度轉運副使。有事于明堂，天大雷雨，詔求言。定于反覆論敬懼災異之意，復召入遷司農卿，兼玉牒所檢討官。入對，言內治不修，外懼不謹，近親有豫政之漸，近習有弄權之漸，小人有復用之漸，國柄有陵夷之漸，士氣有萎靡之漸，主勢有孤立之漸，宗社有阽危之漸，天變日多，地形日蹙，昔有危脈，今有危形，昔有亡理，今有亡證。又請明詔沿流帥守將吏，思出奇乘險，求為水陸可進之策。升兼樞密都承旨。又遷太常少卿，兼國史院編修官。累言邊事，遷起居舍人，尋兼中書舍人。參贊京湖江西督視府事。定于親往周視新城，大槁諸軍，激厲守將。遷禮部侍郎，仍兼中書舍人，即軍中賜金帶，詔以督府事入奏。既至，帝勞問甚渥，特進一官。尋兼崇政殿說書，兼直學士院。未幾，改侍講。權禮部尚書，升兼侍讀。入奏，言國無仁賢，無禮義，無政事，有類叔世。帝竦然，尋兼直學士。修孝宗寧宗日曆，書成，上進。擢拜翰林學士，知制誥，兼吏部尚書。升兼修國史實錄院修撰，賜衣帶鞍馬。乞收李心傳卒成四朝志傳。時禮部尚書杜範、吏部侍郎李韶皆以伉直稱，或乞身求去，或臥家不出。定于言：人主寄耳目者，臺諫也。補耳目之所不逮者，法從之論思。百官之輪對，則上必論君德之粹駁，次必言朝政之得失，舍是而使之，但言常程，姑應故事，畏縮乎雷霆之威，阿徇乎宰執之好，避避乎耳目之官，則凡論思等事，皆不必論矣。宜速返李韶以開不諱之門，勉起杜範以伸敢言之氣。因乞歸田甚力。進端明殿學士簽書樞密院事。尋兼權參知政事，仍舊職。知福州福建安撫大使，力辭。退居吳中，深衣大帶，日以著述自娛。以資政殿學士轉一官致仕。卒，贈少保。定于作同人書院于夾江，修長興學，創六先生祠。蓋以教化為先務。所著存著齋文集，北門類葉，檄垣類葉，經說紹熙講議，奏議歷官表奏行世。

高斯得，字不妄，利州路提點刑獄知沔州稼之子也。少從李坤臣學。坤臣警，斯得左右扶持之。中成都路轉運司試，補入太學。紹定二年，舉進士，授利路觀察。惟官越二年，辟差四川茶馬幹辦公事。李心傳以著作佐郎領史事，即成都修國朝會要，辟為檢閱文字。端平二年九月，稼死事于沔，時大元兵屯沔，斯得日夜西嚮號泣，會其僮至自沔，知稼戰沒處，與斯得潛行至其地，遂得稼遺體，奉以歸。見者感泣，服除而哀傷不已。無意仕進，心傳方修四朝史，辟為史館檢閱。秩同祕閣校勘。蓋創員也。斯得分修光寧二帝紀，尋遷史館校勘。又遷軍器監主簿，兼史館校勘。時丞相史嵩之柄國，斯得遇對，空臆盡言。冬，雷，斯得應詔上封事，乞擇才並相，由是許嵩之意，遷太常寺主簿，仍兼史館校勘。時斯得叔父定于以禮部尚書領史事，時人以為美談。會太學博士劉應起入對，拄嵩之蒿之志，使其黨言叔父兄子不可同朝，以斯得添差通判紹興府淳熙二年，四朝帝紀書成上之。嵩之妄，加毀譽於理宗濟王，改斯得所草寧宗紀末卷。斯得與史官杜範王遂辨之。範報書，亦有姦人勸入邪說之語。然書已登進矣。心傳藏斯得所草，題其末曰：前史官高某撰而已。踰年，添差通判台州。範既入相，召為太常博士，遷祕書郎。六年正月朔，日有食之。斯得應詔上封事，言大姦嗜權，巧營奪服，陛下奮獨斷而罷退之，是矣。諫憲之臣，交疏其惡，或請投之荒裔，或請勒之休致，陛下苟行其言，亦足昭示意向，渙釋羣疑。乃一切寢而不宣。歷時既久，人言不置。然後詔勉傳論，委曲誨姦，俾於襲經之時，妄致掛冠之請。因降祠命，苟塞人言。又有姦人陰為之地，是以譌言並興，善類解體，謂聖意之難測，而大姦之必還，莽卓操懿之禍，將有不忍言者。時監察御史江萬里及宅臺諫累疏論嵩之罪惡，竟不施行。第因嵩之致仕，予祠而已。故斯得封事首及之。又言：大臣貴乎以道事君，今乃獻替之義少，而容悅之意多。知恥之念輕，而患失之心重。內降當執奏，則不待下殿而已行。濫恩當裁抑，則不從中覆而遽命。嫉正而庇邪，喜同而惡異。任術而詭道，樂輪而憚勞。陛下虛心委寄，所責者何事，而其應乃爾。時范鍾獨當國，蠲失日章，故斯得及之。又言：便嬖側媚之人，尤足為清明之累。腐夫巧讒，而使傳幾搖，妖嬖外通，而魁邪密主。姦姦伏蠱，互煽攻交。

陛下之心。至是其存者幾希矣。陛下之心。大化之本也。洗濯磨淬。思所以更之。乃徒立爲虛言無實之名。而謂之更化。此天心之所以未嘗大異之。所以示儆也。言尤切直。帝嘉納焉。又言羣臣龐雜。官禁奇袤。贖貨外交。豈可坐視而不之問。願乃并包兼容之意。多別邪辨正之慮。淺憂讒避諂之心。重直前邁往之志。微遂使衆臣爭衡。大權旁落。養成積輕之勢。以開窺覲之漸。設有不幸。變故乘之上。心一移。凶渠立至。使宗社有淪亡之憂。衣冠遭魚肉之禍。生靈罹塗炭之厄。當是時也。能潔身以去。其能逃萬世之清議乎。於是羣僚悚懼。或泣懇。上前或上章求去。合力排擯。斯得遂求補外。在告幾百餘日。於是差知嚴州。斯得三請乞祠。不許。嚴環山爲郡。雖豐歲猶仰他州。夏旱。斯得獨租廢廩。招糶勸分。請于朝。得米萬石以振濟。遷浙東提點刑獄。遂勒知處州趙善瀚。知台州沈堅等七人。以勢厲民。疏上不報。改江西轉運判官。斯得具辭免。上奏曰。臣勅奏趙善瀚等七人。未聞報可。固疑必有黨與營救。敢誤聖聽。今奉恩除。乃知中臣所料善瀚者。侍御史周坦之婦翁也。賊吏之魁。錮於聖世。鄭清之與之有舊。復與州符。沈堅者。簽書樞密院事史宅之妻黨也。祖宗以來。未有監司按吏。一不施行者。壞法亂紀。未有甚此。臣身爲使者。勅吏不行。反叨易節。若貪榮冒拜。則與世之頑頓無恥者何異。乞併臣鑄罷。以戒奉使無狀者。章既上。坦自謂己任臺諫。而反見攻。徧懇。同列論斯得。同列難之。計急。自上章勅罷斯得。新任未幾。坦亦罷。七人竟罷去。移湖廣提點刑獄。薦通判潭州徐經孫等六人。攸縣富民陳衡老以家丁糧食資贖賊。劫殺平民。斯得至。有愬其事者。首吏受賕。而左右之衛老造庭。首吏拱立。斯得發其姦械。首吏下獄。羣胥失色。股栗。於是研鞠。具得其狀。乃駭配首吏。具白朝省。追毀衡老官資簿錄其家。會諸邑水災。衡老願出米五萬石振濟。以贖罪。衡老增吳自性與衡老館客太學生馮煒等。謀中傷斯得。盜拆官棧。斯得白于朝。復正其罪。出一篋書。具得自性等交通省部吏胥情狀。斯得并言於朝。下其事大府。索出賂銀六萬餘兩。駭配自性及省寺高鑄等二十餘人。初。自性厚賂宦者。言於理宗曰。斯得以緡錢百萬進。願易近地一節。理宗曰。高某硬漢。安得有是。而斯得力求去。清之以書留之。又薦李端頰等五人。

加直秘閣。湖南轉運判官。改尙右郎官。未至。改禮部郎中。上疏極論時事。改權左司。力辭內批兼侍立。倚注官。言水災曰。願陛下立罷新寺土木。速反廷旨。諸臣。竭絕表說。主張善長。謹重刑辟。愛惜土類。抑遠佞臣。絕其干撓。則天意可回。和氣可召矣。會斥左司徐霖。帝慮給事中趙汝騰爭逐霖事。乃徙汝騰翰林學士。汝騰聞命。即去國。斯得言。汝騰一世之望。宗老之重。飄然引去。陛下遂亦棄之。有如弁髦。中外驚怪。將見賢者力爭不勝而去。小人踴躍增氣而來。陛下改紀。僅數月。初意遽變。臣深惜之。時上封事。言得失者衆。或者惡其謹。遂謂空言徒亂人聽。無補國事。斯得因轉對。言諸臣之言。上則切觸聖主。下則砥礪大臣。內則摧壓姦妄。外則銷遏寇虐。願以爲無補於實政乎。空言之譏。好名之說。欲一網君子而盡去之。其言易入。其禍難言。此君子去留之機。國家安危之候。不可不深留聖慮者也。監察御史蕭泰來論罷。踰年。以直寶文閣知泉州。力辭。遷福建路計度轉運副使。朝廷行自實田。斯得言。按史記。秦始皇二十一年。令民自實田。主上臨御。適三十一年。而異日書之史冊。自實之名。正與秦同。丞相謝方叔大媿。卽爲之罷。重槐入相。召爲司農卿。程元鳳入相。改秘書監。丁大全入相。監察御史沈炎論斯得。以閩漕交承錢物。下郡吏大府榜死數人。先是吳自性之獄。高鑄爲首惡。駭配廣州。捐資免行。至是爲相府監奴。熾炎發其端。京尹顧岩傳會其獄。安吉守何夢然奉行其事。陵鑠甚至。斯得不少挫。竟無所得。大全既謫。朝廷罪其委任非人。遂斬鑄。斯得既拜浙西提點刑獄之命。炎浙西人。泣於上前。乞更之。移浙東提舉常平。命下。給事中章鑑繳還。斯得杜門不出。著孝宗繫年要錄。彗星見。應詔上封事曰。陛下專任一相。虛心委之。果得其人。宜天心克享。災害不生。而庚申己未之歲。大水爲災。浙西之民。死者數百千萬。連年旱暵。田野蕭條。物價翔躍。民命如綫。今妖星突出。其變不小。若非大失人心。何以致天怒如此之烈。封事之上也。似道匿不以聞。度宗卽位。召爲秘書監。又論罷。復遷秘書監。屢辭不許。權起居舍人兼國史院編修官。實錄院檢討官。兼侍講。進讀之時。每於天命去留之際。人心得失之因。前代治亂之故。祖宗基業之難。必反復陳之。兼權工部侍郎。遂兼同修國史實錄院同修撰。仍兼侍講。

進高宗繫年要錄綱目帝善之大元軍下襄陽斯得疏論言事最為切要帝嘉納運工部侍郎屢求補外以顯文閣待制知建寧府度宗崩陳宜中入相以權兵部尚書召斯得痛國事之貽危疏言誅姦臣以謝天下開言路以回天心聚人才以濟國事旌節義以厲懦夫竭財力以收散亡忠憤激烈指陳當時之事無所遺權翰林學士知制誥兼侍讀進端明殿學士簽書樞密院事兼參知政事同提舉編修敕令及經武要略大元兵下饒州江萬里赴水死事聞贈太傅斯得言贈恤之典所當度越故常以風厲天下遂加贈太師又言賞通判池州趙卯發死節太薄乃加贈待制臺諫徐直方等四人論似道誤國之罪乞安置嶺表簿錄其家丞相留夢炎庇護似道止令散官居住且謂簿錄擾及無辜斯得謂散官則安置追降官分司則居住祖宗制也夢炎語塞夢炎乘間直罷去平章事王煥監察御史俞浙併罷斯得於是宋亡矣所著有詩廣說儀禮合抄增損刊正杜佑通典徽宗長編孝宗繫年要錄欽堂文集行世

張忠恕字行父右僕射浚之孫以祖任監樓店務入府幕時韓侂胄權勢熏灼嘗奪民間已許嫁女夫家以牛忠恕白尹歸其父母尹不能難再調廣西轉運司主管文字改通判沅州主管京湖宣撫司機宜文字知澧州開禧末入為籍田令屬大廟鴟吻為雷兩壞神主遷御忠恕因輪對請廣言路通下情寧宗嘉納嘉定五年遷軍器丞進太府丞出知湖州遷司農丞知寧國府夏旱請于朝得賜僧牒五十米十萬七千餘石常平使者欲均齊而勿勸糶忠恕慮後無以濟遂核戶口計歲月嚴戒諸邑論大家發蓋藏

所見履異

以言去主管冲佑觀起知鄂州改湖北轉運判官兼知鄂州召為屯田郎官丁內艱免喪入為戶部郎官入對極言邊事其慮至遠理宗即位忠恕移書史彌遠請取法孝宗行三年喪且曰孝宗始自踐祚服勤子職凡二十有七年今上自外邸入繼大統未嘗躬一日定省之勞欲報之德視孝宗宜有加既而宰輔率百僚請太后同聽政忠恕復貽書史彌遠謂英宗以疾仁哲以幼母后垂簾有不咨已惟欽聖出於勉彊務從抑損今吾君長矣若姑援以請此亦中策爾詔羣臣集議廟制忠恕謂九廟非古若升先帝則十世之廟昉于今日於禮無

稽寶慶初詔求直言忠恕上封事陳八事一曰天人之應捷於影響自冬徂春雷雪非時西警東淮狂悖洊興客星為妖太白見晝正統所係不宜諉之分野二曰人道莫先乎孝送死尤為大事孝宗朝衣朝冠皆以大布迨寧考以適孫承重光宗雖有疾未嘗不服喪宮中也洎光宗上賓權廢方張莫有言者去秋禮寺受成胥吏未嘗以義折衷慶元間再期而祥百僚始純服吉今若甫經練祭雖朝臣一帶之微不復有凶吉之別則是三年之喪降而為期害理滋甚況人主執喪于內而羣工之服無異常日是有父子而無君臣也三曰太母方御垂簾之請而慶壽前期陛下吉服稱觴播為詩什此世俗之見非所以表儀於天下也四曰陛下斬然在疚大昏之期固未暇問然非豫講風定恐俚說乘間而入臣所望於今日者亦曰嚴取舍而正法度廣詢謀而協公議爾五曰陛下於濟王之恩自謂彌縫曲盡矣然不留京師徙之外郡不擇牧守混之民居一夫奮呼闔城風靡尋雖弭患莫副初心謂當此時亟下哀詔痛自引咎優崇恤典選立嗣子則陛下所以身處者庶幾無憾而造詭騰謗者靡所致力自始至今率誤於含糊而猶不此之思臣所不解也六曰近幸儉佞之徒凡直言正論率指為好名歸過夫好名歸過其自為者非也若首萌逆億厭惡之心則自今言者望風見疑此危國之禍毒七曰當今名流雖已蹙顯而搜羅未廣遺才尚多經明行修如柴中行陳孔碩楊簡識高氣直如陳宓徐僑傅伯放金論所推史筆如李心傳何惜一官不俾與聞沉邇來取人以名節為矯激以忠讜為迂疏以介潔為不通以寬厚為無用以趣辦為彊敏以拱默為靖共以迎合為適時以操切為任事是以正士不遇小人見親八曰士習日異民生益艱第宅之麗聲伎之美服用之侈鏡遺之珍向來宗戚閹官猶或聞見今縉紳士大夫殆過之公家之財視為己物薦舉獄訟軍仗吏役僧道富民凡可以得賄者無不為也至其避讒媒進往往分獻厥餘欲基本之不搖始却行而求前也疏入朝紳傳誦始魏了翁嘗勉忠恕以植立名節無墮家聲及是數曰忠獻有後矣真德秀聞之更納交焉忠恕又因輪對引以伯父楨告孝宗之語曰當求曉事之臣不求辦事之臣欲求伏節死義之臣必求犯顏敢諫之臣語益剴切忠恕自

知不爲時所容。力請外補。遂以直祕閣知贛州。抵郡才兩月。言者指爲朋比。落職降兩官罷。紹定三年。復元官。進秩一等。提舉沖佑觀。卒。遷一官致仕。魏了翁嘗許忠恕。奉孝體國似凌撥繁劇。似其父約。敘華就實。則有志義理之學。嘗有閩乎棧之教矣。

唐璘字伯玉。古田人。遊太學。嘉定十年。舉進士。時臺臣李安行奏。次對官不許論邊事。璘對策。極詆之曰。吾始進。可壞於天子之庭乎。調吳縣尉。有殺人于貨。挾其舟亡者。有司求賊急。屠者自告。吾兒實殺之。兒亦自誣伏。璘問舟安在。錢何用。其辭差。爲緩之。果得賊太湖。與舟俱至。舉縣感服。縣有勢家治圃。將鑿渠通舟。璘言古有渠。常平使者主之。璘視乾道故籍。則誠民田也。力爭。許使者意。移監縣稅。璘遂以直閣調瑞州學教授。用白鹿洞教法。崇禮讓。後文藝。士翕然知嚮。監行在權貨務門。辟淮東運司。催轄綱運官屬。出師楚州。盡瘁焉。捷聞。以金人據淮陰。欲乘勢取之。璘言。捷奏多誇。詎得信乎。須聚兵二十萬。日費米斛餘五千。緡錢餘二萬。調夫幾萬人。僅能使賊全師北去。今出沒漣海。謀結北邊。政欲迭出。撓我。憂方大爾。淮陰堅壘。與楚城等。濠之廣。又過之。我士疲丁困。可一拔得乎。恢復美名也。而買實禍。僕竊危之。不聽。制司恥楚城之捷。自趙范與葵出。議贖淮陰二城爲功。洎聞金變。即轉攻之。我師死傷者六萬。璘在兵間。憤之。著讜論直書其事。上之。知晉陵縣。隴州田訟。至有泣愬諸使。願送晉陵可否者。制置使陳韓留守建康。辟爲通判。舉府事以聽。監六部門。權監察御史。臺吏且至。璘皇駭趨避。不敢詣闕。母曰。人言此官好。汝何得憂乎。璘曰。此官須爲朝廷爭是非。一拂上意。或近權貴。恐重爲大人累。何得不憂。母曰。而第盡言。吾有而兄在。勿憂。璘拜謝。入就職。故事。御史惟常服拜下。有論奏。繳進。至是。獨召對。緝熙殿。令服窄衫面讀。首疏奏。天變而至於怒。民怨而幾於離。海宇將傾。天下有不可勝諱之慮。陛下謂此何時。縱欲累德。文過飾非。疏遠正人。狎昵威宦。獨亂朝政。自取覆亡。宰相用時文之才。爲經世之具。不顧民命。輕挑兵端。不度事宜。頓空國帑。委政厥子。內文商人。賄塗大開。小雅盡廢。瓊瑤媼。敢預邪謀。視國事如俳優。以神器爲奇貨。都人側目。朝士痛心。盡正無將之誅。以著不忠之

戒。崔與之操行類楊綰。雖修途莫景。力不逮心。而命下之日。聞者與起。奮行簡頗識大體。朝望稍孚。而除授偏私。事多遺忘。宜擇家相。贊宗子輔民物。以慰父母之望。毋使天變。遽極人心。愈離也。上爲改容。又請號召土豪。經理荆襄。亟擇帥臣。安集淮西。帝嘉納。至問邊事甚悉。璘感激。遇。自是彈擊無所避。再疏鄭清之。妄庸誤國。乞穢職罷祠。其子士昌招權納賄。拔庸將爲統帥。起賊吏爲守臣。乞削籍廢棄。鄭性之。儒而多私。黨庇姦庸。臣受其改官舉狀。嘗蒙薦之。陛下國事至此。不敢顧私。李鳴復。甘心詔鄭。損得薦入朝。適清之議。張天綱之獄。迎合從輕。遂擢臺端。會趙枕夫。遣史寅午。囑清之父子。鳴復又結寅午。得登政府。會杜範亦論。鳴復不行而罷去。璘遂力勾外。疏七上。授廣西運判。改知嘉興府。尋改江東運判。時邊事急。置四察訪使。就詔璘分建康。太平。池州。江西。璘揭榜馬前。咨所部以利害。又戒土豪團結漁業。水手茶鹽。舟夫蘆丁。悉備燎舟之具。人人思奮。即選將總二州兵舟。以耀敵。檄當塗宿設戰具。防采石。撥和糴續生券。且奏損總領所錢二十萬。緡助江防。軍聲大振。尋升直華文閣。知廣州。廣東。赤立。糧本無所辦。終恐日取於民。非臣不敢撥本召覺。重朝廷多事之憂。明年。上章乞致仕。帝思見之。亟命入奏。權太常少卿。尋丁內艱。璘居喪哀毀不食。久之。疾革卒。璘立臺僅百日。世謂再見唐介。至切廟上躬。盡言無隱。帝益嚴憚之。居官大節。則母教之助爲多。

論曰。觀高定子在西陲。政業著聞矣。斯得屢起。而屢仆於權臣之手。及其再起。宋事已非。張忠恕論濟邸事。有父祖風焉。唐璘者。亦可謂古之遺直。

宋史卷四百九

元中書右丞相總裁脫脫等修

列傳第一百六十九

葉機

沈煥 舒璘附 曹彥約

范應鈴

徐經孫

葉機字彥發嘉興人乾道二年進士授鹽官尉丁父憂服除調舍山主簿郡委治銅城圩八十有四役夫三千有奇設廬以處之器用材植一出於官民樂勸趨兩旬告畢七攝鄰邑率以治績聞調於潛縣丞輕賦稅正版籍簡獄訟與學校遭外艱免喪為江東提舉司幹辦公事易淮東已而復舊改知西安縣巨室買地為塋域發地遇石復索元價機曰設得金將誰歸通判饒州平反冤獄蜀帥袁說友辟參議幕中不就改幹辦諸司審計司轉對請裁損經費又論刑名疑慮之敵還宗正寺主簿為太常博士祕書郎請續編上與館閣書目又請寬恤淮浙被旱州縣時皇太子始就外傳遴選學官以機兼資善堂小學教授機日陳正言正道又以累朝事親修身治國愛民四事手書以獻太子寘之坐右朝夕觀省隨事開明多所裨益遷太常丞仍兼資善旋遷右曹郎官祕書省著作郎改兼駕部都城大火機應詔上封事力言朝臣務為奉承不能出己見以裨國論外臣不稱職至苛刻以困民財將帥偏裨務為交結而不知訓閱以疆軍律時年七十旬閱不許太子得機所著廣干祿字一編尤喜命戴溪跋之權監察御史講未退而除命頒太子戀戀幾不忍舍機亦為之感涕論京官必兩任有舉主年三十以上方許作縣又論郡守輕濫太甚貽害千里蘇師旦怙勢妄作蒙蔽自肆語及者皆罪去而獨憚機韓侂胄議開邊機極口沮之謂恢復之名非不美今士卒驕逸遽驅於鋒鏑之下人才難得財力未裕萬一兵連禍結久而不解奈何侂胄聞之不說其議愈密外廷罔測又上疏極論雖密謀人莫得知而羽書一馳中外皇惑侍御史鄧友龍初不知兵騰書投合妄薦大將既召還專主此議機語友龍曰今日孰可為大將孰可為計臣正使以殿巖當之能保其可用乎遷右正言兼侍講首論廣蓄人才乞詔侍從臺諫學士待制

三牙管軍各舉將帥邊郡一二人召問甄拔優養以備緩急進太常少卿兼權中書舍人詔遣宣諭荆襄機昌言曰使往慰安人情則可必欲開邊啟釁有死而已不能從也泗州捷聞愈增憂危且曰若自此成功以據列聖之宿憤老臣雖死亦幸誠官但恐進銳退速禍愈深耳友龍至不能堪曰不逐此人則異議無所回機遂以言去侂胄誅召為吏部侍郎兼太子左庶子還朝言至公始可以服天下權臣以私意橫生敗國殄民今當行以至公若因私恩未報首為汲引私讎未復且為沮抑一涉於私人心將無所觀感矣又言兩淮招集敢勇不難於招而難於處若非繩以紀律課其勤惰必為後害仍請檢校權臣內侍等沒入家貲專為養兵之助機里人有故官吏部喪未舉而子赴調者機謂彼既冒法禁而部胥不之問即撻數吏使之治葬而後來聞者肆之兼太子詹事著歷代帝王總要以裨考訂遷給事中海盜八廂親從都軍頭指揮使年勞轉資恩旨太濫乞收癘未應年格之人年已及者予之帝稱善良久飛蝗為災機應詔言和議甫成先務安靜葺罅漏以成紀綱節財用以固邦本練士卒以壯國威遷禮部尚書兼給事中擢同知樞密院事兼太子賓客進參知政事當干戈甫定信使往來之始瘡痍方深敵蠹紛然機彌縫裨贊甚多尤惜名器守法度進退人物直言可否不市私恩不避嫌怨有舉員及格當改秩作邑而必欲朝闕機曰若是則有勞者何以勸孤寒者何以申若至上前自應執奏堂吏寄資未仕而例以升朝官實陳乞封贈機曰進士非通籍不能及親汝輩乃以自身得之耶嘉定二年八月行皇太子冊命機攝中書令讀冊九月祀明堂為禮儀使數上章告老帝不許皇太子遣官屬勉留之以資政殿學士知福州力辭提舉洞霄宮以歸遂卒贈金紫光祿大夫加贈特進機初登第其父壽戒之曰得官誠可喜然為官正自未易爾機撫其第模棟卒為善士居鄉以誠接物是非枉直判於語下不為後言人懼服之稱獎人才不遺寸長訪問賢能疏列姓名及其可用之實以備采取其所薦進亦不欲人之知也所著復有班馬字類機深於書學尺牘人多藏弄云

沈煥字叔晦定海人試入太學始與臨川陸九齡為友從而學焉乾道五年舉

進士授餘姚尉。揚州教授，召為大學錄，以所躬行者淑諸人，蚤暮延見學者，孜孜誨誘，長貳同僚，忌其立異，會充殿試考官，唱名日序立庭下，帝偉其儀，觀遣內侍問姓名，眾滋忌之，或勸其姑營職，道未可行也。煥曰：道與職有二乎？適私試發策，引孟子立乎人之本朝而道不行恥也，言路以為諷已，請黜之。在職才八旬，調高郵軍教授而去，後充幹辦浙東安撫司公事，高宗山陵，百司次舍，供帳酒食之需，供給不暇，煥亟言於安撫使鄭汝諧曰：國有大戚而臣子宴樂自如，安乎？汝諧屬煥條奏，充修奉官，移書御史，請明示喪紀本意，使貴近哀戚之心重，則芟舍非食自安，不煩彈劾而須索絕矣。於是治並緣為姦者，追償率斂者，支費頓減，歲旱，常平使分擇官屬振恤，得上虞餘姚二縣，無復流殍。改知婺源，三省類薦書以聞，遂通判舒州，閉居雖病，猶不廢讀書，拳拳然以母老為念，善類凋零為憂，卒，丞相周必大聞之曰：追思立朝，不能推賢揚善，予愧叔晦，益者三友，叔晦不予愧也。煥人品高明，而其中未安，不苟自恕，常曰：晝觀諸妻子，夜卜諸夢寐，兩者無愧，始可以言學，追贈直華文閣，特諡端憲，煥之友舒璘、璘字元質，一字元賓，奉化人，補入太學，張栻官中都，璘往從之，有所開警，又從陸九淵遊，曰：吾惟朝於斯，夕於斯，刻苦磨厲，改過遷善，日有新功，亦可以弗畔矣乎。朱熹呂祖謙講學于璘，璘徒步往謁之，以書告其家曰：敝床疏席，總是佳趣，櫛風沐雨，反為美境，舉乾道八年進士，兩授郡教授，不赴，繼為江西轉運司幹辦公事，或忌璘所學，望風心議，及與璘處，了無疑間，為徽州教授，徵習頌異詩禮，久不預貢士，學幾無傳，璘作詩禮講解，家傳人習，自是其學浸盛，丞相留正稱璘為當今第一教官，司業汪遠首欲薦璘，或謂璘舉員已足，遠曰：吾職當舉教官，舍斯人將誰先，卒劾薦之，知平陽縣，郡政頗苛，及璘以民病告，辭嚴義正，守為改容，秩滿通判宜州，卒，璘樂於教人，嘗曰：師道尊嚴，璘不如叔晦，若啓迪後進，則璘不敢多遜，袁燮謂璘篤實不欺，無毫髮矯偽，楊簡謂璘孝友忠實，道心融明，樓鑰謂璘之於人，如熙然之陽春，淳祐中，特諡文靖。

曹彥約，字簡甫，都昌人，淳熙八年進士，嘗從朱熹講學，歷建平尉，桂陽司錄，辰溪令，知樂平縣，主管江西安撫司機宜文字，知澧州，未上，薛叔似宣撫京湖，辟

主管機宜文字，漢陽關守，檄攝軍事，時金人大入，郡兵素寡，彥約搜訪土豪，得許尚俾總民兵，趙觀俾防水道，党仲昇將宣撫司軍屯郡城，金重兵圍安陸，遊騎闖漢川，彥約投觀方略，結漁戶拒守南河，觀逆擊斬其先鋒，且遣死士焚其戰艦，晝夜殊死戰，北渡追擊金人大敗去，又遣仲昇劫金人營，殺千餘人，仲昇中流矢死，奏觀補成忠郎，漢川簿尉，贈仲昇修武郎，官其後二人，彥約以守禦功進秩二等，就知漢陽，嘉定元年，詔求言，彥約上封事，謂敵豈不以歲幣為利，為其所向輒應，所求輒得，以我為易與，而縱其欲，莫若遲留小使，督責邊備，假以歲月，當知真偽，設復大舉，則民固已怨矣，欲進而我已戒嚴，欲退而彼有叛兵，決勝可期矣，尋提舉湖北常平，權知鄂州，兼湖廣總領，改提點刑獄，遷湖南轉運判官，時盜羅世傳、李元礪、李新等相繼竊發，桂陽、茶陵、安仁三縣皆破，壤地千里，莽為盜區，彥約至彼督運，人心始定，還直秘閣，知潭州，湖南安撫，時江西言欲招安李元礪，朝命下湖廣議招討之，宜彥約言：今不行討，捕曲徇招安，失朝廷威重，若元礪設疑詞以款重兵，則兵不可撤，戍民不得安業，元礪果不可降，彥約乃督諸將逼賊巢而屯，擊破李新於礪，新中創死，眾推李如松為首，如松降，遂復桂陽，世傳素與元礪有隙，至是密請圖元礪以自效，彥約錄賞格報之，且告于朝，又予萬緡錢犒其師，世傳遂禽元礪，彥約還長沙，未幾復出督戰，餘黨悉平，世傳既自以為為功，遲留以徵重賂，彥約論以不宜格外邀求，時池州副都統許俊駐兵吉之龍泉，厚賂以結世傳，超格許轉官資，世傳遂以元礪解江西，胡渠為右司，欲以世傳盡統諸峒而為之帥，悉徵江西湖南戍兵，彥約固爭之，渠不悅，然世傳終桀驁不肯出峒，彥約密遣羅九遷為間，誘胡友睦許以重賞，友睦遂殺世傳，江西來爭功，不與校，擢侍右郎官，以右正言鄭昭先言寢其命，久之，以為利路轉運判官，兼知利州，關外乏食，彥約悉發本司所儲，減價遺糶，勸分免役，通商蠲稅，民賴以濟，時沔州都統制王大牙驕橫，制置使董居誼既不得其柄，反曲意奉之，彥約以蜀之邊面諸司並列，兵權不一，微有小警，紛然奏議，理財者歸怨於兵弱，握兵者歸咎於財寡，乃作病夫議獻之，廟堂曰：古之臨邊，求一賢者而盡付之兵權，兵權正則事體重，兵權專則號令

一、今廟堂之上，患士大夫不奉行詔令，惡士大夫不恪守忠實，故雖信而用之，又以人參之，雖以事權付之，又從中御以繫維之，致使知事者不敢任事，畏事者常至失事，卒有緩急，各持己見，兵權財計，互相歸咎，昔秦隴之俗，以知兵善戰聞天下，自吳氏世襲以來，握兵者志在於怙勢，不在於尊上，用兵者志在於誅賞，不在於息民，本原一壞，百病叢出，至有世將已叛而宣威不覺，四郡已割而諸將不知更化之後，逆黨既誅，而士俗人心，其實未改，任軍官而領州事者，易成藩鎮之權，起行伍而立微効者，漸無階級之分，由卑郊以至宕昌，則隴西天水之地，其忠義民兵，利在戰鬪，緩急之際，固易鼓舞，若其恃勇貪利，犯上作亂，則又不止於大軍而已，苟不正其本原，磨之以歲月，漸之以禮義，未見其可也，今日之領帥權者，必當近邊境，必當擁親兵，有兵權者，必當領經費，必當寬用度，至於忠義之兵，又須有德者以爲統率，擇知書者以爲教導，如古人所謂教民而後用之也，今議不出此，乃欲幸勝以爲功，苟安以求免，誤天下者必此人，時朝論未以爲然，差知寧國府，又改知隆興府，江西安撫，居亡何，蜀邊被兵，內有張福莫蘭之變，彥約之言，無一不驗，遷大理少卿，又權戶部侍郎，以寶謨閣待制知成都，彥約乞赴闕奏事，不允，又申省乞入對，不報，改知福州，又改知潭州，彥約力辭，提舉明道觀，尋以煥章閣待制提舉崇福宮，理宗卽位，擢兵部侍郎，兼國史院同修撰，寶慶元年，入對，勸帝講學防近習，次言當以慶曆元祐聽言爲法，以紹聖崇觀諱言爲戒，比年以來，有以賣直好名之說，見於奏對者，願陛下倚忠直如蒼龜，去佞佞若蠱賊，其有沮撓諫言者，必加斥逐，會下詔求言，彥約上封事曰：陛下謹定省以事長樂，開王社以篤天倫，孝友之行，宜足以取信於天下，然兄弟至親，猶誤於狂妄小人之手，道路異說，猶襲於尺布不縫之謠，臣以爲守法者，人臣之職也，施恩者，人主之柄也，漢淮南王欲危社稷，張蒼馮敬等諍論如法，文帝既赦其罪，廢徙王，不幸而死，封其二子於故地，此往事之明驗，本朝太宗皇帝之所已行也，今若徇文帝緣情之義，法太宗繼絕之意，明示好惡，無隙可指，雖不止謗而謗息矣，又言：陛下求言之詔，惟恐不逮，然外議致疑，以爲明言文武，似或止於搢紳，泛言小大，恐不及於羣布，引而伸

之，特在一命令之間耳，又薦隆州布衣李心傳，素精史學，乞官以初品，實之史館，從之，尋兼侍讀，俄遷禮部侍郎，加寶謨閣直學士，提舉佑神觀，兼侍讀授兵部尚書，力辭不拜，改寶章閣學士，知常德府，陛辭，言下情未通，橫飲未革，帝曰：其病安在？對曰：臺諫專言人主，不及時政，下情安得通？苞苴公行於都城，則州郡橫斂無可疑者，提舉崇福宮，卒，以華文閣學士轉通議大夫致仕，贈宣奉大夫，嘉熙初，賜諡文簡。

范應鈴，字旂叟，豐城人，方娠，大父夢雙日照庭，應鈴生，稍長，厲志于學，丞相周必大見其文，嘉賞之，開禧元年，舉進士，調永新尉，縣當龍泉茶陵溪峒之衝，寇甫平，喜亂者詐爲驚擾，應鈴廉得主名，卒而治之，縣十三鄉，寇擾者不時安撫，使移司兼郡，初奏弛八鄉民租，二年，詔下如章，既而復催以檢核之數，應鈴力爭不從，卽詣郡自言，反覆數四，帥聲色俱厲，應鈴從容曰：某非徒爲八鄉貧民，乃深爲州計耳，民貧迫之急，將以不肖之心，應之，租不可得，而禍未易弭也，帥色動，令免下戶，既出令，復徵之，應鈴數曰：是使我重失信於民也，又力爭之，訖得請，民大感悅，有大姓與轉運使有連，家僮恣橫，屬民，應鈴笞而繫之，獄郡吏庭辱令，應鈴執吏囚之，以狀聞，調衡州錄事，總領開應鈴名，辟爲屬，改知崇仁縣，始至，明約束，信期會，正紀綱，曉諭吏民，使知所趨避，然後罷鄉吏之供需，校版籍之欺蔽，不數月，省簿成，卽以其簿及苗稅則例，下之總領所，自此賦役均矣，夙與冠裳聽訟，發擿如神，故事無不依期結正，雖貧者亦無不心服，真德秀扁其堂曰對越，將代，整治如始至，歲杪與百姓休息，閑價負，蠲租稅，釋囚繫，恤生癯死，崇孝勸睦，仁民厚俗之事，悉舉以行，形之榜揭，見者嗟歎，調提轄文思院幹辦諸軍審計，添差通判撫州，以言者罷，與祠，丁內艱，服除，通判蘄州，時江右峒寇爲亂，吉州八邑，七被殘燬，差知吉州，應鈴慨然曰：此豈臣子辭難時耶？卽奉親以行，下車首以練兵足食爲先務，然後去冗吏，覈軍籍，汰老弱，以次罷行，應鈴洞究財計本末，每鄙權酷興利，斬五邑悉改爲戶，吉舟車之會，且屯大軍六萬戶，人勸之權，應鈴曰：理財正辭，吾縱不能禁百姓羣飲，其可誘之利，其贏耶？永新禾山，羣盜嘯聚，數日間，應者以千數，應鈴察過客趙希邵有才略，檄

之據邑調郡兵結隅保分道據其巢穴禽之誅其為首者七人。一鄉以定。贛叛卒朱先賊殺主帥。應鈴曰。此非小變也。密譴謀以厚賞捕之。部使者勸其輕發。鑄一官。閉居六年。養親讀書。泊如也。起廣西提點刑獄。力辭。踰年乃拜命。既至。多所平反。丁錢蠹民。力奏免之。召為金部郎官。入見。首言。今以朝行幕改之。規撫。欲變累年上翫下慢之積習。以悠悠內治之敝政。欲圖一旦赫赫外攘之大功。又曰。公論不出於君子。而參以逢君之小人。紀綱不正於朝廷。而牽於弄權之閹寺。言皆讜直。識者韙之。遷尙左郎官。尋為浙東提點刑獄。力勻便養。改直秘閣。江西提舉常平。併詭挾三萬戶。風采凜凜。丁外艱。服除。遷軍器監兼尙左郎官。召見。奏曰。國事大且急者。儲貳為先。陛下不斷自宸衷。徒眩惑於左右近習之官。轉移於宮庭嬪御之見。失令不圖。姦臣乘夜半。片紙或從中出。忠義之士束手無策矣。帝為之動容。屬鹽法屢變。商賈之贏。上奪於朝廷之自鬻。下奪於郡郡之拘留。九江豫章。扼其襟喉。江右貧民。終歲食淡商與民俱困矣。應鈴力陳四害。願用祖宗入粟易鹽之法。授直寶謨閣。湖南轉運判官兼安撫司。峒獠蔣何三族聚千餘人。執縣令。殺王官。帥憲招捕。逾年不至。應鈴曰。招之適以長寇。亟捕之可也。即調飛虎等軍會隅總討之。應鈴親臨誓師。號令明壯。士卒鼓勇以前。禽蔣時選父子及兇渠五人。誅之。脅從者使之安業。未一月。全師而歸。授直煥章閣。上疏謝事。不允。擢大理少卿。再請又不允。一旦籍府庫。核簿書。處決官事已。遂及家務。纖悉不遺。僚屬勸以清心省事。曰。生死數也。平生學力。正在今日。帥別之傑。閑疾。應鈴整冠肅入。言論如平常之傑。退修然而逝。應鈴開明磊落。守正不阿。別白是非。見義必為。不以得失利害動其心。書饋不交上官。薦舉不徇權門。當官而行。無敢撓以非義。所至無留訟。無滯獄。編吏不少貸。亦未嘗沒其貲。曰。彼之貸以悖入。官又從而悖入之。可乎。進修潔。案姦賊。振樹風聲。聞者興起家居時。人有不平。不走官府。而走應鈴之門。為不善者。輒相戒曰。無使范公聞之。讀書明大義。尤喜左氏春秋。所著有西堂雜著十卷。斷訟語曰。對越集四十九卷。徐鹿卿曰。應鈴經術似兒寬。決獄似雋不疑。治民似龔遂。風采似范滂。理財似劉晏。而正大過之。人為名言。

徐經孫。字中立。初名子柔。寶慶二年進士。授瀏陽主簿。潭守俾部牙契錢至州。有告者曰。朝廷方下令。頒行十七界會令。若此錢皆用會。小須則幸而獲大利矣。經孫曰。此錢取諸保司。出諸公庫。吾納會而私取其錢。外欺其民。內欺其心。奚可哉。詰旦。悉以所部錢上之。其人驚服有愧色。辟永興令。知臨武縣。通判潭州。師陳韓雅相知事。必咨而後行。秩滿。由豐儲倉提管進權轄國子博士兼資善堂直講。為監察御史。劾京尹厲文翁言偽而辨疏入留中。宣諭至再。即日出關。上遣使追之不及。進直寶章閣。福建提點刑獄。號稱平允。歲餘。升安撫使。召為秘書監兼太子諭德。經孫為安撫時。韓家居。門人故吏有撓法者。不得逞。相與搖撼。至是韓起家判本郡。懷私逞忿。無復交承之禮。即日劾奏通判。語侵經孫。謂廣卷府庫而去。於是罷通判。削其秩。經孫造朝。具白于政府。事上聞。帝大怒。論宰執曰。陳韓老繆至此。宜亟罷之。於是經孫再詣政府言。某韓門生也。前者建之。遷宗正少卿。起居舍人。起居舍人。入奏。君人者當守理欲之界限。遷刑部侍郎。兼給事中。升太子左庶子。太子詹事。輔導東宮者三年。敷陳經義。隨事啓迪。太子入侍。必以其所講聞。悉奏之。帝未嘗不稱善。景定三年春雷。詔求直言。經孫對曰。三數年來。言論者以靖共為主。有懷者以諱許為戒。忠讜之氣。鬱不得行。上帝降監。假雷以鳴。切中時病。公田法行。經孫修其利害。忤丞相買似道。拜翰林學士。知制誥。未踰月。諷御史舒有開奏免罷歸。授湖南安撫使。知潭州。不拜。授端明殿大學士。閒居十年卒。贈金紫光祿大夫。經孫所薦陳茂廉。為公田官。分司嘉興。聞經孫去國。曰。我不可以負徐公。遂以親老謝歸。終身不起。論曰。嗚呼。寧宗之為君。韓侂胄之為相。豈用兵之時乎。故軍機力止之。小學之廢久矣。而機獨知致力於此。沈煥舒璘。學遠識明。曹彥約可與建立事功。范應鈐赫然政事如神明。徐經孫清慎有守。卒以爭公田許買似道去國。君子稱之。

元中書右丞相總裁脫脫等修

列傳第一百七十

湯璿

蔣重珍

牟子才

朱魏孫

歐陽守道

湯璿字君保，瀏陽人。淳熙十四年進士，調德安府學教授，轉三省樞密院架閣。遷國子博士。時召朱熹為侍講，未幾辭歸。朝廷從其請，子祠璿，上疏言熹以正學為講官，四方翹望，其有啓沃之益，曾未踰時，輒聽其去，必駭物論。宜追召熹還，仍授講職。疏上不報。由是浸惡權相意，而璿之直聲亦大聞于時。歷禮部駕部、二郎官，出知常州，入為大理少卿。進直徽猷閣，卒。璿質直，與韓侂胄陳自強不合，故屢嗾言者中傷。璿生平奉祠閑居之日，多於揚歷，其在禮曹，例掌三省奏記。臨安大火，寧宗過災避正殿，中書三表請復，不許。璿屬辭務持大體，不為阿曲。言者撫其語涉訕上，而朝廷實知其無他，故起復制詞，有清風峻節之語。璿嘗擇得蔣重珍，後舉進士第一。

蔣重珍，字良貴，無錫人。嘉定十六年進士第一，簽判建康軍，丁母憂，改昭慶軍。尋以公事與部使者異議，請祠，易簽判奉國軍。紹定二年，召入對，首以自天子至於庶人，所當先知者，本心外物二者之界限為言。界限明，則知有天下治亂而已。何樂其尊，知有生民休戚而已。何樂其奉。且論苞苴有昔所未有之物，故吾民惟昔所未有之害，苞苴有不可勝窮之費，故吾民有不可勝窮之憂。遷秘書省正字，屢乞祠，以伯父喪，予告，遷校書郎。辭不可，明年待命晉川，移文閣門。請對當路，憐之，添差通判鎮江府。辭，會行都火，應詔曰：臣頃進本心外物界限之說，蓋欲陛下親攬大柄，不遺託於人，盡破恩私，求無愧於己。儻以富貴之私視之，一言一動，不忘其私，則是以天下生靈社稷宗廟之事為輕，而以身富貴之所從來為重。不惟上負天命與先帝聖母，至于公卿百執事之所以望陛下者，亦不如此也。昔周勃今日握重授文帝，是夜即以宋昌領南北軍，霍光今年定策立宣帝，而明年稽首歸政。今臨御八年，未聞有所作為，進退人才，與廢

政事。天下皆曰此丞相意，一時恩怨，雖歸廟堂，異日治亂，實在陛下。焉有為天子之子，為人之主，而自朝廷達於天下，皆言相而不言君哉。天之所以火宗廟火都城者，殆以此。臣所以痛心者，九廟至重，事如生存，而徹小塗大，不防於火之未至。宰相之居，華屋廣廈，而焦頭爛額，獨全於火之未然，亦足以見人心陷溺，知有權勢，不知有君父矣。他有變故，何所倚仗。陛下自視，不亦孤乎。昔史浩兩入相，才五月或九月，即罷。孝宗之報功，寧有窮已。顧如此其亟，何哉。保全功臣之道，可厚以富貴，不可久以權也。上讀之，感動，授寶章閣，主管雲臺觀。則告吏部不受貼職，祿不願貼職恩。它日星變求言，復申前說。又慮柄臣或果去位，君心身縱，大權旁落，則進為君難，六箴召為秘書郎，兼莊文府教授。端平初，入對上五事。且曰：隱敵君德，昔谷故相，故臣得以專詆權臣，昭明君德。今在陛下，故臣得以責難君父，乞召真德秀，魏了翁用之。帝謂之曰：人主之職無他，惟辨君子小人。重珍對曰：小人亦指君子為小人，此為難辨。人主當精擇人，望處之要津。正論日聞，則必知君子姓名，小人情狀矣。兼崇政殿說書，戒家事，勿以白務積精神，以寤上意。每草奏，齋心感服，有密啓，則手書削稿。帝稱其平實。遷著作佐郎，邊帥以八陵圖來，上詔百官集議。重珍言：史嵩之既失相位，危於慕巢，猶欲邀功，自固其位，請擇賢帥如漢用充國，使之親至邊境，審度事勢，條上便宜。丞相主出師關洛，重珍力爭，會邊帥議和，戰不一。復召集議，重珍委囊乞專意備守，不得已，則用應兵。今不敢變前說，不聽。遂自劾，以密勿清光，乃不能遏兵端，乞免說書職。遷著作郎，兼權司封郎官，起居舍人。言近者當侍講席，旋命止之。或曰：是日道流生朝，夫輟講，偶以他故，則當知聖躬舉措之難，或所傳果得其實，則當知聖心持守之難。帝曰：非卿不聞此言。關洛師大，切復進兵。重珍言：若恥敗而欲勝之，則心不平而成忿，氣不平而成怒，生靈之命，豈可以忿怒用哉。又言：邇來用臺諫，頗主不必矯激之說，似畏剛方太過之士，竊窺選用之意，正謂其平易而省事耳。然數月之間，一失於某，再失於某，借曰慎重臺綱，而憂其激，亦當以平正者居之。又論禁旅貧弱，教習頻廢，輒不能堪，不稍變通，非消變之道。兼國史院編修官，實錄院檢討官。言更化以來，舊敵未去者五，徇私調

俾覆護姑息依違是也今又益之以輕易遷起居郎以疾求去以集英殿修撰知安吉州權刑部侍郎三辭不許自劾其不能取信朝廷之罪乞鑄斤置閑散促覲愈力而疾不可起詔守刑部侍郎致仕贈朝請大夫諡忠文

牟子才字存察并研人八世祖允良生期歲淳化間盜起舉家殲焉惟一姑未笄以獲覆之得免子才少從其父客陳咸咸張樂大宴子才閉戶讀書若不聞見者咸異之學于魏了翁楊子謨虞剛簡又從李方子方子朱熹門人也嘉定十六年舉進士對策詆丞相史彌遠調嘉定府洪雅縣尉監成都府權茶司賣引所辟四川提舉茶馬司準備差遣使者魏必衆人遇之子才拂衣竟去必以書幣謝不受改辟總領四川財賦所幹辦公事詔李心傳即成都修四朝會要

辟兼檢閱文字制置司遣之文州視王宣軍饑鄧艾緹兵處也道遇宣曰敵且壓境宣已退矣君毋庸往子才不可遂至州視軍庚而還甫出境文州陷辟知成都府溫江縣事未上連丁內外艱時成都已破遂盡室東下免喪心傳方修中與四朝國史請子才自助擢史館檢閱入對首言大臣不公不和六事次陳備邊三策理宗顧問甚悉將下殿復召與語翼日帝諭宰相曰人才如此可峻擢之左丞相李宗勉擬秘書郎右丞相史嵩之怨子才言已遽曰姑遷校勘俄宗勉卒嵩之獨相亟請外通判吉州轉通判衢州日食詔求言上封事萬言極陳時政得失且乞蚤定立太子入為國子監主簿兼史館校勘踰年遷太常博士鄭清之再相子才兩上封事言今日有徵欽時十證又請為濟王立後以回天怒校書郎徐霖言諫議大夫鄭寀臨安府尹趙與憲不報出關子才言陛下

行霖言則霖留不然則不留也二人之中寀尤無恥請先罷之寀去至若嵩之謀復相清之誤引嵩之黨別之傑共政皆歷歷為上言之作書與孔光張禹切責清之清之復書媿謝謁告還安吉州寓舍遷秘書郎屢辭主管崇道觀踰年遷著作佐郎又辭清之卒之明日詔子才還朝遷著作郎左丞相謝方叔右丞相吳潛交書道上意趣行益急乃至兼崇政殿說書子才隨事奏陳舉朝誦子才奏疏皆曰有德之言也兼國史院編修官實錄院檢討官兼禮禮部郎官

時修四朝史乃復兼史館檢討信州守徐謂禮奉行經界苛急又以香杖比較

催科饑民嘯聚為亂子才言于上立罷經界請謂禮浙東福建九郡同日大水子才言今日納私謁溺近習勞土木庇小人失人心五者皆蹈宣和之失苟不恐懼修省臣恐宣和京城之水將至矣燮理陰陽大臣之事宜論大臣息爭爭以召和氣除壅蔽以通下情今遣使訪問水災德至渥也願出內帑振之又言

君子難聚而易散今聚者將散其幾有十又言諡以勸懲當出自朝廷毋待其家自請左司徐霖言諫議大夫葉大有帝大怒逐霖給事中趙汝騰繳之徙他官汝騰即出關子才上疏留之大有遂劾汝騰子才上疏訟汝騰誣及大有之欺未幾罷大有有言職故事早講讀官皆在晚講惟說書一員宰相懼子才言已并晚講於早自是不得獨對矣遷軍器少監御史蕭泰來劾高斯得徐霖右

司李伯玉言泰來所劾不當上切責伯玉降兩官罷子才言陛下更化召用諸賢今汝騰斯得霖相繼劾去伯玉又重獲罪善人盡矣除兼侍立修注官力辭行都大火子才應詔上封事言甚切直兼直舍人院會泰來亦遷起居郎恥與泰來同列七疏力辭上為出泰來而子才亦請去不已曰泰來既去臣豈得獨留上不允又言蜀當以嘉渝夔三城為要欲保夔則巴蓬之間不可無屯以控扼之欲保渝則利閬之間不可無屯以遏截之欲守嘉則潼遂之間不可無屯以犄角之屯必萬人而後可升兼侍讀御史徐經孫劾府尹厲文翁不報出關子才奏留之文翁改知紹興府又繳其命伯玉降官已逾年舍人院不敢行詞子才曰故事文書行不過百刻即為書行以為敘復地帝曰請詞皆裏語可更之子才不奉詔丞相又道帝意子才曰腕可斷詞不可改丞相欲改則自改之乃已淮東制置使賈似道以海州之捷子才草擬論詔第述軍容之感不言其功且語多戒敕似道不樂又言全蜀感時官軍七八萬人通忠義為十四萬今官軍不過五萬而已宜招新軍二萬并撫慰田楊二家使歲以兵來助如此則蜀猶可保不則不出三年蜀必亡矣湯漢黃蛻召試學士院子才發策蛻譽嵩之罷蛻正字去遷起居郎言外郡以進奉易富貴左右以土木蠱上心小人以譁競朋比陷君子此天災所以數見也明堂禮成帝將幸西太乙宮欵謝實欲遊西湖爾子才力諫止皇子冠面論作樂章禮部言古者適子一醺無樂庶子

三醜有樂，用樂非是。子才言：嫡庶之分，特以所立之地不同，非適專用醜，庶專
用醜也。樂章乃學士院故事，況面諭臣，不敢不作，詔從之。又言：首蜀尾吳，幾二
萬里，今兩淮惟賈似道、荆蜀惟李曾伯二人而已，可爲寒心。謂宜於合肥別立
淮西制置司，江淮別立荆湖制置司，且於漣楚光黃均房巴閬縣劍要害之郡，
或築城或增戍以守之，似道聞之，怒曰：是欲削吾地也。正月望，召妓入禁中，子
才言：此皆董宋臣輩壞陛下素履。權兵部侍郎，屢辭，帝不允。升同修國史，實錄
院同修撰，御史洪天錫劾宋臣文翁及謝堂等不報，出關。子才請行其言，文翁
別與州郡，堂自請外補。宋臣自請辭內轄職，而宋臣錄黃竟不至院。蓋懼子才
復有言也。吳子聰之姑，知古爲女冠，得幸，子聰因之以進，得知閤門事。子才繳
之曰：子聰依憑城社，勢發薰灼，以官爵爲市，播紳之無恥者，輻湊其門。公論素
所切齒，不可用。帝曰：子聰之除，將一月矣，乃始繳駁，何也？可卽爲書行。子才曰：
文書不過百刻，此舊制也。今子聰錄黃二十餘日，乃至後省，蓋欲俟其供職，使
臣不得繳之耳。給舍紀綱之地，豈容此輩得以行私於其間？於是子聰改知澧
州，待次。子才力辭去，帝遣檢正姚希得挽留之，不可，以集英殿修撰知太平州。
前是例，兼提領江淮茶鹽。子才以不諳財賦，免。至郡，首教民孝弟，以前人慈竹
義木二詩刻而頒之。間請學爲諸生，講說經義，修采石戰艦百餘艘，遣兵仗以
千計，前政負上供綱及總所綱七十萬緡，悉爲補之。蠲黃池酒息六十餘萬貫。
三縣秋苗畸零萬五千餘石，夏稅畸零紬帛四千五百餘匹，絲七百餘兩，綿一
萬三千餘兩，麥二千餘石，郡有平糴倉，以米五千石益之，又以緡錢二十六萬
創抵庫，歲收其息以助糴本。召入對，權工部侍郎。時丁大全與宋臣表裏，濁亂
朝政，子才累疏辭歸。初，子才在太平，建李白祠，自爲記曰：白之斥實由高力士
激怒妃子，以報脫鞵之憾也。力士方貴倨，豈甘以奴隸自處者？自非直以氣陵
亢而已。蓋以爲掃除之職，固當爾，所以反其極重之勢也。彼昏不知，顧爲逐其
所忌，力士聲勢益張，宦官之感，遂自是始。其後分提禁旅，喋血宮庭，雖天子且
不得奴隸之矣。又寫力士脫鞵之狀爲之贊，而刻諸石，屬有柘本遺宋臣，宋臣
大怒，持二碑泣懇于帝，乃與大全合謀，嗾御史文章，誣劾子才在郡公燕，及覲

遺過客爲入已，降兩官猶未已。帝疑之，密以藪間安吉守吳子明、子明奏曰：臣
嘗至子才家，四壁蕭然，人咸知其清貧。陛下無信讒言，帝語經筵官曰：牟子才
之事，吳子明乃謂無之何也。衆莫敢對。戴慶炳曰：臣憶子才書繳子明之兄子
聰，帝曰：然事遂解。蓋公論所在，雖仇讐不可廢也。未幾，大全敗，宋臣斥，誣劾子
才者悉竄嶺海外，乃復子才官職。提舉玉隆萬壽宮，帝卽欲召子才，會似道入
相，素憚子才，又憾草詔事，僅進寶章閣待制，知温州。又嗾御史造飛語，目子才
爲潛黨，將中以危禍，上意不可奪，遂以禮部侍郎召，屢辭不許，乃賜御筆曰：朕
久思見卿，故有是命，卿其勿疑。爲我彊起。故事，近臣自外召者，必先見帝乃供
職。子才至北闕，請內引奏事，宦者在旁沮之，帝特令見，大說，慰諭久之。時似道
自謂有再造功，四方無慮，皆其力，故肆意逸樂，惡聞讒言。子才言：開慶之時，天
下岌岌殆矣，今幸復安，不知天將去疾，遂無復憂耶？抑順適吾意，而基異時不
可測之禍也。奈何懷宴安以燻毒，而不明閑環之政刑乎？忠厚者，我朝之家法
也。乃者小人妨國，始用一切以戕其脈，今當反其所爲，奈何愈益甚乎？謂宜悉
取祖宗所以待士愛民，祈天永命者，循而行之。言論者，國之元氣也。今言及乘
輿，尙見優假，事關廊廟，忿怒斯形，朝政之闕失，臣下之蔽蒙，何由上達乎？帝曰：
非卿不聞此言。宣坐賜茶，問外事甚悉。子才具以田里疾苦對。帝憂憂久之，卽
兼侍讀，尋兼同修國史。實錄院同修撰，宋臣有內侍省押班之命，舉朝爭之不
能得。子才入疏，詰朝，帝出其疏示輔臣，皆曰：子才有憂君愛國之真，無要譽沽
名之巧，擢權禮部尙書，祀明堂。子才爲執綏官，帝問漢唐文物，占對詳贍。時士
大夫小近權臣，輒竄流。子才請重者量移，輕者放還。兼直學士院，前是倖直多
以疾免。子才始復舊制，帝賜詩褒賞，每直輒召對內殿，語至夜分，或就賜酒果，
兼給事中。彗星見，應詔上封事，請罷公田，更七司法，正爲尙書，力辭不許。升修
國史，實錄院修撰。徐敏子以星赦量移，似道惡其爲潛所用，諷後省繳之。子才
不可，葉李呂宙之等上書攻似道，似道怒，欲殺之，以他事下天府獄。子才請宥
之，又遣書似道，似道復書辭甚忿，徑從天府斷遣，不復以聞。蓋懼子才再有所
論駁也。度宗在東宮，雅敬子才，言必稱先生。卽位，授翰林學士，知制誥，力辭不

拜請去不已進端明殿學士以資政殿學士致仕卒贈四官官其後二人子才事親甚孝弟子方客死公安拔其柩葬安吉女弟在眉山拔其家于兵火致之安吉在吉州文天祥以童子見即期以遠大所薦士若李芾趙昀發劉黻家鉸翁後皆為忠義士平江守吳淵籍富民田以千餘畝遺子才皆卻之身後家無餘貲賣金帶乃克葬有存齋集內制外制四朝史彙奏議經筵講義口義故事四尚易編春秋輪輻子獻大理少卿

朱魏孫字與甫浮梁人淳祐四年進士授臨江軍學教授丞相史嵩之聞魏孫名欲致之館下以祿未及親辭喪父服除授福州學教授差充江東安撫司幹辦公事制置使王堃丘岳馬光祖趙與陋皆薦之丁大全在臺勢熾熏灼天久陰兩魏孫貽書政府言回積陰之道去姦邪罷手實蠲米稅姦邪指大全也丞相董槐得書嘉歎主管尚書刑工部架閣文字宦者董宋臣寵幸用事魏孫發策試胄子極論官寺專權之患宋臣諷言者論罷之光祖辟添差江東安撫司機宜文字權史館校勘時大全執政使其黨許以驟用魏孫力拒之且謁告歸省遷太學博士屬帝親權監察御史兼崇政殿說書首疏論大全權姦誤國之罪倡言學校六士之冤又以翕聚人才凝固人心精擇人言增禁旅以壯帝畿擇良守以牧內郡選全才以守江面嚴舟師以防海道因地募兵以應突至之敵并力合勢以援必守之地時有建議遷都四明者魏孫亟上疏言變輿若動則三邊之將士瓦解而四方之盜賊蜂起必不可遂止魏孫在講筵言及宋臣撓政事忤旨遷大理少卿又遷司農少卿兼太子右諭德詔許乘馬赴講魏孫論導得體行說經義有關於君道者必委曲敷暢除寓警戒太子每為之改容兼國史院編修官實錄院檢討官兼權直舍人院時大禮成封命叢委吏持詞頭下每夕無慮數十魏孫運筆如飛夜未中已就皆溫潤典雅遷宗正少卿丁母憂服除授秘書監兼太子左諭德改監察御史兼崇政殿說書姓名已付外矣尋復改命浙西行公田吏並緣為姦魏孫疏其敝推春秋尊王紂霸之旨勸帝崇仁政用吉士行正論賜賚甚渥擢殿中侍御史兼侍講請嚴京師淫聲奇服之禁他所論苗耗役害及經理川蜀皆當世急務宋臣覆出朝論紛然魏孫

因對方斥其姦卒奪祠升侍御史兼侍講長星出東方魏孫力詆外戚內臣及進奉羨餘失人心者且曰回天心自回人心始辭旨懇切帝為之感動升侍讀魏孫之再入臺屬疆場多事屢陳備禦之策理宗春秋高倚成買似道似道擅命魏孫隨事進諫不肯阿附至若行公田之政屢於經筵密以告帝似道自是深忌之魏孫累疏去理宗崩度宗即位權右諫議大夫賜紫金魚袋兼賜章服犀帶以疾乞辭言職選吏部尚書不拜帝以舊學故雅欲留魏孫使者旁午於道而魏孫辭益力以華文閣學士知寧國府似道諷言者論罷久之提舉太平興國宮復華文閣學士知袁州至郡宣布德意以戢暴禁貪為先務郡倉受租舊倚斛面取贏吏加漁取魏孫知其敝悉榜除之許民自槩量宿敵顧章田里歡聲與學校以勸士升數文閣學士知福州福建安撫使未幾卒于袁之郡治贈四官與恩澤二令所在給喪事有文集奏議行世

歐陽守道字公權一字迂父吉州人初名巽自以更名應舉非是當祭必稱巽少孤貧無師自力於學里人聘為子弟師主人矚其每食舍肉密歸遺母為設二器馳送乃肯食肉隣媪兒無不歎息感動年未三十翕然以德行為鄉郡儒宗江萬里守吉州守道適貢于鄉萬里獨異視之淳祐元年舉進士廷對言國事成敗在宰相人才消長在臺諫昔者當國惡箴規言者疑觸讎及其去位共謂非才或有迎合時宰自效殷勤亦有疾惡乖方苟求疵類以致忠邪不辨黜陟無章唱名徐儼夫為第一儼夫握守道起曰吾愧出君上矣君文未嘗不在我上也授寧都主簿丁母憂服除調贛州司戶其次十年後萬里作白鷺洲書院首致守道為諸生講說湖南轉運副使吳子良聘守道為嶽麓書院副山長守道初升講發明孟氏正人心承三聖之說學者悅服宗人新及子必泰先寓居長沙聞守道至往訪之初猶未識也晤語相契守道即請于子良禮新為嶽麓書院講書新講禮記天降時雨山川出雲一章守道起曰長沙自有仲齊吾何為至此仲齊新之字也踰年新卒守道哭之慟自銘其墓又薦其子必泰於當道子良代守道復還吉州里有張基喪其父小祥而舅氏訟以事繫之獄使不得祭邀其售己地以葬守道聞之歎曰吾惟痛斯子之不得一哭其父也且

服之禁他所論苗耗役害及經理川蜀皆當世急務宋臣覆出朝論紛然魏孫

其痛奈何。明日告之邑令曰：此非人心，濱祭而縛之，撓穉而奪之，舅如此，是自食其肉也。請任斯子出祭而復獄，令亟出之。其舅醜誣守道，守道亦不自辨，轉運使包恢爲請祠于朝，萬里入爲國子祭酒，薦爲史館檢閱，召試館職，授秘書省正字。安南國王陳日照傳位其子，求封太上國王，下省官議，守道謂太上者，漢高帝以尊其父，累朝未之有改，若賜詔書稱太上國王，非便。南越尉佗嘗自稱蠻夷大長老，正南夷事也。禮方伯自稱曰天子之老，大夫致仕曰老，自稱亦曰老，自夷蠻言之，則有尉佗之故事，自中國言之，亦方伯致仕者之常稱。漢亦有老上單于之號，易太以老無損，或去上字存其太字，太王則有古公、三太、三少、太宰、少宰，太所以別於少也。謂父爲太，則子爲少矣。太以尊言，則太后、太妃、太子、太孫，以卑言，則太史、太卜、太祝、樂、太師、太圍，上下所通用也。時病足不及與議，遷校書郎，兼景憲府教授，遷秘書郎，轉對言，欲家給人足，必使中外臣庶無復前日言利之風，而後可。風化惟反諸身，化之以儉而彼不爲儉，吾惟有卑宮室，菲飲食，化之以廉而彼不與廉，吾惟有不貴難得之貨，不厚無益之藏，以言罷。守道徒步出錢塘門，唯書兩篋而已。理宗遺詔聞守道與其徒相嚮哭踊，僮奴孺子各爲悲哀。咸淳三年，特旨與祠，詔大臣舉賢才，少傅呂文德舉九十六人，守道預焉。添差通判建昌軍，以書謝廟堂曰：史贊大將軍不薦士，今大將軍薦士矣，而某何以得此於大將軍哉。幸嘗蒙召擢，備數三館，異時或者謂其放廢無聊，託身諸貴人，虧傷國體，則寧得而解。願仍賦祠祿足矣。遷著作佐郎，兼崇政殿說書，兼權都官郎官。經筵所進，皆切於當世務，上爲動色。遷著作郎，卒。家無一錢。守道之兄之妻蚤喪，其子演，五歲餘，且多病，浚生甫數月，守道三十，未有室，顧無能乳哺者，日夜抱二子泣，里巷憐之。演既長，出莫知所之，守道哭而求諸野，終不能得。三年不食肉，顧頽不釋者終身。吉有賢守而大家怨之，厚誣以賊者，下其事常平使者，會旱甚，禱雲騰，守道曰：無以禱也。雲騰之神，唐郡守吳侯也，冤莫甚於前守，冤不直而吳侯於禱，侯有辭矣。匹婦藏冤，早或三年，冤在民牧，寧豈其小。反覆千餘言，或迂笑之。守道不改，告來者不倦。守卒以得直，所著有易故文集。

論曰：湯璿立朝，謬謬，蔣重珍自擢魏科，既居威名之下，而能樹立於當世，可爲難矣。牟子才朱魏孫，直聲著于中外，歐陽守道，廬陵之醇儒也。

宋史卷四百十一

元中書右丞相總裁脫脫等修
列傳第一百七十一

孟珙 杜杲子庶 王登 楊揆
張惟孝 陳咸

孟珙字璞玉，隨州棗陽人。四世祖安嘗從岳飛軍中有功。嘉定十年，金人犯襄陽，駐圍山。父宗政時為趙方將，以兵禦之。珙料其必闕樊城，獻策。宗政由羅家渡濟河，宗政然之。越翼日，諸軍臨渡布陣，金人果至。半渡伏發，殲其半。宗政被檄援棗陽，臨陣嘗父子相失，珙望敵騎中有素袍白馬者，曰：吾父也。急麾騎軍突陣，遂脫。宗政以功補進勇副尉。十二年，完顏訛可步騎二十萬分兩路攻棗陽，環集城下。珙登城射之，將士驚服。宗政命珙取它道劫金人，破砦十有八，斬首千餘級。大倅軍器以歸，金人遁。以功升下班祗應。十四年，入謁，制置使趙方一見奇之，辟光化尉，轉進武校尉。十六年，以功特授承信郎。丁父憂，制置使起復之，珙辭訖葬，趣就職。又辭，轉威忠郎。理宗即位，特授忠翊郎，尋差峽州兵馬監押，兼在城巡檢。京湖制置司差提督虎翼突騎軍馬。又辟京西第五副將，權管神勁左右軍統制。初，宗政招唐鄧蔡壯士二萬餘人，號忠順軍，命江海總之。衆不安，制置司以珙代海。珙分其軍為三衆，乃帖然。紹定元年，珙白制置司，勅平堰千棗陽，自城至軍西十八里，由八疊河經漸水側水跨九阜，建通天槽八，十有三丈，溉田十萬頃，立十壯三轄，使軍民分屯。是年收十五萬石，又命忠順軍家自畜馬，官給芻粟，馬益蕃息。二年，升京西第五正將，兼陽軍總轄。本軍屯駐忠順三軍。明年，差京西兵馬都監。丁母憂，又明年，起復京西兵馬都監。兼陽軍駐劄仍總三軍。六年，大元將那顏僂蓋追金主完顏守緒，逼蔡，檄珙屯鄂討金。唐鄧行省武仙、仙時與武天錫及鄧守穉刺瑗相犄角，為金盡力。欲迎守緒入蜀，犯光化，鋒剽甚。天錫者，鄧之農夫，乘亂聚衆二十萬為邊患。珙逼其壘，一鼓拔之。壯士張子良斬天錫首以獻。是役獲首五千級，俘其將士四百餘人，戶十二萬二十有奇。乃授江陵府副都統，制賜金帶，制置司檄珙問邊事。珙曰：金

人若向呂堰，則八千人不為少。然須木查騰雲呂堰等若受節制，乃可濟。已而劉全雷去危兩部與金人戰于夏家橋，小捷。有頃，金人犯呂堰，珙喜曰：吾計得矣。亟命諸軍追擊呂堰，進逼大河，退逼山險。砦軍四合，金人棄輜重走獲甲士五十有二，斬首三千，馬牛橐駝以萬計。歸其民二萬二千有奇。瑗遣其部曲馬天章奉書請降，得縣五鎮二十二，官吏一百九十三，馬軍千五百，步軍萬四千，戶三萬五千三百，口十二萬五千五百五十三。珙入城，瑗伏階下請死。珙為之易衣冠，以賓禮見。仙屯順陽，為宋軍所捷，退屯馬蹬。金順陽令李英以縣降。申州安撫張林以州降。珙言：歸附之人，宜因其鄉土而使之耕，因其人民而立之長少壯籍為軍，俾自耕自守，才能者分以土地，任以職，使各招其徒以殺其勢。制置司是之。七月己酉，仙愛將劉儀領壯士二百降。珙問仙虛實，儀陳仙所據九砦，其大砦石穴山，以馬蹬沙窩岵山三砦蔽其前，三砦不破，石穴未易圖也。若先破離金砦，則王子山砦亦破。岵山沙窩孤立，三帥成禽矣。珙翼日遣兵向離金，盧秀執黑旗帥衆入砦，金人不疑為宋軍，乃分據巷道大呼。縱火掩殺幾盡。是夜壯士楊青等擣王子山砦，護帳軍酣寢，王建入帳中，斬金將首囊佩之。平明視之，金小元帥也。丙辰，出師馬蹬，遣樊文彬攻其前門，成明等邀截西路。一軍圍訖石烈，一軍圍小總帥，砦火燭天，殺廖山積餘逸去者。復為成明伏軍所得。壯士老少萬二千三百來歸。師還，至沙窩西，與金人遇，大捷。是日三戰三克，未幾，丁順等又破默候里砦。珙召儀曰：此砦既破，板橋石穴必震，汝能為我招之乎？儀曰：晉德與花腿王顯金鎮撫安成故舊，招之必來。迺遣德行儀，又請選婦人三百僞逃歸，懷招軍榜以向珙從之。威見德敘情好甚歡，介德往見顯。顯即日以書乞降。德復請珙遣劉儀候之。顯軍約五千，猶未解甲。珙令作棹，棹陣入陣，周視良久乃去。如素所撫循，饗以牛酒，皆醉飽歌舞。珙料武仙將上岵山絕頂，窺伺。令樊文彬詰旦奪岵山，駐軍其下。前當設伏，後遮歸路。已而仙眾果登山，及半，文彬麾旗伏兵四起，仙眾失措，枕藉崖谷。山為之顛，殺其將兀沙惹，擒七百三十人，棄鎧甲如山。藟暮，珙進軍至小水河，儀還，具言仙不欲降，謀往商州依險以守。然老稚不願北去。珙曰：進兵不可緩，夜漏十刻，召文彬等

受方略。明日攻石穴九峯。丙辰。羣食啓行。晨至石穴。時積雨未霽。文彬患之。珙曰。此雪夜擒吳元濟之時也。策馬直至石穴。分兵進攻。而以文彬往來給事。自寅至巳。力戰。九峯一時俱破。武仙走。追及於鮎魚峯。仙望見易服而遁。復戰于銀葫蘆山。軍又敗。仙與五六騎奔。追之。陰不見。降其衆七萬人。獲甲兵無算。還軍襄陽。轉修武。鄂州江陵府副都統制。大元兵遣宣撫王約共攻蔡。制置使謀於珙。珙請以二萬人行。因命珙盡護諸將。金兵二萬騎。真陽橫山南來。珙鼓行而前。金人戰敗。欲走。追至高黃陂。斬首千二百級。倂盡遺兔花。忒沒荷。過出阿悉。三人來逐。珙與射獵。割鮮而飲。馳入其帳。倂盡。約為兄弟。酌馬。酒飲之。金兵萬人自東門出戰。珙遮其歸路。掩入汝河。擒其偏裨八十有七人。得蔡降人言城中飢。珙曰。已窘矣。當盡死而守。以防突圍。珙與倂盡約。南北軍毋相犯。決堰水布虎落。倂盡遣萬戶張柔帥精兵五千人入城。金人鈎二卒以往。柔中流矢如蝟。珙麾先鋒救之。挾柔以出。撥發官宋榮不肅。將斬之。衆下馬羅拜以請。猶杖之。黎明。珙進逼石橋。鈎致生俘郭山。戰少却。金人突至。珙躍馬入陣。斬山以徇。軍氣復張。殊死戰。進逼柴潭。立柵。俘金人百有二。斬首三百餘級。翼日。命諸將奪柴潭樓。金人爭樓。諸軍魚貫而上。金人又飾美婦人以相蠱。麾下張種等殺之。遂拔柴潭樓。俘其將士五百三十有七人。蔡人恃潭為固。外即汝河。潭高於河五六丈。城上金字號樓。伏巨弩。相傳下有龍。人不敢近。將士疑畏。珙召麾下飲。再行曰。柴潭非天造地設。樓伏弩能及遠。而不可射。近彼所恃。此水耳。決而注之。酒可立待。皆曰。隄堅未易擊。珙曰。所謂堅者。止築兩隄首耳。擊其兩翼可也。潭果決。實以薪葦。遂濟師攻城。擒其兩將。斬之。獲其殿前右副點檢溫端。礮之城下。進逼土門。金人驅其老稚熬為油。號人油砲。人不堪其楚。珙遣道士說止之。端平元年正月辛丑。黑氣壓城上。日無光。降者言城中絕糧。已三月。鞍韉敗。皆糜煮。且聽以老弱互食。諸軍日以人畜骨和芹泥食之。又往往斬敗軍全隊。拘其肉以食。故欲降者衆。珙下令諸軍銜枚分運雲梯布城下。己酉。珙帥師向南門。至金字樓。列雲梯。令諸將聞鼓則進。馬義先登。趙榮繼之。萬衆競登。大戰城上。降其丞相烏古論栲栳。殺其元帥兀陵達。及偏裨二百

人。門西開。招倂盡入。江海執其參政張天綱以歸。珙問守緒所在。天綱曰。城危時。即取寶玉真小室環以草。號泣自經。曰。死便火我。煙燄未絕。珙與倂盡分守。緒骨得。金鑑寶玉帶金銀印牌有差。還軍襄陽。特授武功郎。主管侍衛馬軍行司公事。擢建康府都統制。兼權侍衛馬軍行司職事。太常寺簿朱楊祖。看班祗候林拓。朝入陵。諜云。大元兵傳宋來爭河南府。哨已及盟津。陝府潼關河南。皆增屯設伏。又聞淮閩刻日進師。衆畏不前。珙曰。淮東之師。由淮泗過汴。非旬餘不達。吾選精騎疾馳。不十日可竣事。逮師至東京。吾已歸矣。於是晝夜兼行。與二使至陵下。奉宣御表。成禮而歸。制置司奏留珙襄陽。兼鎮北軍都統制。鎮北軍者。珙所招中原精銳。百戰之士。萬五千餘人。分屯潭北樊城。新野。唐鄧間。俄令赴樞密院。稟議。授帶御器械。二年。授主管侍衛馬軍司公事。時暫黃州駐劄。朝辭。上曰。卿名將之子。忠勤體國。破蔡滅金。功績昭著。珙對曰。此宗社威靈。陛下聖德。與三軍將士之勞。臣何力之有。帝問恢復。對曰。願陛下寬民力。蓄人材。以俟機會。帝問和議。對曰。臣介冑之士。當言戰。不當言和。賜資甚厚。兼知光州。又兼知黃州。三年。珙至黃。增埤浚隄。蒐訪軍實。邊民來歸者。日以千數。為屋三萬間。居之。厚加賑貸。又慮兵民雜處。因高阜為齊安鎮。淮二砦。以居諸軍。赦章家山。毋家山。兩堡。為先鋒虎翼飛虎營。兼主管管內安撫司公事。節制黃蘄光信陽四郡軍馬。大元兵攻蘄州。珙遣兵解其圍。又攻襄陽。隋守張龜壽。金門守朱陽祖。鄧守喬士安。皆委郡去。復州施子仁死。江陵危急。詔沿江淮西遣援。衆謂無踰珙者。乃先遣張順。度江。珙以全師繼之。大元兵分兩路。一攻復州。一在枝江。監利縣。編筏窺江。珙變易旌旗。服色。循環往來。夜則列炬照江。數十里相接。又遣外弟趙武等共戰。躬往節度。破砦二十有四。還民二萬。嘉熙元年。封隋縣男。擢高州刺史。忠州團練使。兼知江陵府。京西湖北安撫副使。未幾。授鄂州諸軍都統制。大元大將忒沒解入漢陽境。大將口温不花入淮甸。斬守張可大。舒州李士達。委郡去。光守董堯臣以州降。合三郡人馬糧械。攻黃守王鑑。江帥萬文勝。戰不利。珙入城。軍民喜曰。吾父來矣。駐帳城樓。指畫戰守。卒全其城。斬逗留者四十有九人。以徇。御筆以戰功賞將士。特賜珙金盃。珙益以白金五

十兩賜之諸將將士彌月苦戰病傷者相屬珙遣醫視療士皆感泣二年春授寧遠軍承宣使帶御器械鄂州江陵府諸軍都統制珙以三軍賞典未頒表辭詔曰有功不賞人謂朕何三軍勳勞趣其來上封爵之序自將帥始卿奚辭焉未幾授樞密副都承旨京西湖北路安撫制置副使兼督視行府參謀官未幾升制置使兼知岳州迺檄江陵節制司擣襄陽於是張俊復郢州賀順復荊門軍十二月壬子劉全戰于冢頭戰于樊城戰于郎神山屢以捷聞三年春正月曹文鏞復信陽軍劉全復樊城遂復襄陽授樞密都承旨制置使兼知鄂州全遣譚深復光化軍息蔡降珙命以兵逆之得壯士百餘籍爲忠衛軍初詔珙收復京襄珙謂必得郢然後可以通饒饋得荆門然後可以出奇兵由是指授方略發兵深入所至以捷聞珙奏略曰取襄不難而守爲難非將士不勇也非車馬器械不精也實在乎事力之不給爾襄樊爲朝廷根本今百戰而得之當加經理如護元氣非甲兵十萬不足分守與其抽兵於敵來之後孰若保此全勝上兵伐謀此不爭之爭也乃置先鋒軍以襄郢歸順人隸焉庚寅諜報大元兵欲大舉臨江珙策必道施黔以透湖湘請粟十萬石以給軍餉以二千人屯峽州千人屯歸州忠衛舊將晉德自光化來歸珙獎用之珙弟珙以精兵五千駐松滋爲襄聲援遣于德與增兵守歸州隘口萬戶谷大元兵自隨關江珙密遣劉全拒敵遣伍思智以千人屯施州大元大將塔海奔禿雪帥師入蜀號八十八萬珙增置營砦分布戰艦遣張舉提兵間道抵均州防遏大元兵度萬州湖灘施震震動珙兄璟時爲湖北安撫副使知峽州急以書謀備禦珙請于督府帥師西上環調金鐸一軍迎拒于歸州大瑛營劉義捷于巴東縣之清平村珙弟璋選精兵二千駐澧州防施黔路四年進封子珙條上流備禦宜爲藩籬三層乞剗制副司及移關外都統一軍於夔任涪南以下江面之責爲第一層備鼎澧爲第二層備辰沅靖桂爲第三層峽州松滋須各屯萬人舟師隸焉歸州屯三千人鼎澧辰沅靖各五千人榔桂各千人如是則江西可保又遣楊鼎張謙往辰沅靖三州同守倅曉諭熟蠻講求思播施黔支徑以圖來上會謀知大元兵於襄樊隨信陽招集軍民布種積船材于鄧之順陽乃遣張漢英出隨任義

出信陽焦進出襄分路撓其勢遣王堅潛兵燒所積船材又度師必因糧於蔡遣張德劉整分兵入蔡火其積聚制拜寧武軍節度使四川宣撫使兼知夔州招集麻城縣巴河安樂磯管公店淮民三百五十有九人皆沿邊經戰之士號寧武軍令璋領之進封漢東郡侯兼京湖安撫制置使回鶻愛里入都魯帥壯士百餘老稚百一十五人馬二百六十六匹來降初飛鶻軍改愛里名文忠孝充總轄乞補以官四川制置使陳隆之與副使彭大雅不協交章于朝珙曰國事如此合智并謀猶懼弗克而兩司方勇於私關豈不愧廉閣之風乎馳書責之隆之大雅得書大慚釐蜀政之弊爲條班諸郡縣曰差除計屬曰功賞不明曰減剗軍糧曰官吏貪黷曰上下欺罔又曰不擇險要立砦柵則難責兵以衛民不集流離安耕種則難責民以養兵乃立賞罰以課殿最俾諸司奉行之黎守閭師古言大理國請遣黎雅入貢珙報大理自通邕廣不宜取道川蜀卻之兼夔路制置大使兼屯田大使軍無宿儲珙大與屯田調夫築堰募農給種首務歸尾漢口爲屯二十爲莊百七十爲頃十八萬八千二百八十屯田始末與所減券食之數降詔獎諭靖州搖林賽良爲亂遣王瑀平之淳祐二年珙以京襄死節死事之臣請于朝建祠岳陽歲時致祭有旨賜名閔忠廟淮東受兵樞密俾珙應援遣李得帥精兵四千赴之珙子之經監軍諜知京兆府也可那延以騎兵三千經商州取驕關出房州竹山遣王令屯江陵尋進屯郢州劉全屯沙市焦進提千人自江陵荆門出襄檄劉全齋十日糧取道南漳入襄與諸軍合大元兵至三川珙下令應出戍主兵官不許失棄寸土權開州梁棟乏糧請還司珙曰是棄城也棟至夔州使高達斬其首以徇由是諸將稟令惟謹大元兵至瀘珙命重慶分司發兵應援遣張祥屯涪州拜檢校少保進封漢東郡公珙言沅之險不如辰靖之險不如沅三州皆當措置而靖尤急今三州粒米寸兵無所從出此京湖之憂一江防上自務歸下至壽昌亘二千里自公安至峽州灘積凡十餘處隆冬水涸節節當防兵諱備多此京湖之憂二今尺籍數虧既守灘積又守關隘此京湖之憂三陸抗有言荊州國之藩表如其有虞非但失一郡當傾國爭之若非增兵八萬併力備禦雖韓白復生無所展巧今日

事勢大略相似利害至重余玠宣諭四川道過琪琪以重慶積粟少餉屯田米十萬石遣晉德帥師六千援蜀之經為策應司都統制四年兼知江陵府琪謂

其佐曰政府未之思耳彼若以兵綴我上下流急將若之何琪往則彼搆吾虛不往則誰實捍患識者是之詔京湖調兵五千戍安豐援壽春琪遣劉全將以

往繼有命分兵三千備齊安琪言黃州與壽昌三江口隔一水耳須兵即度何必預遣先一日則有一日之費無益有損萬一上游有警我軍已疲非計之得

也不從五年御筆以職事修舉轉行兩官許令回授琪至江陵登城數日江陵所恃三海不知沮洳有變為桑田者敵一鳴鞭即至城外蓋自城以東古嶺先

鋒直至三汊無所限隔迺修復內隘十有一別作十隘外有距城數十里者沮漳之水舊自城西入江因障而東之俾遠城北入于漢而三海遂通為一隨

其高下為置蓄泄三百里間渺然巨浸土木之工百七十萬民不知役繪圖上之琪以身鎮江陵而兄環帥武昌故事無兄弟同處一路者乞歸田不允詔以

兵五千援淮琪使張漢英帥之樞密調兵五千赴廣西拱移書執政曰大理至邕數千里部落隔絕今當擇人分布數郡使之分治生夷險要形勢隨宜措置

初關屯兵積糧聚芻於何地聲勢既張國威自振計不出此而聞風調遣空費錢糧無補於事不聽大元大將大納至江陵遣楊全伏兵荆門以戰琪先期謀

知達于樞密檄兩淮為備兩淮不知也後果如所報琪奏翼蜀蕩析士無所歸蜀士聚於公安襄士聚於郢渚臣作公安南陽兩書院以沒入田廬隸之使有

所教養請帝題其榜賜焉初琪招鎮北軍駐襄陽李虎王旻軍亂鎮北亦潰乃厚招之降者不絕行省范用吉密通降款以所受告為質琪白于朝不從琪數

曰三十年收拾中原人今志不克伸矣病遂革乞休致授檢校少師寧武軍節度使致仕終于江陵府治時九月戊午也是月朔大星隕于境內聲如雷轟之

夕大風發屋折木訃至帝震悼輟朝購銀絹各千特贈少師三贈至太師封吉國公諡忠襄廟曰威愛琪忠君體國之念可貫金石在軍中與參佐部曲論事言人人異琪徐以片語折衷眾志皆愜謁士遊客老校退卒壹以恩意撫按各

蕭然事外遺貨色絕滋味其學邃於易六十四卦各繫四句各警心易贊亦通佛學自號無庵居士

杜杲字子昕邵武人父頴仕至江西提點刑獄故杲以任授海門買納鹽場未上福建提點刑獄陳彭壽檄攝閩尉民有甲之子死誣乙殺之驗髮中得沙而

甲舍旁有池沙類髮中者鞠問子果溺死江淮制置使李珣羅致幕下滁州受兵檄杲提偏師往援甫至民蔽野求入避滁守固拒杲啓鑰納之金人圍城數

重杲登陣中矢益自奮厲卒全其城調江山丞兩浙轉運使朱在辟監崇明鎮崇明改隸淮東總領與總領岳珂議不合慨然引去珂出文書一卷曰舉狀也

杲曰比得禽獸而難若丘陵弗為珂怒杲曰可劾者文林不可強者杜杲珂竟以負蘆錢劾朝廷察蘆無虧三劾皆寢淮西制置會式中辟廬州節度推官淳

光兵變杲單騎往誅其渠魁守將爭餉金幣悉封貯一室將行屬通判鄭準反之安豐守告戍將扇搖軍情且為變帥欲討之杲曰是激使叛也請與兩卒往

呼將論之曰而果無他可持吾書詣制府將即日行一軍帖然知六安縣民有孽其妾者治命與二子均分二子謂妾無分法杲書其牘云傳云子從父令律

曰違父教令是父之言為令也父令子違不可以訓然妾守志則可或去或終當歸二子部使者季衍覽之擊節曰九州三十三縣令之最也知定遠縣會李

全犯邊衍時為淮帥辟通判濠州朝廷以杲久習邊事擢知濠州制置大使趙善湘謀復盱眙密訪杲曰賊恃外援當斷盱眙橋梁以困之卒用其策成功

金衆數萬駐榆林阜請降輜重甚富或請誘而圖之杲曰殺降不仁奪貨不義納之則有後患論而遣之召奏事差主管官告院知安豐軍善湘與趙范范第

葵出師選淮西轉運判官詔問守禦策杲上封曰沿淮旱蝗不任征役中原赤立無糧可因若虛內事外移南實北腹心之地必有可慮時在外諫出師者惟

杲一人及兵敗洛陽人始服其先見泰崇道祠再知濠州未行改安豐大元兵圍城與杲大戰明年大兵復大至又大戰擢將作監御書慰諭之丞相李宗勉參知政事徐榮叟曰帥淮西無逾杜杲者詔以安撫兼廬州進大府卿淮西制置副使兼轉運使復與大元兵戰累疏請老不許權刑部尚書淳祐元年乞去

愈力擢工部尚書遂以直學士奉祠帝欲起之帥廣西以言者罷帝曰杜杲兩有守功若脫兵權使有後禍朕何以使人乃起知太平州俄擢華文閣學士沿江制置使知建康府行宮留守節制安慶和無爲三郡杲罷楊林堡以其費備歷陽淮民萬沙上者護以師首謁程頤祠總領所即張拭宦遊處陳像設祀焉置貢士莊蠲民租二萬八千石復與大元兵戰于真州進數文閣學士遷刑部尚書引見帝加獎勞乞歸不許兼吏部尚書杲隨賈格通其礙銓綜爲精梁成大子賂當國者求銓試杲曰昔沈繼祖論朱文公成大亦論王文忠公皆得罪名教者子孫宜廢錮安得仕進徽猷閣奉祠請老升寶文閣致仕帝思前功進龍圖閣而杲卒遺表上贈開府杲淹貫多能爲文麗密清嚴善行草急就章晚歲專意理學嘗言吾兵間無特謀左畫得於四書子庶

庶字康侯幼儻有大志性剛勁通宋典故善爲文從父兵間習邊事未入仕已立戰功明堂恩補官大元兵圍安邊兵將不相下庶調護咸得其歡心卒協力捍禦杲帥淮西辟書寫機宜文字廬州圍解庶白事廟堂諸將魏金助上功費皆受之賞典行歸悉反所覲遷籍田令兼制機督幹監呂文德轟賊軍與大元兵戰朱臯白冢遷將作監簿杲在建康庶通判和州權知真州郡素缺備庶大修守禦具積排杉木殆十萬株差知興化軍奉祠鴻禧觀起知邕州改潮州以言者寢命赴淮東制司議幕過關遷將作監丞遷司農丞知和州陛辭言今天時不可幸地利不可恃人和不可保苟恃天幸恃長江恃清野而付邊事於素不諳歷之人未見其可帝嘉納尋兼淮西提點刑獄浚城濠增守備修學宮知真州兼淮東提點刑獄踰年進直秘閣移淮西兼廬州安撫副使人數迎如見慈父治績甚多就任加刑部郎中升寶文閣與大元兵戰於望仙白沙城升華文閣開慶元年冬進大理少卿淮東轉運副使兩淮制置司參謀官特授兩淮制置使知揚州射陽湖饑民嘯聚庶曰吾赤子也遣將招刺得了壯萬餘戮止首惡數人明年四月火抗章自劾召赴行在尋直寶文閣知隆興府江西轉運副使卒

王登字景宋德安人少讀書喜古兵法慷慨有大志不事生產出制置使孟珙

幕府久之權知巴東縣獻俘制置司登念奮自書生不拜吏曰不拜則不敢上難之竟棄功去淳祐四年舉進士調與山主簿總領買似道檄修江陵城修畫有法明年制置使李曾伯經理襄陽登在行以積功升尋以母憂去及吳淵爲制置使邊事甚亟因憶弟潛感言王登才略具書幣招之登方與客奕發書衣冠拜家廟長揖出門問牛幾何可盡發犒師淵慨然曰事亟矣奈何登曰亟呼諸將共議衆至躍躍曰景宋在此淵曰汝輩欲西門出景宋欲從方城如何衆曰惟命登曰用兵患不一登書生不過馮軾觀戰請五大帥中擇一人爲節制淵曰請監丞出正謂此也卽書銀牌曰監丞代某親行將士用命不用命賞罰畢具申登至沙市椎牛醢酒得七千人誓曰登與諸將義同骨肉今日之事登不用命諸將殺登以獻主帥諸將有一不用命登有制劄在不敢私也衆股慄聽命竟立奇功於沮河趙葵爲制置使見登握手曰景宋一身膽惜相見晚也俾參宣撫司兼京西兩節馬光祖爲制置使辟充參謀官遷軍器少監京西提點刑獄登威聲日振有余思忠及徐制幾議於光祖曰京湖知有王景宋不知有馬制置非久易位矣光祖疑焉出登屯郢州後以幹辦鍾畫英調護情好如初侍御史戴慶炳劾思忠其黨過元龍沈著在幕中又傾之以是議論不合才略不能施識者惜焉開慶元年登提兵援蜀約日合戰夜分登經理軍事忽絕倒五藏出血暮客唐鋒申至登尙瞪目視几上文書俄而卒它日舜申舟經漢陽有蜀聲呼唐舜申者三左右曰景宋聲也是夕舜申暴卒

楊揆字純父撫州臨川人少能詞賦里陳氏館之教子數月拂衣去遊襄漢既而代陳中選陳謝之萬緡鞏之入倡樓篋垂盡夜忽自呼曰純父來此何爲明日遂行用故人薦出淮閩杜杲杲曰風神如許它日不在我下由是治法征謀多咨於揆逾年安豐被兵揆慨然曰事亟矣揆請行乃以奇策解圍奏補七官揆念置身行伍聞騎射所當工夜以青布籍地乘生馬以躍初過三尺次五尺至一丈數閃跌不顧制置使孟珙辟于幕嘗用其策爲小子房與之茶局周其資用揆以本領錢數萬費之總領買似道稽數責償珙以白金六百令揆償之揆又散之賓客酣歌不顧似道欲殺之揆曰漢高祖以黃金四萬斤付陳平

不問出入公乃顧此區區不以結彙傑之心邪似道始實之瑛嘗燕客有將校語不遜命斬之按從容曰斬之誠是第方會客廣議讓非其時非其地也瑛大服未幾有大將立功瑛坐受其拜按為動色因數曰大將立功庭參納拜信兜整不如毛錐子也於是謝絕賓客治進士業遂登第調麻城尉向士璧守黃州檄入幕尋以戰功升三官無何得心疾曰我不可用矣遂調潭州節度推官趙葵為京湖制置使按與偕行王登迓於沙市極談至夜分按退曰王景宋滿身是膽惜欠沉細者如按副之何事不可為也但恐終以勇敗後登死人以爲知言逾時士璧守峽州招之病不果行而卒贈祭閣

張惟孝字仲友襄陽人長六尺通春秋下第乃工騎射城中亂爭出關惟孝拔劍殺數人趨白河見一舟壯鉅甚急登之舟人不可惟孝曰今日之事非汝即我能殺我者得此舟衆披靡遂以舟達鄧州兵亂奔沙洋別之傑為帥盡隘諸湖不泄水惟孝令二人買服前行密窺隘兵曰易與耳乃與十騎衣黑袍假為敵兵後隊亟至守隘四五百人悉潰舟趨藕池開慶元年卜居江陵至沙市衆舟大集不可涉頃有蛾冠張蓋從者數十則宣撫姚希得之弟也令曰敢有爭岸者投水中惟孝睥睨良久提劍驅左右而出舉白旗以麾令衆船登岸毋敢亂次幹官鍾蜚英見而異之以告唐舜申舜申曰吾故人也具言惟孝平生蜚英謂曰今日正我輩趨事赴功之秋惟孝不答又叩之則曰朝廷負人明日惟孝躍然曰從公所命乃請空名帖三十以遺逾旬以三十騎俱擁甲士五千至旗幟鮮明部伍嚴肅上至公安下及墨山游踏相繼希得大喜請所統姓名惟孝曰朝廷負人福難禍易聊為君侯紓一時之難耳姓名不可得也時鼎遭五州危甚於是擊鼓耀兵不數日衆至萬人數戰俱捷江上平制使呂文德招之不就而遁物色之不可得或云已趨淮甸後不知所終

陳咸字達儒監察御史升卿次子為叔父巨卿後登淳熙二年進士第調內江縣尉縣吏受賄賦民不均咸以聞于部使者為下令聽民自陳利病而委咸均其賦改知果州南充縣轉運司辟主管文字歲旱稅司免下戶兩稅轉運使安

節以為虧漕計咸白安節曰苟利於民違之不可因言今楮幣行於四川者幾虧三百萬苟增印百萬足以補放免之數安節從之軍多禮請咸每裁損帥屬以為言咸曰咸首可斷濫請不可得蜀歲收激賞權輸絹錢民以為病咸白安節嚴入節出奏歲減二十餘萬緡權知資州時久旱咸被命即請帥臣發粟二千餘石以振明年東西川皆旱總制二司議蠲民賦而慮虧國課咸請增印未補發引百有九萬以償所蠲議遂決大修學宮政以最聞改知普州開禧元年邊事興四川宣撫使程松奇其才辟主管機宜文字咸守貽書論兵不可輕動勸松搜人才練軍實考圖籍以疏財用之源視險要以決攻守之計約大將面會以免疑忌之嫌捐金帛募死士以明間探之遠出虛構奇之策審於當用俾勝趨利之謀寢而勿行松復書深納然實不能用副使吳曦蔑視松易置將兵不關白正使松務為簡貴咸憂之復說松收梁洋以北義士為緩急用據險阨立關堡杜支徑以備不虞松又不能用遷利路轉運判官曦叛臣於金關外四

州繼沒人情大駭咸留大安軍督軍糧檄其守楊震仲振流民備盜盜衆稍安安丙密以曦反謀告咸咸即遣人告松松不之察曦以咸蜀名士欲首脅之以令其餘檄咸議事咸不往遂之利州抵城外僞都運使徐景望已挾兵入居臺治英宗諱曰景望大合樂以享咸力拒之初咸自大安東下遇僞將褚青與語青有悔意至是以主管文字王釜福艾可與共事欲結二人誅景望燒棧閣絕曦援兵既而釜棄官歸咸以青不可保謀遂沮王道傳聞咸計將安出咸曰事極不過一死耳必不為吾蜀累也語家子欽曰咸受國厚恩義當擊賊恨無兵權獨有下策削髮以全臣節會曦以書招之急咸答書勸其稟命既而欲親諭之遂行遇僞統領孟可道知曦已僭亂曰吾書不可用矣還至后斂入帳中以刀自斷其結披緇而出景望遣兵拘咸于岸曦聞怒甚吳曉勸曦召咸主武與寺因殺之安丙力為救解乃得釋歸曦既誅咸語諸子曰吾不能討賊而棄官守罪也上表自劾安丙楊輔等皆勉其出丙尋奏以咸總蜀賦從之時僭亂後柘藏亦立咸至武興與丙商權利病兵政財計合為一家請丙奏于朝數諸司羨餘移支常平廣惠米鑄當五錢棹賣官并權截四路上供汰弱兵二萬餘規

其賦改知果州南充縣轉運司辟主管文字歲旱稅司免下戶兩稅轉運使安

畫備至。故軍與增支之數八千七百五十餘萬，皆不取於民。咸總賦之始，贍軍
帑廩，繙不過一千四百五萬餘，糧不過九十一萬餘，料不過二萬餘。咸晝夜精
勤，調度有方，不二歲，益昌大軍庫有楮引百八十萬，成都免引場楮撥二百一
十餘萬，城下三倉軍糧四十餘萬石，預借米本一百一十餘萬，又別貯軍糧百
四十九萬石，料七萬餘，而布帛絲綿銅鐵錢與祠牒不預焉。劍外民久苦役調，
或建議調東西兩路及夔路丁壯共其勞，令始下，民憚行，馳懇于安丙，乞計直
輸錢以免行，久而不克輸者十五餘萬，咸蠲之。蜀錢引舊約兩界五千餘萬，半
藏於官，自軍興引皆散於民，宣總三司增劄三界通行八千餘萬，價日益落，咸
捐一千二百餘萬緡，以收十九界之半，又與丙議合茶馬司之力再收九十一
界，續造九十三界以兌之，於是引價復昂，糶價頓減，嘉陵江流忽淺，或云金人
截上流，咸不動，疏而導之，自益昌至于魚梁，饋運無阻，金州地險，咸增饋米以
實之，人皆曰：金州之險，金人不可向，何益之為？咸曰：敵至而慮無及矣。未幾，金
人犯上津，守賴以固，召爲司農少卿，卒。丙列奏其功，賜謚勤節。初，宣諭使吳獵
嘗表其節，詔進二秩，咸乞回贈所生父母焉。

論曰：宋之辱於金久矣，值我國家興師討罪，聲震河朔，乃遣孟珙帥師來攻，遂
滅其國，以雪百年之恥，而珙說禮樂，敦詩書，誠寡與二，杜杲王登楊梭張惟孝，
思以功名自見，雖所立有大小，皆奇才也。陳咸不從逆曠，雖不能死，然理財於
喪亂之餘，蜀賴以固守，豈不賢於匹夫而莫經溝瀆者哉。

宋史卷四百十二

宋史卷四百十二考證
孟珙傳餽盡○臣宗楷
按元史作塔察兒，與宋將孟珙合兵圍蔡，則餽盡其別
名也。

宋史卷四百十二考證

元中書右丞相總裁脫脫等修

列傳第一百七十二

趙汝談 趙汝讜 趙希範 趙必原 趙彥炳

趙善湘 趙與權

趙汝談字履常生而穎悟年十五以大父恩補將仕郎登淳熙十一年進士第
 丞相周必大得其文異之語參知政事施師點曰是子他日有大名于世調汀
 州教授改廣德軍添差江西安撫司幹辦公事嘗從朱熹訂疑義十數條熹嗟
 異之佐丞相趙汝愚定大策汝愚欲驟以詞掖處之力辭去持祖母服汝愚去
 國其弟汝讜力上疏乞留汝愚斬侂胄聞者吐舌兄弟罹黨禍斥去尋調安慶
 府教授添差浙東安撫司幹辦公事丁母憂免喪召為大社令時侂胄用事熾
 甚汝談痛憤登壇讀祝大呼侂胄及陳自強名自強不能堪它日指汝談曰未
 坐白哲者何人汝談不為動以參知政事李璧薦召試館職擢正字是時吳曦
 叛上下束手或請就以曦為王其人造汝談汝談詰之曰孰欲王曦者可斬其
 人面發赤不能對遂以言去主管崇道觀添差通判嘉興府與郡守王介志合
 改知無為軍與光州守柴中行安豐守陸峻俱稱循吏時金人內變有旨令獻
 料敵備邊二策其料敵之策曰禍亂猶在河北未遽至河南蓋英雄擇形勢大
 盜窺貨寶金帛重器俱聚河北河南無大川為之險欲起安所憑且金素以河
 南近我置守多完顏氏親黨其下亦令蕃漢錯居所以防慮備盡縱彼喪亂守
 將欲畔則自畔何至相率盡反然有天下者自不容易一日廢備豈以金人存
 亡之候為吾緩急哉其備邊之策曰今邊州大抵無城缺兵少糧饋仗不足若
 使自辦何所取資均諸朝廷安得力給若做古藩封拔用英傑守郡則併租稅
 市權之利盡與之免其共貢上不置監臨下悉聽選擇民得自賦兵得自募凡
 百悉聽所為其有功者亦不遽徙就峻爵秩增異車服給美田宅官其子孫凡
 可優寵無不極至使內為公卿雖貴曾不如守邊之樂如此則有才者爭自奮
 勵緩急必能出死力報上于後河南二十餘年猶為金守宋沿邊諸郡權大削

兵事無肯任責者汝談之言若著龜然改湖北提舉常平振饑盡力知温州改
 知外宗正作詩勉其族屬皆望風而化遷江西提舉常平寧宗崩以哀痛得疾
 實理宗表力薦勸戒陳碩曰此諫書也數句詞授江西轉運判官辭不獲命之
 官一月以言者罷先是汝談因疾去官言者謂其傲視軒冕不樂為世用至是
 彌遠不與祠酒杜門著述端平初以禮部郎官召入對言倚用老成廣集忠智
 訪求衆敵之原辟取可行之策以飭積蠹之蠱而成終泰之功者願加聖心焉
 又言大佞似忠大姦似聖未免信向而擢任之始未見甚失久乃寢至差訛則
 綱維之臣將不能不執議論之士將不得不言執之堅寧不疑其侵權言之數
 寧不意其賣直至是則不特是非邪正易位而黜陟予奪失中多矣又曰外之
 得以望吾聽雜吾目擾吾天君者以吾未得虛一而靜之理也苟得之導我聲
 色而不能入投我寶貨而不能中扇我以功名而不能動凝然湛然孰得干之
 哉改祕書少監兼權直學士院時集議出師汝談反覆言不可輕戰而和尤非
 計既而三京收復雖前言用兵不便者亦喜汝談獨有憂色未幾洛師敗朝論
 始服其先見遷宗正少卿兼權直學士院檢討實錄兼崇政殿說書因講
 論語而言漢元帝恭儉無過惟以剛不克改明不能經優柔不斷而漢業遂衰
 權吏部侍郎升侍讀兼直學士院兼同修國史院同修撰以所注易進講時朝
 議履敵稱楮汝談言非便近時宰意京師軍變宰相乞貶秩上已允汝談奏恐
 失體持不可草答詔以為貶秩易審舉措難宰相滋不悅以言去國提舉崇禧
 觀起知婺州四辭不允至郡力勾召赴行在四辭權禮部侍郎兼學士院力
 辭兼直時金兵新破三關增秩稱提官權四郡德賞汝談獨廢額登對首疏言
 邊面無可倚仗乞超越拘攣簡拔俊傑如吳用周瑜魯肅晉任祖逖陶侃故事
 使之各分方面連數十城推轂授權盡歸賜履巴蜀一人荆襄一人兩淮各一
 人一切便宜行事不復更從中御庶幾伸縮由己機用出心蓋推廣鄉者備邊
 之策且曰臣之此策行於開禧未用兵之前決不至罹今日之患其論措法尤
 中時弊上稱數久之且謂卿文學高世宜代予言力辭何為卒以老祈免章四
 上免兼直改待講數日仍兼直學士院五辭權給事中權刑部尚書及卒轉兩

官遺表上。又轉四官。汝談天資絕人。沈思高識。自少至老。無一日去書冊。其論易以為為占者。作書堯舜二典。宜合為一。禹功只施於河洛。洪範非箕子之作。詩不以小序為信。禮記雜出諸生之手。周禮宜傳會女主之書。要亦卓絕特立之見。為文章有天巧。篤於倫誼而忘仇怨。御史王益祥嘗劾之。後汝談官其鄉。益祥愧不敢見。汝談乃數過之。相得歡甚。嘗論議韓非李斯皆有荀卿之才。惟其富貴利欲之心重。故世得而賤之。惟卿獨能守其身。不苟希合。士何可不自重哉。所著有易書詩論語孟子周禮禮記荀子莊子通鑑杜詩注。

趙汝讜字蹈中。少儉。有軼材。智略出人。上龍泉葉適嘗過其家。汝讜年少。衣短後衣。不得避。適勸之曰。名門子安可不學。汝讜慚。自是終身不衣短後衣。折節讀書。與兄汝談齊名。天下稱為二趙。以祖遺恩補承務郎。歷泉州市舶務。利州大軍倉屬。從臣薦宗室之賢者。監行在右藏西庫。韓侂胄謀逐趙汝愚。汝讜兄弟昌言非是。且上言訟汝愚冤。侂胄懼其詞直。使其黨胡紘再攻汝愚。以汝讜兄弟受汝愚厚恩。私屬為之畫策。惑亂天聽。為言斥使去國。坐廢十年。調華亭浦東鹽場。棄職去。辟浙西安撫司幕官。調簽書昭慶軍節度判官。皆不赴。以前官改鎮東軍。登嘉定元年進士第。為大社令。遷將作監簿。大理司農丞。與史彌遠不合。請外。改湖南提舉。常平。易江西。尋提點刑獄。瑞州大姓幸氏貪徐氏田。不可得。強取其禾。終不與。誣以殺婢。實徐婢。徐訴其冤。汝讜以反坐法。駭竄幸氏籍其家。幸氏走告急于中宮。徙汝讜湖南。既至。則表直臣龔夬墓。瀏陽有豪民羅氏奪民田。汝讜復懲以法。遷知温州。卒。汝讜常言宗子不忘君。孝子不辱身。臨難則功業當如朱虛。立身當如子政。

趙希館字君錫。舊名希詰。登慶元二年進士第。改賜今名。少扶父喪歸。道遇寇。左右駭散。希館拊棺慟哭。不懼。寇義而去。學于陳傅良。徐誼。既舉進士。調汀州司戶。峒寇李元礪方起。汀人震懼。郡會僚佐議守城。希館下坐無一語。守異之。曰。不言得無有所見乎。希館曰。守城非策也。距城三十里有關。曰古城。若悉精銳以扼其衝。賊不足慮矣。守以付希館。人為危之。希館至關。審形明閭。申令謹候。分畫粗定。賊已遣謀窺關。希館得謀詰之。縱其舉火相示。而羸師以誤之。夜

半賊數百銜枚突至。希館嚴兵以待。賊且至。始命矢石俱下。賊無一免。餘黨聞風而遁。希館引還。老稚羅拜相屬。希館繇他道以避之。事聞。詔升州推官。治疑獄。決滯訟。攝下邑。弭亂卒。去之日。軍民遮道泣送者數十里。調主管夔州路轉運司帳司。疏大寧鹽井利病。使者上諸朝。民便之。改知玉山縣。未行。召對。希館首言民力困於貪吏。軍力困於饋餉。國家之力。則外困於歸附之卒。內困於浮冗之費。次論四蜀銓科舉之弊。次論大寧鹽井未末。寧宗嘉納之。授大理寺丞。遷大宗正丞。權工部郎官。宗姓多貧。而始生有訓名。為人後有過禮。吏受賂亡藝。莫敢自陳。希館白其長。推行之。會朝議。燕邸近屬赴朝參者少。命希館易班。希館力辭弗克。特換授吉州刺史。提舉佑神觀。未幾。廷臣言。宗姓換班人嘗舉進士。請視朝。士聽輪對。於是希館次對時。首論今日多事之際。而未有辦事之人。朝紳清選也。以緘默為清重。以刻薄為舉職。以無所可否為識體。閭寄重任也。以大言為有志。以使過為知恩。臣非敢厚誣天下。以為無人。患在選擇未得其道。器使未當其才。爾授成州團練使。賜金帶。令服繫。以實寶推恩。進和州防禦使。理宗即位。進潭州觀察使。以公族近邸。恩特加厚。又進安德軍承宣使。希館引對。言初政急務。莫先於明道。總治統收人心。上為勳容。越明年。論祠祭不蠲。禁衛不肅。慈明宮上壽。升節度。封信安郡公。卒。遺奏聞。上震悼。輟視朝。賜金斂。贈以金幣。希館風資凝重。躬抱魁壘。揚人之善。不記人之過。急人之難。不忘人之恩。居官祁寒酷暑。未嘗謁告。衣食取裁足而已。追封信安郡王。

趙彥呐字敏若。彭州人。登四川類試第。少以材稱。吳曦叛。以祿種僑守夔。彥呐結義士殺之。遂顯名。嘉定十二年。關外西和州新被兵。制使安丙檄使經理。金人再至。戰却之。因請脩州北水關。募民耕戰以守。又勸丙盡捐關外四州租。結民兵。使各自為守。皆不行。在州五年。得軍民心。轉提點刑獄。尋帥沔。時譽甚都。及崔與之代丙。始察其大言無實。謂他日誤事者必此人。請廟堂毋付以邊藩。尋奪其節制。寶慶元年。乃移帥興元。三年。會鄭損棄四州。退保三關。彥呐力爭不勝。罷歸家者五年。紹定四年。桂如淵代。損起彥呐於副使。更李臺黃伯固。皆彥呐副之。端平元年。遂升正使。丞相鄭清之趣其出兵。以應入洛之役。不從。秦

鞏之豪汪世顯久求內附至是彥呐爲力請數四清之亦訖不從三年金人大入至三泉彥呐大敗貶衡州其子洸夫用事亦竄嶺南史嵩之留之江陵兩年卒

趙善湘字清臣濮安懿王五世孫父武翼郎不陋從高宗渡江聞明州多名儒徙居焉善湘以恩補保義郎轉成忠郎監潭州南嶽廟轉忠靖郎又轉忠訓郎慶元二年舉進士以近屬轉秉義郎換承事郎調金壇縣丞五年知餘姚縣開禧元年添差通判婺州嘉定元年以招茶寇功赴都堂審察提轄文思院出判無爲軍兼淮南轉運判官淮西提點刑獄四年改知常州八年主管武夷山冲佑觀十年知湖州十一年丁內艱明年起復知和州三辭不獲命遷知大宗正丞兼權戶部郎官改知祕閣淮南轉運判官兼淮西提舉常平兼知無爲軍進直徽猷閣主管淮南制置司公事兼知廬州兼本路安撫仍兼轉運判官提舉常平十三年進直寶文閣以平固始寇功賜金帶許令服繫十四年進直龍圖閣知鎮江府十七年拜大理少卿進右文殿脩撰知鎮江府封祥符縣男賜食邑寶慶二年進集英殿脩撰兼大理卿兼權刑部侍郎進寶章閣待制沿海制置使兼知建康府江東安撫使兼主管行宮留守司公事賜御僊花金帶進封子加食邑紹定元年以扞防江軍寧淮軍及平楚州畔寇劉慶福等功皆升其官進龍圖閣待制仍任兼江東轉運副使三年進煥章閣直學士仍任進封伯加食邑以李全犯淮東進煥文閣學士江准制置使乃命專討許便宜從事四年進封侯加食邑及戮全善湘遣使以露布上乃進兵部尚書仍兼任時善湘見范葵進取慰藉殷勤餽問接踵有請必應選諸子屯寶應以從范葵亦讓功督府凡得捷皆汝楨等握筆草報善湘季子汝楨丞相史彌遠壻也政奏報無不達以平閩寇功轉江淮安撫制置使五年復泰州淮安州鹽城淮陰縣四城及策應江湖功進端明殿學士與執政恩例仍任升留守加食邑以受金樞密副使納合買任降復盱眙軍泗壽二州功進資政殿學士加食邑遣使賜手詔金器等物九疏乞歸皆不許請愈力進大學士提舉洞霄宮封天水郡公加食邑監察御史劾奏善湘御筆以善湘有討逆復城之功疑其奏嘉熙二年授四

川宣撫使兼知成都府未拜改涪海制置使兼知慶元府即勾祠改知紹興府兼浙東安撫使三年兩請休致四乞歸田復提舉洞霄宮淳祐二年帝手詔求所解春秋進觀文殿學士守本官致仕卒遺表聞帝震悼輟視朝贈少師贈加等所著有周易約說八卷周易或問四卷周易續問八卷周易指要四卷學易補過六卷洪範統論一卷中庸約說一卷大學解十卷論語大意十卷孟子解十四卷老子解十卷春秋三傳通議三十卷詩詞雜著三十五卷

趙與權字悅道燕懿王八世孫嘉定七年進士調會稽尉改建寧司戶參軍中明法科攝浦城縣丁父憂作善慶五規示子孫免喪遷大理評事轉對言天變民情國威三事又言死囚以取會駁勘動涉歲時類瘵死而干證者多斃逆旅宜精擇憲臣悉使詳覆果可疑而親往鞫正必情法輕重可閱始許審奏遷籍田令久之拜宗正寺簿軍器監司農寺丞遷宗正丞兼權都官郎官改倉部權度支以直寶章閣知安吉州郡計抑權酷禁網峻密與權首捐以予民設銅鉅縣門欲勸者擊之寃無不直有富民懇幼子察之非其本心姑逮其子付獄徐廉之乃二兄強其父析業與權曉以法開以天理皆忻然感悟又蔡媪僅一子亦以不孝告留之郡廳日爲鏗俾親饋晨昏以禮未周月母子如初二家皆畫像事之喪母朝廷屢起之不可議使守邊授淮西提點刑獄弗能奪再期以刑部郎官召乞終禫奉祠復半載乃趨朝自恢復復退師又議納使與權言在朝迎合政出多門必得智識氣節之士布列中外可也兼權檢正遷宗正少卿兼權戶部侍郎尋兼知臨安府浙西安撫使同詳定剖決明暢罪者咸服郊祀之久大風雷與權言國本未定又陳弭盜固本之策有以刑罰術數言於帝者與權言導民有本如臣待罪天府豈遽能及民惟其真實相孚待以不撓數月而庭訟彌寡人心本善有感必從或謂厲以威待以術者非知本之論且言朝令夕改非以示作新旁蹠曲徑非以肅紀綱帝爲悚然又建言秦刻頌有端平法度語明年改元嘉熙翼蜀殘破或望風棄地召見使殿言韓琦當仁宗朝猶晝夜泣血今主憂臣辱矣因具言防邊之道其後多見施行與權招刺三千人爲忠毅軍又言禁衛虛籍及京口諸郡悉宜募兵統以郡將財先贖軍餘始上供

乞省不急之費。薦文武士四十人。遷戶部侍郎。兼權兵部尚書。論邊事至為深切。星變上章請罷大火。力言災變之烈。謂臣罪擢髮莫數。猶欲以去國為言。少悟上聽。願祇畏天威。思以實德及民。始自上躬。痛加節約。廣推振恤。五請竄於中書。方大琮言與權素自潔脩。疏財輕爵。人所共知。不幸遇此。觀其待罪之章。懇切至到。未嘗不數其知義也。乞俞所請。使小大之臣。皆知引咎。乃收一階。尋復之。與權請先敘復同降官屬。又言。艱難不可為之時。當慷慨厲志。深為人才兵力思。遷戶部尚書。兼權吏部。累旬祠不許。論楮幣自嘉定以一易二。失信天下。嘗出內帑收換。屢稱提而折閱益甚。嘗請兩界並展十年。勿議造新。責州縣毋以損污抑沮。至是遂請不立界限以絕其疑。所以區畫者甚備。其後詔宰相編詢侍從。與權又以前說陳之。有欲以端平錢當五行使。與權謂開禧嘗以一當三。何救於楮。且曰。士大夫不清白奉法。恪意扶持。雖日易一法。無救於楮。而國非其國矣。法削國弱。能獨享富貴乎。每言端平以來。竄賊吏。禁包苴。戒奔競。戢橫斂。而風俗沈痼自若。或口仁義而身市井。率以欺君為常。肥家為樂。遂臨事之使。而小人得從旁乘間竊取官爵矣。疏乞刑邪正。警煇惰。獎用恬退。實直之士。以絕躁競浮靡之習。內廷有關於除授者。必斥。暗室有涉於諂議者。必思。清心寡欲。以革酣歌黷貨之風。其機皆自陛下始。又言。軍政弛而尺籍不明。總兵者或緣功賞開嫌隙。內則班行惟求速化。守牧類多貪庸。楮事日非。浮冗不節。指陳無虛。曰。大風震雷數見。因具陳邊事。且言。人才國用。民力兵威。願乘此機。加意根本。勿徒困精神於除授。老歲月於行移。委公道於私情。付事功於無可奈何也。遷吏部尚書。講筵言。膏雨不降。星變頻仍。在京物價騰踊。民謠士躁。在外兵權渙散。流民充斥。登崇元老。並建宰輔。謂宜風采振揚。而事勢猶若此。士大夫未必任天下之責。天下未必知陛下之志。力求歸田。會潮汐齧隄。執政道帝意留治之。手詔云。忠正廉勤。無如卿者。授端明殿學士。知臨安府。浙西兼侍讀。兼修國史。實錄院。修撰。奉朝請。出關。遣使趣還。會饑。民相攜餓死。帝仍付臨安府事。恩例視執政。與權涕泣奉詔。亟榜諭曰。今申奏振救。宜忍死須臾。

各全性命。佇沐聖恩。都人相謂毋死。與權上則祈哀公朝。下則推誠勸分。甘雨隨至。米商來集。流移至者。有以濟之。力求納祿。授資政殿學士。提舉萬壽觀。兼侍讀。監修國史。實錄院。修撰。奉朝請。與權至浙江。上召還。即日絕江去。帝為悵然。與權三為府尹。盡力民事。都人稱趙端明必以手加額曰。趙佛子也。久之。以舊職知温州。政事必親。吏不敢欺。擲水幣。脩貢院。以待讀召。辭不許。入對。言辭祿之濫。因及國本事。五旬歸。又不許。進春秋解。升大學士。薦士六十人。史嵩之將復入相。而人言不已。帝以問與權。言嵩之老師費財。私暱貪富。過立名譽。必不宜復用。時嵩之猶子環。卿誦言其過。忽斃。而杜範劉漢弼徐元杰三賢暴死。人皆疑嵩之致毒。與權請優恤漢弼元杰家。帝從之。而請優恤手詔。則與權所擬入也。又請以兵財分任輔臣。在講筵。言以壞證付庸醫。僅支殘息。徒運巧心。天下事尚堪再誤耶。時相忌之。尋授安德軍節度使。開府儀同三司。萬壽觀使。日食應詔。言事益切。月賜內帑。與權辭不取。帝書安貧樂道。植節秉忠。字賜之。建儲未定。乃申言之。又言。人才乏使。賊吏不悛。民昔流而南。今流而北。盜昔伏於遠。今伏於近。體認不真。賢否無別。國將誰與立邪。願富一代之儲。使小人無間可投。以絕隱伏之禍。帝為改容。袁士宋斌少從黃幹。李燔登朱熹之門。學禁方嚴。羈放困沮。年且八十。與權延之。事以父行。奏乞用旌禮布衣故事。死葬西湖上。歲一祭焉。帝遂二諫臣。與權力爭之。五乞免朝請。三乞致仕。俱不允。賜泰卦詩。忠邪辨。自是國事皆縷縷言之。有不勝書。蓋其愛君憂國。本諸天性。拜少傅。卒。遺表猶不忘規正。帝震悼。輟朝。賻贈有加。詔有司治葬。贈少師。追封奉化郡王。諡清敏。累贈太師。手注六經及仁皇訓典詳釋。又有高宗寶訓要釋。奏議詩文百卷。與權嘗謂士大夫有貪聲。則雖奇才與學。徒以蠹國害民爾。故斂之。夕。而金帶猶質錢民家云。

趙必愿。字立夫。廣西經略安撫崇憲之子也。未弱冠。丁大母憂。哀毀骨立。服闋。以大父汝愚遺表補承務郎。開禧元年。銓監平江府糧料院。調常熟。嘉定七年。舉進士。知崇安縣。剖判如流。吏不能困。修學政。立催科法。列戶名為三等。以三期為約。足者旌之。未足者寬以趣之。踰期不納者。里胥程督之。民皆感悽願。

翰、草胥吏鬻鹽之敵、擅發光化社倉活饑民、帥怒、逮吏欲懲之、必愿曰、芻牧職也、吏何罪、束擔俟譴、帥無以詰而止、舊有均惠倉無所儲、必愿捐緡錢增糴、至二千石、力主義役之法、鄉選善士、任以推排、入資買田、助役則勉、有產之家有感化者、出己田以倡、遂遍行一邑、上下便之、臺府以聞、下其式、入郡四十八縣、秩滿、民共立祠刻石、授湖廣總所幹辦公事、丁父憂、居喪盡禮、貽書問學于黃幹、服除、差充兩浙運司主管文字、再考、特差充提領安邊所主管文字、差知全州、陞辭、奏乞下道江二州訪周惇頤之後、知常州、改知處州、陳折帛納銀之害、皆得請、移泉州、罷白土課及免差吏權、鐵調諸邑行義役、秋旱、力講行荒政、乞撥禾儲廣儲二倉米振救、差主管官告院、越五日、詔依舊主管官告院、兼知台州、一循大父之政、察民疾苦、撫摩凋瘵、修養濟院、建陳瑾祠、政教兼舉、端平元年、以直祕閣知婺州、至郡、免催紹定六年分小戶綾羅錢三萬緡、有奇、立淳良頑慢二籍、勸懲人戶、措置廣惠倉及諸倉積穀、奏乞寬減內帑綾羅、申省免用舊例、預解諸色寔名錢、罷開化稅場、遷大府寺丞、尋遷度支郎中、詔以汝愚配享寧宗、從必愿請也、兼右司郎中、引見、疏言、陛下英明密運、斷出於獨、固欲一切轉移之、然而大權若在我、或者猶有下移之疑、衆正若己開、或者猶有旁徑之疑、策免二相、銷天變也、去者固難以復留、留者恐終於引去、虛鼎席以待故老、疑者或意其未必來、而況在數千里之外、貴次補以任大政、疑者或意其不敢專、而況於不安其位、中書、政之本也、今果何時、尚可含糊意向、以啓天下之疑乎、親擢臺諫、開言路也、用之未久者、何爲輕於易去、去之未幾、何爲使之復來、召於外服者、不知果能用之、而必堅除目周行者、不知果能聽之、而無諱乎、朝廷除授、軍國賞罰、本至公也、今有姓名未達於廟堂、而遷擢忽由於中、出斥逐三衙、竟不指名罪狀、而人始得以疑陛下矣、一除目之頒、一號令之出、雖未必由於閣宦、而人或疑於閣宦、雖未必由於私謁、而人或疑於私謁、雖未必由於戚畹宗邸、而人或疑於戚畹宗邸、夫天下者、祖宗之天下也、非陛下所私有也、陛下雖有去敵之心、而動涉可疑之迹、陛下亦何樂於此、時論偉之、三京兵敗、邊事甚亟、詔條上守禦計、必愿言十事、下哀痛之詔、合江淮之兵、救江陵之

急、節財用之宜、靡議和之使、撫無歸之民、處北來之衆、置鎮撫之使、擇帥閫之代、拔未用之將、皆切於邊要、政府議楮幣日輕、欲令諸州再用印、及他爲稱提之法、必愿力爭不可、嘉熙元年、貽書政府、論邊防事宜、授右司郎中、火災、必愿應詔上封事曰、開邊稔禍之刑、牽制而未行、激變棄城之戮、姑息而未舉、京襄淪沒、祖宗之基業、莫能保、淮蜀蹂躪、赤子之冤魂、無所依、履敵之令下、而加以抑配、稱提之法、嚴爲重以告訐、民無蓋藏、每有轉壑之憂、士不宿飽、常有思亂之志、又曰、臺諫給舍、骨鯁之論、莫容、左右便嬖、浸潤之言、易入、春夏常享、闕略於原廟之尊、節鉞隆恩、殷勤於邸第之貴、又曰、必也正故相專國之罪、嚴貪夫徇國之誅、思室鬼高明之職、先編氓、後親貴、去木妖競治之費、尙堅故、革奢華、戒宴殿無度之讌、節內庭不急之管繕、又論濟王及國本事、遷左司郎中、又遷司農少卿、兼左司、轉對、言正氣日消、月沮、馴至今日、非惟搢紳不肯論事、下至草茅之士、皆結舌矣、端平初年、沉痾方去、新病未作、陛下猶勤於咨訪、如恐不及、今疾攻心腹、決裂將潰、乃不求瞑眩之劑、以起其殆、甚可感也、又曰、毋使人臣以指斥懷疑、毋致陛下以厭言得諂、時直士相繼去、故必愿及之、兼勅令所刪脩官、拜司農卿、兼職如故、翼日、改宗正少卿、仍兼刪脩勅令、兼國史編脩、實錄檢討、尋兼左司、遷太府卿、仍兼編脩檢討、遷宗正少卿、詔依舊太府卿、仍兼職、且兼中書門下檢正諸房公事、轉對、言中才庸主、惟其無所知覺、故言不可入、而敗亡隨之、陛下作敬天之圖、朝夕對越、謂宜天意可回、而榮惑失度、鬱攸煽災、迫近禁門、幾燬左藏、煙埃方息、白晝隕星、貫日之虹、齊陽之雹、疊見層出、陛下觀時察變、何由致此、今日之事、動無良策、惟在側身脩行、祈天永命而已、遷起居舍人、兼職仍舊、大水上封事曰、海潮毀隘、侵逼禁城、災異之來、理不虛發、必上畏天戒、下脩人事、易沴召和、轉移於陛下方寸間耳、又曰、周官國有大事、則舉大詢之理、今日之事迫矣、謂宜合衆謀、屈羣策、上而搢紳、下而芻蕘、各陳所見、擇其可用之策、以授任事之臣、庶幾千慮一得、以成天下人不因之意、兼權右郎官、言財非天雨鬼輸、豈可輕施妄用、長此不已、必至顛覆、異時或得罪、今之大夫、不能爲國生財、程昇皇甫鍾之徒、乘間捷出、推敲克剋、以術

相勝。鑿空取辦。以計巧取事。拮斂獻羨餘。聞架繕錢之令下。而唐祚愈促矣。願陛下精思熟慮。約己愛民。必如勾踐之臥薪嘗膽。必如衛文公之帛衣布冠。可也。權吏部右侍郎。乞免兼檢正。從之。兼國史脩撰。時邊事急。必愿應詔。言宜勅彭大雅自重慶領王青之兵東下。以復夔。責李安民及歸峽二守以自效。調一將督中流之師。以伐其順流之謀。調一將自間道出鼎澧之後。以折其搆虛之鋒。調一將助芮與之勢。以備江陵之急。又宜下湖南。遣飛軍。及團結民兵之類。守沅江益陽江。以防衝突長沙。盡收江上民船。無資敵用。區畫皆中事機。暫兼權侍左侍郎。李宗勉每稱其平。尤暫兼權戶部侍郎。兼同詳定勅令。請立國本。請親禱雨。遷戶部侍郎。暫兼給事中。先是錢相常繳陳洵益贈節使。不行。必愿復繳奏曰。李韶向為殿中侍御史。疏論洵益。乞予外祠。以絕窺伺。陛下不行其言。復奪其職。韶不能自安。徑求外補。今召之不至。正以此故。若超贈洵益。又繳駁不行。韶愈無來期矣。陛下忍於去一賢從官。而不忍於沮一已死之內侍。則何以興起治功。振揚國勢。欲望寢洵益節鉞。趣韶供職。於是必愿三以疾乞祠。不許。權戶部尚書。疏言。端平元年。洛師輕出。明年德安失。襄陽失。又明年。固始失。定遠失。六安失。鄧復荆門失。蜀道蹂。成都破。又明年。夔峽徙。浮光降。又明年。滁陽殲。越二年。壽春棄。明年。真陽擾。安豐危。成都潰。靡有孑遺。又曰。去冬安豐危而復安。特天幸爾。君臣動色。太平自賀。雷作於雪。冥之先期。蜀警於大宴之盼命。戒心一弛。赫鑿已隨之矣。又乞論太府丞。覈戶部收支數目。庶見多寡盈虛之實。有餘則儲之。以待朝廷之取撥。闕則助之。以示官府之一體。二疏。許。丞相史嵩之。乞免官。乞祠。皆不許。以司諫鄭起潛論列。以寶謨閣直學士奉祠。辭職名。不許。淳祐五年。以華文閣直學士知福州。福建安撫使。三辭不許。閩人聞必愿至。欣然數羨。必愿平易。以近民。忠信以厚俗。惻怛以勤政。行鄉飲酒。旌退士。擬高年。裁僧寺。實封之數。尤留意武事。甫入境。即以軍禮見戎帥。申明左翼軍節制事宜。措置海道脩水。教士卒知勤。居官四年。累乞歸。及命召。又三辭。皆不許。卒。遺表上。贈銀青光祿大夫。必愿才周器博。心平量廣。而又蚤聞家庭忠孝之訓。師友正大之言。故所立卓然可稱云。

論曰。宋之公族。往往亦由科第顯用。各能以術業自見。汝談汝謙希館是已。彥呐帥邊而墮功。亦由廟算之短。善相父子克平。大盜與權以長者稱。必愿世濟其美。可謂信厚之公子矣。

宋史卷四百十三

宋史卷四百十四

元中書右丞相總裁脫脫等修

列傳第一百七十三

史彌遠 鄭清之 史嵩之 董槐

葉夢鼎 馬廷鸞

史彌遠字同叔浩之子也淳熙六年補承事郎八年轉宣義郎銓試第一調建康府糧料院改沿海制置司幹辦公事十四年舉進士紹熙元年授大理司直二年遷太社令三年遷太常寺主簿以親老請祠主管沖佑觀丁父憂慶元二年復為大理司直尋改諸王宮大小學教授輪對乞旌廉潔之士推舉薦之賞澄溝洫固隄防實倉廩均賦役課農桑禁末作為水旱之備葺城郭脩器械選將帥練士卒儲粟穀明烽燧為邊鄙之防丞相京鏗屏左右曰君他日功名事業過鏗遠甚願以子孫為託四年授樞密院編脩官遷太常丞尋兼工部郎官改刑部六年改宗正丞旬外知池州嘉泰四年提舉浙西常平開禧元年授司封郎官兼國史編脩實錄檢討遷秘書少監遷起居郎二年兼資善堂直講韓侂胄建開邊之議以堅寵固位已而邊兵大覲詔在位者言事彌遠上疏曰今之議者以為先發者制人後發者制於人此為將之事施於一勝一負之間則可以爭雄而捷出若夫事關國體宗廟社稷所係甚重詎可舉數千萬人之命輕於一擲乎京師根本之地今出戍既多留衛者寡萬一盜賊竊發誰其禦之若夫沿江屯駐之兵各當一面皆所以拱護行都尤當整備繼今勿輕調發則內外表裏俱有足恃而無可伺之隙矣所遣撫諭之臣止令按歷邊陲招集逋寇戒飭將士固守封圻毋惑浮言以撓吾之規毋貪小利以滋敵之憂使民力愈寬國勢愈壯遲之歲月以俟大舉實宗社無疆之福奏方具客曰侂胄必以奏議占人情太夫人年高能無貽親憂乎彌遠曰時事如此言入而益於國利於人吾得罪甘心焉封鄞縣男兼權刑部侍郎三年改禮部兼同脩國史實錄院同脩撰仍兼刑部兵端既開政躬相屬累使求和金人不聽都城震搖宮闈疑懼常若禍在朝暮然皆畏侂胄莫敢言彌遠力陳危迫之勢皇子詢聞之亟

具奏乃罷侂胄并陳自強右丞相既而臺諫給舍文章論駁侂胄乃就誅召彌遠對延和殿帝欲命為簽書樞密院事力辭乃遷禮部尚書兼國史實錄院脩撰詢立為太子兼詹事遣使詣金求和金人以太散隔牙二關濠州來歸疏奏今兩淮襄漢沿邊之地瘡痍未瘳軍實未充當勸厲將帥盡吾委寄之誠簡閱士卒覈其尺籍之闕繕城堡葺器械儲糧糧當聘使既通之後常如干戈未定之日推擇帥守以壯屏藩之勢擬拔智勇以備緩急之求拜同知樞密院事兼太子賓客進封伯嘉定元年遷知樞密院事進奉化郡侯兼參知政事拜右丞相兼樞密使兼太子少傅進開國公丁母憂歸治葬太子請賜第行在令就第持服以便容訪二年以使者趣行急乃就道起復右丞相兼樞密使兼太子少師四年落起復雪趙汝愚之冤乞褒贈賜諡釐正誣史一時為學黨人朱熹彭龜年楊萬里呂祖儉雖已歿或褒贈易名或錄用其後召還正人故老於外十四年賜家廟祭器寧宗崩擁立理宗於是拜太師依前右丞相兼樞密使進封魏國公六辭不拜因乞解機政歸田里亟出關帝從之寶慶二年拜少師賜玉帶勸上傾心順令以事太后力學脩德以答皇天眷祐以副四海歸戴紹定元年上太后尊號拜太傅八辭不拜夏得疾累疏乞歸不許都城災五疏乞罷斥乃降封奉化郡公五年春復爵六年將拜太師三具奏辭乞免出命不許乃拜太師依前右丞相兼樞密使魯國公又三具奏辭紹定五年上疏乞謝事拜太傅未幾拜太師左丞相兼樞密使上疏乞解機政依前太師特授保寧昭信軍節度使充醴泉觀使進封會稽郡王卒遺表聞帝震悼輟朝三日特贈中書令追封衛王諡忠獻戶部支贖贈銀絹以千計內帑特頒五千匹兩遣使祭奠及其喪還遣禮官致路祭于都門外賜壽佩玉勳纁初誅李全復淮安克貯貽第功行賞諸將皆望不次拔擢或言於彌遠彌遠曰御將之道譬如養鷹鷹則依人飽則颺去曹彬下江南太祖未肯以使相與之況今邊戍未撤警報時聞若諸將一一遂其所求志得意滿猝有緩急孰肯效死趙善湘以從官開閩指授之功居多日夜望執政彌遠曰天族於國有嫌高宗有詔止許任從官不許為執政紹熙末慶元初因汝愚彥逾有定策功是以權宜行之某與善湘姻家則

又豈敢彌遠親密友周鑄兄彌茂甥夏周篆皆寄以腹心人皆謂三人者必顯貴然鑄老於布衣彌茂以執政恩入流周篆以捧香恩補官俱止訓武郎而已初彌遠既誅韓侂胄相寧宗十有七年迨寧宗崩廢濟王非寧宗意立理宗又獨相九年擅權用事專任檢壬理宗德其立己之功不思社稷大計雖臺諫言其姦惡弗恤也彌遠死龍渥猶優其子孫厥後為製碑銘以公忠翊運定策元勳題其首濟王不得其死識者羣起而論之而彌遠反用李知孝梁成大等以為鷹犬於是一時之君子貶竄斥逐不遺餘力云

鄭清之字德源慶元之鄞人初名燮字文叔少從樓昉學能文樓鑰亟加稱賞嘉泰二年入太學十年登進士第調陝州教授帥趙方嚴重斬許可清之往白事為置酒命其子范葵出拜方掖清之無答拜且曰他日願以二子相累湖北茶商羣聚暴橫清之白總領何炳曰此輩精悍宜籍為兵緩急可用炳亟下召募之令趨者雲集號曰茶商軍後多賴其用調湖廣總所準備差遣國子監書庫官十六年遷國子學錄丞相史彌遠與清之謀廢濟國公事見皇子竑傳俄以清之兼魏惠憲王府教授遷宗學論遷太學博士皆仍兼教授寧宗崩丞相入定策詔旨皆清之所定理宗即位授諸王宮大小學教授遷宗學博士宗

正寺丞兼樞工部郎兼崇政殿說書帝問外人因閣子庫進絲履有謗議清之言禁中服用頗事新潔者帝曰故事月進輟數兩朕非敵不易何由致謗清之奏孝宗繼高宗故儉德易章陛下繼寧考故儉德難著寧考自奉如寒士衣領重澣草烏屨補今欲儉德著聞須過於寧考方可帝嘉納寶慶元年改兼兵部兼國史院編修官實錄院檢討官遷起居郎仍兼史官說書樞密院編修官二年權工部侍郎暫權給事中進給事中升兼同脩國史實錄院同脩撰紹定元年遷翰林學士知制誥兼侍讀升兼脩國史實錄院脩撰端明殿學士簽書樞

密院事三年授參知政事兼簽書樞密院事四年兼同知樞密院事六年彌遠卒命清之為右丞相兼樞密使端平元年上既親總庶政赫然獨斷而清之亦慨然以天下為己任召還真德秀魏了翁崔與之李稟徐僑趙汝談尤煇游似洪咨夔王遂李宗勉杜範徐清叟袁甫李韶時號小元祐大者相繼為宰輔惟

與之終始辭不至遺逸如劉宰趙蕃皆見旌異是時金雖亡而入洛之師大潰二年上疏乞罷不可拜特進左丞相兼樞密使三年八月霖雨大風四疏勾去九月禋祀雷變請益力乃授觀文殿大學士醴泉觀使兼侍讀四疏控辭依舊大學士提舉洞霄宮及聞邊警密疏恐陛下憂悔大過以汨清明之躬累剛大之志嘉熙二年封申國公四年遣中使賜御書輔德明諫之閣賜楮十萬緡為築室乃日與賓客門生相羊山水間淳祐四年依前觀文殿大學士醴泉觀使兼侍讀屢辭不允拜少保觀文殿大學士醴泉觀使兼侍讀進封衛國公趣入見有旨賜第五年正月上壽畢亦疏勾歸不允拜少傅依前觀文殿大學士醴

泉觀使兼侍讀進封越國公居無何喪其子士昌決意東還又不許拜少師奉國軍節度使依前醴泉觀使兼侍讀越國公賜玉帶更賜第于西湖之漁莊進讀仁皇訓典謂仁祖之仁厚發為英明故能脩明紀綱而無寬弛不振之患孝宗之英明本於仁厚故能涵養士氣而無矯勵峭刻之習蓋仁厚英明二者相須此仁祖孝宗所以為盛也帝襄諭之六年拜太保力辭故事許回授子孫清之請追封高祖洽帝從之蓋異恩也七年拜太傅右丞相兼樞密使越國公中使及門清之方放浪湖山寓僧刹竟夕不歸詰旦內引叩頭辭免帝勉諭有外間所不及知者甫退則中使接踵而至或請更化改元清之曰改元天子之始事更化朝廷之大端漢事已非古然不因易相而為之帝以邊事為憂詔趙葵

以樞使視師陳韓以知樞密院事帥湖廣二人方辭遜會清之再相力主之科降辟置無所留難葵韓遂往於是戰于泗水渴口木庫皆以捷聞九年拜太師左丞相兼樞密使辭太師不拜依前太傅每謂天下之財困於養兵兵費困於生券思所以變通之遇調戍防邊命樞屬量遠近以便其道塗時緩急以次其遣發又議移歲調兵屯以戍淮而併軍分頭日以節糜稍先移鎮江策勝一軍屯泗水公私便之諸路虜虜執其事者破家以償清之嚴其犯科者追理罪誤者悉蠲之全活甚眾沿江算舟之賦素重清之次第停罷如池之鴈以有大法

揚之目其錢分隸諸司清之奏罷其並緣漁取者蓋數倍公家之入合分隸者從朝廷償之報下清之方與客飲舉杯曰今日飲此酒殊快四上謝事之章十

年進十龜元吉箴一持敬二典學三崇儉四力行五能定六明善七謹微八察言九惜時十務實疏奏敬天之怒易敬天之休難天怒可憂而以爲易天休可喜而以爲難何哉蓋憂則懼心生懼則怒可轉而爲休喜則玩心生玩則休或轉而爲怒帝大喜命史官書之賜詔獎諭十一年十疏乞罷政皆不許拜太師力辭有事于明堂有旨閣門給扶掖二人再賜玉帶令服以朝十一月丁酉退朝感寒疾危甚猶以未得雪爲憂俄大雪起曰百官賀雪上必甚喜命掬雪床前觀之累奏乞罷政不允奏不已拜太傅保寧軍節度使充醴泉觀使進封齊國公致仕卒遺表聞帝震悼較朝三日特贈尚書令追封魏郡王賜諡忠定清之不好立異湯中書論事侵清之及清之再相中求去清之曰已欲作君子使誰爲小人力挽留之徐清叟嘗論列清之乃引之共政趙葵視師年餘乞罷上未有以處之清之曰非使作相不足以酬勞陛下豈以臣故耶臣必不因葵來遽引退臣願爲左使葵居右上訖從之然葵竟不果來清之代言奏對多不存藁有安晚集六十卷清之自與彌遠議廢濟王竝立理宗駭駭至宰輔然端平之間召用正人清之力也至再相則年齒衰暮政歸妻子而閒廢之人或因緣以賄進爲世所少云

史嵩之字子由慶元府鄞人嘉定十三年進士調光化軍司戶參軍十六年差充京西北路制置司準備差遣十七年升幹辦公事寶慶三年主管機宜文字通判襄陽府紹定元年以經理屯田襄陽積穀六十八萬加其官權知棗陽軍二年遷軍器監丞兼權知棗陽軍尋兼制置司參議官三年棗陽屯田成轉兩官以明堂恩封鄞縣男賜食邑以直祕閣京西北路制置副使五年加大理卿兼撫制置司參議官四年遷大理少卿兼京西北路制置副使五年加大理卿兼權刑部侍郎升制置使兼知襄陽府賜便宜指揮六年遷刑部侍郎仍舊職端平元年破蔡減金獻俘上露布降詔獎諭進封子加食邑移書廟堂乞經理三邊不合句祠歸侍手詔勉留之會出師與淮閩協謀犄角嵩之力陳非計疏爲六條上之詔令嵩之籌畫糧餉嵩之奏言臣熟慮根本周思利害甘受遲鈍之譏思出萬全之計荆襄連年水潦蝗蝗之災饑饉流亡之患極力振救尙不聊

生征調既繁夫豈堪命其勢必至於主戶棄業以逃亡役夫中道而竄逸無歸之民聚而爲盜饑饉之卒未戰先潰當此之際正恐重貽宵旰之慮矣兵民陛下之兵民也片紙調發東西惟命然事關根本願計其成必計其敗既慮其始必慮其終謹而審之與二三大臣深計而熟圖之若夫和好之與進取決不兩立臣受任守邊適當事會交至之衝議論紛紜之際雷同和附以致誤國其罪當誅確守不移之愚上迨丁寧之旨罪亦當誅迨旨則止於一身誤國則及天下丞相鄭清之亦以書言勿爲異同嵩之力求去朝陵之使未還而諸軍數道並進復上疏乞黜罷權兵部尚書不拜乞祠進寶章閣直學士提舉太平宮歸養田里尋以華文閣直學士知隆興府兼江西安撫使帝自師潰始悔不用嵩之言召見力辭權刑部尚書引見疏言結人心作士氣嚴實理財等事且言今日之事當先自治不可專恃和議乞祠以前職知平江府以母病乞侍醫藥不俟報可而歸進寶章閣學士准西制置使兼沿江制置副使兼知鄂州既內引賜便宜指揮兼湖廣總領兼准西安撫使嘉熙元年進華文閣學士京西荆湖南安撫制置使依舊沿海制置副使兼節制光黃蘄舒乞免兼總領從之廬州圍解詔獎諭之以明堂恩進封伯加食邑條奏江淮各三事又陳十難又言江陵非孟珙不可守乞勉諭之漢陽受攻嵩之帥師發江陵奏誅張可大竄盧普李士達以其棄城也二年黃州圍解降詔獎諭拜端明殿學士職任依舊恩疏視執政進封奉化郡侯加食邑詔入朝拜參知政事督視京西荆湖南湖北江西路軍馬鄂州置司兼督視淮南西路軍馬兼督視光蘄黃夔施州軍馬加食邑城黃州十一月復光州十二月復滁州三年授宣奉大夫右丞相兼樞密都督兩淮四川荆西北路軍馬進封公加食邑兼督江西湖南軍馬改都督江淮京湖四川軍馬薦士三十有二人其後董槐吳潛皆號賢相復信陽以督府米拯淮民之饑六月復襄陽嵩之言襄陽雖復未易守自是邊境多以捷聞降詔獎諭四年乞祠趣召奏事轉三官依前右丞相兼樞密使眷顧特隆賜賚無虛日久旱乞解機政地震屢疏乞罷免皆不許淳祐元年進玉斧箴安南入貢不用正朔嵩之議用范仲淹卻西夏書例以不敢聞于朝還之二年進高孝光寧帝紀

孝宗經武要略寧宗寶錄日曆會要玉璽進金紫光祿大夫加食邑是冬封永國公加食邑四年遭父喪起復右丞相兼樞密使累賜手詔遣中使趣行於是太學生黃愷伯金九萬孫翼鳳等百四十四人武學生翁日善等六十七人京學生劉時舉王元野黃道等九十四人宗學生與寰等三十四人建昌軍學教授盧鉞皆上書論嵩之不當起復不報將作監徐元杰奏對及劉鎮上封事帝意頗悟初嵩之從子環卿嘗以書諫曰伯父秉天下之大政必辦天下之大事膺天下之大任必能成天下之大功比所行淺不克終用入之法不待舉劄而改官者有之誦責未幾而旋蒙敘理者有之丁難未幾而遽被起復者有之借曰有非常之才有不次之除醜惡異賞所以收拾人才而不知斯人者果能運籌帷幄獻六奇之策而得之乎抑亦獻路幕賓而得之乎果能馳身鞍馬效一戰之勇而得之乎抑亦效鬻奴僕而得之乎徒聞包直公行政出多門便嬖私昵狼狽萬狀祖宗格法壞於今日也自開督府東南民力困於供需州縣倉卒匱於應辦輦金帛輓芻粟絡繹道路曰一則督府二則督府不知所幹者何事所成者何功近聞蜀川不守議者多歸退師於鄂之失何者分戍列屯備邊禦戎首尾相援如常山之蛇維揚則有趙葵廬江則有杜伯虎金陵則有別之傑為督府者宜據鄂渚形勢之地西可以援蜀東可以援淮北可以鎮荆湖不此之圖盡損藩籬深入堂奧伯父謀身自固之計則安其如天下蒼生何是以饑民叛將乘虛擣危侵軼於沅湘搖蕩於鼎澧謂江陵之勢苟孤則武昌之勢未易守荆湖之路稍警則江浙之諸郡焉得高枕而臥況殺降失信則前日徹疆之計不可復用矣內地失護則前日清野之策不可復施矣此際一開東南生靈特凡上之肉耳則宋室南渡之疆土惡能保其金甌之無闕也蓋早為之圖上以寬九重宵旰之憂下以慰雙親朝夕之望不然師老財殫續用不成主憂臣辱公論不容萬一不長強禦之士繩以春秋之法聲其討賊不效之咎當此之時雖優游菽水之養其可得乎異日國史載之不得齒於趙普開國勳臣之列而乃廁於蔡京誤國亂臣之後遺臭萬年果何面目見我祖於地下乎人謂禍起蕭牆危如朝露此愚所痛心疾首為伯父苦口極言為今之計莫若盡去

在幕之羣小悉召在野之君子相與改弦易轍戮力王事庶幾失之東隅收之桑榆矣如其視失而不知救視非而不知革薰蕕同器驚驥同櫪天下大勢駸駸日趨於危亡之域矣伯父與環卿親猶父子也伯父無以少年而忽之則吾族幸甚天下生靈幸甚我祖宗社稷幸甚居無何環卿暴卒相傳嵩之致毒云嵩之為公論所不容居闈十有三年寶祐四年春授觀文殿大學士加食邑八月癸巳卒遺表上帝輟朝贈少師安德軍節度使進封魯國公諡忠肅以家諱改諡莊肅德祐初以右正言徐直方言奪諡

董槐字庭植濠州定遠人少喜言兵陰讀孫武曹操之書而曰使吾得用將汛掃中土以還天子槐貌甚偉廣穎而豐頤又美髯論事慷慨自方諸葛亮周瑜父承遇槐嚴聞其自方怒而嘻曰不力學又自喜大言此狂生耳吾弗願也槐心愧乃益自摧折學於永嘉葉師雍聞輔廣者朱熹之門人復往從廣廣歎其善學嘉定六年登進士第調靖安主簿丁父憂去官十四年起為廣德軍錄事參軍民有誣富人李槐私鑄兵結豪傑以應李全者郡捕擊之獄槐察其枉以白守守曰為反者解說族矣槐曰吏明知獄有枉而擠諸死地以傳於法顧法豈謂諸被告者無輪枉不枉皆可殺乎不聽頃之守以憂去槐攝通判州事數日槐誠枉今不為出之生無繇矣乃為翻其辭明其不反書上卒脫槐獄紹定二年遷鎮江觀察推官明年春入為主管刑部架閣文字秋兼權禮兵部架閣遷籍田令特差權通判鎮江府至州會全叛涉淮臨大江大府急發州兵槐即日將兵濟江而西全遁去乃還五年丁母憂瑞平三年差通判蘄州兼嘉熙元年召赴都堂遷宗正寺簿出知常州後三日提點湖北刑獄常德軍亂夜縱火而謀守尉闖不出槐騎從數人於火所且問亂故亂者曰將軍馬彥直奪吾歲請吾屬將責之償不為亂也槐坐馬上召彥直斬馬前亂者還入伍中明日乃捕首亂者七人戮諸市而購彥直之家差充歸峽岳察訪使二年兼權知常德府尋兼軍器少監依舊提點刑獄三年以直寶謨閣知江州兼都督府參謀秋流民渡江而來歸者十餘萬議者皆謂方軍與郡國急儲粟不暇食民也槐曰民吾民也發吾粟振之胡不可至者如歸焉當是時宋與金為鄰國而襄漢楊

楚之間，豪傑皆自相結以保其族，無賴者往往去爲羣盜，浮光人瞿全寓黃陂，有衆三千餘，稍出鹵掠，槐令客說下全，徙之陽烏洲，使雜耕，斬春間，又享賜之，用爲裨將，於是曹聰、劉清之屬皆來自歸，四年，進直華文閣，知潭州，主管湖南安撫司公事，方三邊急於守禦，督府日夜徵發，民且困，槐爲畫策，應之，令民不傷，而軍須亦不匱，淳祐二年，遷左司郎官，進直龍圖閣，沿江制置副使，兼知江州，主管江西安撫司公事，視其賦則吏侵甚，下教曰：吾涖州而吏猶爲盜，不自悔，吾且誅之，吏乃震恐，願自新，槐因除民患，害凡利有宜，弛以利民，惟恐不盡弛，大計軍實，常若敵且至，裨將盧淵凶猾不受命，斬以徇師，軍中肅然，三年，進祕閣，脩撰，四年，召入奏事，遷權戶部侍郎，賜紫，進集英殿脩撰，沿江制置使，江東安撫使，兼知建康府，兼行宮留守，軍政弛弗治，乃爲實三等以教射，春秋教肄士卒，坐作進退擊刺之技，歲餘盡爲精兵，六年，召至闕，辭出知靜江府，兼廣西經略安撫使，又辭，權廣西運判，兼提點刑獄，宰相移書槐曰：國家方用兵，人臣不辭急難，公幸毋固辭，槐即日就道，至邕州，上守禦七策，邕州之地，西通諸蠻夷，南引交趾，及符奴月烏流，麟之屬，數寇邊，槐與約，無相侵，推赤心，遇之，皆伏不動，又與交趾約五事，一，無犯邊，二，歸我侵地，三，還鹵掠生口，四，奉正朔，五，通貿易，於是遣使來獻方物，大象，南方悉定，七年，進寶章閣待制，八年，遷工部侍郎，職事依舊，兼轉運使，九年，召赴闕，封定遠縣男，遷兵部侍郎，兼權給事中，兼侍讀，升給事中，上疏請抑損戚里恩澤，以慰天下士大夫，羣臣奏事，少與法違，憚槐不敢上，兼侍讀，進寶章閣直學士，知福州，福建安撫使，辭，進封子，是年冬，拜端明殿學士，簽書樞密院事，進封侯，十二年，爲同知樞密院事，寶祐元年，權參知政事，二年，進參知政事，四川制置使，余晦以戰敗奪官，詔荆襄制置使李曾伯往視師，曾伯辭，槐曰：事如此，尚可坐而視乎，上疏請行，頓重兵，塞門，以固荆蜀輔車之勢，詔報曰：腹心之臣，所與共理天下者也，宜在朝廷，不宜在四方，復上疏曰：天下之事，不進則退，人臣無敢爲岐意者，苟以臣爲可任，宜少聽臣自效，即臣不足與軍旅之事，願上官爵不許，進封濠梁郡公，帝曰：鄉用槐，槐言事無所隱，意在於格君心之非，而不爲容悅，帝問羣臣，積積邊，則對曰：吳民

困甚，有司急糴不復省，夫民惟邦本，願先垂意根本，帝問脩太乙祠，則對曰：土工游起，民罷於徵發，非所以事天也，帝問邊事，對曰：外有敵國，則其計先自強，自強者，人畏我，我不畏人，又言：敵國在前，宜拔材能用之，士大夫有過失，爲執法吏所刺劾，終身擯弗用，深爲朝廷惜此，苟非姦衰，皆願爲昭洗，勿廢其他善，又遷謫之臣，久墮遐方，稍稍內徙，令得生還，願弗用可矣，槐每奏，帝輒稱善，三年，拜右丞相，兼樞密使，槐自以爲人主所振拔，苟可以利安國家，無不爲，然務先大體，任人先取，故舊之在疏遠者，在官者，率滿歲而遷，嗜進者，始不說矣，槐又言於帝曰：臣爲政而有害政者三，帝曰：胡爲害政者三，對曰：戚里不奉法，一矣，執法大吏久於其官而擅威福，二矣，皇城司不檢士，三矣，將率不檢下，故士卒橫，士卒橫則變生於無時，執法威福擅，故賢不肯混淆，賢不肯混淆，則姦衰肆，賢人伏而不出，親戚不奉法，故法令輕，故朝廷卑，三者弗去，政且廢，願自上除之，於是嫉之者滋甚，帝年浸高，操柄獨斷，羣臣無當意者，漸喜狎佞人，丁大全善爲佞，帝躡貴之，竊弄威權，而帝弗覺悟，大全已爲侍御史，遣客私自結於槐，槐曰：吾聞人臣無私交，吾惟事上，不敢私結，幸爲謝了，君大全度槐弗善己，銜甚，乃日夜刻求槐短，槐入見，極言大全妄佞不可近，帝曰：大全未嘗短卿，卿勿疑槐，槐曰：臣與大全何怨，願陛下拔臣至此，臣知大全姦衰而噤不言，是負陛下也，且陛下謂大全忠，而臣以爲姦，不可與俱事陛下矣，既罷出，即上書乞骸骨，不報，四年，策免丞相，以觀文殿大學士提舉洞霄宮，時大全亦論劾槐書未下，自發省兵迫遣之，於是太學諸生陳宜中等上書爭之，語見大全傳，五年，及景定元年，俱用祀明堂，恩加食邑二年，特授判福州，福建路安撫大使，固辭，進封吉國，又進封許國公，三年五月二十八日，既夕，天大雨，烈風雷電，槐起衣冠而坐，糜婦人出，爲諸生說兒謙二卦，問夜如何，諸生以夜中對，遂薨，遺表上，贈太子少師，諡文清，帝使致金六十斤，帛千匹以賜。

葉夢鼎，字鎮之，台之寧海人，本陳待聘之子，七歲後於母族，少從直龍圖閣鄭霖宗正少卿趙逢龍學，以太學上舍試入優等，兩優釋褐，出身授信州軍事推官，攝教事，講荒政，遷太學錄，淳祐二年，雷變，上封事，言召人才，戒嫖近，明年，輪

對言君子直言軍制楮幣任官分閫六事同番易湯巾召試館職授秘書省正字四年升校書郎兼莊文府教授五年遷祕書郎轉對言定國本求哲輔專閫帥擬用介直雷變上言援唐康澄五可畏之說遷著作佐郎六年拜軍器少監兼兵部郎官轉對言國計邊事國體三事又言外有窺邊之大敵內有伺隙之巨姦奇袤蠱媚於宮闈熏腐依憑於城社強藩悍將牙孽易搖草竊姦宄肘腋階變權知袁州轉運司和糴米三萬斛夢鼎言袁山多而田少朝廷免和糴已百年自今開之百姓子孫受無窮之害則無窮之怨從之民湯頌獻田學官妻子離散夢鼎遂環之毀萬載旗箭村淫祠塞其妖井召赴行在丁本生母憂十一年免喪拜司封員外郎輪對言陛下惑於左右之讒說例視言者為奸名中傷既深膠固莫解近歲以來言稍犯人主之所難者不顯罷則陰黜不久外則投閒去者屢召而不還來者一鳴而輒斥兼玉牒檢討官以直秘閣江西提舉常平兼知吉州節制悍將置社倉義倉平反李義山受贓之寃以國子司業召寶祐元年陞對言國論主平江西義倉不可待申省而後發考試集英殿授崇政殿說書進講尚書兼國史編脩實錄檢討遷國子祭酒二年兼權禮部侍郎諫幸西太乙宮三年權禮部侍郎仍兼祭酒升兼同脩國史實錄院同脩撰尋兼侍讀丁母憂五年以集英殿脩撰差知贛州丁大全柄國欲挽夢鼎登朝卒辭謝之六年改知建寧府又改知隆興府開慶元年復知建寧府作橋梁置驛舍建大安關決疑獄景定元年召為太子詹事上疏以法天為言遷吏部侍郎賜寧海縣食邑二年權兵部尚書兼權吏部尚書三年遷兵部尚書兼脩國史兼實錄修撰遷吏部尚書五辭免請祠不允拜端明殿學士同簽書樞密院事屢辭不許同提舉編脩經武要略兼太子賓客進封寧海伯七年簽書樞密院事進封臨海郡侯以明堂恩進封臨海郡公丞相賈似道欲造關子罷十七十八兩界會子夢鼎以為厲民乃止罷十七界公田法行夢鼎又以為厲民故行之浙右而止五年三辭不許進同知樞密院事權參知政事以彗星出夢鼎言政上下恐懼交脩之日乞解機政又不許奏免浙西經界理宗崩議太子即位太后垂簾聽政夢鼎曰母后垂簾豈是美事進參知政事加食邑夢鼎力辭似

道懇留之不可帝勉諭再三詔閣門封還奏疏似道奏參政去則江萬里王煥必不來理宗復上攝少傅竣事引疾歸里累詔力辭授資政殿學士知慶元府沿海制置使肅清海寇罪止首惡羨餘之費悉卻不受建濟民倉以備饑歲造驛舍以待賓旅咸淳三年再召為參知政事加食邑六辭不許詔著作佐郎盧鉞與台州守項公采趣行拜特進右丞相兼樞密使累辭不許迺與似道分任利州轉運使王价嘗以言去官非其罪也四川制置司已辟參議及死其子懇求遺澤至是夢鼎明其無罪似道以為恩不已出罷省部吏數人榜其姓名于朝夢鼎怒曰我斷不為陳自強即求去似道之母讓似道曰葉丞相安於家食未嘗希進汝強與以相印今乃牽制至此若不從吾言吾不食矣似道曰為官不得不如此會太學諸生亦上書言似道專權固位乃悔悟屬府尹洪夔求解而夢鼎屢上章乞閒冬雷引咎求去愈力四年策楊妃宰相無拜禮吏贊拜夢鼎以笏揮之趨出明日乞還田里詔勉留之詔免諸州守臣上殿奏事夢鼎言祖宗謹重牧守之寄將赴官必令奏事蓋欲察其人品及面論以廉律己愛育百姓甚至郡延見吏民具宣上意庶幾求無貧隨道之意今不遠數千里而來咫尺天顏而不得見甚非立法之本意又乞容受直言進少保五年引杜衍致仕單車宵遁故事累辭乃授觀文殿學士判福州福建安撫大使進封信國公不拜充醴泉觀使又不拜七年再充醴泉使九年授少傅右丞相兼樞密使引疾力辭宰掾郎曹沓至趣行扶病至岷縣請辭不獲乞還山林疏奏願上厲精寡欲規當國者收人心固邦本勵將帥飭州縣重振恤扁舟徑歸使者以禍福告夢鼎語之曰廉恥事大死生事小萬無可回之理似道大怒臺臣奏從歸田之請詔仍少保觀文殿大學士醴泉觀使不請祠祿瀛國公初即位咨訪故老夢鼎上封事曰敦教道訓廉德厲臣節拯民瘼重士選勸吏廉懲吏姦補軍籍授判慶元府沿海制置大使力辭依前醴泉觀使兼侍讀不拜二年益王即位于闐召為少師太乙宮使航海遂行道梗不能進南向慟哭失聲而還後二年卒子應及大府寺丞知建德府軍器少監駐屯軍馬應有朝請郎太社令馬廷鸞字翔仲饒州樂平人本灼之子繼灼兄光後甘貧力學既冠里人聘為

童子師。遇有酒食饌。則念母藜藿不給。爲之食不下咽。登淳祐七年進士第。調池州教授。需次六年。寶祐元年。召赴都堂審察。辭。至池。以禮帥諸生。二年。調主管戶部架閣。三年。遷太學錄。召試館職。時外戚謝堂。厲文翁。內侍盧允升。董宋臣。用事。廷鸞試策。言疆君德。重相權。收直臣。防近習。大與時許。遷祕書省正字。四年。尤煇提舉史事。辟爲史館校勘。初。丁大全令浮梁。雅慕廷鸞。彌欲鈎致之。廷鸞不爲動。試策稍及大全。及廷鸞當輪對。大全私謂王持屋往。闕焉。廷鸞素厚持屋。且同館。不虞其謀也。密露大意。持屋始曰。君猶未改秩。姑託疾爲後圖乎。廷鸞曰。此微臣千一之遭。其何敢不力。持屋以告大全。及候對殿門。格不得見。翼日。以監察御史朱熹劾罷。宋臣遣入。廂貌士索奏。藁雖焚。聞者浸廣。忌者愈深。而廷鸞之名重天下。開慶元年。吳潛入相。召爲校書郎。景定元年。兼沂靖惠王府教授。時大全黨多斥。宋臣尙居中。言路無肯言者。諸學官抗疏。疏上。卽行。會日食。與祕書省同守局。因相與草疏。潛以書告廷鸞曰。諸公言事紛紛。皆疑潛所嫉。聞館中又將論列。校書宜無與。以重吾過。廷鸞對曰。公論也。不敢避私嫌。越數日。宋臣竟坐謫。徙安吉州。兼樞密院編脩官。時賈似道自江上還。位望赫奕。廷鸞未嘗親之。輪對言。國於東南者。楚越霸而有餘。東晉王而不足。乞遏惡揚善。以順天舉。直錯枉以服民。遷樞密院編脩官。兼權倉部郎官。二年。進著作佐郎。兼右司。遷將作少監。三年。一再乞外補。不許。廷鸞論貢舉三事。嚴鄉里之舉。重臺省之覆試。訪山林之遺逸。又言荒政宜蠲除被災州縣租賦之不可得者。擢軍器監。兼左司。兼太子右諭德。升左諭德。行國子司業。乞免兼左司。輪對言。集和平之福者。自陛下之身始。養和平之德者。自陛下之心始。兼翰林權直。擢祕書少監。升權直學士院。四年。擢起居舍人。兼太子右庶子。兼國史院編脩官。實錄院檢討官。入奏言。太史必當謹書災異。願陛下俞受敷施。以壯人才之精神。虚心容納。以植人言之骨幹。念邦本而以公滅私。嚴邊備而思患豫防。時再召用宋臣。廷鸞引何郟之說。進極言。宋臣不可用。帝從之。薦士二十人。進中書舍人。程奎污穢詭祕。不當補將仕郎。王之淵爲大全黨。不當通判。江州朱熹不當知慶元府。及爲制置使。林夬趙必遜。張稱孫不當與郡。皆繳還。

詞頭。兼國史實錄院。五年。禁出。上疏極言天人之際。遷禮部侍郎。理宗遺詔。度宗登極。皆廷鸞所草。兼侍讀。辭不許。疏列孝宗之政。以告。升直學士院。咸淳元年。進端明殿學士。簽書樞密院事。兼同提舉編脩經武要略。丁母憂。三年。同知樞密院事。兼同提舉編脩經武要略。入奏。言培命脈植根本。崇寬大。行仁厚。又言。恢大度以優容。虛聖心而延佇。推內恕以假借。忍難行而聽納。則情無不達。理無不盡。姦人破膽。直士吐氣。天下事尙可爲也。兼權參知政事。五年。進參知政事。兼同知樞密院事。進右丞相。兼樞密使。八年。九疏乞罷政。九年。依舊觀文殿大學士。知紹興府。浙江安撫大使。上疏辭免。依舊職。提舉臨安府洞霄宮。度宗初年。詔詢故老。專以脩攘大計。叩之趙葵。葵極意指陳曰。老臣出入兵間。備諳此事。願朝廷謹之重之。似道作色曰。此三京敗事者。詞臣失言。廷鸞每見文法密。功賞稽遲。將校不出死力。於邊閭升辟。稍越拘攣。似道頗疑異己。諜室吏以泄其憤。及辭相位。帝惻怛久之曰。丞相勉爲朕留。廷鸞言。臣死亡無日。恐不得再見君父。然國事方殷。疆圉孔棘。天下安危。人主不知。國家利害。羣臣不知。軍前勝負。列聞不知。陛下與元老大臣。惟懷永圖。臣死且瞑目。頓首涕泣而退。瀛國公卽位。召不至。自罷相歸。又十七年而薨。所著大經集傳。語孟會編。楚辭補記。洙泗裔編。讀莊筆記。張氏祝氏皇極觀物外篇諸書。

論曰。史彌遠廢親立疏。諱聞直言。鄭清之墮名於再相之日。彌遠之罪既著。故當時不樂嵩之繼也。因喪起復。羣起攻之。然固將才也。董槐毋得而議之矣。葉夢鼎馬廷鸞之所遭逢。其不幸也夫。

宋史卷四百十四

元中書右丞相總裁脫脫等修
列傳第一百七十四

傅伯成 葛洪

曾三復

黃疇若

袁韶

危積

程公許

羅必元

王遂

傅伯成字景初吏部員外郎察之孫少從朱熹學登隆興元年進士第調連江尉試中教官科授明州教授以年少嫌以師自居日與諸生論質往復後多成才改知閩清縣丁父艱服除知連江縣東湖溉田餘二千頃隄壞卽下流南港爲右隄三百尺民蒙其利慶元初召爲將作監進太府寺丞言呂祖儉不當以上書貶又言於御史朱熹大儒不可以爲學目之又言朋黨之敝起於人主好惡之偏坐是不合出知漳州以律己愛民爲本推熹遺意而遵行之創惠民局濟民病以草穢鬼之俗由郡南門至漳浦爲橋三十五治道千二百丈兩爲部使者選工部侍郎時權臣方開邊語尙秘伯成言天下之勢譬如乘舟中與且八十年矣外而望之舟若堅緻歲月既久罅漏浸多苟安旦夕猶懼覆敗乃欲徵倖圖古人之所難臣則未之知也相府災同列相率唁丞相或以爲偶然者伯成正色謂天意如此官師相規時也以爲偶然乎丞相色動遂陳三事一曰失民心二曰墮軍政三曰啓邊釁進右司郎官權幸有私謁者皆峻拒之出爲湖廣總領朝議欲納金人之叛降者伯成言不宜輕棄信誓乞戒將帥毋生事御史中丞鄧友龍遂劾伯成罷之嘉定元年召對面論前日失於戰今日失之和小使雖返要求尙多陛下不獲已悉從之使和議成猶可以紓一時之急否則虛帑藏以資敵人驅降附以絕來者非計也今之策雖以和爲主宜惜日爲戰守之備權戶部侍郎史彌遠初拜相麻詞有昆命元龜之語聞帥倪思以爲不當用御史劾罷思伯成因對及其事帝曰過當者再對曰思固過當但恐權抑太過遂塞言路乞明詔臺諫侍從竭盡底蘊無以思爲戒李壁請居撫州伯成言侂胄之誅壁與有功不酬近功乃追前罪他日負罪之臣不容以功贖過

矣伯成未爲諫官也嘗言彌遠謀誅侂胄事不遂則其家先破侂胄誅而史代之勢也諸公要相協和共議國事若立黨相擠必有勝負非國之福又勸丞相錢象祖安危大事以死爭之差除小者何必乖異拜左諫議大夫抗疏十有三皆軍國大義或致彌遠意欲使有所彈劾謂將引以共政謝之曰吾豈傾人以爲利哉疏乞詔大臣以公減私左遷權吏部侍郎以集英殿修撰知建康府蔡元定請死道州歸葬建陽乃雪其冤於朝進寶謨閣待制知鎮江府全活饑民瘞藏野殍不可勝數制置司欲移焦山防江軍於圖山石碑伯成謂虛此實彼利害等耳包港在焦圖之中不若兩砦之兵迭戍焉圖山砦兵素與海盜爲地伯成廉知姓名會郡都試捕而鞠之無一逸去獄具請賞其死黥隸諸軍嘉定八年召赴闕辭不獲行至甯拜疏曰臣病不能進矣除寶謨閣直學士通奉大夫致仕理宗卽位升直學士落致仕子祠錫金帶伯成辭免乃進昭明天常扶人極之說詔進一官寶慶元年與楊簡同召尋加寶文閣學士提舉佑神觀奉朝請雖力以老病辭而愛君憂國之念不少衰聞大理評事胡夢昱坐論事貶蹙然語所親曰向呂祖儉之謫吾爲小臣猶嘗抗論今蒙國恩叨竊至此而不言誰當言者遂抗疏曰臣恐陛下不復聞天下事矣方今內無良吏田里怨咨外無名將邊陲危急而廉恥道喪風俗益媮賄賂流行公私俱困謂宜君臣上下憂邊恤民以弭禍亂奈何今日某人言某事未幾而斥明日某人言某事未幾而斥則是上疏者以共工驩兜之刑加之矣昔韓愈論後世人主奉佛運祚短促唐憲宗大怒將抵以死自崔羣裴度戚里諸賢皆爲愈言止貶潮州尋復內徙今上疏者非可愈比然在列之臣無一爲言者萬一死於瘴癘陛下與大臣有殺諫者之謗史冊書之有累聖治臣垂盡之年與斯人相去風馬牛之不相及獨以受恩優異效其謬言不報明年加龍圖閣學士轉一官提舉鴻慶宮復辭伯成純實無妄表裏洞達每稱人善不啻如己出語及姦人誤國邪人害正詞色俱厲不少假借常暴尸諫疏草畢亟命繕寫朝服而逝年八十有四贈開府儀同三司端平三年賜諡忠簡

葛洪字容父婺州東陽人從呂祖謙學登淳熙十一年進士第嘉定間爲樞密

院編修官兼國史院編修官實錄院檢討官遷守尚書工部員外郎兼權樞密院檢詳諸房文字上疏言今之將帥其才與否臣不得而盡知惟忠誠所在凡為人臣者斯須所不可離則不可不以其責之耳今安居無事非必奮不顧死冒水火蹈白刃而後謂之忠也第職思其憂謂之忠公爾志私謂之忠純實不欺謂之忠且拊循士卒帥之職也朝廷每嚴措克之禁獨營運之遺其微之者至矣今乃有別為各色益肆貪黷視生理之稍豐者而誣以非辜動輒估籍擇廩給之稍優者而強以庫務取辦芻粟抑配軍需於撫循何有哉訓齊戎旅亦帥之職也朝廷每嚴點試之法中階級之令其微之亦切矣今顧有教閱視爲具文坐作僅同兒戲技勇者不與旌賞拙懦者未嘗勸懲士日橫驕類難役使於訓齊何有哉況乃有沉酣聲色之奉溺意田宅之圖而不恤國事者矣又有營營終日專務納交書幣往來道路旁午而妄希升進者矣自謂繕治器甲修造戰艦究其實則飾舊爲新而已爾自謂樽節財用聲稱羨餘原其自則刻下罔上而已爾乞嚴飭將帥上下振厲申繳軍實常有寇至之憂磨礪振刷以求更新亦庶乎其有用矣帝嘉納之進直煥章閣爲國子祭酒仍兼國史編修實錄檢討遷工部侍郎仍兼祭酒兼同修國史實錄院同修撰拜工部尚書亦兼祭酒兼侍讀進端明殿學士同簽書樞密院事拜參知政事封東陽郡公贊討平李全援王素諫仁宗却王德用進女事以止備嬪御世多稱之以資政殿學士提舉洞霄宮進大學士召赴行在仍舊職充萬壽觀使兼侍讀尋提舉萬壽觀兼侍讀守本官致仕卒帝輟視朝一日謚端獻杜範稱其侃侃守正有大臣風有奏議雜著文二十四卷

曾三復字無玷臨江人乾道六年進士淳熙末爲主管官告院遷太府寺簿歷將作太府丞登朝數年安於平進搢紳稱之紹熙初出知池州改常州召爲御史檢法拜監察御史轉太常少卿進起居舍人遷起居郎兼權刑部侍郎以疾告老詔守本官職致仕三復性耿介恥奔競故位不速進在臺餘兩年持論正平不隨不激其沒也士論惜之

陽縣主簿邑民有訴僧爲盜且殺人移鞠治疇若疑其無證以白提點刑獄馬大同且爭之甚力已而得真盜大同薦之調柳州教授又調靈川令會萬安軍黎蠻竊發經略司選疇若修畫招捕事宜疇若謂須稽原始亂爲區處之方再任嶺外用舉攷改知廬陵縣州常以六月督崎零稅疇若念民方艱食取任內縣用錢三十餘緡爲民代輸兩年諸司舉爲邑最官召赴都堂審察差監行在都進奏院開禧元年都城火疇若應詔上言曰當今之急務有三一曰賦斂征求之無藝二曰都鄙軍民之無法三曰守令牧養之無狀遷太府寺主簿又遷將作監丞兼皇弟吳興郡王府教授遷太府寺丞又遷祕書丞兼權禮部郎官兼資善堂說書遷著作郎拜監察御史首乞天子擇宰相宰相擇監司又言善爲國者必以恐懼修省之訓陳於前善爲相者必以危亡災異之事故於上韓侂胄敗疇若上章劾去帝批其奏曰卿懷忠盡朕固知之疇若遂疏鄧友龍陳景俊之惡先是江淮督府既罔功罷不更置疇若奏以爲和戰未決不遣近臣置幕府無以統諸將乞檢會前奏亟詔大臣科條人才爲宣撫使帝卽日以丘崇爲江淮制置使尋遷疇若殿中侍御史兼侍講朝廷與金人約和金人約函致侂胄首詔令書諫侍從兩省雜議疇若與章燮等奏乞梟首然後函送敵國人譏其有失國體疇若奏令帑藏無餘歲幣若必睥睨於百姓願自宮禁以及宰執百官共爲樽節逐年椿積遂置安邊所戶部侍郎沈說條具合節省拘催者疇若復乞依仁宗孝宗兩朝成訓凡節省事在內諸司選內侍長一員令自行搜訪條具來上在外廷三省則委宰掾樞屬六曹則委長貳事干浮費者聞奏又乞以官司房廊及激賞庫四季所獻并侂胄萬畝莊等一併拘椿既而內廷及酒所減省議多格獨得佔籍姦賊及房廊非泛供須五頃總緡錢九百一十三萬有奇外椿留產業每歲又可得七十一萬五千三百餘緡疇若乞令後省類聚更化以來臣下章奏察其可行者以聞付之中書都城穀踊貴詔減價糶椿管米十萬石於是淮浙流民文集臨安府按籍振濟僅不滿五千人以三月後麥熟罷振濟各給糧遣歸疇若謂此實驅之使去耳遂奏乞令覈實近甸之人願歸就田者勿問其有未能歸者更振濟兩月淮民見在都城者其家

既破，又無贏貲，必難遽去。仍與振恤，俟早熟乃罷。於是詔振濟至六月乃止。帝以蝗災令刺舉監司不才者，曠若同臺監致察上之。又言湖廣盜賊固迫於饑寒，然亦有激而成之者。黑風峒寇實由官不為決訟所致。宜戒湖廣諸司申明法禁，為賊關防。以時平心決訟，勿令若官巡尉侵漁。權戶部侍郎金使告主土，差充管伴，自軍興費廣，朝廷給會子數多。至是折閱日甚，朝論頗嚴稱提。民愈不售，郡縣科配，民皆閉門牢避。行旅持券，終日有不獲一錢一物者。詔令侍從臺省條上所見，曠若奏曰：物少則貴，多則賤，理之常也。曷若令郡縣姑以漸稱提，先收十一界者消毀，勿復支出。上下流通，則不待稱提矣。由是峻急之令少寬。又疏奏乞崇忠厚，延質朴，屏絕浮薄之論。乞撥買官田充糶本，以廣常平之儲。乞令戶察一員專監安邊所，帝皆是之。因面求補外，退上章降詔不允。又連疏旬去，會旱蝗復熾，御筆令在朝百執事條上封事。曠若奏官吏苛刻，科役頻併，賦斂繁重，刑法淹延四事。冊皇太子，差充引見禮儀使，進華文閣待制。知成都府。蜀自吳曦叛後，制置使移司與元朝論有偏重之嫌。朝廷擇人，故輟曠若以往。三辭不允。避諱改寶謨閣待制。詔凡屬軍民利病吏治臧否，並許諮訪。以聞。當徵積欠十餘萬。曠若亟命榜九邑盡蠲之。考官吏冗員非敕命差注者，悉罷之。為民代輸六年布估錢計二十萬二千四百緡。又別立庫儲二十五萬三千緡。期於異日接續代輸。又糶米十五萬石有奇，足廣惠倉之儲。又減他賦之重者。民力遂寬。初沈黎蠻屢犯邊。曠若至則鏤榜曉以禍福。青彌兩羌遂乞降。四年董蠻合其部族入寇。犍為利店。曠若亟調兵且設方略捕之，皆遁去。先是曠若廉知嘉定邊備廢弛，而平戎莊子弟可用。遂檄嘉定府權免平戎莊是年炭估麻租。令莊子弟即日。上邊為守備。會嘉定關守。蠻窺利店無備。遂入寇。曠若復選西軍欲且往防。牒轉運司折支不報。蠻再犯龍鳩堡。轉運司始頗從所請。蠻復到龍門隘。知有備乃退。進龍關閣待制。依舊知成都府。大使司之師出東路。提刑亦徵兵。三垂告警。敘南之報復急。兩路震動。曠若亟移書兩軍俾速還師。守險為後圖。西師遂退守沐川。既而曠若兼制敘州兵甲公事。既得專行。益嚴守備。蠻首昔丑竟降。朝廷賞平蠻功。進曠若一秩。曠若留蜀四年。弊根

盡。六苗耨髮。如乞棟留移屯西兵義勇。以防竊發。以救偏重。更用東南賢士使蜀四路。而拔蜀守之有治功者為東南監司。庶杜州縣姻婭之私。輕取錢引貼期之費。以紓民力。皆抗疏請於朝。乞力行之。復念大玄城乃張儀所築。高駢所修。圯壞歲久。復修費重。乃以節縮餘錢四十萬貫為修城備。曠若以制置使留漢中。則護諸將為得宜。召赴行在。入對延和殿。遷權兵部尚書。太子右庶子。八年四月。不雨。詔求直言。曠若條具三事。首言比稱提楮幣。州縣奉行切迫。故因坐減。被佔籍者眾。乞與給遺。乞蠲閣下戶畸零稅賦。乞振贍雄淮軍之乏。尋皆行之。落權升左庶子。仍兼修中權太子詹事。曠若引范鎮故事。乞歸田里。十年春。差知貢舉。試禮部尚書。以足疾乞歸。進煥章閣學士。知福州。力辭乃改。提舉鴻慶宮。關外軍潰言者論及曠若。落職罷祠。後以煥章閣學士致仕。所著有竹坡集。奏議。講義。經筵故事。

袁詔字彥淳。慶元府人。淳熙十三年進士。嘉泰中。為吳江丞。蘇師旦特韓侂胄威福。撓役法。提舉常平黃榮檄詔覈田以定役。師旦密諭意。言吳江多烟黨。儻相容。當薦為京朝官。詔不聽。是歲更定戶籍。承徭賦皆師旦黨。師旦諷言者將論去。榮亟以是事白於朝。且薦之。未幾。師旦敗。知桐廬縣。桐廬多宗室持縣事。無有善去者。詔始至。絕私謁。莫敢撓。錢塘岸歲為潮。蠶率取石桐廬。詔言。廟子山有石。不必旁取鄰郡。遂得求免。嘉定四年。召為太常寺主簿。父老。旗鼓蔽江以錢。至於富陽。泣謝曰。吾曹不復輸石矣。後為右司郎官。接伴金使。使者索歲幣。語慢甚。詔曰。昔兩國誓約。止令輸燕。不聞在汴。使者語塞。十三年。為臨安府尹。幾十年。理訟精簡。道不拾遺。里巷爭呼為佛子。平反冤獄甚多。紹定元年。拜參知政事。胡夢昱論。濟王事當遠竄。詔獨以夢昱無罪。不肯署文書。李全叛。揚州告急。飛檄載道。都城爭有逃避者。乃拜詔浙西制置使。仍治臨安鎮。揚之丞相史彌遠。懲韓侂胄用兵事。不欲聲討。詔與范楷言於彌遠曰。楊失守。則京口不可保。准將如下。整崔福皆可用。適福至。詔夜與同見彌遠。言福實可用。彌遠從之。遂討全。詔卒。以言罷。端平初。奉祠。卒年七十有七。贈少傅。後以郊恩累贈太師。越國公。詔之父。為郡小吏。給事通判。勤謹無失。歲滿當代不聽去。後

通判至復留用之。因致豐饒。夫妻俱近五十無子。其妻資遣之往臨安置。妾既得幸。察之有憂色。且以麻束髮。外以綵飾之。間之泣曰。妾故趙知府女也。家四川。父歿家貧。故鬻妾以爲歸葬計耳。即送還之。其母泣曰。計女聘財。猶未足以給歸費。且用破矣。將何以酬汝。徐曰。賤吏不敢辱娘子聘財。盡以相奉。且聞其家尚不給。盡以囊中贊與之。遂獨歸。妻迎問之曰。妾安在。告以其故。且曰。吾思之。無子。命也。我與汝周旋久。若有子。汝豈不育。必待他婦人乃育哉。妻亦喜曰。君設心如此。行當有子矣。明年生紹。

危稹字逢吉。撫州臨川人。舊名科。淳熙十四年舉進士。孝宗更名稹時。洪邁得稹文。爲之賞激。調南康軍教授。轉運使楊萬里按部。驟見數授。偕遊廬山。相與酬倡。調廣東帳司。未上。服父喪。免。調臨安府教授。倪思薦之。且語人曰。吾得一士。可以報國矣。丁母憂。免。幹辦京西安撫司公事。入爲武學論。改大學錄。明年。遷武學博士。又遷諸王宮教授。稹謂以教名官。而實未嘗教。請改創宗子學。立課試法。如兩學。從之。嘉定九年。新學成。改充博士。其教養之規。稹所論建。遷秘書郎。著作佐郎。兼吳益王府教授。升著作郎。兼屯田郎官。稹始進對。請敘復軍功之賞。以立大信。按拭功臣之罪。以厲忠節。置局以立武事。遣使以省邊防。厚賞以精間諜。次論和戰守利害。而請諷意於守。是歲。春至夏不雨。稹應詔言。安邊所征斂之害。與無罪而籍沒之害。楮幣之改。以一奪二。鹽鈔之更。以新廢舊。至於沮格軍實。放散死士。皆足以召怨。而致旱。明年。又論謀國者欲以安靖爲安靖。憂國者欲以振厲爲安靖。自二議不合。是以國無成謀。人無定志。願詔大臣。合二議共圖之。且欲下兩淮帥臣。講明守禦之備。最後言事無成規者。皆不可爲。意向不明。無以一衆聽信。誓不立。無以結人心。報應不亟。無以趨事機。賞罰不果。無以作士氣。番易柴中行去國。撰賦詩送之。近宰相。出知潮州。尋以通金華徐備書論罷。提舉千秋鴻禧。觀久之。知漳州。漳俗視不葬親爲常。往往棲寄僧刹。稹命營高燥地爲義塚。三約期。責之葬。其無主名者。有主名而力弗給者。官爲葬之。凡二千三百有奇。刻石以識。郡有臨漳臺。據溪山最勝處。作龍江書院其上。既成。橫經自講。人用飲。勅呂令有賄聞者。劾去之。籍其財以還民。

都有經總制無名錢歲五千緡。厲民爲甚。前守趙汝讜奏蠲五之二。稹疏于朝。悉罷之。會常平使有言。稹不欲辯。即自請以歸。久之。提舉崇禧。觀與鄉里耆艾七人爲真率會。卒年七十四。稹性至孝。父疾。願損己算益親年。疾尋愈。真德秀登從班。稹自代。沒。又爲銘其墓。所著有巽齋集。諸經有講義集解。諸魏晉唐詩文。皆有編輯。先賢奏議曰。玉府曰。藥山第和字祥仲。開禧元年進士。爲上元主簿。大關祠字祀程。類真德秀爲記之。知德興。振荒有惠政。有壩塘文集。

程公許字季與。一字希穎。歙州宣化人。少知孝敬。大母侯疾。公許不交睫者數月。病革。嘗其痰沫。既卒。哀毀踰制。嘉定四年。舉進士。調溫江尉。未上。丁母憂。服除。授華陽尉。再調綿州教授。制置使崔與之。大加器賞。改秩知崇寧縣。獨預借免抑配。人甚德之。差通判簡州。改隆州。未上。會金人犯閬中。制置使桂如淵遁。三川震動。朝廷擢李璣代之。辟公許通判施州。行戶房公事。當兵將奔潰之後。公許盡力佐之。節浮費。疏利原民。不增賦。而用自足。時諸將乘亂抄劫。事定自危。以重賂結幕府。大將和彥威懷金寶以獻。公許正色卻之。彥威慚而退。吳彥者。緘增牒於書尾。以進。公許卷還之。而責其使。聞者畏服。有獻議招秦鞏大姓於重者。衆多從。獨公許謂山東覆轍未遠。反覆論難。臺從之。其後趙彥呐開閬。復行其策。未幾。金人擣成都。大姓者實導之。始服公許。先見端平初。授大理司直。遷太常博士。秋。祀明堂。雷雨。應詔言事。嘉熙元年。御史杜範論執政李鳴復不行。從右史。竟拂衣東歸。鳴復坐政府。自若。公許論對。言志士仁人。嬰逆鱗。買衆怒。不過爲陛下通耳目。爲朝廷立綱紀而已。今也。假以職而棄其諫。幸其退而優其遷。則是自裂其綱紀。自蔽其耳目。遂使居是職者。雖被親權。言不得行。始焉固辭。而弗從。終焉強留。而歛愧。臣恐自此。同類沮失。各起退心。來者相戒。以爲容默。陛下愈孤立無助矣。夏。行都大火。殿中侍御史蔣峴。逢君希龍。劾爲邪說。禁錮言者。公許應詔曰。羣臣忠告者衆。而聖意確不可回。聖意不可回。而言者不免於激。陛下宜以大舜無藏怒宿怨爲心。而參酌於漢文帝之待淮南厲王。我太宗待秦邸之故事。以召和氣。弭會災。特在一念轉移之頃耳。遷秘書丞。兼考功郎官。竟爲峴劾去。差主管雲臺觀。知衢州。未上。改江東宣撫司參

議官不赴。李宗勉入相，以著作佐郎召兼權尚左郎官兼直舍人院，遷著作郎。時諫官郭嘉卿以論事不報出關，徐榮叟亦抗章引去。公許奏乞還言官，俾安厥位。既而史嵩之自江上入相，臺諫謝方叔、王萬及嘉卿相繼他徙。公許又奏外難憑陵，國勢岌若綴旒。朝廷上自爲弗靖，陽爲遷除，陰奪言職。此中外所以怏怏。遂將作少監。大旱應詔，疏時事四條，又言儲極虛位，天下寒心。時朝廷令侍從臺諫條具易楮利害，尋降旨以新造十八界折五行使。公許繳申省，謂廟堂決意更革，本欲重十八界，亦當令十六界十七界稍有分別。若一時皆以五折一，安保將來十七界與十八界並行而不折闊乎。曷若將十七界且以三兌一，使民間尙知寶此一界，不至一旦貿易不行，令三界各有等第。庶幾公私兩便。嵩之格不行，徑揭黃榜。公許謂不經鳳閣鸞臺，不得爲敕。朝廷出令而宰相擅行如此，則披垣可廢，累上奏牘，徑欲引去。宗勉及參知政事游似面奏留之。兼國史編修，實錄檢討。淳祐元年，遷祕書少監，輪對言蜀事十條，兼直學士院。拜太常少卿，力請外。爲右正言，濮斗南之所論罷，尋以直寶謨閣知袁州。請蠲和糴之半，改命郡吏部總所綱運，而厚其貲，免募平民，民甚便之。新周敦頤祠，葺張栻書院，聘宿儒胡安之爲諸生講說。杜範薦于上，召拜宗正少卿，再遷起居舍人。濮斗南繳環，疏有臣等恥與爲伍之語，遂以舊職提舉玉局觀。範見疏，曰：程季與肯與汝爲伍耶？退處二年，召赴行在，屬嵩之以父憂去位，經營起復。益憚公許，密東韓祥、張殿中侍御史王贊奏，發召命，帝雖曲從而意不悅。及逐不才，臺諫擢公許起居郎兼直學士院。公許入奏不可不堅凝者七，帝語之曰：卿一去三年，今用卿出自朕意，是日晚命下。嵩之罷起復，相范鐘及範三制皆公許爲之。兼權中書舍人，時一相尙遜，機務多理。公許奏輔臣崇執謙遜，避遠形迹，相示以色而不明言，事幾無窮。日月易失，今最急莫若疆場之事。帥才不蓄，一旦欲議易置，茫然莫知所付。九江擇守，至以近所廢斥朋附爲救之臺察。充其選，同時任言責者，雖心迹有顯晦，過惡有重輕，而獲罪於清議，則同一人。杖拭之驟若是，二人者寧不引領以望玷缺之復。況近者言官方以劉晉之鄭起潛濮斗南三人乞明正其罪以示警戒，而忽聞龔基先之用，議者咸謂改紀

之初，所爲錯繆，邪枉窺伺善類，何可高枕而臥。帝見公許疏稱善，且言基先之用太早。右史徐元杰暴亡，司諫謝方叔御史劉應起言不報。公許亟奏曰：正月侍御史劉漢弼死，四月右丞相杜範死，六月右史徐元杰死，漢弼之死固可疑。範之死人言已籍籍，然漢弼類風淫末疾，範亦疝弱多病，諺曰天命猶可也。元杰氣體魁碩，神采嚴毅，議論英發，甫聞謁告，奄至暴亡，口鼻四體變異之狀，使人爲之雪涕不已。六館諸生叩闕籲告，陛下始命有司置獄鞠勘，謂當於朝紳中選公正明決無所顧忌者，專蒞其事，盡情研究，務使得實集議朝堂，分列首從，必誅無赦。疏入不報。物論沸騰，臨安尹趙與憲奏乞置獄天府。帝從之。公許繼奏，與憲乃嵩之死黨，乞改送大理寺。命臺臣董之，詔殿中侍御史鄭家案回牘首鼠，事竟不白。然公論莫不偉公許。權禮部侍郎，差充執綬官。鄭起潛劉晉之及陳一薦，以臺臣論劾遷謫。公許疏其附下罔上之罪，乞下各州軍嚴行押發。鄭清之以少保奉祠，侍講幄中，批復其子士昌官職。與內祠，且許侍養。行在所，蓋士昌嘗以詔獄追逮，或云詐以死聞。清之造闕號泣請于帝，故有是命。公許繳奏，士昌罪重，京都浩穰，姦宄雜糅，悉其積習沉痾，重爲清之累。莫若且與甄復少慰清之，內祠侍養之命，宜與收寢。帝密遣中貴人以公許疏示清之，項容孫以罪遣還家道死。時敕官復職，公許駁奏，命遂格。遷中書舍人，進禮部侍郎。嵩之免喪，以觀文殿大學士提舉洞霄宮。臺諫給舍文章論奏，公許疏乞容斷。亟下明詔正邦典，殿中侍御史章瑛，正言李昂英，以論執政及府尹，帝怒出二人。公許力爭之，公許自繳士昌之命。清之日夜於經筵短公許，周坦妻與清之妻善，因拜坦殿中侍御史，坦首疏劾公許，以寶章閣待制知建寧府。諫議大夫鄭家又劾之，命遂寢。清之再相，公許屏居湖州者四年，再提舉玉隆觀。差知婺州，未上，帝欲召爲文字官。清之奏已令守婺，帝曰：朕欲其來，乃授權刑部尙書，屢辭弗獲。入對，上疏貨財與繆，遂諫。臣聞邊釁時弊七事，薦知名士二十九人。時罷京學，類申散遣生徒。公許奏京學養士，其法本與三學不侔。往者立類申之法，重輕得宜，人情便安。近一旦忽以鄉庠教選，而更張之爲士亦當自反。未可盡歸咎朝廷也。今行之始，臣方還朝，未敢強聒以撓既出之令。今士子擾

擾道途經營朝夕今既未能盡復舊數莫若權宜以五百為額仍用類申之法使遠方遊學者得以肄習其間京邑四方之極而庠序一空詎諒寂寥遂使遠被皇皇市塵敢慙而不敢議非所以作成士氣尊崇教化也清之益不樂授兼殿中侍御史陳垓以劾公許參知政事吳潛奏留之帝夜半遣小黃門取垓疏入後二日二府奏公許不宜去同知樞密院徐清叟上疏論垓太學生劉敞等百餘人布衣方和卿伏闕上書論垓朝廷尋授寶章閣學士知隆興府而公許已死矣遺表上帝嗟悼進龍圖閣學士致仕贈宣奉大夫官其後賜賻如令式公許沖澹寡欲晚年惟一僮侍食無重味一裘至十數年不易家無羨儲敬愛親戚備至蜀有兵難族姻奔東南者多依公許以居所著有塵缶文集內外制奏議李常擬謚按垣繳奏金革講義進故事行世

羅必元字亨父隆興進賢人嘉定十年進士調咸寧尉撫州司法參軍崇仁丞復攝司法郡士曾極題金陵行宮龍屏近丞相史彌遠謫道州解吏窘極甚必元釋其縛使之善達真德秀入參大政必元移書曰老醫嘗云傷寒壞證惟獨參湯可救之然其活者十無二三先生其今之獨參湯乎調福州觀察推官有勢家李遇奪民荔支園必元直之遇為言官以私憾罷之知餘干縣趙福王府驕橫前後宰貳多為擠陷至是以汝愚墓占四周民山亦為直之言千州曰區區小官罷去何害人益壯其風力淳祐中通判贛州賈似道總領京湖剗刺至甚必元上疏以為蠹國脈傷民命似道銜之改知汀州為御史丁大全按去後起幹行在糧料院錢塘有海鯨為患漂民居詔方士治之都人鼓扇成風必元上疏力止之帝召見曰見卿梅花詩足知卿志度宗即位以直寶章閣兼宗學博士致仕卒年九十一必元嘗從危積包籙學最為有淵源見理甚明風節甚高至今鄉人猶尊慕之云

王遂字去非一字穎叔樞密副使韶之玄孫後為鎮江府金壇人嘉泰二年進士調富陽主簿歷官差幹辦諸司審計司紹定三年福建寇擾甫定朝廷選賢能吏勞來安集以遂知邵武軍兼福建招捕司參議官遂過江山浦城道中遇邵武避地之人即遺金為歸資從者如市至郡撫摩創痍窮平兇孽民恃以安

未幾言者以遂妄自標致邀譽沽名罷改知安豐軍遷國子監主簿又遷太常寺主簿拜監察御史疏奏極論進君子退小人又言正風俗息奔競又言朝廷謂史嵩之小黠為大智近功為遠略忽臣之言必欲僥倖嵩之於不敗非為國至計也敢君誤國天下知之而朝廷猶且惑焉勢甚凜凜也入對言帝知仁勇學有未至遷右正言尋拜殿中侍御史疏言三十年來凶德參會未有如李知孝梁成大莫澤肆無忌憚者三凶之罪上通於天乞重其刑又取劉光祖為殿中侍御史時奏格擇其關於風化切於時宜者請頒示中外皆從之又請於並淮置屯田且條上邊事曰當今之急務在朝廷者五定規模明意嚮一心力謹事權審號令在邊關者六恤歸附精閱謀節財用練士兵擇將才計軍實又言君德必純乎剛帝皆善之遷戶部侍郎兼同修國史實錄院同修撰時暫兼權侍左侍郎以寶章閣待制差知遂寧府進煥章閣待制四川安撫制置副使兼知成都府差知平江府進敷文閣待制知慶元府改知太平府以論罷進顯謨閣待制知泉州改温州寧國府以寶章閣直學士知建寧府以華文閣直學士差知隆興府兼江西轉運副使改知太平州復知隆興兼江西安撫使召赴闕授權工部尚書遂與同里劉宰素同志宰嘗稱遂為文雅健無世俗浮靡之氣足以名世遂守平江宰贈之言曰士友當親而賢否不可不辨財利當遠而會計不可不明折獄以情毋為私意所牽薦士以才毋為權要所奪當言則言不視時而退縮可去則去不計利而遲回庶幾名節之全不愧簡冊所載蓋格言也

論曰傳伯成晚與楊簡為時著龜葛洪守正不阿曾三復澹然無躁競之心黃疇若優於政治袁詔力請討李全蓋丞相史彌遠腹心也危積以通問徐僑獲罪其人可知矧治州之政有循吏之風焉羅必元受學於種者也程公許王遂讓論疊見豈不偉哉

元中書右丞相總裁脫脫等修

列傳第一百七十五

吳淵

余玠

汪立信

向士璧

胡穎

冷應徵

曹叔遠

王萬

馬光祖

吳淵字道父，秘閣修撰，柔勝之第三子也。幼端重寡言，苦志力學，五歲喪母，哭泣哀慕如成人。嘉定七年，舉進士，調建德縣主簿。丞相史彌遠館留之，語竟日，大悅。謂淵曰：君國器也。今開化新置尉，即日可上，欲以此處君。淵對曰：甫得一官，何敢躁進。況家有嚴君，所當稟命，彌遠為之改容，不復強。至官，就辟令。江東九郡之寇，訟于諸使者，皆乞送淵。改差浙東制置使司幹辦公事。丁父憂，詔以前職起復，力辭弗許。再辭，且貽書政府曰：人道莫大於事親，事親莫大於送死，苟冒哀求榮，則平生大節已掃地矣。他日何以事君？時丞相史嵩之方起復，或曰：得無礙時宰乎？淵弗顧，詔從之。服除，差浙東提舉茶鹽司幹辦公事。尋改鎮江府節制司沿江制置使司幹辦公事，皆不就。知武陵縣，改揚子縣。兼淮東轉運司幹辦公事。添差通判真州，入為將作監丞。遷樞密院編修官，兼刑部郎官。再遷秘書丞，仍兼刑部郎官。以直煥章閣知平江府，兼節制許浦水軍。提點浙西刑獄，會衢嚴盜起，警報至，調遣將士招捕之，殲其渠魁，散其支黨，以功為樞密院檢詳諸房文字，兼國史院編修官，實錄院檢討官。兼左司，進右文殿修撰。樞密副都承旨，兼右司，兼檢正。適政府欲用兵中原，以據關守河為說，淵力陳其不可。大要謂國家力決不能取，縱取之決不能守。丞相鄭清之不樂而罷。出知江州，改江淮荆福建廣南都大提點坑冶都司。袁商令御史王定劾淵罷。侍御史洪咨夔不直之，劾定左遷。未幾，邊事果如淵言。清之致書引咎，巽謝。差知鎮江府，定防江軍之擾，兼淮東總領，以功遷太府少卿。復以總領兼知鎮江，加集英殿修撰。知鎮江，兼總領，進權工部侍郎。職任如舊。權兵部侍郎。權戶部侍郎。再為總領，兼知鎮江。時淵造闕下入對，歷陳九事。甫下殿，御史唐璘擊之。

璘蓋淵所薦者也。遂仍前職，提舉太平與國宮。久之，加寶章閣待制。再起知鎮江，兼總領。未幾，以戶部侍郎兼知鎮江府，召赴行在，以寶章閣直學士知太平州。尋兼江東轉運使。時兩淮民流徙入境者四十餘萬，淵亟加慰撫而調濟之。使之什伍，令土著人無相犯。旁郡流民，焚劫無虛日，獨太平境內，肅然無敢譁者。以功加華文閣直學士。沿海制置使，知慶元府，不赴。以工部尚書沿海制置副使知江州，亦不赴。升華文閣學士，知隆興府，江西安撫使，兼轉運副使。會歲大稔，講行荒政，全活者七十八萬九千餘人。徙知潭州，湖南安撫使，不赴。加敷文閣學士。仍知隆興府，安撫轉運副使。如故。改知鎮江府，兼都大提舉浙西沿海諸州軍。許浦激浦等處兵船，歲亦大侵。因淵全活者六十五萬八千餘人。右正言三疏劾淵奪職，尋復職。提舉太平與國宮。未幾，改鴻慶宮。丁母憂，服除，進龍圖閣學士。江西安撫使，兼知江州。尋為沿江制置副使，兼提舉南康軍兵甲公事。節制蘄黃州安慶府屯田使。湖南峒寇，蔓入江右之境，破數縣。袁洪大震，淵命將調兵，生禽其渠魁，亂遂平。遷兵部尚書。知平江府，兼浙西兩淮發運使。尋兼知平江府，歲亦大稔。因淵全活者四十二萬三千五百餘人。兼浙西提點刑獄。知太平州，兼提領兩淮茶鹽所。以功進端明殿學士。沿江制置使。江東安撫使，兼知建康府，兼行宮留守。節制和州，無為軍安慶府，兼三郡屯田使。朝廷付淵以光豐蘄黃之事。凡初司空山燕家山金剛臺三大峇，嵯峨山鷹山什子山等二十二小峇，圍丁壯置軍，分立隊伍，星聯棋布，脈絡貫通，無事則耕，有警則禦。詔以淵與利除害，所列二十有五事，究心軍民，拜資政殿大學士。職任如舊。與執政恩例，封金陵侯。復賜錦繡堂忠勤樓大字。進爵為公。徙知福州。福建安撫使。改知平江府，兼發運使。御史劉元龍劾淵，帝寤其奏，改知寧國府。累具辭免，且乞祠。以本官提舉洞霄宮。起知潭州。湖南安撫使，不赴。改知太平。兼提領江淮茶鹽所。轉荆湖制置大使。知江陵府。兼夔路策應大使。兼京湖屯田大使。帶行京湖安撫制置大使。拜觀文殿學士。職任如舊。兼總領湖廣江西京西財賦。湖北京西軍馬錢糧。淵調兵二萬往援川蜀。其後力戰于白河涇河玉泉。寶祐五年正月朔，以功拜參知政事。越七日卒。贈少師。賜銀絹以五百計。淵有

材略。迄濟事功。所至與學養士。然政尚嚴酷。好與羅織之獄。籍入豪橫。故時有蜈蚣之謠。其弟潛。亦數諫止之。所著易解。及退庵文集。奏議。

余玠字義夫。新州人。家貧落魄。無行。喜功名。好大言。少為白鹿洞諸生。嘗攜客入茶肆。毆賣茶翁死。脫身走襄淮。時趙葵為淮東制置使。玠作長短句上謁。葵壯之。留之幕中。未幾。以功補進義副尉。權將作監主簿。權發遣招進軍。充制置司參議官。進工部郎官。嘉熙三年。與大元兵戰于汴城河陰。有功。授直華文閣。淮東提點刑獄。兼知淮安州。兼淮東制置司參謀官。淳祐元年。玠提兵應援安豐。拜大理少卿。升制置副使。進對。必使國人上下事無不確實。然後華夏率平。天人感格。又言。今世胄之彥。場屋之士。田里之豪。一或即戎。即指之為蠹人。斥之為噲伍。願陛下視文武之士為一。勿令偏有所重。偏必至於激。文武交激。非國之福。帝曰。卿人物議論皆不常。可獨當一面。卿宜少留。當有擢用。乃授權兵部侍郎。四川宣諭使。帝從容慰遣之。玠亦自許。當手挈全蜀還本朝。其功日月可冀。尋授兵部侍郎。四川安撫制置使。兼知重慶府。兼四川總領。兼夔路轉運使。自寶慶三年至淳祐二年十六年間。凡授官撫三人。制置使九人。副四人。或老或暫。或庸或貪。或慘或繆。或遙領而不至。或開隙而各謀。終無成績。於是東西川無復統律。遺民咸不聊生。監司戎帥。各專號令。擅辟守宰。蕩無紀綱。蜀曰。益壤及聞玠入蜀。人心粗定。始有安土之志。玠大更敵政。遴選守宰。築招賢之館于府之左。供張一如帥所居。下令曰。集眾思廣忠益。諸葛孔明所以用蜀也。欲有謀以告我者。近則徑詣公府。遠則自言于郡。所在以禮遣之。高爵重賞。朝廷不吝以報功。豪傑之士。趨期立事。今其時矣。士之至者。玠不厭禮接。咸得其歡心。言有可用。隨其才而任之。苟不可用。亦厚遺謝之。播州冉氏兄弟。璣璣有文武才。隱居蠻中。前後聞帥辟召。堅不肯起。聞玠賢。相謂曰。是可與語矣。遂詣府上謁。玠素聞冉氏兄弟。刺入。即出見之。與分廷抗禮。賓館之奉。冉安之若素。有居數月無所言。玠將謝之。酒為設宴。玠親主之。酒酣。坐客方紛紛競言所長。璣兄弟飲食而已。价以微言挑之。卒默然。玠曰。是觀我待士之禮何如耳。明日。更闢別館以處之。且日使人窺其所為。兄弟終日不言。惟對踞以望畫地。為山

川城池之形。起則漫去。如是又旬日。請見玠。屏人曰。某兄弟學明公禮遇。思有以少裨益。非敢同眾人也。為今日西蜀之計。其在徙合州城乎。玠不覺躍起。執其手曰。此玠志也。但未得其所耳。曰。蜀口形勝之地。莫若釣魚山。請徙諸此。若任得其人。積粟以守之。賢於十萬師遠矣。巴蜀不足守也。玠大喜曰。玠固疑先生非淺士。先生之謀。玠不敢掠以歸己。遂不謀於眾。密以其謀聞於朝。請不次官之。詔以璣為承事郎。權發遣合州。璣為承務郎。權通判州事。徙城之事。悉以任之。命下一府皆誼然同辭。以為不可。玠怒曰。城成則蜀賴以安。不成。玠獨坐之。諸君無預也。卒築青居大獲釣魚雲頂天生凡十餘城。皆因山為壘。碁布星分。為諸郡治所。屯兵聚糧。為必守計。且誅潰將以肅軍令。又移金戎於大獲以護蜀口。移沔戎於青居。與戎先駐合州。舊城移守釣魚。共備內水。移利戎於雲頂。以備外水。於是如臂使指。氣勢聯絡。又屬嘉定俞興。開屯田於成都。蜀以富實。十年冬。玠率諸將巡邊。直搆興元。大元兵與之大戰。十二年。又大戰于嘉定。初。利司都統王夔素殘悍。號王夜叉。恃功驕恣。桀驁不受節度。所至劫掠。每得富家。穴箕加頸。四面然箕。謂之蕃蝕。月以弓弦擊鼻。鼻下高懸於格。謂之錯擊。喉縛人兩股。以木交壓。謂之乾榨油。以至用醋灌鼻。惡水灌耳口等。毒虐非一。以脇取金帛。稍不遂意。即死其手。蜀人患苦之。且悉斂部將倖馬以自入。將戰。迺高其估賣與之。朝廷雖知其不法。在遠不能詰也。大帥處分。少不順其意。則百計撓之。使不得有所為。玠至嘉定。夔帥所部兵迎謁。才羸弱二百人。玠曰。久聞都統兵精。今疲敝若此。殊不稱所望。夔對曰。夔兵非不精。所以不敢即見者。恐驚從人耳。頃之班聲如雷。江水如沸。聲止。圓陣即合。旗幟精明。器械森然。沙上之人。彌望若林立。無一人敢亂行者。舟中皆戰掉失色。而玠自若也。徐命吏班實有差。夔退。謂人曰。儒者中迺有此人。玠久欲誅夔。獨患其握重兵居外。恐輕動危蜀。謀於親將楊成。成曰。夔在蜀久。所部兵精。前時大帥夔皆勢出其右。意不止此也。視侍郎為文臣。必不肯甘心從令。今縱弗誅。養成其勢。後一舉足。西蜀危矣。玠曰。我欲誅之久矣。獨患其黨與眾。未發耳。成曰。侍郎以夔在蜀久。有威名。孰與吳氏。夔固弗若也。夫吳氏當中興危難之時。能百戰以保蜀。傳之四

世厚威益張根本益固蜀人知有吳氏而不知有朝廷一旦曠為叛逆諸將誅之如取孤豚況慶無吳氏之功而有曠之逆心恃稀突之勇敢慢法度縱兵殘民奴視同列非有吳氏得人之固也今誅之一夫力耳待其發而取之難矣玠意遂決夜召夔計事潛以成代領其衆夔才離營而新將已單騎入矣將士皆愕眙相顧不知所為成以帥指臂曉之遂相率拜賀夔至斬之成因察其所與為惡者數人稍稍以法誅之乃薦成爲文州刺史戎帥欲舉統制姚世安爲代玠素欲革軍中舉代之敝以三千騎至雲頂山下遣都統金某往代世安世安閉關不納且有危言然常疑玠圖己屬丞相謝方叔家子姪自永康避地雲頂世安厚結之求方叔爲援方叔因倡言玠失利戎之心非我調停且旦夕有變又陰嗾世安密求玠之短陳於帝前於是世安與玠抗玠鬱鬱不樂寶祐元年聞有召命愈不自安一夕暴下卒或謂仰藥死蜀之人莫不悲慕如失父母玠自入蜀進華文閣待制賜金帶權兵部尚書進徽猷閣學士升大使又進龍圖閣學士端明殿學士及召拜資政殿學士恩例視執政其卒也帝輟朝特贈五官以監察御史陳大方言奪職六年復之玠之治蜀也任都統張寶治軍拔安撫王惟忠治財賦監簿朱文炳接賓客皆有常度至於脩學養士輕徭以寬民力薄征以通商買蜀既富實乃罷京湖之餉邊關無警又撤東南之戍自寶慶以來蜀閩未有能及之者惜其遽以太平自託進蜀錦蜀箋過於文飾久假便宜之權不顧嫌疑昧於勇退遂來讒賊之口而又置機捕官雖足以廉得事情然寄耳目於羣小虛實相半故人多懷疑懼至於世安拒命玠威名頓挫齎志以沒有子曰如孫取當如孫仲謀之義遭論改師忠歷大理寺丞爲買似道所殺

汪立信澈從孫也立信曾大父智從澈宣諭湖北道六安愛其山水因居焉淳祐元年立信獻策招安慶劇賊胡興劉文亮等借補承信郎六年登進士第理宗見立信狀貌雄偉顧侍臣曰此閩帥才也授爲江主簿辟沿江制幕知桐城縣未上辟荆湖制司幹辦通判建康府荆湖制置趙葵辟充策應使司及本司參議官葵去而馬光祖代之立信是時猶在府也鄂州圍解買似道既罔上要

功惡閩外之臣與己分功迺行打算法於諸路欲以軍興時支散官物爲罪擊去之光祖與葵素有隙且欲迎合似道被旨即召吏稽勾簿書卒不能得其疵迺以開慶二年正月望夕張燈宴設錢三萬緡爲葵放散官物聞于朝立信力爭之謂不可且曰方艱難時趙公莅事勤勞而公以非理擯捨之公一旦去此後來者復效公所爲可乎光祖怒曰吾不才不能爲度外事知奉朝命而已君他日處此勉爲之立信曰使某不爲則己果爲之必不效公所爲也光祖益怒議不行立信遂投劾去初立信通判江陵府葵制置荆湖嘗以公事劾立信及在沿江府亦謀議寔諧立信於葵蓋未嘗有一日之驩也擢京西提舉常平改知昭信軍權淮東提刑景定元年差知池州提舉江東常平權知常州浙西提點刑獄明年冬即嘉興治所講行荒政尋改知江州充沿江制置副使節制蕪黃興國軍馬提舉饒州南康兵甲升江西安撫使乞祠祿差知鎮江尋充湖南安撫使知潭州至官供帳之物悉置官庫所積錢連歲代納潭民夏稅貧無告者予錢粟病者加藥餌雨雪早潦軍民皆有給興學校士習爲變以潭爲湖湘重鎮劫威敵軍所募精銳數千人後來者果賴其用權兵部尚書荆湖安撫制置知江陵府時襄陽被圍危急立信上疏請益安陸府屯兵凡邊戍皆不宜抽減黃州守臣陳奕素著異志朝廷宜防之迺移書似道謂今天下之勢十去八九而君臣宴安不以爲慮夫天之不假易也從古以然此誠上下交修以迓續天命之幾重惜分陰以趨事赴工之日也而迺酣歌深宮嘯傲湖山玩歲愒日緩急倒施卿士師師非度百姓鬱怨非上以求當天心俯遂民物拱揖指揮而折衝萬里者不亦難乎爲今日之計者其策有三夫內郡何事乎多兵宜盡出之江干以實外禦算兵帳見兵可七十餘萬人老弱柔脆十分汰二爲選兵五十餘萬人而沿江之守則不過七千里若距百里而屯屯有守將十屯爲府府有總督其尤要害處輒參倍其兵無事則泛舟長淮往來游徼有事則東西齊奮戰守並用刁斗相聞餽餉不絕互相應援以爲聯絡之固選宗室親王忠貞有幹用大臣立爲統制分東西二府以蒞任得其人率然之勢此上策也久拘聘使無益於我徒使敵得以爲辭請禮而歸之許輸歲幣以緩師期不三二年

邊遠稍休，藩垣稍固，生兵日增，可戰可守。此中策也。二策果不得行，則天敗我也。若銜壁與櫛之禮，則請備以俟，似道得書大怒，抵之地，詬曰：「瞻賊狂言，敢爾！」蓋以立信目微眇云。尋中以危法廢斥之。咸淳十年，大元兵大舉伐宋，似道督諸軍出次江上，以立信為端明殿學士，沿江制置使，江淮招討使，俾就建康府庫募兵，以援江上諸郡。立信受詔不辭，即日上海，以妻子託愛將金明，執其手曰：「我不負國家，爾亦必不負我，遂行。」與似道遇蕪湖，似道拊立信背哭曰：「不用公言，以至於此。」立信曰：「平章平章，瞻賊今日更說一句不得。」似道問立信何向，曰：「今江南無一寸乾淨地，某去尋一片趙家地上死，第要死得分明爾。」既至，則建康守兵悉潰，而四面皆北軍。立信知事不可成，數曰：「吾生為宋臣，死為宋鬼，終為國一死，但徒死無益耳。」以此負國，率所部數千人至高郵，欲控引淮漢以爲後圖。已而聞似道師潰蕪湖，江漢守臣皆望風降遁。立信數曰：「吾今日猶得死於宋土也。」迺置酒召賓佐與訣，手爲表起居三宮，與從子書，屬以家事。夜分起步庭中，慷慨悲歌，握拳撫案者三，以是失聲三日。扼吭而卒。以光祿大夫致仕。遺表聞，贈太傅。大元丞相伯顏入建康，金明以其家人免，或惡立信於伯顏，以其二策及其死告，且請戮其孥。伯顏歎息久之曰：「宋有是人，有是言哉。」使果用，我安得至此。命求其家厚恤之。曰：「忠臣之家也。」金明以立信之喪，歸葬丹陽。立信子麟，內書寫機宜文字。在建康，不肯從衆降，崎嶇走閩，以死。初，立信之未仕也，家窶甚。會歲大疫，吳淵守鎮江，命爲粥以食流民，使其客黃應炎主之。應炎一見立信，與語，心知其非常人。言於淵，淵大奇之。禮以上客，凡供張服御，視應炎爲有加。應炎甚怏怏，淵解之曰：「此君，吾地人也，但遭時不同耳。君之識度志業，皆非其倫也。」盡少下之。是年試江東轉運司，明年登第。後其踐歷略如淵，而卒死於難。人謂淵能知人云。

向士璧，字君玉，常州人。負才氣，精悍，甚自好。紹定五年，進士，累通判平江府。以臣僚言罷。起爲淮西制置司參議官，又以監察御史胡泓言罷。起知高郵軍，制置使丘崇又論罷。起知安慶府，知黃州。遷淮西提點刑獄，兼知黃州。加直寶章閣，仍舊職。奉鴻禧祠，特授將作監。京湖制置參議官，進直煥章閣。湖北安撫副

使兼知峽州，兼歸峽施黔南平軍紹慶府鎮撫使。遷太府少卿，大理卿，進直龍圖閣。合州告急，制置使馬光祖命士璧赴援，數立奇功。帝亦語羣臣曰：「士璧不待朝命，進師歸州，且捐家貨百萬，以供軍費，其志足嘉。」進祀閣，修樞密副都承旨。仍舊職。開慶元年，涪州危，又命士璧往援。北兵夾江爲營，長數十里，阻舟師不能進。至浮橋，時朝廷自楊州移買似道以樞密使宣撫六路，進駐峽州。檄士璧以軍事付呂文德。士璧不從，以計斷橋，奏捷具言方略。未幾，文德亦以捷聞。士璧還峽州，方懷傾奪之疑，尋辟爲宣撫司參議官。遷湖南安撫副使兼知潭州，兼京西湖南北路宣撫司參議官。加右文殿修撰，尋授權兵部侍郎。湖南安撫使兼知潭州頃之升湖南制置副使。大元將元良哈解兵自交趾北還，前鋒至城下攻圍急。士璧極力守禦，開後隊且至。遣王輔佑率五百人往覘之，以易正大監其軍。遇於南岳市，一戰有功。潭州圍遂解，事聞賜金帶，令服繫進兵部侍郎，兼轉運使。餘依舊職。似道入相，疾其功，非獨不加賞，反諷監察御史陳寅、侍御史孫附鳳一再劾罷之。送漳州居住。又稽守城時所用金穀，逮至行部責償，幕屬方元善者，極意逢迎，似道意，士璧坐是死。復拘其妻妾而徵之，其後元善改知吉水縣，俄歸得狂疾，常呼士璧，時輔佑亦遠謫。及文天祥起兵，召輔佑于謫所，則死矣。德祐元年三月，詔追復元官，仍還從官恩數。立廟潭州。明年正月，太府卿柳岳乞錄用其子孫，詔從之。

胡穎，字叔獻，潭州湘潭人。父瓌，娶趙方弟雍之女，二子，長曰顯，有孝勇，以材武入官。數有戰功，事見趙傳。穎自幼風神秀異，機警不常。趙氏諸舅以其類己，每加賞鑒，成童即能倍誦諸經，中童子科。復從兄學弓馬，母不許曰：「汝家世儒業，不可復爾也。」遂感勵苦學，尤長於春秋。紹定三年，范討李全，檄穎入幕，穎常微服行，諸營察衆志，歸必三鼓，後全敗，遺穎獻俘于朝，以賞補官。五年，登進士第，即授京秩。歷官知平江府，兼浙西提點刑獄。移湖南，兼提舉常平。即家置司，性不喜邪佞，尤惡言神異，所至毀淫祠數千區，以正風俗。衡州有靈祠，吏民夙所畏事，穎撤之。作來驗堂，奉母居之。嘗語道州教授楊允恭曰：「吾夜必瞑坐此室，察影響咸無有，允恭對曰：以爲無則無矣，從而察之，則是又疑其有也。穎

甚善其言。以樞密都承旨爲廣東經略安撫使。潮州僧寺有大蛇，能驚動人。前
後仕于潮者，皆信奉之。前守去州，人心疑焉，以爲未嘗詣也。已而旱成，守不
敬蛇神，故致此。後守不得已詣焉，已而蛇蜿蜒而出，守大驚得疾。旋卒。頴至廣
州，聞其事，檄潮州僧昇蛇，至則其大如柱而黑色，載以蘭檻。頴令之曰：爾
有神靈，當三日見變怪。過三日則汝無神矣。既及期，蓋然猶聚蛇，耳遂殺之。毀
其寺，并罪僧，移節廣西。尋遷京湖總領財賦，咸淳間卒。贈四官。頴爲人正直剛
果，博學彊記，吐辭成文。書判下筆千言，援據經史，切當事情。倉卒之際，對偶皆
精。讀者驚歎。臨政善斷，不畏彊禦。在浙西，榮王府十二人行劫，頴悉斬之。一日
輪對，理宗曰：聞卿好殺，意在浙獄。頴曰：臣不敢屈太祖之法，以負陛下。非嗜殺
也，帝爲之默然。

冷應激字公定，隆興分寧人。寶慶元年進士，調廬陵主簿，即以廉能著。有愬事
臺府者，必曰：願下廬陵清主簿。尤爲楊長孺所識。拔調靜江府司錄參軍，治獄
平恕，轉運使范應鈴列薦于朝。知萬載縣，大修學舍，招俊秀治其業，旌其通經
飭行者以勸。歲歉，棄孩滿道，乃下令恣民收養，所棄父母不得復問。全活甚衆。
葉夢得列其行事。風厲餘邑，通判道州，入監行在樞貨務，遷登聞鼓檢院。景定
元年，奉使督餉江上，還。知德慶府，前守政不立，經豪吏漁獵，峒僚遂大爲變，偪
城六十里而營。應激未入境，馳檄諭之曰：汝等不獲已至此，新太守且上，轉禍
爲福。一機也。脅從影附，亦宜早計去就，不然不免矣。燔感悟，欲自歸，或謀主不
果，衆稍引去。應激知其勢解，即厲士馬，出不意一鼓擒之。縱遣歸農，猶千餘人。
乃請諸監司，歸郡之避難留幕府者，誅豪吏之激禍者，初。經略雷宜中意應激
必以濟師來請，及是數服，亟上其事。薦應激可大用，屬縣租賦，誣道阻久不至
郡，應激爲之期曰：首輸者與減分，未至則償所減。民惟恐後，不一月訖事。凡諸
綱官廩稍軍券，前政積不得者，悉補還之。上下欣附。應激亦極力摩撫，與爲簡
便。期年報政，奏罷抑配鹽法及乞用楮券折銀綱等五事，以紓民力。詔就升本
道提舉常平，兼轉運使。俾行其說，首勅守令貪穢不法十餘人，列郡肅然。最聞
加直祕閣。時經略使陳宗禮入爲參知政事，帝問誰可代卿者，宗禮以應激對。

旋召爲都官郎官。未行，就升直寶章閣。知廣州，主管廣南東路經略安撫司公
事。馬步軍都總管，領漕庾如故。五司叢劇，應激即分時理務，不擾不勸。常曰：治
官事當如家事，惜官物當如己物。方今國計內虛，邊聲外震，吾等受上厚恩，安
得清談自高以誤世。陶士行，卜望之，吾師也。自聞襄樊受圍，日繕器械，裕財粟，
以備倉卒。後卒，頴其用，屢平大寇。未嘗輕殺，笞杖以降，亦加審慎。至其臨事，輒
斷。雖勢要不爲撓奪。後卒于家。

曹叔遠字器遠，温州瑞安人。少學于陳傅良。登紹熙元年進士第。久之，李璧薦
爲國子學錄。迨韓侂胄罷，通判涪州。後守遂寧，嘗卒莫簡，苦總領所侵刻，相率
稱亂，勢甚張。入遂寧境，輒戢其徒無肆暴。曰：此江南好官員也。入朝爲工部郎
出知袁州。以太常少卿召權禮部侍郎。遇事獻替，多所裨益。終徽猷閣待制。謚
文肅。嘗編永嘉譜，識者謂其有史才。子咸，角孫卬，皆登進士第。族子齒。

齒字西士，少從錢文子學。登嘉泰二年進士第。授安吉州教授，調重慶府司法
參軍。郡守度正欲薦之，齒辭曰：章司錄母老，請先之。正敬歎，改知建昌縣。復故
尚書李常山房，建齋舍以處諸生。權祕書丞兼倉部郎官，出爲浙西提舉常平。
面陳和糴折納之敝，建虎丘書院以祀尹焯。移浙東提點刑獄，寒食，放囚歸祀
其先，囚感泣。如期至，召爲左司諫。與王萬郭器卿徐清叟俱負直聲。當時號嘉
熙四諫。上疏言：立太子，厚倫紀，以弭火災。又論余天錫李鳴復之過。迨言，遷起
居，即進禮部侍郎。不拜。疏七上，進古詩以寓規正。久之，起知福州。再以待郎召
爲臺臣所沮，而止。遂守寶章閣待制致仕。卒。謚文恭。子愉老，亦登進士第。

王萬字處一家，世婺州。父遊淮間，萬因生長濠州。少忠，有大志，究心當世急
務。尤精於邊防要害。登嘉定十六年進士第，調和州教授。瑞平元年，主管尚書
吏部架閣文字，遷國子學錄。明年，添差通判鎮江府。時金初滅，當路多知其人
豪也。咨問者旁午，鄭清之初，謀乘虛取河洛。萬謂當急爲自治之規。已而大元
兵壓境，三邊震動。理宗下罪己詔，吳泳起草，又以咨萬。萬謂兵固失矣，言之甚
恐，亦不可。今邊民生意如髮，宜以振厲奮發，與感人心，爲修具沿邊事宜。備告
大臣要官，謂長淮千里，中間無大山澤爲限，擊首尾應。正如常山蛇勢，首當併

兩淮為一制閩之命是聽兩淮惟濠州居中濠之東為盱眙為楚以達鹽城淮流深廣敵所難度濠之西為安豐為光以達信陽淮流淺濶敵每揭厲以涉之法當調揚州北軍三千人自淮東搆虛常往來宿亳間使敵無意於東而我併力淮西淮西則又惟合肥居江淮南北之中法當建制置司合肥而以濠梁安豐光州為臂以黃岡為肘後緩急之助又必令荆襄每候西兵東來輒尾之使淮襄之勢亦合而後大規撫可立論用兵則謂當以五千人為屯每屯一將二長一大將一路又合一大大將而併合於制置為總統淮東可精兵三萬光黃可二萬東西夾擊而沿江制司會合肥兵共二萬以牽制行則給營陣止則依城壘行則齎乾糧止則就食州縣論屯田則謂當於新復州軍東則海邳所依者水之險西則唐鄧所依者山之險畫此無地無田不耕則歸附新軍流落餘民亦有固志又謂戎司舊分地戍守殿步兵戍真揚六合鎮江兵戍楊楚盱眙建康馬司兵戍滁濠定遠都統司兵戍廬和安豐以至池司兵戍舒巢蕪江司兵戍蕪黃浮光地勢皆順皆以統制部之出外而皆常有帥臣居內以本軍財賦葺營柵撫士卒備器械以故軍事常整辦遇警急則帥臣親統軍兵以行此乃有以建康馬帥而知黃州者都統而知光州者以池司都統而在楚州以鎮江都統而在應天者將不知兵兵不屬將往往以本軍之財資他處之用以致營柵壞而莫修士卒貧而莫給器械鈍而莫繕宜與盡還舊制及請寬邊民請團民兵請援浮光請邊民之能捍邊者常厚其賞而小其官使常得其力其後兵與用窮屢敵之令行則又言之廟堂曰令名更化可反為故相之所不為乎其他數陳往往累數萬言其自任之篤切於當世如此三年授樞密院編修官嘉熙六年兼權屯田郎中因轉對言天命去留原於君心陛下下一而思之凡惻然有觸於心而未能安者皆心之未能同乎天者也天不在天而在陛下之心苟能天人合一永承勿替天命在我矣差知台州至郡日惟蔬飯終日坐廳事事至立斷吏無所售往往改業散去民亦化之不復訟上下肅然郡以大治才五月乞祠去三年遷屯田員外郎兼編修轉對言君臣上下盡克私心以服人心以回天心遷尚右郎官尋兼崇政殿說書四年擢監察御史首論史宅之

故相之子曩者弄權不當復玷從班上命丞相再三諭旨迄不奉詔上不得已出宅之知平江府又論之疏凡五上史嵩之自江上董師入相萬又首論之謂其事體迫遽氣象傾搖太學生欲趣其歸則賄賂之迹已形近或謂有族人發其私事肆為醜詆者以相國大臣而若此非書之所謂大臣矣然當時論相之事已決疏入遷大理少卿萬即日還常熟寓舍遷太常少卿辭差知寧國府辭召赴行在奏事出為福建提點刑獄加直煥章閣四川宣諭司參議官皆力辭乞休致詔特轉朝奉郎守太常少卿致仕卒嵩之罷相衆方交論其非上思萬先見親賜御札謂萬立朝蹇諤古之遺直為郡廉平古之遺愛聞其母老家貧朕甚念之賜新會五千貫田五百畝以贍給其家初萬之學專有得於時習之語謂學莫先於言顧行言然而行未然者非言之偽也習未熟也熟則言行一矣故終其身行無不顧其言發於設施論諫皆根於中心遺文有時習編及其他奏劄及論天下事者凡十卷

馬光祖字華父婺州金華人寶慶二年進士調新喻主簿已有能名從真德秀學改知餘干縣差知高郵軍遷軍器監主簿差充督視行府參議官奉雲臺祠差知處州監登聞鼓院進太府寺丞兼莊文府教授右曹郎官出知處州乞降僧道牒振濟詔從之加直秘閣浙東提舉常平移浙西提點刑獄時暫兼權浙西提舉常平起復軍器監總領淮東軍馬錢糧兼知鎮江進直徽猷閣江西轉運副使兼知隆興府以右正言劉漢弼言罷後九年起直徽猷閣知太平州提領江西茶鹽所進直寶文閣遷太府少卿仍知太平州提領江淮茶鹽所遷司農卿淮西總領兼權江東轉運使拜戶部尚書兼知臨安府浙西安撫使帝諭丞相謝方叔趣入覲乞嚴下海米禁歷陳京師艱食和糴增價海道致寇三害加寶章閣直學士沿江制置使江東安撫使知建康府兼行宮留守兼節制和州無為軍安慶府三郡屯田使加煥章閣尋加寶章閣學士始至官即以常例公用器皿錢二十萬緡支犒軍民減租稅養鰥寡孤疾無告之人招兵置營給錢助諸軍昏嫁屬縣稅折收絲綿絹帛倚閣除免以數萬計興學校禮賢才辟召僚屬皆極一時之選拜端明殿學士荆湖制置知江陵府去而建康之民思

之不已。帝聞，命以資政殿學士沿江制置大使江東安撫使再知建康。士女相慶。光祖益思寬養民力，與廢起壞，知無不爲，獨除前政逋貨錢百餘萬緡。魚利稅課，悉罷減予民。修建明道南軒書院，及上元縣學，擗節費用。建平糴倉貯米十五萬石，又爲庫貯糴本二百餘萬緡，補其折閱，發糴常減於市價，以利小民。修飭武備，防拓要害，邊賴以安。其爲政寬猛適宜，事存大體。公田法行，光祖移書買似道言公田法非便，乞不以及江東，必欲行之。罷光祖乃可。進大學士，兼淮西總領，召赴行在，遷提領戶部財用，兼知臨安府。浙西安撫使會歲饑，榮王府積粟不發，廩光祖謁王，辭以故。明日往，亦如之。又明日，又往。臥客次，王不得已見焉。光祖厲聲曰：「天下孰不知大王子爲儲君，大王不於此時收人心乎？王以無粟辭。」光祖探懷中文書曰：「某莊某倉若干，王無以辭，得粟活民甚多。」進同知樞密院事，尋差知福州。福建安撫使以侍御史陳竟道言罷，以前職提舉洞霄宮，再以沿江制置江東安撫使知建康郡，民爲建祠六所，乞致仕，不許。咸淳三年，拜參知政事。五年，拜知樞密院事，兼參知政事，以監察御史曾淵子言罷，給事中盧鉞復繳奏新命，以金紫光祿大夫致仕。卒，謚莊敏。光祖之在外，練兵豐財，朝廷以之爲京尹，則劇治浩穰，風績凜然。三至建康，終始一紀，威惠並行，百廢無不修舉云。

論曰：吳淵才具優長，而嚴酷累之，余玠意氣豪雄，而志不克信。買似道不用汪立信之策，殆天奪其魄矣。向仕壁卒阨於似道，宋之不足圖存，蓋可知也。胡穎好毀淫祠，非其中之無嫌，不能爾也。冷應激安邊之才，曹叔遠王萬皆正人端士。馬光祖治建康，迄今遺愛猶在民心，可謂能臣已。

宋史卷四百十六

元中書右丞相總裁脫脫等修

列傳第一百七十六

喬行簡

范鍾

游似

趙葵

兄范

謝方叔

喬行簡字壽朋，婺州東陽人。學于呂祖謙之門，登紹熙四年進士第。歷官知通州，條上便民事。主管戶部架閣，召試館職，為秘書省正字，兼樞密院編修官。升秘書郎，為淮西轉運判官，知嘉興府，改淮南轉運判官，兼淮西提點刑獄提舉。常平言金有必亡之形，中國宜靜以觀變，因列上備邊四事。會近臣有主戰者，師遂出，金人因破斬黃，移浙西提點刑獄，兼知鎮江府，遷起居郎，兼國子司業。兼國史編修，實錄檢討，兼侍講。尋遷宗正少卿，秘書監，權工部侍郎，皆任兼職。理宗即位，行簡貽書丞相彌遠，請帝法孝宗行三年喪，應詔上疏曰：求賢求言，二詔之頒，果能確守初意，深求實益，則人才振而治本立，國威張而姦充銷，臣竊觀近事，似或不然。夫自侍從至郎官，凡幾人，自監司至郡守，凡幾人，今其所舉賢能才識之士，又不知其幾人也。陛下蓋嘗撫其一二欲召用之矣，凡內外大小之臣，囊封來上，或直或巽，或切或泛，無所不有，陛下亦嘗撫其一二見之施行，且褒賞之矣，而天下終疑陛下之為具文，蓋以所召者非久無宦情，決不肯來之人，則年已衰暮，決不可來之人耳。彼風節素著，持正不阿，廉介有守，臨事不撓者，論薦雖多，固未嘗收拾而召之也。其所施行褒賞者，往往皆末節細故，無關於理亂，粗述古今，不至於抵觸，然後取之，以示吾有聽受之意，其間亦豈無深浸遠識，高出眾見之表，忠言直計，有補聖聽之聰者，固未聞采納而用之也。自陛下臨御至今，班行之彥，慶節之臣，因論列而去，有因自請而歸，其人或以職業有聞，或以言語自見，天下未知其得罪之由，徒見其置散投閒，條來驟去，甚至廢罷而錮穢，削奪而流竄，皆以為陛下下黜遠善士，厭惡直言，去者遂以此而得名，朝廷乃因是而致謗，其亦何便於此。夫賢路當廣而不當狹，言路當開而不當塞，治亂安危，莫不由此。又言：敬天命，伸士氣，時常移御清燕殿。

行簡奏，願加畏謹，且言：羣賢方集，願勿因濟王議異同，致有渙散。升兼侍讀，兼國子祭酒，吏部侍郎，樞密院事，太后崩，疏言：向者陛下內廷舉動，皆有稟承，小人縱有盡惑，干求之心，猶有所忌，憚而不敢發。今者安能保小人之不萌是心，陛下又安能保聖心之不無少肆，陛下為天下君，當懋建皇極，一循大公，不應私徇小人，為其所誤。凡為此者，皆戚畹肺腑之親，近習貴幸之臣，奔走使令之輩，外取貨財，內壞綱紀，上以罔人君之聰明，求天下之怨謗，下以撓官府之公道，亂民間之曲直，縱而不已，其勢必至於假采聽之言，而傷動善類，設衆人之譽而進拔，儉人，借納忠效勤之意，而售其陰險巧佞之姦，日積月累，氣勢益張，人主之威權，將為所竊弄而不自知矣。陛下衰經在身，愈當警戒，宮庭之間，既無所嚴憚，嬪御之人，又視昔衆多，以春秋方富之年，居聲色易縱之地，萬一於此不能自制，必於威德大有虧損，願陛下常加警省，又論火災求言，乞取其切者付外行之，又論許國不當換文資，其當慮者有五，鄭損不當帥蜀，又言：時青者以官則國家之節度，以人則邊陲之大將，一旦遽為李全所戕，是必疑其終為我用，慮變生肘腋，故先其未發，驅除之，竊慮軍中必有憤激思奮之人，莫若乘勢就淮陰一軍，拔其尤者，以護其師，然後明指殺青者之姓名，俾之誅戮，加贈恤之典於青，則其勢自分，而吾得藉此以制之，可以折其姦心，而存吾之大體，不然，跋扈者專殺而不敢誅，有功者見殺而不敢愬，彼知朝廷一用柔道，而威斷不施，烏保其不遞相視效，則其所當慮者，不獨李全一人而已。又言：山陽民散財殫，非凶賊久安之地，當日夜為鴟張之計，揚州城堅勢壯，足以坐制全淮，此曹未必無窺伺之心，或為所入，則淮東俱非我有，不可不先為之慮也。又請屯駐重兵海道，內為吳越之捍蔽，外為南北之限制，又論李全攻圍泰州，勦除之兵，今不可已，此賊氣貌無以踰人，未必有長筭深謀，直剽悍勇決，能長雄於其黨耳，況其守泗之西城，則失西城守下邳，則失下邳，守青社則失青社，既又降北，此特敗軍之將，十年之內，自白丁至三孤，功薄報豐，反背義忘恩，此天理人情之所共憤，惟快意行之，後皆如行簡所料，拜參知政事，兼知樞密院事，時議收復。

三京行簡在告上疏曰。入陵有可朝之路。中原有可復之機。以大有為之實。當有可為之會。則事之有成。固可坐而策也。臣不憂出師之無功。而憂事力之不可繼。有功而至於不可繼。則其憂始深矣。夫自古英君。必先治內而後治外。陛下視今日之內治。其已舉乎。其未舉乎。向未攬權之前。其敵凡幾。今既親政之後。其已更新者凡幾。欲用君子。則其志未盡。伸欲去小人。則其心未盡。章上有厲精更始之意。而士大夫之苟且不務任責者。自若朝廷有禁包苴。貪墨之令。而州縣之贖貨。不知盈厭者。自如。欲行楮令。則外郡之新券。雖低價而莫售。欲平物價。則京師之百貨。視舊直而不殊。紀綱法度。多頹弛而未張。賞刑號令。皆玩視而不肅。此皆陛下國內之臣子。猶令之而未從。作之而不應。乃欲闔關乾坤。混一區宇。制姦雄而折戎狄。其能盡如吾意乎。此臣之所憂者一也。自古帝王欲用其民者。必先得其心。以為根本。數十年來。上下皆懷利以相接。而不知有所謂義。民方憾於守令。緩急豈有效死勿去之人。卒不愛其將校。臨陳豈有奮勇直前之士。善怨含憤。積於平日。見難則避。遇敵則奔。惟利是顧。皇恤其他。人心如此。陛下曾未有以轉移固結之。遽欲驅之北鄉。從事於鋒鏑。忠義之心。何由而發。況乎境內之民。困於州縣之貪刻。阨於勢家之兼并。饑寒之氓。常欲乘時而報怨。茶鹽之寇。常欲伺間而竊發。蕭牆之憂。凜未可保。萬一兵興於外。綴於強敵而不得休。潢池赤子。復有如江閩東浙之事。其將奈何。夫民至愚而不可忽。內郡武備單弱。民之所素易也。往時江閩東浙之寇。皆藉邊兵以制之。今此曹猶多竄伏山谷。窺伺田里。彼知朝廷方有事於北方。其勢不能以相及。寧不又動其姦心。此臣之所憂者二也。自古英君。規恢進取。必須選將練兵。豐財足食。然後舉事。今邊面環關。出師非止一塗。陛下之將足當一面者。幾人。勇而能鬪者。幾人。智而善謀者。幾人。非屈指得二三十輩。恐不足以備驅馳。陛下之兵能戰者。幾萬。分道而趣京洛者。幾萬。留屯而守淮襄者。幾萬。非按籍得二三十萬眾。恐不足以事進取。借曰帥臣威望素著。以意氣招探。以功賞激勸。推擇行伍。即可為將。接納降附。即可為兵。臣實未知錢糧之所從出也。與師十萬。日費千金。千里餽糧。士有饑色。今之餽餉。累日不已。至於累月。累月不已。

至於累歲。不知累幾千金。而後可以供其費也。今百姓多垂罄之室。州縣多赤立之帑。大軍一動。厥費多端。其將何以給之。今陛下不愛金幣。以應邊臣之求。可一而不可再。可再而不可三。再三之後。兵事未已。欲中輟則廢前功。欲勉強則無事力。國既不足。民亦不堪。臣恐北方未可圖。而南方已先騷動矣。中原蹂踐之餘。所在空曠。縱使東南有米可運。然道里遠。運免乏絕。由淮而進。縱有河渠可通。寧無盜賊邀取之患。由襄而進。必須負載。二十鍾而致一石。亦恐未必能達。若頓師千里之外。糧道不繼。當此之時。孫吳為謀主。韓彭為兵帥。亦恐無以為策。他日糧運不繼。進退不能。必勞聖慮。此臣之所憂者二也。願陛下堅持聖意。定為國論。以絕紛紛之說。不果從。進知樞密院事。時議御閣不果。反驟汰之。殿司軍閫。為之黜主帥。罷都司官。給黃榜。撫存軍。愈呼噪。行簡以聞。戮為首者二十餘人。眾乃帖息。尋拜右丞相。言三京撓敗之餘。事與前異。但當益修戰守之備。襄陽失守。請急收復。或又陳進取之計。行簡奏。今內外事勢可憂而不可恃者七。言甚懇切。師得不出。端平三年九月。有事于明堂。大雷雨。行簡與鄭清之並策免。既去而獨趨召。行簡還京。留之。拜左丞相。援韓琦故事。乞以邊陲財用分委三執政。請修中興五朝國事。上章請謝事。嘉熙三年。拜平章軍國重事。封肅國公。每以上游重地為念。請建節度宣撫使。提兵戍邊。事稍寧。復告老。章十八上。四年。加少師。保寧軍節度使。醴泉觀使。封魯國公。淳祐元年二月。薨于家。年八十六。贈太師。諡文惠。行簡歷練老成。識量弘遠。居官無所不言。好薦士。多至顯達。至於舉錢時吳如愚。又皆當時隱逸之賢者。所著有周禮總說。孔山文集。

范鍾。字仲和。婺州蘭溪人。嘉定二年。舉進士。歷官調武學博士。添差通判太平州。知徽州。召赴闕。遷刑部郎官。又遷尚右郎官。兼崇政殿說書。進對。帝曰。仁宗時甚多事。鍾對曰。仁宗始雖多事。乃以憂勤致治。徽宗始雖無事。餘患至於今日。帝悅。尋遷吏部郎中。兼說書。又遷祕書少監。國子司業。兼國史編修。實錄檢討。拜起居郎。兼祭酒。權兵部侍郎。兼同修國史。實錄同修撰。遷兵部侍郎。兼給事中。權兵部尚書。兼侍講。尋兼侍讀。嘉熙三年。拜端明殿學士。簽書樞密院事。

四年授參知政事。淳祐元年乞歸田里不許。四年知樞密院事。乞歸田里。五年特拜左丞相兼樞密使。封東陽郡公。再乞歸田里不許。六年復請許之。加觀文殿大學士。醴泉觀使。兼侍讀。辭不拜。以保晚節。乃提舉洞霄宮。九年正月薨。鍾為相。直清守法。重惜名器。雖無赫赫可稱。而清德雅量。與杜範李宗勉齊名。贈少師諡文肅。所著書有禮記解。

游似字景仁。利路提點刑獄仲鴻之子。嘉定十四年進士。歷官為大理司直。升大理寺丞。遷太常丞。兼權兵部郎官。遷秘書丞。兼權考功郎中。直秘閣。夔路轉運判官。移潼州提點刑獄。兼提舉常平。請封諡曰錫。從之。遷軍器監。宗正少卿。兼權樞密都承旨。時暫兼權禮部侍郎。兼侍講。權禮部侍郎。有事于明堂。似上疏。言欲盡事天之禮。當盡敬天之心。心存則政事必適其宜。言動必當其理。兩賜必循其序。夷夏必安其生。兼同修國史。實錄院同修撰。權禮部尚書。兼侍讀。言軍賞冒濫。請給告之制。奏功者書填真命付之。候從軍十年。別能立功。升至統領已上。方許從所屬保明。申朝廷立名給告。則冒濫者革。功勞者勸。遷禮部尚書。兼給事中。遷吏部尚書。入侍經幄。帝問唐太宗貞觀治效。何速如是。似對曰。人主一念之烈。足以旋乾轉坤。或謂霸圖速而王道遲。不知一日歸仁。期月而可。王道曷嘗不速。一念有時間斷。則無以挽回天下之大勢。至於憂勤既切。宸念而佐理非人。亦何以布宣九重之實。乃撫太宗事以陳。且謂太宗矜心易啟。漸弗克終。僅止貞觀之治。陛下嗣服十有五年。艱危之勢滋甚。回視太宗治效。敏速相越。乃爾。意者親儒而從諫。敬畏以檢身。未若貞觀之超卓乎。節用以致愛。選廉以共理。未若貞觀之切至乎。願陛下益加聖心。嘉熙三年正月。拜端明殿學士。同簽書樞密院事。封南充縣伯。八月。拜參知政事。四年閏月。知樞密院事。兼參知政事。淳祐四年。提舉萬壽觀。兼侍讀。仍奉朝請。授知樞密院事。兼參知政事。進爵郡公。五年。拜右丞相兼樞密使。十上章乞歸田里。帝不許。七年。特授觀文殿大學士。醴泉觀使。兼侍讀。進爵國公。十一年。轉兩官致仕。薨。特贈少師。趙葵字南仲。京湖制置使方之子。初生時。或夢南岳神降其家。方在襄陽。命葵

專督飲食共養之事。與兄范俱有志事功。方器之。聘鄭清之金子才為之師。又遣從南康李燾。為有用之學。每聞警報。與諸將偕出。遇敵則深入死戰。諸將惟恐失制置子。盡死救之。屢以此獲捷。一日。方賞將士。思不償勞。軍為變。葵時十二三覺之。亟呼曰。此朝廷賜也。本司別有賞資。軍心賴一言而定。人服其機警。嘉定十年。金將高琪烏古論慶壽犯襄陽。圍襄陽。時邊烽久熄。金兵猝至。人情震懼。方帥范葵往戰。敗走之。十三年。方遣葵及都統尾再與攻金人至高頭。高頭。金人必守之處也。出勁兵拒戰。葵率先鋒奮擊。再與繼進。殲之。翼日。進次鄧州。金人阻泚河以拒。葵麾軍進擊。揚義諸將繼至。金兵亦大出。合戰。大破之。倅斬及降者幾二萬。獲萬戶而下十數人。奪馬八百。逐北直傳城下而還。十四年。金人犯蘄州。葵與范攻唐鄧。方命之曰。不克敵。無相見也。三月丁亥。至唐州。薄城而陳。金大將阿海引兵出戰。葵帥精騎赴敵。再與從之。大捷。斬馘萬餘。金人閉門不出。時金人陷蘄州者至久。長數十騎出山椒。葵帥楊大城以十四騎逐之。金騎漸益。至數百。葵力戰連破之。而金步騎大集。會范再與軍合戰。至夜分始解。庚寅。官軍分二陣。范將左。再與將右。葵帥空騎左右策應。金人背山亦分為二以相當。而不先動。范曰。金人必復謀夜戰。以俛勝。金兵稍下山。再與遽衝之。疊鼓聲始動。若彼未至五十步內。而輒動者。斬。未幾。金兵稍下山。再與遽衝之。果為敵所乘。遂逼范軍。范疊鼓麾軍突鬪。葵繼進。殲金兵數千。敵併力向再與。葵率土豪祝文蔚等。以精騎橫衝之。金人僵屍相屬。復相持至夜分。金人雖歛而陣如故。范葵急會將校。選死士數千。黎明四面奮擊。喚聲撼山谷。金人走。乘勝逐北。斬首數千級。副統軍投戈降。拔所掠子女萬餘。得輜重器械山積。補葵承務郎。知襄陽軍。范授安撫司內機。方卒。十五年。起復直秘閣。通判廬州。進大理司直。淮西安撫參議官。十七年。李全往青州。淮東制置使許國檄葵議兵。葵至曰。君侯欲圖賊而坐賊筵中。懼已無及。惟有重帳前兵。猶足制之。爾。國曰。兵不能集。集不能精。奈何。曰。葵請視兩路之兵。別其精銳。君侯留三萬帳前。賊不敢動矣。國曰。不若集淮兵來闕。而君董之。既足示眾。亦可選銳。葵曰。有兵之郡。必當衝要。守將豈可空壁。以從制使命耶。必將力爭于朝。分留自衛。一得朝命。

必置其強壯。遣老弱以備數。本欲選銳。適得其鈍。本欲示眾。適示單弱。徒啓戎心。國不聽。卒敗寶應元年。范知揚州。乞調蔡以強勇。雄邊軍五千屯寶應。備賊。蔡在廬州。數費私錢。會諸將。射與制。置使會式中不合。蔡去之。言者以為擅。遂奉祠。三年。起為將。作監丞。紹定元年。出知滁州。二年。全將入浙西。告羅。實欲。覘幾旬也。初。全之獻俘也。朝廷授以節鉞。蔡策其必叛。乃上書丞相史彌遠曰。此賊若止於得粟。尚不宜使輕至內地。況包藏禍心。不止告糴。若不痛抑其萌。則自此肆行無憚。所謂延盜入室。恐畿內有不可勝諱之憂。至滌。以其地當賊衝。又與金人對境。實兩淮門戶。修城浚隍。經武不少暇。命秦喜守青平。趙必勝守萬山。以壯形勢。蔡母疾。謁告省侍不得。剖股雜藥以寄之。母卒。蔡求解官。不許。不得已。卒。哭復視事。全造舟益急。蔡復致書史彌遠曰。李全既破鹽城。反稱陳知縣。自棄城。蓋欲欺朝廷。以款討罪之師。彼得一意修舟楫。造器械。窺伺城邑。或直浮海以擣腹心。此其姦謀。明若觀火。蔡自開鹽城失守。日夕延頸以俟制帥之設施。今乃聞遣王節入鹽城。新哀於逆。蔡又聞遣二吏入山陽。請命于賊婦。堂堂制閫。如此舉措。豈不墮賊計。貽笑天下。貽笑外夷乎。又聞張國明前此出山陽。已知賊將舉鹽城之兵。今若聽國明言。更從闊略。則自此人。心解體。萬事渙散。社稷之憂。有不可勝諱者。蔡非欲張皇生事。啓釁。李全決非忠臣。非孝子。丞相苟聽蔡之言。翻然改圖。發兵討叛。則豈獨可以強國勢。安社稷。蔡父子世受國恩。亦庶幾萬一之報。使丞相不聽蔡言。不發兵討賊。則豈特不可以強國勢。安社稷。而蔡亦不知死所。不復可報君相之恩矣。一安一危。一治一亂。係朝廷之討叛與不討叛。淮東安則江南安。江南安則社稷安。社稷安則丞相安。丞相安則凡為國之臣子。為丞相之門人弟子。莫不安矣。又言於朝曰。蔡父子兄弟世受國恩。每見外夷盜賊。侮國家。未嘗不為忠憤所激。今大逆不道。邀視朝廷。負君相卵翼之恩。無如李全。前此畔逆。未彰。猶可言也。今已破蕩城邑。略無忌憚。若朝廷更從隱忍。則將何以為國。欲望特發剛斷。名其為賊。即日命將遣師。水陸並進。誅鋤此逆。以安社稷。以保生靈。蔡雖不才。願身許朝廷。如或不然。乞將蔡早賜處分。以安邊鄙。以便國事。彌遠猶未欲與討。參知政事鄭

清之贊決之。乃加蔡直寶章閣。淮東提點刑獄。兼知滁州。范刻日約蔡。蔡帥雄勝。寧淮武定。疆勇步騎萬四千。命王鑑。扈斌。胡顯等將之。以蔡兼參議官。顯穎之兄也。拳力絕人。方在襄陽。每出師。必使顯及蔡各領精銳。分道赴戰。摧堅陷陣。聚散離合。前無勁敵。以功至檢校太尉。已而全攻揚州東門。蔡親出搏戰。賊將張友呼城門請蔡出。及出。全在隔壕立馬相勞苦。左右欲射全。蔡止之。問全來何為。全曰。朝廷動見猜疑。今復絕我糧餉。我非背叛。索錢糧耳。蔡曰。朝廷資汝錢糧。寵汝官職。蓋不貲矣。待汝以忠。臣孝子。而乃反戈攻陷城邑。朝廷安得不絕汝錢糧。汝云非叛。欺人乎。欺天乎。切責之言甚多。全無以對。彎弓抽矢。向蔡而去。於是數戰皆捷。四年正月壬寅。遂殺全。事見全傳。進蔡福州觀察使。左驍衛上將軍。蔡辭不受。八月。召封樞密院。稟議。受寶章閣待制。樞密副都承旨。依舊職。仍落起復。尋進兵部侍郎。六年十一月。詔授淮東制置使。兼知揚州。入對。帝曰。卿父子兄弟。宣力甚多。卿在行陣。又能率先士卒。捐身報國。此尤儒臣之所難。朕甚嘉之。蔡頓首謝曰。臣不佞。忠孝之義。嘗奉教於君子。世受國恩。當捐軀以報陛下。端平元年。朝議收復三京。蔡上疏請出戰。乃授權兵部尚書。京河制置使。知應天府。南京留守。兼淮東制置使。時感暑行師。汴隄破決。水潦泛溢。糧運不繼。所復州郡皆空城。無兵食。可因。未幾。北兵南下。渡河發水牯。兵多溺死。遂潰。而范上表劾蔡。詔與全子才各降一秩。授兵部侍郎。淮東制置使。移司泗州。嘉熙元年。以寶章閣學士知揚州。依舊制置使。二年。以應援安豐。捷奏。拜刑部尚書。進端明殿學士。特予執政恩例。復兼本路屯田使。蔡前後留揚八年。娶田治兵。邊備益飭。淳祐二年。進大學士。知潭州。湖南安撫使。改福州。三年。葬其母。乞追服終制。不允。蔡上疏曰。移忠為孝。臣子之通誼。教孝求忠。君父之至仁。忠孝一原。並行不悖。故曰。忠臣以事其君。孝子以事其親。其本一也。臣不佞。戒謹持循。惟恐先墜。往歲叨當事。服在戎行。偕同氣以率先。冒萬死而不顧。捐軀戡難。效命守封。是以孝事君之充也。陛下昭示顯揚。優崇寵數。使為人子者感恩。為人親者知勸矣。臣昨於草土。被命起家。勉從權制。先國家之急。而後親喪也。今釋位去官。已追服居廬。乞從彝制。又不許。再上疏曰。臣昔者奉詔

討逆適丁家難，閔然哀疚之中，命以驅馳之事，移孝爲忠，所不敢辭。是臣嘗先國家之急而效臣子之義矣。親恩不報，寢踰一紀，食稻衣錦，俯仰增愧。且臣業已追衰麻之制，伸苦塊之哀，負土成墳，倚廬待盡，事有進而無退，固不應數月而除也。及命提舉洞霄宮，不拜。淳祐四年，授同知樞密院事，疏奏：「今天下之事，其大者有幾，天下之才，其可用者有幾，吾從其大者而講明之，疏其可用者而任使之，有勇略者治兵，有心計者治財，寬厚者任牧養，剛正者持風憲，爲官擇人不爲人而擇官，用之既當，任之既久，然後可以責其成效。又乞亟與宰臣講求規畫，凡有關於宗社安危治亂之大計者，條具以聞，審其所先後緩急，以圖籌策，則治功可成。外患不足畏，又乞擢游擊軍三萬人以防江，詔從之。十二月，拜知樞密院事，兼參知政事。又特授樞密使，兼參知政事，督視江淮京西湖北軍馬，封長沙郡公。尋知建康府行宮留守。江東安撫使，九年，特授光祿大夫、右丞相，兼樞密使，封信國公。四上表力辭，言者以宰相須用讀書人，罷爲觀文殿學士，充醴泉觀使，兼侍讀，仍奉朝請。尋判潭州，湖南安撫使，加特進。寶祐二年，宣撫廣西。三年，改鎮荆湖，城荆門及鄧州，改授湖南路安撫使，判潭州。再辭，依舊職醴泉觀使。五年，進少保，寧遠軍節度使，進封魏國公，醴泉觀使，兼侍讀。四辭免。開慶元年，判慶元府，沿海制置使，尋授沿江江東宣撫使，置司建康府，任責隆興府、饒州、江州、徽州兩界防拓調遣。時暫兼判建康府行宮留守，尋授行黜陟，並許便宜從事。景定元年，授兩淮宣撫使，判揚州，進封魯國公。尋奉祠。咸淳元年，加少傅。二年，乞致仕，特授少師。武安軍節度使，進封冀國公。舟次小孤山，薨，年八十一。是夕，五洲星隕如箕，贈太傅，諡忠靖。

范字武仲，少從父軍中。嘉定十三年，嘗與弟葵、璣、金人于高頭。十四年，出師唐鄧，范與葵監軍。孟宗政時知襄陽，憚於供億，使人問曰：「金人在蘄黃而君攻唐鄧，何也？」范曰：「不然。徹襄陽之備以救蘄黃，則唐鄧必將躡吾後，且蘄黃之寇正銳，曷若先搆唐鄧以示有餘，唐鄧應我之不暇，則吾圍不守而自固，寇在蘄黃，師日以老，然後回師蹙之，可勝敵而無後患。」又敗金人於久長，與弟葵俱授制。

置安撫司內機，事具葵傳。十五年，丁父憂，起復直秘閣，通判揚州。十六年，爲軍器監丞，以直秘閣知光州。十七年，入爲知大宗正丞，刑部侍郎，試將作監，兼權知鎮江府，進直徽猷閣，知揚州。淮東安撫副使，劉全王文信二軍老幼留揚州，范欲修軍政，懼其徒漏泄兵機，乃時餽勞。二家既大喜，范即遣徐晞稷書，令教二人挈家歸楚。二人從之。范厚養以遺，有孫海者，其衆亦八百。范併請抽還楚州，又請擢馬軍三千，招游手之強壯者及籍半城重役人充之，別籍民爲半年兵。春夏在田，秋冬教閱，官免建砦而私不廢，農彭義斌使統領張士顯見范請合謀討李全，范告于制置使趙善湘曰：「以義斌營全如山壓卵，然必請而後討者，知有朝廷也。失此不右而右凶徒，則權綱解紐矣。萬一義斌無朝命而成大勳，是又唐藩鎮之事，非計之得也。莫若移揚州增戍之兵往盱眙，而四總管兵各留半以備金人，餘皆足發揮一能將統之命。葵摘淮西精銳萬人與會于楚州，出許浦海道，五十艘入淮以斷賊歸路，密約義斌自北攻之，事無不濟。四總管權位相侔，劉瑄雖能得其歡心，而不能制其死命，如用瑄，須令親履行陣，指蹤四人不可止坐籌帷幄也。不報。范又曰：「國家討賊，則自此中興，否則自此不振。若朝廷不欲張皇，則范乃提刑職在捕盜，但令范以本路兵，措置楚州鹽賊，范當調時青張惠兩軍之半，及其船數百，徑薄楚城，以遏賊路，調夏全范成進之半，據漣海而守之。又移揚州之戍以戍盱眙，然得親提精銳，雄勝強勇等，就時青于城外，示賊以形勢，論賊以禍福，賊必自降。若猶拒守，則南北軍民雜處，必有內應者矣。別約義斌攻之於北，山陽下則進駐漣海以應之，撫歸附家屬以離其黨，不出半月，此賊必亡。若是則不調許浦水軍，但得趙葵三千人亦足矣。若朝廷憚費，則全有豫買軍需錢二十萬在真州，且漣楚積聚多，自足用。丞相史彌遠報范書，令諭四總管各享安靖之福。范所遣計議官聞之曰：「但恐禍根轉深，不得安靖爾。各揮涕而歸，會全且至。范又獻計曰：「撫機不發事已無及，侯景困喪河南，致毒蕭氏，今逆全不得志於義斌，而復慮四總管應之，歸據舊巢，其謀必急。然盛之於喪敗之餘者易，圖之於休息之後者難。矧四總管合謀章露，必難遂已，但事機既變，局面不同，若廟算果定，不欲出教令，但得密賜指

授范一切伏藏不動。只約義斌使自彼攻其所必救。則機會在我。而前日之策可用矣。還報戒范無出位專兵。范乃為書謝廟堂。且決之曰。今上自一人。下至公卿百執事。又下至士民軍吏。無不知禍賊之必反。雖先生之心。亦自知其必反也。衆人知之則言之。先生知而獨不言。不言誠是也。內無臥薪嘗膽之志。外無戰勝攻取之備。先生隱忍不言。而徐思所以制之。此廟謨所以為高也。然以撫定責之晞稷。而以鎮守責之范。責晞稷者。函人之事也。責范者。矢人之事也。既責范以惟恐不傷人之事。又禁其為傷人之痛。惡其為傷人之言。何哉。其禍賊見范為備。則必忌。而不得以肆其姦。他日必將指范為首禍激變之人。切朝廷以去范。先生始未之信也。左右曰。可。卿大夫曰。可。先生必將曰。是何惜一趙范。而不以紓禍哉。必將縛范以授賊。而范遂為宋梟。雖然。使以范授賊。而果足以紓國禍。范死何害哉。諺曰。護家之狗。盜賊所惡。故盜賊見有護家之狗。必將指斥於主。使先去之。然後肆穿窬之姦。而無所忌。然則殺犬固無益於弭盜也。欲望矜憐。別與閑慢。差遣彌遠得書。為之動心。二年春奉祠。三年。知安慶府。未行。改知池州。繼兼江東提舉常平。彌遠訪將材於蔡。蔡以范對。進范直數文閣。淮東提點刑獄。兼知滁州。范曰。弟而薦兄。不順。以母老辭。乃上書彌遠曰。淮東之事。日異日新。然有淮則有江。無淮則長江以北。港汊蘆葦之處。敵人皆可潛師以濟。江面數千里。何從而防哉。今或謂巽辭厚惠。可以啗賊。而不知陷彼款兵之計。或謂歛兵退屯。可以緩賊。而不知成彼深入之謀。或欲行清野以嬰城。或欲聚烏合而浪戰。或以賊詞之乍順乍逆。而為喜懼。或以賊兵之乍進乍退。而為寬緊。皆失策也。失策則失淮。失淮則失江。而其失有不可勝諱者矣。夫有遏寇之兵。有游擊之兵。有討賊之兵。今寶應之逼山陽。天長之逼盱眙。須各增戍兵萬人。遣良將統之。賊來則堅壁以挫其鋒。不來則耀武以壓其境。而又觀變伺隙。時遣偏師。掩其不備。以示敢戰。使雖欲深入。而畏吾之擣其虛。此遏寇之兵也。盱眙之寇。素無儲蓄。金人亦無以養之。不過分兵擄掠而食。當量出精兵。授以勇校。募土豪出奇設伏以勦殺之。此游擊之兵也。淮揚金陵合肥。各聚二三十萬人。人物必精。將校必勇。器械必利。教閱必熟。紀律必嚴。賞罰必公。

其心術念慮。必人人思親其上而死其長。信能行此。半年而可以強國。一年而可討賊矣。賊既不能深入。擄掠復無所獲。而又懷見討之恐。則必反而求贖於金。金無餘力及此。則必怨之怒之。吾於是可以嫁禍於金人矣。或謂楊州不可屯重兵。恐連賊禍。是不然。楊州者國之北門。一以統淮。一以蔽江。一以守運河。豈可無備哉。善守者敵不知所攻。今若設寶應天長二屯。以扼其衝。復重二三帥。闔以張吾勢。賊將不知所攻。而敢犯我楊州哉。使賊不知兵勢。而犯楊州。是送死矣。朝廷乃召范稟議。復令知池州。紹定元年。試將作監。知鎮江府。三年。丁母憂。求解官。不許。起復直徽猷閣。淮東安撫副使。尋轉右文殿修撰。賜章服金帶。不得已。卒。哭復視事。又為書告廟堂。請罷調停之議。一請檄沿江制置司。調王明本軍駐泰興港。以扼泰州下江之捷徑。一請檄射陽湖人為兵屯。其半高郵以制賊後。屯其半瓜州以扼賊前。一請速調淮西兵合滁陽六合諸軍。圍救江面。不然。范雖死。江無益也。朝旨乃許。范刺射陽湖兵。毋過二萬人。就聽節制。范又遺善湘書曰。今日與宗社同休戚者。在內惟丞相。在外惟制使與范。及范弟葵耳。賊若得志。此四家必無存理。於是討賊之謀遂決。遂戮全。進范兵部侍郎。淮東安撫使。兼知揚州。兼江淮制置司參謀官。以次復淮東。加吏部侍郎。進工部尚書。沿江制置副使。權移司。兼知黃州。尋兼淮西制置副使。未幾。為兩淮制置使。節制巡邊軍馬。仍兼沿江制置副使。又進端明殿學士。京河關陝宣撫使。知開封府。東京留守。兼江淮制置使。入洛之師大潰。乃授京湖安撫制置使。兼知襄陽府。范至。則倚王昉。樊文彬。李伯淵。黃國弼。數人為腹心。朝夕酣狎。了無上下之序。民訟邊防。一切廢弛。屬南北軍將交爭。范失於撫御。於是北軍王昉。內叛。李伯淵。繼之。焚襄陽。北去。南軍大將李虎。不救。焚。不定變。乃因之。劫掠城中。官民尚四萬七千有奇。錢糧在倉。庫者無慮三十萬。弓矢器械。二十有四庫。皆為敵有。盡自岳飛收復。百三十年。生聚繁庶。城高地深。甲於西陲。一旦灰燼。禍至慘也。言者劾范。降三官落職。依舊制置使。尋奉祠。以言罷。論者未已。再降兩官。送建寧府居住。嘉熙三年。敘復官職。與官觀。四年。知靜江府。後卒于家。

謝方叔字德方威州人嘉定十六年進士歷官監察御史疏奏秉剛德以回上帝之心奮威斷以回天下之勢或者猶恐前習便嬖之人有以私陛下之聽而悅陛下之心則前日之畏者怠覺者喜慮者玩矣左右前後之人進憂危恐懼之言者是納忠於上也進燕安逸樂之言者是不忠於上也凡有水旱盜賊之奏者必忠臣也有詔諛蒙蔽之言者必佞臣也陛下享玉食珍羞之奉當思兩淮流幸轉壑之可矜聞管弦鐘鼓之聲當思四蜀白骨如山之可念又言崇儉德以契天理儲人才以供天職恢遠略以需天討行仁政以答天意帝悅差知衡州除宗正少卿又除太常少卿兼國史編修實錄檢討時劉漢弼杜範徐元杰相繼死方叔言元杰之死陛下既爲命官鞠獄立賞捕姦罪人未得忠寬未伸陛下苟不始終主持將恐紀綱掃地而國無以爲國矣遷殿中侍御史進對言操存本於方寸治亂係於天下人主宅如法宮蠶履之遠朝夕親近者左右近習承意伺旨之徒往往規上之所好不過保恩寵希貨利而已而冥冥之中或有游揚之說潛伏而莫之覺防微杜漸實以是心主之又言今日爲兩淮謀者有五一曰明間諜二曰修馬政三曰營山水砦四曰經理近城之方田五曰加重遏絕遊騎及救奪擄掠之賞罰請行限田請錄朱熹門人胡安定呂夬蔡模詔皆從之權刑部侍郎兼權給事中升兼侍講正授刑部侍郎權國史編修實錄檢討拜端明殿學士簽書樞密院事參知政事淳祐九年拜參知政事封永康郡侯十一年特授知樞密院事兼參知政事尋拜左丞相兼樞密使進封惠國公勸帝以愛身育德屬監察御史洪天錫論宦者盧允升董宋臣疏留中不下太宗正寺丞趙崇璠移書方叔云闍寺驕恣特甚宰執不聞正救臺諫不敢誰何一新入孤立之察官乃銳意出身攻之此豈易得哉側耳數日寂無所聞公議不責備他人而責備於宰相不然倉卒出御筆某人授少卿亦必無可遏之理矣丞相不可謂非我責也丞相得君最深名位已極儻言之勝宗社賴之言之不勝則去去則諸君必不容不爭是勝亦勝負亦勝况未必去耶方叔得書有報色翼日果得御筆授天錫大理少卿而天錫去國於是太學生池元堅太常寺丞趙崇潔左史李昂英皆論擊允升宋臣而讒者又曰天錫之論方

叔意也及天錫之去亦曰方叔意也方叔上疏自解於是監察御史朱應元論方叔罷相既罷允升宋臣猶以爲未快厚賂太學生林自養上書力詆天錫方叔且曰乞誅方叔使天下明知宰相臺諫之去出自獨斷於內侍初無預焉書既上學舍惡自養黨姦相與鳴鼓攻之上書以聲其罪乃授方叔觀文殿大學士提舉洞霄宮復以監察御史李衢兩劾褫職罷祠後依舊職與祠起居郎召澤中書舍人林存劾罷監察御史章士元請更與降削竄廣南景定二年請致仕乃敘復官職度宗即位方叔以一琴一鶴金丹一粒來進丞相買似道恐其希望諛權右司郎官盧越左司諫趙順孫給事中馮夢得右正言黃鏞相繼請奪方叔官職封爵制置使呂文德願以己官贖其罪咸淳七年詔敘復致仕八年卒特贈少卿方叔在相位子弟干政若讒余玠之類是也論曰喬行簡弘深好賢論事通諫范鍾游似同在相位皆謹飭自將而意見不侔趙方豫計二子後當若何而蔡范所立皆如所言所謂知子莫若父也然宋自端平以來捍禦淮蜀兩邊者非蔡材館之士即其偏裨之將朝廷倚之如長城之勢及其筋力既老而衛國之志不衰亦曰壯哉謝方叔相業無過人者晚困於權臣至以玩好丹劑爲人主壽坐視貶削有愧金鏡多矣

宋史卷四百十七

元中書右丞相總裁脫脫等修

列傳第一百七十七

吳潛

程元鳳

江萬里

王煥

章鑑

陳宜中

文天祥

吳潛字毅夫宣州寧國人秘閣修撰柔勝之季子嘉定十年進士第一授承事郎簽鎮東軍節度判官改簽廣德軍判官丁父憂服除授秘書省正字遷校書郎添差通判嘉興府權發遣嘉興府事轉朝散郎尚書金部員外郎紹定四年遷尚右郎官都城大火潛上疏論致災之由願陛下齊戒修省恐懼對越菲衣惡食必使國人信之毋徒滅膳而已疎損聲色必使天下爭之毋徒徹樂而已闡官之竊弄威福者勿親女寵之根萌禍患者勿昵以暗室屋漏為尊嚴之區而必敬必戒以恆舞酣歌為亂亡之宅而不淫不泆使皇天后土知陛下有畏之心使三軍百姓知陛下有憂之心然後明詔二三大臣和衷竭慮力改絃轍收召賢哲選用忠良貪殘者屏回表者斥懷姦黨賊者誅買怨誤國者黜毋並進君子小人以為包荒毋兼容衰說正論以為皇極以培國家一綫之脈以救生民一旦之命庶幾天意可回天災可息弭災為祥易亂為治又言重地要區當豫畜人才以備患論大順之理貫通天人當以此為致治之本又貽書丞相史彌遠論事一曰格君心二曰節奉給三曰振恤郡民四曰用老成廉潔之人五曰用良將以禦外患六曰革吏弊以新治道授直寶章閣浙東提舉常平辭不赴改吏部員外郎兼國史編修實錄檢討遷太府少卿淮西總領又告執政論用兵復河南不可輕易以為金人既滅與比為鄰法當以和為形以守為實以戰為應自荆襄首納空城合兵攻蔡兵事一開調度濶廣百姓狼狽死者枕藉使生靈肝腦塗地得城不過荆榛之區獲俘不過曖昧之骨而吾之內地荼毒如此邊臣誤國之罪不待言矣聞有進恢復之畫者其筭可謂俊傑然取之若易守之實難征行之具何所取資民窮不堪激而為變內郡率為盜賊矣今日之事豈容輕議自後與師入洛潰敗失亡不貲潛之言率驗遷大府卿

兼權沿江制置知建康府江東安撫留守上疏論保蜀之方護襄之策防禦之筭備海之宜進取其難者三事端平元年詔求直言潛所陳九事一曰顧天命以新立國之意二曰植國本以廣傳家之慶三曰篤人倫以為綱常之宗主四曰正學術以還斯文之氣脈五曰廣畜人才以待乏絕六曰實恤民力以致寬舒七曰邊事當鑒前轍以圖新功八曰楮幣當權新制以解後憂九曰盜賊當探禍端而圖策策以直論忤時相罷奉千秋鴻禧祠改秘閣修撰權江西轉運副使兼知隆興府主管江西安撫司權太常少卿奏造斛斗輸諸郡租寬恤人戶培植根本凡十五事進右文殿修撰集英殿修撰樞密都承旨督府參謀官兼知太平州五辭不允又言和戰成敗大計宜急救襄陽等事貽書執政論京西既失當招收京淮丁壯為精兵以保江西權工部侍郎知江州辭不赴請養宗子以係國本以鎮人心改權兵部侍郎兼檢正論士大夫私意之敵以為襄漢潰決與沔破土兩淮倭擾三川陷沒欲望陛下念大業將傾士習已壞以靜專察郡情以剛明消眾惡警于有位各勵至公毋以術數相高而以事功相勉毋以陰謀相訐而以識見相先協謀并智戮力一心則危者尚可安而衰證尚可起也又請分路取士以收淮襄之人物試工部侍郎知慶元府兼沿海制置使改知平江府條具財計凋敝本末以寬郡民與轉運使王栻爭論利害授寶謨閣待制提舉太平興國宮改玉隆萬壽宮試戶部侍郎准東總領兼知鎮江府言邊儲防禦等十有五事改寶謨閣直學士兼浙西都大提點坑冶權兵部尚書浙西制置使申論防拓江海團結措置等事進工部尚書改吏部尚書兼知臨安府乃論艱屯塞困之時非反身修德無以求亨通之理乞遴選近族以係人望而俟太子之生帝嘉納兼侍讀經筵以臺臣徐榮叟論列授寶謨閣學士知紹興府浙東安撫使辭提舉南京鴻慶宮遂請致仕授華文閣學士知建寧府辭丁母憂服除轉中大夫試兵部尚書兼侍讀轉翰林學士知制誥兼侍讀改瑞明殿學士簽書樞密院事進封金陵郡侯以亢旱乞罷免改資政殿學士提舉洞霄宮改知福州兼本路安撫使徙知紹興府浙東安撫使召同知樞密院兼參知政事入對言國家之不能無敵猶人之不能無病今日之病不

但倉扁望之而驚，庸醫亦望而驚矣。願陛下篤任元老，以為醫師，博采衆益，以為醫工，使臣輩得以效牛溲馬勃之功，以不辱陛下知人之明。淳祐十一年，入為參知政事，拜右丞相兼樞密使。明年，以水災乞解機政，以觀文殿大學士提舉洞霄宮。又四年，授沿海制置大使，判慶元府。至官，條具軍民久遠之計，告于政府，奏皆行之。又積錢百四十七萬三千八百有奇，代民輸帛，前後所蠲五百四十九萬一千七百有奇，以久任丐祠，且累章乞歸田里，進封慶國公。判寧國府，還家，以醴泉觀使兼侍讀召入對，論畏天命，結民心，進賢才，通下情，帝嘉納。拜特進，左丞相，進封慶國公，奏乞令在朝之臣，各陳所見，以決處置之宜，改封許國公。大元兵渡江，攻鄂州，別將由大理下交趾，破廣西湖南諸郡，潛奏令鄂渚被兵，湖南擾動，推原禍根，良由近年姦臣檢士，設為虛議，迷國誤軍，其禍一二年而愈酷，附和逢迎，婢阿諂媚，積至於大不靖。臣年將七十，捐軀致命，所不敢辭，所深痛者，臣交任之日，上流之兵，已踰黃漢，廣右之兵，已蹈賓柳，謂臣壞天下之事，亦可哀已。又論國家安危治亂之原，蓋自近年公道晦蝕，私意橫流，仁賢空虛，名節喪敗，忠嘉絕響，諛佞成風，天怒而陛下不知，人怨而陛下不察，終成兵戈之禍，積為宗社之憂。章鑑高鑄嘗與丁大全同官，傾心附麗，躡躅要途，蕭秦來等羣小，嗾沓國事，日非浸淫，至于今日，陛下稍垂日月之明，毋使小人翕聚，以貽善類之禍。沈炎實趙與籙之腹心爪牙，而任臺臣甘為之搏擊，姦黨盤據，血脉貫穿，以欺陛下，致危亂者，皆此等小人為之。又乞令大全致仕，炎等與祠，高鑄歸管州軍，不報。屬將立度宗為太子，潛密奏云：臣無彌遠之材，忠王無陛下之福，帝怒，潛卒以炎論劾落職，命下中書舍人洪芹繳還詞頭，不報。謫建昌軍，尋徙潮州，責授化州團練使，循州安置，潛預知死日，語人曰：吾將逝矣。夜必雷風大作，已而果然。四鼓開霽，撰遺表作詩頌端坐而逝。時景定三年五月也。循人聞之，咨嗟悲慟。德祐元年，追復元官，仍還執事恩數。明年，以太府卿柳岳請贈諡，特贈少師。

程元鳳，字申甫，徽州人。紹定元年，進士，調江陵府教授。端平元年，差江西轉運司幹辦公事。丁母憂，淳祐元年，遷禮兵二部架閣，以父老不忍去，側遷太學正。

以祖諱辭，改國子錄，父憂服闋，遷太學博士，改宗學博士，以詩禮講榮王府，旁諷曲諭，隨事規正，多所裨益。王亦傾心敬聽，輪對極論世運剝復之機，及人主所當法天者，理宗覽之曰：有古遺直風。六年，進祕書丞，兼權刑部郎官。七年，兼權右司郎官，遷著作郎，仍權右司郎官，輪對指陳時病，尤激切。當國者以為厲己，凶外知饒州郡初罹水災，元鳳訪民疾苦，夙夜究心，修城堞，置義阡，寬誅求，察誣證，進江淮荆福建廣南都大提點坑冶，仍兼知饒州，治司歲有冬夏帳銀，悉舉以補郡積年諸稅，斂之不足者，芝生治所，眾以治行之致。元鳳曰：五穀熟則民蒙惠，此不足異也。召奏事，辭不允，遷右曹郎官，疏言實學實政，國本人才吏治生民財計兵威八事，尋兼右司郎官，拜監察御史，兼崇政殿說書，丞相鄭清之久專國柄，老不任事，臺官潘凱吳燧合章論劾，清之不悅，改遷之，二人不拜命去。元鳳上疏斥清之罪，其言明白正大，凱燧得召還，有事于明堂。元鳳疏言祈天以實不以文，又言邊備謂當申儆軍實，以起積玩之勢，及言濫刑之敝。十二年，拜右正言，兼侍讀，以祖諱辭，詔權以右補闕擊銜，上疏論格心之學，謂草士大夫之風俗，當草士大夫之心術，至於文敵邊諸，人才民心，儲將帥，救災異，莫不盡言。余晦以從父天錫特恩妄作三學諸生伏闕上書，白其罪狀，司業蔡抗又力言之。元鳳數其罪劾之，奏上，以晦為大理少卿，抗為宗正少卿，元鳳又上疏留抗而黜晦，以安士心，乃命抗仍兼司業，晦予郡，升殿中侍御史，仍兼侍讀。京城災，疏言輟土木無益之役，以濟暴露之民，移緇流泛濫之恩，以給顛沛之衆，務行寬大之政，固結億兆之心。旁招俊乂，而私昵無濫及之恩，屏去奸私，而貪黷無覆出之患，謹便嬖之防，而不使之弄權，抑恩澤之請，而不至於無節。言多剴切，寶祐元年，兼侍讀，遷侍御史，言法孝宗八事，薦名士二十餘人，進尚書吏部侍郎，兼中書舍人，兼同修國史，實錄院同修撰，仍兼侍讀，亟辭出闕，不允。有事于南郊，元鳳為執經官，答問多所開陳，帝因欲幸西太乙宮，力諫止之。三年，遷權工部尚書，力求補外，特授端明殿學士，同簽書樞密院事，蜀境與沅靖交急，朝廷欲擇重臣出鎮上流，用徐敏子易蜀帥，及用向上壁為鎮撫。元鳳請下荆南調兵援蜀，移呂文德上沅靖，進依前職簽書樞密院事，兼權參

知政事。進參知政事。尋進拜右丞相兼樞密使。進封新安郡公。力辭。御筆勉諭。猶回累日。而後治事。疏奏正心待臣。進賢愛民。備邊守法。謹微審令。八事。高孝光寧四朝國史未就。奏轉任尤煇領其事。纂修成之。會丁大全謀奪相位。元鳳力辭。授觀文殿大學士。判福州。福建安撫使。又力辭。依前職。提舉洞霄宮。開慶兵興。上手疏收人心。重賞。團結民兵。數事。俄起判平江府。兼淮浙發運使。四上章乞免。三年。御筆趣行。奏免修明局米五萬石。拜特進。依前職。充醴泉觀兼侍讀。度宗即位。進少保。三年。拜少傅。右丞相兼樞密使。進封吉國公。以言罷。依舊少保。觀文殿大學士。醴泉觀使。乞致仕。不許。四年。罷觀使。以守少保。觀文殿大學士致仕。卒。遺表聞。帝震悼。輟朝。特贈少師。元鳳之在政府也。一契家子。求貳令。元鳳謝之曰。除授須由資。其人累請不許。乃以先世爲言。元鳳曰。先公疇昔相薦者。以某粗知恬退故也。今子所求躡次。豈先大夫意哉。矧以國家官爵報私恩。其所不敢。有嘗遭元鳳論列者。其後見其可用。更薦拔之。每曰。前日之彈劾。成其才也。今日之擢用。盡其才也。所著訥齋文集若干卷。

江萬里。字子遠。都昌人。自其父燁始業儒。大父璘。鄉稱善人。其鄰史知縣者。夸其能。杖譁健士。璘俛首不答。歸語燁曰。史祖父故寒士。今居官以杖士人。自意於我心。有不釋然。燔爾。史氏且不昌。汝其戒之。是夕。燁妻陳夢一貴人入其家。曰。以汝家長有善言。故來。已而有娠。生萬里。少神雋。有鋒穎。連舉於鄉。入太學。有文聲。理宗在潛邸。嘗書其姓名。几研間。以舍選出身。歷池州教授。沿江制置司。準備差遣。兩浙安撫司。幹辦公事。召試館職。累遷著作佐郎。權尙左郎官。兼樞密院檢詳文字。知吉州。創白鷺洲書院。兼提舉江西常平茶鹽。召爲屯田郎官。未行。遷直祕閣。江西轉運判官。兼權知隆興府。創宗濂書院。遷考功郎官。命旋寢。久之。以駕部郎官召。遷尙右。兼侍講。史嵩之罷。拜監察御史。仍兼侍講。未幾。遷右正言。殿中侍御史。又遷侍御史。未及拜。萬里器望清峻。論議風采。傾動一時。帝眷注尤厚。嘗勾祠省母疾。不許。屬弟萬頃。奉母歸南康。旋以母病聞。萬里不俟報馳歸。至祁門得訃。而議者謂萬里母死。祕不奔喪。反挾妾媵自隨。於是側目萬里者。相與騰謗。萬里無以自解。坐是閒廢者。十有二年。後陸德輿

嘗辨其非。舉於帝前。買似道宣撫兩浙。辟參謀官。及似道同知樞密院。爲京湖宣撫大使。以萬里帶行寶章閣。待制爲參謀官。大元兵圍鄂。似道以右丞兼樞密使。移軍漢陽。萬里遷刑部侍郎。似道入相。萬里兼國子祭酒。侍讀。入對。遷權吏部尙書。又拜端明殿學士。同簽書樞密院事。兼太子賓客。隨以言者去官。後以原職知建寧府。兼權福建轉運使。已而加資政殿學士。依舊職。知福州。兼福建安撫使。度宗即位。召同知樞密院事。又兼權參知政事。萬里始雖俛仰容默。爲似道用。然性峭直。臨事不能無言。似道常惡其輕發。故每入不能久在位。似道以去要君。帝初即位。呼爲師相。至涕泣拜留之。萬里以身被帝云。自古無此君臣禮。陛下不可拜。似道不可復言去。似道不知所爲。下殿。舉笏謝萬里曰。微公。似道幾爲千古罪人。然以此益忌之。帝在講筵。每問經史疑義。及古人姓名。似道不能對。萬里常從旁代對。時王夫人頗知書。帝語夫人以爲笑。似道聞之。積慙怒。謀逐之。萬里四勾祠。不候報出關。加資政殿大學士。知慶元府。兼沿海制置使。不拜。予祠。後二年。知太平州。兼提領江淮茶鹽兼江東轉運使。召拜參知政事。進封南康郡公。既至。拜左丞相兼樞密使。勾祠。加觀文殿大學士。知福州。辭。依舊職。提舉洞霄宮。又授知潭州。湖南安撫大使。加特進。尋予祠。時咸淳九年。萬里年七十有六矣。明年。大元兵渡江。萬里隱草野間。爲遊騎所執。大詬欲自戕。既而脫歸。先是萬里聞襄樊失守。鑿池芝山後園。扁其亭曰止水。人莫論其意。及聞警。執門人陳偉器手曰。大勢不可支。余雖不在位。當與國爲存亡。及饒州城破。軍士執萬頃索金銀不得。支解之。萬里竟赴止水死。左右及子鑄相繼投沼中。積尸如壘。翼日。萬里尸獨浮出水上。從者草斂之。萬里無子。以蜀人王構子爲後。卽鎬也。事聞。贈太傅。益國公。後加贈太師。諡文忠。萬頃屢守大郡。爲提舉江西常平茶鹽官。至正。郎。城破時。郴州守趙崇標寓居城中。亦死之。王煇。字仲潛。一字伯晦。紹興新昌人。登嘉定十三年進士第。知常熟縣。紹定四年。江淮制置司辟通判泰州。五年。差知滁州。端平元年。知瑞州。嘉熙元年。提轄左藏東西庫。兼提轄封樁下庫。二年。遷籍田令。兼督視幹辦公事。淳祐二年。改監三省樞密院門。乞免所居官。詔從之。四年。再任。五年。遷太府寺丞。祕書丞。戶

部郎官准西總領主管右曹六年為尙書左司員外郎賜對乞祠不許七年遷秘書少監以待御史周垣言罷為福建提點刑獄差知温州十年差知寧國府遷太府卿寶祐元年兼國史編修實錄檢討兼樞密部侍郎試司農卿兼中書門下省檢正諸房公事疏奏願詔大臣相與憂亂而思治懼危而圖安哀憫警省修德行政推抑羣陰之氣發保護微陽之根本批札畢杜於私蹊官賞宏關於正路使內治明如天日外治勤如風霆則精神運動陽氣昭蘇世道昌明物情熙洽上以迓續天命於禮告之餘下以固結人心於解紐之際其孰能禦之以右文殿修撰提舉太平興國宮五年京湖宣撫大使趙葵辟為判官開慶元年召赴行在授集葉殿修撰樞密都承旨權吏部侍郎景定元年兼同修國史實錄院同修撰兼侍讀為真侍郎兼太子左庶子極言正論太子聽而說之帝聞之甚喜二年遷禮部尙書權吏部尙書加龍圖閣學士知平江府淮浙發運使五年召赴行在進端明殿學士提舉佑神觀兼侍讀召赴行在咸淳元年二月拜簽書樞密院事閏月同知樞密院事兼權參知政事二年以疾乞祠不許乞放歸田里帝遣尙醫視之且賜食復兩乞歸皆不許二年拜參知政事三年知樞密院事兼參知政事立皇太子加食邑三辭免官不許乞奉祠休假皆不許最後乞祠祿乃授資政殿學士知慶元府兼沿海制置使四辭免不許七年台州乞差煥充上蔡書院山主詔從之八年加觀文殿學士提舉萬壽宮兼侍讀詔遣刑部郎官董樸起之四上疏辭免始從之十年乞致仕不許十一月以煥為左丞相章鑑為右丞相並兼樞密使尋授煥特進加食邑乞致仕兩乞辭免皆不許德祐元年兩乞改命經筵庶可優閒再乞以舊職奉京祠侍讀皆不許右丞相章鑑參知政事陳宜中奏論留煥以鎮人心以康世道從之煥兩請毋署省院公權不許又奏乞將臣先賜罷斥臣本志誓死報國願假臣以宣撫招討等職臣當招募忠義共圖興復鑑宜中又奏煥單車絕江已至蕭山乞遣中使趣還治事乃授觀文殿大學士浙西江東路宣撫招討大使置司在京以備咨訪乞解大使職名不許進少保左丞相兼樞密使尋加都督諸路軍馬累辭皆不許奏言今天下所以大壞至此者正以一私蟻塞實罰無章故也救

之策在反其所以壞之由大明賞罰動合乎天庶幾人心興起天下事尙可為也因言賈似道誤國喪師之罪於是始降詔切責似道不忠不孝六月庚子朔日食煥奏日食不盡僅一分白晝晦冥者數刻陰威陽微災異未有大有於此者臣待罪首相上佐天子理陰陽下遂萬物外鎮諸侯皆其職也氣稜充塞而未未能消生民塗炭而未能拯反覆思之咎實在臣乞罷黜以荅天譴荅詔不許第降授金紫光祿大夫而已辭降官乞罷斥又不許尋進平章軍國重事辭不許或請出宜中或募炎出督吳門否則臣雖老無能為若效死封疆亦不敢辭詔三省集議乞罷平章事不許京學生上書詆宜中宜中亦上疏乞骸骨初宜中在相位政事多不關白煥或謂京學之論實煥嗾之七月壬辰詔給舍之奏三入煥與宜中必難共處兼煥近奏乞免平章侍經筵辭氣不平誠有如人言者矣遂罷煥平章依前少保特授觀文殿大學士充禮泉觀使煥為入清修剛勁似道歸天台葬母過新昌煥獨不見之後以元老入相位值國勢危亡之際天下所屬望也而卒與宜中不協而去云

章鑑字公秉分寧人以別院省試及第累官中書舍人侍左郎官崇政殿說書進簽書樞密院事兼權參知政事遷同知樞密院事咸淳十年王煥拜左丞相鑑拜右丞相並兼樞密使明年大元兵逼臨安鑑託故徑去遣使亟召還朝既至罷相子祠殿帥韓震之死鑑與曾淵子明震無他至是御史王應麟繳其錄黃謂震有逆謀鑑與淵子曲庇之坐是削一官放歸田里後有告鑑家匿寶璽者籍晨鑑方擁敗衾臥兵士至大索其室惟敝篋貯一玉杯餘無一物人頗嘆其清約鑑在朝日號寬厚然與人多許可士大夫目為滿朝歡云

陳宜中字與權永嘉人也少甚貧而性特俊拔有賈人推其生時以為當大貴以女妻之既入太學有文譽寶祐中丁大全以戚里婢婿權倖盧允升董宋臣因得寵於理宗擢為殿中侍御史在臺橫甚宜中與黃鑄劉黻林測祖陳宗曾唯六人上書攻之大全怒使監察御史吳衍劾宜中削其籍拘管他州司業率十二齋生冠帶送之橋門之外大全益怒立碑學中戒諸生亡妄議國政且令自後有上書者前廊生看詳以牒報檢院由是士論翕然稱之號為六君子

宜中請建昌軍。大全既寬，丞相吳潛奏還之。買似道入相，復爲之請。有詔六人皆免省試，令赴景定三年廷試。而宜中中第二人，六人之中，宜中尤達時務。由紹興府推官戶部架閣秘書省正字校書郎數年，遷監察御史。程元鳳再相，似道恐其侵權，欲去之。宜中首劾元鳳，繼下大全肆惡，基宗社之禍。命格除太府卿。宜中亦自請外，爲江東提舉茶鹽常平公事。四年，改浙西提刑。五年，召爲崇政殿說書。累遷禮部侍郎，兼中書舍人。七年，閩闕帥，以敷文閣待制知福州。在官得民心，歲餘入爲刑部尚書。十年，拜簽書樞密院事，兼權參知政事。德祐元年，升同知樞密院事。二月，似道喪師蕪湖，乃以宜中知樞密院，兼參知政事。已而翁應龍自軍中歸，宜中問似道所在，應龍以不知對。宜中以爲似道已死，即上疏乞正似道誤國之罪。似道行時，以所親信韓震總禁兵，人有言震欲以兵劫遷者。宜中召震計事，伏壯士袖鐵椎擊殺之，以示不黨於似道。時右丞相章鑑宵遁，曾淵子等請命宜中攝丞相事，詔以王燾爲左丞相，拜宜中特進。右丞相四月，燾還朝，論事即與宜中不合。臺臣孫燮叟請竄籍潛說友、吳益、李珪，宜中以爲簿錄非威世事。祖宗忠厚，未嘗輕用之。珪方召入朝，遽加重刑，恐後無以立信。燾力爭，以爲當如燮叟議。會留夢炎自湖南入朝，燾與宜中俱乞罷政，請以夢炎爲相。太皇太后乃以宜中爲左丞相，夢炎爲右丞相。燾進平章軍國重事，燾拜命。即日僦民居，以丞相府讓宜中。宜中上疏以爲一辭一受，何以解天下之譏。亦去。遣使數輩遮留之。始至，時命張世傑等四道進師。二丞相都督軍馬而不出督，燾請以一丞相建閩吳門，以護諸將。不然，則已請行。宜中媿始與夢炎上疏乞行邊事，下公卿議不決。七月，世傑等兵果敗於焦山。燾奏言，事無重於兵，今二相並建都督，廟筭指授，臣不得而知。比者六月出師，諸將無統，臣豈不知吳門距京不遠，而必爲此請者，蓋大敵在境，非陛下自將，則大臣開督，今世傑以諸將心力不一而敗，不知國家尙堪幾敗邪。臣既不得其職，又不得其言，乞罷免。不允。燾子乃味京學生伏闕上書，數宜中過失數十事，其略以爲趙潛趙與鑑皆棄城遁，宜中乃借使過之說以報私恩。令狐奩潛說友皆以城降，乃受其包苴而爲之羽翼。文天祥率兵勤王，信讒而沮撓之。似道喪師

誤國，陽請致罰而陰祐之。大兵薄國門，勤王之師，乃留之京城而不遣，宰相當出督，而畏縮猶豫，第令集議而不行。呂師夔狼子野心，而使之通好乞盟。張世傑步兵而用之於水，劉師勇水兵而用之於步，指授失宜，因以敗事。臣恐誤國將不止於一似道也。書上，宜中竟去。遣使召之不至，其後罷燾，命臨安府捕逮京學生，召之亦不至。太皇太后自爲書遺其母楊，使勸諭之。宜中始乞以祠官入侍，乃拜醴泉觀使。十月壬寅，始造朝，尋爲右丞相。然事已去矣。宜中倉皇發京城民爲兵。民年十五以上者皆籍之，人皆以爲笑。十一月，遣張全合尹玉麻士龍兵援常州。玉與士龍皆戰死，全不發一矢。奔還文天祥誅誅全，宜中釋不問。已而常州破，兵薄獨松關，隣邑望風皆遁。宜中遣使如軍中請和，不得。卽率羣臣入宮請遷都。太皇太后不可。宜中痛哭請之。太皇太后乃命裝俟升車，給百官路費銀，及暮宜中不入。太皇太后怒曰：吾初不欲遷，而大臣數以爲請，顧欺我邪。脫簪珥擲之地。遂閉閣。羣臣求內引，皆不納。蓋宜中實以明日遷。倉卒奏陳失審耳。宜中初與大元丞相伯顏期會軍中，既而悔之，不果往。伯顏將兵至皇亭山，宜中宵遁。陸秀夫奉二王入溫州，遣人召宜中。宜中至溫州，而其母死。張世傑昇其棺舟中，遂與俱入閩中。益王立，復以爲左丞相，并澳之敗。宜中欲奉王走占城，乃先如占城諭意。度事不可爲，遂不反。二王累使召之，終不至。至元十九年，大軍伐占城，宜中走暹，後沒於暹。宜中爲人多術數，少爲縣學生，其父爲吏受贓當黜。宜中上書溫守魏克愚，請貸之。克愚以爲黜吏，卒寘之法。其後宜中爲浙西提刑，克愚郊迎，宜中報禮不書銜。亦云部下民陳某，克愚皇恐不敢受，袖而謝之。宜中陽禮之，而陰撫其過無所得。其後克愚發買德生冒借官木事，忤似道，廢罷家居。宜中入乃極言克愚居鄉不法事，似道令章鑑劾之。貶嚴州，克愚之死，宜中擿之爲多。

論曰：孔子曰：才難不其然乎。理宗在位長久，命相實多其人。若吳潛之中亮剛直，財數人焉。潛論事雖近於許，度宗之立，謀議及之。潛以正對，人臣懷顧望爲子孫地者，能爲斯言哉。程元鳳謹飭有餘而乏風節，尙爲買似道所善。江萬里問學德望，優於諸臣，不免爲似道籠絡。晚年微露鋒穎，輒見擯斥。士大夫不幸

與權姦同朝。自處難矣。似道督視江上之師。以國事付王燦。燦鏖陳宜中。蓋取其平時素與己者。燦宜中於其既出。稍欲自異。及聞其敗。乘勢蹙之。既而二人自為矛盾。宋事至此。危急存亡之秋也。當國者交驩戮力。猶懼不逮。所為若是何望其能匡濟乎。似道誅燦。死鏖。宜中走海島。宋亡。

文天祥字宋瑞。又字履善。吉之吉水人也。體貌豐偉。美皙如玉。秀眉而長目。顧盼儼然。自為童子時。見學宮所祠鄉先生歐陽修。楊邦乂。胡銜俊。皆諱忠。即欣然慕之。曰。沒不俎豆其間。非夫也。年二十。舉進士。對策集英殿。時理宗在位久。政理浸怠。天祥以法天不息為對。其言萬餘。不為彙。一揮而成。帝親拔為第一。考官王應麟奏曰。是卷古誼若龜鑑。忠肝如鐵石。臣敢為得人賀。尋丁父憂歸。開慶初。大元兵伐宋。宦官董宋臣說上遷都。人莫敢議其非者。天祥時入為寧海軍節度判官。上書乞斬宋臣以一人之心。不報。即自免歸。後稍遷至刑部郎官。宋臣復入為都知。天祥又上書極言其罪。亦不報。出守瑞州。改江西提刑。還向書左司郎官。累為臺臣論罷。除軍器監兼權直學士院。賈似道稱病乞致仕。以要君。有詔不允。天祥當制。語皆諷似道。時內制相承皆呈彙。天祥不呈彙。似道不樂。使臺臣張志立劾罷之。天祥既數斥。援錢若水例致仕。時年三十七。咸淳九年。起為湖南提刑。因見故相江萬里。萬里素奇天祥志節。語及國事。愀然曰。吾老矣。觀天時人事當有變。吾聞人多矣。世道之責。其在君乎。君其勉之。十年。改知贛州。德祐初。江上報急。詔天下勤王。天祥捧詔涕泣。使陳繼周發郡中豪傑。并結溪峒蠻。使方興召吉州兵。諸豪傑皆應。有眾萬人。事聞。以江西提刑安撫使召入衛。其友止之曰。今大兵三道鼓行。破郊畿。薄內地。君以為合萬餘赴之。是何異驅羣羊而搏猛虎。天祥曰。吾亦知其然也。第國家養育臣庶三百餘年。一旦有急。徵天下兵。無一人一騎入關者。吾深恨於此。故不自量力而以身殉之。庶天下忠臣義士將有聞風而起者。義勝者謀立。人眾者功濟。如此則社稷猶可保也。天祥性豪華。平生自奉甚厚。擊伎滿前。至是痛自貶損。盡以家貲為軍費。每與賓佐語及時事。輒流涕撫几言曰。樂人之樂者憂人之憂。食人之食者死人之事。八月。天祥提兵至臨安。除知平江府。時以丞相宜中未還朝。不

遣。十月。宜中至。始遣之。朝議方權呂師孟為兵部尚書。封呂文德和義郡王。欲賴以求好。師孟益優。寒自肆。天祥陛辭。上疏言。朝廷姑息牽制之意多。奮發剛斷之義少。乞斬師孟。覆鼓以作將士之氣。且言。宋懲五季之亂。削藩鎮。建郡邑。一時雖足以矯尾大之弊。然國亦以凌弱。故敵至一州則破一州。至一縣則破一縣。中原陸沈。痛悔何及。今宜分天下為四鎮。建都督統御於其中。以廣西益湖南而建閩於長沙。以廣東益江西而建閩於隆興。以福建益江東而建閩於番禺。以淮西益淮東而建閩於揚州。賈長沙取鄂。隆興取蕪。番禺取江東。揚州取兩淮。使其地大力眾。足以抗敵。約日齊奮。有進無退。日夜以圖之。彼備多力分。疲於奔命。而吾民之豪傑者。又伺間出於其中。如此則敵不難却也。時議以天祥論闊遠。書奏不報。十月。天祥入平江。大元兵已發金陵入常州矣。天祥遣其將朱華尹。玉麻士龍與張全援常。至盧橋。士龍戰死。朱華以廣軍戰五牧。敗績。玉軍亦敗。爭渡水挽全軍舟。全軍斷其指。皆溺死。玉以殘兵五百人夜戰。比旦皆沒。全不發一矢走歸。大元兵破常州。入獨松關。宜中夢炎召天祥棄平江。守餘杭。明年正月。除知臨安府。未幾。宋降。宜中世傑皆去。仍除天祥樞密使。尋除右丞相兼樞密使。如軍中。請和。與大元丞相伯顏抗論皋亭山。丞相怒。拘之。偕左丞相吳堅。右丞相賈餘慶。知樞密院事謝堂。簽書樞密院事家鉉翁。同簽書樞密院事劉吧。北至鎮江。天祥與其客杜澣十二人夜亡入真州。苗再成出迎。喜且泣曰。兩淮兵足以與復。特二閩小隙。不能合從耳。天祥問計將安出。再成曰。今先約淮西兵趨建康。彼必悉力以扞吾西兵。指揮東諸將以通泰兵攻灣頭。以高郵寶應進安兵攻楊子橋。以揚兵攻瓜步。吾以舟師直擣鎮江。同日大舉。灣頭楊子橋皆沿江脆兵。且日夜望我師之至。攻之即下。合攻瓜步之三面。吾自江中一面薄之。雖有智者不能為之謀矣。瓜步既舉。以東兵入京口。西兵入金陵。要浙歸路。其大帥可坐致也。天祥大稱善。即以書遺二制置。遣使四出約結。天祥未至時。揚有脫歸兵言。密遣一丞相入真州說降矣。庭芝信之。以為天祥來說降也。使再成亟殺之。再成不忍。給天祥出相城壘。以制司文示之。閉之門外。久之。復遣二路分覘天祥。果說降者即殺之。二路分與天祥語。見

其忠義亦不忍殺以兵二十人道之揚四鼓抵城下聞候門者談制置司下令備文丞相甚急衆相顧吐舌乃東入海道遇兵伏環堵中得免然亦饑莫能起從樵者乞得餘糝羹行入板橋兵又至衆走伏叢篠中兵入索之執杜潛金應而去虞候張慶矢中目身被二創天祥偶不見獲潛應解所懷金與卒獲免募二樵者以資荷天祥至高郵汎海至温州聞益王未立乃上表勸進以觀文殿學士侍讀召至福州拜右丞相尋與宜中等議不合七月乃以同都督出江西遂行收兵入汀州十月遣參謀趙時賞諮議趙孟深將一軍取寧都參贊吳浚將一軍取寧都劉洙蕭明哲陳子敬皆自江西起兵來會鄒淵以招諭副使聚兵寧都大元兵攻之淵兵敗同起事者劉欽鞠華叔顏斯立顏起巖皆死武岡教授羅開禮起兵復永豐縣已而兵敗被執死於獄天祥聞開禮死製服哭之哀至元十四年正月大元兵入汀州天祥遂移漳州乞入衛時賞孟深亦提兵歸獨浚兵不至未幾浚降來說天祥天祥縛浚殺之四月入梅州都統王福錢漢英跋扈斬以徇五月出江西入會昌六月入興國縣七月遣參謀張汴監軍趙時賞趙孟深等威兵灌贛城鄒淵以贛諸縣兵構永豐其副黎貴達以吉諸縣兵攻泰和吉八縣復其半惟贛不下臨洪諸郡皆送款潭趙璠張虎張唐熊桂劉斗元吳希頤陳子全王夢應起兵邵永間復數縣撫州何時等皆起兵應天祥分寧武軍建昌三縣豪傑皆遣人如軍中受約束江西宣慰使李恆遣兵援贛州而自將兵攻天祥于興國天祥不意恆兵猝至乃引兵走即鄒淵于永豐淵兵先潰恆窮追天祥方石嶺鞏信拒戰箭被體死之至空坑軍士皆潰天祥妻妾子女皆見執時賞坐肩輿後兵問謂誰時賞曰我姓文衆以爲天祥禽之而歸天祥以此得逸去孫臬彭震龍張汴死於兵繆朝宗自縊死吳文炳林棟劉洙皆被執歸隆興時賞奮罵不屈有係累至者輒麾去云小小小廳廳官耳孰此何爲由是得脫者甚衆臨刑洙頗自辯時賞叱曰死耳何必然於是棟文炳蕭敬夫蕭蕪夫皆不免天祥收殘兵奔循州駐南嶺黎貴達潛謀降執而殺之至元十五年三月進屯麗江浦六月入船澳益王昀衛王繼立天祥上表自劾乞入朝不許八月加天祥少保信國公軍中疫且起兵士死者數百人天祥

惟一子與其母皆死十一月進屯潮陽縣潮州盜陳懿劉與數叛附爲潮人害天祥攻走懿執與誅之十二月趨南嶺鄒淵劉子俊又自江西起兵來再攻懿黨懿乃潛遁元帥張弘範兵濟潮陽天祥方飯五坡嶺張弘範兵突至衆不及戰皆顛首伏草莽天祥倉皇出走千戶王惟義前執之天祥吞腦子不死鄒淵自剄衆扶入南嶺死官屬士卒得脫空坑坑者至是劉子俊陳龍復蕭明哲蕭資皆死杜潛被執以憂死惟趙孟深遁張唐熊桂吳希頤陳子全兵敗被獲俱死焉唐廣漢張栻後也天祥至潮陽見弘範左右命之拜不拜弘範遂以客禮見之與俱入厓山使爲書招張世傑天祥曰吾不能扞父母乃教人叛父母可乎索之固乃書所過零丁洋詩與之其末有云人生自古誰無死留取丹心照汗青弘範笑而置之厓山破軍中置酒大會弘範曰國亡丞相忠孝盡矣能改心以事宋者事皇上將不失爲宰相也天祥泫然出涕曰國亡不能救爲人臣者死有餘罪況敢逃其死而二其心乎弘範義之遣使護送天祥至京師天祥在道不食八日不死即復食至燕館人供張甚盛天祥不寢處坐達旦遂移兵馬司設卒以守之時世祖皇帝多求才南官王綉翁言南人無如天祥者遂遣續翁諭言天祥曰國亡吾分一死矣儻緣寬假得以黃冠歸故鄉他日以方外備顧問可也若遽官之非直亡國之大夫不可與圖存舉其平生而盡棄之將焉用我續翁欲合宋官謝昌元等十人請釋天祥爲道士留夢炎不可曰天祥出復號召江南置吾十人於何地事遂已天祥在燕凡三年上知天祥終不屈也與宰相議釋之有以天祥起兵江西事爲言者不果釋至元十九年有閩僧言土星犯帝坐疑有變未幾中山有狂人自稱宋主有兵千人欲取文丞相京城亦有匿名書言其日燒蕪城葦率兩翼兵爲丞相可無憂者時盜斬殺左丞相阿合馬命撤城葦遷瀛國公及宋宗室開平疑丞相者天祥也召入諭之曰汝何願天祥對曰天祥受宋恩爲宰相安事二姓願賜之一死足矣然猶不忍遽麾之退言者力贊從天祥之請從之俄有詔使止之天祥死矣天祥臨刑殊從容謂吏卒曰吾事畢矣南鄉拜而死數日其妻歐陽氏收其屍面如生年四十七其衣帶中有贊曰孔曰成仁孟曰取義惟其義盡所以仁至讀聖賢書所

學何事而今而後庶幾無愧。

論曰自古志士欲信大義於天下者不以成敗利鈍動其心君子命之曰仁以其合天理之正即人心之安爾商之衰周有代德盟津之師不期而會者八百國伯夷叔齊以兩男子欲扣馬而止之三尺童子知其不可他日孔子賢之則曰求仁而得仁宋至德祐亡矣文天祥往來兵間初欲以口舌存之事既無成奉兩孱王崎嶇嶺海以圖興復兵敗身執我世祖皇帝以天地有容之量既壯其節又惜其才留之數年如虎兕在柙百計馴之終不可得觀其從容伏質就死如歸是其所欲有甚於生者可不謂之仁哉宋三百餘年取士之科莫感於進士進士莫感於掄魁自天祥死世之好為高論者謂科目不足以得偉人豈其然乎。

宋史卷四百十八

宋史卷四百十八考證

陳宜中傳寶祐中丁大全至號為六君子○臣人龍按察辛雜職開慶六士陳宜中曾唯黃鏞劉黻陳宗林則祖皆以甲辰歲史嵩之起復上書時人號為六君子而本傳則以丁大全上書號為六君子彼此互異

宋史卷四百十八考證

元中書右丞相總裁脫脫等修

列傳第一百七十八

宣繒 薛極 陳貴誼 曾從龍

鄭性之 李鳴復 鄒應龍 余天錫

許應龍 林略 徐榮叟 別之傑

劉伯正 金淵 李性傳 陳鞞 崔福附

宣總慶元府人嘉泰三年太學兩優釋褐歷官以太學博士召試為秘書省校書郎升著作佐郎兼權考功郎官知吉州福建提點刑獄遷考功員外郎又遷秘書少監時暫兼權侍立修注官守起居舍人為起居郎兼權侍左侍郎編孝宗寶訓試吏部侍郎權兵部尚書嘉定十四年同知樞密院事兼參知政事明年拜參知政事以資政殿學士奉祠端平三年召赴闕升大學士提舉洞霄宮以觀文殿大學士致仕卒贈少師詔繒書預定策以王堯臣故事贈太師諡忠靖

薛極字會之常州武進人以父任調上元主簿中詞科為大理評事通判温州知廣德軍以參知政事樓鑰薦遷大理正刑部郎官司封郎中權右司郎中遷右司郎中兼提領雜賣場寄椿庫兼勅令所刪修官中書門下省檢正諸房公事兼刪修勅令官拜司農卿兼權兵部侍郎尋為真嘉定八年疏奏願陛下深思願諷之難益懷競業之念勿謂帝德固愆而怠於進修勿以天災代有而應不以實政細雖舉必求益其所未至德澤雖布必思及其所未周誓以今日過災警懼之心永為異時暇逸之戒將見天心昭格沛然之澤響應於不崇朝之間遷權刑部尚書尋試戶部尚書兼權吏部尚書遂為真時暫兼權戶部尚書十五年特賜同進士出身拜端明殿學士簽書樞密院事紹定元年拜參知政事兼同知樞密院事尋知樞密院事兼參知政事封毗陵郡公以觀文殿大學士知紹興府兼浙東安撫使端平元年加少保和國公致仕卒

陳貴誼字正甫福州福清人慶元五年進士授瑞州觀察推官丁內外艱服除

調安遠軍節度掌書記辟差四川制置司書寫機宜文字中博學宏詞科授江南東路安撫司機宜文字遷太社令改武學諭國子錄選大學博士時議更楮幣法貴誼轉對言人主令行禁止者以同民之所好惡楮券之令及使姦惡獲逞道路咨怨非所以祈天永命固結人心因援寧寧新法為辭又言明銳果敢之才足以集事而失於剽輕老成寬博之士足以厚俗而失於循理執若舉之以眾取之以公主更幣之法者乃摘新法等語激怒時相且謂貴誼引類植黨人為危之遷太常博士以兄貴謙兼禮部郎官引嫌遷將作監丞兼魏惠憲王府小學教授轉對謂言路雖開觸犯忌諱者指為好名切劘時政者指為玩令利害關於天下是非公於人心一人言之未已或至累十數人言之則又指為朋黨是非易位忠佞不分史彌遠益不樂遷秘書郎出知江陰軍提舉江西常平召赴行在未至授禮部郎官屬金人大擾淮蜀貴誼言人才所以立國今旁蹊曲徑倖門四闢言路所以通下情今姦阿循默囊括不言民力已竭而科歛之外鏡遺以謀進者未已軍中恥言敗北則陣亡者不恤恥言棄潰則逃竄者復招又言婉順巽從者是災疾也非愛我也宜屏之外之矯拂救正者是藥石也愛我也宜用之聽之彌遠滋不樂諷言者論罷主管崇禧觀起知徽州召授司封郎官兼翰林權直兼玉牒所檢討會有事明堂首引包拯皇祐中乞因肆赦除聚斂措克之敵當察州縣府庫致羨之由做成周邦饗必及死王事者之子與漢置羽林孤兒專取從軍死事之後教以五兵理宗即位以為宗正少卿兼侍講兼權直學士院尋遷起居舍人寶慶初詔舉賢能才識之士貴誼乃言曰世以容嘿滯固為賢以苛刻生事為能以褊狹趣辦為才以輕疏嘗試為識及茲初政當求忠實正直奉公愛民知禮義廉恥而不越防範者以充中外之選又言成王之初元臣故老警以無逸者欲其克壽勉以敬德者欲其永命期以豈弟者欲其受命之長則可謂愛君切而慮患深矣遷中書舍人升兼直學士院內侍熾受恩賞輒封還詔書將郊貴誼以民生實艱吏員尚眾征歛幾於奪取公費掩為私藏宜大明黜陟庶有以見帝于郊遷禮部侍郎仍兼中書舍人權刑部尚書升修玉牒官兼侍讀為禮部尚書兼給事中端明殿學士簽

書樞密院事。紹定六年冬，上始親政，進參知政事。上面諭之曰：頃聞憂國之言，朕所不忘。兼同知樞密院事。出師汴洛時，貴誼已移，疾猶上疏力爭。五上章乞歸，轉四官加邑封致仕。卒，贈少保、資政殿大學士。

曾從龍，字君錫，左僕射公亮四世從孫。初名一龍，慶元五年擢進士第一。始賜今名，授簽書奉國軍節度判官廳公事。遷兵部員外郎、左司郎中。起居舍人兼太子右諭德，使金還，轉官。疏言：州郡累月關守，而以次官權攝者，彼惟其攝事也。自知非久，何暇盡心於民事。獄訟淹延，政令玩弛，舉一郡之事付之胥吏，幸而除授一人，民望其至，如渴望飲，足未及境，而復以他故罷去矣。且每易一守，供張借請，少不下萬緡，郡帑所入，歲有常數，而頻年將迎，所費不可勝計。然則輕於易置，公私俱受其病，欲望明詔二三大臣，郡守有闕，即時進擬，其有求避憚行者，悉杜絕其請，其繳劾彈柱者，疾速行之。蓋郡計寬則民力裕，利害常相關故也。又請已振濟者免其後，開禧間，旬外知信州，戍卒行掠境內，從龍覓于法，索得婦人衣，命梟于市。召權禮部侍郎，兼中書舍人，兼太子左諭德。繳還張

鑑復官詞頭，以鉞抑令姪女竭資財結姻蘇師旦之子故也。尋兼太子諭德，兼同修國史，實錄院同修撰，兼國子祭酒，為吏部侍郎，仍兼職。兼太子右庶子，兼給事中，兼直學士院，權刑部尚書。嘉定六年秋，陰雨，乞放禁囚，進對，言：修德政，蓄人材，飭邊備，帝善其言。七年，知貢舉，疏奏國家以科目網羅天下之英雋，義以觀其通經賦，以觀其博古，論以觀其識，策以觀其才，異時謀王斷國，皆緣此其選。比來循習成風，文氣不振，學不務根柢，辭不尚體要，涉獵未精，議論疏陋，綴羅難繁，氣象萎蕪。願下臣此章，風厲中外，澄源正本，莫甚於斯。詔從之。進端

明殿學士，簽書樞密院太子賓客，改參知政事。疾，胡榘憐王，排沮正論。陳其罪，榘嗾言者劾罷。以前職提舉洞霄宮，起知建寧府。丁內艱，服除，為湖南安撫使。撫安峒獠，威惠並行，與學養士。湘人紀之石，改知隆興府，復提舉洞霄宮，改萬壽觀，兼侍讀。奉朝請。端平元年，授資政殿大學士，沿江制置使，兼知建康府，兼行宮留守，拜參知政事，兼同知樞密院事。時有三京之役，極論南兵輕進易退，未幾言驗。進知樞密院事，兼參知政事，以樞密院使督視江淮荆襄軍馬。疏

言：邊面遼遠，聲援不接，請並建三關，詔許之。專昇江淮，以荆襄屬魏了翁，朝論邊用不給，詔從龍了翁，并領督府，及從龍卒，弟用虎、天麟治鳳，皆歷顯任。鄭性之，字信之，初名自誠，後改今名。福州人。嘉定四年，進士第一。歷官知贛州、改知隆興府，後以寶章閣待制提舉玉隆萬壽宮，進華文閣待制，提舉上清太平宮。進敷文閣待制，知建寧府。端平元年，召為吏部侍郎，入對，言：陛下大開言路，以通雅蔽，心苟愛君，誰不欲言，言不切直，何能感動。譬如積水，久壅一決，其勢必感，其聲必激。故言者多則易於取厭，言之激則難於樂受。若少有厭倦，動於詞色，則讒詔乘間，或不自知矣。又言：願陛下明詔百辟，除去舊污，一以清白相師。權之所在，勢所必趨，恐懼戒謹，尤防以微，以保終譽。毋拓諛議，則朝綱肅而國體尊矣。又曰：為君者不以堯舜自期，則無善治，告君者不陳堯舜之道，則無遠猷。擢左諫議大夫，言臺臣交章互詆，願陛下監古今天下安危之變，君子

小人消長之機，公以處之，迺得其當。況夫聽言之道，宜以事觀，若言果有關國體，有補治道，有益主德，則言之過激，夫亦何傷。彼雖采名，我實有益，惟虛心納善。若決江河，則激者自平矣。拜端明殿學士，簽書樞密院事，進同知樞密院事，兼權參知政事，拜參知政事，兼同知樞密院事，尋知樞密院事，兼參知政事，加觀文殿學士致仕。寶祐二年卒。

李鳴復，字成叔，澶州人。嘉定二年，進士。歷官權發遣金州，兼幹辦安撫司公事。制置使鄭損薦于朝，乞召審察，授司農寺丞，遷駕部員外郎，遷兵部郎中，面對選軍器少監，大理少卿，拜侍御史，兼侍講，進對，言：荆襄制臣有當戒者三：曰去私禁暴，懲怒權工部尚書，兼權吏部尚書，又權刑部尚書，兼給事中，簽書樞密院事。端平三年，拜參知政事，以資政殿學士知紹興府。嘉熙元年，復為參知政事。明年，知樞密院事，兼參知政事，加資政殿大學士，賜衣帶鞍馬。淳祐四年，復為參知政事，未幾，出知福州。福建安撫使，尋子祠，監察御史蔡次傳按劾落職，罷宮觀，後卒于嘉興。

鄒應龍，字景初，慶元二年進士。歷官為起居舍人，以直龍圖閣權知贛州，遷江西提點刑獄，尋遷中書舍人，兼太子右諭德。復兼太子左庶子，試戶部尚書，使

金還。爲太子詹事，兼中書舍人，選給事中，兼太子詹事，權禮部侍郎，兼侍講，權工部尚書，兼同修國史，實錄院同修撰，遷刑部尚書，乞祠，以數文閣學士提舉安慶府真原萬壽宮，以徽猷閣學士起知太平州，以臣僚論罷，以數文閣學士提舉玉隆萬壽宮，拜禮部尚書，兼侍讀，嘉熙元年，拜端明殿學士，簽書樞密院事，進資政殿學士，知慶元府，兼沿海制置使，依舊職，提舉洞霄宮，淳祐四年卒，贈少保。

余天錫，字純父，慶元府昌國人。丞相史彌遠延爲弟子師，性謹愿，絕不預外事，彌遠器重之，是時彌遠在相位久，皇子竑深惡之，念欲有廢置，會沂王宮無後，丞相欲借是陰立爲後備，天錫秋告歸，試于鄉，彌遠曰：「今沂王無後，宗子賢厚者，幸具以來。」天錫絕江與越僧同舟，舟抵西門，天大雨，僧言門左有全保長者，可避雨，如其言過之，保長知爲丞相館客，具難悉其肅，須臾有二子侍立，全曰：「此吾外孫也。」日者嘗言二兒後極貴，問其姓，長曰：「趙與莒。」次曰：「與芮。」天錫憶彌遠所屬其行亦良，是告于彌遠，命二子來，保長大喜，鬻田治衣冠，心以爲沂郎後可冀也。集嫺黨且詫其過以行，天錫引見，彌遠善相，大奇之，計事泄不便，遽復使歸，保長大慙，其鄉人亦竊笑之。逾年，彌遠忽謂天錫曰：「二子可復來乎？」保長謝不遣，彌遠密諭曰：「二子長最貴，宜撫於父家，遂載與歸。」天錫母朱爲沐浴，教字，禮度益閑習，未幾，召入嗣沂王，迄卽帝位，是爲理宗，天錫嘉定十六年舉進士，歷監慈利縣稅籍田令，超授起居舍人，遷權吏部侍郎，兼玉牒所檢討官，兼崇政殿說書，遷戶部侍郎，兼知臨安府，浙西安撫使，試戶部侍郎，權戶部尚書，皆兼知臨安府，升兼詳定勅令官，以寶文閣學士知婺州，仍舊職，奉祠，起知寧國府，進華文閣學士，知福州，召爲吏部尚書，兼給事中，兼侍讀，疏奏臣荷國恩，起家分闈，旋蒙越朝，躋玷瀛聯，時權禮部侍郎曹商賈在諫省，蓋嘗抗疏，謂用臣大驟，臣與商交最久，相知最深，今觀其所論，於君父有陳善之敬，友朋有責善之道，而商遂遷官，臣竟汗要路，商以不得其言，累疏乞去，夫亟用舊人，而遂退亡莊士，則將謂之何哉？商老成之望，直諒多益，實之近班，可以正乃辟，可以儀有位，欲望委曲留行，使之釋然無疑，安於就職，則陛下既昭好賢之美，而

微臣亦免妨賢之媿，帝從之。嘉熙二年，拜端明殿學士，同簽書樞密院事，尋拜參知政事，兼同知樞密院事，封奉化郡公，授資政殿學士，知紹興府，浙東安撫使，以觀文殿學士致仕，朱氏亦封周楚國夫人，壽過九十，將以生日拜天錫爲相，而天錫卒，贈少師，尋加太師，諡忠惠，第天任爲兵部尚書，兄弟友愛，方貧時，率更衣以出，終歲同衾，從子晦，歷官尚書，出帥全蜀，常置義莊以贍宗族，然在蜀以違言論知閬州王惟忠死，士論少之。

許應龍，字恭甫，福州閩縣人。五歲通經旨，坐客曰：「小兒氣食牛，應龍應聲，丈夫才吐鳳，爲對。」四坐嘉歎，入太學，嘉定元年，舉進士，調汀州教授，差浙東宣撫司掾，差戶部架閣，遷籍田令，太學博士，時李全時青鞨歸附，應龍入對，有莽蜂是徵，養虎遺患之說，後皆如所言，遷國子博士，國子丞，宗學博士，理宗卽位，應龍首陳正心爲治國平天下之綱領，選祕書郎兼權尚左郎官，遷著作，卽外知潮州，盜陳三槍起贛州，出沒江閩廣間，勢熾甚，而盜鍾全相挺爲亂，樞密陳韓帥江西，任拓捕三路，調軍分道追勦，盜逼境上，應龍亟調水軍禁卒，士兵弓級分扼要害，明間諜，守關隘，斷橋開壑，斬木塞塗，點集民兵，激勸隅總，諭以保鄉井，守室廬，全妻子，蒐補親兵，日加訓閱，旣而橫岡桂嶼相繼以捷聞，招捕司遣統領官齊敏率師由漳趨潮，截贛寇餘黨，應龍諭敏曰：「兵法攻瑕，今鍾寇將窮，陳寇猖獗，若先破鍾，則陳不戰禽矣，敏惟命，於是諸寇皆平，方未解嚴時，有行旅數人，隅總搜其囊中，金銀指爲賊黨，應龍辨其非盜釋之，皆羅拜感泣，始人疑應龍儒者不閑戎事，及見其區畫事，宜分別齊民，靜練雍容，莫不數服，僚屬請上功，應龍曰：「守職扞城保民，何功之云。」距州六七十里曰山斜，峒寮所聚，勾耕土田不輸賦，禁兵與閩，應龍平決之，其首感悅，率父老鳴缶擊筒，踊躍詣郡，謝去之日，閩郡遮道攀送，端平初，召爲禮部郎官，入對，帝謂應龍曰：「卿治潮有聲，與李宗勉治台齊名，應龍頓首曰：「民無不可化，顧牧民者如何耳。」臣治州幸免曠疎，皆陛下德化所暨，臣非曰能之，兼榮文恭王府教授，力辭，遷國子司業，祭酒，徐僑議學校差職，欲先舉望，應龍以爲不若差以資格，資格一定，則僥倖之門杜，而造請之風息，僑以爲然，時有憑勢干職者，力卻之，兼權直舍人院，遷

國子祭酒攝侍右侍郎兼學士院權直。是日罷鄭清之喬行簡制。應龍所草也。翼曰。文德殿宣布畢。帝遣中使召應龍論之曰。草制甚善。應龍復謝曰。臣聞昔人有言。進人若將加諸膝。退人若將墜諸淵。今二相乞罷機政。與陛下體貌大臣之意。兩盡其美。可也。帝善之。就令草勅書戒諭諸閣。權吏部侍郎兼侍講。兼權直學士院。試吏部侍郎。升侍讀。權兵部尚書。時權幣虧甚。行簡主行稱提之。說。州縣希旨奉承。貧富猜懼。應龍奏從民便。節用二說。行簡然之。兼吏部尚書。遷兵部兼中書舍人。三上章。旬外不允。兼給事中。兼吏部尚書。請外。詔免兼中書。拜端明殿學士。簽書樞密院事。累辭。會正言郭嘉卿有論疏。以端明殿學士提舉洞霄宮。卒。年八十。有一贈資政殿學士。銀青光祿大夫。應龍不躁不競。不激不隨。不妄薦士。而亦無傷人害物之事。潮州之治最可紀也。

林略。字孔英。温州永嘉人。慶元五年。舉進士。歷饒州大寧監教授。辟幹辦四川茶馬司公事。崔與之帥蜀。目之曰。此臺閣之瑞也。薦之。遷武學博士。國子監丞。太常寺丞。奉祠。拜宗正少卿。兼崇政殿說書。遷右司諫。尋遷左司諫。兼侍講。告于帝曰。虛心以為從諫之本。從諫以為永治之本。拜殿中侍御史。升侍御史。試右諫議大夫。嘉熙三年。以端明殿學士同簽書樞密院事。以言罷。提舉洞霄宮。以資政殿學士致仕。淳祐三年八月卒。特贈宣奉大夫。

徐榮。字茂翁。煥章閣學士。應龍之子。嘉定七年。舉進士。歷官通判。臨安府。遷太學博士。兼崇政殿說書。遷秘書郎。升著作佐郎。兼侍左郎官。出為江東提點刑獄。直秘閣。知婺州。遷著作郎。兼禮部郎官。以集英殿修撰。知靜江府。兼廣西經略安撫使。召為行在司諫。復兼說書。兼侍講。嘉熙四年。拜右諫議大夫。入對。言自權幣不通。物價倍長。而民始怨。自米運多阻。粒食孔艱。而民益怨。此見之京師者然也。外而郡邑。苛征橫斂。無所不有。嚴刑峻罰。靡所不施。和糴則科抑。以取贏。軍需則並緣而規利。逃亡強令代納。蠲放忍至重催。犯私販者不問多寡。懸濶跡。逋官課者不恤有無。動輒監繫。圍充斥。率是干連。詞訟追呼。莫非枝蔓。如此則民安得而不怨。甚者富家巨室。武斷鄉閭。貴族豪宗。侵牟民庶。茹冤者不敢告。負抑者不得伸。怨氣薰蒸。天示之應。此亢陽之所以為沴也。遷

權禮部尚書。兼權吏部尚書。拜端明殿學士。簽書樞密院事。淳祐二年。乞歸田里。以資政殿大學士提舉洞霄宮。六年。轉一官致仕。卒。

別之傑。字宋才。鄞州人。嘉定二年。進士。歷官差充京西安撫司參議官。遷太府寺主簿。又遷將作監丞。差知澧州。知德安府。親喪起復。知德安府。加直寶謨閣。知江陵府。湖北安撫副使。進直煥章閣。言親年八十。乞歸養。庶幾君親之義。兩全從之。以京湖安撫副使。陳垓論罷。以前職主管崇禧觀。進直敷文閣。知江陵府。湖北安撫使。起復知真州。改知江寧府。湖北安撫副使。加兵部郎官。差充督視行府參謀官。遷軍器監。加直寶文閣。京西轉運判官。兼提點刑獄。加秘閣修撰。知江陵。兼京湖制置副使。進寶章閣待制。知太平州。又進寶謨閣學士。依舊沿江制置使。兼知建康府。江東安撫使。加兵部尚書。兼淮西制置使。邊事聽便行之。加端明殿學士。淳祐二年。授同知樞密院事。兼權參知政事。進資政殿學士。湖南安撫使。兼知潭州。監察御史蔡次傳論罷。七年。拜參知政事。乞歸田里。依前職。知紹興府。復以兩浙轉運判官翁甫論罷。寶祐元年。卒。特贈少師。

劉伯正。字直卿。饒州餘干人。父簡。為丞相趙汝愚客。嘗書慶曆四諫奏。議授伯正。而伯正以開禧元年。舉進士。調太平主簿。通判貴陽軍。辟荆湖制置司機宜。兩浙轉運司主管公事。歷軍器將作太府三監主簿。樞密院編修官。兵部郎官。監察御史。有事于明堂。雷電忽至。執事者鮮不離次。伯正立殿下。伸笏儼然。聲色不動。帝遂以大任期之。遷左司諫。疏言兵籍濫廣。糧餉益艱。請預備軍食。又言銓選財刑獄之積敝。乞以願治之心。而急董正治官之圖。以勤政之思。而嚴察計吏之法。又言所憂非一。而急務之當慮者有三。曰申飭邊備。區處流民。隄防姦盜。帝皆善其言。升右正言。以華文閣待制。知廣州。兼廣東經略安撫使。召見。賜金帶鞍馬。改轉運使。以寶章閣直學士知太平州。召為禮部侍郎。兼中書舍人。遷吏部侍郎。兼侍講。同修國史。寶錄院同修撰。兼給事中。權刑部尚書。兼侍讀。淳祐四年。拜端明殿學士。簽書樞密院事。兼權參知政事。真拜參知政事。以監察御史孫起子言罷。授資政殿學士。提舉洞霄宮。監察御史蔡次傳言

之。降一官。尋復舊官。致仕。卒。贈正奉大夫。加少保。時論謂伯正立朝。以靜重鎮

浮，不求名譽，善藏其用云。

金淵，字淵叔，臨安府人。嘉定七年進士，歷官爲太學博士，遷太府寺丞，祕書郎，升著作佐郎，兼權司封郎官，遷祕書丞，拜右正言，兼工部侍郎，遷將作少監，兼侍右郎官，兼國子司業，兼國史編修，實錄檢討，兼崇政殿說書，拜監察御史，論曹頤項寅孫兼侍講，遷禮部侍郎，尋兼國子祭酒，遷吏部侍郎，拜右諫議大夫，改左諫議大夫，遷禮部尚書，兼給事中，淳祐四年，知貢舉，拜端明殿學士，同簽書樞密院事，侍御史劉漢弼論淵尸位妨賢，罷政予祠，監察御史劉應起言，落職，罷祠，十一年，妻戚氏愬于朝，乞曲加貸，宥少敘官職，詔止，量移平江府居住，卒。

李性傳，字成之，宗正寺主簿舜臣之子也。嘉定四年，舉進士，歷幹辦行在諸軍審計事，進對，有崇尚道學之名，未過其實，帝曰：實者何在？性傳對曰：在陛下格物致知，以爲出治之本，遷武學博士，尋爲太常博士，兼諸王宮大小學教授，升太常寺丞，兼權工部郎中，兼權都官郎官，遷起居舍人，兼侍講，疏言：東周以後，諸侯卿大夫，皆以既葬而除服，秦漢之際，尤爲淺促，孝文定爲三十六日之制，則視孝惠以前，已有加矣。東漢以後，又損之爲二十七日，謂之以日易月，則薄之至也。千數百年，惟晉武帝魏孝文爲能復古之制，而羣臣沮格，未克盡行。惟孝宗通喪三年，近古所獨，陛下繼之，至性克盡，前烈有光，乞以此疏付之史官，庶幾四海聞風，民德歸厚，遷起居郎，兼國史編修，實錄檢討，權刑部侍郎，進禮部侍郎，以臣僚言罷，尋以寶章閣待制知饒州，改知寧國府，再知饒州，復以言罷，召爲兵部侍郎，兼侍讀，兼同修國史，兼實錄院同修撰，升兼侍讀，權兵部尚書，進讀仁皇訓典，乞讀帝學從之，權吏部尚書，臣僚論益臣立廟封爵事，落職，提舉太平興國宮，淳祐四年，權禮部尚書，兼給事中，兼同修國史，實錄院同修撰，兼侍讀，五年，拜端明殿學士，簽書樞密院事，兼權參知政事，尋同知樞密院事，未幾，落職，與郡，十二年，以資政殿大學士，提舉洞霄宮，寶祐二年，依舊職，提舉萬壽觀，兼侍讀，以觀文殿學士致仕，卒，特贈少保。

陳輝，字子華，福州侯官人。父孔碩，爲朱熹呂祖謙門人，輝讓父郊，思與弟振登

薛種元年進士第，從葉遠學，嘉定十四年，賈涉開淮閩，辟京東河北幹官，輝謂山東河北遺民，宜使歸耕其土，給耕牛農具，分配以內郡之貧死者，然後三分齊地，張林孝全各處其一，其一以待有功者，河南首領以三兩州來歸者，與節度使一州者，守其土，忠義人盡還北，然後括淮南開田，做韓琦河北義勇法募民爲兵，給田而薄征之，擇士豪統率鹽丁，又別置爲一軍，此第二重藩籬也，十五年，淮西告捷，韓策金人必專向安豐，而分兵綴諸郡，使下整，張惠，李汝舟，范成進，各以其兵屯廬州，以待之，金將盧鼓挺新勝於潼關，乘銳急戰，當持久困之，不過十日，必遁，設伏邀擊，必可勝，又使時青夏全侯金人深入，以輕兵擣其巢穴，第一策也，其後金人果犯安豐，輝如盱眙，師師，改淮東制置司幹辦公事，再如盱眙，見劉瑄，調下整張惠，范成進，夏全諸軍，應援構虛，皆行韓之策，遂有堂門之捷，俘其四騎馬者，遷將作監丞，又遷太府寺丞，差知真州，淮東提點刑獄，加直寶章閣，依舊提點刑獄，兼知寶應州，遷宗正寺丞，權工部郎中，改倉部員外郎，入對，言：臣所陳夏周漢唐數君之事，如布德北，謀任賢使能，信賞必罰，區處藩鎮，不事姑息，規摹莫大於此，又言：人主所以御天下者，賞罰而已，紹定二年冬，盜起閩中，帥王居安屬輝提舉四隅保甲，輝有親喪，辭之，轉運使陳汶提舉常平史彌忠，告急于朝，謂非輝莫可平，明年，以寶章閣直學士起復，知南劍州，提舉汀州邵武軍兵甲公事，福建路兵馬鈐轄，同共措置招捕盜賊，兼福建路招捕使，未幾，加提點刑獄，籍籍土民丁壯爲一軍，沙縣紫雲基告急，沙縣破，賊由間道趨城，忠勇軍破之於高橋，賊乃趨邵武，勢益熾，時有議當招不當捕者，輝言：始者賊僅百計，招而不捕，養之至千，又養之至萬，今復養之，將至於無算，求淮西兵五千人，可圖萬全，詔輝兼福建路招捕使，賊急攻汀州，淮西帥曾式中調精兵三千五百人，由泉漳間道入汀，擊賊于順昌，勝之，六月，兵大合，加福建提點刑獄，七月，輝親提兵至沙縣，順昌將樂清流宣化督捕，所至克捷，九月，分兵進討，十月，進攻五賊營，平之，十一月，破潭瓦窰賊起之地，夷其巢穴，十二月，誅汀州叛卒，諭降連城七十有二，汀境皆平，四年正月，遣將破下瞿張原砦，二月，躬往邵武督捕餘寇，賊首晏彪迎降，輝以其力屈乃降，卒，誅之。

進右文殿修撰，依舊提點刑獄，招捕使，兼知建寧府。衢州寇汪徐來，二破常山，開化，勢張甚。韓命淮將李大聲提兵七百，出賊不意，夜薄其營，賊出迎戰，見其子旗，驚曰：「此陳招捕軍也。」皆大哭，急擊之，衢寇悉平。六年，進寶章閣待制，知隆興府。竊寇陳三槍據松梓山，出沒江西廣東，所至屠殘，韓遣官吏諭降，賊輒殺之，乃謂盜賊起於貪吏，劫其尤者二人，又謂寇盜稽誅，以臣下欺誑事權漢散所致，若決計蕩除，數月可畢。十一月，詔節制江西廣東福建三路捕寇軍馬，韓奏遣將劉師直扼梅州，齊敏扼循州，自提淮西兵及親兵擣賊巢穴。十二月，兼知贛州。端平元年正月，進華文閣待制，江西安撫使。二月，至贛，斬將士張皇賊勢，及掠子女貨財者，齊敏李大聲所至克捷。三月，分兵守大石堡，截賊糧道，遂破松梓山。三槍與餘黨趙匡而遁，韓親督諸將乘春瘴未生，薄松梓山，賊悉精銳下山迎敵，旗幟服色甚威，韓軍步騎夾擊，又縱火焚之，士皆攀崖上，賊巢蕩為煙埃，賊首張魔王自焚，斬千五百級，禽賊將十二，得所掠婦女牛馬及僞偽服物各數百計。三槍中箭，與敏軍遇，擊敗之，賊遁翼日，追及下黃，又敗之餘眾，向千餘，雜獮略盡。三槍僅以數十人遁，至與寧就禽，檻車載三槍等六人，斬隆興市。初，賊陸三路數州六十營，至是悉平。詔曰：「韓忠勤體國計慮精密，身任討捕之責，江閩東廣，訖底寧輯，乃進權工部侍郎，仍知隆興，兼江西安撫使，未幾，為工部侍郎，改江東安撫使，知建康府，兼行宮留守。二年，入奏，事帝稱其平寇功，韓頓首言曰：「臣不佞，徒有孤忠，仗陛下威靈，苟逃曠敗耳，何功之有。」遷權工部尚書，又權刑部尚書，沿江制置大使，依舊江東安撫使，知建康府，往來巡視鄂州江面，措置捍禦。三年，加寶謨閣學士。十月，詔選猛將精兵相視緩急，據地利，遏要衝，以伐姦謀。嘉熙元年，進煥章閣學士。四年，拜刑部尚書，辭免，加徽猷閣學士。知潭州，荆湖南路安撫使。淳祐四年，召為兵部尚書，遷禮部尚書，兼侍讀，兼同修國史，實錄院同修撰，拜端明殿學士，同簽書樞密院事，兼參知政事，尋拜參知政事，兼同知樞密院事。七年，知樞密院事，湖南安撫大使，兼知潭州。九年，以觀文殿學士福建安撫大使知福州，五上章辭，以舊職提舉洞霄宮。開慶元年，召赴闕，落致仕，充醴泉觀使，兼侍讀。景定元年，授福建安撫大使，兼

知福州，久之，提舉佑神觀，力請致仕，明年卒。年八十有三，贈少師，諡忠肅。崔福者，故羣盜，嘗為官軍所捕，會夜大雪，方與嬰兒同榻，兒寒啼不止，福不得寐，覺捕者至，因以故衣擁兒口，遂逸去。因隸軍籍，初從趙葵收李全有功，名重江淮，又累從韓捕賊，積功至刺史大將軍，後從韓留隆興，既而韓移金陵，而福猶在隆興，屬通判與郡僚燕滕王閣，福恚其不見，招道遇民，剽奪者，福攜其人直至飲所，責以郡官不理民事，糜諸卒盡碎飲具，官吏皆懼，恐竄去，莫敢嬰其鋒。韓知之，遂檄建康署為鈐轄，福又奪統制官王明鞍馬，及迫逐總領所監酒官，親屬，韓戒諭之不聽，會淮兵有警，步帥王鑑出師，鑑請福行，韓因厚遺之，福不樂為鑑用，遇敵不擊，託以葬女擅歸，亦不聞于制置司，鑑怒，遂白其前後過惡，請必正其慢令之罪，會韓亦厭忌之，遂坐以軍法，然後聲其罪于朝，且自劾專殺之罪，下詔獎諭免其罪，福勇悍善戰，頗著威聲，其死也，軍中惜之，時論以為良將難得，而韓以私忿殺之，然福跋扈之迹，已不可掩，殺身之禍，亦有以自取之也。

論曰：宋自嘉定以來，居相位者賢否不同，故執政者各以其氣類而用之，因其所就，而後世得以考其人焉。宣縉薛極者，史彌遠之腹心也，陳貴誼曾從龍鄭性之李性傳劉伯正皆無所附麗，李鳴復金淵者，史嵩之之羽翼也，鄒應龍無所考見，許應龍治郡見稱循良，林略所謂虛心從諫者，有益於人主矣。徐榮叟父子兄弟，皆為名臣，陳韓將帥才也，優於別之傑多矣。

宋史卷四百十九

元中書右丞相總裁脫脫等修

列傳第一百七十九

王伯大 鄭家 應麟 徐清叟

李曾伯 王埜 蔡抗 張礪

馬天驥 朱燿 饒虎臣 戴慶炳

皮龍榮 沈炎

王伯大字幼學福州人嘉定七年進士歷官主管戶部架閣遷國子正知臨江軍歲饑振荒有法遷國子監丞知信陽軍改知池州兼權江東提舉久之依舊直秘閣江東提舉常平仍兼知池州端平三年召至闕下遷尚右郎官尋兼權左司郎官遷右司郎官試將作監兼右司郎中兼提領鎮江建寧府轉般倉兼提領平江府百萬倉兼提領措置官田進直寶謨閣樞密副都承旨兼左司郎中進對言今天下大勢如江河之決日趨日下而不可挽其始也搢紳之論莫不交口誦詠謂太平之期可矯足而待也未幾則以治亂安危之制為言矣又未幾則置治安不言而直以危亂言矣又未幾則置危亂不言而直以亡言矣嗚呼以亡為言猶知有亡矣今也置亡而不言矣人主之患莫大乎處危亡而不知人臣之罪莫大乎知危亡而不言陛下親政五年于茲威德大業未能著見於天下而招天下之謗議者何其籍籍而未已也議逸欲之害德則天下將以陛下為商紂周幽之人主議威臣近習之撓政則天下將以朝廷為恭顯許史武韋仇魚之朝廷議姦僞佞朋之誤國則天下又將為漢黨錮元祐黨籍之君子數者皆犯前古危亡之轍迹忠臣懇惻而言之志士憤激而和之陛下雖日御治朝日親儒者日修辭飾色而終莫能弭天下之議言者執之而不肯置聽者厭之而不憚煩於是厭轉而為疑疑增而為忿忿極而為悞則罪言黷諫之意藏伏於陛下之胸中而凡忤己者皆可逐之人矣彼中人之性利害不出於一身莫不破厓絕角以阿陛下之所好其稍畏名義者則包羞闕默而有跋前疐後之憂若其無所顧戀者則皆攘袂遠引不願立于王之朝矣陛下試反

於身而自省曰吾之制行得無有屋漏在上知之在下者乎徒見斐昵之多選擇未已排當之聲時有流聞則謂精神之內守血氣之順軌未可也陛下又試于宮闈之內而加省曰凡吾之左右近屬得無有因微而入緣形而出意所狎信不復猜覺者乎徒見內降干請數至有司裏言除臣每實人口則謂浸潤之不行邪運之已塞未可也陛下又試於朝廷政事之間而三省曰凡吾之諸臣得無有譏說殄行震驚朕師惡直醜正側言改度者乎徒見剛方峭直之士昔者所進今不知其亡柔佞闖茸之徒適從何來而遽集於斯也則謂舉國皆惡臣聖朝無闕事未可也夫以陛下之好惡用舍非有招至人言之道及人言之來又復推而不受不知平日之際遇信任者肯為陛下分此謗乎無也陛下誠能布所失於天下而不必曲為之回護凡人言之所不貸者一朝赫然而盡去之務使蠹根悉拔孽種不留如日月之更如風雷之迅則天下之謗不改而自息矣陛下何憚何疑而不為此哉又極言邊事曲盡事情以直寶謨閣知婺州遷秘書少監拜司農卿復為秘書少監進太常少卿兼中書門下檢正諸房公事遷起居舍人升起居郎兼權刑部侍郎臣僚論罷以集英殿修撰提舉太平興國宮起再知婺州辭免復舊祠淳祐四年召至闕授權吏部侍郎兼權中書舍人尋為吏部侍郎仍兼權中書舍人兼侍讀時暫兼權侍右侍郎兼同修國史實錄院同修撰權刑部尚書尋為真七年拜端明殿學士簽書樞密院事兼權參知政事八年拜參知政事以監察御史陳瑛論罷以資政殿學士知建寧府寶祐元年卒

鄭家不詳何郡人初歷官為秘書省校書郎兼國史編修實錄檢討遷著作佐郎兼權侍右郎官升著作郎兼侍講拜右正言言丞相史嵩之以父憂去遽欲起之意甚厚也奈何謗議未息事關名教有尼其行帝答曰卿言雖切事理進退大臣豈易事也擢殿中侍御史疏言臺諫以糾察官邪為職國之紀綱係焉比劉漢弼劾奏司農卿謝遠陛下已行其言矣未及兩月忽復敘用何其速也漢弼雖亡官不可廢臣非為漢弼惜為朝廷惜也又奏劾王瓚龔基先胡清獻鷓鴣秩罷詞皆從之三人者不才臺諫也遷侍御史疏言比年以來舊章浸廢外

而諸閭不問勤勞之有無而爵秩皆得以例遷內而侍從不問才業之優劣而職位皆可以例進執政之歸休田里者與之貼職可也而凡補外者皆授之矣故自公侯以至節度有同序補自書殿以至祕閣錯立周行名器之輕莫此為甚無功者受賞則何以旌有功之士有罪者假寵則何以服無罪之人矧事變無窮而名器有限使名器常重於上則人心不敢輕視於下非才而罔功者不得觀幸於其間則負慷慨之氣懷功名之願者陛下始可得而鼓舞之矣遷左諫議大夫淳祐七年拜端明殿學士同簽書樞密院以監察御史陳求魯論罷淳祐九年五月卒案之居言路嘗按工部侍郎曹商主管吏部架閣文字洪芹則大傷公論云

應儼字之道慶元府昌國人刻志于學嘉定十六年試南省第一遂舉進士為臨江軍教授入為國子學錄兼莊文府教授遷太學博士又遷祕書郎請蚤建太子入對帝問星變儼請修實德以答天戒帝問州縣貪風儼曰貪黷由殉色而起成湯制官刑微有位首及於巫風淫風者有以也帝問藏書儼請訪先儒解經注史因及程迥張根所著書皆有益世教帝善之遷祕書省著作佐郎兼權尚左郎官兼翰林權直又遷著作郎仍兼職以言罷淳祐二年敘復奉祠遷宗正寺丞兼權禮部郎官兼國史編修實錄檢討以言罷差知台州召兼禮部郎官崇政殿說書遷祕書少監仍兼職兼權直學士院又遷起居舍人權兵部侍郎時暫兼權吏部侍郎兼直學士院帝一夕召儼草麻夜四鼓五制皆就帝奇其才遷吏部侍郎仍兼職進翰林學士兼中書舍人八年授同知樞密院事兼參知政事九年拜參知政事封臨海郡侯乞歸田里以資政殿學士知平江府提舉洞霄宮寶祐三年殿中侍御史丁大全論罷尋卒德祐元年詔復元職致仕

徐清叟字真翁煥章開學士應龍之子嘉定七年進士歷主管戶部架閣遷籍田令疏言邇者江右閩嶠盜賊竊發監司帥守未免少立威名專行誅戮此特以權濟事而已而偏州僻壘習熟見聞轉相倣效亦皆不俟論報輒行專殺欲望明行禁止一變臣下嗜殺希進之心以無墜祖宗立國仁厚之意遷軍器監

主簿入對言太后舉哀之日陛下以后服下同媵妾令別置大袖一襲文思院觀望欲如后飾再造其一以進詔卻之此真知嫡庶之辨者請宜付史館以垂法後世遷太常博士入對疏言陛下親政以來精神少振而氣脈未復條目畢舉而綱紀未張公道若伸而私意之未盡克者則亦風化之先務勸戒之大權與夫選用之要術猶有關略而未之講明者爾何謂風化之先務曰原人倫以釋羣惑者是已何謂勸戒之大權曰惜名器以示正義者是已何謂選用之要術曰因物望而進人才者是已蓋欲請復皇子竑王爵裁抑史彌遠恤典召用真德秀魏了翁也兼崇政殿說書遷祕書郎升著作佐郎兼權司封郎官遷軍器少監皆兼職依舊遷將作監拜殿中侍御史兼侍講遷太常少卿兼權戶部侍郎兼侍講三疏劾外給事中洪咨夔起居舍人吳泳皆抗疏留之尋權工部侍郎以右文殿修撰知泉州集英殿修撰知靜江府廣西經略安撫使遷侍右侍郎改知福建安撫使改知婺州以煥章閣直學士差知泉州辭免改知袁州又改知紹興府兩浙東路安撫使辭免改知潭州尋知廣州兼廣東經略安撫使召赴闕權兵部尚書兼侍讀淳祐九年兼同修國史實錄院同修撰權吏部尚書遷禮部尚書拜端明殿學士簽書樞密院事進同知樞密院事封晉寧郡公奏修四朝國史志傳五上章乞改機政帝不許十二年拜參知政事尋知樞密院事兼參知政事監察御史朱應元論罷以資政殿大學士提舉玉隆萬壽宮改洞霄宮復以監察御史朱熠論罷久之以舊職提舉洞霄宮開慶元年召赴闕以舊職提舉佑神觀兼侍讀出知泉州復提舉佑神觀景定三年轉兩官致仕卒贈少師諡忠簡清叟父子兄弟皆以風節相尚而清叟劾罷袁甫於公論少駭云

李曾伯字長孺覃懷人後居嘉興歷官通判濠州遷軍器監主簿添差通判鄂州兼沿江制置副使司主管機宜文字遷度支郎官授左司郎官淮西總領尋遷右司郎官太府少卿兼左司郎官兼勅令所刪修官遷太府卿淮東制置使兼淮西制置使詔軍事便宜行之曾伯疏奏三事蒼天心重地勢協人謀又言

邊餉貴於廣積將材貴於素儲賞與不可以不精戰士不可以不恤又條上淮
面舟師之所當戒湖而險阻之所當治加華文閣待制又加寶章閣直學士進
權兵部尚書淳祐六年正月朔日食曾伯應詔歷陳先朝因天象以謹護備圖
帥材乞早易閩寄放歸田里又請修浚泗州西城加煥章閣學士言者相繼論
罷九年以舊職知靜江府廣西經略安撫使兼廣西轉運使陳守邊之宜五事
准徽猷閣學士京湖安撫制置使知江陵府兼湖廣總領兼京湖屯田使進龍
圖閣學士疏言襄陽新復之地城池雖修浚田野未加闢宜慮雖草創市井未
阜誦請蠲租三年詔從之加端明殿學士兼慶路策應東閣進資政殿學士制
置四川邊面與執政恩例尋授四川宣撫使特賜同進士出身召赴闕加大學
士知福州兼福建安撫使辭免以大學士提舉洞霄宮起為湖南安撫大使兼
知潭州兼節度廣南移治靜江開慶元年進觀文殿學士以諫議大夫沈炎等
論罷景定五年起知慶元府兼沿海制置使咸淳元年殿中侍御史陳宗禮論
劾褫職德祐元年追復元官曾伯初與賈似道俱為閩帥邊境之事知無不言
似道卒嫉之使不竟其用云

王桎字子文寶章閣待制介之子也以父廢補官登嘉定十二年進士第仕潭
時帥真德秀一見異之延致幕下遂執弟子禮德秀欲授以詞學桎曰所以求
學者義理之奧也詞科惟強記者能之德秀益器重之紹定初汀邵盜作辟議
幕參贊攝邵武縣後復攝軍事盜起唐石親勒兵討之後為樞密院編修兼檢
討襄蜀事急議遣使講和時相依違不決史嵩之帥武昌首進和議桎言今日
之事宜先定規模并力攻守上疏言八事繼為副都承旨奏請出師絕和使命
淮東西夾攻不然利害將深理宗深然之令樞密院下三閩諭旨嘉熙元年輪
對采事係安危者四端而專以司馬光仁明武推說復推廣前所言八事以孝
宗講軍實激發帝意淳祐初自江西赴闕奏祈天永命十事嵩之起復傾國爭
之桎上疏乞聽終喪後又言嵩之當顯絕而終斥益嚴君子小人之限拜禮部
尚書奏十事終之曰陛下一心十事之綱領也前後奏陳皆明正剴切鑿鑿可
行其為兩浙轉運判官以察訪使出視江防首嘉興至京口增修官民兵船守

險備具為江西轉運副使知隆興府繼有宅命時以米綱不便就湖口造轉般
倉請事畢受代知鎮江府兼都大提舉浙西兵船江面幾千里調兵捍禦以守
江尤重于淮瓜洲一渡甚狹請免鎮江水軍調發專一守江置遊兵如呂蒙所
言將欲將萬人巡江上增創水艦就揚子江習水戰登山指麾之是冬揚子
橋有警急調湯孝信所領遊兵救之而退淳祐末遷沿江制置使江東安撫使
節度和州無為軍安慶府兼三郡屯田行宮留守巡江引水軍大閱舳艫相銜
幾三十里憑高望遠考求山川險阨謂要務莫如屯田講行事宜修飭行宮諸
殿室推京口法創遊擊軍萬二千蒙衝萬艘江上晏然寶祐二年拜端明殿學
士發書樞密院事封吳郡侯與宰相不合言者攻之以前職主管洞霄宮卒贈
七官位特進桎因德秀知朱熹之學凡熹門人高第必加敬禮知建寧府創建
安書院祠熹以德秀配有奏議文集若干卷桎工于詩書法祖唐歐陽詢書書
尤清勁

蔡抗字仲節處士元定之孫紹定二年進士其後差主管尚書刑工部架閣文
字召試館職遷秘書省正字升校書郎兼樞密院編修官遷諸王宮大小學教
授疏奏權姦不可復用國本不可不早定帝善其言遷樞密院編修官兼權屯
田郎官遷著作佐郎兼侍右郎官兼樞密院編修官尋兼國史院編修官實錄
檢討官江東提點刑獄加直秘閣特授尚書司封員外郎進直寶章閣尋加寶
謨閣移浙東召為國子司業兼資善堂贊讀兼玉牒所檢討官時暫兼侍立修
注官拜宗正少卿兼國子司業進直龍圖閣知隆興府試國子祭酒兼侍立修
注官拜太常少卿仍兼資善堂翊善權工部侍郎兼國史院編修官實錄院檢
討官遷工部侍郎時暫兼禮部侍郎兼權吏部尚書加端明殿學士同簽書樞
密院事差兼同提舉編修經武要略同知樞密院事拜參知政事落職子祠起
居郎林存請加寬削從之未踰年復端明殿學士提舉洞霄宮乞致仕轉一官
守本官職致仕卒諡文簡以犯祖諱更諡文肅

張礪字渭老福州人嘉定四年進士歷官辟點檢贍軍激賞酒庫所主管文字
差主管尚書吏部架閣遷太常博士宗正丞兼權兵部郎官遷國子祭酒時暫

兼權禮部侍郎尋為真兼國史編修實錄檢討加集英殿修撰差知婺州復為禮部侍郎權兵部尚書時暫兼權吏部尚書以右補闕程元鳳論罷寶祐三年復權刑部尚書兼侍讀拜端明殿學士簽書樞密院事升同知樞密院事兼參知政事五年拜參知政事進封長樂郡公轉三官守參知政事致仕九月卒遺表上贈少師

馬天驥字德夫衢州人紹定二年進士補簽書領南判官廳公事遷秘書省正字兼沂靖惠王府教授遷秘書省校書郎升著作佐郎輪對假司馬光五規之名條上時敵詞旨切直遷考功郎官入對言周世宗當天下四分五裂之餘一念振刷猶能轉弱為強陛下有能致之資乘可為之勢一轉移間耳遷秘書監直祕閣知吉州遷宗正少卿以祕閣修撰知紹興府主管浙東安撫司公事兼提舉常平權兵部侍郎授沿海制置使差知慶元府改知池州兼江東提舉常平改知廣東兼廣東經略安撫使寶祐四年遷禮部侍郎兼直學士院兼侍讀兼國子祭酒拜端明殿學士同簽書樞密院事封信安郡侯五年以殿中侍御史朱燦右正言戴慶焜監察御史吳衍翁應弼等論罷依舊職提舉洞霄宮景定元年知衢州以兵部侍郎章鑑論罷有旨依舊職予祠起知福州福建安撫使以職事修舉升大學士改知平江府又改知慶元府兼沿海制置使提舉洞霄宮祿職罷祠咸淳三年追奪執政恩數送信州居住四年放令自便後卒于家

朱燦温州平陽人端平二年武舉第一遷閣門舍人差知沅州改橫州復為閣門舍人知雷州入對為監察御史陳垓論罷臣僚復論降一官久之授帶御器械兼幹辦皇城司差知與國軍遷度支郎官拜監察御史兼崇政殿說書擢右正言殿中侍御史兼侍讀遷侍御史寶祐六年遷左諫議大夫拜端明殿學士簽書樞密院事同知樞密院事開慶元年拜參知政事兼權樞密院事景定元年知樞密院事兼參知政事兼太子賓客以舊職知慶元府沿海制置使奉祠為監察御史胡用虎論罷久之監察御史張桂常楙相繼糾劾送處州居住咸淳四年詔令自便五年侍御史章鑑復以為言驅之還鄉卒燦居言路彈劾最多一時名士若徐清叟呂中尤熒馬廷鸞亦皆不免云

饒虎臣字宗寧國人嘉定七年進士歷官遷將作監主簿差知徽州遷秘書郎升著作郎兼權右司郎官遷兵部郎官兼權左司郎官特授左司郎中遷司農少卿兼左司兼國史編修實錄檢討遷司農卿直龍圖閣福建轉運判官浙東提點刑獄拜太府卿兼中書門下檢正諸房公事以祕閣修撰兩浙轉運使權禮部侍郎尋為真時暫兼權侍右侍郎寶祐六年兼同修國史實錄院同修撰暫通攝吏部尚書拜端明殿學士同簽書樞密院事開慶元年同知樞密院事兼權參知政事景定元年拜參知政事殿中侍御史何夢然論罷以資政殿學士提舉洞霄宮夢然再劾之祿職罷祠四年仍復元官提舉太平與國宮卒

戴慶焜字彥可温州永嘉人淳祐十年進士歷官差主管戶部架閣文字召試館職遷秘書省正字兼史館校勘升校書郎遷右正言左司諫殿中侍御史升侍御史開慶元年拜右諫議大夫尋加端明殿學士簽書樞密院事兼權參知政事同知樞密院事兼參知政事未幾守本官致仕卒贈特進資政殿大學士皮龍榮字起霖一字季遠潭州醴陵人淳祐四年進士歷官主管吏部架閣文字遷宗學諭授諸王宮大小學教授兼資善堂直講入對請以改過之實易運化之名一過改而一善著百過改而百善融遷祕書郎升著作郎入對因及真德秀崔與之廉龍榮曰今天下豈無廉者願陛下崇獎之以風天下執賞罰之公以示勸懲帝以為然兼兵部郎官差知嘉興府召赴闕遷侍右郎官兼資善堂贊讀又遷吏部員外郎兼直講入對言忠王之學願陛下身教之於內帝嘉納遷將作監兼尚右郎官祕書少監兼吏部郎中宗正少卿起居郎兼權侍左侍郎兼給事中吏部侍郎兼贊讀封醴陵縣男遷集賢殿修撰提舉太平與國宮召見進刑部侍郎加寶章閣待制荆湖南路轉運使權刑部尚書兼胡善景定元年四月拜端明殿學士簽書樞密院進封伯權參知政事兼太子賓客二年拜參知政事仍兼太子賓客封壽沙郡公三年罷為湖南安撫使判潭州四年以資政殿大學士提舉洞霄宮以右正言曹孝慶論罷咸淳元年以舊職奉

祠殿中侍御史陳宗禮監察御史林拾先後論劾削一官。它日帝偶問龍榮安在。賈似道恐其召用。陰諷湖南提點刑獄李雷應劾之。雷應至官謁龍榮。龍榮託故不出。既退。又斥罵之。或以語雷應。不能平。遂疏其罪。又謂每對人言。有吾擁至尊于膝上之語。詔徙衡州居住。湖南提刑治衡州。龍榮恐不爲雷應所容。未至而歿。龍榮少有志略。精于春秋學。有文集三十卷。性忼直。似道當國。不肯降志。又以度宗舊學卒爲似道所擯。德祐元年復其官致仕。二年。太府卿柳岳乞加贈諡。未及行而宋亡。

沈炎字若晦。嘉興人。寶慶二年進士。調嵯縣主簿。廣西經略司准備差遣。湖南安撫司幹辦公事。討郴寇有功。改知金華縣。沿江制置司幹官。通判知州。沿江制置主管機宜文字。監三省樞密院門。樞密院編修官。爲監察御史。右正言。左司諫。殿中侍御史。侍御史。景定元年。拜右諫議大夫。加端明殿學士。同簽書樞密院事。兼太子賓客。二年。拜同知樞密院事。兼權參知政事。以資政殿學士提舉洞霄宮。三年。進大學士致仕。卒。贈少保。炎居言路。嘗按劾福建轉運使高斯得。觀文殿學士李曾伯。沿江制置司參謀官劉子澄。左丞相吳潛。然論罷。右丞相丁大全及其黨與。則爲公論也。

論曰。王伯大立朝直諫。鄭家沈炎居言路。不辨君子小人。皆彈拄之。吾不知其何說也。應餘清慎沒世。徐清叟風采凜乎班行之間。李曾伯之治邊。短于才者也。王桎得名父師。而其學問益光。蔡抗號爲君子。史闕其事。若張礪馬天驕。饒虎臣。未見卓然有可稱道者。戴慶炯皮龍榮登第皆未久。而位至執政。龍榮不附權臣。爲所擯斥而死。猶爲可取。慶炯無所稱述焉。朱熠在臺察如狂。綱。遇人輒噬之云。

宋史卷四百二十

元中書右丞相總裁脫脫等修

列傳第一百八十一

楊棟 姚希得 包恢 常挺

陳宗禮 常楸 家鉉翁 李庭芝

揚棟字元極眉州青城人紹定二年進士第二授簽書劍南西川節度判官廳公事未上下母憂服除遷荆南制置司改辟西川入為太學正丁父憂服除召試授秘書省正字兼吳益王府教授遷校書郎樞密院編修官入對言飛蝗蔽天願陛下始終一德庶幾感格天心消弭災咎又言邇來中外之臣如主兵理財聽其言無非可用跡其實類皆欺誣上下相蒙無一可信陛下先之以至誠而後天下之事可為也又言祖宗立國不恃兵財法惟恃民心固結而已願陛下常存忠厚之意勿用峻急之人理宗悅以臣僚言奉祠起知興化軍孔子之裔有居涵頭鎮者棟為建廟闢田訓其子弟遷福建提點刑獄尋加直秘閣兼權知福州兼本路安撫使遷都官郎官又遷左司郎官尋為右司郎官兼玉牒所檢討官除宗正少卿進對帝曰止是正心修身之說乎棟對曰臣所學三十年止此一說用之事親取友用之治凋郡察冤獄至為簡易時有女冠出入宮禁頗通請謁外廷多有以為言者棟上疏曰陛下何惜一女冠天下所側目而不亟去之乎帝不謂然棟曰此人密交小人甚可慮也又言京襄兩淮四川殘破郡縣之吏多是兵將權攝科取無藝其民可矜非陛下哀之誰責哀之帝從之遷太常少卿起居郎差知滁州以殿中侍御史周坦論罷起直龍圖閣知建寧府不拜提舉千秋鴻禧觀遷起居郎兼權侍左侍郎崇政殿說書繼遷吏部侍郎兼同修國史實錄院同修撰兼侍讀以集英殿修撰兼中書舍人兼侍講出知太平州以右補闕蕭泰來論罷依舊職提舉太平興國宮起知婺州召奏事以舊職奉祠度宗立為太子帝親擢棟太子詹事遷工部侍郎仍為詹事兼同修國史實錄院同修撰兼中書舍人兼直學士院權刑部尚書兼國子祭酒遷禮部尚書加端明殿學士同簽書樞密院事兼太子賓客進同知樞密院事

兼權參知政事拜參知政事台州守王華甫建上蔡書院言于朝乞棟為山主詔從之因卜居于台尋授資政殿學士知建寧府不拜以舊職提舉洞霄宮復依舊職知慶元府沿海制置使以監察御史胡用虎言罷仍奉祠加觀文殿學士知慶元府沿海制置使又不拜仍奉祠乃以資政殿大學士充萬壽觀使卒遺表上帝輟朝特贈少保棟之學本諸周程氏貧海內重望方買似道入相登用故老列之從官棟亦預焉及彗星見棟乃言蚩尤旗非彗也故為世所少云或謂棟姑為是言陰告于帝謀逐似道似道覺之遂蒙疑而去所著有崇道集平舟文集

姚希得字逢原一字叔剛潼川人嘉定十六年進士授小溪主簿待次三年朝夕討論六經諸子百家之言調磬石令會蜀有兵難軍需調度不擾而集更調嘉定府司理參軍改知蒲江縣巨室挾勢邑號難治希得綏疆扶弱聲聞著聞同知樞密院事游似以希得名聞召審察遷行在都進奏院通判太平州改福州徙步至侯官吏不知為通判也召為國子監丞遷大府寺丞時暫書擬全部文字兼沂靖王府教授時帝斥逐權姦收召名德舉朝相慶希得以為外觀形狀似若清明之朝內察脈息有類危亡之證乃上疏言堯舜三代之時無危亡之事而常喜危亡之言秦漢以來多危亡之事而嘗諱危亡之言夫危亡之事不可有而危亡之言不可亡後世人主乃履危如履坦諱言如諱病又言君子非不收召而意向猶未調一小人非不斥逐而根株猶未痛斷大權若操握而不能無旁蹊曲運之疑大勢若更張而未見有長治久安之道廷臣之所諷諫封囊之所奏陳非不激切而陛下固不之罪亦不之行自古甘蹈危亡之機非獨閣主而明君亦有焉此臣之所甚懼朝廷者萬化之所自出也實根於人君之一心夫何大明當天猶有可讓者內小學之建人皆知陛下有意建儲也然歲月逾邁未親施行人心危疑無所係屬秦漢而下嗣不蚤定事出倉卒或宮闈出令或宦寺主謀或姦臣首議此皆足以危人之國也陛下何憚而不蚤定大計耶第之威人皆知篤於親愛也然依馮者衆輕視王法請託之行捷於影響楊干晉侯第也亂行於曲梁而魏絳戮其僕晉侯始怒而終悔晉卒以霸平

原君趙王弟也。不出租稅。而趙奢刑其用事者。趙王賢而用之。趙卒以彊。皆足
 以興人之國也。陛下何為而不少伸國法。今女冠者流。眾所指目。近璫小臣。時
 竊威福。此皆陛下之心。乍明乍晦之所致。豈不謂之危乎。國有善類。猶人有元
 氣。善類一敗。一消。元氣一病。一衰。善類能幾。豈堪數消。消極則國隨之矣。陛下
 明於知人。公於用人。固無權姦再用之意。然道路之人。往往竊議。此元祐聖型
 將分之機也。禍根猶伏而未去。不幾於安其危乎。帝改容曰。朕決不用史嵩之。
 遷知大宗正丞。兼權金部郎官。李韶以病告。上疏欲去。希得言。韶有德望。雖
 以病告。曷若留奉內祠。侍經幄。亦足為朝廷重。又言。財用困竭。民生憔悴。移此
 不急之費。以實軍儲。以厚民生。敬天莫大於此。豈在崇大宮宇。莊嚴設像哉。又
 條救錢楮三策。請置惠民局。帝皆以為可行。進秘書丞。尋遷著作郎。授江西提
 舉常平。役法久壞。臨川富室有賂吏求免者。希得竟罪之。遂提點刑獄。加直秘
 閣。未幾。加度支員外郎。尋直寶章閣。移治贛州。盜有僞號。崔太尉者。據石壁。連
 結數郡。劉老龍等。聚眾焚掠。一方繹騷。希得指授方略。不五月平之。以直寶章
 閣。廣西轉運判官。兼權靜江府。尋授直徽猷閣。知靜江府。主管廣西經略。安撫
 司公事。兼轉運判官。母喪。免。召為秘書少監。兼中書門下省檢正。諸房公事。入
 對。言。君子小人邪正之辨。且曰。君子犯顏敢諫。拂陛下之意。退甘家食。此乃為
 國計。非為身計也。小人自植朋黨。擠排正人。甘言佞語。一切順陛下之意。遂取
 陛下官爵。此乃為身計。非為國計也。遷宗正少卿。兼國史編修。實錄檢討。兼權
 給事中。兼權刑部侍郎。同修國史。實錄院同修撰。時西方用兵。有為嵩之復出
 計者。謂非此人不能辦。帝有意再用之。希得必執之。出言論意。希得毅然具疏。
 密奏。不報。又繳鄧泳子祠之命。右正言邵澤。監察御史吳衍。殿中侍御史朱熠。
 相繼論罷。久之。以集英殿修撰。提點千秋鴻禧觀。未幾。依舊職。兩淮宣撫使。司
 判官。俄加寶謨閣待制。移京西湖南北四川。詔敘復元官。護江陵有功。召為戶
 部侍郎。帝曰。姚希得才望。可為閫帥。乃進煥章閣待制。知慶元府。沿海制置使。
 繼升數文閣待制。詔增沿海舟師。希得為之廣募水軍。造戰艦。蓄糧食。蠲米一
 萬二千石。舊遺一百萬。去官庫餘羨。悉以代民輸。召為工部尚書。兼侍讀。入侍

經筵。帝問慶元之政甚悉。以華文閣直學士。沿江制置使。知建康府。江東安撫
 使。行宮留守。希得按行江上。慰勞士卒。眾皆歡說。溧陽饑。發廩勸分。全活者眾。
 荆寧江軍。自建康太平至池州。列營置屋二萬餘間。屯戍七千餘人。帝聞之。一
 再降詔。獎諭。加寶章閣學士。尋加刑部尚書。依舊任。兼淮西總領。景定五年。召
 為兵部尚書。兼侍讀。乃言。用人。才。修政事。治兵甲。借財用。四事。拜端明殿學士。
 簽書樞密院事。兼太子賓客。會星變。上疏引咎。乞解機務。兼權參知政事。度宗
 即位。授同知樞密院事。兼權參知政事。尋授參知政事。以言罷。投資政殿學士。
 提舉洞霄宮。起知潭州。湖南安撫使。以疾甚辭。乃仍舊職。奉祠。請致仕。詔不許。
 力請。以資政殿大學士。金紫光祿大夫。依舊潼川郡公。致仕。咸淳五年卒。遺表
 聞。帝輟朝。贈少保。希得忠亮平實。清儉自將。好引善類。不要虛譽。蓋有誦薦于
 上。而其人莫之知者。廣西官署。以錦為蔽。希得曰。吾起身書生。安用此。命以
 繒纈易之。蜀之親族。嫗舊相依者數十家。希得廩之終身。昏喪。悉捐己力。晚年
 計口授田。各有差。所著有續言行錄。奏藁。橘州文集。
 包恢。字宏父。建昌人。自其父揚。世父約。叔父遜。從朱熹。陸九淵。學。恢少為諸父
 門人。講大學。其言高明。諸父驚焉。嘉定十三年。舉進士。調金谿主簿。邵武守。王
 遂。辟光澤主簿。平寇。建寧守。袁甫薦為府學教授。監虎翼軍。募士。豪討。唐石
 之寇。授軍。改沿海制置司。幹官。會歲饑。盜起。金壇。溧陽之間。恢部諸將。為十
 誅。夷之。沿江制置使。陳韓。辟為機宜。復有平寇功。改知吉州。采豐縣。未行。差發
 運幹官。福建安撫使。陳壇。檄平寇。還武學。諭宗正寺主簿。添差。通判。台州。徐鹿
 卿。討溫寇。辟兼提點刑獄。司。主管。文字。議收捕。改通判。臨安府。遷宗正寺主簿。
 知台州。有妖僧。居山中。號活佛。男女爭事之。因為姦利。豪貴風靡。恢誅其僧。進
 左司郎官。未行。改湖北提點刑獄。未行。移福建。兼知建寧。閩俗。以九月祠。五王
 生日。靡金帛。傾市。秦之。恢曰。彼非犬豕。安得一日而五子同生。非不祥者乎。而
 尊畏之。若是。眾感悟。為之衰止。兼轉運判官。以侍御史。周坦論罷。光州布衣。陳
 景夏。上書云。包恢。剛正不屈之臣。言者汗穢之耳。又四年。起為廣東轉運判官。
 權經略使。遷侍右郎官。尋為大理少卿。即日除直顯文閣。浙西提點刑獄。是時

海寇爲亂，恢單車就道，調許澈浦分屯建砦。一旦集諸軍討平之。嘉興史因和釋受賊百萬，恢被旨慮囚曰：吾用此消珍氣，乃減死斷其手，進直龍圖閣，權發運，升祕閣修撰。知隆興府，兼江西轉運。沈妖妓於水化爲狐，人皆神之。有母愬子者，年月後狀作疏字，恢疑之，呼其子至，泣不言，及得其情，母孀居與僧通，惡其子諫，以不孝坐之。狀則僧爲之也。因責子侍養，跣步不離，僧無由至，母乃託夫諱曰：入寺作佛事，以籠盛衣帛，因納僧於內，以歸。恢知之，使人要之，置籠公庫，逾旬，吏報籠中臭達于外，恢命沉於江，語其子曰：爲汝除此害矣。又姑死者，假子婦棺以斂，家貧不能償，婦懇于恢，恢怒，買一棺，給其婦臥棺中以試，就掩而葬之。改湖南轉運使，罷，景定初，拜大理卿，樞密都承旨，兼侍講，權禮部侍郎，尋爲中書舍人，林希逸奏恢守法奉公，其心如水，權刑部侍郎，進華文閣直學士，知平江府，兼發運，豪有奪民包舉田，寄公租誣上者，恢上疏，指爲以小民祈天永命之一事，帝覽奏惻然，罪任事者，即歸民田，召赴闕，辭，改知紹興，又辭，度宗即位，召爲刑部尚書，進端明殿學士，簽書樞密院事，封南城縣侯，郊祀禮成，還，以資政殿學士致仕，恢歷仕所至，破豪猾，去姦吏，治蠱獄，課益鹽，理銀欠，政聲赫然，嘗因輪對曰：此臣心惻隱所以深切爲陛下告者，陛下惻隱之心，如天地日月，其閉而食之者，曰近習，曰外戚，耳參知政事董槐見而歎曰：吾等有慚色矣。他日，講官因稱恢疏剴切，願容納，理宗欣然曰：其言甚直，朕何嘗怒直言，經筵奏對，誠實懇惻，至身心之要，未嘗不從容諄至，度宗至，比恢爲程顥程頤，恢侍其父疾，滌濯掃除之役，不命僮僕，年八十有七，臨終，舉盧懷慎臥實，窮約事，戒諸子斂以深衣，作書別親戚，而後卒，有光隕其地，遺表聞，帝輟朝，贈少保，諡文肅，賻銀絹五百。

常挺，字方叔，福州人，嘉熙二年進士，歷官爲太學錄，召試館職，遷祕書省正字，兼莊文府教授，升校書郎，輪對，乞以李若水配享高宗，改祕書郎，兼考功郎，官出知衢州，拜監察御史，兼崇政殿說書，疏言邊閫三事，曰：辟實才，曰：奏實功，曰：招實兵，朝廷二事，曰：選良吏，曰：擢正人，又言：願陛下深思宏遠之規模，奮發清明之志氣，立綱陳紀，必爲萬世之法程，昭德塞違，以示百官之憲度，還太常少

卿，兼國子司業，兼國史編修，實錄檢討，兼直舍人院，遷起居郎，權工部侍郎，兼直學士院，遷工部侍郎，給事中，右諫議大夫，陳堯道論罷，以寶章閣直學士知漳州，改知泉州，權兵部尚書，兼侍讀，權禮部尚書，兼同修國史，實錄院同修撰，進帝學發題，遷吏部尚書，咸淳三年，授同知樞密院事，兼權參知政事，封合沙郡公，拜參知政事，四年，致仕，尋卒，贈少保。

陳宗禮，字立之，少貧力學，袁甫爲江東提點刑獄，宗禮往問學焉，淳祐四年，舉進士，調邵武軍判官，入爲國子正，遷太學博士，國子監丞，轉祕書省著作佐郎，入對，言火不循軌，帝以星變爲憂，宗禮曰：上天示戒，在陛下修德布政，以回天意，又曰：天下方事於利欲之中，士大夫奔競趨利，惟至公可以遏之，兼考功郎，官，兼國史實錄院校勘，兼景獻府教授，升著作郎，遷尙左郎官，兼右司，時丁大全擅國柄，以言爲諱，宗禮歎曰：此可一日居乎，陛對言，願爲宗社大計，毋但爲倉廩府庫之小計，願得天下四海之心，毋但得左右便嬖戚畹之心，願寄腹心於忠良，毋但寄耳目於卑近，願四通八達以來正人，毋但旁蹊曲逕，類引貪濁，拜太常少卿，以直寶謨閣，廣東提點刑獄，進直煥章閣，遷祕書監，以監察御史，虞處言，追兩官送永州居住，景定四年，拜侍御史，直龍圖閣，淮西轉運判官，遷刑部尚書，以起居舍人曹孝慶言罷，度宗即位，兼侍講，拜殿中侍御史，疏言：恭儉之德，自上躬始，清白之規，自宮禁始，左右之言利者必斥，蹊隧之私獻者必誅，以詩進講，因奏帝王舉動無微不顯，古人所以貴於慎獨也，權禮部侍郎，兼給事中，進讀孝宗聖訓，因奏安危治亂，常起於一念慮之間，念慮少差，禍亂隨見，天下之亂，未有不起於微而成於著，又言：不以私意害公法，迺國家之福，帝曰：孝宗家法，惟賞善罰惡爲尤謹，宗禮言：有功不賞，有罪不罰，雖堯舜不能治天下，信不可不謹也，遷禮部侍郎，尋權禮部尚書，乞奉祠，帝曰：豈朕不足與有爲耶，以華文閣直學士知隆興府，再辭，依舊職與待次差遣，逾年，依舊職廣東經略安撫使，兼知廣州，加端明殿學士，簽書樞密院事，尋兼權參知政事，疏奏國所以立，曰：天命人心，因其警而加敬畏，天命未有不可回也，因其未墜而加綏定，人心未嘗不可回也，卒，官遺表上，贈開府儀同三司，盱江郡侯，諡文定，所

著有寄懷斐藁，曲轅散木集，兩朝奏議，經筵講義，經史明辨，經史管見，人物論，常楙字長孺，顯謨閣直學士同之曾孫，入太學，淳祐七年，舉進士，調常熟尉，公廉自持，不畏疆禦，部使者交薦之，調婺州推官，疏決滯訟，以刺繁裁劇稱，臨安府尹馬光祖又薦於朝，辟差平江府百萬倉檢察，不受和糴事例，戢吏卒苛取，發運使趙與憲兼提點刑獄，屬楸檢覆雪無錫翟氏冤獄，監江淮茶鹽所，蕪湖局，不受商稅贏，光祖益敬之，改知嘉定縣，歲大水，勸分和糴，按籍均數，發運使王燾提點刑獄，孫子秀俱特薦于朝，簽書臨安府判官，不為權勢撓，有為淮東提舉常平，辟楸提管，楸知其不可與共事，笑而卻之，未幾，政府強楸行，遂拂衣去，朝野高之，主管城南廂，聽訟嚴明，豪右益憚之，都城火後，瓦礫充斥，差民船徙運在籍者百五十家，惟二十有五家應役，餘率為勢要，官官所庇，楸悉追之，不服者，杖其人械于他所，無不聽命，又力拒戶部科買，葉夢鼎陳昉深期獎焉，添差臨安通判，朝命鞠封椿庫吏范成獄，不肯承廟堂風旨，無辜者悉出之，知廣德軍，郡有水災，發社倉粟以活饑民，官吏難之，楸先發而後請專命之罪，置慈幼局，立先賢祠，故事郡守秋苗例，可得米千石，適以代屬贖價，大農綱欠拜監察御史，知無不言，嘗論天變，及買似道家爭田事，論繼皇子竝嗣，觸度宗怒，遷司農卿，尋為兩浙轉運使，禁戢吏姦，不以急符督常賦，海鹽歲為鹹潮害稼，楸請于朝，捐金發粟，復輟已帑，大加修築，新塘三千六百二十五丈，名曰海晏塘，是秋風濤大作，塘不浸者尺許，民得奠居，歲復告稔，邑人德之，遷戶部侍郎，受四方民詞，務通下情，兼中書門下省檢正諸房公事，兼刑部侍郎，極論檢覆之弊，上進故事，首論雷雪非時之變，帝意不悅，勾詞不許，以集英殿修撰知平江，值旱，故事郡守合得緡錢十五萬，悉以為民食，軍餉助緡苗九萬，稅十三萬，版帳十六萬，又蠲新苗二萬八千，大寬公私之力，飛蝗幾及境，疾風飄入太湖，節浮費，修府庫，既代，有送還事例，自給史吏外，餘金萬楮，楸悉不受，吏驚曰：人言常侍郎不愛錢，果然，改浙東安撫使，值水災，捐萬楮以振之，復請糴于朝，得米萬石，蠲新苗三萬八千，又以諸暨被水尤甚，給二萬楮付縣折運，民食不至乏絕，民各祀于家，兩浙及會稽山陰死者暴露，與貧而無以為殮者，適以十萬

楮置普惠庫，取息造棺以給之，尋以刑部侍郎召，申明期赦，敘改法，與廟堂爭可否，辨偽關獄，救八倉虧欠，免死罪，平反天井巷殺人獄，全活者甚眾，兼給事中，封還隆國夫人從子黃進觀察使錄黃，帝怒，似道以御書令委曲書行，楸迄不奉命，以寶章閣待制提舉太平興國宮，德祐元年，拜吏部尚書，以老病辭，累詔不許，專官趣行甚峻，楸入見，首言嘗川之變，非其本心，置之死過矣，不與立後，又過矣，巴陵帝王之胄，生不得正命，死不得血食，沉寃幽憤，鬱結四五十年之久，不為妖為札於冥冥中者幾希，願陛下勿搖浮議，特發神斷，宗社幸甚，於是詔國史院討論典故，以開明堂禮成，進端明殿學士，提領戶部財用，特與執政恩數，楸以國步方艱，非臣子貪榮之時，力辭恩數，與廟堂議事不合，以疾謁告，二年春，拜參知政事，為夏士林繳駁，拜疏出關，後六年卒。

家鉉，翁眉州人，以廕補官，累官知常州，政譽翕然，遷浙東提點刑獄，入為大理少卿，直華文閣，以秘閣修撰充紹興府長史，遷樞密都丞，知建寧府，兼福建轉運副使，權戶部侍郎，兼知臨安府，浙西安撫使，遷戶部侍郎，權侍右侍郎，仍兼樞密都丞，賜進士出身，拜端明殿學士，簽書樞密院事，大元兵次近郊，丞相吳堅買餘慶檄告天下，守令以城降，鉉翁獨不署，元帥遣使至，欲加縛，鉉翁曰：中書省無縛執政之理，堅奉表祈請于大元，以鉉翁介之，禮成，不得命，留館中，聞宋亡，旦夕哭泣，不食飲者數月，大元以其節高，欲尊官之，以示南服，鉉翁義不二君，辭無詭對，宋三宮北還，鉉翁再率故臣迎謁，伏地流涕頓首，謝奉使無狀，不能感動上衷，無以保存其國，見者莫不歎息，文天祥女弟坐兄故繫，奚官鉉翁傾囊中裝贖出之，以歸其兄，璧鉉翁狀貌奇偉，身長七尺，被服儼雅，其學邃於春秋，自號則堂，改館河間，迺以春秋教授弟子，數為諸生談宋故事及宋興亡之故，或流涕太息，大元成宗皇帝即位，放還，賜號處士，錫資金幣，皆辭不受，又數年以壽終。

李庭芝，字祥甫，其先汴人，十二世同居，號義門李氏，後徙隨之應山縣，金亡，襄漢被兵，又徙隨，然特以武顯庭芝生時，有芝產屋棟，鄉人聚觀，以為生男祥也，遂以名之，少穎異，日能誦數千言，而智識恆出長老之上，王旻守隨，庭芝年十

入告其諸父曰。王公貪而不恤。下多怨之。隨以亂。請徙家德安以避。諸父勉強從之。未浹旬。果爲部曲挾之以叛。隨民死者甚衆。嘉熙末。江防甚急。庭芝得擲舉不行。以策干荆帥孟珙。請自効。珙善相人。且夜夢車騎。稱李尙書。謁己明日。庭芝至。珙見其魁偉。顧諸子曰。吾相人多無如李生者。其名位當過我。時四川有警。即以庭芝權施之。建始縣。庭芝至。訓農治兵。選壯士雜官軍教之。期年。民皆知戰守。善馳逐。無事則植戈而耕。兵至則悉出而戰。變帥下其法於所部行之。淳祐初。始去舉進士中第。辟珙幕中。主管機宜文字。珙卒。遺表舉珙似道自代。而薦庭芝於似道。庭芝感珙知己。扶其柩葬之。與國。卽棄官歸。爲珙行三年喪。似道鎮京湖。起爲制置司參議。移鎮兩淮。與似道議柵清河五河口。增淮南烽百二十。繼知濠州。復城荆山。以備淮南。皆切中機會。開慶元年。似道宣撫京湖。留庭芝權揚州。尋以大兵在蜀。奏知峽州以防蜀江口。朝廷以趙與憲爲淮南制置。李應庚爲參議官。應庚發兩路兵城南城。大暑中。喝死者數萬。李瑄窺其無謀。奪漣水三城。渡淮奪南城。鄂兵解。庭芝丁母憂去。朝議擇守揚者。帝曰。無如李庭芝。乃奪情主管兩淮制置司事。庭芝再破瑄兵。殺瑄將厲元帥夷南城而歸。明年。復敗瑄于喬村。破東海石圍等城。又明年。瑄降。徙三城民於通泰之間。又破蘄縣。殺守將。庭芝初至揚時。揚新遭火。廬舍盡燬。州賴鹽爲利。而亭戶多亡去。公私蕭然。庭芝悉貸民負逋。假錢使爲屋。屋成。又免其假錢。凡一歲。官民居皆具。鹽河四十里。入金沙餘慶場。以省車運。兼浚他運河。放亭戶負鹽二百餘萬。亭民無車運之勞。又得免所負。逃者皆來歸。鹽利大興。始平山堂殿揚城。大元兵至。則構望樓其上。張車弩以射城中。庭芝乃築大城包之。城中募汴南流民二萬人以實之。有詔命爲武銳軍。又大修學。爲詩書俎豆。與士行習射禮。郡中有水旱。卽命發廩。不足則以私財振之。揚民德之。如父母。劉槃自淮南入朝。帝問淮事。槃對曰。李庭芝老成謹重。軍民安之。今邊塵不驚。百度具舉。皆陛下委任得人之效也。咸淳五年。北兵圍襄陽急。夏貴入援。大敗虜尾州。范文虎總諸兵再入。又敗。文虎以輕剋通。兵亂。士卒溺漢水死者甚衆。冬。命庭芝以京湖制置大使督師援襄陽。文虎聞庭芝至。貽書似道曰。吾將兵數萬。

入襄陽。一戰可平。但無使聽命於京闈。事成則功歸恩相矣。似道喜。卽除文虎福州觀察使。其兵從中制之。文虎日攜美妾走馬擊毬。軍中爲樂。庭芝屢欲進兵。曰。吾取旨未至也。明年六月。漢水溢。文虎不得已。始一出師。未至鹿門。中道遁去。庭芝數自劾請代。不允。竟失襄陽。陳宜中請誅文虎。似道庇之。止降一官。知安慶府。而貶庭芝及部將蘇劉義范友信廣南。庭芝罷居京口。未幾。大元兵圍揚州。制置印應雷暴死。卽起庭芝制置兩淮。庭芝請分淮西夏貴而已。得專力淮東。從之。十年。築清河口。詔以爲清河軍。十二月。大元兵破鄂。詔天下勦王庭芝首遣兵爲諸道倡。德祐元年春。似道兵潰蕪湖。沿江諸郡或降或遁。無一人能守者。庭芝率所部郡縣城守。有李虎者。持招降榜入揚州。庭芝誅虎焚其榜。總制張俊出戰。持孟之縉書來招降。庭芝焚書。梟俊五人於市。而日調苗再成戰。其南。許文德戰其北。姜才施忠戰其中。時出金帛牛酒燕犒將士。人人爲之死鬪。朝廷亦以督府金勞之。加庭芝參知政事。七月。以知樞密院事徵入朝。徙夏貴知揚州。貴不至。事遂已。十月。大元丞相伯顏入臨安。留元帥阿朮軍鎮江。以遏淮兵。阿朮攻揚久不拔。乃築長圍困之。冬。城中食盡。死者滿道。明年二月。饑益甚。赴濠水死者日數百。道有死者。衆爭割啖之。立盡。宋亡。謝太后及瀛國公爲詔諭之。降。庭芝登城曰。奉詔守城。未聞有詔諭降也。已而兩宮入朝。至瓜洲。復詔庭芝曰。比詔卿納款。日久未報。豈未悉吾意。尙欲固圍邪。今吾與嗣君既已臣伏。卿尙爲誰守之。庭芝不荅。命發弩射使者。斃一人。餘皆退去。姜才出兵奪兩宮不克。復閉城守。三月。夏貴以淮西降。阿朮驅降兵至城下。以示之。旌旗蔽野。幕客有以言規庭芝者。庭芝曰。吾惟一死而已。阿朮使者持詔來招降。庭芝開壁納使者。斬之。焚詔。障上。已而知淮安州許文德。知盱眙軍張思聰。知泗州劉興祖。皆以糧盡降。庭芝猶括民間粟以給兵。粟盡。令官人出粟。粟又盡。令將校出粟。雜牛皮麪藥以給之。兵有烹子而食者。猶日出苦戰。七月。阿朮請赦庭芝焚詔之罪。使之降。有詔從之。庭芝亦不納。是月。益王遣使以少保左丞相召庭芝。庭芝以朱煥守揚。與姜才將兵七千人東入海。至泰州。阿朮將兵追圍之。朱煥旣以城降。驅庭芝將士妻子至泰州城下。種將孫貴。胡惟孝等開。

門降。庭芝聞變，赴運池。水淺不得死，被執至揚州。朱煥請曰：「揚自用兵以來，積骸滿野，皆庭芝與才所爲，不殺之何俟？於是斬之。」死之日，揚之民皆泣下。有宋應龍者，爲泰州諮議官，泰守孫良臣之弟。舜臣自軍中來說降，良臣召應龍與計。應龍極陳國家恩澤，君臣大義，請殺舜臣以戒持二心者。良臣不得已殺之。及泰州降，應龍夫婦自經死。提刑司諮議褚一正置司高郵，督戰被創沒水死。知興化縣胡拱辰，城破亦死。

論曰：楊棟學本伊洛，而尼於權臣，速謗召尤，誰之過歟？姚希得，藹然君子，包恢以嚴爲治，抑以衰世之民，非可以縱弛待之耶？常挺陳宗禮，咸通濟著聲望，常淋晚訟皇子竑事，光明正大，公義炳然，家鉉翁義不二君，足爲臣軌。李庭芝死於國難，其可憫哉。

宋史卷四百二十一

元中書右丞相總裁脫脫等修

列傳第一百八十一

林勳 劉才邵 許忻 應五明

曾三聘 徐僑 度正 程瑛

牛大年 陳仲微 梁成大 李知孝

林勳，賀州人。政和五年進士，為廣州教授。建炎三年八月，獻本政書十三篇，言國家兵農之政，率因唐末之故。今農貧而多失職，兵驕而不可用，是以饑民竄卒，類為盜賊。宜假古井田之制，使民一夫占田五十畝，其有羨田之家，毋得市田。其無田與游惰未作者，皆驅之使為隸農，以耕田之羨者而雜錢穀，以為十一之稅。宋二稅之數，視唐增至七倍。今本政之制，每十六夫為一井，提封百里為三千四百井，率稅米五萬一千斛，錢萬二千緡，每井賦二兵馬一匹。率為兵六千四百人，馬三千四百匹。歲取五之一，以為上番之額，以給征役。無事則又分為四番，以直官衛，以給守衛。是民凡三十五年而役使一遍也。悉上則歲食米萬九千餘斛，錢三千六百餘緡，無事則減四分之一。皆以一同之租稅供之。匹婦之貢絹三尺，綿一兩，百里之縣，歲收絹四千餘疋，綿三千四百斤。非蠶鄉則布六尺，麻二兩。所收視絹綿率倍之。行之十年，則民之口算、官之酒酤，與凡茶鹽香礬之權，皆可弛，以予民。其說甚備。書奏，以勳為桂州節度掌書記。其後勳又獻比較書二篇，大略謂桂州地東西六百里，南北五百里，以古尺計之，為方百里之國四十。當墾田二百二十五萬二千八百頃，有田夫二百四萬八千。出米二十四萬八千斛，祿卿大夫以下四千人，祿兵三十萬人。今桂州墾田約萬四十二頃，丁二十一萬六千六百一十五。稅錢萬五千餘緡，苗米五萬二千斛。有奇。州縣官不滿百員，官兵五千一百人。蓋土地荒蕪，而遊手末作之人衆，是以地利多遺，財用不足。皆本政不修之故。朱熹甚愛其書。東陽陳亮曰：勳為此書，考古驗今，思慮周密，可謂勳矣。世之為井田之學者，孰有加於勳者乎。要必有英雄特起之君，用於一變之後，成順致利，則民不駭，而可以善其後矣。

劉才邵，字美中，吉州廬陵人。其上世鶚，太宗召見，未及用而卒。嘗憤五季文辭卑弱，做楊雄法言，著法語八十一篇行於世。才邵以大觀二年，上舍釋褐，為贛汝二州教授。復為湖北提舉學事，管幹文字。宣和二年，中弘詞科，遷司農寺丞。靖康元年，遷校書郎。高宗即位，以親老歸侍。居闕十年，御史中丞廖剛薦之，召見。遷秘書丞，歷駕部員外郎，遷吏部員外郎，典侍右選事。先是宗室注宮觀岳廟，例須赴部。遠者或難於行，才邵言：許經所屬以闕于部，依條注擬，行之而便。遷軍器監。既而遷起居舍人，未幾為中書舍人，兼權直學士院。帝稱其能文，時宰忌之，出知漳州。即城東開渠十有四，為陂與斗門，以潄匯決。溉田數千畝，民甚德之。兩奉祠，紹興二十五年，召拜工部侍郎，兼直學士院，尋權吏部尚書。以疾請祠，加顯謨閣直學士，卒。贈通奉大夫。才邵氣和貌恭，方權臣用事之時，雍容避，以保名節。所著松溪居士集行世。

許忻，拱州人。宣和三年進士。高宗時為吏部員外郎，有旨引見。是時金國使人張通古在館，忻上疏極論和議不便。曰：臣兩蒙召見，擢實文館。今茲復降密旨引對，今見陛下於多故之時，欲采千慮一得之說，以廣聰明。是臣圖報萬分之秋也。故敢竭愚而效忠。臣聞金使之來，陛下以祖宗陵寢廢祀，徽宗皇帝顯肅皇后梓宮在遠，母后春秋已高，久闕晨昏之奉。淵聖皇帝與天族還歸無期，欲屈己以就，和遣使報聘，茲事體大，固已詔侍從臺諫各具所見聞矣。不知侍從臺諫皆以為可乎，抑亦可否雜進，而陛下未有所擇乎。抑亦金已恭順，不復邀我以難行之禮乎。是數者臣所不得而聞也。請試別白利害，為陛下詳陳之。夫人始入寇也，固嘗云：講和矣。靖康之初，約肅王至大河而返，已而挾之北行，訖無音耗。河朔千里，焚掠無遺。老稚係纒而死者億萬計。復破威勝、隆德等州。淵聖皇帝嘗降詔書，謂金人渝盟必不可守。是歲又復深入，朝廷制置失宜，都城遂陷。敵情狡甚，懼我百萬之衆，必以死爭也。止我諸道勤王之師，則又曰：講和矣。乃邀淵聖出郊，次邀徽宗繼往，迫取宗族，殆無虛日。傾竭府庫，靡有孑遺。公卿大臣，類皆拘執，然後偽立張邦昌而去。則是金人所謂講和者，果可信乎。此已然之禍，陛下所親見。今徒以王倫繆悠之說，遂誘致金人責我，以必不可

行之禮而陛下遂已屈己從之臣是以不覺涕泗之橫流也而彼以詔諭江南為名而來則是飛尺書而下本朝豈講和之謂哉我躬受之真為臣妾矣陛下方寢苦枕塊其忍下穹廬之拜乎臣竊料陛下必不忍為也萬一奉其詔令則將變置吾之大臣分部吾之諸將邀求無厭靡有窮極當此之時陛下欲從之則無以立國不從之則復責我以違令其何以自處乎況犬羊之羣驚動我陵寢戕毀我宗廟劫遷我二帝據守我祖宗之地塗炭我祖宗之民而又徽宗皇帝顯肅皇后變與不返遂致萬國痛心是謂不共戴天之讎彼意我之必復此讎也未嘗頃刻而忘圖我豈一王倫能平哉方王倫之為此行也雖閭巷之人亦知其取笑外夷為國生事今無故誘狂敵悖慢如此若猶倚信其說而不寤誠可慟哭使賈誼復生謂國有人乎哉無人乎哉古之外夷固有不得已而事之以皮幣事之以珠玉事之以犬馬者曷嘗有受其詔惟外夷之欲是從如今日事哉脫或包羞忍恥受其詔諭而彼所以許我者不復如約則徒受莫大之辱貽萬世之讎縱使如約則是我今日所有土地先拱手而奉外夷矣祖宗在天之靈以謂如何徽宗皇帝顯肅皇后不共戴天之讎遂不可復也豈不痛哉陛下其審思之斷非聖心所能安也自金使入境以來內外惶惑儻或陛下終以王倫之說為不妄金人之詔為可從臣恐不惟墮外夷之彀計而意外之虞將有不可勝言者矣此衆所共曉陛下亦嘗慮及於此乎國家嘗兩敗外夷於淮甸雖未能克復中原之地而大江之南亦足支吾軍聲相震國勢相定故金人因王倫之往復遣使來嘗試朝廷我若從其所請正墮計中不從其欲且厚攜我之金幣而去亦何適而非彼之利哉為今之計獨有陛下幡然改慮布告中外以收人心謂祖宗陵寢廢祀徽宗皇帝顯肅皇后梓宮在遠母后淵聖宗枝族屬未還故遣使迎請冀遂南歸今敵之來邀朝廷以必不可從之禮實王倫賣國之罪當行誅責以釋天下之疑然後激厲諸將謹捍邊陲無墮敵計進用忠正黜遠姦妄以振紀綱以修政事務為實效不事虛名夕慮朝謀以圖興復庶乎可矣今金使雖已就館謂當別議區處之宜臣聞萬人所聚必有公言今在廷百執事之臣與中外一心皆以金人之詔為不可從公言如此陛下獨

不察乎若夫謂黏罕之已死外夷內亂契丹林牙復立故今金主復與我平等語是皆行詐欺我師之計非臣所敢知也或者又謂金使在館今稍恭順如臣之所聞又何其悖慢於前而遽設恭順於後敵情變詐百出豈宜惟聽其甘言遂忘備豫之深計待其禍亂之已至又無所及此誠切於事情今日之舉存亡所繫愚衷感發不能自己望鑒其惓惓之忠特垂采納更與三三大臣熟議其便無貽異時之悔社稷天下幸甚疏入不省後忻託故乞從外補乃授荆湖南路轉運判官謫居撫州起知邵陽卒

應孟明字仲實婺州永康人少游太學登隆興元年進士第試中教官調臨安府教授繼為浙東安撫司幹官樂平縣丞待御史葛郊監察御史王蘭薦為詳定一司勅令所刪定官輪對首論南北通好疆場無虞當選將練兵常如大敵之在境而可以一日忽乎貪殘苛酷之吏未去吾民得無不安其生者乎賢士匿於下僚忠言壅於上聞無乃衆正之門未盡開而兼聽之意未盡乎乎君臣之間戒懼而不自持勤勞而不自寧進君子退小人以民隱為憂以邊陲為警則政治自修紀綱自張矣孝宗曰朕早夜戒懼無頃刻忘退朝之暇亦無它好正恐臨朝或稍晏則萬幾之曠自此始矣乞申嚴監司庇貪吏之禁薦舉徇私情之禁帝嘉獎久之它日宰相進擬帝出片紙於堂中書二人姓名曰卿何明不及此其一則孟明也乃拜大理寺丞故大將李顯忠之子家僮溺死有司誣以殺人逮繫幾三百家孟明察其冤白於長官釋之出為福建提舉常平陛辭帝曰朕知卿愛百姓惡賊吏事有不便于民宜悉意以聞因問當世人才孟明對曰有才而不學則流為刻薄惟上之教化明取舍正使回心向道則成就必倍於人帝曰誠為人上者之責孟明至部具以臨遣之意咨訪之帝一日御經筵因論監司按察類謂講讀官曰朕近日得數人應孟明其最也尋除浙東提點刑獄以鄉部引嫌改使江東會廣西謀帥帝謂輔臣曰朕熟思之無易應孟明者即以手筆賜孟明曰朕聞廣西鹽法利害相半卿到任自可詳究事實進直秘閣知靜江府兼廣西經略安撫初廣西鹽易官般為客鈔客戶無多折閱逃避遂抑配於民行之六年公私交病迫逮禁錮民不聊生孟明條具驛奏

闕逃避遂抑配於民行之六年公私交病迫逮禁錮民不聊生孟明條具驛奏

除其弊詔從之。禁卒朱與結集黨侶，弄兵雷化間，聲勢漸長。孟明遣將縛致轅門斬之。光宗即位，遷浙西提點刑獄，尋召爲吏部員外郎，改左司。遷右司，再遷中書門下省檢正諸房公事。寧宗即位，拜太府卿兼吏部侍郎。慶元初，權吏部侍郎，卒。孟明以儒學奮身，受知人主，官職未嘗倖遷。韓侂胄嘗遣其密客，誘以諫官，俾誣趙汝愚，孟明不答。士論以此重之。

曾三聘，字無逸，臨江新淦人。乾道二年進士，調贛州司戶參軍。累遷軍器監主簿，有旨造划車弩。三聘謂划車弩六人挽之，而箭之所及，止二百六十步。今所用克敵弓較之，工費不及十之二。一人挽之而射可及三百六十步，利害曉然，乃不果造。光宗不朝重華宮，中外疑懼。三聘以書抵丞相留正，正未及言，會以他事不合求去。三聘謂丞相今泯默而退耶，亦將取今日所難言者，別白言之。而後退。凡今闕庭之內，閨門祗席之間，父子夫婦之際，羣臣莫敢深言者，避嫌遠罪耳。丞相身退計決，言之何嫌乎。遷秘書郎，帝欲幸玉津園，三聘上疏言：「今人心既離，大亂將作，小大之臣震怖請命，而陛下安意肆志而弗聞知，萬一敵人諜知，馳一介之使，問安北宮，不知何以答之。姦宄窺聞，傳一紙之檄，指斥乘輿，不知何以禦之。望亟備法駕朝謁，不然，臣實未知死所也。」孝宗病革，復上疏言道路流言，洵洵日甚。臣恐不幸而有狂夫姦人，託忠憤以行詐，假曲直以動衆。至此而後悔之，則恐無及矣。帝意爲動，及孝宗崩，帝疾不能執喪，朝論益震。洵三聘謂今日事勢莫若建儲，或戒之曰：「前日臺諫諸公謂汝奪其職，今復有疏耶。」三聘曰：「此何時而可避煩言也。」寧宗立，兼考功郎，後知鄧州。會韓侂胄爲相，指三聘爲故相趙汝愚腹心，坐追兩官。久之，復元官與祠。差知郴州，改提點廣西湖北刑獄，皆辭不赴。侂胄誅諸賢，遺戍斥者相繼召用，三聘祿不及終，不自言。嘉熙間，三聘已卒，有旨特贈三官，直龍圖閣，賜諡忠節。

徐僑，字崇甫，婺州義烏人。蚤從學於呂祖謙。門人葉邦淳，熙十四年舉進士，調上饒主簿。始登朱熹之門，熹稱其明白剛直，命以毅名齋入爲祕書省正字。校書郎兼吳益王府教授。直寶謨閣。江東提點刑獄，以忤丞相史彌遠劾罷。寶慶初，葛洪番行簡代爲請祠，迄不受。祿紹定中，告老得請。端平初，與諸賢俱被召。

遷祕書少監。太常少卿趣入朝，手疏數千言，皆感憤剴切。上刷主關，下逮羣臣，分別黑白，無所回隱。帝數慰諭之，顧見其衣履垢敝，愀然謂曰：「卿可謂清貧。」僑對曰：「臣不貧，陛下迺貧耳。」帝曰：「朕何爲貧？」僑曰：「陛下國本未建，疆宇日蹙，權幸用事，將帥非材，旱蝗相仍，盜賊並起，經用無藝，帑藏空虛，民困於橫斂，軍怨於掎克。羣臣養交，而天子孤立，國勢阽危，而陛下不悟，臣不貧，陛下迺貧耳。」又言：「今女謁閹宦，相爲囊橐，誕爲二豎，以處國膏肓，而執政大臣，又無和緩之術，陛下此之不慮，而耽樂是從，世有扁鵲，將望見而卻走矣。時貴妃閻氏，方有寵，而內侍董宋臣，表裏用事，故僑論及之。帝爲之感動，改容咨嗟，太息明日，手詔罷邊帥之尤無狀者，申徹羣臣，以朋黨爲之戒，命有司裁節中外浮費，而賜僑金帛甚厚。僑固辭不受，侍講開陳，友愛大義，用是復皇子竦爵，請從祀周敦頤。程頤、程頤、張載、朱熹，以趙汝愚侑食，寧宗帝皆如其請。金使至，僑以無國書宜館之於外，如叔向辭鄭故事，迺丞相意，力勾休致。帝諭留其動，遷工部侍郎，辭益堅，遂命以內祠侍讀，不得已就職。遇事盡言，以疾申前請，乃以寶謨閣待制奉祠。卒。諡文清。僑嘗言：「比年熹之書滿天下，不過割裂掇拾，以爲進取之資，求其專精篤實，能得其所言者，蓋鮮。故其學一以真踐實履爲尙，奏對之言，剖析理欲，因致勸懲，弘益爲多。若其守官居家，清苦刻厲之操，人所難能也。」

度正，字周卿，合州人。紹熙元年進士，歷官爲國子監丞。時士大夫無賢愚，皆策李全必反而不敢言，正獨上疏極言之。且獻整全之策有三，其言鏗亮激切，遷軍器少監，輪對言陛下推行聖學，當自正家始。進太常少卿，適太廟災，爲二說以獻。其一則用朱熹之議，其一則因宋朝廟制而參以熹之議。自西祖東爲一列，每室之後爲一室，以藏祧廟之主，如傳祖廟以次祧主，則藏之昭居左，穆居右。後世穆之祧主藏太祖廟，昭之祧主藏太宗廟，仁宗爲百世不遷之宗，後世昭之祧主則藏之，高宗爲百世不遷之宗，後世穆之祧主則藏之，室之前爲兩室，三年祫享，則帷帳幕之，通爲一室，盡出諸廟主及祧廟主並爲一列，合食其上。往者此廟爲一室，凡遇祫享合祭於室，各爲合享而實未嘗合享，增此三室，後有藏祧主之所，前有祖宗合食之地，於本廟之制初無更革，而頗已得三

年大裕之義。遷權禮部侍郎。兼侍右郎官。兼同修國史。實錄院同修撰。遷禮部侍郎。轉一官守禮部侍郎。致仕。卒。贈四官。賻銀絹三百。所著有性善堂文集。

程致字懷古。徽州休寧人。紹熙四年進士。授昌化主簿。調建康府教授。改知富陽縣。遷主管官告院。歷宗正寺主簿。樞密院編修官。權右司郎官。秘書監丞。江東轉運判官。陛辭。寧宗謂宰臣曰。程致豈可容其補外。遂復舊職。遷浙西提舉。

常平。又遷秘書丞。升秘書省著作郎。尋為軍器少監。兼權左司郎官。遷國子司業。兼國史編修。實錄檢討。兼權直舍人院。遷起居舍人。兼職依舊。權吏部侍郎。直學士院。兼同修國史。實錄院同修撰。兼權中書舍人。遷禮部侍郎。仍兼侍讀。

權刑部尚書。封休寧縣男。授禮部尚書。兼同修國史。實錄院同修撰。兼權吏部尚書。拜翰林學士。知制誥。兼修玉牒官。進封子。五上疏。劾祠以煥章閣學士知建寧府。授福建路招捕使。以舊職提舉玉隆萬壽宮。進封伯。進敷文閣學士。知寧國府。改知贛州。皆不赴。進封新安郡侯。加贊文閣學士。知福州。兼福建安撫使。再奉祠。又加龍圖閣學士。以端明殿學士致仕。卒。年七十有九。贈特進。少師。

致十歲詠冰。語出驚人。直學士院。時寧宗崩。丞相史彌遠夜召致。舉家大驚。致妻丞相王淮女也。泣涕疑有不測。使人問之。知彌遠出迎而後收涕。彌遠與致同入禁中。草矯詔。一夕為制誥。二十有五。初許政府。楊皇后緘金一囊賜致。致受之不辭。歸視之。其直不貲。彌遠以是銜之。卒不與共政云。

牛大年。字隆叟。揚州人。慶元二年進士。歷官將作監主簿。入對。言人主所當先者。要以天命人心之所繫致念焉。夫以人主居富貴崇高之位。重而承宗社之托。尊而為臣辟之戴。一指意而榮莫敢違。一動作而人孰敢議。然而天心靡常。則可畏也。又言。今日士氣亦久靡矣。宜體立國之意。以振起之。夫有扶持作興之意。而後縉紳無貪名嗜利之習。無貪名嗜利之習。而後有持正秉義之操。國家之休戚在士大夫之風俗。而風俗之善惡在朝廷。惟陛下為之振起。機括一運。天下轉移。而風俗易矣。遷軍器監主簿。大宗正丞。四川提舉茶馬。兼權總領。

知黎州。兼管內安撫司公事。節制黎雅州屯戍軍馬。加直寶章閣。為工部郎官。入對。請懲貪吏。遷侍左郎中。進直華文閣。浙東提點刑獄。還守秘書少監。宗正。

少卿。升秘書監。遷起居舍人。升起居郎。兼崇政殿說書。以寶章閣待制。提舉太平興國宮。卒。特贈四官。大年清操凜然。所至以廉潔自將。

陳仲微字致廣。瑞州高安人。其先居江州。旌表義門。嘉泰二年。舉進士。調莆田尉。會守令闕。通判又罷。輒不任。臺閩委以縣事。時歲凶。部卒并饑。民作亂。仲微立首首亂者戮之。籍閉糶。抑強糶。一境以肅。囊山浮屠與郡學爭水利。久不決。仲微按法曰。曲在浮屠。宅日沿檄過寺。其徒久揭其事。鐘上以為冤。旦暮祝詛。然莫省為仲微也。仲微見之曰。吾何心哉。吾何心哉。質明。首僧無疾而死。寓公有誦仲微於當知。而密授以薦牘者。仲微受而藏之。踰年。其家負縣租。竟逮其奴。寓公有怨言。仲微還其牘。緘封如故。其人慚謝。終其任。不敢撓以私。遷海鹽丞。鄰邑有疑獄十年。郡命仲微按之。一問立決。改知崇陽縣。饑。食公署旁。日與父老樵豎相爾汝。下情畢達。吏無所措手。通判黃州。職兼餉餽。以身律下。隨事檢柅。軍與賴以不乏。制置使上其最辭曰。職分也。何最之有。復通判江州。遷幹辦諸司審計事。知贛州。江西提點刑獄。丞相賈似道。監察御史舒有開言罷。久之。起知惠州。遷太府寺丞。兼權侍右郎官。輪對。言祿餉可以鈞天下之中才。而不可啖嘗天下之豪傑。名航可以載天下之猥士。而不可以陸沉天下之英雄。似道怒。又諷言者罷奪其官。久之。敘復。時國勢危甚。仲微上封事。其略曰。誤襄者老將也。夫襄之罪不專在於庸闇。疲將孩兵也。君相當分受其責。以謝先皇帝在天之靈。天子若曰。罪在朕躬。大臣宜言咎在臣等。宣布十年養安之往。繆深懲六年玩寇之昨非。救過未形。固已無極。追悔既往。尚愈於迷。或謂覆護之意多。剋責之辭少。或謂陛下乏哭師之誓。師相飾分過之言。甚非所以慰恤死義。祈天悔禍之道也。往往代言乏知體之士。翹館鮮有識之人。吮旨茹柔積習成痼。君道相業。兩有所虧。方今何時。而在廷無謀國之臣。在邊無折衝之帥。監之先朝。宣和未亂之前。靖康既敗之後。凡前日之日。近冤流朱輪。華轡。傲首吐。奴顏婢膝。即今日奉賊稱臣之人也。擢力敏事。捷疾快意。即今日叛君賣國之人也。為國者亦何便於若人哉。迷國者進慙優之欺。以達其君。託國者護恥敗之局。而莫敢議。當國者昧安危之機。而莫之悔。臣書思之。人之所少。不止。

於兵。閩外之事。將軍制之。而一級半階。率從中出。斗粟尺布。退有後憂。平素無權。緩急有責。或請建督。或請行邊。或請京城。創聞駭聽。因詰問有辭。於緩急之時。故廟堂不得不掩惡於敗闕之後。有謀莫展。有敗無誅。上下包羞。噤無敢議。是以下至器仗甲馬。衰颯靡涼。不足以肅軍容。壁壘柵柵。折撻覆漏。不足以當衝突之騎。號為帥閩。名存實亡也。城而無兵。以城與敵。兵不知戰。以將與敵。將不知兵。以國與敵。光景蹙。近目睫矣。惟君相幡然改悟。天下事尚可為也。轉敗為成。在君相一念間耳。乃出仲微江東提點刑獄。德祐元年。遷秘書監。尋拜右正言。左司諫。殿中侍御史。益王即位海上。拜吏部尚書。給事中。厓山兵敗。走安南。越四年卒。年七十有二。其子文孫與安南王族人益。復出降。鄉導我師南征。安南王憤。伐仲微墓。斧其棺。仲微天稟篤實。雖生長富貴。而惡衣菲食。自同窶人。故能涵飲六經。精研理致。於諸子百家。天文地理。醫藥卜筮。釋老之學。靡不搜獵云。

梁成大。字謙之。福州人。開禧元年。進士。素苟賤。亡恥。作縣滿秩。詔事史彌遠。家幹萬斯。听言真德秀當擊。成大曰。某若入臺。必能辦此事。听為達其語。通判楊州。尋遷宗正寺簿。寶慶元年冬。轉對。首言大佞似忠。大辨若訥。或好名以自驚。或立異以自詭。或假高尚之節。以要君。或飾矯偽之學。以欺世。言若忠鯁。心實回衷。一不察焉。薰蕕同器。涇渭渌流矣。言不達。變謀不中機。或巧辨以為能。或詭計以市直。或設奇險之說。以誑衆聽。或肆妄誕之論。以惑士心。所行非所言。所守非所學。一不辨焉。柄鑿不侔。矛盾相激矣。越六日。拜監察御史。尋奏劾了翁。已從追竄。人猶以為罪大罰輕。真德秀狂僭悖繆。不減了翁。相羊家食。宜削秩貶竄。一等施行。章既上。不下者兩月。或傳德秀有衡陽之命。時宰於帝前。及之。帝曰。仲尼不為己甚。遂止鑄二秩。明年三月。又奏楊長孺寢薪命。徐瑄追三秩。移象州居住。胡夢昱移欽州編管。是冬。拜右正言。紹定元年。進左司諫。四年正月。遷宗正少卿。五年二月。權刑部侍郎。明年十月。帝夜降旨。黜之。提舉千秋鴻禧觀。莫澤時兼給事中。急於別異。上疏駁之。遂寢祠命。端平初。洪咨夔與泳文章論駁。鑄兩秩。泳復上疏。送泉州居住。會王遂論亦上。再鑄秩徙潮州。成大

天資暴狠。心術嶮巇。凡可賊忠害良者。率多摻臂為之。四方賂遺。列真堂廡。賓至則導之使觀。欲其效尤也。尤嗜豪奪。冒占宇文氏賜第。既擯歸。訟之者不下百數。竄之日。朝命毀其廬。雖小人如李知孝。亦曰。所不堪者他日與成大同傳耳。

李知孝。字孝章。參知政事光之孫。嘉定四年。進士。嘗為右丞相府主管文字。不以為恥。差充幹辦諸司審計司。拜監察御史。寶慶元年八月。上疏。士大夫汲汲好名。正救之力少。而附和沽激之意多。扶持之意微。而詆訾扇搖之意勝。既慮君上之或不能用。又恐朝廷之或不能容。姑為激怒之辭。退俟斥逐之命。始則慷慨而激烈。終則懇切而求去。將以樹奇節而求令名。此臣之所未解。蓋陰詆真德秀等。又奏洪咨夔鑄二秩。放罷。胡夢昱追毀除名。勒革。羈管象州。知孝猶語魏了翁曰。此所論咨夔等。乃府第付出全文。其情狀變詐如此。越月復言。近年以來。諸老凋零。後學晚出。不見前輩。不聞義理。不謹綱常。識見卑陋。議論偏畷。更唱迭和。蠱惑人心。此風披扇。為害實深。乞下臣章。風厲內外。各務靖共。以杜亂萌。拜右正言。又言。德秀節改聖語。繆謄牒示。導信邪說。簧鼓同流。其或有妄言。當追削流竄。以正典刑。疏既上。遂鑄榜播告天下。又言。趣召之人。率皆遲回。久而不至。以要君為高致。以共命為常流。可行而固不行。不疾而稱有疾。比比皆是。相扇成風。欲求難進易退之名。殊失尊君親上之義。願將趣召之人。計其程途。限以時日。使之造朝。其有衰病者。早與改命。時召傳伯成。楊簡。劉宰等。皆不至。故知孝詆之。又奏張忠恕落職。鑄秩罷郡。知孝拜殿中侍御史。升侍御史。紹定元年。遷右司諫。進右諫議大夫。五年。遷工部尚書。兼侍讀。越月。進兵部。明年。理宗親政。以寶謨閣直學士。出知寧國。後省駁之。令提舉嵩山崇福宮。端平初。監察御史洪咨夔。權直舍人院。吳泳。文章論駁。鑄秩罷祠。泳復封駁。繼送婺州居住。殿中侍御史王遂。且論之。再鑄秩徙瑞州。知孝起自名家。苟於仕進。領袖庶頑。懷謾迷國。排斥諸賢。殆盡時乘小輿。謁醉從官之家。侵欲積穢。不知紀極。紹定末。猶自乞為中丞。世指知孝及梁成大。莫澤為三凶。卒以貶死。天下快之。

論曰。讀本政書。然後知林勳之於井地。可謂密矣。劉才邵能全名節於權姦之時。許忻之論和議。最爲忠懇。卒以是去國。尤足悲夫。應孟明曾三聘之不污韓侂胄。孔子所謂歲寒然後知松柏之後凋也。徐儵之清節。度正之淳敏。牛大年之廉正。陳仲微之忠實。然皆不至於大用。非可惜哉。若乃程秘之竊取富貴。梁成大李知孝甘爲史彌遠鷹犬。遺臭萬年者也。

元中書右丞相總裁脫脫等修
列傳第一百八十二

吳泳 徐範 李韶 王邁

史彌鞏 陳垣子東 趙與憲 李大同

黃 鑿 楊大異

吳泳字叔永，潼川人。嘉定二年進士。歷官爲軍器少監，行太府寺丞，行校書郎，升秘書丞，兼權司封郎官，兼樞密院編修官。升著作郎，時暫兼權直舍人院，輪對言願陛下養心以清明，約己以恭儉，進德以剛毅，發強毋以旨酒違善言，毋以壁御嫉壯士，毋以靡曼之色伐天性，杜漸防微，澄源正本，使君身之所自立者，先有其地，夫然後移所留之聰明，以經世務，移所舍之精神，以強國政，移所用之心力，以恤罷民，移所當省之浮費，以犒邊上久戍之士，則不惟可以消弭災變，撲除姦凶，殄滅寇賊，雖以是建久安長治之策，可也。他日入對，又言：誦往哲之遺言，進謀國之上策，實不過曰：內修政事而已。然所謂內修者，非但車馬器械之謂也，衰職之闕，所當修也；官師之曠，所當修也；出令之所弗清，所當修也；本兵之地弗嚴，所當修也；直言敢諫之未得其職，所當修也；折衝禦侮之弗堪其任，所當修也。陛下退修於其上，百官有司交修於其下，朝廷既正，人心既附，然後申警國人，精討軍實，合內修外，攘爲一事。神州赤縣，皆在吾指顧中矣。火災應詔上封曰：京城之災，京城之所見也。四方有敗，陛下亦得而見之乎？夫慘莫慘於兵也，而連年不戢，則甚於火矣。酷莫酷於吏也，而頻歲橫征，則甚於火矣。閩之民困於盜，浙之民困於水，蜀之民困於兵，橫斂之原，既不澄於上，包苴之根，又不絕於下，譬彼壞木，疾用無枝，而內涸之形見矣。遷祕書少監，兼權中書舍人，尋遷起居舍人，兼權吏部侍郎，兼直學士院，疏言：世之識治體而憂時幾者，以爲天運將變矣，世道將降矣，國論將更矣，正人將引去而舊人將登用矣，執持初意，封植正論，茲非砥柱傾頽之時乎？若使廉通敏慧者專治財賦，淑慎曉暢者專御軍旅，明清敬謹者專典刑獄，經術通明使道訓典，文雅麗則

使作訓辭，秉節堅厲，使備風憲，奉法循理，使居牧守，剛直有守者，不聽其引去，恬退無競者，不聽其里居，功名慷慨者，不使之以祠庭，言論闡爽者，不實之於外服，隨才器使，各盡其分，則短長小大，安有不適用者哉？又言：謹政體，正道揆，厲臣節，綜軍務，四事權刑部尚書，兼修玉牒，以寶章閣直學士知寧國府，提舉太平興國宮，進寶章閣學士，差知温州，赴官，道聞開温州饑，至處州，乞蠲租科，降救饑者四萬八千有奇，放夏稅一十二萬有奇，秋苗二萬八千有奇，病者復與之藥，事聞，賜衣帶鞍馬，改知泉州，以言罷，所著有鶴林集。

徐範字彝父，福州侯官人，少孤，刻苦授徒以養母，與兄同舉于鄉，入太學，未嘗以疾言遽色先人，丞相趙汝愚去位，祭酒李祥，博士楊簡，論救之，俱被斥逐，同舍生議叩關上書，書已具有，閩士亦署名，忽夜傳韓侂胄將真言者重辟，閩士怖，請削名，範之友亦勸止之，範慨然曰：業已書名矣，尚何變書奏，侂胄果大怒，謂其扇搖國是，各送五百里編管，範謫臨海，與兄歸，同往禁錮十餘年，登嘉定元年進士第，授清江縣尉，辟江淮制置司準備差遣，屬邊事紛紜，管些子弟募隸軍籍者未及涇，洶洶相驚，一夕秉燭招刺千餘人，踴躍爭奮，差主管戶部架閣，改太學錄，遷國子監主簿，入對，言：時平不急之務，無用之官，猶當痛加裁節，矧多事之秋，所貴全萬民之命，紓一時之急，獨奈何坐視其無救，而以虛文自蔽哉？願懲既往之失，廢無用之文，一意養民，以培國本，旬外，添差通判澤州，湖湘大旱，振救多所裨益，知邵武軍，尋召赴行在，言：功利不若道德，刑罰不若恩厚，難伯不若純王，異端不若儒術，諛佞不若直諫，便嬖不若正人，奢侈不若詩書，盤遊不若節儉，玩好不若宵衣旰食，窮贖不若偃兵息民，是非兩立，明白易見，幾微之際，大體所關，積習不移，治道舛矣，遷國子監丞，徙太常丞，權都官郎官，改祕書丞，著作郎，起居郎，兼國史編修，實錄檢討，以朝奉大夫致仕，卒，贈朝請大夫，集英殿修撰。

李韶字元善，彌遜之曾孫也，父文鏡，爲台州司理參軍，每謂人曰：吾司臬多陰德，後有與者，韶五歲，能賦梅花，嘉定四年，與其兄寧同舉進士，調南雄州教授，校文廣州，時有當國之親故，私報所業，韶卻之，調慶元，丞相史彌遠薦士充學

職詔不與。袁燮求學宮射圃益其居，亦不與。燮以此更敬詔，以廉勸薦，遷主管三省架閣文字，遷太學正，改太學博士。上封事諫濟王竑獄，且以書曉彌遠，言甚懇。到又擢太學生甯式許學官，旬外添差通判泉州，郡守游九功奏清嚴，獨異顧詔，改知道州。葺周惇頤故居，錄其子孫於學宮，且周其家。紹定四年，行都災，詔應詔言事，提舉福建市舶會星學，又應詔言事，入為國子監丞。改知泉州，兼市舶。端平元年，召明年，轉太府寺丞，遷都官郎官，遷尚左郎官。未幾，拜右正言，奏乞以國事邊防二事專委丞相鄭清之，喬行簡各任責，論汰兵節財及襄蜀邊防。又論史嵩之王遂和戰異議，迄無成功，請出遂於要藩，易嵩之於邊面，使各盡其才。史宅之將守袁州，詔率同列一再劾之，俱不報。乞解言職，拜殿中侍御史。辭不允。奏曰：頃同臣居言職者四人，未踰月徐清叟去，未三月杜範吳昌裔免，獨臣尚就列。清叟昨言三漸，臣繼其說，李宗勉又繼之。陛下初不加怒，而清叟竟去，猶曰清叟倡之也。今臣與範昌裔言，未嘗不相表裏。二臣出臺臣獨留，豈臣言不加切於二臣邪？抑先去二臣以警臣，使知擇而後言邪？清叟所言三漸，臣猶以為未甚切，今國柄有陵夷之漸，士氣有萎靡之漸，主勢有孤立之漸，宗社有阽危之漸，上下偷安，以人言為諱，此意不改，其禍豈直三漸而已。時魏了翁罷督子祠，詔訟曰：了翁刻志問學，幾四十年，忠言讜論，載在國史，去就出處，具有本末。端平收召，論事益切。去年督府之遺，體統不一，識者逆知其無功。了翁迫於君命，罷勉驅馳，未有大闕。襄州變出肘腋，未可以為了翁罪。樞庭之召，未幾改鎮，改鎮未久，有旨予祠，不知國家四十年來收拾人才，燁然有稱，如了翁者幾人。願亟召還，處以台輔。又劾奏陳洵益刑餘腐夫，粗通文墨，掃除賤隸，竊弄威權，乞予洵益外祠，劾女冠吳知古在宮掖招權納賄，宜出之禁庭。帝怒，詔還笏殿陛乞歸，會祀明堂雷電，免二相。詔權工部侍郎正言，遷起居舍人。復疏洵益知古不報，辭新命不許。應詔上封事，幾數千言。帝諭左右曰：李韶真有愛朕憂國之心，凡三辭不獲，以生死祈哀，乞去。帝盛頷謂韶曰：曲為朕留，退復累疏乞補外，以集英殿修撰知漳州，號稱廉平。朝廷分遣部使者諸路，稱提官楮，韶疏極言其敝。嘉熙二年，召明年，上疏乞緩召命，云端平以來，天下

之患莫大於敵兵歲至，和不可戰，不能楮券日輕，民生流離，物價踊貴，遂至事無可為。臣竊論以為必自上始，九重非衣惡食，臥薪嘗膽，使上下改慮易聽，然後可圖。今二患益深，雖欲效忠，他莫有以為說。此其不敢進者一。史宅之故相子子郡，外議皆謂振援之徒，將自是復用。故嘗論列至再，今聖斷赫然，用舍由己，人才一變，環視前日在廷之臣，流落擯棄，臣雖欲奮進，未知所以處其身。此其不敢進者二。始臣為郎，蜀受兵方亟，廟堂已遣小使，至特起嵩之於家，而言者攻擊不已。臣妄論以為講和固非策，而首兵亦豈能無罪。故居言路，首乞出高論者，付以兵事，使稍知敵情者嘗試其說於闔外，不知事勢推移，遂竟罷廢，而款敵無功者，白麻揚廷矣。或者將議臣前日有所附會，此臣重不敢進者三。又臣昨彈內侍女冠不行，退惟聖主高明，必不容其干政。然未幾首相去位，臣亦出臺，傳聞其人謂臣受廟堂風旨，故決意旬外。今臣言迄不行，苟貪君命，竊恐或者譏臣，向何所聞而去。今何所見而來。此臣重不敢進者四。四年詔趣赴闕辭遷戶部侍郎，再辭不許。五年，改禮部侍郎，辭詔不允。所在州軍護遣至闕，嵩之遣人謂韶曰：毋言濟邸宮媼國本，韶不答。上疏曰：臣生長淳熙初，猶及見渡江感時，民生富樂，吏治修舉，事變少異，政歸私門，紹定之末，元氣索矣。端平更化，陛下初意豈不甚美，國事日壞，其人或罷或死，莫有為陛下任其責者。考論至是，天下事豈非陛下所當自任而力為乎。左氏載史墨言：魯公世從其失，季氏世修其勤，蓋言所由來者漸矣。陛下臨御日久，宜深思熟念，咸福自己，誰得而盜之哉。舍此不為，悠悠玩愒，乃幾於左氏所謂世從其失者。蓋以世卿風嵩之也。疏出，嵩之不悅，曰：治春秋人下語，毒當是時，杜範亦在列。二人廉直，中外稱為李杜。兼侍講，累辭，兼國史編修，實錄檢討。遷吏部侍郎，兼中書舍人。三辭不許。淳祐二年，疏言道揆之地，愛善類不勝於愛爵祿，畏公議不勝於畏權勢。陛下以腹心寄之大臣，大臣以腹心寄之一二都司，恐不能周天下之慮，故以之用人，則能用其所知，豈能用其所不知，以之守法，則能守其所不與，必不能守於其所欲與。又及濟王國本宮媼，三上疏乞歸，以寶章閣直學士知泉州，辭乞昇祠不許。既歸，三辭仍舊職，提舉鴻慶宮。淳祐元年，韶被召，再辭，詔

本州通判勸勉赴闕。禮部侍郎三辭。遷禮部尚書。復三辭。不許。入見。疏曰。陛下改畀正權。並進時望。天下孰不頌頌以覲大治。臣竊竊之。恐猶前日也。君子小人倫類不同。惟不計近功。不急小利。然後君子有以自見。不惡聞過。不諱盡言。然後小人無以自託。不然。治亂安危。反覆手爾。又曰。陛下所謀者。嬖妃近習。所信者。貴戚近親。按政和令。諸國威命婦。若女冠尼。不因大禮等。輒求入內者。許臺諫。覺察彈奏。乞申嚴禁。廷之籍。以絕天下之謗。世臣貴戚牽聯並進。何示人以不廣也。借曰以才選。他時萬一有非才者。援是以求進。將何以抑之耶。又曰。今土地日蹙。者未反。人民喪敗者未復。兵財止有此數。且而理之。不過椎剝州縣。腹削里閭。就使韓勾復生。桑孔繼出。能爲陛下強兵理財。何補治亂安危之數。徒使國家負不韙之名。況議論紛然。賢者不過苟容而去。不肖者反因是以媒其身。忠言至計之不行。淺功末利之是計。此君子小人進退機括所係。何不思之甚也。又曰。聞之道路。德音每下。昆蟲草木咸被潤澤。恩獨不及於一枯藁。威斷出自公卿大夫。莫敢後先。令獨不行於一老嫗。小大之臣。積勞受爵。皆得以延于世。而國儲君副。社稷所賴。以靈長。獨不蚤計而預定。又疏乞還。不許。兼侍讀。三辭不許。又三疏乞歸。時游似以人望用。然有牽制之者。詔奏云。人主職論一相而已。非其人。不以輕授。始而授之。如不得已。既乃疑之。反使不得有所爲。是豈專任責成之體哉。所言之事。不必聽。所用之人。不必從。疑畏憂沮。而權去之矣。擢翰林學士。兼知制誥。兼侍讀。不拜。詔不許。又三辭。不許。嵩之服除。有鄉用之意。殿中侍御史章琰。正言李昂英。監察御史黃師雅。論列嵩之甚峻。詔落職。予祠。詔同從官抗疏曰。臣等謹按春秋。桓公五年。書蔡人衛人陳人從王伐鄭。春秋之初。無君無親者。莫甚於鄭莊。二百四十二年之經。未有云王伐國者。而書王書伐。以見鄭之無王。而天王所當擊罪。以致討。未有書諸侯從王以伐者。而書三國從王伐鄭。又見諸侯莫從王以伐罪。而三國之微者。獨至不足伸天王之義。初不聞以其嘗爲王卿士而薄其代。今陛下不能正姦臣之罪。其過不專在上。蓋大臣百執事。不能輔天子以討有罪。皆春秋所不赦。乞斷以春秋之義。亟賜裁處。詔嵩之勒令致仕。既而嵩之進觀文殿大學士。詔

上疏爭之甚力。未幾。琰昂英他有所論列。並罷言職。詔復上疏留之。七年。詔十上疏。勾去。以端明殿學士提舉玉隆宮。時直學士院應鑾。中書舍人趙汝騰。拜疏留韶內祠。未報。韶陸辭。疏甚劄切。其略曰。彼此相視。莫行其志。而朝裁庶政。品量人物。相與運於冥冥之中者。不得不他有人焉。是中書之手可束。而臺諫之口可鈴。朝廷之事。所當力爲。不可枚舉。皆莫有任其責者。其非所以示四方一體統。改提舉萬壽觀。兼侍讀。即出國門力辭。道次三衢。詔趣受命。再辭。仍奉祠。玉隆八年。被召。辭不許。再辭。仍舊職。奉祠。萬壽。兼侍讀。令守臣以禮趣行。又辭。不許。九年。仍奉祠。玉隆十一年。祠滿再任。卒年七十五。詔厚純實。平粹簡澹。不溺於聲色貨利。默坐一室。門無雜賓云。

王邁。字實之。興化軍仙遊人。嘉定十年。進士。爲漳州觀察推官。丁內艱。調浙西安撫司幹官。考廷試。詳定官王元春。欲私所親。實高第。邁顯擿其謬。元春怒。嗾諫官李知孝。誣邁在殿廡語聲高。免官。調南外睦宗院教授。直德秀方守福州。邁竭忠以裨郡政。赴都堂審察。丞相鄭清之曰。學官掌故。不足浼吾實之。俄召試學士院。策以楮幣。邁援據古今。考究本末。謂國貧楮多。弊始於兵。乾淳初行楮幣。止二千萬。時南北方休息也。開禧兵興。增至一億四千萬矣。紹定有事山東。增至二億九千萬矣。議者徒患楮窮。而弗懲兵禍。姑以今之尺籍校之。嘉定增至二十八萬八千有奇。用寡謀之人。試直突之說。能發而不能收。能取而不能守。今無他策。核軍實。空邊費。揀楮幣。第一義也。又言。修內司營繕。廣內帑。宣索多。厚施緇黃。濫予嬪御。若此。未嘗裁擢。徒聞有括田權鹽之議者。向使二事可行。故相行之久矣。更化伊始。奈何取前日所不屑行者而行之乎。又因楮以及時事。言君子之類雖進。而其道未行。小人之迹雖屏。而其心未服。真德秀病危。聞邁所對善之。帝再相喬行簡。或傳史嵩之復用。邁上封事曰。天下之相。不與天下共謀之。是必冥冥之中。有爲之地者。且舊相姦檢刻薄。天下所知。復用則君子空於一網矣。又言。吳知古。陳洵益。撓政輪對。言君不可欺天。臣不可欺君。厚權臣而薄同氣。爲欺天之著。邁由疎遠。見帝空臆無隱。帝爲改容。言者劾邁論邊事過實。魏了翁侍經筵。爲帝言。惜其去。改通判漳州。禮祀雷雨。邁應詔

言天與寧考之怒久矣。麴孽致疾，妖冶伐性，初秋踰旬，曠不視事。道路憂疑，此天與寧考之所以怒也。隱刺覆絕，倣熿尊寵，綱倫法數，上行下效。京率外兵，狂悖迭起。此天與寧考之所以怒也。陛下不是之恩，方用漢災異免三公故事。環顧在廷，莫知所付。遙相崔與之，臣恐與之不至。政柄他有所屬，此世道否泰君子小人進退之機也。於是臺官李大同言，邁交結德秀了翁及洪咨夔，以收虛譽，削一秩免蔣峴，劾邁前疏妄論倫紀，請坐以非所宜言之罪，削二秩。久之，復通州贛州改福州建康府信州，皆不行。淳祐改元，通判吉州石正言江萬里袖疏榻前曰：邁之才可惜，不即召，將有老不及之歎。帝以爲然。有尼之者，遂止。知邵武軍在郡，詔以亢旱求言，邁驛奏七事，而以徹龍翔宮立濟王後爲先。時鄭清之再相，以左司郎官召，力辭，以直祕閣提點廣東刑獄，亦辭。改侍右郎官，諫官焦炳炎論罷，子祠卒，贈司農少卿。邁以學問詞章發身，尤練世務，易被戒彈。人曰：此君不可犯，奮勢家冒占田數百畝，以還民。李宗勉嘗論邁，然邁評近世宰輔，至宗勉必曰：賢相徐清叟與邁有違言，邁晚應詔，謂清叟有人望，可用，世服其公云。

史彌鞏字南叔，彌遠從弟也。好學，彊記。紹熙四年入太學，升上舍。時彌遠柄國，寄理不獲試，淹抑十載。嘉定十年，始登進士第。時李臺開鄂閩，知彌鞏持論不阿，辟諮幕府事。壽昌戍卒失律，欲盡誅其亂者，乃請誅倡者一人，軍心感服。改知溧水縣，首嚴庠序之教。端平初入監，都進奏院轉對，有君子小人才不才之奏，護蜀保江之奏。嘉熙元年，都城火，彌鞏應詔上書，謂修省之未至者有五。又曰：天倫之變，世孰無之。陛下友愛之心，亦每發見。洪咨夔所以蒙陛下殊知者，謂晉川之變，非濟邸之本心。濟邸之死，非陛下之本心。其言深，有以契聖心耳。矧以先帝之子，陛下之兄，乃使不能安其體魄於地下，豈不平和氣，召災異乎。蒙蔽把握，良有以也。出提點江東刑獄，歲大旱，饒信南康三郡大稔，謂振荒在得人。俾釐戶爲五，甲乙以等第振糶，丙爲自給。丁糶而戊濟，全活爲口一百一十四萬有奇。徵之休寧，有淮民三十餘輩，操戈劫人財，逮捕法曹以不傷人論罪。彌鞏曰：持兵爲盜，貸之是滋盜也。推情重者，儻數人，一道以寧。饒州兵籍溢

數，供億不繼，請汰冗兵，令下營門大譟，乃呼諸校謂曰：汰不當，許自陳，敢誣者斬。咸叩頭請罪，諸營帖然。屢給亦大省，召爲司封郎中，以兄子嵩之入相，引嫌勾祠，遂以直華文閣知婺州。時年已七十，勾祠提舉崇禧觀，里居絕口不道時事。卒年八十，真德秀嘗曰：史南叔不登宗衮之門者三十年，未仕則爲其寄理，已仕則爲其排擯，儼然不污，有如此。五子長官之終刑部郎官，能之有之，冒之俱進士，官之子蒙卿，咸淳元年進士，調江陰軍教授，蚤受業包川陽恪，爲學淹博，著書立言，一以朱熹爲法。

陳頊字和仲，慶元府鄞人。大父叔平與同郡樓鑰友善，死，鑰哭之，頊纔四歲，出揖如成人。鑰指梁中銀杏使屬對，頊應聲曰：金桃問何所據，對以杜詩鸚鵡啄金桃，鑰竦然曰：亡友不死矣。長受周官於劉著，頃刻數千百言，輒就試。江東轉運司第一，試禮部復爲第一。嘉定十年，登進士第，調黃州教授，喪父毀瘠，考古禮制，時祭儀制祭器行之，忽歎曰：俗學不足學，乃師事楊簡，攻苦食淡，晝夜不怠。免喪，史彌遠當國，謂之曰：省元魁數千人，狀元魁百人，而恩數踰等，盍令省元初授堂除教授，當自君始。頊謝曰：廟堂之議，甚感舉，自頃始得無嫌乎。徑部注處州教授，以去士論高之，理宗即位，詔求言，頊上封事曰：上有憂危之心，下有安泰之象，世道之所由隆。上有安泰之心，下有憂危之象，世道之所由汙。故爲天下而憂，則樂隨之，以天下爲樂，則憂隨之。有天下者，在乎善審憂樂之機而已。今日之敵，莫大於人心之不合，紀綱之不振，風俗之不淳，國敵人偷而不可救，願陛下養之以正，勵之以實，蒞之以明，斷之以武，而頃直聲於著于天下。與郡守高似孫不合，去歸奉其母，召爲太學錄，踰年始至，轉對言：天道無親，民心難保，日月逾邁，事會莫留，始之銳，久則怠，始之明，久則昏，垂拱仰成，感心也。不可因以負有爲之志，遺養時晦，至德也。不可因以失乘時之機，上嘉納之，遷太學博士。王宗正寺簿，都城火，頊步往玉牒所，盡藏玉牒于石室，詔還官，不受。應詔言：應上天非常之怒者，當有非常之舉動，歷陳致災之由，又有吳潛汪泰亨上彌遠書，乞正馮辯王虎不盡力救火之罪，及行知臨安府林介兩浙轉運使趙汝譚之罰人皆壯之，遷太常博士，獨爲袁燧議餘皆閤筆，因數曰：益厲

雖百世不改。證有美惡。豈諛墓比哉。會朱端常子乞諡。墳曰。端常居臺諫。則逐善類。爲藩牧。則務刻剝。宜得惡諡。以戒後來。乃諡曰榮。議出。宰相而下皆肅然。改容。考功郎陳普覆議。合宦者陳洵益。改墳終不答。李全在楚州。有異志。墳以書告彌遠。痛加警悔。以同羣心。蚤正典刑。以肅權綱。大明黜陟。以飭政體。不納。未幾。買貴妃入內。墳又言。乞去君側之蠱媚。以正主德。從天下之公論。以新庶政。彌遠召墳問之曰。吾甥始好名邪。墳曰。好名。孟子所不取也。夫求士於三代之上。惟恐其好名。求士於三代之下。惟恐其不好名耳。力勾去。添差通判。

嘉興府。彌遠卒。召爲樞密院編修官。入對。首言天下之安危。在宰相。南渡以來。屢失機會。秦檜死。所任不過萬俟卨。該耳。侂胄死。所任史彌遠耳。此今日所當謹也。次言內廷當嚴宦官之禁。外廷當嚴臺諫之選。於是洵益陰中之。監察御史王定劾。墳出知常州。改衢州。寇卜日發。濠坑。連江山縣。而東。墳獲謀者。即遣人致牛酒。諭之曰。汝不爲良民。而爲劫盜。不事耒耜。而弄甲兵。今享汝牛酒。冀汝改業。否則殺無赦。於是自首者日以百數。獻器械者重酬之。遂以潰散。改提點都大坑冶。徙福建。轉運判官。侍御史蔣峴常與論。中庸不合。又劾之。主管崇道觀。躡年。遷浙西提點刑獄。歲旱。盜起。捕斬之。盜懼。徙去。安吉州。俞煇與丞相李宗勉。連姻。恃勢。贖貨。墳親按臨之。弓手戴福。以獲潘丙功。爲副尉。宗勉倚之。爲腹心。盜橫食害。墳至。福聞風而去。貽書宗勉曰。墳治福。所以報丞相也。傳聞實走。丞相賢輔弼。不宜有此。宗勉答書曰。福罪惡貫盈。非君不能治。宗勉雖不才。不敢庇姦凶。惟君留意。及獲福。豫章。衆皆欲殺之。墳曰。若是則刑濫矣。乃加墨徇于市。囚之園土。以吏部侍郎召。及爲國子司業。諸生咸相慶。以爲得師。

未幾。兼玉牒檢討。國史編修。實錄修撰。乃辭兼史館。歷陳境土之蹙。民生之艱。國計之匱。既無經理圖回之素。惟有感動轉移之策。必有爲之者。本者何。復此心之妙耳。又言。履泰安而逸樂者。有習安致危之理。因艱危而兢懼者。有慮危圖安之機。明用舍以振紀綱。躬節儉以汰冗濫。屏姦妄以勵將士。抑貴近以寬糴糶。結鄉社以防竊發。黜增瓶以培根本。今任用混雜。薰蕕同器。遂使賢者恥與同羣。諫議大夫金淵見之。怒。墳乞補外。不許。又辭免。和釋轉官。賞亦不許。

知温州。未上。以言罷。墳家居時。自娛於泉石。四方學者踵至。輕財急義。明白洞達。一言之出。終身可復。忽臥疾。戒其子抽架上書。占之。得呂祖謙文集。其墓志曰。祖謙生於丁巳歲。沒於辛丑歲。墳曰。異哉。我生於慶元丁巳。今歲在辛丑。於是一甲矣。吾死矣。夫。子蒙年十八。上書萬言論國事。吳子夏奇之。妻以女。爲太府寺主簿。入對。極言買似道爲相。時國政闕失。文多不錄。爲淮東總領。似道誣以貪汙。貶建昌軍。簿錄其家。惟青氈耳。德祐初。禮部侍郎李珣乞放便。以刑部侍郎召。不赴。卒。

趙與箴。字德淵。太祖十世孫。居湖州。嘉定十三年。進士。歷官差主管官告院。遷將作監主簿。差知嘉興府。遷知大宗正。兼樞密院檢詳諸房文字。尋爲都官郎官。加直寶章閣。兩浙轉運判官。進煥章閣。知慶元府。主管沿海制置司公事。拜司農少卿。仍兼知慶元府。兼沿海制置副使。遷浙西提點刑獄。授中書門下省檢正諸房公事。拜司農卿。兼知臨安府。主管浙西安撫司公事。權刑部侍郎。兼詳定勅命官。權兵部侍郎。遷戶部侍郎。權戶部尚書。時暫兼吏部尚書。尋爲真兼戶部尚書。時暫兼浙西提舉常平。加端明殿學士。提領戶部財用。皆依舊兼知臨安府。與執政恩澤。加資政殿大學士。以觀文殿學士知紹興府。浙東安撫使。知平江府。兼浙浙發運使。時暫兼權浙西提點刑獄。授沿江制置使。知建康府。江東安撫使。馬步軍都總管。兼行宮留守。節制和州。無爲軍安慶府。三郡屯田。使時暫兼權揚州兩淮安撫制置使。改兼知揚州。尋兼知鎮江府。兼淮東總領。提舉洞霄宮。復爲淮浙發運使。差知平江府。特轉兩官。致仕。景定元年八月卒。特贈少師。與箴所至。急於財利。幾於聚斂之臣矣。

李大同。字從仲。婺州東陽人。嘉定十六年。進士。歷官爲秘書丞。兼崇政殿說書。拜右正言。兼侍講。疏言。趙冀分野。乃有熒惑犯星之變。則我師之出。豈無當。長慮而卻顧者。故臣願陛下勿以星文爲小異。而或加忽。一語一政。一事必求有以格天心。而弭災變。至於進兵攻討。尤切謹重。遷太常少卿。兼國史編修。實錄檢討。兼侍講。兼權侍立。修注官。遷起居郎。拜殿中侍御史。權刑部侍郎。兼同修國史。實錄院同修撰。選吏部侍郎。進工部尚書。以寶謨閣直學士知平

江府提舉江州太平與國宮乞致仕不許後卒于家

黃營字子耕隆興分寧人嘗從郭雍朱熹學熹深期之而營亦以道自任反復論辨必無所疑然後止舉太學進士為瑞昌主簿兼文思院知盧陽縣五溪獠獷悍營為詩諭之療感悅有公事莫敢違通判處州經總制有額無錢俗號殿最綱營會十年中成賦酌取之闕免通負錢額鈞等獨以最聞主管官告院大理寺簿軍器監丞歲餘三遷營乃不樂聞行西湖慨然曰我昔在南北山一水一石無不自題品今無復情味何邪句外知台州謝良佐子孫居台者既播越

流落營求之民間收而教之勤告夙夜先勸後禁訟牒銷縮郡稱平治為濟糶倉為抵當庫葬民之棲寄暴露者為棺千五百置養濟院又郝安濟坊以居病囚皆自有子本錢使不廢故葉適謂營修目建置憂民如家遷袁州哭從弟哀甚得疾卒所著有復齋集

楊大異字同伯唐天平節度使漢公之後十世祖祥避地醴陵因家焉祥事親孝親亡哀毀泣盡繼以血廬墓終身有白芝白鳥白兔之瑞事聞于朝褒封至孝公賜名木植墓道以旌其孝大異從胡宏受春秋大義登嘉定十三年進士第授衡陽主簿有惠政調龍泉尉攝邑令適歲饑提刑司遣吏和糶米二萬石于邑米價頓增民乏食大異即以提刑司所糶者如價發糶民甚德之提刑趙

與憲大怒据其罪弗得坐以方命移安遠尉邑有峒寇擾民官兵致討積年弗獲檄大異往治之大異以一僕負告身自隨肩輿入賊峒傳呼尉至賊露刃成列以待徐諭以禍福皆伏地叩頭願改過自新留告身為質偕其渠魁數輩出降以賞遷吉州戶曹改廣西經幹復以弭盜賞除四川制置司參議官北兵入成都大異從制置使丁黼巷戰兵敗身被數創死闔門皆遇難詰旦其部曲竊

往瘞之大異復蘇負以逃獲免進朝奉郎宰石門縣就除通判溧陽攝州事皆有惠政去官之日老弱攀號留之大異易服潛去權知登聞鼓院遷大理寺丞

更生者楊大異耶論事剴切有用之材也何遽出之對曰是人尤長於治民命予節兼庾事進直秘閣提點廣東刑獄兼庾事時常平司逋負山積械繫追索

姦蠹百出大異與之約悉縱遣之負者如期畢輸吏無所容其姦訪張九齡曲江故宅建曲江書院以祀九齡改提點廣西刑獄兼漕庾二司所至姦吏屏息寇盜絕迹凡可以為民興利除害者必奏行之復建宣成書院祀張栻呂祖謙

廣海幅員數千里道不拾遺報政為最未六十即丐致仕不允章四上除祕閣修撰太中大夫提舉崇禧觀醴陵縣開國男食邑三百戶賜紫金魚袋歸里第與居民無異學者從之講肄諄諄相與發明經旨條析理學食祠祿者二十四

年卒年八十二子震霖霖在忠義傳

論曰正論之在天下未嘗亡也徐範之於韓侂胄吳泳李韶王邁之於史氏皆能無所回撓正色直言至於史彌鞏則彌遠之弟陳垣其甥也不以私親而廢

天下之公論抑孟子所謂寡助之至者歟趙與憲揚歷最久甘為聚斂之臣李大同以鄉人喬行簡為相薦起之黃營出仕以恤民尊賢為急可謂知本大異

節義如此宜其善政之著稱于世也

宋史卷四百二十三

元中書右丞相總裁脫脫等修

列傳第一百八十三

陸持之 徐鹿卿 趙達龍 趙汝騰

孫夢觀 洪天錫 黃師雍 徐元杰

孫子秀 李伯玉

陸持之字伯微知荆門軍九淵之子也七歲能為文九淵授徒象山之上學者數百人有未達持之為數釋之荆門郡治火持之倉卒指授中程九淵器之韓侂胄將用兵持之憂時不憚乃歷聘時賢將有以告見徐誼於九江時誼防江持之請擇僚吏察地形孰險而守孰易而戰孰險而伏毋專為江守具言自古興事造業非有學以輔之往往皆以血氣威衰為銳情故三國兩晉諸賢多以感年成功名公更天下事變多矣未舉一事而朝思夕惟利害先入于中愚恐其為之難也誼憮然又之鄂謁薛叔似項安世之荆謁吳獵爭欲留之尋皆謝歸著書十篇名贖說嘉定三年試江西轉運司預選常平使袁燮薦于朝謂持之議論不為空言緩急有可倚仗不報豫章建東湖書院運帥以書幣彊起持之長之嘉定十六年寧宗特詔持之秘書省讀書固辭不獲既至又詔以迪功郎入省乞歸不許理宗即位轉修職郎差幹浙西安撫司以疾請致仕特命改通直郎所著有易提綱諸經雜說

徐鹿卿字德夫隆興豐城人博通經史以文學名於鄉後進爭師宗之嘉定十六年廷試進士有司第其對居二詳定官以其直抑之猶實第十調南安軍學教授張九成嘗以直道謫居鹿卿撫其言行刻諸學以訓先是周惇頤程顥與其弟頤皆講學是邦鹿卿申其教由是理義之學復明立養士綱條學田多在溪峒異時征之無藝農病之鹿卿撫恤無逋租者其後盜作環城皆燬惟學宮免曰是無撓我者辟福建安撫司幹辦公事會汀邵寇作鹿卿贊畫備禦動中機會避寇者入城多方振濟全活甚眾郡多火災救護有方會都城火鹿卿應詔上封事言積陰之極其徵為火指言惑嬖寵溺燕私用小人三事尤切真德

秀稱其氣平論正有憂愛之誠心改知尤溪縣德秀守泉辟宰南安鹿卿以不便養辭德秀曰道同志合可以拯民何憚不來鹿卿入白其母欣然許之既至首罷科歛之無名者明版籍革預借決壅滯達窳抑邑以大治德秀尋帥閩疏其政以勸列邑歲饑處之有法富者樂分民無死徙最聞令赴都堂審察以母喪去詔服闋赴樞密裏議首言邊事楮幣主管官告院幹辦諸司審計司故相子以集英殿修撰食祠祿又幫司農少卿米麥鹿卿曰奈何為一人壞成法持

不可遷國子監主簿入對陳六事曰洗凡陋以起事功昭勳懲以收主柄清班著以儲賢才重藩輔以蔽都邑用闔越舟師以防海合東南全力以守江上皆嘉納改樞密院編修官權右司贊畫二府通而守法會右史方大琮編修劉克莊正字王邁以言事黜鹿卿贈以詩言者併劾之太學諸生作四賢詩知建昌軍未上而崇教龍會兩堡與建黎原鐵城之民修怨交兵鹿卿馳書論之斂手聽命既至則寬賦斂禁拮克汰賊濫抑彊禦恤寡弱黜點吏訓戍兵勸百丈柴擇兵官城屬縣治行大平田里歌誦督府橫取秋苗解面建昌為米五千斛鹿卿爭之曰守可去米不可得民恐失鹿卿請輸之以共命鹿卿曰民為守計則善矣守獨不為民計乎卒爭以免召赴行在將行盜發南豐捕斬渠首二十人餘不問權度支郎官兼右司入對極陳時敵改侍右郎官兼敕命刪修官兼右司鹿卿又言當時並相之敵宰相以甘言誘鹿卿退語人曰是牢籠也吾不能為宰相私人言者以他事詆鹿卿主管雲臺觀越月起為江東轉運判官歲大饑人相食留守別之傑諱不詰鹿卿命掩捕食人者尸諸市又奏援真德秀為漕時撥錢以助振給不報遂出本司積米三千餘石減半價以糶及減抵當庫息出緡錢萬有七千以予貧民勸居民收子遺孩日給錢米所活數百人宴集不用樂會岳珂守當塗制置茶鹽自詭與利權斂百出商旅不行國計反絀於初命鹿卿覈之吏爭竄匿鹿卿寬其期限躬自鈎考盡得其實珂辟置貪刻吏開告許以罔民沒其財民李士賢有稻二千石囚之半歲鹿卿悉縱舍而勸以其餘分皆感泣奉命珂罷以鹿卿兼領太平仍暫提舉茶鹽事弛許征蠲米石蕪湖兩務蘆稅江東諸郡飛蝗蔽天入當塗境鹿卿露香默禱忽飄風大起蝗

悉度淮之傑密請移鹿卿浙東提點刑獄加直秘閣兼提舉常平鹿卿言罷汴
 鹽經界曠地先撤相家所築就捕者自言我相府人鹿卿曰行法必自貴近始
 卒論如法丞相史彌遠之弟通判温州利韓世忠家寶玩籍之鹿卿奏削其官
 初鹿卿檄衢州推官馮惟說決犖獄惟說素廉平至則辨曲直出淹禁大家不
 快其為會鄉人居言路迺屬劾惟說州索印紙惟說笑曰是猶可以仕乎自題
 詩印紙而去衢州鄭逢辰以繆舉鹿卿以委使不當相繼自劾且共和其詩御
 史兼二人劾罷之及知泉州改贛州皆辭遷浙西提點刑獄江淮都大坑冶皆
 以病固辭遂主管玉局觀及召還又辭改直寶章閣知寧國府提舉江東常平
 又辭淳祐三年以右司召猶辭丞相杜範遺書曰直道不容使人擊節君不出
 豈以馮惟說故耶惟說行將有命矣鹿卿迺出擢太府少卿兼右司入對請定
 國本正紀綱立規模時事多艱人心易搖無獨力任重之臣無守節仗義之士
 願蚤決大計上嘉納之兼中書門下省檢正諸房公事兼崇政殿說書逾年兼

權吏部侍郎時議使執政分治兵財鹿卿執議不可以疾凶祠遷右文殿修撰
 知平江府兼發運副使方勺祠上論丞相挽留之召權兵部侍郎固辭上令丞
 相以書招之鹿卿至又極言君子小人切於當世之務兼國子祭酒權禮部侍郎
 即兼同修國史兼實錄院同修撰兼侍講兼權給事中鹿卿言瑣闥之職無所
 不當問比年命下而給舍不得知請復舊制從之上眷遇深篤而忌者寔多有
 撰偽疏託鹿卿以傳播歷詆宰相至百執事鹿卿初不知也遂力辨上前因乞
 去上曰去則中姦人之計矣令臨安府根捕事連勢要獄不及竟遷禮部侍郎
 累疏告老授寶章閣待制知寧國府而引年之疏五上不允提舉鴻禧觀遂致
 仕進華文閣待制卒遺表聞贈四官鹿卿居家孝友喜怒不形恩怨俱泯宗族
 鄉黨各得歡心居官廉約清峻毫髮不妄取一廬僅庇風雨所著有泉公文集

奏議諱義鹽楮議政彙歷官對越集手編漢唐文類文苑菁華證清正
 趙逢龍字應甫慶元之鄞人刻苦自修為學淹博純實登嘉定十六年進士第
 授國子正大學博士歷知興國信衢衡袁五州提舉廣東湖南福建常平每至
 官有司例設供張悉命撤去日具蔬飯坐公署事至即面問決遣為政務寬恕

撫諭惻怛一以天理民彝為言民是以不忍欺居官自常奉外一介不取民賦
 有通負悉為代輸尤究心荒政以羨餘為平糶本還將作監拜宗正少卿兼侍
 講凡道德性命之蘊禮樂刑政之事縷縷為上開陳疏奏甚眾彙悉焚棄年八
 十有八終于家逢龍家居講道四方從遊者皆為鉅公名士丞相葉夢鼎出判
 慶元修第子禮常謂師門摩陋欲市其鄰居充拓之逢龍曰鄰里粗安一旦驚
 擾彼雖勉從我能無媿於心逢龍寡嗜欲不好名歷歷日久泊然不知富貴之
 味或問何以裕後逢龍笑曰吾憂子孫學行不進不患其饑寒也
 趙汝騰字茂實宗室子也居福州寶慶二年進士歷官差主管禮兵部架閣遷
 籍田令召試館職授秘書省正字升校書郎尋升秘書郎兼史館校勘輪對言
 節用先自乘輿宮掖始兼玉牒所檢討官以直煥章閣知温州進直徽猷閣江
 東提點刑獄又進直寶文閣差知婺州召赴闕遷起居舍人兼權中書舍人升
 起居郎時暫兼權吏部侍郎兼侍講權工部尚書兼權中書舍人皆兼同修撰以左
 撰兼侍講遷吏部侍郎兼侍講權工部尚書兼權中書舍人皆兼同修撰以左
 司諫陳垓論罷召為禮部尚書兼給事中兼修國史實錄院修撰入奏言前後
 姦諛之臣傷善害賢自取官官要職何益於陛下而深損於聖德與利之臣移
 東就西順適官禁自遂豁整無厭之欲何益於陛下而深戕於國脈則陛下私
 惠羣小之心可以息矣又言陛下有用君子之名無用君子之實兼直學士院
 拜翰林學士兼知制誥兼侍讀辭歸故里累召力辭以龍圖閣學士知紹興府
 浙東安撫使召至闕以瑞明殿學士提舉佑神觀兼翰林學士承旨知泉州知
 州南外宗正事復提舉佑神觀兼侍讀兼翰林學士承旨景定二年卒遺表上
 特贈四官

孫夢觀字守叔慶元府慈谿人寶慶二年進士調桂陽軍教授浙西提舉司幹
 辦公事差主管吏部架閣文字為武學論輪對言人主不容有所憚尤不容有
 所玩憚則有言而不能容玩則雖容其言而不能用力請外添差通判嚴州主
 管崇道觀召為武學博士太常寺丞兼諸王宮大小學教授大宗正丞兼屯田
 郎官將作少監知嘉興府仍舊班兼右司郎官將作監轉對極言風憲之地未

聞有十八疏攻一疎者封駁之司未聞有三舍人不肯草制者道授不明法守
滋亂天下之權將有所寄而倒持之患作當路者滋不悅出知泉州兼提舉市
舶改知寧國府獨遺減賦無算泛入者盡籍于公帑戶部遣官督賦急若星火
閩郡皇駭莫知爲計夢觀曰吾寧委官以去毋寧病民以留力勾祠且將以府
印牒所遣官所遣官聞之夜遁他日夢觀去寧國人言之爲之流涕丞相董槐
召還帝問江東廉吏槐首以夢觀對帝說乃遷司農少卿兼贊善堂贊讀輪對
謂今內外之臣恃陛下以各遂其私而陛下獨一無可恃可爲寒心次論郡國
當爲斯民計朝廷當爲郡國計乞命大臣應自前主計之臣奪州縣之利而歸
版曹者復歸所屬庶幾郡國蒙一分之寬則斯民亦受一分之賜帝善其言遷
太府卿宗正少卿兼給事中起居舍人起居郎八上章辭免以監察御史吳燧
論罷直龍圖閣與祠授秘閣修撰江淮等路提點鑄錢司公事甫至官即復召
爲起居郎兼侍右侍郎給事中兼贊讀兼國子祭酒權吏部侍郎奏事抗論益
切以龍路彰仁賢逝貨財偏聚爲言且謂未易相之前敵政固不少既易相之
後敵政亦自若在廷之士皆危之夢觀曰吾以一布衣蒙上恩至此雖捐軀無
以報利鈍非所計也力求補外以集英殿修撰知建寧府獨租稅省刑罰郡人
徐清叟察抗以爲有古循吏風民有夢從者甚都迎祠山神出視之則夢觀也
俄而夢觀得疾口授遺表不忘規諫遂卒帝悼惜久之賻銀帛三百夢觀退然
若不勝衣然義所當爲奮往直前其居敗屋數間布衣蔬食而重名節云

洪天錫字君疇泉州晉江人寶慶二年進士授廣州司法長史威氣待僚屬天
錫糾正爲多丁內艱免喪調潮州司理勢家奪民田天錫言於守還之帥方大
琮辟真州判官留寘幕府改秩知古田縣行鄉飲酒禮邑劇牒愬猥多天錫剖
決無留難有倚王邸勢殺人者誅之不少貸調通判建寧府大水擅發常平倉
振之權諸司糧料院拜監察御史兼說書累疏言天下之患三宦官也外戚也
小人也劫董宋臣謝堂厲文翁理宗力護文翁天錫又言不斥文翁必爲王府
累上令吳燧宣諭再三天錫力爭謂貴倖作姦犯科根柢蟠固乃遲回護惜不
欲繩以法勢發愈張紀綱愈壞異時禍成雖欲治之不可得矣上又出御札俾

天錫易疏欲自戒飭之天錫又言自古姦人雖憑怙其心未嘗不畏人主之知
苟知之而止於戒飭則憑怙愈張反不若未知之爲愈也章五上出關待罪詔
二人已改命宋臣續處之天錫言臣留則宋臣去宋臣留則臣當斥愿早賜裁
斷越月天雨土天錫以其異爲蒙力言陰陽君子小人之所以辨又言修內司
之爲民害者蜀中地震浙閩大水又言上下窮空遠近怨疾獨貴戚巨闈享富
貴耳舉天下窮且怨陛下能獨與數十人者共天下乎會吳民仲大論等列懇
宋臣奪其田天錫下其事有司而御前提舉所移文謂田屬御莊不當白臺儀
鸞司亦牒常平天錫謂御史所以雪冤常平所以均役若中貴人得以控之則
內外臺可廢猶爲國有紀綱乎乃申劾宋臣并盧允升而枚數其惡上猶力護
之天錫又言修內司供繕修而已比年動曰御前姦賊之老吏迹捕之兇渠一
竄名其間則有司不得舉手校者獻謀暴者助虐其展轉受害者皆良民也願
毋使史臣書之曰內司之橫自今始疏上至六七最後請還御史印謂明君當
爲後人除害不當留患以遺後人今朝廷輕給舍臺諫輕百司庶府而北司獨
重倉卒之際臣實懼焉言雖不果行然終宋世闈人不能竊弄主威者皆天錫
之力而天錫亦自是去朝廷矣改大理少卿再遷太常皆不拜改廣東提點刑
獄五辭明年起知潭州久之始至官戢盜賊尊先賢踰年大治直寶謨閣遷廣
東轉運判官決疑獄劾貪吏治財賦皆有法召爲秘書監兼侍講以贖辭升秘
閣修撰福建轉運副使又辭度宗即位以待御史兼侍讀召累辭不許在道聞
監察御史張桂劾罷之乃疏所欲對病民五事曰公田曰闕子曰銀綱曰鹽鈔
曰賦役又言在廷無嚴憚之士何以癡姦謀遇事無敢諍之臣何以臨大節人
物稀疏精采銷喪隱情惜己者多忘身殉國者少進工部侍郎兼直學士院加
顯文閣待制湖南安撫使知潭州改漳州皆力辭又明年改福建安撫使力辭
不許亭戶買鹽至破家隕身者天錫首罷之民作佛事以報罷務枝員召爲刑
部尚書詔憲守之臣趣行無虛日不起久之進顯文閣直學士提舉太平興國
宮三降御札趣之又力辭踰年進華文閣直學士仍舊官觀尋致仕加端明殿
學士轉一官疾革草遺表以規君相上震悼特贈正議大夫諡文毅天錫言動

有準繩居官清介臨事是非不可回折所著奏議經筵講義進故事通祀輯略味言發墨陽巖文集

黃師雍字子敬福州人少從黃榦學入太學寶慶二年舉進士詔為楚州官屬出盜賊白刃之衝不畏不懼李全反狀已露師雍密結忠義軍別部都統時青圖之謀泄全殺青師雍不為動全亦不加害秩滿朝議褒異師雍恥出史彌遠門不往見之調婺州教授學政一以呂祖謙為法李宗勉趙必願趙汝談皆薦之師雍慕徐僑有清望欲謁之會有召命師雍曰今不可往也僑聞而驚之至闕以其學最聞宗勉在政府方言於丞相喬行簡行簡已許以朝除師雍以書見行簡勸其歸老行簡不悅宗勉之請遂格知遂之龍谿轉運使王伯大上其邑最行簡罷宗勉與史嵩之入相召師雍審察將至而宗勉卒嵩之延師雍密示相親意師雍不領還糧料院又曰料院與相府密邇所以相處師雍亦不領嵩之獨相權勢浸感上下懼禍未有發其姦者博士劉應起首疏論嵩之帝感悟思逐嵩之師雍與應起相善故嵩之疑師雍左右之諷御史梅杞擊師雍差知興化軍旋奪之改知邵武軍及應起為監察御史師雍遷宗正寺簿尋亦拜監察御史首疏削金淵秩送外居住再疏斥趙綸項容孫史官之嵩之終喪正言李昂英殿中侍御史章瑛共疏乞寬斥之師雍亦上疏論列帝感悟即其日詔勒令致仕權直舍人院劉克莊討還詞頭乞昇嵩之以帖職如宰臣去國故事遂得守金紫光祿大夫觀文殿學士致仕議者曰大夫官也觀文職也元降御筆但云守官無本官職之辭觀文之命自克莊登之朋邪顧望不可赦師雍遂劾克莊臨事失身犯義免所居官瑛亦繼劾克莊師雍又乞籍嵩之家隸張叔儀皆從之未幾昂英劾臨安尹趙與憲及執政瑛亦劾執政帝怒昂英并及瑛鄭家乘間劾瑛昂英又嗾同列再疏以昂英屬某人瑛屬師雍師雍毅然不從獨擊葉蘭乃與憲腹心瑛昂英去國家於是薦周坦葉大有入臺首劾程公許江萬里等類日危矣未踰月坦攻麥攻吳潛去陳垓為監察御史時案與憲坦垓大有合為一師雍獨立案惡之尤甚思所以去師雍未得招四人共謀之會大旱求言應詔者多指案坦等為起災之由牟子才李伯玉盧鉞語尤峻

坦等偽撰匿名書誣三士師雍楊前辨謂匿名書條令所禁非公論也不知何為至前因發其偽撰之迹適鉞疏舉師雍案適以鉞附師雍帝不聽擢師雍左司諫未幾案入政府謝方叔趙汝騰疏其姦案遂罷去師雍與丞相鄭清之故同舍然以劾劉用行魏峴皆清之親故清之不樂坦喜曰吾得所以去之矣遣其婦日造清之妻譖曰彼去用行峴乃去丞相之漸也帝將以師雍為侍御史清之曰如此則臣不可留遷起居舍人兼侍講即力勾去清之猶冀師雍少貶師雍曰吾欲為全人終不屈數月坦卒劾師雍及高斯得俱罷久之以直寶文閣奉祠陳垓又嗾同列寢之清之卒起師雍為左史既而改江西轉運使遷禮部侍郎命下而卒于江西官舍師雍簡淡寡欲靖厚有守言若不出口而於衷正之辨甚明視外物輕甚故博采公論當官而行愛護名節無愧師友云徐元杰字仁伯信州上饒人幼穎悟誦書日數千言每冥思精索聞陳文蔚講書鉛山賈朱熹門人往師之後師事真德秀紹定五年進士及第簽書鎮東軍節度判官廳公事嘉熙二年召為秘書省正字遷校書郎奏否秦剋復之理因及右轄久虛非骨鯁者身足負荷斯世者不可輕畀又言皇子竑當置後及蚤立太子乞蚤定大計時諫官蔣峴方力排竑置後之說遂力請外不許即謁告歸勾祠章十二上三年遷著作佐郎兼兵部郎官以疾辭差知安吉州辭召赴行在奏事辭益堅淳祐元年差知南劍州會峽陽寇作擒渠魁八人斬之餘釋不問父老或相語曰侯不來我輩魚肉矣郡有延平書院率郡博士會諸生親為講說民訟率呼至以理化誨多感悅而去輸苗聽其自槩閩郡德之丁母憂去官兼遊道院既免喪授侍左郎官言敵國外患乞以宗社為心言錢塘駐蹕驕奢莫尚宜抑文尚質兼崇政殿說書每入講必先期齋戒嘗進仁宗詔內降指揮許執奏及臺諫察舉故事為戒語多切宮壺拜將作監進楊雄大匠箴陳古節儉時天久不雨轉對極論洪範天人感應之理及古今遇災修省之實辭益忠懇丞相史嵩之丁父憂有詔起復中外莫敢言惟學校叩關力爭元杰時適輪對言臣前日晉侍經筵親承聖問以大臣史嵩之起復臣奏陛下出命太輕人言不可沮抑陛下自盡陛下之禮大臣自盡大臣之禮玉音賜俞臣

又何所容喙。今觀學校之書，使人感歎。且大臣讀聖賢之書，畏天命，畏人言，家庭之變，哀感終事。禮制有常，臣竊料其何至於忽送死之大事。輕出以犯清議哉。前日听庭出命之易，士論所以凜凜者，實以陛下爲四海綱常之主。大臣身任道揆，扶綱綱常者也。自聞大臣有起復之命，雖未知其避就若何，凡有父母之心者，莫不失聲涕零。是果何爲而然。人心天理，誰實無之。與言及此，非可使聞於鄰國也。陛下烏得而不悔悟。大臣烏得而不堅忍。臣懇懇納忠，何敢詆訐。特爲陛下愛惜民彝，爲大臣愛惜名節而已。疏出，朝野傳誦。帝亦察其忠亮，每從容訪天下事。經筵益申前議。未幾，夜降御筆，黜四不才臺諫，起復之命遂寢。元老舊德，次第收召。元杰亦兼右司郎官，拜太常少卿，兼給事中。國子祭酒，權中書舍人。杜範入相，復延議軍國事，爲書無慮數十。所言皆朝廷大政，邊鄙遠慮。每裁書至，宗社隱憂處，輒閉筆揮涕。書就隨削藁。雖子弟無有知者。六月朔，輪當侍立，以暴疾謁告。特拜工部侍郎，隨乞納祿。詔轉一官致仕。夜四鼓遂卒。先元杰未死之一日，方謁左丞相范鍾歸，又折簡察院劉應起，將以翼日奏事。是夕俄熱大作，詰朝不能造朝。夜煩愈甚，指爪忽裂以死。朝紳及三學諸生往弔，相顧駭泣。計聞，帝震悼曰：徐元杰前日方侍立，不聞有疾，何死之遽耶。亟遣中使問狀，贈銀絹二百計，已而太學諸生伏闕，愬其爲中毒。且曰：昔小人有傾君子者，不過使之自死於蠶烟瘴雨之鄉。今蠶烟瘴雨之在嶺海，而在陛下之朝廷，望奮發摩斷，大明典刑。於是三學諸生相繼叩闕訟寃。臺諫交疏論奏。監學官亦合辭聞于朝。二子直諫，直方，乞以恤典充賞格。有旨付臨安府逮醫者孫志寧及常所給使鞠治。既又改理寺，詔殿中侍御史鄭寀董之。且募告者賞緡錢十萬。官初品大理寺正黃溝謂伏著證，二子乞斬溝謝先臣，然獄迄無成。海內人士傷之。帝悼念不已，賜官田五百畝，緡錢五千，給其家。賜諡忠愍。

孫子秀，字元實，越州餘姚人。紹定五年進士，調吳縣主簿。有妖人稱水仙太保，郡守王遂將使治之，莫敢行。子秀奮然請往，焚其廬，碎其像，沈其人於太湖。曰：實汝水仙之名矣。妖遂絕。日詣學宮，與諸生討論義理。辟准東總領所中酒庫，檄督宜興縣園田租。既還，白水災，總領恚曰：軍餉所關而敢若此，獨不爲身計。

乎。子秀曰：何敢爲身計。寧罪去爾。力爭之，遂免。調滁州教授。至官，改知金壇縣。嚴保伍，釐經界，結義役，一切與民休息。訟者使齋牒自詣里正，并鄰證來然後行。不實者往往自匿。其牒惟豪黠者有犯，則痛繩不少貸。淮民流入以萬計，振給撫恤，樹廬舍，括田使耕。拔其能者分治之。崇學校，明教化。行鄉飲酒禮，訪國初茅山書院故址，新之，以待遠方遊學之士。通判慶元府，主管浙東鹽事。先是諸場鹽百袋，附五袋，各五釐鹽。未幾，提舉官以爲正數，民困甚。子秀奏蠲之，辟幹辦行在諸司糧料院，衢州寇作，水冒城郭，朝廷擇守，屬子秀行。子秀謂捕賊之責雖在有司，亦必習土俗之人，乃能翦其憑依。截其奔突，乃立保伍，選用土豪，首旌常山縣令陳謙亨，寓士周遠淳等捍禦之勞。且表於朝，乞加優賞。人心由是競勸。未幾，盜復起江山玉山間。甫七日而衆禽四十八人。以來自，終子秀之任，賊不復動。水潦所及，則爲治橋梁，修堰牖，補城壁，浚水原，助葺民廬，振以錢米。招通鄰羅，奏蠲秋苗萬五千石有奇。盡代納其夏稅，并除公私一切之負。坍溪沙壅之田，請於朝，永蠲其稅。民用復蘇。南渡後，孔子裔孫寓衢州，詔權以衢學奉祀。因循踰年，無專饗之廟。子秀撤廢佛寺，奏立家廟。如闕里既成，行釋菜禮。以政最遷太常丞，以言罷。未幾，遷大宗正丞。遷金部郎官，金部舊責州郡以必不可辦之泛數，吏顛倒爲姦。欺子秀日夜討論，給冊轉遞，以均其輸。人人如債切身，不遺一字而輸足。遷將作監，准東總領辭，改知寧國府。辭爲左司，兼右司。再兼金部與丞相丁大全議不合去國。差知吉州，尋鑄罷，時孽倖朱熠凡三劫子秀，開慶元年爲浙西提舉常平。先是大全以私人爲之，盡奪亭民鹽本錢充獻羨之數。不足則估籍虛攤。一路騷動，亭民多流亡。子秀還前政鹽本錢五十餘萬貫。奏省華亭茶鹽分司官定衡量之非法多取者。於是流徙復業。徙浙西提點刑獄兼知常州。准兵數百人浮寓寶院，給餉不時。死者相繼。子秀請於朝，創名忠衛軍，置砦以居。截撥上供贍之盜劫吳大椿。前使者諱其事，誣大椿與兄子煇爭財，自劫其家，追毀大椿官。編置千里外，徙駭其賊獲。子秀廉得實，乃悉平反之。尋以兼郡則行部非便，得請專臬事。擊貪舉廉，風采凜然。犴獄爲清。進大理少卿。直華文閣。浙東提點刑獄兼知婺州。婺多勢家，有田連阡陌而

無賦稅者。子秀悉數其田。書諸牘。勢家以為厲己。嗾言者罷之。尋遷湖南轉運副使。以迎養非便辭。移浙西提點刑獄。子秀冒暑周行八郡三十九縣。獄為之清安。吉州有婦人。戀人殺其夫。與二僕。郡守捐賞萬緡。逮繫者掠十餘人。終莫得其實。子秀密訪之。乃婦人賂宗室子殺其夫。僕救之。併殺以滅口。一問即伏誅。又釋僞會之連逮者。遠近稱為神明。初獄訟之滯。皆由期限之不應。使者下車。或親書戒州縣勿違。而違如故。則怒之。改匣又違。則又重怒之。至再三而專卒四出。巡尉等司繳限抱匣費不貲。則其勢必違。子秀與州縣約。到限者徑詣庭下。吏不得要索。亦無違者。其後創循環總匣。屬各州主管官。凡管內諸司報應。皆併入匣。一日一遣。公移則又總實於匣以往。於是事無小大。纖悉畢具。而風聞者反謂專卒凌州縣。劾罷之子秀笑而已。移江東提點刑獄。度宗即位。進太常少卿。兼右司。尋兼知臨安府。以言罷。起知婺州。卒。子秀少從上虞劉漢弼遊。落英發。抵掌極談。神采飛動。與人交久而益親。死生患難。營救不遺力。聞一善則手錄之。

李伯玉字純甫。饒州餘干人。端平二年進士第二。初名誠。以犯理宗潛諱。更今名。授觀察推官。太學正。兼莊文府教授。太學博士。召試館職。歷詆貴戚大臣。直聲暴起。改校書郎。奏言臺評迎合上意。論罷尤煇。楊棟。盧鉞三人。忠衷不辨。乞同罷。帝不允。監察御史陳垓連劾罷之。奉雲臺祠。差知南康軍。遷著作佐郎。兼沂靖惠王府教授。兼考功郎。官兼尚書右司員外郎。引故事。彈臺臣蕭泰來。遷著作郎。帝怒。降兩官罷。敕復知邵武軍。改湖北提點刑獄。移福建。遷尚右郎官。侍御史何夢然論伯玉。迺吳潛之死黨。奉祀。遷福建提舉常平。淮西轉運判官。召赴經筵。遷考功郎。兼太子侍讀。拜太府少卿。秘書少監。起居郎。工部侍郎。度宗即位。兼侍講。權禮部侍郎。升兼同修國史。實錄院同修撰。買似道嘗集百官議事。忽厲聲曰。諸君非似道拔擢。安得至此。眾默然。莫敢應者。伯玉答曰。伯玉殿試第二名。平章不拔擢。伯玉地步亦可以至此。似道雖改容而有怒色。既退。即治歸。以顯文閣待制知隆興府。右正言黃萬石論罷。召入覲。權禮部尚書。兼侍讀。似道益專國柄。帝以伯玉舊學。進之臥內。相對泣下。欲用以參大政。似

道益忌之。而伯玉尋病卒。伯玉嘗請罷童子科。以為非所以成人材。厚風俗。趙汝騰嘗薦八士。各有品目。於伯玉曰。銅山鐵壁。立朝風節。大較似之。所著有斛峯集。
論曰。陸持之學。足以承其家。而不幸蚤喪。徐鹿卿論議明達。克施有政。趙逢龍之清操。汝騰之不撓。孫夢觀之平直。洪天錫黃師雍。徐元杰。李伯玉。皆悉心直言。不避權勢。孫子秀政績著見。皆當時之傑出云。

宋史卷四百二十四

元中書右丞相總裁脫脫等修
列傳第一百八十四

劉應龍

潘枋

洪芹

趙景緯

馮去非

徐霖

徐宗仁

危昭德

陳壇

楊文仲

謝枋得

劉應龍字漢臣瑞州高安人嘉熙二年進士授零陵主簿饒州錄事參軍有毛
 隆者務剽掠殺人州民被盜遙呼盜曰汝毛隆也盜亦曰我毛隆也既訟于官
 捕隆置獄應龍曰盜賊毛隆其肯自謂因言于州州不可乃委宅官隆誣伏抵
 死未幾盜敗應龍絲是著名改知崇仁縣淮西失守江西諸州有殘破者縣佐
 貳聞變先遁應龍固守不去先是理宗久未有子以弟福王與芮之子為皇子
 丞相吳潛有異論帝已不樂大元兵渡江朝野震動遂丞相丁大全復起潛為
 相帝問潛策安出潛對曰當遷幸又問卿如何潛曰臣當死守於此帝泣下曰
 卿欲為張邦昌乎潛不敢復言未幾北兵退帝語羣臣曰吳潛幾誤朕遂罷潛
 相帝怒潛不已應龍朝受命帝夜出象簡書疏兼授應龍使劾潛應龍謂潛本
 有賢譽獨論事失當臨變寡斷祖宗以來大臣有罪未嘗輕誅戮欲望姑從
 寬典以全體貌帝大怒迺按劾丁大全請加竄斥疏言內莫急於蘇民瘼以固
 國本外莫急於討軍實以振國威又言時政四事廣發廩以振民饑通商販以
 助民食勸分富室以助官糴嚴等第以覈民數稽檢放以蘇民窮嚴載盜以除
 民害賈以道素忌潛會京師米貴應龍為勸糴散官者取以上聞帝問知應龍
 所作問以道米價高當亟處之似道訪其由亦怒應龍遷司農少卿尋以右諫
 議大夫孫附鳳言遂去國景定三年湖南饑起提舉常平以救荒功遷直寶章
 閣廣南東路轉運判官遷秘書監兼國史編修實錄檢討知隆興府兼江西轉
 運副使奏免和糴二十萬石權權戶部侍郎兼侍講時似道當國百官奏對稍
 切直者輒黜應龍言臣觀今日之事可言者多矣邇日以來靖恭自守者以論
 事為忌指陳稍切者聯翩引去豈兩省繳駁過甚重其疑歟抑廷臣奏對拂意

速其畏歟朝廷清明之時而言者已懷疑畏臣恐正臣奪氣鯁臣吃苦宜非威
 世所有遂近當路自侍從兩省以下無不切齒未幾以集英殿修撰知建寧府
 亟辭中書舍人盧鉞希指封還錄黃久之起為江東轉運使辭南海寇作朝廷
 患之乃以顯謨閣待制知廣州廣東經略安撫使寇聞應龍至遁去應龍勦逐
 之南海大治特旨屢召拜戶部侍郎仍兼侍讀七上奏辭免德祐元年遷兵部
 尚書寶章閣直學士知贛州兼江西兵馬鈐轄青海軍節度使力辭隱九峯子
 元高亦舉進士知侯官縣沒洪天錫數日朝廷失一御史矣

潘枋字庭堅福州閩人端平二年策進士枋對曰陛下承休上帝皈德匹夫何
 異為人子孫身荷父母劬勞之賜乃指豪奴婢為恩私之地欲父母無怒不
 可得也又曰陛下手足之愛生榮死哀反不得視士庶人此如一門之內骨肉
 之間未能親睦是以僮僕疾視鄰里生侮宜厚東海之恩裂淮南之土以致人
 和時對者數百人庭堅語最直會殿中侍御史蔣峴劾方大琮劉克莊王邁前
 倡異論併誣枋姓同逆賊策語不順請皆論以漢法枋調鎮南軍節度推官衢
 州推官歷浙西提舉常平司遷太學正旬日出通判潭州日食應詔上封事曰
 熙寧初元日食詔郡縣掩骼著為令故王一杯淺土其為暴骸亦大矣請以王
 禮改葬又移書丞相游似申言之似心善其言方將收用之而枋卒

洪芹尚書右僕射適之曾孫以大父澤入官甫更調登進士第自南平司法改
 欽州教授部使者愛其才先後並薦之有旨召審察丁內外艱入主省架閣遷
 太學博士論對發明契矩之道權國子博士出通判南劍入為太常博士累遷
 將作少監屬詞臣無當上意慨然思得天下士丞相程元鳳言當今地望無踰
 洪芹者進兼翰林權直秘書少監開慶元年升直學士院繼權禮部侍郎中書
 舍人屬兵與帝悟柄任非人自貽國禍詔書所至聞者奮激蓋芹所草也丁大

全罷相出典鄉郡芹遷禮部侍郎繳奏大全鬼域之資穿窬之行暴戾淫黷引
 用凶惡陷害忠良邊塞言路濁亂朝綱乞盡從諫臣所請追官遠竄以伸國法
 以謝天下沈炎乘上怒攻丞相吳潛芹獨繳奏曰方國本多虞潛星馳赴闕理
 紛鎮浮陳力為多一旦視為弁髦得無如詩所謂將安將樂女轉妻子乎慷慨

敢言天下義之選禮部侍郎帝銳意擢用而以論去退寓永嘉怡然自適咸淳初起知寧國府卒有文集

趙景緯字德父臨安府於潛人少勤學弱冠得周惇頤程顥兄弟諸書讀之恨

不及登朱熹之門熹門人葉味道謂之曰度正吾黨中第一人遂往見首誨以

求放心為本由是往來味道正之間研索益精入太學登淳祐元年進士第授

江陰軍教授諸生守其槩度丁母憂以祿不逮養服闕不調作讀易菴懸雷山

江東提點刑獄吳勢卿辟為幹辦公事不就召為史館檢閱辭不許乞換待次

教授不許乞岳祠又不許乞致仕不報有旨特與改合入官主管崇道觀三辭

不許景定元年特授秘書郎兩辭不許遷著作郎辭不許以疾勾祠差主管佑

神觀兼史館校勘史成兩乞外祠進直秘閣與在外官觀辭職名不許差主管

崇禧觀台州守王華甫建上蔡書院禮景緯為堂長以疾辭依舊職差知台州

兩辭不許趣命益嚴至郡以化民成俗為先務首取陳述古論俗文書示諸邑

且自為之說使其民更相告諭諷誦服行期無失墜約束官吏擾民五事取孝

經庶人章為四言詠贊其義使朝夕歌之至有為之感涕者舉遺逸車若水林

正心于朝旌孝行作訓孝文以勵其俗平重刑懲誹訐治豪橫建黃巖縣社倉

六十有六浚河道九十里築隄路三十里節浮費為下戶代輸秋苗奏蠲五邑

坊河渡錢期年之內乞歸田里者再進者功即官再辭不許兼沂靖惠王府教

授辭不許是冬四辭新命且乞祠皆不許乃乞於赤城桐柏之間采藥著書庶

幾有補後學使病廢之身不為無用於聖世不許御筆兼崇政殿說書三辭不

許乃造朝侍緝熙殿以易進講論聖人體元之妙在惟幾人君得此則天下有

治而無亂人事有吉而無凶矣又曰惕厲祗懼乃天心之所存聖人先處於憂

故能無憂先處於危故能無危者乃先自處於安樂則憂危乘之矣又論監司

守令其說曰知人之難自古已然人才乏使莫令為甚或觀望而撓於勢或阿

私而徇於情或是非不公而以枉為直或毀譽失實而以污為廉遂使舉刺不

當不足以服天下之心與其糾劾於有罪之後而未必盡得其情孰若精擇於

意者不過悅人心而已百姓之心即天心也錮私藏而專天下之同欲則人不

悅保私人而違天下之公議則人不悅閭閻之糟糠不厭而燕私之供奉自如

則人不悅百姓之膏血日涸而符移之星火愈急則人不悅不公於己而欲絕

天下之私則人不悅不澄其源而欲止天下之貪則人不悅夫必有是數者斯

足以召怨而致災願陛下指內帑以絕壘利之誘出嬪嬙以節用度之奢弄權

之貂寺素為天下之所共惡者屏之絕之毒民之恩澤侯嘗為百姓之所憤者

黜之弃之擇忠鯁敢言之士置之臺諫以通關鬲之壅選慈惠忠信之人使為

守宰以保元氣之殘又必稽乾淳以來凡利源窳名之在百司庶府者悉隸其

舊以濟經用之急公田販買不均之敝聽民自陳隨宜通變以安田里之生則

人心悅天意解矣人之常情懼心每發於災異初見之時不能不潛移於詔諫

交至之後萬一過聽左右寬譬之言曲為他說以自解毛舉細故以塞責而恐

懼之初心弛則下拂人心上違天意國之安危或末可知又曰損玉食不若損

內帑卻貢奉之為實避正朝不若塞侍門廣忠諫之為實肆大書固所以廣仁

恩又不若擇循良黜貪暴之為實蓋天意方回而未豫人心乍悅而旋疑此正

陰陽騰復之會眷命隆替之機也兼國史院編修官實錄院檢討官辭不許轉

對言願明辨義利之限力破繫吝之私以天自處而絕內外之分以道制欲而

黜耳目之累毋以閭閻之賤干公議毋以戚畹之私紊國常乞歸田里不許拜

太府少卿兼職仍舊再辭不許復上疏乞歸不許以直數文閣知嘉興府辭仍

乞奉祠皆不許咸淳元年至郡首以護根本正風俗為先務三乞辭不許拜宗

正少卿御筆兼侍講辭不許乃還家三乞祠御筆趣行猶乞寬告不許至國門

御筆兼權工部侍郎時暫兼權中書舍人三辭不許以禮記進講開陳敬恕之

義封還濫恩詞頭帝從之又言損德害身之大莫過於嗜欲而嗜嗜欲之要莫

切於思居處則思敬動作則思禮祭祀則思誠事親則思孝每御一食則思天

下之饑者每服一衣則思天下之寒者嬪嬙在列必思夏桀以嬖色亡其國飲

事而有疑焉。內批疊降而名器輕。宮闈不嚴而主威蕩。橫恩之濫。已收而復出。戢食之詔。方嚴而隨弛。宮正什伍之令。所以防奇袤。而或縱於乞憐之卑。詞緇黃出入之禁。所以嚴宸居。而間惑於稽禳之小數。以至彈墨未乾。而拔拭之旨。已下駭。奏未幾。而捷出之徑。已開。命令不疑。則陽縱而不收。主意不堅。則陰閉而不密。陛下可不思致災之由。而亟求所以正之哉。願清其天君。以端出治之源。謹其號令。以肅紀綱之本。毋牽於私恩。而撓公法。毋遷於濫言。而亂舊章。去讒而遠色。賤貨而貴德。則人心悅。而天意得。可以開太平。而兆中興也。進權禮部侍郎。兼修玉牒。再辭。不許。升兼侍讀。辭。不許。進聖學四箴。一曰。惜日力。以致其勤。二曰。精體認。以充其知。三曰。屏嗜好。以專其業。四曰。謹行事。以驗其用。五曰。乞歸田里。帝勉留之。請益力。特授集英殿修撰。知建寧府。辭。不許。乃還家。召爲中書舍人。三辭。不許。請益力。進顯文閣待制。依所乞。予祠。職名。不許。遂差提舉玉隆萬壽宮。有疾。謝醫。却藥。曰。使我清心。以順天命。毋重惱我懷。拱手三揖。乃卒。詔特贈四官。至中奉大夫。諡文安。景緯天性孝友。雅志冲澹。親沒無意仕進。故其立朝之日不久云。

馮去非。字可遷。南康都昌人。父椅。字儀之。家居授徒。所註易書詩語孟。太極圖。西銘輯說。孝經章句。喪禮小學。孔子弟子傳。讀史記及詩文志錄。合二百餘卷。去非淳祐元年進士。嘗幹辦淮東轉運司。治儀真。歐陽修東園在焉。使者黃濤欲以爲佛寺。時已許薦。去非力爭不得。寧不受使者薦。謁告而去。寶祐四年。召爲宗學諭。丁大全爲左諫議大夫。三學諸生叩闕言不可。帝爲下詔禁戒。詔立石三學。去非獨不肯書名碑之下。方監察御史吳衍翁應劭諸生下獄。去非復調護宗學生之就逮者。未幾。大全簽書樞密院事。參知政事。蔡抗去國。去非亦以言罷歸。舟泊金焦山。有僧上謁。去非不虞。其爲大全之人也。周旋甚歡。僧乘間致大全意。願毋遽歸。少俟。收召。誠得尺書以往。成命即下。去非奮然正色曰。程丞相蔡參政。率率老夫至此。今歸吾廬山。不復仕矣。斯言何爲至我。絕之不復與言。

徐霖。字景說。衢州西安人。年十三。有志聖人之道。取所作文焚之。研精六經之

奧。探蹟先儒心傳之要。淳祐四年。試禮部第一。知貢舉官。入見理宗曰。第一名得人。嘉獎再三。登第授沅州教授。時宰相史嵩之挾邊功。要君植黨。顧國霖上疏。歷言其姦深之狀。以爲其先也。奪陛下之心。其次奪士大夫之心。而其甚也。奪豪傑之心。今日之士大夫。嵩之皆變化其心。而收攝之矣。且其變化之術甚深。非章章然號於人。使之爲小人也。常於善類擇其質柔氣弱。易以奪之者。親任一二。其或稍有異己。則潛棄而擯遠之。以風其餘。彼以名節之尊。不足以易富貴之願。義利之辨。亦終暗於妻妾宮室之私。則亦從之而已。疏奏。見者吐舌。爲霖危之。未幾。嵩之匿父喪。求起復。君子並起而攻之。上大感悟。丞相范鍾進所召試館職二人。上思霖之忠。親去其一。易霖名。及試。則曰。人主無自強之志。大臣有患失之心。故元良未建。凶姦未竄。是時丞相杜範已薨。而鍾雖得位。畏姦人覆出。爲己禍故也。擢秘書省正字。霖辭不獲命。遂就職。會日食。霖應詔上封事曰。日陽類也。天理也。君子也。吾心之天理。不能勝乎人欲。朝廷之君子。不能勝乎小人。宮闈之私。曜未屏。瑣闥之姦。未辨。臺臣之討賊不決。精稷感泣。日爲之食。又數言建立太子。遷校書郎。七年夏。大旱。霖應詔言。諫議大夫不易。則不雨。京兆尹不易。則不雨。不報。去國。上遣著作郎姚希得留之。不還。御筆改合入官。迺改宣教郎。霖屢辭曰。向爲身死。而不敢欺其君父。今以官高而自眩於平生。失其本心。何以暴其忠志。又曰。志貴乎潔。忠尚乎精。即有取則自蹈於坵汗矣。八年夏。添差通判信州。霖皆力辭。竟未拜。改秩之命故也。尋令守臣勉諭之。特改宣教郎。主管雲臺觀。霖迺拜受。十二年。遷秘書省著作郎。累辭。不許。兼國史編修。實錄檢討。上曰。今日所當言者。當備陳之。霖復以正太子名爲言。又奏。萬化之本在心。存心之法在敬。兼權尙左。即官兼崇政殿說書。迺上疏言。葉大有陰柔姦黠。爲羣檢冠。不宜久長。臺諫乞斥去。不報。兼權左司。霖知無不言。於是讒嫉者思以中傷。而上亦不悅。乞補外。知撫州。祠先賢。寬租賦。振饑窮。誅悍將。建營砦。幾一月。而政舉。化行。以言去。士民遮道不得行。及暝。始由徑以出。寶祐元年。差知衢州。三年。當之官。遂辭。差知袁州。五年。丁外艱。哀毀號絕。水漿不入口。七日。明年開慶元年。差主管崇禧觀。景定二年。知汀州。明年卒。將終。

謂其長子心亨曰。有生必有死。自古聖賢皆然。吾復何憾。尚書省請加優異。詔與一子恩澤。度宗賜祭田百畝。以旌直臣。霖間居衡。守游釣築精舍。聘霖為學者。講道。是日聽者三千餘人。

徐宗仁。字求心。信之永豐人。淳祐十年進士。歷官為國子監主簿。開慶元年。伏闕上書曰。賞罰者軍國之綱紀。賞罰不明。則綱紀不立。今天下如器之敝。而未墜於地。存亡之機。固不容髮。兵虛將惰。而力匱財殫。環視四境。類不足恃。而所以維持人心。奔走豪傑者。惟陛下賞罰之微權在耳。權在陛下。而陛下不知所以用之。則未墜者安保其終不墜乎。臣為此懼久矣。陛下當危急之時。出金幣。賜土田。授節鉞。分爵秩。尺寸之功。在所必賞。故當悉心效力。圖報萬分可也。而自幹腹之兵。越江踰廣以來。凡閱數月。尚未聞有死戰陣死封疆。死城郭者。豈賞罰不足以勸懲之耶。今通國之所謂佚罰者。不過丁大全。袁玠。沈翥。張鎮。吳衍。翁應弼。石正。則王立愛。高鑄之徒。而首惡則董宋臣也。是以廷紳抗疏。學校叩闕。至有欲借尚方劍為陛下除惡。而陛下乃釋而不問。豈真欲愛護此數人。而重拂千萬人之心。天下之事勢急矣。朝廷之紀綱壞矣。若誤國之罪不誅。則用兵之士不勇。今東南一隅天下。已半壞於此數人之手。而罰不損其毫毛。彼方擁厚賞。挾聲色。高臥華屋。而使陛下與二三大臣焦心勞思。可乎。三軍之在行者。豈不憤然不平。曰。稔禍者誰歟。而使。我捐軀兵革之間。百姓之罹難者。豈不羣然胥怨。曰。召亂者誰歟。而使。我流血鋒鏑之下。陛下亦嘗一念及此乎。又極論邊事。謂惠愛而威不振。論董宋臣盤固日久。蒙蔽日久。又請使有言責者。皆得以盡其言。則國論伸而國威振。臣雖屏處山林。亦有生氣。還國子監丞。秘書省著作佐郎。主管崇禧觀。遷考功郎官。兼崇政殿說書。進讀數天圖。遷太府少卿。兼侍講。兼侍立。修注官。遷大常少卿。兼國史編修。實錄檢討。知寧國府。監察御史。郭闡論罷。德祐元年。起授吏部侍郎。兼中書門下檢正。諸房公事。兼提領豐儲倉所。兼同修國史。實錄院同修撰。侍左侍郎。乞假督府。名稱往本州。同守臣防。拓不允。權禮部尚書。兼益王府贊讀。衛益王走海上。厓山兵敗。死焉。危昭德。昭武人。寶祐元年進士。歷官為史館檢閱。校勘。武學諭。宗正寺簿。兼崇

政殿說書。遷秘書郎。疏言。國之命在民。民之命在士大夫。士大夫不廉。陵民膏血。為己甘腴。民不堪命矣。又言。願陛下與二三大臣。察利害之實。究安危之本。明詔郡國。申嚴號令。俾急其所急。凡荒政之當舉者。不可一日而置念。緩其可緩。凡苛賦之肆擾者。易為此時之寬。征固結人心。乃所以延天命也。又言。願陛下舉考課之事。內以責諸諫糾之職。外以責諸監司郡守之計。貪濁昏庸。固在必懲。廉能正直。尤當示勸。察之精。則黜陟之威。服行之力。則觀聽之具。卒而課吏之實得矣。進兼侍講。又言。民者邦之命脈。欲壽國脈。必厚民生。欲厚民生。必寬民力。且條上厲民四敝。又言。願陛下為萬世根本之慮。為一時倉卒之防。必求安節之亨。毋招不節之咎。節之又節。則宮闈之費。差省。裕藏之積。自充。上用足而下不匱矣。又乞察欣瘁休戚之故。酌利害損益之宜。孰為當因。孰為當革。孰為可罷。孰為可行。則折衷泉貨而遠近便。開通關梁而商賈行。下修身奉法之詔。而吏得自新。出輪倉助貸之令。而民免貴糶室墨敕之門。而無官府黜陟之異。止輪臺之議。而無疆界彼此之分。則氣脈蘇醒。意向翕合矣。遷起居舍人。兼國史編修。實錄檢討。尋遷殿中侍御史。侍御史。諫作宗陽宮。權工部侍郎。兼同修國史。實錄院。乞致仕。特轉一官。昭德在經筵。以易春秋大學衍義進講。反覆規正者甚多。所著春山文集。子徹孫。咸淳元年進士。

進易退之風。當見於聖世。人才幸甚。又言請以從官做古昔人從出藩之意。其從臣爲諸路憲漕則以提點刑獄使轉運使繫銜假之使各不與庶官別。仍乞除授自臣始。自是屢言於帝前。不許。以言罷。未幾。進集英殿修撰。知婺州。改知太平州。兼江東轉運副使。請蠲放諸郡災傷。加戶部侍郎。准東總領。尋提領江淮茶鹽所。兼知太平州。發公帑代三縣輸折絲帛錢五十萬九千三百六十餘貫。又作浮淮書堂以處兩淮之民。而教之。進顯謨閣待制。知廣州。權兵部尚書。又進寶章閣直學士。知婺州。遷權戶部尚書。尋爲真。時暫兼吏部尚書。以寶文閣學士知潭州。兼湖南安撫使。召赴闕。以舊職提舉太平興國宮。加龍圖閣學士。依舊官觀。久之。加端明殿學士。咸淳四年卒。謚清毅。增履歷節。軍民愛戴。幕客咸多。而增又樂薦士。所著可齋叢書二十卷。

楊文仲。字時發。眉州彭山人。七歲而孤。母胡年二十有八。守節自誓。教養諸子。文仲既冠。以春秋貢。其母喜曰。汝家至汝三世。以是經收效矣。淳祐七年。文仲以貢試第一入太學。九年。又以公試第一升內舍。時言路頗壅。因季冬雷震。首帥同舍叩闕。極言時事。有曰。天本不怒人。激之使怒。人本無言。雷激之使言。一時爭傳誦之。升上舍。爲西廊學錄。丞相謝方叔嘗問文仲曰。今日何事最急。對曰。國本未建。莫大於此。上意未喻。當以死請可也。寶祐元年。登進士第。丁母憂。釋服。屬從叔父棟守婺州。罷歸。寓餘杭。文仲往問伊洛之學。調復州學教授。轉運使印應飛辟入幕。明禁婦寃獄。應飛悉從文仲議。且薦之。荆湖北宣撫使趙葵署文仲佐分司幕。姚希德江萬里合薦文仲學爲有用。辟四川宣撫司準備差遣。添差沿海制置司幹辦公事。召爲戶部架閣。遷太學正。升博士。時棟爲祭酒。講學益詰精邃。遷國子博士。召外。添差通判台州。故事守貳尙華俊。正月望。取燈民間。更以白文仲曰。爲吾然一燈足矣。劾農東郊守。因欲泛湖。文仲卽先馳歸。添差通判楊州。牙契舊額歲爲錢四萬緡。累政增至十六萬。開告訐以求羨。文仲曰。希賞以擾民。吾不爲也。卒增十八界一而已。制置使李廷芝檄主管機宜文字。時有沙田。使者欲舉行之。文仲力爭。以爲事不可妄。蓋與民之惠有限。不擾之惠無窮。江北風寒之地。民力竭矣。爲利幾何。安忍重擾吾民乎。事遂

不行。召爲宗學博士。郊祀攝壇壇子階監察御史。近輔兵變水患。輪對言。皇天眷命。垂四百年。天命久熟之餘。國脈癯老之候。此豈非一大喜懼之交乎。願陛下下一初清明。自作主宰。又曰。春多沈陰。豈但麥秋之憂。於時爲夫。尤軫寬陸之慮。天目則洪水發焉。蘇湖則弄兵與焉。蛾冠千子。而每見大夫之乏使。佩印疊疊。而常慮倉潰之無服。將習黃金橫帶之娛。兵疲赤籍掛虛之冗。蚩蚩編氓。得以輕統府。瑣瑣警遠輒以憂朝廷。設不幸事有大於此者。國何賴焉。帝聽。願問甚至。遷太常丞。尋兼權倉部郎官。兼崇政殿說書。遷將作少監。又遷將作監。文仲在講筵。每以積誠感動。嘗進讀春秋。帝問五霸何以爲三王。罪人。文仲奏云。齊桓公當王。霸升降之會。而不能爲向上事業。獨能開世變厲階。臣考諸春秋。桓公初年多書人。越二十年。代楚定世子之功。既成。然後書侯之辭。迭見此所以爲尊王抑霸之大法。然王豈徒尊哉。蓋欲周王子孫。率修文武成康之法度。以扶持文武成康之德澤。則王迹不熄。西周之美可尋。如此方副春秋尊王之意。帝曰。先帝聖訓有曰。絲竹之亂耳。紅紫之眩目。良心善性。皆本有之。又曰。得聖賢心學之指。要本領端正家傳世守。以是而君國子民。以是而祈天永命。以是而貽謀燕翼。大哉先訓。朕朝夕服膺。時帝以疾連不視朝。文仲奏。擊色之事。若識得破。元無可好。帝斂容端拱久之。盛夏建宗陽宮。壞徙民居。畿甸騷然。文仲疏諫。移閣閣之聚。爲香火之庭。不得爲善計矣。陛下紹祖宗之位。豈以黃老之居爲輕重哉。翼日面奏。益懇至。丞相賈道怒曰。楊文仲多言。詔卿監以上薦人才。文仲薦陳存。呂折。鍾季玉等。十有八人。名士二人。金華王柏。天台車若水也。兼國子司業。兼侍立修注官。又以救太學教諭彭成天。迂似道。主管崇禧觀。出知衡州。運餉有法。而民不擾。以所當得米八千石立思濟倉。召爲祕書少監。尋兼崇政殿說書。以疾乞致仕。不許。兼國史院編修官。實錄院檢討官。遷太常少卿。兼國子司業。遷起居舍人。瀛國公卽位。授權工部侍郎。兼權侍右郎官。尋兼給事中。有申明堂議。以上公攝行。文仲議曰。今祇見天地之始。雖在幼沖。比卽喪次。已勝拜跪。執禮無違。所當親饗。時丞相王燦陳宜中不協。文仲上疏言事。危且急矣。祖宗所深賴。億兆所寄命。在乎二相。苟以不協之故。今日不

戰明日不征時不再來後悔何及尋兼國子祭酒請誡金華何基及柏時大元兵渡江畿甸震動朝士多棄去者侍從班惟文仲一人詔旌在列不去者二階文仲疾益甚旬祠以集英殿修撰知漳州三上章乞致仕改知泉州因將家踰嶺南待次卒而宋亡矣有謝見山文集焉

謝枋得字君直信州弋陽人也為人豪爽每觀書五行俱下一覽終身不忘性好直言與人論古今治亂國家事必掀髯抵几跳躍自奮以忠義自任徐霖稱其如驚鶴摩霄不可籠繫寶祐中舉進士對策極攻丞相董槐與宦官董宋臣意擢高第矣及奏名中乙科除撫州司戶參軍即棄去明年復出試教官中兼經科除教授建寧府未上吳潛宣撫江東西辟差幹辦公事團結民兵以扞饒信撫科降錢米以給之枋得說鄧傳二社諸大家得民兵萬餘人守信州暨兵退朝廷覈諸軍費幾至不免五年彗星出東方枋得考試建康擢似道政事為問目言兵必至國必亡漕使陸景思銜之上其棄於似道坐居鄉不法起兵時冒破科降錢且誹謗道兩官謫居與國軍咸淳三年赦放歸德祐元年呂文煥導大元兵東下鄂黃蘄安慶九江凡其親友部曲皆誘下之遂屯建康枋得與呂師夔善乃應詔上書以一族保師夔可信乞分沿江諸屯兵以之為鎮撫使使之行成且願身至江州見文煥與議從之使以沿江察訪使行會文煥北歸不及而反以江東提刑江西招諭使知信州明年正月師夔與武萬戶分定江東地枋得以兵逆之使前鋒呼曰謝提刑來呂軍馳至射之矢及馬前枋得走入安仁調淮士張孝忠逆戰團湖坪矢盡孝忠揮雙刀擊殺百餘人前軍稍却後軍繞出孝忠後眾驚潰孝忠中流矢死馬奔歸枋得坐敵樓見之曰馬歸孝忠敗矣遂奔信州師夔下安仁進攻信州不守枋得乃變姓名入建寧唐石山轉茶坂寓逆旅中日麻衣躡屣東鄉而哭人不識之以為被病也已而去賈卜建陽市中有來卜者惟取米屨而已委以錢率謝不取其後人稍稍識之多延至其家使為弟子論學天下既定遂居閩中至元二十三年集賢學士程文海薦宗臣二十二人以枋得為首辭不起又明年行省丞相忙兀台將旨詔之執手相勉勞枋得曰上有堯舜下有巢由枋得名姓不祥不敢赴詔丞相義之

不強也二十五年福建行省參政管如德將旨如江南求人材尚書留夢炎以枋得薦枋得遺書夢炎曰江南無人材求一環呂鉅甥程學杲白廝養卒不可得也紂之亡也以八百國之精兵而不敢抗二子之正論武王太公凜凜無所容急以興滅繼絕謝天下殷之後遂與周並立使三監淮夷不叛武庚必不死殷命必不黜夫女真之待二帝亦慘矣而我宋今年遣使祈請明年遣使問安王倫一市井無賴狎邪小人謂梓宮可還太后可歸終則二事皆符其言今一王倫且無之則江南無人材可見也今吾年六十餘矣所欠一死耳豈復有它志哉終不行郭少師從瀛國公入朝既而南歸與枋得道時事曰大元本無意江南屢遣使使頓兵令毋深入待還歲幣即議和無枉害生靈也張宣然上書乞斂兵從和上即可之兵交二年無一介行李之事乃擧數百年宗社而降因相與痛哭福建行省參政魏天祐見時方以求材為急欲薦枋得為功使其友趙孟頫來言枋得罵曰天祐仕閩無毫髮推廣德意反起銀冶病民顧以我輩飾奸邪及見天祐又傲岸不為禮與之言坐而不對天祐怒強之而北枋得即日食菜果二十六年四月至京師問謝太后攢所及瀛國所在再拜慟哭已而病遷憫忠寺見壁間曹娥碑泣曰小女子猶耳吾豈不汝若哉留夢炎使醫持藥雜米飲進之枋得怒曰吾欲死汝乃欲生我邪棄之於地終不食而死伯父徽明以特奏恩為當陽尉攝縣事於天基節上壽大元兵奄至徽明出兵戰死二子生進抱父屍亦死

論曰劉應龍不附賈似道馮去非不附丁大全潘枋論皇子竑事坎壈以終洪芹訟吳潛偉哉趙景緯醇儒也而無躁競之心徐霖進則直言于朝退則講道于里徐宗仁國亡與亡異乎懷二心以事其君者也危昭德經筵進對之言悉載諸故史陳堦能以意氣感人楊文仲當搶攘之時猶能薦士謝枋得欽崎以全臣節皆宋末之卓然者也

元中書右丞相總裁脫脫等修
列傳第一百八十五

循吏

陳靖 張綸 邵暉 崔立

魯有開 張逸 吳遵路 趙尙寬

高賦 程師孟 韓晉卿 葉康直

宋法有可以得循吏者三太祖之世牧守令錄躬自召見問以政事然後遣行簡擇之道精矣監司察郡守郡守察縣令各以時上其殿最又命朝臣專督治之考課之方密矣吏犯贓遇赦不原防閑之令嚴矣承平之世州縣吏謹守法度以修其職業者實多其人其間必有絕異之績然後別於賞令或自州縣善最他日遂為名臣則撫字之長又不足以盡其平生故始終三百餘年循吏載諸簡策者十二人作循吏傳

陳靖字道卿興化軍莆田人好學頗通古今父仁璧任陳洪進為泉州別駕洪進稱臣豪猾有負險為亂者靖徒步謁轉運使楊克巽陳討賊策召還授陽翟縣主簿契丹犯邊王師數不利靖遣從子上書求入奏機略詔就問之上五策曰明賞罰撫士眾持重示弱待利而舉帥府許自辟士而將帥得專制境外太宗異之改將作監丞未幾為御史臺推勅官時御試進士多擢文先就者為高等士皆習浮華尚敏速靖請以文付考官第甲乙侯唱名或果知名士即實上科喪父起復秘書丞直史館判三司開拆司淳化四年使高麗還提點在京百司遷太常博士太宗務與農事詔有司議均田法靖議曰法未易遽行也宜先命大臣或三司使為租庸使或兼屯田制置仍擇三司判官選通知民事者二人為之貳兩京東西千里檢責荒地及逃民產籍之募耕作賜耕者室廬牛犁種食不足則給以庫錢別其課為十分責州縣勸課給印紙書之分殿最為三等凡縣管墾田一歲得課三分二歲六分三歲九分為下最一歲四分二歲七分三歲至十分為中最一歲五分未及三歲盈十分者為上最其最者令佐免

選或超資殿者即增選降資每州通以諸縣田為十分視殿最行賞罰候數歲盡罷官屯田悉用賦民然後量人授田度地均稅約井田之制為定以法頒行四方不過如此矣太宗謂呂端曰朕欲復井田顧未能也靖此策合朕意乃召見賜食遣之他日帝又語端曰靖說雖是第田未必墾課未必入請下三司雜議於是詔鹽鐵使陳恕等各選判官二人與靖議以靖為京西勸農使命大理寺丞皇甫選光祿寺丞何亮副之選等言其功難成帝猶謂不然既而靖欲假緡錢二萬試行之陳恕等言錢一出後不能償則民受害矣帝以羣議終不同始罷之出靖知婺州再遷尙書刑部員外郎真宗即位復列前所論勸農事又言國家禦戎西北而仰東南東南食不足則謀國大計請自東西及河北諸州大行勸農之法以殿最州縣官吏歲可省江淮漕百餘萬復詔靖條上之靖請刺史行春縣令勸耕孝悌力田者賜爵置五保以檢察盜盜籍游惰之民以供役作又下三司議皆不果行歷度支判官為京畿均田使出為淮南轉運副使兼發運司公事徙河南轉運使極論前李氏橫賦於民凡十七事詔為罷其尤甚者徙知潭州歷度支鹽鐵判官祀汾陰為行在三司判官又歷京西京東轉運使知泉蘇越三州累遷太常少卿進太僕卿集賢院學士知建州徙泉州拜左諫議大夫初靖與丁謂善謂貶黨人皆逐去提點刑獄侍御史王耿乃言靖老疾不宜久為鄉里官於是以前書監致仕卒靖平生多建畫而於農事尤詳嘗取淳化咸平以來所陳表章目曰勸農奏議錄上之然其說泥古多不可行張綸字公信潁州汝陰人少儻任氣舉進士不中補三班奉職遷右班殿直從雷有終討王均於蜀有降寇數百據險叛使綸擊之綸馳報曰此窮寇急之則生患不如論以向背有終用其說賊果棄兵來降以功遷右侍禁慶州兵馬監押權閭門祗候益彰簡等州都巡檢使所部卒縱掠居民綸斬首惡數人眾乃定徙荊州提點刑獄遷東頭供奉官提點開封府界縣鎮公事奉使靈夏還會辰州溪峒彭氏內蠻寇以知辰州綸至築蓬山驛路賊不得通乃遁去徙知渭州改內殿崇班知鎮戎軍奉使契丹安撫使曹瑋表留之不可償復入寇為辰州澧鼎等州緣邊五溪十峒巡檢安撫使論蠻酋禍福購還所掠民遣官

與盟刻石於境上久之除江淮制置發運副使時鹽課大虧乃奏除通泰楚三州鹽戶宿負官助其器用鹽入優與之直由是歲增課數十萬石復置鹽場於杭秀海三州歲入課又百五十萬居二歲增上供米八十萬疏五渠導太湖入於海復租米六十萬開長蘆西河以避覆舟之患又築漕河隄二百里於高郵北旁鋼鉅石為十礎以泄橫流泰州有捍海堰延袤百五十里久廢不治歲患海濤冒民田綸方議修復論者難之以為濤患息而畜潦之患與矣綸曰濤之患十九而潦之患十一獲多而亡少豈不可邪表三請願身自臨役命兼權知泰州卒成堰復浦戶二千六百州民利之為立生祠居淮南六年累遷文思使昭州刺史契丹隆緒死為弔慰副使歷知秦鳳二州兩知滄州再遷東上閣門使真拜乾州刺史徙知潁州卒綸有材略所至與利除害為人恕喜施予在江淮見漕卒凍餒道死者眾數曰此有司之過非所以體上仁也推奉錢市絮襦千數衣不能自存者

邵曄字日華其先京兆人唐末喪亂曾祖岳挈族之荆南謁高季興不見禮遂之湖南彭玠刺全州辟為判官會賊魯仁恭寇連州即署岳國子司業知州事遂家桂陽祖崇德道州錄事參軍父簡連山令曄幼嗜學恥從辟署太平興國八年擢進士第解褐授邵陽主簿改大理評事知蓬州錄事參軍時太子中舍楊全知州性悍率蒙昧部民張導豐等三人被誣為劫盜悉寘於死獄已具曄察其枉不署牘白全當核其實全不聽引道豐等抵法號呼不服再繫獄按驗既而捕獲正盜道豐等遂得釋全坐削籍為民曄代還引對太宗謂曰爾能活吾平民深可嘉也賜錢五萬下詔以全事戒諭天下授曄光祿寺丞使廣南採訪刑獄俄通判荆南賜緋魚遷著作佐郎知忠州歷太常丞江南轉運副使改監察御史以母老乞就養得知朗州入判三司磨勘司遷工部員外郎淮南轉運使景德中假光祿卿充交趾安撫國信使會黎桓死其子龍錢嗣立兄龍全率兵劫庫財而去其弟龍廷殺鉞自立龍廷兄明讓率扶蘭峇兵攻戰曄駐嶺表以事上聞改命為緣海安撫使許以便宜設方略曄貽書安南論朝廷威德俾速定位明讓等即時聽命奉龍廷主軍事初詔曄俟其事定即以黎桓禮物

改賜新帥曄上言懷撫外夷當示誠信不若俟龍廷貢奉別加封爵而寵賜之真宗其嘉納使還改兵部員外郎賜金紫初受使假官錢八十萬市私覲物及為安撫已償其半餘皆詔除之嘗上邕州至交州水陸路及宜州山川等四圖頗詳控制之要俄判三司三勾院坐所舉季隨犯職曄當削一官上以其遠使之勤止令停任大中祥符初起知兗州表請東封優詔答之及遣王欽若趙安仁經度封禪仍判州事就命曄為京東轉運使封禪禮畢起拜刑部郎中復判三勾院出為淮南江浙荆湖制置發運使四年改右諫議大夫知廣州州城瀕海每蕃舶至岸常苦颶風曄鑿內濠通舟廳不能害俄遭疾卒年六十三

崔立字本之開封鄆陵人祖周度任周為秦寧軍節度判官慕容彥超叛周度以大義責之遂見殺立中進士第為果州團練推官役兵輦官物道險迺率眾錢備舟載歸知州姜從革論如率欽法當斬三人立曰此非私己罪杖爾從革初不聽卒論奏詔如立議真宗記之特改大理寺丞知安豐縣大水壞期斯塘立躬督繕治踰月而成進殿中丞歷通判廣州許州會滑州塞決河調民出芻健命立提舉受納立計其用有餘而下戶未輸者尚二百萬悉奏弛之知江陰軍屬縣有利港久廢立教民濬治既成溉田數千頃及開橫河六十里通運漕累遷太常少卿歷知棣漢相潞克鄆涇七州兗州歲大饑募富人出穀十萬餘石振饑者所全活者甚眾立性淳謹尤喜論事大中祥符間帝既封禪士大夫爭奏上符瑞獻贊頌立獨言水發徐州旱連江淮無為烈風金陵火天所以警驕惰戒淫泆也區區符瑞尚何足為治道言哉前後上四十餘事以右諫議大夫知耀州改知濠州遷給事中告老進尚書工部侍郎致仕卒識韓琦於布衣以女妻之入嘗服其鑿云

魯有開字元翰參知政事宗道從子也好禮學通左氏春秋用宗道蔭知韋城縣曹濮劇盜橫行旁縣聞其名不敢入境知確山縣大姓把持官政有開治其最甚者遂以無事與廢陂溉民田數千頃富弼守蔡薦之以為有古循吏風知金州有蠱獄當死者數十人有開曰欲殺人衷謀之足矣安得若是眾邪訊之則誣天方早獄白而兩知南康軍代遷熙寧行新法王安石問江南如何曰

法新行未見其患當在異日也。以所對乖異出通判杭州。知衛州。水災人乏食。擅貸常平錢粟與之。且奏乞蠲其息。徙冀州。增隄。或謂郡無水患。何以役爲。有開曰。豫備不虞。古之善計也。卒成之。明年河決。水果至。不能冒隄。而止。朝廷遣使河北。民遮誦有開功狀。召爲膳部郎中。元祐中。歷知信陽軍洛滑州。復守冀。官至中大夫卒。

張逸字大隱。鄆州棗陽人。進士及第。爲試祕書省校書郎。知襄州鄧城縣。有能名。知州謝必將薦逸。先設几案。置章其上。望闕再拜曰。老臣爲朝廷得一良吏。迺奏之。他日引對。真宗問所欲何官。逸對曰。母老在家。願得近鄉一幕職。官歸奉甘旨足矣。授澶州觀察推官。數日。以母喪去。服除。引對。帝又問之。對曰。願得京官。特改大理寺丞。帝雅賢逸。再召問逸者。用必薦也。知長水縣。時王嗣宗留守西京。厚遇之。及徙青神縣。貧不自給。嗣宗假奉半年使辦裝。既至縣。與學校。教生徒。後邑人陳希亮楊異相繼登科。逸改其居曰桂枝里。縣東南有松柏灘。夏秋暴漲。多覆舟。逸禱江神。不踰月。灘爲徙五里。時人異之。再遷太常博士。知尉氏縣。擢監察御史。提點益州路刑獄。開封府判官。使契丹。爲兩浙轉運使。徙陝西。未赴。又徙河東。居數月。復徙陝西。以龍圖閣待制知梓州。累遷尙書兵部郎中。知開封府。有僧求內降。免田稅。而逸固執不許。仁宗曰。有司能守法。朕何憂也。又言。頃禁命婦于禁中。恩比來稍通。女謁願令官司糾劾。從之。以樞密直學士知益州。逸凡四至蜀。諳其民風。華陽驕長殺人。誣道旁行者。縣吏受賊獄。既具。乃使殺人者守囚。逸曰。囚色冤。守者氣不直。豈守者殺人乎。囚始敢言。而守者果服。立誅之。蜀人以爲神。會歲旱。逸使作堰。壅江水溉民田。自出公租。減價以振民。初。民饑。多殺耕牛食之。犯者皆配關中。逸奏民殺牛以活。將死之命。與盜殺者異。若不不禁之。又將廢穡事。今歲少稔。請一切放還。復其業。報可。未幾。卒于官。

吳遵路字安道。父淑。見文苑傳。第進士。累官至殿中丞。爲祕閣校理。章獻太后稱制。政事得失。下莫敢言。遵路條奏十餘事。語皆切直。忤太后意。出知常州。嘗預市米吳中。以備歲儉。已而果大乏食。民賴以濟。自他州流至者亦全十八九。

累遷尙書司封員外郎。權開封府推官。改三司鹽鐵判官。加直史館。爲淮南轉運副使。會罷江淮發運使。遂兼發運司事。嘗於真楚秦州高郵軍置斗門十九。以畜泄水利。又廣屬郡常平倉。儲畜至二百萬。以待凶歲。凡所規畫。後皆便之。遷工部郎中。坐失接斬州王蒙正。故入部。吏死罪。降知洪州。徙廣州。辭不行。是時發運司既復置使。乃以爲發運使。未至。召修起居注。元昊反。建議復民兵。除天章閣待制。河東路計置糧草。受詔料揀河東鄉民。可爲兵者。諸路視以爲法。進兵部郎中。權知開封府。馭吏嚴肅。屬縣無違。時宋庠鄧綬葉清臣。皆宰相。呂夷簡所不悅。遵路與三人雅相厚善。夷簡忌之。出知宣州。上禦戎。要略護防雜事二十篇。徙陝西都轉運使。遷龍圖閣直學士。知永興軍。被病。猶決事不輟。手自作奏。及卒。仁宗聞而悼之。詔遣官護喪還京師。遵路幼聰敏。既長。博學。知大體。母喪。廬墓蔬食。終制性夷雅。慎重。寡言笑。善筆札。其爲政簡易。不爲聲威。立朝敢言。無所阿倚。平居廉儉。無他好。既沒。室無長物。其友范仲淹分奉。調其家。子瑛爲尙書比部員外郎。不待老而歸。

趙尙寬字濟之。河南人。參知政事。安仁子也。知平陽縣。鄰邑有大囚十數。破械夜逸。殺居民。將犯境。尙寬趣尉出捕。曰。盜謂我不能來。方怠惰。易取也。宜亟往。毋使得散漫。且爲害。尉既出。又遣微巡兵。躡其後。悉獲之。知忠州。俗畜蠱殺人。尙寬揭方書市中。教人服藥。募索爲蠱者。窮治寬于理。大化其俗。轉運使持鹽數十萬斤。課民易白金。期會促。尙寬發官帑所儲。副其須。徐與民爲市。不擾而集。嘉祐中。以考課第一。知唐州。唐素沃壤。經五代亂。田不耕。土曠。民稀。賦不足。以充役。議者欲廢爲邑。尙寬曰。土曠可益。墾辟。民稀可益。招徠。何廢郡之有。乃按視圖記。得漢召信臣陂渠故迹。益發卒復疏三陂。一渠。溉田萬餘頃。又教民自爲支渠數十。轉相浸灌。而四方之民。來者雲布。尙寬復請以荒田計口授之。及貸民官錢買耕牛。比三年。榛莽復爲膏腴。戶積萬餘。尙寬勤於農政。治有異等之效。三司使包拯與部使者。交上其事。仁宗聞而嘉之。下詔褒焉。仍進秩。賜金留于唐。凡五年。民像以祠。而王安石蘇軾作新田新渠詩。以美之。徙同宿。二州。河中府神勇卒。苦大校貪虐。刊匿名書告變。尙寬命焚之。曰。妄言耳。衆乃

安已而奏黜枝分士卒隸他營又徙梓州尙寬去唐數歲田日加闢戶日益衆朝廷推功自少府監以直龍圖閣知梓州積官至司農卿卒詔賜錢五十萬高賦字正臣中山人以父任爲右班殿直復舉進士改奉禮郎四遷太常博士歷知真定縣通判劍邢石州成德軍知衢州俗尙巫鬼民毛氏柴氏二十餘家世蓄蠱毒值閏歲害人尤多與人忿爭輒毒之賦悉擒治伏辜蠱患遂絕徙唐州州田經百年曠不耕前守趙尙寬嘗墾不遺力而榛莽者尙多賦繼其後益募兩河流民計口給田使耕作畝墾四十四再滿再留比其去田增闢三萬一千三百餘頃戶增萬一千三百八十歲益稅二萬二千二百五十七蠶書裴論宣布治狀以勸天下兩州爲生立祠擢提點河東刑獄又加直龍圖閣知滄州程昉欲於境內開西流河繞州城而北注三塘泊賦曰滄城近河歲增隄防猶懼奔溢矧妄有開鑿乎昉執不從後功竟不成歷蔡路二州入同判太常寺進集賢院學士在朝多所建明嘗言二府大臣或儻舍委巷散處京城公私非便宜做前代丞相府於端門前列置大第俾居之又言仁宗朝爲克國公主治第用錢數十萬緡今有五大長公主若悉如前比其費無藝願講求中制裁爲定式請諸道提點刑獄司置檢法官庶專平讞使民不冤乞於禁中建閣繪功臣像如漢雲臺唐凌煙之制言多施行以通議大夫致仕退居襄陽卒年八十四程師孟字公闢吳人進士甲科累知南康軍楚州提點夔路刑獄瀘戎數犯渝州邊使者治所在萬州相去遠有警率浹日乃至師孟奏徙於渝夔部無常平粟建議置倉過凶歲振民不足卽備發他儲不俟報吏懼白不可師孟曰必俟報饑者盡死矣竟發之徙河東路晉地多土山旁接川谷春夏大雨水燭如黃河俗謂之天河可溉灌師孟勸民出錢開渠築堰淤良田萬八千頃夏其事爲水利圖經頒之州縣爲度支判官知洪州積石爲江隄凌章溝揭北閘以節水升降後無水患判三司都磨勘司接待契丹使蕭惟輔曰白溝之地當兩屬今南朝植柳數里而以北人漁界河爲罪豈理也哉師孟曰兩朝當守誓約涿郡有案牘可覆視君舍文書騰口說詎欲生事耶惟輔媿謝出爲江西轉運使盜發袁州州吏爲耳目久不獲師孟械吏數輩送獄盜卽成擒加直昭文館知福

州築子城建學舍治行最東南徙廣州州城爲僊寇所毀他日有警民駭竄方伯相踵至皆言土疏惡不可築師孟在廣六年作西城及交趾陷邕管聞廣守備固不敢東時師孟已召還朝廷念前功以爲給事中集賢殿修撰判都水監賀契丹生辰至涿州契丹命席迎者正南向涿州官西向宋使价東向師孟曰是卑我也就不就列自日昃爭至暮從者失色師孟辭氣益厲叱僕者易之於是更與迎者東西向明日涿人餞于郊疾馳過不顧涿人移雄州以爲言坐罷歸班復起知越州青州遂致仕以光祿大夫卒年七十八師孟累領劇鎮爲政簡而嚴罪非死者不以屬吏發隱擿伏如神得豪惡不逞跌宕者必痛懲艾之至勦絕乃已所部肅然洪福廣越爲立生祠

韓晉卿字伯修密州安丘人爲童子時日誦書數千言長以五經中第歷肥鄉嘉興主簿安肅軍司法參軍平城令大理詳斷審刑詳議官通判應天府知同州壽州奏課第一擢刑部郎中元祐初知明州兩浙轉運使差役法復行諸道處畫多倉卒失敘獨晉卿視民所宜而不戾法指入爲大理少卿遷卿晉卿自仁宗朝已典訟臬時朝廷有疑議輒下公卿雜議開封民爭鶉殺人王安石以爲盜拒捕鬪而死殺之無罪晉卿曰是鬪殺也登州婦人謀殺夫郡守許遵執爲按問安石復主之晉卿曰當死事久不決爭論盈庭終持之不肯變用是知名元豐置大理獄多內庭所付晉卿持平考核無所上下神宗稱其才每獄獄雖明若事連貴要屢鞠弗成者必以委之嘗被詔按治寧州獄循故事當入對晉卿曰奉使有旨三尺法具在豈應刺候主意輕重其心乎受命卽行諸州請讞而獲讞後不來矣議者又欲引唐日覆奏令天下庶戮悉奏決晉卿言可疑可矜者許上請祖宗之制也四海萬里必須繫以聽朝命恐自今瘐死者多於伏辜者矣朝廷皆行其說故士大夫間推其忠厚不以法家名之卒于官

葉康直字景溫建州人擢進士第知光化縣縣多竹民皆編爲屋康直教用陶瓦以寧火患凡政皆務以利民時豐稔爲數城令亦以治績顯人歌之曰葉光化豐穀城清如水平如衡會布行新法以爲司農屬歷永興秦鳳轉運判官徙

陝西進提點刑獄轉運副使五路兵西征康直領涇原糧道承受內侍梁同以餉惡妄奏神宗怒械康直將誅之王安禮力救得歸故官元祐初加直龍圖閣知秦州中書舍人曾肇蘇轍劾康直詔事李憲免官究實無狀改知河中府復爲秦州夏人侵甘谷康直戒諸將設伏以待殲其二酋自是不敢犯境進寶文閣待制陝西都運使以疾請知亳州通濬積潦民獲田數十萬畝召爲兵部侍郎卒年六十四

宋史卷四百二十六

元中書右丞相總裁脫脫等修

列傳第一百八十六

道學一

周敦頤

程頤

程頤

張載 第載

邵雍

道學之名古無是也三代盛時天子以是道為政教大臣百官有司以是道為職業黨庠序師弟子以是道為講習四方百姓日用是道而不知是故盈覆載之間無一民一物不被是道之澤以遂其性於斯時也道學之名何自而立哉文王周公既沒孔子有德無位既不能使是道之用漸被斯世退而與其徒定禮樂明憲章刪詩修春秋讚易象討論墳典期使三五聖人之道昭明於無窮故曰夫子賢於堯舜遠矣孔子沒曾子獨得其傳傳之子思以及孟子孟子沒而無傳兩漢而下儒者之論大道察焉而弗精語焉而弗詳異端邪說起而乘之幾至大壞千有餘載至宋中葉周敦頤出於舂陵乃得聖賢不傳之學作太極圖說通書推明陰陽五行之理命於天而性於人者瞭若指掌張載作西銘又極言理一分殊之情然後道之大原出於天者灼然而無疑焉仁宗明道初年程顥及弟頤實生及長受業周氏已乃擴其大其所聞表章大學中庸二篇與語孟並行於是上自帝王傳心之奧下至初學入德之門融會貫通無復餘蘊迄宋南渡新安朱熹得程氏正傳其學加親切焉大抵以格物致知為先明善誠身為要凡詩書六藝之文與夫孔孟之遺言顥錯於秦火支離於漢儒幽沉於魏晉六朝者至是皆煥然而大明秩然而各得其所此宋儒之學所以度越諸子而上接孟氏者歟其於世代之污隆氣化之榮悴有所關係也甚大道學感於宋宋弗究於用甚至有厲禁焉後之時君世主欲復天德王道之治必來此取法矣邵雍高明英悟程氏實推重之舊史列之隱逸未當今置張載後張拭之學亦出程氏既見朱熹相與博約又大進焉其他程朱門人考其源委各以類從作道學傳

周敦頤字茂叔道州營道人元名敦實避英宗舊諱改焉以舅龍圖閣學士鄭向任為分寧主簿有獄久不決敦頤至一訊立辨邑人驚曰老吏不如也部使者薦之調南安軍司理參軍有囚法不當死轉運使王逵欲深治之逵酷悍吏也眾莫敢爭敦頤獨與之辨不聽乃委手版歸將棄官去曰如此尚可仕乎殺人以媚人吾不為也逵悟囚得免移郴之桂陽令治績尤著郡守李初平賢之語之曰吾欲讀書何如敦頤曰公老無及矣請為公言之二年果有得徒知南昌南昌人皆曰是能辨分寧獄者吾屬得所訴矣富家大姓黠吏惡少憚懼焉不獨以得罪於令為憂而又以污穢善政為恥歷合州判官事不經手吏不敢決雖下之民不肯從部使者趙抃於語口臨之甚威敦頤處之超然通判虔州抃守虔熟視其所為乃大悟執其手曰吾幾失君矣今而後乃知周茂叔也熙寧初知郴州用抃及呂公著薦為廣東轉運判官提點刑獄以洗冤澤物為己任行部不憚勞苦雖瘴癘險遠亦緩視徐按以疾求知南康軍因家廬山蓮花峯下前有溪合於潞江取營道所居濂溪以名之抃再鎮蜀將奏用之未及而卒年五十七黃庭堅稱其人品甚高胸懷灑落如光風霽月廉於取名而銳於求志薄於徵福而厚於得民非於奉身而燕及覺楚陋於希世而尚友千古博學力行著太極圖明天理之根源究萬物之終始其說曰無極而太極太極動而生陽動極而靜靜而生陰靜極復動一動一靜互為其根分陰分陽兩儀立焉陽變陰合而生水火木金土五氣順布四時行焉五行一陰陽也陰陽一太極也太極本無極也五行之生也各一其性無極之真二五之精妙合而凝乾道成男坤道成女二氣交感化生萬物萬物生而變化無窮焉惟人也得其秀而最靈形既生矣神發知矣五性感動而善惡分萬事出矣聖人定之以中正仁義而主靜立人極焉故聖人與天地合其德日月合其明四時合其序鬼神合其吉凶君子修之吉小人悖之凶故曰立天之道曰陰與陽立地之道曰柔與剛立人之道曰仁與義又曰原始反終故知死生之說大哉易也斯其至矣又著通書四十篇發明太極之蘊序者謂其言約而道大文質而義精得孔孟之本源大有功於學者也據南安時程珣通判軍事視其氣貌非常人與

語知其為學知道因與為友使二子頤頤往受業焉數頤每令尋孔顏樂處所樂何事二程之學源流乎此矣故頤之言曰自再見周茂叔後吟風弄月以歸有吾與點也之意侯師聖學於程頤未悟訪教頤教頤曰吾老矣說不可不詳留對榻夜談越三日乃還頤驚異之曰非從周茂叔來耶其善開發人類此嘉定十三年賜諡曰元公淳祐元年封汝南伯從祀孔子廟庭二子壽熹熹官至寶文閣待制

程顥字伯淳世居中山後從開封徙河南高祖羽太宗朝三司使父珣仁宗錄舊臣後以為黃陂尉久之知贛州時宜獮區希範既誅鄉人忽傳其神降言當為我南海立祠於是迎其神以往至贛珣使詰之曰比過潯潯守以為妖投祠具江中逆流而上守懼乃更致禮珣使復投之順流去其妾乃息徙知磁州又徙漢州嘗宴客關元僧舍酒方行人謹言佛光見觀者相騰踐不可禁珣安坐不動頃之遂定熙寧法行為守令者奉命唯恐後珣獨抗議指其未便使者李元瑜怒即移病歸旋致仕累轉太中大夫元祐五年卒年八十五珣慈恕而剛斷平居與幼賤處唯恐有傷其意至於犯義理則不假也左右使令之人無日不容其飢飽寒燠前後五得任子以均諸父之子孫嫁遺孤女必盡其力所得幸祿分贍親戚之貧者伯母寡居奉養甚至從兄女既適人而喪其夫珣迎以歸教養其子均於子姪時官小祿薄克己為義人以為難文彥博蘇頌等九人表其清節詔賜帑二百官給其葬頤舉進士調鄆上元主簿鄆民有借兄宅居者發地得瘞錢兄之子訴曰父所藏頤問幾何年曰四十年彼借居幾時曰二十年矣遣吏取十千視之謂訴者曰今官所鑄錢不五六年即遍天下此皆未藏前數十年所鑄何也其人不能答茅山有池產龍如蜥蜴而五色祥符中嘗取二龍入都半塗失其一中使云飛空而逝民俗嚴奉不懈頤捕而脯之為晉城令富人張氏父死且有老叟踵門曰我汝父也子驚疑莫測相與詰縣叟曰身為醫遠出治疾而妻子貧不能養以與張頤質其驗取懷中一書進其所記曰某年月日抱兒與張三翁家頤問張是時纔四十安得有翁稱叟駭謝民稅粟多移近邊載往則道遠就糴則價高頤擇富而可任者預使貯粟以待糶

大省民以事至縣者必告以孝弟忠信入所以事其父兄出所以事其長上度鄉村遠近為伍保使之力役相助患難相卹而姦偽無所容凡孤殘廢者責之親戚鄉黨使無失所行放出於其途者疾病皆有所養鄉必有校暇時親至召父老與之語兒童所讀書親為正句讀教者不善則為易置擇子弟之秀者聚而教之鄉民為社會為立科條旌別善惡使有勸有恥在縣三歲民愛之如父母熙寧初用呂公著薦為太子中允監察御史裏行神宗素知其名數召見每退必曰頻來對欲常見卿一日從容咨訪報正午始趨出庭中入曰御史不知上未食乎前後進說甚多大要以正心窒慾求賢育材為言務以誠意感悟主上嘗勸帝防未萌之欲及勿輕天下士帝俯躬曰當為卿戒之王安石執政議更法令中外皆不以為便言者攻之甚力頤被旨赴中堂議事安石方怒言者厲色待之頤徐曰天下事非一家私議願平氣以聽安石為之媿屈自安石用事頤未嘗一語及於功利居職八月數論時政最後言曰智者若禹之行水行其所無事也舍而之險阻不足以言智自古興治立事未有中外人情交謂不可而能有成者況於排斥忠良沮廢公議用賤陵貴以邪干正者乎正使微倖有小成而與利之臣日進尚德之風浸衰尤非朝廷之福遂乞去言職安石本與之善及是雖不合猶敬其忠信不深怒但出提點京西刑獄頤固辭改金書鎮軍軍判官司馬光在長安上疏求退稱頤公直以為己所不如程昉治河取漕卒八百而虐用之眾逃歸羣僚畏昉欲勿納頤曰彼逃死自歸弗納必亂若昉怒吾自任之即親往啓門拊勞約少休三日復役眾躍而入具以事上得不遣昉後過州揚言曰漕卒之潰蓋程中允誘之吾且訴於上頤聞之曰彼方憚我何能為果不敢言曹村埽決頤謂郡守劉渙曰曹村決京師可虞臣子之分身可塞亦所當為盡盡遣廂卒見付渙以鎮印付頤立走決所激論士卒議者以為勢不可塞徒勞人爾頤命善囚者度決口引巨索濟眾兩岸並進數日而合求監洛河竹木務歷年不敘伐闕特選太常丞帝又欲使修三經義執政不可命知扶溝縣廣濟蔡河在縣境頤河惡子無生理頤嘗取行舟財貨歲必焚舟十數以立威頤捕得一人使引其類賞宿惡分地處之令以挽絳

爲業且察爲奸者。自是境無焚剽患。內侍王中正按關保甲。權焰章震。諸邑競侈供張悅之主吏來請。顯曰。吾邑貧。安能效他邑。取於民法所禁也。獨有令故青帳可用爾。除判武學。李定劾其新法之初。首爲異論。罷歸故官。又坐獄。逸囚責監汝州鹽稅。哲宗立。召爲宗正丞。未行而卒。年五十四。顯資性過人。充養有道。和粹之氣。益於面背。門人交友從之數十年。亦未嘗見其忿厲之容。遇事優爲。雖當倉卒。不動聲色。自十五六時。與弟頤。聞汝南周敦頤論學。遂厭科舉之習。慨然有求道之志。泛濫於諸家。出入於老釋者幾十年。返求諸六經。而後得之。秦漢以來。未有臻斯理者。教人自致知。至於知止。誠意。至於平天下。洒掃應對。至於窮理盡性。循循有序。病學者厭卑近。而驚高遠。卒無成焉。故其言曰。道之不明。異端害之也。昔之害近而易知。今之害深而難辨。昔之惑人也。乘其迷暗。今之惑人也。因其高明。自謂之窮神知化。而不足以開物成務。言爲無不周遍。實則外於倫理。窮深極微。而不可以入堯舜之道。天下之學。非淺陋固滯。則必入於此。自道之不明也。邪誕妖妄之說。競起塗生民之耳目。溺天下於汚濁。雖高才明智。膠於見聞。醉生夢死。不自覺也。是皆正路之蕪蕪。聖門之蔽塞。辟之而後可以入道。顯之死。士大夫識與不識。莫不哀傷焉。文彥博采衆論。題其墓曰。明道先生。其弟頤序之曰。周公沒。聖人之道不行。孟軻死。聖人之學不傳。道不行。百世無善治。學不傳。千載無真儒。無善治。士猶得以明夫善治之道。以淑諸人。以傳諸後。無真儒。則買賣焉。莫知所之。人欲肆。而天理滅矣。先生生於千四百年之後。得不傳之學於遺經。以興起斯文。爲己任。辨異端。闢邪說。使聖人之道。煥然復明於世。蓋自孟子之後。一人而已。然學者於道。不知所向。則孰知斯人之爲功。不知所至。則孰知斯名之稱情也哉。嘉定十三年。賜諡曰純公。淳祐元年。封河南伯。從祀孔子廟庭。

出焉。曰。喜怒哀樂愛惡欲。情既熾而益蕩。其性變矣。是故覺者約其情。使合於中。正其心。養其性。愚者則不知制之。縱其情。而至於邪僻。梏其性。而亡之。然學之道。必先明諸心。知所養。然後力行。以求至。所謂自明而誠也。誠之道。在乎信道篤。信道篤。則行之果。行之果。則守之固。仁義忠信。不離乎心。造次必於是。顛沛必於是。出處語默。必於是。久而弗失。則居之安。動容周旋中禮。而邪僻之心。無自生矣。故顏子所事。則曰。非禮勿視。非禮勿聽。非禮勿言。非禮勿動。仲尼稱之。則曰。得一善。則拳拳服膺。而弗失之矣。又曰。不遷怒。不貳過。有不善。未嘗不知。知之。未嘗復行。此其好之篤。學之得其道也。然聖人則不思而得。不勉而中。顏子則必思而後得。必勉而後中。其與聖人相去一息。所未至者。守之也。非化之也。以其好學之心。假之以年。則不日而化矣。後人不達。以謂聖本生知。非學可至。而爲學之道。遂失。不求諸己。而求諸外。以博聞強記。巧文麗辭。爲工樂華其言。鮮有至於道者。則今之學。與顏子所好異矣。瓊得其文。大驚異之。卽延見處以學。職呂希哲。首以師禮事。頤治平元。豐間。大臣屢薦。皆不起。哲宗初。司馬光呂公著共疏其行義。曰。伏見河南府處士程頤。力學好古。安貧守節。言必忠信。動遵禮法。年踰五十。不求仕進。真儒者之高蹈。聖世之逸民。望擢以不次。使士類有所矜式。詔以爲西京國子監教授。力辭。尋召爲祕書省校書郎。既入。見權崇政殿說書。卽上疏言。習與智長。化與心成。今夫人民善教。其子弟者。亦必延名德之士。使與之處。以薰陶成性。況陛下春秋之富。雖睿聖得於天資。而輔養之道。不可不至。大率一日之中。接賢士大夫之時多。親寺人宮女之時少。則氣質變化。自然而成。願選名儒。入侍勸講。講罷留之分直。以備訪問。或有小失。隨事獻規。歲月積久。必能養成聖德。頤每進講。色甚莊。繼以諷諫。聞帝在宮中。盥而避蟻。問有是乎。曰。然。誠恐傷之爾。頤曰。推此心。以及四海。帝王之要道也。神宗喪未除。冬至百官表賀。頤言。節序變遷。時思方切。乞改賀爲慰。既除喪。有司請開樂置宴。頤又言。除喪而用吉禮。尙當因事張樂。今特設宴。是喜之也。皆從之。帝嘗以瘡疹不御。邇英累日。頤詰宰相問安否。且曰。上不御殿。太后不當獨坐。且人主有疾。大臣可不知乎。翌日。宰相以下始奏請問疾。蘇軾不悅於

頤頤門人賈易朱光庭不能平，合攻軾，胡宗愈顯臨詆頤，不宜用孔文仲，極論之，遂出管勾西京國子監，久之，加直祕閣，再上表辭，董敦逸復撫其有怨望語，去官，紹聖中，削籍竄涪州，李清臣尹洛，即日追遣之，欲入別叔母，亦不許，明日，應以銀百兩，頤不受，徽宗即位，徙峽州，俄復其官，又奪於崇寧，卒年七十五，頤於書無所不讀，其學本於誠，以大學語孟中庸為標指，而達於六經，動止語默一以聖人為師，其不至乎聖人不止也，張載稱其兄弟從十四五時便脫然欲學聖人，故卒得孔孟不傳之學，以為諸儒倡其言之旨，若布帛菽粟然，知德者尤尊崇之，嘗言，今農夫和寒暑雨，深耕易耨，播種五穀，吾得而食之，百工技藝，作為器物，吾得而用之，介冑之士，被堅執銳，以守土宇，吾得而安之，無功澤及人而溘度歲月，晏然為天地間一蠹，唯綴緝聖人遺書，庶幾有補爾，於是著易春秋傳，以傳於世，易傳序曰，易變易也，隨時變易以從道也，其為書也，廣大悉備，將以順性命之理，通幽明之故，盡事物之情，而示開物成務之道也，聖人之憂患後世，可謂至矣，去古雖遠，遺經尚存，然而前儒失意，以傳言，後學誦言，而忘味，自秦而下，蓋無傳矣，子生千載之後，悼斯文之湮晦，將俾後人沿流而求源，此傳所以作也，易有聖人之道四焉，以言者尚其辭，以動者尚其變，以制器者尚其象，以下筮者尚其占，吉凶消長之理，進退存亡之道，備於辭，推辭考卦，可以知變象與占在其中矣，君子居則觀其象而玩其辭，動則觀其變而玩其占，得於辭不達其意者有矣，未有不得於辭而能通其意者也，至微者理也，至著者象也，體用一源，顯微無間，觀會通以行其典禮，則辭無所不備，故善學者求言必自近，易於近者非知言者也，子所傳者辭也，由辭以得意，則在乎人焉，春秋傳序曰，天之生民，必有出類之才，起而君長之，治之而爭奪息，導之而生養遂，教之而倫理明，然後人道立，天道成，地道平，二帝而上，聖賢世出，隨時有作，順乎風氣之宜，不先天以開人，各因時而立政，暨乎三王迭興，三重既備，子丑寅之建，正忠質文之更尚，人道備矣，天運周矣，聖王既不復作，有天下者雖欲做古之跡，亦私意妄為而已，事之謬紊，至以建亥為正道之悖，漢專以智力持世，豈復知先王之道也，夫子當周之末，以聖人不復作也，順天應時之治不

復有也，於是作春秋為百王不易之大法，所謂者諸三王而不謬，建諸天地而不悖，實諸鬼神而無疑，百世以俟聖人而不惑者也，先儒之傳，游夏不能贊一辭，辭不待贊者也，言不能與於斯爾，斯道也，唯顏子嘗聞之矣，行夏之時，乘殷之輅，服周之冕，樂則韶舞，此其準的也，後世以史視春秋，謂善善貶惡而已，至於經世之大法，則不知也，春秋大義數十，其義雖大，炳如日星，乃易見也，惟其微辭隱義，時措從宜者，為難知也，或抑或縱，或予或奪，或進或退，或微或顯，而得乎義理之安，文質之中，寬猛之宜，是非之公，乃制事之權衡，揆道之模範也，夫觀百物然後識化工之神，聚眾材然後知作室之用，於一事一義而欲窺聖人之用心，非上智不能也，故學春秋者，必優游涵泳，默識心通，然後能造其微也，後王知春秋之義，則雖德非禹湯，尚可以法三代之治，自秦而下，其學不傳，子悼夫聖人之志，不明於後世也，故作傳以明之，俾後之人通其文而求其義，得其意而法其用，則三代可復也，是傳也，雖未能極聖人之蘊奧，庶幾學者得其門而入矣，平生誨人不倦，故學者出其門最多，淵源所漸，皆為名士，涪人祠頤於北巖，世稱為伊川先生，嘉定十三年，賜諡曰正公，淳祐元年，封伊陽伯，從祀孔子廟，庭門人劉絢、李籲、謝良佐、游酢、張繹、蘇昞，皆班班可書，附於左，呂大鈞、大臨見大防傳。

張載字子厚，長安人，少喜談兵，至欲結客取洮西之地，年二十一，以書謁范仲淹，一見知其遠器，乃警之曰，儒者自有名教可樂，何事於兵，因勸讀中庸，載讀其書，猶以為未足，又訪諸釋老，累年究極其說，知無所得，反而求之六經，嘗坐虎皮講易，京師聽從者甚眾，一夕二程至，與論易，次日語人曰，比見二程，深明易道，吾所弗及，汝輩可師之，撤坐輟講，與二程語道學之要，渙然自信曰，吾道自足，何事旁求，於是盡棄異學，淳如也，舉進士，為祁州司法參軍，雲巖令，政事以敦本善俗為先，每月吉具酒食，召鄉人高年會縣庭，親為勸酬，使人知養老事長之義，因問民疾苦，及告所以訓戒子弟之意，熙寧初，御史中丞呂公著言其有古學，神宗方一新百度，思得才哲士謀之，召見問治道，對曰，為政不法三代者，終苟道也，帝悅，以為崇文院校書，他日見王安石，安石問以新政，載曰，公

與人爲善，則人以善歸公。如教玉人琢玉，則宜有不受命者矣。明州苗振獄起，往治之，未殺其罪，還朝，即移疾屏居。居山下，終日危坐一室，左右簡編，俯而讀，仰而思，有得則識之。或中夜起坐，取燭以書，其志道精思，未始須臾息。亦未嘗須臾忘也。敝衣蔬食，與諸生講學，每告以知禮成性，變化氣質之道。學必如聖人而後已。以爲知人而不知天，求爲賢人而不求爲聖人。此秦漢以來學者大蔽也。故其學尊禮貴德，樂天安命，以中庸爲體，以孔孟爲法，黜怪妄，辨鬼神，其家昏喪葬祭，率用先王之意，而傳以今禮。又論定井田宅里，發敷學校之法，皆欲條理成書，使可舉而措諸事業。呂大防薦之曰：「載之始終，善發明聖人之遺旨，其論政治，略可復古，宜還其舊職，以備諮訪。」乃詔知太常禮院，與有司議禮不合，復以疾歸。中道疾甚，沐浴更衣而寢，旦而卒，貧無以斂，門人共買棺奉其喪還。翰林學士許將等言其恬於進取，乞加贈卹，詔賜館職半廩。載學古力行，爲關中士人宗師，世稱爲橫渠先生。著書號正蒙，又作西銘曰：「乾坤稱父，坤稱母，予茲藐焉，乃混然中處。故天地之塞吾其體，天地之帥吾其性。民吾同胞，物吾與也。大君者，吾父母宗子，其大臣宗子之家相也，尊高年，所以長其長，慈孤幼，所以幼其幼。聖其合德，賢其秀也。凡天下疲癯殘疾，憊獨隸寡，皆吾兄弟之顛連而無告者也。于時保之子之翼也，樂且不憂，純乎孝者也。違曰悖德，害仁曰賊，濟惡者不才，其踐形惟肖者也。知化則善述其事，窮神則善繼其志，不愧屋漏爲無忝，存心養性爲匪懈，惡旨酒，崇伯子之顧養，育英才，穎封人之錫類，不弛勞而底豫，舜其功也，無所逃而待烹，申生其恭也，體其受而歸全者，參乎，勇於從而順令者，伯奇也，富貴福澤，將厚吾之生也，貧賤憂戚，庸玉女於成也，存吾順事，殁吾寧也。」程頤嘗言西銘明理一而分殊，據前聖所未發，與孟子性善養氣之論同功。自孟子後，蓋未之見學者。至今尊其書，嘉定十三年，賜諡曰明公。淳祐元年，封鄜伯，從祀孔子廟庭，第載。

法，乞罷條例司，及追還常平使者，劾曾公亮陳升之，趙抃依違不能救正，韓絳左右徇縱，與爲死黨，李定以邪詔竊臺諫，且安石擅國輔以絳之隨，隨臺臣又用定輩，繼續而來，芽孽漸盛，呂惠卿刻薄辯給，假經術以文姦言，宜宜勸講君側書數十上，又詰中書爭之，安石舉扇掩面而笑，載曰：「載之狂直，宜爲公笑，然天下之笑公者不少矣。」趙抃從旁解之，載曰：「公亦不得爲無罪，抃有愧色。」遂稱病待罪，出知公安縣，徙監司竹監，至舉家不食筍，常愛用一卒，及將代，自見其人盜筍釋治之，無少貸，罪已正待之，復如初，略不介意，其德量如此。卒於官年四十七。

邵雍，字堯夫，其先范陽人，父古，徙衡漳，又徙共城。雍年三十游河南，葬其親伊水上，遂爲河南人。雍少時自雄其才，慷慨欲樹功名，於書無所不讀，始爲學，卽堅苦刻厲，寒不爐，暑不扇，夜不就席者數年，已而歎曰：「昔人尙友於古，而吾獨未及四方，於是踰河汾，涉淮漢，周流齊魯，宋鄭之墟，久之，幡然來歸曰：「道在是矣。」遂不復出。北海李之才攝共城令，聞雍好學，嘗造其廬，謂曰：「子亦聞物理性命之學乎？」雍對曰：「幸受教，乃事之才，受河圖洛書，宓戲八卦六十四卦圖像之才，之傳遠有端緒，而雍探賾索隱，妙悟神契，洞徹蘊奧，汪洋浩博，多其所自得者，及其學益老，德益邵，玩心高明，以觀夫天地之運化，陰陽之消長，遠而古今世變，微而走飛草木之性情，深造曲暢，庶幾所謂不惑，而非依倣象類，億則屢中者，遂衍宓戲先天之旨，著書十餘萬言，行於世，然世之知其道者鮮矣。初至洛，蓬蓬環堵，不瓦風雨，躬樵爨以事父母，雖平居屢空，而怡然有所甚樂人，莫能窺也。及執親喪，哀毀盡禮，富弼司馬光呂公著諸賢，退居洛中，雅敬雍，恆相從游，爲市園宅，雍歲時耕稼，僅給衣食，名其居曰安樂窩，因自號安樂先生。旦則焚香燕坐，晡時酌酒三四甌，微醺卽止，常不及醉也。與至輒哦詩，自詠，春秋時出遊城中，風雨常不出，則乘小車，一人挽之，惟意所適，士大夫家識其車音，爭相迎候，童孺厮隸皆驩相謂曰：「吾家先生至也。」不復稱其姓字，或留信宿，乃去好，好事者別作屋如雍所居，以候其至，名曰行窩。司馬光兄事雍，而二人純德，尤鄉里所慕嚮，父子昆弟每相飭曰：「毋爲不善，恐司馬端明邵先生知，士之

道落者有不之公府必之雍。雍德氣粹然。望之知其賢。然不事表襮。不設防諂。羣居燕笑。終日不為甚異。與人言樂道其善而隱其惡。有就問學則答之。未嘗強以語人。人無貴賤。少長一接以誠。故賢者悅其德。不賢者服其化。一時洛中人才特盛。而忠厚之風聞天下。熙寧行新法。吏牽迫不可為。或投劾去。雍門生故友居州縣者。皆貽書訪雍。雍曰。此賢者所當盡力之時。新法固嚴。能寬一分。則民受一分賜矣。投劾何益耶。嘉祐詔求遺逸。留守王拱辰以雍應詔。授將作監主簿。復舉逸士。補潁州團練推官。皆固辭。乃受命。竟稱疾不之官。熙寧十年卒。年六十七。贈秘書省著作郎。元祐中。賜諡康節。雍高明英邁。迥出千古。而坦夷渾厚。不見圭角。是以清而不激。和而不流。人與交久。益尊信之。河南程顥初侍其父。識雍。論議終日。退而歎曰。堯夫內聖外王之學也。雍知慮絕人。遇事能前知。程頤嘗曰。其心虛明。自能知之。當時學者。因雍超詣之識。務高雍所為。至謂雍有玩世之意。又因雍之前知。謂雍於凡物聲氣之所感觸。輒以其動而推其變焉。於是摭世事之已然者。皆以雍言先之。雍蓋未必然也。雍疾病。司馬光張載。程顥。程頤。晨夕候之。將終。共議喪葬事。外庭雍皆能聞。眾人所言。召子伯溫。謂曰。諸君欲葬我近城地。當從先塋爾。既葬。顥為銘墓。稱雍之道純一不雜。就其所至。可謂安且成矣。所著書曰皇極經世。觀物內外篇。漁樵問對。詩曰伊川擊壤集。子伯溫別有傳。

宋史卷四百二十七

宋史卷四百二十七考證

程顥傳與弟頤聞汝南周敦頤論學。○臣人龍按宋通鑑敦頤在南安。不為守所知。虔之興國。宰程瑀假俸南安。視敦頤氣貌非常人。與語。知深於道者。令二子顥頤師之。是則二程子之聞周子論學。由於父命也。

宋史卷四百二十七考證

宋史卷四百二十八

元中書右丞相總裁脫脫等修

列傳第一百八十七

道學二程氏門人

劉絢

李籲

謝良佐

游酢

張繹

蘇昞

尹焯

楊時

羅從彥

李侗

劉絢字質夫常山人以蔭為壽安主簿長子令督公家逋賦不假鞭扑而集歲大旱府遣吏視傷所蠲財行二絢力爭不得封還其揭請易之富弼數曰真縣令也元祐初韓維薦其經明行修為京兆府教授王巖叟朱光庭又薦為太學博士卒于官絢力學不倦最明於春秋程顥每為人言他人之學敏則有矣未易保也若絢者吾無疑焉

李籲字端伯洛陽人登進士第元祐中為秘書省校書郎卒程頤謂其才器可以大受及亡也祭之以文曰自子兄弟倡明道學能使學者視傲而信從者籲與劉絢有焉

謝良佐字顯道壽春上蔡人與游酢呂大臨楊時在程門號四先生登進士第建中靖國初官京師召對忤旨去監西京竹木場坐口語褻詔獄廢為民良佐記問該贍對人稱引前史至不差一字事有未徹則籲有泚與程頤別一年復來見問其所進曰但去得一矜字爾頤喜謂朱光庭曰是子力學切問而近思者也所著論語說行於世

游酢字定夫建州建陽人與兄醇以文行知名所交皆天下士程頤見之京師謂其資可以進道程顥與扶溝學招使肄業盡棄其學而學焉第進士調蕭山尉近臣薦其賢召為太學錄遷博士以奉親不便求知河陽縣范純仁守穎昌府辟府教授純仁入相復為博士僉書齊州泉州判官晚得監察御史歷知漢陽軍和舒濠三州而卒

張繹字思叔河南壽安人家其微年長未知學傭力於市出閩邑官傳呼聲心

慕之問人曰何以得此人曰此讀書所致爾即發憤力學遂以文名預鄉里計偕謂科舉之習不足為嘗游僧舍見僧道楷將祝髮從之時周行己官河南嘗之曰何為舍聖人之學而學佛異日程先生歸可師也嘗程頤還自涪乃往受業頤賞其穎悟讀孟子志士不忘在溝壑勇士不忘喪其元慨然若有得未及仕而卒頤嘗言吾晚得二士謂繹與尹焯也

蘇昞字季明武功人始學於張載而事二程卒業元祐末呂大中薦之起布衣為太常博士坐元符上書入邪籍編管饒州卒

尹焯字彥明一字德充世為洛人曾祖仲宣七子而二子有名長子源字子漸是謂河內先生次子洙字師魯是謂河南先生源生林官至虞部員外郎林生焯少師事程頤嘗應舉發策有誅元祐諸臣議焯曰噫尚可以干祿乎哉不對而出告頤曰焯不復應進士舉矣頤曰子有母在焯歸告其母陳母曰吾知汝以善養不知汝以祿養頤聞之曰賢哉母也於是終身不就舉焯之從師與河南張繹同時繹以高識焯以篤行頤既沒焯聚徒洛中非吊喪問疾不出戶士大夫宗仰之靖康初神師道薦焯德行可備勸講召至京師不欲留賜號和靖處士戶部尚書梅執禮御史中丞呂好問戶部侍郎邵溥中書舍人胡安國合奏河南布衣尹焯學窮根本德備中和言動可以師法器識可以任大近世招延之士無出其右者朝廷宜召而命處士以歸使焯韜藏國器不為時用未副陛下側席求賢之意望特加識擢以慰士大夫之望不報次年金人陷洛焯闔門被害焯死復甦門人昇置山谷中而免劉豫命僞師趙斌以禮聘焯不從則以兵恐之焯自南州奔蜀至閬得程頤易傳十卦於其門人呂稽中又得全本於其婿郭純拜而受之紹興四年止于涪涪頤讀易地也關三畏齋以居邦人不識其面侍讀范冲舉焯自代授左宣教郎充崇政殿說書以疾辭范冲奏給五百金為行資遣漕臣奉詔至涪親道六年始就道作文祭頤而後行先是崇

寧以來禁錮元祐學術高宗渡江始召楊時真從班召胡安國居給舍范冲朱震俱在講席薦焯甚力既召而左司諫陳公輔上疏攻程氏之學乞加屏絕焯至九江上奏曰臣僚上言程頤之學惑亂天下焯實師頤垂二十年學之既專

宋史卷四百二十八 列傳

自信其篤使焯濫列經筵其所數繹不過聞於師者舍其所學是欺君父加以疾病衰耗不能支持遂留不進胡安國奉祠居衡陽上書言欲使學者蹈中庸師孔孟而禁不從程頤之學是入室而不由戶朱震引疾告去時趙鼎去位張浚獨相於是召安國俾以內祠兼侍讀而上章薦焯言其拒劉豫之節且謂其所學所養有大過人者乞令江州守臣疾速津送至國門復以疾辭上曰焯可謂恬退矣詔以秘書郎兼說書趣起之焯始入見就職八年除秘書少監未幾力辭求去上語參知政事劉大中曰焯未論所學淵源足為後進矜式班列得老成人亦是朝廷氣象乃以焯直徽猷閣主管萬壽觀留侍經筵資善堂胡善朱震疾亟薦焯自代輔臣入奏上慘然曰楊時物故胡安國與震又亡朕痛惜之趙鼎曰尹焯學問淵源可以繼震上指奏牘曰震亦薦焯代資善之職但焯微曠恐教兒費力爾除太常少卿仍兼說書未幾稱疾在告除權禮部侍郎兼侍講時金人遣張通古蕭哲來議和焯上疏曰臣伏見本朝有遼金之禍巨古未聞中國無人致其猾亂昨者城下之戰詭詐百出二帝北狩皇族播遷宗社之危已絕而續陛下即位以來十有二年雖中原未復讐敵未殄然而賴祖宗德澤之厚陛下勤苦之至億兆之心無有離異前年徽宗皇帝寧德皇后崩聞遽來莫究不豫之狀天下之人痛心疾首而陛下且屈意降志以迎奉梓宮請問諱日為事今又為此議則人心日去祖宗積累之業陛下十二年勤撫之功當決於此矣不識陛下亦嘗深謀而熟慮乎抑在廷之臣不以告也禮曰父母之讐不共戴天兄弟之讐不反兵今陛下信讐敵之誦詐而覲其肯和以紓目前之急豈不失不共戴天不反兵之義乎又況使人之來以詔諭為名以割地為要今以不戴天之讐與之和臣竊為陛下痛惜之或以金國內亂懼我襲己故為甘言以緩王師倘或果然尤當鼓士卒之心雪社稷之恥尚何和之為務又移書秦檜言今北使在廷天下憂憤若和議一成彼日益強我日益怠侵尋陵削天下有被髮左衽之憂比者竊聞主上以父兄未返降志辱身於九重之中有年矣然亦自是未聞金人悔過還二帝於沙漠繼之梓宮崩問不詳天下之人痛恨切骨金人狼虎貪噬之性不言可見天下方將以此望於相公觀

有以革其已然豈意為之已甚乎今之上策莫如自治自治之要內則進君子而遠小人外則賞當功而罰當罪使主上孝弟通於神明道德成於安疆勿以小智力義而圖大功不勝幸甚疏及書皆不報於是焯固辭新命九年以徽猷閣待制提舉萬壽觀兼侍講又辭且奏言臣職在勸諫冀有發明期月之間病告相繼坐縶厚祿無補聖聰先聖有言陳力就列不能者止此當去一也臣起自草茅誤膺召用守道之語形于訓詞而臣貪戀寵榮遂移素守使朝廷非常不次之舉獲懷利苟得之人此當去者二也比嘗不量分守言及國事識見迂陋已驗于今跡其庸愚豈堪時用此當去者三也臣自擢春官未嘗供職以疾乞去更獲超遷有何功勞得以祇受此當去者四也國朝典法揆之禮經年至七十皆當致仕今臣年齒已及加以疾病血氣既衰戒之在得此當去者五也臣聞聖君有從欲之仁匹夫有莫奪之志今臣有五當去之義無一可留之理乞檢會累放歸田里疏上以焯提舉江州太平觀引年告老轉一官致仕焯自入經筵即乞休致朝廷以禮留之浚鼎既去秦檜當國見焯議和疏及與檜書已不樂至是得求去之疏遂不復留十二年卒當是時學于程頤之門者固多君子然求質直弘毅實體力行若焯者蓋鮮頤嘗以魯許之且曰我死而不失其正者尹氏子也其言行見於涪陵記善錄為詳有論語解及門人問答傳于世

楊時字中立南劍將樂人幼穎異能屬文稍長潛心經史熙寧九年中進士第時河南程顥與弟頤講孔孟絕學于熙豐之際河洛之士翕然師之時調官不赴以師禮見顥于穎昌相得甚懽其歸也顥目送之曰吾道南矣四年而顥死時聞之設位哭寢門而以書赴告同學者至是又見程頤於洛時蓋年四十矣一日見頤頤偃坐時與游酢侍立不去頤既覺則門外雪深一尺矣關西張載嘗著西銘二程深推服之時疑其近於兼愛與其師頤辨論往復聞理一分殊之說豁然無疑杜門不仕者十年久之歷知瀏陽餘杭蕭山三縣皆有惠政民思之不忘張舜民在諫垣薦之得荊州教授時安於州縣未嘗求聞達而德望日重四方之士不遠千里從之游號曰龜山先生時天下多故有言於蔡京

者以爲事至此必敗宜引舊德老成置諸左右庶幾猶可及時幸是之會有使高麗者國主問龜山安在使回以聞召爲祕書郎遷著作郎及面對奏曰堯舜曰允執厥中孟子曰湯執中洪範曰皇建其有極歷世聖人由斯道也熙寧之初大臣文六藝之言以行其私祖宗之法紛更殆盡元祐繼之盡復祖宗之熙寧之法一切廢革至紹聖崇寧抑又甚焉凡元祐之政事著在令甲皆焚之以滅其跡自是分爲二黨縉紳之禍至今未殄臣願明詔有司條具祖宗之法著爲綱目有宜於今者舉而行之當損益者損益之元祐熙豐姑置勿問一趨於中而已朝廷方圖燕雲虛內事外時遂陳時政之弊且謂燕雲之師宜退守內地以省轉輸之勞募邊民爲弓弩手以殺常勝軍之勢又言都城居四達之衝無高山巨浸以爲阻衛士人懷異心緩急不可倚仗執政不能用登對力陳君臣警戒正在無虞之時乞爲宣和會計錄以周知天下財物出入之數徽宗首肯之除邇英殿說書聞金人入攻謂執政曰今日事勢如積薪已然當自奮勵以竦動觀聽若示以怯懦之形委靡不振則事去矣昔汲黯在朝淮南繆謀論黯之才未必能過公孫弘輩也特其直氣可以鎮壓姦雄之心爾朝廷威望弗振使姦雄一以弘輩視之則無復可爲也要害之地當嚴爲守備比至都城尙何及哉近邊州軍宜堅壁清野勿與之戰使之自困若攻戰略地當遣援兵追襲使之腹背受敵則可以制勝矣且謂今日之事當以收人心爲先人心不附雖有高城深池堅甲利兵不足恃也免夫之役毒被海內京城聚斂東南花石其害尤甚前此蓋嘗罷之詔墨未乾而花石供奉之舟已銜尾矣今雖復申前令而禍根不除人誰信之欲致人和去此三者正今日之先務也金人圍京城勦王之兵四集而莫相統一時言唐九節度之師不立統帥雖李郭之善用兵猶不免敗歟今諸路烏合之衆臣謂當立統帥一號令示紀律而後士卒始用命又言童貫爲三路大帥敵人侵疆棄軍而歸擊戮之有餘罪朝廷置之不問故梁方平何灌皆相繼而遁當正典刑以爲臣子不忠之戒童貫握兵二十餘年覆軍殺將馴至今日比閭防城仍用閹人覆車之轍不可復蹈疏上除右諫議大夫兼侍講敵兵初退議者欲割三鎮以講和時極言其不可曰河朔爲

朝廷重地而三鎮又河朔之要藩也自周世宗迄太祖太宗百戰而後得之一日棄之北庭使敵騎疾驅貫吾腹心不數日可至京城今聞三鎮之民以死拒之三鎮拒其前吾以重兵躡其後尙可爲也若神師道劉光世皆一時名將始至而未用乞召問方略疏上欽宗詔出師而議者多持兩端時抗疏曰聞金人駐磁相破大名劫虜驅掠無有紀極誓墨未乾而背不旋踵吾雖欲專守和議不可得也夫越數千里之遠犯人國都危道也彼見勦王之師四面而集亦懼而歸非愛我而不攻朝廷割三鎮三十州之地與之是欲助寇而自攻也聞肅王初與之約及河而返今挾之以往此敗盟之大者臣竊謂朝廷宜以肅王爲問責其敗盟必得肅王而後已時太原圍閉數月而姚古擁兵逗留不進時上疏乞誅古以肅軍政拔偏裨之可將者代之不報李綱之罷太學生伏闕上書乞留綱與神師道軍民集者數十萬朝廷欲防禁之吳敏乞用時以靖太學時得召對言諸生伏闕紛紛忠於朝廷非有他意但擇老成有行誼者爲之長貳則將自定欽宗曰無逾於卿遂以時兼國子祭酒首言三省政事所出六曹分治各有攸司今乃別辭官屬新進少年未必賢於六曹長貳又言蔡京用事二十餘年蠹國害民幾危宗社人所切齒而論其罪者莫知其所本也蓋京以繼述神宗爲名實挾王安石以圖身利故推尊安石加以王爵配饗孔子廟庭今日之禍實安石有以啓之謹按安石挾管商之術飭六藝以文姦言變亂祖宗法度當時司馬光已言其爲害當見於數十年之後今日之事若合符契其著爲邪說以塗學者耳目而故壞其心術者不可縷數姑卽一二事明之昔神宗嘗稱美漢文惜百金以罷露臺安石乃言陛下若能以堯舜之道治天下雖竭天下以自奉不爲過守財之言非正理曾不知堯舜茅茨土階禹曰克儉于家則竭天下以自奉者必非堯舜之道其後王黼以應奉花石之事竭天下之力號爲享上實安石有以倡之也其釋鳥鷹守成之詩於末章則謂以道守成者役使羣衆泰而不爲驕宰制萬物費而不爲侈孰弊弊然以愛爲事詩之所言正謂能持盈則神祇租考安樂之而無後艱爾自古釋之者未有泰而不爲驕費而不爲侈之說也安石獨倡爲此說以啓人主之侈心後蔡京輩輕費妄用

以侈靡為事安石邪說之害如此伏望追奪王爵明詔中外毀去配享之像使邪說淫辭不為學者之惑疏上安石遂降從祀之列士之習王氏學取科第者已數十年不復知其非忽聞以為邪說議論紛紛諫官馮漸力主王氏上疏詆時會學官中有紛爭者有旨學官並罷時亦罷祭酒時又言元祐黨籍中惟司馬光一人獨褒顯而未及呂公著韓維范純仁呂大防安燾輩建中初言官陳瓚已褒贈而未及鄒浩於是元祐諸臣皆次第牽復尋四上章乞罷諫省除給事中辭乞致仕除徽猷閣直學士提舉嵩山崇福宮時力辭直學士之命改除徽猷閣待制提舉崇福宮陛辭猶上書乞選將練兵為戰守之備高宗即位除工部侍郎陞對言自古聖賢之君未有不以典學為務除兼侍讀乞修建炎會計錄乞恤勤王之兵乞寬假盲者連章丐外以龍圖閣直學士提舉杭州洞霄宮已而告老以本官致仕優游林泉以著書講學為事卒年八十三諡文靖時在東郡所交皆天下士先達陳瓘鄒浩皆以師禮事時暨渡江東南學者推時為程氏正宗與胡安國往來講論尤多時浮沉州縣四十有七年晚居諫省僅九十日凡所論列皆切於世道而其大者則關王氏經學排靖康和議使邪說不作凡紹興初崇尚元祐學術而朱熹張栻之學得程氏之正其源委脈絡皆出於時子迪力學通經亦嘗師程頤云

羅從彥字仲素南劍人以累舉恩為惠州博羅縣主簿聞同郡楊時得河南程氏學慨然慕之及時為蕭山令遂徒步往學焉時熟察之乃喜曰惟從彥可與言道於是日益以親時弟子千餘人無及從彥者從彥初見時三日即驚汗浹背曰不至是幾虛過一生矣嘗與時講易至乾九四爻云伊川說甚善從彥即驚曰走洛見頤問之頤反覆以告從彥謝曰聞之龜山具是矣乃歸卒業沙縣陳淵楊時之壻也嘗詣從彥必竟日乃返謂人曰自吾交仲素日聞所不聞與學清節直南州之冠冕也既而築室山中絕意仕進終日端坐聞謁時將溪上吟詠而歸恆充然自得焉嘗采祖宗故事為選堯錄靖康中擬獻闕下會國難不果嘗與學者論治曰祖宗法度不可廢德澤不可恃廢法度則變亂之事起特德澤則驕佚之心生自古德澤最厚莫若堯舜向使子孫可恃則堯舜必傳

其子法度之明莫如周向使子孫世守文武成康之遺緒雖至今存可也又曰君子在朝則天下必治蓋君子進則常有亂世之言使人主多憂而善心生故治小人在朝則天下亂蓋小人進則常有治世之言使人主多樂而怠心生故亂又曰天下之變不起於四方而起於朝廷譬如人之傷氣則寒暑易侵木之傷心則風雨易折故內有林甫之姦則外必有祿山之亂內有盧杞之姦則外必有朱泚之叛其論士行曰周孔之心使人明道學者果能明道則周孔之心深自得之三代人才得周孔之心而明道者多故視死生去就如寒暑晝夜之移而忠義行之者易至漢唐以經術古文相尚而失周孔之心故經術自董生公孫弘倡之古文自韓愈柳宗元啓之於是明道者寡故視死生去就如萬鈞九鼎之重而忠義行之者難嗚呼學者所見自漢唐喪矣又曰士之立朝要以正直忠厚為本正直則朝廷無過失忠厚則天下無嗟怨一於正直而不忠厚則漸入於刻一於忠厚而不正直則流入於懦其議論醇正類此朱熹謂龜山倡道東南士之游其門者甚眾然潛思力行任重詣極如仲素一人而已紹興中卒學者稱之曰豫章先生淳祐間諡文質

李侗字愿中南劍州劍浦人年二十四聞郡人羅從彥得河洛之學遂以書謁之其略曰侗聞之天下有三本焉父生之師教之君治之闕其一則本不立古之聖賢莫不有師其肄業之勤情涉道之深求益之先後若存若亡其詳不可得而考惟洙泗之間七十二弟子之徒議論問答具在方冊有足稽焉是得夫子而益明矣孟氏之後道失其傳枝分派別自立門戶天下真儒不復見於世其聚徒成羣所以相傳授者句讀文義而已爾謂之爐焉可也其惟先生服膺龜山先生之講席有年矣況嘗及伊川先生之門得不傳之道於千五百年之後性明而修行完而潔擴之以廣大體之以仁恕精深微妙各極其至漢唐諸儒無近似者至於不言而飲人以和與人並立而使人化如春風發物蓋亦莫如其所以然也凡讀聖賢之書粗有識見者孰不願得授經門下以質所疑至於異論之人固當置而勿論也侗之愚鄙徒以習舉子業不得服役於門下而今日幸蒙欲求教者以謂所求有大於利祿也抑侗聞之道可以治心猶食

之充飽衣之禦寒也。人有迫於饑寒之患者。皇皇焉爲衣食之謀。捲次顛沛。未始忘也。至於心之不治。有沒世不知慮。豈愛心不若口體哉。弗思甚矣。侗不量實質之陋。徒以祖父以儒學起家。不忍墜箕裘之業。孜孜矻矻爲利祿之學。雖知真儒有作。聞風而起。固不若先生親炙之得於動靜語默之間。目擊而意全也。今生二十有四歲。茫乎未有所止。燭理未明。而是非無以辨。宅心不廣。而喜怒易以搖。操履不完。而悔吝多。精神不充。而智巧襲。揀焉而不淨。守焉而不敷。朝夕恐懼。不啻如饑寒切身者。求充饑寒之具也。不然。安敢以不肖之身。爲先生之累哉。從之累年。授春秋中庸語孟之說。從彥好靜坐。侗退入室亦靜坐。從彥令靜中看喜怒哀樂未發前氣象。而求所謂中者。久之而於天下之理。該攝洞貫。以次融釋。各有條序。從彥亟稱許焉。既而退居山田。謝絕世故。餘四十年。食飲或不充。而怡然自適。事親孝謹。仲兄性剛多忤。侗事之得其懽心。閨門內外。夷愉肅穆。若無人聲。而衆事自理。親戚有貧不能婚嫁者。則爲經理振助之。與鄉人處。飲食言笑。終日油油如也。其接後學。答問不倦。雖隨人淺深施教。而必自反身自得始。故其言曰。學問之道。不在多言。但默坐澄心。體認天理。若是雖一毫私欲之發。亦退聽矣。又曰。學者之病。在於未有洒然冰解凍釋處。如孔門諸子。羣居終日。交相切磋。又得夫子爲之依歸。日用之間。觀感而化者多矣。恐於融釋而不脫落處。非言說所及也。又曰。讀書者。知其所言。莫非吾事。而卽吾身以求之。則凡聖賢所至而吾所未至者。皆可勉而進矣。若直求之文字。以資誦說。其不爲玩物喪志者幾希。又曰。講學切在深潛縝密。然後氣味深長。蹊徑不差。若槩以理一而不察其分之殊。此學者所以流於疑似亂真之說。而不自知也。嘗以黃庭堅之稱濂溪周茂叔胸中灑落。如光風霽月。爲善形容有道者氣象。嘗誦之。而顧謂學皆存此於胸中。庶幾遇事廓然而義理少進矣。其語中庸曰。聖門之傳是書。其所以開悟後學。無遺策矣。然所謂喜怒哀樂未發謂之中者。又一篇之指要也。若徒記誦而已。則亦奚以爲哉。必也體之於身。實見是理。若顏子之數。卓然若有所見。而不違乎心目之間。然後擴充而往。無所不通。則庶乎其可以言中庸矣。其語春秋曰。春秋一事。各是發明一例。如觀

山水。徙步而形勢不同。不可拘以一法。然所以難言者。蓋以常人之心。推測聖人。未到聖人灑然處。豈能無失耶。侗既閑居。若無意當世。而傷時憂國。論事感激。動人嘗曰。今日三綱不振。義利不分。三綱不振。故人心邪僻。不堪任用。是致上下之氣。間隔。而中國日衰。義利不分。故自王安石用事。陷溺人心。至今不知覺。人趨利而不知義。則主勢日孤。人主當於此留意。不然。則是所謂雖有粟吾得而食諸也。是時吏部員外郎朱松與侗爲同門友。雅重侗。遣子熹從學。熹卒得其傳。沙縣鄧迪嘗謂松曰。歷中如冰壺秋月。瑩徹無瑕。非吾曹所及。松以謂知言。而熹亦稱侗姿稟勁特。氣節豪邁。而充養完粹。無復圭角。精純之氣。達於面目。色溫言厲。神定氣和。語默動靜。端詳閑泰。自然之中。若有成法。平日恂恂於事。若無甚可否。及其酬酢事變。斷以義理。則有截然不可犯者。又謂自從侗學。辭去復來。則所聞益超絕。其上達不已。如此。侗子友直。信甫。皆舉進士。試吏旁郡。更請迎養。歸道武夷。會閩帥汪應辰以書幣來迎。侗往見之。至之日。疾作。遂卒。年七十有一。信甫仕至監察御史。出知衢州。擢廣東江東憲。以特立不容於朝。云。

宋史卷四百二十八

宋史卷四百二十八考證

羅從彥傳南劍人○臣人龍按弘簡錄作羅源人豫章書云南昌人考南昌縣西南七十里有地號羅家原為仲素故居楊淵稱仲素為南州冠冕則仲素之為南昌人固不誣也

宋史卷四百二十八考證

元中書右丞相總裁脫脫等修

列傳第一百八十八

道學三

朱熹 張栻

朱熹字元晦一字仲晦徽州婺源人父松字喬年中進士第胡世將謝克家薦之除秘書省正字趙鼎都督川陝荆襄軍馬招松為屬辭鼎再相除校書郎遷著作郎以御史中丞常同薦除度支員外郎史館校勘歷司勳吏部郎秦檜決策議和松與同列上章極言其不可檜怒風御史論松懷異自賢出知饒州未上卒熹幼穎悟甫能言父指天示之曰天也熹問曰天之上何物松異之就傳授以孝經一闕題其上曰不若是非人也嘗從羣兒戲沙上獨端坐以指畫沙視之八卦也年十八貢于鄉中紹興十八年進士第主泉州同安簿選邑秀民充弟子員日與講說聖賢修己治人之道禁女婦之為僧道者罷歸請祠監潭州南嶽廟明年以輔臣薦與徐度呂廣問韓元吉同召以疾辭孝宗即位詔求直言熹上封事言聖躬雖未有過失而帝王之學不可以不熟講朝政雖未有闕遺而修攘之計不可以不早定利害休戚雖不偏舉而本原之地不可以不加意陛下毓德之初親御簡策不過風誦文辭吟詠情性又頗留意於老子釋氏之書夫記誦詞藻非所以探淵源而出治道虛無寂滅非所以貫本末而立大中帝王之學必先格物致知以極夫事物之變使義理所存纖悉畢照則自然意誠心正而可以應天下之務次言修攘之計不時定者講和之說誤之也夫金人於我有不共戴天之讐則不可和也明矣願斷以義理之公閉關絕約任賢使能立紀綱厲風俗數年之後國富兵強視吾力之強弱觀彼覺之淺深徐起而圖之次言四海利病係斯民之休戚斯民休戚係守令之賢否監司者守令之綱朝廷者監司之本也欲斯民之得其所本原之地亦在朝廷而已今之監司姦賊狼籍肆虐以病民者莫非宰執臺諫之親舊賓客其已失勢者既按見其交私之狀而斥去之尚在勢者豈無其人願陛下無自而知之耳隆興

元年復召入對其言大學之道在乎格物以致其知陛下雖有生知之性高世之行而未嘗隨事以觀理即理以應事是以舉措之間動涉疑貳聽納之際未免蔽欺平治之效所以未著其二言君父之讐不與共戴天今日所當為者非戰無以復讐非守無以制勝且陳古先聖王所以強本折衝威制遠人之道時相湯思退方倡和議除熹武學博士待次乾道元年促就職既至而洪适為相復主和論不合歸三年陳俊卿劉珙薦為樞密院編修官待次五年丁內艱六年工部侍郎胡銓以詩人薦與王庭珪同召以未終喪辭七年既免喪復召以祿不及養辭九年梁克家相申前命又辭克家奏熹屢召不起官蒙褫錄執政俱稱之上曰熹安貧守道廉退可嘉特改合入官主管台州崇道觀熹以求退得進於義未安再辭淳熙元年始拜命二年上欲擬用廉退以勵風俗龔茂良行丞相以熹名進除秘書郎力辭且以手書遺茂良言一時權倖羣小乘間譏毀乃因熹再辭即從其請主管武夷山沖佑觀五年史浩再相除知南康軍降旨便道之官熹再辭不許至郡與利除害值歲不雨講求荒政多所全活訖事奏乞依格推賞納粟人問諸郡學引進士子與之講論訪白鹿洞書院遺址奏復其舊為學規俾守之明年夏大旱詔監司郡守條具民間利病遂上疏言天下之務莫大於恤民而恤民之本在人君正心術以立紀綱蓋天下之紀綱不能以自立必人主之心術公平正大無偏黨反側之私然後有所繫而立君心不能以自正必親賢遠小人講明義理之歸閉塞私邪之路然後乃可得而正今宰相臺省師傅賓友諫諍之臣皆失其職而陛下所親親密謀議者不過一二近習之臣上以蠱惑陛下之心志使陛下不信先王之大道而悅於功利之卑說不樂莊士之讜言而安於私勢之鄙態下則招集天下士大夫之嗜利無恥者文武彙分各入其門所喜則陰為引援擢實清顯所惡則密行訾毀公肆擠排交通貨賂所盜者皆陛下之財命卿置將所竊者皆陛下之柄陛下所謂宰相師傅賓友諫諍之臣或反出其門牆承望其風旨其幸能自立者亦不過齷齪自守而未嘗敢一言以斥之其甚畏公論者乃能略警逐其徒黨之一二既不能深有所傷而終亦不敢正言以擣其蠹囊窟穴之所在勢成威立

中外靡然向之使陛下之號令黜陟不復出於朝廷而出於一二人之門名為陛下獨斷而實此一二人者陰執其柄且云莫大之禍必至之憂近在朝夕而陛下獨未之知上讀之大怒曰是我為亡也熹以疾請祠不報陳俊卿以舊相守金陵過闕入見薦熹甚力宰相趙鼎言於上曰士之好名陛下疾之愈甚則人之譽之愈衆無乃適所以高之不若因其長而用之彼漸當事任能否自見矣上以為然乃除熹提舉江西常平茶鹽公事旋錄救荒之勞除直秘閣以前所委納粟人未推賞辭會浙東大饑宰相王淮奏改熹提舉浙東常平茶鹽公事即日單車就道復以納粟人未推賞辭職名納粟實行遂受職名入對首陳災異之由與修德任人之說次言陛下即政之初蓋嘗選建英豪任以政事不幸其間不能盡得其人是以不復廣求賢哲而姑取軟熟易制之人以充其位於是左右私親使令之賤始得以奉燕閒備驅使而宰相之權日輕又慮其勢有所偏而因重以壅己也則時聽外廷之論將以陰察此輩之負犯而操切之陛下既未能循天理公聖心以正朝廷之大體則固已失其本矣而又欲兼聽士大夫之言以為駕馭之術則士大夫之進見有時而近習之從容無間士大夫之禮貌既莊而難親其議論又苦而難入近習便嬖側媚之態既足以蠱惑心志在胥吏狡獪之術又足以眩聰明是以雖欲微抑此輩而此輩之勢日重雖欲兼采公論而士大夫之勢日輕重者既挾其重以竊陛下之權輕者又借力於所重以為竊位固寵之計日往月來浸淫耗蝕使陛下下之德業日隳綱紀日壞邪佞充塞貨賂公行兵愁民怨盜賊間作災異數見饑饉荐臻羣小相挺人人皆得滿其所欲惟有陛下無所得而顧乃獨受其弊上為動容所奏凡七事其一二事手書以防宣洩熹始拜命即移書他郡募米商蠲其征及至則客舟之米已輻輳熹日鈎訪民隱按行境內單車屏徒從所至人不及知郡縣官吏憚其風采至自引去所部肅然凡丁錢和買役法權酷之政有不便於民者悉釐而革之於救荒之餘隨事處畫必為經久之計有短熹者謂其疏於為政上謂王淮曰朱熹政事却有可觀熹以前後奏請多所見抑幸而從者率稽緩後時蝗旱相仍不勝憂憤復奏言為今之計獨有斷自聖心沛然發號責躬

求言然後君臣相戒痛自省改其次惟有盡出內庫之錢以供大禮之費為收糴之本詔戶部免徵舊負詔漕臣依條檢放租稅詔宰臣沙汰被災路分州軍監司守臣之無狀者遴選賢能責以荒政庶幾猶足下結人心消其乘時作亂之意不然臣恐所愛者不止於饑殍而將在於盜賊蒙其害者不止於官吏而上及於國家也知台州唐仲友與王淮同里為姻家吏部尚書鄭丙侍御史張大經交薦之遷江西提刑未行熹行部至台訟仲友者紛紛按得其實章三上淮置不以聞熹論愈力仲友亦自辯淮乃以熹章進呈上令宰屬看詳都司陳庸等乞令浙西提刑委清強官究實仍令熹速往旱傷州郡相視熹時留台未行既奉詔益上章論前後六上淮不得已奪仲友江西新命以授熹辭不拜遂歸且乞奉祠時鄭丙上疏詆程氏之學且以沮熹淮又擢大府寺丞陳賈為監察御史賈面對首論近日播紳有所謂道學者大率假名以濟偽願者察其人擯棄勿用蓋指熹也十年詔以熹累乞奉祠可差主管台州崇道觀既而連奉雲臺鴻慶之祠者五年十四年周必大相除熹提點江西刑獄公事以疾辭不許遂行十五年淮罷相遂入奏首言近年刑獄失當獄官當擇其人次言經總制錢之病民及江西諸州科罰之弊而其末言陛下即位二十七年因循荏苒無尺寸之效可以仰酬聖志嘗反覆思之無乃燕閒蠶蠶之中虛明應物之地天理有所未純人欲有所未盡是以為善不能克其量除惡不能去其根一念之頃公私邪正是非得失之機交戰於其中故體貌大臣非不厚而便嬖側媚得以深被腹心之寄竊竊英豪非不切而柔邪庸謬得以久竊廊廟之權非不樂聞公議正論而有時不容非不聖譏說殄行而未免誤聽非不欲報復陵廟警恥而未免畏怯苟安非不愛養生靈財力而未免歎息愁怨願陛下自今以往一念之頃必謹而察之此為天理耶人欲耶果天理也則敬以克之而不使其少有隳闕果人欲也則敬以克之而不使其少有凝滯推而至於言語動作之間用人處事之際無不以是裁之則聖心洞然中外融徹無一毫之私欲得以介乎其間而天下之事將惟陛下所欲為無不如志矣是行也有要之於路以為正心誠意之論上所厭聞戒勿以為言熹曰吾平生所學惟此四字豈可

隱默以欺吾君乎。及奏上曰：久不見卿，浙東之事朕自知之。今當處卿清要，不復以州縣爲煩也。時會觀已死，王抃亦逐，獨內侍甘昇尚在，熹力以爲言。上曰：昇乃德壽所薦，爲其有才耳。熹曰：小人無才，安能動人主。翌日，除兵部郎官，以足疾丐祠。本部侍郎林栗嘗與熹論易西銘不合，劾熹本無學術，徒竊張載程頤緒餘，謂之道學。所至輒攜門生數十人，妄希孔孟歷聘之風，邀索高價不肯供職，其僞不可掩。上曰：林栗言似過周，必大言。熹上殿之日，足疾未瘳，勉強登對。上曰：朕亦見其跛曳。左補闕薛叔似亦奏熹，乃令依舊職江西提刑。太常博士葉適上疏與栗辨，謂其言無一實者，謂之道學一語，無實尤甚。往日王淮表裏臺諫，陰廢正人，蓋用此術。詔熹昨入對，所論皆新任職事，朕亦諒其誠，復從所請，可疾速之任。會胡晉臣除侍御史，首論栗執拗不通，喜同惡異，無事而指學者爲黨，乃黜栗知泉州。熹再辭免，除直寶文閣，主管西京嵩山崇福宮。未踰月，再召熹，又辭。始熹嘗以爲口陳之說，有所未盡，乞具封事以聞。至是投匭進封事曰：今天下大勢，如人有重病，內自心腹，外達四肢，無一毛一髮不受病者，且以天下之大本與今日之急務爲陛下言之。大本者陛下之心，急務則輔翼太子，選任大臣，振綱綱紀，變化風俗，愛養民力，修明軍政六者是也。古先聖王兢兢業業，持守此心，是以建師保之官，列諫諍之職，凡飲食酒漿，衣服次舍，器用財賄，與夫官官宮妾之政，無一不領於冢宰，使其左右前後，一動一靜，無不制以有司之法，而無纖芥之隙，瞬息之頃，得以隱其毫髮之私。陛下所以精一克復而持守其心，果有如此之功乎？所以修身齊家而正其左右，果有如此之效乎？官省事禁，臣固不得而知，然爵賞之濫，貨賂之流，閭巷竊言，久已不勝其籍籍，則陛下所以修之家者，恐其未有以及古之聖王也。至於左右便嬖之私，恩遇過當，往者淵觀說朴之徒，勢焰熏灼，傾動一時，今已無可言矣。獨有前日臣所面陳者，雖蒙聖慈，委曲開譬，然臣之愚竊以爲此輩但當使之守門傳命，供掃除之役，不當假借崇長，使得逞邪媚作淫巧於內，以蕩上心，立門庭招權勢於外，以累聖政。臣聞之道路自王抃既逐之後，諸將差除，多出此人之手。陛下竭生靈膏血以奉軍旅，顧乃未嘗得一温飽，是皆將帥巧爲名色，奪取其

糧肆行貨賂於近習，以圖進用，出入禁闥，腹心之臣，外交將帥，共爲欺蔽，以至於此，而陛下不悟，反寵暱之，以是爲我之私人，至使宰相不得議其制置之得失，給練不得論其除授之是非，則陛下所以正其左右者，未能及古之聖王。又明矣。至於輔翼太子，則自王十朋陳良翰之後，官僚之選，號爲得人，而能稱其職者，蓋已鮮矣。而又時使邪佞，薄蘭冗庸妄之輩，或得參錯於其間，所謂講讀亦姑以應文備數，而未聞其有箴規之効。至於從容朝夕，陪侍遊燕者，又不過使宦官者數輩而已。師傳賓客，既不復置，而詹事庶子，有名無實，其左右春坊，遂直以使臣掌之，既無以發其隆師親友，尊德樂義之心，又無以防其戲慢，嫖狎奇袤雜進之害。宜討論前典，置師傳賓客之官，罷去春坊使臣，而使詹事庶子各復其職。至於選任大臣，則以陛下之聰明，豈不知天下之事，必得剛明公正之人，而後可以任哉。其所以常不得如此之人，而反容鄙夫之竊位者，直以一念之間，未能徹其私邪之蔽，而燕私之好，便嬖之流，不能盡由於法度。若用剛明公正之人，以爲輔相，則恐其有以妨吾之事，害吾之人，而不得肆是以選擇之際，常先排擯此等，而後取凡疲懦軟熟，平日不敢直言正色之人，而揣摩之，又於其中得其至庸極陋，決可保其不至於有所妨者，然後而加之於位。是以除書未出而物色先定，姓名未顯而中外已逆知其決非天下第一流矣。至於振肅綱紀，變化風俗，則今日宮省之間，禁密之地，而天下不公之道，不正之人，顧乃得以窟穴盤據於其間，而陛下目見耳聞，無非不公不正之事，則其所以薰蒸銷鑠，使陛下好善之心不著，疾惡之意不深，其害已有所不可勝言者矣。及其作姦犯法，則陛下又未能深割私愛，而付諸外廷之議，論以有司之法，是以紀綱不正於上，風俗頹弊於下，其爲患之日久矣。而浙中爲尤甚。大率習爲軟美之態，依阿之言，以不分是非，不辨曲直爲得計。甚者以金珠爲脯醢，以契券爲詩文，宰相可唱則唱，宰相可通則通，近習可通則通，近習惟得之求，無復廉恥。一有剛毅正直守道循理之士，出乎其間，則羣議衆排，指爲道學，而加以矯激之罪。十數年來，以此二字禁錮天下之賢人君子，復如昔時所謂元祐學術者，排擯抵辱，必使無所容其身，而後已。此豈治世之事哉。至於愛養民力，修明軍

政則自虞允文之為相也。盡取版曹歲入窶名之。必可指擬者。號為歲終羨餘之數。而輸之內帑。顧以其有名無實。積累掛欠。空載簿籍。不可催理者。撥還版曹。以為內帑之積。將以備他日。用兵進取不時之須。然自是以來。二十餘年。內帑歲入。不知幾何。而認為私貯。典以私人。宰相不得以式貢均節其出入。版曹不得以簿書勾考其在。亡日銷月耗。以奉燕私之費者。蓋不知其幾何矣。而曷嘗聞其能用此錢。以易敵人之首。如太祖之言哉。徒使版曹經費闕乏。日甚。督促日峻。以至廢去祖宗以來破分良法。而必以十分登足為限。以為未足。則又造為比較監司郡守殿最之法。以誘脅之。於是中外承風。競為苛急。此民力之所以重困也。諸將之求進也。必先措剋士卒。以殖私利。然後以此自結於陛下之私人。而斬以姓名達於陛下之貴將。貴將得其姓名。即以付之軍中。使自什伍以上。節次保明。稱其材武。堪任將帥。然後具奏牘而言之。陛下之前。陛下但見等級推先。案牘具備。則誠以為公薦。而可以得人矣。而豈知其論價輸錢。已若晚唐之債帥哉。夫將者三軍之司命。而其選置之方。乖刺如此。則彼智勇材略之人。孰肯抑心下首於宦官宮妾之門。而陛下之所得。以為將帥者。皆庸夫走卒。而猶望其修明軍政。激勸士卒。以疆國勢。豈不誤哉。凡此六事。皆不可緩。而本在於陛下之一心。一心正則六事無有不正。一有人心私欲。以介乎其間。則雖欲億精勞力。以求正夫六事者。亦將徒為文具。而天下之事。愈至於不可為矣。疏入。夜漏下七刻。上已就寢。亟起秉燭。讀之終篇。明日。除主管太一宮。兼崇政殿說書。熹力辭。除秘閣修撰。奉外祠。光宗即位。再辭職名。仍舊直寶文閣。降詔。擬諭。居數月。除江東轉運副使。以疾辭。改知漳州。奏。屬縣無名之賦。七百萬。減經總制錢四百萬。以習俗未知禮采。古喪葬嫁娶之儀。揭以示之。命父老。解說以教子弟。土俗崇信釋氏。男女聚僧廬為傳經會。女不嫁者。為菴舍以居。熹悉禁之。常病經界不行之害。會朝論。欲行泉州汀漳三州經界。熹乃訪事宜。擇人物。及方量之法。上之。而土居豪右。浸漁貧弱者。以為不便。沮之。宰相留正。眾人也。其里黨亦多。以為不可行。布衣吳禹圭。上書訟其擾人。詔且需後。有旨。先行漳州經界。明年。以子喪請祠。時史浩入見。請收天下人望。乃除熹秘閣修

撰。主管南京鴻慶宮。熹再辭。詔論撰之職。以寵名儒。乃拜命。除荆湖南路轉運副使。辭。漳州經界。竟報罷。以言不用。自劾。除知靜江府。辭。主管南京鴻慶宮。未幾。差知潭州。力辭。黃裳為嘉王府翊善。自以學不及熹。乞召為宮僚。王府直講。彭龜年亦為大臣言之。留正曰。正非不知熹。但其性剛。恐到此不合。反為累耳。熹方再辭。有旨。長沙巨屏。得賢為重。遂拜命。會洞僚擾屬郡。熹遣人諭以禍福。皆降之。申教令。嚴武備。戢姦吏。抑豪民。所至興學校。明教化。四方學者畢至。寧宗即位。趙汝愚首薦熹。及陳傅良。有旨。赴行在。奏事。熹行且辭。除煥章閣待制。侍講。辭。不許。入對。首言。乃者。太皇太后躬定大策。陛下寅紹丕圖。可謂處之以權。而庶幾不失其正。自頃至今三月矣。或反不能無疑於逆順名實之際。竊謂陛下憂之。猶有可諉者。亦曰。陛下之心。前日未嘗有求位之計。今日未嘗忘恩親之懷。此其所以行權而不失其正之根本也。充未嘗求位之心。以盡負罪引隱之誠。充未嘗忘親之心。以致溫清定省之禮。而大倫正。大本立矣。復面辭待制。侍講。上手劄。卿經術淵源。正資勸諱。次對之職。勿復勞辭。以副朕崇儒重道之意。遂拜命。會趙彥逾按視孝宗山陵。以為土肉淺薄。下有水石。孫逢吉覆按。乞別求吉兆。有旨。集議臺史。憚之。議中。輟熹。竟上議狀。言壽皇聖德衣冠之藏。當博訪名山。不宜偏信臺史。委之水泉沙礫之中。不報。時論者。以為上未還大內。則各體不正。而疑議生。金使且來。或有窺伺。有旨。修葺舊宮。為屋至數百間。欲徙居之。熹奏疏言。此必左右近習。倡為此說。以誤陛下。而欲因以遂其姦心。臣恐不惟上帝震怒。災異數出。正當恐懼修省之時。不當與此大役。以拂譴告警動之意。亦恐餓餓百姓。饑餓流離。陷於死亡之際。或能望慈念切。以生他變。不惟無以感格太上皇帝之心。以致未有進見之期。亦恐壽皇在殯。因山未卜。几筵之奉。不容少弛。太皇太后皇太后。皆以尊老之年。然然在憂苦之中。晨昏之養。尤不可闕。而四方之人。但見陛下。亟欲大治宮室。速得成就。一旦翻然委而去之。以就安便。大軍萬民之心。將有扼腕不平者矣。前鑑未遠。甚可懼也。又聞太上皇后懼。忤太上皇帝聖意。不欲其聞太上之稱。又不欲其聞內禪之說。此又慮之過者。殊不知若但如此。而不為宛轉方便。則父子之間。上怒怒而

下憂恐將何時而已。父子大倫。三綱所繫。久而不圖。亦將有借其名以造謗生事者。此又臣之所大懼也。願陛下明詔大臣。首罷修葺東宮之役。而以其工料回就慈福重華之間。草創寢殿一二十間。使粗可居。若夫過宮之計。則臣又願陛下下詔自責。減省輿衛。入宮之後。暫變服色。如唐肅宗之改服紫袍。執控馬前者。以伸負罪引慝之誠。則太上皇帝雖有忿怒之情。亦且霍然消散。而歡意浹洽矣。至若朝廷之紀綱。則臣又願陛下深詔左右。勿預朝政。其實有勳庸。而所得褒賞未愜衆論者。亦詔大臣公議其事。稽考典厚。報其勞。而凡號令之弛張。人才之進退。則一委之三大臣。使之反覆較量。勿循己見。酌取公論。奏而行之。有不當者。繳駁論難。擇其善者。稱制臨決。則不惟近習不得干預朝權。大臣不得專任己私。而陛下亦得以益明習天下之事。而無所疑於得失之算矣。若夫山陵之下。則願黜臺史之說。別求草澤以營新宮。使壽皇之遺體得安於內。而宗社生靈。皆蒙福於外矣。疏入不報。然上亦未有怒意。每以所講編次成帙。以進。上亦開懷容納。熹又奏勉上進德云。願陛下日用之間。以求放心爲之本。而於玩經觀史。親近儒學。益用力焉。數召大臣。切勵治道。羣臣進對。亦賜溫顏。反覆詢訪。以求政事之得失。民情之休戚。而又因以察其人才之邪正。短長。庶於天下之事。各得其理。熹奏禮經勅令。予爲父嫡孫承重爲祖父。皆斬衰三年。嫡子當爲其父後。不能襲位執喪。則嫡孫繼統而代之執喪。自漢文短喪。歷代因之。天子遂無三年之喪。爲父且然。則嫡孫承重可知。人紀廢壞。三綱不明。千有餘年。莫能釐正。壽皇聖帝至性自天。易月之外。猶執通喪。朝衣朝冠。皆用大布。所宜著在方冊。爲萬世法程。間者遺詔初頒。太上皇帝偶違康豫。不能躬就喪次。陛下以世嫡承大統。則承重之服。著在禮律。所宜遵壽皇已行之法。一時倉卒。不及詳議。遂用漆紗淺黃之服。不惟上違禮律。且使壽皇已行之禮舉而復墜。臣竊痛之。然既往之失。不及追改。有將來啓殯發引。當復用初喪之服。會孝宗祔廟。議宗廟迭毀之制。孫逢吉曾三復首。請併祀。傳宣二祖。奉太祖居第一室。裕祭則正東向之位。有旨集議。僊順翼宣四祖。祧主宜有所歸。自太祖皇帝首尊四祖之廟。治平間。議者以世數遠。請遷傳祖於夾室。後

王安石等。奏傳祖有廟。與稷契無異。請復其舊。時相趙汝愚。雅不以復祀傳祖爲然。侍從多從其說。吏部尚書鄭僑。欲且祧宣祖而祔孝宗。熹以爲藏之夾室。則是以祖宗之主。下藏於子孫之夾室。神宗復奉以爲始祖。已爲得禮之正。而合於人心。所謂有舉之而莫敢廢者乎。又擬爲廟制以辨。以爲物豈有無本而生者。廟堂不以闕。即毀撤傳宣廟室。更創別廟。以奉四祖。始寧宗之立。韓侂胄自謂有定策功。居中用事。熹憂其害政。數以爲言。且約吏部侍郎彭龜年共論之。會龜年出護使客。熹乃上疏。斥言左右竊柄之失。在講筵復申言之。御批云。憫卿者艾。恐難立講。已除卿宮觀。汝愚御筆還上。且諫且拜。內侍王德謙徑以御筆付熹。臺諫爭留不可。樓鑰。陳傅良。旋封還錄黃。修注官劉光祖。鄧駟。封章。上交。熹行被命除寶文閣待制。與州郡差遣。辭。尋除知江陵府。辭。仍乞遣還新舊職名。詔依舊煥章閣待制。提舉南京鴻慶宮。慶元元年初。趙汝愚既相。收召四方知名之士。中外引領望治。熹獨惕然。以侂胄用事爲慮。既屢爲上言。又數以手書啓汝愚。當用厚賞酬其勞。勿使得預朝政。有防微杜漸。謹不可忽之語。汝愚方謂其易制。不以爲意。及是。汝愚亦以誣逐。而朝廷大權悉歸侂胄矣。熹始以廟議自劾。不許。以疾再乞休致。詔辭職謝事。非朕優賢之意。依舊祕閣修撰。二年。沈繼祖爲監察御史。誣熹十罪。詔落職罷祠。門人蔡元定亦送道州編管。四年。熹以年近七十。申乞致仕。五年。依所請。明年卒。年七十一。疾且革。手書屬其子在。及門人范念德。黃榦。奉奉以勉學。及修正遺書爲言。翌日。正坐整衣冠。就枕而逝。熹登第五十年。仕於外者僅九考。立朝纔四十日。家故貧。少依父友劉子羽。寓建之崇安。後徙建陽之考亭。單瓢屨空。晏如也。諸生之自遠而至者。豆飯藜羹。率與之共。往往稱貸於人以給用。而非其道義。則一介不取也。自熹去國。侂胄勢益張。何澹爲中司。首論專門之學。文詐沽名。乞辨真僞。劉德秀仕長沙。不爲張栻之徒。所禮。及爲諫官。首論留正引僞爲學之罪。僞學之稱。蓋自此始。太常少卿胡紘言。比年僞學猖獗。圖爲不軌。望宣輪大臣。權住進擬。遂召陳賈爲兵部侍郎。未幾。熹有奪職之命。劉三傑以前御史論熹。汝愚劉光祖徐誼之徒。前日之僞黨。至此又變而爲逆黨。即日除三傑右正言。右諫議大夫

姚愈論道學權臣。結為死黨。窺伺神器。乃命直學士院高文虎。草詔諭天下。於是攻偽學日急。選人余嘉至上書乞斬熹。方是時。士之繩趨尺步。稍以儒名者。無所容其身。從游之士。特立不顧者。屏伏丘壑。伏阿巽儒者。更名他師。過門不入。甚至變易衣冠。狎游市肆。以自別其非黨。而熹日與諸生講學不休。或勸其謝遣生徒者。笑而不答。有籍田令陳景思者。故相康伯之孫也。與侂胄有姻連。勸侂胄勿為己甚。侂胄意亦漸悔。熹既沒。將葬。言者謂四方僞徒。期會送偽師之葬。會聚稍弛。二年。詔熹以致仕除華文閣待制。與致仕恩澤。後侂胄死。詔賜熹初學禁稍弛。二年。詔熹以致仕除華文閣待制。與致仕恩澤。後侂胄死。詔賜熹遺表恩澤。諡曰文。尋贈中大夫。特贈寶謨閣直學士。理宗寶慶三年。贈太師。追封信國公。改徽國。始熹少時。慨然有求道之志。父松病亟。嘗屬熹曰。籍溪胡原仲。白水劉致中。屏山劉彥沖。三人學有淵源。吾所敬畏。吾即死。汝往事之。而惟其言之聽。三人謂胡憲劉勉之劉子輩也。故熹之學。既博求之。經傳復徧交當世有識之士。延平李侗老矣。嘗學於羅從彥。熹歸自同安。不遠數百里。徒步往從之。其為學大抵窮理以致其知。反躬以踐其實。而以居敬為主。嘗謂聖賢道統之傳。散在方冊。聖經之旨不明。而道統之傳始晦。於是竭其精力。以研窮聖賢之經訓。所著書有易本義。啓蒙。著卦考誤。詩集傳。大學中庸章句。或問。論語孟子集註。太極圖通書。西銘解。楚辭集註。辨證。韓文考異。所編次有論孟集議。孟子指要。中庸輯略。孝經刊誤。小學書。通鑑綱目。宋名臣言行錄。家禮。近思錄。河南程氏遺書。伊洛淵源錄。皆行於世。熹沒。朝廷以其大學語孟中庸訓說立於學官。又有儀禮經傳通解。未脫藁。亦在學官。平生為文。凡一百卷。生徒問答。凡八十卷。別錄十卷。理宗紹定末。秘書郎李心傳乞以司馬光周敦頤邵雍張載程顥程頤朱熹七人列于從祀。不報。淳祐元年正月。上視學。手詔以張周二程及熹從祀孔子廟。黃榦曰。道之正統。待人而後傳。自周以來。任傳道之責者。不過數人。而能使斯道章章較著者。一二人而止耳。由孔子而後。曾子子思繼其微。至孟子而始著。由孟子而後。周程張子繼其絕。至熹而始著。識者以為知言。熹子在紹定中。為吏部侍郎。

張栻字敬夫。丞相浚子也。穎悟夙成。浚愛之。自幼學。所教莫非仁義忠孝之實。長師胡宏。宏一見。即以孔門論仁親切之旨告之。栻退而思。若有得焉。宏稱之曰。聖門有人矣。栻益自奮厲。以古聖賢自期。作希顏錄。以應補官。辟宣撫司都督府書寫機宜文字。除直秘閣。時孝宗新即位。浚起請籍開府治戎。參佐皆極一時之選。栻時以少年。內贊密謀。外參庶務。其所綜畫。幕府諸人皆自以為不及也。間以軍事入奏。因進言曰。陛下上念宗社之繫。下念中原之塗炭。惕然於中。而思有以振之。臣謂此心之發。即天理之所存也。願益加省察。而稽古親賢。以自輔。無使其或少息。則今日之功。可以必成。而因循之弊。可革矣。孝宗異其言。於是遂定君臣之契。浚去位。湯思退用事。遂罷兵。講和。金人乘間縱兵入淮甸。中外大震。廟堂猶主和議。至救諸將無得輒稱兵。時浚已沒。栻營葬甫畢。即拜疏言。吾與金人有不共戴天之讐。異時朝廷雖嘗與編素之師。然旋遣王帛之使。是以講和之念。未忘於胸中。而至誠惻怛之心。無以感格于天人之際。此所以事屢敗而功不成也。今雖重為羣邪所誤。以感國而召寇。然亦安知非天欲以是開聖心哉。謂宜深察此理。使吾胸中了然。無纖介之惑。然後明詔中外。公行賞罰。以快軍民之憤。則人心悅。士氣充。而敵不難却矣。繼今以往。益堅此志。誓不言和。專務自強。雖折不撓。使此心純一。貫徹上下。則遲以歲月。亦何功之不濟哉。疏入。不報。久之。劉琪薦於上。除知撫州。未上。改嚴州。時宰相虞允文以恢復自任。然所以求者。類非其道。意栻素論當與己合。數遣人致殷勤。栻不答。入奏。首言。先王所以建事立功。無不如志者。以其胸中之誠。有以感格天人之心。而與之無間也。今規畫雖勞。而事功不立。陛下誠深察之日用之間。念慮云為之際。亦有私意之發。以害吾之誠者乎。有則克而去之。使吾中局洞然。無所間雜。則見義必精。守義必固。而天人之應。將不待求而得矣。夫欲復中原之地。先有以得中原之心。欲得中原之心。先有以得吾民之心。求所以得吾民之心者。豈有他哉。不盡其力。不傷其財而已矣。今日之事。固當以明大義正人心為本。然其所施有先後。則其緩急不可以不詳。所務有名實。則其取舍不可以不審。此又明主所宜深察也。明年召為吏部侍郎。兼權起居郎。待立官。時宰

方謂敵勢衰弱可圖。建議遣使往責陵寢之故。士大夫有憂其無備而召兵者。輒斥去之。枋見上曰。卿知敵國事乎。枋對曰。不知也。上曰。金國饑饉連年。盜賊四起。枋曰。金人之事。臣雖不知。境中之事。則知之矣。上曰。何也。枋曰。臣切見比年諸道多水旱。民貧日甚。而國家兵弱財匱。官吏誣護。不足倚賴。正使彼實可圖。臣懼我之未足以圖彼也。上爲默然久之。枋因出所奏疏讀之曰。臣竊謂陵寢隔絕。誠臣子不忍言之至痛。然今未能奉辭以討之。又不能正名以絕之。乃欲卑辭厚禮以求於彼。則於大義已爲未盡。而異論者猶以爲憂。則其淺陋畏怯。固益甚矣。然臣竊揆其心意。或者亦有以見我未有必勝之形。而不能不憂也歟。蓋必勝之形。當在於早正素定之時。而不在于兩陣決機之日。上爲竦聽改容。枋復讀曰。今日但當下哀痛之詔。明復讐之義。顯絕金人。不與通使。然後修德立政。用賢養民。擇將帥。練甲兵。通內修外。攘進戰退。守以爲一事。且必治其實而不爲虛文。則必勝之形。隱然可見。雖有淺陋畏怯之人。亦且奮躍而爭先矣。上爲數息褰論。以爲前始未聞此論也。其後因賜對。反復前說。上益嘉歎。面諭當以卿爲講官。冀時得晤語也。會史正志爲發運使。名爲均輸。實盡奪州縣財賦。遠近騷然。士大夫爭言其害。枋亦以爲言。上曰。正志謂但取之諸郡。非取之於民也。枋曰。今日州郡財賦。大抵無餘。若取之不已。而經用有關。不過巧爲各色以取之於民耳。上矍然曰。如卿之言。是朕假手於發運使以病吾民也。旋聞其實。果如枋言。卽詔罷之。兼侍講。除左司員外郎。講詩葛覃。進說治生於敬畏。亂起於驕淫。使爲國者每念稼穡之勞。而其后妃不忘織紉之事。則心不存者寡矣。因上陳祖宗自家刑國之懿。下斥今日與利擾民之害。上歎曰。此王安石所謂人言不足恤者。所以爲誤國也。知閣門事張說除簽書樞密院事。枋夜草疏極諫其不可。且詰朝堂。質責宰相虞允文曰。宦官執政。自京黼始。近習執政。自相公始。允文慚憤不堪。枋復奏文武職不可偏。然今欲右武以均二柄。而所用乃得如此之人。非惟不足以服文吏之心。正恐反激武臣之怒。孝宗感悟。命得中寢。然宰相實際附說。明年出枋知袁州。申說前命。中外諠譁。說竟以謫死。枋在朝未期歲。而召對至六七。所言大抵皆修身務學。畏天恤民。抑

僥倖。屏讒諛。於是宰相益憚之。而近習尤不悅。退而家居累年。孝宗念之。詔除舊職。知靜江府。經略安撫廣南西路。所部荒殘多盜。枋至。簡州兵。汰冗補闕。籍諸州駁卒。伉健者爲效用。日習月按。申嚴保伍法。諭溪峒。會蒙。阻怨。睦隣。毋相殺掠。於是羣蠻帖服。朝廷買馬橫山。歲久弊滋。邊氓告病。而馬不時至。枋究其利病六十餘條。奏革之。諸蠻感悅。爭以善馬至。孝宗聞枋治行。詔特進秩直寶文閣。因任。尋除秘閣修撰。荆湖北路轉運副使。改知江陵府。安撫本路。一日去倉吏十四人。湖北多盜。府縣往往縱釋以病其良民。枋首劾大吏之縱賊者。捕斬姦民之舍賊者。令其黨得相捕告。以除罪。羣盜皆遁去。郡頻邊屯。主將與帥守每不相下。枋以禮遇諸將。得其驩心。又加恤士伍。勉以忠義。隊長有功。輒補官。士咸感奮。並准奸民出塞爲盜者。捕得數人。有北方士奴亦在盜中。枋曰。朝廷未能正名討敵。無使疆場之事。其曲在我。命斬之以徇於境。而縛其亡奴歸之。北人歎曰。南朝有人。信陽守劉大辨。怙勢希賞。廣招流民。而奪見戶熟田。以與之。枋劾大辨詐讓。所招流民不滿百。而虛增其數十倍。請論其罪。不報。章累上。大辨易他郡。枋自以不得其職。求去。詔以右文殿修撰。提舉武夷山沖佑觀。病且死。猶手疏勸上親君子。遠小人。信任防一己之偏。好惡公天下之理。天下傳誦之。枋有公輔之望。卒時年四十有八。

宋史卷四百二十九

元中書右丞相總裁脫脫等修

列傳第一百八十九

道學四

黃幹 李燾 張洽 陳淳

李方子 黃灝

黃幹字直卿福州閩縣人父瑄在高宗時為監察御史以篤行直道著聞瑄沒幹往見清江劉清之清之奇之曰子乃遠器時學非所以處子也因命受業朱熹幹家法嚴重乃以白母即日行時大雪既至而熹他出幹因留客邸臥起一榻不解衣者二月而熹始歸幹自見熹夜不設榻不解帶少倦則微坐一倚或至達曙熹語人曰直卿志堅思苦與之處甚有益嘗詣東萊呂祖謙以所聞於熹者相質正及廣漢張栻亡熹與幹書曰吾道益孤矣所望於賢者不輕後遂以其子妻幹寧宗即位熹命幹奉喪補將仕郎銓中授迪功郎監台州酒務丁母憂學者從之講學于墓廬甚眾熹作竹林精舍成遺幹書有他時便可請直卿代即講席之語及編禮書獨以喪祭二編屬幹彙成熹見而喜曰所立規模次第縝密有條理他日當取所編家鄉邦國王朝禮悉做此更定之病革以深衣及所著書授幹手書與訣曰吾道之託在此吾無憾矣計聞幹持心喪三年畢調監嘉興府石門酒庫時韓侂胄方謀用兵吳徽帥湖北將赴鎮訪以兵事幹曰聞議者謂今天下欲為大舉深入之謀果爾必敗此何時而可進取哉徽雅敬幹名德辟為荊湖北路安撫司激賞酒庫兼準備差遣事有未當必輸忠款力爭江西提舉常平趙希樸知撫州高商老辟為臨川令歲旱勸糶捕蝗極其力改知新淦縣吏民習知臨川之政皆喜不令而政行以提舉常平郡太守薦擢監尚書六部門未上改差通判安豐軍淮西帥司檄幹鞫和州獄獄故以疑未決幹釋囚桎梏飲食之委曲審問無所得一夜夢井中有人明日呼因詰之曰汝殺人投之於井我悉知之矣胡得欺我囚遂驚服果於廢井得尸尋知漢陽軍值歲饑糶客米發常平以振制置司下令欲移本軍之粟而禁其糶幹

報以乞候幹罷然後施行及授鄂州例十之一告糶於制司荒政具舉旁郡饑民輻湊惠撫均一春暖願歸者給之糧不願者結廬居之民大感悅所至以重庠序先教養其在漢陽即郡治後鳳栖山為屋館四方士立周程游朱四先生祠以病乞祠主管武夷沖祐觀尋起知安慶府至則金人破光山而沿邊多警安慶去光山不遠民情震恐乃請于朝城安慶以備戰守不俟報即日興工城分十二料先自築一料計其工費若干然後委官吏寓公士人分料主之役民兵五千人人役九十日而計人戶產錢起丁夫通役二萬夫人十日而罷役者更番暑月月休六日日午休一時至秋漸殺其半幹日以五鼓坐于堂濼署官入聽命以一日成算授之役某鄉民兵若干某鄉人夫若干分布于某人料分或搬運某處土木應副某料使用某料民兵人夫合當更代合散幾日錢米俱受命畢乃治府事理民訟接賓客閱士卒會僚佐講究邊防利病次則巡城視役晚入書院講論經史築城之杵用錢監未鑄之鐵事畢還之城成會上元日張燈士民扶老攜幼往來不絕有老嫗百歲二子與之諸孫從至府致謝幹禮之命具酒炙且勞以金帛嫗曰老婦之來為一郡生靈謝耳太守之賜非所冀也不受而去是歲大旱幹祈輒雨或未出晨與登郡閣望瀟山再拜兩即至後二年金人被黃州沙窩諸關淮東西皆震獨安慶安堵如故繼而霖潦餘月巨浸暴至城屹然無虞舒人德之相謂曰不殘于寇不蹈于水生汝者黃父也制置李玘辟為參議官再辭不受既而朝命與徐僑兩易和州且令先赴制府稟議幹即日解印趨制府和州人日望其來曰是書檄至吾郡鞠死囚感夢於井中者庶庶直吾屈乎先是幹移書玘曰丞相誅韓之後懲意外之變專用左右親信之人往往得罪于天下公議世之君子遂從而歸咎於丞相丞相不堪其咎斷然逐去之而左右親信者其用愈專矣平居無事紀綱紊亂不過州縣之間百姓受禍至於軍政不修邊備廢弛皆此曹為之若今大敵在境更不改圖大事去矣今日之急莫大於此又曰今日之計莫若用兩淮之人食兩淮之粟守兩淮之地然其策當先明保伍保伍既明則為之立堡砦善馬制軍器以資其用不過累月軍政可成且淮民遭丙寅之厄今聞金人遷汴莫不狼顧脅息

有棄田墾擊妻子渡江之意其間勇悍者且將伺變竊發向日湖海張軍之變為害甚於金若不早為之圖則兩淮日見荒墟卒有警急攘臂而起矣珙皆不能用及至制府珙往維揚視師與偕行韓言敵既退當思所以賞功罰罪者惟揚能於清平山豫立義砦斷金人右臂方儀真能措置捍禦不使軍民倉皇奔軼此二人者當薦之泗上之敗劉偉可斬也某州官吏三人攜家奔竄追而治之然後具奏可也其時幕府書館皆輕儇浮靡之士僚吏士民有獻謀畫多為毀抹疏駁將帥偏裨人心不附所向無功流移滿道而諸司長吏張宴無虛日韓知不足與共事歸自維揚再辭和州之命仍乞禡閉閣謝客宴樂不與乃復告珙曰浮光敵退已兩月安豐已一月盱眙亦將兩旬不知吾所措置者何事所施行者何策邊備之弛又甚於前日復一日恬不知懼恐其禍又不止今春矣向者輕信人言為泗上之役喪師萬人良將勁卒精兵利器不戰而淪於泗水黃團老幼俘虜殺戮五六千人盱眙東西數百里莽為丘墟安豐浮光之事大率類此切意千乘言旋必痛自咎責出宿于外大戒于國曰此吾之罪也有能箴吾失者疾入諫日與僚屬及四方賢士討論條畫以為後圖今歸已五日矣但聞請總領運使至玉麟堂賞牡丹用妓樂又聞總領運使請宴賞亦然又聞宴僚屬亦然邦人諸軍聞之豈不痛憤且視牡丹之紅豔豈不思邊庭之流血視管弦之嗚啾豈不思老幼之哀號視棟宇之弘麗豈不思士卒之暴露視飲饌之豐美豈不思流民之凍餒敵國深侵宇內騷動主上食不甘味聽朝不怡大臣憂懼不知所出尚書豈得不朝夕憂懼而乃如是之迂緩暇逸耶今浮光之報又至矣金欲以十六縣之衆四月攻浮光侵五關且以一縣五千人為率則當有八萬人攻浮光以萬人刈吾麥以五萬人攻吾關吾之守關不過五六百人豈能當萬人之衆哉則關之不可守決矣五關失守則斬黃決不可保斬黃不保則江南危尚書聞此亦已數日乃不聞有所施行何耶其他言皆激切同暮忘之尤甚共砥排之厥後光黃漸繼失果如其言遂力辭去請祠不已俄再命知安慶不就入廬山訪其友李燦陳宓相與盤旋玉淵三峽間俛仰其師舊跡躡乾坤二卦於白鹿書院山南北之士皆來集未幾召赴行在所奏

事除大理丞不拜為御史李楠所劾初韓入荆湖幕府奔走諸關與江淮豪傑游而豪傑往往願依韓及倅安豐武定諸將皆歸心焉後倅建康守漢陽聲聞益著諸豪又深知韓備儻有謀及求安慶且兼制幕長淮軍民之心翕然相向此聲既出在位者益忌且慮韓入見必直言邊事以悟上意至是羣起撻之韓遂歸里弟子曰威巴蜀江湖之士皆來編禮著書日不暇給夜與之講論經理覺覺不倦借鄰寺以處之朝夕往來質疑請益如熹時俄命知潮州辭不行差主管亳州明道宮踰月遂乞致仕詔許之特授承議郎既沒後數年以門人請諡又特贈朝奉郎與一子下州文學諡文肅有經解文集行于世

李燦字敬子南康建昌人少孤依舅氏中紹熙元年進士第授岳州教授未上往建陽從朱熹學熹告以曾子弘毅之語且曰致遠固以毅而任重貴乎弘也燦退以弘名其齋而自徽焉至岳州教士以古文六藝不因時好且曰古之人皆通材用則文武兼焉即武學諸生文振而識高者拔之闢射圃令其習射廩老將之長於藝者以率偷惰以租母卒解官承重而歸改襄陽府教授復往見熹熹嘉之凡諸生未達者先令訪燦俟有所發乃從熹折衷諸生畏服熹謂人曰燦交友有益而進學可畏且直諒樸實處事不苟他日任斯道者必燦也熹沒學禁嚴燦率同門往會葬視封窆不少怵及詔訪遺逸九江守以燦薦召赴都堂審察辭再召再辭郡守請為白鹿書院堂長學者雲集講學之盛他郡無與比除大理司直辭尋添差江西運司幹辦公事江西帥李珙漕使王補之交薦之會洞寇作亂帥漕議平之而各持其說燦徐曰寇非吾民耶豈必皆惡然其如是賊以吾有司貪刻者激之及將校之邀功者逼成之耳反是而行之則皆民矣帥漕曰幹辦議是誰可行者燦請自往乃駐兵萬安會近洞諸巡尉察隅保之尤無良者易置之分兵守險馳辯士論賊逆順禍福寇皆帖服洪州地下異時贛江漲而堤壞久雨輒澇燦白于漕帥修之自是田皆沃壤漕司以十四界會子新行價日損乃視民稅產物力各藏會子若干官為封識不時點閱人愛重之則價可增慢令者駮籍而民講張持空券益不售燦與國子學錄李誠之力爭不能止燦又入劄爭之曰錢荒楮涌子母不足以相權不能行楮者

由錢不能權之也。楮不行而抑民藏之。是棄物也。誠能節用。先穀粟之實務。而不取必於楮幣。則楮幣爲實用矣。刻入漕司。卽弛禁。諸楮謝。楮又念社會之置。僅貸有田之家。而力田之農。不得沾惠。遂倡議。夏穀創社會以貸佃人。有旨改官。通判潭州。辭不許。真德秀爲長沙帥。一府之事。咸諮楮。不數月。辭歸。當是時。史彌遠當國。廢皇子玠。楮以三綱所關。自是不復出矣。真德秀及右史魏了翁。薦之。差權通判隆興府。江西帥魏大有。辟充參議官。皆辭。乃以直祕閣主管慶元。至道宮。楮自謂居閒無以報國。乃薦崔與之。魏了翁。真德秀。陳宓。鄭寅。楊長孺。丁黼。葉宰。龔維藩。徐僑。劉宰。洪咨。斐于朝。紹定五年。帝論及當時高士。累召不起者。史臣李心傳以楮對。且曰。楮乃朱熹高弟。經術行義。亞黃幹。當今海內一人而已。帝問今安在。心傳對曰。楮南康人。先帝以大理司直召不起。比乞致仕。陛下誠能強起之。以寬講筵。其裨聖學。豈淺淺哉。帝然其言。終不召也。九江蔡念成稱楮心事。有如秋月。楮卒年七十。贈直文華閣。諡文定。補其子舉下州文學。楮嘗曰。凡人不必待仕宦有位爲職業。方爲功業。但隨力到處。有以及物。卽功業矣。又嘗曰。仕宦至卿相。不可失寒素體。夫子無入不自得者。正以磨挫驕奢。不至居移氣。養移體。因誦古語曰。分之所在。一毫躋攀不止。善處者退一步耳。故楮處貧賤。患難若平素。不爲動。被服布素。雖貴不易。入仕凡四十二年。而歷官不過七考。居家講道。學者宗之。與黃幹並稱曰。黃李。徐鑣。登進士第。張洽。字元德。臨江之清江人。父綬。第進士。洽少穎異。從朱熹學。自六經傳註而下。皆究其指歸。至於諸史百家山經地志。老子浮屠之說。無所不讀。嘗取管子所謂思之思之。又重思之思之。不通鬼神將通之之語。以爲窮理之要。熹嘉其篤志。謂黃幹曰。所望以求斯道之傳。如二三君者。不數人也。時行社會法。洽請於縣。實常平米二百石。建倉里中。六年而歸。其本於官。鄉人利之。嘉定元年。中第。授松滋尉。湖石經界不正。弊日甚。洽請行推排法。令以委洽。洽於是令民自實其土地疆界產業之數。投於匱。乃籌覈而次第之。吏姦無所匿。其後十餘年。訟者猶援以爲證云。改袁州司理參軍。有大囚訊之。則服。尋復變異。且力能動搖官吏。累年不決。而逮繫者甚衆。洽以白提點刑獄殺之。有盜黠甚。辭不能折。

會獄有兄弟爭財者。洽諭之曰。訟于官。祇爲胥吏之地。且冒法以成勝。孰與各守分。以全手足之愛乎。辭氣懇切。訟者感悟。盜聞之。自伏。民有殺人。賄其子。焚之。居數年。事敗。洽治其獄。無狀。憂之。且白郡委官體訪。俄夢有人拜于庭。示以傷痕在脅。翌日。委官上其事。果然。郡守以倉廩虛籍。倉吏二十餘家。命洽鞠之。洽廉之。爲郡吏所賣。郡吏者。州之巨蠹也。嘗干於倉。不獲。故以此中之。洽度守意銳。未可嬰。姑擊之。而密令計倉庫所入。以白守曰。君之籍二十餘家者。以胥吏也。今校數歲之中。所入已豐於昔。由是觀之。胥吏妄矣。君必不忍受胥吏之妄。而籍無罪之家也。若以罪胥吏。過乃可免。守悟。爲罷郡吏。而免所籍之家。知丞新縣。一日。謁告。聞獄中榜答聲。蓋獄吏受財。乘間訊囚。使認服也。洽大怒。亟執付獄。明日。以上于郡。黥之。湖南鄭寇作亂。與縣接壤。民大恐。洽單車以往。邑佐寓士交諫弗聽。至則寇未嘗至。乃延見。隔宮訪利害。而犒之。因行安福境上。結約土豪。得其權心。未幾。南安舒寇將犯境。聞有備。乃去。以江東提舉常平薦。通判池州。獄有張德修者。誤賊人以死。獄吏誣以故殺。洽訊而疑之。請再鞠。守不聽。會提點常平袁甫。至時。方大旱。禱不應。洽言于甫曰。漢晉以來。濫刑而致旱。伸冤而得雨。載於方冊。可致也。今天大旱。焉知非由德修事乎。甫爲閱款狀於獄。德修遂從。徒罪。復白郡請蠲征稅。寬催科。以召和氣。守爲寬稅。三日。果大雨。民甚悅。洽數以病請祠。至是。主管建昌仙都觀。以慶壽恩。賜緋衣銀魚。時袁甫提點江東刑獄。甫以白鹿書院廢弛。招洽爲長。洽曰。嘻。是先師之跡也。其可辭。至則選好學之士。日與講說。而汰其不率教者。凡養士之田。乾沒於豪右者。復之。學興。卽謝病去。端平初。大臣多薦洽。召赴都堂審察。洽以疾不赴。乃除祕書郎。尋遷著作佐郎。度正。葉味道在經幄。帝數問張洽。何時可到。將以說書待洽。洽固辭。遂除直祕閣。主管建康崇禧觀。嘉熙元年。以疾乞致仕。十月。卒。年七十七。洽自少用力於敬。故以主一名齋。平居不異常人。至義所當爲。則勇不可奪。居閒不言朝廷事。或因災異變故。輒擊磬不樂。及聞一君子進用。士大夫直言朝廷得失。則喜見顏色。所交皆名士。如呂祖儉。黃幹。趙崇憲。蔡淵。吳必大。輔廣。李道傳。李燾。葉味道。李閔。祖。李孝子。柴中行。真德秀。魏了翁。李真。趙汝諤。陳

貴誼。杜孝嚴。度正。張嗣古。皆敬慕之。卒後一日。有旨除直寶章閣。所著書有春秋集註。春秋集傳。左氏蒙求。續通鑑長編事略。歷代郡縣地理沿革表。文集。子徽。擢同進士出身。

陳淳。字安卿。漳州龍溪人。少習舉子業。林宗臣見而奇之。且曰。此非聖賢事業也。因授以近思錄。淳退而讀之。遂盡棄其業焉。及朱熹來守其鄉。淳請受教焉。曰。凡闕義理。必窮其原。如為人父。何故止於慈。為人子。何故止於孝。其他可類推也。淳聞而為學益力。日求其所未至。熹數語人。以南來吾道。喜得陳淳。門人有疑問不合者。則稱淳善問。後十年。淳復往見熹。陳其所得。時熹已寢疾。語之曰。如今所學。已見本原。所闕者下學之功爾。自是所聞皆要切語。凡三月而熹卒。淳追思師訓。痛自裁抑。無書不讀。無物不格。日積月累。義理貫通。洞見條緒。故其言太極曰。太極只是理。理本圓。故太極之體渾淪。以理言。則自末而本。自本而末。一聚一散。而太極無所不極。其至。自萬古之前。與萬古之後。無端無始。此渾淪太極之全體也。自其沖漠無朕。與天地萬物皆由是出。及天地萬物既由是出。又復沖漠無朕。此渾淪無極之妙用也。聖人一心。渾淪太極之全體。而酬酢萬變。無非太極流行之用。學問工夫。須從萬事萬物中貫過。湊成一渾淪大本。又於渾淪大本中。散為萬事萬物。使無少窒礙。然後實體得渾淪。至極者在。我而大用不差矣。其言仁曰。仁只是天理。生生之全體。無表裏動靜隱顯精粗之間。惟此心純是天理之公。而絕無一毫人欲之私。乃可以當其名。若一處有病痛。一事有欠闕。一念有間斷。則私意行而生理息。即頑痺不仁矣。其語學者曰。道理初無玄妙。只在日用人事間。但循序用功。便自有見。所謂下學上達者。須下學工夫到。乃可從事上達。然不可以此而安於小成也。夫盈天地間千條萬緒。是少人事。聖人大成之地。千節萬目。是少工夫。惟當開拓心胸。大作基址。須萬理明徹於胸中。將此心放在天地間。一例看。然後可以語孔孟之樂。須明三代法度。通之於當今。而無不宜。然後為全儒。而可以語王佐事業。須運用酬酢。如探諸囊中。而不匱。然後為資之深。取之左右逢其原。而真為己物矣。至於以天理人欲分數。而驗賓主進退之機。如好好色。惡惡臭。而為天理人

欲強弱之證。必使之於是。是非非。如辨黑白。如遇鏡。不容有騎牆不決之疑。則雖艱難險阻之中。無不從容自適矣。然後為知之至。而行之盡。此語又中學者膏肓。而示以標的也。淳性孝。母疾。亟號泣于天。乞以身代。第妹未有室家者。皆婚嫁之。葬宗族之喪。無歸者。居鄉不沽名。恂俗。恬然退守。若無聞焉。然名播天下。世雖不用。而愛時論事。感慨動人。郡守以下。皆禮重之。時造其廬而請焉。嘉定九年。待試中都。歸遇嚴陵郡守鄭之悌。率僚屬延講。郡庠。淳數張陸王學。問無源。全用禪家宗旨。詎形氣之虛靈。知覺為天理之妙。不由窮理格物。而欲徑造上達之境。反託聖門。以自標榜。遂發明吾道之體統。師友之淵源。用功之節目。讀書之次序。為四章以示學者。明年。以特奏恩授迪功郎。泉州安溪主簿。未上而沒。年六十五。其所著有語孟大學中庸口義。字義詳講。禮詩女學等書。門人錄其語。號筠谷。瀨口金山所聞。

李方子。字公晦。昭武人。少博學能文。為人端謹純篤。初見朱熹。語曰。觀公為人。自是寡過。但寬大。中要規矩。和緩。中要果決。遂以果名齋。長遊太學。學官李道傳。折官位。置行具。刺就謁。嘉定七年。廷對擢第三。調泉州觀察推官。適真德秀來為守。以師友禮之。郡政大小咸資焉。暇則辨論經訓。至夜分不倦。故事秩滿。必先通書廟堂。乃除。方子曰。以書通。是求也。時丞相彌遠聞之。怒。踰年。始除國子錄。無何。將選入宮僚。而方子不少貶。以求合。或告彌遠曰。此真德秀黨也。使臺臣劾罷之。方子既歸。學者畢集。危坐竟日。未始傾側。對賓客。一語不妄發。雖奴隸亦不加詬罵。然常嚴憚之。嘗語人曰。吾於問學。雖未能周盡。然幸於大本有見處。此心常覺泰然。不為物欲所漬。爾其亡也。天子憫之。與一子恩澤。

黃灝。字南伯。南康都昌人。幼敏悟。強記。肄業荆山僧舍。三年。入太學。擢進士第。教授隆興府。知德化縣。以興學校。崇政化為本。歲鐘。行振給有方。王蘭劉穎薦于朝。除登聞鼓院。光宗即位。遷太常寺簿。論今禮教廢闕。請勅有司。取政和冠昏葬儀。及司馬光高閑等書。參訂行之。除太府寺丞。出知常州。提舉本路常平。秀州海鹽民。伐桑柘。毀廬屋。幸種盈野。或食其子。持一臂行乞。而州縣方督促。逋欠。灝見之。蹙然。時有旨。倚閣夏稅。遂奉乞。併闕秋苗。不俟報行之。言者罪

其專移居筠州已而寢謫命止削兩秩而從其蠲闕之請灝既歸里帽巾深衣騎驢匡山間若素隱者起知信州改廣西轉運判官移廣東提點刑獄告老不赴卒灝性行端飭以孝友稱先喜守南康灝執弟子禮質疑問難晝之沒黨禁方厲灝單車往赴徘徊不忍去者久之

宋史卷四百三十

元中書右丞相總裁脫脫等修

列傳第一百九十

儒林一

聶崇義

邢曷

孫夔

王昭素

孔維

孔宜

崔頌子暉附

尹拙

田敏

辛文悅

李覺

崔頌正弟僅附

李之才

聶崇義河南洛陽人少舉三禮善禮學通經旨漢乾祐中累官至國子禮記博士校定公羊春秋刊板于國學周顯德中累遷國子司業兼太常博士先是世宗以郊廟祭器止由有司相承製造年代浸久無所規式乃命崇義檢討墓畫以聞四年崇義上之乃命有司別造焉五年將禘於太廟言事者以宗廟無祧室不當行禘祫之禮崇義援引故事上言其略曰魏明帝以景初三年正月上僊至五年二月禘祭明年又禘自茲後以五年為禘且魏以武帝為太祖至明帝始三帝未有毀主而行禘祫其證一也宋文帝元嘉六年祠部定十月三日大祠其太廟博士議云案禘祫之禮三年一禘五年一祫謂之大祭亦三帝未有毀主而行禘祫其證二也梁武帝用謝廣議三年一禘五年一祫謂之大祭禘祭以夏祫祭以冬且梁武乃受命之君裁追尊四朝而行禘祫則知祭者是追養之道以時移節變孝子感而思親故薦以首時祭以仲月間以禘祫序以昭穆乃禮之經也非關宗廟備與未備其證三也終從崇義之議未幾世宗詔崇義參定郊廟祭玉又詔翰林學士竇儼統領之崇義因取三禮圖再加考正建隆三年四月表上之儼為序太祖覽而嘉之詔曰禮器禮圖相承傳用寔歷年祀寧免差違聶崇義與事國庠服膺儒業討尋故實刊正疑訛奉職效官有足嘉者崇義宜量與酬獎所進三禮圖宜令太子詹事尹拙集儒學三五人更同參議所冀精詳苟有異同善為商確五月賜崇義紫袍犀帶銀器綉帛以獎之拙多所駁正崇義復引經以釋之悉以下工部尚書實儀俾之裁定儀上

奏曰伏以聖人制禮垂之無窮儒者據經所傳或異年祀寔遠圖繪缺然踳駁彌深丹青靡據聶崇義研求師說耽味禮經較於舊圖良有新意尹拙爰承制旨能罄所聞尹拙駁議及聶崇義答義各四卷臣再加詳閱隨而裁置率用增損列於注釋共分為十五卷以聞詔頒行之拙崇義復陳祭玉鼎釜異同之說詔下中書省集議吏部尚書張昭等奏議曰按聶崇義稱祭天蒼璧九寸圓好祭地黃琮八寸無好圭璋琥並長九寸自言周顯德三年與田敏等按周官玉人之職及阮謀鄭玄舊圖載其制度臣等按周禮玉人之職只有璧琮九寸琮琿八寸及璧羨度尺好三寸以為度之文即無蒼璧黃琮之制兼引注有爾雅肉倍好之說此即是注璧羨度之文又非蒼璧之制又詳鄭玄自注周禮不載尺寸豈復別作書圖違經立異四部書目內有三禮圖十二卷是隋開皇中勅禮官修撰其圖第一第二題云梁氏第十後題云鄭氏又稱不知梁氏鄭氏名位所出今書府有三禮圖亦題梁氏鄭氏不言名位厥後有梁正者集前代圖記更加詳議題三禮圖曰陳留阮士信受禮學於潁川基毋君取其說為圖三卷多不授禮文而引漢事與鄭君之文違錯正刪為二卷其阮士信即誰也如梁正之言可知誰之紕謬兼三卷禮圖刪為二卷應在今禮圖之內亦無改祭玉之說臣等參詳自周公制禮之後叔孫通重定以來禮有緯書漢代諸儒頗多著述討尋祭玉並無尺寸之說魏晉之後鄭玄王肅之學各有生徒三禮六經無不論說檢其書亦不言祭玉尺寸臣等參驗書圖本書周公所說正經不言尺寸設使後人謬為之說安得便入周圖知崇義等以諸侯入朝獻天子夫人之琮璧以為祭玉又配合羨度肉好之言彊為尺寸古今大禮順非改非於理未通又據尹拙所述禮神之六玉稱取梁桂州刺史崔靈恩所撰三禮義宗內昊天及五精帝圭璧琮璜皆長尺二寸以法十二時祭地之琮長十寸以倣地之數又引白虎通云方中圓外曰璧圓中方外曰琮崇義非之以為靈恩非周公之才無周公之位一朝撰述便補六玉闕文尤不合禮臣等竊以劉向之論洪範玉通之作元經非必擬聖人之姿而居上公之位有益於教不為斐然臣等以靈恩所撰之書聿稽古訓祭玉以十二為數者蓋天有十二次地有十

二辰日有十二時封山之玉牒十二寸圓丘之邊豆十二列天子以鎮圭外守宗后以大琮內守皆長尺有二寸又裸圭尺二寸王者以祀宗廟若人君親行之郊祭登壇酌獻服大裘搢大圭行稽顙而手秉尺二之圭神獻九寸之璧不及禮宗廟裸圭之數父天母地情亦奚安則靈恩議論理未為失所以自義宗之出歷梁陳隋唐垂四百年言禮者引為師法今五禮精義開元禮郊祀錄皆引義宗為標準近代晉漢兩朝仍依舊制周顯德中田敏等妄作宰擊輒有更改自唐貞觀之後凡三次大修五禮並因隋朝典故或節奏繁簡之間稍有釐革亦無改祭玉之說伏望依白虎通義宗唐禮之制以為定式又尹拙依舊圖畫釜彝崇義去釜畫鐘臣等參詳舊圖皆有釜無鐘按易說卦云坤為釜詩云惟錡及釜又云漑之釜鬻春秋傳云錡釜之器禮記云燔黍捭豚解云古未有甑釜所以燔捭而祭即釜之為用其來尚矣故入於禮圖今崇義以周官祭祀有省鼎鑊供鼎鑊又以儀禮有羊鑊豕鑊之文乃云畫釜不如畫鑊今諸經皆載釜之用誠不可去又周儀禮皆有鑊之文請兩圖之又若觀諸家祭祀之畫今代見行之禮於大祀前一日光祿卿省視鼎鑊伏請圖鑊於鼎下詔從之未幾崇義卒三禮圖遂行於世并畫於國子監講堂之壁崇義為學官兼掌禮僅二十年世推其該博郭忠恕嘗以其姓嘲之曰近貴全為贖攀龍即作龔雖然三簡耳其奈不成聰崇義對曰僕不能為詩聊以一聯奉答即云勿笑有三耳全勝畜二心蓋因其名以嘲之忠恕大慚人許其機捷而不失正真儒者之戲云

邢昺字叔明曹州濟陰人太平興國初舉五經廷試日召升殿講師比二卦又問以羣經發題太宗嘉其精博擢九經及第授大理評事知秦州鹽城監賜錢二十萬昺以是監虞楚秦問泰僻左而楚會要鹽食為急請改隸楚州從之明年召為國子監丞專講學之任遷尚書博士出知儀州就轉國子博士代還賜緋選為諸王府侍講雍熙中遷水部員外郎改司勳端拱初賜金紫累遷金部郎中真宗即位改司勳郎中俄知審刑院以昺儒者不達刑章命劉元吉同領其事是冬昺上表自陳夙侍講諷遷右諫議大夫咸平初改國子祭酒二年始

置翰林侍講學士以昺為之受詔與杜鎬舒雅孫奭李慕清崔偓佺等校定周禮儀禮公羊穀梁春秋傳孝經論語爾雅義疏及成並加階勳俄為淮南兩浙巡撫使初置講讀之職即於便坐令昺講左氏春秋侍讀預焉五年講畢宴近臣於崇政殿賜昺襲衣金帶加器幣仍遷工部侍郎兼國子祭酒學士如故知審官院陳恕丁內艱以昺權知院事景德二年上言亡兄素嘗舉進士願釋贈典特贈大理評事是夏上幸國子監閱庫書問昺經版幾何昺曰國初不及四千今十餘萬經傳正義皆具臣少從師業儒時經具有疏者百無一二蓋力不能傳寫今板本大備士庶家皆有之斯乃儒者逢辰之幸也上喜曰國家雖尚儒術非四方無事何以及此上又訪以學館故事有未振舉者昺不能有所建明先是印書所裁餘紙鬻以供監中雜用昺請歸之三司以禱國用自是監學公費不給講官亦厭其寥落上方與起道術又令昺與張雍杜鎬孫奭舉經術該博德行端良者以廣學員三年加刑部侍郎昺居近職常多召對一日從容與上語及宮邸舊僚歎其淪喪殆盡唯昺獨存翌日賜白金千兩且詔其妻至宮庭賜以冠帔四年昺以羸老艱於趨步上前自陳曹州故鄉願給假一年歸視田里俟明年郊祀還朝上命坐慰勞之因謂曰便可權本州何須假耶昺又言楊礪夏侯嶠同為府僚二臣沒皆贈尚書上憫之翌日謂宰相曰此可見其志矣即超拜工部尚書知曹州職如故入辭曰賜襲衣金帶是日特開龍圖閣召近臣宴崇和殿上作五七言詩二首賜之預宴者皆賦昺視壁間尚書禮記圖指中庸篇曰凡為天下國家有九經因陳其大義上嘉納之及行又令近臣祖送設會於宜春苑大中祥符初上東封泰山昺表曹州民請車駕經由本州仍令濟陰令王範部送父老詣闕優詔答之俄召還車駕進發命判留司御史臺禮畢進位禮部尚書上勤政憫農每雨雪不時憂形於色以昺素習田事多委曲訪之初田家察陰晴豐凶皆有狀候老農之相傳者率有驗昺多采其說為對又言民之災患大者有四一曰疫二曰旱三曰水四曰畜災歲必有其一但或輕或重耳四事之害旱曠為甚蓋田無吠澮悉不可救所損必盡傳曰天災流行國家代有此之謂也三年被病請告詔太醫診視六月上親臨問疾賜

名藥一奩。白金器千兩。繒綵千匹。國朝故事。非宗戚將相。無省疾臨喪之禮。特有加於曷與郭贊者。以恩舊故也。未幾。有旨命。中書召其子太常博士知東明縣仲寶。國子博士知信陽軍若思。還侍疾。踰月卒。年七十九。贈左僕射。三子並進秩初。雍熙中。曷撰禮選二十卷獻之。太宗探其帙。得文王世子篇。觀之甚悅。因問衛紹欽曰。曷爲諸王講說。曾及此乎。紹欽曰。諸王常時訪曷經義。曷每至。發明君臣父子之道。必重復陳之。太宗益喜。上書因內閣。書覽而稱善。召曷同觀。作禮選贊賜之。曷言。家無遺業。願得副本。上許之。繕錄未畢。而曷卒。亟詔寫二本。一本賜其家。一本俾置冢中。曷在東宮及內庭。侍上講孝經禮記論語書易詩左氏傳。據傳疏數引之外。多引時事爲喻。深被嘉獎。上書問管仲召忽皆事公子糾。小白之入。召忽死之。管仲乃歸齊。相桓公。豈非召忽以忠死。而管仲不能固其節。爲臣之道。當若是乎。又鄭注禮記世子篇云。文王以勤憂損壽。武王以安樂延年。朕以爲本經旨意。必不然也。且夏禹焦勞。有玄圭之賜。而享國永年。若文王能憂人之心。不自暇逸。縱無感應。豈至虧損壽命耶。各隨其事。理以對。先是咸平中。王欽若知貢舉。有告其受舉人賄賂者。下御史臺鞠得狀。欽若自訴。詔曷與邊蕭毋賓古。閻承翰。就太常寺覆推。曷力辨欽若。而洪湛抵罪。欽若以是德之。曷之厚被寵顧。欽若與有功焉。仲寶貪猥不才。舉止率易。士大夫多鄙笑之。欽若在中書。用爲三司判官。後至祠部郎中。坐贓黜官。卒。若思終於駕部郎中。

孫奭字宗古。博川博平人。幼與諸生師里中。王徹微死。有從奭問經者。奭爲解析微指。人人驚服。於是門人數百。皆從奭。後徙居須城。九經及第。爲莒縣主簿。上書願試講說。遷大理評事。爲國子監直講。太宗幸國子監。召奭講書。至事不師古。以克永世。匪說攸聞。帝曰。此至言也。商宗乃得賢相如此耶。因咨嗟久之。賜五品服。真宗以爲諸王府侍讀。會詔百官轉對。奭上十事。判太常禮院。國子監。司農寺。累遷工部郎中。擢龍圖閣待制。奭以經術進。守道自處。卽有所言。未嘗阿附取悅。大中祥符初。得天書於左承天門。帝將奉迎。召宰相對崇政殿西廡。王旦等曰。天貺符命。實感德之應。皆再拜稱萬歲。又召問奭。奭對曰。臣愚所

聞。天何言哉。豈有書也。帝既奉迎天書。大赦改元。布告其事于天下。築玉清昭應宮。是歲天書復降泰山。帝以親受符命。遂議封禪作禮樂。王欽若。陳堯叟。丁謂。杜鎰。陳彭年。皆以經義左右附和。由是天下爭言符瑞矣。四年。又將祀汾陰。是時大旱。京師近郡穀踊貴。奭上疏諫曰。先王卜征五年。歲習其祥。祥習則行。不習。則增修德而改卜。陛下始畢東封。更議西幸。殆非先王卜征五年。慎重之意。其不可一也。夫汾陰后土。事不經見。昔漢武帝將封禪。故先封中嶽。祠汾陰。始巡幸郡縣。遂有事於泰山。今陛下既已登封。復欲幸汾陰。其不可二也。古者圜丘方澤。所以郊祀天地。今南北郊是也。漢初承秦。唯立五時以祀天。而后土無祀。故武帝立祠於汾陰。自元成以來。從公卿之議。遂徙汾陰后土於北郊。後之王者。多不祀汾陰。今陛下已建北郊。乃舍之而遠祀汾陰。其不可三也。西漢都雍。去汾陰至近。今陛下經重關。越險阻。輕棄京師根本。而慕西漢之虛名。其不可四也。河東。唐王業之所起也。唐又都雍。故明皇間幸河東。因祠后土。聖朝之興。事與唐異。而陛下無故欲祀汾陰。其不可五也。昔者周宣王遇災而懼。故詩人美其中興。以爲賢主。比年以來。水旱相繼。陛下宜側身修德。以答天譴。宜下徇姦回。遠勞民庶。盤游不已。忘社稷之大計。其不可六也。夫雷以二月啓蟄。八月收聲。育養萬物。失時則爲異。今震雷在冬。爲異尤甚。此天意丁寧以戒陛下。而反未悟。殆失天意。其不可七也。夫民神之主也。是以聖王先成民而後致力於神。今國家土木之功。累年未息。水旱洊沴。饑饉居多。乃欲勞民事神。神其享之乎。此其不可八也。陛下必欲爲此者。不過效漢武帝。唐明皇。巡幸所至。刻石頌功。以崇虛名。夸示後世爾。陛下天資聖明。當慕二帝三王。何爲下襲漢唐之虛名。其不可九也。唐明皇以嬖寵姦邪。內外交害。身播國屯。兵交關下。亡亂之迹如此。由狃於承平。肆行非義。稔致禍敗。今議者引開元故事。以爲感烈。乃欲倡導陛下而爲之。臣切爲陛下不取。此其不可十也。臣言不逮意。陛下以臣言爲可取。願少賜清問。以畢臣說。帝遣內侍皇甫繼明就問。又上疏曰。陛下將幸汾陰。而京師民心弗寧。江淮之衆。困於調發。理須鎮安而矜存之。且土木之功未息。而奪攘之盜公行。外國治兵。不遠邊境。使者雖至。寧可保其心乎。昔

陳勝起於徭戍，黃巢出於凶饑，隋煬帝勤遠略，而唐高祖興於晉陽，晉少主惑小人，而耶律德光長驅中國，陛下俯從姦佞，遠棄京師，涉仍歲荐饑之墟，修遠經久廢之祠，不念民疲，不恤邊患，安知今日戌卒無陳勝，饑民無黃巢，英雄將無魏何於肘腋，外敵將無觀釁於邊陲乎？先帝嘗議封禪，寅畏天災，尋詔停禋，今姦臣乃贊陛下力行東封，以為繼成先志，先帝嘗欲北平幽朔，西取繼遷，大勳未集，用付陛下，則羣臣未嘗獻一謀，畫一策，以佐陛下繼先帝之志者，反務卑辭重幣，求和於契丹，盛國廢虧，姑息於繼遷，曾不思主辱臣死，為可戒誣，下罔上為可羞，撰造祥瑞，假託鬼神，纔畢東封，便議西幸，輕勞車駕，虐害饑民，冀其無事往還，便謂成大勳績，是陛下以祖宗艱難之業，為姦邪僥倖之資，臣所以長嘆而痛哭也。夫天地神祇，聰明正直，作善降之百祥，作不善降之百殃，未聞專事邊巨，置筮可邀福祥，春秋傳曰：國之將興，聽於民，將亡，聽於神，愚臣非敢妄議，惟陛下終賜裁擇，後天下數有災變，又言古者五載巡狩，有國之事爾，非必有紫氣黃雲，然後登封，嘉禾異草，然後省方也。今野曠山鹿，郡國交奏，秋旱冬雷，羣臣率實，退而腹非，竊笑者，比比皆是，孰謂上天為可罔，下民為可愚，後世為可欺乎？人情如此，所損不細，惟陛下深鑒其妄。六年，又上疏曰：陛下封泰山，祀汾陰，躬謁陵寢，今又將祠于太清宮，外議籍籍，以謂陛下事事慕效，唐明皇，豈以明皇為令德之主耶？甚不然也。明皇禍敗之迹，有足為深戒者，非獨臣能知之，近臣不言者，此懷姦以事陛下也。明皇之無道，亦無敢言者，及奔至馬嵬，軍士已誅楊國忠，請矯詔之罪，乃始論以識理不明，委任失所，當時雖有罪己之言，覺寤已晚，何所及也。臣願陛下早自覺寤，抑損虛華，斥遠邪佞，罷與土木，不襲危亂之迹，無為明皇不及之悔。此天下之幸，社稷之福也。帝以為封泰山，祠汾陰，上陵，祀老子，非始於明皇，開元禮今世所循用，不可以天寶之亂，舉謂為非也。秦為無道甚矣，今官名詔令，郡縣猶襲秦舊，豈以人而廢言乎？作解疑論，以示羣臣，然知頑朴忠，雖其言切直，容之而弗斥，久之，以父老請歸田里，不許。以知密州，居二年，遷左諫議大夫，罷待制，還糾察在京刑獄，是時初置天慶天祺天貺先天降聖節，天下設齋醮，醮費甚廣，頤又請裁省浮用，不報。

復出知河陽，又求解官就養，遷給事中，徙兗州。天禧中，朱能獻乾祐天書，復上疏曰：朱能者姦佞小人，妄言祥瑞，而陛下崇信之，屈至尊以迎拜，歸秘殿以奉安，自上朝廷下及闔巷，靡不痛心疾首，反脅腹非而無敢言者。昔漢文成將軍，以帛書飯牛，既而言牛腹中有奇書，殺視得書，天子識其手迹，又有五利將軍，妄言方多不讐，二人皆坐誅。先帝時有侯莫陳利用者，以方術暴得寵用，一旦發其姦，誅於鄭州。漢武可謂雄材，先帝可謂英斷，唐明皇得靈寶符，上清護國經寶券等，皆王鉞田同秀等所為，明皇不能顯戮，怵於邪說，自謂德實動天神，必福我，夫老君聖人也，儻實降語，固宜不妄，而唐自安史亂離，乘輿播越，兩都盪覆，四海沸騰，豈天下太平乎？明皇雖僅得歸闕，復為李輔國劫遷，卒以憂終，豈聖壽無疆，長生久視乎？以明皇之英睿，而禍患猥至，曾不知者，良由在位既久，驕亢成性，謂人莫己若，謂諫不足聽，心玩居常之安，耳熟導諛之說，內惑寵嬖，外任姦回，典奉鬼神，過崇妖妄。今日見老君於閣上，明日見老君於山中，大臣尸祿以將迎，端士畏威而緘默，既惑左道，即紊政經，民心用離，變起倉卒，當是之時，老君寧肯禦兵，寶符安能排難邪？今未能所為，或類於此，願陛下思漢武之雄材，發先帝之英斷，鑒明皇之召禍，庶幾災害不生，禍亂不作，未幾，能果敗，頤又嘗請減修寺度僧，帝雖未用其言，嘗令向敏中諭令陳時政得失，頤以納諫恕直，輕徭薄斂，四事為言，頗施行焉。仁宗即位，宰相請擇名儒以經術侍講讀，乃召為翰林侍講學士，知審官院，判國子監，修真宗實錄，丁父憂，起復兼判太常寺及禮院，三遷兵部侍郎，龍圖閣學士，每講論至前世亂君亡國，必反覆規諷，仁宗意或不往，書頤則拱默以俟，帝為棟然改聽，嘗畫無逸圖之上，帝暮夕，未有曠日不朝，陛下宜每日御殿，以覽萬機，奏留中不報，然帝與皇太后尤愛重之，每進見，未嘗不加禮，三請致仕，召對承明殿，教諭之，以年踰七十，固請泣下，帝亦惻然，詔與馮元講老子三章，各賜帛二百匹，以不得請求，近郡優拜工部尚書，復知兗州，詔須宴而後行，又留數月，特宴太清樓，近臣皆預，帝作飛白大字以賜二府，而小字賜諸學生，獨頤與晁迥兼賜大小字，詔羣臣即席。

賦詩。太后又別出禁中珍器勸酒。翌日，頭入謝，又命講老子。賜襲衣金帶銀鞍勒馬。及行，賜宴瑞聖園。又賜詩，詔近臣皆賦，以恭謝恩。改禮部尚書。既而累表乞歸，以太子少傅致仕。疾甚，徙正寢，屏婢妾，謂子瑜曰：「無令我死婦人之手。」卒。奏至，帝謂張士遜曰：「朕方欲召頭還而頭遂死矣，嗟惜者久之。」罷朝一日，贈左僕射。諡曰：「宣，頌性方重，事親篤孝，父亡，砥其面以代頌，常授五經，切於治道者為經典，微言五十卷，又撰崇祀錄、樂記圖、五經節解、五服制度，嘗奉詔與邢昺杜鎬校定諸經正義。莊子爾雅謬誤，及律音義，初，園丘無外壝，五郊從祀不設，席尊不施，冢七祠時饗，飲福用一尊，不設三登，升歌不以雅徹，冬至攝祀，昊天上帝，外級止十七位，而不以星辰從饗，先農在祈穀之前，上丁釋奠，無三獻，宗廟不備二舞，諸臣當謚者，或既葬乃請，頭皆援古奏正，遂著於禮。又請冬至罷祀五帝，大尊設五帝而罷祠昊天上帝，事下有司議不合而止。瑜官至工部侍郎致仕。」

王昭素，開封酸棗人，少篤學不仕，有志行，為鄉里所稱。常聚徒教授，以自給。李穆與弟肅及李憚皆常師事焉。鄉人爭訟，不詣官府，多就昭素決之。昭素博通九經，兼究莊老，尤精詩易，以為王韓注易及孔馬疏義，或未盡是，乃著易論二十三篇，開寶中，穆薦之朝，詔召赴闕，見於便殿。時年七十七，精神不衰。太祖問曰：「何以不求仕進，致相見之晚？」對曰：「臣草野蠢愚，無以裨聖化，賜坐令講易乾卦，召宰相薛居正等觀之。至飛龍在天，上曰：「此書豈可令常人見？」昭素對曰：「此書非聖人出，不能合其象，因訪以民間事，昭素所言，誠實無隱。」上嘉之。以衰老求歸鄉里，拜國子博士致仕。賜茶藥及錢二十萬，留月餘遣之。年八十九卒於家。昭素頗有人倫鑒，初，李穆兄弟從昭素學，常謂穆曰：「子所謂精理，往往出吾意表。」又語人曰：「穆兄弟皆令器，穆尤沈厚。」他日必至廊廟。後果參知政事。昭素每市物，隨所言而還直，未嘗論高下。縣人相告曰：「王先生市物，無得高取其價也。」治所居室有椽木積門中，夜有盜者，扶門將入，昭素覺之，即自門中潛擲椽於外，盜者慙而去。由是里中無盜家有一驢，人多來假將出，先問僮奴曰：「外無假驢者乎？」對云：「無。」然後出，其為純質若此。子仁著，亦有隱德。

孔維，字為則，開封雍丘人。乾德四年，九經及第，解褐東明鄆陵二主簿。開寶中，禮部再奏為考試官，調滁州軍事推官。太宗即位，擢授太子左贊善大夫知河南縣，通判滑州。太平興國中，就拜國子周易博士，代環。遷禮記博士。七年，使高麗王治問禮於維，維對以君父臣子之道，升降等威之序，治悅，稱之曰：「今日復見中國之夫子也。」九年，判國學事，雍熙初，遷主客員外郎。三年，擢為國子司業，賜金紫。會將有事于籍田，維起周禮至于唐書，凡沿革制度，並錄之以獻。觀者稱其博。又上書請禁原蠶，以利國馬。直史館樂史駁之曰：「管子云：倉廩實，知禮節，衣食足，知榮辱，是以古先哲王厚農桑之業，以其為衣食之原耳。一夫不耕，天下有受其饑者；一婦不蠶，天下有受其寒者。故天子親耕，后妃親蠶，屈身以化下者，邦國之重務也。吳都賦曰：國賦再熟之稻，鄉貢八蠶之綿，則蠶之有原，其來舊矣。今孔維請禁原蠶，以利國馬，徒引前經物類同氣之文，不究時事，確實之理，夫所市國馬，來自外方，涉遠馳驅，虧其秣飼，失於善視，遂至玄黃致斃之由，鮮不以此。今乃欲禁其蠶事，其無謂也。唐朝畜馬，具存監牧之制，詳觀本書，亦無禁蠶之文。況近降明詔，來年春有事于籍田，是則觀農之典，方行而禁蠶之制，又下，事相違戾，恐非所長。臣嘗歷職州縣，粗知利病，編民之內，貧窶者多，春蠶所成，止充賦調之備，晚蠶薄利，始及卒歲之資。今若禁其後圖，必有因緣為弊，滋彰擾亂，民豈皇寧。渙汗絲絲，所宜重慎。上覽之，遂寤晚蠶之禁，維復抗疏曰：「按周禮，夏官司馬職禁原蠶者，為傷馬也。原，再也。天文辰為馬蠶，書蠶為龍精，月直大火，則浴其種，是蠶與馬同氣物，莫能兩大。故禁再蠶，以益馬也。又郭璞云：重蠶為原，今晚蠶也。臣少親耕桑之務，長歷州縣之職，物之利害，盡知之矣。蚩蚩之氓，知其利而不知其害，故有早蠶之後，重養晚蠶之繭，出絲甚少，再采之葉，來歲不茂，豈止傷及於馬，而桑亦損矣。臣自縣歷官，路見垆野之地，官馬多死，若非明授典據，助其畜牧，安敢妄有舉陳哉。按本草注，以僵蠶塗馬齒，則不能食草，物類相感如此。月令仲春祭馬祖，季春享先蠶，皆為天駟房星也。為馬祈福，謂之馬祖，為蠶祈福，謂之先蠶，是蠶與馬同其類，爾蠶重則馬損，氣感之而然也。臣謂依周禮禁原蠶為當，上雖不用維言，而嘉其援引。」

經據以章付史館。精田畢，拜國子祭酒。淳化初，兼工部侍郎。二年卒。年六十四。維通經術，準舊制舉九經。一上中第，即改科。開寶中，維論其事，非便。禮部自今九經同諸科，許再赴舉。太宗尹京日，維為屬邑吏，頗以經術受知。即位後，維始升郎署，自以通經求為司業，即以授之。使外國者皆假服紫，維自高麗還，會東使至，維自取衣緋，因求見上，詭言高麗使問臣獲何罪，降服。臣無以對，因泣下。上憐之，即賜以金紫。及為祭酒，又奏言朝廷久不置此官，少知者。臣之親戚故舊有書信來者，多云祭酒郎中。田敏晉朝任祭酒，仍兼侍郎。原循前例，兼領是官。庶獲美稱。上從之。然維紳惡其儒者，躁求無讓，讓之風。嘗建議乞廣太學，上以侵壞民舍，不許。受詔與學官校定五經疏義，刻板行用。功未及畢，被病。上遣太醫診視，使者撫問，初維私用印書錢三十餘萬，為掌事黃門所發，維憂懼，遽以家財償之。疾遂亟，上赦而不問。維將終，召其壻鄭章口授遺表，以五經疏未畢為恨。景德四年，錄其孫禹圭同學究出身。

孔宜字不疑，兗州曲阜人。孔子四十四世孫。孔子生鯉，字伯魚。鯉生伋，字子思。伋生白，字子上。白生永，字子家。永生箕，字子京。箕生穿，字子高。穿生謙，字子慎。謙生肱，字子魚。以弟子騰為嗣。騰字子襄，值秦難，藏其家書于屋壁。騰生正，字季忠。正生武，武生延年及安國。延年生霸，字次孺。漢昭帝時為博士。宣帝時為太中大夫。授皇太子經。元帝即位，賜爵關內侯。號褒成君。霸生福，福生房。房生均，字長平。好學有才，為尚書郎。平帝元始元年，封均為褒成侯，食邑二千戶。追諡天子為褒成宣尼公。王莽以均為太尉，三以疾辭得還。莽敗失國，後漢世祖建武十四年，復封均子志為褒成侯。諡元成。志生損，襲爵。和帝永元四年，徙封損為襄亭侯。損卒，子曜嗣。侯邑千戶。子完嗣。侯邑百戶。完早卒，無子。以弟子羨襲爵。羨仕魏為議郎。黃初二年，封宗聖侯。侯邑百戶。羨生震，晉武帝泰始三年，徙封宗聖亭侯。侯邑二百戶。歷太常黃門侍郎。震生疑，疑生撫，舉孝廉。辟太尉掾。歷豫章太守。撫生懿，懿生鮮。有度量好學。宋文帝元嘉十九年，襲封宗聖侯。鮮生乘，博學有才藝。後魏孝文延興初，舉孝廉。三年，封乘為宗聖大夫。復十戶。以供洒掃。乘生靈珍，襲爵。歷秘書郎。太和十九年，改封宗聖侯。侯邑百戶。靈珍生文泰，文

泰生渠。北齊文宣帝天保元年，改封恭聖侯。後周宣帝大象二年，追封孔子為鄒國公。以渠襲爵。侯邑百戶。渠生長孫，隋文帝復封長孫為鄒國公。長孫生嗣哲。應制舉。歷涇州司兵參軍。太子通事舍人。大業四年，改封紹聖侯。侯邑百戶。嗣哲生德倫。唐太宗貞觀十一年，封襲聖侯。侯邑百戶。朝會位同三品。復其子孫，則天授二年，賜德倫蠶書衣服。德倫生崇基。襲侯。中宗神龍元年，授朝散大夫。崇基生璵。玄宗開元中，歷國子四門博士。邠王府文學。蔡州長史。璵之生璵，襲封。諡孔子為文宣王。改封襲聖侯。璵之為襲文宣公。兼兗州長史。璵之生璵，襲封。歷兗州泗水令。璵生齊卿。德宗建中三年，詔以齊卿為兗州司馬。陷於東平。卒。至憲宗元和十三年，平李師道，其子惟晤歸魯，詔以惟晤為兗州參軍。奉夫子祀。復五十戶。以供灑掃。惟晤生策。會昌元年，歷國子監丞。尚書博士。大中元年，宰相白敏中奏歲給封戶絹百疋。充春秋奉祀。自璵之至策五世，並襲封文宣公。策生振。懿宗咸通四年，舉進士甲科。歷兗州觀察判官。至刑部員外郎。振生昭儉。歷兗州司馬。曲阜令。自策至昭儉三世，歲給封絹以供享祀。昭儉生光嗣。哀帝天祐中，為泗水主簿。奉孔子祀。光嗣生仁玉。九歲通春秋。姿貌雄偉。後唐明宗長興元年，以為曲阜主簿。三年，遷龔丘令。襲文宣公。晉高祖天福五年，改曲阜令。周高祖廣順二年，平慕容彥超，幸曲阜，拜孔子廟及墓。召仁玉賜五品服。復以為本縣令。仁玉四子，長曰宜，舉進士不第。乾德中詣闕上書，述其家世。詔以為曲阜主簿。歷黃州軍事推官。遷司農寺丞。掌星子鎮市征。宜上言，星子當江湖之會，商賈所集，請建為軍。詔以為縣。就命宜知縣事。後以為南康軍宜代還。獻文賦數十篇。太宗覽而嘉之，召見，問以孔子世嗣。因下詔曰：素王之道，百代所崇。傳祚襲封，抑存典制。文宣王四十四代孫司農寺丞宜，服勤素業，砥礪廉隅，亟歷官聯，洽聞政績。聖人之後，世德不衰。俾登朝倫，以光儒胃。可太子右贊善大夫。襲封文宣公。復其家。未幾，通判密州。太平興國八年，詔修曲阜孔子廟。宜貢方物為謝。詔襲之。遷殿中丞。雍熙三年，王師北征，受詔督軍糧。涉拒馬河溺死。年四十六。子延世。世茂先，以父死事，賜學究出身。為曲阜主簿。歷闕長葛二令。真宗至道三年十一月，召赴闕，以為曲阜令。襲封文宣公。賜白金束

為及太宗御書印九經咸平三年詔本道轉運使本州長吏待以賓禮仍留三年卒官年三十八次曰憲太平興國二年進士及第至工部員外郎知浚儀縣次曰冕應城主簿次曰曷雍熙中進士及第延世子聖祐景德初始九歲特賜同學究出身大中祥符元年東封泰山特聽聖祐衣綠陪位綴京官班後及還至兗州十一月朔幸曲阜謁孔子廟行酌獻之禮孔氏宗屬並令陪位又幸孔林觀其墓久之又御北亭召從臣觀古碑加謚孔子為玄聖文宣王追封孔子父叔梁紇齊國公母顏氏魯國太夫人擢聖祐為太常寺奉禮郎又錄其近屬進士謂同三傳出身習進士延祐習學究延渥延魯延齡並同學究出身共賜銀二百兩絹三百疋以充奉祠廟時曷為殿中丞通判廣州王欽若言其有聲於鄉曲召赴闕改太常博士賜緋令知曲阜縣專主祠廟二年三月又遣使賜太宗御書及九經書疏三史藏于廟令本州選儒生講說聖祐後改大理評事天禧五年授光祿寺丞襲封文宣公知仙源縣事後改名佑遷太子中舍卒年三十曷為司封郎中延魯大中祥符五年復舉進士及第後改名道輔為左司諫龍圖閣待制自有傳

崔頌字敦美河南偃師人父協後唐門下侍郎平章事頌幼喪母為外祖母所鞠養以蔭補河南府巡官歷開封主簿鄧州錄事參軍以疾去官未幾詣闕上書言事宰相桑維翰覽而奇之擢為左拾遺選右補闕漢初加朝散階副右散騎常侍張煦冊錢俶為吳越王梁末協嘗使兩浙至是越人美之贈賄甚厚及還值周祖入京師為軍士剽奪悉盡世宗鎮澶淵擇僚佐頌與王朴王敏中皆中其選以頌為觀察判官贈金紫世宗尹京拜司封員外郎充判官以斷獄悞失罷職守本官即位拜駕部郎中遷吏部復副尹曰就使兩浙世宗讀唐元稹均田疏命寫為圖賜近臣遣使均諸道租賦頌使兗州頗增舊額恭帝嗣位改左諫議大夫宋初判國子監會重修國學及武成王廟命頌總領其事建隆三年夏始會生徒講說太祖遣中使以酒果賜之每臨幸國學召頌與語因及經義頌應答無滯及郊祀以頌攝太僕升車執綬上問以一時典禮頌占對閑雅上甚重之未幾坐請託有司為所親求便官出為係大軍行軍司馬乾德六年

暴得疾卒年五十頌好談諧善筆札受命書世宗謚冊文當時稱其造麗篤信釋氏睹佛像必拜性多疑在鄆州官舍嘗召丐壞者治堂室以帛蒙其目人皆笑之子曠至太子右贊善大夫曠字文炳雍熙二年進士濬雅有士行累為屯田員外郎開封三司戶部判官景德中雍王元份薨府官皆坐黜時戚維為曹國公元儼府翊等上謂宰相曰元儼年少在資贊導維迂懦循默不能規戒聞崔曠性純謹以之代維庶有神益因召對遷都官員外郎充記室參軍賜金紫遷兵部郎中出知河中府轉太常少卿將作監卒

尹拙潁州汝陰人梁貞明五年舉三史調補下邑主簿攝本鎮館驛巡官後唐長興中召為著作佐郎直史館遷左拾遺依前直史館加朝散大夫應順初出為宣武軍掌書記檢校虞部員外郎兼殿中侍御史清泰初加檢校駕部員外郎兼御史大夫二年改檢校虞部郎中忠武軍掌書記晉天福四年入為右補闕明年轉侍御史會詔拙拙與張昭呂琦等同修唐史改倉部員外郎賜金紫八年遷左司員外郎契丹入寇趙延壽鎮常山以拙為掌書記漢初召為司馬郎中弘文館直學士周廣順初遷庫部郎中兼太常博士仍充直學士奉使荆南還改兵部郎中顯德初拜檢校右散騎常侍國子祭酒通判太常禮院事與張昭同修唐應順清泰及周租實錄又與昭及田敏同詳定經典釋文丁憂免宋初改檢校工部尚書太子詹事判太府寺遷秘書監判大理寺乾德六年告老以本官致事拙性純謹博通經史周世宗北征命翰林學士為文祭白馬祠學士不知所出遂訪於拙拙歷舉郡國祠白馬者以十數當時伏其該博開寶四年卒年八十一子季通至國子博士

田敏涪州鄉平人少通春秋之學梁貞明中登科調補涪州主簿不令之任留為國子四門博士後唐天成初改尚書博士賜緋滿歲為國子博士上言請四郊置齋宮不報秩滿轉屯田員外郎以詳明典禮兼太常博士建議請依春秋每歲藏冰薦宗廟頒公卿如古禮奉詔與太常卿劉岳博士段颺路航李居浣陳觀等刪定唐鄭餘慶書儀又詔與馬鎬等同校九經改戶部員外郎賜金紫清泰初遷國子司業晉天福四年授祭酒仍檢校工部尚書俄兼戶部侍郎開

運初遷兵部侍郎，充弘文館學士，判館事。議者以敏止可任學官，宰相桑維翰聞之，即改授檢校右僕射，復為祭酒。漢乾佑中，拜尚書右丞，判國子監。周廣順初，改左丞，遣使契丹，將歲賂錢十萬貫，止其侵剽。契丹不許，周祖將親郊，命權判太常卿事。世宗即位，真拜太常卿，檢校左僕射，加司空。顯德五年，上章請老，賜詔曰：卿詳明禮樂，博涉典墳，為儒學之宗師，乃薦神之儀表。朕方資舊德，以訪話言，遽覽封章，願致官政。引年之制，雖著舊文，尊賢之心，方深虛佇。所請宜不允。遷工部尚書，俄再上表，願歸故鄉，以遂首丘之志。改太子少保致仕。歸淄州別墅，恭帝即位，加少傅。開寶四年卒，年九十二。敏解官歸鄉，有良田數十頃，多釀美酒待賓客，體強少疾，徒步往來閭巷間，不以杖。每日親授諸子經，自作父墓碑，辭甚質敏。嘗使湖南，路出荆渚，以印本經書遺高從誨。從誨謝曰：祭酒所遺經書，僕但能識孝經耳。敏曰：讀書不必多，十八章足矣。如諸侯章云：在上不驕，高而不危，制節謹度，滿而不溢，皆至要之言也。時從誨兵敗於鄆，故敏以此飄之。從誨大慙，敏雖篤於經學，亦好為穿鑿。所校九經，頗以獨見自任。如改尚書盤庚，若網在綱，為若網在綱，重言綱字，又爾雅椶木槿，注曰：日及，改為白及。如此之類甚眾，世頗非之。子章，至殿中丞。

辛文悅者，不知何許人，以五經教授。太祖幼時，從其肄業。周顯德中，太祖歷禁衛為殿前都點檢，節制方面，文悅久不獲接見。一日夢邀車駕，請見。既拜，乃太祖也。太祖亦夢其來謁，因令左右尋訪，文悅果自至。太祖異之，及登位，召見，授太子中允，判太府事。開寶三年，出知房州。時周鄭王出居是州，上以文悅長者，故命焉。文悅後累遷至員外郎，又有張通、張文旦者，嘗與太宗同學校。太平興國中，詣關自言，各起家為主簿。

李覺，字仲明，本京兆長安人。曾祖鼎，唐國子祭酒。蘇州刺史。唐末避亂，徙家青州益都。鼎生瑜，本州推官。瑜生成字咸熙，性曠蕩嗜酒，喜吟詩，每琴弈，畫山水，尤工人多傳秘其蹟。周樞密使王朴，將薦其能，會朴卒，鬱鬱不得志。乾德中，司農卿衛融知陳州，聞其名，召之，成，因挈族而往。日以酣飲為事，醉死於客舍。子覺，太平興國五年，舉九經，起家將作監丞，通判建州，秩將滿，州人借留，有詔褒

之，就遷左贊善大夫，知泗州。轉秘書丞。太宗以孔穎達五經正義刊板，詔孔維與覺等校定。王師征燕薊，命覺部京東諸州芻糧赴幽州。維薦覺有學，遷禮記博士。賜緋魚，雍熙三年，與右補闕李若拙同使交州。黎桓謂曰：此土山川之險，中朝人乍歷之，豈不倦乎。覺曰：國家提封萬里，列郡四百，地有平易，亦有險固，此一方何足云哉。默然色沮，使還。久之，遷國子博士。端拱元年春，初令學官講說，覺首領焉。太宗幸國子監，謁文宣王畢，升輦將出西門，顧見講坐，左右言覺方聚徒講書，上即召覺，令對御講。覺曰：陛下六龍在御，臣何敢輒升高坐上。因降輦，令有司張幕，設別坐，詔覺講周易之泰卦。從臣皆列坐，覺因述天地感通，君臣相應之旨，上甚悅，特賜帛百疋。俄獻時務策，上頗嘉獎。是冬，以本官直史館。右正言王禹偁上言：覺但能通經，不當輒居史職。覺傲韓愈、毛穎傳、竹穎傳以獻。太宗嘉之，故寢禹偁之奏。淳化初，上以經書板本有田敏輒刪去者數字，命覺與孔維詳定。二年，詳校春秋正義成，改水部員外郎，判國子監。四年，遷司門員外郎，被病假滿，詔不絕奉。覺累上書言時務，述養馬漕運屯田三事。太宗嘉其詳備，令送史館。語見本志。覺性彊毅而聰敏，嘗與秘閣校理吳淑等同考試，開封府秋賦舉人語及算雉免首足法。覺曰：此頗繁，吾能易之。及成果精簡，淑意其宿製，即試以別法，皆能立就。坐中皆歎伏。子有，大中祥符五年進士，為祠部員外郎，集賢校理。

崔頤正，開封封丘人，與弟倜、倝並舉進士。明經術。頤正雍熙中，為高密尉，秩滿國子祭酒孔維薦之，以為國學直講。遷殿中丞。太宗召見，令說莊子一篇，賜錢五萬。判監李至上言：本監先校定諸經音疏，其間文字訛謬尚多，深慮未副仁君好古誨人之意也。蓋前所遺官多專經之士，或通春秋者未習禮記，或習周易者不通尚書，至於旁引經史，皆非素所傳習，以是之故，未得周詳。伏見國子博士杜鎬直講，崔頤正、孫奭皆苦心彊學，博貫九經，問義質疑，有所依據，望令重加刊正，冀除舛謬。從之。咸平初，又有學究劉可名言諸經版本多舛誤，真宗命擇官詳正。因訪達經義者。至方參知政事，以頤正對曰：朕宮中無事，樂聞講誦。翌日，召頤正於苑中，說尚書大禹謨，賜以牙緋。自是日，令赴御書院待對，說

尚書至十卷。頤正年老，步趨艱蹇，表求致仕。上命坐問，恤甚至。賜器幣，聽以本官致仕。仍充直講。改國子博士。三年卒。年七十九。僊佺，淳化中，歷福州、連江尉。判國子監。李至奏爲直講，引對便坐。太宗顧謂曰：「李覺嘗奏朕云：『四皓中一先生，或言姓用字加撇，或云加點。』爾知否？」僊佺曰：「昔秦時程縱撰隸書，訓如僕隸之易使也。今字與古或異，臣聞刀用爲角，音兩點爲甫，音用上一撇一點，俱不成字。咸平二年，真宗幸國學，召僊佺說尚書，卽特賜緋景德後，令講道德經。日於崇文院候對，終篇賜以白金繒綵。三年卒。年七十九。嘗撰帝王手鑑十卷，并注曹唐大遊仙詩十五卷。其子世安上之，特賜出身。

李之才，字挺之，齊社人也。天聖八年，同進士出身，爲人朴且率，自信無少矯厲。師河南穆修，修性莊嚴，寡合，雖之才亦頻在訶怒中。之才事之亦謹，卒能受易。時蘇舜欽輩亦從修學易，其專授受者，惟之才爾。修之易受之秋，放，受之陳搏、源流最遠。其圖書象數變通之妙，秦漢以來，鮮有知者。之才初爲衛州，僊佺加主簿，權共城令。時邵雍居母憂于蘇門山百源之上，布裘蔬食，躬糞以養父。之才叩門來謁，勞苦之曰：「好學篤志，果何似？」雍曰：「簡策之外，未有適也。」之才曰：「君非迹簡策者，其如物理之學何？」他日，則又曰：「物理之學，學矣，不有性命之學乎？雍再拜願受業。於是先示之以陸淳春秋意，欲以春秋表儀五經。既可語五經大旨，則授易而終焉。其後雍卒，以易名世。之才器大，難乎識者，棲遲久不調，或惜之，則曰：「宜少貶以圖榮進。」石延年獨曰：「時不足以容君，蓋不棄之隱去，再調孟州司法參軍。時范雍守孟，亦莫之知也。雍初自洛建節守延安，送者皆出境外。之才獨別近郊，或病之，謝曰：「故事也。」頃之，雍謫安陸，之才沿檄見之洛陽。前日遠送之人，無一來者。雍始恨知之之晚，友人尹洙以書薦於中書舍人葉道卿。因石延年致之曰：「孟州司法參軍李之才，年三十九，能爲古文，章語直意遂，不肆不窘，固足以蹈及前輩，非洙所敢品目，而安於卑位，無仕進意，人罕知之。其才又達世務，使少用於世，必過人遠甚，恨其貧不能決其歸心，知之者當共成之。延年復書曰：「今業文好古之士至，辭且不張，苟遺若人，其學益衰矣。延年素不喜謁貴仕，凡四五至道卿門，通其書，乃已。道卿薦之，遂得應銓，新格有保。」

仕五人。改大理寺丞，爲緜氏令。未行，會延年與龍圖閣直學士吳遵路調兵河東，辟之才澤州簽署判官。澤人劉義叟從受曆法，世稱義叟曆法，遠出古今上。有揚雄張衡所未喻者，實之才授之。在澤轉殿中丞，丁母憂，甫除喪，暴卒于懷州官舍。寶曆五年二月也。時尹洙兄漸守懷，哭之才過哀，感疾不踰月亦卒。之才歸葬齊社。邵雍表其墓，有曰：「求於天下，得聞道之君子，李公以師焉。」

宋史卷四百三十一

元中書右丞相總裁脫脫等修

列傳第一百九十一

儒林二

胡旦

賈同

劉頤

高弁

孫復

石介

胡瑗

劉義叟

林概

李觀

何涉

王回第向

周堯卿

王當

陳瑒

王回第向

胡旦字周父濱州渤海人少有傳才博學能文辭舉進士第一為將作監丞通判昇州時江南初平沈氏時所度僧十減六七旦曰彼無田廬可歸將聚而為盜悉募為兵遷左拾遺直史館數上書言時政利病出為淮南東路轉運副使知海州踰年召歸先是盧多遜貶趙普罷相其夏河決韓村尋復塞旦獻河平頌曰天祚我宋以君兆民配天成休惟堯與舜粵有大水昏墊下人非曰聖作孰執孰度蔽賢者退墮澤者罪我防大患河豈云敗逆遜遠投森普屏外聖道如隄崇崇海內帝曰守文是塞是親調爾衛兵程是蒸民民以盡力臣以勳職役云其終河以之塞唐堯懷山實警神德漢武宣防實彰令式我塞長河融流惠澤明明聖功萬代成則太宗覽頌有逆遜森普之語召宰相謂曰胡旦獻頌詞意悖戾朕自擢於甲科歷試外任所至無善狀知海州日為部下所訟獄已具適會大赦朕錄其材而捨其過尚令在近列又領史職乃敢恣胸臆狂躁如此其亟逐之即貶殿中丞商州團練副使上平燕議曰今幽州在北門之外東封非國家所急願移其資以事北伐且天時地利人事皆有可伐之意歲之所臨其地受福今年春末至來年歲在宋分今年初秋至六年鎮在燕分從今年為備至來春與師北兵之遇春夏則斲裘皮履羊弓塞馬不為用而中原士卒素不能寒往北逢暄筋力勇健以勇健之士驅不用之敵承福慶之時討災殃之城成功立事在于此矣長准以北太行以東河水罷災土地甚沃因其豐實取其穀帛減價以折納見錢以貴糶官府多積兵役無虞用兵豐財可濟大

事太原克復以來于今七載兵甲甚利士卒甚雄夜饜晨與寒裘飢粟若以促裝之賜發軍而用之恩賞之賞成功而賚之可以齊心平敵恢拓舊境幽州平土而負敵為勢必擇四人分之方面以剛斷勇毅者主之選和平恭慎者一人部之幽州之北皆是山谷通人馬者不過十處領將士者亦擇十人同行則共議兵機分出則各司軍事寇來則同戰以驅逐寇歸則畫疆以扞蔽苟塞斷山路餘寇在燕與大軍相持則遷延其時以度春夏寇不能熱有退無前使士之剛勇與才力者各為一將多則分部扞敵攻城兩盡其力定其軍名實其軍數我寡彼多則力不勝我實彼虛則勝有餘力均則較其地形地均則爭其謀略分明勇怯各致其用以茶鹽香藥之價十分減二從新者先賣於邊城要路軍馬屯所以芻粟錢帛之價十分增二納貨以出券者請本場以交貨得貨者緣逐路以納稅出往來四方之饒為兩地費用之耗自然商得其利則買之於人入得其資則勸之於穡故必民效兼倍之力國貯九年之積科撥不假於度支轉般何勞於漕挽芻粟之給攻具之用委輸發運以為後繼今將用二十萬之眾役三十州之民願陛下明降日月之信先示雨露之澤民知信賞則悅而忘死士得仰給則死而力戰如此則逆虜不足下猶寇不足殄也起為左補闕復直史館遷修撰預修國史以尚書戶部員外郎知制誥遷司封員外郎有備書人翟穎者旦嘗與之善因為改姓名馬周以為唐馬周復出上書詆時政且自薦可為大臣又舉材任公輔者十人其辭頗壯當時皆謂旦所為馬周坐流海島旦亦貶坊州團練副使坐擅離所部謁宋白于鄜州既被劾特釋之徙絳州稍復工部員外郎直集賢院遷本曹郎中知制誥史館修撰素善中官王繼恩為繼恩草制辭過美繼恩敗真宗聞而惡之貶安遠軍行軍司馬又削籍流潯州咸平初移通州團練副使徙徐州以祠部員外郎分司西京又為保信軍節度副使久之以司封員外郎通判襄州封泰山改祠部郎中服母喪既除乃言父卒時嘗詔奪哀從事請追行服三年已而失明以秘書省少監致仕居襄州再遷秘書監卒旦喜讀書既喪明猶令人誦經史隱几聽之不少輟著漢春秋五代史略將帥要略演聖通論唐乘家傳三百餘卷斷大硯方五六尺刻而瘞

之曰胡旦修漢春秋硯晚尤贖貨干擾州縣持吏短長為時論所譏既死子孫貧甚寓樞民間皇祐末知襄州王田為言於朝得錢二十萬以葬

賈同字希得青州臨淄人五代時楊光遠反同祖率鄉里四百餘家保愚谷山全活者二千人同初名罔字公疎篤學好古有時名著山東野錄七篇年四十餘同進士出身真宗命改今名王欽若方貴戚聞同名欲致之固謝不住居八九年始補歷城主簿張知白薦為大理評事通判兗州天聖初上書言自祥符以來諫諍路塞丁謂乘間造符瑞以欺先帝今謂姦既白宜明告天下正符瑞之謬罷官觀崇奉歸不急之衛兵收無名之寶費使先帝免後世之議國家無因循之失又言寇準忠規亮節疾惡擯邪自其貶黜天下之人弗見其罪宜還之內地以明忠邪善惡之分時章獻太后臨朝而同言如此人以為難再遷殿中丞知棣州卒劉顏李冠王無忌及其門人諡同日存道先生

劉顏字子望彭城人少孤好古學不專章句師事高弁舉進士第以試秘書省校書郎知龍興縣坐法免久之授徐州文學居鄉里教授數十百人採漢唐奏議為輔弼名對馮元劉筠錢易滕涉蔡齊上其書除任城主簿歲饑發大姓所積粟活數千人李迪知兗州青州皆辟為從事卒著儒術通要經濟樞言復數十篇石介見其書數曰恨不在弟子之列子序自有傳

高弁字公儀濮州雷澤人弱冠徒步從神放學于終南山又學古文于柳開與張景齊名至道中以文謁王禹偁禹偁奇之舉進士累官侍御史諫修玉清紹應宮降知廣濟軍尋以戶部判官試開封府進士私發糊名奪二官稍復知單州邢州鹽鐵判官河決澶州請弛隄防縱水所之可省民力且以扼契丹南向議獲知陝州卒弁性孝友所為文章多祖六經及孟子喜言仁義有帝則三篇為世所傳與李迪賈同陸參朱頤伊澤相友善石延年劉潛皆其門人也

孫復字明復晉州平陽人舉進士不第退居泰山學春秋著尊王發微十二篇大約本於陸淳而增新意石介有名山東自介而下皆以先生事復年四十不娶李迪知其賢以其弟之子妻之復初猶豫石介與諸弟子請曰公卿不下士久矣今丞相不以先生貧賤欲託以子宜因以成丞相之賢名復乃聽孔道輔

開復之賢就見之介執杖屨立待復左右升降拜則扶之其往謝亦然介既為學官語人曰孫先生非隱者也於是范仲淹富弼皆言復有經術宜在朝廷除秘書省校書郎國子監直講車駕幸太學賜緋衣銀魚召為選英閣祇候說書楊安國言其講說多異先儒罷之孔直溫敗得所遺復詩坐貶度州監稅徙泗州又知長水縣發書應天府判官事通判陵州未行翰林學士趙概等十餘人言復經為人師不宜使佐州縣留為直講稍遷殿中丞卒賜錢十萬復與胡瑗不合在太學常相避瑗治經不如復而教養諸生過之復既病韓琦言於仁宗選書吏給紙筆命其門人租無擇就復家得書十五萬言錄藏秘閣特官其一子

石介字守道兗州泰符人進士及第歷鄆州南京推官篤學有志尚樂善疾惡喜聲名遇事奮然敢為御史臺辟為主簿未至以論救書不當求五代及諸偽國後罷為鎮南掌書記代父丙遠官為嘉州軍事判官丁父母憂耕徂徠山下葬五世之未葬者七十喪以易教授于家魯人號介徂徠先生入為國子監直講學者從之甚眾太學繇此益盛介為文有氣書患文章之弊佛老為蠹著怪說中國論言去此三者乃可以有為又著唐鑑以戒姦臣宦官宮女指切當時無所諱忌杜衍韓琦薦擢太子中允直集賢院會呂夷簡罷相夏竦既除樞密使復奪之以衍代章得象晏殊賈昌朝范仲淹富弼及琦同時執政歐陽修余靖王素蔡襄並為諫官介喜曰此盛事也歌頌吾職其可已乎作慶曆聖德詩曰於惟慶曆三年三月皇帝龍興徐出闕闈晨坐大極書閣闔躬覽英賢手鉅森枅大聲颯颯震搖六合如乾之動如雷之發昆蟲踴躍怪妖藏滅同明道初天地嘉吉初聞皇帝盛然言曰子祖予父付予大業子恐失墜實賴輔弼汝得象殊重慎微密君相予久予嘉君伐君仍相子筆鏞斯協昌朝儒者學問該洽與予論政傳以經術汝貳二相庶績咸秩惟汝仲淹汝誠子察太后乘勢湯沸火熱汝時小臣危言業業為子同諫正子門閭為子京兆聖子讒說賊叛子夏往予式遏六月酷日大冬積雪汝寒汝暑同予士卒予聞辛酸汝不告之子晚得弼子心弼悅弼每見子無有私謁以道輔弼言深切子不亮辭弼自答

罰諫官一年。疏奏滿篋。侍從周歲。忠力廬竭。契丹忘義。櫛斲繁發。敢侮大國。其辭慢悖。弼將予命。不畏不怯。卒復舊好。民得食福。沙磧萬里。死生一節。視弼之庸。霜剝風裂。觀弼之心。鍊金鍛鐵。籠名大官。以酬勞渴。弼辭不受。其志莫奪。惟仲淹弼。一襲一契。天實資予。予其敢忽。並來弼子。民無瘥札。曰。衍汝來。汝子黃髮事予。二紀毛禿齒豁。心如一令。卒履弗越。遂長樞府。兵政無蹶。予早識琦。琦有奇骨。其器魁落。豈視庸樸。其人渾樸。不施剗。屬大事。敦厚如勃。琦汝副行。知人子哲。惟脩惟靖。立朝獻職。言論確何。忠誠特達。祿微身賤。其志不怯。書詆大官。亟遭貶黜。萬里歸來。剛氣不折。屢進直言。以補予闕。素相之後。舍忠履潔。昔爲御史。幾叩予榻。翼雖小官。名聞予徹。亦嘗獻言。箴予之失。剛守粹怒。與脩儔匹。並爲諫官。正色在列。予過汝言。毋鉗汝舌。皇帝聖明。忠邪辨別。舉擢賤良。掃除妖魅。衆賢之進。如茅斯拔。大姦之去。如距斯脫。上倚輔弼。同予調燮。下賴諫諍。維予紀法。左右正人。無有邪孽。予望太平。日不逾浹。皇帝嗣位。二十二年。神武不殺其默。如淵。聖人不測其動。如天。賞罰在予。不失其權。恭己南面。退姦進賢。知賢不易。非明弗得。去邪惟艱。惟斷乃克。明則不貳。斷則不惑。既明且斷。惟皇帝之德。羣臣踧躅。重足屏息。交相教誨。曰。惟正直。毋作側僻。皇帝汝殛。諸侯危懼。墮玉失鳥。交相告誨。皇帝神明。四時朝覲。謹修臣職。四夷走馬。墜鐙遺策。交相告誨。皇帝英武。解兵修貢。永爲屬國。皇帝一舉羣臣懾焉。諸侯畏焉。四夷服焉。臣願皇帝壽萬千年。詩所稱多一時名臣。其言大姦。蓋斥竦也。詩且出。孫復曰。子禍始於此矣。介不畜馬。借馬而乘。出入大臣之門。頗招賓客。預政事。人多指目。不自安。求出。通判濮州。未赴。卒。會徐狂人孔直溫謀反。搜其家。得介書。夏竦銜介甚。且欲中傷杜衍等。因言介詐死。北走契丹。請發棺以驗。詔下京東。訪其存亡。衍時在兗州。以驗介事。語官屬。衆不敢答。掌書記龔鼎臣願以闔族保介必死。衍探懷出奏。彙示之曰。老夫已保介矣。君年少見義必爲。豈可量哉。提點刑獄呂居簡亦曰。發棺空介果走北。擊鼓非酷。不然。是國家無故剖人冢墓。何以示後世。且介死必有親族門生會葬及棺斂之人。苟召問無異。即令具軍令狀保之。亦足應詔。於是衆數百保介已死。乃免斲棺。子第羈管他州。

久之得還。介家故貧。妻子幾凍餒。富弼韓琦共分奉買田以贍養之。有徂徠集行於世。

胡瑗字翼之。泰州海陵人。以經術教授吳中。年四十餘。景祐初。更定雅樂。詔求知音者。范仲淹薦瑗。白衣對崇政殿。與鎮東軍節度推官阮逸同較鐘律。分造鐘磬各一處。以一黍之廣爲分。以制尺律。徑三分四釐六毫四絲。圍十分三釐九毫三絲。又以大黍異尺。小黍實倫。丁度等以爲非古制。罷之。授瑗試秘書省校書郎。范仲淹經略陝西。辟丹州推官。以保寧節度推官教授湖州。瑗教人有法。科條纖悉。備具。以身先之。雖盛夏必公服坐堂上。嚴師弟子之禮。視諸生如其子弟。諸生亦信愛。如其父兄。從之游者常數百人。慶曆中。與太學下湖州取其法。著爲令。召爲諸王宮教授。辭疾不行。爲太子中舍。以殿中丞致仕。皇祐中。更鑄太常鐘磬。驛召瑗。逸與近臣太常官議。于秘閣。遂典作樂事。復以大理評事兼太常寺主簿。辭不就。歲餘。授光祿寺丞。國子監直講。樂成。遷大理寺丞。賜緋衣銀魚。瑗既居太學。其徒益衆。太學至不能容。取旁宮舍處之。禮部所得士。瑗弟子十常居四五。隨材高下。喜自修飾。衣服容止。往往相類。人遇之雖不識。皆知其瑗弟子也。嘉祐初。擢太子中允。天章閣侍講。仍治太學。既而疾不能朝。以太常博士致仕。歸老於家。諸生與朝士祖餞東門外。時以爲榮。既卒。詔贈其家。

劉義叟字仲更。澤州晉城人。歐陽修使河東。薦其學術。試大理評事。權趙州軍專判官。精算術。兼通大衍諸歷。及修唐史。令專修律曆天文五行志。尋爲編修官。改秘書省著作佐郎。以母喪去。詔令家居。編修書成。擢崇文院檢討。未入謝。疽發背卒。義叟強記多識。尤長於星曆術。數。皇祐五年。日食心。時胡瑗鑄鐘。弁而直。聲鬱不發。又陝西鑄大錢。義叟曰。此所謂害金再興。與周景王同。占上將感心腹之疾。其後仁宗果不豫。又月入太微。曰。後宮當有喪。已而張貴妃薨。至和元年。日食正陽。客星出于昴。曰。契丹宗真其死乎。事皆驗。義叟未病。嘗曰。吾及秋必死。自擇地於父冢旁。占庚穴。以語其妻。如其言葬之。著十三代史志。劉氏輯曆。春秋災異諸書。

林概字端父福州福清人父高太常博士有治行概幼警悟舉進士以秘書省校書郎知長興縣歲大饑富人閉糴以邀價概出奉粟庭下誘士豪輸數千石今不習馬此兵與馬之大患也請附唐用兵之法四斂一民部以爲軍闢耕田里被甲皆兵因命其家咸得畜馬私乘休暇官爲講習則人便干戈馬識行列又行陣無法而出於臨時將無素備而取於倉卒軍不予權而監以官待若是者雖得古之材使循今之法亦必屢戰而屢敗又請備蠻籍土民爲兵柵要衝購徭人使守禦徙淮安軍程琳嘗禁蜀人不得自爲渠堰概奏罷之又言蜀饑願罷川峽漕發常平粟貸民租募富人輕粟價除商旅之禁使通貨相資官以太常博士集賢校理卒著史論辨國語于希自有傳

李觀字泰伯建昌軍南城人俊辨能文舉茂才異等不中親老以教授自資學者常數十百人皇祐初范仲淹薦爲試太學助教上明堂定制圖序曰考工記周人明堂度九尺之筵是言堂基修廣非謂立室之數東西九筵南北七筵堂崇一筵是言堂上非謂室中東西之堂各深四筵半南北之堂各深三筵半五室凡室二筵是言四堂中央有方十筵之地自東至西可營五室自南至北可營五室十筵中央方二筵之地既爲太室連作餘室則不能令十二位各直其辰當於東南西北四面及四角缺處各虛方二筵之地周而通之以爲太廟太室正居中央月令所謂中央土居太廟太室者言此太廟之中有太室也太廟之外堂于午卯酉四位上各畫方二筵地二與太廟相通爲青陽明堂總章元堂四太廟當寅申己亥辰戌丑未八位上各畫方二筵地以爲左个右个也大戴禮威德記明堂凡九室室四戶八牖共三十六戶七十二牖八个之室并太室而九室四面各有戶戶旁夾兩牖也白虎通明堂上圓下方八窗四闔九室十二坐四太廟前各爲一門出於堂上門旁夾兩窗也左右之个其實皆室但以分處左右形如夾戶故有个名太廟之內以及太室其實祀文王配上帝之位謂之廟者義當然矣土者分王四時於五行最尊故天子當其時居太室用祭天地之位以尊嚴之也四仲之月各得一時之中與餘月有異故復於子午卯

酉之方取二筵地假太廟之名以聽朔也周禮言基而不及室大戴言室而不及廟稽之月令則備矣然非白虎通亦無以知窗闔之制也尋崇義所謂秦人明堂圖者其制有十二階古之遺法當亦取之禮記外傳曰明堂四面各五門今按明堂位四夷之國西門之外九采之國應門之外時天子負斧扆南嚮而立南門之外者北面東上應門之外者亦北面東上是南門之外有應門也既有應門則不得有皋庫雉門明堂者四時所居四面如一南面既有五門則餘三面皆各有五門鄭注明堂位則云正門謂之應門其意當謂變南門之文以爲應門又見王宮有路門其次乃有應門今明堂無路門之名而但有應門便謂更無重門而南門即是應門且路寢之前則名路門其次有應門明堂非路寢乃變其內門之名爲東門南門而次有應門何害於義四夷之君既在四門之外而外無重門則是列於郊野道路之間豈朝會之儀乎王宮常居猶設五門以限中外明堂者效天法地尊祖配帝而止一門以表之豈爲稱哉若其建置之所則淳于登云在國之陽三里之外七里之內丙己之地玉藻聽朔於南門之外康成之法亦與是合夫稱明也宜在國之陽事天神也宜在城門之外今圖以九分當九尺之筵東西之堂共九筵南北之堂共七筵中央之地自東至西凡五室自南至北凡五室每室二筵取於考工記也太室八左右个共九室室有四戶八牖共三十六戶七十二牖協於戴德記也九室四廟共十三位本於月令也四廟之面各爲一門門夾兩窗是謂八窗四闔稽於白虎通也十二階采於三禮圖也四面各五門酌於明堂位禮記外傳也嘉祐中用國子監奏召爲海門主簿大學說書而卒觀嘗著周禮致太平論平土書禮論門人鄧潤甫熙寧中上其退居類藁皇祐續藁并後集請官其子參魯詔以爲郊社齋郎

何涉字濟川南充人父祖皆業農涉始讀書晝夜刻苦况覽博古上自六經諸子百家旁及山經地志醫卜之術無所不學一過目不復再讀而終身不忘人問書傳中事必指卷第冊葉所在驗之果然登進士第調落交主簿改中部令范仲淹一見奇之辟彰武軍節度推官用龐籍奏遷著作佐郎管勾廊延等路

經略安撫招討司機宜文字。時元昊擾邊。軍中經畫。涉預有力。元昊納款。籍召爲樞密使。欲與之俱涉。曰。親老矣。非人子自便之時。拜章願得歸養。特改秘書丞。通判眉州。徙嘉州。用文彥博龐籍薦。召環除集賢校理。既又求歸蜀。遂得知漢州。歲滿。移合州。累官尚書司封員外郎。父喪。罷歸。卒。詔恤其家。并官其一子。涉長厚。有操行。事親至孝。平居未嘗談人過惡。所至多建學館。勸誨諸生。從之游者甚衆。雖在軍中。亦嘗爲諸將講。左氏春秋。狄青之徒。皆橫經以聽。有治道中術。春秋本旨。廬江集七十卷。

王回。字深父。福州侯官人。父平言。試御史。回敦行孝友。質直平恕。造次必稽古人所爲。而不爲小廉曲謹。以求名譽。嘗舉進士中第。爲衛真簿。有所不合。稱病自免。作告友曰。古之言天下達道者。曰君臣也。父子也。夫婦也。兄弟也。朋友也。五者各以其義行。而人倫立。其義廢。則人倫亦從而亡矣。然而父子兄弟之親。天性之自然者也。夫婦之合。以人情而然者也。君臣之從。以衆心而然者也。是雖欲自廢。而理勢持之。何能斬也。惟朋友者。舉天下之人莫不可同。亦舉天下之人莫不可異。同異在我。則義安所卒歸乎。是其漸廢之所繇也。君之於臣也。父之於子也。夫之於婦也。兄之於弟也。過且惡。必亂敗其國家。國家敗而皆受其難。被其名而終身不可辭也。故其爲上者不敢不誨。爲下者不敢不諫。世治道行。則人能循義而自得。世衰道微。則人猶顧義而自全。間有不若。則亦無害於衆焉耳。此所謂理勢持之。雖百代可知也。親非天性也。合非人情也。從非衆心也。羣而同。別而異。有善不足與榮。有惡不足與辱。大道之行。公與義者可至焉。下斯而言。其能及者鮮矣。是以聖人崇之。以列於君臣父子夫婦兄弟而壹爲達道也。聖人既沒。而其義益廢。於今則亡矣。夫人有四股。所以成身。一體不備。則謂之廢疾。而人倫缺焉。何以爲世。嗚呼。處今之時。而望古之道難矣。姑求其肯告吾過也。而樂聞其過者。與之友乎。退居頤州。久之不肯仕。在廷多薦者。治平中。以爲忠武軍節度推官。知南頓縣。命下而卒。回在頤川。與處士常秩友。善熙寧中。秩上其文集。補回子汾爲郊社齋郎。弟向。

向字子直。爲文長於序事。戲作公默先生傳。曰。公議先生。剛直任氣。好議論。取

當世是非辨明。游梁宋間。不得意。去居頤。其徒從者百人。居二年。與其徒謀。又去頤。弟子任意對曰。先生無復念去也。弟子從先生久矣。亦各厭行役。先生舍頤爲居廬。少有生計。主人公賢。遇先生不淺。薄今又去之。弟子未見先生止處也。先生豈薄頤邪。公議先生曰。來吾語爾。君子貴行道信於世。不信貴容。不容貴去。古之辟世。辟地。辟色。辟言是也。吾行年三十。立節循名。被服先王。究窮六經。頑鈍晚成。所得無幾。張羅大綱。漏略零細。校其所見。未爲完人。豈敢自忘。冀周於世子所厭苦。正謂不容。子行世間。波混流同。子譽不至。子毀日隆。小人鑿空。造事形迹。侵排萬端。地隘天側。詩不云乎。讒人罔極。主人明恕。故未見疑。不幸去我來者。謂誰誰。一日效。我終顛危。智者利身。遠害全德。不如亟行。以適異國。語已。任意對曰。先生無言也。意輩弟子。嘗竊論先生。樂取怨憎。爲人所難。不知不樂也。今定不樂。先生知所以取之乎。先生聰明才能。過人遠甚。而刺口論世事。立是非。其間不容毫髮。又以公議名。此人之怨府也。傳曰。議人者不得其死。先生憂之是也。其去未是。意有三事。爲先生計。先生幸聽意。不必行。不聽。先生雖去絕海。未見先生安也。公議先生。彊舌不語。下視任意。目不轉移時。卒問任意對曰。人之肺肝。安得可視。高出重泉。險不足比。聞善於彼。陽譽陰非。反背復憎。詆笑縱橫。得其細過。聲張口播。緣飾百端。德敗行破。自然是人。賤彼善。我意策之三。此爲最上者也。先生能用之乎。公議先生曰。不能。爾試言其次者。對曰。捐棄骨肉。徃狂而去。令世人不復顧忌。此策之次者。先生能用之乎。公議先生曰。不能。爾試言其又次者。對曰。先生之行。已視世人不逮何等也。曾未得稱高世。而詆訶鋒起。幾不得與妄庸人伍者。良以口禍也。先生能不好議而好默。是非不及口。而心存焉。何疾於不容。此策之最下者也。先生能用之乎。公議先生喟然歎曰。吁。吾爲爾用下策也。任意乃大笑。顧其徒曰。宜吾先生之病於世也。吾三策之卒。取其下者矣。弟子陽思曰。今日非任意。先生不可得留。與其徒謝意。更因意請去。公議爲公默先生。弟同字容季。性純篤。亦善序事。皆蚤卒。仕止於縣主簿。

周堯卿。字子俞。道州永明人。警悟彊記。以學行知名。天聖二年。舉進士。歷連衡

二州司理參軍。桂州司錄。知高安寧化二縣。提點刑獄楊紘入境。有被刑而耘苗者。紘就詢其故。對曰。貧以利故。為人直其枉。令不我欺。而我欺之。我又何怨。紘至縣。以所聞薦之。後通判饒州。積官至太常博士。范仲淹薦經行可為師表。未及用。以慶曆五年卒。年五十一。始堯卿年十二喪父。憂戚如成人。見母則抑情忍哀。不欲傷其意。母知而異之。謂族人曰。是兒愛我如此。多知孝養矣。卒能如母之言。及母喪。倚廬三年。席薪枕塊。雖疾病不飲酒食肉。既葬。慈烏百數銜土集隴上。人以為孝感所致。其於昆弟。尤篤友愛。又為人簡重不校。有慢己者。必厚為禮以愧之。居官祿雖薄。必以周宗族朋友。罄而後已。為學不專於傳注。間辨思索。以通為期。長於毛鄭詩及左氏春秋。其學詩以孔子所謂詩三百一言以蔽之。曰思無邪。孟子所謂說詩者以意逆志。是為得之。考經指歸。而見毛鄭之得失。曰毛之傳欲簡。或寡於義理。非一言以蔽之也。鄭之箋欲詳。或遺於性情。非以意逆志也。是可以無去取乎。其學春秋。由左氏記之詳。得經之所以書者。至三傳之異同。均有所不取。曰聖人之意。豈二致耶。讀莊周孟子之書曰。周善言理。未至於窮理。窮理則好惡不繆於聖人。孟軻是已。孟善言性。未至於盡己之性。能盡己之性。則能盡物之性。而可與天地參。其唯聖人乎。天何言哉。性與天道。子貢所以不可得而聞也。昔宰我子貢善為說辭。冉牛閔子顏淵善言德行。孔子曰。我於辭命。則不能也。惟不言故曰不能而已。蓋言生於不足者也。其講解議論。皆若是。有詩春秋說各三十卷。文集二十卷。七子論。鼎州司理參軍。號湖州歸安主簿。諡諷。諱說。誼。

王當。字子思。眉州眉山人。幼好學。博覽古今。所取惟王佐大略。嘗謂三公論道。經邦。變理。陰陽。鎮撫。四方。親附百姓。皆出於一道。其言之雖大。其行之甚易。嘗舉進士不中。退居田野。數曰。士之居世。苟不見其用。必見其言。遂著春秋列國名臣傳五十卷。人競傳之。元祐中。蘇轍以賢良方正薦。廷對慷慨。不避權貴。策入四等。調龍遊縣尉。蔡京知成都。舉為學官。當不就。其後京相。當遂不復仕。卒年七十二。當於經學尤邃。易與春秋。皆為之傳。得聖人之旨居多。又有經旨三卷。史論十二卷。兵書十二篇。

陳暘。字晉之。福州人。中紹聖制科。授順昌軍節度推官。徽宗初。進銜集。以勸導紹述。得太學博士。秘書省正字。禮部侍郎趙挺之言。暘所著樂書二十卷。貫穿明備。乞援其兄祥道。進禮書故事。給札。既上。遷太常丞。進駕部員外郎。為講議司。參詳禮樂官。魏漢津議樂用京房二變。四清。暘曰。五聲十二律。樂之正也。二變。四清。樂之蠹也。二變以變宮為君。四清以黃鐘為君。事以時作。固可變也。而君不可變。太簇大呂夾鐘。或可分也。而黃鐘不可分。豈古人所謂尊無二上之旨哉。時論方右漢津。細賜議。進鴻臚太常少卿。禮部侍郎。以顯謨閣待制。提舉醴泉觀。嘗坐事奪已而復之。卒年六十八。祥道字用之。元祐中。為太常博士。終秘書省正字。所著禮書一百五十卷。與暘樂書並行于世。

宋史卷四百三十二

元中書右丞相總裁脫脫等修

列傳第一百九十二

儒林三

邵伯溫

喻樵

洪興祖

高閑

程大昌

林之奇

林光朝

楊萬里

邵伯溫字子文洛陽人康節處士雍之子也雍名重一時如司馬光韓維呂公著程頤兄弟皆交其門伯溫入聞父教出則事司馬光等而光等亦屈名位輩行與伯溫為再世交故所聞日博而尤熟當世之務光入相嘗欲薦伯溫未果而薨後以河南尹與部使者薦特授大名府助教調潞州長子縣尉初雍薨之相也神宗崩哲宗立邢恕自襄州移河陽詣確謀造定策事及司馬光子康詣闕怒召康詣河陽伯溫謂康曰公休除喪未見君不宜枉道先見朋友康曰已諾之伯溫曰恕傾巧或以事要公休若從之必為異日之悔康竟往怒果勸康作書稱確以為他日全身保家計康怒同年登科第又出光門下康遂作書如恕言恕蓋以康為光子言確有定策功世必見信既而梁燾以諫議召恕亦要燾至河陽連日夜論確功不休且以康書為證燾不悅會吳處厚奏確詩諂朝政燾與劉安世共請誅確且論恕罪亦命康分折康始悔之康卒子植幼宣仁后憫之臣大防謂康素以伯溫可託請以伯溫為西京教授以教植伯溫既至官則誨植曰溫公之孫大諫之子賢愚在天下可畏也植聞之力學不懈卒有立紹聖初章惇為相惇嘗事康節欲用伯溫伯溫不往會法當赴吏部銓程頤謂伯溫曰吾危子之行也伯溫曰豈不欲見先公於地下耶至則先就部擬官而後見宰相惇論及康節之學曰嗟乎吾於先生不能卒業也伯溫曰先君先天之學論天地萬物未有不盡者其信也則人之仇怨反覆者可忘矣時惇方與黨獄故以是動之惇悚然猶薦之于朝而伯溫願補郡縣吏惇不悅遂得監丞與軍鑄錢監時元祐諸賢方南遷士辭訪之者伯溫見范祖禹於咸平見范純仁於穎昌或為之恐不顧也會西邊用兵復夏人故地從軍者得累數階伯

溫當行輒推同列秩滿惇猶在相位伯溫義不至京師從外臺辟環慶路帥幕

實避惇也徽宗即位以日食求言伯溫上書累數千言大要欲復祖宗制度辨

宣仁誣諉解元祐黨錮分君子小人戒勞民用兵語極懇至宣仁太后之諉伯

溫既辨之又著書名辨誣後崇寧大觀間以元符上書人分邪正等伯溫在邪

等中以此書也出監華州西嶽廟久之知峽州豐寶縣徙芮城縣丁母憂服除

主管承與軍耀州三台渠公事重賞為宣撫使士大夫爭出其門伯溫聞其來

出他州避之除知果州請罷歲輸瀘南諸州綾絹絲綿數十萬以寬民力除知

興元府遂寧府邠州皆不赴擢提點成都路刑獄賊史斌破武休入漢利窺劍

門伯溫與成都帥臣盧法原合謀守劍門賊竟不能入蜀人德之除利路轉運

副使提舉太平觀紹興四年卒年七十八初邵雍嘗曰世行亂蜀安可避居及

宣和末伯溫載家使蜀故免於難伯溫嘗論元祐紹聖之政曰公卿大夫當知

國體以蔡確姦邪投之死地何足惜然嘗為宰相當以宰相待之范忠宣有文

正餘風知國體者也故欲薄確之罪言既不用退而行確詞命然後求去君子

長者仁人用心也確死南荒豈獨有傷國體哉劉摯梁燾王巖叟劉安世忠直

有餘然疾惡已甚不知國體以貽後日縉紳之禍不能無過也趙鼎少從伯溫

游及當相乞行追錄始贈秘閣修撰嘗表伯溫之墓曰以學行起元祐以名節

居紹聖以言廢於崇寧世以此三語盡伯溫出處云著書有河南集聞見錄皇

極系述辨誣辨惑皇極經世序觀物內外篇解近百卷三子溥博傳

喻樵字子才其先南昌人初愈藥仕梁位至安州刺史武帝賜姓喻後從嚴樛

其十六世孫也少慕伊洛之學中建炎三年進士第為人質直好議論趙鼎去

樞筭居常山樛往謁因諷之曰公之事上當使登沃多而施行少登沃之際當

使誠意多而語言少鼎奇之引為上客鼎都督川陝荆襄辟樛為屬紹興初高

宗親征樛見鼎曰六龍臨江兵氣百倍然公自度此舉果出萬全乎或姑試一

擲也鼎曰中國累年退避不振敵情益驕義不可更屈故贊上行耳若事之濟

否則非鼎所知也樛曰然則當思歸路毋以賊遺君父憂鼎曰策安出樛曰張

德遠有重望居閩今莫若使其為江淮荆浙福建等路宣撫使俾以諸道兵赴

闕命下之日府庫軍旅錢穀皆得專之宣撫來路即朝廷歸路也鼎曰諾於是入奏曰今沿江經畫大計略定非得大臣相應援不可如張浚人才陛下終棄之乎鼎曰朕用之遂起浚知樞密院事浚至執鼎手曰此行舉措皆合人心鼎笑曰子才之功也樞於是往來鼎浚間多所裨益頃之以鼎薦授秘書省正字兼史館校勘初金既退師鼎浚相得驩甚人知其將並相樞獨言二人宜且同在樞府他日趙退則張繼之立事任人未甚相遠則氣脈長若同處相位萬有一不合或當去位則必更張是賢者自相背戾矣後稍如其言又嘗曰推事者遇艱險則相詬病及車之止也則欣然如初士之於國家亦若是而已先是樞與張九成皆言和議非便秦檜既主和言者希首勸樞與九成謗訕樞出知舒州懷寧縣通判衡州已而致任檜死復起為大宗正丞轉工部員外郎出知蘄州孝宗即位用為提舉浙東常平以治繕開淳熙七年卒初樞善鑒識宣和間謂其友人沈晦試進士當第一建炎初又謂今歲進士張九成當第一凌景夏次之會風折大槐樞以作二簡遺之後果然趙鼎嘗以樊光遠免舉事訪樞樞曰今年省試不可無此人於是光遠亦第一初樞二女方擇配富人文請婚不許及見汪洋張孝祥乃曰佳婿也遂以妻之

洪興祖字慶善鎮江丹陽人少讀禮至中庸頓悟性命之理續文日進登政和上舍第為湖州士曹改宣教郎高宗時在揚州庶事草創選人改秩軍頭引見自與祖始召試授秘書省正字後為太常博士上疏乞收人心納謀策安民情壯國威又論國家再造一宜以藝祖為法紹興四年蘇湖地震興祖時為駕部郎官應詔上疏具言朝廷紀綱之失為時宰所惡主管太平觀起知廣德軍視水原為陂塘六百餘所民無旱憂一新學舍因定從祀自十哲曾子而下七十有一人又列先儒左邱明而下二十有六人擢提點江東刑獄知真州州當兵衝瘡痍未瘳興祖始至請復一年租從之明年再請又從之自是流民復業墾闢荒田至七萬餘畝徙知饒州先夢持六刀覺曰三刀為益今倍之其饒乎已而果然時秦檜當國諫官多檜門下爭彈劾以媚檜興祖坐嘗作故龍圖閣學士程瑀論語解序語涉怨望編管昭州卒年六十有六明年詔復其官直

數文閣興祖好古博學自少至老未嘗一日去書著老莊本旨周易通義繫辭要旨古文孝經序贊離騷楚詞考異行于世

高閑字抑崇明州鄞縣人紹興元年以上舍選賜進士第執政薦之召為秘書省正字時將賜新進士儒行中庸篇閱奏儒行詞說不醇請止賜中庸庶幾學者得知聖學淵源而不惑於他說從之權禮部員外郎兼史館校勘面對言春秋之法莫大於正名今樞密院號本兵柄而諸路軍馬盡屬都督是朝廷兵柄自分為二又周六卿其大事則從其長小事官屬猶得專達今一切拘以文法雖利害灼然可見官長且不敢自決必請于朝故廟堂之事益繁而省曹官屬乃與胥吏無異又政事之行給舍得繳駁臺諫得論列若給舍以為然臺諫以為不然則不容不改祖宗時有繳駁臺諫章疏不以為嫌者恐其得於風聞致朝廷之有過舉然此風不見久矣臣恐朝廷之權反在臺諫且祖宗時監察御史許言事靖康中嘗行之今則名為臺官實無言責此皆名之未正也尋遷著作佐郎以言者論罷主管崇道觀召為國子司業時與大學閣奏宜先經術帝曰士習詩賦已久遠能使之通經乎閣曰先王設大學惟講經術而已國初猶循唐制用詩賦神宗始以經術進士遂罷詩賦又慮不足以盡人才乃設詞學一科今宜以經義為主而加詩賦帝然之閱於是條具以聞其法以六經語孟義為一場詩賦次之子史論又次之時務策又次之太學課試及郡國科舉盡以此為法且立郡國士補國學監生之制中興已後學制多闕所建明閱又言建學之始宜得老成以誘掖後進乃薦全州文學師維藩詔除國子錄事維藩山人精春秋學林栗其高第也故首薦之新學成閱奏補試者六千人且乞臨雍繼率諸生上表以請於是帝幸太學秦熈執經閱講易泰卦賜三品服胡寅聞之以書責閱曰閣下為師儒之首不能建大論明天人之理乃阿諛柄臣希合風旨求舉太平之典欺天罔人孰甚焉平生志行掃地矣閱少宗程頤學宜和末楊時為祭酒閱為諸生胡安國至京師訪士於時以閱為首稱由是知名閱除禮部侍郎帝因問閱張九成安否明日復以問秦檜檜閱薦中丞李文會承檜旨劾閱出知筠州不赴卒初秦檜嘗使姚季請婚閱辭之其著述有春

秋集傳行于世。

程大昌字泰之徽州休寧人十歲能屬文登紹興二十一年進士第主吳縣簿未上丁父憂服除著十論言當世事獻於朝宰相湯思退奇之擢太平州教授明年召爲太學正試館職爲秘書省正字孝宗即位遷著作佐郎當是時帝初政銳意事功命令四出貴近或預密議會詔百官言事大昌奏曰漢石顯知元帝信己先請夜開宮門之詔他日故夜還稱詔啓關或言矯制帝笑以前詔示之自是顯真矯制人不復言國朝命令必由三省防此弊也請自今被御前直降文書皆申省審奏乃得行以合祖宗之規以防石顯之姦又言去歲完顏亮入寇無一士死守而兵將至今策勳未已惟李寶捷勝西虞允文戰采石寶屠亮之階今寶罷兵允文守夔此公論所謂不平也帝稱善選爲恭王府贊讀遷國子司業兼權禮部侍郎直學士院帝問大昌曰朕治道不進奈何大昌對曰陛下勤儉過古帝王自女真通和知尊中國不可謂無效但當求實納諫修政事則大有爲之業在其中不必他求奇策以幸速成又言淮上築城太多緩急何人可守設險莫如練卒練卒莫如擇將帝稱善除浙東提點刑獄會歲豐酒稅踰額有挾朝命請增額者大昌力拒之曰大昌寧罪去不可增也徙江西轉運副使大昌曰可以與利去害行吾志矣會歲歉出錢十餘萬緡代輸吉贖臨江南安夏稅折帛清江縣舊有破坑桐二堰以捍江護田及民居地幾二千頃後堰壞歲罹水患且四十年大昌力復其舊進秘閣修撰召爲祕書少監帝勞之曰卿朕所簡記監司若人人如卿朕何憂兼中書舍人六和塔寺僧以鎮潮爲功求內降給賜所置田產仍免科徭大昌奏僧寺既違法置田又移科徭於民奈何許之况自修塔之後潮果不齧岸乎寢其命權刑部侍郎升侍講兼國子祭酒大昌言辟以止辟未聞縱有罪爲仁也今四方獄獄擬擬貸死臣謂有司當守法人主察其可貸則貸之如此則法伸乎下仁歸乎上矣帝以爲然兼給事中江陵都統制率逢原縱部曲毆百姓守帥辛棄疾以言狀徙帥江西大昌因極論自此屯戍州郡不可爲矣逢原由是坐削兩官降本軍副將累遷權吏部尙書言今日諸軍西北舊人日少其子孫伉健者當教之戰陳不宜輕聽

離軍且禁衛之士祖宗非獨以備宿衛而已南征北伐是嘗爲先鋒今率三年輒補外用違其長卽有征行無人在選奈何始以材武擇之而終以庸常棄之乎願留三衙勿遣會行中外更迭之制力請郡遂出知泉州汀州賊沈師作亂成將蕭統領與戰死閩部大震漕檄統制裴師武討之師武以未得帥符不行大昌手書趣之曰事急矣有如帥責君可持吾書自解當是時賊謀攻城而先使謀者衷甲縱火爲內應會師武軍至復得謀者賊遂散去遷知建寧府光宗嗣位徙知明州尋奉祠紹熙五年請老以龍圖閣學士致仕慶元元年卒年七十三諡文簡大昌篤學於古今事靡不考究有馮貢論易原雍錄易老通言攷古編演繁露北邊備對行於世

林之奇字少穎福州侯官人紫微舍人呂本中入閩之奇甫冠從本中學時將試禮部行次衢州以不得事親而反學益力本中奇之由是學者踵至中紹興二十一年進士第調莆田簿改尉長汀召爲祕書省正字轉校書郎會朝廷欲令學者參用王安石三經義之說之奇上言王氏三經率爲新法地晉人以王何清談之罪深於桀紂本朝靖康禍亂考其端倪倪王氏實負王何之責在孔孟書正所謂邪說行淫辭之不可訓者或傳金人欲南侵之奇作書抵當路以爲久和畏戰人情之常金知吾重於和故常以虛聲喝我而示我以欲戰之意非果欲戰所以堅吾和欲與之和宜無譚於戰則其權在我又言戰之所須不一而人才爲先必求可與共患難者非得如龐士元所謂俊傑者不可也以痺疾乞外由宗正丞提舉閩舶參帥議遂以祠祿家居自稱拙齋東萊呂祖謙嘗受學焉淳熙三年卒年六十有五有書春秋周禮說論孟楊子講義道山記開等書行於世

林光朝字謙之興化軍莆田人再試禮部不第閩吳中陸子正嘗從尹焞學因往從之游自是專心聖賢踐履之學通六經貫百氏言動必以禮四方來學者亡慮數百人南渡後以伊洛之學倡東南者自光朝始然未嘗著書惟口授學者使之心通理解嘗曰道之本體全乎大虛六經既發明之後世註解固已支離若復增加道愈遠矣孝宗隆興元年光朝年五十以進士及第調袁州司戶

參軍乾道三年龍大淵曾觀以潛邸恩倖進臺諫給舍論駁不行張闡自外召為執政銳欲去之覺其不可拙遂以老疾力辭不拜而光朝及劉朔方以名儒薦對頗及二人罪由是光朝改左承奉郎知永福縣而大臣論薦不已召試館職為秘書省正字兼國史編修實錄檢討官歷著作佐郎兼禮部郎官八年進國子司業兼太子侍讀史職如故是時張說再除簽書樞密院事光朝不往賀遂出為廣西提點刑獄移廣東茶寇自荆湘溯江西薄嶺南其鋒銳甚光朝自將郡兵檄摧鋒統制路海本路鈐轄黃進合以軍分控要害會有詔徙光朝轉運副使光朝謂賊勢方張留屯不去督二將遮擊連敗之賊驚懼宵遁帝聞之喜曰林光朝儒生乃知兵耶加直寶謨閣召拜國子祭酒兼太子左諭德四年帝幸國子監命講中庸帝大稱善面賜金紫不數日除中書舍人是時吏部郎謝廓然由會觀薦賜出身除殿中侍御史命從中出光朝愕曰是輕臺諫差科目也立封還詞頭天子度光朝決不奉詔改授工部侍郎不拜遂以集英殿修撰出知婺州光朝老儒素有士望在後省未有建明或疑之及聞繳駁廓然士論始服光朝因引疾提舉興國宮卒年六十五

楊萬里字廷秀吉州吉水人紹興二十四年進士第為贛州司戶調永州零陵丞時張浚請采杜門謝客萬里三往不得見以書力請始見之浚勉以正心誠意之學萬里服其教終身迺名讀書之室曰誠齋浚入相薦之朝除臨安府教授未赴丁父憂改知隆興府奉新縣戰追胥不入鄉民逋賦者揭其名市中民謹趨之賦不擾而足縣以大治會陳俊卿虞允文為相交薦之召為國子博士侍講張栻以論張說出守袁萬里抗疏留栻又遺允文書以和同之說規之栻雖不果留而公論偉之遷太常博士尋升丞兼吏部右侍郎官轉將作少監出知漳州改常州尋提舉廣東常平茶鹽盜沈師犯南粵帥師往平之孝宗稱之曰仁者之勇遂有大用意就除提點刑獄請於潮惠二州築外堦潮以鎮賊之巢惠以扼賊之路俄以憂去免喪召為尚左郎官淳熙十二年五月以地震應詔上書曰臣聞言有事於無事之時不審其為忠言無事於有事之時其為姦也大矣南北和好踰二十年一旦絕使敵情不測而或者曰彼有五單于爭

立之禍又曰彼有匈奴困於東胡之禍既而皆不驗道塗相傳繕汴京城池開海州漕渠又於河南北簽民兵增驍騎製馬櫪籍井泉而吾之間諫不得以入此何為者耶臣所謂言有事於無事之時者一也或謂金主北歸可為中國之賀臣以中國之憂正在乎此此人北歸蓋懲創於逆亮之空國而南侵也將欲南之必固北之或者以身填撫其北而以其子與婿經營其南也臣所謂言有事於無事之時者二也臣竊聞論者或謂緩急淮不可守則棄淮而守江是大不然昔者吳與魏力爭而得合肥然後吳始安李煜失滁揚二州自此南唐始廢今日棄淮而保江既無淮矣江可得而保乎臣所謂言有事於無事之時者三也今淮東西凡十五郡所謂守帥不知陛下使宰相擇之乎使樞廷擇之乎使宰相擇之宰相未必為樞廷慮也使樞廷擇之則除授不自己出也一則不為之慮一則不自己出緩急敗事則皆曰非我也陛下將責之誰乎臣所謂言有事於無事之時者四也且南北各有長技若騎若射北之長技也若舟若步南之長技也今為北之計者日繕治其海舟而南之海舟則不聞繕治焉或曰吾舟素具也或曰舟雖未具而懼於擾也紹興辛巳之戰山東采石之功不以騎也不以射也不以步也舟焉而已當時之舟今可復用乎且夫斯民一日之擾與社稷百世之安危孰輕孰重事固有大於擾者也臣所謂言有事於無事之時者五也陛下以今日為何等時耶金人日逼疆場日擾而未聞防金人者何策保疆場者何道但聞某日修某禮文也某日進某書史也是以卿飲理軍以千羽解圍也臣所謂言有事於無事之時者六也臣聞古者人君人不能悟之則天地能悟之今也國家之事敵情不測如此而君臣上下處之如太平無事之時是人不能悟之矣故上天見災異異時熒惑犯南斗邇日鎮星犯端門熒惑守羽林臣書生不曉天文未敢以為必然也至於春正月日青無光若有兩日相摩者茲不曰大異乎然天猶恐陛下不信也至於春日載陽復有雨雪殺物茲不曰大異乎然天猶恐陛下又不信也迺五月庚寅又有地震茲又不曰大異乎且夫天變在遠臣子不敢奏也不信可也地震在外州郡不敢聞也不信可也今也天變頻仍地震疊疊而君臣不聞警懼朝廷不聞咨訪人不能

悟之則天地能悟之。臣不知陛下於此悟乎否乎。臣所謂言有事於無事之時者七也。自頻年以來。兩浙最近則先旱。江淮則又旱。湖廣則又旱。流徙者相續。道殣相枕。而常平之積。各存而實亡。入粟之令。上行而下慢。靜而無事。未知所以振救之。動而有事。將何以仰以爲資耶。臣所謂言有事於無事之時者八也。古者足國裕民。惟食與貨。今之所謂錢者。富商巨賈。鬪官權貴。皆盈室以藏之。至於百姓三軍之用。惟破楮券爾。萬一如唐涇原之師。因怒糶食。蹴而覆之。出不遜語。遂起朱泚之亂。可不爲寒心哉。臣所謂言有事於無事之時者九也。古者立國必有可畏。非畏其國也。畏其人也。故符堅欲圖晉。而王猛以爲不可。謂謝安桓沖江左之望。是存晉者二人而已。異時名相如趙鼎張浚。各將如岳飛韓世忠。此金人所憚也。近時劉琪可用。則早死。張栻可用。則沮死。萬一有緩急。不知可以督諸軍者何人。可以當一面者何人。而金人之所素憚者又何人。而或者謂人之有才。用而後見。臣聞之。記曰。苟有車必見其式。苟有言必聞其聲。今曰有其人而未聞其可將可相。是有車而無式。有言而無聲也。且夫用而後見。非臨之以大安危。試之以大勝負。則莫見其用也。平居無以知其人。必待大安危大勝負。而後見焉。成事幸矣。萬一敗事。悔何及耶。昔者謝玄之北禦符堅。而郝超知其必勝。桓温之西伐李勢。而劉俊知其必取。蓋玄於履屐之間。無不當其任。温於搏博不必得。則不爲。二子於平居無事之日。蓋必有以察其小而後信其大也。豈必大用而後見哉。臣所謂言有事於無事之時者十也。願陛下超然遠覽。昭然遠寤。勿矜聖德之崇高。而增其所未能。勿恃中國之生聚。而嚴其所未備。勿以天地之變異爲適然。而法宣王之懼災。勿以臣下之苦言爲逆耳。而體太宗之導諫。勿以女謁近習之害政爲細故。而監漢唐季世致亂之由。勿以仇讐之包藏爲無他。而懲宣政晚年受禍之酷。責大臣以通知邊事軍務。如富弼之請。勿以東西二府異其心。委大臣以薦進謀臣。如蕭何所奇。勿以文武兩途而殊其轍。勿使賂官者而得旄節。如唐大曆之弊。勿使貨近幸而得招討。如梁段凝之敗。以重蜀之心。而重荆襄。使東西形勢之相接。以保江之心。而保兩淮。使表裏唇齒之相依。勿以海道爲無虞。勿以大江爲可恃。增屯聚。

糧。治艦扼險。君臣之所咨訪。朝夕之所講求。姑置不急之務。精專備敵之策。庶幾上可消於天變。下不墮於敵姦。然天下之事。有本根有枝葉。臣前所陳。枝葉而已。所謂本根。則人主不可以自用。人主自用。則人臣不任責。然猶未害也。至於軍事。而猶曰誰當憂此。吾當自憂。今日之事。將無類此。傳曰。水木有本原。聖學高明。顧益思其所以本原者。東宮講官闕。帝親擢萬里爲侍讀。官僚以得端人相質。他日讀陸宣公奏議等書。皆隨事規警。太子深敬之。王淮爲相。一日問曰。宰相先務者何事。曰。人才。又問孰爲才。即疏朱熹袁樞以下六十人以獻。淮次第擢用之。歷樞密院檢詳。守右司郎中。遷左司郎中。十四年夏旱。萬里復應詔言。旱及兩月。然後求言。不曰遲乎。上自侍從。下止館職。不曰隘乎。今之所以早者。以上澤不下流。下情不上達。故天地之氣隔絕。而不通。因疏四事以獻。言皆懇切。遷秘書少監。會高宗崩。孝宗欲行三年喪。創議事堂。命皇太子參決庶務。萬里上疏力諫。且上太子書。言天無二日。民無二王。一履危機。悔之何及。與其悔之而無及。孰若辭之而不居。願陛下三辭五辭。而必不居也。太子悚然。高宗未葬。翰林學士洪邁不俟集議配饗。獨以呂頤浩等姓名上萬里。上疏詆之。力言張浚當預。且謂邁無異指鹿爲馬。孝宗覽疏不悅。曰。萬里以朕爲何如主。由是以直秘閣出知筠州。光宗卽位。召爲秘書監。入對言。天下有無形之禍。僭非權臣而僭於權臣。擾非盜賊而擾於盜賊。其惟朋黨之論乎。蓋欲激人主之怒。莫如朋黨。空天下人才。莫如朋黨。黨論一興。其端發於士大夫。其禍及於天下。前事已然。願陛下建皇極於聖心。公聽並觀。壞植散羣。曰。君子從而用之。曰。小人從而廢之。皆勿問其某某某黨也。又論古之帝王。固有以知一己攬其權。不知臣下竊其權。大臣竊之。則權在大臣。大將竊之。則權在大將。外戚竊之。則權在外戚。近習竊之。則權在近習。竊權之最難防者。其惟近習乎。非敢公竊也。私竊之也。始於私竊。其終必至於公竊。而後已。可不懼哉。紹熙元年。借煥章閣學士爲接伴金國賀正。且使兼實錄院檢討官。孝宗日曆成。參知政事王蘭以故事俾萬里序之。而宰臣屬之禮部郎官傅伯壽。萬里以失職力丐去。帝宣諭勉留。會進孝宗聖政。萬里當奉進。孝宗猶不悅。遂出爲江東轉運副使。權總。

領淮西江東軍馬錢糧。朝議欲行鐵錢於江南諸郡。萬里疏其不便。不奉詔。忤宰相意。改知贛州。不赴。乞祠。除秘閣修撰。提舉萬壽宮。自是不復出矣。寧宗嗣位。召赴行在。辭。升煥章閣待制。提舉興國宮。引年乞休。致進寶文閣待制。致仕。嘉泰三年。詔進寶謨閣直學士。給賜衣帶。開禧元年。召復辭。明年。升寶謨閣學士。卒。年八十三。贈光祿大夫。萬里爲人剛而褊。孝宗始愛其才。以問周必大。必大無善語。由是不見用。韓侂胄用事。欲網羅四方知名士。相羽翼。嘗築南園。屬萬里爲之記。許以掖垣。萬里曰。官可棄。記不可作也。侂胄恚。改命他人。臥家十五年。皆其柄國之日也。侂胄專僭日益甚。萬里憂憤。快快成疾。家人知其憂國也。凡邸吏之報時政者。皆不以告。忽族子自外至。遽言侂胄用兵事。萬里慟哭失聲。亟呼紙書曰。韓侂胄姦臣。專權無上。動兵殘民。謀危社稷。吾頭願如許。報國無路。惟有孤憤。又書十四言別妻子。筆落而逝。萬里精於詩。嘗著易傳行於世。光宗嘗爲書誠齋二字。學者稱誠齋先生。賜諡文節。子長孺。

宋史卷四百三十三

元中書右丞相總裁脫脫等修

列傳第一百九十三

儒林四

劉子翬

呂祖謙

蔡元定子沉

陸九齡第九節

陸九淵

薛季宣

陳傅良

葉適

戴溪

蔡幼學

楊泰之

劉子翬字彥冲贈太師給之仲子以父任授承務郎辟真定府幕屬給死靖康之難子翬痛憤幾無以爲生廬墓三年服除通判興化軍寇楊就犯閩境子翬與郡將張當世畫計備禦如素服戎事者賊不敢犯事聞詔因任子翬始執喪致羸疾至是以不堪吏責辭歸武夷山不出者凡十七年間走其父墓下瞻望徘徊涕泗嗚咽或累日而返妻死不再娶事繼母呂氏及兄子羽盡孝友子羽之子琪幼英敏嗜學子翬教之不懈琪卒有立與籍溪胡憲白水劉勉之交相得每見講學外無雜言它所與遊皆海內知名士而期以任重致遠者惟新安朱熹而已初熹父松且死以熹託子翬及熹請益子翬告以易之不遠復三言俾佩之終身熹後卒爲儒宗子翬少喜佛氏說歸而讀易即渙然有得其說以爲學易當先復故以是告熹焉一日感微疾即謁家廟泣別母與親朋訣付琪家事指葬處處親戚孤弱之無業者訓學者修身求道數百言後二日卒年四十七學者稱屏山先生琪別有傳

呂祖謙字伯恭尚書右丞好問之孫也自其祖始居婺府祖謙之學本之家庭有中原文獻之傳長從林之奇汪應辰胡憲游既又友張栻朱熹講索益精初蔭補入官後舉進士復中博學宏詞科調南外宗教丁內艱居明招山四方之士爭趨之除太學博士時中都官待次者例補外添差教授嚴州尋復召爲博士兼國史院編修官實錄院檢討官輪對勉孝宗留意聖學且言恢復大事也規模當定方略當審陛下方廣攬豪傑共集事功臣願精加考察使之確指經

書之實孰爲先後使嘗試僥倖之說不敢陳於前然後與一二大臣定成算而

次第行之則大義可伸大業可復矣召試館職先是召試者率前期從學士院

求問目獨祖謙不然而其文特典美嘗讀陸九淵文喜之而未識其人考試禮

部得一卷曰此必江西小陸之文也揭示果九淵人服其精鑑父憂免喪主管

台州崇道觀越三年除秘書郎國史院編修官實錄院檢討官以修撰李燾薦

重修徽宗實錄書成進秩面對言曰夫治道體統上下內外不相侵奪而後安

鄉者陛下以大臣不勝任而兼行其事大臣亦皆親細務而行有司之事外至

監司守令職任率爲其所侵而不能令其下故豪猾玩官府郡縣忽省部據

屬凌長吏賤人輕柄臣平居未見其患一旦有急誰與指麾而伸縮之邪如曰

臣下權任太重懼其不能無私則有給舍以出納焉有臺諫以救正焉有待從

以詢訪焉儻得端方不倚之人分處之自無專恣之慮何必屈至尊以代其勞

哉人之關鬲脈絡少有壅滯久則生疾陛下於左右雖不勞操制苟玩而弗慮

則聲勢浸長趨附浸多過咎浸積內則懼爲陛下所遣而益思壅蔽外則懼爲

公議所疾而益肆詆排願陛下虛心以求天下之士執要以總萬事之機勿以

圖任或誤而謂人多可疑勿以聰明獨高而謂智足徧察勿詳於小而忘遠大

之計勿忽於近而忘雍蔽之萌又言國朝治體有遠過前代者有視前代爲未

備者夫以寬大忠厚建立規模以禮遜節義成就風俗此所謂遠過前代者也

故於倣長艱危之後駐蹕東南踰五十年無纖毫之虞則根本之深可知矣然

文治可觀而武績未振名勝相望而幹略未優故雖昌熾盛大之時此病已見

是以元昊之難范韓皆極一時之選而莫能平殄則事功之不競從可知矣臣

謂今日治體視前代未備者固當激厲而振起遠過前代者尤當愛護而扶持

遷著作郎以末疾請祠歸先是書肆有書曰聖宋文海孝宗命臨安府校正刊

行學士周必大言文海去取差謬恐難傳後蓋委館職鑄擇以成一代之書孝

宗以命祖謙遂斷自中興以前崇雅黜浮類爲百五十卷上之賜名皇朝文鑑

詔除直秘閣時方重職名非有功不除中書舍人陳揆駁之孝宗批旨云館閣

之職文史爲先祖祖謙所進採取精詳有益治道故以寵之可即命詞揆不得已

草制尋主管祐觀明年除著作郎兼國史院編修官卒年四十五諡曰成祖謙學以關洛為宗而旁稽載籍不見涯涘心平氣和不立崖異一時英偉卓犖之士皆歸心焉少卜急一日誦孔子言躬自厚而薄責於人忽覺平時忿憤渙然冰釋朱熹嘗言學如伯恭方是能變化氣質其所講畫將以開物成務既臥病而任重道遠之意不衰居家之政皆可為後世法修讀詩記大事記皆未成書考定古周易書說閩範官箴辨志錄歐陽公本末皆行于世晚年會友之地曰麗澤書院在金華城中既歿郡人即而祠之子延年

蔡元定字季通建州建陽人生而穎悟八歲能詩日記數千言父發博覽羣書號牧堂老人以程氏語錄邵氏經世張氏正蒙授元定曰此孔孟正脈也元定深涵其義既長辨析益精登西山絕頂忍饑咬齋讀書聞朱熹名往師之熹扣其學大驚曰此吾老友也不當在弟子列遂與對榻講論諸經與義每至夜分四方來學者熹必俾先從元定質正焉太常少卿尤袤秘書少監楊萬里聯疏薦于朝召之堅以疾辭築室西山將為終焉之計時韓侂胄擅政設偽學之禁以空善類臺諫承風專肆排擊然猶未敢誦言攻朱熹至沈繼祖劉三傑為言官始連疏詆熹併及元定元定簡學者劉曠曰化性起偽為得無罪未幾果謫道州州縣捕元定甚急元定聞命不辭家即就道熹與從游者數百人錢別蕭寺中坐客與嘆有泣下者熹微視元定不異平時因喟然曰友朋相愛之情季通不挫之志可謂兩得矣元定賦詩曰執手笑相別無為兒女悲眾謂宜緩行元定曰獲罪于天天可逃乎杖屨同其子沉行三千里脚為流血無幾微見言面至春陵遠近來學者日眾州士子莫不趨席下以聽講說有名士挾才簡傲非笑前修者亦心服謁拜執弟子禮甚恭人為之語曰初不敬今納命愛元定者謂宜謝生徒元定曰彼以學來何忍拒之若有禍患亦非閉門塞竇所能避也貽書訓諸子曰獨行不愧影獨處不愧衾勿以吾得罪故遂懈一日謂沉曰可謝客吾欲安靜以還造化舊物閱三日卒侂胄既誅贈迪功郎賜諡文節元定於書無所不讀於事無所不究義理洞見大原下至圖書禮樂制度無不精妙古書奇辭奧義人所不能曉者一過目輒解熹嘗曰人讀易書難季通讀難

書易熹疏釋四書及為易詩傳通鑑綱目皆與元定往復參訂啓蒙一書則屬元定起熹嘗曰造化微妙惟深於理者能識之吾與季通言而不厭也及葬以文誄之曰精詣之識卓絕之才不可屈之志不可窮之辯不復可得而見矣學者尊之曰西山先生其平生問學多寓於熹書集中所著書有大衍詳說律呂新書燕樂原辨皇極經世太玄潛虛指要洪範解八陣圖說熹為之序子淵沉皆躬耕不仕淵有周易訓解沉字仲默少從朱熹游熹晚欲著書傳未及為遂以屬沉洪範之數學者久失其傳元定獨心得之然未及論著曰成吾書者沉也沉受父師之託沈潛反復者數十年然後成書發明先儒之所未及其於洪範數謂體天地之撰者易之象紀天地之撰者範之數數始於一奇象成於二偶奇者數之所以立偶者數之所以行故二四而八八卦之象也三三而九九之數也由是八八而又八八之為四千九十六而象備矣九九而又九九之為六千五百六十一而數周矣易更四聖而象已著範錫神禹而數不傳後之作者昧象數之原窒變通之妙或即象而為數或反數而擬象率合傳會自然之數益晦焉始從元定謫道州跋涉數千里道楚粵窮僻處父子相對常以理義自怡悅元定沒徒步護喪以還有遺之金而義不可受者輒謝卻之曰吾不忍累先人也年僅三十屏去舉子業一以聖賢為師隱居九峯當世名卿物色將薦用之沉不屑就次子抗別有傳

陸九齡字子壽八世祖希聲相唐昭宗孫德遷五代末避亂居撫州之金溪父質以學行為里人所宗嘗采司馬氏冠昏喪祭儀行於家生六子九齡其第五子也幼穎悟端重十歲喪母哀毀如成人稍長補郡學弟子員時秦檜當國無道程氏學者九齡獨尊其說久之聞新博士學黃老不事禮法慨然嘆曰此非吾所願學也遂歸家從父兄講學益力是時吏部員外郎許忻有名中朝退居臨川少所賓接一見九齡與語大說盡以當代文獻告之自是九齡益大肆力於學繕閱百家晝夜不倦悉通陰陽星曆五行卜筮之說性周謹不肯苟簡涉獵入太學司業汪應辰舉為學錄登乾道五年進士第調桂陽軍教授以親老道遠改與國軍未上會湖南茶寇剽廬陵聲搖旁郡人心震懾舊有義社以備

寇郡從衆請以九齡主之門人多不悅九齡曰文事武備一也古者有征討公卿即爲將帥比閭之長則五兩之率也士而恥此則豪俠武斷者專之矣遂領其事調度屯禦皆有法寇雖不至而郡縣倚以爲重暇則與鄉之子弟習射曰是固男子之事也歲惡有剽劫者過其門必相戒曰是家射多命中無自取死及至與國地濱大江俗儉嗇而鮮知學九齡不以職閒自佚益嚴規矩肅衣冠如臨大眾勸綏引翼士類興起不滿歲以繼母憂去服除調全州教授未上得疾一日晨與坐牀上與客語猶以天下學術人才爲念至夕整襟正臥而卒年四十九寶慶二年特贈朝奉郎直秘閣賜諡文達九齡嘗繼其父志益修禮學治家有法闔門百口男女以班各供其職闔門之內嚴若朝廷而忠敬樂易鄉人化之皆遜第焉與第九淵相爲師友和而不同學者號二陸有來問學者九齡從容啓告人人自得或未可與語則不發嘗曰人之惑有難以口舌爭者言之激適固其意少需未必不自悟也廣漢張栻與九齡不相識晚歲以書講學期以世道之重呂祖謙常稱之曰所志者大所據者實有肯綮之阻雖積九仞之功不敢遂有毫釐之偏雖立萬夫之表不敢安公聽並觀却立四顧弗造於至平至粹之地弗措也第九韶

九韶字子美其學淵粹隱居山中晝之言行夜必書之其家累世義居一人最長者爲家長一家之事聽命焉歲選子弟分任家事凡田疇租稅出內庖爨賓客之事各有主者九韶以訓戒之辭爲韻語晨與家長率衆子弟謁先祠畢擊鼓誦其辭使列聽之子弟有過家長會衆子弟責而訓之不改則撻之終不改度不可容則言之官府屏之遠方焉九韶所著有棧山文集家制州郡圖

陸九淵字子靜生三四歲問其父天地何所窮際父笑而不答遂深思至忘寢食及總角舉止異凡兒見者敬之謂人曰聞人誦伊川語自覺若傷我者又曰伊川之言奚爲與孔子孟子之言不類近見其間多有不是處初讀論語即疑有子之言支離他日讀古書至宇宙二字解者曰四方上下曰宇往古來今曰宙忽大省曰宇宙內事乃己分內事己分內事乃宇宙內事又嘗曰東海有聖人出焉此心同也此理同也至西海南海北海有聖人出亦莫不然千百世之

上有聖人出焉此心同也此理同也至於千百世之下有聖人出此心此理亦無不同也後登乾道八年進士第至行在士爭從之游言論感發聞而興起者甚衆教人不用學規有小過言中其情或至流汗有懷於中而不能自曉者爲之條析其故悉如其心亦有相去千里聞其大概而得其爲人嘗曰念慮之不正者頃刻而知之即可以正念慮之正者頃刻而失之即爲不正有以形迹觀者有不可以形迹觀人則不足以知人必以形迹繩人則不足以救之初調隆興靖安縣主簿丁母憂服闋改建寧崇安縣以少師史浩薦召審察不赴侍從復薦除國子正教諸生無異在家時除敕令所刪定官九淵少聞靖康間事慨然有感於復讎之義至是訪知勇士與議恢復大略因輪對遂陳五論一論雖恥未復願博求天下之俊傑相與舉論道經邦之職二論願致尊德樂道之誠三論知人之難四論事當馴致而不可驟五論人主不當親細事帝稱善未幾除將作監丞爲給事中王信所駁詔王管台州崇道觀還鄉學者輻湊每開講席戶外屢滿耆老扶杖觀聽自號象山翁學者稱象山先生嘗謂學者曰汝耳自聰目自明事父自能孝事兄自能弟本無欠闕不必它求在乎自立而已又曰此道與溺於利欲之人言猶易與溺於意見之人言却難或勸九淵著書曰六經註我我註六經又曰學苟知道六經皆我註脚光宗即位差知荆門軍民有訴者無早暮皆得達于庭復令其自持狀以追爲立期皆如約而至卽爲酌情決之而多所勸釋其有涉人倫者使自毀其狀以厚風俗唯不可訓者始寘之法其境內官吏之貪廉民俗之習向善惡皆素知之有訴人殺其子者九淵曰不至是及追究其子果無恙有訴竊取而不知其人九淵出二人姓名使捕至訊之伏辜盡得所竊物還訴者且宥其罪使自新因語吏以某所某人爲暴翌日有訴遇奪掠者卽其人也乃加追治吏大驚郡以爲神申嚴保伍之法盜賊或發擒之不一人羣盜屏息荆門爲次邊而無城九淵以爲郡居江漢之間爲四集之地南捍江陵北援襄陽東護隨鄆之脅西當光化夷陵之衝荆門固則四鄰有所恃否則有背脅腹心之虞由唐之湖陽以趨山則其涉漢之處已在荆門之脅由鄆之鄧城以涉漢則其趨山之處已在荆門之腹自此之

外間道之可馳。漢津之可涉。坡陀不能以限馬。灘瀨不能以濡軌者。所在尙多。自我出奇制勝。徵敵兵之腹脅者。亦正在此。雖四山環合。易於備禦。而城池闕然。將誰與守。乃請於朝而城之。自是民無邊憂。罷關市吏。議察而減民稅。商賈畢集。稅入日增。舊用銅錢。以其近邊。以鐵錢易之。而銅有禁。復令貼納。九淵曰。既禁之矣。又使之輸邪。盡蠲之。故事平時教軍伍射。郡民得與中者均賞。薦其屬不限流品。嘗曰。古者無流品之令。而賢不肖之辨嚴。後世有流品之分。而賢不肖之辨略。每早禱即兩郡人異之。逾年政行令修。民俗為變。諸司交薦。丞相周必大嘗稱荆門之政。以為躬行之效。一日語所親曰。先教授兄有志天下。竟不得施。以沒。又謂家人曰。吾將死矣。又告僚屬曰。某將告終。會禱雪。明日雪。迺沐浴更衣端坐。後二日。而卒。會葬者以千數。諡文安。初。九淵嘗與朱熹會鵝湖。論辨所學多不合。及熹守南康。九淵訪之。熹與至白鹿洞。九淵為講君子小人。喻義利一章。聽者至有泣下。熹以為切中學者隱微深痼之病。至于無極。而太極之辨。則貽書往來論難不置焉。門人楊簡。袁燾。舒璘。沈煥。能傳其學云。薛季宣。字士龍。永嘉人。徵言之子也。徵言卒時。季宣始六歲。伯父數文閣待制弼收鞠之。從弼宦游。及見渡江諸老。聞中興經理大略。喜從老校退卒語。得岳韓諸將兵間事甚悉。年十七。起從荆南帥。辟書寫機宜文字。獲事袁溉。溉嘗從程頤學。盡以其學授之。季宣既得溉學。於古封建井田鄉遂司馬法之制。靡不研究講畫。皆可行於時。金兵之未至也。武昌令劉錡鎮鄂渚。季宣白錡。以武昌形勢直淮蔡。而兵寡勢弱。宜早為備。錡不聽。及兵交。稍資季宣計畫。未幾。汪澈宣諭荆襄。而金兵趨江上。詔成閔還師入援。季宣又說澈以閔既得蔡。有破竹之勢。宜守便宜勿遣。而令其乘勝下。賴昌道陳汝。汝。汴。都。金。內。顧。且驚潰。可不戰而屈其兵矣。澈不聽。時江淮仕者聞金兵且至。皆預遣其奴而擊馬于庭。以待季宣獨留家與民期曰。吾家即汝家。即有急。吾與汝偕死。民亦自奮。縣多盜。季宣患之。會有伍民之令。乃行保伍法。五家為保。二保為甲。六甲為隊。因地形便合為總。不以鄉為限。總首副總首領之。官族士族富族皆附保。獨其身。俾輸財供總之小用。諸總必有團以習射。禁博雜戲。而許以武事角。

勝負。五日更至庭闈之。而賞其尤者。不幸死者。予棺復其家。三年。鄉置樓。盜發。伐鼓舉烽。瞬息偏百里。縣治白鹿磯。安樂口。皆置戍。復請於宣諭司。得戰艦十甲三百。羅落之守計定。訖兵退。人心不搖。樞密使王炎薦于朝。召為大理寺主簿。未至。為書謝災曰。主上天責。英特羣臣。無將順緝熙之具。幸得遭時。不能格心正始。以建中興之業。徒僥倖功利。夸言以眩俗。雖復中夏猶無益也。為今之計。莫若以仁義紀綱為本。至於用兵。請俟十年之後可也。時江湖大旱。流民北渡江。邊吏復奏淮北民多款塞者。宰相虞允文白。遣季宣行淮西。收以實邊。季宣為表廢田。相原隰。復合肥三十六圩。立二十二莊於黃州。治東北。以戶授屋。以丁授田。頒牛及田器穀種。各有差廩。其家至秋乃止。凡為戶六百八十有五。分處合肥黃州間。並邊歸正者振業之。季宣謂人曰。吾非為今日利也。合肥之圩邊有警。因以斷柵。江保巢湖黃州地。直蔡衝。諸莊輯則。西道有屏蔽矣。光州守宋端友招集北歸者止五戶。而雜舊戶為一百七十。奏以幸賞。季宣按得其實。而劾之時。端友為環列附託。難據。季宣奏上。孝宗怒。屬大理治。端友以憂死。季宣還。言於孝宗曰。左右之人進言者。其情不可不察也。託正以行邪。偽直以售佞。薦進人物。曾非誦言。游揚中傷。乃自不意。一旦號令。雖自中出。而其權已歸私門矣。故齊威之霸。不在阿即墨之誅賞。而在毀譽者之刑。臣觀近政。非無阿即墨之誅賞。奈何毀譽之人。自若乎。帝曰。朕方圖之。季宣又進言曰。日城淮郡。以臣所見。合肥板鞍方立。中使督視。卒卒成之。臣行過郡。一夕風雨。墮樓五堵。溧陽南壁關。而居巢庫陋如故。乃聞有靡鉅錢萬而成城四十餘丈者。陛下安取此。然外事無足道。谷根未除。臣所深憂。左右近侍。陰擠正士。而陽稱道之。陛下儻因貌言而聽之。臣恐石顯王鳳鄭注之智中也。又言近或以好名棄士大夫。夫好名特為臣子學問之累。人主為社稷計。唯恐士不好名。誠人。人好名。長義何鄉不立。帝稱善。恨得季宣晚。遂進兩官。除大理正。自是凡奏請論薦。皆報可。以虞允文諱。闕失不樂之。居七日。出知湖州。會戶部以歷付場務。錙銖皆分隸總制。諸郡束手無策。季宣言於朝曰。自經總制立。額州縣鑿空以取贏。雖有奉法吏。思寬弛而不得聘。若復額外征其強半。郡調度顧安所出。殆復

巧取之民，民何以勝？戶部謙責愈急，季宣爭之愈強。臺諫交疏助之，乃收前令，改知常州。未上卒。年四十。季宣於詩書春秋中庸大學論語皆有訓義，藏千家其雜著曰澆語集。

陳傳良，字君舉，溫州瑞安人。初患科舉程文之弊，思出其說為文章自成一家。人爭傳誦，從者雲合。由是其文擅當世。當是時，永嘉鄭伯熊、薛季宣皆以學行聞，而伯熊於古人經制治法，討論尤精。傳良皆師事之，而得季宣之學為多。及入太學，與廣漢張栻、東萊呂祖謙友善。祖謙為言本朝文獻相承條序，而主敬集義之功，得於栻為多。自是四方受業者，愈眾。登進士甲科，教授泰州。參知政事畢茂良才之，薦于朝。改太學錄出通判福州。丞相梁克家領帥事，委成于傳良。傳良平一府曲直，壹以義強禦者，不得售其私。陰結言官論罷之。後五年，起知桂陽軍。光宗立，稍遷提舉常平茶鹽轉運判官。湖湘民無後以異姓以嗣者，官利其貲，輒沒入之。傳良曰：絕人嗣，非政也。復之幾二千家。轉浙西提點刑獄。除吏部員外郎。去朝四十年。至是而歸。鬚髮無黑者，都人聚觀嗟歎。號老陳郎。中傳良為學，自三代秦漢以下，靡不研究。一事一物，必稽於極而後已。而於太祖開創本原，尤為潛心。及是因輪對言曰：太祖皇帝垂裕後人，以愛惜民力為本。熙寧以來，用事者始取太祖約束，一切紛更之。諸路上供歲額，增於祥符一倍。崇寧重修上供格，頒之天下，率增至十數倍。其它雜斂，則熙寧以常平寬剩禁軍闕額之類，別項封樁，而無額上供，起於元豐。經制起於宣和，總制月椿起於紹興。皆迄今為額，折帛和買之類，又不與焉。茶引盡歸於都茶場，鹽鈔盡歸於權貨務，秋苗斗斛，十八九歸於綱運，皆不在州縣。州縣無以供，則豪奪於民。於是取之斛面，折變科數，抑配賦罰，而民困極矣。方今之患，何但四夷蓋天命之永不承，在民力之寬不寬耳。豈不甚可畏哉！陛下宜以救民窮為己任，推行太祖未泯之澤，以為萬世無疆之休。且言：今天下之力竭於養兵，而莫甚於江上之軍。都統司謂之御前軍馬，雖朝廷不得知。總領所謂之大軍錢糧，雖版曹不得與。於是中外之勢分，而事權不一。施行不專，雖欲寬民，其道無繇。誠使都統司之兵與向者在制置司時無異，總領所之財與向者在轉運司時無異，則

內外為一體，內外一體，則寬民力可得而議矣。帝從容嘉納，且勞之曰：卿昔安在朕不見久矣。其以所著書示朕。退以周禮說十三篇上之。遷秘書少監，兼實錄院檢討官。嘉王府贊讀。紹熙三年，除起居舍人。明年，兼權中書舍人。初，光宗之妃黃氏有寵，李皇后妬而殺之。光宗既聞之，而復因郊祀大風雨，遂震懼得心疾。自是視章疏不時。於是傳良奏曰：一國之勢猶身也。墮底則致疾，今日遷延某事，明日阻節某人，即有姦險乘時為利，則內外之情不接，成福之柄下移。其極至於天變不告，邊警不聞，禍且不測矣。帝悟，會疾亦稍平。過重華宮，而明年重明節，復以疾不往。丞相以下至於太學諸生，皆力諫，而不聽。而方召內侍陳源為內侍省押班。傳良不草詞，且上疏曰：陛下之不過宮者，特誤有所疑，而積憂成疾，以至此爾。臣嘗即陛下之心，反覆論之，竊自謂深切。陛下亦既許之矣。未幾中變，以誤為實，而開無端之覺，以疑為真，而成不瘳之疾。是陛下自貽禍也。書奏，帝將從之。百官班立以俟。帝出至御屏，皇后挽帝回。傳良遂趨上引裾。后叱之。傳良哭于庭。后益怒。傳良下殿，徑行詔改秘閣修撰，仍兼贊讀，不受。寧宗即位，召為中書舍人，兼侍讀。直學士院，同實錄院修撰。會詔朱熹與在外宮觀。傳良言：熹難進易退，內批之下，舉朝驚愕。臣不敢書行。熹於是進寶文閣待制。與郡御史中丞謝深甫論傳良言不顧行，出提舉興國宮。明年，察官交疏，削秩。熹嘉泰二年，復官。起知泉州，辭。授集英殿修撰，進寶謨閣待制。終于家。年六十七。諡文節。傳良著述有詩解詁、周禮說、春秋後傳、左氏章指、行于世。

葉適，字正則，溫州永嘉人。為文藻思英發，權淳熙五年進士。第二人，授平江節度推官。丁母憂，改武昌軍節度判官。少保史浩薦于朝，召之不至。改浙西提刑。對奏曰：人臣之義當為陛下建明者一大事而已。二陵之讎未報，故疆之半未復，而言者以為當乘其機，當待其時，然機自我發，何彼之乘。時自我為，何彼之待。非真難真不可也。正以我自為難自為不可耳。於是力屈氣索，甘為退伏者。於此二十六年。積今之所謂難者陰沮之，所謂不可者默制之也。蓋其難有四，其不可有五。置不共戴天之讎，而廣兼愛之義，自為虛弱。此國是之難一也。國

之所是既然。士大夫之論亦然。為奇謀秘畫者。止於乘機待時。忠義決策者。止於親征遷都。深沉慮遠者。止於固本自治。此議論之難二也。環視諸臣。迭進迭退。其知此事本而可以反覆論議者。誰乎。抱此志意而可以策勵期望者。誰乎。此人才之難三也。論者徒鑒五代之致亂。而不思靖康之得禍。今循守舊模。而欲驅一世之人。以報君讎。則形勢乖阻。誠無展足之地。若順時增損。則其所更張動搖。關係至重。此法度之難四也。又有甚不可者。兵以多而至於弱。財以多而至於乏。不信官而信吏。不任人而任法。不用賢能而用資格。此五者。舉天下以為不可動。豈非今之實患歟。沿習牽制。非一時矣。講利害。明虛實。斷是非。決廢置。在陛下所為耳。讀未竟。帝感額曰。朕比苦目疾。此志已泯。誰克任此。惟與卿言之耳。及再讀帝慘然久之。除太常博士。兼實錄院檢討官。嘗薦陳傅良等三十四人於丞相。後皆召用。時稱得人。會朱熹除兵部郎官。未就職。為侍郎林栗所劾。適上疏爭曰。栗劾熹罪。無一實者。特發其私意而遂忘其欺矣。至於其中謂之道學一語。利害所係。不獨熹。蓋自昔小人殘害忠良。率有指名。或以為好名。或以為立異。或以為植黨。近創為道學之目。鄭丙倡之。陳賈和之。居要津者密相付授。見士大夫有稍慕潔修者。輒以道學之名歸之。以為善為玷。闕以好學為己愆。相與指目。使不得進。於是賢士惴惴。中材解體。銷聲滅影。穢德垢行。以避此名。栗為侍從。無以達陛下之德意志慮。而更襲用鄭丙陳賈密相付授之說。以道學為大罪。文致語言。逐去一熹。自此善良受禍。何所不有。伏望摧折暴橫。以扶善類。疏入不報。光宗嗣位。由祕書郎出知蘄州。入為尚書左選郎官。是時帝以疾不朝。重華宮者七月。事無鉅細。皆廢不行。適見上方言父子親愛。出於自然。浮疑私畏。似是非。豈有事實若因是而定省廢於上。號令愆於下。人情難阻。其能久乎。既而帝兩詣重華宮。都人懼悅。適復奏。自今宜於過宮之日。令宰執侍從先詣起居。異時兩宮聖意。有難言者。自可因此傳致。則責任有歸。不可復使近習小人。增損語言。以生疑惑。不報。而事復浸異。中外洶洶。及孝宗不豫。羣臣至號泣攀裾。以請帝竟不往。適責宰相留正曰。上有疾。明甚。父子相見。當俟疾瘳。公不播告。使臣下輕議君父。可乎。未幾。孝宗崩。光宗不能執

喪。軍士籍籍有語。變且不可測。適又告正曰。上疾而不執喪。將何辭以謝天下。今嘉王長。若預建參決。則疑謗釋矣。宰執用其言。同入奏立嘉王為皇太子。帝許之。俄得御批。有歷事歲久。念欲退閑之語。正懼而去。人心愈搖。知樞密院趙汝愚憂危。不知所出。適告知閣門事蔡必勝曰。國事至此。子為近臣。庸坐視乎。蔡許諾。與宜贊舍人傅昌朝。知內侍省關禮。知閣門事韓侂胄。三人定計。侂胄。太皇太后甥也。會慈福宮提點張宗尹。過侂胄。侂胄覘其意。以告必勝。適得之。即亟白汝愚。汝愚請必勝議事。遂遣侂胄。因張宗尹。關禮。以內禪議奏。太皇太后且請垂簾。許之。計遂定。翌日禪祭。太皇太后臨朝。嘉王即皇帝位。親行祭禮。百官班賀。中外晏然。凡奏表皆汝愚與適裁定。臨期取以授儀曹郎人。始知其預議焉。遷國子司業。汝愚既相。賞功將及。適曰。國危効忠。職也。適何功之有。而侂胄恃功。以遷秩。不滿望。怨汝愚。適以告汝愚曰。侂胄所望。不過節鉞。宜與之。汝愚不從。適嘆曰。禍自此始矣。遂力求補外。除太府卿。總領淮東軍馬錢糧。及為湖南轉運判官。遷知泉州。召入對。言於寧宗曰。陛下初嗣大寶。臣嘗申釋卷阿之義為獻。天啓聖明。銷磨黨偏。人才庶幾復合。然治國以和為體。處事以平為極。臣欲人臣忘己體國。息心既往。圖報方來。可也。帝嘉納之。初韓侂胄用事。患人不附。一時小人在言路者。創為偽學之名。舉海內知名士貶竄殆盡。其後侂胄亦悔。故適奏及之。且薦樓鑰。丘密。黃度。三人悉與郡。自是禁網漸解矣。除權兵部侍郎。以父憂去。服除。召至。時有勸侂胄立蓋世功以固位者。侂胄然之。將啓兵端。適因奏曰。甘弱而幸安者衰。改弱而就強者與。陛下申命大臣。先惠預算。思報積恥。規恢祖業。蓋欲改弱以就強矣。竊謂必先審知強弱之勢而定其論。論定然後修實政。行實德。弱可變而為強。非有難也。今欲改弱以就強。為問罪驟與之舉。此至大至重事也。故必備成而後動。守定而後戰。今或謂金已衰弱。姑開先聲。不懼後艱。求宜和之所不能。為紹興之所不敢。此至險至危事也。且所謂實政者。當經營瀕淮沿漢諸郡。各為處所。牢實自守。敵兵至則阻於堅城。彼此策應。而後進取之計可言。至於四處御前大軍。練之使足以制敵。小

大之臣。試之使足以立事。皆實政也。所謂實德者。當今賦稅雖重而國愈貧。如和買折帛之類。民間至有用田租一半以上輸納者。況欲規恢。宜有恩澤。乞詔有司審度。何名之賦。害民最甚。何等橫費。裁節宜先。減所入之額。定所出之費。既修實政於上。又行實德於下。此其所以能屢戰而不屈。必勝而無敗也。除權工部侍郎。侂胄欲藉其草詔以動中外。改權吏部侍郎。兼直學士院。以疾力辭。兼職。會詔諸將四路出師。適又告侂胄。宜先防江。不聽。未幾。諸軍皆敗。侂胄懼。以丘密爲江淮宣撫使。除適寶謨閣待制。知建康府。兼沿江制置使。適謂三國孫氏嘗以江北守江。自南唐以來始失之。建炎紹興未暇尋繹。乃請于朝。乞節制江北諸州。及金兵大入。一日有二騎舉旗若將渡者。淮民倉皇爭斫舟纜。覆溺者衆。建康震動。適謂人心一搖。不可復制。惟劫若南人所長。乃募市井悍少。并帳下願行者得二百人。使采石將徐繼統以往。夜過半。遇金人蔽茅葦中。射之。應弦而倒。矢盡揮刀以前。金人皆錯愕不進。黎明知我軍寡。來追則已在舟中矣。復命石跋定山之人劫敵營。得其俘誠以歸。金解和州圍。退屯瓜步。城中始安。又遣石斌賢渡宣化。夏侯成等分道而往。所向皆捷。金自滁州遁去。時羽檄旁午。而適治事如平時。軍須皆從官給。民以不擾。淮民渡江有舟。次止有寺。給錢餉米。其來如歸。兵退。進寶文閣待制。兼江淮制置使。措置屯田。遂上堡塢之議。初。淮民被兵驚散。日不自保。適遂於墟落數十里內。依山水險要爲堡塢。使復業以守。春夏散耕。秋冬入堡。凡四十七處。又度沿江地創三大堡。石跋則屏蔽采石。定山則屏蔽靖安。瓜步則屏蔽東陽下蜀。西護溧陽。東連儀真。緩急應援。首尾聯絡。東西三百里。南北三四十里。每堡以二千家爲率。教之習射。無事則戍以五百人。一將有警則增募新兵。及抽摘諸州禁軍二千人。并堡塢內居民。通爲四千五百人。共相守戍。而制司於每歲防秋。別募死士千人。以爲劫砦焚糧之用。因言堡塢之成有四利。大要謂敵在北岸。共長江之險。而我有堡塢。以爲聲援。則敵不敢窺江。而士氣自倍。戰艦亦可以策勳。和滌真六合等城。或有退遁。我以堡塢全力助其襲逐。或邀其前。或尾其後。制勝必矣。此所謂用力寡而收功博也。三堡就流民漸歸。而侂胄適誅。中丞雷孝友劾適附侂胄用

兵。遂奪職。自後奉祠者凡十三年。至寶文閣學士通議大夫。嘉定十六年卒。年七十四。贈光祿大夫。諡忠定。適志意慷慨。雅以經濟自負。方侂胄之欲開兵端也。以適每有大讎未復之言。重之。而適自召還。每奏疏必言當審而後發。且力辭草詔。第出師之時。適能極力諫止。曉以利害禍福。則侂胄必不妄爲。可免南北生靈之禍。議者不能不爲之歎息焉。

戴溪字肖望。永嘉人也。少有文名。淳熙五年。爲別頭省試第一。監潭州南嶽廟。紹熙初。主管吏部架閣文字。除太學錄。兼寶錄院檢討官。正錄兼史職。自溪始升博士。奏兩淮當立農官。若漢稻田使者。括開田論。民主出財。客出力。主客均利。以爲救農之策。除慶元府通判。未行。改宗正簿。累官兵部郎官。開禧時。師潰于符離。溪因奏沿邊忠義人。湖南北鹽商。皆當區畫。以銷後患。會和議成。知樞密院事。張巖督師京口。除授參議軍事。數月。召爲資善堂說書。由禮部郎中。凡六轉。爲太子詹事兼祕書監。景獻太子命溪講中庸大學。溪辭以講讀非詹事職。懼侵官。太子曰。講退便服說書。非公禮。毋嫌也。復命類易詩書春秋論語孟子資治通鑑。各爲說。以進。權工部尚書。除華文閣學士。嘉定八年。以宣奉大夫龍圖閣學士致仕。卒。贈特進端明殿學士。理宗紹定間。賜諡文端。溪久於宮僚。以微婉受知。春官。然立朝建明。多務祕密。或議其殊乏骨鯁云。

蔡幼學字行之。温州瑞安人。年十八。試禮部第一。是時陳傅良有文名于太學。幼學從之游。月書上祭酒芮華及呂祖謙。連選拔。輒出傅良右。皆謂幼學之文過其師。孝宗聞之。因策士將實首列。而是時外戚張說用事。宰相虞允文梁克家皆陰附之。幼學對策其略曰。陛下資雖聰明而所存未大。志雖高遠而所趨未正。治雖精勤而大原不立。即位之始。冀太平旦暮。奈何今十年。風俗日壞。將難扶持。紀綱日亂。將難整齊。人心益搖。將難收拾。吏慢兵驕。財匱民困。將難正。揀。又曰。陛下恥名相之不正。更制近古。二相並進。以爲美談。然或以虛譽惑聽。自許立功。或以緘默容身。不能持正。蓋指虞允文梁克家也。又曰。漢武帝用兵以來。大司馬大將軍之權重而丞相輕。公孫弘爲相。衛青用事。弘苟合取容。相業無有。宣元用許史。成帝用王氏。哀帝用丁傅。率爲始元之禍。今陛下使媿

子預兵柄其人無一才可取宰相忍與同列曾不羞恥按其罪名宜在公孫弘上蓋指張說也帝覽之不憚虞允文尤惡之遂得下第教授廣德軍丁父憂再調潭州執政薦于朝帝許之且問年幾何矣何以名幼學參政施師點舉孟子幼學壯行之語以對上佇思慨然曰今壯矣可行也遂除勅令所刪定官首言大恥未雪境土未復陛下審知神武可以有為而苟且之議委靡之習願得以緩陛下欲為之心孝宗喜曰解卿意欲令朕立規模爾尋以母憂去光宗立以太學錄召改武學博士踰年遷太學權秘書省正字兼實錄院檢討官遷校書郎時光宗以疾不朝重華宮幼學上封事曰陛下自春以來北宮之朝不講比者壽皇愆豫侍從臺諫叩陛請對陛下拂衣而起相臣引裾羣臣隨以號泣陛下退朝宮門盡閉大臣累日不獲一對清光望日之朝都人延頸遷延至午禁衛飲恨市廛軍伍謗誹籍籍旁郡列屯傳聞疑怪變起倉卒陛下實受其禍誠思身體髮膚壽皇所與宗社人民壽皇所命則曠昔慈愛有感乎心可不獨出聖斷復父子之歡弭宗社之禍疏入不報寧宗即位詔求直言幼學又奏陛下欲盡為君之道其要有三事親任賢寬民而其本莫先於講學比年小人謀傾君子為安靖和平之說以排之故大臣當與治而以生事自疑近臣當效忠而以忤旨擯棄其極至於九重深拱而羣臣盡廢多士盈庭而一籌不吐自非聖學日新求賢如不及何以作天下之才自熙寧元豐而始有免役錢有常平積剩錢有無額上供錢自大觀宣和而始有大禮進奉銀絹有贍學糶本錢有經制錢自紹興而始有和買折帛錢有總制錢有月椿大軍錢至於茶鹽酒權稅契頭子之屬積累增多較之祖宗無慮數十倍民困極矣幼學既論列時政其極歸之聖學帝稱善將進用之時韓侂胄方用事指正人為偽學異論者立黜幼學遂力求外補特除提舉福建常平陛辭言今除授命令徑從中出而大臣之責始輕諫省經筵無故罷黜而多士之心始惑或者有以誤陛下至此耶侂胄聞之不悅既至官日講荒政時朱熹居建陽幼學每事咨訪遂為御史劉德秀劾罷奉祠者凡八年起知黃州改提點福建路刑獄未行有勸侂胄以收召海內名士者乃召幼學為吏部員外郎入見言高宗建炎間滅婺州和買絹折

羅事因論輔臣曰一日行得如此一事一年不過三百六十事而已陛下除兩浙丁錢視高宗無間然而兵事既開諸路權鋒鏑轉餉之艱江湖以南有調募科需之擾惟陛下以愛惜邦本為念選國子司業宗正少卿皆兼權中書舍人侂胄既誅餘黨尚塞正路幼學次第彈繳竄黜尤眾號稱職遷中書舍人兼侍講故事閣門宣贊而下供職十年始得路都監若鈐轄侂胄壞成法率五六年七八年即越等除授有已授外職猶通籍禁闈者幼學一切釐正嘉定初同樞諭知貢舉時正學久錮士專於聲律度數其學支離幼學始取義理之文士習漸復於正兼直學士院內外制皆溫醇雅厚得體人多稱之除刑部侍郎改吏部仍兼職趙師彝除知臨安府舉辭故事當有不允詔幼學言師彝以媚權臣進官三尹京兆狼狽無善狀詔必出褒語臣何辭以草命遂寢改兼侍讀師彝命乃下除龍圖閣待制知泉州徙建康府福州進福建路安撫使政主寬大惟恐傷民福建下州例抑民買鹽以戶產高下均賣者曰產鹽以交易契紙錢科數者曰浮鹽皆出常賦外久之遂為定賦幼學力請蠲之不報提舉司令民以田高下藏新會子不如令者籍其賞幼學曰罔民而可吾忍之乎惟有去而已因言錢弊未均秤提無術力求罷去遂升寶謨閣直學士提舉萬壽宮召權兵部尚書兼修玉牒官尋兼太子詹事先是朝廷既遣歲幣入金境適值其有難不果納則遽以兵叩邊索之中外洶洶皆言當亟與幼學請對言玉帛之使未還而侵軼之師奄至且肆其侮慢形之文辭天怒人憤可不伸大義以破其謀乎於是朝論奮然始詔與金絕幼學因請固本根以弭外虞示意向以定眾志公汲引以合材謀審懷附以一南北帝稱善一夕感異夢星隕于屋西南隅遂卒年六十四幼學早以文鳴于時而中年述作益窮根本非關教化之大由情性之正者不道也器質凝重莫窺其際終日危坐一語不妄發及辨論義理縱橫闡闢沛然如決江河雖辯士不及也嘗續司馬光公卿百官表年歷大事記備忘辨疑編年政要列傳舉要凡百餘篇傳于世

楊泰之字叔正眉州青神人少立志于學臥不設榻幾十歲慶元元年類試調瀘州尉易什邡再調綿州學教授羅江丞制置司檄置幕府吳獵論蜀泰之貽

書曰。使吳職爲亂而士大夫不從。必有不敢爲。既亂而士大夫能抗。職猶有所憚。夫亂職之爲也。亂所以成。士大夫之爲也。改知嚴道縣。攝通判。嘉定。白厓。砦將王熈引蠻寇。利店。刑獄使者。真熈于法。又罵絳。餘人當坐死。泰之訪知。夷都。實。邇。利。店。夷。都。蠻。稱。亂。不。需。引。導。固。請。釋。之。不。聽。乃。去。官。宣。撫。使。安。丙。薦。之。曰。蜀中名儒楊虞仲之子。當逆臣之變。勉有位者毋動。言不用。拂衣而去。使得尺寸之柄。必能見危致命。召泰之赴都堂。審察。以親老辭。差知廣安軍。未上。丁父憂。免喪。知富順監。去官。以祿廩數千緡。子鄰里。以千緡爲義莊。知晉州。以安居安岳二縣受禍尤慘。泰之力白丙。盡蠲其賦。丙復薦于朝。召赴行在。固辭。知果州。踏零錢病民。泰之以一年經費儲其贏。爲諸邑對減。上尙書省按爲定式。民歌之曰。前張後楊。惠我無疆。張謂張義實。自發其端。而泰之踵行之。理宗卽位。趣入對。言法天行健。奮發英斷。總攬威權。無牽於私。無奪於邪。說以救蠱。敵以新治功。本朝德澤。邇來斷喪無餘。民無恆心。何以爲國。陛下以直言求人。而以直言罪之。使天下以言爲戒。臣恐言路既梗。士氣益消。循循默默。浸成衰世之風。爲國者何便於此。上奇其對。以爲工部郎中。其後言事者相繼無所避忌。自泰之發之。還軍器少監。大理少卿。紹定元年。入對。謂風雨爲暴。水潦漬溢。此陰威陽微之證。而臺臣諉曰。雷川水患之慘。桀之餘烈也。後又言。巴陵追降之命。重於違羣臣。輕於絕友愛。陛下居天位之至逸。則思天倫之大痛。秦邸歿於房陵。既行封諡。又錄用其子。今乃曰不當爲之後。以貽宅日憂。何示人之不廣乎。又曰。今日不言。後必有言之者。與其追恤於後。固不若舉行於今也。是日詔直寶謨閣。知重慶府。爲書以別丞相曰。宰相職事。無大於用人有道。去自私之心。恢容人之度。審取舍之理而已。至官。俗用大變。主管千秋鴻禧觀。卒。所著克齋文集。論語解。老子辭。春秋列國事目。公羊穀梁類。詩類。詩名物編。論孟類。東漢三國志。南北史。唐五代史類。歷代通鑑。本朝長編類。東漢名物編。詩事類。大易要言。雜著。凡二百九十七卷。

宋史卷四百三十四

元中書右丞相總裁脫脫等修

列傳第一百九十四

儒林五

范冲

朱震

胡安國

子寅宏

范冲字元長登紹聖進士第高宗即位召為虞部員外郎俄出為兩淮轉運副使紹興中隆祐皇后誕日上置酒宮中從容語及前朝事后曰吾老矣有所懷為官家言之吾速事宣仁聖烈皇后聰明母儀古今未見其比曩因姦臣誣諂有玷聖德建炎初雖下詔辨明而史錄未經刪定無以傳信後世而慰在天之靈也上悚然亟詔重修神哲兩朝實錄召冲為宗正少卿兼直史館冲父祖禹元祐中嘗修神宗實錄盡書王安石之過以明神宗之聖其後安石壻蔡卞惡之祖禹坐謫死嶺表至是復以命冲上謂之曰兩朝大典皆為姦臣所壞故以屬卿冲因論熙寧創置元祐復古紹聖以降弛張不一本末先後各有所因又極言王安石變法度之非蔡京誤國之罪上嘉納之遷起居郎俄開講筵升兼侍讀上雅好左氏春秋命冲與朱震專講冲敷衍經旨因以規諷上未嘗不稱善會皇子建國公瓊出就傅首命冲以徽猷閣待制提舉建隆觀為資善堂翊善而朱震兼贊讀詔曰朕為宗廟社稷大計不敢私干一身選于屬籍得藝祖七世孫鞠之宮中茲擇剛辰出就外傳宜有端良之士以充輔導之官博觀在廷無以易汝冲德行文學為時正人迺祖發議嘉祐之初迺父納忠元祐之際敷求是似尚有典刑顧資善之開史館經筵姑仍嚴舊朕方求多聞之益爾實兼數器之長施及童蒙綽有餘裕蔽自朕志宜即安之時張浚在長沙亦薦冲震可備訓導冲震皆一時名德老成極天下之選上命建國公見翊善贊讀皆納拜俄遷翰林學士兼侍讀冲力辭改翰林侍讀學士用其父故事也尋以龍圖閣直學士奉祠卒年七十五冲之修神宗實錄也為考異一書明不去取舊文以墨書刪去者以黃書新修者以朱書世號朱墨史及修哲宗實錄別為一書各辨誣錄冲性好義樂善司馬光家屬皆依冲所冲撫育之為光編類記聞

十卷奏御請以光之族曾孫宗召主光祀又嘗薦尹焞自代云

朱震字子發荆門軍人登政和進士第任州縣以廉稱胡安國一見大器之薦於高宗召為司勳員外郎震稱疾不至會江西制置使趙鼎入為參知政事上諒以當世人才鼎曰臣所知朱震學術深博廉正守道士之冠冕使立講讀必有益於陛下上乃召之既至上問以易春秋之旨震具以所學對上說權為祠部員外郎兼川陝荆襄都督府詳議官震因言荆襄之間沿漢上下膏腴之田七百餘里若選良將領部曲鎮之招集流亡務農種穀寇來則禦寇去則耕不過三年兵食自足又給茶鹽鈔於軍中募人中糴可以下江西之舟通湘中之粟觀釐而動席捲河南此以逸待勞萬全計也遷秘書少監兼侍經筵轉起居郎建國公出就傅以震為贊讀仍賜五品服遷中書舍人兼翊等時郭千里除將作監丞震言千里侵奪民田曾經按治願寢新命從之轉給事中兼直學士院遷翰林學士是時虔州民為盜天子以為憂選良太守往慰撫之將行震曰使居官者廉而不擾則百姓自安雖誘之為盜亦不為矣願詔新太守到官之日條具本郡及屬縣官吏有貪墨無狀者一切罷去聽其自擇慈祥仁惠之人有治效者優加獎勸上從其言故事當喪無享廟之禮時徽宗未祔廟太常少卿吳表臣奏行明堂之祭震因言王制喪三年不祭惟天地社稷為越絳而行春秋書夏五月乙酉吉禘于莊公公羊傳曰禘始不三年也國朝景德二年真宗居明德皇后喪既易月而除服明年遂享太廟合祀天地于圜丘當時未行三年之喪專行以日易月之制可也在今日行之則非也詔侍從臺諫禮官參議卒用御史趙渙禮部侍郎陳公輔言大饗明堂七年震謝病丐祠旋知禮部貢舉會疾卒震經學深醇有漢上易解云陳搏以先天圖傳神放放傳穆修穆修傳李之才之才傳邵雍放以河圖洛書傳李溉溉傳許堅許堅傳范諤昌諤昌傳劉牧穆修以太極圖傳周惇頤惇頤傳程顥程頤是時張載講學於二程邵雍之間故雍著皇極經世書牧陳天地五十有五之數惇頤作通書程頤著易傳載造太和參兩篇今臣以易傳為宗和會雍載之論上采漢魏吳晉下逮有唐及今包括異同庶幾道離而復合蓋其學以王弼盡去舊說雜以莊老

專尚文辭為非是。故其於象數加詳焉。其論圖書授受源委如此。蓋莫知其所自云。

胡安國字康侯。建寧崇安人。入太學。以程頤之友朱長文及頴川斬裁之為師。裁之與論經史大義。深奇重之。三試于禮部。中紹聖四年進士第。初廷試。考官定其策第一。宰職以無詆元祐語。遂以何昌言冠。方天若次之。又欲以宰相章惇子次天若。時發策大要。崇復熙寧元豐之制。安國推明大學。以漸復三代為對。哲宗命再讀之。注聽稱善者數四。親擢為第三。為太學博士。足不躡權門。提舉湖南學事。有詔舉遺逸。安國以永州布衣王繪鄧璋應詔。二人老不行。安國請命之官。以勸為學者。零陵簿稱二人。黨人范純仁客而流人鄒浩所請託也。蔡京素惡安國。與己異。得簿言大喜。命湖南提刑置獄推治。又移湖北再鞫。卒無驗。安國竟除名。未幾簿以他罪抵法。臺臣直前事復安國元官。政和元年張商英相。除提舉成都學事。二年丁內艱。移江東。父沒終喪。謂子弟曰。吾昔為親而仕。今雖有祿萬鍾。將何所施。遂稱疾不仕。築室墓傍。耕種取給。蓋將終身焉。宣和末。李彌大吳敏譚世勳合薦。除屯田郎。辭。靖康元年。除太常少卿。辭。除起居郎。又辭。朝旨屢趣行。至京師。以疾在告。一日方午。欽宗亟召見。安國奏曰。明君以務學為急。聖學以正心為要。心者萬事之宗。正心者揆事宰物之權。願擢名儒明於治國。平天下之本。虛懷訪問。闡發獨智。又言為天下國家必有一定不可易之計。謀議既定。君臣固守。故有志必成。治功可立。今南向視朝。半年矣。而紀綱尚紊。風俗益衰。施置乖方。舉動煩擾。大臣爭競。而朋黨之患萌。百執窺覷。而浸潤之姦作。用人失當。而名器愈輕。出令數更。而士民不信。若不掃除舊跡。乘勢更張。竊恐大勢一傾。不可復正。乞訪大臣各令展盡底蘊。畫一具進。先宣示臺諫。使隨事疏駁。若大臣議絀。則參用臺諫之言。若疏駁不當。則專守大臣之策。仍集議于朝。斷自宸衷。按為國論。以次施行。敢有動搖。必罰無赦。庶幾新政有經。可冀中興。欽宗曰。比留詞掖。相待已命。召卿試矣。語未竟。日昃暑甚。汗洽上衣。遂退。時門下侍郎耿南仲倚攀附恩。凡與己不合者。即指為朋黨。見安國論奏。愠曰。中興如此。而曰續效未見。是謗聖德也。乃言安國意。窺經筵。不

宜召試。欽宗不答。安國屢辭。南仲又言安國不臣。欽宗問其狀。南仲曰。往不事上皇。今又不事陛下。欽宗曰。渠自以病辭。初非有向背也。每臣僚登對。欽宗即問識胡安國否。中丞許翰曰。自蔡京得政。士大夫無不受其籠絡。超然遠跡。不為所汙。如安國者實鮮。欽宗嘆息。遣中書舍人晁說之宣旨。令勉受命。且曰。他日欲去。即不彊留。既試。除中書舍人。賜三品服。南仲諷臺諫論其稽命不恭。宜從黜削。疏奏不下。安國乃就職。南仲既傾宰相吳敏。樞密使李綱。又謂許景衡。晁說之視大臣為去就。懷姦徇私。並黜之。安國言。二人為去就。必有陳論。懷姦徇私。必有實跡。乞降付本省。載諸詞命。不報。葉夢得知應天府。坐為蔡京所知者。今皆朝廷之人。若更指為京黨。則人才見棄者眾。黨論何時而弭。乃除夢得小郡。中書侍郎何臯建議。分天下為四道。置四都總管。各付一面。以衛王室。捍疆敵。安國言。內外之勢。適平則安。偏重則危。今州郡太輕。理宜通變。一旦以二十三路之廣。分為四道。事得專決。財得專用。官得辟置。兵得誅賞。權恐太重。萬一抗衡跋扈。何以待之。乞据見今二十三路帥府。選擇重臣。付以都總管之權。專治軍旅。或有警急。即各率所屬守將應援。則一舉兩得矣。尋以趙野總北道。安國言。魏都地重。野必誤委寄。是冬金人大入野遁。為羣盜所殺。西道王襄擁眾不復北顧。如安國言。李綱罷。中書舍人劉珪行詞。謂綱勇於報國。數至敗衄。吏部侍郎馮澥言。珪為綱遊說。珪坐貶。安國封還詞頭。以為侍從。雖當獻納。至於彈擊官邪。必歸風憲。今臺諫未有緘默不言之咎。而解越職。此路若開。臣恐立於朝者。各以好惡脅持。傾陷。非所以靖朝野。南仲大恐。何臯從而擠之。詔與郡。臯以安國素苦足疾。而海門地卑濕。乃除安國右文殿修撰。知通州。安國在省一月。多在告之日。及出。必有所論列。或曰事之小者。蓋姑置之。安國曰。事之大者。無不起於細微。今以小事為不必言。至於大事。又不敢言。是無時而可言也。安國既去。逾旬。金人薄都城。子寅為郎在城中。客或憂之。安國慨然曰。主上在重圍中。號令不出。卿大夫懷效忠無路。敢念子乎。敵圍益急。欽宗亟召安國。及許景衡。詔竟不達。高宗即位。以給事中召安國言。昨因繳奏。徧觸權貴。今陛

下將建中興而政事弛張。人才升黜。尙未合宜。臣若一一行其職守。必以妄發干犯典刑。黃潛善諛給事中康執權論其託疾罷之。三年。樞密張浚薦安國可大用。再除給事中。賜其子起居郎寅手札。令以上意催促。既次池州。聞薦幸吳越。引疾還。紹興元年。除中書舍人。兼侍講。遣使趣召。安國以時政論二十一。先獻之。論入。復除給事中。二年七月。入對。高宗曰。聞卿大名。渴於相見。何爲累詔不至。安國辭謝。乞以所進二十一篇者施行。其論之目曰。定計建都。設險。制國。卹民。立政。覈實。尙志。正心。養氣。宏度。寬隱。論定計略曰。陛下履極六年。以建都則未有必守不移之居。以討賊則未有必操不變之術。以立政則未有必行不反之令。以任官則未有必信不疑之臣。舍今不圖。後悔何及。論建都。謂宜定都建康。以關中河內。爲興復之基。論設險。謂欲固上流。必保漢沔。欲固下流。必守淮泗。欲固中流。必以重兵鎮安陸。論立志。謂當必志於恢復中原。祇奉陵寢。必志於掃平讎敵。復兩宮。論正心。謂戡定禍亂。雖急於戎務。而裁決戎務。必本於方寸。願選正臣多聞識。有志慮。敢直言者。置諸左右。日夕討論。以宅厥心。論養氣。謂用兵之勝負。軍旅之疆弱。將帥之勇怯。係人君所養之氣。曲直何如。願疆於爲善。益新厥德。使信於諸夏。聞於夷狄者。無曲可議。則至剛可以塞兩間。一怒可以安天下矣。安國嘗謂雖諸葛復生。爲今日計。不能易此論也。居旬日再見。以疾懇求去。高宗曰。聞卿深於春秋。方欲講論。遂以左氏傳付安國。點句正音。安國奏。春秋經世大典。見諸行事。非空言比。今方思濟艱難。左氏繁碎。不宜虛費光陰。耽玩文采。莫若潛心聖經。高宗稱善。尋除安國兼侍讀。專講春秋。時講官四人。援例乞各專一經。高宗曰。他人通經。豈胡安國比。不許會除。故相朱勝非同都督江淮荆浙諸軍事。安國奏。勝非與黃潛善汪伯彥同在政府。緘默附會。循致渡江。專用張邦昌。結好金國。淪滅三綱。天下憤鬱。及正位冢司。苗劉肆逆。倉坐苟容。辱逮君父。今疆敵憑陵。叛臣不忘。用人得失。係國安危。深恐勝非上誤大計。勝非改除侍讀。安國持錄黃不下。左相呂頤浩特令校正。黃龜年書行。安國言。有官守者。不得其職。則去。臣今待罪無補。既失其職。當去。其明。況勝非係臣論列之人。今朝廷乃稱勝非處苗劉之變。能調護聖躬。昔公

羊氏言。祭仲廢君爲行權。先儒力排其說。蓋權宜廢置。非所施於君父。春秋大法。尤謹於此。建炎之失節者。今雖特釋而不問。又加選擇。習俗既成。大非君父之利。臣以春秋之時。而與勝非爲列。有違經訓。遂臥家不出。初頤浩都督江上。還朝。欲去異己者。未得其策。或教之指爲朋黨。且曰。黨魁在瑄。當先去之。頤浩大喜。卽引勝非爲助。而降旨曰。胡安國屢召。偃蹇不至。今始造朝。又數有請。初言勝非不可同都督。及改命經筵。又以爲非。豈不以時艱不肯盡瘁。乃欲求微罪而去。其自爲謀則善。如國計何。落職提舉。偃蹇都觀。是夕誓出東南。右相秦檜三上章乞留之。不報。卽解相印去。侍御史江躋上疏。極言勝非不可用。安國不當責。右司諫吳表臣亦言。安國扶病見君。欲行所學。今無故罪去。恐非所以示天下。不報。頤浩卽黜給事中程瑤。起居舍人張燾。及躋等二十餘人。云應天變。除舊布新之象。臺省一空。勝非遂相。安國竟歸。五年。除徽猷閣待制。知永州。安國辭。詔以經筵舊臣。重閱勞之。特從其請。提舉江州太平觀。令纂修所著春秋傳。書成。高宗謂深得聖人之旨。除提舉萬壽觀。兼侍讀。未行。諫官陳公輔上疏。詆假託程頤之學者。安國奏曰。孔孟之道。不傳久矣。自頤兄弟始發明之。然後知其可學而至。今使學者師孔孟。而禁不得從頤學。是入室而不由戶。本朝自嘉祐以來。西都有邵雍程顥及其弟頤。關中有張載。皆以道德名世。公卿大夫所欽慕。而師尊之。會王安石蔡京等。曲加排抑。故其道不行。望下禮官討論故事。加之封爵。載在祀典。比於荀楊韓氏。仍詔館閣。夏其遺書。校正頒行。使邪說者不得作。奏入。公輔與中丞周秘。侍御史石公揆。承望宰相風旨。交章論安國學術頗僻。除知永州。辭。復提舉太平觀。進寶文閣直學士。卒。年六十五。詔贈四官。又降詔加贈賜田十頃。恤其孤。諡曰文定。蓋非非常格也。安國疆學力行。以聖人爲標。志於康濟時艱。見中原淪沒。遺黎塗炭。常若痛切於其身。雖數以罪去。其愛君憂國之心。遠而彌篤。每有君命。卽置家事不問。然風度凝遠。蕭然塵表。視天下萬物。無一足以舉其心。自登第迄謝事四十年。在官實歷不及六載。朱震被召。問出處之宜。安國曰。子發學易二十年。此事當素定矣。世間惟講學論政。不可不切切詢究。至於行已大致。去就語默之幾。如人飲食。其饑飽寒

温必自斟酌不可決諸人亦非人所能決也吾平生出處皆內斷於心浮世利名如蟻螻過前何足道哉故渡江以來儒者進退合義以安國尹焞為稱首侯仲良言必稱二程先生他無所許可後見安國嘆曰吾以為志在天下視不義富貴真如浮雲者二程先生而已不意復有斯人也安國所與游者游酢謝良佐楊時皆程門高第良佐嘗語人曰胡康侯如大冬嚴雪百草萎死而松柏挺然獨秀者也安國之使湖北也時方為府教授良佐為應城宰安國質疑訪道禮之甚恭每來謁而去必端笏正立目送之自王安石廢春秋不列於學宮安國謂先聖手所筆削之書乃使人主不得聞講說學士不得相傳習亂倫滅理用夏變夷殆由乎此故潛心是書二十餘年以為天下事物無不備於此每嘆曰此傳心要典也安國少欲以文章名世既學道乃不復措意有文集十五卷資治通鑑舉要補遺一百卷三千寅安寧

寅字明仲安國弟之子也寅將生第婦以多男欲不舉安國妻夢大魚躍盆水中急往取而予之少桀黠難制父閉之空閣其上有雜木寅盡刻為人形安國曰當有以移其心別置書數千卷於其上上年餘寅悉成誦不遺一卷游辟雍中宣和進士甲科靖康初以御史中丞何處薦召除秘書省校書郎楊時為祭酒寅從之受學遷司門員外郎金人陷京師議立異姓寅與張浚趙鼎逃太學中不書議狀張邦昌偽立寅棄官歸言者劾其離次降一官建炎三年高宗幸金陵樞密使張浚薦為駕部郎官尋擢起居郎金人南侵詔議移蹕之所寅上書曰昨陛下以親王介弟出師河北二聖既還則當糾合義師北向迎請而遽膺翊戴亟居尊位斬戮直臣以杜言路南巡淮海偷安歲月敵入關陝漫不捍禦盜賊橫潰莫敢誰何元元無辜百萬塗地地方且製造文物講行郊報自謂中興金人乘虛直搆行在匹馬南渡淮甸流血迨及返正寶位移蹕建康不為久圖一向畏縮遠避此皆失人心之大者也自古中興之主所以能克復舊物者莫不本於憤恥恨怒不能報怨終不苟己未有乘衰微闕絕之後固陋以為榮苟且以為安而能久長無禍者也黃潛善與汪伯彥方以乳煙護赤子之術待陛下曰上皇之子三十人今所存惟聖體不可不自重愛會不思宗廟則草莽煙

之陵闕則春鍾驚之堂堂中華戎馬生之潛善伯彥所以誤陛下陷陵廟塵土宇喪生靈者可勝罪乎本初嗣服既不為迎二聖之策因循遠狩又不為守中國之謀以致于今德義不孚號令不行刑罰不威爵賞不勸若不更輒以救垂亡則陛下承負孝悌之愆常有父兄之責人心一去天命難恃雖欲羈柙山海恐非為自全之計願下詔曰繼紹大統出於臣庶之詔而不悟其非巡狩東南出於僥倖之心而不虛其禍金人逆天亂倫朕義不共天志思雪恥父兄旅泊陵寢荒殘罪乃在予無所逃責以此號召四海聳動人心決意講武戎衣臨陣按行淮襄收其豪英奮以戰伐天下忠義武勇必雲合響應陛下凡所欲為執不如志其與退保吳越豈可同年而語哉自古中國疆威如漢武帝唐太宗其得志四夷必併吞掃滅極其兵力而後已中國禮義所自出也恃疆凌弱且如此今乃以仁慈之道君子長者之事望於凶頑之粘罕豈有是理哉今日圖復中興之策莫大於罷絕和議以使命之幣為養兵之資不然則僻處東南萬事不競納賂則執富於京室納質則執重於二聖反復計之所謂乞和決無可成之理夫大亂之後風俗靡然欲不變之在於務實效去虛文治兵擇將誓戮大慙者孝弟之實也遣使乞和冀幸萬一者虛文也屈己求賢信用羣策者求賢之實也外示禮貌不用其言者虛文也不惟面從必將心改苟利於國即日行之者納諫之實也和顏泛愛內惡切直者虛文也擢智勇忠直之人待御以恩威結約以誠信者任將之實也親厚庸奴等威不立者虛文也汰疲弱擇壯勇足其衣食申明階級以變其驕悍之習者治軍之實也教習兒戲紀律蕩然者虛文也遴選守刺久於其官痛刈姦賊廣行寬恤者愛民之實也軍須戎具征收取辦獨租赦令苟以欺之者虛文也若夫保宗廟陵寢土地人民以此六實者行乎其間則為中興之實政也陵廟荒圯土宇日蹙衣冠黔首為血為肉以此六虛者行乎其間則為今日虛文陛下戴黃屋建幄殿質明聲出房帷扇金爐夾侍兩陛仗馬衛兵儼分儀式贊者引百官入奉起居以此度日彼粘罕者晝夜厲兵跨河越岱電掃中土遂有吞吸江湖蹂躪衡霍之意吾方擁虛器茫然未知所之君子小人勢不兩立仁宗皇帝在位得君子最多小人亦時見用

然罪著則斥。君子亦或見廢。然忠顯則收。故其成當世之功。貽後人之輔者。皆君子也。至王安石則不然。斥絕君子。一去而不還。崇信小人。一任則不改。故其敗當時之政。爲後世之害者。皆小人也。仁宗皇帝所養之君子。既日遠而銷亡矣。安石所致之小人。方蕃息而未艾也。所以誤國破家至毒至烈。以致二聖屈辱。莽莽擅朝。伏節死難者。不過一二人。此浮華輕薄之害。明主之所畏而深戒者也。古之稱中興者。曰撥亂世反之正。今之亂亦云甚矣。其反正而興之。在陛下。其遠慶運不振。亦在陛下。昔宗澤一老從官耳。猶能推誠感動羣賊。北連懷衛。同迎二聖。尅期密應者。無慮數十萬人。何況陛下身爲子弟。欲北向而有爲。將見舉四海爲陛下用。期以十年。必能掃除妖氛。遠逐父兄。稱宋中興。其與楊息遁藏。踏危負恥。如今日。豈不天地相絕哉。疏入。宰相呂頤浩惡其切直。除直龍圖閣。主管江州太平觀。二年五月。詔內外各言省費裕國。彊兵息民之策。寅以十事應詔。曰修政事。備邊陲。治軍旅。用人材。除盜賊。信賞罰。理財用。核名實。屏諛佞。去姦惡。疏上不報。尋命知永州。紹興四年十二月。復召爲起居郎。遷中書舍人。賜三品服。時議遣使入雲中。寅上疏言。女真驚動陵寢。殘毀宗廟。劫質二聖。乃吾國之大讎也。頃者誤國之臣。遣使求和。以苟歲月。九年于茲。其效如何。幸陛下下灼見邪言。漸圖恢復。忠臣義士。聞風興起。各思見效。今無故蹈庸臣之轍。忘復讎之義。陳自辱之辭。臣切爲陛下不取也。若謂不少貶屈。如二聖何。則自丁未以至甲寅。所爲卑辭厚禮。以問安迎請。爲名而遣使者。不知幾人矣。知二聖之所在者。誰歟。聞二聖之聲音者。誰歟。得女真之要領而息兵者。誰歟。臣但見丙午而後。通和之使。歸未息肩。而黃河長淮大江相繼失險矣。夫女真知中國所重在二聖。所懼在劫質。所畏在用兵。而中國坐受此餌。既久而不悟也。天下謂自是必改圖矣。何爲復出此謬計邪。當今之事。莫大於金人之怨。欲報此怨。必殄此讎。用復讎之議。而不用講和之政。使天下皆知女真爲不共戴天之讎。人人有致死之心。然後二聖之怨可平。陛下人子之職。舉矣。苟爲不然。彼或願與陛下歃盟泗水之上。不知何以待之。望聖意直以世讎無可通之義。屢罷使命。高宗嘉納。云胡寅論使事。詞旨剴切。深得獻納論思之體。召至都

堂論旨。仍降詔。擬論說。而右僕射張浚自江上還。奏遣使爲兵家機權。竟反前旨。寅復奏疏言。今日大計。只合明復讎之義。用賢修德。息兵訓民。以圖北向。僞或未可。則堅守待時。若夫二三其德。無一定之論。必不能有所立。寅既與浚異。遂乞便郡就養。始寅上言。近年書命多出詞臣。奸惡之私。使人主命德討罪之詞。未免玩人喪德之失。乞命詞臣以飾情相悅。含怒相譽。爲戒。故寅所撰詞多諛誠。於是妬忌者衆。朝廷辨宣仁聖烈之誕行。遣章惇蔡卞。皆宰臣。面授上旨。令寅撰進。除徽猷閣待制。知邵州。辭。改集英殿修撰。復以待制。改知嚴州。又改知永州。徽宗皇帝寧德皇后訃至。朝廷用故事。以日易月。寅上疏言。禮雖不復。則服不除。願降詔。旨服喪三年。衣墨臨戎。以化天下。尋除禮部侍郎。兼侍講。兼直學士院。丁父憂。免喪。時秦檜當國。除徽猷閣直學士。提舉江州太平觀。俄乞致仕。遂歸衡州。檜既忘寅。雖告老猶憤之。坐與李光書譏訕朝政。落職。右正言章復劾寅不持本生母服不孝。諫通鄰好不忠。責授果州團練副使。新州安置。檜死。詔自便。尋復其官。紹興二十一年卒。年五十九。寅志節豪邁。初擢第。中書侍郎張邦昌欲以女妻之。不許。始安國頗重秦檜之大節。及檜擅國。寅遂與之絕。新州謫命下。即日就道。在謫所著讀史管見數十萬言。及論語詳說。皆行于世。其爲文。根著義理。有斐然集三十卷。

宏字仁仲。幼事楊時。侯仲良。而卒傳其父之學。優游衡山下。餘二十年。玩心神明。不舍晝夜。張栻師事之。紹興間。上書。其略曰。治天下有本。仁也。何謂仁心也。心官。茫茫莫知其鄉。若爲知其體乎。有所不察。則不知矣。有所顧慮。有所畏懼。則雖有能。知能察之良心。亦漫消亡而不自知。此臣之所大憂也。夫敵國據形勝之地。逆臣僭位於中原。牧馬踐駘。欲爭天下。臣不是懼。而以良心爲大憂者。蓋良心充于一身。通于天地。宰制萬事。統攝億兆之本也。察天理。莫如屏欲存良心。莫如立志。陛下亦有朝廷政事。不干於慮。便嬖智巧。不陳於前。妃嬪佳麗。不幸於左右時矣。陛下試於此時。沉思靜慮。方今之世。當陛下之身。事孰爲大乎。孰爲急乎。必有歉然而銜。惻然而痛。坐起彷徨。不能自安者。則良心可察。而臣言可信矣。昔舜以匹夫爲天子。瞽叟以匹夫爲天子。父受天下之養。豈不足

於窮約哉。而警叟猶不悅。自常情觀之。舜可以免矣。而舜盛然有憂之舉。天下之大。無足以解憂者。徽宗皇帝身享天下之奉。幾三十年。欽宗皇帝生於深宮。享乘輿之次。以至為帝。一旦劫於讎敵。遠適窮荒。衣裘失司。服之制。飲食失膳。夫之味。居處失宮殿之安。妃嬪之好。動無威嚴。辛苦墊隘。其願陛下加兵敵國。心目睽睽。猶饑渴之於飲食。庶幾一得生還。父子兄弟。相持而泣。歡若平生。引領東望。九年于此矣。夫以疎賤。念此痛心。當食則噬。未嘗不投箸而起。思欲有為。況陛下當其任乎。而在廷之臣。不能對揚天心。充陛下仁孝之志。反以天子之尊。北面讎敵。陛下自念以此事親。於舜何如也。且羣臣智謀淺短。自度不足以任大事。故欲偷安江左。貪圖寵榮。皆為身謀爾。陛下乃信之。以為必持是。可以進撫中原。展省陵廟。來還兩宮。亦何誤耶。萬世不磨之辱。臣子必報之讎。子孫之所以寢苦枕戈。弗與共天下者也。而陛下顧慮畏懼。忘之不敢以為讎。臣下僭逆。有明目張膽。顯為負叛者。有協贊亂賊。為之羽翰者。有依隨兩端。欲以中立自免者。而陛下顧慮畏懼。寬之不敢以為討。守此不改。是祖宗之靈。終天暴露。無與復存也。父兄之身。終天困辱。而求歸之望絕也。中原士民。沒身塗炭。無所赴愬也。陛下念亦及此乎。王安石輕用己私。紛更法令。棄誠而懷詐。與利而忘義。尚功而恃道。人皆知安石廢祖宗法令。不知其并與祖宗之道廢之也。邪說既行。正論屏棄。故姦諛敢挾紹述之義。以逞其私。下誣君父。上欺祖宗。誣謗宣仁。廢遷隆祐。使我國家君臣夫婦之間。頓生疵癘。三綱廢壞。神化之道。泯然將滅。遂使敵國外橫。盜賊內訐。王師傷敗。中原陷沒。二聖遠栖於沙漠。皇輿僻寄於東吳。鷲鷲萬姓。未知底底。禍至酷也。若猶習於因循。憚於更變。亡三綱之本性。昧神化之良能。上以利勢誘下。下以智術干上。是非由此不公。名實由此不核。賞罰由此失當。亂臣賊子。由此得志。人紀由此不修。天下萬事。倒行逆施。人欲肆而天理滅矣。將何以異於先朝。求救禍亂。而致升平乎。末言陛下即位以來。中正邪佞。更進更退。無堅定不易之誠。然陳東以直諫死于前。馬伸以正論死于後。而未聞誅一姦邪。黜一諛佞。何惟中正之易而去姦邪之難也。此雖當時輔相之罪。然中正之士。乃陛下腹心耳目。奈何以天子之威。握億兆之

命。乃不能保全二三腹心耳目之臣。以自輔助。而令姦邪得而殺之。於誰責而可乎。臣竊痛心。傷陛下威權之不在己也。高閔為國子司業。請幸太學。宏見其表。作書責之曰。太學。明人倫之所在也。昔楚懷王不返。楚人憐之。如悲親戚。蓋忿秦之以彊力詐其君。使不得其死。其懣勝於加之。以刃也。太上皇帝劫制於彊敵。生往死歸。此臣子痛心切骨。臥薪嘗膽。宜思所以必報也。而柄臣乃敢欺天罔人。以大讎為大恩乎。昔宋公為楚所執。及楚子釋之。孔子筆削春秋。乃曰。諸侯盟于薄。釋宋公。不許楚人制中國之命也。太母天下之母。其縱釋乃在金人。此中華之大辱。臣子所不忍言也。而柄臣乃敢欺天罔人。以大辱為大恩乎。晉朝廢太后。董養游太學。升堂數曰。天人之理既滅。大亂將作矣。則引遠而去。今閣下目覩忘讎滅理。北面敵國。以苟宴安之事。猶僂然為天下師儒之首。既不能建大論。明天人之理。以正君心。乃阿諛柄臣。希合風旨。求舉太平之典。又為之詞云云。欺天罔人。孰甚焉。宏初以蔭補右承務郎。不調。秦檜當國。貽書其兄寅。問二弟何不誦書。意欲用之。宏作書。止敘契好而已。宏書辭甚厲。人問之。宏曰。正恐其召。故示之以不可召之端。檜死。宏被召。竟以疾辭。卒于家。著書曰。知言。張栻謂其言約義精。道學之樞要。制治之著龜也。有詩文五卷。皇王大紀八十卷。

寧字和仲。以蔭補官。秦檜當國。召試館職。除敕令所刪定官。秦熈知樞密院事。檜問寧曰。檜近除。外議云何。寧曰。外議以為相公必不為蔡京之所為也。遷太常丞。祠部郎官。初以寧父兄故。召用。及寅與檜忤。乃出寧為慶路安撫司參議官。除知澧州。不赴。主管台州崇道觀。卒。安國之傳春秋也。脩纂檢討。盡出寧手。寧又著春秋通旨。以羽翼其書云。

陳亮字同父，婺州永康人。生而目光有芒，為人才氣超邁，喜談兵，論議風生，下筆數千言立就，嘗攻古人用兵成敗之跡，著酌古論，郡守周葵得之，相與論難，奇之曰：他日國士也。請為上客。及葵為執政，朝士白事必指令揖亮，因得文一時豪俊，盡其議論，因授以中庸大學，讀此可精性命之說，遂受而盡心焉。隆興初，與金人約和，天下忻然，幸得蘇息，獨亮持不可。婺州方以解頭薦，因上中興五論，奏入不報，已而退脩于家。學者多歸之，益力學著書者十年。先是亮嘗圍視錢塘，喟然歎曰：城可灌爾，蓋以地下於西湖也。至是當淳熙五年，孝宗即位，蓋十七年矣。亮更名同，詰闕上書曰：臣惟中國天地之正氣也。天命所鍾也，人心所會也。衣冠禮樂所萃也。百代帝王之所相承也。挈中國衣冠禮樂而寓之偏方，雖天命人心猶有所係，然豈以是為可久安而無事也。天地之正氣鬱遏而久不得騁，必將有所發泄，而天命人心固非偏方所可久係也。國家二百年太平之基，三代之所無也。二聖北狩之痛，漢唐之所未有也。方南渡之初，君臣上下痛心疾首，誓不與之俱生，卒能以奔敗之餘而勝百戰之敵，及秦檜倡邪議以沮之，忠臣義士斥死南方，而天下之氣惰矣。三十年之餘，雖江北流寓皆抱孫長息於東南，而君父之大讎一切不復關心，自非海陵送死淮南，亦不知兵戈為何事也。況望其憤故國之恥，而相率以發一矢哉。丙午丁未之變，距今尚以為遠，而海陵之禍蓋陛下即位之前一年也。獨陛下奮不自顧，志於殄滅，而天下之人安然如無事時，方口議腹非，以陛下為喜功名而不恤後患，雖陛下亦不能以崇高之勢而獨勝之，隱忍以至於今，又有七年矣。昔春秋時君臣父子相戕殺之禍，舉一世皆安之，而孔子獨以為三綱既絕，則人道遂為禽獸，皇皇奔走義不能以一朝安，卒於無所遇，而發其志於春秋之書，猶能以懼亂臣賊子，今舉一世而忘君父之大讎，此豈人道所可安乎。使學者知學孔子之道，當道陛下以有為，決不沮陛下以苟安也。南師之不出，於今幾年矣，豈無一豪傑之能自奮哉。其勢必有時而發泄矣。苟國家不能起而承之，必將有承之者矣。不可恃衣冠禮樂之舊，祖宗積累之深，以為天命人心可以安坐而久係也。皇天無親，惟德是輔，民心無常，惟惠是懷。自三代聖人皆知其為甚可畏也。春秋之末，齊晉秦楚皆衰，吳越起於小邦，遂伯諸侯，黃池之會，孔子所其痛也。可以明中國之無人矣。此今世儒者之所未講也。今金源之植根既久，不可以一舉而遂滅，國家之大勢未張，不可以一朝而大舉，而人情皆便於通和者。勸陛下積財養兵以待時也。臣以為通和者，所以成上下之苟安，而為妄庸兩售之地，宜其為人情之所甚便也。自和好之成，十有餘年，凡今日之指畫方略者，他日將用之以坐籥也。今日之擊球射鵰者，他日將用之以決勝也。府庫充滿，無非財也。介冑鮮明，無非兵也。使兵端一開，則其跡敗矣。何者，人才以用而見其能，安坐而能者不足恃也。兵食以用而見其盈虛，安坐而盈者不足恃也。而朝廷方幸一旦之無事，庸愚齷齪之人皆得以守格令，行文書，以奉陛下之使令，而陛下亦幸其易制而無他也。徒使度外之士擯棄而不得騁，日月蹉跎而老將至矣。臣故曰通和者，所以成上下之苟安，而為妄庸兩售之地也。東晉百年之間，南北未嘗通和也，故其臣東西馳騁，多可用之才。今和好一不通，朝野之論常如敵兵之在境，惟恐其不得和也。雖陛下亦不得而和矣。昔者金人草居野處，往來無常，能使人不知所備，而兵無日不可出也。今也城郭宮室，政教號令，一切不異於中國，點兵聚糧，文移往返，動涉歲月，一方有警，三邊騷動，此豈能歲出師以擾我乎。然使朝野常如敵兵之在境，乃國家之福，而英雄所用以爭天下之機也。執事者胡為速和以惰其心乎。晉楚之戰於郟也，樂書以為楚自克庸以來，其君無日不討國人而訓之，于民生之不易，禍至之無日，戒懼之不可以忽，在軍無日不討軍實，而申儆之，于勝之不可保，約之百克而卒無後，晉楚之弭兵於宋也，子罕以為兵所以威不軌而昭文德也，聖人以興，亂人以廢，廢與存亡，昏明之術，皆兵之由也。而求去之，是以誣道蔽諸

侯也。夫人心之不可情，兵威之不可廢，故雖成康太平，猶有所謂四征不庭，張皇大師者。此李沆所以深不願真宗皇帝之與遼和親也。況南北角立之時，而廢兵以情人心，使之安於忘君父之大讎，而置中國於度外，徒以便妄庸之人，則執事者之失策亦甚矣。陛下何不明天義，而慨然與金絕也。貶損乘輿，卻御正殿，痛自克責，書必復讎，以勵羣臣，以振天下之氣，以動中原之心，雖未出兵，而人心不敢惰矣。東西馳聘而人才出矣，盈虛相補而兵食見矣，狂妄之辭，不攻而自息，懦庸之夫，不卻而自退縮矣。當有度外之士起，而惟陛下下之所欲用矣。是雲合響應之勢，而非可安坐所致也。臣請為陛下陳國家立國之本末，而開今日大有為之略。論天下形勢之消長，而決今日大有為之機。惟陛下幸聽之。唐自肅代以後，上失其柄，藩鎮自相雄長，擅其土地人民，用其甲兵財賦，官爵惟其所命，而人才亦各盡心於其所事，卒以成君弱臣彊，正統數易之禍。藝祖皇帝一興，而四方次第平定，藩鎮拱手以趨約束，使列郡各得自達於京師，以京官權知，三年一易，財歸於漕司，而兵各歸於郡，朝廷以一紙下郡國，如臂之使指，無有留難，自筭庫微職，必命於朝廷，而天下之勢一矣。故京師嘗宿重兵以為固，而郡國亦各有禁軍，無非天子所以自守其地也。兵皆天子之兵，財皆天子之財，官皆天子之官，民皆天子之民，紀綱總攝，法令明備，郡縣不得以一事自專也。士以尺度而取官，以資格而進，不求度外之奇才，不慕絕世之雋功。天子蚤夜憂勤於其上，以義理廉恥舉士大夫之心，以仁義公恕厚斯民之生。舉天下皆由於規矩準繩之中，而二百年太平之基，從此而立。然契丹遂得以猖狂恣睢，與中國抗衡，儼然為南北兩朝，而頭目手足，渾然無別。微澶淵一戰，則中國之勢浸微，根本雖厚而不可立矣。故慶曆增幣之事，富弼以為朝廷之大恥，而終身不敢自論其勞。蓋契丹征令，是主上之操也。天子供貢，是臣下之禮也。契丹之所以卒勝中國者，其積有漸也。立國之初，其勢固必至此。故我祖宗常嚴廟堂而尊大臣，寬郡縣而重守令，於文法之內，未嘗折困天下之富商巨室，於格律之外，有以容獎天下之英俊奇傑，皆所以助立國之勢，而為不虞之備也。慶曆諸臣亦嘗憤中國之勢不振矣，而其大要則使羣臣爭進其說，

更法易令，而廟堂輕矣。嚴按察之權，邀功生事，而郡縣又輕矣。豈惟於立國之勢無所助，又從而朘削之，雖微章得象陳執中，以排沮其事，亦安得而不自沮哉。獨其破去舊例，以不次用人，而勤農桑，務寬大，為有合於因革之宜，而其大要已非矣。此所以不能洗契丹平視中國之恥，而卒發神宗皇帝之大憤也。王安石以正法度之說，首合聖意，而其實則欲藉天下之兵，盡歸於朝廷，別行教閱以為彊也。括郡縣之利，盡入於朝廷，別行封樁以為富也。青苗之政，惟恐富民之不困也。均輸之法，惟恐商賈之不折也。罪無大小，動輒與獄，而士大夫緘口畏罪矣。西北兩邊，致使內臣經畫，而豪傑恥於為役矣。徒使神宗皇帝見兵財之數既多，銳然南征北伐，卒乖聖意，而天下之勢實未嘗振也。彼蓋不知朝廷立國之勢，正患文為之太密，事權之太分，郡縣太輕於下，而委瑣不足恃，兵財太闕於上，而重遲不易舉。祖宗惟用前四者以助其勢，而安石竭之不遺餘力，不知立國之本末者，真不足以謀國也。元祐紹聖，一反一復，而卒為金人侮之資。尚何望其振中國以威四裔哉。南渡以來，大抵遵祖宗之舊，雖微有因革增損，不足為輕重有無。如趙鼎諸臣，固已不究變通之理，況秦檜盡取而沮毀之，忍恥事讎，飾太平於一隅，以為欺，其罪可勝誅哉。陛下憤王業之屈於一隅，勵志復讎，不免籍天下之兵以為彊，括郡縣之利以為富，加惠百姓，而富人無五年之積，不重征稅，而大商無巨萬之藏，國勢日以困竭。臣恐尺籍之兵，府庫之財，不足以支一旦之用也。陛下蚤朝晏罷，冀中興日月之功，而以繩墨取人，以文法治事，聖斷裁制中外，而大臣充位，胥吏坐行條令，而百司逃責，人才日以闕。臣恐程文之士，資格之官，不足當度外之用也。藝祖經畫天下之大略，太宗已不能盡用，今其遺意，豈無望於陛下也。陛下苟推原其意而行之，可以開社稷數百年之基，而況於復故物乎。不然，維持之具既窮，臣恐祖宗之積累亦不足恃也。陛下試令臣畢陳於前，則今日大有為之略，必知所處矣。夫吳蜀天地之偏氣，錢塘又吳之一隅，當唐之衰，錢鏐以閭巷之雄，起王其地，自以不能獨立，常朝事中國以為重。及我宋受命，倣以其家人京師，而自獻其土，故錢塘終始五代，被兵最少，而二百年之間，人物日以繁盛，遂甲於東南，及建炎

紹興之間，爲六飛所駐之地。當時論者，固已疑其不足以張形勢而事恢復矣。秦檜又從而備百司庶府，以禮讓樂於其中，其風俗固已華靡。士大夫又從而治園圍臺榭，以樂其生於干戈之餘。上下晏安，而錢塘爲樂國矣。一隙之地，本不足以容萬乘，而鎮壓且五十年。山川之氣，蓋亦發泄而無餘矣。故粟桑麻，絲枲之利，歲耗於一歲，禽獸魚鼈草木之生，日微於一日，而上下不以爲異也。公卿將相，大抵多江浙閩蜀之人，而人才亦日以凡下。場屋之士，以十萬數，而文墨小異，已足以稱雄於其間矣。陛下據錢塘，已耗其氣，用閩浙日衰之士，而欲鼓東南習安脆弱之衆，北向以爭中原，臣是以知其難也。荆襄之地，在春秋時，楚用以虎視齊晉，而齊晉不能屈也。及戰國之際，獨能與秦爭帝。其後三百餘年，而光武起於南陽，同時共事，往往多南陽故人。又二百餘年，遂爲三國交據之地。諸葛亮由此起，輔先主，荆楚之士從之如雲，而漢氏賴以復存於蜀。周瑜魯肅呂蒙陸遜陸抗鄧艾羊祜，皆以其地顯名。又百餘年，而晉氏南渡，荆雍常雄於東南，而東南往往倚以爲疆梁，竟以此代齊。及其氣發泄無餘，而隋唐以來，遂爲偏方下州。五代之際，高氏獨當臣事諸國，本朝二百年之間，降爲荒落之邦。北連許汝，民居稀少，土產卑薄，人才之能通姓名於上國者，如晨星之相望。況至于建炎紹興之際，羣盜出沒於其間，而被禍尤極。以迄于今，雖南北分畫交據，往往又置於不足用，民食無所從出，而兵不可由此而進，議者或以爲憂，而不知其勢之足用也。其地雖要爲偏方，然未有偏方之氣。五六百年而不發泄者，況其東通吳會，西連巴蜀，南極湖湘，北控關洛，左右伸縮，皆足以爲進取之機。今誠能開墾其地，洗濯其人，以發泄其氣而用之，使足以接關洛之氣，則可以爭衡於中國矣。是亦形勢消長之常數也。陛下慨然移都建業，百司庶府皆從草創，軍國之儀皆從簡略，又作行宮於武昌，以示不敢寧居之意。常以江淮之師爲金人侵軼之備，而精擇一人之沈鷲，有謀開豁無他者，委以荆襄之任，寬其文法，聽其廢置，撫摩振厲於三數年之間，則國家之勢成矣。石晉失盧龍一道，以成開運之禍。蓋丙午丁未歲也。明年藝祖皇帝始從郭太祖征伐，卒以平定天下。其後契丹以甲辰敗于澶淵，而丁未戊申之間，真宗皇帝東

封西祀，以告太平。蓋本朝極盛之時也。又六十年而神宗皇帝實以丁未歲即位。國家之事於此一變矣。又六十年丙午丁未，遂爲靖康之禍。天獨啓陛下於是年，而又啓陛下以北向復讎之志。今者去丙午丁未，近在十年間矣。天道六十年一變，陛下可不有以應其變乎。此誠今日大有爲之機，不可苟安以玩歲月也。臣不佞，自少有驅馳四方之志，嘗數至行都，人物如林，其論皆不足以起人意。臣是以知陛下大有爲之志孤矣。辛卯壬辰之間，始退而窮天地造化之初，考古今沿革之變，以推極皇帝王伯之道，而得漢魏晉唐長短之由。天人之際，昭昭然可考而知也。始悟今世之儒士，自以爲得正心誠意之學者，皆風痺不知痛癢之人也。舉一世安於君父之讎，而方低頭拱手以談性命，不知何者，謂之性命乎。陛下接之而不任以事，臣於是服陛下之仁，又悟今世之才臣，自以爲得富國彊兵之術者，皆狂惑以肆叫呼之人也。不以暇時謀究立國之本末，而方揚眉伸氣以論富彊，不知何者，謂之富彊乎。陛下察之而不敢盡用，臣於是服陛下之明。陛下屬志復讎，足以對天命，篤於仁愛，足以結民心，而又明足以照臨羣臣，一偏之論，此百代之英主也。今乃委任庸人，籠絡小儒，以遷延大有爲之歲月，臣不勝憤悱，是以忘其賤而獻其愚。陛下誠令臣畢陳於前，豈惟臣區區之願，將天地之神祖宗之靈，實與聞之。書奏，孝宗赫然震動，欲勝朝堂以勵羣臣，用種放故事，召令上殿，將擢用之。左右大臣莫知所爲，惟曾觀知之，將見亮亮恥之，踰垣而逃，觀以其不諂己，不悅。大臣尤惡其直言無諂，交沮之。乃有都堂審察之命，宰相臨以上旨，問所欲言，皆落落不少貶，又不合。待命十日，再詰闕上書曰：恭惟皇帝陛下屬志復讎，不肯即安於一隅，是有大功於社稷也。然坐錢塘浮侈之隅，以圖中原，則非其地。用東南習安之衆，以行進取，則非其人。財止於府庫，則不足以通天下之有無。兵止於尺籍，則不足以兼天下之勇怯。是以遷延之計遂行，而陛下大有爲之志乖矣。此臣所以不勝忠憤，齋沐書獻之闕下。願得望見顏色。陳國家立國之本末，而開大有爲之略。論天下形勢之消長，而決大有爲之機。務合於藝祖經畫天下之本旨，然待命八日，未有聞焉。臣恐天下豪傑有以測陛下之意向，而雲合響應之勢，不得而成。

矣。又上書曰：臣妄意國家維持之具，至今日而窮，而藝祖皇帝經畫天下之大指，猶可恃以長久，苟推原其意而變通之，則恢復不足為矣。然而變通之道有三，有可以遷延數十年之策，有可以為百五十六年之計，有可以復開數百年之基。事勢昭然而効見殊絕，非陛下聰明度越百代，決不能一一聽之。臣不敢泄之大臣之前，而大臣拱手稱首以問，臣亦姑取其大體之可言者三事以答之。其一曰：聖北狩之痛，蓋國家之大恥，而天下之公憤也。五十年之餘，雖天下之氣，銷鑠頽墮，不復知讎恥之當念，正在主上與二三大臣，振作其氣以泄其憤，使人人如報私讎，此春秋書衛人殺州吁之意也。其二曰：國家之規模，使天下奉規矩準繩以從事，羣臣救過之不給，而何暇展布四體以求濟度外之功哉。其三曰：藝祖皇帝用天下之士人，以易武臣之任事者，故本朝以儒立國而儒道之振，獨優於前代。今天下之士，熱爛萎靡，誠可厭惡，正在主上與二三大臣，反其道以教之，作其氣而養之，使臨事不至乏才，隨才皆足有用，則立國之規模，不至戾藝祖之本旨，而東西馳騁以定禍亂，不必專在武臣也。臣所以為大臣論者，其略如此。書既上，帝欲官之，亮笑曰：吾欲為社稷開數百年之基，寧用以博一官乎。亟渡江而歸。日落魄醉酒，與邑之狂士飲，醉中戲為大言，言涉犯上。一士欲中亮，以其事首刑部侍郎何澹，嘗為考試官，黜亮，亮不平，語數侵澹，澹聞而嫌之，即繳狀以聞。事下大理，管掠亮無完膚，誣服為不軌。事聞，孝宗知為亮，嘗陰遣左右廉知其事，及奏入，取旨，帝曰：秀才醉後妄言，何罪之有。劃其牘于地，亮遂得免。居無何，亮家僅殺人于境，適被殺者嘗辱亮父次尹，其家疑事由亮，聞于官，管榜僮，死而復蘇者數，不服。又囚亮于州獄，而屬臺官論亮情重，下大理時丞相准知帝欲生亮，而辛棄疾羅點素高亮才，援之尤力，復得不死。亮自以豪俠屢遭大獄，歸家益厲志讀書，所學益博，其學自孟子後，惟推王通嘗曰：研窮義理之精微，辨析古今之同異，原心於杪忽，較禮於分寸，以積累為工，以涵養為正，晬面盎背，則於諸儒誠有愧焉。至於堂堂之陳，正正之旗，風雨雲雷，交發而並至，龍蛇虎豹，變現而出沒，推倒一世之智勇，開拓萬古之心胸，自謂差有一日之長，亮意蓋指朱熹呂祖謙等云。高宗崩，金遣使來

弔簡慢，而光宗由潛邸判臨安府，亮感孝宗之知，至金陵視形勢，復上疏曰：有非常之人，然後可以建非常之功，求非常之功，而用常才，出常計，舉常事，以應之者，不待知者而後知其不濟也。秦檜以和誤國二十餘年，而天下之氣索然無餘矣。陛下慨然有削平宇內之志，又二十餘年，天下之志始知所向，其有功於宗廟社稷者，非臣區區所能誦說其萬一也。高宗皇帝春秋既高，陛下不欲大舉，驚動慈顏，抑心俯首，以致色養，聖孝之盛，書冊之所未有也。今者高宗既已祔廟，天下之英雄豪傑，皆仰首以觀陛下之舉動，陛下其忍使二十年間，所以作天下之氣者，一旦而復索然乎。天下不可以坐取也，兵不可以常勝也，驅馳運動，又非年高德尊者之所宜也。東宮居日監國，行曰撫軍，陛下何以不於此時而命東宮為撫軍大將軍，歲巡建業，使之兼統諸司，盡護諸將，置長史司馬以專其勞，而陛下於宇憂之餘，通用人才，均調天下，以應無窮之變，此肅宗所以命廣平王之故事也。高宗與金有父兄之讎，生不能以報之，則死必有望於子孫，何忍以升遐之哀，告諸讎哉。遺留報謝三使，繼遣金帛寶貨千兩，連發而金人僅以一使如臨小邦，哀祭之辭，寂寥簡慢，義士仁人，痛切心骨，豈以陛下之聖明智勇而能忍之乎。陛下儻以大義為當正，撫軍之言為可行，則當先經理建業，而後使臨之。縱今歲未為北舉之謀，而為經理建業之計，以振動天下，而與金絕，陛下之初志，亦庶幾於少伸矣。陛下試一聽臣用其喜怒哀樂之權，鼓動天下，大略欲激孝宗恢復，而是時孝宗將內禪，不報，由是在廷交怒，以為狂怪，先是鄉人會宴，末胡椒特置亮羹，中蓋村俚敬待異禮也，同坐者歸而暴死，疑食異味有毒，已入大理，會呂與何念四歐呂天濟且死，恨曰：陳上舍使殺我，朕令王恬實其事，臺官諭監司選酷吏訊問，無所得，取入大理，眾意必死，少卿鄭女諧聞其單辭，大異曰：此天下奇才也。國家若無罪而殺士，上千天和，下傷國脈矣。力言於光宗，遂得免。未幾，光宗策進士，問以禮樂刑政之要，亮以君道師道對，且曰：臣竊歎陛下之於壽皇，莅政二十有八年之間，寧有一政一事之不在聖懷，而問安視養之餘，所以察辭而觀色，因此而得彼者，其端甚衆，亦既得其機要，而見諸施行矣。豈徒一月四朝，而以為京邑之美觀也哉。時

光宗不朝重華宮。羣臣更進迭諫，皆不聽。得亮策乃大喜，以爲善處父子之間。奏名第三。御筆擢第一。既知爲亮，則大喜曰：朕擢果不謬。孝宗在南內，寧宗在東宮，聞知皆喜，故賜第告詞曰：爾蚤以藝文首賢能之書，旋以論奏動慈宸之聽。魏闢大對，嘉其淵源；擢置舉首，殆天留以遺朕也。授書建康府判官廳公事。未至官，一夕卒。亮之既第而歸也，第充迎拜于境，相對感泣。亮曰：使吾他日而貴，澤首逮汝，死之日各以命服見先人于地下足矣。聞者悲傷其意。然志存經濟，重許可，人人見其肺肝，與人言必本於君臣父子之義，雖爲布衣薦士，恐弗及。家僅中產，時人寒士衣食之久不衰。卒之後，吏部侍郎華適請于朝，命補一子官，非故典也。端平初，諡文毅，更與一子官。

鄭樵，字漁仲，興化軍莆田人，好著書，不爲文章，自負不下劉向揚雄。居夾漈山，謝絕人事，久之乃游名山大川，搜奇訪古，遇藏書家必借留讀盡，乃去。趙鼎張浚而下皆器之。初爲經旨，禮樂文字，天文地理，蟲魚草木，方書之學，皆有論辨。紹興十九年上之，詔藏祕府。樵歸，益厲所學，從者二百餘人，以侍講王綸、賈允中薦，得召對。因言班固以來歷代爲史之非，帝曰：聞卿名久矣。數陳古學，自成一家，何相見之晚耶？授右迪功郎，禮兵部架閣，以御史葉義問劾之，改監潭州南嶽廟，給札歸抄所著通志書成，入爲樞密院編修官，尋兼攝檢詳諸房文字。請脩金正隆官制，比附中國秩序，因求入祕書省，緝閱書籍，未幾，又坐言者寢其事，金人之犯邊也，樵言歲星分在宋，金主將自斃，後果然。高宗幸建康，命以通志進，會病卒。年五十九。學者稱夾漈先生，樵好爲考證倫類之學，成書雖多，大抵博學而寡要，平生甘枯淡，樂施與，獨切切於仕進，識者以是少之。同郡林霆字時隱，擢政和進士第，博學深象數，與樵爲金石交。林光朝嘗師事之，聚書數千卷，皆自校讎，謂子孫曰：吾爲汝曹獲良產矣。紹興中，爲勅令所刪定官力，詆奏檜和議之非，卽掛冠去，當世高之。

李道傳，字貫之，隆州并研人。父舜臣，嘗爲宗正寺主簿。道傳少莊重，稍長讀河南程氏書，玩索義理，至忘寢食，雖處暗室，整襟危坐，蕭如也。擢慶元二年進士第，調利州司戶參軍，徙蓬州教授，開禧用兵，金人窺散關急，道傳以諸司檄計

事，道聞吳曦反，痛憤見於形色，遣其客間道持書遺安撫使楊輔，論曦必敗，曰：彼素非雄才，犯順首亂，人心離怨，因人心而用之，可坐而縛也。誠決此舉，不惟內變可定，抑使金知中國有人，稍息窺覷，正使不捷，亦無愧千古矣。曦黨以曦意脅道傳，道傳以義折之，竟棄官歸。曦平，詔以道傳抗節不撓，進官二等。嘉定初，召爲太學博士，遷太常博士，兼沂王府小學教授。會沂府有母喪，遺表官吏例進秩，道傳曰：有喪事之勞者，推恩可也，吾屬何與？於是皆辭不受。遷祕書郎，著作佐郎，見帝，首言憂危之言，不聞於朝廷，非治世之象，今民力未裕，民心未固，財用未阜，儲蓄未豐，邊備未修，將帥未擇，風俗未能知義而不偷，人才未能彙進而不足，而八者之中，復以人才爲要，至於人才感衰，繫學術之明晦，今學禁雖除，而未嘗明示天下以除之之意，願下明詔，崇尚正學，取朱熹論語孟子集註中庸大學章句，或問四書，頒之太學，仍請以周惇頤、邵雍、程顥、程頤、張載五人從祀孔子廟。時執政有不樂道學者，以語侵道傳，道傳不爲動。兼權考功郎官，遷著作郎，時薛拯、胡榘等皆以新進用事，賄賂成風，道傳言：今名優儒臣，實取材吏，刻剝殘忍，詭譎傾危之人進矣。遂求補郡，於是出知真州，城圯弗治，道傳甃之，築兩石壩，以護並江居民，益浚二壩，又堤陳公塘，有警則決之，以爲阻，人心始固。除提舉江東路常平茶鹽公事，初至，卽按部劾吏之貪縱者十餘人，胥吏爲民害者，大黥小逐百餘人，釋獄之濫繫者二百餘人，弛貨錢一十餘萬緡。夏大旱，道傳應詔言：楮幣之換，官民如讎，鈔法之行，商賈疑怨，賦斂增加，軍將推剝，皆切中時病，遂條上荒政，朝廷多從之。與漕臣真德秀振饑，道傳分池宣徽三州，窮冬行風雪中，雖深村窮谷必至，賴以全活者甚衆。攝宣州守，行朱熹社倉法，上饒新安南康諸郡，翕然應命，人蒙其利。廣德守魏峴，劾教官林庠委堂試而任荒政，挾漕臣以凌郡守，且言真德秀輕視朝廷，自專掠美，乞遠之道傳上疏力辨，峴坐免。會胡榘爲吏部侍郎，薦道傳自代，引疾乞去，不許，召令奏事，再辭，又不許，遂入對，自上宮掖，次及朝廷，以侍從臺諫闕失，盡言無所諱，帝不以爲忤，除兵部郎官，辭未就，監察御史李楠覬當路指意，乞授以節鎮蜀，遂出知果州。至九江得疾卒。年四十八。詔特轉一官致仕，諡文節。道傳自蜀

來東南。雖不及登朱熹之門。而訪求所嘗從學者。與講習。盡道遺書讀之。篤於踐履。氣節卓然。於經史未有論著。曰。學未至不敢於詩文未嘗苟作。曰。學未至不暇。一日以疾謁告。真德秀造焉。臥榻屏間。大書喚起截斷四字。知其用功慎獨如此。居官以惠利爲本。振荒遺愛。江東人久而思焉。三子。達可。當可。獻可。獻可爲心傳後。

宋史卷四百三十六

元中書右丞相總裁脫脫等修

列傳第一百九十六

儒林七

程迥

劉清之

真德秀

魏了翁

廖德明

程迥字可久。應天府寧陵人。家于沙隨。靖康之亂。徙紹興之餘姚。年十五。丁內外艱。孤貧飄泊。無以自振。二十餘始知讀書。時亂甫定。西北士大夫多在錢塘。迥得以考德問業焉。登隆興元年進士第。歷揚州泰興尉。訓武郎楊大烈有田十頃。死而妻女存。俄有訟其妻非正室者。官沒其資。且追十年所入租。部使者以誘迥。迥曰。大烈死。資當歸其女。女死。當歸所生母可也。調饒州德興丞。盜入縣民齊芻家。平素所不快者。皆督絀逮獄。州屬迥決禁囚。辨其冤者縱遣之。芻訟不已。會獲盜寧國。芻猶訟還所縱之人。迥曰。盜既獲矣。再令追捕。或死於道路。使其骨肉何依。豈審冤之道哉。唐肅宗時。縣有程氏女。其父兄為盜所殺。因掠女去。隱忍十餘年。手刃盡誅其黨。刺其肝心以祭其父兄。迥取春秋復讎之義。頌之曰。大而得其正者也。表之曰。英孝程烈女。改知隆興府進賢縣。省符下。知平江府王佐。決陳長年輒私賣田。其從子愬有司。十有八年。母魚氏年七十。坐獄廷辨。按法追正。令候母死。服闋日。理為己分。令天下郡縣視此為法。迥為議曰。天下之人。孰無母慈。子若孫宜定省溫清。不宜有私財也。在律別籍者有禁。異財者有禁。當報牒之初。縣令杖而遣之。使聽命於其母可矣。何稽滯偏愬有司而達于登聞院乎。春秋穀梁傳注曰。臣無訟君之道。為衛侯鄭與元咺發論也。夫諸侯之於命大夫。猶若此。子孫之於母。乃使坐獄以對吏。愛其親者聞之。不覺泣涕之橫集也。按令文分財產。謂祖父母父母服闋已前所有者。然則母在。子孫不得有私財。借使其母一朝盡費。其子孫亦不得違教令也。既使歸于其母。其日前所費。乃卑幼輒用尊長物。法須五年。尊長告乃為理。何至豫期母死。又開他日爭訟之端也。抑亦安知不令之子孫。不死于母之前乎。守令

者民之師帥。政教之所由出。誠宜正守令不職之愆。與子孫不孝之罪。以敬天下之為人母者。民饑。府檄有愬。閉糴及糶與商賈者。迥即論報之曰。力田之人。細米每斗才九十五文。逼於稅賦。是以出糶。非上戶也。縣境不出貨寶。苟不與外人交易。輸官之錢。何由而得。今強者羣聚。脅持取錢。毆傷人者甚眾。吾民不敢入市。坐致缺食。申諭再三。見從乃已。縣大水亡稻麥。郡蠲租稅。至薄。迥白于府曰。是驅民流徙耳。賦不可得。徒存欠籍。乃悉蠲之。郡僚猶曰。度江後來未嘗全放。恐戶部不從。迥力論之曰。唐人損七。則租庸調俱免。今損十矣。夏稅役錢不免。是猶用其二也。不可謂寬。議乃息。境內有婦人。傭身紡績。香籍以養其姑。姑感婦孝。每受食。即以手加額。仰天而祝之。其子為人牧牛。亦乾飯以餉祖母。迥廉得之。為紀其事。白于郡。郡給以錢粟。調信州上饒縣。歲納租數萬石。舊法加倍。又取斛面米。迥力止絕之。嘗曰。令與吏服食者。皆此邦之民膏血也。曾不。是思。而橫斂虐民。鬼神其無知乎。州郡督索經總錢甚急。迥曰。斯錢古之除陌之類。今其類乃三倍。正賦民何以堪。反復言之。當路奉祠。寓居番陽之蕭寺。程祥者。從伯父待制昌禹來居番陽。昌禹死。遂失所依。祥繼亡。祥妻度氏。猶質賣。奩具以撫育孤子。久之。聲竭瀕死。鄰家皆莫識其面。有欲醮之者。度曰。吾兒幼。若事他人。使母不得撫其子。豈不負負人乎。終辭焉。或為迥言其事。迥走告于郡守。月給之錢粟。迥居官。臨之以莊。政寬而明。令簡而信。綏強撫弱。導以恩義。積年讎訟。一語解去。猾吏姦民。皆以感激。久而悔。欺詐以革。暇則賓禮賢士。從容盡歡。進其子弟之秀者。與之均禮。為之陳說詩書。質問疑難者。不問晷暮。勢位不得以交私。祠廟非典祀不謁。隱德潛善。無間幽明。皆表而出之。以勵風俗。或周其窮厄。俾全節行。聽決獄訟。期於明允。凡上官所未悉者。必再三抗辨。不為苟止。貴溪民偽作吳漸名。誣愬縣令石邦彥。迥言匿名書不當受。轉運使不謂然。遂與大獄。瘐死者十有四人。及聞省寺。訖報如迥言。迥嘗授經學於崑山王葆。葆禾聞人茂德。嚴陵喻樛。所著有古易考。古易章句。古占法。易傳外編。春秋傳顯微例目。論語傳。孟子章句。文史評經史說。諸論辨。太玄補贊。戶口田制貢賦書。乾道振濟錄。醫經正本書條具。乾道新書。度量權三器圖義。四聲韻。

淳熙雜志南齋小集卒官朝奉郎朱熹以書告洞子絢曰敬惟先德博聞至行
追配古人釋經訂史開悟後學當世之務又所通該非獨章句之儒而已曾不
得一試而奄棄盛時此有志之士所為悼歎咨嗟而不能已者然著書滿家足
以傳世是亦足以不朽絢以致仕恩調巴陵尉攝邑事能理冤獄孫仲熊亦有
名

劉清之字子澄臨江人受業於兄靖之甘貧力學博極書傳登紹興二十七年
進士第調袁州宜春縣主簿未上丁父憂服除改建德縣主簿請於州俾民自
實其戶由是賦役平爭訟息調萬安縣丞時江右大侵郡檄視旱徒步阡陌親
與民接凡所蠲除具得其實州議減常平米直清之曰此惠不過三十里內耳
外鄉遠民勢豈能來老幼疾患之人必有餓死者今有粟之家閉不肯糶實窺
伺攘奪者衆也在我有政則大家得錢細民得米兩適其便乃請均境內之地
為八俾有粟者分振其鄉官為主之規畫防閑民甚賴之帥龔茂良以救荒實
跡聞于朝又偕諸公薦之發運使史正志按部至筠俾清之拘集州縣畸零之
賦清之不可清之有同年在幕中謂曰侍郎因子言謂子愛民特立將薦子
矣其以閭閻來清之貽之以書曰所謂贏資者皆州縣侵刻於民法所當禁縱
有贏資是所謂羨餘也獻之自下而詔止之今則止而求之乃自上焉不奪不
壓其弊有不可勝言者願侍郎自請于朝姑歸貳卿之班主大農經費以佐國
家如此則士孰不願出侍郎之門不然某誠不敢玷侍郎知人之鑒以薦者兩
有審察之命清之竟不見丞相詣吏部銓得知宜黃縣茂良入為參知政事與
丞相周必大薦清之于孝宗召入對首論民困兵驕大臣退託小臣苟煥願陛
下廣覽兼聽并謀合智清明安定提要挈綱而力行之古今未有俗不可變弊
不可革者變而通之亦在陛下方寸之間耳又言用人四事一曰辨賢否謂道
義之臣大者可當經綸小者可為儀刑功名之士大者可使臨政小者可使立
事至於專謀富貴利達而已者下也二曰正名實今百有司職守不明非曠其
官則失之侵僞願詔史官考究設官之本意各指其合主何事制吉規定制載之
命書依開寶中差諸州通判故事使人人曉然知之而行賞罰焉三曰使材能

謂軍旅必武臣錢穀必能吏必臨之以忠信不欺之士使兩人者皆得以效其
所長四曰聽換授謂文武之官不可用違其才然不當許之自列宜令文武臣
四品以上各以性行材略及文武藝每歲互舉堪充左右選者一人於合入資
格外稍與優獎改太常寺主簿丁內艱服除通判鄂州鄂大軍所駐兵籍多偽
清之白郡及諸司請自通判廳始俾偽者以實自言而正之州有民妻張以節
死嘉祐中詔封旌德縣君表其墓曰烈女中更兵火至是無知其墓者清之與
郡守羅願訪而祠之鄂俗計利而尚鬼家貧子壯則出贅習為當然而尤謹奉
大洪山之祠病者不藥而聽於巫死則不葬而畀諸火清之皆論止之差權發
遣常州改衡州衡自建炎軍興有所謂大軍月椿過湖錢者歲送漕司無慮七
八萬緡以四邑所入麴引錢及郡計畸零苗米折納充之舊法民有吉凶聚會
許買引為酒麴謂之麴引錢其後直以等第數納衡有五邑獨數其四取民之
辭不正良民偏受其害而黠民往往侮易其上乃并與常賦不輸雖得麴引錢
四五萬緡而常賦之失不啻數萬緡矣清之請於朝願與總領所酌損補後漸
圖蠲減不報遂戒諸邑董常賦緩雜征閣舊逋戒預折新簿籍謹推收督勾銷
明逋負防帶鈔治頑梗梃吏姦搜戶長費用有節滲漏有防稽考有政補置有
漸先是郡飾廚傳以事常平刑獄二使者月一會集互致折餽清之歎曰此何
時也與其取諸民孰若裁諸公吾之所以事上官者惟究心於所職無負於吾
民足矣豈以酒食貨財為勤哉清之自常祿外悉歸之公帑以佐經用至之日
兵無糧官無奉上下供送使無可備已而郡計漸裕民力稍蘇或有報白手自書
之吏不與焉嘗作論民書一編首言畏天積善勸力務本農工商賈莫不有勤
教以事親睦族教子祀先謹身節用利物濟人婚媾以時喪葬以禮詞意質直
簡而易從邦人家有其書非理之訟日為衰息念士風未振每因月講復具酒
肴以燕諸生相與輸情論學設為疑問以觀其所嚮然後從容示以先後本末
之序來者日衆則增築臨蒸精舍居之其所講先正經次訓詁音釋次疏先儒
議論次述今所紉繹之說然後各指其所宜用人君治天下諸侯治一國學者
治心治身治家治人確然皆有可舉而措之之實為闕武場凡禁軍役於他所

隱於百工者。悉按軍籍俾詰訓。作朱陵道院。祠張九齡韓愈寇準周敦頤胡安國於左。祠晉死節太守劉翼。宋死節內史王應之於右。雅儒吉士。日相周旋其間。而參佐謀論多在焉。劉孝昌者。擊之孫也。貧不自立。清之買田以給之。部使者以清之不能媚己。惡之。貽書所厚臺臣。誣以勞民。用財論罷。主管雲臺觀。歸築槐陰精舍以處。來學者。胡晉臣。鄭僑。尤袤。羅點。皆力薦清之於上。光宗即位。起知袁州。而清之疾作。猶貽書執政論國事。諸生往候疾。不廢講論。語及天下。孜孜歎息。若任其責者。病且革。為書以別。向涪彭龜年。賦二詩以別。朱熹楊萬里。取高氏送終禮以授。二子曰。自敵至葬。視此從事。周必大來視疾。謂曰。子澄其澄。清之氣息已微。云無慮可澄。遂卒。初。清之既舉進士。欲應博學宏詞科。及見朱熹盡取所習焚之。慨然志於義理之學。呂伯恭張栻皆神交心契。汪應辰李燾亦敬慕之。母不逮養。每展閨手澤。涕泗交頤。從兄肅流落新吳。族父擘寓丹陽。艾寓臨川。皆迎養之。從祖子僑為邵州錄事參軍。死。吳錫之亂。清之遣其孫晉之。致書邵守。得其遺骨歸葬焉。族人自遠來館留之。不忍使之遽去。嘗序范仲淹義莊規矩。勸大家族眾者。隨力行之。本之家法。參取先儒禮書。定為祭禮行之。高安李好古。以族人以財為訟。見清之豫章。清之為說訟家人。二卦。好古惕然。據舍所訟。市程氏易以歸。卒為善士。所著有曾子內外雜篇。訓蒙新書。外書。戒子誦錄。墨莊總錄。祭儀。時令書。續說苑。文集。農書。

真德秀。字景元。後更為景希。建之浦城人。四歲受書。過目成誦。十五而孤。母吳氏力貧教之。同郡楊圭。見而異之。使歸共諸子學。卒妻以女。登慶元五年進士第。授南劍州判官。繼試中博學宏詞科。入閣帥幕。召為太學正。嘉定元年。遷博士。時韓侂胄已誅。入對。首言權臣開邊。南北塗炭。今茲繼好。豈非天下之福。然日者以行人之遺。金人欲多歲幣之數。而吾亦曰可增。金人欲得姦臣之首。而吾亦曰可與。往來之稱謂。犒軍之金帛。根括歸明。流徙之民。皆承之唯謹。得無滋擾我乎。抑善謀國者。不觀敵情。觀吾政事。今號為更紀。而無以使敵情之畏服。正恐彼資吾歲賂以厚其力。乘吾不備以長其謀。一旦挑爭端。而吾無以應。此有識所為寒心。又言。侂胄自知不為清議所貸。至誠憂國之士。則名以好異。

於是忠良之士斥而正論不聞。正心誠意之學。則誣以好名。於是偽學之論興而正道不行。今日改弦更張。正當襲崇名節。明示好尚。召試學士院。改秘書省正字。兼檢討玉牒。二年。遷秘書郎。又對言。暴風雨雹。變或蝻蝗之變。皆賊吏所致。韓沂王府教授。學士院權直。三年。遷秘書郎。入對。乞開公道。室旁蹊。以抑小人道長之漸。選良牧。勵戰士。以扼羣盜方張之銳。四年。撰著作佐郎。同列相忌。議之。德秀恬不與較。宰相將用德秀。會言官抵之。德秀力辭。兼禮部郎。上疏言。金有必亡之勢。亦可為中國憂。蓋金亡則上恬下嬉。憂不在敵而在我。多事之端。恐自此始。五年。遷軍器少監。升權直。六年。遷起居舍人。奏權豪擅政。十有四年。朱熹彭龜年以抗論逐。呂祖儉周端朝以上書斥。當時近臣猶有爭之者。其後呂祖泰之貶。非惟近臣莫敢言。而臺諫且出力以擠之。則嘉泰之失。已深於慶元矣。更化之初。羣賢皆得自奮。未幾。傅伯成以諫官論事去。蔡幼學以詞臣論事去。鄒應龍許奕又繼以封駁論事去。是數人者。非能大有所矯拂。已皆不容於朝。故人務自全。一辭不措。設有大安危。大利害。羣臣暗嘿如此。豈不殆哉。今欲與陛下言。勸訪問。廣謀議。明黜陟。三者而已。時鈔法楮令行。告訐繁興。抵罪者眾。莫敢以上聞。德秀奏。或一夫坐罪。而併籍昆弟之財。或虧陷四錢。而沒入百萬之貲。至於科富室之錢。拘鹽商之舟。視產高下。配民藏楮。鬻田宅以收券者。雖大家不能免。尚得名便民之策。自此籍沒之產。以漸給還。兼太常少卿。又言。金人必亡。君臣上下皆當以祈天永命為心。充金國賀登位使。及盱眙。聞金人內變而返。言于上曰。臣自揚之楚。自楚之盱眙。沃壤無際。陂湖相連。民皆堅悍。強忍。此天賜吾國以屏障。大江使強兵足食。為進取資。顧田疇不開。溝澮不治。險要不扼。丁壯不練。豪傑武勇不收。拾一旦有警。則徒以長江為恃。豈如及今大脩懸田之政。專為一司以領之。數年之後。積儲充實。邊民父子爭欲自保。因其什伍。勤以兵法。不待糧饌。皆為精兵。又言。邊防要事。時史彌遠方以爵祿廢天下士。德秀慨然謂劉燾曰。吾徒須急引去。使廟堂知世亦有不肯為從官之人。遂力請去。出為秘閣脩撰。江東轉運副使。山東盜起。朝廷猶與金通聘。德秀朝辭。奏國恥不可忘。鄰盜不可輕。幸安之謀。不可恃。導諫之言。不可聽。

至公之論不可忽。寧宗曰：卿力有餘，到江東日，為朕擇節財計，以助邊用。江東旱蝗，廣德太平為甚。德秀遂與留守憲司分所部九郡大講荒政，而自領廣德數千人送之郊外，指道傍叢塚泣曰：此皆往歲餓死者。微公，我輩已相隨入此矣。索毀太平州私創之大斛，新徽州守林琰無廉聲，寧國守張忠恕私匿賑濟米，皆劾之。而以李道傳攝徽，先是都司胡規誣拯，每請德秀迂儒，試以事必敗。至是政譽日聞，因信言早傷本輕，監司好名，賑贖太過，使規劾，以撼德秀。德秀上章自明，朝廷悟，與規同授庠幹官，而道傳尋亦召還。德秀以右文殿脩撰知泉州，番舶長苛征，至者歲不三四。德秀首寬之，至者驟增至三十六艘，輸租令民自概，聽訟惟揭示姓名，人自詣州。泉多大家，為閭里患，痛繩之。有訟田者，至焚其券，不敢爭。海賊作亂，將逼城，官軍敗，德秀祭兵死者，乃親授方略禽之。復徧行海濱，審視形勢，增屯要害處，以備不虞。十二年，以集英殿脩撰知隆興府，承寬弛之後，乃稍濟以嚴，尤留意軍政，欲分鄂州軍屯武昌，及通廣鹽於贛，與南安以弭汀贛鹽寇，未及行，以母喪歸。明年，斬黃失守，盜起南安，討之數載始平。人服德秀先見。十五年，以寶謨閣待制湖南安撫使知潭州，以廉仁功勳四字勸僚屬，以周惇頤胡安國朱熹張栻學術源流勉其士，罷榷酤，除斛面米，申免和糴，以甦其民。民艱食，既極力賑贖，之復立惠民倉五萬石，使歲出糶，又易穀九萬五千石，分十二縣置社倉，以備及鄉落，別立慈幼倉，立義阡，惠政畢舉。月試諸軍射，損其回易之利，及官田租，凡營中病者，死未葬者，孕者，嫁娶者，贖給有差。朝廷從壽昌朱彙請，以飛虎軍戍壽昌，併致其家口，力爭止之。江華縣賊蘇師入境殺劫，檄廣西共討平之。司馬遵守武岡，激軍變，劫遵而誅其亂者。理宗即位，召為中書舍人，尋擢禮部侍郎，直學士院，入見，奏三綱五常，扶持宇宙之棟幹，奠安生民之柱石，晉廢三綱，而劉石之變興，唐廢三綱，而安祿山之難作，我朝立國，先正各分，陛下不幸，處人倫之變，流聞四方，所損非淺。晉川之變，非濟王本志，前有避匿之跡，後聞討捕之謀，情狀本末，灼然可考。願討論雍頤，追封秦王，舍罪恤孤故事。濟王未有子息，亦惟陛下與滅繼絕。上曰：朝

廷待濟王亦至矣。德秀曰：若謂此事處置盡善，臣未敢以為然。觀舜所以處象，則陛下不及舜明甚。人主但當以二帝三王為師，上曰：一時倉猝耳。德秀曰：此已往之咎，惟願陛下知有此失，而益講學進德，次言晉川之獄，未聞參聽於公朝，准蜀二閩，乃出於僉論所期之外，天下之事，非一家之私，何惜不與眾共之。且言乾道淳熙間，有位於朝者，以饋及門為恥，受任于外者，以包苴入都為羞。今魏路公行，薰染成風，恬不知怪，又疏言朝廷之上，敏銳之士，多於老成，雖嘗以耆艾褒傳，伯成楊簡，以儒學裹柴中行，以恬退用趙善劉宰，至忠亮敢言如陳宓徐僞，皆未蒙錄用。上問廉吏，德秀以知袁州趙敏夫對，親擢敏夫直秘閣為監司，具手劄入謝，因言：崔與之帥蜀，楊長儒帥閩，皆有廉聲，乞廣加咨訪。上初御清暑殿，德秀因經筵侍上，進曰：此高孝二祖儲神燕間之地，仰瞻楹栢，當如二祖實臨其上，陛下所居處，密邇東朝，未敢遽當人主之奉，今宮閣之義浸備，以一心而受眾攻，未有不浸淫而蠹蝕者，惟學可以明此心，惟敬可以存此心，惟親君子可以維持此心，因極陳古者居喪之法，與先帝視朝之勤，寧宗小祥，詔羣臣服純吉，德秀爭之曰：自漢文帝率情變古，惟我孝宗方衰服三年，朝衣朝冠，皆以大布，惜當時不併定臣下執喪之禮，此千載無窮之憾。孝宗崩從臣羅點等議，令羣臣易月之後，未釋衰服，惟朝會治事，權用黑帶公服，時序仍臨慰，至大祥始除，侂冑枋政，始以小祥從吉，且帶不以金，程不以紅，佩不以魚，鞍轡不以文繡，此於羣臣何損，朝儀何傷，議遂格。德秀屢進鯁言，上皆虚心開納，而彌遠益嚴憚之，乃謀所以相撼，畏公議未敢發，給事中王訥感章始駁德秀所主濟王贈典，繼而殿中侍御史莫澤劾之，遂以煥章閣待制提舉玉隆宮，諫議大夫朱端常又劾之，落職罷祠，監察御史梁城大又劾之，請加寬，極上曰：仲尼不為己甚，乃止。既歸，修讀書記，語門人曰：此人君為治之門，如有用我者，執此以往，汀寇起，德秀薦陳韓有文武才，于常平使者史彌忠，言于朝，遂起韓討平之，紹定四年，改職與祠，五年，進徽猷閣，知泉州，迎者塞路，深村百歲老人亦扶杖而出，城中歡聲動地，諸邑二稅嘗預借至六七年，德秀入境，首禁預借，諸邑有累月不解一錢者，郡計赤立不可為，或咎寬恤太驟，德秀謂民困如此，

寧身代其苦。決訟自卯至申未已。或勸蓄養精神。德秀謂郡弊無力惠民。僅有政平。訟理事當勉。建炎初。置南外宗政司于京。公族僅三百人。漕司與本州給之。而朝廷歲助度牒已而不復給。而增至二千三百餘人。郡坐是愈不可為。德秀請于朝。詔給度牒百道。彌遠。上親政。以顯謨閣待制知福州。戒所部無濫刑橫斂。無徇私贖貨。罷市令司。曰物同則價同。寧有公私之異。閩縣里正苦督賦。革之。屬縣苦責糶。便宜發常平賑之。海寇縱橫。次第禽殄之。未幾。聞金滅。京湖帥奉露布圖上八陵。而江淮有進取。潼關黃河之議。德秀以為憂。上封事曰。移江淮甲兵以守無用之空城。運江淮金穀以治不耕之廢壤。富庶之效未期。根本之弊立見。惟陛下審之重之。召為戶部尚書。入見。上迎謂曰。卿去國十年。每切思賢。乃以大學衍義進。復陳天永命之說。謂敬者德之聚。儀狄之酒。南威之色。盤遊弋射之娛。禽獸狗馬之玩。有一干茲。皆足害敬。上欣然嘉納。改翰林學士。知制誥。時政多所論建。踰年知貢舉。已得疾。拜參知政事。同編脩勅令。經武要略。三乞祠祿。上不得已。進資政殿學士。提舉萬壽觀。兼侍讀。辭。疾亟。冠帶起坐。迄謝事。猶神爽不亂。遺表聞。上震悼。輟視朝。贈銀青光祿大夫。德秀長身廣額。容貌如玉。望之者無不以公輔期之。立朝不滿十年。奏疏無慮數十萬言。皆切當世要務。直聲震朝廷。四方人士誦其文。想見其風采。及宦遊所至。惠政深洽。不愧其言。由是中外交頌。都城人時驚傳傾洞。奔擁出關。曰。真直院至矣。果至。則又填塞聚觀。不置。時相益以此忌之。輒擯不用。而聲愈彰。及歸朝。適鄭清之挑敵。兵民死者數十萬。中外大耗。尤世道升降治亂之機。而德秀則既衰矣。杜範方攻清之誤國。且謂其貪黷更甚於前。而德秀乃奏言。此皆前權臣玩愒之罪。今日措置之失。譬如和扁繼庸醫之後。一藥之誤。代為庸醫受責。其議論與範不同如此。然自侂冑立僞學之名以錮善類。凡近世大儒之書。皆顯禁以絕之。德秀晚出。獨慨然以斯文自任。講習而服行之。黨禁既開。而正學遂明于天下。後世多其力也。所著西山甲乙藁。對越甲乙集。經筵講義。端平廟議。翰林詞草四六。獻忠集。江東救荒錄。清源雜志。星沙集志。既薨。上思之不置。諡曰文忠。

魏了翁。字華父。邛州蒲江人。年數歲。從諸兄入學。儼如成人。少長英悟絕出。日誦千餘言。過目不再覽。鄉里稱為神童。年十五。著韓愈論。抑揚頓挫。有作者風。慶元五年。登進士第。時方諱言道學。了翁策及之。授會書劍南西川節度判官廳公事。盡心職業。嘉泰二年。召為國子正。明年。改武學博士。開禧元年。召試學士院。韓侂胄用事。謀開邊以自固。徧國中憂駭而不敢言。了翁乃言。國家紀綱不立。國是不定。風俗苟偷。邊備廢弛。財用凋耗。人才衰弱。而道路籍籍。皆謂將有北伐之舉。人情恟恟。憂疑錯出。金地廣勢強。未可卒圖。求其在我。未見可以勝人之實。蓋亦急於內脩。姑追外攘。不然。舉天下而試於一擲。宗社存亡。係焉不可忽也。策出。眾大驚。改秘書省正字。御史徐構劾了翁對策狂妄。獨侂胄持不可而止。明年。遷校書郎。以親老乞補外。乃知嘉定府。行次江陵。蜀大將吳曦以四川叛。了翁策其必敗。又明年。曦誅蜀平。了翁奉親還里。侂胄亦以誤國。誅朝廷。收召諸賢。了翁預焉。會史彌遠入相。專國事。了翁察其所為。力辭召命。了翁父。憂解官。心喪。築室白鶴山下。以所聞於輔廣李燾者。開門授徒。士爭負笈從之。由是蜀人盡知義理之學。差知漢州。漢號為繁劇。了翁以化善俗為治。首蠲積逋二十餘萬。除科抑賣酒之弊。嚴戶婚交許之禁。復為文論。以厚倫止訟。其民敬奉。教不敢犯。會境內橋壞。民有壓死者。部使者以聞。詔降官一秩。主管建寧府武夷山冲佑觀。未數月。復元官。知眉州。眉雖為文物之邦。然其俗習法令。持吏短長。故號難治。聞了翁至。爭試以事。乃尊禮耆者。簡拔俊秀。朔望詣學宮。親為講說。誘掖指授。行鄉飲酒禮。以示教化。增貢士員。以振文風。復蠲頤堰築江鄉館。利民之事。知無不為。士論大服。俗為之變。治行彰聞。嘉定四年。擢潼川路提點刑獄公事。八年。兼提舉常平等事。遷轉判官。戢吏。敦詢民瘼。舉刺不避權右。風采蕭然。上疏。乞與周惇頤張載程頤錫爵定諡。示學者趣向。朝論譏之。如其請。遂寧關守。了翁行郡事。即具奏乞脩城郭。備不虞。廷議靳其費。了翁增埤浚隍。如待敵至者。後一年。濱卒。攻掠郡縣。知其有備。不敢逞。人始服豫防之意。十年。遷直祕閣。知瀘州。主管潼川路安撫司公事。了翁夢。免喪。差知潼川府。約已裕民。厥績大著。若游似吳詠。卒子才。皆蜀名士。造門受業。

十五年，被召入對，疏二千餘言，首論人與天地一本，必與天地相似，而後可以無曠天位，并及人才風俗五事，明白切暢，又論郡邑強幹弱枝之弊，所宜變通，蓋自了翁去國十有七年矣。至是上迎勞優渥，嘉納其言，進兵部郎中，俄改司封郎中，兼國史院編修官，轉對論江淮襄蜀當分為四重鎮，擇人以任，虛心以聽，假以事權，資以才用，為聯絡守御之計。次論蜀邊墾田及實錄闕文等事，皆下其章中書。十六年，為省試參詳官，遷太常少卿，兼侍立條注官。十七年，遷秘書監，尋以起居舍人，再辭而後就列，入奏，極言事變倚伏，人心向背，疆場安危，鄰寇動靜，其幾有五，謂宜察時幾而共天命，尊道揆而嚴法守，集思廣益，汲汲圖之，不猶愈於坐觀事會而聽其勢之所趨乎？又論士大夫風俗之弊，謂君臣上下，同心一德，而後平居有所補益，緩急有所倚仗，如人自為謀，則天下之患，有不可終窮者，今則面從而腹誹，習諛而踵陋，臣實懼焉。蓋亦察人心之邪正，推世變之倚伏，開拓規模，收拾人物，庶幾臨事無乏人之歎，其言剴切，無所忌避，而時相始不樂矣。寧宗崩，理宗自宗室入即位，時事忽異，了翁積憂成疾，三疏求閒，不得請，遷起居郎，明年改元寶慶，雷發非時，上有朕心終夕不安之語，了翁入對，即論人主之心，義理所安，是之謂天，非此心之外，別有所謂天地神明也。陛下盍即不安而求之，對天地，事父母，見羣臣，親講讀，皆隨事反求，則大本立而無事不可為矣。又論講學不明，風俗浮淺，立朝無犯顏敢諫之忠，臨難無仗節死義之勇，願敷求碩儒，丕闡正學，圖為久安長治之計。又請申命大臣，於除授之際，公聽並觀，然後實意所孚，善類皆出矣。屬濟王黜削以死，有司顧望，治葬弗虔，了翁每見上，請厚倫紀，以弭人言，應詔言事者十餘人，朝士惟了翁與洪咨夔、胡夢昱、張忠恕，所言能引義刷上，最為切至，而了翁亦以疾求去。右正言李知孝劾夢昱竄嶺南，了翁出關餞別，遂指了翁首倡異論，將擊之。彌遠猶外示優容，俄權尚書工部侍郎，了翁力以疾辭，乃以集英殿修撰知常德府。越二日，諫議大夫朱端常遂劾了翁欺世盜名，朋邪誘國，詔降三官，靖州居住。初，了翁再入朝，彌遠欲引以自助，了翁正色不撓，未嘗私謁。故三年之間，循格序遷，未嘗處以要地，了翁至靖，湖湘江浙之士，不遠千里，負書從學，乃著九

經要義百卷，訂定精密，先儒所未有。紹定四年，復職，主管建寧府武夷山神佑觀。五年，改差提舉江州太平興國宮，尋知遂寧府，辭不拜，進寶章閣待制，漳州路安撫使，知瀘州，瀘大藩，控制邊面二千里，而武備不修，城郭不治，了翁乃葺其城樓櫓，雉堞，增置器械，教習牌手，申嚴軍律，興學校，蠲宿負，復社倉，創義塚，建養濟院，居數月，百廢具舉，彌遠薨，上親庶政，進華文閣待制，賜金帶，因其任，了翁念國家權臣相繼，內擅國柄，外變風俗，綱常淪敷，法度墮弛，貪濁在位，舉事弊蠹，不可滌濯，遂應詔上章論十弊，乞復舊典以彰新化。一曰復三省之典，以重六卿。二曰復二府之典，以集眾議。三曰復都室之典，以重省府。四曰復侍從之典，以來忠告。五曰復經筵之典，以熙聖學。六曰復臺諫之典，以公黜陟。七曰復制誥之典，以謹命令。八曰復聽言之典，以通下情。九曰復三衙之典，以彊主威。十曰復制閫之典，以黜私意。疏列萬言，先引故實，次陳時弊，分別利害，榮若白黑，上讀之感動，即於經筵舉之成誦，其後舊典皆復，其初，臣庶封章，多乞召還了翁及真德秀，上因民望而並招之，用了翁權禮部尚書，兼直學士院，入封，首乞明君子小人之辨，以為進退人物之本，以杜姦邪窺伺之端。次論故相十失，猶存，又及脩身齊家，選宗賢，建內小學等，皆切於上躬者，他和如議，不可信，北軍不可保，軍實財用不可恃，凡十餘端，復口奏利害，書漏下四十刻，而退，兼同脩國史，兼侍讀，俄兼吏部尚書，經緯進讀，上必改容以聽，詢察政事，訪問人才，復條十事，以獻，皆苦心空臆，直述事情，言人所難，上悉嘉納，且手詔獎諭，又奏乞收還保全彌遠家御筆，乞定趙汝愚配享寧廟，乞趣崔與之參預政事，乞定履畝之命，以寬民力，乞詔從臣集議，以救楮弊，乞儲閣才以備緩急，又因進故事，如儲人才，凝國論，如力圖自治之策，如下罪己之詔，如分別襲黃二帥是非，如究見黃陂叛卒利害，如分任諸帥區處降附，還朝六閱月，前後二十餘奏，皆當時急務，上將引以共政，而忌者相與合謀排擯，而不能安於朝矣。執政遂謂近臣惟了翁知兵體國，乃以端明殿學士同舍書樞密院事，督視京湖軍馬，會江淮督府曾從龍，以憂長卒，併以江淮付了翁，朝論大駭，以為不可。三學亦上書爭之，適邊警沓至，上心焦勞，了翁嫌於避事，既五辭弗獲，遂受命，開

府宣押。同二府奏事。上勉勞尤至。尋兼提舉編脩武經要略。恩數同執政。進封臨邛郡開國侯。又賜便宜詔書。如張浚故事。朝辭。面賜御書唐人嚴武詩及鶴山書院四大字。仍賜金帶鞍馬。詔宰臣飲錢于關外。乃酌上下流之中。開幕府江州。申徹將帥。調遣援師。褒死事之臣。黜退懦之將。奏邊防十事。甫二旬。召爲僉書樞密院事。赴闕奏事。時以疾力辭不拜。蓋在朝諸人始謀假此命以出了翁。既出則復以建督爲非。雖恩禮赫奕。而督府奏陳。動相牽制。故遽召還。前後皆非上意也。尋改資政殿學士。湖南安撫使。知潭州。復力辭。詔提舉臨安府洞霄宮。未幾。改知紹興府。浙東安撫使。嘉熙元年。改知福州。福建安撫使。累章乞骸骨。詔不允。疾革。復上疏。門人問疾者。猶衣冠相與酬答。且曰。吾平生處己。澹然無營。復語蜀兵亂事。盛額久之。口授遺奏。少焉拱手而逝。後十日。詔以資政殿大學士通奉大夫致仕。遺表聞。上震悼。輟視朝。數惜有用才不盡之恨。詔贈太師。諡文靖。賜第宅蘇州。累贈秦國公。所著有鶴山集。九經要義。周易集義。易舉隅。周禮井田圖說。古今考。經史雜抄。師友雅言。

廖德明。字子晦。南劍人。少學釋氏。及得龜山楊時書。讀之大悟。遂受業朱熹。登乾道中進士第。知莆田縣。民有奉淫祠者罪之。沉像于江。會有顯者欲取邑地廣其居。德明不可。守會僚屬論之。德明曰。太守天子守土之臣。未聞以土地與人者。守乃慚服。累官知漳州。有聲。諸司且交薦之。德明曰。今老矣。況以道徇人乎。固辭不受。選廣東提舉刑獄。彈劾不避權要。歲當薦士。朝貴多以書託之。德明曰。此國家公器也。悉不啓封還之。有鄉人爲主簿。德明聞其能薦之。會德明行縣。簿感其知己。置酒延之。悉假富人觴豆甚盛。德明怒曰。一主簿乃若是侈耶。必貪也。於是追還薦章。其公嚴類此。時盜陷桂陽。迫韶。韶人懼。德明燕笑自如。遣將馳擊。而親持小麾督戰。大敗之。乃分戍守。遠斥埃。明審賞罰。宣布威信。韶晏然如平時。徙知廣州。遷吏部左選郎官。奉祠。卒。德明初爲漳州教授。爲學者講明聖賢心學之要。手植三柏于濬。學士愛敬之。如甘棠。在南粵時。立師恬堂。刻朱熹家禮及程氏諸書。公餘延僚屬及諸生。親爲講說。遠近化之。嘗語人以仕學之要曰。德明自始仕以至爲郡。惟用三代直道而行一句而已。有槎溪

集行于世。

宋史卷四百三十七

元中書右丞相總裁脫脫等修

列傳第一百九十七

儒林八

湯漢

何基

王柏

徐夢莘

弟得之從子天麟附

李心傳

葉味道

王應麟

黃震

湯漢字伯紀饒州安仁人與其兄千中皆知名當時柴中行見而奇之真德秀在潭致漢為賓客嘗造趙汝談汝談曰第一流也江東提刑趙汝騰薦漢於朝詔免解差充象山書院堂長赴禮部別院試正奏名授上饒縣主簿江東轉運使趙希堅言漢今海內知名士也豈得吏之州縣哉詔循兩資差信州教授兼象山書院長淳祐十二年差充史館校勘改國史實錄院校勘會大水上封事曰君心敬肆之分實上天喜怒之由一念之敬上帝臨汝祥風慶雲所從出也一念之肆上帝震怒妖浸陰沴所從生也火災應詔上封事曰臣聞任天下之大立心不可不公守天下之重持心不可不敬陛下膺皇天之眷命受祖宗之寶圖則不當懷私恩為天下共主為億兆寄命則不當隆私親大臣邇臣服休服采皆陛下所倚仗也則不當信私人三省密院者陛下之朝廷發號布政所從出也則不當有私令四海九州土宇版章皆陛下之倉廩府庫也則不當殖私財陛下於皇天祖宗之德弗永念而報答私恩於羣黎百姓之疾苦弗深恤而富貴私親公卿在廷其信任不若近習之篤中書造命其除行不若內批之專則陛下之立心既未能盡合乎天下之公矣往者陛下上畏天戒下恤人言內則拘制於權臣外則恐怯於疆敵微心既不盡盡弛則私意亦未得盡行比年以來天戒人言既以玩熟而貪濁柄國黷貨無厭彼既將恣行其私則不得不縱陛下之所欲為於是前日之敬畏盡忘而一念之私始四出而不可禦矣姑以近事跡之定策之碑忽從中出鄉未欲親其文也貴戚子弟參錯中外鄉不如是之放也土木之禍展轉流毒訟牒細故胥吏賤人皆得籍羣瑞之勢徹清都之選鄉不如是之熾也御筆之出上則廢朝令下則侵有司鄉不如是

之多也賄賂之通書致之操鄉不如是其章也故凡陛下之所以未能任大守重而至於忍怨宿禍者始於立心之未公成於持心之不敬私以為主而肆以行之此所以感動天地而水火之災捷出於數月之內也陛下得不亟為治亂持危之計而可復以常日玩易之心處之乎授太學博士轉對言太祖之天下壞其半者蔡京王黼也高宗之天下壞其半者鄭清之也又曰苟有志焉則其紀綱必先正其根本必先疆其藩籬必先固夫然後心廣體胖洋洋而優游其樂無極矣舍此不務而徒以九重之深一笑之適以為樂樂極而思之吾有朝廷而不能治也吾有黎民而無與保之也起視四境而外侮又至矣雖有鄭衛之音燕趙之色建章之麗瓊林之積亦獨何樂哉召試館職遷秘書省校書郎皇太子冠差充太常博士引賓贊受命進冠箄詔令太子拜謝升秘書郎轉對極言邊事以為今日扶危救亂無復他策在乎人主清心無欲盡用天下之財力以治兵大臣公心無我盡用天下之人才以疆本庶幾尚有以士為存之理耳提舉福建常平劾福州守史崑之泉州守謝埴召為禮部郎官兼太子侍讀尋以直華文閣福建運判改知寧國府遷提舉江西常平兼知吉州移江東運判知隆興府召為尚左郎官兼太子侍讀兼玉牒所檢討官入奏願陛下端本澄源虛已盡下恢大公之道開不諱之門使朝廷之上光明洞達而無邪孽之根以撓其正四海之內歡欣交通而無怨戾之氣以奸其和臣之忠愛莫切於此遷太府少卿升兼太子諭德改秘書少監疏論比年童宋臣聲焰薰灼其力能去臺諫排大臣結連兇渠惡德參會以致兵戈相尋之禍陛下灼見其故斥而遠之臣意其影滅而跡絕矣豈料夫陰消而再凝冰解而驟合既得自便即圖復用以其罪戾之餘一旦復使之出入壺奧之中給事宗廟之內此其重干神人之怒再基禍亂之源上下皇惑大小切齒而陛下方為之辨明大臣方與之和解臣竊重傷此過計也自古小人復出其害必慘將逞其憤怨嘯其僇伍顛倒宇宙陛下之威神有時而不得以自行甚可畏也乞休致擢太常少卿太子以書勉留求補外以秘閣修撰知福州福建安撫改知隆興府度宗即位召奏事授太常少卿兼國史院編修官實錄院檢討官遷起居郎兼侍讀入奏言

願陛下持一敬心以正百度，則追養繼孝，所以報先帝者，必益致其隆。先意承志，所以事太母者，必益致其謹。其愛身也，必不以物欲撓其和平。其正家也，必不以私昵墮其法度。政事必出於朝廷，而預防於多門。人才必由於明揚，而深杜於邪徑。兼權中書舍人，權兵部侍郎，升兼同修國史，實錄院同修撰，兼直學士，累請致仕，授華文閣待制，知寧國府，賜金帶，久之，又召為刑部侍郎，兼侍讀，以龍圖閣待制知福州，福建安撫使，改知太平州，權工部尚書，兼侍讀，以顯文閣直學士提舉玉隆宮，進華文閣學士，以端明殿學士致仕，卒年七十一，特贈正奉大夫，諡文清。漢介潔有守，恬於進取，有文集六十卷。

何基字子恭，婺州金華人。父伯夔為臨州縣丞，而黃幹通知其縣事，伯夔見二子而師事焉。幹告以必有真實心地刻苦工夫而後可，基悚惕受命。於是隨事誘掖，得聞淵源之懿，微辭奧義，研精覃思，平心易氣，以俟其通，未嘗參以己意，立異以為高，徇人而少變也。凡所讀無不加標點，義顯意明，有不待論說而自見者。朱熹門人楊與立一見推服，來學者眾，嘗謂為學立志貴堅，規模貴大，充踐服行，死而後已。讀詩之法，須掃蕩胸次淨盡，然後吟哦上下，諷詠從容，使人感發，方為有功。謂以洪範參之大學中庸，有不約而符者，謂讀易者當盡去其膠固支離之見，以潔淨其心，玩精微之理，沉潛涵泳，得其根源，乃可漸觀交象，蓋其確守師訓，故能精義造約。王柏既執贖為弟子，基謙抑，不以師道自尊，柏高明絕識，序正諸經，弘論英辨，質問難疑，或一事至十往返，基終不變以待其定。嘗曰：治經當謹守精玩，不必多起疑論，有欲為後學言者，謹之又謹可也。基淳固篤實，絕類漢儒，雖一本於熹，然就其言發明，則精義新意，愈出不窮。基文集三十卷，而與柏問辨者十八卷。郡守趙汝騰守婺，延聘講讀，辭不就，復首薦於朝，又率各從官列薦，通判鄭士懿守蔡，抗楊棟相繼以請，皆辭。景定五年，詔舉賢特薦，基與建人徐幾同被命，添差婺州學教授兼麗澤書院山長，力辭未竟。理宗崩，咸淳初，授史館校勘，兼崇政殿說書，屢辭，改承務郎，主管西岳廟，終亦不受也。卒年八十一。國子祭酒楊文仲請於朝，諡文定。所著大學發揮中庸發揮，大傳發揮，易啟蒙發揮，通書發揮，近思錄發揮。

王柏，字會之，婺州金華人。大父崇政殿說書師愈，從楊時受易論語，既又從朱熹張栻呂祖謙游。父瀚，朝奉郎，主管建昌軍山都觀，兄弟皆及熹祖謙之門。柏少慕諸葛亮為人，自號長嘯，年踰三十，始知家學之原，捐去俗學，勇於求道，與其友汪開之著論語通旨，至居處恭，執事敬，惕然數日，長嘯非聖門持敬之道，亟更以魯齋從熹門人游，或語以何基嘗從黃幹得熹之傳，即往從之，授以立志居敬之旨，且作魯齋箴勉之，質實堅苦，有疑必從基質之。於論語大學中庸孟子通鑑綱目標注點校，尤為精密，作敬齋箴圖，夙與見廟，治家嚴飭，嘗暑閉閣靜坐，子弟白事，非衣冠不見也。少孤，事其伯兄基恭，季弟蚤喪，撫其孤，又割田予之，收合宗族，周恤扶持之，開之沒，家貧為之歛，且葬焉。來學者眾，其教必先之以大學，蔡抗楊棟相繼守婺，趙景緯守台，聘為麗澤上蔡兩書院師，鄉之耆德皆執弟子禮，理宗崩，率諸生製服臨於郡，柏之言曰：伏羲則河圖以畫八卦，文王推八卦以合河圖者，先天後天之宗祖也。河圖是逐位奇偶之交，後天是統體奇偶之交，惟四生數不動，以四成數而下上之，上偶下奇，莫匪自然。又曰：大禹得洛書而列九疇，箕子得九疇而傳洪範，範圍之數，不期而暗合，洪範者，經傳之宗祖乎。初一日五行以下六十五字為洪範，五皇極以下六十四字為皇極經，此帝王相傳之大訓，非箕子之言也。又曰：今詩三百五篇，豈盡定於夫子之手，所刪之詩，容或有存於閭巷浮薄之口，漢儒取於補亡，乃定二南各十有一篇，兩兩相配，退何彼穠矣，甘棠歸之王風，削去野有死麕，黜鄭衛淫奔之詩，又作春秋發揮，又曰：大學致知格物章，未嘗亡，還知止章於聽訟之上，謂中庸古有二篇，誠明可為綱，不可為目，定中庸誠明各十一章，其卓識獨見，多此類也。其卒，整衣冠端坐，揮婦人勿近，國子祭酒楊文仲請於朝，諡曰文憲。所著有讀易記，涵古易說，大象衍義，涵古圖書，讀書記，書疑，詩辨說，讀春秋記，論語衍義，太極衍義，伊洛精義，研幾圖，魯經章句，論語通旨，孟子通旨，書附傳，左氏正傳，續國語，閩學之書，文章復古，文章續古，濂洛文統，擬道志，朱子指要，詩可言，天文考，地理考，墨林考，大爾雅，六義字原，正始之音，帝王曆數，江右淵源，伊洛精義，雜志，周子發遣三昧，文章指南，朝華集，紫陽詩類，家乘，文集。

徐夢莘字商老臨江人幼慧耽嗜經史下至稗官小說寓目成誦紹興二十四年舉進士歷官爲南安軍教授改知湘陰縣會湖南帥括田號增耕稅他邑奉令惟謹夢莘獨謂邑無新田租稅無從出帥恚其私於民欲從簿書開撫其過終莫能得由是反器重之尋主管廣西轉運司文字時朝廷議易二廣鹽法遣廣西安撫司幹官胡廷直與東西漕臣集議於境夢莘從行謂廣西阻山止當仍官般法則害不及民廣東諸郡並江或可容客販未宜遽以二廣概行議與廷直不合廷直竟遂其說以客販變法得爲轉運使夢莘既知賓州猶以前議爲梗法罷去不三年二廣商賈毀業民苦無鹽復從官般法矣夢莘恬於榮進每念生於靖康之亂四歲而江西阻江母穉貧亡去得免思究見顛末乃網羅舊聞會粹同異爲三朝北盟會編三百五十卷自政和七年海上之盟訖紹興三十一年完顏亮之斃上下四十五年凡曰敕曰制詔國書書疏奏議記序碑志發載靡遺帝聞而嘉之擢直秘閣夢莘平生多所著有集錄有讀書記志有集醫錄有集仙錄皆以儒學冠之其嗜學博文蓋孜孜焉死而後已者開禧元年秋八月卒年八十二夢莘弟得之從子天麟得之字思叔淳熙十年舉進士部使者以廉吏薦以通直郎致仕安貧樂分不食不踐著左氏國紀史記年紀作具敵篋筆略鼓吹詞林江志天麟字仲祥開禧元年進士調撫州教授歷湖廣總領所幹辦公事臨安府教授浙西提舉常平司幹官主管禮兵部架閣宗學諭武學博士輪對言人主當持心以敬奉祠仙都觀通判惠潭二州權英德府權發遣廣西轉運判官所至與學明教有惠政著西漢會要七十卷東漢會要四十卷漢兵本末一卷西漢地理疏六卷山經三十卷既謝官作亭蕭灘之上畫嚴子陵像而事之

李心傳字微之宗正寺簿籍臣之子也慶元元年薦於鄉既下第絕意不復應舉閉戶著書晚因崔與之許奕魏了翁等合前後二十三人之薦自置司敦遣至闕下爲史館校勘賜進士出身專修中興四朝帝紀甫成其三因言者罷添差通判成都府尋遷著作佐郎兼四川制置司參議官詔無入議事許辟官置局踵修十三朝會要端平三年成書召赴闕爲工部侍郎言臣聞大兵之後

必有凶年蓋其殺戮之多賦歛之重使斯民怨怒之氣上干陰陽之和至於此極也陛下所宜與諸大臣掃除亂政與民更始以爲消惡運迎善祥之計而法弊未嘗更張民勞不加振德既無能改於其舊而殆有其焉故帝德未至於罔愆朝綱或苦於多紊廉平之吏所在鮮見而貪利無恥敢於爲惡之人挾敵與兵四面而起以求逞其所欲如此而望五福來備百穀用成是緣木而求魚也臣考致旱之由曰和糴增多而民怨曰流散無所歸而民怨曰檢稅不盡實而民怨曰籍貫不以罪而民怨凡此皆起於大兵之後而勢未有以消之故愈積而愈極也成湯聖主也而桑林之禱猶以六事自責陛下願治七年於此災祥日則使民疾矣陪都園廟工作甚殷則土木營矣潛邸女冠聲焰茲熾則女謁威矣珍玩之獻罕聞卻絕則包直行矣鯁切之言類多厭棄則讒夫昌矣此六事者一或有焉猶足以致旱願亟降罪己之詔修六事以回天心羣臣之中有獻聚斂剽竊之論以求進者必重黜之俾不得以上誣聖德則旱雖烈猶可弭也然民怨於內敵逼於外事窮勢迫何所不至陛下雖謀臣如雲猛將如雨亦不知所以爲策矣帝從之未幾復以言去奉祠居潮州淳祐元年罷祠復予又罷三年致仕卒年七十有八心傳有史才通故實然其作吳獵項安世傳褒貶有愧秉筆之旨蓋其志常重川蜀而薄東南之士云所著成書有高宗繫年錄二百卷學易編五卷誦詩訓五卷春秋考十三卷禮辨二十三卷讀史考十二卷舊聞證誤十五卷朝野雜記四十卷道命錄五卷西陲泰定錄九十卷辯南選錄一卷詩文一百卷

葉味道初諱賀孫以字行更字知道温州人少刻志好古學師事朱熹試禮部第一時僞學禁行味道對學制策率本程頤無所避知舉胡絃見而黜之曰此必僞徒也既下第復從熹於武夷山中學禁開登嘉定十三年進士第調鄂州教授理宗訪問熹之徒及所著書部使者遂以味道行誼聞差主管三省架閣文字遷宗學諭輪對言人主之務學天下之福也必堅志氣以守所學謹幾微以驗所學正綱常以勵所學用忠言以充所學至若口奏則又述帝王傳心之

要與四代作歌作銘之旨其終有曰言宜則力減文勝則意虛從臣有薦味道可為講官乃授太學博士兼崇政殿說書故事說書之職止於通鑑而不及經味道請先說論語詔從之帝忽問鬼神之理疑伯有之事涉於誕味道對曰陰陽二氣之散聚雖天地不能易有死而猶不散者其常也有不得其死而鬱結不散者其變也故聖人設為宗祧以別親疏遠邇正所以教民親愛麥贊化育今伯有得罪而死其氣不散為妖為厲使國人上下為之不寧於是為之立子洩以奉其後則庶乎鬼有所知而神莫不寧矣蓋飄皇子竝事也三京用師廷臣邊聞交進機會之說味道進議狀以為開邊浸闊應授倍難科配日繁餽餉日迫民不堪命龐勛黃巢之禍立見是先搖其本無益於外也經筵奏事無日不申言之而洛師尋以敗聞於是人謂味道見微慮遠味道所奏陳無一言不關導引翼求切於君身旁引折旋推致於治道遷秘書著作佐郎而卒計聞帝震悼出內帑銀帛賜其喪升一官以任其後故事所未有也所著四書說大學講義祭法宗廟廟享郊社外傳經筵口奏故事講義

王應麟字伯厚慶元府人九歲通六經淳祐元年舉進士從王益受學調西安主簿民以年少易視之輸賦後時應麟白郡守繩以法遂立辦諸校欲為亂知縣事翁甫倉皇計不知所出應麟以禮諭服之差監平江百萬東倉調浙西提舉常平茶鹽主管帳司部使者鄭霖異待之丁父憂服除調揚州教授初應麟登第言曰今之事舉子業者沽名譽得則一切委棄制度典故漫不省非國家所望於通儒於是閉門發憤誓以博學宏辭科自見假館閣書讀之寶祐四年中是科應麟與弟應鳳同日生開慶元年亦中是科詔聚論之添差浙西安撫司幹辦公事帝御集英殿策士召應麟覆考考第既上帝欲易第七卷實其首應麟讀之乃頓首曰是卷古誼若龜鏡忠肝如鐵石臣敢為得士賀遂以第七卷為首選及唱名乃文天祥也遷主管三省樞密院架閣文字遷國子錄進武學博士疏言陛下閱理多願治久當事勢之艱輿圖憂於外患人才乏而民力殫宜強為善增修德無自沮怠恢弘士氣下情畢達操綱紀而明委任謹左右而防竇蔽求哲人以輔後嗣既對帝問其父名曰爾父以陳善為忠可謂繼美

丁大全欲致應麟不可得遷太常寺主簿面對言淮戍方警蜀道孔艱海表上流皆有藩籬唇齒之憂軍功未集而各賞民力既困而重斂非修攘計也陛下勿以宴安自逸勿以容悅之言自寬帝愀然曰邊事甚可憂應麟言無事深憂臨事不懼願汲汲預防毋為壘蔽所欺時大全諱言邊事於是應麟罷未幾大全敗起應麟通判台州召為太常博士擢秘書郎俄兼沂靖惠王府教授彗星見應詔極論執政侍從臺諫之罪積私財行公田之害又言應天變莫先回人心回人心莫先受直言箝天下之口沮直臣之氣如應天何時直言者多迕權臣意故應麟及之遷著作佐郎度宗即位攝禮部郎官草百官表舊制請聽政四表已上一夕入臨宰臣諭旨增撰三表應麟操筆立就丞相總護還辭位表三道使者立以俟應麟從容授之丞相驚服即授兼禮部郎官兼直學士院馬廷鸞知貢舉詔應麟兼權直俄兼崇政殿說書遷著作郎守軍器少監經筵值人日雪帝問有何故事應麟以唐李嶠李義等應制詩對因奏春雪過多民生飢寒方寸仁愛宜謹感召遷將作監帝視朝謂應麟曰為學要灼見古人心應麟對曰嚴恭寅畏不敢怠皇克勤克儉無自縱逸強以馭下制事以斷此古入之心然操舍易忽於眇綿兢業每忘於游衍帝嘉納之既而轉對言人君防未萌之欲存不已之誠擢兼侍立修注官升權直學士院遷秘書少監兼侍講上疏論市舶不報會買似道拜平章事葉夢鼎江萬里各求去似道亦求去應麟奏孝宗朝關相者亦逾年帝亟取以諭之似道聞應麟言大惡之語包恢曰我去朝士若王伯厚者多矣但此人素著文學名不欲使天下謂我棄士彼盡思少自貶恢以告應麟笑曰迨相之患小負君之罪大遷起居舍人兼權中書舍人冬雷應麟言十月之雷惟東漢數見命令不專姦表並進卑踰尊外陵內之象當清天君謹天命體天德以回天心守成必法祖宗御治必總咸福似道聞之斥逐之意決矣應麟牒閣門直前奏對謂用人莫先察君子小人方袖疏待班臺臣亟疏駁之由是二史直前之制遂廢以秘閣修撰主管崇禧觀久之起知徽州其父攜嘗守是郡父老皆曰此清白太守子也推豪右省租賦民大悅召為秘書監權中書舍人力辭不許兼國史編修實錄檢討兼侍講遷起居

郎兼權吏部侍郎。指陳成敗逆順之說。且曰。國家所恃者大江。襄樊其喉舌。議不容緩。朝廷方從容如常時。事幾一失。豈能自安。朝臣無以邊事言者。帝不憚。似道復謀斥逐。適應麟以母憂去。及似道潰師江上。授中書舍人。兼直學士院。即引疏陳十事。急征討。明政刑。厲廉恥。通下情。求將材。練軍實。備糧餉。舉賢材。擇牧守。防海道。其目也。且言。圖大患者必略細故。求實效者必去虛文。因請集諸路勤王之師。有能率先而至者。宜厚賞。以作勇敢之氣。并力進戰。惟能戰斯可守。進兼同修國史。實錄院同修撰。兼侍讀。遷禮部侍郎。兼中書舍人。日食應詔。論答天戒五事。陳備禦十策。皆不及用。尋轉尚書。兼給事中。左丞相留夢炎用徐囊爲御史。擢江西制置使黃萬石等。應麟繳奏曰。囊與夢炎同鄉。有私人之嫌。萬石蠱戾無學。南昌失守。誤國罪大。今方欲引以自助。善類爲所搏噬者。必攜持而去。吳浚貪墨輕躁。豈宜用之。況夢炎姪令慢諫。諫言弗敢告。今之賣降者。多其任用之士。疏再上不報。出關俟命。再奏曰。因危急而紊紀綱。以偏見而拂公議。臣封駁不行。與大臣異論。勢不當留。疏入。又不報。遂東歸。詔中使譚純德以翰林學士召識者。以爲奪其要路。龍以清秩。非所以待賢者。應麟亦力辭。後二十年卒。所著有深寧集一百卷。玉堂類藁二十三卷。掖垣類藁二十二卷。詩考五卷。詩地理考五卷。漢藝文志考證十卷。通鑑地理考一百卷。通鑑地理通釋十六卷。通鑑答問四卷。困學紀聞二十卷。蒙訓七十卷。集解踐阼篇。補注急就篇六卷。補注王會篇。小學紺珠十卷。玉海二百卷。詞學指南四卷。詞學題苑四十卷。筆海四十卷。姓氏急就篇六卷。漢制考四卷。六經天文編六卷。小學諷詠四卷。

黃震。字東發。慶元府慈溪人。寶祐四年。登進士第。調吳縣尉。吳多豪勢家。告私債。則以屬民。多飢凍窘苦。死尉卒。手震至。不受貴家告。府檄攝其縣。及攝長洲華亭。皆有聲。浙東提舉常平王華甫。辟主管帳司文字。時錢庚孫守常。朱熠守平江。吳君權守嘉興。皆倚嬖倖。厲民華甫病革。彊起劫罷三人。震贊之也。沿海制置司辟幹辦。提領浙西鹽事。不就。改辟提領鎮江轉般倉分司。公田法行。改提領官田。所言不便。不聽。復轉般倉職。入爲點校。贍軍激賞酒庫所檢察官。

擢史館檢閱。與修寧宗理宗兩朝國史實錄。論對。言當時之大弊。曰。民窮。曰。兵弱。曰。財匱。曰。士大夫無恥。乞罷給度僧人。道士。牒使其徒老死。即消弭之。收其田入。可以富軍國。紓民力。時官中建內道場。故首及此。帝怒。批降三秩。即出國門。用諫官言得釋。出通判廣德軍。初。孝宗頒朱熹社倉法於天下。而廣德則官置此倉。民困於納息。至以息爲本。而息皆橫取。民窮至自經。人以爲熹之法。不敢議。震曰。不然。法出於堯舜。三代聖人。猶有變通。安有先儒爲法。不思揀其弊耶。況熹法。社倉歸之於民。而官不得與。官雖不與。而終有納息之患。震爲別買田六百畝。以其租代社倉息。約非凶年不貸。而貸者不取息。郡有祠山廟。歲合江淮之民禱祈者數十萬。其牲皆用牛。郡惡少挾兵刃。舞牲迎神爲常。鬪爭致犯法。其俗又有自嬰桎梏。自拷掠。以徵福者。震見問之。乃兵卒。責自狀其罪。卒曰。本無罪。震曰。爾罪多。不敢對人言。特告神。以免罪耳。杖之示衆。又其俗有所謂埋藏會者。爲坎於庭。深廣皆五尺。以所祭牛及器。置數百納其中。覆以牛草。封鑄一夕。明發視之。失所在。震以爲妖。而殺牛。淫祀非法。言之諸司。禁絕之。郡守賈蕃。世以權相從。子驕縱不法。震數與爭論。是非蕃世積不堪。疏震撓政。坐解官。尋通判紹興府。復海寇僂之。撫州饑。起震知其州。單車疾馳。中道約富人。不入州治。不抑米價。價日損。親煮粥食餓者。請於朝。給爵賞。旌勞者。而後入視州事。轉運司下州糶米七萬石。震曰。民生蹶矣。豈宜重困之。以沒官田三莊。所入應之。若補刻六經儀禮。修復朱熹祠。樹晏殊里門。曰。舊學坊。制祭社稷器。復風雷祀。勸民種麥。禁競渡。船焚子三百餘艘。用其丁。鐵煎軍營五百間。皆營政也。詔增秩。遂升提舉常平倉司。舊有結關拒捕事。繫郡獄二十有八年。存者十無三四。以事關尚書省。無敢決其獄者。以結關爲作亂也。震謂結關猶他郡之結甲也。非作亂比。況已經數赦。於是皆釋之。新城與光澤地。犬牙相入。民夾溪而處。歲常忿鬪。爭漁會。知縣事。蹇雄爲政。擾民。因相結拒起。焚掠。震乃勸罷雄。論其民散去。初。常平有慈幼局。爲貧而棄子者。設久而名存實亡。震謂收哺於既棄之後。不若先其未棄保全之。乃損益舊法。凡當免而貧者。許里胥請於

官贖之業者許人收養官出粟給所收家成活者衆震論役法先令縣覈民產業不使下戶受抑於上戶大興水利廢陂壞堰及爲豪右所占者復之改提點刑獄決滯獄清民訟赫然如神明有貴家害民震按之貴家怨又彊發富人粟與民富人亦怨御史中丞陳堅以讒者言劾震去讒者乃怨震者也遂奉雲臺祠賈似道罷相以宗正寺簿召蔣與俞浙並爲監察御史有內戚長震直止之而浙亦以直言去移浙東提舉常平鎮安饑民折盜賊萌芽時皇叔大父福王與芮判紹興府遂兼王府長史震奏曰朝廷之制尊卑不同而紀綱不可紊外雖藩王監司得言之今爲其屬豈敢察其非奈何自臣復壞其法固不拜長史命進侍左郎官及宗正少卿皆不拜震嘗告人曰非聖人之書不可觀無益之詩文不作可也居官恆未明視事專至立決自奉儉薄人有急難則周之不少吝所著日抄一百卷卒門人私謚曰文潔先生

宋史卷四百三十八

宋史卷四百三十八考證

王應麟傳假館閣書讀之○臣謹按至正直記應麟每以小冊納袖中入祕府凡見書籍異聞則筆錄之復藏袖中而出晚年成困學紀聞

宋史卷四百三十八考證

元中書右丞相總裁脫脫等修
列傳第一百九十八

文苑一

宋白

梁周翰

朱昂

趙麟幾何承裕附

鄭起郭昱馬應

和峴弟東附

馮吉

自古創業垂統之君，即其一時之好尚，而一代之規模，可以豫知矣。藝祖革命，首用文吏，而奪武臣之權，宋之尚文，端本乎此。太宗真宗，其在藩邸，已有好學之名，及其即位，彌文日增，自時厥後，子孫相承，上之為君者，無不典學，下之為人臣者，自宰相以至令錄，無不擢科，海內文士，彬彬輩出焉。國初楊億劉筠，猶襲唐人聲律之體，柳開穆修，志欲變古而力弗逮，慶曆歐陽修出，以古文信臨川王安石，眉山蘇軾，南豐曾鞏，起而和之，宋文日趨於古矣。南渡文氣不及東都，豈不足以觀世變歟？作文苑傳。

宋白，字太素，大名，年十三，善屬文，多游鄆杜間，嘗館於張瓊家，瓊武人，賞白有才，遇之甚厚。白豪俊，尚氣節，重文友，在詞場名稱甚著。建隆二年，實儀典貢部，擢進士甲科，乾德初，獻文百軸，試拔萃高等，解褐授著作佐郎，廷賜襲衣犀帶，蜀平，授玉津縣令，開寶中，閻丕王洞交薦其才，宜預朝列，白以親老，祈外任，連知蒲城衛南二縣，太宗潛藩時，白嘗贊文，有襲衣之賜，及即位，擢為左拾遺，權知兗州，歲餘召還，泰山有唐玄宗刻銘，白摹本以獻，且述承平東人望幸之意，預修太祖實錄，俄直史館，判吏部南曹，從征太原，判行在御史臺，劉繼元降，翌日，奏平晉頌，太宗夜召至行宮，褒慰，且曰：侯還京師，當以重書授職，白謝於煙中，尋拜中書舍人，賜金紫，太平興國五年，與程羽同知貢舉，俄充史館修撰，判館事，八年，復典貢部，改集賢殿直學士，判院事，未幾，召入翰林為學士，雍熙中，召白與李昉集諸文士，纂文苑英華一千卷，端拱初，加禮部侍郎，又知貢舉，白凡三掌貢士，頗致譏議，然所得士如蘇易簡王禹偁胡宿李宗諤輩，皆其人，也是時命復舊制，事委有司，白所取二十八人，罷退既眾，羣譏甚然，太宗遽召

已黜者臨軒覆試，連放馬國祥葉齊等八百餘人焉。白嘗過何承矩家，方陳倡優飲宴，有進士趙慶者，素無行檢，游承矩之門，因潛出拜白，求為薦名，及掌貢部，慶遂獲薦，人多指以為辭，又女弟適王沔，淳化二年，沔罷參知政事，時寇準方詆訐求進，故沔被出，復言白家用黃金器，蓋舉人所賂，其實白嘗奉詔撰錢惟濬碑，得塗金器爾，張去華者，白同年生也，坐尼安道事貶，白素與去華厚善，遂出為保大軍節度行軍司馬，踰年，抗疏自陳，有來日苦少去日苦多之語，太宗覽而憫之，召還為衛尉卿，俄復拜為禮部侍郎，修國史，至道初，為翰林學士承旨，二年，遷戶部侍郎，俄兼秘書監，真宗即位，改吏部侍郎，判昭文館，先是白獻擬陸贄榜子集，上察其意，欲求任用，遂命知開封府以試之，既而白倦於聽斷，求罷任，咸平四年，擢王欽若馮拯陳堯叟入掌機要，以白宿舊，拜禮部尚書，白學問宏博，屬文敏贍，然辭意放蕩，少法度，在內署久，頗厭番直，草辭陳略，多不愜旨，景德二年，與梁周翰俱罷，拜刑部尚書，集賢院學士，判院事，舊三館學士止五日內殿起居，會錢易上言，悉令赴外朝，白羸老步梗，就班足跌，未幾，抗表引年，上以舊臣眷顧，未允，再上表辭，乃以兵部尚書致仕，因就宰臣訪問其資產，虞其匱乏，時白繼母尚無恙，上東封，白肩輿辭於北苑，召對久之，進吏部尚書，賜帛五十疋，大中祥符三年，丁內艱，五年正月卒，年七十七，贈左僕射，錄其孫懿孫為將作監主簿，孝孫試秘書省校書郎，從子唐臣試正字，白嘗談詠不拘小節，瞻濟親族，撫卹孤寡，世稱其雅睦，聚書數萬卷，圖畫亦多奇古者，嘗類故事千餘門，號建章集，唐賢編集遺落者，白多綴綴之，後進之有文藝者，必極意稱獎，時彥多宗之，如胡旦田錫皆出其門下，陳彭年舉進士，輕俊喜嘲諷，白惡其為人，黜落之，彭年憾焉，後居近侍，為貢舉條制，多所關防，蓋為白設也，會有司諱白為文憲，內出密奏言白素無檢操，遂改文安，有集百卷，子憲臣，國子博士，得臣，賜進士及第，至太常丞，賈臣，為太子中舍，忠臣，殿中丞。

梁周翰，字元褒，鄭州管城人，父彥溫，廷州馬步軍都校，周翰幼好學，十歲能屬詞，周廣順二年，舉進士，授虞城主簿，辭疾不起，宰相范質王溥以其聞人，不當佐外邑，改開封府戶曹參軍，宋初，質溥仍為相，引為秘書郎，直史館，時左拾遺

知制誥高錫上封議武成王廟配享七十二賢內王僧辨以不令終恐非全德尋詔吏部尚書張昭工部尚書竇儀與錫重銓定功業終始無瑕者方得預焉周翰上言曰臣聞天地以來覆載之內聖賢交驚古今同流校其顛末鮮克具美周公聖人也佐武王定天下輔成王致治平威德大勳蟠天極地外則淮夷構難內則管蔡流言彘尾跋胡垂至顛頤偃禾仆木僅得辨明此可謂之盡美哉臣以為非也孔子聖人也刪詩書定禮樂祖述堯舜憲章文武卒以樓遲去魯奔走厄陳雖試用於定哀曾不容於季孟又嘗履盜跖之虎尾聞南子之珮聲遠辱慎名未見其可此又可謂其盡善者哉臣以為非也自餘區區後賢瑣瑣立事比於二聖曾何足云而欲責其磨涅不渝始卒如一者臣竊以為難其人矣昉自唐室崇祀太公原其用意蓋以天下雖大不可去兵域中有爭未能無戰資其佑民之道立乎為武之宗訖張國威遂進王號貞元之際祀典益修因以歷代武臣陪饗廟貌如文官釋奠之制有弟子列侍之儀事雖不經義足垂勸況於曩日不乏通賢疑難討論亦云折中今若求其考類別立否滅以羔袖之小疵忘孤裘之大善恐其所選僅有可存只如樂毅廉頗皆奔亡而為虜韓信彭越悉疽醢而受誅白起則錫劍杜郵伍員則浮尸江澨左車亦債軍之將孫臏實刑餘之人穰苴則債卒齊庭吳起則非命楚國周勃稱重有置甲尚方之疑陳平善謀蒙受金諸將之謗亞夫則死於獄吏鄧艾則追於檻車李廣後期而自剄竇嬰樹黨而喪身鄧禹敗於回溪終身無董戎之寄馬援死於蠻徽遺尸關遺奠之儀其餘諸葛亮之儔事偏方之主王景略之輩佐閔位之君關羽則為仇國所禽張飛則遭帳下所害凡此名將悉皆人雄苟欲指瑕誰當無累或從澄汰盡可棄捐況其功業穹隆名稱烜赫樵夫牧稚咸所聞知列將通侯竊所思慕若一旦除去神位擯出祠庭吹毛求異代之疵投袂念古人之惡必使時情頓惑竊議交與景行高山更奚瞻於往躅英魂列魄將有恨於明時况伏陛下方厲軍威將遏亂略講求兵法締構武刑蓋所以勸激戎臣實假陰助忽使長廊虛設僅有可圖之形中殿前空不見配食之坐似非允當臣竊惑焉深惟事貴得中用資體要若今之可以讓古恐來者亦能非今願納臣微

忠特追明教乞下此疏廷議其長不報乾德中獻擬制二十編擢為右拾遺會修大內上五鳳樓賦人多傳誦之五代以來文體卑弱周翰與高錫柳開范杲習尚淳古齊名友善當時有高梁柳范之稱初太祖嘗識彥溫於軍中石守信亦與彥溫舊故一日太祖語守信將用周翰掌誥守信微露其言周翰遽上表謝太祖怒遂寢其命歷通判綿眉二州在眉州坐杖人至死奪二官起授太子左贊善大夫開寶三年遷右拾遺監綾錦院改左補闕兼知大理正事會將郊祀因上疏曰陛下再郊上帝必覃赦宥臣以天下至大其中有慶澤所未及節文所未該者所宜推而廣之方今賦稅所入至多加以科變之物名品非一調發供輸不無重困且西蜀淮南荆潭廣桂之地皆以為王土陛下誠能以三方所得之利減諸道租賦之人則庶乎均德澤而寬民力矣俄坐杖錦工過差為其所訴太祖甚怒責之曰爾豈不知人之膚血與己無異何乃遽為酷罰將杖之周翰自言臣負天下才名不當如是太祖乃解止授左司農寺丞逾年為太子中允太平興國中知蘇州周翰善音律喜搏博惟以飲戲為務州有伶官錢氏家數百人日令百人供妓每出必以殺具自隨郡務不治以本官分司西京踰月授左贊善大夫仍分司俄除楚州團練副使雍熙中宰相李昉以其名聞召為右補闕賜緋魚使江淮提點茶鹽周翰以辭學為流輩所許頻歷外任不樂吏事會翰林學士宋白等列奏其有史才遷回下位遂命兼史館修撰會太宗親試貢士周翰為考官面賜金紫因語宰相稱其有文尋遷起居舍人五年張佖建議復置左右史之職乃命周翰與李宗諤分領之周翰兼起居舍人因上言自今崇德長春殿皇帝宣諭之言侍臣論列之事望依舊中書修為時政記其樞密院事涉機密亦令本院編纂每至月終送史館自餘百司凡于對拜除改沿革制置之事悉條報本院以備編錄仍令即與舍人分直崇政殿以記言動別為起居注每月先進御後降付史館從之起居注進御自周翰等始也周翰蚤有時譽久擢廢及被除擢尤洽時論會考課京朝官有敢隱前犯者皆除名為民周翰被譴尤多所上有司偶遺一事當免判館楊徽之率三館學士詣相府以為周翰非故有規避其實所犯頻繁不能悉記於是止罰金百斤先是

趙安易建議於西川鑄大鐵錢，以一當十。周翰上言：古者貨幣錢三者兼用，若錢少於貨幣，即鑄大錢或當百或當五十，蓋欲廣其錢而足用爾。今不若使蜀民貿易者，凡鐵錢一，止作一錢用。官中市物，即以兩錢當一。又西川患在少鹽，請於益州置權院，入物交易，則公私通濟矣。至道中，遷工部郎中，真宗在儲宮，知其名，徵之，時爲左庶子，因令取其所爲文章。周翰悉薰以獻，上答以書。及即位，未行慶，首擢爲駕部郎中，知制誥，俄判御史館，昭文館，咸平三年，召入翰林爲學士，受詔與趙安易同修屬籍。唐末喪亂，籍譜罕存，無所取則，周翰初意爲之，頗有倫貫，車駕幸澶淵，命判留司御史臺，周翰懇求展從從之，明年，授給事中，與宋白俱罷學士，大中祥符元年，遷工部侍郎，踰年，被疾卒，年八十一。真宗憫之，錄其子忠寶爲大理評事，給奉終喪，周翰性疎簡，下急，臨事過於嚴暴，故多曠敗，晚年才思稍減，書詔多不稱旨，有集五十卷，及續因話錄。

朱昂，字舉之，其先京兆人，世家漢陂，唐天復末，徙家南陽，梁祖篡唐，父葆光，與唐舊臣顏義李濟數輩，挈家南渡，寓潭州，每正旦夕，必序立南嶽祠前，北望號慟，殆二十年，後潯北歸，葆光樂衡山之勝，遂往家焉，昂少與熊若谷鄧洵美同學，朱遵度好讀書，人號之爲朱萬卷，昂目爲小萬卷，昂嘗閉行經廬陵，道遇異人，謂之曰：中原不久當有真主，平一天下，子仕至四品，安用南爲？遂北游江淮，時周世宗南征，韓令坤統兵至揚州，昂謁見，陳治亂方略，令坤奇之，署權知揚州揚子縣，適兵革之際，逃亡過半，昂便宜綏輯，復捕亡者七千餘家，令坤即表授本縣令，宋初，爲衡州錄事參軍，嘗讀陶潛閒情賦而慕之，因廣其辭曰：維稟氣令清濁，獨得意令虛徐，耳何聰兮無項，衣何散兮無裾，務冥懷於得喪，寧勤體乎當命，將使同方姬孔，抗跡孫逵，精鷲廣漠，心游太虛，傲朝曦兮南榮，遡夕颺兮北疏，非道之病，惟情之舒，絲是含穎懷粹，凝和習懿，器齋倫兮幽憂，德芬馨兮周比，井無漂兮泉融，珠潛輝兮川媚，又何必陋雄之尙玄，笑奕之心懸悲墨之素絲，敷展之下位，苟因時之明揚，乃斯文之不墜，蹄烟景兮飄飄，心懸旌兮搖搖，感朝榮而夕落，嗟響蛩而鳴蜩，姑藏器以待，因寄物而長謠，願在首而爲弁，束玄髮而未衰，會名器之有得，與纒珥兮相宜，願在足而爲鳥，何坎

險之懼憂，欲效勳於堅亥，思追躡於浮丘，願在服而爲袂，傳繪素而飾躬，異化縑之色，涅寧拭面而道竊，願在目而爲鑑，分妍醜於崇朝，驚青陽之難久，庶白首以見招，願在地而爲算，當暑溽而冰寒，伊膚革之尙疚，胡寤寐以求安，願在觴而爲醴，不亂德而溺真，體虛受之爲器，革誦性以歸淳，願在握而爲劍，每輔衽而保裾，銖鉛鈔之效用，比研刃而有餘，願在囊而爲矢，美筈羽之斯全，嚙懋勳而錫晉，射窮壘而飭燕，願在體而爲裘，託鍼鏤以成功，非珍華而取飾，將被服而有容，願在軒而爲簞，貫歲寒而不改，挺介節以自持，廓虛心而有待，人之願令實繁，我之心令若此，蓄爲志兮璞藏，發爲文兮霧委，既持瑾兮掌瑜，復擲蘭兮藝芷，始無言兮植杖，終俛首兮嗟髡，振襟兮自適，觀物兮解頰，雲無心兮浪舉，蘿倚幹兮叢滋，想陵谷之變地，沉玄黃之易絲，人可汰而可鍛，己不磷而不縉，苟一鳴而驚人，何五鼎而勿飴，已而擁膝清嘯，傾懷自寬，樞桑戶華兮差樂，鳩飛梭躍兮胡難，指夜蟾兮爲伍，仰疎籟兮邀歡，何孫牧而伊耕，何巢箕而岳磻，滌我慮兮綠綺，清我眠兮瓊玕，周旋兮有則，徙倚兮可觀，終卷舒兮自得，契休哉於考槃，李昉知州事，暇日多召語，且以文爲贄，昉深所嗟賞，歷宜城令，開寶中，拜太子洗馬，知蓬州，徙廣安軍，會渠州妖賊李仙衆萬人劫掠軍界，昂設策禽之，自餘果合渝涪四州民，連結爲妖者，置不問，蜀民遂安，宰相薛居正稱其能，遷殿中丞，知泗州，嘗作隋河辭，謂濬決之病民，游觀之傷財，乃天意之所以亡隋也，使隋不與役費財以害其民，則安得有今日之利哉，嘗聚淮水流屍三千，爲塚瘞之，有戍卒謀亂，昂誅其首惡，凡支黨之誣誤者，悉蕩之，就遷監察御史，江南轉運副使，太平興國二年，知鄂州，加殿中侍御史，爲峽路轉運副使，就改庫部員外郎，遷轉運使，端拱二年，以本官直秘閣，賜金紫，久之，出知復州，表求謝事，不許，遷水部郎中，復請老，召還，再直秘閣，尋兼越王府記室參軍，真宗即位，遷秩司封郎中，俄知制誥，判史館，受詔編次三館祕閣書籍，既畢，加吏部，咸平二年，召入翰林爲學士，踰年，拜章乞骸骨，召對，敦諭，請彌補，乃拜工部侍郎致仕，翌日，遣使就第賜器幣，給全奉，詔本府歲時存問，章奏聽附驛以聞，命其子正辭知公安縣，以便侍養，許歸江陵，舊制致仕官止謝殿門外，昂特

延見命坐恩禮甚厚令俟秋涼上道遣中使賜宴於玉津園兩制三館皆預仍詔賦詩餞行縉紳榮之昂前後所得奉賜以三之一購奇書以諷誦為樂及是閒居自稱退叟著資理論三卷上之詔以其書付史館第協以純謹著稱仕至主客郎中雍王府翊魯昂以書招之協亦告老歸兄弟皆眉壽時人比漢之二疏知府陳堯咨署其居曰東西致政坊昂於所居建二亭曰知止曰幽棲頗好釋氏書晚歲自為墓誌景德四年卒年八十三門人諱曰正裕先生詔加贈錄其孫适出身昂好學純厚有清節澹於榮利為洗馬十五年不以屑意居內署非公事不至兩府在王邸時真宗居儲宮知其素守故每加襲進然昂未嘗有所私請進退存禮士類多之有集三十卷子正彝正辭並登進士第其虞部員外郎

趙隣幾字亞之鄆州須城人家世為農隣幾少好學能屬文嘗作禹別九州賦凡萬餘言人多傳誦周顯德二年舉進士解褐秘書省校書郎歷許州宋州從事太平興國初召為左贊善大夫直史館改宗正丞四年郭贄宋白授中書舍人告謝日交薦之俄而隣幾獻頌上覽而嘉之遷左補闕知制誥數月卒年五十九中使護葬隣幾體貌廼弱如不勝衣為文浩博慕徐庾及王楊盧駱之體每構思必斂衽危坐成千言始下筆屬對精切致意縝密時輩咸推服之及掌誥命頗繁富冗長不達體要無稱職之譽常欲追補唐武宗以來實錄孜孜訪求遺事殆廢寢食會疾革唯以書未成為恨至淳化中參知政事蘇易簡因言及隣幾追補唐實錄事隣幾一子東之以蔭補郎山主簿部送軍糧詣北邊沒焉其家屬寄居睢陽太宗遣直史館錢熙往取其書得隣幾所補會昌以來日曆二十六卷及文集三十四卷所著劄子一卷六帝年略一卷史氏懋官志五卷并他書五十餘卷來上皆塗竄之筆也詔賜其家錢十萬時又有何承裕者晉天福末擢進士第有清才好為歌詩而嗜酒狂逸初為中都主簿桑維翰鎮兗州知其真率不責以吏事累官至著作佐郎直史館出為盩厔咸陽二縣令醉則露首跨牛趨府尹王彥超以其名士而容之然為治清而不煩民頗安焉每覽牒訴必戲判以喻曲直訴者多心服引去往往召豪吏接坐引滿吏因

醉挾私白事承裕悟之笑曰此見罔也嘗受杖杖斫復召與飲其無檢多類此開寶三年自涇陽令入為監察御史後歷侍御史累知忠萬商三州太平興國中卒

鄭起字孟隆不知何許人少游京洛間侏薄無檢操聞襄州雙泉寺僧能為黃金往依焉遂削髮為侍者久之知其誑耀乃反初服舉進士時舉子多尚詩賦惟起有文七軸歌詩尤清麗周廣順初調補尉氏主簿秩滿以書干宰相范質薦為右拾遺直史館恭帝初遷殿中侍御史乾德初出掌泗州市征刺史張延範檢校司徒官吏呼以太保起貧常乘驛一日從延範出近郊送客延範揖起曰請策馬令進起曰此驛也不當過呼耳以譏延範延範深銜之密奏起嗜酒廢職初顯德末起見太祖握禁兵有人望乃上書范質極言其事又嘗遇太祖於路橫絕前導而過太祖亦弗之怒及延範奏至出為河西令會蜀平當徙還官起不欲往乃炙烙其足因是成疾而卒起負才倨傲多所詆訐數為羣小窘辱終不改時有郭昱者好為古文狹中詭辭周顯德中登進士第取赴常選獻書於宰相趙普自比巢由朝議惡其矯激故久不調後復伺普望處自陳普笑謂人曰今日甚榮得巢由拜於馬首開寶末普出鎮河陽昱詣薛居正上書極言謗普居正奏之詔署襄州觀察推官潘美鎮襄陽討金陵以昱隨軍昱中夜被酒號叫軍中皆驚翌日美遣還歲餘坐盜用官錢除名因居襄陽游索焚鄂間雍熙中卒又有馬應者諱有文藝多服道士衣自稱先生開寶初微元結中與頌作勃與頌以述太祖下荆湖之功欲刊石於永州結頌之側縣令惡其夸誕不以聞太平興國初登第授大理評事坐事除名羈旅積年淳化中以詩干同年殿中丞牛景景因奏上太宗覽而嘉之復授大理評事未幾卒又有穎欽董淳劉從義善為文章張翼譚用之善為詩張之翰善戲啓贊拔萃登科至太子中允淳為工部員外郎直史館奉詔撰孟昶紀事從義多藏書嘗讀長安碑文為遺風集二十卷餘皆官不達

和峴字晦仁開封浚儀人父凝晉宰相太子太傅魯國公峴生之年適會凝入翰林加金紫知貢舉凝喜曰我平生美事三者併集此子宜於我也因名之曰

三美。七歲以門蔭爲左千牛備身。選著作佐郎。漢乾祐初。加朝散階。十六登朝。爲著作郎。丁父憂。服闋。拜太常丞。建隆初。授太常博士。從祀南郊。贊導乘輿。進退閒雅。太祖謂近侍曰。此誰氏之子。熟於贊相。左右即以峴門閣對。俄拜刑部員外郎。兼博士。仍判太常寺。乾德元年十一月甲子。有事於南郊。丁丑冬至。有司復請祀昊天上帝。詔峴議其禮。峴以祭義戒於煩數。請罷之。二年。議孝明孝惠二后神主附於別廟。峴以舊禮有二后同廟之文。無各殿異室之說。今二后同附別廟。亦宜共殿別室。孝明皇后嘗母儀天下。宜居上室。孝惠皇后止以追尊。當居次室。從之。三年春。初克夔州。以內衣庫使李光睿權知州。峴通判州事。代還。是歲十二月十四日戊戌臘。有司以七日辛卯蜡百神。峴獻議正之。四年南郊。峴建議望燎位置燿火。又嘗言。依舊典宗廟殿廷設宮縣三十六架。加鼓吹熊巖十二案。朝會登歌用五瑞。郊廟奠獻用四瑞。迴仗至樓前。奏采茨之曲。御樓奏隆安之曲。各用樂章。復舉唐故事。宗廟祭科外。別設珍膳。用申孝享之意。又謂八佾之舞。以象文德。武功請用玄德。升聞天下大定二舞。並從其議。事具禮樂志。先是王朴竇儼。洞曉音樂。前代不協律呂者。多所考正。朴儼既沒。未有繼其職者。會太祖以雅樂聲高。詔峴講求其理。以均節之。自是八音和暢。上甚嘉之。語具律志。樂器中有义手笛者。上意欲增入雅樂。峴即令樂工調品。以諧律呂。其執持之狀。如拱揖然。請目曰拱辰管。詔備於樂府。開寶初。遷司勳員外郎。權知泗州。判吏部南曹。歷夔晉二州通判。九年。江南平。受詔採訪。太宗即位。遷主客郎中。太平興國二年。知兗州。改京東轉運使。峴性苛刻。鄙各好殖財。復輕侮人。嘗以官船載私貨。販易規利。初爲判官。鄭同度論奏。既而彰信軍節度劉遵亦上言。按得實。坐削籍配隸汝州。六年。起爲太常丞。分司西京。復階勳章。服端拱初。上躬耕藉田。峴奉留司賀表。至闕下。因以其所著奉常集五卷。秘閣集二十卷。注釋武成王廟贊五卷。奏御上。其嘉之。復授主客郎中。判太常寺。兼禮儀院事。是秋得暴疾卒。年五十六。第樓。

汝曹善保護之。太平興國八年。擢進士第。釋褐。霍丘主簿。雍熙初。知崇仁縣。就拜大理評事。江南轉運楊緘以其材幹。奏移知南昌縣。代還。刑部取爲詳覆官。遷光祿寺丞。先是擬書取古今史傳聽訟斷獄辨雪冤枉等事。著爲疑獄集。嶮因增益事類。分爲三卷。表上之。俄獻所著文賦五十軸。召試中書。擢爲太子中允。先是馮起撰御前登第三勝碑以獻。上甚稱獎。命直史館。淳化初。嶮又撰七勝題名記。并補注擬所撰古今孝悌集成十卷以獻。遂以本官直集賢院。中謝日。賜緋魚。三年春。獻觀燈賦。詔付史館。遷右正言。是歲。太宗親試貢士。嶮預考校。作歌以獻。上對宰相稱賞之。召問年幾。何時摹印備行篇。以賜新及第人。及三館臺省官。皆上表稱謝。上時御便坐。出表以示宰相。而嶮與張洎。尤稱上旨。因謂李昉曰。嶮宰相子。勤學自立。有文章能荷堂構。如嶮者不可多得也。遂以本官知制誥。不踰年。加水部員外郎。知理檢院。至道元年。賜金紫。與王旦同判吏部銓。是秋。晨起將朝。風眩暴作而卒。年四十五。上聞之。驚歎。遣中使就家問疾狀。并恤其孤。贈賻加等。長子珙。纔十歲。即授大理評事。次子璩。補太廟齋郎。嶮好修飾容儀。自五鼓張燈燭。至辨色冠帶方畢。雖幼能屬文。殊少警策。每草制。必精思討索。而後成。拘於引類。偶對頗失典誥之體。上以其貴家子能業文。甚寵待之。欲召入翰林。謂近臣曰。嶮眸子眊眊然。胸中必不正。不可以居近侍也。其命遂寢。嶮弟峰。始爲三班奉職。淳化中。獻文求試。上以故相之後。改授大理評事。

明憲皇太后諡議見稱於時建隆四年卒年四十五

宋史卷四百三十九

元中書右丞相總裁脫脫等修

列傳一百九十九

文苑二

高頤

李度

韓漣

鞠常

宋準

柳開

夏侯嘉正

羅處約

安德裕

錢熙

高頤字子奇開封雍丘人後唐清泰中舉進士同輩給之曰何不從裴僕射求知乎時裴線以左僕射致仕後進無至其門者頤性純樸信其言以文贖於隲明年禮部侍郎馬裔孫知貢舉乃隲門下生也隲以頤語之遂擢乙科四選魏博觀察支使周顯德中符彥卿奏署掌書記時太宗親迎懿德皇后於大名彥卿遣頤迎候日夕陪接尤伸款好後隨彥卿鎮鳳翔會詔留彥卿洛陽頤復為天雄軍掌書記後以病免居於魏雍熙二年太宗親試貢士頤子南金舉學究自陳曰臣父年八十四嘗佐使幕久已罷職家貧無以存養願賜一第庶獲寸祿以及老父上問左右其父何人宰相宋琪以頤對且言其素行廉介老而彌厲甚為搢紳推重上曰此高頤子耶頤在大名幕中嘗與朕遊處始踰旬月晨暮對按飲食常拱手危坐未曾少懈其恭謹蓋天性也惜其老矣不欲煩以官政即擢南金第拜頤左補闕致仕賜錢十萬後卒於家頤有清節力學彥卿手寫書千餘卷彥卿待之甚厚或過致優給頤計口受費餘皆不納彥卿左右多肆食彥卿民不能堪及彥卿罷鎮其故時將吏賓客皆心愧無敢復遊魏者惟頤清苦守法魏人愛之在魏三十年無一人言其非者所乘馬老以糜飼之僕夫年七十待之如初時稱其長者次子鼎舉進士至殿中丞

李度河南洛陽人周顯德中舉進士度工於詩有醉輕浮世事老重故鄉人之句時翰林學士申文炳知貢舉樞密使王朴校書錄其句以薦之文炳即擢度為第三人釋褐永寧縣主簿累遷殿中丞知歙州坐事左遷絳州團練使十年不調度在歙州嘗以所著詩刻於石有中黃門得其石本傳入禁中太宗見之

謂宰相曰度今安在即令召至對於便殿與語甚悅擢為虞部員外郎直史館賜緋端拱初籍田畢交州黎桓加恩命度借太常少卿充官告國信副使上賜詩以寵行未至交州卒於太平軍傳舍年五十七度之南使每至州府即借圖經觀其勝迹皆形篇詩以上所賜詩有奉使南遊多好景之句遂題為奉使南遊集未成編而亡第康亦善詩太平興國二年登進士第官至太子右贊善大夫

韓漣京兆長安人唐休之裔孫少俊敏善屬文周顯德初舉進士累遷歷使府開寶三年自靜難軍掌書記召為監察御史三遷至庫部員外郎知華州同判靈州再轉司門郎中淳化二年被病表請辭職尋醫許之漣博學善持論詳練臺閣故事多知唐朝氏族與人談臺臺然可聽號為近世肉譜搢紳頗推重之尤善筆札人多藏其尺牘第洎亦進士及第

鞠常字可久密州高密人祖直黃縣令父慶孫申州團練判官有詩名常少好學善屬文漢乾祐二年擢進士第載二十一釋褐秘書省校書郎周廣順中宰相范質奏充集賢校理出為鄆州觀察支使歷示與軍節度掌書記伊陽令顯德四年詰闕進策召試復授騎氏令遷蔡州防禦判官復宰介休魏縣開寶中趙普為相擢為著作佐郎時任此官惟常與楊徽之李若拙趙隣幾四人皆有名於時常應舉時著四時成歲賦萬餘言又為春蘭賦頗存與託後為清河令七年卒年四十七子仲謀字有開雍熙中進士有材幹歷御史東京留守推官陝西轉運至兵部員外郎仲謀集其父所為文成二十卷第瑜周廣順中進士與常齊名

宋準字子平開封雍丘人祖彥升庫部員外郎父鵬秘書郎準開寶中舉進士翰林學士李昉知貢舉擢準甲科會貢士徐士廉擊登聞鼓訪用情取捨非當太宗怒召準覆試於便殿見準形神偉茂程試敏速甚嘉之以為宜首冠俊造由是復擢準甲科即授秘書省祕書郎直史館八年受詔修定諸道圖經俄奉使契丹復命稱旨明年出知南平軍會改軍為太平州依前知州事就加著作佐郎太平興國四年遷著作郎通判梓州轉左拾遺歸朝預修諸書八年同

知貢舉出為河北轉運使歲餘以本官知制誥雍熙中加主客員外郎復預知貢舉俄判大理寺四年被病遷金部郎中罷知制誥端拱二年卒年五十二賜錢百萬準美風儀善談論辭采清麗莅官所至皆有治聲盧多遜之南流也李穆坐同門生黜免左右無敢言者準因奏事感言穆長者有檢操常惡多遜專恣固非其黨也上寤未幾盡復舊官時論以此稱之天禧三年錄其子大年試祕書省校書郎準從弟可觀金部郎中族子郊和並天聖二年進士甲科別有傳

柳開字仲塗大名人父承翰乾德初監察御史開幼穎異有膽勇周顯德末從父任南甌夜與家人立庭中有盜入室眾恐不敢動開裁十三亟取劍逐之盜踰垣出開揮刃斷二足指既就學喜討論經義五代文格淺弱慕韓愈柳宗元為文因名肖愈字紹元既而改名字以為能開聖道之塗也著書自號東郊野夫又號補亡先生作二傳以見意向氣自任不顧小節所交皆一時豪雋范杲好古學大重開文世稱為柳范王祐知大名開以文贄大蒙賞激楊昭信盧多遜並加廷獎開寶六年舉進士補宋州司寇參軍以治獄稱職遷本州錄事參軍太平興國中擢右贊善大夫會征太原督楚泗八州運糧遷知常州遷殿中丞徙潤州拜監察御史召還知貝州轉殿中侍御史雍熙二年坐與監軍忿爭貶上蔡令會大舉北征開部送軍糧將至涿州有契丹酋長領萬騎與米信戰相持不解俄遣使給言求降開謂信曰兵法云無約而請和謀也彼將有謀急攻之必勝信遲疑不決踰二日賊復引兵挑戰後偵知果以矢盡俟取於幽州也師還詰闕上書願從邊軍效死太宗憐之復授殿中侍御史雍熙中使河北因抗疏曰臣受非常恩未有以報年裁四十膽力方壯今契丹未滅願陛下賜臣步騎數千任以河北用兵之地必能出生入死為陛下復幽薊雖身沒戰場臣之願也上以五代戰爭以來自節鎮至刺史皆用武臣多不曉政事人受其弊欲兼用文士乃以侍御史鄭宣戶部員外郎趙載司門員外郎劉墀並為如京使左拾遺劉慶為西京作坊使開為崇儀使知寧邊軍徙全州全西延洞有粟氏聚族五百餘人常鈔劫民口糧畜開為作衣帶巾帽選牙吏勇辯者得三

輩使入諭之曰爾能歸我即有厚賞給田為屋處之不然後兵深入滅爾類矣粟氏懼留二吏為質率其酋四人與一吏偕來開厚其犒賜吏民爭以鼓吹飲之居數日遣還如期攜老幼悉至開即賦其居業作時鑑一篇刻石戒之遣其酋入朝授本州上佐賜開錢三十萬淳化初移知桂州初開在全州有卒訟開開即杖背黥面送闕下有司言卒罪不及徒召開下御史獄劾擊削二官黜為復州團練副使移滁州復舊官知環州三年移邠州時謂民輦送趨環慶已再運民皆蕩析產業轉運使復督後運民數千人入州署號訴開貽書轉運使曰開近離環州知芻糧之數不增大兵可支四年今蠶農方作再運半發老幼疲弊畜乘困竭奈何又苦之不罷開即馳詣闕下白於上前矣卒罷之又知曹邢二州真宗即位加如京使歸朝命知代州上言曰國家勅業將四十年陛下紹二聖之祚精求至治若守舊規斯未盡善能立新法乃顯神機臣以益州稍靜望陛下選賢能以鎮之必須望重有威即羣小畏服又西鄙今雖歸明他日未可必保苟有翻覆須得人制禦若以契丹比議為患更深何者契丹則君臣久定蕃漢久分縱萌南顧之心亦須自有思慮西鄙積恨未泯貪心不悛其下猖狂競謀兇惡侵漁未必知足姑息未能感恩望常預備之以良將守其要害以厚賜足其貪婪以撫慰來其情以寬假息其念多命人使西入甘涼厚結其心為我聲援如有動靜使其掩襲令彼有後顧之憂乃可制其輕動今甲兵雖眾不及太祖之時人人練習謀臣猛將則又駭殊是以比年西北屢遭侵擾養育則月費甚廣征戰則軍捷未聞誠願訓練禁戢使如往日行伍必求於勇敢指顧無縱於後先失律者悉誅獲功者必賞偏裨主將不威嚴者去之聽斷之暇親臨殿庭更召貔虎使其擊刺馳驟以彰神武之威臣又以宰相樞密朝廷大臣委之必無疑用之必至當銓總僚屬評品職官內則主管百司外則分治四海今京朝官則別置審官供奉殿直則別立三班刑部不令詳斷別立審刑宣徽二司全同散地大臣不獲親信小臣乃謂至公至如銀臺一司舊屬樞密近年改制職掌甚多加倍置人事則依舊別無利害虛有變更臣欲望停審官三班復委中書樞密宣徽院銀臺司復歸樞密審刑院復歸刑部去其繁細省其

頭目。又京府大都萬方軌則。望仍舊貫。選委親賢。今皇族宗子。悉多成長。但令優逸。無以試材。宜委之外藩。擇文武忠直之士。爲左右贊弼之任。又天下州縣官吏不均。或冗長至多。或歲年久闕。欲望整頓四千戶。已上選朝官知三千戶。已上選京官知省去主簿。令縣尉兼領其事。自餘通判監軍巡檢監臨使臣。並酌量省減。免虛費於利祿。仍均濟於職官。又人情貪競。時態輕浮。雖骨肉之至親。臨勢利而多變。同僚之內多或不和。伺隙則至於傾危。患難則全無相救。仁義之風。蕩然不復。欲望明頒告諭。各使改更。庶厚化原。永敷政本。恭惟太祖神武太宗聖文光掩百王。威加萬國。無賢不用。無事不知。望陛下開豁聖懷。如天如海。可斷即斷。合行即行。愛惜忠直之臣。體察姦諛之黨。臣久處著位。淺荷恩寵。辭狂理拙。唯望聖明。恕之開至。州葺城壘。具諸將多沮議不協。謂謂其從子曰。吾觀昂宿有光。雲多從北來。犯境上。寇將至矣。吾聞師克在和。今諸將怨我。一旦寇至。必危我矣。即求換郡。從忻州刺史。及契丹犯邊。開上書。又請車駕觀兵河朔。四年。徙滄州。道病首場。卒年五十四。錄其子涉爲三班奉職。開善射喜弈。棊有集十五卷。作家戒千餘言。刻石以訓諸子。性儻重義。在大名嘗過酒肆。飲有士人在旁。辭貌稍異。開詢其名。則至自京師。以貧不克葬其親。聞王祐篤義。將巧之。問所費。曰二十萬足矣。開即罄所有。得白金百餘兩。益錢數萬遺之。開兄肩吾。至御史。肩吾三子。湜。灝。沉。並進士第。灝。秘書丞。

夏侯嘉正。字會之。江陵人。少有俊才。太平興國中。舉進士。歷官至著作佐郎。使於巴陵。爲洞庭賦曰。楚之南有水曰洞庭。環帶五郡。森不知其幾百里。臣乙酉夏。使岳陽。抵湖上。思構賦。明日披襟而觀之。則巖然動。促然鼓。慄然駭。愕然聆。恍若駕春雲而賦覽。浩若浮汗漫而朝躋。退若據泰山之安。進若履千仞之危。愴若無識。智若通微。跛若不倚。踰若將馳。耳不及掩。目不暇逃。情悻心嬉。二三日而後。神始宅。氣始正。若此。不敢以賦爲事者二年。然眷眷不已。一日登崇丘。望大澤。有雲崢嶸。令與歛。今止。與止未霽。忽若有遇。由是潰陽輝。沐芳澤。觀一異人。於巖之際。霞爲裾。雲爲袂。冰膚雪肌。金珰玉珮。汗丘羨門。斯實其對。因言曰。若非好辭者耶。臣曰。然則若智有所不通。識有所不窮。用不通不窮。而循乎

無端之紀。若得無殆乎。臣又曰。然志極則物應。思精則道來。嘉若之勤。無譁談吾爲若稱云。太極之生。曰地曰天。中含五精。五精之用。而水居一焉。水之疏濶。則爲江。今遠則爲河。積則爲澗。今總則爲湖。若今所謂洞庭者。傑立而孤。廓然如無區。其大無徒。含陽字陰。玄神之都。曖曖昧昧。百川不敢逾。有若臣者。有若賓者。有若僕者。有若子者。有若附庸者。有若娣奴者。若禹會塗山。武巡牧野。千出百會。咸感麾下。每六合澄靜。中流迴晚。莽莽蒼蒼。鐵驪不駢。太陽望舒。出沒其間。萬頃咸沸。疆而名之。爲巨澤。爲長川。爲水府。爲大淵。縱之不踰。跼之不卑。乍若賢人。以重自持。誘之不前。犯之愈堅。又若良將。以謀守邊。澎澎漶漶。浩爾一致。又若太始。未有仁義。沖沖漠漠。二氣交錯。又若混沌。凝然未擊。此乃方輿之心。冒溟海之郭郭也。三代之前。其氣濛濛。浩浩滔天。與物迴薄。滅木襄陵。無際無廓。上帝降鑒。巨人斯作。乃命玄夷。授禹之機。隄山陘谷。滌源暢微。然後若金在鎔。若木在工。流精成器。夫何不通。是澤之設。允執厥中。既異其性。遂得其正。有升有降。有動有靜。臣應之曰。升降動靜。可得聞乎。神曰。水之性非圓非方。非柔非剛。非直非曲。非玄非黃。劃象爲坎。本乎義象。外婉而內健。而彰。降以垢始。升以復張。其靜處陰。其動隨陽。六府之甲。萬化之綱。式觀是澤。乃知天常。若乃四序之變。九夏攸虞。烘然而炎。沸然而煮。羣物鴻洞。鑠爲隆暑。澤之作。頽然其容。若去若住。若茹若吐。靈趨怪觀。杳不可親。蒸之爲雲。散之爲雨。倏忽萬象。如還太古。真可嘉也。若乃秋之爲神。素氣清泚。肅肅脩脩。羣類四起。澤之動。動然其姿。若挺若倚。若行若止。巽宮離離。爲之騰風。蒼梧崇崇。爲之供雲。四顧一色。黯然氤氳。其聲瀾瀾。若商非商。若微非微。東溟海門。一浪千里。又足畏也。言其狀。則石然而骨。岸然而草。氣然而榮。淅然而脈。有山而心。有洞而腹。有玉而體。有珠而目。穹鼻孤鳥。呀口萬谷。臂帶三吳。足跂荆巫。或跋然而望。或翼然而趨。彭蠡震澤。詎可云乎。臣又問曰。澤之態。已聞命矣。水之族。將如何。居神曰。大道變易。或文或質。沉潛自遠。其類非一。或披甲而還。或曳裾而圓。或禿而跂。或角而螭。或吞而呀。或吐而牙。或以之蟹。或目之以蝦。或修臂而立。或橫驚而疾。或髮於首。或聳於肘。或儼而莊。或毅而勦。彪彪玢玢。若大虛之含萬象。

各循其生而合乎羣者也。臣又問曰：若神之資，其品何如也？神曰：清矣靜矣，麗矣至矣。遊難知矣。肇於古，古有所未達，形於今，今有所未察。非希夷合其心於自然，然後上天入地，把三根六沉，水居陸處，夫何不燭。彼整鯉之賢，鸞龍之仙，乃吾之肩也。其餘海若天吳，陽侯神霄，鯤鯨而遊，曾不我儔。臣又問曰：易稱王公設險，是澤之險，可以為固，為歷代與衰，其義安取？神曰：天道以順不以逆，地道以謙不以盈，故治理之世，建仁為旌，聚心為城，而弧不暇弦，矛不暇鋒，四海以之而大同，何必恃險阻，何必據要衝？若秦得百二為帝，齊得十二而王，其山為金，其水為湯，守之不義，歛然而亡，水不在大，恃之者敗，水不在微，怙之者危。若漢疲於昆明，桀困於酒池，亦其類也。故黃帝張樂而與三苗棄義而傾，則知洞庭之波，以仁不以亂，以道不以賊，惟賢者觀其知而後得也。於是盤桓徙倚，凝精流視，罄以辭對，倏然而晦。徐鉉見之，曰：是玄虛之流也。人多傳寫，端拱初，太宗知其名，召試辭賦，擢為右正言，直史館，兼直祕閣，賜緋魚，元夕，上御乾元門觀燈，嘉正獻五言十韻詩，其末句云：兩制誠堪羨，青雲侍玉輿。上依韻和以賜之。有狹劣終雖舉通才，列上居之句，議者以為誠嘉正之好進也。未幾被病，詔以為益王生辰使，所獲金幣，驚得錢，歸家，忽一緡自地起立，良久而仆，聞者異之。嘉正疾遂篤，月餘卒，年三十七。子紆，太子中舍。

羅處約，字思純，益州華陽人。唐酷吏希範之裔，孫伯祖，唐末為諫官，父濟，仕蜀為升朝官。歸朝，至太常丞，處約嘗作黃老先大經論，曰：先儒以太史公論道德，先黃老而後六經，此其所以病也。某曰：不然，道者何無之稱也，無不由也，混成而仙，兩儀至虛而應萬物，不可致詰。況名之曰道，道既名矣，降而為聖人者，為能知來藏往，與天地準，故黃老姬孔通稱焉。其體曰道，其用曰神，無適也，無莫也，一以貫之，胡先而尊，孰後而卑。六經者，易以明人之權，而本之於道，禮以節民之情，趣於性也，樂以和民之心，全天真也，書以敘九疇之祕，煥二帝之美。春秋以正君臣而敦名教，詩以正風雅而存規戒，是道與六經一也。矧仲尼祖述堯舜，而況於帝鴻氏乎？華胥之治，太上之德，史傳詳矣。老聃世謂方外之教，然而與六經皆足以治國，治身清淨，則得之矣。漢文之時，未遑學校，實后以之。

而治。曹參得之而相，幾至措刑，且仲尼嘗問禮焉，俗儒或否其說。余曰：春秋昭十七年，鄭子來朝，仲尼從而學焉，俛後之人，敦好問之旨，矧老子有道之士，周之史氏乎？余謂六經之教化，而不可已，則臻於大同，大道之行，則蜡賓息歎，黃老之與六經，孰為先而孰為後乎？又何必繼藉玉帛，然後為禮，荀虛鑄鼓，然後為樂乎？余謂太史公之志，斯見之矣。惡可以道之跡，儒之末相戾而疾其說，病之者可以觀微，未可以觀妙。人多重之，登第為臨渙主簿，再遷大理評事，知吳縣。王禹偁知長州縣，日以詩什唱酬，蘇杭間多傳誦，後並召赴闕，上自定題以試之，以禹偁為右拾遺，處約著作郎，皆直史館，賜緋魚，會下詔求讜言，處約上奏曰：伏觀今年春詔，旨貴以諫官備員，未嘗言事，雖九寺三監之官，亦得盡其讜議，陛下處恭勞神，厲精求理，力行王道，坐致太平，心先天而不違，德生民而未有所，所以散玄黃之協氣，為動植之休祥，而猶不伐功成，屢求獻替，此真唐堯虞舜之用心也。臣累日以來，趨朝之暇，或於卿士之內，預聞時政之言，皆曰：聖上以三司之中，邦計所屬，簿書既廣，綱條實繁，將求盡善之規，冀協酌中之道，竊聞省上言，欲置十二員判官，兼領其職，貴各司其局，尤執厥中，臣以三司之制，非古也。蓋唐朝中葉之後，兵寇相仍，河朔不王，軍旅未弭，以賦調筭權之所出，故自尚書省分三司以董之，然國用所須，朝廷急務，故僚吏之屬，倚注尤深，或重其位以處之，優其祿以寵之，雖勉從事者，姑務其因循，盡瘁事國者，或生於睡毗，因循則無補於國，睡毗則不協於時，或淺近之人，用指瑕於心計，深識之士，以多可為身謀，盡弊相沿，為日已久。今若如十二員判官之說，亦從權救弊之一端也。然而聖朝之政，臻乎治平，當求稽古之規，以為垂世之法。臣嘗讀說命之書，以為事不師古，匪說攸聞，又二典曰：若稽古帝堯，若稽古帝舜，皆謂順考古道而致治平，以臣所見，莫若復尚書都省故事，其尚書丞郎正郎員外郎主事令吏之屬，請依六典舊儀，以今三司錢刀粟帛筭權支度之事，均在二十四司，如此則各有司存，可以責其集事，今則金部倉部，安能知儲廩帑藏之盈虛，司田司川，孰能知屯役河渠之遠近，有名無實，積久生常，況此却復都省之事，下臣猶能貪知其可，況陛下聰明濬哲乎？然議者以為不行已久，難於改更。

若斷自宸心。下於相府都省之制。故典存焉。上令下從。孰爲不可。盡人者可與習常。難與適變。可與樂成。難與慮始。在周易有之。天地革而四時成。此言能改命而制。及小人樂成。則革面以順上矣。況三司之名。與於近代。堆案盈几之籍。何嘗能省覽之乎。復就三司之中。更分置僚屬。則愈失其本原矣。今三司勾院。卽尙書省比部。元爲勾覆之司。周知內外經費。陛下若欲復之。則制度盡在。迨及九寺三監。多爲冗長之司。雖有其官。不舉其職。伏望陛下當治平之日。建垂久之規。不煩更差使臣。別置公署。如此則名正而言順。言順而事成。省其冗員。則息其經費。故書曰。唐虞稽古。建官惟百。夏商官倍。亦克用乂。伏望法天地簡易之化。建鴻範大中之道。可以億萬斯年。垂衣裳而端拱矣。受詔荆湖路巡撫。欲以苛察立名。所奏劾甚衆。官吏多被黜責。淳化三年卒。年三十三。初。濟爲開封府司錄。太宗尹京。頗嘉其彊幹。太平興國中。處約與兄賁同舉進士。上臨試。知賁濟之子。遂置之高等。八年。處約復登第。賁後至員外郎。處約形神豐碩。見者加重。雖有詞采而急於進用。時論亦以此薄之。卒後。蘇易簡王禹偁集其文凡十卷。題曰東觀集。禹偁爲序。易簡表上之。詔付史館。蜀士又有嚴儲者。太平興國中進士。後直史館。使河北督軍糧。陷於契丹。

安德裕。字益之。一字師舉。河南人。父重榮。晉成德軍節度。五代史有傳。德裕生於真定。未養。重榮舉兵。敗。乳母抱逃水竇中。將出。爲守兵所得。執以見軍校秦習。習與重榮有舊。因匿之。習先養石守瓊爲子。及年壯。無嗣。以德裕付瓊養之。因姓秦氏。習世兵家。以弓矢狗馬爲事。德裕孩提。卽喜筆硯。遇文字。輒爲誦讀。聲諸子不之齒。習獨異之。旣成童。俾就學。遂博貫文史。精於禮傳。嗜西漢書。習卒。德裕行三年服。然後還本姓。習家盡以囊裝與之。凡白金萬餘兩。德裕却之。曰。斯秦氏之蓄於我何有。丈夫當自樹功名。以取富貴。豈屑於他人所有耶。聞者高之。開寶二年。擢進士甲科。歸州軍事推官。歷大理寺丞。著作佐郎。太平興國中。累遷祕書丞。知廣濟軍。時軍城新建。德裕作軍記及圖經三卷。優詔嘉獎。俄改太常博士。八年。通判秦州。就知州事。雍熙初。遷主客員外郎。通判廣州。未行。宰相李昉言。其有史才。卽以本官直史館。端拱初。改金部員外郎。淳化初。知

開封縣。會備三館職。改直昭文館。三年春。廷試貢士。德裕與史館修撰梁周翰並爲考官。上顧宰相曰。此皆有聞之士。而老於郎署。周翰狹中。德裕嗜酒。朕聞其能改矣。遂並賜金紫。俄遷司勳員外郎。至道初。德裕常作九絃琴五絃阮。頌以獻。上稱其詞采古雅。至道三年。轉金部郎中。出知睦州。還判太府寺。咸平五年卒。年六十三。德裕性介潔。以風鑑自負。王禹偁孫何皆初遊詞場。德裕力爲延譽。及領考試。何又其首選。然酣飲太過。故不被擢。有集四十卷。

錢熙。字太雅。泉州南安人。父居讓。陳洪進署清溪令。熙幼穎悟。及長。博貫羣籍。善屬文。洪進嘉其才。以弟之子妻之。將署熙府職。辭不就。著楚鴈賦。以見志。尋復辟爲巡官。專掌牋奏。洪進歸朝。熙不敘舊職。舉進士。雍熙初。攜文謁宰相李昉。昉深加賞重。爲延譽於朝。令子宗諤與之游。明年。登甲科。補度州觀察推官。代還。寇準掌吏部選。上封薦錢若水。陳充王扶洎熙皆有文。得試中書。遷殿中丞。賜緋魚。著四夷來王賦。以獻。凡萬餘言。太宗嘉之。卽以本官直史館。淳化中。參知政事。蘇易簡對太宗言。趙隣幾追補唐實錄。薛幾卒。家睢陽。卽令熙乘傳而往。盡取其書來。上。熙嘗與楊徽之言。及張洎。洎若水將被進用。熙與劉昌言同鄉里。相親善。又語及其事。昌言因以語洎。洎疑熙交構。訴之。熙坐削職。通判朗州。俄徙衡州。就改太常博士。真宗卽位。遷右司諫。李宗諤楊億素厚善。熙乃與梁顥趙況趙安仁同表請復熙舊職。不報。尋通判杭州。政多專達。爲轉運使。所奏。徙通判越州。熙負氣好學。善談笑。精筆札。狷躁務進。自罷職。因憤成疾。咸平三年卒。年四十八。嘗擬古樂府。著雜言十數篇。及措刑論。爲識者所許。有集十卷。子蒙吉。亦進士及第。

宋史卷四百四十

元中書右丞相總裁脫脫等修

列傳第二百

文苑三

陳充

吳淑

黃夷簡

句中正

曾致堯

刁行

姚鉉

李建中

洪湛

路振

崔遵度

陳越

陳充字若虛益州成都人家素豪盛少以擊酒自娛不樂從宦邑人敦迫赴舉至京師有名場屋間雍熙中天府禮部奏名皆為進士之冠廷試擢甲科釋褐孟州觀察推官就改掌書記會寇準薦其文學得召試授殿中丞出知明州入為太常博士直昭文館遷工部刑部員外郎久病告滿除籍真宗憐其貧病令致仕給半奉未幾病間守本官仍充職以久次遷兵部員外郎景德中與趙安仁同知貢舉改工部刑部郎中大中祥符六年以足疾不任朝謁出權西京留守御史臺旋以本官分司卒年七十充詞學典贈唐牛僧儒著善惡無餘論言堯舜之善伯鯀之惡俱不能廢殃及其子充因作論以反之文多不載性曠達善談謔澹於榮利自號中庸子上頗熟其名以疾故不登詞職臨終自為墓誌有集二十卷

吳淑字正儀潤州丹陽人父文正仕吳至太子中允好學多自繕寫書淑幼俊爽屬文敏速韓熙載潘佑以文章著名江左一見淑深加器重自是每有滯義難於措詞者必命淑賦述以校書郎直內史江南平歸朝久不得調其窮窘俄以近臣延薦試學士院授大理評事預修太平御覽太平廣記文苑英華一日召對便殿出古碑一編令淑與呂文仲杜鎬讀之歷太府寺丞著作佐郎始置秘閣以本官充校理嘗獻九絃琴五絃阮頌太宗賞其學問優博又作事類賦百篇以獻詔令注釋淑分注成三十卷上之遷水部員外郎至道二年兼掌起居舍人事預修太宗實錄再遷職方員外郎時諸路所上閏年圖皆儀鸞司掌

之淑上言曰天下山川險要皆王室之秘奧國家之急務故周禮職方氏掌天下圖籍漢祖入關蕭何收秦籍由是周知險要請以今閏年所納圖上職方又州郡地理犬牙相入向者獨畫一州地形則何以傳合他郡望令諸路轉運使每十年各畫本路圖一上職方所冀天下險要不窺牖而可知九州輪輻如指掌而斯在從之會詔詢禦戎之策淑抗疏請用古車戰法上覽之頗嘉其博學咸平五年卒年五十六淑性純靜好古詞學典雅初王師圍建業城中乏食里閭有與淑同宗者舉家皆死惟存二女孩淑即收養如所生及長嫁之時論多其義有集十卷善筆札好篆籀取說文有字義者千八百餘條撰說文五義三卷又著江淮異人錄三卷秘閣閣談五卷子安節讓夷遵路皆進士及第遵路官至祠部員外郎秘閣校理

舒雅字子正久仕李氏江左平為將作監丞後充秘閣校理好學善屬文與吳淑齊名累遷職方員外郎求出得知舒州仍賜金紫恬於榮宦州之潛山靈仙觀有神僊勝迹郡秩滿即請掌觀事東封就加主客郎中改直昭文館轉刑部在觀累年優游山水吟詠自樂時人美之卒年七十餘弟雄端拱二年進士黃夷簡字明舉福州人父廷樞為王審知從事甚被親遇嗣王延鈞以女妻之錢氏取福州署光祿卿夷簡少孤好學有名於江東為錢惟治明州判官太平興國初隨錢俶來朝授檢校秘書少監元帥府掌書記賜以襲衣器幣鞍勒馬八年俶讓元帥改授夷簡淮海國王府判官雍熙四年俶改封許王出鎮南陽加夷簡倉部員外郎充許王府判官俶薨歸朝為考功員外郎累遷都官郎中掌名表人頗稱其得體至道二年上言浙右人無預館閣之職者因自陳嘗勸錢俶入朝詞甚懇激太宗憐之命直秘閣俄判吏部南曹咸平中召試翰林遷光祿少卿初宰相張齊賢欲引夷簡與曾致堯並知制誥有急制值舍人出院即封除自命夷簡草之物議以為不可故但進秩而已景德中夷簡被病告滿二百日御史臺言當除籍真宗以其吳越舊僚有詞學且年老母在特命續其月廩大中祥符初遷秘書少監三年丁內艱上遣中使存問贈賻有加因請護母喪歸浙右許之且欲不絕其奉給特授檢校秘書監平江軍節度副使踰年

卒年七十七。夷簡喜談論，善屬文，尤工詩詠。老而不輟，嘗攝滿臘卿，讓許國長公主葬在道，駙馬都尉魏咸信禮接甚薄，夷簡銜之，言於上云：發引之日，以錢三十千遺臣治裝，不重王人。若有輕國命之意，臣拒不納。上遣中使詰咸信，咸信言：夷簡始受命，屢有求巧，又獻挽詞以希賂遺，臣皆不敢受，以是為嫌。既而夷簡又貢歌詩一編，大率譏咸信各言，且形於怨語。復言所未受三十千錢，意欲索取，真宗甚鄙之，且不欲其詩歌流布於外，命中書召夷簡對焚之。士大夫以是薄其為人。浙右士之秀者，又有盧稹、謝炎、許洞。

盧稹，字淑微，杭州人。幼穎悟，七歲能詩，十二學屬文。及長，曉五經大義，酷嗜周易孟子，端拱初，游京師，時徐鉉以宿儒為士子所宗，覽稹文甚奇之。為延舉於朝，是年登進士第，調補真定東鹿主簿，至府，值契丹圍城，未及赴官，卒。年二十七。嘗著五帝皇極志、孺子問、翼聖書，數十篇。

謝炎，字化南，蘇州嘉興人。父崇禮，奉寧軍掌書記，炎慕韓柳為文，與盧稹齊名。時謂之盧謝。稹慙懦，炎勁急，反相厚善。端拱初，舉進士，調補昭應主簿，徙伊闕，連知華容、公安二縣。卒。年三十四。集二十卷。

許洞，字洞天，蘇州吳縣人。父仲容，太子洗馬，致仕。洞性疎薄，幼時習弓矢，擊刺之伎，及長，折節勵學，尤精左氏傳。咸平三年，進士，解褐，補武軍推官。嘗詣府白事，有卒踞坐不起，即杖之。時馬知節知州，洞又移書責知節，知節怒，其狂狷不遜。會洞輒用公錢，奏除名。歸吳中數年，日以酣飲為事。嘗從民坊買酒，一日大署壁，作酒歌數百言，鄉人爭往觀，其酷數倍。乃盡捐洞所負，景德二年，獻所撰虎鈴經二十卷，應洞識略，運籌決勝科，以負謹報罷。就除均州參軍。大中祥符四年，祀汾陰，獻三威禮賦，召試中書，改為江縣主簿。卒。年四十二。有集一百卷。又著春秋釋曲五卷，演玄十卷。

徐鉉，字鼎臣，揚州廣陵人。十歲能屬文，不妄游處，與韓熙載齊名。江東謂之韓徐。仕吳為校書郎，又仕南唐李昇父子，試知制誥，與宰相宋齊丘不協。時有得軍中書檄者，鉉及弟鐸評其援引不當，檄乃湯悅所作，悅與齊丘誣鉉鐸洩機事，鉉坐貶泰州司戶，鐸貶為烏江尉。俄復舊官。時景命內臣車延規傳宏營

屯田於楚州，處事苛細，人不堪命。致盜賊羣起，命鉉乘傳巡撫。鉉至楚州，奏罷屯田，延規等懼，逃罪。鉉捕之急，權近側目。及捕得賊首，即斬之，不俟報。坐專殺流舒州。周世宗南征，景徙鉉饒州，俄召為太子右諭德，復知制誥。遷中書舍人，景死，事其子煜。為禮部侍郎，通署中書省事。歷尚書右丞、兵部侍郎。翰林學士，御史大夫。吏部尚書。宋師圍金陵，煜遣鉉求緩兵，時煜將朱令贊將兵十餘萬，自上江來援，煜以鉉既行，欲止令贊勿令東下。鉉曰：此行未保必能濟艱，江南所恃者援兵爾，奈何止之。煜曰：方求和解而復決戰，豈利於汝乎。鉉曰：要以社稷為計，豈顧一介之便。置之度外可也。煜泣而遣之。及至，雖不能緩兵，而入見辭歸。禮遇皆與常時同。及隨煜入覲，太祖責之聲甚厲。鉉對曰：臣為江南大臣，國亡罪當死，不當問其他。太祖嘆曰：忠臣也。事我當如李氏。命為太子率更令。太平興國初，李昉獨直翰林，鉉直學士院。從征太原，軍中書詔填委，鉉援筆無滯，辭理精當。時論能之，師還，加給事中。八年，出為右散騎常侍，遷左常侍。淳化

初，鉉至京師，見被毛褐者輒哂之。邠州苦寒，終不御毛褐，致冷疾。一日晨起，方冠帶，遽索筆手疏約束後事。又別署曰：道者天地之母，書訖而卒。年七十六。鉉無子，門人鄭文寶護其喪至汴，胡仲容歸其葬於南昌之西山。鉉性簡淡，寡欲，質直無矯飾，不喜釋氏，而好神怪。有以此獻者，所求必如其請。鉉精小學，好李斯小篆，臻其妙。隸書亦工。嘗受詔與句中，正葛湍王惟恭等同校說文。序曰：許慎說文十四篇并序目一篇，凡萬六百餘字。聖人之旨，蓋云備矣。夫八卦既畫，萬象既分，則文字為之大略。戴籍為之六轡，先生教化，所以行於百代。及物之功，與造化均，不可忽也。雖五帝之後，改易殊體，六國之勢，文字異形，然猶存篆籀之迹，不失形類之本。及暴秦苛政，散隸肆與，便於末俗。人競師法，古文既變，巧偽日滋。至漢宣帝時，始命諸儒修倉頡之法，亦不能復。至光武時，馬援上疏論文字之譌謬，其言詳矣。及和帝時，申命賈逵修理舊文。於是許慎采史籀李斯揚雄之書，博訪通人，考之於遠，作說文解字。至安帝十五年，始奏上之。而隸書之行已久，加以行草八分，紛然間出，反以篆籀為奇怪之迹，不復經心。至於

六籍著文相承傳寫，多求便俗，漸失本原。爾雅所載草木魚鳥之名，肆志增益，不可觀矣。諸儒傳釋，亦非精究小學之徒，莫能矯正。唐大曆中，李陽冰篆迹殊絕，獨冠古今。於是刊定說文，修正筆法。學者師慕，篆籀中興。然頗排斥許氏，自爲臆說。夫以師心之獨見，破先儒之祖述，豈聖人之意乎？今之爲字學者，亦多陽冰之新義，所謂貴耳而賤目也。自唐末喪亂，經籍道息，有宋膺運，人文國典，粲然復興。以爲文字者，六藝之本，當由古法。乃詔取許慎說文解字，精加詳校。垂憲百代，臣等敢竭愚陋，備加詳考。有許慎注義，序列中所載而諸部不見者，審知漏落，悉從補錄。復有經典相承傳寫，及時俗要用，而說文不載者，皆附益之。以廣篆籀之路，亦皆形聲相從，不違六書之義者。其間說文具有正體，而時俗譌變者，則具於注中。其有義理乖舛，違戾六書者，並列序於後。俾夫學者無或致疑。大抵此書務援古以正今，不徇今而違古。若乃高文大冊，則宜以篆籀著之金石。至於常行簡牘，則草隸足矣。又許慎注義，詞簡義奧，不可周知。陽冰之後，諸儒變述，有可取者，亦從附錄。猶有未盡，則臣等相爲訓釋，以成一家之書。說文之時，未有反切，後人附益，互有異同。孫愐唐韻行之已久，今並以孫愐音切爲定。庶幾學者有所適從焉。錯亦善小學，嘗以許慎說文依四聲譜次爲十卷。目曰說文解字韻譜。鉉序之曰：昔伏羲畫八卦，而文字之端見矣。蒼頡摹鳥迹，而文字之形立矣。史籀作大篆，以潤色之。李斯變小篆，以簡易之。其美至矣。及程邈作隸，而人競趨省。古法一變，字義浸譌。先儒許慎患其若此，故集倉雅之學，研六書之旨，博訪通識，考於賈逵，作說文解字十五篇。凡萬六千六百字，字書精博，莫過於是。篆籀之體，極於斯焉。其後賈紉以三春之書，皆爲隸字。隸字始廣而篆籀轉微。後漢及今，千有餘歲。凡善書者，皆草隸焉。又隸書之法，有刪繁補闕之論，則其譌僞，斷可知矣。故今字書之數，累倍於前。夫聖人創制，皆有依據。不知而作，君子慎之。及史闕文，格言斯在。若草木魚鳥，形聲相從，觸類長之。良無窮極。苟不折之以古義，何足以觀。故叔重之後，玉篇切韻所載，習俗雖久，要不可施之於篆文。往者李陽冰，天縱其能。中興斯學，贊明許氏。吳瓘英發，然古法皆俗，易爲埋微。方今許李之書，僅存於世。學者殊寡，舊章罕存。秉筆操

觚，要資校閱，而偏傍奧密，不可意知。尋求一字，往往終卷，力省功倍，思得其宜。舍第錯特善小學，因命取叔重所記，以切韻次之。擊韻區分開卷，可觀。錯又集通釋四十篇，考先賢之微言，暢許氏之玄旨。正陽冰之新義，折流俗之異端。文字之學，善矣盡矣。今此書止欲便於檢討，無恤其他。故聊存古訓，以爲別識。其餘數演，有通釋五音凡千卷，貽諸同志云。鉉親爲之篆，鏤板以行於世。錯字楚金，四歲而孤。母方教鉉，未暇及錯。能自知書。李景見其文，以爲祕書省正字。累官內史舍人。因鉉奉使入宋，憂懼而卒。年五十五。李穆使江南，見其兄弟文章，嘆曰：二陸不能及也。鉉有文集三十卷，質疑論若干卷，所著禱神錄，多出於其客劇亮。錯所著則有文集、家傳、方輿記、古今國典、賦苑、歲時廣記云。

向中正，字坦然，益州華陽人。孟昶時，館於其相母昭裔之第。昭裔奏授崇文館校書郎，復舉進士及第，累爲昭裔從事。歸朝，補曹州錄事參軍。汜水令，又爲潞州錄事參軍。中正精於字學，古文篆隸行草無不工。太平興國二年，獻八體書。太宗素聞其名，召入授著作佐郎，直史館。被詔詳定篇韻四年，命副張洎爲高麗加恩使，還遷左贊善大夫。改著作郎，與徐鉉重校定說文，模印頒行。太宗覽之嘉賞，因問中正凡有聲無字有幾何。中正退，條爲一卷以獻。上曰：朕亦得二十一字，可并錄之也。時又命中正與著作佐郎吳鉉、大理寺丞楊文舉同撰定雍熙廣韻。中正先以門類上進，面賜緋魚。俄加太常博士，廣韻成，凡一百卷，特拜虞部員外郎。淳化元年，改直昭文館。三遷屯田郎中，杜門守道，以文翰爲樂。太宗神主及謚寶篆文，皆詔中正書之。嘗以大小篆八分三體書孝經摹石，咸平三年，表上之。真宗召見，便殿賜坐，問所書幾許。時中正曰：臣寫此書，十五年方成。上嘉歎良久，賜金紫，命藏於祕閣。時乾州獻古銅鼎，狀方而四足，上有古文二十一字，人莫能曉。命中正與杜鎰詳驗以聞，援據甚悉。五年卒。年七十四。中正喜藏書，家無餘財。子希古、希仲，並進士及第。希仲太常博士。蜀人又有孫逢吉、林罕，逢吉爲蜀國子毛詩博士，檢校刊刻石經。罕亦善文字之學。嘗著說文二十篇，目曰林氏小說，刻石蜀中。

曾致堯，字正臣，撫州南豐人。太平興國八年進士，解褐符離主簿。梁州錄事參

軍三遷著作佐郎直史館改秘書丞出為兩浙轉運使嘗上言去歲所部秋租惟湖州一郡督納及期而蘇常潤三州悉有逋負請各按賞罰太宗以江淮頻年水災蘇常特甚所言刻薄不可行詔戒致堯毋擾俄徙知壽州轉太常博士致堯性剛率好言事前後屢上章奏辭多激訐真宗即位遷主客員外郎判鹽鐵勾院張齊賢薦其材任詞職命翰林試制誥既而以與議未允而罷李繼遷擾西鄙靈武危急命張齊賢為涇原鄜寧環慶等州經略使遷致堯為判官仍遷戶部員外郎既受命因抗疏自陳願不受章絀之賜詞旨狂躁詔御史府鞠其罪黜為黃州副使奪金紫未幾復舊官改吏部員外郎歷知秦泉蘇揚鄂五州大中祥符初遷禮部郎中坐知揚州日冒請一月奉降掌昇州摧酷轉戶部郎中五年卒年六十六致堯頗好纂錄所著有僊兔羽翼三十卷廣中台志八十卷清邊前要三十卷西陲要紀十卷為臣要紀一十五篇子易從易占皆登進士第

刁行字元賓昇州人父彥能仕南唐為昭武軍節度行用蔭為秘書郎集賢校理衣五品服以文翰入侍甚被親昵李煜嘗令直清輝殿閣中外章奏金陵平從煜歸宋太祖賜緋魚授太常寺太祝稱疾假滿屏居葦下者數歲太平興國初李昉薦蒙在翰林勉其出仕因擇聖德頌獻之詔復本官出知睦州桐廬縣會詔羣臣言事衍上諫刑書謂淫刑酷法非律文所載者望詔天下悉禁止之巡檢使臣捕得盜賊亡卒並送本部法官訊鞫無得擅加酷虐古者投姦凶於四裔令遠方囚人盡歸京闕以配務役最非其宜且神臯勝地天子所居豈使流囚於此聚役自今外處罪人望勿許解送上京亦不留於諸務充役又禮曰刑人於市與衆棄之則知黃屋紫宸之中非用刑法之處望自今御前不行法罰之刑殿前引見司鉗驗法具並赴御史臺廷尉之獄杖不以大小皆引赴御史廷尉京府或出中使或命法官具禮監科以重聖皇明刑慎法之意或有犯劫盜亡命罪重者則足釘身國門布令此乃小民昧於刑憲逼於衣食偶然為惡義不及他被其慘毒實傷風化亦望減除其法如此則人情不駭各固其生和氣無傷必臻上瑞再遷大理寺丞獻文四十篇召試授殿中丞通判湖

州上疏請定天下酒稅額修郡縣城隍條約牧宰除兩浙丁身錢禁汙水流屍凡五事俄知婺州遷國子博士會考校百官殿最行被召以無過得知光州就改虞部員外郎轉運使狀其政績優詔嘉獎徙知廬州真宗即位遷比部員外郎嘗上疏曰臣聞天下大器也羣生衆畜也治大器者執一以正其度保衆畜者齊化以臻其原故至人謂莫神於天莫富於地莫大於帝王又曰帝王乘地而總萬物以用人也則知萬乘之尊一人之位等天地之覆若日月之照臨可不慎慮慮以安民繫慘舒而被物所以堯舜篤善道以垂化而民謂之所天架紂懷凶德以害世而民謂之獨夫則君之於民善惡有如是之驗民之於君毀譽有如是之異陛下纂圖茲始布政惟新所宜上順天心下從人欲進善以去惡避毀而求譽遵唐虞之治斥辛癸之亂私賞無及於小人私罰無施於君子任賢勿貳去邪勿疑開諫諍之門塞讒佞之口愛而知其惡憎而知其善無以春秋鼎盛而耽於逸游無以血氣方剛而惑於聲色若太祖之勤儉若太宗之惠慈答天地數錫之意係祖宗艱難之業則周成漢文三宗之美不可同年而議擬也代還獻所著本說十卷得以本官充秘閣校理出知潁州入為比部員外郎改直秘閣充崇文院檢討時杜鎬陳彭年並預檢討行言此二人可專其任詔許解職判三司開拆司預修冊府元龜加主客郎中求領外任得知湖州轉刑部郎中歲滿復預編修大中祥符六年書成授兵部郎中入朝暴中風眩真宗遣使馳賜金丹已不救年六十九行始仕李氏權勢甚盛父為藩帥家富於財被服飲膳極於侈靡歸宋以純澹夷雅知名於時恬於祿位善談笑喜棊奕交道敦篤士大夫多推重之子湛湜渭皆登進士第湛刑部郎中湜屯田員外渭太常博士湛子縉約天聖中並進士及第

姚鉉字寶之廬州合肥人太平興國八年進士甲科解褐大理評事知潭州湘鄉縣三遷殿中丞通判簡宣昇三州淳化五年直史館侍宴內苑應制賦賞花釣魚詩特被嘉賞翌日命使就第賜白金以獎之至道初遷太常丞充京西轉運使歷右正言右司諫河東轉運使俄上言曰伏見諸路官吏或疆明蒞事惠愛及民者則必立條教除其煩擾然校胥之輩非其所便候其罷官悉藏記

籍。審公盡政，莫甚於此。禮云：其人存則其政舉，其人亡則其政息。又薛曰：舊令尹之政，必告新令尹。斯實聖人之格言，國家之急務也。欲望所在官吏，有經畫利濟事可長久者，歲終書歷，受代日錄付新官，俾之遵守。若事有灼然匪便，聽上聞，俟報改正，詔從之。咸平三年，河決鄆州王陵埽，東南注鉅野，又淮西城中積水壞廬舍，以鉉知州事。徙州於汶陽鄉之高原，委以管度，許便宜從事。工畢，加起居舍人。京東轉運使，徙兩浙路。鉉雋爽，頗尚氣，薛映知杭州，與之不協。事多矛盾，映撫鉉罪狀數條密以聞，詔使劾之。當奪一官，特除名貶連州文學。吉州之萬安抵虔江，有贛石舟行其中，湍險萬狀，鉉過感而賦之，以自況。大中祥符五年，會赦移岳州，又移舒州。俄授本州團練副使。天禧四年卒，年五十三。鉉文詞敏麗，善筆札，藏書至多，頗有異本。兩浙課吏寫書，亦薛映所倚之一事。雖被竄斥，猶備夫荷擔以自隨，有集二十卷。又采唐人文章纂為百卷，目曰文粹。卒後，子嗣復以其書上獻，詔藏內府，授嗣復永城主簿。幼子稱，俊穎美秀，頗善屬辭。載十歲卒，鉉紀其事為聽悟錄，人多傳之。

李建中，字得中，其先京兆人。曾祖逢，唐左衛兵曹參軍，祖稠，梁商州刺史，辟地入蜀。會王建僭據，稠預佐命功臣，左衛將軍。建中幼好學，十四丁外艱。會蜀平，侍母居洛陽，聚學以自給。攜文遊京師，為王佑所延譽，館於石熙載之第，熙載厚待之。太平興國八年，進士甲科，解褐大理評事。知岳州錄事參軍，轉運使。李惟清薦其能，再遷著作佐郎，監潭州茶場，改殿中丞。歷通判道郢二州，柴成務領漕運，再表稱薦，轉太常博士。時言事者多以權利進，建中表陳時政利害，序王霸之略。太宗嘉賞，因引對便殿，賜以緋魚。會考課京朝官，建中舊坐公累罰金，漏其事，坐降授殿中丞，監在京權易務。蘇易簡方被恩顧，多得對，嘗言蜀中文士，因及建中。太宗亦素知之，命直昭文館。建中父名昭文，懇辭，改集賢院。數月，出為兩浙轉運副使，再遷主客員外郎。歷通判河南府，知曹解頰葵四州。景德中，以久次進金部員外郎。建中性簡靜，風神雅秀，恬於榮利。前後三求掌西京留司御史臺，尤愛洛中風土，就構園池，號曰靜居，好吟詠。每遊山水，多留題。自稱農夫民伯，加司封員外郎，工部郎中。建中善修養之術，會命官校定道藏。

建中預焉。又判太府寺。大中祥符五年冬，命使泗州，奉御製汴水發願文，就致設醮，使還得疾。明年卒，年六十九。建中善書札，行筆尤工，多構新體，草隸篆籀，八分亦妙。人多摹習，爭取以為楷法。嘗手寫郭忠恕汗簡集，以獻。皆科斗文字，有詔嘉獎。好古勤學，多藏古器名畫，有集三十卷。子周道，周士，並進士及第。周士歷侍御史，江東陝西轉運三司鹽鐵判官，賜金紫。終工部郎中。周民，太子中舍。

洪湛，字惟清，昇州上元人。曾祖勳，南唐崇文館直學士，祖壽，桐城令。父慶元，獻書李煜，授奉禮郎，補新喻令。歸宋，至寬甸令。湛幼好學，五歲能為詩，未冠，錄所著十卷為齋年集。舉進士，有聲。雍熙二年，廷試已落，復試，擢實高等，解褐歸德軍節度推官。召還，授右拾遺，直史館，端拱初，通判壽許二州。歸宋，與左正言尹黃裳、馮拯、右正言王世則、宋沆，伏閣請立許王元傳為儲貳，詞意狂妄。太宗怒，時沆坐呂蒙正親黨，已出為宜州團練副使，上因語近臣曰：儲副邦國之本，朕豈不知。但近臣澆薄，若立太子，即東宮僚屬皆須稱臣，官職聯文與上無異，人情深所不安。此事朕自有時爾。湛坐削職，出知容州。黃裳知邕州，拯知端州，沆知靖州。世則知蒙州，容之戍卒謀竊發者，湛偵知，亟斬之。再遷比部員外郎。知郴舒二州。咸平二年，召還，命試舍人院。復直史館，是秋命與閣門祇候韓紹輝使荆湖，按視民事。條奏利病甚衆，還判三司都磨勘司。又與王欽若同知貢舉。未幾，同修起居注。時議城絳州，邊臣互言利害，遣湛與閣門祇候程順奇同往按視。湛言城之利有七而害有二，遂詔營葺，終以勞人罷之。湛美風儀，俊辨有材幹，凡五使西北，議邊要，真宗有意擢任，顧遇甚厚。曲宴苑中，賦賞詩不移晷，以獻。深被褒賞。五年春，有河陰民常德方訟臨津尉任懿納賄登第，事下御史臺，鞠得懿款云：咸平二年，補太學生，寓僧仁雅舍。因仁雅求院之主僧惠泰為道地，署紙許銀七銖，仁雅惠泰隱其二，易為五銖。惠泰素識王欽若，已在貢院，乃因館客甯文德僕夫徐與納署紙於欽若妻李，李密召家僕祁睿書懿名於左臂，并口傳許賂之數入省告欽若。及懿過五揭，睿復持湯飲至省，欽若遣睿語李，令取其銀，懿未即與，既而懿預奏名授官，未行，丁內艱，還鄉里。仁雅馳

書索銀形於詛罵。德方者賈卜縣市。獲其書以告中丞趙昌言。具其事奏白。請速欽若屬吏。先是欽若為亳州判官。審其廳幹。及代歸。以審從行。而未除州之役籍。及貢舉事畢。會州人張續環鄉行服。託為審去籍名。至是欽若訴云。審休役之後。始備於家。而惠泰未嘗及門。欽若方被寵顧。乃詔翰林侍讀學士邢昂。內侍副都知閻承翰。并驛召知曹州邊肅。知許州毋賓古。就太常寺別鞠。懿易款云。有妻兄張駕舉進士。識湛懿亦與駕同。遂湛門。嘗以石榴二百枚。木炭百秤饋之。懿之輸銀也。但憑二僧達。一主司。實不知誰何。適以為湛納其銀。湛適使陝西。中途召還。時張駕已死。甯文德徐與悉遁去。欽若近參機務。門下僕使多新募至。不識惠泰。故無與左證。又固執知舉時未有祁審。遂以湛受銀法當死。特詔削籍流儋州。懿杖脊配隸忠靖軍。惠泰坐受簡札及隱銀未入己。以年七十餘。當贖銅八斤。特杖一百。黥面配商州坑冶。仁雅杖脊配隸鄧州牢城。而不窮用銀之端。初。王旦與欽若知舉。出拜樞密副使。以湛代領其事。湛之入貢院。懿已試第三場畢。及官收湛贖。家實無物。湛素與梁顥善。或假顥白金器。乃取以輸官。六年。會赦移惠州。至化州調馬驛卒。年四十一。湛時一子偕行。甚幼。州以聞。特詔賜錢二萬。官為護喪還揚州。因詔命官配流嶺外而沒者。悉給緡錢。聽其歸葬。如親屬幼穉者。所在遣牙校部送之。湛有集十卷。子鼎。大中祥符四年。進士。至度支員外郎。直史館。鹽鐵判官。

路振字子發。永州祁陽人。唐相巖之四世孫。巖貶死嶺外。其子琛避地湘潭間。遂居焉。振父洵。美事馬希果。署連州從事。謝病終於家。振幼穎悟。五歲誦孝經論語。十歲聽講陰符。裁百言而止。洵美責之。俾終其業。振曰。百言演道足矣。餘何必學。洵美大奇之。十二丁外艱。母氏慮其廢業。日加誨激。雖隆冬酷暑。未始有懈。淳化中。舉進士。太宗以詞場之弊。多事輕淺。不能試貫古道。因試厄言。日出賦。觀其學術。時就試者凡數百人。咸聘貽忘其所出。雖當時馳聲場屋者。亦有難色。振舉素遊京師。人罕知者。所作賦尤為典贍。太宗甚嘉之。擢實甲科。釋褐大理寺評事。通判邠州。徙徐州。召還直史館。復遣之任。遷太子中允。知濱州。一日契丹至城下。兵少民相恐。眾謂振文吏。無戰禦方略。環聚而泣。振乃親加

撫諭。且以敵威不可與爭鋒。宜堅壁自守。數日契丹引去。轉運使劉綜稱其能。詔書褒美。常作祭戰馬文曰。咸平中。契丹犯高陽關。執大將康保裔。略河朔而去。天子幸魏。特遣將王榮以五千騎追之。榮無將材。但能走馬以馳射為事。受命怛怯。數日不敢行。伺賊渡河而後發。有剽溜齊者數千騎。尚屯泥沽。榮不欲見敵。遂以其騎略河南岸而還。晝夜急騎。馬不秣而道斃者十有四。天子憫之。遣使收瘞焉。因作祭文曰。房駟之精。降為驪駉。飲泉呀風。流沙激霆。虎脊孤犖。龍媒驚擗。丹髦曉霞。穎秋星。第方著幹。宜乘旋騰。蟻臚角起。方背珠明。爾其絕塞草荒。八月隕霜。毛縮蹄堅。筋舒脈張。獸惡恐噬。虬瘞欲噴。噴沙散沫。千里飛雪。圍人負紉。武士索鐵。前遮後突。雷動地烈。忽挽一而制百。終伏搗而受絀。牧官劬劬。歲入奏書。蹄躐纒纒。通乎鬼區。名駒大駝。銜尾入塞。勞其酋長。飾以駟儉。蜀錦吳綉。積如丘陵。馬歸於我也。重幣入於彼也。輕於是格黃金之羈。浴天池之波。鼓鬣雲衢。弄影星河。或蹀而嚙。或躡而吼。原蠶申禁。駟駿何多。帝念神物。來經遠道。閱之於內殿。養之於外阜。飲以玉池。秣之瑤草。窮冬邊塵。入我河濟。羽書宵飛。龍馭北巡。選仗下之名馬。屬閭外之武臣。瑠戈電燭。禁旅星陳。授以長策。帥以全軍。壯士怒兮。山可擘。猛馬哮兮。虎可咋。何嚙嗜之無勇。反遷延而避敵。冰霜淒淒。介甲而馳。不飲不秣。載渴載飢。駿馬餒死。行人嗟咨。委天骨於衢路。反星精於雲霧。報主恩之無及。齊戎力而何誤。生芻致祭。敵惟成禮。瘞爾崇岡。全爾具體。馬如有神。知帝之仁。嗚呼。又以西兵未弭。入判大理寺。改太常丞。知河中府。徙知鄧州。代還。判吏部南曹。三司催欠。憑由司。景德中。使福建。巡撫。俄判鼓司。登聞院。會修兩朝國史。以振為編修官。大中祥符初。使契丹。撰乘輅錄。以獻。改太常博士。左司諫。擢知制誥。振文詞溫麗。屢奏賦頌。為名輩所稱。尤長詩詠。多警句。及居文翰之職。深愜物議。自是彌加精厲。從祀醴。時同職分局掌事。振獨直行在。專典輪翰。賤委填委。應用無滯。時推其敏贍。七年。同修起居注。張復崔遵度以書事誤失降秩。振擇與夏竦代之。嗜酒得疾。其冬卒。年五十八。錄其子綸為太常寺奉禮郎。振純厚無城府。恂恂如也。時人惜其登用之晚。有集二十卷。又嘗采五代末九國君臣行事作世家列傳。書未成。

而卒。

崔遵度字堅白，本江陵人，後徙滑州之滑川，純介好學，始七歲，授經於叔父憲，嘗以春秋編年史漢紀傳之例問於憲，憲曰：此兒他日成令名矣。太平興國八年，舉進士，解褐和州主簿，換臨汾，饋芻糧三抵絳州，涉無定河，河沙與水混流，無定跡，陷溺相繼，遵度憫之，著銘以紀焉。端拱初，轉運副使夏侯濟上其勤狀，召歸對便，坐因獻文自薦，時新建秘閣，命中書試作頌一首，擢著作佐郎，淳化中，吏部侍郎李至薦之，遷殿中丞，出知忠州，李順之亂，賊遣其黨張餘來攻，遵度領甲士百餘背城而戰，賊踰堞以入，遵度投江中，賴州兵援之得免，坐失城池貶崇陽令，移鹿邑，咸平初，復為太子中允，景德初，內出遵度名引對崇政殿，詔索所著文，召試舍人院，改太常丞，直史館，會修兩朝國史，與路振並為編修官，大中祥符元年，命同修起居注，東封進博士，祀汾陰，是歲真宗以兩省官絕少，故因覃慶選補之，命為左司諫，遵度與物無競，口不言是非，淳澹清素，於勢利泊如也，掌右史十餘歲，立堰上常退匿極間，慮上之見，善鼓琴，得其深趣，所徽舍甚湫隘，有小閣，手植竹數本，朝退默坐其上，彈琴獨酌，脩然自適，常著琴箋云：世之言琴者，必曰長三尺六寸，象期之日，十三徽，象期之月，居中者象閨，前世未有辨者，至唐協律郎劉昶以樂器配諸節候，而謂琴為夏至之音，至於泛聲，卒無述者，愚嘗病之，因張弓附案，泛其弦，而十三徽聲具焉，況琴瑟之弦乎，是知非所謂象者，蓋天地自然之節耳，又豈止夏至之音而已，夫易有太極，是生兩儀，兩儀者，太極之節也，四時者，兩儀之節也，律呂者，四時之節也，晝夜者，律呂之節也，刻漏者，晝夜之節也，節節相受，自細至大，而歲成焉，既不可使之節，亦不可使之不節，氣之自然者也，氣既節矣，聲同則應，既不可使之應，亦不可使之不應，數之自然者也，既節且應，則天地之交成矣，文之義也，或任形而著，或假物而彰，日星文乎上，山川理乎下，動物植物，花者節者，五色具矣，斯任形者也，至於人常有五性而不著，以事觀之，然後著，日常有五色而不見，以水觀之，然後見，氣常有五音而不聞，以弦攷之，然後聞，斯假物者也，是故聖人不能作易，而能知自然之數，不能作琴，而能知自然之節，何則，數本於一而成

於三，因而重之，故易六畫而成卦，及其應也，一必於四，二必於五，三必於六焉，氣氣相召，其應也必矣，卦既畫矣，故畫琴焉，始以一弦泛桐，當其節則清然而號，不當其節則泯然無聲，豈人力也哉，且徽有十三，而居中者為一，自中而左，泛有三焉，又右泛有三焉，其聲殺而已，絃盡則聲滅，及其應也，一必於四，二必於五，三必於六焉，節節相召，其應也必矣，易之書也，偶三為六，三才之配具焉，萬物由之而出，雖曰六畫，及其數也，止三而已矣，琴之畫也，偶六而根於一，一鐘者道之所生也，在數為一，在律為黃，在音為宮，在木為根，在四體為心，眾徽由之而生，雖曰十三，及其節也，止三而已矣，卦之德方，經也，著之德圓，緯也，故萬物不能逃其象，徽三其節，經也，絃五其音，緯也，故眾音不能勝其文，先儒謂八音以絲為君，絲以琴為君，愚謂琴以中徽為君，盡矣，夫徽十三者，蓋盡昭昭可聞者也，苟盡絃而考之，乃總有二十三徽焉，是一氣也，丈絃具之，尺絃亦具之，豈有長短大小之限哉，是則萬物本於天地，天地本於太極，太極之外，以至於萬物，聖人本於道，道本於自然，自然之外，以至於無為，樂本於琴，琴本於中徽，中徽之外，以至於無聲，是知作易者，考天地之策也，作琴者，考天地之聲也，往者藏音而未談，來者專聲而忘理，琴箋之作也，庶乎近之，苟其闕也，請俟君子，世稱其知言，七年，東郊建壇恭謝，壇上設正坐奉天地，配坐奉二聖，遵度時與張復同典記注，書昊天為天皇，又增聖祖配位，坐謬誤降為右正言，復亦責為工部郎中，踰歲並復其秩，九年，仁宗以壽春郡王開府，詔宰相擇著德方正有學術之士，咸曰：遵度力學有士行，時稱長者，遂命與張士遜並為王友，改戶部員外郎，賜服金紫，又賚襲衣犀帶緡錢，上作七言詩寵之，因謂左右曰：胡善記室，皆府屬也，故王皆受拜，今賓友之禮，當令答拜，府中文翰，皆遵度所作，王讀孝經徹章，復以御詩賜之，國史成，拜吏部員外郎，昇郎進封，改禮部郎中，充諮議參軍，儲宮建，又加吏部郎，兼左諭德，未幾，命使契丹，判司農寺，遵度性寡合，喜讀易，嘗云：意有疑，則彈琴辨其數，筮易觀其象，無不究也，天禧四年八月卒，年六十七，其子拜官者二人，仁宗即位，特詔贈工部侍郎，又授其二孫官，有集二十卷。

陳越字損之開封尉氏人祖守危與道令父夏虞部員外郎越少好學尤精歷代史善屬文辭氣俊拔咸平中詔舉賢良刑部侍郎郭鷲薦之策入第四等解褐將作監丞通判舒州徙知端州又徙袁州未幾召還遷著作佐郎直史館掌鼓司登聞院預修冊府元龜與陳從易劉筠尤為勤職真宗以其奉薄並命月增錢五千車駕朝陵掌留司名表時稱為工自是兩府賤奏多命草之勳貴家以銘誌為讀者甚眾遷太常丞羣牧判官祀汾陰擢為左正言越耿槩任氣喜箴切朋友放曠盃酒間家徒壁立不以屑意然嗜酒過差每食必先引數升罕有醒日亦用是遽疾大中祥符五年卒年四十無子母老人皆傷之越兄咸嘗舉進士未第楊億杜鎬陳彭年列奏為言真宗憫之及冊府元龜奏御特賜咸同三傳出身故事中書章奏皆舍人為之東封後朝廷多慶禮舍人或以他務所嬰乃擇館閣官得咸度路振劉筠夏竦宋綬洎越分撰表奏宰相嘗以名聞其後皆相次掌外制唯越不及登擢時論惜之

宋史卷四百四十一

宋史卷四百四十一 考證

徐鉉傳揚州廣陵人○臣人龍按南唐書鉉世為會稽人父延休為吳江都少

尹遂家廣陵

宋史卷四百四十一 考證

元中書右丞相總裁脫脫等修

列傳第二百一

文苑四

穆修

尹源

顏太初

石延年劉潛附

黃亢

郭忠恕

蕭貫

黃鑑

蘇舜欽

蘇舜欽

楊蟠

穆修字伯長鄆州人幼嗜學不事章句真宗東封詔舉齊魯經行之士修預選賜進士出身調泰州司理參軍負才與眾齟齬通判忌之使人誣告其罪貶池州中道亡至京師叩登聞鼓訴冤不報居貶所歲餘遇赦得釋迎母居京師間出遊句以給養久之補潁州文學參軍徙蔡州明道中卒修性剛介好論斥時病詆訕權貴人欲與交結往往拒之張知白守亳亳有豪士作佛廟成知白使人召修作記記成不書士名士以白金五百遺修為壽且求載名於記修投金庭下趣裝去郡士謝之終不受且曰吾寧糊口為旅人終不以匪人汚吾文也宰相欲識修且將用為學官修終不往見母死自負糶以葬日誦孝經喪記不用浮屠為佛事自五代文敝國初柳開始為古文其後楊億劉筠尚聲偶之辭天下學者靡然從之修於是時獨以古文稱蘇舜欽兄弟多從之游修雖窮死然一時士大夫稱能文者必曰穆參軍慶曆中祖無擇訪得所著詩書序記誌等數十首集為三卷

石延年字曼卿先世幽州人晉以幽州遺契丹其祖舉族南走家於宋城延年為人跌宕任氣節讀書通大略為文勁健於詩最工而善書累舉進士不中真宗錄二舉進士以為三班奉職延年恥不就張知白素奇之謂曰母老乃擇祿耶延年不得已就命後以右班殿直改太常寺太祝知金鄉縣有治名用薦者通判乾寧軍徙永靜軍為大理評事館閣校勘歷光祿大理寺丞上書章獻太后請還政天子太后崩范諷欲引延年延年力止之後諷敗延年坐與諷善落職通判海州久之為秘閣校理遷太子中允同判登聞鼓院嘗上言天下不識

戰三十餘年請為二邊之備不報及元昊反始思其言召見稍用其說命往河東籍鄉兵凡得十數萬時邊將遂欲以扞賊延年笑曰此得吾粗也夫不教之兵勇怯相離若怯者見敵而動則勇者亦牽而潰矣今既不暇教宜募其敢行者則人人皆勝兵也又嘗請募人使哨廝囉及回鶻舉兵攻元昊帝嘉納之延年喜劇飲書與劉潛造王氏酒樓對飲終日不交一言王氏怪其飲多以為非常人益奉美酒肴果二人飲啖自若至夕無酒色相揖而去明日都下傳王氏酒樓有二仙來飲已乃知劉石也延年雖酣放若不可櫻以世務然與人論天下事是非無不當初與天章閣待制吳遵路同使河東及卒遵路言於朝廷特官其一子

劉潛字仲方曹州定陶人少卓逸有大志好為古文以進士起家為淄州軍事推官嘗知蓬萊縣代還過鄆州方與曼卿飲聞母暴疾亟歸母死潛一慟遂絕其妻復撫潛大號而死時人傷之曰子死於孝妻死於義同時以文學稱京東者齊州歷城有李冠舉進士不第得同三禮出身調乾寧主簿卒有東臯集二十卷

蕭貫字貫之臨江軍新喻人俊邁能文尚氣舉進士甲科為大理評事通判安宿二州遷太子中允直史館仁宗即位進太常丞同判禮院歷吏部南曹開封府推官三司鹽鐵判官為京東轉運使時提舉捉賊劉舜卿善捕盜號劉鐵彈恃功為不法前後畏其凶悍莫敢治貫至發之廢為民徙江東改知洪州累遷尚書刑部員外郎坐前使江東不察所部吏受賂降知饒州有撫州司法參軍孫齊者初以明法得官以其妻杜氏留里中而給娶周氏入蜀後周欲訴於官齊斷髮書出杜氏久之又納倡陳氏挈周所生子之撫州未踰月周氏至齊掉置廡下出偽券曰若傭婢也敢爾邪乃殺其所生子周訴於州及轉運使皆不受人或告之曰得知饒州蕭使君者訴之事當白矣周氏以布衣書姓名乞食道上馳告貫撫非所部而貫特為治之更赦猶編管齊濠州遷兵部員外郎召還將試知制誥會管建獻獻二皇太后陵未及試而卒貫臨事敢為不苟合於時初感疾夢綠衣中人召至帝所賦禁中曉寒歌詞語清麗人以比唐李賀

蘇舜欽字子美，參知政事易簡之孫。父者有才名，嘗為工部郎中直集賢院。舜欽少慷慨，有大志，狀貌怪偉。當天聖中，學者為文，多病偶對，獨舜欽與河南穆修好為古文歌詩，一時豪俊，多從之游。初以父任補太廟齋郎，調榮陽縣尉。玉清昭應宮災，舜欽年二十一，詣登聞鼓院上疏曰：「烈士不避鈇鉞而進諫，明君不諱過失而納忠，是以懷策者必吐上前，蓄冤者無至腹誹。然言之難，不如容之難，容之難，不如行之難，有言之必容之，則三代之主也。幸陛下留聽焉。」臣觀今歲自春徂夏，霖雨陰晦，未嘗少止，農田被蓄者幾於十九。臣以為任用失人，政令多過，賞罰非中之所召也。天之降災，欲悟陛下，而大臣歸咎於刑獄之濫，陛下聽之，故肆赦天下，以為覆救。如此則是殺人者不死，傷人者不抵罪，而欲以合天意也。古者斷決滯訟，以平水旱，不聞用赦。故赦下之後，陰雨及今，前志曰：「積陰生陽，陽生火災，見焉乘夏之氣，發洩於玉清宮，震兩雜下，烈焰四起，樓觀萬疊，數刻而盡，非慢於火備，乃天之垂戒也。」陛下當降服減膳，避正寢，責躬罪己，下哀痛之詔，罷非業之作，拯失職之民，察輔弼及左右無裨國體者罷之，竊弄權威者去之，念政刑之失，收芻蕘之論，庶幾所以變災為祐。浹日之間，未聞為此，而將計工役以圖修復，都下之人聞者，駭惑聚首橫議，咸謂非宜。皆曰：「章聖皇帝勤儉十餘年，天下富庶，帑府流行，乃作斯宮，及其畢工，海內虛竭，陛下即位，未及十年，數遭水旱，難征賦減入，而百姓困乏，若大興土木，則費用不知紀極，財力耗於內，百姓勞於下，內耗下勞，何以為國。況天災之已逮之，是欲競天無省己之意，逆天不祥，安己難任，欲祈厚福，其可得乎。今為陛下計，莫若求吉士去佞人，修德以動至治，使百姓足給而征稅寬減，則可以謝天意而安民情矣。」夫賢君見變，修道德以亂世無象，天不譴告，今幸天見之變，是陛下修己之日，豈可忽哉。昔漢宣帝三年，茂陵白鶴館災，詔曰：「迺者火災降於孝武園館，朕戰慄恐懼，不燭變異，罪在朕躬，羣有司又不肯極言朕過，以至於斯，將何寤焉。夫茂陵不及上都，白鶴館不及此宮，彼尚降詔四方，以求己過，是知帝王憂危念治，汲汲如此，臣又按五行志，賢佞分別，官人有敘，率由舊章，禮重功勳，則火得其性，若信道不篤，或耀虛僞，讒夫昌，邪勝正，則火失其性，自上

而降，及熾炎妄起，燔宗廟，燒宮室，雖與師徒而不能救，魯成公三年新宮災，劉向謂成公信三桓子孫之讒，逐父臣之應，襄公九年春宋火，劉向謂宋公聽讒逐其大夫華弱奔魯之應，今宮災豈亦有是乎。願陛下拱默內省，而追章之罷，再造之勞，述前世之法，天下之幸也。又上書曰：「歷觀前代聖神之君，好聞讜議，蓋以四海至遠，民有隱隱，不可以徧照，故無問愚賤之言而擇用之，然後朝無遺政，物無遺情，雖有佞臣邪謀，莫得而進也。臣親乙亥詔書，戒越職言事，播告四方，無不驚感，往往竊議，恐非出陛下之意，蓋陛下即位以來，屢詔羣下勤求直言，使百僚轉對，置匭函，設直言極諫科，今詔書頓異前事，豈非大臣雍蔽陛下聰明，杜塞忠良之口，不惟虧損朝政，實亦自取覆亡之道。夫納善進賢，宰相之事，蔽君自任，未或不亡，今諫官御史，悉出其門，但希旨意，即獲美官，多士盈庭，禁不得語，陛下拱默，何由盡聞天下之事乎。前孔道輔范仲淹剛直不撓，政位臺諫，後雖改他官，不忘獻納，二臣者非不知緘口數年，坐得卿輔，蓋不敢負陛下委注之意，而皆懼中傷，竄謫而去，使正臣奪氣，黷士咋舌，目覩時弊，而不敢論，昔晉侯問叔向曰：「國家之患孰為大？」對曰：「大臣持祿而不極諫，小臣畏罪而不敢言，下情不能上通，此患之大者。」故漢文感女子之說，而肉刑是除，武帝聽三老之議，而江充以族，肉刑古法，江充近臣，女子三老，黨黨疎隔之至也。蓋以義之所在，賤不可忽，二君從之，後世稱聖。況國家班設爵位，列陳豪英，故當責其公忠，安可教之循默，賞之使諫，尚恐不言，罪其敢言，孰肯獻納，物情閉塞，上位孤危，軫念於茲，可為驚懼，觀望陛下發德音，寢前詔，勸於采納，下及芻蕘，可以常守隆平，保全近輔，尋舉進士，改光祿寺主簿，知長垣縣，遷大理評事，監在京店宅務，康定中，河東地震，舜欽詣闕通疏曰：「臣聞河東地，大震裂，涌水壞屋，廬城堞，殺民畜幾十萬，歷旬不止，始聞惶駭，疑惑竊思，自編策所紀，前代衰微喪亂之世，亦嘗有此大變，今四聖接統，內外平寧，戎夷交歡，兵革偃息，固與夫衰微喪亂之世異，何災變之作，反過之耶。且妖祥之與神實尸之，各以類告，未嘗妄也。天人之應，古今之鑒，大可恐懼，豈王者安於逸豫，信任近臣，而不省政事乎。廟堂之上，有非才苟祿，竊弄威福，而侵上事者乎。又豈施設之政，有不

便民者乎。深宮之中，有陰教不謹，以媚道進者乎。西北羌夷，有背盟犯順之心，平臣從遠方來，不知近事，心疑而口不敢道也。所怪者朝廷見此大異，不修闕政，以厭天戒，安民心，默然不恤，如無事之時。諫官御史，不聞進牘，鋪白災害之端，以開上心。然民情洶洶，聚首橫議，咸有憂悸之色。臣世受君祿，身齒國命，涵濡惠澤，以長此軀。目覩心思，驚恒流汗，欲盡吐肝膽以拜封奏，又見苑仲淹以剛直忤姦臣，言不用而身竄，前降詔天下不許越職言事，臣不避權右，必恐橫罹中傷，無補於國，因自悲嗟，不知所措。既而孟春之初，雷震暴作，臣以爲國家闕失，衆臣莫敢爲陛下言者。唯天丁寧以告陛下，果能沛發明詔，許羣臣皆得獻言。臣初聞之，踊躍欣忭，旬月間頗有言事者。其間豈無切中時病而未聞朝廷舉而行之，是亦收虛言而不根實效也。臣聞唯誠可以應天，唯實可以安民。今應天不以誠安民，不以實徒布空文，增人太息耳。將何以謝神靈而救弊亂也。豈大臣蒙塞天聽，不爲陛下行之，豈言事迂闊無所取，不足行也。臣竊見紀綱墮敗，政化闕失，其事甚衆，不可殫舉。謹條大者二事以聞。一曰正心。夫治國如治家，治家者先修己，修己者先正心。心正則神明集而萬務理，今民間傳陛下比年稍選俳優，賤人燕樂踰節，賜予過度，燕樂踰節則蕩，賜予過度則侈。蕩則政事不親，侈則用度不足。臣竊觀國史，見祖宗日視朝，軒冕方罷，猶坐於後苑門，有白事者立得召對，委曲詢訪，小善必納，真宗末年不豫，始間日視事。今陛下春秋鼎盛，實宵衣旰食求治之秋，而乃隔日御殿，此政事不親也。又府庫匱竭，民鮮蓋藏，誅斂科率，殆無虛日。計度經費，二十倍於祖宗時，此用度不足也。政事不親，用度不足，誠國大憂。臣望陛下修己以御人，洗心以鑒物，動聽斷，舍燕安，放棄優諧，近習之纖人，親近剛明，鯁直之良士，因此災變，以思永圖。則天下幸甚。其二曰擇賢。夫明主勞於求賢，而逸於任使，然盈庭之士，不須盡擇，在擇一二輔臣及御史諫官而已。陛下用人，尙未慎擇。昨王隨自吏部侍郎遷門下侍郎平章事，超越十資，復爲上相，此乃非常之恩，必待非常之才，而隨虛庸邪詭，非輔相之器。降麻之後，物論沸騰，故疾纏其身，災仍於國，此亦天意愛惜我朝。陛下鑒之哉。且石中立頃在朝行，以詭譎自任，士人或有宴集，必置席

間聽其語言，以資笑噱。今處之近輔，不聞嘉謀，物望甚輕，人情所忽，使災害屢降而朝廷不尊，蓋近臣多非才者。陛下左右尙如此，天下官吏可知也。實恐遠人輕笑中國，宜卽行罷免，別選賢才。又張觀爲御史中丞，高若訥爲司諫，二人者皆登高第，頗以文詞進，而溫和軟懦，無剛鯁敢言之氣。斯皆執政引拔，建置欲其慎默，不敢舉揚其私。時有所言，則必暗相關說，旁人窺之，甚可笑也。故御史諫官之任，臣欲陛下親擇之，不令出執政門下。臺諫官既得其人，則近臣不敢爲過，乃馭下之策也。臣以謂陛下身既勤儉，輔弼臺諫又皆得人，則天下何憂不治。災異何由而生，惟陛下少留意焉。范仲淹薦其才，召試爲集賢校理，監進奏院，舜欽娶宰相杜衍女，衍時與仲淹富弼在政府，多引用，一時聞人欲更張庶事，御史中丞王拱辰等不便其所爲，會進奏院祠神，舜欽與右班殿直劉巽，輒用鬻故紙公錢，召妓樂，多會賓客，拱辰廉得之，輒其屬魚周詢等劾奏，因欲搖動衍，事下開封府劾治。於是舜欽與巽俱坐自盜除名，同時會者皆知名士，因緣得罪，逐出四方者十餘人，世以爲過薄，而拱辰等方自喜曰，吾一舉網盡矣。舜欽既放廢，寓於吳中，其友人韓維責以世居京師，而去離都下，隔絕親交，舜欽報書曰，蒙開責以兄弟在京師，不以義相就，獨羈外數千里，自取愁苦，予豈無親戚之情，豈不知會合之樂也。安肯舍安逸而甘愁苦哉。昨在京師不敢犯人顏色，不敢議論時事，隨衆上下，心志蟠屈，不開固亦極矣。不幸適在嫌疑之地，不能決然早自引去，致不測之禍，猝去下吏，人無敢言，友讐一波，共起謗議，被廢之後，喧然未已，更欲置之死地，然後爲快，來者往往鈎贖言語，欲以傳播，好意相恤者幾希矣。故閉戶不敢與相見，如避兵寇，偷俗如此，安可久居其間，遂超然遠舉，羈泊於江湖之上，不惟衣食之累，實亦少避機阱也。況血屬之多，資入之薄，持國見之矣，常相團聚，可乏衣食乎，不可也。可閉關常不與人接乎，不可也。與人接必與之言，與之言必與之還往，使人人皆如持國則可，不迫持國者，必加讓惡言，喧布上下，使僕不能自明，則前日之事未爲重也，都無此事，亦終日勞苦應接之不暇，寒暑奔走塵土泥淖中，不能了人事，贏馬餓僕，日栖栖取辱於都城，使人指背譏笑哀閔，亦何顏面，安得不謂之愁苦哉。此

雖與兄弟親戚相遠。而伏臘稍足。居室稍寬。無終日應接奔走之勞。耳目清曠。不設機關。以待人心。安閑而體舒放。三商而眠。高春而起。靜院明窗之下。羅列圖史琴樽。以自愉悅。有興則泛小舟出盤園二門。吟嘯覽古於江山之間。渚茶野饌。足以消憂。尊鱸稻蟹。足以適口。又多高僧。障君子。佛廟勝絕。家有園林。珍花奇石。曲池高臺。魚鳥留連。不覺日暮。昔孔子作春秋而夷吳。又曰。吾欲居九夷。觀今之風俗。樂善好事。知子守道好學。皆欣然願來。過從不以罪人相遇。雖孔子復生。是亦必欲居此也。以彼此較之。孰為然哉。人生內有自得。外有所適。固亦樂矣。何必高位厚祿。役人以自奉養。然後為樂。今雖僑此。亦如仕宦南北。安可與親戚常相守耶。予窘迫。勢不得如持國意。必使我尸轉溝洫。肉餒豺虎。而後以為安所義。何其忍耶。詩曰。凡今之人。莫如兄弟。兄弟以恩。急難必相拯。救後章曰。喪亂既平。既安且寧。雖有兄弟。不如友生。謂友朋尚義。安寧之時。以禮義相琢磨。子於持國。外兄弟也。急難不相救。又於未安寧之際。欲以義相琢磨。雖古人所不能受。子欲不報。慮遠。吾持國也。二年。得湖州長史。卒。葬歛數上。書論朝廷事。在蘇州買水石作滄浪亭。益讀書。時發憤激於歌詩。其體豪放。往往驚人。善草書。每酣酒落筆。爭為人所傳。及謫死。世尤惜之。妻杜氏。有賢行。兄舜元。字子翁。為人精悍。任氣節。為歌詩亦豪健。尤善草書。舜欽不能及。官至尚書度支員外郎。三司度支判官。

尹源字子漸。少博學彊記。與弟洙皆以文學知名。洙議論明辨。果於有為。源自晦不矜飾。有所發即過人。初以租蔭補三班借職。稍遷殿直。舉進士。為奉禮郎。累遷太常博士。歷知芮城河陽新鄭三縣。通判涇州。時知滄州劉渙坐專斬部卒。降知密州。源上書言。渙為主將。部卒有罪。不伏答。輒呼萬歲。渙斬之不為過。以此謫渙。臣恐邊兵愈驕。輕視主將。所繫非輕也。渙遂免。嘗作唐說及敘兵十篇上之。其唐說曰。世言唐所以亡。由諸侯之彊。此未極於理。夫弱唐者諸侯也。唐既弱矣。而久不亡者。諸侯維之也。燕趙魏首亂。唐制專地而治。若古之建國。此諸侯之雄者。然皆恃唐為輕重。何則。假王命以相制。則易而順。唐雖病之。亦不得而外焉。故河北順而聽命。則天下為亂者不能遂其亂。河北不順而變。

則姦雄或附而起。德宗世朱泚李希烈始遂其僭。而終敗亡。田悅叛於前。武俊順於後也。憲宗討蜀平夏。誅蔡夷鄆。兵連四方而亂不生。卒成中興之功者。田氏聖命。王承宗歸國也。武宗將討劉稹之叛。先正三鎮。絕其連衡之計。而王誅以成。如是二百年。姦臣逆子。專國命者有之。夷將相者有之。而不敢窺神器。非力不足。畏諸侯之勢也。及廣明之後。關東無復唐有。方鎮相侵伐者。猶以王室為名。及梁祖舉河南。劉仁恭輕戰而敗。羅氏內附。王鎔請盟於時。河北之事去矣。梁人一舉而伐唐有國。諸侯莫能與之爭。其勢然也。向使以傳昭之弱。乘巢蔡之亂。而田乘嗣守魏。王武俊朱滔據趙燕。疆相均。地相屬。其勢宜莫敢先動。況非義舉乎。如此雖梁祖之暴。不過取霸於一方耳。安能彊禪天下。故唐之弱者。以河北之彊也。唐之亡者。以河北之弱也。或曰。諸侯彊則分天子之勢。子何議之過乎。曰。秦隋之勢。無分於諸侯。而亡速於唐。何如哉。或曰。唐之亡。其由君失道乎。曰。君非失道。而才不至焉爾。其亡也。臣實主之。請極其說。唐太宗起艱難。有天下。其用臣也。聽其言而盡其才。故君臣相親。而至治安。以及後世。視太宗由茲而興。雖其聖不及。而任臣納諫之心一也。君有太宗之心。臣非太宗之臣。上聽其下。或不辨其姦。下惑其上。無所不至。所以敗也。何哉。夫君一臣眾。大聖之君。不相繼而出。大姦之臣。則世有之。大聖在上。則姦無所容。其臣莫不賢。苟君之才不能勝臣之姦。則雖有賢者不能進矣。如是。然未至於失道。猶失道也。明皇非不欲天下如貞觀之治。而馭臣之才。不能勝林甫之姦。於是。有祿山之禍。德宗非不欲平暴亂。安四方。而君人之術。不能勝盧杞之邪。於是。有朱泚之變。以至於傳昭。其心皆欲去亂而即治也。而才不逮於明皇。德宗。輔臣之姦邪。或過於林甫。盧杞。求國不亡。安可得已。然迹其事。君豈有失道乎。於時天下非無賢。由君不能主聽也。故至賢之主。與夫失道之主。其與其亡。皆自取之。此繫乎君者也。中才之主。其臣正勝邪。則治而安。邪勝正。則亂而亡。此繫乎臣者也。然則唐之亡。非君之為。臣之為也。其敘兵曰。唐杜牧當會昌中。河朔用兵。嘗為文數篇。上論歷代軍事利害。繼以本朝制兵用將之得失。下參以當時事機。牧儒者。位不顯。其術未嘗試。然識者謂牧知兵。雖古名將不能過。今觀牧所著。

則姦雄或附而起。德宗世朱泚李希烈始遂其僭。而終敗亡。田悅叛於前。武俊順於後也。憲宗討蜀平夏。誅蔡夷鄆。兵連四方而亂不生。卒成中興之功者。田氏聖命。王承宗歸國也。武宗將討劉稹之叛。先正三鎮。絕其連衡之計。而王誅以成。如是二百年。姦臣逆子。專國命者有之。夷將相者有之。而不敢窺神器。非力不足。畏諸侯之勢也。及廣明之後。關東無復唐有。方鎮相侵伐者。猶以王室為名。及梁祖舉河南。劉仁恭輕戰而敗。羅氏內附。王鎔請盟於時。河北之事去矣。梁人一舉而伐唐有國。諸侯莫能與之爭。其勢然也。向使以傳昭之弱。乘巢蔡之亂。而田乘嗣守魏。王武俊朱滔據趙燕。疆相均。地相屬。其勢宜莫敢先動。況非義舉乎。如此雖梁祖之暴。不過取霸於一方耳。安能彊禪天下。故唐之弱者。以河北之彊也。唐之亡者。以河北之弱也。或曰。諸侯彊則分天子之勢。子何議之過乎。曰。秦隋之勢。無分於諸侯。而亡速於唐。何如哉。或曰。唐之亡。其由君失道乎。曰。君非失道。而才不至焉爾。其亡也。臣實主之。請極其說。唐太宗起艱難。有天下。其用臣也。聽其言而盡其才。故君臣相親。而至治安。以及後世。視太宗由茲而興。雖其聖不及。而任臣納諫之心一也。君有太宗之心。臣非太宗之臣。上聽其下。或不辨其姦。下惑其上。無所不至。所以敗也。何哉。夫君一臣眾。大聖之君。不相繼而出。大姦之臣。則世有之。大聖在上。則姦無所容。其臣莫不賢。苟君之才不能勝臣之姦。則雖有賢者不能進矣。如是。然未至於失道。猶失道也。明皇非不欲天下如貞觀之治。而馭臣之才。不能勝林甫之姦。於是。有祿山之禍。德宗非不欲平暴亂。安四方。而君人之術。不能勝盧杞之邪。於是。有朱泚之變。以至於傳昭。其心皆欲去亂而即治也。而才不逮於明皇。德宗。輔臣之姦邪。或過於林甫。盧杞。求國不亡。安可得已。然迹其事。君豈有失道乎。於時天下非無賢。由君不能主聽也。故至賢之主。與夫失道之主。其與其亡。皆自取之。此繫乎君者也。中才之主。其臣正勝邪。則治而安。邪勝正。則亂而亡。此繫乎臣者也。然則唐之亡。非君之為。臣之為也。其敘兵曰。唐杜牧當會昌中。河朔用兵。嘗為文數篇。上論歷代軍事利害。繼以本朝制兵用將之得失。下參以當時事機。牧儒者。位不顯。其術未嘗試。然識者謂牧知兵。雖古名將不能過。今觀牧所著。

大要究極當世之務。不專徃古法。使時君可行而易爲功。此其善也。今兵之利銳。所以與唐世異者。唐自中世以來。諸侯皆自募兵訓練。出攻入守。上下一志。故討淮西青冀滄德澤潞之叛。以至四征夷狄。大率假外兵以集事。朝廷所出神策禁軍。不過爲聲援而已。故所至多有功。今則不然。國家患前世藩鎮之疆。凡天下所募驍勇。一萃於京師。雖濱塞諸郡。大者籍兵不踰數千。每歲防秋。則戍以禁兵。將帥任輕而勢分。軍事往往中御。愚謂此可以施於無事時。鎮中國。服豪傑。苟戎夷侵軼。未必能取勝也。何則。兵主於外則勇。主於內則驕。勇生於勞。驕生於逸。夫外所習向。皆疆場戰鬪勞苦之事。死生之命。制之於將。故勇而使之戰。則多利。內兵居京師。日享安逸。加之以賞賚。未嘗服甲冑。荷戈戟。不知將帥號令之嚴。故驕而勞之。則怨。以之戰。則多鈍。若唐之失。失於諸侯之不利。非失於外兵之疆。故有驕將。罕聞有驕兵。今之失。失於將太輕。而外兵不足以應敵。內兵鮮得其用。故有驕兵。不聞有驕將。且唐之所失者勢也。今之所失者制也。勢也者。不得已也。制也者。可爲而不爲也。然則爲今之計。當如何。曰。稍革舊制。大募豪勇。益外兵之籍。俾足以戰敵。以內兵爲聲勢。重邊將之任。使專一軍之事。而不得連州郡之勢。斯可以獲近利而亡後害也。餘文多不錄。趙元昊寇定川堡。葛懷敏發涇原兵救之。源是時通判慶州。遺懷敏書曰。賊舉國而來。其利不在城堡。而兵法有不得而救者。宜駐兵瓦亭。擇利而後動。懷敏不聽。以敗。范仲淹韓琦薦其才。召試學士院。源素不喜賦。請以論易賦。主試者方以賦進。不悅其言。第其文下。除知懷州。卒。

黃亢。字清臣。建州浦城人也。母夢星隕於懷。掬而吞之。遂有娠。少奇穎。過人。年十五。以文謁翰林學士章得象。得象奇之。遊錢塘。以詩贈處士林逋。逋尤激賞。時王隨知杭州。奏禁西湖爲放生池。亢作詩數百言以奉。士人爭傳之。亢爲人侏儒。不飾小節。對人野率。如不能言。然嗜學。彊記。爲文詞奇偉。卒。鄉人類其文。爲十二卷。號東溪集。

黃鑑。字唐卿。與亢同鄉里。少敏慧。過人。舉進士。補桂陽監判官。爲國子監直講。同郡楊億尤善其文詞。延置門下。由是知名。累遷太常博士。爲國史院編修官。

嘗詔館閣官後苑賞花。而鑑特預。召國史成。權直集賢院。以母老出通判蘇州。卒。

楊蟠。字公濟。章安人也。舉進士。爲密和二州推官。歐陽修稱其詩。蘇軾知杭州。蟠通判州事。與軾倡酬居多。平生爲詩數千篇。後知壽州。卒。

顏太初。字醇之。徐州彭城人。顏子四十七世孫。少博學。有偉才。慷慨好義。喜爲詩。多譏切時事。天聖中。亳州衛真令黎德潤爲吏誣構。死獄中。太初以詩發其寃。覽者壯之。文宣公孔聖祐卒。無子。除龔封。且十年。是時有醫許希以鍼愈仁宗疾。拜賜已。西向拜扁鵲曰。不敢亡師也。帝爲封扁鵲神應侯。立祠城西。太初作許希詩。指聖祐事以諷在位。又致書參知政事蔡齊。齊爲言於上。遂以聖祐弟龔封。山東人范諷石延年劉潛之徒。喜豪放。劇飲。不循禮法。後生多慕之。太初作東州逸黨詩。孔道輔深器之。太初中進士。後爲莒縣尉。因事忤轉運使。投劾去。久之。補闕中主簿。時范諷以罪貶。同黨皆坐斥。齊與道輔薦太初。上其書。所爲詩。召試中書。言者以爲此嘲讒之詞。遂報。改臨晉主簿。前此有太常博士宋武通判同州。與守爭事。患死守憾之。搢搆其子以罪發。狂亦死。父子爲骨。僧舍。時守方貴顯。無敢爲直寃。太初因事至同州。葬武父子。蘇舜欽表其事於臺左。後移應天府。戶曹參軍。南京國子監說書。卒。著書號洙南子。所居在鳧繹兩山之間。號鳧繹處士。有集十卷。淳耀聯英二十卷。子復。嘉祐中。本郡教遺。至京師。召試舍人院。爲奉議郎。

郭忠恕。字恕先。河南洛陽人。七歲能誦書。屬文。舉童子及第。尤工篆籀。弱冠。漢湘陰公召之。忠恕拂衣遽辭去。周廣順中。召爲宗正丞。兼國子書學博士。改周易博士。建隆初。被酒與監察御史符昭文競於朝堂。御史彈奏。忠恕叱臺吏奪其奏。毀之。坐貶爲乾州司戶參軍。乘醉毆從事范拯。擯離貶所。削籍配隸。靈武其後流落。不復求仕進。多游岐雍京洛間。縱酒跡弛。逢人無貴賤。輒呼飲。有佳山水。卽淹留。浹旬不能去。或踰月不食。盛夏暴露日中。體不沾汗。窮冬鑿河冰而浴。其旁凌斯稍釋。人皆異之。尤善畫。所圖屋室重復之狀。頗極精妙。多游王侯公卿家。或待以美醞。預張紈素。倚於壁。乘興卽畫之。苟意不欲。而固請之。必

怒而去。得者藏以爲寶。太宗卽位。聞其名。召赴闕。授國子監主簿。賜襲衣銀帶。錢五萬。館於太學。令刊定歷代字書。忠恕性無檢局。放縱敗度。上憐其才。每優容之。益使酒肆言謗讟。時擅鬻官物。取其直。詔減死決杖。流登州。時太平興國二年。已行至齊州臨邑。謂部送吏曰。我今逝矣。因培地爲穴。度可容其面。俯窺焉。而卒。囊葬於道側。後累月。故人取其屍。將改葬之。其體甚輕。空空然若蟬蛻焉。所定古今尙書并釋文。並行於世。

宋史卷四百四十二

元中書右丞相總裁脫脫等修

列傳第二百二

文苑五

梅堯臣

江休復

蘇洵

章望之

王逢

孫唐卿黃附楊

唐庚兄附

文同

楊傑

賀鑄

劉涇

鮑由

黃伯思

梅堯臣字聖俞宣州宣城人侍讀學士詢從子也工爲詩以深遠古淡爲意間出奇巧初未爲人所知用詢蔭爲河南主簿錢惟演留守西京特嗟賞之爲忘年交引與酬倡一府盡傾歐陽修與爲詩文自以爲不及堯臣益刻厲精思苦學繇是知名於時宋興以詩名家爲世所傳如堯臣者蓋少也嘗語人曰凡詩意新語工得前人所未道者斯爲善矣必能狀難寫之景如在目前含不盡之意見於言外然後爲至也世以爲知言歷德與縣令知建德襄城縣監湖州稅僉書忠武鎮安判官監丞豐倉大臣屢薦宜在館閣召試賜進士出身爲國子監直講累遷尙書都官員外郎預修唐書成未奏而卒錄其子一人寶元嘉祐中仁宗有事郊廟堯臣預祭輒獻歌詩又書上書言兵法孫子十三篇撰唐載記二十六卷毛詩小傳二十卷宛陵集四十卷堯臣家貧喜飲酒賢士大夫多從之游時載酒過門善談笑與物無忤諷嘲譏刺託於詩晚益工有人得西南夷布弓衣其織文乃堯臣詩也名重於時如此

江休復字隣幾開封陳留人少彊學博覽爲文淳雅尤善於詩喜琴弈飲酒不以聲利爲意進士起家爲桂陽監藍山尉騎驢之官每據鞍讀書至迷失道家人求得之舉書判拔萃改大理寺丞遷殿中丞獻其所著書召試爲集賢校理判尙書刑部與蘇舜欽游坐預進奏院祠神會落職監蔡州商稅久之知秦符縣通判睦州徙廬州復集賢校理判吏部南曹登聞鼓院爲羣牧判官出知同州提點陝西路刑獄入判三司鹽鐵勾院修起居注累遷尙書刑部郎中卒休

復外簡曠而內行甚飾事孀姑如母所與遊皆一時豪俊爲政簡易嘗著神告一篇言皇嗣未立假神告祖宗之意冀以感悟又嘗言昭憲太后子孫多流落民間宜甄錄之著唐宣鑿十五卷春秋世論三十卷文集二十卷

蘇洵字明允眉州眉山人年二十七始發憤爲學歲餘舉進士又舉茂才異等皆不中悉焚常所爲文閉戶益讀書遂通六經百家之說下筆頃刻數千言至和嘉祐間與其子軾轍皆至京師翰林學士歐陽修上其所著書二十二篇既出士大夫爭傳之一時學者競效蘇氏爲文章所著權書衡論機策文多不

可悉錄錄其心術遠慮二篇心術曰爲將之道當先治心太山覆於前而色不變麋鹿興於左而目不瞬然後可以待敵凡兵上義不義雖利不動夫惟義可以怒士士以義怒可與百戰凡戰之道未戰養其財將戰養其力既戰養其氣既勝養其心謹烽燧嚴斥堠使耕者無所顧忌所以養其財豐犒而優游之所以養其力小勝益厲所以養其氣用人不盡其所爲所以養其心故士常蓄其怒懷其欲而不盡怒不盡則有餘勇欲不盡則有餘食故雖并天下而士不厭兵此黃帝所以七十戰而兵不殆也凡將欲智而嚴凡士欲愚智則不可測嚴則不可犯故士皆委己而聽命夫安得不愚夫惟士愚而後可與之皆死凡兵之動知敵之主知敵之將而後可以動於嶮鄧艾搃兵於穴中非劉禪之庸則百萬之師可以坐縛彼固有所悔而動也故古之賢將能以兵嘗敵而又以敵自嘗故去就可以決凡主將之道知理而後可以舉兵知勢而後可以加兵知節而後可以用兵知理則不屈知勢則不沮知節則不窮見小利不動見小患不遷小利小患不足以辱吾技也夫然後有以支大利大患夫惟養技而自愛者無敵於天下故一忍可以支百勇一靜可以制百動兵有長短敵我一也敢問吾之所長吾出而用之彼將不與吾校吾之所短吾斂而直之彼將強與吾角奈何曰吾之所短吾抗而暴之使之疑而却吾之所長吾陰而養之使之狎而墮其中此用長短之術也兵者使之無所顧有所恃無所顧則知死之不足惜有所恃則知不至於必敗尺箠當猛虎奮呼而撲擊徒手遇蜥蜴變色而却步人之情也知此者可以將矣袒褐而按劍則烏獲不敢逼冠冑衣甲據兵而

機則童子彎弓殺之矣。故善用兵者以形固，夫能以形固，則力有餘矣。遠慮曰：聖人之道，有經有權，有權是以有民有羣臣，而又有腹心之臣。曰經者，天下之民舉知之可也。曰權者，民不可得而知矣。羣臣知之可也。曰機者，雖羣臣亦不得而知之矣。腹心之臣知之可也。夫使聖人無權，則無以成天下之務，無機則無以濟萬世之功。然皆非天下之民所宜知，而機者又羣臣所不得聞。羣臣不得聞則誰與議，不議不濟，然則所謂腹心之臣者，不可一日無也。後世見三代取天下以仁義，而守之以禮樂也，則曰聖人無機。夫取天下與守天下，無機不能。顧三代聖人之機，不若後世之詐。故後世不得見其有機也。是以有腹心之臣，馮有益，湯有伊尹，武王有太公望，是三臣者聞天下之所不聞，知羣臣之所不知，馮與湯武倡其機於上，而三臣者和之於下，以成萬世之功，下而至於桓文，有管仲狐偃爲之謀主，闔廬有伍員，勾踐有范蠡大夫種，高祖之起也，大將任韓信，黥布彭越，裨將任曹參樊噲，滕公灌嬰，游說諸侯任酈生，陸賈，公至於奇機密謀，羣臣所不與者，惟留侯鄼侯二人。唐太宗之臣多奇才，而委之深任之密者，亦不過曰房杜。夫君子爲善之心，與小人爲惡之心，一也。君子有機以成其善，小人有機以成其惡，有機也，雖惡亦或濟，無機也，雖善亦不克。是故腹心之臣，不可以一日無也。司馬氏魏之賊也，有賈充之徒，爲之腹心之臣，以濟陳勝吳廣秦民之湯武也。無腹心之臣，以不克，何則？無腹心之臣，無機也。有機而泄也，夫無機與有機而泄者，譬如虎豹食人而不知設陷阱，設陷阱而不知以物覆其上者也。或曰機者，創業之君所以濟耳，守成之世，其奚事機而安用夫腹心之臣？嗚呼！守成之世，能遂熙然如太古之世矣乎？未也。吾未見機之可去也。且夫天下之變，常伏於安。田文所謂子少國危，大臣未附，當是之時而無腹心之臣，可爲寒心哉。昔者高祖之末，天下既定矣，而又以周勃遺孝惠，孝文武帝之末，天下既治矣，而又以霍光遺孝昭孝宣。蓋天下雖有泰山之勢，而聖人常以累卵爲心，故雖守成之世，而腹心之臣不可去也。傳曰：百官總己以聽於冢宰，彼冢宰者，非腹心之臣，天子安能舉天下之專，委之三年，不置疑於其間邪？又曰：五載一巡狩，彼無腹心之臣，五載一出，捐千里之畿，而誰與守邪？

今夫一家之中，必有宗老一介之士，必有密友，以開心胸，以濟緩急，奈何天下而無腹心之臣乎？近世之君抗然於上，而使宰相眇然於下，上下不接，而其志不通矣。臣視君如天之遠，然而不可親，而君亦如天之視人，泊然無愛之心也。是以社稷之憂，彼不以為憂，君憂不辱，君辱不死，一人譽之則用之，一人毀之則捨之，宰相避嫌，謙且不暇，何暇盡心以憂社稷？數遷數易，視相府如傳舍，百官泛泛於下，而天子惴惴於上，一旦有卒然之憂，吾未見其不顛沛而隕越也。聖人之任腹心之臣也，尊之如父師，愛之如兄弟，執手入臥內，同起居，寢食知無不言，言無不盡，百人譽之不加密，百人毀之不加疎，尊其爵，厚其祿，重其權，而後可與議天下之機。廬天下之變，宰相韓琦見其書善之，奏於朝，召試舍人院，辭疾不至，遂除秘書省校書郎，會太常修纂建隆以來禮書，乃以爲霸州文安縣主簿，與陳州項城令姚闢同修禮書，爲太常因草禮一百卷，書成方奏，未報卒，賜其家緡銀二百，子賦辭所賜，求贈官，特贈光祿寺丞，敕有司具舟載其喪歸蜀，有文集二十卷，證法三卷。

章望之，字表民，建州浦城人，少孤，喜問學，志氣弘放，爲文辯博，長於議論，初由伯父得象蔭，爲秘書省校書郎，監杭州茶庫，逾年，辭疾去，求舉賢良方正，得象在相位，以嫌扼之，乃上書論時政凡萬餘言，不報，丁母憂，毀瘠過制，服除，游江淮間，犯艱苦，汲汲以營衣食，不自悔，人勸之仕，不應也。其兄拱之知晉江縣，忤其守蔡襄，怒，誣以贓，望之號泣，力訴於朝，時襄方貴顯，事久不得直，望之訴不已，章十餘上，起獄數年，朝廷爲再劾，卒脫拱之寃，復官如初，望之遂不復仕，覃恩遷太常太祝，大理評事，翰林學士，歐陽修、韓絳知制誥，吳奎、劉敞、范鎮同薦其才，宰相欲稍用之，除僉書建康軍節度判官，不赴，又除知烏程縣，趣令受命，固辭，遂以光祿寺丞致仕，卒。望之喜議論，宗孟軻言性善，排荀卿揚雄韓愈李翱之說，著救性七篇，歐陽修論魏梁爲正統，望之以爲非，著明統三篇。江南人李觀著禮論，謂仁義智信樂刑政皆出於禮，望之訂其說，著禮論一篇，其議論多有過人者。嘗北游齊趙，南汎湖湘，西至沔隴，東極吳會，山水勝處，無所不歷，有歌詩雜文數百篇，集爲三十卷。

王達字會之。太平州當塗人。其四世祖居巖。仕唐爲驍衛長史。遭亂棄官歸。居青山。楊行密據淮南。使人以兵迫起之。居巖散遣其家人。而以身歸行密。授以湖州別駕。不遣。一日行密大會。失居巖。亟使人掩其家。無一人在者。其後有人於嵩山見空石室。詢其旁。或云有道人王居巖居此。去而莫知其所終。子孫仕無顯者。至達博學能屬文。尤長於講說。少舉進士不中。去教授蘇州。學者嘗數百人。晚始登第。補南雄州軍事判官。歸爲國子監直講。兼隴西郡王宅教授。李瑋從學。事之甚謹。岐國公主既降。瑋爲達求遷官。且有命。達辭不受。久之以太常博士通判徐州。卒。達爲人樂易。篤於朋友。與胡環最善。喜著書。有易傳十卷。乾德指說一卷。復書七卷。妻陳氏。亦有賢行。無子。

孫唐卿字希元。青州人。少有學行。年十七。以書謁韓琦。琦甚器之。與黃庠楊真自景祐以來。俱以進士爲舉首。有名一時。唐卿初中第。通判陝州。於吏事若素習。民有母再適人而死。及葬其父。恨母之不得耐。盜母之喪而同葬之。有司論以法。唐卿時權府事。乃曰。是知有孝而不知有法爾。乃釋之。以聞。未幾。丁父憂。毀瘠嘔血而卒。詔賻其家。

黃庠字長善。洪州分寧人。博學強記。超敏過人。初至京師。就舉。國子監開封府禮部皆爲第一。比引試崇政殿。以疾不得入。天子遣內侍卽邸舍撫問。賜以藥劑。是時庠名聲動京師。所作程文。傳誦天下。聞於外夷。近世布衣罕比也。歸江南五年。以病卒。

楊真字審賢。察之弟。少有傳才。慶曆二年。舉進士。京師試國子監禮部皆第一。既試崇政殿。帝臨軒啓封。見名喜動於色。謂輔臣曰。楊真也。遂擢第一。公卿稱賀爲得人。授將作監丞。通判潁州。未至官。持母喪。病羸卒。特詔賻恤其家。先是其友夢真作龍首山人。真自謂龍首。我四冠多士。山人無祿位之稱。我其終是乎。已而果然。

唐庚字子西。眉州丹稜人也。善屬文。舉進士。稍爲宗子博士。張商英薦其才。除提舉京畿常平。商英罷相。庚亦坐貶。安置惠州。會赦。復官承議郎。提舉上清太平宮。歸蜀。道病卒。年五十一。庚爲文精密。通於世務。作名治察言閎俗存舊內

前行諸篇。時人稱之。有文集二十卷。子文若。自有傳。庚兄弟五人。長兄曠。字望之。後名伯虎。字長儒。治易春秋。皆有家法。元祐三年。其父游瀘南。伯虎兄弟居母喪於丹山。伯虎夜半蹴庚曰。吾夢收父書。發之得亟來二字。吾父得無他乎。吾心動矣。汝奉母奠朝夕。吾趨瀘南。庚未及應。伯虎奮曰。吾決矣。起裹糧。黎明走洪川。僦舟。遇江漲。聲搖數十里。客舟皆觸岸不敢動。伯虎彷徨堤上。有漁者持小艇繫港中。啗以厚利。不許。伯虎超入艇中。叱僕夫解維。漁者不得已從之。二日半至瀘南。父果病甚。見伯虎大驚。問其故。具告之。父歎曰。天告汝也。是日疾少間。伯虎具舟侍父。以歸。居數日。疾復作。遂卒。元符二年。庚以貢舉事。繫獄臨叩。語連伯虎。臨叩并械之。凡對吏逾年。掠治無完膚。其詞確然。一不及庚。以故獄久不具。卒會赦。除之。伯虎性真率無威儀。人多易之。至是皆大服。以爲不可及。伯虎仕於四方。每數年一歸。不過旬日復去。後卒於家。有子二人。

文同字與可。梓州梓潼人。漢文翁之後。蜀人猶以石室名其家。同方口秀眉。以學名世。操韻高潔。自號笑笑先生。善詩文。篆隸行草。飛白。文彥博守成都。奇之。致書同曰。與可襟韻洒落。如晴雲秋月。塵埃不到。司馬光蘇軾尤敬重之。軾同之從表弟也。同又善畫竹。初不自貴重。四方之人持繚素請者。足相躡於門。同厭之。投繚於地。罵曰。吾將以爲鞭。好事者傳之。以爲口實。初舉進士。稍遷太常博士。集賢校理。知陵州。又知洋州。元豐初。知湖州。明年。至陳州。宛丘驛。忽留不行。沐浴衣冠。正坐而卒。崔公度嘗與同同爲館職。見同京南。殊無言。及將別。但云。明日復來乎。與子語。公度意以語爲畫。明日再往。同曰。與公話。則左右顧。恐有聽者。公度方知同將有言。非畫也。同曰。吾聞人不妄語者。舌可過鼻。卽吐其舌。三疊之如餅狀。引之至眉間。公度大驚。及京中傳同死。公度乃悟所見非生者。有丹淵集四十卷。行於世。

楊傑字次公。無爲人。少有名於時。舉進士。元豐中。官太常者數任。一時禮樂之事。皆預討論。嘗議玉牒帝系。自僖祖而上。世次莫知。則僖祖爲始祖無疑。宜以僖祖配感生帝。又請孝惠賢后。淑德尹后。章懷潘后。皆祖宗首納之后。孝章宋后。嘗母儀天下。升祔之禮。久而未講。宜因慈聖光獻崇配之日。升四后神主。祔

於祖宗廟室斷天下之大疑。正宗廟之大法。由是四后始得升祔。神宗詔秘書監劉几禮部侍郎范鎮議樂。几請命傑同議。傑言大樂七失。並圖上之。神宗下几鎮參定。鎮不用傑議。自制樂成。詔褒之。元豐末。晉州教授陸長愈言。近封孟軻鄒國公。宜春秋釋奠。與顏子並配。下太常議。傑與少卿葉均博士歐陽王吉辛公佐。以謂凡配享從祀。皆孔子同時之人。今以孟軻並配。非是。禮部復言。自唐至今。以伏勝高堂生等二十一賢從祀。豈必同時人。詔從禮議。哲宗即位。議樂。又用范鎮說。傑復破鎮樂章曲名宮架加磬十六鐘磬之非。又論鎮以黑黍用秬制律銅量。叩之不合黃鐘。以世無真黍。用太府尺為樂尺。下舊樂三律。詳具樂志。傑在神宗時。與鎮異議。至是復攻之。鎮之樂律卒不用。元祐中。為禮部員外郎。出潤州。除兩浙提點刑獄。卒年七十。自號無為子。有文集二十餘卷。樂記五卷。

賀鑄。字方回。衛州人。孝惠皇后之族孫。長七尺。面鐵色。眉目聳拔。喜談當世事。可否。不少假借。雖貴要權傾一時。少不中意。極口詆之。無遺辭。人以爲近俠。博學強記。工語言。深婉麗密。如次組纈。尤長於度曲。授拾人所棄遺。少加擧括。皆爲新奇。嘗言吾筆端驅使李商隱温庭筠。常奔命不暇。諸公貴人。多客致之。鑄或從或不從。其所不欲見。中不貶也。初娶宋女。隸籍右。選監太原工作。有貴人子同事。驕倨不相下。鑄廉得盜工作物。屏侍吏閉之密室。以杖數曰。來。若某時盜某物爲某用。某時盜某物入於家。然乎。貴人子惶駭。謝有之。鑄曰。能從吾治。免白髮。即起自袒其膚。杖之數下。貴人子叩頭祈哀。即大笑釋去。自是諸挾氣力頑頑者。皆側目不敢仰視。是時江淮間有米芾。以魁岸奇譎知名。鑄以氣俠雄爽。適相先後。二人每相遇。瞋目抵掌。論辯鋒起。終日。各不能屈。談者爭傳爲口實。元祐中。李清臣執政。奏換通直郎。通判泗州。又倅太平州。竟以尙氣使酒不得美官。悒悒不得志。食官祠祿。居吳下。稍務引遠世故。亦無復軒輊如平日。家藏書萬餘卷。手自校讎。無一字誤。以是杜門。將遂其老家貧。貸子錢自給。有貧者輒折券與之。秋毫不以丐人。鑄所爲詞章。往往傳播在人口。建中靖國時。黃庭堅自黔中還。得其江南梅子之句。以爲似謝玄暉。其所與交終始厚者。

惟信安程俱。鑄自哀歌詞。名東山樂府。俱爲序之。嘗自言唐諫議大夫知章之後。且推本其初出王子慶忌。以慶爲姓。居越之湖澤。所謂鏡湖者。本慶湖也。避漢安帝父清河王諱。改爲賀氏。慶湖亦轉爲鏡。當時不知何所據。故鑄自號慶湖遺老。有慶湖遺老集二十卷。

劉涇。字巨濟。蘭州楊安人。舉進士。王安石薦其才。召見。除經義所檢討。久之。爲太學博士。罷。知咸陽縣。常州教授。通判莫州。成都府。除國子監丞。知虢縣。真坊。四州。元符末。上書。召對。除職方郎中。卒年五十八。涇爲文務奇怪語。好進取。多爲人排斥。屢躡不伸。同時有鄧少微者。字明舉。成都人也。與涇俱以文知名。而仕不偶。

鮑由。字欽止。處州龍泉人。舉進士。嘗從王安石學。又親炙蘇軾。故其文汪洋闊肆。詩尤高妙。徽宗召對。除工部員外郎。居無何。以不合去。責監泗州。轉般倉。歷河東福建路常平。廣西淮南轉運判官。復召爲郎。以言者罷。提點元封觀。起知明州。又知海州。復奉祠。卒年五十六。嘗註杜甫詩。有文集五十卷。

黃伯思。字長睿。其遠祖自光州固始徙閩。爲邵武人。祖履。資政殿大學士。父應求。饒州司錄。伯思體弱。如不勝衣。風韻洒落。飄飄有凌雲意。自幼警敏。不好弄。日誦書千餘言。每聽履講經史。退與他兒言。無遺誤者。嘗夢孔雀於庭。覺而賦之。詞采甚麗。以履任爲假承務郎。甫冠入太學。校藝。屢占上游。履將以恩例奏增秩。伯思固辭。履亦奇之。元符三年。進士高等。調磁州司法參軍。久不任。改通州司戶。丁內艱。服除。除河南府戶曹參軍。治劇不勞而辦。秩滿。留守鄧州。武辟知右軍巡院。伯思好古文奇字。洛上公卿家商周秦漢彝器款識。研究字畫。體製悉能辨。正是非。道其本末。遂以古文名家。凡字畫討論備盡。初淳化中。博求古法書。命待詔王著續正法帖。伯思病其乖僞。龐雜。考引載籍。咸有依據。作刊誤二卷。由是篆隸正行草章草。飛白。皆至妙絕。得其尺牘者。多藏弄。又二年。除詳定九域圖志所編修官。兼六典檢閱文字。改京秩。尋監護崇恩太后園陵使。司章管筭。奏以修書恩升朝列。權秘書省校書郎。幾遷秘書郎。縱觀冊府藏書。至忘寢食。自大經及歷代史書。諸子百家。天官地理。律曆卜筮之說。無不精諳。

凡詔講明前世典章文物。集古器考定真贋。以素學與聞議論。發明居多。館閣諸公。自以爲不及也。踰再考。丁外艱。宿抱羸瘵。因喪尤甚。服除復舊職。伯思頗好道家。自號雲林子。別字齊賓。及至京。夢人告曰。子非久人間。上帝有命。典司文翰。覺而書之。不踰月。以政和八年卒。年四十。伯思學問慕揚雄。詩慕李白。文慕柳宗元。有文集五十卷。翼騷一卷。二子。詔右。宣教郎。荆湖南路安撫司書寫機宜文字。詔右。從事郎。福州懷安尉。哀伯思平日議論題跋。爲東觀餘論三卷。

宋史卷四百四十三

元 中書 右 丞相 總裁 脫 脫 等 修
列傳第二百三

文苑六

黃庭堅

晁補之 弟 蘇之

秦 觀

張 耒

陳師道

李 廌

劉 恕

王無咎

蔡 肇

李格非

呂南公

郭祥正

米 芾

劉 誥

倪 濤

李公麟

周邦彥

朱長文

劉 弁

黃庭堅字魯直洪州分寧人幼警悟讀書數過輒成誦舅李常過其家取架上書問之無不通常驚以為一日千里舉進士調葉縣尉熙寧初舉四京學官第文為優教授北京國子監留守文彥博才之留再任蘇軾書見其詩文以為超軼絕塵獨立萬物之表世久無此作由是聲名始震知太和縣以平易治時課頒鹽萊諸縣爭占多數太和獨否吏不悅而民安之哲宗立召為校書郎神宗實錄檢討官踰年遷著作佐郎加集賢校理實錄成擢起居舍人丁母艱庭堅性篤孝母病彌年晝夜視顏色衣不解帶及上廬墓下哀毀得疾幾殆除服為秘書丞提點明道宮兼國史編修官紹聖初出知宣州改鄂州章惇蔡卞與其黨論實錄多誣侮前史官分居畿邑以待問摘千餘條示之謂為無驗證既而院吏考閱悉有據依所餘才三十二事庭堅書用鐵龍爪治河有同兒戲至是首問焉對曰庭堅時官北都嘗親見之真兒戲耳凡有問皆直辭以對聞者壯之貶涪州別駕黔州安置言者猶以處善地為執法以親嫌遂移戎州庭堅泊然不以遷請介意蜀士慕從之游講學不倦凡經指授下筆皆可觀徽宗即位起監鄂州稅倉書寧國軍判官知舒州以吏部員外郎召皆辭不行丐郡得知太平州至之九日罷主管玉龍觀庭堅在河北與趙挺之有微隙挺之執政轉運判官陳舉承風旨上其所作荆南承天院記指為幸災復除名羈管宜州三年徙永州未聞命而卒年六十一庭堅學問文章天成性得陳師道謂其詩得

法杜甫學甫而不為者善行草書楷法亦自成一與張耒晁補之秦觀俱游蘇軾門天下稱為四學士而庭堅於文章尤長於詩蜀江西君子以庭堅配軾故稱蘇黃軾為侍從時舉堅自代其詞有瓊偉之文妙絕當世孝友之行追配古人之語其重之也如此初游瀟皖山谷寺石牛洞樂其林泉之勝因自號山谷道人云

晁補之字無咎濟州鉅野人太子少傅迥五世孫宗慤之曾孫也父端有工於詩補之聰敏強記纔解事即善屬文王安石一見奇之十七歲從父官杭州倅錢塘山川風物之麗著七述以謁州通判蘇軾軾先欲有所賦讀之數曰吾可以閉筆矣又稱其文博辯備偉絕人遠甚必顯於世由是知名舉進士試開封及禮部別院皆第一神宗閱其文曰是深於經術者可草浮薄調澧州司戶參軍北京國子監教授元祐初為太學正李清臣薦堪館閣召試除秘書省正字遷校書郎以秘閣校理通判揚州召還為著作佐郎章惇當國出知齊州羣盜書掠塗巷補之默得其姓名囊橐皆審一日宴客召賊曹以方略授之酒行未竟悉擒以來一府為徹警坐修神宗實錄失實降通判應天府亳州又貶監處信二州酒稅徽宗立復以著作召既至拜吏部員外郎禮部郎中兼國子編修實錄檢討官黨論起為諫官管師仁所論出知河中府修河橋以便民民畫祠其象徙湖州密州果州遂主管鴻慶宮還家葺歸來園自號歸來子忘情仕進慕陶潛為人大觀末出黨籍起知達州改泗州卒年五十八補之才氣飄逸嗜學不知倦文章溫潤典縟其凌麗奇卓出於天成尤精楚詞論集屈宋以來賦詠為變離騷等三書安南用兵著罪言一篇大意欲擇仁厚勇略吏為五管郡守及修海上諸郡武備議者以為通達世務從弟詠之詠之字之道少有異才以蔭入官調揚州司法參軍未上時蘇軾守揚州補之倅州事以其詩文獻軾軾曰有才如此獨不令我一識面邪乃具參軍禮入謁軾下堂挽而上顧坐客曰奇才也復舉進士又舉宏詞一時傳誦其文為河中教授元符末應詔上書論事罷官久之為京兆府司錄事秩滿提點崇福宮卒年五十二有文集五十卷

秦觀字少游一字太虛揚州高郵人少豪雋慷慨溢於文詞舉進士不中強志
 威氣好大而見奇讀兵家書與己意合見蘇軾於徐爲賦黃樓軾以爲有屈宋
 才又介其詩於王安石安石亦謂清新似鮑謝軾勉以應舉爲親養始登第調
 定海主簿蔡州教授元祐初軾以賢良方正薦于朝除太學博士校正秘書省
 書籍遷正字而復爲兼國史院編修官上日有硯墨器幣之賜紹聖初坐黨籍
 出通判杭州以御史劉拯論其增損實錄貶監處州酒稅使者承風望指候伺
 過失既而無所得則以謁告爲佛書爲罪削秩徙郴州繼編管橫州又徙雷州
 徽宗立復宣德郎放還至藤州出游華光亭爲客道夢中長短句索水欲飲水
 至笑視之而卒先自作挽詞其語哀甚讀者悲傷之年五十三有文集四十卷
 觀長於議論文麗而思深及死軾聞之歎曰少游不幸死道路哀哉世豈復有
 斯人乎弟觀字少章觀字少儀皆能文

張耒字文潛楚州淮陰人幼穎異十三歲能爲文十七時作函關賦已傳人口
 游學於陳學官蘇轍愛之因得從賦游軾亦深知之稱其文汪洋冲澹有一倡
 三歎之聲弱冠第進士歷臨淮主簿壽安尉咸平縣丞入爲太學錄范純仁以
 館閣薦試秘書省正字著作佐郎秘書丞著作郎史館檢討居二館八年顧義
 自守泊如也擢起居舍人紹聖初請郡以直龍圖閣知潤州坐黨籍徙宣州謫
 監黃州酒稅徙復州徽宗立起爲通判黃州知兗州召爲太常少卿甫數月復
 出知潁州汝州崇寧初復坐黨籍落職主管明道宮初未入在潁聞蘇軾訃爲舉
 哀行服言者以爲言遂貶房州別駕安置於黃五年得自便居陳州未儀觀甚
 偉有雄才筆力絕健於駢詞尤長時二蘇及黃庭堅晁補之輩相繼歿未獨存
 士人就學者衆分日載酒殺飲食之誨人作文以理爲主嘗著論云自六經以
 下至於諸子百氏騷人辯士論述大抵皆將以爲寓理之具也故學文之端急
 於明理如知文而不務理求文之工世未嘗有也夫決水於江河淮海也順道
 而行沿沿汨汨日夜不止衝砥柱絕呂梁放於江湖而納之海其舒爲淪漣鼓
 爲波濤激之爲風颺怒之爲雷霆蛟龍魚鱉噴薄出沒是水之奇變也水之初
 豈若是哉順道而決之因其所遇而變生焉溝瀆東決而西竭下滿而上虛日

夜激之欲見其奇彼其所至者蛙蛭之玩耳江河淮海之水理達之文也不求
 奇而奇至矣激溝瀆而求水之奇此無見於理而欲以言語句讀爲奇反覆咀
 嚼卒亦無有文之陋也學者以爲至言作詩晚歲亦務平淡效白居易體而樂
 府效張籍久於投閑家益貧郡守翟汝文欲爲買公田謝不取晚監南嶽廟王
 管崇福宮卒年六十一建炎初贈集英殿修撰

陳師道字履常一字無己彭城人少而好學苦志年十六蚤以文謁曾鞏一見
 奇之許其以文著時人未之知也留受業熙寧中王氏經學盛行師道心非其
 說遂絕意進取鞏典五朝史事得自擇其屬朝廷以白衣難之元祐初蘇軾傳
 堯命孫覺薦其文行起爲徐州教授又用梁燾薦爲太學博士言者謂在官嘗
 越境出南京見軾改教授潁州又論其進非科第罷歸調彭澤令不赴家素貧
 或經日不炊妻子愠見弗恤也久之召爲秘書省正字卒年四十九友人鄒浩
 買棺斂之師道高介有節安貧樂道於諸經尤邃詩禮爲文精深雅奧喜作詩
 自云學黃庭堅至其高處或謂過之然小不中意輒焚去今存者纔十一世徒
 喜誦其詩文至若與學至行或莫之聞也嘗銘黃樓曾子固謂如秦石初游京
 師踰年未嘗一至貴人之門傳堯俞欲識之先以問秦觀曰是人非持刺字倪
 顏色伺候乎公卿之門者殆難致也堯俞曰非所望也吾將見之懼其不吾見
 也子能介於陳君乎知其貧懷金欲爲餽比至聽其論議益敬畏不敢出章惇
 在樞府將薦于朝亦屬觀延至師道答曰辱書論以章公降屈年德以禮見招
 不佞何以得此豈侯嘗欺之耶公卿不下士尚矣乃特見於今而親於其身幸
 孰大焉愚雖不足以齒士猶常從侯之後順下風以成公之名然先王之制士
 不傳數爲臣則不見於王公所以成禮而其敝必至自鬻故先王謹其始以爲
 之防而爲士者世守焉師道於公前有貴賤之嫌後無平生之舊公雖可見禮
 可去乎且公之見招蓋以能守區區之禮也若昧冒法義聞命走門則失其所
 以見招公又何取焉雖然有一於此幸公之他日成功謝事幅巾東歸師道當
 御款段乘下澤候公於東門外尙未晚也及惇爲相又致意焉終不往官頽時
 蘇軾知州事待之絕席欲參諸門弟子間而師道賦詩嚮來一瓣香敬爲曾南

豐之語。其自守如是。與趙挺之友婿。素惡其人。適預郊祀行禮。寒甚。衣無綿。妻就假於挺之家。問所從得。却去不肯服。遂以寒疾死。

李廌字方叔。其先自鄆徙華。廌六歲而孤。能自奮立。少長。以學問稱鄉里。謁蘇軾於黃州。贊文求知。軾謂其筆墨瀾灑。有飛沙走石之勢。拊其背曰。子之才。萬人敵也。抗之以高節。莫之能禦矣。廌再拜受教。而家素貧。三世未葬。一夕撫枕流涕曰。吾忠孝。焉是學。而親未葬。何以學為。且而別軾。將客游四方。以戴其事。軾解衣為助。又作詩以勸風義者。於是。不數年。盡累世之喪。三十餘椽。歸定華山下。范鎮為表墓。以美之。益閉門讀書。又數年。再見軾。賦其所著數曰。張耒秦觀之流也。鄉舉試禮部。賦典貢舉遺之。賦詩以自責。呂大防數曰。有司試藝。乃失此奇才耶。軾與范祖禹謀曰。廌雖在翰林。其文有錦衣玉食氣。棄奇寶於路隅。昔人所歎。我曹得無意哉。將同薦諸朝。未幾。相繼去國。不果。軾亡。廌哭之慟曰。吾愧不能死。知己。至於事師之勤。渠敢以生死為間。即走許汝間。相地卜兆。授其子。作文祭之曰。皇天后土。鑒一生忠義之心。名山大川。還萬古英靈之氣。詞語奇壯。讀者為悚。中年絕進取意。謂頹為人物淵藪。始定居。長社縣令李佐及里人買宅處之。卒年五十一。廌喜論古今治亂。條幅曲折。辯而中理。當喧澗倉卒。閉如不經意。睥睨而起。落筆如飛馳。元祐求言。上忠諫書。忠厚論。并獻兵鑿二萬言。論西事。朝廷擒羌酋鬼章。將致法。廌深論利害。以為殺之無益。願加寬大。當時肆其言。

劉恕字道源。筠州人。父煥。字疑之。為頹上令。以剛直不能事上官。棄去。家于廬山之陽。時年五十。歐陽修與廌同年進士也。高其節。作廬山高詩以美之。煥居廬山三十餘年。環堵蕭然。饘粥以為食。而游心塵垢之外。超然無戚戚意。以壽終。恕少穎悟。書過目即成誦。八歲時。坐客有言孔子無兄弟者。恕應聲曰。以其兄之子妻之。一坐驚異。年十三。欲應制科。從人假漢唐書。閱月皆歸之。詣丞相晏殊。問以事。反覆詰難。殊不能對。恕在鉅鹿時。召至府。重德之。使講春秋。殊親帥官屬往聽。未冠舉進士。時有詔能講經義者。別奏名。應召者才數十人。恕以春秋禮記對。先列法疏。次引先儒異說。末乃斷以己意。凡二十問。所對皆然。主

司異之。擢為第一。他文亦入高等。而廷試不中格。更下國子試講經。復第一。遂賜第。調鉅鹿主簿。和川令。發強擄伏。一時能吏。自以為為不及。恕為人重意義。急然諾。郡守得罪被劾。屬吏皆連坐。下獄。恕獨恤其妻子。如己骨肉。又面數轉運使。深文峻詆。篤好史學。自太史公所記。下至周顯德末紀傳之外。至私記雜說。無所不覽。上下數千載。間鉅微之事。如指諸掌。司馬光編次資治通鑑。英宗命自擇館閣英才。共修之光對曰。館閣文學之士。鹹多。至於專精史學。臣得而知者。唯劉恕耳。即召為局僚。遇史事紛錯難治者。輒以諉恕。恕於魏晉以後事。考證差謬。最為精詳。王安石與之有舊。欲引實三司條例。恕以不習金穀為辭。因言。天子方屬公大政。宜恢張堯舜之道。以佐明主。不應以利為先。又條陳所更法令。不合衆心者。勸使復舊。至面刺其過。安石怒。變色如鐵。恕不少屈。或獨人廣坐。抗言其失。無所避。遂與之絕。方安石用事。呼吸成禍福。高論之士。始異而終附之。面譽而背毀之。口順而心非之者。皆是也。恕奮厲不顧。直指其事得失。無所隱。光出。知永興軍。恕亦以親老。求監南康軍。酒以就養。許即官修書。光判西京御史臺。恕請詣光。留數月。而歸。道得風。舉疾。右手足廢。然苦學如故。少間輒修書。病亟乃止。官至秘書丞。卒年四十七。恕為學。自曆數地理官職。族姓至前代公府家牘。皆取以審證。求書不遠數百里。身就之。讀且抄。殆忘寢食。備司馬光游萬安山。道旁有碑。讀之。乃五代列將。人所不知名者。恕能言其行事始末。歸驗舊史。信然。宋文道知亳州。家多書。恕枉道借覽。文道日具饌。為主人禮。恕曰。此非吾所為來也。殊廢吾事。悉去之。獨閉閣。晝夜口誦手抄。留旬日。盡其書而去。自為之醫。著五代十國紀年。以擬十六國春秋。又采太古以來。至周威烈王時事。史記左氏傳所不載者。為通鑑外紀。家素貧。無以給旨甘。一毫不妄取於人。自洛南歸。時方冬。無寒具。司馬光遺以衣襪。及故茵褥。辭不獲。強受。而別。行及頹。悉封還之。尤不信浮屠說。以為必無是事。曰。人居逆旅。一物不可乏。去則盡棄之矣。豈得肅以自隨哉。好攻人之惡。每自頌平生。有二十失。十八蔽。作文以自警。亦終不能改也。死後七年。通鑑成。追錄其勞。官其子義仲為郊社齋郎。次子和仲。有超軼材。作詩清奧。刻厲。欲自成家。為文慕石介。有俠氣。亦

蚤死。

王無咎字補之建昌南城人第進士為江都儀真主簿天台令棄而從王安石學久之無以衣食其妻子復調南康主簿已又棄去好書力學寒暑行役不暫釋所在學者歸之去來常數百人王安石為政無咎至京師士大夫多從之游有卜鄰以考經質疑者然與人寡合常閉門治書惟安石言論莫逆也安石上章薦其文行該備守道安貧而久棄不用詔以為國子直講命未下而卒年四十六。

蔡肇字天啓潤州丹陽人能為文最長歌詩初事王安石見器重又從蘇軾游聲譽益顯第進士歷明州司戶參軍江陵推官元祐中為太學正通判常州召為衛尉寺丞提舉永興路常平徽宗初入為戶部員外郎兼編修國史言者論其學術反覆提舉兩浙刑獄張商英當國引為禮部員外進起居郎拜中書舍人前此試三題卒以宰相上馬為之候肇援筆立就不加潤飾商英讀之擊節纒踰月以草御史辛義賁詞不稱罷為顯謨閣待制知明州言者又論其包藏異意非議辟雍以為不當立奪職提舉洞霄宮會赦復之卒。

李格非字文叔濟南人其幼時俊警異甚有司方以詩賦取士格非獨用意經學著禮記說至數十萬言遂登進士第調冀州司戶參軍試學官為鄆州教授郡守以其貧欲使兼他官謝不可人補大學錄再轉博士以文章受知于蘇軾常著洛陽名園記謂洛陽之感衰天下治亂之候也其後洛陽陷于金人以為知言紹聖立局編元祐章奏以為檢討不就屢執政意通判廣信軍有道士說人禍福或中出必乘車吐俗信惑格非遇之塗叱左右取車中道士來窮治其姦杖而出諸境召為校書郎遷著作佐郎禮部員外郎提點京東刑獄以黨籍罷卒年六十一格非苦心工於詞章陵轍直前無難易可否筆力不少滯嘗言文不可以苟作誠不著焉則不能工且晉人能文者多矣至劉伯倫酒德頌陶淵明歸去來辭字字如肺肝出遂高步晉人之上其誠著也妻王氏拱辰孫女亦善文李清照詩文尤有稱於時嫁趙挺之之子明誠自號易安居士。

呂南公字次儒建昌南城人於書無所不讀於文不肯綴緝陳言熙寧中士方

推崇馬融王肅許甚之業剽掠補拆臨摹之藝大行南公度不能逐時好一試禮闈不偶退築室灌園不復以進取為意益著書且借史筆以褒善貶惡遂以衰斧名所居齋嘗謂士必不得已於言則文不可以不工蓋意有餘而文不足則如吃人之辯訟心未始不虛理未始不直然而或屈者無助於辭而已觀書契以來特立之士未有不善於文者士無志於立則已必有志焉則文何可以卑賤而為之故毅然盡心思欲與古人並元祐初立十科薦士中書舍人曾肇上疏稱其讀書為文不事俗學安貧守道志希古人堪充師表科一時廷臣亦多稱之議欲命以官未及而卒遺文曰灌園先生集傳於世。

郭祥正字功父太平州當塗人母夢李白而生少時有詩聲梅堯臣方擅名一時見而數曰天才如此真太白後身也舉進士熙寧中知武岡縣僉書保信軍節度判官時王安石用事祥正奏乞天下大計專聽安石處畫有異議者雖大臣亦當屏黜神宗覽而異之一日問安石曰卿識郭祥正乎其才似可用出其章以示安石安石恥為小臣所薦因極口陳其無行時祥正從章惇察訪辟聞之遂以殿中丞致仕後復出通判汀州知瑞州又棄去隱于縣青山卒。

米芾字元章吳人也以母侍宣仁后潘邸舊恩補滄光尉歷知雍丘縣漣水軍太常博士知無為軍召為書畫學博士賜對便殿上其子友仁所作楚山青曉圖擢禮部員外郎出知淮陽軍卒年四十九芾為文奇險不蹈襲前人軌轍特妙於翰墨沈著飛翥得王獻之筆意畫山水人物自名一家尤工臨移至亂真不可辨精於鑿裁遇古器物書畫則極力求取必得乃已王安石嘗摘其詩句書扇上蘇軾亦喜譽之冠服效唐人風神蕭散立吐清暢所至人聚觀之而好潔成癖至不與人同巾器所為譎異時有可傳笑者無為州治有巨石狀奇醜芾見大喜曰此足以當吾拜具衣冠拜之呼之為兄又不能與世俯仰故從仕數困嘗奉詔做黃庭小楷作周興嗣千字韻語又入宣和殿觀禁內所藏人以為龍子友仁字元暉力學嗜古亦善書畫世號小米米仕至兵部侍郎數文閣直學士。

劉執字應伯福州福清人中進士第歷莆田主簿知廬江縣崇寧中為講議司

檢討官進軍器大理丞大晟府典樂詵通音律嘗上歷代雅樂因革及宋制作之音故委以樂事又言周官大司樂禁淫聲慢聲蓋孔子所謂放鄭聲者今燕樂之音失於高急曲調之詞至於鄙俚恐不足以召和氣宋火德也音尚徵徵調不可闕臣按古制旋十二宮以七聲得正徵一調惟陛下裁取徵宗曰卿言是也五聲闕一不可徵招角招爲君臣相說之樂此朕所欲聞而無言者卿宜爲朕典司之他日禁中出古鍾二詔執政召詵按於都堂詵曰此與今太簇大呂聲協命取大晟鐘扣之果應又曰鐘擊之無餘韻不如石聲詩所云依我磬聲者言其清而定也復取以合之聲益諧歷宗正鴻臚衛尉太常寺少卿纂續因革禮卒詵居母喪盡禮有雙芝生墓側人以爲孝感

倪濤字巨濟廣德軍人卯角能屬文博學強記年十五試太學第一遂擢進士調廬陵尉信陽教授入爲太學正祕書省校書郎著作佐郎司勳左司員外郎朝廷議有事燕雲大臣爭先決策爲固位計皆心知不可無敢一出口濤獨言其非且曰景德以來遼守約不犯邊盟誓固在不可渝也天下久平士不習戰軍儲又屈毋輕議以貽後患王黼怒曰君敢沮軍事耶於是言者論其鼓唱操造貶監朝臣縣酒稅再徙茶陵船場卒年三十九死之明年金人犯關朝廷憶濤言官其一子有雲陽集傳於世

李公麟字伯時舒州人第進士歷南康長垣尉泗川錄事參軍用陸佃薦爲中書門下後省刪定官御史檢法好古博學長於詩多識奇字自夏商以來鐘鼎彝彝皆能考定世次辨測款識聞一妙品雖捐千金不惜紹聖末朝廷得玉璽下禮官諸儒議言人人殊公麟曰秦璽用藍田玉今玉色正青以龍蜩爲魚爲文者帝王受命之符玉質堅甚非昆吾刀蟾肪不可治瑠法中絕真秦李斯所爲不疑議由是定元符三年病瘳遂致仕既歸老肆意於龍眠山巖壑間雅善畫自作山莊圖爲世寶傳寫人物尤精識者以爲顧凱之張僧繇之亞襟度超軼名士文學之黃庭堅謂其風流不減古人然因畫爲累故世但以藝傳云

周邦彥字美成錢塘人疎蒔少檢不爲州里推重而博涉百家之書元豐初游京師獻汴都賦萬餘言神宗異之命侍臣讀於邇英閣召赴政事堂自太學諸

生一命爲正居五歲不遷益盡力於辭章出教授廬州知溧水縣還爲國子主簿哲宗召對使誦前賦除祕書省正字歷校書郎考功員外郎衛尉宗正少卿兼議禮局檢討以直龍圖閣知河中府徽宗欲使畢禮書復留之踰年乃知龍德府徙明州入拜祕書監進徽猷閣待制提舉大晟府未幾知順昌府徙處州卒年六十六贈宣奉大夫邦彥好音樂能自度曲製樂府長短句詞韻清蔚傳於世

朱長文字伯原蘇州吳人年未冠舉進士乙科以病足不肯試吏築室樂圃坊著書閱古吳人化其賢長吏至莫不先造請謀政所急士大夫過者以不到樂圃爲恥名動京師公卿薦以自代者衆元祐中起教授於鄉召爲太學博士遷祕書省正字元符初卒哲宗知其清賻絹百有文三百卷六經皆爲辨說又著琴史而序其略曰方朝廷成太平之功制禮作樂比隆商周則是書也豈虛文哉蓋立志如此

劉弁字偉明吉州安福人兒時警穎日誦萬餘言登元豐二年進士第繼中博學宏詞科歷官知嘉州峨眉縣改太學博士元符中有事于南郊弁進南郊大禮賦哲宗覽之動容以爲相如子雲復出除祕書省正字徽宗即位改著作佐郎實錄檢討官以疾卒于官弁性嗜酒不事拘檢爲文辭劇別瑕類卓詭不凡有龍雲集三十卷周必大序其文爲廬陵自歐陽文忠公以文章續韓文公正傳遂爲一代儒宗繼之者弁也其相推重如此云

宋史卷四百四十四

元中書右丞相總裁脫脫等修

列傳第二百四

文苑七

陳與義

汪藻

葉夢得

程俱

張嶼

韓駒

朱敦儒

葛勝仲

熊克

張即之補書附

陳與義字去非其先居京兆自曾祖希亮始遷洛故為洛人與義天資卓偉為

兒時已能作文致名譽流輩斂衽莫敢與抗登政和三年上舍甲科授開德府

教授累遷太學博士擢符寶郎尋謫監留酒稅及金人入汴高宗南遷遂避

亂襄漢轉湖湘踰嶺嶠久之召為兵部員外郎紹興元年夏至行在遷中書舍

人兼掌內制拜吏部侍郎尋以徽猷閣直學士知湖州召為給事中駁議詳雅

又以顯謨閣直學士提舉江州太平觀被召會宰相有不樂與義者復用為中

書舍人直學士院六年九月高宗如平江十一月拜翰林學士知制誥七年正

月參知政事唯師用道德以輔朝廷務尊主威而振綱紀時丞相趙鼎言人多

謂中原有可圖之勢宜便進兵恐他時今日之失機上曰今梓宮與太后淵

聖皆未還若不與金議和則無可還之理與義曰若和議成豈不賢於用兵萬

一無成則用兵必不免上曰然三月從帝如建康明年扈蹕還臨安以疾請復

以資政殿學士知湖州陛辭帝勞問甚渥遂請開提舉臨安洞霄宮十一月卒

年四十九與義容狀儼恪不妄言笑平居雖謙以接物然內剛不可犯其薦士

於朝退未嘗以語人土以是多之尤長於詩體物寫真清澹紆餘高舉橫厲上

下陶謝韋柳之間嘗賦墨梅徵宗嘉賞之以是受知于上云

汪藻字彥章饒州德興人幼穎異入太學中進士第調婺州觀察推官改宣州

教授稍遷江西提舉學事司幹當公事徵宗親製君臣慶會閣詩羣臣皆廣進

提點江州太平觀授開元八年終黼之世不得用欽宗即位召為屯田員外郎

再遷太常少卿起居舍人高宗踐祚召試中書舍人時次揚州藻多論奏宰相

黃潛善惡之遂假他事免為集英殿修撰提舉太平觀明年復召為中書舍人

兼直學士院擢給事中遷兵部侍郎兼侍講拜翰林學士帝以所御白團扇親

書紫詰仍兼縮黃麻似六經十字以賜縮紳豔之屬時多事詔令類出其手書

論諸大將擁重兵凌成外重之勢且陳所以待將帥者三事後十年卒如其策

又言崇觀以來賞結權倖奴事閹宦與開邊誤國得職名自觀文殿大學士而

下直秘閣官至銀青光祿大夫者近稍鑄而遷延恩宥又常甄復盡依國初

法止中大夫紹聖二年除龍圖閣直學士知湖州以頗真卿盡忠唐室嘗守是

邦乞表章之詔賜廟忠烈又言古者有國必有史故書檮前議論之辭則有時

政記錄柱下見聞之實則有起居注類而次之謂之日歷修而成之謂之實錄

今踰二十年無復日歷何以示來世乞即臣所領州許臣訪尋故家文書纂集

元符庚辰以來詔旨為日歷之備制可史館既開修撰恭崇禮言不必別設外

局乃以郡人類經投匭其數糶軍食遂貶秩停官起知撫州御史張致遠又

論之子祠六年修撰范冲言日歷國之大典比詔藻纂修事復中止恐遂散逸

宜令就閣復卒前業詔賜史館修撰錢聽辟屬編類八年上所修書自元符

庚辰至宣和乙巳詔旨凡六百六十五卷藻再進官其屬鮑延祖孟處義咸增

秩有差藻升顯謨閣學士遣使賜茶藥尋知徽州逾年徙宣州言者論其嘗為

蔡京王黼之客奪職居永州累赦不宥二十四年卒秦檜死復職官二子二十

八年徵宗實錄成書右僕射湯思退言藻嘗纂集詔旨比修實錄所取十蓋七

八深有力於斯文詔贈端明殿學士藻通顯三十年無屋廬以居博極羣書老

不釋卷尤喜讀春秋左氏傳及西漢書工儷語多著述所為制詞人多傳誦子

六人恬恪憶懷愴

葉夢得字少蘊蘇州吳縣人嗜學蚤成多識前言往行談論疊疊不窮紹聖四

年登進士第調丹徒尉徵宗朝自婺州教授召為議禮武選編修官用蔡京薦

召對言自古帝王為治廣狹小大規模各不同然必自先治其心者始今國勢

有安危法度有利害人材有邪正民情有休戚四者治之大也若不先治其心或誘之以貨利或陷之以聲色則所謂安危利害邪正休戚者未嘗不顛倒易位而況求其功乎上異其言特遷祠部郎官大觀初京再相向所立法度已罷者復行夢得言周官太宰以八柄詔王馭羣臣所謂廢置賞罰者王之事也太宰得以詔王而不得自專夫事不過可不可二者而已以為可而出於陛下則前日不應廢以為不可而不出於陛下則今不可復今徒以大臣進退為可否無乃陛下有未了然於中者乎上喜曰邇來士多朋比媒進卿言獨無觀望遂除起居郎時用事者喜小有才夢得言自古用人必先辨賢能賢者有德之稱能者有才之稱故先王常使德勝才不使才勝德崇寧以來在內惟取議論與朝廷同者為純正在外惟取推行法令速成者為幹敏未聞器業任重識度經遠者特有表異恐用才太勝願繼今用人以有德為先二年累遷翰林學士極論士大夫朋黨之弊專於重內輕外且乞身先衆人補郡蔡京初欲以童貫宣撫陝西取青唐夢得見京問曰祖宗時宣撫使皆是見任執政文彥博韓絳因此即軍中拜相未有以中人為之元豐末神宗欲命李憲雖王珪亦能力爭此相公所見也昨八寶恩遽除賈節度使天下皆知非祖宗法此已不可救今又付以執政之任使得青唐何以處之京有愠色然卒用貫取青唐三年以龍圖閣直學士知汝州尋落職提舉洞霄宮政和五年起知蔡州復龍圖閣直學士移帥穎昌府發常平粟振民常平使者劉寄惡之宦官楊戩用事寄括部內得常平錢五十萬緡請糴粳米輸後苑以媚戩戩委其屬持御筆來責以米樣如蘇州夢得上疏極論穎昌地力與東南異願隨品色不報時旁郡糾民輸錢就羅京師怨聲載道獨穎昌賴夢得得免李彥括公田以詰吏告許鄉鄰城舞陽隲田數千頃民詣府訴者八百戶夢得上其事捕吏按治之郡人大悅戩彥交怒尋提舉南京鴻慶宮自是或廢或起遠高宗駐蹕揚州遷翰林學士兼侍讀除戶部尚書陳待敵之計有三曰形曰勢曰氣而已形以地理山川為本勢以立城池芻粟器械為重氣以將帥士卒為急形固則可恃以守勢強則可資以立氣振則可作以用如是則敵皆在吾度內矣因請上南巡阻江為險以備不虞

又請命重臣為宣總使一居泗上總兩淮及東方之師以待敵一居金陵總江浙之路以備退保疏入不報既而帝駐蹕杭州遷尚書左丞參監司州縣擅立軍期司拊斂民財者宜罷上諭以兵食二事最大當擇大臣分掌門下侍郎顏岐知杭州康允之皆嫉夢得又與宰相朱勝非議論不協會州民有上書訟夢得過失者上以夢得深曉財賦乃除資政殿學士提舉中太一宮專一提領戶部財用充車駕巡幸頓遞使辭不拜歸湖州紹興初起為江東安撫大使兼知建康府兼壽春等六州宣撫使時建康荒殘兵不滿三千夢得奏移統制官韓世清軍屯建康崔增屯采石閻阜分守要害會王才降劉豫引兵入寇夢得遣使臣張偉論才降之以其衆分隸諸軍濠壽叛將寇宏陳卜離陽受朝命陰與劉豫通夢得諭以禍福皆聽命及豫入寇卜擊敗之齊兵宵遁八年除江東安撫制置大使兼知建康府行宮留守又奏防江措置八事一申飭邊備二分布地分三把截要害四約東舟船五團結鄉社六明審斥堠七措置積聚八責官吏死守又言建康太平池州緊要隘口江北可濟渡去處共一十九處願聚民兵把截要害命諸將審度敵形併力進討金都元帥宗弼犯含山縣進逼歷陽張俊諸軍遷延未發夢得見俊請速出軍曰敵已過含山縣萬一金人得和州長江不可保矣俊趣諸軍進發聲勢大振金兵退屯昭關明年金復入寇遂至拓鼻夢得團結沿江民兵數萬分據江津遣子模將千人守馬家渡金兵不得渡而去初建康屯兵歲費錢八百萬緡米八十萬斛權貨務所入不足以支至是禁旅與諸道兵咸集夢得兼總四路漕計以給饋餉軍用不乏故諸將得悉力以戰詔加觀文殿學士移知福州兼福建安撫使海寇朱明猖獗詔夢得挾御前將士便道之鎮或招或捕或誘之相戕遂平寇五十餘羣然頗與監司異議上章請老特選一官提舉臨安府洞霄宮尋拜崇信軍節度使致仕十八年卒湖州贈檢校少保

程俱字致道衢州開化人以外祖尚書左丞鄧閔甫恩補蘇州吳江主簿監舒州太湖茶場坐上書論事罷歸起知泗州臨淮縣累遷將作監丞近臣以謀述薦遷著作佐郎宣和二年進頌賜上舍出身除禮部郎以病告老不俟報而歸

建炎中爲太常少卿知秀州會車駕臨幸賜對俱言陛下德日新政日舉賞罰施置仰當天意俯合人心則趙氏安而社稷固不然則宗社危而天下亂其間蓋不容髮高宗嘉納之金兵南渡據臨安遣兵破崇德海鹽馳檄諭降俱率官屬棄城保華亭留兵馬都監守城朝廷命俱部金帛赴行在既至以病乞歸紹興初始置秘書省召俱爲少監奏修日歷秘書長貳得預修纂自俱始時庶事草創百司文書例從省記俱撫三館舊聞比次爲書名曰麟臺故事上之權中書舍人兼侍講俱論國家之患在於論事者不敢盡情當事者不敢任責言有用否事有成敗理固不齊今言不合則見排於當時事不諧則追咎於始議故雖有智如陳平不敢請金以行間勇如相如不敢全璧以抗秦通財如劉晏不敢言理財以贍軍食使人人不敢當事不敢盡謀則艱危之時誰與圖回而恢復乎武功大夫蘇易轉橫行俱論祖宗之法文臣自將作監主簿至尙書左僕射武臣自三班奉職至節度使此以次遷轉之官也武臣自閣門副使至內客省使爲橫行不繫磨勘遷轉之列其除授皆頒特旨故元豐之制以承務郎至特進爲寄祿官易監主簿至僕射之名武臣獨不以寄祿官易之者蓋有深意也政和間改武臣官稱爲郎大夫遂并橫行易之爲轉官等級蓋當時有司不習典故以開僥倖之門自改使爲大夫以來常調之官下至皂隸轉爲橫行者不可勝數且文臣所謂庶官者轉不得過中大夫而武臣乃得過皇城使此何理也夫官職輕重在朝廷朝廷愛重官職不妄與人則官職重反是則輕輕則得者不以爲恩未得者常懷缺望此安危治亂所關也徐俯爲諫議大夫俱繼還以爲俯雖才俊氣豪所歷尙淺以前任省郎遽除諫議自元豐更制以來未之有也昔唐元稹爲荆南判司忽命從中出召爲省郎使知制誥遂喧朝聽時謂監軍崔潭峻之所引也近聞外傳俯與中官唱和有魚須之句號爲警策臣恐外人以此爲疑仰累聖德陛下誠知俯姑以所應得者命之不報後二日言者論俯前乘秀州城罷爲提舉江州太平觀久之除徽猷閣待制俱晚病風痺秦檜薦俱領史事除提舉萬壽觀實錄院修撰使免朝參俱力辭不至卒年六十七俱在被垣命下有不安于心者必反覆言之不少畏避其爲文典雅闊

奧爲世所稱。

張嶠字巨山襄陽人宣和三年上舍選中第調唐州方城尉改房州司刑曹劉子羽薦于川陝宣撫使張浚辟利州路安撫司幹辦公事以母病去官紹興五年召對嶠上疏曰金人去冬深涉吾地王師屢捷一朝宵遁金有自敗之道非我幸勝之也今士氣稍振乘其銳而用之固無不可然兵疲民勞若便圖進取似未可遽臣竊謂爲今日計當築塢堡以守淮南之地與屯田以爲久戍之資備舟楫以阻長江之險以我之常待彼之變又荆襄壽春皆古重鎮敵之侵軼多出此塗願速擇良將勁兵戍守其地以重上流之勢召試除秘書省正字六年地震嶠奏比年以來賦斂繁重征求百出流移者擠溝壑土著者失常業地震之異殆或爲此願深思變異之由修政之闕致民之安七年遷校書郎兼史館校勘再遷著作郎嶠因對言吳蜀唇齒之勢也蜀去朝廷遠今無元帥一年矣蜀之利害臣粗知之忠勇之人使之捍外侮則可至於撫循斯民則非所能辦也宜於前宰執中擇其可以任川事者委任之然川蜀繫國利害非腹心之臣不可今早得一賢宣撫使爲要又言自駐蹕吳會以來似未嘗以襄陽荆南爲意今宜亟選儒臣有牧御之才者爲二路帥使之招集流散與農桑治城壁以爲保固之資益重上流之勢既而何掄以刊改神宗實錄得罪語連嶠出爲福建路轉運判官上疏略曰古之人君其患有二不在於拒諫在納諫而不能用在於不知天下利害在知而不以爲意陛下渡江十年矣外有勍敵之國內有驕悍之兵下有窮困無聊之民進言者多矣今皆以爲陳腐而別取新奇之說任事者衆矣今皆習是以爲當然而更爲迂闊之事此近於納諫而不知用知利害而不知恤也爲今之計朝斯夕斯非是二者不務數年之後庶其有濟有國之所惡者莫大於朋黨今一宰相用凡其所與者不擇賢否而盡用之一宰相去凡其所與者不擇賢否而盡逐之宜其朋黨之寢成也九年除司勳員外郎兼實錄院檢討官金人叛盟上命兩省卿監郎曹各草檄以進獨取嶠所進者播之四方十年擢中書舍人升實錄院同修撰論王德收復宿亳兩郡乃遣還軍使岳飛勢孤金人猖獗授承宣防禦使何應劭而反賞封還詞頭乞

罷已降轉官指揮未幾右正言方俛高論屢為待從日薦引非才以酬私恩遽報始至託疾家居由是罷去頃之起知衢州除敷文閣待制為政頗尚嚴酷歲滿得請提舉江州太平興國宮時方修好息兵朝廷講稽古禮文之事竦作中興復古詩以進上將召用會疽發背卒年五十三子昌時

韓駒字子蒼仙井監人少有文稱政和初以獻頌補假將仕郎召試舍人院賜進士出身除秘書省正字尋坐為蘇氏學謫監華州蒲城縣市易務知洪州分寧縣召為著作郎校正御前文籍駒言國家祠事歲一百十有八用樂者六十有二舊撰樂章辭多低梧於是召三館士分撰親祠明堂圓壇方澤等樂曲五十餘章多駒所作宣和五年除秘書少監六年遷中書舍人兼修國史入謝上曰近年為制誥者所聚必溢美所貶必溢惡豈王言之體且盤詰具在寧若是乎駒對若止作制誥則粗知文墨者皆可為先帝置兩省豈止使行文書而已上曰給事實掌封駁駒奏舍人亦許繳還詞頭上曰自今朝廷事有可論者一切繳來尋兼權直學士院制詞簡重為時所推未幾復坐鄉黨曲學以集英殿修撰提舉江州太平觀高宗即位知江州紹興五年卒于撫州進一官致仕贈中奉大夫與遺澤三人駒嘗在許下從蘇轍學評其詩似儲光羲其後由宦者以進用頗為識者所薄云子遜遊

朱敦儒字希真河南人父勃紹聖諫官敦儒志行高潔雖為布衣而有朝野之望靖康中召至京師將處以學官敦儒辭曰麀鹿之性自樂閑曠爵祿非所願也固辭還山高宗即位詔舉草澤才德之士預選者命中書策試授以官於是淮西部使者言敦儒有文武才召之敦儒又辭避亂客南雄州張浚奏赴軍前計議弗起紹興二年宣諭使明棄言敦儒達治體有經世才廷臣亦多稱其靖退詔以為右迪功郎下肇慶府敦儒詣行在敦儒不肯受詔其故人勸之曰今天子側席庶士翼宣中與謀定召於蜀蘇庠召於浙張自牧召於長蘆莫不聲流天京風動郡國君何為棲茅茹蒼白首巖谷乎敦儒始幡然而起既至命對便殿論議明暢上悅賜進士出身為秘書省正字俄兼兵部郎官遷兩浙東路提點刑獄會右諫議大夫汪勃劾敦儒專立異論與李光交通高宗曰爵祿所

以屬世如其可與則文臣便至侍從武臣便至節鉞如其不可雖一命亦不容輕授敦儒遂罷十九年上疏請歸許之敦儒素工詩及樂府婉麗清暢時秦檜當國喜獎用騷人墨客以文太平檜子嬉亦好詩於是先用敦儒子為刪定官復除敦儒鴻臚少卿檜死敦儒亦廢談者謂敦儒老懷舐犢之愛而畏避竄逐故其節不終云

葛勝仲字魯卿丹陽人登紹聖四年進士第調杭州司理參軍林希薦試學官及詞科俱第一除兗州教授入為太學正上幸學多獻頌者勝仲獨賦獻上命申書第其優劣勝仲為首差提舉議歷所檢討官兼宗正丞始朝廷以從臣提舉議歷所至是代以郭天信勝仲力請罷之稍遷禮部員外郎會御史中丞石公弼言僖宗原廟增置殿室違元豐之舊詔禮官議勝仲建言子而復奪在常人猶難之況在天之靈乎議者非之責知歙州休寧縣復召為禮部員外郎權國子司業時朝廷命諸生習雅樂樂成進一官遷太常卿宋自建隆至治平所行典禮歐陽修嘗哀集為書凡百篇號太常因草禮詔勝仲續之增為三百卷詔藏太常及建春宮以勝仲兼論德勝仲為仁孝學三論獻之太子復採春秋戰國以來歷代太子善惡成敗之迹日進數事詔嘉之徙太常少卿除國子祭酒尋知汝州李彥括田破產者眾勝仲請蠲不當括者彥怒劾勝仲上寢其奏改湖州尋徙鄧州朱勳先求白雀之屬勝仲不與至是媒孽其短罷歸建炎中范宗尹為相凡前日以朋附被罪遠貶者咸赦還復知湖州時羣盜縱橫聲搖諸郡勝仲修城郭作戰艦闔士卒賊知有備引去歲大饑發官廩振之民賴以濟紹興元年丐祠歸十四年卒年七十三諡文康子立方官至侍從孫郊為右相自有傳

熊克字子復建寧建陽人御史大夫博之後將生有翠羽雀翔臥內克幼而翹秀既長好學善屬文郡博士胡憲器之曰子學老於年他日當以文章顯紹興中進士第知紹興府諸暨縣越帥課賦頗急諸邑率督趣以應克曰寧吾獲罪不忍困吾民他日府遣幕僚閱視有亡時方不雨克對之泣曰此催租時耶部使者芮燁行縣至其境謂克曰曩知子文墨而已今乃見古循吏為表薦之入

爲提轄文思院嘗以文獻會覲觀持白于孝宗喜之內出御筆除直學士院宰相趙雄甚異之因奏曰翰院清選熊克小臣不由論薦而得無以服衆論請自朝廷召試然後用上曰善乃以爲校書郎累遷學士院權直上御選德殿召諭曰卿制誥甚工且有體自此燕闌可論治道克自以見知於上數有論奏嘗言金人雖講和而不能保於他日今宜以和爲守以守爲攻當和好之時爲備守之計彼不能禁吾不爲也邊備既實金人萬一猖獗必不得志於我退而乘我曲不在我矣且今日之守莫重淮東金犯淮西負糧自隨其勢必難若犯淮東清河糧船直下易耳然則守淮之策以墾田修堰救民兵爲先援淮東之策莫若卽江陰建水軍緩急可相應然驟立一軍慮敵生疑當託以海道商賈之衝多徵擄置一巡檢警督之自此歲增兵不出十年隱然一軍矣中興之際不患兵不可用而患將權難收今日之弊不患將不可馭而患軍情易動往時諸大將拊士卒如家人自罷諸將兵權御前主帥更徙不常凡軍中筦權之利所以養士卒者今皆轉而爲包苴矣又腹其餘以佐之得無怨乎宜嚴戒將帥毋縱培植帝嘉其有志召草明堂赦書克言二浙耕織蝗且起赦文不宜飾詞帝嘉其識體除起居郎兼直學士院以言者出知台州奉祠克博聞強記自少至老者述外無他嗜尤淹習宋朝典故有問者酬對如響家素儉約雖貴不改舊所居卑陋門不容轍雖部使者郡守至必降車乃入嘗愛臨川童子王克勤之才將妻以女而乏資遣會草制獲賜金遂以歸之人稱其清介卒年七十三張卽之字温夫參知政事孝伯之子以父恩授承務郎銓中兩浙轉運司進士舉歷監平江府糧料院丁父憂服除監臨安府樓店務丁母憂服除監臨安府龍山稅寧國府城下酒麩務簽書荆門軍判官廳公事烏程丞特差簽書江陰軍判官廳公事提領戶部犒賞酒庫所幹辦公事添差兩浙轉運司主管文字行在檢點贍軍激賞酒庫所主管文字監尙書六部門淮南東路提舉常平司主管文字添差通判揚州改鎮江又改嘉興將作監簿軍器監丞司農寺丞知嘉興未赴以言者罷丐祠主管雲臺觀引年告老特授直秘閣致仕寶祐四年制置使余晦入覲以議劾閩州守王惟忠於是削惟忠五官沒入其資下詔獄

鍛鍊誣伏坐棄市惟忠臨刑謂其友陳大方曰吾死當上愬于天七揮刃不殊血逆流卽之雖閉居移書言於淮東制置使賈似道恤其遺孤又使從孫士倩娶惟忠孤女未幾似道入相中書舍人常挺亦以爲言景定元年給還首領以禮改葬復金壇田多卽之倡義云卽之以能書聞天下金人尤寶其翰墨惟忠字省尊慶元之鄞人嘉定十三年進士

趙蕃字昌父其先鄭州人建炎初大父賜以祕書少監出提點坑冶寓信州之玉山蕃以賜致仕恩補州文學調浮梁尉連江主簿皆不赴爲太和主簿受知於楊萬里調辰州司理參軍與郡守爭獄罷人以蕃爲直始蕃受學於劉清之清之守衡州乃求監安仁贍軍酒庫因以卒業至衡而清之罷蕃卽句祠從清之歸其後真德秀書之國史曰蕃於師友之際蓋如此肯負國乎家居連書祠官之考者三十有一理宗卽位以太社令與劉宰同召不拜特改奉議郎直秘閣又辭奉祠得致仕轉承議郎依前直秘閣卒年八十七蕃年五十猶問學於朱熹既耄猶思末路之難命所居曰難齋蕃賦性寬平與人樂易而剛介不可奪丞相周必大與蕃契屢加引薦蕃竟不受宰之言曰文獻之家典刑之彥歸然獨存猶有以擊學者之望者蕃一人而已信州守吳旂乞錄其後詔其子遂補上州文學遂亦力辭又詔以承務郎致仕與一子恩澤景定三年秘閣修撰鄭協等請謚乃謚文節

宋史卷四百四十五

元中書右丞相總裁脫脫等修

列傳第二百五

忠義一

康保裔

馬遂

董元亨

曹觀孔宗旦

蘇緘

秦傳序

詹良臣江仲明

李若水

劉幹

傅察

楊震父宗閔

張克敵

張確

朱昭

史抗

孫益

士大夫忠義之氣至於五季變化殆盡宋之初與范質王溥猶有餘憾況其他哉藝祖首襄韓通次表衛融足示意懲厥後西北疆場之臣勇於死敵往往無懼真仁之世田錫王禹偁范仲淹歐陽修唐介諸賢以直言讜論倡于朝於是中外縉紳知以名節相高廉恥相尚盡去五季之陋矣故靖康之變志士投袂起而勤王臨難不屈所在有之及宋之亡忠節相望班班可書臣直輔翼之功蓋非一日之積也奉詔修三史集儒臣議凡例前代忠義之士咸得直書而無諱焉然死節死事宜有別矣若敵王所讐勇往無前或銜命出疆或授職守土或寓官閑居感激赴義雖所處不同論其捐軀殉節之死靡二則皆為忠義之上者也若勝負不常陷身俘獲或慷慨就死或審義自裁斯為次矣若蒼黃遇難實命亂兵雖疑傷勇終異苟免況於國破家亡主辱臣死功雖無成志有足尚者乎若夫世變淪胥毀跡冥邈能以真厲保厥初心抑又其次歟至於布衣危言嬰鱗觸諱志在衛國違恤厥躬及夫鄉曲之英方外之傑買勇蹈義厥死惟均以類附從定為等差作忠義傳

康保裔河南洛陽人祖志忠後唐長興中討王都戰歿父再遇為龍捷指揮使從太祖征李筠又死於兵保裔在周屢立戰功為東班押班及再遇陣沒詔以保裔代父職從石守信破澤州明年攻河東之廣陽獲千餘人開寶中又從諸將破契丹于石嶺關累遷日騎都虞候轉龍衛指揮使領登州刺史端拱初授淄州團練使徙定州天雄軍駐泊部署尋知代州移深州又徙高陽關副都部

署就加侍衛軍都虞候領涼州觀察使真宗即位召還以其母老勤養賜以上尊酒茶米俄領彰國軍節度出為并代都部署徙知天雄軍并代列狀請留詔褒之復為高陽關都部署契丹兵大入諸將與戰于河間保裔選精銳赴之會暮約詰朝合戰遲明契丹圍之數重左右勸易甲馳突以出保裔曰臨難無苟免遂決戰二日殺傷其衆蹴踐塵深二尺兵盡矢絕援不至遂沒焉時車駕駐大名聞之震悼廢朝二日贈侍中以子繼英為六宅使順州刺史繼彬為洛苑使繼明為內園副使幼子繼宗為西頭供奉官孫惟一為將作監主簿繼英等奉告命謝曰臣父不能決勝而死陛下不以罪其孥幸矣臣等願蒙非常之恩因悲涕伏地不能起上惻然曰爾父死王事贈賞之典所宜加厚顧謂左右曰保裔父死疆場身復戰沒世有忠節深可嘉也保裔有母年八十四遣使勞問賜白金五十兩封為陳國太夫人其妻已亡亦追封河東郡夫人保裔謹厚好禮喜賓客善騎射弋飛走無不中嘗握矢三十引滿以射筈鏑相連而墜人服其妙屢經戰陣身被七十創貸金錢數十萬勞軍沒後親吏鬻器玩以償上知之乃復厚賜焉繼英仕至左衛大將軍貴州團練使嚴於取軍厚於撫宗族其卒也家無餘財方保裔及契丹血戰而援兵不至惟張凝以高陽關路鈐轄領先鋒李重貴以高陽關行營副都部署率眾策應遇契丹兵交戰保裔為敵所覆重貴與凝赴援腹背受敵自申至寅力戰敵乃退當時諸將多失部分獨重貴凝全軍還屯凝議上將士功狀重貴喟然曰大將陷沒而吾曹計功何面目也上聞而嘉之重貴仕至知鄭州領播州防禦使改左羽林軍大將軍致仕凝加殿前都虞候卒贈彰德軍節度使

馬遂開封人初隸龍衛軍補散直改三班奉職為北京指使聞王則叛中夜叱咤晨起詣留守賈昌朝請擊賊昌朝因使持榜入貝州招降則威服見之遂諭以禍福輒不荅遂將殺則而無兵仗自隨時張得一在側欲其助己目得一得一不動遂奮起投杯抵則扼其喉毆之流血而左右卒無助之者賊黨攢刃聚謀至斷一臂猶誓則曰妖賊恨不斬汝萬段賊縛遂廳事前支解之則倉猝被毆駭傷病數日乃起事聞仁宗數息久之贈官苑使封其妻為旌忠縣君賜冠

破官其子五人後得殺遂者驍捷卒石慶使其子剖心而祭之

董元亨深州東鹿人累官至國子博士通判貝州王則據城叛是日冬至元亨方與州將張得一朝謁天慶觀夜漏未盡變起倉猝眾莫知所為元亨促馬馳還坐廳事賊黨十餘人擐甲露刃排闥而入左右皆奔潰賊脅元亨曰大王遣我來索軍資庫鑰元亨據按叱之曰大王誰也妖賊乃敢弄兵乎我有死耳鑰不可得也賊將郝用繼來索愈急曰庫幣今日大王所有也可不上鑰乎元亨厲聲張目罵賊用遂殺之賊爭入按鑰而去事聞仁宗曰守法之臣也贈太常少卿錄其子孫三人賊平獲郝用斬以祭元亨

曹觀字仲賓曹修禮子也叔修古卒無子天章閣待制杜杞為言于朝授觀建州司戶參軍為修古後皇祐中以太子中舍知封州儂智高叛攻陷邕管趨廣州行至封州州人未嘗知兵士卒纔百人不任戰鬪又無城隍以守或勸觀遁去觀正色叱之曰吾守臣也有死而已敢言避賊者斬麾都監陳擘引兵迎擊賊封川令率鄉丁弓手繼進賊眾數百倍擘兵敗走鄉丁亦潰觀率從卒決戰不勝被執賊戒勿殺粹使拜且誘之曰從我得美官付汝兵柄以女妻汝觀不肯拜且誓曰人臣惟北面拜天子我豈從爾苟生邪遂殺我幸矣賊猶惜不殺徙置舟中觀不食者兩日探懷中印章授其從卒曰我且死若求間道以此上官賊知其無降意害之至死詬賊聲不絕投屍江中時年三十五事聞贈太常少卿錄其子四人妻劉避賊死於林峒追封彰城郡君加賜冠帔又贈修古尚書工部侍郎封修古妻陳穎川郡君當智高之反乘嶺南無備縣吏往往望風竄匿故賊所向輒下獨觀與孔宗旦趙師旦能以死守後田瑜安撫廣東乃為觀立廟封州

孔宗旦魯人為邕州司戶參軍儂智高未反時州有白氣出庭中江水溢宗旦以為兵象度智高必反以書告知州陳珙珙不聽後智高破橫州即載其親往桂州曰吾有官守不得去無為俱死也既而州破被執賊欲任以事宗旦叱賊且大罵遂被害始宗旦官京東與李師道徐程等同等四人為監司耳目號為四壁人多惡之其後立節如此知袁州租無擇以其事聞贈太子中允

趙師旦字潛叔樞密副使稭之從子美容儀身長六尺少年頗涉書史尤刻意

刑名之學用稭祿試將作監主簿累遷寧海軍節度推官知江山縣斷治出己吏不能得民一錢棄物道上人無敢取以薦者改大理寺丞知彭城縣遷太子右贊善大夫移知康州儂智高破邕州順流東下師旦使人覘賊還報曰諸州守皆棄城走矣師旦叱曰汝亦欲吾走矣乃大索得謀者三人斬以徇而賊已薄城下師旦只有兵三百開門迎戰殺數十人會暮賊稍却師旦語其妻取州印佩之使負其子以匿曰明日賊必大至吾知不敵然不可以去爾留死無益也遂與監押馬貴部士卒固守州城召貴食貴不能食師旦獨飽如平時至夜貴臥不安席師旦即臥內大駭遲明賊攻城愈急左右請少避師旦曰戰死與戮死何如眾皆曰願為國家死至城破無一人逃者矢盡與貴俱還據堂而坐智高麾兵鼓譟爭入脅師旦師旦大罵曰餓獠朝廷負若何事乃敢反邪天子發一校兵汝無遺類矣智高怒并貴害之賊既去州人為立廟事平贈光祿少卿賜其母王長安縣太君冠帔錄其子弟并從子三人師旦遇害時年四十二

樞過江山江山之人迎師旦喪哭祭於路絡繹數百里不絕同時有王從政者以東頭供奉官閣門祇候與儂智高戰于太平場被執罵賊不已至以沸湯沃之終不屈而死贈信州刺史錄其孫二人

蘇緘字宜甫泉州晉江人舉進士調廣州南海主簿州領蕃舶每商至則擇官開實其貲商皆豪家大姓習以客禮見主者緘以選往商樊氏輒升階就席緘詰而杖之樊訴于州州召責緘緘曰主簿雖卑邑官也商雖富部民也邑官杖部民有何不可州不能詰再調陽武尉劇盜李囊棄于民賊曹莫能捕緘訪得其處萃眾大索火突舍以迫之李從眾逸出緘馳馬逐斬其首送府府尹買昌朝驚曰儒者乃爾輕生邪累遷秘書丞知英州儂智高圍廣緘曰廣吾都府也且去州近今城危在旦暮而不往救非義也即募士數千人委印於提點刑獄鮑軻夜行赴難去廣二十里止營廣人黃師密陷賊中為之謀主緘擒斬其父羣不逞並緣為盜復捕殺六十餘人招其誣誤者六千八百人使復業賊勢沮將解去緘分兵先扼其歸路布檉木亘四十里賊至不得前乃逸出數舍渡江

由連賀而西。緘與賊戰，摧傷甚衆，盡得其所掠物。時諸將皆罷，獨緘有功。仁宗喜，換爲供備庫副使。廣東諸監管押兩路兵甲，遣中使賜朝衣金帶，襲緘至。邕大將陳曙以失律誅，緘亦貶房州司馬，復著作佐郎。監越州稅十餘年，始還副使。知廉州，屋多茅竹，戍卒楊種醉焚管，延燒民廬，因乘以爲竊，緘戮之於市。又坐謫潭州都監，未幾知鼎州。熙寧初，進如京使。廣東鈴轄四年，交趾謀入寇，以緘爲皇城使，知邕州。緘伺得實，以書抵知桂州沈起，起不以爲意。及劉彝代起，緘致書於彝，請罷所行事，彝不聽。反移文責緘，沮議令勿得輒言。八年，彝遂入寇，衆號八萬，陷欽廉，破邕四砦。緘聞其至，閩州兵得二千八百，召僚吏與郡人之材者，授以方略，勒部隊使分地自守。民驚震四出，緘悉出官帑及私藏，示之曰：「吾兵械既具，蓄聚不乏，今賊已薄城，宜固守以遲外援。若一人舉足則羣心搖矣，幸聽吾言，敢越伏則孥戮汝。」有大校翟續潛出，斬以徇。由是上下脅息。緘子子元爲桂州司戶，因公事攜妻子來省，欲還而寇至，緘念人不可戶曉，必以郡守家出城，乃獨遣子元，留其妻子。選勇士李舟逆戰斬酋，會二邕既受圍，緘晝夜行勞士卒，發神臂弓射賊所殪甚衆。緘初求救於劉彝，彝遣將張守節救之，逗遛不進。緘又以蠟書告急於提點刑獄宋球，球得書驚泣，督守節，守節皇恐，遽移屯大夾嶺，回保崑崙關。猝遇賊不及陣，舉軍皆覆，繼獲北軍，知其善攻城，啗以利使爲雲梯，又爲攻濠洞，蒙以華布。緘悉焚之，蠻計已窮，將引去，而知外援不至，或教賊囊土傅城者，頃刻高數丈，蟻附而登。城遂陷，緘猶領傷卒馳騎，戰愈厲而力不敵，乃曰：「吾義不死賊手。」亟還州治，殺其家三十六人，藏于坎，縱火自焚。蠻至，求尸皆不得，屠郡民五萬餘人，率百人爲一積，凡五百八十餘積。隴三州城以填江，邕被圍四十二日，糧盡泉涸，人吸溲麻水以濟渴，多病下痢，相枕藉以死，然訖無一叛者。緘憤沈起劉彝致寇，又不救患，欲上疏論之，屬道梗不通，乃榜其罪于市。冀朝廷得聞焉。神宗聞緘死，嗟悼，贈奉國軍節度使，諡曰忠勇。賜都城甲第五，鄉里上田十頃，聽其家自擇。以子元爲西頭供奉官，閤門祗候。召對謂曰：「邕管賴卿父守禦，儻如欽廉，即破則賊乘勝奔突，桂象皆不得保矣。昔張巡許遠以睢陽蔽遮江淮，較之卿父，不能過也。」改授殿中丞，通

判邕州。次子子明，子正，孫廣淵，直溫，與緘同死，皆襲贈焉。起與彝皆坐謫官，緘沒後，交人謀寇桂州，行數舍，其衆見大兵從北來，呼曰：「蘇城隍領兵來報怨。」懼而引歸。邕人爲緘立祠，元祐中，賜額懷忠。

秦傳序，江寧人。淳化五年，充夔峽巡檢使。李順之亂，賊衆奄至，傳夔州城下，傳序督士卒晝夜拒戰，舉城既久，危蹙日甚，長吏皆奔竄，投賊。傳序謂士卒曰：「吾爲監軍，盡死節以守城，吾之職也，安可苟免乎？」城中乏食，傳序出囊藥服玩，盡市酒肉以犒士卒，慰勉之，衆皆感泣力戰。傳序度力不能拒，乃爲蠟書遣人間道上言。臣盡死力，誓不降賊。城壞，傳序赴火死。傳序家寄荆湖間。子夔，遊峽求父屍，溺死，人以爲父死於忠。子死於孝，奏至，太宗嗟憫久之。錄傳序次子煦爲殿直，以錢十萬賜其家。煦卒，復以煦弟坊爲三班奉職。

詹良臣，字元公，睦州分水人。舉進士不第，以恩得官，調縉雲縣尉。方臘起，其黨洪再犯處州，守貳俱棄城遁。又有他盜霍成富者，用臘年號，剽掠縉雲。良臣曰：「捕盜尉職也，縱不勝，敢愛死乎？」率弓兵數十人出禦之，爲所執，成富誘使降。良臣曰：「汝輩不知求生，願欲降我邪？」昔年李順反於蜀，王倫反於淮南，王則反於貝州，身首橫分，妻子與同惡無少長，皆誅死。旦暮官軍至，汝肉餉狗鼠矣。賊怒，斃其肉，使自啖之。良臣吐且罵，至死不絕聲。見者掩面流涕。時年七十二。徽宗聞而傷之，贈通直郎官，錄其子孫二人。

江仲明，台州人。宣和寇亂，載老母逃山澗中，猝遇寇于東城之岡，逼使就降。仲明義不辱，奮起罵賊，卒死之。丞相呂頤浩誄以文，有「將煜者州之仙居，人有文學，寇欲妻以文，煜拒之，脅以拜，亦不從。寇曰：『吾戮汝矣。』煜伸頸就刃，刃聲不絕而死。」
李若水，字清卿，洛州曲周人。元名若冰。上舍登第，調元城尉。平陽府司錄，試學官第一。濟南教授，除太學博士。蔡京晚復相，子條用事，李邦彥不平，欲謝病去。若水爲言，大臣以道事君，不可則止，胡不取決上前，使去就之。義暴於天下，願可默默託疾而退，使天下有伴食之譏邪。又言：「積蠹已久，致理惟難，建裁損而邦用未豐，省科徭而民力猶困，權貴抑而益橫，仕流濫而莫澄，正宜置驛求賢，

解榻待士采其寸長遠見以與治功凡十數端皆深中時病邦彥不悅靖康元年為太學博士開府儀同三司高傑死故事天子當挂服舉哀若水言傑以幸

臣躡躡顯位敗壞軍政金人長驅其罪當與童貫等得全首領以沒尚當追削官秩示與衆棄而有司循常習故欲加縛禮非所以靖公議也章再上乃止欽

宗將遣使至金國議以賦入贖三鎮詔舉可使者若水在選中召對賜今名還著作佐郎為使見粘罕于雲中纔歸兵已南下復假徵獻閣學士副馮辯以往

甫次中牟守河兵相驚以金兵至左右謀取聞道去辯問何如若水曰戊卒畏敵而潰奈何效之今正有死耳令敢言退者斬衆乃定既行疊具奏言和議必

不可諧宜申飭守備至懷州遇館伴蕭慶校與俱還及都門拘之于冲虛觀獨令慶懈入既所議多不從粘罕急攻城若水入見帝道其語帝命何處行桌還

言二人欲與上皇相見帝曰朕當往明日幸金營過信而歸擢若水禮部尚書固辭帝曰學士與尚書同班何必辭請不已改吏部侍郎三年金人再邀帝出

郊帝殊有難色若水以為無他慮扈從以行金人計中變逼帝易服若水抱持而哭詆金人為狗輩金人曳出擊之敗面氣結仆地衆皆散留鐵騎數十守視

粘罕令曰必使李侍郎無恙若水絕不食或勉之曰事無可為者公昨雖言國相無怒心今日順從明日富貴矣若水數曰天無二日若水寧有二主哉其僕

亦來慰解曰公父母春秋高若少屈冀得一歸親若水叱之曰吾不復顧家矣忠臣事君有死無二然吾親老汝歸勿遽言令兄弟徐言之可也後旬日粘罕

召計事且問不肯立異姓狀若水上皇為生靈計罪己內禪主上仁孝慈儉未有過行宜宜輕議廢立粘罕指宋朝失信若水曰若以失信為過公其尤也

歷數其五事曰汝為封豕長蛇真一劇賊滅亡無日矣粘罕令擁之去反顧罵益甚至郊壇下謂其僕謝寧曰我為國死職耳奈併累若屬何又罵不絕口監

軍者搗破其唇噴血罵愈切至以刃刎頸斷舌而死年三十五寧得歸具言其狀高宗即位下詔曰若水忠義之節無與比倫達於朕聞為之涕泣特贈觀文

殿學士諡曰忠愍死後有自北方逃歸者云金人相與言遼國之亡死義者十數南朝惟李侍郎一人臨死無怖色為歌詩卒曰矯首問天今天卒無言忠臣

効死令死亦何愆聞者悲之

劉幹字仲僊建州崇安人第進士調豐城尉隴城令王原鎮熙州辟狄道令提舉陝西平貨司河湟兵屯多食不繼幹延致酋長出金帛從易粟就以餉軍公

私便之遂為轉運使擢中大夫集英殿修撰劉法死夏人攻震武幹攝師廊延出奇兵搆之解其圍夏人來言願納款謝罪皆以為詐幹曰兵與累年中國尚

不支況小邦乎彼雖新勝其衆亦疲懼吾再舉故款附以圖自安此情實也密疏以聞詔許之夏使愆期不至諸將言夏果詐請會兵乘之幹曰越境約會容

有他故會再請者至幹戒曰朝廷方事討伐吾為汝請毋若異時邀歲幣軼疆場以取威怒夏人聽命西邊自是遂安幹求東歸拜徵獻閣待制提舉崇福宮

起知越州鑑湖為民侵耕官因收其租歲二萬斛政和間澗以為田衍至六倍隸中官應奉租太重而督索嚴多逃去則勒鄰伍取償民告病幹請而蠲之方

臘陷衢婺越大震官吏悉遁或具舟請行幹曰吾為郡守當與城存亡不為動益厲戰守備寇至城下擊敗之拜述古殿直學士召為河北河東宣撫參謀官

時邊臣言燕民思內附童貫蔡攸方出師而种師道之軍潰幹意警報不實見師道計事師道曰契丹兵勢尚盛而燕人未有應者恐邊臣誣謾誤國事幹即

馳白貫攸請班師又論燕薊不可得正使得之屯兵遣餉經費無藝必重困中國還次冀州會郭藥師以涿州降戎車再駕以幹議異徙知真定府藥師入朝

幹密奏乞留之不報徙知建州河北盜起復以守真定首賊柴宏本富室不堪征中丞有所請遂罷起知荆南河北盜起復以守真定首賊柴宏本富室不堪征

敵聚眾剽殺殺巡尉統制官亦戰死幹單騎赴鎮遣招之宏至服罪幹飲之酒奏以官縱其黨還田里一路遂平藥師請馬詔盡以河北戰馬與之不足又賦

諸民幹曰空內郡顧駭付一降將非計也請止之金人已謀南牧朝廷方從之求雲中地幹謀得實急以聞且陰洽城守以待變是冬金兵抵城下知有備留

兵其旁長驅內擲及還治梯衝設圍示欲攻擊幹發強弩射之金人知不可脅乃退自金兵之來諸郡皆塞門民坐困幹獨縱樵牧如平日以時啟閉欽宗善

之拜資政殿學士時已許割地賂金人而議者乘士民之憤復議進驍幹以亟

戰爲非是時諸將救太原神師中姚古敗以幹爲宣撫副使至遼州招集糾募得兵四萬人與解潛折可求約期俱進兩人又繼敗初幹遣別將賈瓊自代州出敵背且許義軍以爵祿得首領數十既復五臺而潛可求敗聞遂不果進太原陷召入覲爲京城四壁守禦使宰相沮罷之京城不守始遣使金營金人命僕射韓正館之僧舍正曰國相知君今用君矣幹曰偷生以事二姓有死不爲也正曰軍中議立異姓欲以君爲正代得以家屬行與其徒死不若北去取富貴幹仰天大呼曰有是乎歸書片紙曰金人不以予爲有罪而以予爲可用夫貞女不事二夫忠臣不事兩君況主憂臣辱主辱臣死以順爲正者妾婦之道此予所以必死也使親信持歸報諸子即沐浴更衣酌卮酒而縊燕人數其忠瘞之寺西岡上遍題窗壁識其處凡八十日乃就殮顏色如生建炎元年贈資政殿大學士後證曰忠顯幹莊重寬厚與人交若有畏者至臨大事則毅然不可回奪初在西州爲童貫所知故首尾預其軍事及以忠死論者不復短其前失云子羽孫珙自有傳

傅察字公晦孟州濟源人中華侍郎堯俞從孫也年十八登進士第蔡京在相位聞其名遣子儻往見將妻以女拒弗答調清州司法參軍歷承平淄川丞入爲太常博士遷兵部吏部員外郎宣和七年十月接伴金國賀正日使是時金將渝盟而朝廷未之知也察至燕聞金人入寇或勸毋遽行察曰受使以出關難而止若君命何遂至韓城鎮使人不來居數日金數十騎馳入館疆之上馬行次境上察覺有變不肯進曰逐使人故劍止此金人輒易其馭者擁之東北去行百里許遇所謂二太子幹離不者領兵至驛道使拜察曰吾若奉使大國見國主當致敬今來迎客而脅我至此又止令見太子太子雖貴人臣也當以賓禮見何拜爲幹離不怒曰吾與師南向何使之稱凡汝國得失爲我道之否則死察曰主上仁聖與大國講好信使往來項背相望未有失德太子干盟而動意欲何爲還朝當具奏幹離不曰爾尚欲還朝邪左右促使拜白刃如林或掉之伏地衣袂顛倒愈植立不顧反覆論辯幹離不曰爾今不拜後日雖欲拜可得邪麾令去察知不免謂官屬侯彥等曰我死必矣我父母素愛我聞之必

大戚若萬一脫幸記吾言告吾親使知我死國少紆其亡窮之悲也衆皆泣是夕隔絕不復見金兵至燕彥等密訪存亡曰使臣不拜太子昨郭藥師戰勝有喜色太子慮其劫取且銜往忿殺之矣將官武漢英識其屍焚之裹其骨命虎翼卒沙立寅以歸立至涿州金人得而繫諸土室凡兩月伺守者怠毀垣出歸以骨付其家副使將噩及彥歸皆能道察不屈狀贈徽猷閣待制察自幼嗜學同輩或邀與嬉嬉不肯就爲文溫麗有典裁平居恂恂然無喜愠色遇事若無所可否非其意率然不可犯恬於勢利在京師故人鼎貴罕至其門聞一見寒溫談笑而已及倉卒徇義榮榮如此聞者哀而壯之時年三十七乾道中賜諡曰忠肅

楊震字子發代州崞人以弓馬絕倫爲安邊巡檢河東軍征賊底河敵據山爲城下瞰官軍諸將合兵城下震率壯士拔劍先登斬數百級衆乘勝平之上功第一從折可存討方臘自浙東轉擊至三界鎮斬首八千級追襲至黃巖賊帥呂師囊扼斷頭之險拒守下石肆擊累日不得進可存問計震請以輕兵緣山背上憑高鼓譟發矢石賊驚走已復縱火自衛震身被重鎧與麾下履火突入生得師囊及殺首領三十人進秩五等還知歸州建寧等初契丹之亡其將小鞠鞞西奔招合雜羌十餘萬破曹州攻麟府諸城郭震父宗閔領本道兵馬屢摧敗之俘其父母妻子靖康元年十月太原陷鞠鞞驅幽薊叛卒與夏人奚人圍建寧扣壁語震曰汝父奪我居破我骨肉我忍死到今急舉城降當全汝軀命時城中守兵不滿百震與戰士約斬一級賞若干官帑竭繼以家人服瓊吏士感激自奮越旬矢盡力乏城不守與子居中執中力戰沒闔門俱喪唯長子存中從征河北獨免明年宗閔亦死事于長安震時年四十四建炎二年詔贈武經郎存中貴請于朝諡曰恭毅

張克戩字德祥侍中耆曾孫也第進士歷河間令知吳縣吳爲浙劇邑民喜爭大姓怙勢恃官府爲令者踵故抑首務爲不生事幸得去而已克戩一裁以法姦猾屏氣使者以狀聞召拜衛尉丞初克戩從弟克公爲御史劾蔡京京再輔政脩怨於張氏以微事黜克戩踰年起知祥符縣司開封戶曹提舉京東常平

入辭留為庫部員外郎宣和七年八月知汾州十二月金兵犯河東圍太原太原距汾二百里遣將銀朱李重來攻縱兵四掠克敵畢力扞禦燕人先內附在城下者數十陰結黨欲為內應悉收斬之數選勁卒撓敵營出不意焚其柵敵懼引去論功加直秘閣靖康元年六月金兵復逼城朝廷命經略張孝純之子灝都統制張思正轉運使李宗來援思正誅求無藝民不堪命克敵引諠開曉皆願自奮宣撫使李綱表其守城之勞連進直龍圖閣右文殿修撰太原不守思正給云出戰遂率灝宗奔慈隰於是人無固志戎將麻世堅中夜斬關出

通判韓瑋相繼亡克敵召令兵民曰太原既陷吾固亡矣然義不忍負國家辱父祖願與此城終始以明吾節諸君其自為謀皆泣不能仰視同辭而對曰公父母也願盡死聽命乃益厲兵傲守賊至身帥將士擐甲登陴雖屢却敵而援師訖不至金兵破平遙平遙為汾大邑久與賊抗既先陷又脅降介休孝義諸縣據州南二十村作攻城器具兩遣使持書諭克敵焚不啓具述危苦之狀募士間道言之朝不報十月朔金益萬騎來攻愈急有十人唱為降語斬以徇諸酋列城下克敵臨罵極口砲中一酋並斃度不得免手草遺表及與妻子遺書維州兵持抵京師明日金兵從西北隅入殺都監賈克敵猶帥眾巷戰金人募生致之克敵歸索朝服焚香南向拜舞自引決一家死者八人金將奉其屍禮葬于後園羅拜設祭為立廟事聞詔贈延康殿學士贈銀三百兩絹五百匹表揭門閭紹與中謚忠確

張確字子固邠州宜祿人元祐中擢進士第徽宗即位應詔上書言十事乞誅大姦退小人進賢能開禁錮起老成權忠鯁息邊事脩文德廣言路容直諫遂列于上籍宣和二年召至京師青溪盜起確言此皆王民但庸人擾之耳願下哀痛之詔省不急之務租賦之外一切廢罷敢以花石淫巧供上者死撫綏脅附毋以多殺為功旬浹之間可以殄滅忤王黼意通判杭州攝睦州事有自賊中逃歸者悉宥之訪得虛實以告諸將用其言盜平知坊汾二州宣和七年徙

解州又徙隆德府金兵圍太原忻代降平陽兵叛確表言河東天下根本安危所係無河東豈特秦不可守汴亦不可都矣敵既得叛卒勢必南下潞城百年

不脩築將兵又皆戍邊臣生長西州頗諳武事若得秦兵十萬人猶足以抗敵不然唯有一死報陛下耳書累上不報明年二月金兵至知城中無備論使降確乘城拒守或獻謀欲自東城潰圍出且探確意確怒叱曰確守土臣當以死報國頭可斷腰不可屈乃戰而死欽宗聞之悲悼優贈述古殿直學士召見其子密慰撫之曰卿父今之巡遠也得其死所矣復何恨使為將為守者皆如卿父朕願有今日邪敵容嘆息者久之

朱昭字彥明府谷人以效用進累官秉義郎浮湛班行不自表異宣和末為震武城兵馬監押攝知城事金兵內侵夏人乘虛盡取河外諸城鎮震武距府州三百里最為孤絕昭率老幼嬰城敵攻之力昭募驍銳兵千餘人與約曰賊知城中虛實有輕我心若出不意攻之可一鼓而潰於是夜縋兵出薄其營果驚亂城上鼓譟乘之殺獲甚眾夏人設木鵝梯衝以臨城飛矢雨激卒不能施然晝夜進攻不止其酋悟兒思齊介胃來以甌盾自蔽邀昭計事昭常服登陴披襟問曰彼何人乃爾不武欲見我我在此將有何事思齊却盾而前數宋朝

失信曰大金約我來攻京師為城下之盟畫河為界太原且暮且下麟府諸壘悉已歸我公何恃而不降昭曰上皇知姦邪誤國改過不吝已行內禪今天子聖政一新矣汝獨未知邪乃取傳禪詔赦宣讀之眾聘貽服其勇辯是時諸城降者多昭故人從旁語曰天下事已矣忠安所施昭叱曰汝輩背義偷生不異犬彘尚敢以言誘我乎我唯有死耳因大罵引弓射之眾走凡被圍四日城多圯壞昭以智補禦皆合法然不可復支昭退坐廳事召諸校謂曰城且破妻子不可為賊污幸先殺我家而背城死戰勝則東鄉圖大功不勝則暴骨境內大丈夫一生之事畢矣眾未應昭幼子戲階下遽起手刃之長子驚視又殺之徑

領數卒屠其家人昇屍納井中部將賈宗望母適過前昭起呼曰媼鄉人也吾不欲刃請自入井媼從之遂併覆以上將士將妻孥者又皆盡殺之昭謂眾曰我與汝曹俱無累矣部落子有陰與賊通者告之曰朱昭與其徒各殺其家人將出戰人雖少皆死士也賊大懼以利啗守兵得登城昭勒眾于通衢接戰自

暮達旦屍填街不可行昭躍馬從缺城出馬蹶墜斬賊驪曰得朱將軍矣欲生

致之昭瞑目仗劍無一敢前旋中矢而死年四十六。

史抗濟源人宣和末為代州沿邊安撫副使金人圍代急抗夜呼其二子稽古稽哲謂曰吾昔語用事者鴈門控制一道宜擇帥增戍以謀未形之患若使橫流則無所措矣言難切皆不吾省今重圍既固外援不至吾用六王術占之明日城必陷吾將死事汝輩亦勿以妻子為念而負國也能聽吾言當令家屬自裁然後同赴義二子泣曰唯吾父命明日城果破父子三人突圍力戰死于城隅。

孫益不知其所以進宣和末以福州觀察使知朔寧府被命救太原時敵勢張甚或言不若引兵北擣雲中彼之將士室家在焉所謂攻其所必救也益曰此策固善奈違君命因躍馬冒圍至城下張孝純不肯啓門遂死之益天資忠勇每傾貲以賞戰士能得人死力小鞠鞞為邊患遣將致討益子在行間師無功益謂子必死朝廷聞之恤錄其孤甚厚其子遣信至益所報平安益怒其子不能死以狀自列盡上還官所賜而斬其持書來者初益在朔寧察郡人孫谷可用奏為掾屬待之異於常僚益出師屬以後事益死敵騎來攻且別命郡守衆議欲開關迎之谷爭弗得嘆曰吾身已許國又不忍負孫公之託諸人不見容是吾死所也或舉刃脅之無懼容遂見殺。

宋史卷四百四十六

宋史卷四百四十六考證

康保裔傳兵盡矢絕援不至遂沒焉○臣宗楷按康保裔遠史作康昭裔聖宗統和十七年次瀛州與宋軍戰捕其將康昭裔十九年以所俘宋將康昭裔為昭順軍節度使豈保裔之外又有一昭裔耶然宋將未有名康昭裔者而瀛州即河間其為康保裔無疑二史不同若是。

宋史卷四百四十六考證

元中書右丞相總裁脫脫等修

列傳第二百六

忠義二

霍安國

李涓

李魏

徐揆

陳遵

趙不試

趙令晟

唐重

徐徽言

向子韶

楊邦乂

霍安國不知何許人燕山之復以直秘閣為轉運判官宣和末知懷州靖康元年路允迪奉使至懷表其治狀加直龍圖閣歲中進右文集英殿脩撰從知隆德府未行復留金騎再至遂被圍安國扞禦不遺力鼎置兵亦至相與共守拜徽猷閣待制然竟以閏十一月城陷將官王美按濼死粘罕引安國以下分為四行使夷官問不降者為誰安國曰守臣安國也問餘人通判州事直徽猷閣林淵兵馬鈐轄濟州防禦使張彭年都監趙士諤張謙于潛鼎禮將沈敦張行中及隊將五人同辭對曰淵等與知州一體皆不肯降曾令引於東北鄉望其國拜降皆不屈乃解衣面縛殺十三人而釋其餘安國一門無噍類明年贈延康殿學士

李涓字浩然耐馬都尉邈最曾孫也以蔭為殿直召試中書易文階至通直郎知鄂州崇陽縣靖康元年京城被圍羽檄召天下兵鄂部縣七當發二千九百人皆未集涓獨以所募六百銳然請行或謂盡徐之以須他邑涓曰事急矣當持一信報天子為東南倡而募士多市人不能軍涓出家錢買牛酒激勸之令曰吾固知無益然世受國恩唯直死耳若曹知法乎失將者死均之一死死國留名男兒不朽事也眾皆泣即日引而東北過淮蒲圻嘉魚二縣之兵始至合而前至蔡天大雪蔡人忽謀而奔曰敵至矣即結陣以待少焉游騎果集涓馳馬先犯其鋒下皆步卒蒙盾徑進頗殺其騎且走涓乘勝追北十餘里大與敵遇飛矢蟬集二縣兵盡舍去涓創甚猶血戰大呼叱左右負已遂死焉年五

十三卒死者六七上官有忌涓者脅亡卒誣已遁明年金兵去蔡人以其屍歸朝廷錄其忠贈奉郎官其二子

李魏字彥思臨江軍清江人唐宗室宰相適之之後少有才略精悍敏決見事風生以父任為太廟齋郎初調安州司理監潤州酒務用薦改京官監在京竹木務擢提轄環慶路糧草通判河間府以忤蔡京童貫換右列由承議郎換莊宅副使知信安軍遷知霸州為遼國賀正副使還貫將連金人夾攻契丹呼魏至私第以語動之使附己魏言契丹人未厭其主貫懼魏有異議即奏不俟對令復任魏上書言契丹不可滅苟誤機事願誅臣以謝邊吏都轉運使沈積中括罷罪五十有三條鞠治一無所得乃以建神霄宮不如詔免官久之監在京染院進都大提舉京西汴河隄岸盜起浙東改江淮兩浙制置司管當公事改知嚴州代還貫欲以西師入燕魏復語貫曰方臘小醜一呼屠七州四十餘縣竭數路之力而後能平之殆天以此警公也何可遽移之北乎因密教貫陰佐契丹以圖金人貫不能用乃乞致仕貫收復燕山奏魏知涿州改易州皆辭不赴嘆曰國家禍亂自茲始矣金人犯京師詔趣入見魏慨然復起就道既至會姚平仲戰不利京師震動上不以時賜對問禦敵奈何魏言勝負兵家之常勢陛下無過憂第古未有和戰不定而能成功者因言种師道宿將有重名二敵所畏朝廷自主和議而盡以諸道兵畀師道視敵為進退將在軍中君命有所不受使見可擊而進勝固社稷之福不勝亦足使敵知吾將帥有以國為任者上稱善而耿南仲方主和議不合乃換右文殿脩撰京畿轉運使辭不拜金人猶駐毛駝崗乃以魏為京城西壁守禦使魏言姚平仲敗績而敵猶不敢留是畏我也不以种師道再戰已失機會尚可尾其行及河半渡擊之猶足為後戒議復格三上章致仕不允改主管馬軍公事權樞密副都承旨出為河北西路制置使以措置山西塘灣屯田弓箭手事魏論塘灣不可為奪制置使下遷提舉保甲仍領措置司又論不已再奪觀察使則金兵將及境矣遂復舊官守真定後二日落階拜青州觀察使仍知府事魏始視事兵不滿二千錢不滿二百萬自度無以拒敵乃諭民出財共為死守民恃魏為固不數日得錢十三萬貫

粟十一萬石募民為勇敢亦數千人而新集之兵皆無鬥志金人至邀乞師于宣撫副使劉幹且問道走蠟書上聞皆不報城被圍且戰且守相持四旬城破邀巷戰不克將赴井左右持之不得入幹離不脅邀拜不拜以火燎其鬚眉及兩髀亦不顧乃拘于燕山府金人問曰集民兵擊我謂我為賊何也邀曰汝負盟所至掠吾金帛子女何諱吾言敵不能屈久之欲以邀歸滄州笑而不答且說之曰天下強弱之勢安有常特吾中國適逢其際耳汝不以此時歸二帝及兩河地歲取重幣如契丹以為長利強尚可恃乎金人諱其言命邀被髮左衽邀憤詆毀甚力金人搗其口猶吮血嘆之翼日自去髮為浮屠金人大怒遂遇害將死顏色不變南向再拜端坐就戮燕人為之流涕高宗贈招化軍節度使諡曰忠壯

劉垺靖康元年以吉州防禦使為真定府路都鈐轄金人攻廣信保州不克遂越中山而攻真定垺率眾晝夜搏戰城上金兵初攻北壁垺拒之乃僞徙攻東城宣撫使李邁復趨垺往應越再宿潛移攻具環薄北城眾聚堞而上城遂陷邁就執垺猶集左右巷戰已而稍亡去垺顧其弟曰我大將也其可受賊戮乎挺身潰圍欲出諸門已為敵所守乃之孫氏山亭中解條自縊死

徐揆衢州人遊京師入太學靖康元年試開封府進士為舉首未及大比而遭國難欽宗詣金營不歸揆帥諸生扣南薰門以書抵二酋請車駕還闕其略曰昔楚莊王入陳欲以為縣申叔時諫復封之後世君子莫不多叔時之善諫楚子之從諫千百歲之下猶想其風采本朝失信大國背盟致討元帥之職也郡城失守社稷幾亡而存元帥之德也兵不血刃市不易肆生靈幾死而活元帥之仁也雖楚子存陳之功未能有過我皇帝親屈萬乘兩造轅門越在草莽國中嗚嗚跼望屬車之塵者屢矣道路之言乃謂以金銀未足故天子未返揆竊感之今國家帑藏既空編民一妾婦之飾一器用之微無不輸之公上商賈絕迹不來京邑區區豈足以償需索之數有存社稷之德活生靈之仁而以金帛之故留質君父是猶愛人之子弟而辱其父祖與不愛無擇元帥必不為也願推惻隱之心存始終之惠反其君父班師振旅緩以時日使求之四方然後遣

使人奉獻則楚封陳之功不足道也二酋見書使以馬載揆至軍詰難揆厲聲抗論為所殺建炎二年追錄死節詔贈宣教郎而官其後

陳遵字亨伯其先自江寧徙永州登進士第知莘縣為治有績魏尹蔣之奇馮京許將交薦之知雍丘縣徽宗將以為御史而遭父祐甫憂畢喪為廣西轉運判官蔡京啓蠻獠地建平從允三州遵言蠻人幸安靜輕擾以兆豐不可京惡之以他事罷歸旋知商州與元府人為駕部金部員外郎張商英得政用為左司員外郎俄擢給事中會商英免相蔡鞏攝封駁力沮止之遵懼請外以直秘閣為河北轉運使加直龍圖閣從陝西召還京師而蔡京復相再使河北從淮南帝將易置發運使命選諸道計臣有閩閩者執政以遵言京曰職卑不可用願更選帝曰可除集英殿修撰使往京乃不敢言遂為副使未幾升為使朝廷方督綱餉運渠壅滯遵使決呂城陳公兩塘達于渠漕路甫通而朱勳花石綱塞道官舟不得行遵捕繫其人而上章自劾帝為駭動人進遵徽猷閣待制宣和二年冬方臘亂詔以屬遵遵言臘始起青溪眾不及千今脅從已過萬又有蘇州石生歸安陸行兒皆聚黨應之東南兵弱勢單士不習戰必未能滅賊願發京畿兵鼎澧槍盾手兼程以來庶幾蜂起愚民不至滋蔓帝悉行其言加龍圖閣直學士經制七路治于杭時縣官用度百出遵創議度公私出納量增其贏號經制錢其後總制使翁彥國倣其式號總制錢於是天下至今有經總制錢名自兩人始也又言妖賊陵暴州縣唯搜求官吏恣行殺戮往往斷截支體探取肺肝或熬以鼎油或射以勁矢備極慘毒不償怨心蓋貪汙嗜利之人倚法侵牟騷動不知藝極積有不平之氣結於民心一旦乘勢如此可為悲痛此風不除必更生事臣願采撫官吏姦賊尚仍舊習者按治以聞乞重寘于理許之又進學士凡所施置以御筆先下於是勅越州王仲葵糾市民進金茶器減直買軍糧券而以私錢取之仲葵坐黜杭經巨寇後河渠堙塞邦人以水潦為病前守數請于朝皆以勞費輟後遵以冬月檄直揚潤楚諸郡凡守牘綱卒悉集治所先是當閉牘羣卒無以食率凍餓不自聊聞命相率呼舞以來者二千人用其力治河不兩月畢杭人利焉徙河北都轉運使進延康殿學士歷知中

山真定河間府欽宗立加資政殿學士積官至光祿大夫復爲真定又徙中山金人再至遣冒圍入城堅壁拒守詔康王領天下大元帥命違爲兵馬元帥受圍半年外無援師京都既陷割兩河求和違第光祿卿適至中山臨城諭旨違違語之曰主辱臣死吾兄弟平居以名義自處寧當賣國家爲囚乎適泣曰兄但盡力勿以弟爲念違呼總管使盡括城中兵擊賊總管薛遂斬以徇又呼步將沙振往振素有勇名亦固辭違固遣之振怒且懼潛裏刃入府違妾定奴責其輒入振立殺之違害違於堂及其子錫并僕妾十七人長子鉅以官淮南獲免振出帳下卒讓而前曰大敵臨城汝安得殺吾父執而碎裂之身首無餘城中無主乃開門出降金人入見其屍曰南朝忠臣也斂而葬諸鐵柱寺建炎初贈特進違性孝友爲人寬厚長者任部刺史二十年每出行郡邑必焚香祈天願不逢貪濁吏嘗薦王安石呂頤浩張愨謝克家何鑄後皆至公輔世以爲知人適由開封少尹衛尉少卿至光祿卿是役也金人執之以北後十年死於雲中

趙不試太宗六世孫宣和末通判相州尋權州事兼主管真定府路經略安撫公事建炎元年知相州初汪伯彥既去相金人執其子似遣來割地似至相不試固守不下明年金人大入州久被圍軍民無固志不試謂之曰今城中食乏外援不至不試宗子也義不降計將安出衆不應不試知事不可爲遂登城與金人約勿殺許之既啓門乃納其家井中然後以身赴井命提轄官實以土州人皆免於死

趙令歲燕懿王玄孫安定郡王令矜兄也初名令禪建炎初仕至鄂州通守領兵戍武昌賊聞瓊犯黃州繼掠而去令歲渡江存撫之黃人乃安李綱言於上擢直龍圖閣知黃州賜今名奉詔修城凡六月而畢賊張遇過城下招令歲度不能拒出城見之遇飲以酒一舉而盡曰固知飲此必死願勿殺軍民遇驚曰先以此試公耳更取毒酒沃地地裂有聲乃引軍去未幾丁進李成兵迭至俱擊卻之叛將孔彥舟又引兵圍城率民兵固守凡六日乃解三年以內艱去詔起服時金人聞孟太后在南昌欲遣之徑犯黃州令歲已還在道郡卒得金人

木符靈箭浮江告急令歲疾趨夜半入城金人力攻翼日城陷金人欲降之大罵不屈酌以酒揮之不肯飲又衣以戰袍曰我豈當服金人曰趙使君何堅執膝曰但當拜祖宗豈能拜犬彘金人怒鞭之流血被面罵不絕口而死事聞贈徽猷閣待制諡曰忠州人乞立廟從之初城破都監王遠判官吳源巡檢劉卓皆以不屈死焉

唐重字聖任眉州彭山人少有大志大觀三年進士徽宗親策士問以制禮作樂重對曰事親從兄爲仁義禮樂之實陛下以神考爲父哲宗爲兄蓋亦推原仁義之實而已何以制作爲授蜀州司理參軍改成都府府學教授知懷安軍金堂縣授辟雍錄先是朝廷以拓土爲功邊帥爭與利以徵賞凡蜀東西夔峽路及荆湖廣南皆誘近邊蕃夷獻其地之不可耕者謂之納土因置州縣所至騷然重以其利害白之宰相因是薦之召對遷吏部員外郎左司郎官起居舍人金人入京師重言開邊之禍起於重賈故金人以賈爲禍首若斬賈首遣人傳送于金尙可緩兵或獻議遠避重聞衛士語以告于朝始定守城之計擢右諫議大夫時宰執各主和戰二議重上疏乞命其廷辨得失金人要求金帛中書侍郎王孝迪下令有匿金銀者死許人告重曰如此則子得以告父弟得以告兄奴婢得以告主矣豈初政所宜即與御史抗論乃止又累疏乞斬蔡京父子以謝天下尋遷中書舍人詞命多所繳奏又言近世不次用人其間致身宰輔有未嘗一日出國門者乞先補外以爲之倡上聞納而宰相執奏以爲不可明日臺諫皆得罪重落職知同州金人已陷晉絳將及同重度不能守乃開門縱州人使出自以殘兵數百守城以示必死金人疑有備不復渡河而返降詔獎諭擢天章閣待制先是陝西宣撫使范致虛提五路兵動王至陝州重遣致虛書言中都倚秦兵爲爪牙諸夏恃京師爲根本今京城圍久人無鬥志若五路之師遠巡未進則所以爲爪牙者不足恃而根本搖矣然潰卒爲梗關中公私之積已盡又聞西夏侵掠鄜延爲腹背患今莫若移檄蜀帥及川陝西路共資關中守禦之備合秦蜀以衛王室致虛銳於出師由灑池屯千秋鎮爲金將所敗軍皆潰退保潼關而五路之力益耗矣重募人間道走京城歸報二帝既

北行重即移檄川秦十路帥臣各備禮物往軍前迎奉未幾高宗即位重上疏論今急務有四大患有五所謂急務者以車駕西幸為先次則建藩鎮封宗子通夏國之好繼青唐之後使相犄角以緩敵勢所謂大患者法令滋彰朝綱委靡軍政敗壞國用竭民心離欲救此者宜守祖宗成憲登用忠直大正賞刑誠今日之急務長安謀帥劉岑自河東使還上亦詢可守關中者岑以重對乃以天章閣直學士知京兆府尋兼京兆府路經略制置使重前在同州凡三疏上大元帥府乞蚤臨關中以符眾望且畫三策一謂鎮撫關中以固根本然後營屯於漢中開關於西蜀此為策之上若駐節南陽控楚吳越齊趙魏之師以臨秦晉之墟視敵強弱為進退選宗親賢明者開府於關中此為策之次儻因都城再治城池汙落之境據成皋崤函之險悉嚴防守此策之下若引兵南度則國勢微弱人心離散此最無策暨至永興又六上疏皆以車駕幸關中為請并條奏關中防河事宜大意謂號陝殘破解州河中已陷同華州沿河與金人對壘邊面亘六百餘里本路無可戰之兵乞增以五路兵馬十萬以上委漕臣儲侍以守關中章凡七八上朝廷未有所處重復上疏曰關中百二之勢控制陝西六路捍蔽川陝四路今蒲解失守與敵為鄰關中固則可保秦蜀十路無虞緣逐路帥守監司各有占護不相通融昨范致虛會合勤王之師非不竭力而將帥各自為謀不聽節制乞選宗親賢明者充京兆牧或置元帥府令總管秦蜀十道兵馬以便宜從事應帥守監司並聽節制緩急則合諸道之兵以衛社稷不惟可以禦敵亦可以救郡縣瓦解之失又乞節制五路兵俱不報金將婁宿渡河陷韓城縣時京兆餘兵皆為經制使錢蓋調赴行在重度勢不可支以書別其父克臣曰忠孝不兩立義不苟生以辱吾父克臣報之曰汝能以身殉國含笑入地矣及金人入境重遺書轉運使李唐孺曰重平生忠義不敢辭難始意迎車駕入關居建瓴之勢庶可以臨東方今車駕南幸矣關陝又無重兵雖竭智力何所施一死報上不足惜及金兵圍城城中兵不滿千固守踰旬外援不至而經制副使傅亮以精銳數百奪門出降城陷重以親兵百人血戰諸將扶重去重曰死吾職也戰不已眾潰重中流矢死初唐孺以其書聞俄以死

節報上哀悼之贈資政殿學士後諡恭愍

郭忠孝字立之河南人簽書樞密院事遠之子受易中庸於程頤少以父任補右班殿直遷右侍禁登進士第換文資授將作監主簿年踰三十不忍去親側多仕于河南第庫間宣和間為河東路提舉解梁猗氏與河東接壤盜販鹽者數百為羣歲起大獄轉相告引抵罪者眾忠孝止治其首餘悉寬貸宰相王敵怒之坐廢格鹽法免靖康初召為軍器少監入對以和議為非是力陳追擊之策謂兵家忌深入金人自燕薊與兵踰河朔犯都城其鋒不可當今銳氣且衰又顧子女玉帛之獲故議和以款我師今諸道之師集矣宜乘其惰擊之若不能擊其歸他日安能禦其來上命與宰相吳敏樞密李綱議忠孝復條上戰守利害士馬分合之策十餘事主和者眾卒不用其策改永興軍路提點刑獄措置保甲初議者請擇保甲十萬刺為義勇分隸河朔諸郡忠孝曰保甲歲久死亡者眾擇三萬人守都城可也河朔騎兵之地非保甲所宜上從之忠孝亟走關陝得勝兵三萬分隸十將擇一將統之繼遣兵趨澤潞聽宣撫司節制金人再犯京師永興帥范致虛率諸軍繇滑澠入援忠孝曰金人深入而河東無守備願分兵走太行扼其歸路彼必來戰城下之圍可緩致虛以為然檄河中守席益馮珉守唐重與忠孝同出河東為牽制之舉大軍盡出函谷忠孝獨以蒲解軍三千至猗氏遇金人破之踰絳州破太平砦斬首數百級攻平陽入其郭會大軍失利滑澠間乃引還及金人犯永興兵寡或勸忠孝以監司出巡可以避禍忠孝不答與經略唐重分城而守忠孝主西壁唐重主東壁金人陳城下忠孝募人以神臂弓射之敵不得前已而攻陷城東南隅忠孝與重及副總管楊宗閔轉運副使桑景詢判官曾謂經略主管機宜文字王尙提舉軍馬武功大夫程迪俱死之朝廷贈忠孝大中大夫子雍別有傳

程迪字惠老開封人父博古部郎廷兵戰死永樂迪以門蔭得官宣和中從楊惟中征方臘有功加武功大夫榮州團練使隴南潼川府路走馬承受公事諸使合薦迪忠義謀略可任將帥召赴行在經略制置使唐重以敵迫近留迪提舉軍馬措置民兵以為備金人已自同州渡河或勸迪還蜀迪思有以報國不

從乃詣种氏諸豪謀率眾保險俟其勢稍衰出奇擊之轉運使桑景詢知其謀以告唐重搗勝許民擇險自固會前河東經制使傅亮建議當守不當避重從之以亮為制置副使去者悉還既而金兵益迫重乃以迪提舉承與路軍馬措置民兵令迪行視南山諸谷將運金帛徙治其中因召土豪集民兵以補軍籍會應募者眾亮語重曰人心如此假以旬日守備且具奈何望風棄去重大然之即檄諸司聽亮節制金人近城迪又欲選兵迎戰使老稚得趣險尚可以活十萬人亮執議城守金人四面急攻外無援兵迪率諸司及統制偏裨以下東鄉會盟危急必以死相應誓不與敵俱生慷慨嗚咽同盟皆感泣城破乃自亮所分地始亮先出降眾潰迪率其徒行徇于眾曰敵誓我矣降亦死戰亦死努力與鬥憤怒大呼口流血士皆感奮多所斬殺迪冒飛矢持短兵接戰數十合身被創幾徧絕而復蘇猶厲聲叱戰不已遂死之麾下士昇置空室中比屋皆燼室獨不火及歛容色如生詔贈明州觀察使諡恭愍子昌諱。

徐徽言字彥猷衢之西安人少為諸生汎涉書傳負氣豪舉有奇志喜談功名事大觀二年詔求材武士韓忠彥范純粹劉仲武以徽言應詔召見崇德殿賜武舉絕倫及第歷保德軍監押以邊功加閤門祗候平陽府軍馬鈐轄權知保德軍改總領河西軍馬以討西夏功累遷兼議郎宣和四年將伐燕命太原帥張孝純招河西帳族遣徽言入其地帳族拒而射之徽言迎戰破之遂定天德雲內兩城宣撫使重賈嫉其功檄太原不得違節度復棄去孝純先定朔武二州亦不能守改知火山軍兼統制河西軍馬徙赴石州靖康初遷武翼郎閤門宣贊舍人金人圍太原分兵絕饗道自隰石以北命令不通者累月徽言以三十人渡河一戰破之遷武經郎知晉寧軍兼嵐石路沿邊安撫使金人再犯京師陝西制置使范致虛糾合五路兵赴難檄徽言守河西欽宗割兩河以紓禍同知樞密院事壽昌出河東為金人所劫以便宜割河西三州隸西夏晉寧軍民大恐曰棄麟府豐晉寧豈能獨存徽言曰此使人矯詔耳三郡在河西設有詔猶當執奏況無之耶遂率兵復取三州夏人所置守長皆出降徽言獻遣之又并取嵐石等州教戈缸卒乘羊皮渾脫亂流以掩敵金人益備克胡峇吳堡

津遣守領為九州都統與晉寧對壘徽言出奇兵襲逐之時河東郡縣淪沒遺民日僕王師之至徽言除結汾晉土豪數十萬約復故地則奏官為守長聽世襲條其事以聞俟報可即身率精甲擣太原徑取鴈門留兵戍守且曰定全晉則形勝為我有中原當指期克復投機一時會不可失奏上詔徽言聽王庶節制議遂格金人忌徽言欲速拔晉寧以除患建炎二年冬自蒲津涉河圍之先是徽言移府州約折可求夾攻金人可求降金將婁宿挾至城下以招徽言徽言故與可求為姻迺登障以大義囑數之可求仰曰君於我胡大無情徽言攝弓厲言曰爾於國家不有情我尚於爾何情寧惟我無情此矢尤無情一發中之可求走因出兵縱擊遂斬婁宿李董之子當是時環河東皆已陷獨晉寧屹然孤墉橫當強敵勢相百不抗徽言堅壁持久撫摩疲傷遣沒人泗河召民之逃伏山谷者幾萬眾泮筏西渡與金人壘河上大小數十戰所俘殺過當晉寧號天下險徽言廣外城東壓河下塹不測譙堞雄固備械甚整命諸將畫隅分守敵至則自致死力以勁兵往來為游援金進攻數敗不得志圍之益急晉寧俗不井飲寄汲于河金人載荃石墮壅支流城中水乏絕儲待饑罄鎗仗空敵人人惴憂知殞亡無日徽言能得眾心奮枵餓傷夷之餘夏折契斷刃以死固守既自度不支取砲機範格凡守具悉火之曰無以遺敵遣人問道馳書其兄昌言曰徽言孤國恩死矣兄其勉事君一夕裨校李位石斌繫帛書飛箭上陰約婁宿啓外郭納金兵徽言與太原路兵馬都監孫昂決戰鬥中所格殺甚眾退嬰牙城以守金人攻之不已徽言置妻子室中積薪自焚仗劍坐堂上慷慨語將士我天子守上臣義不見讎敵手因拔佩刀自擬左右號救持之急金兵狎至挾徽言以去然猶懼其威名婁宿得徽言所親說徽言盡具冠鼓見金帥徽言斥曰朝章朝君父禮以入穹廡可乎汝汗偽官不即愧死顧以為榮且為敵人搖吻作說客邪不急去吾力猶能搏殺汝婁宿就見徽言語曰二帝北去爾其為誰守此徽言曰吾為建炎天子守婁宿曰我兵已南矣中原事未可知何自苦為徽言怒曰吾恨不屍汝輩歸見天子將以死報太祖太宗地下庸知其他婁宿又出金制曰能小屈當使汝世帥延安舉陝地并有之徽言益怒罵

曰吾荷國厚恩死正吾所此膝詎為汝輩屈耶汝當親刃我不可使餘人見加
妻宿舉戟向之朝其懼伏徽言披衽迎刃意氣自若飲以酒持杯擲妻宿曰我
尚飲汝酒乎慢罵不已金人知不可屈遂射殺之粘罕聞其死怒妻宿曰爾輩
復何專殺義人以逞爾私治其罪甚慘初徽言與劉光世束髮雅故光世被命
援太原次吳堡津輒頓不進徽言移書趣行未聽又諭以太原危不守巨暮望
救總管承詔赴急不宜稽固取方命罪光世猶前卻徽言即露章劾其逗撓封
副與之光世惶遽引道官撫使張浚與諸使者相繼以死節事聞高宗撫几震
悼顧謂宰相曰徐徽言報國死封疆臨難不屈忠貫日月過於顏真卿段秀實
遠矣不有以寵之何以勸忠昭示來世乃贈晉州觀察使諡忠壯再贈彰化軍
節度祁昂亦引刀欲自刺金人擁至軍前不屈而死至是贈成忠郎團練使徽
言子岡既同死事而從孫適亦以守安豐死昂父珣宣和末知朔寧府救太原
死于陣各世著忠義云

向子韶字和卿開封人神宗后從姪也年十五入太學登元符三年進士第
特恩改承事郎授荆南府節度判官累官至京東轉運副使屬郡郭奉世進萬
緡羨餘戶部尋昌請賞之以勸天下子韶勅奉世且言近臣首開聚斂之端寢
不可長士論建之以父憂免起復知淮寧府建炎二年金人犯淮寧子韶率諸
弟城守論士民曰汝等墳墓之國去此何之吾與汝當死守時有東兵四千人
第三將岳景毅欲棄城率軍民走行在子韶不從景毅引兵迎敵而死金人晝
夜攻城子韶親擐甲曹冒矢石遣其弟子率赴宗澤乞援兵未至行在子韶率
軍民巷戰力屈為所執金人坐城上欲降之酌酒於前左右抑令屈膝子韶直
立不動戟手責罵金人殺之其弟新知唐州子襄朝請即子家等與閩門皆遇
害惟一子瀟六歲得存事聞再贈通議大夫官其家六人後謚忠毅初金人至
淮寧府楊時聞之曰子韶必死矣蓋知其素守者云

楊邦乂字晦稷吉州吉水人博通古今以合選登進士第遭時多艱每以節義
自許歷婺源尉斬廬建康三郡教授改秩知溧陽縣會叛卒周德據府城殺官
吏邦乂立縣獄囚趙明於庭欲誅之因論之曰爾蒸里中豪傑誠能集爾徒為

邑人誅賊不惟宥爾罪當上功昇爵明即請行邦乂飲之屈酒使自去越翼日
討平之建炎三年金人至江上高宗如浙西留右僕射杜充為御營使駐劄建
康命劉光世韓世忠王瓌諸將悉聽充節制充性酷而無謀士心不附渡瀾沙
充遣陳淬岳飛等及金人戰于馬家渡自辰至未戰數合勝負未決瓌擁兵弗
救淬被擒瓌兵遁充率麾下數千人降金人濟江賊行逼城時李稅以戶部尚
書董軍餉陳邦光以顯謨閣直學士守建康皆具降狀逆之十里亭金帥完顏
宗弼既入城稅邦光率官屬迎拜惟邦乂不屈膝以血大書衣裾曰寧作趙氏
鬼不為他邦臣宗弼不能屈翼日遣人說邦乂許以舊官邦乂以首觸柱礎流
血曰世豈有不畏死而可以利動者速殺我翼日宗弼等與稅邦光宴堂上立
邦乂于庭邦乂叱稅邦光曰天子以若扞城敵至不能抗更與共宴樂尚有面
目見我乎有劉團練者以幅紙書死活二字示邦乂曰若無多云欲死趣書死
字邦乂奮筆書死字金人相顧動色然未敢害也已而宗弼再引邦乂邦乂不
勝憤遙望大罵曰若女真圖中原天寧久假汝行礮汝萬段安得汗我宗弼大
怒殺之剖取其心年四十四事聞贈直秘閣賜田三頃官為斂葬即其地賜廟
褒忠謚忠襄官其四子邦乂少處郡學目不視非禮同舍欲贖其守拉之出託
言故舊家實娼館也邦乂初不疑酒數行娼女出邦乂愕然疾趨還舍解其衣
冠焚之流涕自責紹興七年樞密院言邦乂忠節顯著上曰顏真卿異代忠臣
朕昨已官其子孫邦乂為朕死節不可不厚褒錄以為忠義之勸加贈徽猷閣
待制增賜田三頃

宋史卷四百四十七

元中書右丞相總裁脫脫等修
列傳第二百七

忠義三

曾志 第悟

劉汲

鄭驥

呂由誠

郭永

韓浩 朱庭傑

王允功

王蔚

歐陽珣

張忠輔

李彥仙 鄧雲

宋炎

趙立 王復

王忠植

唐琦

李震

陳求道

曾志字仲常中書舍人鞏之孫補太學內舍生以父任郊社齋郎累官司農丞

通判温州須次于越建炎三年金人陷越以曾入為帥約詰日城中文武官並

詣府有不至及藏匿不覺察者皆死志獨不往為隣人糾察逮捕見曾入辭氣

不屈且言國家何負汝乃叛盟欺天恣為不道我宋世臣也恨無尺寸柄以死

國安能貪生事爾狗奴邪時金人帳中執兵者皆愕眙相視曾入曰且令出左

右盡驅其家屬四十口同日殺之越南門外越人作窖瘞其屍金人去志弟朝

散郎忌時知杭州餘杭縣事製大棺斂其骨葬之天柱山事聞予三責恩澤官

其弟恂子密兄弟皆將仕郎方遇難時密甫四歲與乳母張皆死夜值小雨

張得蘇願見密亦蘇尚吮其乳郡卒陳海匿密以歸後仕至知南安軍志從弟

悟

悟字蒙伯翰林學士鞏之孫也宣和二年進士靖康間為亳州士曹金人破亳

州悟被執抗辭慢罵眾刃刺之屍體無存者妻孥同日被害年三十三

劉汲字直夫眉州丹陵人紹聖四年進士為合州司理武信軍推官改宣德郎

知開封府鄆陵縣奉行神霄宮不如令以京畿轉運使趙霆奏從通判隆德府

時方士林靈素用事郡人班自改易繫辭為妖言以應靈素汲攝守下自獄靈

素薦自有道命轉運使陳知存按驗據史懼欲變汲責數據史知存憚之卒

以實聞通判河中府辟開封府推官自感章等尹京果於誅殺率取特旨以快

意汲每白府奏罷之宰相王黼初領應奉司汲對客輒詆之黼聞奏請監蓬州

稅欽宗召赴闕汲奏願得驅馳外服治兵食以衛京師時置京西轉運司于鄆

州以汲添差副使建炎元年范致虛師至陝汲貽書勸以一軍自蒲中越河陽

焚金人積聚絕河橋一軍自陝路直抵鄭許與諸道連衡敵必解散致虛以書

謝汲而行金人再犯京師諸道不知朝廷動息者三月馮延緒傳詔撫諭謂車

駕出郊定和議令諸道罷兵汲謂副總管高公純曰詔書未可遽信公純問故

汲曰詔下以去年十二月鄧去京七百里今始至州何也安有議和以三月而

敵猶未退乎此必金人脅朝廷以款勤王之師爾可速進兵公純難之汲請自

行公純不得已俱至南陽不進汲獨馳數十騎赴都城二帝已北行汲素服慟

哭尋代公純攝帥事捐金帛饗士為戰守計詔鄧州備巡幸汲廣城池飾行闕

所以待乘輿之具甚備就加直龍圖閣知鄧州兼京西路安撫使汲奏欲復兩

河當先河東欲復河東當用陝兵請先從事河東以定西河之根本於是金人

復渡河謀知鄧州為行在所命其將銀朱急攻京西汲遣副總管侯成林守南

陽金人奄至殺成林汲集將吏謂曰吾受國恩恨未得死所金人來必死汝有

能與吾俱死者乎皆流涕曰惟命民有請涉山作砦以避敵者汲曰是棄城矣

然若屬俱死無益乃下令曰城中有材武願從軍者聽留餘從便得敢死士四

百人又令曰凡仕於此其聽送其家寅出午反違者從軍法眾皆感服無一人

失期及南陽陷命將戚鼎將兵三千逆戰及命斬儀與趙宗印分西南門掩之

汲自以牙兵四百登陣望見宗印從間道遁即自至鼎軍中麾其眾陣以待敵

至皆死鬪敵却俄而儀敗金人攻之益急矢下如雨軍中請汲去汲不許曰使

敵知安撫使在此為國家致死敵大至汲死之事聞贈大中大夫諡忠介

鄭驥字潛翁信之玉山人登元符三年進士第知溧陽縣歲饑民多逃亡漕司

按籍督逋賦不少貸驥患之盡去其籍使者欲繩以法驥曰著令約二稅為定

數今不除則逋愈多民愈貧賦愈不辦使者不能屈時議自建康壑漕渠導太

湖以通大江將破數州民田調江浙二十五州丁夫所費百萬計朝廷遣官視

可否驥條析利病力止之通判岢嵐軍改慶陽府姚古奏為熙河蘭鄆路經略

司屬官錢蓋自渭易熙奏辟幕下地震秦隴金城六城壞驥為蓋言六城熙河

重地宜趣繕治。因自請董兵護築，益機難新堡六百步，以控西夏。堡成，以功遷官。賜緋衣銀魚，膺廝羅氏舊據青唐，置西寧州。童顛入朝，其弟益麻党征走西夏。大觀中，羌人假其名歸附，童賈奏賜姓名趙懷恭，官團練使。至是，党征自西寧求歸，賈懼事露，議者希賈意欲絕之。讓謂賈欺君，請辨其偽。賈怒，將厚誣以罪，會敗而止。擢京兆府等路提舉常平，讓按格為常平總目十卷，頒之所部。時陝右大稔，讓奏乞以所部本息乘時廣糴，得米六十萬斛。高宗初，以直秘閣知同州，兼沿河安撫使。時謀巡近甸，金陵、南陽、長安為駐蹕計。讓言：南陽、金陵偏方，非與王地。長安四塞天府之國，可以駐蹕。會帝幸楊州，復請自楚汴洛以迄陝華，各募精兵，首尾相應，庶敵勢不得衝決。不報。金將重宿犯同州，及韓城，讓遣兵拒險擊之，師失利。金人乘勝徑至城下，通判以下皆遁去。讓曰：所謂太守者，守死而已。翼日城陷，讓赴井死。贈通議大夫，樞密直學士，諡威愍。詔賜廟愍節，讓在熙河，嘗撫熙寧迄政和，取建置之迹，為拓邊錄十卷。兵將蕃漢雜事，為別錄八十卷。圖畫西蕃夏回鶻盧甘諸國人物圖畫，為河隴人物志十卷。序贊普迄漢巴溫董氈世族，為蕃譜系十卷。

呂由誠，字子明，御史中丞誨之子。幼明爽，有智略。范鎮、司馬光，父友也，皆器重之。以父恩補官，調鄧州酒稅，臨事精敏。老吏不能欺，嘗兵竊發，聚眾閉城，守貳逃匿。由誠親往招諭，賊斂兵聽命。以功遷秩，尋擢提舉三門白波鞏運。言者謂其資淺，罷之。知合水縣。王中立種諤往靈州，由誠部運隨軍。天寒食盡，他邑役夫多潰去。唯由誠所部分無失者。尋改知乘氏縣。丞相呂大防為山陵使，辟為屬。通判成都府。知雅嘉溫綿四州。復知嘉州。皆有治績。靖康元年，宰相唐恪薦由誠剛正有家法，宜任臺臣。召至京師，與恪議不合。且憂其蓄縮，不足以濟時艱，力辭求退。差知襲慶府。未及出關，金人再入，陷京師。立張邦昌，以兵脅士大夫臣之。由誠微服得免。時羣盜所在竄起，由誠崎嶇至郡。城圯糧竭，於是晝夜為備。版築甫就，劇賊李昱擁十萬眾奔至城中。知其有備，陽受元帥府招安而去。康王移軍濟陽，由誠竭力饋餉。軍以不乏，遣官屬王允恭奉表勸進。時京東諸郡兵驕多內訌，獨由誠循循有方。士樂為用。前後數被攻圍，屹然自立。

羣盜中救援皆絕，孔彥舟以鄆兵叛，首犯郡境。攻之累旬不能下，始引去。胡選者，衆尤殘暴，攻由誠，示必取。由誠夜焚其攻具，直入帳下，賊駭散，不知所為。忽解圍去。一日，金兵四集，由誠嚴立賞罰，厲以忠義，守兵爭奮。晝夜警備，金人百道攻城，矢石如雨。人無叛志。郡官有迎降者，執而械之。判官趙令佳、同心善守，城陷，俱被執。金人欲生降之，由誠不屈。乃殺其子仍於前。由誠不顧，與令佳同遇害。子僕與其家四十口皆被執，無生還者。南北隔絕，其孫紹清留蜀，後自蜀走江浙，訪由誠生死，遇令佳之子彝于江陰。知令佳與由誠同死，被襲典，乃懇于朝，詔贈由誠三官，為通奉大夫與二子恩澤。

郭永，大名府元城人，少剛明勇決，身長七尺，鬚髯若神。以租任為丹州司法參軍，守武人，為姦利無所忌。永數引法裁之，守大怒，威臨永，永不為動。則謬為好言，薦之朝。後守欲變具獄，永力爭不能得。袖舉牒還之，拂衣去。調清河丞。尋知大谷縣。太原帥率用重臣，每宴饗費千金，取諸縣以給。敵諸大谷者尤亟，永以書抵幕府曰：非什一而取，皆民膏血也。以資饒豆之費，可乎？脫不獲命，令有投劾而歸耳。府不敢迫，縣有潭出雲雨，歲旱，巫乘此譁民。永杖巫暴日中，兩立至。縣人刻石紀其異。府遣卒數輩號警盜，刺諸縣短長，遊蠹不歸，莫敢許。永械致之府。府為并它縣追還。於是部使者及郡文移，有不便於民者，必條利病反復，或遂寢而不行。或謂永，世方雷同，毋以此買禍。永曰：吾知行吾志而已。違恤其它，大谷人安其政。以為自有令無永比者。既去，數年復過之，則耆稚遮留，如承始去。調東平府司錄參軍。府事無大小，永咸決之。吏有不能辨者，私相斬曰：爾非郭司錄耶？通判鄭州。燕山兵起，以永為其路轉運判官。郭藥師屯邊，怙恩暴甚，與民市不償其直，復毀之。至壞目折支，乃已。安撫使王安中莫敢問。永白安中：不治且難制，請見而顯責之。不從。則取其尤者磔之市。乃見藥師曰：朝廷負將軍乎？藥師驚曰：何謂也？永曰：前日將軍杖策歸朝廷，上推赤心置將軍腹中，客遇之禮無所不至。而將軍未有尺寸功報上也。今乃倚將軍為重，乃縱部曲戕民，不禁平居尚爾。如緩急何？藥師雖謝，無愧容。永謂安中曰：它日亂邊者必此人也。已而安中罷，永亦辭去。移河北西路提舉常平。會金人趨京師，所過

城邑欲立取之。是時天寒，城池皆凍，金率藉冰梯城，不攻而入。永適在大名聞之，先弛濠漁之禁，人爭出漁，冰不能合，金人至城下，睥睨久之而去。遷河東提點刑獄時，高宗在揚州，命宗澤守京師，澤厲兵積粟，將復兩河，以大名當衝要，檄永與帥杜充漕張益謙相犄角。永即朝夕謀戰守具，因結東平權邦彥爲援，不數日，聲振河朔。已沒州縣，皆復應官軍，金人亦畏之不敢動。居亡何，澤卒，充守京師，以張益謙代之，而裴億爲轉運使，益謙儻齷小人，會范瑄脅邦彥南去，劉豫舉濟南來寇，大名孤城無援，永率士晝夜乘城，伺間則出兵狙擊，或勸益謙委城遁，永曰：「北門所以蔽遮梁宋，彼得志則席卷而南，朝廷危矣。借力不敵，猶當死守，徐劉其鋒，待外援之至，奈何棄之？」因募士齋帛晝夜緹城出，告急朝廷，乞先爲備，攻圍益急，俘東平濟南大呼城下曰：「二郡已降，降者富貴，不降者無唯類，益謙輩相顧色動。」永大言曰：「今日正吾儕報國之時，又行城撫將士曰：『王師至矣，吾城堅完可守，汝曹努力，敵不足畏也。』衆感泣，質明大霧四塞，豫以車發斷碑殘礎，攻城樓櫓皆壞，左右蒙盾而立，多碎首者。良久，城陷，永坐城樓上，或被之以歸，諸子環泣請去，永曰：「吾世受國恩，當以死報，然巢傾卵覆，汝輩亦何之？茲命也。」奚懼？益謙億率衆迎降，金人曰：「城破始降，何也？」衆以永不從爲辭，金人遣騎召永，永正衣冠南向再拜，訖易幅巾而入，黏罕曰：「沮降者誰？」永熟視曰：「不降者我，金人奇永狀貌，且素聞其賢，乃自相語，欲以富貴啗永，永瞋目唾曰：『無知犬豕，恨不醢爾以報國家。』何說降乎？怒罵不絕，金人諱其言，麾之使去，永復厲聲曰：『胡不速殺我，死當率義鬼滅爾曹。』大名人在繫者，無不以手加額爲之出涕，金人怒，斷所舉手，乃殺之。一家皆遇害，雖素不與永合者，皆面慟，金人去，相與負其屍瘞之。永博通古今，得錢即買書，家藏書萬卷，爲文不求人知，見古人立名節者，未嘗不慨然掩卷終日，而尤慕顏真卿爲人，充之守大名，名稱甚盛，永嘗畫數策見之，它日問其目，曰：「未暇讀也。」永數之曰：「人有志而無才，好名而遺實，驕蹇自用而得名聲，以此當大任，鮮不顛沛者。公等足與爲治乎？」充大慚。靖康元年冬，金人再犯京師，中外阻絕，或以兩宮北狩告永者，永號絕仆地，家人舁歸，不食者數日，聞大元帥府檄書至，始勉彊一餐，其忠義蓋

天性然。紹興初，贈中大夫，資政殿學士，諡勇節，官其族數人。韓浩，丞相琦孫，以奉直大夫守濰州，建炎二年，金人攻城，浩率衆死守，城陷，力戰死，通判朱庭傑身被數箭亦死，權北海縣丞王允功，司理參軍王薦，皆全家陷沒，浩特贈三官，官其家三人。庭傑尤功，薦各官其家一人。朝議大夫周中世居濰州，宰家人乘城拒守，中弟辛，家最富，盡散其財以享戰士，城陷，中闔門百口皆死。紹興六年，以周辛請贈官。歐陽珣，字全美，吉州廬陵人，崇寧五年進士，調忠州學教授，南安軍司錄，知鹽官縣，以薦上京師，遇國難，及出使，加將作監丞，金人犯京師，朝議河河北絳磁深三鎮地，珣與珣率其友九人上書，極言祖宗之地，尺寸不可以與人，及事急，會羣臣議，珣復抗論，當與力戰，戰敗而失其地，它日取之，直不戰而割其地，它日取之，曲時宰怒，欲殺珣，珣遣珣奉使割深州，珣至深州，城下，慟哭謂城上人曰：「朝廷爲姦臣所誤，至此，吾已辦一死來矣，汝等宜勉爲忠義報國，金人怒，執送燕焚死之。」

張忠輔，宣和末爲將，同崔中折可與守崞縣，金人來攻，嬰城固守，率士卒以死拒敵，中度不可支，有二心，忠輔宣言于衆曰：「必欲降，請先殺我。」中設伏給約議事，斬忠輔首，擲陣外，以示金人，既開城門，可與不屈見殺，可與兄可求，建炎中言于朝，官可與之子五人，而忠輔不與，士論惜之。李彥仙，字少嚴，初名孝忠，寧州彭原人，徙鞏州，有大志，所交皆豪俠，士閑騎射，家極邊，每出必陰察山川形勢，或睨敵人縱牧，取其善馬以歸，嘗爲神師中部，曲入雲中，獲首級，補校尉，靖康元年，金人犯境，郡縣募兵，勤王，遂率士應募，補承節郎，李綱宣撫兩河，上書言綱不知兵，恐誤國，書聞，下有司追捕，乃亡去，易名彥仙，以效用從河東軍，謀金人還，復補校尉，河東陷，彥仙拔歸，道出陝，以兵事見守臣李彌大，彌大與語，壯之，留爲裨將，戍殺滎，聞金人再犯汴，永興帥范致虛合西兵入援，彥仙遮說曰：「殺滎道險難，以衆進，不若分兵而前，留其半於陝，可爲後圖，致虛怒其沮衆，罷遣之，師至千秋，果敗，官吏皆遁，時彥仙爲石壕尉，堅守三鶩，民爭依之，下令曰：『尉異縣人，非如汝室墓於此，今尉爲汝守，若

不悉力。金人將尸汝於市，眾皆奮。金人攻三賢，彥仙戰伴北，金人追之，伏發，掩殺千計，分兵四出，下五十餘壁。初，金人得陝，用降者守之，使招集散亡。彥仙陰遣士廁其間，金人不覺，乃引兵攻其南郭。夜，潛師薄東北隅，所納士內應，謀而入。復陝州，乘勝渡河，列柵中條諸山，旁郡邑皆響附。分遣邵雲等下絳，解諸邑吏行文書，請州印章。彥仙曰：「吾以尉守此，第用吾印。」事聞，上謂輔臣曰：「近知彥仙與金人戰，再三獲捷，朕喜而不寐，即命知陝州兼安撫使、選武節郎閻門宣贊舍人彥仙、蒐軍實、增陝、漆、益為戰守備，盡取家屬以來。曰：「吾以家徇國，與城俱存亡。聞者感服。邵與在神稷山，以其眾來，願受節制。彥仙辟與統領河北忠義軍馬屯三門，後賴其力復虢州。金將烏魯撒拔再攻陝，彥仙極力禦之，金人技窮而去。三年，婁宿悉兵自蒲解大入，彥仙伏兵中條山擊之，金兵大潰。婁宿僅以身免，授右武大夫、寧州觀察使，兼同虢州制置。彥仙度金人必併力來攻，即遣人詣宣撫使張浚，求三千騎。俟金人攻陝，即空城渡河北，趨晉絳并汾，搆其心腹。金人必自救，乃繇嵐石西渡河，道鄆延以歸。浚勸彥仙空城清野，據險保聚。俟隙而動，彥仙不從。婁宿率叛將折可求、眾號十萬來攻，分其軍為十，以正月旦為始，日輪一軍攻城，聚十軍併攻。期以三旬必拔。彥仙意氣如平常，登譙門大作技樂，潛使人縋而出，焚其攻具。金人愕而卻，食盡，煮豆以啖其下，而取汁自飲。至是亦盡，告急于浚。浚聞道以金幣使犒其軍，檄都統制曲端將涇原兵來援。端素疾彥仙，出已上，無出兵意。浚暮官謝昇言於浚曰：「金旦暮下陝，則全據大河，且窺蜀矣。浚乃出師，至長安，道阻不得進。裨將邵隆呂圓登、楊伯孫自外來援，聞關傷，僅有至者。彥仙日與金人戰，將士未嘗解甲。婁宿雅奇彥仙才，嘗啗以河南兵馬。元帥彥仙斬其使，至是使人呼曰：「即降界前秩。彥仙曰：「吾寧為宋鬼，安用汝富貴為？」命彥弩一發斃之。設鉤索日鉤取金人，春斷城上殺傷相當。守陝者傷夷日盡，金益急攻城。陷彥仙率眾巷戰，矢集身如蝟，左臂中刃，不斷，戰愈力。金人惜其才，以重賞募人生致之。彥仙易敝衣走渡河曰：「吾不可以身受敵人之刃，既而聞金人縱兵屠掠，金人所以甘心此城，以我堅守不下故也。我何面目復生乎？」遂投河死。年三十六。金人害其家，

惟弟妻子毅得免。浚承制贈彥仙彰武軍節度使，建廟商州，號忠烈，官其子。給宅一區，田五頃。紹興九年，宣撫使周聿請即陝州立廟，名義烈。後以商陝與金人徙，其廟闕。州乾道八年，易盜忠威。彥仙頎而長面，嚴厲不可犯，以信義治陝。犯令者雖貴不貸，與其下同甘苦。故士樂為用，有籌略，善應變，嘗略地至青澗，猝遇金人，眾愕眙。彥仙依山植疑幟，徐據柳林，解甲自如。金人疑有伏，引去。彥仙追襲於隘，殲死相枕，關以東皆下。陝獨存，金人必欲下陝，然後併力西向。彥仙以孤城扼其衝，再踰年，大小二百戰，金人不得西。至城陷，民無貳心。雖婦女亦升屋以瓦擲金人，哭李觀察不絕。金人怒，屠其城，全陝遂沒。裨將邵雲、呂圓登、宋炎、賈何、閻平、趙成皆死，並贈官，錄其家。

邵雲，龍門人。金人陷蒲城，雲聚少年數百，壁山谷。時出撓之，會邵隆起兵，雲往從之。約為兄弟，聞胡夜叉者眾彊，乃舉所部聽命。李彥仙嘗假夜叉官，夜叉意不滿，掠南原而去。彥仙誘殺之，雲欲攻陝，彥仙遣客說以義，遂來歸。累有功，官至武翼郎，閻門宣贊舍人。城破被執，婁宿欲命以千戶，長雲不屈。婁宿怒，釘雲五日而磔之。金人有就視者，猶咀血噴其面，至扶掖擗肝，罵不絕。

呂圓登，夏縣人。嘗為僧，後以良家子應募，捍金人清澗。彥仙保三賢，圓登歸之，功最多。為愛將，城垂破，以兵來援，身重創，持彥仙泣曰：「圍久不知公安否？今得見公，且死無恨。」創身方臥，聞城陷，遽起戰死。

宋炎，陝縣人。曠張命，中補秉義郎。先金人圍城，炎射死數百人，比再圍，炎以勁弩數百發毒矢，殺千餘人。城陷，金人聲言求善射者，貴之，炎不應。力戰死。

趙立，徐州張益村人。以敢勇隸兵籍，靖康初，金人大入，盜賊羣起，立數有戰功。為武衛都虞候，建炎三年，金人攻徐王，復拒守，命立督戰，中六矢，戰益厲，復壯其勇，酌卮酒揮涕勞之。城陷，復與其家皆死。獨子佾先去，州教授鄭襄亦罵敵而死。城始破，立巷戰，奪門以出。金人擊之死，夜半得微雨而蘇，乃殺守者入城，求復屍，慟哭手瘁之。陰結鄉民為收復計，金人北還，立率殘兵邀擊，斷其歸路。奪舟船金帛以千計，軍聲復振。乃盡結鄉民為兵，遂復徐州。詔授思邛郎，權知州事。立妻為復立廟，每遇歲時及出師，必帥眾泣禱曰：「公為朝廷死，必能陰祐。」

其遺民也。齊人聞之，歸心焉。時山東諸郡，莽爲盜區，立介居其間，威名流聞。累遷右武大夫、忠州刺史。會金左將軍昌圍楚州，急遣守賈敦詩欲以城降，宣撫使杜充命立將所部兵往赴之。且戰且行，連七戰勝，而後能達楚。兩城中流矢不能言，以手指麾，既入城，休士而後拔鐵詔以立守楚州。明年正月，金人攻城，立命撤廢屋，城下然火池，壯士持長矛以待。金人登城，鉤取投火中。金人選死士突入，又搏殺之，乃稍引退。五月，兀朮北歸，築高臺六合，以輜重假道于楚，立斬其使。兀朮怒，乃設南北兩屯，絕楚餉道，立引兵出戰，大破之。會朝廷分鎮，以立爲徐州觀察使，泗州漣水軍鎮撫使，兼知楚州。立一日擁六騎出城呼曰：我鎮撫也，可來接戰。有兩騎將襲其背，立奮二矛刺之，俱墮地。奪兩馬而還，衆數十追其後，立瞋目大呼，人馬皆辟易。明日，金人列三隊邀戰，立爲三陣應之。金人以鐵騎數百橫分其陣而圍之，立奮身突圍，持挺左右大呼，金人落馬者不知數。承楚間有樊梁新開白馬、麥湖賊張敵萬窟穴其間，立絕不與通。故楚糧道愈梗，始受圍。菽麥野生，澤有芻苢可采，後皆盡。至屑榆皮食之。承州既陷，楚勢益孤，立遣人詣朝廷告急，簽書樞密院事趙鼎欲遣張俊救之，俊不肯行。鼎曰：江東新造，全藉兩淮，失楚則大事去矣。若俊憚行，臣願與之偕往。俊復力辭，乃命劉光世督淮南諸鎮救楚。東海李彥先首以兵至淮河，扼不得進。高郵薛慶至揚州轉戰，被執死。光世將王德至承州，下不用命。揚州郭仲威按兵天長，陰懷顧望。獨海陵岳飛僅能爲援，而衆寡不敵。高宗覽立奏，歎曰：立堅守孤城，雖古名將無以踰之。以書趣光世會兵者五，光世訖不行。金知外救絕，圍益急。九月，攻東城，立募壯士焚其梯，火輒反嚮，立歎曰：豈天未助順乎！一旦風轉焚一梯，立喜，登礮道以觀，飛砲中其首，左右馳救之，立曰：我終不能爲國殞賊矣。言訖而絕。年三十，有七衆巷哭，以參謀官程括攝鎮撫使以守。金人疑立詐死，不敢動。越旬餘，城始陷。初，朝廷聞楚乏食，與粟萬斛，命兩浙轉運李承造自海道先致三千斛，未發而楚失守矣。立家先殘于徐，以單騎入楚，爲人木疆，不知書，忠義出天性，善騎射，不喜聲色財利，與士卒均廩給，每戰擐甲胄先登，有退卻者大呼馳至，捍而斬之。初入城，合徐楚兵不滿萬，二州衆不相能，立善撫馭。

無敢私隙仇視金人，言之必嚼齒而怒，所俘獲磔以示衆，未嘗獻誠行在也。劉豫遣立故人齎書約降，立不發書，束以油布焚市中，且曰：吾于此賊必滅，豫乃止。由是忠義之聲遠近皆傾下之。金人不取斥其名，圍既久，衆益困，日夜焚香望東南拜且泣曰：誓死守不敢負國家命，其衆擊鼓曰：援兵至，聞吾鼓聲則應矣。如是累月，終無至者。立嘗戒士卒，不幸城破，必巷戰決死，及陷，衆如其言。自金人犯中國，所下城率以虛聲脅降，惟太原堅守踰二年，濮州城破殺傷大相當，皆爲金人所憚，而立威名戰多，咸出其上。計開，輟朝，贈奉國節度使，開府儀同三司。官其子孫十人，諡忠烈。明年，金人退，得立屍，謹樓下，頰骨箭穴存焉。命官給葬事，後爲立祠，名曰顯忠。

王復以龍圖閣待制知徐州。建炎三年，金人自襲慶府引兵圍徐州，復與男倚同守城，率軍民力戰，外援不至，城陷，復堅坐聽事不去，謂粘罕曰：死者我也，監郡而次無預焉。願殺我而舍僚吏百姓，粘罕欲降之，復慢罵求死，闔門百口皆被殺。巡檢楊彭年亦死焉。事聞，贈復資政殿學士，諡壯節，立廟楚州，號忠烈官其家五人。

王忠植，太行義士也。紹興九年，取石州等十一郡，授武功大夫、華州觀察，統制河東忠義軍馬。遂知代州，尋落階官爲建寧軍承宣使，龍神衛四廂都指揮使。河東經略安撫使明年，金人圍慶陽，急帥臣宋萬年乘城拒守，會川陝宣撫副使胡世將檄忠植以所部赴陝西會合，行次延安，叛將趙惟清執忠植，使拜詔。忠植曰：本朝詔則拜，金國詔則不拜。惟清械詰其右副元帥撒離曷，不能屈使。甲士引詣慶陽城下，諭使降。忠植大呼曰：我河東步佛山忠義人也，爲金人所執，使來招降，願將士勿負朝廷。堅守城壁，忠植即死城下。撒離曷怒詰之，忠植披襟大呼曰：當速殺我，遂遇害。世將上其事，贈奉國軍節度使，開府儀同三司，官其家十人。

唐琦，本衛士，建炎間，高宗航海，琦病留越州，李鄴以城降，金人營八守之。琦袖石伏道旁，伺其出擊之，不中，被執。營八詰之，琦曰：欲碎爾首，死爲趙氏鬼耳。營八曰：使人人如此，趙氏豈至是哉！又問曰：李鄴爲帥，尙以城降，汝何人敢爾？琦

曰。鄴爲臣不忠。吾恨不得手刃之。尙何言斯人爲。乃顧鄴曰。我月給才石五斗。米不肯背其主。爾享國厚恩。乃若此。豈復齒人類哉。詬罵不少屈。豈入趣殺之。至死不絕口。事聞。詔爲立廟。賜名旌忠。

李震。汴人也。靖康初。金人迫京師。震時爲小校。率所部三百人出戰。殺人馬七百餘。已而被執。金人曰。南朝皇帝安在。震曰。我官家非爾所當問。金人怒。絀諸庭柱。斮割之。膚肉垂盡。腹有餘氣。猶罵不絕口。

陳求道。字得之。咸寧人。登進士第。靖康間。判都水監。及朝議二帝出郊。請和。求道力爭之。不聽。欽宗知康王兵衆。求道請以元帥加之。齋蠟書者八人。皆遇害。惟求道所薦劉定。致書而還。金人立張邦昌。下令在京官不朝者死。求道稱疾。不往。囉血累日。開封尹親以邦昌命召之。竟不能屈。求道以二帝蒙塵。屢欲自殺。因救得免。先是。陳留河決四十餘日。漕輸不通。京城大恐。開封尹宗澤命求道治之。七日。河盡復故道。建炎四年。命爲襄鄧隨郢鎮撫。以奏兵食不給。待命未行。自咸寧挈家就食嘉魚。值亂兵起。迺之蒲圻。寓龍堂僧寺。未久。招撫劉忠叛。一夕。數千人麀至。驅求道家環嘉魚。至茗山。逆旅具酒食。奉求道爲主。將南走湖湘。求道正色厲辭。賊怒。殺求道妻蔡。及二子符。侄必欲從。已。求道罵愈厲。賊斫其口。拔出舌。斷之。獨符子凱。竄山谷得免。賊退。始得求道屍。瘞于輿。岐。

元中書右丞相總裁脫脫等修
列傳第二百八

忠義四

崔縱吳安國附

林冲之子郁從子震滕茂實

魏行可郭元邁附

閻進朱勛附趙師價

易青

胡斌 范旺

馬俊

楊震仲史次秦郭靖附高稼

曹友聞

陳寅寶子坤劉鏡許彪孫張桂金文德曹顏胡世全顧彥

海江彥清

陳隆之史季倫附王翊

李誠之秦鉅附

崔縱字元矩撫州臨川人登政和五年進士第歷確山主簿仙居丞累遷承議郎幹辦審計司二帝北行高宗將遣使通問廷臣以前使者相繼受繫莫肯往縱毅然請行乃授朝請大夫右文殿修撰試工部尚書以行比至首以大義責金人請還二帝又三遺之書金人怒徙之窮荒縱不少屈久之金人許南使自陳而聽其還縱以王事未畢不忍言又以官爵誘之縱以毒恨成疾竟握節以死洪皓張邵還遂歸縱之骨詔以兄子延年為後

吳安國字鎮卿處州人太學進士累官遷考功郎官以太常少卿使金值金人渝盟拘留脅服之安國毅然正色曰我首可得我節不可奪惟知竭誠死王事王命焉敢辱金人不敢犯遺環後知袁州卒

林冲之字和叔興化軍莆田人元符三年進士歷御史臺檢法官大宗正丞都官金部郎滯省寺者十年出守臨江南康靖康初召為主客郎中金人再來侵詔副中書侍郎陳過庭使金同被拘執初猶給乳酪迨宇文虛中受其命金人亦以是邀之冲之奮厲見詞色金人怒徙之奉聖州既二年過庭卒金人逼冲之仕偽齊不屈徙上京又不屈置顯州極比互寒之地幽佛寺十餘年漸便飲茹以義命自安髭髮還黑病亟語同難者曰某年七十二持忠入地無恨所恨

者國雖未復耳南向一慟而絕僧空之寺隅洪皓還朝以聞詔與二子官子都從子震寔郁字襲休宣和三年進士再調福建茶司幹官建州勤王卒自京師還求卸甲錢郡守逃匿卒敵謀取庫兵為亂殺轉運使毛奎轉運判官曾仔主管文字沈昇郁聞變急入論卒遇害事聞詔各與一子官震字時粵崇寧元年進士仕至秘書少監以不附二蔡有聲崇寧大觀間震字時隱政和五年進士勅令所刪定官詆紹興和議謂不宜置二帝萬里外不通問即挂冠出都門權臣大恚怒亦廢放以死莆人稱為忠義林氏寶慶三年即其所居立祠寶祐中又給田百畝使備祭享以勸忠義云

滕茂實字秀穎杭州臨安人政和八年進士靖康元年以工部員外郎假工部侍郎副路允迪出使為金人所留時茂實兄絢通判代州已先降金粘罕素聞茂實名乃遷之代州又自京師取其弟華實同居以慰其意欽宗自離都城舊臣無敢候問起居者茂實聞欽宗將至即自為哀詞且篆宋工部侍郎滕茂實墓九字取奉使黃幡裹之以授其友人朔寧府司理董詭欽宗及郊茂實具冠幘迎謁拜伏號泣金人諭之曰國破主遷所以留公蓋將大用迫令易服茂實力拒不從見者墮淚茂實請從舊主俱行金人不許憂憤成疾卒雲中詒拔歸錄所為哀詞言於張浚浚以誥為陝西轉運判官上其事紹興二年贈龍圖閣直學士官其家三人

魏行可建州建安人建炎二年以太學生應募奉使補右奉議郎假朝奉大夫尚書禮部侍郎充河北金人軍前通問使仍命兼河北京畿撫諭使時河北紅巾賊甚眾行可始懼為所攻既而見使旌皆引去行可渡河見金人于澶淵金人知其布衣借官待之甚薄因留不遣行可嘗貽書金人誓以不戢自焚之禍大國舉中原與劉豫劉氏何德趙氏何罪若亟以還趙氏賢於奉劉氏萬萬也紹興六年卒十三年張邵來歸言行可執節沒於王事行可父通直郎伯能亦懇于朝遂贈朝奉即秘閣修撰先已官其二子一第至是復官其一孫行可之使也吳人郭元邁以上舍應募補右武大夫和州團練使為之副不肯髡髮換官亦卒于北焉

閣進，隸宣武。建炎初，遣使通問，進從行。既至雲中府，金人拘留使者，散處之。進
亡去，遣還。留守高慶裔問何為，進曰：「思大宋爾。」又問：「主待汝有恩，汝亡何
故？」進曰：「錦衣玉食，亦不戀也。慶裔義而釋之，凡三亡，乃見殺。臨刑，進謂行刑者
吾南向受刃，南則我皇帝行在也。行刑者曳其臂，令面北，進踊身直起，盤旋數
四，卒南鄉就死。進武校尉朱勳亦從之，分在粘罕所，勳見粘罕，數日，遽求妻室。
粘罕喜，令擇所虜內人妻之，勳取最醜者，人莫論其意，不半月，亡去，追之，還粘
罕，大怒，勳含笑死，挺下，蓋勳求妻者，所以固粘罕也。」

趙師檜，以罪拘管西外宗正司。福建提刑王夢龍以智勇可用，屬製軍器，會寇
逼尤溪，令師檜統卒數百往戍。既行，大書于旗曰：「不與賊俱生。」人皆壯之。賊兵
至，師檜迎敵于林嶺，身為先鋒，戰十餘合，賊至益眾。師檜所乘馬適陷田中，賊
斷其左臂，師檜以右手拔背刀，斬七級，力盡，部曲欲引遁，師檜仰天大呼曰：「師
檜報國，死於此矣。」遂沒焉。尤溪之民為之立廟，戰處樞密王荃請加褒贈，乃贈
武節郎與一子恩澤。

易青者，為都督行府推鋒軍效用。初，廣東賊曾衷，本軍士也，已受詔復叛，紹興
六年十月，經略使連南夫與推鋒軍統制韓京會于惠州，督諸兵討之。京募敢
死士七十三人，夜劫衷營，青在行中，為所執，賊驅至後軍趙續砦外，謂續曰：「汝
大軍為我所擒者甚眾，青大呼曰：『勿信所擒者我爾。』賊又言：『吾不汝殺，第令經
略持黃榜來招安。』青又呼曰：『勿聽。』任賊殺我，我惟以一死報國。賊怒，焚之，青死。
罵不絕口，青無妻子，事聞，特贈保義郎，闔門祇候，官為薦祭焉。」

胡斌為殿前司將官，童德與提禁旅戍邵武，江閩寇作，知邵武有備，未敢犯。會
招捕司檄德與稟議，獨留斌將弱卒數百留城中，紹定三年閏月己卯，盜眾大
至，他將士皆遁，獨斌奮身迎戰，所格殺甚眾，賊益生兵，官軍所存僅數十人，或
告以眾寡不敵，盡避之。斌曰：「郡民死者以萬計，賴生者數千人，由東門而出，我
不綴其勢，使得脫走，則賊躡其後，無噍類矣。」遂巷戰，大呼曰：「我死救百姓，兵盡
矢窮，卒遇害，其屍僵立，移時始仆。」事聞，贈武節大夫，錄其後一人樞密院編修
官王荃言，邵武民即斌戰地立廟，請就以武節為廟額，從之。

范旺，南劍州順昌縣巡檢司軍校也。初，順昌盜俞勝等作亂，官吏皆散，土軍陳
望素樂禍，與射士張哀謀舉砦應之。旺叱之曰：「吾等父母妻子，皆受國家廩食，
以活，今力不能討，反更助為虐，是無天地也。」凶黨忿，剔其目而殺之。一子曰佛
勝，年二十，以勇聞，賊詐以父命召之，至則俱死。其妻馬氏聞之，行且哭，賊脅汗
之，不從，節解之。賊既平，旺死迹在地，隱隱不沒，邑人驚異，為設像城隍廟，歲時
祭享。紹興六年，轉運使以狀聞，詔贈承信郎，更立祠號忠節。二十八年，復詔立
愍節廟以祠之。

馬俊，或曰進，太平州慈湖砦兵也。紹興二年，砦軍陸德周、青張順等據州叛，青
為謀主，約翌日盡點城中少壯而屠其老弱，然後擁眾渡江。俊隸青左右，得其
謀，陰結其徒十人殺賊，然後諭眾開門，其徒許之。俊歸語其妻孫氏，與之訣。至
南門，伺青出，上馬斫中頰，九人懼不敢前，俊與妻子皆遇害。青被傷臥旬日，賊
黨散，官軍至，德青遂伏誅。三年，贈俊修武郎，為立祠號登勇。

楊震仲，字草父，成都府人，蚤負氣節，雅有志當世。登淳熙二年進士第，知閬州
新井縣，以惠政聞，辟興元府通判。權大安軍吳曦叛，素聞震仲名，馳檄招之，震
仲辭疾不行。時軍教授史次秦亦被檄，謀於震仲，震仲曰：「大安自武興而來，為
西蜀第一州，若首從其招，則諸郡風靡矣。願力不能拒，義死之，教授非城郭臣，
且有母在，未可死，脫去為宜。」因屬次秦曰：「吾死以匹絹纏身，斂以小棺足矣。」曦
遣興州都統司機宜郭鵬飛代震仲，趣其行，益急。鵬飛宴震仲，終飲不見顏色，
歸舍然燭獨坐，夜漏至三鼓，呼左右索湯，比至，震仲飲毒死矣。次秦如其言，斂
而置於蕭寺，闔郡為之流涕。震仲之未死，先遺家人書曰：「武興之事，從之則失
節，何面目在世間？不從，禍立見，我死，禍止一身，不及妻子矣。人孰無死，死而有
子能自立，即不死，自震仲死，蜀之義士感慨奮發，始有協謀誅逆者。明年曦伏
誅，蜀帥安丙揚輔以聞，贈朝奉大夫，直寶謨閣，官二子，表其里曰義榮。吳獵宣
諭西蜀，為之請廟與諡，名其廟旌忠，諡曰節毅。」

史次秦，眉山人，及進士第，吳曦叛，招次秦甚遽，次秦遷延固避，偽知大安軍郭
鵬飛迫之行，乃以石灰桐油塗兩目，末生附子，傳之比至，目益腫，次秦母年高

而賢聞次秦為曦所招，即命家人以疾篤馳報。且曰：恐病不足取信，以計聞可也。曦乃聽還，職蜀帥上其事，改秩為利路主管文字，仕至合州太守。有郭靖者，高橋土豪，巡檢也。吳曦叛，四州之民不願臣金粟田宅，推老稚順嘉陵而下。過大安軍，楊震仲計口給粟，境內無餓死者。曦盡驅騶騶移之，民使還，皆不肯行。靖時亦在遣中，至白崖關，告其弟端曰：吾家世為王民，自金人犯邊，吾兄弟不能以死報國，避難入關，今為曦所逐，吾不忍棄漢衣冠，願死於此，為趙氏鬼，遂赴江而死。

高稼，字南叔，邛州蒲江人，真德秀一見，以國士期之。嘉定七年進士，調成都尉，轉九隴丞。丁內艱，免喪，辟潼川府路都鈐轄司幹辦公事，制置使崔與之聞其名，改辟本司幹辦公事。稼持論不阿，憂世甚切，及鄭損為制置使，即求去。朝廷以稼贊聞有勞，未幾改知綿谷縣，制置司以總領所擅十一州會子之利，請盡廢之。此蓋紹興與隆興之間得旨為之者，令下民疑為之罷市。稼亟出私錢以給中下戶，稼第定子時為總領所主管文字，相與徵其誤而力救之，得存其半。公私僅濟，歲大饑，有司置弗聞，稼損囊中裝市粟以食之，全活甚眾。損之入蜀也，稼同產弟了翁誦言于朝，謂必敗事，損銜之，遂劾稼罷。寶慶三年，元兵至武階，損棄河而遁，桂如淵鎮蜀，辟通判沔州，尋檄兼幕職。稼首言：蜀以三關為門戶，五州為藩籬，自前帥棄五州，民無固志，一旦敵至，又有因糧之利，或遂留不去。今亟當申理，俾緩急有所保聚，如淵然之，乃剏山砦八十有四，且募義兵五千人。與民約曰：敵至則官軍守原堡，民丁保山砦，義兵為遊擊，庶其前靡所掠，後弗容久。北兵由東道以入，如淵憂之，辟稼知洋州。稼日夜為守禦計，以洋居平地，無一卒以守，議移金州帥司軍千人駐洋州，而自任其餉給。李心傳為言：諸朝不報，及鳳州破，制置司始從稼請，調金州兵赴之，而兵不時至。漢中陷，梁洋之民數十萬盡趨安康，稼乃移屯黃金渡，收散卒，招忠義，以制置司之命，致故將陳昱於安康，委以收復之任。昱部分諸軍，召青座華陽諸關守將，皆以兵來會。凡得三千人，稼竭洋之格廩贍之，以州事付通判，而自假節制軍馬，督諸將繼進。沔州破，北兵迫大安，益昌大震，稼亟命趨沔，自至西縣援之。如淵以便宜

命稼利路提刑司，兼權與元府，制置司檄其守米倉。稼移書曰：今日之事如弈棋，所校者先後爾，苟以分水三泉米倉為可保，敵兵若自宕昌清州以入，將執禦之，盍以與沔利三戎司分駐鳳州，俾制司已招之忠義關表復讎之豪傑聯司以進，兵氣奮矣。如淵遲疑不決，連天水同慶被屠，西和圍益急，始會軍民之眾萬人援之，道梗不得前，而城已破矣。俄報告粟七方之師皆潰，稼率遺民駐廉水縣，召集保甲分布間道，以保巴山。當是時，文臣之在軍中者惟稼一人，如淵既罷，李璣代之，以稼久勞，請改界內郡。差知榮州殿中侍御史汪剛中，如淵無罪不當罷，宣撫使黃伯固辟稼知閬州，未幾伯固去官，制置使趙彥呐以參議官辟之，制置司近漢中，稼言：漢中蕩無藩籬，宜經理仙人原，以為緩急視師之地。彥呐以委稼，稼至原，繕營壘，峙芻糧，比器甲，開泉源，守禦之規，罔不備具。會召還彥呐密奏留稼，以直秘閣知沔州，利州提點刑獄兼參議官，始至，告于神曰：郡當兵難之後，生聚撫摩，所當盡力，去之日，誓垂囊以入劍門，乃葺理創殘，招集流散，民皆襁負來歸。北兵入西和，薄階州，稼贊彥呐登原督戰，知天水軍曹友聞等兵大戰，進稼三官，為朝請大夫，兼關外四州安撫司公事。措置西路屯田，稼嘗代彥呐論蜀事利害，上嘉覽之。北兵自鳳州入東軍，不能禦，遂擣河池，至西池谷，距沔九十里，吏民率逃，議欲退保大安。稼白彥呐曰：今日之事，有進無退，能進據險地，以身捍蜀，敵有後顧，必不深入。若倉皇召兵退守內地，敵長驅而前，蜀事去矣。彥呐曰：吾志也。已而竟行，留稼守沔。北兵自白水關入，六股株距沔六十里，沔無城，依山為阻，稼升高鼓譟，威旗鼓為疑兵。彥呐至，置口，輟帳前總管和彥威以軍還沔，召小將楊俊何璘悉以兵會。又調總管王宣精兵千人益之，璘軍無紀律，稼捕其縱火者三人誅之。未幾北兵大至，璘遁，其眾皆潰，遂下沔州。先是友聞戍七方，知沔不可守，勸稼移保山砦，而自將所部助之。稼曰：七方要地不可棄，吾郡將也，城亦不可棄，即事不濟，有死而已。先二日，子斯得侍，以時危任重為憂，稼舉田承君五日不汗之言語之，且曰：吾得死所何憾，又以書告李心傳曰：稼必堅守沔，無沔則無蜀矣，自謂此舉可以無負。

知己及事迫，參議楊約勸稼姑保大安，稼厲聲曰：「我以監司守城郭，爾以幕客往來應援，各行其志，常平司屬官馮元章率吏士方請稼少避，稼不爲動。城既陷，衆擁稼出戶，稼叱之不能止，兵騎四集圍之，遂死焉。詔進稼七官，爲正義大夫。龍圖閣直學士諡曰忠，後以子斯得執政，累贈太師，稼爲人慷慨，有大志，聞人有善稱之不容口，不善面折，無所避，推轂入士，常恐不及，視財如糞土，死之日，聞者莫不於邑流涕，所著有齋齋類藁三十卷，斯得自有傳。」

曹友聞字允叔，同慶栗亭人，武惠王彬十二世孫也，少有大志，與仲弟友諒不遠千里，尋師取友，登寶慶二年進士，授絳州尉，改辟天水軍教授，城已被圍，友聞單騎夜入，與守臣張維糾民厲戰，兵退，制置使製大旗，書滿身膽以旌之，已而兵復至，友聞罄家財招集忠義，得健士五千人，制置使李喜檄管忠義領所部守仙人關，且行且戰，至峽口據險，前軍統制屈信率所部突陳，還所掠四州人畜，至秦填遣左軍統制杜午迎擊，力不能敵，友聞令諸軍乘高據險，身冒矢石，爲士卒先，信與統制張安國領兵出戰，兵退，制置使檄捍七方關，北兵東破武休關，已而破七方，遂入沔州金牛，至大安，又分兵自嘉陵江木皮口突出，何進軍後，進戰敗，死之，遂長驅入劍門，友聞與弟萬各率所部取間道過麴帽山，至青蒿塢，戰于白水江，中流兵退，制置司檄駐閬州，叛將魯珍爲陳隆之所斬，珍部曲肆焚劫，友聞討斬其將郭虎、閻廣、楊仲等，餘黨散去，檄知天水軍，北兵入鳳州，略河池，抵同慶，友聞密遣統制王漢臣，統領張祥，授以方略，出戰，兵至城下，友聞部分諸將各守一門，偃旗伏鼓，戒士卒俟，漸近，鳴鼓張旗，矢石並發，又命漢臣等取間道出戰，自提重兵尾敵，後大戰有功，端平初，友聞遣萬與忠義總管時當可分兵碎石頭、青蒿谷，前後大戰數合，制置使上其功，特授承務郎，權發遣天水軍，北兵又自西和至階州，友聞曰：「階雖非吾境，豈可坐視而不救？」遂引兵與諸軍會，命前軍統制全貴領所部爲先鋒，統制夏用出其左，張成出其右，總管陳庚及萬友諒往來督戰，有功，制置使趙彥呐俾節制利帥司軍馬，任責措置邊面，換武翼大夫，閬門宣贊舍人，差權利州駐劄，御前諸軍都統制，駐劄石門，控扼七方關，明年，北兵破武休關，入沔陽，利路提刑高稼死之，制

置使進屯青野原，被圍，友聞曰：「青野爲蜀咽喉，不可緩，遣萬領兵自冷水口度嘉陵江，至六股株，屢戰有功，夜銜枚由間道直趨青野原，制置使奇萬之勇，令督諸軍戰守，兵退，友聞引精兵亦趨至原下，夜半截戰，圍遂得解，特授武德大夫，左驍騎大將軍，依舊利州駐劄，御前諸軍統制，北兵破沔州，擣大安，友聞遣摧鋒軍統制王資，踏白軍統制白再興，速趨雞冠隘，左軍統制王進據陽平關，友聞登漢嶺，手執五方旗指麾，甫畢，兵數萬突至，陽平關，遂遣進及遊奕部將王剛出戰，又親帥帳兵及背嵬軍突出陳前，左右馳射，兵退，友聞謂忠義總管陳庚及當可曰：「敵必旋兵攻雞冠隘，宜急援之，既而果以步騎萬餘攻隘，庚以騎兵五百直前決戰，當可將步兵左右翼並進，王資白再興又自隘出戰，蹀血十餘里，兵乃解去，特授友聞眉州防禦使，依舊左驍騎大將軍，利州駐劄，御前諸軍統制兼沔州駐劄，兼管關外四州安撫，權知沔州，節制本府屯戍軍馬，弟萬差知同慶府，四州制置司帳前總管，仍舊總管忠義軍馬，節制屯戍軍馬，董仙駐劄，專與沔利兩司同共任責，措置邊面，明年，友聞引兵扼仙人關，謀開北兵合西夏女真回回吐蕃渤海軍五十餘萬大至，友聞語萬曰：「國家安危在此一舉，衆寡不敵，豈容浪戰，惟當乘高據險，出奇匿伏以待之。」北兵先攻武休關，敗都統李顯忠軍，遂入興元，欲衝大安，制置使趙彥呐檄友聞控制大安，以保蜀口，友聞馳書彥呐曰：「沔陽蜀之險要，吾重兵在此，敵有後顧之憂，必不能越沔陽而入蜀，又有曹萬王宣首尾應援，可保必捷。」大安地勢平曠，無險可守，正敵騎所長，步兵所短，沉衆寡不敵，豈可於平地控禦，彥呐不以爲然，一日持小紅牌來速者七，友聞議爲以寡擊衆，非乘夜出奇，內外夾擊，不可，乃遣萬友諒引兵上雞冠隘，多張旗幟，示敵堅守，友聞選精銳萬人，夜渡江，密往流溪設伏，約曰：「敵至，內以鳴鼓舉火爲應，外呼殺聲。」北兵果至，萬出逆敵，敵將八都魯擁萬餘衆，達海帥千人，往來搏戰，矢石如雨，萬身被數創，令諸軍舉槩，友聞遣選鋒軍統制楊大全，遊奕軍統制馮大用，引本部出東萊園擊敵後隊，敢勇軍總管夏用，知西和州神勁軍總管趙興，帥所部出水嶺擊敵中隊，知天水軍安邊軍總管呂嗣德，陳庚率所部出龍泉頭擊敵前隊，友聞親帥精兵三千人疾馳

至隘下。先遣保捷軍統領劉虎帥敢死士五百人衝前軍。前軍不動。大兵伏三百騎道旁。虎衆銜枚突戰。會大風雨。諸將請曰。雨不止。淖澤深沒足。宜俟少霽。友聞斥曰。敵知我伏兵在此。緩必失機。遂擁兵齊進。友聞入龍尾頭。萬聞之。五鼓出隘口。與友聞會。內外兩軍皆殊死戰。血流二十里。西軍素以絲菜代鐵甲。經雨濡濕。不利步鬪。黎明。大兵益增。迺以鐵騎四面圍繞。友聞歎曰。此殆天乎。吾有死而已。於是極口詬罵。殺所乘馬。以示必死。血戰愈厲。與弟萬俱死。軍盡沒。北兵遂長驅入蜀。秦鞏人汪世顯素服友聞威望。常以名馬遺友聞。還師過戰地。歎曰。蜀將軍真男兒漢也。威禮祭之事。聞特贈龍圖閣學士。大中大夫。賜廟號忠。諡曰節。官其二子承務郎。塔迪功郎。萬特贈武翼大夫。二子成忠。郎陳寶。寶讓閣待制。咸之子。漕司兩貢進士。以父恩補官。歷官州縣。紹定初。知西和州。西和極邊重地。寅以書生義不辭難。北兵入境。屬都統何進出守大安。獨統制官王銳與忠義千人城守而已。寅誓與其民共守此土。居民始以進留家中。特以爲固。已而進徙它郡。遂無固志。寅獨留其三子并圍門二十八口。曰。人各顧其家。將誰共守。迺散資財以結忠義。爲必守之計。北兵十萬攻城東南門。以降者爲先驅。寅草檄文喻之。自執旗鼓。激厲將士。迎敵力戰。矢石如雨。師退。詰旦。增兵復來。寅帥忠義民兵與敢死士力戰。晝夜數十合。兵退。制置司以寅功。徧告列郡。北兵伐木爲攻具。增兵至數十萬。圍州城。進素與寅不協。寅有功。尤爲諸將所忌。至是求援甚急。久之。制置司才遣劉銳及忠義人陳瑀等往救。率皆觀望不進。銳甫進。七方關。瑀未及仇池。皆以路梗告。寅率民兵晝夜苦戰。援兵不至。城遂陷。寅顧其妻杜氏曰。若速自爲計。杜厲聲曰。安有生同君祿。死不共王事者。即登高堡自斂藥。二子及婦俱死。母傍。寅斂而焚之。乃朝服登戰樓。望闕焚香號泣曰。臣始謀守此城。爲蜀藩籬。城之不存。臣死分也。臣不負國。臣不負國。再拜伏劍而死。賓客同死者二十有八人。一子後至。亦欲自裁。軍士抱持之曰。不可使忠臣無後。與俱縋城。亦折足死。制置司以聞。詔特贈朝議大夫。右文殿修撰。賜錢三千緡。即其所居鄉所守州立廟。久之。加贈華文閣待制。諡襄節。

賈子坤。字伯厚。潼州懷安軍人。嘉定十三年進士。爲西和推官。攝通判。關外被兵。子坤與郡守陳寅誓死城守。城陷。子坤朝服與其家十二口死之。追贈承議郎。封其父崧承務郎。官其子仲武。宣教郎。隆州簽判。改奉議郎。果州通判。卒。仲武子昌忠。純孝。同登咸淳七年進士。第純孝。揚州教授。受知帥李庭芝。調江淮總幕。北兵下江南。二王在福州。以史館檢閱召。辭。會丞相文天祥。辟佐其幕。尋授秘書丞。擢吏部郎中。丁母憂。起復爲右司。轉朝散郎。崖山師敗。純孝抱二女。偕妻卒。同蹈海死。

劉銳。知文州。嘉熙元年。北兵來攻。銳與通判趙汝鄉乘城固守。率軍民七千餘人。晝夜搏戰。殺傷甚多。拒守兩月餘。援兵不至。城中無水。取汲于江。會陳昱以去歲失守沔。編置此州。夜踰城出降。獻女大將。告以虛實。敵遂增兵攻城甚急。一夕移江流於數里外。銳度不免。集其家人。盡飲以藥。皆死。乃聚其屍及公私金帛。告命焚之。家素有禮法。幼子同哥才六歲。飲以藥。猶下拜受之。左右爲之感慟。汝鄉宣城人。善射。城破被執。先斷其兩臂。而後鬻殺之。銳及其二子自刎死。軍民死者數萬人。

秦彝。潼川通泉人。嘉定二年進士。累官通判金州。端平三年。北兵攻蜀。彝堅守戰。不能敵。被擒。不屈而死。其子承叔復力戰。城破。舉家死焉。弟維之。紹定五年。進士。利州都統王宣辟行參軍事。亦迎敵力戰而死。特官其子。

何充。漢州德陽人。秘書監耕之孫。通判黎州。攝州事。預爲備禦計。及宋能之至。建議急於印味。創大小兩關倉。及砦屋百間。親督程役。俄關破。充自刺不死。大軍帥呼之。許以不殺。充曰。吾三世食趙氏祿。爲趙氏死不憾。帥設帟。環坐。諸將而虛其賓席。呼充曰。汝能降。即坐此。充踞坐地。求死。遂罷。它日又呼之。欲辨其髮而髡其頂。曰。可殺不可髡。又使署招民。榜充曰。吾監州也。可聚吾民。使殺之。耶。即一家有死而已。榜必不可署。大將遺以酒。茗。羊牛肉。皆卻之。自是水飲絕不入口。敵知其不可強。將鬪之。大將曰。此南家好漢也。使之即死。於是斬其首。充妻陳罵不絕口。初。充之見呼也。陳必以一家往。帥曰。不呼汝。何以來。陳曰。吾求死爾。及充死。東望再拜曰。臣夫婦雖死。可以對趙氏無愧矣。衆以石擊

殺之方充夫婦之嬰禍也親戚勸其苟免充正色曰我夫婦與兒婦義同死汝等自求生可也於是上下感泣願同死者四十餘人勇士驍孫駒行從子仲桂先充而死惟長子士龍得免

許彪孫顯謨閣學士弈之子也為四川制置司參謀官景定二年劉整叛召彪孫草降文以潼川一道為獻彪孫辭使者曰此腕可斷此筆不可書也即閉門與家人俱仰藥死整既降遂引兵襲都統張桂營桂及統制金文德戰死納溪曹贛閣門死之景定四年沔州都統胡世全謹糧運至虎象山遇敵兵戰敗死咸淳二年北兵取開州守將龐彥海死之德祐元年瀘州守梅應春殺判官李丁孫推官唐奎瑞以城降珍州守將江彥清巷戰死之

陳隆之不知所仕履為四川制置使淳祐元年十一月成都被圍守彌旬弗下部將田世顯乘夜開門北兵突入隆之舉家數百口皆死檻送隆之至漢州命論漢州守臣王夔降隆之呼夔語之曰大丈夫死爾毋降也遂見殺後五年提刑袁簡之上其事特贈徽猷閣待制合得恩澤外特與兩子恩澤賜諡立廟又有史季儉者威州棋城主簿也成都之陷子良震與塔楊城夫爭相為死各特贈兩官與一子下州文學

王翊字公輔鄆縣人寶慶元年進士吳曦嘗招之入幕及曦以蜀叛抗節不拜為陳大義曦怒囚翊欲烹之曦誅而免嘉熙元年制置使丁黼辟為參議官先遣其家歸鄉里為文訣先墓誓以身死報國及北兵至帳前提舉官成駒先走黼倉卒迎敵敗死翊與司理王璿運司幹官李日宣等募兵拒守兵入公署見翊朝服危坐問為何人曰小官食天子之後臨難不能救死有餘罪可速殺我

又問何以不走曰願與此城俱亡北兵相謂曰忠臣也戒勿殺敵縱火大掠翊以朝服赴井死兵後其家出其屍井中衣冠儼如也轉運副使蒲東卯死之兵屠漢州權州事劉當可判官邵復錄事參軍羅由司戶參軍趙崇啟知維縣羅君文皆不屈而死復雍六世孫也入眉州知丹陵縣馮仲燁死之取簡州簡守李大全死之印守趙晨親率雅州牌手出戰力盡而死文州守劉銳通判趙汝鄰相誓死守更迭出戰被圍旬有五日汲道絕兵民水不入口者半月至吮

妻子之血卒無叛志城垂陷汝鄰猶提雙刃入陣中十六矢被執以死銳先殺其妻父子三人登文王臺自刎死師至遂寧民兵趙朋拒戰左臂已斷而戰不休至重慶進士胡天啓負母而逃兵欲殺其母天啓妻張哀號願以身代不聽卒殺之天啓與其妻呼天大罵大將奇天啓貌欲活之謂之曰汝從我當共富貴天啓愈奮罵於是夫婦同死事聞邛汝鄰皆立廟賜諡錄褒恤有差寶祐六年北兵拔吉平隘守將楊禮周德榮死之拔長寧守將王佐父子俱死至閬州推官趙廣死之至蓬州轉運使施擇善死之至順慶帥守段元鑑城守麾下劉淵殺之以降

李誠之字茂欽婺州東陽人受學呂祖謙鄉舉第一後入太學舍選亦第一慶元初釋褐為饒州教授丁父母憂廬墓終喪幹辦福建安撫司公事遷刑工部架閣擢國子學錄以言罷起為江西轉運司幹辦使稱提會子第其物力高下輸錢以斂之誠之以為擾使者不悅曰商君之令猶能必行今乃齟齬如此誠之愀然曰使君儒者而欲效商君之所為乎遂辭去使者遂謝罷令而後止改通判常州知鄧州知金人必敗盟大修邊防戰攻守禦之具移知蘄州蘄自南渡以來未嘗被兵誠之曰備禦無素長驅而來將若之何相視城壁而增益之備樓櫓築軍馬牆教閱廂禁民兵激之以賞積粟四萬先是酒庫月解錢四百五十千以獻守誠之一無所受寄諸公帑以助兵食嘉定十四年二月金人犯淮南時誠之已逾滿代者不至欲先遣其孥歸聞難作而止喟然謂其僚曰吾以書生再任邊壘行年七十抑又何求獨欠一死爾當與同僚戮力以守不濟則以死繼之乃選丁壯分布城守募死士迎擊遇于橫槎橋大破之居數日金人擁衆臨沙河欲渡又破之明日金兵大至決湟水焚戰樓又拒退之明日金移兵要衝為必渡計斬兵直前奮擊殺其酋帥金人雖屢挫然謀益巧攻益力

未幾傳城下圍之數重遂燔木柵誠之出兵禦之又殺其將卒數十人奪所佩印三月朔金人攻西門射卻之俄造望樓以窺城誠之為疑兵以示之又使持書來脅降誠之戮之而還其書越二日金人以攻具進誠之設械禦之夜出搆其營料敵應變若熟知知兵者金人卒不得志會黃州失守併兵為一凡十餘萬

池陽合肥援兵敗走。朝命馮樹接二郡。樹至境。遷延不進。誠之激厲將士。勉以忠義。城陷。率兵巷戰。殺傷相當。子士九力戰死。誠之引劍將自剄。呼其孥曰。城已破。汝等宜速死。無辱妻。許及婦老孫。皆赴水死。事聞。贈朝散大夫。祕閣修撰。封正節侯。立廟于蕪。賜名襲忠。贈銀絹二百。仍賜爵。迪功郎者三。贈其妻令人。士九通直郎。子婦及孫女之沒於難者。皆贈安人。從誠之之死者。通判州事。秦

鉅。

秦鉅。字子野。丞相檜曾孫。通判蘄州。金人犯境。與郡守李誠之協力捍禦。求援於武昌安慶。月餘。兵不至。策應兵徐揮常用等棄城遁。城破。鉅與誠之各以自隨之兵巷戰。死傷略盡。鉅歸署。疾呼吏人劉迪。令火諸倉庫。乃赴一室自焚。有老卒見煙燄中著白戰袍者。識其鉅也。冒火挽出之。鉅叱曰。我爲國死。汝輩可自求生。製衣就焚而死。次子凌。先往四祖山。兵至。亟還。與弟灑從父俱死。特贈鉅五官。祕閣脩撰。封義烈侯。與誠之皆立廟。蘄州賜額。襲忠。贈浚澤通直郎。購以銀絹各二百。州學教授阮希甫。贈通直郎。防禦判官趙汝操。蕪春主簿寧時鳳。錄事參軍兼司戶杜譔。俱贈承務郎。監蘄州都大監韓蘄口鎮倉庫嚴剛中。贈承事郎。時統制官孫中。小將江上旺。陳興曹全。丘卞。軍士李斌等。皆鬪死。司理參軍趙與裕。先率民兵百餘人奪關出外求援。僅以身免。而全家十六人皆沒。淳祐十二年。特封鉅義烈顯節侯。黃州之陷。守臣何大節亦投江死焉。

宋史卷四百四十九

元中書右丞相總裁脫脫等修
列傳第二百九

忠義五

陳元桂

張順張貴

范天順

牛富

邊居誼

陳炤王安節

尹玉

李芾

尹穀楊震

趙卯發

唐震

趙與擇趙孟錦

趙淮

陳元桂撫州人淳祐四年進士累官知臨江軍時聞警報望城備禦以焦心勞思致疾開慶元年春北兵至臨江時制置使徐敏子在隆興頓兵不進元桂力疾登城坐北門亭上督戰矢石如雨力不能敵更卒勸之避去不從有以門廊敵翼蔽之者麾之使去有欲抱而走者元桂曰死不可去此左右走遁師至元桂瞳目叱罵遂死之縣其首於敵樓越四日方斂體色如生初親戚有勸其移治者元桂曰子亦為浮議所搖耶時事如此與其死於饑饉死於疾病死於盜賊孰若死於守土之為光明俊偉哉家人或請登舟不許且戒之曰守臣家屬豈可先動以搖民心敏子以聞贈寶章閣待制賜緡錢十萬與一子京官一子選入恩澤立廟北門諡曰正節

張順民兵部將也襄陽受圍五年宋闌知其西北一水曰清泥河源於均房即其地造輕舟百艘以三舟聯為一舫中一舟裝載左右舟則虛其底而掩覆之出重賞募死士得三千求將得順與張貴俗呼順曰矮張貴曰竹園張俱智勇素諸將所服俾為都統出令曰此行有死而已汝輩或非本心宜亟去毋敗吾事人人感奮漢水方生發舟百艘稍進圍山下越二日進高頭港口結方陳各船置火槍火炮熾炭巨斧勁弩夜漏下三刻起釘出江以紅燈為識貴先登順殿之乘風破浪徑犯重圍至磨洪灘以上北軍舟師布滿江面無隙可入眾乘銳凡斷鐵絙攢代數百轉戰百二十里黎明抵裏城下城中久絕援聞救至踴

躍氣百倍及收軍獨失順越數日有浮屍澗流而上被介冑執弓矢直抵浮梁視之順也身中四槍六箭怒氣勃勃如生諸軍驚以為神結冢斂葬立廟祀之張貴既抵裏襄帥呂文煥力留共守貴恃其驍勇欲還鄆乃募二士能伏水中數日不食使持蠟書赴鄆求援北兵增守益密水路連鎖數十里列撒星椿雖魚蝦不得度二人遇椿即鋸斷之竟達鄆還報許發兵五千駐龍尾洲以助夾擊刻日既定乃別文煥東下點視所部軍泊登舟帳前一入亡去乃有過被撻者貴驚曰吾事泄矣亟行彼或未及知復不能銜枚隱迹乃舉砲鼓噪發舟乘夜順流斷絙破圍冒進眾皆辟易既出險地夜半天黑至小新城大兵邀擊以死拒戰沿岸束荻列炬火光燭天如白晝至勾林灘漸近龍尾洲望望軍船旗幟紛披貴軍喜躍舉流星火示之軍船見火即前迎及勢近欲合則來舟皆北兵也蓋鄆兵前二日以風水驚疑退屯三十里而大兵得逃卒之報據龍尾洲以逸待勞貴戰已困出於不意殺傷殆盡身被數十槍力不支見執卒不屈死之乃命降卒四人昇尸至裏令於城下曰識矮張乎此是也守陣者皆哭城中喪氣文煥斬四卒以貴附葬順家立雙廟祀之

范天順荆湖都統也襄陽受圍天順日夕守戰尤力及呂文煥出降天順仰天歎曰生為宋臣死當為宋鬼即所守處縊死贈定江軍承宣使制曰賀蘭擁兵坐視睢陽之失李陵失節重為隴士之差今有人焉得其死所可無憂恤以示寵綏范天順功烈雖卑忠義莫奪自均房泛舟之役克濟為艱而襄樊坐甲之師益堅所守俄州刺史為降將軍爾乃不屈自經可謂見危致命封其妻宜人官其二子仍賜白金五百兩田五百畝

牛富霍丘人制置司遊擊若兵籍勇而知義為侍衛馬軍司統制戊襄陽五年移守樊城累戰不為屈且數射書襄陽城中遺呂文煥相與固守為唇齒兩城凡六年不拔富力居多城破富率死士百人巷戰死傷不可計渴飲血水轉戰前遇民居燒絕街道身被重傷以頭觸柱赴火死贈靜江軍節度使諡忠烈賜廟建康裨將王福見富死歎曰將軍死國事吾豈宜獨生亦赴火死

邊居誼隨人也初事李庭芝積戰功至都統制咸淳十年以京湖制置帳前都

統守新城居誼善御下得士心凡戰守之具治之皆有法大兵至沙陽守將王大用不降麾兵攻城破之執大用呂文煥意其小蠱可不攻而破居誼率舟師拒之文煥列沙陽所斬首招降不從明日縛大用至壁下使呼曰邊都統急降不然禍即至矣居誼不答又射勝檄入壁中居誼曰吾欲與呂參政語耳文煥聞之以為居誼降己也馳馬至伏弩亂發中文煥者三并中其馬馬仆幾鉤得之衆挾文煥以他馬奔走越二日總制黃順挾一人開東門走出降明日使順來招之居誼曰若欲得新城邪吾誓以死守此何可得也順又呼其部曲曲欲縋城出居誼悉驅以入當門斬之文煥乃麾兵攻城以火具却之旋蟻附而上居誼乃取其家金盡散將士往來督戰會暮破侵漢樓樓火燧燧民居居誼度力不支走還第拔劍自殺不殊赴火死丞相伯顏壯其勇購得其屍燼中觀之事聞贈利州觀察使立廟死所

陳昭字光伯常州人少工詞賦登第為丹徒縣尉歷兩淮制置司參議官大軍倉曹壽春府教授復入帥幕改知胸山縣仍兼主管機宜文字尋丁母憂歸北兵至常州趙與鑿走匿郡人錢普以城降淮民王通居常州陰以書約劉師勇許為內應朝議乃以姚希得子普知常州師勇復常州走錢普執安撫戴之泰等遂迎普以入普以昭久任邊知兵辟為通判或謂昭曰今辟難有辭矣昭曰鄉邦淪沒何可坐視與其偷生而苟全不若死之愈也遂墨衰而出凡可以備禦無不為之普入常甫十餘日大軍攻常昭等率義兵戰禦自夏徂冬不能下以功加帶行提轄文思院常將張彥攻呂城兵敗而降因盡言常城中虛實遂急攻之昭等晝夜城守招之不下丞相伯顏自將圍其城昭與普持以忠義協力固守再加普太府寺丞昭幹辦諸軍糧料院常將士皆轉五官城益急常兵阻壕水為陳矢盡亦不降城破普死之昭猶斂兵巷戰家人請曰城東北門圍未合可走常熟入臨安也昭曰去此一步非死所矣日中兵至死焉事上追贈

普龍圖閣待制希得贈太師昭直寶章閣並官其子王安節節度使堅之子也少從其父守合州有功安節等兄弟五人皆受官堅為買似道所忌出知和州鬱鬱而死安節至咸淳末為東南第七副將德祐初

似道潰師蕪湖列城皆降不降者亦棄城遁時安節駐兵江陵即走臨安上疏乞募兵為捍禦授閣門祗候浙西添差兵馬副都監收兵入平江合張世傑兵戰鳳凰港有功轉三官劉師勇復常州攻走王良臣師勇還平江以安節與張詹守常已而良臣導大兵攻常常城素惡安節等築柵以守相拒兩月不下大元丞相伯顏自將攻之屢遣使召降亦不下丞相怒麾兵破其南門安節揮雙刀率死士巷戰臂傷被執有求其姓名者安節呼曰我王堅子安節也降之不得乃殺之

尹玉寧都人以捕盜功為贛州三峯巡檢秩滿城居從文天祥勸王及天祥至平江調玉同淮將張全廣將朱華拒大兵戰于伍牧全等軍敗以淮廣軍先遁曾全胡邁謝榮曾玉以贛州四指揮軍亦遁唯玉殘軍五百殊死戰玉手殺數十人箭集於胃如蝟毛援絕力屈遂被執大軍橫四槍於其頸以挺擊之死餘兵猶夜戰殺人馬蔽田間無一降者質明生還者四人贈玉濠州團練使官其二子贈田二頃以恤其家

李芾字叔章其先廣平人中徙汴高祖升起進士為吏有廉名靖康中金人破汴以刃迫其父升前捍之與父俱死曾祖椿徙家衡州遂為衡人芾生而聰警少自樹立名其齋曰無暴棄魏了翁一見禮之謂有祖風易其名曰肯齋初以蔭補南安司戶辟祁陽尉出振荒即有聲攝祁陽縣縣大治辟湖南安撫司帳官時盜起永州招之歲餘不下芾與參議鄧炯提千三百人破其巢禽賊魁蔣時選父子以歸餘黨遠平攝湘潭縣縣多大家前令束手不敢犯芾稽籍出賦不避貴勢賦役大均入朝差知德清縣屬浙西錢芾置保伍振民活數萬計遷主管酒庫所德清有妖人扇民為亂民蜂起附之至數萬人遣芾討之盜聞其來衆立散歸除司農寺丞歷知永州有惠政永人祠之以浙東提刑知温州州瀕海多盜芾至盜息遂以前官移浙西時浙西亦多盜羣穴太湖中芾跡得其出沒按捕之盜亦駭散作虎丘書院以祠尹焞置學官親為學規以教之學者甚感咸淳元年入知臨安府時買似道當國前尹事無鉅細先關白始行芾獨無所問福王府有迫人死者似道力為營掇芾以書往復辨論竟實諸法嘗出

聞火具。民有不爲具者。問之曰。似道家人也。立杖之。似道大怒。使臺臣黃萬石。誣以賊罪罷之。大軍取鄂州。始起爲湖南提刑。時郡縣盜擾。民多奔竄。芾令所部發民兵自衛。縣與一皂幟。令曰。作亂者斬幟下。民始帖然。乃號召發兵。擇壯士三千人。使土豪尹奮忠將之。勤王別召民兵。集衛爲守備。未幾似道兵潰蕪湖。乃復芾官。知潭州。兼湖南安撫使。時湖北州郡皆已歸附。其友勸芾勿行。曰。無已。卽以身行可也。芾泣曰。吾豈昧於謀身哉。第以世受國恩。雖廢棄中。猶思所以報者。今幸用我。我以家許國矣。時其所愛女死。一慟而行。德祐元年七月。至潭。潭兵調且盡。游騎已入湘陰。益陽諸縣倉卒召募。不滿三千人。乃結溪峒。積爲擊援。繕器械。峙芻糧。柵江脩壁。命劉孝忠統諸軍。吳繼明自湖北至。陳義陳元自戍蜀歸。芾奏請留之。戊潭。推誠任之。皆得其死力。大元右丞阿里海牙既下江陵。分軍戍常德。遠諸蠻。而以大兵入潭。芾遣其將於與帥兵禦之。于湘陰。與戰死。九月。再調繼明出禦。兵不及出。而大軍已圍城。芾慷慨登陣。與諸將分地而守。民老弱亦皆出結保。伍助之。不令而集。十月。兵攻西壁。孝忠輩奮戰。芾親冒矢石以督之。城中矢盡。有故矢皆羽。敗芾命。括民間羽扇。羽立具。又苦食無鹽。芾取庫中積鹽。席焚取鹽給之。有中傷者。躬自撫勞。日以忠義勉其將士。死傷相藉。人猶飲血。乘城殊死戰。有來招降者。芾殺之以徇。十二月。城圍益急。孝忠中瘵。風不能起。諸將泣請曰。事急矣。吾屬爲國死可也。如民何。芾罵曰。國家平時所以厚養汝者。爲今日也。汝第死守。有後言者。吾先戮汝。除夕。大兵登城。戰少却。旋旋附而登。衛守尹敷及其家人自焚。芾命酒醉之。因留賓佐會飲。傳令猶手書盡忠字爲號。飲達旦。諸賓佐出。麥揚揚震赴圍池死。芾坐熊湘閣。召帳下沈忠遺之金曰。吾力竭分當死。吾家人亦不可辱於俘。汝盡殺之。而後殺我。忠伏地叩頭。辭以不能。芾固命之。忠泣而諾。取酒飲其家人。盡醉。乃偏刃之。芾亦引頸受刃。忠縱火焚其居。還家殺其妻子。復至火所。大慟。舉身投地。乃自刎。幕屬茶陵顧應森。安仁陳億孫。皆死。潭民聞之。多舉家自盡。城無虛井。崑林木者累累。相比。繼明等以城降。陳毅澧圍將奔閩中。遺戰死。事聞。贈端明殿大學士。諡忠節。芾初至潭。遣其子裕孫出曰。存汝以奉祀也。其孫輔叔時亦

親迎於溫。皆得不死。二王悉詔入閩官之。芾爲人剛介。不畏強禦。臨事精敏。姦猾不能欺。且強力過人。自且治事。至暮無倦色。夜率至三鼓始休。五鼓復起。視事。望之凜然。猶神明。而好賢禮士。卽之溫然。雖一藝小善。亦惓惓獎薦之。平生居官廉。及擴戶。家無餘貲。

尹穀。字耕叟。潭州長沙人。性剛直。莊厲。初處郡學。士友皆嚴憚之。宋以詞賦取士。季年。惟閩浙賦擅四方。穀與同郡邢天榮。董景舒。歐陽逢泰。諸人爲賦體裁。務爲典雅。每一篇出。士爭學之。由是湘賦與閩浙頡頏。中年登進士第。調常德。推官。知崇陽縣。所至廉正有聲。丁內艱。居家教授。不改舊素。日未出。授諸生。經及朱氏四書。士雖有才思。而不謹飭者。擯不齒。諸生隆暑必感服。端居終日。夜滅燭始免巾幘。早作必冠。而後出。惟行市中。市人見其舉動有禮。相謂曰。是必尹先生門人也。詰之果然。晚入李庭芝制幕。用薦擢知衡州。需次于家。潭城受兵。帥臣李芾禮以爲參謀。共畫備禦策。時城中壯士皆入衛臨安。所餘軍僅四百五十人。老弱大半。芾糾率民丁。獎勵以義。人殊死戰。三月。城不下。大軍斷絕險要。援兵不至。穀知城危。與妻子訣曰。吾以寒儒受國恩。典方州。諍不可屈。若輩必當從吾死耳。召弟岳秀使出。以存尹氏祀。岳秀泣而許之。己乃積薪局戶。朝服望闕拜已。先取歷官告身焚之。卽縱火自焚。隣家掠之。火熾不可前。但於烈焰中遙見穀正冠端笏危坐。闔門少長皆死焉。芾聞之。命酒醉穀曰。尹務實男子也。先我就義矣。務實數號也。初。潭士以居學肄業爲重。州學生月試積分高等。升湘西嶽麓書院生。又積分高等。升嶽麓精舍生。潭人號爲三學生。兵興時。三學生聚居州學。猶不廢業。穀死。諸生數百人往哭之。城破。多感激死義者。楊震。字震仲。少有志節。以世澤。奏補將士郎。銓試第一。授脩職郎。桂嶺主簿。有能聲。五中漕舉。改鄂州教授。還復州。司理參軍。轉常澧觀察。推官。擢合監利縣。縣有疑獄。歷年不決。震未上。微服廉得其實。立決之。人稱神明。辟荆湖制置司幹官。呂文德爲帥。素慢侮士。常試以難事。震倉卒立辦。皆合其意。一日。謂曰。朝廷有密旨。出師策應淮東。誰可往者。卽對曰。某將可。又曰。兵器糧草若何。卽對曰。某營兵馬。某庫器甲。某處矢石。某處芻糧。口占授吏。頃刻案成。文德大驚曰。

吾平生輕文人以其不事事也公材幹如此何官不可為吾何敢不敬密薦諸朝除通判江陵府江陵大府雄據上流表裏襄漢西控巴蜀南扼湖廣兵民雜處庶務叢集震隨事裁決處之泰然暇日詣郡庠與諸生講學又取隸官闌田增益廩稍選民之強壯當農隙訓練之時付以器械雜兵行肄習親閱試行賞以激勸之未幾有能擐甲騎射者遂皆擢其用而兵不復擾民丁內艱德祐初起復奉議郎湖南安撫司參議與安撫使李希協力戰守震有心計善出奇應變帥府機務希一以委之城初被圍日夜守禦數日西北隅破震厲兵巷戰抵暮增築月城比旦城復完策厲將士以死守之城既破震赴水死妻妾奔救無及遂皆死

趙卯發字漢卿昌化人淳祐十年以上舍登第為遂寧州司戶潼川簽判宣城宰素以節行稱中被論罷咸淳七年起為彭澤令十年權通判池州大兵渡江池守王起宗棄官去卯發攝州事繕壁聚糧為守禦計夏貴兵敗歸所過縱掠卯發捕斬十餘人兵乃戢明年正月大兵至李王河都統張林屢諷之降卯發忿氣填膺瞪目視林不能言有問以視身之道者卯發曰忠義所以視身也此外非臣子所得言林以兵出巡江陰降歸而陽助卯發為守守兵五百餘柄皆歸林卯發知不可守乃置酒會親友與飲訣謂其妻雍氏曰城將破吾守臣不當去汝先出走雍氏曰君為命官我為命婦君為忠臣我獨不能為忠臣婦乎卯發笑曰此豈婦人女子之所能也雍氏曰吾請先君死卯發笑止之明日乃散其家資與其弟姪僕婢悉遣之二月兵薄池卯發展起書几上曰君不可叛城不可降夫妻同死節義成雙又為詩別其兄弟與雍感服同縊從容堂死卯發始為此堂名可以從容及兵遽領客堂中指所題扁曰吾必死於是客問其故曰古人謂慷慨殺身易從容就義難此殆其兆也卯發死林閉門降大元丞相伯顏入問太守何在左右以死對即如堂中觀之皆歎息為具官金合葬於池上祭其墓而去事聞贈華文閣待制諡文節雍氏贈順義夫人錄二子為京官

唐震字景實會稽人少居鄉介然不苟交有言其過者輒喜既登第為小官有

權貴以牒薦之者震內牒篋中已而干政震取牒還之封題未啟其人大媿後為他官所至以公廉稱楊棟葉夢鼎居政府交薦其賢咸淳中由大理司直通判臨安府時潛說友尹京特買似道勢甚驕蹇政事一切無所顧讓會府有具獄將寘辟震力辨其非說友爭之不得上其事刑部卒是震議六年江東大旱權知信州震奏減綱運米蠲其租賦令坊置一吏籍其戶勸富人分粟使坊吏主給之吏有勞者輒為具奏復其身吏感其誠事為盡力所活無算州有民庸童牧牛童逸而牧舍火其父訟庸者殺其子投火中民不勝掠自誣服震視牘疑之密物色之得童傍郡以詰其父對如初震出其子示之獄遂直擢浙西提刑過關陞辭似道以類田屬震震謝不能行至部又以疏力爭之趙氏有守阡僧甚暴橫震遣吏捕治似道以書營掾震不省卒按以法似道怒使侍御史陳堅劾去之咸淳十年起震知饒州時與國南康江州諸郡皆已歸附大兵略饒饒兵止千八百人震發州民城守味爽出治兵至夜中始寐上書求援不報大兵使人入饒取降款通判萬道同陰使於所部斂白金牛酒備降禮饒萬士皆從之道同風震降震叱之曰我忍偷生負國邪城中少年感震言殺使者民有李希聖者謀出降械置獄中明年二月兵大至都大提舉鄧益遁去震盡出府中金錢書官資揭於城募有能出戰者賞之眾懼不能戰北兵登陣眾遂潰震入府中玉芝堂其僕前請曰事急矣番江門兵未合亟出猶可免震罵曰城中民命皆係於我若從爾言得不死城中民死我何面目生邪左右不復敢言皆出有頃兵入執贖鋪案上使震署降震擲筆于地不屈遂死之兄椿與家人俱死張世傑尋復饒州判官鄒宗節求震屍葬之贈華文閣待制諡忠介廟號襄忠官其二子震客馮驥何新之驥後守獨松關新之守蘭之新壘皆戰死

今能降乎。與樺厲聲曰：我國家近親，今力屈而死，分也。尚何問爲？遂殺之。洪亦伏節而死。又有趙孟錦者，少不羈，遊淮以軍功爲將佐。北兵攻真州，每戰輒爲士卒先守。苗再成倚之爲重。北兵重艦駐江上，孟錦乘大霧來襲，俄霧解，日已高。北兵見其兵少，逐之，登舟失足墮水，身荷重甲溺焉。

趙淮，丞相葵之從子也。李全之叛，屢立戰功。累官至淮東轉運使。德祐中，戍銀樹壩。兵敗，與其妾俱被執至瓜州。元帥阿朮使淮招李庭芝，許以大官。淮陽許諾，至揚城下，乃大呼曰：李庭芝，男子死耳，毋降也。元帥怒，殺之，棄屍江濱。

宋史卷四百五十

元中書右丞相總裁脫脫等修
列傳第二百十

忠義六

趙良淳 徐道隆

姜才

馬瑩

密佑

張世傑

陸秀夫 劉鼎孫附

徐應鑣

陳文龍 姪瓚

鄧得遇

張珏 趙立附

趙良淳字景程居饒之餘干太宗子恭憲王之後丞相汝愚曾孫也累世以學行名號賢宗子良淳少學於其鄉先生饒魯知立身大節及仕所至以幹治稱而未嘗干人薦舉初以蔭為泰寧主簿三遷至淮西運轉浮湛冗官二十餘年馬光祖李伯玉范丁孫交薦辟之卒不振拔考舉及格改知分寧縣分寧江西劇邑俗尚譁訐良淳治之不用刑戮不任吏胥取民之敦孝者身親尊禮之至甚桀驁者乃繩以法俗為少革秩滿特差權江西安撫司機宜文字詔除諸司審計院督餉江西升大理司直咸淳末廷臣議衆建宗室於內郡以為屏翰遂除良淳知安吉州先是知州李庚通百事應廢良淳至日與僚吏論所以守禦之備悉舉行之時歲饑民相聚為盜所在纔起或請以兵擊之良淳曰民豈樂為盜哉時艱歲旱故相率剽掠苟活耳命僚屬以義諭之衆皆投兵散歸其不歸者衆縛以獻有掠人貨財詰其主謝過而還之者良淳勸富人出粟振之嘗語人曰使太守身可以濟民亦所不惜也其言懇懇足以勸人人皆倒困以應之朝議尋以徐道隆為浙西提刑以輔良淳加良淳直秘閣文天祥去平江潰兵四出剽掠良淳捕斬數人梟首市中兵稍戢已而范文虎遣使持書招降良淳焚書斬其使大兵迫獨松關有旨趣道隆入衛道隆既去大兵至軍其東西門良淳率衆城守夜就芟舍陣上不歸先是朝廷遣將吳國定援宜興宜興已危不敢往乃如安吉見良淳願留以為輔良淳見國定慷慨大言意其可用也請於朝留戍安吉已而國定開南門納外兵兵入城呼曰衆散元帥不殺汝於

是衆號泣散去良淳命車歸府兵士止之曰事至此侍郎當為自全計良淳叱去之命家人出避乃閉閣自經有兵士解救之復蘇衆羅拜泣曰侍郎何自苦逃之猶可求生良淳叱曰我豈逃生者耶衆猶環守不去良淳大呼曰爾輩欲為亂耶衆涕泣出復投縲而死

徐道隆字伯謙婺州武義人父煥知南雄道隆以任入官累官潭州判官權知全州荆湖制置使汪立信奏辟道隆為參議官立信遷兵部尚書道隆與賓客千許人俱去江陵趙孟傳為制置使以道隆參其軍事遂為提點刑獄時文天祥既至平江潰卒四出為浙西患苦安吉尤甚有旨命道隆措置乃梟其首亂者于市牛監軍通范文虎程鵬飛管景模俱遣書誘降道隆焚書斬使大兵至臨平鼻亭山令間道入援時水陸皆有屯軍道絕不通議由太湖經武康臨安縣境勤王即日乘舟出臨湖門泊宋村郡守趙良淳既經死德祐二年正月朔旦追兵及道隆江陵親從軍三百人殊死戰矢盡槍槩折一軍盡沒道隆見執艦內間守者少急赴水死長子載孫亦赴水死餘兵有脫歸者言於朝命贈官賜諡厚恤其家立廟安吉官其子孫越三日宋亡

姜才濠州人貌短悍少被掠入河朔稍長亡歸隸淮南兵中以善戰名然以來歸人不得大官為通州副都統時淮多健將然驍雄無踰才才知兵善騎射撫士卒有恩至臨陣軍律凜凜其子當戰回白事才望見以為敗也拔劍馳逐幾殺之買似道出師才以兵屬孫虎臣為先鋒相拒于丁家洲大軍設砲架轂車弩江濱中流數千艘旌旗聯亘鼓行而下才奮兵前接戰鋒已交虎臣遽過其妾所乘舟衆見之謹曰步帥遁矣於是諸軍皆潰才亦收兵入揚州大兵乘勝攻揚州才為三疊陣逆之三里溝戰有功又與元帥戰楊子橋日暮兵亂流矢貫才肩才拔矢揮刀而前所向辟易已而大軍築長圍自楊子橋竟瓜洲東北跨灣頭至黃塘西北至丁村務欲以久困之時德祐元年也明年正月宋亡二月五奉使于一閣門宣贊舍人持謝太后詔來諭才發弩射却之復以兵衍擊之將士皆感泣乃盡散金帛犒兵以四萬人夜擣瓜洲戰三時衆擁瀛國公避

去才進戰至浦州市夜猶不退阿尤使人招之才曰吾寧死豈作降將軍邪四月才以兵攻灣頭柵五月復攻之騎旋薄而止乃舍騎步戰至四鼓全師以歸揚食盡才時出運米真州高郵以給兵六月護餉至馬家渡萬戶史弼將兵擊奪之才與戰達旦弼幾殆阿尤馳兵來援乃得免去庭芝以在圍久召才計事屏左右語久之第聞才厲聲云相公不過忍片時痛耳左右聞之俱汗下才自是以兵護庭芝第期與俱死七月益王在福州以龍神四廂都指揮使保康軍承宣使召才與庭芝東至泰州將入海阿尤以兵追及圍泰州使使者招之降才不聽阿尤驅揚兵士妻子至城下會才疽發背不能戰諸將遂開門降都統曹安國入才臥內執之以獻阿尤愛其忠勇欲降而用之才肆為譏言阿尤責庭芝不降才曰不降者才也復憤憤不已阿尤怒高之揚州才臨刑夏貴出其旁才切齒曰若見我寧不愧死邪有洪福者夏貴家僮也從貴積勞為鎮巢雄江左軍統制鎮江北貴降福與子大淵大源下班祇候彭元亮統貴軍復之加右武大夫知鎮巢貴既臣附招福不聽使其從子往福斬之大兵攻城久不拔遣貴至城下好語語福請單騎入城福信之門發而伏兵起執福父子屠城中貴泣殺大源大淵諱曰法止誅首謀何至舉家為戮福叱曰以一命報宋朝何至告人求活邪次及福福大罵數貴不忠請身南向死以明不背國也聞者流涕

馬瑩宕昌人也一家父叔兄弟皆以忠勇為名將而瑩與其兄瑩特顯咸淳中瑩知欽州徙知邕邕地接六詔安南傍通諸溪峒撫御少失宜往往召亂瑩鎮撫諸蠻及治關隘皆有條理大理不敢越善闡安南不敢入永平諸峒皆上帳冊邊陲晏然廣西經略李興上其功加開門宣贊舍人未幾以左武衛將軍徵入朝已而宋亡瑩因留靜江總屯戍諸軍護經略司印守城至元十四年平章阿里海牙攻廣西瑩發所部及諸峒兵守靜江而自將三千人守嚴關鑿馬坑斷嶺道大兵攻嚴關不克乃以偏師入平樂過臨桂來攻瑩瑩兵敗退保靜江平章使人招降瑩發弩射之攻三月瑩夜不解甲前後百餘戰城中死傷相藉訖無降意城東隅稍卑大軍陽攻西門以精兵夜決水牆攻東門破其外城瑩

閉內城城守又破之瑩率死士巷戰刀傷臂被執殺之斷其首猶握拳奮起立踰時始仆靜江破邕守馬成旺及其子都統應麒以城降獨瑩部將莫鈺轄猶以二百五十人守月城不下阿里海牙笑曰是何足攻圍之十餘日莫從壁上呼曰吾屬饑不能出降苟賜之食當聽命乃遺之牛數頭米數斛一部將開門取歸復閉壁大軍乘高視之兵皆分米炊未熟生嚙牛咬立盡鳴角伐鼓諸將以為出戰也甲以待莫乃令所部入擁一火砲然之聲如雷霆震城城皆崩煙氣漲天外兵多驚死者火燄入視之灰燼無遺矣

密佑其先密州人後渡淮居廬州佑為人剛毅質直累官至廬州駐劄御前遊擊中軍統領改權江西路副總管咸淳十年以閩門宣贊舍人為江西都統是冬大元丞相伯顏下鄂州留右丞阿里海牙守之而將大兵東下明年二月朱禔孫遣高世傑取鄂阿里海牙以兵逆擊執世傑荆江口兵盡潰半入江西江西制置黃萬石招集之且募寧都廣昌南劍義兵千餘人盡以屬佑十一月大兵至隆興劉槃兵敗乃嬰城自守萬石時移治撫州將遁懼佑不從乃調佑兵援槃且戒以勿戰未至隆興槃已降都統夏驥率所部兵潰圍出已而元帥張榮實呂師夔提兵逼撫州佑率眾逆之進賢坪兵來呼曰降者乎鬪者乎佑曰鬪者也麾其兵突戰進至龍馬坪大兵圍之數重矢下如雨佑告其部曰今日死日也若力戰或有生理眾咸憤厲自辰戰至日昃佑面中矢拔之復戰又身被四矢三槍眾皆死僅餘數十人佑乃揮雙刀斫圍南走前渡橋馬踏板斷遂被執眾見其勇戒勿殺與歸隆興元帥宋都解曰壯士也欲降之繫之月餘終不屈嘗罵萬石為賣國小人使我志不得伸宋都解命劉槃呂師夔坐城樓引佑樓下以金符遺之許以官佑不受語侵槃師夔益不遜又令佑子說之曰父死子安之佑斥曰汝行乞於市第云密都統子誰不憐汝也怡然自解其衣請刑遂死觀者皆泣下

張世傑范陽人少從張秉成戎有罪遂奔宋隸淮兵中無所知名阮思聰見而奇之言之呂文德文德召為小校累功至黃州武定諸軍都統制攻安東州戰疾力與高達援鄂州有功轉十官尋從賈似道入黃州戰蕪草坪奪遺所俘加

環衛官。歷知高郵軍。安東州。咸淳四年。大兵築鹿門堡。呂文德請益兵于朝。調世傑與夏貴赴之。及呂文煥以襄陽降。命世傑將五千人守鄂州。世傑以鐵鉅鎖兩城。夾以砲弩。其要津皆施柵。設攻具。大軍破新城。長驅而下。世傑力戰。不得前。遣人招之不聽。丞相伯顏陽攻嚴山隘。潛舟自唐港。邊舟入漢東。攻鄂。鄂降。世傑提所部兵入衛道。復饒州。乃入朝。時方危急。徵諸將。勤王多不至。獨世傑來。上下歎異。自和州防禦使。不數月。累加至保康軍承宣使。總都督府兵。遣將四出。取浙西諸郡。復平江。安吉。廣德。溧陽諸城。兵勢頗振。此月與劉師勇諸將大出師。焦山。令以十舟爲方碇。江中。非有號令。毋發碇。示以必死。元帥阿朮載穀士以火矢攻之。世傑兵亂。無敢發碇。赴江死者萬餘人。大敗奔圖山。上疏請濟師。不報。尋擢龍神衛四廂都指揮使。十月。進沿江招討使。改制置副使。兼知江陰軍。已而大軍至獨松關。召文天祥入衛。以世傑爲保康軍節度使。知平江。尋亦召入衛。加檢校少保。二年正月。大軍迫臨安。世傑請移三宮入海。而與天祥合兵背城一戰。丞相陳宜中方遣人請和不可。白太皇太后止之。未幾和議亦沮。兵至皋亭山。世傑乃提兵入定海。石國英遣都統卞彪說之使降。世傑以爲彪來從己。俱南也。惟牛享之酒半。彪從容爲言。世傑大怒。斷其舌。磔之于山。四月。從二王入福州。五月。與宜中奉晁爲主。拜簽書樞密院事。王世強導大軍攻之。世傑乃奉益王入海。而自將陳弔眼許夫人諸翼兵攻蒲壽庚不下。十月。元帥唆都將兵來援。衆遂解去。既而唆都遣人招益王。又遣經歷孫安甫說世傑。世傑拘安甫軍中。不遣。招討劉深攻淺灣。世傑兵敗。移王居井澳。深復來攻井澳。世傑戰却之。因徙礪州。至元十四年正月。遣將王用攻雷州。用敗績。四月。益王昀衛王昺立拜世傑少傅。樞密副使。五月。遣瓊州安撫張應科攻雷州。三戰皆不利。六月。再決戰雷城下。應科死之。世傑以礪州不可居。徙王新會之崖山。八月。封越國公。發瓊州粟以給軍。十月。遣凌震王道夫襲廣州。震敗績。明年。元帥張弘範等兵至崖山。或謂世傑曰。北兵以舟師塞海口。則我不能進。退。盡先據海口。幸而勝。國之福也。不勝。猶可西走。世傑恐久在海上。有離心。動則必散。乃曰。頻年航海。何時已乎。今須與決勝負。悉焚行朝草市。結大船千餘。

作木柴。爲死守計。人皆危之。已而弘範兵至。據海口。樵汲道絕。兵茹乾糧。十餘日。渴甚。下掬海水飲之。海鹹。飲即嘔泄。兵大困。世傑率蘇劉義方與日大戰。弘範得世傑甥韓命。以官使。三至招之。世傑歷數古忠臣曰。吾知降。生且富貴。但爲主死不移耳。二月癸未。弘範等攻崖山。世傑敗走衛王舟。大軍躡中軍。世傑乃斷維。以十餘艦奪港去。後還收兵崖山。劉自立擊敗之。降其將方遇龍。葉秀榮。章文秀等四十餘人。世傑復欲奉揚太妃。求趙氏後而立之。俄颶風壞舟。溺死平章山下。劉師勇者。廬州人。以戰功歷歷衛官。魯港師潰。賈似道欲東入海。師勇贊之入揚州。圖再舉。似道然之。時姚普復常州。似道命師勇以淮兵取呂城。朝廷加師勇和州防禦使。助普守常。而以張彥守呂城。合兵拒大軍。戰失利。彥馬弱。陷淖中。見執。呂城失守。常州勢益孤。大軍窺彥城下。招降。師勇以大義斥彥。彥慚而退。又遣范文虎來諭。師勇伏弩射走之。常受圍數月。援兵絕。有羣鷓飛鳴繞城。衆惡爲不祥。俄而城陷。師勇拔柵戰。且行。其弟馬墮墜。不能出。師勇舉手與訣而去。淮軍數千人皆鬪死。有婦人伏積屍下。闕淮兵六人反背相拄。殺敵十百人。乃殪。師勇從二王至海上。見時事不可爲。憂憤縱酒卒。葬于鼓山。

陸秀夫。字君實。楚州鹽城人。生三歲。其父徙家鎮江。稍長。從其鄉人孟先生學。孟之徒恆百餘。獨指秀夫曰。此非凡兒也。景定元年。登進士第。李庭芝鎮淮南。聞其名。辟至幕中。時天下稱得士多者。以淮南爲第一。號小朝廷。秀夫才思清麗。一時文人少能及之。性沉靜。不苟求人知。每僚吏至。閱賓主交驩。秀夫獨斂焉。無一語。或時宴集府中。坐尊俎間。矜莊終日。未嘗少有希合。至察其事。皆治庭。芝益器之。雖改官不使去。已就暮。三遷。至主管機宜文字。咸淳十年。庭芝制置淮東。擢參議官。德祐元年。邊事急。諸僚屬多亡者。惟秀夫數人不去。庭芝上其名。除司農寺丞。累擢至宗正少卿。兼權起居舍人。二年正月。以禮部侍郎使軍前。請和不就。而反。二王走温州。秀夫與蘇劉義追從之。使人召陳宜中。張世傑等。皆至。遂相與立益王于福州。進瑞明殿學士。簽書樞密院事。宜中以秀夫久在兵間。知軍務。每事咨訪始行。秀夫亦悉心贊之。無不自盡。旋與宜中議不

合宜中使言者勅罷之張世傑讓宜中曰此如何時動以臺諫論人宜中皇恐亟召秀夫還時君臣播越海濱庶事疎略楊太妃垂簾與羣臣語猶自稱奴每時節朝會秀夫儼然正笏立如治朝或時在行中淒然泣下以朝衣拭淚衣盡挹左右無不悲動者屬井澳風王以驚疾殂羣臣皆欲散去秀夫曰度宗皇帝一子尚在將焉置之古人有以一旅一成中興者今百官有司皆具士卒數萬天若未欲絕宋此豈不可為國邪乃與眾共立衛王時陳宜中往占城與世傑不協屢召不至乃以秀夫為左丞相與世傑共秉政時世傑駐兵厓山秀夫外軍軍旅內調工役凡有所述作又盡出其手雖勿遽流離中猶日書大學章句以勸講至元十六年二月厓山破秀夫走衛王舟而世傑劉義各斷維去秀夫度不可脫乃杖劍驅妻子入海即負王赴海死年四十四翰林學士劉鼎孫亦驅家屬奔轆重沉海不死被執擄掠無完膚一夕得脫卒蹈海鼎孫子伯鎮江陵人進士也方秀夫海上時記二事為一書甚悉以授禮部侍郎鄧光薦曰君後死幸傳之其後厓山平光薦以其書還廬陵大德初光薦卒其書存亡無從知故海上之事世莫得其詳云

徐應鑣字巨翁衢之江山人世為衢望族咸淳末試補太學生德祐二年宋亡瀛國公入燕三學生百餘人皆從行應鑣不欲從乃與其子琦崧女元娘誓共焚子女皆喜從之太學故岳飛第有飛祠應鑣具酒肉祀飛曰天不祐宋社稷為墟應鑣死以報國誓不與諸生俱北死已將魂魄累王作配神主與王英靈永永無數琦亦賦詩以自誓祭畢以酒肉餉諸僕諸僕醉臥應鑣乃與其子女入梯雲樓積諸房書籍箱笥四周縱火自焚一小僕未寐聞火聲起至樓下穴牖視之應鑣父子儼然坐立如廟塑像走報諸僕壞壁入撲滅火應鑣不能死與其子女怏怏出戶去倉卒莫知所之翌日得其屍祠前井中皆僵立瞳目面如生諸僕為具棺斂殯之西湖金牛僧舍益王立福州襲其節贈朝奉郎秘閣修撰後十年其同舍生劉汝鈞率儒者五十餘人收而葬之方家峪私諡曰正節先生

陳文龍字君貴福州興化人丞相俊卿之後也能文章負氣節初名子龍咸淳

五年廷對第一度宗易其名文龍丞相賈似道愛其文雅禮重之由鎮東軍節度判官歷崇政殿說書秘書省校書郎數年拜監察御史皆出似道力然自十數年似道所制臺諫皆聞其臺中相承凡有所建言皆呈葉似道始行至文龍為之獨不呈葉已忤似道知臨安府洪起畏請行類田似道主其說文龍上疏以為不可似道怒寢其疏襄陽久被圍似道日恣淫樂不少加意時陽請督師而陰使其黨留己竟失襄陽文龍上疏極言其失范文虎總師無功似道芘之以知安慶又除趙潛知建康黃萬石知臨安文龍言文虎失襄陽今反見擢用是當罰而賞也潛乳臭小子何以任大閫之寄萬石政事怠荒以為京尹何以能治請皆罷之似道大怒黜文龍知撫州旋又使臺臣李可劾罷之未幾呂文煥導大軍東下范文虎首迎降與文煥俱東似道兵潰魯港潛最先遁以故列城從之皆遁始悔不用文龍之言起為左司諫尋遷侍御史時邊事甚急王燦與陳宜中不能畫一策而日坐朝堂爭私意潛說友以平江降臺臣請籍其家燦以為可宜中以為不可張世傑諸將分四道出師而大臣不監護臺諫論之燦請行邊下公卿雜議宜中請出督師又下公卿雜議文龍上疏曰書言三后

協心同底於道北兵今日取某城明日築某堡而我以文相遜以迹相疑譬猶拯溺揀焚而為安步徐行之儀也請召大臣同心圖治無滋虛議其後宜中與燦終不相能而去至十月始來事已不可為矣是冬累遷文龍至參知政事未幾議降文龍乃上章乞歸養既出國門而悔之復上疏求還不報乃歸五月益王稱制于福州復以文龍參知政事漳州叛以文龍為閩廣宣撫使討之文龍以黃怪前守漳有恩信辟為參謀官按兵泉州使怪入招撫之怪至民皆頓首謝罪興化有石手軍者能擲石中人議者以其不足用罷之石手軍亦叛復命文龍為知軍平之已而降將王世強復導大軍入廣建寧泉福皆降知福州王剛中遣使徇興化文龍斬之而縱其副以還使持書責世強剛中負國遂發民兵自守城中兵不滿千大兵來攻不克使其姻家持書招降之文龍焚書斬其使有風其納款者文龍曰諸軍特畏死耳未知此生能不死乎乃使其將林華偵伺境上華即降且導兵至城下通判曹澄孫開門降執文龍與其家人至軍

中欲降之。不屈。左右凌挫之。文龍指其腹曰。此皆節義文章也。可相逼邪。強之卒。不屈。乃械繫送杭州。文龍去與化。即不食。至杭餓死。其母繫福州尼寺中。病甚。無醫藥。左右視之。泣下。母曰。吾與吾兒同死。又何恨哉。亦死。衆歎曰。有斯母。宜有是兒。爲收葬之。蒲壽庚以泉州降。告其民曰。陳文龍非不忠義。如民何。聞者笑之。大兵既歸。文龍之姪瓚復舉兵。殺林華。據興化。未幾復破瓚死之。

鄧得遇。字達夫。邛州人。淳祐十年。進士。調寧遠主簿。改知南昌縣。通判隆興府。監行在藏庫。出知昭州。遷廣西提點刑獄。逾年。攝經略事。兼知靜江府。德祐元年。長沙被兵。得遇遣都統馬驥。馬應麟。赴援。驥潛叛。而還。得遇斬之。軍事悉委之。應麟。未幾。馬應代。閩議事不合。二年。移治蒼梧。靜江破。得遇朝服南望拜辭。書幅紙云。宋室忠臣。鄧氏孝子。不忍偷生。寧甘溺死。彭咸故居。乃吾潭府。屈公子乎。乃吾伴侶。優哉悠哉。吾得其所。遂投南流江而死。

張珏。字君玉。隴西鳳州人。年十八。從軍釣魚山。以戰功累官中軍都統制。人號爲四川虜將。寶祐末。大兵攻蜀。破吉平隘。拔長寧。殺守將王佐父子。至蘭州。降安撫楊翥。推官趙廣死之。至蓬州。降守將張大悅。運使施擇善死之。順慶廣安諸郡破。竹而下。明年。合諸道兵。圍合州。凡攻城之具。無不精備。珏與王堅協力戰守。攻之九月。不能下。景定初。合守王堅徵入朝。以馬千代守合。四年。千子鏡餉。至虎相山。爲東川兵所得。屢以書勸千降。朝廷乃以珏代千。珏魁雄有謀。善用兵。出奇設伏。算無遺策。其治合州。士卒必練。器械必精。御部曲有法。雖奴隸有功。必優賞之。有過。雖至親。必罰不貸。故人人用命。自全汝楫。失大食平。大兵築虎相山。駐兵兩城。時出攻梁山。忠萬開達。民不得耕。兵不得解甲。而臥。每餉渠竭。數郡兵護送。死戰兩城之下。始克入。咸淳二年十二月。珏遣其將史炤王立以死士五十。斧西門入。大戰城中。復其城。三年四月。平章賽典赤提兵入壩。重慶夾道。出合城下。珏旋舟斷江中。爲水城。大兵數萬攻之。不克。遂引去。合州自余玠用。二再生策。徙軍釣魚山城。壁甚固。然開慶受兵。民凋弊甚。珏外以兵護耕。內教民墾田。積粟米。再期。公私兼足。九年。叛將劉整復獻計。欲自青居進築馬驂虎頂山。扼三江口。以圖合。匣刺統軍率諸翼兵以築之。左右欲出兵與

之爭。珏不可。曰。蕪菁平母得彰城。汪帥勁兵之所聚也。吾出不意而攻之。馬驂必顧其後。不暇城矣。乃張疑兵嘉渠口。潛師渡平陽灘。攻二城。火其資糧器械。越砦七十里。焚船塢。統制周虎戰死。馬驂城卒不就。十年。加寧江軍承宣使。德祐元年。陞四川制置副使。知重慶府。五月。加檢校少保。徵其兵入衛。蜀道斷不得達。六月。咎萬壽以嘉定及三龜九頂降。守將侯都統戰死。已而瀘敘長寧富順開達。巴渠諸郡。不一月皆下。合兵圍重慶。作浮梁。三江中斷。援兵自秋徂冬。援絕糧盡。珏屢以死士間入城。許以赴援。日爲之畫守禦計。二年正月。遣其將趙安襲青居。執安撫劉才。參議馬嵩歸。二月。遣張萬以巨艦載精兵。斷內水橋。入重慶。四月。合重慶兵出攻鳳頂諸砦。珏結瀘士劉霖先坤朋爲內應。六月。遣趙安破神臂門。執梅應春。殺之。復瀘州。重慶兵漸解去。瀘州十二月。趙定應迎珏入重慶。爲制置。時楊立以涪州降。珏遣張萬攻走立。存其僚屬馮巽午等。立復合兵來決戰。史進張世傑戰死。萬不支。侔立妻子及安撫李端以歸。珏以

都統程聰守涪。重慶兵盡退。珏聞二王立廣中。遣兵數百人求王所。調史訓忠趙安等援瀘州。張萬入夔。連忠涪兵拔石門及巴巫砦。獲將士百餘人。解大軍圍。攻破十八砦。明年六月。張德潤復破涪州。執守將程聰。先是聰在重慶。力主守城之議。珏入不知也。使出守涪。聰至郡。怏怏不設備。至是被執。德潤以肩輿載聰歸。語之曰。若子鵬飛爲參政矣。早晚可會聚也。聰曰。我執彼降。非吾子也。是月。梁山軍袁世安降。十月。萬州破。殺守將上官夔。十一月。瀘州食盡。人相食。遂破之。安撫王世昌自經死。大兵會重慶。駐佛圖關。以一軍駐南城。一軍駐朱村坪。一軍駐江上。遣瀘州降將李從招降。珏不從。十二月。達州降將解汝忠破咸淳皇華城。執守將馬堃。軍使包甲巷戰死。至元十五年春。珏遣總管李議將兵出廣陽。一軍皆沒。二月。大兵破紹慶府。執守將鮮龍。湖北提刑趙立與制司幕官趙西泰皆自殺。珏率兵出薰風門。與大將也速解兒戰。扶桑壩。諸將從其後。合擊之。珏兵大潰。城中糧盡。趙安以書說珏降。不聽。安乃與帳下韓忠顯夜開鎮西門降。珏率兵巷戰。不支。歸索燭飲。左右匿燭。乃以小舟載妻子東走涪。中道大憾。斧其舟。欲自沉。舟人奪斧擲江中。珏踊躍欲赴水。家人挽持不得死。

明日萬戶鐵木兒追及於涪。執之送京師。重慶降。制機曹琦自經死。張萬張起巖出降。進攻合州。破外城。三月。王立亦降。珪至安西。趙老庵。其友謂之曰。公盡忠一世。以報所事。今至此。縱得不死。亦何以哉。珪乃解弓弦。自經。廁中。從者焚其骨。以瓦缶葬之。死所。趙立者。字德修。重慶人。第進士。以上書。許買似道。被謫。德祐初。起爲大社令。湖北提刑使。蜀趣諸將入衛。至重慶。則曾萬壽已降。珪方城守。爲後圖。立無以復命。還至涪。沉水死。

宋史卷四百五十一

元中書右丞相總裁脫脫等修

列傳第二百十一

忠義七

高敏 張吉 景思忠 弟思立

郭濬 朱友恭附 吳革 李翼 阮駿

郭士駿 陳自仁叔 叔德 劉玠 陳淬 黃友

郝仲連 劉惟輔 高子孺 韓青附 牛皓 高萬任 安泰 元薛 張亨

魏彥明 劉士英 王襄 翟興 弟進 朱躡 朱良 方允武

龔棹 蔣子春 李巨 孫安道 凌唐佐 楊粹中

疆覽 康傑 李伸 郭僕 郭贊 王從龍 司馬夢求 林空齋

黃介 孫益 顧緒 顧希 王仙 曹琦

吳楚材 李成大 陶居仁

高敏登州人爲涇原指使數與西夏戰遭重傷范仲淹韓琦皆薦之爲閣門祇候歷利州路邠寧慶都監主蕃部事羌圍大順城偏將趙懷德力戰其下以銀買級主帥李復圭以所部不整欲治之敏言懷德善用入戰必勝當略其小過且蕃官難彊以漢法復圭乃止羌人聲言將出鄜延敏屢白復圭曰兵家之事聲東擊西環慶嘗破白豹金湯結疊已深不可不備已而果以兵三十萬來寇總管楊遂駐兵大義以敏爲先鋒將夏人攻奪大順水峒敏出通路自寅及午且戰且前多所斬獲次榆木援兵不至中流矢死年五十七官止東頭供奉官詔贈嘉州刺史錄其子孫爲侍禁殿直

張吉者慶州卒也爲淮安鎮守烽夏人寇東谷掠得之脅以兵使呼城中曰淮安諸砦已被宜速降吉反其辭曰努力諸砦無虞賊糧盡且去矣毋降賊怒害之詔贈內殿崇班又錄其子

險薄官軍官軍戰不利死者十之六左右勸思忠引避不聽奮劍疾戰而死走馬使張宗望爲言詔察訪熊本考實得其事神宗憫之官思忠及同死者之子七人餘皆賜其家錢帛

弟思立以蔭主渭州治平砦囉兀用兵韓絳使攝保安軍夏人寇順寧思立擢領兵赴援諸將敗一軍獨全以功知德順軍策應王韶取熙州過洮築當川堡克羌香子珂諾城遂定河州嘗與羌力戰斬不用命者數人軍聲大振詔言其臨事忠勇進如京副使通事舍人再擢東上閣門使河州刺史賜繡旗朱甲又遷四方館使河州團練使知其州神宗知思立母老而未有官舍命其弟思誼爲秦州判官以便養青宜結鬼章舉兵襲殺伐木卒害小校七人以書抵思立詞不遜思立不能忍帥兵六千攻之于踏白城鈐轄韓存寶蕃將贖藥交止之不聽自將中軍使存寶及魏奇爲先鋒王存將左買翊將右鬼章衆二萬分三砦以抗官軍戰數十合羌從山下圍中軍他將王寧李元凱沒于陣思立存寶潰圍出衆將多傷議曰日暮兵疲宜移屯東岡以自固思立以魏奇創重獨徙其軍方遣之而殿後兵亂前入望見亦皆潰思立已鬪且退曰我適以百騎走羌數千人無助我者今敗矣當自剄以謝朝廷衆止之少頃再戰遂死時已除忠州防禦使會其死不及拜帝以其輕敵致敗不復贈官

王奇汾州人武舉中第章惇經營湖北溪洞以爲將領降其酋舒光貴縛元猛平懿洽等州累遷如京副使爲湖南都監徙廣西宜州蠻寇邊奇領兵至天河縣期旦日會戰將費萬夜以衆竊出河泥隘戰沒經略使移書迫奇奇不能堪後數日蠻萬人驟集奇輕出遂敗麾下猶數百人勸策馬逃去奇罵曰大丈夫當盡節以報國何走爲戰而死詔贈皇城使忠州防禦使官其家六人仍賜金帛

蔣興祖常州宜興人之奇之孫也以蔭累調饒州司錄睦州盜起旁郡皆震興祖白州將糾卒卒緝戰具盜不敢謀以功遷官知開封府武陽縣武古博浪沙地土脈脆惡大河薄其南嘗積雨汎溢埽具潰興祖躬救護露宿其上彌旬旬隄以不壞治爲畿邑最使者交薦之靖康初金兵犯京師道過縣或勸使走避

與祖曰。吾世受國恩。當死于是。與妻子留不去。監兵與賊通。斬以徇。金數百騎來攻。不勝。去明日。師益至。力不敵。死焉。年四十二。妻及長子相繼以悻死。詔贈朝散大夫。

郭澣。德順中。安堡人。從軍積官至武經郎。為涇原第八副將。金人犯陝西。渭帥以下叛降。澣義不許。稱病去。帥惡之。傳致以罪。下之獄。脅使俱降。澣奮而呼曰。大丈夫今得死所矣。終不能受汙。叛逆大惡。天地所不容。吾雖死誓不爾貸。當許于地下耳。眾醜其語。即殺之。建炎三年。贈武翼大夫。忠州刺史。同死者朱友恭。西安人。以忠翊郎為涇原第一副將。步兵。扞金人於華亭。數有功。會金兵大集。友恭赴敵力戰。為所得。渭帥既降。誘以甘言。許優進官秩。不肯從。更詆辱之。帥不勝忿。斷其脛。以徇。經日乃斬之。後贈敦武郎。

吳革。字義夫。華州華陽人。國初勳臣廷祚七世孫也。少好學。喜譚兵。再試禮部不中。乃從涇原軍。以秉義郎幹辦經略司公事。金人南牧。帥兵解遼州之圍。使粘罕軍。見之。庭揖不拜。責其貪利。敗約。詞直氣勁。粘罕少屈。為追回威勝。諸屯兵。授書使歸。欽宗問割地與不割地利害。對曰。金人有吞噬之意。願悉起關中士馬。赴都為備。詔以為武功大夫。閤門宣贊舍人。持節諭陝西。行至朱遷。聞金人犯京師。復還。與張叔夜同人入城。請於帝。乞幸秦州。又乞出城劫之。使不敢近。又乞諸門。同出兵牽制衝突。尾屢應援。可一戰而勝。時眾言已入。皆不果。後金兵攻安上門。填道度壕。革言之守將。使洩蔡河水以灌之。不聽。及填道將合。欲用前議。則水已涸矣。革駕幸金營。革以為隨其計。往請叔夜。欲身見其大酋。計事。叔夜問其故。曰。茲行有三說。一則天子還內。二則金騎歸國。三則革死。叔夜為言之。不報。上皇妃后太子出郊。革白孫傅乞留之。不得。乃與傅謀。於聖聖僧院置振濟局。募士民就食。一日之間。至者萬計。陰以軍法部勒。將攻金營。久之。遷于同文館。所合已至數萬。多兩河驍悍之士。既而有立張邦昌之議。革謀先誅范瓊輩。以三月八日起兵。謀既定。前期二日。有班直甲士數百人排闥入。言邦昌以七日受冊。請亟起事。革乃披甲上馬。至咸豐門西面。皆瓊黨。給革入帳。即執之。脅以從逆。革罵之極口。引頸受刃。顏色不變。其麾下百人皆死。

李翼。麟州新秦人。宣和末。為代州西路都巡檢使。屯崞縣。金人取代。執守將嗣本。遣來諭降。翼射却之。帥士卒堅守。義勝軍統領崔忠殺都監張洪輔。夜引金兵入城。翼挺身搏戰。連日。力不敵。被執。酋粘罕欲臣之。怒罵不屈。與縣令李肇。丞王唐臣。尉劉子英。監酒閻城。將官折可與。同死之。既斃者。與化軍人。紹聖元年。進士。為河南府少尹。金人犯京師。率所隸兵擁護神御殿。抱神御馬。聲不絕口。卒被害。特贈朝議大夫。

趙士儻。字景瞻。太宗之後。生五歲。補右班殿直。既長。遊庠序。月試數居前。列一日。投筆歎曰。昔賢有不願為章句儒。出玉門關。佩侯印者。彼何人哉。遂不復事科舉。去為郡縣吏。累遷至淮南西路兵馬鈐轄。駐壽春。劇賊丁一箭。眾號十萬。來攻城。郡守不知兵。凡備禦之策。悉委士儻。賊三旬不退。士儻募軍中敢死士。與之謀。有張宣者。應募。獨持槩。雄城下。擊殺數十人。賊眾披靡。乃選壯士數百人。夜開城門。出其不意。擊走之。追奔數十里。以功遷三官。秩滿。授江東路鈐轄。李成叛。據江淮六七郡。連兵數萬。遣其黨馬進圍九江。守臣姚舜明與士儻及副鈐轄劉紹先。禦之。進攻城益急。士儻竭力捍守。江東帥呂頤浩屯鄱陽。既復南康。與建武節度使楊惟中。兵會。遣統制巨師古。接江州。未至。遇伏。敗。紹興元年正月。詔張俊為江淮招討使。入辭。頗言成兵眾。高宗責以立功。俊懷懼。受命。未至。城已陷。時守城罷卒僅數千。捍賊百餘日。城中食盡。舜明紹先議縱火。因棄城去。士儻毅然獨糾合部曲餘民守城。城破。眾號呼曰。無殺我趙鈐轄。賊入城。大掠。成素服。士儻之義。欲以為偽安撫使。士儻怒罵曰。賊欲屈我耶。陰裂帛以書。使示諸子曰。賊不殺我。義不苟活。汝輩得出。為我雪恥。遂仰藥而卒。年五十二。賊怒。并害其家數十口。事聞。上嘉悼。贈武功大夫。官其孫二人。士儻六子。皆有文行。不愆。不愆。不隱。是役也。不愆。不隱。不隱。死焉。又宗子。有士儻。士真。士適。皆以死事聞。

士醫任秀州兵馬都監。建炎四年。兀末入州。士醫乘城拒戰。城陷。死之。後贈武翼大夫。官其二子。

士真。權知陽信軍。寇劉滿至。士真拒之。兵潰。滿執之。去荆門。遇害。後贈右朝奉。

士真。權知陽信軍。寇劉滿至。士真拒之。兵潰。滿執之。去荆門。遇害。後贈右朝奉。

士真。權知陽信軍。寇劉滿至。士真拒之。兵潰。滿執之。去荆門。遇害。後贈右朝奉。

大夫官其一子

士適以武翼大夫守官江州紹興五年馬進寇江州士適遇害贈武德大夫官其家二人

士駿漢王曾孫也靖康末為右監門衛大將軍吉州團練使金人驅宗室北行士駿得間遁去居邢州結土豪將舉事有告者金人執而殺之事聞贈保寧軍節度使諡忠果

叔皎秦悼王四世孫元豐中為右班殿直累遷至德州兵馬都監自靖康以來劉順呂拱劉亨相繼謀叛叔皎皆設方略捕擒之建炎二年金人圍城郡檄叔皎率兵禦之前後六戰圍急有江詰者與郡守宗諒謀以城降叔皎斬詰以徇金人登城叔皎猶力戰勢窮被執怒罵不屈遂遇害

叔憑建炎間任陝州都監累官武翼大夫就遷通守金人圍陝州既久援兵不至城危時叔憑子官盧氏遺以蠟丸書曰人臣當死國難況吾以近屬其可辱命耶死固其所也遂死之時通判王澣職官劉效陳思道馮經李岳杜開縣令張玘將佐盧亨等五十一人俱死無降者

訓之字誨道秦悼王五世孫父叔侯官至惠州防禦使訓之登政和二年進士調東平儀曹知平江府吳縣朱勳怙勢役州縣訓之不為屈勳嘗執數輩詰縣請治訓之悉縱之怙勳遂移疾去宣和末盜起河北訓之屢與人言契丹舊盟未可渝金人新好未可恃未幾金人犯京師訓之居揚州率大姓募士勳王開

郡城失守乃止建炎三年知吉州永豐縣孟太后避地虔州護衛統制杜彥與其麾下叛後軍楊世雄應之將犯永豐訓之與尉陳自仁簡兵分為二一取間道遠賊後一據地利匿其精兵以誘賊賊至伏發殲其衆會賊別校繼至官兵未成列訓之率數十輩拒戰勵聲罵賊與自仁俱被害事聞詔贈訓之朝散郎直秘閣諡忠果自仁通直郎官其子邑人為立祠太后之發吉州也至太和衆

皆潰從事郎三省樞密院幹辦官劉德老為金人追騎所殺官其家一人是年金人過江陳淬戰死岳飛等兵皆引去上元丞趙壘之帥鄉兵迎敵死之贈奉議郎官其家一人

聿之安定郡王叔東子也建炎中為成忠郎金人圍潭州帥臣向子諲率衆守城聿之隸東壁子諲循城顧聿之曰君宗室不可效他人苟簡聿之感慨流涕金兵登城縱火子諲率官吏突門遁去城遂陷聿之巷戰大罵而死將官武經郎劉玠亦死之事聞贈聿之左監門衛大將軍玠武經大夫皆官其家其後朱熹為請立廟賜號忠節

陳淬字君銳興化軍莆田人紹聖初下第挾策西遊時呂惠卿帥鄜延淬戎服往見惠卿問相見何事淬曰大丈夫求見大丈夫又何事惠卿器之補三班奉職與西人接戰于烏原手殺十餘人擒其若王奏為左班殿直鄜延路兵馬都監累遷武經郎丁外艱宣和四年召赴闕授真定路分都監兼知比皆河北第一將尋拜忠州團練使真定府路馬步副總管七年金人入真定淬以孤軍禦

之妻孥八人皆遇害建炎元年辟諸軍統制宗澤命擊金人於南華敗之兼大名府路都總管兵馬鈐轄權知恩州王善者金之種落也擁兵十萬長驅兩河遂襲恩淬與長子仲剛拒戰敗飛刃及淬仲剛以身蔽刃死之明年善復圍陳州淬大敗善兵拜宿州安撫使李成叛詔以淬為御營使六軍都統淮南招撫使討之三戰三捷未幾金人犯采石又檄淬回援建康淬將中軍成方將前王

玠將後淬曰彼衆雖多然止有二十艘一艘不越五十人每至不過千人吾伏兵葭蘆翳蒼間俟其旋濟旋獲前後不相知訖濟當盡獲矣杜充不從金兵遂犯板橋諸軍皆潰淬獨與戰勢窮力盡據胡床大罵刃交於胸而色不動與其從子仲敏俱死詔贈拱衛大夫明州觀察使官其一子一壻

黃友字龍友温州平陽人少不羈十五入太學語同輩曰大丈夫不能為國立功亦造化中贅物耳因投筆西遊邊帥劉法一見奇之延致門下會西鄙軍閩都護高永年戰沒友作七詩哀其忠其後幕府奏功沒永年之實恤典不及其子以友詩進徽宗覽之惻然遂加贈諡友亦免省試登進士第調永嘉瑞安二

縣主簿攝華陰令有政聲方臘竊發友同諸將收復所至披靡婺寇復作守留友攝兵曹為殄滅計友請往論之既次浦江賊望風解去復單騎次武義賊衆持釘一植置其前友正色叱之曰汝等何速死耶賊首李德壯之亟麾退一境

貼然。娶人圖像祀之。通判澶州。會金人敗盟。郭藥師以常勝軍叛。燕士響應。友獨領數千人與之戰。躬冒矢石。破裂唇齒。欽宗卽位。制置使詹度奏。友久服武事。箚略過人。丞相何鼎從而薦之。召對。問友唇齒破裂狀。為之稱嘆。齎子其濕。進直徽猷閣。制置司參謀官。同种師中解太原圍。友遣兵三千奪榆次。得糧萬餘斛。明日。大軍進榆次十里而止。友亟白師中。地非利。將三面受敵。論不合。友仰天嘆曰。事去矣。迨曉。兵果四合。矢石如雨。敵益以鐵騎。士卒奔潰。敵執友謂曰。降則赦汝。友厲聲曰。男兒死耳。遂遇害。帝書忠節傳家四字旌其閭。官其後。八人。友體貌英偉。膽雄萬夫。謀書機密。出人意表。嘗語子弟曰。天下承平日久。武事玩弛。萬一邊書告警。馬革裹尸。乃吾素志。他日收吾骸。足心黑子為識也。其忠誠許國。根於天性如此。

郝仲連。昌元人。建炎元年。金人犯河中。守臣席益遁去。仲連時為貴州防禦使。宣撫范致虛遣節制河東軍馬屯河中。就權府事。金將婁宿以重兵壓城。仲連率眾力戰。外援不至。度不能守。先自殺其家人。城陷不屈。及其子皆遇害。後贈中侍大夫。明州觀察使。

劉惟輔。涇州人。以同州觀察使為熙河馬步軍副總管。金人既得秦州。經略使張深遣惟輔將三千騎禦之。金前軍踰鞏州。距熙才百里。惟輔留軍熟羊城。以千八百騎夜趨新店。黎明軍進。短兵相接。殺傷大當。惟輔舞劍刺其先鋒將李董黑鋒。胸膈墮馬死。敵為奪氣。退深檄隴右都護張嚴往追之。至鳳翔境上。惟輔不欲聽嚴節制。乃自別道由吾山出寶雞。傷金游騎。嚴擁大兵及金人於五里坡。金人知之。伏兵坡下。嚴與曲端期而不至。徑前遇伏。死之。惟輔自石鼻砦遁歸。金人略熙河。惟輔將去。顧熙河尚有積粟。恐金人因之以守。急出焚之。金人追及。所部皆走。惟輔與親信數百匿山中。遣人詣夏國求附。夏國不受。其親信軍詣金人降。金人執惟輔。誘之。百方終不言。金人怒。摔以出。惟輔奮首曰。死犬斬即斬。吾頭豈汝摔也。顧坐上客曰。國家不負汝。一旦遽降敵耶。即閉口不復言而死。張浚聞之。承制贈昭化軍節度使。購金帛布以二百計。官子孫十二人。立廟成州。號忠烈。有高子孺。僕道人。知蘭州。蟲谷峇。聞惟輔尚存。固守

以待。及城陷。先刃其家而後死。韓青為熙河馬步軍第六將。間行從惟輔。為金人所擒。亦罵不絕口而死。

牛皓。福州人。為武功大夫。川陝宣撫使軍中。部將紹興五年。金右都監撒離曷與其熙河經略使慕清欲犯秦川。宣撫副使吳玠遣諸校分道伺之。皓至吾瓦谷。與金將虎山遇。皓所部步卒不滿二百。乃下與戰。謂其徒曰。吾所以舍馬者。欲與若等同死也。金人見皓異於他人。欲招之。皓力戰死。有承信郎高萬。且罵且戰。與熙河路部將任安。宣撫司隊官秦元。薛琪。張亨。皆死於陣。金人相謂真健兒也。後皓安皆贈翊衛大夫。官其家五人。贈萬等三官。錄其子。

魏彥明。開封人。通判延安府。建炎二年。金人陷府東城。而西城猶堅守。金人併兵入鄜延。王庶自當鄜州來路。遣統制官龐世才當延安來路。天大雪。世才戰敗。自是金兵專圍西城。初受圍時。彥明與權府事劉選分地而守。彥明當東壁。空家賞以賞戰士。金人不敢犯。王庶子之道未弱冠。率老弱乘城。金人晝夜攻城。閱十有三日。城陷。彥明坐于城樓上。金人併其家執之。諭使速降。彥明曰。吾家食宋祿。犬輩使背吾君乎。婁宿怒。殺之。詔贈中大夫。官一子。

劉士英。宣和間。為温州教授。方臘陷處州。州人爭具舟欲遁。士英奮謂不當避。自郡將而下皆排沮之。士英獨身任責。推郡茂才石礪為謀主。治兵峙糧。藉保伍。分其地為八隅。委官統率。以鐘為約。令民間鐘聲。則趨所守堞。未幾。賊來攻。拒守凡四十餘日。官軍既至。賊潰去。靖康初。通判太原府。金人入境。帥臣張孝純欲避之。士英率通判方笈。將官王稟。力止純。孝及城陷。稟赴火死。士英持短兵接戰。死之。笈在金。因講和使附書。言二人死節。後刻石于溫衢二州。

翟興。字公祥。河南伊陽人。少以勇聞。劇賊王仲起。與興弟進應募。賊號大翟。小翟。金人犯京師。西道總管王襄檄興統領在城軍馬。以保護陵寢。功。補承信郎。辟京西北路兵馬副鈐轄。為陝西宣撫司前軍統制。高世由以澤州降金。金以為西京留守。與興進提步卒數百。卷甲夜趨洛陽。擒世由等斬之。羣盜冀德韓青出沒汝洛間。興以輕騎追襲。德就擒。清僅以身免。會進為叛將楊進所害。賊乘勢擊敗官軍。興帥衆拒賊。保伊川。明年。懲進死事于朝。以興代進為京

西北路安撫制置使兼京西北路招討使兼知河南府楊進屯鳴皋山北與與子崧帥鄉兵時出擾之進懼棄輜重南走與邀擊于魯山縣進中流矢死餘衆潰去西京平賊王俊據汝州與引兵攻之俊棄城去退保緞蓋山與進攻免胄大呼曰賊識我乎我翟總管也衆皆披靡遂破之金人犯河陽鞏縣永安軍與遣子崧與韓戰屢捷追至灑池詔授河南孟汝唐州鎮撫使兼知河南府轉武略大夫兼閩門宣贊舍人寓治伊陽時河東北雖陷上蒙聚衆保險與遣蠟書約之向密王簡王英輩皆願受節制奏上高宗嘉之授河東北路軍馬使徧檄山砦由是汾澤潞懷衛開山砦首領皆應命全人入陝右與遣將邀擊俘五十餘人又遣子崧生擒金河東都統保骨遂復陽城縣乘勝取絳之垣曲進至米糧川紹興元年春金重兵犯河南時與軍乏糧就食諸道僅存親兵自衛人情震恐與授將彭玘方略設伏于井首俟敵至陽道金衆果追玘伏發金帥就擒鄧州人楊某擁衆河北僞稱信王與遣將董先追獲于商州殺之進武功大夫忠州團練使劉豫將遷汴以與屯伊陽渾之遣蔣頤持書誘與以王爵與斬頤焚其書豫計不行乃陰遣人陷裨將楊偉以利偉殺與攜其首奔豫或云略應以兵徑犯中軍與奮擊陳馬死事聞贈保信軍節度使與威貌魁偉每怒鬚輒張軍食不繼士以菽粟雜藜藿食之激以忠義無不奮厲在河南累年金人不敢犯諸陵詔賜軍名忠護子崧沈勇有父風繼與爲鎮撫使琳閣門祇候

進字先之以捕盜勞補下班殿侍累功充京西第一將坐熙河帥劉法涇原戰失利降官停任尋敘復女真歸故地改河北第四將往至遂城會契丹兵奄至都統制劉延慶以進爲先鋒與契丹戰于幽州石料岡盧溝河皆捷又與契丹大將遇于峯山力戰彌日契丹潰去金人犯京師朝廷密詔西道總管王襄會兵三萬赴京城至葉縣襄欲引兵而南進諫止之因分軍遣進持書而西時經略使范致虛已合五路軍馬次潼關以進統河南民兵收復西京進至福昌遣兵襲金營時金遊騎往來外邑進設伏擒之金人逼靈山砦進父子兄弟與之戰潰圍至高都集鄉兵七百人夜行晝伏五日至洛城夜半破關入擒高世由再捷于伊陽白草塢都總管孫瑒遠至洛陽以進戍灑池界授武義大夫閣門

宣贊舍人金人犯白浪隘將渡河進破之未幾洛陽再陷進在伊陽夏散亡才千人金人犯薛封進選精銳三百人夜縱火斫其營焚死者甚多又戰于驢道堰生擒金將翟海追至梅花谷賊韓德韓清翟南陽進間道擊之德降繼斬清于艾蒿平勒兵抵龍門屢與金人在夾河戰乘勝入洛陽或曰彼砦尙固城未可守不聽金人聚懷衛蒲孟數州之衆薄城下斧諸門入進率士卒巷戰次子亮死之遷武功大夫閣門宣贊舍人充京西北路兵馬都鈐轄尋授馬步軍副總管升本路制置使兼知河南府會東京留守杜充所招巨寇楊進號沒角牛者擁兵數萬殘害汝洛間進謂其兄與欲力除之會楊進遣數百騎絕水犯進營進乘半渡擊之追賊數十里破賊四砦馬驚墜壑爲賊所害贈左武大夫忠州刺史官其後五人

朱蹕湖州安吉人知錢塘縣建炎三年金人陷杭州初犯餘杭守臣康允之退保諸山蹕白允之率弓手土軍前路拒敵使杭民爲逃死計行二十里遇金兵蹕兩中流矢左右披至天竺山猶能率鄉兵禦敵後數日遇害時兀朮自安吉進兵過獨松關曰南朝者以羸兵數百守此吾豈能遽度哉

朱良者字良伯吳郡人世儒科建炎中爲海鹽縣尉金兵入境良謂僚友曰今日乃忠臣義士死國之時也披甲執戈集所部百餘人奮而前擊金兵數人死衆爲披靡然力不敵竟死事聞官其子思後守漢陽

方允武者衢州人武學上舍補官爲常州宜興巡檢建炎三年金人入縣之金泉鄉允武率土軍鄉民迎敵殺獲數級奪弓箭與旗後遇金兵梅嶺村力戰而沒詔贈兩官官其家二人

龔楫字濟道兵部侍郎原之孫世以儒學顯楫懦如不勝衣建炎初聞金人陷郡縣輒忿恚不食念有以自見而不可得兀朮據和州以偏師萬人築堡新塘遏絕濡須之路楫率家僮百餘人襲之鄉里從者三千餘人獲千戶二繫累者數百人輜重稱是縱遣所掠州民父母妻子將歸于滁和鎮撫司遇金兵大至乃取道圩上金騎兵據其衝不得前衆多赴水死楫壓其衆曰今日鬪死亦足稱義士自棄溝瀆無益也戰敗爲金人所獲猶挺劍刺其一人罵不絕口金人

謝劄之年二十二金人初至新塘有蔣子春者教授里中金人見其挾書又人物秀整喜之欲命以官子春怒罵乃殺之

李巨者字可大兗州乾封人少好學有知慮大觀二年進士徐處仁當國權尙書郎官建炎末金人犯淮南巨不及避劉豫使守大名與凌唐佐謀密陳豫可取狀告于朝募卒劉全宋萬偕惠欽輩十餘往返事泄全萬惠欽爲邏者所得巨坐死後贈官立祠曰愍忠又有武顯大夫孫安道爲應天府兵馬鈐轄城陷不得歸謀挺身還朝爲人所告而死後贈忠州刺史

凌唐佐字公弼徽州休寧人元符三年進士建炎初提點京畿刑獄加直秘閣知南京南京陷劉豫因使爲守唐佐與宋汝爲密疏其虛實遣人持蠟書告于朝江淮都督呂頤浩過常州得唐佐從孫憲授保義郎閣門祗候俾持書遺之憲至睢陽事泄豫捕唐佐并其家憲脫歸唐佐見豫責以大義豫怒斬唐佐境上李橫復賴昌言于朝詔贈徽猷閣待制

楊粹中真定府人建炎二年金人大入時粹中知濮州固守不下粘罕以濮小郡易之將官姚端乘其不意夜擣其營直犯中軍粘罕跳足走僅以身免遂急攻城凡三十三日而陷端率死士突出粘罕入其城粹中登浮圖不下粘罕嘉其忠義許以不死乃以粹中歸粹中竟不屈而死守禦官杜續亦死之贈粹中徽猷閣待制

彊覽自金歸宋爲武功大夫閣門宣贊舍人知環州環慶路統制軍馬兼沿邊安撫使隆興間金兵圍環州與其弟武經大夫環慶路統制沿邊忠義軍馬震堅守孤城招誘使降不屈城陷死焉興州駐劄御前諸軍統制吳挺言于朝並贈觀察使立廟西和州賜額旌忠

康傑者權知扶風縣與金將馮宣戰宣愛而欲招之傑奮曰吾今也當死於陣不能降敵宣殺之

李伸者知天興縣堅守不下城陷曰吾豈使敵殺我遂自殺

郭傑字同升開封祥符縣人以父任調海州東海縣尉權祥符縣尉時童貫子師閔死敕葬邑境傑任道途之役貫命徹民屋之當道者傑先籍童氏屋數十

間欲毀之貫遽令勿毀由是民屋得免再調濮州招安丞又爲亳州蒙城丞令以鹽科邑民僱爭之不可郡守以僱丞鹿邑中貴人楊逢周率軍士二百人以捕寇爲名入邑境所至騷動僱檄逢周取所授文書逢周不與僱令尉譏察之逢周歸懇於徽宗詔遣僱赴開封府獄獄以狀聞乃使還任辟權咸平縣丞靖康初勸王兵有剽掠邑界者僱率民兵擊之得犯者斬以徇會金人大至力不敵其僚欲降之僱走南京從趙野乞師不從慟哭而歸尋知宣城縣苗傳劉正彥之變呂頤浩傳檄諸郡僱說郡守劉珏請募勇士倍道赴難揭榜復用建炎

年號人皆肆之通判金州權饒州浮梁宰未行時有賊張頂花者已逼縣境衆止之僱曰安逸則就艱危則辭非我所學徑就道至縣約束吏士誓以死戰賊聞之僞降入邑爲勢邑官竄伏僱曰吾爲宰義不可去端坐公署賊從責僱僱大罵不絕口遂遇害詔贈承議郎錄其後二人

郭贊汝陽縣丞也建炎二年金人陷蔡州守臣閻孝忠聞之先遣其家獨聚軍民守城金人陷城孝忠爲所執見其貌陋且侏儒乃令荷擔因乘間而逃獨贊朝服話叱不肯降遂見殺

王进字純父饒州樂平人擲舉恩免爲固始簿攝邑紹定中金兵犯淮守令望風遁進度力不能禦懷印自投于井而死

吳從龍字子雲官至武功郎建康府統制紹定兵難爲先鋒援不至被擒使至泰州城下誘降終不屈死之廟祀楊泰二州賜額褒忠官其弟從虎至武經大夫

司馬夢求敘州人溫國公光之後也母程歸及門夫死誓不他適旌其母曰節婦夢求其族子取以爲後景定三年舉進士咸淳末調江陵沙市監鎮沙市距城才十五里南阻蜀江北倚江陵地勢險固爲舟車之會恃水爲防德祐元年湖水忽涸北兵橫過中道乘南風縱火都統程文亮逆戰于馬頭岸制置使高

達束手不援文亮降夢求朝服望闕再拜自經死

林空齋永福人失其名父同官至監丞空齋舉進士歷知縣解官家居益王立張世傑圍泉州乃率鄉人黃必大劉全祖即其家開忠義局起義兵復永福縣

時王積翁以安福送款世傑然實密約北兵至屠永福必大全祖等走他邑空齋威服坐堂上醫指血書壁云生爲忠義臣死爲忠義鬼草間雖可活吾不忍生爾諸君何爲者自古皆有死俄見執不屈而死

黃介字剛中隆興分寧人。意氣卓越喜兵法。制置使朱禔孫師蜀介上攻守策。禔孫愛之以自隨。夏貴辟充廣濟簿尉。平反死囚。尹不能抗錢。真孫復辟入幕。及與真孫別。誦南八男兒死爾語以勉之。後家居。帥鄉民登龍安山。爲保聚計。德祐元年北兵至。皆衆奔潰。介堅守不出。且射且詬。面中六矢。不爲動。顧謂家僮陳力曰。爾盡力勿走。方曰。主在。死生同之。介身被鏃如蠅。面頸復中十三矢。倚柵而死。力亦死。妻劉被掠。子用中逃得不死。及壯。求母四方。逾十年。得于京師。以歸。州里稱爲黃孝子云。

孫益揚州泰興人。少豪俠。紹定中。李全犯揚州。遊騎薄泰興城下。縣令王煥募人守禦。益起從之。俄賊兵大至。益率衆拒之。見賊勢盛。且前且卻。益厲聲呼曰。王令君募我來。將以守護城邑也。今賊至城下。我輩不爲一死。復何面目見令君乎。遂身先赴敵死之。同時顧緒。顧珣。俱戰死。事聞。贈益保義郎。緒珣承節郎。各官其子一人。

王仙蜀都統也。守涪州。北兵攻圍無虛日。勢孤援絕。宋亡之二年。城始破。仙自刎。斷其亢不殊。以兩手自摘其首墜死。

曹琦蜀進士也。知南平軍。亦被執。脫身南歸。制置辟主管機宜文字。聞都統趙安以城降。就守禦地自經死。

吳楚材名炎。以字行。建昌南城人。德祐元年。建昌降。明年春。楚材還其鄉領村。糾集民兵。時江西制置使黃萬石走邵武。遂繇邵武守黎靖。德請于萬石。乞濟師。萬石不許。而授楚材迪功郎。權制置使。計議官以安之。且戒勿與兵。楚材不聽。二月己亥。自領村率衆晨炊。將攻城。鉦鼓震動。甫至近郊之龜湖。北兵三道蹙之。奪其長梯鐵鉤。因進攻領村。拒以木柵。不得入。事聞。益王元帥府承制。遷楚材宣議郎。帶行大社令。知建昌軍。俾聚軍圍再舉。萬石匿其命。楚材既失利。且乏援。大元兵誘降。其衆多解去。楚材走光澤。爲人所執。及其子應登。以

獻郡遣錄事。南良訊之曰。汝何爲錯舉。楚材抗聲曰。不錯不錯。如府錄所爲。乃大錯爾。府錄受宋官爵。今乃爲敵用。事還。身上綠袍。自何而得。吾一鄙儒。特爲忠義所激。爲國出力。事雖不成。正不錯也。南良愧而語塞。及吳淩爲江西制置。招討使。斬楚材父子。傳首諸邑。益王立于福州。聞而哀之。贈官。朝奉郎。卽邵武境上立廟。賜名忠勇。

李成大字實夫。南康軍建昌人。文定公李迪之從子也。寶祐四年。進士。德祐初。知金壇縣。北兵至。與寄居官潘大同。大本率民兵巷戰。不勝。大同兄弟死之。吏民披成大降。乃潛與胡用存謀復金壇。事泄。繫獄。擄掠不屈。遂殺其二子。以懼之。終不屈。笑曰。子爲父死。臣爲君死。卒殺之。事聞。贈朝散大夫。直秘閣。謚忠節。制曰。外難方熾。擁名城數十而降者。相望也。守封疆之臣。父忠於前。子繼於後。如晉卞氏。可無襲乎。通直郎知鎮江府金壇縣兼弓手。碧兵正李成大。勁氣排霄。精忠貫日。壯志弗就。以沒其身。噫。以大夫之階。官其二孤。用慰英爽。

陶居仁。太平之蕪湖人。以行義聞州里。任爲鎮江錄事參軍。北兵攻鎮江。守臣洪起畏。遁。統制官石祖忠。舉城降。居仁見執。抑使降。居仁曰。吾固知曆數窮。而世運更也。詎可失忠義。苟生邪。得以死報朝廷。夫何憾。竟不屈。遂見殺。大師至。聞居仁死時語。歎噴之。爲棺斂。使人護以還其家。溯流數百里。不時頃至。人皆異之。鄉人爲立祠。

宋史卷四百五十二

元中書右丞相總裁脫脫等修

列傳第二百十二

忠義八

高永年

鞠嗣復宋族丁仲修

孫昭遠

曾孝序

趙伯振

王士言祝公明

薛慶

孫輝

李觀楊照丁元

宋昌祚

李政

姜綬

劉宣

屈堅

王琦章永壽

鄭覃

姚興

張玘

陳亨祖

王拱

劉泰

孫達

李熙靖趙俊

姚邦基

劉化源

胡唐老

王儻

朱嗣孟

劉晏

鄭振

孟彥卿

高談

連萬未

謝卓

王大壽

薛良顯

唐敏求

王師道

高永年，河東蕃官也。為離州都巡檢，王瞻取青唐，永年總蕃兵為先鋒，瞻入邈川而宗哥叛，永年以千騎直抵其城，開省章峽路，擊走叛羌，結陣環青唐，羌攻甚急，復擊之，去會苗履姚雄以援師至，戰溪蘭宗堡，履少却，永年領勁騎斷羌為二，乃退復與李克保敦谷，又戰于乾溝，單馬援矛，刺羌酋彪，離斯萬眾之中，斬其首，餘衆宵遁。已而隴拶自乾溝逼鄯州，永年佐瞻拒守，及雄葉湟，譚皆以永年殿歸師，崇寧初，知岷州，蔡京議復兩州，王厚使永年帥兵二萬出京關，王克安川堡，遂至湟，即知州事，自皇城副使進四方館使，利州刺史，為熙秦兩路兵都統，制將前軍駐宗哥北，溪賧羅撒萃精勇，據高阜，欲衝官軍，永年揮選鋒突陣，師乘之，羌大敗，遂平鄯州，遷賀州團練使，知其州，溪賧羅撒合夏國四監軍之衆，逼宣威城，永年出禦之，行三十里，逢羌帳下親兵，皆永年昔所推納，熟戶也，永年不之備，羌遽執永年以叛，遂為多羅巴所殺，探其心肝食之，謂其下曰：此人奪我國，使吾宗族漂落無處，所不可不殺也。是役也，王厚實主其事，而謀策皆出永年，乃劾永年信任降羌，坐受執縛，故贈恤不及云。永年略知文義。

范純仁嘗令贊所著書詰闕，作元符隴右錄，不以稟湟鄯為是，故秦京用之，雖成功，然竟以此死云。

鞠嗣復不知何許人，宣和初，知歙州休寧縣，方臘黨破縣，欲逼使降，面斬二士以怖之，嗣復罵曰：自古妖賊豈有長久者，爾當去逆從順，因我而歸朝，官爵尚可得，何為脅我使降？嗣復知必死，不少懼，屢言何不速殺我，賊曰：我縣人也，明府幸邑，有善政，我不忍殺，乃委之而去。初，嗣復聞難，率吏民修城立門，衆赴功，守備略就，朝廷知之，進其官二等，加直秘閣，擢知睦州，嘗為賊所傷，自力度江，乞師於宣撫使，未及行而卒。

宋族，字庭實，莆田人，第進士，累官奉議郎，知劍縣，方臘既陷歙，杭衢婺五州，且犯越，越盜亦起，應之縣，多遁，放遣妻子浮海歸閩，獨與民據守，以忠義激勸，部勒隊伍，為豫備計，俄而盜衆大至，躬率壯銳，冒矢石，雖頗殺獲，終以力不敵，遂死之。越帥劉軫上其事，詔贈朝散郎，錄其四子。

丁仲修，字敏之，温州人，方臘黨俞道安陷樂清，將渡江，巡檢陳華往捕死之，先鋒將張理同李振出南門迎敵，渡入接橋，橋斷，馬蹶溺死，賊至帆遊，夏祥遺輔，襄迎戰數十合，襄死之，仲修帥鄉兵禦諸樂灣，鄉兵失據而散，仲修以餘兵與賊戰，方屈乃死。

項德，婺州武義人，郡之禁卒也，宣和間，盜發幫源，明年陷婺而邑隨沒，德率敗亡百人破賊，因據邑之城隍祠，自二月訖五月，東抗江蔡，西拒董奉，北捍王國，大小百餘戰，出則居選鋒之先，入則殿後，前後俘賊不可勝計，賊目為項鷄子，聞其鉦則相率遁去，方謀復永康諸縣，而官兵至，德引其衆欲合，會賊盡銳邀之黃姑嶺下，德戰死，邑人哭聲震山谷，圖其像歲時祭之。

孫昭遠，字顯叔，其先眉州眉山人，元祐間進士，調長沙尉，辟河東經略司幹當公事，歷鳳翔天興縣，河北山東撫諭盜賊幹當公事，尋擢河北燕山府路轉運使，靖康元年，召為水部員外郎，金人圍太原，宋師多潰，欽宗遣折彥質乘傳同昭遠招集，會洛陽陷，西京留守西道總管王襄從徙襄漢，授昭遠西道總管，道收潰卒，至京兆，遇承興路安撫范致虛，會諸軍入，授昭遠管其進，且檄諸道使。

出師環慶帥王似熙河帥王倚各以師會涇原帥席賁秦鳳帥趙點鄜坊使張深皆後帥期昭遠二十有八疏劾之合諸道兵得十萬命馬祐昌統之昭遠與致虛同出關祐昌與金人戰敗京師陷遣使至大元帥府建炎元年遷河南尹西京留守西道都總管至洛收集散亡得義兵萬餘人柵伊陽使民入保其冬金人來攻昭遠遣將姚慶拒戰軍敗慶死昭遠命將官王仔奉啓運諸殿神御間道走行在。金兵益熾昭遠戰不利其下欲擁昭遠南還昭遠罵曰若等平日衣食縣官不以此時報國南去何為叛兵怒反擊昭遠遂遇害官屬無免者四年。追贈徽猷閣待制

曾孝序字逢原泉州晉江人以蔭補將作監主簿監泰州海安鹽倉因家泰州累官至環慶路經略安撫使過關與蔡京論議司事曰天下之財貴于流通取民膏血以聚京師恐非太平法京銜之時京方行結羅俵糧之法盡括民財充數孝序上疏曰民力殫矣民為邦本一有逃移誰與守邦京益怒遣御史宋聖寵劾其私事追遠其家火鍛鍊無所得但言約日出師幾誤軍期削籍竄嶺表遇赦量移永州京罷相授顯謨閣待制知潭州復以論播事與吳居厚不合落職知袁州尋復職再知潭州道州人叛乘高恃險機毒矢下石官軍不得前於兩山間作巨木橫累以守孝序夜遣驍銳攀援而上以大兵繼進破平之進顯謨閣直學士遷龍圖閣直學士知青州繕修城池訓練士卒儲峙金穀有數年之備金人不敢犯高宗即位遷徽猷閣學士升延康殿學士召赴行在既而青州民詣南都借留許之先是臨朐土兵趙晟聚眾為亂孝序付將官王定兵千人捕之失利而歸孝序責以力戰自贖定乃以言撤敗卒奪門斬關入孝序出據廳事瞋目罵之遂與其子宣教郎許皆遇害年七十九城無主遂陷知臨淄縣陸有常率民兵拒守死于陣知益都縣張侃千乘縣丞丁與宗亦死之後贈孝序五官為光祿大夫諡感忠子訂承議郎有常朝歌郎錄其家一人贈侃與宗二官官二子

趙伯振太祖八世孫宣和六年進士靖康末為鄭州司錢捍禦有功上聞之就遷直秘閣通判州事建炎二年金人犯鄭州守臣董岸棄城走越八日城陷伯

振率兵巷戰中流矢墜馬遂遇害事聞贈朝請大夫官其一子

王士言武舉進士累立戰功西北服其威名宣和初擢河東廉訪使者方臘為寇詔擇材略之士馮熙載薦為東南第三將首解嘉興之圍靖康元年詔以浙西兵往河東防秋金人攻澤州畢力守禦金兵日增士言分必死他將力屈城西南遂陷乃使親卒持劍歸報巷戰而死康九之上其事贈拱衛大夫忠州團練使官其後五人

祝公明處州麗水人太原府孟縣主簿靖康間金人犯河東令棄官去公明攝縣事率保甲入援圍守踰年城陷不屈于陶為唐州司戶中原失守陶亦死官所建炎中贈公明承事郎

薛慶起羣盜據高郵兵數萬人多驍雋敢鬪能以少擊眾附者日多張浚聞慶無所係屬欲歸麾下親往招之慶感服因使守高郵尋遷拱衛大夫福州觀察使承州天長保寧鎮撫使金人還自浙屯天長六合間慶率眾劫之得牛數百悉賂分畀民之力田者金人欲自運河引舟北歸而趙立任楚慶在承扼其衝不得進金左監軍昌來見兀朮欲會兵攻楚州真揚鎮撫郭仲威聞之約慶俱往迎敵慶至揚州仲威殊無行意置酒高會慶怒曰此豈縱酒時耶我為先鋒汝當繼後上馬疾馳去平旦出揚州西門從騎不滿百轉戰十餘里亡騎三人仲威迄不至慶與其下奔揚州仲威閉門拒之慶倉皇墜馬為金追騎所獲馬識舊路還軍中見之曰馬還太尉其死乎金人殺慶承州陷計開贈保寧軍承宣使官其家十人封其妻碩人

孫暉為泗州招信縣尉建炎三年正月金人陷泗州州守呂元閣瑾焚淮橋遁金人由招信將渡淮暉將射士民兵禦之沉其數舟會大霧蔽日金人莫測其多寡相持踰半日以疑兵糜暉自上流渡兵暉又戰且卻城破竟死于敵書樓李觀字彥和吉州龍泉人幼孤母督之學不肯卒業母詰之辭曰國家遭女真之變寓縣雲擾士當捐軀為國戡大寇安能咕囁章句間效丈夫哉岳飛督師平度寇挺身從之未行奔母喪服除走淮南以策干都督張浚浚奇之使隸淮西總管孫暉戲下累功授承信郎紹興十年金遣其將翟將軍犯境觀與部

曲當其鋒。轉戰至西京天津橋南。俘程將軍。乘勝逐北。會金兵大至。遂死之年。三十一。

楊照者。涿州將官也。金人圍城急。照躍上角樓。刺賊之執黑旗者。洞腹抽腸而死。照俄中流矢卒。有統領丁元者。遇金人十八里洲被圍。元大譁其徒。勉以毋得負國。一舟二百人皆鬪死。詔並贈承信郎。錄其後。

宋昌祚。和州鈐轄也。建炎二年。兀朮犯和州。州人推昌祚權領軍事。率眾堅守。金人圍之數匝。禁軍左指揮使鄭立亦拳勇忠憤。共激士卒。晝夜備禦不少怠。閱數日。軍士胡廣發弩中兀朮左臂。兀朮大怒。飛砲兩集。徑登弩發之地。城立破。金人入屠其城。昌祚與權倖唐環。歷陽令蹇譽。司戶徐煥。縣尉邵元通。及立廣皆死。誰樓上礮裂以徇。軍士多不降。潰圍西出。保麻湖水。嘗推鄉豪為統領。聞於朝。遂以趙霖為和州鎮撫使。昌祚環譽統元通各贈官。錄其子弟。

李政為雲騎第六指揮。在京東立戰功。補官。授河北將官。冀州駐劄。靖康二年。知州權邦彥以兵赴元帥府。勸王金兵來攻。政守禦有法。紀律嚴明。軍民皆不敢犯。金屢攻城。政皆却之。夜擄其營所得財物。盡散士卒。無纖毫入私家。號令明。賞罰信。由是人皆用命。俄攻城甚急。有登城者。政呼曰。事急矣。有能躍火而過者。有重賞。於是十數人皆以濕氈裹身。持仗躍火而過。大呼力戰。金人驚駭。有失仗者。遂敗走。政大喜。皆厚賞之。未幾。政死。城遂陷。權知州事。單某者不降。自經死。

姜綬。處州麗水人。金人再犯京師。內外不相聞。朝廷募忠勇士。齎蠟書往南京。總管司調兵赴援。綬以忠翊郎應募。乃剖股藏書。絕下。南壁為邏騎所獲。厲聲叱罵。遂被害。建炎中。州上其事。官其子特立承信郎。

劉宣為秦鳳路兵馬都監。金人入關陝。宣遣蠟書密與吳玠相結。且率金將任拱等。以所部歸朝。約日已定。有告之者。金人取宣蠟書。其家屬配曹州。屈堅為右武大夫。忠州防禦使。建炎二年。金人圍陝州。堅引所部救之。為解。金人執堅。堅曰。始吾所以來。為解圍也。城苟全。吾死何憾。叱金人使速殺之。後贈三官。錄其家五人。

王琦。為弓門營巡檢。建炎四年。金人還自熙河。琦擊之。金人立招降旗。勝。改年號阜昌。眾皆拜。琦獨不屈。金人執而殺之。

韋承壽者。紹興三十二年。以統制官與金人戰和州。子承節。即世堅救之。同死。張浚以言。贈中衛大夫。融州觀察使。世堅贈三官。

鄭軍。字季厚。明州人。靖康二年。貢于鄉。建炎四年春。金人陷明州。縱兵大掠。軍挈族。辟離山谷間。金人追及。與兄章俱被執。脅以刃曰。與吾金。即實死。軍號泣。指所瘞黃金。敘遺之。遂見釋。而金兵相屬。軍擊小舟。與其妻董同載去。顧謂章曰。萬一不得脫。軍豈北面事異國者。兄勉主祭祀。復為兵所劫去。追使之降。軍厲辭罵不屈。躍入水中。董哭曰。夫亡矣。與其受辱以生。不如死。亦自沈。軍死後。孫曾多舉進士。而清之最顯。軍累贈太師。秦國公。董秦國夫人。

姚興。相州人。靖康中。以州校用。劫殺金人。有功。借補承信郎。建炎初。張琪聚兵歸東京。留守宗澤。與往從之。又從琪。依劉洪道于池州。紹興元年。琪叛。掠饒州。呂頤浩招降之。琪既聽命。而中變。執總管巨師古將殺之。興密諭所部。挾師古同其妻游騎。而馳。夜歸。頤浩。頤浩義之。請于朝。授武義郎。隸張俊軍中。復從劉

錡守順昌。復宿亳。下城。父承城臨。漢新縣朱家村。遷武略大夫。戰淮壩。有功。授右武大夫。累遷建康府。駐劄。御前破敵軍。統制。充荆湖南路兵馬副都監。紹興三十一年。金人渝盟。與隸都統王權麾下。遇金兵五百騎于廬州之定林。與戰。命之。生得女直騎殺虎。初。金主亮在壽春。江淮制置使劉錡命權將兵迎敵。權怯懦不進。錡督戰益急。權不得已。守廬州。及金兵渡淮。權遣與拒之。而退保和州。與與金人遇于尉子橋。金人以鐵騎進。與廬兵力戰。殺數百人。權奔仙宗。山嚴兵自衛。與告急。數不應。統領載鼻帥馬軍引避。初。李二者嘗有私恩於權。因得出入軍中。往來兩界貿易。聞竊權旗幟遺金人。至是。金人立權旗幟以誤

與。與往奔之。父子俱死焉。事聞。詔贈容州觀察使。又特官其後三人。即其嘗立廟。既復淮西。又立廟。戰所。賜額。雄忠。開禧元年。戶部侍郎趙善堅言。近守邊藩。詢訪故老。姚興以四百騎當金人十數萬。自辰至午。戰數十合。援兵不至。竟死于敵。金人相謂曰。有如姚興者十輩。吾屬敢前乎。與忠勇如此。宜超加爵諡。於

三官。錄其家五人。

是賜諡忠毅。

張玘字伯玉，世居河南繩池，建炎中，以家財募兵討金人，從者數千人，時翟翼制置京西，玘以衆屬焉。金兵長驅渡河，玘禦之白浪口，金人不得渡，積功補武翼大夫。成州刺史董先為制置司前軍統制，玘佐之，每戰冒矢石為諸軍先。紹興元年，金將高瑋率衆取商州，董先禦之，玘乘銳奔擊，從騎不能罷，羣馬至四皓廟，金兵數百騎至，玘驥目大呼，挺刃突擊，金兵披靡莫敢向。是日九戰九捷，追至試劍關，爭門蹂踐死者百人。明年春，偕先、藍田渡渭，規取長安，時偽齊經略司李諤屯渭北，與金將折合字董相為聲勢，玘陳兵華嚴川，俄白氣貫日，吏士靡奮，戰于與平，咸陽渭河石鑿合，時劉豫據京師，先軍乏食，為降，豫不挈家，玘事其夫人如舊，豫使人迎其妻，先密書報玘勿遣，且述必還意，王倚攝虢州，從偽意，堅玘患之，會別將董震自商州來，倚喜曰：「震與我善，今以兵來，天贊我也。」乃與震謀害玘，震陽許而陰以告翼，日倚詣玘議事，玘叱下責以大義，并推官祁宗儒斬之。先是，豫遣人持詔撫諭，以玘為商號順州路兵馬都監，同統制軍馬，玘囚其使，至是并戮之。於是偽齊河南安撫孟邦雄、總管楚彥直據洛陽，兵直抵長水，玘遣將陳俊守白馬山，謝臯守船板山，梁進守錦屏山，盡匿精銳，金兵深入，玘戰東關，三皆響應，全兵潰，玘率精騎三千一日夜馳三百里，黎明抵河南，邦雄就擒，彥直通去，便宜升霸州防禦使。三年春，先自偽齊歸，玘還兵柄，退就位，時人義之初，翟翼既死，朝廷命其子琮，至是琮言于朝，直授玘武翼大夫，果州團練使，河南府孟汝唐州馬步軍副總管，擊金將關銳于唐鄧間，先登殺獲千餘人，未幾詔先一行並聽神武後軍統制，玘從岳飛復京西六州，平湖賊鍾子義等，累功進拱衛大夫，入侍衛，始以誅王倚事聞，敕付史館，賜褒詔，進親衛大夫。三十二年，領御營宿衛前軍都統，屯泗州，時金人攻海州急，詔玘會鎮江都統制張子蓋赴之，賊環城數十匝，矢石如雨，玘戰于州北三里，麾精騎衝其陣，手殺數十人，殲其長，殺獲萬計，海州圍解，玘中流矢卒，子蓋上其功，特贈正任觀察使，官其後九人，廟號忠勇，孝宗即位，又命祠於戰所，贈清遠軍承宣使，子世雄，歿於符離之戰，贈武節大夫。

陸亨祖者，淮寧大豪也，紹興末，官軍已復蔡州，亨祖遂領民兵據淮寧，執金知州完顏耶魯，以其城來歸，命為武翼大夫，忠州刺史，知海寧府，金兵攻城，亨祖力戰死之，舉家五十餘人皆死，贈容州觀察使，立廟光州，賜額閔忠。

王拱建，康府前軍統制，從都統邵宏淵收復虹縣，進取宿州，屢立奇功，隆興元年五月，與金人接戰，深入營中，自辰至申，力戰死，詔贈正任觀察使，官其家八人，許妻異姓，賜銀三百兩，即其營立廟，賜額忠節，是役也，中亮大夫朱葵亦死之，贈承宣使。

劉泰，樞密院忠義前軍正將也，慷慨好義，以私財募兵三百，糧儲器械，一切不資於官，金人犯壽春，泰率所部赴援，轉戰累日，金人引去，泰身被數十創，一夕死，詔贈武翼郎，官其家三人。

孫逢，眉山人，大觀四年進士，累官至太學博士，張邦昌僭立，有司趣百餘人賀，逢獨堅臥不起，夜既半，同僚彊起之，不從，至垂泣與之訣，時祠部員外郎喻汝礪聞變，捫其膝曰：「不能為賊臣屈，遂掛冠去，事畢，有司舉不至者，欲以逢與汝礪復于金人，邦昌以畢至告，乃免，逢聞之曰：『是必將肆赦遷官，以重汗我，我其可埃，遂發疾而卒。』

李熙，涪州人，提舉醴泉觀，邦昌使直學士院熙，固拒，因憂憤不食，疾且篤，謂友人曰：「百官何日再朝天乎？」泣數行下，邦昌又命禮部侍郎譚世勳權直學士院，世勳亦稱疾，堅臥不起，熙靖尋卒，後並贈延康殿學士。

趙俊，字德進，南京宋城人，紹聖四年進士，官至朝奉郎，隱居杜門，雖鄉里不妄交，劉安世無恙，時居河南，暇則獨一過之，徐處仁與俊厚善，及為丞相，鄉人多見用，俊未嘗往求，處仁亦忘之，獨不得官，建炎末，士大夫皆避地，俊獨不肯曰：「但固吾所守爾，死生命也，避將安之？」衣冠奔踏於道者，相繼，俊是然不動，劉豫以俊為虞部員外郎，辭疾不受，以告異其家，卒，卻之，如是再三，豫亦不復彊，凡家書文字，一不用豫僭號，但書甲子，後三年卒，贈承直郎。

姚邦基者，蜀人也，知尉氏縣，秩滿不復仕，屏居村落間，授徒自給，時宗室南渡不及者，尚散居民間，豫募人索之，承務郎閻琦匿不以聞，為人所告，豫杖之死。

家書文字，一不用豫僭號，但書甲子，後三年卒，贈承直郎。

不及者，尚散居民間，豫募人索之，承務郎閻琦匿不以聞，為人所告，豫杖之死。

劉化源，耀州人。紹聖元年進士。建炎初，金人陷關陝，守令以城降者，金人因而命之。化源時知麟州，不肯降。城陷被執，金人使人守之，不得死。遂驅入河北。黨徒果隱，民間者十年，終不屈辱。有米璞者，與化源同鄉里，西人皆敬之。璞登政和二年進士第，時通判原州。劉豫欲官之，杜門謝病，卒不汗偽命。有劉長孺者，亦耀州人，時簽書博州判官廳公事，與豫書備陳祖宗德澤，勸以轉禍為福。豫怒，追其官，囚之百日。長孺終不屈，後復官之，不從。紹興九年，宣諭使周奉上之朝詔，赴行在，而簽書樞密院事樓炤言璞苦風痺，化源長孺老病，遂命各轉兩官奉祠。又言：新鳳翔教授陸暉守節不仕，詔特改令人官。其後金復渝盟，長孺之華陰縣，不屈而死。有李喜者，開封人，宣和六年進士。建炎中，知彭陽縣，亦不降。與民移治境上，令執之以獻。金人欲官之，凡三辭。其後金人以爲歸附，命爲儒林郎。喜言於所司曰：昔爲俘獲，不敢受歸附之賞，還其權，劉麟聞其賢，命張中孚以禮招致，喜力拒之。紹興九年，死原州。事聞，贈奉議郎，官其家一人。胡唐老，字俊明，樞密副使宿之曾孫也。崇寧間，與弟世將同登進士第。歷南京國子博士，知江陵縣，召爲秘書省校書郎。靖康元年，擢殿中侍御史。金人再犯京師，攻圍日急。唐老請對曰：城危矣。康王北使，爲河朔士民留，不得進。殆天意也。請就拜大元帥，俾召天下兵入援，宰相何臯是之。遂遣秦仔持蠟書詣相州。拜河北兵馬大元帥，時朝廷趣西兵入衛，而不立帥。唐老疏乞命范致虛爲宣撫使，節制諸路以進，不然必無功。不聽。後致虛以孤軍與金人戰滑澗，它路兵不至，遂敗。京城破，金人搜括金銀，分命朝臣董之，以臺巨糾察。唐老預焉。出知無爲軍。朝廷竄逐僞命之臣，坐降二官。先是，金人怒民間多匿金銀杖，唐老幾死，以疾得免。稱臣於僞，至是唐老不自言，故例從貶秩。三年，知衢州。苗傅敗走，以亂兵犯城，唐老拒之。會大雨雹，城上矢石俱發，賊不支，遂解去。以功擢祕閣修撰。未幾，進徽猷閣待制。充兩浙宣撫司參謀官，知鎮江府。兼浙西安撫使，杜充降于金，建康失守，潰卒成方等趣鎮江城，壁頹圯，兵不滿千，獨倚浙西制置韓世忠爲重。世忠復去，唐老度力不敵，因撫之，無何，方欲犯臨安，妄言赴行在，請唐老部衆以行。唐老不從，論以逆順禍福，方衆環脅之。唐老怒罵方，

遂遇害。詔贈徽猷閣直學士，謚定愍。時安撫司機宜鄭凝亦以兵死，詔官其家一人，凝之數孫也。

王儻，以通判真州權通判廣德軍。建炎末，盜成方既爲劉晏所破，引兵欲趨宣城，道過廣德，入其郭，儻不屈，與權判官李唐俊、權法司潘偶、權知廣德縣韋績、權承務叟皆死。後贈儻二官。唐俊等皆京秩，錄其家一人。

朱嗣孟，饒州樂平人。宣和間進士，爲廣德司戶，兼司理。叛卒成方破鎮江，犯廣德，守倉黃遣招安無敢往者。奇嗣孟狀貌有膽略，遂以命焉。嗣孟雅自負，不復遜，直詣賊壘，問所以涉吾地何故，爲陳逆順禍福，使自擇所處。方以逆已殺之事聞，贈宣教郎，官其子。

劉晏，字平甫，嚴州人。入選舉進士，爲尙書郎。宣和四年，帥衆數百來歸，授通直郎。金人犯京師，以晏總選東兵，號赤心隊。建炎初，從劉正彥擊淮西賊丁進，進黨頗衆，晏所提赤心騎才八百，乃爲五色旗，使騎兵持之，循山而出。一色盡則以一色易之，賊見官軍累日不絕，顏色各異，遂不戰而降。遷朝散郎。正彥反，晏謂其部曲曰：吾豈從逆黨者耶？以衆歸韓世忠。世忠追正彥及苗傅于浦城，以晏騎六百爲疑兵于浦山之陽，賊大駭。晏以所部力戰，正彥既擒，世忠上其功，遷一官。金人犯建康，杜充兵潰，世忠退保江陰，晏領赤心百五十騎屯青龍羣。

寇犯常州，郡守請晏爲援。晏以精銳七千人出奇破之，進直龍圖閣，保馬跡山。以捍寇，寇再至，晏選舟師迎戰，降其衆千五百人。郡人爲晏立生祠。成方圍宣城，急命晏往援。晏至城下，未立營壘，出不意，直擣方帳下，方大驚，卻走。晏欲生致方，單騎追之，方率其衆迎戰，晏不能敵，猶手殺數十人，爲賊所害。事聞，贈龍圖閣待制，官其子四人。於死所立廟，曰義烈，歲時祀之。

鄭振，字亭叔，與化軍仙遊人。建炎中，盜楊勛起，邑令檄振糾集民兵以禦之。振力戰，賊衆披靡，一夕遁去。紹興十三年，羣盜曾少龍、周老龍、何白旗、陳大刀、衆至數萬，帥司檄振行盜，委聞振名，不戰自屈。十六年，盜詹鐵义者入振井里，振帥衆拒之，殺數十人。遂遇害。廟食里中，有孫知微者，以朝請大夫通判舒州。紹興元年，賊劉忠入其境，執知微以去。知微不屈，忠怒，擣而食之。

宋史卷四百五十四

元中書右丞相總裁脫脫等修

列傳第二百十三

忠義九

趙時賞

趙希洎

劉子薦 黃文政 呂文信

鍾季玉

潘方

耿世安

丁黼

米立 楊壽孫 趙文義

侯畱

王孝忠

高應松 張山翁 黃申

陳奎

蕭雷龍

宋應龍 穆一正 鄒瀛 劉子俊

孫秉 陳龍復

張鏗 張雲

蕭燾夫 陳繼周

呂武 林琦

蕭信 蕭壽

張明哲 陳濟 杜濟 金應

何時 陳子敬

劉士昭

趙孟榮

趙時賞字宗白和州宗室也居太平州咸淳元年擢進士第累官知宣州旌德縣德祐元年北軍至境時賞擁民兵捍戰有功升直寶章閣軍器太監從二王入閩中益王即位擢知邵武軍未幾言者以棄城論罷之文天祥開都督府于南劍奏辟參議軍事江西招討副使與宗室孟溁提兵趣贛州取道石城復寧都縣數以偏師當一面戰比有勝時賞風神明俊議論慷慨有策謀尤為天祥所知及空坑之役兵敗走吳溪為追兵所執不屈死之時賞在軍中時見同列

威輜重飾姬侍數日軍行如春遊其能濟乎及被執見係纍中僚屬至者時賞輒麾去云小小簽廳官爾執此何為由是得脫者衆

趙希洎字室子居宜春歷官至戶部尚書咸淳中迂丞相賈似道出領廣東轉運使德祐元年制置使黃萬石檄其勤王得潰卒數百道經廬陵邵守邀其軍

遂與從子必向避地贛州亂定歸里時袁守聶嵩孫希洎內嫻也勉之內款不能屈文天祥兵敗以失言與必向俱被囚辭節愈厲家人饋食則碎器覆諸地俱不食據榻而死

劉子薦字貢伯吉州安福人父夢麟以進士歷官知澧州沒於王事子薦以父任為湘鄉尉以獲盜功調撫州司錄有愬王應亨歐死荷擔黃九者獄成矣子

薦閱受書疑而駁之俄烈風迅雷闢獄戶裂吏撲殺入者實孔目馮汝能非應亨也獄遂白得免死者八人事聞頒諭天下之為理官者改知贛縣監行在左

藏庫通判常德府知融州陞辭度宗慰之曰廣郡凋瘵賴卿撫摩子薦對曰臣當推行德化以安其民至官以廉靜著聞主管仙都觀廣西經略司檄為參議

官德祐二年十一月北兵至靜江權經略使馬堅遣子薦提搖兵藥弩手守城東門勢不支時瀛國公已入燕子薦取笏書其上云我頭可斷膝不可屈登城北望再拜取所衣袍瘞之語左右曰事急不可為吾有以死守或諷子薦遁去

子薦曰死事義也何以遁為竟死之有黃文政者淮人戍蜀軍潰聞道走靜江馬堅邀與同守城破文政被執大話不屈大軍斷其舌以次劓之文政舍胡

叱咄比死不絕聲

呂文信文德之弟也仕至武功大夫沿江副司諮議官德祐初帥舟師次南康

解林夾白鹿磯與北兵遇戰死特贈定遠軍承宣使子師憲特與帶行閣職與

兩子承信即恩澤仍立廟賜額河湖皆巡檢張與宗亦死之贈武翼郎賜緡錢

三萬仍與一子承信即恩澤

鍾季玉饒州樂平人淳祐七年舉進士調為都大坑冶屬改知萬載縣淮東制

置使李庭芝薦之遷審計院改宗正寺簿又遷樞密院編修出知建昌軍會有

旨江西和釋季玉至郡才半年屬歲旱度其經賦不能辦請于朝和釋得減三

之一還提舉常平未幾改轉運判官皆不赴後以江西轉運判官強起之郡大

胥以賄敗前使百計護之季玉卒窮治投轅表俄以秘書丞召還遣前使構讒

而封駁之改都大提點坑冶北兵渡江季玉徙寓建陽兵至不屈死之有潘方

者溫州平陽人寶祐四年進士調監慶元府市舶慶元降附方不屈赴水死

耿世安為武翼大夫淮東副總管兩淮都撥發官初諜報大兵至制置使賈似

道調世安提兵往漣水軍增戍衆方猶豫世安徑迎至漁溝以三百騎入陳鑿

擊自午至酉身被七創猶能追殺潰兵收兵還至數里沒事聞贈五官立廟淮

安賜額忠武

丁黼成都制置使也嘉熙三年北兵自新井入詐堅宋將李顯忠之旗直趨成

都備以為潰卒以旗榜招之既審知其非領兵夜出城南迎戰至石筍街兵散
黼力戰死之方大兵未至黼先遣妻子南歸自誓死守至是從黼者惟慕容楊
大異及所信任數人大異死而復蘇黼帥蜀為政寬大蜀人思之生平賜額立
廟

米立准人三世為將從陳奕守黃州奕降立潰圍出江西制置使黃萬石署為
帳前都統制大兵略江西立迎戰于江坊被執不降繫獄行省遣萬石諭之曰
吾官階一箇先牌寫不盡今亦降矣立曰侍郎國家大臣立一小卒爾何足道
但三世食趙氏祿趙亡何以生為立乃生擒之人與授拜者不同萬石再三說
之不屈遂遇害

趙文義者郢州都統制更戍歸與北兵遇力戰死之初開州之役文義兄武義
亦死焉有楊壽孫者為雲安軍主簿兼教參佐忠勝軍端平中北兵至中江縣
與將官何庚安惟臣田廣澤及坤等連戰二日俱死之壽孫贈通直郎官一子
下州文學庚等各贈承節一子進勇副尉

侯昌字道子温州樂清人三貢于鄉兩試轉運司皆第一以武舉授合浦尉柳
城令衛步軍司幹辦公事侍衛馬軍行司計議官寶祐五年制置使賈似道辟
通判海州兼河南府計議官李松壽據山東突出漣泗置鑿城下死之闔室遇
害太學生三十一人言於朝即海州賜廟旌忠諒曰節毅仍立廟其鄉邑所著
有霜厓集

王孝忠為鎮江前軍統制兼淮東路分戍淮陰楊貴叛孝忠率眾迎戰勝氣百
倍俄水軍統制朱信降賊孝忠孤軍力不敵死焉

高應松開慶元年進士蘇衡州教授通判廣德軍召為國子監丞權禮部員外
郎翰林權直北兵自湧金門入舉朝奔竄從官留者九人應松其一也選中書
舍人直學士院尋遷權工部侍郎進端明殿學士簽書樞密院事從瀛國公至
燕絕粒不語越七日卒

張山翁字君達普州人景定三年進士德祐元年為荆湖宣撫司幹官鄂守張
晏然議納款山翁以書譙讓之晏然既降山翁被執軍前諭曰若降不失作顯

官山翁酬對不屈行省官賈思貞義之貸不殺後居黃鶴山聚徒教授而終有
南紀縮林藏雲山相鋤等集

黃申字西鄉井研人開慶元年進士授德安尉攝主簿兼提點江西刑獄司簽
廳獄事多所辯明丞相江萬里提刑黃震交薦之調安樂丞申為政廉謹有治
聲以恩升從事郎大兵拔撫州下諸縣索降狀樂安令率其僚僚署以上申初
聞變悉遣家人遠避至是獨抗不往令遣吏促之申不動吏白令怒俄而吏
民數百人集于庭疆與致之申顛踣于地若中風然眾掉蹶詬叱曰為爾不順
將累我輩申陽死為不聞令無如之何申有妻愛在民至暮眾昇入寘中堂翼
日或食以粥得免遂去隱巴山中以終

陳奎字肇芳一字偉節饒州安仁人父詩川以武功補沔陽令咸淳元年父子
同舉進士調滁州司戶參軍父喪免改荆閩糧料院又以母憂去調胸山主簿
制置使印應雷辟入幕德祐元年秋奎絲海道歸杭授南安軍教授不就還家
奎少與謝枋得遊會枋得起兵安仁首拔入幕執安仁令李景景奎里人也景
請得以家貲二萬贖罪奎曰普天之下莫非王土家財獨非朝廷錢耶聲其罪
斬之景子率鄉民五千報怨奎度勢不敵引兵趨信州會守吏遁去奎聞於朝
就攝郡事益王即位奎入覲遷宗正寺簿太府寺丞領江東安撫使出上饒接
應郡縣所部才千餘人屯火燒山越數月戰潰被執至豫章元帥憐其才羈縻
館留之遁去後三年復起兵尋敗入積煙山中自剄死所著有鶴心集其詩多
譏刺當時之士大夫第年同時被執死焉

蕭雷龍字顯辰建昌新城人景定三年進士調臨安府學教授通判衢州及州
守棄城遁朝命雷龍權知府事北兵薄城下不降脫去還建昌建昌已降雷龍
與同里人黃巡檢起兵時大兵四合雷龍度不可支與黃巡檢及麾下數人奔
入閩未出境為同安武人徐浚沖攔送縣權縣尹劉聖仲素與雷龍有怨殺之
後聖仲北來泊舟小孤山有巨艦衝前建大旗書曰蕭知府兵繼見雷龍坐船
上聖仲大呼有頃不見以驚死

宋應龍者儒生通兵出入行陳三十餘年為諮議官寓泰州德祐二年六月甲

寅大兵至泰州。裨校孫貴、胡惟孝、尹端甫、李遇春、開門迎降。應龍與其妻自縊於園中。是時提刑諮議諸一正字粹翁、廬州人。武舉進士。督戰高沙。被創竟沒于水。知興化縣胡拱辰、縣破亦死之。

鄒瀛字鳳叔，吉水人。後徙永豐。少慷慨有大志，以豪俠鳴。從文天祥勤王。補武資至將軍。益王立，改寺丞，領江西招諭副使。聚兵寧都，得數萬。改授江西安撫副使。復與國永豐二縣進兵部侍郎。兼江東西處置副使。及永豐敗，繼從天祥間關嶺道。未幾，復出開督府分司。永豐與國境上北兵驟至，大戰，瀛脫身走至潮州。及天祥被執，瀛自殺。當是時，從天祥勤王死者，瀛與劉子俊等凡十有九人。因次第其名附見左方。

劉子俊字民章，廬陵人。嘗中漕試。少與文天祥同里閭，相友善。天祥開督府與國。子俊詣府計事，補宣教郎，帶行軍器監簿，兼督府機直空坑兵。敗于俊收兵保洞源，接應郡縣，尋入廣。與大兵遇，戰，復招集散亡，與鄒瀛同趨潮州。天祥兵敗于俊被執，自詭為天祥意使，大兵不窮追。天祥可間走也。未幾，別隊執天祥，相遇於途，各爭真贋。至大將前，始得其實。乃烹子俊。

劉沐字淵伯，廬陵人。文天祥鄰曲也。少相狎暱。天祥好弈，與沐對弈，窮思忘日夜，以為常。及起兵，辟補宣教郎，督府機宜。暨天祥出使，沐領兵還。天祥歸，開府南劍。沐收部曲來會，改授太府寺簿。專將一軍為督府親衛。會空坑兵敗被執，至豫章。父子同日死焉。仲子死亂兵，季子復從天祥死嶺南。當時江西忠義皆沐所號召。沐性沈實，而圖機晝夜應酬，覺聲不倦云。

孫興字寶南，吉州龍泉人。獻簡公朴之後。天祥長妹婿也。天祥起兵，檄興招忠義士補宣教郎，帶行監官告院。知吉州龍泉縣。天祥擁兵出贛，里人奉興復龍泉，拒守不下。尋為判者所陷，執至隆興殺之。

彭震龍字雪可，永新人。天祥次妹婿也。性跌蕩喜事，嘗以罪墨。天祥起兵，補宣教郎，帶行太社令。知永新縣。會天祥出使被執，震龍遁歸吉州。已失，乃結峒寮起兵。天祥兵出贛，震龍接應，復永新。大兵至，震龍為親黨所執，至帥府腰斬之。屠永新。

蕭養夫，永新人。與兄敬夫俱天祥客。養夫為詩有豪俊氣。天祥起兵，補從仕郎。及彭震龍謀復其縣，養夫贊之。縣受屠，兄弟俱死之。

陳繼周字碩卿，寧都人。淳祐三年貢于鄉，以捕盜功行未奏名。授廉州司法。南豐縣知錢。淮東總領幹官。藤州觀察推官。知吉州承豐縣。改知高安縣。廣東經略司準備差遣。知衛陽縣。辟淮東轉般倉。江東提點刑獄幹辦公事。未上，會咸淳十年詔徵勤王。文天祥方守贛州，即日舉兵。進繼周問計。繼周慨然為具言。閩里豪傑子弟與凡起兵之處，其為方略甚詳。於是留繼周幕中。晝夜調度。授繼周江西安撫司準備差遣。率贛士以從。繼周雖弱不勝衣，而年德有以服人。士視為父兄。進止疾徐，惟指呼無敢先後。詔改繼周合入官。帶行監文思院。差充江潮制置司主管機宜。所部夜襲大兵於南柵門，殺傷相當。質明猶戰，渴赴水死。

張汴字朝宗，一字次山，蜀人。少客丞相吳潛兄弟門。出入荆閩歷年。明習輅略。潛兄弟既失，廢斥者十餘年。繼文天祥起兵，辟為秘閣修撰，領廣東提舉督府參謀。左右幕府。知無不為。空坑兵敗，為亂兵所殺。處置使鄒瀛得其屍葬之。呂武太平州步卒也。文天祥出使，武應募從行。偕脫鎮江之難。沿淮東走海道。賴武力為多。天祥開府南劍，武以武功補官。遣之結約州縣起兵相應。道阻復崎嶇數千里。即天祥于汀梅，挺身患難，化賊為兵，以環衛官將數千人出江西。以遇士大夫無禮，死於橫逆。一軍揮涕而葬之。武忠梗出天性，不避疆禦，而好面折人，過多觸忌諱，故及於禍云。

鞏信，安豐軍人。為荆湖都統。沈勇有謀。本蘇蘇劉義部曲。文天祥開督府，劉義以信與王福張必勝詣天祥。信官至團練使。同督府都統制。江西招討使。初至都府。天祥以義士千人付之。信曰：此輩徒累人爾。乃招淮士數千自隨。然常快。快曰：有將無兵，其如彼何。天祥自與國趨永豐。大兵追其後。信戰于方石嶺。中數矢，傷重不能戰。自投崖石而死。土人葬之。顏色如生。贈清遠軍承宣使。立廟旌之。

蕭明哲字元甫，太和人。性剛，有膽氣。明大節。少舉進士。天祥開府汀州，辟充督

幹架閣監軍師出嶺明哲以贛縣民義復萬安連結諸營拒守兵敗被執不屈死於隆興臨刑大罵不絕口聞者壯之

杜澣字實卿丞相範從子也少負氣遊俠德祐元年有詔勸王澣時宰縣糾集民兵得四千人文天祥開閩平江往附焉時陳志道等贊天祥出使澣力爭不可志道逐之去已而天祥果見留志道竊藏逃歸天祥北行諸客無敢從者澣獨慨然請行特改兵部架閣從京口以計賂守夜劉千戶者得官鏗脫天祥偕走淮甸繇海道以達永嘉益王即位授司農卿廣東提舉招討副使督府參謀

尋往温台招集兵財福安陷與天祥相失遂趨行朝蘇劉義疑澣自來欲殺之陳宜中張世傑不可使人監護之乃免久之奉命復入天祥幕及空坑兵敗又與跋涉患難以出天祥移屯潮州澣議趨海道天祥不聽使護海舟至官富場澣懼力單徑趨厓山兵潰被執以憂憤感疾卒

林琦閩人也德祐二年大兵既迫臨安琦於赭山結集忠義數千人捍禦海道以功補宣教郎督府主管機宜文字充檢院文天祥開府南劍琦佐其幕琦外文采內忠實數涉患難無怨對辭及潮州移屯琦俱被執至惠州遁復執之北行赴水為吏所拔至建康以憂憤死

蕭資天祥幕下書史也天祥起兵資于患難中扶持甚至空坑兵敗以全督府印功升閩門路鈐轄資性和厚臨機應變輒移將士總攝細務任腹心之寄潮陽移屯與大兵遇死之

徐臻温州人父官河南德祐元年春臻往省以道阻會天祥勤王臻往依之以筆札典樞密小心精練天祥被執臻脫難復來願從天祥北行扶持患難備殫忠款至隆興病死

金應者性少剛知義為天祥職書司入京補承信郎官路分天祥奉使被執左右皆散應獨無畔志及脫走鎮江至淮東以憂憤死焉

何時字了翁撫州樂安人天祥同年進士也調廬陵尉尋入江西轉運使幕府還臨江軍司理參軍郡獄相傳舊斬一寇屍能行一里許眾神之壕為肉身阜陶時至取故牘閱此寇嘗掠殺數人曰如此可為神乎命鞭之湛於水人服其

明改知興國縣天祥起兵辟署帥府機宜帶行監文思院天祥入衛時任留司分司吉州鑾運平江天祥奏時知撫州吉州下時脫身歸鄉里益王立天祥開府南劍時起兵趨興國接引以時帶行監江西提刑時聚兵復崇仁縣未幾大軍奄至兵敗削髮為僧竄迹嶺南賣卜自給變姓名自號堅白道人又有陳子敬者贛州人以賞雄鄉里嘗從天祥遊天祥開閩汀州子敬募集民兵屯阜口據下流及天祥攻贛子敬與合謀忠效甚著空坑兵敗復聚兵屯黃塘岩連結山砦不降大軍以重兵襲其砦岩潰子敬不知所終

劉士昭太和人嘗為鐵工與鄉人同謀復太和縣敗血指書帛云生為宋民死為宋鬼赤心報國一死而已因其帛自縊死其黨入獄多乞憐苟免有王士敏者獨慷慨不撓題其裾此生無復望生還一死都歸談笑間大地盡為腥血汚好收吾骨首陽山臨刑歎曰恨吾病失聲不能大罵耳同時有趙孟壘者合州人登開慶元年第為金華尉臨安降與從子由鑑懷太皇太后帛書詣益王擢宗正寺簿監軍復明州戰敗見獲不屈磔死方大軍駐紹興福王與芮從子曰孟榮謀舉兵事泄被執至臨安范文虎詰其謀逆孟榮詰曰賊臣負國厚恩共危社稷我帝室之胄欲一刷宗廟之恥乃更以為逆乎文虎怒驅出斬之過宋廟呼曰太祖太宗列聖之靈在天何以使孟榮至此都人莫不隕淚既死雷電晝晦者久之

宋史卷四百五十四

三五九二一

元 中 書 右 丞 相 總 裁 脫 脫 等 修
列傳第二百十四

忠義十

陳 東

歐陽澈

馬 伸

呂祖儉

呂祖泰

楊宏中

華 岳

鄧若水

曾真寶

莫謙之

徐道明

陳東字少陽鎮江丹陽人蚤有雋聲傲儻負氣不戚戚於貧賤蔡京王黼方用事人莫敢指言獨東無所隱諱所至宴集坐客懼為己累稍引去以貢入太學欽宗即位率其徒伏闕上書論今日之事蔡京壞亂於前梁師成陰謀於後李彥結怨於西北朱勔結怨於東南王黼童貫又結怨於環金那開邊隙宜誅六賊傳首四方以謝天下言極憤切明年春貫等挾徽宗東行東獨上書請追貫還正典刑別選忠信之人往侍左右金人追京師又請誅六賊時師成尙留禁中東發其前後姦謀乃謫死李邦彥議與金和李綱及种師道主戰邦彥因小失利罷綱而割三鎮東復率諸生伏宣德門下上書曰在廷之臣奮勇不顧以身任天下之重者李綱是也所謂社稷之臣也其庸繆不才忘疾賢能動為身謀不恤國計者李邦彥白時中張邦昌趙野王孝迪蔡懋李悅之徒是也所謂社稷之賊也陛下拔綱列卿之中不一二日為執政中外相慶知陛下之能任賢矣斥時中而不用知陛下之能去邪矣李綱任而未專時中斥而未去復相邦彥又相邦昌自餘又皆擢用何陛下任賢猶未能勿貳去邪猶未能勿疑乎金人聞罷綱職事臣等驚疑莫知所以綱自起庶官獨任大事邦彥等疾如仇讎恐其成功因用兵小不利遂得乘間投隙歸罪於綱夫一勝一負兵家常勢豈可遽以此傾動任事之臣竊聞邦彥時中等盡勸陛下他幸京城騷動若非綱為陛下建立則乘輿播遷宗廟社稷已為丘墟生靈已遭魚肉賴聰明不惑特從其請宜邦彥等讒嫉無所不至陛下若聽其言斥綱不用宗社存亡未可知也邦彥等執議割地蓋河北實朝廷根本無三關四鎮是棄河北朝廷能復

都大梁則不知割大原中山河間以北之後邦彥等能使金人不復敗盟乎一進一退在綱為甚輕朝廷為其重幸陛下即反前命復綱舊職以安中外之心付种師道以闡外之事陛下不信臣言請偏問諸國人必皆曰綱可用邦彥等可斥也用舍之際可不審諸軍民從者數萬書聞傳旨慰諭者旁午衆莫肯去方昇登聞鼓搗壞之喧呼震地有中人出衆樹而禱之於是亟詔綱入復領行營遣撫諭乃稍引去金人既解去學官觀望時宰議屏伏闕之士先自東始京尹王時雍欲盡致諸生於獄人人惴恐朝廷用楊時為祭酒復東職遣森山詣學撫諭然後定吳敏欲弭謗議奏補東官賜第除太學錄東又請誅蔡氏且力辭官以歸前後書五上既歸復預擢薦高宗即位五日相李綱又五日召東至未得對會綱去乃上書乞留綱而罷黃潛善汪伯彥不報請親往以還二聖治諸將不進兵之罪以作士氣車駕歸京師勿幸金陵又不報潛善輩方揭示綱幸金陵舊奏東言綱在中途不知事體宜以後說為正必速罷潛善輩會布衣歐陽澈亦上書言事潛善遠以語激怒高宗言不亟誅將復鼓衆伏闕書獨下潛善所府尹孟庚召東議事東請食而行手書區處家事字畫如平時已乃授其從者曰我死爾歸致此於吾親食已如廁吏有難色東笑曰我陳東也畏死即不敢言已言肯逃死乎吏曰吾亦知公安敢相迫頃之東具冠帶出別同邸乃與澈同斬於市四明李猷贖其尸瘞之東初未識綱特以國故至為之死識與不識皆為流涕時年四十有二潛善既殺二人明日府尹白事獨詰其何以不先關白微示愠色以明非己意越三年高宗感悟追贈東東承事郎東無子官有服親一人澈一子令州縣撫其家及駕過鎮江遣守臣祭東墓賜緡錢五百紹興四年並加朝奉郎祕閣修撰官其後二人賜田十頃

歐陽澈字德明撫州崇仁人年少美鬚眉善談世事尚氣大言慷慨不少屈而憂國閔時出於天性靖康初應制條敵政陳安邊禦敵十策州未許發退而復采朝廷之闕失政令之乖違可以為保邦御俗之方去蠹國殘民之賊者十事復為書并上聞已而復論列十事言臣所進三書實為切要然而觸權臣者有之近天聽者有之或結怨富貴之門或遺怒臺諫之官臣非不知而敢抗言者

願以身而安天下也。所上書為三巨軸，置卒辭不能舉。州將為選力士荷之，以行。會金人大入，要盟城下而去。澈聞輒語人曰：「我能口伐金人，強於百萬之師。」願殺身以安社稷，有如其不見信，請質子女於朝。身使宮廬，御親王以歸。鄉人每笑其狂，止之不可。乃徒步走行在高宗。即位南京，伏闕上封事，極詆用事大臣。遂見殺。見陳東傳。死時年三十七。許翰在政府罷朝，問潛善處分何人。曰：「斬陳東，歐陽澈耳。」翰驚失色，因究其書，何以不下政府。曰：「獨下潛善，故不得以相視。遂力求罷，為東澈著哀詞，澈所著飄然集六卷，會稽胡衍既刻之，豐城范應鈞為立祠學中。」

馬伸，字時中，東平人。紹聖四年進士，不樂馳騫，每調官未嘗擇便利，為成都鄆縣丞，守委受成都租，前受輸者率以食色，玩好蠱誅而敗。伸請絕宿弊，民爭先輸，至沿途假寐以達旦。常平使者孫俟蚤行，怪問之，皆應曰：「今年馬縣丞受納不病我也。」俟薦于朝，崇寧初，范致虛攻程頤為邪說，下河南府，盡逐學徒。伸註西京法曹，欲依頤門以學，因張繹求見，十反愈恭。頤固辭之，伸欲休官而來，頤曰：「時論方異，恐貽子累，子能棄官，則官不必棄也。」使伸得聞道，死何憾。沉未必死乎，頤歎其有志進之，自是公暇，雖風雨必日一造，忌媚者飛語中傷之，弗顧。卒受中庸以歸。靖康初，孫傳以卓行薦，召御史中丞秦檜迎，辭之，擢監察御史，及汴京陷，金人立張邦昌，集百官環以兵脅之，俾推戴，衆唯唯。伸獨奮曰：「吾職諫，爭忍坐視乎？」乃與御史吳給約奏檜共為議狀，乞存趙氏，復嗣君位。會統制官吳革起義募兵，圖復二帝，伸預其謀。邦昌既僭立，賊臣多從史之，伸首具書請邦昌速迎奉元帥康王，同院無肯連名者。伸獨持以往，而銀臺司視書不稱臣，辭不受。伸投袂叱之曰：「吾今日不愛一死，正為此耳。」爾欲吾稱臣邪？即繳申尚書省以示邦昌。其書略曰：「相公服事累朝，為宋輔臣，比不幸迫於強敵，使當僞號，變出非常，相公此時豈以義為可犯，君為可忘，宗社神靈為可昧邪？所以忍須臾死而跪聽之者，其心若曰：與其虛遜於人，而實亡趙氏之宗，孰若虛受於己，而實存以歸之耳。忠臣義士未即就死，闔城民庶未即生變者，亦以相公必能立趙孤也。今金人北還，相公義當憂懼，自列于朝，康王在外，國統有屬，」

獄訟醜歌，人皆歸往，宜即發使通問，掃清宮室，率羣臣共迎而立之。相公易服，退處省中，庶事皆稟命太后，其赦書施恩惠，收人心等事。日下拘收，俟康王御極施行，然後相公北面引咎，以明身為人臣，昧於防患，遭寇讎脅汗，當時不能即死以待陛下，今復何面目事君，請歸死司寇，為人臣失節之戒，伏闕下俟命。如此則明主必能察相公忠實存國，義非苟生，且棄過而錄功矣。今乃謀不出此，時日已多，肆然尚當非據，偃棘禁闈，若固有之，羣心狐疑，道路混殫，謂相公方挾強金，使人遊說康王，姑令南遁，為久假不歸之計，上天難欺，下民可畏，相公若以愚言相知覺悟，及此改圖，猶可轉禍為福，於匪朝伊夕之間，過此以往，則相公包藏已深，至慮轉異，外飾事端，惕日待期，而陰結寇讎，合從為亂，九廟在天，萬無成理，伸必不能輔相公為宋朝叛臣也。請先伏死都市，以明此心。邦昌得書，氣沮謀喪，明日議迎哲宗后孟氏垂簾，追環偽赦，乃遣馮漸李回等迎康王。時王及之等猶請籍龍德宮寶貨，斥賣靈沼魚藕，以資官用，伸憤慨然引義檄之曰：「古者人臣去國，三年不反，然後收其田里。君之禮臣如此，臣之報君宜如何？今二聖遠狩，猶未出境，天下之人方且北首，欲追挽而還之，君之府藏燕遊，忍一朝而毀乎？爾等逆節甚矣，力爭乃止，高宗即位，伸拜章以城陷不能救，主遷不能死，請就竄削，上知其有忠力於國，擢殿中侍御史，撫諭荆湖廣南，以誅邦昌及其黨王時雍等，所過州縣，諷察吏之賢否與民利疚，以次列上千朝。伸自湖廣將入奏，黃潛善汪伯彥不法，凡十有七事，草疏已具，朝廷方召孫觀謝克家，乃先奏觀克家趨操不正，在靖康間，與王時雍王及之等七人結為死黨，附耿南仲倡為和議，助成賊謀，有不主和議者，則欲執送金人，觀受金人女樂草表媚之，極其筆力，乃負國之賊，宜加遠竄，不報。伸又進疏曰：「陛下得黃潛善汪伯彥以為輔相，委任不復疑，然自入相以來，處事未嘗愜當物情，遂使女真日強盜賊日熾，國本日蹙，威權日削，且三鎮未服，汴都方危，前日遽下還都之詔，至今變與未能順動，其不謹詔命如此，草茅對策不如式，考官罰金可矣。一日黜三舍人，乃取沈晦孫觀黃哲輩諸羣小以掌誥命，其黜陟不公如此，吳給張闡以言事被逐，邵成章緣上言遠竄，其壅塞言路如此，祖宗舊制，諫官」

御史有闕，御史中丞翰林學士具名以進三省，不敢預厥有深旨，近擬用臺諫，多取視，善不過欲爲己助，其毀法自恣如此，張察宗澤許景衡公忠有才，皆可任事，潛善伯彥之沮抑至死，其妨功害能如此，或責以救焚拯溺之事，則曰難言，蓋謂陛下制之不得，施設也，或問陳東之死，則曰不知，蓋謂其事緣於陛下也，其過則稱君善，則稱己如此，呂源狂橫，陛下逐去不數月，由郡守升發運，其覆轍日專如此，御營使雖主兵權，凡行在諸軍，皆其所統，潛善伯彥別置親兵一千人，請給居處優於衆兵，其務收軍情如此，廣市私恩，則多復祠官之闕，同惡相濟，則力庇王安中之罪，撫其所爲，豈不辜陛下倚任之重哉，陛下隱忍不肯斥逐，塗炭遺民，固已絕望，二聖還朝，在何時邪，臣每念此，不如無生，歲月如流，時幾易失，望速罷潛善伯彥政柄，別選賢者共圖大事，疏入留中，明日改衛尉少卿，伸以論事不行，辭不拜，錄其疏，申御史臺，且疊上章言，臣言可采，即乞施行，若臣言非是，合坐誣罔之罪，移疾待命，旬日，詔伸言事不實，送吏部責濮州監酒稅，時用事者恚甚，必欲殺之，以濮迫寇境，故有是命，趣使上道，伸怡然襍被而行，死道中，或曰王淵在濮，潛善密嗾其不利於伸，天下識與不識，皆冤痛之，明年，金人陷廣陵，伸言始驗，潛善伯彥始以誤國竄極，於是臺臣奏伸嘗論潛善等罪，乃復以衛尉少卿召實，未知其存亡也，尋加直龍圖閣，紹興初，胡安國上時政論，有曰：伸言潛善伯彥措置乖方，條其罪狀，凡舉一事，必立一證，皆衆所共知，共見，不敢以無爲有，以是爲非，而當時曾不從用，反以爲言事不實，而重責之，是罰沮忠諫，邪說何由而息，公道何由而明乎，伸既遠貶，雖有詔命，遞無來期，君子閔焉，責以龍圖，猶未盡獎勵之典，乞重加追獎，及其子孫，以承天意，詔贈諫議大夫，伸天資純確，學問有原委，勇於爲義，而所韞深厚，恥以自名，建炎初，右正言鄧肅嘗論朝士臣邦昌者，例貶二秩，伸不辨也，凡有建明，輒削其業，人罕知之，居官晨興，必整衣端坐，讀中庸一遍，然後出治事，每曰：吾志在行道，以富貴爲心，則爲富貴所累，以妻子爲念，則爲妻子所奪，道不可行也，故在廣陵，行篋一櫛，圖書半之，山東已擾，家尚留于鄆，常稱孔子言志士不忘溝壑，勇士不忘喪其元，今日何日，溝壑乃吾死所也，有何兌者，昭武人，受

學於伸，沒兌嘗輯其事狀，紹興中，爲辰州通判，都郵報秦檜自陳，其存趙之功，謂它人莫預，兌徑取所輯事狀，達尚書省，檜大怒，下兌荆南詔獄，辭皆出吏手，兌坐削官，寘真陽，檜死始放還，復其官，尋卒。

呂祖儉，字子約，祖謙之弟也，受業祖謙，如諸生，監明州倉，將上，會祖謙卒，部法半年不上者爲譴，年，祖儉必欲終期喪，朝廷從之，詔違年者以一年爲限，自祖儉始，終更赴銓，丞相周必大語尚書尤袤，招之，祖儉已調衢州法曹，而後往，見潘時經略廣東，欲辟爲屬，祖儉辭，尋以待從鄭僑，張杓，羅點諸葛庭瑞薦，召除籍田令，中丞何澹所生父繼室周氏死，澹欲服伯母服，下太常百官雜議，祖儉貽書宰相曰：禮曰：爲伋也，妻者是爲白也，母，今周氏非中丞父之妻乎，將不謂之母而謂之何，中丞爲風憲首，而以不孝令百僚何觀焉，陰司農簿，已而乞補外，補判台州，寧宗卽位，除太府丞，時韓侂胄濫用事，正言李沐論右相趙汝愚罷之，祖儉奏汝愚亦不得無過，然未至如言者所云，侂胄怒曰：呂寺丞乃預我事邪，會祭酒李祥，博士楊簡，皆上書訟汝愚，沐皆劾罷之，祖儉乃上封事曰：陛下初正清明，登用忠良，然曾未踰時，朱熹老儒也，有所論列，則亟使之去，彭龜年，舊學也，有所論列，亦亟許之去，至於李祥老成篤實，非有偏比，蓋衆聽所共孚者，今又終於斥逐，臣恐自是天下有當言之事，必將相視以爲戒，鉗口結舌之風，一成而未易反，是豈國家之利邪，又曰：今之能言之士，其所難非在於得罪君父，而在忤意權勢，姑以臣所知者言之，難莫難於論災異，然言之而不諱者，以其事不關於權勢也，若乃御筆之降，廟堂不敢重違，臺諫不敢深論，給舍不敢固執，蓋以其事關貴倖，深慮乘間激發，而重得罪也，故凡勸導人主事從中出者，蓋欲假人主之聲勢，以漸竊威權耳，比者聞之道路，左右贊御，於黜陟廢置之際，聞得聞者，車馬輻湊，其門如市，特權怙寵，搖撼外庭，臣恐事勢浸淫，政歸侍門，不在公室，凡所薦進，皆其所私，凡所傾陷，皆其所惡，豈但側目懼畏，莫敢指言，而阿比順從，內外表裏之患，必將形見，臣因李祥獲罪，而深及此者，是豈矯激自取，戾戾哉，實以士氣頹靡之中，稍忤權臣，則去不旋踵，私憂過計，深慮陛下之勢孤，而相與維持，宗社者，寢寡也，疏既上，束擔待罪，有旨：呂祖儉

朋比罔上安置韶州中書舍人鄧驛繳奏祖儉罪不至貶御筆祖儉意在無君罪當誅竄逐已為寬恩會樓綸進讀呂公著元祐初所上十事因進曰如公著社稷臣猶將十世宥之前日大府寺丞呂祖儉以言事得罪者其孫也今投之嶺外萬一即死聖朝有殺言者之名臣竊為陛下惜之上問祖儉所言何事然後知前日之行不出上意侂胄謂人曰復有救祖儉者當處以新州矣衆莫敢出口有謂侂胄曰自趙丞相去天下已切齒今又投祖儉瘴鄉不幸或死則怨益重曷若少徙內地侂胄亦悟祖儉至廬陵將趨嶺得旨改送吉州遇赦量移高安二年卒詔令歸葬祖儉之謫也朱熹與書曰熹以官則高於子約以上之顯遇恩禮則深於子約然坐視羣小之為不能一言以報効乃令子約獨舒憤懣觸羣小而蹈禍機其愧歎深矣祖儉報書曰在朝行聞時事如在水火中不可一朝居使處鄉閭理亂不知又何以多言為哉在謫所讀書窮理賣藥以自給每出必草屨徒步為踰嶺之備嘗言因世變有所摧折失其素履者固不足言矣因世變而意氣有所加者亦私心也所為文有大愚集祖儉從弟祖泰祖泰字泰然夷簡五世孫寓常之宜興性疏達尚氣誦學問該洽備遊江淮交當世知名士得錢或分擊以去無吝色飲酒至數斗不醉論世事無所忌諱聞者或掩耳而走慶元初祖儉以言事安置韶州既移瑞州祖泰徒步往省之留月餘語其友王深厚曰自吾兄之貶諸人籍口我雖無位義必以言報國當少須之今未敢以累吾兄也及祖儉沒貶所嘉泰元年周必大降少保致仕祖泰憤之乃詣登聞鼓院上書論侂胄有無君之心請誅之以防禍亂其略曰道學自古所特以為國也丞相汝愚今之有大勳勞者也立偽學之禁逐汝愚之黨是將空陛下之國而陛下不知悟邪陳自強侂胄童孺之師躐致宰輔陛下舊學之臣若彭龜年等今安在邪蘇師旦平江之吏胥以潛邸而得節鉞周均韓氏之廝役以皇后親屬得大官不識陛下在潛邸時果識師旦乎板房之親果有均乎凡侂胄之徒自尊大而卑朝廷一至於此也願亟誅侂胄及師旦而罷逐自強之徒獨周必大可用宜以代之不然事將不測書出中外大駭有旨呂祖泰挾私上書語旨狂妄拘管連州右諫議大夫程松與祖泰狎友懼曰人知

我素與遊其謂預聞乎乃獨奏言祖泰有當誅之罪且其上書必有教之者今縱不殺猶當杖竄遠方殿中侍御史陳謙亦以為言乃杖之百配欽州牢城收管初監察御史林采言偽習之成造端自必大故有少保之命祖泰知必死冀以身悟朝廷無懼色既至府廷尹為好語誘之曰誰教汝共為章汝試言之吾且寬汝祖泰笑曰公何問之愚也吾固知必死而可受教於人且與人議之乎尹曰汝病風喪心邪祖泰曰以吾觀之若今之附韓氏得美官者乃病風喪心耳祖泰既貶道出潭州錢文子為醴陵令私贖其行侂胄使人迹其所在祖泰乃匿襄鄧間侂胄誅朝廷訪得祖泰所在詔雪其冤特補土州文學改授迪功郎監南嶽廟喪母無以葬至都謀於諸公得寒疾索紙書曰吾與吾兄共攻權臣今權臣誅吾死不憾獨吾生還無以報國且未能葬吾母為可憾耳乃卒尹王柁為具棺斂歸葬焉

楊宏中字充甫福州人弱冠補國子生孝宗崩光宗以疾不能執喪時趙汝愚知樞密院奏請太皇太后迎立寧宗于嘉邸以成喪禮朝野晏然遂命汝愚為右丞相登進者德及一時知名之士有意慶曆元祐之治韓侂胄竊弄國柄引將作監李沐為右正言首論罷汝愚中丞何澹御史胡紘章繼上竄汝愚永州國子祭酒李祥博士楊簡連疏揀爭俱被斥宏中曰師儒能辨大臣之冤而諸生不能留師儒之去於誼安乎衆莫應獨林仲麟徐範張衡蔣傳周端朝五人願預其議遂上書曰自古國家禍亂之由初非一道惟小人中傷君子其禍尤慘君子登庸杜絕邪枉要其處心實在於愛君憂國小人得志仇視正人必欲空其朋類然後可以肆行而無忌於是人主孤立而社稷危矣黨錮敵漢朋黨亂唐大率由此元祐以來邪正交攻卒成靖康之變臣子所不忍言而陛下所不忍聞也臣竊見近者諫臣李沐論前宰相趙汝愚數談夢兆擅權植黨將不利於陛下以此加詎實不其然汝愚乞去中外咨憤而言者以為父老權呼蒙蔽天聽一至於此章穎力辨其非首遭斥逐聞者已駭既而祭酒李祥博士楊簡相繼抗論毅然求去告假幾月善類皇皇一旦有外補之命言者惡其扶植正論極力舐排同日報罷六館之士為之憤惋涕泣李沐自知邪正之不兩

立而公議之不直己也。乃欲盡去正人以便其私。於是託朋黨以罔陛下之聽。臣謂二人之去。若未足惜。殆恐君子小人消長之機。於此一判。則靖康已然之監。豈堪復見於今日邪。陛下屬精圖政。方將正三綱以維人心。采羣議以定國。是遠聽奸回。聽疑善類。此臣等之所未諭也。臣願陛下鑒漢唐之禍。懲靖康之變。精加宸慮。特奮睿斷。念汝愚之忠勸。察祥簡之非黨。灼李沐之回邪。明示好惡。旌別淑慝。竄李沐以謝天下。還祥簡以收士心。臣雖身膏鼎鑊。實所不辭。書奏不報。則繳副封于臺諫。侍從侂胄大怒。坐以不合上書之罪。六人皆編置。以宏中爲首。將竄之嶺南。中書舍人鄧驛上書救之。不聽。右丞相余端禮拜於榻前。至數十丐免。遠徙。上惻然許之。乃送太平州編管。天下號爲六君子。明年移福州。聽讀。嘉泰三年。寧宗幸學。特旨放還。開禧元年。宏中登進士第。教授南劍州。太守余燦。故相端禮子。與之相得其權。侂胄誅。先以言得罪者。悉加褒錄。嘉定元年。特遷宏中一秩。亦不拜。六年。以燦與汪遠趙彥橢薦。授戶部架閣。俄遷太學正。八年夏旱。上封事指切無隱。遷武學博士。改宣教郎。時諫官應武論一學官。宏中季試策士。及其故武聞而銜之。秋戌祀武成王祭酒行事。故事。博士攝亞獻。至是不命宏中。宏中白于祭酒。於是武劾宏中與同列。競且謂其激矯。不自愛。遂通判潭州。以親老請祠。差知武岡軍。未受卒。年五十三。端朝字子靜。嘉定三年。試禮部第一。終刑部侍郎兼侍講。衛字用叟。以父任補官。有二子。與端朝同登進士第。仲麟字景仲。傳字象夫。久居學校。忠鯁有聞。咸以不偶死。範自有傳。

華岳字子西。爲武學生。輕財好俠。韓侂胄當國。岳上書曰。旬月以來。都城士民。彷徨四顧。若將喪其室家。諸軍妻子。隱哭含悲。若將驅之水火。聞閭籍籍欲語。復噤。駭於傳聞。莫曉所謂。臣徐考之。則侍衛之兵。日月潛發。樞機之遞。星火交馳。戎作之役。倍於平時。郵傳之程。兼於曠昔。乃知陛下將有事於北征也。侂胄以后族之親。位居極品。專執權柄。公取賄賂。蓄養無籍吏僕。委以腹心。賣名器。私爵實賄。神器械。規宗社。日益炎炎。不敢嚮視。此外患之居吾腹心者也。朝臣有以庸瑣之資。請媼師旦。驟入政府者。有以諛佞之資。附阿侂胄。致身顯貴。

者。陳自強老不知恥。貪不知止。私植黨與。陰結門第。凡見諸行事。惟知侂胄不知君父。此外患之居吾股肱者也。爽奕汝翼。諸李之貪。無謀。倪倬。吳諸郭之膏粱。無用。諸吳之恃寵。專權。諸彭之庸厚。不肖。皇甫斌。魏文諒。毛致通。秦世輔之彫瘵軍心。瘡痍士氣。以致陳孝慶。夏與祖商。樂田俊。邁之徒。皆以一卒之才。各得把麾。專制。平日剗膏刻血。包首侂胄。以致通顯。饑寒之士。咸願食其肉。而不可得。萬一陛下付以大事。彼之首領。自不可保。奚暇爲陛下計哉。此外患之居吾爪牙者也。程松之納。辛求知。或以舊妹入府。或以獻妻入閣。魯館之貢子。爲郎富官之庸。鶻充位。此外患之居吾耳目者也。蘇師旦。以穢吏。冒節鉞。牙儉名。爵。周筠。以隸卒。冒戎鈴。市易將相。此外患之扼吾咽喉者也。彼之所謂外患者。實未足憂。而此之外患。蓋已周吾一身之間矣。禮樂征伐。自天子出。所貴乎中國者。皆聽命於陛下也。今也與奪之命。黜陟之權。又不出於陛下。而出於侂胄。是吾有二中國也。命又不出於侂胄。而出於蘇師旦。周筠。是吾有三中國也。女真以區區之地。猶能逼我淮漢。曾謂外患之居吾腹心。股肱。耳目。爪牙及吾咽喉。而不馮陵吾之宗廟社稷乎。曾謂一家之中。自爲秦越。一舟之中。自爲敵國。而能制遠人乎。比年軍皆培克。而士卒自仇其將佐。民皆侵漁。而百姓自畔其守令。家自爲戰。此又啓吾中國億萬之仇敵也。今不務去吾腹心。股肱。爪牙。耳目。咽喉。與夫億萬之仇敵。而欲空國之師。竭國之財。而與遠人相從。於血刃相塗之地。顧不外用其心歟。臣嘗推演兵書。自去歲二元甲子。五福太。一初度。吳分。四神直符。對臨荆楚。始擊畫符。旁臨颶粵。青門直使。交次于幽冀。黑殺黃道。正按于燕趙。考之成法。主算最長。客算最短。兵以先發爲客。後發爲主。自太歲乙丑至庚午。六年之間。皆不利於先舉。儻其畔盟。犯義。撓我疆場。至於事不獲已。然後應之。則反主爲客。猶曰庶幾。萬一國家首事倡謀。則將帥內駭。士卒外畔。肝腦萬民。血刃千里。此天數之不利於先舉也。矧將帥庸愚。軍民怨對。馬政不講。騎士不熟。豪傑不出。英雄不收。餽糧不豐。形便不固。山皆不脩。壘壘不設。吾雖帶甲百萬。饋餉千里。而師出無功。不戰自敗。此人事之不利於先舉也。臣願陛下除吾一身之外患。吾中國之外患。既已除。然後公道開明。正人登

用法令自行，紀綱自正，豪傑自歸，英雄自附，侵疆自還，中原自復，天下自底於和平。四海自躋於仁壽，何俟乎兵革哉！不然，則亂臣賊子，毀裂冠履，哦九錫，陰恩之詩，恃貴不可侔之相，私妾內姬，陰臣將相，魚肉軍士，塗炭生靈，墜百世之遺圖，虧十廟之遺業，陛下此時雖欲不與之偕亡，則禍迫於身，權出於人，俛首待終，何臍可噬，事之未然，難以取信，臣願以身屬之廷尉，待其軍行用師，勞還秦凱，則臬臣之首，風遞四方，以為天下欺軍罔上者之戒，儻或干戈相尋，敗亡相繼，強敵外攻，姦臣內畔，與臣所言，盡相符契，然後令臣歸老田里，永為不齒之民，書奏，侂胄大怒，下大理貶建寧園土中，郡守傅伯成憐之，命獄卒使出入毋繫，伯成去，又守守李大異復寬獄，侂胄誅放還，復入學登第，為殿前司官屬，鬱不得志，謀去丞相彌遠，事覺，下臨安獄，獄具，坐議大臣當死，寧宗知岳名，欲生之，彌遠曰：是欲殺臣者，竟杖死東市。

鄧若水，字平仲，隆州井研人，博通經史，為文章有氣骨，吳曦叛，州縣莫敢抗，若水方為布衣，憤甚，將殺縣令，起兵討之，夜到雞盟，其僕曰：我明日謁知縣，汝密懷刃以從，我願汝即殺之，僕伴許諾，至期，三顧不發，歸責其僕以背盟，僕曰：平人尚不可殺，況知縣乎，此何等事，而使我為之，若水乃仗劍徒步如武，與欲手刃曦，中道聞曦死，乃還，人皆笑其狂而壯其志，登嘉定十三年進士第，時史彌遠柄國久，若水對策，極論其姦，請罷之，更命賢相，否則必為宗社憂，考官實之，末甲策語播行，都士爭誦之，彌遠怒，諭府尹使逆放主人，譏其出入將實之罪，或為之解，乃已，理宗即位，應詔上封事曰：行大義然後可以弭大謗，收大權然後可以固大位，除大姦然後可以息大難，寧宗皇帝晏駕，濟王當繼大位者也，廢黜不聞於先帝，過失不聞於天下，史彌遠不利濟王之立，夜矯先帝之命，棄逐濟王，并殺皇孫而奉迎陛下，曾未半年，濟王竟不幸於湖州，揆以春秋之法，非弑乎，非篡乎，非擄奪乎，當悖逆之初，天下皆歸罪彌遠，而不敢歸過於陛下者，何也，天下皆知倉卒之間，非陛下所得知，亦諒陛下必無是心也，亦料陛下必能掃清妖氛，以雪先帝濟王父子終天之憤，今踰年矣，而乾剛不決，威斷不行，無以大慰天下之望，昔之信陛下之必無者，今或疑其有昔之信陛下不知

者，今或疑其知陛下何以忍清明天日，而以此身受此汙辱也，蓋亦求明是心於天下，而俾有辭於千古乎，為陛下之計，莫若遵泰伯之至德，伯夷之清名，季子之高節，而後陛下之本心，明于天下，此臣所謂行大義以弭大謗，策之上也，自古人君之失大權，鮮有不自廢立之際而盡失之，當其廢立之間，威動天下，既立則眇視人主，是故強臣挾恩以陵上，小人怙強以無上，久則內外相為一體，為上者喑默以聽其所為，日陵月削，始有人臣之所不忍言者，威權一去，人主雖欲固其位，保其身，有不可得，宣繒薛極，彌遠之肺腑也，王愈其耳目也，咸章李知孝，其鷹犬也，馮榘其爪牙也，彌遠之欲行某事，害某人，則此數人者，相與謀之，曷嘗有陛下之意行乎其間哉，臣以為不除此數凶，陛下非惟不足以弭謗，亦未可以必安其位，然則陛下何憚久而不為哉，此臣所以謂收大權以定大位，策之次也，次而不行，又有一焉，曰：除大姦然後可以弭大難，李全一流民耳，寓食於我，兵非加多，土地非加廣，勢力非特盛也，買涉為帥，庸人耳，全不敢妄動，何也，名正而言順也，自陛下即位，乃敢僭疆何也，彼有辭以用其眾也，其意必曰：濟王先皇帝之子也，而彌遠放弑之，皇孫先皇帝之孫也，而彌遠戕害之，其辭直，其勢壯，是以沿淮數十萬之師，而不敢睥睨其鋒，雖曰今暫無事，未也，安知其不一日羽檄飛馳，以濟王為辭，以討君側之惡為名，彌遠之徒，死有餘罪，不可復惜，宗社生靈何辜焉，陛下今日而誅彌遠之徒，則全無辭以用其眾矣，上而不得，則思其次，次而不得，則思其下，悲夫，制置司不敢為附驥，卻還之，以格當改官，奏上，彌遠取筆橫抹之，而罷，嘉熙間，召為太學博士，當對草奏數千言，略曰：寧宗不豫，彌遠急欲成其詐，此其心，豈復願先帝之生哉，先帝不得正其終，陛下不得正其始，臣請發冢斷棺，取其屍斬之，以謝在天之靈，往年臣嘗上封事，請禪位近屬，以洗不義之污，無路自達，今其書尚在，謹昧死以聞，將對前一日，假筆吏於所親潘尤恭，尤恭素知若水好危言，論筆吏使竊錄之，尤恭見之，懼并及禍，走告丞相喬行簡，亦大駭異，日蚤朝，奏出若水通判寧國府，退朝，召閣門舍人問曰：今日有輪對官乎，舍人以若水對，行簡曰：已得旨補外矣，可格班，若水袖其書待廡下，舍人諭使去，若水怏怏而退，自知不為時

所容到官數月。以言罷。遂不復仕。隱太湖之洞庭山。賈似道在京湖。聞其名。辟參軍。事若水。雅思其鄉。乃起從其招。因西歸蜀。居山中。有盜夜劫之。若水危坐不動。盜擊其首。流血被面。亦不動。乃舍去。若水爲學務躬行。恥爲空言。削木爲主。大書曰。自古以來。忠臣孝子。義夫節婦之位。歲時祀之。有一子。督力絕人。築山砦。以兵捍衛鄉井。砦破。舉家遇害。

僧真寶。代州人。爲五臺山僧正。學佛能外死生。靖康之擾。與其徒習武事於山中。欽宗召對便殿。眷賚隆綽。真寶還山。益聚兵助討。州不守。敵衆大至。晝夜拒之。力不敵。寺舍盡焚。會下令生致真寶。至則抗詞無撓。會異之。不忍殺也。使郡守劉嗣。誘勸百方。終不顧。且曰。吾法中有口回之罪。吾既許宋皇帝以死。豈當妄言也。怡然受戮。北人聞見者。嘆異焉。

莫謙之。常州宜興僧人也。德祐元年。糾合義士。捍禦鄉閭。詔爲溧陽尉。是冬。沒于戰。陳贈武功大夫。時萬安僧亦起兵。舉旗曰降魔。又曰。時危聊作將。事定復爲僧。旋亦敗死。

徐道明。常州天慶觀道士也。爲管轄。賜紫。德祐元年。北兵圍城。道明謁郡守姚。嘗請曰。事急矣。君侯計將安出。嘗曰。內無食。外無援。死守而已。道明亟還。慨然告其徒曰。姚公誓與城俱亡。吾屬亦不失爲義士。迺取觀之文籍。置石函藏坎中。兵屠城。道明危坐。燻香。讀老子書。兵使之拜。不顧。誦聲琅然。以刃脅之。不爲動。遂死焉。

宋史卷四百五十五

宋史卷四百五十五考證

陳東傳高宗感悟。追贈東。澈承事郎。臣蒲封。按揮塵錄。葉夢得進對。聖訓言。陳東歐陽澈可贈一官。并與子或弟一人恩澤。始罪東等。出于倉卒。終是以言責人。朕甚悔之。今方降詔。使士庶皆得言事。當使中外皆知此意。東等皆贈官。及子弟恩澤。優恤其家。

宋史卷四百五十五考證

元中書右丞相總裁脫脫等修

列傳第二百五十五

孝義

李璘甄婆

徐承珪 劉孝忠 呂昇王翰

羅居通黃德

齊得一 李罕澄 邢神留沈正

許祚李琳

胡仲堯仲容 陳航 洪文撫

易延慶

董道明 郭琮學贊 顧忻李瓊

朱泰

成象 陳思道 方綱

龐天祐

劉斌 樊景温學恕 祁璋

何保之

李玘 侯義 王光濟李祚

江白

裘承詢孫濟 常真子晏王 杜誼

姚宗明

鄧中和 毛安輿 李訪

朱壽昌

侯可 申積中 郝戴

支漸

鄧宗古 沈宣 蘇慶文蓋亨

仰忻

趙伯深 彭瑜 毛洵李壽

楊慶

陳宗 郭義 申世寧

苟與齡

王珠 顏詡 張伯威

蔡定

鄭綺鮑宗

冠冕百行莫大於孝。範防百為莫大於義。先王與孝以教民厚。民用不薄。與義以教民睦。民用不爭。率天下而由孝義。非履信思順之世乎。太祖太宗以來。子有復父仇而殺人者。壯而釋之。剖股割肝。咸見慶賞。至於數世同居。輒復其家。一百餘年。孝義所感。醴泉甘露。芝草異木之瑞。史不絕書。宋之教化。有足觀者矣。作孝義傳。

遁去。自言復父讎。案鞫得實。太祖壯而釋之。雍熙中。又有京兆鄠縣民甄婆兒。母劉與同里人董知政忿競。知政擊殺劉氏。婆兒始十歲。妹方穉。祿託隣人張氏乳養。婆兒避仇。徙居救村。後數年稍長大。念母為知政所殺。又念其妹寄張氏。與兄謀兒同詣張氏求見妹。張氏拒之不得見。婆兒憤怒。悲泣謂兄曰。我母為人所殺。妹流寄他姓。大讎不報。何用生為。時方寒食。具酒殺諸母墳。慟哭。歸取條桑斧置袖中。往見知政。知政方與小兒戲。婆兒出其後。以斧斫其腦。殺之。有司以其事上請。太宗嘉其能復母讎。特貸焉。

徐承珪。萊州掖人。幼失父母。與兄弟三人及其族三十口同甘藜藿。衣服相讓。歷四十年不改其操。所居崇善鄉。緝俗里。木連理。瓜瓠異蔓。同實。州以聞。乾德元年。詔改鄉名義感。里名和順。承珪嘗為贊皇令。

劉孝忠。并州太原人。母病經三年。孝忠割股肉斷左乳以食母。母病心痛劇。孝忠然火掌中。代母受痛。母尋愈。後數歲母死。孝忠備為富家奴。得錢以葬。富家知其孝行。養為己子。後養父兩目失明。孝忠為舐之。經七日復能視。以親故事。

佛謹。嘗於像前割雙股肉。注油創中。燃燈一晝夜。劉鈞聞而召見。給以衣服錢帛。銀鞍勒馬。署宣陵副使。開寶二年。太祖親征太原。召見慰諭。

呂昇。萊州人。父權失明。剖腹探肝以救父疾。父復能視而昇不死。冀州南宮人王翰。母喪。翰自扶右目睛補之。母目明如故。淳化中。並下詔賜粟帛。

羅居通。益州成都人。母死。廬墓三年。有甘露降墳樹。芝草生其旁。開寶四年。長吏以聞。詔以居通為延長主簿。大中祥符初。資州人黃德輿葬父母。負土成墳。甘泉湧其側。降詔旌表。

齊得一。密州諸城人。幼嗜學。及長。能讀五經。善於教授鄉里。士大夫子弟不遠百里。皆就之肄業焉。晉末。皇甫暉為密州防禦使。得一為客將。及暉叛歸淮。南。屢率眾剽劫於故郡民之牛羊犬豕。悉取以犒士卒。得一之家被掠殆盡。後王萬敢為防禦使。性貪暴。執鄉民十八家。責其嘗以牛酒餽賊。盡殺之。而取其資產。得一親屬死者十餘人。唯得一與兄脫身獲免。明年。詣闕上訴。朝廷遣使按鞫之。得實。萬敢削官。判官胡輒坐死。得一乃歸鄉里。布衣蔬食。不樂仕進。開

寶中詔郡國舉廉退孝悌之士本郡即以得一應詔至闕策試中選授章丘主簿

李罕澄冀州阜城人也七世同居漢乾祐三年詔改鄉里名及旌其門閭太平興國六年長史以漢所賜詔書來上復旌表之

邢神留深州陸澤人父超通官租里胥督租與超鬪超毆里胥死神留年十六詣吏求代父死州以聞特詔減死賜里胥家萬錢為棺斂具端拱初秦州海陵人沈正父為屯田院衙官凶暴無賴使酒毆平人死正中塗見父恐懼述其故正即號呼襦衣就毆其屍巡警者捕送官獄具怡然就聞者悲之

許祚江州德化人八世同居長幼七百八十一口太平興國七年旌其門閭淳化二年本州言祚家春夏常乏食詔歲貸米千斛又有信州李琳十五世同居具州田祚京兆惠從順十世同居廬州趙廣順安軍鄭彥圭信州俞傳八世同居陝州張文裕六世同居襄州張巨源劉芳潭州瞿景鴻温州陳備江陵褚彥逢五世同居徐州彭程四世同居皆賜詔旌表門閭巨源素習法律太平興國五年賜明法及第芳淳化四年來賀壽寧節賜進士出身備事母至孝賜其母粟帛彥逢兄弟五人皆年七十餘至道元年轉運使表其事詔補彥逢教練使

胡仲堯洪州奉新人累世聚居至數百口構學舍于華林山別墅聚書萬卷大設廚廩以延四方游學之士南唐李煜時嘗授寺丞雍熙二年詔旌其門閭仲堯詣闕謝恩賜白金器二百兩淳化中州境旱歉仲堯發廩減市直以賑饑民又以私財造南津橋太宗嘉之除本州助教許每歲以香稻時果貢于內東門五年遣弟仲容來賀壽寧節召見仲容特授試校書郎賜袍笏犀帶又以御書賜之公卿多賦詩稱美仲堯稍遷國子監主簿致仕卒仲容字咸和咸平三年復至闕貢土物改大理評事屢被賜資仲容建本縣孔子廟頗為宏敞後遷光祿丞致仕天禧中特賜緋魚卒年七十九以弟之子用訥為後試校書郎仲容第克順端拱二年進士至都官員外郎三司戶部判官仲容子用之洎從子用

莊用舟並進士及第

陳兢江州德安人陳宜都王叔明之後叔明五世孫兼唐右補闕兼生京秘書

少監集賢院學士無子以從子襄為嗣襄至鹽官令襄生權高安丞權孫伯宜

避難泉州與馬總善注司馬遷史記行於世後遊廬山因居德安嘗以著作佐郎召不起大順初卒伯宣子崇為江州長史益置田園為家法戒子孫擇羣從

掌其事建書堂教誨之僖宗時嘗詔旌其門南唐又為立義門免其徭役崇子哀江州司戶哀子昉試奉禮郎昉家十三世同居長幼七百口不畜僕妾上下姻睦人無間言每食必羣坐廣堂未成人者別為一席有犬百餘亦置一槽共食一犬不至羣犬亦皆不食建書樓於別墅延四方之士肄業者多依焉鄉里

率化爭訟稀少開寶初平江南知州張齊上請仍舊免其徭役從之昉弟之子鴻太平興國七年江南轉運使張齊賢又奏免雜科兢即鴻之弟淳化元年知州康戩又上言兢家常苦食不足詔本州每歲貸粟二千石後戩死其從父弟旭每歲止受貸粟之半云省嗇而食可以及秋成屬歲儉穀貴或勸其全受而

糴之可邀善價旭曰朝廷以旭家羣從千口軫其乏食貸以公粟豈可見利忘義為罔上之事乎至道初遣內侍裴愈就賜御書還言旭家孝友儉讓近於淳古太宗嘗對近臣言之參知政事張洎對曰旭宗族千餘口世守家法孝謹不衰闔門之內肅於公府且言及旭受貸事上以遠民義聚復能固廉節為之嘆息大中祥符四年以旭為江州助教旭卒弟蘊主家事天聖元年又以蘊繼為

助教蘊卒弟泰主之泰第度太子中舍致仕從子延賞可並舉進士延賞職方員外郎

洪文撫南康建昌人本姓犯宣祖偏諱改焉曾祖諤唐虔州司倉參軍子孫衆多以孝悌著稱六世義居室無異爨就所居雷湖北創書舍招來學者至道中本軍以聞遣內侍裴愈齋御書百軸賜其家文撫遣弟文舉詣闕貢土物為謝太宗飛白一軸曰義居人以賜之命文舉為江州助教三年八月又詔表其門閭自是每歲遣子弟入貢必厚賜答之文撫兄弟待用登咸平二年進士第至

都官員外郎
易延慶字餘慶筠州上高人父贊以勇力仕南唐至雒州刺史延慶幼聰慧涉獵經史尤長聲律以父蔭為奉禮郎顯德四年周師克淮南贊歸朝授道州刺史

史延慶亦授大名府兵曹參軍。後爲大理評事。知臨淮縣。乾德末。贊卒。葬臨淮。延慶居喪。摧毀廬於墓側。手植松柏數百本。且出守墓。夕歸侍母。紫芝生於墓之西北。數年。又生玉芝十八莖。本州將表其事。延慶懇辭。或畫其芝來京師。朝士多爲詩賦。稱其孝感。服闋。延慶以母老。稱疾不就官。母卒。從藁殯數年。延慶出爲大理寺丞。嘗同建安市征。及母葬有期。私歸營葬。掩塋而返。知軍。屢繼昇。言其擅去職。坐免。所居官。復廬墓側數年。母平生嗜粟。延慶樹二粟樹墓側。二樹連理。蘇易簡朱台符爲贊美之。後知端州卒。子綸。大中祥符元年。進士及第。董道明。蔡州褒信人。母死。出葬。道明潛匿墓中。人瘞之。經三日。家人發家取之。道明無恙。終身廬於墓側。

郭琮。台州黃巖人。幼喪父。事母極恭順。娶妻有子。移居母室。凡母之所欲。必親奉之。居常不過中食。絕飲酒茹葷者三十年。以祈母壽。母年百歲。耳目不衰。飲食不減。鄉里異之。至道三年。詔書存恤孝悌。鄉老陳贊率同里四十人。狀琮事。于轉運使以聞。有詔旌表門閭。除其徭役。明年。母無疾而終。琮哀號幾乎滅性。鄉閭率金帛以助葬。又有越州應天寺僧者。幼貧。無以養母。剃髮乞食。以給晨夕。母年一百五歲而終。潭州長沙人畢贊。仕郡爲引贊吏。性至孝。父母皆年八十餘。轉運使表其事。詔贊解職終養。

顧忻。泰州泰興人。十歲喪父。以母病。葷辛不入口者十載。鷄初鳴。具冠帶率妻子詣母之室。問其所欲。如此五十年。未嘗離母左右。母老。目不能親物。忻日夜號泣。祈天刺血。寫佛經數卷。母目忽明。燭下能縫衽。九十餘無疾而終。又有杭州仁和人李瓊。以鬻繒爲業。事母孝。夜常十餘起省母。母喜食時新。瓊百方求市。得必十倍酬其直。

朱泰。湖州武康人。家貧。鬻薪養母。常適數十里外。易甘旨。以奉母。泰服食蠶糲。戒妻子常候母色。一日鷄初鳴。入山。及明。懸于山足。遇虎搏攫負之而去。泰已暝眩。行百餘步。忽稍醒。厲聲曰。虎爲暴食我。所恨母無託爾。虎忽棄泰於地。走不顧。如人疾驅狀。泰匍匐而歸。母扶持以泣。泰亦彊舉動。不踰月。如故。鄉里聞其孝感。率金帛遺之。里人目爲朱虎殘。

成象。渠州流江人。以詩書訓授里中。事父母以孝聞。母病。割股肉食之。詔賜束帛。醪酒。淳化中。李順盜據郡縣。象父母驚悸而死。燼骨寄浮圖舍。象號泣營葬。賊平。鄉里率錢三百萬贈之。象廬於墓側。以衰服襟袂。飾土於墳上。日三斗。每慟聞者。咸愴。未嘗食肉衣帛。或贈之。亦不受。虎豹環廬而臥。象無畏色。驚百餘集。廬中。禾生。墓側吐九穗。服終。猶未還家。知禮者爲書以諭之。遂歸教授。遠近目爲成孝子。

陳思道。江陰人。喪父。事母兄以孝悌聞。鬻鹽市側。以給晨夕。買物不酬價。如所索與之。母病。思道衣不解帶者數月。雙目瘡爛。飲食隨母多少。泊母喪。水漿不入口七日。既葬。哀鬻鹽之利。得錢十萬。奉其兄結廬墓側。日夜悲慟。其妻時攜兒女詣之。拒不與見。夏日種瓜。以待過客。晝則白兔馴狎。夜則虎豹環其廬。而臥。咸平元年。知軍上其事。詔賜束帛。旌其門。

方綱。池州青陽人。八世同爨。家屬七百口。居室六百區。每旦鳴鼓會食。嘗出稻五千萬。賑貸貧民。景德二年。轉運使馮亮以聞。詔旌其門。天禧中。侍御史韓億安撫江南。使還。言綱家稅籍錢四百餘千。米二千五百斛。同居四百年。而本縣科率。一無寬假。望蠲其戶雜科。詔從之。

龐天祐。江陵人。以經籍教授里中。父疾。天祐割股肉食之。疾愈。又復病。目喪明。天祐號泣。祈天。砥之。父年八十餘。大中祥符四年卒。天祐負土封墳。結廬其側。晝夜號不絕聲。知府陳堯咨親往致奠。上其事。詔旌表門閭。天祐家無他石。儲居委巷中。堯咨爲徙里門之右。築闕表之。

劉斌。定州人。父加友。端拱中。爲從弟志元所殺。斌兄弟皆幼。隨母改適人。母嘗戒之曰。爾等長必復父仇。景德中。斌兄弟挾刀伺志元於道。刺之不殊。卽詣吏自陳。用具獄。上請。詔志元黥面。配隸汝州。釋斌等罪。樊景溫。陝州芮城人。榮恕。旻。雄州歸信人。兄弟異居。積年。大中祥符中。景溫樗樹五枝。并爲一。恕旻家榆樹兩本。自合。兩家感其異。復義聚鄉人。稱雍睦。祁暉。字坦之。萊州膠水人。淳化三年。進士。歷度支員外郎。直集賢院。天禧中。出知澶州。母卒。葬于州城之南。暉既解官。就墳側構小室。號泣守護。蔬食經六冬。

墮足二指，有白烏白兔馴擾墳側。州人異之，以狀聞，有詔旌美，賜帛三十匹，粟三十石，令長吏每月存問。

何保之，梓州通泉人，業進士。有至行，母卒，負土成墳，廬於其側，日有羣鳥飛集墳上，哀鳴不去。又嘗有兔馴於坐隅，人稱異焉。大中祥符降詔旌恤。

李玘，大名宗城人，性篤孝，力耕以事母。母卒，讓田與其弟堅，遂廬於葬所。晝夜號泣，負土築墳高丈餘，又以二代及諸族父母棄葬者，盡禮築之。凡三年，成六墳，皆丈餘，不食肉衣帛，不預人事。皇皇然唯恐築之不及，墳成，復留守墳三年。常令兄之子賣藥以自給，年六十餘，足未嘗入縣門，鄉人目為孝子。天禧中，知府張知白以狀聞，詔賜粟帛，令府縣安存之。里有母在而析產者，聞玘被旌，兄弟慚懼，復相率同居。

侯義，應天府楚丘人，貧無產，備田以事母。里人有葬其親而遽返者，義母過其冢，泣謂義曰：「我死其若是乎？義乃感激自誓而不欲言。但慰其母曰：『勿悲，義必不爾。』咸平中，母卒，義力自辦葬，不掩墳壙。晝則負土築墳，夜則慟哭，極側，妻子困置不給。田主曹氏哀憐之，資以餼糧。踰年，墳間瓜異蒂，木連理，又有巨蛇透其側，不暴物，野鴿飛而不去。嘗遇盜劫其衣服，既而知是義物，悉還之。

王光濟，廬州人，喪母，因刻像日夕奉事如平生。孝道純篤，咸平二年，本州以孝聞，有詔旌之。時又有徐州豐人李祚，親喪廬墓側，凡二十七年，家人百計勸諭，不聽。益州雙流人周善敏，喪父廬於墓側，母病，又割股肉以啖之，遂愈。大中祥符九年，特詔旌表，賜善敏粟帛存慰之。

江白，建昌人，景德二年進士。父禹錫，有節義，高年不仕，躬自教授。大中祥符初，獻東封詩十五篇，有詔嘉美，賜以粟帛。歲時遣使存問。五年卒，白自郵尉罷還，負土營葬，廬於墓側，黎藿芒屨，晝夜號泣，將終，制猶然。轉運使以其狀聞，詔賜帛二十匹，粟麥二十石，醪酒十缸。

裘承詢，越州會稽人，居雲門山前，十九世無異爨。子第習教誦，鄉里稱其敦睦。州以聞，詔旌其門閭。咸平後，又有保定軍孫浦，翼州常元紹，蔡州王美，解州董孝章，並十世同居。莫州高珪，永定軍朱仁貴，潞州邢濬，相州趙祚，八世同居。麟

州楊榮，隰州趙友，開封李居正，潁州張可象，衛州張珪，滄州崔諒，七世同居。邢州王覺，趙州曹遵，六世同居。兗州童升，陳州樊可行，京兆元守全，平定軍段德，五世同居。開封張仁遇，亳州王子上，建昌軍翟肅，四世同居。肅家百五十口，長幼孝悌，鄉人化之。又河陰王世及，大名李宗祐，陳州劉閏，宣州汪政，潭州李耕，或聚居至七百口，累數百年，並所在請加旌表，詔從之。仍勸其課調。大中祥符初，東封泰山，判兗州王欽若言：「曲阜東野宜，乾封竇益，合居五六世，有節行，四年祀汾陰，考制度使馬起言，陝州張化基，閩用和，楊忠義，聚族累世，孝悌可稱，並即行在所降詔褒美，各優賜粟帛。」

常真，陳州項城人，父母死，廬墓終喪，負土成墳，不茹葷血，周廣順中，詔旌其門閭。開寶七年，本州以聞，詔再加旌表。真妻病，子晏割股肉以養母，及死，父子守規，徒跣，日一食。廬墓三年，太平興國八年，詔旌表之。又有齊州王涯，河南李繼成，滄州胡元興，並母死，負土成墳，晝夜哭不絕聲。州郡繼以聞，皆降詔旌其門閭，賜以粟帛。

杜誼，字漢臣，台州黃巖人，事父母至孝。父剛嚴，誼獨失愛，惴惴不自容，何顏色而後進，繼喪父母，號慟晝夜不絕，勺水不入口者累日。卜葬徒跣，負土為墳，往來十餘里，日渡塘澗，泥水沒胛，雖大雨雪，未嘗少止。手足皸裂，血流以塗塗之，每覆一畝，必三遠墳號而後去。既葬，遂拔金墓旁，負土終喪，人往視之，輒遺去，日一飯不葷，雖虎狼交於墓側，誼泰然無所畏。明年吳越大水，山皆發，推巨石走十數里，台州山最高，而水又夜至，旁山之民居，廬墓田畜牧漂壞者甚眾，而獨不及誼。邑人狀其事以聞，詔書嘉獎，事族父衍甚謹，衍愛之均諸子，以租垂象廩入官，至贊善大夫。嘗知永城縣，歲捐俸錢三十萬，以收瘞汴渠之溺死者，凡四十餘。又出俸錢率其下，新文宣王廟，兩旁為學舍數十區，旦夕講學於其堂。永城父老稱誼之政為不可及，誼生平敦厚，尚信義，有大志，家貧，不恤有無，常推以濟親友。後通判梓州，卒，子揆，纔十六歲，哭誼墓旁。

姚宗明，河中永樂人也。其十世祖栖雲，當唐貞元中調卒戍邊，栖雲之父語其兄曰：「兄嗣未立，可無往，某幸有子，請代兄行，遂戰沒塞上，時栖雲方三歲，其母

再嫁。栖雲養於伯母。既長。事伯母如其母。伯母亡。栖雲葬之。又招魂葬其父。痛其父死於邊。乃廬於墓次。終身哀慕不衰。縣令蘇轍以俸錢買地開阡。刻石表之。河中尹渾瑊上其事。詔加優賜。表其門。名其鄉曰孝悌。社曰節義。里曰敬愛。栖雲生岳。岳生君儒。君儒生師正。自岳至師正。四世廬墓。五世孫曰厚。六世曰雅。七世曰文。八世曰敬真。九世曰直。十世曰宗明。當慶曆初。有司以姚氏十世同居聞于朝。仁宗詔復其家。十一世孫用和。十二世孫士明。十三世孫德。自宗明至德。又三世。自慶曆以後。又五十餘年。而其家孝睦不替。姚氏世爲農。無爲學者。家不甚富。有田數十頃。聚族百餘人。子孫躬事農桑。僅給衣食。歷三百餘年。無異辭者。經唐末五代兵戈。離而子孫保守墳墓。骨肉不相離散。求之天下。未或有焉。

鄧中和。字祖德。開封長垣人。舉三禮。景祐慶曆間。喪親。廬墓終其喪。定省往來。如事生者二十年。負土累墳高三丈。

毛安輿。嘉州洪雅人。年九歲。父死。負土爲墳。廬於其側。三年。知益州張方平聞之。遺以酒餼。狀其事以聞。

李訪。韶州人。業進士。廬父母墓。有虎暴傷旁人而不近訪。又有白鳥集墓上。朱壽昌。字康叔。揚州天長人。以父罪。廢守將作監主簿。累調州縣。通判陝州。荆南。權知岳州。州濱重湖。多水盜。壽昌籍民船刻著名氏。使相伺察。出入必以告。盜發。驗船所向。窮討之。盜爲少。珥旁郡取以爲法。富弼韓琦爲相。遣使四出。寬恤民力。擇壽昌使湖南。或言邵州可置冶。采金者。有詔與作。壽昌言。州近蠻金。冶若大發。蠻必爭。自此邊境恐多事。且廢良田數百頃。非教本抑末之道也。詔亟罷之。知閩州。大姓雍子良屢殺人。挾財與勢。得不死。至是。又殺人。而賂其里民。出就吏。獄具。壽昌覺其姦。引囚詰之曰。吾聞子良與汝錢十萬。許納汝女爲婦。且壻汝子。故汝代其命。有之乎。囚色動。則又撻之曰。汝且死。書券抑汝女爲婢。指錢爲贖直。又不壻汝子。將奈何。囚泣涕覆面曰。囚幾誤死。以實對。立取子良正諸法。郡稱爲神。蜀人至今傳之。知廣德軍。壽昌母劉氏。巽妾也。巽守京兆。劉氏方娠而出。壽昌生數歲。始歸父家。母子不相關五十年。行四方。求之。不

置。飲食罕御酒肉。言輒流涕。用浮屠法。灼背燒頂。刺血書佛經。力所可致。無不爲者。熙寧初。與家人辭。訣棄官入秦。曰。不見母。吾不反矣。遂得之於同州。劉時年七十餘矣。嫁黨氏。有數子。悉迎以歸。京兆錢明逸以其事聞。詔還就官。由是以孝聞天下。自王安石蘇頌蘇軾以下。士大夫爭爲詩美之。壽昌以養母故。求通判河中府。數歲。母卒。壽昌居喪。幾喪明。既葬。有白鳥集墓上。拊同母弟妹。益篤。又知鄂州。提舉崇禧觀。累官司農少卿。易朝議大夫。遷中散大夫。卒。年七十。壽昌勇於義。周人之急。無所愛。嫁兄弟兩孤女。葬其不能葬者十餘喪。天性如此。

侯可。字無可。華州華陰人。少儷。才羈。以氣節自許。既壯。盡易前好。篤志爲學。隨計入京。里中釀金贖行。北還。悉散其餘。與同舉者曰。此金鄉里所以資。應詔者也。不可以爲他利。且行聞鄉人病。念曰。吾歸則彼死矣。遂留不去。病者瘡。輟已馬載之。徒步而歸。孫沔征儂。請參軍事。奏功。得官。知巴州化城縣。巴俗尙鬼。而廢醫。唯巫言。是用巫。婦必責財。貧人女至老不得嫁。可爲約束。立制度。違者有罪。幾變其習。再調華原主簿。富人有不占田籍。而質人田券。至萬畝。歲責其租。可屢馳至富家。發櫥出券。歸其主。郡吏趙至誠。貪狡凶橫。持守以下。短長前後。莫能去。可暴其罪。荷校。寘獄。言於大府。誅之。聞者快服。簽書儀州判官。西夏寇邊。使者使可。按視。即以數十騎涉夏境。猝與之遇。亟分其騎爲三四。令之曰。建爾旗幟。旋山徐行。夏人循環聞見。疑以爲誘騎。不敢擊。韓琦鎮長安。薦知涇陽縣。說渭源羌會輸地八千頃。因城熟羊以撫之。琦上其功。又議復鄭白渠。得召對。旋以微罪罷。官至殿中丞。卒。年七十二。可輕財樂義。急人之急。憂人之憂。與田頌爲友。頌病重。千里求醫。未歸。而頌死。目不瞑。人曰。其待侯君乎。且斂。而可至。拊之。乃瞑。頌無子。不克葬。可辛勸百營。鬻衣相役。卒葬之。方天寒。單衣以居。有饋白金者。頌頰之。妹處室。舉以佐其匱具。一日自遠歸。家以篋告。適友人郭行扣門曰。吾父病。醫邀錢百千。賣吾廬而不售。可惻然計囊中。裝略當其數。盡與之。關中稱其賢。

申積中。成都人。襁褓中。楊繪從其父起。求之爲子。及長。知非楊氏。而絕口不言。

年十九登進士第。事所養父母盡孝終身。有二第一妹。為畢婚娶。始歸本族。復為申氏。蜀人以純孝歸之。政和六年。以奉議郎通判德順軍。翰林學士許光凝嘗守成都。得其事。薦諸朝。召赴京師。擢提舉永興軍學事。道卒。光凝復與宣和殿學士薛嗣昌。中書舍人宇文黃中。表其操行。詔予一子官。初。光凝所同薦者三人。其一河陽故大理丞陳芳。一門十四世同居三百年。一鄧州王襄。經術登科。年未六十。請老。事孀嫂如母。養孤甥如子。教誨後進。矜恤鄉里貧民。以學行稱。乞加獎異。詔表芳門閭。賜號處士。

郝戡。字伯牙。石州定胡人。家貧。竭力營養。或憐傷之。貸以錢數百萬。使取息自贖。戡重謝。留錢五六年不用。復返之。舉進士。調苑丘尉。舞陽主簿。通山令。時年未五十。以父樵老不第。上書請致仕。為父求官。執政諭使赴官。而後請曰。如是則可升朝籍。遇恩及親矣。於是留妻子於家。獨奉父行。踰歲竟謝事。上官以其治縣有績。惜其去。固留之。耆老拜庭遮道。皆不能止。得太子中允以歸。未至鄉里而樵卒。自舂土造家。人有助之者。使實土冢上。去則隨撒之。服除。州以狀聞。詔賜粟帛。治平末。以翰林學士呂公著薦。起為奉寧軍推官。涇原經略使亦奏辟幕府。戡曰。向所以未老致仕。欲官及親也。既不能及。尚庶幾以恩得贈。今則無及矣。姻族語其妻壽氏。使勸戡仕。曰。吾不德。無以助君子。矧敢強其所不欲。以累其高哉。壽事舅姑。亦以孝義著。戡忠信自將。篤行苦節。不仕而卒。司馬光為銘其墓。

支漸。資州資陽人。年七十持母喪。既葬。廬墓側。負土成墳。蓬首垢面。三時號泣。哀毀瘠甚。白蛇狸兔擾其旁。白鶴白鳥日集于壠。木五色雀至萬餘。回翔悲鳴。若助哀者。鄉人旬文鼎。自娶婦。即與父母離居。親漸至行。深自悔責。號慟而歸。孝養盡志。鄉閭觀感而化者甚眾。

鄧宗古。簡州陽安人。父死。自培土為墳。廬其側。晨夕號慟。甘露降于墓木。里中號為鄧孝子。

沈宣。汝州梁人。母亡既葬。不塞墓門。三十有六月。晝負土。夜拊棺。而臥。為墳廣百尺。妻高氏亦有孝行。漸以下三人元豐中皆褒賜粟帛。

蘇慶文。臺亭。皆夏縣人。慶文事父母以孝聞。母少寡。慶文懼其妻不能敬事。每戒之曰。汝事吾母少不謹。必逐汝。妻奉教。母得安。其室終身。

亨。工畫。元豐中。朝廷修景靈宮。調天下畫工。請京師。選試其優者。待詔翰林。昇以官祿。亨名第一。以父老固辭歸養。閭里賢之。

仰忻。字天貺。温州永嘉人。力學以篤行稱。年五十餘。執母喪。盡孝禮。躬自負土。廬于墓側。有慈烏白竹之瑞。紹聖中。郡守楊蟠表其里孝廉坊。大觀二年。以行取士。郡以忻應詔。未幾卒。特贈將仕郎。

趙伯深。字逢原。父子佃。宣和間。為棧州兵官。屬會兵動燕雲。子佃被檄往塞上。伯深時尚幼。與其母張留居棧州。既而金人渡河。伯深母子相失。子佃亦隔絕。建炎二年。始得南歸。子佃卒。伯深訪尋其母三十餘年。一旦聞在瀘南。伯深徒步入蜀。間關累年。紹興二十一年。乃得其母。相持號泣。哀感行路。曾慥在夔州。賦詩以美其孝。

彭瑜。字君玉。吉之安福人。熙寧間。失其母。瑜朝夕焚香祈天。願知母所在。如是十餘年。俄有人言。母為泰和倪氏婦。瑜竟迎以歸。

毛洵。字子仁。吉州吉水人。天聖二年進士。又中拔萃科。性至孝。凡守四官。再以親疾解任。執藥調膳。嘗而後進。三月不之寢室。父應佺。通判太平州。卒。母高繼卒于池陽舟次。持鉦荷土。以為墳。手砥面黔。親友不能識。廬於墓。凡二十一月。朝夕哭踊。食裁脫粟。諸生請問經義。對之流涕。未嘗言文。抱疾歸。數日而卒。郡以孝聞。賜其家帛五十匹。米五十斛。兄溥。字文祖。亦以哀毀卒于舟中。李蕡

者。洵同縣人。字彥良。與弟衡。字平國。三同乳。二歲喪母。十歲喪父。兄弟每以不逮事親為恨。政和中。改葬其母於楊山。負土成墳。廬于墓左。未幾。廬所產木一本。兩幹。高丈許。復合于一。至其末。乃分兩幹。五枝。鄉人以為瑞。有楊蒂者。亦同縣人。字文卿。性至孝。歸必市酒肉。以奉二親。未嘗及妻子。紹興五年。大饑。為親負米百里外。遇盜奪之。不與。盜欲兵之。蒂慟哭曰。吾為親負米。不食三日矣。幸

哀我。盜義而釋之。楊慶。鄆人。父病。貧不能召醫。迺割股肉。啖之。良已。其後母病不能食。慶取右乳。

焚之以灰和藥進焉。入口遂差。久之乳復生。宣和三年。守榷異名其坊曰崇孝。紹興七年。守仇念爲之請。十二年。詔表其門。復之。念曰。韓退之作。鄙人對。以毀傷支體爲害。義而匹夫單人。身膏草莽。軌訓之理未宏。汲引之徒多闕。而乃行成于內。情發自天。使稍知詩書禮義之說。推其所存。出身事主。臨難伏節。死義豈減介之推。安金藏哉。

陳宗。永嘉人。年十六。母蔡病篤。刲股爲餌。病愈。已而復病。不救。宗一慟而絕。郡守陸德輿。陳宗自毀其體。哀慟傷生。雖非孝道之正。而能爲人所難爲之事。亦天性之至。官爲合葬。榜曰陳孝子墓。

郭義。興化軍人。早遊太學。以操尚稱。年四十餘。客錢塘。聞母喪。徒跣奔喪。每一慟。輒嘔血。家貧甚。故人所饋。不受。聚土爲墳。手蒔松竹。而廬于其旁。甘露降于墓上。高鵬集。郡上其事。詔旌表其閭。於所居前安緯榭。左右建土臺。高一丈二尺。方正。下廣上狹。飾白間以赤。仍植所宜木。

申世寧。信州鉛山人。紹興六年。潘逢兵襲鉛山。父俞。年七十。未及出戶。遇賊。賊意其有藏金。欲殺之。世寧年未冠。亟引頸願代父死。賊感其孝。兩全之。

苟與齡。字壽隆。涿州來安人。志尚高潔。事其親。生養死葬。力竭而禮盡。鄉黨稱之。母歿。廬墓側。有芝十九莖。生于墓亭。郡縣以事聞。旌其門。

王珠。字仲淵。吉州龍泉人。以孝謹聞。建炎間。居父憂。芝數本生墓側。倒植竹以爲杵。復生柯葉。紹興間。再罹母喪。復有雙竹。靈芝之祥。

顏詡。唐太師真卿之後。真卿嘗謫廬陵。故詡爲吉州永新人。詡少孤。兄弟數人。事繼母以孝聞。一門千指。家法嚴肅。男女異序。少長輯睦。匪架無主。廚饌不異。義居數十年。終日怡愉。家人不見其喜愠。年七十餘卒。

張伯威。大安軍人。武翼大夫。御前軍正將祥之子。紹熙元年。武舉進士。調神泉尉。大母黃年九十八。不忍之官。黃得血痢疾瀕殆。伯威剔左臂肉食之。遂愈。繼母楊因姑病篤。驚而成疾。伯威復剔臂肉作粥以進。其疾亦愈。伯威妹嫁崔均。其姑王疾。妹亦剔左臂肉作粥以進。達旦即愈。知大安軍羅植。即伯威所居。立純孝坊。崔均所居立孝婦坊。事聞。詔伯威與升權。倍賜其妹束帛。

蔡定。字元應。越州會稽人。家世微且貧。父草。依郡獄吏傭書以生。資定使學。遊鄉校。稍稍有稱。郡獄吏一日坐舞文法被繫。草以誑誤年七十餘矣。法當免繫。鞫胥任澤。削其籍年而入之罪。且與獄吏等。案具府。奏上之。方待命于朝。故俱久囚。而草不得獨決定。切痛念父當耆年。以非辜墮囚。徒奮將身贖。數詣府。號愬。請代坐獄。弗許。請效命于戎行。弗許。請隸五符爲兵。又弗許。定知父終不可贖也。仰而呼曰。天乎。將使定坐視父纏微纆乎。父老耄不應連繫。傭書罪不應追獄吏等。理明矣。而無所云愬。父老而刑定之生。其何益乎。定圖死矣。庶有司哀憐而釋父。則雖死無憾矣。於是預爲志銘其墓。又爲狀若詣府者。結置袂間。皆敘陳致死之由。冀其父之必免也。以建炎元年十二月甲申。自赴河死。府帥聞之。驚曰。真孝。立命出草。厚爲定具棺斂事。而撫周其家。

鄭綺。婺州浦江人。善讀書。通春秋穀梁學。以肅睦治家。九世不異爨。四世孫德珪。德璋。孝友天至。晝則聯几案。夜則同衾寢。德璋素剛直。與物多迕。宋亡。仇家遂陷以死罪。當會逮楊州。德珪哀弟之見誣。乃陽謂曰。彼欲害吾也。何預爾事。我往則姦狀白。爾去得不死乎。即治行。德璋追至諸暨道中。兄弟相持。頓足哭。爭欲就死。德珪默計沮其行。遂給以無往。夜將半。從間道逸去。德璋復追至廣陵。德珪已斃於獄。德璋聞之。慟絕者數日。負骨歸葬廬墓。再期。每一悲號。烏鳥皆翔集不食。德珪之子文嗣。幼病。德璋鞠之如己子。有鮑宗巖者。字傳叔。徽州歙人。子壽孫。字子壽。宋末盜起。里中宗巖避地山谷間。爲賊所得。縛宗巖樹上。將殺之。壽孫拜前願代父死。宗巖曰。吾老矣。僅一子奉先祀。豈可殺之。吾願自死。盜兩釋之。

宋史卷四百五十六

元中書右丞相總裁脫脫等修

列傳第二百十六

隱逸上

戚同文 陳搏 種放 萬適

李漬 魏野 邢敦 林逋

高擇 徐復 孔叢 何羣

中古聖人之作易也。於遯之上九曰：肥遯無不利。蠱之上九曰：不事王侯，高尚其事。二爻以陽德處高地，而皆以隱逸當之。然則隱德之高於當世，其來也遠矣。巢由雖不見於經，其可誣哉。五季之亂，避世宜多。宋興，嚴穴弓旌之招，疊見於史。然而高蹈遠引若陳搏者，終莫得而致之。豈非二卦之上九者乎？種放之徒，召對大廷，覺臺獻替，使其人出處，果有合于良之君子，時止時行，人何譏焉。作隱逸傳。

戚同文字同文，宋之楚丘人，世為儒。幼孤，祖母攜育於外氏，奉養以孝。聞祖母卒，晝夜哀號，不食數日。鄉里為之感動，始聞邑人楊慤教授生徒，日過其學舍，因授禮記，隨即成誦。日諷一卷，慤異而留之，不終歲，畢誦五經。慤即妻以女弟，自是彌益勤勵，讀書累年不解帶。時晉末喪亂，絕意祿仕，且思見混一，遂以同文為名字。慤嘗勉之，任同文曰：長者不仕，同文亦不仕。慤依將軍趙直家，遇疾不起，以家事託同文，即為葬。三世數喪，直復厚加禮待，為築室聚徒，請益之人，不遠千里而至。登第者五六十人。宗度許驥、陳象與、高象先、郭成範、王礪、滕涉，皆踐臺閣。同文純質尚信義，人有喪者，力拯濟之。宗族閭里貧乏者，周給之。冬月多解衣裘與寒者，不積財，不營居室，或勉之，輒曰：人生以有義為貴，焉用此為。由是深為鄉里推服。有不循孝悌者，同文必諭以善道，頗有知人鑒，所與遊皆一時名士。樂聞人善，未嘗言人短。與宗翼、張昉、滕知白為友，生平不至京師。長子維任隨州書記，迎同文就養，卒於漢東。年七十三，好為詩，有孟諸集二十卷。楊徽之嘗因使至郡，一見相善，多與酬唱。徽之嘗云：陶隱居號堅白先生，先

生純粹質直，以道義自富，遂與其門人追號堅素先生。二子維、綸，維建隆二年以屯田員外郎為曹王府翊善，累官職方郎中，致仕。卒年八十一，綸自有傳。大中祥符二年，府民曹誠，即同文舊居旁，造舍百餘區，聚書數千卷，延生徒講習，甚感，詔賜額為本府書院，命綸子奉禮郎彝賓主之。署誠府助教，委本府幕官提舉之。楊慤者，虞城人，力學勤志，不求聞達。宗翼者，蔡州上蔡人，父為虞城主簿，因家焉。篤孝恭謹，貧米養母，好學，置記經籍。一見即能默寫，歐陽虞柳書皆得其楷法，能屬文，隱而不仕，家無斗粟，怡怡如也。未嘗以貧窶干人，市物不評價，市人知而不欺。嘗言晝夜者，昏曉之辨也，故既暝未曙，皆不出戶，見隣里小兒，待之如成人。未嘗欺詖。同文嘗謂翼曰：子勞謙有古人風，真吾友也。卒年八十餘，子度舉進士，至侍御史。歷京西轉運使，預脩太祖實錄。張昉有史料，歷知雜御史、省郎，至殿中少監致仕。子信，自有傳。滕知白，善為詩，至刑部員外郎，河北轉運使。子涉，為給事中。高象先，父凝，祐刑部郎中，以彊幹稱。象先淳化中，三司戶部副使，卒于光祿少卿。郭成範，最有文為倉部員外郎，掌安定公書記。辭疾，以司封員外郎致仕。卒。王礪，事母甚謹，太平興國五年進士，至屯田郎中，子湊、瀆、淵、冲、泳、渙、子稷、臣、瀆、子堯、臣、並進士。及第，渙子夢臣，進士出身。

陳搏，字圖南，亳州真源人，始四五歲，戲澗水，岸側有青衣媪乳之，自是聰悟，日益及長，讀經史百家之言，一見成誦，悉無遺忘。頗以詩名。後唐長興中，舉進士不第，遂不求祿仕，以山水為樂，自言嘗遇孫君仿，鬻皮處士，二人者，高尚之人也。語搏曰：武當山九室巖，可以隱居，搏往棲焉。因服氣辟穀，歷二十餘年，但日飲酒數杯，移居華山雲臺觀，又止少華石室，每寢處多百餘日不起。周世宗好黃白術，有以搏名聞者，顯德三年，命華州送至闕下，留止禁中，月餘，從容問其術，搏對曰：陛下為四海之主，當以致治為念，奈何留意黃白之事乎。世宗不之責，命為諫議大夫，固辭不受。既知其無他術，放還所止，詔本州長吏歲時存問。五年，成州刺史朱憲辭赴任，世宗令齎帛五十匹、茶三十斤，賜搏。太平興國中來朝，太宗待之甚厚。九年，復來朝，上益加禮重，謂宰相宋琪等曰：搏獨善其身，不干勢利，所謂方外之士也。搏居華山已四十餘年，度其年近百歲，自言經

承五代離亂幸天下太平故來朝觀與之語甚可聽因遣中使送至中書琪等從容問曰先生得玄默修養之道可以教人乎對曰搏山野之人於時無用亦不知神仙黃白之事吐納養生之理非有方術可傳假令白日冲天亦何益於世今聖上龍顏秀異有天人表博達古今深究治亂真有道仁聖之主也正君臣協心同德與化致治之秋勤行修煉無出於此琪等稱善以其語白上上益重之下詔賜號希夷先生仍賜紫衣一襲留搏闕下令有司增葺所止雲臺觀上屢與之屬和詩賦數月放還山端拱初忽謂弟子賈德昇曰汝可於張超谷擊石為室吾將憩焉二年秋七月石室成搏手書數百言為表其略曰臣搏大數有終聖朝難戀已於今月二十二日化形於蓮花峯下張超谷中如期而卒經七日支體猶溫有五色雲蔽寒洞口彌月不散搏好讀易手不釋卷常自號扶搖子著指玄篇八十一章言導養及還丹之事宰相王溥亦著八十一章以箋其指搏又有三峯寓言及高陽集釣潭集詩六百餘首能逆知人意齋中有大瓢挂壁上道士賈休復心欲之搏已知其意謂休復曰子來非有他蓋欲吾瓢爾呼侍者取以與之休復大驚以為神有郭沆者少居華陰夜宿雲臺觀搏中夜呼令趣歸沆未決有頃復曰可勿歸矣明日沆還家果中夜母暴得心痛幾死食頃而愈華陰隱士李琪自言唐開元中郎官已數百歲人罕見者關西逸人呂洞賓有劍術百餘歲而童顏步履輕疾頃刻數百里世以為神仙皆數來搏齋中人咸異之大中祥符四年真宗幸華陰至雲臺觀閱搏畫像除其觀田租又有許瓊者開封鄆陵人開寶五年子承罷盧氏縣尉詣廳上言臣年七十五父瓊年九十九長兄年八十一次兄年七十九欲乞近地一官以就營養上覽奏召承訊之即命迎其父赴闕瓊得對於講武殿上顧問久之悉能奏對而詞氣不衰言唐末以來事歷歷可聽上悅其父子俱享遐壽賜襲衣犀帶銀鞍勒馬帛三十匹茶二十斤授承鄆城令是時澶密齊沂萊江吉萬州江陰梁山軍各奏八十已上呂繼美等二十九人並賜爵公土真宗時凡老人年百歲已上者州縣以名聞皆詔賜衣帛米麥長吏存撫之

能屬文不與羣兒戲父嘗令舉進士放辭以業未成不可妄動每往來嵩華間慨然有山林意未幾父卒數兄皆干進獨放與母俱隱終南豹林谷之東明峯結草為廬僅庇風雨以講習為業從學者眾得東修以養母母亦樂道薄滋味放得辟穀術別為堂於峯頂盡日望雲危坐每山水暴漲道路阻隔糧乏絕止食辛栗性嗜酒嘗種秫自釀每日空山清寂聊以養和因號雲溪醉侯幅巾短褐負琴攜壺沂長溪坐磐石採山藥以助飲往往終日值月夕或至宵分自豹林抵州郭七十里徒步與樵人往返性不喜浮圖氏嘗裂佛經以製帷帳所著蒙書十卷及嗣禹說表孟子上下篇太一祠錄人頗稱之多為歌詩自稱退士嘗作傳以述其志淳化三年陝西轉運宋惟幹言其才行詔使召之其母悲曰常勸汝勿聚徒講學身既隱矣何用文為果為人知而不得安處我將棄汝深入窮山矣放稱疾不起其母盡取其筆硯焚之與放轉居窮僻人跡罕至太宗嘉其節詔京兆賜以緡錢使養母不奪其志有司歲時存問咸平元年母卒水漿不入口三日廬於墓側翰林學士宋湜集賢院學士錢若水知制誥王禹偁言其貧不克葬詔賜錢三萬帛三十匹米三十斛以助其喪四年兵部尚書張齊賢言放隱居三十年不遊城市十五載孝行純至可勵風俗簡朴退靜無謝古人復詔本府遣官詣山以禮發遣赴闕齎裝錢五萬放辭不起明年齊賢出守京兆復條陳放操行請加旌賁即賜詔曰汝隱居丘園博通今古孝悌之行鄉里所推慕古人之遺榮挹君子之常道屢覽守藩之奏彌彰遁世之風載渴來儀副子延佇今遣供奉官周旺齋詔召汝赴闕賜帛百匹錢十萬九月放至對崇政殿以幅巾見命坐與語詢以民政邊事放曰明王之治愛民而已惟徐而化之餘皆謙讓不對即日授左司諫直昭文館賜巾服簡帶館于都亭驛大官供膳翌日表辭恩命上知放舊與陳堯叟游令堯叟諭意又謂宰相曰朕求茂異以廣視聽實治道如放終未樂仕亦可遂其請也中書傳詔放曰病居山林天恩累加禮聘巖猿溪鳥之性固不敢以祿仕為意然主上虛懷待士肝食憂人之心亦不敢以羈束為念遂詔不聽其讓數日復召見賜緋衣象簡犀帶銀魚御製五言詩寵之賜昭慶坊第一區加帷帳什物銀器五百兩錢三十

萬中謝日賜食學士院自是屢得召對六年春再表謝歸故山詔許其請將行又遷起居舍人命館閣官宴錢于瓊林苑上賜七言詩三章在席皆賦十月遣使就山撫問圖其林泉居處以獻優詔趣其入覲放以疾未平爲請景德元年十月來朝言歸山之久請計月不受奉詔特給之嘗因觀書賦詩上曰放體格高古聞其歸私居終日默坐一室山水之樂亦天性也每所詢問皆據經以對頗多裨益朕優待之蓋以激浮競也放每至京師秦雍生徒多就而受業二年擢爲右諫議大夫表乞萬少養疾許之令河南府檢校召對資政殿曲宴學士院王欽若洎當直學士舍人待制悉預既罷又賜宴于欽若直廳表乞免都門置錢之禮屢遣中使勞問賜以茶藥是冬復來朝三年以兄喪請告歸終南營葬復召宴賜詩放山居草舍五六區啖野蔬藜麥表求太宗御書及經史音疏悉給焉十月復至上謂宰相曰放比來高尚其事每所詢問頗有可采朝廷雖加爵秩而未能大用卽物議未厭所慮放卷而懷之卽遣內侍任文慶齎詔諭之曰朕臨御實區憂勤旰昃詳延茂異物色隲淪思訪話言用熙庶績以卿棲心巖壑屏跡羣塵躡綺皓之遐蹤有曾願之至行特舉賁園之典果無前習之心每所諮詢備詳理道載觀數納蔚有材謀深簡朕懷頗思大用然以羣情未悉成命是稽今四陳來同萬區思又方崇政本庶厚時風卿必能酌斟化源丹青王度恢富國彊兵之術陳制禮作樂之規返樸還淳措刑息訟輔予不逮馴至太平登用機衡弼成寡昧卿宜體茲眷遇聲乃誠明敘經國之大猷述致君之遠略盡形奏牘以沃朕心副涼德之倚毗塞外朝之觀聽乃司樞務式洽至公放上言曰臣讀書業文實自父師之誨學古嗜退本求山水之樂思率天性以奉至道豈有意於麋鹿蓋無心於絳冕其所幸者邦家化成疆場兵偃羣黎鼓舞庶彙膏悅蒲帛之聘寵渙巖谷君命眷及肅聽祗受既朝象魏之下但愧巖林之賤奉聖顏於咫尺聆德音之教論列迹侍從蛾冠諫諍雖愚者之慮竭忠規而屢陳而大君之明懼誓言之無補今又訪以禮樂之制詢其刑政之方且小器微材欲加大用蓋念沿革之攸宜歷三五而既異弛張之體豈一二而可述國家謀建皇極躋納富壽惟二聖之光宅總百王之闕漏豈伊對非敢

預論述方今德義宜明鸞隲屢止如臣之才儼爾駢列伏望洞知臣之鑿憐守節之志俾泛駕無覆壓之害使爲器免溢蕩之咎穢此過聽遂其夙心況臣首獻納之行不爲無位預清閑之對不爲疎隔又安敢碌碌而依違嘿嘿而曠素願且齒於諫署庶少觀於朝制斯亦否能有適名器無假唯茲保全之惠仰察仁聖之賜時先俾陳堯叟諭旨堯叟手筆審其意放云自被聘召及遷諫垣無所補報爲幸多矣今主上聖明朝無闕政處之顯位則是重增其過及覽表上曰放能守分懇懇益可嘉也大中祥符元年命判集賢院從封泰山拜給事中二年四月求歸山宴錢于龍圖閣命學士卽席賦詩製序上作詩卒章云我心虛佇日無復醉山中初放作詩嘗有溪上醉眠都不知之句故及之三年正月復召赴闕表乞賜告手詔優答之作歌賜之乃齋衣服器幣令京兆府每季遣幕職就山存問四年正月復來朝從祠汾陰拜工部侍郎放屢至闕下俄復還山人有詒書嘲其出處之迹且勸以棄位居巖谷放不答放終身不娶尤惡羣雜故京城賜第爲擇僻處然祿賜既優晚節頗飾輿服于長安廣置良田歲利甚博亦有彊市者遂至爭訟門人族屬依倚恣橫王嗣宗守京兆放嘗乘醉慢罵之嗣宗屢遣人責放不法仍條上其事詔工部郎中施護推究會赦恩而止四月求歸山又賜宴遣之所居山林細民多縱樵採特詔禁止放遂表徙居嵩山天封觀側遣內侍就輿唐觀基起第賜之假踰百日續給其奉然猶往來終南按視田畝每行必給驛乘在道或親話驛吏規算糧具之直時議浸薄之嘗曲宴令羣臣賦詩杜鎬以素不屬辭誦北山移文以譏之上嘗語近臣曰放爲朕言事甚衆但外廷無知者因出所上時議十三篇其目曰議道議德議刑議器議文武議制度議教化議賞罰議官司議軍政議獄訟議征賦議邪正八年十一月乙丑晨輿忽取前後章疏囊悉焚之服道士衣召諸生會飲於次酒數行而卒訃聞上甚嗟悼親製文遣內侍朱允中致祭歸葬終南贈工部尚書錄其姪世雅同學究出身

萬適字縱之陳州宛丘人自號遺玄子六七歲卽爲詩及長喜學問精於道德經與高錫族子冕及韓伾交遊酬唱多有警句不求仕進專以著述爲務有狂

簡集百卷，雅書三卷，志苑三卷，雅熙詩二百首，經籍摘科討論計四十卷，淳化中，任翰林學士，因召對，上問曰：卿早在嵩陽，當時輩流頗有遺逸否？係以適及楊璞田誥為對，上悉令召至闕下，詔書下而誥卒，璞既至，對於便殿，不願仕進，上賜以束帛，與一子出身，遺遺故郡，適最後至，特授慎縣主簿，適素康強無疾，詔下日已病，猶勉強赴朝謝，舉止山野人皆笑之，後數日卒，田誥者，歷城人，好著述，聚學徒數百人，舉進士至顯達者接踵，以故聞名於朝，宋惟翰許哀，皆其弟子也，誥著作百餘篇傳於世，大率迂闊，每構思必匿深草中，絕不聞人聲，俄自草中躍出，即一篇成矣，楊璞字契玄，鄭州新鄭人，善歌詩，士大夫多傳誦，與畢士安尤相善，每乘牛往來郭店，自稱東野遺民，書杖策入嵩山窮絕處，構思為歌詩，凡數年，得百餘篇，璞既被召，還作歸耕賦，以見志，真宗朝諸陵，道出鄭州，遣使以茶帛賜之，卒年七十八。

李瀆，河南洛陽人也，六世祖坦，馮翊令，坦生仲芳，大理司直，仲芳生玄初，福建觀察推官，玄初生鄧，即瀆之曾祖也，字堯封，任梁歷滑魏宋三鎮留後，拜崇政使，禮部尚書，後唐天成中，以太子少傅致仕，卒，贈太保，祖延昭，殿中丞，父鑿，字正白，善詞賦，廣順進士，蒲帥張鐸辟為記室，因家河中，乾德初，右補闕蘇德祥薦為殿中侍御史，度支判官，使江南，坐受李從善賂，遺責授右贊善大夫，卒，初鑿禱河祠而生瀆，故名瀆，字河神，後改字長源，淳澹好古，博覽經史，十六丁外艱，服闋，杜門不復仕進，家世多聚書畫，頗有奇妙，王祐與河中，深加禮待，自是多聞於時，往來中條山中，不親產業，所居木石幽勝，談唐室已來衣冠人物，歷歷可聽，罕著文，前後州將皆厚遇之，王旦李宗諤與之世舊，每勸其仕，瀆皆不答，所乘馬嘗為宗人借，憩于廛間，人有見者，以語瀆，瀆即罵之，其惡罵如此，州間化其儉德，真宗祀汾陰，直史館孫冕言其隱操，請加搜采，陳堯復薦之，命使召見，辭足疾不起，遣內侍勞問，令長吏歲時存撫，明年，又遣使存問，瀆自陳世本儒墨，習靜避世之意，素嗜酒，人或勉之，答曰：扶養衰疾，捨此莫可，從吾所好，以盡餘年，不亦樂乎，嘗語諸子曰：山水足以娛情，苟過醉而卒，吾之願也，吾將與爾承訣，爾輩當常在左右，即設外寢與諸子同處，一日忽曰：適有人至牀

下誦詩云：行到水窮處，未知天盡時，言訖不見，吾當逝矣，亟取鑿集七十編，洎書畫付諸子，促家人置酒，頃之卒，時天禧三年十二月三日也，年六十三，四年春，詔曰：故河中府處士李瀆，警饒傳緒，儒雅踐方，曠逸自居，恬智交養，迨茲晚節，彌邵清猷，奄及淪亡，良深軫惻，特行賈典，式慰營魂，惟蓬閣之司文，乃儒林之美秩，仍示歸生之賻，兼推給復之恩，申飭守臣，優恤其後，豈獨旌於泉壤，亦足厚於民風，可特贈秘書省著作佐郎，賜其家帛二十匹，米三十斛，州縣常加存恤，二稅外蠲其羨役。

魏野，字仲先，陝州陝人也，世為農，母嘗夢引袂於月中，承兔，得之，因有娠，遂生野，及長，嗜吟詠，不求聞達，居州之東郊，手植竹樹，清泉環遶，旁對雲山，景趣幽絕，鑿土袤丈，曰樂天洞，前為草堂，彈琴其中，好事者多載酒肴從之，遊嘯詠終日，前後郡守雖武臣舊相，皆所禮遇，或親造詰，趙昌言性尤倨傲，特置賓次，戒闈吏野至即報，野不喜巾幘，無貴賤皆紗帽白衣，以見，出則跨白驢，過客居士往來，留題命話，累宿而去，野為詩精苦，有唐人風格，多警策句，所有草堂集十卷，大中祥符初，契丹使至，嘗言本國得其上帙，願求全部，詔與之，祀汾陰，與李瀆並被薦，遣陝令王希招之，野上言曰：陛下告成天地，延聘農耋，臣實愚賤，資性慵拙，幸逢聖世，獲安故里，早樂吟詠，實匪風騷，豈意天慈，曲垂搜引，但以嘗嬰心疾，尤疎禮節，麀鹿之性，頭纓則狂，豈可瞻對殿屋，仰奉清燕，望回過聽，許令愚守，則吠畝之間，永荷帝力，詔州縣長吏常加存撫，又遣使圖其所居觀之，五年四月，復遣內侍存問，天禧三年十二月，無疾而卒，年六十，州上其狀，四年正月，詔曰：國家舉旌賞之命，以輝丘園，申卹贈之恩，用慰泉壤，所以褒逸民而厚風俗也，故陝州處士魏野，服膺儒素，刻意篇章，顧詞格之清新，為士流之推許，而能篤淳古之行，慕肥遯之風，頃屬時巡，嘗加聘召，懇陳誠志，願遂考槃，及此淪亡，載深嗟悼，蘭臺清秩，追飾幽局，厚其賻助之賈，寬以復除之命，諒惟優禮，式顯令名，魂而有知，歆此殊渥，可特贈秘書省著作郎，贈其家帛二十匹，米三十斛，州縣常加存卹，二稅外免其差徭，瀆即野中表兄也，瀆卒計至，野哭之慟，謂其子曰：吾不可去，去必不至第，遣其子赴之，裁六日而野亦卒，時甚異

焉。

邢敦字君雅不知何許人家於雍丘與宋準趙昌言交遊甚厚太平興國初嘗舉進士不第慨然有隱遯意性介僻不妄交友耽玩經史精於術數工繪畫頗嗜酒或遊市廛過客詢以休咎者多不之語里中號邢夫子大中祥符七年真宗幸亳回邑人列上其事王曾為考制度使以名聞詔曰敦早預詞場勤修天爵超然處退亦既累年屬覽公車之言俾參郡學之職用精儒業以寵耆年可許州助教敦讓而不受乾興元年無疾而卒年七十四。

林逋字君復杭州錢塘人少孤力學不為章句性恬淡好古弗趨榮利家貧衣食不足晏如也初放遊江淮間久之歸杭州結廬西湖之孤山二十年足不及城市真宗聞其名賜粟帛詔長吏歲時勞問薛映李及在杭州每造其廬清談終日而去嘗自為墓於其廬側臨終為詩有茂陵他日求遺藁猶喜曾無封禪書之句既卒州為上聞仁宗嗟悼賜諡和靖先生贈粟帛逋善行書喜為詩其詞澄澹峭特多奇句既就藁隨輒棄之或謂何不錄以示後世逋曰吾方晦迹林壑且不欲以詩名一時況後世乎然好事者往往竊記之今所傳尚三百餘篇逋嘗客臨江時李諮方舉進士未有知者逋謂人曰此公輔器也及逋卒諮適罷三司使為州守為素服與其門人臨七日葬之刻遺句內壙中逋不娶無子教兄子宥登進士甲科宥子大年頗介潔自喜英宗時為侍御史連被臺移出治獄拒不肯行為中丞唐介所奏降知蘄州卒于官。

高擇字文悅荆南高季興四世孫幼孤養于外家十三歲能屬文通經史百家之書聞種放隱終南山乃築室豹林谷從放受業放奇之不敢處以弟子行與同時張堯許勃號南山三友會詔舉沈倫草澤知長安寇準聞其名薦之辭不起景祐中錄國初侯王後擇推其弟忻得官及范雍建東京府學召擇講授諸生席間常數十百人杜衍嘗請賜處士號乃命為大理評事擇固辭仁宗嘉其守號安素處士詔州縣歲時禮遇之給良田五百畝文彥博表其經術該通有高世之行可以勵風俗詔賜第一區嘉祐中就除光祿寺丞復固辭夢通士持素書聘為白鹿洞主卒有韓退者稷山人亦師事種放母死負土成墳徒跣終

喪去隱嵩山吳遵路石延年論其高節詔賜粟帛號安逸處士以壽終。

徐復字復之建州人初遊京師舉進士不中退而學易通流行卦氣法自筮知無祿進亡進取意遊學淮浙間數年益通陰陽天文地理遁甲占射諸家之說他日聽其鄉人林鴻範說詩且言詩之所以用於樂者忽若有得因以聲器求之遂悟大樂於七音十二律清濁次序及鐘磬修舛匏竹高下制度皆洞達方仁宗留意於樂詔天下求知樂者大臣薦胡瑗瑗作鐘磬大樂古法復笑曰聖人寓器以聲今不先求其聲而更其器其可用乎後瑗制作皆不効范仲淹過潤州見復問曰今以衍卦占之四夷無變異乎復剋西方當用兵推其月日後無少差慶曆初與布衣郭京俱召見帝問天時事復對曰以京房易卦推之今年所配年月日時當小過也剛失位而不中其在彊君德乎帝又問明年主何卦復曰乾卦用事說至九五盡而止帝又問前年京師黑風何所應復曰其兆在內豫王喪其應也明日命為大理評事固以疾辭乃賜號冲晦處士補其子發試秘書省校書郎復性高潔而處世未嘗自異後居杭州十數年卒郭京者少任俠不事家產平居好言兵范仲淹滕宗諒數薦之。

孔旼字寧極孔子四十六代孫隱居汝州龍興縣龍山之澁陽城性孤潔喜讀書有田數百畝賦稅常為鄉里先遇歲饑分所餘賑不足者未嘗計有無聞人之善若出于己動止必依禮法環所居百餘里人皆愛慕之見旼于路輒斂衽以避葬其父廬墓三年臥破棺中日食米一溢壁間生紫芝數十本州以行義聞賜粟帛又給復其家近臣列薦授秘書省校書郎致仕居數年召為國子監直講辭不赴即遷光祿寺丞頃之起知龍興縣復辭卒贈太常丞盜嘗入收家發其廩粟旼避之縱其所取嘗逢羸弱者為盜掠奪其貲旼追盜與語責之以義解金畀之使歸所掠居山未嘗逢毒蛇虎豹或謂之曰子母夜行此亦可畏旼曰無心則無所畏晚年惟玩周易老子他書亦不復讀為太玄圖張壁上外列方州部家而規其中心空之無所書曰易所謂寂然不動者與此無異也何羣字通夫果州西充人嗜古學喜激揚論議雖業進士非其好也慶曆中石介在太學四方諸生來學者數千人羣亦自蜀至方講官會諸生講介曰生等

知何羣乎。羣日思為仁義而已。不知饑寒之切己也。眾皆注仰之。介因館羣于其家。使弟子推以為學長。羣愈自克厲。著書數十篇。與人言未嘗下意曲從。同舍目羣為白衣御史。羣嘗言。今之士語言說易。舉止情肆者。其衣冠不如古之嚴也。因請復古衣冠。又上書言。三代取士。皆舉於鄉里。而先行義。後世專以文辭就。文辭中害道者。莫甚於賦。請罷去。介贊美其說。會諫官御史亦言。以賦取士。無益治道。下兩制議。皆以為進士科始隋。歷唐數百年。將相多出此。不為不得人。且祖宗行之已久。不可廢也。羣聞其說不行。乃慟哭。取平生所為賦八百餘篇焚之。諱官視羣賦既多。且工。以為不情。絀出太學。羣徑歸。遂不復舉進士。嘉祐中。龍圖閣直學士何刻表其行義。賜號安逸處士。羣既死。趙抃守益州。奏羣遺藁。有益時政。願詔果州錄上之。云非若茂陵書。起天子侈心也。寢不下。

宋史卷四百五十七

宋史卷四百五十七考證

陳搏傳。武當山九室巖。可以隱居。搏往棲焉。因服氣。辟穀二十餘年。但日飲酒數杯。移居華山。○臣蒲封按。邵氏聞見錄。搏有大志。隱武當山。常乘白驢。欲入汴州。中途聞藝祖登極。大笑曰。天下定矣。遂入華山居焉。據此。則搏居華山。乃在宋開國之初。非五代時也。

宋史卷四百五十七考證

元中書右丞相總裁脫脫等修
列傳第二百十七

隱逸中

王樵 張愈 黃晞 周啓明

代淵 陳烈 孫侔 劉易

姜潛 連庶 章督 俞汝尚

陽孝本 鄧孝甫 宇文之邵 吳瑛

松江漁翁 杜生 順昌山人 南安翁

張舉

王樵字肩望涪州涪川人居縣北梓桐山博通羣書不治章句尤善考易與賈同李冠齊名學者多從之咸平中契丹遊騎度河舉家被掠樵即棄妻挺身入契丹訪父母累年不獲還東山刻木招魂以葬立祠畫像事之如生服喪六年哀動行路又爲屬之尊者次第成服北望嘆曰身世如此自比於人可乎遂與俗絕自稱養世翁唯以論兵擊劍爲事一驢負裝徒步千里晚年屢遊塞下畫策于何承矩耿望求滅遼復讎不用乃於城東南隅累磚自環謂之繭室銘其門曰天生王樵薄命寡智材不濟時道號養世生而爲室以備不虞死則藏形不虞乃備病草入室自掩戶卒治平末職方郎中向宗道知涪州訪繭室已構屋爲民居得樵甥牟氏子乃知改葬因而即其地復作繭室及祠堂刻石以記之

張愈字少愚益州郫人其先自河東徙愈傳偉有大志遊學四方屢舉不第寶元初上書言邊事請使契丹令外夷相攻以完中國之勢其論甚壯用使者薦除試秘書省校書郎願以授父顯忠而隲於家文彥博治蜀爲置青城山白雲谿杜光庭故居以處之丁內艱鹽酪不入口再葺植所持柳杖於墓忽生枝葉後合抱六召不應喜弈棋樂山水遇有興雖數千里輒盡室往遂浮湘沅觀浙江升羅浮入九疑買石載鶴以歸杜門著書未就卒妻蒲氏名芝賢而有文爲

之謀曰高視往古哲士實殷施及秦漢餘烈氣氲挺生英傑卓爾逸羣執謂今世亦有其人其人伊何白雲隱君嘗曰丈夫趨世不偶仕非其志祿不可苟營末途非吾所守吾生有涯少實多艱窮亦自固困亦不顧不貴人爵知命樂天脫簪散髮眠雲聽泉有峯千仞有溪數曲廣成遺趾吳與高躡疏石通逕依林架屋麋鹿同羣晝遊夜息嶺月破雲秋霖洒竹清意何窮真心自得放言遺慮何榮何辱孟春感疾閉戶不出豈期遂往英標永隔抒詞哽噎揮涕洟瀾人誰無死惜乎材賢已矣吾人嗚呼哀哉

黃晞字景微建安人少通經聚書數千卷學者多從之游自號養陽子著獻微瑣微論十卷以謂養陽者植物之名獻微者數聲瑣微者述辭也石介在太學遣諸生以禮聘召晞走匿隣家不出樞密使韓琦表薦之以爲太學助教致仕受命一夕卒

周啓明字昭回其先金陵人後占籍處州初以書謁翰林學士楊億億攜以示同列大見嘆賞自是知名四舉進士皆第一景德中舉賢良方正科既召會東封泰山言者謂此科本因災異訪直言非太平事遂報罷於是歸教弟子百餘人不復有仕進意里人稱爲處士轉運使陳堯佐表其行義於朝賜粟帛仁宗卽位除試助教就加廩給久之特遷秘書省秘書郎改太常丞卒啓明篤學藏書數千卷多手自傳寫而能口誦之有古律詩賦牋啓雜文千六百餘篇

代淵字蘊之本代州人唐末避地導江家世爲吏有陰德淵性簡潔事親以孝聞受學于李收張達年四十鄉人更勸舉進士甲科得清水主簿數日祿不及親何所爲耶遷家教授坐席常滿安撫使舉鳳州團練推官不就知益州楊日嚴又薦之遂以太子中允致仕謝絕諸生著周易首要老佛雜說數十篇田況上其書自太常丞改祠部員外郎晚年日菜食巾褐山水間自號虛一子長吏歲時致問澹然與對略不及私嘉祐二年九月有疾召術士擇日云丙申吉領之是日沐浴而絕

陳烈字季慈福州侯官人性介僻篤於孝友居親喪勺飲不入于口五日自壯及老奉事如生學行端勁動遵古禮平居終日不言御童僕如對賓客里中人

敬之冠昏喪祭，請而後行。從學者常數百。賢父兄訓子弟，必舉烈言行以示之。嘗以鄉薦試京師，不利，即罷舉。或勉之求仕，則曰：「伊尹守道，成湯三聘以幣，呂望既老，文王載之俱歸。今天子仁聖好賢，有湯文之心，豈無先覺如伊呂者乎？」仁宗屢詔之不起。人問其故，應曰：「吾學未成也。」公卿大夫郡守鄉老交章稱其賢。嘉祐中，以為本州教授。歐陽脩又言之，召為國子直講，皆不拜。已而福建提刑王陶言其為妻林氏所訟，因詆訕貪詐，乞奪所受恩。司馬光為諫官，率同列爭曰：「臣等每患士無名檢，故舉烈以厲風俗。烈平生操守，出於誠實，雖有迂闊不合中道，猶為守節之士，當保而全之。若夫婦不相諧，則聽之離絕，毋使節行之士為橫辱所挫。陶說遂不行。」元祐初，部使者申薦之，詔從其向。以宣德郎致仕。明年，復教授本州。在職不受廩俸。鄉里問遺絲毫，無所受。家租有餘，則推以濟貧乏。卒年七十六。

孫侔，字少述，與王安石曾輩游，名傾一時。早孤，事母盡孝。志於祿養，故屢舉進士及母病革，自誓終身不求仕。客居江淮間，士大夫敬畏之。劉敞知揚州，言其孝弟忠信，足以扶世矯俗，求之朝廷。呂公著王安石之流也。詔以為揚州教授。辭。敞守永興，辟入幕府，亦辭。英宗時，沈遘及王陶韓維連薦之，授忠武軍推官。常州判官，皆不赴。少與安石友善，安石為相，過真州與相見，侔待之如布衣交。卒年六十六。初，王回、王令、常秩與侔皆有盛名，回令不壽，秩為隱不竟，唯侔以不仕始終。

劉易，忻州人，性介烈，博學好古，喜談兵。韓琦知定州，上其所著春秋論，授太學助教。拜州州學說書，不能屈志仕進，寓居於號之盧氏，習辟穀術。趙抃復薦其行，誼賜號退安處士。易作詩，琦每為書之，石或不可，其意輒滌去。琦亦再書之。尹洙帥滑，延致尊禮，狄青代洙，遇之亦厚。治平末，琦作文祭之云：「剛介之性，天下能合者有幾，淵源之學，古人不到者甚多，其敬之如此，熙寧訪察定戶役，詔易家用處士如七品恩，得減半，示優禮云。」

姜潛，字至之，兗州奉符人。從孫復學春秋，用田況舉，召試學士院，為明州錄事參軍。以母恩，鄉求致仕，救過門下，知封駁司吳奎封還之，而與韓絳共上章以

薦從兗州錄事參軍，從奎辟鄆州教授。奎升堂拜其母，又薦為國子直講。韓王宮伴讀，謁宗正允弼，吏引趨庭，潛不答，呼馬欲去，遂以客禮見。熙寧初，詔舉選人淹滯者，與京官凡三十七人，潛在選中。神宗聞其賢，召對延和殿，訪以治道，何以致之，對曰：「有堯舜二典在，願陛下致之之道何如？」知陳留縣，至數月，青苗令下，潛出錢榜其令於縣門，已徙之鄉落，各三日，無應者，遂撤榜付吏曰：「民不願矣，錢以是獨得不散。」司農開封疑潛沮格，各使其屬來驗，皆如令，而條例司劾祥符住散青苗錢，潛知且不免，移疾去。縣人詣府請留之，不得。家居卒，年六十六。

連庶，字居錫，安州應山人。舉進士，調商水尉，壽春令，與學尊禮秀民，以勸其俗。開灝淮田千頃，縣大治。淮南王舊壘在山間，會大水，州守議取其壘為城，庶曰：「弓矢舞衣，傳百世藏於王府，非為必可用，蓋以古之物傳於今，尚有典刑也。壘因是得存，以母老乞監陳州稅，嘗送客出北門，見日西風塵，而冠蓋憧憧不已，慨然有感，即日求分司歸。久之，翰林學士歐陽脩、龍圖閣直學士祖無擇、言庶文學行義，宜在臺閣，以知崑山縣，辭不行。累遷職方員外郎，卒。庶始與弟岸在鄉里時，宋郊兄弟歐陽脩皆依之，及二宋貴達，不可其志，退居二十年，守道好脩，非其人不交，非其義秋毫不可污也。庶既死，宋郊之孫義年為應山令，綠邑人之意，作堂於法興僧舍，繪二宋及庶之像，祠事之。庶亦登科，敏於政事，號良吏，終都官郎中。

章管，字隱之，成都雙流人。少孤，鞠於兄嫂，以所事父母事之。博通經學，尤長易。太玄著發隱三篇，明用著索道之法，知以數寓道之用。三摹九據，始終之變。蜀守蔣堂、楊察、張方平、何邨、趙抃，咸以逸民薦。一賜粟帛，再命州助教，不就。嘉祐中，賜號沖退處士。王素時為州，因更其所居之鄉曰處士里。曰通儒坊。曰沖退。管由是益以道自裕，尊生養氣，憂喜是非，亦不以撓其心形。嘗訪里人范百祿，謂曰：「子辟穀二十餘年，今強力尚足，子亦嘗知以氣治疾之說乎？」百祿因從扣太玄，管為解述大意，再復離詞曰：「人之所好而不足者善也，所醜而有餘者惡也。君子能強其不足，而拂其所有餘，太玄之道幾矣。此子雲仁義之心，予之

於太女也。述斯而已。若苦其思，觀其言，迂溺其所以爲數，而忘其仁義之大，是惡足以語夫道哉。熙寧元年卒，年七十六。子禔，亦好古學，嘗應行義教道詔，仍世有隱德，其所居猶存。

俞汝尚字退翁，湖州烏程人。少時讀書於鄞南之崑山，爲人溫溫有禮，議論不苟，不可於意，有所不言，言之未嘗妄也。不肯料理生事，不以貧乏撓其懷。澹於勢利，聞人善言，善行，記之不忘。時時爲人道之，擢進士第，涉歷州縣，無少營進取之心。嘗知導江縣，新弊令卒，使者使承其乏，將資以公田，辭不許，至則悉以周舊令之家。熙寧初，簽書劍南西川判官，趙抃守蜀，以簡靜爲治，每旦退坐，便齋，諸吏莫敢至。唯汝尚來，輒排闥徑入，相對清談，竟暮。王安石當國，患一時故老不同己，或言汝尚清望可寘之御史，使以次彈擊。驛召詣京師，既知所以薦爲其地也。還家苦貧，未能忘祿養，又從趙抃於青州，遂以屯田郎中致仕。蘇軾、蘇轍、孫覺、李常，皆賦詩文數美之。優游數年，當六月，徂暑寢室不可居，出舍于門，妻黃就視之。汝尚曰：人生七十者希，吾與夫人皆過之，可以行矣。妻應曰：然則我先去。後三日卒。汝尚庇其喪，爲作銘，召諸子告曰：吾亦從此逝矣。隱几而終，相去錢十日。孫侔，紹興中數文閣直學士。

陸孝本字行先，虔州贛人。學博行高，隱於城西通天巖。蘇頌、蒲宗孟皆以山林特起薦之。蘇試自海外歸，過而愛焉，號之曰玉巖居士，嘗直造其室，知其不娶，戲以爲元德秀之流。孝本自言爲陽城之裔，故軾詩有云：衆謂元德秀，自稱陽董州嘉之也。隱遊二十年，一時名士多從之游。崇寧中，舉八行，解褐爲國子錄事。再轉博士，以直祿閣歸。卒年八十四。

鄧孝甫字成之，臨川人。第進士，歷陳留尉，萬載丞，明令。知上饒縣，積官奉議郎。提點開封府界河渠，坐事去官。遂閉戶著書，不復言仕。元符末，詔求直言，孝甫年八十一，上書云：亂天下者新法也。末流之禍，將不可勝言。今宜以時更化，純法祖宗，因論熙寧而下，權臣迭起，欺世誤國，歷指其事而枚數其人。蔡京、蔡之謂爲詆訕宗廟，削籍羈筠州。崇寧去黨碑，釋逐臣同類者五十三人，其五十人

得歸。惟孝甫與范柔中封覺民，獨否。遂卒於筠。且死，命幼孫名世，執筆口占百餘言，其略曰：予自謂山中宰相，虛有其才也。自謂文昌先生，虛有其詞也。不得大用於盛世，亦無憾焉。蓋有天命爾，所論述有卜世大寶龜、伊周素蘊、義命雜著、太平策要等，凡二百五十餘篇。

宇文之邵，字公南，漢州綿竹人。舉進士，爲文州曲水令，轉運以輕縑高其價，使縣鬻於民。之邵言：縣下江山，地狹人貧，耕者土幾方歲，倫饑寒數入寇，不可復困之。以求利，運使怒。會神宗即位，求言，乃上疏曰：天下一家也，祖宗創業守成之法，具在陛下。方居諒陰，詔諫佞之人，屏伏未動，正可念五聖之功，德常若左右前後，京師者，諸夏之視，儆俗宜敦厚而勿薄，浮侈是尙，公卿大夫民之表也。宜以名節自勵，而勢利合雜是先，願以節義廉恥風導之。使人知自重，千里之郡，有利未必與，有害未必除者，轉運使提點刑獄制之也。百里之邑，有利未必與，有害未必除者，郡制之也。前日赦令，應在公捕負一切蠲除，而有司操之益急，督之愈甚，使上澤不下流而細民益困。如擇賢才以爲三司之官，稍假郡縣以權，則民瘼除矣。然後監番乘蹶禍之感，以保安外戚，考棠棣角弓之義，以親睦九族，與隆典拔滯滯，遠夸毗，求忠讓，凡所建置，必與大臣共議，以廣其善，號令咸福，則專制之。如此則天下之人思見太平，可拱而俟也。疏奏不報。喟然曰：吾不可仕矣。遂致仕，以太子中允歸。時年未四十，自強于學，不易其志。日與交友爲經史琴酒之樂，退居十五年而終。司馬光曰：吾聞志不行，顧祿位如鑄錢，道不同，視富貴如土芥。今於之邵見之矣。范鎮亦曰：之邵位下而言高，學富而行篤，少我二十一歲而先我擢冠，使吾慊然，其爲兩賢所推尙如此。

吳瑛字德仁，蕪州蕪春人。以父龍圖閣學士遷，路任補太廟齋郎，監西京竹木務。簽書淮南判官，領池州黃州，知郴州。至襄陽，買外郎，治平三年，官滿如京師。年四十六，卽上書請致仕。公卿大夫知之者，相與出力挽留之，不聽。皆嘆服以爲不可及。相率賦詩餞于都門，遂歸。斬有田，僅足自給。臨溪築室，種花釀酒，家事一付子弟。賓客至必飲，飲必醉，或困臥花間，客去亦不問。有臧否人物者，不酬一語。但促奴益行酒，人莫不愛其樂易而敬其高。嘗有貴客過之，瑛酒

酣而歌以樂器扣其頭為節客亦不以為忤視財物如糞土妹壻輒取家財數十萬貨人不能償璵哀之曰是人有母得無重憂召而焚其券門生為治田事歷歲忽謝去曰聞有言某讀書為數者諒不可留璵命取前後文書示之蓋未嘗發封也盜入室覺而不言且取其被乃曰他物唯所欲夜正寒幸舍吾被其直率曠達類此哲宗朝有薦之者召為吏部郎中就知斡州皆不起崇寧三年感疾即閉閣謝醫藥至垂絕不亂卒年八十四

松江漁翁者不知其姓名每棹小舟游長橋往來波上扣舷飲酒酣歌自得紹聖中閩人潘裕自京師調官回過吳江遇而異焉起揖之曰予視先生氣貌固非漁釣之流願丐緒言以發蒙適翁睜視曰君不凡若誠有意能過小舟語乎裕欣然過之翁曰吾厭喧煩處閑曠邂逅於此三十年矣幼喜誦經史百家之言後觀釋氏書今皆棄去唯飽食以嬉尚何所事裕曰先生深身浴德如此今聖明在上盍出而仕乎笑曰君子之道或出或處吾雖不能棲隱巖穴追園綺之蹤竊慕老氏曲全之養且養志者志形養形者志利致道者志心心形俱忘其視軒冕如糞土耳與子出處異趣子勉之裕曰裕也不才幸聞先生之高義敢問舍所在曰吾姓名且不欲人知况居室耶歛畢長揖使裕反其所鼓棹而去

杜生者穎昌人不知其名縣人呼為杜五郎所居去縣三十里有屋兩間與其子並居前有空地丈餘即為雞門生不出門者三十年黎陽尉孫珍往訪之其人頗洒落自陳村人無所能官人何為見顧軫問所以不出門之因笑曰以告者過也指門外一桑曰憶十五年前亦曾納涼其下何謂不出但無用於時無求於人偶自不出耳何足尚哉問所以為生曰昔時居邑之南有田五十畝與其兄同耕迨兄子娶婦度所耕不足贍乃盡以與兄而攜妻子至此蒙鄉人借屋遂居之唯與人擇日又賣醫藥以給鉅粥亦有時不繼後子能耕荷長者見憐與田三十畝使之耕尚有餘力又為人傭耕自此食足鄉人貧以醫術自業者多念己食既足不當更兼他利由是擇日賣藥一切不為問常日何所為曰端坐耳頗觀書否曰二十年前曾有人遺一書策無題號其間多說浮名經當

時極愛其議論今忘之并書亦不知所在矣時感寒布袍草屨室中枵然而氣韻閒曠言詞精簡蓋有道之士也問其子之為人曰村童也然性質甚淳厚不志言不敢嬉唯聞一至縣買鹽酪可數行跡以待其歸徑往徑環未嘗旁游一步也軫嗟嘆留連久之乃去後至延安幕府為沈括言之括時理軍書迨夜半疲極未臥聞軫談及此乃頓忘其勞

順昌山人靖康末有游亂於順昌山中者深入得茅舍主人風裁甚整即之語士君子也怪而問曰諸君何事挈妻孥能至是耶因語之故主人曰亂何自而起耶眾爭為言主人嗟憫久之曰我父為仁宗朝人也自嘉祐末卜居于此因不復出以我所聞但知有熙寧紀年亦不知于今幾何年矣

南安翁者漳州陳元忠客居南海日嘗赴省試過南安會日暮投宿野人家茅茨數椽竹樹茂密可愛主翁雖麻衣草屨而舉止談對宛若士人几案間有文籍散亂視之皆經子也陳叩之曰翁訓子讀書乎曰種園為生耳亦入城市乎曰十五年不出矣問藏書何用曰偶有之耳因雜以他語少焉風雨暴作其二子歸捨鉏揖客人物不類農家子翁進豆羹享客不復共談遲明別去陳以事留城中翌日見翁倉皇而行陳追詰之曰翁云十五年不出城何為到此曰吾以急事不容不出問之乃大兒於關外鬻果失稅為關吏所拘陳為謁監征至則已捕送郡翁與小兒偕詣庭下長子當杖翁懇白郡守曰某老鈍無能全藉此子贍給若渠不勝杖則翌日乏食矣願以身代之小兒曰大人豈可受杖某願代兄大兒又以罪在己甘心焉三人爭不決小兒來父耳旁語若將有所請翁叱之兒必欲前郡守疑之呼問所以對曰大人元係帶職正郎宣和間累典州郡翁急拽其衣使退曰兒狂妄言守詢詰勦在否兒曰見作一束寘囊中埋於山下守立遣吏隨兒發取果得之即延翁上坐謝而釋其子次日枉駕訪之室已虛矣

張舉字子厚常州人登進士甲科以無他兄弟獨養其親不忍斯須去左右親友疆之仕乃調青溪主簿亦不之官閉戶讀書四十年手校數萬卷無一字舛窮經著書至夜分不寐元豐中近臣薦其高行至于元祐大臣復薦之起教授

潁州辭不就。於是孫覺、胡宗愈、范祖禹、文章言曰：舉且死，草萊後世必以爲朝
廷失士。蘇軾言之尤切。詔拜祕書省校書郎、敕郡縣致禮敦遣，竟不出。舉孝弟
修於家，忠信行於友，聲名聞於人。蹈中守常，從容不迫，爲當時名流所慕。以不
造門爲恥。崇寧四年卒。明年，詔以舉隱德，丘園聲聞顯著，賜諡曰正素先生。

宋史卷四百五十八

元中書右丞相總裁脫脫等修
列傳第二百十八

隱逸下

徐中行

蘇雲卿

譙定

王忠民

劉勉之

胡憲

郭雍

劉愚

魏掇之

安世通

徐中行，台州臨海人，始知學，聞安定胡瑗講明道學，其徒轉相傳授，將往從焉。至京師，首謁苑純仁，純仁賢之，薦于司馬光，謂斯人神清氣和，可與進道。會福唐劉彝赴闕，得瑗所授經，熟讀精思，攻苦食淡，夏不扇，冬不爐，夜不安枕者踰年，乃歸葺小室，竟日危坐，所造詣人莫測也。父死，跣足廬墓，躬耕養母，推其餘力，葬內外親及州里貧無後者十餘喪，晚年教授學者，自洒掃應對格物致知，達于治國平天下，不失其性，不越其序而後已。其友羅適持節本路舉以自代，又率部使者以遺逸薦，崇寧中，郡守李諤又以入行薦，時章蔡竊國柄，竄逐善類，且盡中行每一聞命輒淚下，一日去之黃巖，會親友盡燬其所為文，幅巾藜杖，往來委羽山中，客有詰以避舉要名者，中行曰：人而無行，與禽獸等，使吾得以入行應科目，則彼之不被舉者，非人類與？吾正欲避此名，非要名也。客慚而退。陳璘請台州，聞名納交，暨其沒，錄其行事，謂與山陽徐積齊名，呼為八行先生。子三人，庭筠其季也，童卯有志行，事父兄孝，友天至，居喪毀甚，既免喪，猶不忍娶者十餘年，秦檜當國，科場尚諛佞，試題聞中興歌頌庭筠數曰：今日豈歌頌時耶？疏其未足為中興者五，見者尤之。庭筠曰：吾欲不妄語，而敢欺君乎？黃巖尉鄭伯熊代去，請益庭筠曰：富貴易得，名節難守，願安時處順，主張世道，伯熊受其言，迄為名臣，有詔舉人嘗五上春官者，子岳祠，庭筠適應格，所親戚勸之庭筠辭曰：吾嘗草封事，謂岳廟冗祿無用，既心非之，可躬蹈耶？其學以誠敬為主，夜必就榻而後脫巾，旦必巾而後起，居無惰容，喜無戲言，不事緣飾，不苟臧否，聞人片善，記其姓名，渴饑凍者，推食解衣，不靳，僦屋以居，未嘗戚戚，尤

素為守，聞其名，遣書禮之，一日巾車歷訪舊遊，倘伴幾月，歸感微疾，端坐瞑目而逝，年八十有五。鄉人崇敬之，以其父子俱隱逸，稱之曰二徐先生。淳熙間，常平使者朱熹行部拜墓下，題詩有道學傳千古，東甌說二徐之句，且大書以表之曰：有宋高士二徐先生之墓。庭筠之兄庭槐，庭蘭，皆有父風，孫日升，苦學有守，於是徐氏詩書不絕六世矣。

蘇雲卿，廣漢人，紹興間，來豫章東湖結廬獨居，待隣曲有恩禮，無良賤老稚皆愛敬之，稱曰蘇翁。身長七尺，美須髯，寡言笑，布褐草履，終歲不易，未嘗疾病，披荆奮礫為圃，藝植耘芟，灌溉培壅，皆有法度，雖隆暑極寒，土焦草凍，圃不絕蔬，滋鬱揚茂，四時之品無闕者，味視他圃尤勝，又不二價，市鬻者利倍而售速，先期輸直，夜織屨，堅韌過革，息人爭買之，以饋遠，以故薪米不多，有羨則以周急，應貸假者，負償一不經意，澗園之際，閉門高臥，或危坐終日，莫測識也，少與蔡洵為布衣交，洵為相，馳書函金幣，屬後章帥及漕曰：余鄉人蘇雲卿，管樂流亞，遁跡湖海有年矣，近聞灌園東湖，其高風偉節，非折簡能屈，幸親造其廬，必為我致之，師漕密物色曰：此獨有灌園蘇翁，無雲卿也，師漕乃屏騎從，更服為士，入其圃，翁運鋤不顧，進而揖之，翁曰：二客何從來耶？延入室，士銜竹，凡地無纖塵，按上有西漢書一冊，二客恍若自失，默計此為蘇雲卿也，既而汲泉煮茗，意稍款淡，遂扣其鄉里，徐曰：廣漢客曰張德遠，廣漢人，翁當識之，曰：然，客又問德遠何如人，曰：賢人也，第長於知君子，短於知小人，德有餘而才不足，因問德遠今何官，二客曰：今朝廷起張公欲了此事，翁曰：此恐怕他未便了得，二客起而言曰：張公令某某等致公共濟大業，因出書函金幣，幣凡上，雲卿鼻間降降，作聲，若自咎數者，二客力請共載，辭不可期，以詰朝上謁，且遣使迎伺，則局戶闐然，排闥入，則書幣不啟，家具如故，而翁已遁矣，竟不知所往，師漕復命，浚拊几嘆曰：求之不早，實懷竊位之羞，作箴以識之曰：雲卿風節高於傳霖，子期與之共濟，當今山潛水杳，邈不可尋，弗力弗早，予罪曷減。

譙定，字天授，涪陵人，少喜學佛，析其理歸於儒，後學易于郭彞氏，自見乃謂之象一語，以入郭彞氏者，世家南平，始祖在漢為嚴君平之師，世傳易學，蓋象數

之學也。定一日至汴，聞伊川程頤講道于洛，潔衣往見，棄其學而學焉。遂得聞精義，造詣愈至。浩然而歸。其後頤貶涪，實定之鄉也。北山有巖，師友游泳其中。涪人名之曰讀易洞。靖康初，呂好問薦之。欽宗召為崇政殿說書，以論弗合，辭不就。高宗即位，定猶在汴。右丞許翰又薦之。詔宗澤津遣詣行在，至維揚，寓邸舍，寘甚。一中貴人偶與隣，餽之食，不受。與之衣，亦不受。委金而去。定袖而歸之。其自立之操類此。上將用之，會金兵至，失定所在。復歸蜀。愛青城大面之勝，棲遯其中。蜀人指其地曰謙巖。敬定而不敢名稱之曰謙夫子。有繪像祀之者，久而不衰。定易學得之程頤，授之胡憲。劉勉之而馮時行，張行成，則得定之餘意者也。定後不知所終。樵夫牧童往往有見之者。世傳其為仙云。初，程頤之父珦嘗守廣漢，頤與兄顥皆隨侍游成都。見治篋，種桶者挾冊就視之，則易也。欲擬議致詰，而篋者先曰：若嘗學此乎？因指未濟男之窮以發問。二程遂而問之，則曰：三陽皆失位，兄弟渙然有所省。翌日再過之，則去矣。其後袁滋入洛，問易於頤。頤曰：易學在蜀耳。蓋往求之，滋入蜀訪問，久無所遇，已而見賣薛翁於眉。叩問，與語大有所得，不知所得何語也。憲勉之，滋皆聞人。時行行成蜀人，郭夔氏及篋叟鬻翁皆蜀之隱君子也。

王忠民，潁陽人。世業醫。忠民幼通經史，自靖康以來，數言邊方利害于朝，累召弗至。高宗渡江，忠民隱居不出。諸鎮翟興等皆重之，弗能致。張浚授以迪功郎，不受。與徙治藥川。忠民避地南下，遇商號鎮撫使董先于內鄉，留軍中。事以師禮。時劉豫僭立，忠民作九思圖及定亂四象，達之金主。及鏤板印圖散于僞境，以明天下之義。紹興三年，翟宗薦其忠節于朝，特授宣教郎。詔董先津遣詣行在，既至，宰相呂頤浩簽書樞密院事，徐俯見之，皆拜。舍于政府。忠民上疏辭官，言臣憤金人無道，故三上金主書，乞還二帝。本心報國，非冀名祿。上不許。忠民以誥寘積中藏七寶山下，力懇求去。復依董先軍中，遂不出。時又有蘇庠者，丹陽人，紳之後，頌之族也。少能詩，蘇軾見其清江曲水愛之，由是知名。徐俯薦其賢，上特召之，固辭。又命守臣以禮津遣，庠辭疾不至，以壽終。

京用事，禁止毋得挾元祐書。自是伊洛之學不行。勉之求得其書，每深夜同舍生皆寐，乃潛抄而默誦之。謙定至京師，勉之聞其從程頤遊，遂易學。遂師事之。已而厭科舉業，揖諸生歸。見劉安世，楊時，皆請業焉。及至家，即邑近郊結草為堂，讀書其中。力耕自給，澹然無求於世。與胡憲、劉子輩相往來，日以講論切磋為事。紹興間，中書舍人呂本中疏其行義志業以聞，特召詣闕。秦檜方主和，慮勉之見上持正論，乃不引見。但令策試後省給札而已。勉之知不與檜合，即謝病歸。杜門十餘年，學者踵至，隨其材品，為說聖賢教學之門。及前言往行之懿，所居有白水。人號曰白水先生。賢士大夫自趙鼎以下，皆敬慕與交。後秦檜益橫，鼎竄死，諸賢禁錮。勉之竟不復出。勉之一介不妄取，婦家富，無子，謀盡以貲歸于女。勉之不受，以畀族之賢者。命之奉祀。其友朱松卒，屬以後事。且戒其子熹受學。勉之經理其家，而誨熹如子。姪熹之得道，自勉之始。紹興十九年卒，年五十九。

胡憲，字原仲，居建之崇安。生而靜慧，不妄笑語。長從從父胡安國學。平居危坐植立，時然後言。雖倉卒無疾言遽色。人犯之，未嘗校。紹興中，以鄉貢入太學。會伊洛學有禁，憲獨陰與劉勉之誦習其說。既而學易於謙定。久未有得，定曰：心為物漬，故不能有見。唯學乃可明耳。憲喟然數曰：所謂學者，非克己工夫耶？自是一意下學，不求人知。一旦揖諸生歸，故山力田賣藥，以奉其親。安國稱其有隱君子之操。從游者日衆，號籍溪先生。賢士大夫亦高仰之。折彥質、范冲、朱震、劉子羽、呂祉、呂本中，共以其行義聞于朝。上特召之，憲辭母老。及彥質入西府，又言於上，趣召愈急。憲力辭，乃賜進士出身。授左迪功郎。添差建州教授。憲猶不屈。太守魏紅遣行義諸生入里致詔，且為手書陳大義，開譬甚力。憲不得已，就職。日與諸生接訓，以為己之學。聞者始而笑，久而疑，久而觀其所以修身事親接人者，無一不如所言。遂翕然悅服。郡人程元以篤行稱，冀何以廉節者，皆迎致俾參學。政學者自是大化。因七年不徙官。以母年高不樂居官舍，求監南嶽廟以歸。久之，起為福建路安撫使。司屬官時帥張宗元權鹽急，私販者銖兩亦重坐。憲告以為政大體，宗元不悅。憲復請祠而去。秦檜方用事，諸賢零落，憲

家居不出，檜死以大理司直召未行，改祕書正字，既至，次當奏事而病不能朝。

乃草疏言：金人大治汴京宮室，勢必敗盟，今元臣宿將，惟張浚、劉錡在，識者皆謂金果南牧，非此兩人莫能當，願亟起之。臣死不恨，時兩人皆為積毀所傷，未有敢顯言其當用者。憲獨首言之，疏入，即求去。上嘉其忠，詔改秩與祠歸。初，憲與劉勉之俱隱，後又與劉子輩朱松交，松將沒，屬其子熹，受學於憲，勉之之子輩，熹自謂從三君子遊，而事籍溪先生為久，方憲之以館職召也，適秦檜諱言之，後憲與王十朋、馮方、查籥、李浩相繼論事，太學士為五賢詩以歌之，人始信憲之不苟出，而惜其在位僅半年，不究其底蘊云。紹興三十二年卒，年七十七。

郭雍字子和，其先洛陽人，父忠孝，官至大中大夫，師事程頤，著易說，號兼山先生，自有傳。雍傳其父學，通世務，隱居峽州，放浪長楊山谷間，號白雲先生。乾道中，以峽守任清江，湖北帥張孝祥薦于朝，旌召不起，賜號冲晦處士。孝宗稔知其賢，每對輔臣稱道之，命所在州郡歲時致禮存問，後更封頤正先生。令部使者遣官就問雍所欲言，備錄繳進。於是雍年八十有三矣。淳熙初，學者哀集程頤程頤張載游酢楊時及忠孝、雍凡七家為大易粹言，行于世。其述雍之說曰：

易貫通三才，包括萬理，伏羲氏之畫，得于天而明天，文王之畫，得于人而明人，義畫為天，天君道也，故五之在人為君，文卦為地，地君道也，故二之在人為臣，以上下二卦別而言之，如此合六爻而言之，則三四皆人道也，故謂之中爻，乾元亨利貞，初曰四德，後又曰乾元始而亨者也，利牝馬貞，利君子貞，是以四德為二義亦可矣。乾，陽物也，坤，陰物也，由乾一卦論之，則元與亨、陽之類，利與貞、陰之類也，是猶春夏秋冬，雖為四時，由陰陽觀之，則春夏為陽，秋冬為陰也。天之所謂元亨利貞者，如立天之道，陰與陽之類也。地之所謂元亨利貞者，如立地之道，柔與剛之類也。人之所謂元亨利貞者，如立人之道，仁與義之類也。又坤之六五，坤雖臣道，五實君位，雖以柔德，不害其為君，猶乾之九二，雖有君德，不害其為臣，故乾有兩君，德無兩君，坤有兩臣，德無兩臣。六五以柔居尊，下下之君也，江海所以能為百谷王者，以其善下下也，下下本坤德也。黃中色也，色之至美也，裳，下服也，是以至美之德而下人也，其發明精到如此。淳熙十四年

卒。

劉愚字必明，衢州龍游人，幼警敏，力學，弱冠入太學，有聲，受業者甚眾。侍御史柴瑾祭酒顏師魯、博士林光朝深器重之，瑾每奏對稱上意，則曰：臣客劉愚為

臣言，師魯嘗奏愚行藝上，記曰：此向者柴瑾所薦也。上舍釋褐居第一，調江陵府教授，早晚為諸生講說，同僚相率以聽，愚益謙下，與葉適項安世講論不倦，每以隱居學道為樂，歲滿，帥王蘭致書劾，固辭，貧不能歸，外移安鄉縣令，邑

逋賦萬計，愚嚴實數，寬限期，民不見吏而賦自足，會歲歉，出常平米賑貸，邑佐持不可，愚曰：有罪不以相累，出緡錢數千萬，召商糴他郡而收元直米價頓平，猶積廩數千石，以備饑旱，邑有范仲淹讀書地，為繪像立祠與學，士競知勸，諸

司交薦改秩，愚雅不樂仕進，遂致仕，丞相余端禮，鄉人也，與愚有舊，且召堂審，愚竟捨去，不顧，廬城城南，頽垣敗壁，蓬蒿蕭然，著書自適，書禮語孟皆有解，年

八十三而卒，故友與其門人私謚曰：謙靖先生。後更謚曰：靖君，鄉郡祠之。妻徐氏在家時，其母將以嫁，姑子之富者，徐泣曰：為富人妻，不願也，遂歸于愚，居破

屋中，一事機杼，愚嘗懷白金歸，徐怒曰：我以子為賢而若是，亟具歸，愚出書以示，束脩得也，乃己有梁鴻之風焉。子克，凡克蚤以詩名，葉適嘗稱其可繼陶

章。

魏揆之，字子實，建州建陽人，初字元履，自幼有大志，師胡憲，與朱熹游，兩以鄉

舉試禮部不第，嘗客衡守章傑所，趙鼎以謫死，其子汾將喪，過衡，傑雅憾鼎，又

希秦檜意，遣尉蒙之，領卒掩取鼎，平時與故舊來往，簡牘蒙之，先遣人告汾

焚之，逮至一無所得，傑怒，治蒙之，拘汾于兵家所，且以告揆，揆之以書責傑，長

揖徑歸，築室讀書，勝以良齋自是人稱曰：良齋先生。聞帥汪應辰、建守陳正同

知其賢，薦于朝，時相尼之不果，召乾道中，詔舉遺逸，部刺史芮燁與帥守共表

其行，誼特詔召之，揆之力辭，時宰相陳俊卿聞之，雅知揆之，招之甚力，乃以

布衣入見，極陳當時之務，大要勸上以脩德業，正人心，養士氣，為恢復之本，上

嘉納之，賜同進士出身，守太學錄，先是學官養望自高，不與諸生接，揆之既就

職，日進諸生教誨之，又增葺其舍，人人感勵，將釋菜，揆之請廢王安石父子從

祀。

卒。

祀追齋程頤程頤列于祀典不報復言太學之教宜以德行經術為先其次則通習世務今乃專以空言取人又不報遂巧去會福州副總管曾觀秩滿還在道揆之累疏以諫移疾杜門遺書陳俊卿責其不能抹止語甚切遂以迎親請歸行數日罷為台州教授方接之未行也觀至國門外已久伺接之去乃敢入接之在朝不能半歲既歸喟然數曰上恩深厚如此而吾學不足以感悟聖意乃日居良齋條理舊聞以求其所未至其居家謹喪祭重禮法從父有客于南者千里迎養死葬如禮而字其孤建俗生子多不舉為文以戒全活者甚眾又白于官請督不葬其親者富與期貧與財而無主後者掩之每遇歲饑為粥以食饑者後依古社倉法請官米以貸民至冬取之以納于倉部使者素敬接之捐米千餘斛假之歲歲斂散如常民賴以濟諸鄉社倉自接之始與人交嘉其善而救其失後進以禮來者苟有寸長必汲汲推挽成就之至或訾其近名則蹙然曰使夫人而避此嫌為善之路絕矣病革母視之不巾不見戒其子毋以僧巫俗禮浼我以書召朱熹至委以後事而訣卒年五十八後上思其直諫將召用之大臣言已死乃贈直秘閣熹平日趣向與接之同乾道中熹亦被召將行聞接之去國乃止

青城山道人安世通者本西人其父有謀策為武官數以言干當路不用遂自沈於酒而終世通亦隱居青城山中不出吳曦反乃獻書於成都帥楊輔曰世通在山中忽聞關外之變不覺大慟世通雖方外人而大人先生亦嘗發以入道之門竊以為公初得曦檄即當還書誦其家世激以忠義聚官屬軍民素服號慟因而散金發粟鼓集忠義閉劍門檄夔梓與仗義之師以順討逆誰不願從而士大夫皆酒缸飯囊不明大義尚云少屈以保生靈何其不知輕重如此夫君乃父也民乃子也豈有棄父而救子之理此非職一人之叛乃舉蜀士大夫之叛也聞古有叛民無叛官今職叛而士大夫皆縮手以聽命是驅民而為叛也且職雖叛逆猶有所忌未敢建正朔殺士大夫尚以虛文見招亦以公之與否卜民之從違也今悠悠不決徒為婦人女子之悲所謂停囚長智吾恐朝廷之失望也凡舉大事者成敗死生皆當付之度外區區行年五十二矣古人

言可以生而生福也可以死而死亦福也決不忍汗面戴天同為叛民也輔有重名蜀中士大夫多勸以舉義者而世通之言尤切至輔不能決遂東如江陵請吳玠舉兵以討曦未幾曦敗玠使蜀薦士以世通為首云

卓行

劉庭式

巢谷

徐積

曾叔卿

父子有親夫婦有別朋友有信天下之所共知而共由者也乃有卓行於斯焉徐積於其所天劉庭式於其室家巢谷於其知己皆行常人之難行其所難而安焉豈非卓乎曾叔卿之不欺劉永一之不苟取皆以一事而人譽之終身蓋有所其矣其可忽諸擇卓行傳

劉庭式字得之齊州人舉進士蘇軾守密州庭式為通判初庭式未第時讓娶鄉人之女既約未納幣庭式乃及第女以病喪明女家躬耕貧甚不敢復言或勸納其幼女庭式笑曰吾心已許之矣豈可負吾初心哉卒娶之生數子後死庭式喪之逾年不肯復娶軾問之曰哀生於愛愛生於色今君愛何從生哀何從出乎庭式曰吾知喪吾妻而已吾若綠色而生愛緣愛而生哀色衰愛弛吾哀亦忘則凡揚袂倚都市目挑而心招者皆可以為妻也耶軾深感其言庭式後監太平觀老于廬山絕粒不食目奕奕有紫光步上下坡坂如飛以高壽終巢谷初名穀字元脩眉州眉山人父中谷傳其學雖朴而博舉進士京師谷素多力見舉武藝者心好之遂棄其舊學蓄弓箭習騎射久之業成而不中第聞西邊多驍勇為四方冠去遊秦鳳涇原間所至友其秀傑與韓存寶尤相善教之兵書熙寧中存寶為河州將有功號熙河名將會瀘州蠻乞弟撈邊諸郡不能制命存寶出兵討之存寶不習蠻事邀谷至軍中問焉及存寶得罪將就逮自度必死謂谷曰我涇原武夫死非所惜願妻子不免寒餓囊中有銀數百兩非君莫可使遺之者谷許諾即變姓名懷銀步往授其子人無知者存寶死谷逃避江淮間會赦乃出蘇軾謫黃州與谷同鄉幼而識之因與之遊及軾與弟轍在朝谷浮沉里中未嘗一來相見紹聖初軾轍謫嶺海平生親舊無復相聞

者谷獨慨然自眉山誦言欲徒步訪兩蘇聞者皆笑其狂元符二年谷竟往至
梅州遺轍書曰我萬里步行見公不意自全今至梅矣不旬日必見死無恨矣
轍驚喜曰此非今世人古之人也既見握手相泣已而道平生逾月不厭時谷
年七十三瘦瘠多病將復見軾於海南轍慰而止之曰君意則善然循至儋數
千里當復渡海非老人事也谷曰我自視未即死也公無止我聞其囊中無數
千錢轍方困乏亦強資遺之舟行會有蠻隸竊其囊裝以逃獲於新州谷從之
至新遂病死轍聞哭之失聲恨不用己言而致死又奇其不用己言而行其志
也

徐積字仲車楚州山陽人孝行出於天稟三歲父死且旦求之甚哀母使讀孝
經輒淚落不能止事母至孝朝夕冠帶定省從胡翼之學所居一室寒一衲裘
啜菽飲水翼之饋以食弗受應舉入都不忍捨其親徒載而西登進士第舉首
許安國率同年生入拜且致百金爲壽謝却之以父名石終身不用石器行遇
石則避而不踐或問之積曰吾遇之則怵然傷吾心思吾親故不忍加足其上
爾母亡水漿不入口者七日悲慟嘔血廬墓三年臥苦枕塊衰經不去體雪夜
伏墓側哭不絕音翰林學士呂湊過其廬適聞之爲泣下曰使鬼神有知亦垂
涕也甘露歲降兆域杏兩枝合爲幹旣終喪不徹筵几起居饋獻如平生中年
有曠疾屏處窮里而四方事無不知客從南越來積與論嶺表山川險易鎮戍
疎密口誦手畫若數一二客嘆曰不出戶而知天下徐公是也自少及老日作
一詩爲文率用腹藁口占授其子嘗借人書篋經宿還之借者給言中有金葉
積謝而不辨賣衣償之鄉人有爭訟多就取決州以行聞詔賜粟帛元祐初近
臣合言積養親以孝著居鄉以廉稱道義文學顯於東南今年過五十以耳疾
不能出仕朝廷方詔舉中外學官如積之賢宜在所表乃以揚州司戶參軍爲
楚州教授每升堂訓諸生曰諸君欲爲君子而勞己之力費己之財如此而不
爲猶之可也不勞己之力不費己之財何不爲君子鄉人賤之父母惡之如此
而不爲可也鄉人榮之父母欲之何不爲君子又曰言其所善行其所善思其
所善如此而不爲君子者未之有也言其所不善行其所不善思其不善如此而不

爲小人者未之有也聞之者斂衽敬聽居數歲使者又交薦之轉和州防禦推
官改宣德郎監中岳廟卒年七十六政和六年賜諡節孝處士官其一子
曾叔卿建昌南豐人峯族兄也家苦貧卽心存不欺嘗買西江陶器欲貿易於
北方旣而不果行有從之轉售者與之旣受直矣問將何之其人曰欲效君前
策耳叔卿曰不可吾聞北方新有災饑此物必不時泄故不以行余豈宜不告
以誤子其人卽取錢去居鄉介潔非所宜受一介不取妻子困於饑寒而拊庇
孤憚唯恐失其意起家進士至著作佐郎熙寧中卒
劉永一陝州夏縣人孝友廉謹熙寧初巫咸水溢入縣城民多溺死永一持竿
立門前見他人物流入者輒攜出之有僧寓錢數萬於其室無何而僧死永一
詣縣自言請以錢歸其弟子鄉人負債不肯償立焚其券行事類此兄大爲醫
助教居親喪不飲酒食肉終三年司馬光傳之以爲今士大夫所難

宋史卷四百五十九

元中書右丞相總裁脫脫等修

列傳第二百十九

列女

朱娥 張氏 彭列女 郝節娥

朱氏 崔氏 趙氏 丁氏

項氏 王氏二婦 徐氏 榮氏

何氏 董氏 譚氏 劉氏

張氏 師氏 陳堂前 節婦廖氏

劉當可母 曾氏婦 王妻妻 涂端友妻

詹氏女 劉生妻 謝泌妻 謝枋得妻

王貞婦 趙淮妾 譚氏婦 吳中孚妻

呂仲洙女 林老女 童氏女 韓氏女

王氏婦 劉全子妻 毛惜惜附

古者天子親耕教男子力作，皇后親蠶教女子治生，王道之本，風俗之原，固有在矣。男有塾師，女有師氏，國有其官，家有其訓，然而詩書所稱男女之賢，尚可數也。世道既降，教典非古，男子之志四方，猶可隆師親友以爲善，女子生長環堵之中，能著美行，垂於汗青，豈易得哉！故歷代所傳列女，何可棄也。考宋舊史，得列女若干人，作列女傳。

朱娥者，越州上虞朱回女也。母早亡，養于祖媪。十歲里中朱顏與媪競持刀欲殺媪，一家驚潰，獨娥號呼突前，擁蔽其媪，手挽顏衣，以身下墜。顏曰：「寧殺我，毋殺媪也。」媪以娥故得脫，娥連被數十刀，猶手挽顏衣不釋，顏忿恚，斷其喉以死。事聞，賜其家粟帛，其後會稽令董皆爲娥立像于曹娥廟，歲時配享焉。張氏，鄂州江夏民婦，里惡少謝師乞過其家，持刀逼欲與爲亂，曰：「從我則全，不從則死。」張大罵曰：「庸奴可死不可它也。」至以刃斷其喉，猶能走，擒師乞以告隣人，既死，朝廷聞之，詔封旌德縣君，表墳曰列女之墓，賜酒帛，令郡縣致奠。

彭列女，生洪州分寧農家，從父秦入山伐薪，父遇虎，將不脫，女拔刀斫虎，奪其父而還。事聞，詔賜粟帛，敕州縣歲時存問。

郝節娥，嘉州娼家女，生五歲，母娼苦貧，賣於洪雅良家爲養女，始笄，母奪而歸，欲令世其娼，娥不樂，娼日逼之，娥曰：「少育良家，習織作組紉之事，又輒精巧，粗可以給母朝夕，欲求此身使終爲良，可乎？」母益怒，且箠，且罵，洪雅春時爲蠶叢祠，娼與邑少年期，因蠶叢具酒邀娥，娼與娥徐往，娥見少年，倉皇驚走，母挽拽不使去，不得已留坐中，時時顧酒食，輒唾強飲之，則嘔噦滿地，少年卒不得侵，凌暮歸，過鷄鳴渡，娥度他日必不可脫，陽渴求飲，自投于江以死，鄉人謂之節娥云。

朱氏，開封民婦也，家貧，賣巾屨營理，以給其夫，夫日與俠少飲博，不以家爲事，犯法徙武昌，父母欲奪而嫁之，朱曰：「何迫我如是耶？」其夫將行，一夕自經死，且曰：「及吾夫未去，使知我不爲不義，屈也。」吳充時爲開封府判官，作阿朱詩以道其事。

崔氏，合澗包總妻，總樞密副使拯之子，早亡，惟一稚兒，拯夫婦意崔不能守也，使左右嘗其心，崔蓬垢涕泣，出堂下見拯，曰：「翁天下名公也，婦得齒踐，獲執澣滌之事，幸矣，沉敢污家乎？」生爲包婦，死爲包鬼，誓無它也。其後稚兒亦卒，母呂自荊州來，誘崔欲嫁其族人，因謂曰：「喪夫守子，子死執守，崔曰：「昔之留也，非以子也，舅姑故也。」今舅歿姑老矣，將舍而去乎？呂怒，詎罵曰：「我寧死此，決不獨歸，須爾同往也。」崔泣曰：「母遠來，義不當使母獨還，然到荊州，儻以不義見迫，必絕於尺組之下，願以屍還包氏，遂偕去，母見其誓必死，卒還包氏。」

趙氏，貝州人，父嘗舉學究，王則反，聞趙氏有殊色，使人劫致之，欲納爲妻，趙日號哭，慢罵求死，賊愛其色，不殺，使人守之，趙知不脫，乃給曰：「必欲娶我，宜擇日以禮聘，賊信之，使歸其家，家人懼其自殞，得稿于賊，益使人守視，賊具聘帛，感輿從來迎，趙與家人訣曰：「吾不復歸此矣，問其故，答曰：「豈有爲賊污辱至此，而尚有生理乎？」家人曰：「汝忍不爲家族計？」趙曰：「第亡患，遂涕泣登輿而去，至州廨，舉簾視之，已自縊輿中死矣，尙書屯田員外郎張寅有趙女詩。

張晉卿妻丁氏，鄭州新鄭人。參知政事度五世孫也。靖康中，與晉卿避金兵於大隗山，金兵入山，為所得，挾之鞍上。丁自投于地，戰手大罵，連呼曰：「我死即死耳，誓不受辱於爾輩。」復挾上馬，再三罵不已。卒乃忿然，舉槌縱擊，遂死杖下。項氏，吉州吉水人，居永昌里。適同里孫氏，宣和七年，為里胥所逮，至中途，欲侵凌之。項引刀自刺而死，郡以聞，詔贈孺人，旌表其廬。

王氏，二婦，汝州人。建炎初，金人至汝州，二婦為所掠，擁置舟中，遂投漢江以死。屍皆浮出不壞，人為收葬之。城外江上，為雙塚以表之。

徐氏和州人，閨中女也。適同郡張弼，建炎三年春，金人犯維揚，官軍望風奔潰，多肆虜掠。執徐欲污之，徐瞋目大罵曰：「朝廷蓄汝輩以備緩急，今敵犯行在，既不能赴難，又乘時為盜，我恨一女子，不能引劍斷汝頭，以快衆憤，肯為汝辱以苟活耶？」第速殺我，賊慚，以刃刺殺之，投江中而去。

榮氏，蕪女弟也。自幼如成人，讀論語孝經，能通大義。事父母孝，歸將作監主簿馬元穎，建炎二年，賊張遇寇儀真，榮與其姑及二女走維揚，姑素羸，榮扶掖不忍舍，俄賊至，脅之不從，賊殺其女，脅之益急，榮厲聲詬罵，遂遇害。

何氏，吳人。吳永年之妻也。建炎四年春，金兵道三吳，官兵遁去，城中人死者五十餘萬，永年與其姊及其妻何奉母而逃，母老，待挾持而行，卒為賊所得，將繫其姊及何，何給謂賊曰：「諸君何不武耶？婦人東西，惟命爾賊，信之，行次水濱，謂其夫曰：『我不負君，遂投于河，其姊繼之。』」

董氏，沂州滕縣人。許適劉氏子，建炎元年，盜李昱攻剽滕縣，悅其色，欲亂之，誘諭再三曰：「汝不我從，當剄汝萬段，女終不屈，遂斷其首。」劉氏子聞女死狀，大慟曰：「列女也，葬之為立祠。」三年春，盜馬進掠臨淮縣，王宣要其妻曹氏避之，曹曰：「我聞婦人死不出閨房，賊至，宣避之，曹堅臥不起，衆賊劫持之，大罵不屈，為所害。」四年，盜祝友聚衆於滁州龔家城，掠人為糧，東安縣民丁國兵者及其妻為友所掠，妻泣曰：「丁氏族流亡已盡，乞存夫以續其祀。」賊遂釋夫而害之，同時叛卒楊就寇南劍州，道出小常村，掠一民婦欲與亂，婦毅然誓死不受污，遂遇害。

棄屍道傍，賊退，人為收瘞，屍所枕藉處，跡宛然不滅，每雨則乾，晴則濕，或削去

即復見，覆以他土，其迹愈明。

譚氏，英州真陽縣人。曲江村士人吳琪妻也。紹興五年，英州饑，觀音山盜起，攻剽鄉落，琪竄去，譚不能俱，與其女被執，譚有姿色，盜欲妻之，譚怒罵曰：「爾輩賊也，我良家女，豈若偶耶？賊度無可奈何，害之。」同時有南雄李科妻謝氏，保昌故村人，囚於虜，盜中數日，有欲犯之，謝唾其面曰：「寧萬段，我不汝徇也。」盜怒，剄之而去。

劉氏，海州朐山人。適同里陳公緒，紹興末，金人犯山東，郡縣震響，公緒倡義來歸，偶劉歸寧，倉卒不得與偕，惟挈其子庚以行，宋授以八品官，後累功至正使，劉留北方，音問不通，或語之曰：「人言貴易交，富易妻，今陳已貴，必他娶矣，盍改適。」曰：「吾知守吾志而已，違卹乎他，公緒亦不他娶，子庚浸長，輒思念涕泣，傾家貲，結任俠，奔走淮甸，險阻備嘗，如是者十餘年，遂得迎母以歸。」劉在北二十五年，嘗蕭蕭以自給。

張氏，羅江士人女，其母楊氏寡居，一日，親黨有婚會，母女偕往，其典庫雍乙者，從行，既就坐，乙先歸，會罷，楊氏歸，則乙死于庫，莫知殺者，主名提點成都府路刑獄張文鏡，疑楊有私，懼為人知，殺乙以滅口，遂命石泉軍劾治，楊言與女同榻，實無他，遂逮其女考掠無實，吏乃掘地為坑，縛母于其內，旁列熾火，間以水沃之，絕而復蘇者屢，辭終不服，一日，女謂獄吏曰：「我不勝苦毒，將死矣，願一見母而絕。」吏憐而許之，既見，謂母曰：「母以清潔聞，奈何受此污辱，寧死筆楚，不可自誣。」女今死，死將訟冤于天，言終而絕。於是石泉連三日地大震，有聲如雷，天兩雪，屋瓦皆落，邦人震恐，勸官李志寧疑其獄，夕具衣冠禱于天，俄假寐坐廳事，恍有積墜前，驚寤，呼吏卒索之不見，志寧自念夢兆，非殺人者，袁姓乎，有門卒忽言張氏饋食之，夫曰袁大明，日袁至，使吏執之曰：「殺人者汝也。」袁色動，遽曰：「吾憐之久矣，願就死。」問之云：「適盜庫金，會雍歸，遂殺之。」楊乃得免，時女死才數日也。獄上，郡勝其所居，曰孝感坊。

師氏，彭州永豐人。父驥，政和二年省試第一，宣和中，為右正言十餘日，凡七八疏，論權倖及廉訪使者之害而去，女適范世雍，子孝純，建炎初，還蜀，至唐州方

城賊會賊朱顯終掠方城。孝純先被害。賊執師氏欲強之。許以不死。師罵曰。我中朝官女。豈可受賊辱。吾夫已死。宜速殺我。賊知不可屈。遂害之。

陳堂前。漢州雒縣王氏女。節操行義。爲鄉人所敬。但呼曰堂前。猶私家尊其母也。堂前年十八。歸同郡陳安節。歲餘夫卒。僅有一子。舅姑無生事。堂前斂泣告曰。人之有子。在奉親克家。爾今已無可奈何。婦願幹蠱。如子在日。舅姑曰。若然。吾子不亡矣。既葬其夫。事親治家有法。舅姑安之。子日新。年稍長。延名儒訓導。

既冠入太學。年三十卒。二孫。曰綱。曰紱。咸篤學有聞。初。堂前歸陳。夫之妹尙幼。堂前教育之。及笄。以厚禮嫁。舅姑亡。妹求分財產。堂前盡遺室中所有。無靳色。不五年。妹所得財爲夫所罄。乃歸。悔。堂前爲買田置屋。撫育諸甥。無異己子。親屬有貧窶不能自存者。收養婚嫁。至三四十人。自後宗族無慮百數。里有故家甘氏。貧而質其季女於酒家。堂前出金贖之。俾有所歸。子孫遵其遺訓。五世同居。並以孝友儒業著聞。乾道九年。詔旌表其門閭云。

廖氏。臨江軍貢士歐陽希文之妻也。紹興二年春。盜起建昌。號白氈等。過臨江。希文與妻共挾其母。傅走山中。爲賊所追。廖以身蔽姑。使希文負之逃。賊執廖氏。廖正色叱之。賊知不可屈。揮刀斷其耳與臂。廖猶謂賊曰。爾輩叛逆。至此。我即死。爾輩亦不久屠戮。語絕而仆。鄉人義而葬之。號廖節婦墓。是年。盜彭友犯吉州。龍泉李生妻梁氏。義不受辱。赴水而死。

王氏。利州路提舉常平司幹辦公事劉當可之母也。紹定三年。就養與元。大元兵破蜀。提刑龐授檄當可詣行司議事。當可捧檄白母。王氏毅然勉之曰。汝食君祿。豈可辭難。當可行。大元軍屠與元。王氏義不辱。大罵投江而死。其婦杜氏及婢僕五人。咸及于難。當可聞變。奔赴江游。得母喪。以歸。詔贈和義郡太夫人。曾氏。婦晏。汀州寧化人。夫死。守幼子不嫁。紹定間。寇破寧化縣。令佐俱逃。將樂縣宰黃埤。令士豪王萬全。王倫。結約諸砦。以拒賊。晏首助兵。給糧多。所殺獲賊。忿其敗。結集愈衆。諸砦不能禦。晏乃依黃牛山。傍自爲一砦。一日。賊遣數十人來索婦女金帛。晏召其田丁。諭曰。汝曹衣食我家。賊求婦女。意實在我。汝念主母。各當用命。不勝即殺我。因解首飾悉與田丁。田丁感激。激奮。晏自撻鼓。使諸

婢鳴金以作其勇。賊復退。敗鄰鄉。知其可依。挈家依黃牛山。避難者甚衆。有不能自給者。晏悉以家糧助之。於是聚衆日廣。復與倫萬全共措置。析黃牛山爲五砦。選少壯爲義丁。有急則互相應援。以爲犄角。賊屢攻弗克。所括老幼數萬人。知南劍州陳韓遣人遺以金帛。晏悉散給其下。又遺幣幣以勞五砦之義丁。且借補其子。各其砦曰萬安事聞。詔特封晏爲恭人。仍賜冠帔。其子特與補承信郎。

王表妻趙氏。饒州樂平人。建炎中。表監上高酒稅。金兵犯筠。表棄官逃去。趙從之行。遇金人縛以去。繫表夫婦於劉氏門而入。剽掠劉室。趙宛轉解縛。并解表謂表曰。君速去。俄而金人出問表安往。趙他指以誤之。金人追之不得。怒。趙欺己殺之。表方伏叢藪間。望之悲痛。歸刻趙像以葬。表後仕至孝順監鎮。

涂瑞友妻陳氏。撫州臨川人。紹興九年。盜起。被驅入黃山寺。賊逼之。不從。以刃加其頸。叱曰。汝輩鼠竊。命若蟬。我良家子。義豈爾辱。縱殺我。官兵即至。爾其免乎。賊知不可屈。乃幽之屋壁。居數日。族黨有得釋者。咸齎金帛以贖其孥。賊引瑞友妻令歸。曰。吾聞貞女不出閨閣。今吾被驅至此。何面目登涂氏堂。復罵賊不絕。竟死之。

曾氏女。蕪湖人。紹興初年。十七。淮寇號一窠蜂。倏破縣。女數曰。父子無俱生理。我計決矣。頃之賊至。欲殺其父兄。女趨而前拜曰。妾雖寡陋。願執巾帚以事將軍。贖父兄命。不然。父子併命。無益也。賊釋父兄。縛女。麾手使去。無顧我。我得侍將軍。何所憾哉。遂隨賊行。數里。過市東橋。躍身入水。死。賊相顧駭歎而去。

劉生妻歐陽氏。吉州安福人。生居新樂鄉。以事出。惡少來欲侵凌之。歐陽不受辱而死。邑人劉寬。作詩以弔之。時紹興十年也。同縣有朱雲孫妻劉氏。姑病。雲孫到。股肉作糜。以進而愈。姑復病。劉亦刲股以進。又愈。尚書謝諤。爲賦。孝婦雲謝。必妻侯氏。南豐人。始笄。家貧。事姑孝。謹盜起。焚里舍。殺人遠近逃避。姑疾篤。不能去。侯號泣。姑側盜逼之。侯曰。寧死不從。盜刃之。仆溝中。賊退。漸蘇。見一篋在側。發之。皆金珠。族婦以爲己物。侯悉歸之。婦分其一以謝。侯辭曰。非我有。不願也。後夫與姑俱亡。子幼。父母欲更嫁之。侯曰。兒以賤婦人。得歸隱居賢者之

末 史 卷四百六十一 列傳

門已幸矣，忍去而使謝氏無後乎？寧貧以養其子，雖餓死亦命也。同縣有樂氏女，父以鬻果為業，紹定二年，盜入境，其父買舟擊家走建昌，盜掠其舟，將逼二女，俱不從，一赴水死，一見殺。

謝枋得妻李氏，饒州安仁人也，色美而慧，通女訓諸書，嫁枋得，事舅姑奉祭待賓，皆有禮，枋得起兵守安仁，兵敗，逃入閩中，武萬戶以枋得豪傑，恐其扇變，購捕之，根及其家人，李氏攜二子，匿貴溪山荆棘中，採草木而食，至元十四年冬，信兵蹤跡至山中，令曰：「苟不獲李氏，屠而墟。」李聞之曰：「豈可以我故累人，吾出事塞矣，遂就伴，明年徙囚建康，或指李言曰：『明當沒入矣。』李聞之，撫二子凄然而泣，左右曰：『雖沒入，將不失為官人妻，何泣也？』李曰：『吾豈可嫁二夫耶？』顧謂二子曰：『若幸生還，善事吾姑，吾不得終養矣。』是夕解裙帶自經，獄中死，枋得母桂氏尤賢達，自枋得通播，婦與孫曲遠方，處之泰然，無一怨語，人問之曰：『義所當然也，人稱爲賢母云。』

王貞婦，夫家臨海人也，德祐二年冬，大元兵入浙東，婦與其舅姑夫皆被執，既而舅姑與夫皆死，王將見婦，誓美欲內之，婦號慟欲自殺，爲奪挽不得，死夜，令伴囚婦人，雜守之，婦乃陽爲主將曰：『若以吾爲妻妾者，欲令終身善事主君也，吾舅姑與夫死，而不爲之哀，是不天也，不天之人，若將焉用之？願請爲服期，即惟命，苟不聽我，我終死耳，不能爲若妻也。』主將恐其誠死，許之，然防守益嚴，明年春，師還，軍行至嶧，青楓嶺下，臨絕壑，婦待守者少懈，嚙指出血，書字山石上，南望慟哭，自投崖下而死，後其血皆漬入石間，盡化爲石，天且陰雨，即墳起，如始書時，至治中，朝廷旌之曰貞婦，郡守立石祠嶺上，身名曰清風嶺。

趙淮妾，長沙人也，逸其姓名，德祐中，從淮戍銀樹嶺，淮兵敗，俱執至瓜州，元帥阿朮使淮招李庭芝，淮陽諾，至揚城，下乃大呼曰：『李庭芝，男子死耳，毋降也。』元帥怒，殺之，棄其尸江濱，妾伴一軍校帳中，乃解衣中金，遺其左右，且告之曰：『妾夙事趙運使，今其死不葬，妾誠不能忘情，願因公言使掩埋之，當終身事相公，無憾矣。』軍校憐其言，使數兵輿如江上，妾聚薪焚淮骨，置瓦缶中，自抱持，揀小舟至急流，仰天慟哭，躍水而死。

譚氏婦，吉州永新人，至元十四年，江南既內附，永新復嬰城自守，天兵破城，趙氏抱嬰兒隨其舅姑同匿邑校中，爲悍卒所獲，殺其舅姑，執趙欲污之，不可，臨之以刃曰：『從我則生，不從則死。』趙罵曰：『吾舅死於汝，吾姑又死於汝，吾與其不義而生，寧從吾舅姑以死耳。』遂與嬰兒同遇害，血漬於禮殿兩楹之間，入輒爲婦人與嬰兒狀，久而宛然如新，或訝之，磨以沙石不滅，又煨以熾炭，其狀益顯。

吳中爭妻，隆興之進賢人，少寡，景定元年，兵亂，攜孤女自沈于縣之染步曰義不辱吾夫。

呂仲洙女，名良子，泉州晉江人，父得疾瀕殆，女焚香祝天，請以身代，剖股爲粥以進，時夜中羣鵲繞屋飛噪，仰視空中，大星燦煜如月者三，越翼日，父瘞，女弟細良亦相從拜禱，良子卻之，細良悲曰：『豈姊能之，兒不能耶？』守真德秀嘉之，表其居曰懿孝。

林老女，永春人，及笄未昏，紹定三年夏，寇犯邑，入山避之，卒遇寇，欲污之，不從，度不能脫，給曰：『有金帛埋於家，盍同取之。』甫入門，犬呼曰：『吾寧死於家，決不辱吾身。』賊怒，殺之，越三日，面如生。

童入娜，鄭之通遠鄉，建輿人虎銜其大母，女手拽虎尾，祈以身代，虎爲釋其大母，銜女以去，始林栗侍親官，其地嘗目睹之，已而爲守，以聞于朝，祠祀之。

韓氏女，字希孟，巴陵人，或曰丞相琦之裔，少明慧，知讀書，開慶元年，大元兵至岳陽，女年十有八，爲卒所掠，將挾以獻其主將，女知必不免，竟赴水死，越三日得其尸，於練裙帶有詩曰：『我質本瑚璉，宗廟供蘋蘩，一朝嬰禍難，失身戎馬間，寧當血刃死，不作衽席完。』漢上有王猛，江南無謝安，長號赴洪流，激烈摧心肝。

王氏婦，梁臨川人，歸夫家才數月，會大元兵至，一夕與夫約曰：『吾遇兵必死，義不受污辱，若後娶當告我。』頃之，夫婦被掠，有軍千戶強使從己，婦給曰：『夫在，伉儷之情，有所不忍，乞歸之。』而後可，千戶以所得金帛與其夫，而歸之，并與一矢以却後兵，約行十餘里，千戶即之，婦拒且罵曰：『斫頭奴，吾與夫誓，天地鬼神實臨之，此身寧死，不可得也。』因奮擗之，乃被殺，有同掠脫歸者，道其事，越數年，夫

以無嗣謀更娶，議輒不諧。因告其故妻，夜夢妻曰：「我死後生某氏家，今十歲矣。後七年當復爲君婦。」明日遣人聘之，一言而合。詢其生與婦死年月，同云。

劉全子妻林氏，福州福清人。其父公遇知名士，全子爲福建招撫使，起義兵，事見林同傳。全子亡命自經死，有司執其妻具反狀。林叱曰：「林劉二族，世爲宋臣，欲以忠義報國，事不成，天也。何爲反乎？汝知去歲有以血書壁而死者乎？是吾兄也。吾與兄忠義之心則一也。死且求治汝於地下，可生爲汝等凌辱耶？」遂遇害。

毛惜惜者，高郵妓女也。端平二年，別將榮全率衆據城以畔，制置使遣人以武翼郎招之，全僞降，欲殺使者。方與同黨王安等宴飲，惜惜恥於供給，安斥責之。惜惜曰：「初謂太尉降，爲太尉更生賀，今乃閉門不納使者，縱酒不法，乃畔逆耳。妾雖賤妓，不能事畔臣，全怒遂殺之。」越三日，李虎破關禽全，斬之，并其妻子。及王安以下預畔者百有餘人，悉傳以法。

宋史卷四百六十

元中書右丞相總裁脫脫等修
列傳第二百二十

方技上

趙脩己

王處訥子熙元

苗訓子守備

馬韶

楚芝蘭

韓顯符

史序

周克明

劉翰

王懷隱

趙自化

馮文智

沙門洪蘊

蘇澄隱

丁少微

趙自然

昔者少隸氏之衰，九黎亂德，家為巫史，神人滄焉。顛頊氏命南正重司天，以屬神，北正黎司地，以屬民。其患遂息，厥後三苗，復棄典常，帝堯命羲和脩重黎之職，絕地天通，其患又息。然而天有王相孤虛，地有燥濕高下，人事有吉凶悔吝，疾病札瘥，聖人欲斯民趨安而避危，則巫醫不可廢也。後世占候測驗，厭禳禱，至於兵家遁甲，風角鳥占，與夫方士脩煉，吐納導引，黃白房中，一切蕪蕪妖誕之說，皆以巫醫為宗。漢以來，司馬遷劉歆，又亟稱焉。然而歷代之君臣，一惑於其言，害於而國凶於而家，靡不有之。宋景德宣和之世，可鑿乎哉。然則歷代方技，何脩而可以善其事乎？曰：人而無恆，不可以作巫醫。漢嚴君平，唐孫思邈，呂才，言皆近道，孰得而少之哉。宋舊史有老釋符瑞二志，又有方技傳，多言機祥，今省二志，存方技傳云。

趙脩己，開封浚儀人。少精天文推步之學。晉天福中，李守真掌禁軍，領滑州節制，表為司戶參軍，留門下。守真每出征，脩己必從。軍中占候多中，奏試大理評事，賜緋。漢乾祐中，守真鎮蒲津，陰懷異志，脩己屢以禍福諭之，不聽。遂辭疾歸鄉里。明年，守真果叛，募吏多伏誅，獨脩己得免。朝廷知其能，召為翰林天文周祖鎮鄴，奏參軍謀會，隱帝誅楊弼史弘肇等，且將害周祖，脩己知天命所在，密謂周祖曰：「費發蕭牆，禍難斯作。公擁全師，臨巨屏，臣節方立，忠誠見疑，今幼主信讒，大臣受戮，公位極將相，居功高不賞之地，雖欲殺身成仁，何益於事？不如引兵南渡，詣闕自訴，則明公之命，是天所與也。天與不取，悔何可追。」周祖然之。

遂決渡河之計，即位以為殿中省尚食奉御，賜金紫，改鴻臚少卿。遷司天監，顯德中，累加檢校戶部尚書，嘗遣副翰林學士承旨陶穀以御衣金帶戰馬器幣賜吳越錢俶。宋初，遷太府卿，判監事，上章告老，優詔不許。建隆三年卒，年七十。

一、王處訥，河南洛陽人。少時有老叟至舍，煮洛河石如麵，令處訥食之，且曰：汝性聰悟，後當為人師。又嘗夢人持巨鏡，星宿燦然滿中，剖腹納之，覺而汗洽，月餘心膈猶覺痛，因留意星曆占候之學，深究其旨，晉末之亂，避地太原。漢祖時，領節制，辟置幕府，即位，擢為司天夏官正，出補許田令，召為國子尚書博士，判司天監事。周祖嘗與處訥同事，漢祖雅相厚善，及自鄴舉兵入汴，遽命訪求處訥，得之甚喜，因問以劉氏祚短事，對曰：人君未得位，常務寬大，既得位，即思復讐。漢氏據中土，承正統，以曆數推之，其大祀猶承第，以高祖得位之後，多報讐殺人及夷人之族，結怨天下，所以運祚不長。周祖驟然太息，適發兵圍漢大臣蘇逢吉、劉錡等家，待旦將行，孛彗遽命止之。逢吉已自殺，止誅劉錡，餘悉全活。廣順中，遷司天少監。世宗以舊曆差舛，俾處訥詳定曆成，未上，會樞密使王朴作欽天曆，以獻，頗為精密。處訥私謂朴曰：此曆且可用，不久即差矣。因指以示朴，朴深然之。至建隆二年，以欽天曆謬誤，詔處訥別造新曆，經三年而成。為六卷，太祖自製序，命為應天曆。處訥又以漏刻無準，重定水稱及候中星分五鼓時刻，俄遷少府少監。太平興國初，改司農少卿，並判司天事。六年，又上新曆二十卷，拜司天監歲餘卒，年六十八。子熙元。

熙元幼習父業，開寶中，補司天曆算，端拱初，改監丞。累遷太子洗馬，兼春官正。加殿中丞，景德中，同判監事。東封，隨經度制置使詣祠所禮畢，授權知司天少監，祠汾陰，真拜少監。奉詔於後苑，續陰陽事十卷上之。真宗為製序，賜名靈臺秘要，及作詩紀之。初，上所脩儀天曆，秋官正趙昭益言其二年後必差，又惑惑度數稍謬，後果驗。熙元頗伏其精，一上嘗對宰相言及曆算事，曰：曆象陰陽家流之大者，以推步天道，平秩人時為功，且言昭益能專其業，人鮮及也。玉清昭應宮成，以祗事之勤，授司天監，坐擇日差謬，降為少監，以目疾改將作監致仕。

天禧二年卒年五十八。

苗訓河中人善天文占候之術仕周為殿前散員右第一直散指揮使顯德末從太祖北征訓視日上復有一日久相摩盪指謂楚昭輔曰此天命也夕次陳橋太祖為六師推戴訓皆預白其事既受禪權為翰林天文尋加銀青光祿大夫檢校工部尚書年七十餘卒子守信

守信少習父業補司天曆算尋授江安縣主簿改司天臺主簿知算造太平興國中以應天曆小差詔與冬官正吳昭素主簿劉內真造新曆及成太宗命衛尉少卿元象宗與明律曆者同校定賜號乾元曆頗為精密皆優賜東帛雍熙中遷冬官正端拱初改太子洗馬判司天監淳化二年守信上言正月一日為一歲之首每月八日天帝下巡人世察善惡太歲日為歲星之精人君之象三元日上元天官中元地官下元水官各主錄人之善惡又春戊寅夏甲午秋戊申冬甲子為天赦日及上慶誕日皆不可以斷極刑事下有司議行未幾轉殿中丞權少監事立本品之下俄賜金紫至道二年上以 梁雍宿兵彌歲凶歉心憂之令宰相召守信問以天道咎證所在守信奏曰臣仰瞻玄象及推驗太一經曆官分其荆楚吳越交廣並皆安寧自來五緯陵犯彗星見及水神太一臨井鬼之間屬秦雍分及梁益之地民罹其災水神太一來歲入燕分歲在房心正當京都之地自茲朝野有慶詔付史館明年真授少監咸平三年卒年四十六子舜卿為國子博士

馬韶趙州平棘人習天文三式開寶中太宗以晉王尹京申嚴私習天文之禁韶素與太宗親吏程德玄善德玄每戒韶不令及門九年冬十月十九日既夕韶忽造德玄德玄恐甚詰其所以來韶曰明日乃晉王利見之辰韶故以相告德玄惶駭止韶一室遽入白太宗太宗命德玄以人防守之將闕于太祖及詰旦太宗入謁果受遺踐阼韶以赦獲免踰月起家為司天監主簿太平興國二年擢太僕寺丞改秘書省著作佐郎歷太子中允秘書丞出為平恩令歸朝復守舊任與楚芝蘭同判司天監事就遷太常博士淳化五年坐事出為博與令移長山令秩滿歸鄉里卒於家

楚芝蘭汝州襄城人初習三禮忽自言遇有道之士教以符天六壬遁甲之術屬朝廷博求方技詣闕自薦得錄為學生以占候有據權為翰林天文授樂源縣主簿遷司天春官正判司天監事占者言五福太一臨吳分當於蘇州建太一祠芝蘭獨上言京師帝王之都百神所集且今京城東南一舍地名蘇村若於此為五福太一建宮萬乘可以親謁有司便於祇事何為遠趨江外以蘇臺為吳分乎輿論不能奪遂從其議仍令同定本宮四時祭祀儀及醮法宮成特遷尚書工部員外郎賜五品服淳化初與馬韶同判監俱坐事芝蘭出為遂平令卒年六十錄其子繼芳為城父縣主簿

韓顯符不知何許人少習三式善察晷辰象補司天監生遷靈臺郎累加司天冬官正顯符專渾天之學淳化初表請造銅渾儀候儀詔給用度俾顯符規度擇匠鑄之至道元年渾儀成於司天監築臺置之賜顯符雜綵五十匹顯符上其法要十卷序之云伏羲氏立渾儀測北極高下量日影短長定南北東西觀星間廣狹帝堯即位羲氏和氏立渾儀定曆象日月星辰授民時使知緩急降及虞舜測璇璣玉衡以齊七政通占又云渾儀觀天道萬象不足以為多是知渾儀者實天地造化之準陰陽曆數之元自古聖帝明王莫不用是精詳天象預知差忒或鑄以銅或飾以玉置之內庭遣日官近臣同窺測焉自伏羲甲寅年至皇朝大中祥符三年庚戌歲積三千八百九十七年五帝之後訖今明曆象之玄知渾天之奧者近十餘朝考而論之臻至妙者不過四五自餘徒誇重於一日不深圖於久要致使天象無準曆算漸差占候不同盈虛難定陛下講求廢墜爰造渾儀漏刻星曜曉然易辨若人自窺於下則銅管運於上七曜之進退盈縮衆星之次舍遠近占逆順明吉凶然後倚福俾順其度省事以退其災悉由斯器驗之昔漢洛下閎倚渾儀測太初曆云後五百年必當重製至唐李淳風果合前契貞觀初渾風又言前代渾儀得失之差因令銅鑄七年太宗起疑暉閣於禁中俾侍臣占驗既在宮掖人莫得見後失其處所玄宗命沙門一行倚大行曆蓋以渾儀為證又有梁令瓚造渾儀木式一行謂其精密思出古人遂以銅鑄今文德殿鼓樓下有古本銅渾儀一制極疎略不可施用

且曆象之作非渾儀無以考真偽算造之士非占驗不能究得失渾儀之成則司天歲上細行曆益可致其詳密其制有九事具天文志自是顯符專測驗渾儀累加春官正又轉太子洗馬大中祥符三年詔顯符擇監官或子孫可以授渾儀法者顯符言長子監生承矩善察躔度次子保章正承規見知算造又主簿杜貽範保章正楊惟德皆可傳其學詔顯符與貽範等參驗之顯符後改殿中丞兼翰林天文六年卒年七十四又詔監丞丁文泰嗣其事焉

史序字正倫京北人善推步曆算太平興國中補司天學生太宗親較試擢為主簿稍遷監丞賜緋魚隸翰林天文院雍熙二年廷試中選者二十六人而序爲之首命知算造又知監事淳化三年司天鄭昭晏言臣測金火行度須有相犯今驗之天而火行漸南金度漸北有若相避遂不相犯序又言木火金三星初夜在午木在東火在中金最西漸北行去火尺餘此國家欽崇天道聖德所感也序後累遷夏官正河西環慶二路隨軍轉運太子洗馬僚儀天曆上之又嘗纂天文曆書爲十二卷以獻改殿中丞賜金紫俄權監事景德二年遷權知少監大中祥符初即真三年卒年七十六序慎密勤職在監三十年未嘗有過衆頗稱之

周克明字昭文曾祖德扶唐司農卿祖傑開成中進士解褐獲嘉尉歷弘文館校書郎中和中僖宗在蜀傑上書言治亂萬餘言擢水部員外郎三遷司農少卿傑精於曆算嘗以大衍曆數有差因數衍其法著極衍二十四篇以究天地之數時天下方亂傑以天文占之惟嶺南可以避地乃遣其弟鼎求爲封州錄事參軍傑天復中亦棄官攜家南適嶺表劉隱素聞其名每令占候天文災變傑自以年老嘗策名中朝恥以星曆事僭僞乃謝病不出龔襲位彊起之令知司天監事因問國祚脩短傑以周易筮之得比之復曰卦有二土土數生五成於十二五相比以歲言之當五百五十五龔大喜賞資甚厚龔以梁貞明三年僭號至開寶四年國滅止五十五年蓋傑舉成數以避害耳大有中遷太常少卿卒年九十餘傑生茂元亦世其學事龔至司天少監歸宋授監丞而卒即克明之父也克明精於數術凡律曆天官五行讖緯及三式風雲龜筮之書靡不究

其指要開寶中授司天六壬改臺主簿轉監丞五遷春官正克明頗修詞藻喜藏書景德初嘗獻所著文十編召試中書賜同進士出身三年有大星出氏西衆莫能辨或言國皇妖星爲兵凶之兆克明時使嶺表及還亟請對言臣按天文錄荊州占其星名曰周伯其色黃其光煌煌然所見之國大昌是德星也臣在塗聞中外之人頗惑其事願許文武稱慶以安天下心上嘉之即從其請拜太子洗馬殿中丞皆兼翰林天文又權判監事屬脩兩朝國史其天文律曆事命克明參之大中祥符九年坐坐監擇日差互例降爲洗馬天禧元年夏火犯靈臺克明語所親曰去歲太白犯靈臺掌曆者悉被降譴上天垂象深可畏也今變惑又犯之吾其不起乎八月疽發背卒年六十四克明久居司天之職頗勤慎凡奏對必據經盡言及卒上頗悼惜遣內侍諭其壻直龍圖閣馮元令主喪事賜賻甚厚初諸僭國皆有纂錄獨嶺南闕焉惟胡賓王胡元與二家纂述皆不之備克明訪耆舊采碑誌孳孳著撰數十數卷書未成而卒

劉翰滄州臨津人世習醫業初攝護國軍節度巡官周顯德初詰闕獻經用方書三十卷論候十卷今體治世集二十卷世宗嘉之命爲翰林醫官其書付史館再加衛尉寺主簿太祖北征命翰從行建隆初加朝散大夫鴻臚寺丞時太祖求治事皆嚴實故方技之士必精練乾德初令太常寺考較翰林醫官藝術以翰爲優細其業不精者二十六人自後又詔諸州訪醫術優長者籍其名仍量賜裝錢所在廚傳給食遣詣闕開寶五年太宗在藩邸有疾命翰與馬志觀之及愈轉向藥奉御賜銀器緡錢鞍勒馬嘗被詔詳定唐本草翰與道士馬志醫官翟煦張素吳復珪王光祐陳昭遇同議凡神農本草經三百六十種名醫錄一百八十二種唐本先附一百一十四種有名無用一百九十四種翰等又參定新附一百三十三種既成詔翰林學士中書舍人李昉戶部員外郎知制誥王祐左司員外郎知制誥屠蒙詳覆畢上之昉等序之曰三墳之書神農預其一百藥即辨本草序其錄舊經三卷世所流傳各醫別錄互爲編纂至梁陶弘景乃以別錄參其本經朱墨雜書時謂明白而又考彼功用爲之注釋列爲七卷南國行焉逮乎有唐別加參校增藥餘八百味添注爲二十卷本經漏切則補

之陶氏誤說則證之然而載歷年祀又踰四百朱字墨字無本得同舊注新注其文互闕非聖主撫大同之運承無疆之休其何以改而正之哉乃命盡考傳誤刊為定本類例非允從而草焉至如筆頭灰冤毫也而在草部今移附兔頭骨之下半天河地漿皆水也亦在草部今移附土石類之間敗鼓皮移附於獸名胡桐淚改從於木類紫鑽亦木也自玉石品而改焉伏翼實禽也由蟲魚部而移焉橘柚附於果實食鹽附於光鹽生薑乾薑同歸一類至於鷄腸蕪陸英蒴藿以類相似從而附之仍採陳藏器拾遺李含光音義或窮源於別本或傳效於醫家參而較之辨其臧否至如突屈白舊說灰類今是木根天麻根解似赤箭今又全異去非取是特立新條自餘刊正不可悉數下探衆議定為印板乃以白字為神農所說墨字為名醫所傳唐附今附各加顯注詳其解釋審其形性證謬誤而辨之者署為今注考文意而述之者又為今按義既判定理亦詳明今以新舊藥合九百八十三種并目錄二十一卷廣頒天下傳而行焉

輪後加檢校工部員外郎太平興國四年命為翰林醫官使再加檢校戶部郎中雍熙二年滑州劉遇疾詔輪馳往視之輪還言遇必瘞既而即死坐責受和州團練副使端拱初起為尚藥奉御淳化元年復為醫官使卒年七十二

王懷隱宋州睢陽人初為道士住京城建隆觀善醫診太宗尹京懷隱以湯劑祇事太平興國初詔歸俗命為尚藥奉御二遷至翰林醫官使三年吳越遣子惟濬入朝惟濬被疾詔懷隱視之初太宗在藩邸暇日多留意醫術藏名方千餘首皆嘗有驗者至是詔翰林醫官院各具家傳經驗方以獻又萬餘首命懷隱與副使王祐鄭奇醫官陳昭遇參對編類每部以隋太醫令巢元方病源候論冠其首而方藥次之成一百卷太宗御製序賜名曰太平聖惠方仍令鑄板頒行天下諸州各置醫博士掌之懷隱後數年卒昭遇本嶺南人醫術尤精驗初為醫官領溫水主簿後加光祿寺丞賜金紫

趙自化本德州平原人高祖嘗為景州刺史後舉家陷契丹父知崑脫身南歸寓居洛陽習經方名藥之術又以授二子自正自化周顯德中偕來京師悉以醫術稱知崑卒自正試方技補翰林醫學會秦國長公主疾有薦自化診候者

疾愈表為醫學再加尚藥奉御淳化五年授醫官副使時召陳州隱士萬適至館于自化家會以適補慎縣主簿適素彊力無疾詔下日自化怪其色變為切脈曰君將死矣不數日適果卒至道中有布衣鄭元輔者嘗依自化之姻吏部令史張崇敏家元輔時從自化丐索無所得心銜之乃詣檢上書告自化漏泄禁中語及指斥非所宜言等事太宗初其駭命王繼恩就御史府鞠之皆無狀斬元輔於都市自化坐交游非類黜為鄆州團練副史未幾復舊職咸平三年加正使景德初雍王元份泊晉國長公主並上言自化藥餌有功請加使秩領遙郡上以自化居太醫之長不當復為請求令樞密院召自化戒之雍王薨坐診治無狀降為副使二年復舊官是冬卒年五十七遺表以所撰四時養頤錄為獻真宗改名調膳攝生圖仍為製序自化頗喜為篇什其貶鄆州也有漢河詩集五卷宋白李若拙為之序又嘗續自古以方技至貴仕者為名醫顯秩傳

三卷

馮文智并州人世以方技為業太平興國中詣都自陳召試補醫學加樂源縣主簿端拱初授少府監主簿逾年轉醫官加少府監丞嘗隸并代部署淳化五年府州折御卿疾文智診療獲愈御卿表薦之賜緋加光祿寺丞咸平三年明德太后不豫文智侍醫既愈加尚藥奉御賜金紫六年直翰林醫官院東封轉醫官副使祀汾陰又加檢校主客員外郎大中祥符五年卒年六十自建隆以來近臣皇親諸大校有疾必遣內侍挾醫療視羣臣中有特被眷遇者亦如之其有效者或遷秩賜服色邊郡屯帥多遣醫官醫學隨行三年一代出師及使境外貢院館宿皆令醫官隨之京城四面分遣翰林祇候療視將士暑月即令醫官合藥與內侍分詣城門寺院散給軍民上每便坐閱兵有破金瘡者即令醫官處療咸平中有軍士嘗中流矢自頰貫耳眾醫不能取醫官聞文顯以藥傅之信宿而鏃出上嘉其能命賜緋又有醫學劉贊亦善此術天武右廂都指揮使韓最從太祖征晉陽弩矢貫左臂鏃不出幾三十年景德初上遣贊視最贊傳以藥出之步履如故最請見自陳感激願得死所又極稱贊之妙賜贊白金還醫官

沙門洪蘊，本性藍，潭州長沙人。母翁初以無子，專誦佛經，既而有娠，生洪蘊，年十三，詣郡之開福寺沙門智巴，求出家，習方技之書，後遊京師，以醫術知名。太祖召見，賜紫方袍，號廣利大師。太平興國中，詔購醫方，洪蘊錄古方數十以獻。真宗在蜀邸，洪蘊嘗以方藥謁見，咸平初，補右街首座，累轉左街副僧錄。洪蘊尤工診切，每先歲時，言人生死無不應，湯劑精至，貴戚大臣有疾者，多詔遣診療。景德元年卒，年六十八。又有廬山僧法堅，亦以善醫著名。久遊京師，嘗賜紫方袍，號廣濟大師。後還山，景德二年，以雍王元份久被疾，召赴闕，至則元份已薨，法堅復歸山而卒。

蘇澄隱，字棲真，真定人，爲道士，住龍興觀，得養生之術，年八十餘不衰。後唐明宗嘗下詔召之，又令宰相馮道致書諭旨，歷清泰、天福中，繼有聘命，並辭疾不至。開運末，契丹主兀欲立求有名稱僧道，加以恩命，惟澄隱不受。當時公卿自馮道、李崧和凝而下，皆在鎮陽，日造其室與談，各賦詩以贈。周廣順、顯德中，詔存問之。太祖征太原，還駐蹕鎮陽，召見行宮，命中使掖升殿，謂之曰：京師作建隆觀，思得有道之士居之。師累辭，召命，豈懷土耶？對曰：大梁帝宅，浩穰繁會，非林泉之士所可寄迹也。上察其意，亦不彊之。賜茶百斤，絹二百匹，又幸其觀，問曰：師年踰八十而氣貌益壯，善養生者也。因問其術，對曰：臣之養生，不過精思練氣耳。帝王養生，卽異於是。老子曰：我無爲而民自化，我無欲而民自正，無爲無欲，凝神太和，昔黃帝、唐堯、享國永年，得此道也。上大悅，賜紫衣一襲，銀器五百兩，帛五百匹，僅百歲而卒。

丁少微，亳州真源人，爲道士，持齋戒，奉科儀，尤爲精至。嘗隱華山潼谷，密通陳搏所居，與搏齊名。少微志尚清潔，博嗜酒，適性其道不同，未嘗相往還。少微善服氣，多餌藥，年百餘歲，康強無疾。始卜居山上，起壇場淨室，朝夕朝禮，五十餘年，未嘗稍懈。太平興國三年，召赴闕，以金丹巨勝、南芝、玄芝爲獻，留數月，遣還山，七年冬卒。

趙自然，太平繁昌人，家荻港旁，以鬻茗爲業。本名王九，始十三，疾甚，父抱詣青華觀，許爲道士。後夢一人狀貌魁偉，綸巾素袍，鬢髮斑白，自云姓陰，引之登高

山，謂曰：汝有道氣，吾將教汝辟穀之法。乃出青柏枝，令啗，夢中食之，及覺，遂不食，神氣清爽。每聞火食，氣卽嘔，惟生果、清泉而已。歲餘，復夢向見老人，教以篆書數百字，寤悉能記，寫以示人，皆不能識。或云：此非篆也。乃道家符籙耳。嘗爲元道教，言脩煉之要。知州王洞表其事，太宗召赴闕，親問之。賜道士服，改名自然。資錢三十萬，月餘遣還。任青華觀，後因病飲食如故。大中祥符二年，詔曰：如聞自然，頗精脩養之術，委發轉使楊覃訪其行迹，命內侍武永全召至闕下，屢得對，賜紫衣，改青華觀曰延禧。自然以母老求還侍養，許之。大中祥符中，又有鄭榮者，本禁軍，戍壁州，還，夜遇神人，謂曰：汝有道氣，勿火食。因授以醫術，救人七年，賜名自清，度爲道士，居上清宮。所傳藥能愈大風疾，民多求之，皆刺臂血和餅給焉。又有秦州民家子，補抱一者，常牧羊田間，一夕有叩門召之者，以杖引行，杖端有氣如煙，其香可悅。俄至山崖絕頂，見數人會飲，音樂交奏，與人間無異。抱一駭而不測，會巡檢司過其下，聞樂聲，疑羣盜歡聚，集村民梯崖而上，至則無所覩。抱一獨在，援以下之，具言其故。凡經夕，若俄頃，自是不喜熟食，凡火化者未嘗歷口。茹甘菊、柏葉、果實、井泉，間亦飲酒，貌如嬰兒，素不習文墨，口占辭句，頗成篇詠。有道家之趣，遂不親農事，野行躑躅，大中祥符四年，至京師，猶卯角，詔賜名度爲道士，自是間歲或一至京師，常令居太一宮，與人言多養生事焉。

宋史卷四百六十一

宋史卷四百六十二

元中書右丞相總裁脫脫等修

列傳第二百二十一

方技下

賀蘭棲真

柴通玄

甄棲真

楚衍

僧志言

僧懷丙

許希

龐安時

錢乙

僧智緣

郭天信

魏漢津

王老志

王仔昔

林靈素

皇甫坦

王克明

莎衣道人

孫守榮

賀蘭棲真不知何許人為道士自言百歲善服氣不憚寒暑往往不食或時縱酒遊市鄙間能咬肉至數斤始居嵩山紫虛觀後徙濟源奉仙觀張齊賢與之善景德二年詔曰師棲身巖壑抗志烟霞觀心衆妙之門脫屣浮雲之外朕奉希夷而為教法清靜以臨民思得有道之人訪以無為之理久懷上士欲覲真風爰命使車往申禮聘師其暫別林谷來儀闕庭必副招延無憚登涉今遣入內內品李懷寶召師赴闕既至真宗作二韻詩賜之號宗玄大師寶以紫服白金茶帛香藥特蠲觀之田租度其侍者未幾求還舊居大中祥符三年卒時大雪經三日頂猶熱人多異之

柴通玄字又玄陝州關鄉人為道士於承天觀年百餘歲善辟穀長嘯唯飲酒言唐末事歷歷可聽太宗召至闕下懇求歸本觀真宗即位屢來京師召對語無文飾多以修身慎行為說祀汾陰召至行在命坐問以無為之要所居觀即唐軒遊宮有明皇詩石及所書道德經二碑上作二韻詩賜之并寶以茶藥東帛詔為脩道院蠲其田租度弟子二人明年春通玄作遺表自稱羅山太太一洞主遣弟子張守元李守一詣闕以龜鶴為獻又召官僉士庶言生死之要夜分鹽濯然香庭中望闕而坐遲明卒時又召河中草澤劉巽華山隱士鄭隱數水隱士李寧巽年七十餘以經傳講授躬耕自給授大理評事致仕賜絺綌粉笏銀帶隱以經術為業遇道士傳辟穀鍊氣之法脩習頗驗居華山王刁巖踰二十

年冬夏裳衣皮裘寧精於藥術老而不衰常以藥施人人以金帛為報輒拒之景德中萬安太后不豫驛召寧赴闕未至而后崩大中祥符四年賜號正晦先生上並作詩為賜加以茶藥繒帛獨隱辭賜物不受

甄棲真字道淵單州單文人博涉經傳長於詩賦一應進士舉不中第數曰勞神斂精以追虛名無益也遂棄其業讀道家書以自樂初訪道於牢山華蓋先生久之出遊京師因入建隆觀為道士周歷四方以藥術濟人不取其報祥符中寓居晉州性和靜無所好惡晉人愛之以為紫極宮主年七十有五遇人或以為許元陽語之曰汝風神秀異有如李筌雖老矣尚可仙也因授鍊形養元之訣且曰得道如反掌第行之惟艱汝勉之棲真行之二三年漸反童顏攀高攝危輕若飛舉乾興元年秋謂其徒曰此歲之暮吾當逝矣即宮西北隅自斃殞室室成不食一月與平居所知敘別以十二月二日衣紙衣臥磚榻卒人未之奇也及歲久形如生衆始驚傳以為尸解棲真自號神光子與隱人海蟾子者以詩往還論養生秘術目曰還金篇凡兩卷

楚衍開封阡城人少通四聲字母里人柳曜師事衍里中以先生目之衍於九章緝古綴術海島諸算經尤得其妙明相法及聿斯經善推步陰陽星曆之數間語休咎無不中自陳試宣明曆補司天監學生遷保章正天聖初進新曆衆推衍明曆數授靈臺即與掌曆官宋行古等九人製崇天曆進司天監丞入隸翰林天文皇祐中同造司辰星漏曆十二卷久之與周琮同管勾司天監卒無子有女亦善算術

僧志言自言姓許壽春人落髮東京景德寺七俱胝院事清瓊初瓊誦經動苦志言忽造瓊跪前願為弟子瓊見其相貌奇古直視不瞬心異之為授具戒然動止軒昂語笑無度多行市里褻褻疾趨舉指書空佇立良久時從居階遊飲唱無所擇衆以為狂瓊獨曰此異人也人有欲為齋施輒先知其不至俟款門指名取供温州人林仲方自其家以摩納來獻舟始及岸遽來取去仁宗每延入禁中徑登坐結趺飯畢遽出未嘗揖也王公士庶召即赴然莫與交一言者或陰卜休咎書紙揮翰甚疾字體道壯初不可曉其後多驗仁宗春秋漸高嗣

未立，默遣內侍至言所，言所書有十三郎字，人莫測何謂。後英宗以濮王第三子入繼，衆始悟。太宗正守節請書，言不顧，迨之得潤州字，未幾守節薨，贈丹陽郡王。見童子義懷，撫其背曰：「德山臨濟，懷既落髮，住天衣說法，大為學者所宗，其前知多類此。」普淨院施浴，夜漏初盡，門扉未啟，方迎佛而浴室有人聲，往視則言在焉。有具齋薦餽者，并食之，臨流而吐，化為小鮮，羣泳而去。海客遇風，且沒，見僧操引舶而濟，客至都下，遇言，忽謂之曰：「非我，汝奈何？客記其貌，真引舟者也。」與曹州士趙棠善，後棠棄官，隱居番禹，人傳棠與言數以偈頌相寄。萬里間輒數日而達，棠死亦感，夏身不壞，言將死，作頌不可曉，已而曰：「我從古始成就，逃多國土，今南國矣。」仁宗遣內侍以真身塑像置寺中，榜曰：「顯化禪師。」其後善厚者禮之，見額上發然有光，就視之得舍利。

僧懷丙，真定人，巧思出天性，非學所能至也。真定構木為浮圖十三級，勢尤孤絕，既久而中級大柱壞，欲西北傾，他匠莫能為，懷丙度短長，別作柱，命衆工維而上，已而却衆工以一介自從，閉戶良久，易柱下，不聞斧鑿聲。趙州浚河鑿石為橋，鑄鐵貫其中，自唐以來相傳數百年，大水不能壞，歲久鄉民多盜鑿鐵橋，遂敲倒，計千夫不能正，懷丙不役衆工，以術正之，使復故。河中府浮梁，用鐵牛八維之，一牛且數萬斤，後水暴漲，絕梁牽牛沒于河，募能出之者，懷丙以二大舟實土夾牛維之，用大木為權衡狀鈎牛，徐去其土，舟浮牛出，轉運使張燾以聞，賜紫衣尋卒。

許希，開封人，以醫為業，補翰林醫學。景祐元年，仁宗不豫，侍醫數進藥不效，人心憂恐，冀國大長公主薦希，希診曰：「鍼心下包絡之間，可亟愈。」左右爭以為不可，諸黃門祈以身試之，無所害，遂以鍼進，而帝疾愈，命為翰林醫官，賜緋衣銀魚及器幣，希拜謝已。又西嚮拜，帝問其故，對曰：「扁鵲臣師也，今者非臣之功，殆臣師之賜，安敢忘師乎？」乃請以所得金與扁鵲廟，帝為築廟于城西隅，封靈應侯。其後廟益完，學醫者歸趨之，因立太醫局于其旁，希至殿中省尚藥，奉御卒。著神應鍼經，要訣行于世。祿其子宗道，至內殿崇班。

龐安時，字安常，鄆州新水人，兒時能讀書，過目輒記。父世醫也，授以脈訣，安時

曰：「是不足為也，獨取黃帝扁鵲之脈書治之，未久已能通其說，時出新意，辨詰不可屈，父大驚，時年猶未冠，已而病，乃益讀靈樞大素甲乙諸秘書，凡經傳百家之涉其道者，靡不誦貫。」嘗曰：「世所謂醫書，予皆見之，惟扁鵲之言深矣，蓋所謂難經者，扁鵲寓術於其書，而言之不詳，意者使後人自求之歟？」予之術蓋出於此，以之視淺深，決死生，若合符節，且察脈之要，莫急於人迎寸口，是二脈陰陽相應，如兩引繩，陰陽均則繩之大小等，故定陰陽於喉手，配覆盪於尺寸，寓九候於浮沉，分四溫於傷寒，此皆扁鵲略開其端，而予參以內經諸書考究而得其說，審而用之，順而治之，病不得逃矣。又欲以術告後世，故著難經辨數萬言，觀草木之性，與五藏之宜，秩其職，任官其寒熱，班其奇偶，以療百疾，著主對集一卷，古今異宜，方術脫遺，備陰陽之變，補仲景論藥有後出，古所未知，今不能辨，嘗試有功，不可遺也。作本草補遺，為人治病，率十愈八九，踵門求診者，為辟邸舍居之，親視釵粥藥物，必愈而後遣，其不可為者，必實告之，不復為治。活人無數，病家持金帛來謝，不盡取也。嘗詣舒之桐城，有民家婦孕將產，七日而子不下，百術無所效，安時之弟子李百全適在傍，舍邀安時往視之，纔見即連呼不死，令其家人以湯溫其腰腹，自為上下拊摩，卒者覺腸胃微痛，呻吟間生一男子，其家驚喜，而不知所以然。安時曰：「兒已出胞，而一手誤執母腸，不復能脫，故非符藥所能為，吾隔腹捫兒手所在，鍼其虎口，既痛即縮手，所以遠生，無他術也。」取兒視之，右手虎口鍼痕存焉，其妙如此。有問以華佗之事者，曰：「術若是，非人所能為也，其史之妄乎？年五十八而疾作，門人請自視脈，笑曰：「吾察之審矣，且出入息亦脈也，今胃氣已絕，死矣。」遂屏卻藥餌，後數日與客坐語而卒。」

錢乙，字仲陽，本吳越王做支屬，祖從北遷，遂為鄆州人，父穎，善醫，然嗜酒喜游，一旦東之海上，不反。乙方三歲，母前死，姑嫁呂氏，哀而收養之，長誨之醫，乃告以家世，即泣請往迹尋，凡八九反，積數歲，遂迎父以歸，時已三十年矣。鄉人感慨賦詩詠之，其事呂如事父，呂沒無嗣，為收葬行服。乙始以顯顧方著名，至京師視長公主女疾，授翰林醫學，皇子病瘵，乙進黃土湯而愈，神宗召問黃土

所以愈疾狀對曰以土勝水水得其平則風自止帝悅權太醫丞賜金紫由是公卿宗戚家延致無虛日廣親宗子病診之曰此可毋藥而愈其幼在傍指之曰是且暴疾驚人後三日過午可無恙其家恚不答明日幼果發癩甚急召乙治之三日愈問其故曰火色直視心與肝俱受邪過午者所用時當更也王子病嘔泄他醫與剛劑加喘焉乙曰是本中熱脾且傷奈何復燥之將不得前後搜與之石膏湯王不信謝去信宿寢劇竟如言而效士病效面青而光氣哽哽乙曰肝乘肺此逆候也若秋得之可治今春不可治其人祈哀強予藥明日曰吾藥再瀉肝而不少却三補肺而益虛又如骨白法當三日死今尙能粥當過期居五日而絕孕婦病醫言胎且墮乙曰娠者五藏傳養率六旬乃更誠能候其月偏補之何必墮已而母子皆得全又乳婦因悸而病既瘡目張不得瞑乙曰黃郁李酒飲之使醉即愈所以然者目系內連肝膽恐則氣結膽衛不下郁李能去結隨酒入膽結去膽下則目能瞑矣飲之果驗乙本有羸疾每自以意治之而後其數曰此所謂風痺也入藏者死吾其已夫既而曰吾能移之使在末因自製藥日夜飲之左手足忽舉不能用喜曰可矣所親登東山得茯苓大踰斗以法噉之盡由是雖偏廢而風骨悍堅如全人以病免歸不復出乙爲方不名一師於書無不闕不斬守古法時度越縱舍卒與法會尤遠本草諸書辨正闕誤或得異藥問之必爲言生出土末物色名貌差別之詳退而考之皆合末年學痺瘰癧知不可爲召親戚訣別易衣待盡遂卒年八十二

僧智緣隨州人善醫嘉祐末召至京師舍于相國寺每察脈知人貴賤禍福休咎診父之脈而能道其子吉凶所言若神士大夫爭造之王珪與王安石在翰林珪疑古無此安石曰昔醫和診晉侯而知其良臣將死夫良臣之命乃見於其君之脈則視父知子亦何足怪哉熙寧中王韶謀取青唐上言蕃族重僧而僧結吳叱臘主部帳甚衆請智緣與俱至邊神宗召見賜白金遣乘傳而西遂稱經略大師智緣有辯口徑入蕃中說結吳叱臘歸化而他族俞龍珂馬藏訥令支等皆因以書款韶頗忌惡之言其撓邊事召還以爲右街首坐卒

郭天信字佑之開封人以技隸太史局徽宗爲端王嘗退朝天信密進白曰王

當有天下既而即帝位因得親暱不數年至樞密都承旨節度觀察留後其子中復爲開門通事命人許陪進士徑試大廷權祕書省校書郎未幾天信覺已甚乞還武爵又從之政和初拜定武軍節度使祐神觀使頗與聞外朝政事見蔡京亂國每託天文以撼之且云日中有黑子帝甚懼言之不已京由是黜張商英方有時望天信往往稱於內朝商英亦欲借左右游談之助陰與相結使僧德洪輩道達語言商英勸帝節儉稍裁抑僧寺帝始敬畏之而近侍積不樂間言浸潤眷日衰京黨因是告商英與天信漏泄禁中語言天信先發端規伺上旨動息必報乃從外庭決之無不如志商英遂罷御史中丞張克公復論之詔貶天信昭化軍節度副使單州安置命宋康年守單幾其起居再貶行軍司馬竄新州又徙康年使廣東天信至數月死京已再相猶疑天信挾術多能死未必實令康年選吏發棺驗視焉

魏漢津本蜀隸卒也自言師事唐仙人李良號李八百者授以鼎樂之法嘗過三山龍門聞水聲謂人曰其下必有玉即脫衣沒水抱石而出果玉也皇祐中與房庶俱以善樂薦時阮逸方定黍津不獲用崇寧初猶在朝廷方協考鍾律得召見獻樂議言得黃帝夏禹聲爲律身爲度之說謂人主稟賦與衆異請以帝指三節三寸爲度定黃鍾之律而中指之徑圍則度量權衡所自出也又云聲有太有少太者清聲陽也天道也少者濁聲陰也地道也中聲在其間人道也合三才之道備陰陽奇偶然後四序可得而調萬物可得而理當時以爲迂怪蔡京獨神之或言漢津本苑鎮之役稍窺見其制作而京託之於李良云於是請先鑄九鼎次鑄帝坐大鍾及二十四氣鍾四年三月鼎成賜號神顯處士八月大晟樂成徽宗御大慶殿受羣臣朝賀加漢津虛和沖顯寶應先生頌其樂書天下而京之客劉曷主樂事論太少之說爲非將議改作既而以樂成久易之恐動觀聽遂止漢津密爲京言大晟獨得古意什三四爾他多非古說異日當以訪任宗堯宗堯學於漢津者也漢津曉陰陽數術多奇中嘗語所知曰不三十年天下亂矣末幾死京遂召宗堯爲典樂復欲有所建而爲田爲所奪語在樂志後即鑄鼎之所建寶成殿祀黃帝夏禹成王周召而良漢津俱配食

諡漢津為嘉慶侯有馬賁者出京之門在大晟府十三年方魏劉任田異論時依違其間無所質正擢至通議大夫徽猷閣待制議者咎當時名器之濫如此王老志濮州臨泉人事親以孝聞為轉運小吏不受賂謝遇異人於巧中自言吾所謂鍾離先生也予之丹服之而狂遂棄妻子結草廬田間時為人言休咎政和三年太僕卿王賈以其名聞召至京師館于蔡京第嘗緘書一封至帝所徽宗啓讀乃昔歲秋中與喬劉二妃燕好之語也帝由是稍信之封為洞微先生朝士多從求書初若不可解後卒應者十八九故其門如市京慮太甚頗以為戒老志亦謹畏乃奏禁絕之嘗獻乾坤鑑法命鑄之既成謂帝與皇后他日皆有難請時坐鑑下思所以微懼消變者明年見其師賈以擅處富貴乃丐歸未得請病甚始許其去步行出就居病已失矣歸獲而死詔賜金以葬贈正議大夫初王輔未達時父為臨泉令問輔名位所至即書太平宰相四字旋以墨塗去之曰恐泄機也輔敗人乃悟

王仔昔洪州人始學儒自言遇許遜得大洞隱書豁落七元之法出游嵩山能道人未來事政和中徽宗召見賜號冲隱處士帝以早禱雨每遣小黄門持紙求仔昔書曰又至忽蒙符其上乃細書焚符湯沃而洗之黃門懼不肯受強之乃持去蓋帝默祝為宮妃療赤目者用其說一沃立愈進封通妙先生居上清寶籙宮獻九鼎神器不可藏於外乃於禁中建圓象徽調閣以貯之仔昔資倨傲又少慧帝常待以客禮故其遇巨闥殆若童奴又欲羣道士皆宗己及林靈素有寵忘之陷以事囚之東太一宮旋坐言語不遜下獄死仔昔之得罪宦者馮浩力最多未死時書示其徒曰上蔡遇冤人其後浩南竄至上蔡被誅林靈素温州人少從浮屠學苦其師答罵去為道士善妖幻往來淮泗間巧食僧寺僧寺苦之政和末王老志王仔昔既衰徽宗訪方士於左道錢徐知常以靈素對既見大言曰天有九霄而神霄為最高其治曰府神霄玉清王者上帝之長子主南方號長生大帝君陛下是也既下降于世其弟號青華帝君者主東方攝領之己乃府仙卿曰褚慧亦下降佐帝君之治又謂蔡京為左元仙伯王輔為文華吏威章王革為圓苑寶華吏鄭居中童貫及諸巨闥皆為之名貴

妃劉氏方有寵曰九華玉真安妃帝心獨喜其事賜號通真達靈先生賞養無算建上清寶籙宮密運禁省天下皆建神霄萬壽宮漫漫造為青華正晝臨壇及火龍神劍夜降內宮之事假帝詰天書雲篆務以欺世惑眾其說妄誕不可究實實無所能解惟稍識五雷召呼風霆開禱雨有小驗而已令吏民詣宮受神霄秘錄朝士之嗜進者亦靡然趨之每設大齋輒費緡錢數萬謂之千道會帝設幄其側而靈素升高正坐問者皆再拜以請所言無殊異時雜捷給嘲談以資嬉笑其徒美衣玉食幾二萬人遂立道學置即大夫十等有諸殿侍晨校籍授經以擬待制備撰直閣始欲盡廢釋氏以逞前憾既而改其名稱冠服靈素益尊重升温州為應道軍節度加號元妙先生金門羽客冲和殿侍晨出入呵引至與諸王爭道都人稱曰道家兩府本與道士王九誠共為怪神後忌其相軋毒之死宣和初都城暴水道靈素厭勝方率其徒步虛城上役夫爭舉挺將擊之走而免帝知眾所怨始不樂靈素在京師四年恣橫愈不悛道遇皇太子弗斂避太子入訴帝怒以為太虛大夫斥還故里命江端本通判温州幾察之端本廉得其居處過制罪詔徙置楚州而已死遺奏至猶以待從禮葬焉

皇甫坦蜀之夾江人善醫術顯仁太后苦目疾國醫不能療詔募他醫臨安守臣張偁以坦聞高宗召見問何以治身坦曰心無為則身安人主無為則天下治引至慈寧殿治太后目疾立愈帝喜厚賜之一無所受令持香襪青城山還復召問以長生久視之術坦曰先禁諸欲勿令放逸丹經萬卷不如守一帝歎服書清靜二字以名其菴且繪其像禁中荆南帥李道雅敬坦坦歲謁道隆興初道入朝高宗孝宗問之皆稱皇甫先生而不名坦又善相人嘗相道中女必為天下母後果為光宗后

王克明字彥昭其始饒州樂平人後徙湖州烏程縣紹興乾道間名醫也初生時母乏乳餵以粥遂得脾胃疾長益其醫以為不可治克明自讀難經素問以求其法刻意處藥其病乃愈始以術行江淮入蘇湖鍼灸尤精診脈有難療者必沈思得其要然後予之藥病雖數證或用一藥以除其本本除而餘病自去

亦有不予藥者。期以某日自安。有以爲非藥之過。適在某事當隨其事故治之。言無不驗。士大夫皆自屈與游。魏安行妻。風痿十年不起。克明施鍼而步履如初。胡妻痲病氣秘腹脹。號呼踰旬。克明視之。時乘東方會食。克明謂妻曰。吾念恭人病使預會可乎。以半碗圓穢生薑調乳香下之。俄起對食如平常。廬州守王安道風禁不語旬日。他醫莫知所爲。克明令熾炭燒地。灑藥置安道于上。須臾而蘇。金使黑鹿谷過姑蘇。病傷寒垂死。克明治之。明日愈。及從徐度聘金。黑鹿谷適爲先排使。待克明厚甚。克明訝之。谷乃道其故。由是名聞北方。後再從呂正己使金。金接伴使忽被危疾。克明立起之。却其謝。張子蓋救海州。戰。士大夫疫。克明時在軍中。全活者幾萬人。子蓋上其功。克明力辭之。克明頗知書。好俠尚義。常數千里赴人之急。初試禮部中選。累任醫官。王炎宣撫四川。辟克明不就。炎怒。克明避事坐貶秩。後遷至額內翰林醫痊局。賜金紫。紹興五年卒。年六十七。

莎衣道人姓何氏。淮陽軍胸山人。祖執禮。仕至朝議大夫。道人避亂渡江。嘗舉進士不中。紹興末。來平江。一日自外歸。候若狂者。身衣白襦。畫句食于市。夜止天慶觀。久之。衣益敝。以莎緝之。嘗遊妙嚴寺。臨池見影。豁然大悟。人無貴賤。問休咎。罔不奇中。會有瘡者。乞醫。命持一草去。旬日而愈。衆翕然傳莎草可以愈疾。求而不得者。或遂不起。由是遠近異之。孝宗一夕夢莎衣人。號哭來弔者。訊之曰。蘇人也。詰其故。不肯言。帝寤。以語內侍。會后及太子薨。帝哀泣。內侍進前。勉釋。并道前夢。帝迺矍然。因遣使召之。不至。帝念恢復大計。累歲未有所屬。后位虛且久。乃焚香默言。何誠能仙。願必知朕意。遂遣中官致贄。不言所以。道人見之。掉首吳音曰。有中國即有外夷。有日即有月。不須問。趣之去。使者歸奏。帝甚異之。遂賜號通神先生。爲築庵觀中。賜衣數襲。皆不受。好事者強邀入庵。大笑而出。復於故處。衆日以珍饈餉之。每食于通衢。遽飽。即去。帝歲命內侍。即其居設十道齋。合雲水之士。施子優普。一歲偶踰期。衆咸訝。而請道人。亟起于臥。搖手瞬目而招之曰。亟來。亟來。是日內侍至。平望衆益服其神光。宗即位。召之。又不至。慶元六年卒。

孫守榮。臨安富陽人。生七歲。病瘖。遇異人教以風角鳥占之術。其法以音律推五數。播五行。測度萬物。始終感衰之理。凡問者一語頃。輒知休咎。守榮既悟。異人授以鐵笛。遂去。不復見。守榮因號富春子。吹笛市中。人初不識也。然其術率驗。寶慶間。遊吳興。聞譙樓鼓角聲。驚曰。旦夕且有變。土人嘗有典郡者。見王元春。即質之曰。作鄉郡者必君也。元春初不之信。越兩月。潘丙作亂。元春以告。變功果典郡。自是富春子之名大顯。貴人爭延致之。淮南帥李曾伯薦諸朝。既至。謁丞相史嵩之。聞者以畫履辭。守榮曰。丞相方釣魚園池。何得云爾。聞者驚異。入白丞相。丞相一見。頗喜之。自是數出入相府。一日庭鶴噪。令占之。曰。來日晡時。當有寶物至。明日。李全果以玉柱斧爲質。嵩之又嘗得李全檄。藏袖中。詢其事。守榮曰。此李全詐假布囊二十萬兩。剝封果如其說。士大夫咸詢履歷。守榮不盡答。私謂所知曰。吾以音推諸朝紳。互有贏縮。宋祿其始終。平後爲嵩之所忌。輒以他罪貶死遠郡。

宋史卷四百六十二

元 中 書 右 丞 相 總 裁 脫 脫 等 修

列傳第二百二十二

外戚上

杜審琦 弟審瓊 審肇 審進

從子 彦圭 彦鈞 賀令圖 楊重進 附

王繼勳

劉知信 子 承宗 劉文裕

劉 美 子 從德 從廣 孫 承年

郭崇仁 楊景宗

符惟忠

柴宗慶 張堯佐

自西漢有外戚之禍，歷代鑿之，崇爵厚祿，不界事權，然而一失其馭，猶有肺腑之變焉。宋法待外戚厚，其間有文武才詔，皆擢而用之，怙勢犯法，繩以重刑，亦不少貸。仁英哲三朝，母后臨朝聽政，而終無外家干政之患，將法度之嚴，體統之正，有以防閑其過，歟抑母后之賢，自有以制其戚里，歟作外戚傳。

杜審琦，定州安喜人。昭憲皇太后之兄，太后昆仲五人，審琦最長。其次審玉，次審瓊，次審肇，次審進。世居常山，以積善聞。審琦仕後唐為義軍指揮使，天成二年卒。年三十五。審玉前一年卒。年二十二。太祖開國，贈審琦左神武軍大將軍，以其子彥超為西京作坊使，彥超卒，贈左領軍衛大將軍。

審瓊，建隆初，授檢校國子祭酒。二年，拜左領軍衛將軍。三年，與其弟審肇、審進皆召赴闕。審瓊改左龍武軍大將軍，遷右衛大將軍，乾德初，領富州刺史。三年，以本官權判右金吾街仗事。四年春，步軍帥王繼勳坐事，詔審瓊兼點檢侍衛步軍司事。是秋卒。年七十七。太祖為廢朝三日，發哀成服，贈太保，寧國軍節度使，諡恭儉。審瓊性醇質，在公長慎，宿衛勤謹，徵巡京邑，里閭清肅，人皆稱之。景德三年春，加贈審瓊太傅，妻吳氏，陳留郡太夫人。是秋，改葬陪陵，又贈審瓊太師中書令，子彥圭。

審肇，建隆三年，起家授左武衛上將軍，檢校左僕射致仕，賜第於京師。乾德初，領瀘州刺史。開寶二年，改左衛上將軍，仍致仕。三年，起為右驍衛上將軍，俄出知瀘州。太祖以審肇未嘗歷郡務，乃命司封郎中姚恕通判州事，以左右之，未

幾河大決，東匯于鄆，濮數郡民田罹水害。太祖怒其不即時上言，遣使案鞠，遂論怒棄市。審肇免官歸私第，俄復舊官，令致仕。特以瀘州刺史月奉優給之。七年卒。年七十二。太祖廢朝二日，素服發哀，贈太保，昭信軍節度使，諡溫肅。道中使護喪事。景德三年，加贈太傅，妻劉氏，東海郡太夫人。子彥遵，至南作坊使。

審進，建隆三年，起家授右神武大將軍，改右羽林大將軍。乾德元年，領賀州刺史。二年，知陝州。三年，就改保義軍節度觀察留後。五年，加本軍節度。太祖郊祀西洛，審進來朝，頒賚甚厚。太宗嗣位，加檢校太傅。太平興國二年，會許昌裔刺虢州，捃拾使州闕失事，上訴，詔右拾遺李幹鞠之。幹因上言，請支郡不復隸藩鎮，皆得專達從之。三年秋，以審進妻卒廢朝。十一月，郊禮畢，加檢校太尉。四年，上親征河東，審進與嵐州團練使周承晉、德州刺史孫方進、成州刺史慕容福起，皆上言，願率所部擊太原，上以審進者年不許。五年，來朝，是歲契丹寇邊，出師捍禦，上幸大名，勞軍，留審進警巡，都邑肅然。六年，復歸陝，親王宴餞，供帳甚盛。其年，就加檢校太師。九年夏，上以審進年高，不當煩以劇務，授右衛上將軍，奉給如故。雍熙四年，復授靜江軍節度，端拱元年，上親耕籍田，審進預其禮，恩賜彌渥，加開府儀同三司。是歲卒。年七十九。上趣駕臨喪，哭之慟。廢朝三日，設

次成服，親王公主以下，並詣其第舉哀，贈中書令，諡恭惠。審進鎮陝二十餘年，勸農敦本，民庶便之。雖居位節制，無驕矜之色。人推其醇厚。景德三年，追封京兆郡王，妻趙氏，南陽郡太夫人。後贈尚書令，子彥鈞，彥彬，彥彬至禮賓副使而卒。

彥圭，起家大宅副使，遷翰林使。開寶五年，領信州刺史。六年，改領饒州團練使，俄加領本州防禦使。從征太原，與曹翰、孫繼業攻城西面，北征班師，命彥圭與孟玄喆藥可瓊，趙延進率兵屯中山，坐市竹木，矯制免算，實授洛苑使。饒州刺史，裁數日，卒。復餘年，遷沙州觀察使。出知定州。雍熙中北伐，命副米信為幽州西北道行營都部署，彥圭不容軍士哺食，設陣不整，以致亡失，坐左遷均州團練副使。雍熙三年，卒于貶所。年五十九。贈歸義軍節度使。景德二年春，加贈中書令。是秋，又贈太師，子守元。

彥圭，起家大宅副使，遷翰林使。開寶五年，領信州刺史。六年，改領饒州團練使，俄加領本州防禦使。從征太原，與曹翰、孫繼業攻城西面，北征班師，命彥圭與孟玄喆藥可瓊，趙延進率兵屯中山，坐市竹木，矯制免算，實授洛苑使。饒州刺史，裁數日，卒。復餘年，遷沙州觀察使。出知定州。雍熙中北伐，命副米信為幽州西北道行營都部署，彥圭不容軍士哺食，設陣不整，以致亡失，坐左遷均州團練副使。雍熙三年，卒于貶所。年五十九。贈歸義軍節度使。景德二年春，加贈中書令。是秋，又贈太師，子守元。

彥圭，起家大宅副使，遷翰林使。開寶五年，領信州刺史。六年，改領饒州團練使，俄加領本州防禦使。從征太原，與曹翰、孫繼業攻城西面，北征班師，命彥圭與孟玄喆藥可瓊，趙延進率兵屯中山，坐市竹木，矯制免算，實授洛苑使。饒州刺史，裁數日，卒。復餘年，遷沙州觀察使。出知定州。雍熙中北伐，命副米信為幽州西北道行營都部署，彥圭不容軍士哺食，設陣不整，以致亡失，坐左遷均州團練副使。雍熙三年，卒于貶所。年五十九。贈歸義軍節度使。景德二年春，加贈中書令。是秋，又贈太師，子守元。

彥圭，起家大宅副使，遷翰林使。開寶五年，領信州刺史。六年，改領饒州團練使，俄加領本州防禦使。從征太原，與曹翰、孫繼業攻城西面，北征班師，命彥圭與孟玄喆藥可瓊，趙延進率兵屯中山，坐市竹木，矯制免算，實授洛苑使。饒州刺史，裁數日，卒。復餘年，遷沙州觀察使。出知定州。雍熙中北伐，命副米信為幽州西北道行營都部署，彥圭不容軍士哺食，設陣不整，以致亡失，坐左遷均州團練副使。雍熙三年，卒于貶所。年五十九。贈歸義軍節度使。景德二年春，加贈中書令。是秋，又贈太師，子守元。

彥鈞起家補供奉官累遷崇儀使端拱初加莊宅使領羅州刺史淳化四年特置昭宣使以彥鈞洎王延德王繼恩為之未幾加領恩州防禦使西鄙用兵命為承與軍駐泊鈐轄真宗嗣位改領穎州防禦使出知河中府占謝便坐求解內使之職可之歷知邠慶延鳳四州景德中為天雄軍副都部署車駕駐澶淵為駕前東面具冀路副都部署契丹騎兵攻月城彥鈞率兵擊走之以勞優加封邑召還再任河中彥鈞由戚里進保位而已曾有言政事不舉者從西京水南北都巡檢使大中祥符五年復知莫州馬知節為穎州防禦使彥鈞換秦州九年拜密州觀察使出為并代副都部署天禧元年卒贈安化軍節度錄其子贊文為供奉官贊寧為殿直孫宗壽為三班奉職

守元開寶中補左班殿直得侍便殿帶御器械遷供奉官莫州監軍契丹入邊與州將固守城壁出兵邀擊獲生口羊馬以功加崇儀副使未幾改正使秩歷如京洛苑使至道三年領梧州刺史連為并代鎮定高陽關鈐轄大中祥符二年副趙積使契丹復洺鎮定頃之屬疾詔遣其子殿直惟慶按太醫乘驛診候既至而卒年五十八

惟序字舜功自三班奉職累遷知惠州莫州以供備庫使為梓慶路鈐轄徙懷慶路知邠州又權慶州會任福敗以騎兵數千繇懷安路破賊三營斬首數百級獲牛馬千計以功領忠州刺史為涇原鈐轄救巡警邊州久之改六宅使知雄州時契丹勒兵燕薊間遣使求割地未至而惟序購得其草先以聞徙知滄州又徙定州再遷東上閣門使知涇州改四方館使知瀛州復知滄州入朝為祁州團練使出知恩州徙大名府路總管改乾州團練使卒

賀令圖開封陳留人父懷浦孝惠皇后兄也仕軍中為散指揮使太平興國初出為岳州刺史領兵屯三交雍熙三年從楊業北征死於陣令圖少謹愿隸太宗左右洎即位補供奉官改綾錦副使知莫州遷崇儀使知雄州雍熙二年領平州刺史充幽州行營壕砦使以所部下固安新城兩縣克涿州會父戰死起家為六宅使領本州團練使瀛州屯兵先是令圖握兵邊郡十餘年恃藩邸舊恩每歲入奏事多言邊塞利害及幽薊可取之狀上信之故有岐溝之舉既

而師敗議者皆咎其貪功生事令圖輕而無謀契丹將耶律遜寧號于越者使謀給令圖曰我獲罪本國旦夕願歸南朝無路自拔幸君侯少留意焉令圖不虞其詐私遺以重錦十兩是年十二月于越率眾入寇大將劉廷讓與戰于君子館令圖為先鋒被圍數重于越傳言軍中願得見礪州賀使君令圖嘗為所給意其來降而終獲大功即引麾下數十騎逆之將至其帳數步外于越據床罵曰汝常好經度邊事乃今送死來邪麾左右盡殺其從騎反縛令圖而去令圖與其父首謀北伐一歲中父子皆陷焉令圖時年三十九是役也武州防禦使高陽關都部署楊重進死之

重進太原人少有膂力周祖鎮大名以隸帳下廣順初補衛士宋初累遷至內殿直都虞候太平興國初改龍衛軍都統領徐州刺史從征太原出為萊州刺史隨曹彬北征為右廂排陣使改武州防禦使高陽關都部署會契丹兵至與之力戰遂沒於陣年六十五

王繼勳彰德節度饒之子孝明皇后同母弟也生時其母見一人赤髮狀貌怪異入室中遂生繼勳及長美風儀性兇率無賴以後故為內殿供奉官都知漢州刺史建隆二年加領恩州團練使又改龍捷右廂都指揮使尋領永州防禦使四年收復湖南改領彭州防禦使是秋將討西蜀命繼勳戒期將大閱繼勳素與太校馬仁瑀不協陰勒部下市白挺將以相圖太祖知之為出仁瑀密州俄遷保寧軍節度觀察留後領虎捷左右廂都虞候權侍衛步軍司事繼勳所為多不法會新募兵千餘隸雄武將遣出征多無妻室太祖謂繼勳曰此必有願為婚者不須備聘財但酒炙可也繼勳不能論上旨縱令掠人子女京城為之紛擾上聞大驚遣捕斬百餘人人情始定時后已崩上追念后故不之罪也

乾德四年繼勳復為部曲所訟詔中書鞠之解兵柄為彭國軍留後奉朝請繼勳自以失職常快快專以鬪割奴婢為樂前後多被害一日天雨墻壞羣婢突出守國門詭訐上大駭命中使就詰之盡得繼勳所為不法事詔削奪官爵勒歸私第仍令甲士守之俄又配流登州未至改右監門率府副率開寶三年命分司西京繼勳殘暴愈甚強市民家子女備給使小不如意即殺食之而棺其

骨寒野外，女僮及醫者出入其門不絕，洛民苦之而不敢告。太宗在藩邸，頗聞其事，及即位，人有訴者，命戶部員外郎知雜事雷德驥乘傳往鞠之，繼動具伏，自開寶六年四月至太平興國二年二月，手所殺婢百餘人，乃斬繼動，洛陽市及爲殯市子女者女僮八人，男子三人，長壽寺僧廣惠常與繼動同食，人肉令折其脛而斬之，洛民稱快。其後家寓西洛，孫惟德不肖，不能自立，丐食以給，真宗聞而憫之，授惟德汝州司士參軍。

劉知信，字至誠，邢州人。父暹，晉天福末鳳翔帳前軍使，改滑州奉國軍校，從驍將皇甫暉禦邊有功，早卒。母即昭憲太后之妹也。乾德初，封京兆郡太君。六年，進本郡太夫人。開寶三年十月卒。太祖廢朝發哀，追封齊國太夫人，陪葬安陵，贈遷太保。知信三歲而孤，宣祖憐其敏慧，建隆三年，起家授供奉官，丁內艱，轉六宅副使。開寶五年，遷軍器庫使，掌武德司。六年，領錦州刺史，屬郊祀西洛，爲行宮使，駐洛中，又爲西京武德皇城宮苑等使，車駕出郊，又充大內留守。太宗即位，進領本州團練使，拜武德使，從征河東，又爲行宮使。太平興國五年，坐遣親信市竹木於秦隴，矯制免所過算緡，入官多取其直，左授軍器庫使，領錦州刺史。俄復爲武德使，會改武德爲皇城司，卽爲皇城使。七年，坐秦王廷美事，改右衛將軍。是秋，出爲靜難軍節度行軍司馬。九年，起爲左衛將軍，領營州刺史。雍熙初，改左神武軍將軍，尋領檀州團練使，護屯兵于鎮州，會大舉北伐，與六宅使符昭壽爲押陣都監，師還，諸將失道，知信獨整所部以歸，俄知定州，兼兵馬鈐轄，押大陣右偏。一日宴犒將士，契丹騎乘間至，知信不介而出，追之數十里，斬獲甚衆，以功就拜邕州觀察使。四年，召入改并州路副都部署，端拱中，代還，知杭州。淳化四年，又知天雄軍府。太宗崩，充脩奉永熙陵部署，咸平初，拜建武軍節度觀察，留後知永平軍府，契丹犯邊，復知天雄軍，真宗北巡，充駕前副都部署，歷知河陽昇州。景德元年，車駕幸澶淵，命爲東京都巡檢使，復知定州。二年，以疾求還京，至鎮州卒。年六十三。廢朝，贈太尉，天平軍節度，知信以戚里致貴，尤被親任，中外踐歷，最爲舊故，雖無顯赫稱，亦以循謹聞于時。子承宗，承

承宗幼善射，兼習書數，以蔭補殿直，寄班祇候。咸平初，轉供奉官，鎮定高陽關三路，承受公事，還掌軍器庫，會真宗臨幸，見其整肅，面授閣門祇候，知信卒，轉內殿崇班，未幾，爲河北緣邊安撫都監，大中祥符初，就加內殿承制，歷如京文思二副使，徙河東緣邊安撫，又知保州，俄拜東染院使，知定州，副薛瑛使契丹，使還，歸本任，又兼鎮定路兵馬鈐轄，俄改宮苑使，知雄州，河北緣邊安撫使，在郡有治迹，詔書嘉獎，召歸時，靈昌決河初塞，擇守臣，以承宗爲皇城使，知滑州，未幾，復代還，會西邊言吐蕃哨廝囉作文法，頗爲邊患，命副龍圖閣直學士陳堯咨爲鄜延邠寧環慶涇原儀渭秦州路巡撫使，詔令堯咨等所至軍州，犒官吏將校，諮訪民間利害，郡官使臣能否，功過以聞，或有陳訴屈抑，經轉運提點司區斷不當，卽按鞫詰實，杖以下依法區理，徒以上驛聞，仍取繫囚躬親錄問，催促論決，既行，就命堯咨知秦州，承宗爲西上閣門使，充鈐轄，乾興初，進東上閣門使，徙鄜延都鈐轄，而卒，中使護柩至京，師賜以葬地，承渥陵補殿直，累任使，喜爲條奏，至供奉官，閣門祇候，承宗子承釗，右侍禁，閣門祇候。劉文裕，字以寧，保州保塞人，祖正晉幽州營田使兼平州刺史，父審奇，武牢關使，開穆皇后，卽文裕祖姑也，審奇三子，長文遠，建隆中爲供奉官，與并人戰，萬善而沒，次卽文裕，開寶四年，起家補殿直，八年，權管雲騎員條直，預討江南中弩矢神色自若，太宗在藩邸，多得親接，太平興國二年，擢爲內弓箭庫副使，特封其母張氏清河縣太君，出爲秦隴巡檢，有李飛雄者，太保致仕，錄之，孫秦州節度判官若愚之子，性兇險，不爲其家所容，常往來京師，頗博聞，與無賴惡少游處，縱酒蒲博爲務，以其父故，盡知秦州倉庫所積及地形險易，兵籍多少，又有妻父張季英爲鳳翔蓋屋尉，飛雄自京師往省之，因乘季英馬，詐爲使者，夜抵殿，置呼卒索馬，卒乘炬出迎，飛雄以私市馬，纓示之，卒不能辨，卽授以馬一，卒乘一馬前導，以巡邊爲名，因矯詔率巡驛殿直姚承遂至隴州，率監軍供奉官王守定，至吳山縣，率縣尉盧贊皆從行，先是秦州內屬羌人爲寇，朝廷遣周承瑋，田仁朗，王侁，梁崇贊，韋翰，馬知節，及文裕，領兵屯清水縣，飛雄至，稱制盡縛之，承瑋等見姚承遂數輩同至，不覺其詐，仁朗獨號泣求詔書，飛雄叱之曰：

我受密旨以苦蠶逗撓不用命令盡誅汝豈不聞封州殺李鶴邪詔書汝豈得見先是上即位分命親信於諸道廉官吏善惡密以聞嶺南使者言封州李鶴不奉法誣奏軍吏謀反詔即誅之故飛雄引以為言將械承璫等詣秦州戮之因據城叛遂驅承璫等行初飛雄詐宣制時自言我上南府時親吏文裕因哀告飛雄曰我亦書依晉邸使者豈不營救之乎飛雄低語謂文裕曰爾能與我同富貴否文裕覺其詐偽許之飛雄即命左右釋文裕縛文裕策馬前附耳語仁朗仁朗伴墜馬若卒中風狀狀飛雄共前視之又釋其縛仁朗奮起揮飛雄與文裕共擒之飛雄尚呼云田仁朗等謀反殺使者送秦州獄鞠得實飛雄承遂守定贊坐要斬夷飛雄家捕先與飛雄善者何大舉等數輩悉棄市殿置卒亦夷其族因下詔中外臣庶之家子弟或有乖檢甚為鄉黨所知雖加戒勸曾不悛改者並許本家尊長具名聞州縣遣吏錮送闕下當配隸諸處敢有藏匿不以名聞者異時醜狀彰露眷功以上悉以其罪罪之文裕後遷軍器庫使四年軍駕征太原命文裕與通事舍人王侁分兵控石橫關六年領儒州刺史明年為高陽關都監會契丹萬餘騎入文裕與大將崔彥進擊卻之雍熙初徙屯三交加領順州團練使會李繼遷率折遇也寇邊初詔田仁朗與王侁等討之仁朗坐逗遛命文裕代仁朗繼遷等遁去從潘美北征坐陷失驍將楊業削籍配隸登州事具業傳歲餘上知業之陷由王侁召文裕還俄起為右領軍衛大將軍領端州團練使封其母清河郡太夫人賜翠冠霞帔授其弟文質殿直躡月文裕遷容州觀察使出為鎮州兵馬部署端拱元年卒於屯所年四十五上甚悼惜贈寧遠軍節度命使護喪歸葬京師第文畫至供奉官閣門祇候文質至內園使連州刺史

劉美字世濟并州人四世祖質絳州刺史會祖維嶽不仕祖延慶右驍衛將軍父通宋初掌禁旅從潘美征廣南又累戰北面積勞至虎捷都指揮使領嘉州刺史太平興國中扈蹕太原卒于師贈穎州防禦使長女為真宗德妃加贈定國軍節度兼侍中大中祥符五年德妃正位中宮又贈維嶽忠正軍節度檢校太傅延慶彰德軍節度檢校太尉通宋興軍節度兼中書令追封會祖母宋氏

吳國太夫人祖母河南縣君元氏許國太夫人母龐氏徐國太夫人初通之卒空京城西天禧二年詔贈太師尚書令諡武懿七月遣昇王府諮議參軍張士遜具鹵簿鼓吹改葬于祥符鄧公原皇后親臨奠真宗御製祭文置靈坐右美即后之兄也初事真宗于藩邸以謹力被親信即位補三班奉職再遷右侍禁咸平中傳潛失律流房州擇美監軍及徙潛穎州又為自京至陳穎巡檢石保吉在陳州大治屏舍修城壁不以聞僮奴輩假威擾民會有言者遣美廉其狀美曰保吉世受國恩擁高賞列藩閫管繕過度拙於檢下誠或有之自餘保無他患上意乃解歸朝充閤門祇候大中祥符二年護屯兵于漢州歷遷供奉官徙嘉州士卒有病皆給醫藥親察視撫循之召還改內殿崇班提點在京倉場東西八作司以舉職聞遷洛苑副使八年預修大內以勞改南作坊使同勾當皇城司天禧初遷洛苑使領勤州刺史與周懷政聯職懷政姦恣美未嘗阿附懷政左右有過必痛繩之親從卒偵邏者多不時更易美按籍分番次均使焉上屢欲委之兵柄以皇后懇讓故中輟者數四三年授龍神衛四廂都指揮使領昭州防禦使改侍衛馬軍都虞候五年加武勝軍節度觀察留後卒年六十廢朝三日贈太尉昭德軍節度錄其子從德供備庫使從廣內殿崇班旁親遷補者數人追封美亡妻宋氏河內郡夫人仁宗嗣位尊皇后為皇太后贈維嶽鎮寧軍節度兼侍中延慶建雄軍節度兼中書令通彭城郡王會祖母宋氏陳國太夫人祖母元氏衛國太夫人母龐氏鄆國太夫人美亦贈侍中天聖二年郊祀加贈維嶽彰信軍節度兼中書令延慶鎮安軍節度兼中書令通鄭王宋氏楚國太夫人元氏韓國太夫人龐氏魏國太夫人五年再郊又贈維嶽天平軍節度中書令兼尚書令延慶彰化軍節度許國公通開府儀同三司魏王宋氏安國太夫人元氏齊國太夫人龐氏晉國太夫人

從德和州刺史從廣內殿承制有難知進者即通之友增也亦贈衛尉卿其妻追封南安郡君從德子復本父美卒年十四自殿直遷至供奉官副使第從廣是歲始生亦補西頭供奉官遷內殿崇班太后臨朝從德以崇儀使真拜恩州刺史改和州又遷蔡州團練使出知衛州改恩州兵馬都總管知相州從德齒

少無才能，特以外家故恩寵無比。其在衛州，縣吏李熙輔者，善事從德，乃薦其才於朝。太后喜曰：兒能薦士，知所以爲政矣。卽擢熙輔京官，從事鄭隱因緣從德，亦擢美官。從德妻嘉州王蒙正女也，蒙正家豪右，以厚賂結納至郎官，爲郡守。旣而從德病，召還，道卒。年二十四，贈保寧軍節度使，封榮國公，諡康懷。太后悲憐之，尤甚。錄內外姻戚門人及僮隸數十人，從德娣堉龍圖閣直學士馬季良、母越國夫人錢氏、兄惟演、子集賢校理暖及蒙正，皆遷二官。尙書屯田員外郎戴融嘗佐從德衛州，以爲三司度支判官，御史曹偆古楊偁郭勣推直官段少連，上疏論之，皆坐貶。子承年。

從廣字景元，少出入禁中，侍仁宗左右。太后愛之，如家人子。太后崩，真拜崇州團練使，娶荆王元儼女，爲滁州防禦使。時年十七，趙元昊反，從廣自言待罪行間，不能扞患疆場，坐耗縣官，願上所給公使錢，帝嘉納之，爲羣牧都監，改副使。從廣自爲防禦使，十年不遷，特拜宣州觀察使，同勾當三班院，請補外自效。以知洛州，漳水溢，從廣穿隋故渠以殺水勢，洛人便之。徙邢州，籍鄉軍之罷老者聽引子弟自代，著爲令。召還，復領三班院，出知襄州，徙真定府，路馬步軍副都總管。卒，贈昭慶軍節度使，諡良惠。從廣性謹飭，然喜交士大夫，時頗稱之。

承年字君錫，生四歲，授內殿崇班，許出入兩宮。仁宗使賦小山詩，有一柱擎天之語，帝誤投金杯瑤津亭下，戲謂左右曰：能取之乎？承年一躍持之而出。帝拊其首曰：奇童子也。常置內中，年十二始聽出外。累遷廉州團練使，爲陝州都監。郭勣山等爲盜，承年密遣壯士夜渡河，殺其凶桀二十餘人，衆遂散。遷鈐轄，代還，召見，問破賊狀，擢幹辦皇城司，改單州團練使。承年與軍路總管契丹遣使來請，帝繪像，選副張昇報使，契丹以未得志，夜取巨石塞驛門，衆皆恐。承年素有力量，手擲棄之，契丹驚以爲神。出知涇州，帝賜詩寵之。郡兵歲以香藥爲折支，三司不時輦致，振武卒素驕，突入通判聽事，請以他物代給，謹諱語不遜。承年召至庭下，數其罪，斬爲首二人，餘不敢動。同提舉在京諸司庫務，凡三除防禦使，皆爲言者所論而寢。知代州，契丹取西山木積十餘里，輦載相屬於路，前守不敢遏，承年遣人焚之一夕盡。上其事，帝稱善。契丹移檄捕縱火盜，承年曰：盜固

有罪，然發在我境，何預汝事？乃不敢復言。帝嘗問禦戎策，對合旨。書忠孝字，以賜。英宗立，遷沂州防禦使，復知代州。歷步軍馬軍殿前都虞候，太原定州路副都總管，王師征安南，承年請先士卒度富良江，取賦以獻，不許。遷邕州觀察使，步軍副都指揮使，卒，贈崇信軍節度使，諡曰莊恪。

馬季良字元之，開封府尉氏人。家本茶商，娶劉美女，初補越州上虞尉，改秘書省校書郎，知明州鄞縣，入爲刑部詳覆官。太后臨朝，遷光祿寺丞，頃之，擢祕閣校理，同判太常禮院，再遷太子中允，判三司度支勾院，以太常丞直史館，提舉在京諸司庫務，擢龍圖閣待制，三丞充近職，非故事也。遷尙書工部員外郎，龍圖閣直學士，同知審官院，劉從德卒，遺表季良遷二官，辭不就，而請以其子直方爲館閣讀書。會江南旱，出爲安撫使，再遷兵部郎中，太后崩，換濠州防禦使，赴本州，御史中丞范諷言季良微，得官降屯衛將軍，濠州安置，開封府劾奏季良冒立券，此古富民劉守謙免戶役，詔許季良自陳，以地給還，歲餘，徙壽州，致仕還京師。卒，季良因緣以進，無他行能，在禮院嘗建言攝祠事，官致齋三日，無供帳飲食，非所以重祠事也。自是翰林儀鸞司供帳，大官給食於祠所云。

郭崇仁字承年，守文之子。章穆皇后弟也。淳化四年，補左班殿直，遷東頭供奉官，閤門祇候。契丹入寇，齋密詔諭河北諸將，還奏稱旨，累遷崇儀副使，兼閤門通事舍人。章穆崩，特除莊宅使，康州刺史，再遷宮苑使，昭州團練使。丁母憂起，復雲麾將軍，拜解州團練使，改蔡州，擢捧日天武四廂都指揮使，賓州防禦使，高陽關路馬步軍副都總管，以疾落軍職，改磁州防禦使，卒，贈彰德軍節度觀察。留後崇仁雖外戚，朝廷未嘗過推恩澤，其爲解州團練使，十年不遷，嘗除知相衛二州，皆辭不行，蓋性慎靜，不樂外官也。

楊景宗字正臣，章惠皇太后從父弟，少博通無賴，客京師，以罪黜，隸致遠務，章惠入宮爲美人，奏補茶酒班殿侍，累遷西頭供奉官，閤門祇候，坐事降左侍禁。鄆州兵馬都監，未久復官，累遷東染院副使，章惠爲太后，進崇儀使，領運州刺史，揚州兵馬鈐轄，未幾授秦州刺史，徙滑州鈐轄，遷舒州團練使，爲兵馬總管，章惠崩，遷成州防禦使，坐入臨皇儀殿被酒，謹讓出爲兗州總管，改天雄軍副

都總管時呂夷簡守魏常以官屬禮防戒之而景宗肆志不悛遂以不法奏貶齊州都監徙衛州又徙鄆州鈐轄召還同勾當景靈宮提舉四園苑章獻章懿二后升祔太廟帝念章惠故特拜景宗徐州觀察使給留後奉逾年領軍頭引見司出知磁州為建寧軍節度觀察留後知潞州給留後使奉領皇城司坐衛士入禁中謀為亂貶徐州觀察使知濟州還提舉萬壽觀復建寧軍留後復領軍頭引見又坐從卒王安挾刃入皇城請左監門衛大將軍均州安置起為汝州鈐轄祀明堂章恩願還所改官求為郡帝謂輔臣曰景宗性貪虐老而益甚郡不可予也乃復以為建寧軍留後提舉四園苑改提舉在京諸司庫務卒贈安武軍節度使兼太尉諡莊定景宗起徒中以外戚故至顯官然暴戾所至為人患復使酒任氣在滑州嘗毆通判王述仆地帝深戒毋飲酒景宗雖書其戒坐右頃之輒復醉其奉賜亦隨費無餘始宰相丁謂方感築第教坊景宗為役卒負土第中後謂敗仁宗以其第賜景宗居三十年乃終

符惟忠字正臣彥卿曾孫也以外祖母賢靖大長公主廕為三班奉職後擢閤門通事舍人勾當東排岸司三司使寇賊繩下急漕米數不足綱吏卒率論以自盜惟忠爭曰在法欠不滿四百者不坐若以自盜論則計直八百即當坐徒矣賊怒曰敢抗三司使邪惟忠曰職有當辨非抗也賊益怒惟忠爭愈力如所議乃已以西染院副使權提舉倉草場提點開封府界縣鎮公事開封主簿樂誥宰相王曾外孫也或風使薦之惟忠不從曰誥無善狀安可以勢使我既而誥果以贓敗時吳奎為長垣尉惟忠厚遇奎白府共薦之惠民河與刁河合流歲多決盜害民田惟忠自宋樓鎮碾磨橫隴村置二斗門殺水勢以接鄭河圭河自是無復有水害陝西用兵除涇原路兵馬鈐轄兼知涇州三司使鄭戩奏留都大管勾汴河使建議以為渠有廣狹若水闊而行緩則沙伏而不利於舟請即其廣處東以木岸三司以為不便後卒用其議再遷西上閤門副使契丹遣使求地惟忠副富弼往報使還閤門使至武彊縣疽發背卒贈客省使眉州防禦使

柴宗慶字天祐大名人祖禹錫鎮寧軍節度使父宗亮太子中舍宗慶尚太宗

女魯國長公主升其行為馮錫子拜左衛將軍駙馬都尉領恩州刺史馮錫卒真拜康州防禦使改復州舊制諸公主宅皆雜買務市物宗慶遣家僮自外州市炭所過免算至則盡鬻之復市於務中自是詔雜買務罷公主宅所市物從祀汾陰為行宮四面都巡檢進泉州管內觀察使又自言陝西市材木至京師求獨所過稅真宗曰向論汝毋私販以奪民利今復爾邪既而河東提點刑獄劾宗慶私使人市馬不輸稅貸不問授武勝軍節度觀察留後歷拜彰德軍節度使仁宗即位徙靜難軍又徙承清彰德軍拜同中書門下平章事徙節武成軍出知澶州未行改陝州潞州後判鄭州以縱部曲擾民召還奉朝請歲減公用錢四百萬久之出判濟州用御史中丞賈昌朝言留不遣盡停本使公使錢卒贈中書令諡曰榮密主累封楚國大長公主先宗慶沒宗慶歷官多過失性極貪鄙積財鉅萬而薄於自奉甚至優人以為戲宗慶雖知莫能改也無子及終願以貲產送官仁宗以其女尚幼不許人謂宗慶選尚榮貴逾四十年晚上積奉以裨軍用蓋亦追補前過云

張堯佐字希元河南永安人温成皇后世父也舉進士歷澶州筠州推官吉州有道士與商人夜飲商人暴死道士懼而遁為邏者所獲捕繫百餘人轉運使命堯佐覆治盡得其寃改大理寺丞知汜水縣遷殿中丞知犀浦縣犀浦地狹民繁多田訟堯佐正其疆界條衆敵以曉之訟遂簡知開州還判登聞鼓院時温成方為脩緩欲以門閤自表異故堯佐稍進用權開封府推官又提點府界公事諫官余靖言用堯佐不宜太遽頃者郭后之禍起於楊尙不可不監未幾遷三司戶部判官又為副使擢天章閣待制吏部流內銓累遷兵部郎中權知開封府加龍圖閣直學士遷給事中端明殿學士拜三司使明年諫官包拯陳升之吳奎言比年以來水冒城郭地震河溢蓋小人道惑天下皆謂堯佐主大計諸路困於誅求內帑煩於借助法制刑劾實自堯佐臣等竊惟親昵之私聖人不免惟處之有道使不踐危機斯為得矣仁宗祀明堂改戶部侍郎尋拜准康軍節度使羣牧制置使宣徽南院使景靈宮使賜二子進士出身拯等復言陛下即位僅三十年未有失道敗德之事乃五六年來擢用堯佐羣口竊議以

謂其過不在陛下。在女謁近習與執政大臣也。蓋女謁近習知陛下繼嗣未立，既有所私，莫不潛有趨向。執政大臣不能規諫，乃從諛順旨。高官要職，惟恐堯佐不滿其意，致陷陛下於私昵。後宮之過，制下之日，陽精晦塞，氛霧蒙宇，宜斷以大義，亟命追寢，必不得已，宜徵節度，擇與一焉。如此則合天意，順人情矣。御史中丞王舉正留百官班，欲廷議，不許。乃詔曰：「近臺諫官乞罷堯佐三司，及言不可用爲執政者，優與之官，於禮爲尊。朕用其言，遂有是命。今復以爲不可，前後反覆，於法當黜。」其令中書戒諭之。自今言事官相率上殿，先取旨。是日堯佐辭宣徽景贇使，從之。未幾，復以宣徽使判河陽。舉正又抗章論之。至于三時，吳育判西京留臺，河陽民訟有不決者，多詣育。育於狀尾判曲直，堯佐畏恐，即奉行之。召環徙鎮天平軍，卒。贈太師，賜其家餼，舍錢日三千。堯佐起寒士，持身謹畏，頗通吏治，曉法律，以戚里進，遽至崇顯，戀嬖恩寵，爲世所鄙。子山甫，引進副使，樞密副都承旨。從弟堯封，孝謹好學，舉進士爲石州推官，卒。次女，卽溫成皇后也。累贈至中書令、清河郡王。謚曰景思。

宋史卷四百六十三

宋史卷四百六十四

元中書右丞相總裁脫脫等修

列傳二百二十三

外戚中

王貽永 李昭亮

李用和 子璋璋珣

李遵岳 子端端端端端端

曹份 從弟

高遵裕 弟遵惠從姪士林

向傳範 從姪經經經經

張敦禮

任澤

王貽永字季長溥之孫也性清慎寡言頗通書不好聲妓初生十餘歲時其舅

魏咸信見而奇之曰後當類我咸乎中尙鄒國公主授右衛將軍駙馬都尉從

封泰山領高州刺史再遷右監門衛大將軍契州團練使求外補得知單州真

宗戒之曰和衆靜治卿所當先也真拜洛州團練使徙徐州河決滑州徐大水

貽永作隄城南以禦之改衛州團練使進懷州防禦使知澶定二州徙成德軍

會有告曹汭變者貽永奏治之遷耀州觀察使復知澶州歷彰化武定軍節度

使觀察留後拜安德軍節度使出知天雄軍徙保寧軍節度使知鄆州州自咸

平中徙城而故治爲通衢介梁山春夏多水患貽永相度地勢爲築東西道三

十餘里民便之復徙定州又徙成德軍權同知樞密院事改副使加宣徽南院

使進樞密院使久之拜同中書門下平章事遂加兼侍中徙節鎮海以疾求罷

手詔撫諭遣上醫診視帝臨問頒方珍藥手取糜粥食之貽永自言寵祿過

咸願罷樞筭解使相還第帝冀其愈也乃聽罷侍中徙彰德節度使同平章事

樞密使如故疾稍間入見命其子道卿掖登垂拱殿仍賜五日一朝遇朝參起

居許休於殿側至和初復以疾辭拜尙書右僕射檢校太師兼侍中景靈宮使

卒贈太師中書令謚康靖當時無外姻輔政者貽永能遠權勢在樞密十五年

迄無過失人稱其謙靜子道卿西上閣門使

李昭亮字晦之明德太后兄繼隆子也四歲補東頭供奉官許出入禁中繼隆

北征契丹遣昭亮持詔軍中問方略及營陣衆寡之勢昭亮年雖少還奏稱旨

累遷西上閣門使出爲潞州兵馬鈐轄徙領麟府路軍馬事尋爲管勾軍頭引

見司兼三司衙司軍士有逃死而冒請官廩者數百人昭亮按發之領高州刺

史知代州以四方館使復領麟府路軍馬事遷引進使領賀州團練使歷知瀛

定二州成州團練使寧州防禦使延州觀察使成德軍節度觀察留後擢殿前

都虞候秦鳳路馬步軍副都總管經略招討副使徙永興路馬步軍副都指揮

使并代州路副都總管安撫招討副使未幾守代州再徙真定路都總管保州

兵叛殺官吏詔遣王果招降之叛者乘埤呼曰得李步軍來我降矣於是遣昭

亮昭亮從輕騎數十人不持甲盾弓矢叩城門呼城上曰爾輩第來降我保其

無虞也不爾幾無噍類矣卒稍稍絀城下明日相率開城門降改淮康軍節度

觀察留後復知定州敕使存勞賜黃金三百兩給節度使奉以襄其功都轉運

使歐陽脩言昭亮入保州以叛卒女口分隸諸軍有輒私入其家者置不問明

年拜武寧軍節度使代李用和爲殿前副都指揮使時承平久將士多因循樂

縱弛昭亮本將家子雖以恩澤進然習軍中事既統宿衛政尙嚴多所建議萬

勝龍猛軍稍博爭勝負徹屋椽相擊士皆惶駭昭亮捕斬之杖其主者諸軍爲

之股慄帝祀南郊有騎卒士所挾弓會赦當釋去昭亮曰宿衛不謹不可貸卒

配隸下軍禁兵自是頓肅以宣徽北院使判河陽徙延州以南院使判澶州徙

并州成德軍拜同中書門下平章事判大名府仁宗以塗金紋羅書曰李昭亮

親賢勳舊命其子惟賢持以賜徙定州改天平彰信泰寧軍節度使在定州數

言老疾不任邊事願還京師乃以爲景靈宮使又改昭德軍節度使卒贈中書

令謚良偉昭亮爲人和易練習近事於吏治頗通敏善委任僚佐以故數更藩

鎮無他過昭亮妻早亡內嬖三妾迭預家政莫能制也子惟賢字寶臣以父蔭

爲三班奉職後爲閣門祇候通事舍人累遷西上閣門使尋領高州刺史知莫

州州倉粟陳腐戍兵大譟弗肯受州人皆悉惟賢馳往諭曰邊兵衆則積粟多

廩數多且積久能無陳腐乎欲盡取新則陳者何所歸遂斬首惡一人流十人

軍中帖然召遷提舉諸司庫務領榮州團練使知冀州會遷補禁軍自隸籍後

犯贓汚者皆緹爲下軍惟賢曰武士何可責以廉節且抵罪在昔今不可以新

愛之。

李用和字審禮，章懿皇太后弟也。少窮困，居京師，鬻紙錢為業。劉美求用和於民間，奏為三班奉職，累遷右侍禁，閤門祇候，權提點在京倉草場，考城縣兵馬都監。太后崩，詔赴喪，既葬，遷禮賓副使，領八作司，遷禮賓使，同領皇城司，遷崇儀使，賀州刺史，改葬太后于永安，領捧日天武兵護梓宮。明年春，又詔乘傳行太后陵，還授寧州刺史。歷遷澤州團練，慶州防禦，鄜州觀察使，既而擢殿前都虞候，鄜延路馬步軍副都總管，未行，拜永清軍節度觀察，留後，改真定府定州路，舊制刺史以上，所賜公使錢得私人，而用和悉用為軍費，歷侍衛親軍步軍馬軍副都指揮使，拜建武軍節度使，殿前副都指揮使，以老乞罷軍職，拜宣徽北院使，逾月，改彰信軍節度使，同中書門下平章事，景靈宮使，以疾告，仁宗臨問，賜銀飾肩輿，進兼侍中，初未有居第，詔寓館芳林園，用和固辭，又假以惠寧坊之官第，病革，帝入見臥內，擢其次子珣為閤門使，賜所居第，并日給官舍餼錢五千，既卒，帝哭之慟，贈太師，中書令，龍西郡王，輟朝五日，制服禁中，諡恭僖。帝撰神道碑，書曰：親賢之碑，其妻卒，亦輟朝成服。初，仁宗以太后不逮養，故外家寡寵，特厚用和列位將相，能小心靜默，推遠權勢，論者以此稱之。子璋。

璋字公明，以章懿皇后恩，補三班借職，積官為天平軍節度觀察，留後，知澶州，護塞商胡，會河漲，訛言水且至，璋據聽事自若，人心乃安。河亦不溢，徙曹州觀察，使累遷武勝軍節度使，殿前都指揮使，仁宗書忠孝李璋字，并祕書賜之。宴近臣羣玉殿，酒半，命大盞二，飲韓琦及璋，如有所屬，帝執，欲增京城甲士，璋曰：例出累代，不宜輒易，時禁衛相告乾與故事，內給食物中有金，既而果賜食，眾視食中，璋曰：天子未臨政，已優賞汝，何功復云云。敢誼者斬，眾乃定。以武成軍節度使知鄆州，京東盜白日殺縣令，略人道中，璋信賞罰，擒捕盜為衰止。歲大雨，水競以船筏邀利，多溺死者，璋一切籍之約，所勝載如黃河法，發卒城州，西關調夫修路數十里，夾道植柳，人指為李公柳，知鄆州坐失舉，改節振武軍，知鄆州，還朝，道卒，年五十三，贈太尉，諡曰良惠，第璋珣。

璋選尚克國公主，積官濮州團練使，以樸陋與主不協，所生母又忤主意，主入

訴禁中，璋皇恐，自劾坐罰金，後數年終不協，主還宮，璋自安州觀察使降建州，落駙馬都尉，知衛州，未幾，主徙封岐國，復璋都尉，主薨，以奉主上狀，貶郴州團練使，陳州安置，遇赦還京師，至建武軍節度使，檢校太師，卒，哲宗臨奠，哭之，贈太師，中書令。

珣字公粹，以蔭為閤門祇候，時兄璋為閤門副使，珣又求通事舍人，仁宗曰：爵賞所以與天下共也，儻盡用親戚，何以待勳舊乎？後一年乃念之，車駕視用和疾，自西上，閤門副使累遷均州防禦使，知相州，賜御製詩，飛白字，寵其行未幾，遷相州觀察使，時劉永年亦同除官，知制誥楊敞，以為不可開僥倖之門，詔他舍人草制，御史范鎮復論之，命遂寢，使契丹，預釣魚會獲多，契丹遺以金器，使還，悉上之，更賜黃金及李珣忠孝字，熙寧中，遷宣州觀察使，知相州，哲宗初，進泰寧軍留後，提舉萬壽觀，故事，正任遇軍恩，止移鎮，唯宗室乃遷官，至是珣與李端愨皆特遷，戚里一軍恩，遷官自此始，復知相州，卒，年七十四。

李遵勗字公武，崇矩孫，繼昌子也，生數歲，相者曰：是當以姻戚貴，少學騎射，馳冰雪間，馬逸墜崖下，眾以為死，遵勗徐起，亡恙也，及長，好為文詞，舉進士，大中祥符間，召對便殿，尚萬壽長公主，初名煬，帝益遵字，升其行為崇矩子，授左龍

武軍駙馬都尉，賜第永寧里，主下嫁，而所居堂，或瓦甍多為鸞鳳狀，遵勗令鑄去，主服有龍飾，悉屏藏之，帝數喜，領澄州刺史，坐私主乳母，謫均州團練使，徙蔡州，踰年，起為太子左衛率府副率，復左龍武軍將軍，領宏州團練使，真拜

康州團練使，給觀察使祿，時繼昌官刺史，遵勗請班其下，許之，後繼昌守涇州，暴感風眩，遵勗馳省不佞命，帝遣使令乘驛赴之，既還，上表自劾，帝使輔臣慰

諭之，遷澤州防禦使，又遷宣州觀察使，求補郡，自試，出知澶州，賜宴長春殿，在郡會河水溢，將壞浮梁，遵勗督工徒，七日而堤成，遷昭德軍節度觀察，留後，拜

寧國軍節度使，徙鎮國軍，知許州，水軍多不練習，而隸籍，遵勗命部校按劾，拔去十七八，復以疾請，援唐韋嗣立故事，求山林，詔不許，初，天聖間，章獻太后

屏左右，問曰：人有何言，遵勗不答，太后固問之，遵勗曰：臣無他聞，但人言天子

既冠，太后宜以時還政，太后曰：我非戀此，但帝少內侍多，恐未能制之也，嘗上

三說五事以輪時政。晉國夫人林氏以太后乳母多干預國事。太后威運秘密請置之別院。出入伺察之。以厭服衆論。其補助居多。類此所居第園池冠京城。嗜奇石。募人載送。有自千里至者。構堂引水。環以佳木。延一時名士大夫與宴。樂師楊億爲文。億卒。爲制服。及知許州。莫億之墓。慟哭而返。又與劉筠相友善。筠卒。存恤其家。通釋氏學。將死。與浮圖楚圓爲偈頌。卒。贈中書令。諡曰和文。有問宴集二十卷。外管芳題七卷。子端懿。

端懿字元伯。性和厚。喜問學。頗通陰陽醫術。星經地理之學。七歲授如京副使。侍真宗東宮。尤所親愛。嘗解方玉帶。賜之。稍長。出入宮禁。如家人。七遷濟州防禦使。爲羣牧副使。杜衍爲樞密。擇外戚子弟試外官。迺以端懿知冀州。爲政循法度。民愛其不擾。轉運使移州捕妖人李教。教已死。恩州王則據城叛。人有言教不死。在賊軍中。遂降單州。團練使知均州。改滑州兵馬鈐轄。賊平。實無李教者。乃以爲汝州防禦使。提舉在京諸司庫務。遷蔡州觀察使。同勾當三班院。從華州觀察使。以母喪起復。爲鎮國軍節度觀察。留後。願終制。許之。仍給全奉。服除。提舉集禧觀。出知鄆州。兼京東西路安撫使。是歲京東水。民多饑。大發倉廩以賑之。置弓手局。教以戰鬪。遂如精兵。治汶陽堤百餘里。以却水患。民便之。尋除寧遠軍節度使。知澶州。御史中丞韓絳奏。端懿無功。不當得旌節。不拜。以留後赴澶州。數月卒。訃聞。帝方宴禁中。爲徹樂。贈其家黃金三百兩。贈感德軍節度使。諡良定。再贈兼侍中。端懿能自刻厲。聞善士傾身下之。以故士大夫與之遊。甚得名譽。第端愿。

端愿字公謹。以穆獻公主恩。七歲授如京副使。四遷爲恩州團練使。仁宗以歲旱。御使殿廬。囚放宮女。端愿上疏。謂縱釋有罪。小人之幸。放宮女爲宦者。專制反失所歸。何以弭災變。累進邢州觀察使。鎮東軍留後。知襄鄆二州。本路轉運使。獻羨財數十萬。被賞。端愿言。常賦三折。其民不堪。卽上其事。帝怒。奪轉運使。賞。申折變之禁。移盧州。富弼謂曰。肥上之政。何以減於襄陽。端愿曰。被官喜事。飾廚傳以千名。則譽者至。更事既久。知抑豪彊。制猾吏。故毀隨之。弼深然其言。英宗初。同提舉在京諸司庫務。帝以疾拱默。端愿求對。進曰。陛下當躬攬權綱。

以保人心。不宜還託。失天下望。拜武康軍節度使。知相州。請歸。除贈東觀使。神宗卽位。遣使就其家。錄取異時章奏。賜詔褒之。河東城囉兀。端愿手寫趙普諫。太宗北伐。疏以聞。連年請老。以太子少保致仕。凡大禮成。賜金帶器幣。品數視執政。哲宗嗣位。進太子太保。欽聖皇后以甥舅之故。嘗幸其第。致禮於獻穆祠堂。命近侍掖端愿勿拜。元祐六年卒。帝輟朝臨奠。贈典加等。贈開府儀同三司。弟端懿。子評。

端懿字守道。官左藏庫使。執獻穆喪。辭起復。詔特給奉。累遷東上閣門使。幹辦三班院。嘗侍宴羣玉殿。仁宗獨賜珠花飛白字。寵顧特異。知邢冀衛三州。至蔡州觀察使。元祐中。以安德軍留後卒。贈昭德軍節度使。諡曰恭敏。兄端懿在嘉祐時。嘗密請建儲人無知者。卒於澶淵。端懿走護其喪。以歸。元豐間。因進對袖舊囊上之。神宗歎曰。近世之賢戚也。由是端懿之名益著。

評字持正。由東頭供奉官入選皇城使。以父告老。授西上閣門使。爲樞密都承旨。出使陝西河東。還言鄜延之人。皆謂城囉兀非便。乞速毀撤。解一路之患。師出安南。調兵及河東。又言王師南征而取卒於西北。使蠻聞之。得以窺我。所論事頗多。或見施行。然天資刻薄。招權不忌。多布耳目。采聽外事。自效以爲忠。僉倖進用。中外及目。以榮州刺史出知穎州。還幹當三班院。副韓縝報聘契丹。且分畫河東地界。凡二年。乃決。賜袍帶金帛。以賞勞。進成州團練使。知蔡州。卒年五十二。贈冀州觀察使。賜白金千兩。評少涉書傳。嘗以公主遺奏。召試學士院。改殿中丞。意不滿。辭之。後二年。再召試。復止。遷一官。愈不悅。至上書辨論。及卒。人無憐者。

曹倫字公伯。韓王彬之孫。慈聖光憲皇后弟也。性和易。美儀度。通音律。善奕射。喜爲詩。自右班殿直。累進殿前都虞候。安化軍留後。言者謂年未四十。毋典軍。出知澶州許三州。徙河陽。以建武軍節度使爲宣徽北院使。知鄆州。改保靜。保平軍節度使。同中書門下平章事。景靈宮使。加兼侍中。封濟陽郡王。神宗每咨訪以政。然退朝終日。語不及公事。帝謂大臣曰。曹王雖用近親。貴而端拱。寡過善自保。真純臣也。進對未嘗名。元豐中以疾告。既愈。入謝。帝曰。舅久不覲。太皇

太后宜少憩內東門朕當自啓已而入歷上下儒釋道五閣大椿蟠桃亭再升殿乃退以護國軍節度使司徒兼中書令爲太一宮使給朱衣雙引騎吏前馬慈聖喪終請郡帝曰時見舅如面慶壽宮奈何欲遠朕得無禮遇有不至乎俯皇恐即城南爲園池給八作兵仗役疏惠民河水灌之且將爲築三百楹第固辭乃止高麗獻玉帶爲秋蘆白鷺紋極精巧詔後苑工以黃金做其製爲帶賜份生日養子如宰相親王用教坊樂工服色衣侑酒以示尊寵哲宗即位加少保坤成節獻壽特綴宰相班優詔減拜卒年七十二贈太師追封沂王從弟僧子評諱

僧字光道少讀書知義以節俠自喜爲許州都監幕客史沆傾險劫持爲不法上下畏之偕從容置酒對客數沆十罪將擊殺之沆起拜謝僧罵曰復不改必殺汝沆爲敘迹累遷東上閣門使帶御器械知雄州議者欲廢塘濼爲田僧曰何承矩李允則營此累年所以限契丹廢之不可進華州防禦使知相州徙河陽總管卒嘗從梅堯臣學詩堯臣稱之爲序其詩

評字公正以父任累官至引進使知審官西院積遷温州防禦使元祐中提舉萬壽觀巧外樞密院白爲真定路鈐轄哲宗曰先帝待慈聖家極厚其以爲總管徽宗即位遷相州觀察使歷龍神衛捧日天武都指揮使殿前都虞候馬步軍副都指揮使寧遠軍留後平海軍節度使佑神觀使使契丹者四館伴者十二在閣門十二年預脩儀制多所增損性喜文史書有楷法慈聖命書屏以奉神宗即賜玉帶旌其能尤善射左右手如一夜或滅燭能中伴契丹使者射嘗雙破的客驚竦在戚里號爲湛厚卒年六十六贈開府儀同三司

誘字公善以蔭至左藏庫副使熙寧中父份以疾告入謝神宗面授誘閣門通事舍人元祐中以東上閣門使爲真定府定州路兵馬鈐轄遷文州刺史使契丹至其宮門館客者下馬邀誘同入誘曰北朝使至及朝堂門兩朝積好久無妄生事卒乘馬入使還爲樞密副都承旨徽宗時進都承旨歷慶州團練恩州防禦晉州觀察使保慶軍留後大觀中進安德軍節度使醴泉觀使與兄評同日拜立雙節堂於家戚里榮之性謹密習熟典故卒年六十五贈開府儀同三

司諍曰忠定

高遵裕字公緯忠武軍節度使瓊之孫也以父任累遷供備庫副使鎮戎軍駐泊都監夏人寇大順城諒祚中矢殫會英宗晏駕遵裕告哀抵宿州下宮夏人遣王盛受命以吉服至遵裕切責之遂易服既而具食上宮語及大順城事盛曰剽掠輩耳遵裕曰若主寇邊扶傷而遁斯言非妄邪夏人以爲辱亟遣人代對終食不敢發口輒忿怒曰王人蔑視下國弊邑雖小控弦十數萬亦能躬執糞穢與君周旋遵裕瞋目曰主上天縱神武毋肆狂蹶以干誅夷時諒祚規於屏間搖手使止神宗聞而嘉之權知保安軍橫山豪欲向化帝使遵裕諭種

諤圖之諤遂取綏州帥怒諤擅發兵欲正軍法諤懼稱得密旨於遵裕故諤被罪遵裕亦降爲乾州都監遷通事舍人主管西路羌部駐古渭峇分所部羌兵爲三等教以軍法熙寧初朝廷用王韶復洮隴命爲秦鳳路沿邊安撫以遵裕副之尋以古渭爲通遠軍命知軍事明年持附順羌部圖籍及繪青唐武勝形勢入獻權引進副使帶御器械俾歸治師師次慶平堡夜行晨至野人關羌人旅拒引親兵一鼓破之進營武勝城下羌衆逃去遂據其城詔建爲鎮洮軍又命知軍事尋以熙河洮岷遠通爲一路進西上閣門使榮州刺史充總管復知通遠軍明年韶欲取河州遵裕曰古謂舉事先建堡砦以漸而進故一舉拔武勝今兵與糧未備一旦越數舍圖人之地使彼阻要害我軍進退無所矣韶與

李憲笑曰君何遽相異邪檄使守臨洮韶攻河州果不克帝善遵裕議令專管洮岷疊巖未款附者遵裕以逾龍珂地有鹽井遂築鹽川砦曠吳叱率諸羌脅青唐欲擾邊詔遣張玉攻討遵裕曰青唐無罪第爲生羌所脅耳遣裨將與龍珂率衆禦之青唐人見龍珂泣訴曠吳叱知不附已潰去從韶取岷州下之令士衆曰生獲老幼與得級同全活者以數萬捷聞加岷州刺史明年羌乘景思

立之敗圍河岷二州道路不通者幾月或請退保遵裕曰敢議此者斬岷城軍缺守者恐遵裕登西門命將縱擊別選精騎繇南門謀而出合擊之羌敗走時朝廷以岷城遠難守議棄之詔至賊已潰矣以功進團練使龍神衛都指揮使知熙州坐薦張穆之爲轉運使而穆之有罪罷知穎州未幾徙慶州又坐事黜

知熙州坐薦張穆之爲轉運使而穆之有罪罷知穎州未幾徙慶州又坐事黜

知淮陽軍元豐四年復知慶州詔與諸路討夏國請濟師得東兵十一將騎不足用以羣牧馬益之又令節制涇原兵劉昌祚先至靈州幾得城運裕嫉之故不用其計遂以續歸諍在昌祚傳貶鄆州團練副使哲宗即位復右屯衛將軍主管中獻廟卒年六十贈永州團練使紹聖中崇贈奉國軍節度觀察留後從弟遵惠

遵惠字子育以蔭爲供奉官熙寧中試經義中選換大理評事歷三班院主簿軍器丞元祐初上疏言法度之張事有當否如先帝所施設未可輕議權太僕少卿上太府卿出知河中府改河北路都轉運使未行拜工部侍郎以集賢殿修撰知鄆州河南穎昌府加寶文閣待制知成德軍召爲戶部侍郎以龍圖閣學士知慶州卒年五十八贈樞密直學士方宣仁后臨朝緝檢族人一以法度乃舉家事付遵惠遵惠躬表率之人無間言亦能遠嫌自保故不罹紹聖之禍從姪士林

士林字才卿宣仁聖烈皇后之弟也累官內殿崇班殿直英宗書謹守法律四字誨之曰能此則爲良吏矣每欲進擢后屢辭輒止喜儒學涉閱經史通大義尤有巧智嘗監揚州召伯廂稅木舊用火印士林改刃其印文鑿以爲識尤簡便傍郡皆效焉卒贈德州刺史神宗立加贈昭德軍節度使紹興初追封晉安郡王子公紀

公紀字君正歷閩門祇候通事舍人累進寧州刺史團練使永州防禦使集慶留後性儉約珍異聲伎無所好奉祿多以給諸族得任子恩均及孤遠持宣仁后喪未終卒贈感德軍節度使諡曰懷傳紹興初追封新與郡王子世則

世則字仲貽幼以恩補左班殿直至內殿崇班復用父遺表恩爲閩門祇候後除親衛郎以通經典轉內殿承制累遷康州防禦使知西上閩門事宣和末金泛使至徽宗命世則掌客世則記問該洽應對有據帝聞悅之自是掌客多命世則金人軍城下又命世則使其軍還進秩二等遷知東上閩門使金遣燕人吳孝民請和孝民遣宰執親王詣軍前講事高宗在康邸請行是日世則入對遂除計議副使以從康王復使河北世則改華州觀察使充參議官召對賜金

帶當高宗艱難中世則嘗在左右寢處不少離大元帥府建改元帥府參議官因請布撤諸路以定人心進遙郡承宣使不拜高宗承制轉越州觀察使及即位除保靜軍承宣使提舉萬壽觀詔令編類元帥府事迹付史館召爲樞密都承旨兼提舉京畿監牧再提舉萬壽觀世則居温州帝遣中使諭守臣以時給奉祿凡積二萬緡因請以裨郡費常病瘍艱於據鞍又以舊所御肩輿賜焉帝每念宣仁聖烈皇后保祐三朝中遭誣詆外家班秩無顯者制以爲感德軍節度使充萬壽觀使進開府儀同三司奉朝請賜第臨安除景靈宮使兼判温州尋以病丐罷後爲萬壽觀使十四年召入覲進少保懇求還卒年六十五贈太傅賜田三十頃諡曰忠節

向傳範字仲模尚書左僕射敏中之子以父任爲衛尉丞娶南陽郡王惟吉女改內殿崇班帶御器械歷知相恩邢三州入管幹客省閩門皇城司知陝州仁宗賜詩以寵其行熙寧初知鄆州兼京西路安撫使諫官楊繪言傳範領安撫使無以杜外戚僥求之源樞密使文彥博曰傳範累典郡非緣外戚神宗曰得諫官如此言甚善可以止他日妄求者以密州觀察使卒贈昭德軍節度使諡曰惠節傳範宰相子聯戚里所至有能稱以囊中賞千餘萬葬族人在殯者六十四喪從姪經綜

經字審禮以蔭至虞部員外郎神宗爲穎王選經女爲妃改莊宅使帝即位妃爲皇后進光州團練使以離州防禦使知陳州歲中閔囚活重辟三人西華令掠人至死誣以疾吏畏令莫敢言經得其情卒窮治如法歲大雪輒弛公私餽錢以寬民有司持不可經曰上使我守陳民窮蓋我責我自爲此不爾累也方鎮別賜公使錢例私以自奉去則盡入其餘經獨斥歸有司唯以供享勞賓客軍師之用知河陽會旱蝗民乏食經度官廩歲用無餘乃先以圭田租入振救之富人爭出粟多所濟活徙徐州遷明州觀察使召還提舉景靈宮進定國軍留後復出知青州既行官給車徒三宮皆遣使送之車馬相屬於道未踰歲得疾還卒于淄州年五十四詔內侍迎其喪皇后出哭于新昌第喪至慶壽寶慈宮文道謁者于殿后臨于國門之外贈侍中諡曰康懿將葬遣近臣典護穿復

士給太常鹵簿帝出郊奠之周視其板輅三日后臨于墓下賜篆碑首曰忠勤
懿戚經所至勤吏治事皆自省決頗欲以才見於用故數請外補嘗因太祖忌
日百官班開元殿下后召經見行帳勉以盡忠朝廷經亦以善事三宮為言不
及其家事子宗回宗良

綜字君章知歙縣籍閩里惡少年有盜發用以推迹輒得通判桂州常州知隨
鼎漳汾密棣沂七州沂阻山多盜綜請用重法繩禁歲斷大辟減半兵久憤會
初置官提舉教之急眾不悅監兵夜排闥告變綜疑有他謀就寢自若明日大
闕申嚴號令賞其高彊罰其不進者卒亦無事性寬裕善治劇於姦惡不少恕
官累中散大夫卒

宗回字子發累官相州觀察使徽宗立進彰德軍留後歷安國保信鎮南保平
軍節度使檢校司空封永陽寧海安康漢東郡王開府儀同三司崇寧初有告
其陰事者詔開封府鞠實御史中丞吳執中臨問宗回惶懼上還印綬以太子
少保致仕言者不已削官爵流郴州行二日聽家居省咎踰年盡還其故官宗
回少驕恣有小才嘗權羣牧都監數以蕃息被賞出知蔡州擒劇賊殲其黨類
歲饑發廩與力役饑者得濟而官舍裕廩一新欽聖后服除起奉朝請繼命止
朝朔望卒年六十二帝制服苑中贈檢校少師諡曰榮縱

宗良字景弼歷秀州刺史利州觀察使昭信軍留後奉國清海鎮東武寧寧海
軍節度使承嘉郡王開府儀同三司欽聖后臨朝時嘗為陳瓊論其與蔡京相
結及預政事亦能恪共自守宣和中卒年六十六贈少保

張敦禮熙寧元年選向英宗女祁國長公主授左衛將軍駙馬都尉遷密州觀
察使元祐初疏言變法易令始於王安石成於蔡確近者退確進司馬光以臣
觀之所得多矣進武勝軍留後章惇為政言敦禮忘德犯分醜正朋邪密封章
疏詆毀先烈引譽罪首謂當褻崇欲其黨儻盡見收用乃責授左千牛衛大將
軍勒止朝參徽宗立有司以敦禮在貴籍奏審恩賜帝與欽聖后皆以為當與
惇等執前疏欽聖曰戚里何必預知朝廷事當時罰亦太重矣復和州防禦使
進保信軍留後崇寧初拜寧遠軍節度使諫官王能甫言敦禮以匹夫之賤一

日而富貴具焉神宗親愛隆厚禮遇優渥而敦禮詆毀威德罪大謫輕今復與
之節鉞無乃傷陛下紹述之志乎乃奪節仍為集慶軍留後大觀初復節度寧
遠軍徙雄武卒贈開府儀同三司

任澤字天錫仙遊夫人母弟也英宗入繼大統召至延和殿授西頭供奉官賜
第一區寵賚甚厚神宗時累遷皇城使領昌州刺史護仙遊樞遷祔于濮園真
拜嘉州刺史卒贈崇信軍節度使諡曰恭傳賜墓寺寺額為旌孝澤起田里際
會恩寵能自安編檢帝欲廣其居固辭當任子弗請其篤謹如此

宋史卷四百六十四

宋史卷四百六十五

元中書右丞相總裁脫脫等修

列傳二百二十四

外戚下

孟忠厚

韋淵

錢忱

邢煥

潘承思

吳益

李道

鄭興裔

楊次山

孟忠厚字仁仲隆祐太后兄追封咸寧郡王彥弼子也后居瑤華宮哲宗恩眷不衰故忠厚得以仕進宣和中官至將作少監靖康元年知海州召權衛尉卿金人圍城后宮火出居忠厚家繇是免北遷金兵退張邦昌迎后聽政后遣忠厚持書遺康王王即位將迎后授忠厚徽猷閣待制提舉一行事務尋兼幹辦奉迎太廟神主事帝幸揚州除顯謨閣直學士臺諫交章論列帝以太后故難之后聞即命易武秩遂授常德軍承宣使幹辦皇城司未幾奉太后幸杭州苗傅亂平趙鼎謂張浚曰太后復辟其功甚大當推恩外家浚乃奏忠厚寧遠軍節度使尋奉太后幸南昌歸至越以母憂解職頃之后崩以祔廟恩起復鎮海軍節度使開府儀同三司及后大祥封信安郡王充禮儀使奉太后神御幸温州紹興九年判鎮江府改判明州兼安撫使改判婺州既而帝以太后攢會稽乃命忠厚判紹興府兼脩奉攢宮事加少保三梓宮歸充迎護使及營佑陵秦檜當為總護使憚往乃除忠厚樞密使以代其行檜與忠厚僚壻也然心實忌之山陵事畢忠厚欲歸樞密府檜諷言路引故事論列遂判福州時海寇猖獗帝憂忠厚不能弭其患改判建康府又改判紹興府會郊赦加恩謝表有本無時才出為世用語中丞詹大方希檜意論忠厚表辭輕侮謂今日不足與有為遂罷為醴泉觀使檜死召還行在授保寧軍節度使判平江府再改判紹興府過闕入見復詔充萬壽觀使提舉秘書省二十七年卒贈太保忠厚奉昭聖太后訓避遠權勢不敢以私干朝廷明受之變太后垂簾忠厚乞裁節本家恩澤如有黃緣令三省執奏御史劾秦檜當國親姻援以進忠厚獨與之忤自

越入見語所善王鈺曰忠厚與檜雖有親好每懷疑心今欲求一不傷時忌對劄銓教之但言乞免提舉學事而已然亦見廢帝以太后擁佑功故眷忠厚特優后在瑤華三十年恩澤未嘗陳請詔賜忠厚田三十頃以賞之既奉內祠金使至特命押班且令月過局如宰執例及卒三子皆除直祕閣親屬六人各進以一官

韋淵顯仁太后季弟也靖康末官至拱衛大夫忠州防禦使勾當軍頭引見司金人退張邦昌遣淵持書遺康王于濟南王即位遷親衛大夫寧州觀察使知東上閣門事言橫行五司尚未遵元豐舊制乞併引進司歸客省東西上閣門合而為一以省冗費從之遂命同管客省四方館閣門事淵性暴橫不循法度帝慮其有過難於行法遂遷福建路副總管淵引疾丐祠許之淵乃言自宣和及今十二年未嘗磨勘乞遷秩吏部言在法橫行無以年勞磨勘者帝遂不許久之落階官除德慶軍節度使召赴行在除開府儀同三司會建康軍帥邊順疾篤留守呂頤浩奏以淵代帝不欲以戚里管軍不許淵陳乞恩數帝詢太后家故例賜田五十頃房緡錢日二十千帝久不予淵官聞太后將入境乃封平樂郡王令逆于境上既從后歸即令致仕又詔奉朝請遷少師淵在內不得違乞致仕任便居住從之未幾帝恐其肆橫於外復詔落致仕還居賜第太后朝景靈宮淵見后出言詆毀詔侍御史余堯弼即其家鞠治淵具狀誣罔責授寧遠軍節度副使袁州安置數年復故職累遷太保太傅卒贈太師子三人訊謙讜訊紹興中官至達州刺史坐過用太后旨降武德郎與嶺外監當謙好學能詩官至建康軍節度使謙子璞淳熙末仕至太府少卿高宗崩擢司農少卿為金國告哀使金主錫宴其館使欲用樂璞不可自朝至夜漏下三十刻金人不能奪及入見其閣門令璞吉服入璞又不可日將中乃以凶服見紹熙初除煥章閣論者以為非祖宗舊制遂換授明州觀察使十年不遷寧宗嘉其恬退授清遠軍節度使致仕卒贈太尉

錢忱字伯誠吳越王俶五世孫父景臻尚仁宗第十女秦魯國大長公主生忱神宗命賜名除莊子副使騎都尉帝嘗諭景臻曰主賢宜有子為擇嘉配娶唐

介孫女。又冕迥外孫。悅從二家遊。伯父繼在翰苑。因得識一時名卿。哲宗愛之。常使侍左右。徽宗累入寶恩。為邕州觀察使。武寧軍觀察。留後。喜其靖共。除瀘州軍節度使。欽宗加檢校少保。尋納節。高宗立。復拜檢校少保。瀘州節度使。中太一宮使。御書忠孝之家四字。賜之。進開府儀同三司。紹興十五年。以秦魯主終喪。除少保。封榮國公。三十年。遷少師。仍舊節致仕。給真奉。明年卒。年八十一。餘贈太師。子端禮。自有傳。

邢煥。字文仲。開封人。以父任調孟州汜水縣主簿。監在京藥局。平準務茶場。以勞改宣德郎。莫州司錄。移知開封府陽武縣。都大提舉開德大名府堤埝。歷開封府七十儀曹。詔納其女為康王妃。靖康初。主管亳州明道宮。王卽位。升右文殿修撰。進徽猷閣待制。諫議大夫。衛膚敏言。后父不當班從。臣遂改光州觀察使。除樞密都承旨。煥屢奏馬仲言事切當。宗澤忠勞可倚。黃潛善汪伯彥誤國。其言多所裨益。遷保靜軍承宣使。苗劉之變。煥自度不能爭。迺病免。兼提舉萬壽觀。求去不已。改江州太平觀。遂徙居忠州。紹興二年。入對。首陳川陳形勢。利害。請幸荆南。分兵以圖恢復。凡數百言。帝甚嘉之。復以為都承旨。引疾不拜。擢慶遠軍節度使。提舉洞霄宮。煥涉學有文節。儉自持。未嘗恃恩私請。識者取焉。是年卒。贈開府儀同三司。諡恭簡。加贈少師。追封嘉國公。

潘永思。賢妃叔父也。妃初進。封詔以梁師成。第賜永思。建炎初。為閩門宣贊舍人。帶御器械。元祐太后在度。帝遣永思迎歸。權三省樞密事。盧益頗與之交。結為諫官。吳表臣所論。范宗尹請出永思。帝曰。未可。姑罷祿以困之。庶知悔過。遂奪職。既而辛企宗言。永思嘗捕虜賊有功。復為帶御器械。未幾。大理推治偽告事。連永思。帝曰。永思雖戚里。既有過安可廢法。乃罷職。就獄。獄成。道一官。尋復為閩門宣贊舍人。遷同知閩門事。永思乞增給餼錢。戶部言其不應格法。乃止。紹興八年。自右武郎擢右武大夫。知閩門事。尋卒。

吳益。字叔謙。蓋字叔平。俱憲聖皇后弟也。益建炎末。以恩補官。累遷幹辦御筆院帶御器械。蓋紹興五年。以恩補官。累遷宣贊舍人。帝與后皆喜翰墨。故益蓋兄弟師法。亦有書名。后受冊推恩。益加成州團練使。蓋加文州刺史。帝為置皇

后宅大小學教授。以王鉞為之。鉞明經善訓導。益蓋折節事之。益娶秦檜長孫女。又與王繼先交相薦引。故三家姻族皆躡美官。益歷官至保康軍節度使。加太尉。儀同三司。初。既建節。以檜故。授文資直秘閣。檜進徽宗御製。辭免。加恩。帝乃特命賜益三品服。累加秘閣修撰。直徽猷閣。以檜提舉編修。寬恤詔令。又加益直寶文閣。檜死。其子煇復請於帝。又升敷文閣待制。中丞。湯鵬舉言。益以庸瑣之才。特親昵之勢。乞禡職。名以示至公。帝謂鵬舉所論甚切。當然。朕於奠檜日。諭檜妻子。許以保全其家。今若遽出其婿則傷恩。臣僚無得更有論別。自是不復遷。顯仁太后葬。為檜官總護。使始進少保。孝宗嗣位。進少傅。又進太師。封太寧郡王。乾道七年卒。年四十八。諡莊簡。追封衛王。蓋官至武寧軍節度使。亦累升太尉。開府儀同三司。少保。封新與郡王。乾道二年卒。年四十二。贈太傅。追

封鄭王。益子瑋。習吏事。乾道九年。特授添差臨安府通判。其後歷尚書郎。部使者。換資至鎮安軍節度使。復以才選。除知明州。兼沿海制置使。寧宗初。乃得祠。奉朝請。尋知鄂州。再知慶元府。位至少師。判建康府。兼留守。卒。方孝宗崩。光宗以疾不能執喪。大臣請太后垂簾冊立寧宗。瑋言於后曰。垂簾可暫不可久。后遂以翌日徹簾。瑋嘗使金人。嘉其信義。瑋死後。宋遣使至金議和。屢不合。金人言。南使中惟吳瑋言為可信。瑋弟璠。仕至保靜軍節度使。蓋子環。亦至昭化軍節度使。

李道。字行之。相州人。其中女為光宗后。初。道與兄旺聚業歸宗澤。澤因事斬旺。命道掌其軍。澤薨。道引軍依襄陽鎮撫使桑仲。仲以為副都統制。兼知隨州。奏于朝。授武義郎。閩門宣贊舍人。仲為霍明所殺。道與統制李橫率兵縞素。圍明于野明。明去。劉豫遣人持書招道。道不從。執其使以聞。詔嘉榘之。豫怒。遣將穆楷攻道。道拒破之。除鄧州鎮撫使。兼知鄧州。時李橫已命別將守鄧。道懼橫不敢受。遂命仍知隨州。樞密院以道能察軍情。不受鎮撫之命。理宜褒賞。詔領榮州團練使。進武義大夫。胡安中守唐州。勢孤不能自立。遂附豫。道招之。安中復來歸。會李成人寇。鎮撫使李橫棄襄陽去。道亦棄隨南歸。至江州。詔道屬岳飛為選鋒軍統制。入唐州。擒偽將。除唐鄧鄂州襄陽都統制。從飛收復襄陽等

郡授行營護軍。累至復州防禦使。果州觀察使。成鄂州。加中侍大夫。武勝軍承宣使。又升御前諸軍統制。武與蠻楊再與連歲寇掠。道破其衆。擒再與其二子。還保寧軍。承宣使。羣盜朱持等聚桂陽。詔道移軍衡州。經理。道遣高仲等擊平之。落階官加龍神衛四廂都指揮使。還鎮南軍。承宣使。金將渝。命道以所部戍荆南府。帥臣劉錡奏改爲御前前軍右軍。就命道統之。錡召募事。道代爲言。道與鄂帥不協。罷。踰年起授。捧日天武四廂都指揮使。知荆南府。隆興初。湖北諸司劾其過。帝曰。道恃戚里。妄作。可罷。久之。再爲湖北副總管。及卒。乃拜慶遠軍節度使。贈太尉。諡忠毅。后既貴。進封楚王。孫孝友。孝純。皆至節度使。

鄭與奇。字光錫。初名與宗。顯肅皇后外家三世孫也。曾祖紳。封樂平郡王。祖翼之。陸海軍節度使。父蕃。和州防禦使。與奇早孤。叔父藻。以子字之分。以餘貲與奇。不受。請立義莊。贍宗族。及藻沒。遂解官。致追報之義。初。以后恩授成忠郎。充幹辦。祇候。庫。聖獻后葬。充攢宮內外巡檢。累至江東路鈐轄。乾道初。建康留司。請治行宮。備巡幸。與奇奏勞人費財。乞罷其役。且言都統及馬軍帥。皆非其人。徙福建。路兵馬鈐轄。過關入見。詢以守令臧否。與奇條析以對。帝曰。卿識時務。習吏事。行當用卿。會復置武臣提刑。就命爲之。加遙領高州刺史。郡縣積玩。檢驗法廢。與奇初爲格目。分界屬縣。吏不得行其姦。因著爲令。建劄丁邵鹽。筮屢更。漕臣請易網運爲鈔法。與奇極言其不可。海寇倏去。忽來。調兵常無及。與奇請置澳長。寇至。徑率民兵禦之。又言。禁兵事藝不精。多充私役。乞行禁止。尉以捕盜改秩。多僞。當加審實。帝善其數論。事詔加成州團練使。時傳聞金欲取盟。召與奇爲質。生辰使以規之。使還。言無他。卒如所料。累差浙東。浙西。江東。提刑。請祠以歸。尋詔知閩門。事兼幹辦皇城司。又兼樞密副都承旨。軍婦楊殺鄰舍兒。取其臂劍。而棄其屍。獄成。刑部以無證。左出之。命與奇覆治。得實。帝喜。賜居第。丁母憂。去官。服闋。復故職。除均州防禦使。再使金還。還潭州。觀察使。復請祠。起知廬州。移知揚州。揚與廬爲鄰。初。與奇在廬。嘗鄰道互送禮。至是。按郡籍。見前所卻者。有出無歸。遂奏嚴其禁。揚有重屯。糧乏。例糴他境。與奇搜括滲漏。

以補之。食遠足。民舊皆茅舍。易焚。與奇貸之錢。命易以瓦。自是火患乃息。又奏免其償。民甚德之。脩學宮。立義塚。定部轄民兵。升差法。郡以大治。楚州議改築。城有謂韓世忠遺基不可易者。命與奇往視。既至。闕地丈餘。增築之。帝聞。奏喜。曰。與奇不吾欺也。紹興元年。還保寧軍。承宣使。召領內祠。充明堂大禮都大主。管大內公事。寧宗即位。除知明州。兼沿海制置使。告老。授武泰軍節度使。卒。年七十四。贈太尉。諡忠肅。與奇歷事四朝。以材名。結主知。中與外族之賢。未有其比。子三人。挺以橫行。團練使。歷淮。襄。兩道帥。損登進士甲科。與抗皆有位。于朝。楊次山。字仲甫。恭聖仁烈皇后兄也。其先開封人。曾祖全。以材武。嘗靖康末。捍京城。死。事。租漸以遺澤。補官。仕東南。家于越之上虞。次山儀狀魁偉。少好學。能文。補右學生。后受職。官中。次山遂霑恩。得官。積階至武德郎。后爲貴妃。累遷。帶御器械。知閩門。事。巧祠。除吉州刺史。提舉佑神觀。后受冊。除福州觀察使。尋拜岳陽軍節度使。后謁家廟。加太尉。韓侂胄誅。加開府儀同三司。尋進少保。封永陽郡王。南郊恩。加少傅。充萬壽觀使。致仕。加太保。授安德軍節度使。改封會稽郡王。次山能避權勢。不預國事。時論賢之。嘉定十二年。卒。年八十一。贈太師。追封冀王。子二人。谷至。太傅。保寧軍節度使。充萬壽觀使。承寧郡王。石字介之。乾道間。入武學。以恭聖仁烈后貴。賜第。慶元中。補承信郎。差充閩門看班。祇候。尋帶御器械。嘉泰四年。充賀正。旦。接伴使。時金使頗驕倨。自矜其善射。石從容起。挽弦三發。三中的。金使氣沮。嘉定改元。除揚州觀察使。知閩門。事。進保寧承宣使。久之。授保寧軍節度使。提舉萬壽觀。奉朝請。進封信安郡侯。十五年。以檢校少保。進封開國公。寧宗崩。宰相史彌遠謀廢皇子。竑。而立成國公。昀。命石與谷白后。后不可曰。皇子先帝所立。豈敢擅變。谷石凡一夜七往。反以告。后終不聽。谷等拜泣曰。內外軍民皆已歸心。苟不從。禍變必生。則楊氏且無噍類矣。后默然良久曰。其人安在。彌遠等召均入。遂矯詔廢竑。爲濟王。立昀。是爲理宗。授開府儀同三司。充萬壽觀使。時寶慶垂簾。人多言本朝世有母后之聖。石獨曰。事豈容概言。昔仁宗英宗。哲宗。嗣位。或尚在幼沖。或素絲撫育。軍國重事。有所未諳。則母后臨朝宜也。今主上熟知民事。天下悅服。雖聖孝。天通。然不蚤復。

政得無基小人離間之嫌乎乃密疏章獻慈聖宣仁所以臨朝之由遠及漢唐
母后臨朝稱制得失上之。后覽奏即命擇日撤簾進石少保封永寧郡王以壽
明慈睿仁福三冊太后寶進至太傅石性恬澹每拜爵命必力辭恭聖祔廟除
太師兄谷疑於辭受石力言曰吾家非有元勳威德徒以恭聖故致貴顯冀吾
父不居是官吾兄弟今偃然受之是將自速顛覆耳矧恭聖抑遠族屬意慮深
遠言猶在耳何可遽忘乃合疏懇辭至再三不受及屬疾除彰德集慶節度使
進封魏郡王卒年七十一贈太師。

宋史卷四百六十五

元中書右丞相總裁脫脫等修

列傳第二百二十五

宦者一

竇神寶

王仁睿

王繼恩

李神福 第神祐

劉承規

閻承翰

秦翰

周懷政

張崇貴

張繼能

衛紹欽

石知顯 孫全彬

鄧守恩

宋世待宦者甚嚴太祖初定天下掖庭給事不過五十人宦寺中年方許養子為後又詔臣僚家毋私蓄閹民間有閹童孺為貨鬻者論死去唐未遠有所懲也厥後太宗却宰相之請不授王繼恩宣徽真宗欲以劉承規為節度使宰相持不可而止中更主幼母后聽政者凡三朝在於前代豈非宦者用事之秋乎祖宗之法嚴宰相之權重貂璫有懷姙惡旋踵屏除君臣相與防微杜漸之慮深矣然而宣政閹童實梁師成之禍亦豈細哉南渡岳劉之逆亦宦者所激也坊記曰君子之道辟則坊與大為之坊民猶踰之可不戒哉作宦者傳

竇神寶父思儼五代時為內侍宋初皇城使兄神興左領軍衛大將軍致仕神寶初為黃門太平興國中從征太原擢甲登城中流矢稍遷入內高品監拜州戍兵屢出襲賊前後破砦三十六斬千餘級大獲鎧甲牛馬囊駝因築三砦詔褒之九年命與尹憲屯夏州時岌伽羅賦等十四族久叛神寶率兵大破之焚其廬帳斬千餘級虜獲甚眾雍熙中朝廷遣使綏宥麟府州募邊部願攻契丹者賜以金帛神寶上言狼子野心由此或生邊隙乃止俄轉殿頭高品淳化中使河東閱視堡柵兵騎慕容德豐自刑臺徙延州未至郡詔神寶乘傳權州事環州近邊內擾與陳德玄討之破牛家族二十八部且規度通遠入靈武路就命環慶同駐泊牛家族復結眾叛又破之殲餘黨於極泉鎮獲其渠帥九人西戎寇鄜以援之之勞遷供奉官與田紹斌部送靈州駕糧即命駐泊李繼遷入寇與慕容德豐破其堡砦焚帳幕獲人畜數萬計連詔嘉獎遷內殿崇班至

道初繼遷再寇靈武神寶遣人間道告急關下賊圍之歲餘地震二百餘日城中糧糗皆竭潛遣人市糧河外宵運以入聞出兵擊賊賊引去以功拜西京作坊副使又命于浦洛河清遠軍援芻糧與楊尤恭議造小車三千運糧至環州三年遷西京左藏庫副使出使靈武還奏對稱旨面授供備庫使咸平中出為高陽關鈐轄徙貝冀巡檢會原州野狸族三千餘眾徙帳于順成谷大蟲肆與熟魏族接戰詔神寶和治之至則定其經界遣悉還舊地入為內侍右班副都知真宗朝陵留與劉承珪同掌大內事大中祥符初勾當三班院又掌諸王宮事遷西京左藏庫使領密州刺史兼掌往來國信神寶位職精恪性吝蓄貨鉅萬天禧初以皇城使罷內職三年卒年七十一錄其子守志為入內供奉宦王仁睿不知何許人年十餘歲事太宗于晉邸服勤左右甚淳謹及即位宣傳指揮頗稱旨歷入內小底都知洛苑副使命典宮闈出納之命最居親近嘗與柴禹錫等發奏邸陰事雍熙四年被疾遣太醫診視卒年四十一特贈內侍省內侍國朝以來內侍都知押班不領他職淳化至道後皆內殿崇班以上兼充多至諸司使有領觀察使者沒皆有贈官官給葬事舊制內侍人許養一子以充繼嗣開寶四年以其爭財起訟詔自今滿三十無養父者始聽養子仍以其名上宣徽院運者準前詔抵死咸平中徐志通為温台等州巡檢坐取李歡男四人為假子又縱卒略民家小兒致其母抱兒投海死決杖配掃灑班復申前詔以戒厲之

王繼恩陝州陝人周顯德中為內班高品初養於張氏名德鈞開寶中求復本宗太祖召見許之因賜名焉累為內侍行首會討江南與竇神興等部禁兵及戰船抵采石九年春改裏面內班小底都知賜金紫十月加武德使太祖崩副杜彥圭案行陵地尋充永昌陵使太平興國三年遷宮苑使久之領河州刺史掌軍器弓槍庫雍熙中王師克雲朔命繼恩率師屯易州又為天雄軍駐泊都監自岐溝關君子館敗績之後河朔諸路為契丹所擾城壘多圯四年詔繼恩與翟守素田仁朗郭延濬分路按行增築之及遣將北伐又為排陣都監屯中山改皇城使端拱初領本州團練使又為鎮定高陽關兩路排陣鈐轄淳化初

賜甲第一區五年加昭宣使勾當皇城司李順亂成都命為劍南兩川招安使率兵討之軍事委其制置不從中覆管內諸州繫囚非十惡正賊悉得以便宜決遣二月命馬步軍都軍頭王杲趣劍門崇儀使尹元由峽路分遣討賊並受繼恩節度詔前軍所至其賊黨敗抗王師者即須殺戮如本非同惡受制兇徒先被脅從今能歸順者悉釋其罪四月繼恩由小劍門路入研石砦破賊斬首五百級逐北過青疆嶺平劍州進破賊五千于柳池驛斬千六百級賊眾望風奔走殺戮溺死者不可勝計又克閬綿二州五月至成都破賊十萬餘斬首三萬級獲順及鎧甲僭服用甚眾朝議賞功中書欲除宣徽使太宗曰朕讀前代史書不欲令宦官預政事宣徽使執政之漸也止可授以他官宰相力言繼恩有大功非此任無足以為賞典上怒深責相臣命學士張洎錢若水議別立宣政使序位昭宣使上以授之進領順州路防禦使繼恩握重兵久留成都轉餉不給專以宴飲為務每出入前後奏音樂又令騎兵執博局棋枰自隨威振郡縣僕使輩用事恣橫縱所部剽掠子女金帛軍士亦無鬪志餘賊進伏山谷間州縣有復陷者太宗知之乃命入內押班衛紹徽同領其事又遣樞密直學士張鑑西京作坊使馮守規乘傳督其捕賊議分減師徒出蜀境以便糧運高品王文壽者隸繼恩麾下繼恩遣領虎翼卒二千分逐州路追討文壽御下嚴急士卒皆怨一夕臥帳中指揮使張麟遣卒排闥入斬文壽首以出會夜昏黑麟猶疑其非然炬照之曰是也時嘉州賊帥張餘有眾萬餘麟即以所部與之合賊勢甚威初奏至太宗欲盡誅軍人妻子近臣或請勿殺索察營中書遣帥招撫諭以釋罪親屬皆全必自引來歸因可破賊上然之令巡檢程道符諭旨亡卒斬麟函首送繼恩皆自拔來歸因使為鄉導擊賊悉平之至道二年春布衣韓拱辰詣關上言繼恩有平賊大功當秉機務今止得防禦使實甚薄無以慰中外之望上大怒以拱辰惑眾杖脊黥面配崖州俄召繼恩太宗崩命與李神福按行山陵加領桂州觀察使繼恩初事太祖特承恩顧及崩久太宗在南府繼恩中夜馳詣府邸請太宗入太宗忠之自是寵遇莫比喜結黨邀名譽乘間或敢言薦外朝臣由是士大夫之輕薄好進者從之交往每以多寶院僧會

為期有潘闈者能詩詠賈藥京師繼恩薦之召見賜進士第尋察其狂妄追還詔書及真宗初繼恩益豪橫頗欺罔漏泄機事與參知政事李昌齡結連往來多請託至有連宮禁者素與胡旦善時將加恩密諉其為憂辭又士人詩頌盈門上惡其朋結黜為右監門衛將軍均州安置籍沒貲產多得蜀土僭擬之物昌齡責忠武軍節度行軍司馬且削籍長流尋州詔中外臣僚曾與繼恩交識及通書尺者一切不問咸平二年卒於貶所遣使將其家屬還京師假官舍處之四年聽歸葬大中祥符三年特詔追復官爵以白金千兩賜其家子懷珪轉入內高班

李神福開封人父繼美仕後唐為內侍顯德初為御廚都監時內臣止以服色為貴太祖特賜紫後至右領軍衛將軍神福少給事晉王府謹恪解上意未嘗少怠太宗即位授入內高品從征太原攻城之際往來梯衝間宣傳詔命即行在所遷殿頭太平興國六年擢入內高品押班遷副都知勾當翰林司轉入內班都知兼勾當祗候內品班淳化四年遷崇儀副使勾當皇城司屬初易黃門之號轉入內黃門都知俄加宮苑使太宗好筆札神福每侍側多獲別本之賜及不豫神福朝夕左右躬侍藥膳真宗即位遷皇城使內侍省入內內侍都知領恩州團練使勾當承熙陵行宮事時樸寫太宗聖容以神福立侍未幾求罷都知加昭宣使勾當皇城司賜第宮城側遣脩內工為葺之咸平二年秋闈兵東郊以神福為大內都部署是冬幸大名與王繼英並為行宮使四年勾當三班部脩含光殿賜資甚優景德初兼領親王諸宮使三年改宣政使從謁諸陵復為行宮使進幸西京賜醮命神福主其事大中祥符初天書降夕神福與劉承珪鄧承遷李神祐石知顛張景宗藍繼宗同直禁中賜以器幣緡錢京師醮會又令神福與白文舉閣承翰同典之是歲封泰山與曹利用同經度行宮道路及車駕進發又為行宮使禮畢授宣慶使領昭州防禦使整肅禁衛先是諸司使止于宣政故特置使額以寵之三年卒年六十四贈潤州觀察使神福性恭愿和易每為衛紹徽所詬罵皆引避不校在禁闈五十年稱為長者然久掌三班無規制遠近失敘有請託者不能拒之人議其所守子懷斌懷贊弟神

祐。

神祐初以父任授殿頭高品太祖將納孝章皇后命神祐奉聘禮于葉州乾德五年征太原負御寶從行開寶二年又從征太原時有詔緣邊和市軍儲車駕在潞州聞之且慮擾民令神祐馳驛止之時詔下已五日神祐一夕而及晉陽一日甲士旣陣賊潛縱火焚衝衛命神祐部衛兵為援斬賊甚衆餘悉潰去王師伐廣州隨軍賞給劉銀平先部斃藏之物赴京師及土寇周瓊等叛又副尹崇珂討平之六年隨曹彬南征克關城擒僞將朱令贊命神祐馳入獻捷書賜錦袍金帶太宗即位遷南作坊副使錢俶歸朝命神祐往接府藏之積再征太原領工徒千人隨駕以備繕完甲兵劉繼元表納降款太宗陳儀衛城北臺以受之繼元移時未至神祐馳單騎入城俄頃引繼元至及北伐燕薊命與劉延翰統精騎為大陣之援車駕還又令率兵屯定州以備契丹太平興國六年滑州治河防材葦未具命神祐馳往垣曲伐薪蒸四百萬以濟其用七年契丹寇邊命領兵屯瀛州俄改崇儀使提點左右藏庫遷洛苑使至道初西鄙不寧命為靈環排陣都監率衆至烏白池而還俄駐永興復護糧運抵朔方真宗嗣位轉內園使邠州都監車駕北巡改天雄軍都監于城內巡檢時北兵充斥道途阻塞命神祐單騎諭密旨於諸將敵騎數百忽至神祐乃周麾而呼若召伏兵敵懼而逃遂達其命俄充邢州排陣監都勾當西八作司景德初上幸澶州領隨駕樓堦三年遷入內都知從東封還遷南作坊使時內侍將遷秩有扈從升山不升山或不預從祀者令神祐第其勤狀上親閱而敘遷之有范守遷皇甫文史崇貴張延訓等皆嘗有請累而互陳勞効且言神祐等品第非常當泣訴于上止而復來者數四守遷等先改內常侍上怒悉停其官神祐洎石知顯副都知張景宗藍繼宗並坐削職尋掌御廚七年卒年六十六大中祥符六年錄其孫永和為三班奉職神祐性謹原曉音律頗好篇詠子懷岳太宗時嘗請為道士後復內侍多屯邊郡常持大鐵鞭以鬪賊屢中流矢至供奉官懷儼為內殿崇班

劉承規字大方楚州山陽人父延韜內班都知承規建隆中補高班太宗即位

起拜北作坊副使時泉帥陳洪進歸朝遣承規疾置封具府庫會土民嘯聚為寇承規與知州喬維岳率兵討定之太平興國四年命與內衣庫使張紹勛等

六人率師屯定州以備契丹又護滑州決河雍熙中勾當內藏庫兼皇城司出為鄭延路排陣都監改崇儀使遷洛苑使至道中與周瑩同簽書提點樞密宣徽諸房公事仍加大宅使承規懇辭帝雖不許而嘉其退讓真宗立登為宣徽使以承規領勝州刺史發書宣徽院公事尋讓宣徽之務加莊宅使咸平三年遷北作坊使時邊境未寧議脩天雄軍城壘命承規兼傳經畫又命提舉內東崇政殿等諸門遷宮苑使上詢承規西事請益環州本波鎮戍兵以為諸路之援從之俄兼勾當羣牧司景德二年與李九則使河間按視書經戰陣等處將卒之勞是歲置官提舉京師諸司庫務以承規領之所創局署多所規制改皇城使與林特李溥議更茶法四年三司上言新課增羨承規以勞加領昭州團練使大中祥符初議封泰山以掌發運使遷昭宣使長州防禦使會脩玉清昭應宮以承規為副使祀汾陰復命督運議者以自京至河中由陸則山險具舟則湍悍承規決議水運凡百供應悉安流而達自朝陵東封及是皆留掌大內禮成當進秩表求休致手詔敦勉仍作七言詩賜之拜宣政使應州觀察使五年以疾求致仕脩宮使了謂言承規領官職藉其督轄望勿許所請第優賜告詔特置景福殿使名以寵之班在客省使上仍改新州觀察使上作歌以賜承規以廉使月稟歸於有司手詔褒美復定殿使奉以給之本名承珪以久疾羸瘵上為取道家易名度厄之義改珪為規疾甚請解務還私第聽之仍許皇城常務上印日內藏庫有刑制就取商度又再表求罷官檢校太傅左驍衛上將軍安遠軍節度觀察留後致仕七月卒年六十四廢朝贈左衛上將軍鎮江軍節度諡曰忠肅承規事三朝以精力聞樂較簿領孜孜無倦自掌內藏僅三十年檢察精密動著條式又製定權衡法語在律曆志性沈毅徇公深所倚信尤好伺察人多畏之上崇瑞命脩祠祀飾宮觀承規恭預聞作玉清昭應宮尤為精麗屋室有少不中程雖金碧已具必毀而更造有司不敢計所費二聖殿塑配饗功臣特詔塑其像太宗之側承規遇事亦或寬恕鑄錢工常訴本監前後

盜銅瘞地數千斤承規倂為不納因密遣人發取還官不問其罪咸平中朱昂杜編編次館閣書籍錢若水脩祖宗實錄其後脩冊府元龜國史及編著學校之事承規悉典領之頗好儒學喜聚書問接文士質訪故實其有名於朝者多見禮待或密為延薦自癡疾惟以公家之務為念遺奏求免贈賻詔葬上甚嗟惜之遣內臣與鴻臚典喪親為祭文玉清昭應宮成加贈侍中遣內侍鄧守恩就墓告祭子從愿為西染院使

閣承翰真定人周顯德中為內侍入宋事太祖以謹愿稱太宗時擢為殿頭高品稍遷內侍供奉官內殿崇班先是八作司材木頗有隱弊承翰建議於都城西置事材場治材以給之雍熙中知廣州徐休復奏轉運使王延範不軌狀遣承翰馳往同逮捕下獄就翰之考掠過苦延範遂坐誅李順亂蜀命為川峽招安都監賊平授西京作坊副使會增募金吾兵以承翰及劉承蘊分充左右金吾都監兼街仗司事俄罷之真宗即位改西京作坊使內侍左班副都知咸平三年河決鄆州王陵埽遣承翰護塞時議徙鄆州以避河患又詔承翰與工部郎中陳若拙乘傳規度徙于舊治之東南五年入內都知韓守英為鎮定高陽關三路排陣都鈐轄上以其素無執守議別擇人因謂宰相曰承翰雖無武勇然洩事勤恪乃令代守英時中山屯兵甚眾艱於飛輓承翰請鑿渠計引唐河水自嘉山至定州三十二里又至蒲陰東六十二里合沙河經邊吳泊入界河以濟饋運亦可旁為方田上嘉而從之渠成人以為便優詔褒之景德初契丹謀寇順安軍承翰奉詔發雄羅精兵與荆嗣張延同築壘禦之俄又遣詣德清軍規度重修城壘車駕北征承翰先在澶州北城奏契丹兵在近請不度河上不聽從駕渡浮橋二年加領廉州刺史勾當羣牧司多條上馬政遂兼羣牧副使時契丹結好始置國信司主交聘之事以承翰領之多所規置大中祥符初改西京左藏庫使充夏州趙德明加恩官告使還請於蒲洛河置館以待夏臺進奉使上以荒寬勞役不許四年遷內園使左班都知領澠州團練使有西京左藏庫副使趙守倫久典廢牧至是又掌估馬與承翰聯職任雖素為姻家然不相得遂各訟訴並付御史臺承翰坐擅用羣牧司錢當贖金三十斤守倫坐

違制移估馬司當免所居官典吏當杖脊詔寬其罰承翰贖金十斤守倫贖金二十斤典吏亦降從杖羣牧都監張繼能判官陳越田穀勾當驛院楊保用估馬楊繼繼皆釋之制置使陳堯叟特免按開六年上製內侍箴賜之承翰表請刻石省中明年建應天府為南京作鴻慶宮設太祖太宗像遣承翰自京奉往授南作坊使入內都知未幾卒年六十八贈懷州防禦使承翰性剛彊所至過於檢察乏和懿之譽子文應西京左藏庫使

秦翰字仲文真定獲鹿人十三為黃門開寶中遷高品太平興國四年崔彥進領眾數萬擊契丹翰為都監以善戰聞太宗因加賞異謂可屬任雍熙中出為瀛州駐泊仍管先鋒事遷入內殿頭高品鎮定高陽關三路排陣都監淳化四年補入內押班趙保忠叛命李繼隆率師問罪翰監護其軍次延州翰慮保忠遁逸即乘驛先往矯詔安撫以緩其陰計王師至翰又諷保忠以地主之禮郊迎因並驅而出保忠遂就擒以功加崇儀副使至道初為靈環慶州清遠軍四路都監真宗即位加洛苑使入內副都知咸平中河朔用兵以為鎮定高陽關排陣都監敗契丹于莫州東追斬數萬盡奪所掠老幼詔褒之徙定州行營鈐轄王均之亂為川峽招安巡檢使時上官正與石普不協翰恐生事為曉譬和解之親督眾擊賊中流矢不却五戰五捷遂克益州上手札勞問翼日進至廣都斬首千餘級獲馬數千匹歸朝遷內園使領恩州刺史出為鎮定高陽關前陣鈐轄又徙後陣破契丹二萬眾于威虜軍西俘其鐵林大將等十五人又為邠寧涇原路鈐轄兼安撫都監率所部按行山外召戎落酋帥諭以恩信凡三千餘帳相率內附未幾康奴族拒命翰與陳興許均深入擊之斬級數千焚其廬帳獲牛馬甚眾復與陳興曹瑋襲殺童埋軍主于武延鹹泊川詔書加獎賜錦袍金帶白金五百兩帛五百疋景德初車駕將北巡先遣翰乘傳往澶瀨裁制兵要許便宜從事俄充邢洛路鈐轄與大軍會德清軍張持角之勢又召為駕前西面排陣鈐轄管勾大陣翰即督眾環城浚溝澹以拒契丹功畢契丹兵果暴至翰不脫甲胄七十餘日契丹乞和凱旋留泊澶州月餘令率所部兵還京師加宮苑使入內都知出為涇原儀渭鈐轄先是西鄙無藩籬之蔽翰規度

要害擊巨甄計工三十萬役卒數年而成不煩於民就遷皇城使入內都知以翰在邊久宣力勤盡特置是名以寵異焉翰表讓不聽大中祥符初求從東封手詔諭以西垂委任之意改昭宣使又爲羣牧副使祀汾陰是歲夏州屬戶有擾境上者即日遣翰往陞上按視遍巡邊部及翰至事寧復還扈從凡行在諸司細務悉令裁決不須中覆禮畢加領平州團練使奉祀亳州掌如汾陰八年營葺大內詔翰參領其事閏六月暴卒於內庭之廡年六十四上甚悼惜爲之泣下贈貝州觀察使賻祔加等修內畢詔遣使以襲衣金帶賜其家翰個儻有武力以方略自任前後戰鬪身被四十九創李繼遷之未賓也翰因使常出入其帳中無疑間嘗白太宗言臣一內官不足惜願手刺此賊死無所恨太宗深嘉其忠翰性溫良謙謹接人以誠信羣帥有剛很不和者翰皆得其懽心輕財好施與將士同休戚能得衆心皆樂爲用其歿也禁旅有泣下者九年重贈彰國軍節度詔楊億撰碑文億以其不蓄財表辭所贊物雖朝廷不許而時論美之子懷志內殿崇班

周懷政拜州人父紹忠以黃門事太宗從征河東得懷政于亂屍間養爲子給事禁中累至入內高品大中祥符初真宗東封命修行宮頓遞及奉泰山天書馳驛赴闕轉殿頭天書每出宮與皇甫繼明並爲夾侍東封禮成與內殿崇班康宗元留泰山修園臺轉入內西頭供奉官祀汾陰轉東頭六年劉承規率擢內殿崇班入內押班勾當皇城司會朝謁大清真宮與閻承翰等同管勾大內事七年奉天書摹刻于乾元殿爲刻玉都監又爲修克州景靈宮太極觀都監俄遷內殿承制是冬命起居舍人知制誥歐度爲會真宮醮告使懷政爲都監還爲玉清昭應宮都監兼掌景靈宮會靈觀使刻玉成遷如京副使九年建資善堂以懷政爲都監壽丘宮觀成優賜襲衣金帶遷崇儀使天禧大禮又爲修奉寶冊都監加領長州刺史是冬遷洛苑使二年春遷左藏庫使仁宗爲皇太子命爲入內副都知管勾左右春坊轉左驛驛使三年領英州團練使加昭宣使懷政日侍內廷權任尤盛於是附會者頗衆往往言事獲從同列位望居右者必排抑之中外帑庫皆得專取因多入其家性識凡近酷信妖妄有未能者本

單州團練使田敏敷養爲人凶狡遂賂懷政親信得見因與侍卒姚斌妄談神怪以誅之懷政大感援能至御藥使領階州刺史俄於終南山修道觀與劉益輩造符命託神言國家休咎否臧大臣及寇準鎮永興能爲巡檢倚準舊望欲實其事準好勝喜其附己多依違之朝臣屢言懷政之妄真宗含忍不斥然漸疎遠之懷政憂懼時使小黃門自禁中出詐稱宣召入內東門坐別室久之而還以數同類會準爲相踰年而罷懷政愈畏獲譴不自安四年七月與弟禮賓副使懷信謀潛召客省使楊崇勳內殿承制楊懷吉閤門祇候楊懷玉會皇城司期以二十五日竊發殺了謂等復相寇準真宗爲太上皇傳位於太子前夕崇勳懷吉詣了謂第密告之謂即夜偕崇勳懷吉至曹利用第計議翌日利用入奏真宗怒命收懷政令宣徽北院使曹瑋與崇勳於御藥院鞠訊具狀帝坐承明殿臨問懷政但祈哀而已命斬于城西普安寺父內殿承制紹忠及懷信並杖配復岳州子姪勒停貲產沒官朱能父左武衛將軍致仕諤母周氏罰銅百斤子守昱守吉分配邵蔡道州懷政僕使親從並杖配海島遠州部下使臣貶秩有差懷政之未敗也紹忠嘗詬之曰碩頭豎子終累我懷信謂之曰兄前事必敗宜早詣上首實庶獲輕典及其謀亂又泣拜止之不聽故皆得免死右街僧錄澄遠以預聞妖詐決杖黥配郴州內供奉官譚元吉高品王德信高班胡九則黃門楊允文與懷政協同妖妄皆杖配遠州入內押班鄭志誠與能書問往還削兩任配房州入內供奉官石承慶嘗爲懷政所召夜二鼓不下皇城門鑰以待黃門黃守忠見之飛門卒勿納至是言其事承慶坐削兩任配宿州楊懷玉次日始詣樞密院自陳責授待禁杭州都監權崇勳內客省使桂州觀察使懷吉如京使賜以金帶金銀懷政既誅亟遣入內供奉官盧守明鄧文慶馳驛永興捕朱能劉益李貴康玉唐信道士王先張用和悉免死配遠州能偵知使者至衷甲出殺守明以叛詔遣內殿承制江德明入內供奉官于德潤發兵捕之能入桑林自縊死永興乾耀都巡檢供奉官李興本軍十將張順斷能及其子首以獻補興閤門祇候順牢城都頭以劉益等十一人黨能害中使礫于市王先李貴唐信張用和八人皆處斬能母妻子弟皆決杖配隸閤門祇候

穆介知永興軍府朱巽轉運使梅詢劉楚知鳳翔府臧奎等坐與懷政能交結相稱薦皆論罪降寇進太常卿再貶道州凡朝士及永興鳳翔官吏與準厚善者悉降黜焉

張崇貴真定人太祖時為內中高品稍遷殿頭太平與國中以善射選為御帶

錢俛納土命馳往闕城防儲備之數親征太原從崔彥進李漢瓊先路視水草

端拱初補內供奉官淳化四年命乘傳之延州招羌戎之內附者發庫錢犒給

以金幣賜酋領將行轉內班右班班班班班班班班班班班班班班班班班

詔崇貴以延安兵倚角進討及擒趙保忠留崇貴與石霸守綏州徙平夏民以

實之繼遷扼襄駝路驅脅內屬戎人崇貴與田敏率熟倉族亂遇戰於雙堠殺

二千餘級掠牛羊橐駝鎧甲甚衆連詔褻諭繼遷走漢中遣其將佐趙光祚張

浦求納款會于石堡崇貴推牛醢酒犒諭之給以錦袍帶會改內班為黃門

命為黃門右班押班仍加內殿崇班又改黃門為內侍職隨易焉既而繼遷貢

橐駝名馬待罪遣崇貴往賜器幣茶藥衣物至道元年進崇儀副使內侍右班

副都知時繼遷復叛劫芻餽于蒲洛河二年詔李繼隆大發師進討賊圍靈州

急太宗將棄之廷議未決命崇貴與馮訥乘傳往議其事乃益兵固守就命為

靈環慶州清遠軍路監軍又為排陣都監真宗立拜洛苑使右班都知管勾并

州軍馬自至道後五路討賊兵戰相繼卒無成功及是保吉復修貢詔以定難

節度授之命崇貴持詔命衣帶器幣以賜使還加大宅使咸平元年又命管勾

鄜延屯兵泊延安改駐泊都監又為鈐轄其後繼遷復與熟戶李繼福為隙因

緣內擾崇貴與張守恩擊之焚廬舍獲賞畜器甲生口甚衆又與王榮禦賊獲

具裝馬數十匹再詔襄飭四年詔歸俄領契州刺史復洩鄜延仍制置沿邊青

白鹽事與衛超領軍入敵境焚蘆舍帳幕獲廩糧牛羊復被詔燬崇貴屢劾契

丹事傳遞以聞願身當一隊為前鋒詔不允景德元年保吉死其子德明尚幼

崇貴移書諭朝廷恩信德明請俟釋服稟命詔書慰撫以向敏中為緣邊安撫

使自是邊防事宜經制小大皆崇貴專主之築臺保安北十里許召戎人會議

與之盟約二年春召赴闕面授方略許德明以定難節度西平王賜金帛緡錢

各四萬茶二萬斤給內地節度奉聽回圖往來放青鹽禁凡五事而令德明納

靈州土疆止居平夏遣子弟入宿衛送略去官吏盡散蕃漢兵及質口封境之

上有侵擾者累朝旨凡七事德明悉如約惟以子弟入質及納靈州為難故亦

禁鹽如舊不許回圖三年九月以德明善表來上崇貴因請入朝許之以功拜

皇城使內侍左右班都知領博州團練使又持旌節誥命授德明太常博士趙

湘為之副四年使還會車駕上陵次瓊林苑崇貴對于苑中即命為行宮使是

秋復還延安供奉官曹信時監邊軍信善琴崇貴與石普軍中宴集令信奏之

信以久廢為辭崇貴與普因撫其他過以聞真宗知其誣奏不問大中祥符元

年加昭宣使崇貴又在邊善識羌戎情偽西人畏服每德明有所論述及境上

交侵皆先付裁制夏州趣邊有二路其文移至環慶者皆付延州議焉嘗請置

緣邊安撫使如北面之制上曰西鄙別無經營苟德明能守富貴無慮朝廷失

恩信也增置署局徒為張皇不若委卿靜制之二年上言久去鄉里願得告歸

葬父母許之錫與甚厚復命為都鈐轄提舉榷場崇貴乞留京師面諭委屬之

意聽歲入奏事四年八月卒年五十七帝悼惜之贈豐州觀察使內侍護喪還

京師子承素東院副使

張繼能字守拙并州太原人父贊晉末為內班繼能建隆初以黃門事禁中太

平與國初為內品從征河東命主城南洞屋以勞遷高品契丹入寇命為高陽

鎮定路先鋒都監從崔彥進戰長城口多所俘馘明年又與彥進敗契丹于唐

輿口轉殿頭高品雍熙中夏州叛命李繼隆為銀夏都部署以繼能監軍俄徙

遷保定州屯兵領驍捷卒三千屯五回嶺端拱初遷入內殿頭從趙保忠討李繼

遷保忠薦其有材命與保忠同經略其事代還掌內弓箭庫淳化三年與白承

睿護駕累入靈武會繼遷復寇邊命繼能承睿與知靈州侯延廣領驍卒五千

同主軍務俄留為本州都監及鄭文寶議城威州清遠軍繼能護其役工畢命

與西京作坊副使張延洲同知軍事又與田紹斌同掌積石峽就遷內供奉官

靈環慶清遠軍後陣都監與西人轉鬪敗走之復還清遠諸關奏事遷內殿崇

班未幾拜供備庫副使復遣護環州屯兵徙涇原儀渭都巡檢使真宗即位遷

崇儀使、靈環十州軍兵馬都監兼巡檢安撫使咸平三年王均之亂命爲川峽兩路招安巡檢使成都平留爲利州招安巡檢尋召歸會銀夏寇警復爲邠寧駐泊都監夏入寇清遠軍營于積石河繼能與楊瓊馮守規在慶州逗遛不時赴援致陷城堡又焚棄青岡砦特詔下御史府免死長流儋州景德二年會赦還爲內侍省內常侍又爲陝西捕賊巡檢獲千餘人改內殿崇班從朝陵爲行宮四面巡檢四年宜州卒陳進爲亂初知州劉承規馭下嚴酷澄海卒伐木葺州廡數不中程即杖之至有率妻孥趣山林以采者雖甚風雨不停其役故進因衆怨殺承規及監軍國鈞擁判官盧成均爲帥據其城七月奏至詔東上閣門使忠州刺史曹利用供備庫使賀州刺史張煦爲廣南東西路安撫使如京副使張從古及繼能副之虞部員外郎薛顏同勾當轉運事發荆湖蘄黃州兵討之上諭近臣曰番禺寶貨雄富賊若騫驍果立謀主沿流東下趨廣州則爲患深矣遣內侍高品周文質使廣州監屯兵會陸路巡檢使控要路集東西海戰權扼端州峽口賊悉衆來攻柳城縣殿直韓明許貴郝惟和以所部兵千餘禦敵明貴死之惟和僅以身免成均奉宜州印遣使詣舒貢求救罪是夕進復陷柳城官軍退保象州賊又寇懷遠軍知軍殿直任吉與邕桂巡檢殿直張崇寶侍禁張守榮擊走之賊退而復集者累日吉鞏固守屢與鬪大獲其器甲又攻天河砦砦兵甚少監軍奉職錢吉部分嚴整一戰敗之賊衆屢斃頗潰去衆心攜貳將棄宜州以家屬之悼耄者五百人隕江中率其衆裁三千趣柳象將入容管初至柳州限江不能度知州王昱望賊遁走城遂陷朝廷以詔書四十分揭要路諭賊歸順者悉釋其罪賊挈族居思順州分兵攻象州利用命入內高班于德潤以千兵倍道襲逐利用等繼至遇賊武僊縣之李練鋪賊初不知覺惟進率衆來拒直犯前軍前軍寄班侍班郭志言慶騎士左右縱擊賊衣順水甲執標牌以進飛矢攢鋒不能卻前軍即持棹刀巨斧破其牌史崇貴登山大呼曰賊走矣急殺之賊心動衆遂潰逐北至象州城下賊砦猶有據長竿賊城中者成均始挈其族以詔書來降乃斬進并其黨生擒賊帥六十餘人斬首級獲器甲戰馬甚衆利用分兵捕餘寇遣于德潤馳奏其事授利用引進使

賊如京使從古莊宅副使繼能供備庫使志言供備庫使又以御前忠佐馬步軍副都軍頭郭全豐爲都軍頭領勤州刺史歸遠軍士手殺進者李昊劉宗趙敏並補本軍頭張守榮爲供奉官閣門祇候張崇寶任吉並爲供奉官錢吉爲右侍禁又以知象州大理寺丞何邠最有勞優拜祠部員外郎賜緋又賜邠三子知道知古知常出身邠之親屬同扞寇者悉甄敘之升象州爲防禦使初賊攻象州城在高丘上素無井閉壘之日皆以乏水爲慮賴天雨停水將竭而兩復下如是者兩月汲之以濟山中無烽候每欲破賊即禱於城西神祠或見巨蟒吞龜是日果有克獲衆以爲神靈助順之應張守榮俄病瘴遣尙醫馳往視之未至而卒贈如京使錄其子官十二月餘寇悉平東封留繼能爲京舊城內巡檢鈐轄俄加東染院使大中祥符二年入內都知李神福等坐事悉罷繼能入內內侍省副都知時宗室多召侍講說書上嘉其勤學令講誦日別給公膳專遣繼能主之俄又與內殿承制岑保正提點郡縣主諸院事三年兼羣牧都監祀汾陰留羣大內兼舊城內巡檢鈐轄俄領會州刺史謁太清宮爲天書扶持都監七年以疾求解職不許命爲涇原議渭鎮戎軍兩路鈐轄未幾徙鄜延都鈐轄先是內屬戶殺漢口者止罰羊畜繼能則麗於常法絲是西人畏而不敢犯德明雖受朝命而羌部不絕寇境繼能日課卒截竹爲符署其上且言以備將士記殺獲功狀賊聞之甚懼歸朝復洩羣牧仁宗在儲宮常親書一幅賜之繼能以聞真宗亦爲標題其末人以爲榮九年坐前護修莊穆皇后陵摧陷左授西染院使掌往來國信天禧初復西京左藏庫使國信司吏陳誠者頗巧黠繼能欲授置羣牧司而誠先隸羣牧坐事停職至是羣牧吏左宗扶其宿負白制置使曹利用故誠不遂所求繼能怒宗之沮己密遣親事卒偵宗會宗弟元喪妻宗嘗爲假敷駮軍校馬送葬及還元抵欽隸與酒保相毆繫府中而假馬之事未發誠即白繼能請屬府中并劾其事知府樂黃目受屬獄未就爲羣牧副使楊崇勳所發繼能坐罷內職降授西京作坊使出爲邠寧鈐轄繼能自陳不願外任得掌瑞聖園尋領往來國信所三年復爲西京左藏庫使內侍右班副都知未幾遷崇儀使以衰老求解職轉內園使掌瓊林苑五年卒年

六十五特贈汀州團練使錄其子懷忠為大理寺丞孫邀為三班奉職邀為借職奉坊祗候繼能性沉密知兵頗勇敢喜讀書然好治生晚年急於聚蓄眾以此少之何邠後歸朝知磁州而卒一子知崇裁十餘歲特補大廟齋郎又從其姪平夷尉知古為滄陽尉省郎無賞延之例猶以城守勞故甄錄焉

衛紹欽開封人父漢超內侍高品紹欽始以中黃門給事晉邸太宗即位補入內高品甚被親倚從征太原命督諸將攻城劉繼元降命領驍卒先入城燒其營柵遷殿頭高品雍熙二年擢入內西頭供奉官淳化中部修皇城功擢授內侍押班五年加崇儀副使李順之亂王師致討與王繼恩同領招安捉賊事遇

賊鬪學射山南又攻清水壩破雙流砦招降數萬眾斬千餘級順死餘黨保險為寇又與楊瓊先扼要路以邀之擒斬萬餘人獲器甲槍槊千餘遣別將曹習領兵捕餘賊于安國鎮斬三百級時嘉眉二州賊尚擾城郭又遣內殿崇班宿

翰討之兩川平召還深被褒獎真宗嗣位拜宮苑使領愛州刺史充入內副都知修奉永熙都監既復土遂為陵使景德二年改皇城使從幸河朔命為車駕

前後行宮四面都巡檢次澶淵命領扈駕兵守河橋三年加昭宣使朝諸陵復為行宮巡檢駐洛陽命為皇城內外都巡檢歷掌三班院皇城儀鸞翰林司卒

年五十六紹欽昔懷少恩不為眾所附太平興國中江東有僧詰闕請修天台壽昌寺且言寺成願焚身以報太宗尤其請命紹欽往督營繕既訖役遽積薪

於廷請僧如願僧言欲見至尊面謝紹欽曰昨朝辭日親奉德音不煩致謝僧

惴怖偃蹇願道俗望有救之者紹欽即促令躋薪上火既成僧欲投下紹欽遣

左右以叉抑按而焚之子承慶至內殿承制

石知顥真定人曾祖承渥梁尚食使祖守忠晉內供奉官父希鐸高品知顥形

貌甚偉建隆中授內中高品太宗即位改供奉官雍熙中諸將征幽薊以知顥

隨軍歸掌儀鸞司淳化中明州初置市舶司與蕃商貿易命知顥往經制之轉

內殿崇班親王諸宮都監從王繼恩平蜀寇就遷西京作坊副使咸平初遷正

使帶御器械契丹犯邊上北巡命為天雄軍澶州巡檢使俄改德博等州緣河

巡檢使兼安撫加領長州刺史二年戍鎮定高陽關三路押大陣是冬改高陽

關駐泊行營鈐轄歸朝復掌親王諸宮事景德中自京抵泗道徒治河堤命總

其役初計工累月及是浹日而畢上面加褒諭賜白金千兩授入內都知大中

祥符初遷內園使俄以定內侍遷秩品第不當為其列所誣坐罷都知三年為

并代州鈐轄遷莊宅使徙鎮定高陽關鈐轄四年命與內殿崇班張繼能供奉

官侍其旭同修太祖神御殿上封求覲闕下復掌羣牧司三班院親王諸宮事

天禧二年為并代州鈐轄兼管勾麟府路軍馬事三年卒年六十九孫全彬

全彬字長卿以知顥奏補入內小黃門累遷西頭供奉官仁宗使致香幣于南

海密詔察所過州縣史治民俗還具以對帝以為忠謹陝右羣盜殺鳳州巡檢

遣往擒滅之元昊叛全彬監鄜州兵救延州解圍去經略使明鎬言其勇略善

將得邊人情除并代州都監加內侍押班進鈐轄徙鄜延還為押班儂智高寇

廣南以為湖南江西路安撫副使出桂林請于宣撫使狄青願獨當一隊以自

効於是使將佐方兵力戰于邕州南方平領綿州防禦使張貴妃居寧華殿閣

命全彬提舉妃薨治喪過制皆劉沆王洙與全彬共為之數月進宮苑使利州

觀察使給兩使留後奉俄為入內副都知知制誥劉敞封還詞命居三月復授

之轉領信武軍留後為承昭陵鈐轄時去永定復土四十二年有司多亡其籍

全彬以心計辦治遷福延宮使提點奉先院熙寧中卒年七十六贈太尉定武

軍節度使諡曰恭僖

鄧守恩并州人十歲以黃門事太宗淳化中盜起成都從王繼恩往討之至道

初就護西蜀屯兵咸平初為入內高班契丹入寇命石保吉為鎮定都部署以

守恩為都監踰年入掌驛驛院會龍騎判卒勅劫環慶遣守恩擒斬之景德初

為瀘漢都巡檢又使環慶及戎瀘等州巡察邊事大中祥符初按獄于濮州雪

冤人十餘預監修玉清昭應宮會靈觀七年又兼修真遊殿景靈宮累遷入內

高品供奉官官成遷內殿承制八年預修大內改西京作坊副使九年營造皆

畢授東染院使充會靈觀都監天禧二年掌軍頭引見司又修祥源觀成遷崇

儀使三年授入內押班河決滑州命為修河鈐轄郊祀召為行宮使改如京使

復還本任四年春河復故道遷文思院使歸朝加領昭州刺史是秋掌皇城國

信二司。整肅禁衛。遷入內副都知。會建天章閣。命領其事。又勾當資善堂。兼太子左右春坊司。守恩長七尺餘。狀貌甚偉。蒞事幹敏。以彊果稱于時。五年卒。年四十八。贈淄州防禦使。錄其子官。

宋史卷四百六十六

元中書右丞相總裁脫脫等修

列傳第二百二十六

宦者二

楊守珍

韓守英

藍繼宗

張惟吉

甘昭吉

盧守敷

王守規

李憲

張茂則

宋用臣

王中正

李舜舉

石得一

梁從吉

劉惟簡

楊守珍字仲寶開封祥符人爲入內黃門習書史學兵法方略善射家僅過堂

下一發貫鬚人服其精選爲環慶路走馬承受公事契丹謀入塞爲鎮定高陽

關行營同押先鋒事會許民周繼宗爲人誣告與外夷交通干證者六十人辭

服遣守珍覆問悉辨理出之徙真定保趙等州駐泊都監邕桂等十州安撫都

監從曹克明降撫水州蠻築二柵以扼其要天禧初擒盜於青灰山累遷西京

作坊使帶御器械承興軍兵馬鈐轄徙真定邠寧路爲內侍省內侍押班提點

內弓箭軍器庫進內閣使右班都知領端州刺史嘗侍仁宗苑中命乘馬馳射

賞其便習賜錦袍卮酒卒贈原州防禦使

韓守英字德華開封祥符人初爲入內高品從征河東數奉詔至石嶺關督戰

取隆州遷殿頭久之以西頭供奉官擢入內內侍押班遷副都知隨王繼恩招

安西川爲先鋒戰于劍門有功遷西京作坊使劍門都監還勾當三班院進入

內內侍都知歷定州鎮定高陽關并代路兵馬鈐轄契丹圍岢嵐軍守英與鈐

轄張志言知府州折惟昌帥所部渡河抵朔州以牽賊勢遂破狼水砦俘數百

人獲馬牛羊鎧甲以數萬計賊爲解去賜錦袍金帶俄領會州刺史解都知再

遷昭宣使復領三班出爲鄜延路都鈐轄徙并代路建言本路宿兵多百姓困

於飛輓今幸邊鄙無事請留騎軍千餘人悉徙內地真宗曰邊臣能體朝廷恤

民之意宜詔諸路視此行之提舉在京諸司庫務勾當皇城司爲趙德明官告

勾修國史書成進景福殿使又爲延福宮使入內都知復提舉諸司庫務卒贈定國軍節度觀察留後

藍繼宗字承祖廣州南海人事劉鋹爲宦者歸朝年十二遷爲中黃門從征太

原傳詔營陳間多稱旨秦州並邊有大小洛門砦自唐末陷西羌雍熙中溫仲

舒諭會豪使獻其地徙衆渭北言者以爲生事請罷仲舒太宗遣繼宗往按視

環奏二砦據要害產良木不可棄帝悅復使繼宗勞賜仲舒累遷西京作坊副

使勾當內東門元德太后章穆皇后葬爲按行園陵使車駕北征勾當留司皇

城司車駕謁諸陵近陵舊乏水繼宗疏泉陵下百司從官皆取以濟擢入內副

都知爲天書扶持都監詔與李神祐第東封扈從內臣之勞而入內供奉官范

守邊等訴其不公罷都知祀汾睢復爲天書扶持都監再遷東染院使明年領

會州刺史進崇儀使勾當皇城司修玉清昭應宮與劉承珪典工作宮成遷洛

苑使高州團練使充都監坐章穆皇后陵隧墊貶如京使典修景靈宮淮南作

坊使復修會靈祥源觀車駕幸亳州管勾留司大內公事提舉在京諸司庫務

勾當三班院修國史院爲趙德明加恩使德明與繼宗射繼宗每發必中德明

遺以所乘名馬爲內侍省右班都知遷入內都知仁宗即位遷左驥驤使忠州

防禦使永定陵修奉鈐轄歷昭宣政宣慶使累上章求致仕特免入朝拜舞

及從行幸頃之復固請罷都知以景福殿使邕州觀察使家居養疾卒贈安德

軍節度使諡信靖繼宗事四朝謙謹自持每領職未久輒請罷家有園池退朝

即亟歸同列或留之繼宗曰我欲歸種花卉弄游魚爲樂爾景福殿置使自大

中祥符間至繼宗授者纔三人養子元用元震元用終左藏庫使梓州觀察使

元震以兄蔭補入內黃門轉高班給事明肅太后禁中夜火后擁仁宗登西華

門左右未集元震獨傳呼宿衛以功遷高品爲三陵都監條列防守法其後諸

陵以爲式歷羣牧都監監三館秘閣積官皇城使累遷入內副都知忠州防禦

使仙韶院火元震救護火以時息詔褒之賜襲衣金帶卒贈鎮海軍留後元震

養子五人畜鬪子張惟吉字祐之開封人初補入內黃門遷殿頭高陽關路走馬承授公事護塞

滑州天臺墻役遷西頭供奉官監在京權貨務知嘉州張約以贓敗詔與御史王軫往劾其獄還領內東門司為修奉章獻章懿太后二陵承受時議復用李諮權茶算緡法乃以惟吉為內殿崇班復監權貨務凡內侍領內東門次還勾當御藥院而惟吉纔進官眾以為薄惟吉欣然就職再奉以羨餘遷承制為趙元昊官告使還言元昊驕僭勢必叛請預飭邊備及元昊寇延州遣按視延鄜環慶兩路器甲并訪攻守利害敵既退夏竦韓琦謀自鄜延深入乘虛擊之命惟吉募并汾驍勇副以土兵輕齎赴河外惟吉以為我師當持重伺變不宜馳赴不測以自困已而元昊果引去還奏稱旨領皇城司遷內侍省押班羣牧都監簡陝西冗兵領軍頭引見司選供備庫使盡汰軍頭司軍校之罷廢者同提舉在京諸司庫務領恩州刺史為入內都知商湖決為澶州修河都鈐轄轉運使施昌言請亟塞崔嶧以為歲災民困役宜緩命惟吉按視言河可塞而民誠困財用不足宜少待之從其議遷如京使吳州團練使復領皇城司卒惟吉任事久頗見親信而言弗阿徇張貴妃薨將治喪皇儀殿諸宦官皆以為可獨惟吉曰此事干典禮須翌日問宰相既而宰相不能執議惟吉深以為非贈昭信軍節度觀察留後逾月又贈保順軍節度使諡忠安養子若水字益之以惟吉奏補小黃門給事章惠太后殿轉入內高品王師平貝州征儂賊皆以幹敏選為走馬承受賊平以勞進官三遷環慶路鈐轄討環州解七白族復有功歷帶御器械內侍押班副都知熙寧初造神臂弓成神宗御延和殿臨閣置鐵甲七十步俾衛士射未有中者若水自請射連中徹札建慶壽寶慈兩宮典領工作再遷嘉州防禦使以病斬解職領輝州觀察使提舉四園苑諸司庫務卒贈天平軍留後

甘昭吉字祐之開封人初以內侍殿頭為英詔州巡檢捕盜有功再遷內殿崇班京東路都巡檢齊州武衛小校馮坦率營卒二百突入州廳事欲為變昭吉單騎馳往戒所從將士操兵在外先獨見亂卒諭以福禍令推首惡自贖眾疑沮不敢動已而操兵者皆入即共執十餘人告曰此誘我者也昭吉立殺之縱其餘去以無事特選供備庫副使帶御器械後內侍省押班闕仁宗記前功

特以授之遷入內副都知英宗即位之夕昭吉直禁中胡衛有勞自文思副使超遷供備庫使康州刺史昭吉奏曰臣本孤微無左右之舉而先帝知臣朴直自小官拔用至此分當從葬今願得洒掃陵寢足矣帝愛其忠特授承昭陵使加如京使還朝表辭職以左龍武軍大將軍致仕卒昭吉敦實慎密人士稱之盧守勳字君錫開封祥符人自入內內品累遷禮賓使鄜寧環慶路鈐轄還為入內內侍省押班領昌州刺史明道中改葬章懿太后而舊藏有水以守勳嘗典葬事罷為承與軍兵馬鈐轄徙鄜延路再遷六宅使加貴州團練使進榮州防禦使兼鄜寧環慶路安撫都監元昊寇保安軍守勳率兵擊走之特遷左驍使移陝西鈐轄初劉平石元孫被執守勳撫膺涕泣不敢出又嘗易蕃官馬延州通判計用章勳范雍棄城將保鄜州雍欲遣安撫都監李康伯往說賊不肯行賊去而守勳用章更相論奏知制誥葉清臣以守勳擁兵觀望請正其罪并接二人守勳奪防禦使為湖北都監用章除籍配雷州本城康伯均州都監久之復恩州防禦使遷利州觀察使歷真定府定州北京路鈐轄以左衛大將軍致仕卒贈保順軍節度使諡安恪養子昭序

王守規真定欒城人入內副都知守忠之弟守忠事真宗謹愿慎密眷遇最厚明道時守規為小黃門禁中夜半火守規先覺自寢殿至後苑皆擊去其鎖乃奉仁宗及皇太后至延福宮回視所經處已成燬翌日執政候起居帝曰非王守規導朕至此幾不與卿等相見以功遷入內殿頭選治京城水決汴河于公買村決蔡河于四里橋水患以息加帶御器械積官至宣慶使康州防禦使內侍右班副都知卒年六十七贈昭武將軍留後

李憲字子範開封祥符人皇祐中補入內黃門稍遷供奉官神宗即位歷承興太原府路走馬承受數論邊事合旨幹當後苑王韶上書請復河湟命憲往視師與韶進收河州加東染院使幹當御藥院復戰牛精谷拔珂諾城為熙河經略安撫司幹當公事按視鄜延軍制行至蒲中會木征合董氈鬼章之兵攻破路白城殺景思立圍河州詔趣赴之憲馳至軍先是朝廷出黃旗書敕諭將士如用命破賊者倍賞於是憲晨起帳中張以示眾曰此旗天子所賜也視此以

戰帝實臨之。士爭呼用命以進。督諸將傍山焚族帳。即日通路至河州。賊餘衆保路白。官軍出與戰。大破之。進至餘川。又破賊堡十餘。木征率酋長八十餘人詣軍門降。捷聞。以功加昭宣使。嘉州防禦使。還爲入內侍省押班。幹當皇城司。安南叛。副趙萬招討。未行。萬建言朝廷置招討副使。軍士須共議。至節制號令。即宜歸一。憲銜之。由是屢紛辨。遂罷。憲而令乘驛計議。秦鳳熙河邊事。諸將皆聽節度。於是御史中丞鄧潤甫。御史周尹。蔡承禧。彭汝礪。極論其不可。又言鬼章之患小。用憲之患大。憲功不成。其禍小。有成功。其禍大。章再上弗聽。冷難朴誘山後生羌擾邊。木征請自効。衆以爲不可。憲曰。何傷乎。羌人天性畏服。貴種聽之往。木征感裝以出。衆聳視。皆無鬪志。師乘之。殺獲萬計。斬冷難朴。董氈懼。即遣使奉贊。効順。加宣州觀察使。宣政使。入內副都知。又遷宣慶使。時用兵連年。度支調度不繼。詔憲兼經制財用。裁冗費。計六歲。運西山巨木。給京師。營繕。賜瑞應坊園宅一區。元豐中。五路出師討夏國。憲領熙秦軍至西市新城。復蘭州城之。請建爲帥府。帝又詔憲領兵直趨興靈。董氈亦稱欲往。宜乘機協力。入掃巢穴。若興靈道阻。即過河取涼州。乃總兵東上。平夏人于高川石峽。進至屈吳山。營打囉城。趨天都。燒南牟府庫。次葫蘆河。而還。憲既不能至靈州。董氈亦失期。師無功。憲欲以開蘭會邀功。彌責。同知樞密院孫固曰。兵法期而後至者。斬。況諸路皆至。而憲獨不行。不可赦。帝以憲猶有功。但令詰還之。由。憲以饒餉不接。爲辭。釋弗誅。復上再舉之策。兼陳進築五利。且從之。會李順舉入奏。具陳師老民困。狀乃罷兵。趣憲赴關。道賜銀帛四千。爲涇原經略。安撫制置使。給衛三百。進景福殿使。武信軍留後。使復還熙河。仍兼秦鳳軍馬。夏人入蘭州。破西關。降宣慶使。憲以蘭州乃西人必爭地。衆數至河外。而相羊不進。意必大舉。乃增城守。塹壁。樓櫓。具備。明年冬。夏人果大入圍蘭州。步騎號八十萬。衆十日不克。糧盡引去。又詔憲遣問諭阿里骨。結等。且選騎度河。與賊遇。破之。坐妄奏功狀。罷內省職事。哲宗立。改承與軍路副都總管。提舉崇福宮。御史中丞劉摯論憲貪功生事。一出欺罔。避與靈會師之期。頓兵以城蘭州。遺患至今。永樂之圍。逗留不急。赴援降宣州觀察使。又貶右千牛衛將軍。分司南京。居陳州。卒。

年五十一。紹聖元年。贈武泰軍節度使。初。諡敏恪。改忠敏。憲以中人爲將。雖能拓地降敵。而罔上害民。終貽患中國云。

張茂則字平甫。開封人。初補小黃門。五遷至西頭供奉官。幹當內東門。禁庭夜有盜。茂則首登屋以入。既獲賊。遷領御藥院。仁宗不豫。中夜促召。茂則趨入扶衛。左右或欲掩宮門。茂則曰。事無可慮。何至使中外生疑耶。帝疾間。欲處以押班。懇求補外。轉官苑使。果州團練使。爲承興路兵馬鈐轄。入爲內侍押班。再遷副都知。熙寧初。同司馬光相視。恩冀深。蘇州生隄。及六塔。二股河利害。進入內都知。上元夜。宮中火。督衆即撲滅。詔曰。宮禁不驚。怒藏如故。惟忠與力。予固嘉之。賜以窄衣金帶。累乞退休。言受國厚恩。廩食過量。積而未請者七年。乞令三司毀券。詔裏之。仍進其官。哲宗即位。遷寧國軍留後。加兩省都都知。卒。年七十九。茂則性儉素。食不重味。衣裘累十數年不易。紹聖論元祐人。以茂則嘗預任使。追貶左監門衛將軍。崇寧中。入黨籍。

宋用臣字正卿。開封人。爲人有精思。彊力。以父蔭。隸職內省。神宗建東西府。築京城。建尙書省。起大學。立原廟。導洛通汴。凡大工役。悉董其事。性敏給。嘗傳詔令。故多訪以外事。同列悉藉以進。朝士之乏廉節者。往往詔附之。權勢震赫。一時積勞。至登州防禦使。加宣政使。元祐初。言者論其罪。降爲皇城使。謫監滁州。太平州酒稅。四年。主管靈樞觀。紹聖初。召爲內侍押班。進瀛州刺史。徽宗即位。遷蔡州觀察使。入內副都知。爲承奉陵修奉鈐轄。卒。陵下。贈安化軍節度使。諡傳敏。諡議謂用臣爲廣平宋公。有天子念公之勞。久徙于外之語。豐稷論奏。以爲凡稱公者。皆須者。宿大臣與鄉黨有德之士。其曰念公之勞。久徙于外。斯乃古周公之事。於用臣非所宜言也。止令賜諡。論者是之。

王中正字希烈。開封人。因父任補入內黃門。遷赴廷福宮。學詩書。曆算。仁宗嘉其才。命置左右。慶曆衛士之變。中正援弓矢。即殿西督捕射。賊悉就擒。時年甫十八。人頗壯之。遷東頭供奉官。歷幹當御藥院。鄜延環慶路公事。分治河東邊事。破西人有功。帶御器械。神宗將復熙河。命之規度。還言熙河譬乳虎抱玉。乘爪牙未備。可取也。遂從王韶入熙河。治城壁守具。以功遷作坊使。嘉州團練使。

擢內侍押班吐蕃圍茂州詔率陝西兵援之圍解自石泉至茂州謂之隴東路
 土田肥美西羌據有之中正不能討乃因吐蕃入寇言其路經靜州等族榛僻
 不通邇年商旅稍往來故外蕃因以乘間縣至綿與茂道里均而龍安有都巡
 檢緩急可倚仗請割石泉隴綿而望其故道從之隴東遂不可得還使熙河經
 畫鬼章進昭宣使入內副都知元豐初提舉教畿縣保甲將兵捕賊盜巡檢獻
 民兵伍保法請於村疇及縣以時閱習悉行其言復往鄜延環慶經制邊事詔
 凡所須用度令兩路取給無限多寡既行又稱面受詔所過募禁兵願從者將
 之主者不敢違問罪西夏以中正簽書經原路經略司事詔五路之師皆會靈
 州中正失期糧道不繼士卒多死命權分屯鄜延並邊城砦以俟後舉自請罷
 省職遷金州觀察使提舉西太一宮坐前敗貶秩元祐初言者再論其將王師
 二十萬公違詔書之罪劉摯比中正與李憲宋用臣石得一為四凶又貶秩兩
 等久之提舉崇福宮紹聖初復嘉州團練使卒年七十一

李舜舉字公輔開封人世為內侍曾祖神福事太宗以信謹終始舜舉少補黃
 門仁宗使督工冶金為器既成有羨數并上之帝嘉其不欺出為秦鳳路走馬
 承受英宗立奏事京師會帝不豫內謁者止之宮門舜舉曰天子新即位使者
 從邊方來不得一見而去何以慰遠人謁者以聞亟召對帝意良悅因言承受
 公事以察守將不法為職而終更論最乃使帥臣保任乞免之遂刪舊制熙寧
 中歷幹當內東門御藥院講筵閣實錄院郭遠討交州以為廣西幹當公事軍
 中之政得與講畫或疾置入朝累受成算會遠貶亦降左藏庫副使以文思院
 使領文州刺史帶御器械進內侍押班制置涇原軍馬五路師出無功議再舉
 李憲督饋糧言受密詔自都轉運使以下乏軍與者皆聽斬民憲前日之役多
 死於凍餒皆憚行出錢百緡不能雇一夫相聚立柵山澤不受調吏往逼呼輒
 毆擊解州至械縣令以督之不能集舜舉入奏其事乃罷兵退詣中書王珪迎
 勞之曰朝廷以邊事屬押班及李留後無西顧之憂矣舜舉曰四郊多壘此卿
 大夫之辱相公當國而以邊事屬二內臣可乎內臣正宜供禁庭洒掃之職豈
 可當將帥之任聞者代珪慚焉轉嘉州團練使沈括城采樂遣舜舉計議被圍

急斷衣襟作奏曰臣死無所恨願朝廷勿輕此賊尋以死聞贈昭信軍節度使
 諡曰忠敏舜舉資性安重與人言未嘗及官省事頗覽書傳能文辭筆札在御
 藥院十四年神宗書書李舜舉公忠奉上恭勤檢身始終惟一以安以樂十九
 字賜之

石得一開封人為內侍黃門累官內殿承制神宗時帶御器械管幹龍圖天章
 寶文閣皇城司四遷入內副都知元祐初領成州團練使罷內省職御史劉摯
 言得一頃筦皇城恣其殘刻縱道邇者所在某布張奔設網以無為有以虛為
 實朝廷大吏及富家小人飛語朝上暮入狴犴上下惴恐不能自保至相顧以
 目者殆十年坐降左藏庫使卒紹聖中贈隨州觀察使

梁從吉字君祐開封人補入內高班王則反奉命宣慰還言小寇無多慮諸將
 之兵足以翦除若得重臣統其事不崇朝可平矣於是仁宗以文彥博為安撫
 招討使賊平又奏請分河北為路每路以一帥府統之遂建魏鎮定瀛四帥熙
 寧初為邠寧環慶路駐泊兵馬鈐轄夏人寇大順城圍慶州七砦從吉率兵八
 百餘人與戰獲其酋領又討平寧州叛卒以功升都鈐轄累官皇城使從高遵
 裕至寧武督士卒攻城身被創甚進入內押班遷永州團練使為副都知元祐
 中卒贈成德軍節度使諡曰敏恪

劉惟簡開封人由入內黃門積官至昭宣使康州刺史高陽關路兵馬都監為
 入內押班英宗初立惟簡自河北來朝請對寢門內謁者難之獨引見皇太后
 惟簡立福寧殿下兩沾衣不退帝起坐幃中望見呼問曰諸路如汝者幾人何
 以獨來對曰陛下新即位臣來自邊塞未瞻天表不敢輒還不知其他帝數曰
 小臣知所守如此識其姓名屏間他日神宗覽所題屏擢幹當延福宮自是蒙

親信交人叛詔馳驛至桂州審視事勢還言帥臣劉彝貪功生事罪當誅乾德
 狂童頸不足繫帝信之郭遠趙萬南征以為行營承受遠為被誣惟簡亦奪一
 官陝西五路師還受命撫犒士卒以疾先還者不賜惟簡心知其不便至慶州
 疏言士卒不幸以將臣上違聖略糧食不繼逃生以歸其情可貸今同立庭中

而不預賜恐患生倉卒帝用其言均予之又使安閣河北保甲振濟京西水災

參定諸陵薦獻既而爲言者所劾擯不用哲宗在藩時惟閉奏服勤及親政
召至左右以內侍押班卒贈昭化軍留後

宋史卷四百六十七

宋史卷四百六十八

元中書右丞相總裁脫脫等修

列傳第二百二十七

宦者三

李祥

陳衍

馮世寧

李繼和

高居簡

程昉

蘇利涉

雷允恭

閻文應

任守忠

童貫方臘附

梁師成

楊戩

李祥開封人為入內黃門。資驍銳，善騎射。用材武中選，授涇原儀渭同巡檢。從景思立于河湟，以功遷內殿崇班，為河州駐泊兵馬都監。從郭達討交趾，駐富民江賊兵大至，與涇原將姚兕力戰，敗之。遷皇城使，鎮戎軍沿邊都巡檢使。從劉昌祚征靈武，議功加沂州團練使。或言所部兵失亡多，降簡州刺史。權熙河蘭會路都監，總岷州兵。夏人攻蘭州，祥赴援，保險待變。數日虜徹圍去，復團練使。進階州防禦使。從神諲襲鬼章有功，升兵馬都鈐轄。在熙河二十餘年，以宣慶使內侍押班卒。

陳衍，開封人。以內侍給事殿庭，累官供備庫使。梁惟簡薦諸宣仁聖烈皇后，主管高韓王宅，領御藥院。內東門司宣仁山陵，為按行使。俄以左藏庫使文州刺史出為真定路都監。御史來之邵方力詆，元祐政事首言衍在垂簾日，怙寵驕肆，交結戚里，進退大臣，力引所私，俾居耳目之地。張商英亦論衍交通宰相，御服為之賜珠，結託詞臣，儲祥為之賜膳，蓋指呂大防蘇軾也。衍坐貶監郴州酒稅務，惟簡以援引張士良，梁知新以黨廢立，士良嘗與衍同在宣仁后閣，自惇起獄，誣元祐諸老大臣，云結衍輩以謀廢立，士良嘗與衍同在宣仁后閣，自郴州召之，使實其說，士良至，但言宣仁彌留之際，衍嘗可否二府事，及用御寶付外而已，鍛鍊無所得。安惇蔡京乃奏衍疏隔兩宮，斥隨龍內侍十餘人于外，以剪除人主腹心羽翼，意在動搖大逆不道，乃詔處死，令廣西轉運使程節泣其刑。

馮世寧，字靜之，以入內黃門累遷昭宣使。忠州團練使入內押班，揚國公主寢疾，哲宗欲夜出問訊，世寧執言不可，帝雖微忤，卒為之改容。再遷景福殿使，明州觀察使。至副都知，崇寧新官名，世寧首知入內侍省事，禁中夜火，使宿衛士撲滅之，既定，令自他途出，蓋不欲使知官省曲折也。徽宗賞數，進感德軍留後，政和初，以內省使彰化軍留後致仕。世寧出入禁闈六十年，循謹無過。卒年六十七，贈開府儀同三司，諡曰恭節。

李繼和，開封人。以父任為內侍黃門，慶曆中，為河北西路承受，保州兵叛，塞城門距守，官軍重圍之，不得入。繼和獨上南關門，密呼所結內應者，諭以禍福，眾言俟李昭亮至，即斬關自歸。已而果然，賊平，遷兩秩。王則反，貝州為城下走馬承受，沙苑關馬，詔秦州置場以券市之。繼和領職，不數月得馬千數，而人不擾。舊制內侍入仕三十年，始得磨勤，至是乃令以勞進官者無拘於年。環州弓箭手歲時給酒，州將不與，眾諠訴，亟聞府門不敢出，繼和步入眾中，譬曉之曰：汝曹為一杯酒，遂喪軀命乎？眾悟，散去。事聞，擢帶御器械。累宣慶使，文州團練使，入內副都知。卒，子從善，援例求贈官。神宗曰：此弊事也。繼和無軍功，何必贈，自是為定制云。

高居簡，字仲路，世本番禺人。以父任為入內黃門，護作温成原廟奉神物，以精辦稱。超轉殿頭，領後苑事，坐奉使梓夔路多占驛兵，降高品。歷領龍圖天章寶文閣內東門司，幹當御藥院。神宗即位，御史張唐英言其資性檢巧，善迎合取容，中丞司馬光亦言其久處近職，罪惡已多。祖宗舊制，幹當御藥院官至內殿崇班以上，即須出外。今陛下獨留四人，中外以此竊議。況居簡頃在先朝，依憑城社物論，切齒及陛下，繼統乃復先自結納，使寵信之恩過於先帝，願明治其罪，以解天下之惑。於是罷為供備庫使，稍遷帶御器械。進內侍押班，以文思使領忠州刺史。卒，贈輝州觀察使。居簡聞外廷議論，必以入告，省中目為高直奏。仁宗時，常使南海，遇廣州火，救者不力，居簡督眾護軍資甲仗二庫，賴以獲全。事聞，詔褒之。

程昉，開封人。以小黃門積遷西京左藏庫副使。熙寧初，為河北屯田都監，河決

輩疆。二股河導之使東，為鋸牙，下以竹落塞決口，加帶御器械，河決商胡北流，與御河合為一。及二股東流，御河遂淺澱，防以開浚功，遷官苑副使。又塞漳河，作浮梁于洛州，兼外都水丞，詔相度與脩水利，河決大名第五埽，防議塞之。因疏塘水溉深州田，又導葫蘆河自樂壽之東至滄州二百里，塞孟家口，開乾寧軍直河，作橋于真定之中渡。又自衛州王供增導沙河入御河，以廣運路。累遷達州防禦使，制置河北河防水利。御史咸陶言，防挾第五埽之功，專為己力。假朝廷威福，恐動州縣，所開共城河，頗廢人戶水磴，久無成功。又議開沁河，因察訪官按行，始知不便。漳河澹沈之役，水占邢洛趙深祁五州之田。王廣廉孔嗣宗、錢經、趙子幾，皆嘗論奏，其姦欺之狀，則多置撻口，指決河所便為淤田。其事權之盛，則舉官廢吏，惟其所欲，悻慢豪橫，則受聖旨者三，受提點刑獄司牒者十二，故有違拒，小人誤當賞擢，驕著自肆，願遣官代還，仍行究治。神宗曰：王安石以叻知河事，故加任使，令開漳河，用工七百萬，澹沈八九百萬，已議體量矣。始安石欲興水利，驟用叻，叻挾安石勢而慢韓琦，後安石覺其虛誕，亦疎之，以憂死。贈輝州觀察使，遂罷都大制置河防水利司。

蘇利涉字公濟，祖保遷，自廣州以聞，入朝，利涉初為入內內品，慶曆中衛士之變，以護衛有勞，賞激加等，英宗為皇子，利涉給事東宮，及即位，遷東頭供奉官，欲以為賴王府都監，力辭，幹當御藥院，遷供備庫使，帝不豫，侍醫藥最勤，言輒流涕，及帝崩，乞與醫官同貶，三上表待罪，不許。神宗即位，授達州刺史，歷內侍押班副都知，轉海州團練使，僊詔院火，營救甚力，賜襲衣金帶，卒年六十四。贈奉國軍節度使，諡曰勤儉。利涉嘗幹當皇城司，循故事，兩卒邏報，不皆以聞，後石得一代之事，無巨細悉以奏，往往有緣飛語受禍者，人始以利涉為賢。

雷允恭，開封人，初為黃門，頗慧黠，稍遷入內殿頭，給事東宮，周懷政偽為天書，允恭豫發其事，懷政死，擢內殿崇班，遷承制，再遷西京作坊使，普州刺史，入內侍省押班，章獻后初臨政，丁謂潛結允恭，凡機密事，令傳達禁中，由是允恭勢橫中外，山陵事起，允恭請效力陵上，章獻后曰：吾慮汝有妄動，恐為汝累也。

乃以為山陵都監，允恭馳至陵下，司天監邢中和為允恭言：今山陵上百步，法宜子孫類汝，秦王墳，允恭曰：何不就中和曰：恐下有石與水爾，允恭曰：上無他子，若如秦王墳，何不可中和曰：山陵事重，踏行履按，動經月日，恐不及七月之期耳。允恭曰：第移就上穴，我走馬入見太后言之。允恭素貴橫，人不敵違，即改穿上穴，入白其事，章獻后曰：此大事，何輕易如此。允恭曰：使先帝宜子孫，何惜不可，章獻后意不然，曰：出與山陵使議可否。時丁謂為山陵使，允恭具道所以，謂唯唯而已。允恭入奏曰：山陵使亦無異議矣，既而上穴果有石，石盡水出，允恭竟以是并坐盜金寶賜死，籍其家，中和流沙門島，謂尋寶海上。

閻文應，開封人，給事掖庭，積遷至入內副都知，仁宗初親政，與宰相呂夷簡謀以張耆、夏竦、陳堯佐、范雍、趙鼎、晏殊、錢惟演，皆章獻后所任用，悉罷之，退以語郭后。后曰：夷簡獨不附太后邪，但多機巧，善應變耳。由是并夷簡罷，夷簡素與文應相結，使為中訶久之，乃知事由郭后，夷簡遂怨后，及再相，楊尙二美人方寵，尙美人於仁宗前，有語侵后，后不勝忿，批其頰，仁宗自起救之，誤中其頸，仁宗大怒，文應乘隙，遂與謀廢后，且勸以爪痕示執政，夷簡以怨力主廢事，因奏仁宗出諫官，竟廢后為淨妃，以所居宮名瑤華，皆文應為夷簡內應也。郭后既廢，楊尙二美人益寵，專夕，仁宗體為之弊，或累日不進食，中外憂懼，楊太后亟以為言，仁宗未能去，文應早暮入侍，言之不已，仁宗厭其煩，強應曰：諾，文應即以斃車載二美人出，二美人涕泣，詞說云云不肯行，文應罵曰：官婢尙何言，驅使登車，翌日以尙氏為女道士，居洞真宮，楊氏別宅安置，既而仁宗復悔廢郭后有復后之意，文應大懼，會后有疾，挾太醫診視，數日乃言，后暴崩，實文應為之也。累至昭宣使，恩州團練使，時諫官劾其罪，請并其子士良出之，以文應領嘉州防禦使，為秦州鈐轄，改鄆州，士良罷御藥院，為內殿崇班，始楊尙二美人之出宮也。左右引陳氏女入宮，父號陳子城，楊太后嘗許以為后，宋綬不可。

王曾，呂夷簡、蔡齊相繼論諫，陳氏女將進御，士良聞之，遽見仁宗，仁宗披百葉擇曰：士良曰：陛下閱此，豈非欲納陳氏女為后邪。仁宗曰：然，士良曰：子城使大臣家奴，僕官名也，陛下納其女為后，無乃不可乎。仁宗遽命出之，文應後徙相。

州鈴轄卒贈邠州觀察使

任守忠字稷臣陞入內黃門累轉西頭供奉官領御藥院坐事廢久之復故官稍遷上御藥供奉初章獻后聽政守忠與都知江德明等交通請謁權寵過盛仁宗親政出為黃州都監又謫監益州酒稅稍遷潭州都監徙合流鎮西鄙用兵又為秦鳳涇原路駐泊都監以功再遷東染院使內侍押班出為定州鈴轄加內侍副都知累遷宣政使洋州觀察使為入內都知仁宗未有嗣屬意英宗守忠居中建議欲援立昏弱以徼大利及英宗即位拜宣慶使安靜軍留後守忠又語言誕妄交亂兩宮於是知諫院司馬光論守忠離間之罪為國之大賊民之巨蠹乞斬於都市英宗猶未行宰相韓琦出空頭敕一道參政歐陽脩已簽趙概難之脩曰第書之韓公自有說琦遂坐政事堂立守忠庭下曰汝罪當死貶保信軍節度副使斬州安置取空頭敕填與之即日押行琦意以為少緩則中變也守忠久被寵幸用事于中人不取言其過及貶中外快之久之起為左武衛將軍致仕卒年七十九

童貫少出李憲之門性巧媚自給事宮掖即善策人主微指先事順承徽宗立置明金局于杭貫以供奉官主之始與蔡京游京進貫力也京既相贊策取青唐因言貫嘗十使陝右審五路事宜與諸將之能否為最悉力薦之合兵十萬命王厚專閩寄而貫用李憲故事監其軍至湟川適禁中火帝下手札驛止貫毋西兵貫發視遽納韓中厚問故貫曰上趣成功耳師竟出復四州擢景福殿使襄州觀察使內侍寄資轉兩使自茲始未幾為熙河蘭湟秦鳳路經略安撫制置使累遷武康軍節度使討溪哥藏征復積石軍洮州加檢校司空頗恃功驕恣選置將吏皆捷取中旨不復關朝廷寢嘆京意除開府儀同三司京曰使相宜應授宦官不奉詔政和元年進檢校太尉使契丹或言以宦官為上介國無人乎帝曰契丹聞貫破羌故欲見之因使覘國策之善者也使還益展奮廟謀兵柄皆屬焉遂請進築夏國橫山以太尉為陝西河東河北宣撫使俄開府儀同三司簽書樞密院河西北兩房不三歲領院事更武信武寧護國河東山南東道劍南東川等九鎮太傅經國公時人稱蔡京為公相因稱貫為媪相

將秦晉銳師深入河隴虜于蕭關古骨龍謂可制夏人死命遣大將劉法取朔方法不可貫逼之曰君在京師時親授命於王所自言必成功今難之何也法不得已出塞遇伏而死法西州名將既死諸軍恟懼貫隱其敗以誣聞百官入賀皆切齒然莫敢言關右既困夏人亦不能支乃因邊人進誓表納款使至授以誓詔辭不取貫彊館伴使固與之還及境棄諸道上舊制熟羌不授漢官貫故引拔之有至節度使者弓箭手失其分地而使守新疆禁卒逃亡不死而得改隸他籍軍政盡壞政和元年副鄭久中使于遠得燕人馬植歸薦諸朝遂造平燕之謀選健將勁卒刻日發命會方臘起睦州勢甚張改江浙淮南宣撫使即以所聚兵帥諸將討平之

方臘者睦州青溪人也世居縣場村託左道以惑眾初唐永徽中睦州女子陳碩真反自稱文佳皇帝故其地相傳有天子基萬年樓臘益得憑藉以自信縣境梓桐幫源諸峒皆落山谷幽險處民物繁夥有漆楮杉材之饒富商巨賈多往來時吳中困於朱勳花石之擾比屋致怨臘因民不忍陰聚貧乏游手之徒宣和二年十月起為亂自號聖公建元永樂置官吏將帥以巾飾為別自紅巾而上凡六等無弓矢介冑唯以鬼神詭秘事相扇誅焚室廬掠金帛子女誘脅良民為兵人安於太平不識兵革聞金鼓聲即斂手聽命不旬日聚眾至數萬破殺將官蔡遵于息坑十一月陷青溪十二月陷睦歙二州南陷衢殺郡守彭汝方北掠新城桐廬富陽諸縣進逼杭州郡守棄城走州即陷殺制置使陳建廉訪使趙約縱火六日死者不可計凡得官吏必斷鬻支體探其肺腸或熬以膏油叢鏑亂射備盡楚毒以償怨心警奏至京師王黼匿不以聞於是凶焰日熾蘭溪靈山賊朱言吳邦刻縣警道人仙居呂師囊方巖山陳十四蘇州石生歸安陸行兒皆合黨應之東南大震發運使陳亨伯請調京畿兵及鼎澧槍牌手兼程以來使不至滋蔓徽宗始大驚亟遣童貫譚稹為宣撫制置使率禁旅及秦晉蕃漢兵十五萬以東且諭貫使作詔罷應奉局三年正月臘將方七佛引眾六萬攻秀州統軍王子武乘城固守已而大軍至合擊賊斬首九千築京觀五城還據杭二月貫稹前鋒至青州堰水陸並進臘復焚官舍府庫民居乃

宵遁諸將劉廷慶王稟王渙楊惟忠辛與宗相繼至盡復所失城四月生擒臘及妻邵子毫二太子偽相方肥等五十二人於梓桐石穴中殺賊七萬四年三月餘黨悉平進貫太師徙國楚臘之起破六州五十二縣戍平民二百萬所掠婦女自賊峒逃出裸而縊於林中者由湯巖槽嶺八十五里間九村山谷相望王師自出至凱旋四百五十日臘雖平而北伐之役遂起既而以復燕山功詔解節鉞為真三公加封徐豫兩國越兩月命致仕而代以諱積明年復起領樞密院宣撫河北燕山宣和七年詔用神宗遺訓能復全燕之境者朕本邦疏王爵遂封廣陽郡王是年粘罕南侵貫在太原遣馬擴辛與宗往聘以嘗金金人以納張覺為責且遣使告與兵貫厚禮之謂曰如此大事何不素告我使者勸貫速割兩河以謝貫氣鬱不能應謀遁歸太原守張孝純誚之曰金人渝盟王當今天下兵悉力枝梧今委之而去是棄河東與敵也河東入敵手奈河北乎貫怒叱之曰貫受命宣撫非守土也君必欲留貫置帥何為孝純拊掌嘆曰平生童太師作幾許威望及臨事乃蓄縮畏懼奉頭鼠竄何面目復見天子乎貫奔入都欽宗已受禪下詔親征以貫為東京留守貫不受命而奉上皇南巡貫在西邊募長大少年號勝捷軍幾萬人以為親軍環列第舍至是擁之自隨皇上過浮橋衛士攀望號慟貫唯恐行不速使親軍射之中矢而踣者百餘人道路流涕於是諫官御史與國人議者纒起初貶左衛上將軍連謫昭化軍節度副使竄之英州吉陽軍行未至詔數其十大罪命監察御史張徽迹其所至蒞斬之及於南雄既誅函首赴闕梟于都市貫握兵二十年權傾一時奔走期會過於制敕嘗有論其過者詔方劾往察劾一動一息貫悉偵得之先密以白且陷以他事劾反得罪逐死貫狀魁梧偉觀視頭下生須十數皮骨勁如鐵不類常人有度量能疎財後宮自妃嬪以下皆獻餉結內左右婦寺維譽言日聞寵嬖翕赫庭戶雜還成市岳牧輔弼多出其門廝養僕園官諸使者至數百輩窮姦稔穢流毒四海雖租鹽不償責也

梁師成字守道慧黠習文法稍知書初隸賈詳書藝局詳死得領睿思殿文字外庫主出外傳道上旨政和間得君貴幸者竄名進士籍中積遷晉州觀察使

與德軍留後建明堂為都監既成拜節度使加中太一神霄宮使歷護國鎮東河東三節度至檢校太傅遂拜太尉開府儀同三司換節淮南時中外奉寧徽宗留意禮文符瑞之事師成善逢迎希恩寵帝本以隸人畜之命入處殿中凡御書號令皆出其手多擇善書吏習做帝書雜詔旨以出外廷莫能辨師成實不能文而高自標榜自言蘇軾出子是時天下禁誦軾文其尺牘在人間者皆毀去師成訴於帝曰先臣何罪自是軾之文乃稍出以翰墨為己任四方僞秀名士必招致門下往往遺點污多實書畫卷軸於外舍邀賓客縱觀得其題識合意者輒密加汲引執政侍從可階而升王黼父事之雖蔡京父子亦詔附焉都人目為隱相所領職局至數十百黼造伐燕議師成始猶依違卒乃贊決又薦譚稹為宣撫燕山平策勳進少保益通賄謝人士入錢數百萬以獻頌上書為名令赴廷試唱第之日侍於帝前嚙嚙升降其小吏儲宏亦豫科甲而執廝養之役如初李彥括民田於京東西所至偃坐堂上監司郡守不敢抗禮有言於帝師成適在旁抗聲曰王人雖微序於諸侯之上豈足為過言者懼而止師成貌若不能言然陰賊險鷲遇間即發家居與黼隆帝幸黼第見其交通狀已怒朱勳又以應奉與黼軋因乘隙攻之帝罷黼和師成由是益絀鄆王楷寵威有動搖東宮意師成能力保護欽宗立嬖臣多從上皇東下師成以舊恩留京師於是太學生陳東布衣張炳力疏其罪炳指之為李輔國且言宦官表裏相應變恐不測東復論其有異志攬定策功當正典刑帝迫於公議猶未誦言逐之師成疑之寢食不離帝所雖奏廁亦侍於外久未有以發會鄭望之使金營還帝命師成及望之以宣和殿珠玉器玩復往先令望之詰中書論宰相至則留之始詔暴其罪責為彰化軍節度副使開封吏護至貶所行次八角鎮縊殺之以暴死聞籍其家

楊戩少給事掖庭主掌後苑善測伺人主意自崇寧後日有寵知入內侍省立明堂鑄鼎鼎起大晟府龍德宮皆為提舉政和四年拜彰化軍節度使首建期門行幸事以固其權勢與梁師成埒歷鎮安清海鎮東三鎮由檢校少保至太傅遂謀據東宮有胥吏杜公才者獻策于戩立法索民田契自甲之乙乙之

丙展轉究尋。至無可證。則度地所出。增立賦租。始於汝州。浸淫于京東西淮西北。括廢隄棄堰。荒山退灘。及大河淤流之處。皆勒民主佃額。一定後。雖衝蕩回復。不可減。號爲西城。所築山澗。古鉅野澤。綿亘數百里。濟鄆數州。賴其蒲魚之利。立租算船納直。犯者盜執之。一邑率於常賦外。增租錢至十餘萬緡。水旱蠲稅。此不得免。擢公才爲觀察使。宣和三年。戢死。贈太師。吳國公。而李彥繼其職。彥天資狠愎。密與王黼表裏。置局汝州。臨事愈劇。凡民間美田。使他人投牒告陳。皆指爲天荒。雖執印券皆不省。魯山閭縣。盡括爲公田。焚民故券。使田主輸租佃本業。訴者輒加威刑。致死者千萬。公田旣無二稅。轉運使亦不爲奏除。悉均諸別州。京西提舉官及京東州縣吏劉寄。任輝。彥。李士漁。王濟。毛孝立。王隨。江惇。呂廷。錢械。宋憲。皆助彥爲虐。如奴事主。民不勝忿痛。前執政冠帶操笏迎謁。馬首獻媚。花朝夕造請。賓客徑趨謁舍。不敢對之上馬。而彥處之自如。發物供奉。大抵賴朱勳。凡竹數竿。用一大車。牛驢數十頭。其數無極。皆責辦於民。經時閱月。無休息期。農不得之田。牛不得耕墾。殫財靡芻。力竭餓死。或自縊。輓輓間。如龍鱗。辭荔一本。輦致之。費踰百萬。喜賞怒刑。禍福轉手。因之得美官者甚衆。賴昌兵馬鈐轄范寥。不爲取竹。誣刊蘇軾詩文于石爲十惡。朝廷察其捃摭。亦令勒停。當時謂朱勳結怨于東南。李彥結怨于西北。靖康初。詔追戮所贈官。爵彥削官賜死。籍其家。劉寄以下十人皆停廢。復范寥官。

宋史卷四百六十八

宋史卷四百六十九

元中書右丞相總裁脫脫等修

列傳第二百二十八

宦者四

邵成章

藍珪康履附馮益

張去爲

陳源

甘昇

王德謙

闕禮

董宋臣

邵成章，欽宗朝內侍也。帝入青城，命成章衛皇太子赴宣德門，稱制行事。太子北去，成章留于汴。康王將即位，元祐太后遣成章乘輿服御至南京。從幸揚州，金人掠陝西京東諸郡，羣盜起山東，黃潛善、汪伯彥匿不以聞。及張遇焚真州，去行在六十里，帝亦不之知也。成章上疏條具潛善、伯彥之罪曰：「必誤國，且申潛善等使聞之，帝怒，除名南雄州編管，侍御史馬伸言：『成章緣上書得罪，今是何時以言爲諱？』久之，帝思成章忠直，召赴行在，其徒忌之，譖于帝曰：『邵九百來，陛下無歡樂矣。』遂止之于洪州，金人入洪，聞其名，訪求得之，謂之曰：『知公忠正，能事吾主，可坐享富貴。』成章不應，脅之以威，亦不從。金人曰：『忠臣也，吾不忍殺，遺之金帛而去。』

藍珪，康履初，皆爲康王府都監，入內東頭供奉官。嘗從康王使金人行營，及開元帥府，並主管機宜文字。朝廷遣人趣師入援，履等請王留相州，王叱之而行。既即位，二人俱恃恩用事，履尤妄作威福。大將如劉光世等，多曲意事之。帝知之，詔內侍不許與統兵官相見，違者停官編隸。履終無所忌憚，與內侍曾擇凌忽諸將，或踞坐洗足，立諸將於左右，聲喏甚至馬前。故疾之者衆。俄遷內侍省押班，金州觀察使。帝在揚州，金兵卒至，帝馳馬出門，百官不戒備，從行者惟履等五六人。自是履等益自銜，愈有輕外朝心。及幸浙道吳江，其黨競以射鴨爲樂。比至杭州，江下觀潮，中官供帳，赫然遮道，統制苗傅等切齒曰：「此輩使天子至此，猶敢爾邪？」幕客王世修亦疾中官恣橫，以告武功大夫劉正彥。正彥曰：「會當共除之。」王淵躋樞筦，正彥以爲由宦者所薦，愈不平。謀遂決，伏兵斬淵，遣

兵圍履家，分捕中官。凡無須者皆殺之。履馳入白帝，傳等至，厲聲曰：「陛下信任中官，凡中官所主者，皆得美官。王淵遇賊不戰，交康履得樞密，中官在外者已誅，更乞康履藍珪曾擇等誅之，以謝三軍。」帝不忍，除傅等官以安之。傅等曰：「欲遷官，第須控兩匹馬與內侍，何必至此。」帝問百官策安出，主管浙西機宜文字時希孟曰：「中官之爲患，至此極矣，不除之，天下之患未已。」軍器監葉宗諤言：「陛下何惜一康履，不以慰三軍？」帝不得已，遣人執履至，履望帝呼曰：「大家何獨殺臣，遂以付傅，即腰斬之。」梟其首。帝幸睿聖宮，傅等留內侍十五人奉左右，尋捕珪、曾擇等皆編置遠州。擇昭州，行一程，追還斬之。傅等誅，贈履官，諡榮節。召珪等還，中書舍人季陵言：「中官復召，其黨與相賀，氣益張，中外切齒。」不報。珪至自武功，大夫擢內侍省押班，慈寧宮建，命提點事務。尋升內侍省都知，及迎太后，命充都大主管。太后既還宮，珪奏應干補授恩，乞聽慈寧宮施行。從之。珪初與履同進，而驕橫不及履，故幸以壽終。有安石者與珪同姓，爲內侍省副都知。至景福殿使湖州觀察使卒，贈保寧軍節度使諡良恪。渡江後，中官贈諡自安石始。又有與履同姓者名諤，爲內侍省押班，亦親幸用事。與知閣門事藍公佐等每邀公佐至其直舍，必縱飲大醉，蕩莫乃歸。嘗漏泄禁中語，劉光遠被劾，諤與內侍陳永錫受其金力爲營救。言官劾之，帝詔永錫與祠，諤送吏部，後累官至均州觀察使卒，贈保信軍節度使諡忠定。

馮益，康王邸舊人也。王即位，自入內東頭供奉官，遷至幹辦御藥院，尋兼幹辦皇城司。恃舊恩驕恣，帝幸浙東，益與御前右軍都統制張俊爭渡，以語侵俊，且訴于帝。事下御史臺，侍御史趙鼎言：「明受之變，起于內侍，覆轍不可不戒，事乃已。」紹興三年，授武功大夫，康州防禦使，帶御器械。時帝用侍御史常同言，詔皇城司並隸臺察，益言非祖宗舊制。帝爲追寢前詔，特遷宣政使。益自言藩邸舊吏，乞加恩，遂升明州觀察使。內殿舊有麒麟院官，益請別置御馬院，自領其事。又擅穿皇城便門，侍御史沈與求以爲言，趙鼎等皆患之。會劉豫揭榜山東，言益遣人收買飛鴿，因有不遜語，張浚請斬益以釋謗。帝不許，鼎言事關國體，當解職加罰。帝喜曰：「聞益交關外事，漸不可長，與祠放歸，浚意未息，鼎解之。」益自

是家居廩祠者十四年。先是偽柔福帝姬之來。自稱為王貴妃季女。益自言嘗在貴妃閣。帝遣之驗視。益為所詐。遂以真告。及事覺。益坐驗視不實。送昭州編管。尋以與皇太后連姻得免。十九年卒于家。

張去為。內侍張見道養子也。初為韋太后宅提點官。累遷至安德軍承宣使。帶御器械。又遷內侍省押班。時見道為入內侍省押班。父子並充景福殿使。去為寔有寵。請以一官回授見道。帝嘉而許之。其後見道以保康軍承宣使致仕。而去為與秦檜王繼先俱用事。升延福宮使。累遷至入內侍省都知。特恩于外朝議。請金兵將至。遣使來出慢言以相懼。去為陰沮用兵。進幸蜀之計。宰相陳康伯力非之。帝悟而止。侍御史杜莘老乞斬去為。以作士氣。先是去為取御馬院西兵二百人。髡其頂髮。都人駭之。莘老復劾其罪。帝不得已。令去為致仕。莘老亦出補外。及內禪。詔落致仕提舉德壽宮。行移如內侍省。仍鑄印賜之。脩宮有勞。又特遷安慶軍承宣使。初。安恭后入宮。去為實進之。后崩。上皇又遣去為傳旨。立謝貴妃為后。故亦貴重。然至死不復涉朝廷事。

陳源。淳熙中提舉德壽宮。頗有寵。俄帶浙西副總管。給事中趙汝愚言。內侍不當干軍政。遂罷源。特恩顯。本宮書史徐彥通者。為源掌家務。不數歲。官至經武大夫。甄士昌。源廚役也。工理髮。奏補承信郎。又補臨安府都吏李庚。以官使之。窺伺府事。孝宗聞而惡之。十年春。詔源應奉日久。特落階官與京祠。給事中宇文价封還錄黃。改外祠。臺官黃洽等又劾之。乃謫源建州居住。籍其貲進德壽宮。彥通除名。道州編管。士昌庚皆抵罪。言者猶未已。移源柘州。源有園名小隱。其制視禁籞有加。高宗以賜王才人。光宗即位。復召還。紹熙四年。自拱衛大夫永州防禦使。除入內侍省押班。帝以疾不朝。重華宮。源與內侍楊舜卿林億年數有間言。寧宗即位。命三人俱事光宗。于泰安宮。御史章穎論其離間君親。乞行誅竄。以慰壽皇在天之靈。詔罷源等官。源撫州。億年常州居住。舜卿任便居住。慶元二年。以生皇子恩。億年許自便。舜卿與內祠。給事中汪義端駁之。乃移源婺州。億年湖州。義端再駁舜卿內祠。反坐外補。其後源等卒聽自便。億年養娼女以別業。源在貶所與妓媼。俱以淫媼聞。人疑其非宦者云。

甘昇。內侍省押班澤之子。澤之死。昇累遷亦至押班。乾道中。帝頗親昇。昇以此用事。臨安尹胡與可為小官時。巧貸於臨安富民馬氏。不如欲銜之。至是馬以鬻官鹽踰格繫獄。與可諷有司以私鹽論御史陳升卿決獄。平反之。昇之子婦與可女也。乃陰為與可地。謫升卿于帝前。謂為豪民馬請事。所得至萬緡。上疑遂論罪。馬流嚴州。升卿由是罷去。時曾觀以使領京祠。王抃以知閣門兼樞密都承旨。昇為入內押班。相與盤結。士大夫無恥者爭附之。既而觀死。抃逐。獨昇在。朱熹力言之。帝曰。昇乃德壽宮所薦。謂有才耳。熹曰。姦人無才。何以動人。主昇用事二十年。招權市賄。黃由對策。亦頗及之。後帝察其姦。遂抵之罪。籍其貲。竟以廢死。弟昇。淳熙末。幹辦內東門司。帶御器械。光宗朝。累遷至親衛大夫。保康軍承宣使。提舉佑神觀。慶元初。為內侍省都知。帝過壽康宮。昇有力焉。遷官二秩。頗貴重。

王德謙。初為嘉邸都監。頗親幸。孝宗大漸。光宗以疾久不朝。重華宮。黃由時為王府贊讀。奏讀嘉王詣重華宮問疾。既得旨。德謙固請覆奏。王斥之。遂行。孝宗崩。王在喪次。中外洶洶。王以告直講彭龜年。龜年以為建儲則人心安。須白中官乃可。即論德謙奏之。皇太后德謙不敢強之。既而無報。王即位。德謙累遷。昭慶軍承宣使。內侍省押班。賜居第。驕恣踰法。服食擬乘輿。出入或以導駕燈籠自奉。為人求官。賦以巨萬計。泄其事者。禍立至。故外朝多附之。中書舍人吳宗旦事之尤謹。夜則易服造謁。德謙求為節度使。先薦宗旦為刑部侍郎。直學士院。將使草麻。宗旦先備草示之。引天寶同光為比。德謙喜。制出。參政何澹不肯署。諫議大夫劉德秀率臺諫論列。宰相京鏗復以為言。命遂廢。韓侂胄與德謙爭用事。德謙屢以計勝。侂胄擠之。詔與外祠。臺諫又交章論駁。侍御史姚愈言。吳宗旦嘗草德謙制。遂罷其官。愈又率同列力攻德謙。詔送廣德軍居住。尋以臨安尹劾其賊濫。管擬。詔降團練使。移居撫州。他事勿問。中書舍人高文虎請改為安置。臺諫復言其姦。詭乞自今不以赦移。雖特旨亦許執奏。帝用其言。德謙遂坐廢斥以死。

闕禮。高宗朝宦者。淳熙末。積官至親衛大夫。保信軍承宣使。孝宗頗親信之。後

命提舉重華宮。孝宗崩，光宗疾不能執喪，樞密趙汝愚等請建儲以安人心。光宗御批，又有念欲退閑語，丞相留正懼，納祿去，人心愈搖。汝愚遣戚里韓侂胄，因內侍張宗尹以禪位之議奏。太皇太后曰：「此豈可易言？」明日，汝愚再遣侂胄附宗尹以奏，未獲命而侂胄退。與禮遇，禮知其意，問之，侂胄不以告。禮指天自誓不言。侂胄遂白其事，禮即入宮，泣告太后以時事可憂之狀。且曰：「留丞相已去，所恃者趙知院耳。今欲定大計而無太皇太后之命，亦將去矣。」太后驚曰：「知院同姓也，事體與他人異。」禮曰：「知院未去，恃有太后耳。今有請不許，計無所出，亦惟有去而已。」知院去，天下將若何？太后悟，遂命禮傳旨，侂胄以諭汝愚。約明日，太后垂簾上其事。又明日，嘉王入行禪祭，汝愚即簾前進呈御批。太后遂命王即皇帝位，尋除禮入內侍省都知，又差兼重華慈福宮承受。充提舉皇城司，遷中侍大夫，禮不以功自居，乞致仕，不許，乞免推恩，又不許。南渡後，內侍可稱者，惟邵成章與禮云。

董宋臣，理宗朝宦者。淳祐中，以睿思殿祗候特轉橫行官。寶祐三年，兼幹辦佑聖觀侍御史，洪天錫劾之，不報。天錫坐左遷大理少卿，開慶初，大元兵駐江上，京師大震，宋臣贊帝遷幸寧海軍，簽判文天祥上疏乞誅宋臣，又不報。景定四年，自保康軍承宣使除入內侍省押班，尋兼主管太廟，往來國信所，同提點內軍器庫，翰林院編脩，敕令所都大提舉諸司，提點顯應觀，主管景獻太子府事。會天祥以著作佐郎兼獻景府教授，義不與宋臣聯事，上書求去。天祥出知瑞州，言者論宋臣不置，帝曲爲諭解，庇之。秘書少監湯漢上封事，亦言宋臣十餘年來聲焰薰灼，其力能去臺諫，排大臣，至結兇渠以致大禍，中外惶惑，切齒而陛下方爲之辨明，大臣方爲之和解，此過計也。願收還押班等除命，不勝宗社之幸。疏入，帝亦不之省。六月，命主管御前馬院及酒庫，既卒，帝猶命特轉節度使，其見寵愛如此。

宋史卷四百六十九

元中書右丞相總裁脫脫等修

列傳第二百二十九

佞幸

弭德超

侯莫陳利用

趙贊

王黼

朱勳

王繼先

曾覲

龍大淵附
張說

王抃

姜特立

譚觀載附

人君生長深宮之中，法家拂士，接耳目之時少，宦官女子，共啓慮之日多，二者佞幸之梯媒也。剛明之主，亦有佞幸焉。剛好專任，明好偏察，彼佞幸者，一投其機，為患深矣。他日敗闕，雖能殄除，隱城以求孤，權社以索鼠，亦曰殆哉。宋世中材之君，朝有佞幸，所不免也。太宗有弭德超趙贊，孝宗有曾覲龍大淵，二君固不可謂非剛明之主也。作佞幸傳。

弭德超滄州清池人，李符李琪薦之，給事太宗晉邸。太宗即位，補供奉官，太平興國三年，遷酒坊使，杭州兵馬都監，又為鎮州駐泊都監。初，太宗念邊戍勞苦，月賜士卒銀，謂之月頭銀。德超乘間以急變聞於太宗曰：「樞密使曹彬秉政歲久，得士衆心，臣從塞上來，聞士卒言，月頭銀曹公所致，微曹公，我輩斃死矣。」又巧誣彬他事，上頗疑之。出彬為天平軍節度，以王顯為宣徽南院使，德超為宣徽北院使，並兼樞密副使。德超譖曹彬事，成期得樞密使，乃為副使。又柴禹錫與德超官同，先授班在其上，故德超視事月餘，稱疾請告，居常怏怏。一日，詔顯及禹錫曰：「我言國家大事，有安社稷功，止得錢許大官，汝等何人反在我上？」更令我効汝輩所為，我實恥之。又大罵曰：「汝輩當斷頭，我度上無守執，為汝輩所眩惑，顯告之。太宗怒，命膳部郎中知雜滕中正就第鞫。德超具伏，下詔奪官職，與其家配隸瓌州禁錮，未幾死。

侯莫陳利用，益州成都人，幼得變幻之術。太平興國初，賣藥京師，言黃白事以惑人。樞密承旨陳從信白於太宗，即日召見，試其術頗驗，即授殿直，累遷崇儀副使。雍熙二年，改右監門衛將軍，領應州刺史。三年，諸將北征，以利用與王侁

並為并州駐泊都監，擢單州刺史。四年，遷鄭州團練使。前後賜與甚渥，依附者頗獲進用。遂橫恣無復畏懼，其居處服玩，皆僭乘輿，人畏之不敢言。會趙普再入中書，廉知殺人及諸不法，盡奏之。太宗遣近臣案得姦狀，欲貸其死。普固請曰：「陛下不誅，是亂天下法，法可惜。此何足惜哉。」遂下詔除名配商州禁錮。初，藉其家，俄詔還之。趙普恐其復用，因殿中丞竇誼嘗監鄭州權酷，知利用每獨南向坐，以接京使，犀玉帶用紅黃羅袋，澶州黃河清。鄭州用為詩題試舉人，利用判試狀，言甚不遜，召誼至中書詰實，令上疏告之。又京西轉運副使宋沆籍利用家得書數紙，言皆指斥切害，悉以進上。太宗怒，令中使櫛殺之，已而復遣使貸其死，乘疾置至新安，馬旋薄而蹄，出驢換馬，比追及之，已為前使誅矣。

趙贊，并州人，性險詖，辯給，好言利害，初為軍小吏，與都校不協，因誣營中謀叛，劉繼元屠之無遺類，稍署贊右職。太原平，隸三司為走吏，又許本司補殿直。太宗頗任之，遷供奉官，閣門祗候，提舉京西陝西數州錢帛，發摘甚衆，又自乞捕盜，至永興，得兵士盜錢二百，欲磔諸市，知府張齊賢奪而釋之。太宗命御史臺按問，停贊官數月，復令專鈎校三司簿，令贊自選吏十數人為耳目，專伺中書樞密及三司事，乘間白之。太宗以為忠無他腸，中外益畏其口。會改三司官屬，以贊為西京作坊副使，度支都監。時又有鄭昌嗣者，宣州人，亦起三司役吏，稍遷侍禁，奉使西川，回奏在官不治者數十人，太宗嘉其直，會市物吏因緣為姦，列肆屢謁開封訴之，乃置雜買務，使昌嗣監之。昌嗣乞著籍便殿門，許非時入奏，與贊親比相表裏，累遷至西上閣門副使，監鐵都監。二人既得聯事，由是益橫恣，所為皆不法。太宗頗知之，以問左右，皆畏二人無敢言其惡。至道元年，上元節，京城張燈，太宗以上清宮成臨幸，贊與昌嗣邀其黨數人，攜妓樂登宮中玉皇閣，飲宴至夜分，掌舍宦者不能止，以其事聞。太宗大怒，并撫諸事，下詔奪贊官，許攜家配隸房州禁錮。即日驛遣之。昌嗣黜唐州團練副使，不署事。既數日，並賜死於路。太宗謂侍臣曰：「君子小人，如芝蘭荆棘，不能絕其類，在人甄別耳。苟盡君子，則何用刑罰焉？參知政事寇準對曰：「帝堯之時，四凶在庭，則三代之前，世質民淳，已有小人矣。今之衣儒服居清列者，亦頗朋附小人，為自安計。」

如贊昌嗣之類奔走賤吏不足言也。

王黼字將明開封祥符人初名甫後以同東漢宦官賜名黼為人美風姿目睛如金有口辯才疎篤而寡學術然多智善佞中崇寧進士第調相州司理參軍編修九域圖志何志同領局喜其人為父執中言之薦擢校書郎遷符寶郎左司諫張商英在相位屢失帝意遣使以玉環賜蔡京於杭黼規知之數條奏京所行政事并擊商英京復相德其助已除左諫議大夫給事中御史中丞自校書至是財兩歲黼因執中進酒欲去執中使京頹國遂疏其二十罪不聽俄兼侍讀進翰林學士京與鄭居中不合黼復內交居中京怒從為戶部尚書大農方乏將以邦用不給為之罪既而諸班禁旅齋檣不如期詣左藏鼓譟黼聞之即諸軍揭大榜期以某月某日衆讀榜皆散京計不行還為學士進承旨遭父憂閏五月起復宣和殿學士賜第昭德坊故門下侍郎許將宅在左黼父事梁師成稱為恩府先生倚其聲焰逼許氏奪之白晝逐將家道路憤歎復為承旨拜尚書左丞中書侍郎宣和元年拜特進少宰由通議大夫超八階宋朝命相未有前比也別賜城西甲第徙居之日導以教坊樂供張什器悉取於官寵傾一時蔡京致仕黼陽順人心悉反其所為罷方田毀辟雍醫學併會要六典諸局汰省吏減遼郡使橫班官奉入之半茶鹽鈔法不復比較富戶科抑一切蠲除之四方翕然稱賢相既得位乘高為邪多畜子女玉帛自奉僭擬禁省誘奪徽猷閣侍制鄧之綱妾反以罪竄之綱續南加少保太宰請置應奉局自兼提領中外名錢皆許擅用竭天下財力以供費官吏承望風旨凡四方水土珍異之物悉許取於民進帝所者不能什一餘皆入其家御史陳過庭乞盡罷以御前使喚為名冗官京西轉運使張汝霖請罷進西路花果帝既納黼復露章劾之兩人皆徙遠郡睦寇方臘起黼方文太平不以告蔓延彌月遂攻破六郡帝遣童貫督秦甲十萬始平之猶以功轉少傅又進少師貫之行也帝全付以東南一事謂之曰如有急即以御筆行之貫至吳見民困花石之擾衆言賊不亟平坐此耳貫即命其僚童軫作手詔若罪已然且有罷應奉局之令吳民大悅貫平賊歸黼官於帝曰臘之起由茶鹽法也而貫入奏言歸過陛下帝怒貫

謀起蔡京以間黼黼懼是時朝廷已納趙良嗣之計結女真共圖燕大臣多不以為可黼曰南北雖通好百年然自累朝以來彼之慢我者多矣兼弱攻昧武

之善經也今弗取女真必彊中原故地將不復為我有帝雖向其言然以兵屬貫命以保民觀釁為上策黼復折簡通誠於貫曰太師若北行願盡死力時帝之樞密括天下丁夫計口出算得錢六千二百萬緡竟買空城五六而奏凱率百僚稱賀帝解玉帶以賜優進太傅封楚國公許服紫花袍黼從儀物幾與親王等黼議上尊號帝曰此神宗皇帝所不敢受者也却弗許始遣使至率迂其驛程燕檣不示以華侈及黼務於欲速令女真使以七日自燕至都每張宴其居輒陳向方錦繡金玉瑰寶以誇富盛由是女真益生心身為三公位元宰至陪扈曲宴親為俳優鄙賤之役以獻笑取悅欽宗在東宮惡其所為鄆王楷有寵黼為陰畫奪宗之策皇孫謹為節度使崇國公黼謂但當得觀察使召宮臣耿南仲諭指使草代東宮辭謀官奏竟奪之蓋欲以是撼搖東宮帝待遇之厚名其所居閣曰得賢治定為書亭堂榜九有玉芝產堂柱乘輿臨觀之梁師成與連墻穿便門往來帝始悟其交結狀還宮黼眷頓熄尋命致仕欽宗受禪黼惶駭入賀閣門以上旨不納金兵入汴不俟命載其孥以東詔貶為崇信軍節度副使籍其家吳敏李綱請誅黼事下開封尹彛山山方挾宿怨遣武士躡及於雍丘南輔固村戕之民家取其首以獻帝以初即位難於誅大臣託言為盜所殺議者不以誅黼為過而以天討不正為失刑矣

朱勳蘇州人父冲狡獪有智數家本賤微庸於人梗悍不馴抵罪鞭背去之旁邑乞貸遇異人得金及方書歸設肆賣藥病人服之輒效遠近輻湊家遂富因循蒔園圍結游客致往來稱譽始蔡京居錢塘過蘇欲建僧寺閣會費鉅萬僧言必欲集此緣非朱冲不可京以屬郡守郡守呼冲見京京語故冲願獨任居數日請京詣寺度地至則大木數千章積庭下京大驚陰器其能明年召還挾勳與俱以其父子姓名屬童貫置軍籍中皆得官徽宗頗垂意花石京輒勳語其父密取浙中珍異以進初致黃楊三本帝嘉之後歲歲增加然歲率不過

再三賈買物裁五七品。至政和中始極盛。舳艫相銜于淮汴。號花石綱。置應奉局于蘇。指取內帑。如囊中物。每取以數十百萬計。延福宮良巖成奇卉異植。充初其中。勅權至防禦使。東南部刺史郡守多出其門。徐鑄應安道王仲閔等濟其惡。竭縣官經常以爲奉。所賈物豪奪漁取於民。毛髮不少償。士民家一石一木稍堪訖。卽領健卒直入其家。用黃封表識。未卽取。使讓視之。微不謹。卽被以大不恭罪。及發行。必徹屋抉牆以出入。不幸有一物小異。共指爲不祥。唯恐艾夷之不速。民預是役者。中家悉破產。或鬻賣子女以供其須。斷山斲石。程督峭慘。雖在江湖不測之淵。百計取之。必出乃止。嘗得太湖石高四丈。載以巨艦。役夫數千人。所經州縣。有折水門橋梁。繫城垣以過者。既至。賜名神運昭功石。截諸道糧餉綱。旁羅商船。揭所貢暴其上。篙工枕師。倚勢貪橫。陵轢州縣。道路相視。以目。廣濟卒四指揮。盡給輓士。猶不足。京始患之。從容言於帝。願抑其太甚者。帝亦病其擾。乃禁用糧綱船。戒伐家藏。毀室廬。毋得加黃封。帕蒙人圍。圍花石。凡十餘事。聽勸與蔡攸等六人入貢。餘進奉悉罷。自是勸小戢。既而采甚。所居直蘇市中。孫老橋。忽稱詔。凡橋東西四至壤地室廬。悉買賜予己。合數百家。期五日盡徙。郡吏逼逐。民嗟哭於路。遂建神霄殿。奉青華帝君像其中。監司都邑吏朔望皆拜庭下。命士至輒朝謁。然後通刺詣勸。主趙霖建三十六浦牖。與必不可成之功。天方大寒。役死者相枕藉。霖志在媚勸。益加苛虐。吳越不勝其苦。徽州盧宗原竭庫發遺之。引爲發運使。公肆榨克。園池擬禁。簪服飾器用上。僦乘輿。又託輓舟。募兵數千人。擁以自衛。子汝賢等。呼州官家。頤指目攝。皆奔走聽命。流毒州郡者二十年。方臘起。以誅勸爲名。童貫出師。承上旨。盡罷去。花木進奉。帝又黜勸父子弟姪在職者。民大悅。然寇平勸復得志。聲焰熏灼。衰人穢夫。候門奴事。自直秘閣至殿學士。如欲可得。不附者。旋踵罷去。時謂東南小朝廷。帝末年益親任之。居中白事。傳達上旨。大略如內侍。進見不避宮嬪。歷隨州觀察使。慶遠軍承宣使。燕山奏功。進拜寧遠軍節度使。醴泉觀使。一門盡爲顯官。驍僕亦至金紫。天下爲之扼腕。靖康之難。欲爲自全計。倉卒擁上皇南巡。且欲邀至其第。欽宗用御史官。放歸田里。凡由勸得官者。皆罷。籍其貲財。

田至三十萬畝。言者不已。羈之衡州。徙韶州循州。遣使卽所至斬之。王繼先。開封人。姦黠善佞。建炎初。以醫得幸。其後凌貴寵。世號王醫師。至和安大夫。開州團練使。致仕。尋以覃恩改授武功大夫。落致仕。給事中。富直柔奏。繼先以雜流易前班。則自此轉行無礙。深恐將帥解體。帝曰。朕頃冒海氣。繼先診視有勞。特補其子悅道爲閣門祗候。尋命繼先主管翰林醫官局。力辭。是時繼先用事。中外切齒。乃陽乞致仕。以避人言。詔遷秩二等。許回授。俄除右武大夫。華州觀察使。詔餘人毋得援例。吳貴妃進封推恩。遷奉寧軍承宣使。特封其妻郭氏爲郡夫人。繼先遭冠絕人臣。諸大帥承順下風。莫敢少忤。其權勢與秦檜埒。檜使其夫人詣之。敘拜兄弟。表裏引援。遷昭慶軍承宣使。又欲得節鉞。使其徒張孝直等校本草以獻。給事中楊椿沮之。計不行。繼先富埒王室。子弟通朝籍。總戎寄姻戚。黨與盤據要途。數十年間。無能搖之者。金兵將至。劉錡請爲戰備。繼先乃言新進主兵官。好作弗靖。若斬一二人。和好復固。帝不憚曰。是我斬劉錡乎。侍御史杜莘老劾其十罪。大略謂繼先廣造第宅。占民居數百家。都人謂之快樂仙宮。奪良家婦女爲侍妾。鎮江有娼。妙於歌舞。矯御前索之。淵聖成喪。舉家燕飲。令妓女舞而不歌。謂之啞樂。自金使來。日輦重寶之。吳與爲避走計。陰養惡少。私置兵甲。受富民金。薦爲閣職。州縣大獄。以賂解免。誣姦姦淫。加之黥劓。又於諸處佛寺。建立生祠。凡名山大刹所有。大半入其家。此特舉其大者。其餘擢髮未足數也。奏入。詔繼先福州居住。其子安道武泰軍承宣使。守道朝議大夫直徽猷閣。悅道朝奉郎直秘閣。孫錡承議郎直秘閣。並勒傳。放還良家子爲奴婢者凡百餘人。籍其貲以千萬計。鬻其田園及金銀。並隸御前激賞庫。其海舟付李寶。天下稱快。方繼先之怙寵奸法。帝亦知之。故晚年以公議廢之。遂不復起。孝宗卽位。詔任便居住。毋至行在。淳熙八年卒。曾觀字純甫。其先汴人也。用父任補官。紹興三十年。以寄班祗候與龍大淵同爲建王內知客。孝宗受禪。大淵自左武大夫除樞密副都承旨。而觀自武翼郎除帶御器械幹辦皇城司。諫議大夫劉度入對。首言二人潛邸舊人。待之不可

無節度。又因進故事論京房石顯事。大淵遂除知閣門事。而觀除權知閣門事。度言臣欲退之。而陛下進之。何面目尚為諫官。乞賜貶黜。中書舍人張震繳其命。至再出知紹興府。殿中侍御史胡沂亦論二人市權。既而給舍金安節周必大再封還錄黃。時張燾新拜參政。亦欲以大淵觀決去就。方言之。帝不納。燾辭去。遂以內祠兼侍讀。劉度奪言職。權工部侍郎。而二人仍知閣門事。必大格除目不下。尋與祠。二人除命亦寢。未幾卒。以大淵為宜州觀察使。知閣門事。觀文州刺史。權知閣門。皆兼皇城司。不數月間。除命四變。劉度出知建寧府。尋放罷。羣臣既以言二人得罪去。侍御史周操章十五上。不報。自是觀與大淵勢張甚。士大夫之寡恥者。潛附麗之。帝嘗令大淵撫慰兩淮將士。侍御史王十朋言。大淵銜命撫師。非出朝廷論選之公。有輕國體。時又有內侍押班梁珂者。三人表裏用事。及珂以罪出。右正言龔茂良入對。首論二人害政。甚珂百倍。陛下罷行一政事。進退一人。才必掠美自歸。謂為己力。或時有少過。昌言於外。謂嘗爭之而不見聽。羣臣章疏留中。未出。聞得窺見。出以語人。有司條陳利害。示以副封。公然可否。若夫交通賄賂。干求差遣。特其小者耳。願特出威斷。並行罷去。先是江浙大水。詔侍從臺諫陳闕政著作郎劉夙上封事曰。陛下與觀大淵輩。觴詠唱酬。字而不名。罷宰相。易大將。待其言而後決。嚴法守。裁僥倖。當自宮掖近侍始。茂良時為監察御史。亦言水至陰。其占為女寵。為驕佞。為小人。蓋專指左右近習也。帝諭以二人皆潛邸舊人。非近習比。且俱有文學。敢諫諍。杜門不出。不預外事。宜退而訪問。茂良再上疏言。德宗不知盧杞之姦邪。此其所以姦邪也。大淵觀所為行道之人能言之。特陛下未之覺耳。疏入。不報。茂良待罪。除太常少卿。五辭不拜。出知建寧府。一日。右史洪邁過參政陳俊卿曰。聞將除右史。邁遷西掖。信乎。俊卿曰。何自得之。邁以二人告。俊卿即以語宰相葉顥。魏杞而已。獨奏之。且以邁語質之。帝前。帝怒。即出二人於外。於是遷大淵為江東總管。觀為淮西副總管。中外快之。尋改大淵浙東。觀福建。乾道四年。大淵死。觀尚在福建。帝憐欲召之。樞密劉珪奏曰。此曹奴隸爾。厚賜之可也。引以自近。而待以賓友。使得與聞政事。非所以增聖德。整綱綱也。帝納珪言。命遂寢。既而觀垂滿。俊

卿恐其入。預請以浙東總管處之。臺臣上疏論之。不報。大學錄魏撻之亟上封事論列。且見俊卿切責之。撻之得台州教官。以出。觀至龍山。已久。撻之去。然後入國門。會虞允文使蜀還。與俊卿同奏。觀不可留。帝曰。然。留則累朕。卒除浙東副總管。未幾。以墨詔進觀一官。為觀察使。中書舍人繳還。不因事除拜。必有人言。帝不聽。俊卿曰。不爾。亦須有名。會汪大猷為賀金正旦使。俾觀副之。比還。遷一秩。而竟用浙東之命。且戒閣門吏。趣朝辭。觀由是快快而去。六年夏。俊卿罷政。十月。觀以京祠召。七年。立皇子。觀以伴讀勞。升承宣使。八年。姚憲為賀金國尊號使。觀副之。歸除武泰軍節度使。提舉萬壽觀。淳熙元年。除開府儀同三司。四年。觀欲以文資官其子孫。帝遣中使至省中。具使相奏補法。龔茂良時以參政行丞相事。遽以文武官各隨本色。蔭補法。繳進。觀大怒。茂良退朝。觀從騎不避。茂良執而撻之。待罪乞出。不許。戶部員外郎謝廓然。忽賜出身。除侍御史。廓然首論茂良。以資政殿學士知鎮江。章再上。鑄龍言之不已。貶英州。皆觀所使也。觀前雖預事。未敢肆。至是。責逐大臣。士始側目。重足矣。廓然既以擅權罪。茂良從班有韓彥古者。觀之姻。廓然之黨。遂獻議助之。使人主疑大臣。而信近習。至是。益甚。六年二月。帝幸佑聖觀。召宰臣史浩及觀同賜酒。是歲。加觀少保。醴泉觀使。時周必大當草制。人謂其必不肯從。及制出。乃有敬故在。尊賢之上之語。士論惜之。觀始與龍大淵相朋。及大淵死。則與王抃甘昇相蟠結。文武要職。多出三人之門。葉衡自小官十年。至宰相。徐本中由小使臣積階。至刺史。知閣門事。換文資。為右文殿修撰。樞密都承旨。賜三品服。俄為浙西提刑。尋以集英殿修撰奉內祠。是二人者。皆觀所進也。著作郎胡晉臣因轉對。極論近習怙權之害。遂出知濮州。南康守朱熹應詔上書。其言尤力。有曰。一二近習之人。盡感陛下心志。所謂宰相師傅賓友諫諍之臣。或反出入其門。壻承望其風。旨疏入。帝怒。諭令分析。丞相趙雄言之。事遂止。陳俊卿守金陵。過關入見。首言曾觀王抃招權納賂。薦進人才。皆以中批行之。帝曰。瑣細差遣。或勉循之。至於近上之除。此輩何敢豫。俊卿入辭。又曰。向來士大夫奔觀。扈之門。十才一二。尚畏人知。今則公然趨附。十已八九。大非朝廷美事也。帝感悟。觀用事二十年。權震中

外。至於譴逐大臣，貶死嶺外，自是寢斃其毒，嘗謂左右曰：曾觀誤我不少，遂稍疎覲，覲憂患，疽發于背。七年三月，侍帝宴于翠樂堂，退爲記以進。十二月卒。於是凡前論覲得罪者，皆錄贈，胡晉臣起至執政，魏揆之贈直秘閣，龔茂良悉還其職名恩數云。

張說，開封人，父公裕，省吏也。爲和州防禦使，建炎初，有軍功，說受父任爲右職，娶壽聖皇后女弟，由是累遷知閣門事。隆興初，兼樞密副都承旨，乾道初，爲都承旨，加明州觀察使。七年三月，除簽書樞密院事，時起復劉珙同知樞密院，珙恥與之同命，力辭不拜，命既下，朝論譁然不平，莫敢頌言于朝者。惟左司員外郎張栻在，經筵力言之，中書舍人范成大不草詞，尋除說安遠軍節度使，奉祠歸第，不數月，出知袁州，說既奉祠，語人曰：張左司平時不相樂，固也。范致能亦胡爲見攻，指所坐亭材植曰：是皆致能所惠也。八年二月，復自安遠軍節度使提舉萬壽觀，簽書樞密院事，侍御史李衡，右正言王希呂，交章論之，起居郎莫濟不書錄黃，直院周必大不草答詔，於是命權給事中姚憲書牘行下，命翰林學士王曠草答詔未幾，曠升學士承旨，憲贈出身，爲諫議大夫，詔希呂合黨邀名，持論反覆，責遠小監當衡素與說厚，所言亦婉，止罷言職還左史，而濟必大皆與在外官觀，日下出國門，國子司業劉焯移書責宰相，言說不當用，卽爲言者所論出，爲江西轉運判官，於是說勢赫然，無敢撓之者。九年春，說露章薦濟必大，於是二人皆予郡，必大卒不出，淳熙元年，帝廉知說欺罔數事，命侍御史范仲芑究之，遂罷爲太尉，提舉玉隆宮，諫官湯邦彥又劾其姦賊，乃降爲明州觀察使，責居撫州三年，許自便，七年，卒于湖州，帝猶念之，詔復承宣使，給事中陳峴繳之，乃止。其子薦文州刺史，疑明州觀察使，說敗薦亦貶彬州，先是南丹州莫廷萑表乞就宜州市馬，比橫山省三十程，說在樞筦以聞，樞屬有論其不便，說不聽，說既貶，遂罷其議，說又常建議，欲卽官卿監，通差武臣，中書舍人留正以爲不可，遂止。與右相梁克家議使事不合，克家罷去而說留，其竊政權傾大臣類如此。

王抃，初爲國信所小吏，金人求海泗唐鄧商秦地，議久不決，金兵至，遣抃往使

許以地，易歲貢爲歲幣而還。乾道中，積官至知閣門事，帝親信之，金使至，議國書禮不合，抃以宰執虞允文命給其使曰：兩朝通好，自有常禮，使人何得妄生事，已牒知對境，翌日，金使乃進書，帝以爲可任，遣詣荆襄點閱軍馬，淳熙中，兼樞密都承旨，建議以殿步二司軍多虛籍，請各募三千人，已而殿司輒捕市人充軍，號呼滿道，軍士乘隙掠取民財，帝專以罪殿前指揮使王友直，而命抃權殿前司事，時抃與曾覲甘昇相結，恃恩專恣，其門如市，著作郎胡晉臣嘗論近習怙權，帝令執政趙鼎詢其人，雄懼抃等，乃命晉臣捨抃等，指其位卑者數人以對，晉臣竟外補，校書郎鄭鑑，宗正丞袁樞，因轉對，數爲帝言之，帝猶未之覺也，吏部侍郎趙汝愚力疏抃罪，言陛下卽位之初，宰相如葉顥等，皆懼陛下左右侵其權，日夜與之爲敵，陛下察數年已來大臣，還有與陛下左右角是非者，否蓋其勢積至此也，今將帥之權盡歸王抃矣，先是抃給金使取國書，及使歸，金主誅之，嗣歲金使至，帝以德壽宮之命，爲離席受國書，尋悔之，淳熙八年，金賀正，旦使至，復要帝起立如舊儀，帝遽入內，抃擅許金使使用舊儀，翌日，汝愚侍殿上，帝不憚數日，汝愚因亟攻抃，帝遂出抃外祠，不復召，淳熙十一年，以福州觀察使卒。

姜特立，字邦傑，麗水人，以父綬恩補承信郎，淳熙中，累遷福建路兵馬副都監，海賊姜大獠寇泉南，特立以一舟先進擒之，帥臣趙汝愚薦于朝，召見獻所爲詩百篇，除閣門舍人，命充太子宮左右春坊，兼皇孫平陽王伴讀，由是得幸於太子，太子卽位，除知閣門事，與譙熙載皆以春坊舊人用事，恃恩無所忌憚，時人謂曾龍再出，留正爲右相，執政尙闕人，特立一日語正曰：帝以丞相在位久，欲遷左揆，就二尙書中擇一人執政，孰可者，明日，正論其招權納賄之狀，遂奪職，與外祠，帝念之，復除浙東馬步軍副總管，詔賜錢二千緡爲行裝，正引唐憲宗召吐突承璀事，乞罷相，不許，正復言：臣與特立勢難兩立，帝答曰：成命已班，朕無反汗，卿宜自處，正待罪國門外，帝不復召，而特立亦不至，寧宗受禪，特立遷和州防禦使，再奉祠，俄拜慶遠軍節度使，卒，熙載亦爲平陽邸伴讀，累官至忠州防禦使，知閣門事，紹熙中卒，較之特立頗廉勤，熙載子令雍，以恩補承信

郎平陽郡王府幹辦。尋充王府內知客。小有才。王嘗與論春秋褒貶。齊宣王易牛。秦穆公悔過事。令雍即為三詩以獻。王甚愛重之。及即位。除知閣門事。累遷至揚州承宣使。謝事。拜保成軍節度使。初賜居第。帝親書依光二字賜之。至是復書得閑知止四字以名其堂。寶璽歸。覃恩進檢校少保。仍轉太尉致仕。卒。贈開府儀同三司。

宋史卷四百七十

宋史卷四百七十考證

王抃傳金賀正且使至復要帝起立如舊儀帝遽入內抃擅許金使用舊儀見翌日汝愚侍殿上帝不憚數日汝愚因亟攻抃帝遂出抃外祠○臣宗楷按貴耳集孝廟在御北使進國書必起御座三步中貴取進忽賀正使至殿上去御座數十步必欲屈萬乘親臨移時不決王抃忽撒起國書云駕興北使失儀而孝廟喜王抃之機捷據此與本傳所載不同

宋史卷四百七十考證

元中書右丞相總裁脫脫等修

列傳第二百三十

姦臣一

蔡確與處厚附

邢恕

呂惠卿

章惇

曾布

安惇

易曰陽卦多陰陰卦多陽君子雖多小人用事其象為陰小人雖多君子用事其象為陽宋初五星聚奎占者以為人才衆多之兆然終宋之世賢哲不乏姦邪亦多方其感時君子秉政小人聽命為患亦鮮及其衰也小人得志逞其狡謀彊闕上聽變易國是賊虐忠直屏棄善良君子在野無掇禍亂有國家者正邪之辨可不慎乎作姦臣傳

蔡確字持正泉州晉江人父徙陳確有智數尚氣不謹細行第進士調邠州司理參軍以賄聞轉運使薛何行部欲按治見其儀觀秀偉召與語奇之更加延譽韓絳宣撫陝西見所製樂語以為材薦於第開封尹維辟管幹右廂公事維去而確至舊制當庭參確不肯後尹劉庠責之確曰唐藩鎮自置掾屬故有是禮今輦轂下比肩事主雖故事不可用遂乞解職王安石薦確徙為三班主簿用鄧綰薦為監察御史裏行王韶開熙河多貸公錢秦帥郭達劾其罪詔使杜純鞠治得實安石卻其牘更遣確確希意直詔達純獲譴確善觀人主意與時上下知神宗已厭安石因安石乘馬入宣德門與衛士競即疏其過以買直加直集賢院遷御史知雜事范子淵浚河之役知制誥熊本按行以為非是為子淵所訟確劾本附文彥博黜之代為知制誥知諫院兼判司農寺三司使沈括謁宰相吳充論免役法確言括為近臣見朝廷法令未便不公言之而私語執政意王安石既去新法可搖耳括坐黜知宣州開封鞠相州民訟事連判官陳安民安民令其甥文及甫求援於充之子安持及甫充壻也確言事關大臣非開封可了遂移御史臺時獄起皇城卒事多不讎中丞鄧潤甫御史上官均按之與府獄同王珪奏遣確詣臺參治確煇鍊為獄潤甫均不能制密奏確慘掠

諸囚確何知之即劾二人庇有罪且詐使吏為使者慮問囚稱冤輒苦辱之帝頗疑其濫連道諫官及內侍審直皆怖畏言不冤由是潤甫均皆罷而確得中丞猶領司農凡常平免役法皆成其手太學生虞蕃訟學官確深探其獄連引朝士自翰林學士許將以下皆逮捕械繫令獄卒與同寢處飲食旋濶共為一室設大盆於前凡羹飯餅餠舉投其中以杓混攪分飼之如犬豕久繫不問幸而得問無一事不承遂劾參知政事元絳有所屬請絳出知亳州確代其位確自知制誥為御史中丞參知政事皆以起獄奪人位而居之士大夫交口咄罵而確自以為為得計也吳充數為帝言新法不便欲稍去其甚者確曰曹參與蕭何有隙至代為相一遵何約束今陛下所自建立豈容一人挾怨而壞之法遂不變元豐五年拜尚書右僕射兼中書侍郎時富弼在西京上言蔡確小人不宜大用確既相屢與羅織之獄縉紳士大夫重足而立矣初議官制蓋倣唐六典事無大小並申書取旨門下審覆尚書受而行之三省分班奏事柄歸中書確說王珪曰公久在相位必得中書令珪信不疑確乃言於帝曰三省長官位高不須置令但令左右僕射分兼兩省侍郎足矣帝以為然故確名為次相實顛大政珪以左僕射兼門下拱手而已帝雖以次敘相珪確然不加禮重屢因微失罰金每罰輒門謝宰相罰金門謝前此未有入皆恥之哲宗立轉左僕射韓縝入相中書用其兩姪為列卿確風御史中丞黃履劾縝始詔三省凡取旨事及臺諫官章跡並執政同進擬不專屬中書蓋確畏失權又復改制也為永裕山陵使豐駕發引之夕不宿於次在道又不屬從還又不丐去御史劉摯王巖叟連擊之言確有十當去在熙寧元豐時冤獄苛政首尾預其間及至今日稍語於人曰當時確豈敢言此其意欲固竊各位反歸曲於先帝也司馬光呂公著進用獨除煩苛確言皆己所建白公論益不容太皇太后猶不忍即退斥元祐元年閏二月始罷為觀文殿學士知陳州明年坐第頌事奪職徙安州又徙觀初神宗疾革王珪議建儲事確與同列皆在側知狀確自見得罪於世陰與章惇邢恕等合志邪謀謂珪實懷異意賴己擁護故不得逞確奉使陵下韓縝白發其端事浸藉藉既失勢愈怨望又益為往來造言識者以為憂未有

以發也。確在安陸。嘗游車蓋亭。賦詩十章。知漢陽軍吳處厚上之。以為皆涉讒。其用郝處俊上元間諫高宗欲傳位天后事。以斥東朝。語尤切害。於是左諫議大夫張燾。右諫議大夫范祖禹。左司諫吳安儀。右司諫王巖叟。右正言劉安世。連上章乞確罪。詔確具析。確自辨甚悉。安世等又言確罪狀著明。何待具析。此乃大臣委曲為之地耳。遂貶光祿卿。分司南京。再責英州別駕。新州安置。宰相范純仁。左丞王存。坐廉前出語救確。御史李常。感陶。翟恩。趙挺之。王彭年。坐不舉劾。中書舍人彭汝礪。坐封還詞命。皆罷去。確後卒于貶所。紹聖元年。馮京。卒。哲宗臨奠。確子渭。京壻也。於喪次中。闕訴。明日。詔復正議大夫。二年。贈太師。諡曰忠懷。遣中使護其葬。又賜第京師。崇寧初。配饗哲宗廟庭。蔡京請徽宗書元豐受遺定策殊勳宰相蔡確之墓。賜其家。京與太宰鄭居中不相能。居中以憂去。京懼其復用。而居中王珪壻也。時渭更名懋。京使之重理前事。以沮居中。遂追封確清源郡王。御製其文立石墓前。權懋同知樞密院事。次子莊為從官。第碩贈待制。諸女超進封爵。諸壻皆得官。貴震當世。高宗即位。下詔暴羣姦之罪。貶確武泰軍節度副使。竄懋英州。凡所與溫恩。一切削奪。天下快之。吳處厚者。邵武人。登進士第。仁宗屢喪皇嗣。處厚上言。臣嘗讀史記考趙氏廢與本末。當屠岸賈之難。程嬰公孫杵臼。盡死以全趙孤。宋有天下。二人忠義。未見褒表。宜訪其墓城。建為其祠。帝覽其疏。覺然。即以處厚為將作丞。訪得兩墓於絳。封侯立廟。始蔡確嘗從處厚學賦。及作相。處厚通牒乞憐。確無汲引意。王珪用為大理丞。王安禮舒置相。攻事下大理。處厚知安禮與珪善。論置用官。獨為自盜。確密遣達意救置。處厚不從。確怒。欲逐之。未果。珪請除處厚館職。確又沮之。珪為承裕山陵使。辟掌殿。處厚代使出。知通利軍。又徙知漢陽。處厚不悅。元祐中。確知安州。郡有靜江卒。當戍漢陽。確固不遣。處厚怒曰。爾在廟堂時。數陷我。今比郡作守。猶爾邪。會得確車蓋亭詩。引郝處山事。乃箋釋上之。云郝處俊封飯山公會。高宗欲遜位武后。處俊諫止。今乃以比太皇太后。且用滄海揚塵事。此畫時運之大變。尤非佳語。職諍切害。非所宜言。確遂南竄。權處厚知衛州。然士大夫由此畏惡之。未幾卒。紹聖間。追貶歙州別駕。

邢恕。字和叔。鄭州陽武人。博貫經籍。能文章。喜功名。論古今成敗事。有戰國縱橫氣習。從程頤學。因出入司馬光呂公著門。登進士第。補永安主簿。公著薦于朝。得崇文院校書。王安石亦愛之。因賓客論意。使養晦以待用。恕不能從。而對其子雱。語新法不便。安石怒。諫官亦言。新進士未歷官。而即處館閣。開奔競路。出知延陵縣。縣廢不復調。浮湛陝洛間者七年。復為校書。吳充用為館閣校勘。歷史館檢討。著作佐郎。蔡確代充相。盡逐充所用人。恕深居懼及。神宗見其送文彥博詩。稱於確。乃進職方員外郎。帝有復用光公著意。確以恕於兩人為門下客。亟結納之。恕亦深自附託。乃為確畫策。稍收召名士。於政事微有更革。自是相與如素交。帝不豫。恕與確成謀。密語宣仁后之姪公繪。公繪曰。家有白桃著華。道書言可療上疾。邀與歸視之。至則執其手曰。蔡丞相令布腹心。上疾不可諱。延安沖幼。宜早有定論。確曹皆賢王也。公繪驚曰。此何言。君欲禍吾家邪。急趨出。恕計不行。則反宣言太后屬意雍王。與王珪表裏。導確約珪入閤。疾。陽鈞致珪語。使知開封府。蔡京伏劍士於外。須珪小持異。則執而誅之。既而珪言上自有子。定議立延安。恕益無所施。猶自謂有定策功。傳播其語。哲宗立。遷右司員外郎。起居舍人。又為公繪具奏。乞尊崇朱太妃為高氏。異日計。后詰之曰。汝素不識字。誰為之者。公繪不得隱。以恕對。且上其囊。時恕方召試中書。遂黜知隨州。改汝襄。河陽。恕久斥外。蓄怒憤。聞道謁確於鄧。結成前惡。給司馬光子康手書。持以取信。會確得罪。恕亦責監永州酒。紹聖初。權寶文閣待制。知青州。章惇蔡下得政。將甘心元祐諸人。引恕自助。召為刑部侍郎。再遷吏部尚書。兼侍讀。改御史中丞。恕既處風憲。遂誣宣仁后有廢立謀。引司馬光言北齊篡后宣訓事。誣高遵裕之子士京。追訟其父在日。王珪令其兄士充來謀立雍王。遵裕非之。又數蔡懋上文及甫私牘為瘦詞。歷詆梁燾劉摯。云陰圖不軌。且加司馬光呂公著以凶悍名。俾蔡京置獄於同文館。組織萬端。將悉陷諸人於族罪。既而無所得。乃已。恕內懷猜。而外持正論。嘗於經筵讀寶訓。至仁宗諭輔臣。以為人君當修舉政事。則日月薄食。星文變見。為不足慮。恕言仁宗之旨。雖合於君。卿書。然自古帝王。執肯自謂不修政事者。如此則天變遂廢矣。帝嘉納。

之數登對。惇悉其大用，勿忌之。怒亦揣帝稍薄惇，屢白其短，竟為惇所陷。出知汝州，未幾徙應天府。惇復撫其墓，過移知南安軍。徽宗初，言者論其矯誣，責為少府少監，分司西京。居均州，蔡京當國，經營淮鄆以開邊隙，欲使怒立方面之勳，起為鄆廷，經略安撫使，旋改涇原，擢至龍圖閣學士。怒乞築蕭關，求其里人許彥圭車戰法，為淺攻計。又欲使熙河造船直抵興靈，以空夏國巢穴。其謀皆迂誕，轉運使李復言，怒所為類兒戲，不可用。帝亦燭其妄，京力主之，已而夏人寇鎮戎，欲趨渭州，警奏至京師，日五六。京懼，始徙怒太原，徙從承與類昌，真定尋奪職，久之復顯謨閣待制。卒年七十。怒本從程門得游諸公間，一時賢士爭與之交。怒善為表襮，蚤致聲名，而天資反覆，行險冒進，為司馬光客，即昭光附章，即背惇，至與二蔡為腹心，則之死弗替。上謗母后，下詆忠良，幾於禍及宗廟。建炎元年，與蔡確同追貶，而怒為常德軍節度副使，子居實，僚，居實有異材，入歲為明妃引黃庭堅，晁補之，張來，秦觀，陳師道，皆見而愛之。從怒守隨，作南征賦，蔡軼讀之，歎曰：此足以藉手見古人矣。卒時年十九。有遺文曰：呻吟集。僚及怒在時，為司農丞，靖康初，至少卿，奉詔館金國使。是時肅王使幹，幹不軍，為所質，朝廷議亦留其使以相當，於是躡月不遣，都管趙倫，燕人也，性獯，懼不得歸，乃詐以情告僚，曰：金國有余親金吾者，尚領契丹精銳甚眾，貳於金人，願歸大國，可結之以圖二酋，僚以聞，大臣信之，既為賜余親詔書，授倫納衣領中，厚與倫金帛，倫獻其書黏罕，黏罕大怒，以聞金主，報令深入攻討，遂復提兵南下，僚時出知岳州，詔責其始禍，削籍停官，既而京闕失守云。

呂惠卿字吉甫，泉州晉江人。父彥，習吏事，為漳浦令，縣處山林，蔽驛間，民病瘴霧，蛇虎之害，彥教民焚燎而耕，害為衰止。通判宜州，儂智高入寇，轉運使檄彥與兵會，或勸勿行，不聽。將二千人，驍賊後以往，得首虜為多，為開封府司錄，鞫中人史志聰，役衛卒伐木事，吏多為之地，彥窮治之，志聰以請去。終光祿卿，惠卿起進士，為真州推官，秩滿入都，見王安石，論經義意多合，遂定交。熙寧初，安石為政，惠卿方編校集賢書籍，安石言於帝曰：惠卿之賢，豈特今人，雖前世儒者未易比也。學先王之道而能用者，獨惠卿而已。及設制置三司條例司，以為

檢詳文字，事無大小必謀之。凡所建議，章奏皆其筆，擢太子中允，崇政殿說書，集賢校理，判司農寺，司馬光諫帝曰：惠卿險巧，非佳士，使安石質勝於中外者，皆其所為。安石賢而懷不閑世務，惠卿為之謀主，而安石力行之，故天下并指為姦邪。近者進擢不次，大不厭衆心。帝曰：惠卿進對明辨，亦似美才。光曰：惠卿誠文學辯慧，然用心不正，願陛下徐察之。江充李訓若無才，何以能動人主。帝默然。光又貽書安石曰：詔諛之士，於公今日誠有順適之快，一旦失勢，將必賣公自售矣。安石不悅。會惠卿以父喪去，服除，召為天章閣待讀，同修起居注，進知制誥，判國子監，與王雱同修三經新義。又知諫院，為翰林學士。安石求去，惠卿使其黨變姓名，日投匭上書留之。安石力薦惠卿為參知政事，惠卿懼安石去，新法必搖，作書備遺監司郡守，使陳利害。又從容白帝下詔，言終不以吏違法之故，為之廢法。故安石之政守之益堅，議罷制科。馮京爭之不得，第升卿無學術，引為待讀。又用弟和卿計，制五等丁產簿，使民自供首實，尺椽寸土，檢括無遺。至鷄豚亦徧抄之，隱匿者許告，而以賞三之一。充賞，民不勝其困。又因保甲，正長給散青苗，使結甲赴官，不遺一人。上下騷動，鄭俠疏惠卿朋姦，獲蔽惠卿怒，又惡馮京異己，而安石弟安國，惡惠卿姦詔，面辱之。於是乘勢併陷三人，皆獲罪。安石以安國之故，始有隙。惠卿既叛安石，凡可以害王氏者，無不為。韓絳為相，不能制，請復用安石。安石至，猶與共事。御史蔡承禧論其惡，鄧綰又言其兄弟強借秀州富民錢買田。出知陳州，久之，以資政殿學士知延州。始陝西緣邊漢蕃兵，各自為軍，每戰則以蕃部為先鋒，而漢兵城守，伺便乃出戰。惠卿始合之為一，先蒐補守兵，而出其選，以戰。隨屯置將，具條約上之。邊人及議者多言不可。路都監高永亨，老將也，爭之力，奏斥之。蕃部屈全七，將入寇，惠卿以近世師臣多養成持重，乃將牙兵按邊，啓師于東郊，遂趨綏德，抵無定河。歷十有八日而還。俄丁母憂，詔於本奉外特給五萬。惠卿更請添支萬五千。御史劾之，將下揚州，取奉曆帝曰：惠卿固貪冒，然嘗為執政，治之傷體，姑責以義可也。但劾其誤，惠卿猶自辨。御史又論其方居喪，不應有言，詔勿問。元豐五年，加大學士，知太原府。入見，將使仍鎮鄜延。惠卿云：陝西之師，非唯不可以攻，亦不

可以守。要在大為形勢而已。帝曰：如惠卿言，是為陝西可棄也。豈宜委以邊事，數其輕躁矯誣之罪，斥知單州。明年，復知太原。哲宗即位，勅疆吏勿侵擾外界。惠卿遣步騎二萬襲夏人於聚星泊，斬首六百級。夏人遂寇鄜延。惠卿見正人彙進，知不容於時，懇求散地。於是右司諫蘇轍條奏其姦曰：惠卿懷張湯之辨，詐有盧杞之姦邪，詭變多端，敢行非度。王安石強佞傲誕於吏事，宜無所知。惠卿指撻教導，以濟其惡。又興起大獄，欲株連蔓引，塗污公卿。賴先帝仁聖，每事裁抑，不然，安常守道之士，無噍類矣。安石於惠卿有卵翼之恩，父師之義，方其求進，則膠固為一，及勢力相軋，化為敵讐。發其私書，不遺餘力。犬彘之所不為，而惠卿為之。昔呂布事丁原，則殺丁原；董卓則殺董卓；劉牢之事王恭，則反王恭。事司馬元顯，則反元顯。故曹操桓玄終畏而誅之。如惠卿之惡，縱未正典刑，猶當投畀四裔，以禦魑魅。中丞劉摯數其五罪，以為大惡，乃貶為光祿卿。分司南京。再責建寧軍節度副使。建州安置。中書舍人蘇軾當制，備載其罪於訓詞。天下傳訟稱快焉。紹聖中，復資政殿學士。知大名府。加觀文殿學士。知延州。夏人復入寇，將以全師圍延安。惠卿修米脂諸砦以備寇。至欲攻則城不可近，欲掠則野無所得。欲戰則諸將按兵不動，欲南則懼腹背受敵。留二日即拔柵去。遂陷金明。惠卿求詰闕，不許。以築威戎、威光城，加銀青光祿大夫，拜保寧武勝兩軍節度使。徽宗立，易節鎮南。因曾布有宿憾，徙為杭州。而用范純粹帥師，延治其上。功固冒事，奪節度，布去位。復武昌節度使。知大名數歲。又以上表引喻失當，還為銀青光祿大夫。令致仕。崇寧五年，起為觀文殿學士。知杭州。坐其子淵聞妖人張懷素言不告，淵配沙門島。惠卿責祁州團練副使安置宣州。再移廬州。復觀文殿學士。為醴泉觀使致仕。卒。贈開府儀同三司。始惠卿逢合安石，驟致執政。安石去位，遂極力排之。至發其私書於上。安石退處金陵，往往為福建子三字。蓋深悔為惠卿所誤也。雖章惇曾布蔡京當國，咸畏惡其人，不敢引入朝。以是轉徙外服，訖於死云。

章惇字子厚，建州浦城人。父俞，徙蘇州。起家至職方郎中致仕。用惇資，累官銀青光祿大夫。年八十九卒。惇豪雋，博學善文。進士登名，恥出姪衡下，委勅而出。

再舉甲科，調商洛令。與蘇軾游南山，抵仙游潭，潭下臨絕壁萬仞，橫木其上。惇揖軾書壁，軾懼不敢書。惇平步過之，垂索挽樹，攝衣而下，以漆墨濡筆，大書石壁曰：蘇軾章惇來，既還，神彩不動。軾拊其背曰：君他日必能殺人。惇曰：何也？軾曰：能自判命者能殺人也。惇大笑。召試館職。王陶劾罷之。熙寧初，王安石秉政，悅其才，用為編修三司條例官。加集賢校理。中書檢正。時經制南北江羣蠻，命為湖南、北察訪使，提點刑獄趙鼎言：峽州羣蠻苦其酋剝刻，謀內附。辰州布衣張翹亦言：南北江羣蠻歸化，朝廷遂以事屬惇。惇募流人李資、張城等住招之。資、城淫于夷婦，為酋所殺。遂致攻討。由是兩江扇動。神宗疑其擾，命安石戒惇勿輕動。惇竟以三路兵平懿治鼎州，以蠻方據潭之梅山，遂乘勢而南。轉運副使蔡燁言：是役不可亟成，神宗以為然。專委於燁。安石主惇，爭之不已。既而燁得蠻地，安石恨燁沮惇，乃薄其賞。進惇修起居注。以是兵久不決，召惇還。擢知制誥，直學士院，判軍器監。三司火，神宗御樓觀之。惇部役兵奔救過樓下。神宗問知為惇，明日命為三司使。呂惠卿去位，鄧綰論惇同惡，出知湖州。徙杭州。入為翰林學士。元豐三年，拜參知政事。朱服為御史，惇密使客達意於服，為服所白。惇父冒占民沈立田，立避訴惇。惇繫之開封，坐二罪罷。知蔡州。又歷陳定二州。五年，召拜門下侍郎。豐稷奏曰：官府肇新而惇首用，非稽古建官意。稷坐左遷。諫官趙彥若又疏惇無行，不報。哲宗即位，知樞密院事。宣仁后聽政，惇與蔡確矯唱定策功，確罷惇不自安，乃駁司馬光所更役法，累數千言。其略曰：如保甲保馬，一日不罷，有一日害。若役法則熙寧之初，遽改免役，後遂有弊。今復為差役，當議論盡善然後行之，不宜遽改。以貽後悔。呂公著曰：惇所論固有可取，然專意求勝，不顧朝廷大體。光議既行，惇憤甚，爭辨簾前，其語甚悖。宣仁后怒，劉摯、蘇轍、王觀、朱光庭、王巖叟、孫升、文章、擊之，黜知汝州。七八年間，數為言者彈治。哲宗親政，有復熙寧元豐之意，首起惇為尚書左僕射，兼門下侍郎。於是專以紹述為國是。凡元祐所革，一切復之。引蔡卞、林希、黃履來之。邵、張商英、周秩、翟思，上官均居要地。任言責，協謀朋姦，報復仇怨。小大之臣，無一得免死者。禍及其孥，甚至貶宣仁后。謂元祐之初，老姦擅國，又請發司馬光、呂公著冢，斷

其棺。哲宗不聽。惇意不愜。請編類元祐諸臣章疏。識者知禍之未弭也。遂治劉安世范祖禹諫禁中履乳媪事。又以文及甫誣語書。導蔡渭使告劉摯。梁燾有逆謀。起同文館獄。命蔡京安惇蹇序辰窮治。欲覆諸人家。又議遣呂升卿董必察訪嶺南。將盡殺流人。哲宗曰。朕遵祖宗遺制。未嘗殺戮大臣。其釋勿治。然重得罪者千餘人。或至三四謫徙。天下冤之。惇用邢恕爲御史中丞。恕以北齊婁太后宮名宣訓。嘗廢孫少主立子常山王演。託司馬光語范祖禹曰。方今主少國疑。宣訓事猶可慮。又誘高士京上書。言父遵裕臨死。屏左右。謂士京曰。神宗彌留之際。王珪遣高士充來問曰。不知皇太后欲立誰。我叱士充去之。皆欲誣宣仁后。以此實之。惇遂追貶司馬光王珪。贈遼裕奉國軍留後。結中官郝隨爲助。欲追廢宣仁后。自皇太后太妃皆力爭之。哲宗感悟。焚其奏。隨規知之。密語惇與蔡卞。明日惇卞再言。哲宗怒曰。卿等不欲朕入英宗廟乎。惇卞乃已。惇又以皇后孟氏。元祐中宣仁后所立。迎合郝隨。勸哲宗起掖庭秘獄。託以左道廢居瑤華宮。其後哲宗頗悔。乃數曰。章惇壞我名節。惇又結劉友端相表裏。請建劉賢妃於中宮。初。神宗用王安石之言。開熙河。謀靈夏。師行十餘年不息。迫聞承樂之敗。神宗嘗守慟哭。循致不豫。故元祐宰相推本其意。專務懷柔外國。西夏請故地。以非要害城皆還之。惇以爲憂國棄地。罪其帥臣。遂用淺攻。撓耕之說。肆開邊隙。絕夏人歲賜。進築汝遮等城。陝西諸道與役五十餘所。敗軍覆將。復棄青唐。死傷不可計。知天下怨己。欲塞其議。請詔中外察民妄語者論如律。優立賞。避告訐之風。浸感民有被酒征譴者。詔貸其死。惇竟論殺之。用刑愈峻。然不能遏也。哲宗崩。皇太后議所立。惇厲聲曰。以禮律言之。母弟簡王當立。皇太后曰。老身無子。諸王皆是神宗庶子。惇復曰。以長則申王當立。皇太后曰。申王病不可立。惇尙欲言。知樞密院事曾布叱之曰。章惇聽太后處分。皇太后決策立端王。是爲徽宗。遷惇特進。封申國公。爲山陵使。靈輿陷澤中。踰宿而行。言者劾其不恭。罷知越州。尋貶武昌軍節度副使。潭州安置。右正言任伯雨論其欲追廢宣仁后。又貶雷州司戶參軍。初。蘇轍請雷州。不許占官舍。遂僦民屋。惇又以爲強奪民居。下州追民究治。以獄券甚明。乃已。至是。惇問舍于是民。民曰。

前蘇公來。爲章丞相幾破我家。今不可也。徙睦州卒。惇敏識。加人數等。窮凶稔惡。不肯以官爵私所親。四子連登科。獨季子援書爲校書郎。餘皆隨牒東銓。任州縣。訖無顯者。妻張氏甚賢。惇之入相也。張病且死。屬之曰。君作相。幸勿報怨。既祥。惇語陳瓘曰。惇亡不堪奈何。瓘曰。與其悲傷無益。曷若念其臨絕之言。惇無以對。政和中外。追贈觀文殿大學士。紹興五年。高宗閱任伯雨章疏。手詔曰。惇詆誣宣仁后。欲追廢爲庶人。願哲宗不從其請。使其言施用。豈不上累泰陵。貶昭化軍節度副使。子孫不得仕於朝。詔下。海內稱快。獨其家猶爲辨證論。見者哂之。

曾布。字子宣。南豐人。年十三而孤。學於兄輩。同登第。調宣州司戶參軍。懷仁令。熙寧二年。徙開封。以韓維王安石薦。上書言爲政之本有二。曰厲風俗。擇人才。其要有八。曰勸農桑。理財賦。興學校。審選舉。責吏課。敘宗室。修武備。制遠人。大率皆安石指也。神宗召見。論建合意。授太子中允。崇政殿說書。加集賢校理。判司農寺。檢正中書五房。凡三日。五受敕告。與呂惠卿共創青苗助役保甲農田之法。一時故臣及朝士多爭之。布疏言。陛下以不世出之資。登延碩學。遠識之臣。思大有爲於天下。而大臣玩令。信之於上。小臣橫議。和之於下。人人窺伺間隙。巧言醜詆。以譁衆罔上。是勸沮之術未明。而威福之用未果也。陛下誠推赤心以待遇君子。而厲其氣。奮威斷以屏斥小人。而消其萌。使四方曉然。皆知主不可抗。法不可侮。則何爲而不可。何欲而不成哉。布欲堅神宗意。使專任安石。以威脅衆。使毋敢言政。驟見拔用。遂修起居注。知制誥。爲翰林學士。兼三司使。韓琦上疏。極論新法之害。神宗頗悟。布遂爲安石條析而駁之。持之愈固。七年。大旱。詔求直言。布論判官呂嘉問市易措克之虐。大概以爲天下之財。匱乏。良由貨不流通。貨不流通。由商賈不行。商賈不行。由兼并之家。巧爲推抑。故設市易於京師。以售四方之貨。常低抑其價。使高於兼并之家。而低於倍蓰之直。官不失二分之息。則商賈自然無滯矣。今嘉問乃差官於四方。買物貨。禁客旅。無得先交易。以息多寡爲誅賞殿最。故官吏牙齧。惟恐哀之不盡。而息之不敷。則是官自爲兼并。殊非市易本意也。事下兩制議。惠卿以爲沮新法。安石怒。布遂

去位。惠卿參大政，置獄舉劾，黜布知饒州，徙潭州，復集賢院學士，知廣州。元豐初，以龍圖閣待制知桂州，進直學士，知秦州，改歷陳蔡慶州。元豐末，復翰林學士，遷戶部尚書。司馬光為政，諭令增損役法，布辭曰：「免役一事，法令纖悉，皆出己手，若令遽自改易，義不可為。」元祐初，以龍圖閣學士知太原府，歷真定、河陽及青瀛二州。紹聖初，徙江寧，過京，留為翰林學士，遷承旨，兼侍讀，拜同知樞密院，進知院事。初，章惇為相，布草制極其稱美，冀惇引為同省執政。惇忘之，止薦居樞府，故稍不相能。布贊惇紹述甚力，請甄賞元祐臣庶，論更役法不便者，以勸敢言。惇遂與大獄，陷正人，流貶黜廢，略無虛日。布多陰擠之，掖庭詔獄成，付執政蔽罪，法官謂厭魅事未成，不當處極典。布曰：「驢媚蛇霧，是未成否？」眾皆瞿然。於是死者三人。惇以士心不附，詭情飾過，薦引名士彭汝礪、陳瓘、張庭堅等，乞正所奪。司馬光呂公著贈諡，勿毀墓，卜碑，布以為無益之事。又奏人主操柄不可倒持，今自丞弼以至言者，知畏宰相，不知畏陛下。臣如不言，孰敢言者？其意蓋欲傾惇而未能。會哲宗崩，皇太后召宰執問誰可立，惇有異議，布叱惇使從皇太后命。徽宗立，惇得罪罷，遣中使召蔡京、鑾院、拜韓忠彥左僕射。京欲探徽宗意，徐請曰：「麻詞未審，合作專任一相，或作分命兩相之意。」徽宗曰：「專任一相，京出宣言曰：『子宣不復相矣。』已而復召曾肇草制，拜布右僕射，其制曰：『東西分臺，左右建輔，忠彥雖居上，然柔懦，事多決於布。』布猶不能容，時議以元祐紹聖均為有失，欲以大公至正消釋朋黨。明年乃改元建中靖國，邪正雜用。忠彥遂罷去。布獨當國，漸進紹述之說。明年又改元崇寧，召蔡京為左丞，京與布異。會布擬陳佑甫為戶部侍郎，京奏曰：「爵祿者陛下之爵祿，奈何使宰相私其親？布壻陳迪、佑甫子也。布忿然爭辨，久之，聲色稍厲，溫益叱布曰：『曾布上前安得失禮？徽宗不悅而罷，御史遂攻之，罷為觀文殿大學士。知潤州，京積憾未已，加布以贓賄，令開封呂嘉問逮捕其諸子，鍛鍊訊鞫，誘左證使自誣而貸其罪。布落職，提舉太平州居住。又降司農卿，分司南京。又以嘗薦學官趙諗而諗叛，責散官。衡州安置。又以棄隍州責賀州別駕。又責廉州司戶。凡四年，乃徙舒州。復大中大夫，提舉崇福宮。大觀元年卒于潤州，年七十二。後贈觀文殿大

學士，諡曰文肅。

安惇，字處厚，廣安軍人。上舍及第，調成都府教授，上書論學制，召對，擢監察御史。哲宗初，政許察官言事，諫議大夫孫覺請汰其不可者，詔劉摯推擇罷惇為利州路轉運判官。歷慶州、湖北、江東三路。紹聖初，召為國子司業。三遷諫議大夫。章惇蔡卞造同文謗獄，使蔡京與惇雜治。二人肆其伎心，上言司馬光劉摯、梁燾、呂大防等交通陳衍之徒，變先帝成法，懼陛下。一日親政，必有欺君之誅，乃密為傾搖之計。於是疎隔兩宮，斥隨龍內侍，以去陛下之腹心。廢顧命大臣，以蕪陛下之羽翼。縱釋先帝之所罪，收用先帝之所棄，無君之惡，同司馬昭之心。擅事之迹，過趙高指鹿為馬，比詢究本末，得其情狀，大逆不道，死有餘責。帝曰：「元祐人果如是乎？」惇京曰：「誠有是心，特反形未具耳。」帝為誅衍、錮摯、燾、孫遷、御史中丞劉后之受冊也。百官仗衛陳于大庭，是日天氣清晏，惇魏立班中，倡言曰：「今日之事，上當天心，下合人望，朝士皆笑其姦佞。」又鞠鄒浩事，檄廣東使者鍾正甫攝治之于新州，士大夫或千里會遠，踵蹇序辰初議，閱訴理書牘，被禍者七八百人。天下怨疾，為二蔡二惇之謠。徽宗雅惡之，鄒浩還朝，惇言浩若復用，慮彰先帝之失。帝曰：「立后大事也，御史中丞不言而浩獨敢言之，何為不可復用？」惇懼而退。陳瓘請曰：「陛下欲開正路，取浩既往之善，惇乃誣惑主聽，規轉其私。若明不好惡，當自惇始。」乃以寶文閣待制知潤州，尋放歸田里。蔡京為相，復拜工部侍郎，兵部尚書，崇寧初，同知樞密院，卒，贈特進，長子郊，後坐指斥誅。流其次子邦於涪，而追貶惇單州團練副使，其祀遂絕。人以為惇平生數陷忠良之報云。

宋史卷四百七十一

宋史卷四百七十一考證

蔡確傳左諫議大夫張燾右諫議大夫范祖禹左司諫吳安議右司諫王巖叟
右正言劉安世連上章乞正確罪○臣浩按張燾當作梁燾梁燾本傳云蔡
確作詩怨謗燾與劉安世交攻之是也若張燾乃真宗時人與此無涉又按
談圃載此事亦云梁燾而吳安議則云吳安詩

宋史卷四百七十一考證

元中書右丞相總裁脫脫等修

列傳第二百三十一

姦臣二

蔡京 第十 子攸麟

趙良嗣 張覿 郭舉師附

蔡京字元長，興化仙游人。登熙寧三年進士第，調錢塘尉。舒州推官，累遷起居郎，使還，還拜中書舍人。時第下已為舍人，故事入官以先後為序，下乞班京下。兄弟同掌書命，朝廷榮之，改龍圖閣待制，知開封府。元豐末，大臣議所立京附蔡確將害王珪，以貪定策之功不克。司馬光秉政，復差役法，為期五日，同列病太迫，京獨如約，悉改畿縣雇役無一違者，詣政事堂白。光喜曰：「使人人奉法如君，何不可行之有。」已而臺諫言京挾邪壞法，出知成德軍，改瀛州。徙成都，諫官范祖禹論京不可用，乃改江淮荆浙發運使。又改知揚州，歷鄆、永興軍，遷龍圖閣直學士。復知成都，紹聖初，入權戶部尚書。章惇復變役法，置司講議，久不決。京惇謂曰：「取熙寧成法施行之，爾何以講為？」惇然之。雇役遂定，差雇兩法，光惇不同。十年間，京再莅其事，成於反掌。兩人相倚以濟，識者有以見其姦。下拜右丞，以京為翰林學士，兼侍讀，修國史。文及甫獄起，命京窮治京捕內侍張士良，令述陳衍事狀，即以大逆不道論誅。并劉摯、梁燾劾之，衍死。二人亦貶死。皆錮其子孫。王巖叟、范祖禹、劉安世復遠竄。京親執政，曾布知樞密院，忌之，密言下備位承轄，京不可以同升。但進承旨，徽宗即位，罷為端明龍圖兩學士。知太原，皇太后命帝留京畢史事，踰數月，諫官陳瓘論其交通近侍，瓘坐斥。京亦出知江寧，頗快快，遷延不之官。御史陳次升、龔夫、陳師錫交論其惡，奪職提舉洞霄宮。居杭州，童貫以供奉官詣三吳，訪書畫奇巧，留杭累月。京與游，不晝晝夜。凡所畫屏幃扇帶之屬，貫日以達禁中，且附語言論奏至帝所。由是帝屬意京。又太學博士范致虛，素與左街道錄徐知常善，知常以符水出入元符后殿，致虛深結之。道其平日趣向，謂非相京不足以有為。已而宮妾宦官合為一詞，譽京，遂擢致虛右正言。起京知定州，崇寧元年，徙大名府。韓忠彥與曾布交惡，謀

引京自助，復用為學士承旨。徽宗有意脩熙豐政事，起居舍人鄧洵武、黨京、撰

愛莫助之，圖以獻。徽宗遂決意用京。京、彥罷，拜尚書左丞。俄代曾布為右僕射，

制下之日，賜坐延和殿，命之曰：「神宗創法立制，先帝繼之，兩遭變，更國是未定，

朕欲上述父兄之志，卿何以教之？」京頓首謝，願盡死。二年正月，進左僕射。京起

於逐臣，一旦得志，天下拭目所為。而京陰託紹述之柄，箝制天子，用條例故事，

即都省置講議司，自為提舉，以其黨吳居厚、王漢之十餘人為僚屬，取政事之

大者，如宗室冗官、國用商旅、鹽澤賦調、尹牧，每一事以三人主之。凡所設施，皆

由是出。用馮澥錢適之議，復廢元祐皇后罷科舉法，令州縣悉做太學三舍考

選，建辟雍外學於城南，以待四方之士。推方田於天下，權江淮七路茶官，自為

市，盡更鹽鈔法，凡舊鈔皆弗用。富商巨賈嘗齎持數十萬緡，一旦化為流丐，甚

者至赴水及縊死。提點淮東刑獄章絳見而哀之，奏改法誤民，京怒奪其官。因

鑄當十大錢，盡陷絳諸弟。御史沈疇等用治獄失意，羈削者六人。陳瓘子彙以

上書黜置海島，南開黔中築靖州，辰溪、播州殺淑浦令。京重為賞募，殺一首領

者，賜之緡三百，官以班行，且不令質究本末。荆南守馬城言有生猛，有省地猛，

今未知叛者為何種族，若計級行賞，懼不能無枉濫。蔣之奇知樞密院，恐忤京

意，白言城不體國，京罷城，命舒亶代之，以勦絕羣猛為期。西收湟川，鄯廓取犂

犂，夜郎地，擢童貫領節度使。其後楊戩、藍從熙、譚稹、梁師成皆踵之。凡寄資一

切轉行，祖宗之法蕩然無餘矣。又欲兵柄士心皆歸己，建潭、鄆、曹、拱州為四輔，

各屯兵二萬，而用其姻昵。宋喬年胡師文為郡守，禁卒干掖，月給錢五百，驟增

十倍以固結之。戚福在手，中外莫敢譏。累轉司空，封嘉國公。京既貴而貪益甚，

已受僕射奉，復創取司空，寄祿錢。如粟豆柴薪，與僕從糧賜如故，時皆折支，亦

悉從真給。但入熟狀奏行，帝不知也。時元祐羣臣貶竄死徙略盡，京猶未懷意，

命等其罪狀，首以司馬光。目曰：「姦黨刻石文德殿門。」又自書為大碑，徧班郡國，

初，元符末，以日食求言，言者多及熙寧紹聖之政，則又籍范柔中以下為邪等，

凡名在兩籍者三百九人，皆錮其子孫，不得官。京師及近甸，五年進司空，開府

儀同三司，安遠軍節度使，改封魏國。時承平既久，帑庾盈溢，京倡為豐亨豫大

之說視官爵財物如糞土累朝所儲掃地矣帝嘗大宴出玉璫玉卮示輔臣曰欲用此恐人以爲太華京曰臣昔使契丹見玉盤瑤皆石晉時物持以夸臣謂南朝無此今用之上壽於禮無嫌帝曰先帝作一小臺財數尺上封者甚衆朕甚畏其言此器已就久矣倘人言復與久當莫辨京曰事苟當於理多言不足畏也陛下當享天下之奉區區玉器何足計哉五年正月慧出西方其長竟天帝以言者毀黨碑凡其所建置一切罷之京免爲開府儀同三司中太乙宮使三年臺諫交論其惡遂致仕猶提舉修哲宗實錄改封楚國朝朔望太學生陳朝老追疏京惡十四事曰瀆上帝罔君父結與援輕爵祿廣費用變法度妄制作喜導諛箝臺諫熾親黨長奔競崇釋老窮土木矜遠略乞授昇遠方以禦魘魅其書出士人爭相傳寫以爲實錄四年五月慧復出奎婁間御史張克公論京輔政八年權震海內輕錫予以蠶國用託爵祿以市私恩復將作以葺居第用漕船以運花石名爲祝聖而修塔以壯臨平之山託言灌田而決水以符興化之讖法名退送門號朝京方田擾安業之民圍土聚徙郡之惡不軌不忠凡數十事先是御史中丞石公弼侍御史毛注數劾京未允至是貶太子少保出居杭政和二年召還京師復輔政徙封魯國二日一至都堂治事京之去也中外學官頗有以時政爲題策士者提舉淮西學士蘇軾欲自售獻議請索五年間策問校其所詢以觀向背於是坐停替者三十餘人初國制凡詔令皆中書門下議而後命學士爲之至熙寧間有內降手詔不由中書門下共議蓋大臣有陰從中而爲之者至京則又患言者議已故作御筆密進而丐徽宗親書以降謂之御筆手詔違者以連制坐之事無巨細皆託而行至有不類帝札者羣下皆莫敢言繇是貴戚近臣爭相請求至使中人楊球代書號曰書楊京復病之而亦不能止矣既又更定官名以僕射爲太少宰自稱公相總治三省追封王安石蔡確皆爲王省吏不復立額至五品階以百數有身兼十餘奉者侍御史黃葆光論之立竄昭州拔故吏魏伯芻領權貨造料次錢券百萬緡進入徽宗大喜持以示左右曰此大師與我奉料也擢伯芻至徽宗閣待制京每爲帝

言今泉幣所積贏五千萬和足以廣樂富足以備禮於是鑄九鼎建明堂修方澤立道觀作大晟樂製定命寶任孟昌齡爲都水使者鑿大匠三山創天成聖功二橋大興工役無慮四十萬兩河之民愁困不聊生而京憫然自以爲稷契周召也又欲廣宮室求上寵媚召童貫輩五人風以禁中偏側之狀實俱聽命各視力所致爭以侈麗高廣相夸尙而延福官景龍江之役起浸淫及於良獻矣子攸儵儵攸子行皆至大學士視執政儵尙茂德帝姬帝七幸其第贊子無算命坐傳觴略略用人禮廝養居大官媵妾封夫人然公論益不與帝亦厭薄之宣和二年令致仕六年以朱勳爲地再起領三省京至是四當國目昏耗不能事事悉決於季子條凡京所判皆條爲之且代京入奏每造朝侍從以下皆迎揖咕囁耳語堂吏數十人抱案後從由是恣爲姦利竊弄威柄驟引其婦兄韓梈爲戶部侍郎煤鑿密謀斥逐朝士創宣和庫式貢司四方之金帛與府藏之所儲盡拘括以實之爲天子之私財宰臣白時中李邦彥惟奉行文書而已既不能堪兄攸亦發其事上怒欲竄之京力丐免特勒停侍養而安置韓梈黃州未幾襖條侍讀毀賜出身救而京亦致仕方時中等白罷條以據京京殊無去意帝呼童貫使詣京令上章謝事貫至京泣曰上何不容京數年當有相議譖者貫曰不知也京不得已以章授貫帝命詞臣代爲作三表請去乃降制從之欽宗即位邊遽日急京盡室南下爲自全計天下罪京爲六賊之首侍御史孫觀等始極疏其姦惡乃以秘書監分司西京連貶崇信慶遠軍節度副使衡州安置又徙韶儋二州行至潭州死年八十京天資凶醜舞智御人在人主前顛倒伺爲固位計始終一說謂當越拘攣之俗竭四海九州之力以自奉帝亦知其姦屢罷屢起且擇與京不合者執政以棍之京每聞將退免輒入見祈哀蒲伏叩頭無復廉恥燕山之役京送攸以詩陽寓不可之意冀事不成得以自解見利忘義至於兄弟爲參商父子如秦越暮年即家爲府管進之徒舉集其門輸貨僮隸得美官棄紀綱法度爲虛器患失之心無所不至根株結盤牢不可脫卒致宗社之禍難謹死道路天下猶以不正典刑爲恨子八人儵先死攸備伏誅條流白州死儵以尙帝姬免寬餘子及諸孫皆分徙遠惡郡

卞字元度與京同年登科調江陰主簿王安石妻以女因從之學元豐中張璪薦爲國子直講加集賢校理崇政殿說書擢起居舍人歷同知諫院侍御史居職不久皆以王安石執政親嫌辭拜中書舍人兼侍講進給事中哲宗立遷禮部侍郎使於遠人頗聞其名下適有寒疾命載以白駝車典客者曰此君所乘蓋異禮也使還以龍圖閣待制知宣州徙江寧府歷揚廣越潤陳五州廣州寶貝叢羨一無所取及徙越夷人清其去以蓄徽露灑衣送之紹聖元年復爲中書舍人上疏言先帝威德大業卓然出千古之上發揚休光正在史策而實錄所紀類多疑似不根乞驗索審訂重行刊定使後世考觀無所迷惑詔從之以下兼國史修撰初安石且死悔其所作日錄命從子防焚之防詭以他書代至是卞即防家取以上因艾落事實文飾姦僞盡改所脩實錄正史於是呂大防范祖禹趙彥若黃庭堅皆獲深譴遷翰林學士四年拜尙書左丞專託紹述之說上欺天子下脅同列凡中傷善類皆密疏建白然後請帝親札付外行之章惇雖鉅姦然猶在其術中惇輕率不思而下深阻寡言論議之際惇毅然主持卞或噤不啟齒一時論者以爲惇迹易明卞心難見徽宗卽位諫官陳瓘任伯雨御史龔夬疏其兄弟姦惡瓘併數下尊私史以厭宗廟之罪伯雨言卞之惡有過於惇去年封事數千人皆乞斬惇卞公議於此可見矣遂陳其大罪有六曰誣罔宣仁聖烈保祐之功欲行追廢一也凡紹聖以來竄逐臣僚皆卞啓而後行二也宮中厭勝事作哲宗方疑未知所處惇欲召禮法官通議卞云旣犯法矣何用禮法官議皇后以是得罪三也編排元祐章牘華非語言被罪者數千人議自卞出四也鄒浩以言忤旨卞激怒哲宗致之遠謫又請治其親故送別之罪五也蹇序辰建看詳訴理之議章惇遲疑未應卞卽以二心之言迫之惇默不敢對卽日置局士大夫得罪者八百三十家凡此皆卞謀之而惇行之六也願亟正典刑以謝天下詔以資政殿學士知江寧府連貶少府少監分司池州纒踰歲起知大名府徙揚州召爲中太乙宮使擢知樞密院時京居相位下禮辭不許帝謀復遼都問於卞卞以王厚高永年對與京合謀竭府藏以事邊募商人運糧不復問其直貴賤都鄆至斗米錢四千束芻錢千二百秦中

驢困及取三州進金紫光祿大夫永年竟爲帳下執去以降自是西方交兵連年不息追讎任伯雨所言曲自辨理至欲會獄證治諸人坐貶下居心傾邪一意以婦公王氏所行爲至當兄晚達而位在上致已不得相故二府政事時有不合京以中旨用童貫爲陝西制置使卞言不宜用宦者右丞張國引李憲故事以對卞曰用憲已非美事憲猶稍習兵貫略無所長異時必誤邊計帝令中書行之京於帝前詆卞卞求去以天章閣學士知河南妖人張懷素敗卞素與之游謂其道術通神嘗識孔子漢高祖至稱爲大士坐降職旋加觀文殿學士拜昭慶軍節度使入爲侍讀進檢校少保開府儀同三司易節鎮東政和末謁歸上冢道死年六十贈太傅諡曰文正高宗卽位追責爲寧國軍節度副使紹興五年又貶單州團練副使

攸字居安京長子也元符中監在京裁造院徽宗時爲端王每退朝攸適趨局遇諸塗必下馬拱立王問左右知爲蔡承旨子心善之及卽位託其人遂有寵崇寧三年自鴻臚丞賜進士出身除祕書郎以直祕閣集賢殿修撰編修國朝會要二年間至樞密直學士京再入相加龍圖閣學士兼侍讀詳定九域圖志修六典提舉上清寶籙宮祕書省兩街道錄院禮制道史局官僚合百人多三館簿游而攸用大領袖其間懵不知學士論不與初置宣和殿命爲大學士賜棗文方圍金帶改淮康軍節度使帝將去京先逐其黨劉曷劉煥等使御史中丞王安中劾之攸通籍禁庭聞其事亟請問百拜以懇帝意遂解其後與京權勢日相軋浮薄者復聞之父子各立門戶遂爲讐敵攸別居賜第嘗詣京京正與客語使避之攸甫入遽起握父手爲眇視狀曰大人脈勢舒緩體中得無有不適乎京曰無之攸曰禁中方有公事卽辭去客竊窺見以問京京曰君固不解此兒欲以爲吾疾而罷我也聞數日京果致仕以季弟條鍾愛於京數請殺之帝不許攸歷開府儀同三司鎮海軍節度使少保進見無時益用事與王黼得預宮中祕戲或侍曲宴則短衫窄袴塗抹青紅雜倡優侏儒多道市井淫嫖謔浪語以蠱帝心妻宋氏出入禁掖子行領殿中監視執政寵信傾其父帝留意道家者說攸獨倡爲異聞謂有珠星璧月跨鳳乘龍天書雲篆之符

與方士林靈素之徒爭證神變事於是神霄玉清之祠徧天下咎端自攸與矣童賈伐燕以攸副宣撫攸童駭不習事謂功業可唾手致入辭之日二美嬪侍上側攸指而請曰臣成功歸乞以是賞帝笑而弗責涿州留守郭藥師擁所部八千人舉涿易二州降進攸少傅王師入燕進少師封英國公還領樞密院王黼罷政帝欲大用攸既而悔之但進太保徙封燕帝欲內禪親書傳位東宮字授李邦彥邦彥欲立不敢承遂以付攸攸退屬其客給事中吳敏議遂定靖康元年從上皇南下及還都始責為大中大夫繼而安置永州連徙潯雷京死御史言攸罪不減乃父燕山之役禍及宗社驕奢淫泆載籍所無當寬諸海島詔置萬安軍尋遣使者隨所至誅之

脩初以恩澤為親衛郎祕書丞至保和殿學士宣和中拜禮部尚書兼侍講時脩第兄亦知事勢日異其客傅墨卿孫傳等復語之曰天下事必敗蔡氏必破當亟為計脩心然之密與攸議稍持正論故與京異然皆蓄縮不敢明言遂引吳敏李綱李光楊時等用之以挽物情尋加大學士提舉醴泉觀欽宗立脩上募兵陝西策自請行又勸西幸帝頗采納俾知京兆府計垂就攸忘其功成會金破濬州徽宗南幸攸假徽宗旨請脩守鎮江改資政殿大學士或謂脩前計已乖宜勿行脩幸得去不復辭流言至京師謂將復辟於鎮江帝趣迎上皇還而責脩昭信軍節度副使攸之誅也御史陳述且行帝取詔批其尾曰脩亦然於是併誅密者京族子也性矯妄善談鬼神事當承門蔭固推與庶兄宗族稱為賢崇寧初京黨以學行修飭聞諸朝與泉州布衣呂注皆著道士服召入謁累官拜給事中兼侍讀京去位為言者所攻以顯謨閣待制提舉崇福宮言者復論其不學無文結豪民規厚利持道家吐納之說以為論思侍立集英殿目自若為不恭遂奪職陳正彙上京變事置獄京師具陳在杭州時日聞密威言京有後復獄上詔削其籍京復相徽宗戒毋得用密但復集英殿修撰旋還待制提點洞霄宮宣和中卒

趙良嗣本燕人馬植世為遼國大族仕至光祿卿行汚而內亂不齒於人政和初童賈出使道盧溝植夜見其侍史自言有滅燕之策因得謁童賈與語大奇

之載與歸易姓名曰李良嗣薦諸朝即獻策曰女真恨遼人切骨而天祚荒淫失道本朝若遣使自登萊涉海結好女真與之相約攻遼其國可圖也議者謂祖宗以來雖有此道以其地接諸蕃禁商買舟船不得行百有餘年矣一旦啓之懼非中國之利徽宗召見問所來之因對曰遼國必亡陛下念舊民遺塗炭之苦復中國往昔之疆代天譴責以治伐亂王師一出必盡聚來迎萬一女真得志先發制人後發制於人事不侔矣帝嘉納之賜姓趙氏以為祕書丞圖燕之議自此始還直龍圖閣提點萬壽觀加右文殿修撰宣和二年二月使于金國見其主阿骨打議取燕雲使還進徽猷閣待制自是將命至六七頗能緩頰盡心與金爭議進龍圖閣直學士既得燕山又加延慶殿學士提舉上清宮官至光祿大夫良嗣言頃在北國與燕中豪士劉範李爽及族兄柔吉三人結義同心欲拔幽薊歸朝瀝酒於北極祠下祈天為約俟他日功成即挂冠謝事以表本心初非取功名而傲富貴也賴陛下威靈今日之事幸而集願前日之約豈可欺哉願許臣致仕使得買田歸耕令有識者曰此平燕首謀之人得請閑退天下美事也不然則臣為敢欺神明何所不至凡三上章詔不許既而朝廷納張覺良嗣爭之云國家新與金國盟如此必失其歡後不可悔不聽坐奪職削五階靖康元年四月御史胡舜陟論其結成邊患敗契丹百年之好使金寇侵陵禍及中國乞戮之於市時已竄柳州詔廣西轉運副使李昇之即所至梟其首徙妻子于萬安軍

張覺平州義豐人也遼國第進士為遼與軍節度副使鎮民殺其節度使蕭諦里覺拊定亂者州人推領州事燕王淳死覺知遼必亡籍丁壯五萬人馬千匹練兵為備蕭后遣時立愛來知州拒弗納金人入燕訪覺情狀於遼故臣康公弼公弼言彼何能為當示以不疑乃以為臨海軍節度使任知平州遼相左企弓等將歸東粘罕欲先遣兵擒覺公弼曰如此是趣之叛也我請使焉而觀之遂往見覺覺曰契丹八路皆陷今獨平州存敢有異志所以未釋甲者防蕭幹耳厚賂公弼使還公弼道其語粘罕信之升平州為南京加覺同中書門下平章事企弓公弼與曹勇義虞仲文皆東遷時燕民盡徙流離道路或詣覺訴

公弼企弓等不能守燕致吾民如是能免我者非公而誰覺召僚屬議皆曰近聞天祚復振於松漠金人所以急趨山西者畏契丹議其後也公能仗大義迎故主以圖興復責企弓等之罪而殺之縱燕人歸燕南朝宜無不納儻金人西來內用營平之兵外藉南朝之援何所懼乎覺又訪於翰林學士李石亦以爲然乃殺企弓等四人復稱保大三年繪天祚像於廳事每事告而後行呼父老諭曰女真讐也豈可從指其像曰此非汝主乎豈可背當相約以死必不得已則歸中國燕人尙義皆景從於是悉遣徙民歸石更名安弼偕故三司使高黨往燕山說王安中曰平州自古形勝之區地方數百里帶甲十餘萬覺文武全才若爲我用必能屏翰王室苟爲不然彼西迎天祚北擁蕭幹將爲吾肘腋患矣安中深然之具奏于朝願以身任其責令安弼黨詣京師徽宗以手札付詹度曰本朝與金國通好信誓甚重豈當背違金人昨所以不卽討覺者以兵在關中而覺抗榆關故也今旣已東去他日西來則覺叢爾數城恐未易當爲今之計姑當密示羈縻足矣而度數誘致之諷令內附宣和五年六月覺遣書至安撫司云金虜恃虎狼之強驅逐徙燕京富家巨室止留空城以塞盟誓細想大朝亦非得已遺民假道當管窺痛之聲盈於衢路州人不忍僉謂宜抗賊命以存生靈使復父母之邦且爲大朝守禦之備已盡遣其人過界謹令掌書記張鈞參謀軍事張敦固詣安撫司聽命金人聞覺叛遣闍母國王將三千騎來討覺帥兵迎拒之于營州闍母以兵少不交鋒而退大書于門有今冬復來之語覺遂妄以大捷聞朝廷建平州爲泰寧軍拜覺節度使以安弼黨鈞敦固皆爲徽猷閣待制宣撫司檄以銀絹數萬詔命至覺喜遠出迎金人謀知舉兵來覺不得返同其弟挾所被詔勅奔燕母妻先寓營州爲金人所得第聞之亟往降獻其詔勅金人圍平州覺之從弟及姪固守金人以納叛爲責且求餉糧凡攻擊數月州民數千潰圍走莫肯降金人旣平三州始來索覺王安中諱之索愈急乃斬一人貌類者去金人曰此非覺也覺匿于王宣撫甲仗庫若不與我我自以兵取之安中不得已引覺出數其過使行刑覺語殊不遜旣死函首送之燕之降將及常勝軍皆泣下郭藥師曰若來索藥師當奈何自是解體金人

終用是啓覺云

郭藥師渤海鐵州人也遠之將亡燕王淳募遼東饑民爲兵使之報怨於女真目曰怨軍藥師爲之渠首明年其兩管叛藥師殺叛者羅青都統蕭幹留二千人爲四營以藥師及張令徽劉舜仁甄五臣爲將淳建號於燕改怨軍爲常勝軍權藥師至諸衛上將軍涿州留守淳死蕭后立蕭幹專國人貳宣和四年九月藥師擁所部八千人奉詒易二州來歸詔以爲恩州觀察使王師北討劉延慶與幹軍于盧溝藥師曰幹以全師抗我燕城必虛選勁騎襲之可得也延慶遣藥師與諸將帥兵六千夜半渡河倍道而進質明甄五臣領五千騎奪迎春門以入大軍繼至下令納燕人降而盡殺契丹雜虜藥師遣人諭蕭后使趣降后密詔蕭幹還戰於三市藥師失馬幾爲所擒遂以救還猶進安遠軍承宣使十二月拜武泰軍節度使五年正月加檢校少保同知燕山府詔入朝徽宗禮遇甚厚賜以甲第姬妾張水嬉於金明池使觀之命貴戚大臣更互設宴又召對於後苑延春殿藥師拜廷下泣言臣在虜聞趙王如在天上不謂今日得望龍顏帝深褒稱之委以守燕對曰願效死又令取天祚以絕燕人之望變色而言曰天祚臣故主也國破出走臣是以降陛下使臣畢命他所不敢辭若使反故主非所以事陛下願以付他人因涕泣如雨帝以爲忠解所御珠袍及二金盆以賜藥師出諭其下曰此非吾功汝輩力也卽剪益分給之加檢校少傅歸鎮蕭幹犯塞藥師破其衆於峯山生擒阿魯大師獲耶律德光尊號寶劍檢塗金印幹尋爲部下所殺策勳加檢校太傅初王安中知燕山府詹度與藥師同知藥師自以節鉞欲居度上度稱御筆所書有序藥師不從加以常勝軍肆橫藥師右之度不能制告于朝廷慮其交惡命度與河間蔡靖兩易靖至坦懷待之藥師亦重靖稍爲抑損安中但詔事之朝廷亦曲徇其意所請無不從賈械精甲多遣部曲貿易他道爲奇巧之物以奉權貴宦侍於是譽言日聞專制一路增募兵號三十萬而不改左衽朝論頗以爲慮亟拜太尉召入朝辭不至帝令童貫行邊陰察其去就不然則挾之偕來貫至燕藥師迎于易州再拜帳下貫避之曰汝今爲太尉位視二府與我等耳此禮何爲藥師曰太師父也藥師

唯拜我父焉。知其他實釋然。遂邀實視師。至于迴野。略無人迹。藥師下馬。當實前。揮旗一揮。俄頃。四山鐵騎耀日。莫測其數。實衆皆失色。歸爲帝言。藥師必能抗虜。蔡攸亦從中力主之。金使賀天寧節歸。送伴使見藥師兵。遇之於道。金使爲之斂馬引避。鄉兵或持矛揭取其羊羴。皆不敢爭。奏言。藥師威聲遠振。攸益謂其可倚。故內地不復防制。屢有告變。及得其通金國書。輒不省。七年十二月。詹度言。藥師瞻視不常。趣向懷異。蜂目鳥喙。怙寵恃功。逆節已萌。凶橫日甚。今聞與金人交結。背負朝廷。與禍不遠。願早爲之慮。始詔遣官究實。而金兵已南下。破檀薊至玉田。蔡靖遣藥師張令徽劉舜仁帥師出禦。其夕令徽遁歸。靖與部使者詣藥師計事。藥師欲降。靖曰。靖誓死報國。此何言邪。引佩刀將自剄。藥師抱持之。并諸使者悉鎖于家。幹離不及郊。藥師率軍官迎拜。遂從以南。叛報至。帝猶秘其事。議封爲燕王。割地與之使世守。而已無及。幹離不至慶源。聞天子內禪。欲回軍。藥師曰。南朝未必有備。不如姑行。其後趨起京城。詰索宮省。與邀取寶器服玩。皆藥師導之也。

宋史卷四百七十二

宋史卷四百七十二考證

蔡京傳第卞以下。兼國史修撰。初安石且死。至盡改所修實錄。○臣其容按長編。蔡卞重修神宗實錄。用朱黃刪改。納之禁中。世不可得見。梁師成用事。頗招延元祐諸家子孫。若范溫秦湛之徒。師成在禁中。見其書。爲諸人道之。諸人索其書之出。因曰。此亦不可不錄也。師成如其言。有人攜以渡江。遂傳于世。

宋史卷四百七十二考證

元中書右丞相總裁脫脫等修

列傳第二百三十二

袁臣三

黃潛善

汪伯彥

秦檜

黃潛善字茂和邵武人擢進士第宣和初為左司郎陝西河東地大震陵谷易處徽宗命潛善察訪陝西因往視潛善歸不以實聞但言震而已擢戶部侍郎坐事謫亳州以徽猷閣待制知河間府靖康初金人入攻康王開大元帥府檄潛善將兵入援張邦昌僭位潛善趨白于帥府王承制拜潛善為副元帥二年高宗即位拜中書侍郎時上從人望擢李綱為右相綱將奏逐潛善及汪伯彥右丞呂好問止之未幾潛善拜右僕射兼中書侍郎綱遂罷御史張所言潛善姦邪恣害新政左遷所尚書郎尋謫江州太學生陳東論李綱不可去潛善伯彥不可任潛善恚會歐陽澈上書詆時事語侵宮掖帝謂其言不實潛善乘間啓殺澈并東誅之識與不識皆為之垂涕帝悔焉明年金人攻陝西京東山東盜起潛善伯彥匿不以聞張遇焚真州距行在六十里內侍邵成章疏潛善伯彥誤國成章坐除名御史馬伸亦以劾潛善伯彥得罪請監濮州酒稅道卒潛善進左僕射兼門下侍郎鄆濮相繼陷沒宿泗屢警右丞許景衡以屢衛單弱請帝避其鋒潛善以為不足慮率同列聽浮屠克勸說法俄泗洲奏金人且至帝大驚決策南渡御舟已戒潛善伯彥方共食堂吏大呼曰駕行矣乃相視蒼黃鞭馬南馳都人爭門而出死者相枕籍人無不怨憤會司農卿黃鑄至江上軍士聞其姓以為潛善也爭數其罪揮刃而前鏗方辨其非是而首已斷矣帝渡瓜州幸鎮江敵兵已躡其後潛善伯彥聯疏言艱難之時不敢具文求退中丞張澈劾之乃罷潛善為觀文殿大學士知江寧府落職居衡州鄭慤又論潛善伯彥均於誤國而潛善之惡居多王廷秀繼以為言責置英州諫官袁植乞斬之都市帝不許尋卒于梅州潛善狠持國柄嫉害忠良李綱既逐張慤宗澤許景衡輩相繼貶死憲諫一言隨陷其禍中外為之切齒高宗末年有旨潛善

余深薛昂皆復官錄後諫官凌哲言深昂朋附蔡京潛善專恣誤國今盡復三人恩數悉政刑失平忠義解體詔以潛善嘗任副元帥特復元官錄一子

汪伯彥字廷俊徽之新門人登進士第積官為虞部郎官靖康改元召見獻河北邊防十策直龍圖閣知相州是冬金人陷真定詔從真定帥司于相俾伯彥領之高宗以康王使金至磁時金騎充斥嘗有甲馬數百至城下蹤跡王所在伯彥亟以帛書請王還相躬服藥饒部兵逆王于河上王勞之曰他日見上當首以京兆薦公其受知自此始矣未幾王奉蠟書開天下兵馬大元帥府以伯彥為副將王引兵渡河謀所向言人人殊伯彥獨曰非出北門濟州城不可王喜曰廷俊言是也既濟繇大名歷鄆濟達于京奏為集英殿修撰北兵薄京城欽宗詔金人見議通和康王將兵毋得輕動伯彥以為然宗澤曰女真狂謫是欲款我師爾如即信之後悔何及乎宜亟進兵伯彥等難之及城破金人逼二帝北行張邦昌僭立王聞之涕泣明年春王承制除伯彥顯謨閣待制升元帥進直學士高宗即位擢知樞密院事未幾拜右僕射方高宗初政天下望治伯彥潛善踰年在相位專權自恣不能有所經畫御史諫官下至韋布內侍皆劾奏之罷伯彥為觀文殿大學士知洪州改提舉崇福宮尋落職居永州紹興初復職知池州江東安撫大使言者弗置乃詔以舊職奉祠尋知廣州四年帝追贈陳東歐陽澈舍人王居正論伯彥潛善不已復褫前職七年帝謂輔臣曰元帥舊僚往往淪謝惟汪伯彥實同艱難朕之故人所存無幾宜與牽復秦檜張浚曰臣等已議曰郊恩取旨更得天筆明其舊勞庶幾內外孚信始伯彥之未第也受館于王氏檜嘗從之學而浚亦伯彥所引故共贊焉九年知宣州過關帝謂檜曰伯彥便令之官庶免紛紜又曰伯彥潛藩舊僚去國七年漢之高光不忘豐沛南陽故舊皆人情之常伯彥上所著中興日曆五卷拜檢校少傅保信軍節度使十年請祠從之明年五月卒贈少師諡忠定初伯彥既去相州金人執其子軍器監丞似使割地以至相州守臣趙不試固守不下遂拘而北久之乃還或云似之得歸伯彥實使人贖之似後更名召嗣

秦檜字會之江寧人登政和五年第補密州教授繼中詞學兼茂科歷太學學

正靖康元年金兵攻汴京遣使求三鎮檜上兵機四事一言金人要請無厭乞止許燕山一路二言金人狙詐守禦不可緩三乞集百官詳議擇其當者載之誓書四乞館金使于外不可令人門及引上殿不報除職方員外郎尋屬張邦昌為幹當公事檜言是行專為割地與臣初議矛盾失臣本心三上章辭許之時議割三鎮以弭兵命檜借禮部侍郎與程瑀為割地使奉肅王以往金師退檜瑀至燕而還御史中丞李回翰林承旨吳玠共薦檜拜殿中侍御史遷左司諫王雲李若水見金二酋歸言金堅欲得地不然進兵取汴京十一月集百官議于延和殿范宗尹等七十人請與之檜等三十六人持不可未幾除御史中丞閏十一月汴京失守二帝幸金營二年二月莫儔吳玠自金營來傳金帥命推立異姓留守王時雍等召百官軍民共議立張邦昌皆失色不敢答監察御史史馬伸言於衆曰吾曹職為爭臣豈容坐視不吐一辭當共入議狀乞存趙氏時檜為臺長聞伸言以為然即進狀曰檜荷國厚恩甚愧無報今金人擁重兵臨已拔之城操生殺之柄必欲易姓檜盡死以辨非特忠於主也且明兩國之利害爾趙氏自祖宗以至嗣君百七十餘載頃緣姦臣敗盟結怨鄰國謀臣失計謀主喪師遂致生靈被禍京都失守主上出郊求和軍前兩元帥既允其議布聞中外矣且空竭帑藏追取服御所用割兩河地恭為臣子今變易前議人臣安忍畏死不論哉宋於中國號令一統綿地萬里德澤加於百姓前古未有雖興亡之命在天有數焉可以一城決廢立哉昔西漢絕於新室光武以興東漢絕於曹氏劉備帝蜀唐為朱溫篡奪李克用猶推其世序而繼之蓋基廣則難傾根深則難拔張邦昌在上皇時附會權倖共為蠹國之政社稷傾危生民塗炭固非一人所致亦邦昌為之也天下方疾之如仇讎若付以土地使主人民四方豪傑必共起而誅之終不足為大金屏翰必立邦昌則京師之民可服天下之民不可服京師之宗子可滅天下之宗子不可滅檜不顧斧鉞之誅言兩朝之利害願復嗣君位以安四方非特大宋蒙福亦大金萬世利也金人尋取檜詣軍前三月金人立邦昌為偽楚邦昌遺金書請還孫傳張叔夜及檜不許初二帝北遷檜與傅叔夜何臬司馬朴從至燕山又徙韓州上皇聞康王即

位作書貽粘罕與約和議俾檜潤色之檜以厚賂達粘罕會金主吳乞買以檜賜其弟撻懶為任用撻懶攻山陽建炎四年十月甲辰檜與妻王氏及婢僕一家自軍中取漣水軍水砦航海歸行在丙午檜入見丁未拜禮部尚書賜以銀帛檜之歸也自言殺金人監己者奪舟而來朝士多謂檜與卓傅朴同拘而檜獨歸又自燕至楚二千八百里踰河越海豈無譏訶之者安得殺盡而南就令從軍撻懶金人縱之必質妻屬安得與王氏偕惟宰相范宗尹同知樞密院李回與檜善盡破羣疑力薦其忠未對前一日帝命先見宰執檜首言如欲天下無事南自南北自北及首奏所草與撻懶求和書帝曰檜朴忠過人朕得之喜而不寐蓋聞二帝母后消息又得一佳士也宗尹欲處之經筵帝曰且與一事簡尚書故有禮部之命從行王安道馮由義水砦丁裸及參議官並改京秩舟人孫靖亦補承信即始朝廷雖數遣使但且守且和而專與金人解仇議和實自檜始蓋檜在金庭首倡和議故撻懶縱之使歸也紹興元年二月除參知政事七月宗尹罷先是范宗尹建議討論崇寧大觀以來濫賞檜力贊其議見帝意堅反以此擠之宗尹既去相位久虛檜揚言曰我有二策可變動天下或問何以不言檜曰今無相不可行也八月拜右僕射同中書門下平章事兼知樞密院事九月呂頤浩再相檜同秉政謀奪其柄風其黨建言周宣王內修外攘故能中興今二相宜分任內外頤浩遂建都督府於鎮江帝曰頤浩專治軍旅檜專理庶務如種蠱之分職可也二年檜奏置修政局自為提舉參知政事翟汝文同領之未幾檜面劾汝文擅治堂吏汝文求去諫官方孟卿一再論之汝文竟罷監察御史劉一止檜黨也言宣王內修修其所謂外攘之政而已今簿書獄訟官吏差除土木營繕俱非所當急者屯田即曾統亦謂檜曰宰相事無不統何以局為檜皆不聽既而有議廢局以搖檜者一止及檢討官林待聘皆上疏言不可廢七月一止出臺除起居郎蓋自叛其說識者笑之頤浩自江上還謀逐檜有教以引朱勝非為助者詔以勝非同都督給事中胡安國言勝非不可用勝非遂以臆東觀使兼侍讀安國求去檜三上章留之不報頤浩尋以黃龜年為殿中侍御史劉棐為右司諫蓋將逐檜於是江躋吳表臣程瑀張燾

胡世將劉一止林待聘樓焯並落職予祠臺省一空皆檜黨也檜初欲傾頤浩引一時名賢如安國燾瑤輩布列清要頤浩問去檜之術於席益益曰目爲黨可也今黨魁胡安國在瑣闥宜先去之蓋安國嘗問人材於游酢酢以檜爲言且比之荀文若故安國力言檜賢於張浚諸人檜亦力引安國至是安國等去檜亦尋去檜再相誤國安國已死矣黃龜年始劾檜專主和議沮止恢復植黨專權漸不可長至比檜爲莽卓八月檜罷乃爲觀文殿學士提舉江州太平觀前一日上召直學士院綦密禮入對示以檜所陳二策欲以河北人還金國中原人還劉豫帝曰檜言南人歸南北人歸北朕北人將安歸檜又言爲相數月可聳動天下今無聞密禮卽以上意載訓辭播告中外人始知檜之姦龜年等論檜不已詔落職勝朝堂示不復用三年韓肖胄等使還洎金使李永壽王珣偕來求盡還北俘與檜前議昭合識者益知檜與金人共謀國家之辱未已也五年金主旣死撻懶主議卒成其和二月復資政殿學士仍舊官祠六月除觀文殿學士知温州六年七月改知紹興府尋除醴泉觀使兼侍讀充行宮留守孟庚同留守並權赴尚書樞密院參決庶事時已降詔將行幸檜乞扈從不許帝駐蹕平江召檜赴行在用右相張浚薦也十二月檜以醴泉觀兼侍讀赴講筵七年正月何辭使金還得徽宗及寧德后訃帝號慟發喪卽日授檜樞密使恩數視幸臣四月命王倫使金國迎奉梓宮九月浚求去帝問誰可代卿浚不對帝曰秦檜何如浚曰與之共事始知其闇帝曰然則用趙鼎鼎於是復相臺諫交章論浚安置領表鼎約同列救解與張守面奏各數千百言檜獨無一語浚遂謫永州始浚鼎相得甚浚先進力引鼎書共論人才浚劇談檜善鼎曰此人得志吾人無所措足矣浚不以爲然故引檜共政方知其闇不復再薦也檜因此憾浚反謂鼎曰上欲召公而張相遲留蓋怒鼎使擠浚也檜在樞府惟聽鼎鼎素惡檜由是反深信之卒爲所傾鼎與浚晚遇於閩言及此始知皆爲檜所賣十一月奉使朱弁以書報粘罕死帝曰金人暴虐不亡何待檜曰陛下但積德中與固有時帝曰此固有時然亦須有所施爲然後可以得志八年三月拜右僕射同中書門下平章事兼樞密使吏部侍郎晏敦復有憂色曰姦人相

矣五月金遣烏陵思謀等來議和與王倫偕至思謀卽宣和始通好海上者議以吏部侍郎魏紅館伴紅辭曰頃任御史嘗言和議之非今不可專對檜問紅所以不主和紅備言敵情檜曰公以智料敵檜以誠待敵紅曰第恐敵不以誠待相公爾檜乃改命六月思謀等入見帝愀然謂宰相曰先帝梓宮果有還期雖待二三年尙庶幾惟是太后春秋高朕旦夕思念欲早相見此所以不憚屈己冀和議之速成也檜曰屈己議和此人主之孝也見主卑屈懷憤不平此人臣之忠也帝曰雖然有備無患使和議可成邊備亦不可弛十月宰執入見檜獨留身言臣僚畏首尾多持兩端此不足與斷大事若陛下決欲講和乞顛與臣議勿許羣臣預帝曰朕獨委卿檜曰臣亦恐未便望陛下更思三日容臣別奏又三日檜復留身奏事帝意欲和甚堅檜猶以爲未也曰臣恐別有未便欲望陛下更思三日容臣別奏帝曰然又三日檜復留身奏事如初知上意確不移乃出文字乞決和議勿許羣臣預鼎力求去位以少傳出知紹興府初帝無子建炎末范宗尹造膝有請遂命宗室令憲擇藝祖後得伯琮伯玖入宮皆藝祖七世孫伯琮改名瑋伯玖改名璘瑋先建節封建國公帝諭鼎專任其事又請建資善堂鼎罷言者攻鼎必以資善爲口實及鼎相再相帝出御札除璘節度使封吳國公執政聚議樞密副使王庶見之大呼曰並后匹嫡此不可行鼎以問檜不答檜更問鼎曰自丙辰罷相議者專以此藉口今當避嫌約同奏面納御筆及至帝前檜無一語鼎曰今建國在上名雖未正天下之人知陛下有子矣今日禮數不得不異帝乃留御筆俟議明日檜留身奏事後數日參知政事劉大中參告亦以此爲言故鼎與大中俱罷明年璘卒授保大軍節度使封崇國公故鼎入辭勸帝曰臣去後必有以孝弟之說脅制陛下者出見檜一揖而去檜亦憾之鼎既去檜獨專國決意議和中朝賢士以議論不合相繼而去於是中書舍人呂本中禮部侍郎張九成皆不附和議檜論之使優游委曲九成曰未有枉己而能正人者檜深憾之殿中侍御史張戒上疏乞留趙鼎又陳十三事論和議之非忤檜王庶與檜尤不合自淮西入樞庭始終言和議非是疏凡七上且謂檜曰而志東都欲存趙氏時何遺此敵邪檜方挾金人自重

尤恨庶言，故出之。樞密院編修官胡銓上疏，願斬檜與王倫以謝天下。如是上
 下洵洵，檜謬為解救，卒械送銓貶昭州。陳剛中以啓賀銓，檜大怒，送剛中吏部。
 差知贛州安遠縣，贛有十二邑，安遠瀆嶺地惡瘴深，諺曰：龍南安遠，一去不轉。
 言必死也。剛中果死，尋以銓事戒諭中外。既而校書郎許忻，樞密院編修官趙
 雍，同日上疏，猶祖銓意，力排和議。雍又欲正南北兄弟之名，檜亦不能罪。嘗開
 見檜言，今日當論存亡，不當論安危。檜駭愕，遂出之。司勳員外郎朱松，館職胡
 理，張浚，凌景夏，常明，范如圭，同上一疏，言金人以和之一字，得志于我者十有
 二年，以覆我王室，以弛我邊備，以竭我國力，以懈緩我不共戴天之讎，以絕望
 我中國，謳吟思漢之赤子，以詔諭江南為名，要陛下以稽首之禮。自公卿大夫
 至六軍萬姓，莫不扼腕憤怒，豈肯聽陛下北面為仇敵之臣哉！天下將有仗大
 義問相公之罪者，後數日，權吏部尚書張燾，吏部侍郎晏敦復，魏釭，戶部侍郎
 李彌遜，梁汝嘉，給事中樓炤，中書舍人蘇符，工部侍郎蕭振起，居舍人薛徽言，
 同班入奏，極言屈己之禮非是。新除禮部侍郎尹焯獨上疏，且移書切責檜，檜
 始大怒，焯於是固辭，新命不拜。奉禮郎馮時行召對，言和議不可信，至引漢高
 祖分羹事為喻。帝曰：朕不忍聞，聲震而起。檜乃謫時行知萬州，尋亦抵罪。中書
 舍人勾龍如淵抗言於檜曰：邪說橫起，胡不擇臺官擊去之。檜遂奏如淵為御
 史中丞，首劾銓。金使張通古蕭哲以詔諭江南為名，檜猶恐物論咎己，與哲等
 議，改江南為宋，詔諭為國信。京淮宜撫處置使韓世忠凡四上疏力諫，有金以
 劉豫相待之語，且言兵勢重處，願以身當之，不許。哲等既至泗州，要所過州縣
 迎以臣禮。至臨安日，欲帝待以客禮。世忠益憤，再疏言金以詔諭為名，暗致陛
 下歸順之義，此主辱臣死之時，願效死戰，以決勝敗。若其不克，委曲從之，未晚
 亦不許。哲等既入境，接伴使范同再拜問金主起居。軍民見者，往往流涕。過平
 江，守臣向子諲不拜，乞致仕。哲等至淮安，言先歸河南地，且冊上為帝徐議餘
 事。檜至是欲上行屈己之禮。帝曰：朕嗣守太祖太宗基業，豈可受人封冊。會
 三衙帥揚沂中解潛韓世良相率見檜曰：軍民洵洵若之何。退又白之臺諫。於
 是勾龍如淵李誼數見檜議國書事。如淵謂得其書納之禁中，則禮不行而事

定。給事中樓炤亦舉諒陰三年不言事以告檜，於是定檜攝冢宰受書之議。帝
 亦切責王倫，論金使，金使亦懼而從帝命。檜即館中見哲等受其書，金使欲
 百官備禮，檜使省吏朝服導從，以書納禁中。先一日，詔金使來，將盡劃河南陝
 西故地。又許還梓宮及母兄親族，初無需索，以參知政事李光素有時望，俾押
 和議榜以鎮浮言。又降御札賜三大將，九年，金人歸河南陝西故地，以王倫簽
 書樞密院事，充迎奉梓宮，奉還兩宮，交割地界使，藍公佐副之。判大宗正事士
 儼，兵部侍郎張燾，朝八陵，帝謂宰執曰：河南新復，宜命守臣專撫遺民，勸農桑，
 各因其地以食，因其人以守，不可移東南之財，虛內以事外。帝雖聽檜和而實
 疑金詐，未嘗弛備也。時張浚在永州，馳奏力言以石晉劉豫為戒，復移書孫近，
 以帝秦之禍發遲而大，徐俯守上饒，連南夫帥廣東，岳飛宣撫淮西，皆因賀表
 宣諷，俯曰：禍福倚伏，情偽多端。南夫曰：不信亦信，其然豈然。雖虞舜之十二州，
 皆歸王化，然商於之六百里，當念爾欺。飛曰：救暫急而解倒懸，猶之可也。彼長
 慮而尊中國，豈其然乎。他如秘書省正字汪應辰，樊光遠，澧州推官韓絳，臨安
 府司戶參軍毛叔慶，皆言金人叵測，迪功郎張行成獻詞，堯書二十篇，大意言
 自古講和，未有終不變者。修具者皆豫備之策。檜悉加黜責，絳貶循州。七月，兀
 朮殺其領三省事宗盤及左副元帥撻懶，拘王倫於中山府。蓋兀朮以歸地為
 二人所主，將有他謀也。倫嘗密奏于朝，檜不之備，但趣倫進。時韓世忠有乘懈
 掩擊之請，檜言春秋不伐喪，與帝意合。遂已。十年，金人果敗盟，分四道入侵。兀
 朮入東京，葛王襲取南京，李成取西京，撒離喝趨永興軍，河南諸郡相繼陷沒。
 帝始大怪，下詔罪狀兀朮，御史中丞王次翁奏曰：前日國是，初無主議，事有小
 變，則更用他相，後來者未必賢，而排黜異黨，紛紛累月，不能定願。陛下以為至
 戒，帝深然之。檜力排羣言，始終以和議自任，而次翁謂無主議者，專謂檜地也。
 於是檜位復安。據之凡十八年，公論不能撼搖矣。六月，檜奏曰：德無常師，主善
 為師。臣昨見撻懶有割地講和之議，故贊陛下取河南故疆。今兀朮戕其叔撻
 懶，藍公佐歸，和議已變，故贊陛下定弔伐之計。願至江上，諭諸帥同力招討。卒
 不行。閏六月，貶趙鼎與化軍，以王次翁受檜旨，言其規圖復用也。言者不已，尋

宣湖州時張俊克亳州魏勝克海州岳飛克郾城幾獲兀朮張浚戰勝於長安韓世忠勝於劔口鎮諸將所向皆奏捷而檜力主班師九月詔飛還行在沂中還鎮江光世還池州鎬還太平飛軍聞詔旗靡敵亂飛口哇不能合於是淮寧蔡鄭復爲金人有以明堂恩封檜莘國公十一年兀朮再舉取壽春入廬州諸將邵隆王德關師古等連戰皆捷楊沂中戰拓泉又破之檜忽論沂中及張浚遽班師韓世忠聞之止濠州不進劉錡聞之棄壽春而歸自是不復出兵四月檜欲盡收諸將兵權給事中范同獻檜檜納之密奏召三大將論功行賞韓世忠張俊並爲樞密使岳飛爲副使以宣撫司軍糧樞密院六月拜左僕射同中書門下平章事兼樞密使進封慶國公徽宗實錄成遷少保加封冀國公先是莫將韓恕使金拘于涿州至是兀朮有求和意縱之歸檜復奏遣劉光遠曹勳使金又以魏良臣爲通問使未幾良臣偕金使蕭毅等來議以淮水爲界求割唐鄧二州尋遣何鑄報聘許之十月與岳飛之獄檜使諫官方俟高論其罪張俊又誣飛將張憲謀反於是飛及子雲俱送大理寺命御史中丞何鑄大理卿周三畏鞠之十一月貶李光藤州范同罷參知政事同雖附和議以自奏事檜忌之也十二月殺岳飛檜以飛屢言和議失計且嘗奏請定國本俱與檜大異必欲殺之鑄三畏初鞠久不伏高入臺獄遂上誣飛嘗自言己與太祖皆三十歲建節爲指斥乘輿受詔不救淮西罪賜死獄中子雲及張憲殺于都市天下冤之聞者流涕飛之死張俊有力焉語在飛傳十二年胡銓再編管新州八月徽宗及顯肅懿節二梓宮至行在太后還慈寧宮九月加太師進封魏國公十月進封秦魏兩國公檜以封兩國與蔡京童貫同請改封母爲秦魏國夫人子煒舉進士館客何溥赴南省皆爲第一煒本王喚擊子檜妻喚妹無子喚妻貴而妬檜在金國出煒爲檜後檜還其家以煒見檜喜甚檜幸和議復成益咎前日之異己者先是趙鼎貶潮州王庶貶道州胡銓再貶新州至是皆遇赦亦不檢舉曾開李彌遜並落職張浚本助和議居位歲餘無去意檜諷江邊論罷之十三年賀瑞雪賀雪自檜始賀日食不見是後日食多書不見彗星常見選人廣傳上書言彗星不足畏檜大喜特改京秩楚州奏鹽城縣海清檜請賀帝

不許知虔州薛弼言木內有文曰天下太平年詔付史館於是修飾彌文以粉飾治具如鄉飲耕籍之類節節備舉爲苟安餘杭之計自此不復巡幸江上而祥瑞之奏日聞矣洪皓歸自金國名節獨著以致金會室撚語直輪範不一月逐去室撚者黏罕之左右也初黏罕行軍至淮上檜常爲之草檄爲室撚所見故因皓歸寄聲檜意士大夫莫有知者聞皓語深以爲憾遂令李文會論之胡舜陟以非笑朝政下獄死張九成以鼓唱浮言貶累及僧宗果編配皆以語忤檜也張邵亦坐與檜言金人有歸欽宗及諸王后妃意斥爲外祠十四年貶黃龜年以前嘗論檜也閩浙大水右武大夫白鏐有變理乖謬語刺配萬安軍太學生張伯麟嘗題壁曰夫差爾忘越王殺而父乎杖脊刺配吉陽軍故將解潛罷官閑居辛永宗總戎外郡亦坐不附和議潛竄南安死永宗編置肇慶死趙鼎李光皆再竄過海皓之罪由白鏐延譽光以在藤州唱和有諷刺及檜者爲守臣所告也先是議見國公出閣吏部尚書吳表臣禮部尚書蘇符等七人論禮與檜意見異於是表臣等以討論不詳懷姦附鼎皆罷始檜爲上言趙鼎欲立皇太子是待陛下終無子也宜俟親子乃立遂嗾御史中丞詹大方言鼎邪謀密計深不可測與范冲等咸懷異意以微無妄之福冲嘗爲資善却誓故大方誣之其後監察御史王鐵言帝未有嗣宜祠高禩詔築壇于園丘東皆檜意也台州曾惇獻檜詩稱聖相凡投獻者以臯夔稷契爲不足必曰元聖檜乞禁野史又命子澧以秘書少監領國史進建炎元年至紹興十二年日曆五百九十九卷煒因太后北還自頌檜功德凡二千餘言使著作郎王揚英周執高上之皆遷秩自檜再相凡前罷相以求詔書章疏稿及檜者率更易焚棄日曆時政亡失已多是後記錄皆煒筆無復有公是非矣冬十月右正言何溥指程頤張載遺書爲專門曲學力加禁絕人無敢以爲非十五年煗除翰林學士兼侍讀四月賜檜甲第命教坊樂導之入賜緡錢金帛有差六月帝幸檜第檜妻婦子孫皆加恩檜先禁私史七月又對帝言私史害正道時司馬伋遂言陳水記聞非其曾祖光論著之書其後李光家亦舉光所藏書萬卷焚之十月帝親書一德格天扁其閣十六年正月檜立家廟三月賜祭器將相賜祭器自檜始先是帝

以彗星見求言。張浚上疏言：今事勢如養大疽於頭目心腹之間，不決不止，願謀為豫備，不然異時以國與敵者，反歸罪正義。檜久憾浚，至是大怒，即落浚節鉞，貶連州。尋移永州。十七年，改封檢益國公。五月，移貶洪皓于英州。八月，趙鼎死于吉陽軍。是夏先有趙鼎遇赦，不檢舉之旨，又令月申存亡，鼎知之，不食而卒。自鼎之謫，門人故吏皆被羅織，雖聞其死而歎息者，亦加以罪。又竄呂頤浩于撫州。十二月，進士施鏗上中興頌，行都賦，及紹興雅十篇，永免文解。自此頌諛諛諛愈多，賜百官喜雪御筵于檜第。十八年，煇除知樞密院事。檜問胡寅曰：外議如何？寅曰：以為公相必襲蔡京之迹。五月，李顯忠上恢復策，落軍職與祠。六月，迪功郎王廷珪編管辰州，以作詩送胡銜也。閏八月，福州言：民采竹實萬斛以濟饑。十一月，胡銜自新州移貶吉陽軍，以作頌諛也。十九年，帝命繪檜像自為贊，是歲湖廣江西建康府，皆言甘露降，諸郡奏獄空，帝嘗語檜曰：自今有奏獄者，當令監司驗實，果妄誕即按治，仍命御史臺察之，苟不懲戒，則奏甘露瑞芝類，崇虛飾誕，無所不至，帝雖眷檜而不可蔽欺也。如此，十二月，禁私作野史，許人告。二十年正月，檜趨朝殿，司小校施全刺檜不中，磔于市。自是每出，列五十兵持長挺以自衛。是月，曹泳告李光，子孟堅省記光所作私史，獄成，光竄已久，詔永不檢舉。孟堅編置峽州，朝士連坐者八人，皆落職貶秩。胡寅竄新州，泳由是驟用。五月，秘書少監湯思退奏以檜存趙氏本末付史館。六月，煇加少保，鄧璋告其鄉人福建安撫司機宜吳元美作夏二子傳，指蚊蠅也。家有潛光亭，南隱堂，以亭號潛光，有心於黨李，堂名商隱，無意於事，奏故檜尤惡之。編管右迪功郎安誠，布衣汪大圭，斬有陸人惠俊，進義副尉劉允中，諱徑山僧清言，皆以訕謗也。時檜疾愈，朝參許肩輿，二孫扶掖仍免拜。二十一年，朝散郎王揚英上書薦煇為相，檜奏揚英知秦州。二十二年，又與王庶二子之奇，之荀葉三省，揚煇，索敏求四大獄，皆坐謗訕。煇又以嘗登李光蕭振之門，言時事也。於是光永不檢舉，振貶池州。二十三年，檜請下台州，於謝飯家取葦密禮所，受御筆鐵進，檜初罷相，上有責檜語，欲泯其迹，是歲進士黃友龍坐謗訕，配嶺南。內侍裴詠坐指斥編管瓊州。二十四年二月，王炬以弟煇舊累死賓州。

炬編管邕州，何兌訟其師馬伸發端上金人書乞存趙氏，為分檜功。兌編管英州三月，檜孫敷文閣待制，填試進士，舉省殿試，皆為第一。檜從子煇，煇姻黨周夤，沈與傑，皆登上第。士論為之不平。考官則魏師遜，湯思退，鄭仲熊，沈虛中，董德元也。師遜等初知貢舉，即語人曰：吾曹可以富貴矣。及廷試，檜又奏思退為編排，師遜為詳定，填與第二人曹冠，策皆攻專門之學。張孝祥策則主一德元老，且及存趙事。帝讀填策，皆檜嬉語，於是擢孝祥為第一。降填第三。未幾，填修撰實錄院，宰相子孫同領史職，前所無也。六月，以王循友前知建康，嘗罪檜族黨，循友安置藤州。八月，王趨為李光求內徙，遷編管辰州。鄭玘買子展，以會中有嘲謔諱和之語，玘竄容州。子展竄德慶府，方疇以與胡銜通書，編置永州。十二月，魏安行洪興祖，以廣傳程瑀論語解，安行編置欽州。與祖編置昭州。又竄程緯，以其慢上無禮也。帝嘗諭檜曰：近輪對者多謁告，避免百官輪對，正欲聞所未聞，可令檢舉約束。檜擅政以來，屏塞人言，蔽上耳目，凡一時獻言者，非誦檜功德，則訐人語言，以中傷善類，欲有言者，恐觸忌諱，畏言國事，僅論銷金鋪翠，乞禁鹿胎冠子之類，以塞責而已。故帝及之，蓋亦防檜之雍蔽也。衢州嘗有盜起，檜遣殿前司將官辛立將千人捕之，不以聞。晉安郡王因入待言之，帝大驚，問檜，檜曰：不足上煩聖慮，故不敢聞。盜平即奏矣。退而求其故，知晉安言之，遂奏晉安居秀王喪，不當給俸，月損二百緡。帝為出內帑給之。二十五年二月，以沈長卿舊與李光啓讒和議，又與茵樺共賦牡丹詩，有寧令漢社稷變作莽乾坤之句，為隣人所告，長卿編置化州。燁武岡軍，靜江有驛名秦城，知府呂愿中率賓僚共賦秦城，王氣詩，以媚檜，不賦者劉芮，李燁，羅博文三人而已。愿中由此得召，又張扶請檜乘金根車，又有乞置益國官屬及議九錫者。檜聞之，安然十月，申禁專門之學，以太廟靈芝繪為華旗，凡郡國所奏瑞木嘉禾，瑞瓜雙蓮，悉繪之。趙令衿觀檜家廟記，口誦君子之澤五世而斬，為汪召錫所告。徐史，徐嘉又論趙鼎子汾與令衿飲別厚，必有姦謀，詔送大理，拘令衿，南外宗正司，檜於一德格天閣書趙鼎李光胡銜姓名，必欲殺之，而後已。鼎已死而憾之不置，遂欲擊戮汾，檜忘張浚尤甚，故令衿之獄，張宗元之罷，皆波及浚。浚在丞

州檜又使其死黨張柄知潭州。與郡丞汪召錫共伺察之。至是使汾自誣與俊及李光胡寅謀大逆。凡一時賢士五十三人皆與焉。獄成而檜病不能書。是月乙未。帝幸檜第問疾。檜無一語。惟流涕而已。煇奏請代居相位者。帝曰。此事卿不當與。帝遂命直學士院沈虛中草檜父子致仕制。煇猶遣其子塤與林一飛鄭栴。夜見臺諫徐嘉張扶。謀奏請己爲相。丙申。詔檜加封建康郡王。煇進少師。皆致仕。塤塤並提舉江州太平興國宮。是夜檜卒。年六十六。後贈申王。謚忠獻。檜兩據相位。凡十九年。劫制君父。包藏禍心。倡和誤國。忘讎教倫。一時忠臣良將。誅鋤略盡。其頑鈍無恥者。率爲檜用。爭以誣陷善類爲功。其矯誣也無罪可狀。不過曰謗訕。曰指斥。曰怨望。曰立黨沽名。甚則曰有無君心。凡論人章疏。皆檜自操。以授言者。識之者曰。此老秦筆也。察事之卒布滿京城。小涉譏議。卽捕治。中以深文。又陰結內侍及醫師王繼先。向上動靜。郡國事惟申省。無一至上前者。檜死。帝方與人言之。檜立久任之說。士淹滯失職。有十年不解者。附己者立與擢用。自其獨相至死之日。易執政二十八人。皆世無一譽。柔佞易制者。如孫近。韓侂胄。樓炤。王次翁。范同。方俟高。程克俊。李文會。楊愿。李若谷。何若。段拂。汪勃。詹大方。余堯弼。巫伋。章夏。宋樸。史才。魏師遜。施鉅。鄭仲熊之徒。率拔之冗散。遽躋政地。既共政。則拱默而已。又多自言官聽檜彈擊。輒以政府報之。由中丞諫議而陞者。凡十有二人。然甫入卽出。或一閱月。或半年。卽罷去。惟王次翁。閱四年。以金人敗盟之初。持不易相之論。檜德之深也。閉門受賂。富敵於國。外國珍寶。死猶及門。人謂煇自檜秉政。無日不鍛酒具。治書畫。特其細爾。檜陰險如崖。穿深阻。竟叵測。同列論事上前。未嘗力辨。但以一二語傾擠之。李光嘗與檜爭論。言頗侵檜。檜不答。及光言畢。檜徐曰。李光無人臣禮。帝始怒之。凡陷忠良。率用此術。晚年殘忍尤甚。數興大獄。而又喜諛佞。不避形迹。然檜死。煇廢其黨。祖述餘說。力持和議。以竊據相位者尙數人。至孝宗始蕩滌無餘。開禧二年四月。追奪王爵。改謚諤醜。嘉定元年。史彌遠奏復王爵。贈謚。

宋史卷四百七十三

元中書右丞相總裁脫脫等修

列傳第二百三十三

森臣四

万俟卨

韓侂胄

丁大全

賈似道

万俟卨字元忠開封陽武縣人登政和二年上舍第調相州潁昌府教授歷太學錄樞密院編修官尚書比部員外郎紹興初盜曹成掠荆湖間萬時避亂沅湘帥臣程昌萬以便宜檄萬權沅州事成奄至城下萬召土豪集丁壯以守成食盡乃退除湖北轉運判官改提點湖北刑獄岳飛宣撫荆湖遇萬不以禮萬憾之萬入朝調湖南轉運判官陛辭希秦檜意譖飛于朝留為監察御史擢右正言時檜謀收諸將兵權萬力助之言諸大將起行伍知利不知義畏死不畏法高官大職子女玉帛已極其欲蓋示以逗遛之罰敗亡之誅不用命之戮使知所懼張俊歸自楚州與檜合謀擠飛令萬劾飛對將佐言山陽不可守命中丞何鑄治飛獄鑄明其無辜檜怒以萬代治遂誣飛與其子雲致書張憲令虛申警報以動朝廷及令憲措置使還飛軍獄不成又誣以淮西逗遛之事飛父子與憲俱死天下冤之大理卿薛仁輔寺丞李若樸何彥猷言飛無罪萬劾之知宗正寺士儂請以百口保飛萬又劾之士儂竄死建州劉洪道與飛有舊萬劾其足恭媚飛聞飛罷宣撫抵掌流涕於是洪道抵罪終身不復參政范同為檜所引或自奏事檜忌之萬劾罷再論同罪謫居筠州又為檜劾李光弼倡孫近朋比二人皆被竄謫和議成萬請詔戶部會計用兵之時與通和之後所費各幾何若減於前日乞以羨財別貯御前激賞庫不許他用蓄積稍實可備緩急梓宮還以萬為攢宮按行使內侍省副都知宋唐卿劾之萬請與唐卿同班上殿奏事其無恥如此張浚寓居長沙萬妄劾浚卜宅躡制至擬五鳳樓會吳兼信自長沙還朝奏浚宅不過眾人常產可辨浚乃得免除參知政事充金國報謝使使還檜假金人譽已數千言囑萬以聞萬難之他日奏事退檜坐殿廡中批上旨輒除所厚者官吏鈐紙尾進萬曰不聞聖語却不視檜大怒自是不

交一語言官李文會詹大方文章劾萬萬遂求去帝命出守檜愈怒給事中楊愿封還詞頭遂罷去尋謫居歸州遇赦量移沅州二十五年召還除參知政事尋拜尚書右僕射同中書門下平章事纂次太后回鑾事實上之張浚以萬與沈該居相位不厭天下望上書言其專欲受命於金萬見書大怒以為金人未有覺而浚所奏乃若禍在年歲間浚坐竄謫萬提舉刊修貢舉勅令格式五十卷看詳法意四百八十七卷書進授金紫光祿大夫致仕卒年七十五諡忠靖萬始附檜為言官所言多出檜意及登政府不能受鉗制遂忤檜去檜死帝親政將反檜所為首召萬還萬主和固位無異於檜士論益薄之

韓侂胄字節夫魏忠獻王琦曾孫也父誠娶高宗憲聖慈烈皇后女弟仕至寶寧軍承宣使侂胄以父任入官歷閣門祇候宣贊舍人帶御器械淳熙末以汝州防禦使知閣門事孝宗崩光宗以疾不能執喪中外洶洶趙汝愚議定策立皇子嘉王時憲聖太后居慈福宮而侂胄雅善慈福內侍張宗尹汝愚乃使侂胄介宗尹以其議密啓太后侂胄兩至宮門不獲命彷徨欲退遇重華宮提舉關禮問故入白憲聖言甚懇切憲聖可其議禮以告侂胄侂胄馳白汝愚曰已向夕汝愚亟命殿帥郭杲以所部兵夜分衛南北內翌日憲聖太后即喪次垂簾宰臣傳旨命嘉王即皇帝位寧宗既立侂胄欲推定策恩汝愚曰吾宗臣也汝外戚也何以言功惟爪牙之臣則當推賞乃加郭杲節鉞而侂胄但遷宜州觀察使兼樞密都承旨侂胄始缺望然以傳道詔旨浸見親幸時時乘間竊弄威福朱熹白汝愚當用厚賞酬其勞而疎遠之汝愚不以為意右正言黃度欲劾侂胄謀泄斥去朱熹奏其姦侂胄怒使優人峨冠闊袖象大儒戲於上前熹遂去彭龜年請留熹而逐侂胄未幾龜年與郡侂胄進保寧軍承宣使提舉佑神觀自是侂胄益用事而以抑賞故怒汝愚日深嘗川劉攽者與侂胄同知閣門事頗以知書自負方議內禪時汝愚獨與侂胄計議攽弗得與聞內懷不平至是謂侂胄曰趙相欲專大功君豈惟不得節度將恐不免嶺海之行矣侂胄愕然因問計攽曰惟有用臺諫爾侂胄問若何而可攽曰御筆批出是也侂胄悟即以內批除所知劉德秀為監察御史楊大法為殿中侍御史罷吳玠

監察御史。而用劉三傑代之。於是言路皆侂胄之黨。汝愚之迹始危。侂胄欲逐汝愚而難其名。謀於京鏜。鏜曰。彼宗姓。誣以謀危社稷可也。慶元元年。侂胄引李沐為右正言。沐嘗有求於汝愚不獲。即奏汝愚以同姓居相位將不利於社稷。汝愚罷相。始侂胄之見汝愚。徐誼實薦之。汝愚既斥。遂併逐誼。朱熹彭龜年黃度李祥楊簡呂祖儉等。以攻侂胄得罪。太學生楊宏中張徹徐範蔣傳林仲麟周端朝等。又以上書論侂胄編置朝士。以言侂胄遺責者數十人。已而侂胄拜保寧軍節度使。提舉佑神觀。又設偽學之名。以網括汝愚朱熹門下知名之士。用何澹胡紘為言官。澹言偽學宜加風厲。或指汝愚為偽學罪首。紘條奏汝愚有十不遜。且及徐誼。汝愚謫永州。誼謫南安軍。慮他日汝愚復用。密諭衛守錢整圖之。汝愚抵衡暴薨。留正舊在都堂。衆辱侂胄。至是劉德秀論正引用偽黨。正坐罷斥。吏部尚書葉翥。要侍郎倪思列疏論偽學。思不從。侂胄乃擢翥執政。而免思官。侂胄加開府儀同三司。時臺諫迎合侂胄意。以攻偽學為言。然憚清議。不欲顯斥熹。侂胄意未快。以陳賈嘗攻熹。召除賈兵部侍郎。未至。亟除沈繼祖臺察。繼祖誣熹十罪。落職罷祠。三年。劉三傑入對。言前日偽黨。今變而為逆黨。侂胄大喜。即日除三傑為右正言。而坐偽學逆黨得罪者五十有九人。王沈獻言。令省部籍記偽學姓名。姚愈請降詔嚴偽學之禁。二人皆得遷官。施康年陳謙鄧友龍林采。皆以攻偽學久居言路。而張釜張巖程松。率由此秉政。四年。侂胄拜少保。封豫國公。有蔡璉者嘗得罪。汝愚執而黜之。五年。侂胄使璉告汝愚定策時有異謀。具其賓客所言七十紙。侂胄欲逮彭龜年。曾三聘徐誼。沈有開。下大理鞠之。張仲藝力爭乃止。其年遷太保。封平原郡王。六年。進太傅。婺州布衣呂祖泰上書。言道學不可禁。請誅侂胄。以周必大為相。侂胄大怒。決杖流欽州。言者希侂胄意。劾必大首植偽黨。降為少保。一時筆類悉罹黨禍。雖本侂胄意。而謀實始京鏜。逮鏜死。侂胄亦稍厭前事。張孝伯以為不弛黨禁。後恐不免報復之禍。侂胄以為然。追復汝愚朱熹職名。留正周必大亦復秩。還政徐誼等。皆先後復官。偽黨之禁浸解。三年。拜太師。監惠民局。夏。尤中上書。請侂胄平章國政。侂胄繆為辭謝。乞致其仕。詔不許。尤中放罷。時侂胄以勢利盡士大

夫之心。薛叔似辛棄疾陳謙皆起廢。顯用。當時固有困於久斥。損晚節以規榮進者矣。若陳自強。則以侂胄童子師。自選人不數年。致位宰相。而蘇師旦周筠。又侂胄廝役也。亦皆預聞國政。超取顯仕。羣小阿附。勢焰熏灼。侂胄凡所欲為。宰執惕息。不敢為異。自強至印空名勅。劉授之。惟所欲用。三省不預知也。言路阨塞。每月舉論二三常事而已。謂之月課。或勸侂胄立蓋世功名。以自固者。於是恢復之議興。以殿前都指揮使吳曦為興州都統。識者多言曦不可。主西師。必叛。侂胄不省。安豐守厲仲方。言淮北流民願歸附會。辛棄疾入見。言敵國必亂。必亡。願屬元。老。大臣預為應變計。鄭挺鄧友龍等。又附和其言。開禧改元。進士毛自知廷對。言當乘機以定中原。侂胄大悅。詔中外諸將密為行軍之計。先是楊輔傳伯成言。兵不可動。抵罪。至是武學生華岳叩闕。乞斬侂胄。蘇師旦周筠以謝天下。諫議大夫李大異亦論止。開邊岳下大理。劾罪編置。大異斥去。陳自強援故事。乞命侂胄兼領平章。臺諫鄧友龍等繼以為請。侂胄除平章軍國事。蕭達李璧。時在太常。論定典禮。三日一朝。因至都堂。序班丞相之上。三省印並納其第。侂胄昵蘇師旦為腹心。除師旦安遠軍節度使。自置機速房於私第。甚者假作御筆。升黜將帥。事關機要。未嘗奏稟。人莫敢言。四年。以薛叔似為京湖宣諭使。鄧友龍為兩淮宣諭使。程松為四川宣撫使。吳曦副之。徐邦憲自處州召見。以弭兵為言。忤侂胄意。削二秩。於是左司諫易被。大理少卿陳景俊。太學博士錢廷玉。皆起而言恢復之計矣。詔侂胄曰。一朝友龍叔似並升宣撫使。吳曦兼陝西河東招撫使。皇甫斌副之。時鎮江武鋒軍統制陳孝廣復泗州。及虹縣。江州統制許進復新息縣。光州孫成復襄信縣。捷書聞。侂胄乃議降詔。趣諸將進兵。未幾。皇甫斌兵敗於唐州。秦世輔至城固軍潰。郭倅李汝翼敗於宿州。敵追圍倅。倅執統制田俊邁以遺敵。乃獲免。事聞。鄧友龍罷。以丘密代為宣撫使。侂胄既喪師。始覺為師旦所誤。侂胄招李璧飲酒。酒酣語及師旦。璧微摘其過。侂胄以為然。璧乃悉數其罪。贊侂胄斥去之。翌日。師旦謫韶州。斬郭倅於京口。流李汝翼王大節李爽于嶺南。已而金人渡淮。攻廬和真揚。取安豐濠。又攻襄陽至棗陽。乃以丘密僉書樞密院事。督視江淮軍馬。侂胄輸家財二十萬。

以助軍。而論丘密募人持書幣赴敵營。謂用兵乃蘇師旦鄧友龍皇甫斌所爲。非朝廷意。金人答書辭甚倨。且多所要索。謂侂胄無意用兵。師旦等安得專。密又遣書許還河北流民。及今年歲幣。金人乃有許意。會招撫使郭倪與金人戰。敗於六合。金人攻蜀。吳曦叛。受金命稱蜀王。密乞移書敵營。伸前議。且謂金人指太師平章爲首謀。宜免擊衛。侂胄忿。密坐罷。曦反。狀聞。舉朝震駭。侂胄亟遣曦書。許以茅土之封。書未達。而安丙楊巨源已率義士誅曦矣。侂胄連遣方信孺使北。請和。以林拱辰爲通謝使。金人欲責正隆。以前禮賂。以侵疆爲界。且索犒軍銀凡數千萬。而縛送首議用兵之臣。信孺歸。白事朝堂。不敢斥言。侂胄窮其說。乃微及之。侂胄大怒。和議遂輟。起辛棄疾爲樞密都承旨。會棄疾死。乃以殿前都指揮使趙淳爲江淮制置使。復銳意用兵。自兵興以來。蜀口漢淮之民死於兵戈者。不可勝計。公私之力大屈。而侂胄意猶未已。中外憂懼。禮部侍郎史彌遠時兼資善堂。弼善謀。誅侂胄。議甚秘。皇子榮王入奏。楊皇后亦從中力請。乃得密旨。彌遠以告參知政事錢象祖李璧。御筆云。韓侂胄久任國柄。輕啓兵端。使南北生靈。枉罹凶害。可罷平章軍國事。與在外宮觀。陳自強阿附充位。不恤國事。可罷右丞相。日下出國門。仍令樞主管殿前司公事。夏震以兵三百防護。象祖欲奏審。璧謂事留恐泄。不可。翌日。侂胄入朝。震呵止於途。擁至玉津園側。極殺之。先一日。周筠謂侂胄事將不善。侂胄與自強謀。用林行可爲諫議大夫。盡擊謀侂胄者。是日行可方請對。自強坐待漏院。語同列曰。今日大成上殿。俄侂胄先驅至。象祖色變。尋報侂胄已押出。象祖乃入奏。有詔斬蘇師旦於廣東。嘉定元年。金人求函侂胄首。乃命臨安府斬侂胄棺。取其首遺之。侂胄用事十四年。威行宮省。權震寓內。嘗鑿山爲園。下殿宗廟。出入宮闈無度。孝宗時。昔思政之所。偃然居之。老宮人見之。往往垂涕。顏械草制。言其得聖之清。易被撰答詔。以元聖褒之。四方投書獻頌者。謂伊霍且夷。不足以擬其勳。有稱爲我王者。余嘉請加九錫。趙師彝乞置平原郡王府官屬。侂胄皆當之不辭。所嬖妾張譚王陳。皆封郡國夫人。號四夫人。每內宴。與妃嬪雜坐。特勢驕倨。掖庭皆惡之。其下受封者尤衆。至是論四夫人罪。或杖或徙。餘數十人。縱遺之。有司籍其

家。多乘輿服御之飾。其僭紊極矣。始侂胄以導達中外之言。遂見寵任。朱熹彭龜年。既以論侂胄去。貴戚吳瑄語人曰。帝初無固留侂胄意。使有一人繼言之。去之易爾。而一時臺諫及執政大臣。多其黨與。故矜其惡。以底大僂。開禧用兵。帝意弗善也。侂胄死。寧宗論大臣曰。恢復豈非美事。但不量力爾。侂胄娶憲聖吳皇后姪女。無子。娶魯誼子爲後。名玠。既誅侂胄。則籍流沙門島云。

丁大全字子萬。鎮江人。面藍色。嘉熙二年。舉進士。調蕭山尉。上謁帥閻安撫。使史巖之。俟衆賓。獨留大全。款曲甚至。期以他日必大用。大全爲戚里婢媵。賈緣以取寵。位事內侍盧允昇。董宋臣。累官爲大理司直。添差通判饒州。入爲太府寺簿。調尚書茶鹽所檢閱。江川分司。復兼樞密院編修官。拜右正言。兼侍講。辭。改右司諫。拜殿中侍御史。升侍御史。兼侍讀。劾奏丞相董槐。章未下。大全夜半調隔兵百餘人。露刃圍槐第。以臺牒驅迫之。出。給令與槐至大理寺。欲以此恐之。須臾出北闕。棄槐。呼而散。槐徐步入接待寺。罷相之命下矣。自是志氣驕傲。道路以目。尋爲右諫議大夫。進端明殿學士。僉書樞密院事。封丹陽郡侯。進同知樞密院事。兼權參知政事。寶祐六年。拜參知政事。四月。拜右丞相。兼樞密使。進封公。初。大全以袁玠爲九江制置副使。玠貪且刻。連繫漁湖土豪。督促輸錢甚急。土豪怒。盡以漁舟濟北來之兵。太學生陳宗。劉黻。黃唯。陳宜中。林則祖等六人。伏闕上書。訟大全。臺臣翁應鶚。吳玠。爲大全鷹犬。鈐制學校。貶逐宗等。開慶元年九月。罷相。以觀文殿大學士。判鎮江府。中書舍人洪芹。繳言。大全鬼域之實。穿窬之行。引用凶惡。陷害忠良。竭塞言路。濁亂朝綱。乞追官遠竄。以伸國法。以謝天下。侍御史沈炎。右正言曹永年。相繼論罷。監察御史朱魏孫復。論大全姦回險狡。狠毒貪殘。假陛下之刑威。以箝天下之口。挾陛下之爵祿。以籠天下之財。監察御史饒虎臣。又論大全四罪。絕言路。壞人才。竭民力。誤邊防。再削其官。嘉定元年。詔守中奉大夫。致仕。臣僚言。乞遠竄。使不失刑。詔送南康軍居住。臺臣復以爲言。追三官。移送南安軍居住。明年。監察御史劉應龍。請加竄。追削兩官。移置貴州。團練使。與州守游翕。明失色。杯酒間。翕明趨大全。陰造弓矢。將通蠻。爲不軌。朱禔孫以聞于朝。又明年。移置新州。太常少卿兼權直舍

人院劉震孫繳奏乞移徙海島四年正月將官畢遷讓送舟過滕州擗之於水而死大全知淮西總領鄭羽富甲吳門始欲結媼羽不從遂令臺臣卓夢卿彈之籍其家為子壽翁聘婦見其豔自取為世所醜

賈似道字師憲台州人制置使涉之子也少落魄為游博不事操行以父蔭補嘉興司倉會其姊入宮有寵於理宗為貴妃遂詔赴廷對妃於丙中奉湯藥以給之擢太常丞軍器監益恃寵不檢日縱游諸妓家至夜即燕游湖上不反理宗書夜憑高望西湖中燈火異常時語左右曰此必似道也明日詢之果然使京尹史巖之戒敕之巖之曰似道雖有少年氣習然其材可大用也尋出知澧州淳祐元年改湖廣總領三年加戶部侍郎五年以寶章閣直學士為沿江制置副使知江州兼江西路安撫使一歲中再遷京湖制置使兼知江陵府調度賞罰得以便宜施行九年加寶文閣學士京湖安撫制置大使十年以端明殿學士移鎮兩淮年始三十餘寶祐二年如同知樞密院事臨海郡開國公威權日盛臺諫嘗論其二部將即毅然求去孫子秀新除淮東總領外人忽傳似道已密奏不可矣丞相董槐懼留身請之帝以為無有槐終不敢遣子秀以似道所善陸壑代之其見懼已如此四年加參知政事五年加知樞密院事六年改兩淮宣撫大使自端平初孟珙帥師會大元兵共滅金約以陳蔡為界師未還而用趙范謀發兵據殺函絕河津取中原地大元兵擊敗之范僅以數千人遁歸追兵至問曰何為而取盟也遂縱攻淮漢自是兵端大啟開慶初憲宗皇帝自將征蜀世祖皇帝時以皇弟攻鄂州元帥兀良哈解由雲南入交趾自營州蹂廣西破湖南傳檄數宋背盟之罪理宗大懼乃以趙葵軍信州禦廣兵以似道軍漢陽援鄂即軍中拜右丞相十月鄂東南陳破宋人再築再破之賴高遠率諸將力戰似道時自漢陽入督師十一月攻城急城中死傷者至萬三千人似道乃密遣宋京詰軍中請稱臣輸歲幣不從會憲宗皇帝晏駕于釣魚山合州守王堅使阮思聰蹕急流走報鄂似道再遣京議歲幣遂許之大元兵拔砦而北留張傑閻旺以偏師候湖南兵明年正月兵至傑作浮梁新生機濟師北歸似道用劉整計攻斷浮梁殺兵百七十遂上表以肅清聞帝以其有再造功

以少傅右丞相召入朝百官郊勞如文彥博故事初似道在漢陽時丞相吳潛用監察御史饒應子言移之黃州而分曹世雄等兵以屬江闈黃雖下流實兵衝似道以為潛欲殺己銜之且聞潛事急時每事先發後奏帝欲立榮王子孟啟為太子潛又不可帝已積怒潛似道遂陳建儲之策令沈炎劾潛措置無方致全衡承桂皆破大稱旨乃議立孟啟貶潛循州盡逐其黨人高遠在園中恃其武勇殊易似道每見其督戰即戲之曰魏中者何能為哉每戰必須勞始出否即使兵士譁於其門呂文德詔似道即使人呵曰宣撫在何敢爾邪曹世雄向士壁在軍中事皆不關白似道故似道皆恨之以嚴諸兵費世雄士壁皆坐侵盜官錢貶遠州每言於帝欲誅遠帝知其有功不從尋論功以文德為第一而達居其次明年大元世祖皇帝登極遣翰林侍讀學士國信使郝經等持書申好息兵且徵歲幣似道方使慶瑩中輩撰福華編稱頌鄂功通國皆不知所謂和也似道乃密令淮東制置司拘經等於真州忠勇軍營時理宗在位久內侍董宋臣盧允昇為之聚斂以媚之引薦奔競之士交通賄賂實諸通顯又用外戚子弟為監司郡守作芙蓉閣香蘭亭宮中進倡優傀儡以奉帝為遊蕩竊弄權柄臺臣有言之者帝宣諭去之謂之節貼似道入逐盧董所薦林光世等悉罷之勒外戚不得為監司郡守子弟門客斂跡不敢干朝政由是權傾中外進用羣小取先朝舊法率意紛更增吏部七司法買公田以罷和羅浙西田畝有值千緡者似道均以四十緡買之數稍多予銀絹又多予度牒告身吏又恣為操切浙中大擾有奉行不至者提領劉良貴劾之有司爭相迎合務以買田多為功皆繆以七八斗為石其後田少與磽瘠虧租與佃人負租而逃者率取償田主六郡之民破家者多包恢知平江督買田至以肉刑從事復以楮錢作銀關以一準十八界會之三自製其印文如買字狀行之十七界廢不用銀關行物價益踊楮益賤秋七月慧出柳光燭天長數十丈自四更見東方日高始滅臺諫布章皆上書言此公田不便民間愁怨所致似道上書力辨之且乞罷政帝勉諭之曰公田不可行卿建議之始朕已沮之矣今公私兼裕一歲軍餉皆仰於此使人言而罷之雖足以快一時之議如國計何有太學生蕭規葉

李等上書言似道專政命京尹劉頁貴拮據以罪悉黥配之後又行推排法江南之地尺寸皆有稅而民力弊矣理宗崩度宗又其所立每朝必答拜稱之曰師臣而不名朝臣皆稱爲周公甫葬理宗即棄官去使呂文德報北兵攻下沈急朝中大駭帝與太后手爲詔起之似道至欲以經筵拜太師以典故須建節授鎮東軍節度使似道怒曰節度使粗人之極致爾遂命出節都人聚觀節已出復曰時日不利亟命返之宋制節出有撤關壞屋無倒節理以示不屈至是人皆駭歎然下沈之報實無兵也三年又乞歸養大臣侍從傳旨留之者日四五至中使加賜資者日十數至夜即交臥第外以守之除太師平章軍國重事一月三赴經筵三日一朝赴中書堂治事賜第葛嶺使迎養其中吏抱文書就第署大小朝政一切決於館客廖瑩中堂吏翁應龍幸執充位署紙尾而已似道雖深居凡臺諫彈劾諸司薦辟及京尹畿漕一切事不關白不敢行李芾文天祥陳文龍陸達杜淵張仲微謝章輩小忤意輒斥重則屏棄之終身不錄一時正人端士爲似道破壞殆盡吏爭納賂求美職其求爲帥閩監司郡守者賈獻不可勝計趙潛輩爭獻寶玉陳奕至以兄事似道之玉工陳振氏以求進一時貪風大肆五年復稱疾去帝泣涕留之不從令六日一朝一月兩赴經筵六年命入朝不拜朝退帝必起避席目送之出殿廷始坐繼又令十日一入朝時襄陽圍已急似道日坐葛嶺起樓閣亭榭取宮人媚尼有美色者爲妾日淫樂其中惟故博徒日至縱博人無敢窺其第者其妾有兄來立府門若將入者似道見之縛投火中嘗與羣妾踞地鬪蟋蟀所狎客入戲之曰此軍國重事邪酷嗜寶玩建多寶閣日一登玩閣余玠有玉帶求之已徇葬矣發其塚取之入有物求不予輒得罪自是或累月不朝帝如景靈宮亦不從駕八年明堂禮成祀景靈宮天大雨似道期帝雨止升輅胡貴嬪之父顯祖爲帶御器械請如開禧故事却輅乘道遙輦還宮帝曰平章云云顯祖給曰平章已允乘道遙輦矣帝遂歸似道大怒曰臣爲大禮使陛下舉動不得預聞乞罷政即日日出嘉會門帝留之不得乃罷顯祖涕泣出貴嬪爲尼始還似道既專恣日甚畏人議己務以權術駕馭不愛官爵牢籠一時名士又加太學餐錢寬科場恩例以小利啗

之由是言路斷絕咸福肆行自圍襄陽以來每上書請行邊而陰使臺諫上章留己呂文煥以急告似道復申請之事下公卿雜議監察御史陳堅等以爲師臣出願襄未必能及淮願淮未必能及襄不若居中以運天下爲得乃就中書置機速房以調邊事時物議多言高達可援襄陽者監察御史李旺率朝士入言於似道似道曰吾用達如呂氏何旺等出數曰呂氏安則趙氏危矣文煥在襄聞達且入援亦不樂以語其客客曰易耳今朝廷以襄陽急故遣達援之吾以捷聞則達必不成遣矣文煥大以爲然時襄兵出獲哨騎數人即繆以大捷奏然不知朝中實無援襄事也襄陽降似道曰臣始屢請行邊先帝皆不之許向使早聽臣出當不至此爾十月其母胡氏薨詔以天子鹵簿葬之起墳擬山陵百官奉襄事立大雨中終日無敢易位尋起復入朝度宗崩大兵破鄂太學諸生亦羣言非師臣親出不可似道不得已始開都督府臨安然憚劉整不行明年正月整死似道欣然曰吾得天助也乃上表出師抽諸路精兵以行金帛輜重之舟舳艫相銜百餘里至安吉似道所乘舟膠堰中劉師勇以千人入水曳之不能動乃易他舟而去至蕪湖遣還軍中所俘曾安撫以荔子黃甘遺丞相伯顏俾宋京如軍中請輸歲幣稱臣如開慶約不從夏貴自合肥以師來會袖中出編書示似道曰宋曆三百二十年似道俛首而已時一軍七萬餘人盡屬孫虎臣軍丁家洲似道與夏貴以少軍軍魯港二月庚申夜虎臣以失利報似道倉皇出呼曰虎臣敗矣命召貴與計事頃之虎臣至撫膺而泣曰吾兵無一人用命也貴微笑曰吾嘗血戰當之矣似道曰計將安出貴曰諸軍已膽落吾何以戰公惟入揚州招攢兵迎駕海上吾特以死守淮西爾遂解舟去似道亦與虎臣以單騎奔揚州明日敗兵蔽江而下似道使人登岸揚旗招之皆不至有爲惡語慢罵之者乃檄列郡如海上迎駕上書請還都列郡守於是皆遁遂入揚州陳宜中請誅似道謝太后曰似道勤勞三朝安忍以一朝之罪失待大臣之禮止罷平章都督子祠官三月除似道諸不恤民之政放還諸竄謫人復吳潛向士璧等官誅其幕官翁應龍廖瑩中王庭皆自殺潘文卿李可陳堅徐卿孫皆似道鷹犬至是交章劾之四月高斯得乞誅似道不從而似道亦自

上表乞保全。乃命削三官。然尚居揚不歸。五月。王燦論似道既不死忠。又不死孝。太皇太后乃詔似道歸終喪。七月。黃鏞。王應麟。請移似道鄰州。不從。王燦入見。太后曰。本朝權臣稔禍。未有如似道之烈者。縉紳草茅。不知幾疏。陛下皆抑而不行。非惟付人言於不恤。何以謝天下。始徙似道婺州。婺人聞似道將至。率衆爲露布逐之。監察御史孫嶸。叟等。皆以爲罰輕。言之不已。又徙建寧府。翁合奏言。建寧乃名儒朱熹故里。雖三尺童子。粗知向方。聞似道來。嘔惡。況見其人。時國子司業方應發。權直舍人院。封還錄黃。乞竄似道廣南。中書舍人王應麟。給事中黃鏞。亦言之。皆不從。侍御史陳文龍。乞俯從衆言。陳景行。徐直方。孫嶸。叟。及監察御史俞淞。併上疏。於是始謫似道爲高州團練使。循州安置。籍其家。福王與芮素恨似道。募有能殺似道者。使送之。貶所。有縣尉鄭虎臣欣然請行。似道行時。侍妾尙數十人。虎臣悉屏去。奪其寶玉。撤轎蓋。暴行。秋日中。令舁轎。夫唱杭州歌謔之。每名斥似道。辱之。備至。似道至古寺中。壁有吳潛南行所題字。虎臣呼似道曰。賈團練。吳丞相何以至此。似道慙不能對。嶸。叟。應麟。奏似道家畜乘輿服御物。有反狀。乞斬之。詔遣鞫問。未至。八月。似道至漳州。木綿菴。虎臣屢諷之自殺。不聽。曰。太皇許我不死。有詔卽死。虎臣曰。吾爲天下殺似道。雖死何憾。拉殺之。

宋史卷四百七十五

元中書右丞相總裁脫脫等修

列傳第二百三十四

叛臣上

張邦昌

杜充

吳曦

苗傅劉正彥附

宋失其政金人乘之俘其人民遷其寶器效遠故事立其臣為君冠履易位莫甚斯時高宗南渡國勢弗振悍僕狂奴欺主衰敗易動於惡兵雖凶器尤忌殘忍將用忍人先無仁心視背君親猶反掌耳世將之子使握重兵居之阨塞之地豈非召亂之道乎大義昭明旋踵殄滅蓋天道也扶綱常遏亂略作叛臣傳張邦昌字子能永靜軍東光人也舉進士累官大司成以訓導失職貶提舉崇福宮知光汝二州政和末由知洪州改禮部侍郎首請取崇寧大觀以來瑞應尤殊者增製旗物從之宣和元年除尚書右丞轉左丞遷中書侍郎欽宗即位拜少宰金人犯京師朝廷議割三鎮俾康王及邦昌為質于金以求成會姚平仲夜斫金人營鞬離不怒責邦昌邦昌對以非出朝廷意俄進太宰兼門下侍郎既而康王還金人復質肅王以行仍命邦昌為河北路割地使初邦昌力主和議不意身自為質及行乃要欽宗署御批無變割地議不許又請以璽書付河北亦不許時粘罕兵又來侵上書者攻邦昌私敵社稷之賊也遂黜邦昌為觀文殿大學士中太一宮使罷割地議其冬金人陷京師帝再出郊留青城明年春吳玠莫儁自金營持文書來令推異姓堪為人主者從軍前備禮冊命留守孫傅等不奉命表請立趙氏金人怒復遣開儁促之劫傅等召百官雜議眾莫敢出聲相視久之計無所出乃曰今日當勉強應命舉在軍前者一人適尚書員外郎宋齊愈至自外眾問金人意所主齊愈書張邦昌三字示之遂定議以邦昌治國事孫傅張叔夜不署狀金人執之置軍中王時雍時為留守再集百官詰秘書省至即閉省門以兵環之俾范瓊諭眾以立邦昌眾意唯唯有太學生難之瓊恐沮眾厲聲折之遣歸學舍時雍先署狀以率百官御史中丞秦

檜不書抗言請立趙氏宗室且言邦昌當上皇時專事譟游黨附權姦蠹國亂

政社稷傾危實由邦昌金人怒執槍并儁持狀赴軍前邦昌入居尚書省金人

趣勸進邦昌始欲引決或曰相公不前死城外今欲塗炭一城耶適金人奉冊

寶至邦昌北向拜舞受冊即僞位僭號大楚擬都金陵遂升文德殿設位御牀

西受賀遣閣門傳令勿拜時雍率百官遽拜邦昌但東面拱立外統制官宣贊

舍人吳革恥屈節異姓首率內親事官數百人皆先殺其妻孥焚所居謀舉義

金水門外范瓊詐與合謀令悉棄兵仗乃從後襲殺百餘人捕革併其子皆殺

之又擒斬十餘人是日風霾日暈無光百官慘沮邦昌亦變色唯時雍并儁瓊

等欣然鼓舞若以為有佐命功云即以時雍權知樞密院事領尚書省開權同

知樞密院事儁權兼書樞密院事呂好問權領門下省徐秉哲權領中書省下

令曰比緣朝廷多故百官有司皆失其職自今各遵法度御史臺覺察以聞見

百官稱予手詔曰手書獨時雍每言事邦昌前輒稱臣啟陛下邦昌斥之勸邦

昌坐紫宸垂拱殿呂好問爭之乃止邦昌以嗣位之初宜推恩四方以道阻先

赦京城選郎官為四方密諭使金人將退師邦昌詰金營租別服柘袍張紅蓋

所過設香案起居悉如常儀時雍秉哲并儁皆從行士庶觀者無不感愴二帝

北遷邦昌率百官遙辭於南薰門眾慟哭有仆絕者金師既還邦昌降手書赦

天下呂好問謂邦昌曰人情歸公者劫於金人之威耳金人既去能復有今日

乎康王居外久眾所歸心曷不推戴之又謂曰為今計者當迎元祐皇后請康

王早正大位庶獲保全監察御史馬伸亦請奉迎康王邦昌從之王時雍曰夫

騎虎者勢不得下所宜熟慮他日噬臍悔無及已徐秉哲從旁贊之邦昌弗聽

乃冊元祐皇后曰宋太后入御延福宮遣蔣師愈齋書於康王自陳所以勉循

金人推戴者欲權宜一時以紓國難也敢有他乎王詢師愈等具知所由乃報

書邦昌邦昌尋遣謝克家獻大宋受命寶復降手書請元祐皇后垂簾聽政以

俟復辟書既下中外大說太后始御內東門小殿垂簾聽政邦昌以太宰退處

內東門資善堂尋遣使奉乘輿服御物至東京既而邦昌亦不至伏地慟哭請死

王撫慰之王即皇帝位相李綱徙邦昌太保奉國軍節度使封同安郡王綱上

書極論邦昌久典機政擢冠宰司國破而資之以為利君辱而攘之以為榮異姓建邦四十餘日逮金人之既退方降赦以收恩是宜肆諸市朝以為亂臣賊子之戒時黃潛善猶左右之綱又力言邦昌已僭逆豈可留之朝廷使道路目為故天子哉高宗乃降御批曰邦昌僭逆理合誅夷原其初心出於迫脅可特與免貸責授昭化軍節度使潭州安置初邦昌僭居內庭華國靖公夫人李氏數以果實奉邦昌邦昌亦厚答之一夕邦昌被酒李氏擁之曰大家事已至此尚何言因以赭色半臂加邦昌身掖入福寧殿夜飾養女陳氏以進及邦昌還東府李氏私送之語斥乘輿帝聞下李氏獄詔數邦昌罪賜死潭州李氏杖脊配軍營務時雍棄哲升儔等先已遠竄至是併誅時雍

劉豫字彥游景州阜城人也世業農至豫始舉進士元符中登第豫少時無行常盜同舍生白金五紗衣政和二年召拜殿中侍御史為言者所擊帝不欲發其宿醜詔勿問未幾豫累章言禮制局事帝曰劉豫河北種田叟安識禮制黜豫兩浙察訪宣和六年判國子監除河北提刑金人南侵豫棄官避亂儀真豫善中書侍郎張建炎二年正月用蔡薦除知濟南府時盜起山東豫不願行請易東南一郡執政惡之不許豫忿而去是冬金人攻濟南豫遣子麟出戰敵縱兵圍之數重郡倅張東益兵來援金人乃解去因遣人啗豫以利豫懲前忿遂奮反謀殺其將關勝率百姓降金百姓不從豫縮城納款三年三月兀朮聞高宗渡江乃徙豫知東平府充京東西淮南等路安撫使節制大名開德濮博棣德滄等州以麟知濟南府界舊河以南俾豫統之四年七月丁卯金人遣大同尹高慶裔知制誥韓昉冊豫為皇帝國號大齊都大名府先是北京順豫門生瑞禾濟南漁者得鱣豫以為己受命之符遣麟持重寶賂金左監軍撻辣求僭號撻辣許之遣使即豫所部咨軍民所宜立眾未及對豫鄉人張浹越次請立豫議遂決乃命慶裔助備璽綬寶冊以立之九月戊申豫即偽位赦境內奉金正朔稱天會八年以張孝純為丞相李孝揚為左丞張東為右丞李儔為監察御史鄭億年為工部侍郎王瓊為汴京留守子麟為大中大大夫提領諸路兵馬兼知濟南府孝純始堅守太原頗懷忠義高宗以王衣雅厚孝純俾衣招

之會粘罕遣人自雲中送歸豫遂失節於賊豫還東平升為東京改東京為汴京降南京為歸德府以弟益為北京留守尋改汴京留守復降淮寧永昌順昌與仁府悉為州自以生景州守濟南節制東平僭位大名乃起四郡丁壯數千人號雲從子弟下偽詔求直言十月冊其母翟氏為皇太后妾錢氏為皇后錢氏宣和內人也習宮掖事豫欲有所取則故立之十一月改明年元阜昌方豫未僭號時數遣人說東京副留守上官悟及賂悟左右喬思恭與共說悟令降金悟並斬之又招知楚州趙立立不發書斬其使復遣立友人劉恩以榜旗誘之且曰吾君之故人也立曰我知有君父不知有故人燒殺恩博州判官劉長孺以書勸豫反正豫囚之旬旬不屈欲官之不受豫大索宋宗室承務郎閻琦匿之豫杖死琦召迪功郎王龍不至文林郎李詰尉氏令姚邦基皆棄官去朝奉郎趙俊書甲子不書僭年豫亦無如之何洪皓久陷于金粘罕勸皓仕豫不從竄皓冷山處士尹惇聞豫召逃山谷間走屬中國信副使宋汝為以呂頤浩書勉豫忠義豫曰獨不見張邦昌乎業已然尚何言哉滄州進士邢希載上豫書乞通宋朝豫殺希載是月豫立陳東歐陽澈廟於歸德如唐張巡許遠雙廟制紹興元年五月張俊討李成敗之成逃歸豫徐州大僧王友直嘗抵豫書招李成謂劉光世呂頤浩非中與將相才後為人所訴詔鞠而刑之六月豫以麟為兵馬大總管尚書左丞相置招受司于宿州誘宋逋逃金人既立豫以舊河為界恐兩河民之陷沒者逃歸下令大索或轉鬻諸國或繫送雲中實防豫也十月豫入寇遣其將王世冲以蕃漢兵攻廬州守臣王亨誘斬世冲大敗其眾十一月帥臣葉夢得招降豫將王才偽秦鳳帥郭振入寇王彥關師古敗之偽知海州薛安靖及通判李彙以州來歸二年二月知商州董先以商號二州叛附于豫襄陽撫使桑仲上疏請正豫罪朝廷尋命仲兼節制應援京城軍馬量度事勢復豫所陷郡仍命河南翟興荆南解潛金房王彥德安陳規斬黃孔彥丹盧壽王亨相為應援毋失事機三月仲為其將翟明所殺高宗聞之授仲二子將仕郎河南鎮撫使翟與屯伊陽山豫患之使人招與許以王爵與焚偽詔并戮其使豫乃陰結與麾下楊偉圖之偉殺與持與首降豫四月丙寅豫遷

都汴因奉祖考于宋太廟，尊其祖曰徽祖，毅文皇帝，父爲衍祖，睿仁皇帝，親巡郊社。是日暴風捲旗，屋瓦皆震，士民大恐。豫曲赦汴人，與民約曰：自今不肆赦，不用宦官，不度僧道，文武雜用，不限資格。時河淮陝西山東皆駐北軍，麟籍鄉兵十餘萬，爲皇子府十三軍，分置河南汴京洶沙官，兩京冢墓發掘殆盡，賦斂煩苛，民不聊生。五月，豫聞桑仲死，遣人招隨州李道鄧州李橫，皆不受，執其使以聞。六月，鄭黃鎮撫使孔彥舟叛降豫，其將陳彥時率衆千餘來歸，直徹猷閣，凌唐佐，尙書郎李亘，國信副使宋汝爲，留僞庭久，謀疏豫虛實，蠟書以聞。事泄，豫殺唐佐，亘亦遇害。豫以知東平府李鄴爲尙書右丞，河南鎮撫司都統制董先爲大總府先鋒將。十二月，襄陽鎮撫使李橫敗豫兵於揚石，乘勝趣汝州。僞守彭玘以城降。豫遣劉夔與金帥撒離曷使蜀，執進士薛筇送豫，筇劾豫早圖反正，庶或全宗，孰與他日併妻子磔東市。豫怒，欲兵之，賴張孝純獲免。三年正月庚申，李橫破賴順軍，僞守蘭和降。壬戌，敗豫兵于長葛，甲子，橫引兵至賴昌府，僞安撫趙弼固守，急攻下之。弼遁，復賴昌。二月，河南鎮撫司統制官李吉敗豫將梁進於伊陽臺，殪之。三月，豫聞橫入賴昌，求援於金人，粘罕遣兀朮赴之。豫亦遣將李成率師二萬逆戰於京城西北之卒鞞岡，橫敗績，復賴昌。橫軍本羣盜，恃勇無律，勝則爭取子女金帛，故及於敗。四月，陷虢州，鎮撫司統制官謝臯指腹示賊曰：此吾赤心也，自剖心以死。臯開封人，是月，明州守將徐文以所部海舟六十艘，官軍四千餘人浮海抵鹽城，輸款于豫。文言沿海無備，二浙可襲，取豫大喜。以文知萊州，益海艦二十，俾寇通秦間。五月，朝廷遣韓肖胄胡松年使僞齊，豫欲以臣禮見，肖胄無以應。松年曰：均爲宋臣，遂長揖不拜。豫不能屈，因問主上如何。松年曰：聖主萬壽，復問帝意所向。松年曰：必欲復故疆耳。豫有慚色。時豫悉有梁衛之地，翟琮屯伊陽之鳳牛山，不能孤立，突圍奔襄陽。九月，楊政遣川陝將官吳勝破豫兵於蓮花城。十月己亥，賊將李成陷鄧州，以齊安守之。癸卯，陷襄陽。李橫奔荆南，知隨州李道棄城走，成據襄陽，以王嵩知隨州。甲辰，陷郢州。守臣李簡遁。豫以荆超知州事，賊將王彥先自亳引兵至壽春，將窺江南。劉光世駐軍建康，扼馬家渡，鄺瓊領所部駐無爲軍，爲濠壽聲

援賊乃還。十一月，金人遣李永壽王邕來報聘，永壽等驕倨，請還豫俘及西北士民之流寓者，復要畫江以益豫，監廣州鹽稅，吳仲上書請討豫，謂金人雖疆實不足慮，賊雖微實爲可憂。今敵使在廷，宜陽許而陰圖之，乘其不疑，可一戰擒也。四年正月，翰林學士蔡崇禮言：豫父子倚重金人，且永壽等從豫所來，畫江之請必出於豫，觀其姦謀，在窺吾境土，恐既通使，人情必解弛，宜戒將帥，愈益置守，縱和議成，亦未可弛備。既而朝廷遣章誼使金，至雲中，粘罕答書，約毋駐軍淮南，誼不屈，還過汴，豫欲留之，以計獲免。熙河路馬步軍總管關師古與豫兵戰于左要嶺，敗績，遂降賊。洮岷之地盡歸豫矣。二月，豫策進士，五月知壽春府，羅興叛降豫，舒蕪等州制置使岳飛復襄陽。李成遁，尋復唐州。六月，復隨州。磔僞守王嵩于襄陽市。七月，復鄧州。語在飛傳。豫聞岳飛取襄鄧，遂乞師於金人，僞奉議郎羅誘上南征策。豫大喜，奪民舟五百載戰具，以徐文爲前軍，聲言攻定海。九月，豫下僞詔，有混一六合之言，遣子麟入寇，及誘金人宗輔，撻辣兀朮分道南侵，步兵自楚承進，騎兵由泗趨徐。復遣僞知樞密院盧輝請師於金主，金主集諸將議，粘罕希尹難之，獨宗輔以爲可，乃以宗輔權左副元帥，撻辣權右副元帥，調渤海漢軍五萬應豫。以兀朮嘗渡江，習知險易，俾將前軍。豫以麟領東南道行臺尙書令，朝廷震恐，或勸帝他幸。趙鼎曰：戰而不捷，去未晚也。張俊曰：避將安之。遂決意親征。壬申，豫兵與金人分道渡淮，楚州守臣樊序棄城走。淮東官撫使韓世忠自承州退保鎮江。十月，丙子朔，詔張俊援世忠。劉光世移軍建康，世忠復還揚州，起張浚爲侍讀。戊子，韓世忠戰於大儀，己丑，解元戰於承州，皆捷。丙申，豫露榜有窺江之言，戊戌，帝發臨安。十一月壬子，下詔討豫，始暴豫罪惡，士氣大振。欲濟江決戰，趙鼎曰：退固不可，渡江亦非策。豫猶不親來，至尊豈可與逆難決勝負哉。淮西將王師晟張琦合兵復南壽春府。執僞知州王靖，十二月壬辰，岳飛遣將牛皋徐慶敗金人於廬州。庚子，金人退師。遣使告麟，麟棄輜重宵遁。語在世忠傳。五年正月，淮西將鄺瓊復光州，僞守許約降。閏二月，豫將商元攻信陽軍，知軍事舒繼明死之。七月，豫廢明堂爲講武殿，暴風連日。八月，陷光州。十月，豫令民鬻子，依商稅法，許賈陌而收其算。豫

獻海道圖及戰船木樣於金主亶。六年正月，豫聚兵淮陽，韓世忠引兵急圍之。賊守將連舉六烽，兀尤與劉猷合兵來援，皆為世忠所敗。六月，築劉龍城以窺淮西。王師嚴破之，執華知剛，俘其眾而還。九月，豫罷沿海五市，張孝純謂豫曰：「聞南人久治舟，一旦乘風北濟，將不利於我。」豫懼，故罷之。豫聞帝親征，告急於金主亶，領三省事宗磐曰：「先帝立豫者，欲豫關疆保境，我得按兵息民也。今豫進不能取，退不能守，兵連禍結，休息無期，從之則豫收其利，而我實受弊。奈何？」許之。金主報豫自行，姑遣兀尤提兵黎陽以觀釁。豫於是以前領東南道行臺尚書令李鄴行臺右丞馮長寧行臺戶部許清臣兵馬大總管李成孔彥舟關師古為將，籍民兵三十萬，分三道入寇。麟總十路兵，由壽春犯廬州，猷率東路兵取紫荊山，出渦口以犯定遠。西兵趨光州，寇六安。彥舟統之。十月，猷兵阻韓世忠不得前，還順昌。麟兵從淮西繫三浮橋以濟，賊眾十萬次濠壽間。江東安撫使張俊拒戰，詔併以淮西屬俊，命殿帥楊沂中至泗州與俊合。比至濠，而劉光世已棄合肥矣。張俊遣人星馳采石，諭光世曰：「敢濟者斬。」光世不得已，還廬州與沂中相應。統制王德鄴、統制安豐、遇賊三將軍皆敗之。猷眾數萬，過定遠，欲趨宣化，犯建康。沂中遇猷兵於越家坊，破之。又遇於藕塘，大破之。猷遁，麟聞亦拔砦走。麟兵有自書鄉貫姓名而益者，豫由此失人心。金人聞麟等敗，詰豫罪狀，始有廢豫意矣。豫覺，請立麟為太子以規其意。金人乃答豫曰：「徐當遣人咨訪河南百姓。七年春，豫策進士，遣諜縱火淮甸，燔劉光世柩藏。二月，又焚鎮江。豫自麟敗，意沮氣奪。中原遺民日望王師。三月，帝進駐建康。八月，統制鄴瓊執呂社以兵三萬叛降豫，尋殺社。豫聞瓊降大喜，御文德殿見之，授瓊靜難軍節度使，知拱州。瓊勸豫入寇，豫復乞師金人，且言瓊欲自交金人，恐豫兵眾難制，欲以計除之。乃伴言瓊降恐詐，命散其兵。金人業已廢豫，而豫日益請兵，遂以女真萬戶東拔為元帥，帥左都監屯太原，渤海萬戶大撻不也為右都監，屯河間。於是尚書省奏豫治國無狀，當廢。十一月丙午，廢豫為蜀王。初，金王先令撻辣兀尤僞稱南侵，至汴，給麟出至武成，鷹騎翼而擒之，因馳至城中。豫方射講武殿，兀尤從三騎突入東華門下馬，執其手，偕至宣德門，強乘以羸馬，露刃

夾之，囚于金明池。翼日，集百官宣詔責豫，以鐵騎數千圍宮門，遣小校巡閣巷，聞揚言曰：「自今不食汝為軍，不取汝免行錢為汝敲殺親事人，請汝舊主少帝來此。」由是人心稍安。置行臺尚書省於汴，以張孝純權行臺左丞相，僞丞相張昂知滑州，李鄴知代州，李成孔、彥舟、鄴瓊、關師古各予一郡，以女真胡沙虎為汴京留守，李儁副之。諸軍悉令歸農，聽宮人出嫁，得金一百二十餘萬兩，銀一千六百餘萬兩，米九十餘萬斛，絹二百七十萬匹，錢九千八百七十餘萬緡。豫求哀，撻辣兀尤曰：「昔趙氏少帝出京，百姓然頂煉臂，號泣之聲聞於遠邇，今汝廢無一人憐汝者，何不自責也？」豫語塞，迫之行。願居相州韓琦宅，許之後併其子麟。從於臨潢，封豫為曹王，賜田以居之。紹興十三年六月卒，是年金皇統三年也。豫僭號凡八年，廢時年六十五。先是齊地數見怪異，有梟鳴于後苑，龍撤宣德門，滅宣德二字，有星隕于平原鎮，識者謂禍不出百日。豫怒，殺之，未幾果廢。初，僞麟府路經略使折可求以事抵雲中，左監軍撒離密論可求代豫後，撻辣兀尤有歸疆之議，恐可求缺望，耽殺之。豫之僭逆也，馬定國進君臣各分論，祝簡獻遷都國馬賦語多指斥，又如許清臣毀景靈宮，孟邦雄發永安陵，獸犬吠堯，盡無責焉。

苗傅，上黨人。大父授父履，授在元豐中，為殿前都指揮使。康王、建元帥府，信德守臣梁揚祖以兵萬人至，傅與張俊、楊沂中、田師中皆隸麾下。隆祐太后南渡，傅為統制官，以所部八千人扈衛，駐于杭州。有劉正彥者，不知何許人，父法政和間為熙和路經略使，死王事。正彥由閣門祇候，易文資，至朝奉大夫。後以事責降，會法部曲王淵為御營都統制，正彥歸之。淵以法故，薦正彥于朝，復為武德大夫，知濠州，擢御營右軍副都統制，淵分精兵三千與之，以平丁進功。進武功大夫，威州刺史。初，正彥討進，請劉晏偕行。晏本嚴州人，陷還登第，宣和中率眾來歸。正彥用晏計，易旗幟為疑兵，遂降進。晏自通直郎，即遷朝請郎。正彥恥己賞薄，而晏獲峻遷，由是缺望。乃散所賜金帛，與將士，奪被命從六宮皇子至杭州。建炎三年二月壬戌，高宗從王淵議，由鎮江幸杭州。時諸大將如劉光世、張俊、楊沂中、韓世忠、分守要害，扈衛者獨苗傅。先是王淵裝大船十數，自維揚來

杭人相謂曰。船所載皆淵平陳通時。殺奪富家財也。內侍省押班康履頗用事。威福由己出。其徒數民居。肆為暴橫。傳等恨之曰。天子顛沛至此。猶敢爾耶。其黨張遠復。激怒諸軍曰。能殺淵及內侍。則人人可審。朝廷豈能徧罪哉。三月辛巳。拜王淵同僉書樞密院事。初。淵建幸杭州議。內侍實左右之。及淵躡躡樞密。衆謂薦由內侍。傳自負宿將。疾淵驟貴。正彥雖由淵進。淵擢取所子。兵亦怨之。於是傳積不能平。與王世修張遠。王鈞甫馬柔吉等謀作亂。鈞甫等皆燕人。所將號赤心軍。傳部分既定。乃給淵以臨安縣有盜意。欲使淵出其兵於外。康履得黃卷小文書。有兩統制作田金字署卷末。田乃苗。金乃劉也。於是頗泄賊謀。以告淵。淵伏兵天竺。明日。賊黨齊伏兵城北橋下。俟淵退朝。誣以結宦官謀反。正彥手殺淵。以兵圍履第。分捕內官。凡無須者盡殺之。揭淵首引兵犯闕。中軍統制吳湛守宮門。潛與傳通。導其黨入。奏曰。苗傳不負國。止為天下除害。知杭州康允之聞變。率從官扣闕。請帝御樓。百官皆從。殿帥王元大呼聖駕來。傳見黃屋猶山呼而拜。帝憑闕呼二賊問故。傳厲聲曰。陛下信任中官。軍士有功者不賞。私內侍者即得美官。黃潛善汪伯彥誤國。猶未遠竄。王淵遇敵不戰。因友康履得除樞密。臣立功多。止作遙郡團練。已斬淵首。更乞斬康履藍珪。會擇以謝三軍。帝諭以當流海島。可與軍士歸營。且曰。已除傳承宣使。御營都統制。正彥觀察使。御營副都統制。賊不退。帝問百官計安出。浙西安撫司主管機宜文字時希孟曰。禍由中官。不悉除之。禍未已也。帝曰。朕左右可無給使耶。軍器監葉宗諤曰。陛下何惜康履。遂命吳湛捕履。得於清漏閣承塵中。傳即樓下腰斬履。傳猶肆惡言。謂帝不當即大位。淵聖來歸。何以處也。帝使朱勝非繼樓下曲諭之。傳請隆祐太后同聽政。及遣使與金議和。帝許諾。即下詔請太后垂簾。賊聞詔不拜曰。自有皇太子可立。張遠曰。今日之事。當為百姓社稷計。時希孟曰。宜率百官死社稷。否則從三軍之請。通判杭州事章誼叱之曰。何可從三軍邪。帝徐謂勝非曰。朕當退避。須太后命。勝非謂不可。頰章曰。得太后親諭之。則無詞矣。時寒甚。門無簾幃。帝坐一竹椅。既請太后。即起立楹側。太后御肩輿出立樓前。二賊拜曰。今日百姓無辜。肝腦塗地。望太后主張。太后曰。道君皇帝

任蔡京王黼。更祖宗法。童貫起邊釁。所以致金人之禍。今皇帝聖孝無失德。止為黃潛善汪伯彥所誤。已加竄逐。統制獨不知邪。傳曰。臣等定議。必欲立皇子。后曰。今強敵在外。使吾一婦人簾前抱三歲兒。何以令天下。正彥等號泣固請。因呼其衆曰。太后既不允。吾當受戮。遂作解衣狀。后諭止之。傳曰。事久不決。恐三軍生變。顧謂勝非曰。相公何無一言。勝非不能答。適顏岐至。自帝前奏曰。皇帝令臣奏知太后。已決意從傳請矣。乞太后宣諭。后猶不許。傳等語益不遜。太后還入門。帝遣人奏禪位。勝非泣曰。臣義當死。乞下詔。二凶帝屏左右。語曰。當為後圖。事不成。死未晚。勝非曰。王鈞甫賊腹心也。適語臣曰。二將忠有餘。學不足。此可為後圖耳。是日帝幸顯忠寺。甲申。太后垂簾降敕。就帝為睿聖仁孝皇帝。以顯忠寺為睿聖宮。留內侍十五人。餘悉編置丙戌。赦至平江府。張浚知有變。不拜。丁亥。至江寧。制置呂頤浩遺浚書。痛述事變。浚乃舉兵。戊子。御營前軍統制張俊至平江。浚諭以起兵。俊泣奉命。初。勝非奏垂簾當二臣同對。今屬時艱。乞許獨對。恐賊疑。乃日引其徒一人與俱。傳入對。后勞勉之。賊喜無所疑。故臣僚入對。得謀復辟。勝非深結王世修。將處以從官。俾通二凶。傳欲改元。正彥欲遷都建康。太后謂勝非曰。二事如俱不允。恐賊有他變。己丑。改元明受。張浚遺書二凶。獎其忠義。以慰安之。庚寅。百官朝睿聖宮。以傳為武當軍節度使。辛卯。張浚遣進士馮轡赴行在。請帝親總要務。復抵書馬柔吉王鈞甫。宜早反正。以解天下之惑。浚既遣轡。即檄諸路約呂頤浩劉光世會平江。傳以堂帖趣張浚赴秦州。命趙哲領浚軍。哲不從。改命陳思恭。思恭亦不從。壬辰。以諫議大夫鄭慤為御史中丞。賊以武功大夫王彥為御營司統制。慤面折二凶。彥祥狂。即日致仕。癸巳。韓世忠引兵至常熟。辛道宗謂張浚曰。賊萬一邀駕入海。何以為計。浚乃聲言防遏海寇。奏道宗為節制司參議官。措置海船。以避賊。甲午。駘曾擇監珪于嶺南。傳追斬擇。賊欲以所部代禁衛守睿聖宮。又欲邀帝幸徽。越張激勝非曲諭止之。馮轡說二凶反正。傳按劍瞋目視轡。正彥解之曰。須張侍郎來。乃可。即遣歸朝官趙休與轡共招浚。乙未。呂頤浩勸王兵至丹陽。劉光世引所部來會。丙申。韓世忠兵至平江。即欲進兵。浚曰。已遣馮轡甘言誘賊矣。投鼠

忌器不可太亟，賊遣張彥王德聲言防淮，德伺彥醉，并其軍自采石濟江歸劉光世，彥尋為人所殺。戊戌，浚以世忠兵少，分張俊兵二千益之。發平江，馮轡至平江，浚復遣入，責賊以大義，諭以禍福，期雖死無悔。傳等初聞浚集兵，未之信，及得浚書，始悟。見討，奏請誅浚，以令天下。詔責浚黃州團練使，郴州安置。鄭懋上疏謂浚不當責，密遣所親謝嚮變姓名告浚，宜持重緩進，賊當自遁。浚然之。是日，賊遣苗瑀馬柔吉將赤心隊及王淵舊部曲駐臨平，以拒勤王之師。馮轡至臨平，見馬柔吉，同縋入城，詰朝與傳等議，傳曰：爾尚敢來邪？欲拘轡浚逆知之，謬為書遺轡言，客自杭來，知二公於朝廷初無異心，殊悔前書失於輕易。賊得浚遺轡書大喜，乃釋轡。壬寅，浚得請命，悉將士解體，給曰：趣召之命也。是日，呂頤浩至平江，與浚對泣曰：事不諧，不過赤族，乃命慕容李承造草檄告四方。討賊賊聞勤王之兵大集，即呼馮轡勝非議復辟，癸卯，張俊發平江，劉光世繼之。賊亦遣兵三千屯湖州小，丙午，頤浩浚以大兵發平江，詔以浚為知樞密院事，丁未，勝非召二凶至都堂議復辟，率百官三上表以請。夏四月戊申，朔帝還宮，都人大說。帝御前殿，詔算太后曰：隆祐皇太后立嗣君為皇太子，辛酉，徙傳淮西制置使，正彥副之。庚戌，詔復建炎號。是日，頤浩浚軍次臨平，苗瑀馬柔吉以兵阻河，韓世忠率先鋒力戰，俊光世乘之，瑀敗走，勤王兵進北關，二凶詰都堂，趣得所賜鐵券，引精兵二千夜開湧金門遁。辛亥，頤浩俊引勤王兵入城，世忠手執王世修以屬吏，苗傳犯富陽，統制官喬仲福追擊之。癸丑，犯桐廬，甲寅，斬吳淇，時希孟編管吉陽軍，丙辰，傳等至白沙渡，所過燔橋以阻官軍，丁巳，犯壽昌縣，縣民充軍，庚申，犯衢州，守臣胡唐老拒卻之。丙寅，犯常山，世忠請任討賊，丁卯，以世忠為江浙制置使，自衢信追擊賊，戊辰，賊犯玉山縣，辛未，賊屯沙溪鎮，統制關師古自江東討賊還，與喬仲福王德會信州，賊聞之，還屯衢信間。五月戊寅朔，世忠發杭州，庚辰，賊黨張翼斬鈞甫及柔吉父子首以降。江浙制置使周望受之以聞，賊寇浦城縣，夾溪而屯，據險設伏，以邀官軍，統制官馬彥博死之。賊乘勝犯中軍，世忠瞋目大呼，揮兵直前，正彥墮馬，生擒之。賊將江池殺孟鼎，擒苗瑀降，衆悉解甲，張遠收餘兵入崇安，喬仲福追殺之。傳棄軍變

姓名，夜遁建陽，士豪詹標覺之，執送世忠，檻車赴行在。壬寅，詔班師。秋七月辛巳，世忠軍還，伴傳正彥以獻，磔于建康市。張遠苗瑀及傳二子俱已前死，詔釋餘黨。杜充字公美，相人也，喜功名，性殘忍，好殺而短於謀略。紹聖間，登進士第，累遷考功郎，光祿少卿，出知滄州。靖康初，加集英殿修撰，復知滄州。時金人南侵，郡中僑寓皆燕人來歸者，充慮為敵內應，殺之無噍類。建炎元年，進天章閣待制，北京留守，遷樞密直學士，提刑郭永嘗畫三策以獻充，充不省，永謂之曰：人有志而無才，好名而無實，驕蹇自用而得聲譽，以此當大任，鮮克有終矣。二年，宗澤卒，充代為留守，兼開封尹。三年，以戶部尚書兼侍讀召，未至，改資政殿學士，節制京東西路，依前京城留守，尋知宣武軍節度使。七月，以同知樞密院召，還至，即拜尚書右僕射，同平章事，御營使，初宗澤要結豪傑圖迎二帝，澤卒，充短於撫御，人心疑阻，兩河忠義之士往往皆引去。留守判官宗穎嘗疏其失，朝廷謂充有威望，可屬大事，呂頤浩張浚亦薦之，故有是命。時諸路各擁重兵，率驕蹇不用命，張俊方白事，謁未入，俊遽前，充怒，戮其使，諸將稍稍懼服。高宗將幸西浙，命韓世忠屯太平，王瓚屯常州，以充為江淮宣撫使，留建康，使盡護諸將。光世世忠憚充嚴急，不樂屬充，詔移光世江州，世忠常州，時江浙倚充為重，而充日事誅殺，無制敵之方識者寒心。金人窺江，充遣裨將王民張超分守諸渡，乘高據岸，以神臂弓射卻之。金人復逼礪砂，時以輕舟薄南岸，官軍奮擊，或沉其舟，一日當晝，金人對江列陣，而伴退，眾信之，守益懈，敵諜知無備，夜乃乘數十舟，橫江直濟，眾不能禦，敵遂登岸，充亟命統制官陳淬，盡領岳飛諸裨校合二萬人，邀擊於馬家渡，約王瓚俱進，敵氣銳甚，淬戰沒，瓚引兵遁，充軍潰，金人陷建康，充渡江保真州，充嘗痛繩諸將，諸將銜之，伺其敗，眾將甘心焉。充不敢歸，乃北約泗州劉位徐州趙立，欲合兵邀敵歸路，詔遣內侍任源賜親札激厲，俾為後圖，源至常州，道阻未得進，募健士先達上意，充詭詞自飭以報源，充居真州，長蘆寺守船向子恣勸充由通泰入浙，欲與偕行，充畜異志不聽，始京畿提刑凌唐佐在南京，守臣孟庚歸朝，以府事委之，唐佐遂降于金，為所用，唐佐

雅善充以書招之完顏宗弼復遣人說充曰若降當封以中原如張邦昌故事充遂叛降金事聞高宗謂輔臣曰朕待充不薄何乃至是哉下制削充爵徙其子嵩嚴崑塔韓汝惟於廣州是冬充至雲中粘罕薄之久之命知相州充猜阻肆威同列多不協紹興二年其孫自徙所間走歸充其副胡景山誣充陰通朝廷粘罕下充吏炮掠備至不服釋之因問充曰汝欲復歸南朝邪充曰元帥敢歸充不敢也粘罕晒之七年命充爲燕京三司使八年同僉書燕京行臺尙書省事九年遷行臺右丞相十一年和議成而充死矣

吳曦信王璘之孫節度挺之中子以祖任補右承奉郎淳熙五年換武德郎除中郎將後省言其太驟改武翼郎累遷高州刺史紹興元年挺卒起復濠州團練使慶元元年冬由建康軍馬都統制除知興州兼利西路安撫使四年憲聖園陵成以勞遷武寧軍承宣使六年光宗攢慶成遷太尉會韓侂胄謀開邊曦潛奮異志因附侂胄求還蜀樞密何澹覺其意力沮之陳自強納曦厚賂陰贊侂胄遂命曦與州駐劄御前諸軍都統制兼知興州利州西路安撫使從政郎朱不棄上侂胄書謂曦不可主西師侂胄不報曦至鎮鑿副都統制王大節罷之更不除副帥而兵權悉歸於曦開禧二年朝廷議出師詔曦爲四川宣撫副使仍知興州聽便宣行事自紹興末王人出總蜀賦移牒宣司勢均禮敵而侂胄以總計隸宣司副使得節制按劾而財賦之權又歸於曦未幾兼陝西河東招撫使曦與從弟晁及徐景望趙富米修之董鎮共爲反謀陰遣客姚淮源獻關外階成和鳳四州于金求封爲蜀王侂胄日夜望曦進兵曦陽爲持重按兵河池不進潛爲金人地以困王師侂胄不之覺會正使程松至曦不庭參松不敢詰曦復多摘取松衛兵松亦不悟金人犯西和王喜魯異拒之戰方急曦傳令退保黑谷軍遂潰乃焚河池退壁青野原曦時已布腹心于金將士未之知猶力戰敵人竊笑之曦退壁魚關招集忠義厚賜以收衆心與元都統制毋思以重兵守大散關曦因撤幕關之戍敵由版關谷透出思後思遁金遂陷大散關曦退屯置口舉人陳國鈞投匭上書言曦必叛侂胄不省十二月興州見兩日相摩金遣吳端持詔書金印至置口封曦蜀王曦密受之李好義敗金人於

七方關曦不上其捷還興州是夜天赤如血光燭地如晝翌日曦召幕屬諭意謂東南失守車駕幸四明今宜從權濟事衆失色王翼楊駿之抗言曰如此則相公八十年忠孝門戶一朝掃地矣曦曰吾意已決即詰甲仗庫集兵將官語故祿禧褚青王喜王大中等皆稱賀聽命曦北向受印遣徐景望爲四川轉運使褚青爲左右軍統制趨益昌徵總領所倉庫程松聞變棄與元去三年正月曦遣將利吉引金兵入鳳州以四郡付之表鐵山爲界乘黃屋左纛督王位于興州即治所爲行宮稱是月爲元年使人告其伯母趙氏趙怒絕之叔母劉日夜號泣罵不絕口曦扶出之族子傑爲興元統制見僞檄色甚不平曦既僭位議行削髮左衽之令遣董鎮至成都治宮殿將徙居之曦所統軍七萬併程松軍三萬分隸十統帥遣祿祁房大勳戍萬州泛舟下嘉陵江聲言約金人夾攻襄陽祁尋至夔遣兵扼巫山得勝羅護等皆以謁王師侂胄聞曦反不知所爲或勸不如因而封之侂胄納其說吳玠爲曦謀宜收用蜀名士以係民心於是陳咸自髡其髮史次秦塗其目楊震仲飲藥卒王翊家拱辰皆不受僞命楊修年嘗久中家大西李道傳鄧性善楊泰之悉棄官去薛九齡謀舉義兵興州合江倉官楊巨源倡義討逆未有以發遂與隨軍轉運安丙共謀誅曦會李好義與兄好古李貴等皆有謀交相結納二月甲戌夜漏盡巨源好義首率勇敢七十人斧門以入李貴即曦室斬其首裂其尸丙分遣將士收其二子及叔父柄弟暉從弟曉輩姚淮源李珪郭仲米修之郭澄等皆誅之時吳端猶臥後閣亦伏誅徐景望趙富吳曉董鎮郭榮祿禧等皆在外遣人就誅之函曦首獻于朝詔曦妻子處死親昆弟除名勒停吳璘子孫並徙出蜀吳玠子孫免連坐通主璘祀曦敗時年四十六

宋史卷四百七十五

李全者維州北海農家子同產兄弟三人全銳頭蓬目權譎善下人以弓馬趨捷能運鐵槍時號李鐵槍初大元兵破中都金主竄汴賦斂益橫遺民保嚴阻思亂於是劉二祖起泰安掠沂沂二祖死霍儀繼之彭義斌石珪夏全時青裴淵葛平楊德廣王顯忠等附之楊安兒起掠莒密展徽王敏為謀主母舅劉全為帥汲君立王琳閻通董友張正中孫武正等附之餘寇讎起大元兵至山東全母及其兄死焉全與仲兄福聚眾數千劉慶福國安用鄭衍德田四子洋弟潭等咸附之大元兵退金乃遣完顏寔為山東行省黃擱為經歷官將花帽軍三千討之敗安兒于蘭頭滴水斷其南路安兒輕舸走即墨金人募其頭千金舟人斬以獻安兒無子從子友僞稱九大王不閉軍務安兒妹四娘子狡悍善騎射劉全收潰卒奉而統之稱曰姑姑眾尚萬餘掠食至磨旗山全以其眾附楊氏通焉遂嫁之全合軍與寔戰又敗寔驍將張惠望見全躍馬赴之槍及全若有繫其馬足而止者全得收餘眾保東海劉全分軍駐嶗上霍儀攻沂州不下寔自清河出徐州斬儀潰其眾彭義斌歸李全黃擱者即阿魯達寔即李二措賜姓完顏惠號賽張飛燕俠士也此數人者出沒島嶼寶貨山委而不得食相率食人有沈鐸者鎮江武鋒卒也亡命盜取山陽誘致米商斗米輒售數十倍知楚州應純之償以玉貨北人至者輒舍之又說純之以歸銅錢為名馳度淮之禁來者莫可遏安兒之未敗也有意歸宋招禮宋人定遠民季先者嘗為大俠劉祐家廝養隨佑部綱客山陽安兒見而說之處以軍職安兒死先至山陽寅緣鐸得見純之道豪傑願附之意時江淮制置李珪淮東安撫崔與之皆令純之沿江增戍恐不能禦乃命先為機察諭意羣豪欲復鐸為武鋒軍副將辟楚州都監與高忠較各集忠義民兵分二道攻金先遂以李全五千人附

忠較合兵攻尅海州糧援不繼退屯東海全分兵襲破莒州禽金守蒲察李家別將于洋克密州兄福克青州始授全武翼大夫京東副總管純之見北軍屢捷密聞于朝謂中原可復時頻歲小稔朝野無事丞相史彌遠鑿開種之事不明招納密勸珪及純之慰接之號忠義軍就聽節制於是有意依武定軍生券例放錢糧萬五千人名忠義糧於是東海馬良高林宋德珍等萬人輻湊漣水鐸納之全與劉全俱起羨心焉嘉定十一年五月己丑全軍至漣水邀先白事楚城取器甲金穀議再攻海州純之厚勞全金玉器用及其下有差六月全圍海城金經略阿不罕納不刺等固守不下七月合鄆單郅徐兵來援全與戰于高橋不勝退守石秋分兵襲密州禽黃擱械至楚城是冬徙屯淮陰之龜山十二年山東來歸者不止權楚州梁丙無以贍先懇丙請預借兩月然後帥所部五千并良等萬人往密州就食不許請速遣全代領其眾又不許丙以石珪權軍務珪乃奪漣糧之舟二月庚辰率軍二萬度淮大掠丙調王顯臣高友趙邦永以兵逆之至南度門顯臣敗友邦永遇珪下馬與作山東語皆不復戰丙窘乃遣全出諭之時金人圍淮西急馬司都統李慶宗成濠出戰喪騎三千珪及張春皆有亡失帥司調全與先珪軍援盱眙全亦欲自試親往東海點軍赴之癸亥遇金人于嘉山戰小捷三月先軍進駐天長全進駐盱眙鼎立以待金人乙酉全至渦口值金將乞石烈牙吾答名盧鼓棹者將濟全與其將鹿仙掩之金兵溺淮者數千俘獲甚眾壬辰與阿海戰于化波湖大捷殺金數將得其金牌迨至曹家莊而還三圍俱解全喪失亦眾阿海者金所謂四駟馬也全進達州刺史妻楊氏封令人六月金元帥張林以青莒密登萊濰濱棧寧海濟南十二州來歸始林心存宋及擱敗意決而未能遂會全還濰州上家揣知林意乃薄兵青州城下陳說國家威德勸林早附林恐全誘己猶豫未納全約挺身入城惟數人從林乃開門納之相見甚歡謂得所托置酒結為兄弟全既得林要領附表奉十二州版籍以歸表辭有云舉諸七十城之全齊歸我三百年之舊主表馮泊所作也秋授林武翼大夫京東安撫兼總管其餘授官有差進全廣州觀察使京東總管劉慶福彭義斌皆為統制增放二萬人錢糧徙屯楚州

先是制置使賈涉以朝命督戰許殺金太子者賞節度使殺親王承宣使殺駙馬觀察使全致所得金牌于涉云殺四駙馬所獲者涉上于朝乞如約賞之故全有是受而四駙馬實不死也十一月大雨雪淮冰合全請於制府曰每恨泗州阻水今如平地矣請取東西城自效制府遣就賈涉賈涉請諸將燕全時青夏全咸願以長槍三千人從夜半度淮潛向泗之東城將踏濠冰傳城下掩金人不備俄城上救炬數百齊舉遙謂曰賊李三汝欲偷城耶天黑故以火燭之全知有備引去十三年趙拱以朝命諭京東過青崖巖嚴實求內附拱與定約奉實款至山陽舉魏博恩德懷衛開相九州來歸涉再遣拱往論配兵二千全亦請往涉不能止乃帥楚州及賈涉忠義萬餘人以行拱說全曰將軍提兵度河不用而歸非示武也今乘勢取東平可乎於是全合林軍得數萬襲東平之城南金參政蒙古剛帥眾守東平全以三千人金銀甲赤幟透濠躍馬索戰時大暑全見城阻水矢石不能及乃與林來汶水而皆中通浮梁來往一夕汶水溢漂大木斷浮梁全首尾幾絕蓋金人堰汶水而決之也詰旦金騎兵三百奄至全欣然上馬帥帳前所有騎赴之殺數人奪其馬逐北抵山谷上有龍虎上將軍者賞銀甲揮長槊威兵以出旁有繡旗女將馳槍突圍會諸將至披全以出乃退保長清縣精銳喪失大半統制陳孝忠死焉林兵還青州全所攜鎮江軍五百人多怨憤全乃分隸拱使先歸而以餘眾道滄州假鹽利以慰贖之龍虎上將軍者東平副帥幹不搭女將者劉節使女也全至楚州屬召先赴行在全自瀉口之捷有輕諸將心獨先嘗策戰勳威望不下己患之乃陰結制帥所任吏莫凱使譖先先卒全喜而心益貳涉乘先死欲收其軍輒統制陳選往漣水以總之先黨裴淵宋德瑛孫武正及王義深張山張友拒而不受潛迎石琚于盱眙奉為統帥琚遣楚城涉不知覺及選還涉恥之乃謀分琚軍為六請于朝出修武京東路鈐轄印告各六授淵等使之分統謂可散其縱淵等陽受命涉即聞于朝謂六人已順從琚無能為矣其後有教令皆不納然後知淵等猶主琚涉悉甚全結府吏伺知之乃見涉請討琚涉未有處議者請以全軍布南度門移淮陰戰艦陳于淮岸以示琚有備然後命一將招琚軍來者增錢

糧不至罷支衆心一散琚黨自離涉用其策琚技果窮琚素通好於大元至是殺淵而挾武正德珍與其謀主孟導歸大元漣水軍未有所屬全求併將之客有請以附淮將者曰使南將主北軍則淮楚為一涉然之且曰先在時有二千虛籍今當遣明亮覈實因可省費全聞之即獻計曰全若朝將此軍夕與覈除虛籍因卑辭獻珍具以自結涉不能卻遂以付全翼日復命曰初謂有虛額昨夕細點萬五千人之外尙溢十數名涉始悟全見給他日議更遣募屬點之吏亟報全全忽狀白涉昨夕三鼓漣水告警云金人萬餘在邳州全思漣水去邳咫尺既無險阻城壁復弊一被攻劫則直臨淮面罪在全矣深夜不敢驚制使已調七千人迎敵矣涉知全詐因寢點軍之議全又白制府請于朝以劉全為總管駐揚州分數千兵從之而將其衆十一月丁未全遊金山作佛事以薦國殤知鎮江府喬行簡方舟逆之大合樂以饗之總領程軍送為主禮務誇北人以繁盛全請所狎娼軍不與全歸語其徒曰江南佳麗無比須與若等一到始造艫艇舟謀爭舟楫之利焉十四年正月金人將南來全請於涉欲與劉璋共圖泗州以伐其謀涉許之全兵至盱眙度淮攻冠泗州之西城入城布守璋徙盱眙芻粟以實之防城之具俱撤以往為必守之計未幾盧鼓槌來取西城全感兵出戰大敗統制賴興死全閉城自守明日復戰不勝全遁歸資糧器械悉以委敵金人既陷蘄州扈再與趙范及其弟葵邀擊于天長全隨行襲金人後謁而賀曰二監軍已立大功乞以餘寇付全追之然全追之不甚力亦以是進承宣使十五年二月璋再取西城盧鼓槌背城力戰戒惠必獲全不獲則斬惠數嘗敗全于山東而不能獲每數曰天假此賊事未可量及聞盧鼓槌言自度進未必獲復復受戮即陳躍馬奔全壁棄所執兵請降全拔而起之相與歡甚不數日惠獻下數千人皆潛至全與惠歸請于制置司官之令自總一軍膠西當登寧海之衝百貨輻輳全使其兄福守之為窟宅計時互市始通北人尤重南貨價增十倍全誘商人至山陽以舟浮其貨而中分之自淮轉海達于膠西福又具車輦之而稅其半然後從聽往諸郡貿易車夫皆督辦於林林不能堪林財計仰六鹽場福恃其弟有大造干林又欲分其半林許福恣取鹽而不

分揚福怒曰若背恩耶待與都統提兵取若頭爾林懼懇于制置司涉密召林戲下問之福伏兵于途以伺林覺不追於是李馬兒說林歸大元福狼狽走楚州冬加全招信軍節度林猶遣步書詆全明己非叛涉以咎全全請爲朝廷取之乃提師駐海州以迫林涉聞道遯歸王珣聞瓊學林泣涕道其故珣歸全使人殺諸塗全攻林急林走全遂入青州十六年二月涉勸農出郊暮歸入門忠義軍遮道涉使人語楊氏楊氏馳出門佯怒忠義而揮之道開涉乃入城自是以疾求去甚力五月被召卒秋全新置忠義軍籍初涉屯鎮江副司八千人于城中翟朝宗統之分帳前忠義萬人屯五州城西趙邦高友統之屯五千淮陰王暉及于憚統之所以制北軍也全輕鎮江兵且以利啗其統制陳選及趙興使不爲己患唯忘帳前忠義乃數稱高友等勇遇出軍必請以自隨涉不許全每燕戲下并召涉帳前將校帳前亦願隸焉然未能合也及丘壽邁攝帥事全忽請曰忠義烏合尺籍幽莽莫若別置新籍一納諸朝一申制閩一留全所庶功過有致請給無弊壽邁善而諾之全乃合帳前忠義悉籍之盡統其軍時人莫悟十一月許國自武階換朝議大夫淮東安撫制置使命下聞者驚異先是國奉祠家食數言全必反欲傾涉而代之會召國奏事國疏全姦謀甚深反狀已著非有豪傑不能消彌蓋自驚也至是喬行簡爲吏部侍郎上疏論國望輕不宜帥淮不報山陽參幕徐晞稷雅意開聞及聞國用晞稷闕望乃騰國奏注釋以寄全全得報不樂是冬大元將李二措及邳州守致書海州欲附宋全戲下周岳得之即以報全全喜遣王喜兒以兵二千應接而已繼之二措納喜兒而囚之全兵欲攻邳四面阻水二措積勁督備之全不得進合兵索戰全敗欲還楚州會漢棟有亂乃引兵趨山東十七年正月國之鎮楊氏郊迂國辭不見楊氏慚以歸國既視事痛抑北軍有與南軍競者無曲直偏坐之槁糞十載七八全自山東致書于國國誇於衆曰全仰我養育我略示威即奔走不暇矣全固留青州國不能致四月全遣小吏致再書國喜曲加勞接即日真補承信郎冀結其心小吏曰小吏奉書而遽得命諸將校謂何不受歸語其徒以爲笑國見全無來期數致厚鏡遂全議事會劉慶福亦使人規國意向國左右

知之語規者曰制置無害汝等意慶福以報全全集將校曰我不參制置則曲在我今不計生死必往見八月全上謁賓贊戒全曰節使當庭趨制使必免禮及庭趨國端坐納全拜不爲止全退怒曰庭參亦常禮全歸本朝拜人多矣但恨汝非文臣本與我等汝向以淮西都統謁買制帥亦免汝拜汝有何勳業一旦位我上便不相假借耶全赤心報朝廷不反也國繼設會宴全遣勞加厚全終不樂國之客章夢先主幕議慶福謁見夢先責客將令隔簾貌嗔慶福不能堪國以名馬十餘噉遺全不受國固遣全俟其充斥階庭伺候移時而復卻之如是者半月卒不受全欲往青州懼國苛留自計曰彼所爭者拜也拜而得志吾何愛焉更折節爲禮因會席間出劄白事國見其細故判從之全即席再拜謝自是動息必請得請必拜國大喜語家人曰吾折伏此虜矣義斌求趙邦承來山東全爲白之國諾邦承乘間告國曰邦承若去制使誰與處國曰我自能兵爾毋慮邦承泣而辭之全遂往青州十一月國集兩淮馬步軍十三萬大閱楚城之外以挫北人之心楊氏及軍校留者恐其圖己內自爲備慶元年湖州人潘甫與其從弟丙壬起兵密告全黨于山陽全黨欲坐致成敗然其謀而不助之力甫歸陰勒部曲及聚販鹽盜至千餘結束如北軍率衆揚言自山陽來擁立濟王事見茲傳時全圖國之意已決遣慶福還楚城使爲亂或教楊氏畜一妾男子聞指謂人曰此宗室也至語郡僚曰會令汝爲朝士潛約貽四軍相應忠義統領王文信有衆八百涉徙刺揚州強勇軍國之聚兵大閱文信在焉慶福與謀令歸襲揚州別遣將劫寶應事濟即揮衆度江貽四將不從於是慶福等謀中輟止欲快意於許國焉計議官苟夢玉知之以告國國曰但使反反即殺我豈文儒不知兵耶夢玉懼禍及己求撤往貽復告慶福曰制帥欲圖汝兩爲自詰之計乙卯國晨起莅事忽露刃充庭客駭走國厲聲曰不得無禮矢已及顙流血蔽面國走亂兵悉害其家大縱火焚官寺兩司積蓄盡入賊親兵數十人翼國登城樓維城走伏道堂中宿焉時四明人姚紳通判青州全豫令還山陽及隄水而復止之至是擁紳入城與通判宋恭喝檣南北軍使歸營是日慶福首殺夢先以報貌嗔之辱戒諸軍毋害苟夢玉家護以

五十兵初國倚揚州強勇軍統制彭興及淮西親兵將趙社朱虎等為腹心至是首降賊且助為亂惟丁勝張世雄沈與杜靖毗富道不屈或與賊巷戰與手殺賊將馬良賊黨得志更相賀獨張正忠歎曰若曹不識事體朝廷豈置汝耶王文信復獻計慶福曰我偽作重傷提本部軍歸揚州楊守必不疑我生縛守以其城獻慶福喜夜飲而遣之丙辰許國縊于途丁巳文信將至揚州其徒有亡入城告變者時揚之兵皆在楚知州兼提點刑獄汪統會同官議鈐轄趙拱曰若不納則文信必曰我歸營何故見拒將借是以魚肉城外之民拱素善文信請說止其兵而以單騎入俟入城而殺之然後撫其兵領往盱眙分隸張范戲下統喜遣之遇文信于十里頭置酒相勞苦文信偽為裏創狀拱曰忠義反楚州揚州人見忠義暮歸豈不相疑不若暫駐兵城外然後同見提刑提刑急欲知楚州事也文信不疑聯騎入城坐客次拱先入勸統收戮之統躊躇不敢發劉全知其謀帥甲士突入郡堂厲聲曰王統領好人提刑不必疑請出受參統不得已出而犒之劉全以兵翼之出館其家語曰統未有處拱又請引文信出城與議回屯楚州文信知事泄拱就出劉全亦請從至平山堂文信責拱賣己欲殺之拱曰爾謀如此三城人命何辜我已存三城人身死無憾然我死汝八百家老幼在城豈得生耶文信及其眾動色文信劉全遂還楚州時盱眙總管夏全聞山陽得志亦懷異圖劉瑋厚賂之乃止及文信亂瑋懼夏全復動乃使卞整將兵三千視之使不敢動整以邀文信為辭引兵還揚州因偽言盱眙失守卞整為亂於是揚州復震城門晝閉彌遠懼激他變欲姑事涵忍而後圖之謀帥莫可以徐晞稷嘗倖楚州守海州得全歡心晞稷亦勇往乃授淮東制置使令屈意撫全時慶福以事濟報全全又牒義斌等曰許國謀反已伏誅矣爾軍並聽我節制義斌得牒大罵曰逆賊背國厚恩擅殺制使此事皆因我起我必報此讐呼趙邦永曰趙二汝南人正須爾明此事乃斬齋牒人南向告天誓眾見者憤激全自青州至楚城伴責慶福不能彈壓致忠義之闕斬數人請待罪朝廷未之詰趙范時知揚州兼提點刑獄得制置印于潰卒中以授晞稷全遣騎逆晞稷已卯晞稷入楚城劉全躍馬登郡廳晞稷迎之全及門下馬拜

庭下晞稷降等止之賊眾乃悅四月潘壬變姓名至楚州將度淮而北小校明亮獲之械送行在伏誅甲午時青使人偽為金兵道邳州出漣水奪金田租而伏騎八百翼旦全引二百騎度淮與鬪伏發全敗圍之慶福以兵往拔全出全與慶福俱重傷歸楚州丁勝張世雄欲乘全敗舉兵追北軍晞稷止之全後知其謀對晞稷詰之二人不為屈然懼禍及己晞稷乃潛授世雄勝軍統制教使逃而陽索之北軍追世雄世雄且戰且走得達揚州晞稷初至楚緩急相濟如囚趙社逐朱虎賊尚知畏屢令全還戰馬軍器于制司全唯唯退招姚紳及將校飲酒酣全曰制司追我戰馬軍器若何忽有將校曰當時忠義只百十人其他軍皆南軍乘勢將帶若輩將何以還一人曰制司必欲追之不若有官者棄官無官者歸山東為百姓一人抵掌憤然使全反全陽罵之紳以告晞稷翼曰全見晞稷求納官晞稷撫之而去自是不復誰何其後至以恩府稱全恩堂稱楊氏而手足倒置矣軍器庫止餘槍千數千全復取去全欲戰艦晞稷使擇二艘全移出淮河使軍習之初楚城之將亂也有吏竊許國書篋二以獻慶福皆機事慶福賞盜篋者五百千未之聞全始發緘使家僮讀之有廟堂遺國書令圖全者全大怒又有苟夢玉書即以慶福謀告國者全始惡夢玉反覆夢玉知之時已被堂召亟辭全如京己卯全餽錢夢玉如平時潛殮諸十里之郊復出接捕害夢玉者全往青州五月丁卯全取東平不克戊寅劉全以券易制司錢不如欲復謀亂楊氏出二千緡解之乃止全引兵攻恩州明日義斌出兵與全鬪全敗義斌以千五百騎追之獲馬二千匹皆揚州強勇軍馬也慶福往救又敗全退保山崗抽山陽忠義以北楊氏及劉全皆欲親赴之會全遣人求晞稷書與義斌連和乃止義斌納全降兵兵勢大振進攻真定降金將武仙眾至數十萬致書沿江制置使趙善湘曰不誅逆全恢復不成但能遣兵扼淮進據漣海以蹙之斷其南路如此賊者或生禽或斬首惟朝廷所命賊平之後收復一京三府然後義斌戰河北盱眙諸將襄陽騎士戰河南神州可復也時四總管亦各遣計議官致書乞勅討賊范亦以為言不報全貽書制置司誣義斌叛晞稷繳筆之時朝廷知義斌之功渾全未欲行賞未幾義斌俟命不至拓地而北

與大元兵戰于內黃之五馬山。大元兵說之降。義斌厲聲曰：「我大宋臣，且河北山東皆宋民，義豈爲他臣屬耶？」遂死之。戲下王義深等復歸全，全使人說時青附己。魏金五百兩，青見義斌死，乃附全。自移屯淮陰，全招青入城，飲折俎，銅券二千。他魏稱是，恩偏麾下，人人喜悅。晞稷宴青，全餽折俎如前，全將往山東，以南軍九百從官，犒鐵錢券人五千，全犒銅錢三倍，許攜南貨免稅。於是請行者不已，得千人以俱。晞稷又以千八百人繼之。二年春，趙范奉祠，林珙知揚州，權提點刑獄，全北剽山東，南假宋以疑大元，且仰食，會金與大元爭大名，全得往來經理。三月丙辰朔，大元兵攻青州，全大小百戰，終不利，嬰城自守。大元築長圍，夜布狗砮糧，援路絕，全遣小校周興祖，緹城雜樵采者，走楚州，發援兵，終不能支。全與福謀，福曰：「二人俱死無益也，汝身係南北輕重，我當死守孤城，汝間道南歸，提兵赴援，可尋生路。」全曰：「數十萬勅敵，未易支也。」全朝出則城夕陷，不如兄歸，於是全止而福行。朝廷初以力未能討，故用晞稷調護，及傳全被圍，稍欲圖賊，晞稷畏懼，幸全未歸，以苟歲月。朝廷方謀易帥，劉璋久在盱眙，雅意建閩，又見賊勢稍孤，意功名可立，使鎮江副都統彭忞延譽京師，自謂素撫鎮江三萬人，足用，且得四總管歡心，討賊有餘力。朝廷信之，忞亦垂涎，代璋從吳尤力。九月，以璋知楚州，兼淮東制置使，忞代知盱眙。晞稷不知也。己亥，晞稷以戶部侍郎召，未幾出知袁州。十一月壬子朔，璋至楚州，心知不能制馭四總管，惟以鎮江兵自隨。時青在淮陰，璋怨其移屯叛己，不召也。夏全請從，璋素畏全狡，亦俾留盱眙，忞自揣資望視璋更淺，曰：「璋之止夏全，是欲遺患盱眙也。」璋猶豫夏全，我何能用，乃激夏全曰：「楚城賊黨不滿三千，健將又在山東，劉制使圖之，收功在旦夕，太尉曷不往赴事會，何端坐爲？」夏全欣然，領兵徑入楚城，青亦自淮陰復移屯城內。璋且駭且恐，勢不容卻，復就二人謀焉。時傳全已死，福欲分兵赴援，兵少卒不往。甲子，璋令夏全威陳兵楚城，賊黨震恐，楊氏遣人路夏全求緩師，乃止。

宋史卷四百七十六

元中書右丞相總裁脫脫等修

列傳第二百三十六

叛臣下

李全下

寶慶三年二月楊氏使人行成于夏全曰將軍非山東歸附耶狐死免泣李氏滅夏氏寧獨存願將軍垂盼全諾楊氏感飾出迎與按行營壘曰人傳三哥死吾一婦人安能自立便當事太尉為夫子女玉常干戈倉廩皆太尉有望即領此賊無多言也夏全心動乃置酒歡甚飲酣就寢如歸轉仇為好更與福謀逐璋矣辛卯夏全令賊黨圍州治焚官民舍殺守藏吏取貨物時璋精兵尚萬餘窘束不能發一令太息而已夜半雄城僅以身免鎮江軍與賊戰死者大半將校多死器甲錢粟悉為賊有璋步至揚州借州兵自衛猶割揚州造旗幟林拱繳奏于朝聞者大笑夏全既逐璋歸楊氏拒之意楊氏反目圖己明日大掠趨盱眙欲為亂張惠范成進閉門不得入翔翔淮上惠成進出兵欲勦之夏全狼狽歸金人納之是舉也張正忠不從亂經妻女子庭并己自焚報至中外大恐劉璋自劫未幾死初姚玘從買涉辟楚州推官全喜其附己為引重當路得改秩全請以通判青州國之死全借玘撫定以誑眾以功入朝三月以玘為軍器少監知楚州兼制置玘辟鄭子恭杜來等為幕客留母及其子于京買二妾以行至城東織舟以治事聞入城見楊氏用晞稷故事而禮過之楊玘入城乃入寄治僧寺極意娛之時全在圍一年食牛馬及人且盡將自食其軍初軍民數十萬至是餘數千矣四月辛亥全欲歸于大元懼眾異議乃焚香南向再拜欲自經而使鄭衍德田四救之曰譬如為衣有身無衣何耶今北歸蒙古未必非福全從之乃約降大元大元兵入青州承制授全山東行省慶福在山陽自知已為厲階懷不自安欲圖福以自贖福知之亦謀去慶福二人互相猜貳不相見福僞病旬餘諸將問疾慶福不往張甫者素厚慶福懼福疑己乃勸慶福往後慶福約甫同往及寢遙見福臥不解衣心恐不得已至床前見床頭

鞘刀慶福口問疾而手按鞘懼福先發福疑慶福就刀見害乃躍起拔刀傷慶福慶福徒手不支甫救之左右羣起殺慶福及甫甫本金元帥封高陽公最善馭眾金亡河北甫據雄霸清莫河間信安不下信安出白溝距燕二百里而阻巨樂大元兵不能涉甫每潛師窺伺大元將俚岩奴屢欲滅甫以取雄霸將窩羅虎者歸甫甫納之其後窩羅虎遁去且竊甫千里馬以獻俚岩奴俚岩奴喜待遇益厚嘗會飲燕京之大悲閣窩羅虎虎俚岩奴而推使投閣幾驚焉窩羅虎乃伴醉下樓復乘所獻馬以歸甫追者莫及人始服甫之用聞焉其後歸全福以慶福頭納種種大喜來曰慶福首禍一世姦雄今頭落措大手耶飛報于朝遣子恭繼奏捷璋之敗儲積掃地綱運不續賊黨籍籍謂福所致福數見種及食幕促之皆謝以朝廷撥降未下福曰朝廷若不養忠義則不必建閫開幕今建閫開幕如故獨不支忠義錢糧是欲立制閫以困忠義也六月福乘眾怒與楊氏謀召種飲種至而楊氏不出就坐賓次左右散去福與種命召諸幕客以楊氏命召種二妾諸幕客知有變不得已往來朝服至八字橋福兵要戮之來兩望再拜就斃二妾之入種及見之福兵欲害種鄭衍德救之得免去須鬻繩城西夜走徒步歸明州未幾死朝廷以淮亂相仍遣帥必斃莫肯往來始欲輕准而重江楚州不復建閫就以帥楊紹雲兼制置改楚州名淮安軍命通判張國明權守視之若羈廢州然賊徒黨塞南門開北門支邑民田皆以少價抑買之自收賦以贖軍錢糧不繼如故賊將國安用閫通數曰我曹米外日受銅錢二百楚州物賤可以樂生而劉慶福為不善怨仇相尋使我曹無所衣食張林邢德亦謂嘗受宋恩中遭全閫隙今歸于此豈可不與朝廷立事王義深亦嘗遭全屈辱且謂我本買帥帳前人與彭安撫舉義不成而歸五人相謂曰朝廷不降錢糧為有反者未除耳乃共議殺福及楊氏以獻於是眾帥兵趨楊氏家福出德手刃之相屠者數百人有郭統制者殺全次子通殺一婦人以為楊氏函其首并福首馳獻于紹雲紹雲驛送京師傾朝甚喜檄彭恒張惠范成進時齊併兵往楚州便宜盡戮餘黨未幾傳楊氏故無恙婦人頭乃全次妻劉氏也恒輕價每供四總管弄戲得檄不敢自決力遜惠成進二人即提兵入楚

城與林等五人歡宴，議分北軍為五，使五人分掌之。每軍無過千人。一屯南度門，一屯平河橋，一屯北神鎮，城中城西各一。在山東人老幼並絕錢糧，出淮陰戰艦陳淮岸，以斷全歸路。請制府及朝廷處之。廟議謂青莖重，惟聽青區畫。省檄之下，不及惠成進，青亦恐禍及，密遣人報全于青州，遷延不決。惠等歸盱眙，賊黨復振。紹聖赴樞密稟議，准東總領岳珂攝制府事。惠成進既歸，錢糧缺乏，密約降金。盧鼓棹許之時，鎮江軍及滁州虎兒軍在盱眙者尚眾，二人給怙曰：「南北軍易致激變，宜令軍人出入無得帶刃，又勸早發虎兒軍折洗，怙從之。二人每軍怙必徧追卓隸，怙皆不悟，方感其拒。夏全之功，轉兩軍官資。二人同戲下合辭曰：「不願得官，欲得錢糧。」八月辛酉，惠成進燕怙，怙左右知有謀，多不往。怙往如平時，酒半縛怙，怙從者無寸鐵，且醉皆就縛。即日渡淮，輸款以盱眙附盧鼓棹于泗州。金兵至，開門接之，諸軍不戰皆降。於是塞南門，開北門，導淮水以通泗之東。西域焉盧鼓棹與惠釋憾，運燭金官惠有加，俾專制河南以拒大元。自是金人窺淮東益急，朝廷調京湖制置司兵萬人屯青平山以備全。全得青報，慟哭力告大元大將求南歸，不許。斷一指示歸南必咩許之，承制授山東淮南行省，得專制山東而歲獻金幣。十月丙辰，全與大元張宣差并通事數人至楚州，服大元衣冠，文移紀甲子而無號，義深走金，安用殺林德自贖。丁巳，全邀青及張國明于淮陰，國明辭疾，青父子同至，全推殺其子者郭統制，斬之。又收田成瑤田之昂，李英等八人下獄云。非朝廷殺我妻子，吾惟問汝李英，全腹心，狡而密，與李平皆山東胥吏，全之乍逆乍順，二人所教也。平又數致全書，至廟堂以規朝廷，青繳所授檄於全曰：「我素推尊相公，豈肯為此。全亦惡青反覆，辛酉，與登城南樓飲，殺青，馳騎往給青妻，言青病見與禱，青妻至，盡殺之。遂併青軍，擢小校胡義為將，徙其半于漣海。紹定元年春，全厚募人為兵，不限南北，宋軍多亡應之。天長民保聚為十六砦，比歲失業，官振之不能繼。壯者皆就募，射陽湖浮屠數萬家，家有兵仗，侵掠不可制。其豪周安民、谷汝礪、王十五長之，亦繕結水砦以觀成敗。翟朝宗知揚州，權制置，全厚賞捕趙邦承、邦永，乃變名必勝，全知東南利舟師，謀習水戰，米商至悉併舟楫之留其柁工，一以教十

又遣人泛江湖，市桐油粘筏，厚募南匠大治艤艦船，自淮及海相望。於是善湘禁桐油粘筏，下江嚴甚。朝宗市粘木往揚州，善湘亦聞于朝，請以松木易留之，全不得已，代以榆板，舟成多重滯。六月，試舟射陽湖，善湘恐其乘便擣通泰，巫牒池州求通泰入湖之路。七月壬辰，全使衍德提兵三萬如海州，乙未全及楊氏大閱戰艦于海洋。八月，全趨青州，為嚴實及石小哥邀擊敗走。小哥珪子也，遂奪青崖固據之。九月，全歸海州，治舟益急，驅諸崗人習水。十一月，全至楚州，全山東經理未定，而歲貢于大元者不缺，故外恭順于宋，以就錢糧。往往貿易，輸大元宋得少寬，北顧之憂，遣餉不輟。全縱遊說于朝，不若復建山陽制置司，全又與金合縱，約以盱眙與之，金亦遣斬經歷者聘，全皆不遂。二年四月，全以糧少為詞，遣海舟自蘇州洋入平江，嘉興告糴，實欲習海道規畿甸也。六月，全資淮安牛馬輪趨五噓合亡命，雜北軍分往盱眙略牛馬。九月，全往漣海視戰艦，陽言歸東平葬方士許先生，未幾還，嘗燕張國明等，忽曰：「我乃不忠不孝之人，眾曰：節使何為有是言也。全曰：糜費朝廷錢糧至多，乃殺許制置，不忠。我兄被人殺，不能報復，不孝。二月二十五日事吾之罪也。十一月十三日事誰之罪耶。蓋指璋與夏全也。全密遣軍掠高郵寶應，天長之間，知高郵軍葉秀發遣宗雄武領民兵捍禦，為賊所敗。三年二月壬寅，御前軍器庫火，得縱火者，楚州軍穆椿也。全欲銷宋兵備，故使椿行，且伏姦于外，謀以為亂，以不得入而止。於是先朝兵甲盡喪，椿臨刑笑曰：「事濟矣。全欲先據揚州以度江，分兵徇通泰，以趨海。諸將皆曰：通泰鹽場在焉，莫若先取為家計。且使朝廷失鹽利，全欲朝廷不為備，且雖反而難遽絕錢糧。乃挾大元李宋二宣差恫疑虛喝，而使國明達諸朝，而大元實未嘗資全兵。有識李宣差者曰：此青州賣藥人也。七月，召國明稟議，全以寶玉資其行，賓從所過，揚言李相公英略絕倫，其射五百步，朝廷莫若裂地王之。與增錢糧，使當邊境，徧謁要津，求主其說。既見廟堂，以百口保全。不叛。八月，全將閩舟師風不順，焚香禱曰：「使全有天命，當反風語畢，風反。大閱數日，會全糴麥舟鹽城縣，朝宗嗾尉兵奪之，全怒，以捕盜為名。庚午，水陸數萬徑擣鹽城，成將陳益樓強皆遁，全入城據之。知縣陳遇踰城走，公私鹽貨皆沒

於全朝宗倉皇遺幹官王節入鹽城。全退師。又遣吏會玠李易入山陽求揚州裏言之助。皆不答。朝宗乃遣卞整領兵扼境。全留鄭祥董友守鹽城。提兵往楚營。與遇。廐軍道左。擊柝聲諾。全言于朝。稱遣兵捕盜。過鹽城。令自棄城遁去。慮軍民驚擾。未免入城安衆。乃加全兩鎮節。令釋兵命。制置司幹官耶律均往諭之。全曰。朝廷待我如小兒。啼則與果。不受。朝廷爲罷朝宗。謀再用紹雲。紹雲辭以官卑。不能制命。鄭損。通判揚州趙璩。夫暫攝事。全造舟益急。至發家取粘板。鍊鐵錢爲釘。鞠熬人脂。搗油灰。列炬繼晷。招沿海亡命爲水手。又給璩夫以大元爲詞。邀增五千人錢糧。求善書鐵券。朝廷猶遣餉不絕。全得米卽自轉輸。淮海入鹽城。以贍其衆。他軍士見者曰。朝廷惟恐賊不飽。我曹何力殺賊。射陽湖人至有養北賊。戕淮民之語。聞者太息。王十五附全。全又遣人以金牌誘脅周安民等。造浮梁于諭口。以便鹽城來往。又開馬擺港。毒河。引淮船入湖。爲攻撓水砦計。復言於制置司云。全復歸三年。准甸寧息。雖荷大丞相力。主安靖之說。深有覆護之恩。奈何趙制置岳總管二趙兄弟。人自爲政。使全難處。全欲決定去就。親往鹽城存劄。若有疾全者。疑全者。如趙知府之輩。便可提兵決戰。如能滅全。高官重祿。任彼取之。倘不能滅。方表全心。善相見之。甚憤。范亦請調兵時。彌遠多在告。執政無可否。舉朝率謂大丞相老於經綸。豈不善處。獨參知政事鄭清之深憂之。密與樞密袁詔尚書范楷議。二人所見合。清之乃約詔見帝。詔歷言全狀。帝有憂色。清之卽力贊討全。帝意決清之退。以帝意告彌遠。彌遠意亦決。乙巳。金字牌進善。湘煥章閣學士。江淮制置大使。范直徽猷閣。知揚州。淮東安撫副使。蔡直寶章閣。淮東提點刑獄兼知滁州。俱節制軍馬。全子才軍器監簿。制置司參議官。下詔曰。君臣天地之常經。刑賞軍國之大枋。順斯柔撫。逆則誅夷。惟我朝廷兼愛南北。念山東之歸附。卽淮甸以綏來。視爾遺黎。本吾赤子。故給食糧。而脫之餓殍。賜爵秩。而示以寵榮。坐而食者。踰十年。惠而養之。如一日。此更生之恩也。何負汝而反耶。蠢茲李全。儕於異類。蜂屯蟻聚。初無橫草之功。人面獸心。曷勝擢髮之罪。繆爲恭順。公肆陸梁。因餽餉之富。以嘯集儻徒。拔品位之崇。以脅制官吏。凌蔑帥閫。殺逐邊臣。虔劉我民。輸掠其衆。狐

假威以爲畏己。犬吠主旁。若無人。姑務包含。愈滋猖獗。遽敢據於鹽邑。繼掩襲於海陵。用怨酬恩。稔惡恣暴。爲封豕以泔食。貪婪無厭。怒螳螂而當車。滅亡可待。故神人之共憤。豈覆載之所容。舍是弗圖。孰不可忍。李全可削奪官爵。停給錢糧。勅江淮制置諸軍。而討伐。因朝野僉議。堅一意以勦除。蔽自朕心。誕行天罰。肆予衆士。久銜激憤之懷。暨爾邊氓。期洗沈寃之痛。益勉思於奮厲。以共羣聽。應擒斬到全者。賞節度使錢二十萬。銀絹二萬匹。同謀人次第擢賞。能取奪見占城壁者。州除防禦使。縣除團練使。將佐官兵。以次推賞。逆全頭目。兵卒。皆我遺黎。豈甘從叛。諒由劫制。必非本心。所宜去逆來降。並與原罪。若能立功效者。更加異賞。鄭衍德。國安用。雖與逆全管兵。然屢效忠款。乃心本朝。馮培千世。環雖爲逆。全信用。然俱通古今。宜曉逆順。如率衆來降。當加擢用。四方士人。流落淮甸。一時陷賊。實非本心。如能相率來歸。當與赦罪。海州漣水軍東海縣等處。有爲逆全守城壁者。舉城來降。當各推恩。時青以忠守境。屢立戰功。彭義斌以忠拓境。大展皇略。亦爲逆全謀害。俱加贈典。追封立廟。噫。以威報虐。既有辭於苗民。惟斷乃成。斯克平於淮蔡。布告中外。咸使聞知。詔。清之所代也。促荆襄淮西諸軍。赴援壬子。全兵突至灣頭。璩夫恐欲走。副都統丁勝。劫關者止之。全攻城南門。都統趙勝。自堡砦提勁弩。赴大城注射。全稍退。全遣劉全奄至堡砦。西城下。欲奪之以瞰大城。先是趙勝屯西城。見濠陵。每曰。設有寇至。未圍大城。先襲堡砦。何可不備。威署中督軍浚濠。人皆苦之。翟朝宗亦以爲笑。旣浚。勝決新塘水注焉。及是。劉全不能進。勝又浚市河。人尤謂不急。全至。勝開水門。納買舟千餘艘。活者數千人。糧貨不與焉。時朝廷雖下詔討全。而猶有內圖戰守。外用調停之說。是日。璩夫得彌遠書。許增萬五千人糧。勸全歸楚州。璩夫亟遣劉易。卽全壘授全。全笑曰。丞相勸我歸。丁都統與我戰。非相給耶。擲書不受。惟留省劄。璩夫始知全給己。亟發牌印。迂范。癸丑。全塞泰州城濠。于邦傑宗雄武通全。戒守者無得發矢。俟藩城而蹙之。全得距堙。宋濟恐。令縣尉某如全壘。全以增糧省檄示之。尉復出獻錢二百萬。以降。乙卯。邦傑雄武開門。導全歸

師僚吏出迎，全入坐郡治，濟發格出所獻錢，全曰：「獻者獻汝私藏耶？若泰州府庫則我固有，何假汝獻為？」乃舍濟，命判廳入郡堂，盡收子女貨幣，庚申，全聞范葵既入，鞭衍德曰：「我計先取揚州，度江爾曹勸我先取通泰，今二趙入揚州矣，江其可度耶？莫敢對。」既而曰：「今惟有徑擣揚州耳。」甲子，全配兵守泰州，悉出眾宜陵，丙寅，至灣頭立砦，據連河之衝，使胡義將先鋒騎駐平山堂，伺三城機便，丁卯，全攻城東門不利，賊將張友呼城東請見葵，全隔濠立馬相勞苦，葵切責之，全彎弓抽矢向葵而去，戊辰，張璠、戴友龍、王銓、張青以天長制勇三軍至，阻全不得前進，人請援范葵親出堡塞西門，列陳待之，全不敢動，璠等乃入城，庚午，全晨率步騎五千餘攻堡塞西門，趙勝出兵戰不利，范葵以兵益之，全兵亦增，葵擊却之，辛未，賊引兵三萬沿州城東向西門，李虎、趙必勝、張璠、崔福力戰，自已至申，全乃沿東門以歸，丁勝、王鑑于俊擊走之，襄兵萬人至真州，上珮統制張達、監軍張大連不設備，魚貫而行，全哨馬帥田四擊之，為數截，殲者五千，達大連死之，淮西援兵至，亦遇全統領桑青力戰，城中俱不知也，襄兵敗，全兇焰益振，每曰：「我不要淮上州縣，度江浮海，徑至蘇杭，執能當我甲戌，復引輕騎犯州城南門，且欲破堰泄濠水，統制陳達率勁弩射之，范葵出軍迎擊，乃去是日，金玠等距淮安十里焚全砦柵，全將劉全出戰，玠軍不利，退屯寶應，全志吞三城，而兵每不得傳城下，宗雄武獻全計曰：「城中素無薪，且儲蓄為總所支借，殆盡，若築長圍，三城自困。」乙亥，全悉眾及驅鄉農合數十萬，列砦圍三城，制司總所糧援俱絕，范葵命二城諸門各出兵劫砦，舉火為期，夜半縱兵衝擊，殲賊甚眾，自是賊一意長圍，以持久困官軍，不復薄城，戊寅，全張蓋樂平山堂，布置築圍，指揮閑暇，范葵令諸門以輕兵牽制，親帥將士出堡砦，全分路鑿戰，自辰至未，殺傷相當，庚辰，范出師大戰，玠等破全將張友于都倉，獲糧船數十艘，甲申，葵出戰，賊大敗，四年正月辛卯，全兵浚圍城，斬范葵，遣諸將出城東門掩擊，全走土城，官軍躡之，蹂躪甚眾，是日，玠破全將鄭祥，獲糧百艘，甲午，全兵千餘犯州城東門，城中出兵應之，全即引去，乙未，李虎出南門，楊養出東門，王鑑出西門，崔福出北門，各徑扼賊圍，開土城數處，范葵提兵策應，全步騎數千

出戰，諸軍奮擊，俘賊甚眾，夜賊復合所開城，丁酉，趙勝遣統制陸昌孫舉立橋堡砦于北門，賊步騎分道來戰，勝擊退之，范陳于西門，賊閉壘不出，葵曰：「賊俟我收兵而出爾，乃伏騎破垣門，收步卒誘之，賊兵數千果趨濠，測虎力戰，城上矢石雨注，賊退，有頃，賊別隊自東北馳至，范葵揮步騎交浮橋，吊橋並出，為三迭陳以待之，自己至未，賊與大戰，別遣虎顯廣必勝義以馬步五百出賊背，而葵帥輕兵橫衝之，三道夾擊，用范所制長槍，果大利，賊敗走，翼日，全遣步卒三百餘向城西門，午進，午退，以誘揚州兵，復驅壯丁增濠面，培鹿角，范葵遣騎將出夾城東西牽制之，親出州城西門，分三道以進，賊望風潰，乃募勇力齎薪砲焚其樓櫓，十餘，賊自平山堂磨騎下救，道遇于俊軍而歸，始全反計雖成，然多顧忌，且懼其黨不皆從逆，邊陲好進喜事者，欲挾賊為重，或陰贊之，謂激作愈甚，朝廷愈畏，則錢糧愈增，又許身任調停之責，故全兵將舉而張國明先召，全之託詞陳邁棄城及歸過三趙圖己，蓋成謀也，及三趙用宋師集諸閩，易國明沮削，全官辭罷支錢糧，攻城不得，欲戰不利，全始自悔，忽忽不樂，或左右抱其臂曰：「是我手否？」人皆怪之，時正月望，城中放燈樂，張樂，姑示整暇，全見之，亦往海陵，載妓女張燈平山堂，矯情自肆，是晚燕大元宣差，宣差激全曰：「相公服飾器用，多南方物，乃心終在南耳，全乃取諸勅朝服，南向歷述平生梗概，再拜禱服焚之，數日，國明誤我，淚下如雨，拭淚就坐，疆歡，有胸山于道士者老矣，全迎致之，初見，全即數曰：「我業債合在此償耶？」占事多驗，尊為軍師，及見全焚誥命，謂人曰：「相公死明日，我死今日矣。」人問之曰：「朝廷以安撫提刑討逆，然為逆者節度使也，豈有安撫提刑能擒節度使哉？」諸勅既焚，則一賊爾，盜固安撫提刑所得捕，不死何為？」入見全曰：「相公明日出帳門必死，全怒，以為厭己，斬之，范葵夜議詰朝所向，葵曰：「東向利，不如出東門。」范曰：「西出嘗不利，賊必見易，因其所易而圖之，必勝，不如出堡塞西門。」壬寅，全置酒高會平山堂，有堡塞候卒識其槍垂雙拂為號，以報范，喜謂葵曰：「此賊勇而輕，若果出，必成擒矣。」乃悉精銳數千而西，取官軍素為賊所易者，張其旗幟以易之，全望見，喜謂宣差曰：「看我掃南軍。」官軍見賊突鬪而前，亦不知其為全也，范麾軍並進，葵親搏戰，諸軍爭奮。

賊始疑非前日軍，欲走入土城。李虎軍已塞其甕門，全寤從數十騎北走。蔡率諸將以制勇寧淮軍，盛之賊趨新塘，新塘自決水後，潭深數尺，會久晴，浮戰塵如燥壤，全騎陷淖不能拔，制勇軍奮長槍三十餘刺之，全曰：無殺我，我乃頭目。先是令諸陣上衆獲頭目，無得爭以爲獻，故羣卒碎其尸，而分其鞍馬器甲，并殺三十餘人，類非卒伍，俱不暇問。甲辰，賊軍全板人周海請降，報全已殺餘黨，議潰去未幾，聞安用數恨飲泣，初議推一人爲首以竟其逆，莫肯相下。欲還淮安，奉楊氏主之。范夜上捷書制置司，議翼日追賊。乙巳早，安用引五百騎徑南門趨灣頭，范伏弩射之，賊呼曰：爾襄陽援兵已敗走，汝知之乎。城中應曰：汝李全已爲戮，汝何不降，賊不應。諸將欲追賊，范懼有伏兵，先分兵燒圍城樓櫓，夜半火光燭天，命東南諸門皆出兵，范葵繼提精兵進，四鼓賊大潰。丙午黎明，葵追及賊于灣頭，一戰又破之，俘斬及奪回糧畜蔽野，別將追至大儀，不及。葵使人瘞新塘骸骨，得左掌無一指，蓋全支解也。先是全乞靈茅司徒廟，無應，全怒，斷神像左臂，或夢神告曰：全傷我，全死亦當如我。至是果然。揚州平，善相以露布上帝，驚喜太后舉手加額，國明輩懼禍及己，唱論云：全未死，至有資遊士吳大理等助煽之，及泰州凱奏，繼上浮言始定。朝中皆擬隨表入賀，彌遠以小寇就平，謝止之。甲寅，善湘來犒師。二月，命胡穎部所獲賊酋二十人獻俘于朝，且定奇功二十有九人及其餘，促行賞。又遣趙楷往稟廟算。三月庚寅，禱祭有臬鳴于牙，占之吉。別遣余子才率王旻等將萬五千人，與于玠犄角取鹽城。癸巳，步騎十萬發揚州，留勝權守。庚子，鹽城賊董友王海以兵圍下整砦，玠擊却之。癸卯，遣總轄韓亮戚永昇率多槳船及民船四百入射陽湖擊賊于諭口。丁未，亮破賊于崔渭。己酉，范葵分兵進至平河橋，勦賊甚多。壬子，玠整敗賊將王國興于岡門，斬首千級。四月丁巳，敗賊于十里亭。賊兵爭門墜濠如蟻，庚申，別將范勝趙興破賊砦于壽河，拔農民脅從者萬家。壬戌，范葵遣諸軍薄淮安城。下，賊大敗，死者萬餘，焚二千家。城中哭聲振天。甲子，子才自他道進攻，賊將董友拒之。大戰于港口，敗之。庚辰，舟師過漣水戰勝，達淮安。五月丙戌朔，天大霧，官兵攻上城，賊守者尙臥，倉皇起鬪。官軍互踏肩爲梯，前者或墜，後者繼至，自

丑至未，五城俱破，斬首數千級，生擒數百人。兵士有故隸楚州左右軍者，家屬數爲賊虜，至是洩憤，無老幼皆殺之，燒砦柵萬餘家，腥焰蔽天。餘寇爭橋入大城，重濠皆滿，淮北賊歸赴援，舟師又勦擊，交其水柵，裏五城餘址，賊始懼。己亥，子才率趙必勝王旻軍移砦西門，道遇賊大戰，至夜不解，子才爲銳陣左右，救乃勝。楊氏諭鄭衍德等曰：二十年梨花槍，天下無敵手，今事勢已去，撐拄不行，汝等未降者，以我在故，爾殺我而降，汝必不忍。若不圖我，人誰納降。今我欲歸老漣水，汝等宜告朝廷，本欲圖我來降，爲我所覺，已驅之過淮矣。以此請降，可乎。衆曰：諾。異日楊氏絕淮而去，賊黨即遣僞計議馮均潘于款于軍門。范等密聞于朝，朝論不可。范曰：若明諭朝旨，是堅賊志，不如陽許以誤之。我自爲必討之計，乃遣范用吉入城諭賊曰：朝廷已許納降，但令安撫交過北軍，衍德等遣潘子隨用吉報謝，許獻玉帶犒軍黃金四千兩。范曰：我欲款賊，賊更來款我，子歸鄭衍德等自知降亦不免，始送款于金。至是金遣其副統軍許奕萬戶兀林答，以其京東元帥牒來言曰：此賊不降，能爲兩國患，請與大國夾攻之，各勿受降。范怪其來無故而難於陰絕，遣王貴報之，不從其請。六月己未，大戰于河西，三砦賊大敗，楊氏歸漣水。壬戌，賊先遣妻孥過淮，軍爭欲往，斬之不能禁，反有起殺頭目者。甲子，復大戰，淮安遂平。議乘勝復淮陰，兵未行，淮陰降金，繼得探報云：宋師遲一宿攻城，淮安亦爲金有矣。於是全所據州悉平。楊氏竄歸山東，又數年而後斃，全之寇泰州，官屬十有九人皆迎降，獨教授高夢月不汗，詔贈三官，全子璠。

宋史卷四百七十七

元中書右丞相總裁脫脫等修
列傳第二百三十七

世家一
南唐李景

唐自安史之亂藩鎮專制百有餘年浸成割據及巢賊蹂躪郡邑丘墟降臻五季豪傑繼午各挾智力擅為封疆自制位號以爭長雄天厭禍亂授宋大柄太祖命將出師十餘年間南平荆楚西取巴蜀劉鋹既俘李氏納款至于太宗吳越請吏漳泉來歸薄伐太原遂債北漢而海內一矣王偁東都事略用東漢隗囂公孫述例置孟昶劉鋹等於列傳舊史因之今倣歐陽脩五代史記列之世家凡諸國治亂之原天下離合之勢有足鑒者悉著于篇其子孫諸臣事業有可考者各疏本國之下作列國世家

南唐李景本名景通後改為瑋避周廟諱後改為景父昇吳楊行密將徐溫養子冒姓徐氏名知詰五代史有傳景十餘歲以父任駕部郎中諸衛將軍後唐天成二年溫卒昇遂專吳政昇將出鎮欲以國事付景拜兵部尚書參知政事昇出鎮金陵遷景司徒平章事知內外左右諸軍事頃之亦赴金陵為中外諸軍副都統昇受吳禪國號大齊改元昇元僭帝號居金陵自云唐室建王恪之後下令復姓李氏國號唐封景吳王諸道元帥錄尚書事改封齊王昇立七年卒景襲位改元保大尊母宋氏為皇太后立妻鍾氏為皇后用宋齊丘周宗為宰相郊祀天地天福末遣其將祖思全何洙侵福建漳泉之地漢乾祐初李守貞以河中叛潛遣舒元楊訥間道求援於景景命其將李金全郭全義出師應之金全以聲勢不接初不願行景固遣之至沐陽聞守貞敗乃還周廣順初景又遣其將邊錫平湖湘尋復失之顯德二年周世宗征淮南破景眾於正陽遂進圍壽州太祖時總禁兵破景將何延錫於渦口又擒皇甫暉於滁洲景大懼遣其臣鍾謨李德明奉表願為附庸未幾又遣其臣孫晟王崇質奉表獻濠壽泗楚光海六州之地願罷兵世宗未之許四年春世宗大破景軍於紫金山

降其將朱元克壽州冬又克濠泗二州五年春改元中興未幾又改元交泰是春周師克楚州又進克揚州將議濟江景大懼請盡割江北之地畫江為界稱臣於中朝歲貢土物數十萬世宗許之始稟周之正朔上表稱唐國主世宗答書用唐報回鶻可汗之制云皇帝恭問江南國主臨汴水置懷信驛以待其使景又上言世宗請傳位於世子冀世宗賜書勉諭之乃止景既失淮南之地頗躁憤惡其大臣宋齊丘陳覺李徵吉皆殺之六年十月冀卒命御廚使張延範充使弔祭建隆元年太祖受命即遣使以書諭景初顯德中江南將校相繼來降周成等二十四人皆在京師至是遣歸二月景遣使貢絹二萬匹銀萬兩賀登極及澤潞平景又貢銀五千兩為賀七月還京又貢金器五百兩銀器三千兩羅統千匹絹五千匹又遣其禮部郎中龔慎儀貢乘輿服御物每歲冬正端午長春節皆以土產珍異金銀器用繒帛片茶為貢每景及錢俶遣親屬入貢皆御前殿曲宴以寵之景生日遣使賜以金幣及賜羊萬口馬三百疋囊駝三十以為常制是年親征李重進駐蹕廣陵遣其左僕射嚴續來犒師俄遣其子蔣國公從鑑朝行在所又遣其戶部尚書馮延魯貢金買宴并伶官五十人作樂上壽又貢金銀器金玉鞍勒銀裝兵器及錢銀綾絹皆有加常數太祖亦厚賜之初景之襲父位也屬中原多故盧文進李金全皇甫暉之徒皆奔於景跨據江淮三十餘州擅魚鹽之利即山鑄錢物力富盛嘗試貢士高祖入關詩頗有窺覷中土之意自世宗平淮甸浸以衰弱及太祖平揚州日習馬舫戰艦於京城之南池景懼甚其小臣杜著頗有辭辨僞作商人由建安渡來歸又彭澤令薛良坐事責授池州文學亦挺身來奔獻平南策景聞之益懼太祖命斬著於下蜀市良配隸廬州衙校景乃安終以國境蹙弱不遑寧居遂遷於豫章上遣通事舍人王守正持詔撫之俄而景卒其臣桂陽郡公徐龜壽遣表來上太祖廢朝五日遣鞍轡庫使梁義弔祭贈緡三千匹于煜又遣其臣馮謚奉表願追尊帝號許之煜乃謚景為明道崇德文孝皇帝廟號元宗陵號順陵煜字重光景第六子也本名從嘉少聰悟喜讀書屬文工書畫知音律初封安定郡公累遷諸衛大將軍副元帥封鄭王景始嗣位以弟齊王景遂為元帥居

東宮燕王景達為副元帥，就昇極前盟約，兄弟相繼中外，庶政並委。景達參決，景長子冀為東都留守，後又立景達為大弟，景達為齊王，元帥冀為燕王，副元帥冀鎮京口，周師征淮，吳越圍常州，冀部將敗之。景達屯濠州，兵餉通還，及割地後，出景達為洪州元帥，封晉王，景達撫州元帥，立冀為太子，景達尋卒。數月冀亦卒，乃立從嘉為吳王，建隆二年，景達洪州，立為太子監國，是秋襲位居建康，改名煜，立母鍾氏為聖尊后，以鍾氏父名奉章故也。妻周氏為國后，遣戶部尚書馮諝來貢金器二千兩，銀器二萬兩，紗羅繒綾三萬匹，且奉表陳紹襲之意，曰：臣本於諸子，實愧非才，自出膠庠，心疎利祿，被父兄之隆育，樂日月以優游，思追巢許之餘慶，遠慕夷齊之高義，繼傾懇悃，上告先君，固匪虛詞，人多知者，徒以伯仲繼沒，次第推遷，先世謂臣克習義方，既長且嫡，俾司國事，遠易年華，及乎暫赴豫章，留居建業，正儲副之位，分監撫之權，懼弗克堪，常深自勵，不謂掩丁艱，遂玷續承，因顧肯堂，不敢滅性，然念先世君臨江表，垂二十年中，間務在倦勤，將思釋負，臣亡兄文獻太子從冀，將從內禪，已決宿心，而世宗敦勸既深，謙言因息，及陛下顯膺帝鏡，彌篤睿情，方誓子孫，仰酬臨照，則臣向於脫屣，亦匪邀名，既嗣宗祧，敢忘負荷，唯堅臣節，上奉天朝，若曰稍易初心，輒萌異志，豈獨不遵於祖禰，實當受譴於神明，方主一國之生靈，遐賴九天之覆焘，況陛下懷柔義廣，煦軀仁深，必假清光，更逾曩日，遠憑帝力，下撫舊邦，克獲晏安，得從康泰，然所慮者，吳越國降於弊土，近似深讐，猶恐輒向封疆，或生紛擾，臣即自嚴部曲，終不先有侵漁，免結讐嫌，撓干旒辰，仍慮巧肆如簧之舌，仰成投杼之疑，曲構異端，潛行詭道，願迴鑒燭，顯論是非，庶使遠臣得安危懇，太祖詔答焉。自景畫江內附，周世宗貽書於景，至是因煜之立，始下詔而不名，會昭憲太后葬，煜遣戶部侍郎韓熙載、太府卿田琛來賈，三年，詔煜應朝廷橫海飛江水，水關懷順諸軍親屬有在江表者，悉遣令渡江，煜每聞朝廷出師，克捷及嘉慶之事，必遣使犒師，脩貢，其大慶即更以買宴為名，別奉珍玩為獻，吉凶大禮，皆別修貢獻，煜有母妻之喪，亦遣使往弔，乾德元年，煜上表乞呼名，詔不許，二年，又詔江北許諸州民及諸監鹽亭戶緣江探捕，及過江貿易，先是江北置權

場，禁商人渡江，及百姓緣江樵採，是歲以江南荐饑，特弛其禁，三年，獻銀二萬兩，金銀龍鳳茶酒器數百事，開寶四年，又以占城蘭婆大食國所送禮物來上，又遣弟從謙奉珍寶器用金帛為貢，且買宴，其數皆倍於前，是冬以將郊祀，又遣弟從善來貢，會嶺南平，煜懼，上表遂改唐國主為江南國主，唐國印為江南國主印，又上表請所賜詔呼名，許之，煜又貶損制度，下書稱教改中書門下省為左右內使府，尚書省為司會府，御史臺為司憲府，翰林為文館，樞密院為光政院，降封諸王為國公，官號多所改易，五年，長春節，別貢錢三十萬，遂以為常，太祖以從善為秦寧軍節度，賜第留京師，是歲，煜又貢米麥二十萬石，雖外示畏服，俯藩臣之禮，而內實繕甲募兵，潛為戰備，太祖慮其難制，令從善諭旨於煜，使來朝，煜但奉方物為貢，六年，賜米麥十萬斛，振其飢民，七年秋，遂詔煜赴闕，煜稱疾不奉詔，冬，乃與師致討，以宣徽南院使義成軍節度曹彬為西南面行營都部署，山南東道節度潘美為都監，煜初聞大兵將舉，甚惶懼，遣其弟從鎰及潘慎倫來買宴，貢絹二十萬匹，茶二十萬斤，及金銀器用乘輿服物等，及至，遂留於別館，王師克池州，又破其衆二萬於采石磯，擒其龍驤都虞候楊收等，獲馬三百匹，江表無戰馬，朝廷歲賜之，及是所獲，觀其印文，皆歲賜之馬也，初將有事江表，江南進士樊若水詣闕獻策，請造浮梁以濟師，太祖遣高品石全振往荆湖，造黃黑龍船數千艘，又以大艦載巨竹，緝自荆渚而下，及命曹彬等出師，乃遣八人作使，郝守濬等率丁匠營之，議者以為古未有作浮梁渡大江者，恐不能就，乃先試於石牌口，移置采石，三日而成，渡江若履平地，煜初聞朝廷作浮梁，語其臣張洎，洎對曰：載籍已來，長江無為梁之事，煜曰：吾亦以為兒戲耳，王師渡江，煜委兵柄於皇甫繼勳，委機事於陳喬張洎，又以徐溫諸孫元楫等為傳詔，每軍書告急，多不時通，八年春，王師傅城下，煜猶不知，一日登城，見列柵於外，旌旗遍野，始大懼，知為近習所蔽，遂殺繼勳，召朱令贇於上江，令連巨筏，載甲士數萬人順流而下，將斷浮梁，未至為劉遇所破，又募勇十五千，餘人謀襲官軍，皆素不習戰，以暮夜人乘一炬來攻，襲北岩，宋師縱其至擊之，殲焉，獲其將帥悉佩印符，初彬之南征也，太祖親諭之曰：卿至彼慎勿暴掠，可

示以兵威，俾自歸順，不必急攻。及彬軍圍城，又命左拾遺知制誥李穆送從鎗還本國，諭以手詔，促其降。會潤州平，煜危迫甚，遣其臣徐鉉周惟簡奉方物來，貢手書，奏自以來哀懇，求罷兵。太祖不許，俄復遣鉉等入貢，仍乞緩師，又不答。但厚賜遺之。初，從鎗之還，詔諸將罷攻城，而煜終惑左右之言，猶豫不決。遂詔進兵。八年冬，城陷，曹彬等駐兵于宮門，煜率其近臣迎拜於門。彬等上露布，以煜并其宰相湯悅等四十五人上獻。太祖御明德樓，以煜書奉正朔，詔有司勿宣露布，止令煜等白衣紗帽至樓下待罪。詔並釋之，賜冠帶器幣鞍馬，有差，下詔曰：上天之德，本於好生，為君之心，貴乎舍垢自亂離之云，瘼致跨據之相承，諭文告而弗賓，申弔伐而斯在，慶茲混一，加以龍綬，江南僞主李煜承奕世之遺基，據偏方而竊號，惟乃先父早荷朝恩，當爾襲位之初，未嘗稟命，朕方示以寬大，每為含容。雖陳內附之言，罔效駿奔之禮，聚兵峻壘，包蓄日彰，朕欲全彼始終，去其疑間，雖頒召節，亦冀來朝，庶成玉帛之儀，豈顧干戈之役，蹇然弗顧，潛蓄陰謀，勞銳旅以徂征，傳孤城而問罪，洎聞危迫，累示招攜，何迷復之不悛，果覆亡之自撥，昔者唐堯光宅，非無丹浦之師，夏禹泣辜，不赦防風之罪，稽諸古典，諒有明刑，朕以道在包荒，恩推惡殺，在昔驟車出蜀，青蓋辭吳，彼皆閭位之降君，不預中朝之正朔，及頒爵命，方列公侯，爾實為外臣，辰我恩德，比禪與皓，又非其倫，特升拱極之班，賜以列侯之號，式優待遇，盡捨尤違，可光祿大夫檢校太傅，右千牛衛上將軍，仍封違命侯，召升殿撫問，妻周氏，封鄭國夫人，又以其子神武右廂都指揮使仲寓為左千牛衛大將軍，第宣州節度使從鎗為左領軍衛大將軍，江州節度使從謙為右領軍衛大將軍，神武統軍從度為左監門衛大將軍，神武左廂都指揮使從信為右監門衛大將軍，姪戶部尚書仲遠為右驍衛將軍，刑部尚書仲興為右武衛將軍，禮部尚書仲偉為右屯衛將軍，軍宗正卿季操為左武衛將軍，殿中監仲康為右領軍衛將軍，殿中少監仲宣為監門衛將軍，仍賜其第，姪宅各一區。太宗即位，始去違命侯，加特進，封隴西郡公。太平興國二年，煜自言其貧，詔增給月奉，仍賜錢三百萬。太宗嘗幸崇文院觀書，召煜及劉鋹令縱觀，謂煜曰：聞卿在江南好讀書，此簡策多卿之舊物，歸

朝來，頗讀書否。煜頓首謝。三年七月卒。年四十二。廢朝三日，贈太師，追封吳王。先是江南自後漢以來，民間有服玩侈靡者，人詢之，必對曰：此物屬趙寶子。又煜之妓嘗染碧，經夕未收，會露下，其色愈鮮，明煜愛之，自是宮中競收露水，染碧以衣之，謂之天水碧。及江南滅，方悟趙國姓也。寶年號也。天水趙之望也。從善字子師，僞封鄭王，累遷太尉，中書令。後降封南楚國公。開寶四年春，奉方物來貢，授奉寧軍節度，充海沂等州觀察等使，留京師。時太祖平劉鋹，將召煜入朝，故授從善節制，仍賜汴陽坊第一區。煜手疏求遣從善歸國，優詔不許。七年，推恩將佐，以掌書記江直木為司門員外郎，同判兗州衙內都指揮使，兼左都押衙，崔光習為右千牛衛將軍，衙內都虞候，兼右都押衙，子再興為右千牛衛中郎將，並同正。又封從善母凌氏吳國太夫人。江南平，改右神武大將軍雍熙初，再遷右千牛衛上將軍，出為補許監軍。四年卒。年四十八。子仲瑛，大中祥符初，賜同進士出身。二年，復召試，除楚州推官，累遷殿中丞，坐事免。次子仲猷，景德中，特錄為三班借職。

從誦本名從謙，僞封吉王，後降封諤國公，隨煜歸朝，為右領軍衛大將軍，遷右龍武大將軍，歷知陝復成三州，上表改名淳化五年，上言貧不能自給，求外任，以本官充武勝軍行軍司馬，月給奉錢三萬，子仲偃，大中祥符八年舉士。

季操昇從父弟，僞江王過之子也，從煜入朝，後為右神武將軍，累遷左衛大將軍，領康州刺史，出為單州都監，歷知淮陽漣水二軍，蔡舒二州，大中祥符四年卒。

仲寓字叔章，少聰慧，能屬文，多才藝，僞封清源郡公，歸朝為千牛衛大將軍，煜卒，太宗賜仲寓積珍坊第一區，白金五千兩，仲寓宗族百餘口，猶貧不能給，上書自陳，太宗憐之，授鄆州刺史，在郡逾十年，為政寬簡，部內甚治，淳化五年卒。年二十七。子正言，景德三年，特補供奉官，早卒無嗣，唯一女孤幼，真宗愍之，賜絹百匹，錢二百萬，以備聘財，仍遣內臣主其事，煜有土田在常州，官為檢校，上聞其宗屬貧甚，命贖其半，置資產以贍之。

舒元，潁州沈丘人，少儻好學，與道士楊訥講習於嵩陽，通左氏及公穀二傳。

與訥同詣河中謁李守貞與語奇之俱館於門下守貞謀叛遣元與訥問道乞師江南江南遣大將軍皇甫暉等率眾數萬次沐陽為之聲援會守貞敗元與訥留江南元易姓朱楊訥更姓名為李平元事李景歷江寧令駕部員外郎文院院待詔嘗坐事左遷世宗征淮南諸郡多下元求見言兵事景大悅遣率兵攻舒州復之即以爲團練使又平歷陽景以元爲淮南北面招討使周師圍壽春景以其弟齊王景達爲元帥率兵來救以陳覺爲監軍總軍政元素與覺有隙覺密表譖元於景信之立遣大將楊守忠代元元憤怒自以戰功高又不忍負景欲自殺門下客宋洎諫曰大丈夫何往不取富貴豈必爲妻子死哉元聽之將其眾歸世宗景盡誅其妻子世宗素知元驍果得之甚喜以爲檢校太保蔡州防禦使淮南平改濠州防禦使宋初從平李重進改沂州防禦使爲滑州巡檢使與節帥不協誣奏元爲同產妹婿宋琪請求事得釋元復姓舒氏開寶五年爲白波兵馬都監太平興國二年卒年五十五特贈武泰軍節度元辯捷強記治郡日或奏其不親獄訟事多寬滯太祖面詰問之凡所詰元必具誦款占指述曲直太祖甚嘉歎之子知白知雄知崇知白至作坊使知雄初補殿直雷有終薦授供奉官廊延路駐泊都監後辭疾居嵩山知白嘗奏事太宗語及之即召出授西京作坊副使泉福都巡檢使真宗初懇請入道歸嵩陽舊隱復爲王嗣宗李元則所薦授供奉官歷知棣州麟府廊延鈐轄又知處州復求入道面賜紫冠服號崇玄大師嘗獻字母圖有詔褒獎乾興元年卒年八十一知崇累歷內職至供奉備庫使嘗爲廣州鈐轄河北安撫副使卒知白子昭遠大中祥符五年任大理評事因對自陳改大理寺丞賜進士第至太常博士韓熙載字叔言維州北海人後唐同光中舉進士名聞京洛父光嗣爲平盧軍節度副使同光末青州軍亂逐其帥符習推光嗣嗣爲留後明宗即位誅光嗣熙載奔江南歷僞吳淶和常三州從事李昇僭號爲祕書郎令事其子景於東宮景嗣位遷虞部員外郎史館脩撰熙載自言受昇知遇不得顯位是以我屬嗣君也遂上章言事切直景嘉納之又改吉凶儀禮不如式者十數事大爲宋齊丘馮延巳所忌昇將葬以熙載知禮令曠太常博士時江左草創典禮多闕議

者以昇繼唐昭宗之後廟號合稱宗熙載建議以爲古者帝王已失之已得之謂之反正非我失之自我復之謂之中與中與之君廟號稱祖以爲昇與既墜之業請號烈祖景由是益加恩禮權知制誥熙載性懶慢朝直多闕未幾罷去晉天福末中原多事江南方威其臣陳覺馮延魯建討福州師敗而還景釋不問罪熙載與徐鉉同上疏請寬于法覺延魯宋齊丘之黨也熙載爲齊丘所排貶和州司馬語在徐鉉傳久之召爲虞部郎中史館脩撰拜中書舍人世宗平淮甸景患國用不足熙載請鑄鐵錢及煜襲位卒行其議以熙載爲兵部尚書充鑄錢使錢貨益輕不勝其弊熙載頗亦自悔熙載善爲文江東士人道釋載金帛以求銘誌碑記者不絕又累獲賞賜由是畜妓妾四十餘人多善音樂不加防閑恣其出入外齋與賓客生徒雜處煜以其盡忠言事垂欲相之終以帷薄不修責授右庶子分司洪州熙載盡斥諸妓單車即路煜留之改秘書監俄而復位向所斥之妓稍稍而集頃之如故煜歎曰吾亦無如之何遷中書侍郎光政殿學士承旨開寶三年卒年六十煜痛惜之贈左僕射平章事諡文靖葬於梅頂岡謝安墓側命徐鉉集其遺文熙載才氣俊逸機用周敏性高簡無所卑屈未嘗拜人雖被遣逐終不改節江左號爲韓夫子顯德中熙載來朝廷歸景問中國大臣時太祖方典禁兵熙載對曰趙點檢顧視不常不可測也及太祖登極景益重之頗以文章自負好大言初乾德丁卯年五星連珠於奎奎主文章又在魯分時太宗鎮兗海中國太平之符也是歲熙載著格言五卷自序其事云魯無其應韓子格言成之人多笑之馮諡本名延魯字叔文其先彭城人唐末南渡家于新安李昇僭號立子景爲太子諡與兄延巳俱以文學得幸及景嗣位累遷至中書舍人晉開運末閩越大亂景遣諡與諫議大夫陳覺乘傳安撫諡遂矯詔發數郡兵攻福州及敗引佩刀自刺親吏制之不死長流舒州會赦敘用復爲中書舍人改工部侍郎江南以揚州爲東都命諡副留守周世宗下揚州諡覓髮爲僧匿于佛寺爲官軍所獲世宗釋之授太常卿賜與甚厚數年拜刑部侍郎放還爲戶部尚書建隆三年煜遣來貢因表求舒州田宅詔賜之後改常州觀察使而卒子伉歸中朝

與兄儼价並登進士第。伉文辭清麗。嘗著平晉頌。時人稱之。累遷殿中侍御史。歷典藩郡。皆有治跡。咸平三年。知福州。卒。特賜錢十萬緡。其子玄應。同學究出身。

潘佑。南唐散騎常侍。處常之子。少介僻。杜門讀書。不交人事。及長。善屬文。尤長於論議。陳喬韓熙載徐鉉等共薦於景。為秘書省正字。直崇文館。煜襲位。遷虞部員外郎。史館脩撰。未幾。知制誥。為內史舍人。有李平者。本嵩山道士。楊訥。依河中帥李守貞。漢乾祐中。守貞反。遣訥與舒元乞師江南。守貞敗。訥遂易姓名。江南以為員外郎。遷衛尉少卿。蘄州刺史。戶部侍郎。平好神仙。修養之事。動作妖妄。自言常與神接。佑亦好神仙。遂相善。二家皆置淨室。圖神像。常被髮裸袒。處室中。家人亦不得至。佑嘗建議復井田。及依周禮置牛籍。薦平判司農寺。以督之。事行。百姓大擾。未幾而罷。佑自以為衆所排。因憤怒。歷詆大臣。與握兵者兩為朋比。將謀反叛。又言國將亡。非己為相不可救。江南政事多在尚書省。因薦平知省事。又薦星官楊熙澄為樞密使。小校侯英典禁兵。煜不納。佑益忿。抗疏請誅宰相湯悅等數十人。煜手書教戒之。佑不復朝謁。乃於家上書曰。臣聞三軍可奪帥也。匹夫不可奪志也。近者連上表章。指陳姦惡。何面目以見士人乎。遂自縊死。

皇甫繼勳。江州節度使暉之子。幼以父蔭為軍校。父死。難於滁州。累遷將軍。池饒二州刺史。勤於吏事。入為諸軍都虞候。遷神衛統軍。都指揮使。諸老將相次皆死。而繼勳尚少。遂為大將。資產優贍。營第舍車服。畜妓樂。潔飲食。極遊宴之好。及宋師至。諸軍多敗。繼勳欲煜之速降。每衆中流言。頗道國中感弱。姪紹傑亦以繼勳故為巡檢。常令紹傑入見煜。陳歸命之計。會有風電。繼勳又密陳滅亡之兆。偏裨或有募勇士欲夜出營邀宋師者。輒鞭而拘之。又因請出煜親兵千餘守闕城。為宋師所掩。一日。煜躬自巡城。見宋師列柵城外。旌旗遍野。始驚懼。知為左右所蔽。及巡城還。繼勳從至宮。煜乃責其流言惑衆。及不用命之狀。收付大理。始出軍士悉集。斲割其肉。頃刻都盡。紹傑亦被誅。煜皆赦其妻子。周惟簡。饒州鄱陽人。隱居好學問。明易義。煜召為國子博士。集賢侍講。頃之以

虞部郎中致仕。宋師圍金陵。煜求能使交兵者。張洎薦惟簡。有遠略。可以談笑和解之。召為給事中。與徐鉉奉使至京師。太祖召見。詰責。惟簡惶恐。反言曰。臣本居山野。無仕進之意。李煜強遣來耳。臣素聞終南山多靈藥。事寧後願得栖隱。太祖許之。江南平。以惟簡為國子周易博士。判監事。開寶九年。上書述前志。求解官。蓋不得已。非其心也。改虞部郎中致仕。以其子縉為京兆府鄠縣主簿。俾就養。太平興國初。惟簡自終南至闕下。求入見。有司以致仕官非有詔召無求對之制。乃還。歲餘。復上表自求用。除太常博士。遷水部員外郎。卒。縉後舉進士。至都官員外郎。

宋史卷四百七十八

元中書右丞相總裁脫脫等修

列傳第二百三十八

世家二

西蜀孟氏

西蜀孟昶初名仁贊及僭位改焉其先邢州龍岡人父知祥事後唐武皇武皇以弟之子妻之是為瓊華長公主同光初知祥為太原尹知留守事三年平蜀四年以知祥為劍南西川節度副大使知節度事明宗即位命知祥討平東川知祥自領兩川節度明宗即以授之長興四年封蜀王許行墨制五年閔帝立乃稱帝於蜀改元明德時清泰元年也事具五代史昶母李氏本莊宗嬪御以賜知祥天祐十六年己卯十一月生昶於太原初知祥鎮西川不及以族行天成年奏遣衙校迎家太原明宗因令部送長公主及昶與所生母至蜀公主以長興三年卒知祥初署昶西川節度行軍司馬僭號以昶為檢校太保同平章事崇聖宮使東川節度知祥疾立為皇太子權監軍國明德元年七月知祥卒昶襲位年始十六止稱明德年號委政於趙季良張知業李仁罕等二年尊其母李氏為皇太后四年改元廣政後以事誅仁罕知業乃親政事十三年加號睿文英武仁聖明孝皇帝晉末秦州節度使何建鳳州防禦使石泰顏俱以城降昶時契丹亂華漢祖起并門中土蝗旱連歲昶益自大開貢部行郊祀禮自此君臣奢縱及周世宗克秦鳳昶始懼放還先所獲濮州刺史胡立致書世宗稱大蜀皇帝且言家世刑臺願敦鄉里之分世宗怒其無禮不答昶愈不自安乃於劍門夔峽多積芻粟增置師旅用度不足遂鑄鐵錢禁境內鐵凡器用須鐵為之者置場鬻之以專其利立其子玄喆為太子用王昭遠伊審徵韓保正趙崇範等分掌機要總內外兵柄母李氏謂昶曰吾嘗見莊宗跨河與樂軍戰又見爾父在并州捍契丹及入蜀定兩川當時主兵者非有功不授故士卒畏服如昭遠者出於微賤但自爾就學之年給事左右又保正等皆世祿之子素不知兵一旦邊疆警急此輩有何智略以禦敵高彥儔是爾父故人秉心忠

實多所經練此可委任昶不能遵用其言及太祖下荆楚昶欲遣使朝貢昭遠等固止之太祖詔蜀之郎吏將卒先在江陵者並放還仍給賜錢帛以遣乾德二年昶遣孫遇楊燭趙彥韜為諜至京師彥韜潛取昶與并州劉鈞蠟丸帛書以告其書云早歲曾奉尺書遠達睿聽丹素備陳於翰墨歡盟已保於金蘭洎傳帛伐之嘉音實動輔車之喜色尋於襄漢添駐師徒只待靈旗之濟河便遣前鋒而出境先是大祖已有西伐意而未發及覽書喜曰吾用師有名矣即命忠武軍節度王全斌充鳳州路行營前軍兵馬都部署武信軍節度侍衛步軍都指揮使崔彥進充副部署樞密副使王仁贍充都監龍捷右廂都指揮使史延德充馬軍都指揮使虎捷右廂都指揮使張方充步軍都指揮使隴州防禦使張凝充先鋒都指揮使左神武大將軍王繼濬充濠州使內染院使康延澤充馬軍都監翰林副使張煦充步軍都監供奉官田仁朗充濠州都監殿直鄭彥充先鋒都監步軍都軍頭向韜充先鋒都軍頭寧江軍節度侍衛馬步軍都指揮使劉延讓充歸州路行營前軍兵馬副都部署內客省使樞密承旨曹彬充都監客省使武懷節充戰權都部署龍捷左廂都指揮使李進卿充步軍都指揮使前階州刺史高彥暉充先鋒都指揮使右衛將軍白廷誨充濠州使御廚副使米光緒充馬軍都監儀鸞副使折彥質充步軍都監八作副使王令岳充先鋒都監供奉官郝守濬充濠州都監馬步軍都軍頭楊光美充戰權左右廂都指揮使供奉官藥守節充戰權左廂都監殿直劉漢卿充戰權右廂都監率禁兵三萬人諸州兵二萬人分路討之詔令孫遇等指畫江山曲折之狀及兵若戍守之處道里遠近俾畫工圖之以授全斌等因謂曰西川可取否全斌等對曰臣等仗天威運廟算刻日可定龍捷右廂都校史延德前奏曰西川一方儻在天上人不能到固無可奈何若在地上以今之兵力到即平矣上壯其言謂之曰汝等果敢如此我何憂乎又謂全斌等曰凡克城皆止籍其器甲芻糧悉以錢帛分給戰士及兵至昶遣王昭遠趙崇範韓保正李進等來拒戰昭遠等相繼就擒昶大懼出金帛募兵令其子玄喆統之李廷珪張惠安為其副以守劍門玄喆素不習武廷珪惠安皆庸懦無識玄喆離成都但攜姬妾樂器

及伶人數十輩晨夜嬉戲不恤軍政至縣州聞宋師已破劍門遂還歸東川所過焚廬舍倉廩而去昶益惶駭問計於左右有老將石斌對以宋師遠來勢不能久請聚兵固守以老之昶曰吾父子以豐衣美食養士四十年及遇敵不能為我東鄉發一矢今若固壘何人為我效命三年正月昶遣其通奏伊審徵齋表詣全斌請降且言中外骨肉二百餘人有親年幾七十願終甘旨之養免賜睽離之責則祖宗血食庶獲少延未授劉禪陳叔寶故事以請封號全斌等既受其降遣馬軍都監康延澤先以百騎入城見昶諭以恩信留三日盡封府庫而還昶又遣其弟贊詰闕上表言先臣受命唐室建牙蜀川因時事之變更為人心之擁迫先臣即世臣方壯年猥以童昏繆承餘緒垂以小事大之禮闕稱藩奉國之誠築習偷安因循積歲所以上煩宸算遠發王師勢甚疾雷功如破竹顧惟懦懦焉敢當鋒尋束手以云歸止傾心而俟命今月七日已令私署通奏使宣徽南院使伊審徵奉表歸降以緣路寇攘前進不得臣尋更令兵士接送至十一日尙恐前表未達續遣供奉官王茂隆再齎前表至十二日以後相次方到軍前必料血誠上達睿聽臣今月十九日已領親男諸弟納降禮於軍門至於老母諸孫延餘喘於私第陛下至仁廣覆大德好生顧臣假息於數年所望全軀於此日今蒙元戎慰恤監護撫安若非天地之垂慈豈見軍民之受賜臣亦自量過咎尙切憂疑謹遣親弟詣闕奉表待罪以聞太祖詔曰朕以受命上穹臨制中土姑務保民而崇德豈思右武以佳兵至於臨戎蓋非獲已矧惟益部僻處一隅靡思僭竊之愆輒肆窺覲之志潛結并寇自啟釁端爰命偏師往申吊伐靈旗所指逆壘自平朕書中宵惓然兆民何罪屢馳駟騎嚴戒兵鋒務宜拯溺之懷以盡招攜之禮而卿果能率官屬而請命拜表疏以祈恩託以慈親保其宗祀悉封庫府以待王師追咎改圖將自求於多福匿瑕舍垢當盡條於前朕不食言爾無他慮昶乃舉族與官屬由峽江而下至江陵上遣皇城使寶思儼迎勞之四月初昶與母至襄漢復遣使齎詔賜茶藥所賜詔不名仍呼昶母為國母昶將至命太宗勞於近郊昶率子弟素服待罪闕下太祖御崇元殿備禮見之賜昶襲衣玉帶黃金鞍勒馬金器千兩銀器萬兩錦綺千

段緝萬匹又賜昶母金器三百兩銀器三千兩錦綺千匹子第及其官屬等襲衣金玉帶鞍勒馬車乘器幣有差又遣使分詣江陵鳳翔賜其家屬錢帛疾病者給以醫藥即日宴於大明殿先是詔有司於右掖門外臨汴水起大第五百間以待昶供帳悉備至是賜之又為其官屬各營居第翌日詔曰伯禹導川黑水本梁州之域河圖括象岷山直井絡之墟是曰坤維素為王土屬中原多故四海羣飛遂割裂於山河競僭竊於位號朕削平寓縣載整皇綱復周漢之舊疆龍綏羣后采唐虞之大訓協和萬邦六年于茲百揆時敘禮樂征伐之柄盡出朝廷蠻夷山海之君咸修職貢一昨順長庚而授律法時雨以興師先申誕告之文以慰僂來之衆咨爾僞蜀主孟昶克承餘緒保據一隅擅正朔以自尊歷歲時而滋久屬王師之致討察天道之惡盈體此綏懷思於效順盡率羣吏降于軍門抗手疏以陳誠伏天關而請命是用昭示大信盡滌疵瑕度越彝章升於崇秩冠紫微之近署以奉內朝剪鶉首之奧區為之封邑率從異數式洽殊私爾宜欽承往踐厥位可開府儀同三司檢校太師兼中書令秦國公給上鎮節度使奉祿餘官除拜有差昶數日卒年四十七太祖廢朝五日素服發哀於大明殿賜尚書令追封楚王諡恭孝贈布帛千匹葬事官給後數日其母李氏亦卒初李氏隨昶至京師太祖數命肩輿入宮謂之曰母善自愛無戚戚懷鄉土異日當送母歸李氏曰使妾安往太祖曰歸蜀爾李氏曰妾家本太原倘得歸老并土妾之願也時晉陽未平太祖聞其言大喜曰俟平劉鈞即如母所願因厚加賜資及昶卒不哭以酒酹地曰汝不能死社稷食生以至今日吾所以忍死者以汝在爾今汝既死吾何生焉因不食數日卒太祖聞而傷之贈加等令鴻臚卿范禹偁護喪事與昶俱葬洛陽詔發奉義甲士千人護送七月正衙備禮冊命昶其文曰維乾德二年歲次乙丑七月己巳朔二十四日戊子皇帝若曰咨爾故檢校太師兼中書令秦國公孟昶冊贈之典所以彰世祚而紀勳伐繼絕之義所以旌異域而表來庭苟臣全功寧兼二者國家乘乾撫運括地開圖稽至德於勛華體深仁於湯禹既定壺關之亂復奠淮夷之凶暨荆及衡洗滌通穢以為君人之道先德而後刑王者之師有征而無戰兵

威震疊，寰宇來同，以至薄伐兩川，徂征三峽，惟爾親襲乃堂構，據有巴庸，而能祇畏皇靈，保全宗緒，知機識變，委順圖全，馳子牟輿關之心，奉伯禹塗山之會，朕自聞獻款，良切虛懷，舟車欣至，止之初，邸第錫非常之制，封崇異數，祈保永年，景命不融，奄然殂謝，於戲，爾有及親之孝，特異常倫，爾有達上之情，所期終養，何高穹之不祐，與幽壤之同歸，斯朕所以當守與悲，徹縣永歎，詢于史氏，申命禮官，今遣使起復雲麾將軍檢校太傅右神武統軍兼御史大夫上柱國平昌縣開國伯食邑七百戶孟仁贊持節冊贈爾為尚書令，仍追封楚王，於戲，式備哀榮，載光簡牒，南宮峻秩，全楚大邦，併示追崇，寬超彝制，始終之分，朕無愧焉，仍贈爾墳莊一區，給守墳人米千石，錢五萬，初，昶在蜀，事務奢靡，為七寶溺器，他物稱是，每歲除命學士為詞，題桃符置寢門左右，末年學士幸寅遜撰詞，昶以其非工，自命筆題云，新年納餘慶，嘉節號長春，以其年正月十一日降太祖命，呂餘慶知成都府，而長春乃聖節名也，又昶襲位後，民質錢取息者，將徙居，必署其門曰，召主收贖，周世宗平淮甸，克關南，即議討蜀而未果，至太祖乃平之，昶三子，玄蒞，玄珪，玄寶，玄寶先卒，僭贈遂王，昶弟仁贊，仁裕，仁操，昶既降，寧江軍節度同平章事伊審徵檢校太尉兼侍中韓保正，山南西道節度同平章事王昭遠，工部侍郎幸寅遜，武信軍節度保寧軍都巡檢使李廷珪，來闕下，審徵授靜難軍節度，昭遠授左領軍衛大將軍，寅遜授右庶子，廷珪授右千牛衛上將軍，韓保正未授官卒，保正昭遠廷珪，川中各有田宅，詔各賜錢三百萬，又成都人王處瓊少孤，有司籍其金寶，昶降，輦送闕下，太祖聞之，令計其直還焉，玄詰字遵聖，幼聰悟，善隸書，年十四，僭封秦王，檢校太尉，同平章事，判六軍諸衛事，嘗自書姚崇口箴刻諸石，昶賜以銀器錦綵，廣政二十一年，領武德軍節度，二十四年，加兼侍中，二十五年，立為皇太子，宋師將至，以玄詰為元帥，精卒萬餘，旌旗用文繡，以錦綉其杠，是日微雨，玄詰慮霖濕，令解去，俄雨止，復旆之，旌幟數千，皆倒繫杠上，識者異之，及聞劍門陷，遂奔東川，數日，棄軍還歸，入朝，與昶同日宣制，檢校太尉，泰寧軍節度，昶卒，賜玄詰羊五百口，酒五百壺，玄詰獻馬二百匹，白玉水晶鞍勒副之，移鎮貝州，在鎮十餘年，亦有治迹，太平興

國初，移鎮定州，三年，加開府儀同三司，四年，從平太原，就命為鎮州駐泊兵馬鈐轄，又從征幽州，率所部攻城之西面，會班師，遣與軍器庫使藥可瓊，深州刺史念金鏞，左龍武將軍趙廷進，殿前都虞候崔翰，四方館使梁迥，翰林使杜彥圭，帥兵歸，屯定州，俄契丹入寇，玄詰與諸將枝破之，徐河，以功封滕國公，入為左龍武軍統軍，判右金吾衛，仗未幾，知滑州，淳化初，病，求換瀕淮一小郡養疾，移知滁州，卒，年五十五，贈侍中，初，玄詰在貝州，凡民輸稅者，皆令出商算，規其餘羨，以備留使之用，人頗苦之，景德中，都官員外郎孔揆使河北，表論其事，詔除之，有子十五人，隆記，隆誌，隆說，隆隆，並進士及第，玄珪初封王，與玄詰並日封拜，仍檢校太保，少端敏，常侍昶射雙箭連中的，昶奇之，賜錢三十萬，時玄珪方就學，為選起居舍人陳鄂為教授，至是自陳，願以錢賜鄂，昶嘉而許焉，鄂嘗傲唐李瀚蒙承高測韻對為四庫韻對四十卷，以獻玄珪，益贊之，廣政二十三年，玄珪領閬州保寧軍節度，久之，加檢校太傅，歸朝，為千牛衛上將軍，乾德五年，遷右神武統軍，代玄詰判金吾衛，仗太平興國九年，出為宋曹克鄆都巡檢，又改右屯衛上將軍，淳化元年四月，復為右神武統軍，六月，出知滑州，三年卒，仁贊字忠美，初為左威衛將軍，同正，廣政十三年，封雅王，檢校太尉，二十年，領閬州保寧軍節度，二十四年，加檢校太尉，及昶降，遣仁贊表詰，闕，太祖召見，廣德殿，賜襲衣，玉帶鞍勒馬，俄授右神武統軍，丁母憂，起復，領大同軍節度，西京都巡檢使，開寶四年卒，年四十四，贈太子太師，仁裕字鳴謙，初為左威衛將軍，同正，與仁贊同日封彭王，檢校太傅，廣政二十年，領黔州武泰軍節度，二十四年，加檢校太尉，歸朝，授檢校太傅，右監門衛上將軍，遷右羽林軍，開寶三年卒，年四十四，贈太子太傅，仁操初為右領軍衛將軍，同正，與仁贊同日封嘉王，檢校太傅，廣政二十一年，領果州永寧軍節度，嘗侍昶射於梔子園，仁操連中的者三，二十四年，加檢校太尉，尤奉釋氏，深究其理，歸朝，授右監門衛上將軍，累遷右龍武統軍，雍熙三年卒，伊審徵，字申圖，并州人，父延瓌，隨知祥入蜀，知祥僭位，以女妻延瓌，僭封崇華

公主延瓌歷陵嘉眉三州刺史。審徵幼以孝聞。母病。割股肉啖之。以父任歷蜀州刺史。雲安權鹽使。廣政十四年。高延昭求解機務。急召為通奏使。知樞密院事。久之。領蜀州刺史。秦鳳與師。命檢校城砦。俄領武泰軍節度。選其子崇度尚公主。又改寧江軍節度。同平章事。與王昭遠俱掌機務。視事無大小。一以咨之。常自以廉濟略為己任。屬宋師入境。審徵首率降表詣軍前。昭遠時統軍敗走。時人笑之。審徵歸朝。授靜難軍節度。乾德六年。移鎮延安。開寶末。入朝。改右屯衛上將軍。太平興國二年。判右金吾衛仗。雍熙五年卒。年七十五。

韓保正。字永吉。路州長子。父昭運。從知祥入蜀。及知祥僭號。署珍州刺史。保正初事知祥為押衙。及僭位。以為豐德庫使。兼廣義庫使。眉州刺史。樞密副使。復刺漢州。拜宣徽北院使。會鳳翔侯益歸款。以保正為北路行營都監。以圖岐陽。時晉昌趙贊亦謀歸蜀。為王景崇所逼。棄城東奔。偽將李廷珪先退師。保正次陳倉。與大將張虔劍龐福誠謀議不叶。益亦中變。遂還成都。俄為雄武節度。領兵出新關至隴州。漢兵固守。保正無功而還。復屯雄武。廣政十四年。赴成都。其親吏楊度範訟保正不法。視令斬度範。釋保正不問。俄改夔州寧江軍節度。

李昊讓度支。以保正代之。未幾。加宣徽南院使。山南節度。左衛聖步軍節度。指揮使。遷奉翬肅衛馬步軍都指揮使。又選其子崇遂尚主。宋初。荆南高繼沖納土。視聞之。以保正為峽路都指揮。置使。屯夔州。以經畫邊事。選檢校太尉兼侍中。聞太祖將加兵。以保正為山南節度。與元武定緣邊諸砦屯駐。都指揮使。及王全斌至。保正棄與元保西縣。王師進圍之。保正懼不敢出。遣人依山背城結陣。以自固。為史延德所破。保正以麾下遊。延德追擒之。送全斌。全斌釋置闕下。太祖召升殿。勞問。賜袍笏金帶茵褥鞍勒馬。仍賜甲第。未及命官而卒。贈右千牛衛上將軍。

王昭遠。益州成都人。幼孤貧。年十三。依東郭僧智誦為童子。知祥鎮蜀。一日。飯僧於府署。昭遠持巾履從。智誦得入。時視方就學。知祥見昭遠聰慧。留給事。視左右。視嗣位。以昭遠為捲簾使。茶酒庫使。會樞密使王處回出知梓州。視以樞密事權太重。乃以昭遠及普豐庫使高延昭為通奏使。知樞密院事。機務一以

委之。府庫財帛。恣其取不問。加領眉州刺史。出為永平軍節度。不數月。會昭武李繼勳以目疾不能視。事議以閑地處之。昭遠遽以永平讓繼勳。歲餘。為夔州寧江軍節度。視母常言。昭遠不可用。視不從。未幾。兼領山南西道節度。同平章事。及入謝。求解通奏職。遂以左街使張仁貴為副使。知樞密以代之。昭遠好讀兵書。頗以方略自許。宋師入境。視遣昭遠與趙崇幹率兵拒戰。始發成都。視遣其宰相李昊等餞郊外。昭遠酒酣。攘臂曰。是行也。非止克敵當領此二三萬。雕面惡少兒。取中原如反掌耳。及行。執鐵如意指麾軍事。自方諸葛亮將至漢源。聞劍門已破。昭遠股慄。發言失次。崇幹布陣將戰。昭遠據胡床。皇恐不能起。俄崇幹敗。乃免胄棄甲。走投東川。匿倉舍下。悲嗟流涕。目盡腫。惟誦羅隱詩云。運去英雄不自由。俄為追騎所執。送闕下。太祖釋之。授左領軍衛大將軍。廣南平。

奉使交趾。開寶八年卒。
趙崇幹。并州太原人。父廷隱。隨知祥入蜀。廷隱拳勇有智略。知祥麾下無及者。東川董璋襲成都。廷隱大破之。璋奔歸。為部下所殺。知祥遂有其地。及僭號。以廷隱總親軍。為衛聖諸軍馬步軍指揮使。累遷至太師。中書令。宋王卒。諡忠武。崇幹驍果有父風。視自置殿直四番。取將家及死事孤子為之。始命李仁罕子繼宏。趙季良子元振。張知業子繼昭。侯洪實子令欽。及崇幹。分為都知領之。後累遷至客省使。周世宗克秦鳳。將入蜀境。為崇幹拒退。歷左右衛聖步軍都指揮使。選其子文亮尚公主。加領洋州武定軍節度。山南武定緣邊諸砦都指揮副使。漢源之戰。獨策馬先登。及蜀軍敗。猶手擊殺十數人。為宋師所擒。

高彥儔。并州太原人。父暉。宣威軍使。彥儔從知祥入蜀。累歷軍校。為昭武軍監押。視嗣位。遷邛州刺史。改馬步軍使。會漢兵入大散關。克安都砦。彥儔以所部先進。漢人燒砦毀閣遁去。彥儔盡銳追之。復其砦而還。未幾。彥儔領趙州刺史。俄為奉翬肅衛都指揮副使。改右驍銳馬軍都指揮使。加光聖馬軍都指揮使。真拜源州武定軍節度。周顯德初。向訓攻鳳州。視令彥儔出兵解圍。未至。聞敗軍於唐倉。因潰歸。判官趙悅閉關不納。以城歸朝廷。彥儔遁歸成都。視不之罪。以為右奉翬肅衛都指揮使。改功德使。廣政二十二年。出授夔州寧江軍都巡

軍於唐倉。因潰歸。判官趙悅閉關不納。以城歸朝廷。彥儔遁歸成都。視不之罪。以為右奉翬肅衛都指揮使。改功德使。廣政二十二年。出授夔州寧江軍都巡

檢制置招討使。加宣徽北院事。利州昭武軍節度。及宋師至。彥儻謂副使趙崇濟。監軍武守謙曰。北軍涉遠而來。利在速戰。不如堅壁以待之。守謙不從。獨領麾下以出。時大將劉廷讓領兵白帝廟西。遣騎將張廷翰等引兵與守謙戰。猪頭鋪。守謙敗走。廷翰等乘勝登其城。廷讓率大軍繼至。彥儻以所部將出拒戰。宋師已乘城而入。彥儻惶駭失次。不知計所出。判官羅濟勸令單騎歸成都。彥儻曰。我昔已失天水。今復不能守夔州。縱不忍殺我。亦何面目見蜀人哉。濟又勸其降。彥儻曰。老幼百口在成都。若一身偷生。舉族何負。吾今日止有死耳。即解符印授濟。具衣冠望西北再拜。登樓縱火自焚。後數日。廷讓得其骨煨燼中。以禮收葬。初。昶母語昶。惟彥儻可任。及是果能死難。

趙彥韜。興州順政人。為本州義軍裨校。乾興中。昶遣與興國軍討擊使孫遇及楊燭為謀。至都下。彥韜潛取昶與并州蠟丸帛書以告。因言伐蜀之狀。太祖并赦遇。燭出師西討。並以為鄉導。克興州。以為本州馬步軍都指揮使。蜀平。還本州刺史。移澧州。性兇率。所為不法。部民有訴被盜劫財物。韜之不實。彥韜手殺之。探取其心肝。民家詣闕訴冤。太祖怒。令杖配蔡州。

龍景昭。夔州奉節人。少有武勇。事蜀為義軍裨校。以功遷戰權都將。久之。擢為施州刺史。乾德中。諸將伐蜀。分兵由峽路入。將壓其境。景昭率官吏以牛酒犒宋師。迎入城。太祖聞之甚悅。蜀平。即授永州刺史。秩滿入朝。改右千牛衛將軍。開寶三年卒。昶之入朝也。為左羽林將軍。景昭弟處瑋等四人隨行。卒於道。太祖憫之。以其男補供奉官殿直。

幸寅遜。蜀人。初仕昶為茂州錄事參軍。昶好擊毬。雖感暑不已。寅遜上章極諫。深被賞納。遷新都令。拜司門郎中。知制誥中書舍人。出知武信軍府。加史館修撰。改給事中。預修前蜀書。拜翰林學士。加工部侍郎。判吏部三銓事。領簡州刺史。隨昶歸朝。授右庶子。嘗上疏諫。太祖嘉之。召見賜帛。開寶五年。為鎮國軍行軍司馬。罷職。年九十餘。尚有仕進意。治裝赴闕。未登路而卒。

李廷珪。并州太原人。七歲隸知祥帳下。後從入蜀。知祥僭號。補軍職。累遷奉鑾。肅衛都虞候。賞拔階州之功。領眉州刺史。會圖取鳳翔。令廷珪領兵二萬出子。

午谷赴援。始出谷。聞趙贊為王景崇所逼。遂退軍。以廷珪權知元。俄召歸授樞聖控鶴都指揮使。領蜀州刺史。拜雅州永平軍節度。改右光聖都指揮使。領山南節度。改閬州保寧節度。護聖控鶴都指揮使。周師攻秦州。以廷珪為北路行營都統。秦成階三州竟為周所取。廷珪奉章待罪。釋之。以為左右衛聖諸軍馬步軍都指揮使。分衛聖光聖步騎為左右十軍。以武定節度呂彥珂為之使。並隸廷珪總領之。時論以廷珪不能救援階州。不當復總兵柄。廷珪亦自陳求解。許之。俄加兼侍中。蜀成都巡檢使。改遂州武信軍節度。領本鎮及保寧軍都巡檢使。王全斌之下劍關也。昶遣廷珪與其太子玄詰將兵來拒宋師。至綿漢與全斌遇。狼狽而還。玄詰與廷珪謀。所經州縣。盡焚其儲蓄。及全斌等入成都。行營都監王仁贍案籍。詰所在軍須。廷珪懼以告馬軍都監康延澤。延澤曰。王公志在聲色。苟得其所欲。則置而不問矣。廷珪素儉約。不蓄妓樂。遂求於姻戚家。得女妓四人。復假貸金帛直數百萬。以遺仁贍。繇是獲免。歸闕為右千牛衛上將軍。乾德五年卒。先是廷珪及王昭遠。韓保正。川中各自有田宅。昶降後。奉表上獻。詔各賜錢三百萬。以償其直。

李昊。字穹佐。自言唐相紳之後。祖乾祐。建州刺史。父羔。容管從事。昊生於關中。幼遇唐末之亂。隨父避地。至奉天。值昭宗遷洛。岐軍攻破奉天。父及弟妹皆為亂兵所殺。是時年十二。獨得免。遂流寓新平。十數年。會劉知俊領岐軍圍州城。昊踰城出。為候騎所得。知俊與語甚器之。實于門下。以其女妻之。知俊歸蜀。僞署遂州武信軍節度。以昊為從事。王建使知俊出師。令昊主留務。會建殺知俊。昊亦罷職。王衍襲僞位。授彭州導江令。歷中書舍人。翰林學士。岐軍之難。昊母獨無恙。至是十九年。昊仕蜀顯達。乃遣心膂張金王彥開道迎其母。昊請告境上。奉迎。衍賜以金勒名馬。昊至青泥嶺。見母。母撫昊首。號慟。哀感行路。蜀亡。入洛。明宗授昊檢校兵部郎中。詔西川孟知祥。三川制置使趙季良。同於權鹽度支戶部院間授昊一職。昊至蜀。久無所授。會知祥奏季良為西川節度副使。昊辭歸洛。知祥始辟為觀風推官。遷掌書記。知祥稱帝。擢為禮部侍郎。翰林學士。昶立。漢州刺史。遷兵部侍郎。出知武德軍府。加承旨。昶嘗欲命昊二子官。昊

固讓。且言遂州判官石欽若、蘇涯、前蜀時同在劉知俊幕下，願回授欽若等子。昶嘉欽許之，仍授吳二子官。俄加尙書左丞，拜門下侍郎，兼戶部尙書，同平章事。監修國史，因請置史官，乃以給事中郭廷鈞、職方員外郎趙元拱爲修撰，雙流令崔崇構、成都主簿王中孚爲直館。俄加吳左僕射，昶令就知祥真容院圖文武三品以上於東西廊，以吳有參佐功，特畫於殿內。自知祥領蜀，凡章奏書檄皆出吳手。至是集爲百卷，曰經緯略，以獻。昶竇以珍器錦綵，命判度支戶部。廣政十四年，修成昶實錄四十卷。昶欲取觀，吳曰：「帝王不閱史，不敢奉詔。」母憂，載百日起復。俄修前蜀書，命吳與趙元拱、王中孚及諫議大夫喬諷、左給事中馮侃、知制誥賈玄珪、幸寅遜、太府少卿郭微、右司郎中黃彬同撰，成四十卷上之。以判使辦集，封趙國公。俄加司空，領遂州武信軍節度，出判鹽鐵，加弘文館大學士。修奉太廟禮儀使，昶嘗召四孫，悉授太子司儀郎舍人，並賜緋。吳又改判度支使，其子孝連尙昶女鳳儀公主，累遷太常少卿、資州刺史。長子孝逢給事中，蜀平，隨昶入朝。太祖優待之，拜吳工部尙書，賜第以孝逢爲膳部郎中。孝連爲將，作少監，親屬乘舟自峽下，至夷陵，妻死，吳聞悲愴，成疾而卒。年七十三。贈右僕射。吳前後仕蜀五十年，昶之世位兼將相，秉利權，資貨歲入鉅萬，奢侈尤甚。後堂妓妾，曳羅綺數百人。昶與江南李景通好，遣其臣趙季札至江南，購得李紳、武宗廟入相制書，還以遺吳。吳結綵樓置其中，盡召成都聲妓，吳朝服前迎歸私第，大會賓客宴飲，所費無算。以帛二千匹謝季札。初，王衍降莊宗，吳草其表，昶之降也，其表亦吳所爲。蜀人潛署其門曰：「世修降表李家。」見者哂之。有集二十卷，目爲樞機應用集。孝連後至司農少卿。吳孫德鑑，至國子博士。德鈔，進士及第。

毋守素字表淳，河中龍門人。父昭裔，僞蜀宰相。太子太師致仕，守素弱冠起家，僞授祕書郎，累遷戶部員外郎，知制誥。真拜中書舍人，工部侍郎，出爲雲安權鹽使。召見其二子克溫、克恭，並賜緋。以次子克恭尙昶女，授檢校水部員外郎。廣政二十年，拜工部尙書。時昭裔判鹽鐵，衰老不能親職，委其務於判官李光遠。事多留滯，昶患之，命守素代判使務。父子相代，時頗榮之。俄改判度支，領彭

州刺史。又判鹽鐵，守素奉親頗勤，至雖隆暑暮歸，必朝服執簡，以申昏定之禮。蜀亡入朝，授工部侍郎，籍其蜀中莊產茶園以獻，詔賜錢三百萬以充其直。仍賜第於京城。歲餘，爲兄之子岳州司法正己訟其居父喪娶妾免，正己亦坐奪一官。開寶初，起爲國子祭酒。太祖征河東，命權知趙州，及平嶺表，移知容州。兼本管諸州水陸轉運使。先是，部民有逋賦者，或縣吏代輸，或於兼并之家假貸，則皆納其妻女以爲質。守素表其事，即日降詔禁止。六年卒。年五十三。昭裔性好藏書，在成都令門人勾中正孫逢吉書文選初學記白氏六帖鏤板，守素齋至中朝行於世。大中祥符九年，子克勤上其板，補三班奉職。次子克恭，尙昶女蠻國公主，任爲光祿少卿，歸宋。至左監門衛將軍。

歐陽迥，益州華陽人。父珪，通泉令。迥少事王衍，爲中書舍人。後唐同光中，蜀平，隨衍至洛陽，補秦州從事。知祥鎮成都，迥復來入蜀，知祥僭號，以爲中書舍人。廣政十二年，拜翰林學士。明年，知貢舉，判太常寺，遷禮部侍郎，領陵州刺史。轉吏部侍郎，加承旨。二十四年，拜門下侍郎，兼戶部尙書。平章事監修國史，嘗擬白居易諷諫詩五十篇以獻。昶手詔嘉美，竇以銀器錦綵，從昶歸朝，爲右散騎常侍。俄充翰林學士，就轉左散騎常侍，嶺南平議，遣迥祭南海。迥聞之，稱病不出。太祖怒，罷其職。以本官分司西京。開寶四年卒。年七十六。贈工部尙書。迥性坦率，無檢操，雅善長笛。太祖常召於偏殿，令奏數曲，御史中丞劉溫叟聞之，叩殿門求見，諫曰：「禁署之職，典司誥命，不可作伶人之事。」上曰：「朕嘗聞孟昶君臣溺於聲樂，迥至宰司，尙習此技，故爲我所擒，所以召迥欲驗言者之不誣也。」溫叟謝曰：「臣愚不識陛下鑿戒之微旨，自是不復召迥，好爲歌詩，雖多而不工，掌誥命亦非所長。但在蜀日，卿相以奢靡相尙，迥猶能守儉素，此其可稱也。」

宋史卷四百七十九

宋史卷四百七十九考證

孟昶傳年始十六〇錦里耆舊傳後主即位年十四

宋史卷四百七十九考證

元中書右丞相總裁脫脫等修

列傳第二百三十九

世家三

吳越錢氏

吳越錢俶字文德杭州臨安人本名弘俶以犯宣祖偏諱去之祖鏐因黃巢之亂據有吳越昭宗授以杭越兩藩節制封彭城郡王歷梁後唐加吳越國王卒于元瓘嗣元瓘卒子佐嗣佐卒弟俶嗣為其大將胡進思所廢遂迎立俶事具五代史俶即元瓘之第九子也母越國恭懿夫人吳氏晉開運中為台州刺史數月有僧德詔語俶曰此地非君為治之所當速歸不然不利俶從其言即求歸國未幾有進思之變漢乾祐初授東南面兵馬都元帥鎮海鎮東軍節度使開府儀同三司檢校太師兼中書令杭越等州大都督吳越國王賜號明聖廣運同德保定功臣賜以金印玉冊三年江南遣其將查文徽攻福州俶發兵擒文徽獻捷加尚書令周廣順初授諸道兵馬元帥二年授天下兵馬元帥改賜推誠保德安邦致治忠正功臣六月丁母憂起復世宗即位授天下兵馬都元帥顯德三年世宗征淮南令俶以所部分路進討俶遣偏將吳程圍毗陵陷關城擒刺史趙仁澤路彥銖圍宣城俶軍戰敗復失常州會李景上表求割地內附詔俶班師五年夏四月杭州災府舍悉為煨燼將延及倉庾俶命酒祝曰食為民天若盡焚之民命安仰火遂止世宗聞之遣內侍賈詔恤問是歲淮南內屬遣翰林學士陶穀司天監趙脩已使俶賜羊馬橐駝自是以為常七月又遣閩門使曹彬賜俶兵甲旗幟六年恭帝嗣位賜崇仁昭德宣忠保慶扶天翊亮功臣建隆元年授天下兵馬大元帥俶專寧國軍節度吳延福有異圖左右勸俶誅之俶曰先夫人同氣安忍實於法言訖嗚咽流涕但黜延福於外終全母族自太祖受命俶貢奉有加常數二年遣使賜俶戰馬二百羊五千橐駝三十乾德元年以白金萬兩犀牙各十株香藥一十五萬斤金銀真珠瑠璃器數百事來貢改賜承家保國宣德守道忠正恭順功臣是冬郊祀遣其子惟潛入

貢開寶五年改賜開吳鎮越崇文耀武宣德守道功臣封其妻孫氏為賢德順穆夫人未幾遣幕吏黃夷簡入貢上謂之曰汝歸語元帥常訓練兵甲江南疆備不朝我將發師討之元帥當助我無惑人言云皮之不存毛將安傅特命有司造大第於薰風門外連互數坊棟宇宏麗備侍什物無不悉具因召進奉使錢文贊謂之曰朕數年前令學士承旨陶穀草詔比來城南建離宮令賜名禮賢宅以待李煜及汝主先來朝者以賜之詔以草示文贊遂遣文贊賜俶戰馬及羊諭旨於俶七年五月賜俶襲衣玉帶玉鞍勒馬金器二百兩銀器三千兩錦綺千段是冬討江南遣內客省使丁德裕齎詔以俶為昇州東面招撫制置使賜戰馬二百匹旌旗劍甲令德裕以禁兵步騎千人為俶前鋒盡護其軍李煜貽書於俶其略曰今日無我明日豈有君一旦明天子易地酬勳王亦大梁一布衣耳俶不答以書來上八年俶率兵拔常州加守太師詔俶歸國俶遣大將沈承禮等率兵水陸隨王師平潤州遂進討金陵上嘗召進奉使任知果令諭旨於俶曰元帥克毗陵有大功俟平江南可暫來與朕相見以慰延想之意即當遣還不久留也朕三執圭幣以見上帝豈食言乎江南平論功以俶大將沈承禮孫承祐並為節度使為防禦使者一人刺史六年二月俶與其妻孫氏子惟濬平江軍節度使孫承祐來朝上遣皇子與元尹德昭至睢陽迎勞俶將至車駕先幸禮賢宅按視供帳之具及至詔俶居之對於崇德殿貢白金四萬兩絹五萬匹賜襲衣玉帶金器千兩白金器三千兩羅綺三千段玉勒馬即日宴長春殿俶又貢白金二萬兩絹三萬匹乳香二萬斤實平江左貢白金五萬兩錢十萬貫綿百八十萬兩茶八萬五千斤犀角象牙二百株香藥三百斤車駕幸其第又貢白金十萬兩絹五萬匹乳香五萬斤以助郊祭三月庚午詔曰古者宗工大臣特被隆眷或劍履上殿或書詔不名率由豐功待以殊禮今我兼其命數用擬勳賢輝映古今尤為優異咨爾吳越國王錢俶德隆宏茂器識深遠撫輿區於吳會勅洪伐於宗彝昨以江表不庭王師致討委方面之兵柄克常潤之土宇轉翼帝室震疊皇靈而乃執圭來庭垂紳就列罄事君之誠懇為羣后之表儀爰峻徽章以旌元老可特賜劍履上殿書詔不名以俶妻

賢德順穆夫人孫氏為吳越國王妃。令惟濬齋詔賜之。宰相以為異姓諸侯王妻無封妃之典。太祖曰：行自我朝，表異恩也。俛獻白金六萬兩，絹六萬匹，為謝。太祖數詔俛與其子惟濬宴射苑中。惟濬王預坐，每宣諭俛俛拜謝，多令內侍掖起。俛感泣，又嘗一日召宴，獨太宗秦王侍坐，酒酣，太祖令俛與太宗秦王敘昆仲之禮。俛伏地叩頭，涕泣固讓，乃止。會將以四月幸西京，親幸紀，俛懇請，尾從不許。留惟濬侍祠，令俛歸國。太祖宴錢於講武殿，賜窄衣，玉束帶，玉鞍勒馬，玳瑁鞭，金銀錦綵二十餘萬，銀裝兵八百事。謂俛曰：南北風土異宜，漸及炎暑，卿可早發。俛涕泣言，願三歲一朝。太祖曰：川陸迂遠，當俟詔旨，即來覲也。俛將發，京師特賜導從，儀衛物率皆鮮麗，令自禮賢宅陳列，至迎春苑，自俛之至，逮於歸國。太祖所賜金器萬兩，白金器又數萬兩，白金十餘萬兩，錦綺綾羅絢絹四十餘萬匹，馬數百匹，他物不可勝計。俛既歸國，嘗視事功臣堂，一日命坐于東偏，謂左右曰：西北者神京在焉，天威不遠，顏咫尺，俛豈敢寧居乎？太宗即位，加食邑五千戶。俛貢御衣通天犀帶，絹萬匹，金器瑇瑁器百餘事，金銀鈿器五百事，塗金銀香臺，龍腦檀香床，銀假果水晶花，凡數千計，價直鉅萬，又貢犀角象牙三十株，香藥萬斤，乾薑五萬斤，茶五萬斤。俛又請歲增常貢，詔不許。太平興國二年正月，孫氏卒，遣給事中程羽弔祭。九月，上言乞所賜詔書呼名不許。三年三月，來朝，遣判四方館事梁迥至泗州迎勞。惟濬先在闕下，上遣至睢陽候，俛俛先遣孫承祐入奏事，上即遣承祐護諸司供帳，勞俛於郊，又命齊王廷美宴俛於迎春苑。俛至，對於崇德殿，賜襲衣玉帶，金銀器，玉鞍勒馬，錦綵萬匹，錢千萬，賓佐崔仁冀等賜金銀帶器鞍馬有差。即日宴俛長春殿，令劉銀李煜預坐。俛貢白金五萬兩，錢萬萬，絹十萬匹，綾二萬匹，綿十萬屯，茶十萬斤，建茶萬斤，乾薑萬斤，越器五萬事，錦緣席千，金銀畫舫二，銀飾龍舟四，金飾烏橋木御食案御床各一，金樽壺酸學各一，金飾瑇瑁器三十事，金鈿藤盤二，金鈿雕象俎十，銀假果樹十事，翠毛真珠花三叢，七寶飾食案十，銀樽壺十，酸學副焉。金鈿越器百五十事，雕銀俎五十，密假果薊羅花各二十樹，銀鈿大盤十，銀裝鼓二，七寶飾胡琴五，絃箏各四，銀飾篋篋，方響羯鼓各四，紅牙樂器二十二

事。乳香萬斤，犀角象牙各一百株，香藥萬斤，蘇木萬斤，上又嘗召俛及其子惟濬宴後苑，泛舟池中，上手酌酒以賜俛，俛跪飲之，其恩待如此。四月，會陳洪進納土，俛上言曰：臣伏有懇誠，貯於肺腑，幸因入覲，輒敢上聞。蓋虛神道之害，盈必冀天慈之從欲。臣近蒙朝廷賜以劍履，上殿詔書不名，仍以本道領募卒徒，嘗營戈甲，特建國王之號，俾增師律之嚴，皆所以假其寵名，託於隣敵。方今幅員無外，名數洞分，豈可冒居，自僭公議，合從省罷，以正等威，除本道軍士器甲，臣已曾奏納外，其所封吳越國王及天下兵馬大元帥職名，望皆許解罷。凡頒詔命，願復名呼，庶聖朝無虛授之恩，微臣免疾顛之禍。優詔不許。五月乙酉，俛再上表，臣慶遇承平之運，遠修肆覲之儀，宸眷彌隆，龍章皆極，斗筭之量，實覺滿盈，丹赤之誠，輒茲披露。臣伏念祖宗以來，親提義旅，尊戴中京，略有兩浙之土田，討平一方之僭逆，此際蓋隔朝天之路，莫諧請吏之心，然而稟號令於闕庭，保封疆於邊徼，家世承襲，已及百年，今者幸遇皇帝陛下嗣守丕基，削平諸夏，凡在率濱之內，悉歸輿地之圖，獨臣一邦，僻介江表，職貢雖陳於外府，版籍未歸於有司，尚令山越之民，猶隔陶唐之化，太陽委照，不及蔀家，春雷發聲，兀為蠻俗，則臣實使之然也，罪莫大焉，不勝大願，願以所管十三州獻于闕下，執事其間，地里名數，別具條析，以聞。伏望陛下念奕世之忠勤，察乃心之傾向，特降明詔，允茲至誠。詔答曰：卿世濟忠純，志遵憲度，承百年之堂構，有千里之江山，自朕纂臨，率脩朝禮，觀文物之全盛，喜書軌之混同，願親日月之光，遠忘江海之志，甲兵樓櫓，既悉上於有司，山川土田，又盡獻於天府，舉宗效順，前代所無，書之簡編，永彰忠烈，所請宜依。丁亥，詔曰：漢龍功臣，率著帶河之誓，周尊元老，遂分表海之邦，其有奄宅勾吳，早綿星紀，包茅入貢，不絕於累朝，羽檄起兵，備嘗千百戰，適當輯瑞而來，勤爰以提封，而上獻宜遷內地，別錫爰田，彌昭啓土之榮，俾增書社之數。吳越國王錢俛，天資純懿，世濟忠貞，光積德於靈源，書大勳於策府，近者慶冲人之踐祚，奉國珍而來朝，齒革羽毛，既修其常貢，土田版籍，又獻於有司，願宿衛於京師，表乃心於王室，眷茲誠節，宜茂龍光，是用列西楚之名區，析長淮之奧壤，建茲大國，不遠舊封，載疏千里之疆，更重四征之

寄。其爵邑。施及子孫。永夾輔於皇家。用對揚於休命。垂厥百世。不其偉歟。其以淮南節度管內封侯爲淮海國王。仍改賜寧淮鎮海崇文耀武宣德守道功臣。卽以禮賢宅賜之。惟濬爲節度使。兼侍中。惟治爲節度使。惟演爲團練使。惟願暨姪郁並並爲刺史。弟儀信並並爲觀察使。將校孫承祐。沈承禮。並爲節度使。體貌隆盛。冠絕一時。是歲七月。中元。京城張燈。令有司於侯宅前。設燈山。陳樂以寵之。八月。令兩浙發俵總麻。以上親及管內官吏。悉歸朝。凡舟一千四十艘。所過以兵護送。杭州貢俵樂人。凡八十有一人。詔以三十六人。還杭州。四十五人。賜俵。俵上表謝。上親畫付中書。送史館。四年二月。宴苑中。俵被病。拜不能起。上命以銀裝肩輿送歸。因以賜之。四月。從征太原。賜羊三百。酒十斛。俵小心謹恪。每晨趨行闕。人未有至者。俵必先至。假寐以待旦。上知之。謂俵曰。卿已中年。宜避風冷。自今入謁。不須太早也。特較御前二大燭。以賜之。令先赴前頭。上嘗賜從臣食於中路。頓。并賜衛士羊臂。臘。厄酒。觀其飲啖。上見其雄壯。因顧俵。俵進曰。所謂如虎如龍如熊如羆如羆者也。會劉繼元降。上御連城臺。誅軍中先亡命太原者。顧謂俵曰。卿能保全一方。以歸於我。不致血刃。深可嘉也。俵頓首謝。俵中途被足疾。車駕親臨問。令太醫然艾以灸。疾尋愈。還京策勳。宰相進擬加食邑萬戶。實封千戶。上卽改白麻。倍加食邑二萬戶。實封二千戶。五年八月。俵被病。上臨問。賜白金萬兩。錢千萬。絹萬匹。金器千兩。賜其子惟濬。惟治。白金各萬兩。是冬。車駕幸大名府。詔俵乘肩輿卽路。六年。又被病。賜告久之。上遣中使賜俵文楸棋局。水精棋子。乃諭旨曰。朕機務之餘。頗曾留意。以卿在假。可用此遣。日八年十二月。上言曰。臣以叢爾之軀。蒙被恩寵。賦祿百萬。兼職數四。元帥之任。實本於兵權。國王之號。蓋屏於帝室。尙書總百揆之重。中書掌八柄之繁。維師冠於上台。開府當於極品。臣之孱瑣。罔克負荷。邦國之制。式著等威。各器之間。固有涯分。徒速罪戾。以取顛隳。伏望聖旨。特從省罷。不許表三。上詔曰。分茅胙土。所以彰世及之榮。大略繁縷。所以表名器之重。至若褻寵勳德。度越典常。咨于舊章。爰推異數。乃有體好謙之德。形固讓之辭。敦諭再三。確乎不拔。用曲至公之論。式光知止之風。淮海國王錢俵。方岳炳靈。風雲通感。奄有勾

吳之地。不忘象魏之心。掃境來朝。舉宗宿衛。藉其土宇。入干朝廷。式昭職員。昨之淮海。居天子二老之任。啓真王萬戶之封。併加寵異。用答忠順。而乃屢形表疏。願避官榮。發於深衷。誠不可奪。若以靈臺偃伯。武庫彙兵。天下一家。書軌之無外。五侯九伯。征伐之不行。願獲元帥之名。勉徇由衷之請。其乃世祚明德。存於帶礪之盟。帝賚良弼。龍以台輔之任。極駁貴之爵。增衍食之封。非足請庸。適以昭德。勉膺渥澤。克副眷懷。可罷天下兵馬大元帥。餘如故。雍熙元年。改封漢南國王。四年春。出爲武勝軍節度。改封南陽國王。俵久被病。詔免入辭。將發。賜玉束帶。金唾壺。梳篦等。俵四上表讓國王。改封許王。端拱元年春。徙封鄧王。會朝廷遣使賜生辰器幣。與使者宴飲至暮。有大流星墮正寢前。光燭一庭。是夕暴卒。年六十。俵以天成四年八月二十四日生。至是八月二十四日卒。復與父元瑾卒日同。人皆異之。上爲廢朝七日。追封秦國王。諡忠懿。仍正衙備禮發冊。曰。皇帝若曰。吳穹眷祐。賢哲挺生。稟象緯之純精。負經綸之盛業。作民父母。爲國輸垣。其存也。冠中臺而長諸侯。其沒也。峻徽章而崇禮命。咨爾故安時鎮國崇文耀武宣德守道功臣武勝軍節度鄧州管內觀察處置等使開府儀同三司守太師尙書令兼中書令使持節鄧州諸軍事行鄧州刺史上柱國鄧王食邑九萬七千戶食實封一萬六千九百戶賜劍履上殿詔書不名錢俵。嗣祖考之令德。奠東南之奧區。開國承家。本仁祖義。以忠孝而保社稷。以廉讓而化人民。勤翊戴於累朝。克惠綏於一境。世傳威略。志慕聲明。當武庫戢兵。洞閱詩書之府。洎秣陵問罪。雄張犄角之師。致區宇之同文。賴忠良之協力。逮于纂紹。益享崇高。蘊明哲而保身。務傾輸而竭節。盡獻土壤。來歸闕庭。子嘉乃功。荐錫殊寵。而道隆簡退。志尙謙沖。屢辭卻數之權。難奪范宣之讓。朕深惟勳舊。俾就養頤。爰出殿於大邦。庶聿臻於眉壽。式繁元老。永輔眇躬。何天道之難誑。而梁木之斯壞。長沙旣往。空存甲令之勳。征虜云亡。但見雲臺之像。贈賻從於異等。嗟悼廢於臨朝。寧酬柱石之勳。未極君臣之分。庸加典則。以厚始終。今遣使大中大夫尙書工部侍郎上柱國汾陽郡開國侯食邑一千戶賜紫金魚袋郭贇。持節冊贈爾爲秦國王。嗚呼。德無不報。子敢忘於格言。魂而有知。爾尙欽於天命。

嗚呼哀哉。命中使讓其喪歸葬洛陽。自鏐至倣。世有吳越之地。僅百年。管內諸州皆子弟將校授任。而後請命於朝。有至使相者。倣任太師。尚書令兼中書令。四十年。為元帥。三十五年。及歸朝卒。子惟演。惟濟。皆童年。召見慰勞。並起家諸衛將軍。善始令終。窮極富貴。福履之盛。近代無比。然甚儉素。自奉尤薄。常服大帛之衣。幃帳茵褥。皆用紫紵。食不重味。頗知書。雅好吟詠。在吳越日。自編其詩數百首。為正本集。因陶穀奉使至杭州。求為之序。性謙和。未嘗忤物。在藩日。每朝廷使至。接遇勤厚。所上乘輿服物器玩。制作精妙。每遣使修貢。必羅列於庭。焚香再拜。其恭謹如此。崇信釋氏。前後造寺數百。歸朝。又以愛子為僧。誓草書。上一日遣使謂曰。聞卿善草聖。可寫一二紙。進來。倣即以舊所書絹圖上之。詔書褒美。因賜玉硯金匣一。紅綠象牙管筆。龍鳳墨。蜀牋盈丈。紙皆百數。屬久病家居。有黃門趙海被酒。造其第求見。因出藥數丸。謂倣曰。此頗療目疾。願王即餌之。倣即餌焉。既去。家人皆惶駭不測。倣曰。此但醉耳。又何疑哉。後數日。上聞大驚。捕海繫獄。決杖流海島。初倣為胡進思所立。廢其兄侬。徙越州。資給豐厚。進思屢請除之。恐為後患。倣泣曰。若殺吾兄。吾終不忍。汝欲行其志。吾當退避賢路。進思慚而退。倣慮進思害侬。遣親將薛溫為侬守衛。戒之曰。委汝以保全。廢王苟有非常。汝當以死扞之。溫至越旬餘。有二卒夜持刀踰垣入。侬闔戶拒之。呼聲達於外。溫領徒而入。斃二卒於庭中。乃進思之所遣也。進思因憂懼。疽發背卒。後左右屢有以侬為言。倣終拒之。侬居越州二十餘年卒。倣自建隆已來。貢奉不絕。及用兵江左。所貢數十倍。先是鏐與戰士多賜己姓。後倣歸朝。皆稱同宗。淳化三年。詔令復本姓。又浙中劉氏。避諱。改為金氏。亦令還故。景德中。有司請以禮賢宅為司天監。真宗以先朝所賜。不許。大中祥符八年。子惟演等復表上之。詔賜錢五萬貫。仍各賜第一區。子惟濬。惟洽。惟演。惟灝。惟潛。惟濟。惟澹。至詔州團練使。惟灝。賀州團練使。惟潛。至左龍武將軍。婺州刺史。惟演。自

有傳。惟濬字禹川。倣嫡子也。裁數歲。倣表授鎮海鎮東兩軍節度副大使。檢校太保。鈐轄兩浙管内土客諸軍事。建隆元年。加檢校太傅。三年。領建武軍節度。乾德

初。加檢校太尉。是年冬。來朝。因侍祠南郊。六年。復來朝。侍郊祀。命兵部員外郎。知制誥盧多遜。迎勞之。開寶二年。授鎮東等軍節度。浙江東西道觀察。處置兩浙制置。營田。發運等使。未幾。來朝。太祖召宴苑中。令黃門奏蕭韶樂。與諸王同席而坐。賜白玉帶。珠綴衣。水精鞍勒。御馬。賜寶鉅萬計。月餘。遣歸。辭日。又賜襲衣。玉帶。金鞍勒馬。四年。又來朝。因侍祠南郊。寵待殊等。及大兵征金陵。惟濬從父下毗陵。以功加平章事。九年。隨倣入朝。倣先歸。留惟濬扈從。郊祀西洛。太宗即位。加兼侍中。太平興國二年。丁母妃孫氏憂。起復。加鎮東大將軍。右金吾衛大將軍。員外置同正。倣將入朝。惟濬先奉方物來貢。詔戶部郎中侯涉至泗州。迎勞之。賜寶無算。并增其食邑。三年。隨倣來朝。倣盡獻浙右之地。改封淮海國王。徙惟濬淮南節度。是冬。郊祀。恩加檢校太師。從平太原。及從征幽薊。又從幸大名。雍熙元年。郊祀。改山南東道節度。四年。徙鎮安州。惟濬雖再移鎮。常留京師。端拱初。籍田。封蕭國公。倣薨。起復。加兼中書令。惟濬與倣諸子共進錢金。綾羅。犀玉帶。笏。犀角。象牙。丁香。金玉馬腦鞍勒。金玉珠翠首飾。樂器。博具。器皿。什物。馬。囊。駝。牛。驢。車。凡數十萬計。倣妻俞氏。又進金銀十餘萬。犀二十株。捕犀。頰犀。玉帶二十二條。水晶佛像十二事。惟濬又進女樂十人。上不納。各賜錦綵三十段。遣還之。淳化初。杭州以錢氏家廟所藏。唐梁以來。累朝所賜。玉冊。竹冊。各三副。鐵券一。來上。上悉以賜惟濬。明年春。得疾暴卒。年三十七。廢朝二日。追封邵王。諡安僖。中使典喪事。子守吉。守讓。守吉至西京。作坊使。守讓。字希仲。以陸累遷。供備庫使。天禧四年。錄諸國之後。加領榮州刺史。改東染院使。卒。守讓頗勤學。為文章。退居多閑。讀書。屢獻歌頌。真宗優詔褒獎。有集二十卷。子恕。娶曹王元偁女。長安縣主。

惟治字和世。廢王侬之長子。侬初遷於越。而惟治生。倣愛之。養為己子。幼好讀書。八歲。授兩浙牙內。諸軍指揮使。判軍糧營田事。又改德化軍使。遷檢校太保。旄同日而至。國人榮之。王師討江南。惟治從。倣率兵下常州。策勳。改奉國軍節度。倣入朝。命惟治權發遣軍國事。倣還。令奉幣入貢。撫諭。命賜甚厚。惟治又獻

塗金銀香師子香鹿鳳鶴孔雀寶裝，糝合釧金螿器萬事，吳練綾千匹，辭日賜襲衣玉帶，塗金鞍勒馬金銀器，綉線踴萬計。太宗嗣位，進檢校太尉、太平興國三年，倣再入覲。又權國事。一夕殿中火，惟治率兵臨高下視，令親信十數輩仗劍，申令敢後顧者斬，頃之火息，妻族有隸帳下者，特親犯法，惟治命杖背於府門，倣既納土，朝廷命考功郎中范旻知杭州，惟治奉兵民，圖籍務廉，管審授旻與其弟惟渲，惟渲歸朝，次近郊，遣內侍護詣司，供帳迎勞，至京師，即日召對，長春殿賜衣服金帶鞍勒馬器幣，改領鎮國軍節度。五年八月，車駕幸倣第，召見惟治，賜白金萬兩，惟治善草隸，尤好二王書，嘗曰：「心能御手，手能御筆，則法在其中矣。」家藏書帖圖畫甚衆，太宗知之，嘗謂近臣曰：「錢俛兒姪多工草書，因命翰林書學贊不顯詰其第，徧取視之，曰：「諸錢皆效浙僧亞栖之迹，故筆力軟弱，獨惟治爲工耳。」惟治嘗以鍾繇王羲之唐玄宗墨跡凡七軸爲獻，優詔褒答。雍熙三年，大出師征幽州，命惟治知真定軍府，兼兵馬都部署，前一日曲宴內殿，惟治獻詩，帝覽之悅，酒半遣小黃門密諭北面之寄，至則訓兵享土，頗勤政務，設廚饌於城門以待使傳，初惟澹雖倣嫡嗣，然倣以其放蕩無檢，故器惟治，再俾權國務，嘗一夕倣暴疾，孫妃悉斂符籙付惟治，後惟澹知之，甚恚恨，洎入朝，惟澹止奉朝請，而委惟治藩任焉，倣薨，召還起復檢校太師，移疾就第，百日有司請罷奉，特詔續給，累上表請罷節鎮，優詔不許，惟治既病，心恍惚，家事不肅，咸平初，僮奴以姦私殺人於庭，事連閭閻，真宗爲停按鞠，止授右監門衛上將軍，其子駕部員外郎不責授鄆州團練副使，晚年頗貧，景德中，其弟惟演獻文上對，宰相稱其公王之後，能苦心翰墨，令記其名，因曰：「錢氏繼世忠順，子孫可念，如聞惟治頗貧乏，尤可軫惻，特轉右武衛上將軍，月給奉十萬，累加左驍衛上將軍，左神武統軍，大中祥符七年七月卒，年六十六，贈太師，初有司援統軍陳承昭孟珪例，當贈東宮保傅，上以倣奉土歸國，優其贈典，又聞羣臣家貧乏者，不欲官給喪事，爲罷詔葬，錄其四子官，及外弟子壻親校，並甄擢之，惟治好學，聚圖書萬餘卷，多異本，慕皮陸爲詩，有集十卷，書迹多爲人藏，晚年雖病廢，猶或揮翰，真宗嘗語惟演曰：「朕知惟治工書，然以疾不欲遣使往取，卿爲

求數幅進來，翌日寫聖製詩數十章以獻，賜白金千兩，初鎮四明，嘗夢神人披甲自稱西嶽神，謂惟治曰：「公面有缺文，即捧土培之，後領華州節鉞三十年，子丕字簡之，幼好學，雍熙中，倣上言欲求舉進士，太宗以其世家子，特召試內署，授秘書丞，賜金紫，累遷駕部郎中，嘗知新淦縣，又知衡州，惟治卒，以將作少監起復，俄爲三司戶部判官，卒於光祿少卿。

惟濟字羲夫，生七歲，倣封漢南王，奏補本府元從指揮使，歷諸衛將軍，領恩州刺史，改東染院使，真拜封州刺史，真宗祀汾陰，還燕近臣苑中，命惟濟射，一發中的，故事，刺史射不解箭，帝賜解之，且賜襲衣金帶，其後請試郡，命知絳州，民有條桑者，盜奪桑不能得，乃自創其臂，誣桑主欲殺人，久繫不能辨，惟濟取盜與之食，視之盜以左手舉七筋，惟濟曰：「以右手創人者，上重下輕，今汝創特下重，正用左手傷右臂，非爾自爲之邪？」辭遂服，帝聞之，謂宰相向敏中曰：「惟濟從容行視，從騎甚省，民乃安，遷永州團練使，改知成德軍，仁宗即位，加檢校司空，民有鑄作白金質取緡錢者，其家來告，惟濟曰：「第聲言被盜，示以重購，質者當來責餘直，即得之矣。」已而果然，乃杖配之，以吉州防禦使留再任，遷虔州觀察使，知定州，有婦人待前妻子不仁，至燒銅錢灼臂，惟濟取婦人所生兒置雪中，械婦人往視兒死，其慘毒多此類，遷武昌軍節度觀察，留後，改保靜軍，留後惟濟喜賓客，豐軍儲家無餘貲，帝賜白金二千兩，所負公使錢七百餘萬，卒，贈平江節度使，謚宣惠，遣使護葬，事賜賻錢二百萬，絹千匹，有玉季集二十卷，惟濟有更幹，能戢下而性苛忍，所至牽蔓滿獄，重囚棄市，或斷手足探肝膽，用以威衆，觀者色動而惟濟自若也。

倣字誠允，倣之異母弟也，本名信，淳化初改焉，幼爲沙門，及長，頗謹慎好學，倣襲國封，命爲鎮東軍安撫副使，周顯德四年，奏署衡州刺史，太祖平揚州，倣遣儼入質，命閩門副使武懷節齎詔迎勞，賜養甚厚，及歸，又賜玉帶名馬，錦綵器四，開寶三年，代兄倣知湖州，充宣德軍安撫使，倣奉詔攻毗陵，命儼督漕運，太平興國二年，從倣之請，授新孺儒等州觀察使，仍知湖州，儼兄儀爲慎端師等

州觀察使。入朝。以儼為隨州觀察使。儼為金州觀察使。侍祠郊宮。特詔升儼班於節度使之次。儼卒。儼換金州。常從幸天駟監。會賜從官馬。太宗敕有司曰。錢儼儒者。宜擇馴馬給之。未幾。出判和州。在職十七年。咸平六年卒。年六十七。贈昭化軍節度儼。嗜學。博涉經史。少夢人遺以大硯。自是樂為文辭。頗敏速。富瞻。當時國中詞翰多出其手。歸京師。與朝廷文士遊。歌詠不絕。淳化初。書獻皇猷錄。咸平又獻光聖錄。並有詔嘉答。所著有前集五十卷。後集二十四卷。吳越備史十五卷。備史遺事五卷。忠懿王勳業志三卷。又作貴溪叟自敘傳一卷。善飲酒。百卮不醉。居外郡。嘗患無敵。或言一軍校差可倫擬。儼問其狀。曰。飲益多。手益恭。儼曰。此亦變常。非善飲也。

昱字就之。忠獻王佐之長子。佐壽。昱尚幼。國人立僮。遂以昱為咸寧大安二宮使。俛嗣國。承制授秀州刺史。太祖受禪。俛遣昱入貢。與江南使同侍宴射于後苑。江南使先中的。令昱解之。昱應弦而中。賜以玉帶。及平蜀。復來賀。歸國為台州刺史。俛得福州。命昱守之。王師討江南。為東面水陸行營。應援使。從俛入朝。授白州刺史。昱好學。多聚書。喜吟詠。多與中朝卿大夫唱酬。嘗與沙門贊寧談竹事。迭錄所記。昱得百餘條。因集為竹譜二卷。俛獻太平興國錄。求換臺省官。令學士院召試制誥三篇。改秘書監判尚書都省。時新葺省署。昱撰記奏御。又嘗以鍾王墨跡八卷為獻。有詔褒美。出知宋州。改工部侍郎。歷典壽泗宿三州。率無善政。至道中。郊祀當進秩。太宗曰。昱貴家子。無檢操。不宜任丞郎。以為鄆州團練使。咸平二年。表入朝。以病不及。陛見。卒。年五十七。昱善筆札。工尺牘。太祖嘗取觀賞之。賜以御書金花扇。及急就章。昱聰敏。能覆棋。工琴書。飲酒至斗餘。不亂。善諧諠。生平交舊。終日設宴。未曾犯一人家諱。有集二十卷。然貪穢。縱肆。無名節。可稱。生子百數。涉雍熙中。進士及第。絳至內殿。承制閣門祇候。累典郡。頗以幹力稱。俛之羣從。又有台州刺史。仰之子。昭序。字著明。好學。喜聚書。書多親寫。知通利軍。以勳幹聞。至如京副使。衢州刺史。僱之子。昭度。字九齡。至供

奉官。俊敏。工為詩。多警句。有集十卷。蘇易簡為序行於世。

孫承祐。杭州錢塘人。俛納其姊為妃。因擢處要職。累遷浙江東道鹽鐵副使。鎮

海鎮。東兩軍節度副使。知靜海軍節度事。開寶初。隨俛子惟濬入貢。詔授光祿大夫。檢校太保。鎮東鎮海等軍行營司馬。俛又私署中吳軍節度。七年。俛復遣承祐入貢。賜襲衣玉帶。鞍勒馬。黃金器五百兩。銀器三千兩。雜綵五千匹。且令諭旨於俛。將有事於江表。及王師渡江。命內客省使丁德裕率步騎一千。詔俛以所部與德裕會攻常潤。承祐從俛克毗陵。功居多。詔改中吳軍為平江軍。真授承祐節。太平興國中。俛來朝。盡獻其地。從承祐奉軍節度使。五年。從幸大名。留知府事。雍熙二年。改知滑州。數月卒。贈太子太師。中使護葬。承祐在浙右。日憑藉親寵。恣為奢侈。每一飲宴。凡殺物命千數。常膳亦數十品。方下筯。所居室中。蒸龍腦。日不下數兩。從車駕北征。以囊駝負大斛貯水。養魚。自隨至幽州。南村落間。日已昏。西京留守石守信與其子駙馬都尉保吉。及近臣十數人。尚未朝食。適遇承祐。即延所止。幕舍中。膾魚具食。窮極水陸。人皆異之。承祐少時嘗夢人以著草一本。增其一而授之。既寤。以語所親。曰。大衍之數五十。其用四十。有九。今增其一。我壽止於此乎。果五十而卒。子誘。至駕部郎中。出為淮南節度行軍司馬。

沈承禮。湖州烏程人。錢鏐辟置幕府。署處州刺史。鏐子元瓘以女妻之。署為府中右職。出為台州刺史。元瓘卒。子佐嗣。以承禮掌親兵。俛襲位。命知威武軍節度事。充兩浙都鈐轄使。王師征江南。俛遣承禮率水陸數萬人助平毗陵。因攻潤州。城中兵夜出焚外柵。諸將皆欲馳救。承禮曰。古人有言。擊東南而備西北者。此之謂也。命士皆擐甲摩食。堅壁不動。他壘不設備者。悉驚擾。獨承禮所部敵人不散。窺丹陽平。遂率兵抵建業。李煜歸朝。錄其功。真授福州節制。太平興國中。俛盡獻浙右地。徙承禮鎮密州。八年。卒。年六十七。廢朝二日。贈太子太師。中使護葬。初。秦王廷美之敗也。有司按驗。俛惟濬。孫承祐及陳洪進。皆嘗有贈遺。獨承禮無焉。

宋史卷四百八十

元中書右丞相總裁脫脫等修

列傳第二百四十

世家四

南漢劉氏

南漢劉鋹其先蔡州上蔡人高祖仁安仕唐為潮州刺史因家嶺表仁安生謙為廣州牙校累遷封州刺史實水鎮遏使謙生隱謙卒隱代領其任唐昭宗以薛王知柔鎮南海辟為行軍司馬委以兵柄及宰相徐彥若代知柔以為節度副使時唐室已季彥若威令不振事皆決于隱彥若卒遺表薦隱自代昭宗不從以崔遠代之遠至江陵遷延不進乃以隱為留後未幾授以節旄梁開平初兼靜海軍節度使封南海王隱卒弟陟襲位貞明三年僭帝號國稱大漢改元乾亨行郊祀禮改名巖又改巖終改巖讀為儼字書不載蓋其妄作也晉天福七年卒子玘嗣為弟晟所殺晟遂自立性尤酷暴周顯德五年卒事具五代史錄即晟長子也初名繼與封衛王襲父位改今名改元大寶性昏懦委政宦官龔澄樞及才人盧瓊仙每詳覽可否皆瓊仙指之鋹日與宮人波斯女等游戲內官陳延受引女巫樊胡入宮言玉皇遣樊胡命鋹為太子皇帝乃于宮中施帷幄羅列珍玩設玉皇坐樊胡遠遊冠紫衣紫霞裙坐宣福福令鋹再拜聽命嘗云瓊仙澄樞延受皆玉皇遣輔太子皇帝有過不得治又有梁山師馬媪何擬之徒出入宮掖宮中婦人皆具冠帶領外事初龔離龍任中官其數載三百餘位不過掖庭諸局令丞至晟時千餘人稍增內常侍諸謁者之稱至鋹漸至七千餘有為三師三公但其上加內字諸使名不類二百女官亦有師傳令僕之號日百官為門外人羣臣小過及士人釋道有才略可備問者皆下蠶室令得出入宮闈作燒煮刺刺刀山劍樹之刑或令罪人鬪虎抵象又賦頌煩重鬻民入城者人輸一錢瓊州米斗稅四五錢置媚川都定其謀令入海五百尺探珠所居宮殿以珠玕瑇瑁飾之陳延受作諸淫巧日費數萬金宮城左右離宮數十銀游幸常至月餘或旬日以豪民為課戶供宴榻之費乾德中太祖命師

克郴州獲其內品十餘人有余延業者人質么麼太祖問曰爾在嶺南為何官對曰為扈駕弓箭手官命授之弓矢延業極力控弦不開太祖因笑問鋹為治之迹延業備言其奢酷太祖驚駭曰吾當救此一方之民先是晟因湖南馬氏之亂襲取桂柳賀等州開寶初鋹又舉兵侵道州刺史王繼勳上言鋹為政昏暴民被其毒請討之太祖難其事令江南李煜遣使以書諭鋹使稱臣歸湖南舊地鋹不從煜又遣其給事中龔慎儀遺書曰煜與足下叨累世之睦繼祖考之盟情若弟兄義敦交契憂戚之患曷嘗不同每思會面而論此懷抵掌而談此事交議其所短各陳其所長使中心釋然利害不惑而相去萬里斯願莫伸凡於事機不得款會屢達誠素冀明此心而足下視之謂書檄一時之儀近國梗概之事外貌而待之汎濫而觀之使忠告確論如水投石若此則又何必事虛詞而勞往復哉殊非宿心之所望也今則復遣人使聲申鄙懷又慮行人失辭不盡深素是以再寄翰墨重布腹心以代會面之談與抵掌之議也足下誠聽其言如交友諫爭之言視其心如親戚急難之心然後三復其言三思其心則忠乎不忠斯可見矣從乎不從斯可決矣昨以大朝南伐圖復楚疆交兵已來遂成豐隆詳觀事勢深切憂懷冀息大朝之兵求契親仁之願引領南望于今累年昨命使臣入貢大朝大朝皇帝果以此事宣示曰彼若以事大之禮而事我則何苦而伐之若欲與我而爭我則以必取為度矣見今點閣大眾仍以秋為期令敵邑以書復敘前意是用奔走人使遽貢直言深料大朝之心非有唯利之貪蓋怒人之不賓而已足下非有不得已之事與不可易之謀殆一時之忿而已觀夫古之用武者不顧大小強弱之殊而必戰者有四父母宗廟之讎此必戰也彼此為合民無定心存亡之機以戰為命此必戰也敵人有進必不捨我求和不得退守無路戰亦亡不戰亦亡奮不顧命此必戰也彼有天亡之兆我懷進取之機此必戰也今足下與大朝非有父母宗廟之讎也非同為合存亡之際也既殊進退不捨奮不顧命也又異乘機進取之時也無故而坐受天下之兵將決一旦之命既大朝許以通好又拒而不從有國家利社稷者當若是乎夫稱帝稱王角立傑出今古之常事也割地以通好玉帛以事人

亦古今之常事也。盈虛消息，取與翕張，屈伸萬端，在我而已。何必膠柱而用壯輕福而爭雄哉？且足下以英明之資，撫百越之衆，北距五嶺，南負重溟，藉累世之基，有及民之澤，衆數十萬，表裏山川，此足下所以慨然而自負也。然違天不祥，好戰危事，天方相楚，尙未可爭。恭以大朝師武臣力，實謂天贊也。登太行而伐上黨，士無難色，絕劍閣而舉庸蜀，役不淹時，是知大朝之力難測也。萬里之境難保也，十戰而九勝，亦一敗可憂。六奇而五中，則一失何補？況人自以我國險，家自以我兵強，蓋揣于此而不揣于彼，經其成而未經其敗也。何則？國莫險于劍閣，而庸蜀已亡矣；兵莫強于上黨，而太行不守矣。人之情端坐而思之，意滄海可涉也；及風濤驟興，奔舟失馭，與夫坐思之時，蓋有殊矣。是以智者慮於未萌，機者重其先見，圖難於其易，居存不忘亡。故曰：計禍不及慮，福過之良以福者人之所樂，心樂之，故其望也過；禍者人之所惡，心惡之，故其思也忽。是以福或修於儻望，禍多出於不期。又或慮有矜功好名之臣，獻尊主強國之議者，必曰：慎無和也。五嶺之險，山高水深，輜重不並行，士卒不成列，高壘清野而絕其運糧，依山阻水而射以強弩，使進無所得，退無所歸，此其一也。又或曰：彼所長者利在平地，今捨其所長，就其所短，雖有百萬之衆，無若我何。此其二也。其次或曰：戰而勝則霸業可成，戰而不勝則沉巨舟而浮滄海，終不爲人下。此大約皆說士孟浪之談，謀臣掉闔之策，坐而論之也。則易行之如意也，則難何則？今荆湘以南，庸蜀之地，皆是便山水習險阻之民，不動中國之兵，精卒已逾於十萬矣。況足下與大朝封疆接眇，水陸同途，殆難犬之相聞，豈馬牛之不及，一旦緣邊悉舉，諸道進攻，豈可俱絕其運糧？盡保其城壁，若諸險悉固，誠善莫加焉。苟尺水橫流，則長堤虛設矣。其次曰：或大朝用吳越之衆，自泉州泛海以趣國都，則不數日至城下矣。當其人心疑，惑兵勢動搖，岸上舟中，皆爲敵國忠臣，義士能復幾人？懷進退者，步步生心，顧妻子者，滔滔皆是。變故難測，須臾萬端，非惟暫乖始圖，實恐有誤壯志。又非巨舟之可及，滄海之可避也。然此等皆戰伐之常事，兵家之預謀，雖勝負未知，成敗相半，苟不得已而爲也，固斷在不疑。若無大故而思之，又深可痛惜。且小之事大，理固然也。遠古之例，不能備談。本

朝當楊氏之建吳也，亦入賈莊宗，恭自烈祖開基，中原多故，事大之禮，因循未遑，以至交兵，幾成危殆，非不欲憑大江之險，恃衆多之力，尋悟知難則退，遂修出境之盟，一介之使，纒行萬里之兵，頓息惠民和衆，于今賴之。自足下祖德之開基，亦通好中國，以闡霸圖，願修祖宗之謀，以尋中國之好，蕩無益之忿，棄不急之爭，知存知亡，能強能弱，屈己以濟億兆，談笑而定國家，至德大業，無虧也。宗廟社稷，無損也。玉帛朝聘之禮，纒出於境，而天下之兵已息矣。豈不易如反掌，固如太山哉？何必扼腕，肝衝履腸，喋血然後爲勇也？故曰：德輶如毛，民鮮克舉之。我儀圖之。又曰：知止不殆，可以長久。又曰：沉潛剛克，高明柔克。此聖賢之事業，何恥而不爲哉？況大朝皇帝，以命世之英，光宅中夏，承五運而乃當正統，度四方則威偃，下風，檢枕太原，固不勞於薄伐，南轅返旆，更屬在於何人。又方且遏天下之兵鋒，俟貴國之嘉問，則大國之義，斯亦以善矣。足下之忿，亦可以息矣。若介然不移，有利於宗廟社稷，可也；有利於黎元，可也；有利於天下，可也；有利於身，可也。凡是四者，無一利焉。何用棄德修怨，自生讎敵，使赫赫南國，將成禍機，炎炎奈何？其可嚮邇，幸而小勝也，莫保其後焉。不幸而違心，則大事去矣。復念頃者，淮泗交兵，疆陲多壘，吳越以累世之好，遂首爲厲階，惟有貴國情分逾親，離盟愈篤，在先朝感義，情實慨然，下走承基，理難負德，不能自己。又馳此誠，近奉大朝諭旨，以爲足下無通好之心，必舉上秋之役，即命敵邑，速絕連盟，雖善隣之心，期於永保，而事大之節，焉敢固違，恐煜之不得事足下也。是以惻惻之意，所不能云。區區之誠，於是乎在。又念臣子之情，尙不逾於三諫，煜之極言，於此三矣。是爲臣者可以逃，爲子者可以泣，爲交友者亦惆悵而遂絕矣。鏡得書，遂囚慎微，驛書答煜，言甚不遜，煜上其書，開寶三年，太祖命潭州防禦使潘美朗州團練使尹崇珂討之。八月，師至白霞，鏡賀州刺史陳守忠告急於鏡，時舊將多以讒構誅死，宗室翦滅殆盡，掌兵者唯宦人數輩，自辰以來，耽於遊宴，城壁壞墜，多飾爲宮館池沼樓榭，皆毀兵器，又腐內外震恐，乃遣龔澄樞往賀州，郭崇岳往桂州，李托往韶州，董守禦之策。九月，美與崇珂圍賀州，澄樞遁歸，鏡遣大將伍彥柔領兵赴賀，美等以奇兵伏南岸，彥柔夜至，艤舟岸側，遲

明拔彈登岸，睨胡牀指麾，伏兵卒發，彥柔衆大亂，死者千人，擒彥柔斬之，梟首以示城中。翌日城陷，美等督戰，艦聲言順流趨廣州，銀令都統潘崇徽將兵五萬屯賀江。十月，美等次昭州，破開建砦，殺卒數百，擒砦將斬暉。昭州刺史田行稠遁去。城遂陷。桂州刺史李承渥棄城亦奔。十一月，連州陷，招討使盧收率衆退保清遠。十二月，美等攻韶州，都統李承渥以兵數萬陣連葉山下。初，錢教象爲陣，每象載十數人，皆執兵仗，凡戰必置陣前以壯軍威。至是與美遇，美盡索軍中勁弩布前以射之，象奔踉蹌，象者皆墜，反踐承渥軍，遂大敗。承渥僅以身免。韶州陷，擒刺史辛延渥，諫議大夫卿文遠。錢始令斬廣州東壕，遣郭崇岳統兵六萬屯馬逕，列柵以拒之。四年正月，美等破英雄二州，都統潘崇徽來降。翌日，次瀧頭，錢遣使請和，且求緩師。瀧頭山水險惡，美等疑有伏兵，乃拔錢使速度諸險。二月，過馬逕，去廣城十里，若于雙女山下。錢聞之，取船舶十餘艘載金寶妃嬪欲入海，未及發，宦官樂範與衛兵千餘盜船舶走。美等將至城，錢懼，遣其右僕射蕭濯奉表詣軍門乞降。美諭太祖意，語在美傳，使者乞部送赴闕，師遂頓城外。錢又遣其弟保與率百官奉迎，爲郭崇岳所遏。崇岳無謀勇，但祈禱鬼神，復爲拒扞之備。美等乃進攻，保與迎戰，大爲所敗。美乘風縱火，煙埃全起，崇岳死於亂兵。城既破，銀盡焚其府庫，美擒錢及龔澄，樞李托薛崇譽與宗室文武九十七人同縶於龍德宮，保與逃於民家，亦獲之。悉部送闕下，斬關工五百餘人，凡得州六十縣，二百四十戶，十七萬錢。至江陵，郎吏龐師進迎謁，學士黃德昭侍銀，錢問師進何人，德昭曰：「本國人也。」錢曰：「何爲在此？」曰：「先主歲貢大朝輜重，比至荊州，乃令師進至邸，于此造車以給饋運。」錢嘆曰：「我在位十四年，未嘗聞此言，今日始知祖宗山河及大朝境土也。」因泣久之。至京，舍于玉津園。太祖遣參知政事呂餘慶問錢翻覆及焚府庫之罪，錢歸罪，澄樞托崇譽翌日，有司以帛係錢及其官屬獻太廟。太社，太祖御明德門，遣攝刑部尙書盧多遜宣詔責錢，錢對曰：「臣年十六僭位，澄樞等皆先臣舊人，每事臣不得專，在國時臣是臣下，澄樞是國主，遂伏地待罪。太祖命攝大理卿高繼申引澄樞托崇譽斬于千秋門外，釋銀罪，賜襲衣冠帶，器幣鞍勒馬，授金紫光祿大夫，檢

校太保，右千牛衛大將軍，員外置同正員，封恩赦侯。朝會班上將軍之下，以其第保與爲右監門率府率，左僕射蕭濯爲太子中允，中書舍人卓惟休爲太僕寺丞，餘並署諸州上佐。縣令主簿，初，龔時嘗召司天監周傑筮之，遇復之，龔問曰：「享年幾何？」傑曰：「凡二卦皆土，爲應土之數，五二十五也，上下各五，將五百五十五乎？」及錢之敗，果五十五年，蓋傑舉成數以避一時之害爾。又廣州童謠曰：「羊頭二四，白天兩至，識者以羊是未之神，是歲歲在辛未，以二月四日擒錢，天兩者，王師如時雨之義，又前一年九月八日夕，衆星皆北流，有知星者言劉氏歸朝之兆也。」四年，詔錢月給增錢五萬，米麥五十斛。八年，李煜平，遷左監門衛上將軍，進封彭城郡公。太平興國初，又進衛國公。五年，卒。年三十九。廢朝三日，贈太師，追封南越王。錢體質豐碩，眉目俱疎，有口辯，性絕巧，嘗以珠結鞍勒爲戲龍之狀，極其精妙，以獻太祖。太祖詔示諸宮官，皆駭伏，遂以錢百五十萬給其直，謂左右臣曰：「錢好工巧，習以成性，儻能以習巧之勤，移於治國，豈至滅亡哉？」太祖嘗乘肩輿從十數騎幸講武池，從官未集，錢先至，賜銀卮酒，錢疑爲醜，泣曰：「臣承祖父基業，遠拒朝廷，勞王師致討，罪固當死，陛下不殺臣，今見太平，爲大梁布衣足矣，願延旦夕之命，以全陛下生之之恩。」臣未敢飲此酒。太祖笑曰：「朕推心於人，腹安有此事，命取銀酒自飲之，別酌以賜錢。」大慚，頓首謝。太宗將討晉陽，召近臣宴，錢預之，自言朝廷威靈及遠，四方僭竊之主，今日盡在坐中，旦夕太原劉繼元又至，臣率先來朝，願得執挺爲諸國降王長。太宗大笑，賞賜甚厚，其談諧此類也。錢子守節，守正，皆至崇儀副使，守正卒，帝聞其家貧，詔月給萬錢，守素威平中爲侍禁，亦貧，真宗賜白金百兩，語宰相曰：「諸僞主子孫，率多窘迫，蓋僭侈之後，不知稼穡艱難所致也。」後至內殿崇班，天禧中，又錄爲閤門祗候，守通供奉官，守正子克昌，爲三班奉職，國昌爲借職。龔澄樞，廣州南海人，性廉謹，不妄交遊，幼事龔爲內供奉官，累遷內給事，屢襲位，任閤人林延遇爲甘泉宮使，頗預政事，延遇病將死，言於晟曰：「臣死惟龔澄樞可用。」即日權知承宣院，兼內侍省，改德陵使，兼龍德宮使，銀嗣位，加特進，開府儀同三司，萬華宮使，驃騎大將軍，改上將軍，左龍虎軍觀軍容使，內太師，軍

國之務皆決於澄樞澄樞與李托薛崇譽置酷法之具民甚苦之初嚴改名龔有術者言不利名龔當敗國事遂改名龔後鑲用澄樞以其姓卒亡其國澄樞亦被誅

李托封州封川人少習騎射以謹愿事龔為內府局令嚴龔位遷內侍省內侍充宮闈諸衛押番兼秀華宮使鑲立改玩華宮使內侍監兼列聖景陽二宮使托納二女於鑲鑲以其長為貴妃次為美人政事皆訪托而後行加特進開府儀同三司甘泉宮使兼六軍觀軍容使行內中尉選驃騎上將軍內太師太祖命師伐鑲既克韶州統軍使李承渥戰死節度副使辛延渥間道遣人勸鑲降托堅沮其議及就擒至許田太祖遣使問托等昨已約降復率眾來拒戰及軍敗又縱火焚府庫誰為之謀也托俛首不能對鑲諫議大夫王珪謂托曰昔在廣州機務並爾輩所專火又自內起今天子遣使案問爾復欲推過何人遂唾而批其頰托乃引伏後至京斬之

薛崇譽韶州曲江人善孫子五曹算嚴署為內門使兼太倉使鑲嗣位遷內中尉特進開府儀同三司簽書點檢司事太祖命師克廣州崇譽縱火焚倉廩擒至京與李托同戮

潘崇徹廣州南海人事龔為內侍省局丞頗讀兵書立戰功嚴嘗遣大將吳懷恩伐桂州平之懷恩為部下所殺命崇徹代之鑲龔位加西北面都統歲餘鑲頗疑崇徹遣薛崇譽使其軍以察之崇譽還遂白崇徹日以伶人百餘衣錦繡吹玉笛為長夜之飲不恤軍政鑲怒召歸奪其兵柄自是居常怏怏太祖命師度嶺鑲復命崇徹領兵五萬戍賀江崇徹不為効命鑲敗至京太祖知其事特赦之授汝州別駕卒

宋史卷四百八十一

宋史卷四百八十一 考證

劉鑲傳上蔡人○冊府元龜作彭城人

有余延業者○宋通鑑作韓延業

宋史卷四百八十一 考證

北漢劉氏

北漢劉繼元并州太原人。祖崇，漢祖之弟。漢初為太原尹，北京留守。隱帝嗣位，周祖為樞密使，崇謂判官鄭珙曰：「吾與郭樞密素不協，朝廷幼弱，郭得志，吾無類矣。」因泣下。珙遂勸繼元甲兵招集，亡命為自全計。及聞隱帝遇害，崇欲率兵南向，會漢太后下令，遣馮道詣徐州迎崇，子贊為漢嗣。崇信之，謂賓佐曰：「吾兒為帝矣，復何慮哉？」尹李驥曰：「知幾其神，時不可失。揣郭公之心，必不以天下與人，不如領精騎疾度太行，控孟津，以觀其變。」徐州位定，然後歸晉陽。即郭公不敢動矣。崇大怒，罵曰：「腐儒敢離間我父子，遠令左右曳出斬之。」驥曰：「僕負王佐才，今日為愚人畫計，死固甘心，但家有病妻，願同戮於市。」崇並殺之。表其事於太后，明無他志。俄周祖為眾所推，降封贊湘陰公。崇遣使奉書周祖，乞贊歸藩，使還，知贊已死，崇慟哭，為驥立祠。遂即皇帝位，國仍號漢，仍稱乾祐年，改名晏。以子鈞為太原尹，判官趙華、鄭珙為宰相，陳光裕為宣徽使，賈重幣結契丹。自言與周有隙，願如晉祖故事，約為父子。契丹主許之。遣政事令燕王耶律述軌上樞，使高勳、策崇為大漢神武皇帝。自是數侵晉，絳、高平之敗，崇單騎遁歸。由此喪氣，不敢復出師。顯德元年，崇卒。鈞襲位，鈞舊名承鈞，後止名鈞。鈞，元天會，以衛融為相，段常為樞密使，蔚進掌親軍。子繼恩為太原尹，始建七廟於漢。祖舊第，號顯聖宮，潛結江南西川為外援。六年冬，鈞結契丹侵周。明年正月，周恭帝命太祖北征，至陳橋驛，眾推戴太祖即位。鈞與契丹兵皆遁去。是夏，李筠以上黨叛，令判官囚監軍周光遜等送於鈞，稱臣求援。鈞自至太平驛，與筠會。遣其宣徽使盧贊將騎數千隨筠入寇，又遣其河陽節度范守圖援之。及太祖親討，前軍石守信、高懷德破筠衆於澤州，獲守圖，殺鈞兵數千。鈞之沙谷砦，又為折德辰所破，斬首五百級。九月，昭義李繼勳率師入鈞平遙，虜獲甚衆，建隆

二年冬，繼勳又敗鈞兵，斬首百餘級，獲其遂州刺史傅廷彥弟勳以獻。三年二月，鈞侵晉路二州，守將擊走之。三月，太祖詔河東降人徙家於邢洛，計口給粟。四月，太原民四百七十人降。七月，鈞捉生指揮使路貴等十一人降，並補內殿直。四年八月，邢州王全寶率師攻樂平，鈞拱衛指揮使王超散指揮使元威侯霸榮率所部千八百人降。全寶未幾，鈞侍衛都指揮使蔚進、馬軍都指揮使郝貴超與契丹悉兵來救樂平，三戰皆敗之。遂下其城，詔建為平晉軍，以降兵為做順軍，賜以錢幣。靜陽十八砦遂相率來降。九月，鈞復引契丹攻平晉軍。太祖遣洛州防禦使郭進、濮州防禦使張彥進、客省使曹彬、趙州刺史陳萬通將步騎萬餘救之。未至而鈞遁去。乾德二年二月，李繼勳與兵馬鈐轄康延紹、馬步軍都軍頭尹訓率兵攻遂州。鈞遣郝貴超來援，戰于城下，大敗。刺史杜延翰危蹙，與拱衛都指揮使冀進、兵馬都監侯美、籍部兵三千降。繼勳賜延翰等錢衣銀帶，器幣鞍勒馬。其降兵以效順懷恩為名。是月，府州擒鈞衛州刺史楊璘以獻。又鈞耀州團練使周審玉等四人降，賜審玉襲衣金帶，絹千匹，銀五百兩。鞍勒馬，仍賜名承璿，以為左千牛衛大將軍，領汾州團練使。四月，太祖遣馬軍都校劉光將兵戍潞，備鈞入侵。五年三月，鈞招收指揮使閻章以石盆砦降鎮州。四月，招收指揮使樊暉殺監軍成昭以瀋唐砦降鎮州。六年正月，偏成砦招烏玉砦主胡遇等百三十九人降鎮州。初，鈞自李筠敗，狼狽而歸，旦夕懼宋師之至，以趙文度為相，召抱腹山人郭無為參議中書事，以五臺山僧繼顯為鴻臚卿，參議國事。因事誅段常，契丹主遣使責鈞曰：「爾不稟我命，其罪二。擅改年號一也。助李筠有所覬覦二也。殺段常三也。鈞皇恐曰：父為子隱，願赦罪。契丹不報，自是使契丹者被留不遣，終以勢力窘弱，憂憤成疾。是月卒。年四十三。繼恩嗣位。初，太祖嘗因界上陳者謂鈞曰：「君家與周氏為世讎，宜其不屈。今我與爾無所間，何為因此一方人也？」若有志中國，宜下太行以決勝負。鈞遣陳者復命曰：「河東土地甲兵不足以當中國，然鈞家世非叛者，區區守此，蓋懼漢氏之不血食也。太祖哀其言，笑謂陳者曰：「為我語鈞，開爾二生路，故終其世不加兵。」

焉。繼恩本姓薛，父釗娶崇女，晉初為護聖營卒。漢祖典禁兵，以釗崇婿，釋其籍館門下。漢祖後領方鎮，爵位通顯，釗罕得見其妻，居常怏怏。一日乘醉求見，即引佩刀刺妻，妻奮衣得脫，釗乃自刎。繼恩時尚幼，漢祖令鈞養為子，遂冒姓劉。八月，太祖詔伐繼恩，以內客省使盧懷忠等二十二人將禁兵赴潞州，昭義節度李繼勳為行營前軍都部署，侍衛步軍都指揮使党進副之，宣徽南院使曹彬為都監，棟州防禦使何繼筠為前鋒都部署，懷州防禦使康延沼為都監，建雄軍節度趙贊為汾州路都部署，絳州防禦使司超副之，隰州刺史李謙溥為都監。九月，繼勳敗繼恩軍於洞澗河，其左勝軍使李瓊來降，賜襲衣金帶鞍勒馬。初，鈞謂郭無為曰：「繼恩庸懦，何堪付後事，無為亦以為然。至是繼恩獨處一室，行喪，左右親信皆在太原，無得從者，或勸召之，繼恩猶豫不決，有侯霸榮者，邢州龍岡人，多力善射，走及奔馬，嘗為盜，并汾間鈞用為散指揮使，成舉平建隆中，率所部來歸，補內殿直，未幾復奔太原，鈞署供奉官，至是謀持繼恩首獻太祖，遂乘繼恩無備，白晝挺刃而入，反扃其門，繼恩繞屏環走，霸榮以刀搯其袂，之年二十四，時立六十日矣，無為遣卒登梯入殺霸榮，立其弟繼元，繼元本姓何，初薛釗死，崇以女再妻何氏，生繼元，何死鈞亦養繼元為子，繼元既襲位，改元廣運，復結契丹為援，開寶二年春，太祖詔李繼勳趙贊郭進司超等將兵先赴太原，太祖遂親征，以繼元大谷令梁文陟為太子洗馬，郊令張續為右贊善大夫，太祖將至，繼勳敗繼元兵於城下，其憲州推官史昭文以州來降，升本州刺史，乃獲汾水糧其城，又遣海州刺史孫方進圍滄州，繼元方恃契丹為援，守陣者揚言旦夕契丹至，四月，何繼筠敗契丹於陽曲北，太祖命以所獲首級鎧甲示於城下，城中由是喪氣，知嵐州趙文度遂來降，閏五月，南城為汾水陷，水注城中，太祖幸長隄觀焉，登望樓者見繼元殺其相郭無為，城中紛擾，俄而城兵自西長連城出，將焚攻戰，具反為攻兵擊走之，斬首萬餘級，夜半呼壁外繼元降，太祖令衛士擐甲將開壁門入，使趙繼曰：「受降如受敵，詎可中夜輕出。」太祖使伺之，果謀者也，太常博士李光贊上言曰：「陛下應天順人，體元御極，戰無不勝，謀無不滅，四方特險之邦，僭竊帝王之號者，昔日與中國為隣，今日與

陛下為臣，襄爾晉陽，豈須親討，重勞飛輓，久駐師徒，且太原得之未必為多，失之未足為辱，今時屬炎蒸，候當暑雨，儻河津泛溢，道路阻艱，輦運稽留，恐勞宸慮，太祖覽奏甚喜，命宰相趙普撫諭諸將，欲班師，禁軍校趙翰等叩頭願乘城急擊，以盡死力，太祖曰：「汝曹我所訓練，無不一當百，以備肘腋，同休戚也，我寧不取太原，豈忍驅汝曹冒鋒鏑，而蹈必死之地乎？」士皆感泣，遂班師。九年八月，太祖又遣党進潘美楊光美牛思進米文義討之，時繼元謀者趙訓為晉州所捕，械送于朝，太祖命釋之，給服裝放歸，又遣郭進入忻代路，郝崇信王政忠入汾州路，閻彥進齊超人沁州路，孫晏宣安守忠入遼州路，齊延琛穆彥璋入石州路，九月，党進敗繼元兵數千，獲馬千餘，郭進得山北民三萬七千餘，十月，遼州監押馬繼恩入并州境，燔四十餘砦，獲牛羊數千，郭進又破壽陽，得民九千，穆彥璋入并州境，得民二千，党進又敗繼元兵千餘於城下，是月，太宗即位，召諸將還，太平興國二年，繼元胡桃砦指揮使史溫等以其民內附，太宗謂齊王廷美曰：「太原我必取之，四年始議討伐，曹彬以為可，太宗意遂決，語在彬傳，宰相薛居正曰：「昔周世宗舉兵太原，倚契丹之援，堅壁不戰，以至師老而歸，及太祖破契丹於鴈門，關南盡驅其民分布河洛之間，雖巢穴尚存，而危困已甚，得之不足以關土舍之不足以為患，願陛下熟慮之。」太宗曰：「今者事同而勢異，彼弱而我強，昔先王破契丹，徙其人而空其地者，正為今日事也。」朕計決矣，卿勿復言。」遂遣宣徽南院使潘美等率諸將分兵圍汾沁嵐諸州，車駕遂親征，以驍將郭進扼石橫關，斷契丹援路，契丹果至，進擊敗之，初，繼元遣子續質於契丹，契丹為進所敗，繼元又遣健步間道資蠟丸帛書求救，進又得之，徇於城下，繼元外援不至，饑道又絕，潘美等兵數十萬圍四合，自春徂夏，矢石如雨，晝夜不息，城中大懼，會太宗奄至，親督衛士急攻，人百其勇，城無完堞，太宗躬擐則殺傷者眾，以手詔諭繼元降，詔至城下，守陣者不納，繼元不能知，太宗躬擐甲，宵夜至長連城，督諸將攻之，控弦之士數萬，列陣于前，躡甲交射，矢集城上如蝟毛，每給矢必數百萬，頃之咸盡，捕得城中人云：「繼元以十錢購一矢，凡聚百餘萬，太宗笑曰：「此為我畜也。」五月庚辰，繼元宣徽使范超來降，攻城者以超

爲出戰禽而戮之。繼元遂斬妻。投其首城外。壬午。馬軍都指揮使郭萬超。踰城降。繼元帳下親信。因之漸亡去。城中危急。太宗又自草詔諭之曰。越王吳主。獻地歸朝。或授以大藩。或列於上將。臣僚子弟。皆享官封。繼元但速降。必保終始富貴。安危兩途。爾宜自擇。至是。詔入。諸將銳攻不可遏。太宗臨之。恐城陷。害民。慶衆少退。是夕。繼元遣其容省使李勳奉表請降。太宗賜勳襲衣金帶。銀器錦綵。銀鞍勒馬。復遣通事舍人薛文寶齎詔答之。夜漏未盡。太宗幸城北。張樂。宴從臣於城臺。繼元降。遲明。繼元率官屬。縞衣紗帽。待罪臺下。詔釋之。賜襲衣玉帶。金銀鞍勒馬。三匹。金器五百兩。銀器五千兩。錦綵二千段。文武官各賜衣金銀帶。器幣鞍勒馬。有差。召升臺。繼元叩頭言。臣聞車駕親征。即願束身歸罪。蓋亡命者懼死。逼臣不得降。爾太宗籍軍中亡投繼元者數百人。選其巨室者。以從軍法。餘賜服及錢帛。分隸諸將。詔授繼元特進。檢校太師。右衛上將軍。封彭城郡公。館於行在所。給賜甚厚。其相李憚等授官有差。命中使康仁寶監之。繼元獻其宮妓百餘。悉分賜立功將校。又令仁寶護繼元親屬百餘赴京。所過續食。賜京城甲第一區。歲時優加頒賚。六年。加開府儀同三司。雍熙三年。建房州爲保康軍。以繼元爲節度。淳化二年。繼元疾。遣中使護醫診視。及卒。遺奏以其子三猪爲託。太宗惻然哀之。贈中書令。追封彭城郡王。賻賻加等。葬事官給時。三猪六歲。賜名守節。授西京作坊副使。家居賜祿。初。太宗征繼元。行次澶淵。有太僕寺丞宋捷者。掌出納行在軍儲。太宗見其姓名喜。以爲師必有捷之兆。及將至太原。太宗遣詔攻城諸將曰。我以端午日當置酒高會於太原城中。至癸未。繼元降。乃五月五日也。劉崇自周廣順元年稱帝。歷四主。二十九年而亡。繼元性殘忍。在太原。凡臣下有忤意。必族其家。自太祖親征。及遣將攻伐。因之殺傷。不可勝紀。及窮蹙始降。太宗待遇終保全之。嘗謂近臣曰。晉司馬昭以劉禪思蜀之對。戲之云。何乃似卻正之言。此不仁之甚也。亡國之君。皆暗懦所致。苟有遠識。豈至滅亡。此可感傷。何反戲侮乎。劉繼元朕所虜者。待之若賓客。猶恐不慰其意。爾守節後爲崇儀使。改右屯衛將軍。天禧四年。特遷右武衛將軍。改右驍衛將軍。

衛融字明遠。青州博山人。晉天福初。舉進士。調南樂主簿。歷齊澶二州從事。忠武軍掌書記。漢初。爲太原觀察支使。劉崇稱帝。授中書侍郎。平章事。太祖立。李筠據上黨。遣使降劉鈞。鈞自將兵至太平驛。與筠會。遣宣徽使盧贊入潞州。監筠軍。贊與筠不協。鈞遣融和解之。會筠敗。融被擄。太祖責之曰。汝何故勸劉鈞舉兵助李筠反耶。融曰。犬吠非其主。臣四十口受劉氏豐衣美食。不忍負之。陛下縱不殺臣。臣亦不爲陛下用。終當間道走河東。爾太祖怒。令左右以鐵搗擊其首。曳出將戮之。融大呼曰。大丈夫死。或重於泰山。或輕於鴻毛。今之死。正得其所。爾太祖聞之曰。此忠臣也。遽命釋之。召坐御前。以良藥傳其創。賜襲衣金帶。鞍勒馬。既而欲放融歸。融先爲書諭鈞。言俟周光遜等歸朝。即遣融去。鈞得書。久無報。乃授融太府卿。賜第京城。乾德初。郊祀。融獻郊禋大禮賦。改司農卿。出知陳舒黃三州。開寶六年卒。年六十九。子稱儻。孫齊。並進士及第。趙文度。瀋州漁陽人。父玉。嘗客滄州。依節度判官呂克。劉守光破滄州。收克親屬盡戮之。克子琦。年十四。玉負之以逃。至太原。變姓名。丐衣食。以給琦。琦後唐同光初。爲藩郡從事。當是時。燕趙之士。以玉能存呂氏之孤。翕然稱之。明宗朝。琦至。職方員外郎知雜。清泰中。琦爲給事中。端明殿學士。玉已卒矣。文度入洛。舉進士。琦薦於主司馬裔孫。擢甲科。歷徐兗陳許四鎮從事。漢初。爲河東掌書記。文度捷給善戲謔。劉崇雅愛之。及稱帝。累官至翰林承旨。兵部尙書。天會四年。授中書侍郎。平章事。轉門下侍郎。兼樞密使。加司徒。久之。與郭無爲不協。出知汾州。徙嵐州。太祖開寶二年。親征晉陽。遣偏師圍嵐。文度危憂請降。待罪行宮。太祖命釋之。賜襲衣玉帶。金鞍勒馬。器幣甚厚。其官屬賜物有差。文度本名弘。以犯宜祖廟諱。賜今名。師還。授檢校太傅。安國軍節度。歲餘。徙華州。不宜制而告敕同宣制之例。又徙耀州。凡歷三鎮。七年卒。年六十一。文度善爲詩。人多諷誦。有觀光集。文度之降也。其母在太原。世以不能死節罪之。子昌圖。至內殿崇班。閣門祇候。李憚字孟深。開封陽武人。漢乾祐中。舉進士。客游嵐州。會劉崇自立。署州從事。擢知制誥。翰林學士。累至司空。平章事。時母在鄉里。憚不知存亡。居常戚戚。但

以弈棋沈飲為務政事多廢劉繼元類以為言憚不介意後方與僧弈棋繼元命近侍直抵憚前取局焚之憚怡然徐詰繼元謝繼元因切責之明日別造新局弈棋如故太宗克太原為殿中監始知母亡表求追服母喪不許出知廣州遷司農卿連知許孟二州以足疾求解授忠武軍行軍司馬端拱元年卒年七十三憚性疎達善談名理年少時好滑稽及為相頗事持重初與王溥李昉同年登第太原平相見敘舊情好益固論者美之子存誠駕部員外郎存信左侍禁閣門祇候

馬峯并州太原人仕劉繼元至樞密使左僕射致仕太原平太宗以為將作監遷太府卿分司西京峯善服餌養生體強無疾性鄙吝頗好持論雍熙元年卒年八十餘

郭無為青州千乘人少博學有辭辯為道士隱武當山漢乾祐中周祖征河中無為杖策謁於軍門周祖一見大奇之將留館門下左右曰無為縱橫家流今公握重兵不宜親之無為遂拂衣去隱太原抱腹山會劉鈞將兵援李筠將發太原其大臣趙華諫曰筠舉動輕易今起兵應之未見其可鈞怒不顧遂行及筠敗鈞復狼而歸由是重文學之士且日夕懼宋師至頗求有智謀者與之計事段常薦無為於鈞鈞以諫議大夫召之及至與語大悅尋遷吏部侍郎參議中書事與趙文度同秉政意好不協鈞乃出文度知汾州俄誅段常遂以無為為左僕射平章事兼樞密使機務一以委之鈞嘗病與無為語及後事謂其子繼恩不才無為亦言其然繼恩既立知其事欲誅無為畏懦不能決月餘侯霸榮弒繼恩無為使人殺霸榮并人疑無為初授意於霸榮後殺之以滅口也繼元立太祖遣李繼勳等討之仍詔許繼元以青州節度無為邢州節度無為得詔色動一日繼元宴羣臣契丹使亦在焉無為慟哭於庭曰今日以空城抗大

軍計將安出引佩刀欲自刺繼元遽降階持其手引無為升坐蓋無為欲以動眾心也及太祖親征長圍既合無為請自將兵夜出擊圍欲自拔來歸值天陰晦而止聞人衛德貴告其事會太祖墮汾水浸城城中人情大懼繼元乃殺無為以徇

宋史卷四百八十二

宋史卷四百八十二考證

郭無爲傳青州千乘人○十國春秋云棧州人

宋史卷四百八十二考證

元中書右丞相總裁脫脫等修

列傳第二百四十二

世家六

湖南周氏

荆南高氏

漳泉留氏

陳氏

湖南周行逢，朗州武陵人，少無賴，不事產業，嘗犯法，配隸鎮兵，以驍勇累遷裨校。自唐乾寧二年，馬氏專有湖南二十州之地，雖稟朝廷正朔，其郡守官屬皆自署。至周廣順初，兄弟爭國，求援於江南李景景，遣大將邊鎬率兵赴之，因下長沙，遷馬氏之族於建康，封希萼為楚王，居洪州，希崇鎮舒，居揚州，宋與希崇率兄弟十七人歸朝，皆為美官。景以鎬為潭帥，會朗州聚亂，推衙將劉言為留後，言以行逢為都指揮使，行逢以眾情表於景，請授言節鉞，景不從，召言入金陵，言懼，遣副使王進逵行軍，何景真與行逢帥舟師，襲破潭州，鎬遁去。行逢等據其城，言遣使上言，長沙兵亂，焚燒公府，請移治朗州。周祖即以言為朗帥，王進逵為潭帥，行逢為潭州行軍司馬，領集州刺史。未幾，進逵寇朗州，害劉言，周祖即以進逵為朗州節度，以行逢領鄂州節度。知潭州軍府事。初，朗州人謂劉言為劉鼓牙，馬氏將亂，湘中童謠云：馬去不用鞭，鼓牙過今年。及邊鎬俘馬氏，鎬為劉言所逐，而言亦被害。顯德中，世宗將用師，淮甸詔朗州王進逵出師入鄂州界，進逵遣裨將潘叔嗣領兵五千為先鋒，行及鄂州界，叔嗣乃回戈襲進逵，進逵聞之，倍道先入武陵，叔嗣攻其城，進逵敗走，為叔嗣所殺。迎行逢為節度，行逢至，即斬叔嗣以徇。世宗乃授行逢朗州大都督，武平軍節度，制置武安、靜江等州軍事，兼侍中。盡有湖南之地。宋初，加兼中書令。行逢在鎮，盡心為治，辟署官屬，必取廉介之士，有女婿，求補吏，不許，返給以未報語之曰：吏所以治民也，汝才不能任職，豈敢私汝以祿邪？姑歸墾田以自活，其公正多此類。條教簡約，民皆悅之。然性多猜忌，左右少有忤意者，必寘於法。麾下之人，重足累息，有何景山者，為王進逵記室，常狎侮行逢，及行逢為帥，署景山益陽令，數月，縛

投於江，又館驛巡官鄧洵美與翰林學士李昉同年進士，會昉使行逢，召至傳舍，與話終日，行逢疑其泄己陰事，黜為易俗場官，潛遣殺之。由是士流不附。馬氏舊僚，有天策府學士徐仲雅，性滑稽，頗恃才倨傲，行逢以為節度判官，行逢多署溪洞蠻酋為司空、太保，一日謂仲雅曰：吾奄有湖湘，兵彊俗阜，四鄰其懼我乎？仲雅曰：公部內司空、滿川、太保，偏地執事，不懼，行逢不悅，擯斥仲雅，行逢妻潘氏貌醜，性剛，行逢為帥，妻不為屈，不入府署，躬率奴僕耕織，以自給，賦調必先期輸送，行逢止之，不從，曰：稅官物也，若主帥自免其家，何以率下？建隆三年十月，行逢卒，追封汝南郡王，子保權年十一，初為武平軍節度副使，太祖授以起復檢校太尉，朗州大都督，武平軍節度，初行逢疾且亟，召將校託保權曰：吾部內兇很者，誅之略盡，唯張文表在焉，吾死，文表必亂，諸公善佐吾兒，無失土宇，必不得已，當舉族歸朝，無令陷於虎口。行逢卒，明年春，文表果自衡州舉兵，據潭州，將取朗陵，盡滅周氏，保權乞師於朝廷，江陵高繼沖亦以其事聞上，遣中使趙瓚齎詔諭文表，而保權之奏繼至，乃遣山南東道節度慕容延釗為湖南道行營都部署，宣徽南院使李處耘為都監，率澧州刺史尹崇珂、申州刺史聶章、郢州刺史趙重進，判四方館事武懷節，許使張繼勳、染院副使康延澤、內酒坊副使盧懷忠等，將步騎往平之。又發安復等十州兵會于襄陽，師及江陵，趙重進至潭州，文表已為保權之眾所殺，保權牙校張從富輩以為文表已平，而王師鐵進不已，懼為襲取，相與拒守，延釗令閤門使丁德裕先路安撫，及至城下，從富輩拒而不納，盡撤部內橋梁，沉舫伐樹，塞路，德裕以不奉詔不敢與戰，退軍以須朝旨，延釗以聞，太祖遣中使論保權及將校曰：爾本請師救援，故發大軍以拯爾難，今妖孽既殄，是有大造於爾輩，反拒王師，何也？無自取塗炭，重擾生聚，保權出軍於澧州南，未及交鋒，望風而潰，復還朗州，焚廬舍，庫皆盡，驅略居人奔竄山谷，城郭為之一空。王師長驅而南，獲從富於西山，下梟首朝市，其大將汪端劫保權并家屬，棄城亡匿山洞，王師至數月，獲保權武懷節，分兵克岳州，端擁保權眾寇略未幾，亦就擒，磔於市。湖湘悉平，保權至上章待罪，優詔釋之，賜襲衣金帶，鞍勒馬茵褥，銀器千兩，幣二千匹，錢千貫，授右

千牛衛上將軍。葺京城舊邸院為第。令居焉。仍下詔。賜錢三百萬。雍熙二年卒。乾德五年。累遷右羽林統軍。太平興國元年。知并州。賜錢三百萬。雍熙二年卒。年三十四。

李觀象。桂州臨桂人。行逢署為掌書記。行逢性殘忍。多誅殺。觀象懼及禍。清苦自勵。以求知遇。帳幃履衣。悉以紙為之。行逢頗加信任。軍府之政。皆取決。觀象涉經史。有文辭。忌才。怙寵。湖南士人。多為所排擯。行逢臨終。託以後事。令其子保權。善侍之。及張文表難作。王師壓境。觀象謂保權曰。我所恃者。北有荆渚。以為唇齒。高氏拱手聽命。朗州勢不獨全。莫若幅巾歸朝。則不失富貴。保權幼懦。不能用其言。及湖湘平。太祖聞觀象嘗為保權畫謀。以為左補闕。

張文表。朗州武陵人。從王進遠。周行逢舉兵。逐邊錡。行逢署文表。衡州刺史。頗心忌之。常欲誅文表。未有以發。及行逢卒。保權遣兵代。永州戍卒。路出衡陽。文表遂驅之以襲潭州。時行軍司馬廖簡知留後。素輕文表。不為之備。方宴飲。外報文表兵至。簡殊不以介意。謂四坐曰。此黃口小兒。至則成擒。何足慮也。飲啜如故。俄文表率眾徑入府中。簡醉不能發弓弩。但按膝叱之。文表遂害簡及坐客十餘人。保權遣其將楊師璠。悉眾以禦文表。保權泣謂眾曰。先君可謂知人矣。今墳土未乾。文表構逆。軍府安危。在此一舉。諸公勉之。眾皆感憤。遂破其眾於平津亭。擒文表。縛而食之。初。文表將攻長沙。猶豫未決。有小校夢文表龍出領下。明日以告。文表喜曰。天命也。及敗。梟首于朗陵市。

荆南高保融。字德長。其先陝州峽石人。祖季興。唐末為荆南節度。歷梁後唐。封南平王。卒。子從誨嗣。至太傅。中書令。五代史有傳。從誨生保融。以長與初。蔭補太子舍人。賜緋。晉天福中。制授檢校司空。判內外諸軍。俄遷節度副使。開運末。領峽州刺史。累加至檢校太傅。漢初。從誨卒。權知軍府事。制授起復檢校太尉。同平章事。江陵尹。荆南節度。荆歸峽觀察使。遣翰林使郭允明。賜衣幣。乾祐二年。加檢校太師。兼侍中。周廣順初。加兼中書令。封渤海郡王。正衙命使禮部尚書王易。副使刑部郎中景範。發冊命。仍賜禮服冠劍。顯德初。進封南平王。世宗即位。加守中書令。世宗征淮南。詔保融出水軍數千人。抵夏口。為犄角。淮南平。

重書褒美。以絹數萬匹。賞其軍。世宗將議伐蜀。保融上言。請率舟師趣三峽。六年。恭帝即位。加守太保。宋初。守太傅。連遣使貢獻。恩顧甚厚。是歲八月卒。年四十一。廢朝三日。遣儀鸞使李繼超。賜賜物。兵部尚書李濤。兵部郎中率汀。持節冊贈太尉。諡正懿。保融性迂闊。淹緩。御兵治民。一時術略政事。悉委於母弟保助焉。子繼沖。繼充。繼充至歸州刺史。

保助字省躬。從誨第十子。保融同母弟也。晉天福初。起家領漢州刺史。保融嗣政。令判內外諸軍事。周廣順元年。加檢校太傅。充荆南節度副使。顯德初。從保融之請。加檢校太尉。充行軍司馬。領寧江軍節度。融卒。保助權知軍府。奉章以聞。太祖即授以節度使。建隆二年。遣其弟保寅入貢。初。保融於紀南城。北決江水。澚之七里餘。謂之北海。以閔行者。至是。太祖因保寅歸。諭旨令決去。使道路無阻。保助幼多病。體貌臃瘠。淫泆無度。日召娼妓集府署。擇士卒壯健者。令恣調謔。保助與姬妾垂簾共觀。以為娛樂。又好營造臺榭。窮極土木之工。軍民咸怨。政事不治。從事孫光憲。切諫。不聽。三年十一月卒。年三十九。廢朝二日。贈侍中。遣御廚使李光睿。賻祭。初。保助在保抱。從誨獨鍾愛。故或感怒。見之必釋然而笑。荆人目為萬事休。及保助之立。藩政離弱。卒裁數月。遂失國。亦預兆也。繼沖。字贊平。保融長子也。周顯德六年。以蔭。檢校司空。為荆南節度副使。建隆三年。保助寢疾。以繼沖為節度副使。權知軍府。保助卒。四年正月。制授繼沖為檢校太保。江陵尹。荆南節度。時湖南張文表叛。周保權求救於朝廷。詔江陵發水軍三千人。赴潭州。繼沖即遣親校李景威。將之而往。二月。慕容延鈞。李處耘等率眾至。繼沖以牛酒犒師。開門納延鈞等。即遣客將王昭濟。蕭仁楷。奉表納土。太祖令御廚使部岳。持詔安撫。樞密承旨王仁贍。為荆南都巡檢使。仍令齎衣服玉帶。器幣鞍勒馬。以賜繼沖。授繼沖馬步都指揮使。梁延嗣。為復州防禦使。節度判官孫光憲。為黃州刺史。右都押衙孫仲文。為武勝軍節度副使。知進奏。鄭景致。為右驍衛將軍。王昭濟。左領軍衛將軍。蕭仁楷。供奉官。繼沖籍管內。芻糧錢帛之數。來上。又獻錢五萬貫。絹五千匹。布五萬匹。復遣支使王崇範。詣闕。買金器五百兩。銀器五千兩。錦綺二百段。龍腦香十斤。錦繡帷幕二百事。三

月，韶轉庫使程光裔，齋官告旌節，賜繼沖，并存問，參佐官吏等。又以保融兄弟諸父江陵少尹保紳為衛尉卿，節院使保寅為將作監，充內作坊使。左衛都將保緒為鴻臚少卿，右衛都將保節為司農少卿，合州刺史從翊為右衛將軍，衛將保遜為左監門衛將軍，巴州刺史保衡為歸州刺史，知峽州事，保廣為本州刺史，衛將從說為右衛率府率，從讓為左清道率府率，從謙為左司禦率府率。又以王崇範為節度判官，高若拙觀察判官，梁守彬江陵少尹，韋仲宣掌書記，胡允修節度推官，州縣官悉仍舊。別賜管內符印，五月，保紳等來朝，各賜京城第一區。六月，命王仁贍兼知軍府事，會是歲將郊祀，表求入觀，可之。十月，至闕下，獻金銀器錦帛，寶裝弓劍繡旗幟象牙玉鞍勒等，賜資甚厚。郊禮畢，授繼沖徐州大都督府長史，武寧軍節度使徐宿觀察使繼沖鎮彭門，幾十年，委政僚佐，部內亦治。開寶六年卒，年三十一。廢朝二日，贈侍中，遣中使護喪葬，事官給。自高季興據有荆南歸峽之地，傳襲三世五帥，凡四十餘年。

保寅字齊巽，晉天福七年，以陸授太子舍人，賜緋，累加檢校司空。兄保融襲封，奏署節院使，賜金紫，宋興，保助既襲封，遣保寅入觀，太祖召對便殿，授掌書記，遣還，保寅語保助曰：「真主出世，天將混一區宇，兄宜首率諸國，奉土歸朝，無為他人取富貴資，保助不聽。」王師討武陵，遣出荆渚，保寅奉牛酒迎犒軍鋒，太祖嘉之，驛召赴闕，授將作監，充內作坊使，賜第一區。俄知宿州，乾德四年，丁外艱，起復，轉少府監，開寶五年，知懷州，歷司農衛尉二卿，是州本隸河陽，時趙普為帥，與保寅素有隙，事多抑制，保寅心不能平，手疏請罷支郡之制，詔從之。又為西川諸州都巡檢使，改光祿卿，歷知同汝二州，改光化軍，卒年六十八。廢朝，賜錢十萬，初，保寅在懷州，蘇易簡、王欽若並妙年，始趨學，在同州，錢若水為從事，在光化軍，張士遜其邑人也，保寅一見，皆獎拔，許以遠大，議者多其知人。子輔政，輔之，輔克，輔國，並進士及第，輔政至秘書丞，輔之至太常丞。

孫光憲，字孟文，陵州貴平人，世業農畝，惟光憲少好學，游荆渚，高從誨見而重之，署為從事，歷保融及繼沖三世，皆在幕府，累官至檢校秘書監，兼御史大夫，賜金紫，慕容延釗等救朗州之亂，假道荆南，繼沖開門納延釗，光憲乃勸繼沖

獻三州之地，太祖聞之甚悅，授光憲黃州刺史，賜資加等，在郡亦有治聲，乾德六年卒，時宰相有薦光憲為學士者，未及召，會卒。光憲博通經史，尤勤學，聚書數千卷，或自抄寫，孜孜讎校，老而不廢，好著謀自號葆光子，所著荆臺集三十卷，葦湖編玩三卷，筆備集三卷，橘齋集二卷，北夢瑣言三十卷，蠶書二卷，又撰續通歷紀事，頗失實。太平興國初，詔毀之，子謂謙並進士及第。

梁延嗣，京兆長安人，少事高季興，頗見委任，表授檢校司空，領綿州刺史，充衙內馬步軍都指揮使，歷事四帥，人稱其忠盡。繼沖之納土也，延嗣亦嘗勸之，復率荆之水軍，從慕容延釗越戰，太祖嘉之，授復州防禦使，充湖南前軍步軍都指揮使，兼排陣使，後因郊禮，自復州入朝，太祖慰撫之曰：「使高氏不失富貴，爾之力也。」改濠州防禦使，有善政，詔書褒美，延嗣頗知書，好接士，嘗暴疾，禳於城隍神，是夕夢神人告以九九之數，俄疾愈，開寶九年卒，年八十一。

漳泉留從效，泉州永春人，幼孤，事母兄以孝悌聞，頗知書，好兵法，唐末，王審知據有福建之地，子延鈞後，唐長興中，僭稱帝，國號閩，都福州，為其下所殺，立蕃知次子延義，晉天福末，部將朱文進殺延義，據其位，署其黨黃紹頗為泉州刺史，程寶為漳州刺史，許文禎為汀州刺史，時審知子延政為建州刺史，亦僭稱帝，眾人念王氏失國，羣逆分據，時從效為泉州散指揮使，與其黨王忠順、董思安及所親蘇光誨相與圖議，與復王氏從效倡言：「吾等皆受王氏恩遇，今王氏子孫未復位而不思報，可謂忠義乎？」聞建州士卒謀盡力擊福州，以復王氏，苟一旦功先成，王氏復位，我輩何面見之邪？」於是忠順、思安置酒從效家，募敢死士得陳洪進等五十二人，夜持白梃踰城而入，劫庫兵，擒紹頗斬之，立延政從子繼勳為刺史，從效等三人自署為統帥，洪進等皆為指揮使，繼勳令送紹頗首於建州，奉延政為主，延政遂送款於江南李景，文進率眾攻泉州，為從效所敗，會景遣將討王氏之亂，圍福州，兩浙錢氏發兵來援，景將但克汀建而歸，福州入於錢氏，從效以兵劫繼勳送江南，自領漳泉二州，留後李景即建泉州為清源軍，授從效節度，泉漳等州觀察使，閩中五州自此分矣。景累授從效同平章事，兼侍中，中書令，封鄂國公，晉江王，從效出自寒微，知人疾苦，在郡專以勸

儉養民為務，常衣布素，置公服於中門之側，出則衣之，每言我素貧賤，不可忘本，民甚愛之。部內安治，王氏有二女，嫁為郡人妻，從效奉之甚謹，資給豐厚，每歲取進士明經，謂之秋堂。世宗征淮南，李景以兵十萬保紫金山，從效累表於景，言其頓兵老師，形勢非便，既而果敗，江北之地盡入於中朝，從效遣衙將蔡仲贊等為商人，以帛書表置草帶中，自鄂路送款內附，又遣別駕黃禹錫間道奉表，以獬豸通犀帶龍腦香數十斤為貢，世宗錫詔書嘉納之，從效又乞置邸京師，世宗以其素附江南，慮其非便，不許。宋初，從效遂上表稱藩，貢奉不絕。會李景遷洪州，從效疑景討己，頗懼，遣其從子紹鏐齎厚幣獻景，又遣使假道吳越入貢。太祖特命使厚賜以撫之，使未至，從效疽發背卒。年五十七，僞贈太尉。靈州大都督從效無嗣，以兄從願之子紹鏐錫鏐為子，從效癯疾，時從願守漳州，紹鏐在金陵，紹鏐尚幼，衙校張漢思、陳洪進等率兵劫從效遷東亭，漢思自稱留後，洪進為副使。時建隆三年也。明年，洪進又廢漢思而立，從效再從弟仁讓，淳化中為泗州長史，有清節，官散奉薄，藜藿不充，未嘗妄干人。太宗聞之，詔赴闕，特遷揚州觀察，支使大中祥符七年，從效孫丕式詣闕，上從效所受太祖朝制書，授三班借職。

陳洪進，泉州仙遊人，幼有壯節，頗讀書習兵法，及長，以材勇聞，隸兵籍，從攻汀州，先登，補副兵馬使，從留從效殺黃紹，頗將以紹，頗首送建州，請出兵為援，羣下以道阻賊威，憚其行，洪進慮事久生變，獨請往，至尤溪，賊數千人遮道，不得前，洪進給賊曰：「福州泉州已為義師所襲，爾輩復為何人戍守？」即持紹頗首示之曰：「我送此於建州，迎爾君以歸國，爾輩將安歸乎？」賊遂潰，渠帥數人皆聽命。洪進至建州，延政大悅，以為本州馬步行軍都校。是歲，晉開運元年也。自是漳、汀州殺程贊，迎延政，從子繼成，為刺史。許文稹以汀州降，連軍遇殺，朱文進傳首建州，福人又殺重遇，延政遂遣洪進歸泉州。三年，李景陷建州，延政入江南，明年，泉州留從效劫王繼勳降江南，景以從效為清源軍節度，洪進為統軍使，與副使張漢思同領兵柄，累立戰功，從效卒，少子紹鏐典留務，月餘，洪進誣紹鏐將召越人以叛，執送江南，推副使張漢思為留後，自為副使。漢思年老醇謹，不

能治軍務，事皆決於洪進。漢思諸子並為衙將，頗不平。洪進圖欲害之，漢思亦患其專，明年夏四月，漢思大享將吏，伏甲於內，將害洪進。酒數行，地忽大震，棟宇將傾，坐立者不自持，同謀者以告洪進，洪進亟去，眾驚悸而散。漢思事不成，慮洪進先發，常嚴兵為備。洪進子文顯，文顯皆為指揮使，勒所部欲擊漢思，洪進不許。一日，洪進袖置大鎖，從二子常服安步入府中，直兵數百人皆叱去之。漢思方處內齋，洪進即鎖其門，使人叩門，謂漢思曰：「郡中軍吏請洪進知留務，眾情不可違，當以印見授。」漢思惶懼不知所為，即自門間出，印與之。洪進遽召將校吏士，告之曰：「漢思昏耄，不能為政，授吾印，請吾蒞郡事，將吏皆實，即日遷漢思別墅，以兵衛送。」遣使請命於李煜，煜以洪進為清源軍節度，泉州、南等州觀察使。時太祖平澤潞，下揚州，取荆湖，威振四海，洪進大懼，遣衙將魏仁濟間道奉表，自補清源軍節度副使，權知泉州、南等州軍府事。且言張漢思老耄，不能御眾，請臣領州事，恭聽朝旨。太祖遣通事舍人王班齎詔撫諭，又與李煜詔曰：「泉州陳洪進遣使奉表，言為眾所推，因而總領州事，以誠控告，聽命於朝，觀其傾輸，尤足嘉尚，但聞泉州昔嘗附麗，尤荷撫綏，然變詐多端，屢移主帥，恐其地里遼遠，制御有所未遑，朕以書軌大同，恩威遠被，嘉其款附，已降詔書，蓋矜其遠俗，便安，不必以彼此為意，想惟明哲當體朕懷，煜上言洪進多詐，首鼠兩端，誠不足聽。太祖又詔諭之，煜乃聽命。建隆四年，遣使朝貢，是冬，又貢白金萬兩，乳香茶藥萬斤，煜復上言，請發洪進恩命。太祖又以論煜，乾德二年，制改清源軍為平海軍，授洪進節度，泉州、漳州觀察使，檢校太傅，賜號推誠順化功臣，鑄印賜之，以文顯為節度副使，文類為漳州刺史。是年夏，丁家艱，起復，洪進每歲以修貢朝廷，多厚斂於民，第民貲百萬以上者，令差入錢，以為試協律奉禮郎，蠲其丁役。及江南平，吳越王來朝，洪進不自安，遣其子文顯入貢乳香萬斤，象牙三千斤，龍腦香五斤。太祖因下詔召之，遂入覲，至南劍州，聞太祖崩，歸鎮發哀。太宗即位，加檢校太師。明年四月，來朝，朝廷遣翰林使程德玄，至宿州迎勞，既至，賜錢千萬，白金萬兩，絹萬匹，禮遇優渥，又增其食邑，以其子文顯為團練使，文顯文瑛並為刺史。洪進遂上言曰：「臣聞峻極者山也，在汙壤而不辭，無私者

日也。雖獲益而必照。顧惟退僻。尚隔聲明。願歸益地之圖。輒露由衷之請。臣所領兩郡僻在一隅。自浙右未歸。金陵偏霸。臣以崎嶇千里之地。疲散萬餘之兵。望雲就日以維勤。畏首畏尾之不暇。遂從間道。遠貢赤誠。願領事大之心。庶齒附庸之末。太祖皇帝賜之軍額。授以節旌。俾專達於一方。復延賞於三世。祖父荷瀟泉之澤。子弟享烈士之榮。榮戟在門。龜綯盈室。雖冠列藩之寵。未修肆覲之儀。暨江表底平。先皇厭世。會嬰犬馬之病。尚阻雲龍之庭。皇帝陛下。欽嗣丕基。誣數景命。臣遠辭海嶠。入覲天墀。獲親咫尺之顏。疊被便蕃之澤。六飛遊幸。每奉屬車之塵。三殿宴嬪。屢挹大樽之味。旬浹之內。雨露駢臻。至於童男。亦荷殊獎。恩榮若此。報效何階。志益戀於君軒。心遂忘於坎井。臣不勝大願。願以所管漳泉兩郡。獻于有司。使區區負海之邦。遂爲內地。蚩蚩生齒之類。得見太平。伏望聖慈。授臣近地。別鎮臣男文顯等。早膺朝獎。皆忝郡符。牙校賓僚。久經驅策。各希玄造。稍霽鴻私。太宗優詔。嘉納之。以洪進爲武寧軍節度。同平章事。留京師。奉朝請。諸子皆授以近郡。賜白金萬兩。各令市宅。明年。從平太原。六年。封杞國公。雍熙元年。進封岐國公。洪進年老。富貴且極。上言求致仕。優詔免其朝請。二年。以疾卒。年七十二。廢朝二日。贈中書令。諡曰忠順。中使護喪。葬。事官給。洪進在泉州日。方書有蒼鶴翔集內齋前。引吭向洪進。洪進視之。有魚鯁其喉。即以手採取之。魚猶活。鶴馴擾齋中。數日而後去。人皆異之。洪進弟銛。初爲泉州都指揮使。開寶四年。授漳州刺史。入貢。至宿州卒。銛子文璉。供奉官。閣門祇候。

文顯字仲達。洪進領章泉節制。署左神機指揮使。遷泉州馬步軍使。都督右軍押衙。乾德初。朝命平海軍節度副使。累加檢校太保。洪進歸朝。授文顯通州團練使。知泉州。未幾。代還。時太宗征太原。朝於行在。久之。出爲青齊廬壽西京水南北陝州四州都巡檢使。文顯與諸弟不睦。咸平初。御史中丞李惟清抗疏曰。文顯等並分符竹。委以方面。一門榮感。當世罕備。先人之墳土未乾。私室之風規大壞。第兄列訟。骨肉爲仇。官奉私藏。同居異爨。屢經赦宥。而久積人言。文顯首起訟端。當律文尊長之坐。乞寬散秩。以警浮俗。詔曰。文顯等頗傷名教。合真

邦刑。以其父有忠勳。未忍捐棄。宜賜誠諭。許其改過。儻無悛革。當正簡書。令御史臺告諭之。以疾改通許鎮都監。六年卒。年六十五。子宗憲。歷虞部員外郎。爲西京作坊使。宗元。殿中丞。

文顯初爲泉州右軍散兵馬使。衙內都指揮使。俄權知漳州。朝命漳州刺史。凡七年。求還泉州。署行軍司馬。開寶末。江南平。洪進之第三子文顯入貢。文顯不欲行。乃遣文顯至京師。自陳願留。以俟父入覲。太祖嘉之。及洪進歸朝。授文顯房州刺史。會升房州爲節鎮。換康州刺史。端拱初。出知同州。錢若水爲從事。文顯深禮之。委以郡政。咸平初。知耀州。又徙徐州。坐用刑失入。責授左武衛大將軍。知漣水軍。上念其父納土效順。復以爲康州刺史。留京師。大中祥符初。議東封。以濮州馳道所出。命知州事。須置供擬。頗勤。至詔褒之。駕至。召見。勞問禮畢。改衛州刺史。特給內地。刺史奉料。未幾。代還。以老疾。累表求致仕。詔免朝謁。歲給公費及月廩。並如故。六年卒。年七十二。

文顯始爲泉州衙內都指揮使。知漳州。洪進歸朝。授滁州刺史。仍舊知州。俄召歸奉朝請。景德中。換光州。以久次。領和州團練使。歷知海濮濰沂黃五州信陽軍。所至無能稱。卒。年七十一。錄其子宗綬爲大理評事。孫永弼。永昇。爲三班借職。次子宗繼。太子中舍。

文顯。本文顯子。初洪進在泉州。有相者言一門受祿。當至萬石。時洪進與三子皆領州郡。而文顯始生。乃以文顯爲子。欲應其言。初補泉州衙內都校。又爲衙內都監使。朝命領順州刺史。歸朝爲登州刺史。滄棣有寇盜。命爲巡檢使。會以禁軍大校趙延薄。爲登州團練使。文顯改舒州刺史。淳化三年卒。年三十五。文顯頗知書。亦工畫。子宗絳。爲殿中丞。

宋史卷四百八十三

宋史卷四百八十三考證

周行逢傳行逢妻潘氏○臣人龍按九國志行逢妻嚴氏父廣遠仕馬氏為評

事因以女妻行逢通鑑作鄧氏三楚新錄及宋史作潘氏皆非

高保融傳○馬令南唐書作保庸

保融弟保勳○清異錄作保勉

保融長子繼沖字贊平○五代史繼沖字咸和

留從效傳泉州永春人○臣琦按五代史五國故事唐紀傳南唐書皆作從効

泉州桃林人

宋史卷四百八十三考證

元中書右丞相總裁脫脫等修

列傳第二百四十二

周三臣

韓通

李筠

李重進

五代史記有唐六臣傳示讖也宋史傳周三臣其名似之其義異焉求所以同則歸於正名義扶綱常而已韓通與宋太祖比肩事周而死於宋未受禪之頃然不傳於宋則忠義之志何所託而存乎李筠李重進舊史書叛叛與否未易言也洛邑所謂頑民非殷之忠臣乎孔子定書不改其舊稱焉或曰三人者書臣唐晉漢矣曰智氏之豫讓非歟作周三臣傳

韓通并州太原人弱冠應募以勇力聞補騎軍隊長晉開運末漢祖建義於太原真通帳下尋從漢祖至東京累遷為軍校漢祖典衛兵以通為衛隊副指揮使從討杜重威得銀青階檢校國子祭酒漢祖開國加檢校左僕射隱帝即位遷奉國指揮使乾祐初周祖為樞密使統兵伐河中知通謹厚命之自隨先登身被六創以功遷本軍都虞候周祖鎮大名奏通為天雄軍馬步軍都校委以心腹及入汴通甚有力焉授奉國左第六軍都校領雷州刺史廣順初為虎捷右廂都校遷左廂充孟州巡檢繼領永睦二州防禦使周祖親征兗州以通為在京右廂都巡檢時河溢灌河陰城命通率廣銳卒千二百浚汴口又部築河陰城柳營壁未幾拜保義軍節度觀察留後周祖親郊正授節度并州劉崇南侵命通副河中王彥超出晉州道擊之敗于高平以通為太原北面行營部署為地道攻其城俄班師移鎮曹州檢校太保世宗即位以深冀之間有胡蘆河東西橫互數百里堤場非峻不能扼契丹奔突顯德二年命通與王彥超浚治之功未就契丹至通出兵迎擊退之遂城李晏口為靜安軍四旬而完又城東鹿及鼓城并葺新州時大兵之後遺骸布野通悉收瘞為萬人冢又城博野安平往來深定間夜宿古寺晝披荊棘在安平領百餘騎督役會契丹騎數百奄至通率麾下與戰日暮大風雨契丹解去擒十餘騎又城百八橋鎮及武強縣

皆旬日畢歸朝會攻秦鳳以通為西南面行營馬步軍都虞候入大散關圍鳳州分兵城固鎮以斷蜀餉道未幾拔鳳州以功授侍衛馬步軍都虞候世宗征淮南命通為京城都巡檢世宗以都城狹小役畿甸民築新城又廣舊城街道命左龍武統軍薛可直是役也期以三年繼半歲而就三年追敘秦鳳功改領忠武軍廉彥瓌分督四面通總領其役功未就世宗幸淮上留通為在京內外都巡檢權點檢侍衛司是役也期以三年繼半歲而就三年追敘秦鳳功改領忠武軍節度檢校太傅又改侍衛馬步軍都虞候世宗幸壽春為京城內外都巡檢淮南平為歸德軍節度六年春詔通河北按行河堤因發徐宿宋單等州民浚汴渠數百里世宗將北征命通與高懷德張鐸先赴滄州賜襲衣金帶鞍馬器帛即領兵入契丹境乾寧軍之南俄為陸路都部署殿前都虞候石守信副焉又命通巡北邊自浮陽至淤口浦壞坊三十六遂通瀛莫初克益津關以為霸州役濱棧民數千城之命通董其役師還以為檢校太尉同平章事充侍衛親軍馬步軍副都指揮使恭帝即位移領鄆州太祖奉詔北征至陳橋為諸軍推戴通在殿閣聞有變惶遽而歸軍校王彥昇遇通於路策馬逐之通馳入其第未及闔門為彥昇所害妻子皆死太祖聞通死怒彥昇專殺以開國初隱忍不及罪即下詔曰易姓受命王者所以應期臨難不苟人臣所以全節故周天平軍節度檢校太尉同中書門下平章事侍衛親軍馬步軍副都指揮使韓通振迹戎伍委質前朝彰灼茂功踐更勇爵夙定交於霸府遂接武於和門艱險共嘗情好尤篤朕以三靈眷佑百姓樂推言念元勳將加殊寵黃馮遇害良用無然可贈中書令以禮收葬遣高品梁令珍護喪事通性剛而寡謀言多忤物肆威虛衆謂之韓瞎眼其子頗有智略幼病偃人目為彥馳兒見太祖有人望常勸通早為之所通不聽後太祖幸開寶寺見通及其子畫像于壁遽命去之

李筠并州太原人善騎射後唐秦王從榮判六軍諸衛募勇士為爪牙筠操弓矢求見弓力及百斤府中無能挽者從榮令筠射引滿有餘力再發皆中因以隸麾下從榮難作筠騎從至天津橋射殺十數人知事不濟棄馬遁去清泰初應募為內殿直遷控鶴指揮使晉開運末契丹犯汴京其將趙延壽聞筠驍勇

召寅帳下及契丹主北歸死樂城延壽至常山為永康王所繫契丹眾數萬據常山後北去留耶律解里眾纔二千騎又分別部首領楊衰以千騎掠耶洛來還中朝士大夫多在城中契丹與漢相雜解里性貪恣自奉削漢軍日食眾皆菜色筠乘其怨密與王堯石公霸何福進等謀以閏七月二十九日伺契丹守關者且食撞寺鍾為期相率入據兵庫火焚牙門大呼市人併力擊焉契丹眾大驚由北門而出解里趣族乘列之於野明日集眾入郭力戰屬晉士卒分掠唯控鶴一軍與市民禦之死傷相繼午後郭外民千餘知契丹奔敗者持兵器其族乘將劫之守者入郭馳告解里聞之遂挈族而去筠建謀約諸將同力控鶴左廂都校白再榮首匿於室不敢應筠拔佩刀破幕引臂迫之再榮不得已而行諸將次第赴之及契丹去百姓死者二千餘人諸將互伐其功筠諳故相馮道請權領節度事道曰予主奏事而已留後事當議功臣為之道恐諸將爭功復亂乃以再榮前職貴加諸將權推為留後人心遂定是戰筠功居多即送款漢祖以其子赴朝漢祖深賞之以控鶴一軍力戰優加賜與授再榮留後筠博州刺史筠以賞薄不悅周祖鎮大名表為先鋒指揮使又為北面緣邊巡檢周祖起兵入汴筠同郭崇從與慕容彥超戰於留子陂彥超東奔廣順初權知滑州俄真拜義成軍節度數月改彰德軍節度會并人侵晉州王峻率師往拒筠亦請西征詔褒之又乞免黃澤關商稅委可周祖征兗還次濮筠因朝獻馬賜襲衣金帶從至澶真訖遣還及召潞州常思入朝命筠權知軍府思改宋毫以筠為昭義軍節度三年加檢校太傅時王峻兼節制以筠及王殷何福進皆創業功臣故並加恩焉顯德初周祖親郊如同平章事世宗即位并人入侵其將張暉率先鋒自圍柏谷入營梁侯驛劫劫堡柵所至焚略盡筠遣護軍穆令均率步騎二千拒之令均營於太平驛驛東南距潞八十里失於偵邏暉凌晨奄至潞兵被甲介馬暉見之伴退潞兵追之并伏遂發令均且鬪且却步卒降并者數百人騎不復者百人餘眾還保潞世宗親征於州降之命筠率心之行營兵赴太原符彥卿戍州口拒契丹援兵彥卿請益師詔筠與張永德以三千騎益之既至以偏師逸契丹後奮擊走之師還加兼侍中二年筠破并軍

於輸社獲其將安濟康超等七十餘人三年筠遣行軍司馬范守圖率兵入遼州界殺并卒三百餘獲小校數人以獻四年又遣守圖入河東界降二堡五年筠自將入石會關破并人六堡是冬又破遼州長清砦擒其磁州刺史李戴與以獻俄又敗并人於境斬三百餘級六年平遼州獲刺史張丕旦等二百四十五人以獻筠在鎮擅用征賦頗集亡命嘗以私忿囚監軍使世宗心不能堪但詔責而已恭帝即位加檢校太尉是秋令裨將劉繼忠將兵與吐渾入并境平買家砦斬百餘級獲牛羊而還太祖建隆初加兼中書令遣使諭以受周禪筠即欲拒命左右為陳曆數方俯俛下拜貌猶不恭及延使者升階置酒張樂遽索周祖畫像懸壁涕泣不已賓佐惶駭告使臣曰令公被酒失其常性幸勿為訝及太原劉鈞以蠟書結筠共舉兵筠雖緘書上太祖心已畜異謀太祖手詔慰撫之是時筠子守節為皇城使嘗泣諫筠不聽太祖又遣守節諭旨曰吾聞汝諫汝父汝父不聽吾今殺汝何如汝歸語汝父我未為天子時任自為之既為天子獨不能臣我耶守節曰公以孤軍舉事其勢甚危雖倚河東之援亦恐不得其力大梁兵甲精銳難與爭鋒不如西下太行直抵懷孟塞虎牢據洛邑東向而爭天下計之上也筠曰吾周朝宿將與世宗義同昆弟禁衛皆舊人聞吾之來必倒戈歸我況有儋珪捨撥汗馬何憂天下哉儋珪璋愛將有勇力善用槍撥汗錡駿馬日馳七百里故筠誇焉執監軍亮州防禦使周光遜閑廐使李廷玉遣判官孫平衙校劉繼忠送於劉鈞求濟師又遣人殺澤州刺史張福住據其城劉鈞遂率兵與契丹數千眾來援至太平驛筠以臣禮迎謁見鈞兵衛寡弱甚悔之而業已然矣鈞封筠西平王賜馬三百匹召與之語筠自言受周祖大恩敢愛死不寤鈞與周祖有世讎鈞默然遂疑之命其宣徽使盧贊監筠軍筠心不能平頗與贊不協鈞復命平章事衛融和解之筠有馬三千匹關鞠場閱習日夜謀畫為寇留其子守節守上黨引眾南向太祖遣石守信高懷德將兵討之敕曰勿縱筠下太行急進師扼其隘破之必矣又遣慕容延釗王全斌由東路會守信與監軍李崇矩破筠眾於長平斬首三千級又攻大會砦下

之太祖遂親征山路險峻多石不可行太祖先於馬上負數石羣臣六軍皆負之即日平爲大道與守信懷德會破筠衆數萬於澤南降者三千餘殺筠監軍使盧贊擒筠河陽節度范守圖筠走還保澤太祖至列柵圍之筠龍捷使王廷魯吐渾留後分州團練使王全德率所部自昭義來降筠益失援太祖親督戰拔其城筠赴火死獲筠相衛融鈞懼而遁歸太祖進伐上黨守節以城降釋其罪賜襲衣金帶銀鞍勒馬是日宴從官守節預焉以爲單州團練使以昭義軍節度副使趙處愿爲鄆州刺史節度判官孫孚爲屯田郎中觀察判官史文通爲水部郎中前遼州衙內指揮使馬廷禹爲右監門衛將軍領壁州刺史筠性雖暴事母甚孝每怒將殺人毋屏風後呼筠趨至母曰聞將殺人可免乎爲吾曹增福爾筠遽釋之筠稍知書頗好調諶初名榮避周世宗諱將改之或令名筠筠曰李筠李筠玉帛云乎哉聞者皆笑筠有愛幸劉氏隨筠至澤時被攻城危劉謂筠曰城中健馬幾何筠曰爾安問此劉曰孤城危蹙破在俄頃今誠得馬數百與腹心潰圍出保昭義求援河東楷愈於坐待死也筠然之召左右計馬尚不減千匹以是夕將出或謂筠曰今帳前計議皆云一心駭門既發不可保矣儻劫公而降悔其可及筠猶豫不決明日城陷筠將赴火劉欲俱死筠以其有娠麾令去守節既購得之果生子焉守節字得臣初補東頭供奉官廣順中嘗以心疾乘醉擊殺供御白鶻筠上章待罪詔釋之四遷至皇城使歷單濟二州團練使乾德六年出知遼州開寶三年改和州團練使四年卒年三十三無後以劉氏所生之弟爲嗣

李重進其先滄州人周太祖之甥福慶長公主之子也生於太原晉天福中仕爲殿直漢初從周祖征河中廣順初遷內殿直都知領泗州刺史改小底都指揮使二年改大內都點檢權侍衛馬步軍都軍頭領恩州團練使遷殿前都指揮使三年加領泗州防禦使顯德初領武信軍節度重進年長於世宗及周祖寢疾召重進受顧命令拜世宗以定君臣之分世宗嗣位爲侍衛親軍馬步軍都虞候從世宗征劉崇戰于高平不利大將樊愛能何徽以其衆遁唯重進與白重贊勒兵不動既而太祖先以麾下犯敵重贊繼領所部力戰世宗躬率衛

兵合勢周師復振崇遂大敗以功領忠武軍節度及進討太原又爲行營馬步軍都虞候師還加同中書門下平章事改歸德軍節度兼侍衛馬步軍都指揮使世宗親征淮南命重進將兵先赴正陽俄聞李穀攻壽春不克還保正陽促重進兵助之吳人以穀退爲懼乃發兵三萬餘旌旗輜重互數百里又發戰艦二百艘以張斷橋之勢列陣鼓譟而北橫布拒馬以萬數皆貫以利刃維以鐵索又刻木爲戰形立陣前號捷馬牌皮囊貯鐵蒺藜以布戰地時周師未朝食吳師奄至周師望其陣皆笑之宣祖領前軍與重進韓令坤合勢擊之一鼓而敗斬首萬餘級追奔二十餘里殺大將劉彥貞擒裨將威師朗數十人降二千人獲戈甲三十萬世宗大悅詔書褒諭即以重進代穀爲行營招討使賜襲衣金帶玉鞍名馬三年以重進爲廬壽等州招討使時李繼勳主壽春重進駐軍城北聞城南洞屋爲淮人所焚將議退軍會太祖自六合歸道出壽州因駐師旬餘重進倚以爲援兵威復振吳人大懼以重進色黧號黑大王張承德屯下蔡與重進不協承德每宴將吏多暴重進短後乘醉謂重進有奸謀將吏無不驚駭承德密遣親信乘驛上言世宗不之信亦不介意二將俱握重兵人情益憂恐重進遂自壽陽單騎直詣承德帳中命飲酒親酌謂承德曰吾與公皆國家肺腑相與戮力同擬王室公何疑我之深也承德意解三軍皆安李景知之密令人齎蠟書誘重進皆以厚利重進表其事時行濠州刺史齊藏珍亦說重進世宗知之假他事誅藏珍詔重進來淮城正陽下蔡既成上其圖俄又取淮兵二千餘於場山北時圍壽經年未下吳遣將許文績邊鐔州帥數萬沂淮來援文績維舟淮南據紫金山山距壽數里設十餘營連互相望與城中烽火相應又南築夾道將抵壽爲饋路重進伺其城北展砦出兵擊之敗五千餘衆奪二些獲器甲甚衆世宗幸壽宴從官召重進賜戎服玉帶金銀器繒線鞍勒馬及克壽錄功加檢校太傅兼侍中又改天平軍節度仍爲招討使四年攻取濠州南關城其團練使郭廷謂以兵萬餘降獲糧數萬斛從平楚州命先還揚州五年世宗在迎鑾遣重進將兵赴廬州會李景請畫江爲界世宗遂還留重進戍守景遣人以牛酒來犒俄乃還鎮六年世宗北征次博州重進來朝賜宴行

宮，即命將兵先趣北面，及世宗駐瓦橋關，重進與諸將率師而至，時關南已平，議進取幽州，會世宗不豫而止，即命率所部趣河東，次百井路，敗奔人五千餘，斬二千餘級，恭帝嗣位，加檢校太尉，改淮南道節度，太祖即位，以韓令坤代為侍衛都指揮使，加重進中書令，既而移鎮青州，加開府階，重進與太祖俱事周室，分掌兵柄，常心憚太祖，立愈不自安，及聞移鎮陰懷異志，太祖知之，遣大宅使陳思誨齎賜鐵券，以安其心，重進欲治裝隨思誨入朝，為左右所惑，猶豫不決，又自以周室近親，恐不得全，遂拘思誨，治城隍，繕兵甲，遣人求援李景，景懼而不納，聞之，太祖監軍安友規常為重進所忌，至是友規謀與親信數人斬關出，為眾所拒，躡城得脫，重進捕軍校不附者數十人，盡殺之，太祖遣石守信王審琦李處耘宋偓四將率禁兵討重進，會友規至，賜襲衣金帶，器幣鞍馬，以為滁州刺史，監前軍，太祖謂左右曰：「朕於周室舊臣，無所猜間，重進不體朕心，自懷反側，令六師在野，當暫往慰撫之，爾遂親征，次大儀鎮，石守信遣使馳奏，揚州破在旦夕，願車駕臨視。」太祖徑至城下，即日拔之初，城將陷，重進左右勸殺思誨，重進曰：「吾今舉族將赴火死，殺此何益？」即縱火自焚，思誨亦為其黨所害，太祖入駐城西，南關逆黨數百人，盡戮之，重進兄深州刺史重興聞其叛，自殺，弟解州刺史重贊，子尚食使延福，並戮於市，初，重進謀舉兵，遣親吏翟守珣往潯，陰結李筠，守珣素識太祖，往還京師，潛詣樞密承旨李處耘，求見太祖，問曰：「我欲賜重進鐵券，彼信我乎？」守珣曰：「重進終無歸順之志。」太祖厚賜守珣，許以爵位，且令說重進緩其謀，無令二兇並作，以分兵勢，守珣歸，勸重進養威持重，未可輕發，重進甚信之，及李筠誅，重進反書聞，並如太祖之策，其不信鐵券，亦如守珣所云，揚州既平，購得守珣，補殿直，俄為供奉官，又有張崇詰者，周廣順初為樞密承旨，二年，出為解州刺史，兩池權鹽使，多規畫鹽池利害，顯德三年，改德州，又改泗州澤州，崇詰本名崇訓，恭帝嗣位，避諱改焉，重進赴淮南時，道出泗上，崇詰說以畜兵完城之計，重進敗，事露，詔捕之，棄市，籍其家。

宋史卷四百八十四

宋史卷四百八十四考證

李重進傳吳遵將許文績邊籍州帥數萬沂淮來援○臣宗楷按五代舊史吳遵將三人許文績邊籍朱元此傳止載二人州字疑亦衍文。

宋史卷四百八十四考證

元中書右丞相總裁脫脫等修
列傳第二百四十四

外國一

夏國上

昔唐承隋後，隋承周齊，上溯元魏，故西北之疆，有漢晉正朔所不逮者，然亦不過使介之相通，貢聘之時至而已。唐德既衰，荒服不至，五季迭興，綱紀自紊，遠人慕義，無所適從。宋祖受命，諸國削平，海內清謐，於是東若高麗，渤海，雖阻隔遼壤，而航海遠來，不憚跋涉。西若天竺，干闥回鶻，大食，高昌，龜茲，拂林等國，雖介遼夏之間，筐篚亦至，屢勤館人，竟項吐蕃，喚厮囉，董氈，賸征諸部，夏國兵力之所必爭者也。宋之威德，亦暨其地，又聞獲其助焉。交趾占城，真臘，蒲耳，大理，濱海諸蕃，自劉鋹陳洪進來，歸接踵修貢，宋之待遇，亦得其道，厚其委積，而不計其貢輸，假之榮名，而不責以煩縟，來則不拒，去則不追，邊圉相接，時有侵軼，命將致討，服則舍之，不贖以武，先王柔遠之制，豈復有加於是哉。南渡以後，朔漠不通，東南之限，以及西鄙，冠蓋猶有至者，交人遠假爵命，訖宋亡而後絕焉。女直在宋初，屢貢名馬，他日疆大，倘怨於遼，其索叛臣阿疎，責還所掠，宋詔猶知以通宋為重，及滄海上之盟，尋構大難，宋遂為所絀辱，豈非自取之過乎。前宋舊史有女直傳，今既作金史，義當削之。夏國雖傾軛不常，而視金有間，故仍舊史所錄存焉。

李彝興，夏州人也。本姓拓跋氏，唐貞觀初，有拓跋赤辭者，歸唐，太宗賜姓李，置靜邊等州以處之。其後析居夏州者，號平夏部。唐末，拓跋思恭鎮夏州，統銀夏綏宥靜五州地，討黃巢有功，復賜李姓。思恭卒，弟思諫代為定難軍節度使。思諫卒，思恭孫彝昌嗣，梁開平中，彝昌遇害，將士立其族子蕃都指揮仁福、仁福卒。子彝興嗣，事具五代史。彝興，彝超之弟也。本名彝殷，避宋宣祖諱，改殷為興。初為行軍司馬，清泰二年，彝超卒，遂加定難軍節度使。晉初，加同平章事，開運初，契丹授西南招討使。漢初，加兼侍中。周初，加中書令。顯德初，封西平王。世宗

即位，加太保，恭帝初，加太傅。宋初，加太尉。北漢劉鈞結代北諸部來寇麟州，彝興遣部將李彝玉會諸鎮兵禦之，鈞眾遂引去。建隆初，獻馬三百匹。太祖大喜，親視攻玉為帶，且召使問曰：汝帥腹圍幾何？使言彝興腰腹甚大。太祖曰：汝帥真福人也。遂遣使以帶賜之。乾德五年卒。太祖廢朝三日，贈太師，追封夏王，子克睿立。克睿初名光睿，避太宗諱，改光為克。彝興之卒，自權知州事，授檢校太保，定難軍節度使，開寶九年，率兵破北漢吳堡砦，斬首七百級，獲牛羊千計，俘砦主侯遇以獻。累加檢校太尉。太平興國三年卒。太宗廢朝二日，贈侍中，子繼筠立。繼筠初為衙內都指揮使，檢校工部尚書，克睿卒，自權知州事，授檢校司徒，定難軍節度觀察留後。太宗征北漢，繼筠遣銀州刺史李光遠，綏州刺史李光憲，率蕃漢兵列陣渡河，略太原境，以張軍勢。太平興國五年卒。弟繼捧立。繼捧立，以太平興國七年率族人入朝，自上世以來未嘗親覲者，繼捧至，太宗甚嘉之，賜白金千兩，帛千匹，錢百萬，祖母獨孤氏亦獻玉盤一金，盤三，皆厚寶之。繼捧陳其諸父昆弟多相怨，願留京師，乃遣使夏州，護總麻已上親赴闕，授繼捧彰德軍節度使，并官其昆弟。夏州蕃落指揮使克信等十二人有差，遂曲救銀夏管內，太宗嘗宴羣臣苑中，謂繼捧曰：汝在夏州，用何道以制諸部？對曰：羌人驚悍，但羈縻而已，非能制也。弟權知夏州，克文來朝，以唐僖宗所賜其祖思恭鐵券及朱書御札來上，改博州防禦使。初，繼捧之入也，弟繼遷出奔，及是數來為邊患，有言繼遷悉知朝廷事，蓋繼捧泄之，乃出為崇信軍節度使。克憲為道州防禦使，克文遣歸博州，並選常參官為通判，以專郡政。端拱初，改感德軍節度使，屢發兵討繼遷，不克，用宰相趙普計，欲委繼捧以邊事，令圖之。因召赴闕，賜姓趙氏，更名保忠。太宗親書五色金花牋，以賜之，授夏州刺史，充定難軍節度使。夏銀綏宥靜等州觀察處置押蕃落等使，賜金器千兩，銀器萬兩，并賜五州錢帛芻粟田園，保忠辭曰：妄于長春殿，賜襲衣玉帶銀鞍馬，錦綵三千匹，銀器三千兩，又賜錦袍銀帶五百副，馬百匹，至鎮數月，上言：繼遷悔過歸款，乃授繼遷官，然實無降心也。二年，加保忠特進，同中書門下平章事，淳化初，與繼遷戰于安慶澤，繼遷中流矢遁去。保忠乞師繼遷，遣商州團

練使翟守素率兵援之賜保忠茶百斤上醢十石乃獻白鶴名海東青以久罷
 畋獵詔慰還之五年繼遷攻靈州遣侍衛馬軍都指揮使李繼隆討之保忠先
 挈其母與妻子壁野外乃上言與繼遷解怨獻馬五十匹乞罷兵帝覽奏立遣
 中使督繼隆進軍及兵壓境保忠反為繼遷所圍欲併其眾縛牙校趙光祚襲
 其營帳保忠方寢聞難作單騎走還城為大校趙光嗣閉於別室旦開門迎繼
 隆乃執保忠送闕下待罪崇政殿庭帝詰責數四釋之賜冠帶器幣并賜其母
 金銀器以撫之尋責授右千牛衛上將軍封宥罪侯賜第京師保忠狀貌雄毅
 居環列奉朝請常快快不自得咸平中丁內艱以本官起復遷金吾衛上將軍
 判岳州移復州景德元年病劇上言有子永哥不肖乞配春州帝以其病語乃
 授永州別駕詔監軍察之尋卒贈威塞軍節度使克文亦死贈岳州防禦使天
 禧四年錄其孫從吉為三班奉職 繼遷繼捧族弟也高祖思忠嘗從兄思
 恭討黃巢拒賊於渭橋表有鐵鶴射之沒羽賊駭之遂先士卒戰沒僖宗贈宥
 州刺史祠于渭陽曾祖仁顏仕唐銀州防禦使祖彝景嗣于晉父光儼嗣于周
 建隆四年繼遷生于銀州無定河生而有齒開寶七年授定難軍管內都知蕃
 落使繼捧之歸末時年二十留居銀州及使至召親麻親赴闕乃詐言乳母死
 出葬于郊遂與其黨數十人奔入地斤澤澤距夏州東北三百里太平興國八
 年知夏州尹憲與都巡檢曹光實偵知夜襲破之斬首五百級焚四百餘帳繼
 遷與其弟游免獲其母與妻繼遷復連娶豪族轉遷無常漸以彊大而西人以
 李氏世著恩德往往多歸之繼遷因語其豪右曰李氏世有西土今一旦絕之
 爾等不忘李氏能從我與復乎眾曰諾遂與弟繼冲破丑重遇貴張浦李大信
 寺起夏州乃詐降誘殺曹光實于葭蘆川遂襲銀州據之時雍熙二年二月也
 三月破會州焚毀城郭而去三年遂以義成公主嫁繼遷冊為夏國王四年知
 夏州安守中以三萬眾戰于王亭鎮敗績繼遷追至城門而返端拱元年繼捧
 之節制夏臺言能歸款即授洛苑使銀州刺史淳化初復與繼捧戰于安慶澤
 不利轉攻夏州繼捧乞師及翟守素來及奉表歸款授銀州觀察賜名保吉子
 德明管內蕃落使行軍司馬淳化四年轉運副使鄭文寶請禁鹽池用困繼遷

數月邊人四十二族萬餘騎寇環州屠小康堡太祖乃遣錢若水弛其禁因撫
 慰之五年正月繼遷徙綏州民于平夏部將高文煇等因眾不樂反攻敗之繼
 遷復圍堡掠居民焚積聚遂攻靈州詔遣李繼隆等進討繼遷夜襲保忠走
 之獲其輜重以歸七月乃獻馬以謝又遣弟廷信獻馬粟馳太宗撫養甚厚遣
 內侍張崇貴詔諭賜茶藥器幣衣物至道初遣左都押衙張浦以囊輓及良馬
 來獻太宗令衛士翹關超乘引彊奪槩於後圍俾浦等觀且令兵士皆拓兩石
 弓帝笑問浦曰羌人敢敵否浦曰羌部弓弱矢短但見此長大入則已遁矣况
 敢敵乎繼遷乞禁邊盜掠詔令謹守疆場還所盜物遣閭門副使馮訥中使賈
 繼隆持詔拜繼遷鄜州節度使不受乃以浦為鄜州團練留京師繼遷表鄭文
 寶誘其部長鬼囉鬼悉遂賂文寶藍山令繼遷以千騎攻清遠軍守臣張延擊
 退之二年春命洛苑使白守榮等護送芻粟四十萬于靈州且令車重先後作
 三隊丁夫持弓矢自衛士卒布方陣以護之遇敵則戰可以無失復令會州觀
 察使田紹斌率兵應援而守榮乃併為一軍繼遷邀擊于浦洛河紹斌不救眾
 潰運鏡盡為繼遷所得太宗聞之怒二年復命李繼隆為環慶等州都部署會
 四方館使曹瑑自河西至言繼遷眾萬餘圍靈武城中上表告急為繼遷所得
 遂頓兵不去時朝議或云率輕騎三道擣平夏或云暑涉旱海無水泉糧運艱
 辛不如靜以待之帝不聽九月親部分諸將繼隆出環州丁罕出慶州范廷召
 出延州王超出夏州張守恩出鄜州五路進討直抵平夏繼隆以環州路迂乃
 自青岡峽遠靈武徑趨平夏兵行數日與丁罕合又行十餘日無所見乃引還
 張守恩遇之不戰而遁王超范廷召遇之于烏白池大小數十戰不利諸將失
 期士卒困乏繼遷復令軍主史不叱駐屯囊駝口以阻歸宋人繼隆遣田敏等
 擊之咸平春繼遷復表歸順真宗乃授夏州刺史定難軍節度夏銀綏宥靜等
 州觀察處置押蕃落等使加邑千戶實封二百戶益功臣號乃放張浦還復遣
 押衙劉仁謙表讓恩命詔不允賜仁謙錦袍銀帶尋遣弟繼瑗來謝恩授繼瑗
 亳州防禦使封繼遷母衛慕氏衛國太夫人子德明為定難軍節度行軍司馬
 未幾復抄四年麟府副都部署曹瑑率熟戶兵邀繼遷輜重于柳撥川殺獲甚

衆九月來攻破定州懷遠縣及堡靜承州清遠軍監軍段義叛城遂陷五年三月繼遣大集蕃部攻陷靈州以爲西平府六年春遂都于靈州詔遣張崇貴王涉謙和割河西銀夏等五州與之六月復以二萬騎圍麟州詔金明巡檢李繼周擊之圍未解麟州部署請濟師真宗聞地圖曰麟州依險三面孤絕戮力可守但城中乏水可憂耳乃遣兵走援繼遣果據水砦障城已五日知州衛居寶出奇兵突戰繼勇士城下城上鼓噪矢石如注殺傷萬餘人繼遣乃拔去遂率衆攻西蕃取西涼府都首領潘羅支僞降繼遣受之不疑羅支遣集六谷蕃部及者龍族合擊之繼遣大敗中流矢八月復聚兵浦洛河聲言攻瓊州詔張凝等分兵以待之景德元年正月二日卒年四十二子德明立祥符五年德明追上繼遣尊號曰應運法天神智仁聖至道廣德孝光皇帝元昊追諡曰神武廟號太祖墓號裕陵

德明小字阿移母曰順成懿孝皇后野利氏卽位于柩前時年二十三邊臣以德明初立乞詔撫之因賜詔令審圖去就又詔蕃族萬山萬馮羅羅逝安萬子都廣候軍主吳守正馬尾等能率部下歸順者授團練使銀萬兩絹萬匹錢五萬緡茶五千斤其有亡命叛去者釋罪甄錄旣而康奴移移等率屬來降德明遣牙將王晏奉表歸順賜旻錦袍銀帶遣侍禁夏居厚持詔答之因詔河西羌族各守疆場德明連歲表歸順三年復遣牙將仁昂奉誓表請藏盟府且言父有遺命帝嘉之乃授特進檢校太師兼侍中持節都督夏州諸軍事行夏州刺史上柱國充定難軍節度夏銀綏宥靜等州管内觀察處置押蕃落等使西平王食邑六千戶食實封一千戶仍賜推忠保順亮節珪戴功臣內侍左右班都知張崇貴太常博士趙相等充旌節官告使賜襲衣金帶銀鞍勒馬銀萬兩絹萬匹錢三萬貫茶二萬斤給奉如內地因責子弟入質德明謂非先世故事不遣乃獻御馬二十五匹散馬七百匹橐駝三百頭謝恩四年又獻馬五百匹橐駝三百頭謝給奉廩賜襲衣金帶器幣及請使至京市所需物從之五月母罔氏薨除復鎮軍大將軍右金吾衛上將軍員外置同正員餘如故以殿中丞趙積爲弔贈兼起復官告使德明以樂迎至柩前明日釋服涕泣對使者自陳感恩及葬請脩供五臺山十寺乃遣閣門祇候袁瑀

爲致祭使護送所供物至山復獻馬五百匹助脩章穆皇后園陵大中祥符元年以天書降加賜守正功臣益食邑一千戶食實封四百戶俄境內旱詔榷場勿禁西人市糧以振其乏東封又遣使來獻禮成加兼中書令益食邑千戶實封四百戶時遂亦遣使冊德明爲大夏國王明年出侵回鶻恆星晝見德明懼而還三年境內饑上表求粟百萬朝議不知所出時王且爲相請救有司具粟百萬于京師詔其來取德明既得詔曰朝廷有人遂止大起宮室于鐵子山會旱西攻河州甘州宗哥族及秦州緣邊熟戶遂出大理河築柵蒼耳平四年祀汾陰進中書令五年聖祖降加守太保七年二月謁太清宮遣使來獻方物加宣德功臣八年築堡于石州濁輪谷將建榷場詔緣邊安撫司止之九年因表邊臣違約招納逃亡云自景德中進誓表朝廷亦降詔書應兩地逃民緣邊離戶不令停命皆俾交還自茲謹守輪垣頗有倫理自向敏中歸闕張崇貴云亡後來邊臣罕守舊制各務邀功不虞生事遂致綏延等界涇原以來擅舉兵甲入臣境土其有叛亡部族劫掠主財去者百無十回臣之邊吏亦務蔽藏俱失奏諭漸棄盟約詔答已令鄜延涇原環慶麟府等路約束邊部毋相攻劫其有隱蔽逃亡復時勸送本國亦宜戒部下毋有藏匿各遵紀律以守封疆五年德明追遣繼遣爲太祖應運法天神智仁聖至道廣德光孝皇帝廟號武宗七年甘露降國中天禧元年正月加守太傅食邑千戶實封四百戶三年春德明丁繼立母憂除起復如前制以屯田員外郎上官偁爲弔贈兼起復官告使閣門祇候常希古爲致祭使冬郊祀又加崇仁功臣四年遼主親將兵五十萬以狩爲言來攻涼州德明帥衆逆拒敗之五年遼復遣金吾衛上將軍蕭孝誠齎玉冊金印冊爲尙書令大夏國王乾興元年加純誠功臣德明自歸順以來每歲旦聖節冬至皆遣牙校來獻不絕而每加恩賜官告則又以襲衣五金荔支帶金花銀匣副之銀沙羅盆合千兩錦綵千匹金塗銀鞍勒馬一匹副以纓復遣內臣就賜之又遣閣門祇候賜冬服及頒儀天具注曆明年攻麟州柔遠峯巡檢楊承吉與戰不利命曹瑋爲環慶秦州緣邊巡檢安撫使禦備之德明城懷遠鎮爲興州以居仁宗卽位加尙書令德明娶三姓衛慕氏生元昊暉迷氏生

戎遇訛藏，屈懷氏生成鬼。天聖六年，德明遣子元昊攻甘州拔之。八年，瓜州王以千騎降于夏。火星入南斗。九年十月，德明卒。時年五十一。追諡曰光聖皇帝。廟號太宗。墓號嘉陵。宋贈太師尚書令，兼中書令，以尚書度支員外郎朱昌符為祭饗使。六宅副使內侍省內侍押班馮仁俊副之。賜絹七百匹，布三百匹。副以上醞羊米麵，將裝賜物，稱是皇太后所賜，亦如之。帝與皇太后成服于苑中，子曩霄立。曩霄本名元昊，小字鬼理。國語謂借為鬼，富貴為理。母曰惠慈。敦愛皇后衛慕氏，性雄毅，多大略，善繪畫，能擬製物，始圓面高準，身五尺餘。少時好衣長袖緋衣，冠黑冠，佩弓矢，從衛步卒張青蓋出乘馬，以二旗引百餘騎。自從曉浮圖學，補蕃漢文字。案上置法律，常攜野戰歌。太乙金鑑訣，弱冠獨引兵襲破回鶻，夜洛隔可汗王，奪甘州，遂立為皇太子。數諫其父母臣宋，父輒戒之曰：「吾久用兵，疲矣。吾族三十年衣錦綺，此宋恩也，不可負。」元昊曰：「衣皮毛，事畜牧，蕃性所便，英雄之生，當王霸耳。何錦綺為？」德明卒，即授特進檢校太師，兼侍中，定難軍節度夏銀綬宥靜等州觀察處置押蕃落使，西平王。以工部郎中楊吉為旌節官告使，禮賓副使朱允中副之。既襲封明號，令以兵法勒諸部，始衣白窄衫，氈冠，紅裏冠，頂後垂紅結綬，自號鬼名吾祖。凡六日九日，則見官屬。其官分文武班。曰中書，曰密樞，曰三司，曰御史臺，曰開封府，曰朔衛司，曰官計司，曰受納司，曰農田司，曰羣牧司，曰飛龍院，曰磨勘司，曰文思院，曰蕃學，曰漢學。自中書令宰相樞使大夫侍中太尉已下，皆分命蕃漢人為之。文資則僕頭，鞞笏紫衣，緋衣，武職則冠金帖起雲鏤冠，銀帖間金鏤冠，黑漆冠，衣紫旋襪，金塗銀束帶，垂蹠蹠，佩解結錐短刀，弓矢韜，馬乘錦皮鞍，垂紅纓，打跨鉞拂，便服。則紫卑地繡盤毬子，花旋襪束帶，民庶青絨，以別貴賤。每舉兵，必率部長與獵。有獲則下馬環坐飲，割鮮而食。各問所見，擇取其長。初，宋改元明道，元昊避父諱，稱顯道。於國中景祐元年，遂攻環慶路殺掠居人。下詔約束之。是歲改年開運，踰月，或告以石晉敗亡年號也。乃改廣民元年。母衛慕氏死，遣使來告，哀起復鎮軍大將軍，左金吾衛上將軍，員外置同正員。以內殿崇班閻門祇候王中庸為致祭使，起居舍人郭勸為弔贈兼起復官告使。慶州柔遠砦蕃部巡檢鬼

通攻破後橋諸堡。於是元昊稱兵報仇。緣邊都巡檢楊遵，柔遠砦監押盧訓，以兵七百與戰于龍馬嶺，敗績。環慶路都監齊宗矩，走馬承受趙德宣，寧州都監王文援之，次節義峯，伏兵發，執宗矩。久之始放歸。二年，加兼中書令。遣其令公蘇奴兒將兵二萬五千攻唃廝囉，敗死。略盡蘇奴兒被執。元昊自率眾攻貓牛城，一月不下。既而詐約和，城開，乃大縱殺戮。又攻青唐，安二宗哥帶星嶺諸城，唃廝囉部將安子羅以兵絕歸路。元昊晝夜角戰三百餘日，子羅敗，遂取瓜沙肅三州。元昊既還，欲南侵，恐唃廝囉制其後，復舉兵攻蘭州。諸羌侵至馬銜山，築城凡川。元昊既悉，有夏銀綬宥靜靈鹽會勝耳涼瓜沙肅，而洪定威龍皆即堡鎮號州，仍居興州，阻河依賀蘭山為固。始大建官，以鬼名守全，張陟，張絳，楊廓，徐敏宗，張文顯，輩主謀議，以鍾鼎臣，典文書，以成，逋克，成賞，都臥，穆如，定多，馬寶，惟吉，主兵馬，野利仁榮，主蕃學，置十二監軍司，委豪右分統其眾。自河北至午臘，蕩山七萬人，以備契丹。河南，洪州，白豹，安鹽州，羅洛天，都惟精山等五萬人，以備環慶鎮。成州，左廂，賓州，路五萬人，以備鄜延麟府。右廂，甘州，路三萬人，以備西蕃。回紇，賀蘭，駐兵五萬。靈州五萬人，與州與慶府七萬人，為鎮守。總五十餘萬，而苦戰，倚山，訛，山，訛，者，橫山，羌，平，夏，兵，不，及，也。選，豪，族，番，弓，馬，五千人，送直號六班直，月給米二石，鐵騎三千分十部，發兵以銀牌召部長。面受約束，設十六司于興州，以總庶務。元昊自制蕃書，命野利仁榮演繹之，成十二卷。字形體方整，類八分，而書頗重複。教國人紀事用蕃書，而譯孝經爾雅四言雜字為蕃語。復改元大慶。宋寶慶元年，表遣使詰五臺山，供佛寶，欲窺河東道路，與諸豪歃血，約先攻鄜延。欲自靖德塞門，砦赤城路，三道並入，遂築壇受冊。即皇帝位。時年三十。遣潘七布昌里馬乞點兵集，蓬子山，自詣西涼府祠神。明年，遣使上表曰：「臣祖宗本出帝胄，當東晉之末運，創後魏之初基。遠祖思恭，當唐季率兵拯難，受封賜姓，祖繼遷，心知兵要，手握乾符，大舉義旗，悉降諸部。臨河五郡，不旋踵而歸。沿邊七州，悉差肩而克。父德明嗣奉世基，勉從朝命，真王之號，威感于頒宣。尺土之封，顯蒙於割裂。臣偶以狂斐，制小蕃文字，改大漢衣冠，衣冠既就，文字既行，禮樂既張，器用既備，吐蕃塔塔，張掖交河，莫不從伏。」

稱王則不喜，朝帝則是從，輻湊屢期，山呼齊舉，伏願一垓之土地，建爲萬乘之邦家，于時再讓靡遑，羣集又迫，事不得已，顯而行之，遂以十月十一日郊壇備禮，爲世祖始文本武興法建禮仁孝皇帝，國稱大夏，年號天授，禮法延祚，伏望皇帝陛下睿哲成人，寬慈及物，許以西郊之地，冊爲南面之君，敢竭愚庸，常教歡好，魚來鴈往，任傳鄰國之音，地久天長，永鎮邊方之患，至誠瀝懇，仰俟帝俞，謹遣弩涉俄疾，你斯悶，願普令濟，崑崖，岳表，以聞，詔削奪官爵，互市，揭榜，于邊，募人能擒，吳若斬首，獻者，卽爲冠軍，節度使，又遣賀永年，齎，燭，書，納，旌，節，及所授，敕，告，置，神，明，軍，留，歸，懷，族，而，去，康，定，元，年，環，慶，路，鈐，轄，高，繼，隆，知，慶，州，張，崇，俊，攻，後，橋，而，于，遠，皆，主，武，英，入，自，北，門，拔，之，未，幾，夏，人，攻，金，明，砦，執，都，監，李，士，彬，父，子，破，安，遠，寨，門，丞，平，諸，營，圍，延，州，設，伏，三，川，口，執，劉，平，石，元，孫，傅，偃，劉，發，石，遜，等，又，攻，鎮，戎，軍，敗，劉，繼，宗，李，緯，兵，五，千，環，慶，部，署，任，福，入，白，豹，城，焚，其，積，聚，破，四，十，一，族，慶，曆，元，年，二，月，攻，渭，州，偃，懷，遠，城，韓，琦，徵，巡，邊，至，高，平，盡，發，鎮，戎，兵，及募，勇，士，得，萬，人，命，行，營，總，管，任，福，等，併，擊，之，都，監，秦，樞，爲，前，鋒，鈐，轄，朱，觀，都，監，武，英，繼，之，福，中，令，持，重，其，夕，宿，三，川，夏，人，已，過，懷，遠，東，南，翌，日，諸，軍，躡，其，後，西，路，巡，檢，常，鼎，劉，肅，與，夏，人，對，壘，于，張，家，堡，樞，以，騎，兵，趣，之，福，分，兵，夕，與，樞，爲，一，軍，屯，好，水，川，川，與，能，家，川，隔，在，隴，山，外，觀，英，爲，一，軍，屯，籠，洛，川，相，離，五，里，期，以，明，日，會，兵，不，使，夏，人，一，騎，遁，然，已，陷，其，伏，中，矣，元，昊，自，將，精，兵，十，萬，營，于，川，口，候，者，言，夏，人，有，些，數，不，多，兵，益，進，詰，旦，福，與，樞，循，好，水，川，西，去，未，至，羊，牧，隆，城，五，里，與，夏，軍，遇，樞，爲，先，鋒，見，道，傍，置，數，銀，泥，合，封，鑿，謹，密，中，有，動，躍，聲，疑，莫，敢，發，福，至，發，之，乃，懸，哨，家，鶴，百，餘，自，合，中，起，盤，飛，軍，上，於是，夏，兵，四，合，樞，先，犯，中，軍，繼，之，自，辰，至，午，酣，戰，陣，中，忽，樹，鮑，老，旗，長，二，丈，餘，樞，等，莫，測，既，而，鮑，老，揮，右，則，右，伏，出，揮，左，則，左，伏，出，翼，而，襲，之，宋，師，大，敗，樞，劉，肅，及，福，子，懷，亮，皆，戰，沒，小，校，劉，進，勳，福，自，拔，福，不，聽，力，戰，死，初，渭，川，都，監，趙，璋，將，瓦，亭，塞，騎，兵，三，千，餘，爲，諸，將，後，繼，是，日，朱，觀，武，英，兵，會，能，家，川，與，夏，人，遇，陳，合，王，珪，自，羊，牧，隆，城，以，屯，兵，四，千，五，百，人，助，觀，略，陣，陣，堅，不，可，動，英，重，傷，不，能，出，軍，戰，自，午，至，申，夏，軍，益，至，東，陣，步，兵，大，潰，衆，遂，奔，珪，英，津，及，參，軍，耿，傳，陳，將，李，簡，都，監，

李，禹，享，劉，均，皆，死，於，陣，觀，以，千，餘，人，保，民，垣，發，矢，四，射，會，暮，夏，軍，引，去，將，校，士，卒，死，者，萬，三，百，人，關，右，震，動，軍，須，日，廣，三，司，告，不，足，仁，宗，爲，之，旰，食，宋，庠，請，修，潼，關，以，備，衝，突，秋，夏，人，轉，攻，河，東，及，麟，府，不，能，下，乃，引，兵，攻，豐，州，城，孤，無，援，遂，據，之，又，破，寧，遠，砦，屯，要，害，絕，麟，府，餉，道，偕，始，請，葉，河，外，保，合，河，津，帝，不，許，會，張，元，管，勾，麟，府，軍，馬，事，破，之，千，柏，子，又，破，之，千，兔，毛，川，元，築，十，餘，柵，河，外，始，固，元，昊，雖，數，勝，然，死，亡，創，痍，者，相，半，人，困，於，點，集，財，力，不，給，國，中，爲，十，不，如，之，謠，以，怨，之，元，昊，乃，歸，塞，門，砦，主，高，延，德，因，乞，和，知，延，州，范，仲，淹，爲，書，陳，禍，福，以，喻，之，元，昊，使，其，親，信，野，利，旺，榮，復，書，語，猶，慢，知，延，州，龐，籍，言，夏，境，鼠，食，稼，且，旱，元，昊，思，納，款，遂，令，知，保，安，軍，劉，拯，諭，旺，榮，言，公，方，持，靈，夏，兵，倘，內，附，當，以，西，平，茅，土，分，冊，之，知，青，澗，城，种，世，衡，又，遣，王，嵩，以，策，及，畫，龜，爲，書，置，蠟，丸，中，遺，旺，榮，諭，以，早，歸，之，意，欲，元，昊，得，之，疑，旺，榮，旺，榮，得，之，笑，曰，种，使，君，亦，長，矣，何，爲，此，兒，戲，耶，囚，嵩，窖，中，歲，餘，知，渭，州，王，沿，總，管，葛，懷，敏，使，僧，法，淳，持，書，往，而，旺，榮，乃，出，嵩，與，教，練，使，李，文，貴，至，青，澗，城，自，言，用，兵，以，來，資，用，困，乏，人，情，便，於，和，籍，疑，其，款，吾，軍，留，之，數，月，三，年，復，大，人，戰，于，定，州，宋，師，大，敗，葛，懷，敏，死，之，直，抵，渭，川，大，焚，掠，而，去，詔，籍，招，納，籍，遣，文，貴，環，月，餘，元，昊，使，文，貴，與，王，嵩，以，其，臣，榮，旺，其，弟，旺，令，鬼，名，環，臥，譽，諍，三，人，書，議，和，然，屈，孺，不，肯，削，僭，號，且，云，如，日，方，中，止，可，順，天，西，行，安，可，逆，天，東，下，籍，以，其，言，未，服，乃，令，自，請，而，詔，籍，復，書，許，之，明年，遣，六，宅，使，伊，州，刺，史，賀，從，勳，與，文，貴，俱，來，猶，稱，男，邦，泥，定，國，兀，卒，上，書，父，大，宋，皇，帝，更，名，冀，賢，而，不，稱，臣，兀，卒，卽，吾，祖，也，如，可，汗，號，議，者，以，爲，改，吾，祖，爲，兀，卒，特，以，侮，玩，朝，廷，不，可，許，詔，遣，邵，良，佐，張，士，元，張，子，頤，王，正，倫，更，往，議，且，許，封，冊，爲，夏，國，主，而，元，昊，亦，遣，如，定，聿，捨，張，延，壽，楊，守，素，繼，來，四，年，始，上，誓，表，言，兩，失，和，好，遂，歷，七，年，立，誓，自，今，願，藏，明，府，其，前，日，所，掠，將，校，民，戶，各，不，復，還，自，此，有，邊，人，逃，亡，亦，毋，得，襲，逐，臣，近，以，本，國，城，砦，進，納，朝，廷，其，棹，棧，鏃，刀，南，安，承，平，故，地，及，他，邊，境，蕃，漢，所，居，乞，畫，中，爲，界，於，內，聽，築，城，堡，凡，歲，賜，銀，綺，絹，茶，二，十，五，萬，五，千，乞，如，常，數，臣，不，復，以，他，相，干，乞，頒，誓，詔，蓋，欲，世，世，遵，守，承，以，爲，好，倘，君，親，之，義，不，存，或，臣，子，之，心，渝，變，使，宗，祀，不，承，子，孫，懼，殃，詔，答，曰，朕，臨，制，四，海，廓，地，萬，里，

西夏之土世以為昨今乃納忠悔咎表於信誓質之日月要之鬼神及諸子孫無有渝變申復懇至朕甚嘉之俯閱來誓一皆如約十二月遣尙書祠部員外郎張子頤充冊禮使東頭供奉官閻門祇候張士元副之仍賜對衣黃金帶銀鞍勒馬銀二萬兩絹二萬匹茶三萬斤冊以漆書竹簡藉以天下樂錦金塗銀印方二寸一分文曰夏國主印錦綵塗金銀牌緣冊法物皆銀裝金塗覆以紫繡約稱臣奉正朔改所賜敕書為詔而不名許自置官屬使至京就驛買賣宴坐朵殿使其國相見用賓客禮置榷場于保安軍及高平砦第不通青鹽然宋每遣使往館于宥州終不復至興靈而元昊帝其國中自若也是歲遠來山部落呆兒族八百戶歸元昊與宗貴還元昊不遣遂親將騎兵十萬出金肅城第天齊王馬步軍大元帥將騎七千出南路韓國王將兵六萬出北路三路濟河長驅與宗入夏境四百里不見敵據得勝寺南壁以待八月五日韓國王自賀蘭北與元昊接戰數勝之遠兵至者日益夏乃請和退十里韓國王不從如是退者三凡百餘里矣每退必藉其地遠馬無所食因許和夏乃遷延以老其師而遠之馬益病因急攻之遂敗復攻南壁與宗大敗入南樞王蕭孝友岩擒其鶻突姑附馬與宗從數騎走元昊縱其去元昊五月五日生國人以其日相慶賀又以四孟朔為節凡五娶一曰大遼與平公主二曰宣穆惠文皇后沒藏氏生諒祚三曰憲成皇后野力氏四曰妃沒噉氏五曰索氏元昊以慶曆八年正月殂年四十六在位十七年改元開運一年廣運二年大慶二年天授禮法延祚十一年諡曰武烈皇帝廟號景宗墓號泰陵宋遣開封府判官尙書祠部員外郎曹穎叔為祭奠使六宅使達州刺史鄧保信為弔慰使賜絹一千匹布五百端羊百口麩米各百石酒百瓶及葬仍賜絹一千五百匹餘如初賻子諒祚立諒祚景宗長子也小字寧令哥國語謂歡喜為寧令兩岔河名也母曰宣穆惠文皇后沒藏氏從元昊出獵至此而生諒祚遂名焉以慶曆七年丁亥二月六日生八年戊子正月方期歲即位四月遣尙書刑部員外郎任顛充冊禮使供備庫副使宋守約充副使冊諒祚為夏國主嘉祐元年母沒藏氏薨遣租儒見多卑則慶唐及徐舜卿來告哀詔以集賢校理馮浩假尙書刑部郎

中直史館為弔慰使文思副使張惟清假文思使副之乃獻遺留馬馳以謝諒祚幼養于母族訛龐訛龐因專國政初麟州西城枕睥睨曰紅樓下瞰屈野河其外距夏境尙七十里而田腴利厚多入訛龐歲東侵不已至耕獲時輒屯兵河西經略使龐籍每戒邊將使毋得過屈野河然所距屈野河猶二十里管勾軍馬司賈逵徹循見所侵田稍過督邊吏麟州守王亮懼始以事聞詔以殿直張安世賈恩為同巡檢經制之訛龐晏然弗草迫之則格鬪緩之則歸耕經略司遣使還所侵田訛龐專為譟言無歸意嘉祐二年遠國兵宿境上逮三月增至數萬人守將斂兵弗與戰知麟州武戡築堡于河西以為保障役既興戡率將吏往按視遇夏人于沙鼠浪戡與管勾郭恩等欲止而走馬承受黃道元以言脅之遂夜進至臥牛峯見烽舉且鼓聲道元猶不信比明至忽里堆與夏人相去纔數十步遂合戰自旦至食時夏人四面合擊眾大潰戡走恩與道元及兵馬監押劉慶等被執安撫司遣李思道孫兆往議壇事而訛龐驚不聽久之太原府代州兵馬鈐轄蘇安靜得夏國呂寧拽浪掠黎來合議乃築埃九更新邊禁要以違約則罷和市自此始定諒祚忌訛龐專或告訛龐將叛諒詐討殺之夷其族已而請去蕃禮從漢儀嘉祐六年上書自言慕中國衣冠明年當以此迎使者詔許之明年又改西書監軍司為保泰軍石州監軍司為靜塞軍韋州監軍司為祥祐軍左廂監軍司為神勇軍遣人獻方物稱宣徽南院使詔諭非陪臣所宜稱戒其僭擬使遵誓詔表求太宗御製草詩隸書石本且進馬五十四求九經唐史冊府元龜及宋正至朝賀儀詔賜九經還所獻馬治平初求復榷場不許既而遣吳宗等來賀英宗即位詔令門見使者不從至順天門且欲佩魚及儀物自從引伴高宜禁之不可留止廡置一夕絕其供饋宗語不遜宜折之使如故事良久乃聽入及賜食殿門又訴於押伴張觀詔命遣赴延州與宜辨宗度理屈不復置對遂詔諒祚儂約之秋夏人出兵秦鳳涇原抄熟戶擾邊塞弓箭手殺掠人畜以萬計程戡王素孫長卿論安諸族首領防誘脇散叛遣文思副使王無忌齎詔問之諒祚遷延弗受已而因賀正使荔茂先獻表歸罪宋邊吏三年遂大舉攻大順城分兵圍柔遠砦燒屈乞村柵段木積州兵

熟戶蕃官趙明合擊退之。遣西京左藏庫副使何次公詰之。三月，乃獻方物謝罪。賜絹五百匹，銀五百兩。神宗卽位，乃遣內殿崇班魏瑛賜以治平三年冬服銀絹，供備庫副使高遵裕告哀，并以英宗遺留物賜之。秋，夏國遣使奉慰，及進助山陵冬。种諤取綏州，因發兵夜掩寇名山帳，脇降之。諤祚乃詐爲會議，誘知保安軍楊定都巡檢侍其臻等殺之。邊吏以聞，命韓琦知永興軍，經略西方。諤祚餽送殺定者六宅使李崇貴右侍禁韓道善及虜去定子仲通。十二月，諤祚殂。年二十一。在位二十年。改元延嗣寧國一年。天祐垂聖三年。福聖承道四年。韓都六年。拱化五年。諡曰昭英皇帝。廟號毅宗。墓號安陵。子秉常立。

宋史卷四百八十五

元中書右丞相總裁脫脫等修
列傳第二百四十五

外國二

夏國下

秉常毅宗之長子，母曰恭肅章憲皇后梁氏。治平四年冬，卽位。時年七歲，梁太后攝政。熙寧元年三月，遣新河北轉運使刑部郎中薛宗道等來告哀。神宗問殺楊定事，宗道言殺人者先已執送之矣。乃賜詔慰之，并諭令上大首領數人姓名，當辭祿之。俟崇貴至，卽行冊禮。及崇貴至，云定秦使諒祚，常拜稱臣。且許以歸沿邊熟戶諒祚遺之寶劍寶鑑及金銀物，初定之歸，上其劍鑑而匿其金銀。言諒祚可刺帝喜，遂擢知保安。既而夏人失綏州，以爲定賣已，故殺之。至是事露，帝薄崇貴等罪而削定官，沒其田宅萬計。二年二月，遣河南監牧使劉航等冊秉常爲夏國主。三月，夏人入秦州，陷劉溝堡，殺范愿，既而進蕃表，乞班誓詔，及請以安遠塞門二砦易綏州。初，朝儀欲官爵夏之首領，計分其勢。郭逵以爲彼必不受詔，且彼既恭順，宜布以大信，不當誘之以利。秉常果不奉詔，遣都羅重進來言曰：上方以孝治天下，奈何反教小國之臣叛其君哉？於是前議遂罷。乃賜誓詔，而綏州待得二砦酒環，夏主受冊而二砦不歸。且欲先得綏州，遣罔訛訛以誓詔來言，及趙高往交地，罔訛訛對以朝廷本欲得二砦，地界非所約。高曰：若然，塞門二牆墟耳。安用之？遂罷詔。城綏州八月，表請去漢儀，復用蕃禮。從之。十月，遣使來謝封冊。三年五月，夏人號十萬築蘭訛堡，知慶州李復圭合蕃漢兵纔三千，偏遣偏將李信劉甫种詠等出戰，信等訴以衆寡不敵，復圭威以節制親畫陣圖方略授之，兵進遂大敗。復圭懼，欲自解，卽執信等而取其圖略。命州官李昭用劾以故違節制，詠瘦死獄中，斬信甫，配流郭貴，復出兵邗州堡，夜入欄浪市，掠老幼數百，又襲金湯，而夏人已去。惟殺其老幼一二百人，以功告捷，而邊怨大起矣。八月，夏人遂大舉入環慶，攻大順城，柔遠砦，荔原堡，淮安鎮，東谷西谷二砦，業樂鎮兵多者號二十萬，少者不下一二萬，屯榆林，距慶

州四十里，游騎至城下九日，乃退。鈴轄郭慶高敏魏慶宗秦勃等死之。四年正月，种諤謀取橫山，領兵先城囉兀，進築永樂川，貫連嶺二砦，分遣都監趙瑛燕達築撫寧故城，及分荒堆三泉吐渾川，開光嶺，葭蘆川四砦，與河東路脩築，各相去四十餘里。二月，夏人來攻順寧砦，復圍撫寧，折繼昌高永能等擁兵駐細浮圖，去撫寧咫尺，囉兀兵勢尙完，种諤在綏德，節制諸軍，聞夏人至，茫然失措。欲作書召燕達戰，怖不能下筆，顧轉運判官李南公涕泗不已。於是新築諸堡悉陷，將士千餘人皆沒。初，朝議以諤新築囉兀城，去綏德百餘里，偏梁險狹，難於餽餉，且城中無井泉，遣李評張景憲往視之。未至而撫寧陷，遂詔棄囉兀城。五月，燕達以戍卒輜重歸自囉兀，爲夏人邀擊，達多失亡。九月，夏遣使入貢，且以二砦易綏州，乞如舊約。詔不允。五年正月，夏鈴轄結勝爲麟州步將王文郁戰降，授供奉官。久之，謀竄歸，事覺，詔聽其去。六月，夏人還荔原堡，挑背熟戶鬼通等七十八人，閏七月，遣部將景思立王存以涇原兵出南路，王韶由東谷徑趨武勝，未至十餘里，逢夏人戰，遂至其城，瞎藥塞城夜遁。大首領曲撒四王阿南珂出奔，乃城武勝。十二月，遣使進馬，贖大藏，經詔賜之，而還其馬。八年三月，夏人以索蕃漢部盜人畜投南界者，牒熙河經略司，請高太尉赴三岔堡會議，牒稱大安二年，乃詔鄜延經略司令牒宥州問妄稱年號，且牒非其地，分邊臣會議，皆違越生事，是必夏主不知，請問之。夏人進奉山陵後期，詔令先至，永厚陵設祭，後至闕奉慰，帝謂輔臣曰：元昊昔僭號，遣使上表稱臣，其辭猶遜，朝廷不先詰其所以，然而遽絕之，縱邊民蕃部討虜，故元昊嘗自謂爲諸羌所立，不得辭，朝廷不得命，不得已而變，西師亟戰，戰敗天下騷然，仁宗悔之。當元昊僭書來，獨諫官吳育謂難以中國叛臣處之，或可稍易以名號，議者皆以爲不然。卒困中原，而後歲賜封冊爲夏國主，良可惜哉。元豐二年六月，夏人自滿堂川入大會平，殺防田人馬，兵官李浦等逼逐出塞。九月，綏德把截楊永慶聲徹循邊，而掩取蕃部首級詐言斬犯邊人，詔毀永慶出身文字，送西京編管。四年四月，有李將軍清者本秦人，說秉常以河南地歸宋，國母知之，遂誅清而奪秉常政，鄜延總管种諤乃疏秉常遇弑國內亂，宜與師問罪。此千載一時之會，帝然

之遂遣王中正往鄜延環慶稱詔募禁兵從者將之詔熙河李憲等以乘常見囚大舉征夏及詔諭夏國鬼名諸部首領能拔身自歸及相率共誅國讎當崇其爵賞敢有違拒者誅九族八月中正及諤言涇原環慶會兵取靈州復討興州麟府鄜延先會夏州取懷州渡會興州憲總七軍及重斨兵三萬至新市城遇夏人戰敗之王中正出麟州稱辭自言皇帝親征提兵六萬才行數里即奏已入夏境屯白草平九日不准環慶經略使高遵裕將步騎八萬七千涇原總管劉昌祚將卒五萬出慶州諤將鄜延及畿內兵九萬三千出綏德城九月諤圍米脂夏人來救戰于無定川大破之斬首五千級十月遂克米脂降守將令分訛邁進攻石州中正以河東軍度無定河循水北行地皆沙濕土馬多陷沒遂繼諤趨夏川而民皆潰軍無所得遵裕至清遠軍攻靈州夏人決黃河灌營復抄絕餉道士卒凍溺死餘兵纔萬三千人遂歸夏人追戰將官俞平死之中正至宥州奈王井糧盡士卒死亡者已二萬乃引軍還諤兵無食會大雪死遂瀆入塞者纔三萬人昌祚遇夏人于磨騰隘夏之拒者二二萬人昌祚乃分兵渡葫蘆河奪其隘與統軍國母弟梁大王戰遂大破之憲營于天都山下焚夏之南牟內殿并其館庫追襲其統軍仁多唃丁敗之擒百人遂班師涇原總兵侍禁魯福彭孫護鏡餉至鳴沙川與夏人三戰敗績初夏人聞宋大舉梁太后問策于廷諤將少者盡請戰一老將獨曰不須拒之但堅壁清野縱其深入聚勁兵于靈夏而遣輕騎抄絕其餉運大兵無食可不戰而困也梁后從之宋師卒無功五年正月遂使涿州遣書云夏國來稱宋兵起無名不測事端神宗報以夏國主受宋封爵昨邊臣言乘常見爲母黨囚辱比令移問事端其同惡不報繼又引兵數萬侵犯我邊界義當有征今彼以屢遭敗衄故遣使請情陳露意在聞貳想彼必以悉察夏人聞此遂不至五月沈括請城古烏延城以包橫山使夏人不得絕沙漠遂遣侍中徐禧內侍押班李舜舉往議禧復請于銀夏宥之界築永樂城永樂依山無水泉獨種諤極言不可禧率諸將竟城之賜名銀川營禧等還米脂以兵萬人屬曲珍守之永樂接宥州附橫山夏人必爭之地禧等既城去九日夏人來攻珍使報禧乃挾李舜舉來援而夏兵至者號三

十萬禧登城西望不見其際宋軍始懼翌日夏兵漸逼禧乃以士萬障城下坐誰門執黃旗令衆曰視吾旗進止夏人縱鐵騎渡河或曰此號鐵鷄子當其半濟擊之乃可有逞得地則其鋒不可當也禧不聽鐵騎既濟震盪衝突大兵從之禧師敗績將校寇偉李思古高世才夏儼程博古及使臣十餘輩士卒八百餘人盡沒詔李憲張世矩往援及令括遣人與約退軍當還永樂地夏人進侵及麟門潰歸城者決水砦爲道以登夏人因之奔歸于城者三萬人皆沒夏兵圍之者厚數里遊騎掠米脂將士晝夜血戰城中乏水已數日鑿井不得泉渴死者大半括等援兵及餽運皆爲夏大兵所隔夏人呼球來講和呂整景思義相繼而行夏人斃思義囚之而城圍者已浹旬矣夜半夏兵環城急攻城遂陷高永能戰沒禧舜舉運使李穰皆死於亂兵惟曲珍王湛李浦呂整裸跣走免蕃部指揮馬貴獨奮死持刀殺數十人而沒是役也死者將校數百人士卒役夫二十餘萬夏人乃耀兵米脂城下而還宋自熙寧用兵以來凡得葭蘆吳保義合米脂浮圖寨門六堡而靈州永樂之役官軍熟羌義保死者六十萬人錢粟銀絹以萬數者不可勝計帝臨朝痛悼而夏人亦困弊夏西南都統昂星鬼名濟迺移書劉昌祚曰中國者禮樂之所存恩信之所出動止猷爲必適于正若乃聽誣受間肆詐窮兵侵人之土疆殘人之黎庶是乖中國之體爲外邦之羞昨者朝廷暴興甲兵大窮侵討蓋天子與邊臣之議爲夏國方守先誓宜出不虞五路進兵一舉可定故去年有靈州之役今秋有永樂之戰然較其勝負與前日之議爲何如哉朝廷於夏國非不經營之五路進討之策諸邊肆橈之謀皆嘗用之矣知微幸之無成故終於樂天事小之道況夏國提封一萬里帶甲數十萬南有干闥作我敵鄰北有大燕爲我強援若乘間伺使角力競鬪雖自祖宗之世事中國之禮無或虧賁聘不敢怠而邊吏幸功上聽致惑祖宗之盟既阻君臣之分不交存亡之機發不旋踵朝廷豈不恤哉至於魯國之憂不在顛輿隋室之變生於楊感此皆明公得於胸中不待言而後喻今天下倒垂之望正在英才何不進讜言闢邪議使朝廷與夏國歡好如初生民重見太平

豈獨夏國之幸，乃天下之幸也。昌祚上其書，帝喻答之。六年二月，夏人大舉圍

蘭州，已奔兩關門，鈐轄王文郁集死，七百夜緹城而下，持短兵突營，遂拔去。

五月，復來圍。九日大戰，待禁、章禁死之，乃解去。閏六月，遣使讓簡咩，迷乞過來。

貢表曰：夏國累得西蕃征王子書，稱南朝與夏國交戰歲久，生靈荼毒，欲擬通

枉，緣夏國先曾請所陵疆土不從，以來未便輕許。西蕃再遣使散入昌郡丹星

等，到國稱南朝語言計會，但當遣使齎表，自令引赴南朝，切念臣自歷世以來

貢奉朝廷，無所虧怠。至於近歲，尤甚歡和，不意憒人誣間，朝廷特起大兵，侵奪

疆土，城壁因茲構怨，歲致交兵。今乞朝廷示以大義，特還所侵，倘垂開納，別效

忠勤。乃賜詔曰：頃以權強，敢行廢辱，朕用震驚，令邊臣往問，匿而不報。王師徂

征，蓋討有罪。今遣使造庭，辭禮恭順，仍開國政，悉復故常，益用嘉納。已戒邊吏

毋輒出兵，爾亦其守先盟。遂詔陝西河東經略司，其新復城壁，徵循毋出三二

里。夏之歲賜如舊。七年正月，圍蘭州，李憲戰却之。六月，攻德順軍，巡檢王友戰

死。九月，圍定西城，燒森谷，族帳，遂以十月攻至靜邊鈐轄，彭孫敗之，殺其首領

仁多。十二月，攻清遠，隊將白玉李貴死之。八年三月，神宗崩，賜以遺留物。

夏人攻葭蘆，供奉王英戰死。七月，遣使丁擊鬼名，謀鐸副使呂則陳，李精等來

奠慰。十月，遣芭夏鬼名，濟賴昇，張聿正，進助山陵禮物。夏國主母梁氏薨，計

至，以朝散郎刑部郎中杜紘充祭奠使。東頭供奉官閻門祗候王有言充弔慰

使。夏以主母遺留物來進。元祐元年二月，始遣使入貢。五月，遣鼎利罔豫章來

賀哲宗即位。六月，復遣訛囉率來求所侵蘭州米脂等五堡，使未至。蘇轍兩疏

請因其請地而與之，司馬光言此邊鄙安危之機，不可不察。夏之役，本由我

起，新開數堡，皆是彼田。今既許其內附，豈宜斬而不與？彼必曰：新天子即位，我

卑辭厚禮，以事中國，庶幾歸我侵疆。今猶不許，則是恭順無益。不若以武力取

之，小則上書悻悻，大則攻陷新城。當此之時，不得已而與之，其為國家之恥，無

乃甚於今日乎？羣臣猶有見小志，大守近遺遠，惜此無用之地，使兵連不解，為

國家之憂，願決聖心，為兆民計。時異議者衆，唯文彥博與光合。遂從之。秋七月

乙丑，乘常租時年三十六，在位二十年。改元乾道二年。天賜禮感國慶五年。大

安十一年，天安禮定一年。諡曰康靖皇帝，廟號惠宗，墓號獻陵。子乾順立。

乾順，惠宗之長子也。母曰昭簡文穆皇后梁氏，生三歲即位。元祐元年十月，以

父殂，遣使呂則罔、聿謀等來告哀。詔自元豐四年用兵所得城壁，待歸我陷執

民，當畫以給還。乃遣金部員外郎穆衍充祭奠使，供備庫使張楸充弔慰使。夏

遣使進馬，馳來賀龍興節。二年正月，遣權樞密院都承旨公事劉泰世為冊禮

使，崇儀副使崔象先副之。冊乾順為夏國主，仍節度西平王。三月，夏遣大使映

吳，名密論，副使廣樂毛示聿等。詔太皇太后進馳馬，以謝奠慰。七月，夏人攻

鎮戎軍諸堡。劉昌祚等禦之而退。三年三月，攻德順軍，據秦鳳要害，以為犄角。

劉昌祚以涇原萬人駐德順軍，熙河五千人駐通遠軍。據秦鳳要害，以為犄角。

夏人遂攻森谷，皆兵及東關堡，巡檢等戰不利，死者幾百人。四年二月，始遣

使謝封冊。六月，稍歸永樂所獲人，遂以葭蘆米脂浮圖安疆四堡與之，而畫界

未定。遣崇儀使董正叟如京，使李玩押賜夏國生日禮物及冬服。七月，坤成節

十二月，與龍節皆遣使來賀。五年六月，夏人來言，畫疆界者不依綏州內十里

築堡鋪，供耕牧外，十里立封埃，作空地，例以辨兩國界。詔曰：已諭邊臣，如約。夏

之封界，當亦體此。冬，攻蘭州之質孤勝，如堡。既而遣使來賀。正旦日，六年七月，遣

使來賀。坤成節，九月，圍麟府三日，殺掠不計。鄜延都監李儀等盡沒。七年，屢攻

綏德城，以重兵壓涇原境，留五旬，大掠。築壘于沒煙峽口，以自固。游師雄請自

蘭州李諾平東，抵通遠定西，通渭之間，建汝遮，納結珠龍三堡，及置護耕七

堡，以固藩籬。移行請於質孤勝，如二堡之間。城李諾平以控要害，議未決。秦鳳

都監康謂以為夏之所以未臣附而屢肆兵者，以我勢分於隄備，兵未練而賞

罰失當耳。若擇銳結伍，伺彼之動，聚則先擊，散則復襲，則彼分而我聚，以衆擊

寡，可得志也。詔謂詰闕而下其事於諸道。八年四月，復遣使以蘭州一境易塞

門二堡。詔數其違，順不常而却其請。紹聖元年二月，夏進馬助太皇太后山陵

復遣使再議易地。詔不允。三年九月，大入鄜延西，自順寧招安堡，東自黑水安

定，中自塞門龍安，金明以南，二百里間，相繼不絕。至延州北五里，十月，忽自長

城一日馳至金明，列營環城。國主子母親督將披縱騎四掠，知麟州有備，復還

金明而後騎之精銳者留龍安邊將悉兵掩擊不退金明乃破守兵二千八百人惟五人得脫城中糧五萬石草千萬束皆盡將官皇城使張俞死之既還留一書置漢人頸上曰貸汝命為我投於經略使處其言曰夏國昨與朝廷議疆場惟有小不同方行理究不意朝廷改悔却於坐圍鋪處立界本國以恭順之故亦願勉聽從遂於境內立數堡以護耕而鄰廷出兵悉行平蕩又數數入界殺掠國人共憤欲取延州終以恭順止取金明一砦以示兵鋒亦不失臣子之節也延帥呂惠卿上手樞密院而不以聞初哲宗聞夏人來寇泰然笑曰五十萬眾深入吾境不過十日勝不過一二砦須去已而果破金明引退四年正月涇原都鈐轄王文振率諸將破沒煙峽斬砦斬獲三千餘級二月夏復以七萬眾攻綏德鄰廷將兵戰退之元符元年十二月涇原折可適掩夏西壽統軍鬼名阿里監軍妹勒都捕獲之彗星見乾順救國中二年正月國母梁氏薨遣使蕭德崇來為夏人議和乃復書謂若果出至誠深悔謝罪當徐度所宜開以自新之路五月夏蘭會正鈐轄革瓦壤以部落來降授內殿崇班賜銀絹緡錢各三百七月環州种朴微赤羊川獲賞囉訛乞家屬百五十餘口孳畜五千夏人千餘騎來追戰却之擒監軍訛勃囉及首領淚丁訛遇詔令赴闕存恤訛乞家屬又遣人持其家信號往招之九月夏人來告國母哀因上表謝過詔夏主省所上表能抗章引慝已論邊臣我疆彼界毋相侵犯已而夏以二千騎出浮圖谷來戰供奉官陳告差使李戰死之閏九月古邈川部族叛熙河將王愨率兵掩擊翌日夏人馬數萬圍愨等力戰敗之擒其鈐轄鬼名乞遇統制苗履又戰於青唐嵬夏人敗績十二月遂遣今能嵬名濟等推誓表曰臣國久不幸時多遇凶兩經母黨之擅權累為奸臣之竊命頻生邊患增怒上心覺端既深理訴難達幸凶黨伏誅雅躬反正遐馳懇奏陳前谷之所歸乞紹先盟果淵衷之俯納故班詔而申諭獲貢誓以輸誠謹當飭疆吏而承絕爭端戒國人而常遵聖化違約則凶咎再降背盟則基緒非延約束事條恭依處分詔報曰爾以凶黨造謀數千邊吏而能悔過請命祈紹先盟念彼種人均吾赤子措之安靜乃副朕心嘉爾自新俯從厥志爾無爽約朕不食言自今已往歲賜仍舊三年正

月哲宗崩徽宗即位九月夏遣使來奠慰及賀即位十月復遣使來賀天寧節建中靖國元年乾順始建國學設弟子員三百立養賢務以廩食之崇寧三年蔡京秉政使熙河王厚招夏國卓羅右廂監軍仁多保忠厚云保忠雖有歸意而下無附者章數上不聽京愈責厚急乃遣弟詰保忠許還為夏之邏者所獲遂追保忠赴牙帳厚以保忠縱不為所殺亦不能復領軍政使得之一匹夫耳何益於事京怒必令金帛招致之夏乃點兵延渭慶三路各數千騎出沒聲言假兵于遠矣三年遠以成安公主嫁乾順四年詔西邊能招致者毋問首從賞同斬級令用京計也陶節夫在延州大加招誘乾順遣使巽請皆拒之又令殺其牧放者夏人遂入鎮戎略數萬口執知廓州高承年而去又攻涇州自是兵連者三年大觀元年始遣人脩貢政和四年冬環州定遠大首領夏人李訛噉以書遺其國統軍梁哆噉曰我居漢二十年每見春廩既虛秋庚未積糧草轉輸例給空券方春未秋土有饑色若捲甲而趨徑攜定遠唾手可取定遠既得則旁十餘城不攻而下矣我儲穀累歲闕地而藏之所在如是大兵之來斗糧無甯可坐而飽也哆噉遂以萬人來迎轉運使任諒先知其謀募民盡發窖穀哆噉圍定遠失所藏越七日訛噉遂以其部萬餘歸夏乾順築臧底河城遂詔河東節度使童貫為陝西經略以討之五年春遣熙河經略劉法將步騎十五萬出涇州秦鳳經略劉仲武將兵五萬出會州貫以中軍駐蘭州為兩路聲援仲武至清水河築城屯守而還法與夏人右廂軍戰於古骨龍大敗之斬首三千級貫奏凱皆遷秩秋仲武王厚復合涇原鄜延環慶秦鳳之師攻夏臧底河城敗績死者十四五秦鳳第三將全軍萬人皆沒厚懼厚賂貫而匿之冬夏人以數萬騎略蕭關而去六年春劉法劉仲武合熙秦之師十萬攻夏仁多泉城三日不克援後期不至城中請降法受其降而屠之獲首三千級种師道以十萬眾復攻臧底河城克之十一月夏人大舉攻涇原靖夏城時久無雪夏先使數萬騎繞城蹙塵漲天兵對不覩乃潛穿壕為地道入城中城遂陷復屠之而去宣和元年童貫復逼劉法使取朔方法不得已引兵二萬出至統安城遇夏國主第察哥即君率步騎為三陣以當法前軍而別遣精騎登山出其後大戰

移七時。前軍楊惟忠。敗入中軍。後軍焦安節。敗入左軍。朱定國力戰。自朝及暮。兵不食而馬亦渴死多。法乘夜遁。比明走七十里。至蓋朱峻。守兵見追之。墜崖折足。爲一別贖軍斬首而去。是役死者十萬。實隲其敗。而以捷聞。察哥見法首。惘然語其下曰。劉將軍前敗我於古骨龍。仁多泉。吾常避其鋒。謂天生神將。豈料今爲一小卒。梟首哉。其失在恃勝輕出。不可不戒。遂乘勝圍震武。劉仲武何璿等赴之。乃解去。震武在山峽中。熙泰兩路不能餉。自築三歲間。知軍李明孟清。皆爲夏人所殺。初。夏人陷法軍。圍震武。欲拔之。察哥曰。勿破此城。留作南朝病塊。乃自引去。而宣撫司受解圍之賞者數百人。實自去之也。諸路所築城砦。皆不毛。夏所不爭之地。而關輔爲之蕭條。果如察哥之言。十月。夏遣使來賀天寧節。授以誓詔。不取。實不能屈。但迫館伴強之使持還。及邊。遂棄之而去。賈炎得而上之。實始大沮。欽宗即位。遣使來賀正旦。先是。金人滅遼。黏罕遣撒母使夏國。許割天德雲內。金肅河清四軍及武州等八館之地。約攻麟州。以牽河東之勢。靖康元年三月。夏人遂由金肅河清渡河。取天德雲內。武州河東八館之地。四月。陷震威城。兵馬監押朱昭死之。繼而金貴人兀室以數萬騎陽爲出獵。掩至天德。遣逐夏人。悉奪有其地。夏人請和。金人執其使。歲丁未。乾德改元。正德。時建炎元年也。是歲九月。金帥兀朮回雲中。遣保靜軍節度使楊天吉約侵宋。乾順許之。十月。通問使傅秀見金左監軍希尹于雲中。希尹以國書授秀。爲夏國請熙寧以來侵地。蓋彼既奪其地。乃責償于宋以報之。二年正月。以主客員外郎謝亮爲陝西撫諭使兼宣諭使。從事郎何洋爲太學博士。持詔書賜乾順。亮西入關。鄜延經略使王庶遺亮書曰。大夫出疆。有可以安社稷利國家者。專之可也。夏國爲患小而緩。金人爲患大而急。方其控銳熙河。奔北鄜延。秋稼未登。兵士困餓。閣下苟能仗節督諸路協同義舉。雖未足盡雪舊恥。亦可驅逐渡河。全秦莫枕。徐圖恢復。亮不能用。遂由環慶入西夏。慶歷後。夏國主書以賓禮見使者。亮至。乾順乃倨然見之。留居幾月。始與約和罷兵。亮歸而夏之兵已躡其後。襲取定邊軍。明年。亮還行在。二月。金帥叟宿連陷長安鳳翔。龍右大震。夏人謀知關陝無備。遂檄延安府。言大金割鄜延以隸本國。須當理索。敢違

拒者。發兵誅討之。師臣王庶檄報曰。金人初犯本朝。嘗以金肅河清界爾。今誰與守。國家以奸臣貪得。不恤鄰好。遂至于此。貪利之臣。何國無之。豈意夏國躬蹈覆轍。比聞金人欲自涇原徑擣興靈。方切寒心。不圖尙欲乘人之急。募府雖士卒單寡。然類皆節制之師。左支右吾。尙堪一戰。果能辦此。何用多言。因遣諜間其用事臣李遇。夏人竟不出。是歲開封尹宗澤奏疏請北伐。且言乞遣辯士西說夏國。東說高麗。俾出助兵。三年。知樞密院事張浚使川陝謀北伐。欲通夏國爲援。奏請國書。詔從之。七月。浚西行。復以主客員外郎謝亮假太常卿權宣府處置司參議官。再使夏國。四年正月。浚遣亮往。迄不得其要領而還。十月。環慶路統制慕洵叛降于夏國。紹興元年二月。同州觀察副使劉惟輔棄德順軍。輸款于夏。夏人拒不受。八月。詔以夏本敵國。毋復班曆。日十一月。川陝宣撫副使吳玠始遣人通夏國書。二年九月。呂頤浩言。聞金夏交惡。夏國屢遣人來吳玠。欲誅之餘。覩父子遁入夏國。夏人以其兵少不納。四年十二月。吳玠奏夏國數通書。有不忘本朝意。五年。乾順改元大德。七年正月。吳璘奏西蕃二十八族首領趙繼忠來歸。用可扼西夏右臂。十月。僞齊知同州李世輔謀執金帥撒里曷歸宋。不克。遂奔夏。世輔父母親族在延安者。金人殺之無遺類。九年。夏人陷府州。靈芝生於後堂。高守忠家。乾順作靈芝歌。俾中書相王仁宗和之。乾順以世輔爲靜難軍承宣使。鄜延岐雍等路經略安撫使。世輔請兵將報延安之役。夏主俾先討別種酋豪。號青面夜叉者。世輔擒之以報乾順。乃爲出兵。遣文臣王樞武臣曠訛等隨之。世輔軍至延安。撒里曷走耀州。世輔購得害其父母者殺之。東城聞金人降。赦歸宋。河南地乃說王樞等降宋。曠訛不從。世輔抽刀斫之。不中。遂縛樞命王晞韓護送行在。五月丙午。世輔以其衆三千人歸宋。授世輔護國承宣使。樞密行府前軍都統制。賜名顯忠。六月四日。乾順殂。年五十七。在位五十四年。改元天儀。治平四年。天祐民安八年。永安三年。貞觀十三年。雍寧五年。元德八年。正德八年。大德五年。諡曰聖文皇帝。廟號崇宗。墓號顯陵。子仁孝嗣。仁孝。崇宗長子也。紹興九年六月。崇宗殂。即位。時年十六。十月。

詔還王樞及夏國之俘百九十人十一月仁孝尊其母曹氏為國母十二月納后閔氏十年夏改元大慶三月詔胡世將與夏人議入貢夏人不報十一年六月夏樞密使慕洧弟慕濬謀反伏誅仁孝上尊號曰制義去邪十一年九月夏國饑十三年三月地震逾月不止地裂泉湧出黑沙歲大饑乃立井里以分振之十三年夏改元人慶始建學校于國中立小學于禁中親為訓導十四年彗星見坤宮五十餘日而滅占其分在夏國十五年八月夏重大漢太學親釋奠弟子員賜予有差十六年尊孔子為文宣帝十七年改元天威策舉人始立唱名法十八年復建內學選名儒主之增脩律成賜各鼎新二十八年始立通濟監鑄錢二十九年歸宋官李宗閣上書言夏國副使屈移嘗兩使南朝以為衣冠禮樂非他國比怨金人叛盟奪其所與地此其情可見壬子歲黏罕嘗聚兵雲中以窺蜀夏人謂將圖己舉國屯境上以待其至今誠遣辯士往說之夏國必不難出兵庶足為吾聲援以圖恢復書奏不報三十年夏封其相任得敬為楚王三十一年立翰林學士院以焦景顏王侖等為學士俾脩實錄金主亮犯四川宣撫使吳璘檄西夏俾合兵討之三十二年夏國移置中書樞密於內門外大禁奢侈始封制蕃字師野利仁榮為廣惠王夏人聞金人南侵以騎兵二千至蔡園川及馬家嶼充頭嶺將分道入攻宣撫使吳璘戎軍守將秦弼說諭之金兵敗夏人乃還乾道三年五月夏國相任得敬遣間使至四川宣撫司約共攻西蕃虞允文報以蠟書七月得敬間使再至宣撫司夏人獲其帛書傳至金人四年夏改元乾祐得敬以謀篡伏誅淳熙十三年二月諜報致遼國大石牙林假道于夏以伐金密詔利西都統制吳挺與制置使留正議之十三年四月復詔挺結夏國當時論議可否及夏人從違史皆失書紹熙四年九月二十日仁孝殂年七十在位五十五年改元大慶四年人慶五年天威二十一年乾祐二十四年諡曰聖德皇帝廟號仁宗陵號壽陵子純佑嗣

純佑仁宗長子也母曰章獻欽慈皇后羅氏仁宗殂即位時年十七明年改元天慶開禧二年正月二十日廢遂殂年三十在位十四年諡曰昭簡皇帝廟號桓宗陵號莊陵鎮夷郡王安全立安全崇宗之孫越王仁友之子開禧二年正月

廢其主純佑自立明年改元應天嘉定四年八月五日安全殂年四十二在位六年改元應天四年皇建二年諡曰敬穆皇帝廟號襄宗陵號康陵有子曰承禎齊國忠武王彥宗之子大都督府主遵頊立 遵頊始以宗室策試進士及第為大都督府主嘉定四年七月三日立時年四十九改元光定金衛紹王崇慶元年三月遣使冊為夏國王七年夏左樞密使萬慶義勇遣二僧齋蠟書來西邊欲與共圖金人復侵地制置使黃誼不報其後金人南遷議徙都長安遣元帥赤盞以重兵宿鞏州夏主畏其侵迫乃遣樞密使都招討寧子寧忠翼赴蜀聞議夾攻秦鞏蠶子述俾利西安撫丁煇答書飭將吏嚴兵以待時嘉定十二年三月也子述尋罷去煇持議不可輕動師不可出十二月寧子寧遣使復申前說且責我以失期時安丙再開宣閭許之命利州副都統程信任其責十三年八月寧子寧以師期來告丙遂決意出師以秦蜀聞諸朝不待報可命將大舉卒無功夏人寧子寧窺各公輔亦率其眾歸國十四年正月丙回利州十六年遵頊自號上皇傳位於其子德旺寶慶二年春遵頊殂年六十四改元光定十三年諡曰英文皇帝廟號神宗丙戌七月德旺殂年四十六改元乾定四年廟號獻宗清平郡王之子南平王覲立二年丁亥秋為大元所取國遂亡

夏之境土方二萬餘里其設官之制多與宋同朝賀之儀雜用唐宋而樂之器與曲則唐也河之內外州郡凡二十有二河南之州九曰靈曰洪曰宥曰銀曰夏曰石曰鹽曰南威曰會河西之州九曰興曰定曰懷曰永曰涼曰甘曰肅曰瓜曰沙熙秦河外之州四曰西寧曰樂曰廓曰積石其地饒五穀尤宜稻麥甘涼之間則以諸河為澗與靈則有古渠曰唐涼曰漢源皆支引黃河故灌漑之利歲無旱澇之虞其民一家號一帳男年登十五為丁率二丁取正軍一人每負擔一人為一抄負擔者隨軍雜役也四丁為兩抄餘號空丁願隸正軍者得射他丁為負擔無則許射正軍之疲弱者為之故壯者皆習戰鬪而得正軍為多凡正軍給長生馬駝各一團練使以上帳一弓一箭五百馬一橐駝五旗鼓槍劍棍棒抄袋披氈渾脫背索鐵鑊斤斧箭牌鐵瓜篋各一刺史以下無帳無

旗鼓人各囊駝一箭三百幕梁一兵三人同一幕梁幕梁織毛爲幕而以木架有砲手二百人號撥喜陞立旋風砲於囊駝鞍縱石如拳得漢人勇者爲前軍號撞令郎若脆怯無他伎者遷河外耕作或以守肅州有左右廂十二監軍司曰左廂神勇曰石州祥祐曰賓州嘉寧曰韋州靜塞曰西壽保泰曰卓囉和南曰右廂朝順曰甘州甘肅曰瓜州西平曰黑水鎮燕曰白馬強鎮曰黑山威福諸軍兵總計五十餘萬別有擒生十萬與靈之兵精練者又二萬五千別副以兵七萬爲資贍號御圍內六班分三番以宿衛每有事於西則自東點集而西於東則自西點集而東中路則東西皆集用兵多立虛營設伏兵包敵以鐵騎爲前軍乘善馬重甲刺不入用鈎索絞聯雖死馬上不墜遇戰則先出鐵騎突陣陣亂則衝擊之步兵挾騎以進戰則大將居後或據高險其人能寒暑饑渴出戰率用隻日避晦日齋糧不過一旬弓皮弦矢沙柳棘惡雨雪晝舉煙揚塵夜篝火以爲候不恥奔遁敗三日輒復至其處提人馬射之號曰殺鬼招魂或縛草人埋於地衆射而還篤信機鬼尙詛祝每出兵則先卜卜有四一以艾灼羊牌骨以求兆各灸勃焦二辨竹子地若撲著以求數謂之辨算三夜以羊焚香祝之又焚穀火布靜處晨屠羊視其腸胃通則兵無阻心有血則不利四以矢擊弓弦審其聲知敵至之期與兵交之勝負及六畜之災祥五穀之凶稔俗皆土屋惟有命者得以瓦覆之

論曰拓跋氏考諸前史可見也自赤辭納款於貞觀立功於天寶思恭以賓州著節於咸通夏雖未稱國而王其土久矣子孫歷王五代宋興太祖卽西平王加彝與太尉德明在祥符間已追帝其父於國中逮元昊始顯稱帝厥後因之與金同亡概其歷世二百五十八年雖嘗受封冊于宋宋亦稱有歲幣之賜嘗詔之答要皆出於一時之言其心未嘗有臣順之實也元昊結髮用兵凡二十年無能折其強者乾順建國學設弟子員三百立養賢務仁孝增至三千尊孔子爲帝設科取士又置官學自爲訓導觀其陳經立紀傳曰不有君子其能國乎今史所載追尊謚號廟號陵名兼採夏國樞要等書其與舊史有所抵牾則闕疑以俟知者焉

宋史卷四百八十六

元中書右丞相總裁脫脫等修

列傳第二百四十六

外國三

高麗

高麗本曰高句驪，禹別九州，屬冀州之地，周為箕子之國，漢之玄菟郡也。在遼東，蓋扶餘之別種，以平壤城為國邑。漢魏以來，常通職貢，亦屢為邊寇。隋煬帝再舉兵，唐太宗親駕伐之，皆不克。高宗命李勣征之，遂拔其城，分其地為郡縣。唐末中原多事，遂自立君長。後唐同光天成中，其主高氏累奉職貢。長興中，權知國事王建承高氏之位，遣使朝貢，以建為玄菟州都督，充大義軍使，封高麗國王。晉天福中，復來朝貢，開運二年，建死，子武襲位。漢乾祐末，武死，子昭權知國事。周廣順元年，遣使朝貢，以昭為特進檢校太保，使持節玄菟州都督，大義軍使，高麗國王，顯德二年，又遣使來貢，加開府儀同三司，檢校太尉，又加太師。建隆三年十月，昭遣其廣評侍郎李興祐副使李勵希判官李彬等來朝貢。四年春，降制曰：古先哲后，奄宅中區，曷嘗不同文軌於萬方，覃聲教於四海。顧予涼德，猥被鴻名，爰致賓王，宜優錫命，開府儀同三司，檢校太師，玄菟州都督，充大義軍使，高麗國王，昭曰：邊鍾粹，遠左推雄，習箕子之餘風，撫朱蒙之舊俗，而能占雲候海，奉贄充庭，言念傾輸，實深嘉尚，是用賜之懿號，疇以公田，載推柔遠之恩，式獎拱辰之志。於戲！來朝萬里，美愛戴之有孚，柔撫四封，庶混并之無外。永保東裔，聿承天休，可加食邑七千戶，仍賜推誠順化保義功臣，其年九月，遣使時贊等來貢，涉海值大風，船破溺死者七十餘人，贊僅免，詔加勞恤，開寶五年，遣使以方物來獻，制加食邑，賜推誠順化守節保義功臣，進奉使內議侍郎徐熙加檢校兵部尚書，副使內奉卿崔都加檢校司農卿，並兼御史大夫，判官廣評侍郎康禮試少府少監，錄事廣評員外郎劉隱加檢校尚書金部郎中，皆厚禮遣之。昭卒，其子佑權領國事。九年，佑遣使趙遵禮奉土貢，以父沒當承襲，來聽朝旨，授佑檢校太保，玄菟州都督，大義軍使，封高麗國王，太宗即位，加

檢校太傅，改大義軍為大順軍，遣左司禦副率于延超司農寺丞徐昭文使其

國，佑遣國人金行成人就學於國子監，太平興國二年，遣其子元輔以夏馬方

物兵器來貢，其年，行成擢進士第，三年，又遣使貢方物兵器，加佑檢校太師，以

太子中允直舍人院張洎著作郎直史館，中正為使，四年，復遣供奉官閻門

祇候王偁使其國，五年六月，再遣使貢方物，六年，又遣使來貢，七年，佑卒，其弟

治知國事，遣使金全奉金銀線，屬錦袍，金銀飾刀劍弓矢，名馬香藥來貢，且

求襲位，授治檢校太保，玄菟州都督，充大順軍使，封高麗國王，以監察御史李

巨源禮記博士孔維奉使，雍熙元年，遣使韓遂齡以方物來貢，二年，加治檢校

太傅，遣翰林侍書王著持讀呂文仲充使，三年，出師北伐，以其國接壤契丹境，常

為所侵，遣監察御史韓國華質詔諭之曰：朕誕膺丕構，奄宅萬方，華夏蠻貊，罔

不率俾，蠢茲北裔，侵敗王略，幽薊之地，中朝土疆，晉漢多虞，黃綠盜據，今國家

照臨所及，書軌大同，豈使齊民陷諸曠俗，今已董齊師旅，殄滅妖氛，惟王久慕

華風，素懷明略，效忠純之節，撫禮義之邦，而接彼邊疆，懼於叢毒，舒泄積憤，其

在茲乎，可申戒師，徒送相掎角，協比鄰國，同力盪平，奮其一鼓之雄，戡此垂亡

之寇，良時不再，王其圖之，應俘獲生口牛羊財物器械，並給賜本國將士，用申

賞勸，先是契丹伐女真國，路由高麗之界，女真意高麗誘導構禍，因貢馬來，懇

于朝，且言高麗與契丹結好，倚為勢援，剽略其民，不復放還，洎高麗使韓遂齡

入貢，太宗因出女真所上告急木契，以示遂齡，仍令歸白本國，還其所俘之民，

治聞之憂懼，及國華至，令人言於國華曰：前歲冬末，女真馳木契來告，稱契丹

興兵入其封境，恐當道未知，宜豫為之備，當道與女真雖為鄰國，而路途遐遠，

彼之情偽，素知之矣，貪而多詐，末之信也，其後又遣人告曰：契丹兵騎已濟梅

河，當道猶疑不實，未暇營救，俄而契丹雲集，大擊女真，殺獲甚眾，餘族敗散，逃

遁，而契丹壓背追捕，及于當道西北，德昌德威化光化之境，俘擒而去，時有

契丹一騎至德米河北，大呼闕城戍卒而告曰：我契丹之騎也，女真寇我邊鄙，

率以為常，今則復仇已畢，整兵回矣，當道雖聞師退，猶憂不測，乃以女真避兵

來奔二千餘眾，資給而歸之，女真又勸當道控梅河津，築治城壘，以為防遏

之備亦以為然方令行視與功不意女真潛師奄至殺略吏民驅掠丁壯沒為奴隸轉徙他方以其歲貢中朝不敢發兵報怨豈期反相誣構以惑聖聽當遣世粟正朔踐修職貢敢有二心交通外國况契丹介居遼海之外復有大梅小梅二河之阻女真渤海本無定居從何徑路以通往復橫僱譏憤氣填膺日月至明諒垂昭鑒聞者女真逃難之眾罔不存恤亦有授以官秩尚在當國其職位高者有勿屈尼于那元尹能達那老正衛迦耶夫等十數人欲望召赴京闕與當道入貢之使庭辯其事則丹石之誠庶幾昭雪國華諾之乃命發兵西會治遷延未即奉詔國華屢督之得報發兵而還具錄女真之事以奏焉十月遣使朝貢又遣本國學生崔罕王彬詣國子監肄業端拱元年加治檢校太尉以考功員外郎兼侍御史知雜呂端起居舍人呂祐之為使二年遣使來貢詔其使選官侍郎韓蘭卿副使兵官郎中魏德柔並授金紫光祿大夫判官少府丞李光授檢校水部員外郎先是治遣僧如可質表來觀請大藏經至是賜之仍賜如可紫衣令同歸本國淳化元年三月詔加治食邑千戶遣戶部郎中柴成務兵部員外郎直史館趙化成往使其國俗信陰陽鬼神之事頗多拘忌每朝廷使至必擇良月吉辰方具禮受詔成務在館踰月乃遣書於治曰王奕葉藩輔尊獎王室凡行大慶首被徽章今國家特馳信使以申殊寵非止歷川塗之綿遠亦復蹈浪海之艱危皇朝聽遇斯亦隆矣而乃牽於禁忌泥於卜數眩惑日者之浮說稽緩天子之命書惟典冊之垂文非卜祝之能曉是以書稱上日不推六甲之元辰禮載仲冬但取一陽之嘉會然古訓足以明稽所宜改圖速拜君賜鸞鳳綵無滯克彰拱極之誠則龍節有輝免貽辱命之責謹以誠告王其聽之治覽書慚懼遣人致謝焉會霖雨不止仍以俟霽為請成務復遣書以責之治翌日乃出拜命二年遣使韓彥恭來貢彥恭表述治意求印佛經詔以藏經并御製秘藏銓遺遙詠蓮華心輪賜之四年正月治遣使白思柔貢方物并謝賜經及御製二月遣秘書丞直史館陳靖秘書丞劉式為使加治檢校太師仍降詔存問軍吏耆老靖等自東牟趣八角海口得思柔所乘海船及高麗水工即登舟自芝岡島順風泛大海再宿抵襄津口登陸行百六十里抵

高麗之境曰海州又百里至閩州又四十里至白州又四十里至其國治迎使于郊盡藩臣禮延留靖等七十餘日而還遣以襲衣金帶金銀器數百兩布三萬餘端附表稱謝先是三年上親試諸道貢舉人詔賜高麗賓貢進士王彬崔罕等及第既授以官遣還本國至是靖等使回治上表謝曰學生王彬崔罕等入朝習業蒙恩並賜及第授將仕郎守秘書省校書郎仍放歸本國竊以當道荐修貢奉多歷歲年蓋以上國天高遐荒海隔不獲躬赴金闕叩玉階唯深拱極之誠莫展來庭之禮彬罕等幼從匏繫嗟混迹於嶠夷不憚蓬飄早賓王於天邑緼袍極褐玉粒桂薪堪憂食貧若為卒歲皇帝陛下天慈照毓海量優容豐其館穀之資助以藝文之業去歲高懸軒鑑大選魯儒彬罕接武澤宮敢萌心於中鵠濫巾英域空有志於羨魚陛下以其萬里辭家十年觀國俾登名於桂籍仍命秩於芸臺憫其懷土之心慰以倚門之望別垂宸旨令歸故鄉玄造曲成鴻恩莫報臣不勝感天戴聖之至又有張仁銓者進奉使白思柔之孔目吏也上書獻便宜思柔意其持國陰事以告仁銓懼不敢歸上命靖等領以還國仍詔治釋仁銓罪治又上表謝曰官告國信使陳靖劉式奉傳聖旨以當道進奉使從行孔目官張仁銓至闕輒進便宜翻懷憂懼今附使臣帶歸本國者仁銓囑宅細民海門賤吏獲趁上國敢貢愚誠罔思狂瞽之尤輒奏權宜之事妄塵旒冕上贖朝廷今者仰奉綸言釋其罪罟小人趁利豈虞僭越之求聖主寬恩遠降哀矜之命其張仁銓者已依詔旨放罪令掌事如故又上言願賜板本九經書用教儒教許之先是式等復命治遣使元證衍送之證衍至安香浦口值風損船溺所賣物詔登州給證衍文據遣還仍賜治衣段二百疋銀器二百兩羊五十口五年六月遣使元郁來乞師燧以契丹寇境朝廷以北鄙甫寧不可輕動于戈為國生事但賜慰厚禮其使遣還自是受制于契丹朝貢中絕治卒第誦立嘗遣兵校徐遠來候朝廷德音遠久不至咸平三年其臣吏部侍郎趙之邁命牙將朱仁紹至登州偵之州將以聞上特召見仁紹因自陳國人思慕皇化為契丹羈制之狀乃賜誦鈿函詔一道令仁紹賈還六年詔遣使戶部郎中李宜古來朝謝恩且言晉割燕薊以屬契丹遂有路趣玄菟

屢來攻伐，求取不已。乞王師屯境上，爲之牽制。詔書優答之。誦卒，第詢權知國事。先是契丹既襲高麗，遂築六城，曰興州，曰鐵州，曰通州，曰龍州，曰龜州，曰郭州。于境上，契丹以爲貳己，遣使來求六城，詢不許。遂舉兵奄至城下，焚蕩宮室，剽劫居人，詢徙居昇羅州以避之。兵退，乃遣使請和。契丹堅以六城爲辭，自是調兵守六城。大中祥符三年，大舉來伐，詢與女真設奇邀擊，殺契丹殆盡。詢又于鴨綠江東築城，與來遠城相望，跨江爲橋，潛兵以固新城。七年，方遣告奏使御事工部侍郎尹證，古以金線織成龍鳳鞍并繡龍鳳鞍幪各二幅，細馬二疋，散馬二十疋，來貢證，古還，賜詔書七通，并衣帶銀線鞍勒馬等。八年，詔登州置館於海次，以待使者。其年，又遣御事民官侍郎郭元來貢，元自言本國城無垣牆，府曰開城，管六縣，民不下三五千，有州軍百餘，置十路轉運司統之。每州管縣五六，小者亦三四，每縣戶三四百，國境南北千五百里，東西二千里，軍民雜處，隸軍者不黥面，方午爲市，不用錢，第以布米貿易，地宜秔稻，風俗頗類中國，無羊羖羸，水牛驢，氣候少寒，暑差多，有僧無道士，民家器用悉銅爲之，樂有二品，曰庫樂，曰鄉樂，三歲一試舉人，有進士諸科，算學每試百餘人，登第者不過一二十，每正月一日，五月五日，祭祖禰廟，又正月七日，家爲王母像戴之。二月望，僧俗燃燈，如中國上元節，上巳日，以青艾染餅爲盤蓋之冠，端午有鞦韆之戲，士女服尚素，地產龍鬚席，藤席，白唾紙，鼠狼尾筆，元辭貌恭恪，每受宴賜，必自爲謝表，粗有文采，朝廷待之亦厚。九年，辭還，賜詔書七函，襲衣金帶，器幣鞍馬，及經史曆日聖惠方等。元又請錄國朝登科記及所賜御詩以歸，從之。天禧元年，遣御事刑官侍郎徐訥奉表獻方物于崇政殿，又賀封建壽春郡王。三年九月，登州言高麗進奉使禮賓卿崔元信至秦王水口，遭風覆舟，漂失貢物，詔遣內臣撫之。十一月，元信等入見，貢蜀錦衣褥烏漆甲金飾長刀七首，蜀錦鞍馬紵布藥物等，又進中布二千端，求佛經一藏，詔賜經還布，以元信覆溺匱乏，別賜衣服繒綵焉。明州登州屢言高麗海船有風漂至境上者，詔令存附，給度海糧道，仍爲著例。五年，詢遣告奏使御事禮部侍郎韓祚等一百七十九人來謝恩，且言與契丹修好，又表乞陰陽地理書聖惠方，並賜之，金行成。

者累官至殿中丞，治表乞放還，行成自以筮仕朝廷，不願歸本國，又以父母垂老在海外，旦暮思念，恨祿不及，令工圖其像置正寢，與妻史氏居旁室，晨夕定省上食，未嘗少懈。淳化初，通判安州被病，知州李範與僚佐數人省之，行成病已篤，泣且言曰：行成外國人，爲朝官佐郡政，病且死，未有以報主恩，雖瞑目固已，有遺恨。二子宗敏宗訥皆幼，家素貧，無他親可依，旦暮委溝壑矣。未幾，行成死，其妻養二子，誓不嫁，織屨以給，範表其事，詔以宗敏補太廟齋郎，令安州月給其家錢叁緡，米五斛，長吏歲時存問。又高麗信州永寧人康戡，字休祐，父允三，世爲兵部侍郎，戡少好學，時紇升與契丹交兵，戡從允戰木葉山下，連中二矢，神色不變，後陷契丹，適居墨斗嶺，又至黃龍府，間道得歸高麗，時允猶在開寶中，允遣戡隨賓貢肄業國學，太平興國五年，登進士第，解褐大理評事，知湘鄉縣，再遷著作佐郎，知江陰軍江州，歷官以清白幹力聞，改太常博士，蘇易簡在翰林，稱其吏才，命爲廣南西路轉運副使，賜緋魚，就遷正使，再轉度支員外郎，戶部判官，出知峽越二州，連被詔褻其能政，又爲京西轉運使，加工部郎中，賜金紫，戡所至好行事，上章多建白，以竭誠自任，景德三年卒，真宗特以其子希齡爲太常寺奉禮郎，給奉終喪，乾興元年二月，祚等辭歸國，賜詢如故事，會真宗是駕，又贖遺物以賜詢，天聖八年，詢復遣御事民官侍郎元頴等二百九十三人奉表，入見於長春殿，貢金器銀劍刀劍鞍勒馬香油人參細布銅器櫛黃青鼠皮等物，明年二月，辭歸，賜子有差，遣使護送至登州，其後絕不通中國者四十三年，詢孫徽嗣立，是爲文王，熙寧二年，其國禮賓省移牒福建轉運使羅拯云：本朝商人黃真洪萬來稱，運使奉密旨，令招接通好，奉國王旨意，形于鄙述，當國僻居，山谷，戀戀天朝，頃從租徭以來，素願樵航相繼，叢爾平壤，邇于大遼，附之則爲睦鄰，疎之則爲勍敵，慮邊疆之弗息，蓄陸襲以靡遠，久困羈縻，難圖擣貳，故違述職，致有積年，屢卜雲祥，雖美聖辰於中國，空知日遠，如迷舊路，於長安，運屬垂鴻，禮稽展慶，大朝化覃無外，度韜包荒，山不謝乎織埃，海不辭於支派，謹當遵尋通道，端赴稿街，但茲千里之傳聞，恐匪重霄之紆眷，今以公狀附真萬西還，俟得報音，即備禮朝貢，徽又自言嘗夢至中華，作詩紀其事，三

年。拯以聞朝廷。議者亦謂可結之以謀契丹。神宗許焉。命拯諭以供擬。朕厚之意。徽遂遣民官侍郎金悌等百十人來。詔待之如夏國使。往時高麗人往反皆自登州。七年。遣其臣金良鑑來言。欲遠契丹。乞改塗由明州詣闕。從之。郡縣供頓無舊準。頗擾民。詔立式頒下。費悉官給。又以其不還華言。恐規利者私與交關。令所至禁止。徽問遺二府甚厚。詔以付市易務。俾練帛答之。又表求醫藥。畫塑之工。以教國人。詔羅拯募願行者。九年。復遣崔思訓來。命中貴人做都亭西驛。例治館待之。優厚。其使來者亦益多。嘗獻伶官十餘輩。曰。夷樂無足觀。止欲潤色國史。爾帝以其國尚文。每賜書詔。必選詞臣著撰。而擇其善者。元豐元年。始遣安燾左諫議大夫。陳睦假起居舍人往聘。造兩艦於明州。一曰。凌虛安濟。致遠。次曰。靈飛順濟。皆名為神舟。自定海絕洋而東。既至。國人歡呼出迎。徽具袍笏。玉帶拜受。詔與燾睦尤禮。館之別宮。標曰。順天館。言尊順中國如天云。徽已病。僅能拜命。且乞醫藥。二年。遣王舜封挾醫往診治。徽又使柳洪來謝。海中遇風失所。貢物。洪上章自劾。救書安慰。尋獻日本所造車。曰。諸侯不貢車服。故不敢與土貢同。前此貢物至。輒下有司估直。償以萬緡。至是。命勿復估。以萬緡為定數。六年。徽卒。在位三十八年。治尚仁恕。為東夷良主。然猶循其俗。王女不下嫁。臣庶必歸之。兄弟宗族貴臣亦然。次子運。諫以為既通上國。宜以禮革故習。徽怒。斥之于外。計聞。天子閱焉。詔明州修浮屠供一月。遣楊景略王舜封祭奠。錢鏐宋球弔慰。景略辟李之儀書狀。帝以之儀文稱不著。宜得問學博洽器宇整秀者。召赴中書。試以文。乃遣。又以遠服不責其備。論使者以相見之所。殿名。鷓鴣。皆聽勿避。徽子順王勳嗣。百日卒。第宣王運。仁賢好文。內行飭備。每買客市書至。則潔服焚香對之。八年。遣其弟僧統來朝。求問佛法。并獻經像。哲宗立。遣使金上琦奉慰。林暨致賀。請市刑法之書。太平御覽。開寶通禮。文苑英華。詔惟賜文苑英華一書。以名馬錦綺金帛報其禮。運立四年。卒。子懷王堯嗣。未闕歲。以病不能為國。國人請其叔父鷓鴣林公熙衛攝政。未幾。堯卒。熙乃立。凡數歲。使不至。元祐四年。其王子義天。使僧壽介至杭州。祭亡僧。言國母使持二金塔。為兩宮壽。知州蘇軾奏却之。語在軾傳。熙後避遼主諱。改名顯。顯性貪吝。好

奪商賈利。富室犯法。輒久廢責贖。雖微罪亦輸銀數斤。五年。復通使。賜銀器五千兩。七年。遣黃宗慤來獻黃帝鍼經。請市書甚眾。禮部尚書蘇軾言。高麗入貢。無絲髮利。而有五害。今請諸書與收買金箔。皆宜勿許。詔許買金箔。然卒市冊。府元龜以歸。元符中。遣士賓實。徽宗立。遣任懿王。徽來弔賀。崇寧二年。詔戶部侍郎劉遠給事中。吳拭往使。顯卒。子侯嗣。貢使接踵。且令士子金瑞等五人入太學。朝廷為置博士。政和中。升其使為國信禮。在夏國上與遼人皆隸樞密院。改引伴押伴官。為接送館伴。賜以大晟燕樂。蓮豆。簾。尊。尊。尊。等器。至宣使者。于睿謀殿中。宣和四年。侯卒。初。高麗俗。兄終弟及。至是。諸弟爭立。其相李資深立。侯子楷來告哀。詔給事中路。允迪中書舍人。傅墨卿奠慰。侯之在位也。求醫於朝。詔使二醫往。留二年。而歸。楷語之曰。聞朝廷將用兵。伐遼。遼兄弟之國。存之足為邊扞。女真狼虎耳。不可交也。業已然。願二醫歸報天子。宜早為備。歸奏其言。已無及矣。欽宗立。賀使至明州。御史胡舜陟言。高麗靡敵國家五十年。政和以來。人使歲至。淮浙之間。苦之。彼昔臣事契丹。今必事金國。安知不窺我虛實。以報。宜止勿使來。乃詔留館於明。而納其贄幣。明年。始歸國。自王徽以降。雖通使不絕。然受契丹封冊。奉其正朔。上朝廷。及他文書。蓋有稱甲子者。歲貢契丹。至於六。而誅求不已。常云。高麗乃我奴耳。南朝何以厚待之。使至其國。尤倨暴。向修貢事。高麗表謝。其略曰。中國三甲子。方得一朝。大邦一周天。每修六貢。契丹悟。乃得免。高宗即位。慮金人通於高麗。命迪功郎胡彞假宗正少卿。為高麗國使。以聞之。彞之回。史失書。二年。浙東路馬步軍都總管楊應誠。上言。由高麗至女真。路甚徑。請身使三韓。結鷓鴣林以圖迎二聖。乃以應誠假刑部尚書。充高麗國信使。浙東帥臣翟汝文。奏言。應誠欺罔。為身謀耳。若高麗辭以金人亦請問津。以窺吳越。其將何辭。以對。萬一辱命。取笑遠夷。願毋遣。應誠聞之。遂與副使韓衍書。狀官孟健。由杭州浮海以行。六月。抵高麗。論其王楷以所欲為。楷曰。大朝自有山東路。蓋不由登州往。應誠曰。以貴國路徑耳。楷有難色。已而命其門下侍郎傅儔。至館中。果對如翟汝文言。應誠曰。女真不善水戰。儔曰。彼常於

海道往來。況女真舊臣本國。今反臣事之。其強弱可見矣。居數月。復遣其中書侍郎崔洪宰知樞密院金富弼持前議不贊。謂二聖今在燕雲。大朝即盡納土。未必可得。何不練兵與戰。終不奉詔。應誠留兩月餘。不得已。見楷於壽昌門。受其拜表而還。十月。至闕。入對言狀。上以楷負國恩。怒甚。尙書右丞朱勝非曰。彼鄰金人。與中國隔海。利害甚明。曩時待之過厚。今安能責其報也。右僕射黃潛善曰。以巨艦載精兵數萬。徑擣其國。彼寧不懼。勝非曰。越海與師。燕之事。可爲近鑒。上怒解。十一月。楷遣其臣尹彥頤奉表謝罪。詔以二聖未歸。燕設不宜用樂。乃設幕殿門外。命客省官吳得與伴賜酒。命書舍人張激押伴。如禮遣還。三年八月。上謂輔臣曰。聞上皇遣內臣宮女各二人。隨高麗貢使來。朕聞之。悲喜交集。呂頤浩曰。此必金人之意。不然。高麗必不敢。安知非窺我虛實以報。於是詔止之。略曰。王緬守基圖。夙同文軌。乃附乘桴之信。嗣修貢篚之恭。惟忠順之無他。質神明而靡愧。屬關聞聽。良用數嘉。言念晚年。實爲多故。舉中原之生聚。遭強敵之震驚。既涉境以深。深猶稱兵而未已。茲移仗衛。暫駐江湖。如行使之果來。恐有司之不戒。俟休邊境。當閉聘期。壞晉館以納車。庶無後悔。閉漢關而謝質。非用前規。想彼素懷。知吾誠意。紹興元年十月。高麗將入貢。禮部侍郎柳約言。四明殘破之餘。荒蕪單弱。恐起戎心。宜屯重兵以俟。其至十一月。詔柳約奉使高麗。不果行。二年閏四月。楷遣其禮部員外郎崔惟清。閣門祇候沈起。入貢金百兩。銀千兩。綾羅一百疋。人參五百斤。惟清所獻亦三之一。上御後殿。引見。賜惟清起金帶二。答以溫詔遣還。是月。定海縣言。民亡入高麗者約八十人。願奉表還國。詔候到日。高麗綱首卓榮等量與推恩。十二月。聞高麗遣知樞密院事洪彝敘等六十五人來。貢議以臨安府學館。其使者謂雖在兵間。不可無學。恐爲所窺。詔以洪惠寺爲同文館。以待之。既而卒不至。六年。高麗持牒官金稚圭至。明州。賜銀帛遣之。懼其爲金間也。三十二年三月。高麗綱首徐德榮詣明州。言本國欲遣質使。守臣韓仲通以聞。殿中侍御史吳芾奏曰。高麗與金人接壤。昔稚圭之來。朝廷懼其爲間。亟遣還。今兩國交兵。德榮之請。得無可疑。使其果來。猶恐不測。萬一不至。貽笑遠方。詔止之。隆興二年四月。明州

言。高麗入貢。史不書。引見日。恐同彝敘之詐。其後使命遂絕。慶元間。詔禁商人持銅錢入高麗。蓋絕之也。初。高麗入使。明越困於供給。朝廷館遇燕賓。賜予之費。以鉅萬計。饋其主者不在焉。我使之行。每乘二神舟。費亦不貲。三節官吏糜爵。捐屢皆仰縣官。昔蘇軾言于先朝。謂高麗入貢有五害。以此也。惟是國於吳會。事異東都。昔高麗入使。率由登萊。山河之限甚遠。今直趨四明。四明距行都限一浙水耳。由海道奉使高麗。瀾漫汪洋。洲嶼險阻。遇黑風。舟觸礁輒敗。出急水門。至羣山島。始謂平達。非數十日不至也。舟南北行。遇順風。則歷險如夷。至不數日。其國東西二千里。南北五百里。西北接契丹。特鴨綠江以爲固。江廣三百步。其東所臨海水清澈。下視十丈。東南望明州。水皆碧玉。居開州。蜀莫郡曰開成府。依大山置宮室。立城壁。各其山曰神嵩。民居皆茅茨。大止兩椽。覆以瓦者才十二。以新羅爲東州。樂浪府。號東京。百濟爲金州。金馬郡。號南京。平壤爲鎮州。號西京。西京最盛。總之。凡三京四府八牧郡。百有十八縣。鎮三百九十洲。島三千七百。郡邑之小者。或只百家。男女二百十萬口。兵民僧各居其一。地寒多山。土宜松柏。有杭黍。麻麥。而無秫。以杭爲酒。少絲蠶。匹練直銀十兩。多衣麻紵。王出乘車。駕牛。歷山險。乃騎紫衣行前。捧護國仁王經以導。出令曰。教曰。宣臣民呼之曰聖上。私謂曰嚴公。后妃曰宮主。百官名稱階勳。功臣檢校。頗與中朝相類。過御史臺。則下馬。違者有劾。士人以族望相高。柳崔金李四姓爲貴種。無官者。以世族子爲內侍。六衛。歲十二月朔。王坐紫門小殿。注官。外官則付國相。有國子監四門學。學者六千人。貢士三等。王城曰土貢。郡邑曰鄉貢。他國人曰賓。貢間歲試于所屬。再試于學。所取不過三四十人。然後王親試。以詩賦論三題。謂之簾前重試。亦有制科宏詞之目。然特文具而已。士尙聲律。少通經。王城有華人數百。多閩人。因買舶至者。密試其所能。誘以祿仕。或強留之。終身朝廷使至。有陳牒來訴者。則取以歸。百官以米爲奉。皆給田納祿。半給死。乃拘之。國無私田。民計口授業。十六以上。則充軍。六軍三衛。常留官府。三歲以選。戍西北。半歲而更。有警。則執兵。任事。則服勞。事已。復歸農畝。王亦有分地。以供私用。王母妃主世子。皆受湯沐。田上下。以買販利入爲事。日中爲虛。用米布貿易。地

產銅。不知鑄錢。中國所子錢藏之府庫。時出傳翫而已。崇寧後始學鼓鑄。有海東通寶。重寶。三韓通寶。三種錢。然其俗不便也。兵器疎闊。無強弩大刀。崇尚釋教。雖王子弟亦常一人爲僧。信鬼拘陰陽。病不相視。飲不撫棺。貧者死則露置中野。歲以建子月祭天。國東有穴號歲神。常以十月望日迎祭。謂之八關齋。禮儀甚盛。王與妃嬪登樓。大張樂宴。飲買人曳羅爲幕。至百疋相聯以示富。三歲大祭祠。遍其封內。因是斂民財。而王與諸臣分取之。祖廟在國門之外。大祭則具車服。冕圭親祠。王城有佛寺七十區。而無道觀。大觀中。朝廷遣道士往。乃立福源院。置羽流十餘輩。俗不知醫。自王俱來。請醫。後始有道其術者。人首無枕骨。背扁側。男子巾幘如唐裝。婦人鬢髻垂右肩。餘髮被下。約以絳羅。貫之簪。旋裙重疊。以多爲勝。男女自爲夫婦者不禁。夏月同川而浴。婦人僧尼皆男子拜。樂聲甚下。無金石之音。既賜樂。乃分爲左右二部。左曰唐樂。中國之音也。右曰鄉樂。其故習也。堂上設席。升必脫屣。見尊者則膝行必跪。應必唯。其拜無不答。子拜父。猶半答其禮。性仁柔。惡殺。不屠宰。欲食羊豕。則包以蒿而燔之。刑無慘酷之科。唯惡逆及罵父母者斬。餘皆杖肋。外郡刑殺。悉送王城。歲以八月減囚死罪。貸流諸島。累赦。抵重原之自明州定海。遇便風。三日入洋。又五日抵墨山。入其境。自墨山過島嶼。詰曲巖石間。舟行甚駛。七日至禮成江。江居兩山間。東以石峽湍激而下。所謂急水門。最爲險惡。又三日抵岸。有館曰碧瀾亭。使人由此登陸。崎嶇山谷四十餘里。乃其國都云。

列傳第二百四十七

外國四

交趾 大理

交趾本漢初南越之地漢武平南越分其地為儋耳珠崖南海蒼梧鬱林合浦交趾九真日南凡九郡置交趾刺史以領之後漢置交州晉宋齊梁陳因之又為交趾郡隋平陳廢郡置州煬帝初廢州置郡唐武德中改交州總管府至德中改安南都護府梁貞明中土豪曲承美專有其地送款於末帝因授承美節鉞時劉隱擅命積表遣將李知順伐承美執之乃并有其地後有楊廷藝紹洪皆受廣南署繼為交趾節度使紹洪卒州將吳昌及遂居其位昌及死其弟昌文襲乾德初昌文死其參謀吳處珩峯州刺史矯知護武寧州刺史楊暉牙將杜景碩等爭立管內一十二州大亂部民嘯聚起為寇盜攻交州先是楊廷藝以牙將丁公著攝驩州刺史兼禦蕃都督部領即其子也公著死部領繼之至是部領與其子連率兵擊敗處珩等賊黨潰散境內安堵交民德之乃推部領為交州帥號曰大勝王署其子連為節度使凡三年連即位連立七年聞嶺表平遂遣使貢方物上表內附制以權交州節度使丁連以檢校太師充靜海軍節度使安南都護又詔以進奉使鄭琇王紹祚並為檢校左散騎常侍兼御史大夫八年遣使貢犀象香藥朝廷議崇寵部領降制曰率土來王方推以恩信舉宗奉國宜洽於封崇眷拱極之外臣舉顯親之茂典爾部領世為右族克保遐方夙慕華風不忘內附屬九州混一五嶺廓清靡限溟濤樂輸琛寶嘉乃令子稱吾列藩特被鴻私以旌義訓介爾眉壽服茲寵章可授開府儀同三司檢校太師封交趾郡王太宗即位連又遣使以方物來貢部領及連既死連弟璿尙幼嗣立稱節度行軍司馬權領軍府事大將黎桓擅權樹黨漸不可制却還璿於別第舉族禁錮之代總其衆太宗聞之怒乃議舉兵太平興國五年秋詔以蘭州團練使孫全興入作使張璿左監門衛將軍崔亮為陸路兵馬部署自

邕州路入寧州刺史劉澄軍器庫副使賈湜供奉官閤門祇候王僕為水路兵馬部署自廣州路入是冬黎桓遣牙校江巨湟齎方物來貢仍為丁璿上表曰臣族本蠻裔僻處海裔修職貢於宰族假節制於方隅臣之父兄代承閭寄謹保封略罔敢怠違爰暨淪亡將墜堂構將吏耆耄乃屬於臣俾權軍旅之事用安夷落之衆土俗獷悍懇請愈堅拒而弗從慮其生變臣已攝節度行軍司馬

權領軍府事願賜真秩令備列藩千冒宸展伏增震越上察其欲緩王師寢而不報王師進討破賊萬餘衆斬首二千餘級六年春又破賊于白藤江口斬首

千餘級獲戰艦二百艘甲冑萬計轉運使侯仁寶率前軍先進全興等頓兵花

步七十日以候澄仁寶累促之不進及澄至并軍由水路至多羅村不遇賊復

擅迴花步桓詐降以誘仁寶遂為所害轉運使許仲宣馳奏其事遂班師上遣

使就勅澄湜俱澄尋病死戮湜等邕州市全興至闕亦下吏誅餘抵罪有差仁

寶贈工部侍郎七年春桓懼朝廷終行討滅復以丁璿為名遣使貢方物上表

謝罪八年桓自稱權交州三使留後遣使貢方物并璿表來上帝賜桓詔曰

丁氏傳襲三世保據一方卿既受其倚毗為之心替克徇邦人之請無負丁氏

之心朕且欲令璿為統帥之名卿居副貳之任劇裁制置悉繫於卿俟丁璿既

冠有所成立卿之輔翼令德彌光崇獎忠勳朕亦何吝若丁璿將材無取童心

如故然其奕世紹襲載綿星紀一旦捨去節鉞降同士伍理既非便居亦靡安

詔到卿宜遣丁璿母子及其親屬盡室來歸俟其入朝便當授日降制授卿節

旄凡茲兩途卿宜審處其一丁璿到京必加優禮今遣供奉官張宗權齎詔諭

旨當悉朕懷亦賜璿詔書如旨時黎桓已專據其土不聽命是歲五月上言占

城國水陸象馬數萬來寇率所部兵擊走之俘斬千計雍熙二年遣牙校張紹

馮阮伯簪等貢方物繼上表求正領節鎮三年秋又遣使貢方物儋州言占城

國人蒲羅竭率其族百餘衆內附言為交州所逼故也是歲十月制曰王者懋

建皇極寵綏列藩設邸京師所以威會同之禮胙土方面所以表節制之雄矧

茲點齋之隅克修設羽之貢式當易帥爰利建侯不志請命之恭用舉醴勞之

典權知交州三使留後黎桓兼資義勇特稟忠純能得邦人之心彌謹藩臣之

禮往者丁璿方在童幼。味於撫綏。桓乃肺腑之親。專掌軍旅之事。號令自出。威愛並行。璿盡解三使之權。以徇衆人之欲。遠輸誠款。求領節旄。士變疆明。化越俗而感义。尉佗恭順。稟漢詔以無違。宜正元戎之稱。以列通侯之貴。控撫夷落。對揚天休。可檢校太保使持節都督交州諸軍事安南都護充靜海軍節度交州管内觀察處置等使。封京兆郡侯。食邑三千戶。仍賜號推誠順化功臣。遣左補闕李若拙國子博士李覺為使以賜之。端拱元年。加桓檢校太尉。進邑千戶。實封五百戶。遣戶部郎中魏庠虞部員外郎直史館李度往使焉。淳化元年夏。加桓特進。邑千戶。實封四百戶。遣左正言直史館宋鎬右正言直史館王世則。又使焉。明年六月。歸闕。上令條列山川形勢及黎桓事迹以聞。鎬等具奏曰。去歲秋末。抵交州境。桓遣牙內都指揮使丁承正等。以船九艘。卒三百人。至太平軍來迎。由海口入大海。冒涉風濤。頗歷危險。經半月。至白藤徑。入海汊。乘潮而行。凡宿泊之所。皆有茅舍三間。營葺尙新。目為館驛。至長州。漸近本國。桓張皇虛誕。務為誇詫。盡出舟師戰權。謂之軍。自是宿征。抵海岸。至交州。僅十五里。有茅亭五間。題曰茅徑驛。至城一百里。驅部民畜產。妄稱官牛。數不滿千。揚言十萬。又廣率其民。混於軍旅。以雜色之衣。乘船鼓譟。近城之山。虛張白旗。以為陳兵之象。俄而擁從桓至。展郊迎之禮。桓斂馬側身。問皇帝起居。畢。按轡偕行。時以檳榔相遺。馬上食之。此風俗待賓之厚意也。城中無居民。止有茅竹屋數十百區。以為軍營。而府署湫隘。題其門曰明德門。桓質陋而目眇。自言近歲與蠻寇接戰。墜馬傷足。受詔不拜。信宿之後。乃張筵飲宴。又出臨海汊。以為娛賓之遊。桓跣足持竿。入水標魚。每中一魚。左右皆叫譟歡躍。凡有宴會。預坐之人。悉令解帶。冠以帽子。桓多衣花縵及紅色之衣。帽以真珠為飾。或自歌勸酒。莫能曉其詞。嘗令數十人。扛大蛇。長數丈。饋於使館。且曰。若能食此。當治之為饌。以獻焉。又羈送二虎。以備縱觀。皆却之不受。士卒殆三千人。悉黥其額。曰天子軍糧。以禾穗。日給。令自舂為食。兵器止有弓弩木牌。梭槍竹槍。弱不可用。桓輕佻殘忍。昵比小人。腹心閹豎。五七輩。錯立其側。好狎飲。以手令為樂。凡官屬善其事者。擢居親近左右。有小過。亦殺之。或鞭其背一百至二百。賓佐小不如意。亦

捶之三十至五十。黜為闈吏。怒息乃召復其位。有木塔其制樸陋。桓一日請同登遊覽。地無寒氣。十一月。猶衣夾衣。揮扇云。四年。進封桓交趾郡王。五年。遣牙校費崇德等來修職貢。然桓性本兇狠。負阻山海。屢為寇害。漸失藩臣禮。至道元年春。廣南西路轉運使張觀。欽州如洪鎮兵馬監押衛昭美。皆上言。有交州戰船百餘艘。寇如洪鎮。略居民劫廩實而去。其夏。桓所管蘇茂州。又以鄉兵五千寇邕州。所管緣山都巡檢楊文傑擊走之。太宗志在撫寧。荒服。不欲問罪。觀又言。風聞黎桓為丁氏斥逐。擁餘衆山海間。失其所據。故以寇鈔自給。今則桓已死。觀仍上表稱賀。詔太常丞陳士隆高品武元吉奉使犒南。因偵其事。士隆等復命。所言與觀同。其實桓尙存。而傳聞者之誤。觀等不能審覈。未幾。有大買自交趾回。具言桓為帥如故。詔勅觀等。會觀病卒。昭美士隆元吉抵罪。先是欽州如洪咄咄步如昔等三鎮。皆瀕海。交州潮陽民卜文勇等殺人。并家亡命。至如昔鎮。鎮將黃令德等匿之。桓令潮陽鎮將黃成雅移牒來捕。令德固不遣。因茲海賊連年剽掠。二年。以工部員外郎直史館陳堯叟為轉運使。因賜桓詔書。堯叟始至。遣攝雷州海康縣尉李建中賫詔勞問桓。堯叟又至。如昔詰得匿文勇之由。盡擒其男女老少一百三十口。召潮陽鎮吏付之。且戒勿加酷法。成雅得其人。以狀謝堯叟。桓遂上章感恩。并捕海賊二十五人。送于堯叟。且言已約勒谿洞首領。不得騷動。七月。太宗遣主客郎中直昭文館李若拙賫詔書。充國信使。以美玉帶往賜桓。若拙既至。桓出郊迎。然其詞氣尙悻慢。謂若拙曰。向者劫如洪鎮。乃外境蠻賊也。皇帝知此。非交州兵否。若使交州果叛命。則當首攻番禺。次擊閩越。豈止如洪鎮而已。若拙從容謂桓曰。上初聞寇如洪鎮。雖未知其所自。然以足下拔自交州牙校。授之節制。固當盡忠以報。豈有他慮。及見執送海賊。事果明白。然而大臣僉議。以為朝廷比建節帥。以寧海表。今既蠻賊為寇。害乃是交州力不能獨制矣。請發勁卒數萬。會交兵以翦滅之。使交廣無後患。上曰。未可輕舉。慮交州不測。朝旨。或致驚駭。不若且委黎桓討擊之。亦當漸至。清謐。今則不復會兵也。桓愕然避席曰。海賊犯邊。守臣之罪也。聖君容貸。恩過父母。未加誅責。自今謹守職約。保永清於漲海。因北望頓首謝。真宗卽位。進封

桓南平王兼侍中桓前遣都知兵馬使阮紹恭副使趙懷德以金銀七寶裝交

椅一銀盆十犀角象牙五十枚絹紬布萬匹來貢詔陳于萬歲殿太宗神御許

紹恭等拜奠及迴賜桓帶甲馬詔書慰獎咸平四年又遣行軍司馬黎紹留使

副何慶常以馴犀一象二象獮二七寶裝金瓶一來貢其年欽州言交州劾賊

場民及頭首八州使黃慶集等數百人來投有詔慰撫遣還本道廣南西路言

黎桓迎受官告使黃成雅附奏自今國朝加恩願遣使至本道以龍海裔先是

使至交州桓即以供奉爲辭因緣賦斂上聞之止令糧吏召授命不復使景

德元年又遣其子攝驪州刺史明提來貢懇求加恩使至本道慰撫還裔許之

仍以明提爲驪州刺史二年上元節賜明提錢令與占城大食使觀燈宴飲因

遣工部員外郎邵暉充國信使三年桓卒立中子龍鉞龍鉞兄龍全劫庫財而

遁其弟龍廷殺龍鉞自立龍廷兄明護率扶闈岩攻戰明提以國亂不能還特

詔廣州優加資給知廣州凌策等言桓諸子爭立衆心離叛頭首黃慶集黃秀

繼等千餘人以不從驅率戮及親族來投廉州請發本道二千人平之慶集等

願爲前鋒上以桓素忠順屢修職貢今幸亂而伐喪不可就改國信使邵暉爲

緣海安撫使令曉譬之慶集等仍計口賜田糧暉乃貽書交州諭以朝廷威德

如其自相魚肉久無定位偏師問罪則黎氏盡滅矣明護懼即奉龍廷主軍事

龍廷自稱節度開明王遂欲修貢暉以聞上曰還荒異俗不曉事體何足怪也

令削去僞官暉又言頭首黃慶集先避亂歸化其種族尙多若復遣還慮遭屠

戮詔以慶集隸三班釐務于郴州遂許入貢四年龍廷稱權安南靜海軍留後

遣弟峯州刺史明昶副使安南掌書記殿中丞黃成雅等來貢會金光殿大宴

上以成雅坐遠欲稍升位著訪於宰相王旦旦曰昔子產朝周周王饗以上卿

之禮子產固辭受下卿之禮而還國家惠綏遠方優待客使固無嫌也乃升成

雅于尚書省五品之次詔拜龍廷特進檢校太尉充靜海軍節度觀察處置等

使安南都護兼御史大夫上柱國仍封交趾郡王食邑三千戶食實封一千戶

賜推誠順化功臣仍賜名至忠給以旌節又追贈桓中書令南越王進奉使黎

明昶等並進秩大中祥符元年天書降加翊戴功臣食邑七百戶實封三百戶

東封畢加至忠同平章事食邑一千戶食實封四百戶二年廣南西路言蠻人

劫海口蠻戶如洪砦主李文著以輕兵襲逐中流矢死詔督安南捕賊明年執

狄獠十三人以獻至忠又遣推官阮守疆以犀角象齒金銀紋縞等來貢并獻

馴犀一上以犀連土性不可養畜卻不納又以逆至忠意使者既去乃令縱之

海滋三年遣使來朝表求甲冑具裝詔從其請又求互市于邕州本道轉運使

以聞上曰瀕海之民數患交州侵寇仍前止許廉州及如洪砦互市蓋爲邊隅

控扼之所今或直趨內地事頗非便詔令本道以舊制諭之至忠纔年二十六

苛虐不法國人不服大校李公蘊尤爲至忠親任嘗令以黎爲姓其年遂圖至

忠逐之殺明提昶等自稱留後遣使貢奉上曰黎桓不義而得公蘊尤而效

之甚可惡也然以其禮俗不足責遂用桓故事制授特進檢校太尉充靜海軍

節度觀察處置等使安南都護兼御史大夫上柱國封交趾郡王食邑三千戶

實封一千戶賜推誠順化功臣公蘊又表求太宗御書詔賜百軸四年祀汾陰

后土公蘊遣節度判官梁任文觀察巡官黎再嚴以方物來貢禮成加公蘊同

平章事食邑一千戶實封四百戶任文等並優進秩五年夏以進奉使李仁美

爲誠州刺史陶慶文爲太常丞其從隸有道病死者所賜附還其家是冬聖祖

降加公蘊開府儀同三司食邑七百戶實封三百戶賜翊戴功臣七年春又加

保節守正功臣食邑一千戶實封四百戶詔交趾諸國使人貢者所在館餼供

億務令豐備其年遣知唐州刺史陶碩等來貢詔以碩爲順州刺史充安南靜

海軍行軍司馬副使吳懷副爲澄州刺史充節度副使先是交州狄獠張婆看

避罪來奔知欽州穆重穎召之至中路復拒焉都巡檢臧嗣遂令如洪砦槁以

牛酒交州偵知其事因捕狄獠殺之鈔如洪砦掠人畜甚衆詔轉運司督公蘊追

索仍令疆吏自今不得誘召蠻獠致生事公蘊或間歲或仍歲以方物入貢天

禧元年進封公蘊南平王加食邑一千戶實封四百戶二年加檢校太尉食邑

一千戶實封四百戶每加恩皆遣使將命至其境上仍賜器幣襲衣金帶鞍馬

焉仁宗即位加公蘊檢校太師遣長州刺史李寬泰都護副使阮守疆來貢天

聖六年遣驪州刺史李公顯來貢除欽州刺史既而令其子弟及其婿申承貴

率眾內寇。詔廣南西路轉運司發溪峒丁壯討捕之。未幾卒。年四十四。其子德政。自稱權知留後事。來告哀。贈公蘊為侍中南越王。命本路轉運使王惟正為祭奠使。又為賜官告使。除德政檢校太尉。靜海軍節度使。安南都護。交趾郡王。天聖九年。遣知峯州刺史李僊。知愛州刺史師日新等來謝。以僊為驩州刺史。日新為珍州刺史。明道元年。恭謝。加同中書門下平章事。景祐中。郡人陳公永等六百餘人。內附。德政遣兵千餘境上捕逐之。詔遣還。仍戒德政毋得輒殺。尋遣靜海軍節度判官陳應機。掌書記王惟慶來貢。以應機為太子中允。惟慶為大理寺丞。德政加檢校太師。三年。其甲峒及諒州門州蘇茂州廣源州大發峒丹波縣蠻寇。邕州之思陵州西平州石西州及諸峒。略居人馬牛。焚室廬而去。下詔責問之。且令捕酋首正其罪。以聞。寶元元年。進封南平王。康定元年。遣知峯州刺史師用和節度副使杜猶與等來貢。慶曆三年。又遣節度副使杜慶安三班奉職梁材來。以慶安為順州刺史。材為太子左監門率府率。六年。又遣兵部員外郎蘇仁祚。東頭供奉官陶惟懼來。以仁祚為工部郎中。惟懼為內殿崇班。明年。又遣秘書丞杜文府。左侍禁文昌來。以文府為屯田員外郎。昌為內殿崇班。初。德政發兵取占城。朝廷疑其內蓄叢謀。乃訪自唐以來所通道路。凡十六處。令轉運使杜杞度其要害而戍守之。然其後亦未嘗寇邊。前後累貢馴象。皇祐二年。邕州誘其蘇茂州韋紹嗣。約欽等三千餘人入居省地。德政表求所誘。詔盡還之。仍令德政約束邊戶。毋相侵犯。其後廣源州蠻復智高反。德政率兵二萬由水路欲入助王師。朝廷優其賜而卻其兵。至和二年卒。其子曰尊遣人告哀。命廣南西路轉運使尚書屯田員外郎蘇安世為弔贈。贈德政為侍中南越王。賻資甚厚。尋除日尊特進。檢校太尉。靜海軍節度使。安南都護。封交趾郡王。嘉祐三年。貢異獸。二四年。寇欽州。思粟管。五年。與甲峒賊寇。邕州。詔知桂州蕭固發部兵與轉運使宋咸提點刑獄李師中。同議捕擊。又詔安撫使余靖等發兵捕討。靖遣諜誘占城同廣南西路兵甲趨交趾。日尊惶怖。上表待罪。詔未得。舉兵。曠日。算貢奉至京師。八年。遣文思使梅景先副使大理評事李繼先貢馴象。九年。四月。戊寅。以大行皇帝詔及遺留物賜日尊。加同中書

門下平章事。是日。交趾使辭。命內侍省押班李繼和喻以申紹泰入寇本路。屢乞討伐。而朝廷以紹泰一夫肆狂。又本道已遣使謝罪。故未欲興兵。治平初。知桂州陸訛言。交州來求。僊宗且男日新。及欲取溫閣洞等地。帝問交趾於何年。割據輔臣對曰。自唐至德中。改安南都護府。梁貞明中。土豪曲承美專有此地。韓琦曰。向以黎桓叛命。太宗遣將討伐。不服。後遣使招誘。始效順。交州山路險僻。多瘴霧。瘴毒之氣。雖得其地。恐不能守也。神宗即位。遣封日尊。南平王。熙寧元年。加開府儀同三司。二年。表言占城國久闕貢。臣親帥兵討之。虜其王。詔以其使郭士安為六宅副使。陶宗元為內殿崇班。日尊自帝其國。僭稱法天應運。崇仁至道。慶成。龍祥。英武。睿文。尊德。聖神。皇帝。尊公。蘊為太祖。神武。皇帝。國號大越。改元寶象。又改神武。五年三月。日尊卒。命廣西轉運使康衛為弔。贈使。子所奪州縣。詔報之曰。卿撫有南交。世受王爵。而乃背德。奸命。竊暴邊城。棄祖考忠順之圖。煩朝廷討伐之舉。師行深入。勢蹙始歸。迹其罪尤。在所創削。今遣使修貢。上章致恭。詳觀詞情。灼見悛悔。朕撫綏萬國。不異遐邇。但以邕欽之民。遷劫爰陔。久失鄉井。俟盡送還省界。即以廣源等賜交州。乾順初。約歸三州官吏千人。久之。才送民二百二十一口。男子年十五以上。皆刺額曰天子兵。二十以上。曰投南朝。婦人刺左手。曰官客。以舟載之。而泥其戶牖。中設燈燭。日行一二十里。則止。而偽作更鼓。以報。凡數月。乃至。蓋以給示海道之遠也。順州落南深置戍鎮守。被權瘴霧多病。沒陶弼亦終於官。朝廷知其無用。乃悉以四州一縣還之。然廣源舊隸邕管。羈縻本非交趾所有也。元豐五年。獻馴象二。犀角象齒百。六年。以追捕僮智會為辭。犯歸化州。又遣其臣黎文威來廣西。辨理順安歸化境界。經略使熊本遣左江巡檢成卓與議。文威稱陪臣不敢爭執。詔以文威能遵乾德恭順之意。賜之袍帶及絹五百匹。乃以入隘之外。保樂六縣。稍桑二峒。子乾德。哲宗立。加同中書門下平章事。元祐中。又數上表。求勿惡勿陽峒地。詔不許。二年。遣使入貢。進封南平王。徽宗時。累加開府儀同三司。檢校太師。大觀初。貢使至京。乞市書籍。有司言法不許。詔嘉其慕義。除禁書。卜筮陰陽曆算術數兵書。敕令時務邊機地理外。餘書許買。政和末。又詔以交人自熙寧以來。

全不生事。特寬和市之禁。宣和元年。加乾德守司空。建炎元年。詔廣西經略安撫司。禁邊民毋受安南通逃。從其主乾德之請也。四年。安南入貢。詔卻其方物之華靡者。賜敕書厚。其報以懷柔之。紹興二年。乾德卒。贈侍中。追封南越王。子陽煥嗣。授靜海軍節度使。特進。檢校太尉。封交趾郡王。賜推誠順化功臣。八年。陽煥卒。以轉運副使朱芾充弔祭使。贈陽煥開府儀同三司。追封南平王。子天祚嗣。授官如其父。初封之制。九年。詔廣西帥司毋受趙智之入貢。初。乾德有側室子奔大理。變姓名為趙智之。自稱平王。聞陽煥死。大理遣歸。與天祚爭立。求入貢。欲假兵納之。帝不許。十七年。詔文思院製鞍轡。以賜天祚。二十一年。累加天祚崇懷義忠。保信鄉德安遠承和功臣。二十五年。詔館安南使者於懷遠驛。賜宴以彰異數。進封天祚南平王。賜襲衣金帶鞍馬。二十六年。命右司郎中汪應辰。宴安南使者於玉津園。八月。天祚遣李國等以金珠沉香翠羽良馬馴象來貢。詔加天祚檢校太師。增食邑。隆興二年。天祚遣尹子思鄧碩儼等。貢金銀象齒香物。乾道六年。累加天祚歸仁協恭繼美。遵度履正。彰善功臣。帝自即位。屢却安南貢使。九年。天祚復遣尹子思李邦正。求入貢。帝嘉其誠。許之。詔館於懷遠驛。廣南西路經略安撫使范成大言。本司經略諸蠻。安南在撫綏之內。其陪臣豈得與中國王官亢禮。政和間。貢使入境。皆庭參不復報謁。宜遵舊制。於禮為得。朝廷從其請。淳熙元年二月。進封天祚安南國王。加號守謙功臣。二年。賜安南國印。三年。賜安南國曆。曰。天祚平。明年。子龍輪嗣位。授靜海軍節度使。觀察處置等使。特進。檢校太尉。兼御史大夫。上柱國。特封安南國王。加食邑。仍賜推誠順化功臣。制曰。即樂國以肇封。既從世襲。極真王而錫命。何待次升。示殊禮也。五年。貢方物。上表稱謝。九年。詔卻安南所貢象。以其無用。而煩民他物。亦止受什一。十六年。累加龍輪守義奉國。履常懷德功臣。光宗即位。奉表入貢。稱賀。寧宗朝。賜衣帶器幣。累加謹度思忠濟美。勤禮保節歸仁。崇謙協恭功臣。及食邑焉。嘉定五年。龍輪卒。詔以廣西運判陳孔碩充弔祭使。特贈侍中。依前安南國王制。以其子吳岳襲封。其爵位給賜。如龍輪始封之制。仍賜推誠順化功臣。其後謝表不至。遂較加恩。吳岳卒。無子。以女昭聖主國事。遂為其婿。陳

日嬰所有。李氏有國。自公蘊至吳岳。凡八傳。二百二十餘年。而國亡。淳祐二年。詔安南國王陳日嬰。元賜勅忠順化保節功臣。增守義二字。寶祐六年。詔安南情狀巨測。申飭邊備。景定二年。貢象一。三年。表乞世襲。詔日嬰授檢校太師。安南國王。加食邑。男威冕授靜海軍節度使。觀察處置使。檢校太尉。兼御史大夫。上柱國。安南國王。勅忠順化功臣。賜金帶器幣鞍馬。咸淳五年。詔安南國王父日嬰。國王威冕。加食邑。八年。明堂禮成。日嬰威冕。各加食邑。賜鞍馬等物。大理國。即唐南詔也。熙寧九年。遣使貢金裝碧玕山。犀麝刀劍。犀皮甲鞍轡。自後不常來。亦不領於鴻臚。政和五年。廣州觀察使黃璠奏。南詔大理國。慕義懷徠。願為臣妾。欲聽其入貢。詔璠置局於賓州。凡有奏請。皆俟進止。六年。遣進奉使天駟。乘珍寶李紫琮。副使坦綽。李伯祥。來詔璠與廣東轉運副使徐惕。偕詣闕。其所經行。令監司一人主之。道出荆湖南。當由邵州。新化縣。至鼎州。而璠家潭之湘鄉。轉運判官喬方。欲媚璠。乃排比。由邵至潭。由潭至鼎。一路御史劾其當農事之際。而觀望勞民。詔罷方。紫琮等過鼎。聞學校文物之感。請於押伴。求詣學瞻拜。宣聖像。邵守張察許之。遂往。遍謁見諸生。又乞觀御書閣。舉笏扣首。七年二月。至京師。貢馬三百八十匹。及麝香。牛黃。細氈。碧玕山諸物。制以其王段和譽。為金紫光祿大夫。檢校司空。雲南節度使。上柱國。大理國王。朝廷以為璠功。并其子暉。昨皆遷官。少子暉。為閩門宣贊舍人。已而知桂州周種勳。璠詐冒。璠得罪。自是大理復不通於中國。間一至黎州互市。紹興三年十月。廣西奏大理國求入貢。及售馬。詔卻之。不欲以虛名勞民也。朱勝非奏曰。昔年大理入貢。言者深指其妄。黃璠由是獲罪。帝曰。遠方異域。何由得實。但難當其馬價。則馬方至。用益騎兵。不為無補也。六年七月。廣西經略安撫司。奏大理復遣使奉表。貢象馬。詔經略司護送。行在。優禮答之。九月。翰林學士朱震上言。乞諭廣西帥臣。凡市馬。當擇謹厚者任之。毋遣好功喜事之人。以啓邊釁。異時南北路通。則漸減廣西市馬之數。庶幾消患於未然。詔從之。淳熙二年十一月。知靜江府張栻。申嚴保伍之禁。又以邕管戍兵不能千人。左右江峒丁十餘萬。每恃以為藩蔽。其邕州提舉巡檢官。宜精其選。以撫峒丁。欲制大理。當自邕管始云。

宋

史 卷四百八十八

列傳

宋史卷四百八十八

三八一〇

宋史卷四百八十九

元 中書 右丞 相總裁 脫脫 等 修

列傳第二百四十八

外國五

占城

真臘

蒲甘

迦黎

三佛齊

蘭婆

南毗附

勃泥

注輦

丹眉流

占城國在中國之西南東至海西至雲南南至真臘國北至羅州界汎海南去三佛齊五日程陸行至賓陀羅國一月程其國隸占城焉東去麻逸國二日程蒲端國七日程北至廣州便風半月程東北至兩浙一月程西北至交州兩日程陸行半月程其地東西七百里南北三千里南曰施備州西曰上源州北曰烏里州所統大小州三十八不盈三萬家其國無城郭有百餘村村落戶三五百或至七百亦有縣鎮之名土地所出菱沉香檳榔烏構木蘇木白藤黃蠟吉貝花布絲絞布白氈布藤篋貝多葉算金銀鐵錠等物五穀無麥有秔米粟豆麻子官給種一斛計租百斛果實有蓮甘蔗椰子椰子鳥獸多孔雀犀牛畜產多黃牛水牛而無驢亦有山牛不任耕耨但殺以祭鬼將殺令巫祝之曰阿羅和及拔譯云早教他託生民獲犀象皆輸於王國人多乘象或軟布兜或於交州市馬頗食山羊水兕之肉其風俗衣服與大食國相類無絲蠶以白氈布纏其胸垂至於足衣衫窄袖撮髮為髻散垂餘髻於其後互市無緡錢止用金銀較量錙銖或吉貝錦定博易之直樂器有胡琴笛鼓大鼓樂部亦列舞人其王腦後盤髻散披吉貝衣戴金花冠七寶裝纓絡為飾脛股皆露躡草履無襪婦人亦腦後撮髻無笄梳其服及拜揖與男子同王每日午坐憚官屬謁見膜拜一而止白事畢復膜拜一而退或出遊看象采獵觀漁皆數日方還近則乘軟布兜遠則乘象或乘一木杠四人舁之先令一人持檳榔盤前導從者十餘輩各執弓箭刀槍手牌等其民望之膜拜一而止日或一再出每歲稻熟王自刈一把從者及羣婦女競割之其王或以兄為副王或以弟為次王設高官凡八員東西南北各二分治其事無奉祿令其所管土俗資給之別置文吏五十餘

員有郎中員外秀才之稱分掌資儲寶貨等事亦無資奉但給龜魚充食及免調役而已又有司督廩者十二員主軍卒者二百餘員皆無月奉勝兵萬餘人月給秔米二斛冬夏衣布各三匹至五匹每夕唯王升床而臥諸臣皆寢於地尊親近之臣見王即胡跪作禮稍疎遠者但拱手而已其風俗正月一日牽象周行所居之地然後驅逐出郭謂之逐邪四月有遊船之戲定十一月十五日為冬至人皆相賀州縣以上產物帛獻其王每歲十二月十五日城外縛木為塔王及人民以衣物香藥置塔上焚之以祭天人有疾病旋采生藥服食地不產茶亦不知醞釀之法止飲椰子酒兼食檳榔刑禁亦設枷鎖小過以四人拽伏於地藤杖鞭之二人左右更互捶扑量其或五六十至一百當死者以繩繫於樹用梭槍春喉而殊其首若故殺劫殺令象踏之或以鼻捲撲於地象皆素習將刑人即令養之以數論之悉能曉焉犯姦者男女共入牛以贖罪負國王物者以繩拘於荒塘物充而後出之其國前代罕與中國通周顯德中其王釋利因德漫遣其臣甫訶散貢方物有雲龍形通犀帶苦薩石又有蕃薇水灑衣經歲香不散猛火油得水愈熾皆貯以瑠璃瓶建隆二年其王釋利因德遣使甫訶散來朝表章書於貝多葉以香木函盛之貢犀角象牙龍腦香藥孔雀四食瓶二十使迴錫賚有差以器幣優賜其王三年又貢象牙二十二株乳香千斤乾德四年其王悉利因德遣使因陀李帝婆羅貢馴象牯犀象牙白氈哥羅越諾王妻波良僕瑁男占謀律秀瓊等各貢香藥五年又遣使李畔李被瑳相繼來貢獻開寶三年遣使貢方物雌象一四年悉利多盤副國王李轉王妻郭氏子蒲路難波羅等並遣使來貢五年其王波美稅褐印茶遣使甫訶散來貢六年又貢七年又貢孔雀傘二西天烽鐵四十斤九年遣使朱陀利陳陀野等來貢太平興國二年其王波美稅陽布印茶遣使李轉來貢三年其王及男達智遣使來貢四年遣使李木吒嚙來貢六年交州黎桓上言欲以占城俘九十三人獻於京師太宗令廣州止其俘存撫之給衣服資糧遣還占城詔諭其王七年遣使乘象入貢詔留象廣州畜養之八年獻馴象能拜伏詔畜於京畿寧陵縣雍熙二年其王施利陀盤吳日歡遣婆羅門金歌麻獻方物

且訴為交州所侵，詔答令保國睦鄰。三年，其王劉繼宗遣使李朝仙來貢，儋州上言：占城人蒲羅暹為交州所逼，率其族百口來附。四年秋，廣州上言：雷恩州關送占城夷人斯當李娘并其族一百五十人來歸，分隸南海清遠縣。端拱元年，廣州又言：占城夷人忽宜等族二百一人求附，淳化元年，新王楊陁排自稱新坐佛逝國楊陁耕，遣使李臻貢馴犀方物，表訴為交州所攻，國中人民財寶皆為所略。上賜黎桓詔，令各守境。三年，遣使李良甫貢方物，賜其王白馬二，兵器等。本國僧淨戒獻龍腦金鈴銅香鑪如意等，各優賜之。至道元年正月，其王遣使來貢表，奉言：前進奉使李良甫迴，伏蒙聖慈，賜臣細馬二疋，旗五面，銀裝劍五口，銀纏槍五條，弓弩各五張及箭等，戴恩感懼，稽首稽首。臣生長外國，竄遠天都，竊承皇帝聖明威德，廣大不憚介居海裔，遣使入朝，皇帝不棄蠻夷山國，曲加優賜，然臣自為土長，聲勢尚卑，常時外國頗相侵撓，況以前民庶如芥隨風，星散流離，各不自保。近蒙皇帝賜臣內閑馴駁及旗幟兵器等，隣國聞之，知臣荷大國之寵，而各懼天威，不敢謀害。今臣一國安寧，流民來復，若非皇帝德加護，何以至此。臣之一國仰望仁聖覆之，如天載之，如地臣自思惟鴻恩不淺，且自天子之都，至臣所居之國，涉海綿邈，不啻數萬里，而所賜之馬及器械等，並安全而至，皆聖德之所及也。自前本國進奉，未嘗有旌旗弓矢之賜，臣今何幸，獨受異恩。此蓋天威廣被，壯臣土疆，臣雖殞身，無以上報，兼臣貢使往復，實給備至，恩重山岳，不可具陳。今特遣專使李波珠，副使訶散，判官李磨勿等，進奉犀角十株，象牙三十株，玳瑁十斤，龍腦二斤，沉香百斤，來篋黃熟香九十斤，檀香百六十斤，山得雞二萬四千三百雙，胡椒二百斤，單席五前件物，固非珍奇，惟表誠懇。臣生居異域，幸遇明時，不貴殊珍，惟重良馬，儻皇帝念及外國，不罪懇求，若使介南歸，願垂頒賜，臣之幸矣。兼臣本國元有流民三百，散居南海，曾蒙聖旨，許令放還，今有猶在廣州者，本國舊有進奉夷人羅常占見駐廣州，乞詔本州盡數點集兵籍，以付常占，令造船舶，乘便風部領歸國，冀得安其生聚，以實舊疆。至於萬里感恩，一心事上，臣之志也。上覽表，遣使詰廣州詢問，願還者悉付波珠使還，復賜白馬二，遂為常制。咸平二年，其王楊普俱毗

茶逸施，遣使朱陳堯，副使蒲薩陀婆，判官黎姑倫，以犀象玳瑁香藥來貢，賜堯等冠帶衣褥，有差。景德元年，又遣使來貢，詔以良馬介貢兵器等賜之。四年，遣使布祿爹地加等奉表來朝，表函藉以文錦，詞曰：占城國王楊普俱毗茶室，離頓首言。臣聞二帝封疆，南止屈於湘楚，三王境界，北不及於幽燕，仰瞻昌時，實遠往跡，伏惟皇帝陛下乾坤授氣，日月儲英，出震居尊，承基御極，慈悲敷於天下，聲教被於域中，業茂前王，功芳祖后，蒼生是念，黃屋非心，無方不是，生靈有土，並為臣妾，真風遍布，霽澤周行，凡沐浴臨，共增聳扞，臣生於邊鄙，幸襲華風，蟻垤蜂房，聊為遂性，龍樓鳳閣，尚阻觀光，再念自假天威，獲全封部，隣無侵奪，俗有舒蘇，每歲拜遣下臣，問寧上國，蒙陛下恩霑行葦，福及豚魚，特因迴人，頒賜戎器，臣本土惟望闕焚香，歡呼拜受，心知多幸，曷答洪恩，聖君既念於賓王，微懇肯忘於述職。今遣專信臣布祿爹地加，副使臣除逋麻環珈耶，判官臣皮霸抵，一行人力等，部署土毛，遠充歲貢，雖表楚茅之禮，實懷魯酒之憂，虛望審明，甫寬譴戮，專信臣等迴日，軍容器仗，耀武之物，伏願重加賜賚，蓋念忝為臣子，合告君親，服飾車輿，咸儀斧鉞，不敢私制，惟望恩頒，干冒冤旒，不任死罪。布祿爹地加言：本國舊隸交州，後奔於佛遊，北去舊所七百里，使還，賜物甚厚。大中祥符三年，國主施離霞離鼻麻底，遣使朱淨禮來貢。四年，遣使貢師子，詔畜於苑中，使者留二蠻人以給養，上憐其懷土，厚給資糧遣還。八年，遣使波輪訶羅帝來貢，訶羅帝因上言：有弟陶珠，頃自交州押馴象赴闕，今幸得見，欲攜以還，許之。仍賜陶珠衣幣裝錢。天禧二年，其王尸囉排摩，遣使羅皮帝加，以象牙七十二株，犀角八十六株，玳瑁千片，乳香五十斤，丁香花八十斤，荳蔻六十五斤，沉香百斤，箋香二百斤，別箋一劑，六十八斤，苗香百斤，檳榔千五百斤，來貢。羅皮帝加言：國人詣廣州，或風漂船至石塘，即累歲不達矣。三年，使還，詔賜尸囉排摩，銀四千七百兩，并戎器鞍馬。海上又有蒲端國，三麻蘭國，勿巡國，蒲婆衆國，大中祥符四年，祀汾陰，並遣使來貢。先是咸平景德中，蒲端國主其陵數遣使來貢方物，及獻紅鸚鵡，其後國主悉離琶大退至，亦以金版鑄表來上，其使已絮漢上言，伏見詔旨，給賜占城使鞍勒馬大神旗各二，乞如恩

例有司以蒲端在占城下請賜雜綵小旗五從之天聖八年十月古城王陽補

孤施離皮蘭德加拔麻疊遣使李蒲薩麻瑕陀琶來貢木香玳瑁乳香犀角象

牙慶曆元年九月廣東商人邵保見軍賊郭鄰百餘人在占城轉運司選使臣

二人實詔書器幣賜占城購鄰致闕下餘黨令就戮之明年十一月其王刑卜

施離值星霞弗遣使獻馴象三皇祐二年正月又使俱舍喇波微收羅婆麻提

楊卜貢象牙二百一犀角七十九表二通一以本國書一以中國書五年四月

其使蒲思馬應來貢方物嘉祐元年閏三月其使蒲思馬應貢方物還至太平

州江岸崩沉失行囊明年正月詔廣州賜銀千兩六年九月又獻馴象七年正

月廣西安撫經略司言占臘素不習兵與交趾鄰常苦侵軼而占城復近修武

備以抗交趾將繇廣東路入貢京師望撫以恩信五月其使頓琶尼來貢方物

六月賜其王施里律茶盤麻常楊溥白馬一從其求也熙寧元年其王楊卜尸

利律陀般摩提婆遣使貢方物乞市驛馬詔賜白馬一令於廣州買驛以歸五

年貢瑠璃珊瑚酒器龍腦乳香丁香蕃登茄紫礦七年交州李乾德言其王領

兵三千人并妻子來降以正月至本道九年復遣使來言其國自海道抵真臘

一月程西北抵交州四十日皆山路所治聚落一百五大略如州縣王年三十

六歲著大食錦或川法錦大衫七條金纓瓊戴七寶裝成金冠躡紅皮履出則

從者五百人十婦人執金拌合貯檳榔導以樂王師討交趾以其素仇詔使乘

機協力除蕩行營戰棹都監楊從先遣小校樊實諭旨實還言其國選兵七千

扼賊要路其王以木葉書回牒詔使上之然亦不能成功後兩國同入貢占城

使者乞避交人詔遇朔日朝文德殿分東西立望日則交人入垂拱殿而占城

趁紫宸大宴則東西坐元祐七年又表言如天朝討交趾願率兵掩襲朝廷以

交趾數入貢不絕臣節難以與師答教書報之而以其使良保故倫軋丹副使

傍木知突爲保順郎將政和中授其王楊卜麻疊金紫光祿大夫領廉白州刺

史楊卜麻疊言身糜化外不露祿食願得薄授奉給壯觀小國許之宣和元年

進檢校司空兼御史大夫懷遠軍節度琳州管内觀察處置使封占城國王自

是每遇恩輒降制加封邑建炎三年楊卜麻疊遣使入貢遇郊恩制授檢校太

傅加食邑紹興二十五年其子郁時闌巴嗣立遣使進方物求封錫宴於懷

遠驛以其父初封之爵授之報賜甚厚乾道三年子郁亞娜嗣掠大食國方物

遣人來貢以求封爵爲其國人所訴詔卻之遂不議其封七年閩人有泮海之

吉陽軍者風泊其舟抵占城其國方與真臘戰皆乘大象勝負不能決閩人教

其王當習騎射以勝之王大說具舟送之吉陽市得馬數十疋歸戰大捷明年

復來瓊州拒之憤怒大掠而歸淳熙二年嚴馬禁不得售外蕃三年占城歸所

掠生口八十三人求通商詔不許四年占城以舟師襲真臘傳其國都慶元以

來真臘大舉伐占城以復讎殺戮殆盡俘其主以歸國遂亡其地悉歸真臘

真臘國亦名占臘其國在占城之南東際海西接蒲甘南抵加羅希其縣鎮風

俗同占城地方七千餘里有銅臺列銅塔二十有四銅象入以鎮其上象各重

四千斤其國有戰象幾二十萬馬多而小政和六年十二月遣進奏使秦化郎

將鳩摩僧哥副使安化郎將摩君明稽噶等十四人來貢賜以朝服僧哥言萬

里遠國仰投聖化尙拘卉服未稱區區櫛慕之誠願許服所賜詔從之仍以其

事付史館書諸策明年三月辭去宣和二年又遣郎將摩臘摩禿防來朝廷官

封其王與占城等建炎二年以郊恩授其王金裏賓深檢校司徒加食邑遂定

爲常制其屬邑有真里富在西南隅東南接波斯蘭西南與登流眉爲鄰所部

有六十餘聚落慶元六年其國主立二十年矣遣使奉表貢方物及馴象二詔

優其報賜以海道遠涉後母再入貢

蒲甘國崇寧五年遣使入貢詔禮秩視注鞏尙書省言注鞏役屬三佛齊胡熙

寧中敕書以大背紙緘以匣襪令蒲甘乃大國王不可下視附庸小國欲如大

食交趾諸國禮凡制詔並書以白背金花綾紙貯以閉金鍍管箒用錦絹夾襪

緘封以往從之

巖黎國元祐四年般次於移四抹粟迷等費于闐國黑汗王并本國王表章來

有司以其國未嘗入貢請視于闐條式從之

三佛齊國蓋南蠻之別種與占城爲隣居真臘闌婆之閒所管十五州土產紅

藤紫礦蜜沉香檳榔椰子無緡錢土俗以金銀貿易諸物四時之氣多熱少寒

冬無霜雪。人用香油塗身。其地無麥。有米及青白豆雞魚鵝鴨。頗類中土。有花酒。椰子酒。檳榔酒。蜜酒。皆非麴蘖所醞。飲之亦醉。樂有小琴小鼓。崑崙奴路曲為樂。國中文字用梵書。以其王指環為印。亦有中國文字。上章表即用焉。累號為城。周數十里。用椰葉覆屋。人民散居城外。不輸租賦。有所征伐。隨時調發。立酋長率領。皆自備兵器糧糈。汎海使風二十日至廣州。其王號膺卑。其國居人多蒲姓。唐天祐元年。貢物。授其使都蕃長蒲訶栗。立寧遠將軍。建隆元年九月。其王悉利胡大覆里檀。遣使李遮帝來朝貢。二年夏。又遣使蒲蔑貢方物。是冬。其王室利烏耶。遣使茶野伽。副使嘉末吒朝貢。其國號生留王。李犀林男迷日來。亦遣使同至。貢方物。三年春。室利烏耶。又遣使李麗林。副使李瑞末。判官吒吒。暨等來貢。洄賜以白犛牛尾。白磁器。銀器。錦線鞍轡。二副。開寶四年。遣使李何末。以水晶火油來貢。五年。又來貢。七年。又貢象牙。乳香。薔薇水。萬歲棗。福桃。白沙糖。水晶指環。瑠璃瓶。珊瑚樹。八年。又遣使蒲陀。漢等貢方物。賜以冠帶器幣。太平興國五年。其王夏池。遣使茶龍眉來。是年。潮州言。三佛齊國蕃商李甫誨。乘船載香藥犀角象牙至海口。會風勢不便。飄船六十日至潮州。其香藥悉送廣州。八年。其王退至。遣使蒲押陀羅來貢水晶佛。錦布。犀牙。香藥。雍熙二年。舶主金花茶。以方物來獻。端拱元年。遣使蒲押陀黎貢方物。淳化三年冬。廣州上言。蒲押陀黎前年自京洄。聞本國為閩婆所侵。住南海凡一年。今春乘舶至占城。偶風信不利。復還。乞降詔諭本國。從之。咸平六年。其王思離味囉無尼佛麻調華。遣使李加排。副使無陀李南悲來貢。且言本國建佛寺。以祝聖壽。願賜名及鐘。上嘉其意。詔以承天萬壽為寺額。并鑄鐘以賜。授加排歸德將軍。無陀李南悲懷化將軍。大中祥符元年。其王思離麻囉皮。遣使李眉地。副使蒲婆藍。判官麻河勿。來貢。許赴泰山陪位於朝。朝壇。遣賜甚厚。天禧元年。其王霞遲蘇勿吒蒲迷。遣使蒲謀西等。奉金字表。貢真珠。象牙。梵夾。經。崑崙奴。詔許謁會靈觀。游太清寺。金明池。及還。賜其國詔書禮物。以慰獎之。天聖六年八月。其王室離疊華。遣使蒲押陀羅歇。及副使判官亞加盧等。來貢方物。舊制遠國使人貢。賜以間金塗銀帶。時特以渾金帶賜之。熙寧十年。使大首領地華伽囉來。以

為保順。慕化大將軍。賜詔寵之。曰。吾以聲教。覆澤方域。不限遠邇。苟知夫忠義而來者。莫不錫之華飾。耀以美名。以寵異其國。爾悅慕皇化。浮海貢琛。吾用汝嘉。併超等秩。以昭忠義之勸。元豐中。使至者。再率以白金真珠。婆律。薰陸。香。備方物。廣州受表入言。俟報。乃讓至闕下。天子念其道里遙遠。每優賜。遣歸。二年。賜錢六萬四千緡。銀一萬五百兩。官其使羣陀畢羅。為寧遠將軍。官陀旁亞里。為保順。副將。畢羅乞買金帶白金器物。及僧紫衣師牒。皆如所請。給之。三年。廣州南蕃綱首。以其主管國事國王之女。唐字書。寄龍腦及布。與提舉市舶孫迥。迥不敢受。言於朝。詔令估直輸之官。悉市帛以報。五年。遣使皮襪。副使胡仙。判官地華加羅來。入見。以金蓮花貯真珠龍腦。殿殿官皮襪。為懷遠將軍。胡仙加羅為副將。加羅還至雍邱病死。賜以絹五十疋。六年。又以其使薩打華滿為將軍。副使羅悉沙文。判官悉理沙文。為副將。紹聖中。再入貢。紹興二十六年。其王悉利麻霞囉陀。遣使入貢。帝曰。遠人向化。嘉其誠耳。非利乎方物也。其王復以珠獻。宰臣秦檜。時檜已死。詔償其直。而收之。淳熙五年。復遣使貢方物。詔免赴闕。館於泉州。

閩婆國。在南海中。其國東至海一月。汎海半月。至崑崙國。西至海四十五日。南至海三日。汎海五日。至大食國。北至海四日。西北汎海十五日。至勃泥國。又十五日。至三佛齊國。又七日。至古暹國。又七日。至柴歷亭。抵交阯。達廣州。其地平坦。宜種植。產稻麻粟豆。無麥。民輸十一之租。煮海為鹽。多魚鱉雞鴨山羊。兼椎牛以食。果實有水瓜。椰子。蕉子。蔗芋。出金銀。犀牙。箋。沉香。茴香。胡椒。檳榔。硫黃。紅花。蘇木。亦務蠶織。有薄絹絲絞。吉貝布。剪銀葉。為錢博易。官以粟一斛。二斗。博金一錢。室宇壯麗。飾以金碧。中國買人至者。待以賓館。飲食豐潔。地不產茶。其酒出於椰子。及蝦蟆丹樹。蝦蟆丹樹。華人未嘗見。或以桃榔檳榔釀成。亦甚香美。不設刑禁。雜犯罪者。隨輕重出黃金以贖。惟寇盜者殺之。其王椎髻戴金鈴衣錦袍。躡草履。坐方牀。官吏日謁。三拜而退出。入乘象。或腰輿。壯士五百人。執兵器。以從。國人見王皆坐。俟其過乃起。以王子三人為副王。官有落倍連四人。共治國事。如中國宰相。無月奉。隨時量給土產諸物。次有文吏三百餘。

員目爲秀才。掌文簿總計財貨。又有卑官殆千員。分主城池屠廩及軍卒。其領兵者。每半歲給金十兩。勝兵三萬。每半歲亦給金有差。土俗婚聘無媒妁。但納黃金於女家以娶之。五月遊船。十月遊山。有山馬可乘跨。或乘軟兜。樂有橫笛鼓板。亦能舞。土人被髮。其衣裝纏胸以下。至於膝。疾病不服藥。但禱神求佛。其俗有名而無姓。方言謂真珠爲沒爹蝦羅。謂牙爲家囉。謂香爲崑嫩盧林。謂犀爲低密。先是宋元嘉十二年。遣使朝貢。後絕淳化三年十二月。其王穆羅茶遣使陀湛。使副蒲亞里。判官李陀那假澄等。來朝貢。陀湛云。中國有真主。本國乃修朝貢之禮。國王貢象牙。真珠。繡花銷金。及繡絲絞。雜色絲絞。吉貝織。雜色絞布。檀香。玳瑁。檳榔。盤犀。裝劍。金銀裝劍。藤織花篋。白鸚鵡。七寶飾檀香亭子。其使別貢玳瑁。龍腦。丁香。藤織花篋。先是朝貢使汎船。船六十日至明州定海縣。掌市舶監察御史張肅先驛奏。其使飾服之狀。與嘗來入貢波斯相類。譯者言云。今主舶大商毛旭者。建溪人。數往來本國。因假其嚮導。來朝貢。又言其國王一號曰夏至馬囉夜。王妃曰落肩婆。婆利。本國亦署置僚屬。又其方言曰。舶主爲勃荷。王妻曰勃荷比尼。贖其船中婦人名眉珠。椎髻無首飾。以縵布纏身。顏色青黑。言語不能曉。拜亦如男子膜拜。一子項戴金蓮鎖子。手有金鈎。以帛帶繫之。名阿嚕。其國與三佛齊有讎怨。互相攻戰。本國山多猴。不畏人。呼以霄霄之聲。即出。或投以果實。則其大猴二先至。土人謂之猴王。猴夫人。食畢。羣猴食其餘。使既至。上令有司優待。久之。使還。賜金帛甚厚。仍賜良馬。戎具。以從其請。其使云。隣國各婆羅門。有善法。察人情。人欲相危害者。皆先知之。大觀三年六月。遣使入貢。詔禮之如交阯。又有摩逸國。太平興國七年。載寶貨至廣州海岸。建炎三年。以南郊恩制。授閩婆國主懷遠軍節度。琳州管內觀察處置等使。金紫光祿大夫。檢校司空。使持節。琳州諸軍事。琳州刺史兼御史大夫。上柱國。閩婆國王。食邑二千四百戶。實封一千戶。悉里地。茶蘭固野。可特授檢校司空。加食邑實封。紹興二年。復加食邑五百戶。實封二百戶。

飲食。俗喜戰鬪。習刀矜。善射擊。雜白銀爲錢。產真珠。番布。其國最遠。番舶罕到。時羅巴。智力千父子。其種類也。居泉之城南。自是舶舟多至其國矣。勃泥國。在西南大海中。去閩婆四十五日程。去三佛齊四十日程。去占城與摩逸各三十日程。皆計順風爲則。其國以版爲城。城中居者萬餘人。所統十四州。其王所居屋。覆以貝多葉。民舍覆以草。在王左右者爲大人。王坐繩牀。若出即大布單坐其上。衆昇之。名曰阮囊。戰鬪者則持刀被甲。甲以銅鑄。狀若大筒。穿之於身。護其腹背。其地無麥。有麻。稻。又有羊及雞魚。無蠶絲。用吉貝花織成布。飲椰子酒。昏聘之資。先以椰子酒。檳榔。次之。指環。又次之。然後以吉貝布。或量出金銀。成其禮。喪葬亦有棺。斂以竹爲。載葉山中。二月始耕。則祀之。凡七年。則不復祀矣。以十二月七日爲歲節。地熱多風雨。國人宴會。鳴鼓吹笛。擊鼓。歌舞爲樂。無器。並以竹編貝多葉爲器。盛食。訖棄之。其國鄰於底門國。有藥樹。取其根煎爲膏服之。及塗其體。兵刃所傷皆不死。前代未嘗朝貢。故史籍不載。太平興國二年。其王向打。遣使施督。使副蒲亞里。判官哥心等。貢表貢大片龍腦一家底。第二等八家底。第三等十一家底。米龍腦二十家底。蒼龍腦二十家底。凡一家底。並二十兩。龍腦版五。玳瑁殼一百。檀香三。檳榔象牙六株。表云。爲皇帝千萬歲壽。望不貢小國微薄之禮。其表以數重小囊緘封之。非中國紙。類木皮而薄。瑩滑。色微綠。長數尺。闊寸餘。橫卷之。僅可盈握。其字細小。橫讀之。以華言譯之。云。勃泥國王向打。稽首拜皇帝萬歲。萬歲。萬歲。願皇帝萬歲壽。今遣使進貢。向打聞有朝廷。無路得到。昨有商人蒲盧。歇船泊水口。差人迎到州。言自中朝來。比詰閩婆國。遇猛風。破其船。不得去。此時聞自中國來。國人皆大喜。即造船。船令蒲盧。歇導。達入朝貢。所遣使人。只願平善。見皇帝。每年令人入朝貢。每年修貢。慮風吹至占城界。望皇帝詔占城。令有向打船到。不要留臣。本國別無異物。乞皇帝勿怪。其表文如是。詔館其使於禮賓院。優賜以遣之。元豐五年二月。其王錫理麻。喏。復遣使貢方物。其使乞從泉州乘海。船歸國。從之。注鞏國。東距海五里。西至天竺。千五百里。南至羅蘭。二千五百里。北至賴田。三千。里。自古不通中國。水行至廣州。約四十一萬一千四百里。其國有城七重。高

程良六十程。東北至羅斛二十五程。東南至蘭婆四十五程。西南至程若十五程。西北至洛華二十五程。東北至廣州一百三十五程。其俗以版爲屋。跣足衣布。無紳帶。以白紵纏其首。貿易以金銀。其主所居廣袤五里。無城郭。出則乘象車。亦有小駟。地出犀象。鑰石。紫草。蘇木。諸藥。四時炎熱。無雪霜。未嘗至中國。咸平四年。國主多須機。遣使打吉馬。副使打臘。判官皮泥等九人來貢。木香千斤。鑰鐵各百斤。胡黃連三十五斤。紫草百斤。紅氈一合。花布四段。蘇木萬斤。象牙六十一株。召見崇德殿。賜以冠帶服物。及環。又賜多須機詔書以教獎之。

宋史卷四百八十九

元中書右丞相總裁脫脫等修
列傳第二百四十九

外國六

天竺 于闐

高昌

回鶻

大食

層檀

龜茲

沙州

拂菻

天竺國舊名身毒亦曰摩伽陀復曰婆羅門俗宗浮圖道不飲酒食肉漢武帝遣使十餘輩問出西南指求身毒為昆明所閉莫能通至漢明帝夢金人於是遣使天竺問佛道法由其教傳於中國梁武帝後魏宣武皆來貢獻隋煬帝志通西域諸國多有至者唯天竺不通唐貞觀以後朝貢相繼則天天授中五天竺王並來朝獻乾元末河隴陷沒遂不復至周廣順三年西天竺僧薩滿多等十六族來貢名馬乾德三年滄州僧道圓自西域還得佛舍利一水晶器貝葉梵經四十夾來獻道圓晉天福中詣西域在塗十二年住五印度凡六年五印度即天竺也還經于闐與其使偕至太祖召問所歷風俗山川道里一能記四年僧行勤等一百五十七人詣闕上言願至西域求佛書許之以其所歷甘沙伊肅等州焉者龜茲于闐割祿等國又歷布路沙加濕彌羅等國並詔諭其國令人引導之開寶後天竺僧持梵夾來獻者不絕八年冬東印度王子穰結說囉來朝貢天竺之法國王死太子襲位餘子皆出家為僧不復居本國有曼殊室利者乃其王子也隨中國僧至焉太祖令館於相國寺善持律為都人之所傾嚮財施盈室眾僧頗嫉之以其不解唐言即偽為奏求還本國許之詔既下曼殊室利始大驚恨眾僧論以詔旨不得已遲留數月而後去自言詣南海附買人船而歸終不知所適太平興國七年益州僧光遠至自天竺以其王沒徒囊表來上上天竺僧施護譯云近聞支那國內有大明王至聖至明威力自在每慚薄幸朝謁無由遙望支那起居聖躬萬福光遠來蒙賜金剛吉祥無畏坐釋迦聖像裝裝一事已被掛供養伏願支那皇帝福慧圓滿壽命延長常為引導一切有情生死海中渡諸沉溺今以釋迦舍利附光遠上進又譯其

國僧統表詞意亦與沒徒囊同施護者為填囊國人其國屬北印度西行十二日至乾陀羅國又西行二十日至曩戩囉賀囉國又西行十日至嵐婆國又西行十二日至曩戩囉國又西行至波斯國得西海自北印度行百二十日至中印度中印度西行三程至呵囉尾國又西行十二日至未曩囉國又西行十二日至鉢賴野迦國又西行六十日至迦囉拏俱惹國又西行二十日至摩囉尾國又西行二十日至烏然泥國又西行二十五日至囉囉國又西行四十日至蘇囉茶國又西行十一日至西海自中印度行六月程至南印度又西行九十日至供迦拏國又西行一月至海自南印度南行六月程得南海皆施護之所述云八年僧法遇自天竺取經回至三佛齊遇天竺僧彌摩羅失黎語不多命附表願至中國譯經上優詔召之法遇後募緣製龍寶蓋裝裝將復往天竺表乞給所經諸國勅書遂賜三佛齊國王退至葛古羅國主司馬信竺柯蘭國主讚坦羅西天王子謀馱仙書以遣之雍熙中衛州僧辭滯自西域還與胡僧密坦羅奉北印度王及金剛坐王那爛陀書來又有婆羅門僧永世與波斯外道阿里煙同至京師永世自云本國名利得國王姓牙羅五得名阿諾你縛衣黃衣戴金冠以七寶為飾出乘象或肩輿以音樂螺鈸前導多遊佛寺博施貧乏其妃曰摩訶你衣大紬縷金紅衣歲一出多所振施人有冤抑候王及妃出遊即迎隨伸訴署國相四人庶務並委裁制五穀六畜果實與中國無異市易用銅錢有文漫圓徑如中國之制但實其中心不穿貫耳其國東行經六月至大食國又二月至西州又三月至夏州阿里煙自云本國王號黑衣姓張名哩沒用錦綵為衣每遊獵三二日一還國署大臣九人治國事無錢貨以雜物貿易其國東行經六月至婆羅門至道二年八月有天竺僧隨舶至海岸持帝鐘鈴杵銅鈴各一佛像一軀貝葉梵書一夾與之語不能曉天聖二年九月西印度僧愛賢智信護等來獻梵經各賜紫方袍束帛五年二月僧法吉祥等五人以梵書來獻賜紫方袍景祐三年正月僧善稱等九人貢梵經佛骨及銅牙菩薩像賜以束帛

于闐國自漢至唐皆入貢中國安史之亂絕不復至晉天福中其王李聖天自

稱唐之宗屬遣使來貢高祖命供奉官張鄴持節冊聖天為大寶于闐國王建隆二年十二月聖天遣使貢圭一以玉為柙玉枕一本國摩尼師貢琉璃瓶二千餘里東接吐蕃西北至疏勒二千餘里國城東有白玉河西有綠玉河次西有烏玉河源出崑岡山去國城西三百里每歲秋國人取玉於河謂之撈玉土宜蒲萄人多醜以為酒其美俗事妖神乾德三年五月于闐僧善名善法來朝賜紫衣其國宰相因善名等來致書樞密使李崇矩求通中國太祖令崇矩以書及器幣報之至是冬沙門道圓自西域還經于闐與其朝貢使至四年又遣其子德從來貢方物開寶二年遣使直末山來貢且言本國有玉一塊凡二百三十七斤願以上進乞遣使取之善名復至貢阿魏子賜號昭化大師因令還取玉又國王男總嘗貢玉櫛刀亦厚賜報之四年其國僧吉祥以其國王書來上自言破疏勒國得舞象一欲以為貢詔許之大中祥符二年其國黑韓王遣回鶻羅廝温等以方物來貢廝温跪奏曰臣萬里來朝禮見天日願聖人萬歲與遠人作主上詢以在路幾時去此幾里對曰涉道一年晝行暮息不知里數昔時道路嘗有剽掠今自瓜沙抵于闐道路清謐行旅如流願遣使安撫遠俗上曰路遠命使益以勞費爾國今降詔書汝即齋往亦與命使無異也初太平與國中有澶州卒王貴者晝忽見使者至營急召貴偕行南至河橋驛馬已具即命乘之俄覺騰虛而去頃之駐馬但見屋室宏麗使者引貴入見其主者容衛制度悉如王者謂貴曰侯汝年五十八當往于闐國北通聖山取一異寶以奉皇帝宜深志之遂復乘馬凌虛而旋軍中失貴已數日矣驗所乘即營卒之馬也知州宋煦劾貴以聞太宗釋之天禧初貴自陳年已五十八願遵前戒西至于闐尋許其行貴至秦州以道遠悔懼俄於市中遇一道士引貴出城登高原問貴所欲具以實對即命貴閉目少頃令開視山川頓異道士曰此于闐國北境通聖山也復引貴觀一池池中有仙童出一物授之謂曰持此奉皇帝又令瞑目俄頃復至秦州向之道士已失所在發其物乃玉印也文曰國王趙萬永寶州以獻天聖三年十二月遣使羅面于多副使金三監使安多都監趙

多來朝貢玉鞍轡白玉帶胡錦獨峯彙駝乳香砂礪詔給還其直館于都亭西驛別賜襲衣金帶銀器百兩衣著二百羅面于多金帶嘉祐八年八月遣使羅撒温獻方物十一月以其國王為特進歸忠保順砮鱗黑韓王羅撒温言其王乞賜此號也于闐謂金翅鳥為砮鱗黑韓蓋可汗之訛也羅撒温等以獻物賜直少不受及請所獻獨峯彙駝詔以遠人特別賜錢五千貫以彙駝還之而與其已賜之直其後數以方物來獻熙寧以來遠不踰一二歲近則歲再至所貢珠玉珊瑚翡翠象牙乳香木香虎珀花蕊布鞞砂龍鹽西錦玉鞍轡馬腹臍膺金星石水銀安息鷄舌香有所持無表章每賜以暈錦旋欄衣金帶器幣宰相則盤毬雲錦夾欄地產乳香來輒羣負私與商賈牟利不售則歸諸外府得善價故其來益多元豐初始詔惟齋表及方物馬驢乃聽以詣闕乳香無用不許貢四年遣部領阿辛上表稱于闐國僮儻有福力量知文法黑汗王書與東方日出處大世界田地主漢家阿舅大官家大略云路遠傾心相向前三遣使入貢未回重複數百言龍氈使導至熙州譯其辭以聞詔前三輩使人皆已朝見錫賚遣發賜勅書論之神宗嘗問其使去國歲月所經何國及有無鈔略對曰去國四年道途居其半歷黃頭回紇青唐惟懼契丹鈔略耳因使之圖上諸國距漢境遠近為書以授李憲八年九月遣使入貢使者為神宗飯僧追福賜錢百萬還其所貢師子元祐中以其使至無時令熙河間歲一聽至闕八年請討夏國不許紹聖中其王阿忽都董娥密竭篤又言緬藥家作過別無報效已遣兵攻甘沙肅三州詔厚答其意知秦州游師雄言于闐大食拂菻等國貢奉般次踵至有司憚於貢費抑留邊方限二歲一進外夷慕義萬里而至此非所以來遠人也從之自是訖于宣和朝享不絕

高昌國漢車師前王之地有高昌城取其地勢高敞人民昌盛以為名焉後魏初沮渠無諱自署高昌太守無諱死茹茹以闕伯周為高昌王高昌有王始於此後魏至隋皆來貢獻唐貞觀中侯君集平其國以其地為西州安史之亂其地陷沒乃復為國語訛亦云高敞然其地頗有回鶻故亦謂之回鶻建隆三年四月西州回鶻阿都督等四十二人以方物來貢乾德三年十一月西州回鶻

可汗遣僧法淵獻佛牙琉璃器琥珀蓋太平興國六年其王始稱西州外生師
子王阿廝蘭漢遣都督麥索溫來獻五月太宗遣供奉官王延德殿前承旨白
勛使高昌八年其使安鶻盧來貢雍熙元年四月王延德等還敘其水程來獻
云初自夏州歷玉亭鎮次歷黃羊平其地平而產黃羊渡沙磧無水行人皆載
水凡二日至都囉囉族漢使過者遺以財貨謂之打當次歷茅女囑于族族臨
黃河以羊皮爲囊吹氣實之浮於水或以橐駝牽木棧而渡次歷茅女女子開
道族行入六窠沙深三尺馬不能行行者皆乘橐駝不育五穀沙中生草名
登相收之以食次歷樓子山無居人行沙磧中以日爲占旦則背日暮則向日
日中則止夕行望月亦如之次歷臥梁勒特族地有都督山唐回鶻之地次歷
大蟲太子族族接契丹界人衣尙錦繡器用金銀馬乳釀酒飲之亦醉次歷屋
地因族蓋達于于越王子之子次至達于于越王子族次歷搜利王子族有合
羅川唐回鶻公主所居之地城基尙在有湯泉池次歷阿墩族經馬驢山望鄉
嶺嶺上石龕有李陵題字處次歷格囉美源西方百川所會極望無際鷗鷺鷺
鴈之類甚衆次至托邊城亦名李僕射城中首領號通天王次歷小石州次
歷伊州將陳氏其先自唐開元二年領州凡數十世唐時詔勅尙在地有野
蠶生苦參上可爲綿帛有羊尾大而不能走尾重者三斤小者一斤肉如熊白
而甚美又有礪石剖之得窠鐵謂之喫鐵石又生胡桐樹經兩卽生胡桐律次
歷益都次歷納職城城在大患鬼窟磧之東南望玉門關甚近地無水草載糧
以行凡三日至鬼谷口避風驛用本國法設祭出詔神禦風風乃息凡八日至
澤田寺高昌關使至遣人來迎次歷地名寶莊又歷六種乃至高昌高昌卽西
州也其地南距于闐西南距大食波斯西距西天步路涉雪山蒼嶺皆數千里
地無雨雪而極熱每感暑居人皆穿地爲穴以處飛鳥羣萃河濱或起飛卽爲
日氣所燦墜而傷翼屋室覆以白堊兩及五寸卽廬舍多壞有水源出金嶺導
之周圍國城以溉田園作水磴地產五穀惟無蕎麥貴人食馬餘食羊及鷓鴣
樂多琵琶箏篪出貂鼠白氈繡文花布俗好騎射婦人戴油帽謂之蘇幕遮
用開元七年歷以三月九日爲寒食餘二社冬至亦然以銀或鎗石爲筒貯水

激以射或以水交潑爲戲謂之壓陽氣去病好游賞行者必抱樂器佛寺五十
餘區皆唐朝所賜額寺中有大藏經唐韻玉篇經音等居民春月多羣聚邀樂
於其間游者馬上持弓矢射諸物謂之禳災有勅書樓藏唐太宗明皇御札詔
勅緘鎖甚謹復有摩尼寺波斯僧各持其法佛經所謂外道者也所統有南突
厥北突厥大眾對小衆熨磨磨割祿點戛司末蠻格咳族預龍族之名甚衆國
中無貧民絕食者共賑之人多壽考率百餘歲絕無夭死時四月師子王避暑
於北廷以其舅阿多干越守國先遣人致意於延德曰我王舅也使者拜我乎
延德曰持朝命而來禮不當拜復問曰見王拜乎延德曰禮亦不當拜阿多干
越復數日始相見然其禮頗恭師子王邀延德至其北廷歷交河州凡六日至
金嶺口寶貨所出又兩日至漢家砦又五日上金嶺過嶺卽多雨雪嶺上有龍
堂刻石記云小雪山也嶺上有積雪行人皆服毛罽度嶺一日至北廷詣高臺
寺其王烹羊馬以具膳尤豐潔地多馬王及王后太子各養馬放牧平川中彌
五百餘里以毛色分別爲羣莫知其數北廷川長廣數千里鷹鷄鷓鴣之所生
多美草不生花砂鼠大如鷓鴣禽捕食之其王遣人來言擇日以見使者願無
訝其淹久至七月見其王及王子侍者皆東向拜受賜旁有持磬者擊以節拜
王聞磬聲乃拜旣而王之兒女親屬皆出羅拜以受賜遂張樂飲宴爲優戲至
暮明日汎舟於池中池四面作鼓樂又明日游佛寺卽應運大寧之寺貞觀十
四年造北廷北山中出礪砂山中嘗有煙氣涌起無雲霧至夕光燄若炬火照
見禽鼠皆赤采者著木底輾取之皮者卽焦下有穴生青泥出穴卽變爲砂
石土人取以治皮城中多樓臺丹木人白哲端正性工巧善冶金銀銅鐵爲器
及攻玉善馬直絹一匹其駑馬充食纜直一丈貧者皆食肉西抵安西卽唐之
西境七月令延德先還其國其王九月始至亦聞有契丹使來謂其王云高敞
本漢土漢使來規視封域將有異圖王當察之延德偵知其語因謂王曰契丹
素不順中國今乃反間我欲殺之王固勸乃止自六年五月離京師七年四月
至高昌所歷以詔賜諸國君長襲衣金帶繒帛八年春與其謝恩使凡百餘人
復循舊路而還雍熙元年四月至京師景德元年又遣使金延福來貢

回鶻本匈奴之別裔在天德西北娑陵水上後魏號鐵勒唐初號特勒後稱回紇其君長曰可汗自貞觀以後朝貢不絕至德初出兵助國討平安史之亂故累朝恩禮最重然而特功橫怒朝廷雖患其邀求無厭然頗姑息聽從之元和中訛為回鶻會昌中其國衰亂其相驛職者擁外甥將龐勒西奔安西既而回鶻為幽州張仲武所破龐勒乃自稱可汗居甘沙西州無復昔時之威矣歷梁後唐晉漢周皆遣使朝貢後唐同光中冊其國王仁美為英義可汗仁美卒其弟仁裕立冊為順化可汗晉天福中又改為奉化可汗仁裕卒子景瓊立先是唐朝繼以公主下嫁故回鶻世稱中朝為舅中朝每賜答詔亦曰外甥五代之後皆因之建隆二年景瓊遣使朝獻三年阿都督等四十二人以方物來貢乾德二年遣使貢玉百圍琥珀四十斤犂牛尾貂鼠等三年遣使趙黨嘗等四十七人以圍玉琥珀紅白犂牛尾為貢開寶中累遣使貢方物其宰相鞠仙越亦貢馬太平興國二年冬遣殿直張璠齎詔諭甘沙州回鶻可汗夜落紇密禮遏遣招致名馬美玉以備軍騎琮璜之用五年甘沙州回鶻可汗夜落紇密禮遏遣使裴盜的等四人以橐駝名馬珊瑚琥珀來獻雍熙元年四月西州回鶻與婆羅門僧永世波斯外道阿里煙同入貢四年合羅川回鶻第四族首領遣使朝貢端拱二年九月回鶻都督石仁政麼囉王子邁擊王子越黜黃水州巡檢四族並居賀蘭山下無所統屬諸部入貢多由其地麼囉王子自云向為靈州馮暉阻絕由是不通貢奉今有內附意各以錦袍銀帶賜之咸平四年可汗王祿勝遣使曹萬通以玉勒名馬獨峯無峯橐駝寶劍甲琉璃器來貢萬通自言任本國樞密使本國東至黃河西至雪山有亦郡數百甲馬其精習願朝廷命使統領使得縛繼還以獻因降詔祿勝曰賊寇凶悖人神所棄卿世濟忠烈義篤舅甥繼上奏封備陳方略且欲大舉精甲就覆殘妖拓土西陲獻俘北闕可汗功業其可勝言嘉歎所深不忘朕意今更不遣使臣一切委卿統制特授萬通左神武軍大將軍優賜祿勝器服景德元年夜落紇遣使來貢四年又遣尼法仙等來朝獻馬仍許法仙遊五臺山又遣僧翟入奏來獻馬欲於京城建佛寺祝聖壽求賜名額不許大中祥符元年夏州萬子等軍主領族兵趨回鶻回

鶻設伏要路示弱不與鬪俟其過奮起擊之斃殆盡其生擒者回鶻驅坐於野悉以所獲資糧示之曰爾輩狐鼠規求小利我則不然遂盡焚而殺之唯萬子軍主挺身走鎮戎軍以聞上曰回鶻嘗殺繼遷世為讎敵甘州使至亦言德明侵軼之狀意頗輕視之量其兵勢德明未易敵也其年夜落紇寶物公主及沒孤公主安溫宰相各遣使來貢東封禮成以可汗王進奉使姚進為寧遠將軍寶物公主進奉曹進為安化郎將賜以袍笏又賜夜落紇介冑三年又遣左溫宰相何居錄越樞密使翟符守榮等來貢是年龜茲圖王可汗遣使李廷福副使安副監使翟進來進香藥花蕊布名馬獨峯駝大尾羊玉鞍勒琥珀礪石等四年翟符守榮等三十人請從祀汾陰其年夜落紇遣使貢方物秦州回鶻安密獻玉帶於道左禮成以翟符守榮為左神武軍大將軍安殿民為保順郎將餘皆賜冠帶器幣其年夜落紇遣使言敗趙德明立功首領請加恩賞詔給司戈司階郎將告勃十道使得承制補署六年龜茲進奉使李廷慶等三十六人對于長春殿獻名馬弓箭鞍勒圍玉香藥等優詔答之先是甘州數與夏州接戰夜落紇貢奉多為夏州鈔奪及宗哥族感悅朝廷恩化乃遣人援送其使故頻年得至京師既而喚斯羅欲娶可汗女而無聘財可汗不許因為讎敵五年秦州遣指揮使楊知進譯者郭敏送進奉使至甘州會宗哥怨隙阻歸路遂留知進等不敢遣八年敏方得還可汗王夜落隔上表言寶物公主疾死以西涼人蘇守信劫亂不時奏聞又謝恩賜寶鈿銀匣歷日及安撫詔書仍乞慰諭宗哥使開朝貢之路九年楊知進亦至遂遣郭敏賜宗哥詔書并甘州可汗器幣其年使來朝貢言夜落隔卒九宰相諸部落奉夜落隔歸化為可汗王領國事天禧二年夜落隔歸化遣都督安信等來朝四年又遣使同龜茲國可汗王智海使來獻大尾羊初回鶻西奔族種散處故甘州有可汗王西州有克韓王新復州有黑韓王皆其後焉天聖元年五月甘州夜落隔通順遣使阿葛之王文貴來貢方物六月詔甘州回紇外甥可汗王夜落隔通順特封歸忠保順可汗王二年五月遣使都督信等十四人來貢馬及黃湖綿細白氍三年四月可汗王公主及宰相撒溫訛進馬乳香賜銀器金帶衣著疊錦旋欄有差五年

八月遣使安萬東等一十四人來買方物。六年二月遣人買方物。熙寧元年入貢。求買金字大般若經。以墨本賜之。六年復來。補其首領五人爲軍主。歲給絲二十疋。神宗問其國種落生齒幾何。曰三十餘萬。壯可用者幾何。曰二十萬。明年勅李憲擇使聘阿里骨。使諭回鶻令發兵深入夏境。憲以命殿直皇甫旦。旦往不得前。而妄奏功狀。詔速旦赴御史獄。抵罪。然回鶻使不常來。宣和中。間因入貢。散而之陝西諸州。公爲貿易。至留久不歸。朝廷慮其習知邊事。且往來皆經夏國。於播傳非便。乃立法禁之。

大食國。本波斯之別種。隋大業中。波斯有桀黠者。探穴得文石。以爲瑞。乃糾合其衆。剽略資貨。聚徒浸威。遂自立爲王。據有波斯國之西境。唐永徽以後。屢來朝貢。其王盆泥未換之前。謂之白衣大食。阿蒲羅拔之後。謂之黑衣大食。乾德四年。僧行勳遊西域。因賜其王書。以招懷之。開寶元年。遣使來朝。貢四年。又貢方物。以其使李訶末爲懷化將軍。特以金花五色綾紙寫官告。以賜。是年。本國及占城。門婆。又致禮物于李煜。煜不敢受。遣使來上。因詔自今勿以爲獻。六年。遣使來貢方物。七年。國王訶黎佛。又遣使不囉海。九年。又遣使蒲希密。皆以方物來貢。太平興國二年。遣使蒲思那。副使摩訶末。判官蒲囉等。貢方物。其從者目深體黑。謂之崑崙奴。詔賜其使襲衣器幣。從者縑帛有差。四年。復有朝貢使。至雍熙元年。國人花茶來獻。花錦越諾。揀香。白龍腦。白沙糖。薔薇水。琉璃器。淳化四年。又遣其副會長李亞勿來貢。其國舶主蒲希密至海南。以老病不能詣闕。乃以方物附亞勿來獻。其表曰。大食舶主臣蒲希密上言。衆星垂象。回拱於北辰。百谷疏源。委輸於東海。屬有道之柔遠。聲無外以宅心。伏惟皇帝陛下。德合二儀。明齊七政。仁宥萬國。光被四夷。廣歌洽擊壤之民。重譯走奉珍之貢。臣願惟殊俗。景慕中區。早傾向日之心。願鬱朝天之願。昨在本國。曾得廣州蕃長寄書。招諭令入京貢奉。感稱皇帝聖德。布寬大之澤。詔下廣南。寵綏蕃商。阜通遠物。臣遂乘海舶。爰率土毛。涉歷龍王之宮。瞻望天帝之境。庶遵玄化。以慰宿心。今則雖居五羊之城。猶賒雙鳳之闕。自念衰老。病不能與。遐想金門。心目俱斷。今遇李亞勿來貢。謹備蕃錦藥物。附上獻。臣希密牙凡進象牙五十株。乳香

千八百斤。寶鐵七百斤。紅絲吉貝一段。五色雜花蕃錦四段。白越諾二段。都峯一琉璃瓶。無名異一塊。蕃薇水百瓶。詔賜希密勅書。錦袍銀器。束帛等。以答之。至道元年。其國舶主蒲押陀黎。齋蒲希密表來獻。白龍腦一百兩。臘腦脂五十對。龍鹽一銀合。銀藥二十小琉璃瓶。白沙糖三琉璃瓶。乳香山子一坐。蕃錦二段。六琉璃瓶。船上福桃一琉璃瓶。蕃薇水二十琉璃瓶。乳香山子一坐。蕃錦二段。駝毛褥面三段。白越諾三段。引對於崇政殿。譯者代奏云。父蒲希密因緣射利。泛舶至廣州。迨今五稔未歸。母令臣遠來尋訪。訪至廣州。見之。具言前歲蒙皇帝聖恩。降勅書。賜以法錦袍。紫綾纏頭。間塗金銀鳳瓶一對。綾絹二十疋。今令臣奉章來謝。以方物致貢。太宗因問其國對云。與大秦國相鄰。爲其統屬。今本國所管之民。纜及數千。有都城介山海間。又問其山澤所出。對云。惟犀象香藥。問犀象以何法可取。對云。象用象媒誘至。漸以大繩羈縻之。耳犀則使人升大樹。操弓矢。伺其至。射而殺之。其小者不用弓矢。可以捕獲。上賜以襲衣冠帶。被褥等物。令閣門宴犒。訖就館。延留數月。遣回。降詔答賜蒲希密黃金準其所貢之直。三年二月。又與賓同隴國使來朝。咸平二年。又遣判官文戊。至三年。舶主陀婆離遣使穆吉鼻來貢。吉鼻還賜陀婆離勅書。并器服鞍馬。六年。又遣使婆羅欽三摩尼等來貢方物。摩尼等對於崇政殿。持真珠以進。自云。離國日誠願得瞻威顏。卽獻此乞。不給回賜。真宗不欲違其意。俟其還。優加恩賚。景德元年。又遣使來時。與三佛齊蒲端國使並在京師。會上元觀燈。皆賜錢縱其宴飲。其秋。蕃客蒲加心。至四年。又遣使同占城使來。優加館餼之禮。許徧至苑囿寺觀遊覽。大中祥符元年十月。車駕東封。舶主陀婆離上言。願執方物。赴泰山。從之。又舶主李亞勿遣使麻勿來獻玉圭。並優賜器幣袍帶。并賜國主銀鈔繩床水罐。器械旗幟鞍勒馬等。四年。祀汾陰。又遣歸德將軍陀羅羅進。珮香象牙。琥珀。無名異繡絲。紅絲。碧黃綿。細越諾。紅駝毛。間金線。璧衣。碧白琉璃酒器。蕃薇水。千年棗等。詔令陪位。禮成。並賜冠帶。服物。五年。廣州言。大食國人無西忽。盧華百三十歲。耳有重輪。貌甚偉異。自言遠慕皇化。附古邏國船舶而來。詔就賜錦袍銀帶。加東帛。天禧三年。遣使蒲麻勿。陀婆離。副使蒲加心等。來貢。先是其入

賈路。繇沙州涉夏國。抵秦州。乾興初。趙德明請道其國中。不許。至天聖元年。來貢。恐為西人鈔略。乃詔自今取海路繇廣州至京師。至和嘉祐間。四貢方物。最後以其首領蒲沙乙為武寧司階。熙寧中。其使辛押陀羅。乞統察蕃長司公事。詔廣州裁度。又進錢銀助脩廣州城。不許。六年。都蕃首保順。即將蒲陀婆離。表令男麻勿奉貢物。乞以自代。而求為將軍。詔但授麻勿郎將。其國部屬各異名。故有勿巡。有陀婆離。有俞盧和地。有麻囉跋等國。然皆冠以大食。勿巡所貢。又有龍腦。兜羅錦。毼錦。襪。蕃花。璽。有金飾。壽帶。連環臂鈎。數珠之屬。政和中。橫州士曹蔡蒙休押伴。其使入都。沿道故滯留。疆市其香藥。不償直。事聞。詔提點刑獄置獄推治。因詔自今蕃夷入貢。並選承務郎以上清幹官押伴。按程而行。無故不得過一日。乞取買市者。論以自盜云。其國在泉州西北。舟行四十餘日。至藍里。次年乘風。颶又六十餘日。始達其國。地雄壯。廣袤。民俗侈麗。甲於諸蕃。天氣多寒。其王錦衣玉帶。躡金履。朔望冠百寶純金冠。其居以瑪瑙為柱。緣甘為壁。水晶為瓦。礫石為磚。活石為灰。帷幕用百花錦。官有丞相太尉。各領兵馬二萬餘人。馬高七尺。士卒驍勇。民居屋宇。略與中國同。肆多金銀綾錦。工匠技術。咸精其能。建炎三年。遣使奉寶玉珠貝入貢。帝謂侍臣曰。大觀宣和間。茶馬之政廢。故武備不脩。致金人亂華。危亡不絕。如緣。今復捐數十萬緡。以易無用之珠玉。曷若惜財以養戰士。詔張浚却之。優賜以答遠人之意。紹興元年。復遣使貢文犀象齒。朝廷亦厚加賜與。而不貪其利。故遠人懷之。而貢賦不絕。

龜茲。本回鶻別種。其國主自稱師子王。衣黃衣寶冠。與宰相九人。同治國事。國城有市井。而無錢貨。以花莖布博易。有米麥瓜果。西至大食。國行六十日。東至夏州九十日。或稱西州回鶻。或稱西州龜茲。又稱龜茲回鶻。自天聖至景祐四年。入貢者五。最後賜以佛經一藏。熙寧四年。使李延慶曹福入貢。五年。又使盧大明篤都入貢。紹聖三年。使大首領阿連撒羅等三人。以表章及玉佛至。洮西。熙河經略使以其罕通使。請令於熙秦州博買。而估所齎物價。答賜遺還。從之。沙州。本漢燉煌故地。唐天寶末。陷于西戎。大中五年。張義潮以州歸順。詔建沙州為歸義軍。以義潮為節度使。領河沙甘肅伊西等州。觀察營田處置使。義潮入朝。以從子惟深領州事。至朱梁時。張氏之後。絕州人推長史曹義金為帥。義金卒。子元忠嗣。周顯德二年。來貢。授本軍節度檢校太尉。同中書門下平章事。鑄印賜之。建隆三年。加兼中書令。子延恭為瓜州防禦使。與國五年。元忠卒。子延祿遣人來貢。贈元忠燉煌郡王。授延祿本軍節度。弟延晟為瓜州刺史。延瑞為衙內都虞候。咸平四年。封延祿為譙郡王。五年。延祿延瑞為從子。宗壽所害。宗壽權知留後。而以其弟宗允權知瓜州。表求旌節。乃授宗壽節度使。宗允檢校尚書。左僕射。知瓜州。宗壽子賢順為衙內都指揮使。大中祥符末。宗壽卒。授賢順本軍節度。弟延惠為檢校刑部尚書。知瓜州。賢順表乞金字藏經。洎茶藥金箔。詔賜之。至天聖初。遣使來謝。貢乳香。礪砂。玉團。自景祐至皇祐中。凡七貢方物。

拂菻國。東南至滅力沙。北至海。皆四十程。西至海。三十程。東自西大食及于闐回紇青唐。乃抵中國。歷代未嘗朝貢。元豐四年十月。其王滅力伊靈改撒始遣大首領你廝都令廝孟判來。獻鞍馬刀劍真珠。言其國地甚寒。土屋無瓦。產金銀。珠。西錦。牛。羊。馬。獨峯。醃梨。杏。千年棗。巴。攪。粟。麥。以蒲萄釀酒。樂有篪。篥。壺。琴。小。簫。篳。篥。王。服。紅。黃。衣。以。金。線。織。絲。布。纒。頭。歲。三。月。則。詣。佛。寺。坐。紅。床。使。人。昇。之。貴。臣。如。王。之。服。或。青。綾。緋。白。粉。紅。黃。紫。並。纒。頭。跨。馬。城。市。田。野。皆。有。首。領。主。之。每。歲。惟。夏。秋。兩。得。奉。給。金。錢。錦。縠。帛。以。治。事。大。小。為。差。刑。罰。罪。輕。者。杖。數。十。重。者。至。二。百。大。罪。則。威。以。毛。囊。投。諸。海。不。尚。鬪。戰。鄰。國。小。有。爭。但。以。文。字。來。

往相詰問。事大亦出兵。鑄金銀爲錢。無穿孔。面鑿彌勒佛。背爲王名。禁民私造。
元祐六年。其使兩至。詔別賜其玉帛二百匹。白金瓶。襲衣。金束帶。

宋史卷四百九十

流求國 定安國 渤海國 日本國 党項

流求國在泉州之東有海島曰澎湖烟火相望其國墾柵三重環以流水植棘為藩以刀稍弓矢劍鼓為兵器日月盈虧以紀時無他奇貨商賈不通厥土沃壤無賦斂有事則均稅旁有毗舍邪國語言不通袒裸野豨殆非人類淳熙間國之酋豪嘗率數百輩猝至泉之水灣圍頭等村肆行殺掠喜鐵器及匙筋入閉戶則免但刊其門圈而去擲以匙筋則類捨之見鐵騎則爭列其甲駢首就戮而不知悔臨敵用標鎗繫繩十餘丈為操縱蓋惜其鐵不忍棄也不駕舟楫惟縛竹為筏急則羣昇之泅水而遁

安定國本馬韓之種為契丹所攻破其酋帥糾合餘眾保于西鄙建國改元自稱定安國開寶三年其國王烈萬華因女真遣使入貢乃附表貢獻方物太平興國中太宗方經營遠略討擊契丹因降詔其國令張椅角之勢其國亦怨寇讎侵侮不已聞中國用兵北討欲依王師以據宿憤得詔大喜六年冬會女真遣使來貢路由本國乃托其使附表來上云定安國王臣烏玄明言伏遇聖主洽天地之恩撫夷貊之俗臣玄明誠喜誠抃頓首頓首臣本以高麗舊壤渤海遺黎保據方隅涉歷星紀仰覆露鴻鈞之德被浸漬無外之澤各得所以遂本性而頌歲契丹恃其強暴入寇境土攻破城砦俘略人民臣祖考守節不降與眾避地僅存生聚以迄于今而又扶餘府昨背契丹並歸本國災禍將至無大於此所宜受天朝之密畫率勝兵而助討必欲報敵不敢違命臣玄明誠懇誠願頓首頓首其末題云元與六年十月日定安國王臣玄明表上聖皇帝前上答以詔書曰勅定安國王烏玄明女真使至得所上表以朕嘗賜手詔諭旨且陳感激卿遠國豪帥名王茂緒奄有馬韓之地介于鯨海之表疆敵吞併失其故土沉寃未報積憤奚伸矧彼儻戎尚搖蠶毒出師以薄伐乘夫天災之流

行敗跡相尋滅亡可待今國家已干邊郡廣屯重兵只俟嚴冬即申天討卿若能追念累世之恥宿戒舉國之師當予伐罪之秋展爾復仇之志朔漠底定爵賞有加宜思永圖無失良便而況渤海願歸於朝化扶餘已背於賊庭勵乃宿心糾其協力克期同舉必集大勳尙阻重溟未遑遣使倚注之切鑿寐寤志以詔付女真使令齎以賜之端拱二年其王子因女真使附獻馬雕羽鳴鏑淳化二年其王子太元女真使上表其後不復至

渤海本高麗之別種唐高宗平高麗徙其人居中國則天萬歲通天中契丹攻陷營府高麗別種大祚榮走保遼東睿宗以為急汗州都督封渤海郡王因自稱渤海國併有扶餘肅慎等十餘國曆唐梁後唐朝貢不絕後唐天成初為契丹阿保機攻扶餘城下之改扶餘為東丹府命其子突欲留兵鎮之阿保機死渤海王復攻扶餘不能克歷長與清泰遣使朝貢周顯德初其酋豪崔烏斯等三十人來歸其後隔絕不能通中國太平興國四年太宗平晉陽移兵幽州其酋帥大鸞河率小校李勛等十六人部族三百騎來降以鸞河為渤海都指揮使六年賜烏舍城浮渝府渤海瑛府王詔曰朕纂紹丕構奄有四海普天之下罔不率俾矧太原封域國之保障頃因竊據遂相承襲倚遠為援歷世誅朕前歲親提銳旅盡護諸將拔并門之孤壘斷匈奴之右臂眷言弔伐以蘇黔黎蠢茲北戎非理構怨輒肆荐食犯我村略一昨出師逆擊斬獲甚眾今欲鼓行深入席捲長驅焚其龍庭大殲醜類素聞爾國密邇寇讎迫於吞并力不能制因而服屬困於率割當靈旗破敵之際是鄰邦雪憤之日所宜盡出族帳佐予兵鋒俟其窮滅沛然封賞幽薊土宇復歸中原朔漠之外悉以相與勛乃協力朕不食言時將大舉征契丹故降是詔諭旨九年春宴大明殿因召大鸞河慰撫久之上謂殿前都校劉廷翰曰鸞河渤海豪帥東身歸我嘉其忠順夫夷落之俗以馳騁為樂候高秋戒候當與駿馬數十匹令出郊遊獵以遂其性因以緡錢十萬并酒賜之

日本國者倭奴國也自以其國近日所出故以日本為名或云惡其舊名改之也其地東西南北各數千里西南至海東北隅隔以大山山外即毛人國自

後漢始朝貢。歷魏晉宋隋皆來貢。唐永徽顯慶長安開元天寶上元貞元元和開成中。並遣使入朝。雍熙元年。日本國僧裔然與其徒五六人。浮海而至。獻銅器十餘事。并本國職員。今年代紀各一卷。裔然衣綾。自云姓藤原氏。父為真連。真連其國五品品官也。裔然善隸書。而不通華言。問其風土。但書以對云。國中有五經書及佛經。白居易集七十卷。並得自中國。土宜五穀而少麥。交易用銅錢。文曰乾文大寶。畜有水牛。驢羊。多犀象。產絲蠶。多織絹。薄緻可愛。樂有國中高麗二部。四時寒暑。大類中國。國之東境接海島。夷人所居。身面皆有毛。東奧州產黃金。西別島出白銀。以為貢賦。國王以王為姓。傳襲至今。王六十四世文武僚吏。皆世官。其年代紀所記云。初主號天御中主。次曰天村雲尊。其後皆以尊為號。次天八重雲尊。次天彌聞尊。次天忍勝尊。次曠波尊。次萬魂尊。次利魂尊。次國狹槌尊。次角襲魂尊。次汲津丹尊。次面垂見尊。次國常立尊。次天鑑尊。次天萬尊。次沫名杵尊。次伊裝諾尊。次素彥鳥尊。次天照大神尊。次正哉吾勝速日天押穗耳尊。次天彥尊。次炎尊。次彥瀲尊。凡二十三世。並都於筑紫日向宮。彥瀲第四子。號神武天皇。自筑紫宮入居太和州橿原宮。即位元年甲寅。當周僖王時也。次綏靖天皇。次安寧天皇。次懿德天皇。次孝昭天皇。次孝天皇。次孝靈天皇。次孝元天皇。次開化天皇。次崇神天皇。次垂仁天皇。次景行天皇。次成務天皇。次仲哀天皇。國人言今為鎮國香椎大神。次神功天皇。開化天皇之曾孫女。又謂之惠長足姬天皇。國人言今為太奈良姬大神。次應神天皇。甲辰歲。始於百濟得中國文字。今號八著菩薩。有大臣號紀武內年三百七歲。次仁德天皇。次履中天皇。次反正天皇。次允恭天皇。次安康天皇。次雄略天皇。次清寧天皇。次顯宗天皇。次仁賢天皇。次武烈天皇。次繼體天皇。次安開天皇。次宣化天皇。次天國排開廣庭天皇。亦名欽明天皇。即位十一年。壬申歲。始傳佛法於百濟國。當此土梁承聖元年。次敏達天皇。次用明天皇。有子曰聖德太子。年三歲。聞十人語。同時解之。七歲。悟佛法于菩提寺。讀聖覽經。天雨曼陀羅華。當此土隋開皇中。遣使泛海至中國。求法華經。次崇峻天皇。次推古天皇。欽明天皇之女也。次舒明天皇。次皇極天皇。次孝德天皇。白雉四年。律師道昭求

法至中國。從三藏僧玄奘受經律論。當此土唐永徽四年也。次天豐財重日足姬天皇。令僧智通等入唐。求大乘法相教。當顯慶三年。次天智天皇。次天武天皇。次持總天皇。次文武天皇。大寶三年。當長安元年。遣粟田真人入唐求書籍。律師道慈求經。次阿閉天皇。次飯依天皇。次聖武天皇。寶龜二年。遣僧正玄昉入朝。當開元四年。次孝明天皇。聖武天皇之女也。天平勝寶四年。當天寶中。遣使及僧入唐。求內外經教及傳戒。次天炊天皇。次高野姬天皇。聖武天皇之女也。次白壁天皇。二十四年。遣二僧豐仙行實入唐。禮五臺山學佛法。次桓武天皇。遣騰元葛野與空海大師及延歷寺僧澄入唐。詣天台山傳智者正觀義。當元和元年也。次諸樂天皇。次嵯峨天皇。次淳和天皇。次仁明天皇。當開成會昌中。遣僧入唐禮五臺。次文德天皇。當大中年間。次清和天皇。次陽成天皇。次光孝天皇。遣僧宗睿入唐傳教。當光啓元年也。次仁明天皇。當此土梁龍德中。遣僧寬建等入朝。次醍醐天皇。次天慶天皇。次封上天皇。當此土周廣順年也。次冷泉天皇。今為太上天皇。次守平天皇。即今王也。凡六十四世。畿內有山城大和河內和泉攝津凡五州。共統五十三郡。東海道有伊賀伊勢志摩尾張參河遠江駿河伊豆甲斐相模武藏安房上總常陸凡十四州。共統一百一十六郡。東山道有通江美濃飛驒信濃上野下野陸奥出羽凡八州。共統一百二十二郡。北六道有狹越前加賀能登越中越後佐渡凡七州。共統三十郡。山陰道有丹波丹後但馬因幡伯耆出雲石見隱岐凡八州。共統五十二郡。小陽道有播磨美竹備前備中備後安藝周防長門凡八州。共統六十七郡。南海道有伊紀淡路河波讚耆伊豫土佐凡六州。共統四十八郡。西海道有筑前筑後豐前豐後肥前肥後日向大隅薩摩凡九州。共統九十三郡。又有壹伎對馬多耬凡三島。各統二郡。是謂五畿七道三島。凡三千七百七十二郡。四百一十四驛。八十八萬三千三百二十九課丁。課丁之外。不可詳見。皆裔然所記云。按隋開皇二十年。倭王姓阿每。名自多利思比孤。遣使致書。唐永徽五年。遣使獻琥珀馬腦。長安二年。遣其朝臣真人貢方物。開元初。遣使來朝。天寶十二年。又遣使來貢。元和元年。遣高階真人來貢。開成四年。又遣使來貢。此與其所記皆同。大中光

啓龍德及周廣順中，皆嘗遣僧至中國，唐書中五代史失其傳。唐咸亨中，乃開元二十三年，大歷十二年，建中元年，皆來朝貢，其記不載。太宗召見，存撫之甚厚，賜紫衣，館于太平興國寺。上聞其國王一姓傳繼，臣下皆世官，因歎息謂宰相曰：此島夷耳，乃世祚遐久，其臣亦繼襲不絕，此蓋古之道也。中國自唐季之亂，寓縣分裂，梁周五代，享歷尤促。大臣世賈，鮮能嗣續，朕雖德慚，往聖常夙夜寅畏，講求治本，不敢暇逸，建無窮之業，垂可久之範，亦以爲子孫之計。使大臣之後，世襲祿位，此朕之心焉。其國多有中國典籍，奮然之來，復得孝經一卷，越王孝經新義第十五卷，皆金縷紅羅標，水晶爲軸，孝經卽鄭氏注者。越王者乃唐太宗子越王貞，新義者，記室參軍任希古等撰也。奮然復來，詣五臺許之，令所過饋食，又求印本大藏經，詔亦給之。二年，隨台州寧海縣商人鄭仁德船歸其國，後數年，仁德還，奮然遣其弟子喜因奉表來謝曰：日本國東大寺大朝法濟大師賜紫沙門，奮然啓，傷麟入夢，不忘漢主之恩，枯骨合歡，猶允魏氏之敵。雖云羊僧之拙，誰忍鴻濡之誠，奮然誠惶誠恐，頓首頓首，死罪。奮然附商船之離岸，期魏闕於生涯，望落日而西行，十萬里之波濤，難盡顯信風而東別，數千里之山嶽，易過，妄以下根之卑，適詣中華之感，於是宣旨頒降，恣許荒外之跋涉，宿心克協，粗觀萬內之瓊奇，況乎金闕曉後，望堯雲於九禁之中，巖局晴前，拜聖燈於五臺之上，就三藏而稟學，巡數寺而優游，遂使蓮華迴文，神筆出於北闕之北，貝葉印字，佛詔傳於東海之東，重蒙宣恩，忽起來跡，季夏解台州之纜，孟秋達本國之郊，爰遠明春，初到舊邑，縑素欣待，侯伯慕迎，伏惟陛下惠溢四溟，恩高五嶽，世超黃軒之古，人直金輪之新，奮然空辭鳳凰之窟，更還蟬蟻之封，在彼在斯，只仰皇德之感，越山越海，敢忘帝念之深，縱粉百年之身，何報一日之惠，染筆拭淚，伸紙搖魂，不勝慕恩之至，謹差上足弟子傳燈大法師位嘉因，并大朝剃頭受戒僧祚乾等，拜表以聞，稱其本國永延二年歲次戊子二月八日，寶瑞拱元年也。又別啓貢佛經，納青水函，琥珀青紅白水晶，紅黑水穗子念珠各一連，並納螺鈿花形平函，毛龍一，納螺椗二口，萬龍一，納法螺二口，染皮二十枚，金銀蒔繪宮一合，納髮鬘二頭，又一合，納參議正四位上

藤佐理手書二卷，及進奉物數一卷，表狀一卷，又金銀蒔繪硯一宮一合，納金硯一，鹿毛筆松煙墨，金銅水瓶，鐵刀，又金銀蒔繪扇宮一合，納檜扇二十枚，蝠扇二枚，螺鈿梳函一對，其一納赤木梳二百七十，其一納龍骨十板，螺鈿書案一，螺鈿書几一，金銀蒔繪平宮一合，納白細布五匹，鹿皮籠一，納狝裘一領，螺鈿鞍轡一副，銅鐵鐙紅絲鞞泥障，倭書屏風一雙，石流黃七百斤，咸平五年，建州海買周世昌，遭風飄至日本，凡七年得還，與其國人藤木吉至上，皆召見之，世昌以其國人唱和詩來上，詞甚雕刻，膚淺無所取，詢其風俗，云：婦人皆被髮，一衣用二三縑，又陳所記州名年號，上令藤木吉以所持木弓矢挽射，矢不能遠，詰其故，國中不習戰鬪，賜木吉時裝錢遣還。景德元年，其國僧寂照等八人來朝，寂照不曉華言，而識文字，繕寫甚妙，凡問答並以筆札，詔號圓通大師，賜紫方袍，天聖四年十二月，明州言日本國太宰府遣人貢方物，而不持本國表，詔却之。其後亦未通朝貢，南買時有傳其物貨至中國者，熙寧五年，有僧誠彝至台州，止天台國清寺，願留，州以聞，詔使赴闕，誠彝獻銀香爐，木穗子，白琉璃，五香水精，紫檀琥珀所飾念珠，及青色織物綾，神宗以其遠人而有戒業，處之開寶寺，盡賜同來僧紫方袍，是後連貢方物而來者，皆僧也。元豐元年，使通事僧仲回來，賜號慕化懷德大師，明州又言得其國太宰府牒，因使人孫忠還，遣仲回等貢縑二百匹，水銀五千兩，以孫忠乃海商，而貢禮與諸國異，請自移牒報，而答其物，直付仲回東歸，從之。乾道九年，始附明州綱首以方物入貢，淳熙二年，倭船火兒勝，太明毆鄭作死，詔械太明付其綱首歸，治以其國之法，三年，風泊日本舟，至明州，衆皆不得食，行乞至臨安府者，復百餘人，詔人日給錢五十文，米二升，俟其國舟至日，遣歸。十年，日本七十三人復飄至秀州華亭縣，給常平義倉錢米以振之。紹熙四年，泰州及秀州華亭縣，復有倭人爲風所泊，而至者，詔勿取其貨，出常平米振給而遣之。慶元六年，至平江府，嘉泰二年，至定海縣，詔並給錢米遣歸國。

党項古析支之地，漢西羌之別種，後周世始強，威有細風氏，費聽氏，往利氏，頗超氏，野亂氏，房當氏，來禽氏，招拔氏，最爲強族，唐貞觀至上元間，內附，散居西

北邊元和以後頗相率為盜會昌初武宗置三使以統之在邠寧延者為一使在鹽夏長澤者為一使在靈武麟勝者為一使五代亦常入貢今靈夏綏麟府環慶豐州鎮戎天德振武軍並其族帳太祖建隆二年代州刺史折七埋來朝七埋党項之姓氏世居河右有捍邊之功故授以方州召令入覲而遣還開寶元年直蕩族首領啜倍等引并人寇府州為王師所敗詔內屬羌部十六府大首領屈遇與十二府首領羅崖領所部誅啜倍啜倍懼以其族歸順以屈遇為檢校太保歸德將軍羅崖啜倍並為檢校司徒懷化將軍太平興國二年二月靈州部送歲市官馬賂所過族帳物粗惡羌人恚不受知州比部郎中張全操捕得十八人殺之沒入其兵仗羊馬戎人遂擾上遣使齎金帛撫賜其族與之盟始定召全操下有司鞠之決杖流登州沙門島是歲靈州通遠軍界噪咩族折四族吐蕃村族奈喝三家族尾落族奈家族噪泥族剿略官綱詔靈州安守忠通遠軍董遵誨討平之六年府州外浪族首領來都等來貢馬七年豐州大首領黃羅并第乞蚌等來貢馬又銀州羌部拓跋遇來訴本州賦役苛虐乞移居內地詔令各守族帳又保細族結集勳動諸部夏州巡檢使梁迥率兵討平之雍熙初諸族渠帥附李繼遷為寇詔判四方館事田仁期及閻門使王侁等相繼領兵討擊并賜麟府銀夏豐州及日利月利族勅書招諭之二年四月侁等於銀州北破悉利諸族斬首三千六百餘級生擒八十人俘老小一千四百餘口器甲一百八十六梟偽署代州刺史折羅遇并第埋乞獲馬牛羊三萬計五月又於開光谷西杏子平破保寺保香族追奔二十餘里斬首八百餘級梟其首領埋乞已等五十七人生擒四十九人俘其老小三百餘人獲牛羊馬驢凡四千餘計又被保洗兩族俘三千人降五十五族獲牛羊八千計侁等又言麟州及三族羌人二千餘戶皆降酋長折御七等六十四人獻馬首罪願改圖自效為國討賊遂與部下兵入濁輪川斬賊首五十級酋豪二十人李繼遷及三族岩監押折御七皆遁去旋命內客省使郭守文自三交乘驛亟往與王侁等同領邊事五月王侁李繼隆等又被銀州杏子平東北山谷內沒邵浪悉訛等族及濁輪川東兔頭川西諸族生擒七十八人梟五十九人俘二百三十

六口牛羊驢馬千二百六十招降千四百五十二戶六月夏州尹憲等引兵至鹽城吳移越移等四族來降憲等撫之爰伽羅賦十四族拒命憲等縱兵斬首千餘級俘擒百人焚千餘帳獲馬牛羊七千計又降銀麟夏等州三族岩諸部一百二十五族合萬六千一百八十九戶酋豪折御七窮蹙來歸守文置之部下又夏州咩族魔病人七崖在南山族結黨為寇招懷不至擒斬之梟首徇衆并滅其族又府州女七族首領來母崖男社正等內附因遷居茗七族中七月賜宥州界咩七十族首領都指揮使遇七布等九人勅書以安撫之十一月以勒浪族十六府大首領屈遇各波族十二府大首領浪買當豐州路最為忠順及兀泥三族首領倍移等女四族首領殺越都等歸化並賜勅書撫之端拱元年三月火山軍言河西羌部直蕩族內附三年四月夏州趙保忠言臣準詔市馬已獲三百匹其宥州御泥布囉樹等二族黨附繼遷不肯賣馬臣遂領兵掩殺二百餘人擒百餘人其族即降各已安撫詔書擬諭之十月繼遷寇會州熟倉族為其首領咩唎率來辭諸族擊走之淳化元年藏才三族都判啜尾卒其子啜香來請命乃令代其父二年七月以黃七族降戶七百餘散于銀夏州舊地處之八月李繼遷居玉庭鎮趙保忠往襲之繼遷奔鐵斤澤貌奴狼才二族奪其牛畜二萬餘十一月繼遷寇熟倉族刺史咩唎率來離諸族擊退之先是兀泥大首領泥中倍移內附詔授慎州節度俄復歸繼遷其長子突厥羅與首領黃羅至是以千餘帳降府州折御卿以開降詔慰諭之趙保忠又襲破宥州御泥布囉樹二族尋各降之以其明附繼遷來上四年三月直蕩族大首領啜尾子河汭大首領馬一並來貢詔以啜尾叔羅買為本族都監又啜尾下首領十人馬一下首領十二人皆賜錦袍銀帶器幣是年鄭文寶獻議禁青鹽羌族四十四首領盟于楊家族引兵騎萬三千餘人入寇環州石昌鎮知環州程德玄等擊走之因詔屯田員外郎知制誥錢若水馳驛詣邊弛其鹽禁由是部族寧息十二月鹽州羌人酋長巢延渭為本州刺史是年藏才西族大首領羅妹來貢五年正月以綏州羌酋蘇移山海啜母默香三人並為懷化將軍野利鬼名七屈啜泥三人並為歸德郎將四月府州折御卿言銀夏州管勾生戶

八千帳族悉來歸附。錄其馬牛羊萬計。邀二族大首領崖羅。藏才東族首領歲囉啜克。各遣其子弟朝貢。六月。繼遷所驅脅固屬戎人。棄駝路熟藏族首領七遇率部族反攻繼遷。其弟力戰而死。既敗。繼遷之衆復來歸附。以遇爲檢校司空。領會州刺史。是年兀泥族首領黃羅內附。以爲懷化將軍。領昭州刺史。至道元年四月。以勒浪鬼女兒門十六府大首領馬尾等內附。以馬尾爲歸德大將軍。領恩州刺史。以勒浪樹李兒門首領沒崖爲安化郎將。副首領遇兀爲保順郎將。六月。賜慶州界首領順州刺史李奉明。澄州刺史李彥咩。鹽州刺史巢延渭。濱州刺史李順忠。環州界首領會州刺史七遇。及靈州界并河外保安保靖臨河懷遠定遠五鎮等部勅書慰撫之。七月。睡泥族首領你七通。令男詰靈州言。族內七百餘帳。爲李繼遷劫略。首領咩連一族奔往蕭關。你七通一族乞賜救助。詔賜以資糧。環州熟倉族。此遇略奪繼遷牛馬三十餘。繼遷令人招撫之。亂遇答云。吾一心向漢。誓死不移。詔以遇爲會州刺史。賜帛五十匹。茶五十斤。二年三月。以府州界五族大首領折突厥移爲安遠大將軍。父死來請命也。六月。勒浪族副首領遇兀等百九十三人歸附。貢馬七匹。遇兀舊隸契丹。淳化初。遷族帳於府州界。東至河百五十里。南至府州三百里。至是始朝貢。上召問慰勞。賜錦袍銀帶。遇兀言。部族多良馬。今始來朝。所貢未備。上曰。吾嘉爾忠順之節。募化來歸。固不以多馬爲意也。七月。李繼隆出討繼遷。賜麟州兀泥巾族大首領突厥羅。女女殺族大首領越都。女女夢勒族大首領越移。女女忙族大首領越置。女女龔兒族大首領黨移。沒兒族大首領莫末移。路七族大首領越移。細七族大首領慶元。路才族大首領羅保。細母族大首領羅保。保七。凡十族勅書。招懷之。閏七月。懷安鎮羌誘諸族寇慶州。監軍趙繼昇率師擊敗之。斬首三百級。獲羊馬千計。三年二月。泥巾族大首領名悉俄。首領皆移。尹遇崔保羅。沒侍。凡五人來貢馬。各悉俄等舊皆內屬。因李繼遷之叛。徙居河北。今復來貢。咸平元年三月。熟倉族。此遇來朝。真宗嘉其誠節。親見撫勞。賜以器幣。十月。兀泥族大首領昭州刺史黃羅對。于崇德殿。兀泥族在青岡嶺三角城。龍馬川。領族帳千五百戶。初隸繼遷。俄投府州。淳化中。數敗契丹。及與繼遷相攻擊。及繼

遷內附。黃羅懼。北徙過黃河。今還舊地。遂入貢。且言繼遷既受朝命。不敢侵伐。上面加擬慰。賜養甚厚。十二月。詔直蕩族大首領鬼呀尾。干金家堡置渡。令諸族互市。二年正月。以咩連族開道使泥埋。領費州刺史。十月。以勒浪族十六府大首領歸德大將軍恩州刺史馬泥。領本州團練使。十一月。藏才八族大首領皆賞羅等來獻名馬。四年七月。以會州刺史。此遇爲保順郎將。蘇家族屈尾。鼻家族都慶。白馬族埋香。章移族都香。爲安化郎將。九月。環州言。繼遷所掠羌族鬼連等徙帳來歸。又繼遷諸羌族明葉示及撲咩訛猪等首領率屬內附。並令給善地處之。其年卑寧族首領喝鄰。半祝貢名馬。自稱有精騎三萬。願備驅策。有詔慰獎厚賞。其直五年。咩連族開道使費州刺史泥埋。遣子城通入貢。上嘉泥埋數與繼遷戰。圖有勞。授錦州團練使。以其族弟屈子爲懷化將軍。充本族指揮使。城通爲歸德將軍。充本族都巡檢使。餘首領署軍主。以下各職者。凡十數人。又以黑山北莊。即族龍移爲安遠大將軍。味克爲懷化將軍。八月。河西教練使李榮等。向化。其年羌寇抄金明縣。李繼周擊走之。十月。詔河西戎人歸投者。遷內地。給以閑田。時勒厥麻等三族千五百帳。以濁輪砦失守。越河內屬分處邊境。邊臣屢言勒厥麻往來賊中。恐復叛去。乃徙置靈州樓煩縣。遣使賜金帛撫慰。十二月。咩連族遣使來貢。上聞賀蘭山有小涼。涼族甚感。常恐與繼遷合勢爲患。近知互有疑隙。輒相攻掠。朝廷欲遂撫之。乃召問咩連使者。因其還特詔賜之。以激其立功。上又謂樞密使王繼英等曰。邊臣言遷賊舉兵。屢爲龍移味克所敗。此族在黃河北。數萬帳。或號莊。即味克。常以馬附藏才入貢。頗勳外禦。六年。遂降詔。擬慰之。二月。葉市族囉埋等。持繼遷僞署牒。率百餘帳來歸。以囉埋爲本族指揮使。囉胡爲軍使。邵寧部署言。牛羊蘇家等族。殺繼遷族帳有功。上曰。此族特遠與險。久爲賊援。屢遣邊吏招諭。近聞有志內附。尙疑其詐。果能格爾立効。詔厚賜首領等。茶綵以獎激之。涇原部署言者。龍移卑陵山首領斯敦。遣使稱已集本族騎兵。願隨軍討賊。三月。以咩連族首領泥埋。領鄯州防禦使。充靈州河外五鎮都巡檢使。時潘羅支已授河西節制。上以泥埋實與羅支角捍賊。故加恩寵。是月。綏州羌部軍使拽白等百九十五口內屬。

原州熟戶裴天下等請率族兵掩擊還黨移湖等帳。來求策應。部署司不報。上以戎人宜力禦賊。不應沮之。即詔諭諸路以精甲策應。環州會長蘇尙娘擊賊有勞。及屢告賊中機事。以為臨州刺史。賜錦袍銀帶。環慶部署張凝言。內屬戎人與賊界錯居。屢為脅誘。臣領兵離木波鎮。直湊八州原下峇。招降岑移等三十二族。又至分水嶺降麻謀等二十一族。柔遠鎮降巢迷等二十族。遂抵業樂。降赫樹羅家等一百族。合四千八十戶。第給袍帶物綵。慰遣還帳。四月。繼還寇洪德峇。酋長慶香與訖慶慶族合勢擊之。以峇兵策援。大敗。繼還擒四十九人。墜崖死者甚衆。獲馬七十餘匹。旗鼓鎧甲數百計。上考陣圖以聞。入奏。使者言。峇兵拒賊千餘步。慶香等請率部族與賊接戰。上曰。慶香等假王師為援。而交鋒俘獲。乃其功也。悉與所獲物。加賜銀綵。以慶香領順州刺史。訖慶慶領羅州刺史。河西內屬折勒厥麻等三族。請以精兵千人馬三百備征討。詔嵐州撫諭。環州白馬族與繼還戰。屢徙帳乏食。賜糜粟。又詔洪德峇歸附戎人。給內地土田。資以口糧。五月。唐龍鎮上言。鎮有貿易于府州者。為州人邀殺。盡奪資畜。乃詔府州自令許今五市。切加存撫。六月。瓦密沒劑加羅味克等族濟河。擊敗繼還黨。詔撫問。七月。補狸野族首領子阿宜為懷安將軍。八月。原渭等州言。本界戎人來附者八部二十五族。今詣吏納質。以環州蘇尙娘子孽娘為臨州刺史。府州八族都校明義等言。屢于麟州屈野川擊繼還。及緣邊六七柵防遏。皆有克獲。詔獎資之。仍令府州常以勁兵援助。勿失機便。景德元年正月。麟府路言。附契丹戎人言。泥族拔黃太尉率三百餘帳內屬。拔黃本大族。居黃河北古豐州。前數犯邊。阻市馬之路。其首領容貌甚偉。有智勇。築點難制。契丹結之。署為太尉。今悉衆款塞。詔府州厚賜茶綵。給公田。依險居之。計口賦粟。且戒唐龍鎮無得侵擾。三月。宋師恭破羌賊於柳谷川。驅其帳族千餘人以還。六月。洪德峇言。羌俗羅泥天王等首領率屬來附。八月。野雞族掠環慶界。詔邊臣和斷。如其不從。則脅以兵威。九月。鎮戎軍言。先叛去熟魏族酋長茄羅兀賊成王等三族。應詔撫諭。各率屬來歸。二年。熟戶旺家族擊夏兵。擒軍主一人。以獻環州言。戎人入寇。擊走之。擒酋將慶移送闕下。請斬于囊街上。特賞死配淮南。

原州野狸族首領斯多連丹卒。其子阿酌代為首領。且乞奉料。詔諭以立功則賜之。三年。府州折惟昌言。兀泥族大首領名崖。從父威信為趙德明白池軍主。密遣使論名崖云。德明雖外託修貢之名。而點閱兵馬尤急。必恐劫掠山界。名崖以告。上嘉之。降詔撫諭。就賜錦袍銀帶。九月。秦州言。野兒和尙族部落尤大。能粟朝命。凡諸族為寇盜者。輒遏絕之。請加旌別。詔補三些都首領。十一月。鎮戎軍曹瑋言。叛去酋長蘇尙娘復求歸附。詔報瑋曰。尙娘反覆無信。特恐狙詐以誤邊吏。又使德明緣此為詞。不可納也。四年。唐龍鎮羌族來美與其叔璘不叶。召契丹破之。來依府州。璘美非大族。常持兩端。頃亦寇鈔近界。發兵趣之。則走河之東。曰東壩。契丹加兵。則入河之西。曰西壩。地極險阻。介卒騎兵所不能及。至是。上亦憫其窮。而款塞特優容之。會契丹使至。即令論其事。仍還所掠璘美人畜。其族人懷正又與璘互相讎劫。側近帳族不寧。詔遣使召而盟之。依本俗法和斷。大中祥符元年。鄜延鈐轄言。小湖臥浪族軍主最處近塞。往時出師。皆命為前鋒。其著誠節。詔補侍禁。二年六月。麟府鈐轄言。杜慶族依援唐龍鎮。數侵別帳。請發熟戶兵擊之。上曰。戎落皆吾民也。宜以道撫之。不許。其年。兀泥族大首領名崖。同府州折惟昌入貢。上親加撫問。特詔副都知張繼能。賜射於瓊林苑。四年。藏才西族中族首領奴移橫全等。並遣子來朝。五年。環慶熟戶有醜酒劫奪使臣馬纓者。上怒。令部署司重罰之。六年。北界剋山軍主率衆過大里河。侵熟戶。為羅勒族都囉擊走之。詔以都囉為本族指揮使。且諭邊臣約飭族帳。謹守疆界。勿出境追襲。九月。夏州略去熟戶旺家族首領都子等來歸。隨而至者又三族。遣使存勞之。七年。涇原鈐轄曹瑋請署熟戶百帳以上大首領為大族軍主。次指揮使。又次副指揮使。百帳而下為本族指揮使。從之。五月。瑋言。葉市族大首領豔奴歸順。七月。瑋又言。北界萬子族謀鈔略。發兵逆之。大敗于天麻川。又為魏理等族掩擊。殺其酋帥。斬首千餘級。八年。北界酋長指揮使浪梅娘等來投。論邊臣令追取熟戶。亡入北界者。即遣還梅娘。九年。羌兵寇小力族。巡檢李文貞率兵奮擊。追斬籍遇。大保首級。賜李文貞錦袍銀帶。五月。北界毛戶族軍主浪埋骨。啗族酋長亂唱。巢迷族酋長馮移埋率其屬千一百九十

口牛馬雜畜千八百。歸附。降詔撫之。天禧元年。環州言。北界騎兵數千來剽熟戶。擊走之。二年。涇原路言。樊家族九門都首領客廝鐸內屬。以廝鐸爲軍主。三年。鄜延路言。亡去熟戶委乞等六百九十五人。及骨咩大門等族來歸。四年正月。又言。宥州羌族臘兒率衆劫熟戶咩魏族。金明都監李士彬擊之。斬臘兒。梟七十二級。俘餘衆。獲甲馬三百餘。五月。小湖族都虞候啞鬼巡檢胡懷節等。擊賊有功。並進秩。環州七白族軍主近膩納質歸化。以近膩領順州刺史。首領惹都等十五人。補官有差。七月。撲咩族馬訛等率屬來附。十月。以淮安鎮六族都軍主乞埋爲三班借職。充羌部巡檢。五年。北界羅骨等劫剽熟戶。環慶部署田敏追擊之。俘獲甚衆。詔獎敏等。賜器幣。

宋史卷四百九十一

元中書右丞相總裁脫脫等修

列傳第二百五十一

外國八

吐蕃响斯囉 董觀 趙思忠 阿里骨

吐蕃本漢西羌之地其種落莫知所出或云南涼秃髮利鹿孤之後其子孫以秃髮為國號語訛故謂之吐蕃唐貞觀後常來朝貢至德後因安史之亂遂陷河西隴右之地大中三年其國宰相論恐熱以秦原安樂及石門等七關來歸四年又克成維扶三州五年其國沙州刺史張義潮以瓜沙伊肅十一州之地來獻唐末瓜沙之地復為所隔然而其國亦自衰弱族種分散大者數千家小者百十家無復統一矣自儀渭涇原環慶及鎮戎秦州暨于靈夏皆有之各有首領內屬者謂之熟戶餘謂之生戶涼州雖為所隔然其地自置牧守或請命於中朝天成中權知西涼府留後孫超遣大將拓拔承誨來貢明宗召見承誨云涼州東距靈武千里西北至甘州五百里舊有鄆人二千五百為戍兵及黃巢之亂遂為阻絕超及城中漢戶百餘皆戍兵之子孫也其城今方幅數里中有縣令判官都押衙都知兵馬使衣服言語略如漢人即授超涼州刺史充河西軍節度留後乾祐初超卒州人推其土人折逋嘉施權知留後遣使來貢即以嘉施代超為留後涼州郭外數千里尚有漢民陷沒者耕作餘皆吐蕃其州帥稍失民情則眾皆嘯聚城內有七級木浮圖其帥急登之給其眾曰爾若迫我我即自焚於此矣眾惜浮圖乃盟而舍之周廣順三年始以申師厚為河西節度師厚初至涼州奏請授吐蕃首領折逋支等官並從之顯德中師厚為其所迫擅還朝坐貶涼州亦不復命師建隆二年靈武五部以囊駝良馬致貢來離等八族酋長越鬼等護送入界勅書獎諭秦州首領尚波干傷殺采造務卒知州高防捕繫其黨四十七人以狀聞上乃以吳廷祚為雄武軍節度代防安輯之令廷祚勸書賜尚波干等曰朝廷制置邊防撫寧部落務令安集豈有侵漁曩者秦州設置三砦止以采取材木供億京師雖在蕃漢之交不妨牧放

之利汝等占據木植傷殺軍人近得高防奏汝等見已拘執聽候進止朕以汝等久輸忠順必悔前非特示懷柔各從寬宥已令吳廷祚往伸安撫及還舊地所宜共體恩旨各歸本族仍以錦袍銀帶賜之尚波干等感悅是年秋乃獻伏羌地乾德四年知西涼府折逋葛支上言有回鶻二百餘人漢僧六十餘人自朔方路來為部落劫略僧云欲往天竺取經並送達甘州訖詔襄答之五年首領闡逋哥督延督南割野麻里六人來貢馬開寶六年涼州令步奏官僧各獻聲連勝拉獨二人求通道於涇州以申朝貢詔涇州令牙將至涼州慰撫之八年秦州大石小石族寇土門略居民知州張炳擊走之太平興國二年秦州安家族寇長山巡檢使韋韜擊走之三年秦州諸族數來寇略三陽麻穰弓門等砦監軍巡檢使周承瑒任德明耿仁恩等會兵擊敗之斬首數十級腰斬不用命卒九人于境上太宗乃詔曰秦州內屬三族等頃慕華風聿求內附俾之安輯咸遂底寧近聞乘蕃育之資稔寇攘之志敢忘大惠來撓邊疆豈朕信之未孚而吏撫之不至並蠲豐谷特示感懷今後或更剽劫吏即捕治真之于法不須以聞是年又寇八狼砦巡檢劉崇讓擊敗之棄其帥王泥猪首以徇三月小遇族寇慶州知州慕容德豐擊走之八年諸種以馬來獻太宗召其酋長對於崇政殿厚加慰撫賜以束帛因謂宰相曰吐蕃言語不通衣服異制朕常以禽獸畜之自唐室以來頗為邊患以國家兵力雄威聊舉偏師便可驅逐數千里外但念其種類蕃息安土重遷倘因摠除必致殺戮所以置於度外存而勿論也九年秋秦州言蕃部以羊馬來獻各以宴犒欲用茶絹答其直詔從之淳化元年秦州大小馬家族獻地內附二年權知西涼州左廂押蕃落副使折逋阿喻丹來貢先是殿直丁惟清往涼州市馬惟清至而境大豐稔因為其所留靈州命蕃落軍使崔仁遇往迎惟清又吐蕃賣馬環過靈州為黨項所略表訴其事因請留惟清至來年同入朝詔答之四年阿喻丹死以其弟喻龍波為保順即將代其任五年折平族大首領讓遠州軍鑄督延巴率六谷諸侯馬千餘匹來貢既辭復攜登聞鼓言儀州八族首領逋波鴉等侵奪地土上降勅書告諭之知秦州溫仲舒上言每歲伐木多為蕃族攘奪今已驅其部落於渭北太宗

慮生邊患乃以知鳳翔薛惟吉對易其任語見惟吉傳是年春知西涼府左廂押蕃落副使折通諭龍波振武軍都羅族大首領並來貢馬至道元年涼州蕃部嘗尊以夏馬來貢引對慰撫加賜當尊虎皮一獸呼致謝二年四月折平族首領握散上言部落為李繼遷所侵願會兵靈州以備討擊賜幣以答之七月西涼府押蕃落副使折通諭龍波上言蕃部頗為繼遷侵略乃與吐蕃都部署沒咥拽干會六谷蕃眾來朝且獻名馬上厚賜之是歲涼州復來請帥詔以丁惟清知州事賜以牌印咸平元年十一月河西軍左廂副使歸德將軍折通游龍鉢來朝游龍鉢四世受朝命為酋雖貢方物未嘗自行今始至獻馬二千餘匹河西軍即古涼州東至故原州千五百里南至雪山吐谷渾蘭州界三百五十里西至甘州同城界六百里北至部落三百里周回平川二千里舊領姑臧神鳥蕃禾昌松嘉麟五縣戶二萬五千六百九十三口十二萬八千一百九十三今有漢民三百戶城周回十五里如鳳凰形相傳李軌舊治也皆龍鉢自述云詔以龍鉢為安遠大將軍二年以儀州延蒙八部都首領渴哥領化州刺史首領透逋等為懷化郎將四年知鎮戎軍李繼和言西涼府六谷都首領潘羅支願戮力討繼遷請授以刺史仍給廩祿經略使張齊賢又請封六谷王兼招討使上以問宰相皆曰羅支已為酋帥授刺史太輕未領節制加王爵非順招討使號不可假外夷乃以為鹽州防禦使兼靈州西面都巡檢使時西涼使來且言六谷分在右廂左廂副使折通游龍鉢實參羅支戎事朝廷乃務綏懷又以龍鉢領宥州刺史六族首領褚下箕等三人為懷化將軍其年潘羅支遣部下李萬山率兵討賊貽書繼和請師期先是遣宋沆梅詢等為安撫副使末行上謂宰相曰朕看盟會圖頗記吐蕃反覆狼子野心之事今已議王超等領甲馬援靈州若難為追襲即靈州便可制置沉等不須遣止走一使以會兵告之五年十月羅支又言賊遷送鐵箭誘臣部族已戮一人繫一人聽朝旨詔襄諭之聽自處置十一月使來貢馬五千匹詔厚給馬價別賜綵百段茶百斤六年又遣咥連族蕃官成連馳騎至鎮戎軍請會兵討賊邊臣疑成連詐護送部署司成連懼逸馬墜崖死上聞其歎息之曰此泥埋之子族人畏其勇父子皆有戰

功凡再詰闕朕皆召見獎其向化詔劾鎮戎官吏仍令渭州以禮葬之其年原渭蕃部三十二族納質來歸羅支又遣蕃官吳福聖臘來貢表言感朝廷恩信憤繼遷僭置已集騎兵六萬乞會王師收復靈州乃以羅支為朔方軍節度靈州西面都巡檢使賜以鎧甲器幣又以吳福聖臘為安遠將軍次首領元佐等七人為懷化將軍羅支屢請王師助擊賊議者以西涼去渭州限河路遠不可預約師期上曰繼遷常在地斤三山之東每來寇邊及官軍出則已遁去使六谷部族近塞擇與官軍合勢亦國家之利降詔許之六月知渭州曹瑋言隴山西延安家族首領禿逋等納馬立誓乞隨王師討賊以漢法治蕃部且稱其忠詔授本族軍主八月者龍族首領來貢名馬上嘉嘗與潘羅支協力抗賊令復優待之其年十一月繼遷攻西蕃遂入西涼府知州丁惟清陷羅支偽降未幾集六谷諸豪及者龍族合擊繼遷繼遷大敗中流矢遁死景德六年二月遣其甥斯庵完來獻捷六月又遣其兄邦逋支入奏且欲更率部族及回鶻精兵直抵賀蘭山討除殘孽願發大軍援助詔涇原部署陳興等候羅支已發即率衆鼓行赴石門策應邦逋支又言前賜羅支牌印官告衣服器械為賊劫掠有詔別給羅支又言脩洪元大雲寺詔賜金箔物綵先是繼遷種落迭般囉及日逋吉羅丹二族亡歸者龍族而欲陰圖羅支是月會遷黨攻者龍羅支率百餘騎急赴將議合擊遂為二族戕于帳詔贈羅支武威郡王遣使贈恤其家者龍凡十三族而六族附迭般囉及日逋吉羅丹西涼府既聞羅支遇害乃率龔谷蘭州宗哥兒諸族攻者龍六族六族悉竄山谷中詔使者安集之六谷諸豪乃議立羅支弟斯鐸督為首領且言鐸多剛決平恕每會戎首設觴豆飲食必先卑者犯小難至親不貸數更戰討威名甚著詔授鐸督鹽州防禦使靈州西面沿邊都大巡檢使上以遷黨未平藉其腹背攻制遂加鐸督朔方軍節度押蕃落等使西涼府六谷大首領涇原路言隴山縣王狸延三族歸順又渭州言龔谷懶家族首領尊斃磨壁余龍及便囉等獻名馬願率所部助討不附者又言西涼市馬道出本族自今保無他虞詔賜馬直以便囉等為郎將石隴州又言河西諸蕃四十五族內附其年遷黨寇永寧為藥令族合擊擊敗之斬首百

餘級鎮戎軍上言先叛去蕃官茹羅兀賊成王等三族及移軍主率屬歸順請獻馬贖罪特詔宥之二年廝鐸督遣其甥呵昔來貢仍上與趙德明戰鬪功狀又言蕃帳周斯那支有智勇久參謀議請授以六谷都巡檢使上嘉獎從其請仍賜茶綵又追錄潘羅支子失吉爲歸德將軍厚賜器幣者龍七族首領有捍寇之勞並月給千錢舊制弓矢兵器不入外夷時西涼棟丹族上表求市弓矢上以棟丹宜力西陲委以捍蔽特令渭州給賜因別賜廝鐸督以重恩意三年又以者龍族合駱波黨宗族業羅等爲本族首領檢校太子賓客皆鐸督外姻也鐸督遣安化郎將路黎奴來貢黎奴病于館特遣尙醫視療及卒上憐之厚加贈給五月鐸督又言部落疾疫詔賜白龍犀角腦髓黃安息香白紫石英等藥凡七十六種使者感悅而去又制加鐸督檢校太傅其族帳李波通等四十九人爲檢校太子賓客充本族首領鐸督遣所部波機進賣馬因言積官奉半歲乞就京給賜市所須物從之渭州言妙娥廷家熟鬼等族率三千餘帳萬七千餘口及羊馬數萬款塞內附詔遣使撫勞之賜以袍帶茶綵仍以折平族首領撒通渴爲順州刺史充本族都軍主是年宗家當宗章迷旋來貢移通撥父族歸附九月詔釋西面納質戎人先是諸蕃有鈔劫爲惡嘗經和斷者恐異時復叛故收其子弟爲質乃有禁錮終身者上憫而縱之族帳感恩皆稽顙自誓不爲邊患四年邊臣言趙德明謀劫西涼襲回鶻上以六谷甘州久推忠順思撫寧之乃遣使諭廝鐸督令援結回鶻爲備并賜鐸督茶藥襲衣金帶及部落物有差鐸督奉表謝大中祥符元年十一月宗哥族大首領溫通等來貢三年西涼府覓諾族瘴疫賜首領溫通等藥四年廝鐸督遣增蘭駝單來貢賜紫方袍五年又遣其子來貢其年者龍族都首領捨欽波遣使詣闕獻馬求賜印詔從其請仍優資之七年知秦州張佖置大落門新砦先是佖欲近渭置采木場蕃族聞之即徙帳去佖不能遂撫之戎人輒悔因鄉導鈔劫佖深入掩擊悉敗走至是求和佖不許三月蔡州曹瑋言熟戶郭廝敦實棟丹皆大族棟丹輒作文法謀叛廝敦密以告約半月殺之至是果擄棟丹首來上以廝敦陰害棟丹不欲明加恩獎以疑懼諸侯時方議築南使城遂以廝敦獻地爲名詔授順

州刺史先是張佖深入蕃境邊事數擾及瑋破魚角蟬貳贊棟丹二酋由是前拒王師者伏匿避罪瑋誘召之許納罰首過既而至者數千人凡納馬六千匹給以匹綵或以少爲訴者瑋叱之曰是贖罪物汝輩敢希利耶戎族聞之皆畏服八月曹瑋言伏羌峽廝難波與宗哥族李磨論聚爲文法領兵趣之悉潰散夷其城帳九月瑋又言宗哥喚廝囉羌族馬波叱臘魚角蟬等率馬衝山蘭州龜谷氈毛山洮河河州羌兵至伏羌峽三都谷即率兵擊敗之逐北二十里斬賊千餘級擒七人獲馬牛雜畜衣服器仗三萬三千計吹麻城張族都首領張小哥以功授順州刺史瑋又言永寧峽龍波他廝麻二族約質不從命率兵擊之斬首二百級十一月詔給秦州七峽熟戶首領都軍主以下百四十六人告身天禧元年詔以治坊峽都首領郭廝敦爲本族巡檢賦以奉祿又補大馬家族阿廝鐸爲本族軍主十月秦州部署言鬼留家族累歲違命討平之二年又言吹麻城及河州諸族皆破宗哥文法來附喚廝囉少衰數爲囉瞎力骨所困今還舊地諸羌族及空俞廝難波等納質者凡七百五十六帳

喚廝囉者緒出贊普之後本名欺南陵溫錢通錢通猶贊普也羌語訛爲錢通生高昌磨榆國既十二歲河州羌何郎業賢客高昌見廝囉貌奇偉舉以歸置斄心城而大姓聳昌廝均又以廝囉居移公城欲於河州立文法河州人謂佛喚謂兒子廝囉自此名喚廝囉於是宗哥偕李立遵遊川大會溫通哥略取廝囉如郭州尊立之部族寔疆乃徙居宗哥城立遵爲論逋佐之立遵或曰李遵或曰李立遵又曰郢成蘭通叱論逋者相也立遵食且喜殺戮國人不附既與曹瑋戰三都谷不勝又襲西涼爲所敗廝囉遂與立遵不協更徙龜川以溫通哥爲論逋有勝兵六七萬與趙德明抗希聖朝廷恩命知秦州張佖奏請拒絕涇原鈐轄曹瑋上言宜厚喚廝囉以扼德明而立遵屢表求贊普號朝議以贊普戎王也立遵居廝囉下不應妄予乃用廝鐸督恩例授立遵保順軍節度使賜襲衣金帶器幣鞍馬鎧甲等大中祥符八年廝囉遣使來貢詔賜錦袍金帶器幣供帳什物茶藥有差凡中金七千兩他物稱是其年廝囉立文法聚衆數十萬請討平夏以自效上以戎人多詐或生他變命周文質監涇原軍曹

璋知秦州兼兩路沿邊安撫使以備之宗哥城東南至永寧九百一十五里東北至西涼府五百里西北至甘州五百里東至蘭州三百里南至河州四百一十五里又東至龕谷五百五十里又西南至青海四百里又東至新渭州千八百九十里九年廝囉立遣等獻馬五百八十二匹詔賜器幣總萬二千計以答之數使人至秦州求內屬明道初即授廝囉寧遠大將軍愛州團練使授通哥歸化將軍已而通哥為亂囚廝囉置罪中出收不附己者守奔人聞出之廝囉集兵殺通哥徙居青唐景祐中以廝囉為保順軍節度觀察留後歲以奉錢令秦州就賜元昊侵略其界兵臨河湟廝囉知眾寡不敵壁鄯州不出陰間元昊頗得其虛實元昊已渡河插幟志其後廝囉潛使人移植深處以誤元昊及大戰元昊潰而歸士視幟溺死十八九所虜獲甚眾自是數以奇計破元昊遂不敢窺其境及元昊取西涼府潘羅支舊部往往歸廝囉又得回紇種人數萬廝囉居鄯州西有臨谷城通青海高昌諸國商人皆趨鄯州買賣以故富強寶元元年加保順軍節度使仍兼龜川大首領時以元昊反遣左侍禁魯經持詔諭廝囉使背擊元昊以披其勢賜帛二萬匹經還以勞擢開門祇候廝囉奉詔出兵嚮西涼西涼有備廝囉知不可攻捕殺遊邏數十人亟還聲言圖再舉元昊既屢寇邊仁宗召對魯經欲再遣經固辭貶經為左班殿直募敢使者屯田員外郎劉渙應詔渙至廝囉迎導供帳甚厚介騎士為先驅引渙至庭廝囉冠紫羅鮮冠服金線花袍黃金帶絲履平揖不拜延坐勞問稱阿舅天子安否道舊事則數十二辰屬曰兔年如此馬年如此渙傳詔已而廝囉召酋豪大犒約盡力無負然終不能有大功後累加恩兼保順河西節度使洮涼兩州刺史又加階勳檢校官功臣食邑賜器幣鞍勒馬嘉祐三年擦羅部阿作等叛廝囉歸諒祚諒祚乘此引兵攻掠境上廝囉與戰敗之獲酋豪六人收橐駝戰馬頗眾因降隴通公立馬頗三大族會契丹遣使送女妻其少子董氈乃罷兵歸治平二年夏羌遊奔及阿叔溪心以隴球阿諾三城叛諒祚歸廝囉廝囉不禮乃復歸諒祚請兵還取所獻地諒祚不之罪為出萬餘騎隨遊奔溪心往取不能克但取龜川歸丁家五百餘帳而還廝囉其年冬死年六十九第三子董氈嗣

董氈母曰喬氏廝囉三妻喬氏有色居歷精城所部可六七萬人號令明人憚服之方董氈少時擇酋長子年與董氈相若者與之遊衣服飲食如一以此能附其眾董氈自九歲廝囉為請于朝命為會州刺史而喬氏封太原郡君其二妻皆李立遵女也生瞎氈及磨氈角立遵死李氏寵衰斥為尼置鄯州錮其子瞎氈磨氈角結母黨李巴全竊載其母奔宗哥廝囉不能制磨氈角因撫有其眾李氏以寶元二年恩賜紫衣磨氈角亦累奉貢初補嚴州團練使後以思州團練使卒所部立其子瞎撤欺丁李氏懼孤弱不能守乃獻皮帛入庫慶文籍于廝囉廝囉因受之嘉祐三年命欺丁為順州刺史瞎氈居龕谷屢貢授澄州團練使先卒子木征居河州母弟瞎吳叱歸銀川廝囉地既分董氈最疆獨有河北之地其國大抵吐蕃遺俗也懷恩惠重財貨無正朔市易用五穀乳香稠砂麴毯馬牛以代錢帛貴虎豹皮用緣飾衣裳婦人衣錦裘緋紫青絨尊釋氏不知醫藥疾病召巫覡視之焚柴聲鼓謂之逐鬼信呪詛或以決事訟有疑使詛之訟者上辭牘藉之以帛事重則以錦亦有鞭笞桎械諸獄具人喜啖生物無蔬茹醯醬獨知用鹽為滋味而嗜酒及茶居板屋富姓以氈為幕並水為鞦韆戲貢獻謂之般次自言不敢有貳則曰心白向漢云其後河州武勝軍諸侯寢驕閉于闐諸國朝貢道擊奪般次詔邊將問罪已而董氈遣使奉貢入謝上慰納焉初廝囉死董氈嗣為保順軍節度使檢校司空神宗即位加太保進太傅熙寧元年封其母安康郡太君以其子蘭逋比為錦州刺史二年夏人寇環慶董氈乘虛入其境大克獲賜璽書袍帶獎激之王韶既定熙河其首領青宜結鬼章寇河州踏白城景思立死焉帝命邊臣招來之十年以鬼章及阿里骨皆為刺史董氈貢真珠乳香象牙玉石馬賜以銀絲茶服緡錢改西平節度使遣供奉官郭英齋詔書器幣至其國方鬼章犯境時列帳訥兒温及祿尊率部族叛附之既來降又陰與董氈通元豐初詔知岷州种諤集酋長斬之以妻女田產賜降將俞龍河二年遣景青宜黨令支貢方物以令支為珍州刺史賜董氈錢萬緡銀絲千計三年龜川城主温訥支郢成及叔溪心弟阿令京等款塞以郢成為會州團練使溪心內殿崇班令京西頭供奉官餘族人皆殿直

奉職四年王師討夏會其兵董氈遣酋長抹征等率三萬人赴黨龍耳江及龍朱珂諾又集六部兵十二萬約以八月分三路與官軍會帝以其協濟軍威事功可紀由常樂郡公進封武威郡王鬼章阿里骨黨令支皆團練使心牟欽氈阿星李叱臘欽爲刺史夏人欲與之通好許割駱駝以西域云如歸我即官爵恩好一如所欲董氈拒絕之訓整兵甲以俟入討且遣使來告帝召見其使使歸語董氈盡心守圍每稱其上書情辭忠智雖中國士大夫存心公家者不過如此知遼川事力固不足與夏人抗但欲解散其謀使不與結和而已故終不能大有功哲宗立加檢校大尉元祐元年卒闡逋叱已死養子阿里骨嗣阿里骨本于闐人少從其母給事董氈故養爲子元豐蘭州之戰最有功自肅州團練使進防禦使董氈病革召諸酋領至青唐謂曰吾一子已死惟阿里骨母嘗事我我視之如子今將以種落付之何如諸酋聽命既嗣事遣使脩貢元祐元年以起復冠軍大將軍檢校司空爲河西軍節度使封寧塞郡公里骨頗峻刑殺其下不違寧詔飭以推廣恩信副朝廷所以封立前人所以付與之意二年遂逼鬼章使率衆拒洪州羌結藥密者使所部怯陵來告里骨執怯陵結藥密懼擄妻子南歸鬼章又使其子結頤齏入寇心牟欽氈溫溪心不肯從詔以二人爲團練使八月鬼章就擒檻送京師尋赦之授陪戎校尉遣居秦州聽招其子以自贖明年里骨奉表謝罪詔熙河無復出兵許貢奉如故加金紫光祿大夫檢校太保其郭州主魯尊欲焚拆河橋歸漢熙州以聞哲宗以里骨既通貢不可有納叛之名欲弗納又封其妻漢尊勇丹爲安化郡君子邦彪錢爲鄯州防禦使第南納支爲西州刺史鬼章死詔焚付其骨紹聖元年以師子來獻帝慮非其土性厚賜而還之三年卒年五十七瞎征嗣

而溫入溪哥城自稱王子元符二年七月瞎征自青唐脫身來降欽氈迎溪巴溫入青唐立木征之子隴撈爲主九月瞎軍至青唐隴撈出降以遼川爲湟州青唐爲鄯州二酋雖降然其種人本無歸漢意議者謂今不先脩遼川以東城障而遽取青唐非計也以今日觀之有不可守者四自炳靈寺渡河至青唐四百里道險地遠緩急聲援不相及一也羌若斷橋塞隘我雖有百萬之師倉卒不能進二也王瞻提孤軍以入四無援兵必生他變三也設遣大軍而青唐宗哥遼川食皆止支一月內地無糧可運難以久處四也官軍自會州還者皆憔悴衣履穿決器仗不全羌視之有輕漢心旦夕必叛閏九月欽氈等果與青唐城中人相結謀復奪城山南諸羌亦叛瞻遣將破之戮結頤齏及欽氈等九人青唐圍解而遼川益急夏人十萬助之總管王愍以死戰固守乃得免瞻棄青唐歸巴溫與其子溪賒羅撒據之朝論請并棄遼川且謂董氈無後隴撈乃木征之子响廝囉嫡曾孫最爲親的於是以隴撈爲河西軍節度使知鄯州封武威郡公充西蕃都護依府州折氏世承襲尋賜姓名曰趙懷德其弟邦啣勿丁曰懷義爲鄯州團練使同知湟州加瞎征校尉太傅懷遠軍節度使三年三月懷德及所降契丹夏國回鶻公主入見各賜冠服退易之千選英閣前後立班謝賜食於橫門徽宗命輔臣呼與語問何以招致溪巴溫對曰譬如乳牛繫其子即母須來繫其母即子須來俟至岷州當遣人往諭使之歸漢遂與瞎征俱還湟州溪賒羅撒謀殺懷德懷德奔河南瞎征不自安求內徙詔居鄧州崇寧元年卒三年王厚復湟鄯懷德至京師拜感德軍節度使封安化郡王

瞎征即邦彪錢也紹聖四年正月爲河西軍節度使檢校司空寧塞郡公性嗜殺部曲睨貳大酋心牟欽氈之屬有異志忘瞎征季父蘇南黨征雄勇多智共誣其謀逆瞎征不能察而殺之盡誅其黨獨錢羅結逃奔溪巴溫溪巴溫者董氈疎族也自阿里骨之立去依隴逋部河南諸羌多歸之錢羅結奉溪巴溫長子杓撈據溪哥城瞎征討殺杓撈錢羅結奔河州說王瞻以取青唐之策已

趙思忠即瞎氈之子木征也瞎氈死木征不能自立青唐族酋瞎藥羅及僧鹿遵迎之居洪州欲立以復洪岷疊宕武勝軍諸羌秦州以其近邊逐之乃還河州後徙安江城董氈欲羈屬之不能有也母弟瞎吳叱別居銀川有尋家山至和初補本族副軍主嘉祐中河州刺史王韶經略熙河遣僧智圓往說之啜以厚利因隨以兵前後殺其老弱數千焚族帳萬數得腹心酋領十餘人又禽其妻子皆不殺遂以熙寧七年四月舉洮河二州來降賜以姓名拜樂州團練

使封其母鄆成結遂寧郡太夫人。妻包氏咸寧郡君。弟董谷賜名繼忠。補六宅副使。結吳延征。賜名濟忠。賸吳叱曰紹忠。巴賸角曰醇忠。巴賸抹曰存忠。長子邦辟。勿丁。嘔曰懷義。次蓋。嘔曰秉義。皆超拜官。以思忠爲秦州鈐轄。不泄事而乞主熙河羌部經略司。以爲不可。詔以二州給地五十頃。後遷合州防禦使。卒。贈鎮洮軍節度觀察。留後。

宋史卷四百九十二

古者帝王之勤遠略，耀兵四裔，不過欲安內而捍外爾，非所以求逞也。西南諸蠻夷，重山複嶺，雜廁荆楚巴黔巫中，四面皆王土，乃欲揭上陳之征，以取不毛之地，疲易使之衆，而得梗化之氓，誠何益哉！樹其酋長，使自鎮撫，始終蠻夷遇之，斯計之得也。然無經久之策，以控馭之，性便於跳梁，或以讎隙相尋，或以饑饉所逼，長嘯而起，出則衝突州縣，入則負固山林，致煩興師討捕，雖能殄除，而斯民之荼毒深矣。宋特文教而略武衛，亦豈先王制荒服之道哉！西南溪峒諸蠻，皆盤瓠種，唐虞爲要服，周世其衆彌盛，宣王命方叔伐之，楚莊既霸，遂服於楚。秦昭使白起伐楚，略取蠻夷，置黔中郡，漢改爲武陵，後漢建武中，大爲寇鈔，遣伏波將軍馬援等至臨沅，擊破之，渠帥饑困乞降，歷晉宋齊梁陳，或叛或服，隋置辰州，唐置錦州、溪州、巫州、敘州，皆其地也。唐季之亂，蠻酋分據其地，自署爲刺史，晉天福中，馬希範承襲父業，據有湖南，時蠻酋保聚，依山阻江，殆十餘萬，至周行逢時，數出寇邊，逼辰永二州，殺掠民畜無寧歲，太祖旣下荆湖，思得通蠻情，習險阨，勇智可任者，以鎮撫之，有辰州獠人秦再雄者，長七尺，武健多謀，在行逢時，屢以戰鬪立功，蠻黨伏之，太祖召至闕下，察其可用，權辰州刺史，官其子爲殿直，賜予甚厚，仍使自辟吏屬，子一州租賦，再雄感恩，誓死報効，至州日，訓練土兵，得三千人，皆能披甲渡水，歷山飛，捷如猿猴，又選親校二十人，分使諸蠻，以傳朝廷懷來之意，莫不從風而靡，各得降表以聞，太祖大喜，復召至闕，面加獎激，改辰州團練使，又以其門客王允成爲辰州推官，再雄盡瘁邊圉，五州連袤數千里，不增一兵，不費帑庾，終太祖世，邊境無患，又有溪州刺史彭士愁等，以溪錦槃州歸馬氏，立銅柱爲界，建隆四年，知溪州彭允林、前溪州刺史田洪贊等，列狀歸順，詔以允林爲溪州刺史，洪贊爲萬州刺史，

允林卒，以其子師皎代爲刺史，四月，水關都虞候林抱義上辰敘二州圖，乾德二年四月，溪敘槃等州民相攻劫，遣殿直牛允齋詔諭之，乃定，三年七月，珍州刺史田景千內附，五溪團練使洽州刺史田處崇上言，湖南節度馬希範建敘州潭陽縣爲慈州，署臣叔父萬盈爲刺史，希範卒，其弟希壽襲位，改爲洽州，願復舊名，詔從其請，十二月，詔溪州宜充五溪團練使，刻印以賜之，四年，南州進銅鼓內附，下溪州刺史田思遷，亦以銅鼓虎皮麕膽來貢，五年冬，以溪州團練使彭允足爲濮州牢城都指揮使，溪州義軍都指揮使彭允賢爲衛州牢城都指揮使，珍州錄事參軍田思曉爲博州牢城都指揮使，允足等溪峒酋豪，據山險，持兩端，故因其入朝而置之內地，開寶元年，珍州刺史田景選言，本州連歲災沴，乞改爲高州，從之，八年，景選卒，其子簡內都指揮使彥伊來請命，即以爲刺史，九年，槃州刺史田處達，以丹砂石英來貢，太平興國二年，懿州刺史五溪都團練使田漢瓊，以其子弟女夫大將五溪統軍都指揮使田漢度，而下十二人來貢，詔並加檢校官，以獎之，三年，夷州蠻任朗政等來貢，七年，詔辰州不得移部內馬氏所鑄銅柱，溪州刺史彭允殊上言，刺史舊三年則爲州所易，望朝廷禁止，賜勅書安撫之，八年，錦溪敘富四州蠻相率詣辰州言，願比內郡輸租稅，詔長吏察其謠俗情僞，并檢視山川地形圖書來上，卒不許，懿州刺史田漢瓊，錦州刺史田漢希上言，願兩易其地，詔從之，又以知敘州舒德邦爲刺史，雍熙元年，黔南言，溪峒夷獠疾病，擊銅鼓沙鑼，以祀神鬼，詔釋其銅禁，淳化二年，知晃州田漢權言，本管砂井步夷人粟忠，獲古晃州印一鈕來獻，因請命，以漢權爲晃州刺史，又以五溪諸州統軍鶴州刺史向通漢爲富州刺史，從其請也，是年，荆湖轉運使言，富州向萬通殺皮師勝父子七人，取五臟及首以祀魔鬼，朝廷以其遠俗，令勿問，三年，晃州刺史田漢權，錦州刺史田保全，遣使來貢，五年，以舒德邦言爲元州刺史，獎晃敘懿元錦費福等州皆來貢，上親視器幣以賜之，至道元年，高州溪州並來貢，二年，上親祀南郊，富州刺史向通漢上言，聖人郊祀，恩浹天壤，況五溪諸州，連接十洞，控西南夷戎之地，惟臣州自昔至今，爲辰州牆壁，障護辰州五邑，王民安居，臣雖僻處遐荒，洗心事上，伏望陛下察

臣勤王之誠。因茲郊禮。特加真命。詔加通漢檢校司徒。進封河內郡侯。咸平元年。通漢又言。請定租賦。真宗以荒服不征。弗之許。其年古州刺史向通展以芙蓉朱砂二器馬十匹水銀千兩來獻。詔有司鑄印以賜。通展二年。以下溪州刺史彭允殊為右千牛衛將軍致仕。以其姪文勇為刺史。三年。高州刺史田彥伊遣子貢方物及輸兵器。四年。其酋向君猛又遣弟君泰來朝。上溪州刺史彭文慶來貢水銀黃蠟。五年正月。天賜州蠻向永豐等二十九人來朝。夔州路轉運使丁謂言。溪蠻入粟。實緣邊砦柵頓息。施萬諸州饋餉之弊。臣觀自昔和戎安邊。未有境外轉糧給我戍兵者。先是蠻人數擾。上召問巡檢使侯廷賞。廷賞曰。蠻無他求。唯欲鹽爾。上曰。此常人所欲。何不與之。乃詔諭丁謂。謂即傳告陬落。羣蠻感悅。因相與盟約。不為寇鈔。負約者眾殺之。且曰。天子濟我以食鹽。我願輸與兵食。自是邊穀有三年之積。七月。高州刺史田彥伊子承寶等百二十二人來朝。賜巾服器幣。以承寶為山河使。九溪十峒撫諭都監。六年四月。丁謂等言。高州義軍務頭角田承進等。擒生蠻六百六十餘人。奪所略漢口四百餘人。初。益州軍亂。議者恐緣江下峽。乃集施黔高溪蠻豪子弟捍禦。羣蠻因熟漢路寇略而歸。謂等至。即召與盟。令還漢口。既而有生蠻違約。謂遣承進率眾及發州兵擒獲之。焚其室廬。皆震懼伏罪。謂乃置尖木砦施州界以控扼之。自是寇鈔始息。邊溪峒田民得耕種。七月。南高州義軍指揮使田彥強防虞。指揮使田承海來貢。施州叛蠻譚仲通等三十餘人來歸。景德元年。高州五姓義軍指揮使田文鄭來貢。富州刺史向通漢遣使潭州管佛事。以報朝廷存卹之惠。二年。夔州路降蠻首領皆自署職名。請因而命之。上不許。第令次補牙校。是歲辰州諸蠻攻下溪州。為其刺史彭儒猛擊走之。擒酋首以獻。詔賜儒猛錦袍銀帶。儒猛自陳母老。願被恩典。詔特加邑封。十二月。荆湖北路言。溪峒團練使彭文縮送遣先陷漢口五十人。詔授文縮檢校太子賓客。知中彭州。其年。夔州刺史田漢希卒。以其子漢能為刺史。三年。高州新附蠻酋八十九人來貢。五溪都防禦使向通漢表求追贈父母。從之。溪州刺史彭文慶率溪峒羣蠻來朝。又高州諸名豪百餘人入貢。四年五月。以高州刺史田彥伊子承寶為寧武郎將。高州主

軍都指揮使田思欽為安化郎將。其年。宜州軍亂。朝廷恐宜融溪峒因緣侵擾。因降詔約勸首領皆奉詔。部分種族無敢輒動。大中祥符元年。夔州路言。五圍蠻嘯聚。謀劫高州。欲令暗利砦援之。上以蠻夷自相攻。不許發兵。三月。知元州舒君強知吉州向光普。並加銀青光祿大夫。檢校太子賓客。八月。黔州言。磨崖洛浦蠻首領龔行滿等率族二千三百人歸順。十月。溪峒諸蠻獻方物于泰山。三年。澧州言。慈利縣蠻相繼劫知州劉仁霸請率兵定之。上恐深入蠻境。使其疑懼。止令仁霸宣諭詔旨。遂皆感服。四年。安遠順南永寧濁水州蠻酋田承曉等三百七十三人來貢。五年。詔昨許溪峒蠻夷歸先劫漢口及五十人者。特署職名。仍聽來貢。如聞緣此要利。輒掠邊民充數。所在切辨察之。其年。夔蠻千五百人乞朝貢。上慮其勞費。不許。又詔施州溪蠻朔望。犒以酒穀。閏十月。五溪蠻向貴升及磨崖洛浦蠻來貢。六年。夔州蠻彭延運龔才晃等來貢。辰州溪峒都指揮使魏進武率山搖數百人。數寇城砦。朝廷不欲發兵窮討。乃降詔招諭。七年。進武詣吏請罪。署為三班借職。監房州稅。仍賜裝錢。八年。詔中彭州彭文縮歲賜錦袍。天禧元年。溪州蠻寇擾。遣兵討之。二年。辰州都巡檢使李守元率兵入白霧圍。擒蠻寇十五人。斬首百級。降其酋二百餘人。知辰州錢絳等入下溪州。破砦柵。斬蠻六十餘人。降老幼千餘。刺史彭儒猛亡入山林。執其子仕漢等赴闕。詔高州蠻捕儒猛來獻者。厚加賞典。其年。儒猛因順州蠻田彥晏上狀。本路。自訴求歸。轉運使以聞。上哀憐之。特許釋罪。儒猛乃奉上所略民口器甲。詔辰州通判劉中象召至明灘。與畝血要盟。遣之。詔以仕漢為殿直。備儒聰為借職。賜冠帶緋帛。富州刺史向通漢率所部來朝。貢名馬丹砂銀裝劍。梨兜鍪。彩牌等物。詔賜襲衣金帶鞍勒馬。并其子光澤以下器幣有差。特許通漢五日一朝。踰月。通漢上五溪地理圖。願留京師。上嘉美之。特授通漢檢校太傅。本州防禦使。還賜疆土。署其子光澤等三班職名。通漢再表欲留京師。不允。乃為光澤等求內地監臨。及言歲賜衣。願使者至本任。並從之。既辭。又賜以襲衣金帶。三年。通漢卒。以其子光憲知州事。其後光澤不為親族所容。上表納土。上察其意。不許。四年。知古州向光普遣使鼎州管僧齋。以祝聖壽。初。北江蠻酋最大者

曰彭氏世有溪州。州有三曰上中下溪。又有龍賜天賜忠順保靜感化永順州六。懿安遠新給富來寧南順高州十一。總二十州皆置刺史。而以下溪州刺史兼都誓主。十九州皆隸焉。謂之誓下。州將承襲。都誓主率羣酋合議。子孫若弟姪親黨之當立者。具州名移辰州爲保證。申鈐轄司以聞。乃賜勅告印符。受命者隔江北望拜謝。州有押案副使及校吏。聽自補置。彭氏自允殊。文勇。儒。猛。相繼爲下溪州刺史。至仕漢爲殿直。留西京。後輒遁歸。天聖初。以狀白辰州。自言父老兄亡。潛歸本道。願放還家屬。詔徙其家京師。舍以官第。未幾。儒。猛。言仕漢逃歸。誘羣蠻爲亂。遣別子仕端等殺之。朝廷嘉其忠降。詔獎諭。時儒。猛。爲檢校尙書。右僕射。特遷左僕射。又以仕端爲檢校國子祭酒。知溶州。加賜鹽三百斤。綵三十匹。彭氏有文綰者。知中彭州。卽忠順州也。三年。儒。猛。攻殺文綰。其子儒索率其黨九十二人來歸。補儒索復州都知兵馬使。餘官爲粟。給。五年。儒。猛。死。仕端以名馬來獻。詔還其馬。命知下溪州。賜以袍帶。七年。遂以其弟仕義貢方物。明道初。仕端死。復命仕義爲刺史。累遷檢校尙書。右僕射。自允殊。至仕義五世矣。仕義有子師寶。景祐中。知忠順州。慶曆四年。以罪絕。其奉貢。蓋自咸平以來。始聽二十州納貢。歲有常賜。蠻人以爲利。有罪則絕之。其後師寶數自訴。請知上溪州。皇祐二年。始從其請。朝貢如故。既而師寶妻爲仕義取去。師寶忿恚。至和二年。與其子知龍賜州師黨。舉族趨辰州。告其父之惡。且言仕義嘗殺誓下十三州將。奪其符印。并有其地。貢奉賜予悉專之。自號如意大王。補置官屬。將起爲亂。於是知辰州宋守信與通判賈師熊。轉運使李肅之。合議率兵數千。深入討伐。以師寶爲鄉導。兵至而仕義遁入他峒。不可得。俘其孥及銅柱。而官軍戰死者十六七。守信等皆坐貶。自是蠻獠數入寇。鈔。邊。吏。不能制。朝廷姑欲無事。間遣吏諭旨。許以改過自歸。裁損五七州貢奉歲賜。初。輒不聽。後遣三司副使李參。文思。副使竇彝卿。侍御史朱處約。轉運使王綽。經制。大出兵臨之。且馳檄招諭。而仕義乃陳本無反狀。其僭稱號。補官屬。特遠人不知中國禮義。而然。守信等輕信師寶之譖。擅伐無辜。願以二十州舊地復貢奉內屬。朝廷又遣殿中丞雷簡夫往視之。嘉祐二年。仕義乃歸所掠兵丁五十一人。械甲千八百。

九事。率蠻衆七百。歃血就降。辰州亦還其孥及銅柱。時師寶已死。遣師黨歸。知龍賜州戒勿殺。自是仕義歲奉職貢。然點騫數盜邊。卽辰州界白馬崖下。啞溪據衆據守。朝廷數招諭。令歸侵地。不聽。熙寧三年。爲其子師綵所弒。師綵專爲暴虐。其兄師晏攻殺之。并誅其黨。納誓表于朝。并上仕義平生鞍馬器服。仍歸啞溪地。乃命師晏襲州事。五年。復以馬皮白峒地來獻。詔進爲下溪州刺史。賜母妻封邑。章惇經制南北江湖北提點刑獄李平招納師晏誓下州峒蠻張景謂。彭德儒。向永勝。覃文猛。覃彥霸。各以其地歸版籍。師晏遂降。詔脩築下溪州城。并置砦於茶灘南岸。賜新城名會溪。新砦名黔安。戍以兵隸辰州。出租賦如漢民。遣師晏詣闕。授禮賓副使。京東州都監。官其下六十有四人。元豐八年。湖北轉運司言。辰州江外生蠻。覃仕穩等願內附。詔不許招納。其後彭仕誠者。復爲都誓主。元祐三年。羅家蠻寇鈔。詔召仕誠及都頭覃文懿等至辰州約束之。是年知誓下保順州彭儒武知永順州彭儒同知謂州彭思聰知龍賜州彭允宗知藍州彭士明知吉州彭儒崇。各同其州押案副使。進奉與龍節。及冬至。正旦。溪布有差。初熙寧中。天子方用兵以威四夷。湖北提點刑獄趙鼎言。峽州峒首刻刺亡度。蠻衆願內屬。辰州布衣張翹亦上書。言南北江利害。遂以章惇察訪湖北經制蠻事。而南江之舒氏。北江之彭氏。梅山之蘇氏。誠州之楊氏。相繼納土。勅立城砦。使之比內地爲王民。北江彭氏已見前。南江諸蠻。自辰州達于長沙邵陽。各有溪峒。曰敘。曰峽。曰中勝。曰元。則舒氏居之。曰獎。曰錦。曰晃。則田氏居之。曰富。曰鶴。曰保順。曰天賜。曰古。則向氏居之。舒氏則德。郭。德音。君。曠。光。銀。田。氏。則虞。達。漢。瓊。漢。希。漢。能。漢。權。保。金。向。氏。則通。漢。光。普。行。猛。永。豐。永。晤。皆受朝命。自治平末。光銀入貢。故事。南江諸蠻亦隸辰州。貢進。則給以驛券。光銀援以爲請。詔以券九道給之。其後有峽州舒光秀者。以刻刺其衆不附。張翹言。南江諸蠻。雖有十六州之地。惟富峽敘僅有千戶。餘不滿百。土廣無兵。加以荐饑。近向永晤與繡鶴敘諸州蠻。自相讎殺。衆苦之。咸思歸化。願先招富峽二州。俾納土。則餘州自歸。并及彭師晏之孱弱。皆可郡縣。詔下知辰州劉策商度。策請如翹言。熙寧五年。乃遣章惇察訪。未幾。策卒。乃以東作坊使石鑑爲湖。

北鈐轄兼知辰州且助惇經制明年富州向晤獻先朝所賜劍及印來歸順繼而光銀光秀等亦降獨田氏有元猛者頗桀驁難制異時數侵奪舒向二族地惇遣左侍禁李資將輕兵往招諭資辰州流人曩與張翹同獻策者也福宅無謀褻慢夷僚遂為懿洽州蠻所殺惇進兵破懿州南江州峒悉平遂置沅州以懿州新城為治所尋又置誠州元祐初傅堯俞王巖叟言沅誠州叛建以來設官屯兵布列峒縣募役人調戍兵費鉅萬公私騷然荆湖兩路為之空竭又自廣西融州劫開道路達誠州增置潯江等堡其地無所有湖廣移賦以給一方民不安業願斟酌廢置朝廷以沅州建置至是十五年蠻情安習已久但廢誠州為渠陽軍而沅州至今為郡元祐初諸蠻復叛朝廷方務休息痛懲邀功生事廣西張整融州溫嵩坐擅殺蠻人皆寘之罪詔諭湖南北及廣西路曰國家疆理四海務在柔遠頃湖廣諸蠻近漢者無所統壹因其請吏置城邑以撫治之邊臣邀功獻議劫通融州道路侵逼峒穴致生疑懼朝廷知其無用旋即廢罷邊吏失於撫馭遂爾扇搖其叛酋楊晟臺等並免追討諸路所開道路劫置堡營並廢自後五溪郡縣棄而不問崇寧以來開邊拓土之議復熾於是安化上三州及思廣洞蒙光明樂安峒程大法都丹團黃光明靖州西道楊再立辰州覃都管馬等各願納土輸貢賦又令廣西招納左右江四百五十餘峒宣和中議者以為招致熟羌接武請吏竭金帛縉絮以啗其欲捐高爵厚奉以侈其心開辟荒蕪草創城邑張皇事勢僥倖賞恩入版圖者存虛名充府庫者亡實利不毛之地既不可耕狼子野心頑冥莫草建築之後西南夷僚交寇而溪峒子蠻亦復跳梁士卒死於干戈官吏沒於王事肝腦塗地往往有之以此知納土之議非徒無益而又害之所由生也莫若俾帥臣監司條具建築以來財用出入之數商較利病可省者省可併者併減戍兵漕運而夷狄可撫邊鄙可土患矣乃詔悉廢所置初郡其餘諸蠻自乾興以來或叛或服其類不一各以歲月次之乾興初順州蠻田彥晏率其黨田承恩寇施州暗利峒縱火而去夔州發兵擊之俘獲甚眾彥晏在真宗朝為歸德將軍檢校太子賓客知順州承恩者知保順州田彥曉子也明年彥晏款邊上誓狀願還所掠金帛器械且輸

粟二千石自贖詔取其粟舍其所負金帛第令歸掠去尸口仍加彥晏寧遠將軍檢校工部尚書承恩檢校國子祭酒兼監察御史皆知州如故後又有田忠顯者與其黨百九人入貢天聖二年知古州向光普自言嘗劫佛寺請名報國歲度僧一人許之四年歸順等州蠻田思欽等以方物來獻時來者三百一人而夔州路轉運使不先以聞詔勅之既而又詔安遠天賜保順南順等州蠻貢京師道里遠而離寒暑之苦其聽以貢物留施州所賜就給之願入貢者十人聽三二人至闕下首領聽三年一至七年黔州蠻舒延繼繼州蠻向光緒皆來貢九年施州屬蠻覃彥紹等寇永寧峒景祐中澧州屬蠻五百餘人入寇時州將崔承祐畏避不以聞為荆湖鈐轄司所奏詔勅罷之寶元二年辰州結僚三千餘人款附以州將張昭懿招輯有功進一官慶曆三年桂陽監蠻蠻內寇詔發兵捕擊之蠻獠者居山谷間其山自衡州常寧縣屬于桂陽郴連實韶四州環紆千餘里蠻居其中不事賦役謂之獠人初有吉州巫黃捉鬼與其兄弟數人皆習蠻法往來常寧出入溪峒誘蠻眾數百人盜販鹽殺官軍逃匿峒中既招出而殺之又徙山下民他處至是其黨遂合五千人出桂陽藍山縣華陰峒害巡檢李延祚潭州都監張克明事聞擢楊畋提點刑獄督清理事久之不克遂詔湖南轉運使郭輔之等招撫之始於湖南置安撫司蠻所至殺掠居民縱火劫財物被害者甚眾詔被害者并入山捕蠻土兵燭復有差初發兵捕蠻至或誤殺良民仁宗命訪之口給絹五匹仍拊其家時蠻勢方熾又遣殿中侍御史王絲三司度支副使徐的經制降勅書委知潭州劉沆招諭能自贖者第錄以官沆大發兵臨之以勅書從事降二千餘人使散居所部錄其首領鄧文志黃文晟黃士元皆為三班奉職又以內殿承制開贊崇班胡元嘗在石碓峒捕殺有勞進贊莊宅副使元禮賓副使時四年冬也五年二月餘黨唐和等復內寇乃詔湖南安撫轉運提點刑獄便宜從事又特賜官兵土丁錢有差於是沆檄楊畋等八路入討覆蕩桃油平龍家源等皆其巢穴捕斬首級甚眾詔官兵有功者九百餘人第選一賞錄其應募討擊者道州進士十四人並官之然唐和等猶未平又詔如聞賊黨欲降其罷出兵逃匿者諭使歸復州縣村存之

是冬蠻復入寇與胡元及右侍禁郭正趙鼎殿侍王孝先戰于華陰峒隘口元等死之劉沆楊政皆坐黜以劉夔代沆爲安撫使夔言唐和等旣敗官軍殺將吏聚衆益自疑恐復爲擾患願以詔書招安就補溪峒首領詔可是時湖湘騷動兵不得息六年夏仁宗顧謂輔臣曰官軍久戍南方夏秋之交瘴癘爲虐其令太醫定方和藥遣使給之自是繼賜緡錢未幾夔言敗唐和於銀江源轉運使周沆亦言指揮辛景賢招降賊黨五十六戶二百五十九人錄其首領戒所部拊存之先是命三司戶部判官崔嶧爲體量安撫往議討除招安二策旣而知桂陽監宋守信奏唐和嘯聚千餘衆爲盜五六年卒未能克者朝廷不許窮討故也今衡州監酒黃士元頗習溪峒事願得敢戰士二千引路土丁二百優給金帛使之逐捕必得然後已并勅开贊等合力以進彼旣勢窮必將款附詔用其策於是大發兵討之其衆果懼遁入郴州黃莽山由趙峒轉寇英韶州依山自保是冬辛闋士卒暴露復諭執政密戒主帥安恤七年唐和遣其子執要領詣官自言願貸糧米居所保峒中時楊政復爲湖南鈐轄詔趨連韶州山下與廣南東西轉運使共告諭之使以兵械上官質其親屬詔補唐和盤知諒房承映承泰文運等五人爲峒主授銀青光祿大夫檢校國子祭酒兼監察御史武騎尉知諒等蓋唐和黨也至冬其衆悉降皇祐五年邵州蠻舒光銀因湖南安撫司自陳捍禦之勞願於峒中置中勝州詔可嘉祐二年羅城峒蠻寇澧州發兵擊走之三年以施州蠻向承勝所領州爲安定州五年以邵州蠻楊光倩知徽州光倩通漢之子也通漢慶曆初嘗入貢旣死光倩襲之舊制溪峒知州卒承襲者許達奉行州事撫遠蠻人及五年安撫司爲奏給救告至是光倩行州事七年無他過故命之

宋史卷四百九十三

元中書右丞相總裁脫脫等修

列傳第二百五十三

蠻夷二

西南溪峒諸蠻下 梅山峒 誠徽州 南丹州

紹興三年臣僚言武岡軍溪峒舊嘗集人戶為義保蓋其風土習俗服食器械悉同蠻人故可為疆場捍蔽雖曰籍之於官然亦未嘗遠戍靖康間調之以勤王其後湖南盜起征斂百出義保無復舊制困苦不勝乃舉其世業客依蠻峒聽其繇役州縣猶驗舊籍催科胥隸及門則挈家遠徙官失其稅蠻獠日強兼武岡所屬三縣悉為蠻人所有遠戍之實已無而鄉戶弩手之名尚在歲取其直入戶吝怨乞擇本路監司詳議以聞詔從之四年辰州言歸明保靜南渭永順三州彭儒武等久欲奉表入貢詔以道路未通俾荆湖北帥司尉諭免赴闕遣人持表及方物赴行在仍優賜以答之九月詔荆湖北路溪峒頭首土人及主管年滿人合給恩賜俾各路帥司會計覆實以聞六年知鼎州張覺言鼎澧辰沅靖州與溪峒接壤祖宗時嘗置弓弩手得其死力比緣多故遂皆廢闕萬一蠻夷生變將誰與捍禦今雖各出良田募人以補其額率皆豪強遣僮奴竄名籍中乘時射利無益公家所宜汰去別募溪峒司兵得三百人俾加習練足為守禦給田募人開墾以俟軍儲詔荆湖北路帥司相度以聞帥司言營田四州舊置弓弩手九千一百一十人練習武事散居邊境撫蠻夷平居則事耕作緩急以備戰守深為利便靖康初調發應援河東全軍陷沒今辰沅澧靖等州之兵防守竊慮蠻夷生變區測若將四州弓弩手減元額定為三千五百人辰州置千人沅州置千五百人澧州靖州各置五百人分處要害量給土田訓練以時耕戰合度庶可備禦以所餘閑田募人耕作歲收其租其於邊防財賦兩得其便可為經久之計詔從之七年六月張覺言湖外自靖康以來盜賊盤踞鍾相楊太山雷德進等相繼叛州所屬尤甚獨慈利縣向恩勝等五人素號溪峒歸明誓掌防拓卒能保境息民使德進賊黨無所剽掠恩勝後竟殺

德進會官軍招撫劉智等而彭永健彭永政彭永全彭永勝及思勝共獻糧助官軍招復諸山四十餘柵宜力效忠功居多宜加恩賞詔恩勝等五人各轉兩資九月詔荆湖廣南路溪峒頭首土人內有子孫應襲職名差遣及主管年滿合給恩賜之數俾帥司取會覈實以聞九年宜章峒民駱科作亂寇郴道連桂陽諸州縣詔發大兵往討之獲駱科餘黨歐陽四等復叛據藍山寇平陽縣遣江西兵馬都監程師回討平之十年承信郎琴州溪峒楊進顯等率族屬歸生界五百餘戶疆土三百餘里獻累世所造兵器及金爐酒柶各一求入覲詔本路帥司教遣以行十二年詔以施州南峽路夷人向再健襲父思遷充銀青光祿大夫檢校國子祭酒兼監察御史武騎尉知懿州事十四年十月湖南安撫使劉勤奏武岡軍蠻人有父子相殺者宜出兵助其父俾還省地上以閉輔臣秦檜檜曰恐輕舉生事帝曰恩威不可偏廢可懷則示之以恩否則威之不侵省地則已或有所侵奈何不舉俾知所畏哉十二月成忠郎充武岡軍綏寧縣管界都巡檢兼溪峒首領楊進京率其族三百人備黃金朱砂方物求入貢先遣其子孝友陳請詔本路帥司閱舊制以聞給孝友錢三百貫俾還聽進止十五年楊進顯復求入貢以武岡軍不時教遣為言詔本路帥司閱實應襲人姓名來上併促進顯入覲四月廣南東路提刑黃應南言溪峒巡檢尉皆官不嚴守備縱民與蠻交通恐啓邊釁乞詔有司申嚴法令俾帥臣監司常加覺察幸臣以為沿邊互市恐不宜禁絕帝曰往年禁西夏互市遂至用兵可令帥司裁決前知全州高楫言蠻人今皆微弱不敢先侵省地皆官每縱人深入略其財物遂致乘間竊發宜詔與溪峒接壤州郡毋侵擾人庶使邊民安業以廣陛下柔遠好生之德帝從其言詔守臣一遵成法務在撫綏二十四年禽楊正修及其弟正拱送理寺獄鞠治斬之初正修侍其父再與入覲獻遺省民疆土遂命以官建炎後與弟正拱率九十團峒蠻人出武岡軍縱火殺掠民財為亂紹興間潭州帥司嘗招徠之後復作亂屢抗官軍至是伏誅二十八年七月楊進京等復求入貢詔以道遠慰諭之優其賜與隆興初右正言尹穡言湖南州縣多隣溪峒省民往往交通蠻人擅自易田豪猾大姓或詐匿其產蠻人以避科差

內虧國賦外滋邊患宜詔湖南安撫司表正經界禁民毋質田獵人詐匿其產
 獵人者論如法仍沒入其田以賞告姦者田前賣入獵人俾為別籍毋遽奪能
 還其田者縣代給錢償之帝從其言乾道元年宜章峒賊李金陷郴州焚桂楊
 軍州將葉城遁衡州調常寧縣兵救之弗克世忠峒李昂霄者率壯丁禦賊民
 恃以安湖南提舉常平鄭丙請發鄂渚軍討賊平之昂霄以功補承節郎管轄
 衡州常寧縣溪峒及官其子當年俾後得襲職三年靖州界獵人姚明教等作
 亂詔荆鄂駐劄明椿選將率精銳千人會屯屯官合擊之能立功者有厚賞八
 月詔平溪峒互市鹽米價聽民便毋相抑配其獵人歲輸身丁米務平收無取
 羨餘及折輸錢違者論罪十一月南郊禮成詔以緣邊溪峒州縣失於拊循致
 懷反側或逃竄山谷其在赦恩以前並加寬宥能復業者罪一切置不問互市
 如故悉聽其便守臣常加撫問以稱綏遠之意四年二月詔湖南北四川二廣
 州軍應有溪峒處務先恩信緩擾毋弛防閑毋襲科擾毋貪功而啟釁委各路
 帥臣監司常加覺察是月詔禁沿邊姦人毋越逸溪峒誘致蠻僚侵內地違者
 論如律其不能防閑致越逸者亦罪之湖廣總領周嗣武言邊事如二年四月
 之詔帝嘉納之是歲田彥古死子忠佐襲職授銀青光祿大夫檢校散騎常侍
 知溪峒安化州兼監察御史飛龍騎尉六年盧陽西據僚楊添朝寇邊知沅州
 孫叔傑調兵數千討之賊績死者十七八初獵人與省戶交爭殺二人死叔傑
 輒出兵破其十三柵奪還所侵地於是獵人相結為亂諸司請調常德府城兵
 三百人益官兵三千人合擊討之宰臣虞允文奏曰蠻夷為變皆守臣貪功所
 致今獵人仇視守臣若更去叔傑置遣官軍示以兵威徐與盟誓自可平定帝
 允其奏俾葉行代叔傑開示恩信諭以禍福遂招降之邊境悉平前知武岡軍
 趙善敦言武岡與湖北廣西隣壤為極邊之地溪峒七百八十餘所七峒隸綏
 寧縣五溪峒隸臨江縣紹興三十年減冗員改縣為臨口峒然五峒之俗尤
 獷悍費生毫髮則操戈相擊若官不能為輕重況本軍巡防皆柵惟真夏三門
 兵溪香平有土軍可備守禦餘有官無兵其闕缺武陽等峒設巡檢二員徒費
 廩祿以臣所知宜復臨口峒為縣則獵蠻易於制服汰去冗員則官廩亦無虛

費實邊郡之利也七年前知辰州章才邵上言辰之諸蠻與羈縻係靜南謂承
 順三州接壤其蠻酋歲貢溪布利於回賜頗覺馴伏盧溪諸蠻以靖康多故縣
 無守禦狃於乘隙焚劫後徙縣治於沅陵縣之江口蠻酋田仕羅龔志能等遂
 雄據其地沅陵之浦口地平衍膏腴多水田頃為諸蠻侵掠民皆轉徙而田野
 荒穢會守粹無遠慮乃以其田給靖州斂斂楊姓者俾佃作而課其租所獲甚
 微楊氏專其地將二十年其地當沅靖二州水陸之衝一有蠻隙則為害不細
 臣謂宜預為之備靖康前辰州每歲蒙朝廷賜錄七萬貫絀絹布共八千一百
 匹綿一萬七千兩是時本州廂禁軍一千四百餘人沿邊一十六峒土兵六百
 餘人皆可贖給其後中外多故今歲賜止得一萬二千緡而本州財復匱乏無
 以充召募之費禁軍止二百一十餘人諸峒土兵止一百五人甚至峒官有全
 無一兵而徒存虛名者其於邊防豈可不為深慮若歲增給民錢一萬俾本州
 募強壯禁軍或効用二百人分屯盧溪等處以防諸蠻庶使邊患永消可免異
 時調遣之費書奏詔湖北帥臣詳議以聞是年申嚴邊民售田之禁守令不能
 奉法者除名部刺史常加糾察八年知貴州陳乂上疏言臣前知靖州時居蠻
 夷腹心民不服役田不輸賦其地似若可棄然為重湖二廣保障實南服之要
 區也或控制失宜或金穀不繼或兵甲少振蠻僚則乘時竊發勤勞王師朝廷
 當重守臣之選崇寧初戍兵三千人建炎以來每於都統司或帥司摘兵二千
 人以備屯戍其凶悍者以州郡不能制遂慢守臣反通諸蠻以撓編民州郡非
 白主帥不敢治比得報已晚矣故戍兵敢肆其惡一旦有警復安能為用臣以
 為宜聽守臣節制為便帝嘉其言復問左右曰靖隸湖北今聞仰給廣西何也
 趙雄對曰靖州本溪峒神宗時初為誠州元祐間廢尋復為軍徽宗朝始改靖
 州與桂府為鄰故令廣西給其金穀之費近歲漕司匱乏乃責辦諸州以故不
 能如約宜復舊制俾廣西漕臣如期饋運靖州屯戍官兵聽守臣節制於事為
 便帝從之十年四月全州上言本州密邇溪峒邊民本非姦惡其始朝廷禁法
 非不嚴密監司州郡非不奉行特以平居失於防閑故馴致其亂又兼溪谷山
 徑非止一途如靜江興安之大通虛武岡軍之新寧益溪及八十里山永州之

東安皆可以徑達溪峒其地綿亘郡邑非一州得專約束故遊民惡少之素本者商旅之避征稅者盜賊之亡命者往往由之以入若為淵藪交相鼓扇深為邊患如武岡楊再興桂陽陳峒相繼為亂實原於此為今計者宜徙閑地巡檢兵及分遣士卒屯諸溪谷山徑間俾湖南北廣西帥憲總其役庶幾事權有歸號令可行也儒林郎李大性上言比年猺蠻為亂邊吏庸劣賞格往往匿不以聞遂致猖獗使一方民命寄於猺人之手誠可哀憫近如梁牟等寇沅州劫墟市殺戮齊民州縣告急於兩月之後比調官軍討捕俘降其賊而人之被害已酷矣官戒州縣或遇猺人竊發晝時以聞違者論罪仍命監司帥臣常加覺察庶幾先事備禦俾猺人亦知畏懼不敢侵軼以傷吾民也十一年詔給事中中書舍人戶部長貳同勅令所議禁民毋質猺人田以奪其業俾能自養以息邊釁從知沅州王鎮之請也沅州生界屹冷副峒官吳自由子三人貨丹砂麻陽縣巡檢唐人傑誣為盜執之送獄自由率峒官楊友祿等謀為亂帥司調神勁軍三百人及沅州民兵屯境上聲言進討先遣歸明官田思忠往招撫之以孔目官為質世祿等既盟自由取其三子以歸嘉泰三年前知潭州湖南安撫趙彥勳上言湖南九郡皆接溪峒蠻夷叛服不常深為邊患制馭之方豈無其說臣以為宜擇素有知勇為猺人所信服者立為酋長借補小官以鎮撫之況其習俗嗜欲悉同猺人利害情偽莫不習知故可坐而制服之也五年之間能立勞効即與補正彼既榮顯其身取重鄉曲豈不自愛盡忠公家哉所謂捐虛名而收實利安邊之上策也帝下其議既而諸司復上言往時溪峒設首領峒主頭角官及防遏指揮等使皆其長也比年往往行賄得之為害滋甚今宜一新蠻夷耳目如趙彥勳之請所謂以蠻夷治蠻夷策之上也帝從之嘉定元年郴州黑風峒猺人羅世傳寇邊飛虎統制邊寧戰沒江西湖南驚擾知隆興趙希擇知潭州史彌堅共招降之二年李元礪羅孟二寇江西攻破龍泉縣李再興戰敗死之江州駐劄都統制趙選亦戰死初吉州獲賊長七人繫獄土豪黃從龍為賊策畫賂吉守李綱得縱還賊遂無所忌有侯押隊者領兵戍龍泉境上元礪復用從龍計椎牛醞酒以犒官軍賊至官軍皆醉狼狽散走寇之初起甚

微賊伺知議論不一故玩侮官軍方江西力戰則求降湖南戰則求降江西牽制王師使不得相應援其後命工部侍郎王居安知豫章擒獲之溪峒略平五年臣僚上言辰沅靖等州舊嘗募民為弓弩手給地以耕俾為世業邊陲獲保障之安州縣無轉輸之費比年多故其制薄弛猺蠻因之為亂沿邊諸郡悉受其害比申明朝廷調兵招捕曠日持久蠻夷習玩成其猖獗之勢其如楊晟臺李全姚明教羅孟二李元礪陳廷佐之徒皆近事之明驗也為今計者宜講舊制可紓饋餉之勞而得備禦之實其安邊息民之長策歟七年臣僚復上言辰沅靖三州之地多接溪峒其居內地者謂之省民熟戶山猺峒丁乃居外為捍蔽其初匪處詳密立法行事悉有定制峒丁等皆計口給田多寡閑狹疆畔井井擅鬻者有禁私易者有罰一夫歲輸租三斗無他絲役故皆樂為之用邊陲有警眾庶雲集爭負弩矢前驅出萬死不顧比年防禁日弛山猺峒丁得私售田田之歸於民者常賦復外輸稅公家因資之以為利故護不加省而山猺峒丁之常租仍虛掛版籍責其償益急往往不能聊生反寄命猺人或導其入寇為害滋甚宜勅湖廣監司檄諸郡俾循舊制毋廢庶邊境綏靖而遠人獲安也

梅山峒蠻舊不與中國通其地東接潭南接邵其西則辰其北則鼎澧而梅山居其中開寶八年嘗寇邵之武岡潭之長沙太平與國二年左甲首領苞漢陽右甲首領頌漢凌寇掠邊界朝廷累遣使招諭不聽命客省使留守素調潭州兵討平之自是禁不得與漢民交通其地不得耕牧後有蘇方者居之數僭奪舒向二族嘉祐末知益陽縣張頤收捕其桀黠符三等遂經營開拓安撫使吳中復以聞其議中格湖南轉運副使苑子奇復奏蠻恃險為邊患宜臣屬而郡縣之子奇尋召還又述前議熙寧五年乃詔知潭州潘夙湖南轉運副使蔡燁判官喬執中同經制章惇招納之惇遣執中知全州將行而大田三峒蠻犯境又飛山之蠻近在全州之西執中至全州大田諸蠻納款於是遂撤諭開梅山蠻爭關道路以待得其地東起寧鄉縣司徒嶺西抵邵陽白沙岩北界益陽四里河南止湘鄉佛子嶺籍其民得主客萬四千八百九戶萬九千八十九丁

田二十六萬四百三十六畝均定其稅使歲一輸乃築武陽開峽二城詔以山地置新化縣并二城隸邵州自是鼎禮可以南至邵

誠徽州唐溪峒州宋初楊氏居之號十峒首領以其族姓散掌州峒太平興國四年首領楊蘊始來內附五年楊通寶始入貢命為誠州刺史淳化二年其刺史楊政嚴復來貢是歲政嚴卒以其子通楹繼知州事熙寧八年有楊光富者率其族姓二十三州峒歸附詔以光富為右班殿直昌運五人補三班奉職嚴情等十六人補三司將軍繼有楊昌銜者亦願罷進奉出租賦為漢民詔補為右班殿直子弟姪十八人補授有差獨光富頗貧固不從命詔湖南轉運使朱初平羈縻之未幾亦降乃與其子曰儼請於其側建學舍求各士教子孫詔潭州長史朴成為徽誠等州教授光富皇城使誠州刺史致仕官為建宅置飛山一帶道路巡檢光富未及拜而卒遂以贈之錄其子六人元豐三年知邵州關杞請於徽誠則融嶺擇要害地築城砦以絕邊患詔湖南安撫謝景溫轉運使朱初平判官趙揚商度以聞景溫等以為宜如杞言乃議誠州以沅州實保砦為渠陽縣隸之以徽州為蒔竹縣隸邵州趙揚言上江多星銅鼓羊鎮潭溪上和上城天村大田等團並至誠州城下貿易可漸招撫併乞下湖南邵州蒔竹縣招諭芙蓉萬驛諸團從之徙誠州治渠陽而實保為砦如故上江等諸團果皆納土於是增築多星等砦環連徽廣西融州王口砦焉元祐二年改誠州為渠陽軍罷兩州兵馬及守禦民丁有楊晟臺者乘閒寇文村堡知渠陽軍胡田措置亡術蠻結西融州蠻砦粟仁催往來兩路為民患調兵屯渠陽至萬人湖南亦增屯兵應援三路俱驚朝廷方務省事議廢堡砦撤戍守而以其地予蠻乃詔湖北轉運副使李茂直招撫又遣唐又同措置邊事討之後以渠陽為誠州命光富之子供備庫使昌達供備庫副使楊昌等同知州事而實保豐山若水等砦皆罷戍擇授土官俾又間毀樓櫓撤官舍護領居民入砦崇寧初改誠州為靖州

南丹州蠻亦溪峒之別種也地與宜州及西南夷接壤開寶七年酋帥莫洪普遣使陳紹規奉表求內附九年復來貢求賜牌印詔刻印以給之太平興國五

年洪普貢銀百兩以賀太平雍熙四年洪普族人知寶隆鎮莫淮閩牛一頭逐水草去金城州河池縣宜州牙校周承鑿以其牛耕作淮閩三遣人取牛承鑿不還凡耕十日始釋牛逐水草去淮閩怒領鄉兵六十人劫取承鑿家資財驅

縣民莫世家牛六頭以歸誘羣蠻為寇上遣供奉官王承緒乘傳勅承鑿具伏占牛詔棄市時知宜州贊善大夫侯汀失於備禦羣蠻之擾頗害及民庶詔發諸州兵進討兵未至悉已遁歸汀坐免官詔諭宜融柳州百姓及蠻界人戶曰朕託兆庶之上處司牧之重照臨所暨撫養是均矧於遐陬尤所軫慮昨以知宜州事侯汀失於緝緝恣其侵牟致茲邊夷起為寇鈔侵擾閩里虔劉士庶及與師而討伐乃畏威而竄伏朕以興戎召費職由於汀爰舉國章削其官秩汝等所宜體予舍垢革乃前非安土厚生保境延世嬉我至化是為承圖或尚恣

於陸梁當盡勦其族類自是不復為寇淳化元年洪普卒其弟洪皓稱刺史遣其子淮通來貢銀盈二十銅鼓三面銅印一鈕旗一帖繡真珠紅羅襦一上降優賜綵百匹還其襦自洪普領州十餘年歲輸白金百兩洪皓之襲兄位專其地利不修常貢其弟洪沉念之挈妻子來奔宜州洪皓怒其背已數引兵攻洪沉洪沉與二男并牙將一人乘傳詣關訴其事請發兵致討上以蠻夷之俗羈縻而已不欲為之與師報怨洪沉先自稱南丹州副使以為邵州團練使給田十頃下詔戒勅洪皓景德二年洪皓死長子淮勅襲父任俄為弟淮迪攻

南丹州淮勅帥屬來奔詔宜州賜閑田資給之大中祥符五年宜州言淮迪頗集諸蠻阻富仁監道路上廉知淮迪無侵擾狀遣使犒設撫勞之九年撫水蠻叛詔淮迪約勒溪峒勿從誘脅明年平撫水蠻淮迪等並以勞進秩景祐三年有淮載者舉族來歸命為湖南州團練副使勅州縣拊存後淮迪老自言願傳其子世漸至和元年命世漸為檢校散騎常侍權發遣州事明年以淮迪為懷遠大將軍致仕世漸為刺史檢校工部尚書賜袍帶錢十萬絹百匹又補其親黨數十人為檢校官如故事也世漸死嘉祐末命其子公帳襲之有世忍者亦

淮迪之子也初率其屬人內附治平初逃歸攻殺公帳奪其地自首請於朝廷願授刺史補其親黨如故事歲輸銀百兩三年遂命為刺史皆如其請熙寧二

年命世漸為檢校工部尚書賜袍帶錢十萬絹百匹又補其親黨數十人為檢校官如故事也世漸死嘉祐末命其子公帳襲之有世忍者亦淮迪之子也初率其屬人內附治平初逃歸攻殺公帳奪其地自首請於朝廷願授刺史補其親黨如故事歲輸銀百兩三年遂命為刺史皆如其請熙寧二

年。猶賊殺人。世忍執以獻。授檢校禮部尚書。元豐三年。入貢。其印以西南諸道武威軍德政官家明天國主爲文。詔以南丹州印賜之。令毀其舊印。六年。大軍討安化。世忍獻弓矢。自言願世世爲外臣。僉貢不懈。遷檢校戶部尚書。給銅牌旗號。官其子姪九人。世忍死。子公佺襲。大觀元年。廣西經略使王祖道言。公佺就擒。進築平允。從州牧文地蘭那安外習南丹八州之地。併爲鎮。庭平觀州。廷德軍。以其弟公晟襲刺史。宣和四年。公晟乞以州事付其姪廷豐。願與其子歸朝。詔從之。仍乘驛給券。紹興三年。公晟攻圍觀州。焚寶積監。朱勝非奏。崇觀宣和間所開新邊。比來往往棄而不守。帥臣監司屢言。觀州爲控扼之地。不宜棄。帝曰。前日用事之臣。貪功生事。公爲欺罔。其實勞民費財。使遠俗不安也。又用廣南經略安撫使劉彥適言。以公晟知南丹州。兼溪峒都巡檢使。提舉盜賊公事。給以南丹州刺史舊印。公晟未受命。二十四年。公晟始貢馬。率諸蠻來歸。帝諭輔臣曰。得南丹非爲廣地也。但蠻人不叛。百姓安業。爲可喜耳。遂以廷沈襲公晟職。授銀青光祿大夫。檢校太子賓客。使持節南丹州諸軍事。南丹州刺史兼御史大夫。知南丹州公事。武騎尉。廣西經略安撫使呂愿中請降諸蠻三十一種。得州二十七。縣一百三十五。砦四十。峒二百七十九。及一鎮三十二。團。皆爲羈縻州縣。二十五年。廷沈進補團練防禦二使。三十二年。廷沈恣行慘酷。爲諸蠻所逐。歸死省地。衆推廷廩襲職。隆興二年。廷廩復爲諸蠻所圖。攜家歸朝。經略司奏以廷葦襲職。淳熙元年。南丹爲永樂州。所攻使來告急。廣西帥臣遣將領陳泰。權天河縣主簿徐彌高。諭和之。十四年。經略司奏以廷廩襲職。詔從其請。嘉泰五年。廷廩之子光熙襲職。知南丹州事。

宋史卷四百九十四

宋史卷四百九十五

元中書右丞相總裁脫脫等修

列傳第二百五十四

蠻夷三

撫水州 廣源州 黎洞 瓊州

撫水州在宜州南有縣四曰撫水曰京水曰多逢曰古勞唐隸黔南其酋皆蒙姓同出有上中下三房及北遐一鎮民則有區廖潘吳四姓亦種水田採魚其保聚山險者雖有畝田收穀粟甚少但以藥箭射生取鳥獸盡即徙他處無羊馬桑柘地曰帶洞五十里至前村川原稍平合五百餘家來龍江居種稻似湖湘中有樓屋戰棚衛以竹柵即其酋所居兵器有環刀標牌木弩善為箭中者大叫信宿死得邕州藥解之即活雍熙中數寇邊境掠取民口畜產詔書招安補其酋蒙令地殿直蒙令札奉職咸平中又數為寇盜止令邊臣驅逐出境其黨狡者凡三十餘人宜州守將因擒送闕上詔見詰責之對曰臣等蠻陬小民為饑寒所迫耳上顧謂左右曰昨不欲盡令殺戮顧無唯類矣因釋罪賜錦袍帶冠銀綵戒勸遣之逾年酋長蒙頂等六十五人詣闕納器甲百七十事又蒙漢誠蒙虔璋蒙填來朝上器甲數百及毒藥箭善不擄邊比歲皆遣使來貢及輸兵器乃授漢誠官賜物有差既而侵軼如故景德三年蠻酋蒙填詣宜州自陳願朝貢謝罪詔守臣諭以盡還所掠民贖畜乃從其請大中祥符六年首領指揮使蒙但挈族來歸徙於桂州九年數寇宜融州界轉運使俞獻可言知宜州董元已不善綏撫昨蠻人饑來質餼糧公縱主者剌刺概量及求入貢復驟沮其意遂使忿恚為亂詔出元已遂遣潭州都監季守睿代元已招撫羣蠻拒命侵掠不已獻可請以本道澄海軍及募丁壯進討乃詔益以潭州兵五千人命東染院使平州刺史曹克明為宜融等州都巡檢安撫使內殿崇班王文慶閣門祗候馬玉內供奉官楊守珍等為都監上猶以蠻夷異類攻剽常理不足以勦絕又意其道險難進師第令克明獻可設方略攝其酋首索所鈔生口因而撫之克明獻可上言蠻人去冬寇天河今又鈔融州廂陽諸峒剽劫居

民害巡檢楚明累依宣旨詔諭曾不悛革臣請便宜掩擊從之克明乃與守珍

領兵入樟嶺路文慶玉趨宜州西路又令宜桂都巡檢程化鵬取樟嶺古牢隘

路會合化鵬遇蠻於上房兩水口擊破之文慶玉至如門圍為蠻所扼不能進

克明守珍乃過橫溪恩德峒召山獠嚮導開路進師蠻依篁竹間時出戰鬪輒

敗走旬餘上黃泥嶺杉木隘路溪谷險邃蠻據要害以拒官軍自辰至午大潰

其黨遂過霸苑抵帶洞乃入中房前村克明等頓兵下砦中夕羣蠻大譁擊

鉦鼓攻砦甚急出兵擊之傷殺頗衆因縱火焚其廬室積聚自此恐懼竄入山

谷又緣龍江南岸而東至昏暮過石峽隘險士不並行蠻復連弩北岸克明遣

猛士步涉與鬪至即退走砦于下房博賀村克明設伏砦外其夜蠻衆大集遇

伏發內外合擊追斬殆盡乘勝搜山悉得馬牛享士卒克明等知其窮蹙乃曉

諭恩信許以改過於其酋蒙承貴等面縛詣軍自首克明厚加犒宴且數責

之皆俯伏謝罪及聞詔旨赦令勿殺莫不泣下北望稱萬歲上以夷性無厭習

知朝廷多釋其罪故急則來歸緩則叛去切詔克明等論以悉還所掠漢口資

畜即許要盟承貴等感悅奉詔乃歃血立誓自言奴山推倒龍江西流不敢

復叛克明等師還宜州蠻人納器甲凡五千數願還處漢地者七百餘口詔分

置廣西及荊湖州軍給以田糧凡立功使臣將士遷補賜資者千八百一十六

人承貴因請改州縣名以固歸順之意詔以撫水州為安化州撫水縣為歸仁

縣京水縣為長寧縣自是間歲朝貢不復為邊患矣獻可等又言殿直蒙肚知

歸化州州與撫水相接數遣子文寶及其妻族甘堂值軍事又其子格與官軍

鬪獻可部送赴闕有蒙隻者亦肚之子先嘗告賊署為昭州押牙詔補肚密州

別駕隻海州都押牙賦以官田文寶格甘堂並蘇配登萊州寶元元年復率衆

寇融宜州發邵澧潭三州戍兵合數千人往擊時蠻勢方熾至殺運糧官吏復

詔趣兵進討踰年乃平慶曆中再以方物入貢至和二年復至詔以知州蒙全

會為三班奉職又以監州姚全料為借職嘉祐六年又來貢是後月赴宜州參

謁及賀巨報每歲州四管犒及三歲聽輸所貢兵械於思立砦以其直償之遞

以官資還補熙寧初知宜州錢師孟通判曹觀擅裁損侵剝之士人羅世念蒙

承想蒙光仲等為亂五年攻德謹砦將官費萬殺之經略司問致寇狀而宜州但以飢為言故朝廷賜粟二萬石以安輯之已而守臣王奇戰死事聞乃詔知沅州謝麟帶御器械和斌經制溪洞發在京驍騎兩營及江南福建將兵三千五百人以聽師期明年世念等遂與諸蠻峒首領族類四千五百人出降以世念為內殿承制承想光仲等十人各拜官崇寧二年其酋蒙光有者復嘯聚為寇經略司遣將官黃忱等擊卻之大觀二年遂以三州一鎮戶口六萬一千來上詔以知融州程鄰往黔南路撫諭官吏推恩有差至和後又有融州屬蠻大邱峒首領楊光朝請內附又有楊克端等百三人來歸皆納之諸蠻族類不一大抵依山山谷並林木為居椎髻跣足走險如履平地言語侏離衣服編爛畏鬼神喜淫祀刻木為契不能相君長以財力雄彊每忿怒則推刀同氣加兵父子間復讎怨不顧死出入腰弓矢匿草中射人得牛酒則釋然矣親戚比隣指授相賣父子別業父貧則質身於子去禽獸無幾其族鑄銅為大鼓初成懸庭中置酒以召同類爭以金銀為大斂叩鼓去則以斂遺主人相攻擊鳴鼓以集眾號有鼓者為都老眾推服之唐末諸酋分據其地自為刺史宋興始通中國奉正朔脩職貢間有桀黠貪利或疆吏失於撫御往往聚而為寇抄掠邊戶朝廷禽獸畜之務在羈縻不深治也熙寧間以章惇察訪經制蠻事諸溪峒相繼納土願為王民始勅城砦比之內地元祐初諸蠻復叛朝廷方務休息乃詔諭湖南北及廣西路並免追討廢堡砦棄五溪諸郡縣崇寧間復議開邊於是安化上三州及思廣諸峒蠻夷皆願納土輸貢賦及令廣西招納左右江四百五十餘峒尋以議者言以為招致熟蕃非便乃詔悉廢所置州郡復祖宗之舊焉紹興初監察御史明棄言湖南邊郡及二廣之地舊置溪峒歸明官比年寢廣其員及諸州措置監監闕人把拓又令管押兵夫素不習知法令率貪婪無厭況管押又皆鄉民甚為邊患遭困苦折辱者往往無所赴愬議者欲俾帥臣籍其姓名每三年一遷易如州縣官故事或云止循舊添差並罷管押兵夫宜令二廣湖南帥臣處置適宜無啓邊禍以審遠人詔下其議三年安化蠻蒙全劍等八百人劫普譙砦火其屋宇廣西帥臣遣縣砦將佐發兵討平之四年廣

南東西路宜諭明棄言平觀二州本王口高峯二砦處廣右西偏舊常無虞崇寧大觀間邊臣啓覺奏請置州拓境深入不毛如平從允季庭觀溪洞敘樂隆兌等十有二州屬之黔南其官吏軍兵請給費用悉由內郡於是騷然莫能支吾政和間朝廷始悟其非罷之或者謂平州為西南重鎮兼制王江從允等州及湖南之武岡軍湖北之靖州桂州之桑江峒徭觀州則控制南丹陸家砦那灘十道及白崖諸蠻以故二州獨不廢臣自歷邊即乞罷平觀者前後非一內攝官吳芾嘗充經略司準備幹當頗得其詳觀州初為宜州富仁監大觀間帥臣王祖道欲招納文蘭州都巡檢劉惟忠謂得文蘭不若取南丹之利因誣其州莫公佞阻文蘭不令納土為公佞罪惟忠遂禽殺公佞帥司奏其功乃改南丹為觀州命惟忠守之公佞之死人以為冤其弟公晟結溪峒圖報復連歲攻圍惟忠中傷死繼以黃璫代守璫度不能支辭疾告罷以岑利疆代之黃忱復建議欲增築高峯砦於富仁監側為觀聲援會朝廷罷新邊遂請以高峯砦為觀州設知州一人兵職官二人曹官一人指使砦保官七人吏額五十人廂禁軍土丁家丁二千餘人歲費錢一萬二千九百餘貫米八千八百一十七石有奇州無稅租戶籍皆仰給鄰郡飛輓涉險阻或遇蠻寇設伏陰發毒矢中人輒死人畏賊率委棄道路縱然達州糜費亦不可勝計昔為富仁監時不聞有警惟是邊吏欲以刺探為功故時時稱警急因為利遂欲存而不廢也比年戶籍日削民多流離或轉入溪洞公私困弊為甚平州初隸融州亦羈縻州峒也舊通湖北渠陽軍置融江砦及文村臨溪潯江堡後以地臨生蠻遂廢崇寧間復隸融王口砦地接王江更為懷遠軍後更為平江州更吉州為從州王江為九州一兵職官二人曹官一人縣令簿二人提舉溪峒公事本州管界都同巡檢二人五砦堡監官指揮十人吏額百人禁軍土丁千人歲費錢一萬四千四百一十八貫六百文米一萬一千一百二十五石有奇州無租賦戶籍轉運司歲移桂融象柳之粟以給之及徙融州西北金溪鄉稅米四百九十餘石隸懷遠糜費甚於觀州況守臣到任即奏推恩其子州縣砦堡例得遷官酬賞而稅

場互市之利，又爲守臣邊吏所私，獨百姓有征戍轉輸之苦，誠爲可憫。臣以爲宜罷平觀二州，便然尚有可議者。觀州初爲富仁監時，有銀治二官，取其利有常額。熙寧元降條例，具在。宜先下經略司，實公嚴等依熙寧條例施行。況公嚴實公依第，理宜掌州事。近雖逃歸，未爲蠻族信服，察其情勢，不得不倚重中國。若乘時授之，彼知恩出朝廷，必深感悅。樞密院亦上言：廣西沿邊堡砦，昨因邊臣希賞，改建州城，侵擾蠻夷，大開邊釁。地屬徼外，租賦亦無所入，而支費煩內郡，民不堪其弊。遂皆廢罷。唯平觀二州，以帥臣所請故存，今觀明彙所奏，利害之實，昭然可見。緣帥臣又稱公嚴於南丹、觀州、寶監境上，不時竊發。若廢二州，恐於緣邊事宜有所未盡。詔令廣南西路帥漕憲司共條具利害以聞。既而諸司交言，平觀二州困弊已甚，有害無益。請復祖宗舊制爲便。詔從其言。乾道六年，詔補蒙澤進武副尉初宜州蠻莫才都爲亂，廣西經略劉焯遣進勇副尉蒙明質賊巢，論降才都。既而復肆猖獗，戕賊官兵，未幾，禽才都械送經略司。伏法悉破其黨，而明亦遇害，備極慘酷。邊人憐之，焯乞推恩其子澤以旌死事。朝廷從之。故有是命。淳熙十年冬，安化蠻突入內地，焚些柵殺居民爲亂。宜州駐劄將官田昭明與蠻力戰，敗死之。十一年，廣西路鈐轄沙世堅言：官軍與蠻人兵器利鈍不同，官勅沿邊軍州多置強弩毒矢，以懼蠻人。從之。是年，安化蠻蒙光漸率衆抄掠，世堅討平之。初，知宜州馬寧祖不支思立砦，置鹽錢，執議以爲前守所積，通止給錢一月，不能遍及。蠻部而權思立砦，准備將領楊良臣復鎮撫乖方，遂致激變。光漸等詔罷良臣，貶寧祖秩，勅帥漕以時給溪峒鹽錢。十二年正月，廣西漕臣胡庭直上言：邕州之左江、永年、太平等砦，在祖宗時，以其與交趾鄰壤，實南邊藩籬重地，故置州縣，籍其丁壯，以備一旦之用。規模宏遠矣。比年邊民率通交趾，以其地所產鹽雜官鹽貨之，及減易馬鹽，以易銀，忽而不防，恐生邊釁。所宜禁戢。既而諸司上言：經略司初準朝旨，置馬鹽倉貯鹽，以易馬歲給江上諸軍及御前投進，用銀鹽錦，悉與蠻互市。其永平砦所易交趾鹽，實居民食，皆舊制也。況邊民素與蠻夷私相貿易，官不能制，今一切禁絕，非惟左江居民乏鹽，而蠻情亦叵測，恐致乖異也。乃廢邕州，禁民毋私販交趾鹽，以妨鈔

法。是年，詔以楊世俊襲父進通職，補承信郎。紹熙初，廣西帥以本路副總管沙世堅素有略略，累立邊功，爲羣蠻所畏服。嘗破蒙光漸，示以威信。光漸不敢寇邊者累年。乞以世堅兼知宜州，實能制伏蠻夷，爲久遠之利。帝從之。慶元四年，宜州蠻蒙峒、袁康等寇內地，欽官鹽爲亂。廣西帥司調官兵招降之。朝廷推賞有差，嘉定三年，章戡知靜江府，建議以爲廣西所部二十五郡，三方鄰溪峒，與蠻、獠、黎、蛋雜處，跳梁負固，無時無之。西南最爲重地，邕、欽之外，羈縻七十有二。地里綿邈，鎮戍非一，請增置雄邊軍二百人，及調憲司甲軍二百隸帥司。初，安平州李密侵鄰峒，劫掠編民，併取古甌峒，以其幼子變姓名爲趙懷德，知峒事。戡諭邕守推古甌一人主之。十一年，臣僚復上言：慶曆間，張方平嘗以爲朝廷每備西北，孰不知猺蠻衝突嶺外，南鄰交趾，勢須經營。唐時西備吐蕃，其後安南寇邊，旋致龐勛之禍。國朝每憂契丹元昊，而儂智高陷邕州，南徼騷動。天子爲之旰食，豈細故哉？臣等比見淮南間版築，存與更戍日益，而廣南城墜，摧圮不葺，戍兵逃亡，殆盡。春秋教閩，郡無百人，雖有鄉兵，義丁、土丁之名，實不足用。緩急豈能集事。宜於嶺南要地，增築城堡，籍其民兵，歲時練習，定賞罰格，以示懲勸。如此，則號令嚴明，守禦完固，民習戰鬪，可息猺蠻侵掠之患。指四十州民於久安之域矣。詔從之。

廣源州蠻儂氏州在邕州西南鬱江之源，地峻絕深阻，產黃金、丹砂，頗有邑居。聚落俗椎髻左衽，善戰鬪，輕死好亂。其先韋氏、黃氏、周氏、儂氏爲首領，互相劫掠。唐邕管經略使徐申厚撫之，黃氏納質，而十三部二十九州之蠻皆定。自交趾蠻據有安南，而廣源雖號管轄，其其實服役於交趾。初有儂全福者，知儂猶州，其弟存祿，知萬涯州，全福妻弟儂當道，知武勒州。一日，全福殺存祿，當道奔有其地。交趾怒，舉兵執全福及其子智聰以歸，其妻阿儂，本左江武勒族也。轉至儂猶州，全福納之。全福見執，阿儂遂嫁商人，生子名智高，智高生十三年，殺其父商人曰：天下豈有二父耶？因冒儂姓，與其母奔雷火洞，其母又嫁特磨道儂夏卿。久之，智高復與其母出據儂猶州，建國曰大曆，交趾攻拔儂猶州，執智高釋其罪，使知廣源州。又以雷火頻婆四洞及思浪州附益之。居四年，內

總交趾。據安德州。僭稱南天國。改年景瑞。皇祐元年。寇邕州。明年。交趾發兵討之。不克。廣西轉運使蕭固遣邕州指使開贊往刺候。而贊擅發兵攻智高。為所執。因問中國虛實。贊頗為陳大略。說智高內屬。乃遣贊還。奉表請歲貢方物。未聽。又以馴象金銀來獻。朝廷以其役屬交趾。拒之。後復齎金函書以請。知邕州陳珙上聞。不報。智高既不得請。又與交趾為仇。且擅山澤之利。遂招納亡命。數出敵衣易穀食。給言洞中飢。部落離散。邕州信其微弱。不設備也。乃與廣州進士黃璋黃師宓及其黨儂建侯儂志忠等。日夜謀入寇。一夕焚其巢穴。給其衆曰。平生積聚。今為天火焚。無以為生。計窮矣。當拔邕州。據廣州。以自王。否則兵死。四年四月。率衆五千沿鬱江東下。攻破橫山砦。遂破邕州。執知州陳珙等。兵死千餘人。智高聞軍資庫。得上金函。怒謂珙曰。我求一官統攝諸部。汝不以聞。何也。珙對書奏。不報。索奏草。不獲。遂扶珙出。珙惶恐呼萬歲。求自効。不聽。乃奔其屬及廣西都監張立害之。立臨刑大罵。不為屈。於是智高僭號仁惠皇帝。改年啓曆。劫境內。師宓以下。皆稱中國官名。是時天下久安。嶺南州縣無備。一旦兵起。倉卒不知所為。守將多棄城遁。故智高所嚮得志。相繼破橫貴。藤。藤梧。封康。端。九州。害曹觀于封州。趙師旦馬貴于康州。餘殺官吏甚衆。所過焚府庫。進圍廣州。初。智高將至。守將仲蘭不許民入保城中。民不得入者。皆附智高。智高勢益張。先是。魏瓘築州城。鑿井畜水。作大弩為守備。至是。智高為雲梯。土山。攻城甚急。又斷流水。而城堅井飲不竭。弩發中輒洞潰。智高力屈。會知英州蘇緘屯兵。渡村。扼其歸路。番禺縣令蕭注募土丁及海上彊壯二千餘人。與智高衆格鬪。焚其戰艦。轉運使王罕亦自外至。益脩守備。智高知不可拔。圍五十七日。七月壬戌。解去。絲清遠。濟江。擁婦女作樂而行。馮張忠。戰于白田。忠死之。去攻賀州。不克。夜害蔣偕于太平場。九月庚申。破昭州。害王正倫等于館門驛。州之山有數穴。大可容數百千人。民聞兵至。走匿其中。智高知之。縱火皆焚死。十月丁丑。破賓州。甲申。復據邕州。日夜伐木。治舟楫。揚言復趨廣州。十二月壬申。又敗陳曙于金城驛。初。智高以反聞。朝廷命曙就擊之。既而楊旼曹偈張忠。蔣偕相繼出。又以余靖孫沔為安撫使。旼聞智高至。退軍避之。忠偕勇

而無謀。皆死。智高益自恣。南土騷然。仁宗以為憂。命狄青為宣撫使。諸將皆受青節制。曙恐青至。有功。亟挑戰。故敗。五年正月。青及沔請會兵賓州。官軍土丁合三萬一千餘人。按軍法。誅曙及指揮使袁用等三十一人于坐。一軍大振。於是進兵。青將前陣。沔將次陣。將後陣。以一晝夜。絕崑崙關。歸仁鋪。智高聞王師絕險而至。出其不意。衆來拒。執大盾。擲槍衣。絳衣。望之如火。青陣少却。先鋒孫節死之。青起麾。蕃落騎兵。張左右翼。出其後交擊。左者右。右者左。已而左者復左右。右者復右。其衆不知所為。大敗走。會日暮。智高復趨邕州。夜焚城。遁由合江口入大理國。得屍五千三百四十一。築為京觀。所掠生口萬餘人。復其業。獲僞印九。黃師宓而下。僞官五十七人。梟其首。城上收馬牛金帛。以鉅萬計。智高自起兵。幾一年。暴踐一方。如行無人之境。吏民不勝其毒。朝廷為下赦令。優除復。慰附瘡痍。百姓始得更生。云先是。謠言。農家種。穰家收。已而智高叛。為青破。皆如其謠。智高母阿儂有計謀。智高攻昭城邑。多用其策。僞號皇太后。性慘毒。嗜小兒肉。每食必殺小兒。智高敗走。阿儂入保特磨。依其夫儂夏卿。收殘衆得三千餘人。習騎戰。復欲入寇。至和初。余靖督部吏黃汾。黃獻珪。石鑑。進士吳舜舉。發峒兵入特磨。掩襲之。獲阿儂及智高弟至光。子繼宗。繼封。檻至京師。初未欲殺。日給食飲。欲以誘出智高。或傳智高死。乃悉棄市。既而西川復奏智高未死。謀寇雅州。詔本路為備。御史中丞孫抃。又請勅益州。先事經制。以安蜀人。然智高卒不出。其存亡莫可知也。儂氏又有宗旦者。知雷火洞。稍築。點嘉祐二年。嘗入寇。知桂州。蕭固招之內屬。以為忠武將軍。又補其子知溫。開峒日新。為三班奉職。七年。宗旦父子請以所領雷火計城。諸峒屬縣官。願得歸樂州。永為王民。詔各還一官。以宗旦知順安州。仍賜耕牛鹽綵。是歲。儂夏卿。儂平。儂亮。亦自特磨。來歸。皆其族也。日新。後嘗監邕州稅治平中。宗旦與交趾李日尊。劉紀。有隙。畏傷。知桂州。陸誥。因使人說之。遂棄其州。內徙。命為右千牛衛將軍。有甲峒蠻者。亦役屬交趾。間出寇邕州。景祐三年。嘗掠思陵州。憑祥峒。生口。殺登龍鎮將而去。嘉祐五年。合交趾。門州等蠻五千餘人。復為寇。與官兵拒戰。斬首數百。詔知桂州。蕭固。趨邕州。發諸郡兵。與轉運使宋咸。提點刑獄李師中。合

議追討是歲數入寇又詔安撫使余靖擊之蘇茂州蠻亦近邕州至和嘉祐中皆嘗擾邊

黎峒唐故瓊管之地在大海南距雷州泛海一日而至其地有黎母山黎人居焉舊說五嶺之南人雜夷獠朱崖環海豪富兼并役屬貧弱婦人服綰纒績木

皮爲布陶土爲釜器用瓠瓢人飲石汁又有椒酒以安石榴花著瓠中卽成酒俗呼山嶺爲黎居其間者號曰黎人弓刀未嘗去手弓以竹爲弦今儋崖萬安

皆與黎爲境其服屬州縣者爲熟黎其居山峒無征徭者爲生黎時出與郡人互市至和初有黎人符護者邊吏嘗獲其奴婢十人還之符護亦嘗犯邊執瓊

崖州巡檢慕容允則及軍士至是以軍士五十六人與允則來歸允則道病死詔軍士至者貸其罪乾道二年從廣西經略轉運司議詔海南諸郡停守尉撫

黎人示以朝廷恩信俾歸我省地與之更始其在乾道元年以前租賦之負逋者盡赦免之能來歸者復其租五年民無產者官給田以耕亦復其租五年守

倅能慰安黎人及收復省地者視功大小爲賞有差失地及民者有重罰六年黎人王用休爲亂權萬安軍事同主管本路巡檢孫滋等招降之九年八月樂

昌縣黎賊劫省民焚縣治爲亂黎人王日存王承福陳頤招降之瓊管安撫司上其功得借補承節郎淳熙元年詔承節郎王日存子孫許襲職四年冬萬安

軍王利學寇省地蓋旻進率衆拒之兵弱戰沒八年六月詔三十六峒都統領王氏女襲封宜人初王氏居化外累世立功邊陲皆受封爵紹興間瓊山民許

益爲亂王母黃氏撫諭諸峒無敢從亂者以功封宜人至是黃氏年老無子請以其女襲封朝廷從之十二年正月樂會縣白沙峒黎人王邦佐等率賊衆五

百爲寇殺掠官軍保義郎陳升之撫降其衆倅獲林智福等瓊管司上其功詔減升之三年磨勘十六年詔以大寧峇黃弼補承信郎彈壓本界黎峒瓊管司

言弼沉驚有謀爲遠近推服故用之弼宜人黃氏姪也嘉定九年五月詔宜人王氏女吳氏襲封統領三十六峒

瓊州蠻區氏州隸宜州羈縻領恩恩都毫二縣有區希範者思恩人也校黠頗知書嘗舉進士試禮部景祐五年與其叔正辭應募從官軍討安化州叛蠻既

而希範擊登聞鼓求錄用事下宜州而知州馮伸己言其妄編管全州正辭亦嘗自言功不報三人皆缺望希範後輒遁歸與正辭率其族人及白崖山酋蒙

趕荔波峒蠻謀爲亂將殺伸己且曰若得廣西一方當建爲大唐國會自日者石太清至因使之筮太清曰君貴不過封侯乃令太清擇日殺牛建壇揚祭天

神推蒙趕爲帝正辭爲奉天開基建國柱王希範爲神武定國令公桂州牧皆北嚮再拜以爲受天命又以區丕續爲宰相餘皆僞立名號補置四十餘人慶

曆四年正月十三日率衆五百破瓊州劫州印焚其積聚以瓊州爲武城軍又破帶溪峇下鎮寧州及普義峇有衆一千五百宜州捉賊李德用出韓婆嶺擊

卻之前後斬獲甚衆倅偏將二希範懼入保荔波峒聞出拒官軍朝廷下詔購之獲希範正辭及趕者大賜袍帶錢三十萬鹽千斤明年轉運使杜杞大引兵

至瓊州使攝官區曄進士曾子華宜州校吳香誘趕等出降殺馬牛具酒給與之盟置曼陀羅花酒中飲者皆昏醉稍呼起問勞至則推仆後廡下比暮衆始

覺驚走而門有守兵不得出悉擒之後數日又得希範等凡獲二百餘人誅七十八人餘皆配徙仍隸希範賜諸溪峒續其五藏爲圖傳於世餘黨悉平鎮寧

州亦隸宜州景祐三年蠻酋莫陵等七百餘人內寇遣西京作坊使郭志高閩門祇候梁紹熙往討未至陵等詣桂宜州巡檢李仲政請降廣西轉運使不俟

詔貸其罪詔勅之已而釋之是歲高竇州狀黎陳友朋等亦寇海上本路會兵擊之潰去

宋史卷四百九十五

元中書右丞相總裁脫脫等修

列傳第二百五十五

蠻夷四

西南諸夷

黎州諸蠻

敘州三路蠻

威茂渝州蠻

黔涪施高徽外諸蠻

瀘州蠻

西南諸夷漢牂牁郡地武帝元鼎六年定西南夷置牂牁郡唐置費珍莊琰播
郎牂牁牂夷等州其地北距充州百五十里東距辰州二千四百里南距交州
一千五百里西距昆明九百里無城郭散居村落土熟多霖雨稻粟皆再熟無
徭役將戰征乃屯聚刻木為契其法劫盜者償其主三倍殺人者出牛馬三十
頭與其家以贖死病疾無醫藥但擊銅鼓銅沙鑼以祀神風俗與東謝蠻同隋
大業末首領謝龍羽據其地勝兵數萬人唐末王建據西川由是不通中國後
唐天成二年牂牁州刺史宋朝化等一百五十人來朝其後孟知祥據西川
復不通朝貢乾德三年平孟昶五年知西南夷南寧州蕃落使龍彥珍等遂來
貢詔授彥珍歸德將軍南寧州刺史蕃落使又以順化王武才為懷化將軍武
才弟若啓為歸德司階武龍州部落王子若溢東山部落王子若差羅波源部
落王子若臺訓州部落王子若從難平部落王子若冷戰洞部落王子若磨羅
母殊部落王子若母石人部落王子若藏並為歸德司戈開寶二年武才等一
百四十人又來貢以武才為歸德將軍來人乞賜武才劍函手詔以舊制所無
不許四年其國人詣涪州言南寧州蕃落使龍彥珍卒歸德將軍武才及八刺
史狀請以彥珍子漢瑋為嗣詔授漢瑋南寧州刺史兼蕃落使八年三十九部
順化王子若發等三百七十七人來貢馬百六十四匹丹砂千兩太平興國五年
夷王龍瓊瑋遺其子羅若從并諸州蠻七百四十四人以方物名馬來貢六年
保州刺史董奇死以其子紹重繼之雍熙二年八月奉化王子以慈等三百五
十人以方物來貢夷王龍漢瑋自稱權南寧州事兼蕃落使遣牂牁諸州酋長
趙文橋率種族百餘人來獻方物名馬并上蜀孟氏所給符印授漢瑋歸德將

軍南寧州刺史以文橋等並為懷化司戈端拱二年漢瑋又貽書五溪都統向
通漢約以入貢淳化元年漢瑋遣其弟漢興來朝三年夷王龍漢興與及都統龍
漢瑋刺史龍光顯龍光盈及順化王兩滯等各貢馬朱砂至道元年其王龍漢
瑋遣其使龍光進率西南牂牁諸蠻來貢方物太宗召見其使詢以地理風俗
譯對曰地去宜州陸行四十五日土宜五穀多種秧稻以木弩射麋鹿充食每
三二百戶為一州州有長殺人者不償死出家財以贖國王居有城郭無壁壘
官府惟短垣光進之說與前書所記小異故并敘之上因令作本國歌舞一人
吹瓢笙如蚊蚋聲良久數十輩連袂宛轉而舞以足頓地為節詢其曲則名曰
水曲其使十數輩從者千餘人皆蓬髮面目黧黑狀如猿獠使者衣虎皮毳裘
以虎尾插首為飾詔授漢瑋寧遠大將軍封歸化王又以歸德將軍羅以植為
安遠大將軍保順將軍龍光盈龍光顯並為安化大將軍光進等二十四人並
授將軍郎將司階司戈其本國使從者有甲頭王子刺史判官長史司馬長行
僚人七等之名咸平元年其王龍漢瑋遣使龍光顯又率牂牁諸蠻千餘人來
貢詔授光顯等百三十人官三年都部署張文黔來貢五年漢瑋又遣牙校率
部蠻千六百人馬四百六十六匹并藥物布帛等來貢賜冠帶於崇德殿厚資遣
還六年知全州錢絳請招誘溪峒名豪上以生事寢其奏不報景德元年詔西
南牂牁諸國進奉使親至朝廷者令廣南西路發兵援之勿抑其意先是龍光
進等來朝上矜其道遠人馬多斃因詔宜州自今可就賜恩物至是懇請詣闕
從之二年詔羈縻保霸州刺史董紹重董忠義歲賜紫綾錦袍四年西南蠻羅
瓊并都指揮使顏士龍等來貢士龍種落退阻未嘗來朝今始至詔館餽賜予
如高溪州大中祥符元年瀘州言江安縣夷人殺傷內屬戶害巡檢任養既不
自安遂為亂詔遣閣門祗候侍其旭乘傳招撫旭至蠻人首罪殺牲為誓未幾
復叛旭因追斬數十級擒其首領三人又以衣服袖布誘降蠻斗婆行者將按
誅其罪上以旭召而殺之遣招安之實即降詔戒止且令篤恩信設方略制禦
無尚討伐以滋擾二年旭言夷人恃嚴險未即歸服詔文思副使孫正辭等
為都巡檢使乃分三路入其境脅以兵威皆震懼伏罪三年正辭言夷人安集

降詔嘉獎。先有蠻羅忽餘甚忠順。防援井監。捕殺違命者不已。上遣內臣郝昭信襄慰之。且諭以赦蠻黨前罪。勿復邀擊。四年。茂州夷族首領者老刑牛。犬於三溪。誓不侵擾州界。又峽路鈴轄執為亂。夷人王羣體等至闕下。上曰。蠻夷不識教義。向之為亂。亦守臣失於綏撫。並免死。分隸江浙遠地。其年。霸州董詰為其巡檢使。董延早所殺。五年。黎洞夷人互相殺害。巡檢使發兵掩捕。上聞而切責之。曰。蠻夷相攻。許邊吏和斷。安可擅發兵甲。或致擾動。即令有更選可任者代之。五年。晏州多剛縣夷人斗望。行牌率眾劫清井監。殺駐泊借職平言。大掠資畜。知瀘州江安縣奉職文信領兵趨之。遇害。民皆驚擾。走保戎州。轉運使寇斌即令諸州巡檢會江安縣集公私船百餘艘。載糧甲。張旗幟。擊銅鑼鼓。吹自蜀江下。抵清洋坝。樹營柵。招安近界夷族。諭以大兵將至。勿與望等同惡。未幾。納溪藍順州刺史个松生。南入姓諸團。烏蠻獨廣王子界南廣溪。移悅等十一州刺史李紹安。山後高鞏六州及江安界娑婆村首領。並來乞盟。立竹為誓。門刺猶狗雞血和酒飲之。誓同力討賊。斌乃署勝。許以官軍至不殺其老幼。給賜衣幣酒食。上遣內殿崇班王懷信乘傳。與斌等議綏撫方略。斌言。斗望等屢為寇鈔。特寬赦不悛惡。令請發嘉眉屯兵捕剪。以震懼之。六年九月。詔懷信為嘉眉戎瀘等州水陸都巡檢使。閩門祗候康訓符承訓為都同巡檢使。及發虎翼神虎等兵三千餘人。令懷信與斌商度進討。上因謂樞密使陳堯叟曰。往時孫正辭討蠻。有虎翼小校率眾冒險者三人。朕志其姓名。今以配懷信。正辭嘗料簡鄉丁。號白方子兵。以其識山川險要。遂為鄉導。今亦令懷信召募。又使臣宋賁屢規畫溪洞事。適中機要。以賁知江安縣。與懷信等議事。斌乃點集昌盧富順監白芳子弟得六千餘人。十一月。懷信康訓分領緣溪入合灘。至生南界。斗蒲村。遇夷賊二千餘人。擊之。殺傷五百人。奪校槍藤牌會幕。收眾保些。夷黨三千餘人。分兩道張旗喊呼。來逼營柵。懷信出擊。皆潰散。進壁娑婆。遇夷二千。于羅募村。又破之。追至斗行村上屏風山。連破四砦。一日三戰。俘賊百餘人。奪資糧五千石。槍刀什器萬數。焚羅固募斗引等三十餘村。庵舍三千區。懷信又引兵至斗行村追擊。過盧羅射卜二百餘人。熱其欄柵千數。分遣部下於羅箇

頗羅能落運等村及龍峽山掩殺。大獲戎具。斬首級及重傷投崖死者頗眾。燒舍千區。及積穀累萬。兩路兵會于涇灘置砦。遣康訓部壞砦。卒修涇灘路。以度大軍俄為夷賊所邀。戰不利。訓顛于崖死之。懷信引兵急擊。大敗之。追斬至涇灘。懷信來砦于晏江口。斌與符承訓偵知賊謀。欲乘夜擊晏江。馳報懷信。即自涇灘拔砦赴之。比至晏江北。山夷眾萬餘。已自東南合勢逼懷信。砦懷信較強。弩環砦射賊。斌等整眾乘高策援。夷人大懼而却。合擊破之。死傷千餘人。七年正月。其酋斗望三路分眾來鬪。又為官軍大敗。殺賊數百人。涇江水死者莫計。夷人震驚。詣軍首服。納牛羊銅鼓器械。斌等依詔撫諭。二月。還軍清井。夷首斗望及諸村首領悉赴監自陳。願貸死。永不寇盜邊境。因殺三牲盟誓。辭甚懇苦。即犒以牢酒。感悅而去。斌懷信等上言。夷人寧息。請置清井監。壞柵。并許近界市馬。從之。八年。夔州路上言。南寧州夷族張聲進遣使進奉。為蕃落使龍漢瑋邀奪。警劫不已。乞降勅書安撫。天聖四年。龍光凝。康定元年。龍光琇。景祐三年。龍光辨。慶曆五年。龍以特。皇祐二年。龍光澈等。繼以方物來貢獻。與以特俱至者七百十九人。是年。以安遠將軍知蕃落使龍光辨為寧遠軍大將軍。寧遠將軍知靜蠻軍節度使龍光凝承宣武寧大將軍。龍異。豈並為安遠大將軍。承宣奉化大將軍。龍異。魯為武寧大將軍。至和中。龍以烈。龍異。靜首領張漢陞。王子羅以崇等。皆入貢。命其首領而下九十三人為大將軍。至。將嘉祐中。以烈復至。大率龍姓諸部族。地遠且貧。熙寧中。來見。賜以袍帶等物。刺其數於背。又有張玉石自品者。嘉祐中。來貢。而鶴州亦遣人貢馬。有董氏。世知保州。曰仲元者。襲是州二十餘年矣。至是。益州鈐轄司表其善附蠻夷。命為本州刺史。鶴州保州皆西南邊地也。又有夷在瀘州部。亦西南邊地。所部十州。曰鞏。曰定。曰高。曰奉。曰清。曰宋。曰納。曰晏。曰投。附。曰長寧。皆夷人居之。依山險。善寇掠。清井監者在夷地中。朝廷置吏領之。以拊御夷眾。或不得人。往往生事。慶曆四年四月。夷人攻三江砦。詔秦鳳路總管司發兵千人。選官馳往捕擊。既而瀘州教練使生南。招安將史愛。誘降夷賊。斗教等。詔並補三班差使殿侍。清井監一路。招安巡檢。未幾。夷眾復寇三江砦。指使王用等擊走之。皇祐元年二月。夷眾萬餘人。復

圍涪井監水陸不通者甚久。初監戶晏州夷人錢而歐傷斗落妹。其衆憤怒。欲報之。知瀘州張昭信勸諭。既已聽服。而涪井監復執粵然村夷人細令等。殺長寧州落占等十人。故激成其亂。詔知益州田況發旁郡士卒。命梓夔路兵馬鈐轄宋定往援之。於是兩路合官軍。洎白芳子弟幾二萬人與戰。兵死者甚衆。鐵死又千餘人。數月然後平。賜況及轉運使勅書褒獎。宋定而下十三人進秩有差。後況還朝。乃奏夷衆連年爲亂。繇主者非其人。請令轉運鈐轄司舉官爲知監。監押代還。日特選一資。從之。嘉祐二年。三里村夷斗還等百五十人復謀內寇。有黃土坎夷斗蓋。長寧州人也。先以其事來告。涪井監引兵趨之。捕斬七千餘級。鈐轄司上聞。詔賜斗蓋錢三十萬。錦袍銀帶。明年。又補斗蓋長寧州刺史。瀘州部舊領姚州廢已久。有烏蠻王子得蓋者。來居其地。部族最盛。數遣人詣官自言。願得州名。以長夷落事聞。因賜號姚州。鑄印予之。得蓋又乞勅書一通。以遺子孫。詔從其請。夔州路又有漆南二州夷。頗威彊。皇祐初。詔自今歲遣使者存問之。雅州西山野川路蠻者。亦西南夷之別種也。距州三百里。有部落四十六。唐以來皆爲羈縻州。太平興國三年。首領馬令膜等十四人。以名馬羣牛虎豹皮麝膽來貢。并上唐朝勅書告身。凡七通。咸賜以冠帶。其首領悉授官以遣之。紹聖二年。以禰門峇蠻部王元壽襲懷化司戈云。

黎州諸蠻凡十二種。曰山後兩林蠻。在州南七日程。曰印部州。在州東南十二程。曰風管蠻。在州西南一千一百里。曰保塞蠻。在州西南三百里。曰三王蠻。亦曰部落蠻。在州西百里。曰西管蠻。有彌羌部落。在州西三百里。曰淨浪蠻。在州南一百五十里。曰白蠻。在州東南一百里。曰烏蒙蠻。在州東南千里。曰阿宗蠻。在州西南二日程。凡風管兩林印部皆謂之東南。其餘小蠻各分羈縻。印部於諸蠻中最驕悍狡譎。招集蕃漢亡命。侵擾他種。閉其道以專利。曰大雲南蠻。曰小雲南蠻。即唐南詔。今各大理國。自有傳。夷俗尙鬼。謂主祭者鬼主。故其酋長號都鬼主。後唐天成間。始來貢。開寶二年六月壬子。勿兒遣部落將軍離魚以狀白黎州。期十月內入貢。成都府以聞。詔嘉答之。至是來朝。賜以器幣。由黎州南行七日而至其地。又一程至樹州。樹州今廢。空城中但有浮圖一。又二程至

建昌城。又十七程至雲南。三年七月。又朝貢。六年四月。印部州歸德將軍阿伏上言。爲山後兩林蠻。勿兒率衆掠堡砦。八年。懷化將軍勿尼等六十餘人來貢。詔以勿尼爲歸德將軍。又以兩林蠻大鬼主蘇吠爲懷化將軍。太平興國二年。遣使王子卑綵。副使牟蓋。鬼主還租等七十八人。以名馬來貢。乞領正朔。下詔曰。山後兩林蠻主歸德將軍勿尼。懷化將軍勿兒等。克慕聲明。遠脩職貢。並增環衛之秩。俾爲夷落之榮。勿尼可特授歸德大將軍。勿兒可特授懷化大將軍。是冬。又遣使離魚。貢犀二株。馬九匹。來賀登極。四年。勿兒與都鬼主又遣王子祚。遇以名馬來貢。八年。蠻主弟牟昂。及王子牟蓋。摩忙。卑愧。副使牟計等二百三十九人來貢。詔以牟昂爲懷化大將軍。牟蓋等三人爲歸德副將。牟計等百二十人。並爲懷化司戈。雍熙三年。勿尼等及其王子李奉恩。復來貢馬。淳化元年。王子離魚。副使卑都。卑論。鬼主峻禮等百二十八人來貢。詔授離魚歸德將軍。卑都保順。副將卑論。歸德司戈。卑熱等五十四人。懷化司戈。天禧二年。山後兩林百蠻都鬼主李阿善。遣將軍卑熱等一百五十人來貢。

印部州蠻。亦曰大路蠻。亦曰勿鄧。居漢越嶲郡都會無縣地。其酋長自稱百蠻都鬼主。開寶三年六月。都鬼主阿伏白黎州。期以十月令王子入貢。成都府以聞。詔嘉納之。四年。黎州定遠兵士構叛。聚居鹿角溪。阿伏令弟遊擊將軍卑吠等率衆平之。詔賜阿伏銀帶錦袍。并賜其衆銀帛各百。以爲歸德將軍。六年。阿伏與山後兩林蠻主勿兒。言語相失。勿兒率兵侵印部州。頗俘殺部落。黎州以聞。並賜詔慰諭。令各守封疆。勿相侵犯。太平興國四年。首領牟昂。諸族鬼主副使離襪等。各以方物來貢。雍熙二年。都鬼主諾驪。并其母熱兔。遣王子阿有等百七十二人。以方物名馬來貢。詔以諾驪爲懷化將軍。并賜其母銀器。瑞拱二年。遣弟少蓋等三百五十人來貢。籍田。貢御馬十四匹。馬二百八十八匹。犀角二象牙二。莎羅毬一合。金銀飾蠻刀二。金飾馬鞍鞍一具。羶羊十羴。牛六。詔以少蓋爲歸德副將。淳化元年。諾驪自部馬二百五十匹至黎州。求五市。詔增給其直。諾驪令譯者言。更入西蕃求良馬。以中市。二年。復遣王子牟昂。叔離襪。以方物良馬犀牛來貢。仍乞加恩。詔授諾驪懷化大將軍。小蓋懷化將軍。牟昂歸德將軍。

離襪懷化司戈。又封諾羅母歸德郡太君。熱免寧遠郡太君。弟離避。小男呵醉。都判官任彥德等一百九十一人。為懷化司戈。至道元年。李淳亂西川。王繼恩討平之。遣嘉州牙校辛顯使諾羅。奉淳化二年所授官告。敕書尺日曆為信。因言與賊樊秀等接戰。敗之。復請朝覲。通嘉州舊路。繼恩上言。通嘉州路非便。只

今於黎州賣馬。詔不允其入覲。王子一十九人。並加官。鬼主三十六人。並賜勅書以撫之。至道三年。遣王子阿醉來朝。真宗咸平二年。遣王子部的等來貢文犀名馬。賜衣帶器幣有差。又乞給印。以大渡河南山前後都鬼主為文。從之。五年。又遣王子離歸等二百餘人入貢。六年。黎州言。邛部州都蠻王諾羅卒。其子

阿適立。景德二年。阿適遣王子將軍百九十二人來貢。詔授阿適安遠將軍。阿適叔懷化將軍。阿育為歸德將軍。離歸為懷化將軍。大判官懷化司候任彥德。王子將軍部的。並為懷化郎將。判官任惟慶為懷化司候。大中祥符元年。遣將軍趙勿婆等。獻名馬。犀角。象齒。婆羅球。會于泰山。禮畢。阿適加恩。勿婆等厚賜

遣還。天聖八年十月。邛部州都蠻王黎在遣卑郎離滅等來貢方物。時占城龜茲沙州亦皆入貢。至以家自隨。晏殊因請圖其人物衣冠。并訪道里風俗。以上史官。詔可。九年三月。命黎在為保義將軍。又命其部族為郎將司戈司候。凡三十餘人。明道元年。黎州言。黎在請三歲一貢。詔諭以道路遐遠。聽五年一至。景祐初。黎州復言。邛部蠻請歲入貢。詔如明道令。寶元元年。百蠻都王忙海遣將軍卑蓋等貢方物。且請三歲一貢。不許。慶曆四年。邛部州山前山後百蠻都鬼

主牟黑遣將軍阿濟等三百三十九人。獻馬二百一十。犛牛一。大角羊四。犀株一。莎羅毯一。慶曆間。有都鬼主牟黑等入貢。未幾。其王咩墨擾邊。知黎州孫固使其首領直剋殺之。熙寧三年。直剋遣使來質。登寶位。自稱大渡河南邛部州山前山後百蠻都首領。賜敕書器幣。襲衣銀帶。是年。直剋死。詔以其子韋則為懷化校尉。大渡河南邛部州都鬼主九年。遣其將軍卑郎等十四人入貢。乾道

元年。詔以崖韃襲兄蒙備。金紫光祿大夫懷化校尉都鬼主如故。淳熙元年。吐蕃寇西邊。崖韃率衆掩擊。詔嘉其功。二年五月。兩林蠻王弟籠畏及酋長崖來率部義等攻邛部州之籠瓊城。不克。大掠而去。崖韃追之不及。制置使范成大

檄黎州嚴加備禦。八年。崖韃死。其姪墨崖襲職。詔黎州屯戍土軍禁軍及西兵。遇有邊事。並聽本州守臣節制。嘉定九年。邛部州逼於雲南。遂伏屬之。其族素效順。捍禦邊陲。既折歸雲南。失西南一藩籬矣。

風習蠻。咸平初。其王曩婆遣使烏柏等貢馬五十七匹。素地紅花婆羅毯二來。賀即位。詔授曩婆及進奉使等官。優賜遣之。景德三年。又遣烏柏來貢。詔授曩婆歸德將軍。烏柏等四十六人。第遷郎將司階司戈。

寶塞蠻。開寶間。其蠻七十餘人。由大渡河來歸。時時來貨其善馬。紹興二十七年。川秦都大司言。漢地民張太二姑率衆劫殺市馬蠻客崖遇等。恐邊邊蠻已加慰諭。併償其直矣。詔免知州唐程及通判陳伯強官。抵首賊法。

部落。有劉楊郝三姓。淳熙七年十月。黎州五部落蠻貢馬三百匹。求內附。詔許通互市。卻其所獻馬。彌羌部落。乾道九年。吐蕃青羌以知黎州宇文紹直不讎其馬價。憤怨為亂。詔師憲撫安之。紹直罷免。青羌首領奴兒結等。市馬黎州。大肆虜掠。權州事王昉多給金帛。亟遣還。宣撫使虞允文言。昉貪功。恐他部効尤。漸啓邊釁。詔降昉兩官。十月。黎州吐蕃復叛。邊攻虎掌峯。詔四川宣撫司檄成都府調兵二千人戍黎州。以禦之。淳熙二年。奴兒結還所虜生口三十九人。黎州與之盟。復聽其互市。給賞歸之。制置使范成大言。所虜未盡歸我。豈可復與通好。詔請宇文紹直編管千里外。成大增黎州五峯。籍強壯五千人為戰兵。吐蕃入寇之徑。凡十有八。皆築堡戍之。奴兒結率衆二千。扣安靜峯。成大調飛

山卒千人赴之。度其三日必遁。戒勿追。已而果然。青羌奴兒結為邊害者十餘年。其後制置使留正以計禽殺之。盡殲其黨。淳熙十二年。趙汝愚代為制置使。或謂殺降不祥。必啓邊患。汝愚不為動。但分守險要。嚴備以待之。明年。奴兒結第三開果入寇。邊備完固。三開不能攻。走歸。汝愚縣重賞以間羣蠻。三開不能孤立。遂以憂死。時虛恨蠻族最強。破小路蠻。併其地。與黎州接壤。請通互市。汝愚以黎州三面被邊。若更通虛恨蠻。恐重貽他日之憂。不若拒之。為便。帝以其

知大體。從之。尋汝愚以定青羌功。加龍圖閣直學士。嘉定元年十二月。彌羌蕃卜由惡水渡河寇黎州。破碗子峯。初。蕃卜弟悶巴至三衝。為人所殺。又徙白水

卜由惡水渡河寇黎州。破碗子峯。初。蕃卜弟悶巴至三衝。為人所殺。又徙白水

卜由惡水渡河寇黎州。破碗子峯。初。蕃卜弟悶巴至三衝。為人所殺。又徙白水

卜由惡水渡河寇黎州。破碗子峯。初。蕃卜弟悶巴至三衝。為人所殺。又徙白水

卜由惡水渡河寇黎州。破碗子峯。初。蕃卜弟悶巴至三衝。為人所殺。又徙白水

卜由惡水渡河寇黎州。破碗子峯。初。蕃卜弟悶巴至三衝。為人所殺。又徙白水

卜由惡水渡河寇黎州。破碗子峯。初。蕃卜弟悶巴至三衝。為人所殺。又徙白水

村渡於安靜峇。羌人患之。著卜遂與青羌詣邛州。欲假道女兒城以入。寇守臣楊子諫。謀知之。數以賞遺其都王母。俾毋假道。時時餽米以濟其饑。蠻人德之。會趙公庀代爲郡。斬不與。蓄卜遂得假道渡河。攻荊坪峇。掠三松盤砂橫山。三增白羊諸村。郡遣西兵將党壽靈之。失利。復遣統領王光世往。羌人由荊坪以革船渡河。光世憚之。留屯三衝。不敢進。羌人焚掠既盡。渡河而歸。二年二月。復寇黎州。良溪峇官軍敗績。八年二月。蓄卜遂年入寇。皆青羌曳失索助之。守臣袁栢遣安靜峇總轄杜軫招降之。他如浮浪蠻。白蠻。烏蒙蠻。阿宗蠻。則其地各有所服屬云。

敘州三路蠻。西北曰董蠻。正西曰石門部。東南曰南廣蠻。董蠻在馬湖江右。楚侯國也。唐羈縻馴騁浪商四州之地。其酋董氏。宋初有董春。惜者貢馬。自稱馬湖路三十七部落都王子。其地北近犍爲之沐川。賴因峇。峇阨蠻險。蠻數寇抄。熙寧紹聖中。朝廷皆爲徙。賴因監押駐榮丁峇。而以縣吏控截。政和五年。始改差監押。充知峇事。蠻寇掠如故。南廣蠻在敘州慶符縣以西。爲州十有四。大觀三年。有夷酋羅永順。楊光榮。李世恭等。各以地內屬。詔建滋純祥三州。後皆廢。石門蕃部與臨洮土羌接。唐曲播等十二州之地。俗椎髻披氍。佩刀。居必欄棚。不喜耕稼。多蓄牧。其人精悍善戰。鬪自馬湖。南廣諸族皆畏之。蓋古浪稽魯望諸部也。

威州保霸蠻者。唐保霸二州也。天寶中所置。後陷沒。酋董氏世有其地。與威州相錯。因羈縻焉。保州有董仲元。霸州有董永錫者。嘉祐及熙寧中。皆嘗請命於朝。政和三年。知成都龐恭孫始建言。開拓置官吏。於是以前董舜咨保州地爲祺州。董彥博霸州地爲亨州。授舜咨刺史。彥博團練使。舜咨尋遷觀察使。彥博留後。遂爲節度使。詔成都給居第。田十二頃。二州經費歲用錢一萬二千一百緡。米麥一萬四千七百石。絹二千八百五十匹。紬布綾綿茶鹽銀等不預焉。後皆爲峇。

茂州諸部落。蓋塗靜當直時。飛宕恭等九州蠻也。蠻自推一人爲州將。治其衆。而常詣茂州受約。東茂州居羣蠻之中。地不過數十里。宋初無城隍。惟植鹿角。

自固蠻乘夜屢入寇。民甚苦之。熙寧八年。相率詣州請築城。知州事范百常實主是役。蠻以爲侵。其地率衆奄至。百常擊走之。乃合靜時等蠻來寇。百常拒守。凡七十日。詔遣王中正將陝西兵來援。入恭州宕州。誅殺頗衆。蠻乃降。政和五年。有直州將至永壽。湯延俊。董承有等。各以地內屬。詔以永壽地建壽寧軍。延俊承有地置延寧軍。時威州亦建亨祺二州。然亨至威纔九十里。壽寧距茂纔五里。在大早江之外。非扼控之所。未幾皆廢。七年。塗靜時飛等州蠻復反。茂州殺掠千餘人。知成都周燾遣兵馬鈐轄張永鐸等擊之。畏懦不敢進。皆坐黜。以孫義叟節制綿茂軍。於是中軍將种友直等破其都祿板舍原諸族。蠻敗散。其酋旺烈等詣茂州請降。乃班師。授旺烈官。月給茶綵。自後蠻亦驕。宣和五年。宕恭直詣部落入寇。六年。塗靜蠻復犯茂州云。

渝州蠻者。古板楮七姓蠻。唐南平僚也。其地西南接烏蠻。昆明哥蠻。大小播州部族數十居之。治平中。熟夷奪光吉梁秀等三族據其地。各有衆數千家。間以威勢脅誘漢戶。有不從者。屠之。沒入土田。往往投充客戶。謂之納身稅賦。皆里胥代償。藏匿亡命。數以其徒僞爲生。僚劫邊民。官軍追捕。輒遁去。習以爲常。密路點民。峴守令動靜。稍築城堡。繕器甲。遠近患之。熙寧三年。轉運使孫固。判官張說。使兵馬使馮儀。弁簡。杜安行。圖之以禍福。開諭。因進兵復賓化。峇平。蕩三族。以其地賦民。凡得租三萬五千石。絲綿一萬六千兩。以賓化峇爲隆化縣。隸涪州。建榮懿扶數兩峇。其外銅佛垌者。隸渝州南川縣。地皆膏腴。自光吉等平。他部族據有之。朝廷因補其土人王才進充巡檢。委之控扼。才進死。部族無所統。數出盜邊。朝廷命熊本討平之。建爲南平軍。以渝州南川涪州隆化隸焉。元豐四年。有楊光震者。助官軍破乞弟。殺其黨阿訛。大觀二年。木攀首領趙泰。播州夷族楊光榮。各以地內屬。詔建漆播二州。後皆廢。

黔州涪州徼外。其西南夷部。漢牂牁郡。唐南寧州。牂牁。昆明。東謝。南謝。西趙。充州諸蠻也。其地東北直黔涪。西北接嘉敘。東連荆楚。南出宜桂。俗椎髻。左衽。或編髮。隨畜牧。遷徙。常喜險阻。善戰鬪。部族共一姓。雖各有君長。而風俗略同。宋初以來。有龍蕃方蕃。張蕃石蕃。羅蕃者。號五姓蕃。皆常奉職。貢受爵命。治平

四年十二月，知靜蠻軍蕃落使守天聖大王龍異閣等入見，詔以異閣為武寧將軍，其屬二百四十一人各授將軍及郎將，熙寧元年，有方異現，三年，有張漢興，各以方物來獻，授異現靜蠻軍，漢興捍蠻軍，並節度使，六年，龍蕃羅蕃方蕃石蕃八百九十人入覲，貢丹砂、麝馬，賜袍帶錢帛，有差，其後比歲繼來，龍蕃衆至四百人，往返萬里，神宗憫其勤，詔五姓蕃五歲聽一貢，人有定數，無輒增加，及別立首領，以息公私之擾，命宋敏求編次諸國貢奉錄，客省四方館撰儀，皆著為式，元豐五年，張蕃乞添貢奉人至三百，詔故事以七十人為額，不許，七年，西南程蕃乞貢方物，願依五姓蕃例注籍從之，元祐二年，西南石蕃石以定等齋表，自稱西平州武聖軍，禮部言，元豐著令，以五年一貢為限，今年限未及，詔特令人貢，五年，八年，紹聖四年，龍蕃皆貢方物，龍氏於諸姓為最大，其貢奉尤頻數，使者但衣布袍，至假伶人之衣入見，蓋實貧陋，所冀者恩賞而已，故事蠻夷入貢，雖交阯于闐之屬，皆御前殿見之，獨此諸蕃見於後殿，蓋卑之也，元符二年，又有牟韋蕃入貢，詔以進奉人章公慶、公市、公利等為郎將，諸蕃部族數十，獨五姓最著，程氏、韋氏皆比附五姓，故號西南七蕃云。

施州蠻者，夔路徼外熟夷，南接牂牁諸蠻，又與順富高溪四州蠻相錯，蓋唐彭水蠻也，咸平中，施蠻嘗入寇，詔以鹽與之，且許其以粟轉易，蠻大悅，自是不為邊患，後因饑，又以金銀倍實直質于官，易粟，官不能禁，熙寧六年，詔施州蠻以金銀質米者，估實直，如七年不贖，則變易之，著為令，熊本經制清井事，蠻曾田現等內附，夔路轉運判官董鉞，副使孫珪，知施州寇平，皆以招納功被賞，施黔比近蠻，子弟精悍，用木弩藥箭，戰鬪捷，朝廷嘗團結為忠義勝軍，其後瀘州清井石泉蠻叛，皆復其用。

高州蠻，故夜郎也，在涪州西南，宋初，其酋田仙以地內附，賜名珍州，拜為刺史，仙以郡多火災，請易今名，大觀二年，有駱解下上族納土，復以珍州名云，瀘州西南徼外，古羌夷之地，漢以來，王侯國以百數，獨夜郎、滇、都、僂、昆明、徙、柁、冉、駝、白、馬氏為最大，夜郎在漢屬牂牁郡，今涪州之西，漆播珍等州封域是也，滇在漢為益州郡，今姚州等處之地是也，叻、都、樽州會同川與吐蕃接，今

邛州蠻所居也，樽今樽州，昆明在黔墟徼外，今西南蕃部所居也，從今雅州嚴道地，柁都在黎州南，今兩林及野川蠻所居地是也，冉駝今茂州蠻，汶山夷地是也，白馬氏在漢為武都郡，今階州汶州，蓋羌類也，此皆巴蜀西南徼外蠻夷也，自黔恭以西至涪，瀘嘉敘，自階又折而東南至威茂黎雅，被邊十餘郡，綿亘數千里，剛夷惡僚，殆千萬計，自治平之末，乾于靖康，大抵皆通互市，奉職貢，雖時有剽掠，如鼠竊狗偷，不能為深患，參考古今，辨其封域，以見琛贐之自至，梯航之所及者，爾若夫邊荆楚交廣，則係之溪峒，云，清水夷者，羈縻十州五圍蠻也，雜種夷，僚散居溪谷中，慶曆初，瀘州言，管下溪峒十州，有唐及本朝所賜州額，今烏蠻王子得蓋居其地，部族最盛，旁有舊姚州廢已久，得蓋願得州名，以長夷落，詔復建姚州，以得蓋為刺史，鑄印賜之，得蓋死，其子竊號羅氏鬼主，鬼主死，子僕射襲其號，浸弱，不能令諸族，烏蠻有二酋領，曰晏子，曰斧望，簡恕常入漢地，醫馬，晏子所居，直長寧寧遠以南，斧望簡恕所居，直納溪江安以東，皆僕夜諸部也，晏子拒漢地，絕近，猶有清井之阻，斧望簡恕近納溪，以舟下瀘，不過半日，二酋浸強，大擅劫晏州山外六姓，及納溪二十四姓生夷，夷弱小，皆相與供其寶，熙寧七年，六姓夷自清井謀入寇，命熊本經制之，景思立戰沒，本將蜀兵募土丁及夷界黔州弩手，以毒矢射賊，賊驚潰，於是山前後長寧等十郡，八姓及武都夷，皆內附，提點刑獄范百祿作文以誓之，曰，蠢茲夷魄，清溪之泚，為虺為豺，憑負固圉，殺人于貨，頭顱草莽，莫慘播炙，莫悲奴虜，玃狁熟惡，胡可悉數，疆吏苟玩，噬不敢語，奮若之歲，曾是疆禦，躑躅嘯聚，三壕羅募，債我將佐，戕我士伍，西南繹騷，帝赫斯怒，帝怒伊何，神聖文武，民所安樂，惟日慈撫，民所疾苦，惟日發去，乃用其良，應變是許，粥熊裔孫，爰馭貔虎，殲其渠會，判其黨與，既奪之心，復斷石股，攝提孟陬，徂征有敘，背孤擊虛，深入厥阻，兵從天下，鐵首具舉，紛紜騰沓，莫敢舉桴，火其巢穴，及其困貯，暨其貨畜，墟其林無殺傷，係線以百千數，涇灘望風，悉力比附，丁為帝民，地曰王土，投其器械，籍入官府，百死一贖，莫保銅鼓，敵盟神天，視此狗鼠，敢忘誅絕，以干罪罟，乃稱上恩，俾復故處，殘醜厥角，泣血懇語，天子之德，兩場覆護，三五噍類，請比涇倅，大邦有令，其

戒警汝。天既汝貧，汝勿子侮。惟十九姓往安汝堵。吏治汝責，汝力汝布。吏時汝耕，汝稻汝黍，德創于今。無怙往古，小有堡障，大有城戍，汝或不聽，汝擊汝捕，尙有虜將，突騎強旅，傳此駢軍，毒矢勁弩，天不汝容，暴汝居所，不汝遺育，悔於何取，立石于武寧岩，熊本言。二曾桀黠，不羈縻之，則諸蠻未易服，遂遣人說誘招納，於是晏子斧望，簡恕及僕夜皆願入貢，受王命，晏子未及命而死，乃以簡恕知歸來州，僕夜知姚州，以簡恕之子乞弟，晏子之子沙取祿路，並爲把截將。西南夷部巡檢八年，俞州僚寇南州，僚酋阿訛率其黨奔簡恕，熊本重賞檄斬，訛訛桀黠，習知邊境虛實，簡恕匿不殺，詭降于納溪，訛得不死，甚德簡恕，爲伺邊隙，會簡恕老厭兵，以事屬乞弟，遂與訛侵諸部，十年，羅苟夷犯納溪，訛初，皆民與羅苟夷競魚，苟誤毆殺之，吏爲按驗，夷已忿，謂漢殺吾人，官不償我骨價，反暴露之，遂叛，提點刑獄穆珣言，納溪去瀘一舍，羅苟去納溪數里，今託事起端，若不加誅，則烏蠻觀望，爲害不細，乃詔涇原副總管韓存寶擊之，存寶召乞弟等，梯角討蕩五十六村，十三圍，蠻乞降，願納土承賦租，乃詔罷兵，元豐元年，乞弟率晏州夷合步騎六千，至江安城下，責平羅苟之賞，城中守兵纔數百，震恐不能授甲，蠻數日乃引去，知瀘州喬敘要欲與盟，遣梓夔都監王宣以兵二千守江安，仍奏以乞弟襲歸來州刺史，韓運遣小校楊舜之召乞弟拜教，乞弟不出，遣就賜之，亦不見，而令小蠻從舜之取教以去，喬敘因沙取祿路以賄招乞弟，乃肯來，三年，盟于納溪，蠻以爲畏己，益悻慢，盟五日，遂以衆圍羅簡牟族，羅簡牟，熊本所圍結熟夷也，王宣往救之，蠻解圍，合力拒官軍，宣與一軍皆沒，事遂張，駟召存寶授方略，統三將兵萬八千趨東川，存寶怯懦不敢進，乞弟送款給降，存寶信之，遂休兵于綿梓，遂資間，四年，詔以環慶副總管林廣代存寶，按寶逗撓，誅之，熟夷楊光震殺阿訛，詔林廣與光震同力討賊，乞弟恐復送款，帝以其前後反覆，無真降意，督廣進師，廣遂破樂攻城至斗蒲村，斬首二千五百級，次落婆，乞弟乃納降，廣威陳兵以受之，對語良久，乞弟疑有變，引衆遁，廣帥兵深入，會大雨雪，浹旬始次老人山，山形劍立，度黑崖至鴉飛不到山，五年正月，次歸來州，天大寒，然桂爲薪，軍士皆凍墮指，留四日，求乞弟不可得，內侍麥

文炳問廣軍事，廣曰：賊未授首，當待罪。文炳乃出所受密詔曰：大兵深入討賊，期在臬獲元惡，如已破其巢穴，雖未得乞弟，亦聽班師。軍中皆呼萬歲曰：天子居九重，明見萬里外，乃以衆還，自納溪之役，師行凡四十日，築城樂共城，江門砦，梅嶺，席帽溪，堡西達清井，東道納溪，皆控制要害，捷書聞，赦梓州路，以歸來州地賜羅氏鬼主，乞弟既失土，窮甚，往來諸蠻間無所依，帝猶欲招來之，命知瀘州王光祖開諭，許以自新，會其死，於是羅始黨斗然斗更等諸酋，請依十九姓團結，新取生界八姓兩江夷族，請依七姓團結，皆爲義軍，從之，自是瀘夷震懼，不復爲邊患，沙取祿路死，子驚弊承襲，政和五年，晏州夷卜漏叛，將高公老通招討使趙通討平之，授驚弊西南夷界都大巡檢，事見趙通傳。

宋史卷四百九十六

原任詹事 臣陳浩少詹 臣裘曰修庶子 臣林瀚封侍讀 臣周玉章 臣齊召南編修 臣潘乙震 臣柏謙 臣何其容 臣錢琦 臣李龍官 臣葉酉檢討 臣郭肇璜御史 臣楊開鼎拔貢生 臣王濟師 臣龔元朱等奉

敕恭校刊

庶子臣林蒲封謹言。宋史成于元代。元世祖時修遼金二史。尙未及宋。至正三年始詔並修。命脫脫總裁。而發凡起例。出於歐陽元之筆居多。今舊刻止南北二本。頗有漫漶錯落。此外別無他本可據。雖宋世名儒輩出。如司馬光通鑑。朱子綱目。兼綜前代。致爲精詳。而宋朝之事無紀焉。臣等奉敕校勘。謹就續本通鑑。續本綱目。五代史。南唐書。十國春秋。九國志。遼元諸史。以及通考。通典。玉海。冊府元龜。並諸家文集中。確有證佐者。徵引若干條。附於卷末。以備參考云。臣謹識。

